



102
16
72



~~102.7.71~~

DANIELIS GEORGII MORHOFII
POLYHISTOR,
LITERARIUS,
PHILOSOPHICUS
ET
PRACTICUS

CUM ACCESSIONIBUS VIRORUM CLARISSIMORUM
IOANNIS FRICKII ET IOHANNIS MOLLERI,
FLENSBURGENSIS.

EDITIO QUARTA.

CUI
PRÆFATIONEM, NOTITIAMQUE
DIARIORVM LITTERARIORVM EUROPE

P R E M I S I T

IO. ALBERTUS FABRICIUS,

SS. THEOL. D. ET PROF. IN GYMNASIO HAMBURGENSE,

NUNC AUCTAM ET AD ANNUM MDCCXLVII.
CONTINUATAM.

CUM PRIVILEGIO SACRÆ CÆSARÆ MAIESTATIS.

LUBECÆ,
SUMTIBUS PETRI BOECKMANNI.
MDCCXLVII.




1A1 1506886



BENEVOLO LECTORI

S. P.



t hunc tibi sisterem Polyhistora, Benevole Lector, expugnarunt amici: extorsit illum ipsa necessitas potius, quam ipse meo consilio publicæ luci destinavi. Duodeviginti anni sunt, ex quo privatis scholis Notitiam Scriptorum, optimorum juvenum rogatu, proposui. Quem laborem, aliis urgentibus, post aliquot annos resumpsi, ita tamen, ut alia ratione commutarem & pertexerem. Non credidi quidem fore, ut illa, quæ mihi subita & fortuita oratione è memoria exciderant (optime enim id norunt, qui mihi tum auditores adfuerunt) ad quemquam extra discipulorum subsellia emanarent. Verum contra voluntatem meam & præter opinionem accidit, ut, quæ ego ad privatos paucorum juvenum usus institueram, non in hac solum Academia, sed & alibi descripta per multorum manus ita impolita & inculta vagarentur: neque deessent, qui publicos de editione tergiversanti typos minarentur. Quod cum intelligerem, metueremque, ne vel mutilum mancumque opus, erroribus & glossis peregrinæ manus præterea sædum, in lucem meis ingratiis protruderetur, vel in aliena incude à novo quodam fabro refingeretur; eo adductus sum, ut laborem, qui propemodum infinitus est, & nova ab annis incrementa capit, per partes recensens, prælo subjicerem. Quod ut eo felicius procederet, effecit Vir mihi amicissimus, D. **ACHILLES DANIEL LEOPOLDI**, Jctus apud Lubecenses nobilissimus, cujus hortatu consilioque potissimum impulsus est, qui suis sumptibus librum in lucem edidit. Non ignotum mihi est, quan-

tæ molis opus humeris meis incumbat. Oceanum enim ingressus sum, in quo portum invenire difficile est, naufragii periculum à syrtibus & scopulis imminet. Quis enim in tanta multitudine rerum & librorum omnia exhauriret? Quis non alicubi impingeret? Quis saluum ab invidia caput retraheret, ac malignitatis dentes in liberiore censura evitaret? Præterea ut palato & gustu differunt convivæ; ita judiciis dissident Lectores, neque omnium idem de rebus sensus est, hoc præsertim tempore, quo plures sunt librorum iudices, quam lectores, & è lectoribus in lictores, vbique virgas & secures expedituros, multi degenerant. Detertere etiam ab instituto posset, qui nunc in simili argumento vastum molitur opus, Bailletus, quem multa eorum, quæ jam pridem in privatis lectionibus adduxeram, occupasse non diffiteor: à me tamen hic suo loco notanda, ne quis à me scrinia ejus compilata suspicetur. Verum cum mei non esset res arbitrii, neque ab opere incepto manum retrahere mihi amplius esset integrum: telam hanc, quam semel orsus fueram, pertexui; ita tamen, ut novum plane & multis modis auctius opus prodiret. Quod etsi multo elaboratius enucleatiusque dari poterat: neque enim, quam debebam poteramque, aliis sæpe rebus distentus, impendi curam: erunt tamen in illis, utut subito calore effusis, non pauca, quæ juvare juventutis studia possunt, in quibus si non accuratissimi judicis, saltem boni judicis munere defungar. Scripta sunt hæc plane eo, quo JOACHIMUS FORTIUS libros scribi volebat, modo. Quæ hic chartis illevis, vix interdum relecta, tabellario deportanda dedi; exscripsit illa, ut a calamo venerant, Typographus. His sæpe Academica & domestica negotia, curæ familiares ex obitu carissimæ Uxoris, valetudo non semper commoda, moras injecerunt; ut jam præcipitati, jam interrupti labores rigidiori examini & ulteriori limæ locum non reliquerint. Quo factum etiam, ut non pauca vel à describentis manu, vel mea etiam festinatione σφάλματα, fortasse etiam αμαρτήματα μνημονικά, quibusdam in locis irrepperint: quæ nunc, extremam manum poscentibus nundinis, non sollicite adeo à me consignari potuerunt. Totum Opus à me in tres Tomos tribuetur, quorum primus Polyhistoris Literarii, secundus Philosophici, tertius Practici titulo appellabitur. Nunc prima pars tomi primi, atque adeo duo libri, Bibliothecarius & Methodicus in lucem prodeunt, quos ceteri suo ordine & tempore sequentur; & quidem in Polyhistore Literario liber Grammaticus, Criticus, Oratorius & Poëticus, in ceteris tomis reliquæ Philosophiæ partes. Scribendi, ut jam dixi, rationem secutus sum non anxiam & scrupulosam,


Iosam, iudicio ad quælibet verba suspenso, sed sua quadam libertate vagam, nec certis vinculis adstrictam. Sunt, qui etiam in rebus, quæ ornari negant, doceri contentæ, singula verba periodosque ad amissim vocant, numerosa omnia & exalciata volunt, nullam, quæ Romanam civitatem non sapiat, vocem admittunt, nihil alieni Scriptoris verbis, sed suis exprimunt: ut ita libellum, tanquam omnibus numeris absolutam Pasicompsen, lectoribus suis fiant, & velut in scenam aut orchestram producant. Has Ego formas earumque spectatores non sperno, quin potius laudo, iisque asurgo: est tamen, ubi vel incomptæ Veneres & passo capillo horridulæ ipsa se negligentia commendant. Est, ubi præ fucata Phryne aliqua decoro vultu decolor

Sabina qualis, aut perusta solibus

Pernicis uxor Appuli

non displicuerit. Malim & ego in didactico argumento sermonem pulvere, sed erudito oblitum, quam cerussa & pigmentis incrustatum. Qui majorem hic à me ornatum desideraverit, horrea me hic struere meminerit, in quibus nemo marmoreas varioque opere elaboratas columnas, nemo peristylia & porticus, nemo parietes aulæis superbos, sed pro congerendis frugibus apta spatia requirat. Excursus interdum tentavi, nec a scopo alienos, neque viris doctis, ut puto, ingratos. Loca Scriptorum sæpe integra adduxi, non ut chartas implerem; sed iis subvenirem, qui libris destituuntur, & pleniorum ex ipsorum Scriptorum verbis sensum excuterent lectores: observavi, cum mea hæc relegi, nonnulla, quæ fugerem ipse vel carmen, vel orationem, scripturus. Nunc in his subitis commentationibus æsius meditantis & scribentis, addo & properantis, sæpe abripuit verbis minus, quam rebus intentum. Adeo in omnibus oculatum esse non licet; neque, ut essem, multum laboravi. Vel ipsa libri inscriptio *Manutii* censuram non effugerit, qui auctoris vocem pro scriptore usurpatam non probat. *Dubitanter* quoque ea de re censet diligentissimus castigatæ latinitatis vindex *Cellarius*, qui non nisi testis significationem admittit. Sed dubitare nos vetat *Livii* locus l. 2. c. 8. qui ita habet: *Apud quosdam veteres Auctores non invenio Lucretium Consulem*: ubi nullo alio, quam Scriptoris sensu, vox illa accipi potest. Hugo Grothius (at quantus Vir!) cum carmen scriberet, omnium poetarum genium præclarus imitator exprimebat; cum historiam conderet, cum Tacito in arenam descendisse visus est. Idem tamen in Philosophorum & Ictorum scholis omnia miscuit, nec sordidis verbis minusque Latinis, sed usu scholastico receptis ab-

stinuit, ut planius loqueretur. Porro & cum historia Scriptorum res ipsas junxi, quarum cognitionem præ ceteris juventuti utilem credidi. Nam cum multa in his essent, quæ ad integrorum librorum & dissertationum argumenta designaveram; & vitæ summa brevis spes inchoare longas vetaret, rectius me facturum existimavi, si in compendium hæc contraherem, quæ profutura juventuti arbitrarer, quam si incertæ elaborationis spe & me ipsum & alios fallerem, aut aliis illa, ut fieri solet, in prædam cederent. Ubi de exercitationibus ago, copiosior in exemplis fui, quoniam è re juventutis, cui omnis mea opera dicata est, fore credidi, si illa paulo plenius proponerem. Qua in re à peritis & æquis aestimatoribus veniam me facile impetraturum confido. In ceteris, si quæ forte sint, quæ meam fugerint diligentiam, aut in quibus, ut homines sumus, & in re tam varia facillimum est, lapsus fuero, eos mihi judices velim, quos ipsi eadem in trutina positi non recusent. Mihi in omni hac commentatione prora puppisque fuit juventutis Academicæ commodum, in quo mihi, hac in palæstra constituto, advigilandum semper duxi. Quod si & alii hanc industriam meam non adspernati fuerint, & ad se quoque ejus fructus redundaturos existimaverint, tanquam *ignem* arripiam, totumque in lucro deputabo. Unum est, de quo monitos eos velim, qui aliorum damnis suas ædificare fortunas consueverunt, ne Bibliopolæ, viro optimo, honestum, quod ex impensis in hunc librum factis sperat, lucrum, nova impressione per malam fraudem intervertant. Præterquam enim, quod à flagitio non absit, falcem in messem alienam mittere, amplissime cum facti, si ausus fuerit, pœnitebit, cum jam id agat, ut S. Cæs. Maj. Privilegio adversus hominum illorum se injurias muniat, damnumque avertat. Vale, benevole Lector, conatibus nostris fave, & si Deus vitam valetudinemque largitur, ceteras etiam partes suo tempore expecta.



A D
LECTOREM
NOVÆ HVIVS EDITIONIS
POLYHISTORIS MORHOFIANI,
PRÆFATIO
IO. ALBERTI FABRICII.

Multum semper debere me professus sum, ac profiteor libenter diuivris eruditis Germanis nostris CASPARI BARTHIO, & DANIELI GEORGIO MORHOFIO, quorum lucubrationes evolvere me memini adolescentem magno cum fructu. Cum A. 1685. Lyceum frequentarem Quedlinburgense, moderator illius dexterrimus Samuel Schmidius in Museo suo, Barthii sorte Adversaria inspicienda mihi dabat, quæ deinde petenti mihi cum utenda ad tempus concessisset, miratus ego in iisdem vehementer varium illum & late patentem ambitum eruditionis, illa memoriæ amœna latifundia, illos recessus sacræ & externæ antiquitatis, illum orbem scientiarum, illam scriptorum Græcorum Latinorumque veterum & medii ævi multitudinem, principesque Ingeniorum recentis memoriæ, eruditosque omnium nationum, qui in illo opere passim laudantur, innumerabiles. Ab isthoc tempore, fateor, perfuso mihi rerum pulcherrimarum, licet vix eminus ac per transennam prospectarum voluptate ac desiderio, alte in animo meo hæsit propositum, omnibus hoc precibus a DEO exposcere, ac quantum possem dare operam, ut in virtutis instrumentum ac vitæ, etiam mihi daretur occasio propius illa lustrandi ac cognoscendi, comparandique mihi linguarum inprimis & Logices bene fanæ, deinde Antiquitatis & rerum omni memoria gestarum, tum disciplinarum utilium non poenitendam scientiam, & scriptorum notitiam, cujus in tanto illorum numero, diversoque genere ac pretio majorem etiam amœnitate utilitatem esse facile conjiciebam.

Reverso deinde mihi in patriam meam Lipsiam, atque sub egregiis Doctoribus, Alberto, Carpzovio, Ittigio, &, qui solus adhuc in vivis superat, atque ut diu, precor, vivat lætus ac sopes, Joanne Schmidio, studia non ignaviter prosequenti, pulchre recordor novum & ingens mihi additum calcar, in lucem edito primum A. 1687. a laudato MORHOFIO Volumine primo hujus ipsius Operis, quod tertiis prælis jam recusum Tibi, Lector Optime, offertur, & quod titulum a Solino mutuatus Auctor, potiore jure quam suum ille Polyhistorum inscripsit. Neque vero tantum hoc lecto sensi admoveri mihi acriores stimulos industriæ, ut cœpta in via tanto alacrius pergerem, sed etiam multum adjuvari eam & ad fortius eundem sustineri me optimis consiliis: cui accedebat, quod mirifice oblectaret

P R A E F A T I O

animum meum in illa eruditionis copia acutum & dives scribentis ingenium, stylique nativa quædam sine affectatione pulchritudo: maxime autem rationibus meis conduceret iudicii vis acris cum pari æquitatē, quæ utraq̃ue in Morhofio singularia fuisse omnes consentunt.

Post illud tempus cum reliquas Operis partes simili elaboratas industria a limato ejusdem stylo eruditi expectarent, ecce tristis affertur nuncius, auctorem rebus humanis valedixisse A. 1691. 3 Kal. Aug. Hunc nuncium tunc mihi acerbissimum accidisse probe commemini, qui anno superiore recens beatum virum Kiloniæ salutaveram, & perquam humaniter ab eo fueram exceptus. Itaque desiderium tanti Doctoris, quod solum relictum mihi erat; levabam lectione ejus ingenii monumentorum, gaudebamque, in lucem proferri partem Polyhistoris alteram, postumam licet, magis tamen quam quæ postea sunt insecutæ, ultimam scriptoris manum præ se ferentem, in qua de excerptis adornandis, Oratoriis præsertim ac Poëticis, egregia consilia pulcherrimis & copiosis exemplis illustrata exhibentur: quo in ipso oportune excerptendi studio Morhofium diligentiorē fuisse, quam sunt innumeralii alii etiam minime otiosi ac negligentes, illud ipsum Volumen certissime demonstrat, quanquam ipse de se pag. 5. ego certe, inquit, excerptis congerendis non multum opera me impendisse fateor, etsi aliorum diligentiam laudo, meaque in his negligentia succensco, magno tamen in lucro reputaturus, si aliorum mihi opera uti concessum fuerit. Nunc ego memoria promiscua contentus scribo multa, quæ fallat quidem nonnunquam, & res suas repetenti raro respondeat, plerumque tamen, cum argumenti occasio sollicitat, ultro offerat, & quasi ex capsula depromat.

In Voluminibus cæteris post septem libros Polyhistoris litterarii, eorumque ultimum Poëticum, qua ipsa facultate plurimum Morhofius pollebat, unde Poëtæ Gallo celeberrimo Ægidio Menagio* audit Princeps Poetarum Germaniæ: proposuerat sibi deinceps Historiam litterariam in Polyhistore Philosophico, Theologico, Juridico ac Medico illustrandam nova & nemini ante eum tentata ratione; perpulchra autem atque utilissima, eratque hoc cum plausu omnium & lectorum fructu executurus, si vitæ summa brevis promissa implere longa atque egregia permisisset. Cum autem propter intercedens fatum non licuerit auctori iis, quibus parabat & quibus bene valebat opibus totum opus adornare atque instruere, ultimamque industriam & limam addere, certe tamen lectori æquo & erudito facile se probabit etiam in affecto opere artificis iudicium & doctrina, atque in physico præsertim libro curiosa & locuples industria accedente etiam laudata opera clarissimorum Virorum JOANNIS MOLLERI, tæ monachi, atque Theologi Ulmenensis eruditissimi JOANNIS FRICKII, qui in recensendo atque locupletando postumo hocce Morhofii monumento diligentiam suam collocarunt.

Ante Morhofium quadruplex via ac methodus historiam litterariam sive universam sive partes ejus tradendi atque paulo uberius explicandi in mentem eruditis venerat, una, quam Chronologicam dixeris, Lexica altera, sive alphabetica, scriptoribus recensitis per litterarum ordinem: tertia realis sive classica, quæ per

* T. 2. anti Baillet p. 71. le premier Poëte d'Allemagne.

FABRICIANA.

per rerum genera & classes eosdem enumerat: & quarta denique Geographica per linguas diversas ac nationes. Primus Morhofus quintam Criticam viam ingressus per rerum capita ac disciplinarum classes digestos scriptores examini subicere atque ita in universalem eorum notitiam studiosos introducere instituit.

Temporum ordine servato primus historiam litterariam condere ausus est *Petrus Lambecius*, tunc adhuc noster, qui excitatus laudabili *Joannis Jacobi Frisii* Tigurini instituto Bibliothecæ Chronologicæ classicorum auctorum, libelli paucis constantis foliis editique Tiguri 1592. 4. animum appulit ad omnem rem litterariam historiamque linguarum, scientiarum & scriptorum diligentiori studio & uberiori apparatu persequendam, & a stirpe ac primis originibus per omnium seculorum decursus deducendam in sua usque tempora. Sed simile, quo B. Morhofus noster usus est, Lambecium etiam mansisse factum constat, longe enim & is absuit ab opere suo toto elaborato in lucem emittendo, quanquam non tantum animo illud conceperat, sed & lineas ejusdem integri manu solerti duxerat. Itaque A. 1659. Hamburgi in patria hac sua, ubi Professoris Historiarum partibus in Gymnasio tuncungebatur, suo sumtu publicavit Prodrumum, quem appellat, Historiæ litterariæ, in quo liber primus in Moylis temporibus desinens, & libri secundi capita quatuor primora, quæ Cadmi Milesii ætatem non excedunt, sola integra & elaborata exhibentur. Cæterorum vero capitum duorum & triginta nihil traditur præter brevem sciagraphiam sive delineationem memorationemque præcipuarum personarum ac rerum, de quibus ad medium usque a nato unico Servatore nostro sæculum decimum septimum in singulis erat tractaturus. Hunc prodrumum, cum in tabernis libraris jamdiu desideraretur, atque ipsæ etiam illæ primæ lineæ specimini elaborato operis subjunctæ minime viderentur contemnendæ esse, recudendum dedi Hamb. 1710. fol. adjunctis Lambecii ejusdem itinere litterario Cellensij & Alexandri Ficheti S. I. Morhofio etiam ex merito laudati aræana studiorum methodo, ideaque locorum communium: nec non Wilhelmi Langii Catalogo librorum Mstorum Bibliothecæ Florentinæ Medicæ, quem indicum e Marquardi Gudii thesauro librario nactus fueram. Telam autem adeo late patentem & à Lambecio erudite cœptam atque institutam qui idoneis subsidiis instructus deinde deduceret, historiamque litterariam ita Chronologico ordine ad nostra usque tempora universam exsequeretur, repertus hactenus est nemo.

Alphabetico ordine tanquam facili, & ad digerendum requirendumque pariter aptissimo uti cœpit, qui post Johannem Trithemium videtur primus omnium recentiore memoria ad historiam litterariam ornandam signum sustulisse, καλὴν τερος ille *Conradus Gernerus*, Tigurinus, edita Bibliotheca Universali, sive Catalogo scriptorum locupletissimo in tribus linguis Latina, Græca & Hebraica, extantium & deperditorum, veterum & recentiorum, doctorum & indoctorum, publicatorum & in Bibliothecis latentium, Tiguri 1545. fol. una cum Insecuta appendice sive supplemento A. 1555. fol. Neque Catalogi tantum vice desungitur,

P R A E F A T I O

aut nudis titulis librorum absolvitur præclarum hoc opus: sed multa passim de auctoribus, de scriptis, de scriptorum ingenio & stylo in eodem oportune notantur, quæ ab epitomatoribus præterita sunt; unde quantopere compendia studiorum sectari malint plerique, vel hoc uno exemplo insigni perspicue patet, quod ne semel quidem Bibliothecam Gesneri recudi ab eo tempore, aut pari industria ulterius produci, contigerit, cum avide direpti sint ejus breviores continuatoresque succinctiores, *Conradus Lycostheus* A. 1551. *Rob. Constantius* A. 1555. *Josias Simlerus* A. 1574. *Jo. Jac. Frisius* A. 1583. & *Antonius Verdierius* A. 1585. in lucem editus. Sed rei litterariæ haud dubie magis interfuisset, non modo Gesnerianum laborem integrum magis tritum emendatumque eruditorum studio, sed & simili vel majori etiam diligentia suppletum subinde ac continuatum fuisse, ut ita plenior ad nos & accuratior scriptorum notitia paullatim devenisset, quæ nunc ante Diariorum præcipue eruditorum usum ante hos sexaginta annos feliciter ceptum frequentari adeo manca est in plerisque & hians, ut nisi in celebrioribus scriptoribus atque omnium communi prædicatis stylo ac voce, pleraque passim etiam doctos ac diligentes fugiant. *Jo. Jacobi Frisii* epitomen adhibuit, eique observationes suas in auctarij vicem addidit *Alphonsus Ciacconius* Hispanus in sua Bibliotheca, quam circa A. 1590. cœpit adornare, cujusque partem primam, quæ sola superest, & non procedit ultra quintam alphabeti litteram, desinitque in Epimenido, nuper demum post centum quadraginta annos in lucem protulit vir doctissimus *Franciscus Dionysius Camusatus*, Paris. 1729. fol. Pro Gesnerianæ Bibliothecæ supplemento haberi etiam debet *Johannis Hallervordi* Bibliotheca curiosa, Regiomonte A. 1676. 4. edita minimeque contemnenda: pro epitome simul atque auctario, multorum promerita laudem & præconium Bibliotheca *Georgii Matthiæ Kœnigii*, typis excusa Altdorffii, ubi bonas litteras Kœnigius docebat, A. 1678. fol. Horum omnium longe vicerat industriam *Christophorus Hendricius*, si pendente ejus *Brandenburgicæ* integræ in manus hominum venissent, e quibus solæ litteræ primores A & B viderunt lucem Berolini A. 1699. & non parvum majori folii magnitudine volumen implent. Breviarium autem Gesneri idemque supplementum copiosissimum, omnibus, quæ hactenus prodire, longe præferendum haud dubie haberi debet *compendiosum Lexicon eruditorum Germanice digestum* auspiciis illustris viri *Joannis Burchardi Menckenii*, cujus jam duæ existant editiones, & modo tertius curis locupletiolem & accuratorem adornandam parari intelligo ab eruditissimis Lipsiensibus. Sed & alia bina opera similia expectare jubemur ex Italia atque nostra Germania. Nam in Italia inusitatæ vir diligentiae *Alphonsus Lafor a Varea*, sive qui sub illo anagrammate delitescit *Rapbaël Savonarola* in Orbe terrarum universo scriptorum calamis delineato, quod opus ordine litterarum digestum Patavii A. 1713. fol. in lucem edidit, p. 358. atque alibi promissit *Orbem litterarium universum* similiter ordine descriptum Alphabetico. E Germanis vero nostris *Joannes Philippus Wernerus* Northeimensis, Scholæ Osterodanæ ad Hercyniam Rector fidem fecit se prælo paratum habere *Pandocbeion clarorum litterarum viro- rum*, sive *Onomatologum*, eruditos omnis ævi, gentis, status, ordinis, sexus: eorumque vitas, fata, singularia, elogia, censuras ordine litterarum complectentem,

2 Volum. fol. Neminem etiam fugit, in Lexicis quæ vocant historicis universalibus, quæ certatim ab aliquod annis conduntur linguis Gallica, Germanica, Anglicana, Belgica, Italica, rationem quoque haberi eruditorum, sed eorum fere tantum, quos fama super cæteros extulit, vel qui scribenti præ reliquis visi sunt memorabiles, cæteris innumerabilibus prætervectis & omissis.

Aliud præterea beneficium studiosis historiæ literariæ quod imputet Gesnerus habet, item enim est qui non Alphabeticam modo, sed etiam classicam sive realem Bibliothecam instruxit primus, atque locuplete apparatu divitem, digestamque commodo ordine exhibuit sub titulo Pandectarum sive Partitionum universalium, Tiguri 1548. fol. Quo in opere omnium qui in priorè Bibliothecæ Volumine nominantur scriptorum, & plurimorum insuper aliorum lucubrationes per certas disciplinarum & materiarum classes enumerantur, non titulis modo librorum memoratis, sed capitum etiam inscriptionibus & particularibus plurimorum argumentis. Opus totum libris XXI. divisum est, quorum 1. refert scriptores de Grammatica & philologia digestos sub titulis uno & viginti. 2. Scriptores de Dialectica. 3. de Rhetorica. 4. de Poëtica. 5. de Arithmetica. 6. de Geometria, Opticis & Catoptricis. 7. de Musica. 8. de Astronomia. 9. de Astrologia, 10. de Divinatione cum licita, tum illicita & Magia. 11. de Geographia. 12. de Historiis. 13. de diversis artibus illiteratis. 14. de Naturali Philosophia & Theologia Gentilium. 15. de Prima Philosophia seu Metaphysica. 16. de Morali Philosophia. 17. de Philosophia Oeconomica. 18. de re Politica, id est Civili & Militari. 19. de Jure Civili & Pontificio, & 20. de Theologia Christiana, librum enim vigesimum qui rei medicæ destinatus erat, licet materiam satis copiosam congestam sibi esse testatus edere Gesnerus distulit, neque quicquam illius ab eo tempore, quod sciam, vulgavit, præter enumerationem virorum illustrium qui rem chirurgicam vel artis usu excoluere, in sylloge scriptorum de Chirurgia Tiguri 1555. fol. p. 393-408. Prævit igitur hac quoque in parte Gesnerus omnibus, qui ex illo tempore Bibliothecas reales Theologicas vel Juridicas aut Medicas vel etiam Philosophicas componere instituerunt, atque in via illa utilissima historiæ literariæ illustrandæ facem primus prætulit, totam amplitudinem, ambitumque universum illius methodi nemine uno post Gesnerum auso persequi atque illustrare, præter meritissimum eo ipso nomine de litteris *Martinum Lipenium*, dignumque, cujus Bibliothecæ accurato virorum doctorum studio recenseantur, emendatæque suppleantur diligenter in communes eruditorum usus ac continentur.

Methodum quartam tradendæ sive illuminandæ rei literariæ, quam dixi Geographicam, video jam olim in mentem venisse Herennio Philoni, Byblio Grammatico, qui Trajani ætate floruit, & cujus libros triginta *περὶ πόλεων καὶ ἑσ ἐκάστη αὐτῶν ἐδόξεσ ἤνεγκε*, de civitatibus & quos singule claros viros protulerint, Suidas memorat. Illud opus, & epitomen ejusdem operis, quod eodem Suida teste, tribus libris composuerat Ælius Serenus, temporum injuria pariter interiisse, non minus mecum dolebunt studiosi, quam velim exstare Geographiam eruditi orbis, idoneo

PRAEFATIO FABRICIANA.

apparatu dignaque cura adornatam a viro aliquo docto, cum Philippi Labbel etiam libros decem hujus argumenti quos ab Adamo ad A. C. 1501. deducere instituerat, desideremus, & pauca illa, quæ apud Strabonem ac Stephanum Byz. hoc de genere & in *Henrici Sehereri* S. I. Atlante A. 1710. 4. edito tanguntur. Ipsa etiam B. D. *Joannis Andreæ Quenstedii* tunc admodum Juvenis lucubratio de Patriis illustrium Virorum, vulgata A. 1654. & A. 1691. reculâ sitim accendant magis, quam restinguant. Per partes autem multi in hac perferim methodo ornanda defudarunt, & singularum nationum, linguarum, regionum, civitatum viros doctos celebrandos sibi sumere, ut vel Italorum exemplo in conspectu thesauri literarii Italix nuper demonstravi: nec dubium, quin hoc etiam in genere locus concedendus singularis B. Morhofio nostro fuisset, si quod parabat opus *de meritis Germanorum in litteras*, datum ei fuisset ante obitum absolvere & ad umbilicum perducere, qui de sua Antiquitatum etiam rerumque Germanicarum peritia singulari documentum non inficiandum dedit posteris in libro vernaculo postumo * de lingua ac poësi Germanorum. Univerſum autem istud argumentum de testata Germanorum in omne litterarum genus industria, & de disciplinis quibuscunque, per popularium nostrorum ingenia insigniter illustratis amplificatisque, ornandum præ cæteris sibi sumfit, & ornavit egregie commentariis pluribus, Germanico idiomate vulgatis, vir celeberrimus *Jacobus Fridericus Reimannus*, Superintendens hodie Hildesienſis, ejus jampridem exstat ac multorum manibus teritur, quod ante aliquot annos vulgavit opus, cui titulus: ** *Specimen Isagoges in Historiam litterariam universæ, ac speciatim Germanorum.*

Quam igitur a laudato Morhofio quintam methodum tradendæ litterariæ notitiæ præ cæteris quatuor delectam dixi Criticam, hanc ornatam ab eo primo omnium per omnes eunte rerum classes ac disciplinarum præsentibus comprehensam Voluminibus vides, cum primum prodiret, exceptam merito eruditorum plausu. Eandem Bibliopola, vir honestissimus, distractis duarum priorum exemplis, tertia hac editione iterum jam offerre studiosis hominibus instituit, cui præfationis hederam a me flagitanti, probe gnarus, quam nulla opus esset vino tam exquisiti saporis & tam probato, nihil aliud, quod darem, potui a me impetrare, quam supplementum hoc qualecunque argumenti, quod tribus tantum verbis Morhofius attingit, hoc est elenchum brevem diariorum litterariorum, à laudati viri obitu maxime per Europam frequentatorum, quem benevolo, quæso, animo accipe, Lector humane, & Vale. Scripsi Hamburgi, Anno 1731.

BRE-

* Unterricht von der deutschen Sprache und Poësie, deren Ursprung Fortgang und Lehrsätzen. Lückbeck 1700. 8.

** Versuch einer Einleitung in die Historiam litterariam so wohl indgemein, als auch die Historiam litterariam der Deutschen insonderheit. Halle 1708. 8q. 8.

B R E V I S
N O T I T I A A L P H A B E T I C A
E P H E M E R I D U M L I T E R A R I A R U M ,
E T A L I O R U M Q U O R U N D A M S C R I P T O R U M E I V S M O D I
D I V R N O R U M , H E B D O M A D A R I O R U M , M E N S T R V O R U M ,
A N N I V E R S A R I O R U M Q V E ,

A V C T A E T A D A N N U M M D C C X L V I I C O N T I N V A T A

I O . I O A C H I M O S C H W A B I O .

*Afcrifco *. additamenta notantur.*



Größ von dem neuesten Zustande der Gelehrsamkeit, Götting, 1737, 8. usque ad ann. 1744.
II Volumina.

Academie Natura Curiosorum, cujus eruditæ Medicorum quorundam Germanorum Societatis initia ad A. 1652, referre licet, *Miscellanea* sive *Ephemeridum* Medico-Physicarum decades annorum tres. Francof. 1670. seq. in 4. & primorum annorum editio secunda novis exornata figuris æneis ibid, 1684. 4. & ab A. 1701. ad 1722. decem Centuriæ observationum, Augustæ Vindelicor. 1722. 4. quæ postea inscriptione *Actorum Physico-Medicorum* ab anno 1727 in præfens usque tempus continuatæ sunt. Vide & infra, *Beugbem*, & *Historia literaria Medica*.

Histoire de l' *Academie Royale des sciences* (établie à Paris A. 1666.) depuis son renouvellement (A. 1699.) avec les Memoires de Mathematique & Physique, tirez des Registres de cette Academie. A. 1699. seq. Paris in 4. & Amst. in 12. LXXV. jam de illa exstant volumina juxta editionem Amstelodamensem. In *Johannis Baptiste du Hamel* historia Regiæ scientiarum Academiæ, quæ post Parisiensem editionem Lipsiæ 1700. 4. prodit, observationes & acta exstant ab A. 1666. ad 1696. Sed in altera deinde editione Parisiensi A. 1701. accesserunt Acta ad annum usque 1700. *Fontenellius* autem præter Historiam scriptam Gallice etiam elogia Academicorum vulgavit recusa Hagæ Comitum 1731. 12. duobus Voluminibus.

Histoire de l' *Academie Royale des Inscriptions & belles lettres*, depuis son établissement (A. 1663) avec les Memoires de literature, tirez des registres de cette Academie depuis son renouvellement (A. 1701.) Paris 1718. 1730. 1735. 1740. 1744. 4. & Amst. 1719. 1731. 1736. 1741. 1745. 12. pluribus Voluminibus, utpote lex historiarum & viginti memoriarum, quæ in A. 1737 desinunt. Ad hæc accedunt Tomi duo elogiorum. Ab utraque harum Academia- rum Regiarum diversa est celeberrima & ipsa atque ætate etiam superior, ad decus linguæ Gallicæ proferendum, suadente Richelieu Cardinale, condita a Rege. Ludovico XIII. A. 1635. *Academia Gallicana*, * cujus historiam ab primis initiis usque ad A. 1652, descripsit

Pan-

* l' *Academie Française*.

N O T I T I A

Paulus Pelissonius, & novissime ad Annum 1700. continuatam dedit *Josephus Olivetius*. Paris. & Amst. 1730. 12.

Commentarii *Academia Scientiarum Imperialis Petropolitana*, Tomus I. ad A. 1726. Petropoli, typis Academiae 1728. 4. Tomus II. ibid. 1729. 4. Tom. III. ad an. 1728 ib. 1732. Tom. IV. ad an. 1729, ib. 1735. Tom. V. ad ann. 1730 & 1731 ib. 1737. Tom. VI. ad an. 1732 & 1737. ib. 1739. Tom. VII ad ann. 1734 & 35. ibid. 1740. Tom. VIII ad an. 1736. ibid. 1741. Tom. IX. ad an. 1737. ibid. 1744.

Fama Academica, vide *Fama*.

Academische Nebensunden, oder etlicher guten Freunde Anmerkungen von besondern zur Gelehrtheit dienenden Materien. Jen. 1717. 1720. 8. Sechs Theile.

Bibliotheca Academica. Vide *Bibliotheca*.

Acerra Biblica A. 1705. 8. Centuriz XL.

Acerra Philologica, oder gründliche Nachrichten aus der Philologie, Römischen und Griechischen Antiquitäten. Halz Sax. 1715. 8. duobus Voluminibus. Sectiones XII.

* *Älternueste Acerra Philologica*, oder historische Discurse, Leipz. 1732. 8. I Stück.

* *Acta Academica*, præsente Academiarum, societatum litterariorum, gymnasionum & scholarum statum illustrantia, Lipsiæ 1733-1737. 4. Quinque volumina.

Acta Borussia Ecclesiastica, civilia, litteraria: oder sorgfältige Sammlung allerhand zur Geschichte des Landes Preussen gehöriger Nachrichten, Urkunden und Documenten. Königsberg und Leipzg 1730. 8. III voluminibus. Auctor est M. Michael Lilienthal.

Acta Ecclesiastica, im Predigt-Amte vorkommende Fälle. Leipz. 1729. 8.

* *Acta Historico-Ecclesiastica*, oder gesammelte Nachrichten von den neuesten Kirchengeschichten, nebst nöthigen Beylagen und kurzen theologischen Bedenken. Weimar 1734. 8. Sub auspiciis Jo. Christophori Coleri incepta adhuc dirigente ejus successore Wilh. Ernesto Bartholomæi continuantur. Prodiierunt jam an. 1747 de illis LXII partes, & II Partes Beiträge zu den Actis Historico ecclesiasticis.

Acta Eruditorum, auspiciis Ottonis Menckenii τὸ μακροτέρω Lipsiæ cœpta colligi publicarique ab A. 1682. & post illum (A. 1707. 20. Jan.) rebus humanis ereptum continuata curante filio celeberrimo Jo. Burchardo Menckenio. Post ejus autem obitum pari cura laborem hunc in se suscepit filius Frid. Otto Menckenius, & in præsens usque tempus eximium hoc diarium continuavit. Quum anno 1731 decem lustra absolvisset hæc acta, nova in publicum prodire cœperunt ab anno 1732. Præter singula singulis vulgata annis volumina exstant Supplementorum volumina decem, & volumina quatuor Indicium. Supplementorum vero ad nova acta sex tomos evolvere jam licuit. Primum Annum 1682. vidi Gallice editum, Hagæ 1685. 12. hoc titulo: *Ouvrages des Savans, publiez à Leipzig*.

Deutsche Acta Eruditorum, ab A. 1712. Lipsiæ in 8. usque ad an. 1740 continuata. Pars ultima fuit ducentesima & quadragesima, quæ XX voluminibus complecti possunt.

Fränkische Acta Erudita & curiosa, die Geschichte der Gelehrten in Franken. Norimbergæ ab A. 1726. usque ad 1732. XXIV Partes. 8.

* *Acta Jure Consultorum*, oder neueste Nachrichten von gelehrten Juristen Leben und Schriften und andere nützliche Beiträge zur heutigen Rechtsgelehrsamkeit. Wittenberg 1734. 8.

* *Nova Acta Jure consultorum*, oder gründliche Auszüge und unpartheyische Urtheile über die neuesten juristischen Bücher und Disputationes. Wittenb. 1738. 8. Acta

EPHEMERIDVM.

Acta Lipsiensium Academica, oder selpziger Unversität Geschichte. A. 1723. 1724. 8. Partes XVI.

Deutsche Acta literaria, oder Geschichte der Gelehrten, Lipsiz 1715. 1716. 8. Pars quinta & ultima inscribitur: *Acta litteraria antiqua*, oder Geschichte der Gelehrten, worinnen der Zustand der alten litteratur einzig und allein enthalten.

Acta litteraria ex MStis eruta a V. C. Burchardo Gottbelf Struio, & per fasciculos edita, tomis duobus. Jen. 1703-1720. 8.

Acta literaria Suecia, per trimestria cura Rev. Erici Benzelii hodie Episcopi Gothoburgensis, aliorumque Virorum doctorum, Upsaliensibus typis vulgata ab A. 1720. ad 1724. 4. coepta etiam recudi typis Rostochiensibus.

Acta literaria Academiae Witsbergensis A. 1720. 1722. ad 1725. 8.

Acta Medicorum Berolinensium ab A. 1717. 8. Decades III.

Acta Medica Hafniensia ab A. 1671. ad 1679. Hafnia, 4. quinque Voluminibus.

Acta novae Academiae Philoxoticorum Natura & Artis, a Martio Anno 1686. ad Februarium Anno 1687. Brixiz 1687. 8. Hoc diarium quod ad calceum cujusque mensis notitiam librorum in Italia recens excusorum subjunctam habet, mors auctoris principii *Francisci Lanzae* experimentis Physicis ac Mathematicis celebratissimi abrupt.

Acta Philosophorum, auctore V. C. Christoph. Augusto Heumanno. Halz Sax. 1715 - 1726. 8. partes XVIII Germanice.

* *Acta Scholastica*, worinnen nebst einem gründlichen Auszuge der auserlesnen Programmata der gegenwärtige Zustand der berühmtesten Schulen und der dahingehörigen Gelehrsamkeit entdeckt wird. Eisen. 1741. Auctore M. Jo. Gottl. Biedermanno adhuc continuantur.

Acta Semieruditorum, kurzer Auszug 10. zwey Fortschungen 1709. 8.

Acta Semi-eruditorum, Nachricht und Uebersetz., 1718. 8. Zwey Theile.

* Der Deutsche Aesop bestehend in dreyhundert vier und zwanzig lehrreichen Fabeln, welche in gebundner Schreibart entworfen und als moralische Wochenblätter stückweis ausgetheilt worden. Röntgsh. 1742. 8.

Neubestellter Agent, 3 Functionen, jebe 12. depeches. A. 1704-1707. 3 Volum. in 8. Est continuatio Diarii historico-litterarii Epistolarum more digesti, quod inscribitur: *Aufgefange ne Briefe* ab A. 1699. ad 1703. 3. Volum. in 8. Drey Ravagen 12 Poquete. Agentis continuatio luceam vidit hoc titulo: *Der allzeit fertige Secretarius* oder *Briefsteller* IV Volum. in 8. ab A. 1710. ad 1721. Expeditiones XLVIII.

Theophilus Alesai gründliche Erläuterung der dunkeln Schrift-Orter altes und neuen Testaments: nebst einem Bericht von den besten Auslegern der heiligen Schrift. Ab A. 1714. ad 1731. Lipsiz 8. der vier und siebenzigste Versuch.

Almanach Bibliographique. Paris 1709. 12.

Altes und Neues aus dem Schatz theologischer Wissenschaften. Witteb. 1701. 8. & deinde continuatum sub titulo *Unschuldiger Nachrichten von Alten und Neuen*, XVIII Volumina & ab A. 1720. in praesens usque tempus: *Fortgesetzte Sammlung von Alten und Neuen*. cui appendicis loco ab anno 1735 accesserunt *Frühaußgesetzene Früchte*. Addendi etiam Indices ad singula decennia, & Venerandi D. Val. Ernesti Lascberi *Annales Theologici* ab A. 1701 ad 1710. & ab A. 1711. ad 1720. & ab A. 1721. ad 1730.

(b)

Altes

I N O T I T I A

Altes und Neues von Sachsen und angränzenden Ländern. Dresden 1727. 8. erstes Stück.

Altes und neues aus der gelehrten Welt. Zürich 1717. 1718. 1719. 8. XII. Theile.

Allerhand altes und neues vor die Liebhaber einer gelehrten Conversation. Hamburg 1729. 4. erstes und anderes Stück.

* *L'Ambigu* à Leipfick. 1738. 8. Dissertationes in modum Spectatoris inchoatz, mox vero intermissæ.

Theophili Amelii sive *Petri Zornii*, Hamburgensis, in Gymnasio Carolino Sedinensi deinde Eloquentiæ & Græcæ Linguae Professoris Regii, Erörterung der schweresten Schriftstellen **Neues Testaments.** Hamburg 1711. 1712. 8. Vier und zwanzig Monate. Eukdem Erörterung der bunkeisten und schweresten Schriftstellen im alten Testament. Francof. 1728. 8. 2. Volum.

* *Amenitates* historiæ ecclesiasticæ & litterariæ Francof. ab An. 1737. Auctore *Jo. Georg. Schelhornio.*

Ananitates litterariæ, quibus variz observationes, scripta item anecdota & rariora opuscula exhibentur. Francof. ab A. 1725. ad 1731. 8. Volumina XIV. auctore V. C. *Jo. Georgio Schelhornio.*

Amanitates Juris Canonici, per duo semestria Jen. 1674. seq. 4. D. *Jo. Strauchio* auctore.

Amanitates Patristicæ, Michaelis Christophili erste Sammlung 1718. 8.

* *Nouveaux Amusemens* du Coeur & de l'Esprit. à Paris, 1739. 12. XIV Parties. His continuatum est diarium: *Bibliothèque de Campagne.*

* *Amusemens* de la Campagne, de la Cour, & de la Ville. Amst. 1738 - 1740. 12. XII Volumina.

* *Nouveaux Amusemens* de la Campagne ou recreations historiques avec quelques Anecdotes secrettes & galantes, ib. 1743. VII Volum. 12.

D. Matthia Zimmermanni, Superintendentis Misenensis, *Analecta Miscellaneastrua*, per menses XII. Misenæ 1684. 4.

Analecta Societatis Charitatis, ex omni meliori litterarum genere. Lips. 1725. 4. & pars secunda 1730. 4.

Analecta Historico-litterario-curiosa, oder vermischte und gesammelte Anmerkungen. Erfurt. 1720. 1721. 8.

Analecta Hassiaca, zur Hessischen Historia, Jurisprudenz und Literatur gehörige Urkunden, Abhandlungen und Nachrichten, von *Jo. Philip Rudenbecker*, Marburg 1730. 8. Novem collectiones vidi usque ad an. 1737.

Auserlesene Anmerkungen über allerhand wichtige Materien und Schriften. Halle 1704-1708. 8. fünf Theile.

* Erlangische gelehrte Anmerkungen und Nachrichten. Erl. 1747. 8.

* Nützliche Anmerkungen über allerhand Materien aus der Theologie, Kirchen- und gelehrten Historie, w- auch aus der Critik und Litteratur, Weimar. 1734. 8. A. *Jo. Christophoro Colero* incoepa adhuc dirigente V. S. R. *Bartholomæi* eius successore continuantur. Partes IV edidit Colerus, Bartholomæus vero jam an. 1747 XXIII parte. evolvere dedit.

* Wittenbergische Anmerkungen über theologische, philosophische, historische, philologische und kritische Materien, Wittenb. 1738. 8.

Zusatz

EPHEMERIDVM.

Zufällige Anmerkungen von allerhand zum Schul-Wesen und Grundlegung der Gelehrtheit gehörigen Sachen. Berlin 1717. 8. sechs Stück.

Theologische Annales. Vide supra, *Altes und Neues.*

Annales litterarios Borussia-Brandenburgicos, Typographia Reusneriana excudendos vidi promitti Regiomonte a Calendis Julii A. 1721. ipsos necdum vidi.

Annales Academiae Juliae ex editis & MSS. monumentis, per semestria ab A. 1722. Helmstadii, 8.

* **Annales litterarii Mecklenburgenses, oder Jahressister von den Geschäften der Gelehrten in Mecklenburg,** Rost. 1722 und 1723. 8. 2 Vorstellungen. Auctores erant. *Ern. Jo. Frid. Manzel & Phil. Frid. Hane.*

Anonymiana in auserlesenen Anmerkungen u. erster Versuch 1720. 8.

* **Braunschweigische Anzeigen,** Braunschw. 1745. 4. in praesens tempus continuantur.

* **Hallische wöchentliche Anzeigen,** Halle 1730, 4 adhuc vigent.

* **Leipziger wöchentliche Anzeigen,** Leipz. 1741. 4. Dissertationes morales, novis relationibus concommitatae, mox vero interruptae.

The British Apollo containing two thousand answers to curious questions. Lond. 1708. 1709. 1710. fol. & tertia editione 1726.

Apparatus ad historiam scientiarum & artium, Hamb. 1703. 8. auctore *Johanne Græntugio,* Wisnariensi.

Apparatus litterarius, singularia, nova, anecdota, rariora depromens, studio *Societatis Colligentium.* Witteberg. 1717. 1718. 8. Collectio 1 & 2. Specimina XIX.

* **Nützliche und auserlesene Arbeiten der Gelehrten im Reiche Nürnberg.** 1733. 8. In locum der *Frankischen Actorum eruditorum & curiosorum* successit.

* **Genealogischer Archivarius** Leipz. 1732. 8. usque ad ann. 1739. L. partes.

* **Neueröffnetes Kriegs- und Friedens-Archiv,** Görlitz 1744. 8. in praesens usque tempus auctore *Jo. Gottfr. Haymann.* a Vol. IV vero a *Jo. Henr. Spindler* continuatum. V Volumina iam exstant quorum primum inscribitur *der aufmerksame Freymäurer.*

* **Durchlauchtiges Archiv,** Leipz. 1691. 1694. 8. IV Tomi.

Neueröffnete Assemblée curieuseur und gelehrter Nouvellisten, Journalisten und Statisten in Europa 1717. 8. *Sixis Conferences,*

The Athenian Gazette, or casuistical Mercury. Lond. 1691. 1692. fol.

The Athenian Oracle. Lond. 1704. 8. tribus Voluminibus addendum supplementum questionum responsionumque editum itidem Anglice. Lond. 1710. 8. Quarta editio 1728. 8.

Athenian Sport, or two thousand paradoxes merrily argued to amuse and divert the age. Lond. 1707. 8.

The history of the Athenian Society. Lond. fol.

Aufgegangene Dilese. Vide supra, *Agent.*

Ausrichtige Nachrichten wider die Unschuldige Nachrichten. Halæ Sax. ab A. 1701. ad 1710. 8 partes decem auctore *D. Joachimo Langio,* Theologo Hallensi.

* **Der Auf der od r Boimund,** Leipz. 1745. 8. Est celeberrimus ille *Guardian* anglicus a *Gottschedia* translatus, duobus voluminibus constans.

* **L'aveu pour & contre, suite de l'Epilogue & de Demosthené moderne** Amsterd. 1747. 8. III Vol. vide sis le *Magazin.*

N O T I T I A

Ausgesehene Anmerkungen. Vide, Anmerkungen.

Ausführlicher Bericht. Vide Bericht.

* **Ephorian-Erlanger Auszug der neuesten Weltgeschichte,** Erlang. 1741. 8. Norimbergæ adhuc continuantur auctore *Greffio*.

* **Gründliche Auszüge aus den neuesten theologisch, philosophisch und philologischen Disputationibus,** Lipsiæ 1733. in præsens tempus usque Autore, *M. Abrahamo Kriegelio*.

* **Gründliche Auszüge aus den neuesten juristischen, medicinischen, historischen, physikalischen und mathematischen Disputationen,** Leipz. 1736. 4. Ab anno 1737. vero juridicis atque historicis dissertationibus solum dedicabatur, novo de medicis, physicis &c. prodeunte diario.

* **Gründliche Auszüge aus medicinischen physikalischen und mathematischen Disputationen,** Leipz. 1737. 4.

Monatlicher Auszug aus allerhand neu herausgegebenen nützlichen und artigen Büchern. Hannover, 1700. 1701. 1702. 8. auctore Jo. Georgio Eccardo.

Hamburgische Auszüge aus neuen Büchern und Nachrichten von allerhand zur Belustigung gehörigen Sachen. Hamburg 1728. seq. 8. XVII. *Epelle*. Auctore Jo. Georgio Hamanno.

Le Babillard, vide infra, the tatler.

La Bagatelle, ou discours ironiques, où l'on prête des sophismes ingénieux au vice & à l'extravagance, pour en faire mieux sentir le ridicule, Amst. 1718. 1719. 8. Auctor est *Jussus Van Effen*.

Ausführlicher Bericht von allerhand neuen Büchern und andern Dingen, so zur heutigen Historia der Belustigkeit gehörig. Francof. & Lipsiæ 1708. 8. *Zweit Stück nebst einem Anhange.*

* **Belustigungen des Verstandes und Wises,** Leipz. 1741-1745. 8. VIII Tomi colligente *Jo. Joachimo Schwabio*.

* **Neue Belustigungen des Gemüthes,** Hamburg 1745. 8. Unicum tantum volumen sex partibus constans auctore *Naumanno* quodam.

* **Bemühungen zur Beförderung der Critik und des guten Geschmacks,** Halle 1743. 8. In præsens usque tempus auctoribus *M. Jo. Andrea Cramero, & Christlob Mylio*, XVI. partes.

* **Die müßsame Bemerkerinn derer menschlichen Handlungen,** Danj. 1736-1737, 4. Dissertationes morales & satiricæ XX.

Cornelii a Beughem, Embricensis Bibliographia eruditorum Critico-curiosa conspectus quinque, Amst. 1689-1694. 1699. 1701. 1710. 12. editi, continent indices scriptorum in Diariis celebrioribus eruditus recensitorum usque ad A. 1700. Ejusdem *Gallia erudita* A. 1683. 12. vulgata indicem in Ephemerides eruditorum Parisienses: Et *Syllabus recens exploratorum* in re Medica, Physica & Chymica, Amst. 1696. 12. indicem in Miscellanea Naturæ Curiosorum Germaniæ, Galliæ, Daniæ & Belgii usque ad A. 1696.

* **Der Bewunderer; in drey und fünfzig Blättern abgehandelt,** Hamb. 1742. 4. Auctore, *B. J. Zinkis*.

* **Beiträge zur critischen Historie der deutschen Sprache Poesie und Beredsamkeit herausgegeben von einigen Mitgliedern der deutschen Gesellschaft in Leipzig, & a vigesima prima parte von einigen Liebhabern der deutschen Literatur, Leipzlg 1732. Usque ad Ann. 1744. 8. Exstant partes XXXII, quæ sub auspiciis *Jo. Christoph. Gottschedii* collectæ VIII. voluminibus complectuntur.**

* Ober.

EPHEMERIDVM.

- * **Oberlausitzischer Beytrag zur Gelehrtheit und deren Historie, Görlitz 1738. 4. Per IV. annos continuatum. IV. Volumina.**
- * **Neue Beyträge zum Vergnügen des Verstandes und Wises, Brem. 1744. 8. Lipsiæ colliguntur a Car. Christiano Gaertnero adhuc continuata Parte II. Tomi IV.**
- * **Hamburgische Berichte von neuen gelehrten Sachen, aus einem täglichen beglaubten Briefwechsel mit in- und auswärtigen Gelehrten zur Beförderung der Wissenschaften, mit unparteylicher Feder entsetzt, Hamb. 1732. 8. in præfens usque tempus, auctore Jo. Petro Kahlitzio, qui hoc diario Novellas istas niedersächsische Nachrichten und Zeitungen continuavit.**
- * **Hamburgische Beyträge zur Aufnahme der gelehrten Historie und der Wissenschaften, Hamb. 1740. 8. Auctores erant M. A. Wodarch & Mat. Andr. Alardus, Candidati Theol. adjuvante Jo. Paulo Finkio Cand. Jur. sed ultra triennium laborem non continuarunt.**
- * **Nöthige Beyträge zu den wöchentlich in Leipzig herauskommenden neuen Zeitungen von gelehrten Sachen, Leipz. 1734. 1743. VIII. Bände, a variis auctoribus, Frid. Wilhelmo Stubner, Georg Friedr. Richter, Wolff. Balb. Adolph de Steinwehr & Georg. Frid. Baermanno.**
- Bibliandri Harmonia, oder richtige Uebereinstimmung Biblischer Sprüche und Deter 1708. 1709. 1710. 8. Drey Centulen. Vide supra Acerra, Althaus, Amelinus.**
- Synopsis Biblica, five Ephemerides litterariz Latinæ auctore Paulo Manzani, Provinciali totius Ordinis S. Francisci. Parmæ 1692. 4. sed in herba statim suppressæ. Vide Basnagii Bellovallii historiam Operum eruditorum Gallice editam mense Novembri A. 1692. p. 124.**
- Abgesonderte Bibliothec. Halz Sax. 1718. 1719. 8. XIII. Stück.**
- Bibliotheca Academica, in qua Disputationes, Orationes & Programmata A. 1718. vel primum edita vel recusa referuntur. Magdeb. 1719. 4.**
- * **Bibliotheca, five acta & scripta magica, v. l. gründliche Nachrichten und Urtheile von solchen Büchern und Handlungen, welche die Macht des Teufels in selbstlichen Dingen betreffen, 1738. 8. Auctor est D. Eberh. Dav. Hauber.**
- Bibliothèque ancienne & moderne ab A. 1714. ad A. 1727. Volumina XXVIII. Amst. & Hagæ 12. auctore V. C. Johanne Clerico. Vide infra, Bibl. choisie, & Universelle. Cæpit etiam verti Anglice, the ancient and modern library.**
- Bibliothèque Angloise Amst. 1717. seq. 12. auctore Michaële de la Roche & a tomo sexto A. 1719. usque ad decimum quintum A. 1727. Armando de la Chapelle.**
- Bibliotheca antiqua, a Januario A. 1705. ad Martium A. 1705. ad Martium A. 1707. Jenæ in 4. auctore D. Burchardo Gottbelf Struvio. Vide & infra, Thesaurus.**
- * **Bibliothèque Belgique a Julio 1731.**
- * **Berlinische Bibliothec, worinnen von neuen herausgekommenen Schriften und andern zur Gelehrtheit gehörigen Sachen kurze Aufsätze und Nachrichten mitgetheilet werden, Berlin 1747. 8.**
- * **Bibliothèque Britannique, ou Histoire des ouvrages des Savans de la Grande Bretagne, à la Haye 1733. 8. Adhuc continuatur.**
- Auserlesene Theologische Bibliothec, Lipsiæ ab A. 1724. 8. quod eximium Diarium usque ad an. 1736. continuatum a Rev. Viro Jo. Christophoro Colero Pastore aulico Serenissimi Principis Vinariensis, morte ejus finem vidit. Partes exstant LXXXIV, Tomi VII. quibus accessit:**

N O T I T I A

- cessit: *Nöthiges Supplement zu der auserlesenen theologischen Bibliothek*, Selpz. 1730 1734. Partes XVI.
- * *Dänische Bibliothek, oder Sammlung von alten und neuen gelehrten Sachen aus Dänemark, Copenhagen*. 1737. 8. Octo de illa vidimus anno 1746. partes, editore *Olao Hinrico Mollero*, Prof.
- * *Bibliothèque de Campagne, ou Amusemens de l'Esprit & du Cœur*, Haye 1739. 12. XII. Voluminibus.
- * *Bibliothèque choisie & amusante*, Amst. 1746. 12. Tomi II, ad nos allati.
- Bibliothèque choisie de Mr. Jean le Clerc*. Amstelod. ad A. 1703. ad 1713. 12. Volumina XXVII.
- Bibliothèque choisie de Mr. Colomies. à la Rochelle* 1682. 8. & ex auctiore edit. Amstel. 1700. quam recudi curavi inter *Pauli Colomesii Opera*, Hamb. 1709. 4.
- Nouvelle Bibliothèque choisie* Amst. 1714. 12. duobus Volum. Auctor *Richard Simon*, sicut etiam quatuor voluminum *Bibl. Critica* Gallica lingua edita A. 1708. & Epistoliarum selectarum Gallice vulgarum Amst. 1730. 12. quatuor Volum.
- * *Bibliothèque critique, ou Memoires pour servir à l'histoire littéraire ancienne & moderne par une Societé des Gens de lettre*, à Berlin 1745. 12. mense Octobr. incoeptum.
- Curieuse Bibliothec*, vide infra, *Monatliche Unterredungen*.
- Bibliothèque curieuse & instructive de divers ouvrages anciens & modernes de littérature & des arts, ouverte pour les personnes qui aiment les lettres*, à Trevoux 1704. 1705. 2. Volum. 12.
- Bibliotheca curiosa*, Lond. 1710. 4. Vide sis *Diarium, Memoirs of literature* T. I. pag. 60.
- Bibliothèque Française*, Amst. ab A. 1723. 8. adhuc continuatur.
- * *Bibliothèque Germanique ou histoire littéraire de l'Allemagne, de la Suisse & des pays du Nord*. Amst. ab A. 1720. Usque ad ann. 1741. Tomi L, quorum continuatio inscribatur *Journal littéraire d'Allemagne* sed duobus Tomis absolutam sequebatur anno 1746. *Nouvelle Bibliothèque Germanique* autoribus, *J. H. Sam. Formey & Perard*.
- * *Göttingische Bibliothek, darinnen der gegenwärtige Zustand der Gelehrtheit in und außerhalb Deutschland prüfend vorgetellet wird*, Götting. 1746. 8.
- * *Hamburgische vermischte Bibliothek*, Hamb. 1743. 8. Editore *J. Petro Kobbio*.
- Hamburgische Bibliotheca Historica*, Volumina sive scriptorum Historicorum centuriæ recentissime decem, auctore *B. Johanne Hübnero*, Lipsiæ ab A. 1715. ad 1729. in 12. & 4. Germanice.
- * *Helvetische Bibliothek, bestehend in historischen, politischen und critischen Beyträgen zu den Geschichten des Schweizerlandes*, Zürich 1736. 8.
- * *Bibliotheca homiletico realis miscellanea eademque pastoralis*, Merseb. 1747. 8. XV. partes quæ adhuc continuantur.
- Bibliothèque Italique*, à Januario A. 1728. A. 1733. perlata ad nos tomi XVIII. Genevæ in 8.
- Bibliotheca Juris publici*, Jo. Jacobo Mosero auctore. Stutgard. 1729. 1730. Germanice.
- * *Lilienthalsche Bibliothek, d. i. kurzes Verzeichniß, zulängliche Beschreibung und bescheldene Beurtheilung der vornehmsten Bücher, welche in M. Michael Lilienthals theologischen Büchervorrath befindlich sind*, Königsb. 1739. 1740. 8. X. Partes sub specialiori titulo *Biblisch Eregetische Bibliothek* complexa, quas secutum est volumen illud seu

* Typo

EPHEMERIDVM

- * **Theologische Bibliothek**, b. i. richtiges Verzeichniß ic. Königsbets 1740. 8. X. partes, ad quas tertium accessit volumen seu
- * **Fortgesetzte theologische Bibliothek** ic. Königsb. 1742-1744. X. partes.
- Bibliotheca literaria** auctore V. C. *Josepho Wasse*, Lond. 1722. 4. Vide *Bibl. Anglof.* T. X, p. 501.
- * **Bibliotheca Lubecensis** ab A. 1725. ad ann. 1731. Partes XII. seu Volumina tria, Lubecæ in 8. auctoribus, *Jo. Henr. a Seelen, Henr. Scharbau, & Sam. Gerb. a Mellen.*
- Neu eröffnete Moraliſche Bibliothek**, Lips. 1715. 8. IX. Stück.
- * **Der gesammelten Moraliſten Bibliothek**, Vörlß 1737. 8. In præsens usque tempus XVIII. Partes
- * **Musikaliſche Bibliothek**, Leipz. 1738. autore M. *Laurent. Mizlera*, III. Tomi.
- Bibliotheca novorum librorum**, ab Aprili A. 1697. ad Decembrem A. 1699. auctoribus *Ludolfo Kuſtero & Henrico Sike*, Amstelod. 8. tribus Voluminibus.
- Bibliothèque des livres nouveaux**, a mense Julio A. 1726. à Nancy, & se vend à Amsterdam.
- * **Nouvelle Bibliothèque**, ou Histoire littéraire des principaux Ecrits, qui se publient. à la Haye 12. ab Octobri an. 1738. singulis mensibus prodibat, a Januario vero anni 1743. per trimestria cœpit edi. Non vero plus quam XIX. Tomos evoluerè datum fuit.
- Bibliotheca novissima** observationum & recensionum Sectiones XI. Halæ Sax. 1718-1721. 4.
- Neue Bibliothek**, oder Nachricht und Urtheile von neuen Büchern und allerhand zur Gelehrsamkeit dienenden Sachen, hundert Stück. Halle 1709-1721. 8. decem Voluminibus. Zehn Nachlesen der Neuen Bibliothek, ibid. 1717. 8.
- Bibliotheca Philologico-Historico-Theologica Bremensis** ab A. 1718. ad 1727. Bremæ, 8. Classes five Volumina octo, in singulis classibus fasciculi sex. Institutum suscepit *Theodorus Haseus & Frid. Ad. Lampe*, quod tamen post Lanipii ad Ultraiectionos abitum a Tomo V. Haseus solus continuavit. Vide & infra, *Museum*.
- Bibliothecam Photii** velut ephemeridum litterariorum specimen antiquissimum laudant Viri docti, & sane notitiam ac censuram scriptorum trecentorum fere continet, licet nec compositum sit Diarii nomine, sed in gratiam fratris sui Tarasii elaboratum a Photio nondum Patriarcha, cum legationem obiret in Assyriam, ut notavi Tom. IX. Biblioth. Græcæ p. 374. seqq.
- * **Poſniniſche Bibliothek**, welche von Büchern und andern zur poſniniſchen und preußiſchen Hiſtorie dienenden ausführliche Nachricht giebt, Danz. 1718. 8. X. Partes auctore D. *Gottfried Lengnich*.
- Bibliothèque raisonnée des ouvrages des Savans de l'Europe**, a Julio A. 1728. ad annum 1745 vidi volumina XXXIII. Amstelod. 8. adhuc viget.
- Schwediſche Bibliothek**, Holmiz 1728. 4. atque inde Hamburgi, auctore præclaro Viro, *Christiano Nettelblat*.
- * **Neue theologiſche Bibliothek**, M. *Friedrich Wilhelm Krafft*, darinnen von den neuesten theologiſchen Büchern und Schritten Nachricht gegeben wird, Leipz. 1746. 8. Continuatur adhuc & pars VIII. jam cum eruditis communicata est.
- Vermiſchte Bibliothek**, Halle 1718. 1719. 8. non vidi ultra partem XXI.

* *Biblio.*

N O T I T I A

- * *Bibliotheca universalis*, idem cum Thesauro Bibliothecali, quem vide.
- * *Bibliothèque moderne* à Leipz. 1741. 8. Labor *Mauvillonis* in ipso instituto finitus nec ultra VI. aut VII. plagulas in publicum emisit.
- Bibliothèque universelle*, Amstelod. ab Anno 1686. usque ad extremum Anni 1693. Amstelodami tomis XXV. 12. & ex secunda editione 1688 - 1701. Auctores *Johannes Clericus*, & qui partem tomis XX. *Joannes Cornandus de la Crose*, & qui tomis quinque ultimos composuit, *Jacobus Bernhardus*. Etiam Anglice verti coepit, *the universal historical Bibliothéque*.
- Der unpartheiische Bibliothecarius, welcher die Urtheile der Gelehrten von Gelehrten entdeckt**, Lipz. 1713. 8. XII. Theile, einen Band.
- Jo. Cinelli *Bibliotheca volante***, scanzie five plutei XVIII. additis per Sancassenum pluteo XIX. & XX. de quo opere non repetam hoc loco, quæ dixi in conspectu Thesauri Italici p. 203. seq. recensum est Venetiis 1734 - 1746. 4. III. Voluminibus.
- * **Der Biedermann, Leipz. 1729. 4.** Incœptum hoc diarium morale atque satiricum d. 1. Maii 1727. & C. dissertationibus continuatum ad IV. April. 1729. auctore *Jo. Christoph. Gottschedio*.
- Boeksaal van Europe**, a Julio A. 1692. usque ad Junium A. 1700. per *Petrum Rabum*. Atque inde *Wilhelmo Sewel* auctore ad Junium Anni 1702. & sub titulo *tweemandeliike uittreksels* ad Octobrem Anni 1708. 8. Vide sis etiam *maandeliike*, & *Republik de Gelcerde*.
- Boeksaal der Gelerde Werelt** a Januario A. 1706. ad Aprilem Anni 1708. per *J. van Gavern* & per *Wilhelmo Sewel* sub eodem titulo A. 1705. Amst. apud Franciscum Halmuz & *Boeksaal* a Julio Anni 1715.
- * **Die Braut**, Dresd. 1740. 4. Dissertationes morales & satiricæ.
- * **Der Brachmann, im Jahr 1740. herausgegeben.** Zürich 8. Dissertationes morales & satiricæ LIII. sub auspiciis *Jo. Geo. Altmanni*.
- * **Gemeinnützige Briefe**, Götting. 1739. 8. Decem conscripsit auctor *Frider. Christoph Neubur.*
- * **Philosophische Briefe von Alexophris**, Halle 1741 - 1744. 4. XXIX. epistolas exaravit *Alexander Gottlieb Baumgarten*, Pr. Ph. Francof.
- Umständliche Bücher-Historia**, Lipz. 1715. 8. auctore V. C. *Jo. Gottlieb Krause*. Non vidi partes plures, quam duas.
- * **Zurklischer Büchersaal, Leipz. 1737. 8.** Auctore *Gottlob Aug. Jenichen*, XVI Partes, 1739.
- Neuer Büchersaal der Gelehrten Welt**, LX. Desmung, ab A. 1710. ad 1717. Lipsiæ in 8. Continuatio Diarii, ausführlicher Bericht, de quo supra.
- * **Neuer Büchersaal der schönen Wissenschaften und freyen Künste, Leipz. 1745. 8.** De IV. jam volumine IV. exstant partes, auctore *Jo. Christophoro Gottschedio*.
- * **Philosophischer Büchersaal**, worinnen so wohl von alten, als neuen dahingehörligen Büchern eine gründliche Nachricht ertheilet wird, Leipz. 1741 - 1744. 8. Unum Volumen VIII. constans partibus, auctore *M. Jo. Georg. Hagero*.
- * **Der Bürger**, Götting. 1732 und 33. 4. Dissertationes morales & satiricæ XLI, auctore *Frider. Christoph. Neubur*.

Summa

EPHEMERIDUM.

Summarische Nachrichten von Büchern, in D. Christiani Thomassii Bibliothecae. Hal. 1715. 1716. 8. XXIV. Monathe, 2 Volum.

Curieuses Bücher-Cabinet, oder Nachricht von Historischen, Staats und galanten Sachen. LXII. Th. oder Eing. Cöln 1711/1722. 8. A parte XXIV inscribitur: curieuses Bücher- und Staats-Cabinet.

Curieuses Cabinet ausländischer und anderer Merkwürdigkeiten, von Antonio Paulini. Francof. 1717. 1718. 8. Sechs Theile oder Eingänge.

Eröffnetes Cabinet großer Herren, Leipzig 1733. 1735. 8. XXV. Partes.

Neueröffnetes Cabinet großer Herren, oder gegenwärtige Staats- Hof- Kriegs- und Com-
mercen-Verfassung aller europäischen Reiche und Staten in der Welt. Leipz. 1740. 8.

Der unparteyische Cabinets-Courier, welcher auf seinen Reisen durch verschiedene Länder
curieuses Leuten erzählt, was sich in gegenwärtiger Zeit zuträgt. Regensburg. 1735.

Clef du Cabinet de Princes, vide infra Clef.

Heimes Cabinet von Staats- und liebes- Intriquen, Glück und Unglücks-Fällen vornehmer
Minister, erste Deffnung 1713. 8.

Historisches Staats- und Helden-Cabinet. Halle 1718. 8. auctore Jo. Jacobo Schmaus.

Cabinet der natuurlyke historien, wetenschappen, konsten en handwerken. Januar &
Febr. A. 1719. Amst. 8. auctore M. V. Ranout, M. D.

Curieuses Caffé-Haus zu Venedig, bestehend in drey Wasser-Debauchen, 1698. 8.

Curieuse Geschichte. Calendar. Ad exemplum Vincentii Cornelli Cosmographi Veneti, qui
vitam resque gestas Regis magnæ Britanniz gloriosissimi *Wilhelmi tertii*, ordine annorum
dierumque digesserat, quod scriptum ex Italico versum Anglice atque inde Germanice A.
1696. Lips. 8. hoc titulo lucem vidit, quam plura inde similia componi, edique contigit
& calendariorum historicorum nomine proferibi, de rebus Leopoldi magni Imperatoris,
Regum Galliz ex domo Burbonica, Regnorum Bohemiz, Hispaniz, Poloniz & Lithua-
niz, Hungariz & Principatus Transylvaniz, Russici Imperii, Electorum Moguntino-
rum, Colonienisium ac Trevirensium, Bavariz & Saxoniz, Brandenburgicorumque ac Pa-
latinorum, Principum Saxonie stirpis Ernestinz, Brunsvicensium, & Luneburgen-
sium & speciatim stirpis Guelpherbytanæ, nec non de rebus Silesiz, Moraviz ac Lusatiz,
Landgraviorumque Hassiz, fœderatarum item provinciarum Belgii; Reip. Venetæ &
Helveticæ: Sed & Prophetarum res a Mose ad Johannem Baptistam, CHRISTI Apo-
stolorumque & Evangelistarum simili methodo descriptæ prodire: Pontificum Romano-
rum item, & speciatim Innocentii XI, præterea Joannis Hussi motuumque Hussiticorum
& Joannis Ziskæ: tum B. Lutheri nostri & Superintendentum Dresdensium Liptienisiumque.
Catalogus librorum cum annotationibus, Lipsiz 1736. ex Bibliopolio Frisii germanice edi
coeptus continuatusque per quinque annos. 8.

atalogi librorum in nundinis Francofurtensibus excudi coepti sunt ab A. 1554. quod institu-
tum utile *Georgium Willerum* bibliopolam Augustanum habet autorem, ut notavit Aubert-
us Mirzus de scriptoribus seculi XVI. cap. CXXVII. Illud deinde imitati sunt atque
etiannum hodie imitantur Liptienenses. *Georgii Draudii* Bibliotheca classica, quæ Cata-
logis Francofurtensibus plurimum debet, eodem quoque notata inde est vitio laborare, quod
interdum librorum titulos promissorum quidem sed nunquam editorum & exstantium
nusquam, inter vulgatos & exstantes commemorat.

NOTITIA

- A Catalogue of books printed in England since the dreadful fire of London in 1666.* Lond. 1696. fol. the fourth edition.
- The Monthly Catalogue* Lond. 1715. fol. similes Catalogi deinde mensuris intervallis continenti, atque hodie adhuc continuantur. Londini in 4. Vide et infra, *Monthly*.
- Catalogus Disputationum Universalis*, &c.
- Censura temporum*, the good or ill tendencies of books, sermons, pamphlets &c. impartially consider'd in a dialogue between Eubulus and Sophronius. Volum. 3. Lond. 1708. 1709. 1710. 4. Vidi tertium usque ad p. 96.
- Cent questions & réponses* sur differents sujets, pour le mois de Janvier 1704. par Mr. l'Abbé Bordelon. Paris 12. *Memoires de Trevoux* 1705. Mars p. 233. edit. Amst.
- Der auf Ordre und Kosten seines Kayfers reisende Chineser*, Leipz. 1721. 1732. C. Partes IV. voluminibus comprehensæ autore Dav. Füssmanno.
- * *Der vernünftige Christ.* Hamb. 1738. 8. Dissertationes theologicæ atque morales hebdomadatim editæ, quarum duplex eodem nomine exstat opus.
- Clef du Cabinet des Princes* a Julio A. 1704. 8. Hoc Diarium avidè lectum, ita ut ad 40000. exempla distracta memorentur in Historia Critica Reip. literariæ Massoniana T. 12. p. 428. auctorem habet Carolum Jordanum. Excusum est magnam partem Luxemburgii, & ab A. 1717. Parisiis sub titulo *suite de la Clef*, ou Journal Historique sur les matieres du tems, contenant aussi quelques nouvelles de litterature & autres remarques curieuses. Supplementi Volumina duo, quibus priora retro tempora ad pacem usque Rylwicensem auctor persequitur, prodierunt A. 1713.
- Collectio Opusculorum* historiam Marchicam illustrantium, Berlin. 1727. 8. Germanice, 1. 2. 3. 4. St.
- Collectio librorum rariorum nova*, qui vel integri inseruntur, vel accurate recensentur. Halæ 1709. 8. fasciculi quinque.
- Nova Collectio* variorum scriptorum tam editorum quam ineditorum, rariorum etiam & recens elaboratorum, quæ omnia integra dantur. Halæ 1716. 1717. 8. fasciculi duo.
- Societas literata Colligentium* Historico-Theologica, proposita à D. Eberhardo Haubero & M. J. Antonio Strubbergio 1730. 8. Vide & supra, *Apparatus*.
- * *Commercium litterarium ad rei medicæ et scientiæ naturalis incrementa institutum.* Norimbergæ ad an. 1731. hebdomadatim in 4. vulgatum continuatumque per III annos.
- * *Commercium litterarium astronomicum.* Norimbergæ 1734. 4. A Michaele Adelburnero Math. Cult. institutum fuit.
- * *Common sense, or the Englishman's Journal.* London 1737. Dissertationes morales et politicæ in præsens usque tempus continuatæ.
- Compleat library, or news for the ingenious.* by R. W. M. A. Lond. 1692. 1693. 1694. in 4.
- Compleat history of Europe* A. 1701. 1702. vide Diarium Londinense, history of the works of the learned A. 1703. p. 244.
- Ad congressus Societatis Conantium* Hanoveræ 1699. seq. & Helmstadii 1711. seq. celebratæ invitationes 1721. 4.
- Conférences du Jean Baptista Denys.* Paris 1672. - 1674. 4. & Amst. 12. Veluti supplementum exhibent Ephemeridum litterariorum Parisiensium per illos tres annos.
- Vertraute Conferenz derer Einwohner im Reiche der Todten über ihre im Reiche der Lebendigen gehabte Fata und Zufälle.* VI. Zusammenkünfte. 1723. 4.

* *Corre-*

EPHEMERIDVM.

* *Correspondance des Savans, ou nouvelles litteraires des diverses Parties de l'Europe à Cologne* 1743. 8.

lustige und denkwürdige Correspondente, 1698. 8. erste, andere und dritte Staffetta.

The Craftsman, being a Critique on the times. Lond. 1727. 8. * *Denuo An.* 1731. VII. voluminibus in 12. hac inscriptione editus: *The Craftsman, containing all the Paper published under that Name from the first Beginning of them to the Conclusion of Mr. Oldcastle's Remarks.* In praesens usque tempus continuatur. Partes quasdam gallice veritas vidi, Amst. 1737. 8.

Thomae Crenii animadversiones Philologicae & Historicae, Amst. 1695-1713. 8. partes XIX. Eiusdem X. fasciculi opusculorum ad Historiam & Philologiam sacram spectantium. Roterd. 1691-1699. 8. & fascies V. Lugd. Bat. 1697. seq. Thesaurus librorum Philologicorum & Historicorum 1700. 8. duobus Volum. Museum 1699. 8. duobus Vol. *Analecta* 1699. 8. Dissertationum Philolicarum Syntagmata duo, Roterd. 1699. sq. 8. Consilia & methodi de studiis instituendis. Roterd. 1692. 1696. 1699. 4. tribus voluminibus.

Le Courier galant.

Critique desintereffée des Journaux litteraires & des ouvrages des Savans. Hagæ Com. A. 1730. & 1731. 8. tria Volumina.

* *Critique du Siecle, ou lettres sur divers sujets par l'auteur des lettres Juives, à la Haye.* 1744. 8. II. Volumina. Coeperunt quoque Berolini germanice verti et anno 1745. hebdomadatim prodierunt XIII priores litterae hac inscriptione: *Beurtheilung der Menschen dieser Zeit oder Briefe über verschiedene Sachen.* 8.

Critifirender Jurist.

Curious library for the ingenious. Lond 1690. 4.

Curieuses Bücher-Cabinet vide *Cabinet &c.*

Remarquable Curiosa jessiger Zeit aus Osten, Westen, Süden, Norden. ab A. 1715. XXIV. lieferung.

Delictarium nomine plura subinde volumina edita sub *Misandri* nomine Germanice sunt a B. Jo. Samuele Adami, Dresdensi, Pastore Pretschendorfsensi, qui A. 1713. diem obiit. *Delicix Biblica* in loca Vet. & Noui Test. Dresd. 1690. seq. 8. Volumina XXVI. *Catechetica.* 1704. 8. *Disforum* Dresd. 1713. 8. VI. Volum. *Epistolica* Hamb. 1711. 8. IV. Volum. *Evangolica* Lips. 8. Volum. XIV. cum Indice, & emblematicis in Evangelia Deliciis; & Deliciis Delictarium & florilegio Evangelico-Anglicano: *Historica* Dresd. 1702. 8. *Passionales* 1707-1708. 8. V. Volum. *Penitentiales* 1722. 8. *Sabbatica.* Lips. 1716. 8.

Deliciae Græco-Homileticae 1710. 8.

Deliciae Hebraeo-Homileticae 1705. 8. XII. Ausfertigungen.

* *Deliciae homileticae,* das sind die merkwürdigsten Passagen aus dem, was berühmte Kirchenlehrer unserer Zeiten bisher so wohl öffentlich geprediget, als auch daheim meditet haben. Eisenach 1743. 8. IX. Partes prodierunt iam anno 1747.

Deliciae Iuridicae 1702. seq. 8. duo Volumina.

Deliciae Medicae 1704. 8.

Delictarium manipulus 1. & 2. das ist, annehmliche und rare Discourse von mancherley nützlichen und curiensen Dingen 1703.

NOTITIA

- * *Der Demokrit*, Leipz. 1746. 4. Dissertationes morales & satiricæ.
- * *Demosthene moderne, suite de l'Epilogeur*, à Amst. 1746. 8. II. Volumina, aut XXX pagellæ. Vide *si le Magazin*.
- * *Destinata litteraria & fragmenta Lusatica*, das ist, Unternehmungen der Gelehrten und gesammlete alte, auch neue zur Niederlausitzischen Historie und Gelehrsamkeit gehörige Stücke. Lübben 1758. 8.
- * *Der alte Deutsche*, Hamb. 1730. 8. Dissertationes morales & satyricæ LII, auctore Jo. Georgio Hamanno.
- * *Der gute Deutsche*, 1724. 4.
- * *Der reisende Deutsche*, welcher Länder und Städte, Seen und Flüsse beschreibet, auch die alten und neuesten Staatsbegebenheiten bekannt machet, nicht weniger solche durch allerhand nöthige, politische und genealogische, besonders aber geographische Anmerkungen erläutert. Halle 1744-1746. III. Tom.
- * *Der deutsche Diogenes*. Danyig 1736. 4. Dissertationes morales & satyricæ LII, poetice prolata.
- Diarium Europæum Historico-litterarium*, trimestre primum. Paris 1703. 8. auctor Jacobus Hommey, Augustinianus.
- Diarium Europæum de rebus ab A. 1657. ad. 1681. gestis Francof. tomis XLV. in 4. Germanice.*
- Discourse curieuseu Sachsen, Hermetisch. Philosoph. Physicallsch. und Medicinischer Wissenschaften.* Januar. Febr, Martius & Aprilis A. 1708. 8.
- * *Discurse der neuen Gesellschaft in Bern*, 1721. 8.
- * *Discurse der Maler*, vide *Maler*.
- * *Das gelehrte und galante Dresden*
- Dubia vexata Historia Ecclesiastica Novi Test. Germanice erster Versuch.* Zittau 1717. 8. atque continuato deinde labore usque ad A. 1720. dubia primorum quatuor seculorum examinata, Auctore M. Christiano Gottlob Pitschmanno.
- Durchlauchtiges Archib.* 4. Theile. Frankf. 1691-1694. 8.
- Der meditirende und inventieuse Ecclesiicus.* Jen. 1714. 8. 3. Theile.
- Einteilung zur heutigen Historie*, aus den täglich einlaufenden Zeitungen. Leipz. 1707-1710. 8. XXX. Stück.
- * *Der Einsiedler.* Königsb. 1740. 8. Dissertationes morales & satyricæ CIV. II Tomi.
- Juristische historische Electa*, Jen. 1726. 8. auctore Jo. Joachimo Müllero.
- Electa Jurispublici, oder Staats-Affären von Europa ab A. 1709. ad 1724. 8.* editore Cassandro Thucelio, sive qui sub illo latebat nomine, Christiano Leonhardo Leucht, & ab A. 1712. ad 1717. laudato Jo. Joachimo Müllero, Archivario Vinariensi. Volumina XX. quibus accessit tomus supplementorum A. 1726.
- * *Electa iuris theoretico-practica*, bestehend in einer Sammlung unterschiedener Anmerkungen über besondere Fragen und Casus, Leipz. 1730. 8.
- The Englishman, being the sequel of the Guardian.* Lond. 1714. & 15. Tomi II. 12. Auctor Richard Steele.
- Entzücken Morfort in die Welt gethane Reisen*, 1705. 8. XII. Proben.

Ephe-

EPHEMERIDUM.

Ephemerides Eruditorum Parisenses, e Gallico versa a Friderico Nitschlio. Lips. 1671. 8. Anni 1665, 1666, 1667. 1668. De Gallicis infra, *Journal des Savans*.

Ephemerides litterariae Hamburgenses 1686. 4.

Ephemerides Savantes, à Hambourg 1686. 4. Ambz statim in herba suppressæ.

Ephemerides Naturæ Curiosorum, supra *Academia*.

Ephemeridi del Mondo Novellistico, infra *fasti eruditi*.

Ephemerides SS. Patrum loca vindicantes & illustrantes à Januario ad Majum, Flensburgi 1708. 4. auctore D. Christiano Gottlieb Kochio, Præposito Apenradensi.

* *L'Epilogueur*, vide *le Magazin*.

* *Der freymüthige Erdbürger im Jahr 1746*, wöchentlich herausgegeben. 4.

* *Ergänzungen der vernünftigen Seele*, aus der Sittenlehre und der Gelehrsamkeit überhaupt. Leipz. 1745. 8. In lucem iam de IV Volum. IV emisit part. auctor, Jo. Henr. Gottlob Justi.

Deutliche Erklärungen in der heiligen Schrift ab A. 1713. 8. XIX. *Vorstellungen*. Auctore D. Jo. Wilhelmo Zieroldo.

* *Erläuterungen der neuesten Weltgeschichte aus den vorhergehenden und älteren Zeiten*, Hamb. 1741. 8.

* *Ermunterungen zum Vergnügen des Gemüths*, Hamb. 1747. 8. IV iam Partes.

L'Espion dans les Cours des Princes Chrétiens, ou memoires d'un Envoyé secret de la Porte dans les Cours de l'Europe. à Cologne 1696-1699. 12. Sex Volumina. Præter Gallicas repetitas editiones recusum hoc opus etiam est anglice Londini, et germanice Francofurti 1733. Novissime autem VII. volumine addito Hagæ Comitum 1742. 12.

Essais de littérature, pour la connoissance des livres, ab mensè Julio A. 1702. ad extremum Junii A. 1703. Paris. & Hagæ Comitum in 12. Observationibus *Pellessirii* siue Abbatis *Fayditi*, respondit auctor *Morlierius* Doctor Sorbonicus. Vide *Memorias Trevoltinas* anni 1704. mensè Julio edit. Amst. p. 28. & A. 1705. mensè Februario. *Petri Balii* animadversiones quædam exstant in ejus Opusculis junctum nuper editis in fol. T. IV. p. 171. sqq.

Essais hebdomadaires sur plusieurs sujets importants par Mr. Dupuy ci-devant Secrétaire au traité de Paix de Ryswick. Paris 1730. 12.

* *Envas geistlicher Gaben zum gemeinen Nutzen*, das ist, Auszüge aus theils gedruckten, theils in ihren Papieren liegenden Predigten, Abhandlungen, Hochzeit- und andern Reden, Langensalza 1740. 8.

* *Etwas von gelehrten Rostockischen Sachen vor gute Freunde Rost.* 1736. 8. ad annum 1743. usque VIII. Volumina, post ea paululum mutata inscriptione: *Weitere Nachrichten von gelehrten rostockischen Sachen in præsens tempus* a D. Manzelio et D. Jo. Christiano Burgmanno continuata.

* *The new Evening-Post*. Lond. 1739.

The evening entertainment. Lond. 1727.

Europe Savante, Volum. XII. ab Januario A. 1718. ad extremum A. 1720. Hagæ Comitum, 8.

Europäische Staats-Gelegen. Vide infra, *Staats*.

Europäische Geschichte. Erzählung ab A. 1655. ad 1660. Francof. 8. duobus Vol. Martino Mayero auctore.

Europäischer Niemand, A. 1717. 8.

NOTITIA

- The Examiner.* Lond. 1711. 1712. 8. & Belgice Amst. 1721. 8.
- Exercitationes subiectivæ.* Francofurti ad Viadrum ab A. 1718. 8. Tomos III. vidi, varii argumenti.
- Fama Academica,* intipians Disputationes in Academiis Germanicis ac quibus exteris habitæ. Lipsiæ 1707-1709. 4. XIV. lectiones sive Tubæ.
- Europäische Fama* von gegenwärtigem Zustande der vornehmsten Höfe. Lipsiæ ab A. 1702. 8. in præsens usque tempus, mutata tamen post partem CCCLX. paululum inscriptione die neue Europäische Fama, de qua iam partes CXLII exstant. Index iconum singulis præmissarum exstat in parte CXCII.
- * *Die geistliche Fama,* mittheilend einige neue Nachrichten von göttlichen Erweckungen; Wegen, Führungen und Gerichten 1730. 199. 8.
 - Gelehrte Fama* von gegenwärtigem Zustande der gelehrten Welt, und sonderlich der deutschen Universitäten entdeckt, ab A. 1711. ad 1718. Leipzig in 8. LXVI. Theile.
 - Fama Hermetica.* A. 1714. 8. Januarius & Februarius.
 - lustige Fama* der nährischen Welt. Hamburg 1718. 4.
 - Deconomische Fama* von allerhand zu den öconomischen, Policey und Cameral-Wissenschaften gehörigen Büchern, Projecten, Bedenken etc. Frankfurt. 1729. 8. bis 1733. das neunte Stück.
 - Reichs-Fama,* Frankfurt. 1727-1734. XV. Theile. Auctore Jo. Jacobo Mosero.
 - Schwedische Fama,* vom Zustande Caroli des XIIten, Königs in Schweden. ab A. 1711. 8. XXVI. Stück.
 - Venedische Türkische Fama* A. 1713. 8. Erste, andere, dritte Communication etc.
 - Fasti eruditi,* Parmæ A. 1706. auctore Josepho Garuffi, Ariminense.
 - Fasti eruditi della Biblioteca volante,* colle Effemeridi del Mondo Novellistico. Foro Livli A. 1710. auctore Joanne Peregrino Dandi. Vide Acta Eruditor. A. 1710. pag. 178. • Memoirs of literature T. 1. p. 60.
 - Fasti Universitatis Altdorfina* ab A. 1717. seqq. in 8.
 - * *Die Elfsäischen Felber* 4. Theile oder Gespräche 1740. 4.
 - The Freeholder,* ou l'Anglois jaloux de sa liberté, essais politiques. Ex Anglico Lond. 1716. 8. Gallice Amst. 1727. 12.
 - * *The Free-Thinker* or Essays on Ignorance, Superstition, Bigotry, Enthusiasm, Craft &c. Intermix'd with several Pieces of Wit and Humour design'd to restore the deluded Part of Mankind to the Use of Reason and Common-Sense. Lond. 1718. Dissertationes CLIX. quas postea tribus voluminibus in 8. complexas sæpius recuderunt. Ambrosius Philips eas edidit, Boultero, Richardo Westio, Gilb. Burneto, Henr. Stephens et aliis adiuvantibus. Incœptæ sunt Berolini 1754. in germanicam transferri linguam emittique per plagulas in publicum; abruptebatur vero labor non multum progressus.
 - * *Der Fremde,* Copenh. 1745. 8. Dissertationes morales & satiricæ, auctore Joh. Elia Schlegeliø
 - * *Der Freudenker,* Göttingen 1736. 4. Dissertationes morales atque satiricæ, in herba suppressæ. Ultra VIII enim non processerunt autore famoso illo D. Jo. Ern. Philippi.
 - * *Der Freudenker,* Damp. 1741. & 42. 4. Per duos annos hebdomadatim editæ dissertationes morales et satiricæ, auctore Waesbergo.
 - * *Der Freygeist.* 1745. med. 8. Dissertationes morales & satiricæ LIII, auctore Christobio Mylia.

• Der

EPHEMERIDVM.

- * Der Freymäurer im Jahre 1738. Leipz. 8. Dissertationes morales atque satyricæ LII, quarum auctorem ferunt Jo. Joachimum Schwabium.
- * Frühaufgelesene Früchte der theologischen Sammlung von Alten und Neuen, worinnen nur die neuesten Bücher, Kirchenbegebenheiten u. s. f. vorkommen. Leipz. 1735. 8. -Appendicis loco ad diarium fortgesetzte Sammlung der alten und neuen theologischen Sachen adiicitur.
- * Der aufmerksame Freymäurer in und um Deutschland, so wohl im Felde, als am Hofe. Görlitz 1743. 8. VIII partes, quarum continuationem sub inscriptione Neueröffneter Kriegs- und Friedenscabinet edidit auctor Jo. Gottfr. Haymann.
- La Galleria di Minerva, Venet. ab A. 1696. ad 1713; fol. tomis septem. Vide, si placet, quæ dixi in conspectu thesauri Italia p. 6. seq.
- Gazette live diarii commentarii rerum, quæ toto Orbe geruntur, Venetiis jam sæculo decimo sexto consueti publicari, & Parisiis ab A. 1631. inde apud alias Europæ nationes quoque. Vide eundem conspectum, statim in limine. Atque apud Sinenses quoque frequentari illum morem notatur in tomo XVIII. sylloges, lettres edifiantes des Missions p. 434. sq.
- Theophrasti Renaudoti recueil de Gazettes nouvelles & relations depuis A. 1631. 4.
- Gazette des Savans, ou dépeches du Parnasse. Genev. 1694. auctore Vincentio Minutoli. Nouvelles de la Rep. des lettres A. 1701. T. 2. p. 162. 168.
- la Gazette des Savans ab 1. Mart. 1729. ad 1. Mart. 1730. Antwerp. & inde Hagæ, 8. XXV. Num. Gazettes raisonnées. Lettres de Mr. Bayle p. 194.
- Freye Gedanken zur Verbesserung der menschlichen Gesellschaft, Brf. 1747. 8.
- Freymüthige jedoch vernünftige und Gesezmäßige Gedanken über allerhand Bücher und Fragen. Leipz. 1688. & 1689. 8. auctore D. Christiano Thomasso.
- Freymüthige Gedanken, Leipz. 1790. 8. Jo. Jacobo Ryffelio auctore.
- Aufrichtige und unpartheyische Gedanken über die Journale, Extracte und Monath-Schriften. Leipz. 1714-1717. 8. XXIV Stück. auctore D. Christiano Gadsfrido Hofmanno.
- * Gedanken der unsichtbaren Gesellschaft, Halle 1741. 8. Dissertationes morales atque satiricæ.
- * Moralische Gedanken der Stillen im Lande, erste Sammlung von 50. Stücken. Nürnberg. 1743. 4.
- Geheime Briefe, über notable Sachen. Drey Theile oder Cabinette, jedes in XII. Posten. ab A. 1701. ad 1704. Lipsiz. 8.
- Gelehrte Fama, vide supra, Fama.
- Gelehrte Welt, oder unpartheyische Conferenzen von Ariste. Francof. & Lips. 1700. 8. 1. und 2. Conference.
- Gelehrte Zeitungen. vide Zeitungen.
- Il Genio de letterati, in Forli. 1705. seq. in 4. Auctor Joseph Garuffi, Ariminensis.
- * Der prüfenden Gesellschaft zu Halle, welche allerhand wichtige, in alle Theile der Gelehrsamkeit einlaufende Materien zu erörtern sich angelegen seyn läßt, Proben. Halle 1738. 8. VIII. Proben, inque ad annum 1740. quo hunc laborem sub titulo paululum mutato continuarunt societatis membra.
- Der prüfenden Gesellschaft zu Halle fortgesetzte, zur Gelehrsamkeit gehörige Vermuthungen, Halle 1741. 8. XII. Stücke.
- Gespräche im Reiche der Kranken. Vier Entrevues, Frankfurt. 1740. 4.

Grßrd.

NOTITIA

Gefpräche im Reiche der Weltweisen, Halle 1721. 4. VIII. Theile im Reiche der Lebendigen. Vide infra, Unterredungen.

Gefpräche im Reiche der Todten 1718 - 1740. 4. XVI. Volumina. Ex hisce dialogis ingeniosis lectisque avide, nonnullos Gallice vertit Valentinus Jungermann ediditque sub titulo: *entretiens des ombres aux champs Elisées*. Amst. 1722. 8. Auctor fuit David Fasmann.

Drey Gefpräche im Vorhofe des Reichs der Todten, 4. A. 1725. 1728.

Scherz- und ernsthafte Gefpräche im Reiche der Liebe. Zwen Entreveuies, Francof. 1723. 4.

Giornale de' letterati in Roma apud Nicolaum Angelum Tinassum ab A. 1668. ad extremum Anni 1681. 4. Ab hoc diario a pag. 45. Anni 1675. diversum est quod itidem Romae sed nomen auctoris Francisci Nazari praeferens prodit A. 1675. 1676. 1677. 1678. 4. a spefe di Benedetto Carrara, al Pic dimarmo.

il Giornale Veneto de' letterati a d. 15. Febr. A. 1671. ad 10. Dec. 1680. Venet. in 4.

Giornale de' letterati in Parma ab A. 1686. ad extremum Anni 1690. Parmae in 4.

Giornale de' letterati in Ferrara A. 1688. 1689. 4.

Giornale de' letterati in Modena. A. 1692. 1693. 1696. 1697. 4.

il gran Giornale in Forli. A. 1701. 1702. 1703. 1704. fol. Rebus litterariis etiam alix civiles ac bellicae subiiciuntur sub titulo: *Giornale de' Novellisti*.

* *Giornale de' letterati d' Italia*, Venetiis ab A. 1700. ad 1740. Volumina XLV. in 12.

Supplementi al giornale de' letterati d' Italia Venet. 1723. seq. 12. III. Volum.

Giornale de' Giornali, Venet. 4.

il gran Giornale di Europa Venet. 1725. 4. De singulis hisce Italorum Diariis dicerememini in Conspectu thesauri Italix, quem Lector, ubi visum fuerit, consulat.

The Guardian, Lond. 1713. dissertationes seu satirae CLXXV, quae Ann. 1714. 12. duobus Voluminibus comprehensae saepius recusae sunt: & ex Anglico Gallice sub titulo: *le Mentor moderne*, dissertationes sive satirae CXLVI, quae in Germanicam linguam sub titulo: *Der getreue Hofmeister, sorgfältige Vormund und neue Mentor* a Lud. Ernesto a Faramund A. 1725. translatae.

Gundlingiana darinn allerhand zur Jurisprudenz, Philosophie, Historie, Critic, Literatur und übrige Gelehrsamkeit gehörige Sachen abgehandelt werden. ab A. 1716. ad 1729. partes XLIV. Halae Sax. in 8. Et post nobilissimum Auctorem D. Nic. Hieron. Gundlingium A. 1729. 9. Dec. defunctum, *Gundlingiana materia continuata*, ibid. 1731. 8. Erstes, anderes und drittes Stück.

Hamburgische Bibliotheca Historica, supra *Bibliotheca*.

Journal de Hamburg. vide *Ephemerides* & *Journal*.

Brennwilliges Heopfer von allerhand in die Theologie laufenden Materien. Berolin. ab A. 1715. 8. XLVIII. Beyträge, seu V. Volumina. Editor erat Io. Gust. Reinbeck.

* *Heftisches Heopfer*, Gießen 1734. 8. a Jo. Jac. Rambachio incoeptum cura Ern. Frider. Neubaueri continuatur. XL partes exstabant an. 1747.

Merkwürdige Himmelsbegebenheiten. Nürnberg. 1738. 4. Astronomicae sunt observationes a Michaële Adelburnero D. editae.

Historie der Gelehrsamkeit unserer Zeiten. Lips. 1721 - 1725. 8. XII. Stück. Auctor V. C. Io. Christ. Clodius, Professor quondam linguarum Orientalium in Academia Lipsiens.

Kurze

EPHEMERIDVM.

- Kurze Historie der vormahligen und gegenwärtigen Gefährtheit der Hefsen von unparteyischer Feder entworfen. ab A. 1726. per trimestria, in 8.
- Historia der Theologischen Gelehrsamkeit. A. 1721. 1722. Tübingen, 8.
- Historische Remarques der neuesten Sachen in Europa, ab A. 1699. bis zu Ende 1706. Hamb. in 4. Auctor Petrus Ambrosius Lehmannus, Regis Polon. & Electoris Saxoniz a Secretis Legationum, qui diem obiit Hamburgi, mensis Octobri A. 1729.
- Historische Relationes semestrales, Germanice editæ ab A. 1590. in 4. & per centum fere annos continuatæ. Vide Christianum Gryphium de scriptoribus sæculi XVII. p. 19.
- Historie des heutigen Seculi, erste, andere, und dritte Periodus. 1716. 8, vide Gedanken von Journalen T. 2. p. 726.
- Historische, Politische und Philosophische Kriegs- und Friedens-Besprache in den Elifälischen Feldern, monatlich abgehandelt. A. 1683.
- Historia der Weisheit und Thorheit, zusammen getragen von Christ. Thomasio, Icto. Halle 1693. 8. bey Thelle.
- Historia Sapientia & stultitia, collecta a Christiano Thomasio. ibid. 1693. 8. tomi tres a prioribus tribus diversi.
- Historia Academia Paris. vide supra, Academia.
- Historia litteraria Medica, sive recensio librorum, qui a membris Societatis Naturæ curiosorum editi sunt. Giesæ 1685. 4. & cum continuatione, ad calcem introductionis ad Philosophiam recentem Naturalem, 1709. 4. auctore D. Mich. Bernhardo Valentini.
- Histoire litteraire de l'Europe, contenant l'extrait des meilleurs livres, un Catalogue choisi des ouvrages nouveaux, les nouvelles les plus interessantes de la Rep. des lettres, & les pieces fugitives les plus curieuses, à la Haye, in 8. à Januario Anni 1726. ad Decembrem A. 1727. VI. Volum.
- Histoire des ouvrages des Savans, a mensé Septembri Anni 1687. ad extremum Anni 1709. (nisi quod A. 1707. nunquam prodiit) auctore Barnagio Bellovallio. Roterodam. 12. XXIV. Volumina.
- Histoire Critique de la Rep. des lettres tant ancienne que moderne, ab Anno 1712. ad 1718. tomi XV. Amstelodam. 12. Auctor Philippus Masson.
- Histoire du temps, a xv. Maj. A. 1689. ad 2. Jul. 1690. Amst. in 12. traduite de l'Anglois.
- Histoire abrégée de l'Europe, a Julio A. 1686. ad Decembrem A. 1688. auctore Claudio Jordano.
- The History of the works of the learned. à Januario A. 1699. ad Martium A. 1712. Londini 4. XIII. Voluminibus. Inchoatum A. 1737. aut potius continuatio diarii The literary Magazine hoc nomine est insignita, quæ in hunc diem nec cessat.
- * Die durchlauchtigen Höfe in Europa, nach ihrer gegenwärtigen Beschaffenheit und Vtrrsung entworfen. Leipzig 1735. 8. 9. Theile.
- Jahr-Register von Medicinischen Observationen A. 1680. auctore Stephano Blancardo, & e Belgico Latine, Collectanea Medico-Physica, Tobia Peucero interprete. Vide Christianum Junckerum de Ephemeridibus eruditorum p. 64.
- Register Zustand Europæ, 1. quartal. A. 1715. 8.

NOTITIA

Journal des Savans. Parisiis in 4. & Amst. in 12. ab A. 1666. in præsentem usque annum 1747. continuatur. Præcipuum hoc diarium eruditi Orbis coepit etiam *Latine* verti, ut supra dixi, *Ephemerides* referens, & *Anglice*, & *Italice*: sed non longius processerunt illæ interpretationes.

Nouveau Journal des Savans, dressé à Rotterdam. A. 1694. 8. auctore *Stephano Chauvin*.

Nouveau Journal des Savans dressé à Berlin, eodem Chauvino, & aliis viris doctis auctoribus. Berolini 1696. 1697. 1698. 8. tribus Volum.

Journal d'Amsterdam sur toute sorte de sujets. Janvier A. 1693. & Fevrier 1694. 8. auctore *Gabriele Dartis*.

Journal de Hambourg, a mensè Septembri A. 1694. ad 1696. 27. April. Hamburgi in 8. eodem *Gabriele d'Artis* auctore. Vide *Bælii Epistolas* p. 444. editionis primæ.

Journal universel. Amst. 1687. 12.

Journal historique, politique, critique & galant. 1719. 8.

Journal littéraire à Julio & Augusto Anni 1713. usque ad Annum 1732. Hagæ Comitum in 8. Tomi XX. cujus in locum successit:

* *Journal historique* de la republique des lettres, a Julio & Augusto anni 1732. Lugduni editum, de quo tamen tres tantum Tomos vidi, quum antecessens alio auctore, IV adhuc Tomis fuerit auctum.

* *Journal littéraire* d'Allemagne, de Suisse & du Nord. à la Haye, 1741. 8. Hac inscriptione continuabatur II Tomis *Bibliothèque germanique*, quam vero postea novo titulo, *Nouvelle Bibliothèque germanique* continuaverunt *Formey & Perard*, ab anno 1746.

Journal littéraire, à Solevre (Paris 1705. 12.) Continuation des *Essais de littérature*, de quo scripto supra. *Memoires de Trevoux* 1705. p. 2278. seq.

Journal des nouveautez du chant, de Mr. Bassilly, Paris 1678.

Journal d'antiquité, diarium à Felibienio promissum, lucem non vidit, sicut nec alterum cujus p. 69. meminit Junckerus, *Journal de Copenhaguen*: nec *Journal de l'Académie de Dublin*, de quo Bælius in *Novellis Reip. litterariz* 1686. p. 708.

Journal des Conversations par Mr. René Bary. Paris 1675. 4.

Journaux de Medecine, envoyez à M. l'Abbé de Roquec. Paris 1682. seq. 12. & Latine per Theophilum Bonetum, infra, *Zodiacus Gallicus*.

* *Obererzgebürgisches Journal*, oder Sammlung von allerhand in hiesige Naturwissenschaft überhaupt, als auch andere Scientien, in die Mechanik u. einschlagende merkwürdige Abhandlungen. 1747. 8. II. Theile auctore D. Jo. Christiano Themel.

Journal of the Philosophical Society of Oxford. Vide Junckerum A. 1684 p. 63.

* *Der Jüngling*, eine Wochenschrift, Leipzig 1747. 8.

* *Journal universel, ou memoires pour servir à l'Histoire civile, politique, ecclesiastique & littéraire.* Haye 1745. 12. A Januario huius anni in præsens usque tempus:

Delicia Juridica, supra, *Delicia*.

Der raisonnirende Jurist, 1714. 8. drey Stück.

Nachrichte von einigen ausserlesenen, größtentheils raren, alten und neuen Juristischen Büchern.

Erste Lieferung, Jen. 1725. 8.

* Der

EPHEMERIDVM.

- * Der curieuse Jurist, welcher seine Gedanken aus den geist- und weltlichen Rechten eröffnet.
Frankfurt 1747. 8. drey Communicationen.
Kabiner, supra Cabinet.
- Kort begryp &c. infra Monatliche Unterredungen.
- * Schlesiſche Kriegs-Gama. Frankfurt am Mayn und Leipz. 1740. 8.
- * Der Rundſchaffer, Braunsch. 1744. 4. Dissertationes morales & satiricz.
- * *Lettres Cabalistiques ou Correspondance philosophique historique & critique entre deux Cabalistes, divers Esprits elementaires & le Seigneur Astaroth par l'Auteur des lettres Juives.* à la Haye 1741. 8. VI. Volumina.
- * *Lettres Chinoises entre un Chinois Voyageur à Paris & ses Correspondans en divers endroits* Haye 1739. V. Volumina. Auctor est Marchio d' Argens.
- * *Lettres Juives ou Correspondance philosophique, historique & critique, entre un Juif voyageur à Paris & ses Correspondans en divers Endroits.* à Amsterd. 1736. 8. Epistolæ CLXXX. sex Tomi, auctore Jo. Bapt. de Boyer, Marchione d' Argens. Nova editio de 1741. aucta est XX epistolis.
- Lettres sur les matieres du temps*, ab A. 1688. 12.
- Lettres historiques*, ab A. 1692. in præsens usque tempus. 12.
- Lettres serieuses & badines* sur les ouvrages des Savans & sur d' autres matieres. Hagæ ab A. 1729. usque ad an. 1740. XII. Volumina in 8.
- * Der liebhaber der schönen Wissenschaften, Jena 1747. 8.
- * Der vernünftige liebhaber in gebundener und ungebundener Schreibart abgefaßt, Hamb. 1743. und 1744. 8. Dissertationes morales & satiricz LXIII, editore B. J. Zinkio.
- Library. Vide Compleat, & young Students.
- * *The british Librarian*, exhibiting a compendious review or abstract of our most scarce, useful ant valuable Books in all Sciences. Lond. 1737. 8. A Januario.
- * *Der deutsche Locmann.* Halle 1738. und 1739. 4. Fabulæ & dissertationes in illas morales atque satiricz XXXIX, quas ænigmata vocavit autor.
- * *Lipsia litterata*, vel relationes dissertationum in Academia Lipsiensi evulgatarum. Lips. 1726.
- Maandliike uytstrekfels*, of boekzaal der geleerden Werelt van July 1715. 8.
- Maandliikſche berigten* a Julio 1721. ad Decembr. 1728. 8.
- * *The Gentlemans Magazine*, London 1731. 8.
- * *Hamburgiſches Magazin*, oder gesammlete Schrifen zum Unterrichte und Vergnügen aus der Naturforschung und den angenehmen Wissenschaften überhaupt. Hamb. 1747. 8. Dux iam prodierunt partes.
- * *The literary Magazine or select British Librarian*, London 1735. & 1736. 8. quo anno titulum huius diarii mutarunt illudque inscripserunt: *History of the Works of the Learned*, quod adhuc viget.
- * *Die Discourse der Maßler*, Zürich 1721. usque ad an. 1723. 8. Quatuor tomis comprehendebantur dissertationes XCIV. Revisæ atque auctæ vero An. 1746. duobus voluminibus prodire centum & quinque nova hac inscriptione: *Der Maßler der Sitten.* Præcipui auctores fuerunt Jo. Jac. Bodmer & Jo. Jac. Breitinger.

NOTITIA

- * *Le Magazin des evenemens de tous genres passez, presens & futurs, historiques, politiques & galans.* Amsterd. 1741. 8. IV. Tomi Anno 1742. autem mense Decembr. nomen mutavit & titulo *l' Epilogueur* continuabatur usque ad 7. Jun. anni 1745. XIII. Volumina. Illum sequebatur *le Demosthene moderne* 1745, cuius in locum succellit, *L' Avocat pour & contre* 1747.
- * *Die Matrone, Hamb.* 1728 - 1730. 8. Per tres annos continuatæ dissertationes morales & satiricæ, auctore *Jo. Georg. Hamann.*
- Annales litterarii Mecklenburgenses, oder Jahr-Register von denen Geschäften der Gelehrten in Mecklenburg, auf das Jahr Christi 1721. und 1722. erste und andere Fürstellung, Rostock, 8. sammt einer Vorrede von dem Zustande des heutigen Journalisirens.*
- * *Medical Essays and Observations.* Edinburg. 1732. 4. IV. Tomi, quos in linguam quoque gallicam versos vidi.
- Memoires de l' Academie Royale &c. supra Academie.*
- Memoires pour l' Histoire des Sciences & des beaux Arts par l' ordre du Duc de Maine. à Trevoux* 12. a Januario Anni 1701. in præsens usque tempus hæ memoriarum continuantur auctoribus Jesuitis Parisiensibus. Primores ex illis anni quatuor, additis quibusdam & insertis novis capitibus recusati sunt *Amstelodami* in 8. tomis novem, quorum ultimus promittit Memorias illas continuatas usque ad finem Junii A. 1705. Sed Trevoltinæ editionis ne quidem ad Junium. Anni 1704. integrum refert *Amstelodamensis* editio. Desinit enim in articulo XCI. Junii A. 1704. p. 1007.
- Memoires Historiques & Critiques* Amst. 1722. 8. Menses XII.
- Memoires de litterature.* Tome premier, 1. & 2. partie. à la Haye 1715. 8. par *Mr. le Sallengre.*
- Memoires litteraires,* Tome premier, 1. & 2. partie. S. D. L. R. G. (*Mr. Themisseul*) Tome second par *Mr. de Sallengre.* à la Haye 1716. 1717. 8.
- Continuation des Memoires de litterature & d' Histoire de Mr. de Sallengre.* à Paris (par *Mr. Desmolets,* de l' Oratoire) Tomi primi pars prima A. 1726. 12. vidi ad Tomum novum usque, sed audio plures sive exflare sive expectari.
- Memoirs for the curious* Lond. 1701. vide *Novellas Reip. lit. A.* 1701. p. 695.
- Memoirs for the ingenious,* containing several curious observations in Philosophy, Mathematick, Physick, History, Philology and other arts and sciences, in Miscellaneous letters by *J. de la Crose.* E. A. P. Lond. 1693. 4.
- * *Memoires secrets de la republique des lettres ou le Theatre de la verité* par l' Auteur des lettres Juives. à Amsterd. 1737. 12. Sedecim epistolis conscriptæ sunt hæ memoriarum usque ad An. 1743. a *Jo. Baptista de Boyer Marchione d' Argens.*
- Memoirs for the curious,* containing an abstract of the most valvable things that have been published both at home and abroad in relation to arts and sciences, with the lives of the most eminent men deceas'd. Lond. 1707. 1708. 4. by several hands.
- Memoirs of literature,* containing a Weekly account of the state of learning, both at home and abroad. Volum. I. A. 1710. 1711. Lond. in fol. Volum. 2. & 3. Lond. 1712. 1713. in 4. & Volumen 4. desinens in Septembri A. 1714. ibid. in 4. auctore præclaro Viro *Michaële de la Roche,* cui priores etiam quinque tomos debemus *Diarii,* cui titulus: *Bibliothèque*

EPHMERITVM.

- theque Angloise*, de quo supra. Hæ memoriz auctore ipso curante A. 1722. recuz sunt octo Voluminibus in 8.
- Memoires litteraires de la grande Bretagne*, par Michel de la Roche ab A. 1720. ad 1724. 12. Tomi XVI.
- Memoirs of literature*, containing an account of many valuable books, lettres and dissertations upon several subjects by Mich. de la Roche. Lond. 1722. 1723. 1724. in 8. octo Volum.
- New memoirs of literature*, A. 1725. 1726. 1727. Lond. in 8. sex Voluminibus, eodem laudato Mich. de la Roche auctore.
- Weekly memorials for the ingenious*, or an account of books lately set forth in several languages, with other accounts relating to arts and sciences. Lond. 1682. 4.
- Memoriae universales litterariae*, brevii instar omnium diariorum litterariorum A. 1699. publicandæ Parisiis, sed statim in partu suppressæ. *Hist. des ouvrages des Savans*. A. 1699. p. 264.
- Memoria Victorii Siri recondita*, infra *Mercurius*.
- * *Der Menschenfreund von Ostern 1737. bis Ostern 1739.* Hamb. 4. Dissertationes morales & criticæ CIV, auctore Jacobo Frider. Lamprecht.
- Ignatii Monssac neuer Monathschreiber.* ab Augusto ad Decembrem, A. 1689. 8.
- Monssac reservati in Erklärung Biblischer Sprache.* A. 1706. 7. XII. offerten.
- Monssac Pietistici & anti-Pietistici.* infra *Pietistici*.
- Mercurius Gallo-Belgicus*, variis auctoribus ab A. 1555. continuatum est ad Annum usque 1632. tomis XVIII. in 8.
- * *Merkmale der Tugend und Laster.* Zelle 1740. 8. Dissertationes morales et satiricæ LII.
- * *Merkwürdigkeiten der königlichen Bibliothek zu Dresden ausführlich beschrieben, und mit Anmerkungen erläutert.* Dresd. 1744, u. f. 4. III Volumina, Auctore D. Jo. Christiano Goetzo.
- * *Ergebürgische Merkwürdigkeiten, nebst Nachrichten von denen herauskommenden neuen Schriften.* Freyberg. 1747. 8.
- Victorii Siri*, qui A. 1685. die VI. Octobris obiit, *Memorie recondite* dall' A. 1601. fino al A. 1640. octo Volum. in 4. Ejusdem *Mercurius Historicus, il Mercurio, ovvero historia de' correnti tempi*, tomi XV. in 4. variis excusi in locis (Genevæ, Casalii, Parisiis, Florentiæ) tomus ultimus definit in rebus Anni 1655.
- Mercurie savant*, Janvier & Fevrier Amst. 1684. 12. Hoc specimen nescio cujus auctoris, Petro Bælio ansum dedit, componendarum Novellarum Reip. litterariz, de quibus infra.
- Mercurie Galant* Parisiis ab A. 1677. 12. in præsens usque tempus continuatur. Nomen autem mutavit & inscribitur hodie *Mercurie François*.
- Mercurie Historique & Politique*, à Parme 1686.
- Mercurie Historique & Politique*, Hagæ Comitum in 12. a Novembri A. 1687. in præsens tempus usque singulis prodit mensibus.
- The Muses Mercury.* Lond. 1707. 4.
- Curieuse und Gemüths-ergögender Mercurius von Philotechno.* 1717. 8.
- Athenian Mercury*, lettres de Mr. Bayle p. 371. Vide supra, *Athenian*.
- Lacedæmonian Mercury.* Hist. Critique de la Rep. des lettres T. 7. p. 279.

NOTITIA

- * *Mercurie Suisse*, ou Recueil de Nouvelles historiques, litteraires & curieuses, à Neufchatel, 1733. 8. in præsens usque tempus
- Mercurius Latino-Poëticus G. Huberi, Hafniz 1671.
- Mercurius rhythmo-Danicus menstruus Andreæ Bordingii, 1673. 4.
- Mercurius Danicus menstruus Danielis Pauli. Hafniz 1675.
- Mercurius Polonicus. Monatliche Unterredungen, 1689. p. 374.
- Zeitvertreibende Mercurius. Erfurt 1715. 8. erste und andre Eröffnung.
- * *Sedolærende Mercurius*. Holmiz 1730. Dissertationes morales, quarum tres Tomos vidi.
- * *Minerva*, Götting. 1741. 8. I. Stück. Auctor est Frid. Christoph Neubur.
- le Misantrophe* A. 1711. seq. & ex secunda auctiore editione, Hagæ 1726. 12. Satiræ LXXXVII, & iter Svecicum Epistolis XIV. auctore Justo Van Effen.
- Miscellanea Academia Naturæ Curiosorum*. Vide *Academica*.
- Miscellanea Berolinensia* ad incrementum Scientiarum ex scriptis Societatis Regiæ scientiarum exhibitis edita. Volumen *Primum* Berolini A. 1710. 4. *secundum*, sive Continuatio prima A. 1722. & *tertium*, sive Continuatio secunda, A. 1727. 4. & *quartum* A. 1734. & *quintum* Halæ 1737. & *sextum* Berolini 1741 & *septimum*, ib. 1747.
- * *Miscellanea Duisburgensia* ad incrementum rei litterariæ omnis præcipue vero eruditionis theologicæ. Amstelod. 1732. 8. Volumina II. Auctore Daniele Gerdes, T. D. et Pr.
- * *Miscellanea Groningana* in *Miscellaneorum Duisburgensium* continuationem publicata, Duisburg. 1736. 8. In præsens vsque tempus, V iam voluminibus in lucem emissis.
- Miscellanea Lipsiensia* ad incrementum rei litterariæ edita cum præfatione D. Joh. Francisci Buddei, editore M. Carolo Friderico Pezoldo. Lipsiæ in 8. ab A. 1716. ad 1723. duodecim Voluminibus.
- * *Miscellanea Lipsiensia* nova ad incrementum scientiarum ab his, qui sunt in colligendis eruditorum novis actis occupati per partes publicata. Lipsiæ. 1742. 8. In præsens vsque tempus vigent editore Frid. Ottone Menkenio. V. Voluminibus jam editis.
- Miscellaneous letters* published weekly, giving an account of the works of the learned, both at home and abroad. ab Octobri A. 1694. Lond. in 4. Non vidi ultra mensem Martium Anni 1696.
- The London Miscellany*, being a collection of scarce and valvable pieces. Lond. 1730.
- Miscellaneous observations* upon authors, ancient and modern. Lond. 1730. Partes priores Germanice versas vidi, quæ in latinam quoque linguam translatae Amstelodami 1732. in 8. prodierunt & usque ad an. 1740. continuatae X. Volumina.
- * *Miscellanea di varie operette* historiche e letterarie, Venezia 1740-1744. 12. VIII. Tomi.
- Miscellanea curiosa*, being a collection of some of the principal phenomena in Nature, accounted for by the greatest Philosophers, of this age, together with several discourses read before the *Royal Society*, for the advancement of Physical and Mathematical knowledge. Lond. 1705. sq. in 8. tria Volumina & tertia editione 1727. 8.
- Miscellanea litteraria Silesiaca*, Christiani Rungii specimina IV. Olseæ & Uratislaviz 1712. seq. 4.
- * *Miscellanea observationum* ad rem litterariam spectantium, Amstelod. 1732.
- * *Miscellanea Physico-Medico-Mathematica*, Erfurti, 1730. 4.

EPHEMERIDVM.

Miscellanea Tigurina, edita, inedita, vetera, nova, historica &c. A. 1722. 8. erste, andere, dritte &c. Ausgaben. Auctor Jo. Jacobus Ulrich.

* *Le sage Moissonneur*. Utrecht 12. A. Januario anni 1741. usque ad Decembr. anni 1742.

Monatliche Unterredungen Francof. A. 1663. 12. A. Januario ad Junium auctor; *Johannes Rist*, ceterorum sex *Erasmus Francisci*.

Monatliche Unterredungen einiger guten Freunde von allerhand Büchern und andern annehmlichen Geschichten. Lipsiz a Januario Anni 1689. ad Decembrem anni 1698. 8. auctor vir celebris *Wilhelmus Ernestus Tenzelius*, qui deinde *Diarium simile litterarium*, sed non more dialogorum compositum edidit ibid. A. 1704. 1705. 1706. 8. sub titulo: *curieuse Bibliothec*, oder Fortsetzung der monatlichen Unterredungen. Tertii repensorii ultimus pluteus est nonus, Des dritten repensorii neuntens Fach. Primum annum dialogorum vidi etiam Belgice editum Simone de Vries interprete. *Kort begryp en't voornaemste margh van allerley onlanghs uytgekoome boecken*. Utrecht 1703. 8.

Monatlicher Auszug, vide *Auszug*.

Monatliche Erzählungen von allerhand künstlichen und natürlichen Curiositäten. a mensis Majo A. 1689. 8. Auctor G. W. M. D. L.

Monatliche Extracte derer biß anhero eingelaufenen Europäischen und auswärtigen relationen nebst nöthigen Anmerkungen, A. 1715. 8.

Frangösischen Helicons Monats- Früchte. A. 1696. 8. Auctore Talandro, sive Augusto Bosio.

Monatlicher annehmlicher Materien erstes Präsent, von den Juden und deren Ordnungen. A. 1715. 8.

Monatliche Nachrichten von gelehrten Leuten und Schriften, besonders zu Jena 1726. 8. Quatuor annos seu Tomos vidi.

Monatliche Gespräche zu Garus in der Schweiz. A. 1714. Auctor Jo. Henricus Tschudi.

Monatlicher Staats-Spiegel, Augspurg 8. ab A. 1698. ad 1709.

Monatliche Relationes von Staats-Krieges- und Friedens-Sachen. Hamb. 1684.

Monatliche Muspielende Lust-Fragen zu gelehrter und sonderbarer Ergözung. Januar. & Februar. Jen. 1692. 8. Auctor Jo. Michael Schwimmerus.

Monatliche jedoch unmaßgebliche Gedanken. Jen. 1691. 8.

The monthly Miscellany, or Temple of Muses, by Mentor. Lond. 1730.

The monthly Chronicle for the year 1728. 1729. 1730. 1731. Lond. in 4.

The monthly Catalogue of books, printed in England. supra, *Catalogue*.

The monthly Remembrancer. Lond. 1730.

Monumenta varia inedita variisque linguis conscripta per trimestria duodecim, edente B. Jo. Friderico Fellerio, Secretario Vinariensi, qui rebus humanis valedixit A. 1726. 15. Febr. Trimestre primum vidit lucem Jenæ 1714. duodecimum 1718. 4.

Neue Moralisten-Bibliothek. supra *Bibliothek*.

* *Historische Münzbelustigungen*. Nürnberg 1729. 4. XVIII Tomos iam complent auctore Jo. David Kochlero.

* *Der critische Musicus*, Hamburg 1737 - 1740. 8. Dissertationes continet LXXVIII, quae singulae

NOTITIA

- singulæ editæ tribus complectebantur tomis, postea vero reuissæ multumque auctæ A. 1745 in 8 forma majori Lipsiæ in uno volumine prodire. Auctor est *Joh. Adolph Scheibe*.
- * *Museum Helveticum* ad iuuandas litteras in publicos usus apertum, Tiguri 1747. Particulæ IV.
 - * *Museum Historico-Philologico-Theologicum*. Bremæ 1728 - 1731. II Volumina. Est hoc Museum continuatio Bibliothecæ Bremensis, de qua supra in *Bibl. Dirigentibus Theod. Hasis* & D. Nic. Nonnennis.
 - The Muses Mercury*, supra, Mercury.
 - * *Die vor sich und ihre Kinder sorgfältigen Mütter*, Hirschberg 1733. 8. Dissertationes morales & criticæ.
 - Nachlese der neuen Bibliothec zu Halle*. 1717. 8. Zehn Stück.
 - * *Freymillige Nachlese bey den bisherigen gelehrten und erbaulichen Monathschriften*, Görlitz 1735. 8. Partes XIII, quæ anno 1740. generaliori titulo: *Des Grafen von Zinzendorf und Pottendorf der Böhmischn und Mährischn Brüder hochwürdigten Bischofs, kleine Schriften*, gesammelt in verschiedenen Nachlesen ic. nebst einigen andern erbaulichen Blättern, in unum volumen sunt redactæ.
 - Unschuldige Nachrichten*, supra, *Altes und Neues*.
 - Nachricht von einigen auserlesenen, größtentheils raren, alten und neuen Juristischen Büchern*, Jena 1725. 8. erste Lieferung.
 - Summarische Nachricht*, supra *Bibliothec D. Christiani Thomasi*.
 - Niedersächsishe Nachrichten von gelehrten und neuen Sachen*, Hamburg 1731. 8. Auctore J. Petro Kohl, P. P.
 - * *Kurze Nachrichten von Gesellschaften, und gemeinschaftlich ausgefertigten Schriften der Gelehrten*. Leipzig 1740. 1743. 8. 6. Stück. Auctore Chr. Haymanno.
 - * *Neue Jenaische Nachrichten von gelehrten Schriften, Büchern, Künsten, Wissenschaften, Disputationen* ic. Jena 1740. 8. Idem cum novis Jenensium litterariis est diarium, latine germaniceque conscriptum.
 - * *Allerneueste Nachrichten von juristischen Büchern*, Jena 1739. 8. Autore *Gottlob Aug. Jenichen*, I. V. D. adhuc continuantur XLIII parte iam edita.
 - * *Der deutschen Gesellschaft in Leipzig, Nachrichten und Anmerkungen, welche die Sprache, Beredsamkeit und Dichtkunst der Deutschen betreffen*, Leipzig, 1739 - 1745. IV. Stücke.
 - * *Vollständige Nachrichten von dem ordentlichen Inhalte der kleinen akademischen Schriften, welche vornehmlich in die Gottesgelahrtheit, Weltweisheit und schönen Wissenschaften einschlagen*, Leipzig, 1746. 8. adhuc vident.
 - * *Genealogische historische Nachrichten von den allerneuesten Begebenheiten, welche sich an den Europäischen Höfen zutragen*, Leipzig, 1739. 8. in præsens usque tempus, prolata jam parte CIII.
 - * *Zuverlässige Nachrichten von dem gegenwärtigen Zustande, Veränderung und Wachstume der Wissenschaften*, Leipzig 1740. 8. In locum Actorum Eruditorum germanicorum succedunt & duce V. S. R. *Christ. Gottlieb Joachero* T. D. adhuc vident.
 - * *Nachrichten von den neuesten theologischen Büchern und Schriften*, Jena 1742. 8. Auctore M. Fridr. Wilh. Kraftio ad an. 1746. continuatæ partes XL, quarum in locum inchoavit

EPHEMERIDUM.

vit die neue theologische Bibliothek, licet prius diarium ab alio auctore continuetur parte XLVIII iam prolata.

- * **Gesammelte Nachrichten und Documente den gegenwärtigen Zustand des Herzogthums Schlesien, Königreichs Böhmen und Herzogthums Oesterreich betreffend,** Börl. 1740. 8. V Tonni, quos sub generaliore titulo: **Gesammeltes Kriegs- und Friedens-Archiv**, comprehendit auctor *Jo. Gottfr. Haymann*.
- * **Pommerische Nachrichten von gelehrten Sachen,** Bressenwald 8. Ab an. 1743. in praesens vsque tempus continuantur a M. *Jo. Carolo Dahmert*.
- * **Weitere Nachrichten von gelehrten röstodischen Sachen** vide *Etwas* &c.
- * **Nützliche Nachrichten von den Bemühungen der Gelehrten und andern Begebenheiten in Leipzig,** 8. ab anno 1739 in praesens usque tempus quotannis eduntur a M. *Abrahamo Kriegelio*.
- * **Kurze Nachricht von den Büchern und deren Urhebern in der Stollischen Bibliothek** 4. Jena ab an. 1733. usque ad mortem auctoris XVIII Partes.
- * **Freymüthige Nachrichten von denen Büchern und andern zur Belasheit gehörigen Sachen,** Zürich 4. ab anno 1744. in praesens usque tempus. Maxima pars earum, ne dicam omnes, ex aliis relationibus eruditorum publicis corrasa est.
- * **Kurzegefasste historische Nachrichten zum Behuf der neuern europäischen Begebenheiten,** Regensburg. 4. in praesens usque tempus cum Nachtrag zu den wöchentlichen kurzgefassten historischen Nachrichten.
- Natur und Medicin, Kunst- und literatur-Geschichte,** Bresslau. in 4. ab A. 1717. continuatum opus utile usque ad annum 1729, quo auctor clariss. D. Joannes Kanoldus diem obiit 15. Nov. Ab eotempore continuandum illud in se suscepit D. Buchnerus, Medicus Erfurt.
- * **Der fromme Naturkündiger in Versen verfasst,** Danz. 1740. 4.
- * **Göttingische Nebenstunden,** Göttingen 1737. 8.
- * **Helmstädtische Nebenstunden,** Helmst. 1735. 8.
- * **Uffenheimische Nebenstunden,** Uffenh. 1741 - 1747. IX. Stück, auctore *Jac. Fridr. Georgi*.
- Neue Bibliothec, Neuer Bücher-Saal,** supra *Bibliothec. Bücher-Saal*.
- Neuer Schauplaß der gelehrten Welt, oder Auszüge von allerhand neuen, und zur Belehrsamkeit gehörigen Schriften,** Lips. 1713. 1714. 8. Sieben Stück.
- Neueröffnetes Museum, oder allerhand dienliche Anmerkungen, nebst unpassionirter Reflexion über Programmata berühmter Rectorum.** Lips. 1714. 1717. 8. tria Volumina.
- Neuer Unterredungen erster, anderer, dritter Monat;** von P. S. Q. 1702. 8. zu Lügen. (*Holz Sax. auctore Nic. Hieron. Gundlingio*.)
- Neuer Vorrath allerhand auserlesener Bücher und anderer Sachen, so zur Kirchen- und Literatur-Historia gehörig.** Francof. & Lips. 1710. 1726. 8. Zwey Theile.
- Neueste von historischen und politischen Sachen, mit hierzu dienlichen Remarquen,** ab Anno 1711. 8.
- Neueröffneter Assemblée der curiösen und gelehrten Nouvellisten,** ab A. 1717. 8. erste und andere Conference.
- Neueröffnete Welt, und Staats-Spiegel,** infra *Staats*.
- Neuaufgestandene Fama aus Ungarn und der Turkey,** A. 1717. 8. Sechs Missiven.
- Gelehrte Neue-Zeitungen,** infra *Zeitungen*.

(c)

* Gelehr.

NOTITIA

- * *Gelehrte Neuigkeiten Schlesiens zum Vergnügen allerhand Liebhaber gesammelt*, Schweidnitz 1734. 8.
- * *Gelehrte*, aus allen Nachrichten gezogene Neuigkeiten, womit allerhand nützliche und curieuse, zur Theologie, Jurisprudenz und Politic, zur Philosophie, Physiologie, Historie der Gelehrtheit u. gehörige Sachen, aus bisher noch ungedruckten Urkunden communiciret werden, Nürnberg. 1737. 8.
- New Memoirs of literature*, supra *Memoirs*.
- News from the Dead*, or the monthly packet of true intelligence from the other world. Lond. 1715.
- Niedersächsishe Nachrichten*, supra, *Nachrichten*.
- Niedersächsishe Neue Nachrichten*, infra, *Zeitungen*.
- * *Notizie letterarie Oltramontane per uso de letterati d' Italia*, Rom. 1743. 4.
- Novellæ relationes Lipsienses* A. 1709 - 1712. 4. ad Colonienſium exemplum a *Conrado Petro Meistero*, & post hujus fata a *Joanne Christiano Leonhardi*.
- Novellen aus der gelehrten und curiösen Welt*, darinnen die Abintereſſen mannigfaltiger Gelehrsamkeit u. Francof. und Gotha ab A. 1692. ad 1697. 8. auctore *Godfrido Zennaro*, Altenburgensi.
- Nova litteraria maris Baltici & Septentrionis*, Lubecz a Januario Anni 1698. ad Julium A. 1708. 4.
- Nova litteraria circuli Franconici*, oder Fränkische Gelehrten-Historie. Nürnberg 1725. 8.
- Nova litteraria Germania*, publicata Hamburgi a Januario Anni 1703. ad Decembrem An. 1709. 4.
- Nova Giessensia*, sive *Observationes extemporaneæ de rebus ad eruditionem pertinentibus*, in illustri Ludoviciana factæ & collectæ a mense Septembri A. 1729. cura *Jac. Friderici Mülleri*, Log. ac *Metaphysicæ Professoris*.
- Nova litteraria Helvetica*, collecta a Jo. Jacobo Scheuchzero ab A. 1701. Tiguri 8. continuata annis etiam infecutis. Non vidi tamen post Annum 1714.
- * *Nova Ienensium litteraria*, sive *relationes publicæ de præſenti Academiæ Salanzæ statu ejusque flore & labore*. Jenæ 1740. 8. eadem sunt cum *neue Jenaische Nachrichten*, latine & germanice scripta.
- Nova litteraria Lipsiensia*, A. 1719. & 1720. 4.
- Nova litteraria*, quæ latine solebant subungi novellis relationibus de rebus eruditis, itidem ab A. 1715. vulgari Lipsiæ solitis, VI Tomi, de quibus infra, *Zeitungen*.
- Nova litteraria Westphalia*, Tomus I. & II. Tremoniæ 1718. seq. 8. Auctor *Reinhardus Henricus Rollius*, ex Pro-Rectore Tremoniensis Archi-Gymnasti, Professor Giessensis.
- Nouveau recueil de piéces fugitives d' histoire, de littérature &c.* par Mr. l' Abbé *Archimbaud*. Paris 1717. 12. quatuor Volum.
- Novvelles decouvertes de l' Antiquité*. Commentarios hoc titulo mensuris intervallis in lucem dare voluit vir doctus *Jacobus Sponius* A. 1690. sed consilium illud in herba suppressum.
- Nouvelles decouvertes sur toutes les parties de la Medecine*. Paris 1679. 1680. 1681. 12. infra, *Zodiacus*.

Nouvelles

EPHEMERIDVM.

Nouvelles de la Rep. des lettres Amstelod. 12. a mense Martio Anni 1684. ad Februarium Anni 1687. auctore *Petro Balio* : & a Martio Anni 1687, ad Aprilem Anni 1689. tum a Januario Anni 1699. ad Decembrem Anni 1710. nec non A. 1716. & 1717. *Jacobo Bernharδο* auctore, qui fatis concessit A. 1718. 27. April. sicut *Bælius* A. 1706. 28. Dec. *Nouvellæ* *Bælianæ* etiam reculsæ exstant tomo primo opusculorum ejus miscellaneorum (*oeuvres diverses*) junctim nuper editorum tribus in fol. Voluminibus.

Nouvelles solides & choisies. Vide *Bælii* Epistolas Gallice editas p. 194. editionis primæ.

Nouvelles littéraires, ab A. 1715. 8. Tomus undecimus, quem vidi, desinit in A. 1720.

le Nouvelliste sans sard, ou *le Gazettier sans privilege.* Trajècti 1724.

le Nouvelliste du Parnasse. Paris 1731. 12.

Nye tidender om lærde og curieuse sager. Nova literaria & curiosa, Danice edita hebdomadatim ab A. 1724. in 8. in quibus etiam notitia genealogica familiarum illustrium Danicarum.

* *L' Observateur,* ouvrage polygraphique. à Amsterd. 1736.

* *L' Observateur* Hollandois, ou *Memoires universels* pour servir à l'histoire, à Berlin. 1744. & 45.

Observationes selectæ ad rem litterariam spectantes, variis auctoribus. Halz Sax. ab A. 1700. ad 1707. 8. decem tomis & uno tomo supplementorum. Auctores plerosque singularem, schediasmate singulari detectos exhibet *Caspar Henricus Starckius*, Rostoch. 1716. 8. De simili sylloge *Observationum Hallensium* Germanica, supra *Anmerkungen*.

Observationum selectarum Tomus I. Halz 1707. 8. auctore D. Nic. Hieron. Gundlingio, cui placuit deinde sub Otiorum Gandlingianorum titulis similes observationes publicare, de quibus suo loco.

Observationes miscellaneæ, infra *Bermischte Gedanken*.

* *Miscellaneæ Observationes criticæ novæ,* Amstelod. 1740. 8. collectore *Jac. Phil. d'Orville*.

Observationes Biblica oder *Anmerkungen über einige Dertter Heiliger Schrift,* Monatlich herausgegeben, Halle 1695. 12. auctore *B. Augusto Hermanno Franckio*, Theologo Halensi: deinde cum ejus apologiis aliisque opusculis reculsæ in 8.

Observationes sacræ ad loca S. Scripturæ. Lips. 1716. seq. 8. partes 1. 2. 3. 4. *Georgio Lud. Oedero* auctore.

Observationes selectæ ad Theologiam & Hist. Ecclesiasticam spectantes, Witeb. 1706. 4. fasciculi 1. 2. 3. auctore *Jo. Casparo Loescherio*.

* *Observations sur les Ecrits modernes* à Paris 1735 - 1742. 12. XXV. Volumina auctoribus *des Fontaines & Granet*.

Jo. Friderici Cbristii *Noctes Academicæ, Observationibus* ad rem litterariam miscellis & conjecturis expositæ. Halz Magdeb. 1728. 8. Specimina tria.

Observationes anti-Pietisticæ, infra *Pietist*.

Observationes Chymico-Physico-Medica curiosæ, singulis mensibus continuandæ a Julio Anni 1697. Halz Sax. auctore D. *Georgio Ernesto Stablio*.

Der lustige Observateur, welcher die im Schwange gehenden Laster und Thorheiten der Menschen durchstreift. 1724. 4. Zwen Stück.

* *Observazioni letterarie,* che possono servir di continuazione al giornale de' Letterati d'Italia Verona 1737. 8. VI. Volumina auctore, *V. C. Maffia*.

NOTITIA

Occasional paper. Lond. 1697. 1698. 4. number 1 - 10.

Occasional writer. A. 1727.

Offenbare Fehler der heutigen Welt, die auf Universitäten, Gymnasien, Schulen, in allen Ständen anzutreffen. Erstes Stück.

P Oracle consulté par les Puissances de la terre. A. 1688.

D. Nicolai Hieronymi Gundlingii *Otia*, erste, andere und dritte Auflage. Halz Sax. 1706. 1707. 8.

Ouvrages des Savans. *supra* *Acta Eruditorum & Histoire.*

• *Parerga* sive accessiones ad omnis generis eruditionum. Gotting. 1736. 8.

Frühling, Sommer, Herbst und Winter - *Parnass*, oder Abhandlung allezeit von XL galant gelehrten Curiositäten, meist nach jetziger Zeit neuesten Begebenheiten, per singula trimestria Annorum 1692. 1693. 1694. 1695. 1696. 1697. Francof. & Lips. 8. auctore Godfrido Zennero, Altenburgerfi.

Parrhasiana, ou pensées diverses sur des matieres de Critique, d'histoire, de morale & de politique par *Theodore Parrhas*. Amst. 1699. 1701. 8. duobus Volum. Sub *Parrhasio* illo constat latere virum clariss. *Joannem Clericum*.

Theodori Alchini Parrhasiana, oder freymüthige Gedanken von theologischen Büchern und Materien. Francof. 1722. 8.

Pasquini Staats-Phantasien. 1697. 8. drey Erscheinungen.

Pasquini geheime Brief-Tasche zwischen ihm und einigen Thieren gewechselter Schreiben vom Zustande der Welt. A. 1708. 1709. 1710. 8. drey Eröffnungen.

Pasquini und *Marsorii* Gespräche über die Polnischen Affairen 1707. 8. Fünf Zusammenkünfte.

Fliegender Passagier. 1699. 8. XII. promenaden.

Der Patriot vom Jahre 1724. 1725. 1726. *Dissertationes morales & satiricæ* CLVI. Hamburgi in 4. & ex nitidiorē accuratiorē editione 1728. forma majori 8. tribus Voluminibus. sæpius postea recusus & novissime 1747. Pars harum dissertationum etiam in Gallicam aliasque linguas translata, & totum opus in Belgicam. Multz in earum imitationem prodire pagellz, e. g. Der aufrichtige Patriot 1725. 4. 2 Theile. Aut VII sic dicti Discursus. Der Frankfurter Patriot. 1724. 4. Der Leipziger Patriot. 1724. 4. Der Wetterauische Patriot. 1726. & alii.

The British Patriot. Lond. 1731.

Der Musicalische Patriot. Hamburg 1728. 4. auctore *Iohanne Matthesonio*.

Deutscher Pavillon der Musen. Lips. 1725. 8. VIII. Sammlungen.

• *Le Perroquet*, ou *Melange de diverses pieces interessantes pour l'esprit & pour le coeur* à Francfort sur le Meyn, 1742. 8. Volumina duo.

• Der Dresdnische Philosoph. Dresd. 1737. 8.

• *Philanthrope*, ouvrage periodique dans le gout du *Spectateur Anglois*. Haye 1739. 2 Volumina. Maxima pars ex anglicis diariis *the Common sense & the Universal Spectator* translata.

Philosophical transactions, sive observationes Societatis Regiæ Londinensis, de rebus Physicis maxime & Mathematicis, ab Anno 1665. in præsens usque tempus continuatz. Volumina XLIII in 4. Hiatus ab Augusto Anni 1720. ad Ianuariam A. 1721. Latina primorum Numerorum versio auctore *Johanne Scerpino* meliorque *Henrici Oldenburgeri*, con-

EPHEMERIDUM.

continuari deinde desit. Epitome autem Anglice edita a *Joanne Lowthorpio*, definit in anno 1700. & altera *Benjamini Motte*, in Anno 1720. prior ternis, altera binis Voluminibus in 4. quibus alii plura addiderunt. Vidit etiam lucem Italice: *Saggi delle Transazioni Filosofiche della Societa Regia*. 1729. Vide etiam supra, *Miscellanea curiosa*.

Les piéces fugitives anciennes & modernes. Memoir. de Trevoux A. 1705. T. 2. pag. 1818. *Nouveau recueil de piéces fugitives d'histoire de littérature &c.* par Mr. l'Abbé *Chancey d'Archimbaud*. Paris 1717. 12. IV. Volum.

Frid. Christiani Bücheri Pietistishe Monatshe. Witeb. 1704. 1705. 1706. 8.

* *Pierides sive Latium litteratum continens selectum elaborationum a membris societatis Latinæ exhibitatum, ad omnigenam eruditionem facientium*. Halæ 1736. 8.

Bedenken über die Gesellschaft der Verschwiegenen. Januar. 1690. 12.

Observationes anti-pietisticæ. Gryphiswald. 1709. 4. manipuli V, auctore B. D. Jo. *Frideryco Mayero*.

* *Der Pilgrim*. Königsb. 1742. & 1743. 8. *Dissertationes morales & satiricæ CIV*.

* *Der Pilgrim*, im Jahr 1743. wöchentlich herausgegeben. Regnis. 1743. 8. Proculus ab antecedente differt, licet quoque CIV dissertationibus moralibus atque satiricis constet.

* *The Plain-Dealer: being select Essays on several curious subjects, relating to Friendship, Love and Gallantry, Marriage, Morality, Mercantile Affairs, Painting, History Poetry, and other Branches of polite Literature*. Lond. 1724. *Dissertationes CXVII* duobus voluminibus in forma 8 majori collectæ, auctore *Wilhelmo Bondio*.

Poetische Jama von allen wichtigen Begebenheiten in der ganzen Welt 1724. 4. bren Thelle.

Poetische Zeitungen über die in den wöchentlichen Gazetten enthaltene Merkwürdigkeiten. A. 1725. 8. XLII. Stück.

The political state of Great Britain, with the most material occurrences in Europe. Lond. 1714.

Politischer, oder Monatlicher Anrichter Neoferi Raymundi aus Novellanden. A. 1683. 8. a Januario ad Augustum.

In Portugallia metropoli Ulyssipone, Academia Regia Historiarum condita 6. Id. Decembr. A. 1720. cujus Acta ab A. 1721. edita singulis annis, Voluminibus singulis Lusitanice in fol. *Collegam dos documentor.* & *Historia Academiz* A. 1727. 4.

* *Le Pour et Contre; ouvrage periodique d'un gout nouveau. Dans lequel on s'explique librement sur tout ce, qui peut interesser la curiosité du Public en matiere des sciences, d'arts, de Livres, d'auteurs &c. sans prendre aucun parti & sans offenser personne*, à Paris. 1733. 12. *Hebdomadaum-editum*. XIX Volumina. *Hagæ repetitum* est an. 1733-1739. X Voluminibus.

The Post-Angel.

The Post-boy robb'd of his mail, in 500 Letters to persons of several qualities and conditions. Lond. 1682. 8. duobus Volum.

The Post-man robb'd of his mail, or the packed broken open. Lond. 1719. 8.

M. Georg Conrad Pregitzers, Diaconi Tubingenlis, Merkwürdigkeiten vom Jahr 1718. 1719. 1720 1721. Tubingen in 8.

The present state of the Rep. of letters a Januario 1728. usque ad annum 1734. singulis mensibus continuatum Londini in 8.

NOTITIA

The present state of Europe, or the historical and political monthly Mercury, giving an account of all the publik and private occurrences, Civil, Ecclesiastical and Military, that are most considerable in every Court, with political reflections. Lond. 4.

* *Das gelehrte Preußen, aus neuen und alten gedruckten und ungedruckten; großen und kleinen Schriften, wie auch der gelehrten Männer, welche in Preußen geboren, oder daselbst gelebt, oder von preussischen Sachen geschrieben, Namen und Leben, wöchentlich vorgestellt.* Thorn 1723. 8. Scriptum hoc hebdomadarii finit Tomo I menstruum factum cum Tomo V in trimestre mutatum est anno 1725. sed non ultra IV trimestria processit. Auctor fuit *Georg Petr. Schulz* D. & Pr. Thorun.

* *Erläutertes Preußen, oder auserlesene Anmerkungen über verschiedne zur preussischen Kirchen, Civil und gelehrten Historie gehörige besondere Dinge.* Königsb. 1723 1727. 8. XLVIII. Partes IV Voluminibus comprehensae, auctore *M. Michael Lilienthal*.

Projet pour donner au public en feuilles ou en petits livres par semaine, par quinzaine ou par mois, un recueil des affiches de Paris, des Provinces & des pais étrangers, extrait du 85. article des projets litteraires de Monsieur du Gono. Memoires de Trevoux A. 1715. Decembre p. 2379.

Frühling, Sommer, Herbst und Winter. *Quartal*, A. 1702. 8. Auctore *Talandro* sive *Augusto Buse*.

la Quintessence. Genus quoddam relationum novellarum satiricarum foliis patentibus hebdomadarii vulgarum in Belgio.

Quintessenz aus der Gelehrten Welt. Supra, Novellen.

* *Der Rabbiner* Dresd. 1742. 8. Dissertationes ex antiquitatibus & scriptis Iudaicis ad illustrandam et confirmandam religionem christianam, auctore *Christiano Schoettgenio*.

* *Raccolta degli opuscoli scientifici e filologici.* Venezia. 1730. 12. ad nostra tempora continuatur, curante *P. Calogiera* edito iam volumine XXXII, 1746.

* *Des unparteyischen Raisonneurs Sentiments.* Leipz. 1732. 8.

Verzeichniß einiger rarer Bücher. Franckf. und Leipz. 1723. 8. Erstes, anderes und drittes Stück.

* *Das critische Nebenmesser* Halberst. 1736. 8. Auctore *Georg Venzky*.

Recensionum, Actorum eruditorum, aliorumque memorabilium in alma Rostochiensis Academia, Collectio I. Rostoch. 1725. 8.

* *Recherches nouvelles & curieuses d'Histoire & de litterature.* à Geneve, 1731. 8. Sex constitut partibus duobus voluminibus comprehensis.

* *Der Deutsche Rechtsgelehrte, Vörlis* 1731. 4.

Recueil von allerhand collectaneis und Historien, auch moral, curieux-critic- und lustigen satyrischen Einfällen. XXVI. Hundert, nebst einem Anhange von XIV. Hundert. Verona 1719-1724. 8.

Nouveau recueil de pieces fugitives, supra, pieces.

* *Re-*

EPHEMERIDVM.

* *Reflexions sur les ouvrages de litterature. à Paris 1738 - 1740. 12. XII Tomes de illis vidi, vnumquemque ex XV plagulis constantem.*

Reflexions historiques politiques & Critiques sur le journal, intitulé la Clef du Cabinet des Princes.

Relationes Historicae per Semestria edi Latine coeptæ A. 1684. Francofurti, auctore B. J. Burchardo Majo.

Relationes Historicae, Germanice vulgatæ, supra, Historicae.

* *Relationes litterariae Hamburgenses, 4. ab anno 1747 incæptæ.*

Novellæ relationes, supra, Novellæ.

Zufällige Relationen von alten und neuen Geschichten, Urkunden, Büchern, Münzen. Ulm 1717. 8.

Wöchentliche Relationes von Schwäbischen gelehrten Neuigkeiten. Tubing. 1721. 8.

Relationes von Gelehrten Neuigkeiten. Tubing. 1730. seq. in 8.

Relationes Reip. litterariae sive apparatus ad historiam scientiarum & artium. Tomus I. Hamb. 1702. 8. Auctor Johannes Græningius Wismarientis, cujus etiam exstant tomus duo Musei sacro-politici. Wismariae 1723. 8.

Historische Remarques, supra, Historische.

Remarquable curiosa jehiger Zeit aus Osten, Westen, Süden und Norden A. 1711. 1712. 8. Zwölf Lieferungen.

Remarquable curieuse Briefe, oder deutliche Beschreibung alter und neuer merkwürdigen Begebenheiten. Lips. 1710-1728. 8.

Republik der Gelehrten a Julio A. 1710. in præsens usque tempus, Amstelod. Belgice in 8. Jo. Ruysero primum, Med. & Philosophiæ D. & Theologiæ Candidato, deinde aliis auctoribus. supra, Boeksaal.

* *Deutsche Republik der Gelehrten, worinnen die Grandes reipublicæ litterariæ, besonders aber die zum europäischen Iure publico & gentium gehörenden Collectiones Historicorum Actorum publicorum, diplomatum umständlich recensiret und unparteylich beurtheilet werden. Nürnberg. 1737. 8.*

XII. Römisch-Catholische Discourse und Gespräche von Evangelisch-Lutherischen Jubel-Jahr. Lips. 1718. 1719. 8. auctore D. Valentino Ernesto Læschero.

Saggi delle Transazioni Filosofiche supra, Philosophica Transact.

Saggi di naturali esperienze, fatte nell'Accademia del Cimento. Firenze 1667. fol.

Samen-spraken over nytgekipte boeken. Amst. 1724. 8.

* *Sammlung merkwürdiger Medaillen, in welcher wöchentlich ein curioses Gepräge, meistens von modernen Medaillen ausgesucht und in Kupfer vorgestellt wird. Nürnberg an. 1737. in præsens usque tempus auctore I. H. Lochner.*

* *Büdingische Sammlung einiger in die Kirchenhistorie einschlagender sonderlich neuerer Schriften. Leipz. 1742. 8. in præsens usque tempus.*

* *Sammlung auserlesener Uebersetzungen aus den Alten und aus den Englischen und Französ.*

NOTITIA

- fischen der berühmtesten Neuern nebst eigenen Abhandlungen der Uebersetzer, wöchentlich herausgegeben. Hamb. 1739. 4. XXXVIII. Num.
- * *Der Sammler.* Götting. 1736. 8. Dissertationes morales & satiricae XLVIII. auctore *Frieder. Christoph. Neubur.*
 - * *Sammlung philosophischer Abhandlungen und Sendschreiben,* Berl. 1743. 8.
 - * *Sammlung einiger Staatschriften, welche nach Ableben Kaisers Carls VI zum Vorscheine gekommen, und die gegenwärtigen wichtigen Staatsangelegenheiten betreffen.* Frankf. 1741. 8. 3 Bände.
 - * *Sammlung verschiedener Briefe, Gedanken, Uebersetzungen, auch anderer kleinen Schriften und Urtheile von neuen Büchern.* Bücheb. 1743. 8. VI Stück.
 - * *Sammlung critischer, poetischer und anderer geistvollen Schriften zur Verbesserung des Urtheils u. des Wises in den Werken der Wohlredendheit und der Poesie.* Zürich 1741. 44. 8. XII partes, autoribus *Jo. Jac. Bodmoro, & Jo. Jac. Breitingero.*
 - * *Sammlung auserlesener Materien zum Bau des Reichs Gottes.* Leipz. 1731. 8. Auctor erat *M. Traugott Immanuel Jerichovius* & extant VI Volumina seu partes XLVIII, quibus ab anno 1737. adiunctae Partes XVI seu Volumina II supplementorum.
 - * *Leipziger Sammlungen von allerhand zum Land- und Stadt-wirthschaftlichen Policen, Finanz- und Kammerwesen dienlichen Nachrichten.* Leipz. 1743, 8. in praesens usque tempus & prodierunt 1747 jam XIII partes.
 - * *Nützliche Sammlung zum nähern Verstande des Neuen in der politischen und gelehrten Welt.* Königsb. 1735. 8.
 - * *Klosterbergische Sammlung nützliche Materien zur Erbauung im wahren Christenthume.* Magdeb. 1745. 8. Prodiit jam anno 1747. pars VII.
 - * *Sammlung curieusester Nachrichten und Reflexionen über die neuesten Staats und Weltbegebenheiten.* Nürnberg. 1745.
 - * *Neue Sammlung von Staatschriften zur Erläuterung der neuesten Welt- und deutschen Reichsgeschichte nach Absterben Kaiser Carls des VII.* Frankfurt. 1744. 8. XXX. Stück.
 - * *Verbesserte Sammlung auserlesener Materien zum Bau des Reichs Gottes.* Leipz. 1737. 8. in praesens usque tempus. *Laboris Jerichoviani continuatio est.*
 - * *Sammlung einiger Schriften zum Zeitvertreibe des Geschmacks.* Leipz. 1747. 8. IV Stück.
 - * *Historische Sammlung von Staatschriften zur Erläuterung der neuesten Welt- und deutschen Reichsgeschichte unter Kaiser Carl VII* Frankfurt 1747. 8. IV Bände.
- Sammlung von Natur, Medicin, Kunst- und literatur-Geschichte.* supra, Natur.
- * *Satura dissertationum, orationum, epistolarum, & observationum theologico-historico-philologicarum,* Tiguri, 1740. 8. IV tantum vidi partes 1743.
 - * *Medicorum Silesiacorum Satyrae, quae varias observationes, casus, experimenta, tentamina ex omni Medicinae ambitu petita exhibent.* Vratislav. 1736. 8.
- Saxo Europæo curiosus.* Lipsi. 1684. *Januarius & Februarius.*

Neue

EPHMERIDUM.

Neuer Schatz der Gelehrten Welt. *supra*. Neuer.

Schediasmata Observationum libris sex digesta & per mensium dierumque in quolibet mense ministerium edita ab Henrico Stephano A. 1578-1589: in tomo quinto Lampodis Arctum Geopriano recusa.

* Neueröffneter Schauplag der Welt, allwo Personen aus allerley Völkern, Standes und Geschlechtes erscheinen, und sich über Staats- Hof- Kriegs und andere Begebenheiten entreteniren. Berl. 1742. 4. Auctor est David Fasfmann.

Schiff- und fische. Staats, gelehrte und ordinaire Zeitungen, in 4. Nu. der Hamb. Correspondent. Schlüssel zur heutigen Historie. 1713. seq. XVIII Eröffnungen.

* Schriften zum Vergnügen des Geistes. Hamb. 1746. 8. Prima iam parte desit.

* Der Schussgeist, ein moralisches und satirisches Wochenblatt. Hamb. 1746. 8. LII Dissertationes auctore Io. Andr. Cramero. M.

Der Schwedische Schwaben A. 1715. sq. XVII ouvertures.

Schwedische Bibliotheca *supra*. Bibliotheca.

Der Schweigenden Societät Vörläufige remarques. Halle 1726. 8.

Der mit Staats, Friedens, Krieges, Hof, Literatur und Religions, wie auch privat affären beschaffigte Secretarius. ab A. 1712. 8. *Supra*. Agent.

* Selecta juris publici novissima, worinnen dasjenige, was an großer Herren Höfen ingethehen bey allgemeinen Reichs- und Kreis- Versammlungen, auch sonst anmerckens- wichtiges in Staats- und Reichsangelegenheiten, vorgefallen ist, ausführlich abgehandelt und mit Anmerkungen erläutert wird. Frankfurt. 1740. 8.

* Selecta medicæ Francofurtensis, anatomæ, imprimis practicæ, chirurgiæ, materiæ medicæ, ipsamque universam medicinam &c. illustrantia. Frst. ad Viadr. 1737. 8. in præfens inque tempus Tom. IV.

* Singularia historico- litteraria Lusatica oder historische und gelehrte, auch andere Mus. würdigsten der beyden Marggrafschwäner Ober- und Nieder- lausig. Badiß. 1740. 8. XXIV Partes.

Leipziger Socrates, 1724. sq. 4. XLV Stück.

* Dresdner Socrates 1725. & 1726. 4. Dissertationes morales XXXII. quæ revissæ et emendatæ atque auctæ in 8. Lipsiæ 1732. hoc inscriptione iterum prodire: Der deutsche Socrates, &c. I. pufichtige Anzeige verschiedener nicht so wohl unbekannter, als vielmehr in Abfall gerathener Hauptwahrheiten.

The Spectator. Lond. 1712. 1713. Dissertationes Morales & Satiricæ DLV. Anglice septem Voluminibus 12. quibus octavum atque nonum accessit. Omnes hæc dissertationes etiam Germanice versæ exstant, annis 1739 & sequentibus Lipsiæ in 8. novem Voluminibus typis expressæ, & major pars Gallice Amst. 1722-1716. 12. sex Voluminibus, hoc titulo: *Le Spectateur, ou le Spectre moderne; ou l'on voit un portrait naïf des mœurs de ce Siècle.*

NOTITIA

- * *The universal Spectator*, London. 1740. Germanice versæ exstant partes priores primum sub titulo: Der allgemeine Zuschauer; Zelle, 1742. 4. editæ, deinde recensæ mutata hac inscriptione: Sammlung moralischer und satirischer Schriften, Zelle 1745. 8. III Partes.
- Der Spectateur, oder Betrachtung über die verderbten Sitten der heutigen Welt. Francof. 1722-1725. 8. Drey Theile. Ex lingua Gallica translatus.
- * Der Dänische Spectator, ex lingua Danica in germanicam translatus prodiit Hamburgi 1745
- le Spectateur François de Mr. Carlet de Marivaux. Paris 1723. II Volumina.
- Nouveau Spectateur François. à la Haye, 1725. 12. tribus Vol. Autore Justo van Effen.
- Spectateur inconnu.
- Spectateur Suisse. A. 1726.
- * La Spectatrice. Dissertationes morales & satiricæ XV hebdomatim vulgatæ Parisiis & postea in unum volumen in 12, 1731 collectæ.
- * Auserlesene neueste Staats-Acta von Teutschland. Berl. 1736. 8. Idem zum diário des Reichs-Rama, institutum, cujus continuationem Moserur in hoc diário suscepisse videtur.
- Europäische Staats-Gelegenheiten durch Antonium Fabrum. Francof. in 8. ab A. 1697. ad 1747. 8. XCI. Theile.
- * Der mit historischen politischen und andern importanten Sachen beschäftigte Staatsmann. Leipzig. 1731. 8.
- Monatlicher Staats-Spiegel. Augspurg. ab A. 1698. ad 1709. 8. & deinde sub titulo: Welt- und Staats-Spiegel ab A. 1710. ad 1716. über hundert Theile.
- * Europäischer Staats-Secretarius, welcher die neuesten Begebenheiten unpartheisch erzählet, und vernünftig beurtheilet. Leipz. 1734. 8. In præsens usque tempus continuatur; partes jam CXXV. numeravi anno 1747.
- * Neueste Staats-historie, welche die heutigen Begebenheiten der Welt in sich faffet. Leipzig 1746. 8. XII Stücke.
- * Neues europäisches Staats- und Friedens-Archiv, welches alle den gegenwärtigen Krieg betreffende Vorschläge in sich hält. Frankf. 1747. 8. V Stück.
- Staats-Theatrum, infra, Theatrum.
- Historischer und Politischer Staats-Mercurius ab Anno 1702. ad 1705. 4.
- Historisch-Politische Staats-Assembleen der Curieusen Eya. XVIII assembleen. 1726.
- Entdecktes Staats-Cabinet ab A. 1714. Ien 1717. 3. VIII Eröffnungen auctore B. Jo. Joschimo Mullero, Archivario Vinariensi.
- Curieuses Bücher und Staats-Cabinet.
- Historisches Staats- und Helden-Cabinet. supra, Cabinet.
- Europäisches Staats-Archiv. Francof. 1706. 8.
- * Staats-Relation der neuesten europäischen Nachrichten und Begebenheiten, nebst einem Anhange von herausgekommenen neuen Büchern. Regensp. 1746. 4.

The

EPHEMERIDUM.

The present state of Europa. Supra, present.

- * *The present State of the Republick of Letters.* London. Usque ad annum 1734 singulis mensibus continuatum vidi hoc diarium ab Anno 1728.

Staats Gazettier. 1715. 8. Zwen depechen.

Staaten von Europäiscken Königreichern und Republicken, Halle ab A. 1702. ad 1708. in 8. XL Stück. *Staaten ausser Europa* XV Stück. De utrisque consulenda B. Jo. Hubneri *Bibliotheca Historica* Centur 2. capite 100. p. 335. seq.

- * *Die Stillen im Lande.* Vide *Moralische Gedanken.*

- * *Die vergnügten Stunden.* Leipzig. 1745. 8. VI Partes.

Sylloge variorum Opusculorum, Halæ Svevor. 1727. seq. in 8. sex fasciculi, auctore V. C. Frid. Jacobo Beyschlagio.

- * *Symbolæ litterariz,* ad incrementum scientiarum omne genus a variis amicis collatz. Bremæ, 1743. 8. Editore *Conrado Ikenio,* S. T. D. ulque in præsentem annum 1747. prodierunt Tomi III.

The tatler, ab A. 1709. ad 1711. by Isaac Bickerstaff, Esquire. *Dissertationes Morales & Satiricæ* CCLXXI. recuzæ Anglice Londini 1713. 12. quatuor Voluminibus, quæ Gallice etiam corpore præmi sub titulo: *le Babillard, ou le Nouvelliste Philosophe.* Amst. 1724. 12.

A tatler reviv'd, by Isaac Bickerstaff, Esquire. Lond. 1727.

- * *Die Zeltistheit vernünftigen Tabler,* oder moralische und satirische Abhandlungen drey in dem gemeinem Leben vorkommenden Begebenheiten, wöchentlich ans Licht gestellt. Zelle 1742. 8. *Dissertationes* LVII *morales & satyricæ.*

- * *Die vernünftigen Tablerinnen.* *Dissertationes morales et satiricæ* CIV primum Halæ, deinde Lipsiæ 1725 & 1726. in 8. & ex nitidioris accuratioresque editione Hamburgi 1738. duobus voluminibus editæ. Auctor fuit Jo. Christoph Gottschedius.

- * *Die vernünftigen Tabler und Tablerinnen.* Eisenach 1745. 8. Per annum hebdomadam editæ *dissertationes morales & satiricæ.*

- * *Tempe Helvetica,* dissertationes atque observationes theologicas, philologicas, criticas, historicas exhibens. Tigur. 1735. 8. Editore Jo. Georg Altmanno, VI Tomi.

Thaler collection, B. Petri Ambrosii Lehmanni. VI scatollen. Hamburg 1710. 4.

Neueröffnetes Staats, Kriegs, Friedens- und Natur-Theatrum, Erfurt 1726. 4. Zwen Unterredungen.

Neueröffnetes Welt- und Staats-Theatrum, ibid. 1727. 8. Zwölf Eröffnungen.

Neueröffnetes Europäisches Staats-Theatrum. Regensburg 1729. 8.

Theatri Europæi, XVII hactenus lucem viderunt volumina, quorum primum inde, ubi Archontologia Cosmica Jo. Lud. Gothofredi desinit, incipiens.

Volum	I.	ab A.	1618.	ad 1628.
II.	—	1628.	—	1632.
III.	—	1633.	—	1638.
IV.	—	1639.	—	1642.
V.	—	1643.	—	1647.
VI.	—	1647.	—	1652.
VII.	—	1651.	—	1657.
VIII.	—	1657.	—	1660.
IX.	—	1660.	—	1665.
X.	—	1665.	—	1671.
XI.	—	1672.	—	1679.
XII.	—	1679.	—	1686.
XIII.	—	1687.	—	1690.
XIV.	—	1691.	—	1695.
XV.	—	1696.	—	1700.
XVI.	—	1701.	—	1704.
XVII.	—	1704.	—	1706.

Hungarisch und Beyethanisches Krieger-Theatrum ab A. 1716. ad 1719. Lipsiz in 4. mit der Nachlese. XX Vorstellungen. *Omitto ludens theatra ejusmodi complera per vices temporis edita, qualia sunt: Spanisch, Italianisch Krieger-Theatrum* A. 1718. 4. *Russisch, Türkisch, und Persischen Krieger-Theatrum* 1724. 8.

Theosophical Transactions, by the Philadelphian Society. Lond. 1697. 4. non vidi ultra numerum quintum.

• *Theologia pastoralis practica, oder Sammlung nutzbarer Anweisungen zur gesegneten Führung des evangelischen Lehramts.* Magdeburg. 1737. 8. Usque ad ann. 1746. L. partes dirigente Jo. Ad. Steinmetz, Abbate Bergenli. *Continuatio hujus diarii inferibitur: Mögliche Beiträge zur Theologia pastoralis practica.* Magdeb. 1747. 8.

Thesaurus variae eruditionis ex scriptoribus potissimum Sæculi XVI. & XVII. collectus. Jen. 1710. 4. Hic titulus præfixus Bibliothecæ Antiquæ C. V. Burchardi Gotthelf Struvii, de qua supra sibi loco.

• *Thesaurus Bibliothecalis, sive Notitia librorum veterum rariorumque omnis generis.* Norimberg. 1737. 4. In præfatione vique temporis.

• *Die redenden Thiere über menschliche Fehler.* Nürnberg. 1747. 28 Gespräche.

Transactio Philosophica, supra. Philosophical Transactions.

Usefull transactions in Philosophy and other sorts of learning, a Januario ad Septembrem A. 1709. Lond. in 8.

Trimestria monumentorum, supra, Monumentorum.

Twee maandlicke uyttrekfels, supra Boeksaal,

• Der

EPHEMERIDVM.

- * Die vor sich und ihre Söhne sorgfältigen Väter, Hirschberg 1735. 8. *Dissertationes morales & criticae, auctore Casparo Gottlieb Lindner. M. D.*
- Vergnügung müßiger Stunden 1726. 8. non vidi ultra partem. XX. Auctor vir, praeclarus Theodorus Crusius.
- Observationes Miscellaneæ oder vermischte Gedanken über allerhand theologische, politische, historische u. Materien A. 1713. 1717. Lipsiæ in 8. XXXVI. Theile, 3. Volum. auctore Rev. Jo. Christiano Kochio.
- Vermischte Bibliothec, supra, Bibliothec.
- Vermischte, u. Württembergische Staats-Rechte, auch Civil-Kirchen-gelehrte und natürliche Historie betreffende Observationes, Diplomata, und andere Pieces. Stuttgart 1724. 4. Auctor erat Jo. Jacob Moserus. Quia vero ejus itineribus mox interrompebatur labor, de quo aggressus est anno 1729, nouo diario Erläutertes Württemberg in 8. de quo partes II vidi.
- Vernünftige Urtheile von gelehrten Leuten, und auch von alten und neuen Büchern. 1710. 8. VI Stück. Adolpho Clarmundo, sive Jo. Christophoro Ridigero auctore.
- Versuch einer gründlichen Erläuterung der merkwürdigsten Begebenheiten in der Natur. Halle 1723. 8. vier Stücke. Auctor Lud. Philippus Thummigius dignus celebris Philosophi. Christiani Wolffi discipulos, cujus & ipsius mercentur memorari, allerhand nützliche Versuche, Halle 1721. 1722. 1723. 8. drey Theile. Et hinc subsecuta Marburgensis, trivestri intervallo edita A. 1726. 1730. 8.
- Versuche in der deutschen Rede-Kunst und Sprachkunst, zur Aufnahme derselbigen gemacht und herausgegeben von einigen Mitgliedern der vertrauten Rednergesellschaft in Thüringen. Weimar 1738. 8. Dux tantum prodierunt partes.
- * Critische Versuche, zur Aufnahme der deutschen Sprache durch einige Mitglieder der deutschen Gesellschaft in Greifswalde. Greifsw. 1732. 8. Ad hoc tempus continguntur, & eorum quas vidi pars. XIV. ultima fuit.
- * Neue Versuche nützlicher Sammlungen zur Natur- und Kunstgeschichte, sonderlich von Ober-sachsen, Schneeberg 1747. 8. II. Stück.
- * Versuche in den Werken des guten Geschmacks, Erlang. 1746. 8. VI. Stück.
- Vertraute Unterredungen der heiligen Alt-Väter über die Kirchen-Geschichte neuen Testaments, Berlin 1727. 1728. 4. drey Stück.
- Umständliche Bücher-Historie, von Jo. Gottl. Krausen. 1. und 2. Theil. Lipsi. 1715. 1716. 8.
- Unparthenische Urtheile von Juridisch- und Historischen Büchern, Frankfurt. und Leipzig 1722. seq. 8. XII Stück. Auctore viri clariss. Jo. Jacobo Mosero. Idem auctor Bibliothecæ Juris publici, de qua supra. Bibl.
- Unparthenische Nachrichten von denen in der Christlichen, besonders in der Evangelisch-Lutherischen Kirche üblich vorfindenden Sittlichkeiten, und denen desfalls herausgegebenen Schriften, im Lande der Redlichen 1730. 8. erstes Stück.

NOTITIA

- Unparteylicher Bibliothecarius, *supra* Bibliothecarius.
- Unschuldige Nachrichten, *supra* Altes und Neues.
- Monatliche Unterredungen, *supra* Monatssicht.
- Unterredungen im Reiche der Lebendigen auf Erden zwischen berühmten Theologis, Francof. 1720. 1721. 4.
- Unterredungen im Reiche der Todten, *supra* Gespräche.
- * Biblische Untersuchungsschriften, Halberst. 1737. 4. Autore Georg. Henck.
- * Philosophische Untersuchungen und Nachrichten von einigen Liebhabern der Wahrheit, Leipz. 1744. 8. In pressens usque tempus continuatur, auctoribus M. Jo. Andrea Cramero, & Christlob. Myko.
- Vorhof der ganzen Jurisprudenz, Braunschweig 1726-1728. 8. XIII Theile.
- * Neuer Vorrath allerhand auserlesener Büchel. Rostock 1710. 2. Stücke.
- Von dem Ursprung und Eigenschaften der Vorurtheile, erste und andere Eröffnung. Leipz. 1718. 8.
- * Freye Urtheile und Nachrichten zum Aufnehmen der Wissenschaften und der Historie überhaupt, Hamb. ab an. 1744. in pressens usque tempus, 8.
- * Unschuldige Wahrheiten, gesprächsweise abgehandelt zwischen Doxophilo und Philaletho, worinnen von allerhand theils verfallenen, theils gegenwärtig unterdruckten, theils noch unbekannten Wahrheiten, nach Anleitung der Bibel auf eine freymüthige und aufrichtige Art geredet wird. 1735-1738. 8. XIV Unterredungen. Autor est famosus Jo. Christian Edclmann.
- Weekly-memorials for the ingenious, Lond. 1683. 4.
- Welt- und Staats-Spiegel, *supra* Staats-Spiegel.
- * Der Weltbürger. Berl. 1741. 4. Dissertationes morales & satiricae per duos annos a Jacobo Frider. Lamprecht continuatur.
- Welt-Urtheile von Staats, Kriegen und Gelehrten Sachen. Lips. ab A. 1706-1711. 8. XX penfeen.
- * Der gebulbige Weltweise bey dem Anblicke isiger Zeiten, wie er durch monatliche Sammlungen lächerlicher Begebenheiten, jedesmal bey dem Zuspruch seines Freundes eine gewisse Gattung der Thorheit lebhaft vorstellt und auf eine moralische doch lustige Art beurtheilet. Leipz. 1740. 8. Dissertationes LXXII.
- * Das merkwürdige Wien, oder monatliche Unterredung über verschiedene daselbst befindliche Merkwürdigkeiten der Natur und Kunst. Wien, 1727. 4. Autore dicuntur Jo. Carl Neuen & Michael Gottlieb Hansch.
- * Greifswaldisches Wochenblatt von allerhand gelehrten und nützlichen Sachen. Greifswalde. 1743. 4. LII Blätter. Auctor fuit Jac. Henr. Bahthasar T. D. et P.

Wöchent.

EPHEMERIDVM.

Wöchentliche Nachricht von Gelehrten Sachen. Amstadi 1719. 8.

The Works of the learner, or an Historical account and impartial judgment of books newly printed both foreign and domestick to be published monthly by J. la Crose, a late Author of the Universal Bibliothecque. Lond. 1691. 4. non vidi ultra Februarium. A. 1692.

* Württembergische Nebenstunden, oder allerhand nützliche Nachrichten und Anmerkungen. Stutgard 1718. 8. Vier Theile.

* Erläutertes Württemberg, vide supra Vermischte.

* The occasional Writer. London. 1738.

The young-students library, containing extracts and abridgements of the most valuable books printed in England, and in the foreign Journals from the year 1665 to this time, to which is added a new essay upon all sorts of learning, wherein the use of the Sciences is distinctly treated on by the Athenian Society; also a large alphabetical table comprehending the contents of all the Athenian *Mercurius* and *Supplementa* &c. A. 1691. Lond. 1692. fol.

* Preussische Zehenden allerhand geistlicher Gaben von mancherley in die Gottesgelahrtheit Kirchen- und Gelehrten-Geschichte laufenden Materien, zum Dienst des Heiligthums und Bepflegung der Kinder Ievi, wohlmeinend mitgetheilet, Königsberg 1740. 8. III Volumina five XXX partes, editore M. Michaele Lillehsbdt.

Wöchentliche Post-Zeitungen von gelehrten Neuigkeiten, Lipsi. 1715. 4.

Neue Zeitungen von gelehrten Sachen, Lipsiz in 8. a' Januario Anni 1715. in præsens usque tempus continuantur non minore fructu legentium, quam voluptate, additis etiam *Novis litterariis* Latine scriptis, VI Tom. supra *Nova litteraria*.

* Altonaische gelehrte Zeitungen, 8. Ab anno 1745.

* Bayreuthische gelehrte Zeitungen.

* Brandenbische gelehrte Zeitungen, 4. Ab anno 1736.

* Göttingische gelehrte Zeitungen, 8. Ab anno 1738.

Gelehrte Zeitungen, Francofurti, ex Gallicis, de quibus supra, *Nouvelles litteraires*.

Neue Zeitungen aus der gelehrten Welt zur Beleuchtung der Historie der Gelehrsamkeit gesammelt von Bibliophilo; Zürich 1725. 8.

Zeitungs-Extract, Lipsiz in 4 ab A. 1708.

Zeitungs-Extract mit Anmerkungen, Coburg 1715. 8.

Zeitungs-Schlüssel, Braunschweig 1725. 4. XXI. Deffnung.

Der geprüfte Zeitungs-Geist, erste Probe, Strassburg 1717. 4.

Erbaulicher Zeitvertreib Gott ergebener Seelen im wahren Christenthum 1714. 8. drey Gelegenheiten.


* Der Zeitvertreiber, Leipz. 1745. 8. Dissertationes morales ac satiricæ LII.


* Der

NOTITIA EPHEMERIDUM.

- * Der Zerstreuer, Götting. 1737. 8. Dissertationes morales & satiricae XL.
- D. Jo. Wilhelm Zierold's deutliche Erklärungen der heiligen Schrift aus der Euphuo oder Macht der Grundsprache; Lips. 1719-1718. 8. XXIV. Vorstellungen.
- Zodiacus Medico-Gallicus; sive Sylloge Miscellaneorum Medico-Physicorum Gallicorum recens in re Medica exploratorum, quae Gallice singulis mensibus prodierunt Parisiis A. 1679-1680. 1681. in 12. sub titulo: *Nouveaux decouvertes sur toutes les parties de la Medecine*, auctore Nicolao de Blegny & Latine Theophilo Beneto. interpretis. Genev. 1680. seq. 4.
- Zufällige Anmerkungen.
- Zufällige Relationen, supra Anmerkungen, Relationen.
- * Der Zuschauer, vide sis The Spectator.
- * Die Zuschauerin, erstes Buch, eine moralische Monatschrift aus dem Englischen übersezt, Hannover 1747. 8.
- * Die deutsche Zuschauerin, eine Fortsetzung des Hannoverischen Wochenblatts, ib. 8.
- * Allerneuester Zustand von Europa, Leipzig 1734-1735. XXX partes seu III Volumina.
- * Der Zerstörer, Berlin 1745. 8. Dissertationes morales.

F I N I S.





D. G. MORHOFI
 POLYHISTORIS
 TOMVS I
 SIVE
 POLYHISTOR LITERARIVS.
 LIB. I.
 BIBLIOTHECARIVS.


CAP. I.
 DE POLYMATHIA.

- §. 1. Prefatio adhortatoria ad polymathiam. 2. Hominis animus πολυμαθείας capax.
 3. Artium liberalium omnium inter se cognatio. 4. Stoici mechanicas etiam eo refere-
 bant. 5. Hippas omnes artes callebat, 6. ut & J. C. Bottifanga. 7. Thevenotius
 Pandectas mechanicarum artium meditatus. 8. Artes liberales omnes perdiscende.
 9. Universalis ad illas εὐφυία datur, 10. quæ adversus Bonmaïum & Huartium assertur
 eorumque objectionibus respondetur. 11. Una disciplina, cui præ ceteris immoremur,
 seligenda est. 12. Intelligentia omnes disciplinas peragrarè, non autem opere ipso exercere
 permittit humane mentis angustia. 13. Mediocria ingenia πολυμαθείας studio sæpe abu-
 tuntur. 14. Πολυμαθεὺς αὐτοδίδακτοι. 15. 16. Αὐτοδίδακτοι plerumque novatores,
 14. in opinionibus pervicaces, 16. amenitates in disciplinis i. e. id potius, quod delectat,
 quam quod prodest, querunt. 17. Πολυμαθεὺς iniquis calumniis impetiti. 18. Wou-
 werii Hamburgensis laus, genæ, 19. vindicatio a plagii crimine. 20. Budæi pro πολυ-
 μαθείας & philologia studium. 21. Cresfolli insana in Melanchthonem calumnia refellitur.
 22. Scriptores τῆς ἐγκυκλοπαιδείας. 23. Πάνσοφες Academici musici an πολυμαθεὺς,
 24. Horum perniciosissimus furor publice merito coercendus.

Tomus I.

A

Cum



- 1 **IM** divinam & humanam sapientiam omnem veterum monumētis traditam ac ad posteros propagatam habeamus, quorum præceptis ac doctrina intellectus noster imbutus rerum aliquam notitiam ac prudentiæ sibi vim acquirit: in id incumbendum omnibus est, ut natales ejus investigent alius: primos illius auctores magistrosque, suis quosque ætatibus, sua docendi ratione distinctos exquirant; in bibliothecis latitantes in lucem proferant: similia quædam vel ad eorum ingenium, vel nova etiam a se excogitata scribant, & aliquem scientiarum complexum aut
- 2 **POLYMATHIAM** animo comprehendant. * Neque enim ita in arctum compingendus est animus noster, ut intra unam aliquam artem subsistat. Qui enim illud faciunt, iniqui profecto iudices, non perspiciunt, quantum natura humani ingenii valeat: quæ ita agilis est & velox, ut ne possit quidem aliquid agere tantum unum, si Fabium audimus. Non audiendi sunt homines imperiti, qui humano ingenio majorem, vel inutilem, & rebus gerendis adversam *πολυμάθειαν* criminantur.
- 3 * Est scilicet quædam scientiarum cognatio & conciliatio, unde & *ἐγκυκλοπαιδείαν* vocant Græci, ut in una perfectus dici nequeat, qui ceteras non attigerit. Sellulariarum, vilium & sordidarum artium alia ratio est, quibus nulla inter se est conjunctio; ex quarum ingenio liberales illæ censendæ non sunt. Fabrilis qui tractat, impune ignorare futuriæ potest: at in liberalibus illis conspirant omnes, manusque jungunt. In Architecto suo quid requirat Vitruvius, novimus. Nulla pene disciplina est, quam ille non attingi velit. In Oratoribus & Poëtis, perfectis scilicet, ea omnia, quæ in Architecto suo Vitruvius, requirunt earum disciplinarum Magistri.
- 4 * Et has quidem scientias artesque omnes ita congerendas in Philosophum suum judicarunt *Stoici*, ut nec mechanicarum artium rudem esse voluerint, ac indignum cocrediderint, si aliorum ministeriis ad vitæ civilis necessitates uteretur. Ut enim ille
- 5 & dives, & Rex, & nobilis; ita & sutor, & faber, & pistor sibi erat. * Cujus elegans & festivum ab Apulejo in *HIPPIA* producit exemplum, qui præter eximiam artium omnium ingenuarum cognitionem omnium opificiorum erat callentissimus. Nam quæ secum habebat, omnia sua manu confecerat, & vestes, & calceos,
- 6 & annulum, & signaculum in gemma fabricatum. * Simile, imo majus, in *JULIO CAESARE BOTTIFANGA* exemplum proposuit Erythræus *Pinacoth. II. n. 17.*, qui præter singularem in omnibus artibus liberalibus peritiam femoralia, thoraces, sibi ipse formabat suebatque; omni instrumento Mulico non canebar solum egregie, sed & illa melius, quam quivis alius artifex conficiebat; penicillo pictores; acu pingendo Arachnen ipsam provocabat, ut mulierculis, quæ artem illam profitebantur, pudorem incuteret. Hos suo abundare sensu haud ægre patimur, facile virum sapientem excusaturi, si in opere fabricando corpus non fatiger, qui ingenio tamen operationum illarum rationes exploratas habere potest. * Sunt enim & Mechanicæ artes quasi quædam naturalis scientiæ & disciplinarum Mathematicarum propagines, quæ ornari, augeri earum beneficio possunt, omnesque ab hominibus sapientissimis inventæ. Quarum accuratior historia & notitia Philosopho non est indigna, magnis &

& præclaris contemplationibus occasionem datura. Neque defuere, qui hunc quoque fundum sibi excolendum fumerent. Vir illustris & Itinerariis scriptis celeberrimus inter Gallos THEVENOTIVS vastum aliquod de opificiis omnibus Opus, velut quasdam Naturæ & artis pandectas, moliebatur. Sed fata his laboribus intercesserunt.

Veniamus ad disciplinas elegantiores: ad quas junctim excolendas natura duce incitatur, ut extremo viris pudori sit in una aliqua consensescere. Autor non ignobilis JOACH. FORTIUS RINGELBERGIUS in *Encyclopædia* sua illos in una tantum arte excellere velle judicat, quibus major corporis, quam animi cura. *Nulle, inquit, femine tam sunt a Musis aliena, quæ non unam discere queant: imo pias id efficere posse intra annos viginti, quos hæc hominum monstra non impendunt studio, arbitror.* Verissime sane ille: nam revocat ab iis studiis corporis cura, quæstus & parandarum opum studium: cui qui sunt immerfi, ad hunc omnia scopum dirigunt, & illos in se igniculos extinguunt. Quam cum doctissimus vitæ Pinellianæ Scriptor Gualdus causam adducit, qua tam multi a solidis verisque studiis avocentur, Vincentium illum Pinellum suum, at quem virum! immensis in cælum extollit laudibus, qui spreta omni illa nundinatione & inanibus titulis, iis se dedit totum studiis, unde immortalis illius gloria consecuta est. Illud scilicet est, quod Lætantius lib. 1. de falsa religione cap. 1. notat: *Magno & excellenti ingenio viri cum se doctrinæ penitus dedissent, quicquid laborum poterat impendi, contemptis omnibus & publicis & privatis actionibus, ad inquirende veritatis studium contulerunt: existimantes, multo esse præclariorum divinarum humanarumque rerum investigare ac scire rationem, quam opibus aut honoribus cumulandis inherere.*

Non dubium est, mediocribus etiam ingeniis hic licere esse felicibus; multorum etiam conatus in ipsa herba suppressi, vel paupertate vel invidia: sunt vero non rari, qui inter omnia illa obstacula lacertos tamen erigunt, suo quodam genio incitati, suis abrepti alis. Inest scilicet illis *ὁμοῦ πρὸς πάντας μαθήματα*, qualis ingenio magno convenit, & quale nobis Plato lib. III. de republica describit. Est animorum nostrorum, si ita loqui liceat, ὕψος, quo illi vel per naturam vel assuefactionem apti sunt multa simul complecti, abstrahere a singularibus, seque ab illo humili statu in sublimem perducere. Itaque se exerit in illo, quod *ἀεχὶς τεκτονικὴν* appellare possumus, aut ex Stoicorum disciplina τὸ ἡγεμονικόν, regio quasi spiritu, & fulminis instar omnia penetrans, & sua quadam luce omnia perlustrans. *Istam ad universalia propensionem Græcus Topicorum Interpres, qui Alexander Aphrodisiensis vulgo habetur, in lib. 8. vocat *ἐνθυμίασις ὁλως*. Optime quidem, sed male illud: quod postponat propensioni ad certam disciplinam. Qua in re tamen ὁμόληψον sibi Huartium habet, qui in *Scrutinio* illo suo ingeniorum, unum hominem ad unam disciplinam habere propensionem naturalem existimat: cum tamen & ratio ipsa totque exempla præclarissimorum virorum ostendant, posse dari tales, qui ad omnes artes ex æquo excolendas pari fuerint ingenio. Quod enim Franciscus Bonneus in *Tractatu de Ratione discendi* causam hujus sententiæ illam dedit: quasi scilicet in iis, qui sint *ὁλως ἐνθυμίας* deficiat τὸ κριτικόν, quod tamen plane necessarium, ne in varios errores labantur: id falsum esse demonstrari facile potest. Qui enim distinctas rerum ideas animo tenent; modo sibi subordinatas, nec confusas; illis non imminui, sed augeri τὸ κριτικόν, necesse est, quod ex conciliatione omnium partium resultat. Major enim profecto *ἀεχίνας* metus est ab illis, qui

circa *δεξιμένον μάθημα* verſantur: qui plerumque ex illius indole, cum ceterarum rudēs ſint, omnia alia metiantur: ut ille apud Ciceronem Muſicus, qui animæ naturam demonſtraturus, Harmoniam eſſe dicebat, extra artis ſuæ limites non abiturus. Quod de Origine ille exemplum ad ſententiam ſuam ſtabiliendam proponit, nihil quidem probat: cum ingenii illius e Platonifino pullulantes errores imputari *τῇ φύσει* nequeant. Magnum profecto diſcrimen eſt, quæ καὶ ἑκάστων, quæ neutriquam confundenda eſt. Fit plerumque, ut ad dijudicanda multa aptos nos eſſe credamus, ſi in uno forte vel altero ingenium & induſtriam exercuerimus: vel ſi ad multa *πεφυκότες* aptique ſimus, ſingula nos bene tractare poſſe exiſtimemus. Sed in earum rerum contemplatione ingenii indoles ſemper inſpicienda eſt: quæ ubi ſe firmaverit, ita in illis verſabitur, ut a ratione & iudicio, quod ex ipſa rerum penſitatione reſultat, non facile diſcedat.

- 11 Neque tamen id volo, ut qui omni incubuit diſciplinarum generi, in illis omnibus ſimul habitet: nam & tempore & negotiis, aliſque impedimentis excludimur, ut fieri a nobis non poſſit. Quare occupabimus quidem totum hunc fundum animo, affectu, impetu: ſed convenientiſſimam ejus partem quaſi limitibus quibusdam circumſcribemus, quam excolamus, & in qua induſtriam noſtram exerceamus. Nam ſi Plutarchum *περὶ παιδῶν ἀγωγῆς* audimus, *περιπλεῦσαι μὲν πολλὰς πόλεις καλὸν, ἐνοικῆσαι δὲ τῇ κρατίστῃ χερσίμωον*. Pulchrum quidem eſt circa multas urbes navigare, utile autem præſantiſſimam inhabitare. Cui geminum eſt, quod habetur apud Nicolaum Damafcenum in *Excerptis Peireſciani* pag. 40., & apud Suidam in voce *Νικόλαος Δαμασκηνός*: *Diſciplinarum orbem ſimilem, ille ait, eſſe peregrinationi. Nam quemadmodum iis, qui longam peregrinationem ſuſceperint, uſu venit, ut in quibusdam diverſioris præſtendi cauſa commoretur, in aliis pernoctent, & in nonnullis quidem locis præſeulos dies conſiſtant, alia vero obiter tantum ac prætergredientes adſpiciant, tandem autem reverſi in ſuis penatibus degant: ita etiam eos, qui literis operam navant, in quibusdam brevius, in aliis immorari diutius oportere, & hos quidem integras perdiſcere, illas vero dumtaxat deſcribere, tandem ad unam, tanquam ad patriam ac lares, reverſos conſidere.*

- 12 Vidimus magnos Viros, qui magnos ex una ſcientia fructus referre potuiſſent, dum omnes ſectantur, ne unam quidem ita aſſecutos, ut inſignem ſibi ex illa gloriam reportarint. Ut prudentius omnino faciant, qui ſingulis exploratis & depromtis e communi pharetra telis, ad unum aliquem ſcopum contendant. Excludit ipſa ſcientiarum vaſtitas hoſpites ſuos: qui nuſquam habitabunt, nuſquam domi erunt, ſi ubique habitare volent, aut levi tantum percuſſatione plurima attingent. Cum enim duobus illis omnes contineantur diſciplinæ, *exercitio & intelligentia*; hæc quidem communicari cum aliis poteſt; ſed illud, cum in opere ipſo verſetur, totum ſibi hominem vindicabit. Intelligentia peragraræ omnes diſciplinas ingenioli homines poſſunt: ſed operari æqua ratione in omnibus, mentis humanæ anguſtia non permittit: cum vel excellentiſſima ingenia nunquam ita plures complexa ſint ſcientias, ut non in ali- quibus defecerint: quod M. Varronis, J. Caſaris, Plinii, Origenis, Clementis Alexandrini, Hieronymi, Auguſtini, Pici Mirandulæ, Matthæi Aquavivii, Scaligeri, Fracaſtorii,

storii, J. Baptistæ Mantuani exemplis in doctissima de Encyclopædia Oratione Tarquinius Gallucius probavit. Et hæc quidem omnia veriora erunt, si quis certo fine studia sua circumscribat; ut vitæ necessitatibus consular: illis enim ex utilitate definienda sunt omnia. Quod si cui beator vivendi fors contigit, ut ad illa respicere non debeat, & illa ingenii efficacia sit ac ἐνέργεια, ut multitudine rerum se non obtundat, nihil prohibet in omnes partes versare illam animi vim liberosque spiritus.

Mediocribus ingeniis, neque ad tam magna natis, autor potius essem, ut se-
cum habitent, neque ea sequantur, quæ adsequi per imbecillitatem suam nequeunt. 13
Meminerint illa, infelicitè cum Gigantibus contendere Pygmæos. Illis enim affectata πολυμαθεία plerumque in inanem & stultam cedere loquacitatem solet. De illis verum est illud Benedicli Menzini Florentini, Viri doctissimi, in libello de literatorum hominum invidia c. 6. Ego, inquit ille, si de recentioribus, iisque, qui altero ab hoc seculo scriptores floruerunt, sententiam feram, adfirmare ausim, illos pauciora, sed melius; hos vero plura, sed deterius nosse. Et vero sic se habere etiam comperi, cum congerrones novi scribunt tantum farragines, quas variae literaturæ nomine cobonestare didicerunt. Scribunt, imo potius exscribunt, & Phorcidum is oculus est, quem mutuo accipiunt, atque quævis clarissime aciei esse credunt, quos unius tantum luminis usus aquis viribus & dispersito adjuvat beneficio. Quo pertinet Rolandi Maresii, Clarissimi Viri, in Epist. 46. lib. 1. & nona lib. 2. querela, ubi multa de πολυμαθείας illo abusu stolidaque ostentatione differuntur. Cujus doctæ frugis plenæ sunt Epistolæ, & de omni re literaria utilissima quæque tradunt.

Accedit, quod qui πολυμαθείας studio primum se dederunt, si cerebrosiore 14
paululum sunt & opiniosi, non facile ad aliorum se consilia in discendis artibus accommodant, sed sibi plerumque semitam sapiunt. Accidit enim illis, quod plantis sponte provenientibus, quæ in sylvestrem naturam abeunt, cum nulla cultura coërcentur. Quo fit, ut dum aliorum contemnunt judicia ἀυτοδιδασκοι, e pervicacia erroribus patrociniū quærant. Negare equidem nolim, fuisse felicissimi adeo ingenii nonnullos, ut sine duce viam ad summum eruditionis fastigium ingressi sint, quemadmodum Cirhæædus ille Homericus Odyss. 22. v. 347. qui de se :

Αυτοδιδάκτος δ' εἰμι: θεὸς δέ μοι ἐν φρεσὶν ἄμειν
Παντοίας ἐνέφυσεν.

Ipse autem a me sum doctus. Deus enim in mentibus cantilenas
Omnigenas infudit.

Nam & Heraclitus Ephesius, narrante Plutarcho, philosophiam omnem, inter veteres, nullo doctore percepit; idemque de Manlio Equite Plinius, de ipso Augustinus gloriatur. E recentioribus Cujacio in Jurisprudencia, Budæo in humanioribus literis, Mureto in arte Oratoria, at quibus viris! summam sine Præceptoris opera perfectionem obtigisse, referente in dissertatione de studio literali Gabriele Naudæo, miraculo propius est. De se ipso narrat Jovianus Pontanus, magnus & Poëta & Philosophus,

A 3

quod

quod versus facere, cœli cursum metiri, destitutus præceptoribus didicerit, testante Paganino Gaudenzio in suo *Inst. Acad. Tit. de Promptitudine Professoria*. Guilielmum quoque Postellum in linguarum pene omnium cognitione, Petrum Ramum in Philosophiæ studiis, sine Magistri adjumento rem omnem confecisse accepimus. Qui tamen & sua quadam intemperie acti fuerunt. Tanaquil Faber *part. 1. Epist. 49.* in Græcis se *αυτοδιδάκτωρ* esse, & ex eo curtam sibi esse Hellenismi supellestem queritur.

- 15 Hærare tamen plerumque illis *αυτοδιδάκτωρ* solet, in philosophicis præcipue, inanis persuasio: dum veterum dogmata non satis assecuti *κυρίας δόξας*, pro Junone
 16 nubem, amplectuntur. * Solet & illud his plerumque obesse studis, quod solidas integrasque disciplinas haurire molestum sibi ducentes *ἐς πολυμαθείας*, amœnitates illarum, quod liguriensium est, quærere tantum consueverunt; de quo jam suo tempore Plinius. Ab illo enim amœnitates studiorum vocantur, quæ ornant potius illa & comunt, quam quæ ad naturam constitutionemque eorum pertinent. In quibus qui hærent, illud potius, quod delectat, quam quod prodest, in disciplinis respiciunt, quæ tamen conjungenda esse ipsa ratio dictitat.

- 17 Ponamus ergo, reprehendendos esse, qui suo quodam genio ducti hæc *πολυμαθείας* studia infeliciter tractant: non committendum tamen est, ut impune conviciis suis grassentur homines barbari, inertes, ac fastum inanemque doctrinæ speciem pro vera solidaque sapientia ostentantes, in divina pulcherrimaque studia eorumque cultores. Hi cum bonæ menti optimisque literis bellum indixerint, suæ ruditatis conscii, non æquis oculis adspiciunt, quos variarum rerum cognitione interiore locupletatos esse vident. Quare & ipsum *πολυμαθείας* nomen ipsis pro convicio est, pro Grammaticis raptantibus consummatissimæ eruditionis Viros. Quod non facerent, si, qui sub amplissimis istis titulis latitant rerum thesauri, cognitum haberent.

- 18 Impugnabatur his calumniis illustris maximique ingenii JOHANNES WOUWERIUS, qui elegantissimo *de Polymathia* libro & suam famam ultus est, ejusque studii dignitatem asseruit: de quo duo monenda nobis sunt, in quibus erratum a Viris doctis est. Primum est, quod duo confundantur ejus nominis, Antwerpianus & Hamburgensis Polymathiæ Autor. (a) Andreas Schottus hunc Belgam facit in *notis ad proverbia Græca* p. 68., sed falso. Liptius in Epistola 8. Kal. Novembr. 1599. ad Antwerpianum illum scripta, utrumque probe distinguit: *Janus Wouwerius*, inquit, *cognominis tuus, si non gentilis, quam bona tecum fœderatio!* Optimum par, nec vel Dii dederint magis ex usu aut voto. *Modestiam & probitatem in eo adolescente semper amavi, & ut vidi primum (Hamburgi id fuit, ante annos novem) una laudatum illam indolem ivi. Vivat, crescat, & lampada a nobis, in hoc cursu jam fessis, accipiat: me libenter & judicio tradente.* Fuit vero noster ille Hamburgi natus, Patre Nicolao, ob persecutiones in Religione e Belgio profugo, Antwerpiani illius, ut recte putat Liptius, gentilis, illu-

(a) De necessariis duorum Wouweriorum Cognominum, Hamburgensis scil. & Antwerpensis, non a Schotto solum, sed aliis etiam pluribus, confusorum, Distinctione fufius discui in *Homonymosopia*, *Sect. II.*, c. 7., §. 142. p. 731. 734. 735. 970.

illustri Baronum stirpe oriundus. Antwerpianus vero ille est, apud quem Lipsius Bibliothecam & scripta sua testamento, usque dum adolefceret heres, deponi iussit, teste Auberto Miræo in Elogio Lipsii. * Alterum, quod monendum duxi, est, de 19 plagii suspitione, qua per summam injuriam & invidiam oneratus vir optimus a Maussaco, Germanus a Gallo, est: qui & cum ejusdem argumenti librum editurus esset, Casaubono omnem hunc laborem subreptum ait: quem tamen ipse Casaubonus, non dissimulaturus hanc sibi factam injuriam, ab isto crimine liberat. Testimonia illa innocentiae ejus legas apud Cl. Thomasiū licet in præfatione repetitæ Editionis. Ex invidia profectum hoc Maussaci judicium Martinus Schoekius *Confutatione Fab. Hamel. p. 2. c. 4.* existimat. Ex ipso autem Wouwerio multa cepisse, suppressio ejus nomine, Vossium, etiam Schoekius loco laudato, & Joannes Jonsius *lib. 1. de script. Hist. Phil. 10. p. 49.* testatur.

Multa hic a nobis de vastitate πολυμαθείας dici poterant, verum cum illud toto 20 libro a Wouwerio actum sit, illuc Lectorem remittimus. Legi & super hoc argumento potest, imo debet, GUILLIELMUS BUDÆUS, Vir illustris, Consiliarius regius, & libellorum supplicum Magister, in libris de *Philologia*, quos Henrico Aureliensi & Carolo Angolismensi, Regis filiis, inscribit: ubi de studii hujus amplitudine & dignitate multa agit, & instituto quasi cum Rege colloquio illum hortatur, ut studia hæc, Regno suo splendorem conciliatura, ornanda suscipiat, viros illa profiteres præmiis afficiat, magistratum, honores ac sacerdotia illis tribuat. Non destituit facundum ac illustrem Patronum, ipsumque libellorum supplicum Magistrum, Philologiae causam agentem optatus successus. Apud nullam enim nationem honoratio- re loco illi fuere, quæ exempla hodieque perdurant. Excitata hinc optima fuere semper ingenia, quorum tam uberem messem nulla gens alia dedit.

Agit hanc inter ceteros πολυμαθείας causam LUDOVICUS CRESOLLIUS Je- 21 suita, Vir alioquin doctissimus, in *Gratiarum actione* pro Collegio Societatis Jesu instaurato, quæ Vacationibus autumnalibus subnectitur; sed ita agit, ut insanam in Melanchthonem, ut πολυμαθείας hostem, calumniam spargat (b). Qua nihil insulsius ac impudentius fingi potest, cum nemo inter eruditos sit, qui Melanchthonem Germaniæ Præceptorem & verum πολυμαθείας parentem ignorare possit. Vocat pag. 46. duos mustææ factionis antesignanos, & veluti par gladiatorum Carolostadium & Melanchthonem, qui primum spargere in circulis atque in casu adolescentum ceperint, doctrinariam cognitionem plus obesse, quam commodi asferre ad religionem tuendam. Ex his, ait porro, ut exemplum potentius foret ad persuadendum, quam Oratio, de repente, tanquam Circeo poculo ebibito, alterum factum esse colonum, alterum pistorem, ut ejusdem esse farinae cognoscerentur. Manifesta hæc hominis phrenesis est de Melanchthone, qui in luce Germaniæ, in florentissima Academia, cum magna nominis sui fama & gloria vivebat, tam horribilia & risu di-

(b) Calumniam hanc in famam Melanchthonis injuriam, ante Ludov. Cresollium a Laurencio etiam Surio, Nicol. Serario, Casp. Ulenbergio, Florim. Ramundo, aliisque Scriptoribus Pontificiis, sparsam, solide & ex profecto confutavit, totiusque simul figmenti originem solerter detexit Jac. Thomasius in Programmate peculiari, Lipsiæ A. 1678. vulgato, & A. 1693. in *Dissertationum Academicarum Syntagmate*, Halæ Saxonum recuso.

gna mendacia spargentis. Quid Melanchthoni cum Carolo studio, qui nunquam in partes ejus concessit? Quis Melanchthonem unquam pictorem somniavit, nisi Cretollius cum hac sua calumnia in pistrinum relegandus? Id vero summe stultum est, quod subjungit: magnam hinc in plerisque Academiis solitudinem consecutam, & scholas pene omnes textu aranearum oppletas & vacuas siluisse, cum illo tempore per Melanchthonis doctrinam vere florere scholæ Germaniæ cæperint.

- 22 Huc aliqui etiam τῆς ἐγκυκλοπαιδείας Scriptores referrent. Nam cum illi complexum scientiarum uno libro proponant, πολυμαθείαν vel solo illo titulo sibi vindicare posse videbuntur. Magna illorum librorum seges est, ab Autoribus profecta, quibus, quæ principia, quæ ordinem, quot capita, tot sensus sunt. De his in *Polybistore Philosophico* agetur pluribus. Sed & illi in vasto, quod moluntur, regno nimis arcte habitant, a vera πολυμαθείας gloria omnino arcendi. Quemadmodum enim eorum, qui maria & terras spatiofis itineribus pervagati sunt, longe major est peritia, quam eorum, qui in chartis delineatas conspexerunt: ita, qui vere πολυμάδεις, iis, qui non nisi ex illis scriptoreculis sapiunt, minime sunt comparandi.
- 23 Multo minus nomen hoc merentur, qui in Academiis, pessimo more, invento ad quæstum & decipiendam juventutem titulo, παντοφίαν profitentur. Πάντοφοι illi sunt, aliosque παντοφίαν docere volunt, qui per tres quatuorve disciplinas (nam mathematicæ scientiæ, Eloquentia, Poësis, Historia, rerum naturalium accuratior notitia in hunc censum non referuntur) volatica aliqua percurfatione stolidos tirones circumducunt: qui se totum sapientiæ Oceanum his doctõribus exhaustisse opinantur.
- 24 * Publica coërceri lege hominum ille furor deberet; quibus magistris parentissima ad ignorantiam via iteritur; omnis solida doctrina evertitur; in cathedras, in forum, cruda studia propelluntur; pro Philosophis jejuni & strigosi terminorum Nomenclatores; pro Mercuriis stipites & trunci ubique in seculi nostri infamiam triumphant.

CAP. II.

DE HISTORIA LITERARIA.

- §. 1. Historia literaria latior, quam Polymathie, vastitas. 2. Consilia Bostii, 3. Baconis Verulamii de illa instituenda. 4. Christophori Mykei universitatis rerum historia nimis generalis & confusa. 5. Petrus Lambecius Historia literaria Prodigium scripsit. 6. Promittit Syntagma univèrse Historia literaria. 7. Ordo in librorum catalogis a Naudæo observatus, 8. Typus Syntagmatis Lambeciani, tam Philosophici, quam Historici, recensetur. 9. Ex Historia literaria status literarum perdisci potest. 10. Secula barbara. 11. Philosophi in illis acuti recentioribus faciem præferunt. 12. Rogerus Baco. 13. Richardus Suisset. 14. Scalligeri de hoc testimonium. 15. παλαιογενεσις literarum. 16. Magnatum studium & liberalitas artes & literatos excitat. 17. Quorum incuria hominumque prava indole res literaria pene concidit. 18. Dogmatum vires & periodi ex Historia literaria notande. 19. Cartesii philosophia a præcis Philosophis hausta. 20. Parallelismi

lismi scientiarum e serie temporum instituendi. 21. Idem artium, ut hominum, est ortus & occasus. 22. Arcana & inventa veterum cum recentioribus conferenda. 23. Alexandri Tassoni liber diversarum cogitationum. 24. Bibliotheca omnium artium sunt quasi promiconde. 25. Multa inventa nova etiam antiquis cognita fuerunt. 26. Magni Pegelii inventa. 27. quadam horum cum hodiernis conferuntur. 28. Historia literaria eruditorum studiis commendatur. 29. neque enim ab ingenio quovis tractari potest.

Vastum Polymathiae nomen est, ac longe lateque extenditur, suis tamen spatiis limitibusque definitum: Latius vero patet HISTORIA LITERARIA, quæ non ipsam tantum Polymathiam, sed & singularum scientiarum primos natales ac progressus ad nostra usque tempora complectitur. Nemo est, qui Oceanum hunc transmisserit; non pauci, qui litus legerunt. Historiam Philosophicam e veteribus & recentioribus per partes aggressi sunt multi; sed omnem a natalibus suis Historiam literariam nemo. * Queritur de tam insigni defectu Cl. BOSIUS *Introducet. in Notitiam Rerump. c. 30. §. 92. Rei literaria, quæ magnam partem a religione pendet, historia iusta adhuc desideratur. Facturusque opera pretium esset, qui in unum volumen colligeret, quæ studia in quibus locis maxime florent, quique viri doctrina & scriptis illustres singulas provincias hoc seculo exornarint, atque etiamnum exornent: tum quibus præcipue locis literarum studia eorumque cultores singulari adfectu foveantur, & magnis impensis sustententur.* Non contemnenda sunt Historiæ literariæ illa argumenta, in quorum enarratione exerceri nostram industriam cupit. Sed ætiora illa paululum sunt, & ad pauca capita reducta, in quibus jam tum operam posuere laudabilem nonnulli, neque multum tamen Historia locupletata est.

Majus animo opus conceperat maximi vir ingenii, BACO VERULAMIUS, qui inter consilia de ampliandis scientiarum terminis, hujus quoque operis ideam proposuit, *lib. 2. de Augm. Sc. cap. 4.* Absque hac Historiam mundi statuae Polyphe- mi eruto oculo non absimilem facit, cum ea pars imaginis desit, quæ ingenium & indolem personæ maxime referat. Hujus vero Historiæ argumenta sunt 1. Scientiarum antiquitates ad mundi ætates & regiones collaræ. 2. Migrationes per diversas orbis partes. 3. Declinationes. 4. Jacturæ. 5. Restaurationes. 6. Occasiones inventionis singularum disciplinarum. 7. Methodi, quibus tractatæ. 8. Exercitii rationes. 9. Sectæ celebres. 10. Controversiæ circa illas earumque ortus & occasus. 11. Laudes, convitia, quibus exceptæ. 12. Autores præcipui. 13. Libri præstantiores. 14. Academiae, Societates, Collegia, Scholæ, successiones, ordines. Addit illis porro 15. aliqua de populorum ac regionum indole ad artes apta vel inepta. 16. De temporum varia fortuna artibus propitia vel adversa. 17. De Religionum mixtura. 18. De Legum vel favore vel malitia. 19. De viro- rum illustrium patrociniis, qui vel opibus vel consiliis artes juvarunt. Singulorum illorum, & si quæ alia his addi possunt, meram puramque historiam suis temporibus accurate connexam desiderat. Hac illa palæstra est, in qua vel Hercules inveniet, quod agat. Sed facilius est, primas istius operis lineas ducere, quam ipsum

perficere. Quod ubi quis aggressus fuerit, tot illum obstacula circumvenient, ut exitum vix inventurus sit; utur adjumento esse possint, quæ per partes aliqui sibi tractanda proposuerunt: quorum labores non tamen vilipendendi erant a Bacone, ac fortassis tum non editi omnes fuerunt, quos tempora posteriora in lucem produxerunt.

4 Non facile dixerim, an hæc animo agitaverit olim consilia CHRISTOPHORUS MYLÆUS, cujus extant *quinque libri de scribenda universitatis rerum historia*. (c) In præfatione istius operis multa magnifica tibi promitti videas, & quædam his, quæ diximus, affinia. Sed longissime ab illo abest instituto; nam nihil aliud, quam Encyclopædiam continuo orationis, elegantis tamen & concinnæ, filo deductam velut in compendio proponit: nec tamen omnem illam, nec methodo illa ordinatam, quæ capi a quoquam possit. In quinque libros illam dispefcit historiam, quorum 1. de Natura. 2. de Prudentia. 3. de Principatu. 4. de Sapientia. 5. de Literatura agit: Sub quibus quasi summis capitibus omnium scientiarum & artium comprehendit argumenta. Non placet ista methodus, quam ex suo Autor ingenio confinxit, ut quæ nimis generalis ac confusa, & velut per lancem saturam omnia congerit, melius per series ac ordines regularum ac principiorum deducenda.

3 Tentavit & nostra ætate circa Historiam literariam aliqua PETRUS LAMBECIUS, (d) cujus in lucem quoque prodiit hoc titulo liber, Hamburgi editus: *Prodromus Historie literarie, qua continetur partim quidem generalis narratio, origo, incrementa, mutationes, interitus & instaurationes omnium linguarum, scientiarum, Facultatum & artium liberalium, secundum Chronologicam successionem seculorum omnis ævi; partim autem specialis recensio virorum & seminarum illustrium*. Sed primordia istius operis procul dubio utilissimi tantum jacta sunt, quibus si opus plenum & perfectum superstruxisset, bene de re literaria mereri potuisset: quanquam tamen neque ad omnia Verulamii placita respexerit, aut illo ordine methodoque tractaturus fuisset. * Promissi tamen sui memor, sub finem lib. V. Commentariorum de Bibliotheca Vindobonensi, denuo sperare nos jubet Syntagma universæ Historiæ literariæ, divisum in 40. secula ante Christum, & in 17. secula post Christum natum: quod XXIV. Commentariorum de Biblioth. Vindobon. libris loco indicis Chronologici universalis subjungendum, ac simul Prodromum antea editum innumeris locis augendum. Sed fata huic labori intercesserunt. Quanquam ea fuit librorum, quos promittebat, moles, ut spes illi inchoare longas non licuerit. Optime vero ab illo institutum hoc fuit, quod Syntagma illud magni operis de Bibliotheca Vindobonensi complementum voluerit: dimidium enim istius operis pene confecit, qui Bibliothecam justo suo ordine concinnatam, eamque non modicam, sed fere universalem habet;

(c) Christoph. Mylæi Libri V. prodire Basileæ A. 1551. in fol. & denuo sub Titulo *Hermes Academiæ*, curante Joh. Georgio Müllerö, Noribergensi, J. U. D. & Consiliario Saxo-Coburgico, Jenæ 1624. in 8vo.

(d) Pet. Lambecii *Prodromus Historie Literariæ* Hamburg. A. 1659. in fol. est excusus.

haber; qualis ista Vindobonensis, quæ locupletissima est, & ab Autore librorum deficientium titulis aucta.

Vel ex solo illo ordine, quem in libris collocandis observare jubet GABRIEL 7 NAUDEUS in libro *de instruenda Bibliotheca* Gallice scripto, historia aliqua educi potest. Notari autem ista vult, ut 1. libri Facultatum & artium ponantur. 2. Veteres & novi Autores in lingua, qua scripsere, & hinc versiones omnes. 3. Qui partes scientiarum tractant. 4. Commentatores. 5. Scriptores particularium rerum. 6. Qui adversus scientias scripserunt, ut Sextus Empiricus e veteribus, & Agrippa inter recentiores. 7. Novatores in artibus. 8. Primi certarum rerum Scriptores. 9. Scriptores rerum variarum. 10. Præcipui Hæretici. 11. Collectores specialium voluminum & Autorum. 12. Celeberrimorum virorum laciniae & fragmenta. 13. Locorum communium Scriptores, Lexicographi &c. 14. Scriptores, qui ex communi seculi genio scripsere. 15. Etiam minima, & quæ parvi aliis æstimantur. Ad has Classes redacti Autores notiones aliquas animo suggere possunt, ad quas idea alicujus historiae concipi possit.

Sed perfectior illa longeque ordinatione est series, quam in *Philosophica Bibliotheca* 8 concinnanda sibi præfixit LAMBECIUS; cujus ille typum operi secuturo præmisit. Quem ut hic proponam, quoniam in paucorum manibus liber est, non est forte ab instituto nostro alienum. Primo enarrantur Philosophorum antiquissimorum Barbaricorum, Zoroastris, Hermetis &c. opuscula quædam & fragmenta supposititia, cum veterum & recentiorum translationibus & Commentariis. 2. Philosophorum antiquissimorum Græcorum, Jonicorum & Italicorum, qui ante Platonem & Aristotelem floruerunt, & inprimis Pythagoræ ac Pythagoræorum opuscula & fragmenta, cum veterum & recentiorum translationibus & Commentariis. 3. Philosophia Academica, Opera Platonis, editiones & translationes variae, Interpretes, Commentatores, Græci, Latini, aliarumque linguarum, antiqui & novi. 4. Philosophia Peripatetica, Aristotelis operum editiones, translationes, Interpretes, Commentatores Græci, Latini, aliarumque linguarum, antiqui & novi. 5. Philosophia Stoica, Stoicorum Græcorum & Latinorum opera, cum variorum veterum & recentiorum translationibus & Commentariis. 6. Philosophia Pyrrhonia sive Sceptica, variis operum Sexti Empirici editionibus & eo pertinentibus variorum Autorum Commentariis comprehensa atque illustrata. 7. Philosophia Epicurea, variis veterum & recentiorum Autorum commentariis atque expositionibus illustrata. 8. Philosophiæ Eclecticæ sive Miscellanæ varii Autores Græci & Latini. 9. Historia Philosophica, sive de origine, incremento & divisione Philosophiæ, ejusque multiplici ratione & usu apud diversos populos, ut de Vitis, Scriptis, Inventionibus & Sectis veterum & recentiorum Philosophorum, varii variorum Autorum tractatus, partim generales, partim speciales. 10. Institutiones & Syntagmata generalia Philosophiæ universæ, item Regulæ & Axiomata, nec non de studio Philosophico recte instituendo consilia varia & novæ methodi. 11. Lexica Philosophica varique verborum & rerum ad Philosophiam pertinentium indices, definitiones & expositiones ordine Alphabetico. 12. Philosophiæ Theoreticæ universalis varia

variorum Autorum Syntagmata, Enchiridia, Analyſes & ejus generis alia. 13. Logicae Institutiones generales, alique variorum Autorum ad Logicam pertinentes Tractatus ſpeciales. 14. Phyſicae institutiones generales, & tractatus ſpeciales ſecundum differentiam materiarum & linguarum in varias minores claſſes diſtributi: 15. Metaphyſicae Institutiones generales, & tractatus ſpeciales. 16. Philoſophiae Practicae univerſalis variorum Autorum Syntagmata, Enchiridia, Analyſes &c. 17. Ethicae, Politicae, Oeconomicae institutiones generales, & tractatus ſpeciales ſecundum differentiam materiarum & linguarum in minores claſſes diſtributi. 18. De re militari Graeci & Latini Autores cum variorum translationibus, Commentariis & notis: recentiorum item Latinorum, Italorum, Hiſpanorum, Gallorum, Germanorum &c. Syntagmata univerſalia, tractatus ſpeciales, ut de jure belli, de regimine & diſciplina militari, de militia pedestri, equeſtri, navali, ordinationibus caſtrorum & acierum, de obſidionibus, oppugnationibus, deſenſionibus urbium, Architectura militari, Pyrotechnica. 19. De re athletica antiqua & nova tractatus generales, & ſpeciales, Torneamentis, Monomachiis &c. 20. De arte equitandi & cura equorum variarum linguarum tractatus. 21. De venatione Autores Graeci, Latini, ſecundum diverſa venationum genera in varias claſſes diſtributi. 22. De ſaltatione, ludo latrunculorum, alea, variisque aliis ludis, varii variarum linguarum tractatus. Sequuntur 23. Mathematici antiqui Graeci, Arabes, Latini, ſecundum Alphabeti ordinem & librorum formam, editionum aetatem cum Commentariis & translationibus, varia item opuscula illorum collectitiis Syſtematibus edita. 24. Hiſtoria Mathematica, de ortu & progreſſu diſciplinarum Mathematicarum, de Vitis, Inventionibus, Sectis veterum & recentiorum Mathematicorum, tractatus tam generales quam ſpeciales. 25. Lexica, Iſagogae, Synopſes, Syntagmata Matheſeos generalia, axiomata, ſtudii Mathematici inſtituendi conſilia, novae inventiones, methodi, inſtrumenta. 26. Matheſis ſpecialis, ſecundum varia Mathematicarum ſcientiarum genera ſpeciesque in varias claſſes minores diviſa & ſubdiviſa, quae illic ordine enarrata brevitatſ cauſa hic omittimus. Hi ad Philoſophiam omnes pertinent tituli. Sequuntur jam, qui ad *hiſtoriam* referuntur, magna induſtria notati. Recenſentur 1. Autores de Hiſtoriae origine, incremento, utilitate, dignitate & diviſione: de veterum & recentiorum apud varios populos Hiſtoricorum illuſtrium Vitis & Scriptis: de ſtudio Hiſtorico ſecundum tempora, materiam & Autores ordinando: de arte Hiſtorica conſilia, regulae & methodi. 2. Hiſtoria Geographica, comprehendens Geographos antiquos, Graecos, Latinos, ordine Chronologico ſecundum librorum formam & editionum aetatem diſpoſitos. 3. Recentiores Coſmographiae Hiſtoricae univerſales, ſecundum linguas diſtinctae. 4. Recentiorum Geographiae Hiſtoricae Univerſalis, Atlantes, Theatra, Specula, aliaque magna Syntagmata & eorum Epitomae & minores Iſagogae. 5. Hydrographia Hiſtorica de orbe maritimo, inſulis, re navali. 6. Singularum Orbis partium majorum generales deſcriptiones cum ſubjunctis Chorographiis & Topographiis. 7. De arte peregrinandi varii tractatus. 8. Varia Hodæporica ſive Itineraria tam ſparſim quam junctim publico & privato nomine edita. 9. Hiſtoria temporum, ſive Chronologia, comprehens

dens Chronologos antiquos Græcos, Latinos recentiores, secundum ordinem temporum, formam librorum & editionum ætatem dispositos, universales & particulares. 10. Autores de mensura temporum, ratione anni apud varios populos, Calendaria, Ephemerides Historiæ. 11. Historia Generationum, sive Genealogia universalis, particularis. 12. De notis gentilitiis naturalibus & insignibus varii auctores. 13. Variorum tractatus de iis, qui per mendacium & fraudes in alienas familias se inferuerunt. Sequitur jam 13. Historia rerum gestarum, sive Historia proprie dicta, & quidem universalis tam respectu loci, quam respectu temporis, tum universalis respectu loci, sed particularis respectu temporis. Quo pertinent relationes historicæ certi alicujus temporis miscellaneæ. 14. Historiæ sacræ Test. Ver. & antiquitatum Judaicarum Autores, Græci, Latini, antiqui, recentiores, ordine Chronologico positi, cum Commentariis eorum & translationibus. 15. Historiæ Ecclesiasticæ Novi Test. Autores, antiqui Græci, Latini, cum Commentariis &c. 16. Historiæ Ecclesiasticæ universalis & Annalium Ecclesiasticorum Autores diversarum linguarum & religionum. 17. De vita Christi tractatus Historici universales & particulares, ut sunt dissertationes de Genealogia ipsius, tempore nativitatis, Historia Passionis, crucis, de linteis sepulchralibus &c. 18. Tractatus de Antichristo. 19. Historiæ Marianæ generales & speciales Scriptores. 20. Martyrologia, Syntagmata antiqua Græca de Vitis Sanctorum secundum ordinem Mensium & usum Ecclesiæ Orientalis. 21. Martyrologia & Calendaria Sanctorum antiqua Latina, secundum menses & usum Ecclesiæ Occidentalis, cum Commentariis, & translationibus. Accedunt varii Tractatus de Martyrio in genere, de Martyrum cruciati-
bus. 22. Vitæ Sanctorum Miscellaneæ ab antiquis Autoribus Græcis & Latinis scriptæ & collectiis quibusdam schematibus junctim editæ. 23. Vitæ Sanctorum miscellaneæ & singulares a Græcis & Latinis scriptæ cum Commentariis & translationibus. 24. Autorum recentiorum Syntagmata de Vitis Sanctorum, secundum menses, & Vitæ singulares ab iis scriptæ. 25. Exempla Historiæ Sacræ & Ecclesiæ miscellaneæ antiquorum & recentiorum. 26. Autores antiqui & recentiores de Vitis Pontificum Romanorum. 27. Variorum tractatus speciales, de electione, autoritate Pontificis, donationibus Pontificibus factis, de Joanna Papissa, variisque ad Historiam Pontificiam pertinentibus. 28. Historia Cardinalium varique tractatus de eorum origine, electione, ordine, officiis, autoritate, potestate, privilegiis. 29. Conciliorum omnium generalium & provincialium Græcorum & Latinorum acta & monumenta antiqua, a recentioribus Collectoribus junctim edita cum Commentariis, notis & translationibus. 30. Conciliorum quorundam generalium & provincialium Græcorum & Latinorum acta & monumenta separatim & singulatim edita, cum Commentariis & translationibus ordine Chronologico disposita. 31. Conciliorum omnium generalium & provincialium Isagogæ & Synopses. 32. Tractatus speciales, de origine, autoritate Conciliorum, aliaque varia ad Historiam Conciliorum pertinentia opuscula. 33. Historia Antiquitatum Liturgicarum Ecclesiæ Orientalis & Occidentalis. 34. Historia Miscellanea variarum ceremoniarum, rituum, aliarumque Antiquitatum & observationum Ecclesiasticarum, se-

undum differentiam materiarum in varias minores classes distributa. 35. Historia Monastica generalis, de vitæ monasticæ origine, incrementis, divisione, regulis, & propagatione usque ad nostram ætatem. 36. Historia Monastica specialis, sive diversiorum ordinum Monasticorum Historiæ ac Regule singulares ordine Chronologico dispositæ. 37. Historia variorum (ordinum equestrium generalis & specialis ordine Chronologico. 38. Historia Hæresium generalis & specialis ordine Chronologico, Vitæ Hæresiarcharum &c. 39. Autores de Scriptorum Ecclesiasticorum vitis, successione & scriptis generales junctim, speciales separatim editi. 40. Dissertationes de Expurgatione & Prohibitione librorum, Indices expurgatorii speciales.

Atque hic τύπος est, ad quem Philosophicam suam & Historicam Bibliothecam dispositurus erat Lambecius, in quo tamen aliqua, si ordinem & argumenta spectes, vel mutari, vel augeri possunt, præsertim in Historia Civili & Ecclesiastica; Facultatum enim Bibliotheca alibi proponitur, ac puto, ubi in rem ipsam venisset, multa ipsi nova δευτέρα φροντίδες suggessissent. * In hunc tamen campum immis-
 9 sis quasi per σύνψιν & velut in tabula patet Historiæ literariæ summa delineatio: nam & ὅλη, quæ potuit, integra congeritur, nec illa tamen indigesta, sed suis locis sedibusque distincta, unde per prudentiam aliquam δεξιτελικὴν pulcherrimum illud, quod volebat Verulamius, strui ædificium possit. Ex ipsa illa congestione & representatione simultanea nascitur illud περιστατικὸν & πραγματικὸν, ex quo iudicandi illa vis se exerit. Quæ si in perpetuum continuumque Historiæ corpus compingerentur, maximi in societatem civilem & rem literariam fructus inde redundarent. Non alia ipse Verulamius subsidia præscripsit: nam materiam & copiam Historiæ ejus non tantum ab Historicis & Criticis petere, verum etiam per singulas annorum centurias, aut etiam minora intervalla, libros præcipuos in consilium adhibere jubet, ut ex eorum non perlectione (id enim infinitum foret) sed degustatione & observatione argumenti, styli, methodi, genius illius temporis literarius veluti incantatione quadam a mortuis evocetur. Hujus instituti usus multo maximus foret. Verulamius illud intendit, ut virorum doctorum augeatur in doctrinæ usu & administratione solertia, rerumque intellectualium non minus, quam civilium morus & perturbationes, vitæque & virtutes notari possint, & regimen inde optimum educi, quemadmodum ex Historiæ Civilis vel Ecclesiasticæ diligenti inspectione prudentia illa vel civilis vel sacra parari possit.

10 Tam vero longe lateque se ejus prudentiæ utilitas diffundit, ut nulla tam sit exigua disciplina, cui illa non faces præferat: ne quid dicam de ipso intellectu, qui in contemplatione τῆ ὅλης magis perficitur. Videmus hic quasi ante oculos positam illam per secula studiorum successionem. * Nam, ut de temporibus post Christum natum dicam tantum, regnavit in Philosophorum scholis Plato, ejusque Philosophia cum Christiana Religione commista, vel errores vel singulares quosdam sensus dogmatibus Theologicis innoxii; Patres plerique huic scholæ addicti, duravirque ille rei literariæ & ecclesiasticæ status, usque dum Alexander Aphrodisiensis doctri-

doctrinam Peripateticam refuscitavit, quæ per sex integra secula stetit, varie tamen ab Interpretibus interpolata, ut sibi ipsi esset dissimillima, variis etiam casibus ac libris agitata, de quo Launojus videri potest in libro de *varia Aristotelis fortuna*. Traxit ex ejus etiam affinitate labem aliquam Theologia, quæ Scholasticorum commentationibus in aliam plane formam speciemque mutata erat. Audiuntur passim virorum doctissimorum de his corruptelis querelæ, de quibus legi possunt Erasmus passim, Ludovicus Vives in aureis de causis corruptarum disciplinarum libris: cujus viri diligentia ad Historiam literariam recentioris temporis conferre non pauca possit. Adeo ad Græcas literas & Aristotelis Philosophiam tum nauseabant omnes, ut, teste Alexandro Nekan, libro de *naturis rerum*, Aristotelis libros a nemine, quam ab Antichristo legendos & intelligendos crederent. Joann. Sarisber. lib. 1. *Metalogic*. cap. 2. ita de his temporibus: *Sufficiebat ad victoriam verbosus clamor, & qui undecunque aliquid inferebant, ad propositi perveniebant metam: Poëta & Historiographi habebantur infames, & si quis incumbebat laboribus antiquorum, notabatur, & non modo asello Arcadie tardior, sed obtusior plumbo omnibus erat inuisus.*

Latitabant tamen non nunquam in Scriptoribus illis, horridi ceteroquin & inficeti styli, velut in sterquilinio quodam pretiosi uniones, quibus illi, qui e recentioribus magno supercilio multoque orationis fuco rerum argumenta incrustant, sua illa commenta ornare didicerunt. Multi delicatuli nimis & fastidiosi, cum suo ingenio tantum nituntur, ex se ut araneæ pariunt, cum longe solidiora invenire in veterum illorum Commentariis possint. In notionum illa contemplatione, in morali sapientia, quam præclara, ex altis eruta recessibus, traduntur! Ipsa Mathematica studia & naturalia, quæ sollicitè adeo nunc a nationalibus istis conceptibus purgantur, per illa ipsa principia eo usque profligarunt, ut majora naturæ arcana horum ministerio fuerint eruta, quam nunc, cum omnes particularum particulas lynceis oculis intuemur, & naturam ipsam ad vivum refecare nos credimus. * Cujus vel unus testis, instar multorum, erit ROGERUS BACO, vir subtilissimo ingenio divi-
nam humanamque sapientiam complexus; ne quid de aliis dicam, magnis itidem & celebratissimis istorum temporum nominibus. *Gabriel Naudæus* in sua illa doctissima de *instruenda Bibliotheca* dissertatione de nauseabundis istis nostrorum temporum ingeniis c. 4. p. 84. conqueritur, quæ fontes illos relinquunt & rivulos recentiorum sectantur: *Sequitur*, inquit ille, *& laudamus Collegium Conimbricense, & Suarezium, & negligimus opera Alberti Magni, Niphi, Egidii, Saxonis, Pomponatii, Achillini, Durandi, Zimara, Buccaferræi & multorum aliorum, unde omnes illi grandes & decuriani, quos volumus & versamus libri avortales sunt transcripti. Estimamus nostri seculi Medicos, Anatum, Capivaccium, Montanum, & pudori nobis ducimus, si Hugoni Senensi, Gordono, &c. locum in Bibliotheca concedamus, & Avicennistis, qui rudi lingua seculi vitio scripsere, sed secundum tamen Medicinæ, judice Cardano, penetrarunt. Nostri recentiores, cum non satis virium, ingenii, constantique habeant in iis imitandis, solent non nunquam illorum rationibus, sed ad hujus seculi habitum reformatis, sua incrustare, in verborum tamen plerumque pompa & superficie lingue barentes, decerpunt flores & summa cacumina captant. Miratur ille, adeoque indigne fert, non celari tantum & compilari, sed plane igno-*

ignorari tum locupletissimis Bibliothecis, tum viris doctis, ista nomina, quorum tamen eandem, quæ Manuscriptorum soler, rationem haberi ob raritatem & utilitatem æquum esset.

- 13 Unius ille RICHARDI (quem alii Johannem, ipse in Additionibus ad Hist. Lud. XI. Rogerium vocat) SUISSET (quod ex Anglic. *Swinshead*, os porci corruptum) cui cognomen Calculatoris datum erat, mentionem facit: cujus Opera celeberrimis etiam Bibliothecis sunt ignota. In cælum prope extollunt illum hominem laudibus tum Cardanus, tum Scaliger. * Et hic quidem Exercitat. 324. Virum vocat, qui modum ingenii humani exceßerit, & Exercitat. 340. tam acute scripsisse iudicat, ut a paucis plene ac pro meritis intelligatur. Tam docte, inquit, sibi ille visus est, ut cum senex legeret, quæ juvenis in literas retulisset, ubertim flevisse dicatur, sive, quod equidem puto, quia quasi recenter frueretur veteri diligentia, sive, quod paulo iniquius alii sunt interpretati, quia quæ olim scripsisset in ætate florenti, in effecta minus assequi possit intelligendo. Dignus profecto, quem neque senem senium faceret, neque natura lex vita privaret, nisi meliorem vitam apparasset. Hæc licentius scribo, quia viro illo maximo multa debeo: plura debiturus, si per ingenii mei imbecillitatem licuisset. Non enim leviter in ejus campo nos exercuimus. Nos de illo in Polybistore Philosophico pluribus agemus. Tam invidendo elogio, & a tanto quidem viro profecto, quis non impetu aliquo raptus omnes Bibliothecarum angulos perreptaret, omnes forulos excuteret, ut thesaurum sibi illum erueret, tot viris doctissimis ignoratum & invisum? Sed ea est vel animi discordia, vel novitatis prurigo, ut nullam eorum curam habeamus.

- 15 Cum floreret jam passim per Academias illa philosophandi ratio; & ad illius sensum tam Theologia quam Medicina temperaretur, reducta in lucem Jurisprudendum veterum fragmenta, eorumque doctores novam tam Theologiæ, quam Philosophiæ studio faciem circumposuerunt: ex illo enim tempore eorum studium & dignitas quanquam non statim conciderit, paulatim tamen sequentibus temporibus evilescebat. Accidit tamen postea, ut partim Jurisprudentiæ beneficio, Legibus Romanis Antiquitatum simul & Historiæ Romanæ, cumque illis aliqua veteris elegantiae cura reduceretur; partim occasione litium, quæ Theologiæ, tum publice receptæ, movebantur, & Biblia sacra legerentur, & Hebrææ ac Græcæ linguæ studia excitarentur, Patres e claustris Monachorum, ubi velut in sepulchris hæctenus delinuerant, in musea doctorum velut in vitam & lucem revocarentur.

- 16 Accessit magnum novæ huic literariæ periodo monumentum, restaurata in Occidente & Græcorum exulum, capta Constantinopoli, reliquiis Græcarum rerum notitia. Scholæ tum publicæ illa in lingua habebantur. Verebantur in latinam Historici, Patres Latini, MS. codices e Bibliothecis promebantur, inusitata Mediceæ familiæ liberalitate, cui primos illa *παιδαγωγικὴ* literaria spiritus debet; cui accedebat Alphonsus, Rex Neapolitanus, Matthias Corvinus, Rex Hungariæ, Ludovicus XI. Rex Galliæ, de cujus in literis promovendis studio legi Gabrielis Naudæi Additio ad Historiam Ludovici XI. potest; obstetricias adhibebat manus quod labores doctorum, Bibliopolarum

polarum *Φιλαργυρίαν* provocabat divinum Typographiæ inventum. Hinc quasi genio quodam impellente intra paucos annos e veterino excitata sunt doctorum ingenia: Philosophia partim ex ipsis Aristotelis limpidis fontibus restaurata; partim nova a Novatoribus super Empedoclis, Epicuri, Philolai, Pythagoræ, Democriti principiis extructa: Jurisprudentia veteri splendori, per viros, antiquis illis Papi- nianis, Modestinis comparandos, asserta; Philologia omnis Hebræa, Græca, Lati- tina superstitiose & ad invidiam reliquarum disciplinarum exulta; omnis denique divinarum humanarumque rerum sapientia sibi ipsi restituta. Quo beneficio uti- nam diu frui nobis contingat!

Sed magnatum partim imperitia, socordia & amentia; partim hominum prava 17 indole, non nisi quæritum respicientium, culpa factum est; ut de veteri illa, vera- que & solida doctrinæ gloria excidant Academix & Scholæ, dum illa veteris do- ctrinæ sensim subrepat oblivio; & ipsa tandem barbaries cum corruptissimis simul moribus & flagitiosa profanorum hominum sapientia reducitur. Quo de argu- mento Bæcleri elegans dissertatiuncula de fatiis literariis nostri temporis legi pote- rit; & passim aliorum querelæ habentur. Dependet plerumque a magnatibus omnis literarum fortuna: quod Plutarchus Oratione posteriore de fortuna & vir- tute Alexandri eleganter Alexandri M. exemplo expressit: *Existimo, inquit ille, eos, qui tum fuerunt artifices, non tam ætate Alexandri, quam propter Alexandrum extitisse. Ut enim frugum copiam bona temperies ac tenuitas atris gignit; ita artium & bonorum ingenio- rum incrementa benignitas, honor, & humanitas Regis efficit; & contra Principum invidia, sordes, aut studium contendendi ista omnia extinguit & perdit.* Quos non Augusti ætas viros doctos peperit? Quos non M. Antonini Philosophi exemplo sapientia pro- gressus fecit? nam Herodiano teste, *magnam sapientum virorum proventum ætas illa ex- tulit.* Notat & Gabriel Naudæus in Addit. ad Hist. Lud. XI. p. 76. sub Caroli Magni, Ludovici XI. & Francisci I. auspiciis, plus, quam integris olim seculis, pro- fecisse literas. Ubi vero vel bello vel ignavia se manciant Principes, tota concidit res literaria, nullum doctis pretium statuitur, optima ingeniorum monumenta pessum eunt. Qua de re vide elegantem in Principes invecivam, Trochaico Car- mine scriptam a J. Grutero, quod ille occasione Commentarii Hofmanniani in Ga- lenum facerat. Reperitur inter Epistolas Richterianas p. 534. * Quam gratum hoc animo accidat, illas rei literariæ periodos, nexum, momenta, mutationes nosse, facile omnes intelligunt. Sed & alius Historiæ illius fructus est longe uberrimus; ut non facile specie novitatis nos fallant, quæ vel in sacris, vel in quibuscunque doctrinis, oriantur sententiarum divortia, quæve a novis Doctoribus scholæ inti- tuuntur. Redeunt omnia humana in orbem, & cum negotiis civilibus ingenii commenta reviviscunt. Annon hoc seculo omnes veterum vel errores, vel bona etiam dogmata, novis Autoribus in crustata vidimus? Qualia nemo miratur, aut in iis pando ore hiat & stupet, qui ex Historia sectarum successiones & doctrinam ha- ber cognitam. Plerique omnes ita animati sunt, ut cum uni se addixere Magistro, nulla aliorum dogmata attingant, & ne illa quidem Magistri sui recte perqui- rant. Quotus est ex Peripateticorum tribu, qui habitantem in Græcia Magistrum quærat?

TASSONI librum decimum, Voluminis istius, quod Italica lingua sub titulo *Pensieri diversi* s. diversarum cogitationum scriptum est: ubi ille omnia disciplinarum genera pervagando, illarum antiqua novaque ostendit incrementa. * Eorum au- 24
tem omnium vel nulla superesset vel exigua cognitio, si libros & Bibliothecas tot thesaurorum promicondas non excusserimus. Non potuisset Plinius tam divitem nobis rerum naturalium penum relinquere, nisi in subsidium Bibliothecas Romanas adhibuisset. Non ipse Aristoteles tam diversa, in omni studiorum, in omni philosophiæ genere, nobis reliquisset, nisi a veteribus Bibliothecis adjutus, quem primum e Græcis Bibliothecam instituisse & collegisse volunt. Cui inter tot thesauros versanti, ingenio illo & judicio propemodum divino, facile erat, ditare postera secula.

Multum scilicet conducit vel sola veterum arcanorum nomenclatura: quæ cum animo nostro objicitur, statim ad idearum talium contemplationes disponit, ut vel eadem vel alia ad eorum *διαλογίαν* velut ex semine quodam producat. * Equidem 25
existimo, multa illarum novitatum, in quibus secula nostra triumphant, jam tum antiquitus cognita fuisse, iterumque deperdita. Infinita enim sunt, quæ ex rerum mutuis applicationibus vel per ingenium, vel per casum produci possunt. Sape unius seculi, imo unius anni, diversis & gentibus & hominibus eadem in mentem venire possunt artificia, quæ celata primum, vel ad alios devolvuntur possessores, vel ex ingeniorum simili quasi concentu & tacita conspiratione formantur. * Vi- 26
vebat, sæculo hoc ineunte MAGNUS PEGELIUS, Rostochiensis primum, hinc Helmstadiensis Academiae Professor, cujus variorum experimentorum syllabus singulari libro prodiit hoc titulo: *Thesaurus rerum selectarum, magnarum, dignarum, utilium, suavium, pro generis humani salute oblatus*. Multa illic Autor notat ab se excogitata in omni studiorum genere, Mechanicis, Mathematicis, Naturalibus, arcana, quorum aliqua annis insequentibus magno cum apparatu & pompa in lucem edita vidimus, & in quibus hodie inveniendis laborat multorum industria. Non facile tamen dixerim, quomodo factum sit, ut a Pegelio ipso nil eorum artificiorum in effectum deductum fuerit, vel tam exigua ac pene nulla ejus apud alios mentio fiat. Fortassis & ipsi, quæ omnibus rerum novarum inventoribus, invidia & incredulitas obfuit.

Varia illic occurrunt memorabilia. Cum p.m. proponitur ratio Chirurgica 27
insignis & rara homini communicans externa, quæ ipsi bona & interna multa quæ noxia avertens: cui non Chirurgiæ alicujus infusoriæ suspicio oriatur? *Pagina 13.* de navigii aërei fabrica agit: de illo *Franciscus Lana* in Prodro-mo *all' argente maistra* operose egit, & ante illum quoque *Petrus Mormius* in Arcanis collegii Rosiani detectis p. 14 & 15. quædam proposuit. *Pagina 125.* de machina aliqua memorat, quam tempore quocunque quisvis seu forrior, seu debilior agitare possit: simile quid in Aëlis Anglicis & Gallicis deprehendimus. Ibidem de ratione, qua ex vase uno liquores quocunque diversi effundantur, habetur; ita ut quisvis inde vinum, nunc rubrum, nunc candidum, nunc aquam, nunc aliud atque aliud liquoris, quodcunque velit, genus, imo, calidos & ferventes, si velit, liquores depromat. Cui vero non idem hoc artilicium

videbitur? quo aliquis ore evomere varii generis liquores potest, quod a circumforaneis quibusdam, ante annos non ita multos, cum maxima omnium admiratione factum fuit. Quæ pag. 126. proponuntur artificia Archimedæa, quibus liquorum bonitas vel pravitas exploretur, illa nostra ætate spectata fuere, & a Kirchero in *Mundo Subterraneo* exhibentur. Navigium submaritimum, de quo pag. 127. agit, & cujus usum prolixè recenset, novum post illa tempora vel autorem vel propagatorem in Belgio invenit. Quomodo ex fundo maris & naves & res aliæ graves educi possint, de quo ille pag. 137. nostro quoque tempore singularibus machinis tentatum fuit. Instrumentum quoque Pantographicum, de quo ille pag. 168. postea a Scheincro Mathematico singulari libro delineatum. Pauca illa sunt, quæ e numero illo excerpti: cetera pleraque inter nostræ ætatis inventa nunc comparent, quibus recensendis nunc superfedebimus. Et fortassis ante Pegelium jam tum alii fuere, qui de iisdem vel similibus cogitarunt.

- 23 Hos ac multo plures usus præstare poterit Historia literaria, ad quam diligentius excolendam merito eruditorum studia conspirare debebant. Multa illo in genere JOH. GERH. VOSSIUS præstitit, ac plura præstare potuisset, si, quæ affecta habuit, absolvere potuisset. Nostro tempore vel Conringio vel Bæclero labor ille demandari potuisset. Conringius certe jam tum insignem ejus partem in *Antiquitatibus Academicis* absolvit. Versatur & in nonnullorum manibus ejusdem liber *ἀνέκδοτος de Scriptoribus*; quam tamen extemporalem ego operam crediderim. Bæclerus non attigit hoc doctrinæ genus, nisi quod exiguus ejus liber in commodum tirorum de Scriptoribus producit, qui præter Nomenclaturam Autorum & editionum nihil habet.
- 29 Ceteri, qui ad hoc argumentum accesserunt, non ista *ἐμπειρία* literaria instructi, plane inepte in hoc negotio versantur, & paupertinam eruditionem ostentant. Quid enim efficiant, *quæ aliena negotia curant, excussi propriis*? Suscipi illa res debet ab ingenio non jejuno & imperito, sed operi huic soli intento, sed cujus magna sit judicandi solertia, quodque e *τύπῳ* illo *περισωτικῷ* indagare rerum occultarum nexum possit.

CAP. III.

DE RE BIBLIOTHECARIA.

Et quidem I. de Causis erigendarum Bibliothecarum.

- §. 1. Bibliotheca *ἑμψυχος* & mortua. 2. Bibliotheca nomen *πολύσημον*. 3. Bibliotheca publica, privata. 4. Ha cum delectu & sine dispendio rei familiaris instituenda. 5. Aldi Manutii & Joannis Cordesii studium Bibliothecarium. 6. 7. Pinelli de studio nummario judicium. 8. Bibliotheca Principum. 9. Ludovici Jacobi de Bibliothecis Parisiis gloriatio. 10. Bibliothecarum institutio maxime ad curam Principum & Magistratum spectat. 11. Prima Bibliotheca erigenda occasio & causa ab ACTORUM PUBLICORUM CUSTODIA. 12. Exemplo Aegyptiorum, Phœnicum, Sinenſium, probatum. 13. Archiva olim dicebantur Athenica vel Athenica. 14. Athenæum celebre Roma auditorium. 15. MSti Codices, qui ad sta-

tunt

tum Reipublica pertinent, plurimi in Bibliotheca Vaticana, 16. Augusta, 17. Mazariiana, 18. Puteanea, 19. Pinelliana. 20. Secunda causa STUDIORUM AMOR. 21. Principes Bibliothecarii. 22. Ducis Brunsvicensis Augusti laus. 23. Privatorum βιβλιομακίνας non omnino reprehendenda. 24. Librorum usi multa-ri pena maxima. 25. Tertia causa UTILITAS PUBLICA. 26. Bibliotheca ad usum publicum pateant. 27. Viri docti magnos e MStorum præcipus lectione fructus capiunt. 28. Id exemplo Sirmondi & Salmasii ostenditur. 29. 30. Bibliotheca optima magnum ad eruditionem parandam est præsidium. 31. Principum vanitas in congerendis Bibliothecis etiam literatis prodest.

Qui Historiæ literariæ penetralia perreperavit, vere quod de Longino olim dicebatur βιβλιοθήκη ἑμψυχος dici potest: quem nemo sibi titulum acquirit, nisi e mortuis Bibliothecis se ipsum Bibliothecam vivam fecerit. Utriusque Bibliothecæ quidam nexus est. Bibliotheca ἑμψυχος dici non potest, nisi qui mortuas probe excusserit. Bibliotheca vero mortua erit, cujus rectioni non præficiatur βιβλιοθήκη aliqua ἑμψυχος. Elegans ille lusus est Leonis de S. Joanne, qui scripsit Ideam Bibliothecæ viventis & mortuæ ad Henricum Memmum, cujus libri vel titulo tam præclaram Memmii Bibliothecam, quam ipsum laudabat, teste Ludovico Jacob. *Tr. de Biblioth. p. 544.*

Ut ad BIBLIOTHECARIAM rem tandem accedamus, sciendum est, 2 Bibliothecæ nomen esse πολύσημον, nam vel numerum librorum significat, vel ipsum illum locum, in quo libri ponuntur, qui & Apotheca Jctis dicitur *l. 12. §. 33. ff. de instructo vel instrumento legato.* Solent & tituli librorum, uno aliquo libro congesti, Bibliothecæ nomine saluari, quales Catalogi sunt, vel libri multarum rerum copia instructi, ut Diodori & Apollodori Bibliotheca; vel multi Auctores in unum aliquod systema collecti, ut Bibliotheca Patrum. Huc referri debet, quod a Monachis, aliisque ævi infimi Scriptoribus Bibliothecæ nomine Verus & Novum Testamentum vocetur. Ita Durandus lib. 6. Rational. c. 1. n. 27. *Bibliotheca a Græco nomen accepit, & est nomen æquivocum, scil. locus, in quo libri reponuntur, & volumen ex omnibus libris V. & N. Testamenti ab Hieronymo compositum.* Vid. du Fresne in Glossario, hac voce. Ridicula erat Calvisii Sabini e servis Bibliotheca, de quo Seneca *Epist. 27.*

Sed illa ad rem adeo non pertinent. Veniamus ad Bibliothecas ipsas, quales 3 vel privatæ sunt, vel publicæ. Illæ, quanquam in molem tantam non excrecant, 4 ut publicæ: sunt tamen etiam inter privatos viri illustres & opulenti, qui in libris omnis generis coëmendis nullis parcunt sumptibus. Quorum βιβλιομακίνας reprehendit Seneca *Ep. 2. & 45. & de Tranquill. animi c. 9.*, ridet Lucianus in libello πρὸς ἀπείθετον καὶ πολλὰ βιβλία ὠνέμενον, & Auson. *epigr. 43.* Sunt ita animati nonnulli, ut

magno de flumine malint,
Quam de fonticulo tantundem sumere.

- cum vastioris Bibliothecæ minor interdum usus sit, quam ejus, quæ selectis paucioribus libris constat. Quo de argumento legatur elegans Rolandi Marefii nona libri primi epistola. Ita ille eo in loco: *Ad doctrinam quidem comparandam quin lectione opus sit, nemini dubium est: sed & attenta meditatio & accurata natura & rerum, quæ ob oculos versantur, quotidianorumque eventuum consideratio non minoris sorte est utilitatis: modo prima disciplinarum elementa hauseris, & optimos scriptores saltem degustaris: quæ in re tamen multum peccari video: non satis enim apud nos meditatur, quod nihilominus facile & ubivis exercere licet: sed omne nostrum studium in libris legendis impendimus, memoriamque varia rerum supellectile ornamus, judicii nulla fere cura: & solum, quod quis dixerit, retinemus, non, quare dixerit, judicamus.* Coemendi sunt a privatis libri, non quibus opus habent, sed potius necessarij. Pretiosi illi, magna Volumina, ad ornatum interdum Bibliothecarum potius spectantia, ad Bibliothecas publicas referendi: miniores vero libri, rariores, singularis argumenti, qui se oculis emptorum facile subducunt, præ ceteris comparandi. * Ultra privati sane sortem ALDI MANUTII junioris Bibliotheca æstimanda est, qui octoginta millia librorum Pisanae Academiae legasse memoratur Francisco Schotto in *Itinerario Italico lib. 2. c. 10.* Sed ille rem familiarem omnem in Bibliothecam imprudenter consumpsit. Refert enim in Pinacotheca sua Janus Nicius Erythræus, adeo modicis Aldum illum fuisse facultatibus, ut illi necessum fuerit aliquot centum aureorum ad transferendam familiam sænori sumere; quo ex ære alieno vix unquam liberari potuit. * JOANNI CORDESIO, Ecclesiæ Lemovicensis Canonico, magna quoque in cumulandis libris fuit cupiditas, quam tamen ita temperavit, ut in statu Ecclesiastico vivens, plus tamen non impenderet, quam accepti rationes paterentur. Genium tamen suum defraudavit sæpe, ne hac voluptate excideret. Legi de eo Gabrieli Naudæi elogium debet, quod Bibliothecæ ejus, Parisiis editæ, præmisit. * PINELLUS quoque, ut Gualdus in ejus Vira testatur, non ferebat privatorum in coacervandis nummis, gemmis, naturæ rarioribus, insaniam, opes suas, in fortunarum suarum detrimentum, exhaurentium. * Principi & nobilibus; vel centum librorum Bibliothecam sufficere posse, ad omnes artes & scientias, quantum satis est, addiscendas, ostendit MATTHÆUS VAYERUS in *Epistola singulari Scholæ suæ Principum*, Gallica lingua scriptæ, subjuncta, in qua de titulis rerum & legendi ratione prolixè differt. * In sola Gallia, imo in Parisina urbe sola, plus Bibliothecarum privatarum esse, quam in Germania aliisque regnis, LUDOVICUS JACOBUS dicere non veretur in tractatu suo *de Bibliothecis*, quem tamen paulo jactantius hic loqui crediderim; nam numerus illarum minor est ceterarum illarum numero, quas indiligenter tamen & segniter congestit, rudis enim illarum nomenclatura est; & aliorum fide transumpta, cum in Gallicis Bibliothecis ornandis magno cum apparatu elogiæ & verborum, testis præterea oculatus, versetur. Sed condonandum hoc affectui in Patriam est. Multi in Gallia inter privatos sunt regis pene opibus, quibus facile est thesauros illos librariorum colligere. * Sola pertinet hæc ad generosos & beatos gloria: inter quos cum familiam ducant Principes & Magistratus, illis cura hæc incumbit rei prospicere publicæ. Etenim si armamentaria exstruimus,

mus. quibus belli tempore se defendant adversus injuriam cives; si penus & promptuaria instruimus, ut vitæ necessitatibus subveniatur; quidni & Bibliothecas colligamus, quibus animos pascamus, & ad sapientiam excolamus: quemadmodum armis ad fortitudinem corpus & nervos firmamus. Ejus instituti ac consilii causæ cum & multæ sint & gravissimæ, eas hic quasi per σύνολον dispi-
ciamus.

Ac prima quidem & antiquissima librorum colligendorum occasio fuit ab
ACTORUM REIPUBLICÆ COLLECTIONE ac CON-
SERVATIONE, quæ certo quodam in loco custodiri debebant. Etenim cum publice interesset, conservari rerum gestarum memoriam, primum quidem negligentius in gente adhuc rudi, majori deinde cura in illam incubuerunt. Nam sculpturis, picturis, saxorum inscriptionibus, antiquissima illa & primæva maximeque naturali communicandi res suas via, omnia, vel denique rudibus quibusdam elogiis & hymnis ad posteros transmiserunt. Quod de Germanis nostris testatur Tacitus, quorum carminum inquisitionem diligentissimam promiserat in Germaniæ Antiquitatibus Aventinus, ut ex syllabo argumentorum Operis prodromo patet. Sed nihil penè & valde exigua eorum vestigia in Annalibus Bojaricisprehendas, quibus uberiora sperare nos vetat Cisnerus eorum editor. * Apud Æ-
gyptios Sacerdotibus hoc negotium dabatur, ut referrent omnia in literas. Apud
Chaldaeos iridem hoc fiebat, imo apud ipsos Hebræos, de quo videatur Josephus libro contra Apionem, & Mascardus *de arte historica tractator. cap. 1. & 2.* Unica certe illa apud Chinenfium populum & prima cura fuit: nam referente Martino lib. 1. *Fuit & est etiamnum genti huius usitatum, ut doctissimis aliquot Philosophis Imperatoris defuncti res gestæ conscribenda a successore mandentur: quod munus apud ipsum cum primis est honorificum, & a summis quibusque viris expetitur.* Hinc Historia Sinica ita sibi semper similis continuatur, ut, quanquam ab alio sit atque alio succedentibus annis adaucta, unius tamen auctoris esse opus videatur. Prima & antiquissima historia stylo ferreo foliis incisa: postea vero chartis inscripta vel impressa typis. Lieupangus Imperator cum Ingum vicisset, referente eodem Martino lib. 7. Siachous vir consultissimus, spretis divitiis omnibus, quæ in manu ejus erant, muscum summi magistratus ingressus, inde tabulas imperii geographicas & libros, in quibus particulatim omnia provinciarum peculiaria & munitiora loca, reditus & hominum numerus accuratissime representabantur, secum abstulit atque servavit. Ex his deinde Lieupangum omnem imperii statum adeo scienter edocuit, ut omnes, & præcipue Lieupangus admiraretur, unde tanta rerum ei notitia: quem proin Imperator honoribus ac divitiis auxit amplioribus, quam si civitatis unius gazam omnem solus acquisivisset, ditior e libris unius, quam milites omnes a prædiis. Vel ex hoc illustri videmus exemplo, his præcipue scriptis, quæ ad Rempublicam pertinent, primum fuisse instructas Bibliothecas, quæ Archivorum nomine postea dictæ fuerunt, cum separarentur publica illa ab aliis rebus. * Chartarum sequioribus temporibus dictum est, ubi servabantur Epistolæ. 13
Olim Athenica, vel, ut Salmasio emendatori placet, *Athenica* dicebantur, in quibus reponerantur literaria monumenta, ut Epistolæ & Orationes Ducum Imperatorumque,

- que, Ephemerides Principum & Senatus consulta de Principibus facta, & alia ejus generis, ut docet nos Salmasius in notis ad illa Trebellii Pollionis in triginta Tyrannis, vita Regiliani, ubi de Epistola quadam Claudii loquitur, *quam ego, inquit, repertam in Archivis inferendam putavi, fuit enim publica.* Atque ita emendatum ab ineptis librariis erat, cum MSti Codices pro *Archivis* habeant *Athenicis*, nam Athenica in Archiva mutasse videntur, inquit Salmasius, quibus Archiva notiora, quam Athenica; quam istius seculi vocem genuinam esse ille judicat. * Athenæum alias Romæ fuit celebre auditorium, in quo Oratores, Rhetores, Poetæ publice recitarent, ubi videntur illa acta fuisse recondita. Unde vel Athenæis, vel Athenicis, id est, armariis istius Athenæi, vel Athenicis legendum; quod ultimum ut genuinum probat Salmasius. Mihi equidem non displicet Athenicis: cum hoc nomine apud Græcos multa dicantur, quæ ad Athenas pertinent, ut festa Ἀθηναϊκά, quibus poculum circumferebatur, quod *παραδυναϊκόν* dicebatur. Ita & Ulpia Bibliotheca libros habebat, quibus Aureliani Imperatoris quotidiana erant perscripta, teste Vopisco in ejus Imperatoris vita. Hoc consilio olim Aristotelem Bibliothecam instituisse Conringius de Bibliothec. August. probat p. 84. & de Apellicone Teio Peripaterico ex Athenæo lib. 5. cap. 14. patet, omne illum ex civitatibus, si
- 15 quid esset antiquum vel reconditum, corrasisse. * Eadem & Bibliothecæ Vaticanæ fuisse initia ex Onuphrii Panvinii libello, quem de Bibliotheca Vaticana scripsit, discimus; Hilarius Papa primus, quod legerim, Bibliothecas duas Romæ juxta fontem Lateran. ædificavit, in quibus Ecclesiæ Romanæ scripta & Epistolas decretales Romanorum Pontificum, Conciliorum actiones, hæreticorum palinodias & hæreses, sanctorumque Patrum libros publico usui Christianorum conservaret: cum eo tempore libri, ob paucitatem & librariorum raritatem, difficulter admodum invenirentur. * In Bibliotheca Augusta 200. MSti Codices de *arcanis negotiis Germaniæ & aliorum regnorum*, teste Conringio, asservantur. Ad hunc finem respexisse cum illo Chinenium imperatorum Consiliario Siachoo viros quoque illustres Reipublicæ gubernandæ admotos, e Bibliothecarum Scriptoribus discimus.
- 17 * Magnum earum rerum thesaurum in incomparabili illa Mazariniana fuisse notius
- 18 est, quam ut hic commemorari a nobis debeat. * Incredibile est, quot quantaque rerum Gallicarum arcana congesserit Petrus Puteanus, Regis Christianissimi Consiliarius, de quibus volupe est legere in vitæ ejus descriptione Nicolaum Rigaltium. Vide illum p. 50. 51. Habuit Memorialium septingenta & sexaginta quinque Volumina Puteanus, sua pleraque manu scripta. Titulos aliquot illorum recenset a pag. 64. ad p. 71. Rigaltius, qui Catalogo hæc verba subjungit: *Indicavi titulos tantum & lemmata. Qui volumina conspexerit, mirabitur talia tanta scripsisse hominem*
- 19 *tot amicis quotidie vacantem, & valetudinarium.* * Quam diligens eorum asservator fuerit Vincentius Pinellus, in vita ejus Gualdus refert: nam quicquid arcanorum, relationum ad statum Venetum pertinentium corradere potuit, concessit, ac per vastos libros digessit. Quod cum sciret Senatus Venetus, cum post mortem ejus libri Neapolin transportandi essent, manum MStis illis injecit, ac in Bibliothecæ

thecæ publicæ peculiari conclavi reposuit cum hac inscriptione: *Decerpta hac imperio Senatus e Bibliotheca Pinelliana.* Sua enim interesse existimabant, ne illa status arcana in peregrinas manus venirent. Fuere autem CCC. Commentarii. Facit & Ludovicus Jacobus, Tr. de Biblioth. pag. 498., mentionem Jacobi Amelotii, qui magnam vim tractatum Politicorum & Memoriarum MStarum ad statum Regni Gallici pertinentium congefferit. Hanc ob causam credo & Bibliothecæ cura iis, quibus Historiæ vel scribendæ vel legendæ munus dabatur, data est, ut de Academicis quibusdam observat Hotting. in *Biblioth. quadripartit. cap. 1. u. 1.*

Post causam, quæ ex necessitate videtur nata, ad Bibliothecas erigendas incitarunt ipse STUDIORUM mentisque excolendæ AMOR, & *Φιλοβιβλία*, qualis in Regibus nonnullis deprædicari satis nequit. * Inprimis vero Ptolomæorum familiæ proprium id studium fuit, & aliis quoque Imperatoribus, Regibus, Principibus nostri sæculi, quorum hic magnum dare catalogum poteramus. * Vel unius AUGUSTI, gloriosæ memoriæ, Brunsvicensium Ducis, singularis ac incredibilis ille ardor deprædicari satis nequit, qui dignissimum virtutis præconem natus, τὸν πᾶν Conringium in Epistola de *Bibliotheca Augusta* ad Illustrissimum Boineburgium scripta, qua ille, nec sine ratione, supra omnes Regum Principumque similes imperus hos labores extollit. Septem enim illic argumenta recenset, quæ admiranda vocat, unde Bibliothecæ illius dignitas & Autoris simul æstimari debeat. Vere ille Bibliotheca mortuæ suæ *ἐμψυχος*, imo ipsa ejus anima; verusque, quod in magna laude ponendum est, Bibliothecarius. Ipse, quod mireris, tot librorum indices, spissa volumina, ut eo cognitiore haberet omnia, sua manu scripsit; ipse pulcherrima serie disposuit, quæ vel privati hominis fatigare patientiam possint. Continuos ejus pro Bibliotheca augenda labores, vigiles per omnia terrarum oculos, studia indefessa summis elata laudibus vide: neque enim illa nobis recoquenda. * Ignosci privatis debet, si hac discendi cupiditate abrepti cum rei suæ familiaris jactura hic insaniant. * Etenim si unquam, hoc cum ratione insanire est: qua multos ita abductos vidimus, ut vel genium fraudarent, quo animum his deliciis pascere: Aliqui vel vitam sibi acerbam existimarent, si libris sibi carendum foret, ut igne & aqua sibi interdici tolerabilius habuerint, quam librorum facere jacturam. Quod pænæ genus non ignoravit Tiberius, qui referente Suetonio, in *Tib. cap. 61.* quibusdam, custodiæ traditis, non modo sermonis & colloquii usum, verum etiam studendi sustulit potestatem. Alphonfus Rex, teste Sylvio in *libro de dict. Alphonfi*, sola lectione recreatus e morbo convuluit. Corrafius, Jctus magni nominis, in *Epist. quest. c. 18.* omne vitæ solamen, vivendi desiderium sibi ablaturum dicit, qui libros veteres sibi amicos adimeret. Eleganter & plane supra illius, quo scribebat, sæculi genium, Lucas de Penna in Rubr. C. de *navicular.* *Liber est lumen cordis, speculum corporis, virtutum magister, vitiorum depulsor, corona prudentum, diadema sapientium, gloria bonorum, decus cruditorum, comes itineris, domesticus amicus, collocutor & congerro tacentis, collega & consiliarius presidentis, vas plenum sapientia, myrothecium eloquentiæ, hortus plenus fructibus, pratum floribus distinctum,*

principum intelligentia, memoria penus, mors oblivionis, vita recordationis; vocatus properat, iussus festinat, semper praesto est, nunquam non morigerus; rogatus confestim respondet; sincerus consultor, non assentatur, non loquitur ad gratiam, nemini parcens, quia neminem timet; nihil mentitur, quia nihil poscit: te nunquam fastidit, etiamsi tu illum fastidio habeas: arcana revelat, obscura illustrat, ambigua certiorat, perplexa resolvit, contra adversam fortunam defensor, secunda moderator, operum adauget, jacturam propulsat; puteus inexhaustus, thesaurus inmensus, ararium inconsumptibile, paradysus, unde ejici non potes, nisi cum volueris: amenitas frugifera, qua frui possis, quamdiu velis; doctor gratuitus, faciens te gnarum, si reperit ignarum. Ceterum elogiorum illorum magnam silvam vide in Richardi Bury Philobiblio cap. 1. & 2.

- 25 Præter hæc UTILITAS quoque PUBLICA est, quæ librorum collectionem suadet. Quemadmodum enim proventus & agrorum fructus congerere solemus; ita ingeniorum veluti messes in his custodire horreis debemus. Qui sunt tam stolidi populi, ut patriæ suæ fruges reditusque perire sinant, & ingeniorum opes rescindant, unde maxima genti gloria, civibus commoda? * At amplas aliqui possident Bibliothecas, publicæ quoque institutæ sunt, sed non in aliorum usum. Nimirum quasi scenæ tot libri inserviunt, oculos tantum moraturi, non animos saturaturi. Cui bono thesaurus absconditus? Ergo in tinearum & blattarum gratiam tot opes impenduntur, tot libri colliguntur. Galli in eo liberales, apud quos vel privatæ Bibliothecæ ad publicos usus conceduntur. Bodleiana Oxoniensis singulis diebus patet. Quæ tamen secretiores sunt, commendatione Parronorum expugnari possunt. * Manuscriptorum non adeo facile copia dari solet. Est ubi invidia illam negat; est ubi furri merus peregrinos arcet. Nullos ea in re præter Anglos difficiliore se sensisse queritur in præfatione ad Polybium Gronovius. Solet vero usus tam Manuscriptorum, quam impressorum, certis quibusdam legibus concedi, quæ Bibliothecis singulis singulares esse solent; quarum aliquæ a nonnullis notatæ sunt. Utilitatem hanc commendatum iverunt viri doctissimi. Exerat Anton. Sanderi dissertatio parænetica pro instituenda Bibliotheca publica Gandavensi ad Magistratum & proceres ejusdem urbis, ubi argumentis omnibus rem agit. Quibus cautelis legibusque usus Bibliothecæ sit circumscribendus, docuit Naudæus in libro sæpius laudato, de Bibliotheca instruenda cap. 9. Fructus vero
- 28 hinc redundare uberrimi ad viros doctos possunt. * Non potuisset tam varia, tam vasta Opera scribere Sirmondus, nisi Petavianam Bibliothecam ad manus habuisset, & rarissimos, qui in ea servantur, MStos codices excutere potuisset, teste
- 29 Ludovico Jacobi, Tr. de Biblioth. p. 552. * Quantum Salmasio profuerit Bibliotheca Heidelbergensis, legas in vita Salmasiana, Epistolis ejus præfixa; Hæc enim prima tam vastæ eruditionis jecit fundamenta. Operæ pretium est verba Autoris ipsius in medium proferre: *Salmasius admissus in interiorem Jani Gruteri amicitiam, & liberrimus ei ad locupletissimam Bibliothecam patuit aditus. In eam itaque se condidit, & evolvendos partim, partim conferendos cum editis, aut si editi non essent, & majoris momenti viderentur, ad transcribendos Græcos Latinosque codices MStos se accin-*

accinxit: Atque ea quidem pertinacia, ut non diem tantum, sed & noctem, huic cura impenderet, & ex tribus iam semper insomnem duceret. Toto mane fere una semper cum Grutero operam hanc navabat: a meridie per aliquot horas ambulationibus se invicem atque eruditis sermonibus recreabant, ne quod otium sine negotio abire sibi Claudius noster permitteret. Tum iterum Salmasius ad pensum suum, Gruterus domum reverti solitus. Quia etiam id juris in Bibliothecam jam acquisiverat Hieros noster, ut in Musæis quoque, quos vellet codices, secum perlegendos aut describendos adduceret; ita factum paucissimis mensibus, ut eruditionem acquireret plane incredibilem, & fama nominis ejus non Germaniam tantum universam, sed & Belgion nostrum & Gallias pervagaretur, & pro Grutero jam Salmasius undique de dubiis ac conclamationis apud omnes generis autores locis consuleretur. Ille vero, jam tum eruditionis variae admodum & diffusa copiis instructus, nunquam non plenissime his satisfecit, & supra expectationem quoque lautissimis doctrinae & polymathia suae epulis satiavit. Superfuit non in ipsius Musæo, tum apud amicos maximorum virorum literæ, quibus super variis admodum & difficillimis locis in Stephani dictionario, Floro, Callimacho, Theocrito, Athenæo, Hesychio, aliisque gravissimis Autoribus, sententiam rogatur. * Vel unico hoc exemplo luce meridiana clarius patet, nullum esse ad meliorem eruditionem parandam præsidium, quam optimam Bibliothecam.

Ille quanquam semper respici usus debet, sæpe tamen potius in pompam & ad magnificentiam ostendendam instituuntur Bibliothecæ. Domitianus ipse, hostis alias bonarum mentium & virorum sapientum, Bibliothecas tamen incendio absumptas impensissime reparari curavit, exemplaribus undique petitis, missisque Alexandriam, qui describerent emendarentque. Eadem causa Cleopatram ad reparandam Bibliothecam Alexandrinam impulit. Sed ignoscendum huic morbo est, per quem aliorum saluti prospicitur. Longe enim honestius, si inserviendum est magnatibus, in Bibliothecarum instructionibus, quam in magnificis substructionibus, spectaculis, epulis, & innumeris aliis perdendarum opum instrumentis, infanire. Quicquid hic impenditur, in reipublicæ bonum cedit, cum cetera, vel perituræ voluptati, vel inutili vanitati, cum civium detrimento impendi soleant.

C A P. IV.

DE MEDIIS ERIGENDARUM BIBLIOTHECARUM, DEQUE EARUM ORNATU.

- §. 1. *Integra Bibliotheca primum pro fundamento amplioris Bibl. cõmende.*
2. *Taverna vifitanda.*
3. *Familiaritates cum Bibliothecarum possessoribus eorumque heredibus contrahenda.*
4. *Catalogi excutiendi, & vitarum scriptores, unde Operum ineditorum notitia habetur.*
5. *Pinelli mira sagacitas.*
6. *Enissarii alendi.*
7. *Officina opificum, chartis & membranis utentium, perlustranda.*
8. 9. *Indices Librorum publici, Francofurtenses & alii, perquirendi.*
10. *Autoritas publi-*

publicorum numerum libris parandis subsidio est. 11. Exemplum Richardi de Bury. 12. Amicitia virorum doctorum augentur Bibliotheca. 13. Ornatu Bibliotheca detrahendum in Bibliotheca augmentum. 14. Bibliotheca e legatis ditantur. 15. Oxoniensis, Bibliotheca legatis magnificentissimis crevit. 16. Theatrum Scheldonianum. 17. Fuggeri in Heidelbergensem liberalitas. 18. Veneta Cardinalis Bessarionis legato insigniter locupletata. 19. Luctuosi & inhonesti Bibliothecas augendi modi, per spolia bellica, 20. exemplo Vaticana, qua Heidelbergensis, 21. Vindobonensis, qua Budensis jactura creverunt, 22. per furta, exemplo Didaci Mendoza Venetam compilantis. 23. De facto illo disquiritur. 24. Furta Bibliothecaria nonnullorum in usum publicum. 25. Typographia beneficio Bibliotheca nostri temporis longe auctiores redditae sunt. 26. Ornatus Bibliothecarum. 27. Imagines & statuae in illis. 28. Optimus a charta & typis ornatus. 29. Chartae & typorum ornatu Germania a Belgio & Italia superatur. 30. Nimiis librorum nitor non arguit librorum beluones. 31. Librorum nitor in Bibliothecis publicis non negligendus.

1. **V**idimus de causis, ob quas Bibliothecae institui solent: dispiciamus jam de MODIS, quibus ad earum extructionem perveniri soleat. Comparantur Bibliothecae per emptionem, cum vel integrae emuntur, vel singulares libri. Praestat vero integras, ut fundamentum, subternere nostrae, quam sparfos hinc illinc libros colligere. His initiis Illustrissimae Bibliothecae ad eam magnitudinem excreverunt. Ita Franciscus de Joyeuse ex tribus aliis, inter quas Pithaena, suam collegit & confecit, teste Ludovico Jacobi p. 524. Idem de Biblioth. Augusta testatur Conringius. E Simeonis Bosii Bibliotheca suam instauravit Cordetius.
2. * Ut vero cum lucro & commodo nostro coemantur libri, variae artes observari debent: nam vel vilissimae tabernae visitandae interdum sunt; e quibus ipse saepe,
3. quae non credideram, extraxi: * Familiaritas contrahenda cum heredibus hominum doctorum, praecipue indoctis: a quibus vel libri manuscripti, vel ab ipsis
4. scripti, sed propter singulares causas suppressi, saepe comparari possunt. * Tales libri multi notati sunt in viris virorum illustrium, qui latitant passim apud heredes, sed in lucem raro protrahuntur, ac saepe in rapaces aliorum manus incidunt. Ubi jam Nobilium Exercitationum Libri I. C. Scaligeri, quos Robertus Constantinus editurus erat, teste Michael Neandro in praefatione luculenta, Graecae Linguae erotematibus praemissa, pag. 222? Ubi sunt libri Familiarium exercitationum, quos integros dare se posse testatur Maussacus in praefatione Commentariorum Scaligerianorum, in Historiam animalium Aristotelis ab se editorum? Ubi Opus ejus in Officia Ciceronis, quod editurum se illic promisit? Ubi sunt Originum libri CXX, quos ipse Scaliger ob molem edi posse desperavit? & plura alia, quae illic a Maussaco recensentur. PINELLUS mire in libris illis conquirendis sagax
5. fuit, de quo in vita ejus Gualdus p. 4. haec habet: * Ut Bibliothecam suam, quam in oculis ferebat, quotidie locupletaret, hanc sibi inter alias rationem proposuerat, ut a literatorum, qui diem nuper obivissent, heredibus librorum indices compararet, e quibus omnia ea per-
- disce-

disceret, quæ sibi in Bibliothecam essent transferenda: quod tamen raro admodum accidit, cum baud aque dominis ac ipsi nota essent, quæ in cujusque Bibliotheca latitabant. In his vero perquirendis quam fuerit accuratus, declaratum volumus unico hoc exemplo. Vir Clarissimus Venetus vita functus est. Libros aliquot magni nominis MStos ille diu in deliciis habuerat, quos Pinellus dividendis redemit, & cum ejusdem Bibliotheca reliquias bibliopola nescio quis, schedas videlicet, atque alia hujus generis cõmisset in gratiam suisamentariorum, re comperta illico hic noster nobiles illustrium virorum epistolas perire non est passus. * Emissarios ille habebat, quorum industria ex Orci faucibus sepe sepius eripuit insignium virorum literales labores. * Cribrorum, Cymbalorum & Cithararum artifices, quod non modicam vim membranarum in 7 artificium suum absumerent, singulis saltem mensibus a suis conveniri volebat, & id optimo ut plurimum eventu. Novi Viros doctos, qui magnam MStorum Codicum supellectilem eodem artificio congesserunt, exiguis nummis; qui si a peritis æstimandi, magno pretio venirent. Notum enim est, quanta MStorum Codicum sit æstimatio, de quorum caritate legi Gabr. Naudæus addit. ad Historiam Ludov. XI. p. 86. & sqq. potest. Ita Sirmondus pro 50. Imperialibus magnam copiam MStorum a bibliopego redemit, ut videre est apud Ludovicum Jacobum Tr. de Biblioth. p. 525.

Notitia esto præcipuorum per totam Europam librariorum, aut hominum, 8 qui nostri causa omnia Bibliopolia & Typographæa perreptent; qua sagacitate nemo eundem Pinellum superavit, de quo hæc in vita ejus Gualdus: Instruxerat ille præclaram hanc discendi cupiditatem, ope multorum, qui eadem voluptate afficerentur. Hos non in Italia Europæque urbibus modo, sed & in oppidis vicisque selegerat, quorum industria continenter uteretur, ad quos Epistolas schedulasque oportune missaret: catalogi omnium nationum, omnium Bibliopolarum, evolvendi & inquirendi. De la Croix du Maine a prima juventute vastissimos catalogos, ut librorum notitiam haberet, congessit, ut testatur ipse in præfatione Bibliothecæ suæ Gallicæ, & Ludovicus Jacobi pag. 673. & 674. Ita de Pinello Gualdus: Numidinarum Francofurtensium Venetorumque Bibliopolarum librariorum, quotquot erant, indices sedulo perlustrabat, & ab amicis, quæ Italicis, quæ Transalpinis omnia diligenter in Bibliotheca ornamentum præconulabatur. Si quid Romæ, Florentiæ, Parisiis, Antwerpia, Augusta Vindelicorum, Venetiis & alibi Pinelliana Bibliotheca dignum prodiret, non deerant, qui vix dum edita volumina & quaterniones aliquando e prælo recentes Pinello missarent.

Non parum etiam juvare solet illum librorum cumulandorum ardo 9 rem, si significemus aliis nostra Bibliothecæ erigendæ consilia, præsertim, si in autoritate aliqua constituti ob munus publicum, vel officiis ac humanitate nostra multos nobis devinxerimus. * Talibus sæpe ultro offeruntur aut 10 donantur, quæ aliis magno labore pretioque constant, quod exemplo RICHARDI DE BURY probat Naudæus. * Is cum fuerit Cancellarius & Thesaurarius Angliæ, brevi temporis spatio rarissimos sibi libros collegit. Ita ipse Richardus in Philobiblio, quod appendicis loco Epistolis Philologicis Goldasti additum est, cap. 8. Succedentibus prosperis Regiæ Majestatis consecuti

- utilitatem, & in ipsius acceptati familiam, facultatem suscepimus ampliore ubilibet visitandi pro libitu & venandi quasi saltus quorundam liculentissimos, tum privatior, tum communes, tum regularium, tum secularium librarios. Praestabatur nobis aditus facilius, Regalis favoris intuitu, ad librorum latebras libere perferutandas; amoris quippe nostri fama volatilis jam ubique percrebuit, tantumque librorum & maxime veterum ferebamur cupiditate languescere, posse vero quemlibet per quaternos facilius, quam per pecuniam, adipisci favorem. Quam ob rem supra dicti principis autoritate suffulti possemus & obesse & prodesse, proficere & officere; vehementer tam majoribus quam pusillis affluerunt loco enceniorum & munerum locoque donorum & jocalium cavilenti quaterni, ac decrepiti codices nostris tam aspectibus, quam affectibus pretiosi, tunc nobilissimorum monasteriorum aperiebantur armaria, reserabantur scrinia & cistula solvebantur. Operæ pretium est legere, quæ illic plura habentur rei literariæ strategemata, non nitido quidem stylo, sed crudite tamen scripta. * Quo spectat conversatio quotidiana cum diversarum artium professoribus, quos beneficio sibi devinxerat; Tales, inquit, in nostro tirocinio commiſſiones elegimus: tales in thalamo collaterales habuimus; tales in itinere comites, tales in hospitio commensales: & tales penitus in omni fortuna sodales. Pinelli quoque Bibliotheca vehementer augebatur libris, quos mittebant ii, quibuscum amicitia illi intercedebat; Vidimus, inquit Gualdus, doctorum hominum plerosque, egregios dico & nominis magni, ad suam dignitatem pervenire arbitratos Museum Pinelli exornari commentario quoquam e suis. * Facilius quoque ementur libri, si detrahatur sumptibus necessariis, qui ad ornatum librorum spectant, & si libri rariores, quales pretio immani solent vendi, non statim coëmantur, sed occasione commodiori reserventur; ea quoque, quæ minus utilia sunt relinquuntur, quod pulchre monet Naudæus pag. 112. 113.
- 14 Ut non sine onere ad Bibliothecas pervenimus per emptionem, ita gratius & lucrosius est per legata & donationes bibliothecas obtinere; quomodo multæ publicæ
 15 creverunt. * Bibliotheca Oxoniensis pene tota ex legatis & donationibus amplissimis congesta est, certatim liberalitatem suam testantibus viris totius Angliæ nobilissimis, quorum memoria hoc beneficio immortalis. Consignata illa sunt omnia ab ANTONIO WOOD in *Historia & antiquitatibus Oxoniensibus*, ubi de Collegiis omnibus eorumque Bibliothecis agit, præcipue lib. 2. p. 48. & seqq. Varia illic Bibliothecæ Humphredianæ fata recenset, quæ partim compilationibus doctorum, partim occasione motuum in Religione, tota extirpata est, ut reliquiæ ejus vel in foro publico combustæ, vel bibliopegis, chirothecariis, sartoribus ad usus sordidos dividerentur. Cui tandem successit THOMÆ BODLÆI, Armigeri, splendidissima liberalitate Bibliotheca, quæ ab ipso nomen hodieque obtinet, maximis alio-
- 16 rum accessionibus locupletata. * Fidem vero omnem superat inusitata Archi-Episcopi Cantuariensis, GILBERTI SCHELDONI, magnificentia, qui sumptu plane regio Theatro novo, quod ab ejus nomine *Scheldonianum* dicitur, Academiam hanc
 17 ornavit, cujus memorabilem Historiam ibidem lib. 2. p. 25. proponit. * Bibliothecæ Heidelbergensis pretium ab ULRICI FUGGERI liberalitate crevit: quæ enim primum ab Ottone Henrico Electore dedicata fuerit, aucta est egregie sub
 Fridæ-

Friderico quarto hujus viri accessionibus, ut facile libris manuscriptis, Hebraicis, Græcis, Latinis, & quidem potissima sui parte authenticis, omnem provocaret Europam, teste Jano Grutero (is enim sub nomine Gualteri latitat) Chronici Chronicorum Politici lib. 2. ubi Academias recenset pag. 1257. Idem lib. 2. Chronici Ecclesiastici pag. 1315. *Ulricus Fuggerus, Raimundi filius, literarum literarumque admirator unicus; qui Palatinatui præter insignem Bibliothecam, nulle aliquot voluminibus MStis Græcis, Latinis, Hebraicis spectatissimam, quindecim aureorum Rhæpensis legavit millia, instruendis quinque studiosis.* Processit hujus viri insignis liberalitas ex inexhausto illo summi arcani physici fundo, cujus possessorem monumenta quedam ab illo scripta restantur. * Veneta Bibliotheca legato Cardinalis Bessarionis anno 1468. insigniter locupletata est accessionibus Francisci Petrarchæ & Hieron. Alexandri, Ludov. Jacob. p. 133.

Atque hi omnes parandorum librorum modi legitimi: luctuosi sunt aut inhonesti, cum e manibus hostium, vel *spoliis*, aut *furtis* illi comparantur, e quibus non paucae Bibliothecæ creverunt. * Ipsa Vaticana Heidelbergensis Bibliothecæ integræ, ut fama est, direptione aucta est. Quamquam aliqui, qui in notitiam secretiorum Bibliothecariorum penetrarunt, negant ejus quicquam ad Bibliothecam publicam pervenisse, sed per Cardinalium privatas Bibliothecas fuisse divisam; ac ostendi quidem capsas clausas, in quibus libri reconditi dicuntur, eas tamen esse vacuas. * Non vacat recensere Bibliothecas, quæ bello interierunt, vel ad alios Dominos pervenerunt: sola illa Matthiæ Hunniadis incomparabilis Bibliotheca, incomparabili universæ Europæ damno, partim a Turcis distracta, partim ad Cæsaream Vindobonensem & Augustam Guelferbytanam translata luctuosissimum ejus exemplum præbet: nisi forte damnum hoc solantur Budæ nuper recuperatæ literaria spolia, (c) de quibus publicis relationibus nunciatum fuit. Vix tamen persuadere mihi possum, veterem illic Bibliothecam residuam; cum de ejus jactura Braslicani Epistola Salviano, ab ipso edito, præfixa abunde testetur. Magna exquisitissimæ Bibliothecæ Pinellianæ pars in piratarum Turcicorum manus incidit, qui cum prædæ opulentioris spe frustratos se viderent, omnes libros mari submerferunt.

Ut Bibliothecæ integræ in spolia cedunt, ita per furta insidiæ MStis codicibus strui solent, qui vel plane subducuntur, vel mutilantur etiam a viris doctis, Quare præ

(c) De Spoliis Literariis Budensibus consuli meretur Julii Pfugii, Equ. Saxonici, Epistola ad Vicum Ludov. Seckendorffum, præter fassa Bibliotheca Budensis, Librorum quoque, in ultima Urbis expugnatione reperiendorum, Catalogum exhibens. Cujus, in Catalogis Nundinalibus promissa, cum mentionem b. l., nec non Cap. VII. §. 29. ac Cap. XVII. §. 34. a Morhofio factam esse Autor observasset, incentivis istis Viri Summi animatus, Jenæ illam in 8vo, eodem, quo *Polyhistor* Morhofianus lucem videre cœpit, Anno 1688, edidit. Refert autem ille, Jacobum etiam Tollium, Professorem Academiæ Duisburgensis ineluctum, de eadem Bibliotheca, ejusque Reliquiis, scriptum aliquod juris facere voluisse publici.

præ ceteris a rapacibus unguibus secretius custodiri solent, nec facile ad eos admitti, nisi quorum explorata fides est. Onerat hoc crimine Didacum Mendozam, Caroli V. apud Venetos Oratorem, Schoekius in *oratione quarta de libris & Bibliothecis*, cujus illic ingeniosum furtum recenset: *Ut ornare posset Bibliothecam, quam animo moliebatur, legatos a Bessarione Thesuros expilavit, & quidem tam subtiliter, ut jurare auserim, nunquam furem aliquem doctius furtum perpetrasse. Ad suos jam redierat gratus hospes, antequam aut perferretur Respublica, aut quis ex Bibliotheca procuratoribus. Nam armaria, ex quibus MStos & membranaceos codices abstulerat, aliis vulgaribus & ejusdem prope molis libris replevit, ne ante deprehenderetur furtum, quam speciosa ejus ejurandi foret ratio.*

- 23 * Hæc ille, nescio cujus auctoris fide, tradit: quæ tamen apud alios legere me non memini. Nescio, an & in nomine erratum sit (*f*): nam Didacum ille vocat, quem alii Jacobum Hurtadum de Mendoza, qui in Bessarionis illis MStis, Venetæ Reipublicæ donatis, describendis operam sumtusque impendit, teste Claudio Clemente in *Historia Bibliothecæ Scorialensis*; cujus hæc verba: *Græcis Exemplaribus partim conquirendis in media Græcia, partim e Bessarionis Cardinalis Nicæni Bibliotheca describendis, operam sumtusque impendit. Navem præterea Græcis calamo exaratis libris onustam a Turcarum Imperatore obtinuit: moriens legavit Regi suam Bibliothecam, reservatam plurimis & vetustis illis codicibus Græcis, Latinis, Arabicis, tam impressis, quam Manuscriptis.* Franciscus tamen Schottus part. 2. *Itinerarii Ital.* cap. 10., Didacum Hurtadum Mendozam vocat, Cæsaris olim apud Venetos Legatum, qui nave quadam libris
- 24 MStis plena Bibliothecam Scorialensem auxit. * Minus reprehendendi tamen videntur, qui publico bono interdum compilarunt Bibliothecas ab invidis celatas & ad usum denegatas. Fecit hoc Matthias Flacius Illyricus, qui, teste Melchiore Adami in ejus vita, dissimulata persona & habitu in Germania Monasteriorum Bibliothecas perlustravit: quos commode potuit, historicos clam abstulit, atque isto adminiculo librum, qui Catalogus testium veritatis inscribitur, confecit.

- 25 Hactenus de modis, quibus congeri Bibliothecæ possunt, qui nunc hoc seculo feliciores sunt & faciliores, quam olim fuerunt. Magnis enim impensis pauca volumina describebantur: at nunc Typographiæ beneficio vasta volumina, & numero longe majore, modicis etiam sumtibus, comparari possunt, si cum antiquis illis comparentur. Nam quanquam librorum in veteribus Bibliothecis ad aliquot centum millia excreseat numerus; sciendum tamen est, eorum molem cum nostris minime esse comparandam, quod & in *Epistola de Bibliotheca Augusta* docuit *Comingius*.

- 26 Ut DE ORNATU aliqua dicamus; quandoquidem & illa ad rem Bibliothecariam pertinent; notandum est, nimum vel loci, ubi conduntur libri, vel ipsorum librc-

(f) Scrupulus de Mendozæ prænominem, ab Autore motus, neminem turbabit, qui cogitaverit nomen *Jacobi* Latinum, & *Didaci* Hispanicum, unum idemque esse, uti recte jam a Celeb. Tenzelio, in *Dialogis Mænsuris Germanicis*, *M. Jm. A. 1689. p. 15. 16.* ad h. l. est monitum.

librorum ornatum esse supervacuum; vel quod inutiles impensæ sint, melius in ipsos libros impendenda, vel quod speciosior ille librorum habitus non sit ad durationem & perennitatem institutus. Quod ad locum illum attinet, ubi conduntur libri, de ejus cultura & ornatu apud veteres multa Lipsius & Conringius in laudata sæpius Epistola pag. 141. & sequentibus. * Optimus ille imaginum ornatu 27
tus fuit: solebant enim virorum doctorum effigies vel sculptæ, vel gypsatæ, vel pictæ in parietibus repræsentari, ut corporum simulacra in statuis & picturis, quemadmodum animorum imagines in libris, oculis observarentur: Quod vel Marci Varronis vel Asinii Pollionis inventum merito laudat Plinius l. 35. c. 2. Videri quoque ad hanc rem Edmundus Figrelus, de statuis in Bibliothecis positis, potest cap. 24. libri de statuis. Inest vel imagini & umbræ aliqua ingenii superstitis lux, quæ excitare spectantium oculos & animos possit: quos sumptus aliqua ex parte levant, qui hodie integra volumina talium imaginum æri incisarum in lucem dede-
runt. Qui vero aliis picturis ad rem literariam non pertinentibus ornatus impensas augent, inepti sunt; quod in Bibliotheca Vaticana factum videmus, in cuius picturis enarrandis & describendis Angelus Roccha & Mutius Panfa inanem operam posuere. Qui ornatissimæ externo illo cultu Bibliothecæ ideam descriptam
volens, legat luculentam illam Bibliothecæ *μνηστέριον*, omni apparatu instructæ, expressionem apud Cresollium *Vacat. autum. libr. i. cap. 6.*, ubi inter alia de lucernis Bibliothecariis agit. De librorum ornatu apud veteres legendus est Hermannus Hugo in libro de prima scribendi origine, & Bartholinus libro de legendis libris differat. 4. * Apud nos eorum elegantia vel a typo & chartis est, vel ab externo 28
ornatu. Ac verum quidem est, amplitudinem chartarum & elegantiam typorum multum facere ad commendationem libri, quod Erasmus quoque notavit Chrysostomi edens Opera l. 28. Epist. 4. *Non parum conciliant gratia, & lectorem aliqui fastidiosum ceu lenocinio quodam invitant. Externa sunt ista, fateor, sed ea tunc demum fatebor pro nihilo ducenda, si sordida vestis, illota facies, impexus capillus, nihil obscurant bonæ formæ gratiam, sique nihil eam commendant cultus & honesta mundities.*

In his Germania olim nostra curiosissima, quæ cum typos prima invenisset, 29
eos dedit quam ornatissimos; cum hodie multis in locis adeo sordida excudat volumina, ut, si ad chartam spectes, sterquilinio videantur effossa; si typos, non impressa, sed atro colore oblita credas. Dedit Italia, Belgium, & nunc Gallia, venustos admodum & concinne formatos libros, quorum etiam exterior species legentis oculos oblectat. * Alioqui librorum nitor nimius possessori pudorem excusse 30
rit. Recte enim Erasmus lib. 31. ep. 29. *Non hi mihi libros amare videntur, qui eos intactos ac serenis abdito servant, sed qui nocturna juxta ac diurna conturbatione sordidant, corrugant, conterunt, qui margines passim notulis, bisque variis, oblinunt.* * In Bibliothecis 31
tamen publicis nitide ac a sordibus immunes servandi sunt, non tamen ita ornandi, ut videantur quasi in scenam & theatrum producti, nec ad usum quotidianum comparari. Optimus rei literariæ consultor Rol. Maresius lib. 1. ep. 34. vehementer nimium istum cultum improbat. *Non valde, inquit, afficiunt me ornamenta, nec mac-*

gnopere curvo, ut volumina pellibus pretiosissimis & nitidissimis etiam magna ex parte unicoloribus vestiantur, aliisque rebus exornentur, quæ cornuum, umbilicorum & bullarum vice sint, quæ antiquitas usurpavit; quod equidem non culpo in opulentis & principibus viris, qui ad pompam & ostentationem omnia fere agunt. Inter Bibliothecas ornatas refert Ludovic. Jacobi Bibliothecam Domini de Longueil pag. 529. item Domini de Urfe pag. 671.

CAP. V.

DE ORDINE BIBLIOTHECARUM,
DEQUE EARUM EVERSIONIBUS.

1. 1. Nulla sine ordine Bibliotheca est, aut esse debet. 2. Croix de la Main ordo improbatur, ut confusus & inconcinuus. 3. Maboni inepta Bibliotheca distinctio. 4. 5. 6. Hottingeri, Frisii, Pinelli methodus. 7. Naudæ ordo in Bibliotheca Cordesiana laudatur. 8. Bæcleri Bibliotheca Politica. 9. Fogelii ordo in Bibliotheca physica. 10. Bibliotheca Augusta a bono Catalogorum ordine laudatur. 11. Bibliotheca Thuana insignis distributio. 12. Systema Bibliothecæ Collegii Parisiensis Soc. Jesu laudatur. 13. Dn. Bailleti industria singularis in Bibliotheca Lamontana ceteris præfertur. 14. Angelici Aprosii Bibliotheca. 15. 16. Spizelii & Reiseri designatio Bibliothecæ universalis. 17. Idea Petri Blanchot. 18. Bibliotheca Principum & pauperum universalis. 19. Evergio Bibliothecarum a furore militari. 20. 21. Exempla Bibliothecæ Fiddensis, Chimensis. 22. A barbarie & ruditate hominum. 23. A superstitione. 24. Hinc Peruvianorum Hieroglyphica monumenta combusta. 25. Aliqua ex iis de Origine Americanorum conjectura. 26. Exempla plurium Bibliothecarum per superstitionem & motus in Religione exstirpatarum. 27. Magna vis Poëtarum Lyricorum a Græcis Monachis Christianis combusta. 28. Bibliotheca incendio fortuito sublata. 29. Michael Neander de Bibliothecis deperditis. 30. Ferretius amplum de iis librum promittit. 31. Julius Pflug librum de fati Bibliothecarum molitur. 32. Meursii Bibliotheca Græca & Attica.

1. **N**on juvat Thesaurus temere congestus. Nam quid habet pulchri constructus acervus? Non prodest libros cumulare, si illis idonee uti non possumus. Plus e cumeris modicis multi, quam e granariis alii, depromant. Rudis indigestaque moles corporum nec ad ornatum, nec ad usum est. Quo mihi cæmenta, tigni & lapides, si ex iis non struatur ædificium? Quorsum in incondita hominum turba, nisi in ordines suos divisa ad aciem recte instruantur? Series librorum ut scrupulosa nimis esse non debet, & in portiunculas exiguas divisa: sic enim memoriam non juvat, sed dissipat, cui unice tamen inservire ORDO debet; ita nec rudis & ad quamcunque designationem institui debet. Rei, ut naturæ ipsius,
2 communem ordinem sequamur oportet. * Laboriosum nihilque profuturum opus est,

est, cum CROIX DE LA MAINE in Bibliotheca sua ideam rerum secutus pluteos velut Locos quosdam communes, sed male ordinatos, disponit, sub quibus velut sub suis titulis libri de materia ista scribes comparant. Hujus ille consilii sui luculentam descriptionem Regi Christianissimo obtulit epistola singulari, qua hortatur, ut Bibliothecam publicam ad eum modum instruat, quod exemplum privatorum Bibliothecæ sequerentur. Hanc ille ut Bibliothecam universalem venditat, unde uno obtutu solaque inspectione comprehendi possint omnia, singulaque rerum scriptarum argumenta velut in sedibus suis habitent, & tanquam ex fodinis aurum, erui possint. Sed vehementer ille fallitur. Nam quod ille pluteorum titulos confinxit, suo quodam ordine digessit, non ad constitutionem artium & scientiarum instituto, quod memoriam gravat potius, quam juvat. Deinde speciales illi tituli vel angusti nimis sunt, vel nimis ampli, sub quibus librorum inæqualis esset & plano deformis distributio. Quam enim indecorum esset, majores minoribus libris interspersos, ut greges compelli solent, simul conjungi. Si vel solas septem classes summas, sub quibus speciales tituli ponuntur, inspicias, inepta omnia statim deprehendes. Primus ordo est de rebus sacris & ad illas pertinentibus. Secundus est de Artibus & scientiis. Tertius de descriptione Universi tam generali, quam particulari. Quartus de rebus, quæ pertinent ad genus humanum. Quintus de viris, qui bellica virtute inclaruerunt. Sextus de operibus divinis. Septimus de diversis memoriis. Quo ordine nil ineptius dari potest. Omnes artes & scientiæ in unam Classẽ compinguntur, & quæ ad artes pertinent, argumenta remerario & inadæquato ordine ponuntur. Alibi ampla & universalia in arctum compinguntur, alibi patricularia per minores titulos & exiguos quasi lancinantur. Fuere & alii, qui suo quodam peculiari sensu libros distinxere. * *Johannes* qui-³ dam *Mabunus*, cujus mentionem facit *Naudæus*, in tres classes Bibliothecam divisit, ex verbis illis Davidicis: *Disciplinam, bonitatem & scientiam docere*, quorum illa *Moralia*, ista *Theoretica*, hæc *Ascerica* proponeret. * *Distinguebat & Hottingerus* ali-⁴ quando Bibliothecam in *ἐνοματολογικὴν* Linguarum, & *πραγματικὴν* rerum, & sub duabus illis classibus comprehendebat omnia. * Est & *Jacobi Frisii* methodus ali-⁵ qua, qui ad ordinem Alphabeticum revocat Autores, sed tamen illos ratione artium & scientiarum divisos, quem recenset *Hottingerus* in Bibliotheca quadriparti-⁶ ta *part. 1. c. 5.* * Eadem ratio a *Pinello* in Bibliotheca sua ordinanda servata fuit, quam *Gualdus* in vita *ejus* *p. 27.* prolixè descripsit. Subnectit & suam peculiarem *Hottingerus*, illis ceteris quidem longe accuratiorem, sed ad minuta & specialissima se ultra, quam par est, diffundentem, qualis in ordine librorum concinnando & operosus nimis est, & labores inquirentis augeat. Facilius enim est in paucis parentioribus viis aliquid investigare, quam in multis diverticulis. * Mea quidem sen-⁷ tentia ordo in libris collocandis observari debet, sed non nimis anxius, & secundum seriem facultatum & artium, partesque majores illarum utcunque institutus, ita tamen, ut ratio etiam habeatur magnitudinis librorum. Cujus ordinis typum sane optimum & accommodatissimum dedit *NAUDÆUS* in *conciinatione Bibliothecæ Cordesianæ*. Exci-

- piunt ergo iusto se ordine 1. Biblici Scriptores Orthodoxi, Heterodoxi, primum in folio, deinde in quarto, hinc in octavo. 2. Theologi Scholastici, Heterodoxi, itidem secundum magnitudinem librorum divisi, ut & in sequentibus classibus omnibus. 3. Bibliothecarii Scriptores. 4. Chronologi. 5. Geographi. 6. Scriptores Historiæ Ecclesiasticæ. 7. Historiæ generalis. 8. Historiæ Græcæ, Barbaræ & Orientalis. 9. Historiæ Romanæ. 10. Historiæ Italicæ. 11. Francicæ. 12. Belgicæ. 13. Germanicæ. 14. Anglicæ. 15. Hispanicæ. 16. Africanæ. 17. Americæ. 18. Virorum illustrium vitæ. 19. Rei militaris Scriptores. 20. Juris Civilis Scriptores. 21. Concilia, Juris Canonici & Politicæ Ecclesiasticæ Scriptores. 22. Philosophi, Mathematici & Medici. 23. Politici. 24. Literatores, Oratores & Poætæ. Ex Bibliothecæ conditione ita ille distinxit librorum titulos, qui subdivisiones aliquas pati possent, si vastior ipsa Bibliotheca esset. Quoniam Historicorum in illa copia fuit, ideo accuratior quoque earum distributio. Confer cum his ejusdem Naudæi Tractat. de instruenda Bibliotheca, cap. 7. pag. 132. Si Philosophici & Facultatum libri plures sunt, in illis ordo ille observari potest, ut Generales semper præcedant particularibus, secundum ipsum doctrinæ ordinem. Sed nollem tamen ex ista mistura deformem librorum ratione magnitudinis positum. * BOECLERUS *Inst. Polit. lib. 7. cap. 4.* ordinem Bibliothecæ Politicæ instituendæ exhibet, ad cujus imitationem institui in aliis scientiis Bibliothecæ possunt. * Cl. FOGELIUS parvam quidem, sed selectissimam rerum naturalium Bibliothecam, a Serenissimo Duce Hannoverano post mortem ejus comparatam, secundum materiarum ordinem, non habita magnitudinis ratione, sollicite ordinaverat; (g) Quam ob causam Catalogus ille commendari potest. Sed melius tamen est, si ordinem, quem ratione formæ habent, libri servent, ratione materiæ utcunque habita. Nam catalogus Bibliothecæ realis seorsim conficiendus omnia facile compensabit, quæ sunt errata. Quem si accuratum habeamus, non refert, quo ordine positi sint libri, modo ita secundum pluteos distincti, ut inveniri facile possint. * Vehementer laudat Augustam Bibliothecam ob ordinem, non tam ex certo quodam positu, sed beneficio Catalogi alicujus realis, ab ipso Serenissimo Principe confecti. * Elegans illa Bibliothecæ Thuanæ distributio est a Clariss. Viris, Petro & Jacobo Puteanis, ordine Alphabetico primum instituta, tum secundum scientias & artes ab Ismaële Bullialdo digesta, & Parisiis Anno 1679. a Josepho Quesnel, Bibliothecario, edita, quæ exemplum absoluti dare indicis possit: nam accuratissima serie in qualibet parte libri dispositi sunt, ita ut in Theologis, Historicis & Patribus præcipue & magnitudinis & seculorum, nationum quoque, habeatur ratio; quanquam & in ceteris idem, quoad fieri potest, ordo observatur.
- 12 * Mihi quidem ob eam causam accuratior videtur, quam est illud Bibliothecæ Collegii Parisiensis Societat. Jesu Systema, Parisiis, anno 1678., in quarto editum. Et si enim

(g) Eundem cum Mart. Fogelio materiarum sive argumentorum ordinem, magnitudinis librorum incuriosum, in Bibliotheca Catearea Vindobonensi disponenda, securus esse fertur Pct. Lambecius. Verum a successore ipsius, Dan. Nesselio, is est immutatus.

ſi enim illud pluribus titulis ſpecialibus copioſius ſit, tamen ſeries illa Bibliothecæ Thuanæ multo mihi ordinatior viſa eſt. * Superare tamen omnes induſtria D^N. 13
 BAILLETI, Bibliothecarii Bibliothecæ Lamonianæ, viderur, qui judiciis de Auto-
 ribus, anno 1685. Pariſ. editis, Epistolam de Indice hujus Bibliothecæ priore a ſe
 confecto ſubjunxit, qua univerſam ordinis ſui rationem luculente exponit: Pri-
 mum ordine alphanerico omnes libros digeſſit, non omiſſis etiam illis, qui in va-
 ſtioribus voluminibus aliis commiſti continentur. Deinde in titulis ordinem
 Chronologicum & Geographicum obſervavit: Titulorum materias uberiores ca-
 pitibus, capita paragraphis, paragraphos numeris, numeros articulis, & hos ſectio-
 nibus diſtinxit. In Titulis Regionum primo locorum Chorographiam ac Topo-
 graphiam, deinde Religionem ac mores, tum Eccleſiaſticam Hiſtoriam, poſtea He-
 terodoxiæ hiſtoriam obſervavit. Sequuntur rerum ſecularium in Republica ge-
 ſtarum, Negotiorum civilium, Statutorum Scriptores, Hiſtoria literaria, ac deni-
 que Miſcelanea. Accuratior in Gallicis Scriptoribus ordinem ſecutus eſt, de
 quo illic plura una cum aliis quibuſdam monitis legi poſſunt. Jam alterum Indi-
 cem realem meditatur, quem quam accuratiſſimum procul dubio daturus Autor
 eſt. * Quomodo Bibliothecam ſuam ANGELICUS APROSIUS, Auguſtinianus, 14
 inſtituerit, non liquet: nam nihil ejus, quod ſciam, editum eſt. Magnifica ejus &
 plane invidenda eſt adſeruntur a Gregorio Leti Italia regnante *part. 4. lib. 3. p. 377.*
 ubi plura ejus ſcripta memorabilis ſane argumenti, mihi nunquam viſa, e Soprano
 de Scriptoribus Liguriæ recenſentur. Scioppius illum librorum helluonem vocat
 in ſine animadverſionis in Voſſium de Vitiis Latini ſermonis. Producit idem Leti
 ex Abbate Libanoro p. 3-9. locum, quo tomus ſecundus Bibliothecæ Aproſianæ
 citatur, quo multi continentur ab Hieron. Savanorola Mſri libri; quam ob cauſam
 aliasque ſupprimi illi libri hætenus videntur. * Designarat & SPIZELIUS Biblio- 15
 thecam quandam univerſalem, de cujus ordine ille in præſatione libri, cui titulus:
Bibliothecarum illuſtrum arcana reſecta. Addidit quoque hujus Bibliothecæ univerſa-
 lis ſpecimen. Sed ſolum ille Alphanericum ordinem in Autoribus recenſendis ſe-
 cutus eſt; qui quidem non improbandus, ſed non ad uſum univerſalem ſatis in-
 ſtructus eſt, quod præcipue requiri ſolet, & in quo ab aliis laboratum eſt: neque
 adeo deſperatus ille, ut Spizelius quidem viſum eſt, labor eſt, ubi jam ab aliis hujus
 Operis fundamenta jacta ſunt. * ANTONIUS quoque REISERUS *Hiſtoriam li- 16*
brariam & librariam, ſed patriam, meditatus eſt, (b) cui indicem Mſtorum Bibliothe-
 cæ Auguſtanæ præmiſit. Sed de designatione hujus Operis nihil quicquam edi-
 dit, & nunc una cum Autore ſpes illa exſpiravit. * Edidit & PETRUS BLAN- 17
 CHOT Pariſiis Anno 1631. *Ideam Bibliotheca univerſalis* tribus foliis ad mapparum

E 3

geo-

- (b) Ant. Reiſerus non meditatus eſt Hiſtoriam Literariam & Librariam Univerſalem, ſed Civitatis tan-
 tum patriæ Auguſtanæ, ſicut ab ipſo Morhoſio infra, Cap. VII. §. 26. recte traditur. Specimen
 illius eſt Catalogus Librorum, a Civibus Auguſtanis, ſive e Bibliotheca Auguſtana, Typiſve Au-
 guſtanis, editorum, quem *Indici Mſtorum Bibliotheca Auguſtana*, Auguſtæ A. 1675. in 4to edi-
 to, Appendicis inſtar ſubjunxit.

geographicarum magnitudinem, quam hætenus videre non contigit. De Ludovici Jacobi Bibliotheca Universali infra dicitur.

- 18 Qui Bibliothecam universalem in compendium trahere velint, duobus tribusque libris ex aliquorum consilio illam absolverent. *Matthæus Vayerus*, ut cap. præced. 3. §. 8. diximus, centum librorum Bibliothecam Principi commendavit. At *Agrippa* non nisi duos commendat. Ita enim ille lib. 3, Epist. 32. *Duos tibi præcipue legendos dabo, iuvenum Latinum Plinium, aliterum Græcum Plutarchum. Hi duo (crede mihi) præ ceteris sufficiunt ad reddendum hominem in omni scientiarum genere utraque lingua doctissimum.* Guido Parinus, vir lepidissimus simul & doctissimus, duos adjungit: ita enim in Epistolarum, Gallica lingua scriptarum, sexta: *l'Histoire de Plin est un des plus beaux livres du monde: c'est pourquoy il a esté nommé la Bibliothèque des pauvres. Si l'on met Aristote avec luy, c'est une Bibliothèque presque complete. Si l'on ajoute Plutarque & Seneque, toute la famille des bons livres y sera, pere & mere, ami & cadet.*
- 19 CAUSÆ EVERTENTES Bibliothecas vel ex hominum malitia, vel ex simplicitate & barbarie, vel ex superstitione, vel ex casibus fortuitis proveniunt. Non facile credat aliquis, adeo malitiosos esse nonnullos, ut in Bibliothecas grassari velint. Quod fieri tamen sæpe vidimus vel ab hostium barbarie, vel militum inconsulto furore. Quot non ex antiquis Bibliothecis profanorum manibus direptæ perierunt? Quæ non in ipsa Germania nostra passim librorum strages? * Non alio fato Fuldenfis monasterii amplissima veterumque librorum ad miraculum plenissima, ac totius Europæ celeberrima, ut Melchior Adamus illam in Vita Francisci Modii describit, periit. * Fuit inter *Chinenses* tam flagitiose ambitionis Tyrannus *Xiur*, qui ut sibi uni & soli laudem quæreret, omnes libros Sinicos exuri jussit, ut priorum Imperatorum omnium exstingerentur memoria. Hujus tamen infamisi facti aliam causam prætexuit, quam scite expressit Oratione *Lisuar*, Minister ejus primarius, ut videre est apud Martinum Martini lib. 6. pag. 239. ubi historiam omnem recenset, & artificium, quo aliqui vetustissimorum librorum fuere servati. Anus enim quædam libros divitis paginis ad domus parietes agglutinavit, unde postea, velut Hippolyti membra, lacinia illæ in libros collectæ, atque ita fatali flammæ ereptæ. Vidimus, & apud Romanos in libros optimos ita sævitum fuisse. Hoc scilicet Aristoteles, cum de optima politia disputat, ait proprium esse Principum, qui amici sui libidine potentia abutuntur sua: *μήτε χολαίς, μήτε άλλας συλλόγας επιτρέπειν γινεσθαι χολαστικὰς*, neque conventus aliquos scholasticos fieri concedere.
- 22 re. * Sæpe & barbaries & ruditas hominum evertit Bibliothecas. Quando enim gentes, nullis literis & artibus assuetæ, in libros incidunt, vel spernunt, vel ut inutilem sarcinam
- 23 abjiciunt; quod sæpe factum historiæ testantur. * Ex illa ruditate, si pietatis colore tincta sit, superstitio oritur, quæ libris ob malarum artium aut corruptelæ me-
- 24 rum internecioni fuit. * Ea Peruvianorum vetustissima monumenta literis Hieroglyphicis scripta, cum occuparent terras illas Hispani, quod Monachi imperiti pro characte-

raeteribus Magicis haberent, perdidit, teste *Inca Garcilasso della Vega*, qui Yncarum
 historiam, ipse ex Regia familia oriundus, scripsit. Vehementer ille horum monu-
 mentorum jacturam deplorat, unde omnis gentis hujus origo peti potuisset.
 * Ego in illam sum opinionem adductus, ut ex Hieroglyphicorum usu de origine 25
 totius Americanæ gentis judicari posse existimem. Peruvianorum in America Au-
 strali, Mexicanorum in Septentrionali, potentissima gens est. Utraque Hierogly-
 phicis literis usa est. Illa ab Ægyptiis vicinioribus, olim forte in has terras dela-
 tis, illas habuit, quod cultus solis utrique genti communis similiter confirmare vi-
 detur. Hæc vicinos Chinenfes & Japonenses habet, qui & ipsi hodieque Hiero-
 glyphicis literis utuntur. Ut ergo ex his orbis nostri partibus totus ille novus
 orbis propagatus videatur. Accedit optimus politici regiminis utrobique status,
 qualis a cultoribus gentibus derivatus videtur, quodque illæ ipsæ Americanæ gen-
 tes externam originem antiqua traditione profiteantur. Quæ barbaræ & sylve-
 stres illic nationes supersunt, incertis ab illis sedibus jam olim divagatas credibile
 est. Sed nos alieno loco allatam conjecturam ulterius expendendam seponimus.
 Eam ob superstitionis causam libri Græci Latiniq; sermonis per omnem Africam
 superstitioni alicujus Caliphæ jussu aboliti, narrante Joanne Leone lib. 1. Histor. A-
 fricanæ. * Quot non Religionis dissidia Bibliothecas & libros pessum dedere! 26
 Rem enim DEO gratiam facere se putarunt, qui hæreticorum instrumenta, libros
 extirparent. Selectissima Bibliotheca Londinensis Carmelitarum, meris MSis con-
 stans, a Reformatorum tumultu periit, referente Pirseo. Idem zelus optimam
 Franciscanorum Bibliothecam in Anglia, & in illa incomparabiles Rogeri Baconis
 libros abolevit, teste Antonio Wood in Historia & Antiquitatibus Oxoniensis A-
 cademiæ. In Gallia periit per Reformatos Bibliotheca Abbatiae de S. Dionysio, ut
 refert Autor antiquitatum Parisiensium, anno 1640. editarum. Rami Bibliotheca
 in tumultu illo Lanienæ Parisiensis misere dissipata, de quo extat querela Nancelii.
 In Ducatu Burgundico celebris Bibliotheca Ordinis Cluniacensis, MSis libris ple-
 nissima, per Calvinianos periit, teste Lundorpio in Continuatione Historiæ Sle-
 dani: item Petri Montauri Bibliotheca præcipue Mathematicis Græcis, majorem
 partem manuscriptis, & ipsius Montauri studio emendatis, de qua Thuan. ad ann.
 1572. * Superstitio nobis invidit pulcherrimos illos Lyricos Græcos, quorum sin- 27
 gulare fatum notavit Paulus Colomesius in *Cimeliis suis literariis*, cap. 15. ex Petro Al-
 cyonio. Is enim in libro de Exilio, quem majori ex parte transcriptum ferunt
 (quod obiter indicat) e M. Tullii libris de Gloria: *Audiebam puer* (ita loquitur apud
 Alcyonium Joannes Medices, postea Leo X.) ex Demetrio Chalcondyla, Græcarum ve-
 rum peritissimo, Sacerdotes Græcos tanta floruisse autoritate apud Cæsares Byzantinos, ut in-
 tegræ illorum in gratiam, complura de veteribus Græcis Poëmata combusserint, imprimisq;
 ea, ubi amores, turpes lusus & nequitia amantium continebantur, atque ita Menandri, Di-
 phii, Apollodori; Philemonis Alexis fabellas, & Sapphus, Erynia, Anacreontis, Mim-
 nemi, Bionis, Alemanis, Alcai carmina intercidisse: tum pro his substituta nostri Na-
 zianzeni Poëmata, quæ etsi excitant animos nostrorum bonorum ad flagrantiorum Re-
 ligionis cultum, non tamen verborum Atticorum proprietatem & Græcæ linguae ele-

gau-

- gantiam eloquent. Turpiter quidem Sacerdotes isti in veteres Græcos malevoli fuerunt, sed integritatis, probitatis & Religionis maximum dedere testimonium. Hæc ex illo adducere
- 28 prolixius visum est, cum de causa jacturæ illius non constet omnibus. * Quæ non hominum culpa, casibus sæpe fortuitis, incendiis, aquis, pestum ivere Bibliothecæ? quarum Catalogum nectere possemus, si juvet infandos renovare dolores. Recentia sunt & novissima exempla Bibliothecarum insignium, quæ incendio Londinenſi perierunt, Bibliothecæ Scorialentis, in qua Mstorum copia maxima, privatarum etiam, ut Cl. Thomæ Bartholini, qui jacturam ejus singulari libello de incendio Bibliothecæ suæ deploravit, damnaque tam suæ, quam publica illic derexit; & novissime Hevelii, cujus tot lucubrationes & machinæ cum incomparabili rei mathematicæ damno perierunt. Recenset & Ludovicus Jacobi in libro suo de Bibliothecis, p. 626. 629. 630. 631. 664. aliquas, quæ incendio absumptæ: ne quid nunc de veteri illa Alexandrina, de Constantinopolitana, aliisque dicam, quarum in
- 29 omne ævum jactura deploranda est. * Si quem juvat etiam amissorum thesaurorum infelix memoria, legat Michaëlem Neandrum, in doctissima illa Præfatione, Grammaticæ Græcæ Erotematibus præmissa, ubi inter multa alia ad rem literariam spectantia agit de Bibliothecis deperditis & noviter instructis. * Solari etiam
- 30 desiderium nostrum utcumque poterit, si in lucem aliquando prodibit JOANNIS BAPTISTÆ FERRETI, qui Musæm lapidariam antiquorum publicavit, *Bibliothecarum deperditarum Opus*, quod molitur, ut ex præfat. ad Lectorem in Musæm lapidariam discimus. Proponit illic, ut promittit, non Bibliothecas tantum, sed & perditæ Opera tam Græcorum, quam Latinorum, in quo numerus ad centum milia ascendit. * Fortassis etiam JULIUS PFLUG, quem de *fatis Bibliothecarum* librum moliri Catalogus Francofurtensis de anno 87. memorat, aliqua hujus argu-
- 31 menti proponet. * Meursius jam olim *Bibliothecam Græcam*, aliamque *Atticam* scripserat, (i) ut ille in lectionibus Theophrasteis cap. 1. & lib. de fortuna Atheniens. cap. 3. & 8., & præfatione Græciæ ludibundæ testatur; quibus Græcorum & Atheniensium scripta etiam deperdita recensuit, quæ nunquam in lucem edita Opuscula memini, neque eorum in Bibliotheca Belgica meminit Valerius Andreas. De Bibliothecis deperditis videri etiam Spizelius potest in dissertat. præliminari Arcan. Biblioth. §. 12.

CAP. VI.

DE BIBLIOTHECARIIS ET NOTITIA
BIBLIOTHECARIA PARANDA.

- §. 1. *Bibliothecariorum olim amplissimum munus.* 2. *Sacerdotes apud Hebræos.* 3. *Demetrius Phalereus, Alexandrina Bibliotheca præfectus.* 4. *Ejus successores.* 5. *Bibliothecarii.*

(i) De Joh. Meursii, Senioris, *Bibliothecis, Græca & Attica*, utraque ævondæta, plura suggeret *Homonymosopia nostra*, Sect. IV. c. 3. §. 6. p. 909. 910.

bibliothecarii apud Romanos. 6. Bibliothecarii apud Francos. 7. 8. 9. Cancellarii, Notarii, Secretarii, Chartophylaces. 10. Magistri Bibliothecarum & Bibliothecarii differunt in Gallia. 11. Cinelotheca, Gazophylacia nummorum addi Bibliothecis solent, quæ hodie Musæ vocantur. 12. Notitia Bibliothecaria quomodo paranda. 13. Notatur Kerdierus, qui studium Bibliothecarum improbat. 14. Autores de Bibliothecis. 15. Libri & monumenta antediluviana. 16. Columnæ Sethi. 17. Liber Enochi. 18. Postelli de eo magnificum iudicium. 19. De ipso omnia incerta. 20. Liber in Peirescii Bibliotheca hoc titulo non est Enochi, sed alterius auctoris. 21. Ludolphi de eo iudicium. 22. Boulduci temeraria asserta. 23. Libri antiquiores postdiluviani. 24. Pentateuchus, an & libri ante illum. 25. Benjaminis Tude- lensis de Bibliotheca primi & secundi templi traditio. 26. Bibliotheca Abyssina X. mille librorum fabulosa. 27. Salomonis libri absconditi. 28. LXX. de Cabala commen- tarii Esdra. 29. Bibliotheca Rabbinica. 30. Aegyptiorum magnifica Bibliotheca & structura. 31. Chaldeorum antiquissima monumenta. 32. De Pseudo Berossi anti- quitatibus disquiritur. 33. Annus Viterbiensis, defensio à Thoma Mazza & Fr. Macedo. 34. Bibliotheca Persarum aliarumque gentium. 35. Excerpta Bibliothe- caria quatuordecim literatis suadentur. 36. Excerpta Bibliothecarum quomodo instituenda. 37. Collectanea de Judiciis Auctorum. 38. Laus Hieronymi Wolschii. 39. Ejus libri, ad rem Bibliothecariam pertinentes.

Subnectemus aliqua de BIBLIOTHECARIIS, qui Bibliothecæ vel curam habent, vel illi opera sua inserviunt: quorum amplissima olim dignitas fuit. Desinabantur enim huic muneri rerum omnium scientia prædiri, qui & iudicare bonos libros, & ex istis thesauris, velut e quibusdam horreis, in publica commoda multa deprimere poterant, & sui etiam ingenii locupletare divitias, reipublicæ feliciter impendendas. * Apud Hebræos Sacerdotibus librorum sacrorum cura commissa fuit. Erant in Synagoga *ὑπάρχοντες*, qui librum legis custodiebant, & ex eo prælegebant; quod in Ecclesia Christiana faciebant *ἀναγνώσται*, qui erant e Diaconorum ordine, de quibus Grotius ad Lucam cap. 4. vers. 20. * Præfuit Alexandrina Bibliothecæ Demetrius Phalereus, Vir doctissimus, Philosophus, Orator præstantissimus; Theophrasti etiam discipulus, (k) cujus hodie aureus extat *περὶ ἐξουσιῶν* liber, qui cum male haberetur in patria: summa apud Athenienses florenti gratia, ut CCCLX. statuae virtutis & meritorum ergo positæ ipsi fuerint, fortuna ita mutata fuit, ut in Ægyptum exulandum illi fuerit: ubi amicis Regis Ptolomæi adscriptus Bibliothecæ curam gessit, & omni rerum copia abundavit. Huic incomparabili Bibliothecæ ut vivus quidem præfuit, ita plures tamen admissi ex omni- bus

(k) An Demetrius Phalereus Bibliothecæ Alexandrinæ præfuerit, verusque Libri *περὶ ἐξουσιῶν* sit Autor, adhuc sub iudice lis est. Negant utrumque Philologi inter modernos plurimi atque *ἑξουσιῶν*, quorum Indicem, & Argumenta haud contemnenda, *Homonymoscopis* nostra, Sect. II. c. 3. §. 22. & 23. p. 297-298. exhibet.

bus terris viri docti, qui illic communi victu alebantur. Præfuerunt huic muneri olim in *Ægypto* Sacerdotes. * Insecuti postea Demetrium in isto munere viri doctissimi, e quibus fuit Zenodotus Ephelius, cujus mentio fit apud Aufon. *carm. 13. de Professoribus Burdigalensibus & præfat. in ludum 7. sapientum.* Callimachus Cyrenæus, Poëta inter Græcos nobilis, cujus præclarum Opus de origine & migrationibus populorum, conditoribus & legibus urbium intercidit, quique libros pene infinitos scripserat. Quemadmodum scilicet inter pecunias & thesauros versanti facile ex ipsa administratione congeruntur nummi; ita inter libros ætatem consumenti viro docto libros scribere non difficile est, cum tot ante oculos positæ segetes ad messes & spicilegia invitare videantur. Hic a Jonsio *de script. Hist. Phil. lib. 1. c. 18.* ubi seriem præfectorum Bibliothecæ Alexandrinæ recenset, omissus est. Statim enim ille Zenodoto Eratosthenem subjicit. Etiam ille Cyrenæus fuit, Callimachi discipulus, a varia doctrina *πένταθλος* dictus, & Philologi sibi nomen vindicavit, teste Suetonio *de illustribus Grammaticis cap. 10.* Præfuit & huic Bibliothecæ Apollonius Rhodius, vir ob Argonauticum carmen celeberrimus.

5 Fuere apud Romanos, etiam antequam Bibliothecæ struerentur, quidam actorum publicorum & legum custodes: asservabantur in æde Cereris plebiscita ab Ædilibus plebis, a Quæstoribus urbanis postea in arario reposita. Librorum, tabularum censura committebatur Ædilibus Curulibus, Triumviris executio in libros damnatos data, Censoribus quoque arbitrium in libros erat. Duumviri a Tarquinio creati libros Sibyllinos custodiebant. Mutata Republica M. Varroni a J. Cæsare Bibliothecarum colligendarum negotium datum est, & Pompejus Macer ad ordinandas designatus. C. Julius Hyginus, ob antiquitatis notitiam Polyhistor vocatus, ab Augusto Bibliothecæ Palatinæ præfectus. Videmus ergo jam ab omni ævo doctissimis, & qui erant *υπεροχοι ἄλλων*, Bibliothecas, ingeniorum, animorum & sapientiæ thesauros, fuisse commissas. * Apud *Reges Franciæ* dignitas illa non exigua erat, quam sub Carolo M. obtinuit Gerardus. In Synodo Ticinensi Anno 876. subscribit Hilduinus, Abbas S. Dionysii & Bibliothecarius Caroli Calvi. Fuit & Ebo, Archiepiscopus Remensis, Bibliothecarius, ut patet ex Caroli C. Epistola ad Nicolaum PP. ubi ait, illum a parente, Ludovico Pio, adhuc Aquitanico rege, fuisse constitutum.

7 Qui in *Ecclesia Romana* Bibliothecæ præerat, teste Onuphrio Panvinio tractatu de Bibliotheca Vaticana, *Cancellarius* vocabatur; cujus ille munus describit: Bibliothecam & omnia ejus volumina accuratissime custodire; Bullas sive diplomata, vel Epistolas decretales Pontificum, scribere, & si opus erat, dictare; Acta Conciliorum & Synodalia exscribere & conservare; tandemque apud Romanam Pontificem omnia præstare, quæ sedis Apostolicæ Cancellarii nostro tempore faciunt. Erat vero olim Cancellariorum non ista dignitas, quæ postea fuit; de cujus nominis prima origine, variæ acceptione, dignitatis incremento, legendi omnino sunt Casaubonus in Flavii Vopisci Carinum loco illo: *Præfectum vobis unum ex Cancellariis suis fecit, quo sedius nec cogitari potuit aliquid, nec dici;* Et Salmasius, qui luculentius omnia excussit,

excussit, & in nonnullis a Casaubono dissentit. Comparari possunt, qui honestiore ex iis loco erant, cum scribis nostratibus, aut qui a secretis sunt. * Tum vero, cum Bibliothecæ præerant, Archivarii nostratibus similes erant: nam curæ actorum publicorum Bibliothecæ cura accessit, cum illa ab uno commode ordinari potuerit. Adeatur Onuphrius Panvinus ipsa illo sæpius citato loco, ubi ait: *Conveniens visum fuit, ut is potissimum esset Papa amanuensis, scilicet scribarum Princeps, vel a secretis, qui etiam Pontificiam Bibliothecam, quæ tunc erat, velut Cancellaria quædam, sive, ut nunc loquimur, secretaria, tractaret: nostris vero temporibus hæc munia sunt divisa.* Idem Panvinus libro de Rebus Lateranensibus Vice-Cancellarium Ecclesiæ Romanæ ejusdem semper fuisse Bibliothecarium, & postremum, qui sanctus est utroque officio sub Bonifacio VIII, Benedicto II. & Clemente V, fuisse Papinianum, Episcopum Parmensem. Nam *Notarii & Secretarii* olim illi fuerunt cum Episcopis pari dignitate, de quibus Leonardus Aretinus *Epist. lib. 5. pag. 235.* ubi Secretarios honore & dignitate excellentiores Advocatis esse contendit. Post hunc ait nullum Vice-Cancellarium præfuisse Ecclesiæ Lateranensi, sed Romana curia trans Alpes in Gallias a Clemente traducta, novaque Bibliotheca Pontificia Avenione constituta, Vice-Cancellarii munus a Bibliothecario distinctum fuisse. Demum Sixtus IV. nova in Vaticano Bibliotheca constructa, officium Bibliothecarii a Sacristæ munere, cui adjunctum fuerat, distinxisse.

Fuere & sui Ecclesiis Cathedralibus Bibliothecarii, qui libros Ecclesiasticos custodiebant, & literas & diplomata Episcoporum describebant. Extat Valentini, Valentis & Gratiani AAA. constitutio *lib. 14. tit. 9. Cod. Theod. de studiis liberalibus Urbis & Romæ & Constantinopolitana*, qua Bibliothecæ cura idoneis hominibus de Clero committitur. Sed fuit chartarum & publicarum literarum cura & olim & postea distincta. Qui Romæ fuerint Actorum publicorum custodes, notum est. Legendus est Bonifacius de Archivis c. 8. * Vocabantur in Ecclesia orientali *Chartophylaces*, qui & Bibliothecæ simul & Archivis præerant, de quibus legi possunt, quæ Carolus de Fresne in Glossario suo congessit.

Apud Gallos distinguebantur nomina illorum, qui Bibliothecæ præerant; sunt enim in Regia Bibliotheca *Maîtres de la librarie*, & Magistri Bibliothecæ, viri, in illustri dignitate constituti, & Bibliothecarii minores, de quibus Ludovicus Jacobi, *Tr. de Biblioth. cap. 83.* videri potest. Magistri Bibliothecæ fuerunt Guilielmus Budæus, qui præterea libellorum supplicum Magister fuit, Petrus Castellanus, Petrus Montaneus, Jacobus Amiotus, Thuani, pater & filius, Hieron. Bignonius, celeberrima nomina. Apud antiquos etiam servis hæc cura demandata fuit, deque illis Pignorius in libro *de Servis p. 108. sqq.* pluribus egit. De Bibliothecarii officio multa Hortingerus in Bibliothecario quadripartito.

Solet quoque Bibliothecariæ curæ addi nummorum, marmorum vetustiorum & rariorum naturæ collectio, ut omnia illa, quæ ad ingenii culturam pertinent, uno loco congerantur. Quicquid enim vel rerum natura sinu suo recondit, quicquid

temporum & seculorum characterem exhibet, ut marmora & nummi, illud cum scientiarum arcanis, quæ libris continentur, recte conjungitur. De nummis, cime-
liis, naturæ arcanis, catalogi non pauci extant. Qui naturæ rariora collegerunt, sub nomine *Museorum* illa publicarunt, quorum enarrationem universalem instituere voluit *Croix de la Maine*, teste Ludovico Jacobi, Tr. de Biblioth. p. 674. quæ, ut puto, una cum ejus Bibliotheca universali, quam moliebatur, perijt. Extant integri de naturæ rarioribus libri Calceolarij, Septalii, Aldrovandi, de quibus in physicis plura. Multa talia musea notavit Ludovicus Jacobi in Tractatu de Bibliothecis, & in Itinerario suo Monconitius. Est & Italus aliquis, qui Museorum & Cmeliothecarum integram historiam promisit. Sed de his suo loco.

- 12 Procedimus ad Bibliothecas ipsas, quas accuratius nosse Bibliothecarius, id est literatus ac Polyhystor, debet. Cum enim omnis doctrina vel per mortuos, vel per vivos magistros, propagetur, vivi facile intereant, mortui immortales sint, nec nisi per ipsos vivos magistros habeamus, necessaria illarum cognitio est Polyhistori. Tenenda ergo est omnis *Historia Bibliothecaria*, quæ his præcipue absolvitur capitibus: (1) Cognitione Bibliothecarum prisca novique temporis, quæ olim extiterunt, hodieque supersunt, publicarum, privatarum. (2) Autorum, qui libros recensent,
- 13 collectiōe & collatione diligenti: * Et quidem quod ad primum attinet, præmonendum est, insanire illos, qui rei Bibliothecariæ studium vituperant & dissuadent; e quibus *Claudius Verdierum* nomino, Antonii filium, hominem propemodum insanum, qui in recensione Autorum, audaci, ridicula & stulta (nam in omnibus, etiam optimis, quærit, quæ notare possit) p. 168. misera plane, & jejuna declamatione, omnem curam Bibliothecariam, ut rem inutilem, stolidis ac ineptis rationibus damnat. Non est operæ pretium nugis illis immorari: sunt enim non sani hominis verba, sed furentis *μεμδυσμένα βήματα*. Extremum dementiae argumentum est, omnia quæ exquisitoris judicii viri aut invenerunt aut approbarunt, improbare. Ex hoc libro, ut ex ungue Leo, æstimari voluit, æstimanda ex unguiculis felis literaria
- 14 Sed mittamus hominem, & quod res est, agamus. * *De Bibliothecis* antiqui novique temporis in universum aliqui *scripsere*, sed ita scripsere, ut multa aliis post se commemoranda relinquerent. Sumisit sibi argumentum hoc tractandum Ludovicus Jacobi, Carmelita, cujus jam sæpius mentionem fecimus. Post illum Lomeierus, Gallelius, de quibus singulis peculiari capite judicium nostrum exponemus. Proposuerat quoque idem sibi argumentum Josephus Maria Suarefius, Vir doctissimus, cujus illa τῶν βασιλικῶν notitia historica extat, referente Ludovico Jacobi, Tr. de Biblioth. c. 87. p. 613. cum quo ille communicaturum se promiserat, quæ in Opere illo affecta habebat. Verum negotiorum mole oppressus non potuit extremam huic labori manum admovere, neque quicquam earum chartarum ad Ludovicum Jacobi pervenit.
- 15 Qui ab oño Bibliothecarum historiam ordiuntur, cum ipsis mundi natalibus, cumque ipso Adamo natam librorum scribendorum originem ajunt. Certum est
jam

jam ante diluvium fuisse aliquam rationem conservandæ rerum memoriæ. Nolo hic adducere, quæ de Adamicis literis ac monumentis nobis narrant Rabbinii. * Columnas a Setho fuisse politas ajunt, quibus artium principia fuerint exsculpta, 16 quarum alteram suo tempore in Syria superstitem fuisse, Josephus autor est, lib. 1. Antiq. Judaic. c. 4. Quod enim ab Adamo ipso duas tabulas confectas quidam existimant, quibus scripserit initia creationis, lapsum hominum & promissionem divinam, atque has tabulas existiment, tanquam templum, fuisse, certi loci signum, in quem solitus esset convocare suam Ecclesiam, & ubi sacrificia facta sint, & recitata doctrina, illa, cum nullo autore certo dicantur, merito inter conjecturas refert Cl. Bœclerus Exercitat. in Joseph. Antiq. Judaic. ubi de Inventoribus primis artium, quorum apud Josephum mentio fit, disquiritur. Jam ante diluvium in respublicas coaluerunt hominum societates: nam agnoverunt antediluviana imperia Chaldaei vetustissimi, & recensentur eorum nomina a Beroso & Apollodoro, quod fragmentum Eusebio inseruit Scaliger. Sunt & Aegyptiorum & Arabum Monarchæ ante-diluviani, de quibus vide Rupert. Obs. in Bæfeld. Synops. c. 2. p. 16. & Marsham. in Can. Chronologici προκτασκειν. Ac distinguitur totum illud tempus εἰς χρόνον ἀδασιλευτον καὶ εἰς χρόνον ἐκσιλτων, tempus sc. illud, quo nulli erant Reges, cum inter familias adhuc subsisteret imperium, & illud, quo regnatum fuit. Non ergo verosimile est, per tantum temporis spatium, totque annorum decursum, sine memoriis rerum actarum fuisse homines. Fuisse libros vel ex Juda, Enochii librum citante, discimus. Ideoque & libri in unum collecti fuere.

Quod ENOCHI librum attinet, varia sunt incertaque omnia, quæ de eo memorant: nam quæ hodie supersunt fragmenta, nemo facile genuina crederet, de quibus legi possunt, quæ habentur apud Bangium in *Cælo Orientis Exercit. 1. Cui. lib. 3. de Republ. Hebr. c. 1. Drusium in Henocho. Dorscheum in dissertatione de Prophetia Enochii. Hackspan. Disp. de Demoman Angelorumque nominibus. Maderum de scriptis & Bibliothecis Antediluvian. Schotanum in Bibliotheca Hist. Sacra de prim. mund. ætat. p. 83. & seqq. Heideggerum in Historia Patriarcharum Exerc. 10. ubi v. d. e. fragmenti, quod Scaliger ad Eusebium produxit, undecim argumentis ostenditur. Memorantur autem libri ab Enocho scripti diversorum argumentorum. Est *Propheticus*, est & *Physicus*, quem apud Æthiopes in Regno Reginae Sabæ extare Abyssina lingua, restatur Genebrardus Chronol. p. 14. * Guilielmus Postellus, in libro de Ori- 18 ginibus, seu de varia & potissimum Orbi Latino incognita aut inconsiderata historia, in quo totius se Orientis mysteria proditurum minatur, super Noachi & Henochii libris, sed ipsi non inspectis, ex interpret. Sacerdotis Æthiopis, novas & inauditas sententias fundat. * Non desunt, qui mirabilem in illo ingenii vim per omnia diffusam 19 agnoscant; nam Florimundus Remondus lib. 2. de Origine hæresium c. 15. virum maximum omnium vocat, quos seculum nostrum produxit; multa quoque in ejus laudes adducit Joann. Steph. Menochius in libro, Italica lingua scripto, cui titulus *Trattamenti eruditi part. 3. c. 91.* * Refert & in Peirescii, magni illius librorum vena- 20 toris, Vita Gassendus: Illi ab Ægidio Lochienti e Capuccinorum familia ex Ægy- pro*

- pro redeunte narratum fuisse de *Mazapha Enoch*, seu Prophetia Enoch, idiomate Æthiopico scripta, declarante ea, quæ ad finem usque seculi eventura sunt, in Bibliotheca quadam Orientis latitante. Ideoque Peirescium accensum ejus parandi studio, ut nullis parcens sumptibus ipsum sui faceret juris. Ejusdem libri exemplum
- 21 forte fuisse quis credat, quo usus est, sed alio interpretante, Postellus. * Quamquam Ludolphus, Vir celeberrimus, in *Historia sua Æthiopica*, lib. 3. c. 5., omnem illius libri fidem funditus evertit. Namque e Bibliotheca Cardinalis Mazarini, in quam ille e Peiresciana Bibliotheca translatus, ejus libri exordium, medium & finem per amicum exscribi curavit, quæ nihil de Enocho, neque prædictionibus futurorum, sed quendam Abba-Bahaila-Michaëlem autorem habuerunt, de mysteriis cæli & terræ, & de SS. Trinitate, differentem. Georgium Habeslinum, cujus fidem in relationibus suis secutus est Ludolphus, Precationem Magicam vocasse ait, ac plane negasse in Æthiopia receptum; *Tanta vecordia*, inquit Ludolphus, *scriptus est, ut sacratissima Virgini Mariæ Orationes ad filium suum Θεὸν Ἰησοῦν ἀγγέλλωντες ἀνθρώποις ὁμολογίαις πλήρεις, quibus plus quam divine virtutes adscribuntur: quare a Judæis confectum existimat.* Vellem tamen, quicumque demum sit, a viro clarissimo in lucem protractum, ad quem forte respexerunt, qui physicum ab Enocho librum scriptum crediderunt: Physicum enim de mysteriis cæli & terræ argumentum videtur.
- 22 * Mireris sane qua fronte, qua fide Boulducus Capuccinus, lib. 1. de statu Ecclesiæ ante-Mosaica c. 14. pronunciare aulit: *Noa scripta Enoch diligenter conservabat, ac illa reposuit in arca diluvii non minore sollicitudine, quam Patris Adam & quorundam aliorum ossa, ut qui ejus, quem Deus rapuerat, ossa, quæ servarentur, habere non possit, scripta tanquam sacratissimum pignus ac depositum sibi & posteritati custodiret, quorum lectione, vel solo intuitu, ad tanti auctoris merita divina jugiter conspectui presentanda moveretur, quibus juste irati Numinis in mortales misericordiam facilius impetraret.*
- 23 Sed relinquamus sua cuique commenta. * Post diluvium Pentateucho nihil antiquius esse plerorumque est sententia, quamquam de *Abrahami* quodam libro, qui *Liber Creationis* inscribatur, & fundamenta Cabalæ obscure doceat, Judæi multa tradunt. Unde de Abrahami in Ægypto & India Scholis, ex quibus *Bramines* quasi *Abramines* dicti, multa Postellus, qui, nescio qua fide, cap. 15. lib. cit. pronunciat: *Apud Indos latent infiniti historiarum & librorum antediluvianorum thesauri, quos nos expectare inane cum Enochianis opus est, antequam claritatem absolutam rerum Mosaicarum cernamus.* Et tamen in titulo libri origines suas se ex libris Noachi & Henochi eruisse venditat,
- 24 quæ ἀντιγοντικὰς ἀντικειμενὰς esse nemo non videt. * In *Pentateucho* libri allegantur nonnulli illo, ut videtur, antiquiores, ut liber bellorum Domini Num. 2. v. 14. Liber pacti Exod. 24. v. 7. de quibus variæ adferuntur sententiæ, quas recenset Lomeierus, c. 2. Quod in sceleratæ calumniæ occasionem trahit infamis Atheismi propugnator, Spinosa, in *Tractatu Theologico-Politico* cap. 8. ubi pluribus argumentis contendit, *Pentateuchum* non esse a Moyse scriptum, sed ab alio Autore, qui laudat illic libros bellorum Domini & librum pacti, a Moyse conscriptos, quibus

quibus responderunt veritatis divinæ hyperaspistæ. Videmus in sacri Codicis li-
bris multos alios passim laudari, quorum memoria nunc plane ac ipsis Judæis
perit, de quibus Lomeierus cap. 3. Neander Præfat. Erot. Græc. linguæ. * Me- 25
ninit & Benjamin Tudelensis in *Itinerario suo* Bibliothecæ librorum primi & secun-
di templi, quam extare in ripa Euphratis apud sepulchrum Ezechielis Prophetæ
ait. Fabulosum hunc Autorem omnes habent. Sed tamen Petrus della Valle in
Itinerario suo hujus sepulchri meminit, quod adire, nescio quibus obstaculis impedi-
tus, neglexit; licet de Bibliotheca nihil. * Magnifica multa de numerosissima X. 26
millium librorum Bibliotheca, apud Æthiopiarum Imperatorem, nonnullis narrantur.
ad Ludolphum in *Historia sua Æthiopica*, lib. 4. c. 1. suaviter ea somnia ridet, qui
miliari cum Gregorii Abyssini conversatione omnia ejus regni arcana perscruta-
tis est; paucissimos illic libros nominat, e quibus 1. Gloria Regum, in quo Histo-
riæ Reginæ Sabæ aliæque plures leguntur. 2. Chronicon. 3. Liber Philosophiæ,
ijus aliquod in Æthiopia pretium est. 4. Scala vocabularium. Nulla vero ex il-
lus mysteria speranda Ludolphus, ex insigni hominum in philosophia ac medicina
dirate, probat, cujus aliquot ille documenta adducit. Non equidem negaverim,
omnia ignota pro magnificis sæpe haberi, & a multis mysteria fingi, ut mirabilia
cuisse videantur: sed tamen & multa in abscondito etiam ultra hominum suspicio-
is latere, certum est. * De Salomonis libris alicubi eos extare fama est. Suidas in 27
Æthia illum librum *ισαακων πνεύμα* scripsisse perhibet. Joannes Picus,
comes Mirandulanus, testatur, scriptum esse a Salomone librum, cui titulus *San-
ctia* sit, non qui nunc in manibus sit, Philonis Opus, sed alterum Hierosolymi-
a sacratione lingua compositum, in quo ipse Salomon, naturæ rerum interpres,
nem se illiusmodi disciplinam fateatur de Mosæicæ legis penetralibus accepisse.
Salomonis *Herbarium* Arabica lingua in paucissimorum quorundam manibus esse,
nulli volunt, unde magna in arte medica miracula patraverint. * Quanto non 28
clerici multi in libros illos LXX. *Esdæ de Cabalisticis secretis* feruntur? quos alicu-
amen extare, credibile est. Multa sunt in his scriptis Judaicis mysteria rerum
naturalium ac secretioris Metaphysicæ recondita, quæ imperitis hominibus, ut nu-
meraria, videntur. * De Rabbincis scriptis legendus est Buxtorffius, Plantavicius, 29
ringerus, & qui nondum omnibus innouit, Julius Bartoloccius, Abbas Con-
gatus. S. Bernard. Ord. Cisterc. Romæ in Monasterio S. Prudentianæ, qui edi-
Bibliothecam Rabbincam, Opus trium voluminum, in quo maximam partem,
a Bibliothecæ Vaticanæ Hebraica cum Catalogo editorum librorum recenser,
ulta de ætate Autorum, genere scribendi & materia annotat.

Apud *Ægyptios*, quorum antiquitates non cum Græcis tantum, sed & cum He- 30
: ipsis, ultra quam per religionem permitti poterat, contendit Marshamus in
ssimo Canone suo Chronologico, jam tum ab omni ævo Bibliothecas fuisse, non
e aliquis negaverit. Præterquam enim, quod Josephi testimonio maximam sem-
ram Actorum publicorum habuerint, quibus cura librorum semper conjuncta
lud non obscuro argumento est, quod Græcorum Philosophi, qui præ reliquis
sapue-

si puerunt, ex Ægypto, a Sacerdotibus, rei literariæ ac librorum perpetuis custodibus, arcaniores hauserint scientias. Videndus de Ægyptiis Bibliothecis & re literaria est Diodorus Siculus *lib. 1.* ubi de Osmandiyæ Bibliotheca & magnifica operum structura, quæ non immerito Kircherum in *Turri Babel. lib. 2. Sect. 3. c. 3.* in admirationem rapit: *Hæc ego opera*, inquit illo, *si paulo penitus considero, auctum sancte affirmare, hosce summi ingenii homines, uti nihil eos humanarum scientiarum latuit, ita earum ope humanis quoque operibus majora præstitisse, cum vel in una fabrica efformanda omnes artes & scientias Physicam & Mathematicam conspirasse videam. Quis hodie simile quid attentare audeat, nisi totius naturæ consultus, nisi totius Arithmetica, Geometria, Optica, Astronomia, Mechanica, Statica, ceterarumque artium doctrinis eruditus! Quod si ergo tanta artis perfectio in illis operibus fuit; quos non in tam splendido domicilio sapientiæ thesauros latuisse credibile est? Opera enim de magistris & doctrina, quæ libris illis continebantur, restabantur.*

- 31 Apud Chaldaeos quoque, rerum omnium curiosissimos homines, magnam rei literariæ & librariæ, ac antiquissimorum monumentorum curam fuisse, certius est, quam ut a quoquam negari possit. Quæ ex illis fragmenta habemus, ceterorum,
- 32 historicorum tempora longe antecedunt. * BEROSUS, Sacerdos Chaldaeus, (cujus filiam Sibyllam, quæ postea Cumas venit, Justinus Martyr in Paraphr. ad Græcos pag. 24. lit. E. facit, quo tamen insigni Anachronismo Montacutius in *Analect. Ecclesiast. exercit. 4.* illum liberat, ab Glossatore inepto illa verba interjecta judicans) paulo ante principatum Alexandri Magni *libros III. rerum Chaldaico-Aegyptiacarum* scripsit, quem antiqui Autores passim laudant. Josephus in *Antiquitatibus Judaicis* passim ejus meminit: cui pares sunt Manetho & Metasthenes, vel potius Megasthenes, Aegyptiacarum, Persicarum, aliarumque rerum scriptores, quorum omnium fragmenta diligenter collegit Scaliger in *Opere suo Chronologico.*
- 33 * Qui libri cum ab omnibus desiderarentur: L. JOH. ANNIUS VITERBIENSIS, Ordinis prædicatorum, Anno 1417. natus, Vir linguæ Latinæ, Græcæ, Chaldaicæ, Arabicæ eruditus, & antiquitatis studiosissimus, quibus elogiis Neander in Italia sua cum effert, Berosi quinque libros cum aliis quibusdam in lucem produxit, commentariisque illustravit. Sed jam dudum ab eruditis adversus hunc Annium, ut veteratorem & falsarium, conclamatum est, & illa producuntur argumenta, quæ elidi nulla ratione possunt, de quibus legendus Tieckmannus in *Disc. Philolog. de Historicorum delectu* p. 76. & Vossius de *Historiis Græcis lib. 1. cap. 22.* Non desunt tamen, qui modestius de hoc scripto ejusque autore censendum esse existimant, & aliquid tamen in illo veri sibiprehendere videntur. (1) In quibus

(1) De Beroso Annii notari etiam meretur judicium Thomæ Reinesii, Medici & Polyhistoris *apertè notatè*, in Epistola, ad Jos. Clauderum A. 1646. exarata, quam ejusdem Epistolis, ad se scriptis, Joh. Vorstius præfixit, p. 1. 2. 3. obvium. Statuit is, non omnia, quæ in Beroso, licet Annius eum interpolaverit, hinc inde leguntur, esse conficta, sed quamplurima consensu cum profunda antiquitate: Berosum verum & genuinum, cum Anniano pariter incedere, & ab eo esse segregandum: lacere in isto Bergulino præciosas gemmas, quæ alibi

quibus David Chytræus lib. de lect. Hist. Munsterus lib. 5. Cosmograph. cap. 8. qui temerarium quendam genuinis & veris Berosi laboribus aliquid lolii immiscuisse iudicat, Annium vero a falsi suspitione excusat. Dionysii quoque Gothofredi, in præfat. Historiæ antiquor. Rom. benignior de illis Annii Berosianis sententia est. Quæ etsi nonnullis contemnenda videntur, ac desperatissima Annii causa plerisque habetur, acerrima tamen inter eruditos viros ante aliquot annos super hoc argumento excitata contentio est. Nam ex ossibus Annii ultor surrexit, ex eodem scil. ordine Thomas Mazza, qui Apologiam pro illo scripsit, quem tamen & alius Anonymus Nobilis, alio libro, sed hæcenus inedito, refutavit, ut ex Gregor. Leti Italia regnant. part. 4. lib. 3. pag. 329. constat. Quod Mazzæ scriptum, quanquam summo studio quæsitum, videre nondum mihi contigit: neque magnopere æstimandum videtur, nisi me Macedi, incomparabilis omni doctrinarum genere, maximoque iudicio præditi Viri, de quo alibi dicturus sum, autoritas moveret. Ille enim adversus Nobilis Anonymi Invektivam singulari scripto Thomam Mazzam strenue defendit, non alia, quam veritatis causa inductus, ut ex præfatione illa Macedi, quam Gregor. Leti eo in loco apposuit, patet. Suscepi, inquit, defensionem tum studio tuendi Patris Inquisitoris, Mazza, innocentiam, tum veritatem, quæ mihi semper cordi est, vindicandi. De ipso vero opere Mazzæ ita iudicat: Difficile aggressus est opus, quod Apologiam scripsit pro Annio Viterbiensi, sui ordinis fratre, magni nominis viro, ut ejus fidem, a plerisque Autoribus in dubium vocatam, assereret, & ab objectis calumniis vindicaret. In quo certe mirum est, quantum studii & opera posuerit, quam se ingeniosum & eruditum ostendat, ut prope miraculo legentibus videatur, potuisse in re tam spinosa floride, tum obscura nitide, tam sterili sacunde, tam jejuna crudite se gerere: Quod ego opus cum legissem, magnopere sum admiratus. Eodem in loco hæc habet: Legeram antea hunc Apologeticum, vernacula lingua scriptum, qui mihi vehementer placuerat, tum propter novitatem operis, tum propter styli granditatem, tum propter dictionis elegantiam, tum præcipue propter copiam eruditionis, cumque judicavi omnibus numeris absolutum. De Nobili vero illo Anonymo ait, illum sæpe a scopo & veritate aberrare, & multa carpere & fugillare, quæ vera tamen essent, nec nulla possent ratione impugnari. Vix credi potest, quanto exarferim illa legendi scripta desiderio, rei novitate motus; neque hæcenus tamen voti mei compos factus sum. Multa certe magnifica de illo Viro nos sperare jubet Macedus, quem ingens præterea opus de Historia veterum Gothorum moliri, ait, sic ab illo explicandam, ut non mediocrem ab illius calamo splendorem acceptura sit.

Redimus ad Bibliothecas nostras: & quidem apud Persas Bibliotheca Sufiana 34 magni nominis fuit, de qua legatur Diodor. Sic. lib. 2. cap. 32. De recentiore illa apud Persas Cosrois Regis legendus est Schickardus in Tarich. pag. 146. De ceterarum gentium,

alibi frustra quaeremus; inventurum autem eas esse, qui iudicio valet, & omne genus Antiquarum est emensis. Addit tandem se in Berolo Anniano venerande Antiquitatis vestigia, & genuini Berosi Fragmenta, deprehendere, quibus sua Annii, vel alius ante hunc addideris & insperseris.

gentium, Afrorum, Chinenſium, Græcorum, Romanorum, antiquis ac deperditis, ac de recentioribus Bibliothecis, integris libris egerunt Autores ſupra memorati, etſi magna nobis ſpicilegia, pene dixerim meſſes, reliquerint. Quoniam vero de Bibliothecis ſingularim agere non eſt noſtri inſtituti, ideoque illa prætermittimus.

- 35 * Id vero, antequam hoc de re Bibliothecaria argumentum dimitramus, monemus, de notitia Bibliothecaria, ſingularibus excerptis Bibliothecariis paranda, omnibus, non Bibliothecariis tantum, ſed quibusvis literatis, laborandum eſſe. Latius eorum parer utilitas, quam excerptorum ſpecialium, quæ ſub illis continentur; eorumque defectum facile ſarcire poſſunt.

- 36 EXCERPTA IN RE BIBLIOTHECARIA vel uno volumine, vel diverſis, inſtitui poſſunt. HOTTINGERUS in Bibliothecario, *part. 1. cap. 7.*, quatuor indices pro Bibliothecis fieri jubet. 1. Chronologicum, quo Autores ſecundum ſeriem ſeculorum diſtinguuntur. 2. Logicum, qui ſecundum materiaram, ſibi ſubordinatarum, nexum diſponendus. 3. Theologicum (nam ad Theologiam ille primario reſpicit), qui nominibus ſuis omnes Theologos cujuſcunque Religionis exhibeat. 4. Grammaticum ſ. Alphabeticum, quem duplicem iterum eſſe voluit, realem & perſonalem, & illum quidem latiore vel ſtrictiore, latiore pro integris tractatibus, ſtrictiore pro tractatuum partibus. In perſonali non nomina ſimpliciter, ſed & vitam, perſonam, actiones &c. ſtrictim deſcribi vult. His indicibus adjungit ulterius Topographicum, qui ſecundum orbis partes Autores diſponit, & Syncriticum, ſive Comparativum Autorum, editionum. Sed quantus ille labor futurus, quam etiam in multis non neceſſarius! Mihi quidem indices Hottingeriani non inutiles pro Bibliothecario, & qui commentationes Bibliothecarias parat, videntur, ſed pro viro, qui alia habet agenda, nimis operoſi. Quanquam enim Chronologicus index ſit utiliſſimus, eumque ordinem præ ceteris amplexus ſit Voſſius in libris ſuis, Topographicus etiam non exigui uſus ſit, quo labore aliqua ex parte nos Quenſtedius levavit; exiſtimo tamen, cum propter res ipſas omnia diſcantur, conſultius fore, ſi indices reales habeamus, non anxie ſecundum rerum ſeriem, ſed alphabetico ordine diſpoſitas, in quibus titulis ſubjiciamus ſuos Autores, connotatis ſemper variis editionibus, patria, tempore, ceterisque ſcitu neceſſariis, ubi ſe ultro ingerunt. Ac poterunt memoriæ etiam gratia ſine magna difficultate Autores clariſſi & hiſtorici ſeorſim locari notarique in iis variæ editiones, ne ſemper in vaſto quærere acervo illos neceſſum ſit. Hinc Criticos potius, quam Syncriticos Indices ſuper Autores parari velim, quibus colligantur judicia de Autoribus, quæ vel in lectione apud Autores occurrunt, vel quæ inter colloquia cum viris doctis ipſi notamus. Non credat facile aliquis, quantam utilitatem res illa habitura ſit.
- 37 * Eorum exemplum nobis præbent judicia de Autoribus, ab Anonymo, quem tamen ſupra nominavimus, in Gallia inſtituta. Nunc quoque talia Matthiæ Zimmermanni ſub prælo de Autoribus judicia eſſe narratur, quæ nondum vidi. Rudimentum talium excerptorum præbet Magirus in Eponymologio Critico, qui nunc auctior

auctor prodiit liber. Ex conversatione notata judicia Excerpta Scaligeriana & Thuanæ continent.

Omnium ut puto industriam facile superare in hoc genere potuisset Vir nun-
quam satis laudandus, GEORGIUS HIERONYMUS WELSCHIUS, Augusta-
nus Medicus, verum Germaniæ nostræ decus, si præclara ista Opera sua in lucem
edere potuisset. Mihi certe ingenium hujus Viri admirabile semper visum est.
Quas enim ille non disciplinas, linguas, etiam Orientales, conatibus pene Herculeis
exhaustis? Quod in illo judicium? quam sanum & elegans? quantus humanioris
literaturæ apparatus? Ego certe quoties tristes illas e naufragio tabulas, affecto-
rum Operum Indicem, perspicio, toties sane hanc eruditi orbis jacturam deploro,
& nunc publice omnes, qui hujus Viri supellectilem literariam possident, obtestor,
ne quicquam illarum chartarum perire sinant; typographos vero, ut tineis &
blatis, quicquid earum superest, eripiant, neque publico bono invident. * Ha-
buit ille affectum Opus, ut Schrockius in vita ejus testatur, *Notitiam Autorum Panglot-*
iam, quo in singulis linguarum generibus veteres & probatos Autores, in ceteris
meliores, non tantum nominare, sed & præstantiores editiones indicare, & de scri-
ptis ipsis judicia ferre voluit: cujus facti initium ipsi Gerh. Joh. Vossius suggesse-
rat, qui tale quid olim cæperat, amicisque & auditoribus distribuerat; a quibus
ipse acceptum plurimum deinde auxit, Græcis nempe & Latinis Orientales quoque
addendo. Idem *Historiam Literariam Turcarum* ex MSto Constantinopolitano exhi-
biturus erat. Idem *Lipsiæ Bibliothecam*, *Naudæ Bibliographiam Politicam*, *Dissertationem*
de studio liberali, *Lindanum de scriptis Medicis notis auctiores*, *Bibliothecam Medici eruditi*, *Hi-*
storiam Medicorum Orientalium & Ideam Chronologia Medicorum edere voluit. Sed illo-
rum omnium spes cum ipso exspiravit.

C A P. VII.

DE MANUSCRIPTIS.

- §. 1. MStorum Codicum pretium. 2. Usus eorum, qui jam typis vulgati sunt, eximius.
3. Exemplo Codicis Rigaltiani Fabularum Phædri ostenditur. 4. Codicum anti-
- quitas ex characteribus deprehenditur. 5. Quod nondum præceptis compre-
- hensum. 6. Robertelli, Scioppij, Welschii Ars critica. 7. Henr. Stephani de
- Criticis. 8. Causaubonus de Criticis librum affectum habuit. 9. Salmasij epi-
- stola de notis antiquitatis in MStis Codicibus integra adducitur. 10. Græci Codi-
- ces antiqui, quemadmodum & Latini, sine ullo vocum interstitio scripti, sine ullo ac-
- centu. 11. Solo versu, sive periodo finiebatur oratio. 12. Aristophanes primus
- distinctiones & accentus invenit. 13. Quos postea Grammatici antiquioribus
- Codicibus addiderunt. 14. Diphtongus & una litera notis recentiorum MSto-
- rum. 15. Erasmi in Manuscriptis indagandis singularis industria. 16. Leo-
- nardi Aretini de Quintiliani MSto exultatio. 17. Monachi MStorum eundem.
18. MStæ in lucem protrahenda. 19. Possivini, 20. Labbei, 21. Spitzer-

lii, 22. Ludovici Jacobi, 23. Caponi, 24. Welfchii ea in re conatus laudantur. 25. Senatus Augustani singulare studium in oblatione MStorum ad editionem. 26. Ant. Reiseri Index MStorum Biblioth. Aug. 27. Hulder. Fuggeri Liberalitas. 28. Petr. Lambecii cura in MStis Bibliotheca Vindobonensis. 29. Julius Pfug de Bibl. Budensi librum promisit. 30. Thomasinus, Angelicus Aprosius, Ludov. Jacobus laudantur. 31. Cl. Felleri utilissima opera in MStis Academia Lipsienfis. 32. Multa in illa notabilia. 33. MSta Orientalia. 34. Laur. Pignorii παρρησιαι ad libros MStos edendos. 35. Autores veteres, manu illustrium Criticorum notati, MStis accensentur. 36. Nicolai Heinsii & Gæsis Bibliotheca a copia illorum laudantur. 27. Libri, & MStis primum in lucem editi, MStorum fidem habent. 28. Libri virorum doctorum inediti ac affecti ad MStos quoque referendi. 39. Varia illorum fortuna. 40. Quomodo indagandi. 41. Exempli ineditorum librorum. 42. Etiam imperfecti eruditorum libri in lucem protrahendi. 43. Martini Fogelii scripta inedita recensentur. 44. Andreae Bosii opera affecta. 45. Epistole virorum doctorum MSta inter κειμήλια Bibliothecarum. 46. Hottingeri, Marquardi Gudii, Bibliotheca Noribergensis in iis coarcevandis industria. 47. Reinesianæ Epistole MSta in Bibliotheca Bosiana. 48. MSta politici argumenti colligenda in Bibliothecis. 49. Bibliotheca Augusta & Maximiliani Jumi Jungen ab eorum copia laudatur. 50. MStorum copia in Bibliothecis publicis præprimis colligenda. 51. MSta antiquissima, utut aliqua parte vitiosa, pretium non amittunt. 52. Iis tanquam oraculis utimur in emendandis autoribus & mutilationibus Patrum detegendis. 53. Manuscriptorum nunquam editorum raritas rem sæpe inestimabilem facit. 54. MStorum librorum catalogi an celandi, nec in publicum proferendi? 55. MStis locupletiores sunt Bibliotheca publica, Vaticana, 56. Vindobonensis, 57. Hispanica, 58. Anglica, 59. de quibus Christ. Arnoldi testimonium proluatur, 60. Gallica Bibliotheca non regia tantum, sed & privata. 61. Tōuana, 62. Italica, 63. Augustana, Leidensis, Norimbergensis, Gottorpensis, 64. cujus aliqua recensentur, 65. privatarum Bibliothecarum manuscripta. 66. Luca Holsteini MSta, ad Philosophiam Pythagoricam & Platonice pertinentia, enarrantur. 67. Illustres Viri, MARQUARDI GVDII, laus, ejus insignis MStorum Bibliotheca, & opera cœdendotæ.

In Bibliothecis principem merito locum obtinent MSti CODICES, quorum singularis haberi cura debet. * Postquam enim per typos vulgari cœperunt veterum Scriptorum libri, illi quidem, qui vulgati sunt, Typographiæ beneficio, pretio suo aliquatenus imminuti sunt: olim enim multo ære comparabantur veteres illi libri, Monachorum manu descripti, quibus non exiguum inde lucrum accrevit; de quo videri Naud. *Add. ad Hist. Lud. XI. p. 57.* potest. Sed suo tamen etiamnum pretio censentur, qui sunt antiquiores, ad quos velut ad oracula confugiunt, qui emendationes locorum in Autoribus quaerunt. Non enim elevandus etiam illorum MStorum usus est, ut Conringio in *Epist. de Bibl. Aug. pag. 108.* visum. Semper enim in vetustis

ftis codicibus aliquid a Criticis facagioribus observari potest, quod illis, qui primum ex iis libros typis promulgarunt, in mentem non venit, ut editione Fabularum Phædri mihi constat. * Cum enim Rigaltius ex vetusto codice MSto has Fabulas ediderat, innumera tamen in illis menda relicta sunt, quæ ex illo ipso codice, qui in manus Marquardi Gudii incidit, mirabili solertia Vir summus restituit, modo exorari possit, ut limatissimas illas notas suas in publicam proferre lucem velit. (m) Scilicet ut ingenio alii aliis feliciores sunt, ita & in σοχασμῶ Critico alii aliis oculatiores, qui in apicem illo ductu & flexu aliqua velut divina virgula deprehendunt, in quo frustra alii sudarent.

Neque enim leve aliquid & exiguum quis existimet, cum e veteri codice MSto. 4 mendatur Autor. Plures sunt in illa re nodi, quam quis forte crediderit. MStorum codicum fides ex antiquitate, antiquitas ex ipsa ejus facie, characterum ductu, exu, magnitudine, positu, colligenda est; ne quid de mutatione, transpositione, missione, interpolatione literarum, abbreviatione verborum &c. dicam. Nam ut se linguæ gliscunt, singulisque pene seculis aliquid in illis mutatur; ita nec ipsa tribendi ratio sibi constat. Hoc e Germanica, Gallica, Italica lingua patet. (n) Quan- hic in verbis, phrasi, accentu, dictione, scriptura, diversitas successu seculorum fuit! multi plane sunt & pueriliter judicant, qui ceterarum linguarum non eadem fuisse ta existimant. * Subsistit illa res hæcenus in sola ἐμπειρίᾳ, neque ad artis regulas 5 deata; * nam paucula illa, quæ ROBERTELLVS & SCIOPPIVS de arte critica scribere, tumultuaria sunt, & hujus rei fundum omnem non emetiuntur. De chara- 6 ristimis illis temporum in codicibus deprehendendis non satis accuratæ præceptio- s habentur; cum certum tamen sit, ita de illarum ætate judicia institui posse, ut quibusdam signis de hominum & brutorum ætate judicare possumus. Qui a onachis & Græculis fugitivis ab excidio Constantinopolitano lucelli gratia descri- , illam fidem non merentur, quam antiqui. Plura nos fortassis docuisset omnium rarum Vir, HIERONYMVS WELSCHIVS, si edidisset *Artem suam Criticam*, oppiana, ut titulus habet, breviorẽ, auctiorem & accuratiorem, quæ per omne iptorum genus & linguas omnes se diffundat, & *Honores Calligraphia*, sive com- rariolum de varietate chartarum, scripturarum & typorum, in quo multa vario- & vulgo incognita recensere & revelare voluit. * Scripserat & HENRICVS 7

G 3

STEPHA-

(m) Viri illustres, Marqu. Gudii, in Phædrum Notæ, sive Commentaria Posthuma, in Editione Mythographi hujus novissima, Variozum Notis aucta, quam Pet. Burmannus Amstelodami A. 1698. in 8vo evulgavit, prodierunt.

(n) Quam inter Desiderata Literaria hic retulit Morhofius, de Scripturæ in Codicibus Seculorum diversorum MStis diversitate doctrinam, magna ex parte, quod Linguam imprimis Latineam attinet, satis accurate est persecutus, & Tabulis LX, varia Scripturarum Veterum Specimina, æri insculpta, exhibentibus, illustravit Joh. Mabillonius, Theologus Ord. Benedictini Gallus πολυμαθὴς, in *Libris VI. de Re Diplomatica*, Lutetia A. 1681. in fol. editis.

STEPHANI quædam de Criticis, in quibus tamen frustra illa, quæ ad artem ipsam spectant, quæsieris; * nisi fortassis hoc suppleturus fuisset CASAUBONUS, qui Epistola XXI. ad Bongarsium hæc scribit: *Nos de Criticis veteribus ea parata habemus, ex antiquis Hebrais, Græcis & Latinis, quæ non promittit in suo de Criticis libello Stephanus.* Sed illa lucem non viderunt, cum, aliis negotiis occupatum in Epist. 266. ad Elmenborsium, se de poliando Commentario, quem de Critica scripserat, ne cogitare quidem posse, fateatur.

Sæpius ego miratus sum, adeo neminem ex omni Criticorum familia operi huic manus admovisse: * Extrat de hoc argumento SALMASII epistola ad Sarra-
 9 ravium, inter Sarravianas illas Arausioni An. 1654. editas, p. 235. quæ aliquid plenius meliusque tradere videtur, quanquam ab illo, aliis negotiis occupato, scripta est. Rogarat illum Sarrauius, ut notas antiquitatis Codicum MStorum aliquas sibi

10 panderet. * Video, scribit ad illum, antiquissimos Codices Manuscriptos Latinos & Græcos, ita exaratos esse, ut nullo interstitio voces distinguantur, sed uno literarum ductu invicem cohæreant. Et hæc est summa vetustatis nota. Velim autem scire, quo ævo distingui ceptum sit, quod antea confuse habebatur. Hoc enim κερήκειν mirum in modum conduceret dijudicanda ætati Manuscriptorum. Si quid juvare potes Tu, qui plures istiusmodi libros versavisti, quam mortalium quispiam, ser opem & insigni beneficio literas affeceris. Ergo rescribit illi Salmasius, testis omni exceptione major, εἰς μέγιστον. Nam qui ejus elevare fidem hac in re velit, hunc ego insanire dixerim. Regnabat in his studiis Salmasius, ac præcipuas eruditi orbis Bibliothecas perreptaverat, libros manuscriptoros descripserat, ex iis excerpserat, ut quasi viva MStorum Bibliotheca videri posset. Quam epistolam, cum in paucorum manibus sint Sarravianæ, hic integram subungere volui, cum magnam rei criticæ faciem accendat: Quod petis de distinctione librorum veterum, vellem tempore opportuniore eam tibi quæstionem proponere instituisse. Si otio quippe majori abundarem, neque angustis spatiis excluderem, plenius hac de re possem tibi satisfacere. Nunc quæ in mentem venient, huic chartæ absque ulla meditatione illinam. Quod ad Græca exemplaria attinet, de quibus primum hic agendum est, ante Aristophanem, qui primus περσωδίας excogitavit & accentus invenit, nulla fuit litera-

11 rum distinctio, neque subdistinctio. * Uno ac perpetuo ductu sine ulla interstitio voces omnes exarari solebant & sententia etiam continuari: nisi quod, ubi perfecta fuerat, non in eadem linea alteram auspicabantur: sed principium alterius lineæ, sive versus inchoabant. Inde nata distinctio per versus, qui majores aut minores erant, prout sententia pluribus aut paucioribus verbis absoluebatur. Interdum quippe duas, interdum tres aut plures lineas singuli versus occupabant. Græci σίγξος appellant. Opera autem ipsa numerabantur per versus; quorum summa in fine libri subducta notabatur. Inde πολύστιχον βιβλίον de grandi volumine dicebant. Diu duravit hæc ratio. In veteri codice Epistolarum Pauli, qui pene Puteanus est, ad finem totius scriptura sacra librorum σχημετείαν notatam invenies. Quæstiones Tusculanas in antiquissimo exemplari B. R. ita per versus distinctas reperis.
 12 * At in eodem versu quomodo περίοδοι & πῶλα distinguerentur, Aristophanes invenit, & notas ad hæc intervalla figuanda commentus est. Tres fuere: τελεία στήλη, ὑποστήλη

Ἐπειὴ. Primam proprie vocantur **DISTINCTIONEM** Latini, secundam **SUBDISTINCTIONEM**, tertiam **MEDIANAM**. Τελεία στυμὴ punctum erat, quod collocabatur in capite vel apice ultimi elementi, in quo periodus desinebat. Ἰποστυμὴ in ima litera parte ponebatur, ἢ μέση στυμὴ ad mediam partem. Totidem igitur fuerunt puncta; sed pro situ aliter atque aliter valentia. Puncta igitur nostra singularia & virgula, & duo puncta veteribus prorsus ignorata fuerunt. Punctis singulis tota distinctio & subdistinctio librorum constabat, tam apud Latinos, quam apud Græcos. Iam illi ab istis fuisse. Τελεία στυμὴ, id est, punctum, in apice litera collocatum, absolute sententiam, ἐπαρτιζεν αὐτὴν διανοῶν; & respondet plane nostro puncto. Ræque due subdistinctiones punctis etiam singulis notabantur, uno ad literam mediam ultime dictionis, altero ad imam partem locato. Hæ ostendebant, non integratam esse sententiam, sed adhuc manere suspensam, cum aliqua tamen differentia τῆς μέσης στυμῆς ὑποστυμῆς, quam etiam alicubi, ὑποτελείαν στυμὴν vocatam ostendit. De μέση tran-
 ite Technologi Græci, ἐκ ἀπαρτιζεν τὴν διανοῶν, ἀλλὰ ἀναπαύειν ἐν καὶ τὸ τῷμα. De ὑποστυμῇ, sive subdistinctio notant, ἐκ ἀπαρτιζεν καὶ τὴν διανοῶν, ostendere τὴν μέλλοντος εἰρηδοῦ ἀφέναι ἥμερον τὴν πνεύματος ὡς ὁξὺ τὸ λοιπὸν ἐκ τῶ λόγῳ τηρεῖν. In veteri inscriptione Smyrneorum Arundelliani marmoris sine distinctione & subdistinctio, una ac perpetua serie dictiones omnes inter se coherent: & in aliis antiquis Græcis inscriptionibus passim invenire est, quæ & sine accentis scribuntur. Est certum est, ad hunc plane modum etiam libros ipsos scribi solitos, & diu observatum post repertos accentus & distinctiones. Ab antiquariis secundum quas rationes scribebantur, nempe sine accentu ullo & sine ulla distinctione. Postea 13
 umatici, qui eos emendabant & conserebant cum antiquioribus & emendatioribus, non solum, si quid erat titubatum a librariis, corripiebant, sed etiam accen-
 pponiebant, & distinctiones. Vidi libros vetustissimos, in quibus apparebat plane, uram esse ab antiquiore manu, quam accentus. Nec secus fuit apud Latinos; colligere possumus ex vita Valerii Probi Grammatici apud Suetonium, qui de eo ita
 : Multaque exemplaria contracta emendare ac distinguere & adnotare cu-
 , huic soli nee alii præterea Grammatices parti deditus: Ubi vides eos
 naticos, qui libros autorum emendabant, etiam distinguere eisdem solitos, id est,
 iones apponere. Quod Græci dicunt Critici εἰλεῖν. Græci Critici hunc cum-
 fuisse morem possem probare Epigrammate Græco, quod nunc non occurrat,
 am querendo est. Duplex, ut in pauca rem contraham, distinguendi ratio fuit,
 ces singula invicem separabantur, & qua periodi & cola. Antiquissima exem-
 ventram habent, neque apud Græcos, neque apud Latinos. Tales hodie pau-
 peruntur. Nam plurimi, qui uncialibus & capitalibus literis scripti sunt, vo-
 cem habent distinctas. Quosdam tamen vidi, qui nullam ferme vocum distin-
 ostendebant. Et, nisi fallor, talis est MScript. Livius Puteanorum. At in
 a rotundiore & minutiore charactere exarati reperiuntur, fere semper dictiones
 distinctæ inter se apparent: sententia vero absoluta solis punctis, hoc est τελείαις
 rare in iis occurrunt subdistinctiones, quas tamen adhibere antiquitus solitos,
 & Ἐ.

Et Ciceronis quidem aeo, patet ex Asconii Pediani in Verrinas notis. Orientales, ut Hebraei, Syri & Arabes, voces distinguere soliti sunt, quia literas habent vocum finales, alia forma, quam quibus principia & prima notata sunt. Adde nonnulla quibus dignosci potest antiquitas exemplarium manu exaratorum. * Si quibus in libris MSS. diphthongus reperiatur *Æ* duabus litteris, non in unam conditis, sed separatis, expressa ad hunc modum *ÆE*, aut *ae*, scias codices illos & vetustos esse imprimis & fideli manu confectos. Si aliter effecta occurrat, aut per unam litteram ex duabus constatam, aut per unicum *E*, cui nota supposita sit, hoc modo *ē*. qui primo modo scripti sunt, paulo maiorem vetustatem redolent: qui secundo, ad infimum seculum relegari debent. Littere capitales non semper indicium habent majoris vetustatis. Nam & minores characteres & vera Romani, rotundiore forma expressi, saepe summam pra se ferunt *αἰχμαῖον*. Sunt & littera, qua convocantur *LONGOBARDICÆ*, quarum usus fuit circa Justiniani aevum, quibus libros olim vidi conscriptos, eosque emendatissimos.

Hæc ego plenius hic adducere volui, cum ad MStorum antiquitatem deprehendendam facerent. * Fuit vero illa singularis MStorum indagandorum cura, tempore *παλαιογενεας* literariæ, ut nanciscerentur codices emendatissimos, e quibus Typographiæ beneficio in lucem ederent. ERASMUS in his omnem lapidem movit, qui in vetustis libris producendis, nec sumptui pepercit, nec studio. Quare ad Collegium Canonicorum Merensium, qui instructissimam tum omnis generis Manuscriptis Bibliothecam habuerunt, lib. 10. Epistola 4. scribit: Quoniam ex evangelica lege iubemur suum quisque talentum sic in usum publicum conferre, ut usuram approbet, qui sortem credidit, ego studium meum ad hoc appuli, ut vetustissimos auctores aut in lucem eruam, & a blattis tincisque vindicem, aut depravatos emendem. Etenim ut gravis est jactura nobis, interire, quod tantis vigiliis summi viri prodiderunt: ita non exstare videtur, quod extat sic mendis undique conspurcatum, ut nec legi possit, nec intelligi. Nec dubito, quin Vestra quoque Pietas publica faveat utilitati, nihilque minus probeat, quam causam illam præsepi incubantem, de quo est in Græcorum proverbii, præsertim cum ita liceat, illam utilitatem aliis communem facere, ut nobis nihil deteratur. * Extat & LEONARDI ARETINI ad Poggium epistola, qua illum invitat ad libros MStos indagandos. Hic cum Quintilianum illi integrum promississet, exclamat: O lucrum ingens! insperatum gaudium! Ego Te, Marce Fabi, totum integrum quando aspiciam! & quantum Tu mihi tunc eris! quem ego, quamvis lacrum crudeliter ora, manusque ambas populataque tempora, raptis auribus & truncas inbonesto vulnere nares, tamen in deliciis habebam. Oro Te, Poggi, fac me quam cito huius desiderii compotem, ut si quid humanitus impendeat, hunc prius viderim, quam e vita discedam. Quintilianus Rhetorica pater & oratoria magister ejusmodi est, cum Tu illum, diuturno ac ferreo barbarorum carcere liberatum, huc miseris, omnes Hetruriae populi gratulatum concurrere debeant. Hos ille triumphos agit in unius Quintiliani MSto codice, atque iste temporum illorum ardor fuit, ut per omnes Bibliothecarum recessus antiqui isti
17 Autores conquirerentur, etsi non sine magna difficultate & molestiis. * Nam, qui eos

eos custodiebant, Monachi, ut thesauros, sibi servabant, quod non parum lucri ex eorum descriptione haberent; ut variis artibus ad extrahendos e claustris suis captivos opus fuerit. Videatur de his copiose Lomeierus *Tr. de Bibliothecis cap. 9. sect. 2.* ubi multa de libris antiquis, quomodo illi virorum doctorum industria in lucem protracti fuerint. Exstant etiam de difficultate Typographorum graves virorum doctorum querelæ. Videatur Petri Victorii ad Camerarium ea de re epistola, quæ prima est libri primi Epistolarum, ad Germanos scriptarum. Non est tamen, quod succenseamus Monachis, quorum beneficio servati fuerunt Codices. Et si enim illi barbari, & quibusdam ob male tractatos codices & morositatem vapulent, tamen vel ideo ignoscendum illis est, quod absque eorum superstitionis custodia tot antiqui Auctores pessum ivissent.

Utinam ad communem utilitatem conspirarent, qui MSta possident, vel Principes & Respublicæ, vel privati, & vel notitiam eorum publico bono non invidere. Multæ latitant ignoratæ sæpe ipsis possessoribus opes, quarum obrinendarum nulla spes superest. Qui in Bibliothecis publicis habentur codices, illi a quibusdam singularibus libris notati sunt. * Laudabilem ea in re operam posuit *Porsewinus*, qui Catalogos MStorum Græcorum & Latinorum, ad res sacras pertinentium, Apparatu sacro subiecit: utinam & ceterorum titulos consignasset. * *Labbeus* simili ratione Novam Bibliothecam MStorum librorum, sive specimen antiquarum lectionum Latinarum & Græcarum Parisiis A. 1653. edidit, qua Theologi non solum, sed & aliarum disciplinarum Scriptores inediti continentur. Sed ille Bibliothecam Regiam ceterasque Gallicas præcipue in hunc usum adhibuit. * *Manuscriptorum* historiam, quatenus illa ex Catalogis patet, *Theophilus Spizelius* in dissertatione præliminari, quam præmisit sacris Bibliothecarum illustrium arcanis relictis, libro Aug. Vindelic. An. 1668. edito, diligenter persequitur. Hic ostendit, quomodo ex omnibus Catalogis cognitis Manuscripta Theologica, passim in Bibliothecis Europæ latitantia, congerenda, ejusque specimen aliquod affert. Similem laborem in ceteris scientiis & Facultatibus promittit. Sed nec omnes Catalogos ad manum habuit, nec Bibliothecas vidit, quod necessarium est illi, qui tale Opus molitur. * *Ludovicus* quoque *Jacobus*, multos in Collegiis & Cœnobiiis restare MStos Codices, restatur, qui omnes perlustrandi essent, & in hunc censum referendi. * *Johannes Baptista Caponus*, referente Gregorio Leti, notitiam MStorum Medicorum totius Orbis, in quocunque idiomate, promittit. * Susceperat & *Hieronymus Welschius*, teste Schæckio, hunc de Manuscriptis Medicis ex Catalogis Bibliothecarum editis & ineditis laborem; cui ille quidem manum admovit, sed & hunc fata intercepte.

Laudandus inprimis *Senatus Augustanus*, qui Bibliothecæ suæ celebratissimæ Catalogum non edi tantum aliquoties curavit; sed & MStos Codices, præcipue Theologicos, accurate notari jussit, hac ratione addita, ut Codices in ea contentos, vel cum viris doctis interpretandos, vel diligentibus Typographis conferendos (modo de iis factis rectis suo tempore restituendis caveant) ad augenda rei literariæ commoda

- communicaret. Edidit & eundem postea Catalogum auctiorem *David Hofebelius* jussu Marci Velferi, Reip. Augustanae Duumviri, qui hanc ob causam ejus curari editionem voluit, ut tam, quæ in Bibliotheca hac *καμήλια*, qui notæ probæ Auctores, fervarentur, constaret, quam quicunque Codex in rei literariæ commodum petenti *αἱς χεῖρας* daretur, aliique *ἐδιδωτάφαι* ad idem bene de literis merendi studium incitarentur, ad cujus confirmationem hæc charactere majusculo verba præfixa. *Quisquis Reipublica literaria faves, sive Lector, sive Typographe, horum omnium Codicum sive interpretandi, sive conferendi, sive edendi, ita tibi futura est copia, si de iis incolumibus restituendis caveris.* * Edidit postea & *Antonius Reiserus* hujus Bibliothecæ Catalogum MStorum uberiores, nam præter Theologicos etiam aliarum scientiarum MStos Codices adjecit, ad exemplum & imitationem Bibliothecæ Manuscriptorum Labbeanæ; quem postea indicem sequeretur Historia Literaria & Libraria Augustana. Sed & illa jam spes periit. * Neque insigni sua laude privandus *Uldar. Fuggerus* est, qui Henric. Stephani annuo stipendio aluit, ut libros Græcos cederet.
- 28 In Bibliothecæ Vindobonensis MStis recensendis sollicitissimus quoque fuit *Petrus Lambecius*, qui in Commentariis suis, præcipue l. 3. & 4. accuratam eorum enarrationem ubique immiscet, sed abruptum hunc laborem utilissimum fato Auctoris, dolendum sane est. * Bibliothecæ Budensis MSta, quæ nupera expugnatione barbarorum unguibus erepta, indicem nuper in Francofurtensi Catalogo *Julius Pflug* promissit. * Italicarum Bibliothecarum thesauros MStos prodidere, *Thomasinus* in variis illis Bibliothecarum, tam publicarum, quam privatarum, Catalogis, *Angelicus Aprosus de Vintimiglia* in Bibliotheca sua, quæ tamen nondum edita est, tum & alii Vitarum & Elogiorum Scriptores. De ceteris Europæ Bibliothecis, quæ MStis abundant, legendus est *Ludovicus Jacobus*, *Lomeierus* & alii. * Edidit superiore anno celeberrimæ Academiæ Lipsiensis Catalogum Codicum MStorum *Cl. Fellerus*, optime hac opera de Academia non solum, sed & orbe literato meritis, qui in præfatione Catalogi singularia quædam & notabilia summatim exponit.
- 32 * Reperiuntur illic libri partim plane incogniti, partim perquam rari, Patres & Historici Græci. Habetur in illis *Theophili Monachi* liber de arte colorandi ac coquendi vitra, quem intercidisse plane nonnulli existimant, merito conferendus cum illis, qui hodie de eodem argumento scripti sunt. Latitant in illis plurimi veterum Germanorum libri Rhythmici, non immerito eodem, si non majori, a nobis pretio habendi, quo haberi solent aliarum gentium venerandæ antiquitatis rudera.
- 33 Nam & hic Dii habitant, & in antiquo illo habitu ingenium reconditur. * Orientalium librorum gazas, quarum aliquam partem tum Bibliothecæ Leidensis Catalogus, tum *Christianus Ravius* in spolio Orientis exhibet, elevare videtur *Conringius* in doctissima illa ad Boineburgum de *Bibl. Augusta Epistola p.iii.* & sequentibus, quem tamen hic sua sententia non audiendum existimem. Necellitarem MStorum Orientalium in Theologia ostendit *Hottingerus Biblioth. quadr. p.96.* in quibus magnam habuisse notitiam *Burdellorium Ludovicus Jacobus, Tr. de Biblioth. pag. 502.* testa-

testatur, quosque magno numero in sua Bibliotheca Peirescius habuit, & plures etiam inter barbarorum manus tenentur thesauri, quam nos credimus.

Hic ego hanc omnibus Bibliothecarum possessoribus mentem optem, quam 34 habuit *Laurentius Pignorius*, Vir ingenio & scriptis illustris, qui ut ipse in Bibliotheca sua multos habuit MStos Codices, quos recenset *Thomasinus*, Episcopus Aemoniensis, in dissertatione *de vita, Bibliotheca & Museo Laur. Pignorii*, ita omnibus illos obrulit, si quis vellet proferre in publicum: ita enim in Symbolarum Epistolarum lib. 1. Epist. 33. ad Johannem Thuilium scribit: *Non omnino inscite hirundines olim cygnos arguebant, propterea quod canendi artem nolent in publicum proferre, sed pratis solum, fluminibus & Zephyro canerent. Occulte Musica, vetus est dictum, nullum esse alicubi commodum, cujus ego praecepti memor, si quid in arcubus meis pluteis lateat, id omne consilium est transferbere publico bono, ut docti homines, quos editionis fortuna destituit, volitent aliquando per ora virum, & postuma hac fama persuantur merito jure. Utinam vero, quod ego tenuitati meae impero, id exequantur alii copiosi & locupletes, qui Bibliothecas (nisi Bibliothaphis malimus appellare) refertissimas habent ineditis bonorum auctorum scriptis, eo consilio, ut in compedibus habeant immortalia monumenta ingeniorum, donec illa ignis fortuitus redigat in favillas, vel vis major hostilitatis alio avertat. Hisce nos precamur bonam mentem.*

MStis accenferi possunt veterum Auctorum libri editi, manu virorum doctorum ac 35 Criticorum illustrum notati. Cum enim ideo in pretio sint MSti Codices, quod illorum beneficio loca corrupta emendari possint, merito aestimari debent illi libri, in quibus jam tum illae emendationes a viris doctis sunt institutae: ac si verum fateri velimus, plus saepe in illis utilitatis est, cum labore illo tædio in inquirendi & conferendi sublevemur, ac praeterea judicium Critici accedat, qui suae censurae rem jam fecerit, quod potissimum est. Si enim vel Scaliger vel Salmasius fuerit, non sunt a tali manu ineptiae expectandae. Ac fuere in Belgio hoc consilio usi, ut sibi compararent Auctores, manu Scaligeri notatos, e quibus adeo proficere, ut magnam sibi e scriptis Criticis famam, alieno tamen ingenio fulti, acquisiverint: quorum ego nomina intacta relinquo. Merito ergo talibus libris idem, quod MStis ipsis pretium statuitur, ac vidimus, plerumque illustrium Criticorum Bibliothecas eam ob causam, majore, quam sperari poterat, lucro venditas. * Magnus talium libro- 36 rum numerus in exquisitissima illa Nicolai Heinsii Bibliotheca fuit, cujus Catalogus vel ideo aestimari viris doctis debet, quanquam & aliis optimis Scriptoribus affluat. Sunt & in Catalogo Bibliothecae Goësianae, nuperrime venditae, ejusdem generis libri non pauci.

Tertium a veris illis Manuscriptis Codicibus locum occupant illi libri, qui pri- 37 mum e MStis emendatis antiquioribus, a peritissimis Typographis, curantibus viris doctis, sunt editi, qui magnam proinde fidem in variis lectionibus decidendis, & emendationibus corruptorum locorum habent. In his numerantur Auctores, qui Romae ab Aldo Pio Manutio, Florentiae a Junii, in Galliis a Stephanis, quorum vitae & res a Theodoro Jansenio ab Almelooven descriptae, a Sebastiano Gryphio, cui Scaliger libros

de Causis Latinæ linguæ dedicavit, in Germania a Frobenio, Oporino, Commelino &c. in lucem dati sunt. Nam celebrium Typographorum eadem esse notitia debet, quæ virorum doctorum. Diligentissimus in horum Typographorum notitia delineanda fuit Bailletus in *Judiciis doctorum* part. 1. tom. 2. ubi multa de illis occurrunt, non adeo vulgo cognita.

- 38 Solent & a viris doctis scribi libri, quibus illi per totum vitæ suæ spatium insudarunt, qui cum Editores nancisci non potuerunt, sæpe aliis factus suos relinquunt, qui suam alieno fundo famam inædificant, modo non cum muribus & blattis illis certandum, aut ad falsamentarios & myropolas relegentur. MSta recentiora vocari possunt.
- 39 * Dici non potest, quanta bonis literis calamitas ex eo nascatur, ac sunt profecto infelices vocandi illi viri docti, qui non sibi serunt, sed aliis, ac nullos e suis laboribus fructus capiunt. Eorum aliqui jam absoluti sunt, aliqui imperfecti. Hi plerumque vel aliis in prædam cedunt, vel ut inutiles chartæ abjiciuntur. Illi nonnunquam hac fortuna fruuntur, ut Bibliothecis opulentiorum recepti, quasi in tumulto recondantur, aut altero demum seculo in lucem mittantur. Qui jam antea famam scriptis editis occuparunt, in postumis quoque illam retinent, ut aliquando Typographum ad editionem provocent, si in peritos heredes inciderint. Quamquam &, quæ præsidio fama est, interdum impedimento est: allicit enim prædones & plagiiarios, vel saltem cupiditatem insani possessoris augeat, ut suum sibi thesaurum sanctius ferveret. Habent & illi in MStis locum, & a rei Bibliothecariæ peritis magno conquiri studio debent. * Ac publice sane interesset, si ipse Magistratus τῶν ἀνεδότων curam in viris doctis susciperet, ut orbi proles: ita non interciderent & ab oblivione vindicarentur præstantissimarum rerum thesauri, & plagarii ab illis arcerentur. Legi de illis Virarum & Elogiorum Scriptores debent, qui plerumque cum editis inedita quoque notare solent. Excerptenda illa sunt & seorsim notanda: fieri enim interdum potest, ut in heredes eorum primos, secundos, tertios, vel casu aliquo, vel diligenti inquisitione incidamus, unde acquirere nobis illa possimus.
- 41 * Integram deperditorum librorum historiam promisit Ferretus, ut supra a nobis dictum est; sed vereor, ne & ipsa olim inter deperditos libros recensatur. Vide, quæ de postumis libris habet Bailletus in libro *de Judic. doctor. tom. 1. part. 2. cap. 9. p. 390. & sqq.* Bibliothecam pene integram sola Welschii scripta inedita & affecta conficerent. Libri Scioppiani ἀνεδότοι multi, atque inter illos ejus *Thesaurus, sive absolutissimi de lingua Latina Commentarii*, apud Joh. Michaëlem Pieruccium, Professorem Patavinum, latitant, neque hunc in diem lucem, cum indignatione eruditorum, vident; de quibus legendus est Gregor. Leti *Ital. regnante part. 3. pag. 325.* Magna hujus libri expectatio apud literatos est, & qui viderunt, ita commendant, ut in illo genere nil simile a quoquam scriptum illis esse videatur. Apud Carolum Dati, teste Boccone in suis Observationibus naturalibus, latitat MICHAELIS MERCATI *Theatrum Metallicum*. Hoc ille
- 42 velut thesaurum aliquem custodit, & orbi literato invideri Bocco indignatur. * Qui imperfecti sunt libri, neque extremam limam senserunt, & vel ruditer tantum designati,

signati, cum orbe tamen erudito communicandi essent, etiam contra Autorum morientium vota, qui sibi ipsis interdum iniquiores sunt, quam alii iudices. Apellis tabulae etiam imperfectae in pretio fuere: ita virorum ingeniosorum Opera imperfecta suis autoribus dedecori non sunt. Ac sint in illis naevi, facile hos excusar non adhibita Operi *auxilia*, tegunt illa & quodammodo pulchriora faciunt Opera perfectiora. Videmus enim ac observamus in illis tacitos mentis humanae in judicando progressus. Ego cum voluptate saepe legere soleo maximorum Virorum, Hugonis Grotii & Danielis Heinii puerilia carmina, quae initio hujus seculi edita, postea Operibus ipsis non sunt inserta. Quae etsi a virilibus illis multum discrepant, delectat tamen florum illa luxuries, quos tam praecelari fructus postea secuti sunt.

Magnum hic texere Catalogum possem *librorum ineditorum, vel imperfectorum*, quorum memoria lectoribus ingrata non esset: sed paucos tantum producam e vasto illo numero. * Decefferat Hamburgi MARTINUS FOGELIUS, 43 Gymnasii ibidem Professor, Vir doctissimus mihiq; amicus, qui multa in lucem edere meditabatur, quorum jam ipse spem fecerat, sed nunc illa cum ipso tenebris demersa jacent, quorum tamen titulos saltem in lucem nunc protraham, si ipsos libros non licet. Notabo vero, ut ipse, cum viveret, ad me misit. In PHYSICIS erant: *Historia Naturalis selecta & haecenus praeterita, cujus 1. pars agit de Similibus. 2. de Plantis. 3. de Animalibus: Didactica Physica; cujus pars est praecipua de Experientia Physica: Historia Physicorum: Attributa corporum naturalium. In MEDICINA: Nososcopica Observationes: de Simpliciorum operationibus, cujus praecipua est, commentarius editioni paratus de Turcarum Nepenthe: Diatetica Observationes: Therapeutica Observationes: Didactica Medicina, cujus pars praecipua jam effecta est, de Experientia Medica: Historia Medicorum praeterita. In GEOGRAPHICIS: Historia Geographorum, cujus pars 1. fere absoluta est, de Geographicis totalibus, qui totum fere orbem terrarum descripsere. Hujus etiam pars est Historia Mapparum: Iter per Germaniam, Italiam, Galliam, Hispaniam & Belgium: Castigationes in Atlantes; item in Philippi Cluveri Compendium Geographicum: Item Compendium Geographicum, situ omnium locorum distincto auctum: Historia Geographica selecta: Didactica Geographia. In LOGICIS: Praestantia Logica Hamburgensis supra ceteras haecenus editas, aliquot demonstrationum Euclideanarum exemplis ostensa: eadem praestantia aliis argumentis asserta: Logica Observationes. In DIDACTICIS: Didactica: Didactica Didactica: Historia Didactica & Logica praeterita: Lexicon Philosophicum generale, editioni paratum. In HISTORICIS, praeter jam dictas: Historia Philosophica, cujus pars est, Historia Lyncea, a nemine haecenus edita, quae duobus constat voluminibus: Primum continet Historiam generalem, secundum historiam cujuslibet Lyncei. Hanc ipse vidi, jam editioni destinatum, Opus elegans & curiosum: Historia Mathematicorum praeterita: Historia Heurctica: Historia Philologorum: Opificiorum variorum Historia. In GRAMMATICIS: De Lingua Finnica Observationes, ad Magnum Ducem Etruriae pridem transmissae: De Germanorum litera B. Germanica Linguae Etymosopia: Ger-*

manica Lingue Orthographia: Latine Lingue Observaciones: Definitiones Grammaticae: Etymoscopia Philosophica, qua ostenditur cognatio totius fere telluris Linguarum: Linguarum varietates.

Hæc de Fogelio sperari poterant, in singulare historiæ literariæ commodum, quorum nunc an spes ulla ad editionem supersit, vix dixerim. Sunt illis eleganter excogitata & laboriose collecta, pleraque jam ad prælum parata.

44 * Multa quoque celeberrimus JOH. ANDREAS BOSIUS sibi edenda proposuit, quæ nunc cum ipso intercideret: eorum Catalogus ab amico ad me missus, e quo cum publicatum illum non meminerim, excerpam aliqua, lectoris notitia non indigna. (o) In his primum locum obtinent: *Emendationes & notæ in Josephum, quæ, ut puto, cum editione Josephi Anglica conjungentur.* Porro sunt: *Theſauri Politici continuatio: Varia scripta, ad historiam hujus & superioris seculi pertinentia: Georgii Syncelli & Theophanis Chronographica cum continuatione Genesii hæſtenus inedita, Græcæ & Latine cum notis Jac. Goar & J. Andr. Bosii: Nicephori Chronographia Græcæ & Lat. e MStis Codicibus aucta & correctæ, notisque illustrata: Nova editio Politicorum Aristotelis cum prolegomenis de comparanda prudentia civili: Vigerii libellus de Idiotismis Græcæ dictionis cum præfatione Bosii: Liber de natura & varietate historiæ, seu Introductionis in historiam universalem liber primus: Introductio in Chronologiam Historicam: Introductio in Geographiam Historicam: Accedit specimen Geographiæ Historiæ, continens descriptionem ditionum historicarum in Hispania & Italia, ita adornatum, ut supplementi loco esse possit ad Geographiam Cluvero-Bunonianam: Dissertatio de Historiæ Ecclesiasticæ studio, nostro præscriptum tempore diligentius colendo, cum scholiis: Dissertationes de prima librorum scribendique origine: de variis partitionibus temporis antverſi; de Rep. Theocratica; de Origine Imperiorum: de incrementis & decrementis imperiorum: de dignoscenda Republica: de Scriptoribus historiæ universalis: de Historiæ pragmatica: de variis divisionibus librorum Biblicorum: de inventione crucis Dominicæ: de vita, gestis & scriptis Moyſis: de Numismatibus Hebræorum cum brevi explicatione: de Numismatibus familiarum Romanarum: de Tetradis Pythagorica: de Numismatibus Othonis aureis, argenteis, ancis. Accedit liber Chifletii de Othonibus ancis: de Pontificatu maximo Imperatorum Romanorum: Introductio in historiam rei nummarie veteris: Adolphi Oeconis Numismata cum novis additamentis: Dissertationes in Agricola Taciti: in ejusdem principatum Galbæ: Varia observata in Scriptoribus Ecclesiasticis, Græcis & Latinis: Ratio tractandi Historicos ad usum prudentiæ & eloquentiæ civilis: Anonymi Chronicon, primum e MStis Codicibus edendum: Scholia Græca in Sophoclem adhuc inedita: Marci Pauli Veneti Itinerarium, ab edito plurimum discrepans, cum notis Bosii: Petri Helie Vocabularium, carmine conscriptum notisque illustratum: Orationes & Sermones Academici: Taciti, Senecæ, Plinii nova editio cum notis variorum. An ex iis quicquam in lucem proditurum sit, incertum,*

(o) Bosiana pleraque, b. l. recensita, vix affecta fuere, nedum perfecta, uti Successor ipsius atque hæres, Calp. Sagittarius, amicos edocuit. Vid. Tenzelii *Dialogos Menſtrios Germanicos*, M. Jan. A. 1089. p. 31.

tum, nisi forte Academiae Jenensis Theologus & Polyhistor celebratissimus, Sagittarius, obstetricias iis manus aliquando admoverit.

His virorum doctorum Scriptis ineditis accenserī etiam possunt EPISTOLAE, quae sollicitè custodiendae sunt. Continentur enim in illis plerumque arcaniora quaedam rei literariae, quae frustra alibi quaeras. Quoniam enim commercia ista libere exercentur, iudicia in illis saepe ingenua de rebus eruditorum scribuntur: praecipue si non in eum finem scriptae sint, ut typis promulgentur. * In Bibliotheca Norimbergensi multas virorum illustrium MStas Epistolas asservari, auctor est Saubertus Orat. 2. de Biblioth. Nor. *Non desunt, inquit, epistola MSta virorum longe lateque celebrium, Principum, Comitum, Baronum, Pircameri, Baiongartneri, Lutheri, Philippi maximo numero, Spalatini, Camerarii, Scheurlii, Heßtoris, Pomeri, Hornburgii, Cassp. Nuzelii, Ulrici Hutteni, Georgii Pesleri, Pauli Eberi, Viti Theodori, Johannis Matthesii totis fascibus, Cratonis, Lazari Spengleri. Andr. Osiandri, Bezae, Rudolphi Gualteri, P. Melissi, Joh. Sturmii, Flacii Illyrici, Strigelii, Frischlini, Fr. Raphaelis, Carlstadtii, Joh. Agricola, Islebiensis, Thoma Müntzeri, Samuelis Huberi & plurium. Hortingerus Epistolarum, a Theologis sub tempora reformationis scriptarum, ingens volumen habuit, ut ipse in Bibliothecario suo memorat, quod ille inter maximos thesauros suos literarios numeravit. Vidi ipse apud Virum illustrem, Marquardum Gudium, spissum talium literarum a viris doctissimis, & quidem eorum manu scriptarum, volumen, inter pretiosa suppellectilia literariae, quam habet amplissimam, cimelia referendum. Sunt in illis Lutheri, Melanchthonis, Erasmi, si recte memini, 50. Casauboni, Sarravii, Wouwerii, Manutii &c. epistolae omnes ineditae. Hujus Manutii una in illis est prolixa, ipsius manu scripta, quam Reginam epistolarum Manucianarum vocabat, quae in editis non habetur. * Epistolarum ineditarum Reinesianarum multos quoque fasciculos in Bibliotheca sua servavit Bosius (p); habuit eas, quas ad Bernh. Bertramum, Cancellarium in Aula Altenburg. Theologos Jenenses scripserat: Epistolas Reinesii & Majoris, Vorstii, Medicorum Germanorum, Hofmanni, Sennerti, Mæbii, Volcameri, Schneideri, Schenckii, Volckii, Horstii, tum aliorum Professorum, Birnstilii, Snellii, Læscheri, Frischmuthi, Henr. Gebhardi, Grævii, Bosii, Thomasia, Strauchii, Conringii, Slevogtii, tum aliorum virorum doctorum, Langermanni, Gueinzii, Weitzii, Parei aliorumque mutuas: in quibus multa esse, quibus res ornari literaria possit, dubium nullum est, & ex editis augurari possumus. Sed vix erit, ut in publica aliquando luce illas videamus.*

Quemadmodum hae in eruditorum usum Epistolae colligi debent: ita Scripta politica, quae ad statum Reip. pertinent, merito ad usum publicum servanda, suumque sibi in Bibliothecis, praecipue publicis, locum vindicant. * Magnopere commendat eorum accuratam custodiam Conringius in Epistola de Bibliotheca Augusta pag. 114. ac eo nomine Guelferbytanam praedicat, quod in ea magnus illorum de statu Germaniae

(p) Epistolae Joh. Andr. Bosii & Thomae Reinesii mutuae, curante Joh. Andr. Schmidio, Theologo Helmstädiensi, Jenae A. 1700. in 12mo prodierunt.

Germanico MStorum numerus servetur. Excell. Dn. Rachelius *cap. extremo Introduct. ad jus publicum Germanicum*, de eadem Bibliotheca testatur, tantam in illa rerum Germanicarum omnis generis copiam exhiberi, quantam vix ullum Germaniæ totius Archivum. Præsertim postquam MSti Codices Joh. Schwartzkopffii, Cancellarii, ejus partem constituerunt. Eodem in loco mentionem facit Bibliotheca Maximiliani jûm Zungen, Patricii quondam & Viri Consularis Francofurti ad Mœnum, in qua CXVI. volumina rerum Germanicarum collecta fuerint: quo thesauro præcipue motum Cardinalem Mazarinum existimat, ut sedecim mille florenos pro illa obtulerit, neque tamen pro illo pretio eam impetrare potuerit. De eorum scriptorum copia in Bibliotheca Puteani & Pinelli jam supra diximus.

- 50 Enumeravimus hætenus scripta illa, quæ MStis veris accenferi solent, quorum utilitas quibusdam major esse videtur, quam ipsorum Manuscriptorum. Conringius certe, ut jam supra diximus, non vult inter perfectissimæ Bibliothecæ notas haberi, si numero Manuscriptorum vincat. Neque negari sane potest, ex cujusque scopo & fine spectandam Bibliothecam. Privatus sibi pro suo genio & indole eam format. Publica ad usum communem institui debet. Etsi vero & editi libri optimi hic abesse non debent, tamen & facilius eorum copia, quam MStorum est: & vero in eo maxime Bibliothecas publicas prospicere privatorum indigentia æquum est, ut subministrent illa, quæ ipsi aliunde non facile depromunt. In his ergo rarioribus principem locum sibi vendicant Manuscripta, quæ, quo antiquiora, eo sunt meliora, sive jam tum typis illa vulgata sint; sive hætenus *dividenda*, quæ majoris pretii sunt. Sed tamen nec illorum nullus usus est, ut jam supra exemplo declaravimus. * Etsi enim Conringius cum Toletio Fulvium Ursinum rideret, immane pretium MSto antiquissimo Terentii, sed tamen alicubi vitiose scripto, statuentem, de quo locum e Jan. Nic. Erythraeo producit: non tamen adeo absurde hac in re sensit Ursinus. Quanquam enim accuratius nunc in nonnulla Terentii loca inquisitum sit, aliorum Codicum collatione; tamen, si antiquitas sua Codici constat, plura e tali codice, tum, quæ ad intellectum Autoris, tum, quæ ad scripturam pertinent, disci possunt, quæ in aliorum Codicum lectione magnam nobis lucem accendent. * Multum enim in se reconditi habet ille antiquitatis genius, atque ubi minime credis, ex ipsis suis tenebris lucem aliquam spargit. Quod si levior ille quibusdam usus videatur in Autorum emendatione; longe tamen major ille est, qui e MStis Patrum libris, utut jam impressis, in Ecclesias & Academias promanat. Nemini ignotum est, quorundam fraudibus id agi, ut ea in Patribus loca, quæ minus favere receptæ apud suos sententiæ videntur, aut mutilentur aut corrumpantur: quo casu magnum in MStis Codicibus præsidium qui non agnoscit, is profecto stupidus atque amens est. Jamdudum ostensum a Theologis celeberrimis ac Philologis est, multa talia passim in Patribus inveniri. Extat & singularis *de Latrocinii in Scriptores Publicos, præcipue Patres*, L. Casp. Læscheri dissertatio, qua exempla ejus rei proferuntur: sed longe dari uberiora poterant. Si mutilationes illæ non sint, vel Typorum sphalmata, quæ repetitis editionibus crescunt, medicam a MStis manum

num requirunt. Commendat hunc usum quoque Reiserus in præfatione Indicis MStorum Bibl. Augustanæ. * Manuscriptorum nunquam editorum usus ex utilitate argumenti dependet, & ipsa raritas rem sæpe inæstimabilem faciet. Qui Livii & Taciti libros omnes, Plinii libros de bellis Germanicis, ac similes Autores possideret, de pretiosissimo illo thesauro sibi merito gratulari posset. Latitare adhuc in aliquo orbis angulo, non est forte incredibile, præsertim cum mirabilia MStorum sæpe esse fata soleant, ut de ipso Livii codice aliisque in dissertatione nostra de Patavinitate Liviana notavimus.

Jam supra monui, excutiendas esse omnes Bibliothecas, publicas, privatas, ut MStorum notitiam, quoad ejus fieri potest, uberrimam habeamus: quanquam hic obstinatum Bibliothecarum silentium esse solet. Solent illa *καμήλια* nonnullis ita recondi, ut vix inspectioni locus relinquatur: neque patientur, ut quis de illis catalogus in lucem edatur, cujus quidem taciturnitatis causas non omnino nullas habent. Solent enim thesauri incogniti ab ipsa obscuritate aliquod securitati suæ præsidium petere. Qui in omnium oculis versantur, facile prædones belli tempore alliciunt, ut tristitia ejus rei exempla supersunt in Germania, ubi vel fama & suspicio cum periculo conjuncta fuit. Sed tamen cui bono thesaurus absconditus? In usum tamen hominum illi libri congesti sunt, & ut eorum notitiam nobis conquiramus, cum Bibliothecariis familiaritas contrahenda, ut ad secretiore Bibliothecæ recessus nos admittant, quo artificio Salmasius in Bibliotheca Heidelbergensi usus est, cui plurimam in Criticis cognitionem debet.

Instructissima, sine dubio, omnis generis Manuscriptis *Bibliotheca Vaticana* est, præsertim postquam Heidelbergensis Bibliothecæ spolia accesserunt. (Si ulla unquam accesserunt; sunt enim, qui de eo dubitant: neque ipse etiam Joseph. Scaliger magnifice adeo de illa sentit.) Aprosius Vaticanæ Bibliothecæ & Barbarinæ MSta consignavit, teste Gregor. Leti Ital. regn. part. 4. p. 99. * Huic *Vindobonensis* subjungitur debet, præsertim postquam Budensis Bibliothecæ reliquiæ in illam collatæ. Vixisset Lambecius, illius Bibliothecæ MSta in publicam lucem protulisset. * In *Hispanicis Bibliothecis* multa supersunt MSta; sed, ut Dracones, opibus suis incubant, neque tamen iis uti vel possunt, vel volunt. Incendio Bibliothecæ Scorialentis plurima, ut puto, perierunt. * De *Anglia Bibliothecis* Georg. Richter in Epistola ad Arnoldum scribit: *Novi & expertus sum ipse, quales & quantos viros in re literaria, quales Bibliothecas, qualia Manuscripta natio ista habeat.* * Christophorus vero Arnoldi ita ad Richterum (in Epistolis Richterianis p. 485.) scribit: *In Academia Cantabrigiensi Abr. Whelocus, Arab. atque Anglo-Saxon. lingue Professor & Bibliothecarius publicus, codices Manuscriptos, cum primis Græcos, perlubenter mihi impertit, ex eadem Bibliotheca publica aliquot Episcoporum Bibliothecis mirifice aucta. Hujus commendatione gratiam adeptus sum inspicendi illustres in domo Petri, Collegio Regina, & Collegio Joannitico, Bibliothecas, thesauris Manuscriptorum refertissimas. Obstupui in Joannitica, cum mihi magnam sacrorum librorum Græco-Barbarorum copiam ostenderent, a benefactore*

- factore quodam Anonymo, suafione Richardi Sybbs, S. Theol. Professoris, & hujus Collegii quondam Socii Senioris, A. D. 1628. dono oblaturum. Hic etiam libros Chineses videre licet, imaginibus historicisque lineamentis pulchre distinctos; item Maimonidis Sophone Torab Voll. quatuor Venetiis in charta carulea impressus, ubi plurimas inspexi & emendatis, nefaria recutitorum manu leviter deletas. In Bibliotheca publica ipsius Academiae Lexicon est Syro-Arabicum Manuscriptum Bar Bahlul. Omnia hoc in opere Syriaco charactere descripta sunt: nisi quod minoribus Arabica, majoribus vero Syriaca. Celebris ille apud Anglos Philologus facer, Bedwellus, eidem Bibliothecae Lexici Arabici volumina septem, conscripta manu sua, una cum Typographia Arabica, legavit. In
- 60 Oxoniensi Bibliotheca multa haberi Manuscripta Jamellii Catalogus testatur. * Gallica Bibliotheca, Regiae, privatae, Manuscriptis variis plenissima, de quibus Ludovicus Jacobi legi potest. * Bibliotheca Thudina MStos Codices antiquiores, recentiores, quorum non exiguus numerus est, qui vel cum publicis nonnullis Bibliothecis certet, Josephus de Quesnel ab impressis separatos edidit. * Italicarum, publicarum, privatarum Bibliothecarum Manuscripta Tomasinus, pauca tamen e vasto numero, in publicum protraxit; qui tamen indices, ut novi, multum illis profuere, qui in Italia Manuscriptos Codices indagarunt, ac feliciter isto indicio e privatis Bibliothecis sibi compararunt. Jacob. Gaddius in libro suo de Scriptoribus passim citat Manuscripta critica & poetica, quae in Italicis Bibliothecis habentur.
- 63 Vide & Gregor. Leti Ital. regnante part. 3. l. 4. p. 346. p. 383. * De Augustana Bibliotheca Manuscriptis supra vidimus. Norimbergensem Bibliothecam Joannes Saubertus ob Manuscripta, quae recenset, laudat, & cum ipsis Italicis contendit, peculiaribus de illa scriptis orationibus. Leidensis Bibliotheca Manuscripta etiam Catalogo illius Bibliothecae notata sunt. Sunt & in Gottorpiensi nostra Libri MSti, praecipue Orientales & Arabici, quibus se adjutos tum Cl. Salmasius, tum Bochartus profitentur. Eorum mentionem, ut puto, etiam Huerius facit in lepidissimo illo carmine, quo iter Suecicum describit. * Sunt praeterea in illis, quantum nunc schedae mihi meae suggerunt: Plinii Historia Naturalis, quo usus Salmasius: Corpus Juris Civilis: Hippocratis Opera Graece. Vegetius de re militari. Martianus Capella. Virgilius & Ovidii Aliqua. Papinius Statius. Lucanus de Bello Civili. Ciceronis Rhetorica nonnulla. Salustius. * *Ἡρώων ἐισαγωγή τῶν γεωμετρικῶν.* Heronis Geodesia. Theocriti Idyllia. Cyrilli Lexicon Graecum. Macrobius in Somnium Scipionis. Boetius de Consolatione. Historia sacra Persarum, Persice & Latine. Libanii Characteres. Michaelis Glyca Annales. Sidonii Apollinaris Epistola. Fragmenta veterum Mathematicorum, Graece. Persii Satyra. Heliodori Larissaei Optica. Xenocrates de Piscibus. Vita Hesiodi, Theocriti & Oppiani, Graece. Leonii Basilii *Ναυμαχία*, Graece. Pselli Expositio in Zoroastr. Oracula: Ejusdem expositio Dogmatum Chaldaeorum. Demetrii Phalerei Apophthegmata. Glyca Orationes, Graece. Gemistus de dignitatibus & officiis regis tempore Romanorum. Cassiodori tripartita Historia Ecclesiastica. Papia Glossarium. Homilia diversorum, quas jussu Caroli M. collegit Alcuinus. Seneca Epistola. Demetrii Dialogus. Warnfridi Historia Langobardorum. Cypriani Epistola. Constantini Manassis Chronicon. Leonis Papa Epistola. Fulgentii Mythologia.

thologia. Alexii vita, Græce. Methodius de Mundi excidia. Chimica multa & Chronica, ad res Germanicas, Historica, ad res Holsaticas pertinentia.

Privatarum quoque Bibliothecarum magna est a MSis aestimatio. ISAACI VOS-
SII, quam ipse Hagæ-Comitis vidi ac perlustravi, Bibliotheca laudari ob multos
Codices antiquissimos meretur. * LUCE HOLSTENII Bibliotheca multa habuit
Græca, præcipue in Philosophia Pythagorica & Platonica, quorum pleraque in
hunc diem sunt ἀνεκδота. (q) Eorum Indicem, quem ab amico habeo, hic subjun-
gam. Damascii, Philosophi Platonici, περὶ ἀρχῶν, sive de principiis questionum & solutio-
num, magnum & præclarum Opus, fol. Græce: Hermii Philosophi in Phæd. Platonis Scho-
liorum libri 3. Græce, fol. Eadem Hermia commentaria, Latine, Marsilio Ficino interprete,
hactenus non edita, fol. Olympiodori Philosophi commentaria in Phæd. Platonis, qui est de
immortalitate animæ, Græce fol. Platonis Compendium sive selecta, Græce fol. Procli lib. 6.
de Theologia Platonis, Græce fol. Ejusdem Procli στοιχείωσις Θεολογικῆ. sive Elementorum
Platonica Theologia liber, CCXI. propositiones continens, Græce fol. Eadem Procli Elemen-
tatio Theologica, Latine, ex veteri versione Fr. Guilielmi de Morbecka, Archiepiscopi Corinthii,
cum ejusdem Demonstrationibus, fol. Nicolai, Episcopi Methonensis, animadversiones in ea-
dem Procli elementa Theologica, ne quis eorum probabilitate ad Arianismum seducatur, fol.
Procli Lycii Philosophi libri 3. singulares, sive περὶ ἑξήκοντος I. de decem dubitationibus circa
providentiam. II. de Providentia & fato, & eo, quod in nobis, ad Theodorum Mechan-
icum. III. de malorum subsistentiâ, Latine, interprete Guilielmo de Morbecka Archiep. Co-
rinth. fol. Procli Commentarius in Alcibiadem priorem Platonis, Græce, & in eodem vo-
lumine Olympiodori Philosophi in Alcibiadem Platonis Scholia, Græce, fol. Joann. Baptiste
Camotii in Platonis Alcibiadem Majorem Comm. libb. III., Latine, fol. Procli Commen-
tariarum in Parmenidem Platonis Libri VII. Græce, fol. Procli in Cratylum Platonis Scholia
selecta, Græce, 4to. Procli Dissertationes aliquot in Remp. Platonis, hactenus non editæ,
Græce, fol. Procli vita, Autore Marino, integra, Græce, 8vo. Syrianus Platonicus in Me-
taphysica Aristotelis, cujus objectionibus contra Platonem & Pythagoram respondet: Græce,
fol. Herenni Philosophi Metaphysica, quod est elegans Theologiae Platonice compendium,
Græce, fol. Nicomachi Gerasii. Pythagorici Arithmetica, cum scholiis marginalibus antiquis,
Græce, 4to. Joannis Grammatici Philoponi commentarius in Nicomachi Arithmetica,
Græce, fol. Jamblichi Chalcidensis de vita & doctrina Pythagore libri IV., quorum duos
tantum priores infelicissime edidit Arcerius: Græce, fol. Jamblichi de Mystica Aegyptiorum
Theologia liber, que est responsio ad Mammonis sive Porphyrii eadem de re epistolam, Græce, fol.
Claudii Ptolomæi liber περὶ στοιχείων καὶ ἀστερικῶν, sive de principe animi parte, qua verum
falsumque judicamus. Albini Philosophi Introductio ad libros Platonis. Incerti Autoris
Hermippus, sive de Astrologia libri II. Græce, & liber dictus Græcis Ichnolates, Græce, fol.

I 2

Por-

(q) Multi ex Codicibus istis Luce Holsténii MSis, h. l. enumeratis, in Bibliotheca jam Civitatis
Hamburgensis, cui Professor moribundus eos legavit, Publica asservantur.

Porphyrîi Philosophi & Pappi Alexandrini Commentaria in Harmonica Claudii Ptolomai, Grace, fol. Sphærici aliquot autores veteres, Grace, scilicet Autolicus de Sphæra, quæ movetur, item de ortu & occasu. Theodosius Tripolita de Habitationibus: item de diebus & noctibus, & Euclidis Phenomena, Grace, fol. Heronis Geometra Introductio ad Geometriam, Grace, fol. cum Anatolii, Damiani & aliorum opusculis, ad Mathematicam pertinentibus, Grace, fol. Manethonis Egyptii Apotelesmatica libris VI. carmine Græco, cum Introductione Maximi, 4to. Chalcidii expositio in Timeum Platonis, exemplaria duo perantiqua, 4to. Egidii, Cardinalis Viterbiensis, commentaria in primum librum sententiarum ad mentem Platonis, quibus universa Theologia Platonica luculenter exponitur, Latine, fol. Lexicon vetus Theologicum & Philosophicum, Grace, fol. Serapion Thmuisensis, Titus Bostrensis & Photius P. C. Pnus contra Manicheos, Grace, fol. Joannis Philadelphienfis Lydi de Mensibus liber, a Photio P. C. Pno, ut videtur, in compendium contractus. S. Methodii Patarenfis Episcopi & Martyris Symposium X. Virginum, sive de Virginitate, liber. Vita S. Syncretice, autore, ut creditur, S. Athanasio, Grace, 4to. Oppiani de Aucupio libri III. Eutemii Sophista ecphrasi in prosam orationem transformati, Grace, fol. Simplicii Philosophi Commentarius in Epicteti Enchiridion, Grace, 4to. Evagrii Monachi diversa opuscula ascetica, Grace, fol. Fl. Arriani Nicomediensis Tactica, sive de acie militari recte instituenda liber, in quo accurate de veterum Romanorum exercitiis equestribus agitur: & ejusdem Arriani expeditio Pontica contra Alanos describitur, Grace, fol. Julii Africanus Gestorum liber VII. qui est de re militari, Grace, fol. Asclepiodori Philosophi τῆς ἀντιτάξεως, sive, de acie arte instruenda liber, Grace, fol. Incerti autoris de toleranda propulsandaque obsidione liber: item exempla de ordinibus militaribus, Grace, fol. Mauritiû, sive Urbicii, de re militari libri XII. ex accurata IV. Codicum antiquorum collatione, Grace, fol. Incerti Autoris de re militari liber, & alius de orationibus militaribus, Grace, fol. Polyani Strategematum libri, Grace, fol. Phlegontis Tral-liani, ut videtur, libellus de mulieribus, bellica laude illustribus Grace, 4to. Theodori Merochita τρυμνιστῶν, sive Miscellaneorum capita CXX. ii. voll. Grace, 4to. Dionysii Periegesis cum paraphrasi incerti Autoris, Grace, 4to. Eustathii commentarius in Dionysium, Grace, 4to. Joannis Tzetze Ante-Homerica, Homerica, & Post-Homerica, carmine Græco, cum ejusdem Tzetze scholiis, Grace, 4to. Orphei Hymni & Argonautica, Grace, 4to. Michael Psellus de generatione anime in Platonis Timeo, Grace, 4to. Ejusdem Pselli libellus de Damonibus & generibus incantationum liber, Grace, 8to. Origenis Philosophumena, sive de variis veterum Philosophorum sectis & opinionibus liber, Grace, 4to. Moschionis Hypotheca, sive monita sententiosa, 4to. Plutarchi collectio proverbiorum, quibus Alexandrini utuntur, Grace, 4to. Philostorgii Historie Ecclesiastica compendium, transcriptum ex regia Scorialensi Bibliotheca, Grace, 4to. Joannis Diaconi Pediasimi declaratio aliquot difficultum locorum Cleomedis, Græce, 8to. & Latine 4to. Zenonis ac reliquorum Stoicorum Philosophiæ moralis compendium, Grace, 4to. Didymus Alexandrinus & Alexander Licopolita contra Manicheos, Grace, 4to.

67 Prodeat nunc ultimo, sed principe profecto loco nominanda Illustris & Excellentissimi Viri, MARQUARDI GUDII, Reg. Maj. Dan. Consiliarii Status,

Status, celebratissima Bibliotheca; quam si privatarum omnium ego Reginam dixerō, nihil ultra veritatem aut jactantius loqui videbor. Tanta est in illa Manuscriptorum Codicum & antiquissimorum & rarissimorum copia, is selectus, ut vel cum Regiis contendere Bibliothecis possit. Sunt in illa libri Græci, Latini, nusquam in luce visi, toto orbe literato, præcipue in Italia, summo studio conquisiti, quos vel non extare amplius multi, aut jamdudum periisse crediderunt. Hos emaculatos in lucem edere non annorum aliquot, sed sæculi labor esset. Cum hoc primum mihi ingredi sacrarium daretur, in Latium & Athenas veteres reductus & in ista rerum varietate totus mihi stupere videbar. Verum cum viderem, quam ipsa illa copia votis eruditorum, & labori etiam Herculeo obsister, nullos ex ubertate ista fructus ad orbem literatum perventuros indolui, præsertim cum illustris ejus Bibliothecæ possessor negotiis civilibus oppressus vacare eruditis curis non posset. Mihi tamen loco non alieno tantæ rei commemoratio minime prætermittenda videbatur; tum quoniam publice interest, non ignorari has Holsatiæ nostræ opes; tum ut venerationem, qua singulare hoc sæculi nostri decus prosequor, publice testarer, simulque illum obtestarer, ne, quæ habet in vetustis autoribus admirabili plane *σωφροσύνη* observata, ne poemata, quæ cum antiquis de palma contendant, ne incomparabile illud Inscriptionum Opus, tot annos illi perpolitum, luci publicæ, posteritati, suæque amplius invidere gloriæ velit.

C A P. VIII.

DE LIBRIS DAMNATIS.

1. Libri prohibiti majus desiderium excitant.
2. Athei.
3. Liber de tribus impostoribus.
4. Quis ejus autor, disquiritur.
5. Claudius Berigardus ex illo quadam excerpere videtur.
6. Notatur Cardanus, qui ex illo libro, aut simili, quadam in suos usus transtulit.
7. Bodini Dialogus de abditis rerum sublimium arcanis.
8. Ejus Historia prolixius proponitur.
9. Diekmanni super eo argumento Dissertatio laudatur.
10. Collegium quorundam, Venetiis super religionis negotio institutum.
11. Postellum nec Atheum, nec Deistam fuisse, adversus Rainaudum & alior probatur.
12. Heterodoxus ille tamen in multis fuit.
13. Galeni *ἀθεότης* a Casaubono vindicatur.
14. Familiaris multis Atheismi calomniæ.
15. Benedicti Spinoza pessima pro Atheismo stabiliendo scripta.
16. Complura minuta Atheorum scripta recensentur.
17. Vatinus.
18. Pomponatius.
19. Ochinus.
20. Campanella Atheismus triumphatus.
21. Porcius: Antonius Roccus.
22. Jordanus Brunus.
23. Judicium de autore libri, qui historiam populorum Severambes scripsit.
24. Libri Magici.
25. Multi falso crediti.
26. Hereticorum libri.
27. Indices expurgatorii.
28. Libri obscæni.
29. Satyra Soradica Aloysie Sygæ adscripta;
30. ejus nomen, ut & Meursii mentium.
31. Aloysia Sygæ magnum femine pudicæ & eruditæ exemplum.
32. Castratores librorum veterum notantur.
33. Satyrici scriptores.
34. Regibus ipsi metuendi.
35. If. Casauboni Corona Regia.

1 **Q**uemadmodum in officinis ea, quæ rariora & pretiosiora sunt, seponere solemus, ne vel furaci manu rapiantur aut contaminentur: ita venena quoque suo loco custodiri solent, ne illa, cum incautius tractantur, nocere possint. Similiter in re literaria libri Msti, ut cimelia, asservantur, LIBRI DAMNATI peculiari censura notantur, neque omnium oculis manibusque exponuntur: quanquam fieri sæpe solet, ut, qui arctius custodiuntur libri, cupiditatem & desideria curiosorum provocent, qui majore attentione & cura malos tum libros legunt, cum obvii & a viris doctis refutati vilescerent. Nunc vero cum illi anxia diligentia in secreto tenentur, desperatæ causæ suspicio quibusdam pravis ingeniis suboriri solet.

2 Inter damnatos primo loco numerantur *Scriptores Athei*, qui doctrinam de
3 Deo, de Christo, de immortalitate animæ extirpatum eunt. * Princeps in his liber ille famosus est *de tribus Impostoribus*. Illum Grotius nunquam scriptum esse existimat, quod ego nunc suo loco relinquo. Novi ego viros, quorum fides minime suspecta est, qui se vidisse testantur. Dicitur & in Germanicam linguam conversus, impressusque in folio latitare apud scelestos Atheismi propugnatores. * Auctor Religionis Medici *Bernardinum Ochinum* Autorem libri hujus habet, de cujus vita & moribus legatur *Antonius Maria Gratianus*, in *vita Cardinalis Commendoni*, lib. 2. cap. 9. *Thomas Campanella*, referente *Ernstio*, *Marettum* ejus Autorem habuit; *Mersennus Comm.* in *Genelin*, *Petrum Arctinum*. Videantur *Vinc. Placcii annotata*
5 *in Job. Rhodii Autores supposititios n. 50.* * Hunc librum legisse, & ex eo quædam excerptasse videtur *Claudius Berigardus in Circ. Pisani*, part. 3. *Circ. 3. p. 230.* ubi de calumniis in *Mosen* agit, ad quas ita responder: *Tot viri sancti & Christus ipse, Mosen secuti, satis eum vindicant ab hac calumnia, quicquid effutiat contra liber impius de tribus impostoribus, omnia refundens in demonem potentiorum, cujus ope Magi alii aliis videntur præstantiores: quo etiam refertur illud fictum a Boccatio de tribus annulis.* Fuere & *Augustini* tempore, qui circumferrent librum de Christi magia, de quibus *Augustinus*, *de consensu Evang. cap. 8.* Utinam ejus farinæ libri extarent, & legi ab omnibus possent! Certus sum, ex ipsis tela, quibus eorum calumnia juguletur, nos deprompturos.

6 Argumento certe hoc non exiguo est, extitisse similes olim libros, five *Arctinus* five *Ochinus* illorum Auctor sit, cum *Cardanus* in lib. 11. de *Subtilitate* recirer quædam variarum sectarum pro se pugnantium argumenta, quæ ex his lacunis hausta videntur. Introducit in illo loco *Pagani*, *Judæi*, *Mahumerani* & *Christiani* argumenta, atque ita proponit singula, ut *Christianismi* partes segnius agantur. * *Plane illa ratione Joh. Bodinus* postea librum scripsit *de subtilibus & admirandis rerum arcanis*, ubi perpetuo inter sectas & religiones dialogo instituto eadem argumenta atque eandem cramben recoxisse videtur; quod indicio est, utrumque ex iisdem fontibus sua depromsisse. *Mersennus* certe *Commentario in Genelin Cardanum*, ut *Atheum*, reprehendit, monetque in vetustis editionibus librorum de *Subtilitate*, eo in loco multa haberi, quæ postea sint in sequentibus editionibus vel omiſsa, vel immutata. Atque ita se rem habere e *Scaligeri Exercitationibus* proba-
ri pot-

ri potest, qui *Exercitatione 258.* pereuntem Cardanum secutus, hæc ejus ulcera tangit, non sine mordaci, ut debebat, *ἐπιμεινται*. Arguunt præterea illa verba, quæ formulam transitionis constituunt in veteri editione: *Igitur his arbitrio victorie reli-
ctis &c.* quasi dubitaret Cardanus, cui parti victoria assignanda sit: pro quibus verbis in posteriori editione legitur: *Sed hæc parum Philosophos attinent, pro quibus in-
stitutus est sermo:* quæ & ipsa aliquid profani sensus habere videntur. Sed omnia illa arguunt, discrepare vetera exemplaria a recentioribus.

Ut ad Bodini librum revertar, ille in ipsa olim Gallia rarus, nunc tamen etiam 8
in Germania in quorundam Bibliothecis latitat. Levis ejus libri hætenus fuit noti-
ticia & subobscura. In Grotii & Sarravii epistolis passim ejus mentio fit. Illius ex-
tat de eo judicium in *epistola ad Gallos 146. & in altera 170.* Hic omnem lapidem mo-
vit, ut, sollicitante Isaaco Vossio, pro Regina Christina exemplar aliquod obtine-
ret. Legi loca illa in Epistolis ejus possunt, p. 322. 325. 326. 335. 350. Nunc 9
vero plenior ejus libri notitia orbi erudito suppeditavit Vir reverenda digni-
tate & varia eruditione conspicuus, JOHANNES DIECMANNUS, per Ducatus
Bremensem & Verdenssem Superintendens Generalis, qui in hac Kiloniensi Acade-
mia elegans hoc & eruditum disputationis suæ inauguralis argumentum extare vo-
luit: *de Naturalismo cum aliorum, tum maxime Joh. Bodini, ex opere ejus MSto & usque
adhuc ævendoto de abditis rerum sublimium arcanis.* Ille hanc *ἐντοχίαν* habuit, ut, quod
alii tot laboribus & sumptibus quæsierunt, illi ultro in manus incideret. Nam
duplex horum Dialogorum exemplar obtigit; quorum alterum eas antiquitatis no-
tas habuit, ut ex primis Bodiniani operis apographis esse, nullus ipse ambigar,
olim ex Bibliotheca Guilielmi Laud, Archiepiscopi Cantuariensis, magno ære red-
emptum; alterum vero recentius ante XX., cum hæc scriberet, annos e codice Pa-
tini festinanti manu descriptum: quod tamen non raro lacunis Anglici Codicis sup-
plendis, & emaculandis librarii vitiis, utiliter adhiberi potuit. Liber autem ita in-
scribitur: *Colloquium Heptaplomeres de abditis rerum sublimium arcanis.* *Ἑπταπλομεγές*
inscriptum est, non, quod in septem libros distributus esset, ut Sarravius existima-
vit; sed, quod septem viros, Paulum Coronæum, Frid. Podamicum, Hier. Sena-
mum, Diegum Toralbam, Ant. Curtium, Salomon. Barcassiam, & Octav. Fagno-
lam, operis inter se partitis, perpetuo confabulantes introduceret. Primo Pontifi-
ciorum, secundo Lutheranorum, tertio omnium sectarum, quarto Naturalistarum,
quinto Calvinianorum, sexto Judæorum, extremo denique Muhammedanorum
causam tutandam commisit: qui omnes ita de fidei controversiis *συζητῶσι*, ut Chri-
stiani, sive Pontificii, sive Lutherani, sive Calviniani, succumbant semper; reliqui
vero, imprimis Judæi & Naturalistæ triumphant. Hæc ex ipsa illa Dissertatione ad-
ducere volui, cum accuratior ejus dari notitia nequeat.

Memorable & hoc est, quod ipse notavit ex scheda quadam manuscripta, quæ 10
Guidonem Patinum ex Gabr. Naudæo audivisse commemorabat, fuisse Venetiis qua-
tuor homines, qui singulis hebdomadis instituendarum super variis religionibus disser-
tationum Philosophicarum causa hic convenerint; in iis Coronæum Rothomagensen,
&

- & Guilielmum Postellum Notarii vices sustinentem, cujus chartæ postea ad manus
 11 Bodini pervenerint, & huic scripto conficiendo fuerint adhibitæ. * De Postello
 Henr. Stephani narrat in Introductione tractatus *de conformitate miraculorum anti-*
quorum & novorum c. 14 p. 100. illum publice dixisse, quod, qui bonæ religionis spe-
 ciem efformare velit, eam ex tribus istis, Christiana, Judaica & Turcica, constare
 debeat. Henr. Ernestius, *Observat. variar. lib. 2. c. 36.* Postellum a quibusdam libri de
 tribus Impostoribus autorem haberi, ait. Sed summa ipsi hac imputatione injuria
 infertur: ego enim hunc inter Atheos vel Deistas referre nolim, quod & Theo-
 philus Rainaudus facit, qui Deistarum parentem vocat, qui Deum unum admittere
 contenti cetera Christiana mysteria pro fabulis haberent. Nam omnia alia testa-
 tur liber ejus de *Nativitate Mediatoris ultima*, quem inter anonymos relatum miror
 apud Vinc. Placcium, cum ejus nomen in fronte libelli existeret. Hunc qui legerit,
 12 illum a Christo & Christianis mysteriis universam rerum naturam quasi suspendis-
 se deprehendet. * Multa alioquin habet, quæ cum receptis in Ecclesia sententiis
 pugnant, errores quoque multos in religione: paradoxæ in illo multæ sunt do-
 cetrinæ, quarum intuitu potius ad Hæricos & Enthusiastas, quam ad Atheos re-
 ferendus videbatur. Quod de formanda religione ex Christianismo, Turcismo &
 Judaismo dixit, forte eo pertinet, quod multa Christianorum monumentorum
Λεσπανά in ipso Alcorano, aliisque, qui apud Orientales & Judæos extant, libris
 deprehenderet. In Judæorum quoque vetustioribus libris, quos supposititios ali-
 qui existimant, multa ille mysteria venatur, non ad infringendam, sed potius stabi-
 liendam Religionem Christianam. Ille, quem *de Etruria Originibus* scripsit, liber
 integra capita pro veritate Religionis Christianæ inserta habet; ut mirari satis non
 possim, quid in mentem venerit Rainaudo, qui illum Christianæ religioni adver-
 sum faciat. Sed multa sunt in Rainaudo inepta & falsa de Scriptoribus judicia, de
 quo suo loco. De Postello legi amplius potest Popeliniere in libro Gallico *l'His-*
toire des Histoires lib. 8. p. 443. Ego, etsi in illo aliqua damnanda & heterodoxa,
 aliqua superstitioni propiora, agnoscam; multa tamen acute excogitata, & pro-
 fundam doctrinam spirantia, deprehendo. Facile alioquin est, apud homines im-
 13 peritos & indoctos in Atheismi suspensionem vel ex levissima causa incurrere. * In
 Galeno quoque aliqui *ἁθεότητα* notarunt. Sed de his Casaubonus, *Epist. 258.*, Gale-
 num vocari *ἁθεόν* miror, virum tam assiduum in sapientia DEI predicanda. Ego illum eo
 14 maxime nomine dignum laude & æterna predicatione semper judicavi. * Nunc sane quo-
 tidie hanc multis inuri notam videmus ab illis, qui innoxii sententiis, ubi licitum
 esse potest divortium, Atheos statim & Naturalistas crepant: qua calumnia ut
 nulla est atrocior; ita Christianam charitatem in his, qui temere illam admittunt,
 plane extinguit.

Fuere quidem tales libri inter τὰ μυστήρια τῆς ἀσεβείας & ἀνομίας publica cen-
 sura relati, neque in publicum prodierunt; sed nunc libri æque mali, pene dixerim
 15 pejores, impune in publica luce comparent, & ab omnibus leguntur. * Quid est BE-
 NEDICTI SPINOSA libris pestilentius? & hi tamen ubique triumphant. Annon
 Tracta-

Tractatus ejus Theologico-Politicus omnem elevat librorum sacrorum divinam fidem? annon miracula omnia explodit & exsibilat? Ejus *Ethica* illa Atheismi principia tam nude exponit, quanquam subtiliter & argute, ut imbecillos animos facile capere possit: duobus enim fulcris, Religionis & providentiæ divinæ, sublatis, universum cultum divinum evertit. Tollit libertatem agendi, inducta Mathematica aliqua necessitate: qua posita nullam esse, quæ de rebus nostris disponat, providentiam, necesse est, omniaque mutua causalitate, a se invicem dependente agunt. Tollit præterea causam finalem, ut humani ingenii commentum: qua sublata, nihil nobis amplius sperandum merendumve est. Plus ergo in illo nequitiae & insaniae est, quam in ipso illo de tribus Impostoribus libro, qui tamen non omnem divinitatem evertit. In Christum Salvatorem ejusque historiam, etsi timidiuscule, multa tamen effundit, quæ illam labefactent: quæ illi e Judaismo forte adhuc hæserunt, in quo multa ejus generis sunt, ut ex iis libris, quos sub titulo Telorum igneorum Satanæ in lucem edidit Cl. Wagenfeilius, apparet. Non defuere tamen, qui hujus hominis insana dogmata retuderint, Henricus Morus, Mansveldus, & qui ceteris præferendi videntur, Blyenbergius & Pojeretus, eadem, qua ipse triumphos ducere voluit, mathematica methodo usi. Cuperus in arcanis Atheismi relictis paulum languidior est.

Hujus generis plures alii sunt libri, ut: *Ars nihil credendi*, qui adscribitur GOTHOFREDO A VALLE, hujus mentio fit apud Voërium Disp. de Atheismo: & alius, cui titulus, *Cymbalum mundi*, cujus itidem Voërius mentionem facit, & autorem ejus nominat Bonaventuram de Periers. Henricus Stephani in *Tract. præparatorio ad Apol. Herod. c. 26.* Mersennus *Commentario in Genesim p. 639.* vocat eum de Perez. Qui ipse Mersennus suo illo in Genesim Commentario omnia illa, quæ ab Atheis & Naturalistis proponi argumenta solent, summa diligentia, collatis etiam amicorum aliorumque virorum doctorum operis, coacervavit. Pandectas hunc librum multarum rerum curiosissimarum, mathematicarum, naturalium, dixeris. Extat alius liber nefarius, cui titulus: *Cur receptum sit Evangelium*, qui Valeo tribuitur. * VANINI *Dialogi* illud Atheismi virus sub dialogorum forma tegunt, in quorum titulo disertis verbis Natura Dea & Regina dicitur, quæ in privilegio Regio, quod mirum, repetuntur. *Amphitheatrum* ejus sanum est, ac subtiliter pro animæ immortalitate disputat. In illo, ut hoc obiter memorem, legi, quod sibi violentam mortem ex Marte in octava collocato prædixerit: vivicomburio enim ob Atheismum affectus est. * Præceptorem ille habuit Pomponatium, ejusdem genii hominem, sed acutissimum disputatorem, cujus extat adversus immortalitatem animæ liber, ab Antonio Sirmondo ex ipsis Aristotelis principiis, quibus ille abusus fuerat, refutatus. Liber ejus de *Incantationibus* multa quoque profana continet, ut scripta ejus omnia. * OCHINI *Dialogi* præter Polygamiam, quam propugnant, nihil ex Atheismo trahere videntur. Ariarum alii potius, quam Atheum habent. * CAMPANELLA in *Atheismo triumphato* plures nodos texuit, quam solvit. * PORCIUS in libro de *Mente humana*, ANTONIUS ROCCUS libro de *Immortalitate animæ* in eodem Pomponatii ludo instituti. * JORDANUM tamen BRUNUM huic classi non annumerarem;

quanquam enim pluralitatem terrarum & solium statuit in libro *de immerabilibus*, sive *de universo & mundis*, quod aliis quoque factum; manifesta tamen in illo Atheismi vestigia non deprehendo. Is tamen ignis supplicio, teste Sorello, affectus fuit.

- 23 Perlinere & ad hanc Artheorum & Naturalistarum tribum videtur, quisquis est, Autor libri, qui primum Anglica, hinc Gallica, postremum Belgica lingua prodiit, de populis terræ australis incognitæ, quos *Severambes* nominat. (r) Titulus Belgicus ita habet: *Historie der Severambes, behelzende een Beschryving van het onbekend Zuidland*. Elegantissime confectus est liber, eaque specie ut prima fronte incautis imponat. Ingenium Autori illi fuit, quem *νομοι* quædam *δέξαι* facile produnt. Toto vero hoc libro nihil ille aliud agit, quam ut ostendat, unam esse Religionem, naturæ rerum conformem, quæ Deum supremum, atque ejus quasi vices in orbe hoc inferiori representantem solem, veneretur: quare data occasione adversus Trinitatem & Christianismum disputat. In administratione Reipublicæ Ideam quandam non contemnendam exhibet, qua, sublato pecuniæ usu, unde omnia in Rempublicam vitia, Cives per magnas quasi familias distincti, e publico alantur & vestiantur. Illud vero ingenium hominis in extrema parte prodit, quod strategemata sacerdotum gentis ejus, quam *Stroukaros* vocat, ad miraculorum, quæ in Pentateucho habentur, formam confinxerit: quo manifeste patet, illum historiæ sacræ illudere. Ceterum ille liber doctus est, magna cura scriptus.

- 24 Solent & inter damnatos libros MAGICI referri: qui quidem omnino atro carbone notandi sunt, si pactum illud cum Dæmone ac malis angelis profiteantur.
- 25 * Sed multa hic ab ignorantia peccari certum est. Gravissima sæpe viris optimis injuria illata, quorum scripta hoc crimine in suspicionem venerunt. De Alberto M. Trithemio, & aliis, qui non sunt stultorum hominum clamores! Et hi tamen naturæ secretioribus adminiculis instructi multa vulgo miracula visa perpetrarunt. Vidi & indolui hujus criminis reos peractos viros innocentissimos, qui de pulvere sympathetico aliisque occultioribus naturæ operationibus idealibus, quales infinitæ sunt illis semper pueris nunquam animadvertendæ, quædam liberius scripserunt. Multos ab hoc crimine defendit peculiari libro *Gabriel Naudæus*. Nos de illis suo loco.

- 26 Damnari quoque sacra censura solent HÆRETICORUM LIBRI, aut
- 27 quæ in libris heterodoxa & hæretica videntur. * Inprimis hic Romanis addicti facris operosi sunt: tot enim Indices expurgatorios & librorum prohibitorum Catalogos habent, ut sibi ipsis obstant tricasque necitant; nam & in suos animadvertunt sine causa, si qui forte Pontificiæ potestatis prærogativam, aut ejus infallibilitatem leviter tangerant, aut Ecclesiæ Gallicanæ libertatem tueantur, de quo præcipue Baillétus in *Judic. Doctior*, tom. 2. part. 1. n. 77. queritur: Ubi Catalogos illos, qui jam a Concilio, jam a Pontificibus, jam a Rege Hispaniæ aliisque, confecti sunt, ordine recenset. Scilicet, ut partium studia ubique regnant, ita & in his rebus, in quibus

(r) *Historie Severambum* Autorem sibi videri Isaacum Vossium, Morhofius amicis sæpe est fassus.

quibus non eadem omnibus mens & sensus est, prout affectu aliquo ducuntur Censores, decretoria aliqua sententia pronunciatur. Ipse tamen Bailletus non multum hac sua opera proficere Censores fatetur. E nostris errores & defectus horum Catalogorum nuper singulari libro detexit *Daniel Franciscus*, quem super hoc argumento legere, operæ pretium erit.

Post illa, quæ adversus fidem sunt, merito censuræ subjiciuntur, *qua contra bonos mores*. In his primo sunt *obscena*, quæ lædere teneros animos ac veneno inficere possunt: quo nomine omnes illi flagitiosi libri præcipue notantur, qui sacra Aphrodisia impudico calamo depingunt, quales Græcia olim libros magno numero dedit, quorum tamen facilis felixque jactura est. * Inter obscenos nostri temporis familiam ducit *Satyra Sotadica*, ALOYSIÆ SYGÆE adscripta. (s) Pessimus & flammis dignus liber, nisi quod elegantia latinæ linguæ sordes suas ornet. * Moneo hic, nequam fuisse hominem, qui *Aloysia Sygæe* & *Meursio* illum librum adscripsit: omnia illa conficta esse puto. Liber ille, me iudice, plane novus est, & ab impuro homine scriptus, qui, ut a se amoliretur crimen, feminæ innocentissimæ & castissimæ illud imposuit, & Meursium hominem doctum in criminis societatem perduxit. * *Aloysia Sygæa* nobilis fuit femina, & illustri ex gente apud Hispanos, cujus cum singulari castitatis laude meminit *Nicolaus Antonius* in pulcherrimo opere *Bibliotheca Hispanica*: ubi cum omnia diligentissime recenseret, ne quidem de hoc scripto memorat, ut certe memorare debuisset, si extitisset tum libellus ille, seu vero seu falso ejus nomine cognitus: famam enim ejus procul dubio vindicasset; & perquiruntur ab ipso MSti libri omnes Autorum Hispanorum magna diligentia. Eruditissima illa fuit, ac amplissimum ejus elogium habet *Joannes Vassæus* in *Chronico Hispanico cap. 9*. *Andreas Refendius* in *Epistola ad Mariam Principem* ita de illa:

*Altera Sygæa est, Virgo admirabilis, unam
Quam natura potens ilco produxit, ut esset
Femina, quæ maribus vitam opprobare supinam
Posset, & ignavos magno adfuisse rubore.
Nam cum septena vix dum trieteridis annos
Computat, indefessa dies noctesque Latinas
Volvere non cessat chartas, non cessat Acheas,
Mosæque & Solymos rimatur sedula Vater.
Quin per Achaemenios scopulos Arabumque salebras
Currit inoffense linguarum quinque perita.*

Joannes Merulus, nobilis *Toletanus*, vocat seculi sui *Minervam*. Scripsit *Epistolæ*

K 2

Latinæ:

- (s) Autor *Satyræ Sotadicae*, quæ *Aloysiæ Sigæe* nomen falso præfert, verus fuit *D. Joh. Westrene*, Jctus in *Batavia Hagensis*, a *Chr. Thomasio* (in *Cogitationibus circa Libros Recentiores Menstrui*, *Germanice A. 1688. editis*, p. 580.) literis nonnisi initialibus subobscurè indicatus, a *Cl. Tenzelio* autem (in *Dial. Menstr. Germ. M. Febr. 1693. p. 166. 167.*) ex *Hadr. Beverlandi Schedis*, detectus *Conf. Homonymoscopiam nostram*, *Scel. I. c. 2. p. 35.*

*Latinas: Dialogum de differentia vite rustica & urbana, Poetica quedam, de quibus nihil editum. Prolixe illa omnia recenset Antonius, sed de infami hoc scripto nec vola nec vestigium apparet. Alfonsus Madritensis Archidiaconus de Alcor in Palentina ecclesia, magnæ existimationis fideique scriptor, in Historia Palentinae urbis summum honorificentissimumque Sygææ elogium scripsit, quod Hispanica lingua producit Antonius: ubi omnes illas linguas peregrinas tam prompte ut Castellanam, tenuisse, easque expeditissime & loqui & scribere potuisse refert. Nupsit illa Alphonso a Cuevas. Immature obiit, hocque illi epitaphium positum: *Loisia Sygææ Femina incomparabili, cujus pudicitia cum eruditione linguarum, quæ in ea ad miraculum usque fuit, ex æquo certabat &c.* Quæ omnia satis arguunt, injuriam magnam optimæ feminæ illatam a nebulone illo, qui infame hoc scriptum illi adscribere voluit. Sed nec de Meursio fando auditum est, convertisse illum ex Hispanica lingua tale aliquod scriptum in Latinam. Sed ipse sermonis textus habitusque totus ostendit, in Latio potius, quam Hispania natum esse hunc fœtum. * Talia ut ipsa honestas proscribere aut flammis addicere jubet; ita non probo morosulos illos censores, qui in Latinæ linguæ Autoribus castrandis male seduli sunt, bonosque Autores mutilant, si quæ in illis paulo liberiora aut parum pudica deprehenduntur: quæ in conversatione ipsa evitari non possunt. Arceri ab illorum quidem lectione pueri possunt, sed ubi bonis moribus satis firmati fuerint, parum ab illis periculi est. Homines sumus, atque in humana societate vivimus, ubi talia quotidie occurrunt. Sed scholam istarum nequitiarum, qualis in Satyra Soradica aperitur, nemo bonus feret. Sunt, qui Terentii Comædias, librum optimum, juventuti e manibus excutiant, & nescio quem, illi Terentium Christianum supponunt: qui cum illo suo consilio explodendi sunt. Satis castus est Terentius, nisi, cum ex ingenio & moribus hominum quædam ipsi dicenda sunt; quos nosse characteres juventuti summe utile est. Ceterum omnium obscenorum librorum hic inire numerum nolumus. Sudet in illo sterquilinio alius Hercules Coprophorus.. Forte diligentissimus Priapeorum Commentator Scioppius, si viveret, hic suam Aphrodisia Bibliotheca congerenda industriam exercere posset.*

- 33 Sunt & *Satyrici Scriptores* in bonos mores injurti; quo nomine hic non intelligo, qui innocentes illas in vitia Saryras scribunt, sed qui libellos famosos. Non patitur nostri instituti ratio, ut eorum hic indicem texamus. * Qui se adversus tela & arma munire possunt Principes, a calami insultu sæpe non sunt immunes.
- 34 Habent certe, quos Reges metuant, cum vivunt, Satyricos; cum satis concesserunt; Historicos. Utrique acerrimi vitiorum observatores sunt: qui velut Censores publici impune in illos sententiam dicunt. Pasquini statua sæpe plus, quam Dodonæa,
- 35 fudit oracula. Quæ non in potentissimos Reges Satyræ scriptæ sunt! * Non potuit Satyricorum manus effugere Jacobus, Britanniae Rex, utut doctissimus & laudatissimus Princeps: cui sub specie Panegyrici Posthumi, a Casaubono scripti, cujus quali fragmenta inter schedas ejus reperta, per insignem nequitiam, continuo myceterismo horrenda flagitia objiciuntur. Lepidealioquin scriptus liber est; cui titulus:
- Casau-*

Casauboni Corona Regia i. e. Panegyrici ejusdam vere auctoris, quem Jacobi I. Magna Britanniae &c. Regi, Fidei defensori, delinearat, iragmenta ab Euphormione inter schedas τῆς μὲν νεώτερας inventa, collecta, & in lucem edita: (1) Refertur in Georgii Richteri vita, Epistolis ejus praefixa pag. 21. e Colloquio cum Erycio Puteano accepisse Richterum, quod Puteanus ejus libelli autor habitus fuerit: cujus vero famam ille enixe declinans velut Apologiae loco scriptum quoddam exhibuerit, cui nomen, Perjurium RUFFI & GIBBOSI, praefatus, quo delatorum suorum virulentiae ac sinisteritati satis fuisse obvium existimaverit. Sed nos de Satyris alibi plura.

C A P. IX.

DE PSEUDONYMIS, ANONYMIS, &c.

- §. 1. Causa librorum suppositorum. 2. Libri, antiquis autoribus suppositi. 3. Antiquitates Etruscae Prosperi. 4. Leonis Allatii refutatio illarum commendatur. 5. Ὁμώποιοι Autores multum turbarunt. 6. Curtius scriptor Pseudonymus ab aliquo habitus. 7. Consolatio, Ciceroni a Sigonio supposita. 8. Hereticis id olim familiare. 9. Pie fraudes. 10. Sibyllini versus. 11. Peregrina nomina studio assumpta. 12. Pseudonymi libri ridiculi. 13. Pedanterie Cavalliere. 14. Faceta Joh. Donne Epistola producit, 15. cum Catalogo Autorum Ridiculorum. 16. Pseudonymi per plagium. 17. Plagia, in Roberti Stephani Thesaurum L. Latinae commissa. 18. Liber de jure Ecclesiastico Barbose ab alio scriptus fuit. 19. Illius, a falsamentario redempti, historia. 20. Villafani Carmina furtiva. 21. Lauri Strena e Passeratii poematibus desumpta. 22. Minutiora plagia notantur. 23. Scaligeri ob eam causam stomachatio. 24. Pseudonymi non sunt, qui causas legitimas celandi nominis habent. 25. Basilii Valentini Chymici nomen verumne, an fictum sit, disquiritur. 26. Nomina adsciticia & immutata, si dolus absit, Pseudonymos non faciunt. 27. Anonymi libri. 28. Eorum indagatio commendatur. 29. Versionum magnus usus est.

Sunt & in re literaria Falsarii, quos nosse e re literaria est, ne illi falsa specie imponant. PSEUDONYMI sunt, qui nomen mentiuntur, sive suos factus aliis, vel mortuis, vel vivis supponant; sive, ut lateant, aliud nomen, vel verum, vel fictum, vel suum aliter immutatum, assumant; sive quod per errorem nomina sint turbata; sive quod aliorum nominibus abolitis substituant, aut alienos factus non invitis Autoribus pro suis venditent. Ac primo quidem multi sunt, qui libros suos aliis supposuerunt, vel ut fidem aliquam scriptis suis conciliarent, vel sententiam suam stabiliarent, vel ut vanam gloriam aliquam affectarent, aliosque fallerent. * Multi circumferuntur tales libri supposititii, qui sub nomine antiquorum

K 3

Histo-

(1) Satyram contra Jacobum I. Britanniae Regem, Isaaco Casaubono affectam, recudi Hala: Saxonum A. 1693, in sua *Sapientia & Socratica Historia*, curavit Christ. Thomaeus.

Historicorum, Philosophorum, Patrum, comparent, quorum aliquem catalogum dedit Rhodius, ac notis suis illustravit Vinc. Placcius. De fragmentis illis Berosi, Manethonis, aliorumque antiquorum Historicorum, quæ in lucem edidit Annii Viterbientis, jam supra egimus, ac plura de illis judicia Vinc. Placcius notavit in
 3 Rhod. Aut. supposit. n. 18. * Antiquitates Etruscæ, quæ Prospero cuidam adscribuntur, & in quas Paganinus Gaudentius observationes scripsit, ab H. Ernstio editas, suspectæ etiam eruditis sunt, de quibus videri potest Vossius de *Historiis Latinis lib. 1. c. 9.* * Scripsit & Leo Allatius doctissimas ad has Antiquitates annotationes, Paris. 1640. & deinde Romæ iterum excusas: quibus de notis falsitatis in adulterata scriptura etiam generatim agit, estque liber ille utilissimus ad Codicum scripturam vitiatam deprehendendam. Protulit vero Curtius Inghiramus hæc fragmenta e terra effossa primus in lucem, quem hujus suppositi figmenti parentem esse, prolixè Leo Allatius probat. Habemus Aristoteli, Platoni, Hippocrati, Galeno aliisque supposita scripta. Multa etiam Homero supposita; in quibus dignoscendis olim Criticorum versabatur industria: ac fuere, qui ex stylo, pictione, phrasi, certis quibusdam idiorismis, accuratum de autoribus judicium inire poterant, ut vel *σοδείαν* vel *γνησιότητα* decretoria sua sententia confirmarent.

5 Accedunt nomina multis communia, unde sæpe permutati Scriptorum tituli. (n) Aristoteles fuere plures, quorum vel triginta ac duos numeravit Jonsius. Quam facile est hic in errorem incidere, præsertim si post tot secula demum scripta in lucem protrahuntur, & pluribus ejus nominis quædam supersint monumenta. Sunt in antiqua historia 28. Pythagoræ, 20. Hippocrates, totidemque Socrates, 16. Platonēs, 50. Dionysii. Quo fine inter antiquos Demetrius Magnus peculiari Opere *περί ομωνύμων* de scriptoribus homonymis agere voluit, quo Opere usum Laërtium putat Jonsius l. 1. c. 2. qui plerumque homonymos notare solet. Laudatur & eo nomine Meursius, quod diligenter homonymos recenset. Magnam quoque occasionem falsi dederunt corrupta nomina, cognomina nominis vice usurpata, quæ deinde novo Scriptori fingendo ansam dederunt: Ellipsis nominativi, sub genitivo latentis, cum subintelligitur non modo filius, sed & pater, mater, uxor, amicus, discipulus, magister: Diversa topica nomina, diversos sæpe Scriptores ex uno facientia: de quibus singulis operose docteque egit Joannes Jonsius loco illo, quem modo laudavimus.

6 Fuit nonnemo, quod mireris, qui Q. Curtii Rufi historiam Alexandri M. a tot oculatissimis Criticis pro genuina habitam, a nemine unquam in suspensionem vel minimam vocatam, pro supposita, & ante CCC. annos ab ingenioso quodam Italo conficta habuerit. Indiciū ejus fecit Guido Patinius *Epist. 27.* cujus ipsa verba, ut Gallica lingua sonant, producā: *Il disoit, que son livre n'étoit qu'un Romain, que le Latin véritablement en étoit beau: mais qu'il y avoit de grandes fautes de Géographie.*

(n) De Scriptoribus Homonymis, illorumque Nomenclatoribus, ac confusione frequenti, hujusque causis & remediis, fuscè, & ex professo, actum nobis est, in *Homonymoscopia Historico-Philologica Critica*, Hamb. A. 1697. in 8vo excusa.

phic. Il y en a une enorme entr' autres, dans le 7 Livre, lors qu'il parle de ces Scythes, qui vinrent prier Alexandre le Grand de ne point passer le Tanais, qui vient de la Moscovie Occidentale, se jeter dans le marais Meotide, separant l'Europe de l'Asie & la Scythie Europeenne de l'Asiatique. Pour prouver cette conjecture, Alexandre le Grand n'ayant pas trouve son compte après avoir passé cette riviere, revint incontinent in REGIONEM SACARUM, & de là entra dans les Indes, tout cela est tres-éloigné du vray Tanais. Le même Maître nous disoit, que l'Auteur de ce Livre étoit un savant Italien, qui le fit, il y a environ 300. ans. Que nul Ancien n'avoit cité Quinte Curce, & que c'étoit un nom supposé. Qu'il étoit là dedans parlé du fleuve Indus, du Gange, & autres parties des Indes, qui étoient inconnues à ces Anciens, qui ont vécu devant. Ptolomée, qui est le premier & le plus ancien Auteur, qui ait fait mention de la Chine sous le nom de SINE. Juvenal qui vivoit tant soit peu devant a dit : QUID SERES, QUID THRACES AGANT: & Pline parle de l'Océan Serique, Ces SERES sont les habitans du Cathay, qui est une tres-grande Province de l'Asie dans la Tartarie au dessus de la Chine. An jam ex his argumentis confici παρὰδοξον illud possit, Critici viderint: nos ea de re amplius videbimus; ubi de Autoribus Linguae Latinae agemus. * Fuere, qui ipsi Eloquentiae Parenti suos factus supposuerunt. 7 Inter eos est Consolatio illa, quae Sigonius autorem habet, censuris eruditorum multum vexata. Multae extant super hoc negotio Epistolae in Roccoboni Historia Gymnasii Patavini. Aliqui Vianello adscribunt. Videantur notae Placcii in Rhodii Autor. supposit. num. 22. Hofman. in Apol. pro Gal. l. 1. c. 16. de Hotomanno JCto, teste Scherbio refert, eum, cum offerretur illi Consolatio illa, lectis pauculis; statim indignabundum his verbis abjecisse: Non est Cicronis. Adeo statim illis, qui lectioni Autoris adsueta sunt, subolet, quod non genuinum est. Scilicet ut e vestigiis judicare de feris venatores solent: ita vel e paucis versiculis verum Autorem Critici agnoscunt. Certum tamen est, hac voluptate mirifice affici nonnullos, qui sua veteribus supponunt. De hac ipsa Sigonii Consolatione Menzinius libr. de invid. erudit. c. 9. Nec laude caruit, inquit, Sigonius, qui, dum Consolationem exhibet suam, illud affectus est, ut brevi in opusculo, velut faciei lineamentis, Tullianam indolem inesse, faterentur eruditi: quin & magna illum voluptate perfusum credo, qui vivus adhuc plurimos viderit de literis bene meritos, ad illud syntagma descendendum; certamina & contentiones hilari libentique animo subeuntes. Murerus Jos. Scaligero imposuit Epigrammate, quod ipse scripserat, pro antiquo venditato. (x) Hospitalii quoque Carmina a nonnullis pro antiquis accepta. (y)

In

- (x) M. Ant. Mureti Imposituram, qua proprium Epigramma, velut antiquum, sibi obtruserat, Jos. Scaliger Disticho hoc ultus est aculeato, fugam ob Paderastiae crimen a Regno Gallico illi exprobrante:

Qui fumos rigidae vitaverat anse Tolosae,
Murerus, fumos vendidit ille mihi.

- (y) Mich. Hospitalii, Cancellarii Gallici, Satyræ de Lite Marcus Zuerius Boxhornius, tanquam Poemationis Aevi Veteris, in suo Satyricorum Aetiquorum Minorum Syntagmate, Lugd. Bat. A. 1633. in 12. excusulo, edidit, & Notis illustravit.

- 8 In sacris & olim hæc fabula acta fuit. Nunquam defuere hæretici, qui, ut si-
dem erroribus suis facerent, sub antiquorum Patrum nomine sua commenta pu-
9 blicarunt. * Ipsæ quoque piæ fraudes bonorum hominum accefferunt, qui scri-
pta quædam antiquis nominibus in crustarunt, ut simpliciores in suas sententias per-
traherent: Qui male profecto de re Christiana meriti bonam causam in suspicio-
nem falsi adduxerunt. Versatur quadantenus in hoc argumento Joannes Dallæus,
10 qui de Pseudepigraphis Apostolicis libros tres conscripsit. * Notum est, quid ver-
sibus Sibyllinis factum sit, quibus tam præclara de Christo vaticinia continentur,
quæ supposititia viri sagaces habent; etsi non desunt viri docti, qui eorum autori-
tatem tuentur, atque Sibyllinis illis de Christo oraculis pene eandem, quam ipsi
Sacro Codici, fidem adstruunt. Multus est hoc in argumento Isaacus Vossius, cu-
jus extat præclarus *de Sibyllinis Oraculis liber*.
- 11 Non desunt, qui data opera libros suos *sub aliorum nomine* exire in vulgus pa-
tiantur, ut vel latere possint, si periculosa scriptio sit, vel aliorum judicia securius
scrutari possint. De *Trajani Boccalini Relationibus* hoc aliqui affirmant: nam Cardi-
nalem Cajetanum earum Autorem venditant, qui Trajani Boccalini nomine abusus
fuerit, ne sibi fraudi esset, quod scriberet; testaturque Laurent. Crass. *Elog. Hom. li-*
terat. part. 1. pag. 160. ac pag. 162. librum hunc mortem Boccalino paravisse: nam a qua-
tuor armatis hominibus saccis arena repletis vulneratus est, usque dum animam ef-
flavit. Refert & Erythr. *Pinac. III. p. 131.* J. Franciscum Perandam ejus adiutorem
fuisse. Ac facile apparet e commentario Boccalini, in Tacitum Italica lingua scri-
ptò, ab ingenio humiliore illum esse profectum. Circumferunt nunc libri, qui
interiora status in Regnis quibusdam & Rebuspublicis describunt, a multis in pre-
tio habiti, quibus nomen tantum & fortasse etiam stylum commodavit, qui in titu-
lo libri legitur, Autor; aliis materiam suggerentibus, qui periculoso hoc labore
desungi nolunt. Aliqui opulentioribus, qui scripti alicujus fama celebritatem no-
minis sibi parare gestiunt, ingenii sui fortus non raro vendunt, cujus multa
produci possent exempla. Sæpe fictum nomen, vel aliqua ratione immu-
tatum, vendibiliorem & gratiorem librum facit, quam si verum nomen adscri-
ptum esset. Quomodo *Philippi de Terra nigra Loci communes Theologici* omnium
plausus abstulerunt, rejecti, cum Melanchthonis sub illo nomen agnosceretur.
Odia enim, quibus Autores prosequimur, ipsius libri, utut optimi, pretium immi-
nuunt.
- 12 Non dissimulandum etiam hoc loco est, *fictos tum autores, tum libros* in ignoran-
tiæ velamentum ab Aretalogis & Thrasionibus literariis adhiberi. Aliqui, ut docti
videantur, inauditos librorum titulos nominumque monstra crepant, temeraria de
Autoribus judicia pronunciant, quod viris nobilibus, & qui sui opinionem apud
13 vulgum excitarunt, familiare esse consuevit. * Ineptæ hoc affectationis, quam
Galli *pedantissimum* vocant, specimen notat Bailletus in *Judic. Doct. tom. 1. part. 1. c. 14.*
p. 99. Lepida ejus verba sunt: *On peut dire, que c'est une PEDANTERIE CAVA-*
LIERE de juger cavallierement des Livres, & de faire le procès à un Auteur dans
le

le temps même, qu'on proteste, qu'on n'est pas son juge, & qu'on n'est point connoisseur dans les matieres, qu'il a traitées, &c. *Præclare hujus indolis homines exagitavit festi-
vissimi ingenii juvenis, Johannes Donne, postea Decanus Ecclesiæ Paulinæ Londi-
nensis, qui epistolam Latinam Poëmatibus suis Anglicis inseruit, qua consilium
suppeditat aulico indocto, quomodo docti specie fallere alios possit. Excerpe-
mus ex illa aliqua, quæ valde faceta. Quia per occupationes aule, inquit, vacare lite-
ris non licet: (nam post somnum, non nisi post decimam ex more executiendum, post vestes, dici,
loco, affectibus proprias indutas, post faciem, speculo compositam, post epulas, hujusque, quæ
pars literis, animoque excolendo relinquitur?) & tamen doctus videri non dedignaris, ut
aliquando habeas, quo eleganter & apposite canes Regior, conservos tuos, possis laudare, &
quamvis scire, quæ alii sciunt, non poteris, saltem scire valeas, quæ illi nesciunt: hac ex
consilio meo via progrediaris: Relictis autoribus, quos vocant Classicos, Academicis & Pe-
dagogis tenebris, emittere per omnes, quibus ignorantiam secure satori poteris, libros, aliis
inventu difficiles, exquirere. Nec in colloquiis quid ex autoribus vulgò notis afferas, sed
ex istis: ut ita, quæ dicis, aut tua videri possint, si nomina taceas, aut si minus digna
sint, & autoritate egeant, novos autores cum reverentia tui audiant illi, qui omnia scire
sibi ante visi sunt. Hunc ergo Catalogum ad usum tuum exaravi, ut his paratis libris, in
omni penè scientia, si non magis, saltem aliter doctus, quam ceteri subito proficias. *Sub-
jungit huic epistolæ Catalogum lepidissimum, unde hæc in gustum dabo: Nicolai
Hill Angli, de sexu & hermaphroditate dignoscenda in atomis: item de eorum anatomi-
a & obstericatione in partibus humanis: annulus Moysis, ars conservandi vestimenta
ultra 40 annos, autore Topolisso: librum Tobie esse canonicum: ubi ex Rabbins &
secretioribus Theologis monerantur pili cauda ejus canis, ex quorum varia retortione &
invicem conjunctione, consciuntur literæ, ex quibus mirifica verba consistunt, autore
Francisco Georgio Veneto: Pax in Hierusalem, sive Conciliatio flagrantissimi dissidii in-
ter Rabbi Simeon Kimchi, & Onkelos, utrum caro humana ex carne suilla comesta con-
creta in resurrectione removebitur, annihilabitur, aut purificabitur, per illuminatissimum
Doctorem Reuchlinum: Pythagoras Judeo-Christianus, numerum 99 & 66 verso folio
esse eundem, per super-seraphicum Io. Picum: Joh. Harringtoni Hercules, sive de mo-
do, quo evacuabatur a facibus Arca Noë: Subsylvator, in quo i'uminatus, sed parum
illuminans Hugo Broughton increduliter docet, linguam Hebraicam esse de essentia salu-
tis, & sua præcepta de essentia: Manipulus quercuum, sive ars comprehendendi tran-
scendentia, autore Raim. Secundo: Bonaventura de particula non, à Decalogo adi-
menda, & Symbolo Apostolorum adjicienda: De navigabilitate aquarum supercoelestium,
& utrum ibi ac apud nos navis in formamento in judicio sit appulsura, Jo. Dee autore:
Edmundi Hobai Eructationes pomeridiane, sive de univocis, i'pote de prerogativa Re-
gum & Chimæris, morbo Regio, & morbo Gallico: Ars spiritalis inescandi mulieres,
sive conciones subcingulares Egerton: Cæpe advocatorum, sive ars plorandi in judiciis,
per Fran. Bacon: De gurgite diametrali à Polo ad Polum, per centrum navigabile sine
pixide, per Andr. Thevet. Quis non suaviter in his ingenii festivi commentis
rideat? Et certum tamen est, adeo vanos esse nonnullos, ut his larvis indoctos fal-
lere, ac sibi nomen quomodocunque parare gestiant. Solent & librorum Tituli

Saryrici ab otiosis & acutis ingeniis confingi, qui ad hanc falsi speciem quodammodo etiam referendi sunt.

- 16 Pseudonymis annumerandi & illi sunt, qui *aliena sibi per plagium* attribuunt.
 17* Sunt in illis adeo impudentes quidam, ut excussio veri Auctoris nomine suum reponant; quod in ROBERTI STEPHANI *Thesauri Latine Linguae* factum, ad quem plagarii, velut ad cadaver aliquod vultures, convolarunt. Toties hoc Opus sub peregrinis nominibus recusum est. Doletus subtiliore furto in aliam formam Opus redegit in Commentariis suis Latine Linguae: quemadmodum & Scapula, Henrici Stephani Thesaurum Graecum in aliam formam redigens, a plagii & doli crimine non potest absolvi, etsi utilem Scholis aliqua ex parte operam praestitit. Sed omnia illa persequi exempla infinitum esset; quorum magnam partem jam tum collegit Thomastus in libro *de plagio literario*, moralitatem quoque ejus ad minutias usque perveltigans.

- Cautiores illi plagarii sunt, qui posthumis virorum doctorum scriptis insidias struunt. Saepe enim contingit, ut praematura illorum morte vel non edi, vel non absolvi possint eorum opera: ad quorum pabula fuci alieni qui accedunt, non sibi facta mella depraedantur. Vix credi potest, quam frequens illa fallendi ratio sit. Vidi non ita pridem ipse editum alieno nomine librum, quem vir doctissimus
 18 privatis scholis olim proposuerat. * Pertinet huc, quod de BARBOSA notavit Erythraeus *Pinacoth. II. num. 18.* Scripsit is de *jure Ecclesiastico* universo volumen, quod Opus magno alieno labore partum in se ille transtulit, cujus historia ita habet:
 19* *Die quodam Barbosa famulus falsa quaedam muriatica in prandium coemerat, quae ne manus digitosque inficerent, tetroque odore imbuerent, cetarius chartis quibusdam, ut moris est, amiciebat: quem postea amictum famulus, domum reversus, cum praesente Domino ac vidente muriatica illa exisset, quo in aquam injecta macerarentur, & in terram abjecisset, Dominus, curiosus inspicendi, quid chartis illis contineretur, eas sustulit ac lustrare oculis coepit; viditque elegantissimi doctissimique cujusdam operis initium esse; statimque suspicatus est, id quod erat, autore, antequam potuisset illud impressum typis emittere, e vivis crepto, heredes, ignaros, quantum in eo boni esset, tanquam ineptas, nescio quas, chartas & inutiles, cetario vendidisse; & statim magnam in spem venit, autore e medio sublato, si librum illum quoquo modo nactus esset, pro suo edendo, maximam sibi ex eo gloriam posse contingere: ac percontari diligenter e famulo cepit, in quonam macello, & a quo cetario, muriatica illa coemisset; qui aperuit illi omnia, & simul signa & notas ostendit, quibus ad cetarii illius tabernam sine ullo errore perveniret. Abiit ille curriculo, quo mittebatur, librum invenit, cui paucae quaedam chartae fure detractae, ac vili eum pretio redemit: tum subrogatis iis, quae deerant, ac pluribus etiam aliis adjectis, imprimendum pro suo curavit. Haec, subiungit Erythraeus, ab homine Barbosa amicissimo ejusque arcanorum omnium conficio accepimus.*

- 20 Alii ex variis Scriptoribus quaedam furantur, ne statim deprehendi in furto possint, quorum maxima quidem pars est. Non possum, quin insigne hic exemplum afferam,

afferam, Thomasio non notatum, ut multa quidem adjungi possent. Edidit P. STEPHANUS LAMBERTUS VILLAFANUS, Burgundo-Sequanus, e Soc. Jesu, & in Casareo Madritensi Collegio Eloquentiæ Professor, *Opera Poëtica*, in quibus pleraque ex aliis optimæ notæ poëtis sunt congesta, sed ita, ut per lacinias, hinc illinc peritas carmina sua quasi consueret. Ex levi eorum inspectione statim apparuit illa fraus. Nam ex Augustini Mascardi, elegantissimi Poëtæ, sylvis, Passeratii poëmatibus, & Emanuelis Thesauri Inscriptionibus pleraque compilata notavi: quod argumento est, etiam cetera, quorum non illa notitia nunc est, furto aliunde subrepta. In epicediis Reg. Isabellæ Borboniæ pleraque excerpta sunt e Mascardi *Sylvarum lib. 3.* de Rebus tristibus & e Deliciis Poëtarum Gallorum. Epicedia in funere Principis Hispaniæ, Balthasaris Caroli, pleraque, imo omnia, e Mascardo confarcinata. Illud vero Epitaphium elegans, quod in Villafano p. 289. legitur, totidem verbis in Mascardo p. 155. legitur; nisi quod unam vocem mutaverit:

*Vix matutinum surgebat Caesaris astrum,
Lumine promittens uberiore diem:
Ast immaturam obnubit mors pallida lucem,
Nec fuit e medio vibret ut axe facem.
O lucem sine luce brevem! vix Lucifer ortus
Solem præveniens Hesperus emoritur.*

Quæ p. 286. 287. apud Villafanum leguntur, e Passeratii poëmatibus, quæ in Deliciis Poëtarum Gallorum habentur, *part. 3. p. 156. & p. 171.* aliqua ex parte transcripta. Vafrities hujus hominis ex eo etiam apparet, quod in titulo libri impressionis annum non apposuerit, quem tamen Censores libri produnt. Confuso enim tempore incertum, quis vere plagiarius. Inscriptiones in Principem suum ex Emanuelis Thesauri Inscriptionibus compilavit: * In J. Bapt. Lauri, Viri docti & poëtæ quoque elegantis, quem magni fecit Urbanus VIII. epistolis, *cent. 1. Ep. 75.* legitur totidem verbis Sirena illa Passeratii *de Nibilo*, quæ habetur in ejusdem poëmatibus, *part. 3. Lelie. Gall. Poët. p. 31.* Quod mirum mihi semper visum est, cum Laurus ipse non contemnendus poëta fuerit, ut pater ex poemate ejus *de fabricatione calcis* libris tribus scripto, & elogio, quod illi suspendit Erythr. *Pinac. l. n. 141.* Scripsit & Theatri Romani Orchestram de Viris illustribus. * Extant Orationes cujusdam non ignoti Jesuitæ, quæ multam partem ex Italicis Panegyricis Emanuelis Thesauri depromptæ sunt. Dum enim acutum dicendi genus, qui morbus quorundam est, nimis affectat, etiam ne sententiolæ defint, aliunde furatur. Extat cujusdam *de Opinione* Oratio, quæ præcipua parte e Barlæi Oratione de Ente Rationis descripta est. Bertilii Canuti multæ sunt in Epistolis e Liptio, in Poëmatibus e Lotichio, lacinia. Novimus & e Vincentii Fabricii Poëmatibus nobili Poëtæ Gallico aliqua acumina sublecta. (z)

L 2

Sed

(z) Autor *Orationis de Opinione*, qui plagii in Barlæum *l. 1.* insimulatur, est Joh. Balch. Schuppianus, Theologus Hamburgensis; Poëta autem Callus, qui, e Vinc. Fabricii Poëmatibus, aliqua sublegisse perhibetur acumina, ipse Æg. Menagius, qui de furtis Poëtarum voluit scribere.

- Sed illa minutiora sunt, quam ut attendi debeant. Et casu interdum talia eveniunt, quod singulari dissertatione de furtis Poetarum ostendere voluit Menagius. Legi etiam potest super hoc argumento Stephani Forcatuli Dialogus festivissimus, cui titulus *Prometheus, sive de raptu animorum*, ubi alienae inventionis prædones & inertos imitatores reprehendit. * Male tamen habere viros doctos illæ deprædationes solent, si rerum suarum sint tenaciores. J. C. Scaliger, cum a meretricula CCC. nummis emungeretur, eique illos vindicaturus amicus iudex, quem Atticum vocat, indigna sententia illuserat, stomachosiorum & acerbam in eum epistolam scripsit; quæ est inter editas 62, qua inter alia scriptorum suorum compilationes objicit: *Quare favetis furibus, nisi quia fures? quare impudicis, nisi quia ex impudicis aliquot vestrum nati sunt? Quid vos evexit ad illud tribunal, nisi fororum impudicitia? Quid ad altiora provexit, nisi ea pecunia, quæ iisdem artibus comparata erat? Enistis magistratum, vendidistis iudicia. Redde mihi Præfationes meas, dicta acuta ex infinitis epistolis &c. & ingratus esto.*
- 24 Non accensendi sunt Pseudonymis, qui vel fictum, vel immutatum nomen assumunt, si forte sui interesse existiment illud celari, cum à dolo abjunt. Illud plerumque faciunt, qui arcaniora scribunt, vel in rebus civilibus, vel naturalibus, vel qui novas sententias defendunt, & sibi ipsis dissident, iudicia hominum doctorum, ut stantes post tabulam Apellis, exploraturi. In Politicis argumentis quotidie videmus larvatos in scenam procedere. In rebus naturalibus, arcanis scilicet, Chemicis præcipue, pleraque ficta habemus nomina, paucis exceptis. Ut enim mysteria illa Harpocratis sigillo recondi volunt, ita eorum Scriptores, qui *ἐν ἀνύμω* omnia proponunt, ipsi latitare, quam in publicum prodire malunt. * In his BASILIUS VALENTINUS, magnus hujus artis antistes, (ut hoc *ὄς ἐν πᾶσι* moneam) quibusdam numeratur. Ego ipse quondam in illa fui sententia, ac confirmat Raschii testimonio Placcius, in *Pseudonymorum Catalogo*, p. 159. qui nec in Catalogo Benedictinorum Provinciali Erfurti, neque in Generali Romæ, nomen hoc invenerit. Raschius aliquem ex familia Johann. Tholdeni, Hessi, sub hoc nomine latitare voluisse existimavit. Sed in aliam nunc sententiam pene impellit Gudenus ipse Erfurdiensis, qui in *Histor. Erfurdiensi* lib. 2. pag. 129. ita scribit; *Eadem ætate, sc. An. 1412. Basilius Valentinus in Divi Petri monasterio vixit, arte medica & naturali indagatione admirabilis. Adidit quidem Gudenus, ipse ab his sacris alienior; his super iis accensetur, quos in augmentum spectet nominant aurum consecisse. Sic aliena dementia post secula fallit, ideo minus culpabilis, quod non nisi decipi amantes facultatibus exuat.* Verum ut iis verbis demonstrat, illum rerum, quas proponit Basilius, noticiam non habuisse; ita suffragium tamen idoneum præbet, quendam ejus nominis vixisse in Divi Petri monasterio. Librum tamen illum de Incrementis & Decrementis metallorum, qui Basilio Valentino vulgo tribuitur, sub cujusdam de Solea nomine apud amicum editum vidi, & quidem in 4to. Suspicionem hoc de Solea nomen mihi movit, quoniam de Tholdeno aliorum opinio est, annon forte in illo Johannis Tholdeni nomine lateat. Et sane integrum illud nomen de Solea in nomine Joannes Tholdenus occultatur: quæ vero supersunt literæ, nullum

nullum formare prænomen possunt, atque nunc memoria mihi excidit, quale in libro illo edito fuerit. Fortassis aliud quoddam assumpsit, eo contentus, quod nomen quodcumque e suo extruxerit.

Multo minus inter Pseudonymos referendi sunt, qui certa quadam nomina e Col-
legiis, qualia in Italia, nunc quoque in Germania plura sunt, sortiti. Turbat tamen
illa res & nebulas lectoribus offundit, quibus cognomina incognita sunt: multi sunt
a membris societatis fructiferæ scripti libri, quorum Autores sub ascitis illis ti-
tulis ignorantur. Cui autem vacat in illos adeo anxie inquirere? Certe illi Colle-
giorum tituli vehementer displicuerunt Vincentio Pinello, de quo in ejus vita re-
fertur: *Cum Patavii plures clarorum virorum catus cogerentur, quas Academies appellamus,*
Elevatorum, Occultorum, Aetheriorum, nulli unquam nomen dedit, ab ambitione & theatri
quadam ostentatione procul abhorrens. Rolandus quoque Marsius, lib. 2. Ep. 43. Colle-
gia ipsa quidem laudat, sed displicent ipsi cognomina plane absurda & ridicula. Apud
Græcos tamen cognomina quoque peregrina ab Autoribus usurpata videmus,
quæ res historiam literariam intricatiorem reddit. Nostro tempore quoque
videmus Germanica, Gallica in Latina & Græca mutata, quod molestum sæpe est,
& ipsis Autoribus officit. Multum in Historia Thuana Gallicorum nominum in
Latina commutatio turbat. Et in omni Historia illa res tricas & nodos necit.

Procedimus ad *Anonymos libros*, qui vel autorem certum non habent, vel nul-
lum profitentur. Copiose hic de causis celandi nominis agit Baillerus in *Judic. Do-*
ct. Tom. 1. part. 2. cap. 12. qui super illo argumento legi potest. * Eorum indicem
dedit Vincentius Placcius, quem supplementis porro augebit. Deckerus quoque in
libello de scriptis adespotis quadam hujus argumenti tangit. Ac vellem sane ma-
jore studio in rem illam incumbere eruditi: nam utililissimus profecto labor est;
non tam in recentiorum scriptis, quam vetustis. Idem, ut puto, argumentum in
Commentario de *Autoribus dubiis* tractavit Vir vastissimi ingenii, Caspar Barthius,
quem aliquoties ipse in Adversariis suis citat. Sed nusquam ille post mortem au-
toris, etsi jam absolutus, comparuit; quod argumento est, ab improba manu sur-
reptum. De Joh. Gerh. Vossii simili libro deperdito dolet quoque Placcius, libri
sui præfatione.

De Autorum versionibus quadam adderem, nisi in veterum Autorum versio-
nibus recensendis isto labore nos sublevasset Vir πολυμαθής, PETRUS DA-
NIEL HUETIUS, cujus extat de *claris interpretibus ελαπέφυγες liber*, in quo tamen
erga Germanos paululum iniquior visus est. De Gallicis veterum Autorum versio-
nibus legendi sunt Sorellus & Bailletus. Et hic quidem Latinos quoque interpre-
tes, Italos, Hispanos, Germanos recensuit libro de *judic. Doct. Tom. 3. part. 2. tota*, qui
potissima ex Huetio excerptis. Ceterum & versionum cura eruditis esse debet.
Quæ ex Orientalibus, Hebraicis, Arabicis convertuntur, peritissimos sane earum
linguarum requirunt: qui cum rarissimi sint, fit inde, ut non satis sibi consent illæ

versiones. Plerique Orientales literas discunt, non ut linguam vel scribant, vel loquantur; sed ut Grammatici sint. Neque medicoris linguæ cognitio hic sufficit, sed accuratissima, & ex usu ipsius gentis firmata. Magnum quoque in Codicis sacri interpretatione versiones cujuscunque linguæ usum habent, easque ad exegetin Theologi celeberrimi cum magno suo fructu adhibent. Ex collatione enim illarum sensus sæpe verus elicitur vel firmatur. Earum utilitatem quoque in Historicis, & quidem Taciti interpretatione ostendit Freinshemius in illo suo *specimine Paraphraseos Cornelianæ*, ubi e Gallicæ, Italianæ, Anglicæ, Germanicæ, Hispanicæ versionis collatione veros Taciti sensus indagavit.

CAP. X.

DE LIBRIS MYSTICIS ET SECRETIS.

§. 1. *Libri mystici quinam sint varique de iis judicia.* 7. *Non omnia contemnenda.* 2. *Ob incredulitatem multa ignorantur.* 3. *Libri Mystici, Theosophici, Prophetici & Magicæ.* 5. *Theurgici Gentilium libri multa secretioris naturæ mysteria continent.* 6. *Jamblichi de Mysteriis Aegyptiorum libri,* . *ex Hermetis libris congesti.* 8. *Libri sacri apud Aegyptios custoditi.* 9. *Zoroastri historia & scripta.* . *Eorum aliqui Picus habuit.* 11. *Oracula Zoroastri.* 12. *Rerosus Anni. Postello defensur.* 13. *Indi Braminer.* 14. *Orpheus & ejus scripta.* 15. *Etruscorum Razi Linus antiquissimam sapientiam professi.* 16. *Tarquitiani libri.* 17. *Sibyllina Oracula Romæ custodita.* 18. *Sibyllina scripta a Noachi nuru Possellus d. ducit.* 19. *Eorum divergitur.* 20. *Petito una Sibylla defenditur.* 21. *Druides.* 22. *Gentiliæ sacra sincera paulatim adulterata.* 23. *Hebræorum Libri Cabalistici.* 24. *Christianorum mystici libri.* 25. *Dionysius Areopagita.* 26. *Theophr. Paracelsi.* 27. *Jacobi Bohm Theologica.* 28. *De his judicia.* 29. *Prophetici libri in omnibus gentibus.* 30. *Pignora imperii ominosa.* 31. *Vasa cuprea Cimonsum.* 32. *Nostradamus Gallorum Propbeta & Poeta.* 33. *Varia de ipso & scriptis ejus narrantur.* 34. *Speculis quidam usum existimant.* 35. *Vaticinium de Calvinismo in Gallia exstirpando nunc impletum.* 36. *Multa alia de magnis revolutionibus prædixit.*

1 **M**YSTICOS & SECRETOS LIBROS dicimus, qui de rebus sublimibus, arcanis, mirabilibus scripti, suos sibi lectores postulant, neque omnibus ad lectionem concedi solent, neque ab omnibus intelligi possunt. Non idem omnibus est horum librorum gustus: *laudantur ab his, culpantur ab illis.* Sunt, qui ista scripta *χρυσὸν χρυσώτερον* habent. Sunt, qui inania, superstitiosa *μετέωρα*, & ab otiosis ingeniis, ad fucum simplicioribus faciendum, inventa aspernuntur. 2 *Sed media in illis via procedendum est.* . Ut enim nullus liber tam malus est, in quo non sit aliquid boni; ita & in illis, qui mysteria & arcana se tradere venditant,

ditant, invenes aliquando, quæ vix credideris. * Non negaverim equidem, multa 3
 a multis fingi, esse, qui aliorum credulitati imponant, & ad inanes contemplationes homines, quibus omnia ignota magnifica sunt, abducant. Sed de omnibus eandem pronunciare sententiam nefas esto. Neque ita suspicionibus indulgendum est, ut omnia sine discrimine pro fabulis & mendaciis habeamus. Quin potius crescat cum bona segete infelix solium & sterile avenæ: veniet, quæ illa judicet, ætas & rerum magister usus. Etiam hic profecto verum est, quod Heraclitus, Plutarcho teste in *Coriolano*, solitus est dicere τῶν θεῶν τὰ πολλὰ δι' ἀπιστίαν μὴ γινώσκειται, multas divinas & præclaras res ab hominibus ignorari, ob eorum incredulitatem: ac Plutarchus alibi vocat ἀδύνατον ἀπιστίας, morbum incredulitatis. In eundem sensum quoque Theophrastus dixit, res mundi pulcherrimas ab arrogantia hominum ignorari, dum nihil statuant credere, nisi humana mens rationem illius perceperit. Quod si Aristotelem 1. *Metaphysic.* audimus, ea est humanæ mentis imbecillitas, ut cognoscere nequeat veritatem, eoque pacto καθόλου cernit ignorantiam omnium, nec vidit ἐν μέσῃ suam. In plerisque naturæ rebus plus videmus fidei quam demonstrationi relinqui. Nisi potissima pars cognitionis naturalis ab Historia Naturali nobis esset, a Philosophia parum nosceremus. Et tamen is hominum morbus est, ut res ipsas negare malint, quam suam ignorantiam profiteri. Quoniam vero nec millesimam partem rerum naturalium cognoscimus, ne quid de *vonτοῖς* dicam, potius credulitate, quam incredulitate hic peccandum exitimem, ne falsâ falsitatis suspitione pulcherrimarum rerum scientiam amittamus.

Mysticorum librorum tres quasi constituere possumus classes, Theosophicos, Prophe- 4
ticos & Magicos. THEOSOPHICOS nunc eos vocant, qui de rebus divinis abstrusiora quædam docent, quales apud gentiles Theurgici dicebantur, quibus doctrina de Deo, Dæmonibus, Geniis, deque Ceremoniis, quibus illi colendi, tradebatur. Alii Magiam divinam hanc Theurgiam vocant. Hæc Metaphysica fuit. * De 5
 Gentilium religione etsi magna volumina conscripta sunt, tamen dicere non vereor, e tam vasto numero paucos esse, qui istius *θεογονίας* & *θεολογίας* ethnicæ fundum recte penetrarint. Non existimandum est, adeo stolidos & ineptos fuisse sagacissimos populos, ut, quæ vulgo de eorum sacris traduntur, eo sensu accipi velint, quo se nobis exhibent, ii præcipue, qui eorum fingendorum autores fuere. Alii sub hoc ænigmate sensus latent, mysteria scilicet naturæ secretioris, quod, ut suspitione attigerunt multi, ita fuit inter tot interpretes Davos, unus alterque hodie Oedipus, qui aliquid de iis prodiderit: de quibus in sequentibus plura.

Theurgiae gentilium arcana, non volaticis narrationibus sparsa, sed suis rationibus deducta, apud JAMBlichum in libro de *Mysteriis Ægyptiorum* operose proposita sunt: quo ad Porphyrii quæstiones responderet, quem Thomas Gale Oxonii 1678. cum notis edidit. Nam Ægyptiorum doctrina in his præcipui aliquid habere videtur, unde in Græcos & ab his in Romanos multa derivata, sed multis falsationibus incrustata. * Nil vero in hoc argumento ab ullo gentilium philosophorum huic simile 7
 scriptum

scriptum est, quod autor ille se ex Mercurii columnis, quas Pythagoras & Plato in suam philosophiam transtulerint, ex innumeris antiquorum scriptis, & ex certo aliquo libro, in quem veteres totam de rebus divinis scientiam congefferint, item è Chaldaeorum ac Assyriorum monumentis excerptisse ait: ut proinde quasi compendium Theurgiae gentilis dici possit. Duos vero Mercurios celebrant Aegyptii. Primus, quem illi *Thoth* vocant, ille est, qui columnas reliquit, quas interpretatus est *Mercurius secundus*, quam ille interpretationem multis libris complexus est, ut ipse Iamblichus docet. Notat vero Thomas Gale *ad cap. 1. librorum illum numerum, Mercurio tributorum, ortum ex eo esse, quod omnia sua inventa uni Mercurio ex communi sapientum concluso inscriberent, & in columnis & adytis sacris reponerent: ut Pythagoræ omnia sua inventa Pythagoræ nomine insigniebant. Ex iis Mercurii libris unus fuit, qui continebat τὰ περὶ Θεῶν, καὶ τῆς ὅλης παιδείας τῶν ἱερέων*, cujus meminere Diodor. Sic. lib. 1. c. 16. Strabo lib. 15. Et eandem ob causam credo tot libros Hermetis sive Mercurii nomine circumferri, quod sua scripta sub Mercurii nomine publicare maluerint: quanquam & Christianorum piis fraudibus aliqua, aut certe quædam in illis laciniae, adscribi posse videntur. Opuscula medica & astrologica Hermetis, in Bibliotheca Vindobonensi exstantia, Lambecius notavit, lib. 6. *Commentarior. part. 2., in quibus, compendium medicinae, de mathematica scientia, influxibus astrorum, de arcanis duodecim signorum Zodiaci, de animalibus volatilibus, quadrupedibus, aquatilibus, gemmis, seu lapidibus pretiosis, characteribus, sive notis ponderum & mensurarum, de Melomantia, sive divinatione ex membris humani corporis: Arithmomantia, sive divinatione ex numeris.* De Hermetis Trismegisti vita & scriptis videri amplius potest Lambecii *prodromus historiae literariae c. 1. §. 6. a pag. 134 usque ad pag. 443. & Borrichius in Hermetis sapient. c. 1. 2. & 3.* * Ceterum & integras habebant Bibliothecas sacras Aegyptii, in quibus reposita, quæ occultari volebant; cum pena gravi afficerent, qui aliqua ex iis in vulgus efferrent. Calasiris, Sacerdos Aegyptius, apud Heliodorum his verbis testatur: *Me dicente ea, quæ sciebam, & quæ de hoc flumine (Nilo) sacris libris perscripta, solis antistitibus cognoscere ac legere licet.* Postellus in Alcorano multas veteris Aegyptiorum Theologiae reliquias, ac plura de Christo ipso testimonia, quam in Judaeorum libris, agnoscit. Videri alioquin super multis doctissimus Sapientiae Aegyptiorum vindex, Borrichius, potest.

- 9 Inter antiquissimos in hoc genere Gentilium Scriptores ZOROASTER recensetur. Ejus historiam ex Albufeda aliisque collegit Edoardus Pocockius, ubi inter alia nominatur ejus liber, quo religionis præcepta Magis tradiderit, ac XII. voluminibus constiterit, quorum singula corum taurinum integrum implerent. Scripsit de *pretiosis lapidibus lib. 5. de astrorum effectibus ex eorum inspectione predicandis ac judicandis unum; de Agricultura V. Plin. lib. 30. cap. 1.* ait, vicies centena millia versuum a Zoroastre condita, quæ indicibus explanavit Hermippus, qui de Deorum sacris, cultu & ritibus egerint, item περὶ Φύσεως, quos Suidas ait fuisse quatuor; qui longum ipsius scriptorum enumerat Catalogum. Pythagoræ istos prælegisse Zabratum, memorat Porphyrius, qui

qui Zabratius Pythagoram edocuerit, *τις αὐτῶν ὁλων δεχαί*. *Horum librorum 11 aliquot Joannes Picus habuit, qui ipse ita ad Ficinum scribit: *Chaldaici hi libri sunt, si libri sunt, non thesauri. Audi inscriptiones. Patris Ezra, Zoroastri & Melchior, Magorum oracula. In quibus & illa quoque, quæ apud Græcos mendosa & mutila, integra & absoluta leguntur. Est in illa oracula Chaldeorum sapientum brevis quidem & salebrosa, sed plena mysteriis, interpretatio. Est itidem & libellus de dogmatis Chaldaica Theologia, ac in illum Persarum, Græcorum, Chaldeorumque divina & locupletissima enarratio. Hos Ficinus post obitum Pici inter ejus scriptorum reliquias comperit, sed adeo depravate exaratos, ut vix ab ipso Pico legi possent.* *Syrianus Magnus libros X. in Logia sive 12 Oracula Zoroastri scripsit. Notavit Thomas Gale *ad c. 2. sect. 1. libri Jamblichiani*: magnam esse convenientiam inter hæc & ea, quæ tradebant Ægyptiorum sapientes ex libris Mercurialibus; nec non inter ea, quæ fuisset Zabiorum placita & scripta, prodit Maimonides Doctoris l. 2. ubi hos a Magis propagatos fuisse notat. Legi de hoc Zoroastre ejusque scriptis amplius potest Otto Heurnius in Barbaricæ Philosophiæ antiquitatibus l. 1. *Chaldaico p. 28. & in lib. 2. Indico cap. 1.* Ubi Oracula Zoroastri recenset, quæ Ludovicus Tileranus cum Plethonis Gemisti commentariis Parisiis, ac postea Franciscus Parricius auctiora ex Proclo, Hermia, Simplicio, Damascio, Synesio, Olympiodoro, Nicephoro, Anno 1591. Ferraria, in nova de Universis Philosophia edidit, sapientiæ divinæ plenissima. Adeo enim iis, quæ sacris literis tradita sunt, consonant, ut Johannes Jessenius a Jessen ab Abrahamo illum edoctum existimet; qui quasi compendio quodam hanc Zoroastri Philosophiam tradidit libro, quem *Zoroaster* inscribit, Witteb. A. 1593. edito. Videndus de illo est Girald. *de Poet. Dial. 2. p. 59.* Ex horum familia procul dubio fuere, qui ad adorandum Christum venerunt. Verum de Chaldeorum antiquitatibus exigua nobis superest notitia, nisi quis ad Berossiana illa fragmenta confugere velit, quæ plurimi supposititia habent, etsi illis sui quoque defensores, ut supra vidimus, & *Postell. libr. de Etruria origine*, eadem vera agnoscat; neque ab Annio Viterbiensi demum conficta; quod in Germania & Gallia extiterint, antequam in manus Annii inciderint: qui & apologiam pro illo ad Petrum Franciscum Giambularium, Canonicum D. Laurentii, & Academicum Florentinum, autorem libri de prisca Etruscæ linguæ origine, scripsit, quam & Operi subjungit; ubi ex ipsa Armenia allatum hunc librum, & a Georgio, Apostolicæ professionis homine, Latinum Annio datum fuisse ait: quæ velim nobis paulo accuratiora aliisque documentis firmata dedisset: hætenus enim nil illorum innotuit. De Ægyptiorum Theologia, Philosophia, Hieroglyphicis, Otto Heurnius quoque nonnulla eodem libro adduxit.

Indorum, & in his Philosophorum Braminum, quasi Abramum, ab Abrahamo 13 oriundorum, ut Postellus judicat, Theologia & Philosophia ab illis Chaldeorum dogmatibus non multum diversa fuit. Sed nulli de iis supersunt libri, nisi exigua Palladii relatio, & nos infra de his plura dicemus. *ORPHEUS, Thracius, antiquissimæ 14 sapientiæ dogmata tradidit, e quo Græci Astrologiam acceperunt, ut testatur Lu-

cianus in *Dialogo de Astrologia*. Illum ajunt primum Deorum initia, universamque Theologiam, reclusisse, nefariorum facinorum expiationes ac plurima morborum remedia docuisse. Scripsisse dicitur de elementorum transmutatione, de rerum naturalium amoris efficacia, de Gigantum cum Jove pugna, de rapto & luctu Proserpine, de erroribus Cereris, de laboribus Hirculis, de ritibus sacrorum Idæorum & Corybantum, de gemmis, de occultis oraculorum responsis, de Veneris & Minervæ sacrificiis, de Ægyptiorum luctu ob mortem Osiridis, illorumque lustrationibus, de vaticiniis, de auspiciis, de fibrarum situ, de somniorum interpretatione eorumque averruncatione, de expiatione inferorum, de ratione & motu astrorum; quæ tamen omnia perierunt. Nam, quæ ejus nomine etiam olim circumciata, forte ex reliquiis ejus ab aliis concinnata, unde & Aristoteles non Orphei, sed Orphica scripta vocavit. Qui & Ciceroni liber, Orphei titulo, tribuitur, sine dubio fictus est. Vide de illo, aliisque ejus nominis, plura apud Gyrald. *Dial. 2. de Poetis Latinis*, p. m. 52. & seqq.

- 15 Quæ veteris Theologiæ in Europam ac primum in Italiam venerunt, ceteris omnium gentium sacris præferenda essent, si veritate niterentur, quæ Postellus, libro de *Etruriæ Originibus*, magno apparatu proposuit. Noam enim in Italiam primum venisse, ibique Orbis antediluviani sacra, ritus & scientias restaurasse, ait. Fuisse autem illi, ut apud omnes populos, popularem institutionem, & inter sapientiæ alumnos secretiorem quandam & ab usu vulgari remotissimam, a qua vis prædictionum, magiæ & diviniæ sapientiæ pendeat. Ab eo, ait, constitutos viros *Razi Hinnos* (quod nomen Halicarnasseus conservavit) id est, ut interpretatur, secretorum propagatores, qui sint iidem, qui *Etrusci* seu *Etruri Tusci*, quorum idem officium fuerit, quod Etruriæ sacerdotibus Cicero adscribit. Hi præerant instituendæ juventuri, principum potissimum, ii habebant scientiam secretiorem evocandorum geniorum, alligandorumque prodigiorum & signorum cælestium interpretandorum, quam scientiam nostro desiderari seculo ait. De quibus omnibus multa illic nova, & quæ *ναεόδοξος* plurimis habebuntur, sed tamen non inepte deducta, legi possunt. * Laudantur & ab Ammiano Marcellino *lib. 25. c. 2.* Tarquitiani libri, inque iis titulus *de rebus divinis*. Nam Plinio & Macrobio in *lib. 3. Sat. c. 7.* testibus, TARQUITIUS libros tres de *Etrusca disciplina*, & *Ostentarium Tuscum* conscripsit: ut
- 17 inde apparent, plures ejus generis libros fuisse. * An ex Noachi disciplina Sibyl-
- 18 lina illa Romæ custodita carmina fluxerint, non est adeo cerrum. * Postellus in libro de *Originibus*, sive de *varia*, & potissimum orbi Latino ad hanc diem incognita aut inconsiderata, *historia cap. 16.* Sibyllinam doctrinam ortum habuisse credit a femina principe rotius orientis, proxima sanguine ipsi Noacho. Primam ille Sibyllam facit Nimrod uxorem, dictam Sabbathen sive Sembethen, nurum Noachi, unde totus Oriens accepit sacra, donec sensim sanctitate & enthusiasmi pleraque Græci sermonis perite semina eandem tradiderint Græcis, & demum Latinis; ita, ut principio publicati nominis Romæ, id est, sub Regibus, delata sint magna volumina, quæ tanta fuisse veritatis comperta sunt, ut illis inconsultis nihil publicæ functionis susciperetur. Earum Sibyllarum complures fuisse omnium

omnium est sententia, quas ab illa prima institutas fuisse, sed incerta fide, refert Postellus. *Certissimum est*, inquit ille, *fuisse innumeras in universo, sed scripta eo suere communiora.* Quis enim non admiretur illas Alirunas Francorum, Gothorum & totius Septentrionis, quæ tanta erant non solum prædicendi, sed evocandi potentia, ut non solum clare de futuris prædicerent, sed spirituales substantias cujuscunque generis ita cogerent, ut in quacunque forma se representare omnium oculis adigerent. Eiusdem generis suere vates & sacre virginis ubiuis gentium, tam in vera religione optime primum ab uxore Noachi & filiabus nuribusque & posteris instituti, ad divine sapientie laudem, quam in iisdem religionibus sensum depravatis & a diabolo corruptis. Verum de numero illarum Sibyllarum nunquam satis inter eruditos convenit, neque de origine quicquam certi est. Quæ enim Postellus hic quasi ex Apollinis tripode pronuntiat, nulla certa fide nituntur. Isaacus Vossius, qui de oraculis Sibyllinis doctissimam commentationem scripsit, nihil de numero & origine certi habet; saltem oracula Sibyllina fuisse, quibus clarissima de Christo vaticinia continentur, probat; quæ a Judæis ex Prophetarum suorum oraculis sub nomine fatidicarum mulierum, quarum apud gentes magna esset autoritas, congesta fuerint. * Ceterum magna illorum Sibyllinarum scriptorum fuit diversitas. Quæ 19 Tarquinii regis temporibus in usu apud Romanos fuerunt, absumpta fuisse incendio Capitolino constat; postea ex Erythris & aliis Asiæ urbibus (ubi quædam Sibyllina servabantur) illa utcunque congesta, a prioribus tamen diversa. Quæ vero nunc supersunt Sibyllina, ea a Christianis interpolata, dubium nullum est. * In 20 iis tamen tam variis Sibyllinis monumentis, quicquid fluctuent alii, Petrus Peritius peculiari de Sibylla libro, non nisi unam fuisse statuit, a qua omnis illa fama, omnia illa oracula, remotis supposititiis, promanarint; quæ a variis locis, ubi illa vixerit, varium nomen sortita fuerit. * Druidum, qui apud Celtas & Germanos Theologi 21 & Philosophi fuerunt, etiam cum antiquis illis conveniunt dogmata, qui tamen nihil scriptura eorum, quæ docebant, comprehendere voluerunt. Illorum etiam Pythagoras discipulus fuit. * Verum dubium nullum est, illa gentilis Theologiæ ini- 22 tio quidem satis sincera, tractu temporis fuisse variis superstitionibus & damnandis ritibus incrustata. Cum enim Sacerdotes inter se secretiores haberent Magiæ disciplinas, populum falso cultu in diversa actum non cohibuerunt tantum, sed & ultro permiserunt, ne in sacra illa abscondita involarent. Paulatim & ipsi Sacerdotes in deteriora prolapsi, occultas Diabolo insidias struente, a via regia, imo divina, deviarunt. Jamblichianus ille liber, quem supra laudavi, etsi multa habet sublimia, quæque ex sinceris fontibus hausta videntur; tamen quæ de Dæmonum cultu & conciliatione habet, illa ab iis segreganda sunt. Illud vero memorabile est, quod *sestione V. cap. 22* unum ait esse perfectissimum cultum, in quo uno omnes simul colamus essentias & principatus: hunc sero admodum advenire ait, & oppido paucis; ac bene nobiscum agi, si in vitæ occasu contingat. Alibi disertis verbis ait, non opus nos habere Geniorum amicitia, si unum illum Deum summum, qui omnibus imperat, amicum habeamus.

Hebræorum Theosophici libri, quos illi CABALÆ nomine vocarunt, longe plu- 23

rimi fuerunt, quorum Esdras ultra 70. collegit, non nisi sapientibus legendos. Hos Joann. Picus se habuisse ait, unde conclusiones illas Cabalisticas suas excerpfit. Nescio, an ex illis libris sit, vel alius quispiam, quo se Postellus usum profiteatur. Ita enim ille libro *de Etruriae Origine* p. 82. *Apud Hebræos sic fuit usitatum interpretationis genus, ut altissimis reserata mysteriis non nisi ore in aures transfunderentur discipuli, quamdiu res eorum floruerunt; paulo post in unum volumen, quod ad manus nostras pervenit, secreta illa disciplina, quam eo quod recipiatur auditu, & non lectione, Cabalam vocarunt, summum genus sapientiae divinae.* Circumfertur & apud Judæos, Abrahami Patriarchæ, cui tribuitur, liber *Sepher jetzira*, id est, *Liber formationis*. Bartoloccius, qui Romæ Bibliothecam magnam Rabbinicam edidit, ex illo ait, quotquot de Cabala scripserunt, tanquam ex turbido fonte bibisse, & hausisse totam illam tam sublimem & reconditam Judæorum Theologiam, quam mysticam vocant, & de qua mira jactitant. Editus est ille cum notis Rittangelii: extant & aliorum in illum Rabbiorum commentarii, ac clavis in illum librum a *Scheptel Horwitz*, Pragenfi Judæo, edita, sub titulo *Schepha Tal, abundantia Roris*; neque in hunc solum librum, sed in *Torah, Tikkunim & Pardes rimmonim*, qui libri fundamentum universæ Cabalæ continent, HANOV. 1612. Extat & *Maajen hachochma, Fons sapientiae*, liber antiquissimus, Amstelod. 4. 1751. editus. Legendi de Cabalisticis Libri III. Reuchlini, & illi omnes, quos aliquot voluminibus in folio J. Pittorius Basileæ 1587. edidit. Conferri quoque Henrici Mori Cabala Philosophica potest, cujus examen Sam. Andr. scripsit.

- 24 Christianorum jam a primis temporibus mystici quidam in Theosophia libri
 25 fuerunt. * Principem in his locum sibi vendicant decantata illa DIONYSII AREOPAGITÆ Opera *de Hierarchia Ecclesiastica, de divinis nominibus, de Theologia mystica*, quem S. Pauli discipulum esse volunt, multoque rationum conquisitarum apparatu, & genuinum, defendit Petr. Halloix in *vita S. Dionysii, & questionibus de vita & operibus ejus*. Nos illam aliis litem dirimendam relinquimus. Liber vero ille, a quocunque demum scriptus sit, rerum divinarum profundissimis meditationibus plenus est. Fuere omni tempore, qui hujus generis libros scripsere; nullum vero eorum scriptorum feracius est, quam hoc & superius seculum. * Inter illos numerari præ alis debet Vir summi ingenii & maximorum meritorum, THEOPHRASTUS PARACELsus, qui & magnam rei Medicæ & Physicæ facem prætulit. Nam uti plerumque secretioris naturæ & Theologiæ conjunctæ rationes istis scriptoribus fuere; ita data occasione in Theologicas dissertationes dilabatur. Fuere vero post mortem pleraque ejus ab aliis edita, quæ, si ipse vivus edidisset, fortasse alio habitu se exhibuissent. Quare nec omnia illa, quæ e schedis ejus publicarunt alii, a morosis Censoribus ad vivum rescanda sunt. Plures etiam ab illo in Theologicis libri sunt posthumi, quam in Medicis & Physicis editi sunt. Nam in Bibliotheca Isaaci Vossii pene in omnes Nov.
 27 vi Fœderis libros commentarios prolixos, ab eo scriptos, inveni. * Similis generis
 28 scriptor nostra ætate JACOBUS BÖHMius fuit, Philosophus Teutonicus dictus. * Mirabile profecto viro huic, utur plebejo, ingenium fuit, & singulari animi impulsu agita-

agitarum. Inepte suspiciosi sunt, qui Pontificii cujusdam technas subfuisse scriptis ejus crediderunt. Ab uno homine & quidem ab ipso profecta omnia, arguunt idem styli tenor, eadem in omnibus rerum conformitas. Si exceperis nonnulla, quæ *μυσικότερα* & intricatiora videntur, in plurimis Pythagoræa dogmata *λείψανον χροσθῆ γένος* spirare videntur. Ejus Psychologiam in linguam Latinam convertit, notisque illustravit Joh. Angelius Werdenhagen, Jctus. Henricus quoque Morus judicium de illo mitius, quam asperiores nonnulli Censores, tulit. Pieratem viri istius nemo hactenus in dubium vocavit. Scripta illa ab homine literarum omnium rudi adornari potuisse, pene prodigio similis res est. (44)

PROPHETICOS libros dico, qui rerumpubl. mutationes variosque casus prædicunt, quales in præcipuis Rebuspublicis quidam servari solent. Sunt enim homines, qui vel ex artis Astrologicæ arcanis, vel singulari ingenii impulsu, talia prædicere solent. * Custodiuntur quædam imperii pignora, e quibus conjici futura solent. De Urim & Thumim apud Hebræos e sacris constat. Apud Romanos erant libri Sibyllini, & illi Etrusci aruspices; * apud Chineses vasa cuprea novem, pro numero provinciarum, tremore suo varios Reip. casus significantia, de quibus Martinus Martin. *lib. 2. Sin. Historie pag. 50.* Cui similia sunt duodecim vasa pro totidem anni mensium numero; quorum unumquodque aliquo pulvere oppletum, ejus indolis, ut sub finem mensis, vasi suo attributi, in ipsa luminarium conjunctione sponte sua in nihilum vanescerent. Ex motu ejus pulveris de futura totius anni tempestate vaticinabantur, de quo Mart. Martin. *lib. 1.* Sed talia persequi infinitum esset. * In Gallia celebre nomen MICH. NOSTRADAMI est, cujus mirabiles fuere non de Gallia tantum, sed ceterorum quoque regnorum fati prædictiones, quæ sub forma terrastichorum editæ. Scripsit autem illas Anno 1555. Nominat in illis monachum, qui Henricum III. & carnificem, qui Momorantium sub Ludovico XIII. percussurus sit: quæ vix ulla arte divinatrice indagari possunt, & intelligentiæ alicujus afflatum requirere videntur. De incendio Londinensi, de Regis Caroli I. supplicio in illis quoque vaticinatus est. * Multæ fuerunt virorum doctorum super eo disputationes: quidam eum pro impostore, quidam pro mago habuerunt. Aliqui virtutem in illo propheticam deprehendere sibi visi sunt. J. C. Scaliger acerbis quasdam in Hipponacteis suis invectivas in eum scripsit, cum antea ipsi amicus esset: qua de causa incertum: nam prædictionum ejus veritas magnum illi apud Principes nomen acquisivit, quæ tanta esse videtur, ut ne Diabolum quidem ea prædicere potuisse crediderim. Quod si ille e naturalibus signis hæc capere potuisset; quid veter Nostradamum

M 3

mum

(44) Judicium Morhofii de Jac. Böhmio, ejusque Scriptis, mitius atque honorificum, quod illius Fautores & Afflectæ, Frid. Brecklingius (*in Anzi-Calovio*), M. Andr. Stübelius (*in Appendice Judicii Vernaculi de Scepticismo Spenciano Aug. Pfeiffert p. 157.*), aliique, certatim Adversariis opposuere, partim impugnari, partim commodius explicare nititur, Erasmus Francisci, in *den gebrochenen Spott- und Kästchen* Joh. Matthæi (ed. A. 1692.) p. 427-431.

num ex iisdem scire potuisse? Fuisse enim probum piumque virum, omnes fatentur. De la Croix du Maine in Bibliotheca sua Gallica, Joannem Auratum, Poëtam non vulgarem, ejus prognostica noris illustrasse testatur, eaque fide, quasi ab ipso Nostradamus genio afflatus fuerit. De illo legi potest Petrus Peritus *lib. 3. de Sibyll. cap. 9.* Ubi plura de ejus rebus narrat vulgo parum cognita, omnia tamen excerpta ex Apologia Anonymi, qui Gallica lingua scripsit librum, cui titulus: *Eclaircissement des véritables Quatrans de Maître Nostradamus, Docteur & Professeur en Médecine &c.* Hic §. 6. recenset varia ab illo prædicta, quæ a solo humano arbitrio dependent, & proinde non nisi ad divinam quandam inspirationem referri posse judicat. Multa a Typographis lucripetis ipsi supposita fuisse narrat, quæ occasionem calumniæ dederunt, cum destitueret ea eventus. Majores habuit, Astrologiæ & prædictionibus omnes addictos. Astrologia autem dixit se uti tantum pro medio excitandi impetus illos vaticinandi, qui ipsi in Astrologicis speculationibus supervenirent. Scripsit multa alia medica, & in linguam Gallicam multa convertit. Medicinam sine Astrologiæ cognitione parum prodesse judicavit. Infinita de illo narrari, ait Anonymus, quæ cum incerto teste dicantur, ille omiserit. Miram ille historiam narrat, quam a viro nobili, Florinvilla, ejusque conjuge comperit. Cum apud eum esset aliquando Nostradamus, deambulantibus occurrunt duo porcelli, candidus alter, alter niger. Animi gratia interrogat Nostradamum Florinvilla, quid fieret illis; ille statim: nigrō, inquit, vescemur nos: album lupus vorabit. Florinvilla, ut prædictionem eluderet, secreto album porcellum pro cena curandum mandat. Parer coquus, sed dum præparat cibum, lupæ catulus domesticus, absente coquo, porcellum adrodit. Ideoque coquus nigrum illi succedaneum dat, ac in mensa apponit. Ita eventus prædictionem Nostradami comprobavit. Autor ille in hoc specimine suo primo de rebus Henrici II. tantum agit. In præfatione ejus hæc præcipue tractat.

1. Quæ vera sint Autoris tetrasticha.
2. Qua de re prædictiones agant.
3. Unde incipiant.
4. Quousque se extendant.
5. De origine eorum, qui irrepsērint in hæc tetrasticha, & quomodo corrigendi.
6. Qua ratione clavis & intelligentia tetrastichorum indaganda sit.
7. De ordine, quo processurus sit. Promisit autem 20. tales libros, qui in hanc usque diem tamen non sunt editi. Quinque secuturis voluminibus acturum se de rebus Galliarum sub Regibus Henr. II. sequentibus promisit, 8. & 9. de rebus Italiae. 10. De negotiis Imperii & Regum Septentrionalium. 11. De Hispaniæ & Lusitaniæ Regibus. 12. De rebus, ad Oceani accolas pertinentibus, & de regno Angliæ, de quo multa notabilia prædicit autor. 13. De rebus Orientis, Turcis, Græcis, Persis. 14. De Africa & Æthiopia. 15. De miraculosis Regis Franciæ progressibus in propaganda per Orientem fide Christiana. 16. De Antichristi machinationibus adversus imperium Christianum Gallorum in Hierosolymis. 17. De iis, quæ post annum 1655. per Europam accident, usque ad destructionem Romæ per decem Reges, Antichristi vasallos. 18. De 7. primis centuriis, cum explicatione reliquorum tetrastichorum, & paraphrasi epistolæ ejus ad Cæsarem filium. 19. De Explicatione centuriæ 8. 9. 10. cum paraphrasi epistolæ ad Henr. II., quæ continent clavem rerum futurarum post nativitatem Regis

Lud.

Lud. XIV. 20. de aliis scriptis propheticiis, versibus Sibyllinis, qui tangunt res 14. & 15. libri: tabulis Imperatoris Leonis, prophetiis Merlini & Paracelli. Possent hi libri quasi Pandectæ quidam rerum futurarum videri, si in lucem ederentur. Sed nec ipsa Nostradami tetrasticha integra habemus. Novissima editio An. 1668. Amstelodami in 12. a Waesbergiis edita. Centuriæ in illis tantum XII. sed non omnes integræ. Multa in scriniis Regiis de iis celari audio. Ex mille vero tetrastichis & supra, quæ ille reliquit, nullum esse, Anonymus ait, quod non duas aut tres prædictiones veras contineat, rerum in Oriente & Occidente gestarum, per omnia regna omnesque gentes. Allegat Anonymus *Tetrast. 2. Cent. 13.*, quo agat de magno Opere Philosophorum, prædicitque magnum Theologum, quem vocat *verbum divinum* vertendo Græcam vocem in Latīnam, illud perfecturum; cum tamen ipse manus nunquam huic operi admoverit. Sed illa centuria in editione Amstelodamensi non comparer. * Fuit, qui narravit, speculis quibusdam Astrologi- 34 cis Nostradamum ad has prædictiones usum. Nam, qui arcaniora Physica & Astrologica cognita habent, ajunt e metallis, tanquam Planetis terrestribus, eadem configuratione, qua Planetæ in Thematibus Natalitiis ponuntur, sub certis constellationibus specula fieri posse, in quibus futura cernantur. Talia specula non pro hominibus tantum, sed & nationibus, urbibus, seculis, ut illi ajunt, fabricari possunt. Sed de iis in vita ejus nulla vel suspicio apparet. * Id quoque memorabile est, 35 quod hoc in loco minime prætereundum. Adduxit Vir Cl. Borrichius in *Dissert. sua IV. de Poëtis*, Anno circiter 8. scripta, e Nostradamo dua vaticinia, quorum alterum proximis annis impletum est, *Hodie, inquit, in Narbonensi Gallia & Provincia nil frequentius occentatur auribus, quam Nostradami vaticinia, qua &, cum ad tumultum nominatissimi vatis Salone adstarem, pleno ore laudavit monstrator sacrificulus. Ego optarim, duo ejus suavia vana esse; quorum alterum Calvinianis minatur, & hoc est:*

En grande citò, qui n'a pain, qu'a dimy,
Encor un couple saint Barthelemy.

alterum Septentrioni:

Beaucoup, Beaucoup avant telles menées,
Ceux d'orient par la vertu Lunaire,
L'an mil Sept cens, feront grands emmenées
Subjugans presque le coing Aquilonaire.

Cum hæc scriberet Borrichius; nulla de Calvinianismi extirpatione suspicio erat. Sed proximi anni veritatem hujus oraculi abunde confirmarunt. Ac concepta jam sanguinaria, ut quidam narrarunt, in Calvinianos fuerat sententia, quæ postea ira immutata, ut quavis corde esset atrocior. Quid de altero futurum sit, Deus novit. * Multa ille in epist. ad Henr. II. prædicit, magnasque imperiorum revolutiones usque 36 ad septimum millenarium, ubi universalis in Ecclesia & omnibus regnis pax futura sit. Multa de amplificatione Imperii Gallici, ejusque victoriis in Oriente. Habet his

his similia Pottellus in libro *de vera configuratione signorum caelestium*, ubi ex illis imperium orbis Galliae suae promittit. Multa etiam in Germania talia de futuris prognostica secreto asservantur, de quibus hic non est dicendi locus.

CAP. XI.

DE LIBRIS PHYSICIS SECRETIORIBUS
PRÆCIPUE CHEMICIS.

- §. 1. *Metaphysica veterum.* 2. *De Campanelle Metaphysicis.* 3. *Cusani, Agrippa, Ficini, Pici.* 4. *Scalichii scripta.* 5. *Libri de Magnetismis, Sympathiis, Antipathiis.* 6. *Liber Kyranidum, Hermeti adscriptus.* 7. *Vera hujus libri inscriptio,* 8. *Et antiquitas.* 9. *Liber mutilatus.* 10. *Democriti $\chi\epsilon\gamma\epsilon\gamma\epsilon\mu\alpha\tau\alpha$* 11. *Petri Arlensis de Scudalupis liber ejusque clavis.* 12. *Quaedam ex illo arcana proponuntur.* 13. *Maxveldii Medicina Magnetica.* 14. *Wirdigii Medicina spirituum.* 15. *Paracelsi Manuscripta in Bibliotheca Scorialensi Chemica.* 16. *Chemica scientia.* 17. *Mythologia veterum ad Chemicam artem pertinet.* 18. *Vetusti ejus Autores Graci, valde laceri & mutili.* 19. *Codex Altenburgensis, a Reinesio emendatus.* 20. *Reinesii de iis judicium.* 21. *Stephanus Alexandrinus.* 22. *Heliodori poema.* 2. *Pappus Alexandrinus.* 24. *Quis Heliodorus?* 25. *Theophrastus, Hierotheus, Archelaus, Pelagius.* 26. *Zosimus.* 27. *Ostani fragmentum.* 28. 29. *De eo disquiritur.* 30. 31. *Democriti liber antiquitatem sapit.* 32. *De Democrito insignis e Cedreno locus.* 33. *Quid sit $\dot{\iota}\nu\epsilon\alpha\gamma\epsilon\delta\mu\alpha\tau\epsilon\alpha$.* 34. *Democritea, an genuina, an supposititia?* 35. 36. 37. *Epistola, a Synesio scripta, $\gamma\eta\sigma\iota\acute{o}\tau\eta\varsigma$ defenditur.* 38. *Dubia circa Zosimi scripta, a Reinesio mota.* 39. *Ad ea responditur.* 40. *Zosimus Christianus ab historiatarum scriptore diversus.* 41. *Dissensus ab ipso Photio & Lambecio.* 42. *Anonymi liber de testimonio pro Christiana religione ex Ethnicis scriptoribus laudatur.* 43. *Zosimus adversus Reinesium defenditur.* 44. *Manuelis memorabile somnium, quod ad artem Chemicam referendum.* 45. *In Zosimi scriptis quedam diversitas.* 46. *Olympiodorus, Commentator Zosimi, ejusque etas.* 47. 4. *Labbei & Lambecii dubia.* 49. *Cleopatrae scripta Chimica,* 50. *Et Epistola a Scitoppio Priapejis adjuncte.* 51. *Pfellus,* 2. 2. *Pseudonyma & Anonyma scripta recensentur.* 53. *Leo Allatius Corpus Chemicorum edere voluit.* 55. *Querela Borrichii votumque nostrum.* 56. *Chimica scripta plurima dividendae.* 57. *Aliquot autores recentiores Rabbini & alii.*

- 1 **V**enio ad libros, quos MAGICOS appellavi, non eos, qui de Dæmoniis artibus scripti sunt, de quibus alio loco dicitur; sed, qui de Magia naturali, & arcanas naturæ operationes tradunt. His quasi viam sternunt Cabalistici autores, de quibus supra egi: nam amice conspirant, mutuasque operas præstant. Meta-
- 2 physica illa veterum fuit, quæ hodie tota in terminorum doctrinam abiit. * Hanc tamen ad mentem veterum quodammodo instituere mihi visus est Campanella, qui in vasto

vasto opere multa de mundis, de seculis, de ordinibus mentalibus, de sigillis & ideis, de vita divinitus comparanda, de actionibus mundorum secundum seriem & collationem illorum, de gradibus potestatum & possibilitatum, de amore, sapientia & potestate, omnium rerum affectionibus, de maximo & minimo, de passionibus rerum ratione materiæ & formæ, de mutationibus earum & transformationibus, de propensionibus corporum vel ad Systematis unionem, vel ad certos situs in corpore, (*Robertus Boyleus libro de systematicis corporum affectionibus familia animo concepisse videtur*) de configurationibus rerum & infinitis aliis agit: quæ mihi accuratius consideranti materiam profundissimis speculationibus subministrare apta videntur. Non quidem omnia illa simpliciter probaverim; sed sunt profecto in illis cogitata, quæ certe summam ingenii vim arguunt. Illis jungi potest liber ejus de sensu rerum, ubi libro extremo Magiæ fundamenta jacere videtur. * Multi sunt & multis ad hunc scopum libri conscripti. Nicolai Cardinalis de Cusa opera plena sunt reconditorum sensuum. Cornelius Agrippa in libris, de occulta Philosophia, ad Trithemium Abbatem scriptis, si quædam superstitiosa absint, multa ad hanc rem subministrat. Marsilii Ficini scripta, ut pene omnium Platoniorum, hæc argumenta tangunt. Joannis & Joannis Francisci Picorum opera tota in abstrusis occupantur. * PAULUS de SCALA sive SCALICHIUS, qui e prisca Scaligeræ gentis familia originem suam venditabat, atque Genealogiam Scaligeræ gentis scripsit, (quanquam illi controversia ab adversariis de eo mota est,) hujus generis varia edidit. Olim ille Ferdinando Cæsari a sacrificio Missæ fuit, post in Borussia, professionem Evangelicæ religionis simulans, intimis Principis Alberti consiliis admotus fuit, ubi res novas moliens alios e Principis gratia deturbavit ipse iterum deturbatus: quare ad Pontificiorum partes rediens tandem Gedani mortuus fuit, de quo legi potest Boissardus in Iconibus virorum illustrium, part. 3. imag. 9. & Hartknoch. in Hist. Boruss. part. 2. c. 2. Edidit ille Encyclopadiam, sive orbem disciplinarum, tam sacrarum, quam profanarum, quem Epistemonia inscripsit, Anno 1559. Basileæ impressum, cum nostrarum ille partium esset; cui adduntur Theses Mysticæ Philosophiæ: Eulogus, seu de anima separata ejusque passione, Conclusiones in omni scientiarum genere 1553. olim Bononiæ, hinc Romæ propositæ, quas 21. annorum juvenis scripserat: revolutionem alphabetariam, sive perfectissimam ad omne genus scientiarum methodum: encomium Scientiarum, & multa alia adversus Romanam Ecclesiam. Sed Anno 1571. in aliud quasi Systema hæc omnia, quibus Ecclesiæ Romanæ se commendavit, compegit. In Epistemone Catholico, ut tum appellavit, omnium scientiarum omnisque Philosophiæ, Orphicæ, Pythagoricæ, Platonicæ &c. brevem descriptionem pollicetur. De mysteriis mysticæ Philosophiæ & variis involucris, ænigmatibus, Hebræorum, Chaldæorum, Ægyptiorum, Persarum, Arabum, Græcorum & Latinorum, de anima separata, de rerum sympathia & antipathia, se acturum promittit. Scripsit & libros septem de rerum causis & successibus, & de secretiore quadam methodo, qua eversiones omnium regnorum universi orbis, & futurorum series erui possunt; item Epistolam, qua omnes abditæ artes & scientiæ perstringuntur, & perfectissima ratio prophetandi, & miracula operandi traditur.

- 5 In occultis naturæ operibus, quæ in *Magnetismis, Sympathiis, & Antipathiis* consistunt, arcani sunt quorundam libri. Ex antiquioribus est liber ille, Hermeti adscriptus, cujus meminit Barthius *Alversar. l. ii. c. 17.* Hunc Gerhardus Medicus, quem Johannes Trithemius Gerardum Fulginatam, Raphaël Volaterranus Gerardum Suclonetam, Gesnerus & Simlerus Gerardum Cremonensem vocat, ante quadringentos propemodum annos e Græco in linguam Latinam convertit, cui titulus: *Liber physicalium virtutum, compassionum & certationum, collectus ex libris duobus, experientia, videlicet Kyranidarum, Kyranni Regis Persarum, & ex libro Harporationis Alexandrini ad propriam filiam.* Addit, pleraque ejus libri, qui Kyranni illius fuerat, esse Hermetis Trismegisti, & Syriacis characteribus sculptum fuisse
- 6 in columna ferrea. * Græcus libri titulus a Gaulmino notis ad Theodorum Prodrumum, c. 15. producit: *Βίβλος Κοίρωνος φυσικῶν συμπαθειῶν καὶ δυσπαθειῶν λαοῖς.*
- 7 σύνταγμα Κοίρωνος βασιλέως Περσῶν. * Liber Latinus MStus extat in Bibliotheca Paulina Academiæ Lipsiensis, quem, referente Felleri, in præfat. Catalogi MStorum Lipsiensium, illustrissima Dn. Eleonora, Hassiæ Landgravia, Henr. Ellenbergero, Med. D. Anno 1609. dono dederat, quemque Rivinus ab Ellenbergeri filio acceptum Paulinæ intulit, & Lipsiæ An. 1637. excudi fecit. Hanc ego non vidi editionem, sed aliam, quæ Francofurti Anno 1681. in 12. &, ut titulus habet, iterata vice e membranis Latinis edita est. Nulla illic prioris editionis mentio, quæ vel ignoratur, vel dissimulatur. Quod ad Græcum codicem attinet, forte idem ille est, quem in Vaticana *περὶ φυσικῶν δυνάμεων* extare, e Pamelio Barthius ait. In eo tamen & Gerhardus Cremonensis & Barthius ipse falluntur: ille, quod A. C. 1168. Constantinopoli ex Arabica & Persica in linguam Græcam conversam ait: hic, quod a Græculo quodam Monacho compilatore congestam existimat, qui, ut fidem aliquam libro conciliaret, nomina Arabum, Ægyptiorum Persarumque accersiverit, Regemque Kyrannum Opuſculo autorem dedit.
- 8 * Verum longe antiquiorem esse librum Græcum, ex eo patet, quod Olympiodorus, scriptor Chymicus, cujus ætatem ultra Constantini M. tempora producit in Vindic. Hermet. Borrichius in commentario suo super Zosimi scripta chymica, Hermetem ἐν τῇ Κυράνιδι βίβλῳ, ac Zosimus, ipso Olympiodoro antiquior l. 9. de Chymia ad Theosebiam, Hermetem in Physicis, qui idem liber est, allegat. Titulus libri quid sibi velit, non satis vel Græcus, vel Latinus interpres, cepit. Nullus enim vel *Kyranides*, vel *Kyrannus* Rex fuit, a quo liber ille scriptus. Verum, quod Reinesius in variis lectionibus suis alicubi satis demonstrat, *Κοίρωνος* vox, quam ex Arabico, vel Persico, retinuit interpres Græcus, nihil aliud significat, quam collectionem *συμμογήν, σύνταγμα.* Quoniam enim Persæ & Arabes ex suorum aliorumque Philosophorum magia hæc collegerunt, *Ciranon* vocarunt: quemadmodum & Alcoranus, qui recentioribus Græcis *κοιράνιον* dicitur, nihil aliud significat, quam collectionem præceptionum divinarum. * Vehementer vero dubito, an Latina illa versio integra ex omni parte sit: multa enim in illis vel omiſſa, vel mutata suspicor. Nam ut ex Gaulmini notis in Theodorum Prodrumum,

eo loco, quem supra nominavi, apparet, hymnus ille, quem singulis herbis subjicit, quisquis est scriptor vel collector, quo illius vires, numinisque, cui sacra est, celebrat, hic plane non invenitur. Quod ex veterum illo ritu promanat, quorum mos fuit in colligendis herbis hymnum in laudem illarum, vel numinis, cui sacra erant, recitare. *Ἐνθουσιῶντες μαινόμενοι καὶ ποιανίζοντες* herbas colligebant: quod de Druidibus, viscum quercinum colligentibus, etiam memoratur. De illis Andreas & Pamphilus, antiquissimi Medici, Gaulmino notante, librum scripserunt. *Ἱερεὺς Θεῶν Ἑταῖρος* Galenus vocat. Gaulminos tales aliquos hymnos se editurum promittit. Sed neque illi editi, neque hic in libro illo, Hermeti tributo, comparent. Multa quoque Barthius loco citato illo contineri narrat, quæ in edito non inveni. * Hujus generis quoque illa Democriti *χειρόμνητα*, vel qui- 10 cunque alius titulus fuit, censenda sunt, de quibus prolixè Salmatius in Solinum & Borrichius.

Est inter recentiores PETRI ARLENSIS de SCUDALUPIS Opus de *sympathia se- 11 ptem metallorum, septem lapidum & septem planetarum*, Madriti primum, hinc Romæ in folio, sub initium hujus seculi editum: quo singularia continentur secreta, a filio per incogitantiam publicata; qui postea exemplaria omnia coëmisse dicitur, ut nullum jam amplius compareat. Est quidem in Gallia illud recusum minori forma, sed totum mutilum, nulliusque pretii. Exiit tamen Parisiis P. Constantii Albini Villanovenfis *Magia Astrologica, sive clavis Sympathia septem Metallorum, septem selectiorum lapidum ad Planetas, pro majore illius elucidatione editum, Anno 1611. in 8.* Sed sine arca ipsa clavis illa nulli usui est. Qui legerunt, affirmarunt mihi, tot tantaque libro illo contineri, ut omni auro sit præstantior. * Inter cetera unum succur- 12 rit, quod ille in eo legerat, de vitro e cineribus cadaverum strangulatorum certique mineralis conflando, cui lotium ægri immissum affectas corporis partes in ipsa urina ostendat. Aliud ex eo libro adduxit Joh. Petr. Faber in suo *Palladio Chymico cap. 5.* de certo pulvere tormentario. Ejus hæc verba sunt. *Vidi aurum natura ipsa incombustibile in pulverem pulvere ipso tormentario seu bellico combustibiliorem redactum, spiritu sulphureo combustibili, terra ipsius auri sata, quo nefanda scelera committi possunt, in hominum inevitabile malum: terra motus praegrandes effici queunt, quo domus, imo civitas integra, etsi populosa sit, susque deque subverti possint. Arcanum certe pulveris bellici inventi multo pejus & crudelius, cujus proclamatorem in superiorem mundum beatum iri non existimo, tanquam inexhausti malorum fontis demonstratorem. Unde hic Harpocratis silentium commendatum habere licet.* Et hunc quidem ego pulverem pyrium Sympatheticum esse existimo, qui in remoto etiam loco positus altero similis generis accenso simul accendatur. Multa alia sparsim a nonnullis scripta, qualia in *Theatro Sympathetico*, Norimbergæ edito, comparent; sed nullis certis fundamentis inædificata. * Nuper Guilhelmi Maxvelli, Scoti Scriptoris, in lucem a Clariss. Georg. 13 Franco edita est *Medicina Magnetica*, cujus pars Theoretica non male de iis rebus philosophatur, præcipue vero Aphorismi, libro secundo adjecti, interiorern cognitionem arguunt. Liber III. Practicus, sine quo ceteri steriles & inanes, nondum editus

- 14 editus est: quem multi anxie efflagitant. * Commendari & in hoc genere Viri Cl. quondam Collegæ mei honoratissimi, Sebastiani Wirdigii *Medicina Spirituum*, potest. Sed de his in *Polyhistore Physico* plenius agemus. * Multa, & quidem longe plura, quam edita sunt, a Paracelso scripta sunt, quæ hinc illinc a curiosioribus asservantur. Meminit in *Exercitationibus suis*, nuper editis, Clariss. Wagenfeilius Manuscripti alicujus Paracelsici, quod illi in Bibliotheca Scorialensi monstravit Bibliothecarius, unde ille arcanum illud Steganographicum, e sanguine humano parandum; descripsit: cujus ope amici, toto orbe sejuncti, omnia animi sensa plene planeque invicem communicare possunt. Sed ille liber cum ceteris forte in cineres nupero incendio redactus est.
- 16 De *Chemia* SCRIPTORIBUS, quandoquidem Chemiæ scientia quasi solum aliquod omnibus occultioribus operationibus naturæ subternit, nunc aliqua adnectenda videbantur: de quibus cum singulari olim dissertatione egerimus, nunc paucula *ὡς ἐν παρόδῳ* tangemus. (bb) Sunt, qui totam hanc artem ideo suspectam habent, quod vel nulli sint antiqui Autores, vel plerique Pseudonymi. Fuit illa jam ab antiquissimo tempore per sapientes, non tam scriptis, quam viva informatione, propagata, & ipsius rei sublimitas facile a nominis sui professione
- 17 autores excusat. * Tota illa gentilium *Mythologia* hunc sibi scopum præfixum habet, quod a Viris doctissimis, Michaële Mejero in Arcanis arcanissimis, Blasio Vigenerio in Commentario in Philostrati tabulas, Joh. Petr. Fabro in Panchimico ostensum est. Commendat Nicolaus Antonius, Autor Bibliothecæ Hispanicæ, eo in genere Johannis Baptistæ Suarez de Salazar Gaditani *Mythistoricum Astronomicum*, sive de *Mythologia terrestri & cælesti* librum, quo arcana omnia Physiologiæ mysteria confictis numinum appellationibus olim apud Ethnicos adumbrata revelavit. Sed imperfectum illud Opus relictum est. Nuper vero egregium ejus specimen Jacobus Tollius, elegantis Vir ingenii omniumque literarum, in Fortuitis suis Criticis dedit: qui si pleniorẽ illam *Mythologiæ* explicationem adornaverit, omnes illi concedant necesse est, quo pleniorẽ ad
- 18 physicam experientiam eruditionem affert. * Falsum est, deesse huic arti antiquiores autores. Nam pro Hermetis aliorumque scriptis ita militavit Borrichius, ut superior ex illa pugna discefferit. Superfunt GRÆCI quidam AUTORES *περὶ χημικῶν*, quorum Salmasius aliquoties in suis in *Solinum exercitationibus* mentionem facit, & Casaubonus ad Baron. *Annal. Exc. 1. c. 10.* de quibus aliqua hic notabimus. Exat Codex ille in Bibliotheca Regia, unde sua excerptit Salmasius. Delrius tom. 1. *disq. Magic. c. 5. p. 1. sect. 1.* in Bibliotheca Fontis belli haberi testatur. Dicitur & Johannes Dee, qui *Monada Hieroglyphicam* scripsit, Democriti Physica habuisse, cum scholiis

(bb) Conferri merentur, quæ Sententiæ Morhofianæ, de Chymia Secretiori sub Fabularum Ethnicarum involucris abscondita, b. l. propositæ opposuit Celeb. Tenzelius, in *Dial. Menstr. Germ. M. Jan. A. 1689, p. 45. 46. 47.*

ſcholiis Synefii, Pelagii, & Stephani Manuſcriptis. Geſnerus in Italia alicubi latere tradit. * Eſt & Codex Altenburgenſis, quem illuſtriſſ. Dux Saxoniae, Johannes 19 Wilhelmus b. m. e. Cod. Bibl. Auguſtanae fecit deſcribi Anno 1623. quem Thomas Reineſius perluſtravit, ſuaque manu emendavit, mutila in illis notavit, addita de ipſis Autoribus diſſertatione; cujus mihi ab amico copia facta eſt. Iidem quoque Autores in Bibliotheca Vindobonenſi reperiuntur, quos operoſe recenſer Lambecius, *Comment. de hac Biblioth. lib. 6. part. 2. p. 168. & ſqq.* cum quibuſdam ex iis excerptis. Dignus ille Criticis, ſed tamen argumenti iſtius non ignaris, proſecto labor eſt, in quo illi ingenii nervos intendant potius, quam in aliis. Tanta rei ſublimitas dignitasque eſt, ut non ſuperficiaria opera impendenda ſit. Conſerendi hic eſſent omnium Bibliothecarum Codices: nam multa in Autoribus illis per dolum ſunt mutilata, vitioſe deſcripta. Deſunt in Altenburgenſi Codice, quæ de unionibus magnis, & minutis conſciendi, ex Pariſienſi citat Salmaſius, qui & vitioſiſſime ſæpe ſcriptus medicam Reineſii manum omnibus in paginis ſenſit, eſſi non cum cura illi perleſtus. Ita ipſe in præfatiuncula, libro præfixa: *Emendationes, quas hic marginibus illitas vides, & cursoria quidem leſione nata ſunt, ſed quarum rationes reddere cuius poſſim: eluereque etiam reliqua Pſeudo- γεωφήματα, ſi id nunc azerem; neque enim adeo deſperata res eſſet: quanquam, ſi conſerre liceret codicem alium, multo facilius in via intrita progredi eſſet. Sunt hic, quæ πίνεω aliquem antiquitatis redolent; ſunt & ineptorum inſimæ Græciæ magiſtellorum aliqua; ſed quæ tamen ab illis, qui ſe Chymiatros ceu aliis medicis multo præſtantes appellari volunt, & e furnis miracula curationem promittunt; ſcil. quod e vera arte & ſolida cognitione ejus non ſunt inſtructi, non debebant ignorari.* * De ſcriptis iſtis ita 20 judicat Reineſius, primum per aliquos monachos alioſque eruditos in Alexandria, & hinc in Conſtantinopoli, in unum quoddam Syſtema congeſta, unde in Italiam & Regiam Bibliothecam eo tempore pervenerint, quo exules Conſtantinopolitani in Italia recepri: ubi multa alia hætenus ignota de Græcis Autoribus primum innoſcere Occidenti cæperunt. Autores ipſi, Reineſio iudice, partim Ethnici, partim Chriſtiani fuerunt, qui Athenis circa annum Chriſti 400. & deinceps vixerunt Alexandriae, quæ Philoſophorum nutritrix præ ipſis Athenis fuit, ut Camerarius in vita Synefii probat. Magno enim ſtudio huic arti ſub Imperatore Diocletiano, in Ægypto & Perſia, tum Judæi, tum Chriſtiani, tum Ethnici incubuerunt, ut ex Suida notum eſt. * Stephani Alexandrini, qui univerſalis 21 Philoſophus vocatus ac ſub Heraclio vixit, cui ipſe aliqua inſcripſit, primus hic liber eſt, περί τῆς μεγάλης καὶ ἱερᾶς τέχνης, Cardan. l. 17. de var. rer. in Bibliotheca Diegi Hurradi de Mendoza, Orat. Cæſarei, extitiſſe ait. Chriſtianus fuit. Verum eſſe huius libri autorem, confirmat Salmaſius in Solin p. 1097. Scripſit πράξεις, quas hodie Proceſſus vocamus, novem. * Poſt illum Heliodori nomen legitur, 22 cujus extat Jambus ad Theodoſium Imperatorem, quem tamen minime genuinum agnoſcit Reineſius. Sunt, inquit, ineptiſſimi Graculi, qui inter ducentefimum annum vixit, nihilque aliud egit, quam quod Stephani ſcriptum de eadem arte oratione ſoluta ligavit. Heliodorum, Hermiæ filium, Alexandria oriundum, Reineſius Chymicæ artis non ignarum facit,

- facit, qui cum fratre suo, Ammonio Proclo in disciplinam datus est, neque vero alienum existimat, illum Theodosio M. quædam hujus generis inscripsisse, qui & ipse huic arti addictus fuerit, quoniam & Eugenius, qui plurimum gratia apud Imperatorem valuit, qua tamen postea excidit, arti huic operam dedit, sub cujus
- 23 nomine aliqua operatio Chymica in codice illo Altenburgenſi f. 190. extat. * Vixit & Pappus Alexandrinus Philosophus & Mathematicus sub hoc Imperatore, Reinesio judice, cujus operatio Chymica ibidem fol. 18. reperitur, quem tamen alium facit Lambecius, ea ratione motus, quod Pappus Stephanum Alexandrinum allegat,
- 24 qui sub Heraclio vixit. * Carminum vero horum autorem plane non agnoscit Heliodorum Reinesius, quia non illam spirant, sed infimæ ætatis barbariem, ubi versibus, quos politicos vocant, multa talia scribebantur. Hunc quoque Christianum esse apparet, cum alter Ethnicus fuerit. Fuit & illo vetustior Heliodorus Æthiopicorum scriptor Christianus, Emese in Phœnicia natus, hujus artis non omnino ignarus, ut ex scripto illo patet, ubi plurima occurrunt, quæ occultos habere sensus videntur, quod abolere etiam cum jactura Episcopatus noluit. Ut fortassis illo nomine abusus fuerit ille, quisquis fuit, Poëtaſter. Sed tamen eundem illum Carminum fabrum facit Lambecius: cui calculum adicere meum ob antea adductas rationes non possum. Refert quidem Lexici Historici Universalis compilator, Hofmannus, e Cedreno, obrulisse Heliodorum Theodosio M. librum de arte auri faciendi; sed frustra locus ille in Cedreno a me hætenus quaesitus. Ac si vel maxime exstaret, de quo dubito, non tantæ fidei Cedrenus est Scriptor, paulum futillior, & longe junior, ut sua autoritate confirmare possit. Fluctuat & in Helio-
- 25 dori ætate definienda & in ipsis illis Autoribus Vossius. * Ejusdem commatis Reinesio habentur illa, quæ sequuntur in Codice Altenburgenſi, carmina Theophrasti, Hierothei, Archelai, de divina & sacra arte, omnia ex Stephano transcripta. Dixerit quis, Archelai veteris Philosophi aut Oratoris istius nomine se ornasse, qui περί τῶν θαυμασίων scripsit Antigono Hist. Mir. c. 6. & 21. citati; quem ille Ægyptium fuisse & Ptolomæo miraculosa quædam per epigrammata narrasse ait. De Hierotheo in eodem libro alia extat brevis commentatiuncula, characteribus Chymicis scripta, in prosa, quam Lambecius adscribit Hierotheo Monacho, cujus Isagoge quædam in Scalæ Paradisi in Bibl. Vindobonenſi extat: nam alterum Hierotheum Philosophum Platonicum, Dionysii Arcopagitæ Præceptorem esse, verosimile non fit. Pelagii, cujus ejusdem argumenti schediasma subjicitur, nomen & tempus incertum. Duos ejus nominis reperio. Anastasius Bibliothecarius in Historia sua Ecclesiastica circa A. C. 166. quendam Pelagium, Laodiceæ Episcopum Orthodoxum nominat. Cedrenus in Compendio Historiarum. p. 354. edit. Paris. in Corp. Hist. Byzantin. Pelagium Patricium laudat, quem Zeno interfecit, virum θαυμασίων καὶ περί ποιήσιν ἐπὶ ἀξιόλογον. Nam historiam Augusti Cæsaris versibus scripsit,
- 26 & Homero-centra, atque multa alia. * Interfecit & idem Zeno cum hoc Pelagio Zosimum, ex quo quis conjecerit, eundem esse Chemicum illum Zosimum, cujus opuscula in eodem Codice habentur. Sed Rhetor hic est Gazæus, cum alter ille longe antiquior sit, qui quorundam, Zosimo adscriptorum, opusculorum Chemi-

Chemicorum autor est, etsi non omnium. Quædam enim ex illis Zosimianis juniorem ætatem loquuntur, ut observat Reinesius: Ideoque vel alium eorum cognominem autorem, vel veteri supposita esse oportet. Sed de Zosimo illo postea plura. Incerta ergo de Pelagio omnia sunt.

Quod in codice Altenburgensi habetur, *fragmentum Ostanis Philosophi*, ad Petasium de eadem divina arte, supposititium Lambecio & Reinesio videtur, si Ostanem primum Magum, aut Ostanem secundum, eo intelligere velimus. * Tertium ergo quendam nobis Ostanem fingit Reinesius, cum Ostanis nomen omnibus Magis Persarum commune factum Scaliger fateatur: qui circa A. C. 300. in Ægypto vixerit, alterius etiam Democriti, non Abderitæ istius, præceptorem. * Nam Democritum ab Ostone edoctum, etiam antiqui Scriptores testantur. Ad hanc sententiam ipsum impellit primum, quod tempore Regis Persici Saporis, qui A. C. 270. imperavit, in Persiam iverit Democritus, artis addiscendæ causâ, quod ex Synesio aliisque locis hujus Codicis probare vult; cum tamen illic nullius Regis, sed philosophi Sophar mentio fiat, cujus cum Rege Sapore confundendi causam nullam video: deinde quod tamen Græca illa tum Ostanis, tum Democriti antiquiorem indolem, quam cetera ejus libri, spirent, licet ad ætatem Democriti Abderitæ non ascendant. Eadem est Salmasii sententia, qui *comm. in Solin. pag. 106.* ita: *Democritus quamvis subdititiis sit, antiquum tamen esse oportet; quippe quem citari videam Synesio, Stephano, ac Zosimo, scriptoribus Chymicis, ac inter principes & veteres artis illius auctores laudari.* Hæc, ut verum fatear, pro Democrito & Ostone vindicando, magis militare videntur. Nam, si simili licentia in aliis Autoribus uti velimus, novos Amphitruones & Sosias in scena critica formabimus. * Esto vero, non esse hæc Græca Ostanis tempore scripta, potuerunt illa longo tempore post in Græcam linguam esse conversa; ac forte illa ultima verba, unde non ab antiquo Ostone, sed a Christiano aliquo scriptum hoc fragmentum conjiciebat Reinesius, quibus *gloria Deo & Filio & Spiritui Sancto* acclamatur, Christiani cujusdam manu prioribus pietatis causâ adjecta. Recte vero Reinesius Scaligerum reprehendit, qui Ostanem Democriti Mystagogum ex eo neget, quod Ostanem Xerxes in Græciam comitem, (de quo *Plin. lib. 30. c. 1.*) noscere per ætatem non potuerit, cum ex Herodoto Laërtius testetur, Xerxem in Græciam transeuntem cum exercitu apud Democriti Patrem divertisse. Ceterum ad Persas victores illam in Ægypto custoditam Smaragdi tabulam, quæ ignoratam universi orbis concordiam descripsit, & maximam Magiæ partem absolvit, transiisse, queritur Gaulminus, præfatione ad Theodorum Prodromum: cum Græcorum Medici divam Medicinam plebi prostituerent, cujus interiora olim Reges & Sacerdotes sibi vindicabant.

Sequuntur Ostanis fragmentum in codice illo *Democriti Physica & mystica* seu ar- cana, Reinesio, ut vidimus, pro supposititiis habita. Nolo hic post Roscium saltare: nam, quæ Reinesius hic pro *relicta* affert argumenta, quæ omnia cum plurimis aliis a Conringio, in libro de Hermetica medicina, allata sunt, a doctissimo Borrichio ingeniosissimis rationibus in Vindicatione Hermetis eliduntur. In scriptorum Democriti

- democriti titulis colligendis sollicitissimi fuere Borrichius d. l., & in sua *Historia Philosophica* Abr. Gravius l. b. 3. cap. 1., qui illic legatur. * Memorabilis præterea ille locus e Cedreni *Comp. Hist.* pag. 121. Ed. Paris. adduci Democrito meretur, qui ex antiquioribus Scriptoribus omnia accepit, si quis forte de Cedreno cavillari velit. Τότε καὶ Δημοκρίτης ἐγνωρίζετο Φιλόσοφος. ἐς ἐδίδασκε πρὸ τοῖς ἄλλοις, ὅτι δὲ τὸν φιλοσοφεῖν ἐθέλοντα, πάντων ἀπεχεσθῆαι κακῶν, σωφροσύνην ἀσκεῖν, καὶ πάντα σφδῶς νοεῖν καὶ πράττειν, καὶ ἕως ἔστι τὸ ἐννεαγράμματον μαθεῖν. καὶ ἕως (φησὶν) ὅψα τὸν υἱὸν τῷ Θεῷ λόγον, τὸν ἀπαθῆ, παθητὸν νεοφανῆ. Vertit ita Xylander: ea aetate Democritus innotuit, Philosophus: qui præter alia docuit, eum, qui velit philosophari, debere omnibus abstinere vitiiis, temperantia studere, omnia recte agere & facere: ita demum licere cognitione eorum, quæ novem literis notata sunt, potiri. Sic (inquit) videbis filium Dei verbum, omnis perpeffionis expert, quod ipsum denovo perpeffionibus obnoxium apparuit. Hic verba illa ἕως ἔστι τὸ ἐννεαγράμματον μαθεῖν, quæ περιφράζει Xylander, aliquid mystici continere videntur, ut postrema illa de filio Dei, denovo perpeffionibus obnoxio, vel a Cedreno, vel aliunde, assuta videntur: quod inter Democriti dogmata fuisse nemo credit, nisi per mirabilem vel
- 33 προφητεῖαν, vel πρόληψιν. * Alludit vero nomen illud ἐννεαγράμματον ad illud naturale corpus, quod, quanquam metaphorico sensu, caput χρυσοποιίας habetur, verbis Sibyllinis expressum: quorum initium est, ἐννεαγράμματ' ἔχω, τετρασύλλαβον εἰμι. τίς με. &c. Novem literas habeo, quatuor syllabas: intellige me. &c. Sunt autem textus versus, & habentur lib. 2. *Carm. Sibyll.* p. 171. editi *Obfopæi*. Aymarus Ranconetus non male exposuit de Arsenico. Norunt enim artis ejus vel tirones, quam venerabile Arsenici, neque sine causa, apud Chymicos nomen sit, sed suo tamen sensu. De hoc τετρασύλλαβον ἐννεαγράμματον egit quoque Olympiodorus, fol. 167. *Cod. Alt.* & Stephanus Philoſophus in πράξει V., qui vocat τῆς σοφωτάτης ἐνορίας τὸ πρόβλημα, & super hoc ænigmate longam commentationem instituit.
- 34 * Discrepat Græcum exemplar in multis a Latina versione Dominici Pizimentii: multa etiam in Græco trajectory & mutilata. Historiola, quam Democritus ipse de se narrat, quomodo Magistrum suum jam mortuum consuluerit, in Græco Codice non suo, ac valde alieno loco, posita est, ut quasi adsuta videatur. In Latina versione plane omissa est. In lectione verborum Græcorum magna est discrepantia iis in fragmentis, quæ passim adducit Lambecius, ut vel inde pateat, multum hic laboris istis esse relictum, qui hos Autores forte aliquando emendaturi sint: & quid de Latina versione judicandum? quæ in his variationibus lectionum sibi constare non potest. Lambecius in illam inclinare sententiam videtur, ut ea, quæ hic Democrito adscribuntur, ejus esse generis dicere malit, quæ a Diogene Laërtio hic nuncupantur τὰ ἐκ τῶν Δημοκρίτου διασκευασμένα, ex Democriti libris composita. * Non contemnendum tamen & hoc ad γνησιότητα probandam argumentum est, quod Zosimo & Synesio aliqua ex his citentur, quem cur Pseudo-Synesium vocet Reinesius, non video: nam Salmasio ille genuinus habetur, cui & testimonium ejus pro antiquitate Democritæ scripti non improbat: ait enim Synesius,
- Democritum

Democritum in Persiam profectum esse, ut ab Ostane artem edoceret: quæ & apud Eusebium in Chronico leguntur, Scaligero suspecta visa; quasi a Panodoro Monacho aut Synello conficta. Cum tamen, ut recte responderet Borrichius, etiam Eusebius ea de Democrito legere potuerit, quæ ante illum Seneca, & Zosimus, & Synesius, qui Eusebio non sunt posteriores. * Quæ enim idonea ratio afferri potest, 36 quod hæ præcipue laciniae de Democrito aliisque Chymicis assutæ sint Chronico Eusebiano, cum tamen Zosimus, quem antiquissimum Scriptorem Chymicorum Conringius habet, & Synesius de illis scribant? qui Synesius etiam Zosimo ipsi ex eo præferendus Borrichio videtur, quod inscripserit Synesius Scholia sua Dioscoro, magno Sacerdoti Serapidos, florente adhuc Serapidos in Ægypto cultu, quod fuit ante Theodosium primum, qui Serapidos fanum evertit.

Sed & ipsis illis Synesii Scholis, frivolis ductus, ut ego existimo, argumentis, 37 litrem movit Reinesius. Quidni enim Synesius, quem annos aliquot juniorem facit Episcopus Cyrenæus, auctor horum scholiorum sit? Primo enim puerilis ille, quem vocat, error de Ostane Democrito, quique illi præcipuum *receptas* argumentum facit, ne error quidem est, neque in dubium vocari debet ob argumenta, tam a Borrichio, quam a me hic adducta. Deinde telum imbellè sine ictu est, cum ita colligit: In toto Opere Synesii, neque in Epistola 57. qua omnem vitæ historiam, genus, familiam, variosque casus describit, ulla sit mentio vel Dioscori, vel hujus artis: ergo falsum est, ejus scripti auctorem esse Synesium. Quasi vero, qui illa sacra tractant, nomen suum omnes furno redeuntes lacuque scire gestiant. Videmus in Villanovani scriptis medicis, in Alberti M. operibus, Chymica omnia ab editoribus secludi, quod stultis quibusdam hominibus etiam ad *receptas* horum scriptorum magnum argumentum est, cum tamen nihil certius sit, ab ipsis esse scripta, sed, dum vixerunt, dissimulata. Ita enim plerumque fieri solet, ut viventes auctores illa celent, nec, nisi paucis quibusdam amicis, scribant: quæ post mortem editores, ne scilicet contagium aliquot cetera, ab iis scripta, trahant, omittunt, vel etiam ut *μυσώτερα* seponunt. Non desunt tamen aliqua hujus artis vestigia in Epistolis Synesii, ut in epistola 142. ad Herculeanum, cui quædam propalata Philosophiæ mytheria exprobrat. Extat & in Gallica & nuper in Germanica lingua, tractatus, nomen Synesii Abbatis præpositum habens, quique e Cæsarea Bibliotheca editus fuerit. Sed Lambecius nullum alium Abbatem, quam hunc Episcopum, novit, ac præterea ille tractatus plane alius videtur. Epistola vero ad Dioscorum a nondum Christiano scripta videtur, quod ex inscriptione colligit Lambecius.

De *Zosimi scriptis Chemicis*, quæ non Salmasius, ac ne ipse quidem Conringius 38 in dubium vocat, Reinesius tamen scrupulos aliquos iniecit. Dicit, non omnes illi libros adscribi posse, quia in illis mentio quorundam simplicium fiat, quæ veteribus Græcis ignota, & a Persis & Arabibus demum inventa, ut *Βελιλέν, Νάτσο, Θένα-καρ, Τόδια, Τάλλ, Χάλλ* &c. Unde colligit, demum post Persarum & Arabum tempora, 900. annis circiter a nato Christo, cum Græci artem perditam a Persis & Arabibus reducere in Græciam vellent, hos libros esse scriptos: quod si attendisset

39 Salmasius, caput illud *περὶ ποιήσεως χαλκῆς ζωνῆς*, quod in Codice Altenburgensi *ἐὰν τὸ Ἰνδικὸν σιδήρεον* inscribitur, Zosimo non adscriptisset. * Verum unde novit Reinesius, illa simplicium nomina Græcis fuisse ignota ante hæc tempora? Metallica illa pleraque nomina sunt, de quibus Græcorum Medici vulgares parum solliciti: Unde novit, a Persis & Arabibus illa esse profecta? In studiis peregrinis peregrinæ etiam voces frequentari solent. Quomodo tempus perditæ & recuperatæ apud Græcos artis definit? Quomodo caput unum ex toto libro alii auctori adscriberet Salmasius? Nam quod illic allegatur Zosimi nomen, non insolitum in illis libris est, quorum celari auctores solent. Ne quid dicam de glossis marginalibus, quæ in textum ipsum librariorum culpa transire solent. Majoris momenti obiectio illa est, quod capitulo hujus libri, quod *ἐὰν σμαράγδον* inscribitur, ac Zosimo Salmasius tribuit, Arabici & Muhammedici Philosophi *σεφοὶ Ἰσµηλιτῶν* laudantur: unde appareat, non veteris Zosimi, sed junioris alicujus Opus esse: Cum Saraceni primum A. C. 640. Ægyptum subjugarint, ac per Caliphas suos 600. annis sub imperio tenuerint, urbemque opulentam Alcair circa A. C. 970. ædificarent. Hi Medicinam, Astronomiam, Chymiam, postquam Persicas opes omnes in se derivarunt, multis impensis, magnaque industria excoluerunt: præcipue illi potentissimi Dynastæ, *Almansor, Hazon, Raschydur, Alaminur, & Almaimon*, ipsi doctissimi, quique doctos viros e Judæis, Christianis, omnibusque gentibus evocarunt, Græcorumque libros præcipuos in Arabicam linguam converteri curarunt: ut florent tum in Ægypto omnes doctrinæ, cum crassissima barbaries Græciam, Italiam, Galliam, Germaniam obsideret. Neque tamen tunc perditæ apud Græcos Chymica studia, ut forte Reinesius existimat, fuerunt: sed, quod in Germania, Italia, Gallia vidimus, sub ipsa barbarie clanculum illa disseminata. Neque enim ex eo, quod scriptores deficiunt, artis interitus inferri debet, quæ ab antiquissimis temporibus, non scriptis, sed potius per institutionem vivi præceptoris, propagata fuit. Latuerunt illa in monasteriis apud Christianos studia, unde, si qua in publicum prodierunt scripta, ut sane non pauca etiamnum ex iis supersunt, ob barbariem & impolitiam dictionis contempta fuerunt. Verum, ut ad objectionem Reinesianam revertamur, non illa adeo firmo talo stat, quin elidi possit. Illud Ismaëli-tarum nomen non tum demum, sed dudum ante illa tempora, usurpatum; nam & Hieronymus in vita Malchi Ismaëli-tarum Arabum meminit. Et vero de Arabum veterum peritia in secretis doctrinis res notissima est. Fuisseque apud illos Magorum nomen prius, quam apud Persas auditum, Conringius *de Antiq. Acad. in Suppl. 5.* testatur. Unde vero certissimis documentis ostender Reinesius, scriptorem hos tantum Ægyptios Sophos, non alios intellexisse? Cum ergo in conjecturis tantum vis argumenti subsistat, nil facit ad infringendam hujus scripti *γνησιότητα*. Neque possunt speciales illi Zosimi, qui de variis metallicis agunt, tractatus adeo discerpi, ut variis auctoribus assignentur. Ideo enim vel maxime Oecumenici nomen obtinuit, quod ad varios artis hujus recessus se diffuderit: quemadmodum ille titulus primum Hermeti, deinde Johanni Sacerdoti, tum Democrito, & Stephano ab Anonymo, in libro de ratione dealbandi, tribuitur.

Fuit

Fuit ergo horum librorum scriptor Zosimus, ex Reinesii sententia, Com-
mes & Exadvocatus Fisci, & Historicus, qui Theodosiorum tempore vixit;
ut Borrichius vero opinatur, ætatem Constantini M. longe superat. Reinesii
vero sententia vel ex eo rejicienda est, quod historiae scriptor Ethnicus, hic
vero Christianus sit, quem antea Philosophum Alexandrinum dixerat, quem a
ceteris ejus nominis distinguere Suidas videtur. Et Pelagius, qui Zosimum
citatur, vocat τὸν ἀρχαῖον Ζώσιμον. Magnam hic disputationi de Christianismo
Zosimi anam præber Photius, qui Cod. 98. in recensione Historiæ Zosimi, il-
lum paganorum religionem secutum ait; & in recensione codicis 170. libro-
rum sc. 15. quibus proponuntur ab Anonymo testimonia de Christiana reli-
gione e gentium scriptis, tum Autorem ἀπὸ τῶν χημειτικῶν Ζώσιμος λόγων (e
frigidis Zosimi libris, vertit Andreas Schottus) multa delumisse ait. Hic vero in-
telliguntur nulli alii Zosimi libri, quam χημειτικοὶ λόγοι, Chymici sermones:
de quibus Suidas. Male enim vertit illa Schottus, quæ non intellexit, & vi-
tiosa apud Photium lectio est. * Ex eo tamen apparet, Zosimum τῶν χημει-
τικῶν autorem & historiarum pro uno eodemque Photio habitum esse: nisi
forte & ille in eo erraverit. Lambecius, ut hæc conciliet, ait, Platonicis Phi-
losophis, χημιστικῶν arti deditis, in multis convenisse cum Christianis. Sed
ista frigida conciliatio dubium omne non tollit. Ego tamen in illa persevero
sententia, ut hunc Zosimum Chymicum Alexandrinum a Thebano Panopolita
distinguendum existimem. * Anonymum vero illum, cujus codicem recensuit
Photius, eo quoque Chymicæ arti addictum fuisse existimaverim, & hujus du-
cti præcipue ad illa de Christiana e Gentilibus religione testimonia colligen-
da impulsus fuisse: quæ Photius, ut hujus rei omnino ignarus, pro fabulis
& superstitiosis habuit. Nam & hodie sunt, qui τύπων rerum divinarum in
his naturæ mysteriis quærunt. Fuere in his libris, Photio memorante, testi-
monia locaque integrorum etiam librorum, non modo Græca, verum etiam
Persica, Thracica, Ægyptia, Babylonica, Chaldaica, quin & Italica, ex iis, qui
apud singulas harum gentium doctrina clari haberentur. Qui liber, si hodie
extaret, cum magno rei Christianæ fructu legeretur. * Ille tamen Zosimus,
quicunque tandem fuerit, quod in ipso reprehendit Reinesius, superstitionibus
Ægyptiacis & Platonicis speculationibus supra modum fuit deditus, & multa
prophetica in Sacro Codice loca ad miseram hanc artem, ut vocat Reinesius,
applicuit. Sed illa nunc quidem excutienda non sumam; neque quivis ido-
neus, ut opinor, de iis judex erit, quæ superstitiones & fabulæ, quæ vero
pro mysteriis habenda; cum externa species in his rebus minus exercitatum
facile fallat; Reinesius tamen miseram artem vocat, quam divinam & sanctam
omnes, quotquot sunt veri ejus possessores, dicunt: quæque si illa, quæ dicuntur,
præstiterit, (nam omnium gentium historicam fidem labefactare extremæ impuden-
tiæ res esset) illo titulo merito appellanda est. Quare non tam superstitionis, quam
obsconditiæ pietatis argumentum est eorum, qui arcanis rerum naturalium, quasi typis
quibus-

vocat, quem veluti Censorem constituerit Hierocles, non civilis sapientiæ omnino rudem, qui legationibus Romanis clarus, ac barbaras gentes Romano imperio adjunxerit; unde maximos sibi magistratus acquisiverit. Quibus postremis verbis Photio ad Hiltoriarum libros Olympiodori, Cod. 80. recensitos, respicere, non absurda conjectura existimat Lambecius; cum & tempora ipsa respondeant, & ipse Olympiodorus illic se legatum ad Hunnos missum scribat. Verum plane alia in sententia est Borrichius, qui Philosophum Alexandrinum Chemicum alium a Thebano illo facit. Illum esse Christianum ait; hunc Ethnicum; nam gentili religioni addictum vocat Phorius; sed Chymicum illum Christianum esse, loco ex ejus scriptis adducto, probat Borrichius: quem ante Constantini M. tempora vixisse, non contemnendis suspicionibus ostendit.

Nihil ergo certi definiri potest, quo tempore vixerit Olympiodorus. Certum tamen est, non vixisse extremis Græciæ temporibus, quod volebat Salmasius: post Zosimum tamen, Chymicum scilicet illum. * Nam, quod attinet ad illum locum, quem Philippus Labbeus, notis ad Eclogas Photii de Olympiodoro, quæ Corpori Historiæ Byzantinæ insertæ sunt, e Zosimi historiarum libro 5. profert, quo Zosimus Olympiodori historiam citat, is satis bene expediri potest. Locutus ita habet, Leunclavio interprete: *Hinc ad Ravennam (ea metropolis est Flaminie, præcæ sane civitas, colonia Theſſalorum, Rbone dicta, quod eam aque ab omni parte circumfluant; non autem propterea, velut Olympiodorus ille Thebanus ait, quod Remus, Romuli frater, hujus urbis conditor fuerit: hoc enim Quadrato relinquere debuerat, qui de hac urbe in historia Imperatoris Marci id commemoravit) ad Ravennam igitur hanc &c.* Non probo Lambecii sententiam, qui non solvit hunc nodum, sed Alexandri gladio secat. Operose enim probare nititur, totam hanc parenthesin scholion esse anonymi cujusdam Grammatici, ideoque delendum. Non opus, me quidem judice, tanto apparatu erat; & frustra hic in simpulo fluctus movere Lambecius. Quare enim Zosimus Olympiodorum testem vocare non possit, qui eodem tempore vixerit & scripserit? Nam sane Olympiodori librum legere vivus Zosimus potuit, atque ex eo quædam adducere; quod ab aliis sæpe factum vidimus.

Quæ Cleopatra tribuuntur, ars auri faciendi, ænigmaticis characteribus scripta, & de ponderibus & mensuris excerpta, incertæ fidei visa sunt: cetera libri hujus postremi e Geoponicorum veterum libro descripta: extremum ejus schediasmaticis a recentiori aliquo Græculo assutum; ut ostendunt voculae illæ μέδης, κέμυλος, quas verus Græcia ignorat. Stephanus tamen Cleopatras cum Oſtane colloquium adducit: quæ per temporum rationem consistere non possunt; nisi forte quemvis alium ejus nominis, quam Oſtanem, vel primum, vel secundum, fingamus, aut forte. Oſtanes secundus arte sua tam longævum se fecerit. Extrat tamen in Regia Bibliotheca Parisiensi liber Comarii Philosophi Sacerdotis, qui docuit Cleopatram divinam artem. De quo nihil omnino dicere possumus, genuinus, an suppositicius liber sit. Similis farinae sunt, quas e Bibliotheca Goldasti in insigne Priapejorum suorum

ornamentum, dignissimum fane hac parella operculum, Scioppius producit; Cleopatrae, Antonii, & Q. Sorani Medici epistolae mutuae, quibus de libidine Cleopatrae, eaque per artem medicam frenanda, agitur. Franciscus Philelphus *lib. 6. Epist. ad Philippum Medicum*, easdem subinnuere epistolas videtur, cum scribit: *Memini, cum nuper esses Mediolani, vidisse apud te vetustissimum quendam codicem, qui Medicorum plurimum scripta complecteretur, ut Cornelii Celsi, & utriusque Sorani, & Apulei & Democriti, & quarundam etiam mulierum.* Extat & Heraclii Imperatoris epistola, qua ad Sophoclem, vel Saphoclem Philosophum scribit pro expositione libri inventi ad caput Cleopatrae Reginae in suo sepulchro. Haec enim elegans est Epistolae inscriptio, ab homine barbaro fortassis addita; ac responderi illi Sophocles Sophista, characteres occultae scripturae interpretans de fecunditate paranda; nisi fefellerit Heraclium Chemicos Characteres de rebus vulgaribus exponens; modo vera sint, quae in epistola illa scribuntur. Haber & Morisotus *Cent. 1. Epist. 34.* illas epistolas, qui tamen alias hic affert explanationes. Antonii epistolae adeo nihil ætatis illius sapiunt: Commendat tamen Scioppius, neque invidere tam egregium *κεμήδον* viris doctis voluit, *Fictitiorum licet sint illa;* ait, autorum, multum tamen facere ad veterum quorundam loca intelligenda, Petronii, Martialis & aliorum, domi doctus, didici. Ille scilicet magister didici, discant jam virtutem ex illo pueri verumque laborem.

- 51 Extat in codice Altenburgensi amplius Michaelis Pselli, notissimi Philosophi, qui A. C. 1080. vixit, epistola ad Patriarcham Xiphilinum de eodem argumento, quæ in Latinam linguam conversa extat. Fuit vir doctissimus Psellus, ejusque multa sunt *ἀνέκδοτα*, notavitque in Bibliothecis passim latitantia Possevinus. Illum reconditis artibus fuisse deditum, arguit liber ejus de Dæmonibus, quem cum commentario doctissimo edidit Gaulminus. * Sunt porro in codice Altenb. Agathodæmonis & Hermetis Trismegisti fragmenta, Philippi cujusdam tinctura æris Perfici, quem Lambecius existimat Chrysostomi presbyterum, Moysis Prophetae & Legislatoris Judæorum scriptum supposititium. Non enim negari potest, imposturas etiam in hoc argumento fuisse, ut autores celebres & antiqui scriptis lucri causa præponerentur: Quod, notante Reinesio, tum frequentatum maxime fuit, cum inter Reges Ægypti, Alexandriae & Pergami, studium & æmulatio conquerendorum librorum maxime ferveret. Cum enim antiquorum scripta præ aliis expeterentur, eorum nominibus librarii abusi fuerunt, ut eo carius venderent: quod & Galenus sibi vivo accidisse conqueritur.

- 53 Anonymi plures sunt tum in codice Altenburgensi, tum Vindobonensi & Parisiensi, ut, de aqua divina dealbationis Anonymi Christiani experimenta Chymica; Anonymi Christiani varia capita Chymica: Anonymi capita duo de aqua divina. Anonymi Christiani Mylteria Chymica: Anonymi veteris arcana duo Chymica: Anonymi varia secreta Chymica: Anonymi Christiani liber Chymicus ad Sergium de aqua divina. Ubi notandum est, nulla scripta magis esse mutilata, quam quæ de divina aqua agunt, cum illa inter *μυσικάτα* hujus artis sit. In Parisiensi codice, quæ notavit Labbeus in Nova Bibliotheca MSto-
rum

rum librorum, hæc sunt. In codice Altenburgensi non exstantia sunt: Comarii de Lap. Phil. ad Cleopatram: Orphei fragmenta quædam: Cosmæ Hieromonachi de Chrysopoeia: Nicephori Blemmidæ de auro conficiendo: Petri Theodorici de methodo alchymiae: Joannis Archifacerdotis liber; Sopharis in Perside Tractatus; Platonis, Aristotelis, Porphyrii, Claudiani, Sergii libelli. * Eos libros 54 omnes edere in animo habuit Leo Allatius, una cum suis ea de re tractatulis, referente Labbeo, votumque hoc addente: *Utinam tandem aliquando, tam sæpe promissus, tandiu expectatus, nobilissimus tanti viri fatus faventem sentiat alicubi Lucinam!* Lexicon quoque Chymicum codici Altenburgensi additur, sed recentius, ante 170. circiter annos scriptum, in quo multa corrupta & confusa. Sed de his omnibus scriptis ita Labbeus part. 4. MStorum, p. 129. *Eorum operum pleraque perierunt, nonnulla adhuc tum blattis sineisque in situ ac pulvere luctantur in veteribus membranis Francicæ Italicarumque Bibliothecarum, quemadmodum de Parisiensibus ipsi nos oculati testes sumus.* Hoc est, quod Heraclitus & Theophrastus dixerunt, per αἰτίαν, arrogantiam & contemptum multas res præclaras ignorari. * Annon satius esset, his po- 55 tius naturæ thesauris operam impendere, quam rebus frivolis? Justa hæc est Borrichii querela: *Si mediam partem illius temporis, quod Solino impendit Salmasius, scriptori in luribus fabuloso, ut quo sine jactura insigni carere res literaria potuit, impendisset restituendis mendandisque Chemicis antiquis Græcis; si Scioppius bonas horas Priapejis corrigendis inemptas; si alii otium, quod in nequitias Martialis Petronique expiscandis collocavere, huc vertissent, jam Græca illa Chemicorum dictio venusta & a maculis libera facie orbem eruditum illustraret.* Vellem ego hunc laborem nunc susciperet ipse πολυμαθίστατος Borrichius, vel, qui nuper præclaro aliquo specimine præluserat, Jacobus Tollius, non aaria tantum doctrina, sed & ipsis Chemicæ experimentis spectatus. (cc)

Longum ac propemodum infinitum esset, si ejus generis Scriptores recen- 56 ores hic recenseremus. De multis in dissertatione peculiari egi, quæ super hoc gumento legi potest. Vidi apud amicum ultra 1500. Autores vereres & centiores. Extant in Bibliotheca Isaaci Vossii multa ejus argumenti. In bibliotheca Cæsarea libri Chymici a Lullio scripti αὐτὸδοτοῖς ultra C. latitant. Rogeri Baconis in Bibliothecis Franciscanis per Angliam multi αὐτὸδοτοῖς Chymici & mathematici, teste Antonio Wood in *Hist. Acad. Oxon.* incomparabili naturalis scientiæ damno perierunt. * Rabbiorum antiquorum magnum in his 57 bus studium fuit, quorum præclara monumenta Illustris Cabalæ denudatæ itor, vir in omni non civili tantum doctrina, quam non in umbra, sed in e ipsa consiliis & actionibus profitetur; sed & humaniori & solidissima rerum naturalium scientia subactus & exercitatissimus nuper publicavit. Venit & ad nus meas, Collegæ honoratissimi, I. L. Hannemanni, beneficio, *Mezabab Epistola de variis*

(cc) Poëtarum Græcorum Chymicorum Editionem, & Ol. Borrichius (narrante Thoma Bartholino in *Diff. de Medicis Poëtis* p. 102.) & Jac. Tollius (*testibus Per. Bælii Novellis Reip. Liter. M. Nov. A. 1698. p. 1279.*) est molitur, neuter autem, ob fata immatura, in lucem proferre potuit.

variis auri generibus, ex sensu artis scripta. (dd) Imaginum Hieroglyphicarum, per varia Orbis Europæi monasteria, templa, magna est copia. Et quis hæc omnia aliquot pagellis percenseat? Erit fortassis plenior alibi de his dicendi locus.

C A P. XII.

DE EO,

QVOD IN DISCIPLINIS DIVINUM EST,
EXCURSUS.

- §. 1. Occasio hujus excursus. 2. In Methodo ipsa discendi aliquid *Θέσεν*. 3. Singularis ars *ἀνομήθεος*, ab Agrippa proposita. 4. Periodi artium & inventorum. 5. Τὸ *Θέσεν* in literis, 6. nominibus. 7. Linguarum concentus. 8. Lingua peregrine hominum, spiritu obsecrorum. 9. Τὸ *Θέσεν* oratorum. 10. Singularis impetus. 11. Exemplum Franciscani. 12. Furor Poëtarum. 13. Poëte illiterati & extemporalis memorabilia exempla. 14. Divinum in Musica & Poësi. 15. 16. Τὸ *Θέσεν* in Philosophia, Physicis. 17. Ad res vilissimas cæcissimas. 18. Principium aliquod in natura *ἀγνώστων*. 19. Τὸ *Θέσεν* in Numeris. 20. 21. Vaticinatio per numerum Septennarium. 22. *Θέσεν* in Geometria. 23. Optica. 24. In singulis disciplinis quedam *θαυμάσια*. 25. Dei reservata. 26. Prænotio futurorum. 27. Arcanum Physicum, & cognitio temporum. 28. Τὸ *Θέσεν* in Medicina, Medicis & morbis. 29. Τὸ *Θέσεν* in Moralibus. 30. Virtus Heroica. 31. Impulsus divini. 32. Τὸ *Θέσεν* in Politicis, in Rebus publicis. 33. Fata imperiorum. 34. Principium miracula. 35. Dei directio circa eorum actiones, variosque casus. 36. Τὸ *Θέσεν* Geographicum in detegendis regionibus. 37. Τὸ *Θέσεν* Historia. 38. Providentia divina speculum.

Cum

- (dd) Circa *Mezabab* ætatem, nimius Chymiz Amor (uti P. II. *Isagoges ad Hist. Cimbr.* c. 5. §. 2. p. 66. jam est monitum) Morhofio imposuit. Scriptor enim iste *Epistola de Auro Potabili* *Ψευδάωυμος*, larvam Nominis Proprii *Mezabab* (& Cognomini suo atinis, & Argumento *Epistolæ*, si Etymon species Hebræarum, congrui) e Gen. XXXVI. 39. mutuatus, non Rabbini fuit Antiquus, sed Medicus nostræ ætatis Judæus, *Benjamin Müssaphia*, Med. D. & Practicus Hamburgensis, Glückstädienſis atque Amstelodamenſis, A. 1674. at 69. defunctus. Is *Epistolam* hanc Hebræo-Latinam (qua Veteribus Hebræis, ævique sequioris Rabbiniſ, Auri Potabilis cognitionem, & Chymiz arcanioris peritiam, e S. Lit. aliisque gentis suæ monumentis, asserere conatur), scortim initio, sub larva ista, deinde autem, vero nomine præfixo, una cum *Sequentiis Sacro-Medicis*, ex *oro V. T. collectis*, Hamburgi A. 1640. at 8vo edidit. Solus Textus ejusdem Latinus, proluxo & verboso Joh. Lud. Hannemannii oneratus Commentario, hujus Ovo, quod vocat, *Hermetico-Paracelsico-Trimegisto*, sive *Tractatui de Auro*, Francof. A. 1694. in 8vo excuso, est præfixus, adjecta etiam Appendice pro Loco hoc Morhofiano Apolegetica, sed tali, quæ nihil solidi affert, ac proinde, in re præsertim adeo manifestâ, responsum hæud meretur.

Cum hæc scriberemus de Philosophiæ mysteriis, celebrabamus ejus diei in Ecclesia anniversaria sacra, quo supremus omnis sapientiæ dispensator, optimus maximus artium Magister Spiritus S. ut semper per totum terrarum orbem opes suas disseminavit, ita tunc visibili specie universas in Apostolos effudit. Unde in sacram hanc meditationem abrepti sumus: ut nulla est, quæ non ex hoc fonte inexhausto promanat scientia, ita nullam esse ex toto disciplinarum orbe, quæ non divinum illum characterem circumferat. Quare τὸ θεῖον, quod in disciplinis est, ἀνεξέλεμα hoc loco non indignum, hic proponemus. (cc) Nemo paulum sagacior est, cui illud non suboleat; qui non suspicione saltem & conjectura aliqua attingat. Scilicet, ut vulpes in fabulis, scientias tractamus. Illa pulterem, vitro inclusam, cum ligurare non posset, superficiem tamen lambit. Pellucet illud, quod in scientiis divinum est: sed quoniam in superficie semper hæremus; quoniam inani illo ac vitreo opinionum splendore nos oblectamus, nunquam pectus saturamus, nunquam ad fundum rerum penetrare possumus. Nimis immergi sumus nobis ipsis & turbæ opinionum variarum. Quod si animum paululum in se revocaremus, Deoque permitteremus, & simplicissimos naturæ intueremur progressus, expeditior esset ad veritatem via, & divinæ menti nostram arctius jungeremur.

In ipso illo τῆς ἐπισήμης τρέπω, in rerum apprehensione, quæ non divina sæpe animadvertimus vestigia! Sunt, qui fulminea ingenii vi omnia perrumpunt, quorum animus in specula positus uno quasi intuitu omnia simul comprehendit: quasi non sensuum ministerio, non Syllogismorum apparatu ad intelligendas res indigerent, sed geniorum instar omnia pervaderent quasi & absorberent. Ita quæ tardius assequuntur alii, longisque præceptionibus circumducti, illi quasi volatu uno transmittunt, omniaque præcipere ipsi videntur. Vidimus ad certas disciplinas quosdam quasi divinitus incitatos, ea in his confecisse spatia, ut in prodigium illa res traheretur. Fuere ad varias artes liberales, mechanicas, statuariam, graphicam, poësin, mathesin, chirurgiam, quasi a natura facti: ut nullis usi doctoribus, ipsi alias simplices, plebeji rustici, non raro etiam oculorum ac linguæ usu destituti, ipsos in illis rebus artifices superarent. Quin & vaticinandi quibusdam instinctum adeo efficacem fuisse accepimus, ut mera oracula fundere viderentur: quæ omnia potestatem humana majorem & τὸ θεῖον in ipsa etiam discendi methodo declarant. * Testatur quidem alicubi Cornelius Agrippa: esse artem quandam, sed paucissimis cognitam, ita informandi, exornandi & illustrandi fidem & purum hominis animum, ut ex ignorantie tenebris repente ad sapientiæ & doctrinarum lumen euebatur: e contrario vero aliam facultatem immundos atque incredulos, reconditis quibusdam arcanis, eodem sapientiæ & doctrinarum dono rursus exuendi, & pristina sue ignorantia restituendi. Quam si ille

(cc) Παρεκκείναι hæc de τῷ Θεῷ in Scientiis singulis, Festo Pentecostes A. 1687, Kilonii, peculiari Programmate Academico, publico nomine conscripto, ab Autore est proposita, & inde, verbis jisdem, huc translata.

ille alios artem docere potuisset, magnus ille nobis Apollo fuisset. Nos eam rectius ab ipso illo artium omnium Parente Panopho, Sancto Spiritu, qui super Apostolorum capita se effudit, veri illo Duce ἀκουαδῆς & δεδιδάκτο, didicerimus.

- 4 * Cui non deprehenduntur certæ in artibus inventis periodi & revolutiones? Nostra secula divinum Typographiæ beneficium habuerunt, quod ab omni ævo fatali quodam sigillo absconditum fuit. Illa pulveris pyrii ars quoque nunc in lucem prodiit, quasi orbis extremo incendio præluderet.

- 5 Veniamus ad ipsas artes & scientias, & quid in illis θεῶν videri possit, rimemur.

Confideamus primum in puerorum subfelliis, atque inter ipsos ἀναλφάβητες nos teneamus, ibique literas syllabasque aucupemur. Magnus in his miraculum est. Quot habemus artes, disciplinas, volumina, ex paucis his elementis nata omnia videmus. Est præterea philosophia quædam Alphabetaria, quæ non pueros, sed magnos profecto doctores exerceat. Notas literarum, singulis gentibus familiares, videamus, scribendi rationem modumque perpendamus; & primas illis animi, indolis, ideas impressas deprehendemus. Ac optandum sane esset, omnium populorum nobis characteres fuisse servatos: ita vel ex eorum collatione mutua multa abstrusa investigaremus. Quemadmodum ex punctis, lineis, circulis omnis producit quantitas, atque ipsa corporum habitudo in iis fundatur: ita ex his characteribus, eorum simplicitate, positu, ductu, animi quædam indoles, et convenientia quædam quasi migrationes elucet. Prima mentis porta verbum & scriptura est, qua se in aurium oculorumque sensus ingerit. In ipsis literis divinum quid latere vel ex eo agnoscimus, quod accessione literæ Ἡε Abramo divina virtus inspirata videbatur.

- 6 * Quanta sunt in nomine Tetragrammato mysteria! quæ integris libris non evolvunt Cabalistæ. Multa de sacris nominibus Judæi nobis narrant, quibus mirificam illi potentiam tribuunt. Ipse Dei Filius, æternus ille λόγος, verbi nomine vocatur, de quo Reuchlinus mira e Cabalisticis libris nos docet. Quanta Cabalæ illius literariæ mysteria sint, ii norunt, qui sacris illis sunt initiati: quibus magna volumina quidam impleverunt. Longa est Jamblichi in libro de mysteriis Ægyptiorum, sect. 7. c. 4. & 5. de divinis nominibus, eorum significationibus, disputatio. Mentionem facit Jacobus Sponius in accuratissimo suo Itinerario lib. 2. pag. 53. cujusdam Ægyptii Check-Bowii, qui de Virtute verbi divini & humani mirabilem librum scripserit, in quo per varias linearum vocumque figuras, perque literarum μεταθεσιν multa curiosa deducat. Sunt, qui e nominibus & literarum numeris ita vaticinantur, ut raro fallant. Notarunt nonnulli infaustorum nominum impositione fortunam hominum labefactari, eorum immutatione quoque immutari. Quidam e tetricis nominibus, quos reos criminis suspicari sunt, tales quæstione institura deprehenderunt. Ne quid de iis dicamus, qui verbis morbos curant, Salutatores dicti. Quæ omnia cum ad superstitionem spectare videantur, procul ab his sacris abesse jubemus.
- 7 * Mirabilis est ille linguarum diversarum concentus, per quas sparsa primæ linguæ vestigia, ut θεῶν aliquid, non vana hariolatione venari possumus.
- 8 * Vidimus spiritu aliquo agitato ignotas sibi linguas loqui: quod quam Huartus ad singulare temperamentum; alii ad morbum melancholicum;

Pom-

Pomponatius, ne quid potentiae ultra naturam debere videatur, more suo, in libro de Incantat. ad siderum influxus refert; absurda tamen illa & παράδοξα sunt, cum impurus ille & κακόζηλος Spiritus in illis hominibus agat, quod in Apostolis Spiritus Sanctus, qui omnibus linguis τὰ μεγαλεία τοῦ Θεοῦ depraedicabant. In illis aliquid δαιμόνιον, ut in his θεῶν fuit.

E Grammaticorum Ludo ad Oratores transeamus. Quis non in illis aliquid divini agnoscat? Neque enim artem hanc e Sophistarum palæstris natam existimemus. Majus quid in illa elucet, erectum, gloriosum, quod ipsos animos expugnet, praeclarumque rebus divinis suppeditet instrumentum. Non sunt e Magistris hominibus aestimandae artes: divinae illae sunt, aeternae, atque ex eodem fonte derivatae, unde olim in Apostolorum animos effundebantur: etsi haec omnibus numeris absolutae. Praecepta, quae a Magistris successu seculorum congesta sunt, veritati & naturae conformia, hos natales loquuntur. Quare ad divinos usus adhibeamus, quae divina sunt, & quae e veritatis quasi utero obstetricias manus admoventes Magistri in lucem proutere. * Verum illud eloquentiae ὕψος in spiritu & impetu est. 10 Agnovit hoc e genilibus Philosophis Seneca, qui in libro de tranquillitate cap. ult. Non potest grande aliquid & supra ceteros loqui, nisi mota mens. Cum vulgaria & solita contemnit, instinctuque sacro surrexit excelsior; tunc demum aliquid cecinit grandius ore mortali. Non potest sublime quicquam & in arduo positum contingere, quam diu apud se est. Desciscat oportet a solito, & efferratur, & mordeat frenos, & rectorem rapiat suum, eoque ferat, quo per se timuisset ascendere. Hoc est illud in oratione, quod Aristides vocat τὸ ὕψος: λόγων αὐτῇ πηγὴ μία, τὸ ὡς ἀληθῶς ἰσθὲν καὶ θεῶν πῦρ, τὸ ἐκ Διὸς εἶναι. Hippocrates, cui Deus ipse τὸ θερμὸν αἰθάναντων, illud, quod in homine ἡγεμονικὸν est, vocat τὸ θερλέτατον καὶ ἰχυρότατον πῦρ. Cicero sic Latine exprimit: Nulla me ingenii, sed magna vis animi inflummat, ut me ipse non teneam. Istud in Joanne θερμὸν, istud Θεῶν πῦρ antiqui Theologi observarunt: quibus ille υἱὸς Θεοῦ ἦς, Θεοτόκος & Θεοτόκος, ob incomparabilem & sublimem eloquentiam, dictus fuit. Ex hoc impetu visi sunt Oratores, citra ullam meditationem, ad dicendum profligare, in extremis periculis, in Reipublicae necessitatibus. Vidimus Oratores sacros, divino quasi spiritu ductos, extemporali eloquentia plus praestitisse, quam elaboratis orationibus alios. * Talem nobis Franciscanum illum Erasmus lib. 14. Epist. 15. depingit, 11 cujus memorabile exemplum ab omnibus legi meretur. Rogatus, inquit Erasmus, a me familiariter, quibus modis prepararet animum suum iturus ad concionandum: Respondit, se solitum in manus sumere Paulum, & in ejus lectione tam diu comiorari, donec sentiret incallescere pedus. Illic habebat ardens igneas ad Deum preces, donec admoneretur esse tempus incipiendi. Numquam septies concionabatur uno die, nec unquam illi decrat sermonis eruditi copia. Dignissima lectu est tota haec de illo viro Epistola, quae ideam prudentis pique Theologi in ejus vita depingit. Miraculum aliquod istius temporis dixeris.

Potius qui non humana, sed Deorum lingua, loqui dixit, aliquid homine majus 12 in illis agnovit: scilicet τὸ Θεῶν, quod adeo in his studiis dominatur, ut sine εὐθεσίᾳ

σμῶ illa jaceant frigeantque: quare & Vates dicuntur, seque ipsos ἐνθουσιαζομένους profitentur. Quis non de furore Poëtarum tam apud Poëtas ipsos, quam alios legit? Sed illum divinum nominabat Plato, suntque, qui peculiaribus ea de re libris agunt. Divinus ille maxime furor, cum in hymnos divinos fertur. Plato in Dialogo, qui inscribitur Ἰων sive περὶ Ἰωνίου, Poësin omnem ab inspiratione esse contendit. ὁ θεὸς, inquit, αὐτὸς ἐστὶν ὁ λέγων, διὰ τέτων δὲ φέγγεται πρὸς ἡμᾶς. Deus ipse est, qui per illos loquitur, & nos inclamat. Et ibidem: ἐν τέτῳ γὰρ δὲ μάλιστα δοκεῖ ὁ θεὸς ἐνδείχασθαι ἡμῖν, ἵνα μὴ διαλέσωμεν, ὅτι ἐκ ἀνθρώπων ἐστὶ. In hoc maxime Deus splendisse videtur, nobis disputandum non esse, quia divina potius, quam humana sunt hæc poemata. Hoc, inquit, Deus eo indicare voluit, cum de industria per ineptissimum poetam pulcherrimam cecinit melodiam. Quare non inepte hic Plato annulorum magnetis contactu coherentium exemplo hunc, a divino spiritu per alios

- 13 poëtas propagatum, afflatum nobis ob oculos posuit. * Memorabile in homine rustico Italo exemplum ætas nostra tulit, qui nullis præceptis imbutus, cum legeret Torquati Tassii carmina, quasi spiritu quodam afflatus elegantissima sine mora fudit carmina, quæ vel ipsos artifices in pudorem conjicerent. Joannes Dominicus Perus ille vocabatur, qui nullis promissis, utur amplissimis, a Principibus permoveri potuit, ut rusticis sordibus relictis in aulas & urbes concederet: beneficiis tamen plurimis affectus a multis fuit. Vivis illum coloribus J. N. Erythræus describit *Pinacothec. II. n. 27.* Vidit Patavina cathedra ante non multos annos Fr. Macedum, Virum omnibus doctrinis & scientiis consummatum, ex tempore de argumentis propositis Latina recitantem Carmina, eaque elegantissima, atque omni apparatu poetico instructa: quæ cultissimi alii Poëtae longa meditatione vix extunderent. * Poësi affinis est Musica, quæ sonos moderatur, affectus incutit, inculos mulcet, animosque, quo vult, rapit. Est sane in sonis aliquid θεῖον, ut ad illorum contemperationem, mirabilem sane & mysteriis plenam, totius universi mensuram veteres Philosophi inierint: quos ubi numeris suis Poëta scire & recte illigaverit, pene ad Orphica miracula patranda aptum dixeris. De divino illo, quod in Musica est, præclare Jamblich. *Libr. de Mysteriis Egypt. sect. 3. c. 9.* philosophatur.

- 15 *Philosophia*, quæ in contemplatione rerum consistit, eo ipso nomine divini quid inferre videtur: quid enim est θεωρεῖν, nisi a sensibilibus animum ad τὰ ἀόρατα ad-
 16 ducere? * Hic principem locum naturalis philosophia tenet; in qua omnia a sublimiore principio arcessenda sunt, quam vulgo fit. Pecora sunt & fungi, qui in naturæ operibus ubique præsentem DEI manum non sentiunt. Stupida est atque iners natura, si ab illo discesserit. Nullo vinculo illa continetur, nisi ille nodos strinxerit. Quod cum agnoscerent gentium Philosophi & Poëtae, qui Jovis omnia plena aiebant; quis credat, nunc reperiri homines, qui rectore destitutam sibi ipsi hanc machinam permittant? Plus est miraculorum in natura, quam vulgo credimus.
 17 Quo oculos vertimus, quo pedem movemus, in illa incurrimus. * Vel in minimo inspecto divinam manum deprehendimus. Omnis illa corporum membrorumque

compositio, illa universi omniumque animalium admirabilis fabrica, intelligentiam & mentem operatricem arguit. Providentia ex omnibus elucet. Vel talpam videas: omnia in illa ad suos usus comparata, oculi, aures, ungues, membra omnia. Quod cum perpenderet Cardanus, mire alioquin misereque in illis, *quæ Spiritus sunt*, fluctuans, ac talpa ipsa interdum cæcior, hic tamen vel a talpa oculos visumque recipit, cum in hunc quasi ἐνθεσιασµὸν prorumpit: *Palam est igitur, naturam in cunctis sollicitam mirum in modum fuisse, nec obiter, sed ex sententia, omnia prævidisse, boni-nesque, quibus hoc beneficium Deus largitus est, ut causam rerum primam inveniant, participes esse illius primæ naturæ: neque alterius esse generis naturam, quæ hæc constituit, ab illorum mente, qui causam eorum, cur ita facta sunt, plene assequi potuerunt.* Felices igitur merito vocat Virgilius, qui rerum cognoscere causas potuerunt. Sed quot illorum sunt, qui cognoscunt? In nebulis toti versamur. Cum Athenienses verum Dei cultum ignorarent, τῷ ἀγνώστῳ θεῷ aram posuere. * Nil temere nos dicemus, si omnia ignorare nos dicamus. Expedire in ipsis principiis nihil possumus, nisi ad ἀγνώστον aliquod & incognitum refugiamus. Rident Lyncei nostri eos, qui ad Qualitates occultas confugiunt. O boni! nescitis, quam vos in ipsis demonstrationiunculis vestris nihil sciatis? At vero, dicitis, in ipsis minutiis naturam recognoscimus, in particulas oblongas, ramosas, globosas resolvimus: nihil oculos nostros, perspicillis armatos, effugiet. Sed nihilo tamen sapientiores per vos facti sumus. Quamdiu rerum missiones ignoramus, nihil omnino novimus. Propiora illa potius prestantia sunt, quam remota. In illis habitat natura, moratur, palpatur: In his dispersa est, & a sensibus recedit. Ita plerumque comparatus est hominum animus: *Transfugit in medio posita & fugientia captat.* Si culta aliqua & elaborata cui offeratur oratio, isque in illa artificium indagaturus sit; quis propius scopum feriret? illene, qui literas & syllabas numeraret; an vero, qui in partes suas, quibus proxime componitur, in enthymemata, in schemata, dissolveret? nulum est in rerum natura φαινόμενον, quod expedire feliciter possumus. Vertamus in omnes partes, secemus in particulas, plus, quam κυριότητις, hærebimus semper, & tandem in incognito aliquo nobis subsistendum erit. Quod cum videret Henricus Morus, Philosophus Anglus, principium aliquod Hylarchicum commentus est; alii alia κρηφύετα quæsierunt. Ac sane θεῶν hic aliquod subest, verum illud ἡγεμονικόν, quod impellit, movet, dirigit, jungit, format corpora: quo ignorato, omnia nobis ignorari necesse est. Videamus admirabilem illam rerum γένεσιν. Omnia mysteriis plena sunt. Ipsa illa rerum semina divina manu in puncto aliquo & centro obsignata videntur, unde quasi ex nihili utero procedunt corpora. Nam quod in semine ἐνεργητικόν est, non nisi intelligentia comprehenditur: cetera, quæ oculis videmus, manibusque palpamus, parum ad corporis compositionem conferunt. In vegetabilibus, ubi e punctulo frutex germinare incipit, cetera concidunt atque, ut rejectanea, separantur. Quæ in formanda porro corporis machina est naturæ solertia? qui progressus? Quos ubi attenta mente respexerimus, attoniti manus sæpe tollemus, & mirabilem in operibus suis Deum deprædicabimus.

mus. Vidit hoc, qui tamen omnia in fortuitis posuit, & suis ratiunculis explorare tentavit, cum hos, quali ἐθυσιασμός abreptus, versus funderet;

*Multa tegit sacro involuero natura, nec ullis
Fas est scire quidem mortalibus omnia; multa
Admirare modo, nec non venerare, nec illa
Inquires, quæ sunt arcanis proxima: namque
In manibus quæ sunt, hæc nos vix scire putandum est.
Est procul a nobis adeo præsentia veri.*

Nihil nunc de iis dicemus, qui corporum μεταμεφώσεως, qui infinitas propemodum multiplicationes instituunt; quod in metallis a naturæ mystis factum est; nihil de corporum magnetismis & sympatheticis affectionibus, quæ innumerae in natura sunt, unde omnis illa magia oritur. Sed arcanior illa scientia, in omnibus pene gentibus, a sapientioribus quibusdam custodita est, ne in vulgus efferretur. Huc omnis illa Mythologia, omnia Ægyptiorum Hieroglyphica, tendunt. His enim involucris divini illi thesauri reguntur.

- 19 In Mathematicis porro scientiis quid non divini est? Hic numerorum doctrina primum se offert, tota merito divina vocanda. Quantæ, quam arcanae numerorum potestates sint, ne in hunc quidem diem satis cognitum est. Quod cum bene nosset Pythagoras, non invenit commodiorem rationem, qua Philosophiæ suæ secreta celaret, & intelligentibus tamen omnia panderet, quam si numeris suis, quos formales recte dixeris, absconderet. Cum enim numeri nominantur, non intelliguntur nisi naturæ occultæ proportionibus, progressibus, operationibus, revolutionibus, a Deo ipso definitæ. Quomodo non difficile admodum est omnia divinæ humanæque sapientiæ mysteria illis adumbrare. Non credat quis temere fieri, sonos septenario, numeros novenario absolvi; atque hinc per easdem ἀνακιννώσεις in centenariis & millenariis reduci. Illic abstrusarum rerum typi latent, atque iis quasi præfigurantur. In quibus, velut in tenebris, palpitant, qui tamen quasi per nebulas vident, Autores, quorum de numerorum mysteriis integra extant volumina. Ἰσορέμενα tantum illa sunt, non φιλοτεφέμενα. Radix & quasi pater omnium numerorum monas est. Prima ex illa surgit dyas, quæ per triada quasi in consonantiam & unitatem reducitur. Hinc illa Τετραέλυσ, per quam, ut rem sacram, non sine causa jurabant Pythagoræi. Quinarius iisdem τεσφὸς, item γέμος dicitur, quod ex binario & ternario, quasi ex femina & mare, conflatus sit. Divinus aliis dicitur. Hinc illa πέμπτη φύσις Aristoteli, imo & Platoni & Platonici celebrata.
- 20 Alii πέμπτην στοιχείων, πέμπτην κόσμον, ἡμῶν πέμπτην, ἀέριον στοιχείον appellant. * Septenarium omnium μουσικώτατον esse nemo nescit. * Mirabile est, quod de ejus virtute Fluddius in libro de Microcosmi historia tr. 1. sect. 1. lib. 1. consignavit: Ego, inquit, hominem doctissimum novi, qui virtute hujus numeri septenarii, cujusdam quasi oraculi adfuerit, quæstiones dubias atque ancipites resolvere non dubitavit, atque etiam de occultis,
- 21 tam presentibus, quam futuris, quodammodo divinare pollicitus est. * De Geometria idem nobis

nobis dicendum est; nam & numerorum rationes lineæ & corpora sequuntur. Quare & Plato Deo dignum opus habuit, quem ille aiebat perpetuo γεωμετεῖν. Circuli & trianguli arcana ne nunc quidem omnia exhausta. Quas non cruces mathematicis illa circuli quadratura figit! Et tamen illam rerum hæc universitas quotidie nobis ob oculos ponit. Nimirum ut Deus summus omnium rerum Architectus est, qui numero, pondere & mensura omnia fecit: ita illud ἀρχιτεκτονικόν rebus inferuit, quod iisdem progressibus, eadem motus successione, semper operatur. Hoc perpetuum illud movens, perpetuumque mobile est: in quo inveniendū quam sudant Mathematici! * Optica, quæ radium metitur, in ipsa quidem luce tota occupatur. 23 Sed quamquam illa oculis omnium patet, quamquam ejus beneficio omnia apprehendimus, ejus tamen naturam, nemo tam oculatus est, qui vere indaget. Annon miraculo propius, & propemodum divinum est, per unum punctum omnium rerum ideas cum coloribus ipsis transmitti. Nihil de speculis & telescopiis dicemus, quæ omnia etiam remotissima exhibeant: sunt enim qui dari illa posse existimant: nihil de iis Baptistæ Portæ speculis, quæ recta linea in infinitum urant. * Nam et 24 i impugnant illa multi, rationibus quidem non contemnendis: tamen ut sunt in omnibus propemodum disciplinis quædam θαυμαστά, quæ non capiunt omnes, neque scire interest; ita & hic fortassis aliqua sibi summus ille Magister reservavit. * Habet Deus quædam, ut ita dicamus, reservata, ad quæ non admittuntur, nisi 25 pauci illi, quos ardens evexit ad æthera virtus. * Sunt in illis præcipua: futurorum 26 prænotio, sive illa a siderum configurationibus, sive aliunde deducatur: * Summi 27 arcani physici cognitio, ac temporum accuratæ rationes, quas ille antiquus dierum ic Pater temporum, arcano consilio, hominibus voluit esse absconditas; et si sunt nonnunquam, qui παρακίψαι in illa, illo connivente, arcana conati sunt. Versamur in magna illa Dei familia, infantes alii & pueri; alii maturiore in ætate constituti: ubi illis nonnulla scire inutile non solum, sed & periculosum est; hi vero in domesticæ regiminis societatem nonnunquam admittuntur, ita tamen, ut occultæ rerum dispensationes ad solum Patremfamilias spectent. Ille e singulis scientiis aliquod δαίδαλμα, τέχνημα, magisterium sibi seposuit, quo beat interdum filios, cum cetera illa etiam τοῖς ἕω concedat.

Qui Medicam artem profitentur, quotidie illud sibi Θεὸν propositum habent. 28 Sive enim corporis structuram oculis rimantur; nihil in illa est, quod non opificis sapientiam loquatur: sive cum morbis illis res est; tot sunt illorum formæ & figuræ, tot in illorum causis recessus, ut sæpe illis in τῷ Θεῷ subsistendum: quod & Hippocrates vidit, & integro libro Hieron. Jordanus exposuit. Testantur hoc prodigiosæ, quas aliqui congesserunt, Historiæ, & super quibus Mericus Casaubonus in libro, Anglica lingua scripto, de credulitate & incredulitate in rebus naturalibus, moralibus & civilibus multa, ipse tamen ἐλγόνπιος, disquirir. Est in ipsis remediis Θεὸν aliquid, quibus, unum efficacissimis, sæpe manum injiciunt fara. Quædam ab imperita & plebeia manu exhibita ultra fidem operantur. Vilia sæpe & contempta gravissimos & lethales morbos avertunt. Est ubi cæli siderumque influxus vires medicamenti auget, suspendit, tollit,

tollit. In medico quoque ipso τὸ θεῖον singularis quædam felicitas adjuncta testatur. Est in mediocriter doctis illa in indagandis morbis remediisque applicandis εὐεχία, quæ doctissimos interdum destituit. Sunt qui medica vi pollent in morbis per tactum curandis. Quod cum Regibus Galliæ & Angliæ hereditarium credatur munus, fuit tamen in Anglia *Valentinus Greatbark*, qui idem felici successu fecit, ut sunt de ea re multorum fide dignorum hominum perscripta testimonia. Ne quid de viris dicamus, qui precibus a Deo salutem ægrotorum impetrarunt.

- 29 Procedimus ad *Moralem & Civilem* doctrinam: quæ quanquam in negotiis, ab arbitrio hominum pendentibus, consistere videntur, inque eorum principii nunc adeo fluctuant nonnulli, ut pleraque *εὐεχία* illis sint, quæ sancta omnibus esse debant; sunt tamen in illis æterna, divina, inconcussa, ad quæ hominum actiones ordinandæ sunt, vel si illæ evagantur, in ordinem rediguntur, aut eo diriguntur, potentiori manu, quo divina tendit providentia. Quoniam vero non nisi agendo
- 30 virtutes nobis paramus, in ipsa illa actione τὸ θεῖον se maxime ostendit. * Virtus, quæ Heroica dicitur, divino impulsu excitatur: ac fato sæpe fieri solet, ut ad res magnas gerendas, ad regna firmanda, hostes subigendos, divinitus animentur ho-
- 31 mines, incredibilia viribusque humanis majora tentantes. * Hinc illæ apud Historicos, cum memorabilia facta describunt, voces: *Deo quodam assidue incitante: quodam quasi instinctu Deorum concitatus fecit: ἢ ἄνευ θεῶν, non sine Deo*. Ipsas in nobis inclinationes, quas sentimus, bono aliquo genio nobis incussas credere possumus: quare nec obniti illis debemus, sed illorum ductum sequi. Eleganter in hanc rem *Plutarchus* in vita *Coriolani*: *Homerus in arduis inusitatisque rebus, & ad quas impetu quodam animi ac furore quasi divino opus est, Deum proponit: non qui consilium nostrum tollat, sed moveat, neque impetus animo indat, sed visa & imaginationes obiciat, quæ impetuum duces sunt: atque ita sane non involuntariam efficit actionem, sed voluntati initium præbet, eamque spe & confidentia confirmat. Aut enim omnino excludendus est ab omni principio causaque actionum nostrarum Deus: aut quoniam tandem alius sit modus, quo hominum ille actiones adiuvet? non enim corpora nostra effingit, manusque ad id, quod facto opus est, aut pedes applicat: sed eam animi partem, quæ ad agendum est diligendumque nata, principii quibusdam & visis, cogitationibusque objectis excitat, aut contra avertit & inhibet. Has in Socrate occultas propensiones, quas ille in rerum agendarum consilium adhibuit, genium illum, de quo multa *Plato* alique nobis narrant, fuisse, *Cartesius part. 1. ep. 15.* existimat. Quæ non male dicerentur, nisi ipsa apud *Platonem* *Socratis* verba, quibus vocem emisisse *Dæmonium* significat, aliud testentur. Quod & *Strozzius Cigogna*, vel potius *Thomas Garzonius* (is enim verus autor est) in *Magia Theatro part. 1. l. 2. c. 2.* adversus illos assert, qui dæmonium *Socratis* de mente ejus*
- 32 interpretantur. * In Rebuspublicis illæ Politicis celebratæ ἀναισθησίαι ab uno ad unum redeunt, pulcherrima hujus universi & naturæ imagine: quod in *Republ. Romana* eleganter demonstravit *Machiavellus*. Eas mutationum causas rationibus *Mulicis & Mathematicis* *Plato lib. 8. de LL.* deducit.
- * Quic-

* Quicquid in civilibus negotiis etiam moliuntur *δοδεκαμήχανοι*, & versuti homines; intercedit eorum consiliis, ubi minime existimes, Deus, & ad suum arbitrium omnia componit. Non est, quod hic ancilia, ampullas, secures, palladia cœlitus lapsa, vasa Chiænsium ænea Reip. mutationes tinnitu, nullo externo motu incusso, prodentia, in divinitatis probandæ subsidium-vocemus. De Geniis tutelaribus, prælagiis, prodigiis, ostentis, non omnia vana sunt Historicorum documenta, quibus divini aliquid subesse res ipsa loquitur. In auspicio Regio quæ non mysteria quaesivit Bœclerus! De annulo ex auro, quod Christo Magi obrulerunt, fabrefactio, qui inter antiqua domus Austriacæ cimelia fuit, Lambecius *Comm. de Bibl. Vindobonensi Tom. I. part. I. lib. I. pag. 25.* prodidit, quod tempore belli insolito fulgore victoriam portendere visus sit: qua de re sententiam cuique liberam esse volumus.

* Miracula Principum, qui desperato corporis vitio laborantes sanitati restituerunt, 34 an vera, an ficta, narrant historici: quibus etsi fraudes nonnunquam immistæ; tamen vel affectata illa a Principibus divina *ἀξιώματα* illius *Θεός* opinionem abesse a Republica non debere declarant. Legimus rem Romanam in præcipitio stantem, factorum manu ab interitu sæpe revocatam; quoniam orbis imperium Romæ destinabatur: cui Romulus, vel arcano consilio, vel magica arte, ut quibusdam creditur, præludit, cum in meditullio urbis fossam, cui mundi nomen, faciendam curaret, inque eam a peregrinis particulam terræ patriæ injiciendam imperaret. * Quo- 35 ties ab extremo periculo Reges divino quasi monitu revocati! victoriæ tempestatum & procellarum subsidio obtentæ! Genii ipsi in hostes pugnare visi sunt! quibus in rebus qui nullas fato partes tribuit, næ is ad omnes rerum sensus obscuruit, aut omnem bonam mentem ejuravit. * Infinita cumulare ex omnium temporum gentiumque annalibus poteramus, si nunc rem illam ageremus. Utinam vir rerum Civilium peritissimus, Bœclerus, qui *Theatrum Fati* scribere voluit, librum illum absolvisset, magnam huic argumento facem accensam videremus. In causis judicandis singularis Principum nonnullorum *ἐντοχία*, quæ vel sapientissimorum Sciorum peritiam anteverit, *θεόν* juridicum nobis ob oculos ponit. Ne quid de divinis in omni gente, etiam barbara, judiciis hic dicamus, quibus explorari reorum, deficientibus testimoniis, vel innocentia, vel culpa consuevit. * In terrarum 36 ac regionum cognitione, quod *θεόν* geographicum vocabimus, illud deprehendimus: certis temporum periodis, ac fatali quadam lege earum notitiam mortalibus recludi, atque iterum insuperabiles navigantibus obices poni, ut vel improbo labore frustra quaerant. Antequam Hispani in Americam Peruvianam venirent, audita e fodinis ad barbaros operarios vox fuit, quæ intactos pro peregrino populo thesauros relinquere iussit. Visæ e loginquo terræ quadam, repellentibus semper ventis, adiri non possunt. Quædam etiam, si fides itinerariis habenda est, detectæ, oculos hominum fugere videntur. * Illius in rebus civilibus *Θεός* statua Mer- 37 curialis est, & filum quasi Ariadnæum præbet *Historia*. Pulchre S. Augustinus lib. de vera religione cap. 25. *Quoniam divina Providentia non solum singulis hominibus quasi privatim, sed universo generi humano tanquam publice, consulit: quid cum singulis agatur, Deus scit, atque ipsi, cum quibus agitur, sciunt; quid autem agatur in genere humano, per*

Historiam commendari voluit & Prophetiam. Verum, de quo non sine cāsa Conringius lib. de Civ. prudent. cap. 14. queritur: perquam pauci historici illam diviniorem causam iusta commemoratione prosequi solent: quidam de industria hoc videntur agere, ut excutiant lectorum animis τὴν θεῶν curam: quod tamen Machiavellus, minime omnium ceteroquin religiosus, advertere potuerit. * Sed nos tandem manum de hac tabula, ad illum DEI digitum, qui flammis characteribus sapientiam suam Apostolorum animis inscripsit, intendimus. Inde nos ardentissimis precibus θεῶν illud, sine quo ἐντελέχεια sua deest scientiis, arcessemus. Sedibus aethereis Spiritus ille venit, qui nos ducet in omnem veritatem & per orbium cœlestium ἐγκυκλοπαιδείαν aliquando circumducet. Ille nos Philosophos facit, sapientiam, quæ hominibus stultitia est, profectos: Mathematicos, qui longitudinem, latitudinem, altitudinem amoris divini metiantur: Politicos, qui πολιτεύματα suum in cœlis quærant: Grammaticos & Oratores, qui aliquando ῥήματα ἀρέητα intelligant: Poetas & Musicos, qui τρισύγιον suum cum omnibus beatarum mentium choris insonare nunquam desistant.

CAP. XIII.

DE COLLEGIIS SECRETIS.

- §. 1. Continuatio ad præcedentia. 2. In gentibus moratioribus collegia occulta facere. 3. Prima in Ægypto talia collegia. 4. Illic literæ Hieroglyphicæ, Fabula. 5. Mensa Isiaca. 6. Orpheus ex Ægypto in Græciam occultiore doctrinam intulit. 7. Lapponeum incantationes, an sylvas & feras moveant? 8. Qui de Orphei doctrina egerint? 9. Sacra Eleusinia. 10. Eumolpidarum Collegium. 11. Leges hujus collegii. 12. Samothracum collegium. 13. Collegium Magorum in Persia. 14. Zoroaster. 15. Ejus nomen. 16. Collegium Brachmanum apud Indos. 17. Apollonii Thyanei cum illis conversatio. 18. 19. Honorifica de illo testimonia. 20. Pbotii præcepti de Philostrato judicium. 21. An dolia ventorum & imbrium apud Brachmanes fabulosa sint, neque ulla arte fieri possint. 22. Tempestates per naturalia media an induci possint. 23. Exemplis & rationibus affirmatur. 24. Tempestates superstitiosis artibus discussæ. 25. Translatio corporum an naturali modo possibilis. 26. Mira de fulgidissimo lapide Bononiensi historia. 27. Recentiores de Brachmanibus Scriptores. 28. Collegium Gymnosophistarum, 29. Pythagoræorum, 30. Arabum, 31. Maurorum, 32. Collegium Druidum a Meiero male omissum. 33. Illorum doctrina. 34. Collegium Fraternitatis Rosæ Crucis. 35. Collegii Rosiani historia. 36. Rosii arcana recensentur. 37. Arcana majora. 38. Motus perpetuus rectus. 39. Circularis, igneus, æreus, aqueus, terreus. 40. Ars transmutatoria (1.) citra gradum aureum. 41. (2) Seminaria. 42. (3) Projectiva. 43. Medicina universalis varia. 44. Arcana varia naturalia. 45. Arcana Mathematica. 46. Motus terreus describitur. 47. Machina cœlestis per se mobilis. 48. Arcana circa rem rusticam. 49. dr-

49. Arca Pifcis. 50. Varia mechanica. 51. Occulta collegia natura arcanis indagandis occupata.

Post Bibliothecas & libros de COLLEGIIS & MUSEIS quædam differ-
tabimus. Illa enim Bibliothecis celebrioribus plerumque juncta fuere. Cui
bono horrea & mæsses sine colonis? Collegia Bibliothecis indigent. Hæ
quoque sine lectoribus inutiles. Fuere in omnibus gentibus moratoribus
publici virorum sapientum conventus, qui in commune de rebus naturalibus, arti-
bus, omnique studiorum genere, conferrent. Ac quoniam in doctrinis quædam
ad popularem usum referenda, quædam etiam secretiora sunt, non omnibus, ob
eorum abusum aliasque rationes, propalanda, ideoque & publica & secreta quædam
Collegia fuere. De his primum dicemus.

Secretior Philosophia in nationibus plerisque moratoribus suas sibi res habuit, 2
magnaque sollicitudine hinc profanum vulgus arcebatur: quare ænigmatibus, fa-
bulis, hieroglyphicis, Deorum nominibus tota involuta est, unde postea idololatria
ad populum derivata, qui rerum sacrarum non intelligens in superficie hærebat.
* MICHAEL MEIERUS, Hollatus, Vir doctissimus, in Tractatu Apologetico pro 3
Fratribus Rosæ Crucis, c. 9. variarum nationum Collegia secreta recenset, inque
his primum locum merito *Ægyptiis* tribuit: hic enim omnium fabularum patria
fuit, quibus Græci *δαιμόνες*, ut pueri nucibus lusitantes, se delectabant; nucleum
vero pauci invenerunt. Major vero hic antiquioribus Collegiis reverentia, ubi
in naturæ secreta magis inquisitum est, quam in recentioribus illis. Quanquam ta-
men & illi de iis rebus solliciti fuerunt. Antiquissima illa fuere, quibus Moïses ad
omnem sapientiam imbutus fuit. Celeberrimum & antiquissimum collegium fuit
Thebis, ubi Strabo observat, Sacerdotes plurimum vacasse Astronomiæ & Philoso-
phiæ. Habuit & *Memphis* collegium. Qui in his rei literariæ præerant, vocaban-
tur *ἱερογγραμμάταις*, qui & libros Mercurii interpretabantur, & Hieroglyphicas li-
teras, Cosmographiam, Geographiam, res cælestes. De his Sacerdotibus legen-
dus est Clemens Alexandrinus *Strom.* l. 6. Chæremon apud Porphyr. l. 4. de absti-
nentia ait, τὸ μὲν κατ' αἰδήσειαν φιλοσοφῆν ἐν τε προφήταις ἢ καὶ ἱεροπολιταῖς καὶ ἱερο-
γγραμμάταις. * De occultis Ægyptiorum doctrinæ, sub fabulis & hieroglyphicis 4
reconditæ, legendus est libro citato Meierus, & in altero de arcanis arcanissimis.
* Illa *Mense Isiacæ* symbola aliaque hieroglyphica satis testantur de occultis sensi- 5
bus, etsi, qui hætenus immanibus libris indagare voluerunt, opere pretium non
fecerunt. De Privilegiis Collegii Sacerdotum Diodorus Siculus & ex eo præ-
cipue Otto Heurnius in Chaldaico suo p. 42. & sqq. De variis Ægyptiorum do-
ctrinis earumque perfectione legendus Borrichius in Vindic. Hermetis: ubi illa
plena manu feruntur.

Ex Ægypto *Orpheus* mysteria in Græciam intulit, ut Diodorus Sic. lib. 4. te- 6
statur: *Orpheus in Ægyptum, profectus multa ibi didicit, ita ut tam initiationibus &*

Q 2

Theo-

- Theologia, quam Poësi & Melodia esset Græcorum præstantissimus.* Idem lib. 1. refert, quod ex Ægypto asportarit plerosque mysteriorum ritus, & Orgia Bacchi, & Mythologiam de inferis. Er, ut ex ipso Diodoro discimus, initia Osiridis eadem sunt, quæ Bacchi; & Isis simillima sunt istis Cereris, nominibus tantum differentibus.
- 7 * Circa Orphei operationes magicas, quæ de illo circumferuntur, in ferarum & arborum tractu per cantum, mihi incidit, quod apud Balbin. in *Miscellaneis Historicis regni Bohemia* l. 13. c. 12. §. 3. legi, Jacobum Typotium, dum in Finlandia versaretur, comperisse: incantationibus Lapponum feras cicurari, terram & arbusa moveri, rerum naturam universam percelli. Quæ quidem de Lapponibus in hujus gentis historia legere me non memini: etsi non negem, multas esse apud hanc gentem etiam Magiæ Orientalis reliquias.
- 8 * De Orphei antiquissima Philosophia & Theologia Johannes Franciscus Grandis, Vir eruditissimus, integrum tractatum conscripsit, quo accuratissime veterum illam doctrinam complexum se esse dicit: Franciscum Patricium & Augustinum Steuchum primoribus tantum labris degustasse ait, in Præfatione Dissertationum suarum Philologicarum. Sed librum illum non editum fuisse suspicor: Hactenus enim videre non licuit.
- 9 * Verum & ante Orphei adventum in Græciam fuere coloniæ Ægyptiorum in Græcos deductæ. Venit Athenas Erichtheus, Ægyptius, quem regem fecerunt Athenienses ob frugum copiam famis tempore illatam. Atque ab illo Eleusinia sacra instituta, in honorem Cereris, ut illa apud Ægyptios in honorem Isis, quæ non differre
- 10 ritibus, ait Diodorus Siculus lib. 1. c. 29. * Nam, referente Pausania in *Arcad.* cum Eumolpus Thrax Eleusiniis auxilia attulit contra Erichtheum, pax tandem inrita, ut Eumolpus sacra faceret Cereri & Proserpinæ. Hinc Eumolpidæ postea sacrorum præsides fuere. Sed Androtion Scholiastes in *Sophocl. Oedip.* scripsit. Eumolpum tertium primum mysteria obivisse & fuisse antilitrem; cui tamen contrarium tradit Homerus & marmor antiquum a Marshamo in *Can. Chron. Ægypt.* p. 252. & p. 261. productum. Hoc illud EUMOLPIDARUM celeberrimum COLLEGIUM; de cujus Mysteriis Clem. Alexandr. *Strom.* l. 5. Naturæ arcana hic doceri, testatur Seneca, *Nat. question. lib. 7. c. 31.* Eleusis servat, quod ostendat revisentibus. Rerum natura sacra sua non simul tradit. & Epist. 90. Hæc ejus initiamenta sunt, per quæ non municipale sacrum, sed ingens omnium Deorum templum, mundus iste, referatur: cujus vera simulacra verasque facies cernendas mentibus protulit. Nam ad spectacula tam magna hebes visus est. Multa per autores sparsa de hujus Collegii sacris in unum collegit Marshamus, libro laudato, pag. 259. & multis sequentibus. Unde facile apparet intelligentibus, quænam hic naturæ mysteria recondantur.
- 11 * *Leges hujus collegii* complexus est loc. cit. Michael Meierus. 1. Ut singulis annis certo die conventus fieret initiatorum. 2. Ut Eumolpidæ semper ibi sacerdotes haberentur & sacrorum præsides. 3. Ut castissimæ vitæ, vitiis immaculatæ reciperentur in societatem illam, tam feminæ, quam viri. Hinc nec Imperatores postea initiari volentes admitti sunt, si vitiis essent contaminati. 4. Ut perpetuo silentio arcana ibi celebrata involverentur, juramentis præstitis. Hinc nihil in orbe secretius, quam Eleusinia sacra habitum fuit. 5. Ut die conventus sacro quatuor figuræ pro ceremoniis portarentur; nempe;

nempe; Dei creatoris ab Antistite Hierophante; Solis a facifero; Lunæ a ministro ad aram, & Mercurii a præcone sacrorum. Habuit autem Antistes Eumolpida auream clavem, linguæ adaptatam, silentii notam. E quatuor figuris & ex cantilena illa allegorica, de Dracone, Tauri parente, & Tauro, Draconis parente, aliisque, quæ hic prolixè adducit Mejerus, facile de arcanis ipsis institui conjectura intelligentibus potest.

Nominatur inter sacra illa collegia a Meiero quoque SAMOTHRACUM COL-
LEGIIUM, qui Cabirorum Deorum mysteriis celeberrimi fuerunt, de quibus Dio-
dorus Sic. lib. 5. qui ipsum Cadmum Samothraciam appulisse refert, & perceptis
mysteriis uxorem duxisse Harmoniam, Jasonis sororem. Initiati ex illis credebantur
Deos habere in periculis præsentissimos, & ipsos fieri sanctiores & justiores.
Ideo Heroës veteres & Semidei illustrissimi ritibus istis imbuti sunt, Jason, Castor
& Pollux, Hercules, Orpheus. Tarquinius, Demarathi Corinthii filius, Samothra-
ciis religionibus mystice imbutus est, teste Macrobio Saturnal. l. 3. c. 4. *Cabivos*, ut
Meierus hoc explicat, abstrusum sonat, & *Sathrax* seu *Samothrax* Deum incognitum
apud Hebræos. Deorum nomina, quos initiatis nominare nefas erat, hæc fuere.
Axioerus, Axioerus, Axiocersa, Axiocersus. Axioerus autem Ceres, Axiocersa
Proserpina, Axiocersus Pluto dicebatur; quibus quartus addebatur, Casmilus, qui
Mercurius erat: quæ omnia, quomodo ad sacrum opus applicari debeant, ostendit
Meierus.

COLLEGIUM MAGORUM in Persia per omnem antiquitatem celebratissi-
mum est. Ab illis Magiæ nomen omnis occulta sapientia adepta est: ad quam
cognoscendam Pythagoras, Empedocles, Plato & alii navigarunt; quam reversi,
ut Plin. lib. 30. ait, in arcanis habuere. * Ejus autor Zoroaster habetur, de quo
jam antea ejusque scriptis aliqua dicta sunt. * De Zoroastri nomine eleganter Me-
nagius in Laërtii procemium commentatur. Significat Astrorum contemplatorem.
Eter enim Persis significat astrum; *Schur* Hebræis est contemplari: unde Zoroa-
ster componitur. Illud vero Persarum *Eter* nihil aliud est, quam Germanorum,
Belgarum, Anglorum, *Stern*, *Sterr*, *Starr*. Diogenes Laërtius ἀστροδύτην astrorum
sacrificulum interpretatus est; Bochartus *Geograph. sacr. lib. 4. c. 1.* ingeniosè ἀστροδεά-
την legendum esse suspicatur. Illa doctrina postea semper apud Persas viguit, po-
tissimumque Assyrios, qui Chaldaei dicuntur, quorum Babyloniae per multa secula
collegium fuit, cum quibus Apollonius quoque Thyanæus conversatus fuit.

Fuit & apud Indos BRACHMANUM COLLEGIUM toto orbe decantatissi-
mum. De Brachmanibus, vel Braminibus, quos ab Abrahamo deducit Postellus,
supra plura diximus. Eos occultæ doctrinæ custodes fuisse, omnia, quæ de illis di-
cuntur, declarant. In his, quanquam multa fabulosa habentur, non sunt tamen
omnia illa mendaciis accensenda. Ita fieri in rebus arcanis solet, ut, quæ ignota
sunt, multis additamentis a credulis exaggerentur, a contemptoribus aliis commen-
tis ultra fidem in risum verstantur. In his media via semper tenenda sapientioribus
est;

- est: semper cogitandum, multa esse naturæ arcana, quæ vel sapientissimis incredibilia videbuntur. * Sola illa *Apollonii Thyanæi vita*, quam Philostratus reliquit, multa nobis mirabilia de his Indiæ sapientibus tradidit. Quæ etsi sciam, a Gabriele Naudæo in *Apologia hominum, Magia insinuatorum*, pro confictis haberi, neque adeo in omnibus ab illo dissentiam, non satis tamen ab illo probari putaverim, in invdiam Salvatori nostro constandam hæc excogitata. * Superfunt Patrum ipsorum testimonia, qui honorifice de Apollonio sentiunt; & e simili olim schola venisse primos illos Christi cultores novimus, occulto impulsu motos, & tanti mysterii, si fas ita loqui est, conscios. Quod si aliqui calumniatores his similibusque exemplis abusi fuerunt, ad divinam Christi majestatem imminuendam, id ad illorum potius malitiam, quam ad innocentes referendum est. Mirifice in Apollonii laudes effunditur Flavius Vopiscus in *vita Divi Aureliani cap. 24.* ubi de apparitione Apollonii, Aureliano civitatem Thyanam everfuro facta, narrat: vocat eum celeberrimæ famæ autoritatisque sapientem, veterem philosophum, amicum verum Deorum, subjicitque hæc suæ narrationi: *Hæc ego a gravioribus viris comperi, & in Ulpie bibliotheca libris relegi, & pro majestate Apollonii magis credidi. Quid enim illo viro sanctius, venerabilius, antiquius, diviniusque inter homines fuit? mortuis vitam reddidit: ille multa ultra homines & fecit & dixit: quæ qui velit nosse, Græcos legat libros, qui de ejus vita conscripti sunt. Ipse autem, si vita suppetat, atque ipsius viri favori usquequaque placuerit, breviter saltem tanta viri facta in literas mittam: non, quo illius viri gesta munere mei sermonis indigeant; sed ut ea, quæ miranda sunt, omnium voce prædicentur.* De Alexandro Severo Lampridius memorat, illum in larario privato coluisse sanctiores animas, Christum, Abrahamum, Orpheam, Apollonium. * Photius vitam ejus, a Philostrato descriptam, recenset *Cod. 44.* ut & uberius *Cod. 24.* Philostratus ipse moratam ipsi vitam tribuit. Mirificum, ait, fuisse contemptorem divitiarum, ut & suas ipse possessiones germano fratri aliisque sponte concesserit, & a nemine potentiorum pecunias acceperit, quantumvis illi multa merenti obruderent. Negat Philostratus, fuisse præstigiatores, sed per vitæ puritatem & per philosophiam omnia dicit præstitisse.
- 20 * Rider vero, ut absurda, Photius, quæ de Indis Philosophis narrat Philostratus: dolia apud istos plena imbrium & ventorum, quibus datum sit regionem complere in imbrium penuria, iterumque discussis imbribus ficcare, dum alternis aquam ventumque e doliis suppeditent. *Hic similia*, ait Photius, *dementia plena & alia plurima prodigiose confingit.* * Sed mallet ego in istis suspenderit judicium Photius, cui nulla quidem suspicio occultiorum naturæ operationum fuit. Qui in his nullum gustum habent, facile omnia pro præstigiis & imposturis habent. * Ego quidem remere falsitatis arguere nolim, quæ hic tradit Philostratus. Non est adeo absurdum, dari posse naturas summe humiditas, summeque flatulentas, quæ fortassis arte secretiore chemica ita præparari possint, ut fermentum aliquod magnæ massæ elementari præstare queant. Atque hæc aliquo subjecto naturali concludi possunt, aliis quibusdam appositis eliciendæ. Multæ latent in corporibus affectiones mirabiles, quæ non nisi
- 23 per *συζυγία* inde educuntur. * Acus ferrea se ad septentrionem convertit; sed
- tum

tum demum, si magnete illinatur: quod, etsi tritum est, est tamen admirabile, nec ullo humano ingenio indagandum. Quas non effervescentias salium & sulphurum mitiones parant? An non nitri sulphurisque conjunctione excitari immanes concussiones & plus, quam tempestates possunt? Hæc suo tempore Phorius non credidisset. Videmus conclusos lacus, mineralibus sine dubio turgidos, si lapide injecto moveantur, fermentatione momentanea in vapores, hos in imbres, tonitrua, ventos resolvi. Nilo circa solstitium æstivum nubecula tenuis nitrosa roscida incumbit, ut Chambræus observat, quæ æstulare totum & per omnes agros disfluere facit. De fluvio Bohemiæ Wodolanka observat Balbinus in *Miscellaneis Historicis regni Bobemiæ lib. 1. c. 28.* rusticos, quoties sideratio aliqua agris siccitatem invexerit, aquam hanc haurire certatim, ac in fontes & puteos suos, qui exaruiscent, infundere; certamque eo pacto sperare pluviam, nec spe falli. Addit iudicium suum Balbinus: *Possunt obsecata ariditate fontium venæ quodammodo reparari, possunt halitus & humida quadam effluvia concitari, possunt aqueo magnetismo nubes attrahi.* Quodsi ergo spiritalia quædam talis substantia in natura latitat, ut illa exempla innuunt, quid verat, illam vase per artificium concludere, & fermenti instar in ærem immittere? quemadmodum ex tenui nubecula, quæ monti *Tafelberg* dicto in Promontorio bonæ spei imminet, & ob exiguitatem & similitudinem *oculus tauri* dici solet, in fermentum & insanas tempestates totius æris vicinia conjicitur. Narravit mihi amicus, Italum ab Hungaro quodam edoctum procellas, cum veller, excitasse. De Empedocle etiam memoratur, illum magia naturali adeo polluisse, ut ventos, quoties veller, excitaret salubres, dispelleret pestilentes. Memorabile est, quod de vorticibus illis æris ex mari provenientibus memoratur, illos cultro in crucem secto diffindi posse, sed additis sacris ex Joannis Evangelio verbis, qui abusus tamen insignis est. Testatur hoc Thevenotius in *Itinerariis sui parte 2. lib. 4. c. 3.* Stephanus Lusignan in descriptione Cypri memorat, a Famagusta interitum hoc modo quosdam Batavos avertisse. De eo Helmontius in Tractatu, qui inscribitur *Blas meteorum.* * Henricus Mundt in libro de *vite vitali cap. 13.* alia superstitione tempestates compressas narrat. * Porro, quod n pluribus locis uno tempore visus sit Apollonius; in memoriam mihi revocant Trithemii Abbatis, magni in arte Chemica mystæ, verba, qui in quodam scripto Germanico expresse testatur, beneficio arcani summi Physici, sed in celestem plane naturam redacti, fieri illam translationem corporum posse: ubi simul mirabilis istius lapidis, quem ego arte factum & hunc ipsum fuisse suspicor, historia animo obversatur, Regi Galliæ Henrico II. per ignotum aliquem Barbarum oblato. Illam quidem narrat Thuanus, in prima illa editione minori Parisina *part. 1. lib. 5. pag. 453.* reperitur & in Francofurtensi prima in fol. alteraque octavæ formæ *lib. 6. pag. ibi 217. hic. 286.* sed in ceteris editionibus verba illa, necio quam ob causam, sublata. Pipinus, ad cujus testimonium provocat Thuanus, le eo ita ad Mizaldum scribit: *Nuper ex India Orientali Regi nostro allatum hic vidimus lapidem; lumine & fulgore mirabiliter coruscantem; quique totus veluti ardens & incensus incredibili lucis splendore præfulget micatque.* Is jactis quoque ver-

sus

sus radiis ambientem circumquaque aërem luce, nullis oculis fere tolerabili, latissime complet. Est etiam, (quod bene notari velim,) terræ impatientissimus, si cooperiri coneris, sua sponte & vi, facto impetu, confectum evolat in subline. Contineri vero includere loco nullo angusto nulla potest hominum arte, sed ampla liberaque loca divitaxat amare videtur. Summa in eo puritas, summus nitor: nulla sorde aut labe coinquinatur. Figuræ species nulla ei certa, sed inconsistans & momento commutabilis: cumque sit aspectu longe pulcherrimus, contractari sese tamen non sinit, & si diutius adutaris, vel obstinatus agas, incommodum affert: sicuti multi suo non levi malo, me præsentem, sunt experti. Quod si quid fortassis ex eo enixius conando adimitur, aut detrahitur: nam durus admodum non est; sit, dictu mirum, nihilo minor. Hæc Pipinus, quæ miranda sunt; & si rem accuratius pensitare velimus, nulli subiecto in natura rectius, quam summo huic arcano, conveniunt. Dixit Barbarus, ad plurimas res summe esse utilem, quod tamen non, nisi ingenti pretio, manifestare voluit. Inprimis illa evolutio in sublime memorabilis est, & hoc translationis arcanum, si quod in natura est, continere videtur. Quod beneficio sagittæ aureæ Abrahamidis Pythagoras idem effecerit, in historia vitæ ejus refertur. In perpetuo mobili inveniendis multæ sunt Chymicorum curæ, quo invento non admodum difficilis illa corporum translatio foret, ut Johan. Wilkins in *Magia sua Mathematica* 27 lib. 2. c. 9. quoque colligit. * Sed nos missis illis, quæ suavis somniis simillima nonnullis videbuntur, ad Brachmanes nostros redimus: quorum antiquitas ut multa fama fuit, ita nostro tempore plane eviluit. Palladii de iis relatio, quam cum Ambrosii & Anonymi cujusdam ex Bibliotheca Regia in lucem edidit Edoardus Bissæus Londin. 1665. nihil adeo memorabile continet, nec Abrahami Rogeri Janua aperta ad Gentilissimum occultum, primum Belgica, nunc Germanica lingua, cum notis Christophori Arnoldi, edita: ubi monitrosis & ineptis fabulis referta omnia, nisi quod interdum veteris Philosophiæ scintillæ perluceant. Veterum Brachamanum doctrinæ, & de quibus illi cum Apollonio colloquia instituerunt, aqua auri, lapis Pantaurea, Gryphi aurum effodientes, Phœnix, & similia alia, satis per se produnt, quid intelligi his velint.

- 28 COLLEGIUM GYMNOSOPHISTARUM quoque arcanum in Æthiopia fuit, qui ultra Memnonis regionem in eminentiore colle habitabant. Eriam hos adiit Apollonius, cum illis de rerum natura & arcanis disputans, quibus tamen Indos potiores in omni philosophiæ genere habuit. Cetera, quæ forte fuere Collegia, Ægyptiis tamen & Persis vel Chaldaeis suam doctrinam debent: ab Ægyptiis enim propagata omnia fuere. * COLLEGIUM PYTHAGORÆORUM in magna Græcia, sive Italia ulteriore, fuit, de cujus Philosophia in hunc usque diem non omnia satis explorata. Quantum tamen ex reliquiis ejus constat, collegit Jamblichus in *libro de vita Pythagoræ*, cujus aliquos libros, sed vitiose, edidit Arcerius; plures libri in Bibliotheca Holsteniana restabant, ut supra memoravimus: Omnium, si recte memini, plenam & emendatam editionem, cumque notis, pollicitus est Thomas Gale. Illud Pythagoræ aureum femur, silentium quinquennale, mysteria singularia hic latuisse ostendunt. Verum de illis

illis plura dicemus in *Polyhistore Philosophico*, quæ nunc prætermittimus. * COLLE- 30
GIA ARABUM, quæ antiquitus fuerint, non satis constat. Illud ex confessione Fra-
trum Rosæ Crucis constat, civitatem apud Arabes *Damear* fuisse, solis sapientibus
habitata; a quibus primus autor Fraternitatis Rosæ Crucis honorifice acceptus
fuerit. * Ibidem quoque COLLEGII MAURORUM, quod Fessæ est, mentio fit, 31
ubi diligentissima instituat arcanorum naturæ indagatio. Legi de eo potest Jo-
annes Leo Africanus in descriptione Africæ: cujus & de scriptoribus Arabicis ma-
nuscriptus liber est, unde aliqua excerptis Hottingerus in *Bibliothecar. quadri-*
partito.

Quæ modo enumeravimus secretiora collegia, etiam a Michaële Meiero in li- 32
bro supra notato recensentur; miror tamen, ab eo prætermisum DRUIDUM COL-
LEGIUM, quod ad Germanos propius pertinet, & ceteros etiam, si Postellum au-
dimus, antiquitate vincit. * Non hic rem omnem proponemus, sed potiora ad 33
Dissertationem, de Germanorum meritis literariis referemus. Illud tantum dicturi su-
mus, ejusdem generis fuisse doctrinas, quas docuerunt Druides, & quas veteres Æ-
gyptii, Magi, Chaldæi. Pari certe cum illis ætate sunt, si non majori. Postello
sane iudice *libr. de Etrur. Origine p. 233*. Druidarum doctrina in toto Occidente flo-
ruit, ante ullam inter Babylonios ac Græcos publicam literarum memoriam. Mul-
ta hanc antiquitatem confirmare videntur, de quibus in dicta dissertatione plenius.
Fuere Druides Celtarum, quibus tam Galli, quam Germani continebantur, Philo-
sophi, unde quasi colonie etiam in alias gentes missæ. Capita ejus Philosophiæ ea-
dem, quæ veterum collegiorum, fuerunt, Theologia & Philosophia occultior.
Theologia illis consistebat in rerum divinarum contemplatione, & in voluntatis di-
vinæ interpretatione, per varia signa, cælestia, ærea. Diodorus Siculus *lib. 5. cap. 31*.
vocat illos *Θεολόγους καὶ τῆς θείας φύσεως ἐμπείρους*, *Theologos & divine nature conscios*.
Sacer illis cultus purissimus fuit sub dio, nullum illis vel templum, vel idolum, ani-
mæ immortales habebantur: atque ex eorum schola fluxisse videtur, quod de Mar-
comannis ait Appianus in Celticis, habuisse illos spem resurrectionis. Pietatis quo-
que indicium est, summum apud eos pœnæ genus fuisse, sacris interdicare. Naturæ
secretioris fuit illis cognitio, unde Plinius *Hist. nat. lib. 30. cap. 1*. eos vocat Vates Me-
dicosque. Ammianus Marcellinus *lib. 15*. summa & sublimia naturæ pandere ait:
Mela *lib. 3. cap. 1*. motuum cæli ac siderum peritos ait. Aquam statuerunt omnium
rerum principium. Hinc eam sponsæ in nuptiis sponsis tradebant. Aurea ipsis
erant gestamina, collo torques, manibus & brachiis murenulæ. Viscum e quercu
prognatum summa religione colligebant, non sine sacrificiis & hymnis, qui mos ve-
rustissimus. Ac præterea symbolica illa magni operis philosophici effigies est, cu-
jus illos fuisse conscios, vel ex eo colligas, quod doctrinam suam literis compre-
hendi vetuerunt, ne in vulgus efferretur. In omnibus enim Collegiis Harpocratis
sigillo, arcana eorum doctrina obsignata fuit. Dogmata eorum e variis Historicis
collegit Otto Heurnius in *Antiquitatibus Philosophiæ Barbaricæ lib. 2. cap. 33*. For-
tassis & Janus Cæcilius Frey in libro, cui titulus *Philosophia Druidum*, qui in 8. Paris. 1646.
prodiit, historiam eorum plenius proposuit, quem tamen videre hactenus non licuit.

Tomus I.

R

Fuere

- 34 Fuere non priscis tantum seculis collegia talia occulta; sed & superiori seculo de FRATERNITATE ROSEÆ CRUCIS fama percubuit. Editi sunt de illorum dogmatibus & doctrina Theologica libelli Germanica lingua, qui multum strepitus ubique excitant. Fuere, qui totam rem pro impostura habuere, aliqui scriptis Apologeticis in lucem missis defenderunt. Literæ a multis ad illos scriptæ, publicisque typis impressæ, sub spe arcani alicujus indagandi. In Germania Vir doctissimus Michaël Meierus causam illorum publico scripto egit, cui titulus: *Silentium post clamores, h. e. Tractatus Apologeticus, quo causæ non solum clamorum, seu Revelationum Fraternitatis Germanicæ de R. C. sed & silentii, seu non redditæ ad singulorum vota responsionis, una cum malevolorum refutatione, traduntur & demonstrantur.* Ubi multa etiam historica de hac societate occurrunt. Scripsit & Robertus Fluddius defensionem hujus societatis, & Johannes Heidon Anglica lingua varios de Fratrum Rosæ crucis doctrina tractatus edidit, inter quos hoc titulo unus est: *Insalubilia axiomata Fratrum Rosæ Crucis, cognoscendi præterita, præsentia & futura.* Non agitur hoc libro, nisi de mirabili vi & potestate numerorum, quibus evocentur genii, & alia occulta in natura perficiantur. Sed pleraque ex illis sunt e scriptoribus de mysteriis numerorum congesta.
- 35 Anno hujus seculi trigesimo fama quoque COLLEGII cujusdam ROSIANI, per quendam Petrum Mormium divulgata, libello Lugd. Batav. impresso, cui titulus: *Arcana totius naturæ secretissima, nec hæcenus unquam detecta, a Collegio Rosiano in lucem produntur, opera Petri Mormii.* Occasionem hujus libelli & notitiam Collegii hujus in libello ipso tradit Autor: Collegium hoc institutum fuit circa Delphinatus confinia a viro quodam ROSIO, cui se parem ingenio sub sole nec vidisse, nec audivisse, ait Mormius, qui ex Hispania in Galliam rediens, quanquam sacræ Theologiæ Docteur Philosophiæque publicus Professor, nec obscura prolapsia oriundus, obscuro hujus Collegii rumore incitatus, ad locum illum pertendit, supplexque senem ROSIUM rogavit, ut se societati suæ adscribere dignaretur. Sed frustra: Collegium enim ejus cum tribus tantum constaret discipulis, viris nobilissimis, noluit quarto arcana
- 36 sua revelare, eique extero. * Exoravit tandem Mormius, ut, si non ut discipulum, saltem ut famulum se susciperet, quod tandem impetravit, atque illo tempore multa ex eo arcana didicit. Concesserat quoque illi Rosius, ut in utilitatem provinciarum fœderatarum converteret; quare Hagam concessit, ac illustrissimis Ordinibus multa proposuit, a quibus non auditus, pecunia interim deficiente, arcanorum titulos publico hoc libello divulgavit, si quis esset e Magnatibus aut Ordinibus, qui auctori
- 37 sumptus ad experimenta facienda suppeditaret. * Tria sunt arcana majora Rosii, quibus homo nil majus desiderare posset, videlicet *motus perpetuus, ars transmutatoria,*
- 38 *medicina universalis.* * *Motus perpetuus* aut est rectus, aut circularis, aut compositus ex ambobus. Motum perpetuum rectum, etsi per septuaginta annos illi insudaverit, Rosius non perfecit, forte quod noluerit Deus, judicio Mormii, hominem mortalem in arca, etiam decem hominum millia continente, sine ullo labore ascendere supra corpus lunæ, solem stellasque fixas, ac quatuor plus minus spatium dierum ab oriente ad occasum pervolare, aut utrumque polum mundi permeare, & velocius ave-
rapi-

rapidissime volante in contrarios ventos pervehi: quo motu recto homo quatuor dierum spatio utrosque permeare polos possit. Nam, cum in illo vacuo nulla detur corporis obiectio, quæ cursum retardet: tanta talem arcam velocitate ferri posse existimat, qua flammulas æthereas æstate serena rapi videmus. Hoc suo conatu quam excidit Rosius, ut sane ipsa ratio vix admittere videtur; artem tamen ipsam celavit, secundum quam procedere debet, qui tali arcæ fabricandæ operam dare vellet; ne fortasse aliquis, ipso ingenio felicior, ea mediante efficeret, quod hætenus ipse non potuit, qui omne genus hominum per universum orbem torquere, leges juraque immutare aut evertere posset: quale malum quoque a suo invento metuit Franciscus Lana in libro Italico, cui titulus: *Prodromo all' arte maestra cap. 6.* quo per globos cupreos, aëre evacuato, naviculam velis & remis instructam in altum tolli posse existimat, inductus falso quodam de aëris & aquæ analogica gravitate præjudicio; cujus inventi possibilitatem tamen ingeniosissimus Sturmius concedere visus est. Motus ex recto & circulari compositus, quo tamen in altitudinem tantum montium tolli posset homo, Rosio negatus fuit. * Motum tamen perpetuum circulari rem quadruplicem Rosius inventi, qui corpora annexa moveat lateraliter aut circulariter, non tamen eis tollat gravitatem: ut 1. motum igneum, quo fax accensa, ac rotæ imposita, se ipsam, & rotam, & omne impositum, movet. 2. Motum aëreum, per molendinum veliferum, quo vel intra domesticos parietes, aër se ipsum exagitant, etsi clausus, rotas trahat & circumagat, æterno ordine: quo uri possunt, qui terras submersas aquis sicari, aut agros fertilitatis gratia aquis rigare, aut frumentum molere volent. 3. Motum aqueum, quo aqua ascendens & descendens non solum se ipsam fursum refert, sed & corpora annexa circumducit. 4. Motum terreum, quem ceteris excellentiorem docet Mormius, quo naves in mari grandes & onustæ in contrarios ventos cogi possint, tanta celeritate, ut triremes ventis secundis cursu longe prævertant, nulla hominis opera, dummodo gubernaculo regantur. Ejusdem quoque in curribus super terram usus est. * Secundum arcanum Rosianum est *ars transmutatoria*, & quidem I. *citra gradum aureum*, ubi est 1. transmutatio metallorum primi gradus, sub quo tria, mercurius, stibium, bismutum; & secundi, sub quo plumbum, stannum, ferrum; & tertii, sub quo chalybs, cuprum, argentum: quas artes Rosius Mormium non docuit. 2. Mercurium coagulare trium horarum spatio in metallum nobilissimum, colore inferius quidem auro, sed accedens ei tamen, pondere æquali, ignibus resistens, malleabile atque ductile: ex quo aurum perfectissimum postmodum, aquis fortibus mediantibus, Rosius dividit. 3. Stibium in regulum mutare, etiam sine sale petreæ, ita, ut quadrantis horæ spatio tertia pars reguli ex una libra dividatur. 4. Ex ferro chalybem facere; ita, ut per singulas hebdomadas decem mille libræ ferri in optimum chalybem convertantur, unius viri opera, qui uno die omnes necessarias exstruit fornaces, trium florenorum expensis, ac pretio quatuor florenorum cum dimidio mille pondo vertit. 5. Ex cupro non exiguam quantitatem optimi argenti sale quodam examinato producere. * II. *Ars transmutatoria seminaria* est. 1. Seminaria imperfecti metalli in perfectius, quæ inutilis est, soli serviens curiositati. 2. Seminaria perfectioris in imperfectius, tam citra gradum aureum, quam intra, e. g. si semi-

netur aurum, vegetabile factum, seu elevatum arte spagirica, in naturam seminis solaris, convertit terram, seu metallum inferius, terram factum, per decoctionem spagiricam, in quam seminarum est, in suam naturam auream. 3. Seminarium ejusdem in seipsum, ut, cum sol, factus vegetabilis, seminatur in solem, aut imbibitur sole, ut augeatur virtus ejus a decimo gradu fortitudinis seminarie ad centesimum: ita, ut granum unum, quod prius pollebat potestate tantum in unicum granum terrae, jam polleat, potentius factum, in decem. Ad hanc seminariam tria requirit: terram, semen, vinculum, seu instrumentum, quo terra impinguatur, ut sit pingue pabulum semini seminando, & semen virtutem accipiat vegetandi. De his tribus arcana tenet Rosius. 1. De vinculo & Mercurio, sex hebdomadarum tempore minimis expensis dividit tria elementa: quorum primum aëreum, quo nil dulcius; secundum terreum summe amarum, quo nil amarius; tertium aqueum, quo nil insipidius: ut mirum sit, corpus unum tam discrepantibus componi corporibus, quae paucis hebdomadibus iterum fiunt unum, dum dicta dulcedo, quae spiritus est philosophorum, & amaritudo, quae anima, in corpus insipidum regredientes, ipsum potentius animant, quam antea: ut sicut antea unum erant, jam redeant in unum. Hunc spiritum & animam vocat Mormius rorem Maji, acetum philosophorum, lac virginis, succum lunariae; his solvi, air, corpora in suam materiam primam, ut fiant metalla pulvis impalpabilis sine igne flammco. v. g. dum sol ita solvitur, ut fiat ignibile violentius pulvere sulphureo. 3. De semine hoc arcanum est, quod ex eodem pulvere, conficiatur ipsum. * III. *Transmutatoria projectiva* est plenior & perfectior, cum in momento faciat, quod seminaria temporis successu; differt a seminaria, quod haec transmutat per modum vegetationis, veluti dum semen frumenti transmutat terram, aquam, aërem in se: projectiva vero transmutat vel per vim medicam, si agatur de perfectiori metallo in imperfectius projiciendo; vel per vim infectivam si contra agatur. Quodsi metallum perfectum projiciatur in imperfectius, sanat illius lepram & morbum, & facit illud perfectius, id est, magis sanum. Facit & aliam Transmutatoriam projectivam, cum

43 unum aliquod projicitur in semetipsum. * Tertium arcanum est *Medicina Universalis*. Cujus tres gradus facit. 1. Eam, quae universaliter omnes curat morbos, 2. quae ab omnibus eis tuetur, 3. quae vitam longam efficit. E singulis tres aliae oriuntur. Prima, quae morbos ex traduce profligat, secunda, quae morbos animi: tertia, quae morbos corporis. Praeservans vel perditas vires reparat, vel ab animi & corporis aegritudinibus servat. Prorogans vitam vel producit eam, quae senectutem praecedat, vel vitam profert in plura secula, vel in aeternum: quam ultimam prorsus ignoravit Rosius: in ceteris vero omnibus mire profecit. Adduxi haec plenius, ac ipsis Autoris verbis; cum non in omnium manibus ille libellus sit, & ut eo rectius de singulis judicium institui possit. Mihi quidem cum praestantioribus ac praecipuis magistris conferenti illa de Transmutatoria arte philosophemata in multis nova & a via λεωφόρου ac regia aberrare videntur; qua de re peritiorum esto judicium. Ego tamen, ut rem paucis cognitam, minime hoc in loco praetermittendam duxi.

Sequun-

Sequuntur jam *arcana minora*, e quibus præcipua hic memorabimus. Possunt 44
 Rosiani ex omnibus corporibus lapideis, minerabilibus, vegetabilibus, elicere tria
 elementa; id est, corpora; quorum unum respondet terræ, alterum aquæ, tertium
 aëri: ex illis ternis singulis ulterius alia terna, ut fiant jam novem; & ex illis nove-
 nis singulis alia terna, ut fiant viginti septem: miro ordine, arteque nova, quæ sin-
 gula etiam suis maxime differentibus proprietatibus constant, ut v. g. ex rosa vi-
 ginti septem corpora distincta separentur, quo evidentissime trinitatem elementor-
 um probare volunt: elementum enim ignis, quod vocant, nihil differe ajunt ab
 aëreo, quam quod sit species ejus, aër sc. magis excultus: qui nihilominus in ven-
 tre suo tria iterum divisibilia contineat elementa. Solvunt antimonium totum in
 aquam fontanam & clarissimam, quæ leviter vomitum ciet & alvum mover; flores
 ex eo faciunt singulari methodo copiosissimos; amuleta contra pestem & quævis
 contagia, somnum conciliantia. Arcana habent adversus mortem violentam: unum
 defendit ab aquis, quo uti possunt tempore naufragii: a submersione enim custo-
 dit. De tali arcano etiam Pegelius in suo supra citato libro mentionem facit: al-
 terum ab armis securum præstat, lorica scil. singulari modo fabricata, quæ vel
 sclopeti ictum repellit: tertium adversus famem est; si quod superest seminis vel
 leguminis, mature seminetur in terram etiam intra parietes domesticos, cujus vis
 vegetandi in decuplum augeatur, unde tamen pro extrema necessitate præsidium
 sit. Possunt & ligna, paleas, stramina, ad concoctionem apta reddere, ut pul-
 tes ex iis confectæ sufficienter nutriant. Eodem libro p. 58. agitur quoque de arborum
 foliis, ossibus, lana, cornibus ita parandis, ut eis nutriri quodvis animal queat. Quod
 convenire cum illo Papiniano invento videtur, quo ossa singulari coctione, in clau-
 so instrumento, intra exiguum tempus in gelatinam resolvuntur, de quo singula-
 ris in Anglia liber prodiit. In salis communis defectu salem, qui continebatur in
 sanguine humano, arte spagirica reparatum in suam pristinam naturam redigunt:
 quod paucissimo labore, commodo autem maximo, elici possit. Oleum talci con-
 ficiunt, quod vehementer commendat Mormius, ut medicinam universalem, tam
 intus, quam extus, ut spatio trium horarum ex libra talci quinque uncias olei eli-
 ciant. Commendat autem Mormius præ talco Veneto, quod vino ardenti non ce-
 dar, illud, quod reperitur in Aquitania.

Pergit Mormius ad *arcana Mathematica*; ubi primo motum perpetuum terreum, 45
 cujus antea mentionem fecerat, describit, quem hic apponam: * Lamina longior 46
 decuplo, quam lata, plumbea, tenuissima, stylo transverso, in formam novaculæ acu-
 tæ, pro axe, transfixa in duarum rotularum circumferentiam, pendula constituatur;
 ut minimo tactu agitari valeat; brachium ejus, tam supernum, quam infernum, in
 duas partes æquales notatum, excipiat in medio laminulam tenuem, longam digitum,
 itidem transversam: sic tamen ut dexterum latus laminæ muniatur una, sinistrum al-
 tera. Illis ex opposito in extremis brachiorum similes eodemque ordine affigantur
 aliæ. Item decuplices quatuor fabricentur arcus; ita, ut arcus simplex alligerur me-
 dio funi alterius; & ipse alter alteri priori; ut ex decem arcubus fiat unicus. Unus-
 quis-

- quisque horum figatur affabre e regione alicujus dictarum laminularum digitalium: hinc fit, ut lamina suspensa agitata semel, infringens in duos eorundem arcuum, supernum & infernum, eadem & majori violentia refringatur in alios arcus oppositos. Quapropter & ab eisdem remissa velocitate eadem redit ad arcus, a quibus discesserat; & ab eis excepta, uti prius, vicissitudine aeterna reciprocatur in exitus & reditus nunquam quieturos. Hinc binas fabricas addit, quarum prima est ballista, quae non minori virtute projicit globum ferreum, quam tormentum bellicum. Ita autem eam instituit. Fiat magna ballista, more communi, cui loco sagittae aptetur alia ballista minor, & huic eodem modo alia minor, toties multiplicando ballistas, quoties ejus duplicare vim ejaculatoriam voles. Sic vero instituantur, ut, cum major laxata est, confestim, dum ejaculata minor procurrit, clavo obvio itidem laxetur; & sic de sequentibus; globus vero insideat ultimae; fit igitur, ut velocitas harum omnium ballistarum, in unum ex multis coiens,
- 47 in globum unita supra fidem eum deturbet in remota. * Secunda machina planetarum cursus ceterosque mundi effectus imitatur: qualem Drebelius quidem invenit per lampadem ardentem arcae inclusam, cui insidebat globus. Sed Rosius per funem pendulum representavit omnes caelorum motus, pluvias, tonitrua, ventos, & ipsam caelorum musicam, innumerabiles denique mugitus, sibilos, vagitus,
- 48 clangores, latratus, nemine tangente aut juvante. * Plura hinc sunt circa rem rusticam, hortensem, campestre &c. arcana. In singulis sunt alienarum qualitaturn insertiones, transformationes. In qualitaturn alienarum insertionem observavit Rosius, plantas vel ambrae, vel zibetæ, vel cujuscunque rei, odore ita imbui posse, ut tota herba semper illum odorem spiraret, & pro vero mosco &c. in usum venire possit. Cum hæc experiretur, sequentium paradoxorum veritatem probatam invenit, quorum primum: omne vegetans nec ex aqua nec terra, nec aëre sumit sui incrementi materiam, & per consequens, elementa non sunt elementa rerum. Secundum: omnis res, quatenus talis natura, est indivisibilis: ergo, quando res crescit, in se ipsam repetitur, & ejus perire nil aliud est, quam istius repetitionis annihilatio. Tertium: ex nihilo fit aliquid: cum omnia, quæ fiunt, ex nihilo fiant. Hoc infertur ex præcedentibus. Ad hujus rei confirmationem vidisse se, ait Mormius, semina plantarum projecta in vacuum quoddam, in quo nec aër, nec aqua, nec terra, a quibus augeri potuerint, longe lateque radices circumvolvere, adolescere, frondere, florere & sementurire. Nisi suis oculis vidisset, nunquam talia se credidisset ait. In exemplum adducit J. Bapt. Portam, *Mag. nat. lib. 4. cap. 19.* (quem autorem veridicum se in multis probasse ait), qui docet, farinam triticeam portentoso proventu in infinitum excrecere, observatis paucis, quæ nullam evidentem crescendi materiam suppeditant. * Proponuntur alia de aggeribus & valibus dissipandis, de terræ ejaculatione ad fossas implendas, de messibus optimis ex agris exhaustis & sterilibus sine fimo vulgari & alia cultura producendis, de organis aquam sursum levantibus, de singulari quadam machina, quæ *Arca piscis* vocatur, quia sub aquis non secus ac piscis natat, sursum, deorsum, dextrorsum, & prout vult, qui regit eam. Hanc ita describit Mormius: Hæc cursu insequi potest quam-

quamvis navem, etiam secundo vento pulsam; maris abyssos lustrare, indeque corallia, perlas, aurum, naves merfas, quærere & exportare: & pro magnitudine sua centum & mille viros deportare. Idem Mormius illic ait, se aquis mersum ambulare posse, quocunque placuerit, meta posita, & in charta sub gurgite scribere, quicquid vollet, & de fundo extrahere, quod injicitur, & tormentum pulvere nitroso gravidum succendere, & tandem siccum emergere. * Ad ligna dividenda Rosius 50 ferram invenit, quæ minori fastidio & labore plus efficit uno die, quam quælibet alia diebus sex. Ad saxa dividenda machinam invenit, qua quæque saxa sub aquis latitantia, in quæ naves alliduntur, brevissimo tempore dissiliant. Invenit instrumentum, quod camino impositum fumum omnem de loco sursum trahit, & una veru carnibus assandis onustum optime volvit, beneficio ignis, qui a se ipso movetur sursum: item furnum portatilem, qui sola lampade supposita breviori tempore carnes durissimas percoquit, magno lignorum, laboris & temporis compendio: cujus & usus insignis in destillationibus est. Agit porro de linguis breviori methodo docendis, de quo nos alio loco. Hæc sunt illa collegii Rosiani arcana, in quibus recensendis forte prolixior, quam par erat, fui. Putavi tamen, non ingrata lectoribus fore ob insignem rerum & artium varietatem; quarum vel titulos nosse, Historiæ naturalis cultoribus jucundum non solum, sed & fructuosum est. * Ego vel in 51 hunc diem latitare per orbem variis in locis talia occulta collegia crediderim, ut olim singulares ordines in arcanorum naturæ memoriam sunt instituti, quorum omne studium in abditis naturæ causis indagandis versatur, de quibus hoc loco plura non dicemus. Felices animæ, quæ divino beneficio ad hæc arcana admittæ! quod & Seneca agnoscit, qui lib. 6. Nat. quæst. Magni, inquit, animi res fuit, Naturæ latebras dimovere, & in Deorum secreta descendere. Nos jam ad cetera transimus.

C A P. XIV.

DE ALIIS ERVDITORVM SOCIETATIBVS.

1. Muscorum cura ad Principes pertinet.
2. Hebraeorum Schola.
3. Synagoga.
4. Græcorum Musæa.
5. Prytanæa.
6. Museum Alexandrinum.
7. Honores eorum, qui Museo Alexandrino recipiebantur.
8. Omnis generis literati in illo.
9. Canoniceorum collegia.
10. Universitates.
11. Quare in Academiis exigui sint rerum naturalium progressus.
12. 13. Judicium Verulamii & Tschirnhausii.
14. Academia Italica.
15. Quando instituta.
16. Academia Humoristarum.
17. Mancini elogium.
18. Lynceorum.
19. Cæsi elogium.
20. Origo hujus Academiae.
21. Doctrina in illa proposita.
22. Alia Academia Romana.
23. Veneta Academia.
24. Veneta & Vinitiana differt.
25. Incogniti.
26. 27. Plures Academiae Veneti & Patavini enarrantur.
28. Academia Fursurariorum Florentina.
29. Strozze elogium.
30. Academiae plures Florentinae.
31. Academia

mia Otiosorum. 32. *Mansi elogium.* 33. *Academia Neapolitana.* 34. *Plures Academia recensentur.* 35. *Academia della Lesina.* 36. *Scriptum della Lesina ridiculum.* 37. *Inepti Academicorum tituli reprehensi.* 38. *Earum Academicarum utilitas.* 39. *Fata.* 40. *Forma & institutio.* 41. *Academie François, Parisiis a Richelieu instituta.* 42. *Plures Academiae Parisinae recensentur.* 43. *Fructus pro augendis scientiis, cur ex illis exiguis?* 44. *Societas Regia Anglica.* 45. *Abrahami Cowley Idea collegii experimentalis.* 46. *Collegium Psychosophticum.* 47. *Hierosophticum.* 48. *Samaritanum.* 49. *Tschirnhausii pro instituendo Collegio indagande veritatis consilium.*

Ubique gentium sua fuere studiis quasi emporia, Musea, Collegia, ubi convenirent eruditi, deque variis rebus literariis inter se conferrent, unde divinarum humanarumque rerum scientia in populos mitteretur, ac in Reipublicae utilitatem praeclara ingenia educarentur. Fuit illa Principum jam ab omni aëvo cura, esseque in omne aëvum debet, ut artes liberales foveant, earum doctoribus & cultoribus omni ope consilioque subveniant, cætus virorum doctorum publicos cogant. Hæc sunt vera illa opera πολυχρόνια in longum tempus duratura, qualia esse volebat Aristoteles munificentiae opera. Eumenius Rhetor in Pannegyrice recte vocat talia Collegia ac Gymnasia *templa Imperatoriarum Gloriarum*: in eo enim vere Deum imitantur Principes, cum bonorum fontes populis suis recludunt. Ab illis, si ipsi boni, docti, pii, virorum eruditorum amantes sunt, nascitur illa seculorum felicitas, excoluntur artes humano generi utiles: ipsique immortales erunt, cum instrumenta immortalitatis tuerentur. In hunc usque diem fruimur maximorum Heroum, Caroli Magni, Fridericorum, beneficiis; neque ulla unquam ætas illorum memoriam obliterabit. Durat illa literarum & Collegiorum per Italiam, Galliam, Germaniam, restauratoribus gloria, quorum munificentia fructus ad omnem posteritatem propagantur. Hi sunt illi portus, in quos se referunt fluctibus negotiorum agitari, nunquam minus otiosi, quam cum sic otiosi.

- 2 Antiquissima illa Collegiorum cura est, & cum ipsa humanitate nata. In *Hebraeorum* politia a Prophetis *scholæ* sunt divino instinctu constitutæ. Illæ quadraginta & octo urbes, domicilio ac usui Levitarum concessæ, *Numeror. c. 35. & Jos. c. 21.* Scholæ fuere populi Israelitici, in quibus juventutem diligenter educatam, ex eo colligi potest, quod Nabuchodonosor e captivis filiis Israelis deligi jubet pueros, omni sapientia eruditos. Erat Hierosolymæ in monte Sion nobilissimum Gymnasium, a primis Regibus magnifice ornatum. Chrysostomus illud vocat *διδασκαλεῖον τῆς γῆς, scholam communem orbis terrarum*, quæ diu floruit, usque dum superstitionibus gentium ejus gloria contaminaretur. In historia Regum mentio fit scholæ, quam aperuit Heli Sacerdos, cujus disciplina primogeniti Deo consecrati erudiebantur. Schola Samuelis Prophetae in Galgala, Ramatha, Najoth. Schola Helisei formata ab Heliæ. *Synagogæ apud Judæos, post labefactatam disciplinam Levitarum institutæ, quibus præerant Pharisei & Scribæ, in varias sectas distincti, in quibus

quibus Paulus Apostolus ad pedes Gamalielis profecit. Erant in illis Synagogis quoque Bibliothecæ, ad earum usum paratæ. Videatur Lomeierus, libro de Bibliothecis cap. 3.

In Græcia, ut omnium artium quasi patria erat, ita varia in honorem artium & virorum literatorum Musea instituta. Ipsæ Athenæ apud Athenæum lib. V. cap. 2. τῆς ἐλλάδος μυσεῖον, Græciæ Museum dicitur. Fuit & Athenis Μυσεῖον, teste Pausan. in Att. & Lacon. de quo videatur Meursius Athen. Att. II. 9. Træzene itidem erat Museum, teste Pausania in Corinth. Stagiris, teste Plin. Hist. Nat. I. 16. cap. 32. De Museo Helicone egit Amphion, teste Athenæo lib. XIV. cap. 6. Magno scilicet in honore apud Græcos erant non solum viri docti, sed & bene de Republica meriti. * Hi in Prytaneis publico victu alebantur, quod præcipuum quidem Athenis fuit, sed & in ceteris omnibus Græcorum urbibus Prytaneæ fuerunt. Habebant Tarentini, Corinthii, Rhodii, Milesii, Tenedii, Argivi, Thasii, Eresii, Mitylenæi, Cyziceni, Elei, Naxii, Ephesii, Naucraticæ, sua Prytanea. In his Vesta culta fuit, perpetuique ignes magna religione custoditi, cujus occulta quædam ratio fuit. Sed Athenarum fama fecit, ut ejus urbis prytaneum cetera omnia splendore suo obfuscaret. Vide de his Prytaneis Casaub. Animadversion. in Athenæum, lib. 15. cap. 19.

Præ ceteris omnibus toto orbe suo tempore celeberrimum fuit Museum A-6 lexiandrinum. Describit illud Strabo lib. 17. Pars Basilicarum sive ædificiorum regionum est Museum, quod ambulacrum & exedram habet, magnamque insuper domum, in qua cænaculum est sive convivitorium iis commune, qui ad Museum pertinent, & literis humanioribus operam navant. Hoc collegium publicas pecunias habet, & sacerdotem, qui Musæo præest, olim a Regibus, nunc a Cæsare, constitutum. Floruisse hoc Museum jam tum Ptolomæi Philadelphi tempore, docet Athenæus lib. 5. cap. 8. * Non leve erat hoc honore dignum 7 haberi: nam inter equestres dignitates referebatur, ait Philostratus lib. 1. de Sophistis in Dionysio. Adrianus Dionysium Satrapam designavit, non humilium gentium, sed inter viros ordinis equestris censeri voluit & eos, qui in Musæo alebantur. Museum autem erat Mensa Ægyptia, quæ ex omni terrarum orbe celeberrimos quosque convocabat. Illorum honorum præcipua quasi capita fuere δωρεαὶ καὶ δῶρεα. Ita in Adriano Tyrio Philostratus: Marcus, inquit, Imperator Sophistam Adrianum miratus eum magnis affectis δωρεαῖς καὶ δῶρεα. Tum subjungit: Ὅμοιοι δὲ δωρεαῖς, publici victus honorarium, prærogativas, immunitates, Pontificatus & cetera, quæ viros illustrent: Δῶρεα vero aurum, argentum, equos, municipia, & quæcumque divitiarum nomine censentur. Quibus addere possumus liberam & immunem terra marique vehiculationem, quam donavit Polemoni Trajanus Imperator, ut in ejus vita habet Philostratus. Ipsi illi maximi Imperatores Sophistarum auditorium præsentia sua & muneribus cohonestabant. Pompejus, teste Plutarch. in ejus vita, cum Rhodum venisset, singulis Sophistis talentum largitus est. Ad Hermogenem, 15. annos natum, facundia celebrem, Marcus Imperator summa cupiditate accessit; & ut Suidas ait, δωρεαῖς λαμπραῖς ἐδῶκεν. * Erant vero omnis 8

Tomus I.

S

gene-

generis viri docti in Museo Alexandrino, Rhetores, Mathematici, Poëtae, Philosophi. De Philosophis est illud apud Athenæum lib. 1. cap. 19. scommma: *Timon Philisus Sillographus Muscum caveam dixit, irridens Philosophos, qui ibi alebantur, & tanquam aves maximi pretii, incluse reti saginabantur.*

*Permuli pascuntur in Aegypto populosa.
Pugnantes libris ac semper digladiantes
Musarum in cavea.*

- Et de verbis rixari nunquam cessent.* De hoc Museo ejusque viris illustribus scripsit Aristonicus, teste Strabone lib. 1. Scripsit & Callimachus *Μουσῶν*, teste Suida. Erat inter honoris titulos, *Alexandrinus* dici, qui alia gente erant oriundi. Qui enim Alexandriæ literas docuerant, vel jus civitatis erant adepti, Alexandrini dicebantur. Vide plura ejus appellationis exempla apud Jonsium, *Hist. Phil. l. 1. c. 2.* Multa hic de Byzantino, Antiocheno, Berytenfi &c. Collegiis dici possent, quæ consulto
- 9 omittimus. * Verustissima *Canonicorum collegia*, nihil nisi scholæ fuerunt, & in hunc finem institutæ, ut arguunt, quæ hodieque mutato & profanato eorum usu supersunt, officiorum nomina.
- 10 Successerunt, mutato per Carolum Magnum publico statu, omnique re sacra & literaria restaurata, Academiae, de quarum origine, juribus, multa dici possent. Sed occupavit illud argumentum Conringius in præclaro de *Antiquitatibus Academicis* libro. Moliebatur etiam Leo Allatius opus de *totius orbis Academiae*, sed illud vel affectum tantum, vel *avtendorev* est. Scripsit & Joh. Bapt. Alberti tractatum Italica lingua: *Discorso dell' origine delle Academiche publiche & private*, teste Ghilino in *Theatr. Histor. minim. literator. vol. 2. p. 137.* quem tamen non vidi. * In his etsi universa doctrina & rerum humanarum divinarumque scientia proponitur, nam in illum finem sunt institutæ, ac *Universitatum* nomen sunt adeptæ; parum tamen hætenus in rerum naturalium studiis ac mathematicis effectum est: * cujus rei causam Franciscus Bacon Verulamius indagat in *Cogitatis & Visis suis de inventione naturæ, sive Inventione rerum & operum: Cogitavit & illud, inquit, in moribus & institutis Academicarum, Collegiarum & similium Conventuum, quæ ad doctorum hominum sedes & operas mutuas destinata sunt, omnia progressui scientiarum in ulterius adversa inveniri. Frequentiam enim multo maximam professoriam primo, ac subinde meritariam esse. Lectiones autem & exercitia ita disposita, ut aliud a consuetis non facile cuquam in mentem veniat cogitare. Sin autem alicui inquisitionis & judicii libertate uti contigerit, is se in magna sollicitudine versari statim sentiet. Sin & hoc toleraverit, tamen in capeffenda fortuna industriam banc & magnanimitatem sibi non levi impedimento fore experietur. Studia enim hominum in ejusmodi locis in quorundam Autorum scripta velut relegata esse: a quibus, si quis dissentiat, aut controversiam moveat, continuo ut homo turbidus & rerum novarum cupidus corripitur: cum tamen, (si quis verus æstimator sit) magnum discrimen inter rerum civilium ac artium administrationem reperiatur. In artibus autem & scientiis, tanquam in metallifodinis omnia novis operibus & ulterioribus progressibus strepere debent.* * Eadem est querela Ehrenfriedi Waltheri von Tschirnhaus

haus in eleganti libro, cui titulus: *Medicina mentis, & corporis*, lib. 1. part. 3: qui in causas inquirens, quare in indaganda veritate adeo exigui sint progressus, præcipue in Academicis, eandem adducit, quod plerique homines non sui animi inclinationes & ductus sequantur, præcipue illi, qui in Collegiis vivunt. Ita enim ille: *Qui suas inclinationes secuti sunt, vel ex instituto, vel fortuna sic disponente, magni certe viri sunt habiti, mundoque exhibuere singularia. Hac, qui magnorum virorum vitas perlegerit, optime firmata inveniet: cum contra tot Academiae, tot annorum absinthio tempore, & tot collegia virorum, studiis quam enixissime incumbendum, paucissima tantum nobis, aliorum plerumque inventa, alio ordine; aut commentariis illustrata, ad discipulorum usum disposita tradiderint; nihil autem, quod cum inventis illustratissimorum virorum comparetur, ne dicam æquipolleat, multo minus palmam præcipiat. Certe huius rei ratio non est alia, quam quod plerique proprias inclinationes ob necessariam vitam sustentationem vix potuerint sequi, utut optarint maxime, vel, quod una cum studiis certo adstricti fuerint vita generi, ad quod unice propter temporis penuriam coacti fuerunt attendere; aut quod ad studia attinet, ea tantum tractare coacti sunt, quæ ipsorum genio directe adversabantur. Quod adeo verum est, ut ex altera parte viderim homines admodum rudes, qui semper propriam animi inclinationem ab ineunte ætate secuti sunt, eo perfectionis evasisse, ut, quod oculis inspicerent, id manibus feliciter efficere scirent; licet fuerint desituri speciali magistri manu ductione, non sine omnium hæc non attendentium miratione.*

Hos defectus ut evitarent, in Collegia liberiora viri docti coivere, opes & subsidia suppeditantibus viris Principibus & Magnatibus, præcipue in Italia. Magnus illic pro omni genere studiorum, Collegiorum & Academicarum, quas vocant, numerus, inque præcipuis Italiæ urbibus, quæ, ut certo fine fuere institutæ, ita variis titulis nominibusque insignitæ fuerunt. Sunt vero ex his quædam celebriores, quædam Autoribus suis superfuerunt; quædam cum ipsis, & ante ipsos, extinctæ. Nos Academicarum Academicorumque nomina hic, quoad notitia eorum haberi potest, congeremus, quam partim Gregorio Leti, in *Italiae regnantis part. 3. lib. 1.* partim Joanni Ferro in *Theatro Emblematum*, Italica lingua scripto, debemus. * Si Conringium in *Antiquitat. Academ. supplemento 1.* audimus, primo omnium in Italia Romæ videtur *Academia* vox reducta in usum Paulo II. Pontifice, ita tamen, ut non significaret scholam ipsam, sed collegium illo tempore Romæ commorantium, & priscae doctrinæ collapsæ restitutionem aliquam instituentium; probatque hoc, loco ex Bartholomæo Platina in vita huius Pontificis adducto, ubi memoratur, Paulum hæreticos eos pronunciasse, qui nomen *Academiae*, vel serio vel joco, deinceps commemorarent. Sed post illa tempora & frequentius & gratius talium Academicarum nomen fuit: de quibus nunc agemus.

Romæ (ut ab illa incipiamus) celebres *Academiae* fuerunt, I. **HUMORISTARUM**, 16
quorum Symbolum est, decidens e nubibus pluvia, cum hoc lemmate: *Redit agmine dulci.*
S 2

- 17 *dulc.* * Autor hujus Academiae Paulus Mancinus fuit, ex stirpe Romana veteri ac nobili profapia creatus. Originem nominis in Historia Academiae Francicae sub initium ejus Dn. de Pelisson recenset, & Gallisius in *Conversations de l'Academie de Bourdelot*, Discursu illo, qui appendicis loco additur. De Mancino Erythraeus *Pinacoth. I. num. 13.* Humoristarum Academiam instituit praestantissimis hominum ingenii refectam, ejus nominis fama brevi totam Italiam pervasit, atque Alpes conscendens & maria transmittens, apud omnes eas nationes permanavit, ubi aliquis bonis literis bonos haberetur, adeo ut hodie apud doctos viros nihil fere sit Academia illa celebrior. Ad hanc Academiam instituendam impulit Mancinum Gaspar Salvianus, homo ad amicitias & familiaritates eruditorum factus. Hujus characterem graphice depinxit Erythraeus *Pinacoth. I. num. 14.* Huic ab ineunte aetate nihil fuit antiquius, quam universos notitia comprehendere, singulorum genus, patriam, opes, divitias, virtutes ac vitia, nosse, quam plurimos usu amicitiaeque sibi coniungere, quos ita junctos haberet, opera, consilio, labore juvare, cum eis communicare, quod habebat; adeo ut, cum pro nominibus eorum intercessisset, pone ad egestatem redacta sit; sed maxime eorum familiaritates appetebat, qui ingenii, eruditionis, doctrinae, aut artificii cujuscumque fama praestarent; hos colere, diligere, tueri obsequio, horum studia, utilitates & commoda suis anteponere. Neque alterius cujuscumque opera usus est Paulus Mancinus ad Academiam Humoristarum congregandam, nisi illius. Nam quod erat apud omnes eruditos viros gratia & amore, non fuit illi magnopere elaborandum, quo unumquemque illorum in illum catum attraheret, & quoties conventus ille honestissimus cogendus erat, solus ille singulos adire, hortari, rogare, ut venirent, quaeque domi tanquam in umbra commentati essent, foras educerent, & in eam clariorum hominum lucem conspersioneque proferrent; adveniens obviam ire, salutem impertiri, locum in subsellis tribuere. De hoc Paulo Mancino legi amplius potest Erythraeus, *lib. 5. epist. 6.* Hujus Humoristarum Academiae princeps suo tempore factus est Joh. Bapt. Marinus, Poeta Italus celebratissimus. Vide Erythraeum, *Pinacoth. I. num. 16.* Fuit & in eadem Academia princeps Augustinus Mascardus, Urbani VIII. cubicularius, Poeta insignis, teste Erythr. *Pinac. III. num. 26.*
- 18 * Fuit 2. Romae celebris LYNCEORUM Academia, ut Erythraeus refert, ab Angelo Caesio, Federici filio, Duce Aquae Spartae Romano instituta, cujus merito plenior hic historia proponi debet, quo illa ceteris omnibus Italiae Academiis majorem promerita famam est. Lynceorum sibi nomen a Symbolo Lynceis sumserunt, ut perspicacitatem in
- 19 operibus naturae eo titulo innuerent. * Hujus Caesii characterisimum Erythraeus nobis depingit *Pinacoth. III. num. 23.* Mathematicas praeter alias disciplinas coluit, in eisque, quae erat ingenii sublimitate atque acumine, progressus maximos fecit, ut videre licet ex libris, quos edidit; & in Geometricis ac Mechanicis pleraque a nemine excogitata invenit. Praestantissimum etiam ingenium contulit ad rerum philosophicarum scientiam, in quibus summus evasit. Ex quo excellenti studio omnia egregia illa opera emanarunt, quae cum summa singularis ejusdem ingenii admiratione leguntur. Primum, volumen illud ingens, quod Natura theatrum inscribitur, unde Apiarium etiam

suum depromsit: Tum liber de celo, in quo ex sanctorum Patrum sententia probare contendit, celum esse fluidum, non autem solidum, ut universa Philosophorum schola defendit: deinde prodigiorum omnium Physica expositio, pluribus libris comprehensa; tum celestis natura, non minus multis libris exposita; tabule etiam Philosophice, in quibus omnium vis & natura plantarum, Mexicanarum quoque, luculenta oratione narratur. His additur Metallophytum, Urbano VIII. & Card. Barberino dicatum; Physica Mathematica, & universale rationis speculum; ubi scientiarum ars omnium copiose tractatur. Neque his tantum, quantumvis latissimis, doctrinarum finibus se illa vis ingenii continuit, sed tantum flumen, extra ripas diffuens, in alias etiam disciplinas & ad eam Philosophiam, quæ est de vita & moribus, exiit, atque Moralia, Paradoxa, Monita, & his similia quam plura, in vulgus emisit. Ad sui aliorumque exercitationem publicam domi suæ Academiam instituit, quam Lynceorum nomine appellavit; in qua & ipse, quoad vixit, principatum obtinuit. Autor erat Academicis suis, ut aliquid scriberent; cuius auctoritas eo majus apud eos pondus habebat, quod suum ad illam exemplum accedebat, qui nullum scribendi finem faciebat. Ac, ne ad ea, quæ doctæ eruditeque composuissent, in lucem edenda, summi faciendo metu detererentur, pecuniâ ipse de suo largiebatur. Cujus honestissima gloriosissimaque liberalitatis exemplum si viri principes imitarentur, non tam multis egregiis ac doctis operibus egeremus, quæ nunc, auctorum inopia, in aliquem pauperculæ domus angulum rejecta, pulvere obruta situque corrupta, in magnum bonarum artium detrimentum, eruditorum manibus eripiuntur: præterea cum illi suæ liberalitatis fructum ferrent, quo nullus; neque major, neque præstantior, expectari potest ab iis, qui nihil esse in vita magnopere expectandum, nisi laudem & honestatem, existimant; videlicet, ut nomen ipsorum clarum & æternum apud posteros esset. Quid multis opus est? Eo Angeli Cæsii, in operibus eruditorum typis mandandis, liberalis ac regius progressus est animus, ut nulli neque suntu, neque labori pepercerit, quo Nardi Antonii Recchi novæ Hispaniæ rerum medicarum liber, qui antea latitabat, in hominum conspectum exiret. Nam & sumtus ad id necessarios præbuit, ac doctissimis suis Lynceorūque suorum commentariis illustravit atque auxit. Laudata est viri hujus principis eruditio, ac mentis acies, qua rerum omnium vim & naturam inspexit, a Jo. Baptista Porta, in præfatione libri, quem de distillatione conscripsit. Hæc de Principe illo Erythraeus. * Verum si Augustinum Favoritum in Vita Virginii Cæsarii, quæ Poëmatibus septem virorum illustrium additur; audimus, non Angelus Cæsius, sed Federicus, hujus Academiæ Autor fuit; ita enim Favoritus: Hæc Academia Lynceorum autorem habuit Federicum Principem Cesium, literarum amatorem potius, quam peritum; inanesque tandem, quamdiu vixit autor suus, qui illam quasi satam a se arborem omni officio industriaque colebat. Verum eo mortuo, cum Academici nullas haberent certas sedes, nec ceterarum Academiarum morem sequerentur, statim diebus in unum conveniendi: sed unico nominis splendore, & annuli mysterio, omnis eorum disciplina contineretur, brevi Lynceorum memoria ita extincta est, ut eorum ad ætatem hanc nostram vix tenuis aura pervenerit. Incertum ergo e tam diversis sententiis, cui Academiæ hujus origo, patrini, an filio, tribuenda. * Fuit vero hujus Academiæ institutum, eodem Favo-

- rito teste, inusitata rerum eventa, quæ terris, quæ cælo acciderent, in disputationem vocare, causas sedulo indagare, & eorum observationibus aliisque experimentis veterem omnem Philosophiam, Aristotelicam inprimis, evertere. Præcipue Chymica omnia excolebant, quibus convelli doctrinam Aristotelis putabant: quod Virginium fecisse, sedulo huic operi intentum, autor est Favoritus. Præclari ex hac Academia viri orti: Galilaus a Galilaïs, Fabius Columna, ac plures alii, quorum historiam pleno opere, sed inedito, deduxit Martinus Fogelius, cujus
- 22 supra mentionem fecimus. * Plura fuere in eadem urbe collegia: Academicam **ORDINATORUM** Cardinalis Detus in suis ædibus fundandam curavit, in qua eruditis exercitationibus accedebat suavissimus vocum & chordarum cantus. In illa magnam sibi famam Octavius Transarellus acquisivit; sed in magnam cum Margarita Scarrochia, poetria nobili, contentionem venit super symbolo hujus Academiae, quod erat, salinum plenum salis, cum hoc dicto: *a Sole*; de qua liticula legi potest Erythræus *Pinacoth. III. num. 36*. Plures Romæ memorantur Academiae, a J. Ferro, *Delsicorum, Incitatorum, Intricatorum, Partheniorum, Renovatorum, Uniformium*; a Gregorio Leti *Phantasticorum*, de quibus omnibus, quæ dicam, non habeo.
- 23 In Venetorum urbe multæ institutæ fuere Academiae: ubi primum occurrunt
- 24 Academia **VENETA** & **VINITIANA** *æar' ἐξ ὁμωνύμων* dictæ, * quæ voces non unum idemque significant. Testis Joh. Ferrus Theatr. d' Impresè part. 1. cap. 31. *Ne creda il Lettore essere la medesima la Veneta e la Vinitiana. Percioche se bene queste due voci in altro significando sono sinonime e significano l' istesso, qui però prese in significazione d' Academia fanno diversità: poiche la Veneta ha per corpo una Palificata a modo di quelle che si fanno in Vinegia, quando si vuol fabricare col motto. Hinc attollere moles, & la Vinitiana ha la fama col*
- 25 *verso: Così dal basso me ne volo al cielo.* * Fuit illic Academia **INCOGNITORUM**, quam instituisse dicitur Joh. Franciscus Loredanus, Senator Venerus, variis scriptis celebratissimus. Ejusdem Academiae Collega fuit Angelicus Aprosius Vintimiliensis Augustinianus, cujus multi sunt elegantissimi, plerique tamen *avëndoroi* libri, quorum catalogum recenset Gregor. Leti *Ital. regnant. part. 4. l. 3. a p. 358. ad p. 410.* ubi & multa in illum cumulat elogia. Ejus viri *Athenas Italicas, Bibliothecam Aprosanam*, ita expectant viri docti, ut desiderium amplius non ferant. Horum Academicorum vitæ sunt peculiari libro Italico congestæ, cui titulus: *Le glorie de gli Incogniti, ovvero gli huomini illustri dell' Academia del Signori Incogniti di Venetia. Venet. 1647. in 4to.* cujus tamen libri verus autor ignoratur. Sunt, qui Loredanum ipsum autorem volunt, ut Philippus Tabbe in Bibliotheca Bibliothecarum: quod merito in dubium vocat Placcius libro de Anonym. scriptoribus, cum ii, qui vitam ejus scripserunt, ac libros recensuerunt, nullam ejus mentionem faciant, neque verosimile
- 26 sit, ipsum sui Panegyristen futurum Loredanum. * Fuerunt porro in illa urbe Academici: *Allestati, Approvati, Cortesi, della calza, disgiunti, Disingamati, Filekuteri, Immaturi, Intricati, Maritimi, Securi, Afficurati, Svegliati, Peregrini, Dis-*
- 27 *cordanti, Instancabili, Gussoni, Accesi.* * Patavii illustris primum Academia est, cujus

cujus historiam Riccobonus singulari libro descripsit. Hinc sunt Academici *Ætherei* a Scipione Gonzaga instituti, cujus elogium vide apud Erythræum *Pinacoth. II. n. II.* *Animosi* ab Ascanio Martinengo Abbate instituti, de quibus exstant duæ doctæ orationes Antonii Riccoboni, quarum prima est *de primordiis Academiae Animosorum*, altera *de insigni eorum*; illa octava, hæc nona in *Volumine primo Orationum Riccoboni* Petavii editarum. Fuerunt illic *Anhelantes* sive *Aspirantes*, *Orditi*, *Incogniti*, *Constantes*, *Elevati*, *Immaturo*, *Inflammati*, *Ricoverati*, *Sitientes*, *Sperantes*, *Affectuosi*, *Hoplophobisti*, *Delii*, *Rinascendi*, *Stabili*.

Florentiæ *FURFURARIORUM* s. *DELLA CRUSCA* Academiae fama orbi literato innouit, eruditissimis ex ea societate libris. Nomen & symbolum a furfure ideo datum, quod disputationibus suis farinam puriorem, animorum cibum, a furfuribus, erroribus scilicet, fecernerent. Præcipue vero ad puritatem linguæ Italianæ illa instituta fuit. Prodiit ex illa *Vocabularium Italicum della Crusca*, cui simile hactenus nulla vulgarium linguarum habet. Collegium hoc describit Monconisius in *Itinerario* part. I. p. 125. *Elle est (inquit) toute pleine de diuises faisant allusion au mot & chaque escolier prend un nom aussis respondant au sujet. Les sieges sont faits en hottes où l'on porte le pain, le dossier en peles dont on remplit le bled, les chaises en façon de grandes cuues d'osier ou paille, où l'on tient le bled, les coussins des chaises des Princes, sont de satin gris en forme de sacs, & l'on met les flambeaux dans des estuis; qui semblent des sacs de farine.* * Academia Florentiæ quoque fuit in Joh. Baptistæ Strozze ædibus, qui omnes suas opes in literas impendit, quod ut illustre exemplum prædicat Erythræus *Pinacoth. II. mon. 2.* ac merito hic commemorari debet. Præclara, inquit, adolescentum ingenia, que natura ad omnes egregias artes tanquam inchoauerat atque dolauerat, excipiebat, ut expoliret atque perficeret. Erat ille Philosophicis ac Theologicis doctrinis instructus, Græcis ac Latinis literis doctus, poetica facultatis ita peritus, ut non eum equalibus suis solum, sed cum majoribus etiam natu poetis, compararetur. Has ille disciplinas, in instituendo docendoque prudentissimus, juventutem edocebat, & quotidianis domi sua disputationibus exercebat, ac sapius, quod umbratili illa institutione didicerat, in pulverem & solem cogebat educere: cujus rei magnam illi facultatem dabat insignis Academia, qua suis in ædibus, magno literatorum omnium, qui essent Florentia, concursu celebrabatur. Que vero ingenia fortuna culpa, ne emergerent, oppressa cernebat, suis ipse opibus ac facultatibus, quibus erat affluens, subleuabat; libros, vestimenta, habitationem, omniaque ad necessarium usum illis præbendo. Hæc de præclaro hoc viro Erythræus, qui in exemplum omnibus opulenti proponi debet. Nomen vero ejus Academiae non prodidit Erythræus. * Fuere illic *APATHISTÆ*, quorum socius fuit Joh. Nardius: *Ætherei*, *Ineguali*, *Peregrini*, *Inmobili*, *Infocati*, *Alterati*, *Rinovati*.

Neapoli Academici *OTIOSI* a Joh. Baptista Manfo Villæ marchione instituti, qui generis splendore & artium studiis clarissimus summam laudem in eo ponebat, ut honestis adolescentibus se duce præberet, quem proinde cum Strozza comparat Erythræus,

- 32 thræus, *Pinacoth. III. num. 13.* ita tamen, ut hunc longe præferat. * *Strozza institutio*, teste illo, iis tantum disciplinis continetur, quæ animum adolescentis quadam humanitate expolunt; at *Manfi* in iuventute erudienda industria multo progressa est longius: etenim non solum iis excultis disciplinis efficiebat, quas diximus, eos, qui se ipsi commiserant, verum etiam aliis prope centum artibus instructos ornatosque reddebat; equos frenis regere, sibi dicto audientes facere, in gyrum compellere, in cursus cogere; tum ad ludendum arma suscipere, ut ludicra illa armorum tractatione edocti, discerent, quemadmodum iis uti deberent, cum ea ad pugnandum essent sumpturi, tum, saltare, citharizare, ad chordarum sonum psallere, atque ea omnia facere, quæ sine reprehensione a viri nobilis persona abesse non possunt: & ideo præcipuus fuit autor, Neapoli collegium Nobilium instituendi, ubi adolescentes nobiles iis studiis operam darent, quibus eos æquum erat impertiri: præterea, in eadem urbe, Otioforum Academia una cum aliquot aliis initium dedit. Erat præterea vita integer, voluptatum & illecebrarum fugiens, humilis, officiosus. Quibusdam ad rem attentior visus est, sed honesto tamen fine: nam heredem omnium bonorum suorum Seminarium Nobilium reliquit, ac quantum in se fuit, cavit, ne inopia quis a studiis avocaretur. De hac Otioforum Academia legendus & *Craff. Elog.*
- 33 *Hominum literatorum part. i. p. 310.* * Fuere hic *Ar dentes, Errantes, Sirenes, Intrinati, Affetati, Suegliati.*
- 34 Fuere & ceteris Italiae partibus suæ Academiae. *SENÆ*: *Accefi, Aurvalorati, Cortesi, Desidioli, Intrinati, Travagliati.* *VERONÆ*: *Constantes, Olympici, Refloridi, Temperati, Filarmonici.* *RAVENNÆ*: *Excitati, Informes.* *BONONIÆ*: *Indomiti, Nobiles, Obtusi, de la Notte, Gelati, Somackiofi.* *FERRARIÆ*: *Intrepidi, Elevati.* In aliis Italiae locis: *Illustres, Uniti, Invaghiti, Occulti, della Penna, Solliciti, Freddi, Addormentati, Innominati, Adagiati, Offuscati, Caliginosi, Insensati, Ostinati, Raffrontati, Casenati, Immobili, Afforditi, Filoponi, Nascesti, Affilati, Agguati, Agitati, Avisopfi, Auvoliti, Concordi, Confusi, Cospiranti, della Chiave, Estravaganti, Fenici, Filareti, Filomati, Filomeli, Gjoziali, Grandi, Hortolani, Illuminati, Lucitati, Industriosi, Ingenui, Intenti, Partemii, Pianigiani, Puliti, Secreti, Racchini, Riposti, Rischiavati, Risvegliati, Rozzi, Sabei, Schiumati, Sicuri, Spensierati, Sventani, Trapassati, Transformati, Unanimiti, Uniformi, Uranii.* Instituit quoque Mediolani Academiam, exquisitissima Bibliotheca Ambrosiana instructam Cardinalis Fridericus Borromeus, de qua Stephan. Menoch. *Trattenement*
- 35 *erudite part. 3. cap. 5.* * Refert etiam inter Italiae & quidem Florentinas Academias Johann. Ferr. *Theatr. d'Imprese part. 2. p. 444.* Academiam della *Lesina*, sive *subula*; non dixerim, an vere, an per jocum, an per errorem: neque enim ex verbis ejus
- 36 hoc colligi potest. * Prodiit alioquin apud Italos elegans & facetus liber, cui titulus: *la famosissima compagnia della Lesina*, ubi proponuntur varii modi, quibus quis per sordidam parlimoniam direfcere possit, instrumento hoc pro insigni Euclionibus applicato, quo familiari etiam sermone tales notare solemus. Illic quasi Collegium aliquod fingitur: dantur certa præcepta pro novitiis & iniciandis, instituuntur consultationes super hoc argumento. In linguam Gallicam liber ille conver-

conversus, ac Parisi 1618. in 12. editus; una cum altero, cui titulus, *la Contra-Lesne, ou Compagnie de la marmite grasse*, addita comœdia, *les Noces d'Antilesne*, ubi præcepta prioribus contraria de munificentia exercenda habentur. Nihil sane lepidius fingi potest. * Ridiculum alioquin pro vera Academia insigne, etsi æque inepta nomina & symbola multi sibi sumserunt. Multa est Johann. Ferri *Theatr. d'imprese part. 1. c. 22.* circa horum symbolorum convenientiam vel inconvenientiam ostendendam industria. Sollicite enim intentiones Academicorum distinguit. Sumuntur enim ab actione, passione, principio, conditione, imperfectione, perfectione, fine, loco, affectu, exercitio. Disquirat ulterius, quomodo insignia & cognomina Academicorum sub generali quodam conceptu instituenda, ut quisvis socius sibi insigne & nomen sumere possit, quod sub generali contineatur. Nam habent & sua singuli focii nomina & insignia. Verum illæ difficiles nugæ videntur, & sapientioribus in risum illa cognomina cessere. Pinellum certe, Patavii viventem, ut jam supra diximus, deterruerunt, ne cuiquam nomen Academicæ daret, qui ab omni ostentatione & pompa erat alienissimus. * Rolandus quoque Marefius *lib. 2. ep. 43.* cum consilium Academicarum Italicarum probat maxime, ac Capellanum laudat, quod Cardinali Richelio autor fuerit ad similia Collegia in Gallia instruenda, titulos tamen illos, ut ineptos, rejicit. Nihil, inquit, in iis mihi displicet, præter cognomina plane absurda & ridicula, quæ sibi assumunt Itali; quod cur faciant, prorsus ignoro: sed utilitas ex eo manifesta est, primum, quod declamando, & orationes habendo, veterum Sophistarum morem renovant, varia, unde libet, argumenta desumentes, quæ pro viribus ingenii tractent. Quæ exercitatione ad dicendum se comparant, & eloquentiam non parum alunt: deinde Poëtarum suorum aliorumque scriptorum opera severa lance examinant, & quid in iis laudandum, quid vituperandum, collatis sententiis judicant. Quod ad bene de literis judicandum plurimum confert. Sed incomparabile commodum in eo est, quod illuc scripta sua in medium afferunt, ea omnium examini subjiciunt, quæ quisque libere reprehendendi jus habet. Hæc vero emendatio est optima, tot eruditorum virorum judicio facta: ex qua etiam consequuntur, ut postea emendatius scribant. Nec vero quis hæc tanquam parva contemnat, quod in lingua vulgari fiant. Quamvis enim Latina eruditorum lingua existimetur, tamen ipsi eruditi, patrii quisque sermonis non minimam curam habere; sed in eo scriptis elegantibus amplificando & exornando, multam operam ponere debent, Romanorum exemplo & æmulatione, qui, licet sermo Græcus uberior esset, tamen linguam suam, ut inferiorem, despectui non habuerunt; sed locupletio-rem & comitorem omni ope efficere contenderunt. Quanquam, quid prohibet ejusmodi cætus etiam ab eruditis viris, qui Latine tantum scribunt, institui? Imo, si instituantur, utilissimum fore arbitror saltem ad operum emendationem, quæ aliquando præcipitata editione, tanquam nullum amicum doctum habeant, cujus consilio utantur, inemendata emittunt.

De istis Italiæ Collegiis porro tenendum est, idem eorum, quod vocabulo-
rum ait Horatius, fatum esse: 39

Multa renascuntur, quæ jam cecidere, cadentque
Quæ nunc sunt in honore.

Tomus I.

T

Bono-

40 Bononiæ e 24. Academiis non nisi tres hodie supersunt. * Academicorum numerus alibi certus, alibi pro arbitrio. Sunt, in quibus non admittuntur, nisi Nobiles, electiones instituuntur suffragiis secretis. Admittuntur Cardinales, & exteri quoque interdum invitantur, qui meritis illustres. Quaelibet Academia Directorem habet, principemque suum, simulque Protectorem, qui vel fundator ejus est, vel ex illius familia. Locus certus solet assignari pro conventibus, vel in aedibus fundatorum, vel alibi. Etiam matronæ larvæ interdum accedunt: nam & illæ in pœsi se exercent, scripsitque Laurentius Legatus Museum Poëtriarum cum Iconibus, teste Gregor. Leri, *Ital. regn. part. 3. lib. 2. p. 185.* Admittuntur auditores accepta certa tessera. Unus Academicus in multis Academiis admitti potest. Suntque, qui vel 15. Academicarum membra sunt, solentque viri doctrina insignes ad hos honores invitari: quo enim doctiores socii sunt, eo majoris famæ est Academia.

41 Excitarunt hæc Italorum exempla etiam Gallos, ut & ipsi Academias erigerent. Capellanus Richelio earum autor fuit. Ipso ergo dirigente instituta est hoc titulo: *Academie Françoisé*. Ceteri enim tituli, qui aliis placuerant, *l'Academie des beaux esprits, l'Academie de l'Eloquence, l'Academie Eminenté*, per allusionem ad Cardinalitiam Richelii dignitatem, a Richelio ipso rejeeti sunt. Displicuit illa titularum affectatio, quæ Italis familiaris est, quod & innuit, qui ejus Academiæ historiam scripsit, Dn. de Pelisson. Ita enim de hoc titulo: *Au choix de ce nom, qui n'a rien ni de superbe, ni d'étrange, elle a témoigné peut-être moins de galanterie; mais peut-être aussi plus de jugement & plus de solidité que les académies de delà les monts, qui se sont piquées d'en prendre ou de mystérieux, ou d'ambitieux, ou de bisarres, tels qu'on les prendroit en un carrousel, ou en une mascarade: comme si ces exercices d'esprit estoient plutôt des debauches & des jeux, que des occupations sérieuses.* Laudat proinde Academiam Florentinam, quæ ceteris omnibus antiquior est ac simplex, quod sine ulla affectatione nomen assumpserit. Idem autor eodem in loco promittit, se aliquando de Italiæ Academiis earumque cognominibus scripturum. De illo quoque Gabriel Nau-dæus, quem ille citat in Dialogo suo, de Mascurat agere videtur. In hac vero Gallicæ Academiæ historia habetur 1. Origo ejus. 2. Literæ ad Richelium pro impetranda protectione cum *diatromoses* Academiæ. 3. Privilegium Regium. 4. Statuta, dies, locus, forma, conventus. 5. Institutio ipsa & quæ post illam contigerunt. 6. Memorabilia quædam, quæ circa hoc negotium evenerunt. 7. Academicorum singulorum historia. Præ ceteris in hac societate definitum fuit, ut elegantia & nitor Gallicæ linguæ illustraretur. Cui fini Lexicon ad exemplum Vocabularii della Crusca conficiendum proponebatur. Ideam ejus Lexici adornavit Capellanus, quæ habetur p. 98. ejus libri. Vaugelas & Farer huic labori destinati; sed cum tarde res illa procederet, uti sane non est ille anni unius, sed plurium labor (Vocabularium enim della Crusca quadragesimo demum anno absolutum est) sæpe incitatus est a Richelio Vaugelas, cui penitio eam ob causam certa constituta fuit. Aliquando Richelius eum his verbis compellavit, *Mon-*
sieur

sieur, vous n'oublierez pas du moins dans le Dictionnaire le mot de Pension; cui argute statim respondit Vaugelas; Non Monseigneur, & moins encore celui de reconnoissance. Sed irritus postea ille labor fuit, neque unquam lucem aspexit. Multæ super Comædia Cid in illa velitationes institutæ: editum est singulari libro de illa ab hac Academia judicium, ab aliis iterum impugnetum. Non defuere etiam in optimum hoc Academiae consilium malevolorum Satyræ. Inter alios Abbas de S. Germain, qui omnia Richelii consilia reprehendit, publice eam impugnavit. Scripta quoque adversus illam Comædia est, de quibus omnibus legi potest Autor ille p. 46. * Plures & ante & post illa tempora Parisiis conventus eruditorum instituti sunt, quibus de variis rebus actum est, de moralibus, civilibus, naturalibus. Sed ea dissertationibus meris tantum absolvebantur. Hujus generis est illa Academia de Primaudaye, & *Recueil General des questions traitées en conferences du Bureau d'Adresse, sur toutes sortes de matières, par les plus beaux esprits de ce temps, qui liber An. 1660. editus.* Celebrantur hodieque tales conventus, quibus de variis rebus physiologicis, philologicis &c. disseritur. Quæ sub Directore Bourdelorio acta sunt, a Gallezio sunt edita sub titulo. *Conversations de l'Academie de Monsieur l'Abbé Bourdelot, contenant diverses recherches, observations, experiences & raisonnemens de Physique, Medecine, Chymie & Mathematique. Paris. 1673. in 12.* Addit pro appendice dissertationem, quæ quasi Præfationis loco esse possit, qua agit de origine Academiarum, earum utilitate, ac speciatim de Academiis Parisiensibus. Sunt Parisiis Academiae pro scientiis, (f) artibus, omnis generis argumentis, sunt publicæ, sunt privatæ; sunt, quæ multis; sunt, quæ paucis sociis constant. Rex e doctissimis totius gentis aliquam constituit, qua de rebus Physicis, Medicis, Chymicis, Mathematicis agitur: Secretarius ejus Gallezius. Laudatur alia primi Præsidis ea dissertatione, alia, quæ titulo Delphini insignita est; sed quæ nunc dissipata: cui viri præstantissimi interfuerunt, vehementerque Gallezius eam sublatam dolet, consiliumque perfectæ Rhetorices, quod ex illo Collegio sperabatur, interversum. Laudantur illi apud Justellum, virum doctissimum, apud Thuanum, Dn. de Brach, Dn. Marion, Patinum, Turnierum, Rohautium, Dn. de Laubnay, Dn. Denis, Dn. de Fontenay, conventus. Quid in singulis laudari debeat, prolixè illic legi potest. Præ ceteris tamen omnibus Bourdelotianam Academiam

T 2

miam

(f) De Academia Scientiarum Regia Parisiensis consulenda omnino est Joh. Baptistæ du Hamel, Socii ejus & antichæ Secretarii, Historia illius Latina, in qua Libris IV. præter ipsius Academiae Originem & progressus ab An. 1666. ad 1697. variasque Dissertationes, & Observationes, 30. Annis factas, quamplurima Inventæ & Experimenta Physica & Mathematica in certum Ordinem digeruntur, satisque accurate exponuntur. Prodiit ea Parisiis An. 1698. & Lipsiæ An. 1700. in 4to, & in Tertia Editione, Parisiis An. 1701. excusa, Libris Quinto & Sexto, Annorum 1697. 1698. 1699. & 1700. Gesta complectentibus, auctior comparuit. Continuare illam, quotannis, sed Gallico Idiomate, jussu Regio, cepit Dn. de Fontenelles, modernus Academiae Secretarius, cujus Penæ Annorum 1699. & 1700. Parisiis An. 1702. & 1703. in 4to lucem jam viderunt publicam.

miam commendat, cujus instituta, argumenta, de quibus differitur, omniaque, quæ illuc pertinent, magna diligentia recenſet. Cadomi quoque præter Univerſitatem celebrem, duas Academias commemorat Galleſius, quarum altera Phyſica & Mathematica tractat, a Rege ipſo inſtituta; altera humaniora. Hæc a Dn. de Bri-eux curata fuit; illius, jam ante Regiam confirmationem, ab Huero, Delphini In-formatore, Viro celeberrimo, fundamenta jacta ſunt.

- 43 Magnus ex his Collegiis ſperatus ſemper fuit pro augendis ſcientiis fructus, quod quidem verum eſt; neque enim credi poteſt, quis ex ſermonibus ultro citro-que habitis, & ex converſatione erudita fructus redundet. Verum, quoniam non minus auſpiciis res illa agitur, ſed omnia in commune conferuntur, ex ipſa tamen illa collatione *ὁμίλῳ* quædam oritur, quæ magis implicat opiniones & judicia de rebus: ne quid dicam de diſputationibus, quæ per ſe veritati indagandæ obſtunt. Equidem non nego, magnam lucem in veritate exploranda ſuboriri poſſe illi, qui profundo ingenio eoque perſpicace & *ἀρχιτεκτονικῶ* præditus eſt, ſi multorum ille cogitata & experimenta ſolus audiat, illa ad judicij normam exigat, atque ex illis conſiſtiones ſibi formet. Ille per *ἀναλογισμὸν* & combinationem rerum & experi-mentorum ad illa pervenit ingenij ſui *σοφασμῶ*, in quibus alii ſtuebunt. Officit enim in Collegiis illa multitudo ſententiarum uniformi conceptui, neque ad certam adeo metam dirigi poteſt, niſi forte id ſagaciorum auditorum vel lectorum ſingul-ari tacitoque judicio relinquatur; qui ſibi ſolis ſapient, neque in publicum illa con-ferent. Nunquam, ubi communibus ſuffragiis res agetur, aliquid boni ſolidique exrunderetur, unius viri non cerebrolſi ac opinatoris aut pervicacis ingenium quaſi lumine quodam omnia pervader.

- 44 Quare aliter rem in Phyſiologiæ & Matheſeos ſtudiis inſtituerunt Angli, qui novam Societatem pro excolenda Philoſophia naturali inſtituerunt auſpiciis Regiis, certis quibuſdam rationibus & legibus, quæ apud Thomam Spraat in Hiſtoria ejus Societatis Regiæ habentur, Anglica & Gallica lingua edita. Jamdudum talis Col-legij ideam aliquam dederat Baco Verulamius, in elegantiffima illa fabula novi At-lantis, ac hiſtoriæ naturalis certam methodum in novo Organo aliſque ſuis libris præſcripſerat. Origo Societatis ejus ex eo eſt, quod in Academia Oxoniienſi pri-mum viri quidam ingenioli privatum aliquod experimentale ſtudium ſuſceperunt; inter quos fuere Serthus Wardus, Boylius, Wilckins, Chriſtophorus & Matthæ-us Wrenii, Walliſius, Williſius &c. viri ingenio & ſcriptis omnes celebres. Illa cum veniret ad Gallos fama, ipſi Academiam Pariſienſem, quæ in linguæ Gallicæ culturam inſtituta erat, ad ſtudium rerum naturalium tranſtulerunt. OxonioLon-dinum rerum naturalium ſtudium deductum eſt, cum viris iſtis Londinum abeun-tibus, ad quorum numerum acceſſio facta a multis Londinenſibus, tam Proceribus, quam Philoſophis & Medicis, uſque dum Regiis auſpiciis illa Societas Ann. 1660. excitata eſt, teſte diplomate Regio, quod privilegia, inſignia, ſceptra, ſigillum iis
45 tribuit. * Antequam illa omnia adornabantur, prodiit ſcriptum aliquod ab Abra-hamo

hamo Covvleo, Poëta insigni, & in ceteris Philosophiæ & Medicinæ partibus insigniter erudito, quo suppeditabat consilia pro Philosophia Experimentalis propaganda: (Reperitur inter poemata ejus Anglica, p. 4.) Bene hic quidem omnia comparata habebantur: sed quoniam is sumtus nimios impendi volebat in singulos Officiales, eorumque numerum nimis auxerat; præterea onus informationis illis imposuerat, inconveniens illis videbatur ejus consilium sequi. Neque enim certos reditus haber illa Societas, nisi aliqua donaria ex liberalitate Procerum, & quæ a singulis sociis, cum primum recipiuntur, & deinde in singulas hebdomadas conferuntur. Quare dubito, an illa designatio Officialium & Impensarum, quam dedit in *Gammaologia sua cap. 3.* Sachsiius satis sibi constet. Ex illo tempore certatim aliæ nationes in eadem studia conspirarunt, Florentini, Germani, Dani &c. de quibus in *Polyhistore Physico* pluribus agetur.

Multorum etiam extant de variis Collegiis consilia. * Collegium Psycho- 46
phicum proposuit singulari libro de *Psychosophia* Johannes Joachim Becherus, ad
commodam & tranquillam vitam agendam. * Collegium Hierosophicum Spize- 47
lius in suo *Felice Literato* pro pia & beata vita delineavit. * Academiam Univer- 48
sam Philadelphicam seu Collegium Samaritanorum pro officiis charitatis erga pau-
peres & afflictos præstandis adornare voluit Justinianus Traulou, in quod consili-
um annotationes quasdam paratas habuit Hieronymus Welschius. * Ad veritatis 49
in Philosophia naturali & Mathefi inquisitionem ut multa Ehrenfried Walther von
Tschirnhaus proponit, ita Collegium aliquod pro indaganda veritate singulari mo-
do instituendum suadet, in *Medicina mentis part. 2. p. 203.* quem huc ex illo adducam.
Si quinquaginta pluresve curiosorum veritatis amatorum, inita concordia contribuerent,
haud magni singulis eorum annuatim constaret, ut tantum conferant, quantum sufficeret,
ut quis, qui sibi habitum seu facilitatem æquirendi veritatem, nova & nova semper in-
veniendi comparavit, plus brevi tempore præstet, quam multis seculis alii: prostant quip-
pe doctorum Virorum exempla, qui a nemine adjuti tanta etiam proprio Marte ediderunt
specimina, quanta de nostris antecessoribus frustra per multa retro secula huc usque sue-
runt sperata. Atque ita alii vita sua negotia possent prosequi, & sibi absque labore ve-
ritatem acquirere, ac summa frui voluptate, qua mens in ejus acquisitione afficitur. Quo
vero hoc negotium facilius procedat, posset lege sancita in hoc collegio caveri, ut, si ali-
quod ejus societatis membrum absque liberis & consanguineis ad studia aptis & vivis ex-
cesserit, definita hereditatis portio cederet bonarum artium cultoribus, pro societatis ar-
bitrio distribuenda. Hujusmodi plura possent constitui utilissima: adde, quod desiderium
illud sciendi doctorum nostri temporis non mediocre ob tot singularia hoc ævo detecta in
suspicionem adducit, fore, ut eorum plurimi, quia otio veritatem per se ipsos investigan-
di carent, id munus iis sint necessario delaturi, quos scient aliquid hac in re posse face-
re, haud ita a quovis alio præstandum, tandemque ad hæc bisque similia salutaria consilia,
aest sciendi ardore, confugere cogentur. Si autem hac quoque spe frustraremur, non de-
sunt sapienti, siquidem tale quid appeteret, tot aliæ viæ satis opum ad isthæc necessariorum
colligendi, etiam ab ignorantibus, si placet, & vulgi turba. Veluti si is, qui primus Tele-
T 3 scopia

scopia invenit, operam dedisset, ut in celeberrima urbe, in qua multi habitant novitatis avidi, cuiusvis objecta e longinquo per telescopium conspecta, sub iam sensibili apparere specie, celato artificio, ostendisset, idque vili accepto a singulis pretio, baud difficulter ingentes hoc invento pecunie summas potuisset lucrari. Sic baud difficile foret artis invenendi perito plurima communisci, quæ, tecto artificio, magis admiranda apparent, quam omnia ea, quibus multa sæpe lucrari videmus. Ita variis insuper modis (quos de industria subtrico, cum viro ingenioso, si ad ea se velit applicare, nequeant esse ignota) maiorem opum copiam per alios possent colligere, quam ad eorum institutum requireretur. Plura hic de Collegiis variorum Ordinum sacrorum & similibus cumulari possunt. Sed illa nunc extra institutum nostrum sunt.

C A P. XIV.

DE CONVERSATIONE ERVDITA.

- §. I. Doctrina de conversatione in re civili & literaria utilis. 2. Ejus quedam disciplina datur; 3. hæcenus non exculta: 4. 5. Homiletice Erudita Autoris. 6. Ejus lineamenta prima ex Aristot. Rhetor. II. 7. Notitia sui præmitti debet. 8. 9. 10. 11. Ingeniosorum multa præceptis recensentur. 12. Ambitiosi. 13. Contentiosi. 14. Nugatores. 15. Fuci, Crabrones, Aperi. 16. Notitia aliorum ratione temperamenti, ætatis, fortune, gentis, conditionis, virtutum, morum, affectuum &c. considerata. 17. Regule in conversatione eruditorum, I. ratione opinionis excitande: 18. (1) Honestatem vultu, verbis, facto exprime. 19. (2) Eruditi famam aucupare, & esto. 20. Eremita literarii. 21. (1) Viros magnos venerare, mortuos & vivos. 22. Ciampoli insania. 23. Principes eruditos honore prosequamur. 24. (4) Ostentator modestus esto. 25. Ridicula de Quævæ excempla. 26. (5) Defectus tuos absconde. 27. 28. Declaratur e Verulamio & Ficheto, 29. (6) Arcana tibi serva. 30. (7) Cave contemni. 31. II. proponuntur Regule ratione impedimentorum, in conversatione tollendorum: 32. quarum generalissima est: Ne sis molestus. 32. Reg. (1) Ut homo est, ita morem geras. 34. Declaratur exemplis. 35. (2) Obsequiosus esto. 36. Disputaces & contentiosius intolerabiles. 37. Exempla horum. 38. (3) Affabilis esto. 39. Tristes & morosi a conversatione alieni. 40. H. Cardani ridicula exceptio peregrini. 41. Exempla humanitatis in Pinello, Grutero & Budeo. 42. (4) Garrulus ne esto. 43. Ridiculum garruli exemplum. 44. (5) Curiosior, quam decet, ne esto. 45. (6) In iudicando præcepti ne esto. 46. Modus conversandi. 47. Conversatio magnam informationis subsidium. 48. Barboza conversatio cum Bibliopoli. 49. Colloquia Literatorum. 50. Perturbationes studio excitata interdum utiles. 51. Pinelli modus indagandi inclinationes hominum. 52. 53. Ejusdem & Pauli Sæpii modus notandi e colloquiis observata. 54. Peregrinatoribus magna e Collo-

Colloquio doctorum utilitas. 55. Certum interrogandi artificium etiam arcana de-
tegit. 56. Critice Socratica. 57. Conversatio per epistolas. 58. 59. Pinelli & Ma-
liabecci studium ea in re laudatur. 60. Finis Homiletices Erudite, scientia & fama.

Musea & Collegia, de quibus superiore capite egimus, eam ob causam insti-
tui solent, ut ex conversatione eruditorum mutua res literaria augmen-
tum capiat. Conversandi ergo ratio quaedam habenda est, quæ ut in
omni hominum societate, ita & literatorum illa, omnia moderatur, & ut
in rebus civilibus indigentiam, ita in doctrinis ignorantiam nostram solatur. O-
eræ sane pretium fecerit, optimeque de orbe erudito mereretur, qui artem con-
versandi cum hominibus ad certas regulas revocaret, & in quoddam suis vinculis
connexum systema compingeret. * Hactenus enim inter desiderata referendus
est ille labor. Etsi enim habemus, qui de officiis scripsere, tamen non tam late
ater illa tractatio, & ad iustitiam actionum tantum refertur, non vel ad utile, vel
ad decorum. In his conversandi ars consistit, prudentiæque civili ad latus jungi
debet, quæ sine illa rudis futura est ac ingrata, & nonnunquam sine suo frustrabi-
tur. * Sed illa in solo σοφισμῷ consistere plerisque creditur, ac infinite vagari,
et in ordinem redigi non possit: qui tamen errare mihi videntur: cum ipsa negotia
vilis accurate satis præceptis comprehendi possint. Quam diligentissime hic ex-
tendum τὸ φυσικὸν & ἠθικὸν morum ac affectuum, in quibus omnis rerum car-
o versatur, ex quorum affectionibus, ad personas, negotia, loca, tempora appli-
tis, illæ conclusiones formandæ sunt. In consilium adhibendi Physiognomici
riprotes, Porta, Camillus Baldus in *Physiognomica Aristotelis*, libro de propensionibus
minum, libro Italico de *Conversations*, Scipio Claramontius de *conjectandis latentibus*
in affectionibus, & plures alii, qui vel incertis, vel fugitivis dissertationibus de
oc argumento scripsere: ita feliciori pede hac in re progredi possemus, & tam-
m artem, certis constantem principiis, hinc efformare. Quæ cum sæpe mecum
mpenderem, non inglorium aut inutile opus credidi, si quis, quæ in in univer-
m de conversatione dicuntur, ad rem literariam applicet; in qua post medita-
onem nostram omne punctum fert conversatio, quæ & ipsa novis meditationi-
is viam sternit. Pro mente excolenda laboramus; illi ut bene sit, etsi divina
atia & nobis ipsis præcipue indigeamus; tamen aliorum etiam opera requiritur,
sapere recte possimus; quemadmodum ad corpus hoc sustentandum ope & au-
lio aliorum carere non possumus. * Quare titulo HOMILETICES
RUDITÆ librum mihi scribendum aliquando proposui. Verum cum spes
hi inchoare longas in hac varietate & multitudine rerum, quibus distringor, at-
e lubrica hac mea valetudine, non liceat; integri libri materiam in paucis pagel-
contraham, si fortassis illa studiosa juvenus, cui omnis meus labor servit, sibi
ofutura arbitretur.

Primum quasi solum omni huic contemplationi substernendum est, quod summus
um civilium Magister, Aristoteles, libro secundo Rhetoricorum nos docuit, qui
Ora-

Oratorem civilem formaturus ea ipsi præcepta in moribus & affectibus hominum explorandis dedit, ut non autoribus suis tantum, sed omnibus, cum quibus conversatur, placere, eorumque, quod in societate civili potissimum est, gratiam sibi conciliare possit. Inprimenda ergo sunt animo penitus, & altis quali radicibus defigi debent, illa de moribus & affectibus axiomata: quæ quasi *ῥιζώματα* sunt, unde omnis hæc tractatio velut in ramos suos dispescitur. Elegantissimam in summa brevitate horum axiomatum *διατύπωσιν* dedit Vir Cl. Vincentius Placcius in Excerpto suo Rhetorico de Inventione Affectuosæ probationis Oratoriæ; cuius ille plenior *ἔξεργασιν* pollicitus est. Addi his possunt Theophrasti characteres, & quicquid in Historicis, Comicis, Satyricis *χαρὰν λεγισκόν* est, & ad mores vel affectus pertinet. Præterea & ii, qui vitas eruditorum scripserunt, sedulo legendi, quæque in illis occurrunt exempla, cum his præceptis conferenda sunt. Quorum aliqua in suo Felice literato aliisque scriptis collegit Spitzelius. Cui jungi possunt, quæ de Infelicitate literatorum Tullius, Valerianus, Canonherrius scripserunt. Nam ex conversatione non recte instituta omnis illa eruditorum infelicitas oritur, ut proinde ex alieno periculo præcepta & regulas, ut sæpe fieri solet, nobis ipsis formare possimus.

- 7 Ut aliquam hujus **HOMILETICES ERUDITÆ** delineationem demus, prima ac præcipua in notitia sui opera poni debet. Nunquam cum aliis recte conversabitur, qui seipsum non satis exploraverit: quod, ut difficultatis plenissimum est; ita, ne hac in parte nos ipsos fallamus, omni studio providendum est. Omnis inter duos minimum conversatio vertitur, quorum alter ita comparatus esse debet, ut gratiæ aliorum capax esse possit; ne quid sit, quod animos avertat, sed quod alliciat, & in favorem nostrum rapere videatur. Quare non solum virtutibus omnibus instructus esse debet, qui familiaritatem virorum doctorum quærit; sed illos naturæ in se instinctus ita temperabit, ut nemini molestus, omnibus suavis deprehendatur. Omnes ergo ingeniorum morbos & defectus illum prius exploratos habere oportet, ne sua culpa impingat; & sicubi in aliis deprehendat, moderatius ferat, iisque bonis obviam ire rationibus in se ipso discat. Ingeniorum, ut vultuum, variæ sunt figuræ, quæ, nisi frenis coercerantur, ac iudicii censura in ordines redigantur, in sylvestrem naturam abeunt, ut arbores sibi relicte, si cultura nulla accesserit. Hic vero in seipsos descendere debent omnes, sequæ ipsos explorare, ex Stoicorum sententia, quali genio utantur. Præcipuum hic in sui ignorantia erratum est, si ingenii nostri vires vel defectus non recte expendamus, si nimia nostri fiducia viribus majora aut incongrua affectemus, si non in certo vitæ instituto acquiescamus.

- 8 Est sane quidem magna ingenii vis, si singulares quosdam instinctus, quos natura nobis infeminavit, sequamur. Illa quibusdam intelligentiæ amplitudo est, ut nihil tam excelsum & eximium sit, quo non pertingat. Sed rara admodum in illa felicitate constantia est: nam vel male subductas vitæ rationes habent, vel in scopulum aliquem ex improvviso impingent ingeniosi homines, qui illos fortunis omnibus ever-

everter, aut per totam vitam miseros reddet. Quare nisi prudentia ad clavum ingenii sedeat, *μυρτακα* omnia erunt & evanida. * Aliqui, qui ineptæ Polymathiae morbo laborant, in sylvas & in horrida resqua dilapsi, semper in labyrinthis hærebunt, nunquam in viam *λευφόρον*, nunquam ad metam pervenient, similes illis, qui ingurgitando negotium quidem ventriculo facessunt, nihil vero in succum sanguinemque convertunt. * Aliqui ad abstrusa & recondita feruntur magno quidem conatu, sed robore impari, in quibus postea fatiscunt & hebetantur. * Alii nimis vasta moliantur, de quibus illud Horatianum dixeris: *Consutur tenues grandia, cælum ipsum stultitia petunt*, cum vel ipso animi, vel fortunæ pondere in terram deprimantur, aut Phærontæo supplicio insanas spes luant. * Nulla est tetrior ingenii pestis, quam si philautia vitiosa inficiatur. Illa in omnes vertigines & scopulos abripit, ac ipsum exitium struit. Etsi enim honesta sui fiducia non improbanda est, neque sine illa quicquam præclari suscipi potest; tamen esse in illa modus debet, & ne infinite vagetur, coercenda est. Eo nonnullorum excrescit e fiducia nimia ambitio, ut sinistro aliorum iudicio in extremam incidant insaniam: quod Barlæo accidit, qui ob prælatum sibi Spanhemium in maniam incidit, seque ipsum in puteo suffocavit, quod de eo Sorbierius refert *epist. 64.* extatque apud Duportum *Musarum Subsecivarum lib. 1.* de eo epigramma. Spectat & huc Vincentii Gramignæ exemplum, qui ex pudore & verecundia, quod ad difficile argumentum non respondisset, totius triennii silentium sibi ipsi indixit, teste Erythræo, *Pinacoth. 1. num. 44.* * Infelicissima semper ingenia existimavi, quæ sibi solis sapere volunt, atque omnia antiqua, tot seculorum & sapientum suffragiis probata, e sedibus suis convellunt: quæ quidem strepitus movent, sed perennes famæ plausus non referunt; quemadmodum cometae oculos quidem omnium in se convertunt, sed post aliquot dies vel menses corporum suorum lumen absumunt. Illis accenseas, qui non nisi per aliorum contemptum emergere laborant, cum magna nomina impugnant, atque ex Herostratæis conatibus palmam sibi acquirunt. * Quidam ita animati sunt, ut non Junonem, sed nubem, amplecti malint, quorum studium omne non in disciplinas ipsas earumque verum *εργον*, sed in *παιεργον* fertur. Quicquid illi vel in maxime seriis rebus suscipiunt, omne ludicrum & ineptum est, & vel in subriles, vel eruditas, vel difficiles nugas resolvitur. Qui Historiæ studium colunt, cum maximus ex ea in rem civilem fructus redundet, in inanes quasdam rituum observationunculas dilabuntur. Qui Physica tractant, pro utilissimis & præstantissimis doctrinis, in florum, concharum similiumque rerum inanes speculationes abripiunt: quorum Anthomaniæ & Conchomaniæ ridet Welschius *Hecatoesth. 1. lib. 34.* reduviam potius, quam caput curantium. Sunt quædam in singulis disciplinis ineptiæ, ac, ut ita dicam, præstigiæ, quibus vanissima capi ingenia solent, ordatis prudentibusque viris semper explosæ. Sed qui illis delectantur, doctissimi Fabulatoris dictum audiant: *Nisi utile est, quod facimus, stulta est gloria.* Quot sunt, qui incerta omnia sequuntur! cum, si in uno solo habitarent, omnium erre suffragia potuissent. Nunc vero, si non omnibus ridendos se præsent, mediocrem aliquam vel tenuem doctrinam ridicula pompa ostentant.

15 * Non incommodè omne studii incumbenrium genus cum tribus comparaveris, fucis, crabronibus, apibus. Fuci sunt homines ignava opera, philosopha sententia, compilatores vel dolosi vel inepti, vani scientiarum ostentatores, agyrtæ, aretalogi. Crabrones sunt feroculi illi, qui ut docti videantur, aliis insultant; cumque prodesse nulla re possint, strepitu tantum molesti sunt. Apes sunt, qui illud doctrinæ & sapientiæ mel e variis floribus congerunt, & bonæ famæ fragrantia orbem eruditum implent. Hic se ergo ipsum quis examinet, an inter fucos & crabrones, an vero inter apes locum sibi esse velit.

16 Notitiam sui notitia aliorum sequitur; nam qui se ipsum recte exploraverit, & ad Lydium lapidem virtutum & decori examinaverit, rectius de aliis judicare poterit. 1. Considerari ergo illi eruditi, cum quibus conversari cupimus, debent, ratione temperamenti, sunt enim melancholici, sanguinei, biliosi, phlegmatici. 2. Ratione ætatis, ut juvenes, senes. 3. Ratione sexus, ut viri, virgines, femina. 4. Ratione fortunæ, ut divites, nobiles, potentes, scriptis clari, pauperes, miseri, exules, inventores novarum rerum, secretorum possessores. 5. Ratione gentis & patriæ, ut Galli, Itali, Germani, Septentrionales &c. 6. Ratione conditionis, status, officiorum, ut Eruditi, Principes, in autoritate positi, Heroës, Literarii, Politici, Aulici, Academici, Milites, Privati, Mercatores, Eremitæ literarii & solitarii, Sacri Ordinis homines, Monachi, Icti, Advocati, Medici, Philosophi, ὁμότεχνοι, Peregrini, Cives. 7. Ratione virtutum, vitiorumque his oppositorum, morum, item affectuum; ubi Aristotelis illa tria capita spectari debet: *Qui, erga quos, quibus ex causis.* Spectabimus hic religiosos, atheos, superstiosos, hypocritas, ambitiosos, magnificos, superbos, maledicos, contemptores, adversarios, feroces & ingenii tyrannici, luxuriosos, voluptuarios, affabiles, urbanos, morosos, tristes, avaros, liberales, veraces, mendaces, dolosos, assentatores, severos, crudeles, injustos, invidos, calumniatores, imprudentes, intempestivos, garrulos, inconstantes, molestos, credulos, suspiciosos, dissidentes, temerarios, vindictæ cupidos, meticulosos, obstinatos, pusillanimes, curiosos, extemporales, ἐνεργητικὸς, quos activos dicere solemus, industrios, incuriosos, laboriosos, beneficos, hospitales, gratos, ingratos, querulos, mansuetos, ebriosos, cavillatores, κενόδοξος, gloriatores, modestos, occupatos, iracundos, φιλοκέρως, varios, mirabiles, admirantes omnia, infociabiles, gloriæ contemptores, rustice verecundos, in diem viventes, tergiversatores, σκοτεινός, perplexos subtilitatum affectatores, & si qui præterea sunt: quorum singulorum ingenia ad convertendi rationem expendenda. Possunt enim illi mores & affectus considerari, vel ut per se tales, vel cum respectu ad personarum conditionem, unde certum quasi temperamentum omnis conversationis est. Sed nos hic summa tantum rerum vestigia sequimur, & quoniam exhaurire argumentum hoc totum non licet, paucis tantum axiomatibus præcipua complectemur.

17 Summum hoc in omni conversatione tenendum est, ut aliquam de nobis opinionem excitemus, & nemini molesti simus: quorum alterum animos erga nos inclinat, alterum impedimenta tollit; unde tandem favor & amor consequitur, cujus exci-

excitandi varii quoque alius modi sunt generales, qui ad omnem, non solius eruditi, conversationem pertinent, & hic quasi præsupponi debent. Ut opinionem aliorum de nobis excitemus, hæc præcepta observanda sunt. * I. HONESTATEM VULTU, VERBIS, FACTO, EXPRIME. Nihil magis allicit animos, quam bona mens, quæ per se virtute sua, quali quodam magnetismo, trahitur. Qui versuti sunt, callidi simulatores, tricaratores, litium seminatores, quorum vitæ genus in istis rebus versatur, quæ multum fallaciæ conjunctum habent, eos suspectos plerumque habemus, cum semper ab aliis insidias metuamus. Præterea homines omnes ad fucum & ad speciem compositi, ad quæstum intenti, pessimæ vitæ & morum, ab alienant a se omnium bonorum hominum animos; quibus nocendi sunt Athei, qui cum Deum non venerantur, nihil in humanis sanctum habebunt, atque ab omni conversatione merito removendi sunt. Pietas vero & honestas contra mirifice hominum favorem excitant, & amplissima sæpe beneficia etiam ab ignotis extorquent. Qui magnorum arcanorum possessores sunt, ad familiaritatem non admittunt; nisi homines probos. Amabunt tales discipulos Præceptores, promptioresque illi in erudiendis bonis erunt, quam in distortis & pravis ingenis. Quis non laudat illam in Salmasio generositatem, qui vel amplissimi stipendii spe adduci non potuit, ut Richelii historiam scriberet, quod ipsi multa essent adversus animi sententiam & in veritatis præjudicium scribenda, de quo apud Patin. *Epist. 2.* Honestas illa non ex factis tantum, sed ex ipso etiam vultu, gestu & verbis elucere debet: ex his enim statim de animo judicatur. Non possumus nisi cum fastidio excipere illos homines, quos σοβαρὲς, ὑψηλὰς, μετωρὲς, ὑψηλόμενους, ὑπερβολοφύτας Græci appellant. Autor est *Ælian. l. 3. var. hist.* Platonem cavillationem & irrationem quandam in vultu Aristotelis notasse, unde ad impudentiam natum censuit. Eam vultus honestatem vel ab oratore suo Rhetores requirunt, *Cic. l. 2. de Orat.* Ad conciliandam benevolentiam hæc adjuvant in Oratore, lenitas vocis, vultus, pudoris significatio, verborum comitas. In Pompejo Plutarchus laudat τὴν εὐψίαν & μετρίως συνδραμεύσαντες καὶ προσεντυγχάνσαντες αὐτῇ τῆς φωνῆς, vultum non mediocriter gratiosum, quique tacitis nescio quibus illecebris hominum studiis benevolentiamque pelliceret, atque adeo præveniret ejus orationem. Chrysostomus de S. Melerio loquens τρυφή ἢ μεγίστη τὸ τῆς εὐψίας ὅπως ἀπολαύειν ἐκείνης. Erat summa voluntas frui illo sancto vultu. Vidimus nonnunquam solo aspectu persuasisse Oratores: habitat enim in vultu animas, qui, si bonus ac honestus est, radios ex ipsa illa vultus compositione spargit, qui se aliorum animis ingerunt. Quidni ergo in conversatione erudita idem fieri possit, ubi mutuis modestisque colloquiis animi ipsi inter se coeunt & miscentur. Omnis enim, ut *Cic. de Orat. l. 3.* ait, motus animi suum quandam a natura vultum habet, & sonum, & gestum: totumque corpus hominis, & ejus omnis vultus, omnesque voces, ut nervi in fidibus, ita sonant, ut a motu animi quoque sunt pulse.

II. Axioma nobis sit: ERUDITI FAMAM AUCUPARE, ET ESTO. Qui eruditorum amicitiam ambit, ipse eruditus esse debet: quemadmodum enim, ut Græco proverbio

proverbio dicitur, τέλει μὲν τέττιγι φίλος, μύρμηκι δὲ μύρμηξ, ita quoque sunt eruditae commercia & confortia, quæ non nisi vario doctrinæ sapientiæque coagulo coalescunt. Non sufficit inanis aliqua eruditionis species, quibus imperitis quidem imponi potest, viris prudentibus & doctis non item. Ipsa quoque eruditio thesauro abscondito similis; quæ nisi in publicum proferatur, ut aliis quoque de eruditione nostra constet, nos ipsi ab eruditorum orbe quasi divisi vivemus. * Ac sunt nonnunquam homines, qui vel sui diffidentia vel generositate quadam nimiaque fiducia & aliorum contemtu, secessus quosdam amant, ut sibi sapere possint; vana aliqua philautia inducti id faciant, sive quod ad arcanorum sapientiam admissi cetera vulgaria aspernentur: quos ego Eremitas literatos dicere soleo, qui cum se ipsos ab omni hominum vel eruditorum societate sejungunt, ad conversationem eruditam animum nunquam applicabunt; neque aliis, qui amicitiam eorum ambiunt, facile aures dabunt; nisi forte iisdem moribus sint, & ad easdem artes & scientias eodem instinctu ferantur. Ut ergo constet esse te eruditum, vel specimine aliquo, quod alii tibi potius extorqueant, quam tu aliis obtrudas, vel erudito colloquio ostende. Sæpe uno arguto & eleganti epigrammate plus famæ quidam sibi pararunt, quam vastis aliis libris, in quibus multum laboris, parum ingenii est & iudicii.

21 III. Præceptum est: VIROS MAGNOS ET DOCTRINA ILLUSTRÉS VENERARE. Non de vivis tantum, sed & de mortuis hoc dictum puta. Infelicissimi ingenii signum est, si quis viros totius orbis eruditi & multorum seculorum suffragio probatos suo iudicio de famæ possessione deturbare velit. Sunt, qui, ut famam aliquam aucupentur, magnis & illustribus viris bellum indicant, Gigantum fraterculi, vel potius Pygmæi. Averfabuntur omnes hominem talem, licet interdum eruditionem non damnent, perpetuæque infamiæ macula etiam post fata illos comitabitur. Præterea non magnæ tantum arrogantiae ac malitiæ hoc signum est, sed & infestitæ: solent enim plerumque tales homines præcipiti aliquo iudicio ferri, cum accurate non legerint & expendierint omnia. Multos vidi, qui juvenia audaces impugnaverunt homines illustres, quos postea, etiam meliora monitos, mutare sententiam puduit. * Erat his moribus JOANN. CIAMPOLUS Florentinus, quem Erythræus *Pinacoth. II. n. 19.* describit, qui cum ab ineunte ætate magnus esset æstimator sui ipsius, & contemptor aliorum; cum multam sibi invidiam pararet ob nimiam loquendi libertatem; ob intimas atque apertas cum iis amicitias, quorum voluntates ab iis, quorum ipse temporis intervire debebat, alienæ existimabantur; & ob mimicam scurrilitatem, qua aliorum vultus moresque exprimeret; mortuis quoque & tot seculorum plausu æstimatoris viris acerbè insultavit. *Virgilium & Petrarcam eo nomine felices appellabat, quod tot seculis principes Poëtarum habiti essent, cum nihil in eis nisi humile atque vulgare inveniretur, nec comparandi quidem essent ad eos, qui sua ætate florent. Die quodam cum per urbem rheda veheretur una cum Gaudenzio Paganino, aliisque eruditis hominibus, occasione arrepta, cepit ita in Virgilium & Horatium invehere, ut diceret, nemini unquam iniquius Poëtæ nomen fuisse comparatum, quam illis; etenim nullo esse homines ingenio,*

nulla

nulla eruditione, nullis literis, & , quod rem attinet, nulla inventione, sed puerorum similis, qui tum primum in scholis versus facere discerent: contra se divino quodam munere omnes poëtae numeros fuisse adeptum, in quo omnes ea virtutes conspicerentur, quarum alii essent expertes: Quod cum Paganinus ferre non posset, stomachans e rheda se eiecit, neque deinceps ausus est eo, ubi ipse esset, accedere. Plures ejus viri, utut alias ingeniosi, sed obstinati, tumidi & affectatoris, ineptias illic recenset Erythræus. Testis tamen idem est, paulum ante suum e vita discessum totam suæ sententiæ rationem mutasse, eosque Poëtas in veterem dignitatis locum, unde opinione sua deturbaverat, reposuisse. Solet enim idem hujus indolis hominibus fatum esse, quod Phrygibus, qui sero demum sapiunt, per totam vitam αἰεὶ πᾶδες, qui non nisi μετὰ ποῖος & inanibus rebus ac ineptis delectantur. Quod si idem faciant in vivis, pro fœnore inimicitias omnium reportabunt. Omnes ad viri talis conspectum, velut ad rabidi canis occursum, horrebunt, & cane pejus & angue vitabunt. Novi virum egregie doctum, sed in omnes pene hujus sæculi illustres viros maledicentissimum: quam ob causam nemo illum respicit, neque amicitiam ejus ambit. Nam cum nemini parcat, easdem ab illo injurias omnes metuunt. Præterea insciæ ac imprudentiæ opinionem excitat: cum enim reprehendi aliquem vident, qui omnium judicio in cælum extollitur, prudentiores hominem indoctum habebunt, qui id fecerit. Ut enim de pictore, sculptore, fictore nisi artifex judicare; ita nisi sapiens perspicere non potest sapientem. Insipiens ergo, indoctus & homo malus est, qui bonos & doctos reprehendit. * Quod si ad doctrinam insignem illustris quoque dignitas accesserit, major illis reverentia debetur, quo magis illi fortunas doctorum augere possunt. Principes eruditi enim, siquidem vere eruditione excellent, aut prudentes sint, ἐμὸς ἑχμὸς semper amabunt, eosque, ut suæ laudis præcones, venerabuntur. Qui eruditioni suæ diffidunt, alios, qui se ingenio & eruditione superant, odisse solent, ut Nero Poëtas sui temporis. Verum Urbanus VIII. & Alexander VII. Pontifices, Poëtæ ipsi præstantissimi, ad optima munera viros ingeniosos & Poëtâs vocarunt, ac cum ipsis familiariter conversati sunt. Legimus in præfatione Epistolarum Patini, Magnates Patino aureum nummum (Lotus d'or) obtulisse, singulis vicibus orbiculo supponendum, quoties ille cibum una capere vellent: quam ille tamen conditionem fastus aulici impatiens respuit.

IV. Axioma hoc est: OSTENTATOR MODESTVS ESTO. Quemadmodum superbia & fastus nos ab aliis sejungit, ut consortium nostrum fugiant, ita cum nimis abjecte de nobis sentimus, per nostram negligentiam aliis quoque negligimur. Quare non adeo improbanda est decora ostentatio, sed quæ ab omni jactantia, ab ineptiis remota ac plena modestia sit. Quod si famam expertus faventem fueris, eamque fueris promeritus, non tuo tantum, sed & virorum bonorum judicio, secundum Horatii sententiam, *quæsitam meritis sive superbiam*. Est enim quædam honesta phantasia, quæ in sui fiducia consistit. Magna vero famæ in alliciendis animis prærogativa est: quare famam non tantum honeste aucupari debet, ut præcepto primo diximus,

mis, ostentatio, quam ut in Mutiano laudavit Tacitus, & ab illo requiritur, ita & erudito quædam sui ostentatio necessaria erit. Egregia plane sunt, quæ de omni etiam virtutis ostentatione agit Verulamius l. 8. de Augm. scient. c. 2. etiam nobis hoc in loco profutura; quæ illic legi possunt. * Abeſſe 25 vero omnis factus & ineptiæ debent, ne vel odiosi fiamus vel ridiculi. Factum talem cum asperitate conjunctum in Mottæo Vayero deprehendit Patinus, qui de eo epist. 15. *autant Stoïque qu'homme du monde, homme qui veut être loué & ne loue jamais personne, fantasque & capricieux, & soupçonné d'un vice d'esprit dont croient atteints Diagoras & Protagoras.* Ineptam illam de *Εὐρυθραῖος* aliquot exemplis nobis Erythræus, optimus characterum in viris literatis observator, depinxit. In eorum genere qui esse primi omnium rerum volunt, nec sunt, BELMONTES CAGNOLUS fuit, de quo ille Pinacoth. l. n. 3. ridiculam plane historiam recenset. Homo gloriarum plenissimus sibi persuadebat, in toto orbe terrarum celebrationem suam nomen esse; ac si literatus quispiam ipsi advenienti continuo non assurrexisset, elatus iracundia, hisce hominem verbis accipiebat: Itane? Abbas Cagnolus eversa Aquileja & tantorum carminum autor, tuam potuit notitiam effugere? non sit verosimile. Et quo tempore Cardinalis a Balneo aula ludus erat, cum die quodam in Humoristarum catum se intulisset, & amatoriam quædam carmina ab alio, ut ipse dicebat, confecta, qui in ejus disciplina educatus esset, senex candidissimus recitasset, omnium in se visus excitavit. Quamobrem ille inflammatus ira: quid ridetis, inquit, insani? ego sum ille Abbas Cagnolus, omnium, qui sunt ex hoc numero, multo antiquissimus, quique ex diruta Aquileja poemate tantam mihi gloriam famamque collegi, ut nullus in terra vivat, cujus nomen sit apud omnes illustrius & clarius. Quibus auditis omnes ita voces, ita palmarum intentus, sibilos profuderunt, ut ad eos compeſcendos nihil Augustini Mascardi, qui tunc Academiam Princeps regebat, jussus atque autoritas plane valeret. Ridicula plane & misera fuit JACOBI CLAVERI *δοξολογία*, quam idem Erythræus Pinacoth. l. n. 3. describit: Suo tempore sacris initiatus, mittebatur quotannis feriis esurialibus in aliquem pagum, divinarum rerum interpres; atque etiam excipiendarum confessionum provinciam acceperat; quæ res illi conjungende cum multis anticitia causa fuit, utque cupiditatem laudis & gloria, qua aestuabat, expleret. Nam tribunal, unde confessiones excipiebat, ostiolo templi propinquum habebat, qua discipulis a scholis redeuntibus transiendum necessario erat; ibi tanquam in statione manebat, & quemcunque adolescentem ingenio prestare audivisset, humanissimis verbis excipiebat, laudibus efferebat, suam illi operam pollicebatur, ac postea in cellulam deductum juglande, melle condita, reficiebat: quibus blanditiis eo hominem adducebat, ut promitteret, se ejus laudes, quas ipse sigillatim enarrabat, vel prosa oratione vel carmine, celebraturum, ac per hanc rationem a multis, qui postea in literis clari & magni extiterunt, non inelegantes versus suam in laudem expressit: nec minus audacter poetarum hujus ac superioris ævi principes est aggressus, videlicet Annibalem Carum, Torquatium Tassum, Benedictum Varchium, Julium Cæsarem Stellam, Porphyrium Felicianum; quorum scripta in ipsum carmina leguntur, hæc ille postea in duo volumina collecta edidit, quorum alterum Latina, alterum He-

trusca

trusca poemata continet; & utrique praefixa est ejus vita, oppido ridicula. At voluit homo cupidus laudis vivens gloriola sua frui: quibus rebus persecerat, ut tota urbe celebratum suum nomen esset. Induxit etiam, nescio quem, Religiosa ejusdem familia rerum gestarum scriptorem, ut suae ipsam historiae summis laudibus ornatum infereret. Longe subtilior illorum δεξιοτερικος est, qui gloriam de spreta gloria aucupari solent, de quo Antonin. Imperat. τοῦ αἰς ἐαυτὸν. lib. 12. §. 27. ὁ γὰρ ὑπὸ ἀτυφίας τύφος τυφόμενος πάντων χαλεπώτατος, fastus de fastus contemptu inflatus omnium est maxime intolerabilis; ubi praeclaras Gatakeri notas vide. Omnis ab ostentatione & laudis cupidine affectatio abesse debet, quae in erudito omnia corrumpit. In verbis, factis, scriptis, conversatione & ubique se exercere solet: quam ut effugiat, omni prudentia providendum est. Vir eruditus erat Alexander Burgius, sed unum illi objiciebatur vitium, referente Erythraeo Pinac. l. 2. 67. quod nimis eruditi famam affectaret: nam obvios in via amicos sententia aliqua, aut verbis, ex Ciceronis epistolis desumptis, salvere jubebat: unde apud eos, qui eum non nossent, paedagogi speciem non poterat effugere. De hoc affectationis vitio, quod Gallis *pedanterie* dicitur, multa erudire Autor artis cogitandi in Disc. primo: Recenset nonnullos huius vitii in eruditis characterismos Bailletus in libro de *Judiciis doctorum*, tom. 1. part. 1. §. 2. De variis in paranda fama artibus & praestigiis extat elegans Johann. Conrith Oratio, Poematibus ejus annexa, quae hoc nostrum axioma mirifice illustrabit.

V. Axioma est: DEFECTUS TUOS ABSCONDE. 26

It ostentare in tempore virtutes, ita defectus suos occultare, viri prudentis est. It ille Politicus omnium optimus est, qui imprudentiae suae errores regere novit; ita ille vir eruditus praeter ceteris habebitur, qui defectus suos callidius celare novit. Tres defectuum latebras, ut vocat, Verulamius constituit: quarum prima illi est 27
autio, quando iis rebus abstinemus, quibus pares non sumus, cum audaces se omnium defectibus nostris benigna aliqua interpretatione viam sternimus, quasi aliunde provenientibus, aut alio tendentibus. Tertia *Confidentia*, cum illa contemnimus, uae ipsi assequi non possumus: ut mercatores, qui suas merces, licet ignobiliores, extollunt, aliarum pretium imminuunt. Singula haec, ab illo prudentissime observata, etiam in re literaria atque conversatione erudita usum insignem habent, quae tis per se sine ulteriori elucidatione intelligi possunt. * Idem in *arcana sua studio- 28
um methodo* cap. 14. diligentissime inculcavit Alexander Fichetus, qui inter alia studiorum mysteria etiam hoc proponit: Defectus majori studio tacendi sunt. Esi enim sces pra modestia summittendi sunt, prodenda tamen non sunt apud alios, quae videntur nocituri; notitiam enim defectuum illico fama malum velocissimum centum spargit linguis; ac ut sunt comparati a natura mortales, ut aliorum sic malis & inopia gaudeant, ut curiositate gestiant cognoscendi, magna famam credulitate excipiunt, magnaue despicientia notatos prosequuntur & contemptu. Neque ergo memoria defectus, nec difficultas componendi nec studendi moria, nec capitis aut oculorum imbecillitas, nec ingenii tenuitas in medium est proferenda. Qui

Qui non habet facultatem Orationis extemporanea, quam in Oratore exigit Quintilianus, ille conversatione crebra debet abstinere, aut domo paratus efferre in medium materias, quod etiam illi præstant, qui pedanea in cætibz valent eloquentia; satius tamen est, ut pulpito & rostris contenti sint, ne decreſcant, ſequè ipſi minores eſſe videantur. Ceterum nunquam in publicum prodeat diſputaturus, peroraturus, aut aliud quidpiam præſtiturus, niſi paratus eximie, & ad concitandam admirationem inſtructiſſimus. Vel unica minus ornata minusque compta diſputatio hominem capite minuit & fama: omnium autem maxime elaborata ſit oportet, qua prima eſt, quia ab ea ſucceſſus & opinio pendet. Conſequitur ergo ex his, quoniam opinionem bonam imminuit defectuum imprudens revelatio, illam converſationi impedimento eſſe, ac proin ſedulo viro docto evitandam.

- 29 VI. Axioma eſt: **ARCANA STUDIORUM TUORUM TIBI SERVA.** Etiam hoc ad prudentiam in converſatione literatorum neceſſarium maxime eſt. Majori admirationi ſunt, quorum modi & cauſæ ignorantur. In omnibus negotiis, commerciis, artibus, aliqua arcana ſunt & recondita, quæ ſibi ſervant, qui iſta tractant: propalatis enim illis evileſcit illorum prærium, & ſimul vel lucrum, vel honos, vel quodcunque illis commodum decedit. Quare ſi tibi ſingulares in aliqua ſcientia profectus ſint, & occulta quadam arte parati, quam alii ignorent, eveniet, ut ea manifeſtata levem rem æſtiment; qui antea mirati ſunt, cum ſe eadem id efficere ratione poſſe credant. Huc pertinet illud Alexandri Ficheti præceptum in arcan. method. cap. 10. *Magna arte-fama ſuſtinenda, ſervandumque arcanum ſilentiariorum ope Geniorum: Nam etſi ſpecimen eruditionis ſemper ſit dandum in publico, remota ambitione præſtitæque humanitate, illud tamen, quo præſtas aliis, aperiendum non eſt, ne coronam tibi tuam præripiant, tuique graculorum more plumis ſe conveſtiant: ſit tamen aliquid, quo emineas; ſi aliquid, quod ſuggeras & proſeras inauditum, parce & modeſte, ne prodigas tua, tuique te ſpolies: ſat eſt, ſi agnoſcant ex lingue Leonem. De Hebraicis, Arabicis, de Jurisprudentia, Medicina, Hiſtoria, & aliis arcanis, ſalis modo inſperſus, quanta lateant, ſuſpiciuntur. Tu vero & laudibus & argutis interrogationibus, & blanditiis erue arcana eorum, ſi potes: ſapientia genus eſt hoc genus doli boni. Huc etiam pertinet arcanum illud maximum, ne cuiquam adverſaria, notas & dictata tua pervolvenda permittas: ne cuiquam dixeris, quo ſtudeas modo, qua dicas aut conſcribas arte, quos habeas arcános libros. Nam ea, qua latent, ſuſpicionem ſemper & curioſitate inſita mortalibus majoris ſunt. Vidi ego virum doctum, habitum contemptui, quia ſenectis apertis ſcribebat, habendum alioquin in pretio & admiratione maxima, ſi ſtudenti modum arcani majeſtate obvelaſſet. Hæc Fichetus, & me quidem iudice recte, præcipit: nam quod de ſcriptis celandis ait, veriſſimum eſt, ac novi ego hac ratione viris doctis multos laborum ſuorum periſſe fructus, cum alii eorum ſylvas pro lubitu cæderent, atque ex parata materia, quæ vellent, ædificarent. Quam enim facile eſt, in varias rem figuras convertere? ut eorum videatur, quod aliis manifeſta fraude ſubductum eſt. In ſcientiis iſtis aut earum methodo arcana diſſimulata majorem laudem conciliant.*
Quæ

Quæ non Mnemonices beneficio prodigiosa præstita sunt tam apud veteres, quam apud recentiores? quæ admirationi omnibus fuere, antequam illa ars propalata: nunc vero post manifestata ejus artis arcana, æstimatio quoque ejus rei perit.

VII. Axioma est: CAVE CONTEMNI. Generalissimum hoc 30 est præceptum, quod priora continet, & si quæ alia sunt, quæ superioribus non comprehenduntur. Qui enim opinionem de se excitaturus est, is omnia illa fugere debet, quæ in contemptum adducere possunt. Contemptibiles autem nos reddunt omnia illa vitia, quæ in oculos incurrunt; sive illa ab anima, sive a corpore, sive a fortuna, aut ipsa conversatione oriuntur. Qui intellectu peccant & ideo contemni solent, sunt homines simplices & stulti: reperiuntur enim etiam in eruditis, qui non in ipsa rerum luce & actione versantur, cetera non indocti multi homines imprudentes & simplices, qualis ille fuit Marcellus Marchesius, apud Erythraum *Pinac. I. n. 69.* Cui nauta quidam de campanis e templo Franciscanorum furto sublatis imposuerat. Ubi tamen id notandum, homines simplices usui interdum sagacioribus esse in rebus curandis, quibus ipsi operam commodare nolunt. Contemptum etiam provocant illi, qui omnia admirantur, in sermone affectatores imprudentes, rerum suarum imperiti, homines in nugis occupati, voluptuarii, ridicule ambitiosi, rustice verecundi, audaces & temerarii, homines gloriosi, assentatores, superciliose graves, in diem viventes, & his similes, de quibus videatur ulterius Vinc. Placcius *Excerpto II. Rhetor. Tit. 2. §. 6.* Plura hominum eruditorum ob stultitiam contemptorum, exempla vide apud Erythraum *Pinacoth. II. n. 6.* in Fortunato Scaccho, & eadem *Pinacoth. n. 45.* in Antonia Marassa & *ibid. n. 4.* in Francisco Balduccio. Ubi jam ergo hæc præcepta sedulo observaverimus, facile per conversationem nobis amicos parabimus: qui multis quoque aliis modis parari possunt, quos in libro supra laudato notavit Placcius. Ita *Tit. 2. §. 20. num. 2.* describuntur personæ jucundæ & delectabiles, *ibid. §. 16. num. 2.* Personæ venerabiles, *Ibid. §. 14.* de benevolentia paranda canones proponuntur, qui optime ad præsens applicari negotium possunt.

Ad alterum caput procedimus, quo impedimenta opinionis de nobis excitanda removemus, * cujus summa hæc est: NE SIS, VEL VERBIS 32 VEL FACTIS, MOLESTUS. Molestiæ vero cum multæ possint esse causæ, quas enucleate satis proposuit Vinc. Placcius *Excerpt. I. Rhetor. Tit. 14.* nos illa præcipue nostro scopo applicabimus. * I. Canon sit: UT HOMO 33 EST, ITA MOREM GERAS. Explorandi sunt omnium animi, cum quibus conversari cupimus, ne illis dissimilitudine morum molesti simus, sed nostros ad eorum genium temperemus. Quemadmodum in sonis non concinunt chordæ, nisi certis proportionibus sint temperatæ; ita & in animis fieri solet. Nil dici, nihil fieri debet, ex quo offendatur, quisquis ille sit, cum quo conversationem quaerimus. Id vero artis est, ut modesta quadam & circumspecta colloquendi ratione animum tuis moribus adversum paulatim inclines. Recte præcepit Verumius; animum occasionibus & oportunitatibus obsequi debere. Ingenium versatile,

31 facile, ut politico ita & erudito, esse debet. * Si cum ambizioso & superbo homine tibi res est, acerbis reprehensionibus in furorem conjicies, sed meliore sermonis circumductione paulatim ejus animum compones. Memorabile est illud Socraris exemplum, qui Glauconem juvenem tumidum, ad civitatis regimen aspirantem, multis argumentis & tricis & interrogationibus eo tandem redegit, ut suam in illa re imperitiam agnosceret: describitur a Xenophonte *lib. 3. Memorab. pag. 133.* & a Schradero *Comm. in Arist. Rhet. lib. 1. cap. 4.* ut insigne artificii Oratorii specimen proponitur. Cum Politico & quidem in rebus civilium negotiorum conversaberis; alia sumenda persona est. Hic *ἀλωπηκίζεν πρὸς ἀλώπηκας* interdum opus est: ceremoniis & ritibus indulgendum, de quibus alii solliciti non sunt. Elegantia enim moris civilis & aulici, de qua Böclerus singularem dissertationem scripsit, hic omne fert punctum. Quomodo cum invidis agendum, id eleganti libello nos docet Benedictus Menzinius Florentinus libro de literatorum hominum invidia. Præclarum extat Budæi exemplum in ejus vita, a Ludovico Regio scripta, quomodo is cum adversario suo Leonardo Portio aliisque rem suam instituerit. Ferocium hominum mores utcumque ferendi, ac illi sibi ipsis relinquendi sunt. Erit, cum sui illos mores ulciscantur. Habent & populi suos mores, ad quos peregrinus se componere debet, si illorum velit gratiam aucupari. Ita Italorum & Gallorum eruditum mores proponit Gregor. Leti in *Italia regnant. part. 3. lib. 3. p. 228. & seqq.* quorum discrepantiam observare eruditus conversator debet. Galli non adeo omnia ad animum admittunt, & faciles in amicitias sunt, ducente illos civilitate quadam & libertate naturali, sine ceremoniarum affectatione. Itali vero ad amicitiam tardiores, arctiorem ineunt amicitiam. Galli ex levi occasione eam solvunt, facile resumunt. Itali tardius ab illa discedunt, ita ut vel nunquam, vel sero & raro, ad eam redeant. Infinita propemodum sunt, quæ notari ad hoc axioma possint: ac inprimis vir eruditus sibi hoc commendatum habeat, ut commendavit sane quam maxime Verulamius libro supra citato. *Interest imprimis, inquit, honoris literarum, ut homines isti pragmatici sciant, eruditionem baudquaquam avicula, qualis est alaunda, similem esse, quæ in sublime ferri & cavillando se oblectare soleat, ac nihil aliud: quin imo ex accipitris potius genere esse, ut qui in alto volare, ac subinde, cum visum fuerit, descendere, & prædam rapere novit.*

- 35 II. Præceptum est: OBSEQUIOSUS ESTO. Obsequium semper amicos parit. Pulchre describit hominem obsequiosum Terentius *Andria Act. 1. Sc. 1. v. 35.* Homo commodus ille alias dicitur. * Respuit conversatio omnes, qui sunt contentioso & disputati ingenio, & qui censuram sibi in alios sumunt. Pulchre Quintilianus *lib. II. cap. 1.* *Habet mens nostra quiddam & erectum & impatiens superioris ideoque abjectos aut submittentis se libenter allevamus, quia hoc facere tanquam majores videmur, & quoties discessit emulatio, succedit humanitas.* At qui se supra modum extollit, premere ac despiciere creditur, nec tam se majorem, quam minores ceteros facere. Quam sit in rebus civilibus necessarium obsequium minorum erga majores, & quidnam illa arte obsequii effici possit, pulchre docet Böclerus *dissert. polit. 3.* Institutionibus politicis addita, & commentar. ad *lib. I. Annal. Taciti ad cap. 2. annotas. II.*

Fichetus

Fischerus inter arcana sua etiam hoc proponit cap. 10. *Adsit comitas & ingenuitas, blanda conciliatrix animorum, qua tamen vulnere non pateat, neque latus nudet aliorum simulationi & calliditati, horum pesti temporum venenoque conversationis. Sit silentium sermone potius, nisi de ignorantie suspicione periclitemur. Sit in audiendo patiens animus, auris benevola, laus liberalissima; nec vultu aut nutu ledatur amicitia, qua etiam pietate condiri debet. Morosa non sit, neque contentiosa conversatio, sed blanda veritati assentiens: molestissimi sunt enim odiosissimi que mortalium, qui contradicunt semper; ut Aristoteles est effatus. * Hanc in 37* Petavio disputacitatem damnat Patinus epist. 2. quem molestum, maledicum & mordacem hominem vocat, qui nunquam scripserit, nisi alium refutaturus. Campanellæ cum Theologo disputatio acrior omne malum accersivit, ut prolixè recenset Erythræus Pinacoth. I. n. 21. Absit a literatis omnis ferocia, quæ Musas earumque cultores non decet. Singulare hujus ferociæ exemplum in Thoma Dempstero fuit, cujus mores graphice Erythræus Pinacoth. I. num. 9. describit. Sunt etiam in eruditorum genere, qui metui malint, quam amari. Adversus hos feroces, opiniosos, morosos, disputatores, qui contender, ex insanis pierumque insaniore reddet. Sed sunt tamen & in illis, qui cedendo asperiores fiunt; ubi animos & laceratos illis objeceris, mitescunt.

III. Præceptum est: **AFFABILIS ESTO.** Nihil magis animos allicit, 38 quam si quis se omnibus placidum exhibuerit. Qui in Græcis epigrammatis *ἠεὶ εὐχραισμήτωρ* appellatur, h. e. *sepe & flexijuga frontis*, ut Themistius Orat. 9. Procopium describit, *ἀεὶ συγκεκρωτός, ἀεὶ συνεφής ἰφελόμενός τὸς ἐφῆς*, demisso semper in terram vultu, semper tetricus, & contractum supercilium habens, is ut ab omni conversatione, ita ab erudita, removendus. * Sunt tamen interdum homines, præsertim 39 profundis speculationibus immersi, Theologi severiores, Pædagogi; morosiores & superciliosi. Quidam etsi per se tristioris ingenii, adscititiam tamen humanitatem in conversatione habent. Quidam tristiores videntur, quam re vera sunt, quod de Vincentio Gramigna notat Erythræus Pinacoth. I. n. 44. *Tristitia atque severitas, quam præ se ferebat in vultu, dabat iis, qui non essent experti, occasionem suspicandi, eum esse amicum minus suavem & commolum; sed expertis nihil eo videbatur humanius & jucundius: atque amicitias, quas semel cum aliquo susceperat, quippe quas non lucrum, non ambitio, non vitiorum societas conciliaverat, sed virtutis amor studiumque conjunxerat, usque ad extremum spiritum integras illibatasque conservavit. * Singulare morositatis, imo 40* stultitiæ, exemplum Cardanus dedit; de quo Hilarius Pyrrckhamerius in libro de ratione peregrinandi refert, cum illum salutandi gratia adiret, interrogatum ab illo fuisset, num pecuniam afferret; cum ille se præter necessarios ad iter nummos quicquam attulisse negaret, respondit Cardanus; se non curare transalpinos, nisi nummos adferrent. Ex eo tempore, inquit ille, non Cardanum amplius, sed *Κεῖδαινον*, vocabam. Sed condonandum hujus hominis ingenio quicquam fuit, qui, utur doctissimus, multa tamen alia stultitiæ suæ specimina dedit. * Summa contra fuit Pi- 41 nelli humanitas, qua ille viros doctos excepit: ita enim viræ ejus scriptor Gualdus de illo: *Moris ipsius fuit, omnes, qui eum venerant salutatum, ad infimos usque scalarum gradus*

gradus comitari, domesticos utlibet atque familiares. Irascatur quippe ineptis quibusdam, qui nescio cuius existimationis magis, quam amicorum rationem habentes, sanctissimum amicitie nomen inani verborum gesticulationumque observatione polluant. Addi huic debet Jani Gruteri exemplum, cujus singularis humanitas atque hospitalitas a Balthasare Venatore, in Panegyrico illi scripto, omnibus in exemplum proponitur. De Budæi facilitate, qui ne injurias quidem ad animum admisit, videndus est Ludovicus Reginus in ejus vita.

- 42 IV. Præceptum est: GARRULUS NE ESTO. Quam gra-
vis in conversatione garrulitas sit, Horatius *Satyræ lib. 1. secunda* festissime de-
pinxit. Molestissima est viro docto temporis jactura, quod cum sine fructu
43 sibi per garruli alicujus ineptias perire vider, indigne illud feret. * Adscri-
bam hic hominis garrulitate, quamvis non indocta, molesti imaginem ex Pi-
nacotheca Erythræi prima, num. 158. Erat is Angelus Angelorus ita loquax, ut,
quibuscum una esset, nullam sermonis partem relinqueret. Imitabatur, inquit
Erythræus, homo Cameræ veteres Graculos; nam quocumque in loco, quoscunque inter
homines, sive cum uno sive cum pluribus versaretur, sciscitabatur ab eis, qua de re vellent
audire; neque fas erat illis recusare, quin rem aliquam in percunctando ponerent, de qua
argutissime disputaret: & ubi quempiam in via convenerat, quem inter & ipsum vel levis
saltem aliqua notitia intercederet, se illi invito atque aliud agenti comitem addebat, ac vim
prope imponebat, ut aliquid ab ipso percontaretur, de quo maxime vellet audire; neque an-
tea divelli ejus a latere poterat, quam inchoatam disputationem perorasset conclusissetque: at-
que olim me admodum adolescentem, quem semel cum amico colloquentem suo videret, atque
eadem opera, ut mos est urbanorum, salutaverat, cum feriis Bacchanalibus solium euntem
aspexisset, est audacter aggressus, atque, o te, inquit, volebam, ut vales? quid agis? quo
is? Ego, neque quid agam, respondi, nec, quo me conferam, scio: nam cum pigeret otio-
sum domi manere, eeci me foras, ut saltem oculos hominibus personatis, tota debacchantibus
urbe, delectarem, ac molestas ab animo cogitationes ejicerem; neque decretum aliquem locum
habeo, quo me præsertim ire expediat. O te felicem, inquit ille, auspicato domo foras pedem
extulisti; non poteras, si totam urbem perreptasses, oportuniorē hominem invenire, suavi-
bus alloquiis, atque eruditis disputationibus, omnem tuo ab animo molestiam abstergeret. Sed
quoniam adveniēti mihi ad sinistram fors eum obtulerat, id quod ego non animadvertēram,
advolvit illico ad dexteram, atque, demus primum, ait, operam, ne merito in sermones ho-
minum vituperationemque veniamus; nam quos de nobis sermones dabimus, quos populo risus
præbimus, si me, te tanto ætate majorem, & quod refert, tanto literis doctrinaque supe-
riorem, tecum in via ad levam incedentem adspexerit? age vero, mihi quæstiuiculam, de
qua tuo arbitratu loquar, impone; sed illud quære, quod sit amenum, lepidum, jucundum,
Bacchoque dignum, cui sunt hodie Dionysia. Ego, qui in eas me tricas devovisse conspicerem,
unde quemadmodum expediret, non inveniebam, demitto auricular, & quo aliquid responde-
rem, Dic, ajo, de amore, ex Platone præsertim, quem tibi præ ceteris Philosophis audio esse
in amore atque deliciis. O sapiens, inquit ille, postulatam, & atavula ista, quam obtines, di-
gnum: nam sit verosimile, tibi, ut ceteris adolescentibus, amorem in corde versari, tuum-
que

que animum apud aliquam lepidam, venustam, tuique similem adolescentulam, cupidinis clavo defixum harere; agedum, Amor sit nostri sermonis materia, sed ille purus, defecatus, nobilis, melisque secundissimus, ad quam faciem cupio esse eum, quo ardes, non ille impurus, inbonestus, quique amarum ad satietatem usque aggerit. Ac cepit primum definitionibus explicare, quid esset amor; tum causas enumeravit, unde amor ortum haberet, quos vel conserebat in astrum, cuius imperio, ut Plato voluit, duo subjicerentur, vel ad statum celi siderumque revocabas, in quo illi nati essent, vel similitudini geniorum assignabat, vel ad eandem temperationem corporum aut morum convenientiam, aut ad formarum simile in utrisque exemplar referebat, deinde alia non parum multa subijciebat, plena illa quidem doctrina, & quadam prope admirabili varietate rerum ac copia, sed quæ mihi, tum in variis nugis occupato, odium & fastidium crearent. Neque is tantum garrulitate molestus, sed in ædes per beneficium admissus, ut ipsi gratuita esset habitatio, non nisi per lites aut per vim ejici potuit: quam ille historiam prolixè ibidem describit.

V. Præceptum est: CURIOSIOR, QUAM DECET, NE ESTO. 44
Oderunt nimis curiosos viri prudentes, obest quoque conversationi, & fructu, quem ex illa percipere poteramus, nos defraudat. Quo enim curiosius quis omnia inquirat, eo magis animi sensa celat alter, qui sibi insidias strui videt. Occultis hoc rationibus, non apertis, agendum est. Describit hoc hominum genus Phædrus lib. 2. fab. 5.

*Est Ardelionum quædam Romæ natio,
Trepide concursans, occupata in otio,
Gratis ambulans, multa agendo nil agens,
Sibi molesta & aliis odiosissima.*

VI. Præceptum: IN JUDICANDO PRÆCEPS NE ESTO. 45
Quam multi in hunc scopulum impingunt! Censura nihil odiosius est, quæ maxime, etiam cum non putamus, offendimus. Si quæ sunt inter viros doctos lites, rectius faciet, qui in neutram partem inclinet, aut omnibus denique rerum momentis bene perpensis, judicium aliquod modeste & dubitanter interponat. Accidit sæpe, ut liberum ac temerarium de re aliqua vel homine judicium injuriam suam alius interpretetur. Etiam a laudatione quorundam nobis temperabimus; & a reprehensione, nisi accurate nobis de ejus judicio constet, cujus conversationem quærimus. Atque hæc de altero capite dicta sunt. Verum rerum magister usus plura nobis suppeditabit.

Procedimus nunc ad Conversandi modum, qua ratione scilicet conversatio instituenda. 46
Conversamur vero cum præsentibus per colloquia, cum absentibus per epistolas. * Nihil vero ad informationem commodius est, quam frequens cum vi- 47
ris doctis conversatio, quæ est disciplina omnium optima, & in sensus magis incurrit, quam tædiosa illa per lectiones & meditationes via. Consilium illud præclarum

- rum Ficheti est in arcana studiorum methodo cap. 3. *Compendium scientia unicum est l'ir aliquis eruditus ad unguem, quem subinde consulas ut magistrum, qui viam velis compendiosam, quam sero invenit, ut ait Seneca, tibi demonstrare, pretiosos indicare libros, fontes aperire: sed rarus est, qui hoc velit, quia plena fastidii opera est; aut qui possit, magnis enim impensis fit. Certe si quem offenderemus huiusmodi meliore metallo formatum mystam, qui fores templi clausas aperire velit, ne paucis mensium flexibus multorum annorum spatia conficeremus. Hoc de maximis arcanis est unum. Hunc tu hominem de meridie vel accensa face quaere & peruestiga; hunc eme vel aureo mundo, si potes. Verissime hæc Fichetus; nam, ut demonstrat Campanella *Metaphys. part. 3. lib. 17. cap. 1.* homines eam consequuntur vitam, quam per educationem habent; & ostendit Tschirnhausius in *Medicina mentis part. 2. pag. 79. & seqq.* per conversationem in omni vitæ genere plura disci, quam per lectionem librorum. Lectio tamen librorum non inutilis, si non habemus, cum quo conversetur. Ideoque vel sola illa cum Bibliopolis & Bibliothecariis*
- 48 conversatio insignem nobis usum præstabit. * Narrat Erythreus *Pinacoth. II. n. 18.* quam Augustino Barbosa conversatio cum Bibliopolis utilis fuerit ad vastos libros scribendos, cum nullos ipse haberet. Clenardus quoque præclarum in Informatione Grammatica per conversationem specimen dedit, de quo libro secundo plura. Ac proposuit Montaigne olim consilium, quomodo civitas aliqua eruditorum institui possit, ubi solo usu & conversatione lingua Latina addiceretur.
- 49 Colloquia & συζητήσεις literatorum ad scientiam multum conferunt. Ac posunt illæ per interrogationes bene ordinatas ita institui, ut arcana interdum explorentur. Verulamius hic prudens temperamentum & mediocritatem quandam præscribit, in libertate sermonis & in taciturnitate. Frequentius libertatem usurpabimus, at, cum res postulat, silentium: libertas siquidem in sermone etiam alios invitat & provocat, ut pari libertate erga nos utantur; ut taciturnitas fidem conciliat efficitque, ut velint homines secreta sua apud nos tanquam in sinu deponere.
- 50 * Nonnunquam præter libertatem opportuna quædam importunitas aliqua extorquet, si nimirum vel contentione nostra, vel simulatione & fictione, perturbationem in alterius animo moveamus. Ipsa testatur experientia, inquit Verulamius, paucos admodum reperiri, qui erga arcana sua tam fidi sint, quin interdum ex iracundia, interdum ex iactantia, interdum ex intima erga amicum benevolentia, interdum ex animi imbecillitate, qui se mole cogitationum onerari amplius non sustineat, interdum denique ex alio quopiam affectu intimas animi cogitationes revelent & communicent. Ac ante omnia finis animi excutit, si simulatio simulationem impulerit, juxta adagium illud Hispanorum: Dic mendacium & erues veritatem.
- 51 * Ille toties nobis laudatus Vincentius Pinellus singularem habuit modum indagandi hominum inclinationes ex variatione narrationis. Si quid novi accidisset, refert Gualdus, rei seriem amabat ab omnibus, quotquot eum invisebant, cognoscere, quasi tum primum inaudivisset. Afficiebatur enim varietate illa narrationis, quam ipse callidus verborum estimator in sermonis autore, cui amoris odii-ve causa adessent, deprehendebat. Neque hoc sine fructu. Eruebat namque latitantem sepe-

sepenumero veritatem, eventusque causas acu, solerti scilicet ratione, tangebatur. Eodem consilio rumorum, si qui percrebuisent, autores investigare consueverat, quod hac ratione disquirere se posse consideret, verine an falsi quidquam continerent. * Idem Pinellus, ne fructus, 52 quos ex amicorum congressu perceperat, ulla abriperet oblivio, cum illi abiissent, secedebat in cubiculum interius, ubi, quæ præclara in colloquendo animadvertent, in commentarium manu sua referebat. Imo & cum amici adessent, nunquam non illi ad manus fuit calamarum theca, ut summa rerum, quæ placuissent, capita, ne exciderent, annotaret. * Idem de Paulo Sarpio refert Fulgentius, qui vitam 53 ejus scripsit p. 86. edit. Gallicæ. Quand il se trouvoit avec un homme eminent en quelque science ou art particulier, il l'interrogeoit de tous les points d'icelles avec tant de douceur, qu'il apprenoit tout ce qu'il en sçavoit, sans pourtant, que ce rare personnage se trouvaît importuné de ses demandes, ny qu'il se pignist de son trop de curiosité. Quantum ex illa cum literatis conversatione utilitatis redundet, exaggerat epistola ad Nicol. Heinsium 43. lib. 1. Maresius. * Illic de peregrinatorum ex his colloquiis com- 54 modo pluribus agit, atque Heinsio eo nomine gratulatur. Morem, ita scribit, illum vestrum valde comprobo, qui Belgis omnibus & Germanis communis est, per cultiores Europæ regiones peregrinandi, priusquam certo in loco pedem figatis, officioque aliquo, vel grata matrimonii compede vos illigatis. Nam præter externarum linguarum notitiam, & prudentiam, quæ ex illo per varias provincias discursu acquiruntur, aliud etiam commodum vos Philomachus consequimini: doctos nimirum viros, qui ubicunque degunt, salutando, cum illis amicitiam contrahendo, eorumque consuetudine & colloquio fruendo, ex quo nunquam plus utilitatis hauritur, quam ex librorum lectione. Qua in re tu tibi non defuisti: sed quicquid est apud nos hominum eruditorum, dum in Italian is redisque, videre, alloqui, quin & eorum benevolentiam conciliare, cura tibi fuit non postrema. Cui commodo aliud addendum est, vobis quodam modo peculiare, scilicet Bibliothecarum excussio, librorumque rariorum, præsertim vero manuscriptorum sedula conquisitio: satendum est enim, vos & Germanos indefesso præ ceteris labore in literarum studiis versari, & in emendandis restituendisque ope veterum codicum bonis autoribus diligentem operam insumere; quo nomine omnium ubique studiosorum gratiam demeremini. Quanti ex colloquio in peregrinatione fructus capiantur, docuit Monconisius, in cujus Itinerario multa habentur in re naturali, mathematica & aliis, elegantissima observata. In rerum sane naturalium cognitione multum illa conversatio lucis accendit, cum ex plurium colloquiis, per artem, quam vocant combinatoriam, elicere multa possimus: Athenis olim & Romæ hujusmodi συζητήσεις frequentabantur, ut ex Gellio & Plutarcho constat. Refert Petrus Crinitus Politianum, Savanorolam, Picum Mirandulam & alios celebres viros, qui Florentiæ tum debebant, hujusmodi συζητήσεις frequentasse. * Scipio quoque Claramontius in libro de conjectandis latensibus animi affecti- 55 bus libr. 9. c. 8. §. 5. de vi interrogationum in secretis extundendis agit, qua arte quoque judices utuntur. Ita Chremes apud Terentium repetita interrogatione Menedemum inclinavit ad causam ærumnæ suæ aperiendam. Sunt aliqui interrogandi arte adeo excellentes, ut reos interrogationibus ad confitendum adigant, quod

quod Tranquillus Ambrosius de processu informativo lib. 1. cap. 2. n. s. testatur. Illa verus per interrogationes disputandi ratio fuit, quibus ita teneri & constringi potuit adversarius, ut nullo *ψευδὲς* elabi potuerit. Ac tradit Aristoteles VIII. Topicorum Dialecticam nos docere πῶς δὲ ἐρωτᾶν. Laudabat hanc in Laurentio suo interrogandi solertiam Athenæus lib. 1. ἐν ἀβασανίῳς ἐν ἐκ τῆ παρατυχόντος τοῖς ζητήσεσι ποιούμενος, ἀλλ' ὡς ἐν μάλιστα μετὰ κερτικῆς τινος καὶ Σωκρατικῆς ἐπισήμης, ὡς πάντας θαυμάζον τῶν ζητήσεων τὴν τήρησιν. Neque viles neque abjectas sane questiones objiciens, aut quæcunque accidissent, sed quemadmodum maxime convenit cum critica quadam & Socratica scientia, ita, ut omnes questionum illarum seriem admirarentur. * Critica Socratica hic ab Athenæo appellatur, quæ in argutis interrogationibus consistebat. Quare & Demetrius Phalereus genus orationis vocat *ἔδος Σωκρατικόν*, quod esset per interrogationes conceptum. Hujus Critices specimen in Glaucone Socrates dedit, de quo supra §. 34. diximus. De hac Critice multa se in libro de Critica dicturum promissit Casaub. *Animad. in Athenæum lib. 1. cap. 2. p. 5.* qui tamen lucem non vidit. Quicquid ergo ex his colloquiis nobis notatum fuerit, id ad usus nostros seponendum, quod magnorum ausum esse rudimentum potest. Nata illinc sunt Scaligeriana, Perroniana, Thuanæa, Colomesii illa opuscula literaria, Ultrajecti apud Petr. Elzevirium An. 1669. edita; quibus adjicitur libellus Gallico sermone, cui titulus: *Recueil de particularités*, in quibus multa de eruditis familiariter a Vossio aliisque suppeditata, laudato semper autore, vir ille effutivit, quæ insignis sane temeritas fuit. Multa tamen in his sunt mendacia, quale illud de Casparo Barthio horrendum, qui concubinam suam Rheno suffocaverit, quod ejus cum Scriverio amores deprehenderit, & plurima alia.

- 57 Cum absentibus conversamur per epistolas. Illa homines conversatio sola ingenii similitudine conjungit, cum se nunquam viderint, quo effectus sæpe plus, quam præsentium conversatione incendi solet. Tegit epistola & celat omnes illos defectus, qui forte in moribus aut forma colloquentis apparent; solus hic animus loquitur, seque nudum exhibet. Fuit Scaligero & Casaubono, Heroibus literariis, frequentissimum literarum commercium, neque tamen unquam se viderunt. Narrat Patinus *Epist. 136.* Casaubonum sæpius iter Batavum meditarum, jamque ducentos aureos huic itineri destinasse; verum semper impedimenta quædam objecta fuisset. Scaliger illum sæpe expectavit, atque hæc ad illum scribit: *Tui erit arbitrii in media hyeme venire, quam loculento foco expugnabimus, qui nunquam deficiet in cubiculo, quod*
- 58 *tibi adornabo: quod tamen nullum præter te ornamentum habebit.* * Diligentissimus in hoc commercio literarum fuit Pinellus, cujus insigne studium, quod exemplo omnibus esse possit, illius autoris verbis qui vitam ejus scripsit, apponam: *Instruxerat ille præclaram hanc discendi cupiditatem ope multorum, qui eadem voluptate afficerentur. Hos non in Italia Europeque urbibus modo, sed & in oppidis vicisque selegerat, quorum industria continenter uteretur, ad quos epistolas schedulasve oportune missitaret.* Illud sane

sane in Pinello mirandum, quam ratione ipsi per imbecillam valetudinem liceret tot rerum meminisse, tot negotiis sufficere. Et vero hanc ille sibi prater ceteras methodum prae scripserat, ut perfectis amicorum literis eorum capita compendiarie via in codicem referret. Hunc sibi proponebat responsurus sepositis epistolis, in quarum mox tergo adnotabat nomen ejus, qui scrip-
 sisset, annum, diem, locum, & negotiorum indiculum. Harum fasciculos singulis hebdomadis in cistulas transferbat. Ad literas cum demum responderat, selectas in manipulos cogi, anno-
 rum, mensum, septimanarum, dierum habita ratione digeri, & in unum secludi imperabat. Consueverat insuper tabulas sibi quasdam conficere, in quas referret ea omnia, quae ipse ab ami-
 cis, quae ipsi ab eo vicissim postularent; descriptisque summis negotiorum petentiumque nomini-
 bus, uno intuitu discernebat, quid actum esset, quid agendum restaret: ac confecta nomina in-
 ducebat, postquam rescripta cum codice contulisset. * Nostro tempore Antonius Malia-
 beccus foris multis per totum orbem literatum virorum doctorum amicitias inno-
 tuit; domi ex omni gente virorum doctorum concursus est: de cuius insigni hu-
 manitate, admirabili eruditione Gregor. Leti Ital. regnant. part. 3. libr. 4. pag. 423. * In-
 signis est ex omni illa conversatione, vel per colloquia vel per literas, omni ex par-
 te utilitas, atque adeo hic de fine conversationis eruditae tractatio suscipi possit. Ille vero duplex est; nam vel scientiam solam, vel famam, venamus. Qui scientia
 sola contentus est, minori apparatu indiget; qui famam etiam ambit, quasdam
 τεχνήματα in subsidium vocat. Et si veram virtutem, & quae illa fundatur, con-
 versationem fama ultro sequitur. Multis sola cum eruditis conversatio ad famam
 prodest, quemadmodum Pompejo Garigliano, de quo haec Erythraeus Pinacoth. I.
 n. 39. Dicebat saepe in Academia Humoristarum, more suo, ex tempore, summa Academicorum
 aliorumque frequentia: inde emanavit ejus nominis fama in totam civitatem. Nemo erat Car-
 dinalis, nemo vir princeps, nemo paulum literarum cupidior, quin eum videre cuperet, alloqui,
 adire, quin domum suam invitaret. Adeo amplissimum virtutis praemium ipsa virtus,
 & sua sapientiam & doctrinam fama semper comitatur.

CAP. XVI.

DE SCRIPTORIBUS AD REM LIBRARIAM ET HISTORIAM LITERARIAM PERTINENTIBUS.

- §. 1. Transitus ad Auctorum enarrationem. 2. Ejus occasio. 3. Vogleri Introductio in noti-
 tiam Auctorum. 4. V. Placcius ejus supplementum promissit. 5. H. Conringii Opuscu-
 la. 6. MStum de eruditionis a C. N. propagatione & de Scriptoris. 7. Bartho-
 lini comm. de libris legendis. 8. Autor Gallicus Anonymus de cognitione bonorum li-
 brorum. 9. Censura ejus. 10. Periculosa de Auctoribus judicia. 11. 12. Benjami-
 nis Prioli aliorumque conatus audaciores. 13. Photii Bibliotheca μνησίδες.
 Tomus I. Y 14. Va-

14. *Varia de ea judicium.* 15. *Bibliotheca hujus scribende occasio.* 16. *Ejusdem Photii Nomocanon.* 17. *Glossarium MStum.* 18. *Jacobus Gaddius 19. libro de Scriptoribus non-Ecclesiasticis majora viribus audet.* 20. *Labbei de eo judicium.* 21. *Antonii Pessevini Bibliotheca selecta.* 22. *& Apparatus sacer.* 23. *Claudii Verdierii Censio Autorum stulta & temeraria.* 24. *In patrem suum ille maledictus.* 25. *Scioppii censura adversus illum.* 26. *Leo Allatius ex illo multa cepit libro de Erroribus magnorum Virorum in dicendo.* 27. *Recensentur aliqua judiciorum stultorum de Virgilio precipue & Horatio specimina.* 28. *Theophili Raynaudi Erotemata de bonis ac malis libris.* 29. *Bailleti* 30. *& Patini de eo judicium.* 31. *Patinus illum male Conringio praefert.* 32. *Scriptores Ephemeridum literariorum.* 33. *Autoris consilium.* 34. *Anglorum;* 35. *Gallorum Ephemerides.* 36. *Tanaq. Fabri Censura Ephemeridum Gallicarum.* 37. *Dionysii Medici Memoria & Galefii continuatio Ephemeridum.* 38. *Romana, Florentinae, Ephemerides.* 39. *Nazarii laus.* 40. *Venetæ Ephemerides.* 41. *Acta Philosophica Germanorum & Danorum.* 42. *Acta Eruditorum Lipsiensia laudantur.* 43. *Menckenii & Carpzovii encomia.* 44. *Mercurii librarii.* 45. *Cornelii a Beughem Indices.* 46. *R. Belli Excerpta Reip. Literaria.* 47. *Mercure scavant.* 48. *Bibliotheca Universalis Historica.* 49. *Ephemerides Parmenses;* 50. *Hamburgenses.* 51. *Georgii Richteri Crises Melanchthonianae commendantur.* 52. *Elogia Thuanæ,* 53. *cum notis Antonii Teissieri.* 54. *Tobie Magiri Eponymologium criticum.* 55. *Bailleti judicium doctorum de precipuis libris laudantur.* 56. *Ejus de judicio ferendo cautiones.* 57. *Excerpta Scaligeriana & Perroniana.* 58. *Prima Scaligeriana.* 59. *Quibus autoribus congesta & digesta.* 60. *Excerpta Perroniana.* 61. *Judicia & sermones doctorum familiares, invitis autoribus, non temere edendi.* 62. *Collectio doctorum Ciceronis a Quintiliano.* 63. 64. *Melanchthonianorum doctorum a Camerario & Sibero reprehensa.* 65. *Traiani Boccalini.* 66. *Adami Eberti, Relationes e Parnasso.* 67. *Danielis Bartoli Character hominis literati.* 68. *Theophili Spizelii libri.* 69. *Franc. Ridderi historia eruditionis.* 70. *Vinc. Placcii de Anonymis,* 71. *Deckeri de scriptis adestotis liber.* 72. *Conringii liber de Antiquitatibus Academicis laudatur.* 73. *Historiam Universalem Academicam inter desiderata ponit Autor.* 74. *Du Boulay Historia Academiae Parisiensis.* 75. *Antonii Wood Academia Oxoniensis Historia,* 76. *commendatur ad Philosophia & Theologia Scholastica historiam.* 77. *Lambecii Commentarii de Bibliotheca Vindobonensi.* 78. *Gabr. Naudæ Additio ad Historiam Ludovici XI.* 79. *Typographia Germanis a Naudæo vindicata.*

I **Q**uæ hæcenus dissertavimus, quasi vestibula & aditus ad totam hanc translationem faciunt. Nunc ad AUTORES ipsos pervenimus, quorum recensionem non magno apparatu & pompa instiguemus; sed præcipua quædam de iis monebimus, quæ τῆς πολυμαθείας studiosis inprimis profutura existimamus. Neque enim Nomenclatoris hic partibus fungimur, qui & vitas, & tempora, & li-

& libros Autorum iusta serie recenseat, quo labore alii defunguntur; sed ad solum nos usum respicimus, quem in cognitione rerum sibi prefixum habere bonarum literarum cultores debent. * Cum primum scholis privatis illa proponeremus, pleraque, quæ in sequentibus de Autoribus dicimus, ex memoria, sine ullo libro, commentario aut operosa meditatione, nobis deprompta sunt, ut optime norunt, qui tum illis interfuerunt. Non displicuit ille viris eruditis, utut extemporalis, labor, qui ejus editionem sæpissime urere, & nunc quidem juventutis præcipue commodo illa publici juris facimus; interjectis nonnullis, quæ sub manu, cum illa concinnaremus, nata sunt. Præcipuos igitur tantum Autores enumerabimus, neglectis illis, qui levioris momenti visi sunt. Qui enim omnem scriptorculorum istorum saburram colligere velit, Heliogabalum imitari videretur, qui, ut Romæ vastitatem ostenderet, omnes e rota urbe aranearum telas coacervari jussit. Amplissimum certe negotium per tam vasta Autorum spatia diffundi: prudentiæ præterea res est, ex illo numero seligere optimos. Viæ denique compendium est, pro illis, qui hæc studiorum spatia decurrunt, ut Hodegetas inveniant, qui digitum intendant. Nos jam primum de Autoribus, qui ad rem librariam & literariam in genere consideratam pertinent, agemus. Præmittemus vero Autores compendarios: nam ut compendia nobis faciamus, prodest aliorum compendia nosse; & quidem primo loco hic ponemus

VALENTINUM HENRICUM VOGLERUM, Professore Medicum Helmstadensem, cujus extat *universalis in notitiam cujusque generis bonorum Scriptorum Introductio*, Helmstadii An. 1670. in 4. edita. (gg) Vir fuit ille doctissimus, & vastum hoc argumentum *ὡς ἐν τόπῳ* proposuit. Rudimentum ergo non spernendum est, & quasi ichnographia magni operis. Generatim agit de modis, quibus Scriptorum notitia possit acquiri, & omnes inde Autores illos recenset, qui de Scriptoribus certarum disciplinarum, nationum, summariam recensionem instituerunt. Sed multa tamen in illo desideres. Nam in generali illa Synopsi non omnia complexus est, quæ dici poterant. * Ejus supplementum meditatatur **VINCENTIUS PLACCIUS**, Gymnasii Hamburgensis Professor, vir clarissimus. * Id quoque e Voglero discimus e cap. 5. istius libri, extare **HERMANNI CONRINGII** Opus eruditum *de universa eruditionis a nato Christo propagatione*, ejusdemque *de Scriptoribus* commentarium privatis lectionibus ab illo conceptum, qui multorum commoda adjuturus esset, eo iudice, si lucem viderit. * Verum compendarius plane libellus ejus est, quem vidi, *de eruditionis propagatione*, commentariolus Chronologicus, in quo per singula secula quinque illa capita proponit. 1. De Scriptoribus Ecclesiasticis & Judaicis. 2. De Scripto-

(gg) Voglerianæ *Introductionis* primæ, quæ h. l. commendatur, & An. 1670. prodiit, editioni; præferendæ sunt duæ posteriores, Helmstadii An. 1691. & 1700. in 4to excusæ, ob luculentas, quæ his accesserunt, Viri Summi, Henr. Meibomii Junioris, tum Præfationes, tum Notæ & Accessiones. Quæ & ipsæ in tertia editione, post Meibomii obitum, filii patrisantis, Herm. Dieterici, cura, Anno 1700. publicata, auctiores sunt, quam in secunda.

Scriptoribus Philosophicis. 3. De Jurisconsultis. 4. De Medicis. 5. De Historicis, Oratoribus & Poëtis: quem ego quidem extemporalibus ipsi dissertationibus natum suspicor, multis accessionibus augendum, ut est ipse Vogleri liber longe locupletior. Verum de Scriptoribus commentarium nullum hactenus vidi.

7 THOMAS BARTHOLINUS alterum ab illo locum occupet, magni Vir nominis, non inter Medicos tantum, sed inter Polyhistoras & Philologos. Is sub extremam aetatem Bibliothecae Academicæ Hafniensi admotus occasionem nactus est, Commentarium *de libris legendis* scribendi, editum Hafniæ A. 1676. in 8vo, Dissertationibus septem. Parvæ quidem molis liber est, sed in quo quasi constipata sunt utilissima de libris monita & notitiæ ad multas disciplinas utiles. Dissertatione *prima* multa habet de Academicæ & Bibliothecarum Hafniensium incrementis: *secunda* de Autoribus supposititiis, anonymis, plagiaris, de autorum patria & ætate, singularum nationum & autorum genio, vitis autorum: *tertia*, de linguis Scriptorum, Scriptoribus Milesiorum & versioribus: *quarta*, de scribendi ratione veteri & nova, MStis antiquis Romanis, Danicis, Islandicis, Editionum meliorum notis, Typographis, voluminum forma: *quinta*, de titulis librorum, variis librorum argumentis, methodis &c. *sexta*, de lectione librorum, de arte mnemonica, de Excerptis instituendis, Indicibus variis, Lexicis: *septima*, de electione librorum, & judicio circa Scriptores, notis & siglis &c. Opus tamen hunc librum lecturo aliqua Autorum notitia: nuda enim nomina velut per lancem saturam congesta tirones facile morantur. Prodeat tertio loco

8 AUTOR GALLICUS ANONYMUS, *de la connoissance des bons livres, ou examen de plusieurs Auteurs*. Liber ille sine auctoris nomine prodit in 12mo Amstelodami 1772. * Magnifica multa promittit titulus, cum pompa & apparatu institutus; sed exigua sunt, quæ in illo libro tractantur, & in censuram quorundam Autorum Gallicorum desinunt; cui fini destinatus ille liber videtur, camque ob causam nomen auctoris omissum, ut invidiam a se declinaret. Prolixus est in judicii defabulis & Romantiis Gallorum: quæ potissimam libri partem occupant. Regulae, quas ponit de bonis Autoribus cognoscendis, admodum sunt generales. Judicium ille de libris instituendum dicit, ratione autorum, tituli, argumenti: eaque occasione de quibusdam Gallicis Scriptoribus, eorumque virtutibus & vitiis agit, de Comædiis, de Poësi Gallica, de eloquentia Gallicana in stylo soluto & ligato. Quibus totus ille liber absolvitur, atque ita in urceum exit, cum amphoram titulus promiserit. Quare recte de eo judicat Bailletus in *Judic. Doctor. tom. 2. part. 1. p. 169. cet ouvrage n'a point augmenté l'estime, qui le Public a conçue de son habilité, ce ne sont que des discours vagues, dans lesquels il semble battre l'air, sans sçavoir à quoy s'en tenir*. Autorem hujus scripti nominant *Memoria Gallica*, a Dionysio Medico scriptæ, *Sorellum*, qui Bibliothecam Gallicam scripsit, de quo insequentibus; verosimile videtur. Videor enim mihi in utroque scripto parem judicandi solertiam deprehendere, & ipse liber statim in initio mentionem Bibliothecæ Gallicæ facit.

10 Præmissis Autoribus illis, qui generatim de judicio circa libros instituendo agunt

agunt, ad ipsos illos procedimus, qui judicia de Autoribus scripserunt. Hic quidem ex antiquioribus occurrunt Cicero, Dionysius Halicarnassensis, Quintilianus, Longinus, qui data occasione Autorum veterum nomina recensent, deque iis iudicant. Periculose plenum opus alex suscipiunt, Quintiliano iudice, qui de Autoribus judicia in publicum edunt, quod & Rolando Maresio *lib. 1. ep. 41.* visum est. Meminit illic Erasmi, qui in Ciceroniano de sui & superioris ævi Scriptoribus judicia dedit, non sine summa sui invidia: item Justus Lipsii, qui Bembum aliosque severo examine expendit. Hoc denique ejus de his censuris iudicium est: *Omni certe laude hoc prosequendum est, modo cum modestia fiat & in pridem sanctis, sine odio & gratia: quorum cause procul habentur, cum de iis iudicatur, quos videre, quibusque proinde invidere non licuit. Sed id in justo opere & ex professo facere, fortasse nimis invidiosum sit: nimirum summorum virorum quasi censorem agere. Tantum epistolis aut Criticis operibus illas censuras admisceri vellem. Quanquam ejusmodi judicia sic, ut dixi, exercita non tam censuræ, quam laudationes dici debent: quibus, quid in unoquoque egregium videatur ac laudabile, ingenue adnotatur, obiter vero tantum, si quid aliquando idem peccaverint.* * BENJAMIN PRIOLUS, qui Historiam Gallicam ab excessu Ludovici XIII. scripsit, in appendice istius libri promissit judicia de Scriptoribus Græcis & Latinis. Verum quæ judicia expectanda ab homine, qui ipse exiguo iudicio præditus, in amplissimo suo argumento inepte versatur? Nihil est enim ista historia, si dictionem, si argumentum videas, quod placere doctis possit. Ridicula plane illa operi subjuncta epistola vel excusatoria, vel defensoria. Quam stulta illa Lipsiani styli affectatio: ac passim occurrunt e Lipsii Politicis ac aliunde confuti centones. * De JOHANNES BAPTISTA CAPONO refert Gregor. Leti *Ital. regn. part. 3. lib. 2. p. 97.* moliri illum libros XII. de erroribus clarorum Scriptorum Latinorum, & alios de erroribus clarorum Scriptorum Tuscorum, sed post mortem demum edendos. Refert & Bailletus de *Judic. doctorum*, tom. 7. part. 1. p. 172. esse a Dn. Despreaux Boileau judicia de Viris doctis conscripta, quæ tamen hætenus non vidi. Idem eodem loco, pag. 293. mentionem cujusdam societatis facit *le port Royal*, quæ variorum librorum censuram, sed audaciorem, instituerit, de qua hætenus nil mihi constat. Inter illos censores, qui aliquam ætatis prærogativam habent, ponendus nobis primus est

PHOTIUS, Patriarcha Constantinopolitanus. Hujus Viri magna fuit eruditio. Vixit seculo post Christum natum nono. Ejus extat *Bibliotheca magnifica*, sive lectorum a Photio librorum recensio; sed non supersunt, nisi 279. codices, quos recensuit. Casaubonus tamen epist. 161. meminit, MStrum integrum extare apud Henricum Stephanum. Habentur in hoc Opere Excerpta ex Autoribus illustria, inrer quæ sunt multa deperditorum autorum fragmenta. Adjicit quoque iudicium de Autoribus, quod genus scribendi primus ille suo tempore instruisse videtur. In Latinam linguam conversum est hoc Opus ab Andrea Schotto, editumque Augustæ Vindelicorum 1606. in fol. Græcus Textus solus cum Emendationibus Hoescheli 1607. prodierat, suavis Marci Velsleri; Græce vero ac Latine excusum fuit Genevæ apud Paulum

- Paulum Stephanum An. 1611. tum deinde Rotomagi. Utraque editio in folio.
- 14 * Fuisse Virum hunc suo tempore doctissimum, nemo Historiarum peritus ignorat: quanquam ab Henrico Spondano, aliisque Pontificiis Scriptoribus, ut homo sacrarum literarum rudis traducatur, quod ab invidia profectum est. Antonius Possevinus in Bibliotheca sua selecta lib. 5. cap. 16. contemnit de Photio iudicat: *de Bibliotheca Photii, quam multi, & ii etiam perdocti, aut Græcam aut Latinam optarunt, nolim quenquam admodum angi; & in Apparatu Sacro, sub voce Photii, multos in illo errores notat.* Notum enim est ex Historia Ecclesiastica, quæ tum lites fuerint inter Ecclesiam Orientalem & Occidentalem agitatae. Quoties librum illum legimus, toties insignes periisse libros, quorum ille argumenta recenset, dolemus. Honorifice de hoc libro sentit Lipsius *Cent. 5. Misc. Epist. 89.* Heins. *prolegom. in Aristarch. sacr. Voss. l. 2. Hist. Græc. cap. 25.* Calixtus in *apparatu Theologico*, immentis quidem lectionis & variae eruditionis virum vocat, sed vitæ minus probatæ. Multa in ejus laudem Schottus in *præfatione*, ubi Photium Hermogenis Ideas
- 15 in Critice Autorum sequi ait. * Occasio hujus Bibliothecæ scribendæ hæc fuit: dum in Assyria legationis munere fungeretur pro Basilio, Tarasius amicus ejus per literas a Photio petiit, ut, quæ subsecivis horis legeret, secum communicaret: quare in hunc Commentarium omnia illa, quæ legit, reulit, & ad amicum suum transmisit. De Photio vide Elogium apud Capaccium *lib. 2. Elogior. p. 330.* Editus quoque ab illo Photio est liber adversus tyrannidem Pontificis Romani. Hujus Viri utinam omnia haberemus, multa nobis superessent verustorum Autorum
- 16 Fragmenta. * Extat tamen præter hanc Bibliothecam scriptus *Nomocanon*; cum notis Theodori Balsamonis, & Johannis Zonaræ, editus a Jacobo Gothofredo & Bevereggio in Synodico illo magno. Extant & *Epistola* ejus cum versione & notis
- 17 Richardi Montacutii. * Scripsit quoque *Glossarium Græcum*, quod hæctenus MStum est, laterque in Bibliotheca Viri illustis Marquardi Gudii, cujus editionem multi hæctenus frustra urserunt. Est & alterum MStum in Bibliotheca Oxoniensi, cujus editionem moliantur illic Viri docti. Magno commodo foret hoc Glossarium literatoribus & Historicis; multa enim ex Autoribus deperditis depromsit, quorum lacinia etiam venerationi esse debent. Quod ad notitiam singularem hujus Viri attinet, legantur Andreæ Schotti in Bibliothecam ejus Prolegomena. Aliqua etiam summatim recitat de Historia ejus Böclerus, in libro *de rebus seculi noni & decimi, sub Ludovico II. p. 57.* Verum Glossarii illius nulla apud eos fit mentio. Hæctenus enim non nisi duo illa cognita sunt exemplaria. Subjungo Photio, velut ejus simiam,
- 18 JACOBUM GADDIUM, Florentinum, Virum Nobilissimum, e Familia illustri
- 19 Italica. * Is Opus edidit *de Scriptoribus non-Ecclesiasticis*, Tomis duobus comprehensum, sed qui non uno tempore, nec integri, prodierunt. Tomus enim primus Florentiæ 1648. in fol. editus; Tomus II. a litera L. ad literam S. Lugduni A. 1649. eadem forma editus, unde difficulter illi libri junctim possunt comparari. Magnificus librorum illorum titulus est, ut solent plerumque esse verborum prodigi, qui rerum sunt

sunt parci. Judicia interponit de Autoribus sæpe temeraria & futilia, ne quid de
 maledicentia ejus dicam, qua viros doctissimos sæpe impugnât, præcipue Germa-
 nos; ipsi quoque Photio non parci, in quo taxat nimiam Plutarchi recensionem,
 nam illud studio fecerit autor ille. Quæ enim non sunt in Plutarcho notatu di-
 gna? in quibus prolixitatem ejus nunc quidem damnari ineptum est: nam si
 periiisset ille Autor, ut multi alii, nemo non ipsi egisset magnas gratias. * Abbas 20
 Ghilinus in *Theatro suo hominum literatorum*, invidenda illi Elogia suspendit: sed Phi-
 ppius Labbæus rectius de eo format judicium, vocando Sciolum Florentinum in
 ibro ejus *de Scriptoribus Ecclesiasticis* p. 378. qui de rebus sibi penitus ignotis judicium,
 quo fere semper caruit, ferre voluit; in quiescentibus undeque corradendis ope-
 osum: qui, quot verba habeat, tot propemodum mendacia. Idem integrum li-
 orum de Gaddianis aberrationibus se scripturum promiserat. Scripsit Gaddius
 bene Bibliothecam librorum in vario doctrinæ genere, ut solent homines, quo in-
 priores sunt, eo magis esse πολύγραφος, qui chartis illinunt, quicquid in buccam
 venit. Ejus Opera recenset Gregorius Leti, *Ital. regn. part. 3. lib. 4.* Occurrunt ta-
 men in his nonnulla sæpe e MStis notata, aliaque curiosiora superstitionis diligentia
 ongesta, quæ inter tot alias ineptias ad usus nostros seponere possumus: ut nul-
 us liber tam malus est, in quo non sit aliquid boni. Fuisse aliquando mente ca-
 rum, Gregor. Leti refert. Extrat &

ANTONII POSSEVINI, e Societ. Jesu, *Bibliotheca selecta* & 21
Apparatus sacer: cujus Viri non est æqua apud doctos æstimatio. Sunt, qui illum
 n celum ferunt laudibus; sunt, qui illum compilatorem, non multæ curæ & ju-
 licii habent. Bibliotheca selecta 8. libris constat. Multa hic pertinentia ad ra-
 ionem studiorum, & rei literariæ in universum, interponit judicia, in quibus mul-
 a reprehendit Jacobus Gaddius: sed non magni faciendum est ejus judicium, ut
 qui sæpissime ineptus Autorum censor est. Verum tamen est, vagis & longe
 quæsitis excursibus fatigare illum lectores. Sixti Senensis Bibliothecam sanctam
 assim vellicat, quæ tamen viris doctissimis in pretio est; de quo nos alio loco.
Apparatus ejus *sacer* majore in pretio nonnullis habetur, multaque habet de Scri- 22
 toribus veteribus & novis judicia, ex aliorum sæpe sensu formata. Utilissimum
 amen ille laborem suscepit, in quo aliqua condonari debent. Bailletus suadet, ut
 correctio errorum ab aliquo viro docto suscipiatur. Annectit Catalogos MSto-
 um, quæ ad res Ecclesiasticas pertinent, magno studio ex omnibus eruditi orbis
 bibliothecis conquisitis; cui si similes in ceteris disciplinis collectiones habere-
 nus, magno profecto usui esset. Judicia ejus de Machiavello magnam ipsius
 scitantiæ & imprudentiam arguunt, ut ostendit in Præfatione Principis Machia-
 ellici Conringius. Ultima editio Bibliothecæ selectæ prodit An. 1607. Coloniae,
 1 folio. Apparatus sacer ibidem 1608. Referendus itaque hic autor est ad Scri-
 tores rei literariæ Criticos, qualis Photius est, &, qui e recentioribus, Photii
 ethodum sequuntur Ephemeridum Scriptores. Inter illos Criticos nomen quo-
 ue, sed invita plane Minerva, profiteri voluit

CLAU-

- 23 **CLAUDIUS VERDIERIUS**, filius Antonii Verdierii, cujus extat supplementum in Bibliothecam Gesneri, & plurima alia lingua Gallica. Is librum scriptit exiguum magnifico hoc Titulo: *Censio autorum omnium veterum & recentiorum*. Quis non de locuplete penu hujus Pantosophistae praeclara omnia, & tanti promissoris hiatu digna, sibi sponderet? Sed misere ille corvos deludit hiantes: nam ubi censuram suam exercet, manifestum hominis phrenesin facile deprehendas. Vel ex ipsa libelli fronte non falsa metoposcopia conjeceris hominis dementia, qui triginta circiter foliis tam vastum argumentum exhaurire voluit. * Si non aliunde, vel ex eo colligas insaniam, quod ipsi parenti suo, viro docto, in laudes filii sui tam prolixo, non parcat. Nam in Bibliotheca sua Gallica Antonius Verdierius Pater sub voce Claudii filii sui varia carmina Gallica etiam cum elogio recenser, & ille tamen ingratus & maledicus filius de Patre suo pag. 171. ita: *Erravit fortasse Antonius Verdierius pater meus, qui Gesnerum secutus Bibliotheca supplementum fecit &c.* Porro de eo:
- 25 *Laboris hac in re inesse satis, quamvis industria parum, nemo est, qui neget.* * Adversus illum censuram scripsit Caspar Scioppius, qui & ipse certare cum aliis potest maledicentia; non vero seorsim excusus libellus ille, sed additur libro, cui titulus: *Catulli casta carmina*, selecta a Raphaële Eglino Iconio; cum ejusdem Vindicii adversus Josephum Scaligerum. Editus est liber Francofurti A. 1606. in 12mo. * Nescio tamen, qui factum sit, ut Leo Allatius disceptatione sua de *Erroribus magnorum virorum in dicendo*, Romae 1636. edita, non exiguas ex hujus Verdierii censione lacinias in hunc suum libellum transtulerit, laudato interdum, sed dissimulanter, autore, interdum praeerito. Nam certe majori judicio ingenioque Leo Allatius erat,
- 27 quam ut e misera ista Verdierii censione judicia illa emendicaret. * Si quis aliqua ejus stultitiae specimina velit, dabimus illa in gustum: statim in initio operis, 18. paginis multa sunt inepta de Grammaticis veteribus judicia. Pag. 43. *Romani* Gallorum ex voce Gallica *Normani* stulta plane derivatione deducit. Pag. 50. & sqq. in Virgilio reprehendit voces barbaras, quodque utatur phrasi non Latina, ut *Aen.* 3. cum Poëta ait: *Anchisen facio certum*; cum dicere debuisset: facio certiozem. *Sceleratum* quoque *frigus*, & *sceleratus* *facies* more Mantuano dixisse Virgilium, unde in eo deprehensa sit Mantuanitas. O acumen omni pistillo obrusius! Quam ridiculum est ejus de Horatio judicium p. 57. quod in Hexametris duriusculus sit, & versus plurimum inexulte per monosyllaba definere faciat, quo nihil sit absurdius, quod de poëtica arte multa praecipiat, quae ipse non observet; quod Satyras suas Sermonum appellatione minus idonea depresso: Satyram enim ea gravitate & majestate, quae concionator in pulpito adversus hominum vitia, prorumpere debere; cum sermo familiaris quaedam loquela sit. Non novit bonus ille vir genium Satyræ, quem nemo unquam feliciter Horatio expressit, ac de industria hoc illi Carminis genus quaesitum; neque aliam Satyris esse indolem, quam quae ridendo & familiari sermone verum dicat, non gravitate concionatoria, quae cum Satyrarum Scriptoribus stultissime componitur. Ejusdem commatis est, quod pag. 100. artem omnem oratoriam, ut generi humano perniciosam, damnat, pag. 103. & 104. praeclaros illos Aristotelis Rhetoricorum libros cavillatur. Nihil dicam de insana ejus in Leges &

JCTos

ICROS censura a p. 110. usque ad p. 132. Verum de eo iudicium quoque tulit Bailletus de *Judic. Doctor. tom. 1. pag. 2. & pag. 517.*

THEOPHILUS RAYNAUDUS, Vir multæ lectionis & scriptionis, 28
Jesuïta: nam omnes ejus libri 20. tomos in fol. complent, qui ante aliquot annos junctim editi in Gallia, testibus Ephemeridum Scriptoribus. Is librum inter alios scripsit, cui titulus: *Erotemata de malis ac bonis libris, deque justa aut injusta eorum conditione*, editum in 4to, Lugduni A. 1653. quod argumentum ipsi integrum volumen parere potuit, quanquam non aliter, nisi morali ratione, tractaverit. Magna scilicet horum hominum sollicitudo est de admittendis sive tollendis & expurgandis libris. Multæ in hoc Opere ab ipso afferuntur minutæ quæstiones, unde parum fructus pro literaria notitia, nisi quod obiter nonnulla inspergat. Verum scilicet hic Horatianum illud est:

Cum fuerat lutulentus, erat, quod tollere velles.

Eandem materiam ante ipsum tractavit Gabriel Puhtherbeus, cujus extat liber *Theotini* titulo, seu, *de tollendis & expurgandis malis libris*, Parisiis An. 1549. in 8vo editus. Sed noster ille plenius tractat hoc argumentum. Instituit certas librorum classes, ut Hæreticorum, Atheorum, Magicorum, Superstitiosorum, Obscænorum, Infamium, Supposititiorum, Furtivorum. De singulis multa habet, quæ disquirat. Sed ille, dum sua in alios libertate censendi utitur, ipse in censuram Ecclesiasticam incurrit, atque in Indicem illum Prohibitorum quædam ejus Opera relata sunt. * Et 29
fuit sane intolerabilis illa audacia, qua referente Bailletto in *Judic. Doctor. tom. 1. part. 1. cap. 13. pag. 102.* censuram libertinam & impiam in Symbolum Apostolorum scripsit, aliosque in religionem Christianam injurios plane libros: quare inter illos, quos Gallica voce *Chicaneurs* dicimus, refert. * Guido Patinus magnis illum elogiis ornatur. In epistola 92. vocat illum hominem prodigiosæ scientiæ, qui omnia norit: nunquam se, ait, aperire ejus libros, quin aliquid ex eo discat. *Epistola 122.* Rainaudum cum Martino Schoockio & Hermanno Conringio confert, ita tamen, ut utrumque a Rainaudò eruditione vinci contendat. * Qua in re Viri ejus 30
iudicium minime amplecti possum. Longe enim profundior eruditio, & limatius n Conringio, quam in Rainaudò, iudicium. Quod qui discernere non novit, næs vel parum judicandi solertia valer, vel partium studio ducitur. Parum quoque pre cum Schoockio confertur Conringius, in hac triga principe loco nominandus.

Referendi huc quoque sunt **SCRIPTORES EPHEMERIDUM** 32
LITERARIARUM in variis nationibus, quatenus non nudos tantum nomenclatores, sed & Enarratores & judices se exhibent. (bb) * Jam XX. propemodum 33
nni sunt, cum consilium nonnemini suppeditarem, ut singulis saltem mentibus,
(ut

(bb) Ephemeridum Literariorum, solis, quæ decennio proximo lucem videre ceperunt, recentissimis exceptis, omnium Historiam fusius, diligentia satis curiosa, persecutus est Christ. Junckerus, Dresdenis, Gymnasii jam Schleusingenſis Conrector, peculiari, quod Lipsiæ A. 1692. in 12. edidit, & Continuatione, ad hæc usque tempora pertexenda, auctius nuper promisit, Schediasmate.

(ut in rebus politicis fieri solet) varias de rebus literariis ex tota Europa conquistas relationes publicaret, usus eorum opera, quibus magnum est cum viris celebribus literarum commercium: quod non ad libros tantum, sed & ad omnia cogitata & inventa aliasque historias literarias extendi vellem. * Ac factum nunc est, ut singulari quodam impulsu animi eruditorum in hoc rei literariae studium acti fuerint. Sed scopos sibi diversos proposuerunt. Angli enim ad res Physicas se totos converterunt, nova experimenta & Autores Philosophiae naturalis enarrando, cui fini apud illos instituta fuit *Societas Regia*, cujus auspiciis Henricus Oldenburg, ejus Secretarius, in publicam lucem protulit, quae illa in Societate proponebantur. Eorum pars in Latinam linguam conversa est: promiserat & ipse Autor integram versionem, cujus nunc laboribus fata intercefferunt; illam telam nunc pertexit

35 Hooekius. * Galli non intra naturae fines se continent, sed latius evagantur; 36 omnis enim generis Autores novos recensent. * Primus e Gallia illam operam sumpsit Hedovillius, cujus liberiora judicia bilem moverunt eruditus, ut Tanaquil Faber singularem librum scripserit adversus illos Ephemeridum Scriptores, cui Titulus *Journal du Journal, ou censure de la censure*, in quo false exagitat novos illos Criticos. Quare circumspēcte magis rem suam instituerunt, & judicio omni ab-

37 stinuerunt, sola recensione contenti. * Postea res illa ad Dominum Gallefium, ad Abbatem Roquium, ad Dominum Dionysium, Regium Medicum, delata est, quorum labores uno fasciculo comprehensi sunt sub titulo *Journals des sçavans* prodierunt. Recusi illi libri in Belgio fuerunt; sed accessisse hic quaedam a falsaria manu, queruntur Galli. Quae ab aliis notata in his Ephemeridibus fuerunt, legi possunt apud Baillet. libro toties laudato, tom. 2. pag. 57. & seqq. Pars ali-

38 qua istarum Ephemeridum in linguam Latinam conversa est a Nitschio. * Ceperunt quoque Itali Gallicas convertere in suam linguam, & ipsi Gallorum exemplo tales scribere Ephemerides, & quidem Florentini se exercuerunt praecipue in Physicis & Mathematicis. De libris apud illos nihil habetur. Sed

39 ii jamdudum laborem hunc abruperunt; * Romae vero FRANCISCUS NAZARIUS, Vir doctissimus, eandem quoque palastram ingressus est, de quo multa praecleara scribunt Autores, qui ejus librum legerunt. Prodiit vero etiam ille sub Titulo: *Giornali de Letterati*. Raro tales libri ad nos perveniunt. Caspar Bartholinus in Praefatione libri sui de Tibiis veterum hoc illis elogium suspendit: *Francisci Nazarii Ephemerides tantam librorum cujuscunque scientiae & linguae varietatem, tanque distinctam notitiam complectuntur, ut singularia eorundem, quae ipse laboriose solus perstringit, clarius & solidius ab ipsis seorsim Autoribus haberi nequeant.* Ex illis Ephemeridibus multa transcribunt Galli, nonnunquam etiam

40 Angli. * Veneri quoque Ephemerides tales instituerunt: sed & haec cum Romanis jam diem suum obierunt. * Harum nationum exemplo incitati etiam Germani & Dani, acta quaedam Philosophica & Medica instituerunt, sed intra Physicæ & Medicinæ limites se continent. * An. 1682. in Academia Lipsiensi viri aliquot docti laudabili consilio negotium hoc susceperunt, ut *Acta Eruditorum* publicarent, quibus non libros solum in omni doctrinae genere, ex omni gente, novos

recen-

recenserent, sed & inventa nova physica & mathematica undique conquesta proponerent. Optime illa res haecenus cum eruditi orbis applausu successit, estque ejus rei fructus longe maximus. Ego certe Germaniæ atque illustri huic Academiae de illo consilio gratulor, quod exteris quoque, quibus nostra raro ad palatum sunt, nunc placere incipit, ut jam in Gallicam quoque linguam acta illa convertantur. * In ordinem illa redigit vir non literarum tantum fama, sed & singulari in his industria spectatissimus OTTO MENCKENIUS, manum jungentibus aliis inclutæ Academiae Professoribus, præcipueque Viro omni eruditionis apparatu instructissimo, Dn. CARPZOVIO, urbis Senatore amplissimo. * Nolo hic dicere de Mercuriis librariis, qui singulis mensibus in Anglia, singulis semestribus in Belgio, produnt; quem morem etiam Galli imitantur, qui singulis Ephemeridibus Catalogos aliquos librorum subnectunt, quibus continentur digna indigna relatu. * Neque illud silentio hoc loco prætereundum est, Batavum quendam CORNELIUM a BEUGHEN pollicitum esse *Universale* aliquod ex omnibus *Ephemeridum Scriptoribus Compendium*, (ii) quo continebuntur & nova inventa, & libri varii generis: quod ubi prodierit, judicium de illo labore formari poterit; qui profecto non a jejuno ac prolerario ingenio, sed a viro rerum omnium, quæ ibi tractantur, perito, suscipi debet. Specimen aliquod ejus rei in libro dedit, cui titulus: *la France sçavante, Gallia erudita*, Amstelodami 1633. in 12. impresso. Sed nec ille vel titulo, vel expectationi aliorum, labor satisfecit: titulos tantum Ephemeridum, non materiarum specialium ponens, quod secundum tres classes, temporis, alphabeticae seriei, & generalium materiarum distinxit. Vide de illo Bailleti judicium loc. cit. Scripsit de Physicis, Medicis, Historicis ac Politicis libris Catalogos, sed qui ab anno 50. ad nostra tempora prodierunt, de quibus sequenti capite. * Plures hinc ad eadem rei literariæ augendæ consilia dilapsi sunt: nam Roterodami vir Clarissimus PETRUS BÆLIUS, Historiarum ac Philosophiæ Professor, edidit Gallicæ linguae librum, cui titulus: *Nouvelles de la Republique des Lettres*, quem Latina lingua ita ipse effert: *Excerpta Reipublicæ Literariæ*. * Magno illa studio ac industria congesta fuerunt; sed sine aliqua censendi audacia: qua laborat, qui antea ejusdem generis librum scripserat cum titulo: *le Mercure Sçavant*, cujus duo tantum vel tres menses prodierunt, quique cum illis Bælii Excerptis vendi solet. * Nunc quoque Amstelodami ne hac quoque gloria excideret urbs celeberrima, viri eruditi novum genus Ephemeridum instituerunt, sub titulo *Bibliotheca Universalis*

Z 2

Histo.

- (*) *Universale* illud ex omnibus Ephemeridum Scriptoribus modernis *Compendium* sive *Indices Librorum & Inventorum*, de quibus in istis est actum, *Generales*, publicæ jam luci stitit Corn. a Beüghem, Bibliopola & Senator in Cliviz Ducatu Embricensis, ob industriam laboriosam, & bene de Historia Literaria Recentiori merendi studium; laude sua haud defraudandus: librorum quidem in quatuor Apparatus sui ad Historiam Literariam Novissimam Conspectibus, Amstelodami Anno 1689. 1694. 1699. & 1701. in 12. editis, Inventorum vero in *Syllabo recent in Re Medica, Physica & Chymica, exploratorum*, ibidem Anno 1696. excuso. Verum solos tantum titulos nomenclatoris instar, recitat, neque sic tam ab omni errore immunis.

- Historica.* *Universalem* vocant, quod quoscunque libros, cujusque gentis, disciplinae & linguae recensent; *Historicam*, quod sola narratione contenti omni judicio abstinent. Acta Lipsiensium ejus praecipuum autorem alias incognitum nominant,
- 49 *Johannem Clericum.* * In iisdem quoque Actis Lipsiensium, Menſe Jan. Ann. 1687. *Ephemerides Eruditorum Parmenses*, exhibentur, e quibus excerpta quaedam speciminis loco proponuntur. Nuper admodum prodierunt quoque *Ephemerides*, quae
- 50 *Politicam & Literariam historiam* conjungunt. * *Hamburgi* quoque a curiosioribus ejus loci viris doctis nuper institutae *Ephemerides Literariae* in ipso ortu suo suppressae, a quibus illud memorabile praeter ceteris omnibus visum est, quod Londino nunciabatur, experimentum de liquore *αυτεκνήτω*, seu de aqua vorticosa, quae se ipsam in gyrum torquet, a R. B. Societati Regiae expositum, occasionem maximis suppeditare meditationibus possit, multumque arcani recondere videretur.
- 51 Egimus de iis, qui id sibi proposuerunt, ut judicia de autoribus scriberent. Sunt, qui nonnunquam judicia de Autoribus scriptis suis immiscent, e quibus alii excerptare. E scriptis Melanchthonis **GEORGIUS RICHTERUS**, Sacerdos Gorlicensis, collectionem talium judiciorum instituit, libro *Islebiae* 1597. in 8. edito, cui titulus: *Crisis Melanchthoniana de eligendis optimis quibusque in omni disciplinarum genere autoribus.* Erat suo tempore Melanchthon communis Germaniae Praeceptor, ejusque doctrinae longe lateque disseminabantur. Quare quae in illius scriptis de Autoribus bonis habentur judicia, magni usui esse discipulis poterunt: nam non solum de Oratoribus, Poetis, Historicis, sed & omnium quoque disciplinarum Scriptoribus sana & solida hic colliguntur judicia, tironibus non solum, sed & doctoribus ipsis profutura. Venerabile merito Melanchthonis omnibus eruditis nomen esse debet, in quo uno viro plus doctrinae & sapientiae fuit, quam in toto sciorum, multa & magna crepantium, grege.
- 52 Habentur in **THUANI** historia, ducente ita temporum ac annorum serie, varia de viris doctis judicia & elogia, quae in unum aliquod volumen cum ceteris memorabilibus Gerhardus von Stöcken in *Thvano suo enucleato* collegit. Illa quoque de viris doctis judicia seorsim sub titulo *Elogiorum Thuanorum* Londini 1671. in 8. edita. Multum illis tribui debet ob singularem hujus viri candorem, qui procul ab
- 53 omni partium studio fuit, & perspicacissimam ejus in judicando solertiam. * Novissime haec judicia in Gallicam linguam convertit Teissierus, suaeque additamenta adjecit, quibus de viris virorum doctorum multa monentur, & aliorum etiam de scriptis judicia, e variis hujus generis Autoribus, colliguntur. Editus est liber ille duobus tomis in 12. *Genevae* An. 1683. sed idoneis indicibus destitutus.
- 54 **TOBIAE MAGIRI**, Professoris *Francofurtani*, Viri docti, extat quoque *Eponymologium Criticum*, ut vocat, quo habentur Elogia & Censurae Virorum celebrium e variis Autoribus collectae. Tenuis primum is labor erat, & quasi rudimentum quoddam, Polymnemonie ejus, libro optimo, praemissum, postea seorsim in 3to editum auctumve *Francof.* A. 1644. Novissime, Anno scilicet 1687. cura Christiani Wilhelmi Eybenii

Eybenii duplo, quam ante, auctius in lucem missus est. Hoc quasi Indice uti possumus, ad quem plura ejus generis, quæ sparsim apud viros doctos legimus, judicicia conferri possunt: sed separanda sunt Encomiastica a veris judiciis.

Talia cum apud omnes Autores de viris doctis judicicia magno studio collegisset ANDR. BAILLETUS, Bibliothecæ Lamonianæ Præfectus, in vastum aliquod 55
Opus labor ille ipsi succrevit: nam aliquot jam Tomi prodierunt Operis istius, cujus titulus: *Jugemens des sçavans sur les principaux ouvrages des Auteurs*. Tres primum Tomi Parisi. 1685. in 12. prodire, & nunc quartus de Poëtis accessit, cujus quinque sunt partes, An. 1686. editus. Omnium ille, qui hætenus de hoc argumento prodire, absolutissimus dici Commentarius potest: nam non aliorum tantum judicicia Vir doctissimus magno studio congescit; sed sua quoque passim immiscuit, in quibus multa sunt egregia. Multæ quoque de Autoribus, Gallis præcipue, illic habentur notitiæ, quas frustra alibi quæsieris. * Torus ille primus Tomus 56
in præliminaribus occupatur, ubi de instituto suo & omni ratione judicandi multa & utilia & erudita proponit. Hic de libertate, necessitate censendi, de virtutibus boni judicis literarii, judicandi solertia, scientia, perspicacitate, modestia; de vitiis in judicando, præcipitantia, affectatione sive Pedantismo, (ut vocat,) cavillatione (*chicanerie*) malignitate, amore & odio, philautia, agitur, in quibus singulis ad specialia descendit. Agit deinde de præjudiciis librorum ab antiquitate, a charactere sacro vel profano, a dignitate Autoris, ab autoritate ejus, a titulis honorum, (quos singulatim recenset,) ab inclinationibus Autoris, a natione & patria: ubi de singulis gentibus, atque inter alios de Germanis, de quibus sinistèr judicat. Quam enim invidiosum hoc! *les Allemands sont toujours Allemands*. Quasi non & apud ceteras gentes homines inepti essent, neque apud Germanos viri docti. Sed de his in Germanos convitiis alio loco plenius a me dicetur. Agitur porro de præjudiciis, ab Autoris temperamento & moribus, ab ætate, a præcipitantia & lenitudine, a titulis libri, ubi multos veteres & recentiores in censuram, aliquando tamen asperiores, vocat; a circumstantiis, pretio & raritate, frequenti editione, remuneratione librorum. Immiscentur variae dissertationes de libris posthumis, anonymis, vastitate & exilitate librorum, de compendiis, de Polygraphis: quæ omnia multum ad variam doctrinam conducunt. Recenset hinc Typographos, Criticos, Historicos, Interpretes, Grammaticos, & tandem Poëtas magno multoque apparatu. Sed in his adjumento illi fuere integri, qui de Poëtis prodierunt, a Gyrardo, Vossio, Crasso, Borrichio &c. libri; in quibus nos ita procedemus, ut, quæ aliis dicta sunt, suis Autoribus relinquamus, & digitum tantum in illa intendamus: ea vero, quæ a nobis ipsis notata sunt, diligentius proponamus. Ubi ceteri prioribus Tomi accesserint, in magnam molem excreset liber: sed tamen ob summam utilitatem commendari præ ceteris omnibus debet; etsi Autor, qua est modestia, ipse tantum pro rudimento perfecti Operis haberi velit.

Enarravimus judicicia de viris doctis, ab aliis collecta, subjungemus his judicicia 57

- Virorum doctorum illis sublecta : inter quæ referri debent *Excerpta Scaligeriana & Perroniana*. Libelli hi prodierunt e Bibliotheca Isaacii Vossii : fuerunt vero illa olim consignata a fratribus Puteanis, cum in Belgio apud Scaligerum viverent, in bonos viros ac integras nationes sæpe injuriosa. Multa illic sunt congesta de libris & viris doctis judicia, per ordinem Alphabeticum disposita, digna atque indigna relatu, nonnunquam maledica & falsa: quæ postea descripsit Claudius Sarravius, curiæ Parisiensis Senator. Neque enim dubito, illis quicquam accessisse a maligna manu. Multa tamen illic habentur ad rem literariam
- 58 Historiamque ejus temporis noscendam utilia. * Postquam primum edita fuerunt hæc Scaligeriana Hagæ Comitum An. 1666. in 8vo, Gröningæ postea in lucem venerunt alia Scaligeriana, An. 1669. in 12. quæ prima vocantur, cum præfatione Tanaquilis Fabri, & ex ejusdem Bibliotheca : omnia vero Latina lingua afferuntur, cum altera illa intermissa sint multis Gallicis Dissertationibus, prout ex ore loquentis exciderunt. Multa illic conqueritur de misero suo statu Faber, historiamque primorum Scaligerianorum hanc recenset : *Sex septemque menses sunt, ex quo Fr. Sigonius Jurisconsultus apud Augustoritenses celeberrimus, hæc Scaligeriana manu descripta ad Bibliopolam misit, ut ederentur & publicarentur. Rogavit porro, ut inspicerem : inspexi ; & quædam sane ad ea parabam scribere, quæ non omnibus fortasse nata sunt ; sed totum id consilii, ut abjicerem, multa fecere. Cur autem Prima vocaverim (nam hunc eis titulum feci) ubi libellum legeris, facilo intelliges ; scilicet altera illa Scaligeriana, quæ abhinc duobus tribusve annis prodire, recentiora sunt. Doctrina autem in his tanta est interdum, tamque recondita, ut, qui meliorum literarum studiosi sunt, nullam satis magnam CL. Sigonio gratiam referre possint, qui nec opera sua pepercit, nec sumptibus, ut schedas & adversaria Vertuniani sibi compararet & describeret. Gröningensi editioni adduntur altera, ut vocantur, Scaligeriana,*
- 59 quæ prius prodierant ; sed illa in non paucis interpolata. * Plenior horum Scaligerianorum historia habetur apud Guid. Patin. *Epist. 154.* qui non a Puteanis Fratribus, sed a quodam Vassano hæc consignata tradit : quam hic integram Gallicis, ut ibi habetur, verbis apponam : *J'en ai eû un manuscrit. C'est un Livre fort curieux, mais un peu dangereux. Je le fis transcrire il y a 30. ans sur l'original que m'en prêtèrent Messieurs du Puy, qui étoient mes bons Amis & de fort honnêtes gens. Voici de la manière que le Livre a été fait. Un jeune homme qui n'avoit pas 20. ans, nommé Jean de Vassan, de Champagne, Huguenot, qui avoit étudié à Geneve, prit à Paris des Lettres de recommandation du Grand Casaubon pour Joseph Scaliger, & s'en alla en Hollande. Ce Jean de Vassan étoit néveu de Mrs. Pitbou grands amis de Scaliger, qui étoit visité toutes les semaines par toute sorte de gens sçavans. Jean de Vassan écouoit tout ce que disoit Scaliger & l'écrivoit. De là vint ce Livre qui est aujourd'hui dans la Bibliothèque du Roi. Jean de Vassan étant de retour de son voyage, fut fait ministre, puis par le moyen du Cardinal du Perron & d'une bonne pension, se fit Catholique, mais la pension n'allant pas bien, il se fit Moine Feuillant, & avant que*
- 60 d'y aller fit présent de ce manuscrit à Mr. du Poy. * Perroniana per eosdem fratres Puteanos, vel per eundem forte Vassanum, e Cardinalis Perronii quotidianis sermonibus

monibus congesta sunt, in quibus nonnulla ejusdem argumenti, quæ melius inter se cohererent, ut Scaligeriana. Sunt in illis multa eximia, etsi de Cardinali Perronio contemptim judicet Patin. epist. 10. Eadem a Cl. Sarrauo descripta edita Genevæ apud Petr. Colomesium Ann. 1666. Sunt & per eosdem fratres Puteanos Thuanæa quedam Excerpta consignata, sed minoris momenti; in quibus nulla de Autoribus judicia, sed mera Historica occurrunt. Ad hoc exemplum memini ab amico meo fuisse consignata Conringiana judicia, quæ ille ex familiari cum ipso conversatione notaverat. * Male profecto de virorum illustrium fama merentur, qui omnia co- 61 rum dicta factaque sine ullo delectu in publicum protrudunt: ut fecit Colomesius in Opusculis suis literariis; ubi habentur quædam relationes Gallicæ de variis doctorum rebus & institutis secretioribus, minime propalandæ. * Quintilianus jam 62 olim lib. 6. c. 3. eos reprehendebat, qui de jocis Ciceronis tres libros collegerant, inque iis quædam frigidiuscula retulerant, quæ tantum virum non decebant. Utinam, inquit, *Quintus & libertus ejus, Tyro, aut alius, quisquis fuit, qui hos hac de re libros edidit, percius dictorum numero inducissent, & plus judicii in eligendis, quam in congerendis studiis, ad-* 63 *bibissent: minus objectus calumniantibus foret.* * Ita Adamus Siberus in epistolis p. 475. indigne fert, Manlium quendam omnes sermones Melanchthonis congestisse, quos vel in mensa, vel in schola, vel in via effutivit: cum delectus ei fuisset habendus optimorum. * Idem conqueritur in vita Melanchthonis Camerarius: *de iis, qui et-* 64 *iam dicta & sermones quotidianos atque familiares ipsius collegerunt, & ausi sunt cum suis Commentationibus divulgare, quid dicam? Isti vero neque studio, neque judicio, neque omnino consideratione aliqua convergentes, quæ ne audissent ipsi quidem, sed ex aliis fortuito cognovissent, solida sua temeritate sese quidem insamarunt inprimis; sed & Philippi Melanchthonis nomini macule aliquid asperserunt, & multorum bonorum virorum futilem atque nugatoriam, vel indecoram quoque & indignam mentionem inculcantes, indignationem illa offensione concitarunt. Verum in hujus seculi impudente licentia hoc scilicet ad alia innumerabilia mala apponendum, & dandum est infusa hominum vanitati, & exstimationis seu lucelli quoque aucupio, cum per-* 65 *mittantur fiantque impune alia, cum flagitiosiora, tum sceleratiora.* Idem de Lutheri sermonibus judicium esto, quos illo invito & nesciente ediderunt nonnulli. * Fuere 66 quoque, qui Satyrica quadam ratione judicia de viris doctis eorumque actionibus proposuere, ut TRAJANUS BOCCALINUS in Relationibus suis e Parnasso; quem tamen verum autorem multi non habent, ut supra vidimus. * Hunc imitatus est 66 ADAMUS EBERTUS, cujus extant L. Relationes e Parnasso, Hamburgi 1683. in 8vo editæ, ubi de rebus literatis & civilibus nonnulla per fictas illas narratiunculas proponuntur.

DANIEL BARTOLUS, Italus, Vir ingeniosissimus, varios libellos scri- 67 pfit Italica lingua, cultu orationis pene nimios. Inter illos est liber de Literatis, eorumque virtutibus, & vitiis, qui in Germanicam linguam quoque translatus est. Conversus est etiam in Linguam latinam, cum hoc titulo: *Character hominis literati.* Multa in illo arguta sunt de scriptis Satyricis obscenis, plagiiis &c. sed ad eloquentiam magis, quam ad Historiam spectant: nam belli elegantisque ingenii lusus cir- ca

ca ſingula capita apud illum habentur. Scripſit & alios libros, quorum in eloquen-
 68 tia Eccleſiaſtica uſus eſt, de quibus infra plura. * De eodem argumento THEO-
 PHILUS SPIZELIUS egit: aliquot enim libros de virtutibus & vitiis eru-
 ditorum ſcripſit, quos undique e vitarum Scriptoris & Encomiaſticis collegit.
 69 Tituli ſunt: *Literatus, felix & infelix.* * Similiter quoque FRANCISCUS
 RIDDERUS ſcripſit Hiſtoriam de Eruditione, ſcriptione, libris, & Bibliothe-
 cis; ſed non niſi mera illa Collectanea ſunt undique congeſta.

70 VINCENTIUS PLACCIUS *de Scriptoris Anonymis & Pſeudonymis*
 egit; (kk) optimum fuit conſilium Viri doctiſſimi, cum hoc ſibi eligeret argumen-
 tum, quod ante eum nemo occupaverat. Extabat tenuis quædam ſcheda FRIDER.
 GAISLERI *de mutatione nominis*, cujus poſterior pars agit de ſcriptis Anonymis, ſed
 parum eſt pro hujus argumenſi vaſtitate. Suſcepit idem conſilium jamdudum Bi-
 bliothecarius Bibliothecæ Oxoniæ THOMAS HIDE, a quo tamen nihil
 hætenus in lucem editum eſt. Nemo igitur operæ pretium fecit, præter Placcium;
 quanquam, ut ipſe non diſſitetur, feſtinatus ille labor ſit & imperfectus, nam ipſe
 nunc Supplementum altero tanto majus promiſit. Augeri ſane ille labor multis
 modis poteſt, & magnum habet in tota Hiſtoria literaria fructum. Multa latent
 ſub larva falſi Autoris volumina, quorum interdum tenuis notitia eſt. Admittun-
 71 tur enim quandoque libri in lucem, quorum Autores longe alii ſunt. * Referen-
 dus quoque hic eſt JOH. DECKHERI liber *de ſcriptis adeſſotis*, jam tertium
 An. 1686. Amſterodami editus.

72 Ad Hiſtoriam literariam pertinent & illi, qui de Academiis ſcripſere. Hic primo
 loco merito poni debet HERMANNUS CONRINGIUS, Vir πολυμαθής-
 ſatos, qui, ut jam ſupra indicavi, *de Antiquitatibus Academicis*, librum ſingularem ſcrip-
 ſit. Ejus poſtrema editio multa habet additamenta, quæ pene altero tanto ſuperant
 priorem editionem. Liber eſt doctus, & in hoc argumento pene unicus: nam, qui alias
 in hoc negotio verſati ſunt, jejuna tantum operam præſtiterunt, & in generalioribus
 occupati, aut in iis, quæ ad jura Academica ſpectant, præcipua tamen Hiſtorica, pri-
 masque origines ne attigerunt quidem. Hornius quidem in diſſertationum ſuarum Hi-
 ſtoricarum & politicarum 21. agit de Academiarum per occidentem inſtauratione:
 ſed levia illa ſunt & ſuperficiaria. Conringius quoque ipſe in ſpecialioribus deſicit:
 Hiſto-

(kk) Vinc. Placcii *de Viris de Scriptoris Anonymis & Pſeudonymis Detectis* *Opertides*, quæ in
 volumen ingens, labore ipſius improbo, & amicorum ſymbolis, excreverunt, prælo paratæ apud
 Jctum πολυμαθής-ſatos, Gerhardum a Maſſtricht, Reip. Bremeniſis Syndicum, cui Autor mori-
 bundus eas commendavit, deliteſcunt, & a Bibliopola, boni rei Literariæ publicæ ſtudioſo, in
 lucem protrahi deſiderant. Inſtitutum Operis. 5000. circiter Autoribus larvæ detracturi, ex-
 ponit *Invitatio* Autoris ad Ant. Magiſtræcium, alioſque Eruditos, *ſuper Symbolis ad illud conferen-
 dis, Amica*, Libro de Arte Excerptendi, Hamburgi A. 1689. in 8vo edito, ſubjuncta. Non parum
 etiam Argumentum hoc illustravit Adr. Bailleti Tr. Gallicus, Pariſiis A. 1690. in 12. publicatus:
*Auteurs Deguiſez ſous des Noms Etrangers, empruntez, ſuppoſez, ſeins à playir, diſſinez, renverſez,
 recourrez, ou changez d'une langue en une autre.*

Historia enim specialior Academiarum ab aliquo deducenda hactenus desideratur: nam, quanquam Franciscus Junius Müddendorpius de Academiis Germaniæ, alii de Academiis specialibus, e. g. de Parisiensi, Oxoniensi, Patavina, singularibus libris egerint; quanquam & Gregorius Leti de Academiis *Italiae in Italia sua regn.* non modica inspergat, revera tamen omnis ille labor mancus est & sterilis. * Optan- 73 dum esset, ut hanc operam sibi deposceret vir prudens & doctus, & quemadmodum Conringius generalia Academiarum, ita specialiora tum e variis de hoc argumento Scriptoribus, tum ex sua experientia concinnaret. Et sane, quemadmodum olim Aristoteles Rerump. historiam contexuit; quidni simili ratione liceret Academiarum, quæ sunt literatorum Resp. Historiam tum e Politicis, tum ex Historia literaria, principia contexere? Præclarum sane hoc & illustre argumentum, de quo nemini hactenus in mentem quicquam incidit; cui operi tamen exædificando multa possint suppeditari hinc illinc subsidia, modo quis prudentiam & peritiam huic rei commodet. De his Academiarum juribus & privilegiis in universum Autor quidam Hispanus scripsit vastum Volumen. * De Academiis Galliæ, ac speciatim 74 de Parisiensi quidem *Cesar Egassius du Boulay* historiam scripsit, Baillet *tom. 2. pag. 170.* nominatam, sex spissis in folio Voluminibus, mihi vero nunquam visam. Ita vero de iis judicat Autor ille, multa quidem in illis haberi impertinentia, sed utilissimum esse librum ad notitiam scriptorum, quæ publicarunt viri docti in Gallia; exterorum quoque, qui in hac Academia vixerunt. Multa quoque illic memorabilia coacervari ait, quæ alibi frustra quærantur. De Belgii Academiis singulares etiam libri conscripti sunt, lingua & Latina & vernacula, quorum tituli in Catalogo Thuanæo videri possunt. Edmundus Richerius, vir inter Gallos doctissimus, *de optimo Academiarum statu* librum elegantem scripsit, in 8vo Parisiis An. 1603. editum. Ex his similibusque Autoribus confici idoneum corpus possit.

ANTONIUS WOOD, Anglus, scripsit *Historiam & Antiquitates* 75 *Universitatis Oxoniensis*. Liber editus est in folio 1674. Oxoniæ. * Qui, cum 76 diligentissime recenset antiquissimæ Academiæ Oxoniensis originem & progressum, operosus est in Theologiæ & Philosophiæ Scholasticæ historia percensenda. Cum enim in antiquissima Academia Parisiensi hæc caput extulerit, indeque in Academiis Britannicas propagata, ejus hic historia plenius proponitur. Magni itaque usus ad hunc scopum liber ille est, ex quo præterea cognoscas Academiarum tum temporis in Europa statum, quæ ad Parisiensis Britannicarumque Academiarum formam institutæ videntur. Insignis ex illo notitia haberi potest virorum doctorum, qui vel in hac Academia vixerunt, vel ex illa prodierunt; quorum alias notitia haberi non potest. Magna potuisset Conringii libro ex hoc Opere accessio fieri; sed ille librum isto tempore nondum impressum ad hos usus applicare non potuit. Potest & his addi Bæclerus in Commentario *de Seculi 9. & 10. rebus*, qui sub singulis Imperatoribus brevissime recenset statum literarium.

PETRUS LAMBECIUS, Vir doctus & Polyhistor clarissimus, Ham- 77
Tomus I. A a bur.

Burgensis olim Gymnasii Rector; postea consiliarius & Bibliothecarius Imperatoris, ad Historiam literariam non parum subsidii attulit; de quo jam supra multa diximus. *Prothomum* ille quidem *Historia literaria* scripsit, sed vel ex titulo ipso apparet, non nisi partem ab ipso tractari: neque enim sufficiebat vir unus tam immenso operi, cuius concinnatio non unum aut alterum annum, sed totam fere hominis vitam, requirit, ideoque post primam illam Prodrumi editionem nihil ulterius edidit: sed ad *Bibliotheca Vindobonensis historiam*, & *Catalogos* scribendos, vastos & laboriosos, accessit; cuius Operis magna jam tum prodierunt Volumina, docta quidem & operosa, sed multis illuc non pertinentibus rebus referta, cum in excursus abire Autor, non quidem inutiles & indoctos, sed alii loco & tempori opportuniores. Rectissime de eo indicat Bailletus *Tom. 2. p. 250.* Autorem hunc vastos illos Commentarios in arctius contrahere spatium potuisse, si maiorem sumptuum, quam magnificentiae rationem habere voluisset. Non displicet tamen eius consilii ratio, quod manum Historiae literariae ultimam imponere noluerit, quam completo Bibliothecae Vindobonensis Catalogo. Sed ipse spe sua excidit, cum fata tam longinquo Operi intercesserint

- 78 GABRIEL NAUDÆUS, Gallus, Vir doctissimus, Bibliothecarius Cardinalis Mazarini, inter Scriptores Historiae literariae recensendus, cuius extant scripta, magno ingenio & doctrina elaborata. Is Gallica lingua librum scripsit, cui titulus: *Addition à l'Histoire de Louys XI.* Parisiis editum 1630. in 8vo, oppido rarum, quo continetur praecipua pars Historiae literariae illorum temporum, non per Galliam solum; sed & per alias Europae partes. Vocat *Additionem*, quoniam illic per-
- 79 tractat partem, a reliquis Historicis intractam. * Incidit autem hujus Regis historia in illa tempora, quibus incepit *παλρυγενεια* literarum per totam Europam: occasione illa disquiri in originem artis Typographicae, candideque Germanis vindicat divinam artem, quam Batavi sibi tribuere voluere per summam erga Germanos invidiam; quorum argumenta illic refutat: legendus est *cap. 7.* Frustra itaque est *Boxhornius* cum omnibus suis argumentis, qui peculiarem de artis Typographicae origine librum pro Batavis suis scripsit. Idem Vir clarissimus *Bibliographiam Politicam* scripsit; ubi de Politicis Scriptoribus judicat; aliumque, cui titulus *Maseurat*, ubi de iis Scriptoribus judicat, quae sub Cardinale Mazarino edita sunt.

CAP. XVII.

DE SCRIPTORIBUS BIBLIOTHECARIIS.

- §. 1. *Scriptores Bibliothecarii* 2. *vel de methodo Bibliothecae instituenda agunt, vel historiam Bibliothecarum proponunt.* 3. *Richardi Buri Philobiblion.* 4. *Bessarionis epistola.* 5. *Gabr. Naudaei dissertatio de instruenda Bibliotheca.* 6. *Hottin-geri Bibliothecarius quadripartitus.* 7. *Ejus Indices librarii.* 8. *Claudii Clementis Museum.* 9. *Iusti Lipsii de Bibliothecis Syntagma.* 10. *Ludovici Jacobi Trulla-*

Traſatus de Bibliothecis. 11. *Judicia de illo;* 12. *Gallica Bibliotheca non ceterarum nationum Bibliothecis præferende.* 13. *Ludovici Jacobi plures libri Bibliothecarii reſenſuntur.* 14. *Lomeier de Bibliothecis,* 15. *in vetuſtis diligentior, quam in recentioribus.* 16. *Ludovici Jacobus indigentia notatur.* 17. *Jodocus a Dudenck.* 18. 25. *Mutius Panſa.* 19. *Galleſii Traſtatus de Bibliothecis exiguus.* 20. *Spizelii Diſſertatio de re Bibliothecaria.* 21. *Cardone.* 22. *Putgani.* 23. *Majoragii, Heuſii de Bibliothecis ſcripta.* 24. *Sqq. Bibliotheca Vaticana.* 25. *Mutius Panſa.* 26. *Angelus Rocha.* 27. *Zolur Arachio de Bibliotheca Vaticana.* 28. *Vindobonenſis Bibliotheca a Lambecio deſcripta.* 29. *Bibliotheca Oxoniensis.* 30. 31. *Catalogus ejus a Janefio & Hidano ſcriptus.* 32. *Quid in hoc deſiderandum.* 33. *Anglica Bibliotheca ceteræ.* 34. *Bibliotheca Guelſerbytana ab H. Conringio laudata.* 35. *Bibliotheca Regie Gallica nova & pleaſſima deſcriptio laudatur.* 36. *Qui de variis Bibliothecis ſparſim egerunt.* 37. *Collegii Pariſienſis Societ. Jeſu Bibliotheca laudatur.*

Cum ſuprà cap. 3. de Re Bibliothecaria egerimus, ac plurima ejus argumenti re-
tigerimus; nunc hoc loco SCRIPTORES BIBLIOTHECARIOS reſenſebi-
mus: nam, quoniam Bibliothecæ locupletis ordinata cognitio non parum
facit ad Hiftoriam literariam cognoscendam; non immerito Scriptores Bi-
bliothecarios iis, qui ad Hiftoriam literariam pertinent, ſubjungimus. * Quidam
ex illis Scriptoribus vel de methodo inſtituendæ Bibliothecæ agunt, vel Hiftoriam
Bibliothecarum; ſeu univerſalem ſeu particularem, proponunt. De illis primum
agemus, ut ſi jam ſum cap. 3. eorum quoque mentionem fecerimus.

RICHARDUS a BURI, Epifcopus Dunelmensis, & Eduardi III. Anglò-
rum Regis, Cancellarius, & Theſaurarius Regni, librum ſcripſit, cui titulum fecit;
Philobiblion, quì rariffimus eſt, & in paucorum manibus verſatur (1), in quo ille rem
Bibliothecariam commendat, & modos oftendit, quibus adornari Bibliotheca poſ-
ſit. Seorſum ille editus non facile compareret in Bibliothecis; ſed iteravit editionem
ejus Melchior Goldaſtus, addiditque *Centurias Epiftolarum Philologicarum*, quas ille
collectas junctim edidit Francofurti in 8vo, An. 1610. quibus multa continentur
notabilia. * Additur quoque Beſſarionis, Patriarchæ Conſtantinopolitani, & Car-
dinalis Tuſentani *Epiftola*: ad Principem Senatumque Venetorum miſſa An. 1469,
qua Bibliothecam ſuam omnis generis libris inſtruſtiſſimam eidem Senatui deſert
ac donat. Richardi vero illius liber, etſi dictio genium ſitorum temporum ſapit,
tamen eleganter ſcriptus eſt, ac multa proponit rei Bibliothecariæ arcana.

GABRIELE NAUDÆO nemo vixit ſuo tempore *peritior*; cujus extat libellus ad Præſidem Memnium, ſcriptus hoc titulo: *Advis pour dresser*

Aa 2

dreſſer

(1) Reçuſum eſt Richardi de Buri *Philobiblion*, cum eadem *Centuria Epiftolarum Philologica- rum*, a Melch. Goldaſto collectarum, Unica (nec enim plures, ut Morhofius opinatur, edi- dit), Liptz An. 1674. in 8vo.

dresser une Bibliothèque. Multa sunt in hoc tenui libello notabilia, tum quod ad erectionem; tum quod ad conservationem Bibliothecæ attinet. Richardum de Buri sæpissime in exemplum proponit. Multa illic de officio Bibliothecariorum, qualitate librorum, & similia, quæ recentiores quidam de hoc argumento Scriptores strenue exscribunt. Prolixus in ejus laudes est Maresius *lib. 2. Epist. 32.*

- 6 JOHANNES HENRICUS HOTTINGERUS, Theologus Reformato-
rum πολυμαθὴς, Orientali literatura præcipue celebris, librum scripsit titulo
Bibliothecarii quadripartiti. Quatuor partes hujus Operis fecit: prima agit de Bibli-
othecarum instructione, officio Bibliothecarii, aliisque nonnullis, quæ spectant ad
modum contexendi Catalogos Bibliothecarios, quorum potissima pars excerpta ex
Naudæi scripto supra dicto. Notanda sunt imprimis, quæ de Locis Communibus
Bibliothecariis instruendis proponit. Ita enim Bibliothecam suam institui jubet, ut
ipse ejus ordo possit esse inter Locorum Communium. Illic varias recenset vari-
orum Autorum methodos, quibus tandem suam addit ἐπίκρισιν p. 79. Quæ omnia
sic satis bona sunt, nisi quod ordo nimium laboriosus videatur, & in ipsa Topothe-
7 sia libraria difficulter semper observari possit. * Præstat itaque, si Bibliothecæ ea
ferme methodo, qua utuntur Collegii Jesuitici Parisiensis Patres, in Systemate Bi-
bliothecæ ab illis edito, aut qualis habetur in Catalogo Bibliothecæ Thuanæ, dispo-
sitæ bonos Indices subjeceris. De ejus *Indicibus Librariis* plura diximus *cap. 6.* quo le-
ctorem remittimus. Reliquis tribus partibus scripta Theologorum secundum cer-
tas classes disponit, quæ omnia utiliter & cum fructu legent Theologiæ Studiosi.
Utilis quoque esse potest in prima ejus libri parte *cap. 3.* Bibliotheca Anglorum The-
ologica contracta.

- 8 CLAUDIUS CLEMENS, Jesuita, scripsit librum, cui titulus est: *Museum s.*
Instructio Bibliotheca, tam publica, quam privata. Editus est Lugduni An. 1636. in 4to.
Multa coacervat hic Autor ad hoc argumentum: est in alienis potius occupatus &
generalibus, in externis, quæ spectant ad ornatum Bibliothecæ, in picturis & simi-
libus. Scilicet ille phaleras tantum, non Pegasus ipsum curat: recte de illo Baille-
tus tom. 2. p. 273. *Il y a quelque erudition, mais il y a trop de babill & trop de ce que*
nous appellons satras & s'il avoit eu plus de jugement, il auroit renfermé tout ce qu'il y a de
bon dans cet ouvrage, en un fort petit livre. Additur quoque descriptio Bibliothecæ
Hispanicæ Scorialensis, & ad studia lectionemque librorum parænesis.

- 9 JUSTI LIPSII primo loco debebat fieri mentio, sed quoniam in re Bibliothe-
caria potius ungues & reduviam curat, quam caput, vel plane etiam omitti poterat,
& ad Scriptores antiquarios rejici. (†) Scripsit *Syntagma de Bibliothecis*, in quo de riti-
bus

(†) *Syntagma Libellorum & commentationum de Bibliothecis atque Archivis*, a Joh. Joach. Ma-
dero Helmutadii Anno 1666. in 4to publicatum, præter Editoris de Scriptis & Bibliothe-
cis Antediluvianis Præfationem, Justi Lipsii de Bibliothecis *Syntagma*, Fulvii Urfini,
Guid.

bus variis & antiquitatibus circa rem Bibliothecariam agitur. Hunc librum postea una cum aliis ejusdem argumenti excerptis antiquariis edidit Maderus, præmissa de antediluvianis Bibliothecis Dissertatione. Eundem Lipsii librum cum insigni auctario editurus erat maximi nominis Medicus, Hieronymus Welschius, ut testatur in ejus vita Schröckius. Sed hujus & multorum aliorum spes præmatura hujus viri morte intercidit.

LUDOVICUS JACOBUS primus est, quantum memini, qui de Bibliothecis, 10 antiqui novique temporis, aliquid scripsit. Fuit Carmelita: Gallica lingua librum, Parisiis Ann. 1644. editum, scripsit, cui titulus: *Traité de plus belles Bibliothèques publiques & particulières, qui ont esté, & qui sont à present dans le monde*, id est, *Tractatio de optimis Bibliothecis, publicis, privatis, quæ fuerunt, hodieque supersunt in orbe*. * Magnam hic rem agi credideris: sed si, quod res est, dicendum, amphoram titu- 11 lus instituit, liber exit in urceum. Quod ad veteres attinet Bibliothecas, plura ab aliis jam tum dicta sunt; in novis recensendis ultra notitias, quas e paucis Autoribus hausit, nihil novi affert. In Italicis Thomadini, in Anglicis Pitsei, in Belgicis Sanderi, in Germanicis Melchioris Adami vineta cædit. Qui Autores, si Thomasinum & Sanderum excipias, ἐν παρέργῳ illa attingunt, & casu in eorum mentionem incidunt. Nam, qui e Melchioris Adami Vitis omnem rei Bibliothecariæ Germanicæ notitiam meruit, ut facit Ludovicus Jacobus, e turri Archivos judicat. * Ex 12 qua rerum peregrinarum incuria vel despicientia natum hoc ipsi judicium est, plures Bibliothecas in una Lutetiæ urbe, quam in Anglia, Hispania ac Germania integra reperiri. Scilicet & hic verum est, quod veteri verbo dicitur: τῆς Πατριδος καπνὸς λαμπρότερος τῆ παρ' ἄλλοις πυρὸς. Neque tamen Patriæ suæ Bibliothecas illa, qua poterat, diligentia recenset, quanquam majorem illis curam impenderit. Josephus Scaliger in Excerptis refert, suo tempore 80. perfectas Parisiis fuisse Bibliothecas, cum Londini tantum 12. fuerint. Memorat de eo Bailletus tom. 2. p. 273. quod parum diligentiae & judicii in Opere hoc adhibuerit; multa incerta aliorum

Aa 3

fide

Guid. Pancirolli, Bartholom. Chassanæ, Franc. Patricii, Mich. Neandri & Jac. Phil. Thomadini de iisdem, Laur. autem Pignorii de Servis Veterum Bibliothecariis, & Emundi Figrelii de Statuis Doctorum, Ἀποπαισμάτι, Balth. Bonifacii Lib. de Archivis, Franc. Schotti, Onuphr. Panvini & Ant. Cicarellæ de Biblioth. Vaticana, Balth. Corderii & Alex. Barvoetii de Scorialensi, ac Joh. Alex. Brallicani de Budensi, Schediasmata, uno fasce complectitur. Secundæ illius editioni, a Joh. Andr. Schmidio, Theologo Acad. Juliz πολυμαθεσάτω, Helmstadii Anno 1702. cum Præfat. sua, publicatæ, Herm. Conringii de Bibliotheca Augusta Guelpherbytana Dissertatio accessit Epistolica. Hanc, durante eodem Polyhistore, ulteriorem etiam Collectionis hujus pollicito continuationem, Anno 1703. secuta est Nova de Bibliothecis Accessio, Syntagmati Maderiano adjuncta, in qua Rich. de Buri Philobiblion, Gabr. Naudæ & Theoph. Spizellii de Bibliothecis Diatribæ, & Christoph. Heidmanni de Bibliothec. Acad. Juliz Verultiori, Herm. ab Hardt de Nova ejusdem Rudolpica, Casp. Sagittarii de Jenensi, ac Jul. Pflugii de Budensi, Commentationes, lucem denuo junctim aspexerunt publicam.

fide credulus ipse adducat. Inde factum, ut numerum Bibliothecarum auxerit, quas ille pro locupletibus vendit, quæ vix inter mediocres locum inveniunt. Bibliothecam S. Victoris ille ob MStoram copiam in cœlum extollit laudibus; sed Scaliger in Excerptis quicquam in illa boni esse negat, neque sine causa Rabelesium Lityrico illam sale defricuisse. Sed dici tamen in ejus defensionem potest, quod ipse in præfatione ad lectorem Autor pro imperfecto Opere habeat. Condonandum affectui ejus in patriam est, quod Parisinas Bibliothecas ceterarum gentium vincere existimet. Erant enim illic locupletes illæ sunt, comparari tamen cum tot nationum Bibliothecis nequeunt, ubi non fungi & verveces habitant. Laudat tamen ejus curiositatem Bailletus, ibid. p. 98. & accuratoria ab illo sperare nos potuisse ait, si supervisisset. * Edidit Idem *Bibliothecam Pontificalem*, in cujus prima parte agit de libris, quos Pontifices scripsere; altera de iis, qui vitas & elogia Pontificum scripsere. *Bibliothecam* quoque *Cardinalitiam* & *Carmeliticam* promisit, eodem modo instructam: quæ an lucem viderint, non constat. Idem *Bibliothecam Feminarum*, quæ literis & libris incluserunt, an absolverit, incertum. Extat quidem in illum librum inter Epigrammata Naudæi aliquod, quod pag. 83. legitur; sed fortassis illud in librum, vel affectum vel ineditum, scriptum est. Præmitti huic solet libro Naudæi *dissertatio de Bibliotheca instruenda*; quam ob causam factum est, ut totam de Bibliothecis librum Naudæo adscripserit Lambecius, *Comment. de Bibl. Vindob. lib. 1. p. 15.* qui tum optimi amici fuerunt, ut ex vita Naudæi, Epistolis ejus præfata, patet.

- 14 Post illum *de Bibliothecis* in universum singularem librum publicavit, jam secundum editum, JOHANNES LOMEIER, Ecclesiæ Deurechomienis Professor, Vir doctus quidem, sed cui tamen non iste ad manum fuit apparatus, quo opus erat de hoc tam vasto argumento aliqua scripturo; quod ille limatus ornatusque nobis, quam Carmelita ille, dedisset; si sylvam Operi educendo instructiorem habuisset. Nam & in summa illius percurratione etiam curam quandam & *exiguum* ostendit, ne Ludovici quidem Jacobi subsidio adjutus, cujus ille librum apud Bibliopolas Amstelodamenses & Francofurtenses frustra quæsitum, nusquam reperire potuit, ut ipse testatur. In vetustioribus accuratior est Lomeierus, Gallus vero ille indiligentior. * At vero in recentioribus recensendis parcius est Lomeierus: quanquam interdum aliqua, quæ Galli illi-
15 bus manum fugerunt, & illic apparent. * Gallus ille, ut in Bibliothecis, qua publicis, qua privatis, recensendis diligentior est, illis præcipue, quæ in Collegiis Monachorum latitant, multas tamen, tam publicas quam privatas, prætermisit, earumque celebratissimas, e quibus nunc tantum viciniore nomine, Augustam illam *Wolferbytanam*, *Slesvicensem* nostram, & *Hamburgensem*, quæ profecto inter tot alias recenseri debebant: ne quid de remotioribus dicam, & de privatis. Quanquam enim hæ non sunt perpetuæ; nam vel ad alios possessores transeunt, vel venditionibus ditrahuntur, earum tamen notitia propter ipsos libros habenda est. Gallus, ut indiligentiam suam in Germanis Bibliothecis excusare possit, ad fontes sibi nobisque incognitos ablegat. Non dubito, inquit pag. 226. *plures esse casque bonas in Germania Bibliothecas,*

theas, verum cum illarum nulla mihi hactenus notitia sit, remitto lectorem ad librum Jodoci Dudingii de Bibliothecis: qui, cum ad manus meas hactenus non pervenerit, ad rei Bibliothecarie cognitionem nullum nobis usum præbere potest. Et ille tamen in hac rerum suarum renuitate & angustia, Germaniæ, Hispaniæ, Belgiique opes contemnere audet præ Galliæ suæ thesauris. * Illum vero Jodocum a Duding non nisi a Catalogis & indicibus novi, frustra a me hactenus, utut maxima diligentia, quæsitum. Fuit vero iste JODOCUS a DUDINCK, Canonicus Refensis, & Pastor Vinensis ad Rhenum, cujus liber Coloniae apud Jodocum Kalkofen, An. 1643. in 8. magnifico sane titulo prodit: *Palatium Apollinis & Palladis, sive, Designatio præcipuarum Bibliothecarum mundi, veteris novique seculi.* Non habuit ipsum, neque vidit Labbeus, qui in Bibliotheca Bibliothecarum p. 102. e Valerii Andreae Bibliotheca Belgica libri titulum cum aliis ejus Autoris recenset. Ne mentionem quidem ejus facit Lomeierus, ut vel ex eo, ignotum ipsi hujus viri fuisse nomen, appareat. Testatur vero Bailletus tom. 2. pag. 272. dedisse illum Dudingium ideam Bibliothecarum præcipuarum superficiariam, ut vel ex eo appareat, non visum fuisse Jacobo librum, ad cujus pleniores opes nos ille ablegat. * Addi superioribus potest MUTIUS PANSIA in libro Italice scripto de *Bibliotheca Vaticana* Ann. 1590. Romæ in 4to edito, qui suo in argumento hospes alibi semper vagatur, & reliquarum gentium librariam & literariam rem recenset, neutri horum, quos recensui, quantum ego quidem animadvertere potui, cognitus.

GALLESIIUS, Autor Gallicus, An. 1680. librum edidit, cui titulus: *Traité de plus belles Bibliothèques du monde.* Magnos ille titulus strepitus facit; sed pro thesauris carbonem. Exiguus liber est, novem scilicet foliis constans in 12. Pleraque exscripsit e Lomeiero, quem vix nominat: quo in judicio ἐμὸς ἢ οὐκ ἐμὸς mihi video Bailletum, qui errores quoque Lomeieri retinuisse notat. Ludovici Jacobi nomen in illo non deprehendi. Historia de impressis primis libris jejuna est & tenuis, ac longe plenior apud Naudæum in Additione ad historiam Ludovici XI. Epistola ejus de instituenda Bibliotheca nihil novi habet, quod non plenius Naudæi dissertatio proponat. In Parisiensem Bibliothecarum recensione forte aliqua nova habet.

THEOPHILI SPIZELII extat liber, cui titulus: *Sacra Bibliothecarum illustrium arcana detecta*: editus Augustæ Vindelicorum 1668. in 8vo. De hujus consilio alibi plura dico: hoc loco tantum ejus mentio fit, quia Dissertationem præliminarem libro suo præmisit, qua in universum de Bibliothecis agit, quæ continet notabilia quædam, ex supra memoratis Autoribus excerpta; quibus addidit nonnulla, quæ ipse vel in peregrinationibus observavit, vel alias notavit.

Ex Nicolai Antonii Bibliotheca Hispanica discimus: JOHANNEM BAPTISTAM CARDONAM, Valentinum, multiplici divinarum & humanarum rerum prudentia celebrem, in Patribus ope Manuscriptorum restituendis occupatum, libellum de *Regia Sancti Laurentii Bibliotheca* scripsisse, ubi consilium cogendi omnis generis utiles

- utiles libros, & per idoneos ministros fructuose callideque custodiendi proponit; cui adnexa sunt quaedam de Bibliothecis ex Fulvio Ursino, deque Vaticana ex Onuphrii schedis: qui libellus junctus est de expurgandis hereticorum propriis nominibus, & de Diptychis, Commentariolis, qui omnes simul editi Tarraconae 1587. apud Philipp. Mey
- 22 in 4to. * Scripsit & ERICUS PUTEANUS librum de usu Bibliothecae, & quidem speciatim Bibliothecae Ambrosinae, Mediol. in 8vo 1606. editum, aliumque, cui titulus: *Auspicia Bibliothecae Lovaniensis* An. 1639. in 4to. De Petri Blanchot idea Bibliothecae Universalis jam supra diximus. * Habentur apud Majoragium & Heinsum Orationes hujus argumenti. Extat & hujus generis Epistola a P. Bertio scripta, & Catalogo Leidenfensi addita.

Subjicimus generalibus illis de Bibliothecis Scriptoribus speciales aliquos, qui

24 scilicet singularium Bibliothecarum Historiam scripserunt. * Inter Bibliothecas Christiani orbis principatum obtinet VATICANA, cujus Historia a Scriptoribus aliquot tradita est; sed secretiora ejus & MSi Codices nunquam patuerunt. Josephus Scaliger, tum in Epistola ad Gruterum scripta, tum in Excerptis illis, quae fratres Puteani congesserunt, non magnopere aestimat Bibliothecam Vaticanam, illicque praefert Florentinam & Parisinam Regiam; qua de re plenius agit Conringius in *Biblioth. Aug.* pag. 37. 38. 39. Illius opes crevisse dicuntur ex spoliis Bibliothecae Electoralis Palatinae: sed alii hoc in dubium vocant, qui existimant, inter Cardinales quosdam direpta fuisse arcaniora ejus Bibliothecae.

- 25 MUTIUS PANSA, cujus jam supra mentionem fecimus, Italica lingua librum scripsit, cui titulus: *Ragionamenti della Libreria Vaticana*, quo in libro agitur de Origine & Renovatione Bibliothecae Vaticanae: ubi & vetus illa fabula requiritur de Bibliothecae primordiis a D. Petro institutis, quam operose refutavit Conringius in libro de Bibliotheca Augusta. Quod ad ipsam Bibliothecam attinet, parum ab Autore illo adfertur, quod memoratu dignum: nam in Digressionibus totus est, quae plane ad hoc argumentum non pertinebant. Immiscet multa de picturis hujus Bibliothecae, de literis & Alphabetis, de literarum artium-
- 26 que Autoribus, de Bibliothecis aliarum gentium; quibus non erat hic opus. * Qui ejusdem Bibliothecae Historiam scripsit, ANGELUS ROCHA, cujus extat ea de re Commentarius, Romae Ann. 1591. in 4to editus, eodem modo procedit, totus in excursibus & differtationibus, ad rem, quam tractat, non pertinentibus.
- 27 * Quis vero ille sit ZOILVS ARDELIO, cujus meminit Janus Nicius Erythraeus in *Pinacoth. I.* n. 133. dicere non possum: nam nomen illud fictum est, & testatur Erythraeus, ipsum scripsisse de Bibliotheca Vaticana, ceterum hominem fuisse maledicum & nequam. Operae pretium profecto fuerit, legere hujus hominis characterem; qui doctus quidem fuit, sed ob summum fastum & maledicentiam, cujus illic ridicula specimina narrantur, omnibus invisus. Adeo parum ornant literae, nisi virtutibus ipsae ornentur. Referri hoc exemplum ad caput nostrum v. de *Conversazione erudita* potest.

- 28 Alterum a Vaticana locum merito VINDOBONENSIS BIBLIOTHECA tenet, cujus

cujus magna olim fama fuit; & major nunc excitata est a LAMBECIO, laboriosis de illa Bibliotheca Commentariis. Nam ipse pene Bibliothecam de Bibliotheca scripsit, ac jam tum prodiit, si recte memini, Tomus vel 8. vel 9. & vix ad mediam ejus partem pervenit, cum fata ipsius laboribus injecerunt manus. Quousque hæcenus Lambecius pervenerit, compendio recitat Spizelius in *Dissertatione præliminari Sac. Bibl. arcan. §. 13.* Prolixus nimis est in Digressionibus, in Delineationibus rerum supervacanearum, in alienis multis ingerendis; quæ, ut molem, ita pretium libri citra necessitatem augment. Ceterum de MStis Codicibus multorum Autorum longa illic est disquisitio, quæ prodesse interdum possunt ad noticias Autorum; interdum lectorem ultra, quam par est, fatigant.

BIBLIOTHECA OXONIENSIS, sive BODLEANA, a primo 29
ejus fundatore ita dicta, magni nominis est, & merito quidem, libris qua impressis, qua MStis opulenta. Ejus Historia cum aliis nonnullis hujus Academiæ Bibliothecis tradita est ab Antonio Wood *lib. 2. de Historia & Antiquitatibus Bibliotheca Oxoniensis, p. 45.* * Ejus Catalogum dedit Thomas Jamesius geminum, alterum secundum 30
seriem Bibliothecæ, alterum secundum seriem rerum dispositum. Sed magnis postea accessionibus locupletata, ultra veteres suos indices excrevit; nam præter alias Seldeniana Bibliotheca, Orientalibus scriptis & Manuscriptis referta, addita est. * Quare novus nunc A. 1674. prodiit Catalogus in folio a Thoma Hide, Bibliothecario, confectus, novem annorum Opus; * sed in illo nulli habentur MSti Codices, & præterea Catalogus tantum secundum seriem Autorum, non secundum seriem 31
materiarum, formatus, ut erat vetus ille Jamesii. Restaret itaque altera hæc 32
pars Indicis materialis, qui mole æquaret priorem illum Catalogum; sed tamen magni usus esset. Recte judicat Bailletus in Præfatione Indicis Bibliothecæ Lamonianæ: Illa ipsa, quæ Thoma Hidano arrisit, methodus, ut ad studiorum utilitatem minus necessaria, ita nec sola debuit adesse, sed posterior, cui priorem argumentorum sive rerum ordinem, utpote longe utiliorem, præmitti oportere, nemo non intelliget: plerique enim mortalium ad rerum studia animum adjungere solent, ad Autorum vix unus & alter. Quare in confectio-
ne Indicis Bibliothecæ Lamonianæ potius ad argumenta ipsa, quam ad Auto-
res respexisse se, ait Bailletus. MSti Codices Bibliothecæ Oxoniensis numero pe-
ne æquare dicuntur impressos; an illorum Catalogus aliquando edendus sit, incer-
tum est. (mm) De forma hujus Indicis plura habet Thomas Hide Præfatione hu-
jus Catalogi. De singularibus ac memorabilibus hujus Bibliothecæ legatur Mon-
conius in *Itinerario, part. 2. pag. 51.* * Londinensem Regiam ego olim ipse 33
vidi, sed quæ & tum & olim negligenter habita. Vide Arnoldi ad Rich-
terum

(mm) MStorum Bibliothecæ Bodlejanæ Oxoniensis omnium notitiam suggerit plenissimam Edv. Bernhadi, Professoris Scholæ istius Inelyti, *Catalogus Librorum MStorum Academicarum Oxoniensis & Cantabrigiæ & celeberrimæ per Angliam Hyberniamque Bibliothecarum, cum Indice Alphabetico, Tomus II.* (quorum Prior sola Oxoniensis recenset) Oxoniæ A. 1697. in fol. editus, Opus eximium, & vix cuiquam in isto Descriptionis genere secundum.

Tomus I.

B b.

terum epistolam, inter Richterianas pag. 483. Scaliger in Excerptis suis vehementer laudat omnes Anglicas Bibliothecas a MStorum copia; præsertim in Historia; sed eorum negligentiam accusat, qui, cum Catalogos publicarint, decies tamen iis plura omiserint: imo qui nunquam excudant bonos libros veteres, sed tantum vulgares. Quanquam nunc illi in vetustis Autoribus edendis cum Gallis aliisque gentibus certare velle videntur.

34 **BIBLIOTHECÆ GVELFERBYTANÆ** Historiam singulari libro persecutus est **HERMANNUS CONRINGIUS**, ad illustrem Boineburgium scripto, sub titulo *Bibliotheca Augustæ*. Scripserat ad Augustum Ducem Boineburgium, perieratque editionem Catalogi, & ad hoc negotium Hermannum Conringium deposcebat. Hac occasione inductus libellum hunc ad ipsum misit Conringius, in quo ostendit Bibliothecæ illius Singularia, ad septem ejus, ut vocat, admiranda, de quibus legi ipse potest. Bis mille in ea adservantur MSti Codices, & centena sedecim millia aliorum Voluminum. Illi e ruderibus Bibliothecæ Budensis collecti. Multa admiscuntur ad rem Bibliothecariam in universum pertinentia, tam vetera, quam recentiora.

35 Sperare nos Bailletus tom. 2. p. 251. jubet pleniorē aliquam Regiæ Bibliothecæ Historiam, quæ e Bibliotheca Medicea in Galliam translata primum crevit, de quo Conring. *Biblioth. August. pag. 24*. Primum enim novus Catalogus MStorum Codicum conficietur, longe Labbeano plenior & accuratior, atque singulorum exactum rigidumque examen Criticum instituetur. Addentur brevia eorum summaria, cum recensione historica de cujuscunque MSti Codicis fortuna & conditione. Spondet ille maximum ex hoc labore fructum, cum nullus hætenus illi similis labor ulla in gente visus fuerit, siue magnitudinem Operis, siue excellentiam ejus spectemus. Quod cum ab uno perfici Opus non possit, duodecim vel tredecim viris, doctrina & judicio singulari præditis, totum committetur negotium, ut illi partitis inter se operis agant. In tria illi dispescuntur Collegia, quorum unum in Manuscriptis Hebraicis aliisque Orientalibus; alterum in MStis Græcis, tertium in MStis Latinis versabitur. Scilicet ille verus est aliquo Hercule Musægeta ac maximo Rege dignus labor.

36 Bibliothecarum aliarum publicarum integræ non prodierunt, quod sciam, Historiæ, nisi quod a scriptoribus alia tractantibus *ὡς ἐν παρέδῳ* inspergantur aliqua, quæ ad Historiam hujus vel illius Bibliothecæ pertinent. Ita de Bibliotheca Vaticana in *Itinerario suo parte secunda, capite 10.* agit Franciscus Schottus. Est & Onuphrii Panvini de eadem Bibliotheca Fragmentum. Item Antonii Cicarellæ de eadem Bibliotheca descriptio, quæ habetur in vita Sixti V. historiæ Platinæ subnexa, editionis Colonienfis 1661. De Bibliotheca Regia Hispanica S. Laurentii extant Balthasaris Corderi Epistolæ duæ, præfixæ Cyrilli Alexandrini Homiliis XIX. in Jeremiam Prophetam, Antverpiæ editis A. 1648. Est & Claudii Clementis ejusdem Bibliothecæ descriptio, addita ejusdem Museo in 4to, A. 1631. edito Lugduni. Extat ejusdem Bibliothecæ Catalogus scriptorum ineditorum, & Manuscriptorum Alexandri Barvoërii: qui

qui cum rarior sit, Labbeus in Novæ suæ MStorum Bibliothecæ Supplemento tertio inferuit, cum aliarum Bibliothecarum Catalogis Manuscriptis. Recudi quoque Maderus cum ceteris curavit Bibliothecæ ipsius structuram, ac omnia ornamenta graphice describit Monconisus *Itinerarii sui part. 3. p. 46.* De libris tenuiter judicat Scaliger in Excerptis, pag. 61. Videri quoque de ea potest Spizelius in *Dissertatione præliminari Sacr. Biblioth. Arcan. §. 14. & Conring. Bibl. Aug. pag. 140.* Alexandri Brassicani de Regia Budensi Bibliotheca MSris locupletissima, misere a Turcis direpta, extat Epistola, præfixa Salviano, ab ipso edito. Sed nupera Budæ recuperatione aliquæ ejus reliquæ receptæ, quarum Catalogum Pflugius promissit. De Bibliotheca Florentina Monconisus *Itinerar. part. 2. p. 480.* Idem *ibid. pag. 443.* de Bibliotheca Vaticana, & pag. 291. de Bibliotheca Electoris Palatini, ubi de cimeliis & nummis, qui in ista Bibliotheca asservuntur. Bibliotheca Medicea a Sigismundo Regali, a Sylverio Florentino & Petro Francisco Minozzio Epigrammatibus celebrata, quæ Lugduni prodierunt 1673. Privatarum Bibliothecarum Historiæ, quod sciam, non extant: referas forte huc Epistolam Naudai, quam scripsit, dehortatorium, de non distrahenda Bibliotheca Mazariniana, cujus singularia recenset Conring. *Bibl. Aug. pag. 118.* * Extat Collegii Parisiensis Societatis Jesu Bibliothecæ Systema, quo traditur Bibliothecæ ejus Historia, Ortus, & Incrementum; est dispositio elegantissima, ut ideæ loco esse possit Bibliothecam aliquam adornaturo, vel Historiam literariam *αὐτὸς ἐν τῷ πρῶ* & per Synopsin consideranti. Certe sola Bibliotheca illum in modum disposita Locorum Communium instar esse possit. Quem in usum Bailletus quoque commendat, *tom. 2. p. 275.* qui illic Garnierum ejus Systematis Autorem vocat.

CAP. XVIII.

DE CATALOGORUM SCRIPTORIBUS.

- §. 1. Catalogorum notitia necessaria. 2. Variæ Catalogorum formæ. 3. Philippus Labbeus 4. & Teffierus Indices Catalogorum scripserunt. 5. Conradi Gesneri Bibliotheca & Pandecte laudantur. 6. Adversus acriorem quorundam censuram defenditur. 7. Aliquis de eo censura Jonsii & Bailleti. 8. Scaliger illum magni fecit, 9. ut & Thuanus. 10. Variæ ejus librorum compendia & supplementa recensentur. 11. Michaelis Neandri Pandecta & Prefatio. 12. Bolduani Catalogus Historicus præ ceteris laudatur. 12. 13. Ejus, ut & Draudii, labores imperfecti. 14. Methodus Draudii laudatur. 15. Königii Bibliotheca non præstat, quæ titulus promittit. 16. Martini Lipenii Bibliotheca reales omnium Facultatum. 17. Quenstedtii Dialogus de patriis illustrium virorum. 18. Gallorum cura in libris suæ gentis consignandis. 19. Claud. Fauchet. 20. Dn. de Casa nova. 21. Antonius Verdierus. 22. Crucimanius. 23. Hic a prima juventute Historia Bibliothecariæ Gallicæ se totum impendit. 24. Andr. du Chesne s. Quercetani Catalogus scriptorum Gallie Historicorum & Typographicorum. 25. Sorelli Bibliotheca

Bb 2

ca

ca Gallica. 26. Ludovicus Jacobus Universalem Bibliothecam Gallicam moliebat. 27. Labbei Chilades Historico-Chronographica. 28. Italicorum imperfecta in Scriptoribus suis recensendis opera. 29. Historia Lynceorum Fogelii. 30. Gregor. Leti de Scriptoribus Italis collectanea. 31. Hispanorum Scriptorum Catalogi. 32. Nicolai Antonii insignia de gente sua merita pradicantur, 33. ceterisque in exemplum proponuntur. 34. Batavorum negligentia notatur. 35. Scriptores quidam, Sanderus, 36. Desselius, 37. Swertius, 38. 39. Meursius, Miraeus, recensentur. 40. Mercurii Officinales Waesbergiani. 41. Anglorum magna in his negligentia. 42. Balci; Pitſci, Leighi, 43. Lillii, 44. Woodii imperfectus labor. 45. Dempſteri Scotorum Scriptorum recensio. 46. Albertus Bartholinus Danicorum Scriptorum Catalogum dedit. 47. Joannis Molſeri Cimbria literata laudatur. 48. Johannis Schefferi Suecia literata. 49. Staravolſcius de Polonorum scriptis. 50. Germana gentis Historia literaria desideratur. 51. Melchioris Adam, 52. Wittenii, Spizelii labores, de vitis Germanorum. 53. Bibliothecarium Scriptores respectu certi ordinis. 54. Bibliotheca Ordinis Jesuitici 55. & Cisterciensis laudatur. 56. Job. Caramuelis Lobkowitz opera. 57. Certi nominis Scriptores a multis collecti. 58. Spachii Nomenclator Philosophicus. 59. Voffii indefessa in autorum recensionibus opera. 60. Supplementa Voffiana a variis scripta. 61. Scripta scientiarum Mathematicarum, 62. Scriptores librorum Theologicorum, 63. Juridicorum, 64. Thurmamii, 65. Cornelii a Beughem labores promissi. 66. Medicorum Scriptorum Catalogi. 67. Varii Bibliothecarium publicarum 69. 70. & privatarum indices recensentur. 68. Laurentii Legati scripta advidenda. 71. Catalogi Officinales. 72. Scriptorum certi temporis. 73. Catalogi Miscelli. 74. Cincilli Bibliotheca Volante. 75. Mercurii literarii.

- 1 **P**ost Bibliothecarios Scriptores veniunt CATALOGORUM SCRIPTORES, quorum accuratior notitia ira necessaria est Polyhistori, ut mapparum Geographicarum cognitio peregrinatur. De eorum utilitate & jucunditate multa Conringius sub initium epistolae de *Bibliotheca Augusta* disserit, quibus hoc argumentum praecipue illustratur: & Spizelius *Diff. praeliminari Sacr. Biblioth.*
- 2 §. 11. 12. 13. * Disponi vero solent Catalogi vel secundum personas, vel secundum materiarum ordinem. Utrique vel sunt perpetui, qui omnes omnium disciplinarum Autores indicant; vel temporales, qui certi alicujus temporis Autores tradunt. Perpetui vel sunt universales, quales modo diximus, omnium scilicet scientiarum & temporum; vel particulares, respectu vel nationum certarum, vel ordinum, vel scientiarum, vel Bibliothecarum, earumque vel publicarum, vel privatarum, quae vel spectant ad viros doctos, vel sunt officinales, vel respectum certi nominis habent &c. Scriptores temporarii scribunt de certi temporis libris, vel ordine aliquo, vel sine illo.

- 3 Vestibulum ante ipsum nobis hic quasi Hodegeta & Janus Patulcius excubat PHILIPPUS LABBEUS, Vir, qui in texendis Catalogis totam pene vitam consumpsit.

Is *Bibliothecam Bibliothecarum*, cujus ideam ad calcem novæ Bibliothecæ Manuscriptorum adjecerat, scripsit, librum olim rarum, Parisiis 1664. in 8vo editum, deinde auctiorem Rotomagi, novissime Anno 1682. Lipsiæ in 12. recensum, editione quarta, ut titulus habet, juxta exemplar Rotomagense. Vocat autem *Bibliothecam Bibliothecarum*, quod recenset omnes Autores, qui Catalogos Catalogorum ediderunt, & de Bibliothecis, Vitis & Elogiis scripserunt. Adjecit Bibliothecam nummariam & Mantissam antiquariæ supellectilis, quæ continet Autores antiquarios & nummarios. Huic postremæ editioni additus est Seldeni liber exiguus de nummis. Primum Autores omnes confuse ponit, hinc subjicit Indices distinctiores ea serie; Primus repræsentat Autores secundum artes & scientias dispositos: Secundus Autores, qui de libris per nationes distributis scripsere: Tertius enumerat Bibliothecas sodalitarum & collegiorum: Quartus Miscellaneos de variis argumentis: Quintus Scriptores de homonymis: Sextus Polygraphos enumerat: Septimus recenset nomina & cognomina Bibliopolarum & Typographorum: Octavus agit de Bibliothecis secundum varia cognomina. Adduntur Indices Nominum & Cognominum. Imperfectus ille labor est, & augeri multis modis potest. Illum altero tanto auctiorem se editurum Vincentius Placcius jamdudum promisit. * Nunc vero Antonius Teissierus, idem scilicet, qui Elogia Thuanæa cum commentario edidit, auctiorem hunc librum dedit sub titulo Catalogi Autorum, qui librorum Catalogos, Indices, Bibliothecas, Elogia, Vitas, Orationes funebres, scriptis consignarunt, Genève An. 1786. in 4to impressum, cui sequenti anno aliud auctarium accessit. Ille vero, cum Labbeus Autores plus, quam 800. non recenset, Autores plus, quam 2050. & Vitarum & Orationum funebrium Scriptores 1200. enumeravit: patriam & professionem, ubi Labbeus omiserat, addidit; ac duos præterea Indices, omiſſis tantum injuriis, quibus ille optimis Autoribus insultat.

CONRADUS GESNERUS inter universales & perpetuos Catalogorum Scriptores principatum obtinet, Vir maximis suis laboribus optime de Rep. literaria meritis. Fuit enim & vertendo & colligendo omnium diligentissimus. * Injurii sunt & ingrati in bonum virum exteri quidam, qui ejus scripta passim traducunt ut non satis accurata, & solo labore, nullo vero ingenio, spectanda. Quod familiare solet esse in Germanos convitium omnium exterorum; qui, si non haberent a Germanis congestas rei literariæ opes, angustius certe secum habitarent. Adeo (quæ Vossii præfat. in Theolog. Gentil. querela est) laudis nihil sperandum, quocunque etiam judicio adhibito, propter ambitiosulos istos in strenua inertia & ingenii & facundie laudem solis sibi vindicantes, aliis relinquentes dumtaxat laboris gloriam, cum Arcadico, ut loquuntur, pecore communis. Etiam Gaddius, tenuis & jejunus Scriptor, minutam diligentiam in illo reprehendit, qui ipse montes parturiendo non nisi mures parit. Rolandus quoque Maresius in Epistolis suis Philologicis, Opere docto; Gesnerum alicubi, ut Locorum Communium Scriptorem, exagitat, cum Gesnerus & Gesnero similes inter eos sint, qui sylvas ferunt, ut habeant alii, quas cædant & excidant. Non nego quidem, nævos inesse & errores ejus Autoris scriptis, sed illos facile absorbet improbus labor

- 7 labor ac insignis ejus utilitas. * Æquius de viro isto Jonsius *Histor. Philos. lib. 3. cap. 20.* & Bailletus *tom. 2. pag. 15.* judicant. Considerandum enim, quot quantisque laboribus unus vir districtus fuerit, Physicis, Medicis, Philologicis; quanta seculi istius ob meliorum editionum defectum imperfectio. Quin potius tota ipsi posteritas ob summa illa & Herculea in re literaria merita obstricta est. Infinita propemodum sunt & incredibilia, quæ vir ille nondum L. annos natus, cum moreretur, in omni studiorum genere perfecit. Unus pene Bibliothecam scripsit. * Quam honorificum Jul. Cæsaris Scaligeri de Gesnero fuerit iudicium, ex iis literis Sylvii, J. C. filii, Scaligeri colligas, quæ in *Siberianis Epistolis pag. 459.* habentur, quibus ille Gesneri amicitiam ambit, eumque rogar, ut suo testimonio paternorum scriptorum splendorem gloriamque augeat. *Tuam, scribit ille, auctoritatem tanti facio, ut nullius amicitiam magis petam, alium magis colam neminem.* * Addi his potest præclarum candidissimi Scriptoris Thuanii elogium *Histor. lib. 38.* qui mortem ejus omnibus seculis deplorandam, ob insignia in universam rem literariam merita, vocat; prætereaque incredibilem ardorem in rei literariæ studio juvando deprædicat: qui sub extremum vitæ spiritum e lectulo surrexerit, ut, quæ vivus publicare non poterat, post mortem suam edenda designaret. * Edidit ille *Bibliothecam, sive Catalogum Universalem*, Tiguri apud Froschoverum An. 1545. in folio, secundum Alphabetum & nomina Autorum. Illum Catalogum in epitomen redactum, aliis vero Autoribus locupletatum, edidit *Josias Simlerus*, apud eundem Froschoverum bis editum. Ante Simlerum quoque *Conradus Lycosthenes* in Compendium traxerat, quod mancum omnino est, & exigui usus; neque enim notat vel formam librorum, vel locum & annum editionis, vel nomen Typographorum, quod in Catalogorum concinnatione necessarium est. Hinc editus est cum majori auctario, sed Operis Gesneriani Compendio, per *Johannem Jacobum Frisium*, Tiguri An. 1583. Scripserat & auctarium aliquod, sed breve ANTONIUS VERDIERIUS, Bibliothecæ Gallicæ Scriptor, quo continentur Autores, quos præterit Gesnerus, quique post ejus tempora editi, cum Bibliotheca Constantinopolitana. In hunc notulas MStas BONAVENTURÆ VULCANI apud amicum quendam meum extare novi. (m) Jam olim quoque Gesnerus eundem hunc suum Catalogum secundum ordinem artium & scientiarum disposuerat: qui liber majori usui est, & Locorum Communium instar esse potest. Qui itaque rei literariæ & librariæ cognitionem perfectam habere cupit, binos illos libros habeat, alterum illum secundum Alphabetum personarum dispositum, a *Johanne Jacobo Friso* editum A. 1583. & alterum ab ipso Gesnero sub titulo *Pandectarum* publicatum A. 1548. quem in compendium quoque redegit Frisius. ROBERTUS etiam CONSTANTINUS *Indicem* fecit super *Bibliothecam & Pandectas Gesneri*: *Guilielmus Canterus* fecit notas s. per *Bibliothecam Gesneri*, per Simlerum contractam. JOH. HALLERVORDI *Bibliotheca curiosa* nihil

(m) Notarum Bonav. Vulcanii in Verdierii Supplem. Biblioth. Gesnerianæ possessor fuit Vir illustris, Marqu. Gudius.

nihil aliud, quam supplementum Gefneri est, huncque titulum in Typographi gratiam assumpsit.

MICHAEL NEANDER, Vir doctissimus, & communis Germaniae Praeceptor, Philippo Melanchtoni coaevus, qui multa tum in linguis, tum in artibus scripsit, in Catalogo lucubrationum suarum, Erotematis linguae Graecae addito, promissit *Pandectas variorum Autorum & Scriptorum*, quod Opus ab illo editum non est. Ipse argumentum illorum hoc recenset: *Referuntur primo Bibliotheca insigniores ac instructiores; quae ab initio in mundo fuerunt, & si quae adhuc hodie maximo celebratae sunt, omneque genus scriptorum publicatorum, ac in Bibliothecis etiamnum ubicunque terrarum latentium, temporis etiam injuria deperditorum: eorum etiam, quorum vel nomina solummodo apud veteres reperiuntur. Horum omnium scripta ac libri referuntur secundum materias ac argumenta, quae tractarunt secundum artes, scientias, professiones ac facultates: indicato etiam tempore, quando floruerunt: simul etiam, quando & ubi locorum cuiusque scripta sunt excusa: numero quoque chartarum in plerisque indicato, quo facilius de pretio fiat iudicium: censuris etiam doctorum virorum additis, ut sciatur, quo loco cuiusque scripta sunt habenda, omnibus ordine suoque loco positis ac distributis, ut in quacunque arte ac quacunque materia scriptorem requiras, mox quæsito loco pro uno innumeros reperias, ut adhibitio iudicio potiore, ac quem seu ipse maxime probes, seu aliis praecipue probatum fuisse intelligas, postea deligas. Vel ex illa recensione apparet, quam praecclaro Opere, quod ipso Gefneriano praestantius fuisset, exciderimus. Rudimentum tamen ejus videtur doctissima illa & proluxa Praefatio, editioni Erotematum Graecae linguae posteriori praemissa, ubi per Synopsin & perpetuam dissertationem omnium artium & scientiarum Scriptores, quae antiquos, quae sui temporis, recenset. In hoc enim, ut ipse Autor in titulo promittit, tum multa alia copiose dicuntur, tum praecipue narratio copiosa ac longa instituitur de Bibliothecis vetustis, temporis varia injuria vastatis & consumptis: de libris deperditis innumeris ac optimis, in omnibus linguis, artibus, disciplinis ac facultatibus. Commemorantur etiam Bibliotheca; hac etiamnum aetate rara librorum MSSorum suppellectile in variis orbis terrae locis instructa, ac hoc nomine celebrata: cum indicatione autorum & librorum praecipuorum Graecorum & Latinorum, veterum ac recentium, extantium adhuc & publicatorum, distributis singulis optimo ordine secundum linguarum, artium, disciplinarum ac facultatum genera: ubi de autore & argumento & orationis genere, ac quo loco quilibet autor habendus sit, plerumque adolescentes admonentur. Edita sunt haec Erotemata Basilicae 1565. in 8. Invenies illic nonnumquam iudicia memoratu digna.*

Post Gefnerum non adeo feliciter hanc telam pertextuere nonnulli. PAULUS BOLDEANUS, Pastor aliquis Pomeranus, *Bibliothecam librorum*, suo tempore editorum, confecit; sed destitutus ad illam rem necessariis subsidiis, habitans quoque loco incommodo, & ad notitiam librorum sibi parandam non satis apto, e Catalogis Francofurtensibus excerpfit, qui nonnumquam mendaces, & nonnisi titulos ostentant. Prae ceteris tamen eminent ejus Autoris *Bibliotheca Historica*, bono ordine digesta, cujus ordinis & digestionis ratio ab ipso Autore in Praefatione prolixè pro-

proponitur. Rudimentum non sane spernendum notitiæ Historiæ præbere poterit, quod suppleri e Bibliothecæ Thuanæ & Cordesianæ Catalogo potest, de quibus infra dicitur.

- 13 Eiusdem commatis Autor **GEORGIUS DRAUDIUS** est censendus, cujus extat *Bibliotheca classica per omnes Facultates*, iridem e Catalogis Francofurtensibus congesta. Solum ille nomenclatorem, & ne quidem fide dignum, agit, in quo reperias nonnulla plane falsa; libros, qui nunquam editi, & in ipso conceptu parturientis cerebri suffocati. Inepti sunt, qui librorum Catalogos scribunt e Catalogis.
- 14 Oculata hic fides & iudicium præfens requiritur. * Laudanda tamen methodus est, qua utitur: quam ob causam majori esse usui potest, quam ceteri Indices, etiam accuratius instituti.
- 15 **GEORG. MATTHIÆ KONIGII** *Bibliotheca Vetus & Recens* edita est Norimbergæ ab Enteris in folio, An. 1678. Non facile memini, majori apparatu venditarum esse ullum librum, quam hunc; quia, ut titulus præfert, totius orbis literati opes, ab ipsis incunabilis ad nostra usque tempora, pollicetur. Sed totus ille liber exigua plane industria congestus, e Catalogis variis undiquaque & undique corrasus. Historia, quæ breviter annectitur, nonnunquam de viris doctis falsa est: libri ascinguntur quibusdam, de quibus nunquam forte illi cogitarunt: omnia manca sunt & mutila. Nam de viris celeberrimis, qui hodie vivunt, vel nuper desierunt vivere, leviora quædam scripta referuntur, præteritis dignioribus.
- 16 **MARTINUS LIPENIUS**, Scholæ Lubecensis Conrektor, scriptis quibusdam in lucem editis clarus, *Catalogos librorum in Jurisprudentia, Medicina, Theologia, Philosophia*, congestit, secundum materias distinctos, quod a multis hætenus desideratum. Libri omnes per intervalla in folio editi, typoque grandiore, unde moles & pretium quidem librorum augetur, sed commoditas notandi prætermissa relinquitur. Reliquis tamen præstare Bibliotheca Philosophica & Theologica videntur. Indices Autorum Alphabetici adjecti. Utilissimus labor esset, si omnes Auctores, veteres & novos, secundum materiarum titulos accurate dispositos haberemus. Sed fieri vix potest, ut in istis argumentis omnibus absolutum numeris haberi Opus possit: nam *deutérou Φερτίδες* novique labores semper hic locum inveniunt.
- 17 Hæc de Scriptoribus universalium Catalogorum dicta sunt. * Veniamus nunc ad Scriptores Catalogorum particularium; inter quos primum locum tribuamus iis, qui certæ alicujus nationis Auctores & libros recensent. Sunt vero inter illos nonnulli, qui personis contenti omittunt scriptorum accuratam enarrationem, inter quos est **JOHANNES ANDREAS QVENSTEDT**, cujus extat *Dialogus de patris illustrium virorum*, omnium ordinum ac facultatum, qui ab initio mundi per univertum terrarum orbem usque ad annum 1660. claruere. Non contemnendus liber est, quanquam non satis plenus, nec in recensendis scriptis accuratus. Errores Geographicos aliosque in illo notat Bailletus tom. 2. pag. 25.

Incipie-

Incipiemus a *Gallis*, quæ gens, ut præ ceteris ad ostentationem facta est, non 18
omisit hanc quoque nominis sui gloriam, exemplo Græcorum & Romanorum,
apud quos non defuerunt, qui gentis suæ Scriptorum elogia editis libris celebrarint.
Valde enim ad existimationem nationis pertinet ingenii gloria, quæ libris & inven-
tis æstimatur, ut patriæ specimina victoriis & factorum historiis. * Provincialium 19
Poëtarum Gallorum Historiam CLAUDIUS FAUCHETUS, Vir illustris, recensuit
peculiari libro. Nam poëtica gloria præ ceteris nationibus, pene in ipsa barbarie,
excelluerunt Galli; unde didicerunt & exemplum sumpserunt Itali. Certe apud
Gallos singulares ludi poëtici fuerunt instituti, quibus ipse Rex præfidebar, & vi-
ctores in hoc certamine coronabat. * Horum ludorum memoriam ex ipsis Anti- 20
quitatis ruderibus produxit DOMINUS DE CASA NOVA, Vir illustris & doctis-
simus, cujus extat singularis de hoc argumento liber, in 4to editus: de quibus plu-
ribus etiam egimus in Dissertatione nostra de Germanica Poësi, capite de Gallorum Poësi.
Franciscus Petrarcha, argutissimus Itatorum Poëta, multum Provincialibus istis de-
bet. * Hujus Faucheti Historiam suo libro inseruit ANTONIUS VERDIE- 21
RIUS, Claudii Verdierii, de quo nos supra, pater. Summa hic cura recensentur
libri, Gallico non solum idiomate scripti, sed & Latino a Gallis: quanquam parci-
or in his fuerit, & diligentior tractationem labor ille requirat. Editus est ille liber,
titulo *Bibliotheca*, Gallica lingua, Lugduni Anno 1535. in folio. Præfatio libri ple-
nius consilium ejus exponit. Est omnino in pretio habendus; quanquam Baille-
tus multos in illo defectus noter.

FRANCISCUS CRUDÆUS CRUCIMANIUS, ut illum Nico- 22
laus Antonius vocat, sive SIEUR DE LA CROIX DU MAINE, idem
argumentum tractavit post Verdierium, cui tamen nihil se debere profitetur. Ha-
buit quidem in animo hic Autor Vastum Opus Bibliothecæ universalis condere,
ut pater ex Epistola ad Regem scripta, qua ideam proponit perfectæ alicujus
Bibliothecæ, per pluteos suos instar Locorum Communium disponendæ; sed
methodus ejus est plane *à peu d'ados*, neque certa scientiarum capita sequitur: ti-
tulos enim varie inter se miscet. Habuit quoque affectos alios libros Biblio-
thecarios de Gallicis Scriptoribus aliisque; sed qui nunquam sunt editi, & post
mortem ejus distracti fuerunt, teste Ludovico Jacobi in Tractatu suo de
Bibliothecis; ubi de Bibliothecis Gallicis agit. Fuit vero inter duos illos con-
troversia, de subleâs sibi per plagium notatis suis: nam uno pene eodemque tem-
pore libri illi prodierunt. Crucimanius tantum Gallicos recenser isto libro, qui
eodem titulo editus Paris. in fol. 1584. Latinos peculiari libro reservaverat, qui
tamen nunquam editus. * Memorabile omnino est, quod ipse de se Crucima- 23
nius in Præfat. Bibliothecæ Gallicæ. *Je diray que dès l'an de mon âge dix-septier-
me, sçavoir est, en l'an de salut 1569. estant envoyé en l'Université de Paris, pour faire
proffit aux lettres, j'estois si curieux d'avoir toutes sortes de livres, non seulement en Grec,
Latin & autres langues, & sur tout en François, qu'en fin l'amas que j'en fais estoit si grand,
que le Catalogue d'iceux se monstroit tenir plus d'un juste volume. De façon qu'il me prie*

dès-lors une envie de mettre à part les Grecs & les Latins, & d'un autre côté les François, ou Auteurs qui avoyent escrit en nostre langue, sans parler des Italiens, Espagnols & autres. Alibi dicit, se Commentariorum septingenta vel octingenta Volumina anno ætatis 27. in omni genere scientiarum collegisse. Promittit quoque librum Gallica lingua, cui titulus: *La Recherche des Bibliothèques ou Cabinets les plus renommés de France avec la declaration des livres rares, medailles, portraits, Statues ou effigies, pierreries, ou autres gentilleses, ou gentilles curiositez, qui se voyent és maisons des Princes & autres, qui sont amas de telles magnificences.* Sed nihil post mortem ejus eorum apparuisse, testis est Lud. Jacob. p. 675. quæ forte destructa & dissipata fuere.

24 ANDREAS DU CHESNE, sive QVERCETANUS, scripsit Gallica lingua *Bibliothecam Auctorum*, qui scripserunt Historiam & Topographiam Franciæ secundum ordinem temporum & materiarum. Edinis est ille liber in 8vo, Parisiis A. 1627. & si recte memini, post illud tempus auctior in lucem venit. Sed apud illum nihil invenias præter Gallicos Auctores, & quidem Historicos & Geographos: poterit tamen inservire Historiam Gallicam secundum tempora & Auctores nosse cupientibus.

25 CLAUD. SORELLUS, Historiographus Regius, Vir doctus, cujus exstant multi libelli ab ipso editi, Gallica omnes lingua, ut *Scientia Universalis*, de qua infra dicemus, & alius liber *de perfectione hominis*, qui in linguam Germanicam conversus est a Barone de Stubenberg: scripsit librum, cui titulus: *La Bibliothèque Françoisise*, quo comprehendit Auctores, qui Gallica lingua scripserunt, aut e Latina & Græca in Gallicam linguam verterunt varios Auctores. Sed eorum, qui lingua Latina scripserunt, nulla hic mentio, nec omnium, qui lingua Gallica. Præcipue illos tantum Scriptores recenset, qui agunt de Eloquentia, Philosophia morali, Poëtas, Oratores, Grammaticos & Historicos Gallicos. Ita autem versatur in illorum Auctorum recensione, ut judicia sua passim interponat. Habuit vero ille in animo, ut ex Bailletto tom. 2. pag. 168. patet, Encyclopædiam aliquam ex Gallicis tantum Autoribus concinnatam dare, cum sine Græcæ Latinæque linguæ subsidiis ad perfectam rerum cognitionem pervenire nos posse crediderit, quod vanum ejus merito consilium Bailletus vocat. Ejus characterem describit Patinus *epistola 45.* ubi multa ejus scripta recenset, & pene 20. habere inedita volumina narrat. * Ceterum, qui inter Gallos de omnibus Autoribus scripsit, nemo hætenus repertus est. In animo hoc habuit Ludovicus JACOBUS, uti diximus, qui vastum Opus quatuor in folio Voluminum meditatus est; quorum duo eos, qui Latina lingua, cetera, qui Gallica scripserant, comprehendere debebant. Ille vero Titulus Operis: *La Bibliothèque universelle de tous les Auteurs de France, qui ont écrits en quelque sorte de sciences & de langues*, quod ille An. 1638. inchoaverat. Jam vero eo mortuo, quid huic Operi factum sit, non constat. Edidit ille quidem singulis annis, ab Anno 43, nisi fallor, incipiens, libros Parisiis editos, sub titulo *Bibliographie Parisienne*, & finit A. 1662. quo scripsit *Bibliothecam Gallicam universalem*, id est, Catalogum omnium librorum per universum Galliæ regnum ab

ab anno 50 excusorum. (oo) Videatur Labbeus in *Bibl. Bibliothecarum*. Sed nulla illic talis Bibliotheca, quam promisit, & quæ vere ita vocari poterat, mentio fit. Exat & quarundam regionum apud Gallos, virorumque in illis illustrium, enarratio. De quibusdam Bailleuris tom. 2. p. 184. * Habuit quoque in animo *Universale aliquod* 27 *Opus* PHILIPPUS LABBEUS, homo ad Lexica & Catalogos conficiendos a natura factus, restaturque de illo Nicolaus Antonius in Præfatione *Bibliothecæ Hispanicæ* his verbis: *Vixisset hujusmodi natus laboribus Labbeus, haberemus absolutissimam hujus gentis ad miraculum doctæ, & Chiliadibus Historico-Chronographicis notitiam.* Quod si continuus Scriptorum illorum Catalogus dari possit, non dubito, illum mole superaturum ceteros omnes. Ut enim ingeniosa gens est, & scribax, ita magna, ut puto, illorum Autorum apud illos messis erit.

Gallos excipiant *Itali*; magna apud illos virorum doctorum semper copia, tum 28 præcipue, cum evigilarent iterum ex profundo multorum seculorum lethargo. Multæ apud illos a præcipuis viris institutæ Academiae & Collegia, de quibus supra cap. 14. Singulis Collegiis certæ erant leges. Scribuntur a singulis membris libri, quorum omnium Historiam si haberemus, non parum prodesset ad rem literariam. * Solam *Lynceorum historiam* adornabat MARTINUS FOGELIUS, Professor Ham- 29 burgensis, Vir doctissimus; sed ille immatura morte abreptus ineditum Opus reliquit. Multi e Collegiis illis prodierunt egregii libri, quorum exigua, & plane nulla, apud nos est notitia. Extant nihilominus particulares singularium urbium Bibliothecæ & Catalogi, qui si conferantur omnes, integrum fortassis aliquod corpus constituere possint. Nolo in illis recensendis prolixus esse, præsertim cum Labbeus in sua *Bibliotheca Bibliothecarum*, & Teissierus plurimos jam tum recensuerint, ubi illorum nomina & librorum tituli legi possunt: nam singularia, quæ in illis moneamus, non habemus. Videndus quoque de iis est Bailletus Tom. II. a pag. 138. ad pag. 146. ubi nonnulla virorum doctorum de iis judicia habentur. * Facit & 30 *Academiarum illarum & Academicorum mentionem* GREGORIUS LETVS, in 3. part. *Italiæ suæ regnantis*, non quidem perfectam plane & absolutam, sed tamen, quod ad nostræ tempora spectat, sic satis accuratam: Ipse vero, ut videtur, potius aliunde doctus, quam sua experientia omnia scribit, ac pleraque excerptit e notitiis privatis. Neque enim omnia Italiæ loca ea, qua fieri debebat, cura indagavit, in quibusdam locupletior, in plerisque strictior & parcior. Prodesse tamen extero potest labor ille, utut imperfectus, Italiam studiorum gratia adituro. Nam in Autorum, qui hodie vivunt, nominibus recensendis satis diligens est. Mallem illum omnes illas notitias & memorias, unde ipse hauserat, notasse.

Veniemus ad *Hispanos*, apud quos olim exigua fuit scribendorum librorum cu- 31 ra, nisi quod ANDREAS SCHOTTVS in libro *de Bibliothecis & claris Hispaniæ viris*,

Cc 2

Franco-

(oo) Ludov. Jacobus Bibliographias annorum singulorum, partim Parisinas, partim Gallicas Universitates, edere quidem coepit quotannis Anno 1643. sed ad annum tantum 1653. (non 1662.) continuavit.

Francofurti in 4to, An. 1608. edito; & VALERIUS ANDREAS TAXANDER in *Catalogo clarorum Hispaniæ Scriptorum*, Moguntiae An. 1607. in 4to edito, aliquam in illo argumento operam posuerunt, sed minus accuratam. De illis videatur Bail-
 32 letus tom. 2. pag. 150. 151. 152. * Post illos tandem prodit NICOLAUS ANTONIUS, Hispanicus, Jctus, Ordinis S. Jacobi Eques, Canonicus, Regiorum negotiorum in urbe & curia Romana Procurator generalis. Is maximis laboribus congestit, tum e Catalogorum universalium Scriptoribus, tum e gentis suæ nomenclatoribus, qui tamen perpauci sunt & plane non accurati, Bibliothecam, cui titulum facit. *Bibliotheca Hispana, sive, Hispanorum, qui usquam unquamve, sive Latino, sive populari, sive alia quavis lingua scripto aliquid consignarunt, notitia, his, quæ præcesserunt, locupletior & certior, brevia elogia, editorum atque ineditorum librorum Catalogum duabus partibus continens, quarum hæc ordine quidem rei posterior, conceptu vero prior, duobus Tomis de his agit, qui post annum secularem 1500. usque ad præsentem diem florere; prodit Romæ, Anno 1672. in folio. (pp) Præmissa est luculentissima Præfatio, quæ agit de toto hoc colligendi Autores negotio, exponit sua & aliorum consilia, & quasi per lancem satiram recenset magna diligentia Autores omnium nationum Bibliothecarios. Liber ille omnes, quotquot sunt hujus argumenti, Scriptores accuratione & diligentia vincit; nam & elogia addit, & libros editos adsignato tempore & loco, una cum ineditis, sollicitè recenset. Multa enim in illo libro invenias maxime memorabilia, ex ipsis Bibliothecarum recessibus producta. Adjecit Indices, pulcherrimo ordine, secundum disciplinas congestos. Primus est Index Cognominum. II. Patriarum. III. Ordinum Ecclesiasticorum. IV. Munerum Ecclesiasticorum. V. Munerum Se-
 33 cularium. VI. Materiarum, qui ceteris amplior, & in XXIII. Classes dividitur. * Liber ille Ideam subministrare potest omnibus in aliis simile quippiam tentaturis. Antiquiores Hispaniæ Scriptores peculiari libro reservavit.*

34 Dolendum est, adeo incuriosos esse in rerum suarum notitia *Batavor*, cum apud illos plurima lucem videant, tam Latina, quam Belgica lingua scripta, quorum Ca-
 35 talogum locupletiore textu, interesset publice. * ANT. SANDERUS de *Scriptoribus Flandria* 3. libros, de *Scriptoribus Gandavensibus* alios tres, duos de *Brugensibus* scripsit. Idem de *MStis* quoque egit. Elogia uberiora virorum doctorum sunt in *Flandria ejus illustrata*, vasto Opere. * VALERII ANDRÆE DESSELI *Bibliotheca*
 36 ceteris omnibus in hoc genere Scriptoribus præferenda est, etsi in multis deficit;
 37 * ac FRANCISCUS SWERTIUS in *Athenis suis Belgicis*, quædam sibi subrepta queritur: qui hoc suo libro de *Academiis & Bibliothecis Belgii* agit. Sed
 38 Valerii Andrææ liber multo accuratior est. * JOH. MEURSIUS eodem titulo *Athena-*

(pp) Nicol. Antonii *Bibliotheca Hispana Verus Romæ* Anno 1696. in fol. curante Josepho d' Aghirre, Cardinali Hispano, itidem jam prodit. In Tomos divisa est duos, quorum Priore Scriptorum, qui ab Augusti Imperio ad A. C. Millesimum, posteriore autem, qui ab A. C. 1000. ad 1500. floruerant, fuscè, industria simul & judicii accuratione incomparabili, celebrantur.

Athenarum Batavarum usum solam Academiam Leidenensem describit, ejusque Professorum elogia & Opera recenset. * AUBERTUS MIRÆUS, Panegyristes potius, quam Bibliothecarius Scriptor, in foliis elogiis hæret: quare & *Elogiorum Belgicorum* titulo liber ejus prodit. Valerius Andreas in Præfat. Bibliothecæ suæ duos alios librorum Belgicorum consignatores nominat. Sed imperfecti eorum labores industria Valerii Andree obliterantur. * Nunc quidem prodeunt *Mercurii* aliqui *Officinales* librorum, singulis semestribus, non in Belgio tantum, sed & alibi, editorum, curantibus Waesbergiis, quorum diligentia merito laudanda est, non enim nudos tantum titulos, sed & argumenta simul exhibent. Sed fera est illorum opera, & a paucis tantum annis inchoata.

Anglica gens Batavis longe fuit negligentior in consignandis ingeniorum monumentis; nihil enim ab illis prodit, quod mereatur nominari, cum tamen sint extantque pene innumera ingeniosissimæ gentis in omnibus doctrinis scripta, prodeantque quotidie, tam Latina, quam vernacula lingua, plura. * Quod ad vetera attinet, præter JOH. BALEUM, cujus extant *Centuria Virorum illustrium Anglicorum*; & compilatorem ejus JOH. PITSEUM, qui de simili argumento & de iisdem Autoribus scripsit, pleraque describendo & interpolando; & quendam EDUARDUM LEIGH, qui populari lingua de recentioribus Autoribus aliqua scripsit; neminem habemus, nisi paucula illa velimus his addere, quæ in Actis Philosophicis habentur. Sed ea tantum Physica sunt & Mathematica. Baleum plerique non bona fide in recensione sua versatum judicant. In Pitseo compilatore multi notantur errores: Burtonus in *Græcæ lingue historia* p. 55. impudentem plagiarium nominat. * Quæ GEORGIUS LILIUS *elogia Anglica*, scripsit, exigua sunt, & memoratu vix digna. Fuit ille filius Guilhelmi Lili, qui teste Burtono p. 56. ut Græcis literis commodius operam daret, in Rhodo insula quinque annos degit. Prodeunt & singulis mensibus *Mercurii Officinales*, qui defectu aliorum colligi & notari possunt. Extat etiam Catalogus librorum, qui incendio Londinensi perierunt, ex quo hunc defectum utcumque refarcire possumus. * Subsidio etiam esse potest ANTONIUS WOOD, qui in *Historia Oxoniensi* commemorat libros a Professoribus Oxoniensibus, omnibusque hujus Academiæ alumnis, qui postea ad celebritatem nominis pervenerunt, editos. Catalogus quoque Oxoniensis Bibliothecæ jungi his potest: sed nulla tamen in omnibus est plena & ordinata Autorum Anglicorum recensio. * Qui doctorum Scoticæ gentis historiam descripsit in *Historia Ecclesiastica Scotia* THOMAS DEMPSTERUS, non satis bona fide ea in re versari existimatur a multis, quorum judicia collegit Bailletus tom. 2. pag. 188. Et sane hominem fuisse præferocis & perversi animi, ex iis apparet, quæ de ipso narrat Erythræus *Pinacoth. I. num. 9.*

Danorum scripta, sed per Catalogum tantum digesta, breviter consignavit ALBERTUS BARTHOLINUS, cui auctarium accessit a THOMA fratre. Rudes sunt illi labores, qui per Catalogos tantum ordinati sunt. Melius mererentur de publico,

blico, qui secundum seculorum seriem omnia consignarent, & accuratam simul Propographiam ederent. (99)

- 47 Nunc quoque *Hollætorum, Hamburgensium & Lubecensium* Scriptorum historiam laudabili profecto conatu molitur JOANNES MOLLERUS, Flensburgensis; cuius Operis designatio habetur in *Cimbria literata prodromo*, qui An. 1687. Sleswigæ editus est. Opus autem ipsi in 4. partes dividetur. I. Serie Chronologica exhibebit elogia fusiora Scriptorum indigenarum. II. Elogia Scriptorum exterorum, qui apud Cimbricos inclaruerunt. III. Alphabetico ordine recenset Scriptores minorum meritorum. IV. Aliquot sectionibus complectetur 1. Scriptores anonymos & pseudonymos, 2. viros doctos, sed nullis libris editis claros, ceteris tamen nihilo inferiores, 3. indicem exterorum, muneribus publicis non admotorum, quorum monumentis Historia Cimbrica est illustrata. Præmittit V. Prolegomena, quibus continebuntur tum Scriptores Historiæ particularis literariæ, singularum totius orbis nationum, ordine Geographico, quorum jam numerus octuplo superat Labbeanum & Voglerianum, tum Cimbrorum in rem literariam merita insignia *ais év savés* adumbrata. Subjiciuntur VI. Indices, ex quibus primus Alphabetico; secundus vero Chronologico ordine nomina Scriptorum sistet; tertius Typographicus suis singulis tum Cimbricæ locis, tum regionibus exteris singulos viros doctos assignabit; quartus Tacticus Autores ratione munerum & scientiarum distinguet; quintus Realis, sub materiarum classes scripta Cimbrorum revocabit, non generalibus tantum titulis contentus, sed & partes scientiarum complexus: sextus memorabilia quævis continebit. Ea vero *ἀρεταί*, fide, industria, in hoc Opere versabitur, ut ceteris in hoc genere Scriptoribus palmam facile prærepturus sit.

- 48 *Sueci* quoque nuper suas opes in publicum produxerunt, quorum scripta hætenus ignorata fuerunt. Fuerunt tamen apud illos nonnulla edita, quæ magnam sane laudem merentur. Prodiit Anno 1680. Holmiæ JOHANNIS SCHEFFERI *Suecia literata*, (99) sive de scriptis & Scriptoribus gentis Suevicæ liber, cui accedit Appendix de Scriptoribus Finnicæ gentis, Opus posthumum: sed facile apparet, Autoris ultimam manum operi non accessisse. Novi enim Suecos, qui ipsi hunc vilipendunt laborem. Quæ præmittitur ad Lectorem Præfatio, affert non pauca, quæ ad notitiam rei literariæ Suecanæ pertinent, queriturque de iniquitate
- 49 hujus loci in libris cœmendis & imprimendis. * SIMON STARAVOLSCIUS quoque *illustrationem Polonorum Centuriam* edidit.

- 50 Utinam in Germana gente esset, qui hoc patriæ suæ pietatis officium præstaret, colligeretque accuratam Scriptorum & Autorum suæ gentis historiam; certe numero

(99) Alb. Bartholini *Librum de Scriptis Danorum*, a se plurimis in locis emendatum atque auctum, & Joh. Schefferi *Sueciam Literatam*, cum Hypomnematis suis in utrumque Scriptorum Historico-Criticis prolixioribus, & Prolegomenis de Gentium Borealiū in Literas Meritis, Historiæque Literariæ & Ecclesiasticæ Scriptoribus, junctim denovo publicavit Jo. Mollerus, Flensburgo-Cimber, Scholæ Patriæ Rector, in *Bibliotheca Septentrionis Eruditi*, Lipsiæ Anno 1669. in 8vo edita.

mero vinceremus omnes, non æque dicam pretio. Scribunt enim multi, imo volumunt libros; quibus ut excuteretur e manu calamus, publica autoritate provideri deberet. Hinc contemptus nostræ gentis apud gentes nasutiores, qui tamen, si rem accuratius pensitaveris, multum Germanorum diligentia debent. Id certe vel ipse livor fatebitur, absque Germanis vix tantos in re literaria progressus facturas ceteras nationes, quæ Germanos quadantenus Pædagogos nactæ sunt: quod aliquando ostendam Dissertatione singulari *de meritis Germanorum in rem literariam*. Superfunt multi libri, tam Latina, quam vernacula lingua scripti, qui in pretio haberi merentur; qui si notarentur accuratius, non parum hoc tum ad gloriam, tum ad utilitatem faceret. * Cæpit quidem MELCHIOR ADAMI aliqua *de vitis Theo-* 51
logorum, Jurorum, Medicorum & Philosophorum commentari, qui in nostra gente aliquod tamen operæ pretium fecit; quanquam longe a perfecta Historia absit: in elogiis prolixior est, in scriptorum recensione non adeo accuratus. * Eandem re- 52
lam continuavit HENNINGUS WITTE, Gymnasii Rigenfis Professor celeberrimus, Vir doctus & amicus noster, qui e Programmatibus Academicis elogia & scripta collegit; addidit & exterorum nonnullorum *Vitas*, laudabili quidem opera. Sed vix uni homini tam vastum argumentum exhaurire licet, quod adeo operosum est, & literarum commercia pene infinita postulat. Nunc ille *Diarium Biographicum* instituit, (rr) in quo Scriptores seculi XVII. præcipui concisè descripti. Postea REISERUS (ss) Theologorum aliquot & Philologorum e nostratibus *Vitas & scripta* recensuit.

Vidimus de Bibliothecarum Scriptoribus secundum nationes consideratis; lo- 53
cum ab his occupent, qui agunt de Bibliothecarum Scriptoribus respectu certi ordinis. Eorum posset vastus Catalogus rexi; sed nolumus operosi esse, cum jam tum illos recensuerit Philippus Labbeus in Bibliotheca Bibliothecarum, Indice tertio, & Teissierius. Legendus est Bailletus *tom. 2. a pag. 118. ad pag. 138.* * Præ ceteris omnibus laudanda est *ordinis Jesuitici Bibliotheca*, quæ plene & copiose scripta est post Petrum Ribadeneira, a Philippo Alegambe Bruxellensi, quæ edita est Antverpiæ in folio, Anno 1653. Prodiit denuo auctior illa Bibliotheca *Nathanaëlis Sotwelli* opera, Anno 1676. Romæ: plura de illo libro singularia notavit Bailletus, quæ hic non reperam. 54
* Com-

(rr) Henn. Wittenii *Diarii Biographici Seculi XVII.* Scriptores illius, annorum & dierum emortualium ordine, sed sæpius, quoad Scripta imprimis, parum accurate, recensentis, Tomus I, ab A. 1600. ad 1688, perductus Gedani A. 1688, Tomus autem II. prioris *παράλειπόμενα* & Continuationem ad A. 1690. exhibens, Rigæ A. 1691. in 4to prodiit. Tertium Autor addere constituerat, telam eandem ad finem usque Seculi pertexturum, sed promissis, morte immatura d. 22. Jan. A. 1696. extinctus, stare non potuit.

(ss) Theologorum atque Philologorum Lutheranorum Quinquaginta Imagines æri insculptas, *Vitas & Scripta*, exhibuit, non Ant. Reiserus, sed Theophilus Spizelius, Ecclesiastes Augustanus, in *Templo Honoris*, quod Augustæ A. 1673. in 4to prodiit, *Reſeræo*. Subjuncta tamen illi est Reiseri, Gymnasii tunc patrii Augustani Rectoris, & Theologi deinde Hamburgensis, Epistola ad Spizelium erudita, Observationes quasdam de Theologis ac Philologis iisdem selectiores, in libro ipso prætermittas, illi communicans.

55 * Commendari quoque debet *Bibliotheca Scriptorum sacri ordinis Cisterciensis*, a Carolo de Vifch adornata, cujus editio secunda plenior Coloniae Agrippinae 1656. in 4to
 56 prodiit. * In hac memorabilis omnino est illa *Johannis Caramuelis Lobkowitz* Operum, tam editorum, quam ineditorum, recensio, ab ipso Autore consignata, & hic inserta a pag. 178. ad p. 200. ubi multa occurrunt notatu dignissima. Incredibile est, quantum Autor ille librorum scripserit unus in omni scientiarum genere: in quibus secretiora etiam quaedam, & vulgo non animadversa, & singularia quaedam cogitata continentur. De ceteris legi Bailletus potest.

57 Certi nominis Scriptores, nescio qua minuta diligentia, in unum corpus collecti a multis. In Graecorum Historia tum *Johannes Moursius*, tum *Leo Allatius* diligentes fuerunt. Ille de Alypiis, Antigonis, Aristoxenis, Philostratis, Ptolomæis, Pythagoris scripsit: hic de Simeonibus, Psellis, Philonibus, Nicetis, Methodiis, & Georgiis: qui ultimus liber in corpore Byzantinae Historiae Georgio Acropolitae additur, continetque multa memorabilia de libris, ab iis autoribus scriptis, qui nomen Georgii habuere. Non pauca habet ille liber ad notitiam historiae Ecclesiasticae, praecipue Orientalis, pertinentia. Ita de claris Jacobis scripsit Ludovicus Jacobus: de claris Philippus Labbeus: de claris Theophilis Theophilus Rainaudus: de claris Antoniis Sanderus.

58 Inter Catalogorum particularium Scriptores recensendi & hi sunt, qui de Scriptoris, respectu ad scientias habito, scripserunt. Inter eos primo loco numerabimus ISRAELEM SPACHIUM. Ejus extat *Nomenclator Scriptorum Philosophicorum atque Philologicorum*, quo habetur succincta recensio eorum, qui Philosophiam, omnesque ejus partes, quovis tempore aut idiomate usque ad annum 1597. descripserunt & illustrarunt, methodo secundum locos communes ipsius Philosophiae instituta, cum duplici Indice, uno rerum, altero Autorum, collectus & digestus. Laudanda est Viri hujus industria, quam in sequentibus temporibus adhibuit nemo. Ordo secundum Philosophiae partes commodus est, & magni usus. Idem Autor scripsit & *Nomenclatorem Medicum*, simili ratione digestum; qui rudimentum praebuit illis, qui postea majores & de re Medica Catalogos scripserunt.

59 GERHARDI JOHANNIS VOSSII indefessa diligentia in his argumentis praeferrari omnibus debet. Extant ejus Opera de *Historicis Graecis & Latinis*, nunc mendose recusa, quem diligenter exscripsit *Martinus Zeilerus*, qui secundum Alphabeti ordinem Autores disposuit, & aliqua de recentioribus Historicis addidit. * *Supplementa Vossiana* scripsit BERNHARD. a
 60 MALLINCROT, qui praetermissos a Vossio Historicos Graecos singulari dissertatione adjecit: sed in altera editione Vossii pleraque, quae notaverat Mallincrotius, addita fuerunt. Scripsit & supplementum Hallervordius, & novissime Christophorus Sandius, libello in Batavia edito in 12. Reinesius quoque supplementa ad Historicos Graecos molitus est, ut tradit Rupertus in *Epistolis Richtenianis*, pag. 424. Testis quoque est Sarravius in *Epistolis* pag. 267. Ludovicum Jacobi

Jacobi tale supplementum scripsisse: nam in epistola ad Isaacum Vossium scribit, se ipsi partem eorum transmississe, & nunc reliqua, quæ ad Historicos Græcos spectent, transmittere, librum enim ad umbilicum vergere: sed nihil eorum publicè comparuit. * Idem Vossius de *Pæctis Græcis & Latinis* libellum edidit, sed ad recentiores se non demittit; editus est Amstelodami Anno 1654. in 4to. Poëtas recentiorum temporum Gyraldus Dialogis duobus persecutus est. De scientiis Mathematicis ac Autoribus veteribus & recentioribus idem Vossius scripsit. Voluit scribere de scientiis & artibus, cujus ἀποσπασματίων est liber de 4. artibus popularibus. Quæ ut omnia doctissima sunt, ita optandum fuisset, ultimam iis accessisse manum. Non pauca prætervidit: recentiorum illi & exoticorum cura parior, quæ vero ab illo scripta memorantur, sollicitè satis examinantur.

Astrologorum Elenchum specialem & secundum Chronologiam institutum dedit Ricciolus in Almagesto suo novo. * Qui perfectas singularum Facultatum & scientiarum Bibliothecas & Catalogos scripserint, non habemus: quanquam multi quidpiam tentarint pene in omnibus disciplinarum generibus. Quod ad Theologiam attinet, sunt quidam, qui Theologorum Scholasticorum ac Moralium nomina consignarunt; quidam, qui Interpretum Scripturæ; aliqui generatim de rerum Theologicarum Scriptoribus egerunt, tum e Pontificiis, tum e nostris & Reformatis. * *Possevinus & Molanus* e Pontificiis *Theologicam Bibliothecam* scripserunt, & præterea nonnulli alii. E Reformatis *Voëtius*, qui multa immiscet falsa; libri non rectè citati; interdum affingitur multis, quod ab ipsis scriptum non est; nomina pervertuntur. E Nostris, qui scripserint, vix memini, præter *Bolduanum & Draudium*: in quibus tamen id laudandum est, quod tam in Theologicis, quam in Philosophicis, secundum locos materiarum collectanea sua instituerint. Nunc accessit illis *Lipenii* Bibliotheca Realis Theologica. *Calixti* Apparatus magna rei Theologicæ jactura in ipso pene initio defecit. Ideam Bibliothecæ Theologicæ secundum seriem Autorum cominodè dispefcere docuit *Hottingerus* in Bibliothecario suo, quadripartito, ubi Autores in ordinem redigit, & potiores in ordine illo recenset.

Jurorum libros qui in ordinem redegerit accuratum, ab ipsa Jurisprudentiæ παλινγενεσίᾳ nullum habemus. Sunt quidem, qui Vitas nonnullorum descripserunt, & libros quoque recensent, ut *Baldus, Rutilius, Pancirollus, Fichardus, Bechtoldus*, qui secundum materias juris Autores disposuit, quibus ultimo *Martini Lipenii* Bipl. Juridica Realis accessit; sed nondum satisfactum est huic negotio. * *Bibliothecam universalem Juridicam* molitur CASPARUS THURMANNUS, qui multa cum cura & industria hoc in argumento versatus est: nam secundum materias & partes Juris generaliores eam instruit: Bibliothecam processualem, criminalem, testamentariam, contractuum &c. singularibus voluminibus comprehender, in quibus ordinem rerum sequetur. Qui, si aliquando prodierit, liber omnium superabit labores. * Promisit & CORNELIUS a BEUGHEN *Bibliothecam Universalem Juridicam*; sed recentiorum Scriptorum, cujus ille specimen dedit, publicata hoc anno *Bibliographia*

Juridica & Politica, qua continentur Juri & Politici, qui ab anno 51. usque ad annum 78. in omnibus linguis scripserunt. Prodiit Amstelodami A. 1678. in 12. dispositus est secundum Autores liber; hunc ille laborem per sequentia tempora continuabit, & aliqua parte juvabitur res Bibliothecaria hujus Viri studio, si aliquando in lucem producet, quos editioni se paratos habere libros scribit. Habebimus ab illo Bibliographiam Universalem omnium Facultatum & artium; Bibliothecam Belgicam omnium Scriptorum, qui unquam prodierunt in Belgio; Bibliothecam materiarum universalem; Bibliothecam Mathematicam, Historicam, & Chronologicam orbis imperantis & literati, præterea plurima alia. Videatur Sylabus, libro ejus præfixus.

- 66 Medicorum Scriptorum itidem accuratum Catalogum non habemus. *De Vitis antiquorum Medicorum* in animo habebat scribere Clarissimus Vir, *Johannes Henricus Meibomius*, & eandem telam texere dicitur *Egidius Menagius*. Meibomii liber apud filium ejus, Professore Helmstadiensem, Virum Clarissimum, later, qui de hoc Opere, si recte memini, publicavit epistolam. (11) Est & in Italia quidam *Johannes Baptista Caponus*, qui *Historiam Medicam universalem* præ manibus habere dicitur, referente Gregorio Leto. Hujus Historiæ Universalis libros quinque molitur, quorum primus est de veteri Medicina; secundus de recentiori Medicinæ usui apud omnes nationes; tertius de sectis; quartus de Medicis; quintus de Bibliotheca Medica cum notitia Manuscriptorum totius orbis in quocunque idiomate. Verum vix hominis unius industria isti labori sufficere videtur. Quod ad veterem Medicinam attinet, *Conringius* in Introductione sua Medica strenue partes suas exsecutus est, quam supplemento suo auxit nunc Cl. *Schelhammerus*. Sed nos hic non tam de historia, quam de Catalogis librorum solliciti sumus. Eorum aliquos dederunt *Israël Spachius*, *Brunsfelsius*, *Schenckius*, *Robertus Constantinus*, *Paschalis Gallus*, & post illos *van der Linde*, Professor Leidensis, qui omnium antecessorum labores in unum corpus congestit, additis suis augmentis. Dispositus autem liber est secundum Autores, suntque multi in eo errores & defectus, quorum aliquos notat *Voglerus* *Introductione in notitiam scriptorum* pag. 42. 43. 44. qui cum Autoribus prioribus, *Schenckio*, *Constantino* & aliis, multis in locis ipsum consulit, & non satis accuratum invenit. Post illum secundum materias disponit Catalogum *Lipenius*; sed magna seges restat recentiorum Scriptorum, quorum nulla in illo libro mentio. Scripsit & *Cornelius a Beughem* Catalogum novissimorum Scriptorum Physicorum & Medicorum, sub titulo *Bibliographia Physico-Medice*, quæ anno 80. prodiit in 12. De ceteris, qui ratione scientiarum

(11) *Henr. Meibomii Junioris Epistola ad Georg. Hier. Welschium de Historia Medicorum scribenda*, qua paterni Operis faciem & Methodum adumbrat, simulque ceteros istius argumenti Scriptores recenset, Helmstadii A. 1669. in 4to est edita. Joh. Antonidæ a Linden, Prof. Medici Leidensis, *Libri II. de Scriptis Medicis*, in novissima Editione a Georg. Abr. Merelino, Poliatro Noribergensi, continuati, & dimidia pene parte amplificati, sub *Lindenii Renovati* Titulo, Noribergæ A. 1686. in 4to prodierunt.

rum habita Catalogos scripsere, plura habentur apud Bailletum tom. II. a pag. 159. ad pag. 177. & nos suo de illis loco plura commentabimur.

Catalogi Bibliothecarum publicarum aliquot publicati sunt, ut *Bibliotheca Oxoniensis*, de qua supra. In Belgio quoque prodierunt Bibliothecarum quarundam Catalogi, ut *Ultrajecting*, qui in folio editus est, & *Lugdunensis*, qui in quarto; quales vix haberi possunt in Bibliopoliis. In hoc MSta Orientalia enumerantur. In Germania extat *Catalogus Bavarica & Augustana*, qui rariores sunt. Catalogi Augustanae Bibliothecae non nisi centum exemplaria impressa sunt. In illa Bibliotheca latent multi MSti Codices, adhuc inediti, quorum non pauci prodierunt, curante *Marco Velfero*, ejus Reip. Duumviro, cujus magna apud eruditos est celebritas. De his & Bavaricis Monachii ac Ingolstadtii Bibliothecis videatur Bailletus tom. 2. pag. 243. 244. 245. De Vindobonensi Bibliotheca Lambecius non Catalogos, sed Commentarios scripsit. Cuelferbytanus Catalogus ut ederetur, urfit olim Boineburgius, sed frustra; cujus causas tradit Conringius in *Epistola de Bibliotheca Augusta*, ubi multa de Catalogis Bibliothecae ipsius Principis manu, singulari plane cura & industria, conscriptis. Non memini plures unquam produisse publicarum Bibliothecarum Catalogos. Prodierunt quidem Excerpta Catalogorum de MStis Codicibus, a Bibliothecariis vel aliis Autoribus publicata. Habemus a Thomasino editos Catalogos MStorum, qui reperiuntur in Bibliothecis Patavinis, tam publicis, quam privatis. Quales Catalogi utinam plures ederentur per omnes provincias & regiones! mire enim profunt ad MStos Codices indagandos, qui alias facile pereunt in privatorum Bibliothecis, si illae distrahuntur, vel ad alios possessores indoctos perveniunt; unde saepe ad bibliopegos & falsamentarios deferuntur. Hafnensium Bibliothecarum ortus & incrementa recenset Thom. Bartholinus in *dissertationum de libris legendis prima*, p. 16. 17. 18. 19. 20. Bibliothecae Medicae Florentinae Catalogus ab Henrico Ernstio Amsterodami A. 1641. in 8. publicatus. De ceteris nos supra plura diximus. * Scriptores Catalogorum de viris doctis Italicis habet Gregor. Leti *Ital. regnant. part. 4. p. 195. Parte 3. ubi Laurentii Legati libros recenset, notat ejus Autoris Lyceum Herculis, sive scriptores Cremonenses: item librum de Pictoribus, Sculptoribus, & Calatoribus Cremonensibus: ejusdem Athenaeum Potiarum. tom. 4. & Museum Pottriarum cum Iconibus; qui tamen omnes avēdotei.*

Hæc de publicis Bibliothecis earumque Catalogis in hac summaria recensione sufficiant. * Venimus ad Bibliothecas privatas: earum Catalogi plures sunt, quam ut recenseri possint, neque omnes ad manus meas pervenerunt: ex iis tamen celebriores primum enarrabo, reliquos quasi per lancem saturam exhibiturus. Præcipuus inter illos est *Catalogus Bibliothecae Cordesianae*, quam instituerat *Johannes Cordesius*, Canonicus Ecclesiae Lemovicensis, qui omnes suas opes, & quicquid corradere poterat, in Bibliothecam hanc impenderat, vir doctissimus & humanissimus; cujus plenius elogium descripsit Gabriel Naudæus, qui Bibliothecae hujus Catalogum ipse confecit, & accurato ordine digessit Autores, secundum materias & formam librorum illos

illos dispescens. Præcipue hic commendari Catalogus debet ob insignem Historicorum, præsertim exoticorum, copiam, quorum rarior apud nos est notitia; editus est Parisiis in 4to, An. 1643. Hinc commendo *Catalogum Bibliothecæ Thuanae*, cujus jam supra cap. 5. num. 11. facta mentio est; & mirifice mihi placet ordo: non enim contentus summis tantum capitibus Autor sub specialibus titulis locavit Autores, ut statim occurrant, qui de eodem argumento scripserunt, quod Locorum Communium instar esse potest: & hujus ideam, norante Baillet, Draudio debet. Additi quoque sunt MSi Codices, tam antiqui, quam recentiores. Qua diligentia Bibliotheca hæc composita sit, Præfatio ejus libri docebit. Addendus quoque melioribus Catalogis est *Raphaëlis Tricheti du Fresne Bibliothecæ Catalogus Parisi. 1662. in 4to* editus, ob librorum raritatem & selectum præcipue commendandus. Observavi in illo Catalogo Scriptores, frustra in aliis quæsitos. Sed infinita sunt in illo menda Typographica. Theologorum, Jctorum, Medicorum parciore hic numerus, sed in omni historia, antiquitate, varia literatura, rebus naturalibus, libris, quorum nomina nunquam pene audita, instructissimus ille est, libri interdum non conveniente loco positi. Bibliothecæ ipsa Regiæ accessit pretio 24000. librarum Gallicarum vendita, postquam ab alio 32000. libras oblatas vidua recusavisset. Anni impressionis diligenter notati magnum habent in libris ipsis eorumque variis editionibus conferendis usum. Qui vitam Pinelli scripsit Gualdus, diligentissimum iteratarum editionum examinatore eum fuisse prodidit.

70 Qui jam sequuntur Catalogi, sine ordine nobis recensentur. Plerique illorum formati sunt de Bibliothecis, quæ publice per auctionem distractæ sunt; eorum magnus est numerus, seligendi tamen sunt meliores de Bibliothecis, quas possederunt Viri celebres, *Scaliger, Salmasius, Heinsius* & alii, si haberi possunt. Ex inspectione enim talis Catalogi statim patet Viri industria & judicium in bonorum Autorum selectu instituendo. Deinde vel eam ob causam aservandi sunt Catalogi illi, ut sciamus, ubi lateant Autores, quos viri illi manu sua notarint. Sæpe enim notulæ optimis Autoribus a viris istis in margine adjectæ, multum lucis ad Autorum sensum adferunt. Hinc in Batavia tales libri Scaligeri, Salmasii, aut alterius viri docti manu notati, magno pretio cœmuntur. In Amstelodamensi Bibliotheca habentur *Baronii Annales*, manu *Davidis Blondelli* notati, quos Resp. illa magnis sumptibus emit; quæ notæ, si recte meminimus, nuper sunt publicatæ. Vidi ipse olim in Bibliopoliæ Sansonii Geographiam sacram Capelli cum ejusdem Blondelli notis MSis. *Bibliotheca Scriveriana* Catalogus, qui Amstelodami An. 1663. in 4. prodit, exquisitissimus est: constat enim selectissimis omnium Facultatum & artium Autoribus. *Scaventana Bibliotheca* Catalogus, (uu) qui Hafniæ prodit, itidem commendandus est; ut &

Mule

(uu) Scaventana Bibliothecæ Catalogus perperam hic vocatur Index Regiæ Hafniensis, a Pet. Scavenio, JCro, illi præfecto, concinnatus, & Hafniæ A. 1665. in 4to excusus. Georg. Calixti Bibliothecæ nullus prodit Catalogus, sed Index tantum Scriptorum ejus propriorum, a filio

Muleniana. Scaveniana Bibliotheca Regiæ accessit, *Muleniana* Academicæ: hujus Catalogum cum Præfatione & Oratione edidit Bartholinus, Hafniæ 1670. ubi multos Catalogos recenset. Optimi Autores Græcæ & Latinæ linguæ, optimæque ejus editiones habentur in Catalogo *Pauli Junii*, qui publicatus est Lugduni Batav. 1670. Commendo ideo hunc Catalogum, quod tantum Autoribus illis constet, & paucos alios admistos habeat. Si qui Chymicorum, Theosophicorum, Mysticorum, imo & Fanaticorum quoque Scriptorum acervum velit, is inveniet in Catalogo librorum *Serrarii & Babusii*, qui prodiit Amstelodami 1670. Non vacat nunc omnes recensere Catalogos. In sola Batavia penè integram Catalogorum Bibliothecam reperies, quos omnes coacervare, superfluitiosa esset diligentia & cràmbe millies cotta. Ad id tamen prodest Catalogorum multitudo, ut in vasta aliqua sylva deprehendantur nonnunquam aliqua, quæ vel in instructissimis Bibliothecis non habentur. An. 1682. *Nicolai Heinsii Bibliotheca Catalogus* prodiit, viris doctis in pretio habendus, ob exquisitos, qui illic recensentur, libros, tam editos, quam ineditos & MSros, ac manibus Scaligeri, Salmasii aliorumque Criticorum notatos: cuiungi potest *Bibliotheca Gœssianæ Catalogus*, Anno 1687. Leidæ editus; in quo non rariorum tantum librorum, sed & magnus nummorum apparatus est. Notari quoque possunt & comparari, ubi incideris in illos, *Calixti, Reineccii, Pavvii, Gothofredi JCr* &c. Catalogi. *Adriani Pavvii Catalogus* Hagæ Comitum Anno 1654. & ibidem Anno 1656. editus: in quo multitudo librorum cum selectu certat.

Etiā Catalogi Officinales non spernendi, ut *Catalogus Bibliopolii Elzeviriani* 71 *ni*, qui Amstelodami prodiit Anno 1681. in quo multi exotici autores. Sunt & ab aliis Typographis & Bibliopolis alii publicati Catalogi, in quibus recensendis non ero prolixus. Il quoque, qui libros imprefferunt, typographi certos consignare librorum, a se editorum, Catalogos solent. Extant Catalogi librorum, qui a prelo *Manuciorum, Stephavorum, Plantinorum, Morelli, Cramoisii* &c. prodierunt.

Sunt præterea, qui certi temporis Bibliothecas scripserunt, quo referendus 72 est *LEO ALLATIUS in Apibus urbanis*, libro, quo describit viros eruditos, Romæ tempore Urbani VIII. viventes, & eorum scripta recenset. Pertinent & huc Ephe-meridum Scriptores apud varias nationes, de quibus supra diximus. Sunt, qui suorum librorum Catalogos scripserunt ut *Campanella, Gaddius, Cardanus* alique.

Sunt, qui laborem susceperunt colligendi libros quoscunque rariores, sine tem-73 pore certo & ordine, prout se inter peregrinandum vel in Bibliothecis obtulerunt. Aliud institutum fuit *JOHANNIS CINELLI*, qui ex consilio Viri illustis Magliabechi 74 congerere cepit libellos & schedas singulares, in quibus nonnulla rariora continentur, varii argumenti, quorum facilis alias jactura est. Ejus specimen unum prodiit Florentiæ 1677. in 8vo. sub titulo *Della Bibliotheca Volante*, qui titulus ingeniosus est,

Dd 3

per

lio Helmstadii Anno 1658. in 4to publicatus. Hunc, in *Mulenianæ Bibliothecæ* Indice Catalogis Bibliothecarum immistum, Morhofius, illum secutus, incaute iisdem accessit.

per quem intelligit minutos & hinc illinc errantes libros. Continuavit illum laborem sequentibus temporibus Cinellus. Non est spernenda hæc opera, nec nullius usus: sæpe enim excidunt e memoria eruditorum, pereuntque vulgo non animadverta. Velim tamen de contentis & summariis librorum accuratius egisset. Retulit & illic nonnullas disputationes de materiis rarioribus in Germaniæ Academiis scriptas. * Referri huc quoque debent Catalogi Francofurtenses semestres, sed qui multis imaginariis titulis referti; Mercurii Anglorum, Gallorum & Belgarum mensuri. Quod optimum certe inventum est ad librorum notitiam parandam; tales ego Mercurios institui velim in præcipuis Europæ urbibus & Academiis, in quibus libri non tantum editi recensentur, sed omnia nova, vel inventa vel cogitata, in re literaria: Eorum enim collectio vehementer prodesset ad omnis doctrinæ incrementum.

C A P. XIX.

DE VITARUM SCRIPTORIBUS.

1. A vitarum Scriptoribus magna in historia literaria utilitas. 2. Ne minima quidem hic omittenda. 3. Quod adversus Maresium asseritur. 4. Peregrinationes doctorum diligenter notanda. 5. Character animi e minimis cognoscitur. 6. Joachimi Camerarii diligentia in vita Melanchthonis laudatur. 7. Tria in literarum vitis consideranda. 8. Exemplo Philiberti de la Mare ostenditur, ne omnia quidem & somnia esse negligenda. 9. Memorabilis de Quarreo historia. 10. Vitarum Scriptores antiqui recensentur. 11. Vitæ virorum Reipubl. negotiis admotorum multum conferunt ad prudentiam civilem. 12. Eorum aliqua recensentur. 13. Vitæ suas qui ipsi scripserint. 14. Commentarii, Memoires. 15. Scriptores vitarum veterum. 16. Biographos recentiores qui enarraverint. 17. Vita Peirescii a Gassendo. 18. Tychonis Brabai &c. ab eodem. 19. J. Vincentii Pinelli a Gualdo. 20. Recusa cum adjectis vitis Budæi, Hugonis Grotii & aliorum. 21. 23. Pauli Sarpii a Fulgentio scripta. 22. 23. ad rem literariam multum conferunt. 24. De Pauli Sarpii eruditione & prudentia multa narrantur. 25. Ejusd. literæ Italica lingua scripta. 26. Vita Petri Putcani a Rigaltio scripta multa habet ad rem literariam & civilem profutura. 27. Actorum publicorum collectanea. 28. Vita Ducis Valentini speculum fraudum politicarum & artium Machiavellicarum. 29. Malorum hominum vitas explorare prodest. 30. Vita Henrici VII. a Verulamio scripta. 31. ad prudentiam civilem commendatur. 32. 34. Vita Melanchthonis a Camerario plenissime & eleganter consignata est. 33. Melanchthonis encomium. 35. Camerarii Narratio de Eobano Hesso. 36. Reuchlini laudes. 37. Ejus Vita a Johanne Henrico Majo scripta. 38. Lotichii Poëta Vita laudatur. 39. Poëtarum Germanorum princeps. 40. Judicia de illo. 41. Ejus vaticinium poeticum de expugnatione Magdeburgensi. 42. Forstneri Elogium a Böclero scriptum. 43. Ameloti de Hüssays indigna in illum censura. 44. Singularis de Thoma Campanella

nella & Forstnero historia producit. 45. Wallensteinii, 46. Bembii, Contareni Vita. 47. Gratiani liber de vita Commendoni & casibus virorum illustrium. 48. Scriptores vitarum singularium. 49. Boissardi Vita & Icones. 50. Hanczii, 51. Imperialis, 52. Crassi, - 53. Gualdi, 54. Ghilini, 55. Theveti, 56. Bullarti, 57. Massoni, 58. Capaccii in hoc genere scripta. 59. Qui de feminis doctis scripserunt. 60. Erythrai Pinacotheca 61. adversus Maresii calumnias defenditur. 62. Sammartinorum Elogia. 63. Maresii de illis judicia. 64. Patini Elogia Virorum Gallicorum promissa. 65. Vita JCorum. 66. Betrandi, Pancirolli & aliorum scripta de vita JCorum. 67. Leickberi opera in iis colligendis laudatur. 68. Pellissomii Recensio Doctorum Academiae Gallicae. 69. Architectorum, Pictorum Vita colligende. 70. Georgii Vasari de iis liber. 71. Descriptio ejusmodi pluribus gentibus neglecta. 72. Francisci Junii liber ceteros de iis. 73. Carolus Dati idem sibi proposuit.

Praecipuam Historiae literariae partem VITARUM SCRIPTORES constituunt: cum enim duplex proficiendi in literis via sit, altera per praecepta, altera per exempla; haec posterior priori praefenda omnino est, quo magis ipse usus in rem praesentem deducit. Prout enim incidimus in Vitam vel Philosophi, vel JCI, vel Medici, vel Politici; ita multa discimus, quae ad scientias illas spectant, e τῶν illo περιετμῶ, singularia, de quibus nunquam cogitarunt, qui praecepta tantum proponunt. Ex illis arcana quaedam colligi possunt, quae non scientiam tantum, sed & prudentiam hominis literati augment. Ut enim in vita civili, ita quoque in vita hominis literati, prudentia quadam opus est in omni negotio. Conversationis sane eruditae ratio e vitis virorum doctorum formari quam maxime potest: * Quam ob causam ego vitas virorum doctorum & illustrium, qui vel ad literas vel ad Rempublicam adhibentur, non superflua aliqua & jejuna opera, sed quam plenissime, describi velim, ut vel ipsa μικρολογίας in his mihi placeat. Nam vel ex minimis rerum circumstantiis aliqua, quae in usum tuum erunt, capies. * Non placet sententia Maresii, qui lib. 2. Epist. 5. in Historicis minimorum recensionem indulget, in vitarum descriptione illam damnat: qua in re totus ab illo dissentio. Ille quidem Suetonii & Nepotis exempla obtendit; at illi compendia tantum rerum sectantur, & ab iis distinguendi, qui unius vitam describunt. Ipsa enim methodi ratio requirit majorem in unius vitae descriptione diligentiam, quam in plurium veluti conglobatione: & vel Atrici Vita ostendit Nepos, quid summaria aliqua percursoratione locupletior ac copiosior narratio praestet. Non probat ille, si quis Ducis alicujus vitam scribendam suscipiat, & universam rerum illius tempore gestarum, quibus ex parte tantum interfuerit, historiam admisceat. Germanam vero eodem libro Epist. 25. gentem laboriosissimam, ut per contemptum vocat, reprehendit, quod in ejusmodi elogiis multi sint, & in ea materia, ut in aliis fere, περιεργον. Ex his quidam eorum, inquit, parentes referunt, diem, & aliquando horam, qua nati sunt, & talia, quae in Regibus solum & in viris maxime illustribus requiruntur. Quali scilicet virorum

virorum celebrium conditio idem non mereatur, & quæ ille prætermittenda iudicat, etiam inter memorabilia referri non debeant. Cum enim, qui panegyricos virorum illustrium scribunt, vel ex artis præscripto non parentes tantum & nativitatem, sed & maiores, ac omne id, si memorabile est, quod vitam antecessit, oratione complecti debeant; annon ineprum est, eos, qui vitam alicuius singulatim recensent, quorum longe uberior tractandi ratio esse debet, præterire ipsa vitæ auspicia? * Idem *Epistola 44* ejusdem libri eandem cantilenam canit: Si is, inquit, de quo scribunt, peregrinationem aliquam susceperit: omne illud ita singulatim describunt, & quos quoque loco convenerit, quosque cum quoque sermones habuerit, cum fastidio legentium commemorant: cum præcipua tantum, quæ in vita contigerunt, referre sufficiat, & qualiter hominis fuerint mores, qualia scripta. Cui vitio etiam obnoxius esse ait plerisque, qui vitas Ducum rebus gestis illustrium hodie scribunt. Ita ille suo ex ingenio iudicat, qui Atticissimi etiam in dictione affectator, in rebus quoque ipsis sterilitatem amare videtur. Sed ego, tantum abest, ut cum illo reprehendam hos Vitarum Scriptores, ut laude porius dignos æstimem, qui eam negotio, quod tractant, præstare diligentiam vult; quam quilibet paulo prudentior ab illis requirat. Quid enim? an vitio veritam illi, qui viri eruditi vitam describit, si peregrinationes ejus & cum viris doctis instituta colloquia recenscat? unde plus sapientiæ ac utilitatis lectori, quam ex quavis alia narratione, accesserit. Ego, si omiserit, ne excusandum quidem existimaverim. * In vitis vero Ducum ac virorum, rerum civilium administrationi admotorum, eo sollicitius omnia recensenda sunt, quo magis e minimis sæpe circumstantiis inopinata quædam consilia & eventus emergunt. Sed nec illa tantum, quæ præcipua alicui videantur; sed *περίεργα* minime prætercunda esse existimo, si quid in illis notatu non indignum videatur. Nam levissima illa, quæ *Junius Cordus* in Vitis Imperatorum commemorare solitus est; quoties processerint, quando cibos variaverint, quando vestem mutaverint, ac in ipso *Julius Capitolinus* reprehendit, nemo cordatus Scriptor temere notabit. *Plutarchus* optimus Vitarum Scriptor in *Alexandro* suo non semper clarissimas quasque res, virtutes vel vitia representanda ait, sed exiguum subinde factum dictumque & jocus aliquem, qui citius specimen edat morum, quam funestissima prælia. Concedendum nobis est, inquit ille, animi indicia ut scrutemur, ac ejusque per hæc informemus vitam: aliis molem rerum & certamina permittamus. *Augustin. Mascard.* de arte historica tract. 1. c. 3. in eadem sententia est. Quoniam, inquit ille, indoles & inclinationes naturæ cognoscuntur e rebus minutissimis, e responsione inopinata, ex actione aliqua, qua aliis parum ad rem pertinere videtur, ex operibus quotidianis & ordinariis, non hoc indecens Vitarum Scriptor existimet, si accuratam eorum rationem habeat; præcipue in sanctorum historia, respiciendo ad factum non solum, sed & ad modum, tempus, occasionem aliasque circumstantias. Quæ, si in Sanctorum rebus e *Mascardi* sententia attendenda sunt, in Vita Ducis, Principis, Ministri Regii, præ ceteris observanda sunt, cum in iis vere τὸ πνευματικὸν lateat. Ego certe, eam ob causam magni facio Vitam *Peirescii*, a *Gallendo* scriptam, quo in omnes partes

partes excurrat & se diffundat, quam noster ille forte in eo *μικρολογίαν* damnavit. * Laudandus est JOACHIMUS CAMERARIUS, Heros eruditus inter Germanos, quod in vita Melanchthonis ne quidem somnia ejus notabilia, ac minima quædam præfagia, ostenta, omnia omiserit. Etli enim levita hæc habiturus nonnemo sit, tamen non sunt dissimulanda illa providentiæ divinæ specimina, quæ viris bonis & doctis in vita sæpe occurrunt; ad quæ respicere omnino debet, qui vitæ historiam scribit: ac optatim ego, exemplorum talium mensem extare quam uberrimam. * Tria ego in omnibus litterarum vitis consideranda esse existimo, i. illud, quod ad scientias sive doctrinas pertinet, vel *θεωρητικόν* vel *πρακτικόν*, in quo ego ne cogitata quidem eorum prætermiserim. 2. Quod ad mores & conversationem. 3. Quod ad totum illum vitæ cursum, quatenus ille divina manu regitur: quæ pars vitæ minime contemnenda est, aut leviter tractanda, ac mirifice lectores afficit. * Cum PHILIBERTUS DE LA MARE, Senator Divionensis, vitam Jacobi Guionii describeret, non indignum sua narratione existimavit, quod non Guionio ipsi, sed Quarrao Collegæ monitum, nescio cujus genii, nocturnum acciderat. * Quam cum mihi historiam recitarit vir Clarissimus, Petrus Axenius, Amicus noster optimus, antea mihi non observatam, qui in commentario suo doctissimo in Phædri fabulas ad illustrandam libri 4. fabulam 23. de Simonide per Castorem & Pollucem a ruina ædium servato adduxerat, huc apponere, ut rem memoratu dignissimam, volui. Sed me locus admonet, ne rem inauditam hætenus, & ideo seculorum omnium memoria dignissimam præteream; quam, etsi haud pertinere videatur ad Guionior, non abs.rè tamen hoc loco referre mihi visum est: seu, quia conscius illius fuit ac interpret Jacobus Guionius; seu, quod vix apud posteros fidem inveniet, nisi testimonium omni exceptione majorum, & illius inter alios, cui illa contigit, testimoniis & subscriptionibus probata fuisset; ea tamen fuit: Fœderatorum factione plus justo in Burgundia valente Regiarum partium Præsides ac Senatores Semurium, primarium Mandutiorum oppidum Regis nomine jus dicturi secesserant, cum Divione non liceret; ac inter eos Joannes Quarraus, qui feliciter miscuerat ornamenta toge artibus belli: Is IV. Calendas Augusti MDXCIV. circa secundam diei horam matutinam sibi visus est motu subito expergeferi, & verba quædam ignota pronunciare, cum famulo propius decumbenti surgere, & lampadem accendere jussu præcepit, ut eademmet verba, quæ, ne sibi elaberentur, dentibus quasi retinere videbatur, scripto consignaret in hunc modum: Oug aposondes ton endon distiguion. Quod famulus confestim exsecutus est, neutro eorum, Græcane illa essent, an Arabica, aut alia, sciente. Quarraus quidem, quamvis abunde iis artibus excultus, quæ viro Senatorio conveniunt, in suis Professionum tabulis, ex quibus hæc historia a me excerpta est, scribit ingenue, se Græci sermonis plane fuisse inscium. Summo demum mane pergens in Senatum Quarraus Jacobo Guionio, quicum illi consuetudo intercedebat, obviis fit, & vix salutatam rogat, ut ille verba, quæ ex sola eorum asperitate Græca esse conjectabat, interpretari vellet; quæ a Guionio lecta, Græca statim esse deprehendit, sed minime ex Homero excerpta, quod putavit novus quidam Philosophus; hæc

autem ratione describenda: ἐκ ἀναπόρτες τῶν ἔδων δυστυχίαν. Quibus & interpretationem addidit verbis totidem: Non repulsuri, quod intus infortunium. Horum vero cum diu sensum simul perpendissent, & si quid tristius in iis lateret, deprehendere conati fuissent, autor fuit Quarraeo Guionius, ut, quia jam ex illa domo, quam Semurii incolabat, migrare constituerat, quod illius satori recurrentem iterum iterumque caliacum dolorem, quem passus fuerat, tribueret, non longiorem in illa moram traberet. Sed longe gravius exitium illa verba portendebant: siquidem post dies octo, cum Quarraeus Reipublice causa Flaviniacum, Regiarum partium oppidum, perrexisset, domus illa a fundamentis convulsa de nocte repente concidit, fatalique, nec penitus imprævisa Guionio ruina suos incolas oppressit: cuius rei historiam eleganti carmine (ut audio) Guionius postea cecinit, quo tam charum Regi & Reipublicæ caput jure merito e tanta clade ereptum fuisse sibi & bonis omnibus gratulabatur, minime omissa, ut decuit, Socratis & Bruti genitorum mentione. Memorabilis hæc sane historia est, quæ, etsi ad Guionii personam non pertineret, occasione tamen a Guionio data inductus, minime prætermittendam existimavit Philibertus de la Mare: atque exemplo aliis fuit, quomodo in hoc argumento sit versandum. De Guidone Patino refert, qui epistolas Gallicas edidit, in præfatione earum, adeo illum in vitis eruditorum sagacem fuisse, ut ne minima quidem inexplorata reliquerit.

- 10 Fuere jam tum apud antiquos, qui in hoc genere laudabilem operam posuere; quorum pauci ad nostra tempora pervenerunt. Philosophorum vitas aliqui, aliqui dogmata, aliqui cum vitis simul dogmata scripsere: ac fuere plures sæpe, qui unius Philosophi Historiam tradidere. Ita Gellius *Noct. Atticar. lib. 14. cap. 3.* multos nominat, qui de Xenophontis Platonisque vita & moribus exquisitissime scripserunt. Justinus Martyr in *Πατριστα* Scriptores Pythagoricæ Vitæ & Historiæ citat. Philo Byblius Grammaticus triginta libros περὶ πόλεων καὶ ὅς ἐκάστη αὐτῶν ἐνδοξὸς ἦνεγκε, de urbibus, & quos earum quæque celebres genuerit, teste Suida, de quo Jonsius *Histor. Philos. lib. 3. cap. 7.* qui si hodie extarent, illo judice, multis jam rixis de patria virorum illustrium facile remedium foret. Plures e veteribus Biographis, tam Græcis, quam Latinis, recenset Vossius in *Arte Historica cap. 7. pag. 40.* & Wouwerius *Polymath. c. 12.* qui omnes temporum injuria interierunt. De Agatharchide, an Biographis accensendus sit, videatur Jonsius, *lib. 2. cap. 12.* Qui Biographi Philosophici supersint, notum omnibus est. Habemus Diogenem Laërtium, Eunapium, Hefychium, Illustrum, de quibus in *Polybistore Philosophico* plura. Imperatorum, Cæsarum, Principum in Republica Virorum Vitas recensuerunt ex antiquis Plutarchus, Cornelius Nepos, Suetonius, *Hist. Aug. Scriptores.* Cum ergo Historia nihil aliud sit, quam Philosophia exemplis utens, vitæ vero descriptio singularis historia sit, quæ unius hominis actiones in Republica describit, ideo accuratius instituenda est, quod τύπον illum περὶ ἑκαστοῦ, qui ex ipsis rerum circumstantiis emergit, evidentius ob oculos ponat; ac simul nexum rerum, quæ ab uno illustri viro, si is inter præcipuos sit, gestæ sunt, apertius demonstrat. Tales ergo Scriptores necesse est πραγματικὸς vel

πραγματομαδῆς esse, qui usum rerum magnum habent, quique φιλοσοφῆν πραγμα-
 ματικῶς didicerunt; qua de re tam multa præcipit in præfatione sua Polybius,
 in quam legi aureus ille Casauboni Commentarius potest. Est præterea prudenti-
 æ non levis argumentum in iis Scriptoribus, qui ex aliorum hominum vita,
 quid ex usu præsentis sit, ostendunt, aliosque officii sui admonent. Præclare Bœ-
 clerus in *Commentar. ad Cornel. Nepotem* medium illud iter vocat, quo inter po-
 tentiorum ambitiones media licet via pergere, nec abrupta per suavitatem in-
 cessendi, qua accenditur dominandi cupido; nec declivi per adulationem & si-
 lentium, quo Reip. studium negligitur: *Obvia*, inquit, *morum similitudine*; dum ali-
 os legunt, sibi occurrunt ipsi, & in censura exterorum, nec opinantes, sua iudicari facta
 intelligunt: nec timenda est indignatio. Vident enim vera narrari, non ludi fabularum co-
 lore: neque odio hic locus; sciunt enim ex officio Historici fieri, quod deminus: solus pu-
 dor suporest, & tacita conscientia admonitio, quæ ut non semper ab incepto revocat au-
 dacia consilia; ita cautione nonnunquam temperat. Hec Bœclerus recte quidem: sed
 incidunt interdum tempora, ubi huiusmodi institutum Scriptori odium & ob-
 trectationem & vel exitium parit, ut Tacitus in *Vita Agricola* c. 1. 2. testatur. Sci-
 licet schola quedam civilis prudentiæ proponitur in ejus, cujus vitam describi-
 mus, exemplo, ut nulla dari plenior informatio possit. * Quid non in *Vita* 12
Aticii, a Nepote scripta, civilis prudentiæ latitat, qui privatus quidem fuit, sed
 multum potuit in Republica? quo consilio militi suo diligenter legendos suadet
 Naudæus lib. 2. de studio militari, p. 510. eos Biographos, qui Ducum & Impera-
 torum bellicorum vitas scriptis consignarunt. Ex *Agricola Vita*, a Tacito scripta,
 quid non discat vir rebus civilibus vel bellicis admotus: si *Vitam Agrippæ* vel
Mæcenatis haberemus ab Historico veteri consignatam, utilissimum esset ad stu-
 dium civile: nunc eorum res gestas hinc illinc sparsim collegerunt Bœclerus in
 commentationibus de Mæcenate, & Agrippa. J. *Cæsarem*, quem Suetonius nobis
 in *Vita* sua expressit, Zevecotius eleganti commentario illustravit, & Stephe-
 nus Ambrosius Schiappalaria in *Vita Cæsaris Italica* lingua scripta, Antverp. 1578.
 in 4to edita, pulcherrime & uberrime suo seculo ob oculos posuit, quid ju-
 vent aut obliunt in Republ. cives potentes & locupletes, & oblitinati. Quor
 non habemus inter recentiores Vitarum Scriptores, unde multa disci Politico
 possunt? Ex *Vita Catharine Medice*, quam multa ad res Gallicas pertinentia no-
 tari possunt? *Vita Villaregii* a Pastorio in linguam Latinam conversa Ministro
 Principis proderit. Multi sunt inter Gallos Biographi, de quibus legendus in
 Bibliotheca Gallica Sorellus. Sunt & antiquorum a recentioribus vitæ scri-
 ptæ: qui ex fragmentis corpus aliquod historiæ, sed imperfectæ neque satis
 connexæ, concinnant: qui Philologi potius, quam veri Politici & Historici,
 partibus funguntur. Qui Ciceronis Historiam scripserunt, Corradus, Fabricius,
 alique, ad intelligenda Ciceronis scripta utilem operam instituerunt. * Sunt, 13
 qui ipsi suæ vitæ Historiam texuerunt: nam, Tacito teste, in *Vita Agric.* cap.
 1. apud Romanos plerique suam ipsi vitam narrare fiduciam potius morum, quam arro-
 gantiam arbitrati sunt. Nec id Rutilio & Scauro citra fidem & obtrectationi fuit.

Nostro tempore Thuanus, magnæ vir autoritatis, candidissimus Historicus, de
 14 sua vita historiam scripsit, in qua multa, quæ ad statum publicum pertinent: * Ac
 referendi eo sunt libri Commentariorum (*Memoires Galli* vocant) quos viri negotiis
 publicis admoti de rebus suis gestis, quales olim Cæsar, nostro tempore Galii mul-
 15 ti, scripserunt; in quibus enarrandis diligentissimus est Sorellus. * Sunt & alii, qui
 non tam ad civilem prudentiæ usum, quam ad Historiam ipsam respiciunt: quales
 sunt, qui in Familiis veterum Romanorum enarrandis operam posuere, laudabilem
 illam quidem, sed quæ ad rem nostram non facit. Historiæ illi antiquæ magnam
 lucem accendunt; cujus generis Scriptores cum cura & censura sua enarravit Ru-
 pertus in literis ad Albert. Richterum, quæ habentur in *Epistolis Richterianis* a. pag.
 485. ad pag. 470. Elogiorum quoque Scriptores proprie huc non pertinent: alia
 enim ratione rem suam instituunt. Quomodo hæc Vitarum Scriptoribus differant,
 16 pluribus ostendit Mascardus *de arte historica, tract. 5. p. 528. 529.* * Nos jam ad Bi-
 ographos recentiores accedimus, quorum vastissima sylva est. Tot enim sunt Vi-
 tarum Scriptores, ut integram pene efficere Bibliothecam possint: quorum Indi-
 cem congeffit Labbeus in *Bibliotheca Bibliothecarum*, uberiores dedit Teissierius; opti-
 mo ordine digestæ illæ sunt in *Indice Bibliothecæ Thuanæ*. Magnum hoc ad solidi-
 orem doctrinam arcanum est, Biographos bene habere cognitos, unde non in re
 literaria tantum, sed & civili optima formari prudentia potest. Nos ex ista sylva
 aliquas, quæ majori esse usui possunt, decerpemus.

17 Primo hic loco a nobis ponetur VITA PEIRESCII a GASSENDO scripta.
 Magna diligentia conscriptus est liber iste, continetque varia memorabilia antiqua-
 ria, Philologica, Physica, Politica, quasi per cumulum congesta. Dum enim perfe-
 quitur omnes viri istius labores, occasione ista ad multa curiosa, ab illo vel inventa
 vel notata, dilabitur. Plane in hoc labore exercuit ingenium suum Gassendus, &
 dum varia Philosophemata proponit & judicia, pulcherrimis subinde contemplati-
 onibus totam viri hujus Historiam illustrat, & sub illa rei literariæ tum temporis in
 Gallia statum. Optandum esset, ut simili diligentia illustrium virorum memorabi-
 lia consignarentur, quod fieri non potest, nisi ab amicis & familiaribus, vel nisi ipsi
 Autores vivi rerum suarum Commentarios scripserint, ut fecit Thuanus & alii non-
 nulli, vel saltem lineamenta ejus duxerint, unde perfectum deducere Opus viri ha-
 18 rum rerum periti possint. * Idem Gassendus etiam *Tychonis Brabai, Peurbachii, Re-*
giomontani, & Copernici vitas descripsit, in quibus multa singularia ad rem Mathema-
 ticam & Astronomicam spectantia.

19 JOHANNIS VINCENTII PINELLI VITA scripta est per *Paulum Gual-*
dum, Patricium Vicentinum. Fuit vero Pinellus Patricius Genuensis, vir maximi
 nominis, Philologus, Polyhistor eximius, magnorum in literas & literatos merito-
 rum, quos fovit, ornavit, ope consilioque juvit. Continentur in ejus vitæ descri-
 ptione multa memorabilia & rara. Magnam habuit vir ille supellectilem antiqua-
 riam, ut propemodum factus fuerit ad rem librariam & literariam. Multa
 sunt

sunt in illo libro arcana de parandis libris & MSis. Multa habuit vir ille instrumenta publica & collectanea, quæ ad statum Venetorum spectabant. Quare post mortem Pinelli (nam vivebat Patavii) Senatus Venetus manum iniecit MSis Politicis, arcana status sui continentibus, Bibliothecæque suæ publicæ addixit, ne in manus peregrinas devenirent. * Prodiit Vita hæc Augustæ Vindelicorum in 4to A. 1607. 20 postea recusa est in Anglia, curante *Guiljelmo Batbesio*, inter ceteras virorum aliquot illustrium Vitas, pag. 314. Quod Opus Londini prodiit Anno 1681. & præter Pinelli hanc Vitam, *Budei, Hugonis Grotii, Pithei, Camdeni, Walsi, Petavii, Sirmondi, Petri Molinæ, Henrici Valefii, Jacobi Usserii Armachani* aliorumque continet.

VITA PAULI SARPII a Patre *Fulgentio* scripta hic nominari meretur. Quantus vir *Paulus Sarpus* fuerit, non ignotum esse potest illis, qui interiorum rei literariæ notitiam habent. * Fuit ille sacri ordinis homo, Monachus, Minorita, (xx) 22 sed summi ingenii. Ejus extat *Historia Concilii Tridentini*, magna prudentia & ingenuitate scripta, sub nomine *Suavis Polani*, quam inter absolutissima historiæ specimina numerat *Guido Patinus Epist. 170.* Totum Reip. Venetæ statum moderatus fuit consiliis suis. Vindicavit jura ejus adversus Pontificem, qua de causâ summe invisus fuit Pontificiis, & in mortem ejus aliquoties conspiratum; ut sicariorum manibus per vim vix extorqueretur. Illum enim omnibus hæreticis pejorem habuerunt, ut qui arcanorum Pontificii status proditor erat. Spargebatur de ipso fama, quod abiturum ad Reformatos meditaretur, quæ non omnino de nihilo est: scio enim superesse epistolas manu ejus scriptas, ad *Isaacum Casaubonum*, quibus sollicitat ipsum de gratia Regis Angliæ sibi concilianda; si forte illic fortuna iniquior ipsum abigeret. * Vita ejus conscripta est *Italica* lingua, postea in linguam Gallicam convertita prodiit Lugduni Bat. in 12. Ann. 1661. sub titulo *La vie du Pere Paul*. Multa sunt in hac descriptione memorabilia ad omnem rem literariam: habuit enim excellentissimum ingenium, quod per omnes scientias, artes, & linguas se diffuderat. * Promptus erat consilio, animo semper præsens, extrema vitæ pericula summa 24 generositate contemnens, &, ut breviter dicam, sui temporis Phœnix. Multa enim ille in *Physicis & Mathematicis* demonstravit extemporali pene solertia, quæ desperata aliis videbantur. Celebratam apud Medicos circulationem primus ille ante *Harvei* tempora ostendit, quod cum objiceret *Bartholinus* Anglis, ægre admodum tulerunt, ejus inventionis gloriam dubiam sibi reddi. Sed dolendum est, omnes illius viri chartas periisse, ac distractas post mortem ejus fuisse: nihil enim horum serio scripsit, & data opera; sed quasi aliud agendo, cum vacatio esset a publicis negotiis. Illa omnia prolixius recensentur in hoc libello, ac notanda sunt, ut videamus, quam multæ & vulgo ignoratæ opes lateant sæpe in ingeniis, quorum vix noticia publica est. Quo magis illorum industria incitanda est, qui in peregrinationibus suis ad talium virorum amicitias admittuntur, ut omnibus artibus & scriniis illorum extrahere conentur, quicquid forte illic delirescit. Qualia multa sunt per *Italiam Galliamque* ingenia, de quibus nulla ad nos defertur noticia.

E e 3

* Pro-

(xx) Paulus Sarpus non fuit Minorita, sed Ordinis Servitarum Monachus.

- 25 * Prodicunt Ann. 1672. ejus quædam literæ Italica lingua scriptæ, proposito Veronæ ficto, ut pater, nomine; quibus continentur intimiora illa Politica superiorum temporum in aula Cæsarea, Pontificia, & Veneta, quibus immiscetur nonnunquam quædam literata.

- 26 VITA PETRI PUTEANI a RIGALTIO scripta, multa habet præclara. Magna fuit Puteanorum olim celebritas. Illi sunt, per quos Excerpta Scaligeriana congeſta ſunt. Petrus Puteanus fuit Regi Galliæ a Conſiliis & Bibliothecis. Qui ejus Vitam deſcripſit Rigaltius, ad multa reſpexit, tum quæ ad rem literariam ſpectant, tum quæ ad res Civiles; quanquam intimioribus adeo conſiliis admoſus ille non fuerit. Non fuit tamen facile illo peritior Juris publici Gallicani aliorumque Statuum. * Præcipue magna ejus cura fuit in colligendis actis publicis. Gallica ſola quinquaginta vattis libris collegit, quorum titulos hic recentet Rigaltius, unde exemplum capere Politicus poſſit, quid ipſi agendum ſit in ſcriptis talibus colligendis. Si quis enim illo modo diſpoſita habeat Imperii Romani Principum jura, quantum ille theſaurum poſſideret! Mature itaque, atque adeo ab ipſa juventute inſtituendi ſunt tales libri Politices Studioſo, in quos vel acta ipſa referat, vel ſi haberi non poſſunt, ex ipſis potiora excerptat. Pinellus, de quo ſupra mentionem fecimus, Status Veneti arcana penetravit: Puteanus noſter Gallicana. Ita omnium aliorum ſtatuum res & jura exquiri poſſunt, ſi quis cum cura illud agat. Ille labor præcipue in Germanis Conringium exercuit, quibus ille initiis, vel ipſo non diſtente, tantam ſibi experientiam & prudentiam conciliavit. Recuſa eſt hujus Vitæ hiſtoria, inveniturque inter ceteros Vitarum Scriptores, a Bathelio collectos p. 660.

- 28 VITA DUCIS VALENTINI deſcripta eſt a *Thomaſo Thomafi* lingua Italica, editaque Anno 1655. Claramontii in 4to. Panditur hic ſcelerum & nequitiarum officina: continentur enim in hoc libro omnes illæ fraudes & artes, quibus uſus eſt *Cæſar Borgias*, Dux Valentinus, Alexandri VI. Pontificis patris nequior filius, homo aſtutiſſimus & tyrannicus, ad imperium Galliæ Ciſalpinæ ſibi parandum, quo tamen ille conſilio excidit, ſaris obſtantibus. Hujus Principis ideam Machiavellus deſcripſit. Liber enim ejus de Principe eo fine ſcriptus, ut hoc exemplo illum depingeret omnibusque ob oculos poneret. Prodiit & in Gallicam linguam converſus ille liber ante novem annos, editus in Batavis in 12. Inſpicere & in malorum hominum vitas, tanquam in ſpeculum, poſſumus: non ut diſcamus ab illis fraudes; ſed ut evitare illas ſciamus, ne plane ſimus in technis illis hoſpites. Videas hic machinationes machinationibus, dolos dolis oppoſitos, & varie inter ſe miſtos pro ſcopo obtinendo. Hoc legenti jucundum erit, characteres cauſarum & ingeniorum noſſe, unde regulas ſibi quisque ſuas pro prudentia formare poterit, & vitæ rationes ſubducere, qui in aula conſiliis præeſt, & aliorum evertere dolos, qui res novas moliantur, & tyrannidem affectant. * Sunt quidam, qui malorum hominum vitas non putant ſcribendas, eoque nomine reprehendunt Tacitum, quod narrando facta malorum Principum parum abſita docente: cum bonorum exempla non ſolum cognitione boni nos inſtruant, ſed

sed etiam ad imitandum excitent. Verum cum major hominum pars mala sit, etiam eorum ingenium nosse debent boni.

VITAM HENRICI VII, REGIS ANGLIÆ, a Bacone Verulamio scriptam, priori subjungimus. Ut enim pessimi tyranni vitam descriptam dedimus sub persona Cæsaris Borgiae, ita optimi Principis historiam πολιτικαίτην libro complexus est Verulanius; quam ideo scribendam suscepit, ut responderet calumniatoribus suis, qui scholæ illum & contemplationibus aptiorem existimabant, quam rebus gerendis, ac ut singularem etiam his peritiam ostenderet.

* Plenum hoc omnis civilis & architectonicæ artis opus; quo interiora tum regni ipsius Angliæ, tum omnis in universum prudentiæ continentur. Invenies hic pacis & belli artes, in praxin ipsam deductas: nam e typo illo περιστατικῷ plus intelligitur, quam ex infinitis præceptis. Maximi facit hunc librum passim in scriptis suis Bæclerus, omnibusque commendat, ut sane commendari hi libri omnibus debent, in quibus quisque describitur, qualis in imperio fuerit, & qualis interior ac familiarior vita. Nam τὸ ἡθικὸν & τὸ πολιτικὸν hic utrumque spectandum est.

VITA PHILIPPI MELANCHTHONIS scripta a Joachimo Camerario in re Ecclesiastica & literaria non exigui momenti est. * Quantus vir fuerit Philippus Melanchthon, nemo ignorat, pluris sane æstimandus, quam vulgo fit. Primus ille in Germania disciplinarum omnium & purioris Theologiæ cum Luthero restitutor, nullum eruditionis genus intactum reliquit, ut in singulis habitare, non peregrinari, videretur. Nervos in illo & impetum requirunt nonnulli, sed tamen nec illud extra laudem est. Ut enim habuit ingenium compositum & moderatum, & ab affectatione omni alienum; ita talem se quoque in omnibus vitæ actionibus & scriptis exhibuit. Stylus ipsi purus & limpidus, nonnunquam humilis, nonnunquam assurgens: plena tamen ingenii & prudentiæ omnia. * Ejus viri vitam descripsit Joachimus Camerarius, vir suo tempore doctissimus, & intimioribus literis præ omnibus in Germania excultus. Multa discas ex illo, quæ pertinent ad statum literarium & ecclesiasticum: omni enim scenæ, quæ tum adornabatur, vel præfuit vel interfuit Melanchthon, nomen omnibus Germanis merito venerabile. His addi possunt aliorum Theologorum Protestantium vitæ, tum, qui singularem prodire, tum quæ ex iis excerpsit Melchior Adami, e quibus sic inter se junctis multa addisci possunt, quæ ad statum Ecclesiæ Protestantium pertinent, ut Melanchthonis Historia multa continet Historiæ literariæ. Ejus judicia de optimis Autoribus, Patribus, Oratoribus, Poëtis, ex omnibus ejus scriptis collegit uno volumine Georgius Richter: sub titulo: *Crisis Melanchthonianæ*, de quo supra diximus. * Ejus Camerarii Narratio extat de Eobano Hessio, qui fuit suo tempore inter Poëtâs præcipuus; de compluribus aliis ejus ætatis doctis & eruditis viris aliqua memorat. Adjectæ sunt Epistolæ Camerarii & Eobani Hessi mutuae, omnes eruditæ, & rebus literariis refertæ.

Ad res illorum temporum sacras & literarias plenius noscendas omnino JOHANNIS REUCHLINI Phorcensis Legg. D. qui se Capnionem vocabat, quique Melanchthonis Præceptor fuit, VITA pertinet. Ille enim, excitatis Hebraicis & Græcis literis adver-

adversus rabiosam Monachorum pertinaciam & Judæorum quorundam perfidiam januam aperire elegantioribus & purioribus studiis visus est. Ab hoc quasi aurora eruditionis illucescere cœpit, unde potius a luce Phosphorus, quam a fumo Capnio dicendus. * Ejus vitam Georgius Pflugerus, Joannes Murelius, Paulus Merula, scripsisse dicuntur Teislhero, quos tamen non vidi. Strictim enarravit Melchior Adami: sed nunc plenissimam & uberrimam dedit *Joannes Henricus Majus*, itidem Phorcentis, & in Gymnasio Durlacensi Profess. P. & in templo primario Pastor: qui primum Orationem Inauguralem de eo habuit, sed postea prolixis & utilissimis notis illustravit, optime de cive suo bonisque literis meritus. Editus est liber Durlaci Anno 1687. in 8. ac multa memorabilia continet.

38 VITA PETRI LOTICHII SECUNDI per Johannem Hagium scripta, non
 39 pauca erudita continet. * Fuit Phœnix Poëtarum Germaniæ Lotichius, omnibus
 40 exteris si non superior, certe æqualis. * Hujus tamen vel ipsis Germanis pene ignotum nomen est: exteri nullam ejus mentionem faciunt. J. C. Scaliger, cum censuram Poëtarum Germanorum instituit in Hypercritico suo, ne verbum quidem de hoc nostro, qui tamen omnibus ceteris erat antefereendus. Mira in illo suavitas & concinnitas carminis, & vix imitabilis, ut mihi superare interdum ipsum Ovidium, ac Virgilianam in Eclogis suavitatem unus exprimere videatur. Multa habet vita ejus memorabilia, quæ ipsi per Italiam Galliamque peregrinanti obtigerunt: multæ in illa de viris doctis notitiæ. Dolendum, immaturo fato & in ipso flore ætatis, anno scilicet 32. obiisse e philtiri reliquiis, quod ipsi in Italia propinatum fuit. Solus inter Baravos Heinsius tam candidus fuit, ut æstimeret ipsius ingenium *lib. 2. Eleg. 2.* quam in obitum Taubmanni scripserat. Ita enim ille non minus honorifice, quam vere:

*Hic sedet & priscos Lotichius ardet amores.
 Hoc nullum majus gens tua nomen habet.
 Nec negat hoc Naso, lateri cui proximus hæret,
 Nec negat hoc Nemesi nunc quoque junctus amans.
 Nec negat hoc Veneris puer & Cythereia mater,
 In terris alium vix habitura parem.*

Non satis pro dignitate viri judicavit Thuanus, qui illi Eobanum Hessum præponit; quo ille non solum, sed & omnibus ceteris est superior: quod ostendit cognatus ejus, JOHANNES PETRUS LOTICHII in *Promulsæ Criticæ*, sive Censuræ super Poëtis novantiquis, Francofurti Anno 1645. edita: ubi multis argumentis ostendit, non Eobano tantum Hesso, sed & ceteris omnibus superiorem esse Lotichium Secundum. Qua in re, etsi nihil a vero alienum dixit, non deerunt tamen, qui vel immodestiam, vel affectum ejus nimium, hic reprehendant. Videndum etiam est Liplii de Lotichio elogium, quod legitur *tom. 2. operum p. 74. lit. B.* * Illud singulare in hoc viro & propemodum divinum est, ac plus quam Poëticum *ἐνδοξασµὸν* arguit, quod in *Elegia 4. lib. 2.* ad Joachimum Camerarium scripta tristissima oblidionis & expugnationis Magdeburgensis fata integro seculo prædixerit. Res omnino notatu digna, ac
 Elegia

Elegia illa pulcherrima est. Hæc ille aurea carmina, quod mireris, inter armorum strepitus ipse miles scribebat.

CHRISTOPHORI FORSTNERI VITAM, vel potius Elogium, 42
scripsit Bæclerus. Dignus certe tanto viro Panegyristes. Nam non tantum in elegantissimis suis in Tacitum Commentariis, quantus vir fuerit, ostendit; sed & in luce ipsa atque actione prudentiam suam declaravit. * Maligne de tanto viro judicat 43
AMELOT DE HUSSAYE in judiciis de Taciti Commentatoribus, quæ Moralibus suis præmisit, cum dicit, familiari illo in Germanos convicio, Forstneri Commentarium nihil esse, nisi Locos Communes, exempla male sæpe adduci, neque quicquam conferre ad Politicam. Longe sanius Bæcleri de eo judicium est, peritioris in isto negotio arbitri, quam est iste Amelotius. * Ex hac ejus Vita unum hoc memorabile 44
de Thoma Campanella hic adducam. *Non pratercundum est, inquit Bæclerus, quod in Italia, cum Campanellam inviseret, ei usu venit. Tenebatur ille in custodia, nec ad videndum nisi custodibus arbitris quisquam admittebatur. Plures una accefferant, & de more avi libellos colligendis illustribus nominibus destinatos Campanella in cubiculo tradi jusserant. Postquam inscripserat is, qua voluit, admissos contemplatus, sine bastatione Forstnerum nunquam antea visum nomine compellavit, manuque prehensum de futuris honoribus & quibusdam aliis eventibus edocuit. Exiit fides prædictis: sive ex liberali & multarum bonarum rerum indice facie feliciter conjecturam facere contigit; sive veterem de divinatione prudentum sententiam, ad hoc quoque præfagiorum genus, monitu exemploque Cardani referre, fas est. Quamquam tutius est in his facta scire, causam ignorare.*

WALLENSTEINII a GUALDO scripta lingua Italica, & postea in 45
Latinam conversa a Josua Arndio, ejusque notis politicis illustrata, multa continet præter historiam, quæ ad officium Ducis bellici pertinent. * BEMBI Cardina- 46
lis & CONTARENI VITA a JOHANNE CASA scripta, præter singularem Latinae linguæ nitorem, qua ejus monumenta Latina commendantur, multa ad rem literariam & civilem pertinentia tradit. * ANTONII MARIE 47
GRATIANI libri de Casibus Virorum illustrium & de Vita Commendoni ad res civiles commendari debent, quorum singularis etiam in lingua Latina nitor est.

Multa possent de Vitis singularibus, quas Autores certi scripsere, dici; sed 48
omnes illas recensere & operosum nimis esset & supervacuum: sufficere potiores aliquas notasse. Si quis nomina aliorum, qui Viras scripserunt, nosse velit, adeat Bibliothecam Thuanam, Cordesianam, & Theissierii Indicem. Sequuntur jam illi, qui vitas multorum autorum scripserunt, uno volumine comprehensas, plerumque in Elogiis subsistunt, & raro ad specialia descendunt. * Habemus collectas a 49
JOH. JACOBO BOISSARDO *Vitas Virorum illustrium* cum iconibus, qui liber editus est quatuor partibus Francof. A. 1597. Imagines adjecit Theodorus de Bry. Breviter omnia & satis nervose inde excerptit Melchior Adami, ut carere, quantum ad Germanos, hoc Boissardo possint, qui Melchioris Adami Viras habent; nisi quis iconibus deleatur, quæ tamen placere non sunt ad vivum factæ.

- 50 **MARTINUS HANCKIUS** scripsit libros duos *de Romanarum rerum Scriptoris, tam veteribus, quam novis*; atque ita ordinavit, ut primo vitam recenset, secundo scripta, tertio judicia variorum Autorum. Idem *de Byzantinorum rerum Scriptoris* librum eadem methodo confecit, Lipsiæ editum Ann. 1677. Multa quidem debet Vossio; sed labor tamen non inutilis est, cum sic ordinate procedat, & varia tamen alia misceat. Indices adjecti secundum seriem temporum & nominum.
- 51 **JOHANNES IMPERIALIS** scripsit *Museum Historicum & Physicum, sive Elogia Virorum literis illustrium* in 4to Venetiis apud Juntas 1640. impressa. Bonus ille liber est: multa continet de viris doctis memorabilia, quorum elogia non solum descripsit, sed & singularia sæpe immiscet. Alioquin Elogiorum Scriptores non tam plenam fidem merentur, quam Vitarum Scriptores: aliquid hic interdum affectibus datur; sed si citra partium studium scripta sunt, breviter & velut in typo characterem viri literati ob oculum ponunt.
- 52 **LAVRENTIUS CRASSUS** scripsit *Elogia hominum literatorum Italica* lingua in 4to. Editus ille liber Venetiis est, duabus partibus 1668. in 4to. Continetque varios per orbem terrarum literatos, de quibus ille interdum nonnulla refert, quæ alibi non facile invenias. Nescio tamen, an sincera omnia fide: credo enim multa illum ex aliorum relationibus hausisse. Recenset ille libros Autorum editos ac ineditos, & nonnulla de utrisque judicia sapientius insperfit. Notat etiam, ubi inveniri possint MSti quorundam Autorum labores; quod utile multis modis esse potest. De Scaligerianis & Salmasianis scriptis multi illic nominantur inediti, de quibus nullam apud alios mentionem fieri vidi. Non pauca ex hoc Autore didici, quæ faciant ad historiam virorum doctorum. Adjunctæ etiam sunt imagines. Scripsit idem Italica lingua *Historiam Poëtarum Græcorum*, & qui in Græca lingua carmina scripsere: quæ in folio edita est Neapoli 1678. Alius Nicolaus Crassus Venetorum Patriciorum Elogia scripsisse perhibetur.
- 53 **GALEAZIUS GUALDUS PRIORATUS** scripsit lingua Italica librum, cui titulus *Scena d'buomini illustri d'Italia*: qui editus est Venetiis 1659. in 4to. quo continentur varii viri illustres ex Italica gente, & doctrina & fortibus factis celebres: hos enim viris doctis miscet.
- 54 **HIERONYMUS GHILINUS** scripsit *Theatrum hominum literatorum Italica* lingua, quod Venet. Ann. 1647. in 4. editum est; ac pene eodem modo ac forma, qua Laur. Crassus suos Viros doctos descripsit, libros editos ac ineditos diligenter recenset. Hujus rei magnus usus est in notitia exoticorum Autorum, qui rariores sunt apud nos.
- 55 **ANDREAS THEVETUS** scripsit *Imagines & Vitas Virorum illustrium Gallorum* in fol. Paris. An. 1648. Gallica lingua. Longe plenior est illic narratio, quam apud ceteros Autores Gallos, qui Viros popularium suorum descripserunt: quorum omnium
- 56 Elenchum vide apud Sorellum in *Bibliotheca Gallica* pag. 50. ubi & judicia de iis. * Simili ratione **ISAACUS BULLART** librum scripsit Gallica lingua, magnifico titulo:

titulo: *Academia Scientiarum*, qua Vitæ, Elogia, Historica & Imagines hominum illustrium, qui aliquot a seculis inclaruerunt, continentur. Liber editus est Amstelodami in folio An. 1683. duobus Voluminibus.

JOHANNES PAPIRIUS MASSONIUS in Senatu Parisiensi & in regia 57
Advocatus, edidit Paris. 1656. in 8. *Elogia* sua, inscripta Petro Segviero, Franciæ Cancellario. Partes duas elogiūrum fecit: prima Regum, Ducum & Heroum Vitæ recenset; altera Virorum eruditorum, sed quos Gallia prorulit; breviter omnia, nec sine panegyricis coloribus. Invenies tamen nonnunquam, quæ ad rem seu notitiam literariam prodesse possunt.

JULIUS CÆSAR CAPACCIUS scripsit *Elogia illustrium mulierum ac virorum* 58
in 4to Neapoli 1608. * Ne mulierum quidem laudes celari debent, quas & olim 59
habuimus, & nunc habemus doctissimas. Non invidiosum viris esset, has sibi adjungi Veneres. Habuimus Philosophas, Poëtrias. Ante aliquot annos in Academia Patavina publicam Facultatis Philosophicæ lauream reportavit cujusdam Procuratoris S. Marci filia *Elena Cornara Piscopia*; de illa habetur in Ephemeridibus Gallicis, & apud Gregorium Letum in *Italia regnant. part. 4. lib. 1. p. 43. & sqq.* In Theologia eandem petitura erat, nisi obstitisset Cleri autoritas; indignum enim credebant, mulieri docendi in Ecclesia munus conferri, cum sacris literis hoc repugnet. Consilium hoc in animo habuit Capaccius, ut feminarum quoque illustrium memoriam celebraret; quod nostro tempore fecit *Thomasius*: cujus extant de eruditione feminarum aliquot dissertationes, Lipsiæ habitæ. Vir doctissimus, *Otho Sperlingius* integrum in Mulierum doctarum gratiam Opus molitur, a primis temporibus ad nostra usque productum. *Capaccius* gentis suæ feminas recensuit & viros. *J. B. Fregosus* scripsit de Feminis, qui doctrina excelluerunt, teste Ghilino *part. 1. Theatr. p. 96.* *Vincentius Placcius* de scriptis & Scriptoribus juvenilibus ac muliebribus librum promisit.

JANI NICII ERYTHRÆI fictum nomen est; verum, Johannes Victorinus 60
Rossius, sive Johannes Vincentius de Rubris. Magnæ dignitatis vir in aula Romana *Pinacothecæ Virorum illustrium* scripsit in 8. quæ nomen quidem Coloniae præferunt; sed in Batavis impressæ sunt An. 1643. & 1645. Exquisitus Latinæ linguæ nitor in hoc Opere est. Multa memorabilia habet circa rationes vivendi & studendi viris eruditis singulares. Multa de eorum controversiis & disputationibus, artibus, technis, libris; quæ omnia illic magna cum utilitate & voluptate legi possunt. Ut enim erat Vir & doctus & prudens, ita multa observat in viris doctorum virorum, quæ non observarunt alii. * De illo videtur loqui Maresius *Ep. 27. lib. 2. Nu. 61*
per Italus tres libros de viris illustribus edidit, ferme omnibus Italis, qui his 50. annis vixerunt. Inter hos vix quinque sunt in literis Latinis tolerabiles. Sed maligna hæc censura est: est enim optimus labor, & quod potissimum est, characteres & virorum doctorum magna cura proponit. Quod si omnes æque fama celebres non sunt, tamen & vulgo ignoratos nosse interest, in quibus plus interdum sapientiæ, quam in aliis, latitat.

SCÆVOLÆ seu GAUCHERII SAMMARTHANI & ABELII illius filii 62

Ff 2

extant

exant *Elogia, Vitæ & alia Opera* edita in 4. Paris. Ann. 1633. Fuere Viri eruditissimi, iudicio solido, & ab omni adulatione remoti. Verum Oratoris potius, quam Historici partibus funguntur. Nihil enim de scriptis illorum habent, quod tamen potissimum hic erat. Characteres & lineamenta potius ducunt. Scævola ob Poëmata sua Virgilianum aliquid spirantia norissimus eruditus. Quidam illum omnibus sui seculi Poëtis præferunt. Varia de iis & Abelii Sammarthani Poëmatibus iudicia collegit Bailletus *part. 3. tom. 4. de Poëtis p. 166. & sqq.* * De his Elogiis ita Marcellus lib. 2. Epist. 25. *Nostrorum vitas Sammarthanus scripsit versu, quam prosa, melior, cujus soluta oratio etiam potius redolet. Ee fere sunt uniusmodi; & in doctorum Catalogum multos e Senatu & alios refert; qui multa scripta reliquerunt, quique alioquin non magni fuerunt in literis nominis.* Laudat eo loco Michaëlem Marolium Villa Lupensem Abbatem, qui Vitas scribendas suscepit, de quo nihil hæcenus vidit. * Promisit & Guido Patinus Epist. 133. ad imitationem Sammarthani, *Elogia Gallica: J' ay autrefois ramassé rien de mémoires pour faire des Eloges Latins des François illustres en Science, à l' imitation de Mr. Scævola de Ste. Marthe; à quoi je pourrai travailler l' Hiver prochain pendant les soirées, mais le nombre des malades me fait peur, c' est ce qui fait que je n' ose le promettre absolument.* Et in fine Epistolæ hæc habet: *Si Dieu me fait la grace d' en venir là, je serai mes éloges plus beaux, plus curieux, & plus historiques que ceux de Monsieur de Sainte Marthe, auxquels ils ne céderont que pour l' expression. Je n' y mettrai que d' honnêtes gens & dont le mérite fera la dignité.*

65 VITÆ JURECONSULTORUM non sunt plene tractatæ. Si veterum haberemus Vitas diligenter descriptas, multum hinc lucis accederet Jurisprudentiæ: imprimis si Commentationes illorum ad leges cum cura recenserentur, quantum de iis haberi possit e fragmentis JCrorum, quæ in Pandectis habentur, & ex Oratoribus & Historicis. * Si non omnibus numeris absolutum, saltem non inutilem præstitit laborem JOHANNES BERTRANDUS, Præfès Tolosanus, cujus extant *de Jurisperitis libri duo*, Lugduni Batav. recusi An. 1675. in 8vo. Promisit plenius de JCris veteribus Opus Vir doctissimus, ÆGIDIUS MENAGIUS, ut videre est in Præfatione illa, quam præmisit amœnitatibus Juris civilis, quæ nunc auctiores editæ sunt. Quod si illud Opus ad finem perducturus sit, gratulabimur orbi erudito. Cura circa recentiores JCratos quorundam exigua est, ut *Job. Fichardi, Rutili, & Guidonis Pancirolli*, qui postremus diligentius rem suam instituit. Ejus de claris legum interpretibus libri quatuor prædierunt Veneris in 4to An. 1637. & denuo ibidem An. 1655. *Germanorum JCrorum Vitas* usque ad sua tempora dedit MELCHIOR ADAMI. *Speciales quorundam JCrorum Vitas* descripserunt CUIACIUS & BALDUINUS: quam hic Antonio Matthæi ut plagiarius vapulat; nam elogio Massonii indignatur, 67 qui ipsum Cujacio comparaverat. Sed de his plura alio loco. * Nuper adeo laudabile consilium suscepit FRIDERICUS JACOBUS LEICKHERUS, qui Lipsiæ An. 1686. *Decadem Vitarum integrarum*, non in Compendium contractarum, edidit, ut *N. Botrii, A. Augustini, F. Hotomanni, B. Brissonii, Pithæi, G. Budæi, A. Goveani, Cujacii, J. Bertrandi,*

trandi, G. Paucirolli, quæ a viris doctis scriptæ, & ab illo notis eruditis illustratæ sunt. Promisit, plures se ita junctim editurum, quo non Jurisconsultos tantum, sed viros doctos omnes, sibi obstringet. In Theologorum quoque, Medicorum & Philosophorum *Vitis* nihil perfectum & absolutum est.

Enarravit quoque PAULUS PELISSONIUS *vitas* eorum & scripta, qui 68
Academiæ Gallicæ interfuerunt, de qua singularem ille librum scripsit, supra nobis memoratum. De hujus Academiæ consiliis & censendi ratione multa monet Bailletus *Tom. II. p. 163. 164. 165*. Idem cujusdam *du Saussay* Episcopi mentionem facit, qui collectionem Scriptorum Mysticorum, qui primo seculo vixerunt, instituerit. Vocat multæ lectionis virum, sed simpliciorum & exigui judicii. Eodem loco *pag. 171*. recensentur *Lanovii Historia Collegii Navarrei*. Bonciario delata fuit provincia scribendi de Viris illustribus Perulinis, testē *Eryth. Pinacoth. I. pag. 99*. Anglorum, Vitorum tam illustrium quam doctorum, aliquot *Vitas* descripsit WILLIAM WINSTANLEUS libro, cui titulus: *England's Worthies*. Proponuntur hic *Vitæ* a Constantino M. usque ad mortem Cromwelli. Liber Anglica lingua editus est Londini Anno 1660. in 8vo.

Non omittendi quoque sunt insignes artifices, Statuarii, Pictores, Musici, Architecti, quorum *Vitæ* etiam notandæ sunt. Disputatur quidem a nonnullis, an eorum *Vitæ* scribi mereantur, præcipue a Patricio *dialogo de Historia octavo*. Sed recte contrariam sententiam defendit Vossius de *arte historica* Cap. 17. * GEORGIUS 70
VASARUS, tam penna, quam penicillo celebris, scripsit Italica lingua tomis aliquot *Vitas pictorum & statuariorum, & architectorum illustrium*: qui liber editus est Florentiæ apud Juntas An. 1568. in 4to. De illo videatur Ghilini. *Theatr. part. 2. p. 117*. Adeo solliciti etiam Itali fuerunt, ut excellentium artificum *Vitas* descriptione dignas judicarent: quod utinam aliis quoque gentibus persuaderi posset. * Facit 71
enim hoc ad conservationem ipsarum artium & inventorum singularium. Habent enim plerumque singuli artifices aliqua, quæ ipsorum ingenio debentur: quæ si cum delectu & bona fide notarentur, magnum in *vita civili* usum haberent. Ne quid dicam de commodis, quæ inde ad Mathematica & Physica studia perveniunt. Turpe est, Germanos nostros non esse ea de re sollicitos, inter quos magna est artificum industriorum & solertissimorum copia, quorum ipsa sæpe cum Autoribus pereunt inventa. De Pictoribus quibusdam in Germanica lingua memoriæ quædam apud Sandratum extant: sed infinita alia possent colligi. * Ingens aliquod 72
corpus & Systema, quo omnium pictorum, veterum & recentiorum, *Vitas* comprehendit, moliebatur FRANCISCUS JUNIUS, qui olim ipse de *pictura* librum edidit. Ostendit mihi ipsi, cum essem in Batavis, librum a se scriptum, satis copiosum & vastum; qui an unquam edendus sit, ambigo: Typographum enim, qui sumptus erogare veller, invenire non potuit. (yy) Nunc forte vivere desiit Vir ille

Ff 3

tum

(yy) Franc. Junii Labor iste de Pictoribus una cum Libris ejus III. de *Picturæ* auctoribus, Roterodami

73 tum temporis octogenarius. * Nostra ætate CAROLUS DATI scripsit *Vitam Pistorum Antiquorum*, Florent. editas Anno 1667. in 4to.

C A P. XX.

DE FRUCTU OMNIS HISTORIÆ BIBLIOTHECARIÆ.

§. 1. Transito. 2. Magna Historia Bibliothecaria utilitas. 3. Hinc universalis aliqua scientia speranda. 4. Consilia ejus adornande proponuntur. 5. Quirini Kulmanni 6. & aliorum promissi labores. 7. Librorum ineditorum investigatio publice utilis. 8. Eorum multi veris autoribus per plagium surrepti. 9. Catalogi omnium autorum consiciendi methodus. 10. Inventorum & experimentorum commemoratio. 11. Eiusdem utilitas. 12. Nova Machina Urinatoria, cujus ope per aquas ambulare possumus. 13. Ea jam tum a Pegelio, 14. & Petro Mormio publice proposita. 15. Magna ex inventorum historia utilitas. 16. Inventorum scriptores ex antiquis. 17. Beecheri liber Germanicus, cui titulus Stulta Sapientia, & Sapiens Stultitia laudatur. 18. Itineraria Monconisi, Thevenotii, Ogarii laudantur. 19. Et Epistolarum nonnulli Scriptores. 20. Ex Patini Epistola inventum singulare pro calefaciendis conclavibus producit. 21. Joannis Pellii consilium pro scientia Mathematica universali adornanda. 22. Idem fieri in ceteris disciplinis potest. 23. Summa inde eventura utilitas. 24. Placcio aliqui in hoc argumento libri promissi.

- 1** Percensuimus hætenus Autores Bibliothecarios, qui vel de Bibliothecis in universum, vel de Bibliothecis singularum Facultatum ac omni re literaria egerunt; ita tamen, ut non omnes minutias persecuti simus, indicium tamen dederimus, unde illæ perendæ: nunc dicemus aliquid de fructu hujus laboris, ne
- 2** quis existimet, intra solam nomenclaturam rem illam consistere. * Monuimus jam in ingressu Operis, quantum momenti sit in Historia literaria, & quam difficile sit illius fundum emetiri, quam difficultatem utilitas infinita solari poterit; quare fuerunt non pauci, qui conatus quosdam ad rem illam attulerunt, sed irritos hætenus & spe sua destitutos. Non vero adeo desperata res esset, si certo ordine & probe dispartitis operis institueretur. * Fuerunt, qui universales scientias methodo secreta & singulari excogitarunt, cum crederent, se summas omnium rerum rationes animo complecti posse, atque ita universali quodam typo omnis doctrinæ abdita se comprehensuros.

Roterodami Anno 1694. in fol. sub hoc prodijt Titulo: *De Pictura Veterum Libri III. tot in locis emendati, & tam multis Accessionibus aucti, ut plane novi possint videri. Accessit Catalogus adhuc ineditus Architectorum, Mechanicorum, sed præcipue Pictorum, Statuariorum, Celatorum, Tornatorum, aliorumque Artificum, & operum, quæ fecerunt, secundum seriem Literarum digestus. Debetur hæc editio Viro Celeberrimo, Joh. Georg. Grævio, qui Vitam etiam Junii præfixit.*

furos. Sed steriles fuisse hos labores jamdudum compertum est: sola perfectæ omnium rerum cognitioni viam sternit Bibliothecaria notitia; quæ, quamdiu non est tota exulta, non sperari poterit perfecta & universalis omnium seculorum & artium doctrina. At verò rem infinitam postulas, dixerit aliquis: imò non est infinita, & satis commode finibus suis coercetur, modo in promptu sint subsidia ad illam rem idonea. * Sunt vero ad illa sumptus necessarij a Magnatibus subministrandi, quod palmarium in hoc negotio est; privatorum enim sortem & conditionem conatus illi excedunt: deinde doctorum ad eundem scopum conspirantium æqualis propensio, unius prudentis & docti viri auspiciis ordinata; qui si laborem illum per disciplinas distinctum susceperint; a pluribus aliquot annorum cursu facilius hoc expedietur negotium, quam ab uno homine integro seculo.

Seligantur ergo homines singuli in arte sua & disciplina, quam profitentur, excellentissimi, qui laborem hunc aggrediantur. Distinguantur primum disciplinæ notionales a realibus: in illis intricatior proficiendi ratio est, ob multitudinem sectarum & opinionum, non tamen omnino impossibilis: in realibus disciplinis, ut Physica & Mathematica, quæque illis subordinantur, promptius procedere possumus; in singulis vero peculiare quædam rationes ineundæ sunt, secundum quas institui hæc tractatio debeat. * Fuit ante aliquot annos QVIRINUS KULMANNUS, juvenis ingenio non destitutus, qui in *Prodromo suo quinquennij mirabilis*, & in *Epistolis de arte magna sciendi*, seu *de combinatoria*, magno apparatu promisit artes magnas, ut vocat, artem nempe magnam eloquentiæ solutæ & ligatæ, artem magnam sciendi, artem magnam scribendi, linguas discendi, commentandi, Critices & multa alia: quæ ille, quasi divino spiritu edoctus, proponere hominibus voluit, ut essent prodigiorum ac miraculorum instar. Verum hætenus præter titulos non vidimus: & fuit ille homo, utut ingeniosus, nescio quibus fanaticis opinionibus imbutus, quæ infringunt omnem hujus doctrinæ apparatus. Erat vero illa non tam speculatione inani, quam lectione diligenti & attenta veterum ac recentiorum scriptorum autorum absolvenda: quam viam homo ille spernit in solis ingenii, alioquin non vulgaris, commentis subsistens. Pleraque enim illa, quæ ut nova ac divinitus quasi inspirata venditatur, vel ab aliis jam tum designata fuere, vel ex re ipsa facile se produnt. * Fuerunt & alii, ut *Lullius*, *Paulus Scalichius*, qui singulares rationes commentati sunt novæ ac universalis doctrinæ. Sed, cum verera omnia spreverint, non potuerunt recto ordine incedere. Commentitia enim omnia fuerant, & illi *avrodo* de quibus *lib. 2. plura*.

Ut itaque rectiore via incedatur, conficiatur Catalogus omnium Auctorum in singulis disciplinis, atque ille exhibeat Synopsin omnium librorum ejus disciplinæ, qui vel jam publicati sunt, vel adhuc MSti in Bibliothecis delitescunt. De MStis publica Magistratus cura indagandis jam *supra cap. 7. dixi*, & nunc denuo moneo: * multæ enim sunt de surreptis per plagium ineditis libris virorum doctorum quærelæ. Legatur de hoc argumento Rittershusii ad Richterum Epistola, quæ habetur in Richterianis p. 204. *Equidem mirari satis non potui, ille ait, tam apud veteres Græcos*
et La.

& Latinos, quam superioris seculi, viros magni nominis aliena scripta tota transcripisse, & sine ulla immutatione aut mentione autorum pro suis edidisse. Bodinus lectiones Turnebi in Opianum pro suis vulgavit. Quid Scioppius Giphatio harpagarit, notum est doctis. Hoc non aque omnibus, Davidm Origanum Mathematicum libros Georgii Rollenhagii de Prognostico Calendariorum & Nativitatum pro suis edidisse. Arnoldus Clapmarus hoc nomine accusatur ab Eberhardo a Wetbe. Optimi Piccarti nostri p. m. scripta in furaces hujusmodi manus incidisse, nemini hic ignoratur: ut nec illud, ejus lectiones in Tragœd. Seneca hanc ipsam ob causam publicam lucem fugere.

- 9 * Iidem Autores secundum tempora & ordinem annorum, quibus Opera eorum primum excusa, discescantur; tertio Catalogus exhibeatur ipsorum Operum, Catalogus secundum ordinem annorum, atque in singulis summaria & lemmata non capitum tantum, sed & eorum, quæ in capitibus continentur, annotentur. Tales Catalogi si instituantur, exempli gratia in Physicis, primum Autores veteres secundum ordinem & seriem annorum essent numerandi: si illorum integra extent Opera, ea in compendium contrahenda brevissimum; si fragmenta, illa etiam suo loco ponenda.
- 10 * Hinc ad generalem Physicam progressus fieri deberet, & secundum ordinem rerum notandæ essent variorum Autorum sententiæ: qui veteres consentiunt cum recentioribus, ad unum ordinem referendi. In speciali Physica notari ista deberent singula, quæ ad praxin ipsam sunt deducta, quæque in natura ipsa ita inveniuntur, notatis semper Autoribus & annis, quibus singuli vel libri, vel inventa lucem viderunt: quæ si accurate sint omnia notata, atque indices plene omnia repræsentent, magna inde nascetur utilitas. Statim enim patebit, quid cuique vel veterum vel recentiorum circa principia physica in mentem venerit, sive nova constituendo, sive vetera illustrando.

- 11 Hinc statim pateret, si nova dogmata ab aliquo protrudantur in publicum, an illa recocta sint, vel per plagium alicui surrepta, vel nova quadam ratione interpolata. Specialia quoque inventa una innotescerent, sique illa simul proponerentur, ex illo analogismo homini solerti plura inveniendi subministraretur occasio: dici enim non potest, quanta sit conceptuum fertilitas. Sola enim commemoratio illorum experimentorum, & perpetua e principis deductio similia molendi, & ex iisdem principis deducendi, occasionem suppeditat.
- 12 * Fuere nunc, cum hæc scribo, qui machinæ alicujus inventionem proposuere, quam non unus tantum homo, sed integri exercitus, sine pontibus impune per aquas ambulare, gladiis pugnare, ignes & tela jaculari possent. Publicis relationibus in omnium notitiam res illa venit, ferebaturque Cl. Dn. WAGENSELIUS hujus inventi artifex, de quo tamen alii ante ipsum jam dudum cogitarunt. Quod clarissimo huic Viro forte ignotum: neque enim illius inventum in dubium voco, & possunt pluribus eadem sepe in mentem incidere.
- 13 * Idem tamen, quod nemo animadvertit, jam sub hujus seculi initium Principibus & Rebuspublicis, inter cetera sua arcana obrulit MAGNUS PEGELIUS, cujus jam supra mentionem fecimus. Ex enarratione autem circumstantiarum utrinque collatarum idem patet esse inventum. Unde manifesto exemplo videre possumus, quam multa in seculis prioribus per

per socordiam hominum neglecta, quæ alio tempore iterum in conspectum producuntur. Ita vero apud Pegelium verba habent p. 126. *Quomodo in Naufragio quocunque submersionis seu interitus discrimen omne semper & ubique certo vitare liceat: Qui item sine sanitatis seu valetudinis aut alio notabili corporis incommodo, adeoque sine aquarum, fluctuum, procellarum, pluviarum, frigoris pernicioso aliquo impedimento seu noxa ibidem interea dormire, jacere, sedere, stare, cibum capere, & quocunque velis, te ipsum promovere seu viam dirigere valeas. Res etiam tuas, quæ mole seu quantitate non nimia fuerint, vel ex his, quæ tibi cariora sunt, una tecum salvare poteris: imo hominem, quem velis, alium vel plures etiam, si sic efformaveris, absque ullo ullius hinc incommodo, simul tibi coherentes gratos & suaves sic socios, tibi que vitam suam & quicquid una salvarint debentes, æque liberabis. Præterea medio hoc eodem, quocunque etiam extra naufragium, pro rerum tuarum firma & tuta conservatione, & pro quiete noctu & alias & in navi & in curru & domi uti & frui licebit, seu conjunctim toto simul, seu parte illius una, duabus vel quocunque volueris. Hæc omnia & singula omnino sunt & perdurantia & sumptuum faciliorem. Alias si capite seu ore solo aquarum immunis esse cupis, media occurrunt exigua & levia. Illa Anno 1604. scribebat Pegelius, surdis narrans fabulas, neque quisquam ad illius oblata arcana, ut fieri plerumque solet, respexit.*

Anno 1630. PETRUS MORMIUS in arcanis Collegii Rosiani detectis p. 42. Or. 14
dinibus Belgicis simile inventum, quod tamen minoris videretur effectus esse, quam superius illud, obtulit. Ita vero illic: *Arcanum mortem arcens violentam triplex est: unum descendit ab aquis, alterum ab armis, a fæne tertium. Primum horum non est tanta difficultatis, quin possit excogitari etiam ab obtuso & præpingui ingenio: at quia non est apud incolæ hujus patriæ usitatum, ubi tot discrimina mortis ab aquis grassantur, maritimis tempestatibus, aliisque fortuitis casibus, judicavimus, nobis indecorum haud fore, si illud publico usui communicandum offerremus. Facillime instrumentum hoc & portari & admoveri potest; quo quisque mare aditurus muniri debebat; ut, si tempestas, vel nox obscura inter scopulos, aut aliud periculum a nave submergenda, aut ab hostibus perfringenda ingruat, eo munitus mergi in gurgitem nequeat; sed saltem fluitando super aquis animam Deo commendandi tempus supersit; aut venti vel manuum remigantium beneficio atque pedum circa littus aliquod ferri queat, aut amica nave excipi, aut alio quopiam fortunato eventu servari.*

Magna profecto hæc est Principum & opulentorum hominum ignavia, qui 15
pulcherrima inventa, sola avaritia ducti, perire sinunt; cum tamen, si vel maxime illa non succederent, comparari tamen quolibet pretio & in publicos usus reponi deberent. Habererent forte secula futura, quod sibi elaborarent, si nostrorum stupor illa non caperet. In tam multis unum experimentum multis congerendis opibus forte inserviret, & impensas largissimo fœnore refarciret. Quam multi in res voluptuarias & vanas exhauriuntur thesauri, unde mera in Rempublicam & cives damna redundant, cum modicis sumptibus immensæ parari utilitates possint. Non exiguum profecto hoc Reipublicæ arcanum esset, si quis Princeps vel aliqua Respublica, certos

tos pro novis inventorum præmiis reditus constitueret, quod & ingenia excitaret, & magno fructu Rempublicam bearet. Quanta hujus, de quo agimus, inventi utilitas sit, quis non vider? sed nemo tamen hætenus, quod sciam, inventus est, qui inventorem allicere aliquo præmio velit. Denique & hoc utile erit, invento-
 16 rum Historiam consignare, quod olim multi fecerunt: * nam de inventis scripsere ex antiquis Scamon, Cydippus Mantinensis, Antiphanes, Aristodemus, Aristoteles, Philostephanus, Strato peripateticus, Heraclides Ponticus, Ephorus, Theophrastus, Philochorus &c. de quibus *Jonsf. Histor. Philos. lib. 1. cap. 12.*

17 Hoc JOHANNIS JOACHIMI BECCHERI consilium fuit, qui in libello Germanico variorum inventorum Historiam recensuit. Titulus est *Stulta Sapientia, & Sapiens Stultitia*: duas ergo libri partes facit, quarum prima, cui *Stultæ Sapientiæ* titulus, ea continet nostri temporis inventa, quæ stulta visa omnibus fuere, & feliciter tamen successerunt: altera pars, cui *Sapientis Stultitiæ* titulus, de illis inventis agit, quæ magno molimine & consilio excogitata, in irritum ceciderunt. Elegans liber est, multaue scitu digna continet, aliosque invitare potest, ut simili-
 18 lem inventorum recensum instituant. * Nunquam expeditior ad illa pervenien- di via est, quam in peregrinationibus. Si quis ergo in itineribus diligenter ob- servationes instituat, eas aliquando editurus, is bene profecto de re literaria mere- bitur. Supra laudavi MONCONISIUM, cui addi potest THEVENOTIUS, qui multa apud varias gentes vel mechanica vel naturalia inventa consignavit. Lau- dandus quoque hac in re CAROLUS OGERIUS est, cujus extat *Iter Danicum, Sue- cicum & Polonicum*, quod ille Legato Memmio additus Secretarius dictione La- tina nitida descripsit. Habentur illic variarum rerum civilium, naturalium, for- tuitarum, lepidæ narrationes, quæ legentem mirifice delectant. Plerumque & illi, qui suam scripsere vitam, silentio præterire non solent, quæ illi memorabilia in vi-
 19 ta observarunt. * Ex epistolis nonnunquam talia colligi possunt, præcipue tali- bus, quæ Physici sunt argumenti, quales Bartholinus, Licetus, Sorbierius, scripse-
 20 re. Nonnunquam etiam in aliis talia deprehendas. * Ita in Guidonis Patini E- pistola 153. recensetur inventum Itali cujusdam pro componenda ex terra qua- dam composita massa inflammabili, citra tamen odorem & fumum, qua calefieri quasi in momento conclave aliquod possit. Verba ipsa adducere ab hoc loco alienum non est. *Il y a ici un Italien qui dit avoir été mandé exprès pour un certain secret, qui est d'une terre composée qui eschauffe incontinent une chambre, sans odeur & sans fumée. Plusieurs ont été nommés pour en voir l'épreuve, dont il y a eu deux Médecins, savoir Monsieur Matthieu & moi, Mr. Blondel, Guenaut, Brayer & Morisset s'y sont aussi trouvés. Nous avons signé que ces boules de terre faisoient un feu beau & clair sans fumée & sans aucune mauvaise odeur. Il nous dit qu'il en donnera un cent pour 10. sous. Chaque boule est plus grosse qu'une balle de tripot.* Hæc & similia colligenda omni studio sunt, insigni aliquando usui futura.

21 In Mathematicis idem consilium dari potest, & dedit jampridem, JOH. PEL-
 LIUS,

LIUS, Anglus, in ſua *Matheſeor idea*, epiſtola ſcilicet de meliorando ſtudio Mathematico, quæ reperitur in *Collectionum Philoſophicarum Anglicarum* quinta, quæ Anno 1681. prodiit. Conſilia illic ſuppeditat, quomodo Pandectæ univerſales Mathematicæ confici poſſint, quibus colligantur ex Mathematicis libris & inventis, quæ ante nos fuere; & veluti conſectaria inde deducantur, citatis ſub finem cujuſque periodi aut propoſitionis Autoribus antiquiſſimis ſequentibusque; omnibus nota inuſta, ubi vel in furto deprehenſi fuerint, vel mutuati ſuppreſſo autoris nomine fuerint, vel aliorum inventa ſibi audacter arrogaverint. His Pandectis ita concinnatis pateret omnibus, quantum ordinis, ſoliditatis & perſpicuitatis ſingulis ineſſet, quid artifex artifice præſtaret. Magno porro lucro cederet notitia Autorum in unum conſpectum producta, neque anxia eſſet circa libros in quaſitione opus: tolleretur quoque inordinata illorum lectio: quicquid peccatur diverſis methodis, conſuſionibus, tautologiis, paralogiſinis, id ſimul omne pateret, & conſtaret omnibus, in quos lapides offendere quis poſſit. Verum enim eſt, quod Autor ille ait, etiam paralogiſmorum debere eſſe notitiam, & errorum, qui a Viris celeberrimis non ſolum, ſed & hominibus ineptis & indoctis commiſſi ſunt. Nam & ex eorum notitia veritatis patet via, & plus interdum ex illo, quod paradoxon videtur, diſcitur, quam ex ipliſ præceptis, veraque illa & accurata methodo. Fiet enim ita, ut errores ipli vitemus, & quid ex uſu noſtro reque ipſa ſit, rectius percipiamus. Id non in Mathematicis tantum, ſed etiam omni adeo doctrina prodeſt. * In ceteris 22 diſciplinis idem præſtari poſſe, quod in Phyſicis & Mathematicis, dubium nullum eſt, modo res ita inſtituatur, ut veterum recentiorumque Autorum accurata inter ſe conſtituatur *σύγκρισις*: quod ut fiat, primum Autores omnes diligenter notari, tum excerpta accurata ſecundum ordinem capitum diſciplinæ inſtitui debent: in iis vero excerptis ordo ille adhibendus, ut omnes opiniones veterum recentiorumque Autorum quaſi per indicem notentur, præcipua & palmaria argumenta illis ſubjiciantur. * Qui labor, ſi per aliquot annos continuetur, eo tandem rem redigere poterimus, ut ſingularum diſciplinarum perfectiſſima *Systemata* habeamus, quæ in unum corpus compingi deinde poſſint, atque ita mirifice augeri poſſit res literaria cum maximo, tam docentium, quam diſcentium, emolumento: imo auſim ego vel dato pignore certare, ſi curæ iſti ſerio inſiſterent Magnates, ſumptuſque & Bibliothecas ſuppeditarent, viros deinde doctos, & ſuis ſingulos laboribus aptos huic negotio præficerent, vel uno decennio rem omnem in ſingulis diſciplinis abſolvi poſſe. Quod ſi fieret, unus liber in ſingulis diſciplinis pro Bibliotheca eſſet, ceſſarentque omnia illa impedimenta, quæ naſcuntur e conſuſa tot Autorum lectione. * For- 24 te aliquid huius rei molitur PLACCIVS, qui in librorum ſuorum Catalogo promiſit *Hiſtoria literaria Compendium Univerſale*, migrationes artium & ſcientiarum varias ſummatim exhibens. Idem de ratione ſtatus Reip. literariæ hodiernæ, corruptela atque remediis illius, librum, & varia in Verulamii egregios de augmentis ſcientiarum libros augmenta, promiſit.

CAP. XXI.

DE LOCORUM COMMUNIVM
SCRIPTORIBUS.

- §. 1. Bibliothecarum notitia instar Locorum Communium est. 2. Bibliotheca Thvana Locorum Communium ideam proponit. 3. Dassiliandri & Johannis Ray peregrinantium diligentia in notandis viris doctis eorumque scriptis. 4. Locorum Communium studium nonnullis male contemnitur. 5. Marefii 6. & Sorelli iniquior censura refellitur. 7. In Locis Communibus concinnandis aliquis etiam judicio locus est. 8. Ipsorum Autorum interitus a Locorum Communium Scriptoribus quibusdam creditur. 9. Constantini Porphyrogeneta excerpta. 10. Defectus e nimio Locorum Communium studio. 11. Modus in illis colligendis tenendus. 12. Illi per amanuenses colligendi. 13. Virorum doctorum nequebiles non contemnende sunt. 14. Salmasii Opus in Solinum laudatur. 15. Quidam data opera in unum argumentum omnes Locos Communes exhauriunt. Eo nomine notatur Casinus in Aula sancta, & Cornelius a Lapide. 16. Martinengi glossa in cap. 1. Genes. 17. Rossii Comm. in Pimandrum. 18. Mersenni Commentarius in Genesin. 19. Veteres magnam excerptorum curam habuerunt. 20. Referuntur antiquorum excerptorum compilatores. 21. Medii & recentiores excerptorum Scriptores. 22. Vincentii Specula. 23. Zwingeri & Beyerlingii Theatra Vita humane. 24. Polyantheorum Scriptores. 25. Langius. 26. Gruterus. 27. Magirus ceteris praeferitur. 28. J. B. Bernardi Seminarium Philosophiae Platonicae & Aristotelicae. 29. G. J. Vossii liber de Idololatria & Physiologia laudatur. 30. Voetii Disputationes selectae. 31. Disputationes & dissertationes argumenti rarioris diligenter colligende. 32. Tassoni Pensieri diversi. 33. Idem Carnificis panegyristes. 34. Bonifacii Historia Ludicra. 35. Pontani Attica Bellaria. 36. & Progymnasmata. 37. Ravisi Officina. 38. Laurentii Polymathia. 39. Welschii Idea antiquitatum. 40. Ejusdem opera affecta. 41. Jac. Gotschedi Corpus Antiquitatum Juridicarum. 42. Galleotti Martii de doctrina promiscua liber. 43. Ejusdem alter de rebus vulgo incognitis deperditus. 44. Sorbieri Epistole. 45. Casparis Dornavii Amphitheatrum. 46. Bisciola Hora succifua. 47. Majoli Dies Caniculares. 48. Locorum Communium Scriptores titulis adscitis luxuriant. 49. Menochii Trattenimenti Eruditi. 50. Calii Rhodigini Antiquae lectiones. 51. Pancirolli libri Memorabilium. 52. Watsoni Supplementum. 53. Ejusdem Unio sapientiae. 54. Conradi Lycosthenis Apophthegmata. 55. Erasmi Apophthegmata. 56. Lycosthenis Similia. 57. Ejusdem Auctaria in Officinam Ravisi. 58. Idem facetas Brusonii edidit. 59. Emblematum Collectanea. 60. Giovanni Ferro Theatre d'Imprese. 61. Philippi Picinelli Mundus Symbolicus. 62. Adagiorum Scriptores. 63. Adagia a gnomis differunt. 64. Welschii Opus Adagiorum panglottum. 65. Kublmanni Opus Adagiorum Universale. 66. Adagialium Collectio utilis. 67. Erasmi

67. *Erasmi Opus de Adagiis*, 68. *defenditur adversus Rhodiginum*, 69. & *Verdierum*. 70. *Jani Gruteri Florilegium Ethico-Politicum*. 71. *Bibliotheca Exulum*. 72. *Berlucii Adagia selecta*. 73. *Josephii Langii Adagia*, 74. *in certos locos distributa*. 75. *Jac. Duporti Gnomologia Homeri*. 76. *Bogani Homerus Hebraizon*. 77. *Michaelis Neandri LL. CC.* 78. *Philosophici Graeci*, 79. *Aristologia Pindarica Euripidis*. 80. *LL. CC. Philosophici Latini*, 81. *Rostmari* 82. & *Barlandi Proverbia Virgiliana*. 83. *Acute dicta veterum Poëtarum, nullus momenti*. 84. *Haynecii medulla Terentiana, Tulliana*. 85. *Adagia Gracorum, Zenodoti, Diogeniani, Suida*. 86. *Adagia in aliam linguam an transferri possint?* 87. *Apostoli proverbialia*. 88. *Adagiorum sacrorum Scriptores*. 89. *Hebraica Plantavitii, Drusii & Buxtorfii*. 90. *Vorstii Adagia Graeca N. Testamenti*. 91. *Zobneri Adagia sacra*, 92. *similitudines*, 93. & *paralipomena*. 94. *Detrii* 95. & *Novarini Adagia sacra*. 96. *Italica adagia*. 97. *Angeli Monosini liber de Italica lingua & adagiis laudatur*. 98. *Julii Varini Schola vulgi*. 99. *Optima adagiis disponendi methodus*. 100. *Alii adagiographi Itali recensentur*. 101. *Gallicorum adagiorum Scriptores pauci*. 102. *Belgica adagia*, 103. *Hispanica Nunnesii*, 104. *Mal Lara*. 105. *Commentarius in adagia Medica Hispanica de Rieros*. 106. *Anglicorum adagiorum Scriptores*. 107. *Jac. Howel*. 108. *Dictionarium Powels*. 109. *Sermones ex adagiis concinnati*. 110. *Germanicorum Adagiorum Scriptores, Franck, Agricola, Friderici, Henischius, Eyring, Lehmannus, Tappius, Winckler*. 111. *Langstons Poëseos Graeca Medulla*. 112. *Draxii Bibliotheca Scholastica*. 113. *Plures Proverbiorum Scriptores recensentur*. 114. *Freigii Ciceronianus*. 115. *Rivii Loci Communes Philosophici*. 116. *Schielen*, 117. *Zimmermanni*, 118. *Ficketi*, 119. 120. *Benzii & aliorum Loci Communes*.

Inter præcipuos Historiæ Bibliothecariæ fructus est, quod jam supra diximus, ut habeamus quasi universales quosdam Locos Communes: atque ita optimæ & præstantissimæ Autoribus congestæ Bibliothecæ instructæ sunt, ut Locorum Communium quasi imaginem quandam exhibeant. * Quales jam supra Bibliothecas plures commendavimus, atque inter illas præcipue Thuanam illam. Fuit in illa ingens MStorum indubiæ vetustatis copia, & in magna Autorum sylva operosus selectus, ad cujus solam librorum compactionem viginti millia scutorum nummorum & amplius consumpta sunt. Collecta hæc Bibliotheca est Scaligeri, Casauboni, Putanorum fratrum, Salmasii, Grotii, Sammarthanorum fratrum, Sirmondi consilio. In peregrinationibus suis Thuanus apud omnes gentes Bibliopolarum angulos excussit, ut optimos secum libros adduceret, quod a Josepho Quænel in præfatione hujus Indicis prolixius recensetur. Id enim in peregrinationibus eruditus præcipue attendere debet, ut viros doctos eorumque Opera inquirat. * Ita Theophilus Daffliander in Commentario suo Itinerario an. 1585. edito urbes Italice non describit tantum, sed & viros doctos eorumque Opera recenset. Ita Johannes Ray in Itinere per Germaniam, Italiam, Galliam, cujus historia Londini

An. 1673. Anglica lingua edita est, præter Observationes Topographicas, Morales & Physiologicas, quicquid ad viros doctos, rem literariam, scripta doctorum
 4 pertinet, diligentissime recensuit. * Quoniam ergo ipsæ Bibliotheca Locos Communes præstant, ideoque & LOCORUM COMMUNIORUM SCRIPTORES ac COLLECTORES Bibliothecariis a nobis accensebuntur. Sunt enim variae doctrinae quasi promi-condi, neque tam contentim habendi, ut vulgo a sciolis quibusdam habentur; qui, nisi ipsi ex aliorum Locis Communibus profecissent, arcte profecto secum habitarent.

- 5 Sunt inter Gallos aliqui, qui omne illud Locorum Communiorum studium ad ignavos homines ablegandum putant, e quibus *Maresius lib. 1. Epistola 2.* alto supercilio nonnullos e Germanis despicit. Hos enim illic tangit, etsi non nomen, Plinium illis opponens, qui non ingentia Volumina ex variis Autorum locis confuta dederit, sed qui de universa rerum natura scribere aggressus rem omnem, quæ prope infinita videbatur, paucis libris & ordine præclaro complexus sit: cum ex recentibus quidam minimas ejusdem Historiæ Naturalis partes tot sint Voluminibus persecuti. Nimirum, inquit ille, *Plinius autorum, quos sequitur, verba, non nisi raro, idque breviter, cum opus est, adducit: sed ab illis desumptæ materiæ stylum tantum suum accommodat, & opus quasi suo Marte, non hians neque interruptum, conficit. Longe aliter isti: quam plurimos siquidem & prolixos locos in libros suos conferre student: plerumque etiam gravibus rebus, quæ minutias omnes respiciunt, spinosas & importunas Criticæ disquisitiones, & Grammaticas, si Deo placet, quisquilias inspergunt: a quibus splendida materiæ refugit, & non aliter contaminatur, ac Arretina violant crystallina testæ.* Sed futilis hæc profecto morosi Censoris querela est: alia est Plinii scriptio, alia eorum, qui Locorum Communiorum collectanea congerunt. Plinius Historiam Naturalem continuo filo deductam sibi proposuerat; sed cereri illi Locorum Communiorum scriptores, si quidem partibus suis recte fungi vellent, diligentius, & ut rei fides ex relatione accurata constare possit, omnia conquirere, & lectori judicanda relinquere debebant. Quod si fecisset quoque Plinius, non laboraret in multis ejus fides.
- 6 Stulta est verborum parsimonia, ubi rerum quaeritur evidentia. * Nimis in Locorum Communiorum Scriptores iniquus est *Sorellus libro de Cognitione bonorum librorum cap. 2. p. 61.* minime idoneus arbiter, Huarti quandam sententiam adversus illos pronuncians. Ille scilicet in Examine ingeniorum publica lege coercendos putabat homines, magis memoria, quam judicio pollentes, ne illi libros scribant: quales
- 7 ipse locorum Communiorum Scriptores interpretatur. * Quasi scilicet nullo illis in libris congerendis judicio opus sit; cum in selectu tamen rerum illud maxime requiratur, ac interdum eodem judicio præditus esse debeat, qui pro usu aliorum quædam seligit, quam qui ipse selectis utitur. Prævenit enim aliorum industriam, & quasi ideam omnium animo præcipit, qui materiam tot rerum argumentis ministrat.
- 8 Parata & alia in Locorum Communiorum Scriptores calumnia est. Ajunt aliqui, eorum culpa tot bonos nobis periisse Autores: siue enim diffusi Autores in compendium trahantur, pro usu vel publico vel privato; siue centones confarcinentur

tur ex pluribus; siue pro arbitrio in codicem singularem aliqua memorabilia excerpantur; illa *ἀποσπασματικὰ* in lucem interdum mittuntur, cum paulatim e memoria hominum dilabuntur vera illa & genuina Opera. De singulis illis egit Lomeierus libro de Bibliothecis cap. 8. circa finem, & plenius illa exemplis illustravit Bailletus de Judiciis doctorum tom. 1. part. 2. cap. 11. a pag. 449. ad pag. 469. * Constantinus Porphyrogenieta ex Autorum multorum scriptis Politicis & Physicis in certas classes, quæ maxime utilia, colligenda curavit, ut de re omni in promptu essent exempla, e quibus paucula aliqua Peirescius servavit, cujus beneficio in publicum illa edita sunt. Quas si eclogas omnes haberemus, utilissima multa ex Autoribus excerpta superessent, quæ nunc cum ipsis Autoribus interierunt. Præstat saltem aliqua nobis antiquorum Autorum relinqui fragmenta, quæ tamen horum Collectorum industria servantur, quam ut omnis illorum pereat memoria.

Negari id quidem nequit, esse quendam etiam Locorum Communium abusum. 10
Nam quo quis Locos Communes magis instructos habet, eo minus chartæ parcat, omnia corradit, conscribit, ut magnum librum, magnum malum, pariat. Quo nomine Germani sæpe exteris ridentur, qui in omnes crimen illud consuetæ sibi maledicentia diffundunt. Plurimos sane nominare possem, qui eo modo libros conscripserunt, qui quidem gloriæ parum inveniunt apud eruditos, idque præmii loco consequuntur, ut exscribi sine plagii suspitione possint; & eatenus commendandi sunt, quatenus illorum infania frui prudentior aliquis possit. Scribunt illi, non quod scribi debet, sed quod potest; imo quod nec debet, nec potest. Si ad usum transferre velint studia, plerumque hic talia ingenia deprehendas, qualia describit Gabriel Naudæus in *Syntagmate de studio liberali*, sub initium. * Quare multi viri prudentes omne studium, quod in Locos Communes impenditur, ut bonæ mentis & iudicii corruptelam damnant, quorum tamen sententia probari mihi nunquam potuit. Separandus enim usus ab abusu est. Est etiam modus in illa re tenendus, ac parcius in illo colligendi labore versandum esse suaserim, ne labore infans iudicii vis atteratur. Rectius aliquis fecerit, si sæpius ad exercitium & usum, cui fini omnia congeruntur, transferat, quam si magnas inter opes inops eis uti ignoret. * Quare, quicquid inter legendum sine incommodo tuo breviterque 12
tanquam per lemma (diffusas enim descriptiones nihili facio) notare potes, notes velim: vel si opibus non destituaris, amanuenses alas non ineruditos, quibus rem illam committas; sed, qui tuo iudicio in colligendo utantur. Id Salmasius aliique viri præstantissimi fecerunt.

Evenit tamen nonnunquam, ut & viri eruditi & principe inter literatos loco, 13
in Locos illos Communes uberius se diffundant, vastisque digressionibus scripta sua extendant: quibus ego ignoscendum omnino arbitror, quod utilitas summa eam, si qua est, culpam rependat. Multum interest inter indoctorum hominum & doctorum *παραγέγραμμενοι*. Hi enim semper utilia promunt; & lectoribus suis commodant, etiam cum extra oleas vagantur. * Quam ob causam vastum illud Salmasii in *Solinum* 14
Opus,

- Opus, quod ego Oceanum eruditionis Philologicae vocare soleo, mirifice mihi placet: non, quod non multis abstinere potuisset in illo Commentario, ac per leges methodi debuisset Salmasium iudicem; sed, quod ex locuplere penu, velut ex horreo quodam, liberali manu tot tantasque opes promat, magno usui omnibus futuras. Magnus enim in illo scripto thesaurus & velut aurifodina later, atque unice pene nunc profuit illi, qui vastum Lexicon Philologicum nuper concinnavit, relatis ad literarum classes commentationibus, quæ primum ad Solini verba alligatae erant. * Reprehendit Guido Patinus *Epist.* 17. hanc in *Cassino & Cornelio a Lapide* scribendi rationem, qui omnia cum pulvisculo converrant, & in unum librum constipent. Cujus hæc verba: *Celui de la Cour sainte est véritablement plein de rapsodies & principalement au 3. & 4. Tome. Ce fut l'avarice du Libraire qui pressa ce bon Pere d'augmenter le nombre de ces volumes, afin de gagner davantage, & néanmoins le bon homme étoit épuisé. Il avoit mis tout ce qu'il savoit de bon dans les deux premières Tomes. Un autre Jésuite nommé Cornélius à Lapeyre en a fait de même. Il a commenté presque toute la Bible en 12. Tomes: mais il a mis plus d'erudition dans ses deux premiers sur les livres de Moïse & sur les Epîtres de S. Paul, qu'il n'y en a dans les dix autres. Il est d'un homme Savant comme d'un sac; quelque*
- 15 *plein qu'il soit il s'épuise, & enfin demeure vuide, à force d'en tirer.* * Eodem modo in unum librum omnia constiparunt *Ascanius Martinengius* glossa magna in cap. 1. Gen.
- 17 ubi pene omnia, quæ ad totam rerum naturam pertinent, congestit; * similiter *Rossellus* Commentario in *Hermetis Trismegisti Pimandrum*, omnes disciplinas in-
- 18 pte consarcinavit. * *Marsennus* quoque comment. in *Genes.* sylvam variarum rerum, sed eruditam, complexus est.

- Nos jam ad enarrationem illorum Autorum, qui collectanea & Locos
- 19 Communes scripsere, procedimus. * Fuere ejus generis Scriptores apud antiquos non pauci, qui in certo genere collectanea quædam scripsere; etsi universalia ab illis non habeamus. * Hujus exempla in utroque *Plinio*, *Gellio* aliisque habemus, & argumento sunt librorum excerptorum apud veteres nomina. Huc spectant libri commentarii, ita dicti a commentando, quod in memoriam nobis revocent, quæ lecta sunt; *Straboni Hypomnemata* dicti. *Gellius* etiam memorias & conjectanea, quod multa in unum aggerantur, vocari testatur. Quæ *JCti* digesta vocant, Loci Communes sunt. Habent & *Græci* suas *χρησμοαδείας*, de quibus *Maussacus* in præloquio notarum ad *Harpocrationis* Lexicon, quod nomen *Bæclerus* excerptis suis *Terentianis* imposuit, *ἐκλογαίς*, quas Latini electa vocant. Tales sunt *Stobæi Eclogæ*, *Electorum* librum *Plinium* scrip-
plisse accepimus, de quibus libris fusi-
us agunt *Hermannus* *Hugo libro de prima scribendi origine cap. 31.* & *Clariss. Schefferus libro de Stylo cap. 12.* *Græci* excerpta epigrammatum *Ἀνθολογίας* nomine appellabant, de quorum Autoribus, colligendi modo multa doctissimus *Vavassor* *Libro de epigrammatibus, cap. 16.* commen-
tatur. * Nunc ad recentiores Scriptores descendemus, e quibus generaliores illos seligemus: nam omnium, qui quacunque in arte & disciplina collectanea scripserunt, ratio nunc haberi nequit; habebitur, cum ad disciplinas illas pervenerimus. Fuere jam

jam tum barbaro illo seculo ante *παλιγγενεσίαν* literarum nonnulli, qui in omni genere collectanea scripserunt, sed cellarum fœtores spirantia. Hinc tot illorum sunt specula, repertoria, quodlibeta, deflorationes, quæ vel ipso nomine suo produnt elegantias suas, de quibus non est ut solliciti nunc simus.

VINCENTIUS BELLOVACENSIS EPISCOPUS primus e 22
luto aliquantulum emerfit. Fuit ille ordinis Dominicani, natione Burgundus. Ejus extant quatuor specula, videlicet Doctrinale, Naturale, Morale & Historiale. Vasti illi libri sunt, & non contemnenda diligentia congesti; sed ubique perlucet istius seculi ruditas. Sub Doctrinali Speculo comprehendit dogmata Metaphysica, Logica, Theologica: sub Speculo Naturali comprehendit Physica & Mathematica: totum pene Plinium exscripsit, & omnes Autores Geoponicos: in Speculo Historiali incipit historias ab initio mundi, usque ad annum Christi 1244. quas alius usque ad annum 1444. continuavit. Atque hæc causa esse videtur, quod Vindingius in Additionibus illis ad Dekeri librum de Scriptoribus Anonymis putat, hoc Speculum Historiale totum ab alio quodam Vincentio esse confectum. Ejus in historia non magna fides est; nota enim est Monachorum in illo genere industria. Est tamen nonnunquam, ubi in sterquilinio hoc auri aliquid apparet. Habuere illi nonnunquam libros, aut describere, qui ad nostras manus non pervenerunt. In Speculo Morali habentur omnes illæ materiæ, quæ ad philosophiam moralem & civilem spectant. Variæ quæstiones circa hoc negotium, quasi per lancem saturam, e Scholasticis congestæ, aliquo tamen ordine: sed de omnibus illis libris hoc pronuntiandum, quod Horatius de cujusdam Poëtæ carminibus:

Cum fueret lutulentus, erat quod tollere velles.

Profuerunt tamen hi labores illis, qui postea libros ejus generis ediderunt.

THEATRUM VITÆ HUMANÆ THEOD. ZWINGERI & LAUR. BEIERLINGII vasta exhibent Volumina, per omnes rerum titulos 23
deducta, magis tamen ad eloquentiam, quam philosophiam instructa: quæ enim ad scientias pertinent, modico apparatu proponuntur, materiæ morales & civiles, quarum usus in eloquentia præcipuus est, majori cura sunt congestæ. Melius faciunt, qui excerpta ad disciplinas, quæ disciplinas, spectantia sejungunt, quarum singulis singularem ego librum destinari vellem. Zwingeri Theatrum Vitæ humanæ aliquoties editum est, cujus ille primus autor non fuit, nam a Conrado Lycosthene, Viro erudito, ab apophthegmatum & similium collectaneis celebri, initia sua accepit. Inprimis molesta est tam anxiosa & sollicita rerum divisio, quæ nescio quam *μικρολογίαν* sapit, in hoc Scriptorum genere inutilem; distrahit enim animum & oculos inquirentis. Sub eodem titulo a Beyerlingio Antverpiæ liber ille prodit, sed accommodatiore ordine alphabetico, & longe auctior. Ille itaque posterior labor præferendus est Zwingeri laboribus.

Theatris illis vitæ humanæ subjungendi sunt **POLYANTHEARUM SCRIPTORES**, quorum usus præcipuus est in eloquentia & in Dissertationibus scribendis. Continent enim gnomas, apophthegmata, similia, exempla: * secundum quem 24

Tomus I.

H h

ordi-

ordinem Polyantheam suam congeffit JOSEPHUS LANGIUS, cujus extat sub illo titulo liber, in folio editus, non quidem inutilis, sed ordine illo non satis ad usum
 26 accommodatus. * Hunc laborem postea continuavit JANUS GRUTERUS, Vir in colligendo diligentissimus, ut testantur tot ejus libri: sequitur eandem methodum, qua usus est Langius; superat vero mole Langii librum, qui gravatur nimis exscriptione integrarum pene Orationum, quibus integra folia complentur, quod tamen in Catalogis τῶν γυναικῶν fieri non debebat. Utriusque libri extat Epitome in usum tyronum. * Illos vero utriusque labores longe superavit TOBIAS
 27 MAGIRUS, cujus extat liber similis sub titulo *Polymnemonis*, elegans & concinnus, ac pulcherrimo ordine digestus, qui per se aptus sit enthymemata subministrare Orationem aut Dissertationem aliquam scripturo. Magno sane tædio ac labore sublevar ille quærentes, dum sub specialibus titulis adferuntur sententiæ ejusdem argumenti. Quo labore suo pene videtur aliqua ex parte præstitisse, quod volebat *Schraderus*, qui peculiarem Thesium & Enthymematum Rhetoricorum librum conficiendum suadet, cui conficiendo vel supplendo mirifice prodesse potest. Id dolendum est, non adjecta fuisse postremæ editioni auctaria illa, quæ Autor ille, dum viveret, libro suo adjecerat. Noluerunt scilicet Bibliopolæ ære illo redimere, quod postulabant hæredes, atque ita in lucem ediderunt nulla addita syllaba.

28 JOH. BAPTISTA BERNARDUS scripsit *Seminarium totius Philosophiæ Aristotelicæ & Platonice*, editum Lugd. an. 1599. in fol. Si titulo illius libri fides habenda est, opus est admirabile, quod Philosophorum Græcorum, Latinorum, Arabum, quæstiones, conclusiones, sententiasque omnes integras & absolutas, perspicua methodo congeffas, complectitur. Non quidem præstat, quod promittit titulus; est tamen non contemnendi usus liber in evolvendis sententiis Philosophorum, tam Peripateticorum quam Platoniorum, atque adeo indicis potius alicujus vicem tenet, & de aliqua re scripturo subsidia suppeditat, Judicio tamen illum oportet uti suo, qui ejus opera utitur, neque temere illi soli fidere sine collatione ipsorum locorum. Namque in sententiarum congeffione sæpe nimius est & tautologus, sæpe etiam deficit. Laudandus tamen liber est, quod nullus ipsi similis scriptus est, ideoque in pretio habendus. Et mihi quidem videtur liber ille non ex lectione ipsorum Autorum, quod fieri debebat, sed ex eorum indicibus compagatus.

29 GERHARDI JOHANNIS VOSSII liber *de Idololatria & Physiologia Christiana* inter Locorum Communium Scriptores laudari debet. Pene hic panditur variarum rerum, ut LL. CC. titulo insigniri omnino debeat, non tamen temere scriptorum, sed optimo judicio digestorum, quos sua industria ex rerum universitate collegit. Nam cum de idololatria inscribit, videtur argumentum huic libro quævisse, ne sub collectaneorum titulo nomen ejus vilesceret. Quod certe ad physica illa attinet, illa non alia occasione ipsi nata, nec diffiteretur in Præfatione operis. Quare noctium Leidensium titulo insignire voluit exemplo A Gellii, quod tamen consilium postea mutavit, atque suo de Idololatria operi velut appendicem adjecit, quæsito utrunque con-

connexionis argumento. Liber est profecto totus aureus, & magno apparatu re-
 fertus. Theologiæ Gentilis primordia quanquam jecerit Gyraldus, & alii
 ante ipsum, ipse tamen longe locupletiora & accuratiora dedit illa omnia, suo inter-
 posito ubique judicio. Utinam postremam ejus partem de rebus naturalibus ita ela-
 borasset, certe complexum totius universi liber iste sisteret. De hoc libro ita Gro-
 tius judicat; Alios quidem titulos plus, quam præstat, promittere; hunc verolibrum
 plus præstare, quam titulus promittit. Pene idem habuisse consilium videtur hu-
 jus libri argumento, quod habuit *Commentario suo in Solinum Salmasius*, in quem omnes
 suos Locos Communes exhaustit. Est enim ille Commentarius de omnium rerum
 nomenclatura Criticus. Optima editio prodiit Amstelodami 1668. in fol. Simile
 argumentum tractant, quod ad physica illa attinet, rerum naturalium Scriptores, ut
Gesnerus in omni animalium genere, & *Aldrovandus*, qui post Gesnerum ampliore
 theatro illa omnia proposuit, quanquam plura ex ipso Gesnero ceperit; ne quid
 dicam de aliis, qui in re metallica, gemmaria similibusque scripserunt, de quibus
 suo loco.

GISBERTUS VOETIUS in *Disputationibus selectis* inter Locorum Commu- 30
 nium Scriptores referri potius debet, quam inter Dogmaticos accuratos. Utenim
 Vir fuit multæ lectionis potius, quam judicii, ita magno studio cumulavit Autores
 in doctrina, quam proponit. Habentur vero varia in istis libris Theologica, Phy-
 sica, Moralia, Civilia, Historica: quo nomine prodesse ad omne studiorum genus
 possunt. Selegit materias non vulgares, Autorumque locos diligenter congregit.
 Notandi scil. sunt tales Autores, qui velint, nolint, largiuntur de suo citra aliquod
 plagii crimen: similes quippe iis, qui aurifodinas ostendunt, quæ deinde ab aliis oc-
 cupatæ justos efficiunt & bonæ fidei possessores. Quanquam enim, qui paulo pe-
 rior est illarum rerum, facile subolfacere possit, quibus indiciis profecerint aliqui,
 objici tamen illis crimen non potest, quod in communes fontes facile sit unicuique
 incidere. * Atque hic in universum de omnibus *Disputationibus & Dissertationi-* 31
bus monere velim, eas diligenter collectas Locorum Communium vicem præstare
 posse: solent enim plerumque Autores earum in omnibus congerendis, quæ qua-
 cunque ratione ad argumentum pertinent, esse operosi, & maxime singularia con-
 gerere. Seligendæ vero sunt, quæ de argumentis rarioribus scriptæ sunt: quarum
 vastum numerum, si quis agat, facile quis congerat; ac velim eas accuratius notari,
 quod consilium Cinelli fuit in Bibliotheca volante. In jurisprudentia multæ sunt
 exquisitissimorum argumentorum *Disputationes*, quæ prodesse JCtis variis in re-
 bus possunt.

ALEXANDER TASSONUS mirabilis ingenii homo fuit, Italus, singularem 32
 ex eo laudem quærens, quod optima scripta veterum ac recentiorum communi omni-
 um seculorum & hominum judicio approbata, molestissima & invidiosa censura ve-
 xaret, semper in illis quærens, quod carperet & reprehenderet, & nodum nonnun-
 quam in scirpo. Scripsit Italica lingua librum, cui titulus: *Pensieri diversi*, i. e. va-
 riæ cogitationes, in quo multa notabilia & vexata problemata proponuntur, Physica,
 Moralia, Civilia, Historica, quorum rationem indagat. Dignus liber lectu est.

Hh 2

Prodiit

- Prodiit Venet. An. 1636. in 4to. Credo vero hunc librum natum esse primum Auctori ex Excerptis. Non immunis ab illius cavillis fuit *Homerus* e veteribus, cujus ineptias 500. sententiis voluit ostendere; non *Franciscus Petrarca* e recentioribus, quem integro libro castigavit, ab aliis vicissim convitiis, ut par erat, exceptus. In-
- 33 tegras in Italia Academiis scriptis contumeliosus provocavit. * Ut ostenderet ingenium ad paradoxa natum, edito libello carnificis se panegyristen praestitit, quo aliquorum risum, aliquorum indignationem incurrit, in aliquam certe infamiae partem ipse venit. Eristicorum ejus scriptorum Catalogus habetur apud Leonem Allatum in apibus urbanis, unde desumptus praefigitur huic libro. Inter illos libros praecipue nominari debet, quem de *historia Ecclesiastica* scripsit, in qua passim Baronii Annales examinat, & eorum fidem labefactat.
- 34 BALTHASAR BONIFACIUS *Historiam ludicram* edidit. Vir ille pene infinita scripsit, ut solus Bibliothecam facere possit, diffusae lectionis, nec tamen nullo judicio. Scriptorum ejus Catalogus habetur in ultimo capite *Historiae ludicae*. Ipsa vero *Historia ludica* varia habet ex historiis collectanea, & quidem selecta, de quibus non facile cogitarint alii. Occurrunt non pauca ex naturalibus, ac multa subministrantur de argumentis selectis aliquid dicturo. Prodiit Bruxell. anno 1656. in 4to.
- 35 JACOBUS PONTANUS, Jesuita doctus, *Attica bellaria*, ut vocat, scripsit, i. e. varia collectanea historiarum, rituum, salium, facietiarum, in quibus multa occurrunt notatu digna, quanquam argumenta tamen vulgaria interdum immiscentur. Postrema editio prodiit Francof. 1644. in 8. * Idem *Progymnasmata* in lucem edidit, in quibus per rationem colloquiorum, varia proponit in usum linguam Latinam addiscere cupientium, ac eorum, qui antiquitatum aliarumque rerum notitiam sibi parare velint. Simili modo per colloquiorum *formam* alii collectanea varia dedere; ut *Torquemada* in *Hexaemero* suo, *Erasmus Francisci*, *Harsdorfferus* in variis scriptis, *Martinus Zeilcerus* in *Dialogis* suis Germanicis.
- 37 JOHANNIS RAVISII *Officina* liber utilissimus est ad omnem doctrinam. Nam exempla vera, fabulosa sub titulis suis collegit; sed breviter admodum, ne nimia mole Opus gravaretur. Ad carmen scribendum non parum conducit, ubi exempla fabulosa utramque paginam faciunt. Horum autem magna ac bene digesta ibi farrago est, & ita compendiose instituta, ut carere illo non possint, qui exercitia oratoria & poetica tractant. Exiguo illo libro felicius uti possumus, quam diffusis Zwingeri & Beierlingii libris. Ipsa illa officina dudum non amplius compa-ruit in officinis librariis. Ejus epitome aliquoties impressa est. Prodiit Genevae 1626. in 8vo. Hoc libro tanquam *Locis Communibus* in hoc genere uti quis potest, adjectis vel in margine, vel munda charta interposita, quae illic non notantur.
- 38 JOSEPHUS LAURENTIUS, Lucensis, scripsit *Polymathiam*, sive variae antiquae eruditionis libros sex, quos ille voluit esse tanquam *Pandectas antiquitatum*, tam Romanarum, quam aliarum. Placet sane consilium istius viri: quanquam imperfectum Opus, & infinitis modis possit ampliari. Editus primum est in 4to liber, sed postea

postea plenior in fol. prodiit Lugduni A. 1666. Collectanea illa instituta sunt sub forma Dissertationum de materiis antiquariis, viris doctis, tam in, quam extra Italiam, inscriptarum: editio illa in 4to præfationes habet præmissas, in quibus molesta κακοζηλία semper Lipsianizat, quas omisit in sequenti editione, quæ loco illarum rebus auctior est. Præter collectanea nihil præstat ille Autor; rara iudicii apparet vis; quintus & sextus liber per indices & lemmata varias antiquitates congerit; adjectis Autoribus, qui de iis fufius tractarunt. Atque hic hætenus intra conatus substitit Autor, quos si perficere aliquis velit aut possit, quo ille bono mactaret rem literariam! Hætenus enim mutila & inania sunt omnia, & ipsum illud Rosino-Dempsterianum corpus, quod in hoc genere tamen unicum pene est. * Habuit, cum 39 viveret, tale Opus in animo GEORG. HIERON. WELSCHIUS, Medicus Augustanus, mirabilis doctrinæ Vir, elegantis ingenii & iudicii, & linguarum pene omnium Orientalium & Europæarum peritissimus, cuius ille specimina dedit insignia libris in lucem editis, de quo nos supra plura diximus. Opera ejus per omnes propemodum disciplinas diffusa, Historica, Medica, Physica fuere singularia. * Dolendum est, intercidisse morte ejus præclara consilia, quæ nunc æstimare plenius scriptis jam tum editis possumus, in quibus omnia eleganti sermone scripta, nihil jejunum, & quod Locos Communes sapiat, aut eo filo contextum, quo texere sua plerumque solent, qui nunc scribunt in Germania, qui tamen apud plebem doctorum ut lumina & sidera habentur. Operis illius, quod *Ideam antiquitatum* inscribere volebat, mentionem facit, qui ejus vitam descripsit Lucas Schrökius, sub titulo *Memoria Welschiana* p. 71. & 72. Si quis hoc in genere doctrinæ apparatus aliquem instituere velit, ille mature ineunte ætate librum Excerptorum Antiquariorum conficiat, & per meros indices & lemmata excerptat adjectis Autoribus. Quod si quis constanter opera continuaverit, magnum sibi thesaurum comparare poterit, unde successu temporis Opus aliquod universale prodire possit. * *Corpus antiquitatum juridicarum* 41 olim in animo habuit JACOBUS GOTHOFREDUS, Jctus consummatissimus, & nostrorum temporum Cujacius; sed præter ideam hujus Operis nihil vidimus.

GALEOTTUS MARTIUS, Philosophus & Medicus Italus, scripsit librum 42 de doctrina promiscua elegantem Francof. editum in 12. An. 1602. Exiguus liber est, sed continet multa memorabilia, Medica, Physica, Philologica, Mathematica. * Dolendum est, intercidisse libros ejus tres de rebus vulgo incognitis, quos Matthiæ, Hungarorum Regi, inscripserat, a cujus Bibliothecario Brasicano cum excudendos accepisset Oporinus Typographus, ab Italo quodam furtim subrepti sunt, teste Neandro in præfatione illa, quam de re Bibliothecaria agentem præmisit Græcæ linguæ Erotematibus pag. 219.

SAMUEL SORBIERIUS Historiographus Regis Galliæ, Vir variæ doctrinæ, 44 Gallica lingua epistolas scripsit varii argumenti, in quibus occurrunt Philologica, Philosophica, Mathematica, Medica, Historica, Poëtica, ad varios Galliæ viros doctos perscripta. Multos habemus Autores, qui in epistolis collectanea scribunt: ad evi-

tandum enim Locorum Communium titulum, talem aliquam formam libri comminiscuntur Autores, ut tamen cum aliquod apparatu videantur tradere collectanea sua. Multa habentur in illis, quæ spectant ad Historiam literariam recentiorum temporum. Ceterum de epistolarum Scriptoribus, sunt enim longe plures, qui sub hoc titulo collectanea congesserunt, integro capite agemus. Liber ille prodiiit Parisiis an. 1660. in 4to. Plura ab illo viro prodierunt, de quibus suo loco dicendi erit occasio.

- 45 CASPAR DORNAVIUS, Philosophus & Medicus, diligens fuit in nugis, sed eruditus. Alias quidem, Catullo dicente, *turpe est, difficile habere nugas*, sed pulchrum est habere doctas. Collegit ille ridicula rerum encomia, tam e veteribus, quam e recentioribus Autoribus, Græca, Latina, Germanica. Editus liber ille est Hanoviae an. 1619. in fol. hoc titulo: *Amphitheatrum Sapientie Socraticæ Joco-serie*. Multa illic habentur, quæ ad honestam animi relaxationem faciunt, & cum voluptate legi possunt. Scilicet juvant etiam mimi in eruditorum theatro: mallem tamen omisisset quædam scurrilia Germanica. Ejus exemplo in Batavis prodierunt talium argumentorum Scriptores, uno volumine collecti.

- 46 LÆLIUS BISCIOLA Hispanus fuit. (zz) Scripsit *horarum succisivarum* duo volumina in fol. quæ edita sunt Ingolstadtii, typis Adami Sartorii an. 1611. Varia continet ille liber Naturalia, Moralia, Historica; typis mendose exscriptus est; pleraque ex Plinio & ejus compilatoribus, Solino & Vincentio, desumpta. Incidunt tamen nonnunquam, quæ notari merentur. Referendus est ad Locorum Communium Scriptores gregarios: nam non ista judicii vis & industria e collectaneis illis relucet, quæ adhiberi poterat & debebat. Multos tales habemus libros, qui cramben eandem centies recoquunt, & de charta in papyrus scribunt: E quibus omnibus si unum aliquod conficiatur cum judicio volumen, per me quidem scriptorculorum illorum πᾶν ἀπώλειτο γένος.

- 47 SIMON MAJOLUS scripsit *Dies caniculares*, ut vitaret Locorum Comuni-
48 um simplicitatem. * Mire ingeniosi sunt Autores in titulis Locorum Communium excogitandis, per omnia scientiarum genera: quemadmodum Postillarum Scriptores, quorum facile quis integrum Lexicon confecerit. Ita CASPAR DE REIES librum inscripsit *Campum Elysium jucundarum questionum*, cum collectanea tantum varia contineat; LAUR. RAMIREZ DE PRADO librum miscelli argumenti Philologici inscripsit *Pentecontarchum, sive, quinquaginta militem ductorem, stipendiis Ramirezii de Prado conductum, ejus auspiciis varia in omni literarum ditione monstra profigentur, abdita pandantur, latebra ac tenebra pervestigentur & illustrentur*; quo nil itulius excogitari potest. Quia 30. libro capita sunt, ideo pentecontarchum inscribit. Sunt autem omnia Philologica, non quidem indocta, (nam Sanctium aliqui Autorem volunt) sed titulus, credo, ab ipso Autore additus, Thrasonismum Hispanicum sapit. Noster Majolus per modum Dialogi tractat argumenta, in quæ se diffundit. Olim aliquot

(zz) Lælius Bisciola, Jesuita, non fuit Hispanus (uti *b. l.* traditur,) sed Mutinensis Italus. V. Nathan. Southwelli *Biblioth. Jesuiticam*. p. 337.

aliquot tomis in 4to editus erat ille liber, novissima editio Francofurti in fol. prodiiit tomis II. Totus liber est quasi cinnus rerum variarum, filo tamen meliore textus, quam Lælii Bisciole liber.

JOH. STEPHANUS MENOCHIVS edidit Italica lingua, tomis sex, varia 49
Collectanea, Historica, Physica, Sacra, Moralia. Primum Volumen sub ficto nomine Johannis Coronæ prodierat Romæ in 4to. An. 1646. Titulus est, *le Stuoire*, ad imitationem Stromatum Clementis Alexandrini conceptus. Alter tomus ibidem A. 1648. prodiiit; uti & sequentes annis sequentibus sub titulo *Trattenimenti Eruditi.* Selectiora sunt, quæ in his libris habentur, pene eo modo adornata, quo *Philippus Camerarius* horas suas succifivas adornavit, & *Petrus Mexias* varias suas lectiones, qui liber ex Hispanica lingua nunc in Germanicam conversus est: quales adhuc plures habentur, quos recensere omnes non patitur instituti nostri ratio. Sufficiat præcipuos enumerasse. Cum ad disciplinas peculiare ventum est, non obliviscemur illorum, qui suæ disciplinæ Locos Communes scripsere.

LUDOVICUS CÆLIUS RHODIGINUS vir fuit doctissimus, rerum naturalium & humanioris doctrinæ peritissimus, & quod non parum ad laudes ejus facit, J. Cæsaris Scaligeri Præceptor. Extat ejus liber *lectionum antiquarum* titulo, quo continentur multa memorabilia, tam in naturali Philosophia, quam in Medicina, præcipue vero in humaniori doctrina. Est inter præcipuos Bibliothecarum thesaurus, & vario modo utilis: quæ enim per totam ille vitam collegit, vel observavit, in hunc unum librum videntur congesta, ut non immerito *Cornu copia* vocari debeat. Extremam editionem procuravit Beckensteinus, Bibliopola. Prodiit vero Francof. & Lipsiæ An. 1666. in folio.

GUIDO PANCIROLLUS *Memorabilium* libros duos scripsit, quorum prior 51
 deperditarum, posterior noviter inventarum rerum est. Eos notis illustravit Henricus Salmuth. Multa continentur in illis memorabilia. *Eorum supplementum 52
 scripsit MICHAEL WATSONUS, Collega quondam noster in hac Academia, in libro, cui Titulus: *Theatrum variarum rerum, exhibens Excerpta & Annotata in libb. de rebus memorabilibus*, Bremæ 1663. in 8vo editum. Illic in præmio varia referuntur, quæ ad historiam hujus libri pertinent, & ad res, quæ illo libro continentur. * Scripsit & Watsonus alium librum, cui titulus: *Unio Sapientie*, Bremæ An. 1658. in 12. 53
 editum, quo habetur Synopsis totius Philosophiæ. Est & ille inter Locorum Communium Scriptores referendus; nam coacervat potius memorabilia singularum disciplinarum, quam dogmatica methodo procedit.

CONRADUS LYCOSTHENES vir fuit magnæ diligentiae in variis Locis 54
 Communibus digerendis, quibus penè immortalis fuit. Operi ejus posthumo, ut dixi, manus injecit *Zovingerus*, & sub titulo *Theatri vitæ humanae* publicavit, quibusdam de suis additis. Congessit Lycosthenes sub titulis *Apophthegmata Virorum illustrium & sapientum*, qui profecto utilissimus labor est, optandumque, ut aliquis solidum corpus conficeret ex omnibus illis Scriptoribus, quorum permultos in omnibus habemus nationibus,

- rionibus, Germanis, Belgis, Gallis, Hispanis, quod non est hujus loci: plerique autem sic scripserunt, ut secundum personas disponerent, non secundum locos, vel
- 55 nullo plane ordine congererent. * Præclarus est liber *Erasmi*, qui *Apophthegmata* collegit secundum personas disposita, adjecto aliquo indice tum locorum gnomicorum, tum characterum, qui reperiuntur in apophthegmatibus; quem librum Pontificii per invidiam tribuerant Paulo Manutio, eraso Erasmi nomine. Ille enim Autor legitur in editione Colonienſi, quæ An. 1666. in 12. prodiit. Lycosthenis
- 56 autem Collectanea copiosiora sunt, & sub titulis ordinatius posita. * Idem *Similia* optima methodo digessit sub Locorum Communium titulis, quæ edita postea sunt a Zwingero, una cum addita præfatione de methodo Similium inveniendorum. Liber utilis esse potest ad Orationes, tam civiles, quam sacras: ac operæ pretium esset plurima talia colligere, quæ quasi semina sunt argutarum inventionum. Primum metaphoræ sunt, deinde similia, quæ quasi metaphorarum evolutiones. Hinc nascitur sæpe tori alicui, vel carmini vel orationi, inventio: quarum rerum si
- 57 magnam sylvam collegimus, dici non potest, quantum hoc sit ad ornatum omnem in eloquentia subsidium. * Idem, ut hoc obiter memorem, *Ravisi* Officinam auxit, & in ordinem commodiorem redegit, quod Opus editum est An. 1552 in 4to.
- 58 ejus altera deinde editio prodiit in 8vo. * Idem ille *Lucii Domitii Brusonii* Facetiarum & Exemplorum libros in lucem produxit. Italus ille fuit, qui sub hoc titulo aliqua collegit, quæ faceta videri poterant, sed tamen pauca: prodiit Basileæ in 4. A. 1559.
- 59 Refero huc quoque EMBLEMATUM COLLECTORES; sunt enim & illi, qui Similium Locos Communes nobis suppediunt: nihil enim aliud est Emblemata, quam, quod pictura repræsentatur, simile. Cum enim Simile constet duabus partibus, *πρότασις* & *ἀπόδειξις*; ita pictura exhibet *πρότασιν*, lemma autem argutum, quod ipsi imponitur, *ἀπόδειξιν*. De ratione Emblematum conficiendorum Autores infra nominabimus, neque hic omnes emblematarum Scriptores nominare animus est, quorum vasta sylva est; illos tamen recensēbimus, qui in unum aliquod corpus Emblemata collegerunt: quibus qui recte uti norit, multum subsidii inde accipiet ad poematum inventiones, imo ad quamcunque Orationem, præcipue sacram. Non, quod velim, Orationes sacras semper incrustari apparatu hoc quasi theatro, ut fecerunt nonnulli, qui integras Postillas emblematicas scripserunt; aut, qui omnia orationis membra picturis illis emblematicis exornant: hoc enim, nescio quomodo, videtur affectatum & comicum. Melius erit, si illis utamur, tanquam Similibus, quæ apta sunt parare argutas inventiones, cum in meditationes sacras super aliquot argumenta incidimus.
- 60 * E talibus Scriptoris nominandus est GIOVANNI FERRO, qui omnes Italorum *de Emblematis* labores uno volumine congestit, adjectis quorundam Emblematarum iconibus: procedit autem secundum ordinem rerum. Prodiit ille liber Venetiis An. 1623. in fol. sub titulo: *Teatro d'Imprese*. Illud vero utilissimum est in hoc libro, quod indices varios adjecerit, quibus tanquam Locis Communibus uti possimus. Primus est omnium Emblematarum cum imaginibus & lemmatibus: primum ponitur imago, res scilicet, quæ depicta est, & illi subjiciuntur omnia

omnia lemmata quacunq[ue] ratione, per totum librum, huic subiecto applicata; ideoque statim videre licet, quo in tertio illa inter se conveniant. Alter index, qui subijcitur, est locorum, sub quibus ponenda sunt Emblemata, secundum ordinem alphabeticum dispositorum, & sub illis titulis, vel virtutum, vel vitiorum, vel aliarum rerum. Primo ponuntur lemmata, lemmatibus subijcitur imago, unde statim patet uno intuitu, quæ qualesque imagines ac similia uni alicui loco quadrent. Si jam in Oratione sacra in talem Locum Communem incidas, quasi sylva quædam dabitur Similium, quæ novis conceptibus (ut omnis analogismus fecundus est) animam præbere possunt, qualia Similia conglobata mirifice ornant Orationem sacram. Legi potest præfatio, huic Indici præmissa ab Autore. Addidit deinde tertium Indicem solum lemmatum, secundum alphabetum dispositorum: adjecta singula lemmata subiecto ipsi, qui Index in inveniendis lemmatibus Emblematarum usui esse potest. Quæ, ut argute sonent, nervose proponantur, meditationem sæpe longam requirunt; valde enim facit ad Emblematarum venustatem. Quarto adjecit Indicem Autorum, qui certis Emblematibus usi fuerunt, tanquam charactere quodam gentilitio. Quinto addidit Indicem generalissimum, tam Rerum omnium, quam Emblematarum & Personarum. Altera pars ejus libri, vel potius novus aliquis liber, qui inscribitur *Umbra apparentes*, ab eodem Autore est. Continuat idem argumentum, in quo multa de usu Emblematarum. * Hunc laborem hujus Autoris, 61
quanquam utilissimum, superat tamen aliis, Italica lingua ad exemplum ejus scriptus, qui nunc in linguam Latinam conversus est. Ejus Autor est Abbas PHILIPPUS PICINELLUS. Liber itidem Italicus prodiit Venetiis An. 1678. in fol. Latina versio Coloniae A. 1681. iterumque A. 1687. curante *Augustino Erath*. Singulare hoc habetur in illo Autore, quod Emblematarum plerorumque lemmata, e quibus illa Poëtis deducta sint, ostendat. Solent enim lemmata a Poëtis desumi sub hemistichii alicujus specie. Elegantissimus liber, & maxime utilis, atque alteri illi præferendus: omnium autem rerum classes ordine persequitur, quam ob causam *Mundum symbolicum* vocat Autor. Indices adjiciuntur quatuor copiosissimi, Lemmatum, Applicationum, rerum notabilium, & locorum S. Scripturæ. Continentur vero hic non solum Johannis Ferri, sed multorum aliorum, Emblemata, quorum index præfigitur.

Quandoquidem supra de Similium Collectoribus diximus, nunc non erit incommodum etiam de ADAGIORUM SCRIPTORIBUS dicere. Est enim ille labor pernecessarius & maximi usus. Non est hujus loci de Adagiorum natura & requisitis dicere: id enim plerique præmittunt Scriptores Adagiorum suorum collectioni. * At verum est, multa vocari Adagia, quæ non sunt, sed gnomæ, sententiæ breves: contra vero longe plura latitare apud Poëtas, Comicos præcipue & Satyricos, quæ vel Adagia, vel Adagiorum loco esse possunt. Horum absolutum corpus hæcenus nullum habemus. * Promiserat is, quem supra laudavi, WELSCIUS 62
Opus Adagiorum Panglottum, quod cum ipso intercidit. * QVIRINUS KUHLMANNUS 63
promiserat in *Prodromo quinquennii sui mirabilis*, ut vocat, tale aliquod *Adagiorum corpus uni-* 64
vers- 65

- versale*; sed illa fortassis in fumum cum aliis ejus promissis abiere. Meo consilio si standum hic esset, nollem adeo sollicitè distinguere adagia a ceteris sententiis argutis: ratione enim usus & finis conveniunt. * Suaserim ego, ut quis ab ineunte ætate
- 66 Locos Communes conficiat Adagialium, quo referat non tam adagia, quam illa *παρρησιασμένα* adagialia, quæ inveniuntur in Poëtis, Comicis, Satyricis, scriptis eristicis, quod hætenus nemo fecit. Quanti vero usus res illa sit, deprehendent, qui stylum aliquando operi eleganti admoturi sunt. Qui promptuarium habent istis collectaneis refertum, illis quasi sub manu crescent raræ inventiones, argutæ meditationes, & similia.
- 67 ERASMUS ROTERODAMUS primus fuit inter Adagiorum Collectores, quod opus ipsi suo tempore profecto fuit difficillimum: nam credo, illum plus laboris operæque huic scripto impendisse, quam multis aliis. * Liriculam illi aliquando movit *Cælius Rhodiginus*, quasi surripuerit sibi aliqua circa Adagia meditata; sed non habet, quo jactet se Rhodiginus, quod guttula una vel altera hunc fontem auxerit: paucula enim sunt, quæ in Opere ipsius *antiquarum lectionum* habentur de
- 69 quibusdam Adagiis. * Etiam *Verdierius* nugacissimus ille veterum & recentiorum censor p. 158. ungues suos in hoc opere figit, cui similem ille ne paginam quidem scribere poterat. Multæ sunt Operis ejus editiones, Frobeniana est emendatissima. Edidit & Henricus Stephani e typographeo suo. Nova editio omnium est corruptissima, licet ceteris locupletior: nam adjecta sunt Erasmi Chiliadibus Cognati, Junii & aliorum Autorum Adagia. Liber est, quo nemo carere potest Latinae linguae paululum studiosior. Sufficere tamen tyroni epitome ejus potest, & in Germania & Amstelodami nitidior edita. In qua præterea laudandum est, quod Adagia suis sub titulis ponantur, quod non fit in magno Opere, ubi index supplet locorum communium titulos.
- 70 JANI GRUTERI *Florilegium Ethico-politicum* aliquot tomis multarum gentium Adagia complectitur. Colliguntur in hoc libro sine ordine breves sententiæ, & Adagia Græcorum, Latinorum, Germanorum, Itatorum, Belgarum, Hispanorum, Gallorum, Anglorum: sed confusum chaos est, & plane non ad usum: esset vero maxime, si sub titulos redigerentur. Uti tamen hoc libro vel sic possumus, & si tantum temporis ipsi impendere velimus, redigere possumus in ordinem. Sed multa hic habentur, quæ vix argutæ sententiæ laudem merentur: nam effata omnia, vel moralia vel civilia, in Adagiorum censum venire non debent. Notulas aliquas breves adjecit, ubi sententiarum sensus obscurior, præsertim in Publii
- 71 Mimi sententiis, quæ omnium sunt argutissimæ. * Neque gnomæ & jambi, quos ipse confecit, sunt contemnendi, qui & in *Polyanthea* ejus leguntur, & seorsim in libro, cui titulus *Bibliotheca Exulum*, habentur. Tres ejus libri partes constituuntur. Editus est Francofurti 1610. in 8vo.
- 72 JOH. ANTONIUS BERLUCIUS *Adagia selecta* An. 1632. edidit in 8vo, cum eleganti præfatione, in qua exhibetur methodus usurpandi, imitandi ac inveniendi Adagia. Continentur in illo libro Adagia Græca, Latina, tum & hemistichia adagialia,

gialia, apud Poëtas occurrentia; sed nimium brevis est in colligendis iis: multa enim obscuriora sunt, quam ut sic statim intelligi possint. Sed ab illis forte ad Erasmi Chiliades remitti possumus: tituli sunt magna cura dispositi, quod optimum in hoc libro est. Ceterum omnia illa referuntur Adagia & Adagialia sine Autore & teste, quod fieri tamen non debebat: nisi enim apud Autores rectum eorum usum inquirere possimus, frustraneus ille labor est, deinde dubius semper quis hæret, an verum sit Adagium, quoque sensu usurpandum. Multa quoque afferuntur, quæ Adagiorum nomine non digna sunt: liber interim non contemnendus, cujus telam si quis pertexat, atque illa, in quibus deficit, suppleat, præclarum ille Opus concinnare possit.

Collegit & Erasmi Adagia, aliasque sententias proverbiales, Græcas, Latinas, Germanicas sub certis Locorum Communium titulis JOSEPHUS LANGIUS, 73 quæ Argentorati Anno 1596. in 8vo impressa sunt. *Loci vero illi concepti sunt 74 secundum seriem illam, quam Sturmius olim excogitavit, & in compendio suo Latinæ linguæ ac Thesauro Elocutionis Græcæ secutus est Joannes Benzius. Quorum locorum insignis sane usus est, si illa methodus in omnibus adhibeatur. Proponitur animo idea rerum inter se connexarum. Sed Adagia, cum ad varias actiones speciales referri soleant, istis generalibus titulis non possunt omnia comprehendere. Subjungendi itaque generalibus illis titulis sunt specialiores, ut fecit quidem Langius: sed illi pauciores sunt, longeque plures requiruntur.

Dixi supra, hemistichia aut versus integros Poëtarum Adagiis æquiparari. Si quis iis commode utatur, magnam elegantiam conciliat sermoni, inprimis Epistolis, ac isti dicendi generi, quod numero & periodis non morose nimis adstringitur: nam in oratione seria vel nullus, vel rarus earum usus. *Est vero Homerus 75 omnium Poëtarum Pater & Princeps, adeoque Adagia aliqua ex illo collecta venustiora præ ceteris sunt. Edidit itaque JACOBUS DUPORTUS, Cantabrigiæ, Græcæ linguæ in Academia illa Professor, *Gnomologiam Homeri*, Cantabrigiæ An. 1660. in 4to. Illo in libro sub titulis certis collegit sententias Homericas, quarum aliquæ Adagiorum titulum merentur; aliquæ tantum sententiarum nomen. Laudabilis quoque ille labor est eam ob causam, quod duplicem parallelismum adjecerit, unum e locis S. Scripturæ, quibus Gnomæ Homericæ vel affines, vel non absimiles, alterum e gentilibus Scriptoribus, Poëtis, Oratoribus: addidit passim Notas Criticas. Subjecit triplicem Indicem, sententiarum, locorum Scripturæ, & vocabulorum, ideoque non solum in eloquentiæ usum, sed & ad examen commendari labor ille potest. *Quo argumento se ZACHARIAS BOGANUS, 76 Anglus, exhibere voluit. cujus extat *Homerus Hebraizon*, quo in libro collegit phraseos Homericæ textusque Hebraici & Græci in S. Codice parallelismos. *Imi- 77 tatus videtur MICHAËLEM NEANDRUM Duportus in hoc Opere, cujus extant super varios Poëtas Græcos *Excerpta sententiosa*, non scholarum tantum bono publicata, sed & viris usui futura. *Habemus ab illo *Locos Communes* 78 *Philosophicos Græcos*, Lipsiæ 1588. a discipulo ejus, Johanne Vollandio, editos, in quibus sententiæ & versus ad moralem doctrinam pertinentes habentur;

- 79 * item *Aristologiam Pindavicam, Aristologiam Euripidis, aliorumque Poëtarum Græcorum*. Certe viro illo nemo diligentior in informanda optimis præceptis juventute, cui
- 80 multum tum temporis debuit Germania nostra. * Idem quoque *Locos Communes Philosophicos Latinos sub titulo: Ethice vetus & sapiens veterum Latinorum Sapientum & Poëtarum* An. 1585. edidit, quibus adjiciuntur Versus proverbiales Leonini & Germanorum sapientum sententiæ proverbiales.
- 81 Quod in Homero fecit Duportus, id ante illum in *Virgilio* fecerat VALENTINUS ROTMARUS, quanquam dissimili ingenio & judicio, addo & labore; nam imperfectum Opus est, & longe plura nobis dare poterat. Scripsit *Centurias V. & Decurias tres versuum proverbialium*. Liber editus est Ingolstadii ann. 1570. in 8vo. qui raro reperitur: sed tamen sperni non debet, cum ad ejus exemplum institui plura talia possint. Aliqua ex illo excerptit RUDOLPHUS GOELENIUS in *præxi artium generalium*, ubi agit de analysi affectionum troporum, & ex *Eclogis Virgilianis* Rotmariana Adagia in hunc locum conjecit. * Idem quoque in *Virgilio* BARLANDUS fecit; cujus extant *Versus proverbiales*, Basil. A. 1539. in 8. editi. SPACHIUS in *Nomenclatore Philosophico* quoque nominat HIERONYMI CLOCI *Versus proverbiales ex Virgilio*, Cremonæ apud Vincentium Conetum 1562. in 8. editos, quos ego non vidi. Si quis in *Juvenalem & Horatium* similem laborem suscepturus esset, vel omnes eorum Versus adagiales sub titulos redigere veller, quod neminem hæcenus fecisse memini, Promptuarium aliquod hoc in genere habituri effemus. Sed pauci sunt, qui Veneres illas intelligunt. Qui Flores Poëtarum collegerunt, non pertinent ad hanc classẽ; nam illi simplices sententiæ & descriptiones tantum exhibent.
- 83 Prodiit & liber cum illo titulo: *Acute dicta omnium veterum Poëtarum*, Parisiis An. 1664. in 12. cujus Auctor non adjicitur, nisi forte PHILIPPI BRIETII sit, cujus *Synagma de Poëtis*, miserum certe & jejunum, præfigitur. Magnificum aliquid spirat titulus: nam, ut frons libri promittit, Opus editum est ad usum Sereniss. Ducis Gvisii: sed tenuis labor est, & ut vere dicam, ineptus, quamquam titulus faciles emptores allicere possit. Certe, cum nucleos deberet colligere, non nisi cortices collegit, & præterea ex omnibus Poëtis paucissima, quæ nec gnomæ sunt, nec adagia,
- 84 nec phrasæ, nec descriptiones. Totus inanis supervacuusque labor est. * HAYNECCI *Medulla Terentiana, Tulliana*, sententiæ tantum continet. Ita CHRISTOPH. DIBUADIUS *flores & sententiæ dictæ e Senecæ Tragædiis* collegit.
- 85 *Adagia Græcorum* e Zenobio seu Zenodoto, Diogeniano & Suidæ collectaneis partim edita, partim Latine reddita, publicavit ANDR. SCHOTTUS, Antverpianus, e Societate Jesu, quæ edita sunt Antverpiæ an. 1612. in 4to: liber est optimus & rarus, omnino noscendus elegantioris literaturæ studiosis: collecta sunt non secundum Locos Communes, sed secundum initiales literas Adagiorum, Notas eruditas adjecit Schottus, quibus partim obscuriora, quæ non satis ab Autoribus explicata, exposuit, partim locis parallelis illustravit: pleraque certe illorum jam tum in chiliadas suas retulit Erasmus, sed suavius est & utilius ex ipsis fontibus haurire. * Ac reperimur
- amen

tamen multa ab Erasmo non notata, forte quod non attenderet, vel quod civitate Latina nondum donata; neque enim omnium gentium Adagia omnibus conveniunt; sed est quidam lepor linguar, quædam occasio inveniendi Adagia, non statim aliis nationibus cognita. Usus omnium magister est; quanquam tamen per *συμβολισμὸν* ceterarum gentium effici formarique in alia lingua Adagia possunt. Sed delectu & iudicio hic opus est. Imo si Adagiorum loco non erunt, vel simile aliquod aut argutam phrasin suppeditabunt. Adjiciuntur proverbii illis Græca proverbialia, quorum loca in margine notavit Schottus, & Parallelismis, tum Græcis, tum Latinis, illustravit. Adjecti sunt Indices locupletes, tam Latinus, quam Græcus. * MICHAELIS APOSTOLII *Proverbia Græco-Latina* a Petro Pantino cum notis ejusdem & aliorum in 4to Lugd. Batav. An. 1619. & in 8vo antea Basileæ Anno 1538. edita.

Adagiorum sacrorum Scriptores segregari a plebejis & civilibus debent; pleraque enim illorum ita sunt comparata, ut communis illa oratio respuat & profanum aliquod sonent, si profano sermone temerentur; latitant ita permulta in Codice V. & N. Testamenti, nondum digne satis excussa. * *Hebraica Adagia* collegerunt PLAN-
TAVITIUS, DRUSIUS, & BUXTORFFIUS, qui e Rabbiniis sub titulis illa collegit, arguta profecto & in quibus multum est sapientiæ reconditæ. * *De Adagiis N. Te-*
stamenti Diatriben scripsit JOH. VORSTIUS, quæ edita est Coloniae Brandenburgicæ in 4to an. 1686. Latitant in scriptis Patrum antiquioribus insignia Adagia, quorum collectio utilissima est: sed pauci sunt, qui in hoc genere suam exercuerunt industriam. * E nostratibus Theologis JOACHIMUS ZEHNERUS *Adagiorum sa-*
crorum Centurias V. scripsit, quas ex universo Bibliorum Codice collegit. Editus est liber Lipsiæ in 4to, An. 1601. Adagia illa parallelismis illustravit, tum Patrum, tum gentilium quoque Scriptorum, quæ prodesse magnopere possunt ad orationes sacras. * Scripsit & *Similitudines Biblicas*, quæ Adagiis accenseri optime possunt, & ad
eundem usum transferri. * Ultimo loco scripsit *Similitudinum Biblicarum παραλειπόμενα*, pro ratione materiarum convenientium in Locos Communes digesta. Addidit deinde Indicem, quo disponit Similia secundum Scripturam, quæ prodierunt Lipsiæ anno 1604. in 4to. * Scripsit & *Adagia sacra* MARTINUS DELRIO Hispanus, 94
Autor satis notus e Disquisitionibus suis magicis aliisque scriptis. * Habentur vero 95
illic Adagia e Patribus excerpta; sed imperfectus ille labor est, quem quidem Aloysius Novarinus ampliorem suscepit, publicato ejusdem argumenti libro, qui totum ultimum constituit Lectionum suarum. Prodierunt Novarini etiam scripta duobus to-
mis in folio, quibus multa continentur curiosa ex antiquitate sacra collecta, imprimis quod ad ritus nuptiales sacros & hostias eucharisticas attinet.

Non negligendæ sunt vernaculæ exterarum gentium deliciae. * Habet Ita-
lica lingua miras Veneres, omniumque argutissima est in explicandis animi sensibus;
quod docent tum poemata, tum dissertationes; ab illa natione scriptæ, apud quam
quasi in legem abiit, ut non nisi argute efferant animi sensa; in quibus ita versantur,
ut fastidium excitent nimia argutiarum copia. * Quod ad proverbialia illorum 96

attinet, primo loco recensere ANGELI MONOSINII *florem Italicae linguae* libris 9. comprehensum: in quorum quinque prioribus agit de congruentia Florentini sermonis cum Graeco Romanoque, ubi praeter phrasin & Syntaxin plus mille proverbiorum conferuntur & explicantur. Primum itaque pars illius libri Adagiorum est *synagoga* comparativa, quae demonstrat, quae Adagia Italica cum Graecis & Latinis sint communia. In ultimis 4. recenset peculiaria & propria Adagia, tresque illorum chiliades. Addidit Indices Adagiorum & rerum notabilium uberrimos; sed locos communes vel titulos non adjecit. Elegans est & doctus liber, editus Venetiis An. 1604. in 4to. Prodiit, si recte memini, altera ejus locupletior editio.

- 98 JULIUS VARINUS edidit elegantem librum, cui titulus: *Scuola del Volgo*, qui editus est Veronae An. 1642. in 12. Habentur in illo libello proverbia Italica, secundum actiones humanas disposita, quibus simul per connexionem aliquam prudentia quaedam moralis & civilis ex istis Adagiis efflorescens inculcata, quam ego
- 99 methodum omnibus proverbii applicatam vellem. * Cum enim illa nascentur ex actionibus hominum, earumque circumstantiis, e quibus has sententias velut universalis colligit populus, elegantissime eo referuntur. Ideoque elegans titulus est, quem Aurorae praeposuit huic libro, quod vocet illum *Scholam vulgi*: nam vulgi haec sapientia est, ejusdemque schola non solum, sed & sapientum. Nam de his quoque interdum verum est: *Vox Populi, Vox Dei*. Non ineleganter Draxe in Praefat. Bibliothecae suae scholasticae: *Veteris Philosophiae reliquias nobis praeustandas propinant, sunt ingenii cotes, doctores, & indices: sunt vitae ordinandae norma & amussus: vitia humana non tamulse & scite, quam cum auctoritate quadam exagitant: sunt memoria subsidia & promptuaria: declamaturis & subito dicturis amplum & aptum e re nata sermonis apparatus auditoribus accommodatum subministrant: orationem nostram allegorice, ironice, metaphorice, & hyperbolice enunciatis voculis decorant & exornant.* * Est & alius
- 100 quispiam ORLANDUS PESQUETUS, qui proverbia Italica congestit ordine alphabetico, & in thesauro Gruteri habetur; sed ceteri illi praefereendi. Mentio etiam fit, si recte memini, in postremis Ephemeridibus Gallicis novi cujusdam Auctoris, qui proverbia Italica congesterit, cuius mihi nunc nomen excidit. Alii nominant *Thomasti Buoni Proverbia Italica*, Venet. in 8. 1604. & 1606. duobus tomis edita, quae non vidi.

- 101 *Gallicorum Adagiorum* Scriptores pauci sunt, quantum ego quidem memini: Bibliotheca certe Thuana, quae illos memorare deberet, paucos habet de hoc argumento Scriptores, quem tamen ex gente sua collegisse, verosimile est, quos nancisci potuit. Solum illic habentur proverbia Gallica a *Job. Agidio Nuceriensi* edita, & liber quidam proverbiorum Gallicorum sine auctore. Eorum aliqua collegit Gruterus, & Florilegio suo adjecit. Extant quaedam de proverbii Gallicis dissertationes, a quodam *Henry de Belingen* Hagae Comitum Anno 1653. editae, hoc titulo: *Essais des Proverbes & autres questions curieuses proposees & exposees en forme de Dialogue*. Gallus aliquis le Duc scripsit librum: *Proverbes en Rimes, ou rimes en proverbes*, Paris. 12. 1665. Belgica

Belgica Adagia collegit singulari libello SAMUEL BRUN: inprimis autem illa, 102
quæ metrica sunt. Habentur & apud Gruterum alii autores; sed parciore fuit in
illis colligendis gens illa. * *Hispanica* FERDINANDUS NUNNEZ, Professor Elo- 103
quentiæ & Græcæ linguæ in Academia Salamanticensi collegit. * Addidit JUAN 104
DE MAL LARA Proverbiorum Hispanicorum Centurias X. cum titulo: *La Filo-
sophia vulgar*, ubi proverbiorum explicationem prolixam subjungit. (aaa) Editus
est liber. An. 1621. in 4to. * Scripsit & alius JUAN SOROPAN DE RIEROS li- 105
brum Medicum, e proverbiiis Hispanicis concinnatum, ubi proverbia Medica exa-
minat & commentario illustrat. Titulus libri est: *Medicina-Española contenida en
proverbios vulgares en una lengua*. Singularis ille proverbiorum usus est, qui nemini
alias in mentem venit, quo in artis medicæ doctrinam illa adhibentur. Est vero
elegans liber, ac multa habet ad eam rem pulchre aptata adagia. Aliquot adagia
Hispanica in rhythmos Belgicos convertit *Constantinus Hugenius*, quæ inter poemata
Belgica reperiuntur.

Anglica Adagia variis Autoribus collecta sunt, primum a CAMBENO in *Re- 106
liquis Antiquitatum Britannicarum*, Anglica lingua scriptis, (vocantur *Romains*). Post
illum alii quidam Autores non satis cogniti. * Tandem JACOBUS HOVELL 107
μαθηματικῶν Διὰ τὴν Ἀγγλικὰν edidit, ceteris omnibus locupletiore. Ex omnibus
postea quidam anonymus I. R. instituit collectionem Anglicorum proverbiorum,
hac methodo, ut primum ponat sententias proverbiales, ordine Alphabetico dis-
positas, deinde phrasas proverbiales, tunc similia proverbialia, tum rhythmos
proverbiales, quos sequuntur proverbia rustica, & tandem proverbia singulis in
Anglia regionibus vernacula. Si quis attente illa perlegerit, tum Italicorum &
Gallicorum magnam convenientiam cum Germanicis Adagiis animadvertet. Li-
ber editus est Cantabrigiæ An. 1670. in 8vo. * Extat inter Anglos cujusdam 108
POVVELS *Dictionary Anglo-Italo-Gallicum* in fol. Adjiciuntur illi *Dictionary*
proverbia Anglica, Gallica & Italica, non exigua cura congesta. * Eorum peritiam ut 109
ostendat Autor, Epistolas aliquas & Oratiunculas ex meris proverbiiis in tribus his
linguis concinnavit, quod in Latina lingua fecit ingenii ostentandi gratia FAUSTUS
ANDRELINUS, cujus *epistola proverbiales* Helmstadii recuse An. 1662. secundum
exemplar Colonienſe, quod An. 1509. prodit. Quod & in Germanica lingua ten-
tavit integra aliqua Comœdia, (cujus tamen exemplum ab Italo sumserat) HARTSTORF-
ferus in parte 2. *seiner Gespräch-Spiele* in fine.

Germanicorum Adagiorum Scriptores aliquos etiam habemus: inter illos sunt 110
SEBASTIANUS FRANK, Autor variis in Germanica lingua scriptis historicis notissi-
mus, cujus *Adagia* prodierunt Francof. An. 1541. in 8vo non utique contemnenda.
Edidit postea AGRICOLA *proverbia Germanica* cum explicatione, & FRIDERICUS PE-
TRI singulari libro cui tit: *Der Deutschen Weisheit*, qui ceteris omnibus locupletior
videtur, verum omnes sine ordine instituunt: Hamburgi prodit An. 1605. Prodit &
a GEOR-

(aaa) Proverbia XXI, Hispanica Rhythmis Germanicis expressit ipse Morhofius, sub finem Poëma-
tum suorum Germanicorum. p. 467-471.

a GEORGIO HENISCHIO *Thesaurus lingua Germanica*, quem Lexici instar esse voluit, in quo sub singulis vocibus Adagia diligenter notavit. Verum non fuit absolutus ille liber; pervenit enim tantum usque ad litteram H. Collegit Proverbia Germanica tribus tomis, adjecta explicatione rhythmica EUCHARIUS EYERING, Islebiæ in 8vo An. 1601. edita. Titulus libri est *Copia Proverbiorum*. Habentur in illo selecta proverbia, notatu digna: licet explicatio rhythmica ad modum rudis posseos germanicæ sit instituta. Sed tamen & in illa multa sunt non adeo inepta. Ex his Autoribus, adjectis quibusdam aliis, collegit postea CHRISTOPHORUS LEHMANNUS *Privilegium suum Politicum*, cujus extant tres partes in 12. editæ An. 1643. Multa illic habentur arguta; quæ quoniam sub titulis sunt disposita, interdum argutos conceptus epigrammatibus præbere possunt. Exemplo suo hoc demonstravit *Kindermannus* in aliquo carmine nuptiali, & *Joh. Heywood* Anglica lingua 300. Epigrammata super 300. Proverbia scripsit. Schuppius aliquo loco librum hunc adeo commendat, ut post S. Biblia illum legi velit. Collationem Latinorum Adagiorum cum Germanicis instituit singulari libro TAPPIUS, qui labor non contemnendus. Ante aliquot annos PAULUS WINCKLER, Consiliarius Brandenburgicus, tres Chiliades Sententiarum Germanicarum adagialium collegit, sub titulo: *gute Gedanken*, Gorlitzii An. 1685. in 12. editas, quæ sunt elegantes & argutæ.

- 111 Mentio supra facta est de Versibus sententiosis & adagialibus, eos colligi unum in volumen interest. Non ita pridem JOHANNES LANGSTON in lucem edidit *Poëseos Græcæ Medullam*, Londini ann. 1676. in 8vo quo collegit secundum Alphabeti literas initiales versus Græcos, vel Adagii aliquid vel gnomas habentes, & eum quidem in finem, ut memoriæ mandari possit a tironibus, pene eodem modo, quo *Seidelius* portulam suam Græcæ linguæ edidit: melior autem hic selectus est. Idem jam antea ediderat similem in Latina lingua laborem, sub titulo: *Lusus Poëti Latino-Anglicani*, qui postea auctior prodiit: de quo, cum hætenus non viderim, judicare haud possum. * Alius Londini 1616. in 8vo. liber prodiit sub titulo: *Bibliotheca Scholastica* instructissimæ per THOMAM DRAXE congestus, & Principi regio Carolo inscriptus; ubi Latina, Græca, Gallica, Anglica Adagia & Versus sub titulis aptis reponuntur. Utilis quidem ille liber est, verum longe plenior dari apparatus poterat, ideam tamen aliqua similia tentaturo subministrabit.

- 113 Atque hæc dicta sufficiant de Proverbiorum Scriptoris, quorum adhuc alii sunt, quos non nominavi, ac data opera omisi. Adjici etiam his possunt *Proverbiorum Arabicorum* Centuriæ II. cum interpretatione Latina & scholiis *Josephi Scaligeri*, & *Thomæ Erpenii*, quorum locupletissima editio prodiit in 8vo. Lugd. Batav. ann. 1623. Edidit quoque *Andreas Tscherningius*, Professor Poëseos in Academia Rostochiensis, ex Erpeniana editione proverbiorum Arabica, quæ in Germanicam linguam convertit, scholiis quibusdam adjectis. Edita quoque est *Persicorum Proverbiorum* centuria, collecta & versione notisque illustrata a *Levino Warnero*, Lugd. Batav. in 4to. ann. 1644. Recensentur ab aliis *Paræmiographi*, quos videre mihi non contigit. *Erasmus lib. 17. epist.*

epist. 3. de omnibus Adagiorum Scriptoribus sui temporis agit. *Israel Spachius* nominat *Hub. Sufanai* proverbiorum Ciceronianorum Connubium, qui error est, & a Martino Lipenio quoque transumptus: non enim de proverbiiis, sed adverbiiis liber ille agit. Laudantur quibusdam *Ferrei collectanea proverbiorum*, Colon. 1612. *Fungeri Proverbiorum Farrago* Lugd. Batav. in 8vo 1585. & 1595. *Germbergii Proverbiorum Centuria XV.* Basil. 8vo. 1583. *Gerschovii Centuria Locmannica Proverbiorum Arabicorum*, Distichis Latinis expressorum, Gryphisw. 8vo. 1635. *Henrici Stephani Proverbia Epigrammatica*, vel Epigrammata proverbialia. Scripsit & *Aloys. Cymbius* de Origine vulgarium Proverbiorum, Vener. 1526. Est *Jac. Mejeri Hortulus Adagiorum*, Basil. 12. 1677. & plura alia a Lipenio diligenter congesta: quæ cum non viderim, nihil de illis pronuncio. *Seiboldi Adagia Latino-Germanica* multa habent lutulenta & plebeja.

JOH. THOMÆ FREIGII *Ciceronianus*, Basileæ ann. 1669. editus, etiam inter Locorum Communium Scriptores referendus est, cujus liber hoc titulo prodit, usui eloquentiæ inserviens. Concinnavit ille e scriptis Ciceronis quasi Encyclopædiam aliquam, omnia verbis Ciceronis apte inter se connexis exprimens; in ordine instituendo, ut solent Ramistæ, satis diligens, cujus ille typum & schematismum præmisit. Ad Deum vero & hominem omnia retulit: hominis locos dividit secundum partes, causas, adjuncta. Sub adjunctis comprehendit omnes artes virtutesque. De rebus moralibus & civilibus dissertaturo Loci Ciceroniani statim parent, quibus exornari oratio, vel rerum argumentis vel verborum delectu potest. Nunquam enim pene oratio scribitur, quin vel tora, vel quadam sui parte in Loco aliquo Communi versetur: atque sic proderit Oratori liber ille, quemadmodum sacro Oratori prodesse possunt libri de virtutibus & vitiis scripti, ut *Peraldi summa virtutum & vitiorum*, *Cresollii Anthologia de selectis piorum hominum virtutibus*, de quibus infra dicendi locus erit, cum ad Eloquentiæ sacræ Scriptores perventum. Idem Thomas Freigius in isto libro suo p. 508. Uberiores Locos Communes promissit. *Hæc*, inquit, *hactenus ex Ciceronis monumentis, locorum communium demonstratio fuit: vix justa unius aut alterius mensis meditatione sic nobis conscripta, memoria locos ex aliis aliis suppeditante. Equidem pleniores illos justioresque locos mentis quadam designatione jam delineatos, ex omnibus omnium temporum scriptoribus, poetis, historicis, philosophis, oratoribus, medicis, jureconsultis, theologis congestos, aliquando plenius editurum me confido. Ubi enim melius aut vitæ humane utilius hoc literarum otium, quamdiu mihi eo uti licet, collocabo? Interim ejus majoris operis ac laboris specimen hic noster Ciceronianus esto, qui, qualia cetera futura sunt, æstimanda benevolis lectoribus relinquat. Sed nihil ex illis, quod ego memini, lucem vidit, magnopere in multis profuturum. Eodem modo e Poëtis moralis doctrinæ locos communes *Henricus Stephani* congestit.*

Edidit & JOHANNES RIVIVS *Athendorientis Locos Communes Philosophicos*, quorum tomus tantum primus Glauchæ, suburbio Salinarum Saxonicarum Ann. 1580. in fol. editus est; qui quanquam liber utilissimus est, continet enim multa singularia, ad Grammatices, Dialectices & Rhetorices cognitionem: generalissimata-

Tomus I.

K k

men

- men illa *διάρθρωσις* est per tabulas, ut vulgo vocant, analyticas. Ideoque ad Encyclopædarium Scriptores potius, quam ad Locorum Communium Scriptores referendus est: proponuntur enim integræ illic disciplinæ. * Est J. G. SCHIELEN *Bibliotheca enucleata*, sive Aurifodina artium & scientiarum, Ulmæ an. 1679. in 4to magnifico hoc titulo edita, in qua tamen per merum Indicem citra summariam rerum commemorationem varia coacervantur, quæ usui interdum esse possunt.
- 117 * Sunt ZIMMERMANNI *Analecæta*, in quibus varia philologica & critica colliguntur.
- 118 * Generalem aliquam Locorum Communium ideam licet satis commode instructam, non tamen omnino sterilem, sed Autoribus & materiis utcumque differentiam, subiecit ALEXANDER FICHETUS *Arcana studiorum methodo* Lugduni an. 1649. editæ, de qua nos supra.
- 119 * JOHANNES BENZIUS solos tantum titulos Locorum Communium comparandæ rerum & exemplorum copiæ accommodatorum edidit, bona ratione ex Sturmii doctrina dispositos, quam Sturmii & Mylæi de scribenda rerum universitatis historia cepisse nonnullis creditur; de qua nos libro sequenti plura.
- 120 * Sunt in Theologicis, Moralibus, Historicis, Politicis, varia promptuaria, adversaria, ut Canisii, Hondorfii, Dinothi & aliorum. In Gallica lingua multi libri sub titulo *Collectaneorum* (*Recueil*) & discursuum prodierunt, ut *Montaigne* & plurium aliorum, de quibus *Sorellus* in Bibliotheca Gallica legatur. Nos illa hic omittimus, & quoniam plerique ad certas disciplinas pertinent, data occasione de iis dicemus.

CAP. XXII.

DE

EODEM ARGUMENTO ET
DE POLYGRAPHIS.

- §. 1. Locorum communium Scriptores plures recensentur. 2. Antoninus Imperator.
3. Proclus in *ἑρμηνείᾳ* Poetica. 4. Macrobius, 5. Plutarchus, Athenæus, 6. Seneca, 7. Licetus, Parrhasius, Pignorius, &c. 8. Referuntur varia Mellificia, Promptuaria &c. 9. Indicium Scriptores. 10. Qui allegationibus multis utuntur.
11. Quo abusu Jcti potissimum notantur. 12. Petrarchæ de his judicium. 13. Alii circa allegationes abusus notantur. 14. Erasmus, Melanchthon, Gesnerus, à Scalligero male, ut Locorum Communium Scriptores fugillantur. 15. Cardanus Gesnerum reprehendit. 16. De Vadiano inimicum judicium Vossianum. 17. 18. De Montano & Voetio judicium. 19. Consilium de colligendo in unum librum, quicquid eximii in aliis omnibus sparsim reperitur. 20. Cartesii de eo judicium.
21. Polygraphi. 22. Oligographi vel Bradygraphi. 23. Multorum seculorum labores ab uno Polygrapho in Compendium trahi solent. 24. Exempli in Aristotele, Hippocrate, Galeno Theophrasto, Plinio, Varrone. 25. Librorum sata ex imperiis pendunt. 26. Etiam ab ingeniorum diversitate. 27. Varii scientiarum gradus ratione hominum

hominum & seculorum a Cardano ingeniose deducti. 28. Polygraphi multi apud veteres & recentiores. 29. Cardanus Polygraphus. 30. Scaligeri de Polygraphis iudicium. 31. Campanella. 32. Caramuel, Polygraphi. 33. Joach. Fortii consilium de multis libris scribendis. 34. 35. De Henrico Stephani Polygrapho iudicium Vassoris. 36. Marefi querela de vitiis Polygraphorum. 37. Francisci Macedo incomparabile ingenium. 38. Fuit πολυγραφέας. 39. Elogia ejus invidenda. 40. Opera & vasta & multa recensentur. 41. Collectores librorum in historiis & disciplinis.

Multa superiore capite de Locorum Communium Scriptoribus diximus, sed longe plura restant, quam ut paucis pagellis illa enarrari possint. * In antiquis ut multi sunt, ita Antimus quoque Imperator eo referendus est, in libris τῶν εἰς ἑαυτὸν, sive, de vita sua ad se ipsum, quos excerptorum nomine vocat Barthius *Adversar. lib. 51. cap. 16. & lib. 1. cap. 11.* ac uberioribus collectaneis illustravit Thomas Garakerus, ut moralium sententiarum thesaurus esse possit. * Procli *ἡγεμονικὴ δέσπαινα* poetica ad hanc quoque classē pertinet, quam edidit Schottus Hano-viæ 1615. in 4to. * Fuere vel per dialogos instituta talia Collectanea, quod fecisse videmus Macrobiū in Saturn. libris, * vel methodo erotematica, ut *Plutarchus* in quæstionibus convivalibus, *Athenæus* in Deipnosophistis; * vel per epistolas, ut fecit *Seneca*, cujus Epistolæ non sunt nisi sententiæ congestæ, * ac multi e recentioribus, qui quæsitæ per epistolas scripserunt, ut *Fortunius Licetus*, cujus extant multi hoc titulo libri, *Janus Parrhasius*, *Laurentius Pignorius*. * Et quis recenscat omnia nostro tempore Mellificia, Promptuaria, Calligraphias, Æraria, Apparatus, Parnassos, Scintillas, Flavissas, Flores, Florilegia, Miscellanea, Semestria, Oria, Promulsides, Conjectanea, Varias Lectiones, Observationes, Dies Caniculares, Sylvas, Adversaria, Singularia, Præcidanea, Analecta, Dies geniales (quo titulo Alexander ab Alexandro optimum librum edidit, a Tiraquello commentario illustratum,) Stricturas, Exercitationes, Florum Sparfiones, Spicilegia, Memorabilia, Benedicta, Laudabilia, Cinnos, Politias literarias, quo titulo Angelus Decembrius librum edidit, homo doctior, quam eloquentior, quod Barthii *Adversar. lib. 1. c. 2.* iudicium est.

Referendi etiam huc INDICUM SCRIPTORES sunt, qui & ipsi Locorum Communium Scriptores, nisi quod titulos solos ponunt, & lectores ad libros ipsos remittunt; quales sunt in Codice sacro omnium linguarum, ut vocantur, Concordantiæ; in Jurisprudētia Brederodii & Bertachini repertoria, Doringii Bibliotheca, qui tamen ne primam quidem Alphabeti literam absolvit; in Medicina Antonii Musæ Index super Galenum; in Philosophicis is, quem supra laudavi, Bernhardus.

Omnes denique illi SCRIPTORES huc pertinent, qui digressionibus, allegationibus crebris in scriptis suis utuntur: quanquam ii inepte plerumque rem suam instituunt. * In iis male plerumque audiunt Jcti, qui notissima quæque infinitis testimoniis confirmant. Ridebat hunc morem Paulus Sarpus: videatur Fulgentius in ejus Vita p. 151. Gall. edit. * Quidam iam vanam ac inutilem pompam istis allegationibus

paginas complent, quod in Thoma Messanenſi reprehendit Franciſcus Petrarcha ſingulari epiſtola, quæ inter epiſtolas Philologicas a Goldaſto collectas prima eſt: *Admadvetti*, ſcribit ad illum, *te in ſcriptis tuis omni ſtudio, ut appareas, niti.* Hinc illi diſcurſus per ignota volumina, ut ex ſingulis aliquid decerpens rebus tuis interſeras. Plaudunt tibi diſcipuli, & omniſcium vocant, innumerabilium autorum nominibus attoniti, quaſi omnium, quorum titulos tenes, etiam notitiam ſis adeptus. Docti autem facile diſcernunt, quid cuiuſque proprium, quid alienum ſit: & raruſ, quid mutuum, quid precarium, quid furtivum, quid e medio hauſtum, quid a prætereunte delibatum. Memoriam oſtentare puerilis eſt gloria; viro, ut ait Seneca, captare ſoſculos turpe eſt: quippe quem fruſtu deceat gaudere, non floribus. Tu vero in hac ætatis parte venerabilis, & in tua profeſſione clariffimus, imo, ut non ſemper pungam, ſed interdum ungam, ſolus ſine exemplo noſtri temporis earum, quibus es deditus, literarum princeps, neſcio quo juvenili animo, dimiſſis ſuibus tuis, in alienis pratis otioſus & vagans, inclinata jam die, interlegendis ſoſculis tempus teris. Placet ignota tentare, ubi ſæpe viam non invenius aut vageris, aut corruas: placet illorum ſequi veſtigia, qui ſcientiam quaſi mercimonium aliquod ante fores explicant, cum interim vacua domus ſit. Certe tuum eſt, ad id potius niti, ut ſis aliquid plus, quam videris. Operoſa ſemper & periculoſa jaſtantia eſt. Adde quod, cum magnus videri voles, innumerabilia incident, quæ te non modo veram ad meſuram redigent, ſed infra etiam contrahent.

- 13 Huc illi quoque pertinent, qui *Autores deperditos ciant*, ſuppreſſis iis, unde hauserunt, hac ambitione ducti, ut ipſi poſtea pro veris Autoribus laudentur: de quo artificio Thomafius lib. de plagio ſ. 260. & ſ. 573. eodem a Petrarcha ſale defricandi. Defendit tamen eos Thomafius, qui multos eoſque ſæpe minutos Autores allegant, qui ex aliis deprompſerunt ſua, quam ipſos fontes, qui forte non ſunt ad manus. Vide eum libro d. plagio ſ. 173. Et hoc vel ideo debere fieri ille putat, ne in plagii ſuſpicionem incidamus: eſſi non deſunt e Scholaſticis & Melanchthoniſchola, qui hanc inter ſe *nonnullarum* habuere, ut citra plagii crimen verba, ſententias, mutuo tranſcriberent, inque uſum ſuum verterent, qua de re idem videatur eodem libro ſ. 192. 193. 194. Obtinuit & in allegationibus multorum morbus, qui ipſi quosvis Autores, modo ignotos, etiam cum elogiis nominant; ac ſunt alii, qui miſere ambiunt aliorum in ſcriptis magna de ſe elogia. Hos notat Menzius in libro de literatorum hominum invidia cap. 8. cujus hic verba apponemus: Cum curioſitate non bona laborent invidi, altera quoque addatur nota, gloriæ ſcilicet enormis quedam cupiditas; literatorum enim pleroſque is intus alit ſpiritus, & eo ſeruntur, quo ducit, imo jubet, ambitio. Hinc ſpectoſis librorum titulis eruditiffimos legimus, & doctiſſimos, quibus nec puerorum fabellas aut ſi quid levius eſt, intelligendum conceſſeris. Atque illud ſedulo curant alieno in ſcripto, cum ipſi interim deſides ſedeant, & falſo gaudeant teſtimonio. Nec longe diverſo, & quidem ridendo, utuntur artificio, qui obnixi & illud curant, ut in aliorum monumentis nomen ſuum grandioribus deformatum literis inſpiciant omnes, & majoris auxilio characteris tacitum non prætermittant. Exiliunt itaque gaudio, & pene deſipiunt;

piunt; atque eos tantummodo libros non oderunt, qui ejusmodi adulationis stigmate notentur; alios omnes, qui de illis ne verbum quidem fecerunt, utpote insulso & illepidos, dammandos prorsus & abjiciendos pronunciant. Hunc igitur morem, qui nuper apud nostros inolevit, probare vix possum, cum, nulla habita personarum ratione, eos promiscue doctos inter & eruditos inscribi video, qui bonas artes vix à limine salutarunt. Dijudicandum enim est, quo quis encomio dignus, imo tacendum potius, quam ridicula adulationis nota subeunda.

Negari non potest, hoc allegandi cacoëthes à Germanis plus, quam necesse est, frequentari, unde sinistra exterorum de iis judicia. Hinc Scaliger in Excerptis a Fabro editis p. 80. ubi de Erasmo, Melanchthone, Gesnero judicia fert, ita de iis: *Hi tamen tres simul componendi magni locorum collectores fuerunt potius, quam suum aliquod in medium proferentes; quod vitium cum omnibus Germanis familiare habent. Duos tantum excipio, Georgium Agricolam & Beatum Rhenanum. Hæc illic, sed manifesta maledicentia in bonos viros, jactantur. De Erasmo improba hæc calumnia est, nec minus de Melanchthone & Gesnero. Non reprehendendi sunt, quod Locos Communes scribere voluerunt rei literariæ juvandæ gratia, quorum tum temporis, cum renascerentur literæ, magnus erat usus. Et gratiæ illis agendæ erant. Id vero Germanorum esse fatum solet, ut eorum opera & industria exteri feliciter utantur, quod ut dissimulare tutius possint, convitiis & contemptu eam a se suspicionem amoliri conantur. Ceterum Erasmi divinum judicium tot scripta loquuntur, nec ipsa invidia diffitebitur. Ipse quoque Scaliger alibi adversus patris sui acerbissimas invektivas Erasmus tueretur. Sunt & Melanchthonis & Gesneri scripta maturo satis judicio & stylo rei accommodato adornata, de quibus jam supra diximus.*

* In Gesnero Cardanus lib. 10. *Paralipomenon in Historia Lapid. & Metallor. p. 525. reprehendit quidem, quod Plinio nimium addictus quædam falsa suis admiscuerit, rejectis Georgii Agricolæ verioribus sententiis; sed magnis tamen elogiis ornatur. Cogor, inquit, aliquid dicere adversus præstantissimum virum & amicissimum, simulque de bonis literis & de me bene meritum; quam invito, Dii norunt. Videmus hic, quam discrepent interdum hominum judicia: ipse enim Scaliger alibi de tribus illis honorifice judicat.*

* Non dissimile exemplum est de Vadiano; quem inter omnes Germanos pene unicum commendat Scaliger in alteris Scaligerianis sub titulo: *Les Allemands.* Sed de hujus commentariis super Melam Isaacus Vossius dicit, quod rus & stivam oleant: quod rusticum judicium ille, qui notas alteris Scaligerianis adjecit, merito reprehendit.

* Ita Montani dissertationes laudibus effert Maresius lib. Epist. 30. contemnit Malebranche lib. 2. *de inquirenda Veritate cap. 5. ut inter stultos & vanos (les pedans) numeret: qui quidem, ut Diogenes Platonis factum alio fastu, ita Montani vanitatem & arrogantiam alia vanitate calcare videtur.*

* In Voerio Sarravius in Epist. pag. 158. ut & nos supra, tumultuarium scribendi modum notat: *nonnulla istius Viri, inquit, olim legeram, in quibus satis multa congerere per πολυγραφωσύαν videbatur; sed parvo aut nullo judicio congesta.*

19 Jam præcedente Capite aliqua de Locis Communibus per certos *Anagnostas* colligendis monueram, ac sane magna ejus rei utilitas esset. Ipsi *Anagnostæ* multum in studiis eos juvant, quo sunt audita lectis jucundiora & tenacius hærent: qua de re *Scaliger Exerc. 308.* Et hæc quidem collectanea in historicis, politicis, moralibus magnum usum habebunt, non æque in Philosophicis, quantum ad doctrinas & conclusiones; nisi forte ad historiam respexeris. * Quam ob causam probare neque ego consilium illud possum, quod *Cartesio* non nemo proponebat, de quo habetur in *Epistolarum ejus parte 2. Epist. 100;* consilio scilicet de colligendo in unum librum, quicquid eximii in aliis omnibus sparsim reperitur. Ea de re verum ille judicium interponit: *Vereor*, inquit, *ut possibile hoc sit consilium: nam præterquam, quod sæpe difficillimum est de alienis scriptis judicare, & utilia ex illis desumere, reliquis inutilibus, veritates in libris hæc atque illuc sparse tam incommexe sunt, & ab invicem independentes, ut plus industria & ingenii requiri putarem ad illas in corpus unum concinna proportionem & ordine juxta consilium auctoris componendas, quam ad tale corpus propria arte fabricandum: non quod propterea sint spernenda aliena, siquidem utilia reperiantur; sed nequaquam puto, tempus præcipue adhibendum esse illis colligendis. Denique si quipiam scientiarum fundamento investigando par esset, is esset culpandus, si vitam tereret in illorum particulis per Bibliothecarum angulos latentibus disquirendis: qui vero ad hunc tantum laborem idonei fuerint, neque scient sagaciter eligere, neque electa sapienter disponere. Reprehendit eum porro, quod religionem cum scientiis misceat, & quod ex his conficere velit scientiam aliquam universalem, quam possint adolescentes ante vicesimum quatum, ætatis annum intelligere & addiscere. Recte hæc a *Cartesio* cogitata improbantur: nam quod in Politicis *Lipsius* e *Centonibus* ac variis Auctorum sententiis doctrinam de principatu congeslerit, & in artis & præceptorum formam redegerit, non tam ex Auctoribus ea præcepta & regulas collegit, quam antea sibi cognita his velut emblematibus illustrare voluit. Atque in his feliciter illa tentari possunt, quam in ceteris scientiis.*

21 Ad Locorum Communium Scriptores referri quoque debent *POLYGRAPHI*; nam & hi, cum in multa se diffundant, multa ipsi ex aliis coacervant, ut soli Bibliothecam scribant. Non idem eruditus sensus est. * Aliqui annos integros trahunt in libris scribendis, & in eorum expolitione pene vitam omnem impendunt: aliis una nocte, velut fungi, nascuntur libri. Utrunque peccatur: nam & nimia cura sæpe obest perfectioni Operis; est, ubi impetus pulchriora cogitata extundit, cum illi, qui manum de tabula tollere nesciunt, nimia diligentia rem perdant. Media est inter precipitantiam & procrastinationem via. Quidam cunctatores sunt & lentuli, quidam celeres & fulminei: utrique, prout ingenium hominum est, rem vel perdunt vel restitunt. Judicii effectus est cunctatio, & qui magna moliuntur, cunctari solent. Sunt tamen & torpida ingenia & testudinea, qui tardo gressu eo procedunt, quo aquilæ uno volatu. De utrisque operose egit *Baillerus* libro de *Judiciis doctorum, tom. 1. part. 2. c. 11.* ac multa tam ex antiquis, quam recentioribus produxit exempla. Nos illos

illos Oligographos vel Bradygraphos mittimus, & de Polygraphis, tanquam qui ad Bibliothecarios Scriptores propius accedunt, pauca monebimus. * Scribendo-
 rum librorum nullum esse finem jam tum sapientissimus Salomon dicebat; ac est
 revera res infinita: ut enim cogitationibus hominum nullus statui finis potest, ita
 nec libris, qui cogitationum partus sunt: quibus lectores tandem decurrunt, redeun-
 tibus semper novis, qui ad temporis sui genium accommodatiores sunt, & antiquo-
 rum luminibus officiant. Ita, quod prudenter notavit Cardanus *Paralipomenon lib. 1.*
cap. 13. fieri solet, ut singulis temporibus collectis in unum multorum laboribus unus
 pro multis legatur, in cujus scriptis omnium præcedentium sententiæ & splendi-
 dius comprehendantur, ut seculo magis florido & a viro sapientiore descriptæ.
 * Ita Hippocrates majorum suorum scripta collegit, ita Aristoteles & Galenus. Re-
 liquum Aristotelis collegit Theophrastus; Plinius Romanorum & Græcorum scita
 coacervavit; antea felicius multo, sed prolixiori sermone, tentatum a Marco Var-
 rone. Et hi denique superstites sunt, quos æquare non licet ingenio aut felicitate
 seu ornatu. * In Historia præsentia non necessaria multis habentur, obsoleta sper-
 nuntur mutatis locis, nominibus, moribus. Prima ætas historiarum est in imperio
 nascente rudis & fabulosa; secunda, dum viger & fluctuat imperium, atque tum hi-
 storiæ vigent. Ubi deciderit, & senescit imperium, linguæ mutantur, & historiæ
 & scripta senescunt. Poëtica ob figuras & numerum diutius durant, præsertim in
 lingua elegante. Mathematica, quia ad rerum usum pertinent, ac simul jucunda
 sunt, & sub sensum cadunt, durabiliora sunt, semperque per gentes & secula, insti-
 gante usu & necessitate, resuscitantur. Quæ vero e naturalibus & medicis dispu-
 tationi subjacent, ut ambiguae fidei, ita non ab omnibus æstimantur, aut diu in præ-
 tio sunt. Hinc est, quod tam multa Philosophorum & ipsius Aristotelis scripta
 periere. Ciceronis opera cum linguæ Latinæ cultu efflorescere cœperunt, sique
 illa decideret, ea quoque intercidere.

Accedit ingeniorum diversitas, eorum vel sublimitas vel humilitas, unde sua
 quoque fata libri habent, si temporum & hominum simul conditio expendatur.
 * Extat elegans Cardani Observatio *lib. 2. Paralipom. cap. 5.* quod hominum cognitio
 circulo quodam redeat, nec longius progrediatur. Humana cognitio, seu ad unum-
 quemque, seu ad gentem unam, seu ætatem, seu ad universum genus referatur,
 non in infinitum procedit, sed nec longius digreditur ab inscitia, aut, ut honestius
 loquar, a primis principiis: unde Philosophi decepti sunt late, aut nugantur, si non
 erraverint. Omnes gentes & secula & ætates circa suam sapientiam aut eruditio-
 nem revolvuntur, & iidem etiam homines. Parum autem distat hæc sapientia a cogni-
 tione principiorum, & eorum, quæ sensu acquisita sunt. Neque enim tota humana
 natura longius recedit, etiam si non impediretur calamitatibus, quia non potest ulterius
 procedere, quam singuli homines: qui etsi adjuti longa plurium seculorum seriei sa-
 pientia, non tamen sine prioribus posteriora intelligere possunt; quæ dum colligunt,
 meditantur, mors obrepit: & ob id quasi nescientibus nobis, quæritur homo spectatæ
 fidei ac sapientiæ, cui credere possumus, ut posterius intellecta pro principiis habere
 liceat,

liceat, atque ulterius discendo progredi. Ob hæc felici sæculo natus illi Aristoteles dicitur, cum eam doctrinam amplexus sit, quæ inter sapientiam mediam & exactam humanam reposita sit. Hic ergo diagramma octo circulorum ob oculos ponit Cardanus. Centrum eorum est omnium istorum, quæ intelligi possunt, ignorantia, qualis in infantibus ac belluis. Qui hoc ambit circulus, est cognitio principiorum, velut a septimo anno ad quartum decimum. Secundus circulus est eruditionis juxta ætatem, a quarto ad vigesimum primum. Tertius circulus est eruditorem simpliciter; quartus est sapientum regionis suæ: quintus sapientum sæculi sui: sextus sapientum simpliciter: septimus sapientissimorum, in quorum ordine ille posuit Hippocratem, Aristotelem, Theophrastum, Plotinum, Euclidem, Archimedes, Apollonium &c. Octavus est divinorum; cujus excessus est juxta rationem centri in circulo: unde qui habuerit in primo, parum melior erit sapientissimo: si quis autem in ultimo erit, velut immortalis; quod forsân vix contingere potest. Quælibet tamen hujusmodi melior est absolutissima sapientia humana. Quærent tamen homines fructum excessus sui circuli, & ob id manent adhuc monumenta clarissimorum virorum: non ergo infinitum est hoc nostrum humanum scire, ut a centro ignorantiae recedit, sed in se ipsum circulo revolvitur & maxime juxta mundi ætates. Id quod quasi demonstratione aliqua ingeniosus & εὐφραντασιώτης Cardanus ob oculos ponere voluit. Alibi libro 16. Paralipom. cap. 1. tria hominum illustrium genera constituit, qui ex actionibus præclaris famam sibi acquirunt. Sunt vero illi immodici, fortunati, sapientes: qui iterum vel bifariam vel trifariam jungi possunt, atque ex horum conjunctione omnem illustrium hominum differentiam fingit exemplis ubique adductis. Ex his, quæ diximus, apparet, omnes illos, qui maxime sunt πολύγραφοι, atque omnia complecti animo volunt, nihil ad perfectionem scientiæ humanæ conferre posse; sed, cum omnia in orbem redeant, suis finibus subsistere, & ad ipsos carceres relabi.

- 23 Fuisse multos inter veteres polygraphos ex historia discimus; sed & ex errore titulorum multi Autoribus adscripti, quos illi non scripserunt, ut notat Jonsius in *Hist. Philos. lib. 1. cap. 2. p. 17.* Idem *lib. 2. cap. 8.* de Stoicis nonnullis Philosophis aliisque agit, quorum multi vastique extiderunt libri. Magnum eorum Catalogum texuit Bailletus loco supra citato. In his sunt Interpretes Sacri Codicis, librorum Juris, apud quos pene in legem abiit se mutuo exscribere, & molem augere librorum. Agit hic de Trismegisti libris, quos 36529. nonnulli numerant, de Callimacho Cyrenæo, Aristarcho, Zenone, Epicuro, Chrysippo, Theophrasto, Didymo, Servio Sulpicio, Varrone, Galeno, Esdra, S. Augustino, Alberto Magno, Thoma, Raimundo Lullio, Wiclefo, Alphonso Tostato, Johanne ab Indagine, Paracelfo, Luthero, Zwinglio, Melanchthone, Calvino, Bulingero, Musculo, Rudolpho Gualtero, Moyse Amiraldo, Salmerone, Bellarmino, Cardinale de Lugo, Gersæro, Schorro, Suarezio, Vasquez, Lorino, Cornelio a Lapide, Sanchez, Hazarto, Nirembergio, Petavio, Theophilo Raynaudo, Labbeo, Escobaro, Kirchero, Antonio Diana, Petro d'Alva & Astorga, Caramuele, Josepho Pellizero de Salas, Lopede Vega, Baronio, Raynaldo, Ughello, Carda-

Cardano, Aldrovando, Liceto, Bartolo, Cujacio, Fabro, Barbosa, Farinaceo, Vincentio Mariniero, & quibusdam aliis, de quibus ille singularia quædam memorat.

CARDANUS inter polygraphos a Bailletto numeratur, & merito: nam ipse 29 inter illos numerari gaudet. Etenim *Paralipomenon lib. 2.* diserte ait: *Atque hac parte bisque duobus satis felix tum editis jam 126. libris, conscriptis aliis pene 200. & 60. prope aurores jam de nobis in suis libris mentionem faciunt.* Quæ, cum puerili quadam ambitione ab illo dicantur, mirum non est, a Scaligero illum ob *πολυγραφίας* affectationem exagitari, præsertim, cum & in libris de Subtilitate dixerit: *Generaliter quis non habendus est in pretio in aliqua arte, qui non multum scripserit, præterquam in Poësi & Mathematicis;* quæ vellicat Scaliger *Exerc. 341.* ac adversus illum sultinet, temeritate atque inscitia compelli nos ad multa scribendum. * Sed ille iniquior in Cardanum est, 30 quæque in contemptum ejus Operum adducit, meras calumnias spirant. Fuit Cardanus sane magni ingenii homo, ac in pretio habendus est, quicquid etiam Scaligero videatur. Ersi enim non pauca in illo sunt, quæ nescio quas ineptias sapere videntur, multa tamen in illo sunt egregia atque admiratione omnino digna.

THOMAS CAMPANELLA, quem a Bailletto omissum miror, inter præcipuos 31 nostri temporis polygraphos etiam numerandus est. Portentum ingenii fuit, & omnes fere disciplinas ad sensum suum reformavit. Quæ edidit ipse, non multa quidem sunt, erſi satis illa operosa & spissa volumina. Ineditorum longe major numerus est, ut ipse de libris suis librum scripserit, ubi illorum historiam recenset. Plura de illo in *Polyhistore Philosophico.* * CARAMUELIS a LOBKOWITZ ut 32 multi, ita singularis ingenii sunt labores, de quibus peculiaris Index ab ipso Autore editus est, additusque Bibliothecæ Ordinis Cisterciensis, quam Carolus de Viſch publicavit: verum plurimi sunt inediti. * Etiam JOACHIMUS FORTIUS RINGELBERGIUS, Vir inexhaustæ diligentiae, ut inter polygraphos compareret, omnem operam impendit. Notatu digna sunt, quæ ex ejus libro de ratione studiorum narrat Melchior Adami in ejus vita. Fuit ipsi in animo, si vita daretur mediocriter longa, opuscula conscribere millena, quorum corpori universo inde titulus esset *Cibiliar.* Nullum perfecit librum, nisi, dum a typographo exeunderetur: in quo hunc observavit modum: Ante omnia animo concipiebat totum corpus operis futuri; deinde in tabula lignea maxime amplitudinis rubrica titulos solum capitum delineabat. Circumspiciebat hic diligenter, num cuncta bene cohererent: ubi res visa exigere, alios auferebat, alios addebat, mutabat, transponebat. Titulorum capita, dum excogitatio recens esset, rudi oratione leviter singula in singulis chartis depingebat: quos ordine ponebat in tabula, ubi titulos prius collocarat. Hos postremo magnis scribebat typis, quo libri ordo universus aspectu uno posset comprehendi. Tum singulis diebus capita aliquot ad prælium absolutebat: primum illis leviter descriptis aliquid addendo vel adimendo, deinde decore, suaviter, numeroſe omnia eloquendo. * Inter polygraphos 34 cenſeri etiam HENRICUS STEPHANI potest, Vir, si quis alius, ad juvandas bonas literas promptissimus. * Sed in illo, quod multorum polygraphorum 35 vitium esse solet, *μικρολογία* & multarum rerum inutilium confipationem

clamnat Vavassor in libro de Epigrammate cap. 17. Ex Petro Puteano, narrat ille, accepi quondam, Jac. Aug. Thuanum & saepe Stephanum & vehementer autorem fuisse, ut libros edere veterum pergeret sane, quoad vellet, & quamdiu suscepta opera non pœniteret; scribere ipse libros desineret prorsus: ista ratione multo rei literaria magis profuturum, magis sibi: quod illi consilium, ut audio, dederat antea Petrus Pitheus, vir eruditus in primis valdeque prudens. Sed qua causa utrique hominem sic admonendi? Non una, opinor: quod facili quidem & solutus in scribendo, sed parum castigatus esset; quod ad minuta & frivola laboretur saepe & adheresceret; nimium precipiens, nimium emendans; omnia loqueretur de omnibus, assidue de se; cum scriptorem præterire multa, & reticere, & dissimulare oporteat, de rebus vero suis verbum facere nullum, nisi necessario, sit pars aliqua non tantum modestiæ, sed etiam prudentiæ. * Eadem quoque de virtutis polygraphorum querela est Maresii libr. 2. epist. 9. ubi e polygraphiæ insano studio in hæc & similia Scriptores abire vitia judicat, ut rarum omnino sit, si quis in *πελὺς* rationem iudicii & prudentiæ habeat.

- 37 Reperiuntur tamen nonnunquam (neque enim negari potest) Heroës quidam literarii, ut appellare sane possumus, qui quasi in Oceanos librorum & scientiarum se diffundere possunt, sine aliqua *superioris* nota, & cum omnium etiam doctorum stupore & applausu. Non possum hic præterire maximi profecto viri & plane *Σαυμασῆς*, P. FRANCISCI & S. AUGUSTINO MACEDO, Lusitani, olim membri Soc. Jesu, postea Minoritæ, Lectoris Jubilati, Publici Professoris Patavini, insignia Opera. Non adeo in vulgus nota est viri hujus historia, nec a quoquam plenius, quam
- 38 Gregorio Leti in Italia regnante, parte 3. & 4. tradita: * Quare hoc loco, ubi de polygraphis agimus, inter singularia ævi nostri miracula recenseri omnino hoc exemplum debet. Ita de eo parte 3. lib. 3. Leti: *E un ingegno trascendentissimo, è mostroso, e senza di alcun dubbio uno maggiore Letterati che sien viventi. In Roma l'anno 1658. per tre interi giorni tenne pubbliche Conclusioni di quasi tutto lo Scibile, e l'istesso qualche tempo doppo, fece perotto in Venetia. Discorre all'improvviso dottissimamente sopra di qualsivoglia materia, si in prosa come in versi Latini, ed hà dato in luce fino ad hora piu di quaranta suoi Libri, molti de' quali sono anche in foglio. Hà poco meno di ottanta anni, ed in una età così grave, continuamente, ò studia, ò scrive. E pure, vergogna del nostro Secolo, quando morrà, si potrà di lui dire. quello che esso medesimo scrisse à carte 12. del dottissimo Abate Ilarione Rancati. Et tamen, tantus hic vir domesticis duntaxat insignitus honoribus oscubuit, & Monastico indutus habitu sepelitur. Cumulat inde*
- 39 plura elogia, quæ hic præterimus. * Pag. 209. adducit Patr. Archangeli de Parma testimonium, quo nihil admirabilius, quam quod de poemate extemporaliter plane portento simile scripsit, atque ita habet: *Interrogarunt & probarunt hominem innumeris questis & argumentis Doctores ac Magistri omnium ordinum, quibus ipse ad votum respondit, ac si præmeditata omnia habuisset, tanta felicitate, ut nunquam titubaret, nunquam dubitaret, nunquam hæsitaret, nunquam cunctatus fuerit. Imo saepe accidit, ut arguentibus, quæ objiciebant, aut obliuiscens, aut male recitantibus, ipse dicenda submini-*

subministraret & corrigeret: Inter quos fuit unus, qui S. Scripturæ locum male citarat; & alter, cui locus Virgilii memoria exciderat; & tertius, qui nonnullos autores suspectos pro sua sententia allegaverat. Primo igitur testimonium S. Scripturæ correxit: secundo versus Virgilii suggessit: tertio subtraxit suspectos autores, & idoneos subministravit. Jam vero actio novissima de carmine extemporali admirabilis visa est omnibus. Is fuit enthusiasmus hominis, ut plus, quam duo millia versuum repente effuderit, & argumenta sibi proposita extemporali carmine reddiderit: inter quæ fuerunt duo, Gigantomachia & Furor Medæ filios occidentis. Hæc ille vix audita suscepit, & versibus ornavit ingenti plausu & admiratione. Fassi sunt omnes, nunquam se simile quidquam vel vidisse, vel audisse: nec sibi persuadere potuisse, unum hominem tot tamque diversa genera scientiarum complexurum fuisse. Mirati & acumen, & eruditionem, & eloquentiam, & venæ poetice ubertatem. Terminavit actionem Epigrammate in laudem urbis Venetiarum pari omnino illi celeberrimo, ab insigni Poëta Jacobo Sammarzario composito: Quod, quia excellens habitum fuit, in Bibliotheca Publica S. Marci Autoris manu scriptum affigi iussim, & præterea ad usum communem typis mandatum. Itaque eum virum dignum Senatus judicavit, qui civitate Veneta donaretur, & cui cathedra Patavina, quæ tunc vacabat, liberali stipendio præter consuetudinem aucto assignaretur. Depingi vero eum suis sumptibus curavit Illustriss. ac Excellentiss. Dominus Antonius Grimanius, tunc Orator ad summum Pontificem destinatus, & hodie apud ipsum Legatus. Sed pictura opus non erat ei, cuius fama futura erit immortalis. Quis non cum stupore legat, quæ alii cum stupore audierunt. Neque sane levia & 40 vulgaris ejus carmina fuere, qualia quis ab homine Scholasticis, Philosophicis, tricus immerso expectaret, sed excelsa, sublimia, erecta; dictione, inventione & acumine admirabili: quale illud est, quod in Reginam Christinam ab illo scriptum habeo. Elegans in Helenam Piscopiam, virginem doctam, Epigramma extat apud eundem Leri part. 4. lib. 1. pag. 71. & inscriptio argutissima in Bibliothecam Baptistæ Nanni pag. III. Operum ejus Catalogus integer neque apud Nicolaum Antonium, neque apud Alegambium extat. Ipse vero Catalogum ad Magliabechium scripsit, quem hic e Gregorio Leri part. 4. lib. 5. apponam, ut & ingenii summi & inexhaustorum laborum hic specimen sit. Scripsit in Societate Jesu constitutus Apotheosin S. Francisci Xaverii Epico carmine, Olisipone anno 1621. Apotheosin S. Elisabethæ Regine Lusitanie Epico carmine, Conimbrice anno 1624. Theses Rhetoricas in unum volumen conjectas, Madriti anno 1628. Epitomen Chronologicæ ab orbe condito ad Christum natum anno 1633. Artem Poeticam justo volumine. Hæc non vidit lucem. Elegias VII. Has in libris non numero. Typis mandate sunt Lugduni anno 1626. Vitam Domini D. Ludovici de Ataide, Lingua Hispanica in 4. Madriti anno 1633. Historiam recentium Martyrum Japonensium, eadem lingua in 4. Madriti anno 1632. In ordine S. Francisci hi ab illo libri prodierunt: Apologeticus pro Lusitania vindicata, Paris. anno 1641. in 4. Jus succedendi in Regnum Lusitanie cum Historia Lusitanie literata, & Schemate Genealogico Competitorum de Regno Lusitanie, Paris. eodem anno.

in fol. *Elogia Gallorum, Aquis Sextiis eodem anno 1641. in 4. Descriptio Villa Ju-
quii, & Sanctæ Baumes, i. e. Spelunca S. Magdalene, Aquis Sextiis eodem anno 1641.
versibus in 8. Panegyricus Urbano VIII. Apes Barbarina, Lyra Barbarina. Roma
Vetus & Nova, carmine Heroico in unum volumen conjuncta, Roma anno 1642. in 4.
Honor vindicatus, Rupella anno 1642. in 8. Philippica Portugesa Hispanicæ, Olisipone
1642. in fol. Propugnaculum Lusitano Gallicum Parisi anno 1646. in fol. *Laurus Har-
courtica, Parisiis anno 1647. in 4. Cortina Augustini Parisi anno 1648. in 4. Tessera
Pontificia pro dignitate & autoritate Papæ, Londini anno 1652. in 4. Controversia Ec-
clesiastica inter fratres Minores, Londini 1653. in 8. Lituus Lusitanicus contra Tubam
Anglicanam, Londini 1652. in 4. Mens divinitus inspirata Pontifici Innocentio X.
super quinque Propositiones Jansenii, Londini 1654. in 4to. Scrinium Augustini, Londin.
1654. in 4. Domus Sadica, id est, Familia Nobilium Lusitanorum cum eorum gestis
descripta Londini anno 1654. in fol. Rosa Alexandrina, id est, Electio Pontificis Alexan-
dri VII. cum Panegyrico & Poëmatibus omnis generis, Roma anno 1655. in 4. Pallas
Togata, id est, Regina Sueciæ ad fidem conversa, Roma anno 1656. in 4. Encyclopædia,
Roma an. 1657. in fol. Vita S. Jo. de Mattha, & Felicis de Valois, Fundatorum Or-
dinis Redemptorum SS. Trinitatis, Roma anno 1660. in 8. De Clavibus Petri, Rome
anno 1660. in fol. Archigymnasiæ Romanæ Sapientiæ Descriptio, Roma 1661. in 8. The-
atrum Meteorologicum, Roma 1660. in 12. Diatriba de Adventu S. Jacobi in Hispani-
am, Roma an. 1662. in 8. Controversiæ selectæ, Roma an. 1663. in 12. Scholæ The-
ologica Positivæ, Roma an. 1664. in fol. Assertor Romanus, sive Vindictæ Romani Ponti-
ficis, & Pontificatus, Roma an. 1666. in fol. Vita Theresiæ & Sancia Reginarum Lu-
sitænarum, Roma an. 1667. in 8. Concentus Euchologicus Ven. 1668. in fol. Vita S. Tu-
ribii Archiepiscopi Limani, Venetiis 1668. in 4. Pictura Veneta, Venetiis 1669. in 4. Col-
lationes S. Thomæ & Scoti ad 2. Sententiarum, Patavii in fol. Azymus Eucharisticus, Ve-
ronæ an. 1673. in 8. Disquisitio Ecclesiastica super Azymo Eucharistico, Verona 1673. in
4. Commentationes duæ Polemicæ pro S. Augustino &c. Verona 1674. in 4. Responso ad
Notas Critici, Verona an. 1674. in 4. Myrothecium ex documentis Moralibus, Patavii
1675. in 4. Libri, qui perierunt: Historia expeditionis Brasiliæ ad Bahiam recuperan-
dam, an. 1625. in 3. Liber de generibus & differentiis styli, tum Rhetorici, tum Poëti-
ci, tum Historici, tum Epistolæ, Conimbricæ 1626. in 8. Vita Pii Viri Domini Joannis
Laici Jesuitæ, tum Latine, tum Lusitanice in 8. Scientia Rhetorica, Madriti scripta in
fol. casu amissa. Scientia Poëtica, Opus accuratissimum, Madriti in fol. Amulorum frau-
de interversa. Bella Hispanorum cum Gallis, lingua Hispanica, Madriti in 4. Invenietur
apud Ducem de Villa hermosa. Descriptio Poëtica Heroico carmine Palatii Madri-
tensis rusticani. Reperietur in Bibliotheca Comitissæ de Olivares 3. millia versuum Epi-
corum. Adversaria collecta ex omnibus operibus S. Augustini. Ingens tomus. Hunc
Guardianus mei ordinis, quod erat interpunctus, & ex chartis solutis male compo-
situs, putans esse aliquod opus inutile, combussit, magno meo dolore, & aliqua, opinor, do-
ctrina Augustiniana jactura. Vita S. Rosæ Limensis Dominicana, quæ prima omnium
scripta**

scripta fuit, servatur ad Minerv. Roma in 4. Libri confecti & in lucem edendi: Historia de Bello Lusitanico, dudum, ex quo fui in Anglium missus, interrupta; cuius libri duo, ad ideam Titi Livii sunt confecti; & meam adhuc expectat perfecttricem manum. Liber de Conciliis universalibus, & particularibus in fol. Liber Apologeticus contra Caronem & Valsium, Romanae Ecclesiae Adversarius in 4. Calamitas erudita in 4. Diatriba de Opinione probabilis in 4. Lucerna Macedi in 8. Dissertatio de validitate Matrimonii Ethnicorum, praesertim Tunchinensium Barbarorum in 4. Translatio Ludovici Canonii Principis Poëtarum Lusitaniae in Latinam linguam Heroico item carmine, Opus magni laboris & accuratioris, in 4. Continet Myriadem ferme versuum, totidem Poëtae versibus respondentium. Subdit praelo tertium totum Collationum in 3. Sentent. S. Thomae & Scoti. Habet prae manibus librum inscriptum, Prosper redivivus contra Narratorem (hoc est, contra Patrem Noris). Urget alium, cuius titulus est: Accipiter, sive Sparaverius, Rastreei plumis vestitus, deplumatus, & viginti quinque errorum convictus (Rastreei per anagramma Ferrarii). Subjungit huic suo catalogo illa: erit, qui velit nosse opera vaga & solitaria. Haec, quod sunt plurima, aegre numerari possunt, & agrius inveniri. Verum obiter attingam. Panegyricos dixi quinquaginta tres. Orationes Latinas habui sexaginta. Laudationes, sive Funebres Orationes, triginta duas. Poëmata Epica recitavi publice quadraginta octo. Elegias composui centum viginti tres. Epitaphia centum quindecim. Epistolas dedicatorias ducentas duodecim. Familiares septingentas. Poëmata Epica iuxta bis mille sexcenta. Elegias quingentas. Odas centum decem. Epigrammata, & id genus alia plusquam tria millia. Comedias Latinas quatuor. Satyram unam Hispanice. Carmina, quantum recolendo praeiterita consequi possum, omnis generis, quae scripsi, ac ex tempore fudi, ea opinor centum & quinquaginta myriades posse conscribere. Tandem animadverto, de multis me questionibus fuisse consultum: earum Responsa, quae sunt dispersa, si colligantur, ingentem Tomum efficient. Accenser alios Gregor. Leti Panegirico sagro, del Serafico Patre San Francisco, Discorso Academico, qual goda con più diletto la Rappresentazione Comica è Tragica, è omisso di un Palco; se un Cieco che senta, è un Sordo che veda. In Padoua per il Cadorino 1676. in 4. L'Academico Umorista Romano, Ricourato Padovano, & nonnulla alia.

Accensendi sunt & Locorum Communium & Bibliothecariis Scriptoribus illi, qui minutos, vel unius vel multorum Autorum labores in Volumina colligunt, ne illi intereant, sed publico bono servantur. Recte ergo etiam illos BIBLIOTHECARIOS vocabimus, cum multa Volumina colligendo Bibliothecam faciant, & Bibliothecis inserviant. Ita in libris sacris habemus Bibliothecas Patrum, Biblia Critica: in Jurisprudencia Oceanum Juris, seu Tractatum Tractatum. In Historicis medii aevi in Volumina colligendis, quam diligentes fuere Goldastus, Freherus, Lindebrogius, Schardius, Ursinius, Reuberus, Pistorius, Reineccius, Meibomius, cuius nepos novum nunc corpus promittit, Bongarsius, Pithæus. Laurentius Straussius in Theatro Sympathetico multos, qui de Sympathia & Antipathia rerum scripsere, congestit. Gruterus in Face Critica omnes Scriptores Criticos suorum & praecedentium tempo-

rum collegit, sub nomine Rhanutii Gheri Poetas Gallos & Germanos. Elzevirii & Blauui in Rebuspublicis & Atiantibus edendis operosi fuere. Hortlederus, Lunderpius scripta, ad res Germanorum pertinentia, Voluminibus certis complexi sunt. Sunt, qui Concilia & Synodos, universales ac particulares, Historicos Hispaniæ, Galliæ, earumque gentium, in unum corpus compegerunt. Habemus Theatra Chymica, artem auriferam, in quibus Chymici Scriptores continentur. De quibus singulis nunc non est dicendi locus.

CAP. XXIII.

DE

EPISTOLARUM SCRIPTORIBUS.

- §. 1. Epistolarum Scriptores ad rem & historiam literariam multum conserunt. 2. Hi quid à Biographis differant. 3. Magna est in commercio epistolari iucunditas. 4. Difficultates in scribendis Epistolis ex Erasmo produciuntur. 5. Cum Responsoriis edende. 6. Epistola secundum seriem temporum ordinanda. 7. Lacuna in illis indaganda. 8. Indices addendi. 9. Doctorum hominum literæ in unum corpus colligenda. 10. Rolandi Marefii Epistole Philologica laudantur. 11. Græcorum Auctorum Epistola. 12. Ciceronis Epistole ad eloquentiam & cognitionem status Romani maximopere commendantur. 13. Illarum præstantia defenditur. 14. Ciceroniani hæcæñdes ab Erasmo aliisque notati. 15. Erasmus inclementius Ciceronem tractavit. 16. Jul. Caf. Scaligeri Declamationes aduersus illum. 17. Sed & illa in Erasmus injuria. 18. Multi fuere inepti Ciceronis Censores. 19. Ejus Epistole ad Atticum ob prudentiam politicam laudande. 20. Plinii Epistole à quibusdam Ciceronianis male præferuntur. 21. Michaelis Neandri Elogium de illis. 22. Seneca Locorum Comm. Scriptor. 23. Ejus & Pliniorum latinitas impugnata. 24. Patrum quorundam Epistola. 25. Sidonii Apollinaris Epistola ob historiam commendande. 26. Cassiodori Epistola. 27. Petrarchæ, 28. Gasparini, 29. Aretini, Philelphorum & c. Epistola. 30. Angeli Politiani Epistola. 31. Magnum Barthii de eo elogium. 32. Diversum Manutii iudicium. 33. Hermolai Barbari epistola. 34. Scaligeri, 35. Erasmi, 36. Scioppij, 37. Floridi Sabini, Pauli Cortesii, Capaccii de Politiano iudicia. 38. Petr. Bembi, Joh. Case aliorumque Italarum Epistola. 39. Rudolphi Agricole, 40. Marsilii Ficini, 41. Joh. Pici Mirandulani, 42. Thomæ Mori Epistola. 43. Epistolarum obscurorum virorum autor Uldaricus Huttenus. 44. Erasmi Epistolarum Opus commendatur. 45. De stylo ejus iudicia. 46. De stylo Barthii & Grotii iudicium. 47. Comparatur stylus Erasmi cum stylo Budeano. 48. Multa in illo Historica sacra & civilia. 49. Vincentii Fabricii, 50. & aliorum de his Epistolis elogia. 51. Melanchthonis Epistole earumque varias partes. 52. Statum illorum temporum in sacris exhibent. 53. Stylus Melanchthonis. 54. Camerarii Epistole laudantur. 55. Donii Palcarii Epistola ad indolem Ciceronis scripta. 56. Goldasti Epistola Philologica. 57. De Manutii

Manutii Epistolis varia elogia & judicia. 58. Quid Muretus de Italici in universum senserit. 59. Brunelli Epistole. 60. Mureti Epistola. 61. De iis iudicium Erythraei & Scaligeri. 62. Rogeri Aschamii Epistola. 63. Joh. Sturmii elogium. 64. Bonciarii, 65. Reinesii Epistole. 66. Christiani Dammii Lexicon vocum mediæ ævi. 67. Casauboni Epistola. 68. Earum diffio. 69. Compositio varia aliam indolem stylo largitur. 70. Julii Cæs. Scaligeri. 71. Josephi Scaligeri Epistole ab ipso, & Gallica ad hunc scriptæ commendantur.

EPISTOLARUM SCRIPTORES ad Bibliothecarios omnino referendi sunt: ex illis enim multa hauriri possunt, quæ ad omnem rem & Historiam literariam pertinent, ubi a Vitarum Scriptoribus discesserimus.

* Biographi multa exponunt Scriptorum consilia & arcana: elogiorum quorūque Scriptores: quanquam hi in laudem proniores sunt, ut Sammarthani, Crafus, Ghilinus alique, de quibus supra; quibus addi possunt Monumenta illustrium virorum & elogia Trajecti ad Rhenum a Zyllo publicata, ac picturis Tobiae Fendtii illustrata ann. 1671. in fol. Sed omnes illi testimonium de aliis perhibent: in epistolis vero sui characterem ipse Autor depingit. Quod si enim e colloquiis eruditorum proficimus, etiam ex epistolis, quæ colloquia absentium sunt, magni ad nos fructus redundabunt; præsertim cum secretiora in illis tractari soleant. * Historia vel civilis vel literaria præteritorum temporum nobis jucunda erit, quam ex epistolis virorum illustrium nobis e plenius ob oculos ponere possumus, quo evidentior est in illis typus rerum & personarum practicus, unde perspicaci aliqua solertia multa eruent, qui Historiæ illorum temporum non sunt omnino ignari. Commendat hoc Vincentius Fabricius epistola, quæ est inter eas, quæ cum ceteris ejus Poëmatibus novissime prodierunt, secunda: *Quem non delectent, inquit, familiares isti, & quasi a presentibus habiti virorum magnorum sermones: quorum imago est Epistola? quantum ibi jocosum: quantum etiam querelatum; &, quatenus per ludum inter amicos licet, conviciarium? Annon te felicem crederes, si licuisset annos aliquot conversari cum Politianis, Manutiiis, Erasinis, Casaliis, Scaligeris, Lipsiis, Muretis; eorum mores, vitam, etiam cum in latis rebus, cum in tristibus essent, cum serio aut per remissionem agerent aliquid vel scriberent, inspicere? Jam vero talium Epistole cum omnibus te conjungunt quodam, & dulcissimo contubernio. Hæc quidem recte Vincentius. * Sed varia sunt in Epistolarum Scriptoribus considerata; variae ipsis Scriptoribus difficultates in Epistolis edendis proponuntur, de quibus nemo plenius, quam Erasmus in Epistola 1. unde hic adducemus nonnulla: *Ad Epistolas scribendas fortasse non ita valde videri poterant ineptus; verum alioqui multa res erant, quæ me ab hoc genere deterrebant. Primum, si epistola carent veris affectibus, neque vitam ipsam hominis representant, jam Epistole nomen non merentur: quales sunt Seneca ad Lucilium, atque adeo inter eas, quas olim scripsit Plato, quasque ad Apostolorum (ut apparet) imitationem scripserunt Cyprianus, Basiliius,**

Basilius, Hieronymus, Augustinus, perpaucae sunt, quas libros rectius appellaris, quam Epistolas. Porro, quos nobis reliquit, nescio quis Bruti nomine, nomine Phalaridis, nomine Seneca & Pauli, quid aliud conferi possint, quam declamatiunculae? Verum autem illud Epistolarum genus, quod mores, quod fortunam, quod affectus, quod publicum simul & privatum temporis statum, velut in tabula representat, cuius generis fere sunt Epistola Ciceronis, Plinii, & inter recentiores Aeneae Pii, aliquanto plus habet periculi, quam historia rerum nuper gestarum; periculosa (ut inquit Flaccus) plenum opus alee. Proinde, si quid edendum sit in hoc genere, nulli velim autor esse, ut ipse vivus edat, sed tyroni cuiuspiam hoc det negotii. Quamquam hic in edendis patroni sui monumentis plus studii, quam iudicii creditur adhibuisse. Si ve laudes, si ve vituperes aliquem, non deerunt, qui offendantur. Ut ne commemorem esse quosdam, qui ne laudari quidem sistineant libris editis: si ve, quod dedignentur a quovis nominari, si ve quod vereantur, ne cui veniant in suspicionem *Philoxodæxias*. Quo magis admiror divum Bernardum Epistolas suas evulgasse, in quibus tot nomina carbone notantur. Nunc si quis Jacobita aut Carmelita meminerit, vel suppresso nomine, nisi multa cum honoris praefatione, res videtur digna lapidatione. Jam & illud est incommodi, quod, ut sunt res mortalium, ex amicissimis nonnunquam redduntur inimicissimis: & contra, ut & illos laudatos, & hos doleas attractos. Postremo ne fama quidem Autoris satis consulitur, quod plerique ex una quapiam Epistola totum aestimant hominis ingenium, cum aliquoties scribamur vixidi, nonnunquam dormitantes; interim lassi, interim etiam egroti, aut aliud agentes, nonnunquam alieno stomacho, frequenter ad ejus, cui scribimus, vel captum, vel iudicium, orationis habitum attemperantes. Unde fit, ut imperitis veniamus in suspicionem inconstantiae, cum ea varietas, atati, affectui, personis & rebus in diversum mutatis, sit imputanda. Haec cum alium, quamlibet felicem, ab edendis epistolis merito deterreant, me tamen illud peculiariter debortabatur, quod, cum mihi semper fortuna non solum humilis fuerit, verum etiam constanter iniqua, neque is vita tenor, ut eam velim aut possim ab omni crimine vindicare, non erat, cur vellem utriusque multa vestigia superesse. Atque hac ratio fortassis & illos moveret, ad quos scribimus, qui, quod per literas velut in sinum effutiunt amiculi, nolint omnibus prodi; cum sint, qui nati Gratiis iratis nihil non interpretentur in pejorem partem. Saepe numero fit, ut, quod in convivio aut inter candidos homunculos dictum gratiam habet, si idem loco non suo dicatur, atroces excitet tragœdias. Hac quidem de causa pauciores admiscuimus ex his, quibus respondemus, & tamen aliaut adiecimus, praesertim eruditorum: partim, quod me piguerit laboris, quem Angelus Politianus fere sumit, in repetendo argumento Epistola, cui rescribit; partim quod, ut addas argumentum, tamen aliquid lucis ac vitae videtur deesse, mi prius legas eam, ad quam respondetur. Haec ex Erasmo prolixius adducere placuit. * Illud tamen ego velim, in Epistolarum Scriptoribus semper responsorias adjungi: ita rectius de omnibus judicaremus. * Velim & tempora Epistolographis sollicitè adnotari. Quae duo non sine causa desiderat in Epistolographis Thomaeus praefatione illa, quam Boxhornii Epistolis a se reculis praemisit. Quare laudanda est Manutii, Siberi, in ordinandis Ciceronis epistolis opera, unde multum lucis historiae accedit. Idem Johannes Aurifaber in Lutheri, Joachimus Camerarius in Me-

in Melanchthonis Epistolis fecit. Commendat eo quoque nomine Boxhornianas Thomasius. * Reperiuntur & in nonnullis Epistolis lacunæ vel ænigmatica & peregrina nomina, quorum in Scaligerianis & Casaubonianis Epistolis clavem dedit Colomesius, opusculis suis literariis adjectam: qualia in Philippi Melanchthonis Epistolis passim quoque reperiuntur. Sed talia facile e frequenti lectione degegi possunt, quod de se ait Vincentius Fabricius Epistola modo laudata: unde Thomasius quoque loco citato adduxit: *Memini me non indiligenter legisse antebac, quæ extant, eruditorum literas, nec vero nunc, quoties otium ad eam rem fert, intermitto. Unde tantum, præter alia, profeci, ut nihil fere occulte in Lipsii, Scaligeri, Baudii, talium epistolis notetur, nullus carpatur, (nomen enim nunquam fere, ut scis, exprimitur) quem ego non, quis fuerit, vel divinem, vel sciam.* * Illud denique magnopere reprehendendum est in plerisque Epistolarum Scriptoribus, nullum illis adjici Indicem, qui de potissimis literarum contentis docere possit. Pauci admodum Epistolarum libri sunt, qui hoc nomine commendari possunt Erasmi, Richteri, Boxhornii, (edit. Lips.) * Illud quoque ego suaserim, si quis hanc operam sumere velit, ut eruditorum literas, hinc illinc in scriniis nonnullorum latitantes, perquirat, atque in unum corpus compingat, alioquin, nisi hoc fiat, perituras. Næ is optime de re literaria meretur. Nos jam Epistolographos recensebimus, potissimum eos, quorum ad historiam literariam usus est. Primo ergo loco nobis nominabuntur

ROLANDI MARESII *Epistola Philologica.* Quoniam enim ille in Epistolis suis de rebus agit, quæ ad rem & Historiam literariam pertinent, merito primo loco nobis ponitur. Gallus fuit ille, Vir doctus, cujus extant duo libri Epistolarum Philologicarum, ad varios, tum in Gallia tum extra Galliam, Viros scriptarum: singulæ epistolæ continent argumentum aliquod de ratione studiorum instituenda. Jam enim de Grammaticis Scriptoribus, jam de Poëtis, jam de Loc. Comm. Collectoribus, de Versoribus, de Jurisprudencia, Theologia Scholastica, Antiquariis eloquentiæ singularibus, Historicis agit. In singulis multa habentur de Viris doctis judicia. Prima editio primi libri prodiiit Parisiis ann. 1650. in 12. Altera prodiiit post mortem Autoris auctior: nam Launoius & Valesii fratres omnes Epistolas in ordinem collegerunt, & singulis breviaria sua præfixerunt, in duos libros dissecando. Prodiit Parisiis in 8. Ejus Elogium habet Petrus Halæus, quod adjunctum legitur Vitæ Henrici Valesii, ubi simul habentur Epistolæ Maresianæ ad Valesios scriptæ. Novissime ann. 1687. Cl. Rechenbergius Lipsiæ & Francofurti recudi fecit. Rationes hujus sui libri reddit *Epistol. 1. lib. 2.* Idem *Epist. 19. lib. 1.* de eo agit, cur Epistolæ nostrorum ab Epistolis veterum tantopere differant degenerentque, cujus hanc rationem dat, nos non secundum artem & ἀνάλογον Dialecticam procedere, quod Cicero aliique faciebant; ii præterea inter publica negotia studia tamen sua non omittebant, sed semper aliquid scribebant. De Epistolarum variis generibus idem *lib. 1. Epist. 1.*

E Græcis Aldus olim Veneriis duobus tomis *Autorum 177. Epistolas* excudit SOCRATIS, ANTISTHENIS, ARISTIPPI, XENOPHONTIS, ÆSCHINIS, TOMUS I. M m PHI-

- PHILONIS, PHÆDRI & aliorum Socraticorum Epistolas edidit Leo Allatius. Cujacius *Epistolas Græcas* uno Volumine collegit cum interpretatione Latina: qua versione nullam futiorem habet Barthius *Advers. lib. 40. c. 19.* putatque illam Cujacio affingi. De ARISTÆNETI *Epistolis*, earumque interprete vide Barthium *Advers. lib. 45. cap. 6.* De vero earum autore idem disquirat *lib. 55. cap. 8.* LIBANII 40. sunt editæ Cracoviae: quasdam ineditas Epistolas Holstenius misit Lambecio, multaque de Aristænero habet in iis Epistolis, quas ad se scriptas Commentariis suis de Bibliotheca Vindobonensi inseruit Lambecius. Inter recentiores habemus Budæi *Epistolas Atticas*, singulari venustate scriptas. * Inter Latinos principem locum CICERO, disertissimus ille Romuli nepotum, tener, cujus habemus *Epistolas ad Familiares, ad Atticum, ad Q. Fratrem, Brutum*, tum civili sapientia plenissimas, tum ad amussim genuinæ Eloquentiæ factas: e quibus eas, quæ ad Atticum missæ sunt, Viri doctissimi rectius *familiares* fuisse nominandas censent, cum earum pleræque videantur genere sermonis abrupto & extemporali scriptæ. CASELIUS *Libello de Ludo Literario recte aperiendo* in tironum gratiam familiares epistolas deligendas suadet ex omnibus Ciceronis Epistolis, quæ familiari filo ac epistolis proprio scriptæ sunt. * Nam certe Epistolæ ad Familiares, ut Ludovicus Vives putat, non eo sermonis genere conscriptæ sunt, quo domi utebatur Cicero; in multis sunt lectissima argumenta, selectis etiam verbis tractata: scribuntur ad Reip. Romanæ viros principes: ac indicat facile ipse numerus ac periodorum mensura curam illam, quæ non adeo reperitur in Epistolis ad Atticum, ubi multa sunt abrupta & hiantia. De præstantia *Epistolarum Ciceronis* singularem Dissertationem JAC. PONTANUS scripsit, qua Ciceronis eloquentiam contra novatores nonnullos, Erasmus, Politianum & Belgam quendam Anonymum, defendit, monstratque, quam in omni epistolarum genere, quod adeo multiplex & varium est, unice triumphet Cicero. Nam & rebus accommodare argumenta, argumentis elocutionem, elocutioni numeros & decentem illam copiam novit; ut, qui simile præstiterit, e tota antiquitate inveniatur nemo, ipso Seneca teste: *Compositio Ciceronis una est; pedem servat curata, lenta & sine infamia mollis.* Sed ipse in stylo interdum varius est: scripsit enim nonnulla juvenis, quæ senex improbavit; cujus exempla affert Sebastianus Corradus in *Quæstura sua*, libro elegantissimo, in quo tota Ciceronis vita refertur. De vario *Epistolarum Ciceronianarum genere* commentarium Henricus Stephani edidit laboriosum, nec indoctum. * ERASMUS, adversus quem disserit Pontanus in laudata dissertatione, junior adhuc quædam scripsit, non tam contra Ciceronem, quam contra malos Ciceronis imitatores in Dialogo, cui *Ciceroniani* nomen fecit. Non potuit enim ferre homo perspicacissimus, Longolium aliosque se efferre Ciceronianorum nomine, quasi illi soli Latine loqui scirent, reliqui omnes barbaro ore creparent, cum illi vim imitationis Ciceronianæ nequiquam intelligerent, Centonum potius factores, quam veri imitatores; quorum fœtus, ut judicat vir doctus, Ciceroni, non ut homo homini, sed ut firmia, similis esset. * Sed fervore disputationis abreptus quædam licentius in Ciceronem dixit, quorum tamen postea pœnituit.

nituit. Nam ipse non semel temeritatem suam accusat. * Causa tamen nulla erat, 16
 quæ commovere JULIUM CÆSAREM SCALIGERUM ad tam acerbas *Declamatio-*
nes poterit, quas *Eloquentia Romana Vindices* appellat, in quibus miris modis lacerat
 Erasmus. * Sed & ipsum postea suæ acerbis pœnituit, quam invidendo elogio 17
 in mortem ipsius conscripto expiavit; & filio ejus teste, in Excerptis Scaligeria-
 nis suppressæ sunt illæ Orationes, aliaque, quæ contra Erasmum scripserat pater.
 * Sed vetus ille error est, quod olim Quintilianus de Scholasticis dicebat: *Nemi-* 18
nem inter illos fuisse, qui non sibi persuaderet, se ante Ciceronem numerari debere. Id & ho-
 die hominibus nonnullis accidit, Scholasticis præcipue, parum in usu dicendi exer-
 citatis. Viri etiam docti, ingeniosi, si aliam viam ingressi fuerint, ut sunt hominum
 ingenia varia, facile abripiunt in suum errorem alios; qui, cum glória sua capian-
 tur, non obloquuntur aliorum judicio. LIPSIUS quoque Ciceronem magnificis
 laudibus evehit, passim tamen in Ciceronis imitatores declamat. Non injuria ita-
 que Franciscus Vavassor *lib. de Epigr. p. 163.* Robertum Constantinum reprehendit,
 qui in Lexico suo Græco-Latino Budæi Epistolas ad lectionem commendat, ac Ju-
 stum Lipsium, quod in epistolis Angelum Politianum Ciceroni & Plinio socium ad-
 jungere voluit. De variis *Epistolarum Ciceronianarum Commentatoribus* legi potest SPA-
 CHIUS in *Nomenclatore Philosophico.* Legi etiam potest *Oratio MURETI XVI. lib. 2.*
 qua Vir ipse eloquentissimus ostendit Epistolarum Ciceronianarum præstantiam.
 * Ciceronis Epistolæ ad Atticum ob prudentiam politicam inprimis commendari 19
 debent: statum enim Reipublicæ, qualis tum erat, describunt; ita, ut quemadmo-
 dum Cornelius Nepos ait, eas qui legat, non multum illorum temporum Histori-
 am desideret. E Ciceronis Epistolis extemporalem se facundiam nactum fatetur
 Hermannus Buschius, teste Freinshemio, *Orat. 4. p. m. 46.* De Ciceronis Epistolis
 extat Sidonii judicium ambiguum, quod examinatum vide a Barthio *Advers. lib.*
 47. cap. 9.

Post Ciceronem in Latina lingua PLINII JUNIORIS *Epistola* adeo nonnullis 20
 placuerunt, ut vel ipsi Ciceroni anteponan: in quo tamen errare illos certum est.
 Recte de illo Ludovicus Vives: *Plinius succinctus & sescivus, facetus & acutus, & fre-*
quens concinnis sententiis, doctis atque acutis ingeniis mirifice est aptus, qui scholasticas inter se
mittunt epistolas & umbraticas, quibus oportet plus ornatus & condimenti adjungi, quando re-
bus non perinde nituntur. Nam certe non elucet in illis tanta rerum varietas, tantus
 orationis splendor, qui in Ciceronis Epistolis, de rebus gravioribus ad viros prin-
 cipes scriptis. Sed nostro tempore adeo delectavit dictio Pliniana nonnullos, ut
 normam illam dicendi sibi proponant: a plerorumque enim scriptis exulat ille nu-
 merus ac justa illa sermonis copia, quam in Cicerone deprehendimus; argutia ve-
 ro, breves periodi, numerus non valde quæsius, sententiis hinc inde & dieteriis
 Græcis & Latinis conspersa ac pene obruta dictio delectant. Etenim cum Epistolæ
 ad Familiares & viros eruditos de rebus scholasticis scriberentur, non adeo fortassis
 absurda erat hæc styli affectatio; quæ tamen in vitium incurrit, si ad viros graves
 principesve in re seria & deliberanda argumentis hoc modo scripseris. * Mire

prolixus in ejus laudes est Michael Neander in præfatione *Erorematum suorum* p. m. 241. Plinius, scribens, in *Epistolis* suis ita petit & commendat, ut extorqueat: ita gratias agit, ut referat: ita offert, ut largiatur: qua modestia laudat? quo ardore invehitur? quibus rationibus se alterumve purgat & tuetur? quam festivo, quam vere gratulatur? quam breviter, quam lucide narrat? quam apte, quam lepide jocatur? sentem, si lamentatur, videas, imaque collacrymabis; movet nemo benignius, nullus hortatur blandius: qua omnia vir emundus, acutus, acer, ea verborum puritate, varietate, compositione vestivit, iis hominibus, sententiis, salibus adpersit, ut nihil tersus, floridius, concinnius, nitidius, succulentius, acutius aut dici aut excogitari posse videatur.

- 22 SENECA in *Epistolis* Locos Communes scripsit: ejus enim *Epistolæ* nihil aliud sunt, quam farrago variarum sententiarum, in unitatem argumenti redactarum. Tota Philosophia moralis Stoica quasi per lancein saturam in iis exhibetur: quam, cum comprehendere non poterat Seneca julto aliquo Systemate, aut unius libri argumento, in *Epistolas* conjecit vagi argumenti materias, quia sic commodius illa proponi poterant. Nihil est ejus scriptis argutius & sententiosius; quæ ego volvenda & revolvenda suaserim, ut promptitudinem habeamus variarum rerum & argumentorum in moralibus & civilibus; addo & in sacris ad populum Orationibus, quibus illa mirifice subvenire possunt. * Ad orationis corpus formandum legi non debent: nam sic instituta orationis forma extra hoc argumentum laudari non potest. Erasmus in Seneca sordidas voces reprehendit, sed defenditur a Buchnero lib. de Com. dic. ratione cap. 15. Sanctius quoque in *Minerva* lib. 3. latinitatem Senecæ multis in locis claudicare ait, qui tamen eo deteriorem in latinitate utrumque Plinium facit.
- 24 TERTULLIANUS multum Africitatis habet, judice Ludovico Vive: Asper enim est, & verbis monstrosus. CYPRIANUS mollior aliquanto, quanquam ejus gentilis, uti & AUGUSTINUS; sed minus tersus ac comtus. HIERONYMUS ardens & vehemens, ut videatur semper ad judices dicere causa capitali. AMBROSIUS lenior & placidior. SYMMACHUS sui seculi pene Cicero habitus est; sed mirum quantum distet ab Arpinate isto. Ejus *Epistolæ* editæ sunt ex recensione
- 25 Lectii & Jureti. Extant & in eundem Scioppii Observationes. * SIDONIUS APOLLINARIS Giraldo Gallicum & Barbaricum aliquid redolere videtur *Dialogos de Poëtis*, quem tamen Barthius post Claudianum pro optimo Poëta habet, ipse non satis accuratus eorum censor. *Epistolas* scripsit stylo obscuro & perplexo, multum trahentes ab infectione illorum temporum, in quas tamen extant Commentarii doctissimi Savaronis & Sirmondi. Ceterum in Carmine, quod & observavit Vives de tradendis disciplinis, non adeo deprehenditur orationis scabrities, quam in prosa: numerus enim illam vel operit vel sustinet. De hoc similibusque Autoribus recte judicat Maresius lib. 2. ep. 1. Sidonius, quanquam scabri, & molesti sermonis affectator, ob multa, quæ *epistolis* inserit, suorum temporum acta nusquam alibi inveniendâ, satis in pretio est. Quantumvis enim barbari scriptores, quorum libri viventibus ipsis propter verborum squalorem, vel quod aliud vitium, fortasse negligebantur, si historiam suorum tempo-

temporum scripserint, vel quid historicum suis scriptis admiscuerint, postea tamen recipiuntur. Historia enim quoque modo scripta delectat, & licet insulse scriptam, tamen quoniam notitiam temporum habere desideramus, & nos quidquam, quod usquam gestum sit, latere dolemus, ambabus ulnis amplectimur. * CASSIODORUS Gothicæ scriptionis torus plenus est: qui omnes elegantiae studiose ab imitatione excludendi sunt.

Post illa tempora magno intervallo, velut stella inter densissimas tenebras, emicuit FRANCISCUS PETRARCHA, qui tamen multum trahit ex rubigine ac situ temporum suorum. * Multo post primus in Italia aliquid Latine balbutire crepit GASPARINUS, cujus Epistolas Ludovicus Vives laudat, quod in seculo doctorum primæ. * Huic succedunt LEONHARDUS BRUNUS ARETINUS, parum etiam cultus, & PHILEPHI duo, pater & filius, sententiis inanes & subfrigidi, POGGIUS, quem garrulum & nugatorem vocat Lud. Vives, *Ancas Pius II. Pontifex, Silvius, Campanus, Sabellicus, Pomponius Latus*, de quibus judicia vide Ludovici Vivi Instit. Epist. Ceterum Leonhardus Aretinus lib. 8. Epist. Basil. 1535. in 8. editis, singularia argumenta Philologica & Historica comprehendit, quæ pertinent ad statum illorum temporum. Nam non pauca occurrunt de artibus aulae Romanæ; ut lib. 2. Epistolam habet de infelici statu Romanæ curiæ; item de artibus, quibus oporteat uti illos, qui Episcopatus ambiunt a Pontifice Romano, & plura alia. Notissimus alioquin ille Autor est: fuit enim & ille inter primos refuscitatores literarum in Italia, ac multa ex Autoribus Græcis in linguam Latinam convertit.

ANGELUS POLITIANUS, quem Scaliger in Excerptis dicebat primum sui temporis caput exulisse in literis, Ludovico Vivi acumine & festivitate amabilis, nisi quod laudis nimia cupiditate supra Epistolæ limites assurgit. Ludit ille non raro, & lascivit; multis est in materia minuta sui ostentator; & dum selectas quasdam voculas querit, circumducit lectorem pluribus, tum verbis tum sensis, orationem onerans, quam erat opus. Quod iudicium Ludovico Vivi Claudius Verdierus in *Censione sua* pag. 156. sublegit. * Magnus est Politiani Panegyristes Barthius *Advers. lib. 47. cap. 5.* Inter ea, inquit, ingenia, quæ restaurandis literis cum favente fato præfuerunt, vel cum primis, nescio etiam an nullo pari semper ego æstimavi Angelum Politianum: tanta in eo viro dexteritas, quocumque literarum se verteret, fuit, ut nec nunc satis admirari dotes incomparabiles possit, licet nonnumquam tanto Heroi iniquior, posteritas. Nec admiratus ego solum hunc hominem semper fiam, sed quæ ejus in scribendo singulares Gratia sunt, amavi etiam, affectu sane tenero; Quare minus etiam patienter tuli sordida pedagogorum judicia, qui ne quid minus in hoc, quam aliis scriptis divinitati jam consensu docti orbis transcriptis, sapere videantur, nescio quas verulitatis notas inusserunt, vel inurere certe conati sunt, longe doctissimis ejus monumentis. Idem lib. 19. *Advers. cap. 17.* de eo: Stylus latinitate Romanos ipsos adit, Atticas Athenas, si ita fieri licet, Gracitate. Inventionum vero acumine, lectionis varietate, judicii dextertate, singularis illius hominis felicitas fuit, eaque quo rarior in utroque genere orationis pari laude cui contingere solet, eo in isto gravior. Adde, quod pueritia incidit in seculum

lum Sophistis dominantibus plusquam barbarum, quorum dogmata etiam tamen ita caluit, ut non minimum laborasse dicatur ad elegantiam Latinam traducendis. His velut cumulus accedit in vulgari quoque Itatorum nunc Idiomate rotunditas suavissima, qua plures etiam nulli alii rei studentes longe post se reliquit. Etiam Maresio lib. 2. capit. 1. Politianus

- 32 valde politus & elegans videtur. * Quam; ab his diversum Manutii judicium! qui se cum Politianis & Erasimis misere errantem in viam reductum a Bunello ait, ob hoc judicium reprehensus a Maresio lib. 2. epist. 4. qui cum istis viris errare mavult, quam cum Bunello & Manutio sapere, quorum Epistolæ rerum sint inopes, verbis canoræ. Sed non desunt, quæ & huic responderi possunt, de quo alio loco plura. * HERMOLAUS BARBARUS, cujus Epistolæ, Politianis Epistolis mistæ, durus esse videtur, qui quoddam styli genus affectavit ex obsoletis & recentibus vocabulis mistum. * Utrumque multis laudibus effert Germanus Brixius Epistola ad Erasmus, quæ est inter Erasimianas libri quarri octava. Scaliger ipse in primis illis excerptis, a Fabro editis, ait, se tribus inter omnes literarum fuscitatores invidisse, Gazæ, Angelo Politiano & Pico Mirandulano. Politianum Poëtam excellentem vocat, & in omnibus aliis, præterquam in Epistolis, quarum stylum imitari nolit, nimis elatum & oratorium, sed potius Cæsaris, Cassii, Planci, Bruti & aliorum apud Ciceronem, maxime vero Mutii & Cincinnæ & Plinii secundi, qui tamen non sit superioribus conferendus, uti nec Cicero, qui non simplici stylo sapissime utatur.
- 35 * Erasmus lib. 12. epist. 7. in Zilio laudat Politianicam Venerem ac delicias, cujus viri ingenio semper ita sit delectatus, & nullo æque, in quo summa sit eloquentia.
- 36 * Reprehendit & Scioppius in lib. de Rhetoricarum Exercitationum generibus pag. 25. in Politiano, aliquem *κατωφύον*, quod scil. utatur verbis e variae ætatis Scriptoribus dissimillimis peritis. Ita enim: *Ab hoc vitio non satis Politianus caret, etsi id cum ingentibus virtutibus aliis redimere satendum est.* Atque hoc vitium ille omnes Transalpinos affectare nimis licenter ait, qui non tam judicii & elegantiae, quam variae eruditionis laudem ferant. Excipit tamen e Germanis Rudolphum Agricolum, Joh. Rivium, Anton. Schorum, Franciscum Fabricium: ex Gallis Muretum, Hotomanum &c. Ex Britannis Thomam Morum, Buchananum, quem ille omnibus Italis
- 37 præfert. * Floridus Sabinus pag. 10. Apolog. Politiani Epistolas Plinianis præfert. Paulus Cortesius Ep. de imitatione in Politiano reprehendit, quod nullum imitetur, atque ita vitiosam & dissimilem scriptionem instituat. De Politiano videatur & Capaccius Elog. lib. 2. pag. 350.

- 38 PETRUS BEMBUS Italus, si credimus Joh. Casæ in Vita ejus, ab illo scripta, ad verum Romani sermonis genium aliquid scribere cæpit. Jacebat tum Cicero, & Autores illi ætatis aureæ. Solus ille illorum pretium reduxit, atque Ciceronianum quid stylo expressit. Præter enim Politianum, quem Joh. Casæ minus dulcem ac minus elegantem vocat, nemo erat, etiam ex illis, quos nominavimus, laude aliqua styli dignus. Magnificandus itaque is Autor est ob honorificum adeo testimonium Joh. Casæ, qui Romanæ linguæ peritissimus fuit, ut hodieque ejus scripta, utur pauca, magni æstimentur.

æstimentur Italis. De Longolio, Casa, Bembo, Sadoletto, Lazaro Bonamico, Romulo Amusæo Muretus agit *volum. 2. oratione 16.* de quæ iis judicat. Legendus de Bembo Capaccius *Elog. part. 2. p. 263.* De Sadoletto idem *ibid. pag. 265.* De Victorii Epistolis *ibid. p. 267.* Cujus Epistolas utut Latinas, ob nimias tamen ambages non probat Scalliger. Joh. Sturmii lib. Acad. ad Lipp. ita de Italis: *Bembus & Sadoletus scribere maluerunt Latinè, quam loqui. Et quanquam Sadoletus facilior, quam Bembo; tamen Bembo plus voluisse, Sadoletus non plus potuisse videbatur.* * RUDOLPHUS AGRICOLA, 39 Vir doctissimus, paucas scripsit Epistolas, quæ Operi ejus inferuntur, non illas quidem indoctas, sed Ludovici Vivis judicio in multis emendandas. Nam si ipse sua emendasset, maximis quoque Veterum potuisset comparari. * MARSILIUS FIC- 40 NI Epistola rudi stylo de rebus philosophicis agunt. * JOHANNIS PICI MI- 41 RANDULÆ Epistola non destituuntur flore eloquentiæ purioris Latinæ, quatum aliquæ tenera ætate scriptæ, aliquæ provectiore, refertæ rebus mysticis, ut erat ille sui temporis prodigium. Eas epistolas Christophorus Cellarius Cizæ ann. 1682. recudi fecit, notulis quibusdam atque indice adjectis. * THOMAS MORUS, ma- 42 gnæ Vir autoritatis ac magnæ eruditionis, Epistolas aliquas scripsit, quæ inter Opera ejus reperiuntur, non quidem adeo accurate ad genium Linguae Latinæ scriptæ, sed, quæ tamen laudem nitidi sermonis affectabant, eo præsertim tempore, quo superata barbarie, nova lux literarum effulgere cœpit. Tum exagitati fuere Scriptorum barbari, ac perpetua inter illos & eruditos bella, quorum felicissimus propugnator fuit Erasmus Roterodamus. * Barbarorum hominum stribiliginem eleganter de- 43 pinxit ULDARICUS HUTTENUS, Eques Nobiliss. in Epistolis obscurorum Virorum: is enim verus earum Autor est; de quibus Erasmus lib. 22. ep. 31. lepidissimas narrat fabulas; quam scilicet illæ primum magno a Monachis plausu fuerint exceptæ, tanquam in honorem Monachorum scriptæ.

ERASMI Epistolis nihil est suavius & acutius. * Latinitas in illis non mala; 44 non quidem talis, quam ad imitandum aliquis proponere sibi debeat, (hic enim an- 45 tiqui Scriptores omne ferunt punctum) sed nativa, extemporalis & interdum aliquem ex rebus colorem trahens, quod accidit interdum Scriptoribus doctissimis, Grotio, Salmasio acaliis. Illi enim auctores, prout res sunt, quas tractant, prout in Auctores scribunt, a quorum lectione recentiores discedunt, stylum suum formare solent. Id enim velim noter hic aliquis, viros doctos, qui multos Auctores legunt, cum cura eos emendant, aut multam Scriptoribus philosophicis impendunt operam, vel mediæ ævi Auctores diligentius legunt, plerumque ab illis aliquid virtutis trahere, nec accurate adeo scribere, quam eos, qui unum, & quidem optimum, Ciceronem scilicet sibi imitandum proponunt. Quemadmodum, quibus cum variis gentibus commercium est, lingua nonnunquam inclinari solet, ita & hic fieri consuevit cum Scriptoribus barbaris, vel non accurate Latinis, familiarius conversantibus. * Eam causam existimo, quod 46 Barthius, diligentissimus mediæ ævi Scriptor, Lector & Emendator, nihil tam in soluta, quam in ligata oratione scripserint, quod elaboratum esset. Grotius quoque, ut ipse in

- in præfat. Poëmatum suorum faterur, in stylo varius est. Jam enim Virgilianum aliquid, jam Statianum aut Claudianæum aliquod Carmen scribit. In prosa vehementer etiam variat. In libris Philosophicis interdum barbarissimos admittit, & Philosophorum Scholasticorum lingua loquitur. In Historia Tacitum non infeliciter exprimit; in Epistolis Plinium. Salmasio nonnunquam *σέλομα* exciderunt. * Ipse quoque Erasmus styllum suum excusare mavult, quam prædicare, ut in *epist. 20. lib. 24.* ubi Budæana præ suis extollit, doctus modestia, in quo longe aliter ego sentio. Quam enim Budæana dictio ab Erasminiana differat, nemo rectius ostendit, quam Longolius in Epistola quadam, quam Ludovicus Regius in Vita Budæi adducit. Vide & in *Erasmi lib. 1. ep. 11. & 12.* Scaliger in Excerptis suis Budæum ait nihil nisi imitando scribere potuisse, semperque Locos Communes Phrasium consuluisse, cum quippiam scriberet. Joh. Sturmius in libro Academico ad Philippum Lipp. Erasmus quoque Budæo præfert, atque ita de Erasmo: *Erasmus*
- 47 *copia & varietate contentus Italorum spernebat in scribendo sollicitudinem.* * Ceterum Erasmi Epistolæ propter rei literariæ multiplicem cognitionem legendæ, & velut ad Locos Communes redigendæ sunt. Vastum hoc Opus est variarum ejus Epistolarum, non quidem omnium; nam multæ etiamnum ineditæ sunt, & earum multæ MStæ in Bibliotheca Gudiana asservantur. Ipse Erasmus *lib. 27. Epist. 42.* non diffiretur, multas sibi esse Epistolas ex tempore scriptas & dictatas, quarum nullum ille exemplum servaverat; doletque multas ex illis in vulgus emanasse. Cornu copiæ merito dixeris variarum rerum. Continentur in illo libro arcana Status Civilis, Ecclesiastici, Literarii illorum temporum, faceta nonnunquam & jocosa, ut ipse fuit ingenio mire festivo, e. g. cum morem osculandi in Britannia describit *lib. 5. ep. 10.* & jurgium ancillæ cum hera *lib. 5. ep. 6.* Editio Epistolarum illarum Frobeniana editione Londinensi & ceteris longe melior est & correctior: multis enim mendis hæc postrema scater, quamquam aliqua parte locupletior. Index huic Operi subjectus utilissimus est. Lites in Theologorum palæstris tum ventilatas, & quicquid ad illarum Historiam pertinet, illic deprehendes. Quamquam Erasmus se medium semper gesserit, studium tamen partium non raro deprehendes. Magna fuit ejus Viri veneratio, & merito quidem, ingenium excellens, vastum, diffusum, sæcundum, acre, promptum, ad omnia paratum, in decus & miraculum sæculi natum. Triumphare duobus his civibus Batavia potest, Erasmo & Grocio, quibus pares posteræ secula non facile datura sunt. * De his Erasmi Epistolis ita Vincentius Fabricius *epist. 2.* *Unius Erasmi epistolas cum logo, præter quandam renascentium disciplinarum quasi historiam, inprimis legentem tenent, quas circa exortum purioris doctrine scripsit. Quippe qui medius & neutrius partis, nihil gratiæ (quis enim in Epistola ad amicum?) nihil det odio, quid autem in istis sibi placeat, in illis displiceat, generoso candore exponat.* In quibus tamen nihil magis, quam singularem viri versutiam, qui hos ita sibi demereri potuit, ut illos non offenderet, mirari ego soleo.
- 50 * Multa in Erasmi laudem Baudius *lib. 2. Epist. 27.* Multa Germanus Brixius in
Erasmi

Erasmi Epistolis lib. 4. epist. 8. Editio ultima prodit Londini ann. 1642. in fol. cum Melanchthonis, Thom. Mori & Ludovici Vivis Epistolis.

MELANCHTHONIS *Epistolas* illis subjungimus. Jam supra in laudem 51
istius viri multa dicta sunt, cum de Vita ejus ageremus. Faciunt vero ejus Epi-
stolæ non parum ad statum rei Literariæ & Ecclesiasticæ. * Ut candidum illi viro 52
pectus fuit; ita sine fucō & ornatu scribit in Epistolis, in quibus nonnunquam
multas deprehendes ejus querelas de turbato Ecclesiæ statu, de pravis & seditiosis
quorundam consiliis Theologorum, multa quoque suppressis nominibus & per
ænigmata scribit. Ejus Epistolæ prodierunt in fol. & dehinc sparsim alia quæ-
dam Volumina Epistolarum ad Joach. Camerarium & alios scriptarum; in quibus
tam candidus, ut nec necessitates suas domesticas dissimulet. Diversis temporibus
cas ediderunt Manlius, Peucerus, Pezelius, Saubertus, & Anonymus quidam par-
tem earum sextam, ut vocat, Lugd. Batav. Ann. 1647. Optat vero Thomasius in
præfatione Boxbornianarum Epistolarum, ut quis in ordinatum corpus illas congerere
velit: qui sane labor utilissimus foret. Non dubito, plures adhuc Melanchthonis
latitare epistolas: vir enim in isto negotio positus plures procul dubio scripsit;
quæ, ut omnes edantur, rei Theologicæ & Literariæ interest. * Stylus in eo pla- 53
nus, liquidus, nec suis destitutus elegantiss: quanquam non imperus ille ac fervor
sit, qualis in Erasmiænis, non tamen ideo culpandus; animi enim est character ser-
mo, & ex illo idem in dictionem transfertur, huic ingenio domesticam & vernacu-
lam. Ut enim ipse animus moratus est, ita vel *ἡδὴ* passim elucet, vel ex senten-
tia, affectus vehementiores. Unde non falluntur, qui singulare aliquod divinati-
onis epistolaris genus commenti sunt, tum ex ipso characterē sermonis, tum litera-
rum, quod argumentum singulari libro tractavit *Camillus Baldus*.

JOACHIMI CAMERARII *Epistola* elegantissimæ sunt. Fuit ille illu- 54
stre Germanorum nomen, ac superioris seculi Phœnix, cujus elogia conglobata
videas a Thomasio in *Præfatione 75. laudibus Joach. Camerarii*. Tot tantæque in lu-
cem edidit scripta limatissima, ut inter Germaniæ Heroas literarios merito referen-
dus sit. Hujus extat Libellus novus, Epistolas virorum doctorum ad se & alios
suasque continens, ab ipso vivo editus Lipsiæ An. 1568. in 8. Promiserat in præ-
fatione plures doctorum Epistolas, quas collecturus undique erat. Vehementer
enim commendandum, & hujus viri exemplo etiam nunc a nobis faciendum esset.
Post mortem ejus prodierunt Francof. Ann. 1583. libri 6. Epistolarum familiarium
venustarum & delicatarum; quæ, ut sunt eleganti stylo scriptæ, ita multa conti-
nent rerum literariarum illius temporis. Hinc Anno 1595. ibidem quinque libri
posteriores Epistolarum a filiis editi. Fuere ipsi commercia literaria cum pleris-
que totius Europæ viris eruditiss, de negotiis talibus scriptæ, quibus delectantur
literati.

Vixit circa id tempus AONIUS PALEARIUS, cujus editæ sunt Ora- 55
tiones & Epistolæ, quæ feliciter adeo exprimunt Ciceronem, tum qua dictionem,
tum qua numeros, ut dubitem, an præferendus illi aliquis sit. Prima editio Basil.

Tomus I.

N n

in suo

in suo prodiit, altera *Brema*, quam procuravit Matthias Martinus in usum Scholæ Bremensis. (bbh) Paucis, quod miror, etiam viris doctis & acerrimis latinitatis censoribus cognitus iste Autor fuit; sed meretur profecto inter præcipuos numerari. Hic mihi quis discrimen imitationis videat: nam longe aliter sonat, quod Palearius scribit, quam Longolius & alii inepti Ciceronis imitatores. De Longolio videatur judicium Ludov. Vivis in Instit. sua Epistolica. *Nimia cura imitationis, inquit ille, bonam naturam corrumpit: Verba habet Ciceroniana mira religionis, an superstitionis observatione &c.*

35 * MELCHIORIS GOLDASTI *Epistolas Philologicas* jam supra memoravimus. Nunc, cum de Epistolis agimus, censei etiam inter illarum Scriptores debet. Non vero scripsit ipse Epistolas, sed collegit tantum a viris doctis sui temporis scriptas, varii argumenti, sed philologici: centuria integra est, proditque Francof. ann. 1610. Operæ pretium faceret, qui talem laborem continuaret.

17 PAULUS MANUTIUS magnam assecutus est in exprimendo stylo Ciceroniano felicitatem, cujus *Epistole* magna diligentia ac cura conscriptæ sunt, atque, ut Scioppius nobis narrat, tanto labore, ut menses aliquot uni epistolæ interdum impenderit. Scilicet, quem antea laudaverat, quod nemo, qui sanus sit, ad puritatis & elegantiae Latinae summam quicquam Manutio defuisse dixerit; mox tamen colaphum illi impingens, ex nimia illa cura factum esse judicat, ut Manutii Epistolis, quamvis elegantissimis, nequaquam ea sit gratia, quæ hominem, nisi valde otiosum, ad iteratam lectionem invitet. Purissimus sane Autor est, ac pene unicus e recentioribus, quem ego Ciceroni jungi posse arbitror. Quod Scioppius dicit, tedium lectionis repetitæ inde oriri, si quid veri judicat, ex illo forte est, quod plerumque de negotiis familiaribus scribat. Sed nos hic de rebus non solliciti, dictionis præstantiam commendamus. Aliquot ejus Epistolarum editiones sunt, quas recenset examinatque Thomassius in præfatione novissimæ editionis Lipsiensis, cui, si verum fateri velimus, non multum diligentiae accessit: Extant adhuc aliquæ ejus Epistolæ ineditæ apud viros doctos, atque unam ejus bene longam servat *Cl. Gudius*, ipsius Manutii manu scriptam, quam ipse Epistolarum Manutii Reginam vocare solet. Muretus se Manutio minorem fateretur, & Maresius Muretum eo majorem facit. Scaliger certe in Excerptis illis primis, a Tanaq. Fabro editis, neminem magis Romane loqui ait. Capaccius *lib. 2. Elogiorum*, bonæ latinitatis amatorem nominat, qui tamen a splendido & magnifico Orationis genere abesse visus sit, dum ab humili Epistolarum stylo non discessit.

58 * Muretus cum in *Orat. 16. Volum. 2.* omnes Italos, inque his Johannem Casam in scribendo omnium politissimum maximeque limatum, & ab omnibus ineptis remotissimum, Manutium, Virum in scribendis Latinis Epistolis singulari lepore ac venustate præditum laudasset, ita tamen de iis in universum judicat: *Et tamen in tanto ardore animorum, tanta ingeniorum contentione atque emulatione, tantis præpositis præmiis, nemo adhuc extitit, cui simpliciter & sine ulla exceptione ea laus tribui possit, ut bene*

(bbh) Novissima ac nitidissima, imo novis etiam Accessionibus locupletata, Orationum, Epistolarum ac Poëmatum Aonii Palearii editio prodit Amstelod. A. 1695 in 8vo.

bene Latine scripſiſſe dicatur. De Caſa & Manutio ita judicat: Hi quemadmodum illud conſequenti ſunt, ut hæc laus vere ac merito propria Italia haberetur, cique cetera omnes nationes ſcribendi elegantia facile cederent: ita illud negari non poteſt, multos novos multaque maculas, quod bona omnium venia dictum ſit, illorum omnium ſcriptis aſperſas eſſe, quæ planum faciant, illos vidiffe quidem, quid optimum eſſet, & viam, quæ ad illud ſerret, ingreſſos longe proceſſiſſe: ſed longe tamen ab eo, quo intendebant, ſubſitiſſe. Oſtavianus Ferrarius in libro de Sermonibus Exotericis pag. 42. Edit. Venet. magno Manutium elogio ornat. Vocat eum virum acerrimi & elegantiffimi judicii, qui Romane laudem eloquentia nobis ita veſtiat hoc tempore, ut priſcos illius autores, quorum habentur in honore ſcripta, partim exequet, partim vincat orationis genere ipſo flexibili, nitido, & ſine ſatietate dulci. * Manutii 59 Epistolis jungi ſolent BUNELLI Epistola in editione illa Pariſienſi, quam Henricus Stephani edidit. Sunt & ſeorſim editæ. Ejus exemplo Manutius Epistolæ ſuas ſcripſit, ut ipſe fatetur. Nam mirus in illis eſt Latini ſermonis nitor.

MURETI Epistola plus vigoris & ſpiritus habere videntur. Neque enim 60 ſollicita adeo imitatione ſcriptæ apparent, ut Manutianæ; quæ dejicere quodammodo & ſupprimere animum videntur. Cum enim in formulas & phraſes intenti ſumus (in his ſcilicet mire ſæcundus Manutius eſt, atque ex earum variatione continua prima, ut ipſe fatetur, eloquentiæ fundamenta jecit,) minor rerum cura eſt, unde effloreſcere ſua ſponte nativa quædam, & argumento magis conveniens, facundia ſolet. Multa in Mureti Epistolis occurrunt ad rem literariam pertinentia. * De Mureto Erythraeus Pinacoth. I. num. 5. ut ipſe peritiſſimus artifex, vere judi- 61 cat: Quis noſtra ætate ſermonis genere uſus eſt, adeo gravitatis, doctrinæ prudentiaque reſerto, & in quo præterea omnes verborum, omnes ſententiarum illigentur lepores, præter hunc? quis magis Latine, pure, dilucide ſuaviterque locutus eſt unquam, & quod reſert, qui oris preſſu & ſuavitate appellandarum literarum ſe magis hujus civem urbis, non peregrinum, ſignificaret? Scaliger in Excerptis laudat, ut numeri ac periodorum ſingularem artificem.

ROGERUS ASCHAMUS, Anglus, Reginæ Eliſabethæ fuit a Latinis Epi- 62 ſtolis, cujus Epistolæ Thuanus elegantiffime ſcriptas judicat. Pene unus e gente Anglica eſt, cujus ſtylus veterem latinitatem ſapit. Cum Joh. Sturmio ſingularem coluit amicitiam; cujus exemplo erectus, elegans dicendi genus ſectatus eſt. * Ac 63 fuit ipſe Sturmio Vir eruditiffimus, non Rhetor tantum optimus, ſed & qui feliciter ſtylo exprimeret veteres Auctores minime fucato, ac puro, cujus & Epistolæ in pretio haberi merentur. Epistolæ ejus prodierunt Hanoviae in 12. ann. 1610. Idem & Anglica lingua libellum de informanda juventute ſcripſit.

M. ANTONIUS BONCIARIUS Peruſinus, Academicus Inſenſatus atque Mu- 64 reti diſcipulus fuit, e cujus diſciplina profectus totum vitæ tempus in inſtituenda juventute conſumpſit, cujus ille ſpecimen in patre dedit; qui, cum annos ſeptem & quadraginta natus, uxore amiſſa, ſe Societati Jeſu velleret adjungere, ne ob Latinæ linguæ

ignorantiam repelleretur, brevi temporis spatio ab illo Latinis literis imbutus est. Edidit ille *Epistolas* elegantes & tersas, aliquoties recusas. Editio secunda Marpurgi Cattrorum Ann. 1604. prodiit. In *Epistola* Dominici Passionari, quæ, p. 396. editionis hujus habetur, narratur omnis illa methodus, qua in parente informando usus est Bonciarius.

- 65 THOMAS REINESIUS, Medicus & Consul Altenburgensis, tam in sua arte, quam in omni literatura fuit doctissimus, & scriptis editis omnibus satis notus. Ejus extant variae *Epistolæ* in 4. editæ, una cum responsoriis inter Hoffmannum, Christophorum Adamum Rupertum, Christianum Daumium, viros doctissimos & celeberrimos: (ccc) plures extiterunt ineditæ in Bibliotheca Bosiana, quas ille ad viros doctos per Galliam, Italiam & Germaniam scripserat. Ejus *Epistolæ* ad Hoffmannum & Rupertum editæ sunt Lipsiæ anno 1660. & in illis ad Hoffmannum multa habentur de re Medica & Physica philologemata: in iis, quæ ad Rupertum, multa, quæ pertinent ad interiorem Historiam Romanam, ad familiarum Romanarum genealogiam, & similia: in iis denique, quæ ad Christianum Daumium, multa sunt, quæ ad Latinitatem mediæ ævi pertinent, & ad Autores vulgo incognitos. * Nam CHRISTIANUS DAUMIUS jam a multis annis hoc voluit factum, ut conficiat aliquod *Lexicon copiosum*, quod exhibeat voces Latinæ linguæ corruptas & mediæ ævi. Omnium ille labores superabit in hoc argumento. Est & diligentiae specimen sordes collegisse, ut securiores esse possimus de elegantiss. Magnam Reinesianarum *Epistolarum* ad se scriptarum Volumen in Bibliotheca sua servat illustris Dn. Gudius. Quod ad stylum attinet, familiaris iste, argutus, sententiosus, compositioni non adeo studens, aut anxie affectans Tullianam grandiloquentiam.
- 67 CASAUBONI *Epistolæ* ultima editione prodierunt, curante Grævio, ut primæ earum editio prodiit opera Gronovii; sed postrema longe auctior est in 4to. edita
- 68 ex officina Beckensteiniana, Francofurti. (ddd) * Multa sunt in illo libro singularia, quæ tam ad Historiam literariam, quam civilem illius temporis pertinent: stylus familiaribus scatens elegantiss & argutis; Græcæ linguæ flores, adagia ubique apparent.
- 69 * Compositio quidem Ciceroniana non est, neque, ut ipse fatetur, se multum cruciavit in verborum delectu; sed tamen miram omnia elegantiam spirant. Etenim compositio interdum omnem sermonis faciem commutat, cujus exemplum habemus in *Camerario*, de cujus stylo Philipp. Melanchthon lib. 4. *epist.* 206. ita judicat:

(ccc) Extant etiam Thomæ Reinesii *Epistolæ* ad Joh. Vorstium Philologico-Theologicæ, Coloniz ad Suevum Anno 1667. ad Nesteros, patrem ac filium, Archiatros Saxonicos, Medicæ, Lipsi. Anno 1670. in 4to, & ad Joh. Andr. Bosium Critico-Philologicæ, cum Bosianis ad ipsum, a Joh. Andr. Schenidio Jenæ Anno 1700. in 12. publicatæ.

(ddd) Novam *Epistolarum* Isaaci Casauboni Editionem, Græviana etiam auctiorem, una cum Vitis illius, filique Merici, proluxioribus, isti jungendis, ante annos jam plures, expectari a se, in *Epistolis* ad me diversis, jussit Vir Doctiss. Theod. Janssonius ab Almeloveen, Med. D. & Acad. Harvardiæ Professor.

cat: quod, cum antea Ciceronis verbis & phrasibus uteretur, compositionem vero periodorum aliam haberet, postea, cum etiam hanc ad Ciceronis normam institueret, seipsum quasi superavit. Qui græcis formulis in scribendis Epistolis delectantur, multas tum ex Casauboni, tum ex Reinesii Epistolis colligere possunt. Recensentur hic quoque sæpe arcana quorundam eruditorum, quorum nomina non sunt edita, quæ detexit aliqua ex parte Colomesius in *Clave Epistolarum Scaligeri & Casauboni*, quæ addita est opusculis ejus literariis. Non tamen ille omnia notavit. Rittershusius in Epistola ad Richterum scribit, se plures habere Casauboni Epistolas, p. 2. 1. *Ipse jamdudum consilium cepi colligendi magni Casauboni literas, ad Germanos scriptas, eis δὲ ὅμαι ἡγερὲν σύνταγμα, quarum esse tantum munus scis, ut justum corpus queant efficere.* Ab eo, credo, impetravit plurimas Gronovius, quas editioni suæ adjecit. Extat ad Richterum ejus de illa re Epistola. Ejus Epistolas Richterus quadam ad Gronovium Epistola Romæ combustas nunciat p. 240. Latitant & in Bibliotheca Gudiana multæ Casauboni Epistolæ.

JUL. CÆSARIS SCALIGERI *Epistola*, ut omnia, summæ ingenio & judicio 70 scriptæ. Totus nervosus est & rerum plenus, vehemens ipsi ingenium, audax, acre, judicium penetrans; nonnunquam etiam cavillatorium, ut solent viri etiam summi aliqua in re labi. Adversus Cardanum & Erasmum virulentum scribendi genus instituit; nonnunquam in illos summe injurius: sed hæc nunc extra institutum nostrum. Ejus extant *Epistola & Orationes*, in quibus multa continentur, quæ in Historia literaria tunc temporis agitabantur: multa ex illis discas, quæ ad ipsius conditionem & vitæ genus pertinent, multa de ejus libris, studiis: amarulentæ illic multæ & rixosæ ad alios Epistolæ, quibus beneficia sua exprobrat. Duplex illarum Epistolarum, vel potius triplex editio est; una Tolosæ prodit in 4. cum Orationibus adversus Erasmi Ciceronianum: altera editio in 8vo prodit Lugd. Batav. alia editio Hanoviae ann. 1612. in 12. ubi plures, quam in ceteris editionibus habentur epistolæ. Adjectæ sunt Orationes elegantissimæ ab illo conscriptæ, quæ non habentur in ceteris editionibus, ut Oratio in luctu filii, magnorum affectuum plena: item Oratio, qua parentat illis, qui in bello Turcico ad Viennam ceciderunt; fragmentum de laudibus anseris, & luculenta de verbo *Inepti* Oratio; qua tota oratione illud agit, ut demonstrat Latinæ linguæ aptitudinem in rebus efferendis præ Græca: plena est optimis Observationibus. Sunt & ejus duæ epistolæ a Joach. Morfio Leidæ anno 1619. in 4to editæ, quæ non extant inter ceteras Epistolas.

Non minor parente filius JOSEPHUS SCALIGER, cujus & extant *Epistola*. 71 Ejus Viri maxima sunt in rem literariam merita, qui velut pater quidam literarum per universam Europam salutandus est. Ex ejus ludo prodierunt, quos Baravia habuit, Viri illustres. Ejus Epistolæ eruditione omnigena plenissimæ sunt; præter dictionem enim tersam & argutam proponuntur illic Philologica, Medica, Mathematica, Chronologica, & quæ ad Orientalem literaturam pertinent: judicia multa de Viris doctis, de libris, quæ legere, quæ excerpere debent harum rerum curiosi. Ejus Epi-

stolarum aliqua παραλειπόμενα in 12. a Jac Revio, si recte memini, publicata sunt. Sunt & Epistolæ Gallica lingua ad Scaligerum scriptæ. Liber ille rarissimus, atque multa continet singularia de libris & Viris eruditis: editus autem est post mortem Scaligeri a JAC. REVIO, Hardevici ann. 1624. in 8vo, hoc titulo: *Epistres Françoises des personages illustres & doctes a Mons. Joseph. Just. della Scola.* Habentur hic explanationes multorum locorum in Autoribus classicis, consultatur cum Scaligero de rebus plurimis. Si hæ Epistolæ conferantur cum ceteris, facient ad intelligentiam plurimarum rerum, quæ obscuræ alias videbuntur. Ceterum & intelligendis difficilioribus Epistolarum Latinorum locis proderit *Clavis Colomesiana*, de qua superius diximus.

C A P. XXIV.

CONTINUATIO PRIORIS ARGUMENTI.

1. Continuatio. 2. Claud. Sarravii Epistola laudantur. 3. Earum supplementa cum multis aliis ejus Viri Epistolis latitant in Bibliotheca Gudiana. 4. In ineditis multa habentur de hirculis eruditorum. 5. Latini Latini Epistola. 6. Fortunius Licetus polygraphus. 7. Summus hic Aristotelis Encomiastes. 8. Ejus quesita per Epistolam. 9. Erythraei Epistola. 10. Naudæi 11. & Reinesii diversa de illo judicium. 12. Contra Reinesium defenditur ab Autore. 13. Salmasii Epistola. 14. Paucæ earum sunt editæ. 15. Morisforti Epistola lutulenta. 16. In Bartholini Epistolis Physica & Philologica Observationes. 17. Epistolarum pretium plerumque neglectum. 18. Eobani Hessi Epistola. 19. Pauli Sarpii Epistola. 20. Iniquum de illo Cardinalis Perronii judicium. 21. Hugonis Grotii Opus Epistolicum πολεμικώτατον. 22. Quo stylo sint conscripta. 23. Qui ex illo fructus haberi possint. 24. Balzaci Litteræ selectæ Gallica, 25. Latina. 26. Howelii iniquius de Gallicis & Balzacianis literis judicium. 27. Gallica grandiloquentia. 28. Diversa judicium de eloquentia Balzaci. 29. Lix Politica de præstantia Vini & Cerevisiæ inter Quietum & Grotium. 30. Pignorii Symbola Epistolica. 31. Cartesii Epistola. 32. Comringii σύνταγμα Epistolicum e præfationibus congestum. 33. Puteani Pompa Prosphonetica. 34. Collectiones Dedicatariorum suadentur. 35. Sturmii Prolegomena. 36. Tanaquilis Fabri Epistola. 37. Emendantur in illis Autorum loca. 38. Fabri audacia. 39. Ejusd. liber de unione religionum. 40. Calamitates domestica. 41. Caseli Epistola sparsim edita. 42. Ejus elogium. 43. Operum ejus Collectio a multis instituta. 44. Ejus epistola ad viros Principes. 45. Epistolarum ineditarum a Dransfeldio volumen procuratum. 46. Epistola inedita in Bibliotheca Gudiana. 47. Josephi Scaligeri elogium de Caselio. 48. Petri Martyris Angleri Epistola Politica. 49. Aliæ a Puteano collectæ. 50. Item Foxii & Ossati &c. laudantur. 51. Stylius Epistolarum Civilium. 52. Naudæi. 53. Sepulveda. 54. 56. Barlei Epistola. 55. De hujus Poësi judicium. 57. 69. Petri Gruteri κοινονηδία Lipsiana. 58. Fr. Mar-

Fr. Martini faciet. Epistole. 59. Lauri Epistole, 60. Poëmata, & cetera scripta. 61. Strena de Nibilo Passeratio subrepta. 62. Ejus liber de amulo prombo B. Mariae virginis. 63. Lipsii stylus. 64. De Lipsii Epistolis Maresii 65. & Nicolai Heinsii judicia. 66. De imitatione styli Lipsiani judicium Autoris. 67. Bertilius Canutus, 68. Puteanus, 69. Petrus Gruterus, 70. Caelius imitatores Lipsiani. 71. Centuria V. Epistolarum Lipsianarum novarum e Gudian Bibliotheca edi possunt. 72. Zeileri Epistole Germanicae ad LL. CC. Scriptores referendae. 73. Coppini, 74. Philalthei, 75. Laurentii Epistole. 76. Wouderii Epistole 77. magnis auctariis e Bibliotheca Gudian amplificari possunt. 78. Lindendrogii in Wouderium maledicentia. 79. Plagii accusat ob Tractat. de umbra, Jano Guiljelmo subreptum. 80. Miltoni Epistole familiares. 81. Ejus solacismi, 82. poëmata Anglica sine rhythmis. 83. Schickhardi & Berneggeri Epistole mutuae mathematicae. 84. Georgii Richteri Epistole adversus Patinum defenduntur. 85. Quaedam rariora earum argumenta recensentur. 86. Baudii Epistole, 87. quo stylo scripta. 88. Baudii amores, 89. a Petro Scriverio descripti. 90. Bongarsii & Lingelheimi Epistole. 91. Jacobi Vectiani Epistole. 92. Italici libri raro ex Italia exportantur. 93. Job. Nic. Saulii Carrega, 94. Henckelii, 95. Boxhornii, 96. Patini Epistole. 97. Jacobi Howeli Epistole Anglica. 98. cornu copia variarum rerum exhibent. 99. Buchneri, 100. Calvini, 101. Theologorum Remonstrantium, 102. Martini Ruari, 103. Christiani Liberii Epistole. 104. Le Secretaire Critique du Sieur B. P. dit du Jonquier. 105. Varii Epistolographi recensentur, Calcagninus, 106. Sacratius, 107. Rycquius, 108. Cesonius, 109. Ferrarius, 110. Cabelavius, 111. Ramus, Becmannus, Omphalius, 112. Perpinianus, 113. Languetus, 114. Fabricius, 115. Heinsius, 116. Turnerus, Robortellus, Siberus, 117. Femina etiam, Olympia Fulvia Morata, 118. Westonia Laura, 119. Aloisia Sigaea. 120. Principum Luneburgensium & Job. Val. Andreae literaria commercia. 121. Collectores variarum Epistolarum, Michael Brutus, Melchior Jonius. 122. Epistole Indicae & Japonicae. 123. Nienboffii Itinerarium Chinense ex his Epistolis excerptum. 124. Epistole Italicae ab Aldo Manutio, 125. a Bartholomeo Zuchi, 126. Antonio Bulefone collectae. 127. Aloysii Groti caci Epistole Italicae, 128. Johannis, Donnae Anglicae. 129. Medice variorum Epistole. 130. Epistole Ecclesiasticae antiquorum. 131. item de negotiis societatis Jesu. 132. Peregrinatorum Epistole Busbequii, 133. Sorbieri. 134. Politica Perezii, 135. Parquierii, 136. Viglii Zwicheimii ab Aytta. 137. Petri de Vincis.

Vastius hoc est, quod suscepimus, argumentum, quam ut una translatione absolvi possit. Tantus enim Epistolographorum est numerus, ut, si omnes recensere animus sit, voluminis integri, non aliquot paginarum, res sit. Neque instituti nostri est, omnia cum pulvisculo hic congerere: praecipuos ex illis tantum enumeramus, inprimisque illos, qui Historiae literariae inserviunt: quam telam,

telam, quandoquidem ſemel orſi ſumus, nunc eo, quo cœpimus, filo continuabimus. Prodeat itaque nunc poſt ſuperiores, a nobis enumeratos,

- 2 **CLAUDIUS SARRAVIUS**, Senator Pariſienſis, genere & doctrina vir illuſtris, magnam habuit cum eruditis ſui temporis familiaritatem: hinc frequens ipſi Epistolarum cum ipſis commercium ſuper varii generis argumentis. Miſcentur illic Hiſtorica, Philoſophica, Philologica, Theologica, neque ulla illic epiſtola eſt, quæ rerum ſterilis ſit, & ſola mutua civilitate abſolvatur. Judicia illic habentur de viris doctis, de editionibus librorum, de locis Autorum corruptis, & plura alia; neque ſtylo inculto, ſed eleganti plane & terſo. Imprimis id laudandum eſt, quod plerumque ſubſiciantur virorum doctorum reſponſoriæ: quod non ita ſit in aliis, quodque deſideravit vir Clariff. Thomafius in *Prefat. Epistolarum Boxhornii*. Obſervatur etiam accurate ordo temporis, quod non ita in aliis. Viri autem, a quibus ad Sarravium, & ad quos Sarravius ſcribit, longe ſunt celeberrimi, Salmaſius, Grotius, (quorum plures illic reperiuntur), Heinfii, Alexander Morus, Gronovius, Blondellus, Voſſii, quanta nomina! Ut duo memorem notabilia e magno illorum numero; unum eſt, quod de Bodini Dialogo haber aliquot in locis, cujus jam ſupra facta eſt mentio; alterum de fragmento ex Anaſtaſio Bibliothecario, de Johanna Papiffa. Liber modicus eſt in 8vo editus ann. 1664, Arauſione in Gallia. * In editis multæ ſunt lacunæ, quibus habebantur nonnulla, quæ tunc temporis non poterant publicari. Illa nunc omnia e Bibliotheca Gudiana ſuppleri poterunt: poteritque vir illuſtris tertîa parte auctiores dare has epiſtolas.
- 3 * In illis occurrunt multa de literatis arcana, quæ non niſi in aurem dici poterant; multa de Heinfio, ejusque controverſia cum Salmaſio habentur. Heinfium vocat doctorem nonoſyllabum; pleræque ad Salmaſium ſcriptæ. Gallicæ Latinis miſtæ. Ut aliqua memorem: Tenuiter de Zuerio Boxhornio judicat, quem multa ſcribere ait, at parum conſiderate, adducendo Autorum loca, ſibi non ſatis perpenſa. Theodoretî editionem a Sirmondo procuratam imperfectam vocat, quod 16. vel 17. libros, qui ſunt Theodoretî, & Athanaſio vulgo adſcribuntur, verum ſub nomine Theodoretî a Photio citantur, omiſerit. Grotii de Salmaſii libris de Uſuris ac Mutuo judicia recenſentur; ac inter alia damnat Salmaſii ſententiam Grotius, qua *rem alienam teſtamento relinqui poſſe* negaverat. Multa hic de eruditorum loriculis, ſtudiis, judiciis. Optime mereretur de literatis vir illuſtris, ſi epiſtolas impreſſas cum ſupplementis recudi, atque ineditas addi curaret. (ccc)
- 5 **LATINUS LATINUS** Viterbienſis, vir doctiſſimus, magni apud Pontificios nominis, cujus elogium videas apud Lipſium *Cent. 2. Miſcell. Epistolarum 39. & 75.* magnæ peritiæ in Conciliorum hiſtoriis & in Canonibus veteris Eccleſiæ. Scriptis
Episto-

(ccc) Claudii Sarravii, & Amicorum, Epistolæ 275. e voto Morhoſii, ſuppletis lacunis, auctiores e Biblioth. Gudiana jam prodierunt, adjectæ Gudii ipſius, & Amicorum ad eum, aliorumque Virorum Doctorum, Epistolæ, a Gudio conſcriptis, in Editione, quam Pet. Burmannus, Joh. Georg. Grævii Auſpiciis, A, 1697. in 4to maj. curavit. Ultrajectina.

Epistolas multas tum Cardinalium, tum ipsius Pontificis nomine, cui ab *Epistolis* fuit; in quibus multa sunt, quæ pertinent ad statum Ecclesiasticum & Civilem, multa quoque de Autoribus judicia, & locorum quorundam emendationes. Editus liber est Romæ ann. 1639. in 4to. Post mortem ejus ante annos aliquor prodit ejusdem Autoris *Sylloge* aliqua *variarum Observationum*, in varios Autores sacros & profanos, Poëtas, Conciliorum & Canonum Scriptores, quæ publicata e schediis matibus ejus Romæ, sub titulo *Bibliotheca*, in fol.

FORTUNII LICETI, Medici & Philosophi Patavini extant multi libri 7 magna mole congesti & scripti. Jure optimo inter Polygraphos hic numerandus, quo fit, ut non usque adeo selecta semper scribat. Laudari tamen ob variam eruditionem meretur, quam in Medicis, Philosophicis, & Philologicis habuit. * Totus Aristotelicus ad superstitionem usque, quod vel ex eo pater: nam sententiam de via lactea ut meteo defendens maluit in gratiam Aristotelis duplicem fingere *γαλαξίας*, unam ætheream, alteram sublunarem adversus omnem rationem & veritatem, ne ulla in re falsus videri posset Aristoteles. Ejus extat quoque liber cum titulo: de *pietate Aristotelis adversus Deum & homines*, totus in laudem Aristotelis scriptus, & vel æternam ipsi salutem pollicetur. * Misit ille in lucem *questita per epistolam* sex, septem, in 4. spissis Voluminibus, quibus tractantur argumenta Medica, Philosophica, Philologica, de quibus ipsum consuluerant viri eruditi. Sed tamen & inter Locorum Communium Scriptores tueri nomen suum potest. Janus Parrhalius Philologus ante Licetum simili titulo de argumentis Philologicis scripserat. Ejus extant *questita per Epistolam* in Thesauro seu Face Critica Gruteri.

JANI NICII ERYTHRÆI, cujus jam supra toties mentio facta est, 10 elegantes extant *Epistolæ*, stylo cultissimo scriptæ, rebusque reſertæ, quæ ad historiam illorum temporum pertinent. Multa ex illis discas, quid Romæ, quid in Italia tota rerum gestum sit; qui viri literati vixerint, quid præclari in lucem ediderint: de quibus judicia hinc illinc intersperſit. Nemo hoc tempore Cicëronem magis æquavit, & auream illam Romanorum Scriptorum eloquentiam, quam vir ille: quare & ratione styli & rerum legi potest. Ejus *Epistolæ* editæ sunt Coloniae Ubiorum, (vel potius Amſterodami; locus enim falsus) ann. 1645. in 8vo. * Ejus diſſertationem vehementer extollit Gabriel Naudæus *epist. 93.* Ita enim ad illum scribit: *quæcumque proſa & verſa oratione ſcribis, ita me capiunt & delectant omnia, ut præ te uno veteris mee delicia Bembi & Politiani videantur mihi illiberales eſſe & inſaceti.* * Iniquius 12 est Reineſii de illo viro judicium, qui *epist. 66.* ad Rupertum, ut ex loco illo apparet, ſibi habet *ἐμὴν φωνήν*. Ita enim: *Nicii Romani, quæ prodire, omnia nunc habeo, & lego; judicium in eo deſidero & ipſe; itemque majorem Græcæ literaturæ cognitionem, a qua imparatio eſt. Ejus epistolis delector ideo, quod res urbanas & doctos hæc ætate homines ex iis poſſunt cognoſcere. Videtur hoc ſolum quaſiſſe iſto ſcribendi genere, ut quantum Latina lingua valeat, experiretur.* In Viſis multa memorabilia obſervo in Exemplis τὸ ἐπιφανεὶς οἷς μὴ δόξα ſua ſuperſtitioni accommoda. * Velim illa judicii *παροργιστὰς* detexiſſet Reineſius, 13

quæ ego, nisi forte in Exemplorum libro, non deprehendo. Sed ea ipse excusât. Græcæ linguæ imperitiâ ubi prodât Nicius, non inveni, Latine enim scripta sunt omnia. Si ita grassari judiciis velimus, essent forte & in Reinesianis scriptis; quæ ad censuram vocari possent.

- 13 SALMASII *Epistolæ* prodierunt post mortem istius viri, doctrina varia plenæ, ut fuit ille vir diffusæ lectionis & ingenii; sed paucae illæ sunt, quarum ego
14 longe plures ab illo scriptas esse existimo. * In tanta enim celebritate hominum viventi pene quotidianum fuit Epistolarum commercium, quarum *αυτοχρηδίσματα* ipsi perierunt, & in angulo apud viros doctos sparsim latent. Ut enim extemporalis fuit in omni lectione sua; omniaque, prout semel conceperat, in typographiam miserat, ita vix credibile est, Epistolas illum descripsisse: dolendum tamen est, intercidisse illas, in quibus fortasse multa fuerunt, quæ prodesse orbi literato potuerint. Apud Sarravium non paucae ejus Epistolæ leguntur, quas in Opere illo Epistolarum non deprehendas. Reperiuntur & in Bibliotheca Gudiana nonnullæ.

- 15 CLAUDIUS MORISOTTUS, vir doctus apud Gallos, scripsit *Epistolas* varii argumenti. Ejus Opus est, quod inscribitur *Orbis Maritimus*, sed, quod profecto spei & voto virorum eruditorum non respondet. Multa illic debuisset agere de commerciis maritimis, de bellis maritimis, & similibus argumentis, de quibus pauca admodum & satis jejuna. Ejus Epistolæ varia continent Philologica; sed triti & obvii argumenti. Tituli & capita Epistolarum nonnunquam magnifici aliquid minantur; sed tamen accidit illis, quod Horatius ait:

turpiter atrum

Desinit in piscem mulier formosa superne.

Nonnunquam inepra aliqua declamatiuncula totam Epistolam absolvit. Nonnulla etiam Carmina sua & Elegias adjecit, ut singulares in tædioso & prolixo opere delicias; sed quibus parum inest delicati, modo sordibus & vitiis prosôdicis immunes essent. Editæ sunt in 4to. Scripsit etiam *libros Fastorum Christianorum*, ad exemplum Ovidii, sed nihil est in illis pœtici spiritus.

- 16 THOMAS BARTHOLINUS *Epistolarum Centurias* aliquot edidit, tum quas ipse ad alios scripsit, tum quas alii ad ipsum scripserunt: in quibus agitur de argumentis Medicis, Physicis & Philologicis. Bene meritus est vir ille de omni doctrinæ genere, nec in ipsa senectute sua desiit bene mereri, nec Epistolas suas bono publico invidit: * quod ejus institutum utinam & sequerentur viri docti; multa enim ex Epistolarum commercio disci possunt, quæ tamen plerumque negligerentur a viris doctis; tum, quod sibi nota scribant & familiaria, & facilem illorum jacturam habent, cum tamen illa omnia pretium ab annis capiant, & apud posteritatem demum illo, quo merentur, numero habeantur. Quod si quis in Epistolas tales incidere possit, cum distrahuntur Bibliothecæ virorum doctorum, is tanquam thesaurum comparer: plerumque enim spernuntur ut leviora.

- 18 EOBANI HESSI *Epistola* sperni non debent. Fuit ille suo tempore Pœta magni

magni nominis, magnis virorum doctorum familiaritatibus implicitus. Illius epistolæ a *Joach. Camerario* collectæ, vel ideo in pretio habendæ, quod tanti viri nomen præferant: nam ad illum pleræque scriptæ faceri quidem argumenti plerumque; sed tamen in quibus multa etiam reperiuntur notatu dignissima. Ejus libri jam supra a nobis facta, est mentio in *Cap. de Vitar. Scriptor.* descriptio quippe vitæ ejus præmissa est his epistolis. Prodiit liber Norimbergæ ann. 1553. in 8vo.

PAULI SARPII *Epistola* jam supra a nobis commendatæ, cum ageremus de *Vitarum Scriptoribus*. Sunt vero illæ Italica lingua scriptæ, quæ anno 1673. in 12. demum publicatæ sunt; in quibus omnia pene sunt politici argumenti. Nam fere de omnibus Europæ rebus, ut tum erant, judicia instituit: inprimis de Statu Veneto, Pontificio & reliquorum Italiæ Principum. * Ineptum est & malignum Cardinalis Perronii de eo judicium in Excerptis illis suis; qui de illo ita: *Je ne remarquay rien d' eminent en cet homme; il a un bon jugement & bon sens, mais de grand savoir point, je ne vis rien que de commun, & un peu plus que Moine.* Adversus solem hoc loqui est. Qui norunt, quantas, qualesque res gesserit Sarpus, quibus ille doctrinis excelluerit, illi non supra Monachum, sed & supra Cardinalem, ac ipsum hunc Perronium, sapuisse largientur.

HUGONIS GROTHII *Epistola* a viro maximo profectæ summo in pretio esse omnibus debent. Tot certe tantaque vir ille scripsit, ut seculi nostri Phoenix merito dicendus sit. Paucae ejus epistolæ editæ primum fuerunt, quarum ipsum tamen magnum scripsisse numerum verosimile est, tanta negotiorum civilium mole, in tanto eruditionis apparatu. Ejus epistolæ ad Gallos aliquoties editæ, ultimaque editio Lipsiæ prodiit curante Gessenio anno 1674. in 12. in qua id laudandum, quod Indicem us adjecerit, quem ego omnibus epistolis adjectum vellem: nam & utilissimus est, & multo labore levat legentes. Nunc tandem *Opus vastum Epistolarum Grotianarum* prodiit, quod hæctenus in Bibliothecis virorum illustrium delituerat, quodque Isaacus Gruterus a Blauio jam dudum typis destinatum testatur in quadam super Opera nonnulla Verulamii Latina præfatione. Continentur in illis varia, ut fuit ipsi ingenium ad omnia natum, Politica, Ecclesiastica, Theologica, Juridica, Philologica, judicia de libris. * Nec deest illi orationis cultus, quanquam stylus ipsi interdum ex argumento sordes aliquas trahat, & se ad hominum, quibus scribit, indolem componat. Reperiuntur enim interdum epistolæ simplici plane humilique dictione scriptæ, ac sine ulla morosa meditatione. Sed cum rem aliquam unice agit, nemo ipso vel dulcior est Poëta, vel elegantior Orator, aut nervosior Historiographus. Adeo ubique vir ille domi est, & velut in fundo suo dominatur. Quam in Politicis epistolis ingenio rerum attemperare calamus debeat earum Scriptor, ille novit, qui in hoc negotio versatur; ubi verborum cura supersticiosa quidem non est, sed debent illa ad rei expressionem singulari ratione esse accommodata; quod Erythraeus *Pinacoth.* III. n. 27. in Francisco Visdomino notavit. In his Grotii epistolis multa sunt, quæ Statum universæ Europæ suo tempore denudant, quæ aliunde difficulter peruntur.

- 23 * Recte ergo, qui præfationem ad Lectorem scripsit, de his Epistolis judicat: *Ut Theologica, Philologica, & quæ ad Historiam Ecclesiasticam, ac Jurisprudentiam pertinent, missa faciamus, non pauca hinc hauriri poterint ad illustrationem hujus nostri seculi historia mire conducentia.* Dum enim magno Suecicæ Cancellario Axelio Oxenstiernæ res in Gallia gestas refert, multa suppeditat, ex quibus de Gallia tum temporis consiliis artibusque ac conatibus Cardinalis Richelæi, certius aliquando ferri poterit judicium, quam ex illis, qui ejus avi historiam data opera scripserunt. Uti enim ex Ciceronis epistolis multa discimus, quæ frustra in temporum illorum Historicis requiramus, quippe quibus multa ignota fuerant, quæ Ciceroni patuerunt, qui & Virorum in Rep. Romana Principum facta, dicta, suspiciones, suaque ipsius cogitata sine fuco aperit: ita ex Grotianis Epistolis, quæ inter Suecos & Gallos agitata sunt, quæ post siparium acta, utriusque gentis artes, timores, peccata, tutius sæpe cognoscemus, quam ex scriptis, quæ eo animo edita sunt, ut honori alterutrius Gentis consuleretur. In historiis cavent plerumque scriptores eorum partibus officere, inter quos vivunt, eorum peccata dissimulant, hostium vero commissa augent, & vividis coloribus pingunt. At in Epistolis candidius agitur, libere notantur, qui aliquid vituperio dignum admisserunt, laudatur virtus, ubicunque reperitur. Præterea hic multa occurrent, quæ solent negligi ab historiis scriptoribus, at sine quibus de Principum rebus gestis vix satis tuto judicari potest. Notum est nimirum, Legatos ad Principes, a quibus sunt missi, vel ad eorum Ministros, teneri, quam sæpius possunt, Commentarios rerum, quæ aguntur ac dicuntur in Audis, in quibus versantur, mittere, etiamsi nihil habeant, quod scribant; præter rumores: quia ex rumoribus istis sæpe, quid sint acturi hostes, aut etiam, quod aliquando minoris non est momenti, quid de rebus judicent Principes, & ad quas inclinent partes, optime colligitur. Imperite si judicant de ejusmodi Commentariis Legatorum, qui eos contemnunt, quod falsos rumores in iis annotatos aliquando deprehendant. Inter artes politicas, quibus ducuntur populi, terrentur hostes, animi alliciuntur vel alieniores fiunt, rumores esse caute atque in tempore sparsos, si denuum ignorant, qui sunt omnium historiis, imo vitæ communis, ignari. Itaque & talia nosci, & historicorum & omnium eorum, qui historiam amant, multum interest; id autem aliunde resciri nequit, quam ex Epistolis eo ipso tempore scriptis, quo evanidi rumores spargebantur. Verè hæc de Opere illo Epistolico prædicant, qui ediderunt; qui si Indicem rerum quoque adjecissent, optime sane de nobis meriti fuissent: nunc in illo vasto Opere multa latent, quæ non nisi magno labore erui possunt. Sunt tamen & secundum temporum seriem Epistolæ dispositæ, quod ad historiam magnopere conducit. Putaverim ego sane plures etiamnum editas esse viri hujus Epistolas: ac vidi ego non paucas in Bibliotheca Gudianæ, quas ego in illo Opere extare non credo.

- 24 JOH. LUDOVIC. BALZACI *Litera selectæ*, Gallico sermone scriptæ, Amstelodami apud Elzevirios editæ ann. 1656. in 12. Apud populares suos varia expertus est judicia ob novum aliquod dictionis genus in Gallico sermone: est enim argutus, floridus, metaphoris aliquantulum indulgens; quæ scribendi ratio quibusdam, qui castiga-

castigationes videri volebant, displicuit. Nam Satyræ adversus illum scriptæ & integri libri, quos ipse tamen valide satis excepit & retulit. * *Latinæ Epistolæ scriptæ, 25* quæ raræ sunt, in quibus singularis quidam linguæ Latinæ nitor, & Gallica quædam facundia, optime ad sermonis Latini genium applicata. In Gallicis epistolis habentur singularia de rebus literariis & Autoribus judicia. * Non has tantum, 26 sed & aliorum Gallorum; Epistolas perstringit JACOB. HOWELIUS in literis suis familiaribus, Anglica lingua scriptis; nam epistola 1. dicit, vicinos suos transmarinos, vernacula lingua scribentes, stylo uti marcido, qui similis sit corpori carnosio sine junctura & arteriis. Vocat eorum expressiones hæcticas & meris verbis flatulentas, araneorum telas, quæ non stringant Lectores. Elegantissime sonant Anglica verba: *Others there are among our next transmarin neighbours Eastward who write in their own language, but their stile is so soft and easie, that their Letters maybe said to be like bodies of loose suse without sinews, they have neither Joynts of art, nor arteries in them; they have a Kind of sinpering and lanch hectic expressions made up off a bombast of words and finical affected complements only: I cannot wel away with such sleay stuff, with such cobweb compositions, where there is no strength of matter, nothing for the Reader to carry away with him, that may enlarge the notions off his soul: One shal hardly find an apothegm, example, simile or any thing of Philosophy, History, or solid Knowledge, as as much as one new created phrase, in a hundred of them; and to draw any observations out of them, Were as if one went about to distil cream out of froth; Insomuch that it may be said of them, what was said of the Echo, That she is a meer sound, and nothing else.* De Balzaci literis ita judicat: *I return you your Balzac, by this bearer, and when I found those Letters, wherein he is so familiar with his King so flat, and those so Richelieu, so peff d with prophane hyperboles, and larded up and down down with such gross flatteries, with others besides which he sends as Urinals up and down the world to lork into his venter, for discovery of the crazy condition of his boydy. I forbore him further.* Verum gentili illi odio paululum hic indulgere nobis videtur. bonus Howelius. Quæ enim ille in literis requirit, ad literas, qua literas, proprie non pertinent, ac possunt vel sine his elegantes scribi literæ. Quis enim apophthegmata, exempla, similia, in epistolis, qua talibus, quærat? Neque enim Declamatores sunt Epistolographi. Ac vereor, ne Galli Anglis, ac ipsi Howelio, qui prodigi in his & similibus sunt, affectationem, etsi ingeniosam, exprobrent. * Illæ epistolæ, quas junior edidit, turgent metaphoris, & aliquid 27 Asiatici sonant. Maturiore ætate temperavit sibi paululum, & quod tumidum antea videbatur, in mollius dicendi genus commutavit. Si quid ego judico, Gallicæ illius eloquentiæ, vel potius grandiloquentiæ, quam genti illi familiarem in Sulpitio Severo, Eucherio aliqui, in Budæo Erasmus, notavit, specimen in illo quoque observare mihi videor. * Magna interim partium studia fuerunt in Gal- 28 lia adversus hujus viri eloquentiam, aliis ut novam integris libris damnantibus; aliis ut perfectissimi sermonis exemplum imitantibus. Historiam omnem ejus rei prolixa dissertatione complexus est Sorellus in Bibliotheca Gallica. * In Balzaci episto- 29

lis notari merentur, quæ habet de lite inter Guierum & Grotium super præstantia vini & cerevisiæ p. 313. Francisci Guieri rusticum epigrammâ pro vino adversus Batavos cerevisiæ potiores illic legatur. Grotii vero Phaleucus pro cerevisia inter poemata ejus reperitur.

- 30 **LAURENTII PIGNORII** *Symbolæ Epistolicae* plenæ sunt bonæ frugis. L. Pignorius, Professor Patavinus, varia in lucem misit docta & laboriosa. Is Symbolarum Epistolicarum librum primum edidit Patavii ann. 1629. in 8vo, quem plures non sunt secuti; in quibus varii argumenti multa cumulantur, præcipue vero antiquaria. Multa illic sunt, quæ ad Jurisprudentiam & Historiam pertinent. Elucidantur Autorum varia loca, explicantur Inscriptiones veteres. Optimus est pro Criticis & Antiquariis liber.
- 31 **RENATI CARTESII** *Epistolæ* pleraque Physici argumenti sunt. Novæ Philosophiæ autor fuit Cartesius, quæ tamen non ita nova est, ut non apud antiquos ejus dogmata appareant, ut per singula capita facile demonstrari posset. Fuit, qui illa ex Mose deducere voluit, primis scilicet Geneseos capitibus, quod ipsi Cartesio ne quidem per somnium in mentem venisse opinor. Ejus hypotheses vix per se sunt intelligibiles, nisi illustrentur viva doctrina. Mathematicas certe corporum affectiones, & quicquid ab iis operationum dependet in natura, ut sunt permultæ; nemo profundius & exquisitius demonstravit, quam Cartesius. Post mortem ejus editæ sunt epistolæ in 4to, Lugd. Batav. quæ ad viros doctos scriptæ sunt super dubiis Philosophiæ suæ locis. Nullo itaque ex Commentario melius intelligi potest doctrina Cartesiana, quam ex isto, quem præbent epistolæ. Multa illic proponuntur rariora naturæ *Φαινόμενα*, in quibus explicandis illic suum exercuit ingenium. Gallica etiam lingua plures scriptæ.
- 32 **HERM. CONRINGII** *Epistolæ* prodierunt Helmstadii in 4to, junctim editæ, quæ prius sparsim editæ fuerunt, & librorum frontispiciis præfixæ. (fff) Ejus enim viri celebritate commoti multi, qui monumenta ingenii publicarunt, ipsius operam sollicitaverunt in præfationibus Operibus suis præmittendis; eas in unum corpus redegit, quo continentur multa Theologica, Historica, Physica, Politica, Philologica,
- 33 prout argumenta librorum se ipsi obtulerunt. * Adjecit quoque librorum suorum præfationes, quod olim quoque fecit ERICIUS PUTEANUS, qui e Præfationibus & Dedicacionibus librorum, quos ipse consecerat, peculiare Syntagma collegit, sub titulo, *Pompe Prosphonetica*, usui forte futurum singulari illis, qui dedicatorias epistolas scribunt.
- 34 * Consilium non adeo spernendum, si quis corpus aliquod selectiorum Dedicacionum ex variis Autoribus collectum conficeret. Solent enim in iis cumulari floridi

(fff) Herm. Conringii Epistolis addenda sunt duo illarum, ad Ferd. Fürstenbergium, Episc. Monasteriensem, & Steph. Baluzium Syntagmata posthuma, ob variam Eruditionem, Antiquariam imprimis & Historicam commendanda, quæ, cum Utriusque Responsoriis, Helmstadii Anno 1694. in 4to, edidit Casp. Corberus, Eloqu. in Acad. Julia Professor, plurium ad eruditos alios, quæ has sint secutura, spem simul injiciens.

floridi styli argumenta, enthymemata encomiastica, quorum præcipuus Orationibus Panegyricis usus est; ne quid dicam de usu illo in argumentis librorum quasi summaria notitia cognoscendis. * Eo modo JOHANNIS STURMII quo-
que Præfationes sub titulo *Prolegomenorum* in unum corpus collectæ sunt, Tiguri-
que editæ, in quibus, ut editor Toxites recte sentit, sunt multarum artium rerum-
que optimarum insignes loci, quarum usus non minori cum utilitate, quam judicio
explicatur. Hic de Dialecticis, de via intelligendi Platonis Dialogos, de imitando
Cicerone, contentione inter Erasmus & Longolium orta, de verborum *ἀναλύσεις*
ac delectu, de lectione Ciceronis, de Demosthenis atque Æschinis discrimine, de
dicendi artibus, de Historiæ utilitate, multa proponuntur.

TANAQVILIS FABRI *Epistola* Philologici argumenti sunt. Vir do-
ctissimus fuit, Philologus, Græcarum literarum peritissimus, velocis, sed & auda-
cioris ingenii, Salmuriensis Academiae Professor. * Multa ex ingenio suo in Au-
toribus reposuit, etsi MStis libris destinatus; quæ tamen ipsi temeritas nonnun-
quam feliciter cessit ingenii solertia sæpe percipienti, quod alii magno labore in
MStis requirunt. * Non semel tamen aliis ob audaciam suam vapulat Scriptori-
bus: nam corrigit sæpe pro lubitu mendosa loca, *destruit, edificat, mutat quadrata ro-
tundis*. Multa suarum conjecturarum complexus est his Epistolis, quarum libri duo
sunt, quibus Autorum veterum loca adversus omnium sententias explicat, ob fe-
stivitatem ingenii & acumen magno in pretio habendus. Aliquem Epistolarum
illarum locum, ubi Livium reprehendit, ut qui quondam Latinæ linguæ vocem
non satis intellexisset, sugillarunt Ephemeridum Scriptores Gallici, quitamen ab ipso
probe depexi libro quodam Gallico, cui titulus: *Journal du Journal*. * Scripsit, ut
hoc obiter memorem, de *Religionum Unione* librum Gallica lingua, quo nec Pontifi-
ciis nec Reformatis placuit; illorum vitia in nuditate sua sistens, horum vero invi-
diam incurrens; quod jungere gryphes equis laboraret: qui liber & in Belgicam
linguam conversus est. * Ceterum magnæ fuerunt istius viri calamitates domesti-
cæ, de quibus sæpe conqueritur: filiam doctam habuit, quæ hodie libros scribit in
gratiam Delphini; quæ & ipsa dicitur imitari Patrem. Edidit quoque prima Sca-
ligeriana, quibus præfationem præmittit, in qua de fatiis suis queritur. De hoc
viro Patin. Epist. 77. legatur.

JOH. CASELII *Epistola* inter Germaniæ nostræ *κρημύλια* literaria, ut omnia
istius viri, merito referendæ. * Lumen ille Germaniæ fuit, Græce & Latine do-
ctissimus, Orator, Philosophus & omnium literarum vir, Rostochiensis primum
Academiae, hinc Helmstadiensis, Professor, suo exemplo, consiliis, præceptis totam
tum temporis Germaniam pene informavit; a Principibus in consilia, tam literaria
quam civilia, adhibitus. Huic Helmstadiensis Academia illos progressus debet, quos in
solidioribus & elegantioribus studiis fecit. Ex ejus enim schola prodierunt viri doctis-
simi, ad genium antiquitatis & veræ sapientiæ formati. * Ejus Opera utinam ha-
beremus omnia uno Volumine comprehensâ. Jam diu laboratum id fuit Serenissi-
mis Ducibus Luneburgicis, ut omnia ejus Opera prodirent undecunque collecta, sed
hacte-

- hactenus res non præstita fuit. Habuit in animo olim *Henricus Erastius* Opus Caselianum constituere, qui Indicem scriptorum ejus imprimi curavit, cui tamen multa defunt. *Beatus* quoque noster *Sperlingius* idem consilium agitavit, in cujus Bibliotheca pleraque ejus scripta asservata fuerunt. Magno illum elogio *Grotius* in epistola ad Gallos 154. ornat. * Præcipuæ autem ejus Epistolæ editæ ad viros Principes, in quibus multa de istorum temporum statu civili & literario, multa de viris doctis judicia. Illa tunc temporis Principum cura erat, quæ nunc (nam ista seculi nostri perversitas est) ad Pædagogos ablegatur. Editus ille liber *Helmstadii* ann. 1619. curante *Fuchtio*. Editæ & aliæ quædam ejus sunt Epistolæ, *Vagerio* curante, *Hamburgi*, & iterum aliæ ejusdem ad *Victorium* cum ejus responsoriis, quæ aliquoties editæ sunt, in *Victorii* autem Epistolis omisse, quod, ut *Bæclerus* queritur, tantum decus Germaniæ aliqui inviderent. * Nunc vero Anno 1687. Opus Epistolicum Caselianum per *JUSTUM a DRAUSFELD*, Pædagogum *Gættingensis* Rectorem, *Frankfurti* editum est, exhibens Epistolas ad Principes nobiles, viros celebres, propinquos, cives ac familiares, quæ in *Fuchtianna* & *Vageriana* Editione non comparent, ac in XVI. libros ex ipsius Autoris *Adversariis* & *MSis* tributum. Præmittitur *Conringii* ad illum Epistola, in qua de reliquis scriptis Caselianis nonnulla narrantur, isque Autor ad cetera quoque, quæ collegit, edenda impellitur: quod ut facere velit, etiam nos obtestamur.
- 46 * Est & in scriptis *Gudianis* integra Epistolarum Caselianarum centuria, hæctenus non editarum, nisi forte in nova illa collectione *Dransfeldiana* quædam ex his habentur. *Casellii* 37. Epistolæ reperiuntur in volumine Epistolarum *ἀντιγραφαὶ* *Blocii*, de quo *Lambecius lib. 1. de Bibliotheca Vindobonensi* p. 55. in quo multæ aliæ
- 47 sunt *Gruteri*, *Camerarii*, *Giphanii*, *Rittershusii*, *Sturmii* &c. Epistolæ. * Magnificum stylo *Casellii* elogium tribuit *Jos. Scaliger lib. 3. Ep. 270.* Multi, inquit, Latine, pauci Romane loquuntur: & si qui forte Romane; at raro illum *Ciceroniani* seculi genium assequuntur. Qui hunc leporem in tua oratione non agnoscit (scribit ad *Casellium*) is quid sit Latine scribere, nescit. Quid de versutis tuis dicam? Qui quantum ab omni suco & ambitione remoti sunt, tantum Romane illius præcæ simplicitatis & amentitatis habent *Catullianæ*. De *Casellii* Epistolis legi potest Epistola *Vincentii Fabricii* 7. ad *Henr. Vagerium*.
- 48 PETRI MARTYRIS ANGLERI, *Mediolanensis*, Epistolæ Politici argumenti sunt. Fuit ille Protonotarius Apostolicus & prior Archiepiscopus *Granadensis*, & Regi Hispaniæ a rerum Indicarum consiliis. Editæ sunt in fol. an. 1630. & *Amstelodami* in fol. an. 1670. apud *Elzevirios*, cum Epistolis *Ferdinandi de Pulgar*. Totum Opus politicum est, & *Thesauri* instar, continet enim arcaniora status consilia, tam Germanica quam Gallica & Hispanica; multa quoque, quæ ad res Indicas & commercia pertinent: quæ etiam causa fuit, quod *Elzevirii* recuderent librum tam utilem. Magnificiendæ sunt Epistolæ talis argumenti, quæ mirifice profunt ad notitiam *Rerumpublicarum*. Vehementer illas commendat *Bolius Introductio in notitiam Rerump. cap. 5. §. II.* qui tamen, quod miror, hujus Martyris mentionem non facit.

Politi-

* *Politicæ* tales *Epistolas* magna cura inquisivit PETRUS PUTEANUS, & ejusdem 49
 laboris socios habuit Peirescium, Antonium Lomenium, e quibus integrorum Volumi-
 num Bibliothecam, amplius quadringenta, confecit (connumeratis præter Epistolas
 aliis instructionibus & memoriis.) Illa quadraginta librarum millibus empta Regio
 Archivo inserta sunt. * Ejusdem Viri cura servatæ sunt epistolæ Foxii & Ossuti, de 50
 quibus ita judicat Rigaltius in *vita Petri Putciani*, post Pauli Sarpii Tridentinam Hi-
 storiam nihil extare, unde queant Aulæ Romanæ artes pernosci clarius & certius.
 Collegit & ille multas Scaligeri Epistolas hætenus ineditas, & Peirescii Epistola-
 rum Volumina duo grandia, quibus continentur ad naturalis Historiæ totiusque li-
 teraturæ notitiam Observationes elegantissimæ, teste eodem Rigaltio in *ejus vita pag.*
 50. Ut obiter hæc memoremus, extant Politici argumenti Epistolæ Æneæ Sylvii,
 Forstneri de negotio Pacificationis Osnabrugensis. * In his Epistolis non tam do- 51
 ctrina multa, quam rerum usus requiritur, ut de Lanfranco Margotio Erythræus
Piscator. l. n. 71. testatur, qui sine multis literis in scribendis Epistolis longe doctissi-
 morum hominum industriæ antecivit. Etenim rem, de qua scribendum esset, vide-
 bat acute, explicabat dilucide, sententias adhibebat illustres, quæque non tam haberent venusta-
 tem, quam dignitatem & pondus. Verba erant non illa quidem elegantissimo sermone, sed quæ
 rem maxime explicarent. Omnia scribendi genera noverat, eoque utebatur, quod cum ejus,
 cui scriberet, eorumque, ad quos scribebatur, personis congrueret. Quæ de Epistolis Gro-
 tianis magnam quoque partem dici possunt.

GABRIEL NAUDÆUS *Epistolas* aliquas scripsit. Doctissimus Vir fuit, 52
 & magnæ *ἐμπειρίας* Bibliothecariæ, ipse Bibliothecarius Cardinalis Mazarini, &
 postmodum Reginæ Christianæ, olim Cardinalium Francisci a Balneo & Franc.
 Barbarini. Epistolæ post mortem ejus editæ Genevæ ann. 1667. in quibus extat
 rerum literariorum sui temporis non exigua notitia. Multa ejus sunt de Viris do-
 ctis judicia, in quo tamen partium studiis interdum aliquid tribuit. Vide Episto-
 lam ejus 65. in qua Fortunium Licetum pene in cælum extollit laudibus, & reliquis
 suorum temporum Philosophis præponit, amore Peripateticismi ductus. Cete-
 rum rariora aliqua ab ejus eruditione quis expectaverit, quam illic habentur.

JOHANNIS GENESII SEPULVEDÆ *Epistola* multa continent me- 53
 morabilia. Fuit ille Cordubensis, Caroli V. Historiographus, Græcæ & Latine
 doctissimus, cujus sunt præclara in rem literariam merita. Latine vertit Aristote-
 lem & Alexandrum Aphrodisæum in libros Metaphysicorum. Genus orationis
 ipsi fufum, tractum, & cum lenitate quadam profluens. Fuerunt ipsi cum Erasmo
 quaedam laticulæ: scripsit Epistolarum libros 7. in quibus multa varii argumenti,
 Theologici, Philosophici, Philologici, Historici, Mathematici. Habentur judicia
 de Autoribus. Editæ sunt illæ cum ceteris ejus Autoris Operibus Coloniae A-
 grippinae Anno 1602. in 4to.

CASP. BARLÆI *Epistola* facetiis & salibus perspersæ multa istius temporis 54
 notabilia sæpe memorant. * Fuit Barlaeus Philosophus & Poëta præstantissimus, 55
 quanquam a Baravis ipsis non magni aestimatus; ingenium fecundissimum & festi-
 vissi-

vissimum habuit, in Elegia, Scazonte & Phaleucis mire suavis & argutus, in Epico carmine luxuria nimia pene molestus: quam ejus loquacitatem contempnim habere Heinſius aliſque caſtigatores Poëtae. Id certe verum eſt, in delectu verborum non multum ſe cruciaſſe, ſed primos imperus plerumque eſſe ſecutum & ingenii ſui ubertatem. Miſero fato perit, puteo ſubmerſus; an ſponte an caſu, incertum. De morte ejus jam ſupra diximus. * Ejus extant Epistolæ, quas non adeo ob dictionem legi velim, quam ob argutias & urbanitatem: facetiarum pleniffimus eſt, ubique joci circumfluens; ac incidunt nonnunquam, quæ ad Historiam literariam ſui temporis, præcipue in Batavia, pertinent. * Lepida inter alias Epistola eſt 71. quam ad *Petrum Gruterum*, Ludimagiſtrum, ſcripſit, hominem in ſtylo κακόζηλον & antiquarium, ubi per mimiſin perpetuam eum cum ſtylo ſuo exagitat. Eſt vero Gruterus etiam inter firmas Lipſianas; ſed qui præter κακοζήλιον Lipſianam mire ineptus eſt in frigidis alluſionibus & verbis antiquatis.

58 FRANCISCI MARTINI *Epistolæ* Barlæanis jungi poſſunt; idem enim plane character in illis eſt, & pene feſtivitate ſuperat Barlæum. Fuit Concionator Epenſis; editæ ſunt Hardervici anno 1653. in 12. Diſctio non contemnenda, nitida plane & florida; elegantes in illa occurrunt joci, ut de rebus vulgaribus, ita ingenio illis ſuperiore concepti. Recenſentur interdum aliqua inter Profeſſores Leidenſes friguliſcula, & aliqua de eorum ſcriptis judicia.

59 JOH. BAPT. LAURUS, Urbani VIII. Cubicularius, vir doctus, inter alia ſcripta *Epistolarum Centurias* 2. edidit, quæ Coloniae Agripp. ann. 1624. in 8. impreſſæ. Continentur in illo libro multa, ad Historiam literariam ſui temporis pertinentia. Diſctio in illo mediocris: magnum certe illi elogium ſuſpenderit Erythræus *Pinacoth. l. n. 141.* magni habitus fuit a Pontifice Urbano VIII, qui in deligendis ingeniis magnam curam adhibuit. Edidit Autor ille, teſte eodem Erythræo, *Theatri Romani Orcheſtram*, in qua de viris illuſtribus, Romæ verſantibus, agit, quam nondum vidi. * Edita ſunt ab illo poemata, & inter illa unum, quod inſcribitur de *fabricatione calcis*, ingenioſum, quod cum *Sylvis* ejus prodiit. Habentur quoque illic *lib. 2. Egyptiados*, quibus agit de *Maria in Egyptum fuga*. Adjiciuntur *Epigrammata* non ſpernenda. * Reperitur inter Epistolæ ejus p. 174. & inter *Sylvas lib. 3.* Strena in Calendas Januarias, qua *Nihil* donat Amico in Epistolæ ejus, de quo Carmine, quid judicare debeam, non habeo; totidem enim verbis in *Paſſeratii* Strenis legitur, in quibus multa alia habentur Carmina ejusdem commatis. De illo nos jam ſupra *cap. 9. §. 21.* quædam diximus. Et mirum ſane eſt, in *Sylvis* Poëmatum Lauri idem Carmen poni. Laurum e *Paſſeratio* id habuiſſe, tempus & omnia arguunt. * Idem Autor de *annulo pronubo D. Mariae Virginis* ſcripſit, in quo mirabiles hitoria de annuli iſtius miraculis, qui cæcis viſum reſtituerit, quo temere tacto ab homine profano digitus exaruerit, cujus goſſypium circumpoſitum tangentis temere manus aduſſerit, & infinita alia ſuis autoribus relinquenda.

63 De JUSTI LIPSI *Epistolæ* dici hic multa poſſunt. Conſiderari illæ vel ratione

ne dictionis, vel ratione rerum possunt. Vehementer senex a iuvene discrepat. Cum enim in iuventute sua Ciceronianam dictionem sequeretur, maturioribus annis pene novum eloquentiæ genus sibi finxit, in quo argutiæ, adagia, hemistichia, græcæ sententiæ, quorum in familiaribus inter eruditos epistolis usus esse potest; tales enim epistolas illa ornant, in ceteris locum non habent, ubi enthymematibus agendum, & sermo *πεπλασμένος* requiritur. * Maresius lib. 1. ep. 7. Sermonem poetæ in illo agnoscit, qui Statium referat sibi pro summo Poëta habitum, cuius scriptio valde sit adstricta, & crebra parenthesi interrupta. Idem ibid. ep. 49. ad Heinsum in illo reprehendit antiquorum verborum nimium usum, audaciam in scribendo, dictionem parenthesibus & interrogatiunculis interruptam. * Responder illi N. Heinsius: Non desunt Lipsio sua Veneres. Habet nescio quid, quo lectiorem trahat, & quod prorsus improbare non possis. Ut non tam illi succenscam, quam ineptissimis mortalibus, qui imitandum sibi illum proponunt, idque tam præpostere, ut vitia ejus exprimant plerumque, virtutes non assequantur. Imitatus neminem Lipsius, ac proinde nemini imitandus. Memoriam ego tanti Viri sancte veneror. Nec negarim tamen, magna illi ex parte labem eam deberi, quam tu Belgis nostris non immerito adscribis. Quod nisi ô Σαυμείσιος Scaliger iuventuti nostra possum eunti salubribus succurrisset monitis, in Lipsii locum a Curatoribus hujus Academiæ opportune subrogatus, futurum vix erat, ut tantam tot præclarorum ingenuorum, quæ annis quinquaginta proximis in Batavia nostra eluxerunt, messem mirarentur exteri. Nec labes tamen illa solos Belgas & Germanos, sed etiam vestros, infecisse videri potest. Magnam partem de illo vera sunt, quæ in Excerptis Scaligerianis dicuntur. Henricus Stephani Latinitatem Lipsii singulari libro notavit. * Neque unquam ego suaserim, ut, antequam aliquis robur in stylo acquisiverit, inexercitatus adhuc Lipsianæ lectioni adsuescat, aut ejus flosculos in usus suos excerptat. Qui illum imitati sunt, infelicitè rem suam gesserunt: nam vel exscripserunt nonnulla, ac sententias quasdam compilarunt, vel plane inepti fiunt, dum dictionem ejus exprimere tentant, per se non laudabilem. * BERTILIUS CANUTUS in suis Epistolis omnem in imitatione Lipsiana gloriam quæsit, ut vel in ipso libri titulo illam jactet: sed ille periodos Lipsianas tantum congerit, & lacinias ex illo consuit. * ERYCIUS PUTEANUS, Lipsii successor, felicior quidem ejus imitator fuit, ac evitavit quidem abruptam illam brevitatem, tot sententiarum hiatus & præcipitia, frequentatas interrogatiunculas, alliterationes exiles & similia, quæ Lipsio familiaria vitia sunt: sed, dum illa vitavit, in vitium *περιπλογίας* & *ταυτολογίας* incidit. Cum enim brevitatem affectaret, id effecit, ut tribus quatuorve periodis absolveret, quæ Cicero una periodo mediocri absolvere potuisset. Scripsit Puteanus aliquot Centurias, quæ vivo illo editæ sunt, earumque plena editio Francof. 1663. prodiit. Post mortem ejus epistolarum apparatus posthumus, in 7. Centurias distributus, Lovanii Ann. 1663. editus est. * PETRUS GRUTERUS, cujus supra mentionem fecimus, *ανψιόγειον* in Epistolis suis voluit, cui a Barlæo illustrum est. * Longe eo ineptior est, qui Lipsium imitatus, COELIUS in sua *Πισιστικῇ* Epistolica, *κακοζηλίαν* Lipsianam docet, ipse vehementer ridiculus. De his

- 71 Simiis Lipsianis lege præfationem Thomasi in Epistolas Manutii. * LIPSII plures supersunt *Epistolæ ineditæ*, quæ in Chiliade illa non habentur. Jam tum Meursius, Boxhornius aliique sparsim quasdam edidere. Testatur Monconius in *Itinerario suo part. 2. pag. 150*. Hugenum omnes habere literas Lipsii ad se scriptas, ac Sorbierius in literis suis alicubi refert, Christianum Hugenum ostendisse sibi aliquot Volumina Epistolarum, a viris doctis ad Lipsium scriptarum. Vir illustris, Marq. Gudius tot habet ejus ineditas, ut Chiliada jam editam quinque augere Centuriis possit.
- 72 MARTINI ZEILERI *Epistola Germanica* ad Locorum Communium Scriptores potius referendæ sunt. Vir ille fuit Πολύγλωσος nostro sæculo, non indoctus, certe rerum multarum compilator. Scripsit autem plura Germanica lingua, quam Latina. Solum illud, cujus supra memini, de Geographis & Historicis, Latina lingua prodiit, e libris Vossianis maximam partem compilatum. Ut lingua Germanica varia Itineraria scripsit, quibus multa memorabilia continentur, ita sub Dialogorum & Epistolarum habitu complexus est varia argumenta naturalia, moralia, civilia, historica. Scripsit ultra sexcentas Epistolas, quæ junctim prodierunt in 4to, anno 1657. Ulmæ.
- 73 AQUILINUS COPPINUS, Eloquentiæ Professor in Ticinensi Gymnasio, *Epistolarum libros 6*. scripsit, in quibus occurrunt non pauca de viris doctis in Italia judicia, multa quoque rerum naturalium, quæ ipsi in diversis Italiæ itineribus observaverunt. Elegans inter alia est descriptio illa *lib. 1. p. 29*. itineris Taurinensis. Inter alia hic meminit, sibi visam in montibus illis multorum gigantum mortuum efferentium imaginem, adeo expressam phantasmate quodam vel nube, ut nullus pictor imitari illam potuisset. Quod, an simile fuerit *Morgana Φαντοµατω*, an vero ita ipsi visum per sensuum aliquam fallaciam, nunc non disquiram. Ille alioquin in nubibus his speculandis mire ingeniosus & verbosus est. Editæ sunt epistolæ illæ Mediolani ann. 1613. in 8vo.
- 74 LUCILLII PHILALTHÆI *Epistolæ* scriptæ sunt ad varios in Italia viros doctos diversi argumenti. Continentur in illis multa illorum temporum a viris doctis acta & edita. Fuit vero ille Medicinæ Professor; juvenisque has Epistolas scripsit, editas Papiæ ann. 1564.
- 75 JOSEPHI LAURENTII jam supra mentionem fecimus, ubi de polymathia ejus egimus. Ejus extant *Epistolarum Centuriæ 2*. editæ Lucæ anno 1638. Strylus in illis κακός τις: nam & ille Autor inter Simias Lipsianas. Apparent nonnunquam stricturæ aliquæ ingenii, quæ tamen iterum ineptiis deturpantur. Scriptæ vero sunt ad viros illorum temporum celeberrimos; & in eis interdum aliquid laret, quod notatu dignum sit. Judicia in illo multa de viris doctis & Operibus eorum; quibus tamen fides haberi non potest, cum Panegyristen potius, quam sincerum Censorem agat.
- 76 JOHANNES WOUWERIUS, Vir doctissimus, e Brabantia oriundus illustris e familia, tandem in Holsatiam venit, magnis admotus muneribus, Consiliarius Principis

cipis & Præfectus Gottorpiensis, cujus extant varia scripta, inter quæ præcipuum est de *Polymathia*. Ejus *Epistole* editæ sunt Hamburgi anno 1608. (ggg) in 8vo, cum *Syntagmate de Græca & Latina Bibliorum interpretatione*. Variæ hic innotuit sunt de multis rebus literariis consultationes & judicia: nam multa, quæ agitabantur illo tempore inter viros literatos, his in *Epistolis* recensentur. Scriptæ illæ sunt ad illustres ejus temporis Viros, Scaligerum, Meursium, Heinsium, Gruterum, Scri-
verium & plures alios, cum quibus non nisi erudita tractari poterant. * *Epistolas* 77
ejus multas ineditas servat illustris Gudius: latitant & aliquæ inter MSta Bibliothecæ
Hamburgensis. * FRIDER. LINDENBROGIUM tamen nescio quomodo is sem- 78
per infensum habuit: supersunt enim Lindenbrogii tum in Bibliotheca Hambur-
gen- tum in Gudiana, *Epistolæ*, quibus illi acerbè insultat. Vocat illum homi-
nem cum latrante nomine (a baubando.) * Multa in illo plagia notat, ac in aliqua 79
Epistola hæc de illo habet, ejus de *Umbra Tractatum* inter plagia recensens: *Quem*
novissime edidit librum tenebricosum umbratilis ille, inter doctissimi optimique viri Jani
Gulielmi schedas repertum ajunt: in quo id tamen præstitit, quod aliam illi vestem induit,
& suo more turpavit. Nam & carmina, quæ passim intermixta, non adulteri hujus fue-
runt, sed Scholæ Schleswicensis Rectoris, viri eruditi & probi, qui etiam nunc vivit, &
id aperte fatetur. *Epistola* hæc scripta est Hamburgi ann. 1613. Gravis hæc in il-
lum Virum injuria est, & nescio quid acerbioris sapit. In aliis *Epistolis* passim in
eum invehitur, ac plura ejus plagia notat. Nos lites illas in medio relinquimus.
De *Polymathia* ejus, per plagium Casaubono subrepta, supra diximus. Idem Lin-
denbrogius, ut ex *Epistola* illa apparet, Vitam ejus integro scripto divulgare in a-
nimo habuit, quæ certe in laudem ejus minime concepta videtur. Ceteroquin
Vitam ejus Clariss. Dn. Adamus Olearius peculiari oratione descripsit.

JOH. MILTONI *Epistolæ Familiæres* extant libello exiguo. (bbb) Non ignobi- 80
lis fuit Autor Miltonus, quod e scripto Anti-Salmasiano constat, quem ille exagi-
rarat, argutiis & salibus causam commendans, a Salmasio non iis, quibus poterat, ar-
gumentis defensam. * Id singulare in illo notari potest, frequentem illum esse in 81
Solæcisimis & Barbarisimis Salmasio objiciendis, cum tamen & ipse sit σέλοκος sæpe
& barbarus, ut quadret hic illud Juvenalis, Sat. II.

Loripedem rectus derideat, Æthiopem albus.

Pp 3

Ejus

(ggg) *Epistolarum* Joh. Wouwerii Centuriæ II. Hamburgi, non An. 1608. (licet hunc exempla
quædam Titulo indicent, quæ Morhofio Sphalmate isto Typographico imposuere,) sed 1618.
sexennio post Autoris, A. 1612. defuncti, obitum a Geverhardo Elmenhorstio sunt editæ, Cen-
turiarum etiam Tertiarum in præfatione pollicito. In Bibliotheca Hamburgensi plures ducentis su-
perfunt, omnes αὐτοῦ γραφαί, & ad solum Sebastianum a Bergem, Jctum ac Urbis istius Con-
sulem, exarata.

(bbb) Joh. Miltoni *Epistolæ* etiam extant Politicæ, publico Parlamenti, sive Senatus Anglicani (cui
a Secretis fuit,) nomine scriptæ, & a Joh. Georgio Pritio Lipsiæ An. 1690. in 12. denuo recen-
sitæ, quæ lectionem, ob stylum pariter atque Argumenta, merentur.

- Ejus commatis sunt illa in praefatione: *Tuis Grammatistis te rapulandum propino, & pag. 11. populus assentitus est, & pag. 142. res nostras hallucinante.* Sed talia viris doctis interdum praeter intentionem excidunt, qualia in Scaligero & Casaubono non pauca notavit Scioppius, delicatus illarum sordium collector, qui ingens domi sterquilinum talium Observationum habuit, quod publicare voluit cum titulo *Herculis*
- 82 *καταφύλας.* * Quicquid tamen ejus sit, ostendunt Miltoni scripta virum vel in ipsa juventute: quæ enim ille adolescens scripsit carmina Latina, una cum Anglicis edita, ætatem illam longe superant, quæ ille vir scripsit poemata Anglica, sed sine rhythmis, quos, ut pestes carminum vernaculorum, abesse volebat, quale illud 13. libris constans, *the paradise lost*. Plena ingenii & acuminis sunt, sed insuavia tamen videntur ob rhythmum defectum; quem ego abesse a tali carminum genere non posse exittimo, quicquid etiam illi, & Italis nonnullis, & nuper Isaac Vossio in libro *de poematum cantu*, videatur. Epistolæ ejus paucae sunt, in quibus tamen non pauca de Autoribus veteribus, recentioribus, domesticis, exteris judicia, quæ legere & nosse operæ pretium est. Editæ sunt Londini an. 1647. in 8.

- 83 **WILHELMI SCHICKARDI & MATTHIÆ BERNEGGERI**
Epistolæ mutuae hoc in loco præteriri non debent. Præclari Viri ambo fuerunt: magna Schickardi rerum Hebraicarum & Antiquitatum Judaicarum peritia, literis his propemodum immersi & innutriti. Testantur illud doctissima ejus scripta *de jure Regio Hebraeorum*, quod nunc Commentario Carpzoviano prodiit; & alii ejus libri, exteris omnes magno in pretio habiti. Salmassius certe in defensione causæ Anglicanæ multa ex ejus fontibus hausit, quod & Bæclero in primo Musei sui specimen notatum est. Quis *Berneggerus* fuerit, notum omnibus est e Commentariis in Historicos optimos. Uterque Mathematicis studiis impense deditus fuit, ideoque Epistolæ illæ, quæ publicatæ sunt Argentorati ann. 1673. in 12., pleraque Mathematici argumenti continent: Peirescii de Schickardo subnectitur judicium huic libello.

- 84 **GEORGII RICHTERI** *Epistolæ* plane non sunt illo loco habendæ, quo habet Patin. *Epist. 106.* Maledicum est & falsum, quod de illis ait: *J'ai vu les Epitres de Richterus, il y a quelques bonnes choses, quelques-unes de mediocres, & tout l'ouvrage est assez mal sagoté.* Non facile memini pleniores bonæ frugis Epistolæ, quam hæc sunt. Fuit Richterus JCrus, Consiliarius Reip. Norimbergensis, ac Academiæ Altorfinæ Procanclarius, Vir undequaque doctissimus, ut patet & paucis illis schediastmatibus, quæ edidit: neque enim ob molem negotiorum in tam ampla civitate vacare totus literis potuit. Magni habitus a Batavis, Gallis & Anglis, quod testantur literæ ad ipsum scriptæ. Ipsi Heinsius dissertationem inscripsit *de servis natura*, quæ adjicitur Orationibus Heinisianis, in qua agitur de eo, an JCrus Philosophis contrarietur, quando illi servos natura esse negant, Aristoteles autem aliquos natura servos statuit. Ejus epistolæ selectiores editæ sunt uno volumine in 4to. Norimbergæ ann. 1662. Ubi habentur non ipsius solum, sed & illorum, quæ ad ipsum scriptæ epistolæ, plenæ argumentis Theologicis, Juridicis, Politicis, Medicis, Philosophicis, Historicis, Geographicis,

is, Philologicis, Criticis. * Quod titulus promittit, præstat liber uberrime: 85
 enim multa notatu dignissima, quæ ad Historiam literariam novissimi tempo-
 rentinent, in illis data occasione notata. Multa sane disci ex illis possunt: addit
 præterea literarum quarundam spicilegia, a Professoribus Altorfinis, Hoff-
 no, Ruperto, Rittershusio, Dinnero, (habuit enim Academia hæc viros semper infi-
) & aliis viris doctis scripta. Sunt hic aliquot Gruteri Epistolæ, in quibus multa
 bilia: est prolixa Epistola Christophori Arnoldi ad Georg. Richterum p. 496. &
 ubi multa egregia habentur de Originibus Germanicæ linguæ. Additur In-
 rerum & argumentorum in singulis Epistolis: judicium de Barclai Argenide
 ixe habetur p. 783. ubi tota illius fabulæ compages examinatur. Habetur
 ans Carmen Gruteri trochaicum in Galenum Casp. Hoffmanni, editioni quidem
 tum & summis curis & molestiis elaboratum, sed hætenus, quæ invidia no-
 rum temporum est, nondum editum, non sine magno rei Medicæ & Philolo-
 damno: fuit enim Hoffmannus vir longe doctissimus, Medicus, Philologus
 immatissimus. Reperitur illud carmen p. 534. & sqq. quo graphice depingit
 iatum desidium in procurandis optimis artibus. Videas & illic p. 539. miserum Gru-
 latum.

DOMIN. BAUDII Epistola etiam in tironum manibus sunt. Nemini igno- 86
 baudius, salibus & facetiis ubique diffuens. Vir fuit doctissimus, Poëta in pri-
 n Jambis felicissimus. * Dictio ejus, si judicium Scaligeri in Excerptis Putea- 87
 audimus, sapit phrasin Neroniani temporis. Est enim in illo quidam flos
 onis ad poëtisimum aliquantum accedens, & colorem aliquem e Plauti argutiis
 ens, qui ipsi Scriptor familiaris fuit, quem imitaretur, & ita imitatus est, ut non
 κακὸς ἄλλος. Epistolare enim argumentum imprimis inter familiares non re-
 jocos & sales. * Vir fuit meliore fortuna dignus, si ipse faber ejus esse po- 88
 it. Habuit familiaria vitia, quæ vehementer ipsi obstiterunt ad altiora ten-
 i, Venerem & Bacchum; amoribus enim paulo plus, quam licebat per hone-
 n & ordinem, deditus fuit: quod occasionem dedit eleganti illi Centoni Virgi-
 quem Dan. Heinsius in ipsum dissimulato nomine scripsit, qui reperitur inter
 nata ejus p. 426. * Accessit postea, vel in famam vel in infamiam Baudii, quod 89
 is Scriverius ederet librum cum titulo: *Dominici Baudii Amores*, in quo ille con-
 omnes, quæ de hoc argumento habentur in Baudio, epistolas; adjectis aliis
 s argumenti, non omisso etiam Centone illo Heinsiano, cui Dom. Baudii no-
 ipsi præscripsit, quod dissimularat in poëmatibus suis Heinsius. Omnia in
 bro lepida, grata futura iis, quos trahit illa voluptas; amatoribus scilicet, sed
 tis. Nec mirum est, delectatum fuisse hoc labore P. Scriverium, qui & ipse
 ad has delicias composuit fuit, si fides habenda est illis, quæ narrat Colome-
 in Opusculis suis; illic enim mirabilis historia de illo habetur p. 101. quam
 vide.

ACOBI BONGARSII & GEORGII MICH. LINGELSHEIMII Epistola 90
 : sunt Argentor. an. 1660. in 12. Erat Bongarsius vir suo tempore magni no-
 , sub Henrico IV. negotiis publicis sæpe admotus, præcipue in legationibus ad
 Germa-

Germaniæ Principes. In iis tamen negotiis multa scripsit erudita, & quidem juvenis notas doctissimas in Justinum; senex publicavit ingens volumen *Gestorum Dei per Francos*. Post mortem ejus editæ fuerunt tum hæ Latinæ epistolæ, tum aliæ Gallica lingua, quæ nuper admodum Parisiis lucem viderunt. Lingelsheimius item, vir in publica dignitate constitutus, & ad Helverios Legatus, olim Bongarsio ab epistolis, literas Bongarsianas una cum suis publicavit: fuit enim inter illos commercium literarum mutuum. Habentur in his multa, quæ pertinent ad statum Germaniæ superiorum temporum; ad aulas Principum, tum temporis intestinis malis turbatissimas; habentur & de rebus literariis notitiæ non contemnendæ.

- 91 JACOBI VECTIANI Itali *Epistolæ* ad varios viros doctos, Italos præcipue, scriptæ. Scripsere & ad ipsum multi literas, in quibus non pauca reperias rerum Romanarum & Italicarum, tam in literis, quam in statu civili. Quis ille fuerit, aut cujus conditionis, dicere non possum, cum liber ille, qui ad manus meas pervenit, & titulo & præfatione careat: neque locus impressionis constat. Rarum tamen Autorem esse oportet, cum nusquam invenerim in Indicibus & Catalogis. Norandus itaque, si forte ad manus aliquando veniat. * Ac sunt sane multi tales libri, qui in Italia editi in lucem a membris Societatum & Collegiorum, quæ illic plurima sunt, sed nunquam ex Italia exportantur. Vidi ego interdum Auctores & Commentatores cultissimos in veteres Auctores, quos ego nunquam nancisci potui, quacunque etiam diligentia quæsitos. In hoc Autore nostro multa observavi Italorum scripta passim laudatæ, de quibus nec vola nec vestigium apud nos apparet.

- 93 JOH. NICOLAI SAULII CARREGÆ libri 3. *Epistolarum* editi sunt Genuæ anno 1603. & inscripti Joh. Vincentio Imperiali, de cujus Museo supra mentionem fecimus in *Vitarum Scriptoribus*. Editi sunt postea alii libri 3. an. 1619. quos tamen non vidi. Tractantur hic singularia nonnunquam argumenta, in quibus rotæ versantur Epistolæ: magis enim ad eloquentiam ostentandam scripsit Autor ille, quam negotiorum causa, ideoque non adeo multa ex illo disci possunt de rebus, quæ ad Historiam literariam pertinent. Luculenta illa est lib. 2. p. 129. qua reprehendit populares suos, qui lingua Herrusca, quam Latina scribere malunt. Manutius aliquas ad ipsum scripsit epistolas, in quibus illum laudat a nitore styli, ut laudari revera debet.

- 94 BALTHAS. HENCKELII *Epistola carcerales* raræ sunt, quas semel tantum vidi. Prodierunt Holmiæ ann. 1640. in 8. Fuit Henckelius Saecicus Consiliarius & negotiorum Gestor per Germaniam, durante bello Germanico-Suecico. Inciderat is in manus Pontificiorum & Jesuitarum, qui illum carcere inclusum diu tenuerunt. Epistolæ ejus varia habent Suecorum consilia, Jesuitarum machinationes, & arcaniora quædam istius belli, quæ alibi expressa non facile invenis: stylus non contemnendus.

- 95 M. ZUERII BOXHORNII *Epistola* non carent venustate, quanquam pleræque familiares & extemporales. Sarravii enim judicium, quod supra adduximus, paulo asperius in illum est. Occurrunt multa in illis Philologica argumenta. Sunt vero omnes

omnes posthumæ. Poëmata, quæ adjiciuntur, acumine & elegantia non destituuntur. Recudi illas curavit Thomafius. cum luculenta præfatione.

GUIDONIS PATINI, Medici Regii, *Epistola Gallica selecta* Paris. 1685. in 12. 96 editæ sunt. Non fuit temere, qui audaciora & liberiora de libris & viris publicis, privatis, doctis, indoctis, judiciâ consignaret. Non putarim illum editioni vivum destinasse has epistolas: nam post mortem ejus editæ sunt. Perpetua hic in Chymicos & Pharmacopolas cavilla. De negotiis status & religionis, de rebus sacris summa *περίληψις* judicatur. Ne quid de facietis dicam, quibus condiuntur epistolæ. Infinita in illis observari possunt, quorum maximus in Historia literaria non solum, sed & medica & civili, usus est.

Non debent hic quoque omitti JACOBI HOWEL, Equitis Angli & Secretarii Regii *Epistola familiares*, Anglica lingua scriptæ. Publicata earum quarta editio est Londini in 8. 1673. hoc titulo: *Epistola Ho-Eliaæ, familiar letters domestic and foreign Historical, political, philosophical.* * Mixta hic sunt negotiis civilibus literaria, magnaue illa rarissimarum rerum varietas mirifice legentem delectat. Agitur hic de rebus Anglicis, Gallicis, Italicis, Germanicis, Hispanicis, Belgicis, Danicis, Suecicis, unde multa ad historiam eorum temporum observari possunt. Insperguntur nonnumquam Poëtici sales & facietæ. Physica & medica non omittuntur. De rebus literariis disquiruntur. Historiæ rariores narrantur. Characteres & lineamenta virorum illustrium & doctorum, tam in Anglia, quam in aliis locis, ab illo proponuntur. Elucet denique ex stylo varia & elegans eruditio. Ut pauca recensamus: docta est illa de Linguis totius orbis dissertatio, *Vol. 2. epistolis 56. 57. 58. 59. 60. 61.* proposita. Quam memorabilis est illa *Vol. 3. Sect. 6. ep. 9.* historia de columbæ in Johannis Oxenhami omniumque ex ejus familia morientium agone apparitione, *Vol. 4. ep. 30.* recenset Epiraphium Principis Britannici, in America ante 600. annos sepulti. *Vol. 3. ep. 9.* prolixè agit de habitatoribus orbium cœlestium, *Ep. 22.* agit de vaticiniis Nostradami & similibus. Illud quoque notabile est, quod *Vol. 1. sect. 5. ep. 5.* observat insignem similitudinem vultuum Nobilitatis Holsaticæ & Anglicæ, unde colonias hinc in Angliam ivisse auguratur. Infinita propemodum hic occurrunt observatione dignissima. Quare operæ pretium faceret, qui has epistolas in Linguam vel Latinam vel Germanicam converteret.

AUGUSTI BUCHNERI *Epistola* tomis 2. prodierunt Dresdæ ann. 1679. 99 & 80. in 8vo. Erat vir ille ad omnem nitorem literarum factus, Orator optimus & Poëta certe inter Germanos suo tempore princeps. Bene meriti fuerunt de orbe literato, qui has ejus epistolas publicarunt, in quibus multa sunt de rebus literariis judicia. Emendatur nonnunquam aliquid in Autoribus: stylus elegans, quamquam concisus. Formata tamen ipsi e Cicerone dictio est: quantum vero ad τὰ περιόδων attinet, ab illo diversa. Quantus ille Ciceronis æstimator fuerit, videas ex epistola illa luculentissima, quæ est *partis 2. 32. ad Schneiderum*, Ducis Holsatiæ Consiliarium, qui ipsius consilium rogaverat de Curtio, an scilicet illius stylus ad elo-

Tomus I.

Qq

quaer-

quentiam Romanam sufficere posset. Sed totus in aliam partem inclinat Buchnerus, qui Curtii declamatoriam indolem multum abesse judicat a puritate nitoris Romani. Solum itaque Ciceronem illic ad omne scribendi genus, epistolare, oratorium, historicum unice commendat. Ne quid dicam de variis rebus & judiciis, quæ habet de Autoribus, tam veteribus quam recentioribus. Inprimis elegans est illa scripti cujusdam Czarnecoviani refutatio, quæ habetur *part. 2. ep. 129.*

- 100 Inter Theologos JOH. CALVINUS *Epistolas* nitidissimas scripsit. Exstant illæ seorsim editæ Lausannæ ann. 1576. in quibus continentur multa ad statum religionis illorum temporum pertinentia. Stylus in illo non contemnendus: id enim operam dabat Calvinus, ut castigate scriberet. Sunt vero tales epistolæ magnificiendæ; & jam supra monuimus, Hottingerum instar thesauri habuisse epistolas Theologorum, quarum ille magnum volumen congefferat. * Habemus itaque quoque epistolas Theologorum, inprimis Remonstrantium, quæ in Belgio editæ sunt. (iii) * MARTINI RUARI Dithmarsii (kkk) *Epistola*, viri quidem doctissimi, sed Sociniani, in Batavia editæ sunt in 8vo; in quibus multæ habentur, quæ ad historiam Socinianismi pertinent. Multæ illic sunt ad Grotium epistolæ, quæ ipsum Socinianismi suspectum faciunt: multæ etiam ad alios Theologos, quas illi forte abesse inde velint. Erat vero ille vir doctus, Græcæ Latinæque linguæ scientissimus, ac præterea omnium illarum controversiarum, quæ Socinianis intercedunt cum Orthodoxis, præ aliis gnarus, disputator acutus, cui accedebat notitia antiquitatum sacrarum. Primus certe fuisse creditur, qui Gronium in partes Socinianorum traxerit, ut vel inde ingenium hujus viri conjicere possimus, cui tantus vir potuerit succumbere. Misere tamen vixit, & paterna in Holsatia hæreditate excidit, ob religionem legibus Imperii veritam. * Similis mihi commatis videntur nescio cujus CHRISTIANI LIBERII *Epistola*, quas nuper editas deprehendi: nam, quantum ex superficiali lectione patet, itidem Socinianus videtur. Nomen, ut quilibet videt, fictum est; sed tamen acumen ingenii cum Ruaro non comparandum. Quod si idem ille est, qui nuper de scribendis, legendis & æstimandis libris exercitationem Paræneticam scripsit, satis arguit ipse liber, minoris ingenii esse. Inferuit quædam in illo libello de plagio literario & Thrasonismo Theologorum, aliisque hodiernæ *μωοβελίας* causis.

- 104 LE SECRETAIRE CRITIQUE DU SIEUR, D. P. *dit du Jonquier*, in secundam nam

(iii) *Epistolæ Remonstrantium* (Jac. Arminii, Joh. Utenbogardi, Conr. Vorstii, Hug. Grotii, Gerh. Joh. Vossii, Sim. Episcopii, Casp. Barlæi, & aliorum) *Ecclesiasticæ ac Theologicæ* his sunt editæ, primum quidem a Phil. Limburgio & Christ. Hartsoekero, Theologis Arminianis, Amstelod. Anno 1660. in 4to (quæ editio prior, in Idioma etiam Belgicum transfusa, ibidem A. 1662. in 8vo prodierat), deinde autem, longe emendatiores, & plusquam 300. *Epistolis* auctiores, a solo Limburgio, Amstelod. 1684. in fol. Hæc posterior editio, 645. in universum complectens *Epistolas*, merito suo Historiæ Ecclesiasticæ atque Literariæ Studiis, non minus quam ipsis Theologis, ob multiplicem usum, est commendatissima.

(kkk) Mart. Ruarus non Dithmarsius fuit, sed Crempa, Stormariz oppido, Holsatus.

nam etiam Epistolographorum, ut mimus, prodeat. Autor ille has Epistolas Criticas scripsit, ut insultaret viris eruditorum. Multa hic habentur arguta & satyrica de literatis, de libris, & de perversa studendi methodo, quæ legisse delectat & prodest. Habent scilicet omnes pene eruditi & omnes pene artes aliquid, in quo deliciari amant. Est amabilis quædam in multis etiam artibus insânia ac intemperantia, Censoribus eruditis nunquam non notata, majori cum fructu studiis utilioribus impendenda, quam ille sale Satyrico defricat. Præcipue Medicos & Chymicos exagitat. Prodiit ille libellus Amsterod. 1680. in 12.

Vastissimus Epistolographorum numerus est, quos recensere omnes non pos-
sumus. * CÆLII CALCAGNINI *Epistola* doctissimæ & optime scriptæ. 105
PAUSACRATUS, Canonicus Ferrariensis, scripsit *libros 6. Epistolarum*, Ferrariæ
impressos, de quibus Joachimi Cameratii extat judicium, quod is sua manu ad ex-
emplum suum adscripsit: *Consanguineus fuit, sororis filius Sadoleti, hic Autor, a quo ad*
hoc elaboratum scribendi genus fuit adjuvatus: cujus exemplum utinam nostri quoque
homines sequerentur. * JUSTUS RYCVIUS *Epistolarum* duas Centurias scri- 107
psit, quibus continentur multa Philologici argumenti. De Epistolographis avi
sequioris agit Barthius *Adversar. lib. 9. cap. 19.* Idem de Salesburienſis Epistolis, *Adver-*
sar. lib. 13. cap. 12. * DOMINICI CÆSONII *Epistolarum selectarum* centuriæ 5. Bo- 108
non. An. 1623. editæ non plane contemnendæ; sed nescio qua affectatione laborant,
ac leviculas verborum allusiones quærunt, cujus exemplum *cp. 19. Cent. 3.* * OCTA- 109
VIUS FERRARIUS, humaniorum literarum Professor in Academia Para-
vina, *Epistolas* quasdam scripsit, Prolusionibus ejus additis, qui compositioni non
adeo studere videtur. * In CABELLIAVII Literis reperias quoque nonnun- 110
quam, quæ tollere velis. * P. RAMI *Epistola* nonnulla illorum temporum hi- 111
storica tangunt, & in CHRISTIANI BECMANNI *Epistolis* notatu digna
occurrunt. JACOBI OMPHALII paucæ sunt ad familiares *Epistole*, quas
subjecit libro suo de elocutionis imitatione & apparatu. * PERPINIANI opti- 112
mi Oratoris *Epistole* collectæ sunt, ac nuper cum Vavassoris Poëmatibus editæ, qui-
bus multa de locis Rhetoricæ communibus, deque erudienda in Græcis Latinisque
literis juventute habentur. * LANGUAGETI, (III) cujus elogium amplissimum 113
haber Thuanus, *Epistola* multa habent rerum civilium sui temporis. * In VIN- 114
CENTII FABRICII *Epistolis* nativa quædam elegantia est, quam ejus quoque
elaboratissima Carmina ostendunt. * NICOLAI HEINSII multæ procul du- 115
bio erunt *Epistole* ineditæ, sed paucæ ejus in Theatro Comico Lubienitzii exhi-
bentur. * TOB. TURNERI *Epistola* aliquem antiquæ dictionis genium ha- 116
bent. FR. ROBORTELLI *Epistola* de rebus philologicis nonnulla habent. SI-

Qq 2

BERI

(H) Huberti Languagei, Consilarii & Legati Saxonici, Volumen ingens *Epistolarum*, de rebus avi sui, sive Seculi XVIIi declinantis, Historico-Politicarum, ad Augustum, Saxoniar Electorem, ejusque Ministros interioris admillionis, Secretiorum, sub titulo *Historiæ Arcanæ Seculi XVI*, Halæ Saxo-
nam A. 1699. in 4to a Joh. Petro Ludovico, Professore Halensi, ex Archivo, ni fallor, Electro-
nali, est publicatum.

- BERI *Epistole* elegantes & non pauca ad rem literariam pertinentia notant. In-
- 117 primis illa observanda, quæ in Henrici Decimatoris Sylva reprehendit. * Veniunt
& in hunc censum femine eruditæ: OLYMPIÆ FULVIÆ MORATÆ,
cujus præclarum est apud Thuanum encomium, *Cælii Curionis* *Epistolis* mistæ, non
- 118 sunt omnino eloquentiæ Latine gloria privandæ. * Habemus & ELISABE-
THÆ JOHANNÆ WESTONIÆ *Epistolas*. LAURÆ BRIXIANÆ
- 119 *Epistolas* edidit Patavii Jac. Phil. Thomassinus. * Superfunt & ALOISIÆ SI-
GÆÆ *Epistole* MStæ, Nicolao Antonio teste. Hispanorum Autorum, qui vulgo
ignoti sunt, varias *Epistolas* peculiari indice notavit Nicolaus Antonius p. 600. *Biblioth.*
Hispanæ. *Epistolarum*, quibus Itinera Indica & Æthiopica describuntur, Autores Hi-
- 120 spanicos idem pag. 631. eodem loco recenset. * Etiam Principum *Epistole* de rebus
eruditis laudari hic merentur, quales Luneburg. Principum dedit Joh. Val. Andreas
in *Selenianis Augustalibus*.
- 121 Non desunt miscellarum EPISTOLARUM COLLECTANEA a
variis instituta, ac optandum esset, ut plures haberemus, qui hanc operam orbi li-
terato navarent. Extant *Epistole* Principum, *Rerumpublicarum* & *sapientum Virorum*, si-
mul editæ Venetiis apud Jordanum Zilettum an. 1575. Extat & aliud quoddam
Volumen, quod JOH. MICHAEL BRUTUS collegit, quo habentur potissimum
Philologica: sunt & editæ *Epistole clarorum Virorum* Lugduni in 8vo typis Elzevi-
rianis, ann. 1617. Iisdem Elzeviriiis curantibus prodierunt *Principum & illustrium Vi-*
rorum Epistole, Amstelodam. ann. 1644. quo continentur *Epistolæ*, quæ inveniun-
tur in Historicis Græcis & Latinis. Ante illos quoque MELCHIOR JUNIUS
- 122 singulare Volumen talium *Epistolarum* collegerat. * Editæ sunt *Epistole Indica &*
Japponica a Patribus Soc. Jesu, Lovanii ann. 1570. quibus continentur variae rela-
tiones de rebus naturalibus, commerciis Indicis, negotio Religionis per Jesuitas
promoto, & plurima alia memorabilia; e quibus multa excerpserunt, qui postea
- 123 Itineraria illa Chinensia & Japponica conscripserunt. * *Itinerarium* certe *Chinense*
Nienhoffii, quod Latina, Belgica & Germanica linguis prodiit, pene omnia capit ex
his *Epistolis*, Trigautii expeditione Sinensi, aliisque ejus argumenti. Scriptoribus,
- 124 addito tantum suo Itinerario. * Sunt & *varia litera Italica lingua ad viros illustres*
scripta. *Epistolæ* illæ collectæ sunt ab ALDO MANUTIO tribus tomis in 8vo.
Habentur in illo variae *Pauli Manutii* & *ad Manutium* scriptæ *Epistolæ*, & longe plu-
res *illustrium Italorum*, qui tum temporis præcipuum inter Italos nomen habuerunt.
Nolo illorum Catalogum hic texere. Sunt vero illæ rebus illorum temporum li-
terariis refertæ, quarum notitia homini erudito prodesse multis modis potest. Est
& civilium rerum interdum aliqua illic notitia. Strylus Italicus pro ratione illorum
temporum cultus. Nimirum sunt tales Autores magno in pretio habendi: quæ-
dam in illis nonnunquam deprehendas, quæ frustra alibi quæsiveris. Commen-
dat talia ipsa raritas. Prodiit ille liber apud Aldum Venetiis, ann. 1554. in 8vo.
- 125 * Editæ sunt & Italica lingua literæ ex optimis Scriptoribus collectæ a BAR-
THOLOMÆO ZUCCHI Academico Insensato Perusino, Venetiis 1606.
in 4to sub titulo: *L' Idea del Segretario*. Verum hæc in Eloquentiæ tan-
tum

tum usum collectæ sunt sub titulis variorum generum Epistolarum, commendat-
 riarum, gratulatoriarum, petitoriarum &c. * Congestæ etiam editæque Puteolis 126
 sunt in 12. ann. 1685. *Literæ Historiæ, Politicæ & eruditæ* variorum Auctorum ab AN-
 TONIO BULEFONE, Bibliopola Puteolano, de quibus agitur in *Actis Lipsiensibus*
 ann. 1686. Mens. Decemb. p. 610. Promisit & Lambecius Comm. de Biblioth. Vin-
 dob. lib. 1. sub finem, *Syntagma Epistolarum clarorum Virorum.*

Solent & in exoticis linguis elegantes scribi literæ, quarum & ad eloquentiam 127
 usus est: In quibus merito recenseri debent acutissimi auctoris ALOYSII GROTI
Epistolæ, qui vocatur *Cicco d'Adria*, Vener. 1601. in 4to editæ. Notissimus ille apud
 Italos est, qui quanquam oculorum usu privatus, in utraque oratione elegantissime
 scripsit: quod præter ejus Epistolas *Orationes* quoque & *Carmina* testantur. * In 128
 Anglicis JOHANNES DONNE, Decanus Ecclesiæ Paulinæ, Poëmatibus Angli-
 cis & Sermonibus sacris celebris, *Epistolas* Anglica lingua scripsit, Londini editas 1651.
 in 4to, quæ elegantissimæ & argutissimæ sunt. Sed illi Scriptores huc proprie non
 pertinent.

Qui certa argumenta Epistolis accommodarunt, longe sunt plurimi, ac jam su-
 pra eorum Scriptorum aliquos sparsim recensuimus. * *Medicæ Epistolas* scripserunt 129
 J. CÆSAR BENEDICTUS, LANGIUS, HORSTIUS, ROSSEUS, MATTHIOLUS
 alique. * De Epistolis Ecclesiasticis antiquorum egit FRANCISCUS BERNARDI- 130
 NUS, FERRARIUS libro de *Antiquo Ecclesiasticarum Epistolarum Genere*, qui liber Helm-
 stadii a Mejero recusos, Ann. 1678. * P. OLIVÆ, Generalis in Soc. Jesu ordine, 131
 extant Epistolarum tomi aliquot, de negotiis Soc. Jesu, quorum prior Romæ in 4to,
 Bononiæ in 8. 1668. prodit, posterior Venetiis 1683. in 4to. Integra est Epistola-
 rum chilas, ac maximopere commendatur in *Actis Lipsiensibus* Anno 83. Mens.
 April. & August. * MONCONISIUS & DELLA VALLE *Epistolis Itinerariæ* scripse- 132
 runt. Habemus & BUSHEQVII *Epistolas*. Peregrinatorum eruditorum Epistolæ
 magnam utilitatem in re literaria præstant; nam συλλεγόμεν repræsentant ea, quæ se-
 ro, vel nunquam in hominum notitiam veniunt. * Laudanda in his est SORBIERI 133
 diligentia, qui in *Relatione itineris Anglici*, Gallica lingua scripta, multa de eruditis An-
 glia libris, inventis, memorabilia notavit, sed liberiore censura in Anglorum in-
 vidiam incurrit: adversus illum enim singularem librum THOMAS SPRAAT scripsit
 lingua Anglica sub Epistolæ forma ad Dn. Wren. Titulus est: *Observations upon Sor-
 biers voyage.* * ANTONIVS PEREZIVS *Hispanicæ Epistolas* scripsit, omnes Politici 134
 argumenti. * In Gallica lingua PASQUIERII *Epistolæ* scriptæ, quibus tumultus Pari- 135
 sienses describuntur. Sunt & alii Auctores, quos vide apud Sorellum. * VIGLII 136
 ZWICHEMI ab AYTIA *Epistola Politicæ & Historica* ad Joachimum Hopperum scri-
 ptæ, & Leovardiae an. 1661. editæ, multa rerum Friscarum habent. * Sunt & PE- 137
 TRI de VINEIS libb. 6. *Epistolarum Historico-Politicarum* Ambergæ 1609. editi.

EPISTOLIS INEDITIS ERUDITORUM.

- §. 1. *Ineditarum Epistolarum praeter ceteris ratio habenda est: 2. praecipue familiarium. 3. Tria Epistolarum genera, officiosa, negotiosa & familiaris. 4. Syntagmata talium literarum conficienda. 5. Job. Pistorii, 6. & Pauli Cyprici Epistola MSta. 7. Epistola a Zacharia Ludio, & ad ipsum, 8. & Virorum celebrium ad Meursium scriptae. 9. Quorum Virorum nomina recensentur. 10. Friderici Lindenbrogii Epistola MSta. 11. Fellerus & Daumius editionem Epistolarum nonnullarum promiserunt. 12. Harduici Smidenstadii Epistola. 13. Eiusdem loci Comm. Oratorii, 14. & Tractatus de imitatione Ciceroniana. 15. Magnus Epistolarum ineditarum thesaurus in Bibliotheca Gudiana. 16. Epistola Germanorum & Belgarum apud illum εὐτόγειαφοι superstites recensentur. 17. Lepida historiola de Latino Hegingensi ex Epistola Melanchthoniana. 18. Systema integrum novum Melanchthonianarum Epistolarum ad bis mille confici potest. 19. 20. Gallorum Epistola εὐτόγειαφοι recensentur. 20. Comitum Avenae singularis erga Gronovium liberalitas & humanitas. 21. Ex Italicorum autographis Epistolis recensentur complurium Epistola Alciati, 22. Caesaris Trivulcii. 23. 23. Locus Plinii ex ea illustratus. 24. Augusti Valdi Epistola. 25. Ejus in Plinium nota militari furore perierunt. 26. Nizolii ad Majoragium Epistola reprehensoria. 27. Majoragii in Nizolium libri Reprehensionum. 28. Sebast. Corradi. 29. Calcaagni. 30. Macigni, Majoragii Epistola. 31. Ejus duae Orationes, olim e Bibliotheca Gudiana editae, quae in Orationum volumine non inveniuntur. 32. Commentarius ejusdem in Virgilii Georgica MStus. 33. Pyrrhi Ligorii, 34. Bernardi Baldi, 35. Thoma Phedri, 36. Cardam, Palcarii, Galii Rhodigini, 37. Jani Parrhasii, 38. Francisci Cicerii &c. Epistola. 39. Pauli Manutii elegans Epistola, 40. cujus scribenda occasio refertur, 41. & quia inter ceteras ejus non comparat, hic adjicitur.*

1 **E**gimus hactenus de Epistolographis, ac praecipuos eorum enumeravimus, qui
 2 in lucem miserunt Epistolas suas. Sed INEDITARVM EPISTOLARVM, quae
 3 hinc illinc in Bibliothecis laritant, major nobis cura esse debet. * Quoniam enim
 illae divulgatae typis non sunt, multa hic abscondi ad Historiam literariam per-
 tinentia credibile est, praecipue si maxime familiares literae sint. * Sunt enim Epi-
 stolae varii generis: quaedam officiosae tantum, & in sola civilitate subsistunt; earum
 non est, nisi in eloquentia usus. Neque illae ad nos hoc loco pertinent, etsi illa-
 rum Scriptores hic miscuerimus, ne postea alio loco multa repetenda essent. Sunt,
 quae de negotiis domesticis & vulgaribus agunt; quarum exiguis hic nobis usus
 est. Civilia negotia, relationes historicae ad civiles usus pertinent. Maxime
 vero hic prodesse possunt literae secretae & familiares, quas vel vivi Auctores edi-
 ter ceteras noluerunt, vel quae in scriniis virorum doctorum delitescunt, non eo
 sine scriptae sunt, ut publicarentur. In his enim plurima latent rei literariae arcana.

* Illas

* Illas præcipue indagare debemus in Virorum illustrium Bibliothecis, atque inde 4
conficere Syntagma: quod si ab omnibus pari industria institueretur, bono id pu-
blico foret. Sætem in publicis Bibliothecis ad tempus custodiri tales chartæ debe-
rent, ne interciderent: nam crescit illis cum tempore pretium, & ab antiquitate ma-
jor erit æstimatio; ac impune tum in lucem mitti poterunt, postquam invidiæ lo-
cus amplius non est.

Multi quoque discere e talibus epistolis interdum possumus ad Historiam pa-
triæ pertinentia, quorum nulla in publicis monumentis superest memoria. * Com- 5
municavit mecum vir Clarissimus & amicissimus PETRUS AXENIUS *Epistolas La-
tinas* superiore seculo in Holsatia ad JOHANNEM PISTRIVM, Præpositum Ey-
derstaterensem, & ab eodem scriptas, quibus non pauca habentur historica de statu
provinciæ Civili & Ecclesiastico. * Venerunt ad manus BALTHASARIS HELDI, 6
amici nostri optimi, & diligentissimi veterum monumentorum indagatoris, PAU-
LI CYPRÆI *Epistola MSta.*, quibus multa de patriæ rebus memorantur. * Ejus quo- 7
que indicio mihi innotuit, superesse apud Secretarium & Archivarium Regium
DN. MOTHIVM *Epistolas* multas a ZACHARIA LUNDIO, viro docto & inigni
Poëta, & ad eundem scriptas: * Item magnum volumen epistolarum, a viris Ce- 8
leberimis ad JOH. MEURSIUM Seniore scriptarum, quod ex Bibliotheca
Seelfeldiana ab eodem Lundio descriptum; nec ille, ut audio, Orbi erudito invi-
debit, si erunt, qui typis promulgare velint. * Nomina eorum, qui has literas 9
scripserunt, mecum communicavit *Johannes Møllerus, Flensburgensis*, qui totum vo-
lumen. 730. epistolas continere testatur, & omnigenæ eruditionis Thesaurum, ac
rei literariæ quoddam Archivum in literis ad me datis vocat. Continentur vero
hic *Epistolæ* *Adolphi Vorstii*, *Alph. Miniati*, *Andr. Riveti*, *Andr. Schotti*, *Ant. Fayi*, *Balth.*
Bonifacii, *Balthaf. Lydii*, *Ben. Aub. Maurerii*, *Bonav. Vulcanii*, *Car. Paschalii*, *Casp. Barthii*,
Casp. Bartholini, *Casp. Er. Brockmanni*, *Casp. Hofmanni*, *Gecartii*, *Christ. Frisii*, *Razii*, *Tho-*
mai, *Christoph. Coleri*, *Bulai*, *Chr. Sig. Donauteri*, *Corn. Pynakeri*, *Corn. van der Myle*, *Conr.*
Rittersb. *Cyr. Herdesiani*, *Dan. Heinsii*, *Dav. Hascheli*, *Dion. Gotthofredi*, *Domin. Molini*, *Ery-*
cii Puteani, *Everb. Vorstii*, *Eustath. Swartii*, *Franc. Douse*, *Frid. Lindenbrogii*, *Taubmanni*,
Georgii Episcopi Cantuar. *Georg. Lud. Frobenii*, *Georg. Mich. Lingelsheimii*, *Georg. Remi*,
Georg. Queccii, *Gerb. Joh. Vossii*, *Geverb. Elmenhorstii*, *Guilh. Coddai*, *Hadr. van der Bur-*
chii, *Herib. Rosweydii*, *Henr. Ernstii*, *Henr. Spelmanni*, *Hug. Grotii*, *Jac. Aug. Thuan*,
Jac. Bongarsii, *Gilloti*, *Gruteri*, *Leclii*, *Monavii*, *Jani Gruteri*, *Rutgersii*, *Joh. Bapt. Lauri*,
Joh. Bedecheri, *Joh. Brantii*, *Joh. Cabellavii*, *Joh. Cluweri*, *Joh. Drusii*, *J. F. Gronovii*, *Joh.*
Georg. Herwarti, *Joh. Heurnii*, *Joh. Loccenii*, *Joh. Kirchmanni*, *Joh. Lydii*, *Joh. Phil.*
Parci, *Joh. Polyandri*, *Joh. Ravii*, *Joh. Wolverii Hamb.* *Joh. Wowerii Antw.* *Joh. Uten-*
bogardi, *Jos. Scaligeri*, *Isaaci Casauboni*, *Justi Lipsii*, *Lamb. van der Burchii*, *Lamp.*
Alardi, *Luca Holstenii*, *Ludov. Contareni*, *Marci Velseri*, *Marquardi Froheri*, *Mar.* *Jy-*
di, *Maxim. Urientii*, *Melch. Goldasti*, *Metroph. Critopuli*, *Mich. Piccarti*, *Nic. Fabr.*
Peirescii, *Nic. Rigaltii*, *Ol. Wormii*, *Olig. Rosakranzii*, *Otton. Heurnii*, *Pauli Meruke*,
Pauli

Pauli Petavii, P. Sarpii, Patritii Junii, Pet. Berti, Pet. Castellani, Pet. Cunei, Pet. Denaisu, P. Gruteri, Pet. Pantini, Pet. Scribverii, Phil. Jac. Mansfaci, Reg. Brederodii, Sixt. Arcevi, Steph. Joh. Stephanii, Theod. Canteri, Theod. Douffe, Ubb. Emmii, Vinc. Marmec-
 10 rii. * FRIDERICI LINDENBROGII, cujus jam superiori capite mentio facta est, *Epistola* MStæ ad aliquot Centurias in viri Illustris & Excellentissimi Domini REINOLDI BLUMII, in aula Electorali Palatina quondam Præsidis & Cancellarii, Bibliotheca latitant, ut a Filio ejus Arnoldo Blumio, Illustriss. Comitiss. Domini CHRISTIANI DETHLEFI RANTZOVII Ephoro dignissimo, Amico & Convictore meo honoratissimo, narratum est: quibus ego publicam lucem optarem, si exorari posset vir Excellentissimus, ut illas prælo subiceret. Nam ex ceteris Lindenbrogianis, quæ in Bibliotheca Hamburgensi latitant, pater, multa in illis haberi, noticia Orbis literati non indigna. Jam quædam superiori capite ex illis adduxi de plagis Wouwerianis: ac communicavit nuper mecum (ut & in *παράδειγμα* memorem) de eodem argumento nonnulla Joh. Möllerus, qui ex epistola ejus ad Pet. Puseanum die 23. Jul. an. 1618. scripta, hæc de Wouwerio excerpsit: *Anno te ob communicatas Wouwerii literas: Quamvis tanti non erat, tabellarium iis portandis onerasse, quarum lectione nemo quisquam vel doctior vel melior redditur: sed nec aliud fere quicquam ex iis discitur, præter hominis vanissimi futile ingenium & mores, ad ambitionem ac arrogantis typhum factos.* Nam de eruditione nunc dicere supersedeo, quæ sane parum supra vulgum erat, adeo ut, ut illam alienis coloribus, velut *Asopi* cornicula plumis, ornasset, sæpe nuda destituta fuisset; Velut in Italia contigit, cum Carmen ab illo in laudes horti cujusdam Nobilis Florentini exigeretur: Miratique sunt docti, quæ ratione factum esset, ut qui paulo ante ob versionem *Psalmi Davidici* cujusdam, valde eleganter atque concinne numeris comprehensi, summum Pontificem in admirationem rapuerat, ejus nunc vena adeo exaruisse, ut ne *Hexastichon* quidem satis dignum, horti parietibus quod adscriberetur, extrudere potuerit. Sed ignorabant boni illi viri, hujus hunc nostrum autorem esse, illius vero Carminis Baudium. Hanc ille artem vorat, aliena exscribere & interpolare, schema illis novum inducere, & sic pro suis venditare. Idcirco non magis credas, librum, quem expectis de *Cognitione Veterum Novi Orbis* illius fuisse, quam certo tibi persuadere poter, quos de *Bibliorum Interpretibus* composuit, *Casauboni & Gelasini esse*. Nihil enim in *Hebraicis* intelligebat, imo ne autores quidem legerat, quos laudat. *Geographie* autem plane ignarus erat. Itaque aut vanidica jactantia sanum amicis vendidit, aut si quid hujus argumenti penes se habuit, id absque dubio in Italia nactus fuit, ubi totos menses Jac. Mazzonii aliorumque virorum doctissimorum variis Observationibus describendis impendit, uti Aurelius Blondus Florentie mihi narravit. Non minus vera de aliis ejus *Syntagmatibus* referre possem, quæ tibi quoque & fratribus tuis in partem notissima sunt, ad quos scis, quid de colligendis transmittendisquæ *Marcilii viri doctissimi*
 11 *commentariis* scribere solebat. Narravit, nescio quis, etiam Cl. FELLERUM ad editionem paratas habere multorum *Virorum celeberrimorum Epistolas*. Scribit & ad me amicus, CHRISTIANUM DAUMIUM, Virum doctissimum, *Epistolarum* a Camerario,

merario, Barthio, Reinesio, Casaubono, Heinsio scriptarum, unam propediem *Centuriam* editurum.

Invenimus passim in vitarum Scriptoribus notatas virorum doctorum epistol¹² as ineditas, quæ cum blattis & tineis pugnant, quas nemo respicit, aut in lucem educere laborat. Ita in Elogio HARTVICI SMIDENSTÆDTI, Oratoris & Poetæ in Academia Helmstadiensi, apud Boissardum in *Iconibus Virorum Illustrium*, part. 3. p. 88. memoratur, quod prematur in Bibliotheca ejus relicta præstans volumin *Epistolarum illustrium & Scholasticarum*. Fuisse virum illum doctissimum, ex elogio Henrici Meibomii patet, aliisque ejus scriptis ineditis. * Nam & eodem loco refertur,¹³ premi in ejus Bibliotheca *Opus absolutissimum, in quo totam Cyclopediam ita in Locos Communes digesserit, omniumque scientiarum rerumque capita & tractationem ita disposuerit, ut futuro Oratori, sive cuiquam etiam ex tempore dicturo, veluti locupletissima Eloquentiæ Bibliotheca, quovis loco & tempore in promptu, atque in infinitum expedita esse queat*. Male profecto agunt, qui publico usui talia scripta invident. Nam in eloquentiæ apparatus vehementer laboramus; neque hætenus fuit, qui Locos Communes idoneos in lucem dederit. Quod si hujus operis superest hodie memoria, id agere deberent viri eruditi, ut ab interitu hoc scriptum vindicaretur, & in publicum usum protraheretur. * Ejus quoque de *Imitatione Ciceroniana* Tractatus editus, qui exquisitissimus ibidem vocatur, nunquam mihi visus est. Inter Opera Autorum, a Melchiorre Adami, Laur. Crasso, Ghilino aliisque notata, multæ reperiuntur ineditæ epistolæ, quarum omnium recensere Catalogum nunc non possumus.

Non possum, quin hic quasi in publico theatro orbi literato magnum illum¹⁵ *Epistolarum Thesaurum*, quem in incomparabili sua Bibliotheca servat Illustris MARQUARDUS GUDIUS proponam. (mm) Integra ille volumina facile complebit epistolarum, ab omnium gentium viris doctis scriptarum, quorum ἀνέκδοτα singulari felicitate in ejus manus inciderunt. Dixi præcedente capite, integras illum habere Centurias, Wouwerianarum, Caselianarum, Sarravianarum, Erasmanarum, Casaubonianarum, Lipsianarum. Ex his Lipsianis conficere potest, ad Germanos Centuriam unam, aliam ad Gallos, tres ad Batavos. * Haber e Germanis & Belgis ἀνέκδοτα epistolarum Barthii, Baudii, Calixti, Cabeliavii, Christophori Coleri, Dilberri, Elmenhorstii, Gebhardi, Gruteri, Gronovii, Heschelii, Heinsii, Hofmanni, Laurenbergii, Meursii, Piccarti, Remi, Rhodomanni, Rittersbusii, Ruari, Rutgersii, Sizmanni, Taubmanni, Velferi, Calvisii, Foppii & Leonis ab Azevia, Starckii, Baubini, Brati Rhenani, Bæcleri,

(mm) Multæ jam ex Epistolis Eruditorum, quas Vir Illustris, Marqu. Gudius, asservabat ἀνέκδοτος lucem aspexerunt publicam, in Appendice satis vasta, pauculis ipsius Gudii, Amicorumque ad illum, Epistolis, Ultrajecti A. 1697. in 4to excusis, a Pet. Burmanno, editore, auspiciis Grævanis, adjecta. Plures tamen, ni fallor, edendæ supersunt.

- Bacleri, Tyconis Brabei, Joachimi Camerarii, senioris & junioris, Theodori Canteri, Julii Pflugii, Claverii, Ubbonis Emmii, Flemmingii, Casparis Gevartii, Huberti Giphantii, Melchioris Goldasti, Hug. Grotii, Luca Holstenii, Joannis Secundi, Athanasii Kircheri, Joh. Kirchmanni (quarum magna copia est,) Johann. Kirstenii, Friderici Lindenbergii, Lingelsheimii, Lutheri, Mallincrotii, (cujus extat epistola prolixa, qua inter Erasmi & Jesuitarum merita comparationem instituit) Meursii, Joachimi Morsii, Ludovici Nomii, Johannis Oporini,
- 17 Johann. Rhodii, Joannis Rivii, Heriberti Rosweidi, Isaaci Vossii, Jungermanni. * Est in illis lepidi ad Joachimum Rungium Calend. Febr. A. 1560. manu Melanchthonis scripta epistola, qua bella de Latino Heggensi narratur fabula: cum Gallicus Legatus coram Maximiliano in Conventu Constantiensi luculentam haberet Orationem, Maximiliani filius, Philippus, ad Fridericum Saxoniae Ducem dixit: *Friderice, hic Vir est eloquens*. Tum Comes Hohenzollerensis horrendo sono inquit: *Domine Legate, vos debetis iterum venire post carnis primum*. Displicuit sonus & stentorea vox Philippo, qui ad Fridericum inquit: *Quale est hoc Latinum?* facite tum a se derivat Fridericus responsionem in Gregorium Lamparterum, Cancellarium Wurtembergicum; is interrogatus ait, *Vos Principes scitote, hoc Latinum esse Heggense*. Ubi, inquit Philippus, hoc discitur? Oppidum est, respondet Cancellarius, hujus Comititis Heggensi, ubi lineae telae horridissimae texuntur; ibi & hoc Comititis Latinum textum est. Abiit ex illo tempore hoc in proverbium, & *Heggense Latinum* pro barbaro & solæco sermone Latino usurpatum est, ac sæpe in aliis epistolis hoc joco utitur Philippus.
- 18 * Melanchthonianarum epistolarum, tam editarum quam ineditarum, bis mille ad Collectionem Londinensem ex hoc illustri promptuario adjici possunt. Observavi etiam inter illos *Salvi*, Legati Suecici celeberrimi, literas ad Medicum Judæum de Castro, quibus illum rogat, ut librum de tribus impostoribus quovis pretio sibi compareret.
- 19 E Gallorum autographis epistolis primum locum merentur *Comitis AUAU-*
- 20 *XII*, Legati Regii, *Epistola*. * Magnus erat ille literarum ac literatorum Patronus, qui pro dedicatione Livii Gronovii mille imperiales donavit. Hoc de illo memorabile narratur: cum is Daventriam transiret, pedes ad Gronovium, tum ibi eloquentiam docentem, ac nihil tale expectantem, ivit; cujus inusitatam comitatem cum miraretur Gronovius, ita ad illum Legatus: *Tu eam artem doces, quam ego exerceo*. Sunt porro Bongarsii, Bourdelotii, Chanuti, (ejus, qui vitam Cartesii scripsit, & librum Memoriarum) Stephani Claverii, Colladonii, Frontonis Ducai, Sebastiani Gryphii, Ludovic. Jacobi, Caroli Labbei, Pelisonii, Perraultii, Salmasii, Josephi Scaligeri, Epistolæ.
- 21 Ex Italis ANDRÆ ALCIATI manu XXX. scriptæ *Epistolæ* sunt, quibus multa ha-
- 22 bentur singularia. * Est CÆSARIS TRIVULTII ad Pomp. fratrem elegans epistola, qua Observatio aliqua proponitur circa locum *Plinii*, lib. 36. c. 5. de statua *Laocoonis & liberorum ejus a Dracone interfectorum*. Inventa vero fuit illa statua in ruinis

ruinis Titi Imperatoris, a cive, qui pro 700. nummis aureis vendere noluit Nobili Romano, a Pontifice postea vindicatam. Hanc statuam cum liberis & serpentibus Plinius ex uno lapide factam esse prodidit. Sed ille de ea ita in hac epistola: statuam ipsam, quam Plinius cum liberis ex uno lapide factam prodidit, Johannes Christophorus, Romanus, & Michaël Angelus, Florentinus, in urbe Roma primi nominis statuarii, negant ex uno lapide confectam: ostendunt compagines plus minus quatuor, sed eas tam occulto loco conjunctas, tam apposite ferruminatas circūnitasque, ut non nisi ab ejus artificii peritissimis id facile intelligi possit. Quare aut Plinium deceptum affirmant, aut alios voluisse decipere, ut opus fieret admirabilius. Neque enim tres statuas magnitudinis juxta tot tamque mirabilibus Draconum nexibus complexas in uno tantum lapide ul-
 his instrumentis potuisse formari. Magna est Plinii autoritas, & nostri artifices suis nituntur rationibus; nec vetus est verbum contemnendum, felices fore artes, si de iis soli artifices judicarent. Sadoletus raro judicia non minus eleganter Laocoontem cum liberis calamo descripsit, quam illos ipsi opifices celo expoliverunt. * Elegans hæc est ex illa
 Epistola ad locum Plinii Observatio, celeberrimorum artificum judicio firmata. Nam de Michaële Angelo de Bona rota, cujus Vita vasto volumine descripta est, constat, adeo illum artis suæ peritum fuisse, ut Veneris statuam in terram a se defossam pro antiqua videret. * Sunt in illis AUGUSTI VALDI Episto-
 la, viri doctissimi, cujus pluribus fama innotuisset, si Notæ ejus in Plinium, magna cura scriptæ, in lucem missæ fuissent. * Nam ut de eo Pierius Valerianus libro de Infelicitate literatorum I. p. 44. ipse cum suo Plinio a militibus Hispanis Germanisque Romam aggressis, misere cruciatus interiit. Non minus, ait, crudeliter occubuit Augustus Valdas, Patavinus civis, qui Romæ per tot annos bonas literas tantis ab eo vigiliis, sudoribus, & peregrinationibus acquisitas professus erat, qui non solum voce, verum etiam scriptis eruditionem omnifariam ab interitu vindicabat; quam autem miserabili mortis genere vitam finit! Incidit enim in Romanam cladem, Hispanorum illam & Germanorum prædonum sevitiam acerbissimam, cujus ante oculos directæ domo, in vinculis habitus, pretiosissimam librorum suppellectilem, laboresque illos suos, quos præsertim in Plinium elucubrarat, coram dilacerari, & in usum culine incendi conspexit, & in eo merore omnibus aliis incommodis conflictatus, propter arrogantem eorum crudelitatem, quibus nihil unquam fuit improbius, dum modicæ fortuna vir insatiabilem barbarorum scæm tributis explere nequit, qui omne senectutis suæ viaticum jam excusserant, & oculis, post cruciatus varios fame demum consumptus perhibetur. * Extat inter MARI
 NIZOLII nonnullas prolixa Epistola, manu ejus scripta, sed erudita, ad Majoragium, qua ipsum reprehendit ob Antiparadoxa, quæ adversus Ciceronis Paradoxa scripserat. Comminatoria illa est Nizolii epistola, qua ipsi acerbam refutationem minatur, nisi ab his suis in Ciceronem invectionibus abstat & παλινωδίαυ canet. Sciendum est, Calcagninum adversus Ciceronem scripsisse Disquisitiones in ejus Officia. Ciceronem vero Majoragius defendit, eam ob causam vehementer a Nizolio laudatus. * Postea vero, cum ipse Majoragius Antiparadoxa adversus eundem scriberet, acerbissimam ad illum Epistolam, quam

- modo nominavimus, scripsit Nizolius; qua irritatus Majoragius *duos libros Re-*
 28 *prehensionum* adversus Nizolium edidit, satis dentatos. * Cui liti tandem inter-
 cessit SEBASTIANUS CORRADUS, Vir politissimæ latinitatæ, cujus illic quoque
 29 reperitur *Epistola ἀντίγραφος*, qua conciliationem inter illos tentat. Sunt & plu-
 res ejusdem Autoris. * CALCAGNINI, viri summi, cujus alioquin XVI. extant
 30 libri *Epistolarum Criticarum & familiarium*, etiam illic habentur *Epistola inedita*.
 * Ad illum habetur ibidem quoque MATTHÆI MACIGNI, Veneri, *Epistola re-*
sponsoris, qui Macignus in scientiis Mathematicis excellentissimus fuit, multos
 vetustorum Græcorum Mathematicorum MSros Codices habuit, quorum quam
 multi hodieque in Bibliotheca Gudiana comparent. MAJORAGII quoque non
 31 pauca ibi inveniuntur *Epistole* tersæ, ut omnia ejus viri, & elegantes; * editæ-
 que jam olim ex ipsius Bibliotheca ejusdem nitidissimæ Orationes duæ, altera
 de laudibus auri, qua Ecclesiasticorum vitia falsè traducuntur; altera *Apologetica*
contra Gaudentium Merulam, in qua plurimæ ejus vitiosæ lectiones norantur &
 castigantur. Hæ inter veteres Autoris schedas Mediolani primum repertæ; &
 32 Ultrajecti Anno 1666. in 4to typis descriptæ. * Latet & ibidem *MSus* Majo-
 33 ragii in *Virgilio Georgica Commentarius*. * PYRRHI LIGORII, Neapolitani, ibidem
 sunt *Epistole*, viri doctissimi, a quo XXIV. vasta antiquitatum Volumina inedita
 34 superesse perhibentur. * BERNARDI BALDI, ejus scilicet, qui in Vitruvium
 notas & Lexicon scripsit, illic vidi *Epistolas*. Ejus in Catalogis vidi quoque no-
 35 tatas *Epistolas*, in quibus cum aliarum artium præcepta, tum philosophiæ, illu-
 strare contendit, Mediolani 8. 1558. editas: sed librum ipsum non vidi. * Non
 defunt THOMÆ PHÆDRI *Epistole*, quem Pierius de *Literat. Infelic. lib. 1. p. 47.*
 vocat affluentissimum eloquentiæ flumen, quo non alius suo tempore clarior,
 neque vehementior fuit, Romanæ cathedræ decus & ornamentum: sed qui mi-
 36 serabili fato interiit, ut ibi prolixè describit Pierius: * HIERONYMI CARDA-
 NI *Epistole* sunt, quæ in Operibus ejus non comparent, etiam AONII PALEA-
 RII, eloquentissimi viri, *aliquæ*, quarum nullum in editis vestigium est. COE-
 37 LII RHODIGINI ad Erasmus *Epistole* habentur. * Inter JANI PARRHASII
Epistolas una est, qua de arcanis familiæ, incestis cognatæ cujusdam amoribus
 scribit ad Lascarem, quem rogar, ut a Pontifice veniam earum nuptiarum im-
 petret. Scribit autem literas Latinas, quibus Græca verba, & nonnunquam
 38 periodos immiscet, ne secreta scilicet proderentur. * FR. CICERÆ illic quo-
 que *Epistole* sunt, item BEMBI, LAZARI BONAMICI, ROMULI AMUSÆI; quo-
 rum magna suo tempore in Latinis literis gloria fuit: horum enim cura & in-
 dustria res literaria crevit; eorum exemplis, & præceptionibus præcipue ad
 eloquentiæ studia incitati sunt, qui postea ad hæc animum applicuerunt. Sunt
 OCTAVII PLATI, M. ANTONII REGINENSIS ad Majoragium, BENEDICTI
 THEOCRENI ad P. Juvium *Epistolæ*; DOMINICI MOLINI ad Meursium:
 BALTHASARIS BONIFACII etiam *Epistole* sunt; si illæ hoc loco dignæ & his
 principibus miscendæ videntur: fuit enim lutulentus illi sermo, etsi rerum co-
 pia

pia non destituatur. * PAULI MANUTII cum plures sint, una est longa, & valde
 elegans ad Cratonem a Crastheim, Medicum Cæsareum, scripta, cum Roma discessum
 pararet, plena querelarum. . * Vocatus ille Romanus erat, ut illic Curæ Typographi-
 cæ præesset in editionibus SS. Patrum procurandis, cui rei argentei typi destinati
 erant, & stipendia assignata. Verum, cum res illæ non ex voto procederent, &
 in rei familiaris angustiam eam ob causam veniret Manutius, Crato a Crastheim illi
 Cæsareæ munificentiae subsidia obtulit: ad quæ splendida promissa erectus Manu-
 tius, elegantissimam hanc & suavissimam epistolam eucharisticam scripsit, qua vix
 elegantior in toto Opere reperitur: nam meras Charites spirat, omnesque animi
 recessus effundit. Scriptam autem a Manutio hanc eo tempore fuisse epistolam,
 ex epistola s. libri 9. ad eundem Cratonem scripta probari potest; his enim verbis
 finit epistolam: *Ad illam superiorem epistolam, Romæ scriptam pluribus verbis, expecto, quid
 respondeas.* Hæc vero scripta erat Venetiis. X. Kalend. Nov. Anno 1570. Sed alte-
 ra illa inedita scripta est Romæ Idibus Juniis ejusdem anni, unde apparet, eandem
 illam esse, quam Manutius extremis illis verbis designat. * Non erit hoc, ut puto,
 Lectoribus ingratum, si illam ipsam epistolam, in Manutii epistolis ob certas forte
 causas omissam, quam mecum vir Excellentissimus communicavit, appendicis loco
 huic Capiti, atque toti libro primo Bibliothecario, qui in argumento de epistola-
 rum Scriptoribus finitur, subnectam, purpuramque hanc panno nostro assuam.

PAULI MANUTII EPISTOLA

lib. IX. Epistolarum ejus post epistolam IV. inferenda.

Paulus Manutius, Aldi filius, JOHANNI CRATONI

S. D. Viennam.

Nihil minus placet, quam ut, nulla proposita re, nulla certa sententia, ad te scri-
 bam. Occurrit enim mihi tua dignitas, occurrit autoritas; cogito, quam tibi
 personam tua virtus imponat, quæ te premant onera, quæ negotia distrabant:
 nimirum, cum tua scientia tuoque consilio salus & incolumitas commissa sit ejus
 Imperatoris, qui multa regna, multas provincias imperio, omnes virtutes animo complecti-
 tur, gravissimam Christianæ Reip. partem sustinet. Cur igitur ita sim ineptus, atque adeo
 tam adversus communibus commodis, ut inani te literarum genere interpellem; & quem
 salutare illa cura detinent fixæ & locata pro publica Majestate tuenda, ad privata rei
 cogi-

Rr 3

cogitationem ac studium vocem? Verum tamen, quia nec res ipsa, ut ego interpretor, privatim ad me unum pertinet, sed aliqua ex parte cum publica utilitate conjungitur, & ex tuis literis velle te mea causa multum, ex omnium sermone, posse plurimum intelligo, male prorsus mereri videar de studiis meis, ac de me ipso, nisi opportunitatem istam nactus amoris officique tui, agam tecum de statu meo, quantum res ipsa postulat, & quantum mihi per humanitatem tuam licet, per quam licere video plurimum. Easi enim jaceo, nec recenti, nec levi, sed inveterato jam difficilique morbo; tamen si Tu, tantus Vir, ad me erigendum ac recreandum accingeris; si istam scientiam, istam artem adhibes, qua saepe bonis viris in calamitate opem ac salutem attulit, cur dubitem, quin voluntatem atque industriam meam felicitas illa utrique nostrum pariter exoptata, consequatur? Quod si secus acciderit, suum tamen humanitas tua fructum non amittet: ego enim, quod volueris conatusque sis, in tua laude ponam; quod non perfeceris, ad meam fortasse culpam, vel ut aequius de me ipso sentiam, ad meam certe fortunam transferam. Nam & præclarus artifex perfectam animo speciem intuens, cum ipse nihil in arte possit, opus tamen imperfectum subiectæ materia vitio relinquit. Nec tamen is ego sum, cujus animum immoderata quedam opum bonorumve cupiditas angat. -Habeo magnam gratiam naturæ meæ, quæ me ad hanc insaniam nunquam impulit, majorem etiam iis viris, quorum præceptis eruditus ad hanc diem ita vixi, itaque posthac, ut spero, vivam, ut neque summa cupiam, nec summa adeptis invidiam. Sed quia virtus, licet a se ipsa pendeat, externa tamen quedam non recusat, propterea mediocritatem earum rerum, quæ fortuna bona quidam vocant, nunquam contempsi, elaboravi etiam, ut consequerer: & plane me consecutum credidi, cum decem abhinc annis Romam veni. Quis enim aliter crederet, cum a Pontifice maximo vocarer, cum hic vigere dicerentur, ac semper antea viguissent artes illæ, quibus ab ineunte ætate meum studium dederam: cum ipsum denique nomen urbis Roma nihil tenue, nihil angustum, sed ampla & magna polliceri omnia videretur? Hoc loco non faciam, ut aut de meis ipse meritis detrahbam, quod certe non debeo, non enim commisi, ut meam in re mandata diligentiam, operam, fidem requirere quisquam jure possit, aut alius carpam, quod ab institutis meis longissime distat; tantum dicam, & id ipsum invitus: Nescio, quo fato, mihi fontes aruisse, qui profluere solebant; benignitatem, quæ antea patebat, ita clausam in me esse, non modo, ut nihil ejusmodi, in quo vel copia vel splendor inesset, sed ne mediocritas illa quidem, quæ repellit incommoda, quæ honestatem ex parte saltem aliqua tuetur, mihi adhuc obigerit. Ac vide tamen æquitatem animi mei: rei domestica jacturam, quæcumque est, facile sero; libenter diffinulo, do operam, ut obliviscar; quod antiquam colere frugalitatem, quod illam parvo contentam, omnium laudandarum artium parentem altricemque, disciplinam retinere cogar, non irascor; & hanc ipsam fore crederem liberis meis non contemnendam hereditatem; At multa desunt: Ego deesse mihi quidquam nego, abesse multa confiteor, quæ


que tamen ipsa, ni fallor, ejusmodi sunt, ut si large suppetant, nibilo fiam melior, si absint penitus, aut si minima sint, sicuti sunt, nibilo deterior. Ergo, quod ad hanc jacturam attinet, tranquillo satis animo sum: illa me dies noctesque vexat, illa mihi penitus insidet haretque cura, quod, si quem studia mea fructum ferre, si quid posteris industria mea prodesse poterit, id periisse totum ac perire quotidie magis intelligo. Hac sunt mea detrimenta, optime Crato; atque utinam mea tantum essent, ferrem facilius, & quoquo modo quasi foverem ac molliorem dolores meos. Nunc quod publico tamdiu commodo defuerim, quod jacere studia mea per annos decem, quod ingenium languere sin passus, quod denique fundamentis adolescentie præclare jactis, etas gravior expectationi non responderit, id cum recordor, pene totus ipse mihi displiceo: & quanquam culpa vacem, me tamen culpa non libero, sed quasi communis cause desertorem accipio. Una relinquatur in amore tuo consolatio: etsi nihil prestares aliud, hoc ipso tamen consolaris, quod agritudini mea sociam se adjungat agritudo tua, & dum tu aque doles atque ego, id effcis, ut ego non aque doleam atque soleo. Sed illa pars literarum tuarum, in qua de Maximiliani Imperatoris admodum propensa ad liberales disciplinas voluntate significas, & addis, opem ab eo si petam, fore, ne frustra petam, ea vero pars animo meo tanquam labanti quiddam, quod consisteret, instillavit. Aliis alia cara sunt: non eodem sensu, non eodem omnes ingenio natura suavit: ego, quarum rerum illecebris capiuntur multi, ita plerasque non amo, ut averter penitus ac fugiam. Literis pascor, his voluptatem nullam præfero, ac ne confero quidem; harum consuetudine nihil suavius experior, nihil dulcius. Et quemadmodum, si solem e mundo Deus auferat, statim in hoc orbis terræ communi domicilio summus horror, summa sequatur incommoditas; sic adempto mihi literarum usu, plena tenebris omnia, plena molestiis, otium injucundum, negotium perdifficile videtur. O mi Crato! O mi, inquam, suavissime Crato! (jam enim audeo, tua fretus facilitate, familiariter ac plane blande tecum agere) Tunc is es, qui mihi me ipsum longo intervallo restituas? qui has aliquando tenebras tuo lumine expellas? cujus munere excolantur, & rursus florere incipiant studia mea? Confer huc, obsecro, opes tuas, quas intelligo esse maximas, ingenii, prudentiæ, auctoritatis. Digna prorsus tuis officiis, digna tuo patrocinio causa est: nam si pro literis agitur, cur humilis & obscura videatur? Si apud Imperat. sapientissimum, vera solideque gloriæ cupidum; cur difficilis aut dubia? Merces autem recte factorum nulla præstantior aut uberior, quam ut usuram vitæ quam brevissimam eterna nominis memoria compenset, posterisque tradita, literarum beneficio, pulcherrima virtutis effigies amorem conciliet, laudandi voluntatem commoveat, imitandi studium excitet. Præclarum ducitur quam plurimis imperare mortalibus, gentes nationesque subigere, dare leges, jura præscribere; hac magna videntur, & expetenda imprimis; sed hac ipsa sæpe motus temporum labefactat, sæpe vis hominum convellit, sæpe ad alienam fortuna potestatem transfert: urbes & oppida intereunt: vestigia vix apparent: nomina simul interire, & cum aspectu memoriam quoque tolli scriptorum virtus & industria non est passa. Decet igitur, cum tu Maximilianum vehementer ames, cum illius gloriæ maxime servias, id curare te imprimis, quod & maximum est amoris argumentum, & ad ejus gloriam maxime pertinet. Bonis enim viris, quorum excludi numero me non arbitror, & ita doctrinariam in studio versantibus, non ut sibi tantum vivant, privata delectatione

conten-

contenti, sed ut ingenti monumenta relinquere, & posteritati patere suam industriam velint, qua mihi semper studiorum ratio probata vehementer est, iis tu si otium das, & qua vales apud Imperatorem gratia, conscias; vide, quot bona consequantur. Ipsum Imp. ornabis immortali gloria, probitati & virtuti amissam prope dignitatem resitues, fueris tu quoque magna laude; quanquam Te quidem hoc spectare non oportet, (ad eam enim laudem, quam adeptus jam es, propemodum accedere nihil potest) sed tamen frueris eorum amore & observantia, quos tibi tua merita, tua benignitas adjunxerit. Equidem, si hoc per Te assequar, ut ex turbulento negotii genere emersus, ad tranquillitatem perveniam, & quod reliquum vita contigerit, in optato literarum portu, interpellatore nullo, vacuus omni cura degam, nulla res erit tanta, quam non & me tibi debere confitear, & libenter tua causa suscipiam. Istam quidem virtutem, qua me a molestissimis occupationibus ad suavissimam quietem & aptissima natura mea studia traduxerit, feram in oculis assidue, colam animo semper, fortasse etiam futuris gentibus ignotam esse non finam, Vale. Roma, Id. Jun.

M. D. LXX.

FINIS LIBRI PRIMI.



POLY-

POLYHISTORIS LITERARII

LIB. II.

METHODICUS.

CAP. I.

DE DELECTU INGENIORUM.

- §. 1. *Transitio ad librum secundum.* 2. *Ingeniorum delectus habendus.* 3. *Magistratum hic cura desideratur.* 4. *Animorum notitia maxima scientia.* 5. *Sui cognitio difficilis.* 6. *An detur ars sapientes gignendi liberos?* 7. *Ingeniorum vis ex corporis temperamento.* 8. *Huarti & Quilleti consilia recensentur.* 9. *Ingenia, qualiacunque sint, excolenda.* 10. *Εὐψυχία, εὐμαθία,* 11. *Ingenium.* 12. *Εὐψυχία theoretica & practica.* 13. *Quae distinctio defenditur.* 14. *Quatuor Stoicorum persona, quibus homines inquantur.* 15. *Hoc ipsum ad praesens negotium accommodatur.* 16. *Εὐμαθία in quibus consistat.* 17. *Ingenia quaedam sine disciplina summa.* 18. *Rara tamen sunt.* 19. *Judicii & imaginationis ratio in ingeniis habenda.* 20. *Judicium theoreticum & practicum.* 21. *Imaginationis descriptio.* 22. *Ejus operatio.* 23. *Ad imaginationem Eloquentia & Poësis praecipue referri solent.* 24. *Orator & Poëta εὐφραταίωτος.* 25. *Excellentissimi illi, qui Phantasmata sua judicio moderantur.* 26. *Virgilius hac parte praevalet, Ovidio & aliis Poëtis.* 27. *Idem in Panegyristis, Causidicis & Historicis requiritur.* 28. *Rejicitur sentia Huarti, qui imaginationem & intellectum sibi contrariari statuit.* 29. *Falsum est, eos, qui linguis, calligraphia, eloquentia excellent, intellectu singulari destitui.* 30. *Pueri Grammaticae artis capaces non sunt.* 31. *Notantur Grammaticarum tricarum architecti.* 32. *Quidam abique Grammaticae praeceptis Latinam linguam percalluerunt.* 33. *An pueri illi intellectu singulari praediti, qui Grammatices praecepta non satis capiunt?* 34. *Poëta & oratores ad omnia apti.* 35. 36. *De eorum singulari aptitudine ad Jurisprudentis studia, Gossii, Tuldenii & Grotii sententia.* 37. *An Concionatores eximii singulari intellectu destituantur?* 38. *Phantasiae usus frenandus.* 39. *Phantasia pollent ingenia inventiva.* 40. *Illi Ποηταί.* 41. *Hetruscis quare capriciosa dicantur.* 42. *Ingeniorum quinque formae.* 43. *AGILIA, ad res arduas non satis apta.* 44. *TARDA, quae ad solida studia magis*

apta. 45. Exempla horum recensentur. 46. Sunt hæc illis præstantiora. 47. ACUTA ET MEDIUM, ET AQUALI QUADAM RATIONE MISTA, 48. ac tandem HEROICA. 49. Ingenia secundum metalla æstimata. 50. Signa ingeniorum accurate dignoscenda. 51. Sex præstantis ingenii signa Tuldeno. 52. Quæ ad quatuor partes revocantur. 53. Ingeniorum varii affectus & defectus. 54. Hinc pari ratione diversa ingenia bene tractanda.

Postquam libro primo de re Bibliothecaria & Literaria, deque Scriptoribus illis, qui ad eam pertinent, generatim egimus, nunc secundo hoc libro de METHODO in doctrinis instituenda acturi sumus. Quemadmodum scilicet, qui ædificium aliquod parant, primum res operi necessarias comportant, hinc ideam sibi aliquam præfigunt, quam in exstruenda domo sequantur; ita in libris ac literis non veluti in rudi ac indigesta mole versandum est. Nam quanquam illa subterni menti nostræ operatrici, velut chaos aliquod, debet, tamen certa ratione omnia tractanda ac digerenda sunt, & methodus aliqua nobis præfigenda est, quam sequamur. * Quoniam vero statuario non sufficit ad artem, officinam habere omni generè instrumentorum apparatissimam, nisi materiam, in qua operationem instituit, habilem nactus fuerit; neque enim e quovis ligno, ut in proverbio dicitur, fit Mercurius: ideoque primum DE INGENIIS EORUMQUE DELECTU instituendo solliciti erimus. * Nam magno hoc literis totique Reipublicæ damno est, nullam hic plane esse Magistratus curam; cum in eo Reipublicæ maxime felicitas sita sit.

4 Felices vocabant eos Stoici, qui nossent, quo genio uterentur, ac *εὐδαίμονες* dicebantur, quibus bonus obtigerat Genius. Verum cum ea solertia pauci sunt, ut suum deprehendere ipsi ingenium possint; nam certe aliquid vulgari ingenio majus est illi, quo pauci fruuntur, qui se ipsum satis explorare possit, ac plerumque comparatione ad alios instituta, bonique Præceptoris ope id addiscitur. * Nobis enim obstitit *Φιλαντία*, & insita quædam de rebus nostris opinio, quæ mentis illud lumen in nobis non raro extinguit. Aliorum ergo consilia & judicia incorrupta sequi oportet, dandaque opera nobis est, ut aliorum ingenia animi nostri *αἰσθησις* (quod facilius est) discernere discamus, ac videamus, quænam quibus doctrinis aptiora ingenia a natura ipsa formata sint. * Non defuerunt, quod mireris, qui singularis sapientiæ humanæ rem habuerint, *sapientes gignere liberos*; ut de Democrito narratur, divinum ille & cœlestis pharmacum invenisse, quod fortunatos & sapientes homines efficeret. Quid Democritus hoc suo pharmaco intellexerit, altioris indaginis est. Qui de liberis consilio quodam & arte gignendis præcepta scripsere, quasi Promethei instar novos sibi homines e meliore limo fabricaturi, illi ultra naturæ opificem **7** sapere, ac fata ipsa in ordinem redigere mihi velle videntur; * Nam, quanquam quidem negari nequit, magnam inesse animis e corporis temperamento vim, ac Galenus singulari libro, *quod mores temperamentum corporis sequantur*, id propugnat; corpus enim ex alimento crassiori compactum plerumque spiritus stupidiore in liberos a se genitos

genitos transmittit; magna quoque ingeniorum e mundi plagis, loco. nativitatís, educationis, nutritione ipsa varietas est; tamen extrinsecus pleraque accidunt, & a sublimiori principio animarum origo arcessenda est.

Ignis est illis vigor, & cælestis origo,

atque ex humili casa & sordido rure sublimia ingenia prodierunt, multaue testantur exempla,

Magnos posse viros, & magna exempla duros

Verecun in patria crasseque sub aëre nasci.

* Quare frustra est cum omnibus suis artificiis HUARTUS, Hispanus, qui in *Scrutinio ingeniorum* modum tradit, quo parentes generare possint filios sapientes, ac tali præditos ingenio, quale id requirunt literarum studia. Hunc præcipue Autorem secutus mihi videtur is, qui se *Calvidium Latium* appellat, cujus genuinum nomen est CLAUDE QUILIET, unde hoc per anagramma formatum est, ut nos docet Bailletus libr. de *Judic. doctorum* tom. 4. part. 5. de *Pœtis*, num. 159. Ille, qui Abbas fuit, scripsit poema non inelegans, cui titulus: *Callipadia, sive de pulchra proli habende ratione*. Poëma in libros 4. dispescitur, quorum primo de sponzoribus ad pulchram prolem deligendorum conditionibus; secundo de legibus in concubitu servandis, astrologicis cautelis; tertio de cura prægnantium, viribus imaginationis; quarto de promiscuis ad pulchritudinem parandam præceptis agitur. Sed, ut recte judicat Bailletus, plus, quam decet Abbatem, & ultra, quam honestas paritur, argumento huic indulgit Autor: magis enim in illa arte se Abbas, quam Laicorum exercitatusimus se profecisse ostendit, ut vel ipsi se naturæ magistrum præbuerit. Distinctio quoque non satis castigata, & vulgaria pleraque in carmine, longeque a Sammarthani judicio absunt, qui de *Pædotrophia* poema libris tribus distinctum scripsit, sed elegans, in quo genium poeticum Virgiliano proximum agnoscas.

Verum mittamus illos animarum fabros, atque illud mirabilis *παιδείας* genus: & potius, cum exspectare alia non possimus, quam

Qualia nunc hominum producit corpora tellus,

ita quoque, quales invenimus in pueris partes divins mentis & haustus æthereos, præceptis & doctrinis, ut fundum aliquem, excolamus. Atque hic primum illa ingeniorum varietas nobis consideranda est, de qua non immerito illud dixeris: *Quot capita, tot sensus*. Nam ut infinita propemodum vultuum, ita animorum, diversitas esse videtur. * Neque nostrum hic institutum est, omnes animorum characteres persequi: illam tantum animi facultatem indagabimus, quæ ad disciplinas discendas apta est, sive *ἐνψυχία* appellemus, sive *ἐνμαθήσια*. Sed illud latius patet nomen, & ad omnes quoque virtutes morales & actionem se extendit; hoc vero propius ad nostrum sensum pertinet; in cognitione enim versatur: quanquam nec *ἐνψυχία* ab *ἐνμαθήσια* sejungi debeat, ac boni mores cum omni disciplina conjungendi. De *ἐνψυχία* pulchre Aristoteles 3. Nic. 5. §. 41. & 42. *Appetitionem finis nemo sibi suo arbitratu optare potest; sed ita natum unumquemque esse oportet, ut quasi lumen mentis habeat, quo &*

- judicare recte, & id, quod vere bonum est, sumere atque optare possit. Ille item bene informatus est a natura, cui hoc illius beneficio bene constitutum est: eo quod maxima sit ac pulcherrima isthæc res, quamque ab alio neque consequi neque discere aliquis possit: sed valem obtineat quisque, qualis ipsi a natura data est, adeoque quod ipsum illud, bene & pulchre a natura factam compositamque esse hanc partem, sit perfecta & vera natura bonitas. Quod Aristoteles de naturæ bonitate ad mores & virtutes apta dicit, idem
- 11 in quacunque doctrina præsupponimus. * Nisi enim quis *ἐνφύως* sit, & ingenium commodum habeat, frustra omnia erunt: Ingenium requirimus, quæ vox ab aliquibus pro ipsa *ἐνφύω* accipitur: quanquam in eo Piccolomineus dissentit, cum ingenium de omni ingenio, quocunque se habeat modo, dicatur; *ἐνφύως* vero debore
- 12 no tantum intelligatur. * Alexander Aphrodisi duplicem constituit *ἐνφύω*, *theoreticam* alteram, alteram *præcticam*; atque ex suo hoc sensu Aristotelem in variis
- 13 locis interpretatur. * Quam distinctionem, etsi sunt, qui impugnant, res tamen ipsa loquitur, eam summe esse necessariam, atque in ingeniis se statim ostendere. Ut ego quidem existimem, jam tum in ipsis *παιδαγωγίας* primordiis probe hæc esse perpendenda, atque ex illis propensionibus omnem futuræ doctrinæ mensuram incundam. Ex eo enim fines studiorum ponendi sunt; ac infelices omnino erunt, qui ab hoc scopo, quem natura illis præfixit, dilabuntur.
- 14 Scite admodum ex Stoicorum mente a Cicerone *lib. 1. de Officiis* quatuor constituntur personæ, quibus homines induuntur. Duæ ab ipsa natura; una communis, qua sumus omnes & rationis participes & præcellentes bestiis, altera propria, quæ ipsa est indoles cujusque privata. Tertia fortuna est, quam casus aliquis, vel tempus, vel nascendi conditio imponit, ut si quis sit Rex, nobilis, dives: quarta est, quam nobismet ipsis judicio nostro accommodamus, ut si vel ad Philosophiam, vel jus Civile, vel Eloquentiam nos applicamus. Quæ omnes, cum in unam
- 15 personam coalescunt, ita se gerere quisque debet, ut nihil in singulis peccet. * Ex illis quatuor personis secunda, quam propriam dicunt, illa est, quam hic consideramus; nam tertia & quarta huic demum superveniunt, quamvis persona illa secunda ex illarum coalitione alia quadam ratione temperetur. Nam *ἐνφύω* illa vel *ἐνφυσία* generalis, quæ in homine est, quandam ab his limitationem capit: aliter enim illa dirigenda est in Rege & nobili, quam in privato, alia quoque ratione instituenda est, cum ad certum scopum studia nostra tendunt. Et tertiæ quidem personæ certi præterea Characteres morum inhaerent, qui mature in illa ducendi sunt, & ad *ἐνφύω* accommodandi; quales Historiæ penicillo quam optime exprimuntur, & ex his quasi præfigurari a bonis Doctores debent. Lineamenta illa generalia *lib. 2. Rhetoricorum* Aristoteles duxit; sed e lectione Historicorum, Satyricorum, Comico-um, atque ex ipsa observatione vitæ longe notari plura possunt. De quibus nos in sequentibus plura.
- 16 *Εὐμεθία* his tribus absolvi videtur, 1. *Celeritate apprehendendi*, 2. *Sagacitate*, 3. *Memoria*; adeo ut qui tria illa conjuncta habeant, ad discendum sint aptissimi. Sed tamen nec omnes illæ partes omnibus insunt ingeniis. Quosdam destituit memoria,

ria, cum & apprehensione & sagacitate valeant. Quidam memoria præcellunt, sed in apprehendendo tardi sunt, neque sagacitate multum pollent. * Sunt, qui ab ar- 17
 ribus & doctrina averſo animo sunt, quibus tamen ingenii gloria deneganda non est:
 nam, etsi per regulas & præcepta illis non fulciatur ingenium, suo tamen quodam
 instinctu ad magna procedit. Testatur id Cicero in Orat. pro Archia: *Ego multos*
homines. excellenti animo ac virtute fuisse, & sine doctrina naturæ ipsius habitu prope divino per
se ipsos & moderatos & graves extitisse fateor: & illud adjungo, sæpius ad laudem atque vir-
utem naturam sine doctrina, quam sine natura valuisse doctrinam. * Quæ etsi quidem in- 18
 rerum occurrant exempla, tamen non omnes ita comparati sunt, ut soli naturæ re-
 linqui possint, ideoque *ἐμπειρία* in illis adjuvari informatione alicujus magistri debet.

Intellectus hominis præcipue rectitudine judicii & imaginationis æstimari so- 19
 let. Illud actum mentis notat, quo illa inter res discernit, atque plures inter se ide-
 as componit, vel affirmando & eligendo, vel negando & rejiciendo. Utriusque in
 singulis disciplinis habenda ratio est, sed ita, ut in quibusdam imaginatio primas,
 secundas judicium teneat; in quibusdam contrario se hæc modo habeant. Sine
 judicio certe omnis inanis phantasia & imaginatio est, nullæque omnino ars & scien-
 tia recte vel discitur, vel exercetur: nam ab illo quasi in ordinem rediguntur phan-
 tasmatum. * Judicium hoc, si circa disciplinas intellectu eminentes versetur, judici- 20
 um Theoreticum voces licet, vel Aristotelica voce *ἐπιστήμη*; nam & illis maxime
 judicio locus est: si ad actionem refertur, prudentiæ nomen invenit, qua senes præ
 ceteris, ut multitudine eventuum eorumque collatione exercitati, excellunt; * Im- 21
 ginatio illa actus mentis est, cum sese ad phantasma quoddam seu vestigium, cere-
 bro impressum, applicat, super quibus simulacris intellectus deinde ratiocinatur;
 qualis a sensibus plerumque impressio oritur. * Imaginatione ad inferiora delabi- 22
 tur mens, & ex speculatione Phantasmatum universalia colligit, cum intellectus ra-
 tiones puras, ac nullis coloribus vestitas, res divinas spiritualesque comprehendit.
 Potentia hac imaginante, ut rerum imagines, ita & similitudinem earum concipi-
 mus. * Quare ad omne genus disciplinarum, in quibus imaginatio regnat, exten- 23
 ditur. Inter eas principatum tenet Oratoria & Poësis. Præcipua elocutionis vis
 in imaginatione consistit: ut enim voces ipsæ & sententiæ sunt imagines rerum;
 ita ipsarum inter se sunt imagines in metaphoris, tropis, similibus, allegoriis, figu-
 ris Rhetoricis, ceterisque sermonis ornamentis. Ipsa illa *ἔκδη* & *πρόδη* ubique hic
 regnant, quibus perpetua est characterum & actionum expressio, adeo ut, quod
 pictor suis, id Orator & Poëta suis quasi coloribus exprimat. * Quare ex moni- 24
 tu Quintiliani & Orator & Poëta debet esse *ἐκφραστικός*, qui sibi res, voces, actus
secundum verum optime fingat. * Habet & illa suos gradus imaginatio, neque in 25
 omnibus æquali se modo habet. Quidam celerius imaginantur, & velociori ex
 imaginatione disciplina auditores imbuunt; ut de iis, qui translatis bene utun-
 tur, loquitur Aristoteles. Nam cum ingenii solertia se phantasmatibus miscet, in
 omnes partes se imaginatio extendit, atque ex se ipsa parit plura, necens e simula-
 cris

cris simulacra, illaque sibi quasi subordinans, ut copia ipsa sepe laborent, qui tali phantasia pollent; quales ad Poësin sunt aptissimi, ut hac sua facultate sepe abutantur, si rationem & iudicium non sequuntur. * Quo nomine Ovidius quibusdam notatur, qui laxiores phantasie habenas data opera sepe mittit: neque enim ignoravit sua vitia, sed amavit; cum Virgilius ita phantasie indulgeat, ne quid nimis: summum enim ubique iudicium apparet. Non deerat etiam Virgilio ille imperus, & concipiendi celeritas, neque eam neglectui habebat; ut nunquam habere debent, qui laudabile aliquid scripturi sunt: sed posterioribus cogitationibus ita expoliebat, ut de 50. versibus, uno calore profusis, vix decem retineret. * Oratores, Declamatores, Panegyristae, Satyrici, Causidici, omnesque, qui simulatione quadam opus habent, imaginatione praestare aliis debent; ita tamen, ne extra orbitam illa feratur: sic vel stultitiae, vel tandem amentiae, propior futura est. Historici, etsi in descriptionibus, orationibus, phantasie indulgent, in ipsa tamen Historia secundum optimi iudicii normam instituere omnia debent.

- 28 Non possum hic laudare Huarti sententiam, qui imaginativam & intellectum ita sibi contrariari existimat, ut, qui imaginativa praevalere, intellectu valere non possit; nam plane aliter ego colligo: cum enim omnis nostra cognitio procedat a sensibus, atque tantum sciamus, quantum illis nobis demonstratum sit; sequitur hinc, eum, qui in concipiendis rerum imaginibus felix & secundus est, eo magis quoque intellectu valere, cum ille, his quasi fundatus, in varios se cogitationum vires dispergat, siquidem organa ipsa non sunt vitiata, omniaque recte se habent. Occultis illae inter se nexibus facultates junguntur, neque altera alterius operam facile destituit: Imaginatio quasi viam sternit, & cuniculos agit, quibus se non ingerere non potest intellectus, eadem promptitudine hunc quasi typum & indicem suum secuturus.
- 29 * Quare falsae sunt illae opiniones, eos, qui Latinam linguam egregie noverint, vel Calligraphia vel Poëtica excellant, inhabiles esse ad speculativas scientias: quas abunde refutatas vide ab Antonio Possevino *lib. 1. de Cultura ingeniorum, cap. 15. 16. 17. 18.* Nam sane in Grammaticis & Linguis iudicio plurima relicta sunt, neque phantasie tantum haec res & memoriae est. Ego quidem sic existimo, eandem esse Grammaticas difficultatem, quae est vel Metaphysices & Logices, atque adeo ineptos illos esse, qui illius minutiis puerorum ingenia torqueant. * Nunquam ego tam felices quenquam puerum ingenii fuisse arbitror, qui Grammaticas artem illa aetate apprehendere potuerit: nam usus & maturior aetas, quae ad philosophiam apta est, illa demum docebit. * Quo magis miror esse homines, qui tricas tricas augent, ac novas Grammaticas Philosophicas comminiscuntur, quibus expeditius, si Diis placer, informentur pueri. * Ipse Grammaticae Philosophicae faber *Sciotippus* statim in initio Grammaticae suae fateretur, se nullam didicisse Grammaticam Latinam, sed post nomen verborumque Declinationes memoriae mandatas ex quotidiano Latine loquendi usu & lectione Aurorum, sex mensium intervallo, Latinae linguae intelligentiam consecutum. Idem de *Covulao*, Anglorum Poëta egregio, testatur in ejus Vita, Operibus

Operibus Poëticis Cowlæi præmissa, Thomas Spraat, nulla ratione inculcari ipsi potuisse præcepta Grammatices & Profodia, cum tamen in soluta & in ligata oratione optime, etiam prima ætate, scriberet. * Male tamen colligit Huartus, puer 33 si in Grammaticis non proficiat, esse hoc argumentum boni intellectus; quia in imaginativa & memoria debili eo præstantior intelligendi vis sit: non enim hæc idonea ratio est; sed quia intellectus puerilis nondum capax est disciplinæ Philosophicæ per modum Systematis ordinatæ. Quoniam vero in lingua ipsa & Poësi sine artis præceptis proficit, præclari hoc intellectus documentum, cujus se aliquando vis in aliis disciplinis exeret: * Id enim certum est, multisque exemplis 34 constat, poëtica & oratoria facultate præ ceteris insignes omnibus studiis ad miraculum usque fuisse aptissimos. * Incidit hic, quod in viri clariss. W. Goëssii Præ- 35 fatione in Rei Agrariæ Autores, quos ille notis illustravit, legere memini. Ita vero ille: Cum rogabar, ne favere vellem multa eruditionis Candidato, quod & Poëta & Criticus esset, non adeo me res ea non deterruit, ut exinde propensiori in eum, quam antea, ser- rerer studio. Atque ita ad eam, quam exoptabat, dignitatem promotus vel solus documento esse posset, quam vani sint, qui tam stultis præjudiciis hæc damnant & proscribunt. * Diodorus 36 quoque Tuldenus, JCrus egregius, in aureo illo, quem de *Cognitione sui* libro scripsit, lib. 3. c. 1. ita de Oratore: Quamvis jurisprudentia altiore spiret prudentiam, quam eloquentia; verus tamen Orator non ingenii tantum vi, sed & scientiæ amplitudine Legulejum antecellit. Grotius quoque in epistola 179. ad Gallos: Jurisconsulti munus, ait, virum magnum non faciet, nisi eloquentia accedat, cujus & præcepta & exercitatio magnam diligentiam exigunt: præsertim cum, ut veteres nos docent, orbem quandam disciplinæ ea res in se complectatur. * Quare nec illud simpliciter probaverim, quod Huartus statuit, Con- 37 cionatores eximios raro singulari intellectu præditos: Etsi enim in multis, quos vulgus præstantissimos judicat, hoc contingit: ii tamen, qui veræ eloquentiæ rationes sequuntur, non destituuntur singulari rerum intelligentia. Non enim eloquentis titulum merebitur, qui intelligentiæ suæ documenta etiam in ipsa Oratione non ostendat; neque hæc sejungi possunt. Et sane illi, quos antiquis nostrisque temporibus eloquentia præ ceteris excelluisse vidimus, incomparabili intellectu præditi fuerunt, ejusque multa specimina dederunt. Vel unus Cicero absolutissimum in hoc genere exemplum dabit: nam si judicium ea de re ferendum est, non ei *τυχόντες*, sed præstantissimi in istis doctrinis producendi sunt. * Id tamen negari 38 non debet, magnos accidere ingenii ob phantasiæ exorbitantiam abusus; quæ nisi judicii freno coercetur, in omnes se disciplinas diffundit. Tractari tamen hæc ingenia ita a prudentioribus debent, ut, remotis inanibus, illa quæ solida sunt, in illis exquirantur. * Plerumque enim ingenia phantasia uberiore peccantia 39 aliquid sapientiæ recondunt, quæ in usum cedere publicum possit: qualia sunt, quæ ad inventionem variarum rerum naturæ quodam instinctu feruntur. * Quæ, etsi in speculationes inanes sæpe abripiuntur, & *Πορνεύει* esse solent, 40 atque ut Huarti verbo hac in re utar, *capriciosa*; indulgendum tamen illis paululum a prudentioribus est, ne fructu illo careamus, qui vel ex volaticis illorum

- illorum cogitationibus haberi potest. Ac verum profecto est in hominibus illis, quorum ingenia dementiæ aliquam speciem præ se ferre videbantur, latuisse non-
- 41 nunquam quædam, quæ in iis non quaesivisses, arcana. * *Ingenia inventiva*, inquit Huarus, *Hetrusca lingua capriciosa appellantur, ob similitudinem, quam in eundo investigandoque cum capris habent. Atque hæc aliis ingeniis jungenda ille suadet. Ut providi bonique pastores magno ovium gregi quandoque dodecadem caprarum solent adungere, quæ breviori via ac gradu promptiore ad nova quædam pascua, & ad gramen nec dum tritum depastumve oves conducant: haud secus convenit esse inter literatos quædam huiusmodi caprea velut ingenia, quæ ovili aliorum intellectui nova natura secreta ac contemplationes nondum ante cognitæ atque exploratæ pandant, quibus exerceantur.*
- 42 Patet ex illis, quæ diximus, pro varia iudicii, phantasiæ, affectuum temperie, varias esse ingeniorum formas, quæ probe examinandæ sunt. Nos illas ad quin-
- 43 que reducimus. * Ac primo quidem loco a nobis ponuntur *Celeria, excitata & agilia ingenia*, qualia ab imaginationis promptitudine nasci solent; de quibus jam multa diximus. In vulgi oculos illa incurrunt, atque ab iis præcipue æstimari solent. Non deest illis acumen & extemporalis oratio, sed quæ aures potius impleat, quam pectus saturet. Joci illis in promptu & sales: sed, cum res seria agitur, cum argumenta in medium proferenda de Republica salutari consilio gubernanda, omnis illa subtilitas ingenii retunditur, & velocitas illa ob inconstantiam nulli usui est. Solent tali ingenio plerumque esse præditi, quos *præcoces* appellamus: nam rara est in illis constantia, nisi singulari ratione & divinitus excitatum ingenium sit. In illis nihil æstimandum, nisi quod primum omnium excidit, id enim ingenium redolet. Si labor & cura accesserit, omnia corrumpentur & in nihilum rediguntur. * His ex adverso opponuntur *Tarda ingenia*, quæ quidem non celeriter comprehendunt, sed iudicio pertinaci rebus immorantur, atque adeo assiduitate sua, præcipue si quædam illis sagacitas juncta sit, istorum celeritatem sæpe anteverunt: nam plures ex maturitate iusta fructus colligunt. Et illa quidem ad Rempubicam regendam peridonea ingenia sunt: omnia enim in statu suo conservare potius, quam res novas moliri laborant; ceterum in rebus novis ex-
- 44 cogitandis segniores sunt. * Vidi ingenia, quæ stupida quis credidisset, sed subito postea quasi e veterno quodam evigilantia omnium in se oculos converterunt: nam quasi ex cella promptuaria, quæ ante per silentium collegerant, depromere & summa iudicii vi rerum intima penetrare videbantur. Ex hoc genere inter antiquos Demosthenes, Virgilius, Thomas Aquinas fuere: atque hic posterior eam ob causam *Bovis* nomine appellatus fuit. Solent illi profunda disciplinarum omnium penetrare, in civilibus solida instructi esse prudentia. In sermone semper hæsitant, ut oratio illis non fluere, sed stillare videatur. Extemporales non sunt in inveniendis, sed ubi rem attente contemplantur, ad fundum omnia perspiciunt. Verba illorum plena sensuum sunt & emphatica. Quicquid agunt, serio agunt; atque ubi assiduitas vel exercitatio accesserint, in omni doctrina palmam ferent.
- Mode-

Modestiam semper præ se ferunt; nunquam *Φορμῶι* & superciliosi. Unde Huarus recte ingenii excellentissimi notas retulit, *si natura humilis sit, si sua non aestimet*. Hinc fit, ut, qui latitant eruditi, plus interdum sapientiæ recondant, quam qui illam in publica luce jaçant. * Tor mihi exemplis hujus rei veritas constat, ut ego in puero malim aliquam tarditatem, quam celeres & præcipientes animi motus: Hos enim ab illis superari semper observavi. Quare & Astrologi, si qua illis fides est, Mercurii, qui ingeniorum director habetur, & agilitatem illis parare creditur, felicissimum positum non adeo laudant, cum Saturni bene locati tarditas profunditatem intellectus largiatur. Quod si cum corporibus mentes comparare fas est, hi de natura fixi participant, cum illi ad volatilium indolem accedant. Quo magis autem illa, quæ fixa sunt, constantia sunt & *ἑνεργητικὰ*, ita & plus roboris tales animi habent.

Medio inter hæc ingenia loco sunt duæ eorum formæ, quarum altera *ex utraque illa forma mista*, altera *aliquid præter hæc excellentius, habere videtur*. Nam cum agilia ingenia naturæ magis instinctu agant, tarda arte & labore proficiant, illa temperata ita ex utraque illa indole sunt, ut exiguo labore multa præstent, cum ingenita vis in illis arte major sit. Ad quasvis illa scientias apta sunt, sed tamen ultra mediocritatem non assurgent. In his vero & ingenii præstantia ac agilitas cum labore maximo conjunguntur, ac natura cum arte æqualiter certat: quare inter ordinaria ingenia principatum tenent. * His denique *quintam aliquam formam omnium præstantissimam addiderim*, quæ, ut inter elementa, quasi quintæ alicujus essentiae loco sit: qua notabuntur illi seculorum Phœnices, *Herōis, divino quodam instinctu* ad omnium rerum cognitionem, ad novarum artium inventionem animati. Tales fuere artium & disciplinarum inventores, imperiorum Stratores, Imperatores, Ecclesiæ reformatores similesque, quales vix multi uno seculo nascuntur. * Comirius in eleganti oratione *de arte parande fame*, Platonem ut puto ea in re secutus, hominum ingenia cum metallis comparat. Sunt in illis plumbea, sunt aurea, sunt vitrea, sunt e variis metallis mista, quorum singulorum ille artes & rationes in fama paranda recenser. His ego adderem illa plusquam aurea, quæ etiam plumbeos homines sua virtute & luce in aureos mutare possint.

Pro variis his classibus facile a quovis signa vel præstantium vel stupidorum ingeniorum colligi possunt, in quibus tamen nihil temere definiendum: sæpe enim, quæ tarda videntur, successu temporis, pro mutatione temperamenti in meliorem statum immutabuntur, ut non paucis exemplis constat eorum, qui ex morbo singularem ingenii felicitatem consecuti sunt: sæpe quoque certo naturæ impulsu ad peculiare quasdam artes feruntur, in quibus supra fidem proficiant, cum in ceteris plane desipiant, ut multis exemplis Huarus probavit *lib. 1. c. 3.* Sæpe a studiis & lectione abhorreere quosdam videmus, qui tamen sibi relictis plus præstent solius naturæ beneficio. * Sex præstantis ingenii signa Diodorus Tuldenus, Jctus doctissimus, in præclaro illo *de Cognitione sui Opere lib. 3. cap. 3.* posuit, quæ hic notabimus: I. est iustus ad res sublimes instinctus, ut cum in Philosophia ad Dei & Naturæ contemplationem

- nem feruntur, a cavillatiunculis & tricis abhorrent: in historia ad factorum illustria documenta respiciunt, non ad ritus vel fabulas, aut oriosas philologias: uno verbo, quæ nolunt difficiles habere nugas. II. est ubertas claritasque principiorum, cum ad illa potius, quam auctoritates feruntur. III. felicitas in conjectura, quando ingenium tenuissima cura adjutum extendit & dilatat seipsum, quod partim ad docilitatem, partim ad imitationem pertinet: cum quo conjungi potest illud, quod IVro loco posuit: sagacitas conjectantium dextre rerum eventuumque proximas causas. V. est celeriter unum ex alio colligere & apte connectere. VI. est facile & apte imagines concipere. * Hæc Tuldenus signa constituit, quæ tamen ad illas quatuor τῆς εὐμαθείας partes a veteribus traditas μνήμην, μίμησιν, ἀνγχινοίαν καὶ ἐξύλησιν revocari possunt. * Sed longe plura in ingeniorum defectu consideranda sunt. Sui sunt singulis affectus, sui defectus, in quibus prudenter dijudicandis præcipua magistri cura esse debet; quod non tam præceptis & regulis, quam ipso usu discitur. Multa de his Autor Anglicus disseruit in libello *of the different Wits of men, i. e. diversis hominum ingeniis*. * Quare in informatione ad singula illa perito doctore attendendum est: & consequitur hinc, diversæ indolis ingenia ab uno magistro pari ratione tractari non posse, quæ tamen una vulgo disciplina conjungi solent. Unde fit, ut tardiores in Scholis publicis sint studiorum progressus, quam in privatis, ubi ab homine & doctrina & prudentia, tam communem quam didactica, instructo, quod profecto non leve aliquid & exiguum est, longe felicius ingeniorum cultura exercetur. Sed de his in sequentibus plura.

CAP. II.

DE OFFICINIS BONARUM MENTIUM.

- §. 1. *Educatio Juventutis præcipua Magistratus cura.* 2. *Ægyptii, Spartani, eo nomine laudantur.* 3. 5. *Magistratum incuria notatur.* 4. *Chincysum hac in re industria.* 5. *Ludimagistri officium non vilipendendum.* 6. 7. *Seligendi ad id munus peritia & bono judicio præditi.* 8. *Scholasticum munus cur optimi quinque defugiant.* 9. *Imp. Valentiniani, Valentis & Gratiani de Academicæ juventutis disciplina constitutio.* 10. *Ad horum imitationem excitantur Magistratus.* 11. *Præcepta Παιδαγωγικὰ a vetustis Philosophis scripta.* 12. 13. *Melanchthon & Erasmus præcipui literarum & Scholarum emendatores.* 14. *Westphali primos elegantiorum literarum ludos instituerunt, opera Rudolphi Agricola & Langii.* 15. *Hinc illa in Belgium & Germaniam disseminata.* 16. *Alexander Hegius laudatur.* 17. *Elogium Westphalæ Nationis.* 18. *Autores de Scholis instituendis.* 19. *Inter eos præcipuum locum merito tenet Joannes Sturm.* 20. *Male ab ejus methodo Scholæ Germanicæ abierunt.* 21. *Enarrantur ejus Scripta Scholastica,* 22. *& ab iis recessisse Scholæ dolet Autor.* 23. *Sicut illa scripta ab Henrico Strobando in unum volumen collecta,* 24. *seqq. Volumina III. Institutionis literatæ laudantur.* 24. 25. 26. *Eorum recensio generalis.* 27. *Dissertationes Belgicæ de studiorum ratione.* 28. *Schrevelii*

culi Palemon. 29. Guilielmi Mechovi Hermathene. 30. Ennodi Richerii
Obstetric animorum. 31. Molinari Sylleſta Scholaſtica. 32. Joannis Henrici Hei-
deggeri Opuscula de ratione Studiorum. 33. Et de corruptelis studiorum diſpici-
endum eſt. 34. Ludovici Vivis de tradendis diſciplinis earumque corruptelis libri.
35. Vogleri diſſertationes de ingeniorum deſectu & hodiernis studiorum corrupte-
lis laudantur. 36. Cura de tollendis hiſce obſtaculis.

Delectu ingeniorum bene iſtituto, excolenda illa probe ſunt: nam ut terra
etiam inhabilis cultura perſci poteſt, ita & ingenia animique facultates cer-
tis quibuſdam ſubſidiis ornari & adjuvari poſſunt, ejuſque rei cura ad eos,
qui Reipublicæ præſunt, pertinet, neque perſunctorie, ut nunc ſit, res illa
agi debet. Neque enim ad Parentes tantum, quanquam præcipue quidem ad illos,
ſed & ad Magiſtratus educationis cura referri debet; quique boni Legislatoris mu-
nere olim functi ſunt, juventutis educandæ rationem etiam habuerunt. * Apud
Ægyptios & Spartanos, præ ceteris gentibus, formandis puerorum animis multum
operæ impendebatur. Illi in Principibus erudiendis, & ad mores, quales voluerunt,
componendis, diligentiffimi fuere: hi, cum ad militiam Rempublicam iſtituiſſent,
iis moribus & ſtudiis Pueritiam & Juventutem imbuerunt, quibus ad Patriæ defen-
ſionem & rem ſtrenue gerendam opus eſſet. * Sed de moribus populi per diſci-
plinam publicam formandis nemo nunc cogitat; & hæc cura ad ſolos parentes re-
mitteri ſolet; cum publice tamen & ad diuturnitatem & ad ordinationem Reipublicæ
interſit, bene moratos eſſe cives. * Soli Chinenſes hic præ ceteris gentibus nunc
ſapiunt, qui præcipuam morum curam habent. * In artibus quoque & ſcientiis
addiſcendis non ea Magiſtratus induſtria eſt, qualem eſſe conveniebat, & Reipubli-
cæ intererat. Nulla eſt publica ingeniorum & ſtudiorum cenſura, & ſi qua eſt, ex-
igua eſt, & hominibus incurioſis ac indoctis ſæpe permittitur. Qua de re juſtiſſi-
ma querela eſt illuſtris viri Seckendorffii de *Statu Chriſtianiffimi libr. 3. cap. 9. ſ. 3.* qui
& pietatis morumque ſtudia a linguis ſejungenda, & majore cura tractanda recte
exiſtimat. * Neque tamen nulla hic prudentia opus eſt in ingeniis dijudicandis,
in admovendis informationi hominibus idoneis, in doctrinis ordinandis, in defecti-
bus corrigendis. * Pro vili officio habetur pueritiam moderari; deliguntur ad hoc
opus homines nulla propemodum peritia & nullo judicio præditi, cum ad primam
etiam puerorum informationem eximio judicio opus ſit. Sub talibus enim magi-
ſtris & melius proficiunt pueri, & ſibi profutura diſcunt: ſub imperitis & fatuis
vero animus ſtatim prima illa tinctura corrumpitur, quo nihil eſt pernicioſius; ut
deinde vel per totam vitam imperiti maneat, vel majore opera dediſcenda illis
ſint, ſi dediſci poſſunt, quæ in juventute perperam didicerunt. Videmus, ſub uni-
us præſtantis viri diſciplina paucis annis eo progredi pueros, quo nunquam alias
forte perveniſſent, ut provocare etiam viros poſſint. * Nemo præterea eſt, qui
muneri Scholaſtico ad moveri cupiat, ob contemptum, qui illud viræ genus comi-
tatur, & ob exiguum ſtipendium; cum & luculenta illis conſtituenda ſint præmia.

T t 2

& ho-

- & honore etiam afficiendi. E Scholis postea mali mores protruduntur in Academiis, qui illic in summa libertate ferociam sumunt. Doctrinae olim male institutae hic sub optimis etiam doctoribus raro corriguntur. Hinc in Republica & Ecclesia malitia & ignorantia triumphabit. * Memorabilis est Imperatorum, *Valentiniani Valentis & Gratiani*, l. i. *Cod. Theod. de Studiis liberalibus Urbis Romae & Constantinopolis* Constitutio, luculento ab H. Conringio Commentario illustrata; ex qua apparet, cura Imperatoria dignum fuisse habitum negotium, ut juvenus studii idoneis informaretur, neque malos mores inferret in Rempublicam. Quare, quicumque ad urbem discendi cupiditate veniebant, jubebantur ad Magistrum Censuum provincialium judicium, quibus copia erat danda veniendi, ejusmodi literas proferre, ut oppida & natales, & merita expressa tenerentur: deinde primo statim introitu profiteri illa studia, quibus incubituri essent. Jubebantur Censuales inquirere in hospitium eorum, tum adventantium tum commorantium, ut scirent, num Studiosus illis studiis vacaret, quae sectaturum se promiserat; adeoque perpetuo Censuali judicio committebatur totum hoc studiorum ad reditum in patriam tempus, quod ad XX. aetatis annum definitum erat. Idem Censuales providere debebant, ut singuli eorum tales se in conventibus praeberent, quales esse debent, qui turpem inhonestamque famam & confociationes, quae criminibus sunt proximae, fugiendas aestimarint: ne spectacula frequentius adirent, aut vulgi intempestiva convivia appetere. Illud vero duriusculum erat, (quod ab Imp. frequentiora juvenilibus petulantiae exempla forte extorserunt) eos, qui non ita in urbe se gesserunt, quemadmodum liberalium rerum dignitas poscat, publice verberibus afficiendos, statimque navigio superpositos abjiciendos urbe domumque remittendos. Additur porro huic Constitutioni clausula, qua se sollicitissimos hoc in negotio ostendunt Imp. *Vtrum ne hac perfunctorie sortasse curentur, praecelsa Sinceritas tua officium censuale commoneat, ut per singulos menses, qui vel unde veniant, quive sint, pro ratione temporis ad*
- 10 *Africam vel ad ceteras provincias remittendi, brevibus comprehendat.* * Utinam has curas nunc imitarentur Principes atque Magistratus, atque in unum hoc opus sedulo incumberent, optime illi de genere humano atque de omni posteritate mererentur. Si honesta doctoribus illi constituerent stipendia, in mores juventutis pravae severe animadverterent, praemiis ad virtutes & studia allicerent, industrios & ingeniosos honoribus ornarent, egestae pressa ingenia stipendiis sublevarent, novis & salutaribus inventis favore & opibus suis subvenirent; rectius illi Reipublicae providerent, eamque in omne aevum stabiliarent.

- 11 In praecipis bonae παιδαγωγίας suppeditandis jam tum ab antiquis Autoribus laboratum est. Si Laertio in vitis Philosophorum fides habenda est, Aristochius περί χολῶν sex libros composuit, tum & Cleomenes Παιδαγωγικὸν scripsit. Ipse quoque Pythagoras παιδευτικὸν scripsisse dicitur, & Aristoteles, Theophrastus, Aristippus περί παιδείας, tum & Plato & Chrysippus: quae omnia temporum injuria perierunt. Superest e veteribus aureolus Plutarchi περί παιδων ἀγωγῆς libellus, quo

quo utilissima de hoc negotio præcepta continentur. * Superiori seculo, cum re-
 florescere inciperent literæ, multi fuere e viris doctis, qui hac quoque parte labo-
 ranti Reipublicæ consiliis succurrerunt: in quibus præcipue *Melanchthon* & *Erasmus*
 mihi nominandi, quorum ille communis Germaniæ Præceptor de omnibus per
 Germaniam Scholis bene meritus fuit, tum quod de instituendis illis præcepta da-
 ret, tum quod omnes disciplinas recenseret, & in luculentum ordinem redigeret, in
 ipsis quoque optimis latinitatis Autoribus enucleandis multum temporis infunderet:
 unde hodieque supersunt tot in Ciceronis Epistolas, Orationes, Virgilium aliosque
 Autores notulæ non profecto contemnendæ, & in quibus multum eruditionis la-
 ter, quas ex ore ejus nonnulli exceperunt. * *Erasmus* utilissimos quoque de insti-
 13 tuenda juventute libellos edidit. * Sed tamen & ante hos Duumviros in Germa-
 14 nia, & quidem apud Westphalos, quibus illa præcipue laus debetur, bonarum lite-
 rarum & linguarum celebres ludi fuere instituti, cum exemplo suo incitaret ex Ita-
 lia in rurâ Westphala deducens *Musas Rudolphus Agricola*, & hæc consilia *Rudolphus*
Langen, Eques Westphalus doctissimus, urgeret. * Tum in urbe Monasterienli lu-
 15 di elegantiorum literarum, barbaris illis magistris repudiatis, instituti, statimque per
 totam Westphalam plures apertæ fuerunt Scholæ, quibus formata ingenia: hinc
 per totam Germaniam bonas doctrinas disseminarunt. * Daventriæ tum versaba-
 16 tur *Alexander Hegius*, homo Westphalus, Langii quondam condiscipulus: e cujus
 disciplina magnus ille *Erasmus* prodiit, & ad Belgas æque ac Germanos bonæ ar-
 tes propagatæ sunt. * Scilicet ut ab hac quondam gente Germanicæ virtutis glo-
 17 riæ adversus Romanos asserta fuit, cum illorum victricia arma non sine insigni cla-
 de repellerent; ita primi humaniorum literarum tropæa in Germania erexere.
 Majoribus postea passibus & animis hæc stadia decurrerunt in Germania viri docti,
 ut vel cum ipsis Italis de principatu contenderent, & magna cum cura in Scholis
 recte adornandis certatim a viris doctis laboratum fuit.

Non enumerabo hic omnes, quotquot de Scholis earumque institutione hoc 18
 tempore scripserunt. Multi enim sunt multorum libelli & dissertationes de hoc ar-
 gumento *Camerarii*, *Chytræi*, *Neandri*, *Burenii*, *Maphæi Vegii*, *Vitruvii*, *Roscii*, *Vergerii*,
Mosellani, *Frischlini*, *Bilsenii*, *Alstedii* & aliorum. * Inter eos omnes merito principe 19
 loco nominandus est *JOANNES STURMIUS*, Argentoratensis Academiæ Professor,
 cujus extant varia de Oeconomia Scholarum scripta: ejusque consilia Scholastica
 non Germaniæ tantum urbes, sed peregrinæ secutæ sunt. * A cujus methodo utinam 20
 non abiissent Scholæ Germanicæ, substitutis variis obscurorum hominum compen-
 diis: ita verum linguæ Latine nitorem non corrupissent, nec a Regia via aberras-
 sent. Nunc cum quilibet barbarus & incultus sub ingenii aliqua & compendii specie
 novas sibi rationes docendi discendique condit, protruduntur primum in Academias,
 hinc in Rempublicam, homines & orationis & rationis usu non satis instructi; unde
 certissima aliquando barbaries expectanda. * Scripsit suo tempore *Sturmus* li-
 21 brum de *literarum ludis recte aperiendis*, quo de ordinibus & progressionibus studio-
 rum,

- rum, de horis, ratione docendi, de resolvendis orationibus, de interpretationibus Autorum, publicis lectionibus, privatis studiis, exercitiis scholasticis, multa habentur. Scripsit *Epistolarum Classicarum* libros tres, quos *Classicos* ideo vocat, quia ad Classicum Scholasticarum Argentoratensium praefectos eos dedit, quibus rationem in singulas illas informandi adolescentiam praescribit. Illic quasi *ἀναγεφαιλαίωσις*, designatio & partitio operum habetur, quam ille in superiori libro *ἀς ἐν τῷ πρώτῳ* delineaverat. Diligenter illa legere debent, qui Scholis praesunt; multa enim ex illis discunt, quae ad *ἐμπειρίαν* Scholasticam pertinent. Scripsit *Epistolarum Academicarum* librum ad Scholarchas, & singularum disciplinarum Professores, quibus de universa in Academiis docendi ratione agit. Scripsit *Scholae Lavinganae Oeconomiam* ad Philippum Ludovicum & Joannem, Comites Palatinos Rheni, Illustrissimi Principis Wolffgangi filios. Agitur hic de officiis singulorum Praeceptorum, de legibus Scholae, de lectionibus per curias & classes instituendis: ex quo veluti typo Scholae instituendae idea peti potest. Scripsit de *Educatione Principis* libellum ad Illustrissimum Principem Guilielmum, Ducem Juliacensem, & de Nobilium puerorum informatione librum, titulo *Nobilitatis Literatae* ad Werteros fratres. De *Exercitationibus Rhetoricis* librum Academicum ad Philippum, Comitem Lippiarum, scripsit; item alium de *amissa dicendi ratione*, & quomodo ea recuperanda sit, ac de *Linguae Latinae resolvende ratione*, quibus praecleara habentur ad linguae Latinae facultatem parandam praeccepta, variaque afferuntur consilia de copia rerum & verborum obtinenda. * Saepe ego miratus sum, quare a tam salutaribus consiliis recesserint, quae hoc seculo institutae sunt, Scholae; cum nemo quidpiam sanius rectiusque docere eo in genere possit, quam docuit Sturmius: in cuius scriptis, quae apud recentiores Scriptores habentur, egregia pene omnia delitescunt. Scripsit ille varios ad eloquentiam omnem recte excolendam egregios libros, ut de *Imitatione*, *Elocutione*; scripsit *commentarios in Aristotelem, Hermogenem & Ciceronis libros*, & plurima alia.
- 23 * Sed illi, quos modo enumeravi, libri, quoniam ad rem Scholasticam & Juventutis accuratam informationem propius pertinent, uno Volumine collecti sunt, & Torunii Borussorum editi Anno 1586. curante Henrico Strobando, Consule & Scholarcha Torunensi, viro literato, deque literis bene merito; qui in suae non tantum Scholae sed & in omnium usum, haec scripta Sturmiana suis sumptibus, laudabili profecto exemplo, recudi fecit, ut in Inscriptione hujus Operis Joanni Sturmio facta Rector & Pro-Rector ac Collegae Scholae Torunensis testantur, qui & praefationem ad Lectorem addiderunt de scholis & libris Sturmianis, qui illo Volumine continentur, quod illi *Institutionis Literatae Tomum primum*, & a Sturmii nomine
- 24 Sturmianum inscripserunt. * Subjecerunt Scholae Argentinensis, sive Epistolarum Joannis Sturmii *Classicarum & Academicarum σχηματισμὸς* a Joanne Ludovico Havenreutero confectos, quibus quasi quaedam omnium librorum Sturmianorum *ἀναγεφαιλαίωσις* continetur. Hinc & alios, qui de Scholarum instituendarum, docendi discendique ratione scripserunt, invitarunt, ut sua ad editionem
- 25 transmitterent. * Quare sequenti anno prodit, hoc ipso Strobando curante,
Institutionis

Institutionis Literar. Tomus secundus, cum præfatione amplissima ejusdem Scholæ Torunenſis, qua agitur de Miniſtris Eccleſiæ, cur Scholæ, politias atque æconomias ſibi commendatas habere debeant, quæque illis officia præſtare teneantur. Hoc Tomo continentur Actus tres Academiae Argentoratensis, 1. Claſſicorum, 2. Baccalaureorum, 3. Magiſtrorum, ſub Melchior Junio habiti. Et in primo illo Actu de ratione examinandi & viſitandi Scholas inferiores agitur: adjiciuntur lectiones tum in Academia, tum in Scholis inſtitutæ, cum Orationibus nonnullis. Cetera ad ritus & ſolennia Academica in gradibus conferendis potius pertinent, quam ad rem Scholaſticam. Habentur in illo Tomo porro Introductio novæ Scholæ Altorſinæ Norimbergensium, expoſita aliquot doctorum Virorum Orationibus; Auguſtani Gymnaſii ad D. Annæ conſtitutio ac docendi diſcendique ratio ab *Hieronymo Wolffio* delineata; & ejusdem Autoris de expedita utriusque linguæ, vel privato ſtudio diſcendæ ratione, & aliæ quedam commonefactiones. His additur ejusdem *Wolffii* de Auguſtani Gymnaſii inſtauratione deliberatio, & Somnium de expedita in bonis Autoribus interpretandis progreſſione. Sequitur *Joannis Rivii* de ratione docendi libellus, & Ludi literarii Magdeburgensis ordo, leges ac ſtatuta, autore *Godeſcalco Prætorio*. * Addiderunt ſequenti Anno 1588. 26

Tomum tertium, cum præfatione de Magiſtratus Politici titulis & officiis in reliqua tria vitæ genera conferendis. Continentur illo docta variorum ſcripta: *Jodoci Willichi* conſilium de formando ſtudio in quolibet artium & ſacrarum & prophannarum genere, duobus commentariis diſtinctum; quorum prior de Verborum, poſterior de Rerum copia agit: Harmonia de ratione Inſtitutionis Scholaſticæ a *Joanne Garcao* conſcripta, in uſum Ludi literarii Brandenburgensis in Marchia: Inſtitutio Joannis Friderici, Ducis Pomeraniæ, ſcripta per *Philippum Melancthonem*: Ratio ſtudenti generalis *Pauli Eberi*: *Victorini Strigelii* de ratione docendi & diſcendæ *ſequentia*: *Petri Vincentii* diſciplina & doctrina Gymnaſii Gorlicenſis: Curriculum hibernum ſtudiorum Scholæ Gorlicenſis; Oratio *Laurentii Ludovici* de ratione docendi diſcendique puerilia Grammatices elementa, quæ Methodicæ appellatione continentur; Ratio adminiſtrandi Scholas triviales, propoſita a *Friderico Widebranno*, *Joanne Staſſelio*, *Maximiliano Morlino*, *Martino Miſero*, *Laur. Lindemanno*, *Luca Tangel*, Viſitatoribus Eccleſiarum & Scholarum in Ducatu juniorum Principum Saxoniae: ordo ſtudiorum, qualem ſibi Adoleſcentes, qui ad Academiæ acceſſerunt, vel jamjam acceſſuri ſunt, præſcribi expetere ſolant, autore *M. Stephano Prætorio*: *Συναγωγία* Scholæ trivialis recte aperiendæ, conſcripta pro Gymnaſio Jutrebocenti, & edita a *M. Joanne Grunio*, Norimbergensi, ejus Gymnaſii Rectore: Scholæ Creuſenſis in Auſtria deſcripta formula, edita a *Joanne Mattheo*, Theologo & Professore Wittembergensi; paedagogii illuſtris Gandersheimii inauguratio, conſtitutio, claſſes, leges: de optima ſtudiorum ratione in omnium ſtudiorum genere Methodus; autore *Leopoldo Dickio* Jcto: ejusdem Chriſtianæ & Civilis vitæ Compendium. Promiſerunt iidem *quartum Tomum*; ſed ille, quantum mihi conſtat, nunquam prodiit.

* Fuere quidem in Belgio variæ diſſertationes de ſtudiorum ratione in ſingulis diſciplinis

nis editæ, duobus in 12. libris, in quorum altero Hugonis Grotii; altero Johannis Gerhardi Vossii Dissertatio primas tenet. Ille ex officina Elzeviriorum Amstelædami Anno 1643., hic Trajecti ad Rhenum Anno 1658. prodiit. Verum illi de Scholarum œconomia in universum non agunt, sed de singulis tantum disciplinis: quanquam & hi ad Autores istos referendi; partem enim eorum constituunt. Iis vero enarrandis nunc superfedebimus. Erit de iis commodior in sequentibus dicendi locus.

- De Scholis earumque institutione qui generatim egerunt, præter eos, quos modo enumeravi, non adeo multi sunt. Ex illis, quod e re sua erit, petere poterunt, qui bonarum mentium officinas instituent. * Laudari tamen etiam meretur SCHREVELII *Palamon*, sive *Diatriba Scholastica*, continentes tum quæ ad laudem & commendationem Scholarum spectant, tum quæ ad *ἐνταξίαν* earum & œconomiam. Agit hic de Natura, Educatione & disciplina: de tribus, quæ sub disciplinam cadunt, corpore, appetitu, ratione: de iis, quæ tum respiciunt appetitum, tum rationem: de Institutione publica & privata: de officio boni Præceptoris: de officio discipulorum: de Institutione gratuita & mercenaria: de disciplina Scholastica: de præconiis literariis seu scholasticis. Ad ipsam vero docendi rationem non descendit.
- 29 dir. * Exat viri doctissimi, & Amici, dum viveret, optimi GVILIELMI MECHOVII *Hermatbene*, elegans liber de recta institutione juventutis Scholasticæ, Francofurti 1673. editus, quo gravissima & salutaria de illis rebus monita habet, maximo illis, qui Scholis ordinandis præfunt, usui futura. Multa hic copiose & accurate disquirunt de officiis Magistratus, Inspectoris, Parentum, Præceptoris, Discipulorum; de præceptis disciplinarum eorumque usu, de Exercitatione, Auditione, Lectione & Interpretatione, Colloquio, Scriptione, Versione, Imitatione, Exercitatione proprio Marte instituenda, Paraphrasi, Amplificatione, Variatione, Exercitiis Oratoriis, Meditatione, Ediscendis, Retractione, Collatione, Emendatione, Repetitione & Interrogatione, Concertatione Juventutis, Studio excerptendi, Loco studiis apto, Tempore discendi, Ante-Scholaris, qui Scholas nondum frequentant, Amphithalamio Encycliorum, Palatio Humanitatis, Legibus Juventutis, præmiis & pœnis Scholasticis, morbis Scholarum, Bibliotheca literaria, Exercitiis corporis:
- 30 * Quæ omnia ad Methodum & rationem docendi pertinent, de qua speciatim nos dicturi sumus: quanquam & huc omnes illi Autores pertinent; e quorum tamen numero unum, qui pene instar omnium est, præterire hic non possum, EMUNDUM RICHERIUM in doctissimo libro, cui titulum *obstetricis animorum* fecit; qui Ambergæ 1608. in 12. editus est, ac uberrime de omnibus illis, quæ ad informandam juventutem pertinent, agit. * Collegit & ALBERTUS MOLLNAR varios ea de re tractatus sub titulo *Syllektorum Scholasticorum*, Heidelbergæ 1621. editorum;
- 31 * uti & JOANN. HENRICUS HEIDEGGERUS, Tiguri Anno 1670. De Studiis instituendis seorsim scripta plurima sunt, nondum in volumina collecta, ut *Hegendorphini*, *Fingerei*, *Osiandri*, *Freigii*, *Nathan*, *Chytræi* &c. quæ ego voluminibus certis colligenda suaserim.
- 33 Ad hanc classem referendi quoque illi Scriptores sunt, qui de defectibus in infor-

informanda juventute, & corruptelis studiorum, agunt. Ut enim ad sanitatem interest; non sanitatis tantum regulas præscribere, sed & morbos omnes nosse & avertere; ita & hic corruptelis studiorum cognitis rectius de ipsis doctrinis judicabimus. * Hac in re laudabilem operam præstitit LUDOVICUS VIVES, qui non solum de tradendis disciplinis, sed & de causis corruptarum disciplinarum aureolos plane scripsit libellos, plenos bonæ frugis ac diligentissime omnibus doctis legendos. * In eodem argumento versatur VALENTINUS HENRICUS VOGLERUS, qui doctissimas de defectu ingeniorum & bodiæniis studiorum corruptelis dissertationes scripsit, in quibus de causis agit, quæ profectus studiorum in Scholastica & Academica informatione morantur. * Dignissima hæc consideratione res est, omnibusque, qui Reipublicæ curam habent, providendum, ut, sublati his obstaculis, majores in mente excolenda & in studiis progressus faciamus.

CAP. III.

DE FACULTATUM ANIMI
SUBSIDIIS.

§ I. Facultates animi certis quibusdam adminiculis excitari debent. 2. Quæ excitatio male communitate negligitur. 3. Exemplo corporis & corporearum actionum. 4. Per assuesfactionem insolita in motibus, 5. affectibus, 6. appetitu fieri possunt. 7. Quæ ratione voluntati, affectibus, appetitui frena injicienda. 8. Exercitatio recte ordinata præcipuum in facultatibus animi augendis subsidium. 9. Ejus quedam prudentia est. 10. Per eam varia in Scholis Sophistarum ad ostentationem specimina instituta. 11. Memoria narrativa præprimis adfuescendam. 12. Erasmi Bartholini Dissertatio de Consuetudine laudatur. 13. Per assuesfactionem & exercitationem crebram orta ars, quæ a natiuitate surdi, ac per consequens muti, ad loquendum institui possunt. 14. Wallisi specimen. 15. Holderi, Sibsecæ ea de re liber. 16. De illa arte Rudolphi Agricole testimonium. 17. Exemplum in Sabaudia quoddam Principe. 18. Aliud e Digbæo prolatum. 19. Quidam sola natura duce loquentes intellexerunt. 20. Equæ exempla. 21. Bonneti liber Hispanicus de hoc argumento laudatur. 22. Quis ille fuerit? 23. Petrus Pontius hujus artis inventor; 24. quod multis testimonio probatur. 25. Nicolaus Antonius Emanuele Ramiresium de Carrion artis hujus inventorem constituere videtur. 26. a se ipso dissentiens. 27. Refellitur ejus opinio de Ramiresio isto. 28. Helmontius filius aliqua de hac arte scripsit. 29. Specimen hac in re a Walliso datum. 30. 32. Bonneti methodus recensetur. 31. De arte pronuntiandi qui scripserint. 33. Auctores de hoc argumento ad singularem in negotiis civilibus usum uno volumine colligendi. 34. Aristotelis, Scaligeri & Molinæ contraria sententia refellitur.

1 **Q**uemadmodum ad fruges e terra producendas subsidiis quibusdam, tam naturalibus quam artificialibus, indigemus; ita ad scientias addiscendas administriculis quibusdam opus est. Ut ager fructus ferat, excitanda illa naturæ vis est, quæ terræ fecunditatem augeat; ita ut mens in rerum apprehensione & dijudicatione expeditior sit, illæ animæ facultates, quibus illa intelligit & dijudicat, erigendæ rectis quibusdam rationibus & acuendæ sunt. * Videmus, educatione juvenum animos ita formari posse, ut labores tolerant, a voluptatibus abstineant: sed ad animi facultates firmandas & augendas, ut quis recte mediteretur, ut in inveniendis rebus celer sit, ut memoria & iudicio polleat, paucissimi præcepta suppeditant; cum id fieri tamen multis modis possit. Nam vel solo exercitio rectaque applicatione illas augeri posse quotidie videmus: quemadmodum, qui scopum ferire discunt, continuo usu propius accedunt, roburque lacertorum intendunt. Solet quidem vulgato verbo dici, *quemlibet esse fortune sua fabrum*; sed longe hoc rectius de ingenio dicitur, *quemlibet esse ingenii sui fabrum*: magis enim in potestate hominis est flectere, in quamcunque velit partem, ingenium, & qui forte sunt ejus defectus emendare, ut appetitus & affectus suos domare quis constanter perpetuaque voluntate potest.

3 Quod si corpore nostra videamus, ad miraculum illa per consuetudinem & exercitationem quotidianam in motus insolitos impelli possunt: quod in funambulis patet, qui super fune extenso sine ullo metu ambulant, saltant, in gyros se torquent, de turribus delabuntur, ad quæ hiant & stupent earum rerum ignari, & in iis inexercitati. * In doloribus perferendis videmus quosdam adsuæfactione stipitibus & truncis similes, ut Spartanorum quondam pueri adversus omnes dolores obstinati erant, qui ad sanguinem, imo ad necem, cædebantur, neque voce tamen ulla aliquem sensum ostendebant. Novimus vel ipsum aëris usum, sine quo vivere alii non possunt, diuturna consuetudine ad bene longum tempus inhiberi posse, quod in urinatoribus videmus. Quidam rebus ignitis versandis habiles manus fecere. * Sunt, qui abstinencia a cibis inediam ad aliquot annos tolerarunt: qui ingurgitatione crebra helluones tricongii fiunt; continua voracitate ita proficiunt, ut vel soli, quod decem hominibus sufficiat, una cœna absument: qui frigora intensissima, qui sitim ad stuporem usque perferre possunt. Cumque hæ fieri in corporibus mutationes possint, non secreta quadam, sed maxime naturali ratione, quis non multo magis animos variarumfigurationum capaces crediderit? modo sibi ipsis non diffidant homines, atque ea se præstare posse credant, quæ alios præstare vident, atque illud sibi præfigant, quod labor improbus omnia vincat. * Voluntati nostræ, affectibus, appetitui nostro leges vel ipsi ponimus, vel alii illis ponunt: nam vel religione, vel opinione valida, sive illa ex institutione, sive illa persuasionem oriatur, vel exemplo simili, quod illustre sit, & in oculos incurrat, vel affectu contrario frena illis injicimus; sive vere hoc fiat, sive simulate. Illud Philosophia moralis urget: hoc vero in civili conversatione fieri videmus: sunt enim, qui voluntatem suam adeo regere possunt, ut ne exigua quidem ejus nota vix ullo vultus caractere deprehendi possit. Ut ergo simili ratione

tionem facultates intellectus in nobis ad expeditiorem apprehensionem & usum formentur, nobis laborandum est.

In his mediis exercitatio recte ordinata præcipuum sibi locum vindicat. Ex 8
ea enim habitus formatur. * Est vero & in illa prudentia quædam observanda, 9
ut attemperetur ingeniis & finibus, ac recto ordine instituat. Per gradus illa suos
ducenda est & partes, nonnunquam oblique, & per quandam, ut ita dicam, conse-
quentiam: est enim, ubi exercitatio plena ac perpetua magis turbat & impedit,
quam promoveret, studia; quare interdum quibusdam adminiculis illi subvenien-
dum est. Ac primo quidem, ut omnia recte fiant, opera danda est; hinc ut prom-
pre & expedire & cum quadam alacritate ac animi jucunditate. * Fuerunt in ve- 10
terum Sophistarum Scholis, qui in utramque partem de omni argumento dicere
potuerunt, quod non nisi continuo exercitio factum est. Sunt, qui frequenti usu
omnia in ridiculos sensus detorquent. Quantum memoriæ, vel exercitatione vel
peculiari aliqua arte, succurratur, notum est, & de eo nos infra plura. * Multum 11
prodest ad res magnas & negotia gerenda, si quis mature adsuasciat memoriæ nar-
rativæ, ut cum circumstantiis temporum, personarum, locorum, omnia memoret &
describat, & quæ ab aliis narrantur, ex lectione vel auditione in summam aliquam
contrahat. * Incredibilis exercitationis & consuetudinis vis, per quam non in edu- 12
catione tantum, sed & in quibuscunque aliis rebus stupenda fieri possunt, de quo
legatur doctissima illa *Erasmi Bartholini* Dissertatio, quæ est inter *questiones* ejus *Acad-*
emice nona.

Quanta exercitationis recte ordinatæ vis sit, vel ex eo pater, quod in illo, qui 13
ob naturalem surditatem vocis & linguæ usum non habet, adeo intendi vis imagi-
nativa & apprehensiva possit, ut e motu labiorum, quem visu observat, literas, &
literis verba incredibili celeritate intelligat, & ad illa respondere sciat; quod arte
singulari & certis præceptis a quibusdam cum stupore audientium effectum est.
Dixi alibi ea de re prolixius, sed nec loco hoc prætermittendum id videbatur, quo-
niam vel solo illo exemplo mirifica phantasiæ & ingenii vis arte adjuncta ostendi pot-
est. * Suscepta fuit ab Anglis quibusdam illa mutorum institutio, ejusque speci- 14
men *Wallisius* dedit; cujus extat prolixa ea de re epistola ad *Dn. Boilium* scripta, in
Actis Philosophicis Anglicis, Num. 61. * Fuerunt & alii inter Anglos, qui integris ea de re 15
libris egerunt: *HOLDERUS* in libro *de Elementis loquendi*, cui additur Tractatus *de Infor-*
matione muti & surdi: (liber editus est Anglica lingua Londin. 1669.) *GEORG. SIB-*
SCOTA in libro Anglico, cui titulus: *Deaf and Dumb mans Discourse, or concerning those,*
Who are born Deaf and Dumb, edito Lond. 1670. cum additione libri *de ratione lo-*
quele creaturarum inanimatarum. * Non recens natam illam artem e *Rudolpho* 16
Agricola conjicere possumus, qui lib. 9. *de Invent. cap. ult.* vidisse se testatur sur-
dum a primis vitæ annis, & quod consequens est, mutum; didicisse tamen, ut quæ-
cunque scriberet, aliquis intelligeret, & ipse quoque, tanquam loqui sciret, omnia
mentis suæ cogitata perscribere posset. Quod etsi in dubium vocare videtur *Ludov.*
Vives lib. 2. *de anima, cap. de discendi ratione*, nullam tamen ejus causam habuit, præfer-

- præsertim cum fide dignus testis & *autormus* fuerit Agricola; nunc vero tot exper-
- 17 rimentis res illa probata est: * Nam non in Anglia tantum Holderus & Wallius
experimenta instituerunt, sed & in Sabaudia quodam Principe ingeniosissimus Co-
- 18 mes Emanuel *Thesaurus* specimen aliquod exhibuit: * ac meminit Digbaeus tract.
de natura corporum cap. 28. Sacerdotis cujusdam Hispani, qui fratrem natu minorem
Comitis stabuli Castellæ, a nativitate surdum, improbo labore ita erudiverit, ut
modo lumen non abesset, aut tergum non obverteretur, e motu oris, labiorum ali-
arumque partium, perfecte intelligere voces loquentium, ad interrogata responde-
re, vocabulorum vel in incognita sibi lingua sonum & accentum accurate ad alteri-
us pronunciationem reddere potuerit; nisi quod tonum vocis eundem servare non
- 19 poterat. * Refert & Schottus in *Physica Curiosa lib. 3. cap. 33.* novisse se in Sicilia
quendam e Soc. Jesu, qui surdus erat penitus, & tamen promptissime de quavis re
tam cum suis, quam cum exteris egerit, tamen nullum perciperet verbum, dum-
modo labiorum motum loquentium videret. Atque id non tam per disciplinam,
- 20 quam instinctu naturæ bonitateque ingenii factum est. * Nam & alius P. Layman
singulari quodam casu surdus factus, ut illic testatur, assidua oris loquentium ob-
servatione didicit visu percipere, quod non poterat auditu. Refert & Zwingerus
in *Physiol. Med. cap. 25.* Jacobum Oecolampadium, cum Sacerdos Basileæ esset, inter
alios habuisse auditorem plebejum, sed surdum, qui tamen verba illius intellexerit
ex eo, quod intentis & inconnivis illum oculis intueretur. Quoniam ergo natu-
ram & ingenii indolem hic præstare talia videmus, quidni certis quibusdam regu-
- 21 lis adjuvari natura possit? * Librum in hac arte dudum, ante, quam Angli ea
de re cogitarunt, scripsit aliquis JOHANNES PAULUS BONNETUS, ediditque
Madrili in 4. Anno 1620. ac Regi ipsi inscripsit. Titulus est: *Reduction de las let-
tras y arte para enseñar a ablar los mudos*, i. e. *Reductio literarum & ars informandi
mudos.* Non dubitat huic Autori inventionem hujus artis adscribere Caramuel in
apparatu suo philosophico lib. 1. disp. 2. n. 16. qui epigramma quoddam in eam artem
- 22 illic scripsit. * De Autore vero, quem Sacerdotem, credo per errorem, Digbaeus
vocat, non satis certa omnia: nam ipse se *Barletservant* vocat. Quid autem munere
hoc sit, Nicolaus Antonius in *Bibliotheca sua Hispana* sub hujus viri nomine doce-
at: *Joannes Paulus Bonet Arragonius Regi nostro a munere quodam, quod Burgundia
domus vocabulo BARLETSEVANT apud nos audit, & a tormentaria rei ministerio
(entratenido cerca de la persona del General de la Artilleria) magnoque Castella Con-
nestabili a secretis.*
- 23 * Ante tamen Bonnetum PETRUS PONTIUS, Benedictinus
Monachus, hanc artem exercuit, ut constat e Valesio *lib. de Sacr. Philos. cap. 3.* Pe-
trus Pontius, inquit ille, Monachus S. Benedicti, Amicus meus, natos surdos docebat
loqui, non alia arte, quam docens primam scribere, res ipsas digito indicando, que chara-
cteribus illis significarentur; deinde ad motus lingue, qui characteribus responderent, pro-
vocando. Unde patet, pro informationis hujus fundamento scripturam fuisse ad-
hibitam, quod in exemplo sui temporis etiam notarat Rudolphus Agricola.
- 24 * Meminit & ejusdem artis in Hispania inventæ Stephanus Roderic. *Castrensis Comm.*

in libr. Hippocratis de Aliment. Sect. 2. p. 247. ut mirer, Franciscum Lanam in *Pro-*
dromo all' arte maestra c. 4. negare, quicquam de arte ista præceptis traditum, ut
 solus ille ac primus ea de re forte videatur cogitasse; ac aliqua præcepta, sed quæ
 exigua sunt & nullius momenti, suppeditasse. Pontius vero ille, quantum scitur,
 nihil edidit, ac videtur Bonnetus illam Pontii, qui ætate Valesii Anno 1590. vixit,
 artem hæcenus occultaram, suo tempore Anno 1620. publicasse. Ita enim Nico-
 laus Antonius loco supra citato: *Nempe mira hæc res, ut multi verba efferrent, in ar-*
tem itit apud nos egregia industria viri perspicacissimi Petri Pontii, Benedictini Monachi,
quam videtur Bonnetus publicasse. Idem de eo testatur Nicolaus Antonius sub nomi-
 ne Petri Pontii, ubi præterea Fr. Joannis de Castanniza Benedictini testimonium ex
 Historia de Vita S. Benedicti adducit, qui & ipse Dn. Gasparum de Gurrea, filium
 Gubernatoris Arragoniæ, discipulum ejus, hujus rei testem affert. Legi quoque
 de eo potest Ambrosius Morales in *descriptione Hispaniæ* fol. 38. qui testatur, eum
 loqui docuisse fratres duos & sororem Castellæ Conestabilis, de quorum altero,
 Petro a Velasco nuncupato, mirum esse ait, quæ & quanta intra vigesimum ætatis
 annum, ad quam vixit ætatem, didicerit, quoniam ultra vernaculam suam lin-
 guam locutus fuerit, scripseritque Latinam fere absque solocismo, quandoque & ele-
 ganter, tum etiam Græcos characteres scripserit. Adducit & Morales schedulam
 manu illius scriptam, qua responderet roganti per manualia signa de arte ista & forma,
 quam sibi adeo utilem expertus fuerat. Ex iis, quæ adduximus, patet, Digbarum,
 cum Sacerdotis meminit, qui librum talem scripserit, Pontium intellexisse, cum ars
 ab illo profecta fuerit, quæ a Bonneto est publicata. * Hic vero iterum turbat 25
 Nicolaus Antonius, qui immemor eorum, quæ de Petro Pontio dixerat, Emanue-
 lem Ramirelium de Carrion, Prieguensi Marchioni Hispanorum Magnati a secretis
 & a cura formandi eloquii, quiamutus natus erat, Inventorem vel Doctorem hujus
 artis facit. Ita enim de illo: *Hic apud nos artem invenit, aut certe solus exerevit æta-*
te sua literas & aliqualem usum docendi mutos, quod quidem in eodem Marchione, atque
item in D. Ludovico a Velasco, Fraxini Marchione, Conestabili Castellæ fratre, & in aliis
præstitit. * Hoc vero ante de Petro Pontio dixerat, tum Nicolaus Antonius, tum 26
 Ambrosius Morales, quod Petrum de Velasco fratrem Castellæ Conestabilis su-
 periore seculo in loquendo informaverit, cum Emanuel Ramirez de Carrion hoc
 seculo vixerit, & post Bonnetum, qui Anno 1620. librum suum edidit, librum Hi-
 spanica lingua primum 1622. hinc 1629. publicavit cum hoc titulo: *Maravillas de*
naturaleza, en que se contienen dos mil secretos de cosas naturales. Plane hæc inter se
 non conveniunt, neque expediri a me hic nodus potest. Ab isto sane Ramiresio
 scriptum fuisse de arte illa librum, non meminit Nicolaus Antonius, & tamen qua-
 si subdubitans vel inventorem, vel certe solum hujus artis sua ætate Magistrum
 constituit; quæ manifeste cum ceteris pugnant. * Imo vero expressis verbis 27
 legitur in judicio illo, quod Antonius Perez, Abbas Benedictinus, Bonneti li-
 bro præfigit, Petrum Pontium, Monachum Benedictinum, principium huic arti de-
 disse. Quare omnino illa, quæ de inventionem Ramiresii ait, falsa sunt. * Nostro 28
 Uu 3 quoque

- quoque tempore Helmontius Filius in *Alphabeto suo vero Naturali Hebraico* quandam de surdi & muri in linguis informatione dissertationem instituit; sed horum autorum mentionem nullam fecit. * Testis est quoque Monconifius in *Itinerario suo Anglico p. 50.* se apud Wallisium vidisse nobilem Anglum mutum & surdum, qui Doctore illo tantum in legendo profecerit, ut librum Anglicum expedite legeret, atque jam tum alterum hoc exhibuisse specimen Wallisium, qui præterea exiguam illi differentiam in pronuntiatione $\tau\tilde{B}$ B & $\tau\tilde{P}$ P ostenderit, exilem scilicet nasi motum, cum litera B pronuntiatur. * Bonnerus ad certam artem regulas revocavit: nam in primo libro agit de literarum natura & varia apud varias gentes pronuntiatione, quæ erudita sunt. * Sed tamen & ante illum de hoc argumento egerat Hieronymus Fabricius ab Aquapendente libro *de locutione ac ejus instrumentis*, Scaliger in libro *de causis Latine lingue*: post illum Mallincrotrius *tractatu de libris*, & Petrus Montanus in singulari libro Belgico, sed erudito, *de arte pronuntiandi*, quo neminem hactenus accuratiorem vidi. Mihi quoque aliquando *de philosophia Alphabetaria* quædam scribere propositum fuit. * Libro secundo ad rem ipsam propius accedit, ac ostendit, quomodo mutus figuram & pronuntiationem literariam per manualementem demonstrationem & motum oris ac labiorum doceri possit: hinc procedit ad reliquas Grammaticæ partes, & orationis constructionem integram. Aliqua etiam de cifris & lingua Græca adjecit. * Ego omnino suaderem, ut non Hispanicus tantum ille liber, sed & ceteri, qui in Anglica lingua scripti sunt in Latinam linguam conversi uno volumine colligerentur; non in mutorum tantum usum, sed & illorum, qui in aulis Principum, foro, atque adeo in omni vitæ genere versantes, missitantes etiam intelligere velint, atque secreta e longinquo rimari colloquia; 34 cujus rei quantus usus esse possit, facile quisvis intelligit. * Nos insigne hoc exemplum, quo exercitationis crebræ vis in intellectu augendo confirmatur, omittere nolimus, quo falsitas sententiæ Aristotelis ostendatur, qui libr. *de Hist. Animal.* 4. c. 9. surdos natos vocem quidem emittere ait, sed sermonem nullum: cui accedit etiam Scaliger in commentario, cum ait: *Arte & voluntate fit sermo, itaque docemur: Surdi autem non docentur, ideo non loquuntur.* In Aristotelis quoque verbis arguitur, quod vocem emittere dicat. Male quoque Molinæus *Physic. lib. 8. c. 24.* judicat: *Cæcus natus potest per auditum erudiri; at quicumque est surdus a nativitate, est mutus & plane indisciplinabilis.* Et Aristoteles primo *Metaphysicorum* auditum disciplinæ sensum vocat, cum per visum, atque ut ita loquar, intuitive procedere posse videamus.

C A P. IV.

DE

SUBSIDIIS DIRIGENDI JUDICII.

- §. 1. Judicium ac memoria præcipuæ ingenii partes. 2. Memoria summa necessitas & utilitas. 3. Attamen memoria sine judicio manca & mutila. 4. Judicium summam

mam omnibus disciplinis manum imponit. 5. In iudicio dirigendo præcipuum studium adhibendum est. 6. Logica dirigendo iudicio subsidia ministrat. 7. Illius usum multi parum curant. 8. Illius usus latius patet, quam vulgo creditur. 9. Logica est clavis reliquarum scientiarum. 10. Verulamius quatuor artes Logica subordinat. 11. Quarum posteriores e prioribus fluunt. 12. Quibus & Didactica est addenda. 13. Ars inventiva artium, & examinis seu iudicii principia sua e Logica deducit. 14. Quæ ex parte hæcenus neglecta. 15. Generalis inveniendi & ratiocinandi regula traditur. 16. Pueri in prima ætate rerum ordinata cognitione imbuentur. 17. Bæleri ea de re sententia: 18. Batei Janua. 19. Comenii Janua ad informandam iuventutem non recte adhibetur. 20. Ad periodorum cognitionem pueri mature ducendi. 21. Scioppij Mercurius bilinguis. 22. Schola latinitatis Gotthæ edita. 23. Bæleri desiderium. 24. Autores, qui de Polymathia scripsere, ad hanc rem inepti. 25. Meibovii propositum. 26. Mylæi universitatis Historia. 27. Diocæronis generalis rerum. 28. Comenii orbis sensualium pictus. 29. Quædam in illo desiderantur. 30. Sturmii & Job. Benzii Loci. 31. H. Weitzii Via regia ad linguam Latinam. 32. Job. Joachimi Beccheri Novum Organum laudatur. 33. Ejus usus in inventione ac meditatione. 34. Beccheri Methodus didactica. 35. Ejus methodi pars I. & II. edita. 36. Tertia lucem non vidit. 37. De eodem Becchero iudicium. 38. Schola Natura, Artis & Actionum humanarum, quomodo instituenda. 39. Quid per scholas istas intelligatur. 40. Beccheri Theatrum Natura & Artis. 41. Theatrum tale Principis suntibus instruendum magno foret usui. 42. Methodus Mechanica practica. 43. Exercitationes Theatrica in iuventute non omittende. 44. De Comenii Ludis Comicis quid sentiendum. 45. Verulamii de Theatrica actione iudicium.

DUæ sunt præcipuæ ingenii, ut ita dicam, partes, iudicium & memoria. * Hæc quidem plurimum æstimatur, nec immerito, quod in omnibus disciplinis maximus ejus usus sit: tot enim in singulis sunt præcepta, tot variae res memoria comprehendendæ, sine quibus nihil omnino effici potest. Philosophus universam rerum naturam, tot corporum, tot artium nomenclaturas & regulas animo tenere debet; Theologus Veteris Novique Codicis libros, ac Patrum decreta; Juris leges ac responsa veterum prudentum; Medicus herbarum, morborum, medicamentorum nomina in promptu habere debet: * Quæ omnia & multa & magna esse quidem fateor; verum nisi illa eximii iudicii vis comitatur, nulli humano generi usui illa omnia erunt. * Primum quidem memoria instruenda est variis in omni disciplina præceptis: ut ad usum illa transferamus, iudicio opus est. Quamdiu in Scholis jura legesque discimus, memoria illa res est; in foro ac per usum accedit iudicium. Morborum nomina & medicinas multi accurate satis cognoscunt ope memoriæ, iudicio multis annis & casibus subacti Medici demum sunt. * Præcipuum ergo studium in JUDICIO DIRIGENDO adhiberi debet, videndumque, quæ ad illud firmandum SUBSIDIA advocari possint.

Perlu-

- 6 Perlustrantus omnem illum Philosophiæ orbem, inveniemus illic disciplinam, quæ rationem ipsam in ordinem redigit, Logices vel Dialectices nomine salutatam. Quod si ergo verum est, in illis, quæ rationis sunt, occupari hanc disciplinam; præcipuam illam rationis partem, quæ in iudicio consistit, omnia illa comprehendere debet, ac instrumenta omni scientiarum generi apta fabricare. Quare & merito *ἐργασιον* & *τέλειος ἐπιστήμης* appellatur, & quanta fieri potest cura, non leviter ac perfunctorie disciplina illa excolenda est. * Verum, si quod res est, dicendum est, plerique ita in his studiis versantur, ut, cui sui inventa sint, parum curent. Nam contenti rerum & notionum summis generibus & Syllogismorum tenui artificio, parum de usu ipso solliciti sunt: ut

*Si quis emat citharas, emptas comportet in unum
Nec studio cithara, nec Musa deditus ulli.*

- 8 * Cum enim ad usum pertineat tota hæc disciplina, atque ideo instrumentum vocetur, longe major ejus usus est, latiusque se diffundit, quam multi opinantur: ut proinde in contemplatione hujus instrumenti subsistere ineptum sit, nisi & ipsi applicemus rebus, quibus applicari potest ac debet.
- 9 Quem usum cum multi viderent, ac a Philosophis vulgo negligi animadverterent, reperti fuerunt, qui singulares aliquas artes Inventivas, combinatorias, comimenti sunt, qui cum his consiliis suis reprehendendi nullatenus sunt, nisi quod a Logices disciplina illa sua inventa sejuncta velint, quæ ex hoc tamen fonte unice oriuntur. Recte quidem Verulamius *libr. de Augm. Scientiarum V. cap. i. Rationales scientiæ reliquarum omnium claves sunt. Et quemadmodum manus instrumentum instrumentorum, anima forma formarum; ita & illæ artes artem ponende sunt. Neque solum dirigunt, sed & roborant; sicut sagittandi usus & habitus non tantum facit, ut melius quis colat, sed ut arcum teneat fortiorem.* * Artium Logicarum quatuor Verulamius facit, divisas ex finibus suis, in quos tendunt. Id enim agit homo in Rationalibus, ut aut inveniatur, quod quaesiverit, aut iudicet, quod invenerit, aut retineat, quod judicaverit, aut tradat, quod retinuerit: totidem ergo artes constituit. *Artem Inquisitionis seu Inventionis; artem Examinis, seu iudicii; artem Custodia, sive memoria; & artem Elocutionis, sive traditionis.* * Sed hæc posteriores quali per consequentiam aliquam e prioribus procedunt, quatenus nimirum iudicium conducit ad memoriam: nam & memoria per se inesse multis potest, & sine his adminiculis excoli; elocutio, etsi suis quibusdam præceptis contineatur, tamen referri etiam ad Logicam debet, quatenus bene ordinatis conceptibus formæ argumentorum, schematici & verba ipsa subserviunt. * Addenda his est Didactica, aliqua doctrinæ de Methodo propago, quæ suo quodam peculiari modo & secundum sua principia consideranda est.

- 13 Inter has artes, quas vocat Verulamius rationales, artem inventivam, quatenus ad

ad artem refertur, desiderari ait: *hæventiva*, inquit, *ars est, altera artium & scientiarum, altera argumentorum & sermonum*: hanc esse obviam ait, illam a nemine excultam. * Non nego quidem, sed id factum nescio per quam hominum illa studia tractantium socordiam; quanquam & non pauci etiam barbara illa ætate fuerint, quibus his similia, quæ Verulamius proponit, in mentem venerunt. Ac sane principia eadem Dialectica ad tales conclusiones formandas deducere posse, quilibet videret. Deinde & ars illa iudicii & directionis sive examinis, qua de experimentorum ratione agitur, ex iisdem principiis promanat. Quanquam enim Verulamius speciales quosdam modos enarrat, quibus tale examen institui possit, possunt tamen omnes illi e doctrina causarum atque e Locis Dialecticis deduci, quod Topica illa particularia, quæ vocat, sive Articuli Inquisitionis satis ostendunt: in omnibus enim illis experimentorum inventionibus occulta quædam argumentandi ratio reconditur, ex aliquo Locorum Dialecticorum deprompta; qua de re pluribus nunc agere non possumus.

Generalis in meditandis ac inveniendis & in omni ratiocinationis actu regula est, quam & Spinoza in tractatu de Emendatione Intellectus posuit, ut rerum differentias, convenientias & oppugnantias recte colligamus, quo ideas nobis claras & distinctas formemus, & ex earum progressu, qui ab exiguis principiis ad majora se axiomatica & conclusiones dilatat, quicquid argumento nostro conveniens est, deducamus. * Quare non male faciunt, qui jam in prima ætate pueros rerum cognitione bene ordinata imbuendos iudicant, ut rerum universitatis ideæ illorum animis obversentur. * Præter alios præcipit hoc vir Clarissimus Bæclerus in *Dissertatione de Studio*, quæ amici opera ad manus meas pervenit, sed imperfecta, & intercedente viri Clarissimi obitu non absoluta. Ita ille: *nunc illud monebimus, mature seu post vulgares & primas literas perceptas dandam esse operam, ut ingenia ipsam rerum universitatem, quo fieri commodissime potest modo, cognitam & in obvio conspectu positam habeant. In hoc enim consilio facile omnes convenire & congruere videmus; quanquam viam ingrediantur non unam. Dolendum sane est, non esse in hunc diem libellum, huic proposito idonea ratione inservientem. Amisi sunt complures viri eruditi Dialogis rem conficere; quibus ut alias suis non denegatur usus; ita ad hunc finem nondum profecerunt. Illud autem per se intelligitur, in libris, quibus universitas rerum queritur, rationem verborum & lingue eatenus habendam esse, ut e.g. in Latinis non nisi Latina & auctoritatem habentia, & sic in aliis linguis, adhibeantur.* * Hæc Bæclerus, qui ea occasione de Janua Comenii iudicium suum interponit, atque ejus loco commendat Batei *Januam*, duodecim centuriis anteam.

De Comenii *Janua* habendum est, illam plane e Scholis illis, ubi Latinitatis genuina, ut æquum est, cura habetur, eliminandam. Nam ut rerum aliqua notitia ex illa haberi possit; tamen exigua illa est, nec satis convenienti ordine, quod præcipuum ea in re est, proposita, & vocibus ac phrasibus barbaris passim scatens, quæ corrumpere bonam juventutis Latinitatem possint: quicquid etiam Apologia pro suæ Januæ Latinitate scripta contendat Comenius; nam & ipsa altera Apologia indigeret.

Tomus I.

X x

* Ne

- 20 * Ne quid nunc dicam de eo, ad Latinitatem tales libros plane commendari non posse, quorum per mera axiomata proponuntur, in quibus nulla est periodica consequentia suis particulis connexa, cui mature adfuerere pueri debent. Ut cum in finem Sturmius sententias ex Autoribus secundum ordinem & quantitatem periodorum collegerit, quas ubi legerit didiceritque puer, & numeri & consecutionis idea in animo hærebit; quod magno postea ad numerose scribendum subsidio erit; nam talia e veteribus disci Autoribus consultius est, qui concinniores vocum
- 21 positum & accuratius aurium iudicium habuere. * Exhibuit etiam Scioppius *Mercurium bilinguem*, de cuius methodo ille in præfatione Grammaticæ & Mercu-
- 22 rii sui plenius agit. * Commendare etiam Bæclerus *Scholam Latinitatis Gotbæ editam* in hunc usum videtur; quæ; ut ille ait, *universitatem rerum cordato quodam iudicio ac contextu complectatur*. * Sed plenior tamen ille laborem & accuratorem desiderat, suaderque, ut e centonibus Ciceronianis tale Opus conficiatur, in memoriam sibi fortassis non revocans, quod Freigius in Ciceroniano suo aliqua ex parte effectum hoc dederit. * Garzoni tamen liber, cui Titulus: *Piazza universale*, qui ex Italico in Germanicum sermonem conversus est, & alii Miscelli Scriptores, *Alexander ab Alexandro, Cælius Rhodiginus*, ad hos usus non referendi; quemadmodum nec Polydorus Virgilius libro de Inventoribus rerum, quod Lambecio visum est.
- 23 * De defectu Institutionis in rerum cognitione etiam Mechovius in *Hermathene* sua conqueritur tract. 3. cap. 4. Nescio, an deesse hic querar juvenuti libellum de rerum natura, in quo ex optimis scriptoribus nonnihil de mundo, de cælo, de elementis & de ceteris rebus, quantum ad hanc ætatem satis foret, conscripta tenerentur, ne plane instar hospitis ac peregrini in hac patria sua tempus transigeret. Mibi id sæpius in animo fuit, *κοσμογονίας* meos consulere, sed hora erit, ac tempus nec opinanti elabitur. Unde tale aliquod Opusculum in animo habuisse virum doctissimum conjecerim, quale e centonibus veterum Scriptorum concinnandum suadebat Bæclerus, & quale ille specimen Ethicæ in Parænetice sua, optimo
- 26 sane consilio, dedit. * Non venit etiam Bæclero in mentem *Christophorus Mylius*, qui Universitatis historiam non contemnendo ordine & opera in lucem edidit.
- 27 Verum illa omnia majori apparatu instituuntur, quam in illa ætate necesse est. Sufficit generalis illa rerum *διὰ τῶν πραγμάτων*, per sola vocabula ac phrasas argumento convenientes determinanda: cetera enim supplere docendo doctus magister potest:
- 28 * Quo consilio COMENIUS, quanquam Latinitate non satis castigata, prudentia tamen didactica minime destitutus, ut parer e vastis ab illo conscriptis Voluminibus, illum *Orbem suam sensualium pictum*, ut in ipsa inscriptione *Εὐκαταφύλακτος*, edidit. Res minime contemnenda: nam sic per imagines res ipsæ oculis sistitur, & vocabula ac verba
- 29 eo pertinentia eadem opera discuntur. * Sed mallet ego elegantioribus picturis talem libellum illustrari, atque omnia nifidius & accuratiori ordine ob oculos poni. Ordo enim præcipue hic attendendus, ponenda omnia connexa, affinia, contraria sub eadem serie, ut ea conjunctim memoriæ insigantur. Ita animo inhærebunt simul fontes

fontes illi, unde vel argumenta inveniri, vel sententiae amplificari possint, eritque hoc quasi universale pro copia rerum & verborum instrumentum. * Hoc in animo olim habuit *Sturmius*, ejusque discipulus *Joh. Benzius*, qui omnem Latinitatem locis LXXXVI. complexi sunt; secundum quem ordinem primo vocabula memoriae imprimebant pueri, collectanea phrasium instituebant adulescentes, ut in Latina & Graeca lingua peculiaribus libris *Joannes Benzius* ostendit. Poterant & sententiae ac theses, vel politicae vel ethicae, sub titulis eodem modo ordinatis colligi. Ita ad omnem palaestram dicendi differendique instructus fieret, qui huic viae insisteret. Nam in methodo nihil magis turbat, quam varietas, ac constantia facit, ut firmiores omnia radices agant. * Huc quoque respexit *H. Weizius*, qui aliquot foliis *Viam Regiam ad linguam Latinam Hafniae anno 1661.* edidit. In cap. 1. de rebus agit, quas secundum classes suas, serie non male ordinata, divisit. Cap. 2. agit de modis rerum, quo omnia in ordinem redigit, quae ad qualitatum, relationum &c. classes pertinent. Cap. 3. agit de motibus rerum, ubi actiones, passionum, durationes earum dispecit. Cap. 4. agit de actionibus hominis per certa objecta, diversos status, circumstantias variatis. Cap. 5. de modis morum, actionum & passionum. Cap. 6. de circumstantiis rerum motus aut quietis. Cap. 7. de coherentiis rerum & actionum. Cap. 8. de multiplicatione rerum & verborum. Atque sic ille sub 500. generalibus titulis omnem vocabulorum, quibus res & actiones continentur, seriem non ineleganti ordine disposuit: quibus uti poterunt, qui vel meditantur aliquid, vel phraeologiam colligent, aut similia instituunt.

Simile consilium *JOH. JOACHIMUS BECCHERUS* in *Novo Organo pro verborum copia in quavis materia expedite acquirenda* proposuit, Latina Germanicaque lingua nunc edito; in quo pars 1. rerum actiones & passionum, seu verba continet: pars 2. rerum praedicata & qualitates, seu adjectiva: pars 3. actionum & qualitatum circumstantias & modos, seu adverbia, praepositiones, conjunctiones & interjectiones: pars 4. habet sermonis subjecta, seu substantias. Singulas partes secundum 15. titulos generales physicos pro generalissima partium combinatione disponit. 1. Substantiam. 2. Qualitatem. 3. Quantitatem. 4. Locum. 5. Tempus. 6. Gustum. 7. Odorem. 8. Visum. 9. Auditum. 10. Tactum. 11. Potentiam agendi. 12. Voluntatem. 13. Rationem. 14. Virtutem & vitium. 15. Theologica & qualitates promiscuas. Singulos titulos iterum dividit, atque hac ratione Systema integrum omnium vocum, in lingua occurrentium, philosophica quadam ratione ordinatum extruit; * Quod non copiae tantum verborum, sed & meditationi ac inventioni rerum inservire potest. Est enim inventio nil aliud, quam ut meditando jungamus, quae cum re conveniunt; sejungamus, quod repugnat: qui analogismus licet hic in vocibus disjunctis consistat, operatio intellectus & ratiocinatio facile sociabit, quae de se praedicare vel simplici vel arguta & enthymematica oratione possunt. Ac profecto non omnino vana sunt, quae ipse Auctor in praefatione de hoc suo Organo praedicat: *Ut ad secundarium hujus Organi usum veniam, qui revera primarius est, & ipsum ἔργον dici posset, invenissem*

mensum illum esse scias, & ita comparatum, ut infallibil' articulatione & consequentia te ad tertiam connexionem dedicat, qua pariter in omnium rerum cogitationumque humanarum structuris locum obtinet, & ex cuius vero, claro & distincto intellectu totum humane sapientie lumen exurgit. * Proposuerat sibi Beccherus tribus libris succurrere iuventutis informationi, & hoc suum consilium prolixè enarrat in *Methodo sua didactica* & appendice ejus, libris Germanica lingua editis. * Prima parte Methodi practicæ continebatur vocabulorum a primitivis ordinata deductio: cujus laboris etiam alios jam ante socios habuit. Pars secunda illo, quod jam recensemus, continetur Organo, habetque vocabula omnia sub illis, quos enarravimus, concordantiarum titulis, secundum significationes suas posita. * Tertia pars ab illo promissa, sed nunquam in lucem edita, dedisset nobis concordantiarum titulos de subjectis prædicatos, iisdemque alligatos & combinatos. Ita enim ipse: *In tertia parte combinabuntur notiones, prædicabunt omnes partes orationis & significationum tituli de se invicem: ita, ut omnium subjectorum naturam per quindecim titulos, e. g. quæ dura, quæ levia, quæ alba, quæ sonora omnia sint &c. in quo corpora conveniant, in quo averferentur, scias, ita totam physicam practicam & omnes comparationes proprias habebis; ex quibus omnes definitiones & hypotheses omnium scientiarum fluunt.* Sed hujus partis tertiæ defectum nunc utunque supplet pars secunda, quæ, ut diximus, ad hos usus ab homine mediocriter ingenioso commodè adhiberi potest. * Fuit illi viro versatile ingenium, quod in omnia se diffunderet, ac singulari perspicacitate comprehenderet. Ideoque virorum doctorum consideratione digna sunt, quæ ille in *Methodo sua Didactica* proposuit; in qua multa reperiuntur, summo in re literaria usui futura. Plura etiam nos docuisset, si *Methodus* ejus *Gnostica de acuenda ratione & formando judicio*, quam promissit, in lucem prodiiisset. Sed de ejus *Methodo Didactica* nos infra plura dicemus: nunc tantum de Novo ejus Organo verba fecimus, quatenus illud directioni intellectus in apprehensione, collatione, illatione ro- rum, inservire possit. Neque enim hætenus habemus, qui prædicata omnia accuratiori ordine digesserit; ac profecto dolendum, tertia illa parte, qua applicationem prædicatorum ad subjecta docet, per ejus obitum nos fuisse fraudatos. Et ceteri illi libri, ut *Polybistor Jonstoni*, *Pexfelderi apparatus*, omnesque Nomenclatores & Januæ hunc usum nobis non præstant, quorum defectus accurate ille in *Methodo sua* denudavit. Multa quoque in Orbe isto Picto Comenii non sine ratione improbat, etsi imaginum ille usus, qui ipsi non placet, non omnino est improbandus.

38 Sæpe ego in votis habui, ut *Schola* quædam *Naturæ, Artis & Actionum humana-*
 39 *rum* publica in juventute instituatur. * Per *Scholam Naturæ* intellectam velim Sy-
 stemam aliquod corporum naturalium bene ordinatum, ubi per vivam corporum demonstrationem & vocabula melius memoriæ inharerent, & ideæ de rebus intellectu transferrentur. Nulla enim efficacior ars mnemonica est, quam cum in rem præsentem veniunt discipuli. Per *Scholam Artis* intelligo omnia opificum & artificum instrumenta, quæ certis quibusdam receptaculis omnia asservarentur, & pueris explicata-

explicarentur. * Ac postea in easdem cogitationes dilapsam quoque Beccherum 40
deprehendi, qui in Methodo sua Didactica part. 2. circa finem Ideam aliquam *Thea-*
tri Naturæ & Artis proposuit, atque in epilogo Appendicis suæ inter alia talis Thea-
tri institutionem promissit. Sed amplissima illa promissa irrita fuisse, neque talia
privatorum sumptibus effici possunt. * Id vero certum est, si Princeps aliquis 41
tale Theatrum instrueret, aut in Academiis, quemadmodum Bibliothecæ publicæ,
inveniretur, major confluxus Studiosorum has impensas facile refarciret: Immen-
sos enim fructus illa res præstaret, multisque laboribus, molestiis & impensis stu-
diosam juventutem sublevarer. Alios quoque etiam illiteratos curiosiores alliceret,
unde multis accessionibus tale Theatrum augeri possit, & tota rerum universitas in
unam domum compacta spectatoribus exhiberi. * Sed in mechanicis artibus con- 42
sultius fortassis esset ipsos adire opifices. Cum enim instrumentorum natura ex
usu ipso rectius discatur, ipsa illa applicationis *αυτοψία* plus informabit. Promise-
rat & Beccherus *Methodum Mechanicam practicam*, qua ope decem Axiomatum Me-
chanicorum omnium opificiorum praxin docere velit, & brevi quidem tempore;
ita ut accuratius ipsis opificibus sciant, ac intra anni tempus multas artes mechan-
icas simul discant Studiosi; de quibus tamen nihil comparuit. Et talis Theatri in-
tuitu improbabat Comenii Orbem Pictum Beccherus, qui tamen theatri hujus de-
fectu suum quoque usum haber.

Atque hæc Schola Naturæ & Artis intellectui perficiendo in scientiis & appre- 43
hensione ac dijudicatione inserviret. *Actionum humanarum Schola* ad prudentiam for-
mandam subsidia subministraret, eaque per actiones theatricas instituenda. Morosi
enim sunt & inepti homines, qui juventutem ab his exercitiis arcent, aut omnem
Theatri usum, cultioribus gentibus familiarem, e Republica tollunt. Ut in Repu-
blica Comædia schola populi est; ita in scholastica juventute Schola actionum per
theatricas actiones proponi potest. Longe firmitus hærent in animo exempla
virtutum per actionum simulacra præposita, atque illa ipsa actio characterum mo-
ralium & civilium lineamenta in animis teneræ juventutis ducet, ne postea in con-
versatione stipites sint, aut in alium sibi orbem delati videantur. Posset in his ordo
quidam observari, ut quæ Philosophiæ moralis & civilis præceptis velut theoreri-
ce exhibentur, ex historia per actiones exemplares in theatro proponantur. * Co- 44
menius Philosophorum historiam hac ratione discipulis inculcari volebat: qui &
pro specimine Diogenem Cynicum in theatrum produxit. Idem quoque Januam
suam in ludos Comicos communicavit, merito hoc suo consilio explosus a Becche-
ro: nam in rerum apprehensione simplex & bene ordinata doctrina requiritur, ad
quam Comædia, quæ non nisi actiones repræsentare apta est, nihil plane per se con-
ferre potest. Quare prudentes Scholarchæ inter operas Scholasticas exercitatio-
nes illas theatricas non tantum non improbarunt, sed ipsi præceperunt. * Ipse 45
quoque Verulamius, vir autoritate sua & sapientia *Πολλῶν ἀντάξις ἄλλων*, cum in
libro de Augmentis scientiarum, de arte Pædagogica agit, actionem illam theatra-
lem *lib. 8. cap. 4.* vehementer commendat.

ARTE LULLIANA SIMILIBUSQUE INVENTIS.

- §. 1. Continuationis series. 2. Cardani ars Inventiva ex Logica petita. 3. Aristoteles usum Categoriarum primus ostendit. 4. Raimundi Lullii studia. 5. Lulliana artis inventio. 6. An ex Arabico libro illa descripta? 7. Petri Montui testimonium examinatur. 8. Verulamius eam artem contemnit. 9. Berneggeri, 10. Keckermanni, 11. Hamelii, 12. Sorelli iudicium. 13. Quenam arti isti objiciantur. 14. Autor artis hujus olim contemtor nunc. nullius de ea judicat. 15. Potest ea in quibusdam emendari. 16. Respondetur. ad objecta. 17. In quibus ars hac versetur. 18. Artis abusus non tollit usum germanum. 19. Artem negligere magna quandoque ars est. 20. Loci Oratorii non raro Oratorem movent. 21. Suo exemplo id probat Autor. 22. Cardani momentum de inventione. 23. Typus artis Lullianae recensetur. 24. Consistit in circulis varie inter se conversis. 25. Autores, qui eam defenderunt ac Commentariis illustrarunt, recensentur, Alstedius, 26. Joh. de Riera, 27. Bernhardus de Lavinheta, 28. Paulus Scalichius, 29. Jordanus Brunus, 30. Petrus Gregorius Tholosanus, 31. Cornelius Agrippa, 32. Julius Pacius, 33. Claudius Clemens, 34. Sebastianus Izquierdo, 35. Petrus Hieronymus Sanchez de Lizaraco, 36. Aug. Nunez Delgadillo, Petrus de Guevarra, 37. Jaimus Januarius, Franciscus Marzal, Petrus Cirvelo, 38. Nicolaus de Hauteville, Ivo Capuccinus, 39. Cornelius Gemma, Egidius Moncurtius, Joh. Henricus Bisterfeldius, Petrus Morestellus, Christ. Kriegsmannus, 40. Joh. Henricus Alstedius, 41. Athanasius Kircherus, 42. Defectus Lullianae artis ab illo notati. 43. Caspar Knittelius. 44. Variæ praxès ab illo præposita. 45. Ejusdem Analogica. 46. Emanuelis Thesauri Index categoricus. 47. Defectus septem artis Lullianae notati. 48. Ars Lulliana a Kircherò emendata perfectior. 49. Knittelii tabula combinatoria ejusque usus. 50. Ejusd. variæ artes & arcana. 51. Jani Cacilii Frey Via ad artes. 52. Uldarici Staudigl Logica Practica. 53. Lulliana prædicata quomodo ad prædicamenta reduci possint. 54. Jordanus Bruni Artificium perorandi commendation. 55. Alstedii consilium de copia rerum & verborum. 56. Pluribus recensetur. 57. Nova Eloquentiæ methodus Anonymi. 58. l' Oeuvre des Oeuvres de Jean Belot. 59. Vinc. Placcii Excerpta Rhetorica. 60. Ejus de inventione oratoria iudicium. 61. Leibnizii Dissertatio de arte combinatoria laudatur & recensetur. 62. Breissaci rota pro consilio militari. 63. Quirini Kublmanni ingenium jactabundum. 64. Portentose artes & libri a Kublmanno beneficio artis suæ novæ Combinatoriæ elaborandi recensentur. 65. Idem Pandectarum juris civilis methodum artificiosam, subtilem, promittit. 66. Ejusd. de Kircheri Arte Combinatoria iudicium. 67. id. de arca artium Kircheriana. 68. Magna de rotis suis Combinatoriis

natoriis jactat. 69. Arcanum Steganographicum rejicit. 70. sqq. Lexicon universale harmonicum, & alia plura promittit. 78. De illis omnibus quid tandem judicandum sit. 79. Lullianus terminos ut sibi quis familiares reddat, non dissimuletur. 80. Francisci Pomey artificia Inventionum. 81. Alexandri Fichti Consilium de arte Lulliana. 82. Quando illa utiliter adhibenda.

Diximus superiori capite multa de Logices ad judicium dirigendum subsidio, quodque ex ejus fontibus quidam generalem rerum διατριπασιν pro usu tali moliti fuerint. Produximus e Verulamio, quæ ille de arte inventiva, tum argumentorum tum artium ipsarum, veræ Logices propagine, sed hæcenus desiderata, proposuit; * de qua tamen jam tum Cardanum animo quædam agitalle accepimus: nam Fr. Bonivius in prefatione Tractatus de ratione docendi hæc habet: *Non me fugit, Cardanum de artis cujuspiam inventione, quam ille Logicam appellabat, gloriatum sapius fuisse, qua possent omnes artes jam inventa addisci, ac nondum inventa excogitari. Ubi hæc jactet Cardanus, equidem non memini. In libro unico de Secretis cap. 9. ubi plurimos secretorum libros recenser, secundum librum eorum agere ait de specialibus modis libros conficiendi, & de propria cujusque disciplinæ Logica. Confectus est, inquit, hic a me & vocatur Dialectica. Ea, sed admodum brevis, extat in tomo I. Operum a Naudæo editorum. Agit hic quidem de inventionibus artium, & quidem ad ductum Galeni, qui de eodem argumento aliqua scripsit; sed exigua illa sunt. De libris conficiendis pauca quædam monet. Ostendit etiam, quomodo e Logica orta sit ratio profuturi extemporanea, cujus exemplum ostendit in textuum Hippocratis explicatione, gloriaturque, se hoc munus non solum recte, sed & cum non parva admiratione præstitisse. Concludit denique, nullam disciplinam esse, quæ non ex communibus Dialectices præceptis tota possit resolvi, & quod multa ejus beneficio indagari secreta possint. Liqueat, inquit, ab hoc libro (Dialecticam intelligit) neque pauciora neque minus insignia responsa petere licere, quam a præstanti aliquo Damone. Nam homines ex sensibus, speciebus cognoscunt: Damones ex concursu generalium affectuum, ut quod hoc tempore, loco, conditione, qualitate, ætate, temperatura, moribus, hæc contingunt, quæ nulli alii evenire poterunt. Unde secunda eorum cognitio. Sic & ex hac arte ad speciales substantias & individuas vocatas, tum effectus & eventus descendere licebit. Conjungi cum hoc ejus libro Tractatus ejus de Inventionem potest, qui in tom. 10. habetur.*

Ad meditandi, differendi, amplificandi, usum jamdudum quidam aliqua excogitarunt, quæ e Logicorum fontibus hausta; etsi ut novas aliqui artes proposuerunt. Fallor, an ipse Aristoteles occasionem illis inventis dederit, cum Rhetoricor. lib. 2. cap. 7. §. 11. agit de amplificandi beneficio, cum ita ait: καὶ περὶ ἀνάσας τὰς κατηγορίας οὐκ ἔστιν. ἢ γὰρ χάρις ἐστὶν, ἢ ἐπὶ τοῦ, ἢ τοσούτῳ, πότε, ἢ τοιούτῳ ἢ πᾶ. Ac perlustrande sunt animo omnes categoria: Spectatur enim beneficium re ipsa, magnitudine, qualitate, tempore, loco. Ex prædicamentorum enim fontibus illa διατριπασιν de-

promitur. Quare non tam ipsius *Emmanuelis Thesauri*, in libro suo Italica lingua scripto *Canoechiale Aristotelico, seu de ingeniosa elocutione*, inventum est tantopere illi de-prædicatus Index Categoricalis, quam ipsius Aristotelis. De hoc prædicamentorum usu videatur Sturmius in libro *de resolvenda lingua Latina*, Jodocus Willichius libro *de copia verborum & rerum*, Winckelmannus in *Horto & arbore Philosophica* pag. 135. Sed de hoc Prædicamentorum usu in sequentibus plura.

- 4 Videbat hos defectus in indagatione rerum vir suo tempore ingeniosissimus variisque occultioribus scientiis magnum nomen promeritus RAIMUNDUS LULLIUS, e nobili apud Majoricanos familia oriundus: cumque philosophica studia eo tempore non adeo essent excultra, ac in Latina Græcæque lingua mera barbaries regnaret, magnam tamen ille rem ausus est, cum hæc consilia animo agitarer, quæ
- 5 nemini isto tempore facile in mentem venissent; * nam in cretum, ut ipse ait, secessit, ut eo melius his speculationibus vacaret, divinam etiam revelationem, ut præ-
- 6 tium rei conciliaret, jactans. * Quæ etsi conficta videntur, non induci tamen possum, ut credam, quæ e Petri Montui libro *de unius legis autoritate lib. 5. cap. 5.* adducit Gabriel Naudæus in *Apologia Hominum Magie insimulatum cap. 11.* ex Arabe Abezebron manifesto plagio omnia cepisse Lullium: nam Naudæus in Lullium eo in
- 7 loco præter rationem iniquior est, ac alia manifesto falsa de illo refert. * Quid vero Petrum Montium, ut hæc scriberet, impulerit, ignoro. Nam Lujus sententiæ rationes nullas adductas video, neque unius viri fide recipi illa possunt, qui forte Arabica non legit vel intellexit, vel plane talia confinxit; cum & ipse Lullium
- 8 totamque illam artem contemptui habeat. * Acerbior quoque in Lullium ejusque artem Verulamii censura est, qui *de Augm. Scientiar. lib. 6. cap. 2.* circa finem, vocat *Methodum Imposituræ*, quæ quibusdam ardelionibus procul dubio acceptissima fuerit. *Methodus*, inquit ille, *scientiæ alicujus guttulas aspergit, ut quis sciolor specie nonnulla eruditionis ad ostentationem possit abuti.* Talis typocosmia nihil aliud fuerit, quam vocabulorum artis cujusque massa & acerbus ad hoc, ut, qui voces artis habeant in promptu, etiam artes ipsas
- 9 perdidicisse existimentur. Hujus generis collectanea officinam referunt veteramentariam, ubi præsemina multa reperiuntur, sed nihil, quod alienus sit pretii. * Extrat & proxima in illam artem Berneggeri declamatio, *Oratione de paranda doctrinæ modis illegitimis*, quæ
- 10 est inter Orationes ejus secunda. * Parum quoque honorifice de eo judicat Keckermannus in *Præcognitis Logicis Tractat. 2.* ubi de variis suæ & superiorum ætatum Scriptoribus Logices judicat, unde pleraque illa, quæ adversus eam artem dixerat Berneggerus, *αυτοεξέτα*, quod in viro doctissimo miratus sum, descripsit.
- 11 * Hamelius in *lib. 3. de mente humana cap. 2. §. 3.* idem in illis locis Lullianis vitium agnoscit, quod in Dialecticis; quod fontes nimis generales præbeant, in quos qui animum intendar, non corpori prospicere, ex Fabri judicio, ait, sed
- 12 abrupta quædam, ut forte ad manum venere, jaculari. * Sorellus in libro *de perfectione hominis tractat. 4.* multa de hac arte, cujus ille summam recenser, sed simul demonstrare laborat, mancā eam esse & mutilam, neque illa, quæ sibi propo-

proposuit, exhauriri omnia. * Quod si omnium istorum, quæ adversus illam artem dicuntur, summam colligas, ad hæc capita facile reducuntur. 1. Quod omnium scientiarum principia misceantur, quæ ad illam generalitatem non possunt reduci. 2. Quod loci communissimi sint, quorum non sit adæquatus in dicendo usus; cum in qualibet oratione ea rem consiciant, quæ e propioribus argumentis petuntur. 3. Quod ordo non sit accuratus, & in multis ille concinnior dari possit.

Primum quidem non nego, fuisse & me inter illos quondam, qui hanc artem contempserunt, ac pro levi & futile commento habuerunt. Verum cum postea non spernendum ejus usum animadverterem, multosque, qui Lullianam artem insectantur, de aliqua arte inventiva generali tamen sollicitos viderem, atque adeo non tam rem ipsam, quam Lullium, contemnere, honestius de illa arte mihi judicandum duxi. Præsertim cum viri magni nominis, ac Philosophiæ etiam Peripateticæ addicti, non solum summe commendarent, sed etiam Commentariis uberimis illustrarent. * Ac primum quidem non contendam cum aliquo super eo, an non forte in quibusdam emendari illa Lulliana commenta possint, & accuratior ordine deduci: neque barbarum ejus dicendi genus negabo: non enim in elegantioribus literis illi ultra ætatem suam sapere licuit. Quare & Scioppius libro de stylo historico illum vocat *lululentum & ineptum Scriptorem, sed tamen portentosi acuminis*. * Sed illa nunc seponenda sunt, neque, ubi de rebus ipsis agitur, attendenda. Ea vero, quæ adversus rem totam afferuntur, minime ejus momenti sunt, ut illius inventi rationes evertant: nam principia scientiarum in unum quasi chaos confundi, inepta querela est; quod fieri oportet, cum tale aliquod *ὄργανον* generale quæritur. Neque confunduntur illa; sed suis generalibus terminis satis distinguuntur. Atque ita fieri sane debet, si ad praxin descendit Logica, atque suum instrumentum ceteris scientiis applicabit. Non enim instrumentum a sua materia divelli potest. Quare & nuper recentior aliquis Scriptor sub *Logices Practicæ* titulo hanc artem proposuit. * Tota hæc ars versatur in Subjectorum & Prædicatorum connexionem. Ut vero subjecta per omnes disciplinas, ita & prædicata per illas vagari debent. Interim tamen suas sibi res salvas habent ceteræ disciplinæ, quæ suis quasi tribubus distinctæ, *ειρέναι* retinent principia. Neque is hujus artis scopus est, quem nonnulli, ac fortasse ipse Lullius, inepte jactat, quasi una illa Encyclopædia omnium sit, illisque rejectis una hæc instar omnium esse possit: præcipuus enim artis hujus usus in dicendo se exerit. * Esto & hoc, inepte in illius artis applicatione versari nonnullos, qui communissimis & forte fortuna oblati utuntur, quod Hamelius aliique objiciunt, atque ita temerariam aliquam loquacitatem, non veram eloquentiam formari; tamen nec hoc genuinum ejus artis usum tollit. Quemadmodum neque Locorum Dialecticorum usus rejiciendus est, quod illis aliqui non recte uti norint. Ipsa illa Enthymemata Rhetorica Aristotelis, quæ maxime *ειρέναι* sunt, & magno numero ab illo proponuntur, nisi incidant in bene subactum judicium, quod delectum in illis instituere novit, in futilem aliquam loquacitatem cedent. Artifex vero ea, quæ rebus insunt, quæque *ἐπαίχοντα* causæ sunt, minime

- negligenda sibi & quam plenissime proponenda existimat. Tis nugatoribus, qui ad extemporalem loquacitatem bonis præceptis abutuntur, bonam mentem præcor. De cetero non aliter hæc doctrina comparata est, ac multæ aliæ. * Multa sunt, quæ ad artis regulas revocari posse, dubium nullum est: si tamen arti nimis inhæreas, insuavia omnia fient, & nonnunquam inepta. Argutiarum aliqua ars est; sed si secundum illam semper dirigantur, frigidus interdum videberis. Habet aliquid naturæ impetus impervestigabile, quod nescio quomodo ad regulas alligari se non patitur; ipsum tamen, etiam si non observaveris, ad artis regulas quam optime factum deprehenderetur. Sed natura ipsa quasi omni arte superior per exempla & specimina sua arti regulas subministrat. Prolixus est in hoc demonstrando Autor *artis cogitandi part. 3. cap. 17.* qui tamen ea re ad locorum vel Dialecticorum vel Lullianorum inutilitatem probandam abusus est. Etsi enim non semper ad tales locos recurrant Oratores, etsi quidam etiam inepte iis utantur; tamen in illis eloquentiæ perfectio efficit, ut non attendant; hi inscitia
- 20 sua artis auctoritatem non everrunt. * Esto, non cogitare Oratorem de his locis, quemadmodum illi, qui ambulant, non solliciti sunt, quomodo motus in articulis exciretur: est tamen sæpe, ubi locus Oratorem monet, si forte alicubi hæreat, ut in Bibliotheca plures secundum ordinem rerum dispositi Scriptores suggerunt, quæ sine hoc subsidio in mentem non venissent. Sed iudicii boni est seligere ex
- 21 illo acervo, quæ sunt optima. * Sæpe hoc mihi evenit vel carmen vel orationem scribenti, ut dum *ὑποχρεῖται* ejus animo perpendo, infinita propemodum per omnes *κατηγορίας* & generalium attributorum classes eunti sub manu nascantur, unde paucissima in usus meos excerpo: plerumque tamen sine operosa cogitatione mentisque deductione illa mihi succurrunt, suntque in iis optima, quæ prima, & ingenii prævenientis *εὐχρησµὰ* citra notabilem locorum *ἀναγκαστὶν* suggeruntur.
- 22 * Unde verum deprehendo, quod Cardanus libro *de Inventione* dicebat, inventionem potentia esse infinitam, actu finitam. Nam subsistendum in aliquo præcipuo est, ne infinite mens nostra vagetur, quod interdum statim illa occupat, interdum anxia indagine quærit ac investigat.
- 23 Typus hujus artis in eo consistit: Primum duos circulos subjectorum ponit Lullius, majorem & minorem. Ille continens & immobilis dicitur domicilium substantiarum, & generalia hæc subjecta ordinar, 1. Deum. 2. Angelum. 3. Cælum. 4. Hominem. 5. Imaginativum. 6. Sensitivum. 7. Vegetativum. 8. Elementativum. 9. Instrumentativum. Subjectum instrumentativum consideratur vel naturaliter, vel moraliter. Naturaliter consideratum habet in se novem prædicamenta accidentis: unde efficitur alter circulus subjectorum, minor contentus & interdum mobilis, sedes accidentium, in quo 1. Quantitas. 2. Qualitas. 3. Relatio. 4. Actio. 5. Passio. 6. Habitus. 7. Situs. 8. Tempus. 9. Locus. Instrumentum moraliter consideratum, prout conjunctum est vel cum virtute vel cum vitio, novem numerat virtutes totidemque vicia. His terminis *πάντα τὰ κατὰ καὶ ὄντα* subsunt. Hos subjectorum circulos excipiunt circuli Prædicatorum. Prædicata vero vel sunt absoluta, vel respectiva sunt

sunt 1. *Bonitas*. 2. *Magnitudo*. 3. *Duratio*. 4. *Potestas*. 5. *Appetitus*. 6. *Virtus*. 7. *Veritas*. 8. *Gloria*. Habet vero hic circulus in pleno triangulum, in quo resident termini generaliores, *Essentia*, *Unitas*, *Perfectio*. Illis prædicatis generalibus specialia longo ordine, tam cognata, quam repugnantia subterni possunt, quæ leguntur apud Petrum Gregor. lib. 3. *Syntax. artis mirabilis*, & Alstedium, in *clave artis Lullianæ*. Respectiva prædicata sunt, 1. *Differentia*. 2. *Oppositio*. 3. *Concordantia*. 4. *Principium*. 5. *Medium*. 6. *Finis*. 7. *Majoritas*. 8. *Minoritas*. 9. *Æqualitas*. Quæ & ipsa speciales terminos continent, quorum non contemnendus in amplificationibus usus est, qua de re suo loco. Additur circulus compositus ex questionum formis, quarum beneficio subiecta prædicatis suis copulantur, ut formari ex iis conclusiones possint, suntque hæc 1. *Utrum*, referens se ad Possibile. 2. *Quid*, ad Quidditatem. 3. *De quo*, ad materialitatem. 4. *Quare* ad Causalitatem. 5. *Quantum* ad Quantitatem. 6. *Quale* ad Qualitatem. 7. *Quando* ad Tempus. 8. *Ubi* ad Localitatem. 9. *Cum quo*, ad instrumentum vel modum. * Atque ex his circulis varie per rotas inter se conversis omnia illa, quæ vel disputando vel dicendo quærimus, eruuntur: ut in ipsis illis Autoribus, qui artem Lullianam Commentariis illustrarunt, prolixius legi potest. Lullius ipse scripsit *Artem brevem & magnam Inventivam, Demonstrativam, Artem mixtionis principiorum*, librum *de Auditu Cabalistico, Arborem scientiæ*. 24

Non defuerunt inter Philosophos, qui artem illam ambabus, quod ajunt, manibus amplexi fuerunt, operososque in eam Commentarios scripserunt, non pauci tamen ut rem anxie & obscuræ diligentie damnarunt: e quibus Keckermannus supra nobis nominatus fuit, quem diligentissime refutavit Alstedius in *Clave Artis Lullianæ cap. 4.* * Extrat & JOH. DE RIEKA Tractatus, in quo responderet omnibus, quæ hucusque objecta sunt doctrinæ Raimundi. Artis Lullianæ usum per omnia disciplinarum genera, Logicam, Rhetoricam, Physicam, Mathematicam, Mechanicam, Medicinam, Metaphysicam, Theologiam, Ethicam, Jurisprudentiam, barbara quidem dictione pro sui seculi genio, sed magna tamen cura, nec spernendo ingenii acumine, ostendit. * BERNHARDUS DE LAVINHETA, cujus Opera, rejectis illis, quæ ipsi aliena a scopo hoc videbantur, Coloniae Anno 1612. recudi fecit Joh. Henricus Alstedius. Varie autem a multis & interpolata & illustrata sunt illa Lulliana. * PAULUS SCALICHIUS DE LIKA Comes Hunnorum S. Theol. Doctor, ac postea Electoris Brandenburgici primarius Confiliarius, inter cetera Opera *Epi- stemonis Catholici* libros edidit: ubi libro 12. agit de *revolutione Alphabetaria sive perfectissima ad omne genus scientiarum methodo*; hanc quoque Lullianam doctrinam explicare laborat; sed plusintricare videtur, dum Cabalisticis subtilitatibus miscet, in terminis etiam reducibilibus eorumque oppositis discrepare a Lullio aliisque videtur. * JORDANUS BRUNUS Nolanus, vir ingeniosus, ut ex ejus libro de *Universo & Mundis* patet, & meliore fato dignus, aliqua ad hujus artis dilucidationem scripsit; quæ inter est ejus liber de *progressu & lampade venatoria Logicorum* Anno 1597. editus, & alius de *Specierum scrutinio & Lampade Combinatoria Lullii Doctoris Eremitæ omnisfci prope-* 29

- modumque divini, Pragæ 1588. editus: in cujus præfatione promittit, se propediem sub titulo *Lampadis Cabalisticæ* aliquid permagni momenti in lucem producturum, quod vir ille divinus sub inscriptionibus Auditus Cabalistici & Septemplex arboris
 30 oculaverit & obsignarit: quod, an lucem viderit, ignoro. * PETRUS GREGORIUS THOLOSANUS Jctus & Academiæ Pontimusiæ Professor, *Syntaxin artis mirabilis* ad Lullii methodum quidem scripsit, sed de arte ipsa nihil apud illum habetur. * CORNELIUS AGRIPPA *Commentarios* uberrimos in eam artem scripsit, ita
 31 tamen, ut magis intricare videatur, & in libro *de vanitate scientiarum* eodem cum ceteris omnibus loco habeat. * JUL. PACIUS, optimus ille Organi Aristotelici editor, libris quatuor artem Lullianam emendavit, qui Valentia Anno 1618. in 8. editi
 32 sunt. * CLAUDIUS CLEMENS, Burgundus, *Prodromum Scientiarum Artiumque liberalium* scripsit, ad *Peripateticæ Scholæ & Cabalisticæ doctrine* (ut titulus habet) purissimos fontes revocatum, Venetiis Anno 1651. editum, qui tamen eo in libro intra *Logicæ* se terminos tenet. An illum *Prodromum* alii sint secuti, ignoro. Sed hac ratione tri-
 34 carum nullus finis erit, si scholasticæ minutia cum Lullianis illis misceantur. * SEBASTIANUS IZQUIERDO *Pharum* quoque *Scientiarum*, vastum librum, edidit, in quo artis hujus campum latissimum ostendit, in quo *de combinatione* aliqua addidit,
 35 quæ ingenio non destituuntur. * Ex Hispanis Anno 1612. & 1619. Turiasone in 4to edidit PETRUS HIERONYMVS SANCHEZ DE LIZARACO, Arragonius, Decanus & Canonicus Ecclesiæ Turiasonensis *Methodum generalem & admirabilem, ad omnes scientias facilius & citius addiscendas, in qua Raimundi Lullii ars brevis explicatur, & multis exemplis variisque questionibus ad praxin, quod nunquam factum legitur* (sic enim titulus habet) *apertissime reducitur*. Idem, teste Nicolao Antonio, *Artem magnam* similiter explicatam, aliosque plus, quam triginta diversarum rerum tractatus, prælo, quod propriis sumptibus domi instruxerat, propediem subiecturus erat, nisi mors
 36 editioni curæque intercessisset. * Hispanica lingua de hac arte scripserunt Augustinus Nunez Delgadillo, Petrus de Guevara, & Joannes Arce de Herrera Apologiam pro
 37 Raimundo scripsit. * Jaimus Januarius superiore seculo *Artem Artium Raimundi, & Franciscus Marzal Artem generalem illustratam, Petrus Cirvelo itidem Artem Raimundi* scripserunt. Raimundi Lullii libri ipsi cum Jordani Bruni, Agrippæ & Valerii de Valeriis *illustrationibus* junctim editi Argentorati in 8. 1617. * Gallica lingua hanc artem quoque proposuit Nicolaus de Hauteville libro, cui titulus: *Art de discourir*, Paris. in 12. Anno 1666. Extrat & Ivonis Capuccini, Parisiensis, *Digestum Sapientiæ* tomis 3.
 39 in folio. * Ab aliis laudatos libros, Cornelii *Gemma Cyclognomica* tribus tomis Antv. 1659. edita; *Aegidii Moncurtii Typum omnium scientiarum* in 8. Lugd. 1591. editum; *Bisterfeldii Phosphorum* Catholicum seu *Epiromen artis* meditandi; *Petri Morellalli Encyclopædiam* ad *Artem magnam* Lullii, Lugd. in 8. 1616. editam; *Christ. Kriegsmanni Pantosophiæ* sacro-prophanæ, a Raymundo Lullio in artem redactæ, ab ipso eliminatæ ac locupletatæ *Tabulam*, Spiræ in 8. 1671. editam; nec vidi, nec legi.
 40 * *Alstedii Clavem Artis Lullianæ & veræ Logices*, Argent. 1610. in 8. editam, jam supra nominavi, qui magnus Lullii hyperaspistes est. Idem quoque *Criticum* scripsit

psit de Harmonia Philosophic Aristotelico Lullianæ & Ranceæ; Herbornæ in 8. 1610. editum. * Saltavit & in hoc theatro ATHANASIVS KIRCHERVS, centum ille 41 doctor artium, qui artem magnam sciendi seu combinatoriam scripsit, Amstelodami 1669. in fol. editam. Opere hoc artem illam Lullianam reconcinnare voluit, quæ & inde Kircherio-Lulliana dicitur. * Defectus aliquos in illo emendare, no- 42 visque exemplis illustrare laborat, multa alia extemporalis eloquentiæ & poëseos parandæ *τεχνήματα* venditans; qua de re etiam alii ante illum cogitarunt. Raro enim in via ab aliis non trita ambulat: sed hæc inepta sunt, & ad futilem ac inanem pompam commenta, de quibus nos suo loco. * Compendium 43 aliquod artis Lullio-Kircherianæ CASPAR KNITTELIVS c Soc. Jesu proposuit in libro, cui titulus: *Via Regia ad omnes scientias & artes, b. e. Ars Universalis scientiarum omnium artiumque arcana facilius penetrandi*. Liber Pragæ editus in 8. Anno 1682. & Anno 87. recusatus. Multa in illo libro promittuntur singularia arcana. * Primum de arte combinatoria agit, monstratque, quoties inter se 44 numeri, literæ, res, propositiones combinari, & ipsarum combinationum combinationes inveniri possint: quod ille inventionis artificiosæ in scientiis humanis unicum instrumentum vocat. Hac arte omnes figuras earumque modos in Logica, omnes primarum qualitatum combinationes in physicis inventas ait. Eo beneficio Kircherus *Musarithmicam* suam, qua quilibet Musicæ imperitus ad componendi notitiam pervenire possit; item *Polygraphicam Universalem*, qua quis uno tantum idiomate instructus cum omnibus totius orbis nationibus literarum commercium instituere possit; tum *Arcam mathematicam*, qua imperitus ad quævis recondita mathematica respondere possit; deinde *Artificium linguarum, palmarum arcule inclusum*, in quo omnes rotius mundi linguæ ad unam reducuntur; nec non *Artificium rhetoricum & poëticum*, quo quisque etiam Oratoriæ & Prosodiæ rudis orationem & Carmina ex tempore scribere possit, & plurima alia, invenisse dicitur. Verum, quod ad linguarum artificium attinet, hujus inventi primus Beecherus autor fuit, qui ante Kircherum *Characterographiam Universalem* scripsit, ac artificium illud poëticum aliquis Webbius, Anglus, dudum ante Kircherum exposuit; de quo nos suo loco. * Agit porro de arte Analogica, quæ 45 sane non spernendum usum habet. Comprehenditur illa vero arte ea intellectus operatio, quæ, quod Subiecto convenit uni, per analogiam tribuitur alteri, ac fundamentum omni inventioni argutæ subministrat. Izquierdo Translationem vocat. Ejus usus magnus in artibus ac experimentis inveniendis est; quod & Verulamius multis exemplis in *Novo suo Organo* & libro de augmentis scientiarum notavit. * Pro usu poëtico & oratorio in meditando & argutiis 46 adhiberi commodissime præcepta Emanuelis Thesauri possunt, ejusque Index Categoricalis. Agit de Hebræorum Cabala, ac Pythagoræorum prædicamentis, quæ ut obscura ac inutilia rejecit. * Hinc de Categoriarum seu Prædicamentorum & Locorum Dialecticorum usu agit, & ad artem Lullianam procedit, cujus defectus VII. notat 1. quod per unam literam plura significet Lullius

- (quod ego illum, nec sine ratione, consulto fecisse autume) 2. quod memoria excellentissima illa vix teneri possint. 3. quod impossibile sit, in hac arte quidpiam præstare, nisi quis jam ante in scientiis versatus sit. (Et hoc ego non pro defectu habeo, sed pro necessario requisito præsuppono, ut ipse Autor in sequentibus p. 97. præsupponit: ad disputandi enim & dicendi finem ille artes primario inventæ sunt) 4. quod ars Lulliana non demonstret, quot sint combinationes seu conjunctiones possibiles ex terminis datis; (quod ut supervacuum ego consulto prætermisisse puto) 5. quod non agat de quaternariis ac de quinariis combinandis. 6. quod non rejiciat
48 combinationes inutiles. 7. quod stylus Lullii barbarus. * Tandem Artem Lullianam a Kircherio emendatam ut perfectiorem proponit. Illa vero consistit in eo emendatio, quod nova comminiscatur Alphabeta, aliis literarum formis alioque ordine, quæ mihi res exigua videtur. Deinde terminos enumerat, ad prædicata tam absoluta quam respectiva, reducibiles: sed ad certum numerum non reduxit; quod tamen ante ipsum fecit *Petrus Gregorius Tholosanus*, qui sub unaquaque litera & cognata & repugnantia collocavit. Differit porro Knittelius de hujus artis usu, qui major sit in libris scribendis, quam in argumentatione subita inveniendâ, quæ multam exercitationem requirat; in probandis & oppugnandis quibuscunque propositionibus
49 quarumcunque scientiarum. * Subjungit Tabulam Combinatoriam, in qua per artem combinatoriam principia tam absoluta quam respectiva Lulliano-Kircheriana ita disponuntur, ut ea, quicquid in humanarum divinarumque rerum scientia lateat absconditum, erui possit. Ejus usum per definitiones, divisiones, probationes, oppugnationes deducit, variisque exemplis, Theologicis, Juridicis, Medicis, Mathematicis, Chymicis, Metaphysicis, Politicis, Moralibus, Rhetoricis, Poëticis, Mechanicis illustrat. * Addit ultimo varias praxes & arcana, ut vocat, quomodo de
50 quacunque re proposita statim librum concipere & in capita dividere, de quacunque re ex tempore disserere, argumentari, librum facile memoria retinere, de quocunque themate orationem formare, orationem mentalem per horam, dies & septimanas protrahere, rem quamcumque describere, per apologos & fabulas proponere, Emblemata & Hieroglyphica invenire, cum Grammaticis primordiis philosophiæ naturalis & moralis mysteria addiscere, ingeniose ex libris furari, de quacunque re historias expedite scribere, adversaria de quacunque re facere, majorem librum expedire in compendium redigere, Locos Communes, tum pro disserendo, tum pro memorando, quocunque proposito themate in corpore nostro velut stigmata circumferre, de quacunque materia consilia dare, omnes argutias ad unam regulam reducere, assumptum
51 thema in infinitum multiplicare, ex falso rem demonstrare, quidlibet per quidlibet probare, possumus. * Quædam ex illis arcanis jam tum JANVS CÆCILIVS FREY in *Via ad scientias, linguas, sermones extemporaneos nova & expeditissima*, libro Parisiis primo edito, & Jenæ ac Arnstadiæ reculo Anno 1674. docuit, qui & titulum libro Knitteliano commodasse videtur. Ejus tamen mentionem a Knittelio factam non
52 memini. * Superiore An. 1686. quidam UDALRICVS STAVDIGL, Benedictinus, Romæ edidit *Logicam Practicam*, quam & Nobilium Logicam vocat, seu omnium scientia-

scientiarum ac artium organum universale, cui in multis cum Knittelio convenit: nam & de arte combinatoria & arte Analogica agit, & præterea multa immiscet, quæ etiam a Knittelio adducuntur. Partes duas hujus suæ Logicæ facit, primam Theoreticam, alteram Practicam. In prima de prædicabilibus, prædicamentis, eorumque tabulis & divisionibus; item de enunciationibus & syllogismo agit. Parte altera agit 1. de Quæstionibus, 2. de Methodo, 3. de Terminis Reducibilibus ad sua prædicamenta, 4. de Dialectica, 5. de arte Analogica, quam explicatius Knittelio proponere videtur: considerat enim Analogiam per comparisonem Substantiæ ad Substantiam, Substantiæ ad accidens, Accidentis ad Accidens. 6. de arte Combinatoria. In eo tamen differt hic a Knittelio, quod pleraque, quæ Knittelius ad Locos Lullianos, ille ad usitata illa Prædicamenta deducat, atque secundum eorum ordinem praxes suas instituat: quod feliciter sane illi succedit, & supra nos ex ipsius Aristotelis consilio commendavimus, & suo loco pluribus eorum usum ostendemus. * Ac possunt sane omnia illa prædicata Lulliana ad prædicamenta reduci, nisi quod in iis prædicamentis, ut in Qualitate, Actione & Relatione, quorum usus in dissertando latius patet, speciales tituli ponantur; qui si per subdivisiones generalibus titulis suis subordinentur, eodem res redit.

Artem hanc Lullianam, quatenus ad Rhetoricam refertur, operosius, etsi obscuriuscule persecutus est, ac nova quedam amplificandæ orationis alphabeta invenit, JORDANUS BRUNUS ingenioso certe neque spernendo conatu, cujus non exiguus esse usus possit. Prodiit liber hoc titulo: *Artificium perorandi* traditum a Jordano Bruno, Nolano Ital. * Edidit Alstedius Francofurti Ann. 1612. qui in Consilio suo de copia rerum & verborum, quod cum Sadleri (Alstedii) omnium Facultatum & Studiorum Confusa Argentorati Ann. 1664. prodiit; ubi de orationis variatione per Alphabetum Lullianum agit; Schematisimum quoque Alphabetorum Jordani Brunum cum aliquot exemplis proponit. * Primum ille loca Enthymematum ad certa genera applicata ex Aristotele aliisque Rhetoribus, sed novo quodam modo interpolata, proponit. Parte secunda de copia verborum agit, illiusque artificium per sex Alphabetum tradit. *Primum continet terminos generales sub locis 26. dispositos, quorum omnia propemodum referri possunt, quæ dici de re aliqua solent. Secundum est Alphabetum Indumentorum, quæ vocat Autor, quod non spectant ad orationis materiam, sed tantum ad externam formam. Tertium est modorum, qui sunt velut colores, quibus indumenta imbuti & exornari possunt. Atque ista duo Alphabetum, secundum & tertium, combinantur. Quartum est Complicationis, quod certa quadam tabula combinatoria proponit, quæ notis per longitudinem & latitudinem ductis omnem variandi rationem ob oculos ponit: Alstedius se hanc variationis messem sæpe attonitum adspicere ait. Subjungit hic duo Alphabetum Practica, quorum primum secundum suos locos & titulos contineat formulas oratorias, alterum contineat terminos accidentales, ut notas interjectionis, subjunctionis, graduationis, relationis, differentiationis, continuationis, quæ ex prædicatis Lullii absolutis & respectivis suppleri possunt. * Et hæc quidem*

- quidem Rhetorica praxis non est spernenda profecto, ac multum habet usum, & nova eloquentia methodo, Rhetoricam Aristotelicam & Lullianam complectenti, simulque scientiarum generale seminarium aperienti (ita enim titulus habet) ab Anonymo Parisiis Ann. 1663. in 12. edita præferenda videtur: nam hic tantum præcepta Lulliana recoquuntur leviter mutata, & quasi in *συνέψις* exhibentur, ipsa vero praxis & applicatio ad
- 58 artem Rhetoricam omittitur. * Fuit & Gallus aliquis JEAN BELOT, qui in libro, cui titulus: *L'Œuvre des Œuvres ou le plus parfait des Sciences Stéganographiques, Paulines, Armezelles & Lullistes*, Lugduni An. 1654. in 8. edito, Dialecticum & Rhetoricum artificium secundum artem Lullianam, alia quadam ratione interpolatam, cum mirificis elogiis proposuit. Ejus beneficio ille orationes, conciones, citius quam pyrum vulpes comest, confici, confici, imo ex tempore haberi posse, gloriatur.
- 59 * Ceterum argumentorum & enthymematum omnium, quibus ad disserendum uti possumus, fontes & locos felicissime atque uberrime digessit Vir Clariss. VINCENTIUS PLACCIUS in *Excerptis illis Rhetoricarum Accessionum*, integre olim edendarum, una perpetuaque *διατυπώσεις* delineans, quicquid vel e locis Dialecticis ad Oratorem pertinet, vel Loci Communes & proprii Rhetorici Aristotelis, ac denique ipsa illa rerum series ac ingenium illi suggererunt: ut profecto merito gloriari possit, nihil apud ceteros inventionum fabros, quantum ad argumenta,
- 60 novi esse, quod non suis illis axiomatibus contineatur: * Et recte sane judicat, cum ait, *ad scientias non tam multitudinem questionum aut probationum, quam soliditatem definitionum, accuratiorum divisionum & membrorum singulorum suis essentialibus & propriis attributis insigniendorum subordinationem justam requiri: e tanto vero numero inventionum (ut latitant multa) utilia seligere summe difficultatis rem fore, nisi peculiari arte utilia ab inutilibus discernantur.*
- 61 Sollicitum ea res quoque habuit virum ingeniosissimum & præ ceteris omnibus tam intricato negotio parem GOTHOFREDUM GUILLIELMUM LEIBNIZIUM, qui in dissertatione *de arte combinatoria* Lips. Ann. 1666. in 4to edita, subtilissimas de hac arte observationes instituit. De arte Lulliana judicat p. 33. quod tota ejus methodus potius dirigatur ad artem ex tempore disserendi, quam plenam de re data scientiam consequendi. Defectus multos illic tum in terminorum numero, nominibus, combinationibus, ostendit; quorum medelam frustra a Kircherō speravit. Titulos subsectorum recte ordinatos ait. Laudat Joh. Henrici Bitterfeldi *Phosphorum Catholicum*, supra nobis memoratum; doletque ingenui viri Joh. Hospiniani Steinani Prof. Organi Basileensis, quem promiserat Libellum *de inveniendi & judicandi facultatibus*, in quo emendationem doctrinæ Topicæ paraverat, locosque recensuerat 180. maximas 2756. insigni rei Logicæ damno interiisse. In arte combinatoria ejusque novis regulis ac præceptis inveniendis multum laborat, usumque complicationum ac transpositionum per universum scientiarum orbem ostendit: nova quoque Artis Medirandi seu Logicæ Inventionis semina spargit. Nam in modis figurisque Syllogismi indagandis, discernendis, miram ille solertiam adhibuit. Inter alia quoque in Beccheri
- Poly-

Polygraphias artificio, supra nobis memorato, defectus notavit; hocque quondam ab Hispano illo, cujus meminit Digbæus *cap. 28. n. 8. de Nat. Cap. & Caspar Schottus in Technica Curiosa lib. 7.* consilium fuisse agitarum ait: quæ de re tamen apud Digbæum nihil extat. * Elegans quoque est illud Dn. de Breiffac inventum, quod ex 62 Harsdœfferi *Supplementis Schwenterianis part. 2. sect. 10. prop. 25.* recenset, qui omnia, quæ in re bellica attendere bonus imperator debet, ita complexus est, ut novem rotis ex papyro concentricis & se invicem circumdantibus, promota quacunque leviter rota, nova quæstio novaque complexio prodeat.

Multa nova, mirabilia; stupenda nobis inventa promiserat QVIRINUS KUHLMANNUS, Juvenis ingeniosus, sed *inductæ æqueos*, & nescio quo imperu agitatus, mirificus rerum suarum præco: quæ e longe accuratiore, quam vel Lulliana, vel Kircheriana, methodo, ac divinitus inspirata, profluxisse vendit: & extant quoque peculiæ ejus ad Kircherum de nova illa arte combinatoria Epistole. De Lullio tamen magnifice ille sentit. Legimus, inquit, Lullium & relegimus, Lulliumque in ipso Lullio, raro in Lullistis legimus. Nec miramur, tam paucos Lullium vix ac ne vix quidem cepisse, multos etiam sanctissimum hominem severioribus obeliscis pupugisse, quia illius lectionem interpretationemque sine afflatu lumineque divino fovere aggressi. * Ceterum in illis Epistolis mirifica 64 jactat, ac in Prodomo Quinquennii sui mirabilis hos librorum titulos enarrat, e quibus sunt: *Ars magna eloquentiæ solutæ & ligatæ*, universali methodo ad omnes Europæ populos directæ, quæ capitis loco Kircherianæ Combinatoriæ posset inservire; in qua innumerabilis & prope infinita verborum copia per lufum ingenii comparatur, ut quilibet de quavis re vel extemporalia carmina possit fundere, vel copiose, ornate, prompte ad stuporem usque disserere: *Ars magna sciendi*, in qua methodo plane admiranda omnes scientiæ proponuntur, ut aliquis hoc unico scripto confusus de omnibus rebus disserere possit; quod scriptum Artis Lullio-Kircherianæ pedes esse posset, & pro materia habebit Theologiam, Jurisprudentiam, Medicinam, Philosophiam, Philologiam cum artibus Mechanicis: *Ars magna scribendi*, qua via docebitur scientias augendi, & methodus facilis librorum, inanum excessum, utilium defectum cognoscendi, illum vitandi, hunc emendandi, tanta perfectione, ut nullus mortalium librum edere posset, quem non ista ars scribendi comprehenderet; nec ullus hominum tam insulso judicio præditus sit, qui hac institutione libros doctos, novos, utiles, omni rerum scientia plenos, levissima opera edere non posset: *Ars magna linguarum discendi*, qua felicissima instituendi methodus in Tomis duobus docebitur: *Ars magna commentandi*, sive commentarius, omnibus Criticis palmam gloriæ præripiens; & ad omne genus scriptorum Romanorum perfectissimus; quod unicum opus tot mille Criticos Philologosque ad unitatem reduceret: *Ars magna Critices*, viam accuratam ostendens de omnibus omnis generis Scripto-ribus judicium formandi & firmandi: *Ars magna, seu Harmonia Adagiorum* omnium populorum, Ebraeorum, Arabum, Græcorum, Latinorum, Anglorum, Italogum, Hispanorum, Gallorum, Belgarum, Germanorum &c. universali methodo ad gloriam usum-que

que omnium gentium eruta: *Ars magna Historia specialis Hominis, Status Politici, Ecclesiastici, Oeconomici Regnatoris.* Tomus I. debet continere totius vitæ, h. e. ingressi, progressi, egressi Synopsis, arte universali elaboratam; omniumque vitarum & rerum gestarum suarum Scriptores & imagines Cæsarum, Regum, Electorum, Ducum, Principum, Pontificum, Cardinalium, Comitum, Baronum, Nobilium, togata sagataque historia illustrium, omnium populorum Europæorum, antiquorum, neotericorum, mortuorum, viventium, ordine Alphabetico concinnatorum, cum tot specialibus indicibus, quot populi, si indices Ethico-Politico-Chronologicos excipias. In hoc autem Opere omnes Historici ad unitatem reducuntur. Tomus II. possidere debet compendium Eruditorum Europæorum, h. e. omnium Theologorum, Jurisconsultorum, Medicorum, Philosophorum, Philologorum, scriptis Græcis, Latinis, Germanicis, Italicis, Gallicis, Hispanicis, Belgicis, Anglicis, Hebraicis, &c. illustrium, antiquorum, neotericorum, orthodoxorum, mortuorum, viventium vitam, accurata brevitate narratam, libros & nominatos & judicatos, ordine etiam Alphabetico. Indices adduntur juxta materias librorum, ut uno quasi oculo unusquisque perspicere possit, qua de materia quilibet scripserit. Mirandum etiam hoc est, quod alii magnis Voluminibus descripserunt, hoc unico indice longe perfectius hic absolvitur, & ad unitatem reducuntur Scriptores quales quales. Tomus III. enarrat nomina, inventa, Scriptores Artificum Opificumque, in universa historia scriptisque eruditi orbis notorum, neotericorum, antiquorum, omnium populorum, inventis egregiis ad generis humani salutem clarorum, methodo ante dicta. Promittit porro *Bibliothecam Bibliothecarum*, cui cedent omnes Bibliothecæ terrarum, cum omnes in unico Volumine comprehenduntur. Nam Scriptores Theologici, Juridici, Medici, Philosophici, Philologici omnium linguarum, gentium, populorum ex ingenti sua multitudine ad unitatem deperditam virtute methodi universalis reducuntur, generali dispositione: nec de Opere illo (inquit Autor hic) perficiendo desperassem, tanta judicii acrimonia a Deo instructus, nisi Omnipotens consummatione seculi laborem absumeret. Revocamus enim omne scibile ad corpus suum, singulis scientiis proprium, quod universali artificio tam concinne est conceptum, ut cunctos disciplinæ suæ Scriptores possideat, solis indicibus, nedum ipso opere, scriptoribus optimis præstans. Instruitur simul ex corporibus singularum scientiarum specialibus *corpus universale*, iterumque ex istis *corpus corporum Universalissimum*. Addit ad hujus libri commendationem: Nullus nostratum esset tantæ lectionis Philologus, Philosophus, Medicus, Jurisconsultus, Theologus, qui denegare auderet, quod innumera in hoc Corpore Corporum sibi ignorata non legisset; nec aliquod legisset antea, cujus copia hic deesset. Et quamquam Corpus Corporum omnium eruditorum diligentiam provocaret, tanta tamen facilitatis esset, ut adolescentis judicii industrieque mediocri caput illud

65 capir. * In Epistola I. ad Kircherum sub manu se habere dicit *Corpus Juris Civilis Romani*, cui restituet Pandectarum methodum, per tot secula deperditam, artificiosam, subtilem, simplicem, leges maxime illustrantem, & infinitas rixas exortas finientem. * In Epistola altera ad Kircherum ejus artem

66 com-

combinatoriam imperfectionis arguit: Si oretenus tecum agere possem de arte tua Combinatoria, ad oculum ostenderem, quæ tu nondum credis, in ea Lulliana doctrina contraria, imperfecta, nimis operosa, simulque tui amore paucis immerem methodum facilem simplicemque, in qua si Combinatorium tuum volumen scripsisses, opera longe minore & artem disputatoriam, quam te præcipue intendisse perspicio, generalissime absolvisset, & alienæ industriæ mille volumina disputatoria ejusdem magnitudinis ex tua digesta materia elaboranda reliquisses, inventoris laude in millenis his operibus te manente. Nam cum arte magna universali ita comparatum est, ut cum numeris. Sicut enim ab unitate omnis numerus profuit, ipsaque omnium finis iterum existit; sic ab arte methodica centrali omnes ceteræ artes pendent, & iterum in matrem suam se filie resolvunt. * De Arca Artium Kircheriana non ineptum fert judicium: Video, te 67
cistam confecisse, in varia receptacula distinctam, in qua omnium scientiarum rationes universales & demonstrativæ ad respondendum exhibentur. Verissimum est, puerum, impuberem, idiotamque cista tua assuetum, posse ex ista ad tot questiones respondere, ad quot responsiones suggeruntur. Hac inventio prorsus ejusdem est notæ, cujus illa, quæ Gallus quidam Parisiis Arithmeticam in una rota 37. circulis constante docuit, & Germanus quidam ad 644. questiones de distantia urbium inter se, una tabula juxta modum Pythagoreum respondit. Fateris enim ipse, hanc tuam methodum eodem modo, quo Polygraphia & Musurgia tua, constare, in quibus eandem inventionem deprehendo. Sed lusus est ingeniosus, Ingeniose Kirebere, non methodus, prima fronte aliquid promittens, in recessu nihil solvens. Sine cista enim puer nihil potest respondere, & in cista nihil præter verba intelligit; tot profert, quot audit, sine intellectu, ad instar psittaci; & de illo jure dicitur, quod Lacon de Philomela: Sunt verba, prætereaque nihil. Datur autem methodus tam facilis, tam simplex, tam expedita, cujus ope pueri, impuberes, idiotæ via facilissima in eruditos evadunt, h. e. in scientes, nunquam autem ingenio destituti in prudentes & sapientes. * Multa passim de Rotis suis Combinatoriis 68
jactat, quibus ordinatis unus homo millies mille, imo millies millies mille scribas vincat, qui tamen primarius rotarum scopus non est, sed grandior longe restat: nempe notitia providentiæ æternæ, orbisque terrarum motus. * De Arcano Ste- 69
ganographico Kircheri & Beccheri ita judicat: Omnes suo voto exciderunt, linguarum harmoniam naturalem minime attendentes, maximamque confusionem in linguas introduc-
centes. Scias, vir sagacissime, linguæ universali omne Alphabetum linguarum ex asse contrariari, ejusdemque farina esse proverbiales linguarumque propriissimas formulas. His de causis omnes Steganographi, Alphabeti ordinem servantes, proverbialesque dictio-
nes novo artificio superare nescientes, litus arant, universali simplici harmonia amissa. * Hanc artificialem linguam, naturalem, universalem in Lexico Univer- 70
sali Harmonico & Corpore Adagiorum Harmonico se traditurum promittit. * In 71
Rhetoricis inaudita nobis narrat: Non pauca artificia Rhetorica deprehendi, a quibus tanta rerum copia dicens impletur, ut singulis diebus ex tempore Orationem realem, singulis diebus Solus propriam habere, & per aliquos mille annos, imo in infinitum sic posset
Z z 2
continua-

- continuaré.* Artificium Poëticum Kircherianum, quod ille artificio Latinitatis Trithemiano suppar existimat, ego jam supra ab Anglo Webbio propositum demon-
- 72 stravi, recte contemnir: nam in nullis se speciem, in omnibus rem querere ait. * De Rhetorica sua variatione in Prodro-mo ait: O Tulli; Tulli: nullus Roscius gestibus suis tecum certare ausus fuisset, si hanc varietatem sermonis calluisset: non ausus fuisset, si modo unicum nostrum Pinacem Naturalem seu Physicum tentasset. Unde pater, eadem scilicet via, fortasse ramen accuratiori, qua Emanuel Thesaurus, eum usum esse, indice scil. Categorico. De hac sua arte amplius ait: *Artem magnam nostram dicendi seu combinatoriam auspicamur, qua ad Eloquentie cognitionem brevi adquirendam methodus ostenditur; quod uti inventum novum est, ita quoque ejus subsidio instructus quilibet, de quavis re proposita, infinitis pene verborum combinationibus disserere poterit.* Kircheri Ars magna sciendi est Ars Artium; nostra Ars magna Dicendi Porta illius est. Quod viatori est Herma, scribe calamus, Geometra circulus, infanti serperastra; id toti Encyclopaëdie Polypaëdieque circulo verborum Combinatio sive Ars nostra Dicendi. Video illam (nisi fallor) cum Vespasiano exclamare: ego Nilus sum,
- 73 haurite. * Promittit Artem Apophthegmaticam, in qua methodus quadam mirabilis ex Apophthegmatibus Imperatorum, Regum, Electorum, Principum, Comitum, Nobilium, & omnis generis ordinum Eruditorum eruenda, cujus ope homo Germanica
- 74 linguae solum peritus, de omni scibili copiose possit disserere: * Artem Tragicam, quae XII. Tragedias contineat, praecipuam Romanorum, Graecorum, Germanorum, Gallorum, Italicorum, Anglorum, imo Ebraeorum &c. antiquitatem Ethicam Politicamque Aulicopraëticam concludens; Gracos, Latinos, Belgicos, Italicos Gallicosque Poëtas Tragicos Germanorum lingua exprimens: in qua simul Tragica artificia, è centro Tragædiæ inventa, nunquam visa monstrantur. * Artem Comicam, quae XII. Comedias possideat,
- 75 omnium gentium amanitates, virtutes, deliciasque docens, quae Comediam veram Germanicam admiranda methodo prima erit monstratura. * Artem magnam Poëticam, Verificatoriam, Rhythmicam, in qua porta ad Germanicam triplicem Poësin aperienda, multa millia carminum genera docenda, epitheta plusquam 10000. Poëtica, virtute inventorum novorum Artis alphabetorum eruenda; verbo: in paucis quibus-
- 76 dam tabellis methodus demonstranda tanta perfectitudinis, ut Teutonica lingua cum omnibus aliis non de copia solum, sed de ipso principatu elaborationis possit contendere
- 77 facillime. * Prætereo clavem ejus Aeternitatis, Aeviternitatis, Temporis, Tractatum de Homine Microcosmo, de Homine Deo, Homine Diabolo, Resurrectione e Natura demonstrata; Tractatum de illustribus seculi hujus Centumviris, Artem magnam Antiquitatis, omnes antiquitates omnium urbium, gentium, populorum universali methodo continentem: Tacitum Politicum, Theoretico-Praëticum, nova, stupenda, inaudita methodo descriptum, cujus Tomus prior monita, posterior exempla
- 78 contineat. * An crediderit aliquis, unum hominem & quidem juvenem tot laboribus parem, si cetera omnia sibi satis constarent? Hactenus præter titulos illos nil videmus, qui ingenium quidem ostendunt; sed an eventus promissis respondere poterit,

potuerit, ambigo. Multa sunt illic, quæ etiam aliis in mentem venerunt, ac humano etiam ingenio sibi relicto præstari possunt, quæ tamen ille quasi divinitus inspirata venditat. In arte illa Combinatoria & artificio Rhetorico an aliorum labores superarit, vix dixerim. Eosdem tamen fontes adire debuit, ac verum est de illis infinitis variationibus, plurimas illarum inanes esse, ac ad remerariam loquacitatem potius, quam ad veram eloquentiam ducere, nisi quis optimo consilio & iudicio moderetur, quod nullis comprehendere tabulis, etiam accuratissimis, & ex *Διδο δέλτων* excerptis potest; sed suo quodam arcano ductu optima quæque & aptissima præcipit, ac argumento suo applicat. Quamcunque denique in partem verses omnem illam artem Lullianam & Combinatoriam, nihil est, nisi Logices quædam propago, qua continetur ars differendi, seu inquirendi ac respondendi de rebus omnibus, quæ & Gassendi sententia est in libro de *Logica Origine & varietate* cap. 8. ubi omnem illam doctrinam Lullianam per compendium proponit, ac nihil in illa agnoscit, quod non etiam Logicæ tribui possit. * Verum cum usus ille sit multo maximus, & ad inventionem & verborum & rerum hodegetæ instar esse possit, non dissuaserim, ut familiares sibi terminos Lullianos quis reddat: non ut operosas secundum illam feriem dissertationes data opera instituat, sed ut in memoriam sibi revocet, si qua non statim occurrant: quemadmodum in Bucelleni officina *Epi- thetorum*, vocabulorum sylva, sub pedibus Poëticis ordinata, non commodas tantum voces, sed & novas interdum per tacitam mentis combinationem meditationes suppeditat. * Ex iisdem Analogiæ & artis Combinatoriæ fontibus procedit illud *Fr. Pomey* artificium in *Candidato suo Rhetorices*, quo ex forte fortuna objectis ac substantivis & adiectivis, laudem, vituperium significantibus, & medio modo se habentibus, argumenta educit. 79 80

Hoc quoque monitum non spernendum est ALEXANDRI FICHETI, qui in arcana Studiorum methode cap. 5. hæc habet: *Utere etiam Lulliano secreto; omnia de omnibus dicito, communem locum habeto, quem mutato nomine omnibus ut cothurnum tragicum aptes. Nature & Artis & Politicæ partes omnes ut speculum habe præ oculis, & materia, de qua differendum est, adscribe illa omnia. Ita fiet, ut locupletissima redundet oratio. Ita Oratores Græci in Panegyricis Deipare, crucis, jejunii & rerum aliarum elogia, definitientes conglobatas coacervant, cælum, solem, lunam, astra, Paradisum, ignem, aërem, pluviam, mamia, fontem, mare, terram, gemmam, aurum, arborem, phœnicem, Reginam, aulam, thronum, sceptrum, coronam, ducem, vexillum, aciem castrorum, arma, victoriam, thesaurum &c. vocitantes: percurrunt atates, puerorum, virorum, senum; status Regum, Sacerdotum, militum &c. provincias enumerant. Ita Jusitiam in cælo, in terris, & ubique rimabatur orator Auspicalibus curia feriis. Ita Pifens in suis concionibus aliquid ex singulis disciplinis & linguis in præta sua ut rivos aquarum & salientes derivat. De qualibet virtute dicere licebit ea omnia, quæ supra dicta sunt, esse fontem bonorum, Reginam rerum, Solem orbis terrarum, virorum robur, ornamentum matronarum. De Rege dices eadem, Deum, Dei Vicarium in terris, basin & columnam status, caput, oculos & cor imperii &c. Sic enim etiam percurruntur partes* 81

partes humani corporis & templorum, aræ, sacra, victima, &c. Varietate tamen erit utendum ut larva, ne ars pateat oculis: loci interni & externi, argumenta, refutationes, motus adhibendi erunt, & figurae; eaque industria magnum dicturis via compendium erit complanatum: Cyprianus & Tertullianus oratione de patientia locos omnes percurrunt oratorios, efformantque in animis dicendi modum optimum. Præter has serva tibi arcanam artem, quam nulli pandas amulo: vendita & extolle more mysteriorum merces tuas; eas tamen ne vende, sed absconde & secretum prodere noli. Hæc Firmicus, qui Oratori, præsertim sacro, non malum hic consilium suppeditat. * Incredibile enim est, quanta incidere meditationum ac rerum varietas possit, si quis in Themate sacro & verbis Textus præcipue metaphoricis per artem illam analogicam procedat, quod felicissime sæpe a nobis tentatum est. Illud vero in his artibus quis dictum sibi velit, nullum earum usum fore, nisi sufficienti disciplinarum notitia instructus quis prius fuerit, & prompta Latinae linguæ facultate; quod & Alstedius in clave sua monuit his verbis: nil emolumenti ad te redibit ex hac arte, nisi jam ante sis paulo versatus in studio linguæ Latine. Verba ex Lullio non addisces, sed modum differendi. Diligenter igitur excole linguam Latinam, ut eleganti paraphrasi & periphrasi possis tegere barbariem terminorum Lullianorum.

CAP. VI.

DE

MEMORIÆ SUBSIDIIS.

- §. 1. Memoria in omni vite genere usus eximius. 2. Illa vel est naturalis vel artificialis. 3. Memoria singularis exempla in Mazonio, puero Cantabrigiensi. 4. Phantasia admirabilis in puero Italo. 5. Ut & in infante 6. amorum. 6. Memoria artificialis primi natales à Græcis arcessendi sunt. 7. An Cicero illa usus fuerit. 8. Talis memoria exempla memorabilia recensentur. 9. Insigne ejus exemplum refertur in puero Corsico. 10. Id quod ad Demonis suggestionem refert Voëtius. 11. Mnemonica Artis Lullianæ propago. 12. Jordani Bruni in hac arte libri obsecrati & enigmatici. 13. De libro, clavis magna dicto, judicium. 14. Obscuritas principiorum artis hujus, 15. E libris Jordani Bruni monstratur, maxime e tractatu de arte memoria. 17. Hujus partis primæ exemplum. 18. 19. Pars secunda recensetur. it. 20. pars tertia. it. 21. recensetur liber ejus de compositione imaginum, ubi novis tricus omnia permiscetur. 22. Joannes Belot. 23. Ars hæc olim non nisi vivis præceptoribus tradita, ut tanto magis celaretur. 24. Rossetii liber. 25. sqq. Julii Camilli theatrum, 26. 30. Sturmii, 27. 32. Marafioti de eo judicium. 28. Summis laudibus effert illud theatrum Riccius. 29. quod contra Lilius Gyraldus aspernat. 31. multa cura in teatro fruendo adhibita, nec tamen perfici potuit. 33. Petri Ravenmatis, Rombergii, Ludovici Dulcis, Laurentii Guilielmi, Matheoli Perusini, Monici, Bavelini, Alberti, Meyssoneri, Menzingeri libri. 34. Alstedii hac de arte scripta. 35. de Azavedo, Gesualdi libri. 36. Hujus Cornu-
copie.

copia. 37. Pegelii artificium. 38. Schenckelii ars Mnemonica. 39. à Ravellino. 40. Curiot interpolata. 41. Joannis Austriaci, Marafioti, Spangenbergii, 42. Auctoris Anonymi, 43. Adamii Bruxii libri. 44. In quo consistat ars Mnemonica. 45. Variæ variorum methodi recensentur. 46. Schenckelii novem lectiones hujus artis. 47. 49. In Philosophicis disciplinis rarior ejus usus. 48. Winckelmanni Logica Mnemonica improbat. 50. Königii Mnemonica Geographica per alea lufum rejicitur. 51. In iis, quæ ad phantasiam potius, quam ad judicium pertinent, ars hæc etiam in disciplinis Philosophicis adhibetur. 52. In Codicis sacri, 55. 56. librorum juris, 57. Medicina. 58. 59. historia & in ipsa universali historia Mnemonices usus. 53. 55. 60. Job. Bunonis, 54. 60. Winckelmanni, 56. ac aliorum in hoc genere labores. 60. Dieterici 61. & Heindii Specimina Historico-Mnemonica. 62. Usus in linguis addiscendis contra Beccherium adstruitur. 63. Henrici Schævi imagines pro Hebræa & Græca lingua. 64. Ejusdem vocabularium mnemonicum in lingua Latina. 65. Schickhardi & Warmuthi Lexica Mnemonica pro Hebræa lingua. 66. Idem in aliis linguis fieri potest. 67. Rogeri Baconi triduana in linguis informatio. 68. De qua plura refert & judicat Anton. Wood. 69. Usus in orationibus recitandis. 70. Mnemonica non solum per imagines, sed & alia artificia expediri potest. 71. Expeditissime fit numerorum per verba & literas. 72. quod per exempla monstratur. 73. Qua inventionem se jactat Winckelmann. 74. Variæ artificia in Orationibus extemporaliibus. 75. Quorum ratio exponitur à Jan. Cecil. Frey. 76. Aliud subsidium in casu necessitatis refertur. 77. Mnemonica Notaria Marcelli in Chronologicis, 78. 80. ejusque opera inedita. 79. Uppendorffii Schematisinus Geographicus. 81. Ars notaria quid sit. 82. Tiromis liber de signis. 83. Ars signorum & Character universalis Dalgarni, 81. Caramuelis. 84. Frischii, 85. Beccheri & Kircheri. 86. Wilkinsii. 87. Ars Tachygraphica. 88. Chartuludia Mnemonica. 89. De iis judicia Berneggeri. 90. Auctoris. 91. Sovelli. 92. Caramuelis informatio compendiaris in linguis, 93. 95. & ars Mnemonica. 94. Berneggeri de tali informatione judicium. 96. Moderatus Mnemonices usus laudatur. 97. Memoria naturalis exercitatione crebra acuitur. 98. Sinistra quorundam de hac arte judicia. 99. De Berneggeri orationibus judicium.

Memoriæ quanta in disciplinarum apprehensione vis sit, quantus in omni vitæ genere usus, nemo ignorat: illa enim promiconda omnis scientiæ est, ac nisi illa bene constituta sit, materiamque judicio subministrat, quam subigat, dispenfer, ordinet, sterilia omnia erunt & inania, cæteræque animi dotes claudicabunt. Qui civilibus ac divinis studiis, qui etiam naturalibus animum applicuere, memoria opus habent, ut totum illud disciplinarum vastissimarum latifundium animo comprehendant. * Illa vero duplex est, naturalis alia, alia artificialis. Quibusdam naturæ beneficio ea ad miraculum & stuporem promptissima obigit: cujus exempla multa, tam verusta quam recentiora, a multis sunt notata. * E recentioribus

- ribus memoratu dignissimum exemplum Mazonii est, cujus laudes in Latini *Epistolis part. 2. a Camillo Palæotto exaggerantur*: quanquam dubitat, utrum per naturam, an per artem, talis illi memoria obtigerit. *Quis est, scribit ille in Epistola ad Latinium, qui vel Etrusci potæ Dantis vel Eurentis, quem vocant, Orlandi non pagellas modo, sed libros integros, memoriter repetentem audiat, non sumopere admiretur, illique primas ea in re non tribuat? idem is quoque facit in Virgilio, idem in Lucretio, idem aliis in gravissimis Latinis scriptoribus atque Poëtis, quorum nomen fere nunquam audivi. Ubinam igitur quaeso sunt, qui hæc audeant, aut ab aliis*
- 4 *audiant? * Ejusdem rei testis est Erythræus Pinacoth. l. n. 38. Ad omnia, inquit ille, quæ ponerentur in percontando, homo abundanti doctrina copiose respondebat ex tempore, Gorgie Leontini more, non eadem elatione animi, quæ ille; qui princeps ex omnibus, ut traditur, ausus est in conventu poscere, quæ de re quisque vellet audire, sed ingenio studioque majore. Nullam enim rem descendit, quam non probavit; nullam oppugnavit, quam non evertit. Neque id incredibile videri debet in eo, cui nihil uspiam consignatum est literis, quod non legisset; nihil legisset, quod comprehensum memoria non contineret, unde tanquam ex promptuario aliquo, cum esset opus, singula proferret, & suo quaque loco collocaret. Quamobrem fiebat, ut in disputationibus, cum autoritatibus decertandum esset, integras ex sanctorum Patrum, Platonis, Aristotelis, aliorumque doctorum hominum libris, paginas ita memoriter referret, ut ne unam quidam syllabam peccaret. Videmus in pueris interdum stupendæ memoriæ quali præludia, ut in illo quadrimo Cantabrigienti puero, de quo Arnoldus ad Richterum in Epistolis Richterianis pag. 496. scribit: Cantabrigia in Collegio Regine quadrimus & vidi & audivi puerum, lotricis paupercule filium, qui consabulantium cum eo studiorum opera centena aliquot vocabula Græca & casuum formationes prompta voce & alacri recitabat,*
- 5 *breviores quasdam locutiones facile construebat. * Simile exemplum in infante prodigiosæ phantasie narrat Monconisus in Itinerario Italie pag. 482. Sex ille annos natus, qui nec legere nec scribere noverat, difficillimas Arithmeticæ artis regulas resolvere, etiam radicem quadratam & cubicam in ipso, quo illi proponebantur, momento extrahere poterat. Quod adeo prodigiosum a multis habitum fuit, ut in spiritus familiaris suspicionem nonnullis venerit.*
- 6 *Memoriæ naturali juvandæ artificialis inventa est, ac, quantum constat, a Græcis primi ejus artis natales arcessendi sunt. Simonides, Hippias, Metrodus, Theodestes, eam excoluere, ejusque vestigia apud Tullium quoque videmus, quæ ille felicissime in Orationibus habendis usus est. * Prolixè de arte ea lib. 3. ad Herenn. & lib. 2. de Orat. agitur; meminitque aliorum fide Jacobus Lectius, JCrus cultissimus, in Oratione de Memoria, quæ est inter ejus Orationes uno volumine editas octava, extare apud Florentinos Ciceronis Opus, de memoria artificiali inscriptum, quod ipsi tamen fabulosum videntur. Exempla eorum, qui beneficio hujus artis prodigiosa memoriæ specimina exhibuerint, a testibus fide dignis narrantur. * Carneades*
- 8 *omnia, quæ legit, volumina, memoriter recitare potuit. Idem in versibus, quos semel audivit,*

audivit, fecit *Theodectes*. *Julius Caesar* legere, audire, quaternas de rebus maximis epistolas dictare, quintam ipse scribere, ac si calamum poneret, septenas pariter dictare solitus fuit. *Seneca* 2000. nomina semel audita e memoria reddere potuit. *D. Augustinus de Anima & ejus Orig. lib. 4. cap. 7.* insignem refert de quodam suo amico *Simplicio* historiam, qui quoscunque *Virgilii* versus interrogatus recitare potuit, ac integras *Ciceronis* Orationes. Amicus quidam *Francisci Petrarchæ* omnium, quæ legit & audivit, ita memor fuit, ut tempus & locum, quo illa legerit, vel audiverit, post multos annos significare potuerit. *Joannes Picus Mirandula* audita semel a recitante carmina & directo & retrogrado ordine recitare potuit. *Bernardus Lavinheta* refert, se quandam *JCtum* docuisse hanc artem, qua una nocte omnes rubricas decretalium memoriæ mandaverit. * Id vero omnem fidem ⁹ superat, quod de juvene quodam *Corfico* refert testis fide dignissimus & πολλῶν ἀντάξις ἄλλον *Muretus Variar. Lection. lib. 3. cap. 1.* cui cum magnam vocabulorum copiam, significantium, nihil significantium, barbarorum, non coherentium, *Murerus* proposuisset, ut ille dictando, puer, qui illa excipiebat, scribendo fessi essent, juvenis vero unus alacer ac recens assidue plura, & vel 36000. posceret; ὁ δαιμόνιος ἐκείνος (hoc elogio illum ornat *Murerus*) fixo in terram vultu plane omnino eodem ordine, nusquam prope insistens, nusquam hæsitans, auditoribus stupentibus, reddidit: deinde ab ultimo incipiens sursum versus pervenit ad primum; rursus ita ut primum, tertium, quintum, ac sic deinceps omnia diceret, & quo quisque voluerat ordine, sine ullo errore omnia referret; atque hæc ita animo hæserunt, ut vel post annum ea recitare potuerit. Eam artem *Franciscus Molinus Patricius Venetus* ab eo didicit, qui intra sex septem dies nomina amplius quinquaginta sine ulla difficultate, aut eodem, aut quocunque alio libuisset, ordine recitavit. Addit *Murerus*: hæc ego vix auderem literis prode-
re, mendacii suspensionem reverens, nisi res adhuc esset recens, & *Nicolaum Lippomanum*, *Petri Alexandri* filium, *Lazarum Mocenicum*, *Francisci* filium, *Georgium Contarenum*, *Laurentii* filium, *Patricios Venetos* optimos & nobilissimos adolescentes, aliosque præterea innumerabiles ejus rei testes haberem: a quibus, si mentirer, vanitatem meam coargui nollem. * *Voëtio* plane non adstipulor, qui hæc ad *Dæmonis* suggestio-
nem refert. 10

Quandoquidem ergo tot testibus & speciminibus ars illa nitatur, minime illa spernenda videtur, quicquid etiam alii, qui eam non intelligunt, judicent. * *Habe-*
tur illa artis *Lullianæ* quasi propago quædam, atque iisdem superstructa principiis
creditur. Nam cum ordinem rerum præsupponat memoria, ars vero *Lulliana* de
rebus omnibus ad certos ordines & classes redigendis sollicita sit, ea quali per se ex
iis consequi videtur, nisi quod alius applicandi modus forte adhibetur. Ipse *Lullius*
expressis verbis hoc innuit, suntque qui vel puerum septennem ea methodo per omnia
scientiarum adyta se circumducturum cum felicissimo successu promittunt, & quæ-
dam ejus rei laudari exempla solent: verum tantis nebulis omnem illam ar-
tem, quatenus ex *Lullio* deducitur, involvunt ejus magistri, ut nec *Oedi-*

- 12 pus ipse conjectando assequi possit. * JORDANUS BRUNUS, summi ac profundi ingenii Vir, peculiaribus libris multa de hac arte promittit. Edidit enim libros tres Francofurti An. 1591. in 8. *de Imaginum, Signorum, & Idearum compositione, ad omnia inventionum, dispositionum & memoria genera*; & Parisiis An. 1582. librum *de Umbris Idearum*, implicantibus artem quærendi, inveniendi, judicandi, ordinandi & applicandi ad internam scripturam, & non vulgares per memoriam operationes explicatis. * Refert vero in illis se ad alium librum, *Clavem* quam vocat *magnam*, qua omnis inveniendi ratio continetur; quæ an edita sit, ignoro. Sed forte & illa Clavis, si edita est, alia clave indigere videbitur; nam ita de ea ipse Jordanus ait: qui ex *Clavi magna* poterit elicere, eliciat: non enim omnibus dabitur adire hanc *Corinthum*. Ille vero se hanc artem ad summum perduxisse gradum venditat; nobis, inquit, ita successisse præsumimus, ut quicquid ab antiquioribus hac de re fuit consideratum, præceptum & ordinatum (quatenus per eorum scripta, quæ ad nostras devenere manus, extat explicatum) non sit conveniens pars inventionis nostra, quæ est inventio supra modum prægnans, cui appropriatus est liber *Clavis magna*. Rationem addit: nobis cum datum est illam invenisse & perfecisse, nec locis materialibus (verificatis seu per sensus exteriores) ultra non indignimus, nec ordini locorum memorandarum ordinem adstrinximus; sed puro phantasia architecto innixi, ordinem rerum memorandarum locorum ordinem adligavimus. Idem in arte memoriae, libro de *Umbris* addita, pag. 10. *Commisce communia communibus: minus communia minus communibus; propria propriis; propriioribus atque propriissimis propria atque propriissima.* Hic habes considerandi locum, quo non modo ab omni oblivionis formidine exemptus fiat; verum quoque ad perfectiores effugiendi & inscribendi usus, item in ordinando & methodum methodorum inveniendi promptior atque securior efficiaris. Et habes istud modo suo in radicibus primis *Clavis magnæ*. Idem pag. 23. *ibid.* de *Clave sua*: *Modorum quoque, quibus termini adjiciuntur, plurimi & innumeri tibi occurrere poterunt, dummodo fueris in agitatione Clavis magnæ peritus: illa quippe fons est omnium inventionum.*
- 14 Quod ad principia attinet, ea obscurissimis quibusdam notionibus ita involvuntur, ut meris in tenebris versari videatur, qui in illis methodi lucem quærit: pleraque enim allegorica, ac typici termini sunt, unde per longinquam hariolationem mens auctoris indagari debet, cum tamen nexus in illis nullus deprehendi possit ob defectum eorum, quæ viam apprehensioni & combinationi sternant, ordinem turbatum, & occultatas convenientiæ rationes. Quare in libro de *Compos. Imaginum* 2. c. 20. ita de se ait: *Nos quamvis non ita scribamus, ut ab omnibus & per omnia intelligi velimus, vel possimus etiam, nullus tamen est, cui (si attenta fide & fideli aderit attentione) juxta sufficientiam cujuscunque, in qua versatus est, disciplina plurimum juvare*
- 15 & aliqua placere forte non possumus. * Triplex ille *Ens* constituit, *Metaphysicum, Physicum, Logicum*. In divinis seu metaphysicis est *Idea*; in naturalibus forma sive vestigium *Idearum*; in postnaturalibus ratio, quæ in primam atque secundam intentionem distinguitur, quam ille *Idearum* umbram appellat. In his umbris triginta intentiones quærit libro de *Umbris Idearum*, ac rotam constituit 30. elementis & signis

signis in circumferentia notatam, cujus centrum est terra, umbram conicam spargens. Hinc progreditur ad triginta Idearum conceptus, primo simpliciter, secundo cum intentionibus umbrarum complexe concipiendis. Illis subjungit rotam idealium intentionum, iisdem elementis ac signis notatam, cujus centrum est sol. Paucissima verba addit de complexione, quæ fit concursu primæ rotæ cum secundâ. *Oportebit, ait, volentem per se ipsum artem generalem ad habitus intellectus, voluntatis & memoria captare (licet eam in presentiarum ad memoria perceptionem contrahamus) primo callere elementarium primum cum suis significationibus: secundo secundum: tertio secundum deducere per primum. Prima duo nos præstitimus: tertium ipsius industria committimus.* * Illis subnectit Artem memoriæ, qua applicatio & intentionis universalis contractio contineatur. * Verum illa axiomatibus proponitur adeo obscuris, ut ænigmata omnia esse videantur. Parte I. Axiomate XII. allegat librum Clavis magnæ, in quo habeantur duodecim Indumentorum subiecta; Species, Formæ, Simulacra, Imagines, Spectra, Exemplaria, Indicia, Signa, Notæ, Characteres & Sigilla; sed duodecimum omittit: in quibus omnibus parum ego discriminis deprehendo. * Parte II., agit de subiectis; ubi primum subiectum ex principiis Clavis magnæ constituit phantasticum chaos, quod se habere videatur tanquam nubes ab externis impulsâ ventis, quæ pro impulsuum differentiis atque rationibus, infinitas omnesque subire valeat specierum figuras; ita tamen, ut immaterialia subiecta non admittantur, de quibus se in arte artium & facultate facultatum acturum promittit. Agit porro de varietate subiectorum, eorum extensione, distantia (constipatio enim & confusio fugienda, ut in omni scriptura & signatura non literæ super literas, non sigilla super sigilla apponi debent) de subiectorum repetita excursionem, quomodo ex consuetudine habitus acquiratur; ut quemadmodum legentes & cytharizantes de literis & tactu chordarum non cogitant; ita sine magna animi intentione e characteribus illi impressis; qui artem hanc callent, memorare possint. Invenisse enim, ait, viam committendi singulis quibuscunque subiectis integros quosque terminos retinendos, & majora longeque plura, ut ex arcanis magnæ Clavis videri possit. Considerat in subiectis affectivitatem, facultatem scilicet afficiendi cum aliqua varietate, quæ vel ab externa vel interna causa venit, quæ per apposita subiecta exprimenda sit. Agit deinde de Adjectis, per quæ intelligit ea, quæ sunt subiecto sive physico, sive technico, sive phantastico apposita, ad aliquod per solertem cogitationis apparatus præsentando, effigiando, notando, vel indicando, ad picturæ scripturæque similitudinem exprimendam vel significandam. Figuram hic, sine tamen typo, designat verbis obscurissimis, de qua tamen miracula nos expectare jubet: *Excellentissima pleraque alia per hanc figuram pertractari possunt: sed minime hic locus est. Hoc unum dixerim, quod si attentius eam contemplabere cum rationibus hic explicitis, artem figurativam talem poteris adipisci, qualis non solum memoria, sed & ceteris omnibus anima potentiis, mirum in modum subveniundo conferet.* Illa adjecta ulterius explicat, & per decem categorias deducit. * Succedit de Organo tractatio, qua modum exponit, quo anima utitur in recolligendis suis ideis, habetque multa abstrusa *Philosophemur*, ad actum imaginationis & me-

- moræ declarandum: ubi hoc nobile proponit, quod mora longior non faciat ad rei apprehensionem, sed formæ activitas; quæ, quo celerior est, eo magis apprehendere faciat rem sibi objectam. * Tertia parte considerat operandi formam, ubi suam præ antiquis praxin extollit. Duplicem autem habet praxin, verborum & rerum, quam per varias rotas mobiles ac immobiles proponit; quas nemo, ut nec ipse diffitetur, suo ductu intelligere poterit, nisi a vivo præceptore doctus.
- 20 Mire tamen hoc invento sibi plaudit. * Ex altero illo de Compositione Imaginum libro nulla huic inferri lux potest: nam novis illic tricis omnia permiscuntur. In prima ejus parte agit de Subjectorum variationibus, conditionibus, quibus subjecta parantur ac disponuntur: de atriis diversorum generum atque campis. Atria habet, secundum ordinem 24. literarum, viginti quatuor, (quæ alii loca appellant) singula atriorum nomina ab alphabeti litera in ordine incipiunt: ut Altare, Basilica, Carcer, Domus, Equuleus, Fons, Gladius &c. Habet duodecim Adcinentium Cubilia: habet 15. campos. Parte secunda enarrat imagines duodecim principum, qui rerum omnium secundi mediique sunt effectores. Tertia parte tractat de triginta sigillis. Verum hæc omnia labyrintho simillima videntur, unde sine Ariadnes filo te nunquam extricaveris; summo enim studio vir ille omnia implicuit & involvit; nos tamen recensere quædam ex iis, etiam non satis intellecta, volumus, si qui sint, qui hæc *μυστικὰ* captare, & in sensum ac ordinem redigere velint: qui si si erui ex collatione librorum horum posset, improbus certe labor, nec tamen inutilis, subeundus esset. * Proponit & JOHANNES BELOT, Gallicus Autor, cujus in superiore capite mentionem fecimus, *arsen* ex Lullio *memorativam*: sed & illa est manca & mutila, neque recte secundum certa principia ordinata videtur, quemadmodum Mnemonica illa Bruniana: satis enim patent ejus generalissima principia, sed quæ ex iis deducit, miris inter se nodis contorquentur.
- 23 Sed mitemus viam hanc confragosam & asperam, quam alii planiorem nec istis terminorum sentibus & scrupis obstitam, nobis sternunt. Diu hæc ars non nisi vivis præceptoribus tradita, nec certis comprehensa regulis fuit, ne scilicet divulgato arcano illa vilesceret; vel ita involuta fuit, ut nullus inde fructus ad lectores promanaret. Non ignorarunt illam e Scholasticis multi. D. Thomas ea usus fuit. Sed plerique eam celarunt. Superiore seculo exeunte
- 24 multi hujus artis præcepta in publicum ediderunt. * Extrat COSMI ROSSELLI *Theaurus artificiosæ memoriæ*, Venetiis A. 1574. in 4to editus. Præcipua vero ejus tractatio versatur in Locorum distributione, figuris rerum, applicatione figurarum ad memoranda, & memorandorum ad figuras. Locorum scilicet sollicita debet esse disquisitio, in quibus assumendis magna autorum est variatio; aliqui naturales, aliqui artificiales præferunt. Metrodorus ex antiquis in iis signis, per quæ sol permeat, trecentos sexaginta locos posuit, e quibus munimenta
- 25 memoriæ quærantur, & rerum imagines animis hominum inferantur. * JULIUS CAMILLUS non ad artem reminiscendi solum, sed & generalem usum locos univer-

universales commentus est. * Mentionem artis ejus reminiscendi facit Hieronymus 26
Marafiotus in suo de arte *Reminiscencia* libro statim sub initium. *Joannes Sturmius* in
 libro de lingua Latina *resolvenda ratione* de locis, in quos eam resolveret, sollicitus
 cap. i. de hoc *Julio Camillo* narrat, quod primus cœperit solvere linguam Latinam,
 eamque dividere partibus ipsius hominis: putavit enim, se in homine
 posse invenire omnem ordinem universitatis; & in dividendo homine dissolvere
 & dividere posse omnem copiam & varietatem vocabulorum: in hominis ossibus
 siquidem natura invenitur terræ; in sanguine natura caloris & ignis; in spiritu
 aër; in urina aqua &c. Postea tamen ipse hanc rationem improbavit, & thea-
 trum instituit, quo universitas naturæ possit videri, digeri, distingui, cumulari.
 * Theatrum illud divisit septem Planetis. In Planetis observavit uniuscujusque 27
 proprietates, quod & fecisse *Jordanum Brunum* in libro de *Compositionibus imaginum*
 videmus. Editus vero est liber illius de hac re lingua Italica, ut *Sturmius* lo-
 co citato testatur. * Immensæ illius laudes sunt apud *Riccium* in *præfatione* 28
Apparatus Latine locutionis, qui suos defectus suppleri posse credidit hoc theatro,
 quod tum non editum erat. Id a *Julio Camillo*, inquit, *Viro in hac una præci-*
piendi facultate facile principe cumulate absolutum expectare licebit, qui in suo theatro
 ita ad sua capita, vel unumquodque, quod homini in mentem dicere venire possit, ex or-
 dine digestum habet, ut inde vel infanti Latina oratio, in calamum scribenti, quam uber-
 rime consuerit possit. Quod quidem divinum opus, ne aliquo maligno fato nobis interci-
 piatur (nam aliquot annos ad regiam voluntatem nobis proferri, a quo animo perferri
 potest) summis precibus a Diis immortalibus contendendum est. * Sed tamen totum 29
 hoc divinum opus *Lilius Gyraldus* *Dialog. 2. de Poëtis* nostri temporis contra *Ric-*
cii judicium aspèrari audent: Fuit, inquit ille, *Julius Camillus Forojuliensis Poly-*
histor, qui in disciplinis novas quasdam methodos se invenisse gloriabatur, ut theatrum
 illud suum, quo miraculose conclusas disciplinas prædicabat, ad ostentationem & questum
 potius, quam ad erudiendos credulos adolescentes: unde non modo ab amicis, sed & a
 principibus viris grandem pecuniam interdum extorquebat. Quare tacite pungit *Ric-*
cium, virum alioquin Latine doctissimum, qui in epitaphio ipsi scripto voca-
 vit virum ad omnia scientiarum omnium sensa mirifice eruenda, & scientias ipsas in suum
 ordinem apte constituendas nature miræ factum, de Latinis literis inprimis optime meri-
 tum; cum tamen carmina ejus invitis Musis & Minerva composita *Gyraldus*,
 & recte quidem, judicet; * *Sturmius* vero optimi judicii in lingua Latina Ca- 30
 millum fuisse fateatur. * In hoc Opere versatus ille fuit annos quadraginta; 31
 nec profecit; nam tanquam mysterium quoddam celavit, ac tandem ab amicis
 ejus, non ab ipso, hæc edita est theatrica ratio. Illam exponere aliquatenus
 ipse *Camillus* in Carmine ad *Petrum Bembum* videtur, quod in delitiis *Poëta-*
rum Italorum reperitur. Totam sibi displicuisse ait *Sturmius*, qui satius puta-
 bat esse sequi ordinem naturæ, aliosque locos commentus est, ad quos ille linguæ
 Latine phrasas referret. * Verum *Julius Camillus* ad artem memoriæ simul re- 32
 spexit, ut expresse testatur *Marafiotus*. *Julius Camillus*, inquit, *sua arti reminiscendi*
 locum

locum querens, delectabilem illam omnibus curiosis intellectibus theatri sui ideam reperis, quam pro universali loco memoriae habens particularibus distinxit mediis, variisque Deorum imaginibus exornavit, ut eo promptior memoria feret, quo distinctior sit locorum & imaginum apparentia.

- 33 Non est exiguus eorum numerus, qui hanc artem præceptis suis illustrarunt: nam præter memoratos sunt PETRUS RAVENNAS, qui scripsit librum hoc titulo: *Phœnix seu introductio ad artificiosam memoriam comparandam*. Vincent. 4. 1600. & Colon. 8. 1608. editum. ROMBERGIUS in *Confessorio artificiosæ memoriæ*, cujus doctrinam Ludovicus Dulcis sub forma Dialogi Italica lingua Venetiis in 8. 1562. edidit. Laurentius Gulielmus, Matheolus Perusinus, Franciscus Monlens in libris de arte Rhetorica, FRANC. MARTINUS RAVELIN in *Arte Memoriæ exemplis aucta*, Franc. in 8. 1615. edita. JOAN. MICH. ALBERTI in libro de omnibus ingeniis augenda memoria, Bonon. 4. 1591. edito. MEYSSONERUS in *Pentagono Philosophico-Medico, sive Arte novæ reminiscentiæ*. Lugd. 4. 1639. edita. MENTZINGERUS in *præceptis de naturali*
34 *memoriæ confirmanda*, Argent. 1568. editis. * JOH. HENRICUS ALSTEDIUS tot artium & disciplinarum faber hanc quoque partem intactam non reliquit. Scripsit enim *Theatrum Scholasticum*, in quo cum aliis proponitur *Gymnasium Mnemonicum* de perfectione memoriæ & reminiscentiæ, Herbornæ in 8. 1610. editum. Scripsit & *Systema Mnemonicum*, Francof. 8. 1610. *Trigas Canonicas*, quarum 1. est *Artis Mne-*
35 *mologicæ Explicatio*, Francof. 8. 1611. editas. * Extat Hispanica lingua scriptus liber D. JOANNIS VELASQUEZ de AZEVEDO *Fenix de Minerva y arte de Memoria que enseña sin maestro a prender y retener*, Madrit An. 1620. 4. Italica lingua Patavii editus est F. PHILIPPI GESVALDI liber, cum titulo *Plutosophia*, qui plenius illam artem proponit, & eorum, qui ante se de hac arte scripserunt, methodum
36 examinat. * Idem in Lectione IX. ubi agit de locis per Circulationem, qua intelligitur color Rhetoricus, singularem artem & methodum de multiplicandis conceptibus, sub titulo *Cornucopiæ* promissit, quæ convenire cum totis illis combinatoriis Lullianis
37 videretur. * Promiserat & MAGNUS PEGELIUS, supra nobis laudatus, in illo suo Thesauro rerum selectarum pag. 115. *Efformationem perquam pusillam, quam dum certo modo apud te recondis, reddere sive repetere & sic meminisse poter summæ rerum, quas seu legis, seu audis, seu animo intentus concipis, sic ut sine mora interjecta ulla e vestigio, vel quando velis & quidem ordine eodem tum & ut velis, inverso seu retrogrado ordine easdem repetere valeas, citius si dicta rerum capita centena vel plura, eaque vel similia, vel utcumque diversa, suo ordine, quocunque oblata fuerint. Quod an a ceteris Mnemonices docto-*
38 *ribus intactum fuerit artificium, dicere equidem non possum.* * Prodierunt Lipsiæ & Francof. 1678. in 8. *variorum de arte memoria tractatus selecti*, quibus perspicua methodo doctrina illa traditur. In iis primo loco habetur *Gazophylacium artis memoriæ*, illustratum per LAMBERTUM SCHENCKELIUM DUSILVIUM: quod sub Martini Sommeri nomine Venetiis editum est. Et iste quidem Schenckelius artem hanc passim magno cum successu nec sine insigni suo lucro exercuit.

cuit. Edidit quidem nonnulla, verum omissione vocalium literarum præcipua artificia obscuravit, quæ tamen ab oculatis deprehendi facile poterunt. Et extat Arn. Backhusi quædam super illa Clavicula. * Eam quoque artem Schenckelianam 39 Fr. Martinus Ravellinus explicatiorem dedit, cujus jam supra mentionem fecimus, estque & illa Collectioni Lipsiensi addita. Sunt & libelli exigui, titulo *Schenckelii detecti & rediitui*, editi, quibus Methodus & Praxis Schenckeliana ostenditur. * Hanc Schenckelianam methodum, sed multis accessionibus auctam, Gallica lingua 40 proposuit Adrian. le Cuirot, sub titulo, *Magazin des sciences*; Paris. 1623. in 12. editam. Ejusdem Schenckelii *Methodus de Latina lingua intra 6. menses docenda*, edita est Argent. in 8. An. 1609. * Continentur in collectione illa Lipsiensi porro JOHANNIS AUSTRIACI, tum & HIERONYNI MARAFIOTI libri optime ordinati, JOHANNIS SPANGENBERGII *Erotemata* etiam illic habentur, minima contemnenda, qui melioris intelligentiæ gratia in hanc methodum simpliciorum artem redegit. * Cæteris tamen omnibus, quos modo enumeravi, præferendus videtur 42 perspicuitate & methodo Anonymus scriptor in libro, cui titulus: *ars memorie localis, plenius & luculentius exposita, quam antehac nunquam, una cum applicatione ejusdem ad singulas disciplinas & facultates*, Lipsiæ 1620. in 8vo edita, qui in Academia Lipsiensi hanc artem docuit, ut ex præfatione apparet, in qua Terrentium in eadem arte magistrum laudat, alterum ævi nostri Simonidem, quem Academia Lipsiensis non semel cum stupore audiverit, aliena, quantum veller quis, recitantem ut sua. Adhibet in quibusdam locis notas & characteres græcos, ac verba trajecta; sed facile illa deregere possunt: & adjecta est quædam pro eorum explicatione clavicula. Ingenua ejus confessio hæc est: *neminem tam ineptum esse debere, ut ex hac arte sibi speret omnium scibilis notitiam: quod artis quidem respectu non impossibile esse judicat; sed vel negligentiam nostram, vel occasionem, vel vitæ brevitatem impedimento esse, quo minus ad omnium rerum cognitionem pervenire queamus; sufficere, hac arte sibi comparare posse disciplinarum necessariorum absolutissimam notitiam, non necessariorum superficialiam.* * Non parum lucis huic arti attulit ADAMUS BRUXIUS in Si- 43 monide suo rediitui, seu *Arte memoria & oblivionis*, Lipsi. An. 1640. in 4to edita, tabulis comprehensa. Nam omnia figuranda, voces, sententias, tempora ad certum ordinem revocat, certasque singulis quasi per indicem imagines assignat, magno usui futuras, qui ad praxin hujus artis se applicabunt. Subjecit *Nomenclatorem Mnemonicum*, quem externa specie puerilem, magno tamen usui futurum dicit. Sed dissimulavit ejus usum, quem paulo sagacior facile deprehenderet.

Tota artis hujus ratio in eo consistit, ut locorum, rerum formandarum, ima- 44 ginum, connexionis, certa & bene ordinata methodus observeretur. * In Locis 45 dispendendis magna sollicitudine versantur multi. Loci sunt vel naturales, vel artificiales, de quibus eorumque conditionibus Roscellius, Ludovicus Dulcis multa tradiderunt; sed scrupulosa admodum, neque magno usui futura; in quibus examinandis operosus est Philippus Gesualdus, qui, me quidem judice, omnium accuratissime

- rarissime hanc doctrinam persequitur. Multa enim contra Roscellium & alios de Locorum delectu non sine ratione disputat: locos imaginarios plane rejecit, Locorum etiam naturalium parciolem esse usum vult, sed artificiales omnibus praeferit. Multa hic de sensibilitate, immobilitate, invariabilitate, distinctione, numero, diversitate, lumine, quantitate, distantia, successione, solitudine, altitudine, situ, signatione numerica, proportionem locorum, ordine motus, personis immobilibus in locis, de locis numerabilibus, locis directis & transversis, locis alternatis, locis in progressu, & regressu, locis per circulationem disquirat, de quibus aliis ne cogitatum quidem vidi. Multa quoque habet de Imaginibus, earumque collatione, rebusque per imagines collocandis. *Johannis Austriaci* quoque in iis laudanda est diligentia.
- 46 * *Schenckelius* novem lectionibus universam artem includebat. Prima erat in vocabulis apprehendendis, secunda in sententiis memoriae mandandis: tertia in librorum ac orationum summaris argumentis recensendis: quarta in vocabulorum non intellectuum apprehensione: quinta in Oratione memoriter recitanda, & ab auditore memoria excipienda: sexta in disputatione & Syllogismi proponendis: septima in collocatione librorum, citatione autorum, dictatione & scriptione diversarum literarum: octava applicatione artis ad omnes facultates: nona & ultima in regulis circa hanc artem in universum observandis. Sed omnia plenius ab Anonymo supra laudato explicantur.
- 47 De arte omni Mnemonica ita ego judico, in iis disciplinis, in quibus bene ordinatis & connexis principiis omnia deducuntur, supervacuum esse ejus usum: qui enim hic imaginibus juvare velit memoriam, duplici onerabit conceptu, cum simplex cognitio e recte deductis principiis proveniens, per ipsum illum ordinem memoriae se ingerat. Per imagines autem verus rerum nexus confunditur, ac quasi nebulis quibusdam involvitur. * Quare nullatenus probo *Stanislai Mink von Weinsheim*, vel, qui sub illo nomine later, *Winkelmanni* institutum, qui *Logicam Mnemonicam sive memorativam* conscripsit *Halaë Saxorum* Anno 1659. in 12. editam. Cum enim judicii vim potissimum talis disciplina requirat, neque ideo a pueris apprehendi satis possit, ejus per phantasiam novis imaginibus im-
- 48 pręgnatam turbabuntur circuli. * Idem de Metaphysica, Physica, Ethica, Politica dico. Studia Mathematica, quoniam in figuris jam tum versantur, stultum esset novis onerare imaginibus: nam figurę ipsę in sensus incurrunt, &
- 50 imaginem intellectui sistunt. * Ineptum itaque est consilium *Kenigii*, qui *Geographiam* & quidem *Mathematicam* per aleę lufum pueris proponendam suavit, edito eum in usum cum operosis figuris libro, quem Imperatori magno apparatu inscripsit. Ipsę illę chartę Geographicae coloribus suis distinctę Mnemonicum artificium oculis exhibent, in quibus pueros septennes ita exercitatos vidi, ut objecta charta nominibus nuda, qualem *Joannes Strubius* in hunc finem edidit, sine ulla hęsitatione loca urbium & regionum digitis signarent. De illis generalioribus imaginibus, quibus Europa virgini, draconi volanti, Africa leoni, Italia pedi &c. comparari solet, nunc non dicam: nam illę phantasiam juvant in regionum finibus

finibus imprimendis, ut stellæ in cælo per certas quasdam imagines signari solent. Neque de nominibus urbium dicam, quæ per imaginum figuras memoriæ commodius infigi possunt. * Ceterum ad omnia, quæ in disciplinis occurrunt, quatenus in facto consistunt, vel ad memoriam & phantasiam potius, quam ad iudicium, referuntur, utiliter adhiberi imagines mnemonicæ possunt.

Sic in facultatibus, quas vocant, Theologia, Jurisprudentia, Medicina, illæ non spernendæ sunt. Cum enim Theologus in sacro Codice præcipue occupetur, ad Historiam sacram & argumenta capitum memoriæ imprimenda non parum conferent subsidia Mnemonica; * Cujus specimen eximium ostendit his studiis celebratissimus JOHANNES BUNO libro Germanicæ lingua edito, Anno 1680. sub titulo: *Bilder-Bibel*. * Ante illum WINCKELMANNUS generali aliqua tabula ideam Veteris Novæ Testamenti complexus est, libello Germanico, Bremæ Anno 1677. edito, cui titulus *Sontags-Arbeit*. In illis tamen tabulis, præcipue Bunonianis, forte nimiam imaginum constipationem & exilitatem improbaveris. * Sed labore improbo, non in his tantum, sed & in aliis, vir optimus defunctus est. In Jurisprudentia enim, ubi pleraque constant auctoritate librorum juris, similem ille laborem suscepit, quo per omnes juris Civilis, Canonici & Feudalis libros non solum titulos & eorum nexum, sed & singularum legum & paragraphorum argumenta per imagines magna & sollicitissima cura expresse. * Antea quoque Anonymus aliquis *Introductionem Mnemonicam*, cujus beneficio rubricæ Institutionum & Pandectarum corporis Juris Civilis spatio brevissimi temporis memoriæ mandari possint, sed sine loco impressionis & tempore addito, publicavit. Imagines hic satis eleganter depictæ & bene ordinatæ, sed ad solos ille titulos tantum respexit, non habita numerorum ratione. Alius quoque NICOLAUS BULACHERUS Lipsiæ tabulas Institutionum summarias additis imaginibus mnemonicis edidit. Sed & ille imperfectus labor est. * In Medicina etiam ad Nomenclaturam simplicium prodesse Ars Mnemonica posset. In Historicis præcipue usus ejus artis se exerit. Habemus in illis Tabulas de IV. Monarchiis, varie interpolatas & recoctas. Quæ enim primum sine Autore circumferebantur, ab Henrico Schævio, Winckelmanno, Bunone reformatæ fuere. * Winckelmanni extat *Cæsareologia* cum Tabula Mnemonica, qua Cæsarum nomina & tempora exhibentur. * Bunone multa de rebus gestis adjecit, per omnes Monarchias & regna, addita proluxa explicatione. Idem *Historia Universalis Ideam Mnemonicam* alio labore per millenarios & secula deductam in juventutis usum edidit, connotatis iis, quæ ad revolutiones & mutationes imperiorum & regnorum pertinent; qui labor profecto laudem suam meretur. Usus vero hic est locis naturalibus, non castris. Quæ cum in omnium manibus sint, illis immorari nolumus. * Extat in historia artis Mnemonicæ specimen, a Johanne Theodoro Dieterico, 60 puero, undecimum agente annum, exhibitum, qui Historico-Chronologicam seriem a Julio Cæsare usque ad regimen Ferdinandi III. memoriter in publico confesso recitavit, ductu Winckelmanni, quod editum est Giesiæ Hassorum Anno

1653. Aliud specimen hujus artis e Schola *Bunonis* exhibitum narrat *Frommannus*
 61 *de Fascinatione lib. 3. part. 4. sect. 1. cap. 4.* * Tale specimen Historicum a conditu
 orbis usque ad excisionem Hierosolymorum, per Titum Vespasianum factam, in
 Academia Rostochiensi *Johannes Heintz*, Holmia Suecus, beneficio hujus artis, &
 ductu *Casspari Clofen*, qui & in præfat. ejus speciminis laudat *Petri Laurenbergii* in-
 stitutiones Mnemonicas nondum editas, dedit, quod editum est Rostochii
 Anno 1660.
- 62 In Linguis addiscendis non contemnenda sunt Mnemonica subsidia. *Becche-*
rus quidem in Methodo sua didactica nullam hic Mnemonices rationem habet, ac
 laborem *Bunonis* aspernatur: putat enim, radicibus cognitis derivata facili nego-
 rio addisci posse, si literas initiales & terminationes quis in ordinem redigat.
 Syntaxin quoque levi negotio in compendium reduci posse. Quod aliqua qui-
 dem ex parte verum est. Neque ego in Syntaxi, quæ ex naturali quadam combi-
 natione dependet, aut in derivatis, magnopere Mnemonica artificia quæsiverim.
 Sed in radicibus tamen cujuscunque linguæ ediscendis illa usui esse possunt.
- 63 * Hebraicarum Radicum & Græcorum primitivorum seriem bene inventis & or-
 dinatis imaginibus olim *Henricus Schævius*, meus quondam Præceptor, vir ingenio-
 sissimus, deduxit, quas etiamnum possidet *Ægidius Neudorffius*, Scholæ Heidenfis
 64 in *Dithmarsia* Rector, vetus e condiscipulatu amicus. * Idem *Schævius* in lin-
 gua Latina *Vocabularium mnemonicum* edidit, characteribus rubris nigris & mixtis
 distinctum pro trium generum cognitione. Alii alii artificii mnemonici extra
 65 imagines feliciter uti sunt. * Ita *Schickhardus* in Horologio Hebraico artificio al-
 lusionum usus est, ac Collega noster honoratissimus, *Matthias Warmuthus*, Hebrai-
 carum radicum Lexicon perpetuis allusionibus ex aliis linguis adornavit, quibus
 66 tirones cum optimo successu eas apprehendunt. * Idem in aliis Græca ac La-
 tina lingua fieri potest; & notavi ego voces e Germanica & vulgaribus linguis
 adeo Græcis & Latinis esse affines, ut facillimo negotio ex earum similitudine ad-
 disci possint. Quæ res non ludicrum tantum, sed & maxime serium usum ha-
 bet: nam illa affinitas e secretis, atque maxime philosophicis ac naturalibus, cau-
 67 sis orta est; de quo alio loco plura. * Incidit hic, quod *Antonius Wood* in
 Historia & Antiquitatibus Universitatis Oxoniensis lib. 1. ad Ann. 1292. memorat e
 MSto libro consummatissimi suo tempore philosophi *Rogeri Baconi*, quo *Joan-*
nem Londinensem, discipulum suum, *Clementi IV.* commendat, qui hæc de
 se ipso narrat, quod, ex quo Alphabetum didicerit, amor quadraginta in scientiis
 linguisque acquirendis posuerit, totoque illo tempore, exceptis duobus quibusdam annis,
 & labores infinitos exantlaverit, & impensas tamen haud minores fecerit: posset tamen
 quadrante vel ad summum dimidio anni virum sedulum & literarum tenacem tota
 sua eruditione imbuere; modo ipsi tabulas aliquot analyticas conscribere liceret: quas
 discipulus ille suus & in initio sequeretur, & subinde consuleret. Imo in dubio non po-
 nebat, quin assidue diligentia viro præmonstraret, qua ratione vel trium. dierum spatio
 tam perfectam linguæ Hebraica cognitionem nancisceretur, ut exacte comprehenderet,
 quic-

quidquid sancti Patres virique olim sapientes in dilucidando sacro Textu scripserint. * Ad-68
dit Antonius Wood: adeo non Horologii Hebraei primus inventor Schickhardus. Por-
ro autem & quicquid ad sacrum eundem textum emendandum pertinet, se promisit ostensu-
rum. Quin etiam spondit, tres tantum se dies deprecere ad aliquem in lingua Græca sic
erudiendum, ut quæcunque non tantum de materia Theologica, sed & Philosophica
conscripta sunt, clare innotescant. Profutur insuper, unica se hebdomada Geometriam,
altera vero Arithmeticam penitus aperturum. De iis promissis vero Autor ita ju-
dicat: hæc an viis vulgaribus præstaturus esset, an vero. methodo Trithemiana, hoc
est, Steganographia & Polygraphia, neque mihi satis constet, neque ipse explicat Baconus.
Forte & in hoc Baconus ad artem Mnemonicam respicit, quæ isto tempore in-
ter mysteria custodiebatur. Quomodo linguæ vulgares facili via per Latinam
addisci possint, monstrat Winckelmannus in *Proteo suo*, Oldenburg. 1657. lingua
Germanica edito, pag. 121.

In Orationibus, quæ ad Principes & ad populum habentur, magno illa ars usus est. Sive enim memoriter a nobis aliqua recitanda sunt, adjumento erit in iis retinendis; sive respondendum ad illa sit, quæ alii proposuerunt, etiam hic illa locis & imaginibus suis, veluti quibusdam characteribus, succurret: quam ob causam Oratori Ecclesiastico & Civili vehementer prodesse poterit. Et sane obtineri potest continuo exercitio, ut in hac arte exercenda adeo promptus quis sit, ut perinde ipsi sit, an legat orationem, an e characteribus ac imaginibus animo impressis recitet. Quod in lectione literæ præstant de verbis, hoc in recitatione imagines præstant de sensibus: una enim imagine integra periodus comprehendi potest. Ergo quo quis felicior ac promptior in imaginibus concipiendis de re memoranda erit, (quod exercitio modico facile ab homine, qui *euqvarrior* est, impetrari potest) eo expeditius sine ulla hæsitatione, quasi ex charta legeret, recitabit.

Sunt præter imagines & loca, quæ aliquam curam & molestiam requirunt, 70
alii quædam artificia Mnemonica non sane contemnenda: neque enim refert, utrum
imaginibus, an aliis characteribus, connexio illa rerum concipiatur. * Expeditis 71
sima est numerorum per literas exprimendorum ratio, quæ literæ verbo aliquo
memoriali comprehendere possunt, quod connexionem cum re, cujus reminiscencia
quaeritur, habeat; quod incrementum centum boum mactatione dignum vocat Win-
ckelmannus in *suo Horto & Arbore Philosophiæ* pag. 118. * Ita in Historicis solent anni 72
mundi vel æræ Christianæ, vel ætatis Imperatorum, certo aliquo verbo memo-
riali exprimi, quod valde commodum est. Ea ratione *Henricus Schævius* per apposi-
tionem verborum memorialium Titulos Digestorum & Codicis eorumque numerum
memoriæ imprimi: ego illud in Institutionum & Decretalium titulis tentavi. Quis
enim, cum audit titulum *Locati conducti*, non facile reminiscatur vocis *Pascha*? quia
a Paschatis tempore illi contractus iniri solent. Et hic PS significat numerum li-
bri, litera C numerum tituli. Titulo de termino moto jungitur vox SyNCoPe. Syn-

- Syncope de medio tollit, ita & lapis, qui terminum notat, de medio tollitur, & in illa voce literæ SN significant librum, literæ CP titulum. * Hac inventionē adeo se felicem prædicat Winckelmannus, ut in hæc verba erumpat: *Maxime a te peto, ut si hoc omnium scientiarum secretum intellexeris, perpetuo serves occultum, nec mysterium tam mirandum transfundas in indignos. Porci enim non sunt unionibus exornandi, nec pretiosis onerandi margaritis.* Remittit quoque ad *Relationes suas ex Parnasso, de Arte Reminiscentiæ*, Gieslæ in 12. Anno 1661. editas, ubi plura de usu Alphabeti numerici habet. Aliam quoque & expeditiorem per literas numerandi rationem idem pag. 220. Horti sui philosophici proponit, de qua ita ille: *Modum habeo, quo numerum omnem sufficienter & literis paucis consignare poterō & scribere; latent in singulis passibus plura mysteria, ut quanto ex his majora inveneris, tanto rescent ampliora inveniendā. Via paratur tibi incipienti, in qua proficienti non est difficile successu temporis invenire multa rara & maxima.* Non explicat vero ille, ad quos præterea usus numeri illi literarii applicari possint, quod forte sibi secretum servavit: Nisi forte etiam res illis numeris per hypothesein aliquam notatæ revocari simul in memoriam possint; quod forte in circulis illis Lullianis Subjectorum, Prædicatorum, Quæstionum, quæ novenario numero, ut numeri ipsi, comprehenduntur, observari possit. In lectione librorum, si paginas aut capita memoriæ imprimere velis, forte etiam usus illorum esse poterit. *Johannes Buno* in variis quoque libris suis Mnemonicis feliciter talibus literis usus est. * In extemporalī Oratione memoriter recitanda literis & vocibus quasi signis & characteribus uti docet *Janus Cæsius Frey* in *Via ad Scientias*. cap. 1. *Sume, inquit, tibi versus aliquos, aut orationem notissimam; v. g. versus Virgilii: Arma virumque cano &c. vel aliquem psalmum notissimum, aut orationem Dominicam Pater noster &c. Jam igitur prima periodus incipiat a primo vocabulo Pater; secunda periodus a vocabulo noster; tertia a vocabulo qui es; quarta a voce in cælis & sic deinceps. Oportet autem totas voces materie, de qua dicturus es, applicare, similitudine aliqua aut dissimilitudine instituta, v. g. sit loquendum de Pythagora, ita fieri potest: Pater omnis sapientiæ humanæ & divinæ meritissimo jure censendus est Aristoteles. Noster Orbis nostraque monumenta, nostrique auctores hujus rei & veritatis amplum ubique dant testimonium, & referre facile foret. Qui es inter Græcos eloquentissimus æstimatus Demosthenes, Isocrates, & tu, Marco Tulli, qui es disertissimus Romuli nepotum, amon ubique id fatemini? In cælis non tot micant stellæ, quot honorificis testimoniis de Pythagora libri sunt reserti. Quo factō impossibile est, humanitus loquendo, memoriam fallere, quamvis in longissima oratione. Imo brevissimo momento repeti potest longissima quamvis oratio. Cap. 2. proponit literalem & syllabicam memoriam: Vocabulum aliquod finge, aut potius vocabulum notum accipe, cujus literæ aut syllabæ tibi representent primas literas aut primas syllabas materie, quam proferre tibi constitutum est; v. g. sit mihi loquendum de Alexandro, Romulo, Mercurio, Orpheo, finiam hoc vocabulum armo. Ergo A significat Alexandrum, R. Romulum, & sic deinceps; vel sit mihi loquendum de Argonautis, de Mari, finiam hoc vocabulum, Arma. Itaque prima syllaba refert vocabulum primum, secunda secundum. Idem*
- 75 quoque a Schenckelio & aliis Mnemonicis Scriptoribus notatum vidi. * Quod
part.

part. II. cap. 9. Jan. Cecil. Frey proponit, præter reminiscenciam verborum, inventionis rationem exponit: nam quia perpetuus rerum analogismus est, ideo e certis cujusdam versus verbis meditata sua perpetua applicatione depromet ad dicendum plane imparatus. Ut de mente autoris conser, locum totum apponam: *Præceptum hoc apprime utile concionatoribus, Advocatis aut aliis, quibus ex tempore aliqua habenda oratio, non præmeditatis: & quo præcepto habitus admirabilis est jam regnanti summo Pontifici Religiosus quidam, a quo coram collegio Cardinalium concionaturus, in ipsa cathedra, petiit ut thema daret concionis; quo dato, ex tempore omnibus admirantibus concionatus est. Præceptum autem hoc est per duo instrumenta dialectica, scilicet similitudinem & dissimilitudinem omnium rerum. Omnes enim res aliis sunt similes & dissimiles propter analogiam. Itaque de quacunque re sive termino simplici sive propositione, discurrendum est, accipe aliquem versum notum, v. g. Arma virumque cano, Troje qui primus ab oris &c. Jam sit mihi discurrendum de Deo, de femina, de diabolo, de literis; statim, præsertim si aliquis habet aliquam cognitionem rerum, sese offerunt similia, v. g. per arma, gravia bella ferme sunt pro Religione & Deo. Item maximorum bellorum cause fuerunt mulieres, ut Helena & Penelope &c. Jam similitudo est inter virum & Deum. Servire enim Deo regnare est. Jam de seminis constat; vinum enim & mulieres faciunt apostatare sapientes viros. Per cano, Musica, hymni Deo gratissimi. De femina, Sirenes quot & quales deceperunt? Per Trojæ, Respublicas & regna Deus aufert; delet pro libitu, ut Trojam, Babylonem. De femina, Helena, ruina Troje: Penelope Procorum &c. Et sic ordine per omnia licet differere de omnibus. Debent autem similitudines istæ considerari, quod Vetus Testamentum nil aliud sit, quam similitudo & figura Novi: & hodie sunt, qui totum Plinium in morali suunt. In hoc tota ars fuit Advocati illius ALARI: & hodie ferme omnes conciones in istis consistunt. * Novi, qui hoc artificio utantur, ut periodos periodis semper connectant, transitum commodum suppeditante ultima periodi voce, sive illa subiecti sive prædicati vicem subeat. Quoniam enim nulla vox est, quæ non alia vel suo ambitu comprehendat, vel ab alio comprehendatur, sub notione generis, speciei, totius, partis, cause, adjuncti &c. aut alio quodam modo affinitatem, similitudinem ac dissimilitudinem cum aliis habeat, facile ab aliquo verborum promptu coagmentari periodi periodis possunt, atque ita quaecunque orationis filum texti, modo id attendat talis Declamator, ut, quoad fieri possit, entymematicis transitionibus utatur, quæ ratiocinationis aliquam speciem præ se ferant. Sed illa inter præstigias artis oratoriæ referenda, neque a viro cordato adhibenda, nisi aliquo necessitatis casu.*

Signis & characteribus quidam etiam feliciter utuntur in conceptibus exprimendis loco imaginum; cuius rei exemplum elegans nuper dedit in Chronologicis Marcellus, Parlamenti Parisiensis Advocatus. Edidit ille libellum exiguum, Amstelodami 1686. recusum, sed in quo multæ tamen historice notitiæ per signa exponantur. Titulus est: *Tablettes Chronologiques; in quibus a*

- nativitate Christi ad nostra tempora per seriem seculorum Chronologia deducitur; ita ut quælibet pagina seculum absolvar, eademque secundum regna lineis distributa sit, cum numero annorum regiminis. Ab altera parte nomina secundum Alphabeti seriem posita, signis quibusdam notata sunt, quæ mortem naturalem vel violentam, potentiam, tyrannidem, imperii novi constitutionem, sapientiam, crudelitatem, fortitudinem, mollitiem, eruditionem &c. indicant; quæ omnia uno quasi intuitu patent. Eodem modo *Tabulas ille Chronologicas Ecclesiasticas* edidit Amsterodami Anno 87. recusas in 8. quibus ille notis, quarum numerus ultra 40. excurrit, significat valorem Conciliorum, eorum rejectionem, dignitates Cardinalitias, Archiepiscopatus &c. Fundatores Ordinum, Religiosos, Interpretes Scripturæ, Hæreticos, Prædicatores, Casuistas, Juris Canonici Scriptores, Historicos, Philosophos, Mathematicos, Oratores, Poetas, Scriptores dubios &c. ut ita paucis pagellis multa omnino hoc Compendio comprehendat. Scripturæ
- 78 sunt illæ *Tabulæ lingua Gallica*. * Promisit & alia, quæ ad artis Mnemonicæ specimina referri possunt, *Tabulas scilicet Cosmographicas*, continentes descriptionem exactam omnium mundi partium, cum particularibus illarum. * Aliquam hujus consilii partem jam tum ante executus est *Johannes Uppendorffius* in *Schematismo suo Geographico*, Rigæ edito, in quo certis signis sedes Imp. Regum, Electorum, Ducum, Archiepiscopatus, Academiæ, Parlamenta, Urbes imperiales, Hanseaticæ, Emporia &c. notantur. * Promisit idem *Mundum Arithmeticum*, in quo triplex humano commodum proponitur. 1. *Literarum & vocum sua cuilibet auxiliante patria lingua terrarum ubique facilis & enucleata communio*. (De illo invento jam tum Beccherus & Kircherus cogitarunt.) 2. *Ordo censendi populos, exercitus, imo regna, quantumvis numerosissima, brevi tempore*. 3. *Citata per ætra decursiones, ab antiquis frustra vel levi commodo pro signis duntaxat militaribus tentata, nunc classiariorum ignium, tintinnabulorum & ceterorum id genus opera pro quolibet jussu, tam politico quam militari, perfecta*. Scribet *Tractatum de similitudinibus, ex quibus efficiuntur notitiæ rerum*. Quid sit illud, quo meminimus, & quam habeat vim? *Literarios Prodomos, sive jucundissimam memoria vel judicii, tam in pueris quam in adolescentibus, preparationem, lusus & exercitiis juxta mentem D. Hieronymi in epistola ad Letam viduam illustratam*. Opus cum machinis. Gallica lingua promisit libros: *Amphitheatrum Principum*, in quo per machinas informatio magnatum proponitur: *Tractatum de notis & figuris, qui reducuntur in quinarium, & quibus modo breviori, distinctiori, quam per literas, representari possunt omnes cogitationes, etiam arcane & abstractæ*. Ubi in lucem illa mittentur, judicari de illis poterit. * Talia artificia etiam ad artem Mnemonicam referenda, tamen peculiari nomine *ars Notaria vel Notatoria* dici solet, qua per notas breves multa significantur. Apud Sinenses viget illa ars, qua verba & sensus uno aliquo characterè exprimuntur. Talem *Notariam artem* promisit *Caramuel a Lobkowitz*.
- 82 * Romanis quoque talis in usu ars fuit, qui per sigla sua dicentis verba assequi poterant, extratque *Tironis* de signis illis liber. * Apud Anglos *GEORGIUS DALLGARN* *Artem Signorum* scripsit, Londini An. 1661. editam, in qua characterem uni-

universalem, sive linguam Philosophicam, fundavit, qua homines diversissimo-
rum idiomatum, spatio duarum septimanarum omnia animi sui sensa non minus
intelligibiliter, sive scribendo sive loquendo, cum aliis communicare possint:
præterea etiam juvenes Philosophiæ principia & veram Logicæ praxin citius &
facilius multo imbibere, quam ex vulgaribus Philosophorum scriptis. Adjecit &
Lexicon Grammatico-Philosophicum una in tabula repræsentatum, quo Methodo
Prædicamentali omnes res exhibentur cum adjectis vocibus & signis confectis.
* Cum hac intentione convenire videtur *Ludovicæ illa Lingua*, quam auspiciis Po- 84
tentissimi Galliæ Regis, Ludovici XIV. moliebatur JOACHIMUS FRISICHIUS,
Gymnasii Rigensis Professor, cujus ideam aliquot ille foliis Thorunii Anno 1681.
edidit. Principia, ut ipse in titulo habet, e Theologia, Mathesi, ceteraque
Philosophia, nec non arte mnemonica sunt perita, & in classes Entium distributa,
non modo linguarum jam existentium voces in sua formalitate essentiali aut acci-
dentali, proximaque cum rebus convenientia & differentia dijudicantur; sed &
nova lingua naturalis, rationalis, universalis & quasi primæva omniumque facili-
ma concinnatur. Sed huic labori fata intercessere. * Commune aliquod in omni 85
lingua literarum commercium per numeros instituit *Beecherus in suo charactere*
pro notitia linguarum universali Francof. Anno 1681. edito, & *Kircherus in sua*
Polygraphia. * Multum huic studio laboris quoque impendit JOHANNES 86
WILCKINS in vasto libro, quem de *Reali Charactere & Philosophica lingua*
Londini Anno 1668. in folio edidit. Magna ille cura rerum classes distribuit.
Qua ratione etiam illis prodesse poterit, qui rerum illa ordinatione inventioni ali-
quod subsidium ex analogismo petunt. * Pertinent & ad hanc classem, qui *artem* 87
Tachygraphicam vel Brachygraphicam docuerunt, de qua aliquot libri apud Anglos
& Belgas prodire.

Solent & a quibusdam commendari pro memoriæ subsidio certa *Chartiludia*. 88
* Meminit Berneggerus *Orat. 2. de paranda doctrina modis illegitimis* supra laudata, 89
alicujus *Chartiludii Logici*, ante centum annos suo tempore confecti. *Hujus farinae*,
inquit, *videri queat Monachi cujusdam, Ordinis Minorum, Thomæ Murneri, Argen-*
toratensis, Doctoris Theologie, chartiludium, scriptum annis abhinc centum, & quod ex-
currit: cujus ope intra spatium unius mensis etiam indoctos ac rudes artis Logicæ ad mira-
culum usque peritos effecisse se jactat, ut suspicio suboriretur, aliquid magicarum artium in-
tervenisse. Pollicitus etiam est, se daturum quatuor libros Institutionum Justinianearum in
similem chartularum lusuarum formam redactos. Quo præclaro munere an Studiosos
Juris beaverit, mihi non constat; nec cum vidi. Logicum chartiludium, soliditatem
artis vanissima detestatus. Recte hac quidem in re Berneggerus judicat. * In- 90
eptus talium mechanicorum inventorum in disciplinis usus est, præsertim in
Logicis. Nullus enim rerum nexus est. In sententiis vel vocabulis aliquibus
addiscendis, pueris forte utilia esse poterunt. Ergo non demum a Gallis hæc
chartiludia nostro tempore inventa, qualia ego *Geographica* vidi. * Illi enim 91
hæc pro informatione Principum commendarunt, a quibus recte dissentit So-
rellus

habiliores pugiles recedunt, & continuo usu etiam membra novum robur acquirunt; præsertim si non obruatur confusa multorum lectione, quæ nulla certa post se ducit vestigia, & firmiora & altius imprimenda, si eadem semper ducuntur eodem tenore in disciplinis lineæ. Extat ea de re parænesis umbratica in *Paganini Gaudentii Instar Academicæ* pag. 129. cum epigrammate de Lulliana Memoriarum arte contemnenda. * Legi & in illo argumento potest illa jam supra nobis memorata JA-98 COBI LECTII, JCTi doctissimi, de memoria Oratio, qui etsi non hanc artem aspernatur, tamen in ea plus ostentationis, quam frugis, esse judicat: qua in sententia plane illi ἐμὸς ἄνθρωπος est in Oratione citata *Berneggerus*, ut ipsa ejus verba transcribat, scriniorum ejus hac quidem in parte compilator. * Sed ille has forsitan extem-99 porales, & inter negotia deperoperatas, Orationes typis non destinavit. Nam filius illas post mortem viri citra controversiam doctissimi, & qui magnum, dum viveret, Germaniarum ornamentum fuit, edidit.

C A P. VII.

DE METHODIS VARIIS.

- §. 1. Methodus est genuina Logice propago. 2. vel generatim vel speciatim accipitur. 3. quid sit. 4. *Oweni Guntheri Tractatus de Methodo* laudatur; 5. qui post *Aristotelem*, 6. & *Galenum* eam doctrinam proposuit. 7. Methodi utilitas. 8. Methodus universalis. 9. Particularis. 10. Hac observata nullis opus est gnostologiis. &c. 11. *Erhardi Weigeli Analytici Aristotelici ex Euclide restituta* laudatur. 12. In illa novaturire quibusdam dicitur. 13. *Aristotelis interpretes* in hac arte tradendi se-gnificat. 14. *Aristotelis Analyticam* male impugnatur *Nizolius*. 15. *Adversus* quem disputatur. 16. *Nizolii cum Majoragio contentio*. 17. *Ramus* in Methodo Aristotelici novator. 18. *Verulamii* de illo judicium. 19. Ejus perpetuas dichotomias carpit. 20. *Ramus multa debet Agricole & Ludovico Vivi*. 21. Ejus methodum refutavit *Digheus*. 22. *Cartesii doctrina de Methodo*. 23. Ab Autore artis cogitandi in compendium redacta. 24. *Peripatericorum* in tractanda methodo incuria. 25. *Autor Medicinæ mentis* in hac doctrina laudatur. 26. Ejus liber recensetur. 27. *Autor is mathematicis studiis se totum applicuit*. 28. *Algebræ studio* primus in has cogitationes incidit. 29. Summa ejus doctrinæ capita recensentur. 30. 33. Artis invenendi præcepta generalia. 31. Definitiones, 34. Axiomata, Theoremata quomodo formari debeant. 33. Imaginabilem, Mathematicorum, & Physicorum certa classes, quorum rationes indagandæ. 35. 37. 38. 41. Impedimenta sex indagande veritatis. 36. sqq. quorum remedia simul docentur. 39. *Bandelotti de Dairval liber de usu Peregrinationum*. 40. *Museum Italicum Joannis Mabillon & Michaelis Germain* laudatur. 43. Methodus veritates incognitas indagandi. 41. Artis invenendi specialiora præcepta nondum edita. 45. *Verulamii de Methodo cogitata*. Tomus I. Ccc 46. Variæ

46. *Varie Methodi distinctiones.* 47. *quæ parum utilitatis promittunt.* 48. *Methodus Exoterica & Acroamatica.* 49. *Pythagorica Methodus per numeros.* 50. *a Theodoro Ofio restaurata.* 51. *Chinensium methodus philosophandi per lineas,* 52. *quæ ex ipsis Confucii fontibus recensetur.* 53. *Eorum mirum acumen.* 54. *Philosophia eorum mysteria habet non omnibus intelligenda.* 55. *Methodus Cabalistica,* 56. *a multis delineata.* 57. *a Scalichio recocta.* 58. *Qua methodo multi egregie profecerunt.* 59. *Quatenus conveniat cum arte Lulliana.* 60. *Renaudotii Specimina.* 61. *Budei judicium de talibus methodis.* 62. *Scaligeri desiderium de barbarorum doctrina discenda.* 63. *Autores recentiores Cabalistici.* 64. 66. *Roberti Fluddi scripta.* 65. *& philosophandi ratio.* 67. *Methodi particulares.* 68. *Non nisi unam agnoscit Autor Medicina mentis.* 69. *quod re ipsa refellitur.* 70. *Autores, qui ἐγκυκλοπαιδείαν scripserunt.* 71. *Sorelli scientia universalis.* 72. *Martianus Capella.* 73. *Euphuus.* 74. *Alstedius.* 75. *Judicium de ejus ἐγκυκλοπαιδεία.* 76. *In Artibus Mechanicis ejus diligentia.* 77. *ut & Thevenoti,* 78. *Velfchii.* 79. *Alstedii ἐγκυκλοπαιδεία Biblica.* 80. *Velfchii Pedia in Cyclo.* 81. *J. Fortii Ringelbergii Encyclopadia.* 82. *Ejus vitæ mirabilis conditio.* 83. *Antonius Zara.* 84. *Vossii opus artium.* 85. *Havemanni Methodus.* 86. *Claude Fleury.* 87. 88. 89. 90. *Autores, qui de Methodo studiorum scripsere, recensentur.* 91. *quid de illis statuendum sit.* 92. *Leichneri Apodictica Scholarum reformandarum ratio.* 93. *Baco Verulamius.* 94. *Bayeri Lux mentium.* 95. *Velfchii Somnium Vindiciæ.* 96. *Leibnitzii Methodus Jurisprudentiæ.* 97. *Anonymi desideria literaria.* 98. *Thomæ Broun Pseudodoxia Epidemica.* 99. *Schookii judicium de Methodistis.* 100. *Universalis Methodus vix speranda.* 101. *Quædam data opera occultantur.* 102. *Sermones Exoterici & Acroamatici.* 103. *Octaviani Ferrarii liber de sermonibus Exotericis.* 104. *Παιδεία quæ.* 105. *Ἐγκύκλις μαθήματα.* 106. *Ἀγγελίας mathematica in omnibus observari nequit.* 107. *Qua tamen quidam felicissime in scriptis suis usi sunt.*

- 1 **D**E METHODO ipsa, genuina illa ac primaria Logices propagine, dici etiam
 2 hic quædam debebant: quoniam enim *Methodici* titulo totus ille liber inscribitur, de methodo præcipue hic agi debere ratio ipsa dicitur. * De
 3 methodo itaque agi potest, quatenus generatim ea vox accipitur, atque universam illam inveniendi demonstrandique rationem significat, & quatenus illa
 4 omnibus applicari disciplinis ac meditationibus nostris potest; cujus propaginem esse diximus omnes illas artes, quas Inventivarum titulo aliqui salutant. * Est vero
 Methodus nihil aliud, quam Ordo, quo ex principiis ac nobis cognitis deducuntur incognita; sive id in ipsis scientiis sive in Syllogismis fiat. * OWENUS GUNTHERUS, Philosophiæ Aristotelicæ quondam in Academia Julia Professor, vir doctissimus, & cui multa se debere ait in præcognitis suis Logicis Keckermannus, Methodorum tractatus duos scripsit, continentes totius artis Logicæ medullam, facultatem omnium scientiarum ac demonstrationum principia inveniendi, dijudicandique rationem,

nem, Helmstadii 1586. in 8. editos: qui mihi in hoc genere ita semper placuerunt, ut parum a novatoribus hac in re novi præstitum existimem, nisi quod applicatione ad Mathematica ac Physica exempla negotiorum hoc optime illustrarint. * Hæc est illa, quæ libris τῶν Ἀναλυτικῶν Aristotelis doctrinæ continetur; 5 quorum duæ partes sunt. Priorēs duo Analyticorum libri docent ratiocinationis formas construere: Posteriores duo libri παιδείαν seu eruditionem complectuntur indagandi dijudicandique materias in singulis disciplinis. * Hanc scilicet 6 partem Logices ἐνδεικτικὴν & κριτικὴν ab usu non modo populari remotam, sed multis etiam parum erudite usurpatam, suis Methodorum libris illustrare conatus est Guntherus, junctis illis, quæ apud Platonem & Galenum (cujus extat de optimo genere docendi liber) occurrunt. * De hac methodo Plato in Phædro 7 & passim pluribus agit, eamque ut divinum inventum commendat: est enim intellectui, tam theoretico quam practico, instrumentum paratissimum, ut & acute intelligamus, & recte agamus; quare & per habitum organicum methodum definivit Guntherus. * Ille vero habitus methodicus vel in integra scientia 8 tractanda, vel in aliqua ejus parte, exercetur. Methodum Universalem διδασκαλίαν vocavit Galenus, a quo tamen dissentit Guntherus: nam διδασκαλία ad unam aliquam tantum disciplinam pertinet; methodus autem est communis quædam scientiarum norma, nulli propriæ mancipata disciplinæ: cum non singularum disciplinarum ἐπισήματα cognoscat, sed ipsas scientias, quarum singulæ sua ἐπισήματα perspicunt, dijudicet examinetque. * Methodi particulares pro 9 ratione duorum summorum generum, Substantiæ & Accidentis, duo habent instrumenta, definitionem & demonstrationem. * Quibus patet, nullis nos 10 opus habere vel Gnostologiis, vel Hexologiis & Intelligentiis, quas mustei illi disciplinarum fabri nobis extuderunt: nam sola Logices & methodi doctrina illud absolvitur, quod ad disciplinas ordinandas pertinet. * Hujus 11 doctrinæ summum usum cum perpenderet ERHARDUS WEIGELIUS, Matheos Professor in Academia Jenensi celebratissimus, vir ob egregia & singularia in arte sua inventa summam laudem promeritus, atque demonstrandi artem e Mathematicis principiis quasi e fundo aliquo peti debere recte judicaret, *Analysin Aristotelicam ex Euclide restitutam* scripsit, quæ genuinum sciendi modum & naturam restaurata philosophia faciem per omnes disciplinas ichnographice depingeret; editaque est Jenæ Anno 1658. * Eruditionem ille eximiam in do- 12 ctissimo hoc Opere ostendit, non omnibus quidem forte probatus, quod in aliquibus vel rebus, vel terminis nonnullis novaturire videatur; sed ingenium tamen & ἀκρίβειαν non vulgarem in Commentario illo deprehendas. * Hujus sui consilii rationes prolixius in Inscriptione libri ostendit, cum in 13 tot Aristotelis Interpretibus & Scholasticis nihil plane inveniret, quod pulcherrimum ipsius opus Ἀναλυτικῶν recte explicaret, eorumque verum usum demonstraret. Deprehendebam homines istos, inquit, tota die non nisi de mente Præceptoris, consiliorumque ipsius sensu ad ravum usque & nauseam decertare: alios hoc, alios istud suppeditare consilii: omnes tandem, veræ quippe & prisce Architectonicæ (quam

obscuris aliquantum regulis, observatione & resolutione Mathematicarum, quas ipsis videre non contigit, fundatis, Praeceptor tradiderat) ignaves in solis liminibus & superliminibus conclavium herere, eaque, nescio quo ruina metu, labore non necessario quidem, immenso tamen & tantum non Herculeo, statuninare operose satagentes: tectorio insuper gypsoque quam pulcherrime incrustantes: illigatisque emblematicis, quam fieri posset, elegantissime convestientes, tempus omne consumere: substructionibus interim intimioribus ob instaurationis & cultus defectum omnimode corrudentibus. Quos quidem hominum istorum errores, ut primum diu & diligenter attendens, ex mera vera & prisca Architectonica, quam a Mathematicis discendam Aristoteles non nesciebat, ignorantia, indeque regulis Aristotelicis non intellectis, sed pro placito uniuscujusque perversissime explicatis, ortum suum traxisse & originem deprehendi; ex eo nihil in optatis magis habui, quam videre tandem aliquando, qui omnimodam Philosophici istius adificii ruinam praeventurus, Aristotelicam illam Architectonicam, haecenus satis perversam, e Mathematicarum machinarum inspectione & resolutione, quibus tota nititur, restitueret, modumque postea, collapsam fere pretiosissimam structuram ab interitu vindicandi, exinde ostenderet.

- 14 Et haec quidem, quae de Methodo ac demonstrandi ratione ab Aristotele dicta sunt, satis sibi constant, ut mirer, quomodo NIZOLIUS in libris de rerum Principiis & vera ratione philosophandi omnem demonstrandi rationem, ab Aristotele luculenter adeo traditam, de medio tollere conatus fuerit. Extat enim libro quarto cap. 3. de falsa demonstratione & scientia Pseudophilosophorum, & simul de
- 15 inutiles falsoque posteriorum Analyticorum libro. * Adversus illum peculiari opera se disputaturum promisit vir ingeniosissimus Leibnizius in praefatione, quam iteratae libri Nizoliani editioni praemisit. Quanta illa sunt παρὰ δόξα, quum universalis in rerum natura negat? quibus sublatis, demonstrationis etiam magnam partem tolli necessum est. Quis ferret Logicam disciplinam Oratoriae, Metaphysicam Physicae subordinari? quas separandas esse ratio ipsa dictitat. * Verum
- 16 ille studio partium abreptus multa disputavit adversus ipsam veritatis rationem, per occasionem litris cum Majoragio institutae. Cum enim Majoragius adversus Ciceronem quaedam scripsisset, Nizolium prolixam, sed acerbam, ad ipsum epistolam scripsit, quam in Bibliotheca Gudiana MStam, servari supra dixi. Ergo Majoragius duos Reprehensionum libros in Nizolium scripsit, qui hos de vera philosophandi ratione Nizolio extorserunt. Maluit Nizolius elegantiorum aliquam philosophandi rationem, abjectis terminis philosophicis ac barbaris, quibus tamen major subest rerum expressio.
- 17 * Et fuit in multis Nizolio ἐμψυχοποιός RAMUS, magnus in re Dialectica non tantum, sed & in omni Philosophiae parte, Novator: novam etenim, ut in singulis disciplinis, ita universam methodum instituit, * de quo tamen ita judicat Verulamius de Augm. Scientiar. lib. 6. cap. 2. Methodus veluti scientiarum architectura est. Atque hac in parte melius meruit Ramus, in optimis illis regulis (καθόλου πρῶτον, κατὰ πάντας, κατ' αὐτὸν, &c.) renovandis, quam in unica sua Methodo & Dichotomia obtrudendis.
- Verum-

Veruntamen, nescio quo fato, fit, ut humanis (sicut sæpius fingunt Poëtæ) rebus pretiosissimis semper adhibeantur perniciosissimi quique custodes. Certe conatus Rami, circa illam propositionum lineam, coniecit eum in epitomas & scientiarum vada, auspiciato & felicitis ejusdem genii ductu processerit oportet, qui Axiomata scientiarum Convertibilia facere attentaverit, & non simul ea reddiderit Circularia, aut in semet recurrentia. Conatum nihilo secius Rami in hac parte utilem fuisse non inficiamur. Ergo tamen, quæ bona in Ramo habentur, ab Aristotele potius transcripta, Verulamio judice, quam ab ipso excogitata sunt. * Methodum quoque Ramæam perpetuis dichotomiis incedentem carpit ibidem 19 in initio capitis Verulamius: de unica Methodo & Dichotomiis nil attinet dicere: fuit enim nubecula quedam doctrine, que cito transit: res certe simul & levis & scientiis damnosissima. Etenim hujusmodi homines, cum methodi sue legibus res torqueant, & quæcumque in dichotomias illas non apte cadunt, aut omittant, aut præter naturam inflectant, hoc efficiunt, ut quasi nuclei & grana scientiarum exilient, ipsi aridas tantum & desertas siliquas fringant. Itaque inania compendia parit hoc genus methodi, solida scientiarum destruit. * De Ramo & Ramæorum doctrina legi Caselius potest in suo *Næv & Prodidaſcalo*. 20 Ceterum ille jam tum Agricolaë & Ludovico Vivi suorum philosophematum originem in multis debuit, de quo nos alio loco plura. * Methodum refu- 21 tavit duobus libris *Everb. Digbeus* Lond. 8. Ann. 1580. editis: qui & *Theoriam Analyticam, viam ad Monarchiam scientiarum monstrantem* Londin. in 4. Anno 1579. edidit.

Doctrinam de Methodo peculiari quadam cura sibi explicandam sumpsit 22 **CARTESIUS**, vir ad Philosophiam animo acerrimo instructus. Totam hanc artem ad quatuor Regulas vocavit, quæ tamen, si verum fateri velimus, Aristotelis jam tum præceptis continentur. * In compendium traxit *Autor Artis Cogitandi* parte 23 quarta. Methodum duplicem facit: vel enim veritatem inquirat, estque Analysis, sive Methodus resolutionis, que dici poterat methodus inventionis: vel inventam docet, & est Synthetis, sive methodus compositionis, quæ & appellari potest methodus doctrinæ tradendæ. Integrum corpus scientiæ raro analytice tradi ait, cum Analysis in usu tantum sit ad quæstiones solvendas. Atque hic varia quæstionum exempla proponit, monstraturus, quomodo in his procedendum: quorum maximam partem excerptit e schedis MSis Cartesianis, quas a *Dn. Clericello* habuerant. Multa tum e mathematicis tum e physicis adducit pro illustratione hujus doctrinæ, quæ ibi cum fructu legi possunt. * Nam ceteri Autores Peripatetici, qui de methodo tractarunt, parci admodum sunt in exemplis distincte proponendis. Quoniam enim plerique ex illis mathematicæ artis & solidioris physicæ, & præcipue *ἐμπειρίας* naturalis rudes fuere, quæ firmiorem *ἀποδείξεων* fundum huic doctrinæ subternunt, mirum videri non debet, si mutilam illam & in multis erroneam dederint. Ceterum nihil pene novi ab illis, qui tamen nova se dixisse putant, dictum est, quod non commoda deductione e principiiis Aristotelicis arcelli possit. 24

- 25 Nuperrime eandem doctrinam TSCHIRNHAUSIUS, Academiae Scientiarum Parisiensis membrum, via, quoad fieri poterat, expedita & accurata proposuit, nisi quod veterum praecepta plane seponat, suumque omnino ductum sequatur: cujus tamen Regulæ Generales & cum Cartesianis & cum ipsis Aristotelicis, quas Guntherus expressit, in multis conveniunt. Libri titulus est: *Medicina mentis, seu tentamen genuinae Logicae, in qua differitur de Methodo detegendi incognitas veritates*. Editus vero est Amstelodami 1687. ac Regi Galliae inscriptus.
- 26 * Prima parte agit de causis, quæ nos in varios errores deducunt; quid proprie nos delectet & quam variæ sint circa illa, quæ delectant, deceptiones; quod sit omnium constantissima delectatio veritatis detectio, atque hujus via per nos ipsos indagari possit. Parte secunda artis inveniendi generalia praecepta proponit, quibus adjuti nunquam in falsâ incidamus, sed potius veritatem semper certo assequamur; adeo, ut hisce mediis absque illo errore ulterius progredi possimus, continuo & quantum nobis libuerit, semper nova detegendo, si modo adsit animus & satis temporis nobis supersit ad nosmet ipsos ad id studium applicandos, idque exiguo labore. Excludit hic primo cognitionem illam, qualis ex Locis Communibus, arte Lulliana, Prædicamentis, Locis Topicis, Florilegiis, de re aliqua in pompam potius & admirationem ignorantium hauriri & proponi soler: qua nihil solidæ veritatis indagabitur, sed millies ab aliis dicta recoquantur, variis etiam
- 27 dubiis & controversiis incerta. * Cum ergo solos Mathematicos nullas fovere controversias videret, aut eas, si quæ exurgerent, statim componi hoc indicio judicabat, hos solos exoptatam methodum attigisse. Illis ergo studiis se applicuit, ut videret, unum idem mutatis mutandis in aliis possit obtineri; quod
- 28 ipsi felicissime successit. * Algebram igitur primum adiit, de qua ita: *cum ego, quam veteres Algebram, recentiores vero Analysin speciosam vocant, mihi comparassem, magna mea delectatione observabam, & quod ibi promittitur, non falso jactari, & revera plus in ea præstari, quam antehac ulla spe conceperam. Licet vero statim non potuerim perspicere, quomodo idem in omnibus aliis scientiis possit effici; quia tamen me hætenus præstantior latebat methodus, in hac ingenium meum colendo vehementer fui occupatus. Ubi eo denique progressus eram, ut quendam adverterem habitum, tam in solvendis iis difficultatibus ab aliis mihi propositis, quam præcipue in iis, quas mihi ipse formaveram, intimius secretam hujus methodi naturam perlustrando notavi, quicquid ignotum est eadem prorsus ratione non solum*
- 29 *in Mathematicis, sed & in omnibus aliis scientiis, posse detegi.* * Primo ergo ponit certitudinis humanæ fundamentum illa, in quibus præcipue intellectus operatio manifestatur; nimirum quæ a mente nostra statim line contradictione (a cujus studio remotissimum jubet esse veritatis indagatorem) concipi possunt, e. g. Totum parte sua majus esse, in circulo omnes radios absolute esse æquales &c. unde infinitæ aliæ veritates educi possunt, ac vice versa sequitur, ea, quæ concipi non possunt, falsâ esse. Sed in fundamento illo recte ponendo, ne ab imaginatione decipiamur, præcipit: multa enim tantum imaginatione percipi ait, quorum tamen conceptus certus dari non possit, ut in sonis, coloribus, aqua, aëre, metallis &c. Quare duo criteria discernendi intellectus & imaginationis com-

men-

mendat. 1. Multa experientia & frequenti utriusque differentiam indagare, quod tamen difficile admodum est, nec a quolibet præstari potest. 2. Ut æqualitatem intelligendi respiciamus: nam quæ vere concipiuntur, ea etiam aliis, ut nobiscum concipere possint, explicare possumus, ut in demonstrationibus Mathematicis fieri videmus, quas omnes æque bene intelligunt; cum ea, quæ imaginatione percipiamus, variis varie, non æqualiter, percipiantur. Necesse proinde erit signa dari, quibus certiores fiamus, utrum rem concipiamus, an imaginemur: nam ex confusione duarum facultatum illarum maximi nascuntur errores. Format deinde sibi ipsi varias objectiones, quibus impugnari illa sua veritatis criteria possunt, ad quas operose ac erudite responder. * Hinc 30 disquirir, qua quis ratione semper absque errore possit progredi nova continuo detegendo: ubi primo omnes possibiles conceptus, quos mentem observare posse videmus, nobis magno acquirendos studio suadet: ex iis definitiones primum fabricandas docet, e definitionibus proprietates educit, quæ appellat Axiomata: ex definitionibus inter se omnibus modis junctis veritates derivatas exstruit, quas Theoremata vocat. * Definitiones a nobis formari posse demonstrat, & ut 31 definitio aliqua bona sit, primum rei, quæ concipitur, formationis modum, quam generationem vocat, considerare nos jubet, atque ex ea definitionem adornare. * Quod ut eo promptius fiat, tres Regulas generales ponit; quarum prima est de 32 rebus cogitatione ad sua summa genera deducendis, cum quibus cuncta entia diversam naturam, h. e. nihil commune ac diversam generationem habere observantur vel concipiuntur: * Constituit autem tria cogitationum genera circa Imagi- 33 nabilia, Mathematica, Physica, ad quas classes omnia entia reduci possint. Secunda regula est: omnibus ad ultima genere reductis observandum esse, vel ratione vel experientia, quæ in quolibet genere ea sint, quæ omnibus singularibus concipiendis semper adsint. Tertia regula est: omnes conceptus formatos sic esse ordinatos, ut sibi succedant juxta numerum, quo plura possibilia seu elementa succedere exposcunt. Prima elementa Imaginabilium, quæ sensu percipiuntur, constituit fluida & dura, Rationalium puncta, rectas atque curvas, Reali-um, materiam, motum & quietem, sine quibus nihil amplius concipi possit. * Hinc ad Axiomata & Theoremata fabricanda procedit, ac magnam exemplo- 34 rum e Geometricis petitorum copiam subjungit, quibus præcepta ac regulas suas illustrat, adjectis nonnullis physicis demonstrationibus de Montibus ardentibus, quæ ex eodem fonte promanant, quam methodum ex Algebra primum deductam vehementer extollit. Hæc est, inquit, nec ulla alia existit methodus, quæ omnes, qui Algebra student, utuntur; & cujus ope talia solvantur problemata, quæ cuivis humano ingenio indissolubilia primo intuitu videntur: proposito enim problemate, res integra quasi jam inventa ob oculos ponitur, ut ita clare appareat, quanam res hic sibi invicem conjungantur: harum naturæ seu definitiones vel jam notæ sunt, vel re ipsa exhibentur; deinde unaquæque diversarum naturarum seorsim exponitur, & per diversam æquationem simplicissimis, quantum fieri potest, characteribus exprimitur: tandem sin-
gule

gula harum equationum varie inter se tamdiu comparantur seu junguntur, donec unica inde oriatur equatio, cui hæc naturæ quæ ante diversis equationibus exprimebantur, inclusa, hoc est, omnes simul junctæ sint, & quæ proinde clare ostendit; quo pacto propo-
 sita questio sit solvenda. De hac Algebra speciosa Cartesius, Beaumontius, Vieta,

- 35 Schootenius pluribus agunt. * Hinc procedit ad illam tractationem, qua ratione veritatis acquisitio exiguo labore perficiatur: quod ut fiat, omnia impedimenta primum remover, in quibus primum locum tenent errores, in quorum originem inquiri, ac quædam ejus rei in imaginabilibus, rationalibus, ac realibus enumerat. In realibus subtilissimos errores vocat, quando cum realibus Imaginabilia confunduntur, quod in principiis naturæ ponendis a subtilissimis nostri temporis Philosophis factum; atque inde varias enatas sectas, & multa dominari etiamnum præ-
 36 judicia ostendit; * Quorum remedium quærit 1. in accurata operationum intellectus ab imaginationis operationibus distinctione. 2. In eo, ut intellectus in veritate investiganda adjuvetur ab imaginatione directa a bona indagandæ veritatis methodo. Insigne enim, & supra quam credi potest, utile adjumentum in indaganda veritate intellectui adferre ait imaginationem bene gubernatam. Adjumentum autem hoc esse 1. a vocibus. 2. a characteribus. 3. a motu. 4. ab externis experimentis. Hoc modo imaginationem hostem intellectus, & noxiam ei, conciliari posse contendit, ut impofterum ad eundem possit collineare scopum.
 37 * Secundum impedimentum est, quod, quæ cognita sunt, non magnificamus, nec attente meditemur; cujus remedia quoque proponit. Tertium impedimentum illi est, quod nimis ad utilitatem alicujus notitiæ respiciamus; contentos enim nos eo solo esse jubet, quod novam quandam veritatem detexerimus: nisi enim ita faceremus, viam ad utilissima quæque nobis occlusuros. Præclaris hic exemplis demonstrat exiguam naturæ potentiam, quæ in abstractione sua parum utilis videtur, in progressu & applicatione infiniti usus esse, quod pateat magnetis, vitri, nitri & sulphuris usu, quorum subjectorum varia applicatione stupendæ operationes successu temporis sint productæ. Quis enim credidisset, sola aciculæ magneticæ directione ad Septentrionem multorum aureorum milliones lucrari, orbem novum detegi potuisse? Ac talia infinita excogitari e levissimis & con-
 38 temtis vulgo experimentis posse certum est. * Quartum impedimentum indispositionem nostri facit, qua non semper apti sumus ad veritatem inquirendam; cujus varia remedia recenset. Quintum impedimentum illi est eruendarum veritatum nimis longa series; cui remedium e partitione operis bonoque ordine & numero quærit. Ejus exempla recenset, & elegantissima dissertatione ostendit, quomodo imaginatio extendi possit, ut uno folio comprehendere possimus integro libro materiam præbitura. Imaginationem vero extendi conversatione cum doctis, & colloquiis mutuis, ubi tum omnia, quæ inciderunt, statim consignanda sunt; lectione eorum, quæ in illo genere scripta sunt a viris do-
 39 ctis. * Et sane quantum conversationi tum cum viris doctis, tum peregrinis, tribuendum sit, superiore libro singulari capite diximus, & singulari libro gallice scripto de l'utilité des voyages Baudelotius de Dairval, Paris. A. 1686. edito prolixè

prolixè declarat: ubi de usu & commodis peregrinationis in antiquitatum indagandarum studio multa differit, ac exempla varia novarum in his observationum congerit. * Eandem operam in variis literariis monumentis per Italiam conqui-⁴⁰ rendis impenderunt *Joannes Mabillon & Michaël Germain*, Presbyteri, qui illa libro singulari, cui titulum *Musei Italici*, Paris. Ann. 1687. editi, fecerunt, collegerunt. Hinc in formatione prudentis magistri, quomodo imaginatio nostra ab ipsa pueritia augeatur, copiosa & erudita dissertatione exponit; qua de re in sequentibus plura. * *Sextum* impedimentum ponit, quod commoditate sæpe destituamur ad⁴¹ effectum deducendi ea, quæ ad executionem in veritatis acquisitione requiruntur, certis vitæ negotiis adstricti. * Cui remedium hoc opponit, ut semper nostram⁴² in studiis inclinationem sequamur, ita quicquid aggrediemur, facillimum fore, ac multa nos effecturos ait. * Parte tertia de methodo deregendi incognitas verita-⁴³ tes agit, quam instituit 1. respectu nostri, si nostras inclinationes, ut jam ante dixi, sequamur. 2. respectu scientiarum, quarum cognitio magis necessaria est, quam aliarum, quibus magis delectamur; ut studia mathematica, quorum cognitione ad methodum discendam magis indigemus, licet aliis magis delectemur: hæc enim viam omnibus ceteris sternunt. 3. respectu scientiæ, quæ summam delectationem omnibus afferreret, modo ipsis esset nota. Per quam Physicam intelligit, quam vocat scientiam universi accurata mathematicorum methodo a priori demonstratam, & evidentissimis experientiis ipsam imaginationem convincentibus a posteriori roboratam. * Ita librum hunc suum concludit, & specialiora de arte in-⁴⁴ veniendi præcepta promittit, quæ ut in incem vir ingeniosissimus proferat, vehementer optamus.

In doctrina de methodo multa quoque magnus scientiarum amplificator⁴⁵ *BACO VERULAMIUS* invenisse sibi nova visus est; sed non satis illa distincta atque ad bene ordinatas regulas revocata. Quare obscura pleraque sunt, & planiorem explicationem requirunt. * Distinguit ille *lib. 6. de augm. Scient. cap. 2.* Me-⁴⁶ thodum in iniciativam & magistralem: illam dicit, quæ ipsa scientiarum mysteria recludat & denudet; altera illi est, quæ uti iis docet, & ulteriorem progressum sibi propositum habet, atque telam a priori traditam pertexendam docet. Vocat eam Traditionem Lampadis, sive Methodum ad filios, quam eleganter his verbis describit: *Artibus idem usu venit, quod plantis: si planta aliqua uti in animo habeas, de radice quid fiat, nil refert; si vero transferre cupias in aliud solum, tutius est radicibus uti, quam surculis. Sic traditio (quæ nunc in usu est) exhibet plane tanquam truncos (pulchros illos quidem) scientiarum, sed tamen absque radicibus, fabro lignario certe commodos, at plantatori inutiles. Quod si, disciplina ut crescant, tibi cordi sit, de truncis minus sis sollicitus; ad id curam adhibe, ut radices illæ etiam cum aliquantulo terræ adherentis extrahantur. Cujus quidem generis traditionis, Methodus Mathematicorum in eo subiecto similitudinem quandam habet; generatim autem non video quid aut in usu sit, aut quid quis inquisitioni ejus dederit operam; proinde etiam inter desiderata numeravimus.* Discrimen porro facit inter Traditionem per Aphorismos & Methodi-

- cam. Illam laudat, quæ multa sæpe in recessu habeat: Aphorismi enim ex medullis & interioribus scientiarum conficiuntur, & magnam notitiam præsupponunt; nam abscinditur illustratio & excursio, deductio, connexio, varietas, exemplorum descriptio practicæ. Traditio Methodica sæpe specimen artis ostendit; sed si solvantur, segregentur & denudentur pleraque, ad nihilum recident. Narrat aliud methodi discrimen, cum scientiæ traduntur per assertiones adjectis probationibus, aut per quæstiones una cum determinationibus. Distinguit inter methodum universalem & particularem, subjectæ materiæ, quæ tractatur, accommodam. Nam ut *Topicas* particulares ad inveniendum excogitavit Verulamius, ita *methodos* particulares ad tradendum adhiberi vult. *Videmus enim, inquit, nimium generalia (nisi deducantur) parum informare; quin potius hominum practicoꝝ ludibrio scientias exponere, cum nullo magis ad Practicam faciant, quam Chorographia Ortelii universalis ad viam monstrandam, quæ Londino ducit Eboracum.* * Hæc quasi nova quædam de methodo proponit Verulamius, quæ ab aliis notata non fuerunt. Verum in iis non video, quid magnopere adjuvare vel docentes vel discentes possint: nihil enim hic ex stabilibus solidisque principiis deductum est.
- 47
- 48 Illud e veterum instituto commode notavit, esse quandam Methodum Exotericam & Acroamaticam, ut illi libros scripserint alios Exotericos, alios Acroamaticos. Acroamatica Methodus sive Ænigmatica veteribus in usu fuit, cum secreta selectis autoribus proponerent. Illa Pythagoræ, illa veterum Cabalistarum, informandi ratio fuit, qui per numeros ac symbola occultarum scientiarum mysteria tradebant. * Quod Pythagoras numeris multas occultas doctrinas complexus fuerit, nunc eo minus dubitabimus, cum videamus hodie numerorum figurarum beneficio intricatissima problemata solvi posse. Nihil enim refert, quibus
- 49
- 50 notis animi sensa explicantur, an literis, an aliis quibusdam characteribus. * Et fuit sane, teste Gbilio in *Theatro hominum literatorum* pag. 219. THEODOTUS OSIUS, qui librum scripsit, cui titulus: *Meditationes Rhythmicae in duas partes distinctæ, quarum una theoreticam, altera practicam facultatis sciendi per numeros, sive restitutam Pythagoræ doctrinam pollicetur*; qui an editus liber nunc sit, ignoro: nam ex præfatione libri ejusdem Autoris, qui inscribitur *Novarum opinionum & sententiarum Sylva*, quo multa continentur nova de rebus nonnullis & abstrusiora cogitata, apparet, tum, cum liber ille ederetur, nondum fuisse publicatum In isto vero libro aliqua hujus commatis sæpe habentur, ut in capite 61. Autoris istius sensum & doctrinam Typographus in illa præfatione ad Lectorem pluribus exposuit: *Observabit lector, eum in his scrutinis non usum scholasticis argumentis, neque vulgaribus ratiociniis, attamen nec etiam simpliciter opinatum fuisse, neque ex solo mentis discurrentis impulsu sensisse, sed mathematicis aliquando, & sæpe metaphysicis argutiis, quæ melius ad demonstrationes impellunt, si bene a sensibilibus abstracta transferuntur ad intellectualia sua. Ad quæ dedit animum diuturnum ferme & longi temporis studium, quo indulgens applicuit naturæ & proprietati numerorum abstractorum a corporibus, & qui solo intellectu percipiuntur.*
Quorum

Quorum doctrinam habemus professos fuisse Pythagoræos, at non posteris tradidisse, sive exaltatione famæ suæ, sive potius veneratione doctrinæ, quam tanquam super humanitatem excellentem ab aliis humanitatis studiis censerent separandam. Quod tamen de hac rimatus autor scripturis consignavit, nondum prodiit in lucem; unde cum aliqua ab ipsa eruta legantur in hoc libro pro fulcro aliquot sensuum suorum, poterit lector vel eis fidem impartiri, vel præterire, judicio suo probare reprobareve, dum unicuique homini quodlibet sibi opinari licet.

Ab hac Pythagoræorum philosophandi ratione non aliena illa Chinesium 51 videtur, qui per lineas certo modo figuratas non physica tantum, sed & moralia, politica & omnium superstitionarum artium principia, complexi sunt, certa & immota aliqua serie, in numeris tamen & proportionibus fundata. Proposuit illa MARTINUS MARTINIUS in *Historia Sinensi libro 1.* & nunc ex ipsis Confucii fontibus eam doctrinam in Europa jussu Regis Galliæ quatuor Societatis Jesu Patres Ann. 1687. publicarunt. Videatur *Confucii istius Proemialis declaratio. Part. 1. paragraph. 6.* * Omnia rerum duplex materiale constituunt; Perfectum, 52 quod notant linea longa continua; Imperfectum, quod linea interrupta exprimitur, quæ ex Chao proveniunt, (agnosce hic formam & materiam.) Hæc principiorum quasi duo maria in alia duo minora divisa cum eadem secretione perfecti & imperfecti, quæ quasi quatuor elementa sunt. Ex his porro octo pari modo divisa exitere, octo abiere in sedecim, illa in 32. hæc in 64. & tandem in multa minuta quasi fluentia rivulosque, servata semper primæ divisionisque atque secretionis norma. Illa duo principia, quatuor imagines ex duobus principiis natæ; octo figuræ ex quatuor imaginibus promanantes; 64. figuræ, quibus liber mutationum comprehenditur, illic in tabula exhibentur, adjectis nominibus subsectorum naturalium. In his figuris ac lineis ad Philosophicum sensum explicandis, mirum est, quam solertes sint Chinesium philosophi. Moralis illa atque politica explicatio Confucii, quam illic adducunt hujus libri concinnatores, plena profecto pulcherrimorum sensuum est, quæ perpetua serie ex illarum ductu ac nexu evolvitur. Imaginibus illi & numeris Πυθαγορίων ante ipsum Pythagoram videntur. Mirum certe videri possit, quomodo in illas speculationes primi devenerint Chineses; nam Confucius, qui annos 551. ante Christum natum vixit, hæc ex antiquissimis Autoribus se consignasse scribit. In omni pene gente talia observes, cum rerum causas indagant, præcipue in Orientalibus, quibus omnis Philosophia ænigmatica est. Indagatione scilicet ducuntur ad nescio quæ abstracta, quæ vel per numeros vel figuras utcumque exprimunt. Cum enim videat mens humana, quædam esse illis corporeis altiora, ac potestates quasdam hæc inferiora sub se continentes, nihilque in natura norit magis abstractum a rebus, Spirituum vero nullam habeat notionem, ad numeros & figuras dilabitur, easque vel ut causas, vel ut signa quædam rerum archetypa pro veris causis venditat. In quibus omnibus non quidem adeo certi quid deprehendimus, ut pectus saturare possimus, aut aliqua super hoc fundamento extruere; sed arguunt tamen illud, ferri natura sua animos ad generales

Ddd 2

quos-

- quosdam conceptus & naturas rerum spirituales seu aeternas; quas etsi explicare conceptibus idoneis non possunt, sufficit tamen, eorum conceptuum umbras quasi
- 53 inhærere menti. * Laudari certe ex eo Chinenſium ingenia debent, qui dudum ante Pythagoram & Platonem nescio quid illi Philosophiæ simile animo speculati sunt. Pythagoræi enim & Platonici ab Ægyptiis, ut puto, edocti, ad efficien-tem causam potissimum respiciunt, & Phycam quandam Metaphysicam, ut Verulamius vocat, professi sunt. Si vero accuratius rem pensaverimus, non videntur hæc temeraria aliqua ratione, sed summo consilio, a principibus Chinenſium philosophis excogitata. Vix enim in umbraticis illis conceptibus rectus observari ordo posset, ni clariore ideæ illos primum produxissent, ut pro signis & notis interservirent iis, qui ad occultam hanc Philosophiam admittendi aliquando erant.
- 54 * Occultiorum autem fuisse illis in phycis doctrinam, qualem Ægyptii olim professi sunt, ac mille fabulis involverunt, ut tot viri doctissimi & nuper Cl. Toliſius luce meridiana clarius ostenderunt, totus ille istius philosophiæ nexus ostendit, in cujus explicatione mire se torquent, qui ad omnia alia dilabuntur, interpretes. Si enim illud universale principium, quod illi *Li* appellant, & de quo tam intricata illi proponunt, recte pensaveris, nil in illo aliud notatum observabis, quam illud universæ naturæ *πρωτον ἐνεργητικόν*, quod omnia mista solvit, vinculisque suis ligat; de quo tot miracula prædicant occultioris Phycæ magistri. Conferatur procemialis declaratio *partis secundæ paragraph. 1.* libri citati, & miraberis, quam hæc cum Chymicorum doctrina conveniant. Illorum sensum non ceperunt, qui illa interpretati sunt. Est illud Chinenſium *Li* nihil aliud, quam illa Cabalistarum linea viridis, quæ ubique gyrat. Fuisse vero apud illos Chemiæ scientiam vetustissimam notius est, quam ut in dubium vocari debeat.
- 55 Ad Ænigmaticam illam Methodum Cabalistarum Hebræorum doctrina referenda est, de qua nos *lib. 1. cap. 10.* De tali Methodo universali Cabalistica, qua *Picus Mirandula* usus sit, & ad fastigium scientiarum omnium pervenerit, multa quoque mirifica narrat *Fichetus* libro de arcana studiorum methodo pag. 27. Hujus mysterii, inquit, ea vis est, quam in Cabala triginta & quinquaginta portis intelligentiæ ex arcanis Hebræorum eruit *Reuchlinus*, ut scientiam rerum omnium & mundum doctrinariam universum quasi viva in tabella depictum subiciat oculis, ordine plane admirabili. Denique continet omnia, & singula, singulaque ut omnia & omnia ut singula ad amussim explicat, efformatque illum, quem desideramus, hominem, ex omnibus conflatum compositumque disciplinis. An ad illam methodum quoque respexerit *Agrippa*, an subtiliorem & diviniorem velit, & quæ ex afflatu doctos formare
- 56 possit, de qua nos *lib. 1. cap. 12. §. 3.* aliis conjiciendum relinquo. * De Cabala veteri notissimi sunt præter ipsos Hebræos, *Reuchlini*, *Joannis Pici*, *Hackspanii*, *Buxtorffii*, *Hottingeri*, aliorumque labores. *Gassarellus* Indicem Codicum MStorum Cabalisticorum, quibus usus est *Picus*, edidit Paris. 1651. * Hujus Hebraicæ methodi reliquias se dare venditat *PAULUS SCALICHIUS* in *Epistemonis Catholici* libro

libro 12. qui inscribitur: de *Revoluzione Alphabetaria, sive perfectissima ad omne genus scientiarum methodo*, quam ante 12. annos ad Carolum Austriae Archiducem scripserat, sed alia plane ratione institutam, ut conferenti patebit: etsi hanc posteriorem suam ipse, ut perspicaciorem priori praeferat in recentiori illa editione; in qua perpetuo dialogo omnia tractat, cum in priori per capita procedat, ac pluribus exemplis suam doctrinam illustret. * Hanc ille artem miris modis illic extollit: 58 laudat ibi Petrum Daguinum Mediatum, virum tota Italia celebratissimum, qui 37. ætatis anno, cum vix prima hausisset literarum elementa, septem tantum mensibus huic artificio incumbens, omnibus doctissimis viris miraculo habitus sit; Jacobum Januarium, qui cum septem egisset lustra a literis penitus alienus, in tantum hac arte profecerit, ut nulli doctorum hominum sit postponendus. Laudat Ferdinandum Cordulano Hispanum, Raimundum de Sabunde, Jacobum Fabrum Stapulensem, Carolum Bovillum, qui omnes hac arte profecerint; Andream, Petrum, Jacobum, Fratres Canterios, qui unica cum sorore primi adhuc decennes in omni disciplinarum genere egregie disseruere; e quibus alter Cornelii Agrippæ præceptor fuerit, cujus eruditionem nemo ignorat. * Hanc artem 59 corruptisse ille ait Raimundum Lullium, ab Hebræis acceptam: quod si verum est, fortassis non de nihilo est, quod ab Arabibus eam descripsisse quidam opinati sunt, qua de re supra diximus. Hujus artis corruptæ Lullianæ imitatores omnes fuisse dicit, excepto Pico Mirandulano & Capnione Phorcensi, ex quorum monumentis se illam restauraturum promittit. Nisi quisquam, inquit, inde jecerit fundamenta, frustra illa Lulliana dispositione laborabit; quam & nos ad Hebraicam veritatem dum curremur ante lustra tria reducere: sicut etiam publicis typis Oporini excusa prostat: parum plus effecimus, quam vel Lullius ipse, vel Agrippa. Reliqui enim ut Lavineta & his similes nedum barbari vocibus, sed re ipsa quoque sunt: licet sua ætate summa admirationi fuerint, & aliquid in speciem præstiterint; sed quod ad solidam eruditionem pertinet, nihil in illis ingeniis deprehendes. * Hujus artis procul dubio præceptis aliquis 60 Theophrastus Renaudotius, Medicinæ Doctor in Gallia pueros instituit, ut intra annum & in Latina lingua & in artibus liberalibus ad omnium interrogata responderent, cujus rei historia exiguo libello cum ipso examinis actu ac subscriptione restium Anno 1636. publicata est. * De hac, utut secreta, sciendi & dislerendi 61 methodo, sive Lulliana, sive Cabalistica reformata, ego tamen illud Budæi libro de Philologia fol. 63. dixerim: artis ad naturam est quedam imitatio, non æquiparatio. Sunt enim longe uberiores venæ natura atque capaciores, quam loculata ille sedes artificis inventionis, magisque est ars natura felicitis & beata accurata adiutrix ad delectum, si quid hac in re mei iudicii est, quam ad copiam proluxa, suppeditatrix & magnifica. Excutiant illa Hebræorum sacra, qui eas literas rectius intelligunt; certe plura in Cabalæ misteriis latent, quam sola illa Scalichio adeo celebrata methodus: rerum enim occultarum in iis thesauri sunt, unde in ceterarum gentium fundos tot rivi defluerunt. In Orientalibus superesse in hunc usque diem plurima abstrusæ sapientiæ momenta, non ego dubitarim. * Ad illa forte 62

respexit *J. Caf. Scaliger*, cum in *Hipponacte* suo pag. 403. querelam illam de suis studiis instituit:

*Plus pœnitet me temporis, quod impendi
In Grammatistas & leves locutores,
Vanas pœtarum atque perditas nugas,
Quam barbarorum quæ leguntur in libris.
Hæc est mearum tota summa summarum,
Stultum ac supinum, plumbei quæ delirii,
Rebus relictis consensescere in verbis.*

- 63 Hujus Cabalisticæ doctrinæ recentiores Scriptores aliquot in folio voluminibus collecti sunt; in quibus est *Ricii de Agricultura cœlesti*, *Francisci Georgii Harmonia mundi*, quibus multa e natura sonorum ad Philosophiam & Theologiam applicantur. Sed de iis verum est, quod *Verulamius* ait loco supra citato. *Hoc Acroamaticum sive Enigmaticum docendi genus posterioribus temporibus deonestatum est a plurimis, qui eo tanquam lumine ambiguo & fallaci abusi sunt ad merces suas adulterinas extrudendas. Intentio autem ejus videtur, ut traditionis involuero vulgus, profanum licet, a secretis scientiarum summo veretur, atque illi tantum admitterentur, qui per manus Magistrorum parabolarum interpretationem nacti sunt, aut proprii ingenii acumine & subtilitate intra velum penetrare possunt.* Quandam ex Cabala Theo-philosophica mistam doctrinam profitentur, quæ e *Paracelsi*, *Weigelii*, *Guthmanni*, *Bœhmii*, *Fratrum Rosæ Crucis* schola scripta prodierunt. * Est his quoque annumerandus *ROBERTUS FLUDDIUS*, Anglus, mirabilis ingenii homo: multa enim e Cabalisticis, ex numerorum doctrina, Tetragrammati admirabili potestate, atque sacris literis, ad rem naturalem applicat, & sui
- 64 sensus quoddam Systema Physicum ex illis conficit. * In mathematicis multa egregia invenit, in quibus admodum operosus fuit: nulla enim Matheseos pars est, quam ille non attigerit in libris suis, *Mechanices* peritissimus, superstitionas etiam artes diligenter excoluit, quarum hyperaspistes est, quas ipse etiam exercuit per omnia divinationum genera. E thermoscopio, seu vitro, ut vocat, Calendario omnium phænomenorum naturalium rationes, & totius mundi constitutionem, explicare laborat; quod instrumentum ex ipso *Moyse* deducere vult, aitque se invenisse illud in Codice quodam, ante 500. annos scripto, graphice delineatum. Spiritum huic vitro inclusum illi, qui mundi magna machina concluditur, proportionem respondere ait. Quare & omnes circulos cœlestes & plagas in illo præfigurat. Ex eo quoque de natura morborum judicat: hominem enim ut microcosmum cum macrocosmo & hoc instrumento, ac spiritum vitro inclusum cum spiritu corporis nostri comparat. Hieroglyphicum morborum corporis & animi typum eo in instrumento ob oculos ponit: similiter & urinarum borealium & australium scalam in eo repræsentat, uroscopiam convertens in uranoscopiam. Quare mirabiles morborum definitiones extruit in libro suo de *essentia Morbi*. Morbi autem illi inter meteora referuntur, atque a ventis (quos Spiritus & Angelos facit) ortum

rum habere tradit. Quam suam sententiam ut stabiliat, SS. literarum, Galeni & Hippocratis autoritate sæpe abutitur. Ratione itaque totius macrocosmi morbos dividit in empyreos, æthereos, elementares, in plaga septentrionali procreatos, tenebrosos ex plaga occidentali ortos, præternaturales, æstuosos, ad plagam meridionalem spectantes. Causas morborum plerasque externas facit, a seminario mercororum & a victus ratione. Tu mihi vide lepidum illud sanitatis munimentum, quod libr. 4. *Myster. Morbor.* extruit, ubi & dæmones morborum architectos una cum ipsis morbis depingit; quibus adjunguntur etiam Angeli *ἀγγέλους*, omnes nominibus suis appellati. * Scripsit etiam librum, cui titulus: *utriusque Cosmi, majoris & minoris, Metaphysica, Physica & Technica*, ubi positus ob oculos schematibus ipsum opus creationis demonstrare laborat. Multa quoque de Musica mundana e Monochordi contemplatione philosophatur. De quibus omnibus alibi plura.

Sed mittamus illam methodum, quæ admirationi potius excitandæ, quam veritati inquirendæ inservit, ac procedamus ad methodos particulares scientiarum, in quibus non convenire posse earum doctores, mirum non est, cum in universali non convenient: qua semel recte stabilita, non multum erat de particularibus laborandum. * Certe Autor Medicinæ Mentis ut rem inutilem haber ipsarum scientiarum & methodorum multiplicationem; cujus hæc verba part. 2. p. 23. *Veri Philosophi Philosophia sive unicum studium est ars inveniendi. Si hæc, de quibus modo sum locutus, animadvertissent, simul vidissent non tot dari disciplinas, quot ipsi profitendo enumerant, sed tantummodo unicam, unde omnia, que sciri datum est, derivantur; quæ est ars sæpius memorata, inveniendi per nos ipsos. Hanc qui sibi comparavit, omnes alias bonas scientias una cum ea sibi acquisivit, aut ea absque alterius adjumento semper sibi acquirendi potentiam habet: quin omnes utiles scientiæ, quæ ab aliis præter hanc statuuntur, non nisi hujus artis specimina sunt. Ab hac scientia vulgares philosophi longius remoti sunt, quam vulgus existimat. Qui de scientiarum vanitate scripserunt, non in eo errarunt, quod istorum philosophorum scientias ad catalogum vanarum sive inutilium relegarunt, sed in eo, quod ex mera ignorantia (uti perspicue quis videbit, modo eos autores vel paululum perlustraverit) omnes omnium philosophorum scientias sine ullo discrimine eadem censura notarent.* * Verum tantum abest, ut convenientia in methodis particularibus sit, ac eadem via omnes incedant, ut pene singuli sibi semitam sapiant, & quot capita, pene tot sensus sint, magno argumento, etiam illa ab Aristotele tradita analytica parum instructos esse plerosque. Non est hujus loci, omnes illos recensere Auctores, qui diversa in disciplinis methodo usi sunt; de eo enim in *Polyhistoræ Philosophicæ* plenius agetur. * Quidam Encyclopædiam uno complexu & sub una quasi scientia generali tradiderunt, ut fecit SORELUS in libro Gallica lingua scripto, cui titulum Scientiæ universalis (*Science universelle*) fecit. * Sub generali & corporalium & spiritualium rerum divisione ne omnem philosophiam comprehendit. In quatuor tomos dividit. In primo agit de Terra, Aqua, Aëre, Cælo & Astris: secundo de Meteoris, Lapidibus, Metallis,

- Metallis, Plantis, Animalibus, Anima hominis, Angelis & DEO : *tertio* de usu, melioratione, perfectione & imitatione rerum in mundo : *quarto* de usu idearum, quae producunt scientias & artes, de linguis, scriptura, numeris. Addidit his refutationem errorum vulgarium tractatumque, in quo examen Encyclopædiarum instituit, suiique consilii rationes in concinnatione hujus scientiæ universalis exponit. Verum præcipuos aliquos tantum recenset, ac non paucos omittit. Sciagraphiam ac rationem sui Operis in fine Bibliothecæ Gallicæ tradit. Ceterum & alia, quæ pro subsidiis scientiæ universalis inservire possunt, in tractatu Gallico de *perfectione hominis*, quem in Germanicam linguam Baro de Stubenberg convertit, Noribergæ An. 1660. editum. * Sunt, qui sub schemate fabulæ amatoriae universam philosophiam tractant, quod fecit *Martianus Capella libro de nuptiis Philologiae & Mercurii* &
- 73 *septem artibus liberalibus*, in quem autorem Grotius annos 14. natus scripsit. * Non multum dissimilis argumenti est fabula illa, ab Anglo quodam inventa, & in linguam Belgicam translata, ac Amsterodami 1668. edita. Titulus est: *De vermaackelcke Historie Zee en landt-Reyze van Euphues, ofte een Ontleedinge des Vernufts*. Proponitur hic sub specie Historiæ fictæ ratio conversandi ac educatio nobilitatis eruditæ methodusque studiorum instituendorum. Voluerunt illi Auctores utile dulci miscere; cumque præcepta nuda severitate sua ingrata sint, hac nova specie vestita illa magis forte arridebunt. Verum ut illa Sorelliana methodus historica, ita hæc
- 74 Poëtica & comica est. * Scientias & disciplinas particulari methodo tractatas uno
- 75 volumine congestit JOH. HENRICUS ALSTEDIUS. * Operosa fuit illius viri diligentia, non tantum in consuetis disciplinis in compendium redigendis; sed etiam in novis inveniendis. Valde enim largus est in titulis novarum artium, quos effinxit interdum, ut nova res videretur, quæ in aliis disciplinis jam tum pertractata erat, pertractari & debebat. Nam si quis de partibus omnium disciplinarum singulares disciplinas conficere velit, ut faciunt ejus exemplo nunc multi, non dividere accurate & methodice, sed discerpere disciplinas videretur. In uno objecto multa nova formalia considerari possunt, neque statim nova inde disciplina formanda est. Atque hinc factum est, ut, cum Alstedius nimiam diligentiam affectaret, negligentior fieret. *Gatakerus in præfatione Cinni* sui parum magnifice de hoc Opere sentit. Neque ego suaserim inde quis Philosophiam discat: suam enim quandam methodum sequitur a publica & usitata diversam, & uni disciplinæ detrahit sæpe, ut eo locupletiores disciplinarum orbem habeat. Hinc quas succi
- 76 plenas habere poterat, reddit sua curatura junceas. * In nonnullis tamen laudanda ejus est diligentia, qui primus tentavit artes mechanicas ad sua redigere principia, & sub forma disciplinæ proponere; non plene quidem, prout rei conditio postulabat: sed laudabile tamen erat prima ejus rei lineamenta duxisse; quæ an recte ducta sint, nunc quidem non disputo. Solet per canones procedere. Istarum vero artium principia more mathematico essent proponenda. Sunt enim mathematicæ propagines; ac oprandum esset, ut aliquis emunctioris naris Philosophus, Physicus præcipue ac Mathematicus, hoc argumentum sibi sumeret tractandum;

dum; præter enim speculationem non pauci inde fructus redundarent in Rempublicam. * *Thevenotius* illud in animo habuit, qui ad hoc opus perficiendum 77 omnes super hoc argumento scriptos libros conquisivit, ut superiore libro jam diximus, *Architecturæ Navalis* specimen præclarum dedit *Witsenius*, qui vastum de ea arte volumen Belgica lingua scripsit. * *Velschius* quoque digressiones 78 autumnales in officinas variorum Artificum, quibus nonnulla arcana illorum minusque cognita enarrantur, promiserat. * Ur ad *Alstedium* redeamus fecundum 79 encyclopædias scriptorem, idem quoque *Encyclopædiam Biblicam* scripsit sub titulo: *Triumphus Biblici*, in quo omnium disciplinarum Systema e Sacra Scriptura concinnat. Qua ratione ego e libris *Juris*, aut ex *Hippocrate* & *Galeno* similem Encyclopædiam conficere velim. * *Velschius* quoque *Pædiam in Cyclisco* occasione Ency- 80 clopædiæ *Alstedianæ* meditatus fuit, cujus consilium *Schreckius* in ejus vita fufius exponit: *Proseium* maxime reputavit, si quis ejusmodi institutum, resectis inutilibus omnibus, & prolixis exscriptionibus omissis, prosegueretur, Orbique literato aliquando non latius diffusam ἐν κῶδω πειδείων representaret, sed nervosius contractam atque exactatam exhiberet πειδείων ἐν κῶδων, non tam nove, quam modeste inscriptam. Hinc ipse multa etiam hac de re meditari cepit. Aliquando igitur hanc daturus erat, consilium in longe minori opere multo majus *Alstediano* sibi fuisse, ipso opere demonstraturus. Nec enim artes populares omittere animus erat, nec institutiones Grammatices omnium linguarum, maxime orientalium, Pangrammatices nomine eas complectens; Paratechnices quoque nomine artes omnino omnes comprehensurus, cum istarum omnium commoda, arcana & ἐργασίαι, quantum poterat, explorare conatus fuerit. Quibus etiam *Emporeticen*, *Alstedio* neglectam, aliasque similes, Politices non minus, quam *Oeconomices* soboles ac socias adungere constituerat; non minus etiam *Stratoticen* ejusque partes, & similes quasdam alias. Sed Opus hoc imperfectum reliquit. *Keckermanni* Encyclopædia majori ἀγκίστρια scripta est. * *JOACHIMUS FORTIUS* 81 *RINGELBERGIUS* exiguo quodam libro Encyclopædiam complexus est, nec operosa methodo, sed potius ἐν συνόψει omnia proposuit. Ingenium tamen illa sapiunt. Mathematicis studiis fuit addictus: nam tres libros *Astrologicarum Institutionum* scripsit. Tersam perspicuamque dictionem sectatur. Laudavit illum *Erasmus* singulari quodam epigrammate. * Mirabilis vitæ ejus conditio 82 fuit. Primum enim in aula *Maximiliani* pictorem, cælatorem ac calligraphum egit. Anno decimo septimo *Lovanii* linguæ Latinae elementa discere cœpit, ac brevi multum profecit. Quæ ille in Encyclopædia sua de disciplinis attingit, pauca sunt, sed occurrunt tamen in illa brevitate observatu digna. Suave illi dicendi genus est, neque terminorum scabritie involutum. Vitam suam ipse descripsit in libro de ratione studii, qui *Cyclopædia* ejus *Basil. Ann. 1541.* in 8vo editæ annexus est; ac plurima rei literariæ suppeditat non spernenda consilia; etsi in nonnullis ea ridicula ac non imitanda, omnia ejus Opera edita sunt apud *Sebastianum Gryphium*, cum *Encomiastica Hyperii* oratione. Hunc librum ira amavit *Thomas Erpenius*, teste *Vossio de scientiis Mathematicis cap. 36. §. 10.* ut recudi

Tomus I. Eee cura-

curaret Lugduni: huic enim libro ille adscribebat, se istos in literis fecisse pro-
 83 gressus. * Aliqui generatim tantum agunt de omnibus disciplinis, earum natu-
 ra, constitutione, ut fecit ANTONIUS ZARA in sua *Ingeniorum & scien-*
 84 *tiarum Anatomie*. * Tale fuit fortassis Opus, quod meditabatur VOSSIUS,
 quodque in libro de *Theologia Gentili lib. 6. cap. 8.* ipse citat eo titulo: *opus artium,*
& Constitutio omnium artium & scientiarum; quod vel ineditum hactenus est, vel
 imperfectum ab Autore relictum. *Ἀπεπασματικὴν* ejus videtur liber de quatuor ar-
 tibus popularibus, *Philologia & scientiis Mathematicis.*

85 Ad hanc classem quoque pertinent illi Scriptores, qui consilia in singulis di-
 sciplinis addiscendis suppeditarunt. Fecit id HAVEMANNUS in *Methodo*
 86 sua, Hamburgi Ann. 1673. edita: * CLAUDE FLEURY in libro Gallice
 scripto, cui titulus: *Traité du Choix & la methode des etudes, i. e. de selectu &*
 87 *methodo studiorum,* Bruxellis Ann. 1687. edito. * Ceterum Autorum, qui
 consilia & methodos pro instituendis studiis, vel generatim vel speciatim, scripse-
 re, vastus est numerus, quorum aliqui singularibus Voluminibus collecti, de qui-
 bus hoc libro cap. 2. egimus. Prodiere in Belgio quoque aliquot Voluminibus
 tales Dissertationes. Amsterodami Ann. 1645. prodiit libellus, ubi congeruntur
 H. Grotii Epistola de hoc argumento ad Benjaminum Maurerium; Gabrielis Naudae Biblio-
 graphia Politica & Syntagma de studio liberali; Clapmarii Nobilis Adolascantis Triennium;
 Coleri de ordinando studio politico Epistola; Additamentum ex Joh. Caselii Nèw; Jacobi
 Focani Dissertatio de Studiis; Joachimi Fortii de ratione studii liber; Erasmi Roterodami
 Tractatus ejusdem argumenti; Casparis Barclai Methodus studiorum praescripta Ducibus
 Megapolensibus; Ejusdem Methodus Morum, praescripta Ducibus Lunenburgensibus; Thomae
 Campanella de libris propriis & recta ratione studendi Syntagma; Leonardus Aretinus de
 studio & literis; Scioppij Consultationes de Scholarum & studiorum ratione; prudentiae &
 eloquentiae parandae modis; Ludovici Crocii Instructio de ratione studii Theologici;
 Joannis Loccenii de studio Juris Dissertationum epistolica, cum excerpto ex Epistola Hu-
 gonis Grotii; Johannis Heurnii de studio Medicinae bene instituendo Dissertatio; M.
 Hortensii Dissertatio de studiis Mathematicis recte instituendis; Sebastiani Foxii Mor-
 selii de studii philosophici ratione Epistola; Petri Angeli Bargai, quo ordine scriptorum
 historiae Romanae monumenta sint legenda, libellus; Joannis Caselii Epistola de studio
 liberalis doctrinae decente equestri loco natos, de peregrinatione nobili, de oratione civili
 perspicua; Scioppij Diatribe de compendiosa & facili linguam Hebraeam discendi
 ratione; Joannis Alberti Bannii Dissertatio epistolica de Musicae natura, origine, pro-
 88 gressu & denique studio bene instituendo. * Prodiit alter talium scriptorum to-
 mus Trajecti ad Rhenum Ann. 1658. in quo habentur Gerb. Joh. Vossii Disserta-
 tio bipartita, cujus pars prior agit, quibus disciplinis perfecta constat eruditio, altera,
 quomodo varia disciplinae optime addiscuntur; ejusdem Introductio in Chronologiam;
 ejusdem Appendix de Imperiis, quae potissimum in historiis celebrantur; ejusdem de ra-
 tione universam legendi Historiam Dissertatio; ejusdem de imitatione oratoria & poetica;

Lipsii

Lipsi de ratione legendi Historiam Epistola, de recitatione in conventu publico & privato, de notis & notariis veterum, institutio epistolica de distinctione & interpunctione, de bibliothecis libelli; Hermanni Vulceji de studio juris; Aegidii Mommerii de ratione legendi disceplinae jura; Jacobi Acontii de investigandarum tradendarumque artium ac scientiarum methodo; Johannis Hoornbeckii brevis institutio studii Theologici; Henrici Morreife Dissertatio de Manuductione Studiosi juris per Academiam & Rempublicam; Joannis de Raci Dissertatio de subsidiis, gradibus ac vitiis notitiae vulgaris in natura contemplatione & officio Philosophi circa eandem; Regula Vitae Sapientis, Harmonica, tranquilla, actiuose, negotiis obruta, liberaliter otiose, peregrinantis denique. * Sunt & Dissertationes aliorum in hoc ro- 89
mo, quae jam in Amstelodamensi habentur, quibus denuo recensendis superse-
deo. Collegit & Heideggerus hujus generis libellos nonnullos, libro Tigu-
ri Anni 1670. edito; in quo Henrici Bullingeri de ratione studiorum; J. Jacobi
Breitingeri Hypomnemata subitanea; Francisci Junii F. F. Paracelsi; Henrici Bullingeri
Institutio pro peregrinatoribus. Cetera, quae hic habentur, ab aliis jam in censum
relata sunt. * Verum longe plures illis addi possunt, e quibus praecipui, 90
prout memoriae illi succurrunt, a me consignabuntur. Amphiloehii Epistola graeca
de studiis recte formandis, cum notis Joach. Zehneri; Alstedii Cynosura Studioforum;
Casellii Academicus, Neos, Propoliticus, Rhetor; & plures alii; Arundius de studio lin-
gae Latinae; Ruperti Methodus studii Philologici; Mitternachts Padia; Pomarii Consi-
liarius Scholasticus; Hyperius de ratione studii Theologici; L. Kepleri Methodus concilian-
darium sectarum Medicarum; Veridici de Justiniano Ratio corporis juris reconcinnandi;
Leibnizii Methodus nova Jurisprudentiae; Scheurlii Statua Mercurialis; Budeus de stu-
dio literarum commode instituendo; Blæmertii de Nobilibus Institutione; Joach. Pastorii Pa-
laestra Nobilium; Schefferus de Nobilibus informatione; Blumii Orator reformatus de Elo-
quentiae in Scholis restauratione; Bæcleri Manuductio ad autores classicos, Germanica lingua;
Boumaus de ratione discendi; Burenii de statu Schola philosophica in Academia Rosochiensis;
Bodini Methodus Historiarum; Reineccii Methodus legendi Historicorum; Henelii Statua
Mercurialis ad Jurisprudentiam; Hobokenius de Politices studio; Kilembergii statua Mer-
curialis Theologica; Goclenii Praxis Artium generalis; Latomii de trium linguarum &
studii Theologici ratione; Puteanus de Collegio trilingui; Numesius de studio Philosophico;
Osfander de studiis instituendis; Puteani Methodus literarum; Frisclini Methodus institu-
tionis puerilis; Dresserus de ordine discendi; Ernstii Methodus docendi juris; Fabricii
Meditationes circa scientiarum ideam atque principia; Freigii Pedagogus; Fungerus de
puerorum disciplina; Gallucii Oratio de doctrina fuco; Ausonius de studiis, cum commen-
tario Minois; Mureti Institutio puerilis; Philippici Catticri Exercitationes de studiis; Gri-
baldi Methodus studendi in jure; Academicus Somnians Lepidi Philaethae Sammonis
Utopiensis Satyra in perversam studendi methodum An. 1659. in 12. edita; Misonis Ery-
thraei Ludicra & Satyrica, quae ad studia literarum atque literatos maxime spectant, ex-
citandis ingenijs, erudiende juventuti, Salisburgi Anni 1637. in 12. edita. Rolandus Ma-
resius in suis Epistolis, ac praecipue lib. 2. ep. 30. Cornucopiae quoddam talium consilio-
rum exhibet. Promisit etiam Ferretus, qui Musam Lapidariam scripsit, tales epistolas con-
sultationibus literariis refertas. Infinita hic adduci possent ejus generis. Sed de iis
Ecc 2 suo

- 91 suo loco plura, cum ad ipsas disciplinas perventum est. * Hic quoque illud verum est, multos esse consiliarios & parum consilii, atque a pluribus coquis raro ad palatum cibos apparari. In tot viis difficile est veram invenire semitam, dum
- 92 suo quisque sensu abundat. * Proposuerat ante multos annos vir doctus, ac Professor in Academia Erfurtenſi clarissimus, *Eckhardus Leichnerus de Apodictica Scholasticarum reformatione* consilia, singulari eam in rem edito libro. Sed nihil tamen ef-
- 93 fectum est. * Huc quoque pertinent, qui argumenta scientiarum varia proposuerunt; in quibus primum locum merito occupat magnus ille *Baco Verulamius*, qui inter Anglos primus signum sustulit ad amplificandos scientiarum terminos; cujus postea vestigia secuti sunt, & hodie quoque sequuntur, tot in Anglia viri docti, qui in Physices & Matheſeos studio illustrando omni conatu conspirant.
- 94 * Ex mente Verulamii quædam in sua Universali Methodo instituire voluit *Johannes Bayerus* libro, cui titulus; *Filium Labyrinthi vel Cynosura, sive Lux mentium universalis, cognoscendis, expendendis & communicandis universis rebus accensa*, Cassoviae in Hungaria 1663. edito. Verum obscurat potius Verulamii sensus omnemque philoso-
- 95 phiam, quam ut lumen aliquod accendat. * *Velschius* etiam noster multa talia in animo habuit: cujus extat *Somnium Vindiciani sive Desiderata Medicina*, Augustæ Vindelicorum An. 1676. edita, ubi multa proponuntur, quibus non Medicinam tantum, sed & omnem rem literariam augere voluit. Magna sane ejus obitu jactura
- 96 facta est. * *Libnizius* in sua *Jurisprudentia Methodo* consilia, quibus augeri disciplinæ
- 97 possint, suppeditavit. * Est & *Anonymus*, qui libellum *desideriis literariis* plenum
- 98 publicavit. * Qui de erroribus & defectibus in doctrinis agunt, etiam huc referendi: ad viam enim ipsam iter sternunt, qui de via deflectere docent. Ut sunt, qui de corruptis artibus, quemadmodum *Viver*, egerunt; aut de erroribus vulgi scripserunt, ut *Thomas Brown* in sua *Pseudodoxia Epidemica*, quo titulo ille librum Anglicæ linguæ scripsit, in Belgicam linguam conversum hoc titulo: *van de algemeene dwaelingen des volcks*; sed nunc ille auctor Anglicæ linguæ prodiit. Multa sunt in illo libro notatu dignissima. Aliqui per Lexica universam philosophiam tradunt, Hippolyti lacera potius membra, quam integrum corpus, exhibituri, ad quæ sedibus suis restituenda *Æsculapio* aliquo opus sit.

- 99 Inter tot tamen methodos semper nova desideratur methodus. Adeo nunquam nobis satisfacimus; ac iusta sane est *Martini Schoeckii* in præfatione libri de *Scepticismo* querela: Non inficias eundem, multos occurrere viros egregios, quos satendum est, in ordinanda sive universali, sive particulari methodo, plurima cum ratione monuisse; quæ si observarentur, & labor compendiosior recteretur, nec periculum foret a variis erroribus, quos veritatis insignibus velatos, vix ipsi senes exuere possint, quod a teneris eos imberberint, diuque in somno suo quam arctissime sowerint; sed dum adversa fronte inter se concurrunt, & unusquisque ex assè sue methodo, licet aliorum quoque observationibus substructæ, omnem laudem & gloriam vindicare contendit, ultra methodum vix proceditur, disciplineque non solum sperato destituuntur ornamento, sed ipsi quoque discipuli in vestibulo solo detinentur. Laudare possem ultra viginti viros celeberrimos, qui intra seculum varia vulgarunt scripta, aut

aut de perficiendis disciplinis, aut de augmento earundem; qui tamen parum aut nihil in una-
 quaque disciplina pro illius perfectione praestiterunt. * Et sane fieri vix posse videtur, 100
 ut ea in re convenire possint sapientes: nam ex quo sapientia praeceptis tradi cec-
 pit, studio quaedam obscurata sunt, ne paterent omnibus arcana; neque etiamnum
 utile est, omnia in vulgus ferri scientiarum mysteria. * Quare nec consultum 101
 est, nec fieri poterit, ut una aliqua clara & distincta methodo omnia proponan-
 tur. * Ex hac diversa docendi ratione diversi libri apud veteres orti sunt, quo- 102
 rum aliqui exoterici, mathematici, hypomnematici & usuales: aliqui exoterici,
 acroamatici. Lectiones exotericae publice instituebantur: acroamaticae paucis eis-
 que dignis auditoribus habebantur. * Videndus est de illa re Octavianus Ferrarius 103
 in libro de Sermonibus Exotericis, ac in libro de Disciplina Encyclo: quos e Bibliotheca
 Goldasti Francofurti recudi fecit Goclenius Ann. 1606, cui praefixa est elegans Gol-
 dasti epistola de Cryptica veterum Philosophorum disciplina. * Multa hic de παιδεία 104
 Ferrarius, quam ille singularem vult esse vel facultatem vel habitum, qua quis re-
 cte de rebus omnibusque scientiis judicat. Desinit enim per experientiam;
 atque ille παιδείαν habere dicitur, qui in rerum tractatione diutina exercitatus col-
 lecta ad usum principia scientiis atque artibus cunctis suppeditat, simulque illa esse
 cognoscit, ac analytica scientia instructo velut minister ejus offert. Verum in illis
 de παιδεία & disciplina Encyclo a Ferrario dissentit Goldastus: * neque enim 105
 per disciplinam Encycloion ἐγκυκλοπαιδείαν intelligit Goldastus, qui περὶ ἐγκυκλο-
 παιδείας singularem librum moliebatur, in quo probare voluit, ἐγκύκλια veteribus
 μαθήματα proprie dicta, quibus primum etiam pueri informabantur: mathemati-
 cae enim artes populares erant, atque iis primum instituebantur ingenui pueri, ne-
 que ad acroamaticos sermones admittebantur, qui in his rudes erant. Quod qui-
 dem in nostris Scholis quoque fieri deberet: illae enim quasi ante Philosophiae
 sunt, ac mirifice acuum ingenium. Non potest etiam eam ob causam Methodus
 aliqua universalis institui, quod omnium rerum, imaginabilium praesertim, accurata
 non possit dari scientia, ac multa in problematica incertitudine subsistant, etiam in
 naturalibus. * Quare si vel maxime velis mathematica incedere ἀκριβεία, non 106
 licebit in omnibus. Hac ergo parte succumbimus, ac sit sapis, ut illa methodi
 ἀκριβεία confisi temere de rebus, quas non apprehendimus, judicemus, eaque ut
 ficta & falsa repudiemus. * Borellus in libro de motu animalium aliisque scriptis 107
 felicissime mathematica methodo in veritates inquisivit. Etiam Spinoza hujus me-
 thodi fucio Ethicam suam profanam incrustavit, cui eadem methodo a Blienburgo re-
 sponsum est.

VARIIS IN DOCTRINA PARANDA COMPENDIIS.

- §. 1. Methodorum scriptores quidam recensentur, & quidem Aristotelici. 2. Scherbius, Neldelius, Zeidlerus. 3. Alii via mathematica incedunt. 4. 7. de quibus iudicium 5. Thomæ Angli Euclides Metaphysicus. 6. Malebranchii liber de inquirenda veritate. 8. Hobbesius in plerisque cum Aristotelis doctrina consentit. 9. Compendia & præcepta quadam studiorum e Ficheto & Fortio proposita. 10. Nosse facultates omnes, unam profiteri. 11. Certum sibi scopum præfigi debere. 12. Incertus Ficheti scopus non est scopus. 13. Triplex scopus a Fortio constituitur. 14. Amandos esse labores, luxum contemnendum. 15. Opes contemnendas. 16. Affectandas laudes. 17. Peritiam legendo, audiendo, docendo, scribendo comparandam. 18. Solitariam lectionem improbat Fortius. 19. Peritia per Anagnostas paranda. 20. Lectionis præcepta e Bacone Verulamio 21. & e Ficheto. 22. In libris vastis sufficit summariorum lectio, quæ capitibus præmitti solent. 23. Libri dogmatici summo cum studio legendi. 24. Periti doctrinarum Professores audiendi & percontationibus crebris utendum. 25. Viva vocis magna commoda. 26. In prælectionibus publicis minus assiduum suum Tironem vult esse Fortius, sed minus recte. 27. Docendi occasiones semper querendæ. 28. Quomodo docendum. 29. Quæ ejus utilitas. 30. Præcepta in scribendo observanda, e Fortio & Ficheto. 31. Remedia pro tædio pellendo. 36. 37. Percreginationes. 32. 33. sqq. Fortii consilia quadam παραδοξα. 38. Cultus eloquentiæ in scribendo adhibendus. 39. Extemporales impetus non negligendi. 36. 40. sqq. Exercitia corporis aliaque consilia παραδοξα Fortii. 43. de quibus ipse Fortius iudicium profert. 44. 44. Consilia studiorum variant ratione personarum & finium. 45. Piccolomini liber de institutione hominis nobilis. 47. seq. it. libri ejusdem argumenti. 50. Nimia festinatio in studiis vitanda. 51. Petavii Oratio in hoc argumento commendatur. 52. Sorcellus eandem festinationem damnat. 53. 55. Præcocium ingeniorum exempla recensentur. 54. Raro illa felicia, 56. & prudentibus viris merito suspecta. 57. Ingenia talia lente tractanda, nec obruenda. 58. Feliciores ἐψυµαδεῖς.

- 1 **D**e methodo superiore capite egimus, de qua multa dicenda supereffent. Multos de ea recte ordinanda sollicitissimos vidimus, sed nemo tamen hæc tenus ad illorum monita respexit. Qui Aristotelis doctrinam sequuntur, ita eam amplectantur, ut neminem ex alia tribu vel hicere adversus illam
2 patiantur: * Quam præter illos, quos supra enumeravimus, Altorffini quondam, & in his Scherbius in variis scriptis, præcipue *Dissertatione adversus Ramistas*; apud Liptien-

Lipsienses *Neldelius* libro de *Ufu organi Aristotelis*; & hodie quoque *Regiomontani*, & ex illis *Zeidlerus* singulari libro, cui titulus, *Analysis Posterior, sive de variis sciendi generibus & mediis eo perveniendi, Regiomonti An. 1675. edito*, plane ad mentem Magistri sui exposuerunt. * Qui via Mathematica incedunt; ita suo sensu ducuntur, ut Aristotelicam illam in consilium admittere nolint; cum tamen id potius agendum, ut utraque methodus, quæ convenire debent, si quid veri habent, in consonantiam reducat. Sed utrobique forte peccatur. * Hi, qui mathematica via unice incedunt, ad sensuum evidentiam omnia redigunt & mechanicam quandam certitudinem, cui ita indulgent, ut in iis, quæ sensibus nulla ratione subjacent, ne latum quidem unguem ab illa sibi discedendum existiment, similes, ut opinor, illis, qui rerum mensuras confundunt. Imponit tamen hæc species sepe incautis imaginaria quadam certitudine; & *salit pede regula varo*, ut in *Ethices* illo *Fabro* videmus. * Qui similem methodum in rebus norionalibus & spiritualibus sequitur *Thomas Anglus*, ex *Albiis East Saxonum*, libro, cui titulus: *Euclides Metaphysicus*, Londini An. 1658. edito, vix sua omnibus probaverit, etsi in præfatione ejus libri de triumphata Principiorum Sapientiæ ignorantia tropæa se moliri jactet. * Novissime quoque *Malebranchius* in libris de *inquirenda veritate* prolixè mathematicam hanc methodum commendat, ac operose satis Cartesianam de methodo doctrinam cum Aristotelica confert; nam parte secunda lib. 6. ubi Cartesianas regulas proposuerat, aliquot capitibus demonstrare laborat, *Aristotelem in Phisicis suis nihil demonstrasse, cum nullam harum Regularum partem observavit*. Ipse quoque Arithmeticam & Algebram duas constituit scientias, quæ sint fundamenta ceterarum omnium. *Non credam, inquit, esse quicquam utile, quodque accurate ab hominibus sciri possit, ad cujus cognitionem Arithmetica & Algebræ ope pervenire non possint*. Sed de eo alii viderint. * Ego certe miror, qui factum, ut Lyncei isti homines sua ista methodo velut divina aliqua virgula secreta veterum, nemini in dubium vocanda, non penetraverint; cum tamen veteres illi Philosophi suis suffulti principiis, quæ in analogismis potius & conjecturis interdum subsistebant, tam prodigiosa extuderint, in quibus hodieque stupemus, ac vel ignorantiam nostram profiteamur, vel, quia nihil scire sine hac methodo nos posse credimus, ista pervicacia armati pro mendaciis ac fabulis habemus. * *Hobbesius* tamen in sua *Computatione seu Logica* cap. 6. methodum illam mathematicam omnibus non convenire judicat, & in plerisque cum Aristotelis doctrina consentit.

Subjungo nunc, quæ aliqui speciatim consilia in studiis ac doctrinis discendis tradidere, quæ hic quoque referri debent. Qualia præcepta etsi magno numero dari possunt, & inprimis e *Vitis virorum doctorum* formari: nam ut regulæ exempla producunt, ita ab exemplis regulæ peti possunt: etsi quoque in *libro primo*, ubi de *conversuione crudita* agimus, non pauca adduximus, & ex ipso studiorum scopo consilia variant; tamen illa, quæ nunc occurrunt, præcipue ex *J. Fortio Ringelbergio* & *Alexandro Ficheto*, quorum ille in libro de *ratione studiorum*, hic in *arcana studio-*

- 10 *studiorum methode.* quædam notavit, apponemus. * Primum Ficheti præceptum est: *Nosse Facultates omnes, unam profiteri:* vir enim eruditus, qui ex omnibus artibus existit, nulla in re hospes esse debet. Uni tamen & propriæ incumbendum est Facultati; de reliquis, quod in rem nostram facit, delibandum. Qui simul & intempestive adoriuntur omnia, Ardeliones vocantur, risuque & sibilo excipiuntur: qui propositum mutant, quotidie tirones sunt, nunquam magistri. *Summus non crit,* inquit Fortius, *qui non ex unaquaque disciplina decerpserit, quod ad scopum suum conferat.* Id citra laborem effeceris, si nihil attigeris, nisi locos communes; de quibus, cum dabitur occasio, libellum conscribemus. * Secundum, quod primo loco J. Fortio ponitur, est: *Certum sibi scopum præfigi debere.* Nam pauci complectuntur animo bonarum artium curricula omnia: amici hic in consilium adhibendi, ingenium nostrum explorandum, quid valeant humeri, quid ferre recusent: periti Magistri consulendi sunt: difficultas, diuturnitas studiorum expendenda: humaniorum literarum & philosophiæ loci communes, & classiorum autorum lectio nunquam omittenda. * Incertus scopus, quem Fichetus hic nominat, non est scopus; atque ut ad illum nulla linea tendit, ita nulla consilia pro illo suppeditari possunt. * Triplicem scopum constituit Fortius. Nam vel in tertiis, vel in secundis, vel in primis consistere cupimus. Erecta ingenia semper sibi summum locum præfigunt. *Humilis, pavidus & abjectus est animus,* inquit Fortius, *mediocrem esse velle. Equidem me in mille partes discerpi malim (disperiam si secus loquor ac sentio) quam remittere animum ad summa evadendi.* * Tertium est J. Fortii: *Amandos semper labores & contemni luxum debere.* Non potest esse magnum, quod sine pulvere & sudore continget; neque unquam desperandum. * Idem Fortius inter regulas suas etiam hanc ponit: *Opes debere contemni: nihil enim videtur, inquit, accommodatius, nihil magis necessarium penuria, cujus beneficio omnes artes inventæ sunt: equidem, eo ingenio sum, semper fui & semper ero, ut summam inopiam, quam summas opes malim. Metuerem enim, ne pernicioseca mentem occuparet meam.* Sed hoc inter cetera ejus paradoxa referendum.
- 16 * Quartum est: *Affectandas esse studioso laudes.* Nihil enim potest eruditio sine laudum cupiditate; laudum cupiditas sine eruditione. Alterum alterius præsidio semper innititur. * Quintum est: *Peritis comparetur legendo, audiendo, docendo, scribendo.* In singulis multa specialia observanda. * Solitariam lectionem omnino damnat Fortius: *Ea maximum, inquit, fastidium affert & vehementer obtundit ingenii vires. Si autorem legere libeat, cum alio id fieri velim.* Mirabile enim ex alterius præsentia oritur iudicium. Adeo ut si adsit quispiam tanquam apertis oculis res ipsas inspiciere te; si nemo, somnare duntaxat existimes. Adhuc cum proferenda sunt studia, caligant in luce & omnia nova offendunt, ut qui soli didicerunt, quod inter multos faciendum est.
- 19 * Fichetus hic inter arcana divitibus commendat; ut aliorum oculis legant, alienis manibus scribant, alienis studiis proficiant, Anagnostas habeant, qui Autores indicent, compendio referant verbo vel scripto, quicquid est in optimis libris scitu dignum, auditu jucundum, æstimatione pretiosum. *Hac arte, inquit, quamplurimi hodie paucis*

nummis

nummis & sportulis exhauriunt omnes virorum doctissimorum Bibliothecas. Pauper-
tus eruditissima divitum auro sustentata; studet illis, scribit illis, suas illis refundit opes
inestimabili sanore, & majori eos solatio remuneratur, maxime cum gratis pro optima-
tibus elaborat lucubrationes, quod Religiosorum eruditorum est negotium perpetuum.
Hic modus affinis est Regum felicitati, qui ad mensam inter epularum illecebras pascun-
tur esca doctrinarum, & in ipsa lectuli quiete, auditione verum optimarum acquiescunt.
Hanc etiam industriam magna ex parte imitantur, qui collata cum aliis studiorum
opera spolia dividunt militie: juvant enim sese mutuo eruditi, & doctus doctum acuit,
commilitique jura tuenda putat. Simili arte mundinantur ingressum Bibliothecarium
alii, librariorum officinas frequentes adeunt, indices eorum percurrunt, & Gesneri &
aliorum Dictionarium scriptorum: scruta librorum scrutantur & cœmunt. Biblio-
thecas hominum doctorum licitantur. De Papyrii Massoni Museo quanta & quam
pretiosa venierint, scio. He sunt lucrosissime omnium mundine, nostra maxime tempe-
state, cum apud Bibliopolas summa est veterum eruditorumque autorum inopia, omni-
bus lucro inhiantibus, & vulgares duntaxat libros, qui usu teruntur & consuetudine
quotidiana, excurrentibus. * Baco Verulamius Sermone fideli 48. illa non con- 20
temnenda præcepta suppeditat. Temporis nimium in lectione & studiis terere, speciosa
quedam socordia est; iisdem ad ornatum mollius abuti affectatio mera est, quæ se ipsam
prodit. Libros non legas pro concessis accipiendi, aut in verba autoris jvrandi; neque deni-
que in sermonibus te venditandi; sed ut addiscas, ponderes, & judicio tuo aliquatenus
utaris. Sunt libri, quos leviter tantum degustare convenit; sunt quos deglutire, cur-
sinque legere oportet; sunt denique, sed pauci admodum, quos ruminare & digerere
par est, hoc est, libri quidam per partes tantum inspiciendi; alii perlegendi qui-
dem, sed non multum temporis in iisdem evolvendis insumendum; alii autem pauci
diligenter evolvendi, & adhibita attentione singulari. Invenies etiam libros haud pau-
cos, quos per alios & vicaria opera legere sufficiat, eorumque compendia tantum desu-
mere. Verum hoc fieri nolim, præterquam in argumentis humilioribus, & autoribus
minoris pretii. Lectio copiosum reddit & bene instructum; Disputationes & colloquia
promptum & facilem; scriptio autem & Notarum collectio perfecta in animo impri-
mit, & altius figit. Itaque si quis in notando segnis sit aut fastidiosus, memoria illi
opus est bona: si Colloquiis se non exerceat, requiritur ei ingenium promptum; sin in
legendo parcus sit, hoc solum relinquitur, ut artificio quodam utatur, quo videatur ea
scire, quæ nescit. Historiarum lectio prudentes efficit; Poetarum ingeniosos, artes
Mathematicæ subtilitatem donant; Naturalis Philosophia judicium profundum parit;
Moralis gravitatem quamdam morum conciliat; Dialectica & Rhetorica pugnacem
reddunt & ad contentiones alacrem; abeunt (ut ait ille) studia in merces. Quin &
vix occurrit in intellectu impedimentum aliquod inustum, aut naturale, quod non studio
quopiam idoneo emendari & edolari possit. * Ad lectionis commodum hæc Fi- 21
cheri præcepta inserviunt. Multum legamus, non multa. Festinemus lente: obrui-

tur enim memoria multitudine, festinatione iudicium ingeniumque corrumpitur. Convivas imitemur oportet, qui cibus non ingurgitant sese, quos non concoquent, sed sedata fame & lento dente vescuntur, eaque mensura & modo, ut digerere & in succum suum demutare queant dapes illatas. Valebit hoc, si ea legamus, in quibus magna

22 sunt, qui fundamenti loco subternendi ceteris sunt. * Alioquin in libris vastis, quales scribere JCTi solent, Historicis & similis generis summariorum lectio, quæ præmitti capitibus solent, sufficiet. Multa enim in illis sunt aliena, quæ sine dis-

23 pendio prætermitti possunt. * Pertinet ad tales quoque libros dogmaticos & cum cultu scriptos hoc præceptum Ficheti: Non est interrumpenda lectio notis exscribendis, sed ad finem a capite ad calcem pertexenda atque reguenda denno, ut ars dicendi iudiciumque combibatur, tum notæ per otium signis positæ indicata excerptentur. Bis & ter quod pulchrum est, imo libri præcipui terendi & præ manibus habendi sunt semper: eam ob rem ille ut Anasium suum circumferebat Homerum semper, Hesiodum alius, hic Tullii familiares Epistolas. Quare in omnibus fontes querendi sunt, qui enim fontes invenit, multum

& multa legit, cum principis insint omnia: qui rivulis irretitur, licet multis, legendo multa parum aut nihil legit; mea æterna erunt, agebat ille apud Valerium Maximum, tua horaria. Fontes autem dicuntur autores scientiarum, & in facultatibus principes: Rivuli interpretes, Analecæ, Murileguli, Minorum gentium libri. Fons elo-

quentia Cicero, Historie Livius, Pœseos Homerus, & magna ingenia fontibus capiuntur, mediocria rivulis. De illis quoque libris verum hoc est Ficheti præceptum:

sic legendi libri, quasi non finis amplius lecturi, sic hauriende in scholis sententia, quasi repetituri non finis: sic de fonte aureo & torrente hauriendum, quasi deinceps haurire non liceat. Ita fiet, ut accuratissime studia obeamus: etsi enim nonnulla crebro retrahenda sunt, quæ in usum veniunt occupationum, omnia tamen repetenda non sunt. Accidit sæpe, ut quædam studia Genio nostro adversentur, quibus tamen necessario vacandum est. In his utiliter suadet Baco Verulamius sermone fideli 36.

In studiis quicquid a natura alienum repereris, statâ tempora tibi præfigas ad ejusdem exercitationes & meditationes. Sin autem cum Genio tuo convenerit, de statis horis ne sis sollicitus: cogitationes enim tuæ sponte illuc convolabunt, prout negotia & cetera studia permittent.

24 In audiendo & percontando diligentissimum vult esse suum tironem Fortius. Accedant, inquit, ad Professore, interrogent libere, sed paucis questionem absolvant: nam mora viris doctis semper infesta est. Si is dedignabitur respondere, currendum ad alios. Nihil refert, quisnam ille sit, cujus ope opes nostra augeantur. Fioravantus in libro Italica lingua scripto Dello Specchio di scientia universale lib. 3. cap. 20. ad discenda omnia hoc secretum, quod ipse summum habet, præscribit, ut Virorum doctorum conversationem quæramus, atque in omnibus negativam sententiam arripiamus, ita hac occasione a viris doctis elici omnem doctrinam sine nostro labore posse. Quod tamen non ubique, nec apud omnes bene procedit. Plerumque contradictionibus

nibus offenditur animus. Quare nisi certa moderatione id fiat, non probaverim. * Fichetus docet cap. 10. audiendos sæpe esse viros doctos, de pulpito dicentes. Uno, inquit, momento temporis effundunt in sinum nostrum, quod longissimo plurimorum annorum labore coacerant, atque hoc nullo nostro labore magnaque cum animi nostri voluptate contingit. Velint, nolint, cum videri docti appetant, sua prodant arcana omnia necessum est, quæ etiam necessitas, ut Tantali saxum, nobis incumbit: itaque mutui fures doctrinarum sumus, dum audimus & spectamus invicem: sunt enim oculi & aures scientiarum omnium administri & proxeneta. Est & aliud commodum in lucro reponendum maximo, quod ex hominum erudita lectionis ore audiuntur autorum citationes ignotorum, & discantur pretiosa rerum reconditarum nomina. Idem iudicium de consuetudine & conversatione doctissimorum esto. Eadem enim ab illis elicia familiaritate & arte blandissime suffuraberis, eadem disces & forte docebis. Mutua enim hæc est inter eruditos & ingenuos opera, nam callidi nostra surantur, & sua non d. promunt, absit supercilium vincendique studium ab huiusmodi familiaritate, absit discendi docendique benevola modestia, quam in Nepotiano dilaudat Hieronymus, quamque in veterum libris exploratam habemus atque perspectam. * In audiendis prælectionibus publicis non usque adeo assiduum suum vult esse tironem Fortius, meo quidem iudicio minus recte: nam si Doctores in illa arte excellunt, quam profitentur, viva voce plus docebunt, quam e multis libris capias. * In docendo maximum profectus præsidium, nec immerito, collocat Fortius: Simul atque (inquit) in literarum iudicio promoveris nonnihil, enitere, ut per totum diem, si fieri possit, doceas; ea doce, quæ noveris, si non omnia nosti. Sedulo curandum, ut vel prece vsi pretio habeas unum, cui ea, quæ velis, possis recitare. Si pro horis singulis exiguam pecuniam dederis auditori, atque hoc modo quatuor aut quinque aures expendaris, tantum comperies te profecisse tum in literis, tum in forma docendi, ut vel palam ea audeas profiteri. * Porro nunquam docendi munus etiam ab imparato omittendum suadet: Relicta ostentandi libidine quoquo modo affectum te esse senseris, siue per totam noctem vigilaris, siue altior cogitatio te impedierit, ad exercitium velut ad messem currito. In prælegendendo omnem superstitionem vitandam suadet. Si quis locus occurrat obscurus, eum intactum potius relinquere suadet. Nam e prælectione magis fructum, quam gloriam quærendam esse iudicat. Sæpe mihi, ut hoc meo firnem exemplo, cum ad docendum maxime imparatus accessi, in extraneo prælectione necessitas ipsa extudit, quæ longa meditatione non incidissent. A docendo omnem abesse vult invidiam. Si literatus me invasit, inquit, non occultabo ea, quæ assidua peperit consuetudo: verum ultro ipsa prodam tradamque alteri ferrum, quo me superare possit, si velit. Sic enim aliis indicando sæpe stultii modum ipse meliorem semper inveniam, quem exercitatio illa suggeret docenti. Quod Fortii consilium non erga omnes æque laudandum: dissimulanda enim aliqua erga illos esse, qui ingenuitate nostra abuti volent, ipsæ communis prudentiæ regulæ dictabunt. In docendo omnes cavillationes & sophismata abesse jubet, quæ chartarum lulis comparat, in quibus omnia ficta

29 ficta sunt. * Suadet porro, ut etiam pueri ea, quae didicere, statim doceant alios, proposito singulis mensibus aut praenatio aut honore aliquo illi, qui viciisset; quod in declamando suaserat Fabius. Sic enim uberiorem relatu fructum, & juventuti rectius consultum fore existimat. Novi ego, qui in numerosa prole rem optimo cum successu ita instituerunt, ut natu majores minores semper docerent; qua mutua aemulatione excitati fratres feliciter in studiis progressi sunt. Fichetus quoque inter arcana sua etiam τὴν διδασκαλίαν commendat. Ad comparandam, inquit, solidam doctrinam via tritissima certissimaque est docere. Signum enim scientis est posse docere, imo & gradus ad scientiam firmissimus. Fortius magni faciebat hoc docendi exercitium: Hoc exercitio miram tibi rerum copiam comparaveris. Ubi decies rem eandem docueris, plus te senties profecisse, quam si fugiens lucem magno te domi labore consecisses. Per singulos dies duodecim docere horis solebam; praterque ipsas semel interim declamare, vel de Deo, vel de mundo, aut thematibus aliis exercitationis causa. Nonnulli insanire me vociferabantur, sed utinam sic ab incunite etate contigisset insanire. Tanti ego facultatem istam facio, ut malim iudicium adolescentis, qui perpetuo docuisset, etiam res humilimas, quam ejus, qui solitaria domi lectione auctores optimos perlegisset. Multa saepe legi, sed mensis unius intercapedo memoriam ita deleverat omnem, ut vix dum scirem, quos legissem. At quae alios docui, ea tam mihi perspecta sunt, quam corporis membra ipsa. Ea non aliter, quam solis splendorem ante oculos habere sentio. Horum cognitionem firmam esse, certam esse, frugemque proficere amplissimam, experimento comperi. Horum memoriam vix morte credam extingui posse. Quoties me (idem in Annotationibus ait) insanum vocarunt, cum per integrum mensem quotidie docerem ab ortu solis ad occasum? quoties dixerunt fieri non posse, quin ante finem mensis inter labores exspirarem? fatigor quidem, id non nego, etiam pene usque ad spiritus defectionem; sed fatigatio ea dulcis est.

30 In scribendo tum Fortius, tum Fichetus utilia praecepta suppeditarunt. Ille scribendo omnem operam impendere jubet, cetera omnia floccipendere: Ubi perveneris ad proveciiora, puta te tantum profecisse, quantum quotidie scripseris. Etiam si natura facundus es, dedita opera loquaris incompofite. Nam fere fit, ut, qui loquuntur accurate, minus erudite scribant. Dum enim rerum illarum voluptate afficiuntur, imperfectiores oportet sint in altero. Nemo pari cura res duas inquam tractaverit. Nulla praefectio mihi tanti est, ut cogitationis aliquid illi velim tribuere. Id namque me a scopo meo averteret. Ea solum proficere, quae primum veniunt in mentem, quae exercitatio longa mihi comparavit. Et si loquendum esset cum viris summis, etiam in catu maximo, ne verbum quidem unum praemeditarer, tam libens incepte, quam apte sententiam exprimerem. Quod si res majorem curam postularer, talem rem, talem catum, veluti pestem, fugerem, ac filii amorem continerem in pectore. Certe neminem unquam vidi (nisi me memoria fallat) docte scribentem, cui valde in promptu fuit colloquendi differendique ratio. * In scribendo tedium hac ratione evitare docet: Siatue ac vove voluntate firma, te eo die non canaturum, quo non tot paginas, non tot versus,

versus, ut decreveras, scripseris. Quod si acciderit delinquere, tu tibi ignoscere noli, volo, cæna carcas. Abstinere a cibo non parum quandoque ad corporis valetudinem facit, & alacriorem reddit animum. * Si librum editurus es, hoc consilium super-
 32
 peditat. Dic chalcographis, parent sese, librum te dare velle exendendum, etiamsi ne paginam quidem paraveris. Tum facile totam voluminis speciem animo concipere, inde singulas partes leviter in comædiarum argumenti modum describere, denique quotidie, quantum illis satis erit, absolvere poteris. Cum sic inceperis aliquid, perficere debes, velis, nolis. Id ego in omnibus pene libris feci, ac etiam in isto. Quod consilium auctoris non sane in omnibus, quæ scribimus, placeret. Quædam levi negotio etiam ab otiosis scribi possunt; quædam attentiores meditationem requirunt, qualia sunt dogmatica, in quibus certa principia ponenda, & e principis multa deducenda sunt. Ac ipse Fortius non tanquam præceptum, sed tanquam consilium commendat: nam in sequentibus ita: Non displicet editionem premi, quo commendatior liber exeat. Mora tamen aliquid habet incommodi. Hominem facit tranquillum, desidem, otiosum, ignavum, somnolentum. Et nescio quam adserat superstitionem, dum dissimulat quædam, dum rogari vult, ut librum emittat. Quare animus, qui grassari velit, nusquam patiens moræ sit. Sæpe etiam accidit, ut ipse notavit Fortius, quod ad stylum aptiores simus, ac omnia nobis sponte profluant; sæpe non nisi labore atque longa cogitatione quicquam possumus comparare. Unde aliqui minus recte colligunt, non esse ejusdem Auctoris, quæ non pari cura perscripta sunt. * Idem ne noctis quidem tempus a scribendo va-
 33
 cuum esse vult: Noctu ad manum tabulas ceratas vel lapideas habe, aut membranas, quas offibus adustis in usum cum præparant. In his somno intermisso notare poteris, quæ libebit ac luce diurna melioribus typis rescribere. Easdem tecum circumfer semper, ut cum in mentem aut venusta verborum connexio, aut rerum observatio ulla inciderit, scribere ipsam in iis queas. Bonam partem libri hujus in tenebris scripsi, quando somnus me ob calculi dolorem reliquerat, idque cum Sol adversa nobis figeret vestigia nocte vagante in medio cælo. Quod Fortius hic præcipit, jamdudum, antequam Fortiana illa legerem, feci. Multa ego carmina in tenebris, cum somnus me destitueret, palimpsesto illevis, quæ insequenti die elaboravi. Diligenter notari quoque vult Fortius, quod per singulos dies profeceris, ejusque suadet ephemeridas institundas. * In his tamen omnibus pro ratione ætatis ac ingeniorum temperies quæ-
 34
 dam adhibenda est. Ratio in his habenda est, ut præcipit Fichetus, nationum & ætatum: alia Gallis, alia Italis, Hispanis, Germanis sunt ingenia; alia juvenum & senum vires, alia pericula. Alii diutius studendo, meditandoque perdurare possunt, alii non item: temperamentum quoque expendendum. Biliofi alacriores promptioresque sunt; sed difficilius & laboriosius student. Pituita qui concreti sunt, tardiores sunt, at non ita fatigantur. Melancholici obstinatiores laborando habentur. Sanguinei mediis sunt. Illorum omnium calidioribus æstivis pomeridianis periculosa est contentio. Est quædam in studiis literarum ingluviis & avaritia, quæ nocet animo, non concoquenti, sicut cibus avidius ingestus stomacho. Ne

- mibi sis *Helluo librorum*, sed *Amicus*. Modus ergo adhibendus est; qui rebus omnibus est salutaris. Illi enim diutius & feliciter student, qui valent diutius. Valent autem illi diutius, qui studiis moderantur sapientius; qui autem effrenata sciendi cupiditate procurant immoderate, auferrique se suunt, in ipso lumine corruunt, ut *Claudii cantherius*,
- 35 fractis momento corporis & animi viribus. * Temporis quoque ratio habenda. Illud nempe, quod est ab otio, a recreatione diuturniore, a deambulatione & corporis exercitatione ludicra proximum, maxime opportunum est. Dicit enim vix potest, quantos animus, corporis motu concitatus, impetus habeat, ait *Plinius Junior*, quantove cursu
- 36 calamus fluat, otii intercapidine recreatur. * Ut gratiora illa studiorum intervalla sint, duo remedia praescribit *Fortius*: Alterum ut bene nutrias corpus, ambules, ludas, conviveris, corpus vino impleas, ac aliis modis recoves mentem. Idcirco nonnulli ante concionem integros vini cantharos spiritu uno exhauriunt. Alterum, ut multum dormias. Incredibile enim, quanton lucis, quantum alacritatis, res ea adferat animo. In hunc finem subinde quoque locum mutandum esse suadet *Fortius*: Mea sententia senis fere mensibus aut singulis annis urbem queres aliam. Curas omnes, quae hunc impedire morem possint, abdicabis. Equidem infelicissimos voco, semperque vocabo, dies illos, quibus usquam ultra mensum, desederim. Quod si profecturus metus inanis periculorum terreat, cum *Cesare* dicant: nunc te, *Fortuna*, sequamur. Peregrinatio praecipue confert ad exercitationem. Postquam enim in una urbe continua lectione cor, qui te audiunt, fatigaveris, transire licebit in aliam, ubi rursus novos habiturus sis. Sicut praeterea res complures, tum in campis, quos peragamus, tum in civitatibus, ad quas venimus, quae nos impellunt ad altiora. Nam animus & varietate mire excitatur, & saepenumero rerum conspectu novarum permotus efficit ea, quae domi nunquam agitasset. Quod tamen consilium omnibus placere ad omnem studiorum rationem non poterit. Est enim, ubi continuæ locorum mutationes studia potius turbant, quam juvant. * Cui jungendum etiam hoc *παράδοξον* est de libris, quos secum
- 37 vehere debeat *Studiofus*: Qui alium petere locum decrevit, & longam ingredi viam, libros secum conferat solum, in quibus diligenter res aliquas notaverit. Quod si in volumine dua tantum tresve paginae notatae sint, eas e libro exinat, reliquum vendat. Nec sit adeo sordidus, ut exigua jactura rei conatum remoretur. Cogitet semper, si ad summum pervenerit, non defuturas opes. Superiore anno *Basileam* profecturus e novo opere *Plinii* secundum librum a me notatum excidebam, ut necum ferverem. *Amicus* interveniens me mentis esse parum sane opinabatur. Sic tractavi libros complures, semperque faciam, cum id postularit occasio. Tametsi mihi essent novi codices *Ciceronis*, *Platonis*, *Demosthenis*, grandi comparati ere, omnes tamen paginas crumperem, in quibus scitu dignum aliquid scripsissem, quando esset proficiscendum. Et hac quidem
- 38 ratione vere *Excerpta* adornarent *studiosi*: quae mihi tamen displiceret. * Quibus animus non est, ut scribant, suadet *Fortius*, ut polite loqui discant: Discant hi, quemadmodum res omnes memorare eleganter possint. Illorum tamen gloria, inquit, a nostra laude distat, quantum momentum ab aeternitate. Praecipue vero in scriptione eloquen-

eloquentiæ curam adhiberi vult: *Adhæc do operam*, inquit, ut numerorum gratia sit, sive concentus cohercat, aut per omnes periodi partes, si tersus quicquam scribere coner, aut saltem in fine. Ubi oratio desinet, quævo spondeos, trocheos, epitritos quarteos, παιωνας secundos, tertiosve; sed per vicissitudinem. Postrema cura est, ne multi sint fines sententiarum, qui pedes eodem habeant. Insuave enim quiddam, periodos tres seu quatuor eundem habere πεισιχες, epitritum, aut alium quempiam orationis exitum.

In petum concentu omnem propemodum elegantiam pono. Sed maxima hic varietas exquiritur. Quocirca maiorem multo tum laudem tum occasionem ostentanda doctrinæ consequeris, si ita occulto nexu orationem vinxeris, quam si scripseris carmen. Illic namque varietatem, qua ipsa imprimis natura gaudet; heic unum diutaxat florum genus proferre potes. Numeros equidem vitam vocaverim orationis; quod haud obscure apparebit, si sententiam numerosam solveris iisdem servatis ac transpositis verbis. Quippe quæ ante efficax erat, ea soluta ridicula videbitur. Quamobrem in omni opere prima curarum apte debet, ut res sive membra cohereant; proxima, ut verba seu modulatio numerorum.

In libris excudendis, inquit ille, cum speciosum aliquem vocum contextum, aut verba duo ornata invenio, letitia exulto maiore, quam si aureum reperissem. Tum mirus splendor pectus illustrat, hæc ἀμύγητος vivimus, hoc dulci gaudio mens tranquilla fruatur. Ea mihi sententia est, atque uti spero, ad vitæ exitum permanebit, ut pro singulis vocibus nitidis, significantibus, appositis, singulos recipere aureos nolim, etiam si summa me premeret inopia. Malo dictionem esse decoram, ut voces duas commissas apte, aut splendide dictum aliquid in opusculis meis, quam aureum in manibus.

* In scribendo duplicem quoque modum tradebat Quintilianus: aut enim profunduntur impetu subito omnia, ut occurrunt, ac deinde secerantur & limantur accurata diligentia; qui modus est eorum, qui prompto & celeri sunt ingenio; nam alioqui, dum moratur mens in elaborando, cogitationes optimæ prætervolant: aut nihil chartæ committitur, nisi diu expensum; quæ ratio morosior est ac tardiorum ingeniorum. In his prior illa ratio mihi placet, quam ego plerumque sequi soleo. Quæ subito ingenii calore inciderunt, quæcunque illa demum fuerint; sive argumenta sive ornamenta rerum, in carminibus hemistichia, sine modo ac ordine, modo ad rem faciant, diligenter chartis consignare soleo.

Hinc commodiori tempore elaboratio eas meditationes perficit, quæ nisi notatæ primum fuissent, periissent omnes, e quibus δευτέρας Περικλῆς plura animo suggerunt. * Ad conservationem sanitatis, quo eo melius studiis vacare possis, παρα- 39 δευτέρας quædam Fortii consilia sunt; e quibus illud de exercendo corpore: longa quies enervat corpus, & caleum parit; idco præcepere, ut studiosi quandoque arcum globum manu agitent, torquantque ad fatigationem. Verum hoc exercitium nonnihil aufert temporis. Modum igitur alium excogitavi. In vestibus interioribus aliquando confuo plumbum dissectum in minutas lamias tanti ponderis, ut utraque manu universam levare molem vix possim. Has induo mane, has robur corporis commode sustentat. Caveo tamen, ne inferior spine pars plus aquo prematur. Id facio ad octo fere dies, donec astu laboris nimium membra accendantur. Sed pondus dictum sensim augetur ac minuitur:

39

Repeto.

40

Repeto.

- Repentina namque mutatio ledere non parum naturam solet. Milonem sequor, qui quotidie vitulum ferre solitus, tandem gestavit taurion. Hac ratione tempore eodem*
- 41 *Et scribo Et firmo valetudinem. * Ne nimio somno indulgeat, saxa seu ligna per transversum lateri supponit. Ea namque principio non senties, & post horas aliquot duritie magis, quam prius, premente membra sponte excitaberis.*
- 42 ** Illud quoque in conversatione morosum nunc videri possit, cum temporis parsimoniam hac ratione habendam scribit: si qui ad te accesserint, qui res vanas, quæ nihil ad artes facere videntur, proferant; fuge repente ad studia tua. Satius est, ut illi tuam mirentur impudentiam, quam tibi pereat tempus. Illud enim unus aut alter, hoc tota sentiat posteritas. Quot volumina possent scribi intra horas illas, quæ per annum pereunt? cui simile illud est: accitus ad convivium, ubi fore putabis eos, quorum audire nugæ deberes, ne accedas. Satius esset corporis membrum*
- 43 *amittere, quam cogitationem per horas duas tam inanibus fabulis impediri. * Hæc vir ille pluraque alia in discendo docendoque compendia suppeditavit, de quibus ipse ita iudicavit: scio me scripsisse in hoc libro multa, quæ otiosorum hominum fabulas non effugient: nec me scripsisse penitet. Nam parvipendo iudicium eorum, quibus diversum institutum est, hoc est, qui decreverunt lente omnia aggredi, quæ ad mentis decorem faciunt, ac vigilantius querere, quæ ad corpus pertinent. Pleraque ex illis non sunt spernenda, & quibus, quæ commoda videbuntur, in usum nostrum vertemus.*
- 44 *Magnus hic nobis panderetur campus, si doctrinæ & methodi consilia pro ratione personarum, & scopo eorum, qui studiis incumbunt, expendere vellemus. Si quis reipublicæ aliquando habenas tractabit, is ad suum finem omnia diriget, ac cuilibet sua facile prudentia dictabit, quos intra limites continere se debeat. Secerni hic debent τὰ ὑπερβόρτα a supervacuis, rerum momenta ab ornatu & cultu, & huius in pompam & decorem sui ostentationem multa assumi debent. Sapienter Baco Verulamius sermone fideli 52. Non volitabit alicujus fama per ora virum, neque bene alata erit sine plumis alicujus ostentationis: in actionibus magnis ingenia jactabunda vivacius negotia impellunt. In Ducibus & viris militaribus gloriosum esse non inutile est, jactantia instar vernicis videtur esse, quæ ligna non solum splendere facit, verum etiam durare. * In hunc scopum integri a multis libri scripti sunt, & quibus nominabo nunc Alexandri Piccolomini librum Italica lingua, della Institutione di tutta la vita de l'Homme nato nobile & in Città libera, in gratiam Alexandri Colombini scriptum, & loco muneris Lustrici donatum, editumque Venet. An. 1552. in 8. Hic & Peripatetica & Platonica Philosophia traduntur omnia, quæ in Moralibus, Politicis, Oeconomicis ad felicitatem viri nobilis faciunt: de exercitiis quoque corporis recte instituendis instituitur dissertatio, deque ceteris disciplinis omnibus, quatenus illis uti Juvenes nobiles debent. A tertio ad quartum ætatis annum in matris sinu puerum nobilem bonis moribus, piæ & linguæ rudimentis imbui jubet, a quinto ad decimum institutione grammaticæ & humanioribus literis; a decimo ad*

ad decimum quartum Dialectica, Rhetorica, Poëtica, Pictura, exercitiis musicis & corporis informari vult, meo quidem iudicio immature nimis. Non enim illa ætas Dialectices & Rhetorices capax est. Post annum decimum quartum ad mathematica studia nobilem suum ablegat, quorum vel ante Rhetoricam & Dialecticam puerile ingenium capax esse potest. Hinc illi totum illum Ethices & Politices campum aperit. * Verum in iis ad ingenia respiciendum est: neque enim, 45 ut non omnis fert omnia tellus, ita quodlibet ingenium, qua quis requirat ætate, his vel illis studiis aptum est. * Conferri cum his Piccolominianis possunt, quæ 47 *Bloemertius* in libro de Nobilis informatione, *Pastorius* in palæstra Nobilium, & *Schefferus* in libello de Informatione Nobilis, consilia suppeditarunt; de quibus capite de *Padagogia* regia pluribus agemus. * Ducis belli studia alia ratione debent esse 48 comparata. In his utilissima consilia subministrat *Gabriel Naudæus*, cujus extat eruditissimum Syntagma de studio militari, Romæ in 4to An. 1637. editum, & Illustrissimo *Juveni Ludovico* ex Comitibus *Guidiis* a Balneo inscriptum. Nullam scientiarum partem, quæ quidem prodesse Duci militari poterat, intactam in accuratissimo Opere reliquit; pulcherrimis præterea digressionibus commentationem hanc ornans. * Diriguntur etiam ad usum Ecclesiasticum ac Academicum studia. 49 In singulis ratio peculiaris habenda est: præferendæ enim hic disciplinæ huic scopo intervientes ceteris. In feminis quoque aliam studiorum rationem quæservirum, quam in viris, si forte & illæ studiis animum excolere vellent.

In omni tamen studiorum genere velocitas & nimia festinatio vitanda est, 50 quicquid etiam quibusdam volaticis ingeniis videatur. Canes festinantes, ut in veteri verbo est, cæcos pariunt catulos, nihilque solidi in scientiis disci potest, ubi omnia superficialia opera tractantur. Nisi forte quis ad pompam uti studiorum quorundam simulacris malit, ut solent quidam genere nobiles, qui ad summa in Republica munia gerenda non satis apti, solis titulorum phaleris existimationem apud plebem sustentant. * Legenda est super hoc argumento elegans, omni- 51 bus eloquentiæ luminibus picta, *Dionysii Petavii* de discendi ratione, oratio, quæ inter ceteras ejus nona est, ubi *Crasii* dictum lib. 3. de Oratore: *Nisi quod quicque cito potuerit, nunquam omnino posse perdiscere*, solidissimis optimisque rationibus refutat. Omnem ergo ille præcipitatem discendi rationem, ut studiorum pestem, a bonarum mentium officinis eliminat. Stultum enim esse ostendit, cum in corporis illis exercitiis non nisi diuturnitate temporis ac multo usu proficiamus, in literarum studiis, ac operosissima eloquentiæ doctrina, subito nos velle uno quasi spiritu haurire omnia, cui totam vitam optimi quoque Oratores impenderunt. * *Sorellus* itidem in scientia sua Universali circa finem singularem capite de 52 magna & perfectâ methodo agit; ubi omnem illam docendi rationem, quæ exiguo tempore fit, damnat, enumeratque varia exempla talis institutionis, quæ male cesserunt. Ac sane rarissime adeo felicibus esse ingeniis licet, ut exiguo tempore, ac prima statim ætate, multa magnaue comprehendant. * Fuere interdum 53 singulari quodam fato ad res magnas destinari, qui mature admirabilia in literis

specimina dederunt. (a) Talia in *Torquato Tasso*, *Mazonio*, exempla recenset *Erythraeus*. Nostro seculo *Grotium* & *Heinsium* habuimus, in ipsa puerili ætate & libris & carminibus editis celebres. Prodigio similia sunt, quæ de *Marta Marchina*, virgine Neapolitana, pene infante, memorat *Erythraeus*, *Pinac.* III. n. 75, quæ a nemine, nisi foras divinitus, edocta egregie Græcam, Latinam & Hebraicam linguam noverat, tum Philosophicis, Philologicis ac liberalibus omnibus disciplinis non leviter erat, sed literate perita; deinde Epigrammata Græca, sed Latina imprimis, eleganter arguteque conclusa fundebat ex tempore. Singulare quoque de *Jacobo Martino Modonesio* exemplum ibi memoratur, qui septennis puer a *Joh. Bapt. Mezetto* Servita omnibus scientiis imbutus, adversus omnes accurate disputare potuit.

- 54 Sed infelix hujus rei eventus fuit, testaturque *Athanasius Kircherus* in *Epistola ad Quirinum Kuhlmannum*, Modonesium illum ab omni postea ingenio destitutum, stupidumque & nulli rei aptum fuisse. Quod & *Jacobo Marchiseto* Pisaurensi contigit, qui tredecim annos natus totam Aristotelis Philosophiam completus est, ut omnes in examen provocare ausus sit, postea illam admirabilem ingenii vim amisit; epistolis tamen scribendis a Pontifice admotus: de quo videatur *Erythraeus Pinacoth.* I. n. 72. De omnibus Romanis ingeniis judicat Favoritus in *Virginii Cæsarini* vita, quæ inter Poëmata septem illustrium Poëtarum habetur, illa prima ætate statim sapere, sed raro esse vitalia, ac in vigore illa concidere. Multa ejus generis exempla collegit *Balthasar Bonifacius* in *Historia ludicra* lib. 19. c. 10. qui talia etiam apud veteres non rara fuisse ostendit.
- 55 Recentiora multa exempla collegit *Colomesius* in notis ad *Quintiliani Institutiones*, quæ in *Opusculis* ejus literariis habentur, *proœmio* lib. 6. ad illa verba, quibus filii sui decennis, jam præclara ingenii specimina edentis, obitum deplorat, non soscitus fuit, ut prior, sed jam decimum ætatis ingressus annum deformatos fructus ostenderat. In his sunt *Plinius Junior*, qui decimo quarto anno Tragediam Græcam scripsit; *Avicenna*, qui decennis literas humaniores calluisse, & totam Encyclopædiam ante annum ætatis decimum octavum absolvisse dicitur; *Philippus Beroaldus*, qui adhuc puer Servii in Virgilium errores prosecutus est; *Ludovicus Stella* quindecim annorum adolescens, qui Aureliæ Lucianum, Aristophanem, Theodori Gazæ Grammaticam frequentissimo auditorio explicuit, cujus memoria a Joachimo Fortio literarum monumentis est consignata; *Nicolaus Borbonius*, qui Ferrariam carmen scripsit anno decimo quarto; *Stephanus Boëtianus*, qui de servitute voluntaria anno decimo sexto scripsit; *Aldus Manutius*, Pauli filius, qui anno decimo quarto commentarium de Orthographia scripsit;

Clau-

- (a) Ingeniorum præcocium Historiam diligentissime omnium Gallico sermone est persecutus *Adr. Bailletus*, *Biblioth. Lamonia: Præfectus*, in *Tractatu*, Parisiis A. 1688. in 12. edito, *des Enfants devenus celebres par leurs études, ou par leurs écrits*; cui Appendix etiam peculiaris περί των ἐψιμαδῶν (*les Esprits tardives*) est adjecta. Utriusque (Libri pariter atque Appendix) Supplementum promittit *Sebast. Kortholtus*, Poëtos Professor Kilonientis.

Claudianus Salmasius, qui Nilium & Barlaamum de primatu Papæ recensuit ac emendavit nondum quatuordecim annos natus, (cujus laboris ne senem quidem pœnituit) & anno ætatis decimo quinto Florum cum notis edidit. Plura exempla recensent Tiraquellus in *Opère de nobilitate & Jure primogenitorum* pag. 438. 448. Leo Aliatus in *Apibus Urbanis* pag. 144. & seqq. * Sed prudentibus viris semper prodigiosa illa præcocium ingeniorum maturitas suspecta, quæ succo tandem suo destituta extinguitur. Quintilianus eodem, quem supra laudavimus, loco filii sui exemplo testatur, quod observatum sit celerius occidere festinatam maturitatem, & esse nescio quam, quæ sperantias decerpit, invidiam, ne videlicet ultra, quam homini datum est, nostra provehantur. Ipse Aristoteles in Rhetoricis ex vetere Poëta reprehendere videtur magistros nimis anxios & sedulos, qui pueros nituntur triduo Philosophos efficere. * Ego cum ingeniis istis præcocius lente festinandum, neque obruenda doctrinæ mole, suaderem, etiam si illi sustinendæ pares forte viderentur. Et sane, quod Erythræus quoque *Pinacoth. III. n. 36.* notat, sæpe acerrimis ingeniis deest idonea informatio ac opes ad doctrinam parandam necessariæ. Nec desunt, qui Magistrorum etiam industriam vincant, ac per ludum & jocum plus præstent, quam summa alii diligentia; quale exemplum in Carolo a Serva notavit Erythræus *Pinacoth. I. n. 88.* * Ex adverso fuere & præcocius, qui ceteris omnibus superiores summam ac immortalem gloriam sunt consecuti, ut *Jul. C. Scaliger ac Isaacus Casaubonus*, qui særa sua studia cum Danielis Heinssii præmaturis confert *Epistola 198.* felicitatem Danielis Heinssii adolescentis, cum ad Casaubonum literas has scriberet, prædicans. Sane, inquit, cum ea ætate essem, qua te nunc esse ex magni Scaligeri literis conjicio, bonorum autorum nomina paucis admodum exceptis, ne fando quidem audiveram unquam. Legimus senes ipsos feliciores sæpe pueris progressus in studiis fecisse. Exemplum ejus rei dedit Bonciarius, qui patrem suum, septimum & quadragesimum annum agentem, hominem illiteratum, nisi quod legere scribereque sciret, semestri spatio linguam Latinam docuit, ut in ordinem Patrum Societatis Jesu sacerdotis munere functurus cooptaretur, ad quam sine linguæ Latinae peritia, nullus ipsi accessus fuisset. Methodum, qua usus est, describit Dominicus Passioneus *Epistola ad Scipionem Barnabæum*, quæ inter Bonciarii epistolæ reperitur pag. 396. Videatur & Erythræus *Pinacoth. I. n. 53.*

C A P. IX.

D E

METHODO IN LINGVIS, LATINA PRÆCIPUE ET GRÆCA, DISCENDIS TENENDA.

- §. 1. Lingua, scientiarum vehicula, ante omnia addiscenda. 2. *seqq.* Lingua Latina an e conversatione & usu disci possit? 3. Roberti Gentilis, pueri septennis, exemplum, 4. qui anno ætatis undecimo lectiones Virgilianas edidit. 5. Ejus liber de methodo brevi.

Ggg 2

brevis. 6. Sermo Latinus per colloquia non satis purus obtinetur. 7. Itatorum superstitiosa in loquendo abstinentia. 8. & in scribendo industria. 9. quæ morosa industria reprobatur. 10. Montanus a prima infantia linguam Latinam ex usu didicit. 11. Memorabile exemplum pueri quadrini, 12. 17. seqq. ejusque historia prolixius recensetur, 13. 18. cum commodis hujus novæ methodi. 14. 16. & incommodis vulgaris illius. 15. Multa, nondum inventa, difficilia; inventa facillima videntur. 19. Respondetur contrariis. 20. Grammatices præcepta non minus difficilia, quam ulla alia scientia. 21. Methodus hæc nova cogitanda relinquatur. 22. Civitas aliqua Latina an institui possit? 23. quod affirmatur. 24. ejusque institutio præscribitur. 25. Obstantibus respondetur. 26. Magni Pegelii consilium de Schola pro linguis erigenda. 27. An naturali dispositione ad repentinam linguarum notitiam detur aditus. 28. Historia e Mottaio Vayero de Gallo aliquo, qui dormiens linguas omnes loquebatur, quarum ipse erat ignarissimus. 29. Via per institutionem brevis esse debet. 30. Ficheti consilium. 31. Beccheri compendium. 32. Autoris Medicinæ Mentis consilium pro linguis ad discendis affertur. 33. Beccheri Compendia Grammatica, 34. Kuhlmanni, 35. Rosii methodus a Mormio proposita. 36. Schenckelii liber. 37. 38. Tuningii & Grunandi exemplum de lingua Latina intra sex menses discenda. 39. Sorelli iniquum judicium de Montani informatione, 40. quod refellitur. 41. Methodus le Maire, qui Hebræam, Græcam & Latinam puerum octennem eodem tempore docuit, 42. qua via incessevit. 43. Sorello eam improbanti occurritur. 44. Tanaquilis Fabri methodus, qua filium suum a 10. ad 14. annum in Græca & Latina lingua informavit, 45. Calligraphia an puer necessario instruendus, 46. Illa methodus per aliquot paginas late recensetur. 47. Homeri lectio cur puerili ætati præ ceteris conveniat, 48. comica studia pueris non negligenda, 49. Virgilini cur Homero sit difficilior, 50. Livii Historia pro pueris difficilior. 51. Tanaquilis Fabri filia doctissima. 52. filius 14. annorum autoribus optimis legendis occupatus. 53. seqq. censura methodi a Tan. Fabro in informando adhibita. 55. Poëtarum lectio suadetur. 56. Periodica connexio pueris ante omnia inculcanda, 57. Gnomo morales. 58. Stylus sedulo formandus, 59. Plauti fabula a puero nondum legende.

1 **P**rima, quæ disci debent, linguæ sunt, scientiarum vehicula, in quibus multum temporis consumimus, antequam eo perfectionis perveniamus, ut nostro Marte quicquam agere possimus. Vernaculæ sine magno negotio addisci possunt, modo parentes, præceptores, famuli, & alii, cum quibus conversamur, incor-
 2 rupte loquantur. Quod si Græca ac Latina lingua ea etiamnum methodo addisci possent, non tanto nunc apparatu opus esset, citiusque ad ipsas disciplinas transire possemus. Quam ob causam in eam cogitationem multi venerunt, ut linguam Latinam e conversatione cum Latine loquentibus potius, quam e Grammaticis
 1 præceptis & lectione, addiscendam suaserint. *Ejus experimentum in filio Roberto parer

pater *Albericus Gentilis* cepit, qui septennis puer Latine, Gallice, Angliceque locutus dicitur; quod pater illum non nisi Latino, mater Gallico, qui ei proprius erat, & Anglicano sermone (Oxonii enim vivebat) familia reliqua uteretur. * Nondum octavum attigit annum, cum Virgilium illi pater prælegeret; ut patet 4 ex Commentariis, quos *lectionum Virgilianarum* titulo sub ingressu undecimi anni edidit. Ut felicior ergo fuerit Tanaq. Fabri filio, de quo postea dicemus, qui 14. demum anno Græcæ ac Latinae linguæ autores optime intelligere potuit. * Vidi ab ipso illo *Roberto* titulum libri Anglica lingua scripti super hoc argumen- 5 to, in Bibliothecæ Oxoniensis catalogo extantis, qui ita habet: *Roberti Gentilis le chemin abrégé or à Methode for attaining of sciences in a short time, i. e. Via brevis, sive Methodus brevi tempore discendi scientias*, Londin. 1654. in 8vo. Sed hæcenus librum ipsum videre mihi non licuit. Et fateor sane, patris tam docti colloquiis proficere quadatenus in lingua Latina potuisse puerum. * Ceterum colloquia cum iis, 6 qui linguam Latinam accuratissime loqui nequeunt, magis turbant sermonem Latinum, quam juvant; * ut & Itali nonnulli de industria sermonibus Latinis, etiam 7 cum viris doctis, abstinendum existiment, ne diatio aliquid ex idiotismo trahat, quem in colloquiis viri etiam docti vix evitant, licet eleganter alias scribant. * Quam ob causam Scioppius Manurio insultat, qui quadrimestre tempus in una 8 epistola scribenda exegerit. Ac vidi sane viri alicujus celebris (nec gentem nunc nec nomen viri memorabo) *ἀντρίγεια* epistolæ in Bibliotheca Gudiana, qui mirabili & anxia diligentia eam scripserat: nam 4. vel 5. chartæ folia in forma majore compegerat, singulis paginis tres quatuorve ad summum periodos inscripserat, spatio interlineari amplissimo; singulis pene verbis & phrasibus variationes superpulerat, atque ipsa loca, unde illæ desumptæ, notaverat; neque illas tantum, sed & politus & juncturas verborum, adverbiorum, epithetorum, synonymorum e Nizoliano Lexico adjecerat; numero quoque & pedibus clausularum connotatis. Hanc ille rationem in singulis periodis ad finem usque tenuerat, atque in hoc labore 4. menses exegerat. Inceperat enim (quod manu sua annotaverat) corrigere has literas die 6. Aprilis, finierat Kal. Augusti, Anno 1596. * Non 9 probarim ego morosam adeo & scrupulosam diligentiam; etsi hoc exemplo ostendi possit, quanta accuratatione usi sint viri docti in sermone Latino & puro acquirendo. Sed ita potissima vitæ pars in sola linguæ Latinae cognitione elaboretur.

Non omittenda hic videbantur memorabilia eorum exempla, qui a prima 10 infantia solo usu & colloquio mirabilem loquendi Latine promptitudinem nacti fuerunt. In his est *Montanus*, vir apud Gallos celebratissimus, qui in dissertationibus (*Essays*) quas Gallica lingua scripsit, lib. 1. c. p. 25. suo hoc exemplo probat. Verba ejus in Latinum conversa ita habent: *Pater meus in disciplinam me dedit Germano homini in Gallica lingua rudi, sed in Latina versatissimo, cujus ille operam amplissimo stipendio conduxit. Hærebam illi semper in amplexibus, aderantque alii etiam pueri linguæ Latine non ignari. Nihil in adibus nisi Latinum audiebatur; non mater,*

non famuli nisi Latinis verbis, quæ e conversatione ceperant, ad me presentem utebantur: unde & mater & famuli tantum in lingua Latina proficere, ut mea verba intelligerent, & in rebus quotidianis mecum sermones breviores instituerent possent. Sex annos natus eram, cum de Gallica lingua nil amplius, quam de Persica aut Arabica scirem, atque ita sine Grammatica, sine præceptis, & plagosa institutione Latinam linguam didici, ut tantum scirem, quantum ipsi in illa lingua Pedagogi, qui me miscere suis discipulis non poterant. Nam cum ceteris discipulis thema daretur in linguam Latinam convertendum, mihi dabatur Latinum, barbaris & solæcismis defædatur, quod ego in elegantiorum sermonem converterem. Nicolaus Græchius, qui de Comitibus Romanorum scripsit, Gulielmus Grentius, qui commentatus est in Aristotelem, Buchananus Poëta Scotus, Antonius Muretus, præceptores mei domestici, sæpe ad me dicebant, me lingua Latina in prima ætate puerili adeo prompte locutum, ut mecum confabulari vix auderent. Buchananus de Institutione puerorum se aliquid scripturum susceperat, qua in re meo possimum exemplo uti se velle significabat.

- 11 Aliud exemplum ante hos 19. annos Parisiis Regi ipsi propositum fuit, quod fidem superare videretur; sed tamen tot testibus confirmatum dubitare de rei veritate nos non sinit. Erat infans 4. annorum, qui adeo expedite loquebatur Latinam linguam, ut Regi omnibusque prodigio propemodum fuerit. Illam intra duos annos, ex quo a matris uberibus primum amotus fuit, apprehenderat. Nullum committebat errorem vel in flexione, vel in Syntaxi, adeo ut quosdam de industria solæcizantes correxerit. Cum aliqui dicerent: *Ubi ibis a prandio?* ille emendavit: *Quo ibis.* Aliis dicentibus, *conscendere in equo;* ille regessit: *con-*
- 12 *scendere in equum.* * Ejus historię relatio, cum ratione istius informationis, singulari libello Gallica lingua tradita est, atque ex ea in Anglicam conversa prodiit Londini Ann. 1669. hoc titulo: *An Examen of the Way of teaching the latin tongue to little children by use alone, London. 1669. in 12.* Operæ pretium profecto est, ejus libri summam hoc in loco recensere, cum libellus ille forte in paucorum manibus sit. Pater hujus infantis duos habuit amicos, Latine accurate doctos, quibus in hac informatione usus est, quorum præcipua cura fuit, ut, quæ cum puero fabularentur, selecta essent, tum qua voces, tum qua argumenta, eosque reprehenderent, qui minus recte loquerentur; adeo ut non tam promiscua collocutio, quam methodus colloquendi, illi intellectum habiliorem redderet, quam alias est in pueris ejus ætatis; poterat enim puer apte de rebus plurimis judicare, atque eandem rem variatis verbis & phrasibus efferre. Cum aliqui illum, qui equis præest, *Agasonem* vocarent, ille *Equisonem* substituit. Hanc informandi methodum Autor ejus libelli, quicumque ille est, antiquam & infallibilem esse ostendit, miraturque non imitari hoc exemplum etiam alios. * Omnes vernaculas, & exoticas linguas usu continuo ad summam perfectionem perducimus, quare & lingua Latina idem fieri posse recte existimat, neque ad hanc requiri ingenia ceteris excellentiora, sed judicium etiam e conversatione cum magistris Latine loquentibus acui. Duo huic similia exempla adducit puerorum eodem modo informatorum, in quibus nihil

nihil puerile deprehensum fuit, exceptis motibus & gesticationibus, quæ ab illa ætate separari nequeunt. * Præterea metus ille, quo cohibentur in ludis pue- 14
ri, & impedita illa naturæ libertas multum detrahunt solertiæ naturali, quæ hac ratione magis excitatur. * Multa quidem dubia circa hanc rem moveri posse 15
fateretur Autor; verum multa ille ait difficilia videri, quæ nondum inventa sunt; inventa vero facillima videri, quod exemplo Typographiæ, acus magneticæ, & circulationis sanguinis probat. Linguae Latinae autem tantam esse utilitatem, ut quævis difficultates superandæ sint, quo hunc finem tam cito assequamur. * Pro- 16
lixè ostendit e defectibus communis illius methodi in lingua Latina discenda, in qua tantum temporis verbis impendendum, quo ad disciplinas ipsas expeditius iri possit, utilitates hujus viæ brevioris. Primum, inquit, a 6 vel 7 anno ad 17
vel 18 in collegio derinetur puer, intra quod tempus quot ambagibus circumducitur? discendæ omnes inflexiones, accidentia vocum, connexio sententiarum, distinguendæ significationes, proprietates, Syntaxeos regulæ: quæ omnia tædio-
fissima pueris sunt, & penas scholasticas provocant, quibus effertur animus, & ad odium literarum inducitur. Hic Declinationum, Conjugationum, personarum, articulorum, Heteroclitorum, Constructionum perplexitates notandæ sunt, quibus velut equuleis & fideulis torquetur illorum animus. Qui in scribendo, vertendo, phraseologiis, exercitiis Rhetoricis labores suscipiendi? posset compendium per
lectiones quidem institui, ut non sit opus prolixitate illa regularum; sed in lo-
quendo & scribendo deficiet, atque tum ad priorem viam recurrendum est. Quod si ad Philosophicas disciplinas admoventur, pene nitorem linguæ Latinae dediscunt. Ideoque exigua quædam & imperfecta summo labore & impensis in
scholis discuntur, ne quid de temporis irreparabili jactura dicamus; cum altera 17
illa methodo omnia simul comprehendi possint. * Accuratius ergo in illam no-
vam methodum inquirat. Infans 22. mensium erat, cum primum informationi
illi traderetur. Pauca illa vocabula vernacula, quæ a nutrice & matre hauserant,
statim oblivioni tradita fuere. Iisdem magistris alius datus 31. mensium, qui mu-
la jam vernacula loquebatur, intra 2. vel 3. hebdomadas omnia abolita, eorumque
loco tantum de Latina lingua intra mensem hauserat, quantum de vernacula antea
sciret. Ex iis pueris major natu ceterorum quasi magister est. Famuli quoque
tantum de lingua Latina sciunt, quantum opus est ad quotidiana illa exprimenda.
Atque ita Latinam præ vernacula didicerunt: quam methodum Quintilianus
quoque Romanos secutos testatur, qui primum Græca, tum Latina lingua pueros
informarunt. Facile autem posse pueros plures linguas simul sine confusione di-
scere; quod exemplo Constantinopolitanorum & Brabantorum probat, constat-
que e superiore exemplo Roberti Gentilis. Quare & pueri jam vernaculam lo-
quentes e conversatione cum Latine loquentibus facilius, quam per præcepta, La-
tinam discere possunt. Hanc viam facillimam esse ostendit Autor cap. 6.
Quoniam enim de discenda lingua ne cogitant quidem, ideoque eo faci-
lius discunt, & expeditius ludis jocisque illa inculcatur, summa cum jucundi-
tate, citra Orbili alicujus plagas, procul ab omni metu & dolore, qui affectus
puero-

puerorum animos dejiciunt, & serviles reddunt ex ingenuis; neque pravorum affectuum, iræ, indignationis semina insperguntur, quæ cum magistrorum ferulis implantari solent. Nunquam enim pœnæ in pueros statui debent, nisi ob actiones honestas & justitiæ repugnantes; quam ob causam eo attentiores in conversatione tam innoxia & humanissima erunt pueri. Neque opus est, nobis ipsis necessitatem castigandi hac via imponere ob negligentiam, cujus pœnæ in communi methodo interdum vix evitari possunt. Seligenda sunt in colloquiis non seria tantum, sed & maxime ludicra, in quibus nil agunt vulgares Scholæ. Argumenta quoque de artibus, de historiis variisque rebus immiscenda sunt, in quæ quotidiano sermone non facile deducimur. Atque hinc occasiones de industria caprandæ & sapienti consilio dirigendæ. Cap. 7. agit de brevitate hujus methodi, qua intra novem annorum spatium pleraque disci possint, particularibus artium & scientiarum exceptis, cum vulgari via ne unam quidem Latinam linguam eo temporis spatio discamus. Per usum ergo, ut cap. 8. fusius deducit, accuratior, quam per præcepta & regulas cognitio habetur, constructiones, proprietates verborum simul apprehenduntur; copia, promptitudo loquendi acquiritur, quam vix tota vita vulgari illa nobis paramus. Major quoque linguæ ipsius extensio est: nam plura in familiari colloquio incidunt, de quibus silent libri & Scholæ. Ad lectionem quoque longe paratior accedet, ut itaque & lectione postea supplere possit, quæ in conversatione defecerunt. Puer ex illis nova methodo institutis sexto ætatis anno Phædri fabulas intellexit, quas alii vix duodecimo intelligerent. Quare omne illud tempus, quod alii Grammaticæ impendunt & versionibus, ille impendere lectioni potest, Autores omnes quatuor annis citius leger, decem annis citius intelliget, & duplo longius tempus illis, quam alii faciunt, qui sero ad bonos Autores accedunt, insumere poterit. Fieri denique non potest, quin habitus ille a prima nativitate per 8. & 9. annos continuatus alterum superet, qui a 14. & 15. anno incipit, & per tres quatuorve annos tantum continuatur, & accessione Rhetorices & Philosophiæ vel interrumpitur, vel constringitur. Quod si vero illis loquendi Latine necessitatem impones, crucem illis figere videberis; inviti enim ad loquelam Latinam adiguntur, eamque multis sollecissimis corrumpent, ut itaque omne hoc scholasticum exercitium non linguæ, sed scriptioni, inservire videatur. 18 * Hujus utilitatis secundum hanc novam methodum hæc porro confectaria educit. I. Professionis selectum instituendum: capacitas enim filiorum, inclinationes ex ipsa illa matura representatione artium & principiorum rectius dijudicantur, tum a parentibus, tum ab ipsis filiis, unde magna in societatem civilem commoda promanant. Artes denique ipsæ melius excoluntur, si illæ a non invitis suscipiuntur, & facile ad summam perfectionem deduci possunt. II. Bonorum morum perfectionem. Illa enim e matura illa per lectionem bonorum Autorum & artium informatione speranda, cum ceteroquin vel ineptiis vel voluptatibus tempus transigatur, si extra parentum consuetudinem alibi illi educuntur. Hæc enim informatio parentum inspectioni & obedientiæ illos magis adstringet, neque facile contagium e conversatione malorum in prima pueritia trahent.

In

In firmiore ætate positi, & rectiore habitu adversus malitiam armati ipsi pravorum mores faciles emendabunt.

Non omittit idem Autor incommoda, quæ comitari hanc methodum videntur sed quæ leviuscula sunt. 1. Quod matres a consuetudine filiorum per aliquot annos removeantur. 2. Quod peregrinam linguam rectius norint ipsa vernacula. 3. Quod tempus a 7. usque ad 16. annum vacuum sterile ac otiosum videatur. Sed facile illa removeret obstacula Autor. Primum vix attendendum est. Quæ enim mater duorum annorum jactura nolit totius vitæ commoda redimere? Secundum facile tollitur: nam vernacula lingua, postquam Latinam didicerit puer, se ipsam non advertendo ingerit. Tertium plane ridiculum est. Quæ enim causa otiosum intra illud tempus esse jubeat puerum? quot sunt Autores, Historici, Oratores, Poetæ, in quibus legendis occupabitur ejus industria. Mathematicæ multæ artes etiam in illa pueritia recte addisci possent, ac aliæ etiam scientiæ, quæ de re fuscipit Autor noster agit cap. 11. * Ostendit enim, Grammatices præcepta, quæ primum proponi solent, æque difficilia esse, quam ullam aliam vel artem vel scientiam. Qua ille sententia plane non fallitur. Abstractiones in Grammaticis æque sunt, ut in Metaphysicis. Infinitivum importat abstractionem ab omnibus personis. Modi, Casus etiam sub abstractione & quasi in idea aliqua intelligendi. Regula aliqua Syntaxeos plus difficultatis interdum habet, quam Theorema Mathematicum. Genealogiæ Principum eadem facilitate addiscuntur, quam derivationes nominum. Porro sunt & Mechanicæ artes, quarum principia nosse valde acuit puerorum ingenium, quarum demonstrationes jam supra inter consilia acendi ingenii proposui. Neque enim inepte Socrates judicavit, cum solos artifices & mechanicos, ut Hortulanos, Textores, Statuarios, Pictores, Pistores, Piscatores, Tinctorios &c. veram rerum cognitionem habere dixit: hi enim homines Philosophiæ fundamenta jaciunt.

Ille ex autore hoc anonymo copiosius adducere volui. Res enim attentæ consideratione ac imitatione digna est. Ac velim ipse Autor esse iis, qui de emendanda juventutis informatione curas suscipiunt, ut serio de hac methodo cogitent. * Non inepte Autor ille Regi Galliæ suadet, ut talem aliquam Civitatem Latinam instituat, qua sola conversatione Latinam linguam doceantur pueri; fore hanc curam tanto Rege dignam, atque inter cetera magna opera forte primo loco ponendam, & facili negotio opus hoc conficiendum. * Ego sane ipsi plane ad stipulor, & credo, intra 20. annos extrui talem societatem posse, qua omnes etiam opifices Latine loquantur. * Seligantur ad hoc opus 6. vel 7. homines, accuratam linguæ Latinæ notitiam habentes, in quibus tamen si quid forte desideraveris, lectio pauperum facile postea emendabit leves defectus; illi hac methodo informant pauperum hominum liberos utriusque sexus aliquo numero. Hi postea lingua Latina firmati opificium aliquod discant, qui locum huic exercitio destinatum incolant; ita fiet, ut brevi tempore talis societas adornetur. * Facile qui-

vis intelliget, sumptus hos immensa utilitate ita refarciri posse, ut maximo etiam lucro esse queant. Posset & a privatis locupletioribus, qui magnam saepe pecuniae vim in ludicra & voluptuaria impendunt, collatis impensis res illa institui. Posset & Graeca, & quaevis alia, lingua una cum Latina eadem ratione addisci: Non enim confunduntur pueri pluribus linguis, ut jam ante aliquot exemplis ostensum est. Fortassis Scholarum praeium quibusdam yilefcere videretur. Sed quid tum postea? Illae pro artibus & disciplinis satis, quod agant, habebunt. Sed vix erunt, qui ad haec consilia respiciant: ac miror sane Regem Galliae, qui quam facillime haec effecta daret, ea de re non cogitasse, praesertim cum tam luculento exemplo incitaretur.

- 26 Non facile dixerim, an huc forte etiam respexerit Magnus Pegelius, cujus saepe mentionem fecimus, qui in *Thesauro rerum selectarum* statim in principio novam Scholarum institutionem proponit. Ejus designationem hic adducere non inconueniens erit. Schola sive docendi & discendi ratio puerilis, qua juniores inprimis & alii quicumque, etiam adultiores, linguas quascunque, Latinam, Graecam, Hebraicam, & quasvis alias, hodie in mundo usurpatae, seu populares & vernaculae, imo binas vel ternas simul, & quantum rerum humanarum fert conditio, integre addiscunt; sic, ut linguis hujusmodi & audita & lecta mox & plene percipiant, & quicquid obvenit seu conceptum fuerit, expedite eloquantur. Id quod communiter haecenus, praesertim in Graeca & Hebraea lingua, cum aliis, tum ipsis etiam hac docentibus, & in hisce consenscentibus denegatum fuit; qui quasi scribendo tantum hinc inde hac compilant, & sic factum aliquem undique tandem efformant. Qua item ratione rerum omnis generis, in Philosophicis & Politicis occurrentium, optimarum & selectarum, earum praesertim, quae usui communi sine inutilibus & phantasticis figmentis sunt accommodatae, & scientia, & prudentia, & usus acquiritur. Idque cum linguis, sive dum de rebus hisce sermo confertur, eodem plane & modo & tempore. Insuper hinc vita communis, affectio & animus hominis, & interea dum sic discit & deinceps, suavior, moderatior, & ad omnia quaecunque obeunda habilior & excitatior redditur. Praeterea ad perspicuam, claram & expeditam rerum undecunque occurrentium Enunciationem, ad Affabilitatem & ad corporis totius & vultus convenientes, & rebus quibuscunque ex proposito accommodatos, gestus & mores, quotidiana auditione, intuitu & usu proprio discunt perducuntur. Quin etiam praeter verba in sese ipsa, & in sese compositiones eorum seu locutiones sive peras, rerum quoque undecunque cognitarum seu oblatarum justam conceptionem seu apprehensionem, sive recordationem & convenientem applicationem, seu ad se distributionem, sive ut res apte ordine suo & debito animo occurrant, & hinc extemporali oratione proferantur (idem de sermone, ut par est, accipe) suppeditat, adeoque hoc modo propositionum plurimum & sic orationis totius conformationem elargitur. Et haec quidem, ut cetera omnia, sine praescriptionibus & regulis seu Grammaticis seu Dialecticis seu Rhetoricis perhibitis ullis, sine perniciose, & contra orationis & veritatis finem fictitia extensione, circumductione, affectatione, pompa, suco &c. ex naturali & rebus quibuscunque

busvis dato accommodato usu certo & insigni, omnia tam magnatibus, quam inferioribus quibuscunque, ex voto convenientia. Ex quibus etiam quot numero sunt, iique indolis praeclara, & ad summam adeoque ad omnia quasi nati, qui Latinam, & hinc ea quoque, quae hanc comitantur, non sine gravamine & hinc inde quandoque desiderio & affectione discunt: idque ex maceratione dicta, quam ingenia eximia multa non ferunt. Et hoc totum tempore brevi & sine molestia, adeoque cum docentium pristinum etiam, si sic vere velint, & discipulorum singulari delectatione, & varia subinde recreatione, ex singulari hic primum aperto, monstrato & convicto usu, & modis hinc natis & hic praescriptis consimilibus; sine ullis Grammaticis aut aliis huiusmodi ab autoribus & scriptoribus effictis, peregrinis, coactis, molestis, moratorius hucusque introductis regulis, praeceptis, hinc inde circumductionibus & solitariis quasi tormentis. Unde simul iudicii & rationis communis usu posthabito, singularis quaedam imaginatio, persuasio & animi phantasia exoritur. Modis quoque singularis & perinde facilis, quo legere bene & scribere commode tirores & alii discunt: item ut ex ipsa lectione seu mox ex literarum aspectu linguam quaecunque vel ex usu praesente, vel, ut cupis, veterum haecenus latente more, pronuntiare & consimiliter consuecant. Quomodo & syllabarum quarumcunque quantitas dicta, etiam earum, quae regulis vel auctoritate tantum patent, ex ipsa & pronuntiatione & scriptione mox & per sese cognoscitur. Qua prolatione non adhibita & exaudita, quantitas quoque talis in vanum haecenus usurpata fuit. Uti alias etiam, & quomodocunque eadem momenti est minoris. Possunt item suo quodam hinc modo alii quicumque homines, linguam aliquam ignorantes, cuiuscunque aetatis fuerint, quibus ministri vel unici seu hominis cuiusvis linguam talem ignotam cum alia vernacula seu cognita una quacunque prompte eloquentis conversatio assidua vel crebra contingere potest: etiam extra hunc scholasticum conventum, & apud suos & ubique terrarum, & inter negotia, linguam quaecunque sine omni impedimento & molestia, tantum ex aliquo alias parvi aestimato, attamen singulari usu, & jam prima vice discendo inchoare, & tempore exiguo intellectionem & usum mediocriter inibi acquirere, & sic vitae prioris neglectum partem non contemnenda restituere. Unde & urbes quaedam, eaeque imprimis alias minus potentes, incolis, aedificiis, mercimoniis, questu & alimentis augmentum capere, & celebritatem acquirere poterunt. Immo & hinc hominum congregatio & cohabitatio, adeoque in his novae & Reipub. primordia constitui & sensim perfici valebunt. Magis minores, ut plura & perfectiora media oblata & in superata seu impensa fuerint. Additur hisce contrariorum pro larva veterana undecunque conquistorum demonstrativa, item refutatio. Licet ex veritate seu re ipsa tradita & in se praesertim confirmata, fucus pristinus quoque se ipsum omnino detegat & palpandum offerat.

Proposuimus haecenus linguarum cognitionem via conversationis parandam; 27
cui jam subnectimus alteram illam institutionis viam; neque enim credibile est,
via aliqua extraordinaria derepente alicui linguae intelligentiam oriri posse, nisi
modo forte miraculoso, qualem nemo sibi nunc facile promittere poterit. Nisi
forte etiam naturali aliqua dispositione ad linguarum notitiam repentina ali-
quos ferri posse credamus, quod de quibusdam maniacis affirmare non veretur

Huartus, qui linguam incognitam neque antea notam loquuntur, cujus ille exempla aliqua, & *Pomponatius* in libro de incantationibus adducit, qui astrorum dispositionem hic quoque in subsidium vocat. * Non possum hoc loco præterire insigne ac memorabile exemplum hominis Galli, cujus mentionem facit *Mottaus Vayerus* tomo 2. *Operum Gallicorum*, epist. 61. p. 657. qui quacunque lingua interrogatus, eadem in somnis respondere potuit, cum præter Gallicam non nisi rudem Italicæ & Hispanicæ notitiam haberet. Vocabatur is *le Fevre*, habitabatque Rotoromagi. Vino adusto aut Hippocratico plenus felicius in linguis per somnum loquendis fuit, quam alias. Fuit qui illum appellavit Candanensi lingua, cui eadem ille respondit. Alius Anglico sermone aggressus est, & eodem respondere audivit. Fuit qui Tupinambarum voces, quas in itineralio legerat, recitabat, cum ille peregrinas voces regeret, quas aditans forte nauta Tupinambicas esse intellexit. Recitavit aliqua Græca verba ex oratione Dominica, Thema natalitium. Præfecto navis in somno clara voce designavit prædixitque morte violenta obiturum, quod caput Algol in ascendente haberet, qui & postea duello perit. Vigilans ille dormire videbatur, nam obruti aliquid & stupidi præ se ferebat, cum dormiens multo alacrior ac vigilantior videretur. Cum evigilaret, nihil de actis suis reminisci poterat, nisi quod ex intenso capitis dolore ipse judicaret, multis se quæstionibus & responsionibus vexatum fuisse. Monstruosum hoc omnino videtur ac altioris indaginis. Sollicitissimus illo loco in causis hujus rei indagandis est Vayerus. Sed non solvit omnes nodos, neque nos hic iis recensendis immorabimur.

- 29 Ad viam Institutionis in Linguis procedimus. Eam oportet esse quam brevissimam. Non enim probo illos, qui multitudine Regularum & Exceptionum onerant animos juveniles.
- 30 * Verum ego deprehendo, quod Fichetus in Arcana sua Methodo cap. 12. monere voluit: Unum admonco in linguis perdiscendis, quas eruditae vocamus, Hebraicis, Arabicis, Græcis, omittis tricis minutarum observationum, tribus lectionibus tradenda legendi, declinandi atque conjugandi principia; quartam, rationem investigandi Thematæ ac Radicis: tum ad legendos & interpretandos autores progrediendum & componendum; hoc probavi in viris ingenuis: pueri diuturniore paulo indigent labore & studio. Vernaculæ porro linguæ, Italica, Hispanica, Germanica, Anglicæ, usu & similitudine cum Latina & Gallica percipiuntur, & lectione ac versionibus, ut vocant, columnis hinc inde oppositis. Quanti porro sit linguarum peritia, pretio ipsarum scientiarum pensandum est & sana doctrinæ. Plerique nunc ita linguas tractant, non ut linguam doceant, sed ut Grammaticos faciant, quæ res omnium absurdissima est.
- 31 * Beccherus in suo Opere didactico magnum se compendium docuisse nos existimat, quod via derivationis pueros magnam vocabulorum copiam discere posse ostenderit; cum ego tamen hoc, ut supervacuum, seponendum esse existimem. Hoc labore annos ille transigit. Hæc sua sponte in legendis Autoribus occurrunt citra ullam memoriæ fatigationem. Pauca sunt vocabula, quorum usus in sermo-

sermone civili est, cetera quis curet? Artium scilicet & Opificiorum vocabula, quæ in ipsa Roma vix omnes noverunt. Varie in addiscendis linguis peccatur: quidam nimium superstitiosi & operosi sunt in regulis & præceptis; quidam exiguo tempore addisci posse volunt. E quibus tamen hi ceteris tolerabilius peccant. • Auctor Medicinæ mentis *part. 2. p. 192.* recte de linguis addiscendis iudicat. 32 Et si ea, quæ de compositione sermonis dicit, cum moderatione quadam intelligenda sint; e quo locum paulo prolixiorē adducam, cum hoc argumentum optime illustret. Tres dantur in qualibet lingua perfectionis gradus. Horum primus est linguam tantum intelligere, non item loqui posse, id quod in quavis lingua omnium facillime contingit. Etenim videmus peregrinantes incolas ejus regionis, quam adeunt, multo citius posse intelligere, quam eos alloqui. Secundus est præter intelligentiam loquentium aut librorum omnia etiam ordinaria sine hæsitacione posse eloqui, & hic gradus priore est difficilior. Tertius est difficillimus, ut eadem lingua de quavis materia exacte & quodcumque libueris, discernere, scriptumque possit componere. Cum itaque semper a facillimis sit exordium, non satis quis poterit mirari, quare contra manifestam rationem vulgo a re difficillima, hoc est, ab ultimo gradu in puerorum institutione initium fiat. Est autem hujus rei ratio in promptu: quia omnes consuetudine ducimur, non sana ratione, & commissos in hac re errores, utut quis palparit, vix tamen emendarit. Præceptor quippe hac ratione persequere multo labore potest, nec aliud facit, quam ut exercitia Latine reddenda discipulo proponat, reliquum quod est temporis ipse in otio transigit, sudante interim discipulo sibi soli relicto, seseque in omnem misere torquente formam; ubi e contrario secundum methodum a me hic tradendam discipulo parum, præceptori multum, imo omnis fere incumbat labor: qua methodo si vulgares uterentur pedagogi, non tam multos simul discipulos, ut jam sit, præ nimio labore possent informare. Veruntamen quia in his ad puerorum utilitatem tantum est respiciendum, ultimi autem duo gradus seu utilitates in tradenda quavis lingua, videlicet ut sciamus aut ore aut scripto omnia animi sensa cum aliis communicare, multo difficilior acquiruntur, nec tantum semper, quantum primus gradus, habent usum, imo si vel maxime eos tibi reddideris familiares, temporis tamen tractu, nisi exercitium quasi continuum adsit, abeunt in oblivionem. Acquiritur vero multo facilius primus gradus seu utilitas bonos intelligendi auctores, continuum semper habet usum, nec adeo oblivioni est obnoxius; quin & hoc acquisito gradu, reliqui duo multo etiam faciliori negotio obtineri poterunt. Neminem sane credo existimare, me hic sana rationi contraria tradere, licet consuetudini quam maxime adversetur, me primum solum hic amplecti gradum. Si vero non aliud tibi fuerit scopus, quam ut puer auctores e. g. Latinos quovis discat intelligere, eo enim licebit hac, quam traditurus sum, methodo adeo facile pervenire, ac tam brevi, ut, licet a decimo aut duodecimo ætatis anno demum fecerit discendi initium, id non impediturum sit, quo minus sat adhuc temporis supersit ad aque magnos deinceps, ac quivis alius, qui vulgari ducitur via, progressus faciendos in studiis, nec dicam majores. Etenim hic non erit necesse, ut puer multas Grammatices regulas magno labore ediscat radiosissimas, & ne quidem bene intellectas, ullamque syntaxin, quæ tam subito oblivioni ac memoria traditur; nec quoque, si ita placet, necesse erit,

ut ulla vocabula technica, que monstra pueris videntur, in rationem veniant: sed sola hic post necessariam lectionem requiretur declinatio & conjugatio cum verborum copia. Ne vero hic denuo multas fugas difficultates, haec declinationes & conjugationes juxta ordinem tradidit solitum a pueris, ut vulgo fit, memorie non sunt mandandae, sed primo, tantum scripturae consignandae, tum plurima vocabula, ad se in illa scriptura exercendum, saepe secundum hunc ordinem varianda erunt; si denique satis tibi in hisce exercitatus videbitur, extra ordinem varie interrogando discipulum, & quidem vernacule, efficiendum est, ut tandem latine absque una hesitatione respondere sciat, aut vice versa, si tu Latine quaesiveris, ipse vernacule respondeat: id quod breviori, ac quis opinatus fuerit, tempore obtinetur. Sono enim saepe audito, quia sic per responsionem certè in nostra imaginatione motus frequenter se invicem subsequuntur, puero adeo, continuata aliquantulum hac repetitione, facilia evadunt, ut, in ipso praeter attentionem rogato, isti fere motus tandem excitentur, & ita levissimo negotio respondere sciat. Sed hoc ipsum, si magna ideo facilitate, majori certe quam vulgo utilitate efficitur; quandoquidem vocabulorum variationes non occurrunt in libris secundum ordinem regularum Grammaticarum; unde fit, ut pueri grammatico ordini affueti soleant hic haerere; id quod in hac nostra methodo non accidit, quia, turbato quomodo libet ordine, eque prompte respondere didicerint. Verum haec levia sunt. Maxima tibi forte videbitur difficultas, unde habiunda sit vocabulorum copia? forte ex Lexico, Janua quadam linguarum, similibusque libris? verum, quia multa hic saepe discuntur vocabula, que tam parum ex usse sunt, ut, priusquam aliquando in autorum lectione occurrunt, eorum aliquoties potuerimus oblitisci, colliges facile, haec magno tedio, exiguoque e contrario fructu perdisci. Dices forte, quia is, qui multe fuerit lectionis, suspicari facile potest, an aliquod occurrens vocabulum multi fuerit usus nec ne; indicem idcirco multorum vocabulorum ei fore tali percurrendum cautela, ut puero ediscenda seligat vocabula, que judicavit frequentioris esse usus, reliquis possidebitis. Consilium utique bonum, quod etiam, si sequentia addideris, suum poterit habere usum: quin ausim spondere, tam pauca numero tunc collectum iri vocabula, ad multos autores intelligendos sufficientia, ut si primum haec alicui narraveris, vix tibi hac in re fidelem sit adhibiturus. Verum hic communicabo una cum tota procedendi methodo, quod magis profuerit, ut puer quovis Autores Latinos brevi intelligere discat. Sumatur liber, quem aut puer jam tum satis in vernacula lingua cognoverit, aut talia contingerit, quibus eum quam maxime delectari sciveris; in hujus libri qualibet parte explicanda operam dabis, ut omnia in eo occurrentia vocabula, te continuo rogante, ipso autem respondente, memoria mandet: secundo, jubeas eadem vocabula omnia ipsum declinare vel conjugare, extra ordinem, ut supra docui, ipsum indefinenter interrogando: tertio, his peractis, ipsi ipsum explices textum. Non video, quid hic obftet, quin, si vel stupidissimus fuerit, longe minori opus habeat labore, ad interpretationem Latinorum autorum addiscendam, quam si aliquid ex vernaculo in Latinum transferat sermonem, vel, ut fieri vulgo solet, componat. Quanto autem haec omnia successu, si saepe diu continuentur, quantaque porro fiant utilitate, facile tibi apparebit, quia haec ita continuando per totos autorum tractatus plurima vocabula sapissime repetuntur. Continuatō aliquantisper hoc negotio, sensus etiam trium quatuorve vocabulorum detectus faciet, ut reliquorum sensum

seſſum facile divinet. Si tandem multum hoc continuatur exercitium, quæ ratio loquendi apud Latinos fit conſueſta, quæve inuſitata, quidque bonam ſapiat latinitatem & quid non, multaque ejusmodi alia, vel ex ipſo phraſum audito ſono levi negotio dijudicabitur. Memini equidem, me viſiſſe puerum annorum circiter decem, qui duorum annorum ſpatio omnes Latinos auctores vulgatos bene intelligendi ſibi habitum compararat, tantum inde, quod varios auctores interpretandi conſuetudinem ſibi habuit commendatam: quanquam, ut hoc efficeret, multa ipſi erant imprimenda haudquaquam neceſſaria. Quid itaque hic ſperandum ſit, ipſe judicaveris. Ubi autem eum eo perduxeris, ut libros vulgares Latinos absque ulla difficultate capiat, nec non, ſecundum ea, quæ ſupra dicta ſunt, ardorem in ipſo excitaveris varios evoluendi libros, eos ipſi exhibendo, oſtendet tibi luculenter experientia, quam incredibiles brevi in lingua notitia progreſſus ſit facturus; adeo ut, ſiquidem e re ſua fuerit, ac poſtulaveris neceſſitas, ut ſibi acquirat reliquos duos gradus circa perfectionem in ea lingua, facili quoque conatu eo perſtingere queat; tum demum fuerit operæ pretium bonam, ſi placuerit, Grammaticam nec non aliquem in Latina lingua exercitatiſſimum adhibere; quocum de rebus variis frequenter & doctè ſermones habeat, arreptoque calamo de rebus diverſimode ſe ſcribendo exercere; aliaque compluria exercitia: hæc ille ſibi acquireret minore difficultate, quam alii in ſcholis, ſed equali perfectione. Hæc ergo ad bene intelligendum, quæ adminicula, ut imaginatio circa veri & falſi notiones quam latiſſime extendatur, quo difficultatem habeat minorem, ſufficiant. * Proponit etiam Beccherus quædam Grammatices & Syntaxeos compendia, quæ 33 Praxi Didacticæ ſuæ ſubneſcit; ubi ſub typis Declinationum & Conjugationum regularium & irregularium, regularum variarum moleſtiam evitat; quæ de re etiam Autor Medicinæ Mentis loco citato. * Quirinus Kuhlmannus quoque inter 34 ſumma ſua arcana divinitus inſpirata methodum hanc novam Grammaticam refert, quæ plane cum Beccheriana convenit. Ita enim ille in Epistoſa de arte Combinatoria pag. 22. Si puerum docerem Grammaticam, uno opere cum Declinationibus Conjugationibusque docerem illum caſuum, numerorum, temporum, perſonarum applicationem ſimpliciſſimam ad omnia, hæſtenus maximos viros latentem. Sed non latere etiam alios admirabile hoc ſecretum, ſex annis ante hanc Epistoſam Kuhlmanni editam Beccherus in Methodo ſua didactica oſtendit. * Mornius quoque in Arcanis Col- 35 legi ſui Roſiani ſingularem in linguarum cognitione informationem memorat p. 68. Roſius, Doctör noſter, condoleus arummi & impenſis, quas faciunt parentes, qui filios ſuos Latinis literis imbuendos tradunt; ſudoribus item, quibus juvenes pluribus annis anhelant, unica lingua hujus gratia, tum & adultis, qui propter diuturnitatem & difficultatem a tanto gentium vinculo arcentur; excogitavit methodum familiariſſimam & facilem, qua ad ſummum anni ſpatio Latinam linguam intelligere & eloqui quilibet poſſit, cujuſcumque ſit ſtatus, ætatis & conditionis. Imo ſi quis diligentius incumbat, menſe ſexto re deſiderata potietur. Regule ad id ſunt faciles intellectu, & ita nobiles, ut etiam lingue cujuſlibet vernacula rationes & proprietates edoceant. Noſtri vero diſcipuli cum aliis, qui vulgari methodo dant operam, diſputando congregi amant; qui

- qui cum hanc methodum ignorent, nostri vero norint utramque, ut nil perfectius desiderari queat, ad singula illi obmutescunt. Hac etiam methodo omnes alie linguae doceri possent, si nobis vacaret eam illis accommodare. Regula enim ille ex natura omnium linguarum & proportionem secreta, qua omnes inter se conferuntur, sunt eruta. De hoc arcano librum conscripsimus, cum tabulis, rem ad oculos demonstrantibus, quem amici in lucem edi sapius petunt: verum hac temporum malignitas periculum est ne solidam literarum culturam minus digne sit habitura. * De lingua Latina intra sex menses docenda Scheuchelius ille Mnemonices Magister singularem librum scripsit. * Extat quoque Jani Rutgersii Epigramma inter Poëmata ejus in Gerhardum Tuningium, qui sex mensibus accuratissime linguam Latinam didicerit, unoque triennio totum studiorum cursum absolverit. * Geinandi quoque pueri singulare exemplum est, de quo Grotius in Poëmaribus, pag. 196.

*Linguas in ipsis doctus incunabulis
Quas poscit usus, exuisti infantiam,
Reptasti ad artes inde procratus puer,
Et imbibisti, quicquid est sapientie,
Cum lacte primo.*

Invidendum est elogium, quod ipsi tribuit p. 184, atque his verbis concludit:

*Inferiora tuis Epinicia fume tropaei,
Nam qui digna daret, ipse, sed unus, eras,
Artifices nasci tecum non possumus omnes:
Hoc est Natura se superantis opus.*

- 39 * SORELLUS libro de *Scientia Universali*, capite de *perfecta methodo* tom. 4. p. 539. non multum faveret methodis illis, quibus infantes celerem Latinae linguae cognitionem acquirunt, etsi non negat, compendia quaedam adhiberi posse. Quare Montani illam informationem elevare videtur, quod ipse Montanus non multum se ex ea fructum habuisse queratur, loco supra citato: quodque linguae vernaculae usus plus ad vitam civilem conferat. Methodum illam porro ait potius Ludimagistro formando infer-
40 vire, quam homini eleganti, & ad vitae civilis usum admovendo. * Sed frivolum hoc esse judicium quis non videt? nam quod Montanus postea in Collegiis corruptam sibi latinam primam puriorem queritur, hominum indoctorum colloquiis factum est. Quod si prudens illa manu ductio Parentis semper adfuisset, & conversatio hominum literatorum, aut ipse in legendis Autoribus sedulus fuisset, non amississet illam elegantiorum latinam: fuere & alii, qui plures eodem tempore linguas docere voluerunt, per subsidium unius linguae generalis, cui quasi inaedificarent ceteras,

ceteras, cujus rei autorem nominat aliquem *des Vallées*. Sed parum ait hoc consilio effectum fuisse. * Fuit & alius *le Maire*, qui re ipsa præstitit, quod alter ille pro-41 miserat. Informavit enim infantem octo vel novem annorum, ut Hebraicam, Græcam & Latinam mediocriter sciret. Poterat enim vertere in eas linguas themata proposita, & libros oblatos in vulgarem linguam transferre. * Processit 42 autem illa methodo, ut simul cum lectione Autorum præcepta Grammaticæ traderet, præmia proponendo pro certo vocabulorum numero, quæ e lectione memoriæ infixerat. * Improbatur hanc docendi linguas methodum sine ulla ratione 43 Sorellus. Est enim illa primæ illi, quæ per consuetudinem & conversationem instituitur, similis, & post illam præcipuo loco habenda. Quod enim objicit Sorellus, facile oblivioni tradi posse, quæ hac ratione docentur, nullius momenti est. De eo viderint, qui informationi præfunt; viderit ipse puer, & continuo exercitio facultatem illam alar & sustentet. Deinde, quod ad ceteras artes & scientias quasi stupidus visus sit puer, ut idem objicit, non tam methodo huic, quam inhabilitari peculiari tribuendum est. Nulla enim causa in illa methodo est, quæ talem effectum producere possit. Voluit ille ludum aperire, sed non paucioribus, quam 50. discipulis, quorum singuli mille libras Gallicas pro Minervali darent; vel paucioribus etiam, si pretium, quod pro 50. posceret, solverent. Verum cum nemo inventus sit, qui summam illam impendere voluerit, irriti hi conatus fuere.

Illustre exemplum similis pene informationis in lingua Græca & Latina, ac 44 in præcipuis ejus linguæ Autoribus prælegendis dedit *Tanaquil Faber*, qui filium suum ab anno 10. ad 14. quo ille immatura morte sibi ereptus, utraque lingua plene expolivit, ut cum viris certare posset. Edidit Gallica lingua hanc methodum suam exiguo libello, cui titulus: *Methodo pour commencer les humanités Grecques & Latines à Saumur 1672. in 12.* Ipse in epistola ad illustrissimum Virum de *Moranz* Consiliarius. Regium de hac sua methodo testatur. Hoc certe liquido affirmem, intra pauculorum annorum spatium ita institui & informari posse, ut, qui via per vulgata deducti fuerint, puerulos dicar, illos autem viros esse, & ad splendorem literarum natos dejerer. Eo magis autem prodesse hæc methodus aliis poterit, cum non inanem ideam Autor ille exhibuerit, sed ipsa illa praxi deduxerit, ut eo major fides historiam recitanti, quam consilium suppeditanti, haberi debeat. Scripserat ille jam Anno 1652. ad *Claudium Sarravianum* epistolam, qua de pueris humanioribus literis imbuendis agit, quæ Operi Epistolarum Sarraviano additur; sed tum, cum ille hæc scriberet, ejus experimentum nondum in filio fecerat, quanquam in Autorum prælectione specimen amicis dederat nondum *προσπαυδία* necessaria instructis. Qua de causa magna hujus sui consilii fiducia scribit: *Τὰμ ἢ ἐγὼ οὐκ ἐπίστω περὶ τοῦ ποιεῖν, ὡς ἐγὼ οὐκ ἐπίστω τοῦ ζῆναι.* Optimam in linguis & rebus ipsis informationem in accurata veterum Autorum lectione collocat. Dum enim alii altius hoc negotium repetentes *πλεονεκτοῦντες* θεωροῦσιν, dum delectum ingeniorum haberi vellent a principibus, qui non sunt ea sapientia instructi, aut veterum temporum mores & disciplinam reduci, aut novos quosdam cælo Tomus I. llii lapfos

lapsos Doctores dari, tempus & aras labitur, atque iis studiis tenera ingenia mancipari queritur, quibus insulsa barbaries hominum animis implantatur. Sed absque veterum Autorum lectione Faber suos malit liberos opiliones esse & merum rus, quam iis dare literis operam, quas hodie doceri videmus. In Autorum ergo lectione prima & linguae utriusque & philosophiae vestigia ponere juber, Methodum vero, quam praescribit, paucorum ait hominum esse & eorum praecipue, qui opibus idoneis instructi. Conduci peritorum Magistrorum operam; & in Scholas forte induci autoritate Magistratus talem methodum posse existimat. * Hanc methodum consilio viri alicujus illustris publico hoc libello exposuit Faber, unde nos pleraque excerpta hic dabimus, cum non sit in omnium manibus, isque non exiguo multis esse usui possit.

Primum filium suum ante decimum aetatis annum non nisi legendo & pingendis literis dare operam voluit; neque calligraphiam multum quaesivit, quoniam illa, si a teneris ingenius affectatur, sollicitos magis quam incitatos ostendat, neglectior vero scriptura plus ardoris & phantasiae arguat; quo quidem judicio ab Huarto discedit, qui calligraphiam ad vim imaginationis nimiam referebat, quam ille a puero abesse volebat. Ante sextum annum frustraneam in scribendo
46 operam impendi judicat; primum, ut legat accurate, curandum est. * Decimo anno (Pater autem duodecimo demum anno rudimentis studiorum admotus est) Latinae linguae elementa ingressus est, statimque cum Latinis nominibus Graeca quoque legere incepit, quem laborem per quinque dies continuavit, ob illas, quas vocant, in Graeca lingua abbreviaturas. Eum in finem illi magnum Alphabetum Roberti Stephani dedit, unde singulis diebus paginam descripsit, ac postea, cum ab hac opera cessaret, singulis tum hebdomadibus, quae semel didicerat, repetiit. In Latina lingua ita rem instituit. Descripsit illi primum Nomina, Pronomina, Verba, Praepositiones, & magnum numerum Adverbiorum, una cum eorum significationibus, charta grandiuscula in 4to complicata. Et sic ille omnes Grammatices libellos adornari veller, cum imaginativam puerorum vim & memoriam adjuvent. Paradigmata quoque non in alteram lineam, si fieri possit, trahi volebat. Quare & Autorum editiones majusculas, grandiore typo impressas, minutis illis praefert, seque ex illis citius centum, quam ex his sexaginta, versus memoriae mandare eodem temporis spatio potuisse testatur.

Ante nomina ipsa clare & accurate explicabat rationem Generis, Casus, Numeri & Declinationis, quae repetenda ipsi crebro fuere, ita tamen, ut paucis verbis ad interrogata responderet. Damnat enim magistrorum morem, qui multa ac inordinata loquacitate aures & animos puerorum obtundunt. Idem in Pronominibus & Verbis fecit, atque ei sedulo inculcavit, si primum verbum accurate sciret, etiam reliqua intra 5. dies non ignoraturum, quod & res ipsa comprobavit. Ne vero, dum Verba tractat, memoriam fugiant Nomina, singulis diebus illa, cum cubitum it, ac lecto surgit, reperenda. Ex omnibus vero Orationis partibus mobilibus nulla difficilior est, quam Verbum. Ideoque diutius se in his, quam in Nominibus tenere voluit,

luit, usque dum accurate ad has quæstiunculas responderet: quid est *audire*? quid Gallice significat? *audire*, an non pluribus locis reperitur? quid *amatum iri* &c. In singulis Conjugationibus tria paradigmata dari vult, ut Activum *amo*, Passivum *amor*, Deponens *contemplor*. Nam deponentia quodammodo turbabunt, antequam continuo exercitio usum & differentiam deprehendat. Et hoc quidem modo plus effici una hebdomade posse, Faber ait, quam ab aliis quatuor mensibus.

Mense uno & dimidio exacto, singulis diebus tres quatuorve lineas Latina lingua exhibuit, e. g. *Neque enim datum est cuilibet homini, imperare cupiditatibus suis, & virtutum Christianarum exempla constanter sequi.* Ex his bene instructus responderet: *Datum est*, est præteritum passivum neutrum; *cuilibet* est dativus singularis pronominis compositi; & sic in ceteris: in Verbis numeros, tempora, modos; in nominibus casus nominavit, etsi Syntaxeos nondum peritus. Objicit hic sibi Faber, puerum, qui vocum significationem non nosset, in flexionibus illarum hæsitaturum: cui vero ille experientiam contrariam opponit: hic enim non agi ait, nisi de terminationibus Nominum & Verborum, quod accurate memoria comprehensurus sit puer, si recte interrogationes durante illo Declinationum & Conjugationum cursu instituantur. Ejusdem rei se in Græca lingua periculum ait fecisse: cum enim eam doceret aliquando adolescentem, perfecte illam didicisse, licet significationem ignoraverit; quæsitum enim, utrum nomen, an verbum; cujus casus nomen; cujus modi, temporis, verbum sit, in nullo errasse. Idem in Hebræa, Italica, Hispanica & omnibus linguis fieri posse, neque quenquam linguarum informationem hætenus recte instituisse existimat.

Interea ne tædium, ut aliquando fieri solet, suboriretur puero, fabulas de Diis Deabusque gentilium narravit, totaque hebdomade in his narratiunculis detinuit; quæ ita oblectarunt pueri animum, ut quatuor integras horas de die interdum impenderit: quas postridie mane repetens firmiter memoriæ inhæsisse Pater comperit: quoniam enim ludicra in his multa sunt, ea per se tenacius hæserunt, ut postea *Æneida*, *Metamorphosium* libros, & *Iliada* perlegenti illa denuo explicanda non fuerint.

In Conjugationibus satis exercitato doctrinam Præteritorum e Grammatica altera Vossii, quæ in imagine significationes cujusque verbi cum casu, quem regit, adscriptas habet, proposuit. Omisit hic composita, exceptis iis, quorum significatio remotior erat; quod multum temporis & laboris imminuit. Paululum ultra mensem durabat hoc exercitium, & interrogabat puerum simul de regimine Verborum, cum de Præteritis & Supinis illum interrogaret, magno sane emolumento: nam ea ratione ne advertens quidem prolixam & difficilem Grammatices partem didicit, Syntaxin scilicet, quæ vehementer fatigare solet puerorum animos. Quare nec tempus illi peculiare destinavit. Et quoniam magna verborum copia in lingua Latina est, quorum significatio cum Gallica lingua convenit, in his leviter, in ceteris accuratius versatus est. Quo consilio numerum Verborum

quarta parte, magno informationis compendio, imminuit. Præterea singulis diebus, cum cubitum irer, has interrogatiunculas suas reperit: quod ille vehementer ad memoriam exercendam omniaque firmitus illi imprimenda commendat. Miscebat illis laudes & blandimenta, quæ animum pueri erigebant, ut ad quævis subeunda promptissimus esset.

His Grammaticæ rudimentis noluit praxin & ipsam compositionem subungere. Absurdum enim existimat a compositione initium in lingua addiscenda facere. Cum enim tres gradus linguæ constituat, primum intelligere, secundum componere, tertium loqui, quos gradus etiam natura ipsa seruet; eam nos sequi debere existimat. Quemadmodum enim ad ædificium extruendum materia indigemus, sine qua nec ipse Archimedes quicquam effecerit: ita verbis eorumque sensu nos primum vult esse instructos. Ad lectionem ergo puerum suum ducit, proponendo ipsi librum, cuius dictio & facilis & perspicua sit, materia historica vel fabulosa. Ubi usus illum paululum firmaverit, in vernaculam linguam convertere jubet, quam primum ipsi magister suppeditet puram & simplicem, sine ullis circumlocutionibus, quæ pueri intellectum turbant. Initium hic factum parvis lineis, quæ singulis diebus augebantur; talique progressu plus præstatur tribus mensibus, quam tribus annis vulgari via; quod sua experientia didicisse Faber fatetur.

Seligi ergo vult primo librum, cuius constructio sit facilis, minime implicata & figurata, voces & meditationes non abstrusæ, argumenta fabulosa vel historica. Moralibus enim meditationibus fatigari pueros, neque illis delectari existimat. Phædri fabulas difficiliore pro tironibus habet. Quoniam vero non sit talis historicus, qui respondeat primo puerorum capiti, duo vel tria capita historica e *S. Johanne* secundum versionem vulgatam, quæ summe simplex est, ut omnis Syrorum & ceterorum Orientalium stilus, atque ideo huic scopo maxime conveniens, delegit: cum præterea notitiam argumenti e lectione quatuor Evangelistarum in Gallica lingua haberet. Quæ singulis diebus lecta fuerunt (fuere autem paucissima) accurate fuerunt explicata, & vespertino ac matutino tempore repetita, singulisque novis lectionibus initium ab illa, quæ præcesserat, caput fuit. Ita intra quindecim dies, singulis diebus duas minutas in duodecimo paginas prælegendi, tria capita absolvit.

Hæc inter, ut ad ulteriorem Autorum cognitionem puerum manuduceret, mappas illi Geographicas explicuit, sine quibus Historici intelligi non possunt. Hic primum docuit situm partium principalium, plagarum & ventorum nomina in lingua Latina, hinc partes Europæ antiquæ, nihil de urbibus, fluviis & montibus monens. Monstravit promontoria, sinus, freta & similia. Monstravit postea partes Europæ antiquæ secundum quatuor plagas. Quærebat de situ Hispaniæ, Galliæ, Germaniæ, Italiæ. Ubi erraverat, in mappa errores ostendebat: qui labor adeo bene successit, ut in charta inani notare sinus locorum potuerit. Europæ subjungebat Asiam & Africam notando tantum loca generaliora.

Postea

Postea Eutropium legendum dedit; & primum quidem exiguam Epistolam ad Imperatorem Valentem, & primam libri periodum: quæ, etsi initio difficiliora visa sunt, iterata lectione & vespertina ac matutina repetitione firmas in animo radices egerunt. Interposuit his rudem cognitionem mapparum Italiae, Græciae & Siciliae; ut sciret tantum præcipuos populos, urbes, fontes, montes &c. Sed repetita Eutropii lectione monstravit Hetruriam & Latium antiquum Ortelii & circuitum maris Mediterranei, ab Aegypto ad Pontum Euxinum &c. Quæ tenuis cognitio Geographica vehementer postea profuit Historicis, Homerum, Virgilium explicanti. Hoc institutum, ut sane æquum est, mirifice Faber commendat.

Eutropio subjunxit Aurelii Victoris libellum de libris illustribus, ejusdem cum Eutropio argumenti, sed styli cultioris; quem exiguo tempore absolvit. Commendat ejus usum Faber pro adolescentibus, sed seriem temporum a magistro vult ostendi, quo quisque tempore vixerit. Laudat sententiam Scaligeri, qui minutos illos Historicos plus utilitatis ad historiam Reipublicæ, quam majores illos, afferre judicavit. Hinc Justinum aggressus est, qui valde placuit puero ob magnam even-uum varietatem & novitatem argumenti; in quo ille tres de die paginas editionis Elzevirianæ absolvit, præteritis locis difficilioribus e. g. de antiquitate Scytharum & Aegyptiorum, de Sicilia, orationem Mithridatis, quæ postea tamen reassumpsit. Adhibita fuere semper in subsidium mappæ Geographicae. Hanc Justinii lectionem ter magna cum voluptate absolvit.

His hæcenus ita absolutis, ad Græcam linguam accessit, cujus Grammaticam eadem ratione, ut antea Latinam, concepit. Habebantur in illa tantum paradigmata simplicia Nominum & Verborum, & copia Adverbiorum usitatorum cum numeris; qui primo omnium in lingua aliqua addisci debent: quod & antea in lingua Latina factum. His enim non recte apprehensis, semper in Versionibus ad Dictionaria cum magno dispendio temporis recurrendum est. Addidit exiguum diagramma Præpositionum, cum earum regimine & significationibus communioribus, ceteris ad usum ipsum rejectis: quam Præpositionum doctrinam eo diligentius in lingua Græca, quam Latina excolendam vult Faber, quod majoris in ea usus sit. Soler enim verbum ex hac vel illa Præpositione compositum tres diversos interdum regere casus, & diversas habere significationes. Hoc diagramma spatio sex horarum didicit, sed ne oblivisceretur, quotidie repetendum fuit. Docuit hinc Nomina, Pronomina, & primum Verbum viva voce, ac relegendo repetere jussit, usque dum perfecte sciret. Ad primæ Conjugationis normam & ceteras flectere docuit, ita, ut singulis diebus novam proponeret, ad primam applicando, & per cognitionem, quam de figurativis habebat, exercendo. Atque ita methodo facillima sex conjugationes ad unam reduci posse ostendebat. Hinc processit ad Verba circumflexa, quæ non alia ratione conjugari monstravit, quam ultimum illud Verbum. Excepto enim Indicativo in quovis modo, non habere nisi unum tempus, quod contractionem recipiat. Quod ut verum esse ostenderet, conjugare jussit verbum *φιλῶ*

sine contractione, & applicare ad verbum *τύπω*: quod optime, etsi primum quibusdam in locis hæreret, successit. Sollicitissimus fuit in explicanda proprietate novem *mutarum*, quæ suis conversionibus & mutationibus omne in Etymologia & Conjugatione Græcæ linguæ punctum ferunt. Ad hæc quoniam pauci attendant, hinc fieri judicat Faber tam paucos esse, qui genium admirabilis hujus linguæ recte intelligant. Multum etiam in augmentis puerum exercuit.

Restabant jam Verba in *Mi*, quæ negotium facessere videbantur, neque sine causa. Hanc terminationem, ut plures alias, e Scythica lingua descendere observat Faber; cujus rei veritas e Scholiastis, qui supersint, pateat. Ille hæc Verba a sexta Conjugatione descendere ostendit, quodque Perfectum, Plusquamperfectum, Aoristus primus & Futurum eadem ratione conjugentur. Tria ergo tempora restant in Indicativo, scilicet Præsens, Imperfectum & Aoristus secundus. Jam Imperfectum & Aoristus secundus eandem terminationem & flexionem habent. De tribus temporibus non nisi duo supersunt, quæ facilis sunt Conjugationis, præterquam quod Aoristi passivi Verborum Barytonorum omnem illam difficultatem tollant. Probat hoc exemplo verbi *τιθημι*; non enim nisi figurativam vel terminationem cujuscunque Aoristi respicere nos jubet. Quando enim Aorist. 2. Passiv. ita conjugatur, *ἐτύπην, ἐτύπης, ἐτύπη*, annon eadem ratione in primo verbo Anomalo, Aoristus 2. Indicativ. conjugatur *ἔθην, ἔθης, ἔθη*; & in secundo verbo *ἔστην, ἔστης, ἔστη*; & in tertio *ἔδων, ἔδως, ἔδω*. Nulla hic mutatio nisi figurativæ. In quarto *ἔφυν, ἔφους, ἔφου* eadem ratio conjugationis est, quæ in primo; nisi quod figurativa quartæ Conjugationis appareat loco figurativæ primi Verbi. Quæ cum non ita distincte & secundum analogiam vulgo doceantur, frustra hæc memoriæ inculcari queritur Faber. Cum hæc memoria firmiter teneret filius, in diversis reduplicationis generibus exercuit; vespertino ac matutino tempore verba in *Mi* & contracta, omnemque Grammaticam repetiit, quæ adeo ad unguem norat omnia, ut sæpe inter lusum cantillando illa profunderet. Oblectabat se puer sono linguæ Græcæ, quem ille suaviorem in hac, quam in Latina lingua jam tum ea ætate sentiebat. Quod pueri judicium miratus Pater, confirmavit ejus sententiam. Non est, inquit ille, in Græca lingua vel *stiat*, vel *erat*, vel *quit*, vel *brant*, vel *trant*, vel *mit*, vel *put*, vel *git*, quæ terminationes in verbis Latinis occurrunt. Hoc quoque utiliter instituit Faber, ut filius omnia genera Verborum sine augmentis conjugaret, quo mature disceret, non esse illa ad Verbi tempora noscenda necessaria: sufficere enim hanc notitiam, qualis sit figurativa Futuri & Præteriti. Fecit vero hoc eam ob causam, quod Poëte augmenta plerumque rejiciant, quorum lectio morari postea potuisset puerum, Verba ipsi nova fuissent visa, ni satis mature Conjugatione tali huic rei adjuvasset. Hinc olim Græcis Verbis augmenta defuisse Faber existimat.

Magno ducebatur desiderio legendi puer Græcos Autores. Pater, ut exploraret ejus profectus, librum Græcum impressum ostendit, cujus ne unicam quidem vocem

vocem intellexit, nisi quod ad has interrogationes: *Estne hoc nomen, verbum? quis casus? quod tempus?* mediocriter respondit. Interea Ovidii Metamorphoseon librum, ut fabulis recrearet, ostendit, seque prælecturum promisit; postquam Græcum S. Matthæi Evangelium inceptit. Qua spe ille animatus, in Græcis lectionibus diligentior se præstitit. Pater primum pauca proposuit, ac Verba difficiliora ad marginem notare iussit, statimque Metamorphoses incepit, quarum liber primus & secundus difficiliore ob argumenti gravitatem illi visi sunt. Sed, cum ad illa, quæ captui ejus accommodatiora erant, accederet, adeo lectione Metamorphoseon delectari visus est, ut illis absolutis, novos sibi Metamorphoseon libros posceret. Cui Pater: faciemus ex uno repetendo duos, quod ipsi statim placuit. Interim Matthæum & Marcum in Græca lingua levi opera percurrit, simul Latine linguæ fundamenta repetens. Hæc lectio Evangelistarum adeo bene cessit puero, ut, cum non difficilis visa sit, ad alia alacrior redderetur. A Verborum conjugationibus repetendis nunquam tamen cessavit, adeo ut tædium puero e frequenti repetitione rerum, quas optime nosset, suboriretur. Postea S. Lucam, & S. Johannem opinione celerius absolvit.

Hic absolutis, Dialectorum doctrinam proposuit, ita ut ad duas reduceret, Jonicam & Doricam: cum plerumque horrere hanc doctrinam soleant rirones ob prolixitatem. Sed facilem illam fore promittit, si quis recte rem instituat: ceteris enim Grammaticis rudimentis cognitis, non multum hanc doctrinam pueros turbaturam judicat. Ut hoc filio ob oculos poneret, declinare iussit Nomina Græca secundum duas Dialectos, & ad marginem Nominis notavit casus dialecti capaces. Idem in Verbis fecit; atque hoc exercitium per sex dies repetendo semper continuavit, nam totum hoc Dialectorum negotium pro nuda repetitione habet; quæ varietas non tam molesta, quam grata puero visa est. Satiatatem in omni informatione fugiendam jubet habere, atque hoc magnum arcanum commendat, ut varietate tædium fallamus.

Dum his intentus erat puer, aliquas Æsopi fabulas Græcas interposuit, repetitis semper Dialectis; quarum praxin ut ostenderet, duo exigua poemata Græca, alterum de pugna murium & ranarum, alterum de Leandri amoribus, explicuit. Fabulas & historias modo, quam potuit, ridiculo exposuit, ut ei firmitus in memoria hærent. In Mappa Hellepontum ac urbes Sestum & Abydum ostendit, ac interea Metamorphoseon libros levi percurfatione iterum absolvit. Postea Homeri Iliada puero non sine Autoris elogio, quod semper fecit, proposuit. * Hic Faber *παρὰ* 47 *τῆς*, sed rem observatione dignissimam, commendat, Homeri lectionem puerili ætati præ ceteris convenire. Provocat ad suam experientiam & virorum illustrium exempla. Ipse anno ætatis 14. Homerum legere incepit, cum anno duodecimo primum Musæ nomen declinare incepisset. Josephus Scaliger studium Græcæ linguæ in Homero & tribus Tragicis Poëtis incepit. Idem fecere antiqui Græci: se tamen ideo a Novo Testamento initium fecisse ait, quod Communis Grammaticæ lineamenta primum sibi ducenda videbantur, antequam ad Poëtas accederet, quæ in antiquis cum materno lacte imbibebantur. Rationes, quare Homerum vel Historicis vel

Ora-

Oratoribus præferat, has affert: profaicos sermonum circuitus vastiores esse pro pueris, multas esse in illis inversiones, trajectiones, hyperbata, verba a suo regimine nimis remota, adeo ut, quanquam pueri omnem periodi compositionem intelligant, hic tamen se expedire nequeant. Multa quidem in Homero sublimia, sed compositionem facilem ac perspicuam, & rationem ejus concipiendi maxime naturæ conformem. His addit alias rationes, non minoris momenti, 1. quod Homerus quasi Commentarii instar sit pro omnibus Poëtis, Oratoribus, Philosophis, Epicuro excepto, 2. quod ex illo verum particularum usum, unde elegantissima Hellenismi pars dependet, discere possimus, in quibus regnat Homerus; nisi forte Herodotum illi jungere velimus. Ejus rei rationem discere nos jubet e Rhetore Cassio Longino. Præterea puer citius versus Homeri 50. memoria tenebit, quam 15. lineas elegantis orationis Profaicæ. Ac si versus bene memoriæ mandaverit, non facile animo illi excident: mensuræ enim & numerorum ratio voces semper in memoriæ revocabit, quæ sine labore insigni puerorum animis ultro se ingerit. *Ego, inquit Faber, una hora citius 100. versus Homeri memoria comprehendam sine hesitatione, quam sex majores periodos Ciceronis, quin alicubi impingam.* Hanc Homeri Iliada usque ad 12. librum continuavit, ac interea, ne exercitium Latinum deesser, Salustium explicuit, in quo primo bellum Jugurthinum præ Catilinario, nec sine causa, placuit.

Duodecimo Iliados libro absoluto satieras puerum ejus ceperat; ideoque statim pater: quiescat ille per quinque hebdomadas, postea ejus nova cupido incesset; ac Phædri fabulas prælegit magna cum pueri volupate. Vehementer delectabatur legatione canum ceterisque fabulis. Et hoc Phædro quasi viam illi sternere voluit ad Terentium; cum in tota Latinitate non sit Autor, qui cum Terentio comparari rectius possit, quam Phædrus. Ne Græcam linguam negligeret, primam Aristophanis Comædiam, locis quibusdam omisis, exposuit. * Hujus lectionis magnam voluptatem cepit puer, ut semper illam reposceret, cumque in ea esset, sibi in theatro inter histriones versari videretur. Comædiæ, ludiones, histriones mirifice acuunt puerorum ingenium, multasque ideas amœnas phantasiæ sistunt. Non tollendæ a studiis sunt amœnitates, alioquin ipse eorum amor peribit.

Jam libros Æneidos Virgilianæ illi ostendit, argumenta singulorum librorum strictim prius enarrans, & in mappa Geographica Æneæ iter ostendens. Adjunxit etiam mappam Italiæ antiquæ, repetiitque Eutropium & Victorem usque ad Tiberium, quoniam nominum multorum 6. Æneidos mentio recurrit. Quæ cum quasi per ludum jocumque fierent, & Aristophanis Fabula Plutus absoluta, Fabulam Nubes incepit, omnemque Theatri veteris faciem illi ante oculos posuit. * Hinc ad Virgiliū Æneida accessit, quæ puero longe difficilior Iliade visa est; nam versus Homericæ fluere ipsi naturali quadam facilitate præ Virgilianis videbantur. Quod pueri judicium pater miratus, exhortabatur tamen illum ad lectionem Virgilianæ Æneidos, cujus versus duriores tantum ob duritiem lingæ Latinæ viderentur. In prælezione ipsa se notaturum loca promisit, quæ magis minusve placerent, unde postea ipse

ipse iudicium formaret, quare Virgilius difficilior videretur. Post lectam Aristophanis Comœdiam Nomina & Verba Græca secundum Dialectos repetiit: quæ repetitione semper opus esse ait, ne memoria excidant, quæ semel didicimus. Interea Iliada Homeri ad librum vigesimum sine ulla notabili difficultate continuavit.

Varietatis gratia Terentii Fabulas his subjunxit, omisis Prologis, qui difficiliores sunt; & paulisper sepositis Græcis Autoribus, ut adeo brevi temporis spatio absolverit Terentium & Amphitruonem Plauti: ex qua una Comœdia plus se voluptatis, quam ex omnibus Terentii, accepisse aiebat. Brevem quoque Chronologiam a Trojæ expugnatione ad finem Imperii Tiberiani in ejus usum delineavit, unde quæstiunculas minutas ad Eutropium & Justinum ipse formavit, paterque illi proposuit: e. g. *Quot anni intercedunt inter Darium & pugnam Marathoniam, usque ad natum Christum? quot a pugna navali Salaminia ad Alexandrum? quot ab Epaminonda ad Jul. Cæsarem?* Præ ceteris memoriam illi fixam esse voluit in sexta Olympiade & Urbe condita, primo, secundo, tertio bello Punico, tribus magnis bellis Civilibus, Nativitate Christi. Proposuit seriem Regum Persicorum & Ægyptiorum, cujus magnum in Historia usum esse ait.

Voluit his subnectere Livii Historiam, quem in finem illi ostendit Chartam 50 urbis Romæ, a Pyrrho Ligorio delineatam; sed autorem hunc difficiliorem pro pueris deprehendit: periodos enim habere longiores, quam ut duabus absolvi respirationibus possint; quarum se non exiguum numerum notasse ait, & gigantes præ ceteris periodis nominat. Quare post absolutum tertium primæ decadis librum, hoc Autore relicto, ad Iliada Homeri se recepit, quam puer expeditissime sine ulla remora intelligere potuit. In tota hac informandi ratione facetias & ridicula quædam inspersit, quod optimum ille deprehendit, pro tædio evitando, animo alacri conservando, & memoria firmanda. Verum, cum in eo esset, ut Iliada repeteret, & quatuor ultimos Æneidos libros, qui faciliores visi sunt, absolveret, immaturo obitu circa finem anni 14. patri ereptus elegantissimus puer fuit; * cujus jacturam filia, quam reliquit T. Faber doctissima, Commentariis in bonos 51 Autores editis celebris, supplevit. Pater vero hoc filio affectus sui & præclaræ indolis monumentum extare voluit, quod exemplo etiam aliis esse possit. * Ac sane 52 memorabile est, puerum 14. annorum bis absolvisse Iliada, Æneida Virgilio, Terentium, Metamorphoses Ovidii, Sallustium, primam Comœdiam Plauti, primam & secundam Aristophanis, tres primos libros Livii, præter Eutropium, Aurelium Victorem, Justinum, Fabulas Æsopi, quinque libros Novi Testamenti. Quid non his fundamentis superstrui potuisset usque ad annum ætatis vigesimum? quare miseram bonæ juventutis sortem deplorat Faber, quæ ineptorum magistrorum culpa plerumque perditur, bestias potius quam homines disciplina sua efficientium. Primum Magistrum requirit doctum; neque id tantum, sed & qui paterno affectu amet discipulum, omniaque accurate exigit, procul ab omni fastu, tædio, iracundia,

dia, quæ omnia corrumpunt, remorus, non plagosus, non molestus, sed patientissimus, & humanitate pueros & quasi quibusdam deliciis in officio retinens.

- Mihi ab hoc loco non alienum visum est, si insigne hoc specimen, quod feliciter in rem ipsam deductum est, fusius hic exponerem: nam qui consilia scholastica alias suppeditant, magno se offerunt numero. Sed intra ideam plerique subsistunt. Hic vivo exemplo plus docetur. * Non miror, præstare hoc in puero decenni patrem potuisse, & credo sane, vel citius hoc fieri potuisse. Bene successit illa informatio, quia pater fuit, qui serio atque ex animo omnia egit, qui ipsum urgere continuis exhortationibus potuit, qualem operam a conductis magistris nunquam expectes. Unus fuit, atque in unum omnem suam industriam convertit. * In methodo nihil magnopere desidero, nisi quod omnem ab hac ætate praxin in componendo sermone cessare voluit, cuius leve exercitium, & velut *πρεγύμνασμα*, tam in prosa, quam in ligata, instituendum arbitror. Pro lectione prima vulgatæ versionis Latinæ Biblicæ ego elegissem minuta quædam Colloquia, qualia a multis scripta habemus: est enim Vulgatæ dictio quodammodo a genio emendatæ latinitatis alienior. * Poëtarum lectionem ceteris Autoribus præferendam non improbo, quin potius multis ex causis suadeo, præcipue quod animus sublimiore quodam spiritu excitetur, & numeroso dicendi generi mature adsuescat, & concinnitati sermonis hæc lectio viam sternat. * Velim tamen a sermone soluto enthymematico & periodico non omnino arceri tironem. Non parum in illo situm est, ut mature consecutionem periodicam per particulas causales, conditionales, exceptivas, adversativas &c. cognoscat. In quem usum breviores Epistolæ Ciceronis, & maxime familiares selegit *Sturmius*, item sententias secundum diversitatem periodorum ordinatas. Alia est sermonis in Historia ordinatio, qui perpetua narratione, & quasi per membra fusius decurrit. * Neque ego gnomas morales breves & alicujus momenti in hoc primo studiorum curriculo damnaverim. Hærent animo earum rerum ideæ, etsi non satis illa ætate intellectæ. Deinde pro Justino, quanquam in historia elegans compendium præstat, malim alium auræ ætatis Scriptorem, Cornelium Nepotem. Sat mature historia discitur. * Ad styli formationem major opera infumenda est. Habet illa Romana auræ ætatis dictio aliquid singulare in vocum delectu, positu, concinnitate, significatione phrasium, cum alii Autores a Romana illa puritate multum discedant. Et me quidem iudice præstat e lectione optimæ dictionis prima ducere lineamenta sermonis, quam e variarum ætatum mixtura pravo illum succo imbuiere, non facile postea eluendo. Hærent animo ac recurrunt primi illi Autorum circuitus, formulæ, particularum nexus, ac postea non animadvertentibus se ingerunt. Faber vero, ut videtur, literatorem potius e filio, quam Oratorem ad puræ antiquitatis gustum, formare voluit. Ac videmus sane plerisque Criticis, quo doctiores illi sunt, inesse peculiarem aliquam dictionis ideam, quam non e genio Classicorum Autorum, sed eorum, in quorum lectione frequentes sunt, vel a quorum lectione recentes venerunt, ipsi sibi formant. Nimirum si in Eloquentia formanda, quod fieri
prima

prima debet ætate, a Cicerone paucisque aliis discefferis, turbabuntur omnia. Quare nec Plauti fabulas miscerem cum ceteris illa ætate, quod fecit Faber, etsi puero illæ præ Terentianis placere, cum a civili & usitato sermonis longius discedat ejus dictio, neque pueri satis distinguere Comici ac ridiculi sermonis ideam norint, quam præ ceteris affectavit Plautus; ne quid de Archaïsmis & confectis phrasibus dicam. Quanquam enim optimæ notæ latinitas in illo sit, magno tamen cum judicio, cujus capax tenera ætas nondum est, legi debet. Si sermonem purum & aureum velis, omne subæratum removeas necesse est, usque dum maturioris ætatis usuque firmatæ judicio sequiorum ætatum scripta secure tractari possint. Præterea labore continuo tenerum pueri ingenium nimis obrutum videtur, quod ipsi exitio fuisse crediderim. Etsi enim omnia per ludum jocumque agantur, tamen cum semper in cogitationibus imperatis detinetur animus puerilis, labefactare teneros spiritus illa assiduitas cum violentia quadam conjuncta videtur; qui ex intervallo, quo sibi relinquuntur, majores impetus resumunt.

CAP. X

DE CURRICULO SCHOLASTICO.

1. In privata institutione nonnunquam felicior via, 2. in scholis publicis securior illa est. 3. Precocium ingeniorum, privata informatione educatorum, scopuli. 4. Philautia scilicet. 5. & voluptates. 6. Cur communi potius via cum aliis incedendum sit. 7. Scholastica informationi magna cura a magistratu debet impendi. 8. Defectus in illo. 9. Maxime in ingeniorum censura. 10. Curriculi scholastici tempora varia. 11. Ramus nimis angustum constituit. 12. Michaelis Neandri consilium enarratur, 13. & de eo judicium interponitur. 14. 16. Jeremie Hölzlini Hexættia scholastica recensetur, 15. & in uno male sentire ostenditur; 17. ejus consilium private informationi aptius videtur. 18. 20. Sturmii Methodus scholastica proponitur & laudatur. 19. Breves & argutas styli sententias is recte improbat. 21. Ejusdem Sturmii epistola classica plenius hanc deducunt. 22. Cum qua conspirat Caselliana, 23. que methodus proponitur, 24. qua Logices studium ad Academicas rejicitur. 25. Nicod. Frischlini consilium 6 annos præscribit. 26. Caspar Scioppius quatuor. 27. id quod, præsertim in pueris, vix procedit. 28. Wolffgangi Raticii methodus non omnino improbanda, 29. qua recensetur, 30. & contra objectiones defenditur. 31. Latinitas & Jamis ac Portulis male formatur, 32. que nec emendata in scholis admittende sunt. 33. Vogelii Ephemerides lingua Latine rejiciuntur. 34. Glenardi singularis quedam methodus exponitur. 35. festiva ejus docendi ratio describitur. 35. 36. ejusd. epistole utilissima. 37. Ad grammaticam informationem prudentia opus est. 38. Rhenii labores scholastici utiles. 39. Beecheri methodus in puerorum informatione prima non suadenda. 40. Consuetudinis medium indicatur. 41. Wendelini institutum. 42. Beecheriana praxis insufficiens.

- ciens. 43. *Mechovii curriculum scholasticum laudatur.* 44. *Antescholarum informatio.* 45. *Scholasticorum institutio.* 46. *Lenta ad Academias festinatio suadetur.* 47. *Uberior docendi methodus e libris desuper scriptis investiganda.* 48. *Monita quedam compendio proponuntur.*

In privata institutione felicius quidem citiusque omnia procedunt ad præcociam aliquam maturitatem; quemadmodum arbores, quas singulari cura ab æris injuria custodire ac curare cultura nostra solemus, ceteras, quæ e communi fundo succum trahunt, tempore vincunt. * Sed securior in scholis bene institutis via est, in quibus etsi tardiores sint progressus, firmiora tamen illic ponuntur vestigia, & cum ipso judicio practico, quod cum annis accrescit, quasi solidatur doctrina. * Rara est præcocium ingeniorum felicitas, geminique scopuli sunt, ad quos naufragium facere solent, capitales scilicet animi corporisque pestes: illa philautia; hæc voluptates. * Debet cupidine laudis accendi animus puerilis; sed oritur hinc quædam primum ambitio, quæ extinguenda non est, nisi a cursu ipso revocare properantes velimus. Sed succedit hinc contemptus aliorum, quos infra se positos vident, & vana quædam persuasio, qua se plus præstare posse, quam per atatem licet, existimant. Linguis, historiis, scientiis ad miraculum excoli multi possunt, judicio tamen practico, quod demum ab annis & usu venit, destituantur. Hinc fit, ut sibi sapere contenti seniorum monita negligant, neque fructum ex conversatione erudita, qui maximus est, reportent. * Ab altera parte voluptatum stimuli illos sollicitant, ad quas eo ingeniosiores, quo doctiores sunt, unde facile in ignaviam & socordiam prolapsi, a pristina illa virtute degenerare videntur, ut a testudinibus sæpe ipsæ aquilæ vincantur. Qui in his vel per naturæ ductum modum tenere norunt, aut prudentis magistri monita sequuntur, illi ad maxima eluctari possunt.

Verum cum paucorum tantum, quos æquus amavit Jupiter, illa fortuna sit, communi potius via ad studia cum aliis contendamus. Nam & in societate puerili & juvenili semina quædam sparguntur officiorum civilium, quorum in Republica olim usus erit. Quis non hic præcepta suppeditavit? Quis non novam aliquam methodum confinxit? Aut potius in devia abduxit: nam non tam multis ducibus, quam peritis & prudentibus, hic utendum est. * Quemadmodum vero, ut Respublicæ perennes sint, vel prudente Legislatore formari debent, vel salutaribus legibus conservari; ita in Schola instituenda optimis peritissimisque Censoribus opus est. Non sufficit, idoneos admoveere juventuti Magistros, sed constitui debent, qui totius rei scholasticæ curam habeant, idonei Ephori; in quibus plerumque peccatur: * Solet enim hæc cura Sacri Ordinis viris demandari, qui non omnes æque iis sunt doctrinis exculti, ut de re scholastica recte statuere possint. Etsi enim pietatis præcipua quidem ratio habenda est, tamen & linguæ, & artes, quæ in Scholis tractari debent, non minori cura excolendæ sunt. * De Censura ingeniorum nihil dicam: vix enim a nostri sæculi moribus impetrari illa potest:

est: quanquam multæ sunt virorum gravissimorum de hoc defectu querelæ, multorum desiderii illud quærat. Videatur Calixtus Oratione de recta juventutis institutione & Præceptorum officio, Mechovius Hermath. cap. 1. tract. 3. n. 13. Legi quoque ea de re potest Jeremias Hölzlin, Holfatus, (b) doctissimus ille Apollonii Commentator, in eleganti dissertatione, cui titulus *Hexætica Scholica*, Dormündæ Ann. 1625. impressa, ubi curam hanc Republica dignam esse ostendit, & emendationem Scholarum serio optat.

Curriculum Scholasticum non æquis intervallis definitur. Ac sunt sane ejus 10 laxiores & ampliores termini constituendi, quoniam ingeniorum non est æqualis conditio. Tempora ergo ita ponenda sunt, ut tardiora ingenia cum ceteris eodem stadio ad metam pertingere possint. Sunt, qui nimis ampla spatia; sunt, qui breviora nimis & angusta præscribunt. * RAMUS, Freigio teste, Philosophiam cum 11 Eloquentia ita conjungendam censuit, ut, cum puerum septimo anno acceperit, anno decimo quinto ætatis perfectus Philosophus sit, & jam aptus ad Rempublicam: quod nec privata nec publica informatione effici potest. Et si enim id scientiis addiscendis tempus sufficere videatur in ingenio excellentiore, non erit tamen ad Rempublicam & publicam functionem aptus, judicio practico, quod in illam ætatem non cadit, destitutus, nisi forte in speciem & pompam aliqua suscipiantur. Quod si enim moralis & civilis doctrinæ non est idoneus auditor juvenis, e sententia Aristotelis, quomodo ille in vita exercebit?

MICHAEL NEANDER, vir doctissimus, & multæ in informanda juventute 12 *ἐμπειρίας*, Germanica lingua consilium de informanda juventute edidit, Islebii Anno 1583. in octavo editum, in quo ille monstrat, quomodo puer a sexto ætatis anno ad 18. pietate, lingua Latina, Græca, Hebraica, Artibus & universa Philosophia instrui possit. A sexto anno usque ad initium noni puerum exerceri vult legendum in utraque lingua, Germanica & Latina: cui usui adhibendum suadet Compendium Grammaticæ Philippi, ut simul cum literis ejus libri usum familiarem sibi faciat. Anno nono ad Compendium Grammaticæ & regularum ac exemplorum explanationem manuduci, in vocabulis sententiisque brevibus de virtutibus & moribus, dictis scripturæ, ediscendis exerceri vult, interjectis aliquot pro Musica & Calligraphia horis. Decimo anno Melanchthonis Grammaticam parvam una cum Syntaxi puero explicat, in Declinationibus, Conjugationibus, formationibus, casuum, temporum, per continuas interrogationes ac responsiones exercet, expositionem locutionum Latinarum & formularum orditur, quas e Cicerone, Plauto & Terentio in hunc usum collegit, quibus erudita lingua Latina, adeoque omnia argumenta, de

Kkk 3

quibus

(b) Jeremias Hölzlinus (qui Alumnorum initio in Acad. Altorfina Noricorum fuit Ephorus, hinc Gymn. Ambergenfis Conrector, Hammonensis autem, & Scholæ postea in Batavia Brielandæ, Rector, tandem vero Linguae Græcæ Professioni Leidæ An. 1632. admotus, illic An. 1641. decessit) patriam agnovit, non Holfatiam, uti b. l. traditur, sed Civitatem Noribergensem. V. Ant. Thylis Or. Fin. illi habitam, Franc. Martinii Epistolæ p. 31. & Wittenii T. I. Diar. Biogr. ad An. 1641.

quibus in communi hominum vita sermo institui solet, non spernendo invento continentur, ac seorsim a Neandro editæ sunt: atque ex iis, ubi memoriæ mandavit, Thematata pro versione proponit. E Grammatica & Nomenclatore repetitiones crebras instituit, & hanc telam undecimo quoque anno pertexit: Duodecimo anno Autores Latinos, Ciceronem, Terentium, Virgilium, Ovidium illi exponit, hinc phrasium sententiarumque excerpta colligere jubet, & ad Profodiam & versus scribendos manuducit. Tribus sequentibus annis Græcæ linguæ rudimenta & Autores prioribus jungit, eadem fere methodo procedendo, ut in lingua Latina: cui fini etiam locutiones Græcas eodem quoque ordine, secundum tria causarum genera, ut in lingua Latina, collegit, aliumque libellum de re poetica Græcorum, ad exercitationes poeticas in Græca lingua instituendas edidit. Anno 16. Hebrææ linguæ rudimenta superioribus addit, & demum 17. & 18. anno per Dialectices, Rhetorices, Physices, Chronologias, Ethices, Geographias compendia circumducit, atque ita ad Academiæ illum suum discipulum ablegat. * Qua in methodo tempora, quæ studio Grammatico impenduntur, nimis protrahuntur, antequam ad lectionem Autorum admittatur puer; nam ex usu & lectione suppleri defectus Grammaticæ majori cum fructu possunt. Deinde in exercitationibus Rhetoricis parcius est, quam velim: cui plus ego temporis impendendum existima-
verim.

14 JEREMIAS HOLTZLIN, cujus supra mentio facta est, curriculum paululum angustius discipulo suo definivit, sex scilicet annos, a septimo ætatis anno usque ad decimum tertium, unde & *Hexætia Scholica* inscripsit. Ac quoniam tota informatio tribus actibus continetur, quorum primo via ad Grammaticam munitur; secundo ipsa Grammatica cum orationis illius Autoribus traditur; tertio his Græci sermonis, nec non Dialecticæ & Rhetorices studium adjungitur; idcirco de his ipsis ordine agit, præmittens tres quasi canones generales, quorum primus est, In tradendis artibus progressum esse instituendum a facilioribus & notioribus, ita ut semper priora posterioribus faciem præferant: Secundus est, Plus diligentia & temporis conferendum ad finem, quam ad ea, quæ ad finem. Tertius, Cum finis sit mensura eorum, quæ ad finem, quicquid ad eum non pertinet, omittendum esse. Posterius vero cum priore comparatum semper finis rationem inducere, atque ita non solum artes totas alias aliis esse *ὑπηρετικές*, ut tradidit Aristoteles, sed artium etiam partes alias aliis inservire, & proinde alias quodammodo *ὑπηρετικῶν*, alias *ἀρχιτεκτονικές* esse. Primum ergo hic diligentiam in syllabis recte colligendis impendi, ac simul ad pingendas literas pueros manuduci vult: Calligraphiam enim vehementer laudat. Grammaticam succinctam & semitariam adhibendam primum judicat, & abstinendum a Grammaticis definitionibus & regulis intricatioribus, quarum sensum non capiunt pueri; rem ipsam quam simplicissime proponendam; Latina, quæ non intelligant pueri, non discenda, nec ipsa quidem præcepta Grammatica, nec Syntaxin, cujus regulæ per numeros distinctæ. Versionis materiam ex probato Autore pro exemplo regulis applicandam suadet.

His

His jam præmunitis ad ipsam Grammaticam, qui secundus totius *παιδαγωγίας* actus est, progreditur: in qua tamen nimis scrupulosum tironem suum esse vetat; ita ut ex usu potius & lectione sibi Grammaticas observationes formet, quam e Grammaticis Autores explicet. Utile, inquit, est, sibi Grammaticam coagmentare hunc in modum. Prima illa rudimenta jam apprehensa in libro hos ad usus quasito per intervalla & late diducantur: tituli exceptionum, heteroclisiarum, ellipseon, figurarum, ordinibus a magistro monstratis disponantur, & postea depromptis ex autore ad declarandum sumpto exemplis compleantur. Quod ubi fiet, multo minore cum tædio ars ista a quocunque non tam dissecetur, quam invenietur, & perbrevis temporis spatio res Grammatica feliciter parabitur, & firmius tenebitur; ejusque fructus cumulatione ipso in opere capietur. Nec adeo referet omnia ibi exempla, aut aliqua reponat: quod e nonnullis positis reliqua possint estimari. Phrasæologias ab aliis concinnatas non multum ad usum puerorum commendat, utut bonas, & a viris doctis congestas. Cum enim formulæ & phrasæ illic infinitæ ponantur, quæ tamen plerumque *κατὰ τὴν* dicuntur, & consideratione seu *ῥήγες* certa; non posse a pueris earum usum dijudicari. Quare phrasæ & formulas ex iis, quos legit, Autoribus colligendas potius suadet, quam ut alieno labore collectis utatur. * In quibus Autoribus Plautum Ciceroni prætulisse miror, nam Rami erroribus etiam hac in re male adstipulatur, ac plane inepte judicat, cum Ciceronis quam Plauti scripta faciliore cum latinitatis jactura aboleri posse existimat. Neque enim latinitas tam e vocabulis, quorum amplior seges in Plauto est, quam ex decente illo & civili cultu censenda. Cum hoc labore aliquid Ovidiani carminis jungendum esse existimat. * Tertio actu, qui Græcæ linguæ & Dialectices Rhetoricesque cognitione illi absolvitur, similiter Græcam Grammaticam rudem & inchoatam primum requirit, quam altera excipit postea plenior. Eam duplicem quoque ille habet, unam prosaicam, alteram metricam. Illa communem linguam tradet, hæc dialectos, quibus poetæ utuntur, de quibus multa immiscet erudita: fuit enim Græcæ literaturæ peritissimus, ut Commentario in Apollonium ostendit. Quæ de Dialecticis porro apud illum habentur, Rami Scholam sapiunt, cujus ille partibus addictior fuit. In Rhetoricis variationem per figuras & Aphthoniana progymnasinata commendat; atque ita discipulum suum anno decimo tertio ad *ἐγκυκλοπαιδείαν* totam aliasque scientias ablegat.

Verum præstat, ut jam ante dixi, in Scholis publicis non tam breve spatium præstitueret, quo pertingere omnes scopum sibi præfixum possint: nam Hölztlini consilium private, quam publicæ informationi, aptius videtur. * In tota hac Scholarum Oeconomia adornanda miram industriam, ut jam supra diximus, JOHANNES STURMIUS ostendit, cujus consiliis pleræque per Germaniam Scholæ institutæ. Scripsit is primo librum de *Ludo literario recte aperiendo*, quo generatim de re scholastica egit, & in certos ordines labores scholasticos distinguit. Incipit a postremo ordine, qui ipsi nonus est. Ad illum sub quintum sextumve annum duci jubet puerulum, ut legere scribereque discat, breviori Catechismo, flexionibus nominum &

ver-

verborum exerceatur, & breviores Ciceronis Epistolas, ad Terentiam & Tiro-
nem, exponere incipiat. Quod uno anno melioris ingenii puerum absolvere posse
existimat: de quo tamen ego dubitaverim. In ordine octavo, anno scilicet septi-
mo, primis sex mensibus tradit duabus quotidie horis Grammaticam breviorē,
& reliquum temporis duas itidem horas, Eclogis Virgilii & Epistolis Ciceronis tri-
buit. Dissolvere jubet Epistolas, flectere ac variare verba singula, eaque rursus
conjungere. Rationem construendæ orationis in posteriores sex menses differt,
jungendo Epistolas Ciceronis & Virgilii Eclogas, ut alternatim hæ tractentur, &
quatuor horæ lectionibus de die impendantur. Proponere tum Magistrum ju-
bet sententias Germanica lingua, quas puer formis Latinis commutet: carminum
quoque modulationem, sed exercitio potius quam regulis, suscipiendam suadet.
In septimo ordine anno octavo & singula prioris anni acta semper repetenda, &
versuum modos & syllabarum quantitates perdiscendas monet; cui una de die ho-
ra suffecerit. Ciceronis libris *de Amicitia & senectute* aliam horam tribuit. Ter-
tiam *Æneidi* Virgilianæ, vel Catullianis & Tibullianis carminibus castioribus in
hunc usum selectis. Quartam horam stylo, propositis ex explicatis Ciceronis lo-
cis thematibus, & versibus in ordinem redigendis assignat. Interim & memo-
riam exercere, & semel memoriæ mandata repetere jubet. Atque ita tribus annis
consequi posse putat puerum, ut Latinæ atque dilucidæ orationis præcepta teneat.
In sexto ordine, anno scilicet nono vel decimo præcepta primum in memoriam re-
vocanda, quam tradenda nova. Hic horam unam destinat *Æneidos* & Catullia-
norum Horatianorumque carminum lectioni; secundam explicationi insignium
locorum communium, argumentationum, periodorum bene ordinarum, figura-
torum exemplorum, e Cicerone depromptorum, quæ memoriæ etiam mandanda,
19 & ad imitationem proponenda, tribuit. * Nam breves illas & argutas senten-
tias ideo damnat, quod memoriæ vastent, aciem styli distrahant, sæpeque illæ ine-
20 pte scriptis interponantur. Quod sapienter sane ab illo monitum est. * Ex Te-
rentio postea & Plauto, interposita his Cæsaris historia, qui quotidiani sermonis
verbis historiam conscribere maluit, quædam proponit. Tertia hora iterare ju-
bet, & ad stylum accommodare, quod est utilius; sive in prosa, sive in carmine hoc
fiat. Quartam horam emendationi compositionis tribuit. In Ordine quinto,
Anno vel 10. vel 11. sex primis mensibus semel quotidie ex Græcæ linguae præ-
ceptis Grammaticis quid proponere jubet: sequentibus tribus mensibus paucas fa-
cilesque *Æsopi* fabellas Græcas; & postremo trimestri *Demosthenis* Orationes
Olynthiacas. Secunda hora in *Officiis* Ciceronis, si priores libri sunt superiore an-
no absoluti, versabitur. Tertia vel *Georgica* Virgilii, vel *Oratio* aliqua Ciceronis
explicabitur. Quarta scripturæ & compositioni relinquitur, ita tamen, ut libri de
ornamentis orationis scripti, quæ e Ciceronis libris *Rhetoricis* sunt petenda, con-
jungantur. De *Elocutione* enim prius, quam de *inventione* laborandum. Verborum
copia tum comparanda, & sententiarum formulæ cumulandæ. In ordine quarto
anno vel 11. vel 12. informationis quinto horis duabus alternatim cum Cicerone *De-*
mosthenem, cum *Virgilio* *Homerum* jungit. Tertiam primis sex mensibus Gram-
maticæ

maticæ Græcæ impendit. Quarta cum styli exercitiis præcepta Herenniana & partitiones Ciceronis jungit. Neque sine ratione Ciceronis libros ceteris compendariis libellis præfert. Addit illis Salustium & Plautum, ubi tempus supererit. Atque hic prolixè de ratione resolvendi orationes, & colligendis phrasibus agit; qua de re singularem quoque librum conscripsit, & nos alibi plenius. Interferit etiam quædam de commentationibus, quibus adsuescere pueros mature vult. Argumentum illis ad narrandum, aut probandum, aut amplificandum proponit, spatium dat, eadem hora, qua docendum erat, ad cogitandum, ut, quod antea scriptum adferre consueverant, id jam meditatione atque cogitatione comprehensum pronuncient. Quod exercitium sane præclarum est, & promptitudinem aliquam in dicendo & cogitando efficit, magno postea usui futurum, ubi ad rem ipsam & negotia vitæ civilis ventum est. In Ordine tertio, Anno vel 12. vel 13. præcepta Rhetoricæ Dialecticis jungenda suadet, Ciceronis Topica & Aristotelis Dialectica, Demosthenis & Æschinis adversarias orationes explicandas; Commentationes continuandas, & partes integras, sumpto ad cogitandum tempore, oratione Latina memoriter dilatanda, tum scilicet, cum domo reversi fuerint. Ad Livium etiam nunc progredi in Historiis vult. In Ordine secundo, Anno 13. vel 14. Demosthenis orationem pro Ctesiphonte explicari, dialectica præcepta ex Aristotele continuari, eademque hora dialogum e Platone & Cicerone velut in exemplum proponi suadet. Partitionibus Oratoriis scribendo & commentando insistendum, & ad firmitus judicium omnia exigenda. In Ordine primo, anno scilicet 14. vel 15. viam ad primas artes maximasque disciplinas aperit adolescentibus, repetitis tamen prioribus, atque sic bene præparatos ad Academica studia transmittit. * Explicatius singula postea deducit in *Epistolis illis Classicis*, quas ad singulorum Ordinum vel Curiarum præfectos scripsit, additis tum novis præceptionibus, tum exemplis. Multa hic de ordine, in vocabulis discendis servando, de volumine sententiarum, per periodos digestarum, de Ephemeridibus faciendis, de modo explicandi epistolas Ciceronis, de formulis sententiarum pro stylo exercendo, de carminum, exemplorum volumine, & pluribus aliis utilia monentur. Præxin ulteriorem in *Schola Laringana exhibet*. Quæ omnia egregia sunt, optimoque consilio instituta.

Sturmianis consiliis merito accenseri debent Caseliana. Nam in variis scriptis rem scholasticam Caselius, qua potuit diligentia, emendandam ornandamque susce- pit. Extrat ejus libellus similis cum Sturmiano rituli *de ludo literario recte apertendo*, in quo pleraque cum Sturmianis conveniunt, nisi quod Sturmius majori *dispendio* in operarum scholasticarum partitionibus usus sit. * Primum in infantibus pronunciationem literarum & calligraphiam majori, quam fieri solet, cura tractandam suadet. Grammaticam ille simplicem, quæ in solis nominum & verborum inflexionibus & exiguis regulis syntacticis consistat, requirit, cetera ab usu & lectione discenda suadet, adhibitis tum in consilium uberioribus commentariis Grammaticis. Interpretationem planam & perspicuam præscribit, sermone Germanico Latino,

Tomus I.

LII

pro

- pro puerorum capacitate, citra commentariorum prolixitatem, quos tamen veteres & novos perspectos Magister ipse habeat. In interpretatione moralia immisceri vult, ut eorum idea animis teneris mature hæreat; quam ad rem Terentium ac præcipue Horatium laudat. A Cicerone prima sermonis lineamenta potius, quam a quopiam alio ducenda præcipit, a loquendo tamen abstinere tirones jubet, ne purum sermonem corrumpant. Sermones quosdam & Dialogos, sed ductu præceptoris, Latina lingua instituendos; Declamationes intempestivas fugiendas suadet. Carminum modulatio ex usu potius & lectione, quam præceptis operolis, illo iudice, discitur. Ad Græcam linguam hinc tironem suum vocat, electione potius, quam præceptis multis, hauriendam. Scriptionem non suadet, ob magistrorum imperitiam & nullum ejus linguæ usum publicum: tanti enim non esse, ut quis impuro sermone Græco scribere discat, cum de puro desperandum sit.
- 24* Hebræam ad Academiæ rejicit, Logices & Dialectices præcepta vel ad Academiæ differt, vel summa tantum eorum rudimenta proponi vult. Neque enim in hoc suo ludo Disputatores vel Sophistas formabit discipulos, neque vitio hoc magistris vertendum esse judicat, si non magnam Logices scientiam habeant, quæ maturius iudicium requirat. Eventurum, ut vel, quæ prima jacta sunt in his fundamenta, hinc in Academiis sint adjicienda, & majore molestia dediscenda, vel nunc humanitatis studia segnius tractentur. In Rhetoricis compendia primum proponit, & ex Aphthonii progymnasmatibus aliquid. In Musicis exerceri pueros vult; in Mathematicis quoque quibusdam, ut Arithmetica & Geometria, prima statim ætate, etiam lingua Germanica, si haberi possit, qui pueros illa doceat. Nam his studiis quoque apud veteres pueri exercebantur.

- 25 Est & NICODEMI FRISCHLINI consilium non spernendum de ratione instituendi puerum ab anno ætatis sexto & septimo ad annum usque decimum quartum; ita ut præter duas aut tres maternas linguas etiam Latinam discat recte loqui & scribere, Græcam vero mediocriter intelligere: insuperque rudimenta Dialecticæ & Rhetoricæ ad usum scribendi conferre, & primo quidem anno puerum docet, ut recte literas legat & pingat; secundo initia Erymologiæ, & e suo Nomenclatore usitiora nomina non solum inflectere, sed etiam intelligere, & præcipuas loquendi formulas docet, simulque ad Syntaxin præparat. Tercio & quarto anno reliqua Erymologiæ præcepta & præcipuas regulas Syntaxeos, una cum Declinationibus & Conjugationibus Græcis simplicioribus tradit, usum quoque mediocrem Latinæ linguæ e Dialogis sacris & selectioribus epistolis Ciceronis comparandum docet. Quinto anno reliqua præcepta Latinæ, & præcipua Græcæ Syntaxeos (quæ conjungi semper ob asinitatem vult) tradit, una cum reliquis Declinationibus & Conjugationibus Græcis, & ex brevissimis Prosodiarum regulis carmen retexere docet, & insuper ex Cicerone & Terentio laudabile scriptum conficere. Sexto anno præter exercitationem Græcæ & Latinæ linguæ ad rudimenta Dialecticæ & Rhetoricæ manuducit, & ad perfectam istarum artium cognitionem præparat. Quæ Frischliana informandi ratio cum Hölzlini methodo quodam-

quodammodo convenire videtur, qui & ipse sex annis scholastica absolvit studia.

Minori annorum numero CASPAR SCIOPPIUS contentus est. Is enim in 26 *Consult. 3. de Scholar. & Studiorum ratione* quatuor tantum annos requirit, quibus non modo Latinam linguam probe intelligant, & cum Grammaticæ regulis, tum doctorum consuetudini congruenter Latine scribant, sed etiam Logicam, Rhetoricam, Physicam, Metaphysicam, hoc amplius autem Ethicæ & Politicæ elementa addiscant; sic, ut idonei sint, qui Professoribus Academicis, Philosophiam, Theologiam, Jurisprudentiam & Medicinam docentibus, multo, quam alii, melius & fructuosius operam dare possint. * Verum ista in homine provectionis ætatis 27 vel saltem adolescente effici quodammodo posse non negaverim; in pueris, quorum ingenium iis studiis aptum non est, ut fieri possit, vix concesserim. Ut enim in linguis forte compendia quædam cum pueris institui possint, in scientiis vero maturiore iudicio opus est; præsertim in Ethicis & Politicis, quorum idoneos auditores esse juvenes negavit Aristoteles.

In lingua Latina addiscenda compendiosorem sibi viam invenisse visus est 28 WOLFFGANGUS RATICHUS, quæ non contemnenda quidem videtur, modo ejus peritiæ & patientiæ Præceptorem quis nancisci possit, quam ille requirit. * Primum vernaculam aliquam linguam præsupponit, qua animi sui sensa commo- 29 de exprimere puer possit, hinc in lingua Latina puerum informaturus literas docet tum scriptione, tum viva voce, earumque potestatem explicat, pronunciationemque exprimit, earum postea connexionem & Syllabificationem tum viva voce, tum scripto ostendit: quibus peractis, statim in manum Autorem idoneum sumit, sed unicum, e.g. Terentii Comædias. Ab initio 4 vel 5. lectionibus voce tardissima & quasi semifracta discipulo præit, qui oculis & animo præeuntem sequitur, atque ita inconcinna pronuntiatio silentio devitatur, donec crebra Præceptoris iteratione concinna reddatur. Nam Præceptore absente omnis privata repetitio discenti interdicta est. Postmodum ipsa prælectio hac methodo procedit, ut 1. summa futuræ lectionis luculenter lingua notiori proponatur. 2. Lectio sequatur distincta & perspicua, probe observatis commatis & punctis. 3. Expositio seu interpretatio ipsius textus. 4. Textus relectio & repetita interpretatio. Terentii sex sunt Comædiæ: singulis hebdomadibus unam Præceptor absolvit, singulis diebus, imo singulis unius diei horis Actum totum, ut fabulæ tractatus cohæreat, & intellectui listatur. Præceptor primo legit periodum integrum, deinde commata istius periodi denuo legit, & Germanice interpretatur, ad sensum solum, non ad constructionem respiciens, atque ita ad finem Actus. Quæ prima Terentii prælectio nihil aliud præstat, quam ut discipulus 1. Latine legere discat, 2. summam & sensum totius Autoris imbibat. Atque ita sex hebdomadibus rotus Terentius absolvitur, bis terve in una hora uno Actu repetito, & die Saturni, pluribus horis, tota Comædia. Nihil vero hæcenus de Grammatica discipulus audit. Alteris sex hebdomadibus Terentius denuo ab initio ad finem eodem modo

exponitur; sed circa finem matutinæ assumit Præceptor libellum Paradigmatum, & primo ad Conjugationes se confert, prælegit Conjugationem primam activam, una cum interpretatione singularum personarum sapissime, sequentibus diebus ceteras Conjugationes, depromptis ex Autore exemplis, quæ similiter flectit, addita singulis Germanica significatione. Tum passivæ Conjugationes præleguntur ea cautela, ut passiva non ex analogia formentur, sed e solo Autore petantur. Hinc prælegit paradigmata Declinationum per intervalla secundum earum ordinem, exempla ex Autore adduntur ad singulas Declinationes, prout se obtulerint, citra interpretationem casuum Germanicam. Interim ad finem tendentibus hebdomadibus, discipulos tentat Præceptor, num in Conjugationibus & Declinationibus prompti sint? respondebit vero discipulus omnia e libro. Tertia vice aliis sex hebdomadibus, dum Terentium reperit eodem modo horis matutinis, pomeridianis Grammaticam proponit, exemplis ex Autore desumptis, ita tamen, ut ad Syntaxin nondum accedat. Dehinc applicationem præceptorum Grammaticæ hoc modo instituit. Hora prima diei scenam unam Terentii integram exponit, sparsim faciliora nomina & verba explicat. In ceteris horis scena examinatur accuratius, quoad Verba solum, diductis exemplis per Verbi accidentia: ubi discipuli ipsi libros Grammaticos una cum Præceptore inspiciunt. Altera die sequens scena hoc modo examinatur, quoad Nomina observato ordine Substantivorum & Adjectivorum. Tertia die Pronomina, inde Adverbia &c. cum suis accidentibus, ut Grammatici vocant. Hinc Præceptor incipit conjungere Verba & Nomina, & integras phrasas ex Autore deducit per Conjugationes, Substantiva cum Substantivis, Adjectiva cum Substantivis &c. ut, *Facio illi injuriam, facis illi injuriam, facit illi injuriam* &c. idque exercitium per aliquot hebdomadas continuatur. Hac ratione Comœdia una intra mensem circiter absolvitur, ut hora matutina Autoris textus exponatur, in ceteris Grammatica potissimum tractentur. In tali exercitio Declinandi & Conjugandi detinet discipulum usque ad quartum mensem, a tempore tertium inchoati Terentii, seu inchoatæ Grammaticæ in ceteris quoque Comœdiis. Tum ad genuinam vocum significationem, speciem & figuram deducitur, ad Præterita & Supina &c. exceptiones in Grammaticis. Postquam jam Etymologiam universam cum præcipuis exceptionibus tenet, ad Syntaxin accedit, quæ ipsi jam quasi sponte fluit e copia vocum, phrasium, scientia flectendi, conjugandi, declinandi, derivandi, componendi. Tum jubetur ipse discipulus Terentium legere & interpretari, auscultante Præceptore & monente, si quid erraverit; tum e Latina in Germanicam transferre, atque ita totum in succum & sanguinem convertere. Quod intra anni spatium commode effici posse, Autor ille testatur.

- 30 Sed erunt fortassis, qui leve quid existimabunt, intra anni tempus eo usque in Latina lingua progredi: præsertim cum Scioppius in *Præfat. Grammatica Philosophica* tantum post Nominum Verborumque declinationes memoriæ mandatas, se e quotidiana Latine loquentium consuetudine, sex mensium intervallo profecisse dicat,

dicat, ut, quicquid usus ejus ætatis posceret, enunciaverit; cum hi Terentiani auditores Latine tamen loqui toto anno non didicerint. Qui hoc obijciunt, meminert, plus esse in quotidianis colloquiis ad linguam discendam efficaciam, quam in quacunque informatione alia: secundas tamen a prima hac maximeque naturali methodo tener illa, quæ e lectione Autorum procedit. Et in Ratichiana tamen illa methodo, primis illis lineamentis bene e Terentio ductis, juncta simul arte Grammatica, facillimus deinde ad cetera progressus fuit. * Illi certe longe præferenda est, quæ vel e Janua Comenii, Patrum Hibernorum, Mercurio Scioppii, Portulis, Atriis simile quid promittit. Nihil solidi e scopis illis dissolutis discitur, in quibus nulla est compositio, plena barbarismis omnia. Sermoni studendum est, qui non meris enunciationibus, sed nexu periodico decurrere debet: qui, etsi a puero primum non capitur, per consuetudinem tamen animo auribusque inhæret. E sermone ergo simplici quidem, sed recte suis particulis juncto, potius nomina verbaque discenda sunt, si illa sic nuda pueris proponere nolumus, quod prima ætate sufficere possit. * Quacunque ergo ratione emendentur vel *Comenii* vel *alterius Januæ* (nam in illius Janua multa talia emendari voluit Vir Cl. & amicus noster optimus J. P. Titius) non possum a me impetrare, ut earum usum in Scholis probare possim. Quorsum enim opus, ad lacunas confugere, cum purissimos habeamus fontes? Si vocabulorum res agitur, illorum cognitio vel ultro e lectione nobis occurrer, ut non sit magnopere de iis laborandum. Denique ut vel culine, vel opificiorum gratia ista farragine pueros maceremus, nulla nos necessitas jubet. Talium rarus in sermone civili usus est. Legatur tamen ea de re Vir Clariss. J. P. Titius in *Dissertatione de Adminiculis Lingue Latine prima*, ubi Historia libellorum didacticorum Comenii plenior proponitur, & operose de eorum usu & correctione agitur. * Nihilo meliores illis Januis sunt *Ephemerides lingue Latine* ab EZECHIELE VOGELIO, Pædagogii Göttingensis Con-Rectore, scriptæ, quibus unius anni spatio, duabus singulorum dierum professorum horis, totam linguam Latinam, omniaque ejus vocabula docere vult. Constant vero *Ephemerides* variis sententiis, vel confectis, vel a veteribus Autoribus petitis, secundum dierum & alphabeti ordinem, observata nescio qua inepta alliteratione in vocibus. Has memorie mandare pueros jubet, ex iis Grammaticam & Syntaxin disci, themata Latine scribendi conformari, ex iis colloquia institui vult. Verum non opus est, ut labori inutili immoremur. Legatur prolixa earum *Ephemeridum* didactica, Lipsi. Anno 1621. edita.

Simile quidpiam *Ephemeridibus* illis ante ipsum commentus videtur *CLE-*
NARDUS, ad cujus ego imitationem Vogelium instituisse suas existimo, sed longe
 dissimili profecto ingenii acumine, indutria & judicio. Ille pueros alphab-
 etos, postquam primo literas ostendit, & publica voce pronunciavit, omnia docet,
 minutis dialogis, sed Latina Lingua factis, quibus Grammatica, & quæcunque
 alia quotidiana, argumenta comprehendit, sententias etiam & adagia, secundum
 Alphabetum ordinata, vocis alicujus occasione, quæ legat semper relegatque puer.

Ille tamen, quod mireris, ipse Grammatica rudimenta non nisi Latina lingua proponit, unde quotidiano isto sono & Grammaticam, & linguam ipsam discunt
 35 pueri. * Instituit ille aliquando ludum talem Braccaræ, quem ipse festive, ut valde facietæ sunt omnes ejus Epistolæ, describit. Non, putô, ingratum Lectoribus erit, si quedam de illis, sunt enim rariores hæ Epistolæ, adducam. Ita vero ille *lib. 2.* sub finem prolixæ illius & elegantissimæ Epistolæ, quam ad Christianos de professione Arabica militiaque constituenda adversus Mahometum scripsit: Periculum facturus de ingenio puerorum, civium aliquot liberos publico dono docere capi, tam expertes lingua Latine, ut ante eum diem ne literam quidem audissent. Et prima statim hora, cum res jam vulgata fuisset, concurrerant complurimi, commoti, ut sit, novitate, adeo, ut, crescente indies multitudine, locus auditores non caperet. Nulla enim ætas novo Gymnasio desiderabatur, & omne genus mortalium confuebat. Non deerant, qui vix annum quintum agerent, non sacerdotes, non servi etiam Æthiopes, & quidem natu grandes. Quin & parentes una ludum frequentabant cum filiis, nec minus præceptorum morem gerebant, quam obediunt discipuli. Cumque solus versarer in tam disparibus ingeniis, & apud rudes ne verbum quidem sonarem nisi Latinum, sic sensum assiduo usu proceffit negotium, ut intra paucos menses, & loquentem satis omnes intelligerent, & minimi etiam utcumque Latine balbutirent, cum vix nossent Alphabetum. Neque enim tenellam ætatem eo traherem, quod aliquid haberet molestiæ, nec per antiphrasin interpretabar ludum, sed revera ludebam in Scholis. Erant mihi servuli tres; quos supra nominavi, non sane periti Grammaticæ, verum domestica consuetudine tantum consecuti, ut me perciperent, quicquid dicerem, & contra Latine responderent, licet identidem peccantes in Priscianum. Hos in ludum productos dialogos agere jussi, spectantibus discipulis, & cum eis multis de rebus sermonem miscebam, attentissimo auditorio, adeo miraculi loco fuit, quod Æthiopes loquerentur Latine. Heus Dento, inquam, salta: mox unum atque alterum edebat saltum, ridentibus spectatoribus. Tu Nigrine, repe nobis per pavimentum: sine mora quadrupedem agebat, magis etiam in cachinnos solutis, quotquot aderant. Carbo jussus currere cursum statim expediebat. Sic & alia multa non tam voce docebam, quam gestu, ut per jocum vocabula puerorum animos subirent; minimaque cura fuit, ut initio canones objicerem Grammaticos, rem non satis amenam: sed omnem adhibebam artem, ut quemadmodum mercatores in variis regionibus usû perdiscunt idiomata, sic in tanta frequentia omnibus in locis streperent voces Latine. Quin & illud piaculum erat, primis diebus quippiam scribere, sed oculis in præceptorem intentis, aures assuescebant audiendis vocibus. Et si quando sese offerret vel sententia, vel adagium, pauculis verbis comprehensum, per discipulos in orbem ibat, & tota Schola jactabatur, velut manus manum fricat, me interim rem gestu declarante. Nam & hoc decretum erat, non solenni pompa docere, & aliquid meditatum asferre; sed, quicquid obiter ac primum occurrebat, de eo fabulabar. Si quem conspicerem insigni naso, ridendo & contrectando naso sumgebam docentis officio, & obiter mungebat Dento nares. Inde jussi adferre candelam, & tu Nigrine, inquam, munge candelam: quam si imprudens extingueret, irato vultu objurgantis speciem præbebam, & simul videbant, quid esset

esset candelam accendere, quid extinguere: hinc labimur ad seum, & candelas seum, inde ad cerum, ceram, ellychnium, & cetera que oculis arbitrari poterant, ut utar verbo Gelliano. Dum sic nugamur, & quamvis sermocinandi ansam temere raperemus, sepe numero sine omni tædio tres horæ nobis imprudentibus abibant, cum summa puerorum voluptate. Quibus factum est, ut a parentibus pueri contineri non possent, quin summo dilaculo pergerent ad Scholar, velut gestientes audire præceptorem: adeo ut horam quandoque unam antevertent, & noctu nihil aliud somniarent, quam comedias nostras scholasticas. Postquam sermo Latinus familiarior factus, tandem instillavit Grammaticam, nominumque Declinationes majusculis characteribus in parietibus suspendit; e quibus, qui nossent scribere, describerent, diligenter cavens, ne cuiquam codex typis excusus esset, ut eo accuratius memoriæ imprimerent. * Deficit hic quidem Epistola, & editor Clusius notat, morte præventum non ab- 36 solvisse: verum tota illa praxis Grammatica prolixè satis recensetur eodem libro secundo, *Epistola prolixa ad Joannem Vasum scripta pag. 187. Edit. Hanovianæ.* Declinationes & Conjugationes docet, antequam vel terminationes nominum & verborum, vel casus & tempora nominat; quæ postea eo firmiter inhaerent. Nihil de Passivis & Deponentibus agit, nisi omnibus activis Conjugationibus absolutis. Procedunt hæc omnia per dialogos, quibus quotidiana Grammaticis miscentur. Sententiis potius ex bonis Autoribus, quam aliis exemplis, illustrari vult: quod consilium feliciter executus est in Grammatica sua Latina Cl. Blünerus. Verum ea plenius ex ipsa Epistola haurientur, quæ profecto lectu digna est; ac vidi in Catalogis vel hanc Clenardi Epistolam, vel aliam de hoc argumento dissertationem seorsum editam. * Certum est, esse quandam in illa re *ἐμπειρίαν*, & quan- 37 dam etiam in ipsa praxi Grammaticæ informationis prudentiam, ad quam non omnes apti sunt. Quare non spernendi sunt Autores, qui in his minutis laborant; quales quidem multos habemus: sed non omnes thyrsigeri Bacchi sunt, omnes laurigeri Phœbi. * Superiorum temporum memoria JOHANNES RHE- 38 NIUS variis libellis non male de re Scholastica meritus fuit, cujus *Padagogia seu Methodus Institutionis puerilis* consilia non pauca exhibet.

Qui novam methodum, de qua nos quoque supra, excogitavit JOH. JOACHIMUS 39 BECCHERUS, ab isto invento suo non tam amplos sperare fructus potest. Etsi enim ingenium illi non deest, & ad linguæ notitiam grammaticam, ac dissertationes extemporales instituendas, non inutilis labor est, Latine tamen, nec Grammaticæ solum, sed & eleganter, dicere scribereque cupientibus parum proderit. Non juvat sola verborum & rerum copia, nisi adsit prudentia, quæ delectum instituere doceat, quod ex ista vocabulorum farragine, utut belle ordinata, non facile disci potest, nisi mature ex Autoribus idoneis illam facultatem hauriamus. Quin potius dato pignore certare ausim, puerum methodo Beccheriana informatum, totum ficcum & enervum in omni compositione sua fore, plusque ex illo invento utilitatis ad viros vel juvenes jam tum omni genere scholasticarum exercitationum subactos perventurum, quam pueros

- pueros hac primum arte erudiendos. Vocabula per derivationem & terminationes disci citius posse, uti Beccherus vult, nemo quidem negaverit. Sed ego potius Oratorem, quam Grammaticum formare malim. * Consultius ergo erit, Vocabula sub locis generalibus, quales *Benzius* præferibit, disposita secundum cognationem, differentiam, contrarietatem, adjuncta &c. puerum discere, magno postea usui in amplificatione futura, ubi quædam scribenda sunt: ductu tamen antiqui
- 41 Autoris. * Etsi enim hunc usum in phrasibus bonis, alphabetico ordine congestis, quærat *MARC. FRID. WENDELINUS* in memoria Rudolphi filii, neque ejus causæ nullæ sint; tamen a boni Autoris verbis bene ordinatis solidiora ejus rei ponuntur fundamenta. Ex ipsis tamen vocabulis & phrasibus facilius ego rem illam, quam e clavibus & januis confici posse, *Wendelino* libens concesserim. Neque male judicat *Wendelinus*, cum ait: *Vocabulorum sylvam citius ego totam memorie & ingenii mediceris adolescentulo me impressurum puto singulari quodam puerili, & pene ridiculo, memorie adminiculo (quod velim prodidisset), quam clavis integre partem mediam assiduo soloque interpretationis labore. Ausim deponere pignore cum quovis contendere, & hoc addo, vocabulorum notitiam è Lexico paratam longè certiorum & expeditiorem fore altera, quam assidua clavis dederit interpretatio.* * Et nihil sane *Beccheriana Praxis* Anni secundi & tertii in opere isto tironem juvabit, conjuncturum isto suo artificio nomina & verba, quæ Latinæ linguæ indoli refragantur: quod e sola & assidua Autorum antiquorum lectione & imitatione demum observandum est; ne quid de numero & concinno positu dicam, qui aliunde, quam ex iisdem fontibus, disci non potest.

- 43 Amplius studiis Scholasticis spatium indulsit vir, dum viveret, harum rerum peritissimus optimusque *Mercuriorum* sculpsor, *MECHOVIUS*. Nam in doctissima sua *Hermathena tractat. 3. cap. 2. 3. 4. 5.* hoc argumentum copiosissime tractavit, ut nil quicquam addi posse videatur. Primos ille septem annos Antescholanis concedit, qui intra contubernium parentum educati nondum ad publicas scholas accedunt; Scholasticis rotos 14. annos, ut itaque ante annum 21. e Scholis non exeant, suæ sententiæ suffragantem laudans *Sturmium*, qui tamen anno 15. scholastica studia absolvit, & altero loco sub illo annorum numero
- 44 Academia forte studia comprehendit. * In Antescholanorum informatione veterum mores a nostris discrepant; quibus, cum in linguis non multum laborandum, statim ad rerum cognitionem convertere se potuerunt. De his multa *Quintilianus*, qui ne infantiam quidem ipsam cessare a literis vult. Nostri in formanda voce, legendo, scribendo, primis pietatis rudimentis, vocabulis *Donati*, quæ vocant, tirociniiis tempus hoc consumunt, quibus recte quidem *Mechovius Tabulas Geographicas* jungi posse existimat. *Vossius* Historiam sacram & civilem per imagines illis quoque inculcari suadet. * In Scholasticis primum septennium in *παιδείᾳ τῶν ἑλληνικῶν* & in *ταῖς λογικαῖς τέχναις*, alterum in humanitatis, Dialecticæ studio ac initiis Philosophiæ transigi vult. Hic primum de Grammaticæ informationis ratione tenenda, de exercitiis Grammaticis, de Græcæ linguæ

linguæ rudimentis, Musica, Geographia, Poëtica, Historia universali, Chronologia, quantum satis est, posteribus annis discenda præcipit. In altero septennio Grammaticæ elegantioris cultum, Terentii & Epistolarum Ciceronis lectionem, exercitia tam Latina quam Græca ex Autoribus optimis, Latinis & Græcis, Poëtarum non lectionem solum, sed & imitationem accuratorem, per varias metaphrases aliaque exercitia, Eloquentiæ themata ad orationum Ciceronis ductum adornanda, Historiæ plenioris studium, Mathematicarum disciplinarum elementa, denique Dialecticam compendiarium commendat; atque sic e ludo suo emancipatum Academiae tradit. * Quam bene cum Republica ageretur, si lentis illis modis-
46
que gradibus primum ad Academias, & ab illis ad cathedras, tribunalia & subfella procederemus. Sed volatica hodie omnia sunt & superficialia, cum plurima pars juvenum solum ostentare speciem, quam solidam præstare eruditionem, malit; Quo fit, ut propediem barbaries omnia occupet, & ubique improbitas & ignorantia triumphet.

Si quis in his rebus paululum curiosior est, is ceteros, qui super hoc argumento scripti sunt, libros adeat, diligenterque, in quibus convenient vel discrepent, notet. Sua enim cuique inventa & cogitata sunt: quæ inter se comparata, utilitatem non exiguam afferent. Legi possunt, quæ aliquot tomis cum Stur-
47
mianis illis junctim prodierunt, aliique sæorlim editi, de quibus jam supra plura diximus. Hic de studiorum non solum, sed & morum regimine, de legibus scholasticæ societatis, pluribusque aliis explicate agitur, quæ ab instituto nostro sunt aliena. Eorum quasi compendium Mechovius in libro supra laudato exhibet. * Nos summa quædam hujus tractationis capiti velut in compendio sub finem pro-
48
ponemus, quæ in scholastica informatione commodius instituenda attendi merentur. 1. Compendia lectionis & scriptionis uno labore conjungenda, ut utilia, cum legimus, simul scribamus. 2. Grammaticæ rudimenta brevissime proponenda. Ea Edmund. Richerius in *Obstetric. Animorum c. 3. n. 8.* sex mensium spatium a pueris percipi posse affirmat, qui & *Grammaticam Obstetricam* scripsit, cujus tantum titulum in Catalogis hætenus legi, ipsum vero non vidi. Grammaticæ Philosophicæ, (quicquid Scioppius magno hiatu de illis promittat) a Scholis omnino proscribendæ. 3. Latinæ linguæ Græca statim in primordiis jungenda, quod facili negotio fieri potest, & in hunc finem unam pro utraque lingua Grammaticam Cl. Dn. Butnerus scripturus est. 4. In tenerima ætate Mathematicarum quarundam disciplinarum prima lineamenta magna utilitate duci possunt, ut Arithmetices, Geometriæ, Picturæ, Geographiæ. 5. Ablit ab omni proposito præcipitania. Quæ hic peccantur, ea multo temporis dispendio postea luuntur. Multa citius ad scopum pervenissent, si tardius incedere voluissent. 6. Quamprimum orationis solutæ exiguam facultatem habuerit puer, Poëtas legat, carmina memoriæ mander: magnum hoc ad ingenii exaltationem, ad concinnitatem in sermone omni soluto adjumentum est. 7. Sententiæ partim periodicæ, partim breves & acutæ, secundum virtutum capita memoriæ mandentur, uti & dicta præcipua biblica secundum locorum ordinem. 8. Omnia nova merito debent esse suspecta: varietas

confusionem, simplicitas constantiam studiorum parit. 9. Qui sublimes scientias pueris proponunt, ante solidam linguarum cognitionem, cum ratione ipsa infantiunt, illosque infanire docent. Qui in Scholis incipiunt fieri magistri, in Academicis denuo fiunt pueri, & postea ad omnes res inepti. 10. Locutionem, Declamationes extemporales, ut pestem purae latinitatis, fugiant: Illa tamen cum peritis, & qui emendare e vestigio errores velint, institui potest. 11. Qui pro antiquis Autoribus recentiores vel religionis vel alius causae praetextu substituunt, intempestiva pietate puerorum studia corrumpunt: quo nomine religiosulos & semidoctos Scholarum Inspectores Jacobus Martini reprehendit. Legendus super hoc argumento praeter ceteris Mechovius in Antiph. 12. Qui Disputationes tiro- num instituunt, eos Caselius facere acies gruum & pygmaeorum instruere, minus- que sapere, quam qui historiam somniorum conscribere jubent, iudicat; Hofman- nus, Medicus Altorffinus, ludum impudentiae vocat, in quo ad duritiem frontis erudiantur adolescentes. 13. Praeceptores etiam in prima infantia optimi deligan- tur: non eruditi solum, sed & optimo iudicio practico praediti, cujus prima linea- menta impressa per totam vitam discipulum comitabuntur, plusque exiguo tempo- re sub magistro tali proficiet puer, quam cum a stulto homine, utut non indocto, pravos mores induit, tota vita vix exuendos. Plura hic de Exercitationibus Scho- lasticis dici possent: sed illa suo loco reservamus.

CAP. XI.

DE CURRICULO ACADEMICO.

- §. 1. 5. *seq.* *Academicam accessurus doctrinam moresque idoneos afferat.* 2. *Censura morum Academicorum a nonnullis acerbior instituitur.* 3. *Iis respondetur.* 4. *Lineamenta in prima officina male ducta, vix in altera rectius formantur.* 6. *Quod iis remedium.* 7. *Scholastica studia in Academicis non deferenda, sed per- ficienda.* 8. *Cujus rei utilitas indicatur* 9. *Græcæ Latinæque linguae studium summe necessarium,* 10. *pene in Academicis elanguit.* 11. *Eloquentia fere negli- gitur.* 12. *Logica doctrina præ ceteris commendatur.* 13. *Analytica & Hermeneu- tica utilitas.* 14. *Arts hermeneutica nondum satis excolta.* 15. *Disputationes ti- rorum non permittenda.* 16. *Casellii sententia.* 17. *Arithmetica & Geometria di- ligenter excolende.* 18. *Historica cognitionis utilitas.* 19. *Hæc studia, utpote fun- damenta, præprimis tractanda.* 20. *Pansophia titulo instituta compendia ad soli- dam doctrinam noxia.* 21. *Crudis studiis imbuti maximo cum damno Ecclesis & Rebuspp. proficiuntur.* 22. *Honorum Academicorum gradus in indignos colla- ti.* 23. *Studiis παρὰ σκοπὸν imbutus expeditius in reliquis progreditur.* 24. *Juvenes docendo se ipsos informant.* 25. *Non cuivis tamen permittendum, ut doceat.* 26. *Φιδονία in Academicis noxia* 27. *& omni ratione prohibenda.* 28. *Peripatetica philosophia termini merito moveri prohibentur.*

E Scholis

E Scholis in Academias tironem nostrum, velut in alterum orbem, deducimus. Misere jam cum illo agitur, nisi doctrinam illo ordine dignam moresque idoneos afferat. Hic enim prima & ingenii & iudicii ipsi experimenta capienda, quibus ubi succubuerit, & fortuna & salus ejus periclitabitur. * Non desunt, qui integris libris malos, qui in Academicis vigent, juvenum mores acerbius infectantur. * Horum ego censuram equidem non reprehendo: sunt enim eorum querelæ verissimæ, & quotidiana experientia confirmantur. Verum meminerint tamen illi, non generari in Academia prava mores, sed propagari. Si in puerorum recta educatione domi officium facerent Parentes, in Republica Magistratus, in Scholis Magistri; non esset forte, quare Academias accusaremus. * Nunc vero, cum e prima officina, tum qua eruditionem tum qua mores, mala lineamenta ducta sunt, an sperari potest, ut ex altera illa officina novi & rectius formati Mercurii prodeant? præsertim cum libertas, quam durioribus coercere legibus non licet, nec expedit, plenius aliquod bonæ mentis arbitrium requirat. Valet hic, si usquam, illud Lucretii:

--- in fabrica si falsa est regula prima,
Normaque si fallax rectis regionibus exit,
Et libella aliqua si ex parte claudicat hilum:
Omnia mendose fieri, atque obstipa necessum est.
Prava, cubantia, prona, supina atque absona testæ,
Jam vnuere ut quadam videantur velle, ruantque
Proditæ iudiciis fallacibus omnia primis.

Multo rectius ergo sibi suisque consulunt, qui vel domi suæ sub bono magistro, vel in Scholis publicis bene institutis ad eos ætatis annos adolescentes detinent, ut & eruditione & iudicio firmati, non facile vel pravis malorum suggestionibus vel sua ignavia se abduci patiantur. Nisi forte iis sint opibus instructi Parentes, ut prudentis ephori uti opera possint. Quo ii, qui excellentioris ingenii sunt (ii enim ad lapsus prona) maxime indigere videntur.

Adeat ergo Academiam Adolefcens, sed tum demum, ubi studium Scholasticum cum feliciter emensus fuerit. Nisi enim hæc studia in Academiam intulerit, rudis hinc stipesque redibit, quibuscunque etiam phaleris titulisque ornatus. Nam sane, qui

Olim truncus erat scilicet, inutile lignum,

nunc non repente fiet Mercurius. * Et vero ipsa studia scholastica ne nunc quidem seponere debet, sed summa perficere diligentia, cum iis per totam vitam præditiis quocunque in genere niti possit. Nemo enim unquam fuit, quem his studiis operam dedisse pœnituerit; plures fuere, qui neglectum eorum nimis se ferro doluerunt. * Ac videmus sane omnes illos, qui philosophiæ humanitatisque studia in Facultates intulerunt, maximos fecisse in iis progressus atque primas occupasse, cum eorum rudes ne quidem in tertius subsisterent. Est quoque per se stultum

Mmm 2

ad

ad metam tendere sine via, quam illa studia currenti substernunt: neque quicquam sani verique vel in Jurisprudencia, vel in Medicina, addo & in Theologia, quatenus rationi subiecitur, sciri potest, nisi ex iis fontibus, e quibus illi rivi defluunt, hauriamus.

- 9 Primum quidem Græcæ Latinæque linguæ diligentior cultura, sine quibus muta ac elinguis pene est omnis doctrina, cum primo anno institui in Academicis deberet, nemo est, vel paucissimi, qui ad eas respiciant. Et his tamen fulcris niti, 10 his quasi pedibus ingredi, plus dicam, his alis volare debemus. * Querebatur jam suo tempore *Johannes Caselius*, magnus in solida doctrina suo tempore Hercules, de hac in Academicis socordia & negligentia: nam in eleganti illo libello, qui *Néss καὶ Προδιδάσκωνες* ab illo inscribitur, narrat, quomodo se Juvene in Wittebergeni Academia *Vitus Vinsemitus*, *Georgius Cracovius*, *Philippus Melancthon*; in Liptensi *Joachimus Camerarius*, *Gregorius Bersmannus* Historicos ac Poëtas Græcos magna ingenii ubertate interpretati fuerint. Viveret ille & veniret nunc in Germaniæ Academiis, & in Græca lingua plerosque obmutuisse, in Latina balbutire, 11 culine dicam an magistrorum vitio, deprehenderet. * Donarem Græcam; sed in Latina lingua & eloquentia tantam passim regnare ignorantiam, quis non indigne- tur? & vero omnis illa Eloquentiæ facultas saltem ex Latinis Autoribus, si Græcos fastidias, haurienda est. Quid enim vel Germanica lingua loqueretur Orator facer? quid in subfelliis Senator? in aulis Legatus? nisi eloquentiæ lineamenta ex optimo magistro disertissimo illo Romuli nepotum duxerit. Consultus aliquando, qua via ad eloquentiam sacram iretur; rectius respondi, si quis Ciceronis Orationes legeret relegeretque sapius: illi me albis dentibus riserunt, ut indigna & absurda locutum; Sed viri docti satis intelligunt, quid ego senserim: non posse scilicet artificia etiam in Oratione sacra melius, quam e summo in eloquentia magistro disci. Nunc vero, ut quisque sibi sapit, ita tibi loquitur, non Auditori; qui, ut in Satyra Horatiana Drufonis debitor,

Porrecto jugulo historias captivus ut audit.

- Quod alumno suo nutricula vover, & sapere & fari recte, que sentiat, id alu- 12 mno quoque Academico nostro nos voveamus. * Quomodo fari recte debeat vidimus: nunc etiam ut sapere discat monemus. Ad sapientiam vero omnem viam sternit τῶν λογικῶν doctrina, quæ τρόπος ἐπισήμης dicitur & ἐργον, sine qua minus efficere possumus, quam sine malleo & incude faber ferrarius, sine amussi & norma architectus, sine serra & dolabra scriniarius, sine penicillo pictor. Ideo scilicet in Academicis vivimus, id est studiis incumbimus, ut rationem excolamus: & rationis tamen ac ratiocinationis artem plerique aspernantur: quo quid stultius fingi possit non video. Fundum bene subactum volumus, semina illi inspergemus, neque vomere & aratro, neque marculo usuri. Nil sciri in scientiis solidi potest, nisi hac duce, digitumque intendente. Hæc illa divina virgula est, quæ thesauros scientiarum indagat; hac bolide profundum doctrinæ Oceanum exploramus: hac acu magnetica incognitas ἑγκυκλοπαιδείας terras venamur.

Late

Late patet divinæ hujus scientiæ usus; neque categoriarum numero, vel nuda syllogismorum fabrica tantum definitur. Sine illa enervis omnis oratio, veritatis lux in opaco est, scientiarum definitiones claudicant, methodus omnis a via regia aberrat. Sæpius supra dixi, & nunc repetens iterum iterumque monebo, non esse superficialiam huic disciplinæ operam impendendam. * Neque sententiæ meæ refragabitur, qui perpenderit, quanta Analyticæ, quanta Hermeneuticæ utilitas sit, quæ geminæ Logicæ propagines per omnem disciplinarum fundum grassantur, & individuae scientiis omnibus comites adhærent; in quibus hodieque, quæ desiderant, docti habent. * Nam ars Hermeneutica, quam singulari libro se deducturum promiserat *Conringius*, & ante illum *Casellius* in libro supra laudato, nondum exulta est. Neuter vero promissa sua explevit. *Casellius* in *Nέω* suo quidem se restatur jam dudum ΕΡΜΗΝΕΥΤΗΝ suum animo designasse, ac debere juventæ, qui alios erudiet, alios confirmabit. Sed ejus nec vola nec vestigium in Catalogis Operum *Casellianorum* vel editorum vel ineditorum reperitur.

Ne vero quis existimer, dum Logicam adeo Tironi Academico commendo, me illum in Cathedras novum Sophistam detrudere, qui perverso nunc in Academicis more, prius de rebus disputationes miseras & jejunas instituat, quarum ille ignarissimus est. Pestis illa juventutis est, & tamen ille mos nunc ita invaluit, ut suum officium facere non credantur Doctores, nisi disputatiunculis nugatoriis omnia subsellia perstreptant. Sunt, qui loco lectionum, quibus principia ipsa explicari debebant, disputationes instituant inter tirones, ridiculo profecto ac inutili consilio. * Qui mihi fidem non habebunt, habeant *Casellio*, præclaro his in rebus judici. Ita ille in suo *Nέω καὶ Προδιδασκαλίῳ*: Hoc studium divinum (Logicum intelligit) magna diligentia colendum judico; nec minus vero privatim, quam publice: sed disputationes tironum non minus mihi ridicule sunt, quam instructa acies græcum & Pygæorum, de qua *Poëta* fabulantur; ac male novitiis consulunt, qui eos in acie disputationum collocant, quasi egregia facinora designaturos, qui nec chryseum tenere, nec hastam vibrare, ac ne pedibus quidem firmiter consistere valeant; quin ii disputationum spectatores, disputantium auditores frustra fere, opinor, sint. Ut sine materia & instrumento ne tuguriorum ædifices, ita sine doctrina & certo de rebus conferendi modo eruditum sermone nullum instituas, atque institutionem ab aliis ne quidem satis intelligas. Non est enim, ut vel in futوريا puer momento magistrum æquet: nec hic ferat illum sibi obloquentem in arte tam vili: quin dicto sibi audientem esse jubet; interrogandi forte ei potestatem faciat, si humanior sit. In paulo honestioribus diu docent, diu exercent alumnos; nec iis judicii partes infimas permittunt. Sunt profecto adolescentum opiniones nihil aliud, quam vigilantium somnia. Res enim ipsas nec oculis nec animo viderunt; mens in ea ætate imbecilla, usus rerum nullus. Hoc igitur efficitur, ut ab initio de rebus non cognitis, nulla explorata ratione controversantes, ad veritatem nunquam perveniant; sed vel semper, quicquid sit, de quo agitur, animo hæreant, & a quovis facile huc illuc, non jam rationibus, sed verborum flabellis, impellantur, aut opiniones, vel ab aliis acceptas, vel a se excogitatas, ita mordicus teneant, ut nullis rationibus, quantumvis certis & evidentibus, ab iis se dimoveri patiantur, sed valeant etiam volubilitate

lingue tueri. Dum enim non tacent, etiamſi ad rem nihil dicant, ſe ſuperiores eſſe & ipſi exiſtimant, & habent ſui ſimiles, qui aſſentiantur.

- 17 Debet & inter ſtudia *παρασκευαſτικὰ* ſuis mathematicis nonnullis diſciplinis locus aſſignari, præcipue Arithmeticæ & Geometriæ, quæ ingenium ita acunt; ut cos ferrum: Logicæ doctrinæ vel ideo ſubſidio eſt, quod ars demonſtrandi nullis aliis exemplis quam geometricis plenius declarari atque ob oculos poni poſſit. Animum quoque in rebus apprehendendis certiore via ducit, ut non facile ad falſa decideret. Sunt enim in multis rebus neſcio quomodo *ἀπαιδευτοὶ* & *ἀναίτιοι*, qui plane *ἀγεωμέτεροι* ſunt, ut pueriles ſæpe errores & cuius palpatibiles prodant. Quantam hæc ſtudia efficaciam in ingeniis excitandis habeant, teſtatur Caſelius in libro modo laudato: *vidi*, inquit, *quos ſtupidos diceret, tanquam e profunda voragine emerſiſſe, præſidio Geometriæ*. Numeris quantum tribuerint veteres, nemini incognitum eſt, & eo in loco pluribus perſequitur Caſelius.
- 18 Hiſtoriæ tanta ad omnem doctrinam utilitas eſt, ut ſine illa nihil plane effici poſſit. Ejus plenior cognitio habenda eſt, non tantum illius, quæ Politicæ fundamenta ſubſternit, ſed & illius, quæ ad Theologiam, & ad omnes ſcientias manu-ducit. Hiſtoriæ omnia pene debemus, quæ ſciri poſſunt: nam qui *ἱſτορίμηνος* cujuſcunque doctrinæ accurate novit, plus omnibus in illa magiſtris ſapit. Ea de re
- 19 pluribus egimus *lib. i. ubi de fructu Hiſtoriæ literariæ diſſeruimus*. * In his ſe diſciplinis exerceant juvenes, his illi ſtudiis incumbant, atque ita incumbant, ut ex earum fontibus non tanquam canes e Nilo hauſiſſe videantur. Et illæ quidem omnibus, ad quodcunque ſe vitæ genus verterint, exhauriendæ ſunt. Qui Theologiæ, qui Jurisprudentiæ, qui Medicinæ operam daturi ſunt, præter hæc, in Metaphyſicis, Ethicis & Politicis, Phyſicis, non levi induſtria verſari debent; ſunt enim illæ, quaſi radices, e quibus ceteræ propullulant, ac in ramos fructusque diffunduntur. Eſt vero in illa palæſtra aliquot annos ſudandum, donec firmo latere lacertisque validis in majori te theatro athletam ſiſtere poſſis.
- 20 Non poſſum probare illum, qui paſſim in Academiis vigeat, morem, quo tres quatuorve diſciplinæ intra anni tempus levi aliqua percuſſatione abſolvuntur, ſpecioſo *Πανſοφία* titulo. In quibus ſuſcepta tumultuaria opera ſufficere videtur ad Facultates, ad quas illico tranſitus fit. Et hi quidem omnino præmeditari ad eas accedere ſibi videntur, ſatis ſe jam Philoſophiæ præſidiis inſtructos rati, cum aliquot in ſingulis diſciplinis vocabula memoria comprehen-
- 21 derint. * Nam ſunt, qui & hanc operam nimis ſibi moleſtam aſpernantur, & ſtatim ſupervacaneo hoc ac inutiles ſtudio relicto ad metam properant, ne quid temporis ſibi pereat, vel cathedram ſacram vel Reipublicæ ſubſellia occupar-
ris. Quo fit, ut, cum imperiti vel ſemidocti ubique primas teneant, vere doctis ac prudens vix in tertiis ſubſiſtere liceat, aut illi æternum exulare jubeantur. Quid hinc Scholis, quid Eccleſiis, quid Aulis expectandum ſit, facile prudentes intel-

intelligunt; nam barbaries tandem, exclusa in perpetuum vera sapientia dominabitur.

Paulatim etiam in hos mores publica & regia via itur, dum honorum gra-²²
 dus, quondam adeo sancte habiti, & in eos tantum collati, quos ardens ad æthera
 virtus evexerat, nunc quibusvis, qui vix prioribus labris degustarunt doctrina-
 nam, quam profitentur, ut has ostentent ad populum phaleras, suspenduntur. De
 Gallicarum Academicarum moribus vide, quæ Menagius scribat epistola illa, quam
 Amœnitatibus suis Juris præmisit: *Bene hodie*, inquit ille, *cum Jurisprudencia age-*
retur, siejus studio triennium, ut ætate Cujacii, impenderetur. Sed, ô tempora! ô mores! non
triennium, non trimestre tempus, vix triduum ei impenditur. Citatis equis uno die urbem
 Aureliam petunt Juris Candidati: altero, Licentiatus, quod vocant, ibi gradum sumunt: ter-
 tio, Juris Consulti Lutetiam redeunt; ut, quod joco olim de se Marcus Tullius, triduo se
 Juris consulto proficere serio velle videantur: Advocati quarto die sunt: quinto, venia
 ætatis à principe impetrata, (qua indulgentia nihil perniciosius esse contendo) Judices sine le-
 gitimo examine facti, de fortunis, de vitis hominum judicant. *Reipublica tam noxium*
morem à Petro Seguerio, Francie Cancellario, Guillelmo Lamoniæ Senatus Principe, Dionysio
Talonio, Achille Harleco, Hieronymo Bignonio, Regiis Triumviris, pro eo, quo in Rempubli-
cam flagrant, amore, brevi emendatum iri speramus, quotquot sumus, qui notitiam boni &
æqui profitemur. Imo emendare jam cœperunt; Audio enim Principis decreto & consul-
to Senatus statutum nuper fuisse, ne quis in posterum ad Licentiatus gradum, sine quo nemo
Advocatus fieri potest, certe non debet, pervenire possit: nisi qui annum integrum in Aca-
demia celebri Juris studio posuerit: utque nemo, nisi qui quadriennium in foro versatus, voce
aut scripto juberet Clientes, (est enim Ordo Advocatorum seminarium omnium Magistratum)
Judicium consortio adjungatur.

Bene fecerit Tiro noster, si alia ac securiori via inceserit, si studia illa *παρὰ*²³
ἐκβολῆς majore diligentia tractaverit: in quibus & ipsis sæpe inveniet, quod vite
 civili magis idoneum reddat, & expeditius ad gloriam, honores, nominisque im-
 mortalitatem iter sternat: ad Facultates vero se applicans dimidium facti, qui tam
 bene cœperit habebit; cumque alii in luto pulvereque repent, hi alis per sublime
 ferri videbuntur. De Doctorum officiis hic solliciti non erimus. Si præficiun-
 tur muneri Professorio viri omni doctrina instructi, omnibusque eo nomine spe-
 ctati satis, illi videbunt, ne quid detrimenti capiat res literaria. Quæ sint in Aca-
 demiis professiones constituendæ, quid in singulis publice privatimque docendum,
 de eo prolixè egit Joannes Sturm in *Epistolis suis Academicis*, quas Classicis suis
 subjunxit. Sed in illis & locorum & auditorum ratio habenda est.

Non parum & hoc in Academiis viventi proderit, quod & Fortius Ringel-²⁴
 bergius præcipit, ut, qui aliquos in disciplina progressus fecerit, alios suorum com-
 militonum hac parte philosophiæ minus exercitatorum, erudiat, numerato etiam
 pretio, ut habeat, quibus prælegere possit. Oratores, Historicos, Poëtas, (Casellii
 idem

- idem hoc consilium est) vicissim legant, ita ut qui quo die interpretis munus gerat, 25 meditatus accedat, ceteri ejus diligentia erudiantur. * Sapienter tamen idem addit: *Hic adolescentulos moneo, ut non temere, nec de aequalium puerili suasio aut insinuatione, sed de consilio docti viri audiant, quem auditori cuique sunt. Si qui ab iis, quae publice docentur, abhorrentia, sive cum iis pugnantia promittunt, ad eos ne se applicent, ac perplexis & insulsis opinionibus, quam veritate imbui, & apud imperitos videri, quam esse, docti malint.* Hoc enim agunt Sophistae, ut ex manibus doctrinae umbris & sapientes videantur, & compendiis suis consulant. 26 * Id vero eo diligentius cavendum est, quo proniores in *Φιδοντιαν* esse juvenes solent, qui sola novitatis specie inducti nubem pro Junone saepe amplectuntur. Quanta e talium magistrorum, quanta e studioforum *Φιδοντιαν* mala in Ecclesiam, Rempublicam totamque rem literariam incommoda promanarint saepe, dici vix potest. Vide *Voglerum in Dissertatione de* 27 *studiorum hodiernis corruptelis.* * Quare mihi potius placeret, salutaribus legibus huic obviam ire licentiae, omnemque illam novaturiendi libidinem ense rescare, ne pars sincera in eundem pruritus trahatur. Convenit enim doctoribus prudentibus, ut omnes in partes vigilantes oculos circumferant, ne quid stolidioris vel pestiferæ doctrinae serpat ac paulatim animos inficiat; neque Magistratus hic cessare officium debet. 28 * Non male suis rebus quaedam Academiae consuluerunt, quæ veteres Peripateticae Philosophiae terminos movere prudenti instituto prohibuerunt. Quod etsi quibusdam asperum nimis & durum videtur, qui libertatem philosophicam semper crepant, sciant tamen illi, publicam philosophandi formam necessario tenendam esse, quæ in præcipuis partibus ita ab Aristotele adaptata est in Logicis, Ethicis, Politicis, Rhetoricis, ut non facile emendari possit. Ne quidem in Physicis principiis ejus doctrinam publicam repudiandam existimem, supplendam, tamen novis illis inventis, cumque iis quodammodo conformandam: quod feliciter nonnullis tentatum est.

CAP. XII.

DE PÆDAGOGIA REGIA.

- §. I. *Methodus Principis informandi à vulgari differt.* 2. *In quem finem Principis studia dirigenda.* 3. *In principe etiam doctrina requiritur.* 4. *Autores, qui de principum institutione scripserunt.* 5. *Mores præ ceteris in principe spectari debent.* 6. *Ipsi etiam in puerili ætate virtutes instilandæ.* 7. *Consilium Autoris Anonymi Galli.* 8. *Ephori prudentes seligendi.* 9. *Ingenia principum consideranda.* 10. *Lingua ex usu & conversatione discenda.* 11. *An lingua & scientiæ simul discenda.* 12. *Grammaticis minutius non est macerandus Princeps.* 13. *Ab Autorum interpretatione abesse quoque debent Grammaticorum trices.* 14. *Fabule Æsopice, sententiæ, adagia politici usus proponenda.* 15. *Styli exercitium in moralibus & historicis occupetur.* 16. *Historici prælegendi.* 17. *Politica*

litica ex illis diligenter notanda. 18. Difficiliora prætereunda. 19. Historia patria iis iungenda. 20. Sententiæ Politica Lipsianæ commendantur. 21. Chronologia. 22. Methodus in disciplinis Theoreticis per compendia instituenda. 23. Quod si velit, per ampliora spatia duci potest. 24. Inter mathematica potissimum militaria & navalia inculcanda. 25. In Physicæ Museis & Gazophylaciis informandus. 26. Naturalium secretorum scientia Principem maxime ornat, 27. imo ad prudentiam civilem faciem accendit. 28. In Præcticis disciplinis quæ ratio tenenda. 29. Nec Poëtarum, Comicorum lectio Principi negligenda. 30. Theologia, in quantum ad fidem necessaria, addiscenda. 31. Subsidia à conversatione, 32. Anagnostis. 33. Bibliothecis. 34. Nobilium *Pædagogia* operosior esse debet, quam Principum, 35. nec milites literarum expertes esse decet.

A Communi didactica sejungenda est illa, quæ cum Principibus instituitur. ¹ Nam, cum illi, qui studiis operam dant, singuli certos sibi fines propositos habeant, ita in Principibus maxime ille spectandus, qui studia omnia eo dirigere debent, ut populo suo bene imperent, ut suam non solum salutem, sed & populi curent & attendant. * Cum ergo privati eas studiorum ² partes sectantur, quibus sibi bene sit, & se in statu privato felices fore existimant, Principes *ἀρχιτεκτονικὸν* illud, quod in sapientia omni est, & *ἡγεμονικόν* sibi servare debent, quo illi omnia, etiam civium studia, in Reipublicæ bonum ordinent. * Ideoque ita omnibus imburus esse literis debet Princeps, ut non quidem ad ³ omnes minutias descendat, ut illi faciunt, qui hæc in Republica particularia tractanda suscipiunt; sed generatim tamen atque universe de iis judicare, & ex sapientiorum ingenio illa ordinare possit. Inepti sunt & stolidi, qui infra Principis dignitatem esse existimant, linguis & disciplinis applicare animum; ii enim non Principes se formare meminerunt. Si qui sunt in Republica cives ceteris & doctiores & moratiores, ut esse sane debent; nam incondita turba regitur a prudentioribus; omnium & prudentissimum, & si fieri potest, doctissimum esse Principem, qui ceteris etiam doctioribus & melioribus imperet, necesse est: si non in minutissimis doctrinarum partibus, saltem in eo, quod ad *ἡγεμονικόν* propius pertinet. Graviter in illorum opinionem invehitur, qui a Principibus abesse omnem doctrinam volunt, Caselius in ea epistola, quam Cyri pædiæ Xenophontis subjunxit.

Magnus est eorum numerus, qui de Principe instituendo scripserunt, tam inter ⁴ veteres, quam inter recentiores, quorum plerique mutuo se exscribunt. Xenophontis Cyri pædia nemini ignota est, & Plutarchi libelli de eo argumento. E recentioribus multi sunt, qui dum de institutione Principum agerent, omnia pene Philosophiæ moralis & civilis præcepta in eo argumento exhausserunt. CONRADI HERESBACHII extat liber de educandis erudiendisque principum liberis, Francof. ad Man. 1592. editus; quem Joannes Sturmius in libello de Educatione principis ad Illustrissimum Principem Guiljelmum, Ducem Juliacensem scripto a pietate, prudentia, doctrina

strina commendat. Erat vero illi Principi a Consiliis Heresbachius. MARCI ANTONII de Principum doctrina extant libri novem, sub forma dialogi scripti, Francofurti, recensente Zacharia Palthemio, Anno 1603. editi. ERASMI quoque ROTERODAMI ea de re extat *epistola: Castii etiam Oratio* Xenophontis Cyri pædiæ a se editæ addita. Sunt porro HIER. CAGNOLI liber de *reſta Principis Institutione*, Colon. 1577. in octavo editus; FARNESII *Diphthera Jovis*, seu de *antiqua principis gloria & institutione* libri tres, Mediolani Ann. 1607. in 4. editi: HEROLDUS de *Institutione Principis*, Paris. Anno 1617. MARNIXII de eodem argumento libellus: LEONIS BACOVII *Delphinus* seu de *prima Principis institutione*, Paris. 1671. in 4to editi. Est & Regum Principumque Institutio ab incerto autore Gentis Sueticæ, ante secula non nulla Svecico sermone conscripta, quam ex mandato Illustrissimi Regii Cancellarii Comitiss Magni Gabrielis de la Gardie in sermonem Latinum convertit, notisque accessoriis illustravit Johannes Schefferus, ediditque Holmiæ Svecorum Ann. 1669. in folio. Plerique tamen & pene omnes ad mores potius hic, quam ad doctrinam, respiciunt, de qua nos hoc loco potius sumus solliciti.

- 5 Negari id quidem nequit, esse in Principum disciplina præ ceteris omnibus mores & officia consideranda, & judicium practicum omni cura excolendum: Hoc enim illi, qui imperio præest, præcipue exercendum. Debet tamen & intellectus perfici bonis literis, quarum usus & existimatio in Republica a Principis judicio practico dependere debet.
- 6 * Earum cognitio præcedere in ætate Principis puerili debet; ut semper fieri æquum est. Major tamen in virtutum lineamentis mature duccendis etiam hic diligentia impendi debet & potest: Etsi enim privæ sortis homines talia ad maturiorem ætatem referunt, Principes tamen, qui in juventute sæpe Reipublicæ clavo admoventur, earum simulacra animo infixæ habere debent; qui quanquam per ætatem absolutam moralium cognitionem habere vix possint, eorum tamen femina e conversatione Virorum sapientum in tenerrima etiam ætate non infeliciter sparguntur.
- 7 * Operosus est in ejus rei declaratione Anonymus quidam Gallus, qui elegantem scripsit hoc titulo librum, Amstelodami apud Danielum Elzevirium Ann. 1679. in 8. editum, de *l'education des enfans & particulièrement de celle des princes où il est montré de quelle importance sont les sept premières années de la vie*. Toto libro nihil aliud agit, quam ut monstrat, quomodo singulæ virtutes implantari animis tenellis possint, præsertim iis, qui opera sapientum uti possunt; quod felicius in principibus, quam in privæ sortis hominibus, fieri potest. In illa enim ætate, air, exiguo labore spiritus imbecilles flecti posse, vel per metum levæ pœnæ, vel per spem exiguæ & innocuæ voluptatis. Pudor, metus, curiositas, credulitas quatuor illi ansæ sunt, quibus animi ipsorum tenelli prensari, & ad certum finem duci possint. De singulis ille multa utilia præcepit, quæ velim ego Principum informatoribus vel informatricibus (nam & graves matronæ in illa ætate plus viris possunt) esse commendatissima.
- 8 Ut ad doctrinam veniamus, eam ego Principis dignitati & genio attemperandam omnino svaferim. Præcipua hic cura est in viro & doctrina & virtutibus etiam

etiam civilibus ornatissimo, teneræ Principum ætati præficiendo: nisi forte alium informationi, alium moribus Parentes præfectum velint. Sed tamen & in illo, qui studiis præest, omnia illa morum requisita abesse minime debent: amice enim illa conspirant, & mutuas sibi operas tradunt. Characterem talis Ephori optime describit *Joannes Schefferus* in libello de *Generosi nobilitateque informatione literaria*. * Diligentissime hic discernenda sunt Principum ingenia, sintne *Ψευδα*, tardiora vel obstinata. Singulorum indoli attemperandæ sunt doctrinæ methodi. Pernicia enim & agilia summaria cognitione per intervalla sine morosa assiduitate informanda & velut in cursu per lulum jocumque propellenda sunt; tardiora & moderatiora planiore via per doctrinarum adyta circumduci possunt, ita tamen, ut tædium omne eviretur.

Primum est linguarum studium. Hic si velint Principes, cum deesse illis ¹⁰ opes & subsidia non possint, compendiosiore via, quam privatæ fortis homines procedere possunt. Conversatio & colloquia crebra hic facile, quam velint linguam quam commodissime illis instillaverint. *Equidem*, inquit *J. Pastorius* in *Paedæstra Nobilium* cap. 2. quod de collegiis, in quibus domestici omnes non alia lingua, quam Latina uterentur, & ego alibi, & alii ante me monuere, id a nemine citius, quam a nobilibus (quanto magis a Principibus?) dari possit effectui: quippe qui facillime omnium sumptum eum facere ac sustinere queant. Et miror de tali instituto in locis ad rem eam opportunis non cogitari diligentius, neque inter tot viros magnificos & ad pia alioquin opera propensos, reperiri aliquos, qui tale velut Latium extra Italiam fundare, si non pro vulgo, saltem pro nobilibus pueris aggrediantur. Disseruimus ea de re supra Cap. 9. e mente Gallici auctoris prolixius. Nunc vero ubi illa defunt subsidia, vulgari via etiam Principibus incedendum est: qua vix tamen tantum proficient, ut vel loqui vel scribere expedite Latinam linguam possint. Neque ego id valde requiram, cum & temporis multum hic impendendum sit, & Principi sufficere possit, si linguam accurate intelligat, quod multa Auctorum lectione impetrari facile potest. Nam styli exercitio, ut quis emendate scribat, triplo majus tempus impendi debet, quam si sola linguæ intelligentia quis esse contentus velit.

Fortassis & hic audiendos quis existimet, qui linguam & scientiam simul disci ¹¹ volunt, quo sibi invento plaudere præ aliis *Comenius* visus est: Compendia enim, si usquam, in Principibus sectari volent, non per multas ambages circumducendis. Verum *Comeniana* illa methodus non præstat, quæ illa magno hiatu promittit. Mallem ego in nudis nominibus & verbis, secundum ordinem rerum dispositis, quamcunque *διάρθρωσιν*, qualem *Beccherus* instituit, quam istam *Comenianam* faraginem: etsi illo consilio parum in tenera illa ætate proficeretur. * Nugantur, ¹² qui per chartularum lulum vel bella grammaticalia regularum *Syntracticarum* usum efformari posse credunt, nam laborem potius duplicant, animosque novis imaginibus onerant. Non alia, quam per usum, lectionem, & colloquia, compendia linguæ etiam hic haberi possunt. Grammaticis enim præceptis qui macerare Principem velit,

alias in tenera ista ætate inutilibus, nã is delirus esset: neque enim Grammaticus e Principe formandus est, satis & absque minutiis regularum, etiam ipsa in lingua doctum & disertum. Linguae vulgares, Gallica, Italica, per lusum jocumque sola disci conversatione Magistrorum possunt.

- 13 In Autorum lectione ac interpretatione, sed eorum, qui Principi conveniunt, multum poni diligentiae debet. Procul hinc esse debent Grammaticorum & Criticorum tricae. Ne in puerili quidem ætate negligenda sunt, quae virtutem prudentiamque augere possunt. * Seligendae e.g. sunt fabellae Aesopicae, Apologi civilis usus, quales multi sunt, eorumque usus in vita civili declarandus. Jungi possunt Adagia πολιτικώτερα, Emblemata, Symbola, Sententiae breves & acutae, quorum omnium exempla quaedam collegit, & velut in gustum dedit Joachimus
- 15 Pastorius in sua *Palæstra Nobilium* cap. 5. 6. * Si styli exercitium placuerit, moralia, civilia argumenta & historica, quibus πραγματικόν aliquid subsit, seligenda. Si epistolas malis, fingantur occasiones scribendi super negotio aliquo morali vel civili. Continua earum rerum tractatio, accedente splendore illo externo, animos puerorum etiam in sublimem quandam statum extollit, ut ideas sibi earum rerum formare incipiant, quae in humiliore fortuna constitutis, & angustia rerum
- 16 prellis, non facile etiam per operosa praecepta se ingerunt. * Historici omne punctum ferant, praecipue illi, qui Principum ac Imperatorum vitas scripsere, ac
- 17 Reipublicae Romanae originem & progressum. * In his Praeceptoris industria omnes se in partes versabit, ut illud, quod vere πολιτικόν est, ex iis exprimat,
- 18 Principique instillet. * Si quae non satis plana videntur & obscura, neque valde ad rem pertinent, ea praeterire secure potest. Memini, inquit Sturmius, me hoc consilium dedisse meis, ut in huiusmodi scopulis facerent, quod boni aratores in semine & messe faciunt, qui spineta & radices arborum altas, & saxa praerupta, arando & metendo praeteriunt, si impensa fructum superet: sic etiam illi notent ea loca, quae utiliter in praesenti cognosci non possunt. Veruntamen ut illi, quae cum emolumento possunt, saxa evertunt, & truncatas arbores effodiunt, & spinas evellunt; sic etiam illis opera pretium esset in iis sententiis subsistere, quae intelligi possunt, etiamsi sint difficiles, & si absque iis lumen ceterorum obscuratur. Monstravit Böclerus in peculiari dissertatione, cui titulus:
- 19 *Historia Schola Principum*, quanta ejus doctrinae utilitas sit. * His demum Historiae patriae accuratior notitia subungi deberet, omnisque domestici status rationes & arcana, accrescente ingenio & judicio, explicatius proponi. Romani quondam etiam in Senatum pueros induxerunt, ut quasi in rem praesentem venirent,
- 20 & ipsam rerum civilium scenam intuerentur. * Politicorum praeceptis, nisi generalissimis, macerari illum nolim. Firmius haeret, jucundiorque est, quae in Historia invenitur verius, quam discitur, civilis prudentia. Non displicebunt etiam hic sententiae, e bonis Autoribus excerptae, & ordine systematico nexae, quales dedit in aureo Politices suae Opere Lipsius, in quod, ut hoc *ais ἐν παρέδω* memorum, Böcleri utilissimas notas e privatis ejus praelectionibus collectas, publico Orbis Literati bono non invidet Illustrissimi Comitatus RANZOVII Consiliarius,
Nobiliss.

Nobiliss. Dn. Frisius, qui suo consilio prima latinitatis lineamenta a juniore Comite Friderico b. m. feliciter ex iis sententiis ducta restatur, ut has postea sententias firmiter memoriæ infixas habuerit. * Chronologia Historiæ brevior adnecti debet, 21
 eaque duplex, quarum altera sub titulis seculorum & annorum præcipuas Rerum publ. mutationes signet; altera sub titulo Rerum publicarum annos mutationum notet. Quibus jungi quoque Geographicarum tabularum explanatio debet.

In scientiis & disciplinis non omnia cum pulvisculo converrenda sunt. Ne- 22
 que enim ad minutias singulas, in quibus Professores earum satis, quod agant, habent, descendendum est. Seligenda sunt compendia breviora, quæ fortassis non spernendum est, quod *Joachimus Fortius Ringelbergius* dedit: nam mira brevitate multa complexus est, nec sordido sermone: continuus enim ille sermo hic magis arriserit, quam schematismi tabularum, quibus res minutatim discerpuntur. * Quod 23
 si vero ingenio præditi sint Principes, eamque adhibere diligentiam velint, circumducantur per ampliora scientiarum spatia. Neque enim dedecori illis erit ad fundum usque haurire omnia, modo in uno studio immodici intemperantesque non fuerint. Abstrusior eruditio non obtundit civilem prudentiam, ut multi existimant. Ac fuere olim & nostro tempore Principes eruditissimi, qui felicissime imperarunt: fuere, qui pro usu Principum singulas pene disciplinas in compendium traxerint, ut *Mortæus Vayerus* & *Philippus Labbeus*, quorum extant, Geographia, Logica, Rhetorica, Physica &c. Principum, de quibus viderint, quibus ea conferendi otium est. * Mathematicas disciplinas ita tractari velim, ut nullius rudis sit; mili- 24
 tarem vero accuratius intelligat, & navalem: magnus enim earum usus in Republica est. * Physicam potius ex ipsa natura, quam e libris, discat. Si Musæa & 25
 Gazophylacia rariorum naturalium, naturali serie ordinatorum, illi exhibeantur, si domus illi Salomonica, qualem optabat *Verulamius in sua Atlantide*, exstrui possit, ut ille rariora naturæ & artis contemplari queat, hic sub unum conspectum reduci posset tota rerum natura; Qua de re etiam nos supra diximus. * Nihil magis 26
 ornat Principem, addo & venerabilem facit, quam ista studia, præsertim, si & naturæ quædam secreta teneat. Ea olim Regum cura fuit, qui arcanissima naturæ sibi servarunt, neque in vulgus elabi passi sunt. De Chinenſium Regibus notum est, quam illi Astrologiæ cognitionem affectent, quasi & Rex, qui insigni orbis parti præest, conscius quoque universi istius regiminis esse debeat. Taceo de utilitatibus, quæ ex istis studiis in Rempublicam ratione redituum e commerciis, ex opificiis, e fodinis & similibus promanant. * Poteſt & ipsa naturalium rerum 27
 cognitio ad prudentiam civilem faciem accendere, si earum imagines ad politicam transferantur; quod sagaci doctore facillimum erit. Ejus pulcherrimam ideam subministravit *Joach. Pastorius libri sæpius laudati cap. 26.* & totum illud agit in sua Philosophia Chinenſium celebratissimus Philosophus Confucius, quæ nunc Regis Galliæ jussu in lucem edita est. Elegantissima plane illa sunt & perpetua allegoria Physica Principia civili doctrinæ hic accommodantur, ut jam supra quoque diximus.

- 28 In Practicis habitare totus debet. Moralis philosophia potius per exempla, quam subtilia præcepta inculcanda est: nam qui illam sub castelli specie repræsentavit, inque eo munimenta singula virtutum nomine signavit, contrario vitiorum castello oppugnata, nescio quam scenicam doctrinæ speciem ostendere voluit, quæ mihi sane probari non potest. Videatur de ea *Sorrellus in scientia Universalis Tom. 4. cap. ultimo.* In Politicis Loci Communes, qui apud historicos occurrunt illustriores, qualesque notavit Pastorius *cap. 15.* proponi, vel ad exercitia Rhetorica, si eo usque descendere velit Princeps, vel ad lectiones possunt. Nam excerpta
- 29 minutiora Principi non conveniunt. * Lectionem Poëtarum, Comicarum, Tragicorum, Satyricorum, Principi quoque commendat Caselius. In his vitæ omnis character ob oculos ponitur, & plenior quædam vel Ethica vel Politica, quam in Chrysippi & Crantoris præceptis, continetur. Corporis exercitia, quia ad rem
- 30 literariam non pertinent, mittimus. Illa non segniter Principi tractanda. * Quæ ad Theologiam pertinent, ita sunt exhibenda, ut, quantum illi satis ad salutem, fidem ac civilem directionem sit, norit. Recte enim Caselius: *ut exquisita lingue ratio ad Grammaticum, ut Causa forenses ad Jurisconsultum: ita quæ in Ecclesia moventur*
- 31 *de religione, ad Collegia Sacerdotum referenda sunt.* * Denique in tot viris doctis, quorum consortio pro lubitu uti potest, scientias vivas habet Princeps. Horum ex conversatione plus, quam multa lectione, discitur. Non parum etiam hoc juvabit, si ejusdem disciplinæ socios excellentis ingenii pueros habeat, quorum exemplo ille inciteretur, ac simul erudiat.
- 32 Multa præterea Principibus subsidia sunt ad scientias & bonas artes, modo ipsi intelligant, & opibus suis parare sibi longe meliores thesauros non omittant. Possunt illi Anagnostas alere, quorum oculis legant, quorum manibus excerpant,
- 33 quorum ore quotidie sine molestia sua & labore erudiantur. * Quantum denique commodi capient e Bibliotheca, quam sapientis viri consilio adornare possunt instructissimam? hic intra museum suum compingere possunt omnem orbis doctrinam, & quid singulis seculis in literis omnibusque disciplinis præstitum sit, recognoscere. Qui per hæc subsellia Principem circumduxerit magister, plus illum brevi tempore docuerit, quam multis annis e quotidianis capere lectionibus possit. Verum in illis est, & si quis recte uti noverit, amplissimum compendium, quod & brevitate sua placere, & vastitate saturare potest possit. Recte Schefferus in libello de Informatione Nobilis p. 24. *Scire, inquit, unde quid peti debeat, cum inquirendum est, ejusque ratio perspicenda, est pene dimidium ipsius didicisse.* Imo plus, quam dimidium & totum ego dixerim: nam cum felicitatis ejus participes esse nequeant tenuioris conditionis homines, illis, quæ a magistris didicere, contenti esse debent, & hi, qui Bibliothecarum fontes adire possunt, ab ipsis magistrorum magistris omnium seculorum disciplinam haurire possunt.
- 34 Qui e Nobilium ordine literis operam dant, siquidem ex illis se commendare Principi & Reip. velint, ultra privatorum diligentiam procedere debent. Etsi enim
in

in Principe modica interdum doctrina sufficere videtur, horum tamen industria supplere debet, quod illic deficit. Cum privati iis se disciplinis manciant, quibus vitam sustentent, hi complecti omnes debent, ut de iis judicare saltem possint, cum idonei sint muneribus homines præficiendi. Juris scientia accuratior in illis requiritur, quam in Principe quis non adeo desideraverit. Architectonicam denique, Politices scientiam totam in usus suos verterint necesse est. Et hæc tamen studia, quibus Reip. prodesse possunt, intra nobile illud triennium facile absolvent, quod illis Joannes Sturmius in libro *de Nobilitate literata* ad Werteros fratres præscripsit. Ac mihi sane Principum subfelliis dignus videbitur, quique in Reip. gubernaculis secundas teneat, si hoc ille curriculum bene confecerit. Ab illis sejungendi sunt omnes, qui studiis in speciem & pompam abutuntur, & si inter imperitos docti tueri nomen possint, satis se officio suo functos existimant; quales ad summa in Republica munera sustinenda inepti sunt. * Ne milites quidem carere literarum præfidiis velim; Mathematicis enim ac Historicis studiis militaris peritia vere perficitur, de quo doctissimus Naudæus in libro *de Studio militari* omnino legendus est.

CAP. XIII.

DE EXERCITATIONIBUS IN SOLUTA ORATIONE INSTITUENDIS.

- §. I. Exercitatio ad scriptionem necessaria est. 2. Compositio sermonis Latini non differenda ad maturiorem ætatem. 3. Quinam ex eo defectus oriantur. 4. Exercitia per gradus in pueris instituenda. 5. Periodica junctura statim pueris inculcanda. 6. Versionis reciproca utilitas. 7. Themata versionum per imitationem puerilem primum e Cicerone & Terentio depromenda. 8. Edisci etiam classici Auctores nonnulli debent. 9. Bœcleri consilium pro instituenda pueritia expenditur. 10. Exercitationes ab illo instituta non probantur. 11. Auctorum varii generis & ætatis mixtura stylum turbat. 12. Themata Historica & Epistolaria primum supeditanda pro formanda utraque periodo, narrativa & Enthymematica. 13. Imitationis maximus usus & præcipuus. 14. 16. Qui de eâ scripserint. 15. Sturmius ceteris præscribitur. 17. Aschamius exemplorum copiam in imitatione docenda desideravit. 18. Ejusdem Aschami liber, titulo: *Præceptor, Anglica lingua scripsi, laudatur.* 19. J. C. Scaligeri opus *de Exemplis Eloquentia.* 20. Rapini *Comparationes.* 21. Smidenstius *Observationes Oratoria.* 22. Nostra exempla quare addita sunt. 23. Non contemnenda talia, & ut minutia scholastica rejicienda. 24. Studium imitationis male plerumque negligitur. 25. Imitationis ratio, qua in re consistat. 26. Manutiana imitatio. 27. Contra Aschamum defenditur. 28. Ex consilio Hermogenis per *χωρισμὸν & πρὸς ἀντιπρὸς* instituenda. 29. Variationes per figuras Rhetoricas.

Parum

- P**arum consiliis omnibus efficitur, nisi ad rem ipsam accedamus, & fabricando fabri fieri discamus. Exercitatio omne in stylo punctum feret. Nisi manum admoveamus operi, mentem in partes omnes versemus, & ad certum quoddam exemplar sermonem nostrum exigamus, nunquam vel ad mediocre loquendi genus perveniemus. Quemadmodum pictores primum rudia lineamenta signant, & imagines ante oculos habent, quas intueantur, & earum ductu suas formant, hinc corpora ipsa sibi delineanda proponunt, ac coloribus ornant; ita orationi post prima illa Grammatices lineamenta plenior quidam habitus ex optimo aliquo Autore circumponendus. * Non desunt, qui omnem compositionem sermonis Larini in puero damnant, & ad maturiores annos seponunt; quibus ego nunquam assentire potui: * Eveniet enim, ut, quod primis annis neglexere, sero discant, & vel viri titubent. Cum enim jam tum accurate Autores intelligunt discipuli, nescio quæ socordia & ignavia imitationem corrumpit. Nam altera parte tarditas quædam detinet & fastidium ex mora illa, quam intellectus in compositione habere debet, cui gravior accedit e lectione novorum Autorum oblectatio; altera parte; dum rigor exigentis magistri abest, remissio quædam obstat. Ac novi sane Viros in omnium Autorum lectione, in disciplinis omnibus versatissimos, cum ad scriptionem ventum est, asperos, hiulcos, omnique elegantia destitutos. Adeo etiam in compositione a teneris assuescere multum est.
- 4** * Frustra hic aliqui imbecille puerorum iudicium causantur, compositionem, quæ sine iudicio institui nequeat, natura ipsa intelligentia posteriorem esse. Nam sane non statim ad Epistolas vel Orationes scribendas accedimus. Per gradus procedendum est. Primum per simplices propositiones Regulis Syntacticis accommodandas, ut in Tiocinio suo fecit Rhenius. Ubi lectione firmatus puer est, quis tam stupidus esset, ut non unam alteramque periodum suis membris & particulis nexam capere possit, præsertim si e phrasibus Epistolæ Ciceronianæ simplicioris formetur. * Nam periodicam illam juncturam etiam pueris, quam primum fieri potest, inculcandam cum Sturmio ob eximium ejus usum suaferim. Et hinc sane fieri existimo, quod e multis etiam doctissimorum Virorum scriptis absit vera vocum & periodorum concinnitas, quoniam nulla illi rei cura mature satis impenditur. Hæret vero in teneris animis illa a prudente ac perito doctore sapius ostensa atque reperita concinnitas.
- 6** Primum tamen inter hæc exercitamenta locum tenet versio e Latina in vulgarem linguam, atque ubi maturius iudicium est, reciproco labore in Latinam linguam reperita conversio. Præterquam enim, quod in memoriam ipsa Autoris verba revocat, & versitatem utriusque linguæ evidentius ob oculos ponit, & ad concinnum verborum positum Romanis atque Latinis auribus familiarem manu ducit. Sed tamen aliquo iudicio opus hic est, ac difficilius labor ille est, quam si periodos aliquas Germanicas in Latinam linguam tiro converterit. * Versionem Thematis Germanici in Latinam ego pro lubitu non instituendam suaferim. Non probo illos, qui Historias quascunque vertendas proponunt, inter quos est, qui universalem aliquam historiam,

historiam, per certas pericopas distinctam, phrasibus in margine adjectis, huic fini publicavit. Nunquam aliquod Thema detur, nisi quod e quadam Ciceronis epistola, vel Terentii scena, per imitationem confictum. Imitatio illa prima puerilis vel Epistolam vel Historiolam fingat, e phrasibus Ciceronianis vel Terentianis totam concinnatam: cujus exempla suppeditavit Schorus in aureolo suo libello de *Methodo docendæ discendæque Latine & Græcæ lingue*; cujus vestigia Magistrum nostrum sequi velim; eo enim modo phrascs in usum converti primum debent. * Suader Marefius *Epistola Philologica* 29. lib. 2. ediscendos Autores Clasicos nonnullos, Terentium, aliqua Ciceronis. Nam, inquit, si exempli causa quinque aut sex Ciceronis libros firmiter in mente habeant, nullibi in eo deinceps hærebunt: raroque quid in Latinis scriptoribus occurreret, quod non intelligant; nec forte quicquam erit, quod Latino sermone pure & eleganter exprimere non possint. De quo postremo tamen, si usus & exercitium non accesserit, ego dubitaverim. Autor est Sturmius in libro de *Exercitationibus Rhetoricis*, ut Ciceronis Orationes per discipulos dividantur, publice e cathedra memoriter recitentur. Ita aliquos memoria comprehensuros, aliquos ex ipsa recitatione & continua auditione fructum ex omnibus illis Orationibus habituros.

Scriptis post multos alios, quos supra laudavimus, Germanica lingua confilium de Institutione puerorum vir nunquam satis laudatus, & maximum Germaniæ nostræ decus, BOECIUS, quod editum est Argentorati Ann. 1679. in 12. & sequente anno 1680. alius liber ibidem editus est, cum titulo: *Minervæ Tirocinium, sive Praxis Bæclerianæ Institutionis*. Multi in his libellis de Autorum explicatione, interpretatione, Regulis Grammaticis, elegantiss, dereguntur vulgarium Magistrorum errores. Comeniana quoque sub examen vocantur, ac merito e Scholis relegantur. * Verum in styli exercitiis ipsi assentire non possum. 10 Quæ ille vult ex Historia desumi, collatis semper ejusdem historiæ apud ceteros Autores, Historicos, Oratores, Poëtas, aurei, argentei, aenei seculi parallelis, quæ tiro noster legat, & e quibus orationem variet. * Ego vero malim purissimos, 11 & nulla seculi sui labe infectos, ut nihil de varia orationis forma dicam, in usum adhiberi; ne quid e posteriorum temporum scoreis purioris latinitatis auro adhæreat: cur enim tot Autores misceret puer? an ad orationis copiam? ea aliunde, quam ex illa Autorum mistura purior haberi potest, & potius ex uno, quam e multis quærenda. An forte ob historiæ notitiam? illa vero hic non valde attendenda videtur. Minuta enim omnia sunt & discerpta. Neque velim ego in prima ætate Historiam cum Latinitatis dispendio disci, cujus potior tunc ratio habenda est. Nam

Quo semel est imbuta recens, servabis odorem

Testa diu,

neque ulla arte postea eluentur sordes, quas semel oratio contraxit. Non dicam de varietate numeri, periodorum, positu verborum, quæ & ratione Autorum,

Tomus I.

Ooo

chara-

characteris & ætatum vehementer discrepant; in qua positus tiro, quid sequi, quid fugere debeat, omnino ignorat, & inæqualem styli, asperum, confragosum formabit. Quantum in dictione ipsa discriminis sit, facile discerni potest, si quis inter se contulerit. Lege apud Virgilium historiam de Trojæ αλώρεσιν. Huic si quis Petronii, non multum ætate minoris, de eadem historia jambos jungi atque in unum chaos confundi imitatione posse existimaverit, næ ille vehementer fallitur: etsi non deerit forte, cui Petroniana satis pulchra & minime contemnenda videbuntur. Sed aliter judicabit, cui naris non obesa est, si legerit, quæ doctissima illa censione sua in iis notavit elegantis ingenii Vir, Jacobus Tollius, Cap. 3. *Fortuitorum Criticorum*.

- 12 Argumenta ergo pro Thematibus seligi velim, non ex scientiis & Historicis, ut vult Sorellus; nisi forte imitatio quædam e Ciceronis libris Philosophicis, aut e Cæsaris ac Nepotis historiis instituat, sed præcipue ex Epistolis Ciceronis similes fingendo, ita tamen, ut & Themata Historica vel potius narrativa eis jungi velim. Discat formare Tiro periodum, qualis in narratione adhiberi solet, & Enthymemata, quali in Epistola & Oratione utimur: hæc enim præcipua sunt, in quibus dictio exercenda; decurrit enim vel per narrationes Oratio, ut in stylo Historico; vel per enthymemata, ut in Epistola & in elaborata Oratione. Habet illa narrantis dictio suos quosdam particularum nexum, membrorum locationem & proportionem, sermonem pendulum, a reliqua oratione distinctum. Oratoria per particulas illativas, conditionales, exceptivas, adversativas semper in orbem redit, & magis se succi plenam & copiosam ostendit. Utriusque dictionis exemplar in antiquis Autoribus quaerendum.
- 13 Omne ergo punctum, me quidem iudice, in exercitatione omni Rhetorica feret IMITATIO, sive illa Puerilis sit, sive Virilis & Oratoria. Quicquid sapimus, quicquid discimus, quicquid agimus, omne ab imitatione est, & excellens sibi archetypum proponit. Quidni ergo & in Oratione formanda eadem metho-
- 14 do ducamur? * De Imitatione multa sunt Rhetorum præcepta, sed nondum idoneis exemplis omnia exhausta. E veteribus Dion. Halicarnassæus præclara de imitatione Historica scripsit, pollicitus etiam quædam de Oratoria & Demosthenica, quæ
- 15 per injuriam temporis interciderunt. * Sed inter recentiores nemo est JOHANNES STURMIO, peritissimo Rhetori, præferendus. Multa ille variis in libris: *Exercitationibus Rhetoricis: De amissa ratione discendi: Nobilitate literata, totoque libro de hoc argumento docet, quæ aurea & egregia tota sunt, omnibusque eloquentiæ cultoribus nocturna diurna manu versanda.* * Ex Italis, sed illo longe inferiores, multi hoc argumentum sibi quoque tractandum sumserunt, e quibus præ ceteris Bartholomæus Riccius eminet. Sunt alioquin Cælius Calcagnini, Gilberti Cognati, Foxii, Gyraldi, Joh. Pici Mirandulani, Petri Bembi, Jacobi Omphalii, Joannis Sambuci, Gerardi Joannis Vossii, de eodem argumento libri: de Terentiana imitatione Michaël Ferrerus; de Ciceroniana Stephanus Doletus, Henricus Farnesius; Andreas Schottus in Tullianis *Questionibus*, Christophorus

phorus Mylaus, Laur. Palmurenus, & nostro tempore Cl. Sagittarius scripserunt. Sed nostri instituti ratio non patitur, ut hic praecepta cumulemus, quorum copia forte laboramus. * Plus in exemplis est, sine quibus omnia languent, nihilque profici- 17
mus. Quam ob causam ROGERUS ASCHAMUS, Reginae Elisabethae a secretis, magnus Sturmii amicus, & pene solus in gente Anglia Ciceroniani gustus, in Epistola ad Sturmium, quae inter Marchianas appendices pag. 559. habetur, de exemplorum defectu in omni illa praeceptorum sylva conqueritur; qui locus, ut hic legatur, dignus est. Docere perspicue & perfecte, qua ratione Cicero vel Demosthenem vel Platonem imitatur, singularis, fateor, doctrinae, summi iudicii & rarae laudis existit. Sed haec laus adhuc praeceptionis tota propria est. Aliud volo; plus requiro. Opifex nobis & Architectus opus est, qui separata conjungere, rudia perpolire, & totum opus consimulare artificiosa ratione noverit. Et illud, mea certe opinione, hoc modo. Hinc Demosthenis locum, illinc Ciceronis produci cupio. Tum, digito Artificis, me primum duci volo ad ea, quae in utroque sunt aut eadem aut simillima: Deinde, quae sunt in hoc addita, & quo consilio, tum, quae sunt commutata, & quo, ac quam vario artificio, sed id in verborum delectu sive in sententiarum forma, sive in membrorum circumductione, sive in argumentorum ratione consistat. Nec uno aut altero exemplo contentus ero. Numeris multa, genere varia, ex Platone, ex Isocrate, ex Demosthene, & ex Aristotele in libris Rhetoricis, exempla expeto. Patior praeceptorum par- cum esse in praeceptorum traditione, modo liberalem se & largum in exemplorum non solum productione, quod laboris est & diligentiae, verum etiam tractatione, quod est doctrinae & iudicii, ostendat. Horum volumen, illorum paginam ipsam requiro. Nec mihi molestum erit, si eadem via & ratione Caesarem cum Xenophonte, Sallustium cum Thucydide, Livium cum Polybio, Virgilium cum Homero, Horatium cum Pindaro, & Senecam etiam cum Sophocle & Euripide jungat: nisi forsitan satius erit facere, quod hi prudenter faciunt, qui perfecte scribere volunt: harent enim hi, & desigunt se totos in uno, & eo perfectissimo exemplo, nec se vel distrahi ad varia, vel deduci ad deteriora exempla libenter patiuntur. Tamen si carmen pangere vellem, nihil Virgilio divinius, nihil Horatio doctius, nihil possum proponere. Sed ad dicendi facultatem ipsum Ciceronem, si non solum, certe potissimum volo. Et dari mihi exemplum cupio, Ciceronem Imitatorem, non Imitatorem Ciceronis. Equidem amplector unice Ciceronis imitationem; sed eam dico & primam ordine, & praecipuam dignitate, qua Cicero ipse Graecos, non qua Lactantius olim, Omphalius nuper, aut qua multo feliciter quidam Itali, Galli, Lusitani & Angli Ciceronem sunt secuti. Nam quisquis fuerit non solum diligens, sed etiam cum peritus doctrina, tum prudens iudicio observator, quibus vestigiis insitit, & quos gradus facit ipse Cicero, dum Graecos sequitur, assequitur aut praecurrit, & scienter animadvertit, quibus in locis, & qua ratione hic noster ipsi Graecis plerumque par, saepissime superior evadit, is demum tuto & recta via ad imitandum ipsum Ciceronem perveniet. Qui enim intelligen- ter videt, quomodo Cicero secutus est alios, perspiciet ille longe felicissime, quomodo ipse Cicero sit sequendus. Haec ad Sturmium tum Aschamus scripserat, sed nondum editus erat integer Sturmii de Imitatione liber, in quo ille magnam undique exemplorum farraginein congerit. * Fortassis & ipse in libro, Anglica lingua scripto, pluri- 18

- bus exemplis illam de Imitatione doctrinam persecutus est. Titulus libri ita habet in Catalogo Bibliothecæ Oxoniensis mihi lectus (nam librum ipsum non vidi) *The Schoolmaster, or the plain Way of teaching children to understand the Latin tongue. Lond. 1571.* Ille vero a Sturmio subsidia expectat pro hoc libro suo. Ita enim scribit in supra laudata Epistola: *Mitte igitur, & quam primum mitte, ut Præceptor meus, qui nunc est fere nudus & plane deformis, istinc aliquem elegantiorum mutuans amicum,*
- 19 *nonnihil cultius vestitus, & inde superior factus, in lucem audacius prodeat.* * Superesset nobis *Opus de Exemplis Eloquentiæ* J. C. Scaligeri, in quo ille Autores Latinos cum Græcis contulit, quodque ipsi a Pædagogio Perrocorio subreptum est; ut ipse Scaliger in Epistola ad Boëtium libro commentarii in *Histor. Animal.* Aristotelis præ-
- 20 fixa, queritur; minus nunc in illa re laboraremus. * Nisi forte quis nunc *Rupinum* in *Comparisonibus suis* aliqua ex parte hoc confecisse existimet. Sed ille ge-
- 21 nerali quadam censione contentus, ad singularia non adeo descendit. * Memini & videre me in nescio quo librorum Catalogo notatas *HARTVIGI SMIDENSTÆTHI Observationes Oratorias ad Ciceronis dilatatam copiam refertas, & exemplis adjectis imitationi in dicendi usum utrumque notatas, Helmstadii Ann. 1594. in 4. editas;* sed librum ipsum non vidi. Autor ille magni suo tempore nominis, & ab
- 22 Henrico Meibomio eleganti encomiastico carmine ornatus. * Quam exemplorum utilitatem cum & ipse viderem, pro juventutis studiis eorum aliquam farraginem huic capiti subungere volui: quæ, etsi non vetera, sed mea sunt, neque ego ut omnibus numeris absoluta vendito (sunt enim quædam ex illis data occasione sine operosa meditatione, ac interdum extemporali labore, a me ad calamum dictata) non erit tamen, ut puto, tironibus inutilis opera, quibus potissimum toto hoc
- 23 opere meo inservire volui. * Quod si forte erunt, qui has minutias contemnendas existimaverint, illi sciant, nihil minutum aut leve esse, quod cum juventutis commodo conjunctum est. Erasmus (at quantus vir!) qui cavillatorum voculas, ob scholasticos labores *μικρόλογον* vocantium, effugere non potuit, illorum judicium vilipendebat. Ego quoque utilitatem, quæcunque etiam sit, omni pompæ vanæque gloriæ præferendam, ac illam præcipue sectandam mihi proposui.
- 24 * Sæpe ego vicem juventutis dolere soleo, quæ in his primordiis destitui a magistris solet. In Scholis rari sunt præceptores, qui veram imitandi rationem ipsi didicerunt. In Academia plerumque illa studia spernuntur, tum a Studiosis, qui ad alia properantes studia illa, ut minutiora, fastidiunt. Non raro etiam ipsi Doctores talia despiciunt habent. Cum Autores linguæ Latinæ eduntur, variae lectiones, rituum antiquorum observationes, emendationes vocum utramque implent paginam: Pulchra hæc quidem omnia, neque reprehendenda, si illud *μὲν εἶργον* observetur. Sed orationis & carminis artificium, imitationes veterum, in quibus ego præcipuam Critices partem consistere puto, nemo respicit, plerique alto supercilio, ut res scholasticas & ad pueros ablegandas, aspernantur. Sturmii, Erythraei aliorumque utilissimi in Ciceronis Orationes Commentarii vel ignorantur vel contemnuntur. Quo fit, ut pauci e Criticis veram Romani genii eloquentiam in oratione exprimant. Nam & glossematibus interspersum, & diversarum ætatum

ætatum phrasi commistum, & tum doctrina ipsa, tum ejus mensura varium & inæqualem styllum in plerisqueprehendes.

Consistit imitandi ratio non in eo, ut consuantur passim e Cicerone sententia, quod Itali nonnulli κακόζηλος fecere; sed ut similitudine aliqua omnis Autoris dictionem, formam, phrasin, sententiam, numeros exprimas; quæ non nisi a perfecto Oratore demum præstari possunt. Nobis hic suffecerit, si dictionem aliqua ratione exprefferimus. * Primum inter imitandi exercitia hoc nobis est, si periodos dilatatione membrorum & variatione sententiarum, figurarum quoque adjectione, in aliam formam compegerimus; quam imitandi rationem Manutius secutus, eos in oratione Latina progressus fecit, ut ab hac una exercitatione omnem sibi eloquentiam profluxisse fateatur. Ita vero ille lib. 1. ep. 4. *Exquisitas sententias de Cicerone excerptas, aut de Terentio, tacitus in animo versabam, eas ornabam verbis quam poteram lectissimis, ut quasi vestitu orationis mutato, cum eadem essent, alia tamen viderentur. Erat non dissimilis in verborum figuris commentatio. Si quas notaveram illustrioribus, ad alias scientias ita traducebam, ut interdum eandem locutionem ad res prope innumerabiles accommodans, quasi ex una cera plures imagines, nec tamen ejusdem generis, effingerem. In hac exercitatione quantum esset, utinam aut mature cognovissem, aut sero cognitum avideque arreptum vis occupationum non extorsisset. Equidem, si quis me neget in scribendo quicquam esse, non pugnabo: sed si quid sum, ab hac una esse contendam.* * Non video causam, quare Aschamus eam Manutii rationem in Epistola supra laudata infectetur; hac enim ratione Imitatio institui præcipue debet: ac sane juvenis, qui hac via ductus fuerit, ad ceteras quoque orationis virtutes exprimendas non ineptus invenietur. Neque sane in multorum præceptorum subtilitate illa res consistit; continua exercitatio, quæ periti doctoris auspiciis instituitur, omnia efficiet. Non nego quidem, neque negaverit forte ipse Manutius, plura esse in imitatione attendenda, verum non omnia simul disci possunt, sed per gradus eundem. Primum certa signare vestigia discimus; hinc quomodo decore eamus; postea quomodo saltemus. Si quis ad Manutii sensum variare primum sententias didicit, cetera accrescente judicio & continuata lectione ultro sequentur. * Inter veteres Hermogenes hunc modum præscripsit, ut 1. per χωρισμὸν sive separationem, 2. per πρόσληψιν seu assumptionem procedamus. Per χωρισμὸν periodum in aliquot sententias dividemus, has sententias deinde per πρόσληψιν augebimus. Unaquæque sententia constat subjecto & prædicato: subjectum est vel totum vel pars, vel genus, vel species; ex assumptione ergo generis augebimus speciem; totius partem, & vice versa. Prædicatum vel actionem vel passionem notat. Actio habet causas vel efficientes, vel instrumentales, vel adjuncta, vel effecta. Passio item suos modos & circumstantias. Amplificari ergo tota Oratio varie potest ex assumptione generis ad speciem, totius ad partem, finiti ad infinitum, confusi ad distinctum, antecedentis ad consequens, & propositionum conditionalium, comparatarum, crypticarum, in plures simplices resolutione &c. de quibus singulis plenius lib. V. dicitur. Horum exempla non pauca Cap. sequenti adducuntur plane eo modo

modo instituta, ut volebat Manutius, & Quintilianus *lib. 16. cap. 5.* ut item Hermogenes, & ex Hermogene Sturmius præscripsit. * Quoniam etiam sententiarum variaefigurationes sunt & *ὑπερβολαί*, ideo sententiam Ciceronianam per illas figuras, quales Emanuel Thesaurus, ordinem rerum secutus, in Opere suo *de ingeniosa elocutione cap. 5. pag. 190.* designavit, expressam dedimus: quem ordinem nunc sequi maluimus, etiam si nec ille usque adeo placeat, neque a quoquam hætenus recte sint e mentis apprehensione & motibus, unde deduci debent, deductæ. Adjicimus & enthymematicæ dilatationis exemplum, quæ a prioribus parum differt, nisi quod Rhetorum artificia pressius sequatur. Plures alias Exercitationis species Schefferus in *Gymnasio Styli* enumeravit, quas vel ad Rhetoricam tractationem remittimus, vel hic etiam prætereundas duximus, utpote quæ ex hoc fonte deriventur. De Commentatione, necessaria quoque exercitatione, jam supra diximus.

CAP. XIV.

EXEMPLA IMITATIONUM.

§. 1. *Exempla imitationum apponuntur.* 2. *Et quidem dilatationis periodica Inum ex ep. Cic. II. lib. 5. ad Fam. periodo prima.* 3. *quæ in propositiones resolvitur,* 4. *& deducitur.* 5. *II. ex ep. 4. lib. 6. ad Fam. per. ult.* 6. *quæ resolvitur,* 7. *& deducitur.* 8. *III. ex epist. 21. lib. 10. Fam. in fin.* 9. 10. *quæ resolvitur & deducitur.* 10. 11. 12. 13. *ex epist. 29. lib. 10. in it.* 14. *quæ resolvitur & deducitur.* 14. *V. formulæ ex ep. 17. lib. 12. Fam.* 15. *quæ decies variatur.* 16. *VI. formulæ ex ep. 8. lib. 1. Fam.* 17. *per 77. figuras oratorias variata.* 18. *VII. ep. 17. lib. 11.* 19. *quæ per periodos amplificatur.* 20. *VIII. dilatationis periodica ex ep. 3. lib. 10. Fam.* 21. 22. *IX. it. X. imitationis compendiosæ.* 23. *XI. dilatationis enthymematicæ, ex ep. 3. lib. 13. Fam.* 24. *cujus argumenta recensentur,* 25. *& dilatatio subnectitur.* 26. *suadetur exercitium ligatam orationem in sermonem solutum convertendi,* 27. *cujus exemplum XII. datur ex epist. 9. lib. 1. Horatii.*

1 **Q**uoniam superiore capite §. 22. EXEMPLA quædam IMITATIONUM nos duros promissimus, ideo illa hic apponere voluimus, quæ vel discipulis, vel etiam Magistris speciminis loco esse possint, quo in illa palæstra modo exerceri debeant. Ego certe, quoties privatis illa exercitia Scholis institui, magnum ex iis fructum deprehendi.

2 Exemplum dilatationis periodicæ I. ex periodo 1. Ep. 2. lib. 5. Fam. Cic.

Grata tibi esse officia mea non miror: cognovi enim te gratissimum oranium: idque nunquam desisti prædicare, nec enim tu mihi gratiam modo habuisti, verum

rum etiam cumulatissimè retulisti. Quamobrem reliquis tuis rebus omnibus pari me studio erga te & eadem voluntate cognosces. * Resolvitur in has propositio-
nes. 1. Grata tibi fuerunt officia mea. 2. Id ego non miror. 3. Es enim homo gratus. 4. Quod multis rebus cognovi. 5. Illud semper prædicavi. 6. Non enim tantum gratiam habuisti. 7. Sed & retulisti. 8. Invenies me eundem erga te. 9. In officiis atque rebus omnibus.

Deductio. 1. *Tam effusa in me tua est humanitas, longeque excelsior, quam in te mea, ut omnia, quæ a me proficiuntur officia, utut parva sint & exigua, non modo verbis in majus extollas, sed omni genere officiorum non exæquare tantum, sed omni opera superare contendas.*

2. *Tu quidem illud solemne tuum servas, qui, quos induisti a tenera ætate ab optimis Doctoribus mores, ita semper excoluisti, ut nunquam ab illis discisceres; quominus mirum mihi visum est nunc, cum plane non expectarem, & nulla mea in te tanti essent merita, tantum gratiarum reponi.*

3. *Tantum apud te grati animi fidelis memoria valet, ut vitam tibi ipsam acerbam putes, ipsi pietate, comitate, fide studiisque omnibus erga amicos, notos, ignotos illustraveris.*

4. *Annales quosdam virtutum rerumque tuarum texere mihi viderer, si, quæ tu dedisti grati animi documenta maxima, percensere numerando velim: nam profecto infinitum hoc esset, neque exigua posset epistola comprehendere.*

5. *Nulla mihi dies abit, quin ob oculos illa mihi versentur, in animis hæreant; idque beneficiorum tuorum memoria efficit, ut cum te in oculis etiam absentem feram, illa mihi semper in ore sint & sermonibus, & erga omnes illa depradicem & extollam.*

6. *Longe tu semper absuisti ab illorum moribus, qui cum opere ipso strigosi sunt & parci, verbis tamen copiosi gratias, quas reipsa non præstant, lingua semper circumferunt, vel etiam inussitant illas & silentio sepultas conservant.*

7. *Tantum vero abest, ut in amicorum officiis quicquam tibi existimes dissimulandum, ut potius non verbis tantum illa omnia mirifice omnes & augeas, sed pro plumbeis & ancis beneficiis plusquam Diomedæa permutacione aurea reponas.*

8. *Quæ tua tam præclara & aurea beneficia si ferrea fronte exciperem, homo essem omnium ignarissimus & ingratisissimus. Ego verò illa non solum libere agnosco & depradico, sed & quoad ejus fieri potest, paria paribus respondebo.*

9. *Quare ne minimam quidem causam & occasionem prætermittam, quæ tibi inferviam, omnemque vel officii umbram & speciem, quæ mihi ostenditur, arripiam: imo omnia, quæ in potestate mea sunt, & me ipsum cum omnibus, quæ a me proficisci possunt, officiis, studiis, beneficiis tibi tradam.*

Exemplum II. ex periodo ultima Epistolæ 4. libri 6. Fam.

5

Verba sic habent; ego, quæ te velle, quæque ad te & ad tuos pertinere arbitror, omnia studiose diligenterque curabo: quæ cum faciam, benevolentiam tuam erga

6 erga me imitabor, merita non assequar. * Periodus hæc in sequentes propositiones resolvi potest. 1. Ego omnia studiose diligenterque curabo. 2. Quæ te velle intellexero. 3. Quæ ad te & tuos pertinere arbitror. 4. Quod cum facio, parum tamen mihi fecisse videor. 5. Nam benevolentiam tuam tantum imitor. 6. Merita non assequor.

7 Deductio 1. Cum tot obscuris negotiis, ut earum te pene moles opprimat, me autem strenua nunc exerceat inertia, nihil tam grave arduumque mihi erit, quod tua causa non confecturus sim, qui omnia negotiaque mea tuis utilitatibus postpono.

2. Quicquid enim tu voles, legis mihi instar erit, qui omnes tuos nictus observo: quicquid me rogabis, imperatum mihi existimabo: quicquid jusseris, velut ex Apollinis tripodæ prolatum oraculum venerabor.

3. Nihil crit, quod ego in tuam gratiam non suscepturus sum: nulla me revocabunt molestie, - - neque fervidus æstus Dimoveat studio, neque hiems, ignis, mare, ferrum: Nil obstat mihi, dummodo tuis commodis inserviam, & ex mea opera tu aliquem fructum persentiscas.

4. Quæ etsi omni conatu agam, etsi Herculeos tibi labores impendam, tanti tamen illi mihi non erunt, ut illis virtuti tuæ satisfactum existimem.

5. Quoties enim tuum intueor exemplum (ejus autem species quotidie mihi ob oculos versatur) toties in me omnem illum facultatem exstinguit; ut, dum te in officiorum certamine superior esse laboro, vix paribus assequi passibus præeuntem possim.

6. Quare te potius a tergo sequar, tuisque vestigiis insistam, cui umbra hæc Amici circumducenda est: beneficiorum enim tuorum luce mea exigua officia ita absorbentur, ut non nisi vel umbris vel obscuris coloribus illustrari a me possint.

8

Exemplum III. ex fine Epist. 21. lib. 10. ad Fam.

Verba Autoris sunt: Meam dignitatem commendatam habeas rogo. Concupiscere me nihil oportet: habeo te & amantissimum mei, & quod optavi, summæ autoritatis. Tu videris, quantum & quando tuum munus apud me velis esse.

9

* Resolvuntur hæc in has propositiones: 1. Meam dignitatem tibi commendatam habeas, rogo. 2. Nihil ego nimium desidero. 3. Tu es mei amantissimus. 4. Tu es summæ autoritatis. 5. Quod ego semper optavi. 6. Quantum mihi inservire possis & quando. 7. Hoc tuæ prudentiæ committo.

10

Deductio I. (1.) Ea inter nos semper viguit, quæ ab incunabulis annis excrevit amicitia, ut subrustici pudoris sit, si in te rogando cunctari velim. Meam enim dignitatem cum tibi commendatum ivero, tu timidiusculum me & in amicitia nimium verecundum reprehendere jure possis.

(2) Id tamen nunc facio; & quoniam mos ita rogandi est, te rogo, ut, quæ ad honorem ac fortunam meam tuendam pertinent, tibi cura cordique esse patiaris.

II. (1) Non ego ex illis sum, qui & multa & vehementer desiderant, ut facere pueri

pueri & muliercule solent, qui rerum obtinendarum cupiditate ita flagrant, ut nullum sibi modum finemque statuunt.

(2) Ego vero ita cupio, ut non insaniam; neque quicquam ambitiosius facere consuevi, ut voti mei compos fiam; nihil a te, quam quod communia amicitie jura postulant, requiro.

III. (1) Jam dudum illam tibi legem ipsi dixisti, ut in amore non solum amicis respondeas, sed etiam desideria illorum antevertas.

(2) Etsi enim multi sunt, quibus ego utor familiariter; etsi non desunt, qui officia mihi sua & studia non sine pompa & apparatu obtrudunt; nemo tamen unus est, qui te affectu vincat, adeo omnibus tu palmam praeipis, ut de principatu certamen quoddam iniisse videaris.

IV. (1) Nec tantum inane amicitiae nomen mihi ostendis, sed magnum illi auctoritas tua robur circumponit; quacum illa munita est, omnia mea causa perumpit obstacula, ut nihil in fortunis negotiisque meis curandis imperium & inexpugnabile esse videatur.

(2) Pendet ab ore & consiliis tuis Senatus, omnes te venerantur & suspiciunt; officiis te sibi conciliant, ut in omnium, superiorum, mediorum, inferiorum animis regnum aliquod tibi exstruxeris.

V. (1) Quam in possessionem cum te ipsum jam dudum virtute, prudentia, affabilitate miseris, ita evenit, & evenisse gaudeo, ut semper animo meo praecepi.

(2) Quae ut diuturna tibi sint propriae bona, eo nunc magis omnibus votis exopto, quo majores ex illis amicitiae fructus perfruisco.

VI. (1) Itaque tui arbitrii res erit (tibi enim me totum & trado & debeo) quid velis possive in me meisque fortunis augendis, quam ego ut voluntate & propensione mihi additum, ita facultate sua omnia exhausturum confido.

(2) Nulla in re tibi molestus ero, neque tempora modosque praesigam; quod importuni facere flagitatores solent; a quorum ego moribus plane abhorreo.

VII. (1) Ego modestia tibi mea probari malo, quam obtundendo injucundus videri; ut gratiam favoremque tuum, ne in fastidium degeneret, integrum conservem.

(2) Meum est providere, ne imprudentia mea prudentiam tuam, quam in rebus meis semper ostendisti, intervertam, plus enim tu mihi sapis atque prospicis, quam ego ipse intelligo aut me poterat expectari.

Exemplum IV. ex initio Epist. 29. lib. 10. ad Fam.

11

De meo studio erga salutem & incolumitatem tuam, credo te cognoscere ex literis tuorum, quibus me cumulatissime satisfecisse certo scio: nec his concedo, quanquam sunt singulari in te benevolentia, ut te salvum malint, quam ego.

* Resolvitur in has propositiones. 1. Vehementer faveo saluti incolumitatique tuae. 2. Id cognoscere ex literis amicorum. 3. Illi contenti erunt meis erga te officiis.

Tomus I.

Ppp

ciis.

ciis. 4. Illi quidem vehementer tibi favent. 5. Sed ego operam dabo, ut illos studiis meis vincam.

13 **Deductio 1.** Adeo mihi salus tua semper cordi fuit, ut in rebus atque negotiis tuis curandis hanc mihi legem dixerim, ne qua in re vel segnis vel minus officiosus viderer.

2. Quæ cum mea quotidiana studia fuerint, semper enim tu in animo habuisti, semper tua mihi imago ob oculos versari visa est, non defuisse existimo quotidianos observatores, amicos tuos, qui hæc ad te accurate perscriberent.

3. Ideoque vel illorum testimonio vincam, qui de officiis meis testari possunt; atque, ut puto, etiam volent; nam & illorum utilitatibus non modo non defui, sed & omnino eorum causa, quæ potui, feci; tam officiis operosus, quam opere officiosus.

4. Certum est, te illos habere tibi amicos, quos meritis reddidisti tibi obnoxios, quis enim tam recordis esset animi, quis advo bonæ mentis bonique sensus expertus, ut beneficia sibi præstata non agnoscat, ea apud alios commemoret, atque suis compensare allaboret.

5. (1) Verum sint illi amici tui; prædicent illi te, atque in cælum efferant: officiis te prosequantur, colant, observent; ut illi te unum sibi vindicent, non patiar, nam descendam cum illis in pulchrum de principatu inter amicos tuos certamen; qui (quæ Dei Termini formula fuit) nemini concedo. (2) Non ego quidem fidem illorum in dubium voco: quam enim verbis promittunt, credere nolle summa esset diffidentia. Ego tamen re ipsa præstabo verborum parcam quidem, sed opere effusum, ut majores meos in salute tua curanda conatus, quam illorum, deprehendas.

14

Exemplum V.

Formula Ciceronis hæc est ex epist. 17. lib. 12. F. Grata vehementer est memoria nostri tua, quam literis significasti; quam ut conserves, non quod de tua constantia dubitem, sed quia mos est ita rogandi, rogo.

15 **Variatio 1.** Nihil est nostri memoria jucundius, quam literæ tuæ nuper mihi declararunt; illam ut propriam perpetuamque esse velis, penitus te rogo, non quod de voluntate constantiaque tua dubitandum mihi esse existimem, sed quia solenne illud nostrum in Epistolis servandum est.

Variatio 2. Invaluit illa increbuitque scribendi consuetudo, ut amicis nostri memoriam ubique cantemus: hunc itaque morem potius securus, a te contendo, ut, qui fuisti, noster esse velis; non ut fidem tuam ac amorem, quem literis tuis mihi repræsentatum esse gaudeo, inexploratum aut incognitum mihi credam.

Variatio 3. Multum te ob literas tuas amo, quibus te nominis mei cupidissimum studiosissimumque cognovi: hunc ut animum mihi serves, a te majorem in modum peto; non quod te tam volaticum mobilemque in affectibus esse existimem, sed quoniam ille mos est, ut mutuis verborum lenociniis, qui literas scribunt, se invitent.

Variatio

Variatio 4. Eo libentius tuas complexus sum literas, quo illæ in memoria nostri pleniores uberioresque fuere. Huic amoris tuo ut constantiam adderes, rogarem, si ullam in te inconstantiam dissimilitudinemque rerum & consiliorum unquam deprehenderem. Hanc cum de te vel cogitasse piaculum foret, quo verborum tamen pompæ satisfiat, ut me porro ames, rogatum volo.

Variatio 5. Magna affectus tui vis ex epistola tua elucet; multa illic est nostri memoria, ut nihil fieri potuerit honoratius, nihil mihi acciderit jucundius. Non levi fortassis te affecerim injuria, si rogarim, ut in isto amore perseveres: levitatem enim in te amantissimo mei viro accusari viderer. Rogo te tamen, atque ideo rogo, ne quicquam ab amore consueto alienum admisisse videar.

Variatio 6. Mirificam e literis tuis accepi voluptatem, quod in memoria tua penitus nomen nostrum infedisse intelligam. Nihil igitur tota cogitatione mea vehementiusque optaverim, quam ut, qualem te hætenus ostendisti, semper nobis præstes, & amoris nostro insenescas. Quo etsi te arguere, ut vagum instabilemque videar, tu tamen benignius amicorum vota interpretaberis, qui in isto literarum commercio ambitiosius in officiis se provocare consueverunt.

Variatio 7. O nos felices, qui literis tuis non solum honorati, sed studiis officiisque tuis ornati sumus! quod si ad hunc officiorum cumulum perennitas accesserit, omnia a te habebō: sed parum circumspicite habiturum me dico, qui jamdudum in plenissimam animi tui possessionem missus, nunquam, nisi temeritatis te accusēm, inde ejici possim. Dabis tamen veniam, si ex more literarum iterumque te, ut in amore perseveres, rogaverim. Paulo enim meticulosior & λογισταῖος amor esse solet.

Variatio 8. Si quid rerum mearum gratum mihi unquam fuit, ut ἔκπαινος ἡδυσον ἄκρομα esse solet, nihil sane magis me movit, quam honorifica ista nostri memoria, quæ in literis tuis paginam utramque facit. Quid mihi optabilius, quid suavius, quam ut firmissimam hanc habeam tuam benevolentiam. Rogarem te, ut hanc mihi serves, nisi levitatis suspicione tam præclaram opinionem tuam ferirem. Quoniam vero vulgo ita fieri solet, ut, qui officiis certant, etiam verborum prodigi esse soleant, te, ut favere mihi porro velis, non rogo solum, verum etiam obsecro.

Variatio 9. Vide, quanta in te sit suavitas, qui non literas tantum humanissimas mihi dedisti, sed tot laudibus præterea ignobile nomen nostrum cumulas, ut mihi nunc ipsi placere incipiam, postquam apud te tam gratiosum me esse intelligo. Serva mihi hunc animum sacrum integrumque, vir maxime. Sed parum ego catus orator ad te venio, qui, cum ita rogo, læsæ amicitiae reus videri poteram, dum suspicioni levitatis aut inconstantiae locum apud me reliquum esse ostendo. Eris tu, vel non rogatus, noster. Neque tamen has preces nostras, si te rogavero, in sinistram partem rapies: facio enim, quod ii, qui amicitias ambiunt, facere solent, ut precibus verbisque obtundant, studiisque omnibus amorem eblandiantur.

Variatio 10. Non mediocrem animo voluptatem cepi, cum tuas legi, tot amicitiae tuæ cumulatæ documentis. Quam his favoris tui tropæis triumpho? Rogarem

te denuo, ne hunc favorem nostri ulla obliterari oblivione sinas, neque te aliorum infusurationes mihi auferant, si propensissimam voluntatem tuam ulla diffidentis specie tentare fas videretur. Scio, me memorem monere & currenti calcar addere; nam vel suspiciones meas tuis officiis vinces: oro tamen, ut amare nos pergas, potius ut officioso meo pudori consulam, quam ut fidem tuam ulla suspicione aspergam.

Exemplum VI. Variatio Formulæ per Figuras.

Formula Ciceronis hæc est ep. 8. lib. 1. ad Familiares: Tu velim tibi ita persuadear, nullam rem esse vel minimam, quæ ad te pertineat, quæ mihi non charior sit, quam mea res omnes.

1. *Est Cognitio.* Quod rerum tuarum major mihi cura sit, quam mearum, id tibi puto certis speciminibus esse cognitissimum. Dubitare certe te nunquam sinam.

2. *Ignoratio.* Quanti tibi mea fides sit, ignoro equidem. Eam mihi esse scias velim, ut vehementius de salute tua laborem, quam mea.

3. *Ostensio.* En dextram cum hoc calamo! en fidem cum hoc animo, qui non tam suus, quam tuus! & quem nullæ tangunt curæ, nisi tuæ.

4. *Narratio.* Quid alii de fide sua tibi narrent aut jactent, parum tu ad animum revoca. Id scio, furdus sæpe narrari fabulas, cum amicorum fidem imploramus. At hæc ego tibi narro, non fabulas, sed amici oracula: nihil mihi amicitia tua esse jucundius, qui fortunas tuas inter meas reputo: salute tua meam contineri existimo, cujus ego majorem, quam meæ ipsius, rationem sum habiturus.

5. *Didascalia.* Qui nihil nescis, id unum a me docere, vel reclamantibus Philosophorum Scholis, ne numero quidem differre amicos, ac nos præcipue; cum te in mei velut possessionem dudum vocaverim. Quicquid tu volueris, id ita volo, ut nec mea voluisse cupidius; quicquid jusseris, ita exequar, ut nec mea exequi promptius possim.

6. *Affirmatio.* Crede mihi, nihil est, quod tua causa non velim. Vel me ipsum, si jusseris, odero, ut amem tua.

7. *Negatio.* Nunquam fiet, ut a meo animo tuus vel latus unguem dimoveatur. Pereant, qui inter nos divortium volunt. An unquam per me deferræ jacuerunt res tuæ? nunquam. Citius mihi oculos, os, manus negaverim, quam ut illos ad nutus tuos cæcutire, hoc ad jussa tua obmutescere, has tibi compressas atque desides esse pariar, qui tuo spiritu magis vivo, quam meo; tuis oculis magis mihi prospicio, quam meis; tuo ab ore pendeo; tuis manibus fulcior atque sustentor.

8. *Ironia.* Qui suis utilitatibus ducuntur, suis in rebus gerendis, opibus corradendis, centimanæ Briarei in aliorum auxiliis vix Scævola, eos amicos appelles, iis committas, si quid recte curatum velis. Sint procul a nobis istæ virtutum & amicitiae pestes! a me nihil eorum metues. Patet tibi cum animo fides, hominis magis tibi, quam tibi obnoxii, magis tuis rebus, quam suis rebus invigilantis.

9. *Reticentia.* De rebus tuis angeris? Me vide; in me recipio. Sapienti satis.

10. *Præteritio.* Non dicam jam, quanta in me tua semper fuerint merita: vivunt tamen illa, ob oculos versantur, manibus palpantur, aures vellicant, animo insident, ut mearum citius rerum, adeoque mei ipsius, quam tui tuarumque rerum, me capiat oblivio.

11. *Jurjurandum.* Ne vivam, nisi vivo tuus. Hos ego oculos tango, quibus te fero. Hanc ego dextram testor, fidei meæ pignus, nihil me omisurum diligentiae, in rebus, quæ ad te pertinent, vel cum dispendio mearum, recte curandis.

12. *Testatio.* Quid tui causa fecerim, tuæ magis deprædicant, quam testantur literæ. Quid porro facturus sim, faxo, ut re potius ipsa, quam meo tibi testimonio constet. Ubi enim in rem præsentem venero, ita ad ea, quæ sunt e re tua, animum advertam, ac si nullo in momento res meas sim positurus.

13. *Animadversio seu Epitasis.* Accedam ad res tuas curandas. Nam meæ sunt: meæ sunt, quia tuæ. Tu amicum me habeas, sed inerrem, sed suarum rerum sat-agentem, sed amici rebus securum? Adeone tua tibi vel dissidentia vel modestia imponit, ut fidei amici nihil committas, nullum humeris onus ejus imponas?

14. *Parentthesis.* Si me amas, (amas autem, quam qui maxime) non committes, ut ab alio (alii enim alia magis & sua, quam tua curabunt) res tuæ curentur; qui non ut alias (nihil enim inter amicos alienum est) sed ut meas, & plus quam meas, planeque ut tuas curabo.

15. *Correctio.* Tantum mihi non est a rebus meis otii, aliena ut curem; sed curo tamen tua. Imo hæc non sunt aliena, sed mea. Sed ego illa curo, plus quam mea, quo tu plus oculis istis ac me ipso mihi charior.

16. *Repetitio.* Quoties tuas mihi literas mittis, toties præconis cujusdam voces audire videor, qui mihi suum *hoc age*, inculcet. *Hoc* scilicet *age*, non quod tuum est, sed amici tui negotium. Quod ideo magis tuum est, quia non est tuum, sed amici negotium.

17. *Admiratio.* Papæ quam tu mirabilis homo! novum hoc mihi monstrum est; nova in amico, in familiari, verecundia, tam intempestiva modestia. Non audes in me rejicere tua negotia, cui nihil magis est in votis, quam tua ut impleat vota, & in tuis sua.

18. *Exclamatio.* O fortunatum illum felicemque diem, quo negotiorum tuorum me facis participem. Jam demum te vere amo, quia te me amare video, ut fidei meæ aliquod specimen requiras, quam ita tibi totam cum animo ipso addico, ut nec ipse in aliquam ejus partem admitti velim.

19. *Exaggeratio.* Quis credat, tanti tibi nomen meum esse, ut negotio tuo arduo conficiendo homuncionem hunc præficere non dedigneris. Ego vero tanti beneficii memor, omnem ei rei curam, operam, diligentiam, nervos, vires, vitam spiritumque ipsum impendam.

20. *Extenuatio.* Res tuas bene ut curem, rogas. Quam hoc rogare ridiculum est. Hominem tui amantissimum studiosissimumque, qui qua polles autoritate, imperare potes, quo flagras amore, debes. Jube, impera, tuus sum, mancipii tibi jure acquiritus; quanquam & tuæ mihi preces, quemadmodum magnatum, sunt imperia. Nunc cum me rogas, currentem incitas; qui, tui ut maximam habeo reverentiam, ita majorem rerum tuarum curam gero, quam mearum.

21. *Memoratio.* Memorem mones, amice. Et nunc hærent mihi in animo tua jussa, ac, dum ipse mei memor ero, hærebunt. Citius enim mei ipsius, quam tui tuarumve rerum, quas diligentissime curabo, mihi oblivio obrepet.

22. *Præfagitio.* Quæ mihi in mandatis dedisti, ea, qua debeo, fide exsequor: & jam nescio, quid mihi animus præfagit boni, ut quamprimum ad vota tua, imo supra illa, expediantur. In me, quod accredas mihi velim, mora non erit ulla: id enim prædico tibi, habiturum te quidem aliquos, qui res tuas ea, qua suas, diligentia, neminem, qui majori quam suis impendit, curaturus sit.

23. *Dubitatio.* Tene audiam potius, an me, dubito. Tu rebus tuis recte curandis me præficere vel non vis, vel non audes. Ego vero volo, & si me audis, tibi, ut mihi, quæ vis, imperes, impero. Res enim tuas diligentius, quam meas, curabo. Amici non sumus, si tu, an imperes ego, an faciam, dubitemus. Neque tu fidem meam in dubium, scio, vocabis, nec tuam ego fiduciam.

24. *Inquisitio.* Nunc ego quæro abs te, quare alii potius, quam mihi res tuas curandas commiseris: quando me vel infidum vel negligentem in rebus tuis inveneris, qui plerumque a meis, quam a tuis, sum omisior. Justas certe conquerendi adversus te causas habeo. Actio constituetur. Tu mihi & reus & judex eris, nisi te ipsum condemnaveris, cave ne te condemnem. Centum enim epistolarum numerum solves, antequam te absolvam.

25. *Interrogatio.* Ain vero? Non te mihi gravem fore tuis negotiis? An hæc amico, an te, an me dignæ voces sunt? qua tu mihi fronte id occinis? quo animo? an mea tibi fides suspecta? an tua ego unquam segnius curavi? an mea sunt tot occupationes, ut tuis excludar? fuitne semper major apud me in tuis, quam in meis rebus, sollicitudo? quis obsequio, officiis, industria promptior? responde, si vir es; defende te, si amicus.

26. *Responsio.* Visne ut in me negotii hujus moles recumbat? En Atlantem, qui ferat animo intrepido, nec latere infirmo. Vis hominem industrium, diligentem? En tibi, qui tua omnia ita geret, gubernabit, ut nihil a te ipso amplius expectes.

27. *Interpretatio.* Amicus tuus sum, id est, res tua. Utere illa, prout liber: verbo innue, occultos interpretabor sensus. Optimus amicus amici interpret est, i. e. omnia quæ vult, ille voler alter. Manus alter alteri commodabit; ora, animos, res amici curabit, plus quam suas.

28. *Occupatio.* Ergone nullum fuit e tot negotiis, quæ inter amicos quasi dividis, cui me admoveres. Jam scio, iterum veterem mihi cantilenam occines: Tot nego-

negotiis circumfideris, ac pene opprimeris, ac nova quæris. Nolo tua facilitate abuti, nolo publicis detrahi, quæ meis impendis, tempora. Tu vero aufer mihi istas excusationunculas. Non ita aulæ servio, ut inservire amicis vel nolim, vel non possim. Totas citius dies, omnes, quæ supersunt, horas, omnia momenta aulæ & mihi eripiam, ut tibi tuisque rebus impendam. Aulam denique res suas sibi habere malim, quam, ut a tuarum mihi rerum cura sit discedendum.

29. *Fictio.* Quod rerum tuarum curam mihi imponis, gaudeo: committe huic homini omnia. Finge ex tuo ingenio promptum, alacrem, officiosum. Argum me finge, qui centenis oculis invigilet. Briareum finge, qui centum manus ad opus tuum adferat: non fallam spes tuas & vota, mea etiam vota meumque genium fraudaturus, ut tua impleam desideria, tuæ me accomodem voluntati. Finge denique novam aliquam mei in Te μεταμόρφωσιν: sic idem tecum & plus, quam tu ipse, & cupiam & exequar.

30. *Imaginatio.* Jam videor mihi te videre morosum, meditabundum, circumspicientem omnes angulos, circumcurstantem omnes plateas, prensantem amicos, quos in negotio tuo expediendo consulas. Ad me non respicis. Quin dic, quid velis. Illud mihi Pythagoreum: αὐτὸς ἔφασκε, tibi erit αὐτὸς ἐποίησε. Nî enim ego, quicquid tu dixeris, ita effectum dederim, ut ipse non possis accuratius, omnem apud te fidem decoxero.

31. *Expressio.* Ego tuas res non curem? plus quam meas. Si Jovis quadrigas inscenderis; aut Diogenis accenderis lucernam, parem in alio fidem frustra quæras. Manibus pedibusque saxum hoc tuum volvo. Si mihi centum linguæ essent, centies hæc tibi inculcarem; nihil esse, quod non tui causa cupiam. Si centimanus essem Briareus, vel centies effecta darem, quæ semel tu facta cupis.

32. *Prosopopeia.* Si charta hæc consiliorum meorum particeps loqui tecum posset, quæ vellem, candorem tibi nostrum vel ipso colore suo confessa desideria nostra panderet, quibus in obsequia tua rapimur. Si ipsa fides hæc scriberet, me, puto, rebus tuis unice commendaret.

33. *Apostrophe.* Agite ergo. Ite literæ nostræ ad virum nostri amantissimum. Ire atque hæc ei in aurem: heus tu, si quid curatum velis, huic homini curandum da.

34. *Ratiocinatio.* Nulla mei tibi cura est. Quid ita? rogas? quia nullam mihi vis esse tui tuarumque rerum curam. Ego vero rogo te non solum: sed & pro jure meo contendo, ut in earum partem me admittas. Debes enim, quia amicus: velle debes, quia fidei meæ certus. Ejus, puto, non pauca habes specimina. Quid enim? Annon semper ita curavi res tuas, ut nec tu ipse diligentius?

35. *Conclusio.* Amicus meus es. Ergo fac, ut te videam, non nomine, sed opere ipso talem. Feci, inquires, juvi, quibus potui, re, opera, consilio. Sed tuo bono, mutuus amicorum amor est. Ergo & reciproca sunt officia. Nisi enim respon-

spondere officiis me velis (cupio certe, quam qui maxime) cum omnia mei causa agis, nihil agis, ac ipso beneficio es ingratus.

36. *Epiphonema.* Cum in omnibus & consilia & operam tuam requiro, ita omnia agis mea, ut nec ipse diligentiam meam requiram. Ego vero cum tui causa omnia agere velim, ne minima quidem in re nostrum desideras officium. Ita quidem vis, aut, ut mollius dicam, fraus est. Hec quam est miserum, ita vivere, ut, si vel maxime nolis, vivas tamen ingratus! quam est hoc in amicitia ambitiosum! addo, quam callidum! ut solus bene mereri videaris, amici excludere officia.

37. *Compendium.* Nihil est, quod tibi tuarumque rerum commodo impendere nolim: nihil adeo mihi dulce est & suave, quorum ego iacturam non facere malim, quam ut tuæ amicitiae per negligentiam meam vim inferam. Plenum tibi in operas, res, consilia, fortunas, salutem, vitam denique meam, jus transcribo, atque ut paucis multa dicam, tibi totum me totum.

38. *Perplexitas.* Quid agam? hinc animum timor distrahit: hinc amor: illinc mea etiam commoda. Hujus ego Jovis in me fulmina temere concitare nolim. Te ut iratum mihi habeam! sancta amicitiae lex prohibet. Commoda mea ut negligam! amici, uxor, liberi intercedunt. Quid velim ego nolimve, nescio. At certe tui causa vel cum salutis meae dispendio velle omnia debeo.

39. *Approbatio.* Hec istud est amicum esse! O factum bene! Beasti me tuis literis, quibus rerum tuarum curam mihi imponis. Jam te amicum esse sentio, tuque me eum esse, saxo sentias, cui statutum est omnia ferre atque pati, quam ut in te aut in fortunas tuas iniquius aliquid constitutur.

40. *Imperium.* Hoc tibi edico, severitate plus quam prætoria, ne cuiquam alii, quam mihi res tuas commendes. Eam tibi legem jus amicitiae ponit, sanctum, inviolabile; ut parendi mihi necessitatem imposuit, plus in rebus tuis, meis laboraturo.

41. *Admonitio.* Quidvis impera. Dictum factum. Visne, curem res tuas? meae erunt.

Unum illud repetens, iterumque iterumque monebo,
ne mihi magis, quam tibi ipsi diffidas.

42. *Obsequium.* Non ero, ut ille in fabula ad mandata claudus, caecus, mutus, mancus, debilis. Quæ enim apud Maronem ventorum Deus, mihi tibi liceat, non fumos vel ventos vendenti.

*Tuus est, o Amice, quid optes,
Explorare labor, mihi jussa capessere fas est.*

43. *Blanditiae.* Nunc amo te, anime mi, ocelle jucundissime, cum in negotiorum tuorum consortium me admittis, qui tuis immori malim, quam meis immorari.

44. *Salutatio.* Salvete mihi vel centies, quæ salvum mihi nunciastis amicum nostrique memorem: ut vos exosculor! ut lego lubens! nihil enim ista memoria

moria mihi accidit suavius: præsertim, cum ea obsequiis officiisque mutuis fovetur. Quæcunque etiam iussa feratis, ferte, mea semper reportaturæ obsequia.

45. *Apprecatio.* Dii te ament, amicorum optime, pro amore in me tuo. Jam enim (quod bonum faustumque tibi mihiq[ue] sit) totum expedivi negotium: tam bene processisse primum hujus amicitia[rum] specimen, tui causa gaudeo, mei causa triumpho, qui omnia moliturus sum, ne pœnitere te amicitia[rum] meæ possit.

46. *Veneratio.* Gravisimum est, quod fidei meæ commisisti, negotium, ac periculosa[rum] plenum opus aleæ: videbo tamen, ut illis difficultatibus te eripiam, nulla etiam supplicia formidaturus. Deum veneror, ne tam præclaram bene de te merendi occasionem mihi e manibus elabi sinam.

47. *Abominatio.* O factum male! Annon pluris tibi sum quam homo ille mercenarius, cujus tu fidei res tam arduas commisisti? Aufer lucellum illi, & abierit fides, quæ non excedit loculorum amplitudinem. Certiora a me, quam ab illo homine, rei tuæ præsidia expectare potuisses, debuisses. Ut tuas enim erigerem res, vel meas paterer desertas.

48. *Objurgatio.* Verberavi te hæcenus cogitationis tacito duntaxat convitio, nunc te palam objurgo, Euclionem temporum, prædonem literarium, belluonem librorum, amicitia[rum] desertorem, causa[rum] tuæ proditorem: qui in tam arduo tuo negotio non tantum tibi otii sumis, ut amico res tuas commendes, qui certe diligentius quam suas, aut tu ipse tuas, gesturus esset. Dicam ego hanc tuam vel focordiam, vel superbiam, vel astutiam? nam certe vel salutis tuæ curam abjecisti, vel me huic rei ineptum existimas, vel denique hoc tam pertinaci silentio artes quasdam, quibus dissui amicitia[rum] solet, alere mihi videris. Vel mores tuos muta, vel amici nomen abjice.

49. *Irrisio.* Vis scire, quid agam? albis, quod ajunt, dentibus te rideo, qui dignum abstulisti diffidentia[rum] tuæ præmium: cum amicum haberes, cui secure crederes omnia, quæsisisti alios, quorum vel malitia, vel negligentia res in summum discrimen tuæ deductæ. Nunc, cum nemini obtrudi possunt, ad me itur.

Disce fidem nostram, monite, & non temnere Amicos.

I nunc, & impone illis negoria, qui tam pulchre tibi imponunt.

50. *Execratio.* Male sit morbo illi, qui me hæcenus rebus & meis & tuis subtraxit. Nunc postquam ille a me recessit, ad me redeo, & ad te, & ad tua negotia, quantus sum, omni fide, officio, servitio, tuus.

51. *Optatio.* En erit unquam

Ille dies, mihi cum liceat tua noscere iussa!

Totos ego menses compressis manibus sedeo, totos ego annos expecto, nec quicquam in literis tuis comparet, in quo fidem periclitari velis, quam tibi propriam perpetuamque spondet amicus.

52. *Vocatio.* Ubi jam sunt illi Aretalogi, philosopha sua sententia, ignava opera? jam veniant, & viros se præsent, verbis adeo splendidi. Nunc illi delite-

Tomus I.

Q q q

scunt,

scunt, nec quisquam eorum domi est. Tu, si sapias, veteribus amicis, quorum tibi spectata fides est, utere. Inter eos me habes semper tuum, & ὄφελον ἐμψυχον. In tua sum potestate, & quæ de tuis in mea esse vis, in tua esse non desinent.

53. *Votum.* Si quid habes, in quo amici fidem requiris; en! tuus sum; ad aram enim fidei me tibi nunc sisto. Tibi victimam me voveo: tibi me totum omniaque mea consecro.

54. *Obsecratio.* Non desinam te fatigare precibus, ut mea tandem utaris amicitia, nisi ipse habeas inutilem: qua ne me afficias injuria, tibi supplico. Quamquam vulgus, ut vetus habet verbum, amicitias utilitate prober; vinculo tamen aliquo amicitia illæ contineri debent, ne collabascant.

55. *Commendatio.* Qui multos commendare tibi soleo, nova apud te commendatione ipse egere mihi videor. Adeo enim oblitus mei es, ut operam nostram nulla in te desiderare videaris; cum nullis libentius quam tuis rebus curam intendam.

56. *Concessio.* Scribe modo: tuis ego desideriis subscribam. Nihil ita meæ potestatis erit, ut non ipse velim tuæ. Omnibus, quibus potero, officiis tibi commodaturus.

57. *Gratiarum Actio.* Gratias tibi ago, quod magno me beaveris beneficio. Quod enim majus contingere amico beneficium possit, quam ad officia beneficiaque invitari? utinam eorum aliquam partem implere possẽm, quæ ad Te ornandum pertinent.

58. *Recusatio.* Odi aulicos illos verborum apparatus, quibus adversus amicum uteris. Annon nosti Græcum illud: ἀπλὴς ὁ μῦθος τῆς ἀληθείας ἔστιν. Nolo blanditias, iussa volo; quæ, quo severiora, eo mihi blandiora: quo tu me minus rogas, eo promptiora tibi mea erunt officia.

59. *Exultatio.* Cum mea diligentia effectum tibi viderem, quod tu efflagitabas cupidissime, exultare lætitia & triumphare gaudio cœpi. Et hunc ego a negotiis tuis fructum primus capio, primum hoc mihi quod sit gaudium, tuum vero secundum. Quam effectui meo prærogativam non invidebis, ut, qui studio ac efficiendi desiderio me ipsum & industriam præveni, tua quoque gaudia prævenirem.

60. *Jactantia.* Nunc ego de rebus tuis bene a me gestis gaudeo: hanc enim mihi gloriolam in hoc amicitia certamine vindico; nulli fide, diligentia concessurus. Tu modo cave, ne tua vel diffidentia vel socordia gloriæ huic nostræ quicquam detrahatur; quam ita custodire cupio, ut, si idem mecum velis, res tuæ jaceant nunquam.

61. *Gratulatio.* Jam licet acclamem tibi feliciter & mihi, de feliciter expedito negotio; nec potes tam tibi ipsi, aut alii tibi ita gratulari, ut ego mihi gratulor, atque in sinu de hac felicitate tua, quæ & mea est, gaudeo. Nihil enim mihi gratius unquam accider, quam si per meam operam grati aliquid tibi accidere possit.

62. *Plausus.* Plaude, jam peracta tua est fabula. Ego Roscius in hac scena personam tuam perbelle tractavi. Succellit e voto res. Quid vis amplius? tibi plaudo,
 & mihi

Et mihi plaudo

Ipse domi, simulac numos contemplor in arca,

quos tibi industria mea extorsit. Plura tui causa, si velles, vellem.

63. *Ejulatio.* Heu mihi! Adeone me a bona fortuna derelictum, ut tui causa efficere nihil valeam, qui velim omnia. Non equidem omnia possumus omnes, in aulis praesertim, in quibus ab unius Jovis nutu pendent omnia. Sed & hic interdum Semideis & Diis Tutelaribus & Satyris aliquid licet.

64. *Exprobratio.* Satisne tibi causae esse ingrato putas, quod omne inter nos amicitiae commercium sublatum velis. Nam certe amicitiam sustulisse mihi videris, qui fomenta ejus tollis, ac ista muruorum officiorum solatia. Quanam haec satietas est? Quod fastidium te a nobis abalienavit? Omnes alii etiam, quos non satis nosti, a Te habent, quod agant; ego nihil, qui & animo tibi sum conjunctissimus, & rerum tuarum gerendarum cupidissimus.

65. *Penitentia.* Jam pene promissorum meorum me poenitet, cum tam segnitè res tuae mihi procedant; non mea quidem, sed unius moratoris culpa. Haec mihi pene quotidiana sunt supplicia. Ipsa itaque necessitas mihi manum injecit. Ubi removero haec obstacula, ita res expeditas dabo, ut nec me poenitere laboris, & hujus ipsius tædii possit, nec te meae amicitiae.

66. *Sper.* Bene te sperare jubeo: in portu enim tua causa navigat, jamque ad opratum finem res omnes spectant. Jam gaudeo impletas Tibi esse a me spes tuas, quas de me conceperis. Atque ut ita semper speres, rogo. Ego illud operam dabo, ne spes tuas fides nostra destituat.

67. *Desperatio.* Quanta spe decidi; actum de amicitia nostra est! animam agit, nisi tu succurras. Ne quid enim disimulem, non mediocriter animi angor, quod ab alio quam a me, cujus tamen fidei olim credebam omnia, negotia tua velis curari. Ego vero ad insaniam cupio. Tu vide, ne hoc mœrore & desiderio contabescam. Jam istae res meae mihi sordent, ipse mihi displiceo, cum displicere tibi studia mea video.

68. *Timor.* Metue, o bone, quem non metuis. Habemus interdum amicos, qui blandi sunt oris, amari vero pectoris. Ego profecto non parum tibi tuaeque causae metuo, qui parum adeo tibi ipsi metuis. Mira alacritate omnia observo, omnia etiam tuta timens. Notae enim mihi sunt hominum insidiae. Atqui ita, spero, lento & suspensio gradu ipsam causam arcem invadam.

69. *Verecundia.* Pudore confectus pene sum, cum a rerum tuarum cura exclusum me esse sentio, quem unum atque unicum amicum appellare toties consuevisti; qui tuis rebus eam, semper adhibuit diligentiam, quam non adhiberet vel suis vel aliorum negotiis. Nunc itaque verecundia deterritus, pluribus te verbis non rogabo, ut quicquam mihi oneris imponas: metuo enim, ne si repulsam feram, secundo pudori animus ipse succumbat.

70. *Audacia.* Magnum in me facinus tui causa suscepi: jacta jam est alca.

Q q q 2

Atque

Atque utinam videre posses, quo vultu, qua confidentia, quibus cervicibus, quo spiritu, negoria tua subeam. Nulli cedere paratus, nec ipsos equuleos formidaturus, ut rem tuam tibi conficiam, quæ meis omnibus meaque salute mihi est charior.

71. *Impudentia.* Jam ergo os ferreum & perfrictam tibi frontem opponam, qui nullis moveri precibus potes. Ingeram me negotiis tuis vel te invito. Velis, nolis, morem te mihi gerere oportet, homini, qui eadem, qua hæc a te audacia petit, (animos enim addit amicitia) effecta daturus est. Si me importunius hæc flagitare miraberis, cogita non erubescere amici literas.

72. *Excandescencia.* Totus in fermento sum, neque cui succenseam scio. Non mihi: nihil enim eorum, quæ ad rerum tuarum curam spectant, e manibus dimitto. Indignor tamen, ac propemodum ringor, me nihil adeo promovere. An itaque cum fato meo expostulem? Sed & hoc stultum est, & homine prudenti indignum tibi videbitur. Ego potius impatienti desiderio tempus illud, quo tua mihi vota implere liceat, expectabo.

73. *Mina.* Quæ (malum!) ista cunctatio? Hæc tua mihi verba aures circumsonant: vae illi, qui has mihi moras necit, & cujus ego culpa istam apud te suspicionem incurro: si non fecero ignavo huic homini mala aliquo pacto, me esse dicto ignavissimum. Habebis etiam in me vel Fabium aliquem, qui cunctando etiam res tuas sit restitutus.

74. *Nemesis.* Non ergo impune tibi abiit ista nunc injuria. Jam par ego pari. Tu me a tuis exclusisti negotiis, ego te a meis. Jam discite imposterum, suo pretio amici aestimare fidem.

75. *Miseratio.* Miseret me tui, qui adeo cum difficultatibus rerum tuarum conflictaris, nec ex iis eluctari angustis potes. Ergone amici tui ita tibi excidit memoria, ut in eam partem eum admittere nolis, qui ea fide tua curat, ut fidelius non possit sua?

76. *Confessio.* Nullæ mihi magis curæ, quam res tuæ, sunt. Ea enim me, fa-teor, ambitione teneri, ut inter amicos tuos, & qui plurimum tui causa cupiunt, principatum quendam affectem.

77. *Deprecatio.* Parce, precor, o Amice: satis pœnarum jam luimus. Citius enim aqua & igni mihi interdixeris, quam officiorum communioni, quæ ex amicitia oritur; sine qua vel ipsa mihi vita acerba est.

Certum est in sylvis inter spelæa ferarum

Malle pati,

quam iis carere utilitatibus, quas tua mihi parit amicitia, quæque in eo præcipue consistunt, si tibi ulla ratione utilis esse obsequio ac opera mea possim. Qua in re omnem pono diligentiam.

derit occasio, qua dignam meritis tuis gratiam referrem, pudor me, neque, ut arbitror, reprehendendus, deterret, ne novis tibi molestisque literis aures obtundam.

2. Quibus me beneficiis ornarit, quibus laudibus cohonestarit Agapetus, tibi non est incognitum: omnes certe ut virum bonum integrumque mirabili benevolentia prosequuntur.

2. Hic vacuum Senatoriam dignitatem ambit; quo in proposito, si quis auram illi aliquam afflare poterit, id effecerit, ut in portu salus ejus navigatura sit, ipseque summam hoc beneficium interpretabitur.

4. Jam ante perpensum & exploratum habeo, neminem fore ex amplissimo vestro ordine, qui plus ad illum juvandum facultatis, ad ornandum autoritatis, ad negotium conficiendum voluntatis, allaturus sit, quam Tu, qui in Senatu regnas, omniumque consiliorum princeps es & architectus; atque praeterea hominem ita complecteris, ut vel sponte ceteris, qui valde petuntur, praesentibus anteponas.

5. Ideoque de manus, ut ajunt, in manum tibi trado hominem, rogoque, ut eum, quibus potes modis, ornes ac tuearis: qua ex re magnam perpetuamque voluptatem me capturum, scias velim.

6. Praeterea non mihi tantum id gratum, sed & Reip. rationibus accommodatum esse non ignoras, neque tibi quicquam majori fructui gloriaque esse poterit, quam, si de una, quod ajunt, fidelia duos parietes dealbaveris: commodi publici servantissimus, & amicorum non invidiosus. Vale!

Amplificatio prioris exempli.

19

Periodus I.

1. Tantis ego a Te beneficiis ornatus auctusque sum, ut nulla mihi dies eorum memoriam extinguere possit, nullo quantocunque officio vel partem tuorum meritorum assequi me posse confidam.

2. Nam quanquam diu multumque in omnes occasiones intentus, omnibus votis quaesiverim, qua in re parem, non dicam, gratiam tibi referrem, sed gratum saltem animum & beneficii memorem ostenderem; de spe tamen illa conatuque adhuc sum depulsus.

3. Itaque tot meritis tuis obrutus, tot nominibus tibi obstrictus, verecunde dubitanterque tibi scribo, cum grave sit viro prudenti, novum nomen facere, qui in veteri pene conturber.

4. Perfricabo tamen frontem, neque nunc humanitate tua abuti grave mihi erit, postquam semel verecundiae fines sum transgressus.

II.

1. Non, ut arbitror, animo tuo excidit, cui nihil mearum rerum ignotum est, & cujus in sinu omnia deponere consuevi: quibus me beneficiis ornarit Agapetus, quibus praesidiis, consiliis, opibus, cum fortunae iniquitate colluctanti subvenerit, quam fidenti animo partes ille meas semper susceperit.

Qq q 3

1. Acco-

2. Accedit commune omnium hominum suffragium, qui ut integritate spectatum, civilis officii non ignarum, notæque & expertæ fidei hominem, in cælum laudibus extollunt, omnibusque in exemplum proponunt.

III.

1. Senatoris locum fato affinis tui non ita pridem vacuum cum multi affectent, nemo unus, me quidem iudice, est præter Agaperum, qui in locum demortui surrogari mereatur.

2. In amplissimum hunc ordinem ut cooptetur ille, cupiditate ardet incredibili; etsi nihil ambitiosius more prensatorum facturus sit, qui satis in virtute sua præsidii ad Spartam illam ornandam se habere existimet; nisi forte futuri sint, qui modestiam ejus suam putarint occasionem.

3. Quare amicis illi opus est, qui dextram porrigant, qui suis nervis rem agant, suis consiliis viam muniant, ut totum ex sententia ejus negotium conficiatur.

4. Quod nisi fiat, ne ille cum omni solertia sua jaceat vereor, & nunc quidem illa sine exitu deliberatio futura sit.

5. Qua in re si juvare ipsum, ut sane potes, volueris, omni observantia, omnibusque officiis te prosequetur, & ut parem referre gratiam possit, omni conatu enitetur.

IV.

1. Nam si per ordinem vestrum oculos circumfero, singulorumque rationes, & consilia perpendo, Tu solus eris, qui & me & illius cogitationes officiis viceris, atque adeo omne desiderium nostrum exhauseris.

2. Novi enim tuum ingenium, qui, quicquid facere statuisti, prolixè cumulareque facis, proque amicis omni contentione tibi dimicandum existimas.

3. Multum præterea in Senatu nomen tuum est, qui omnia prudentia tua gubernas & moderaris, ut gravius futurum sit verbum tuum ad illam rem unum, quam aliorum sexcenta;

4. Nec merus nobis ullus erit, ne æmulorum auferant consilia: amas enim hominem, atque ita amas, ut omnia, dummodo cupiditati illius satisfacias, sis postpositurus.

V.

1. Quare, etsi in hoc negotio apud Te, virum prudentissimum, proficere possumus suadendo, gratia tamen nunc contendimus & rogando, ut Agaperi nostri causam omnem suscipias, & ad eam voluntatem, qua ipsi cupis, mea quoque commendatione tantus cumulus accedat, quantum me abs te amari mihi perspectum exploratumque est.

2. Sic enim tibi persuadeas velim, si ex nostra sententia rem confeceris, omnium tuorum officiorum, quæ & multa & magna sunt, unum hoc optimum maximunque me existimaturum.

VI.

VI.

1. Verum de me, ut tibi videbitur; tacita enim hæc relinquam; tamen si officium necessitudinis minime videtur repudiandum.

2. Neque enim in Reip. negotiis amicitiae jura vel plane abjicienda vel dissimulanda sunt: neque omnino peccabimus, si utriusque rationes, cum a decoro & honestate non discedunt, cum doli utilitatisque nostrae abest suspicio, conjunctas habeamus.

3. Magni vero hoc ad Remp. interest, si ad gravissima consilia hoc præcipue tempore accesserit, & amplissimo ordini adjungatur homo non opibus tantum & amicitia florens, sed peritia & usu rerum insigni ad omnia instructus, ut qui in quascunque partes versatus semper *τεταρταῖες* sibi que similis existat.

4. Non dissimulabo & illud, quam ob privatas rationes te in eo esse consilio expediat, qui publicam utilitatem, cum oportunissima se tibi jam occasio præbeat, in tuum commodum convertes.

5. Magnus quoque ad honorem gloriamque tuam cumulus accedet, quem omnes Reipublicae bono invigilantem, de salute civium sollicitissimum, in oculis ferent, & in cælum laudibus extollent.

6. Quare e manibus tibi tam splendidam occasionem labi non patieris: in quamcunque enim partem agitaveris negotium, omnes viri, amici boni, addo & Senatoris numeros implebis. Senatus in te fidem & honestatem, Agapetus noster favorem, ego amorem, omnes in Te officium studiumque prædicabimus.

Exemplum VIII. ex epist. 3. lib. 10. ad Famil.

1. Etsi rarus ad nos hospes venit Agapetus, ita tamen attemperate hodie venit, ut quasi Deus e machina advolasse videretur. Magnae mihi voluptati fuit, variis de rebus miscuisse sermones, qui ne momentum quidem horae perire mihi passus sum, quo non ab ore ejus pependerim. Erat enim vel eam ob causam jucundior hæc confabulatio, quod consilia, animum, mores atque adeo vultum mihi tuum in suavissimis sermonibus suis quodammodo repræsentaret: nam vel ex oculis ejus legere poteram, quæ literis committere non es ausus.

2. Mirifice ille mihi tuam in re bellica peritiam singularem prædicavit, quæ quotidie magis enitescit, & nunc majoribus quasi theatris proponitur. Nihil dicam de justitia tua, qua provinciam tuam gubernas, sagacissimus consiliorum omnium moderator, in qua ille efferenda copiosus & frequens fuit. In rebus vero gerendis neminem te consideratorem, & ad omnia momenta circumspexitissimum, & præsentis animo esse affirmabat. Accedunt virtutibus tuis tam variis tot rerum experimentis spectatis mira consuetudinis suavitas, facillimi mores, aditus molles, minime triste ingenium, quo quasi coagulo & vinculo familiaritates contrahuntur & retinentur. Quæ ut ille in cælum extollebat laudibus, ita e conversatione frequenti mihi non ignota, adhuc commemorabat mihi inusitatam tuam liberalitatem, qui non, ut quidam solent, inanibus te promissis amicos tuos tractare sed reipsa juvare dicebat, tum demum, ubi omne ad rem auxilium emortuum est, vel sola oratione beneficis. Libenter

benter amplector tales amicos, apud quos si nomen nostrum in gratia sit, in caelo mihi versari videor.

3. Quod vinculum, quæ res deest nostræ conjunctioni? nam a pueris & a majoribus vetustus amor, consuetudo, studia paria, excreverunt, & quantum memoria præterita reperere possum, mutuis semper officiis parentes, filii, affines, cognati, certavimus. Te jam inde a puero delegi, quem amarem, quem in sinu foverem, omnibusque deliciis provocarem, & coalevit cum ipsis annis nostra familiaritas; ut ab ætate, ita a virtute quotidiana sumens incrementa, cum studio meo, tum iudicio tuo confirmata.

4. Hinc est, quod mirabiliter tibi favemus, te tua virtute frui cupimus, dignitatis tuæ amplificatores. Cujus eo majorem rationem habere debemus, quo ætior mei tuique honoris est conjunctio; ut de salute mea sollicitus mihi esse videar, cum in tua laboro.

5. Vide vero, quantum tibi decoris, quantum dignitatis adjunxeris, qui summis ornatus honoribus in illud ascendisti fastigium, quo abjecti aliorum animi non pertingunt. Ipsa tibi virtus hanc gloriæ viam patefecit, illa faciem prætulit, illa signum sustulit, illa solida honoribus tuis fundamenta subjecit. Comitata vero res tuas est inusitata quædam felicitas, & quædam commoditas, prosperitasque vitæ. Nam cum omnibus opibus circumflueres, facile molestias omnes avertisti, contentiones malevolorum superasti, ut nullæ jam amplius tempestates tibi sint metuendæ. Atque illa omnia consecutus primo ætatis tuæ gradu, eaque adolescens ornamenta habuisti, quæ viri demum magnis laboribus molitionibusque vel eblandiri solent, vel extorquere. Expugnasti æmulum machinationes, quas vel ingenii tui acie prævisas summovisti, vel animi tui constantia oppressisti.

6. Nihil equidem cognitione complecti possum, quod tuæ dignitati accedere possit, nisi unum illud, quo per omnium annalium memoriam triumphare poteris, ac immortalem tibi lauream suspendere. Vides misera hæc & calamitosa Reip. tempora, quibus jam aliquot procellis submersa pene fuit. Illi te totum impende, ruituram & propemodum jacentem erige, libertatem extinctam in vitam revoca, cives sibi ipsis redde, consiliis, ope, omnibus illis præfidiis, quæ vel prudentia tibi suggerit, vel fortuna commodavit. Nam si quis mihi rerum illarum sensus est, hanc ego palæstram nulli, nisi tibi, designare possum, in qua ingenii robur exerceas. Hanc viam ut in eas, ipsa te Reip. luctuosa facies invitare videtur: ipse suadeo, hortor, impello, vel socius, vel minister consiliorum tuorum futurus; ne sit, quo mihi diffidas. Cujus tantum abest ut causam vel suspensionem habeas, ut de nullius hominis amore certior esse possis: qui, ut tua causa omnia cupio & volo, ita Reip. causa, cum in tuam incidit, cupere & velle debeo: ut itaque causam communem habere videamur.

7. Solet tibi etiamnum, ut puto, in mentem venire illius temporis (neque enim ulla te præteritarum rerum cepit oblivio) cum occultæ quædam de te jactarentur voculæ, ad temporum genium & indolem composuisse te mores animique sententiam,

tentiam, & timidiorē in nutibus aliorum observandis fuisse: ac pene mihi persuasum fuisset, quod populi rumore spargebatur, nisi Te animumque tuum & mores rectius novissem, ut rumorem hunc, qui jam per se raucus factus est, contemnendum arbitrer. Multa sæpe silentio transmittimus & dissimulamur, autoritate & potentia æmulorum territi ac suppressi, cum alia omnia intus sentiamus, neque in publicum consilia nostra proferamus, ne quid dissensione nostra & immaturo conatu turbetur, quod idoneo tempore prolatum rem feliciter ad exitum perduceret. Idem te fecisse nulla dubitandi causa est, præsertim cum posteriorum temporum eventis mihi constet, non fuisse illum animi tui sensum, quem frons, vultus, verba atque externa illa species tua, præ se ferebat.

8. Quandoquidem vero facta nunc est aliqua rerum commutatio, nihilque jam obstat, quo minus publicæ tuæ voces audiantur, illaque in luce omnium proponantur, quæ mullitanda tibi antea fuerunt, nunc, vel me non monente, quæ tua prudentia est, intelligis, quid tuorum sit nervorum, quidve tua autoritate accedere rebus nostris momenti possit. Qui aliorum vereri iudicia antea debebas, & timidiusculē in nonnullorum voluntatibus hærebas, nunc non singula digitis dimetiſi opus habes, cum tuum ad arbitrium ceteri libentissime omnia conferant, dissensionesque malevolorum obmutescant. Exspectat te celsissima dignitatis sedes, qui ad consulum propediem vocaberis. Vivis in illa ætate, quæ vires, nervos, efficacitatem, animum vigilem & ad omnia momenta circumspexit commodare rebus gerendis potest. Tanta præterea sunt in te naturæ & doctrinæ præsidia, tanta virtutis ornamenta, ut nemo lingua, nemo manu promptior in senatu habeatur, & ad eloquentiam tuam Respublica tota quasi attonita videatur. Circumspice Senatum omnem, & quam habemus Reipublicæ speciem, animis oculisque versâ, nemo est, qui ruenti libertati lacertos lateraque supponat: unus solus inventus es, in cuius prudentia posita omnes nostras spes habemus.

9. Quare nisi in te ipsum velis esse injurius, tuamque dignitatem vilipendere, quæ ut recte factorum comes a viris bonis repudianda non est, & cuius amor honestis ingenuis animis esse solet: illa tibi cura nunc unice suscipienda est, ut gloria tibi cumulator veniat, omniumque annalium memoria celebretur.

10. Ac sane, si quid ego recte iudico, nulla tibi firmiora esse possunt ad famam parandam subsidia, hoc tempore, quo Resp. undique tempestatibus obfessa, præfens exspectat naufragium, quam si tu peritus gubernator a scopulis, syrtribus in quietum libertatis portum deduxeris.

11. Scribo hæc ad Te, sed verecunde & dubitanter: vehementer enim animi pendebam, utrum has ad te literas darem, an has cogitationes meas in obscuritate & silentio reponerem. Sed vicit tandem atque expugnavit titubantem animum amor, quem Reip. quem tibi ipsi debeo: cuius geminis incitatus stimulis, nihil habeo, quod excusē. Neque enim, quæ es humanitate, in sinistram partem interpretaberis, quæ bono a me animo scripta vel res ipsa testari potest. Tantum autem abest, ut pædagogiam in te exercere animum induxerim, quasi meo tibi consilio demum discendum, quid ex re tua sit, ut a te sapientiæ prudentiæque moni-

ra ipse expectem, tuæque sententiæ (neque enim diversa a me sentire potes) subscribam.

12. In eodem prudentiæ civilis ludo instituti sumus, atque eo uterque consilia nostra dirigimus, ut salus populi suprema Reip. lex, ejusque gloria & libertas integra sit & illibata. Finem itaque scribendi faciam, ne, quæ epistola mihi scribi cœpta est, in librum exire videatur.

13. Tu vero ita existimes velim, solo amore, non inani aliqua in rebus civilibus *σφισία* me inductum hæc scribere. Interea persuasissimum habe, nullam in animum altius curam descensuram, quam quæ in salutem dignitatemque tuam impenditur. Quantum enim me ipsum diligo, tantum in te adhibeo diligentiae, qui pro amici rebus tanquam meis, omni, non modo contentione, sed & dimicatione, elaborabo.

21

Exemplum IX. ex Epistola 74. lib. 13. Cic. ad Fam.

Non puto te fugere, quæ & præsens tecum egerim, & per literas de Lucii Oppii familiaris mei & L. Egnatii negotiis. Et novi sane tuum in me amorem & observantiam, ut non facile crediderim, te rerum mearum & amicorum oblivisci velle, nisi & mei ipsius obliviscaris. Ne vero ipse & literis in te parcius, & in causis amicorum segnior videri possim, iterum de amicorum salute ago per literas; quorum tu causam agas, etiam atque etiam rogo; cavebisque, quantum in te erit, ne mihi iterata hac commendatione acta sint agenda. De L. Egnatii negotiis imprimis velim cogites: nosti enim, quanti hominem amem, quanta sit nostra familiaritas; ut vel eo solo, si me ames, ad desideria mea implenda possis debeasque permoveri. Puta, eundem esse eum, qui petit, & eum, pro quo petit: nec tam illi tu hoc officium crede, quam mihi, exhibiturum; qui in re mea non magis laborarem, dum laboro in re amici, quæ etiam est e re mea. Fac ergo, ne inter solos nos dispereat amor noster & illaudato perimatur silentio, quod profecto fieri, nisi etiam aliis amoris nostri constantia summusque animorum consensus innotescat. Sit ergo L. Egnatius quoque inter illos, qui e facili tuo assensu cognoscat, quanti tu me aestimes: ne ille dubitet, se a me aestimari. Triplicem itaque amicitiam uno quasi solidabis & conservabis officio, tuam erga me, meam erga te, tuam atque meam erga L. Egnatium. Vide, ne tam splendidam bene merendi occasionem præmittas; quod te vehementer rogo.

22

Exemplum X. ex epist. 75. lib. ejusdem.

Perscripsi ante hos octo dies ad te de negotio amici, quod multis tibi nominibus tui commendatum: quamvis propter silentium hætenus tuum vix, quid sperare habeam, constet. Peccare in amicitiam nostram quodammodo viderer, si bis pererem a te, qui vel ad nutum solebas esse promptus. Cum vero sciam, tantis te distineri implicarique negotiis, ut facile non quidem amicitiae officia, sed illorum maturatione-

turationem, memoriae possint subripere, iterum mitto has meas, quae aurem tibi vellicent; praesertim cum C. Aviani Flacci amor me ad scribendum adegerit, cuius causa nihil non tentaverim, & mehercule debeo. Quod si in memoriam haec tibi revocare attinet, quae nescire te recens tempus non sinit, nosti quid praefens ego non solum tecum egerim, sed & quam tu mihi humanissime responderis. Nec poteram facile credere, abiisse tibi ex animo argumentum Epistolae, quam de eo accurate scripseram. Sed putavi tamen, me ejus commodis non vigilaturum, si aliquam scribendi occasionem praemitterem, frequentiam literarum vocans in subsidium commendationis. Non poteram deesse amico, cuius preces mihi sunt imperia: quamvis in suspicionem me a te adduci posse videar, quasi in dubium vocem eam, quam semper haecenus tam erga me, quam erga alios, exhibuisti, constantiam. Ignoscat tamen, si desideris amici occupatus, vehementius flagitem: quae & semper aequissima esse credidi, & tibi non ingrata.

Exemplum XI. Dilatationis enthymematicae ex Ep. 3.

23

lib. 13. ad Fam.

In hac multa enthymemata & argumenta coarctantur, ob quae commendari debeat Fufius Memmio. Epistola ita habet: *A. Fufium, unum ex meis intimis, observantissimum studiosissimumque nostri, eruditum hominem & summa humanitate tuaque amicitia dignissimum, velim ita tractes, ut mihi coram recepisti. Tam mihi gratum id erit, quam quod gratissimum. Ipsum praeterea summo officio & summa observantia tibi in perpetuum devinxeris.*

Habet illa Epistola octo argumenta, duo a persona Ciceronis, duo a persona 24 Fufii, quatuor a persona Memmii desumpta. Illa si singula Syllogistica forma proponantur, magnus apparatus argumentorum nascetur: si per suas partes, quas Rhethores tradunt, dilatetur, longe major apparatus erit. *Primum* argumentum est, quod sit unus ex intimis Ciceronis. Hinc talis Syllogismus: quicumque ex intimis meis est, illum praeter ceteris debeo commendare. Atqui Fufius &c. E. Majori propositioni potest addi alia ratio; nam amicorum commoda sunt mutua. Minori addatur ratio per comparisonem: nemo est inter amicos meos, cui plus fidam. Illustretur alia similitudine vel proverbio. Conclusio hic omitti potest, & ceteris omnibus argumentis subijci. *Alterum* argumentum est: qui studiosissimus nostri est, debet commendari, &c. Majoris ratio est: amor enim amorem provocat. Minoris: nulum officium, quod amicus amico praestare potuit, praetermisit. Addi potest illustrationis loco enumeratio. *Tertium* a persona Fufii; qui eruditus est, debet commendari. Majoris ratio est: eruditio enim omnium bonorum complexum habet, & per se jucunda est & honor illi debetur. Minoris ratio addi potest, quia omnibus eruditus se talem probavit. *Quartum* est: qui summe humanus est, commendari mereatur. Majoris ratio haec: humanitas enim vinculum est, quo homines inter se colligantur. Minoris: quod plurimos viros insignes sibi hac ratione devinxerit. Sequuntur argumenta a persona Memmii. *Quantum* est: qui amicitia tua dignus est, ille debet tibi commendari. Ratio Maj. delectum enim inter amicos habes. Min.

Rrr 2

Virtu-

Virtutes enim in illo sunt, quæ tibi in pretio, honestas & fides. *Sextum* est: qui promisit, se amicum suscepturum, ille servare debet. Majoris ratio; nam in eo versatur boni viri & amici fides. *Min:* nosti, quid nuper inter nos de illo actum fuerit. *Septimum* argumentum: quodcumque gratum amico amicus esse novit, præstare debet. Atqui Memmium sibi Fusium habere commendatum, gratum est Ciceroni amico, E. Majoris ratio hæc est a contrario: Si ignotos nobis conciliamus quacunque re, multo magis amicorum benevolentia conservanda est. Minoris ratio: nisi id gratum esset, non tam operose tantoque studio id a te contenderem. *Octavum* argumentum: qui novum amicum sibi parare potest, occasionem non debet præmittere. Majoris ratio: aucto amicorum numero, fortunas nostras augemus; nihil est ad vitam suaviter ducendam commodius: oblata occasio arripienda est. Illustratur simili: nemo thesaurum sibi sponte oblatum respuit. Minoris ratio: ipse ambit; ego illi me proxeneta fore pollicitus fui. Nos exemplum dilatactionis ex hac epistola proponemus.

- 25 *Esti non temere amicorum negotia turbare soleo, nunc tamen hanc mihi epistolam imperavit amor, quem virorum optimo, mi ex meis intimis, debeo, qui me parario tuam se exorare posse amicitiam sperat. Et sicut sane multa, quæ me inducunt, ut hoc ipsi officium denegandum non esse existimem. Nam cum mea causa ipsi cupio, tum tua; neque ipsius virtus contemptum habenda est, quæ vel majoribus theatris proponenda videbatur. Ac primo quidem ipso intimo amico fruor, quales tenerime amare solemus, inter quos præ ceteris mutua illa florere debent officia. Unus inter omnes amicos meos est, quem consiliorum socium omni-que cogitatione conjunctum habeo. Ac nosti, etiam inter amicos valere, quod vulgato verbo dicitur: multos esse laurigeros, paucos Phæbos: multos thyrsiferos, paucos Baccos. Multos quidem habui & nunc habeo, qui mecum loquuntur suavisime, quotidianas apud me salutes deponunt, verbis magnifici, lingua factiosi, inertes opera: neminem unquam, qui majori me observatione coluit, plusque beneficiorum in me cumulavit. Cui sane nisi memorem animi præstitero (provocat enim amorem amor, & trahuntur beneficia beneficiis) ingratum me hominem ac inofficiosum omnes, tuque ipse, cum tibi illa non sint incognita, dixeris. Verum non meo solum nomine ejusque in me meritis vestram metiri amicitiam volo. Satis in ipso virtutum est, quibus omnium hominum sibi favorem facile attraxerit. Nihil ipso fieri potest eruditius. Literis omnibus artibusque est instructus, quibus & per se bonos debetur, & omnium honorum complexus ac consociatio continetur. Omnibus sane viris doctis dudum se talem probavit, qualem mea tibi commendatione ornatum propono. Si suavitatem nosse hominis summamque humanitatem (quo nullum efficacius in hominum conciliatione vinculum est) nullam ad custodienda vite civilis munia præsidium paratius, rueres in amplexus hominis, qui omnes sibi cives officiis, obsequiis, studiis mirifice devinxit. Amabis itaque hunc hominem, quem amore dignum suæ virtutes declarant, quem tuæ sibi conciliare laborent. Si enim consilia tua sequi vis in delectu, quem inter amicos constitucere soles, nemo erit tuis moribus accommodatior, & te ipsum tuarque virtutes, & quicquid tibi charum ampliusque est, summam denique honestatem & fidem, quæ nihil acceptius in amicitia est, in ipso deprehendes. Meministi ipse, quos inter nos sermones de illo miscuerimus; quæ tu ipse mihi polli-*

*pollicitus fueris. Nihil vero tu etiam primoribus labris polliceri soles, quin promisso fidem subdas. Neque inter illos es, qui amicorum de amicis spernere iudicium solent: tuorum etiam voluntati obsequi honestas interdum iubet, si illi non honesta tantum, sed & utilia suaserint. Non ignoras, quam in prensandis ignotorum hominum amicitiiis seduli esse aliqui solcant & ambitiosi. Quo minus dubito, aequè te sollicitum fore, cum in mea conservanda, tum in illius, qui favorem tuum ambit, benevolentia arripienda, ut ille in tua sibi gratia paranda summo-
pere laborat. Nisi enim hoc mihi gratum esset, nisi ille tanto amicitie tuae desiderio flagra-
ret; non ego tam operose id a te contenderem, nec ille tam sollicitè & quasi cum convicio commendationem sui flagitaret. Denique si nihil te movet, illud moveat, quod amicum tibi novum paras, etiam antiquis illis antiquiorem tibi futurum. Nosti vero, quam amicorum accessionebus fortunas etiam nostras augere soleamus, quam nihil sit ad vitam suaviter duce-
dam commodius, si amicis, quasi fulcris quibusdam & praesidiis, res nostras muniamus. Quo te beatum fore minime dubito, si occasionem, quae tibi me paratio offertur, ut thesaurum, divina virgula oblatum, accipere non detrectaveris.*

Exemplum XII. quo e ligato in sermonem solutum convertitur
Epistola.

26

Est & hoc dignum tirone exercitium, ut poëticam orationem vinculis solvat, & ad orationis liberæ habitum efformet. Facillime hoc fit in Epistolis Horatianis, quæ versu quidem scriptæ, ita tamen, ut sermonibus videantur propiores. Si enim periodos aliter formes, atque illa immutes, quæ quodammodo numerum & diëtionem poëticam sapiunt, nullo negotio elegantem Epistolam in soluta lingua conficies: cui usui accommodatius erit, si aliquando formulas ex Cicerone paralle-
las congeras, quibus sensum eorum, quæ in Ciceronis Epistolis occurrunt, elegan-
ter varies. Idem quoque tentare poteris in Ovidianis Epistolis, quæ plus ha-
bent poëti, formularum tamen elegantia etiam cum Cicerone certant: quem pa-
rallelismum notavit Henricus Stephani in *Dissert. de Vario Epistolarum genere*. Ac pos-
sunt tales formulæ ex Epistolis poëticis inter reliqua etiam colligi, usui futuræ illi,
qui cum iudicio & delectu illis utitur. In Horatianis Epistolis præire nobis potest
Lubinus, qui perpetuam paraphrasin in Horatii Poëmata edidit. Sed is, quia sen-
sus verborum investigat, multaque circumscribere opus habet, quoniam paraphra-
sis est, & commentarii vice fungitur, non eam habet sermonis compositionem, quæ
convenit Epistolæ. * Nos exemplum proponemus ex *Epist. 9. lib. 1.* quæ est com-
mendatoria, sed quæ mira brevitate omnia ista comprehendit enthymemata, quæ
poterant afferri ad aliquem commendandum, quem potius coacti, quam sponte,
commendamus.

27

Quanti tu me facias, Claudii Nero, Septimius iunior intelligit. Vehementer enim rogavit, precibusque suis quasi cõgit, ut commendare se tibi ac tradere vellem, hominem nec ingenio tuo, nec domo tua, qui optimos eligere soles, indignum. Nam quoniam me propiori tibi junctum amicitia censet, facile quid apud te efficere valeam, ac me ipso qui-

dem novit accuratius. Multa quidem causabar; sed cum verendum mihi esset, ne data me opera extenuare amicitiam nostram putaret, tui favoris meaeque potentiae dissimulatorem, aut utilitatum amici incuriosum, ut sequi meas rectius possem, atque ita apud amicum in culpam incurrerem; perfricare frontem apud te malui, urbanorum more hominum, per impudentiam extorquens a te, quod modestia vel non poteram, vel non audebam. Quod si apud te violata modestie, amici causa, reus non tamen vituperor; rogatum te peramanter velim, ut in domesticorum tuorum numerum hominem bonum tibi, ut spero, ad omnia obsequia promptissimum recipere ne dedigneris.

CAP. XV.

SYLLOGE EXEMPLORVM,

Strictiore imitatione ex Epistolis Ciceronis, quas Melchior Junius
secundum omnia genera collegit, expressorum.

- §. 1. *Exempla imitationis strictioris ex Epistolis Ciceronianis, & quidem commendatoria.*
 2. cum alia ejus argumenti. 3. eadem variata. 4. 5. duae aliae ejus argumenti. 6. 7. cum responsoriis. 8. 9. petitoria. 10. eadem variata. 11. cum responsoria. 12. adhortatoria. 13. & responsoria. 14. 15. suaforia cum responsione. 16. 17. consultatoria cum respons. 18. 19. officiosa cum respons. 20. 21. conciliatoria cum respons. 22. consolatoria. 23. eadem amplius deducta. 24. 25. alia cum responsione. 26. gratulatoria. 27. 28. 29. eadem variata cum respons. 30. 31. eucharistica cum respons. 32. laudatoria. 33. reprehensoria. 34. 35. expostulatoria cum respons. 36. 37. querula cum respons. 38. 39. nunciatoria cum respons. 40. Imitatio quomodo instituenda. 41. est triplex. 42. puerilis imitationis ratio. 43. phrasium collectio. 44. earumque connexio juncto exemplo.

1 Epistola Commendatoria ex Epist. 9. lib. 6.

Nihil potest Agapeto nostro fieri jucundius, nihil nostri amantius. Quare ab ineunte aetate illum omnibus horis in oculis fero, complexu teneo, non ipsius tantum, sed & patris favore officiisque ad hominem illum arctius mihi jungendum incitatus. Mira in illo est eloquentiae vis; abundat praererea doctrinae incredibili varietate & copia; ut non tam mea commendatione, quam suis niti virtutibus possit, ac animis non irrepere tantum, sed & blanditiis studiisque suis rapere posse videatur. Nihil ergo, attinet, argumenta circumspi-
 cero

cere sollicitius, quibus favore tuo dignum esse ostendam. Plenam, ut puto, apud te merebitur fides nostra de illo homine, non opinio, sed existimatio: cui accedit imposita mihi quædam necessitas, ut ipsi bene cupere debeam, & res ejus, quoad fieri potest, ornare, ac salutem ejus tueri. Idem tibi apud omnes animus & eadem voluntas, qui amore tuo semper complecti soles notæ & expertæ fidei homines, artibus variis instructos, & ad Reip. munia tractanda adhibere. Quo magis etiam hunc Agapetum nostrum inter clientes tuos numerabis, qui non suis solum moribus suisque virtutibus commendatur, sed nostro præterea suffragio adjutus, apud te aliquo numero & loco haberi meretur. Curabis igitur hoc negotium, non ut alienum, sed ut meum, itaque tuum, quoniam ut mihi te cupere non ignoro, ita ejus hominis causa omnia, quæ potes, (potes autem omnia) te velle confido. De tuis omnibus officiis id mihi gratissimum fore credas velim, cui officia mea studiaque ad omnes bene merendi occasiones intenta, ipseque me, quantus quantus sum, & omnia mea obsequia commendo. Vale.

Alia commendatoria ex Epistola 16. lib. II. Cic. ad Famil. 2

Adeo te quidem impeditum tenent civilia officia, perpetuisque clientum incurvationibus, studiis, sermonibusque obsideris, ut non nisi per cuniculos obrepere tibi aulit hæc Epistola. Quare negotium hoc dedi fratri meo, ut molles aditus & mollia sandi tempora observans, attemperate tibi traderet has literas. Quemadmodum enim salutatores crebri & importuni obturbare solent; ita Epistolæ, non loco redditæ, vires, oculos, voluntatemque hominum occupatorum violant. Si vero ab rebus tuis gravissimis tantum est otii tibi, ut Epistolam hanc legere non dedigneris, si frater meus te nunc inficientem & vacuum deprehendit, facile me animum tuum expugnaturum confido. Agapetus noster sacro ordini initiari cupit, & Spartam Sacerdotis ambit; in ejus consuetudinem me penitus immerfi, non blanditiis assentationibusque illectus, sed virtute, doctrina, optimisque moribus. Quare illum in familiarissimis meis esse volui, ac multos jam eo utor annos. Nihil ergo mirum, si ejus causa & cupio & volo, quem existimationis meæ studiosissimum cupidissimumque esse scio. Illud etiam me non parum commoveret, quod homo ad omnia officia factus, difficillimo plane rerum nostrarum statu, eis sibi me beneficiis obstrinxit, ut, nisi apud me grati animi & fidelis memoria superesset, ἀχαριστίας mihi crimen subeundum sit, quod ego toto animo detestor & abhorreo. Quæ, cum in civium nostrorum sermonibus ac mentibus hæreant, an unquam ex animo meo discedat illorum memoria? ita ergo existimes velim, me petere munus sacrum. Quanquam enim Agapetum nostrum virtus sua commendat, & divinæ humanæque scientiæ cognitio profundior, tamen, quasi hæc non ita essent, meo potissimum impulsu, hoc negotium gerendum suscepi; ut si fortasse ipsi non est, a mea procuratore aliquod causæ acquisiti accedat momentum. Firmiter enim mihi persuadeo, habituras apud te aliquid ponderis preces meas: quanquam ratum pensumque nihil habes, nisi quod
justum

justum sanctumque est. Id tamen magis nunc curabis, cum a me tibi commendari videas: quem ut inter amicos tuos repones, ita desideria explere, quoad poteris, non gravaberis. Quoniam ergo in senatu & populo regnas, operam dabis, ut illorum plurimos Agapeto nostro conficias. Loquaciores, quam velim, sunt literæ meæ; ut solent esse, quæ in desideria & affectus se diffundunt. Finem igitur scribendi faciam, ubi hoc unum tibi ingessero, de innumerabilibus tuis in me officiis nullum mihi unquam fore gratus. Vale.

Eadem variata.

- 3 Cum tu semper sis occupatissimus, diesque omnes & horas in Reip. negotia impendas, in Reipublicæ cominoda peccare videbor, si te gravioribus intentum rebus literis meis avocare ausus fuerim. Ideo in mandatis illi dedi, qui has tibi traditurus est literas, ne te ex improvviso aggrediatur, sed mollia fandi tempora dispiciat, quibus te & alloquatur, & literas legendas exhibeat. Si enim recte te novi, non committes, ut conqueri de studiis officiisque tuis amici possint, qui rotas ad officia factus, nulla in re illorum desideriis deesse soles. Non fallar ergo spe & opinione mea, si literas meas attente perlegeris, atque omnia illa, quæ a te peto, facillime impetraturum me confido. Spartam Sacerdotis ambit atque petit noster. Habes rem totam, quæ me ad scribendum impulit, cujus mihi causæ nec leves, nec paucae sunt. Non ignoras ipse, quam sanctum amici nomen sit, cujus causa cupere vel leque omnia debemus, quæ quidem nostræ facultatis sunt. Fuit mihi vero cum hoc homine atque per longum usum quasi inveterata amicitia atque familiaritas, ut injuriam ille gravem interpretari possit, si in re, quæ maxime ad illum pertinet, destituerem. Conversatio mihi cum illo pene quotidiana est, qua ita oblector, ut omne mihi tempus acerbum existimem, quod sine illo transigendum est. Non attinet nunc memorare, quam ille in rebus meis curandis, ornandis ac juvandis, fuerit sollicitus, ut beneficiis ejus obstrictus, atque illi propemodum obnoxius vivam. Quæ me causa præ ceteris omnibus impellit, ut, quibus possum officiis, ipsi voluntatem meam declarem, ne tantorum beneficiorum memoriam plane exuisse videar, ac ingratorum hominum numero, qui recte de rebus judicant, me adscribant. Tu ergo Tibi non rem ipsam tantum, non Agapetum nostrum, sed & me ipsum Tibi propone, quasi ipse Spartam illam ambirem, teque ut mei causa sollicitus sis, rogarem. Nam, quanquam Agapetus noster aliena commendatione non indiget, iis ornatus virtutibus, quæ omnium facile ferire oculos possunt, quæque a nemine ignorantur; tamen, ut nunc sunt tempora, quibus ipsa quoque probitas Patrono indiget, ego omnem rem auspiciis meis agendam esse decrevi. Quod si ergo meus Tibi amor cordi est, de quo ego quoque minime dubitandum esse existimo, illum nunc erga me affectum ostende, ut desiderio Agapeti per tuum & auxilium & consilium satietur. Quod si te ea in re difficilem non præbueris, omnemque tuam industriam, fidem, curam in hoc negotio recte curando impenderis,

deris non Agapetum tantum æternum tibi devincies; sed & illam, quæ inter nos est, amicitiam novo quasi fulcimento firmabis.

Alia commendatoria, ex Epist. 17. lib. 13. qua Principi erudito
 Studiosus ad munus Scholasticum ab Academia
 commendatur. 4

Philomusum optimæ indolis, præclaræ spei, singularis industriæ juvenem, finu nostro fovimus, atque omni opera nostra, monitis, consiliis, præceptis ita percoluimus & expolvimus, ut neque nos laboris nostri, neque illum pænitere fructuum possit, quos ex conversatione ac familiaritate nostra percepit. Quare multis, quos Academia hæc alit, civibus unum hunc designavimus, quem amore nostro complecteremur, & consiliis commendationeque nostra ornaremus. Itaque cum spes illum teneret, fore, ut & apud Te, Princeps Serenissime, aliquo numero esset, si nobis in pretio fuisse intelligeres, sinceris virtutum in officina nostra educatarum testibus, ad Te viam affectavit, & Tua motus clementia & suo ductus consilio, quod ipsi probatur maxime; cum nobis non displicere intelligeret; qui ita ipsi cupimus, ut rem literariam in patria ab ipsius eruditione ornari magis cupiamus. Non ergo sollicitius argumenta circumspiciamus, quæ apud Te in gratiam illum ponant, cum ipsum per tot annos spectata probitas & eruditio ostendat omnibus, neque Virtus ejus tam sit obscura, ut nostra illa declaratione demum illucescat. Non ipsi hederam suspendimus, non laudibus illum cumulamur, quod assentatorum est, aut qui gratiam aliquam blanditiis suis aucupari volunt: sed, quod virorum bonorum est, & a nobis requiri poterat, viræ eruditionisque luculentissimum ipsi testimonium perhibemus: quo plus apud Te, prudentissimum rerum æstimatorem, perficiet, quam elogiorum emendicatis lenociniis. Cupit ille palæstræ Scholasticæ admoveri, non impar huic congressui Achilles: imo si rem recte putare velimus, πολεὼν ἀντάξιός ἄλλων suam ipse causam ager suis virtutibus. Quam nos de eo opinionem habemus, quod judicium, his literis testamur. Non ille majora viribus affectat, magna in illo ingenii vis, lacertos affert & latera, jam pridem ad hoc studiorum genus præparata. Tu vero, Princeps maxime, pro ingenii tui perspicacitate summa ita hæc definies, ut non tam nostro, quam tuo sterisse iudicio videaris: qui, quod in Principe rarum est, penetrare ista animi tui solertia potes. Cui si ille causam suam probaverit (probaturum autem auguramur) nullam ille vel rigidissimi censoris de se sententiam subterfugiet.

Alia commendatoria ex lib. 2. Epistola 6. 5

Nondum constante fama atque omnium fermone celebratum erat, te iter tuum ad urbem directurum, cum negotium villico dedi, ut has ad te perferret literas: sed tamen, cum propius te abesse ab urbe non incertis rumoribus spargeretur, comper-

rum vero haberem, dudum te commovisse Asia, tanta mihi molis res illa visa est, ut præmature factum dici non posset, si literæ ad te mitterentur, quas primo quoque tempore mitti rei necessitas efflagitabat, & ipse vehementer cupiebam. Quod si mea in te studia ac officia eo loco numeroque habentur, quo tu semper habes; soles enim summis ad cælum efferre laudibus, quæ ego vix humi repere contendendo, pudenter a te, si quæ magna negotia deposcenda essent, aliquid per literas flagitarem. Perinde commode enim accidit illis, ac non parum sollicitos habet, qui eos, ad quos scribunt, a se beneficii affectos existimant. Armatae enim illæ preces sunt, & qui ita petunt, vim potius inferre modestiæ ac pudori alterius, quam precario, & leniter, & bonis verbis petere videntur. Nam remunerationem officiorum expectant, & merita meritis compensari volunt. Quoniam vero beneficia in me tua nemini sunt obscura, adeoque in ipsa luce in oculis omnium versantur, estque liberalis ingenii, illi, cui accepta multa fers, ferre plura, non habui ambiguum, a te per literas contendere, in quo omnia experiri necessitas quædam cogit. Maxime quidem illustria atque insignia tua sunt merita, quibus a te devinctus ornatusque immoderata quadam profusione sum: quo enim non studio magnificentiæ prolaberis supra fortis tuæ mensuram? sic tamen mea fert opinio, superari me beneficiis tuis, utut innumerabilibus, utut amplissimis, non posse, humerosque nostros oneri tuo ferendo pares futuros. Sed non parum certe facultate mea confusus, omnia favoris tui argumenta in me cumulari patior, quorum velut semina voluntas mea concipiat, largiore aliquando proventu refundenda. Quocunque me animo & cogitatione convertō, Reipublicæ nostræ mecum commentor statum: & quoniam instat consulatus mutatio, in eam deductus sum cogitationem, neminem dignius, quam Milonem, Remp. sustinere posse. Existimo enim, nullam meam operam esse tantam, quæ ipsi non debeat impendi, aliquam etiam pietatis rationem habendam esse. Nemo unus est, qui vehementius de eo laborer, aut honori ejus inserviat magis, quam ego; neque unquam mihi pensi quicquam erit, quam si toto pectore ad illum ornandum incumbere possim. Magni enim tum ad decus, tum ad fortunas meas, interest. Hujus tamen totius negotii conditor, ut intelligo, esse poteris, modo id præstare in animum induxeris. Quoniam enim unus illa potes, in te omnes nostras spes habemus; neque quenquam ministrum, socium, adiutorem habebimus. Multa se nobis dant ad manum argumenta, quæ quasi prora sunt & puppis spei nostræ obtinendæ. Firmissima benevolentia bonorum hominum muniti sumus, in quorum animos influxit, me ex Tribunatu illi januam quasi patefaciente; ut spero, te habere cognitum. Non desunt nobis benignitates plebis, in quam ille se pene totum profudit, benigno alloquio, comitate, invitando, beneficiisque, quos poterat, sibi conciliando. Habet juvenes genere nobiles, ingenio promptos, gratia florentissimos, sibi devinctos. In omni enim officiorum genere eminet ac præfulget in ipso decori ac honesti dignitas. Adest ipsi præter aliorum parata mea quoque suffragatio: nec deerunt forte, qui auctoritatem meam sequentur. Quanquam enim ipse habeo exiguam efficiendi facultatem; tamen, quia optima at-

que

que æquissima suadeo, & publicæ rationes postulant, ut quædam necessitas rei sit imposita, credo omnes libenter sententiam meam amplexuros. Deest consiliorum nostrorum architectus quidam & machinator, quem te designavimus, in quo quasi prærogativam suffragiorum omnem esse existimavimus. Nemo unus est, qui tecum æquari conferrique possit, ut in te quasi corpus unum & consilium totius Senatus esse videatur. Quod si memoria hæc referenda gratia jucunda est, si me bonum, sapientem, & civilis officii non ignarum, atque ex eo dignum judicas, apud quem beneficium ponas, justam rem & facile oratam a te esse volo, ut hac me sollicitudine liberes, hujus gloriæ cupidum foveas atque sustentas, & conspiratione consensuque tuo ad eum decorandum incumbas. De ipso amico affirmate tibi promitto, si ad ejus amicitiam aggregare te dignatus fueris, non temere habiturum, in quo æquari eniteat virtus, modestia, æquitas, altitudo animi, quique honoris tui studiosior cupidiorque futurus sit. In me vero non parum honorum cumulaveris, ut tum demum cognitissimum habiturus sim, eundem te fuisse in laude mea prorganda & extendenda, qui fueris in salute conservanda. Ego nisi testatum tibi scivissem, cum has ad te literas darem, quam maximis beneficii vinculis obstrictus Miloni sim, quam mihi omnes machinæ sint adhibendæ, quam mihi præfulcienda atque præmunienda sint amico studia, quam omni opera, cura, diligentia in hoc incumbendum sit; crebrioribus te literis appellassem. Nunc tibi negotium omne & totum hunc hominem trado de manu in manum, omniaque, quæ nobis chara atque ampla sunt, in fidem & patrocinium tuum collata volo. Unum hoc tibi declaro, si a tua virtute perfectum hoc sit negotium, majoribus beneficii vinculis tibi, quam Miloni, obstrictus ero. Non enim mihi tam incolumitas mea ac salutis conservatio cordi est, quam me referendæ gratiæ voluntas delectat; cujus mihi gratæ æstimatio animo residet. Cujus ut voti compos fiam, tu ex omnibus unus facile præstabis. Vale.

Responsorialia ad commendatoriam Studiosi ex Ep. II. lib. 5. 6

Mirificus tu semper officiorum meorum præco es, atque in ipsis ornandis adeo effusus, ut jam placere mihi ista incipiant, postquam tua interpretatione studioque semper fiunt ampliora. Itaque nihil miror, pro nuperrimo beneficio meo, quantum illud etiam est, tantum mihi gratiarum reponi. Gratissimum enim te semper fuisse comperi, eamque animi virtutem, quam tu cumulatissime semper præstitisti, quibus possum, laudibus efferre non desutam. Ferream mihi frontem oportet esse, nisi amoris illius stimulis moverer, animumque in te pronum summisque studiis propensum ostenderem. Quod ut faciam, nullam patiar elabi e manibus occasionem, omnes ipse circumspiciam. Quare *ταῦν ἀποφών* amplexus fui, quod mihi suppeditasti bene de amico tuo merendi documentum. Vix degustaveram literas tuas, ac statim misi ad hominem, si quid esset, qua in re commodare ipsi possem, nihil me omisurum in rebus ipsius & negotiis tractandis; sed omnem industriam, omnes animi vires impensurum. Quare ad ipsum scribas velim, moneasque, ut ille mihi

adfit frequens saluator, sollicitet, interpellat, nullamque rem adeo gravem existimet, quam ego non ipsius causa confecturus sim, si virium illa mearum sit & facultatis. Voluntatem certe meam semper sibi habebit obnoxiam: neque enim mihi quicquam gratus esse poterit, quam si (quod vulgari verbo ajunt) de una fidelia duos possim dealbare parietes, uno scilicet officio & novum parare, & veterem confirmare amicum. Vale.

7 Responsoria ad Commendatoriam, sub primarii Senatoris persona, modeste se excusantis, quod in petitione magistratus juvare illum nequeat, ex Ep. 2. lib. 10. ad Famil.

Male sit morbo illi, qui me lecto affixum tenuit, prohibuitque, ne in Senatum venirem, cum tua ageretur causa: cui ego me totum impendere ut voluerim, ita non licuisse, ægre fero: neque tam male habuit ipse morbus meus, quam quod segnior nunc in amici negotiis tractandis videor. Neque fane res vel me præsentem omnino confecta fuisset: scis enim, quam suspectæ æmulis voces meæ, quam illi mea judicia non tacite tantum convellant, ac libidine quadam in transversum rapti, vim veritatis negligant; modo in alia omnia abeant, & ægre mihi faciant, cujus honestior videri poterat oratio. Nemo secum reputat, quid tua vel aliorum virtus mereatur; vel favoribus omnia patent vel nummis; virtus omnis post favorem & nummos est. Et religio mihi forte fuisset, tot hominum perverse sentientium judicio te exponere; a quibus si repulsus fuisses, existimationi tuæ labe meo jumento adducta fuisset. Vitio itaque mihi non vertes, si in tua re expediunda omnia adjecerim consilia, vel ad publica consilia vocatus. Si quæ res sunt privatæ, quibus operam meam destinasti, impera quidvis, in tua me potestate fore confirmo. Neque in publicis tibi unquam deero, modo ipse non turbem negotium, cujus conficiendi securior per alios via est: ad tuam enim utilitatem omnia refero, eoque consilia mea dirigo, ne salutis tuæ obstant, cum tu profutura existimas, de mea vel dignitate vel commodo parum sollicitus. Rectius itaque, me judice, facies, si cogitationem omnem de Sparta hac obtinenda abjeceris, & in aliam, quæ ultro tibi offertur, animum tuum converteris. Vale.

8 Petitoria, qua a Patrono commendationem petimus ad Principem, pro Sparta aliqua obtinenda, ex Ep. 30. lib. 7.

Ut nullam diem sine linea abire Apelles volebat; ita tu nullum sine literis perscriptis tabellarium. Multæ inter nos magnæque intercedunt officiorum rationes, quas nunquam adeo accurate subduxeris, quin potissima in acceptis meis referre sit necesse: quibus ego solvendis si par non sum, addico me tibi ex aere tuo mancipium, quo utaris fruarisque, prout commodum tibi visum fuerit. Tui enim beneficii res est, quod aliquo loco sumus, quod in luce hominum sermonibusque ver-

versamur. Quod placere viris doctis, & quidem eorum principibus possumus; a tua autoritate procedit. Quando ergo nos semel reddidisti tibi obnoxios, adde superioribus tuis beneficiis unum hoc maximumque, ut tua commendatione innotescamus Viro illi magno, quem omnes suspiciunt, admirantur, in cælum evehunt laudibus, si qua tibi ulla homuncionis hujus cura est. Hac me ambitione laborare non diffiteor, ut Viro illi placere incredibiliter cupiam. Quæ si in me non reprehendenda est penitus, tu facies commendatione tua, ut voto hoc nostro fruamur; qui & apud illum in gratiam me ponere potes, & quod ab amico sperare licet, cupis. Nullum mihi beneficio tuo majus obtingere potest, gratulabimurque nobis, si per te impetraverimus, quod tam anxie a nobis quæsitum est. Dabimus vicissim operam, ne in ingratum hominem tot merita tua collata esse videantur.

Alia petitoria, ex Epist. 20. lib. 15. qua quis Amicum,
per Galliam & Italiam peregrinantem, petit,
ut sæpius scribat. 9

Ersi juxta cum ignarissimis scio, quo in loco te deprehensuræ sint meæ literæ, jam κοσμοπολίτην, toroque cælo, totque terris a me disjunctum, dedi tamen Agapeto nostro, ut non illas tantum tibi afferrer, sed & librum, quem nuper in lucem misimus. Quod si ergo ipsi tam felici esse licet, ut in te incidat, habe hoc amoris nostri monumentum, lege, cense, & quid tibi super hoc argumento videbitur, rescribe. Tuas enim literas, ut diuturnam explere sitim cupiens, exspecto, quas cum tu promiseris frequentissimas, adeo malum nunc nomen es, ut totus obmutescas. Sunt vero causæ & graves & multæ, quæ te potius ad scribendum lacessant, quam me, qui excusatus ero, si frequentius etiam scribenti tardius respondeam. Nusquam tu certo loco consistis, arque eo, quorsum te impellunt vel repentina vota & desideria, vel occasiones temporum & locorum, itinera tua dirigis; cum hic ego patriæ, domui, imo parietibus affixus & libris, exspectare semper possim, unde tuæ ad me advolent literæ. Quod si hoc tibi contemnendum videtur, tantine apud te patriæ amor est & cognatorum tuorum, ut eorum memoria tibi obversetur animo, ut aurem vellicer; de quibus omnibus certior fieri non nisi literis meis potes? accedunt denique tua negotia, quæ fidei meæ commendasti: de iis certe explorare te convénit, utrum feliciter cudentur, an segnius expediantur, si molestum tibi est, novis exterarum rerum deliciis animum earum cupidissimum pascere. Quod facere tamen solent amici, tam exiguo certe officio non difficiles futuri, ut necessariorum integram sibi amicitiam conservent. Illud movere te quoque poterat, nos tui studiosissimos tuæ salutis causa angere, ne te forte aliqua, ut fieri solet in itinere, pericula circumveniant, aut ex incommodis cæli peregrini valetudo tua aliquid detrimenti capiat. Qua ut nos sollicitudine liberes, tibi omnino danda est opera. Quare si nos amas, scribe, & ita scribe, ut literas a te habeamus non jejunas ac strigofas, sed frequentissimas, & rerum novarum plenissimas: quas si preces nostras aspernaris, etiam cum convicio pro jure meo & necessitudine nostra efflagito.

Eadem Epistola variata.

Quæ ego nuper edidi Schediasmata, ad te jam recta tendunt, ipsa in via, antequam Luteriam devenies, deprehensura, quod non crediderim, nimis festines. Nactus hominem idoneum, cui recte dare poteram, volui te quoque participem rerum mearum facere, si quid in illis esset, quod tibi non ingratum, vel quo alios mihi conciliare amicos posses. Fateor enim, hac me duci gloria, ut tenentur plerique, qui in literario hoc pulvere defudant, ut innotescere cupiam Viris doctis, quod fieri nunc te paratio potest, qui in Galliis, velut in patentissimo totius orbis literati theatro nunc versaris; sed illa rerum mearum cura levior est, quam ut earum gratia te interpellem: majus est, quod nunc excruciat sollicitumque habet, tui scilicet desiderium, cujus igniculi tantum abest ut absentia tua sint extincti, ut potius in flammam erumpant, tuique memorem semper animum consumant, nisi literis tuis subinde refocilletur: quas frequentiores ad me ut mittas, peto. Multæ etenim causæ sunt, quæ ad scribendum te impellere debent, meque excusent, si paulatim ab hoc officio sim remissior. Tu itinera semper lenta & minuta conficis, incertumque est, in ista percurstatione terrarum, ubi literæ te meæ sint deprehensuræ. Ne itaque inanis mihi labor sumendus sit, rectius facies, si de rerum tuarum statu me feceris certior, quocunque in loco vixeris. Neque enim fallere possunt tabellarii, ac tenet me mira rerum novarum cupiditas, cum tibi quotidie se offerant, tam in re civili, quam in literaria, quæ scire mea intersit. Sunt præterea multa alia, quæ domi tibi præstare possum officia, quibus cum ego occupor, ita urgeor, ut parum mihi ad literas scribendas temporis super sit; quod deesse tibi in istis peregrinationibus nequit. Quid enim facilius, quid honestius, quam otia sua amicis impendere, quæ ne quidem laboriosa tibi esse possunt, etiam cum integros epistolarum libros ad me miseris. Ut enim indefesso nunquam deest discendi argumentum, ita scribendi occasio nunquam potest esse injucunda. Nunc hæc primo ex te cupio cognoscere, quid novi moliat Rex Galliarum, quorsum fulmina sua missurus sit ille Jupiter. Nos enim, qui procul ab hoc Jove sumus, non procul sumus ab ejus fulmine. Tu certe, qui propior es, minus pertimescis. Quod si quæ alia sunt, quæ ad Remp. pertinent, scribe, ut, quo statu nos simus, quid metuere, quid sperare habeamus, existimare possimus. Tuæ mihi literæ erunt pro oraculis, & in illorum fide acquiescam. Vale, tuumque amorem nobis integrum conserva.

**11 Responsorialia ad petitoriam amici, qui opem nostram atque auxilium imploraverat in lite de honore suo cum aliquo suscepta,
ex Ep. 6. lib. II.**

Venit ad nos Agapetus noster, homo diligentissimus tuique studiosissimus ac tuas mihi literas obtulit, quibus negotium tuum forense mihi commendas, opemque meam ea in re sollicitas. Arripui ego hanc bene merendi de te occasionem
amb-

ambabus, quod ajunt, manibus. Neque enim quicquam gratius acciderē potest, quam si rebus tuis utilem præstare operam possum; quas ita ad me pertinere persuadeas tibi velim, quam si meum in illis commodum unice versetur. Ideoque cum causas haberem & graves & multas, ne in Senatum venirem, cum tua causa disceperetur: scis enim, quæ mihi cum nonnullis adversaria sit: tamen mutavi consilium, cum tua causa quidvis me cupere & debere fas esset, ne per meam absentiam tuæ existimationi periculum aliquod excitaretur, si in lite tua dirimenda aliquid temere cupideque a nonnullis decerneretur. Nosti enim, quanta sit animorum immoderatio apud homines, qui vel jura sibi esse nata negant, vel eorum rudes sunt & ignari; quo hominum genere nihil est injustius. Mature ergo, & veluti *Θεός από μηχανής* consiliis quorundam interveni, tuisque partibus adjunxi homines prudentissimos tuique amantes: quorum solertia factum est, ut in causa hac superior esses. Verum nolo hæc tibi in os ingerere, aut mea prædicare beneficia: ipse, qui literas tuas reddidit Agapetus, cum viderit, quæ tua causa egerim, omnia narrabit. Neque deerunt alii tibi amici, qui hæc ad te perscribant. Illud exploratum habes velim, me totum in tua potestate esse, omniaque facere, & porro facturum, quæ ad decus & fortunas tuas-augendas pertinere intellexero. Quo studio, etsi plures tibi habes addictos, id tamen operam dabo, ut summum & dignitatis & gratiæ inter amicos tuos tenere gradum possim. Vale.

Adhortatoria, qua aliquis ex Ordinibus Status Belgici Collegam 12
hortatur ad Remp. mascule defendendam, ex Ep. 3. lib. 10. cujus
fusior amplificatio cap. 14. n. 20. data est.

Nullæ me magis recreant deliciæ, quam tuæ literæ; quæ rarius ad nos veniunt, cum mitti subinde soleant. Forsitan in luto hærent cum suis tabellariis, quo viæ omnes nunc pene intercluduntur; vel naufragio terrestri perierunt, immisso omnibus campis Neptuno. Quare me vehementer tua causa sollicitum opportune refocillarunt sermones, quos cum Arnolde ad nos revertente de te habui, & plurimos & pergratos. — Prædicabamus uterque virtutes tuas, quibus nihil potest fieri præclarius; prudentiam per omnia rerum momenta diffusam, suavitatem tuam incredibilem, quæ tamen a gravissimis moribus non deflecteret, quodque omnium mihi gratissimum est, amicitiam tuam jam ab ineunte ætate tot experimentis spectatam, tot testibus confirmatam. Quibus de causis nisi tibi cuperem, bipedum essem perditissimus, ab omni bona mente honestatisque studio derelictus. Amor ergo meus impulit, ut ad te scriberem; & quoniam omnia summa tum opibus, tum prudentia in Rep. complecteris, animum tibi meum declarare volui, cum ipse tibi & per te Reipubl. bene prospectum vellem. Sic enim existimo, neque me faller, ut arbitror, opinio, eodem abs te animo, quo abs me profecta sunt, accipi debere, neque ob summam virtutem æquitatemque tuam vel suspicari sinistram mentem possum. Vides, quid afflictæ patriæ tempora requirant, quæ illi spes, quæ res, quam
miseræ

miseræ sint, quem illa velut e machina Deum expectet. Tu vero vivis publico bono, in te ora convertunt omnes, in te velut in anchora sacra confidunt; nec putō, falli illos opinione sua, modo tu præstes, ne spe sua dejiciantur. Nosti optime, quid hætenus in tuam virtutem injurii rnmusculorum sparserint nebulones nonnulli, quasi scilicet negligentius salutem publicam tractaveris, parumque pensi habueris, an staret cadererve Resp. Illis ego os, quories tulit occasio, obturavi; neque persuadere mihi possum, in re vel minima fuisse abs te peccatum, qui animum habes ad temporum & fortunæ fulmina jamdudum obfirmatum; aut si quicquam remissius egisti, servasse te puto vires integras & latera Reip. ruinam minitanti, alio tempore magis profutura. Nunc ergo cum in illum statum res nostræ sint deductæ, ut spei vix locus relictus sit, foris nos vellicante Gallo, domi insidias struentibus Catilinis, animum tuum extende, exprome istorum consiliorum thesauros, atque in id curam cogitationemque impende, qua arte averti a Rep. extrema possint pericula. Hæc tibi, ut est ad Reip. salutem honestissima, ita unica ad tuam gloriam, via. Nisi publico amore ductus hæc scriberem, vix excusari posset mea audacia. Nunc vero cum his stimulis agitatam me ipse sentire possis, da operam, ut iidem a tuo ingenio profecti te fortius incendant stimuli; quo dignitatem, quæ per se summa est, tam præclara occasione ad posteros, & ultra omnia secula extollas. Vale.

Responsorio ad priorem epistolam, ex Ep. 4. lib. 10.

Ita plane est, ut scribis; viæ omnes interclusæ sunt, neque quisquam ad vos excurrere tabellarius per has viarum molestias potest, quo factum est, ut fíleat inter nos literarum commercium, quod nullo tempore mihi tecum potest esse ingratum. Nihil enim profecto est, quod tui causa subire nolim: patent tibi mea officia, totus ego tuus sum, & in tui amorem tot me impellunt causæ, ut vel sine literis tuis nominis tui memoria mihi semper in animo hæreat, imo plane ob oculos merita tua versentur. De mea itaque fide ne dubites, rogo, qui in te colendo patriam mihi constituerim sanctitatem: parebo tuis consiliis, quæ ut sunt prudentiæ plenissima, ita affectum tuum omnibus numeris absolutum testantur. In utroque te admiror, qui, ut amorem mihi tuum declarares, prudentissimo consilio subvenisti; ut prudentiam ostenderes, bonæ voluntatis quasi nuntio atque interprete usus fuisti. A me ipso, imo a bona mente abirem, si tuis ego monitis locum non relinquerem; ideoque vel sola voluntatis tuæ declaratio animum nutantem confirmaret. At veronihil dubito, nulla in re hæreo, eodem spes voraque mea collineant, quo tu respiciendum esse putasti. Quid autem esset, cujus gratia ab hoc proposito me paterer dimoveri? dudum ego tot fortunæ beneficiis mactatus, cujus ego favorem ambiam? cujus lucri spes me illiciat? qui cum semper mihi honorem propositum habuerim, unum hoc bonæ famæ beneficium rebus meis addi posse sperem. Quicquid itaque meis movere poterō viribus, id ut Reip. bono fiat, omnem operam curamque impendam. Scis, quanta sit sensuum & animorum nostrorum conspiratio: nam vel absentem videre mihi

mihi videor, ac audire salutaria instillantem præcepta, quæ quidem adeo tenaciter animo meo insident, ut in tuis torus habitare consiliis videar. Infanæ plebis rumusculos, non est, ut cures; non norunt illi, quid intus geratur, & secundum speciem rerum judicant, earum vero abditas causas non percurrunt. Videbis aliquando, me rem omnem ita gessisse, ut non sit, de quo reprehendere me jure possis. Ego certe nihil impensius cupio, quam ut tibi Virisque bonis mea placeant studia; placebunt autem, si Reip. illa sunt salutaria, & mihi ipsi non ingloria, qui post Reip. bona meo & amicorum honori secundas tribui. Vale.

Suasoria ad aliquem Reip. causa absentem, ut reditum in patriam maturet, Epist. 10. lib. 4.

14

Quandoquidem apud nos silent omnia, dum ubique regnat armorum strepitus, atque adeo omnibus bonis hominibus obturatum os est, quas a me literis expectes, nisi miseriarum plenas, & quotidianæ calamitatis commemoratione querulas? Sed ne has quidem opus esset scribere, cum propedim oculatum te hujus scenæ spectatorem fore inaudivimus. Quoniam vero ad te noster proficiscitur Theophilus, non sine literis meis dimittere volui, ut has tanquam monitricas haberes, quæ de reditu in patriam maturando injicere cogitationes possent. Nemo in tota urbe est, qui desiderium tui amplius ferat: implorat opem tuam ipsa Resp. atque ipsa hæc Senatus subsellia alta voce te inclamare videntur. Venies ergo, si me amas, si Rempublicam, si patriam non odisti, quæ tuo nunc indiget consilio: neque obices tibi poni ab amicis potius patieris aut a negotiis non adeo necessariis; plura sunt domi custodienda, quam foris recuperanda. Non desunt forte hic, qui oculos tuos non ferunt, qui tamen absentiam in suum vertunt commodum. Non est, ut illorum suspicionibus & cavillationibus movearis. Tu potius id age, quod agendum tibi esse, ipsa honestas, ipsa officii ratio clamitat. Quod si & rei familiaris curam non abjecisti omnem, etiam illa te movere poterit, & domum pertrahere. Ego certe mearum partium esse ratus sum, ut tibi statum nostrum proponerem, ut consilia ipse cum nobis capias, quid afflictis his temporibus nobis omnibus sit agendum. Vale itaque, & si potes, advola.

Responsorialia ad Suasoriam de reditu, ex Ep. 4. lib. II.

15

Frustra sim, si, quod alii facere solent, fucatis verborum lenociniis tua in me officia collaudem: faciant, qui per cuniculos & blandimenta favorem tuum ambiunt. Res ipsa certe loquitur, quo me amore semper complexus fueris, quæ propria tibi perpetuaque fuerint adversus me studia. Immo, si recte te novi, ingrata auribus tuis accidit illa beneficiorum tuorum commemoratio: quæ etsi sunt cumulatifima, & mihi quotidie ante oculos versantur, tu tamen tegi illa mavis, quam in publicum produci. Ostendisti sane non ita pridem singularem in me monendo affectum, pro salute mea excubans, etiam cum ipse non animadverto, & negotiis peregrinis

Tomus I.

T t t

immer-

immergor. Suades reditum in patriam iis argumentis, a quibus discrepare mea consilia neutiquam poterunt. Certe si aliter sentirem, reprimere me tua admonitio deberet; si dubitarem, hortatio impellere. Tu scilicet unus es, qui mihi cupiat, unice inter tot meos propinquos & necessarios, qui vix ad anum admittunt mea negotia, suisque potius commodis intenti, a me meisque fortunis oculos deiciunt. Rara profecto illa fidei & benevolentiae exempla sunt, eoque gratiore animo recolenda. Nihil itaque cunctatus, arripui monitu tuo itineris consilia, & quam primum caelo ficiore viae complanabuntur, hinc discedam, propediem, ut spero, vos firmos valentesque visurus. Me interim, usque dum veniam, meritum ac virtutum tuarum pascet memoria; quas, ut animo meo propositas semper habeo, ita tacitus nunc quidem veneror; sed dabitur, quod spero, aliquando occasio, qua affectum tibi meum fortunae felicitatisque tuae sitientissimum declarem.

16 Consultatoria, qua consilium damus amico, quid tempore belli in summa rerum perturbatione faciendum: ex Epist. 14.
lib. 14. Cic. ad Famil.

Tot tantisque documentis animus tibi constat meus, ut nulla in re dubitare de fide ac amore meo possis; neque enim mihi tam ipsa salus cordi est, quam mihi est vestra, hoc praecipue tempore, quo summa vobis imminet atque extrema pericula. Increbescit de adventante exercitu fama, eaque vobis non obscure minatur. Ac vereor sane, ne superveniat vobis illa tempestas, velut ex improvviso fulmina in caput vestrum excussura: circumspicietis, si sapitis, effugia, ut elabi aliquo commode possitis; nisi intercludant vos atque circumveniant, quod vereor, difficultates, quales metuere omnes possimus. Quo in statu res vestrae sint, ipsi, ut opinor, non ignoratis, & hostis fortasse melius, quam vos ipsi, novit. Facile enim vel e sinu vestro vobis fieri possunt insidiae, jugulum libertatis vestrae petiturae. Quam gravia illa pericula viris honestis sint futura, facile vos ipsi intelligitis. Quis enim modus adsit hostili furori, per omnia impune grassanti, atque internecionem ipsam intentanti? in ipso vestigio capienda vobis non solum sunt consilia, sed & in effectum deducenda. Si quid mearum opum rerumque est, quibus indigetis, nihil in me pariat desiderari. Quod si mature effugere hanc procellam animus est, mecum esse bellissime potestis, & securo in loco spectare strepitum & turbas ferocientis militis. Sin locum tenere & expectare fortunam vestram animus, id operam date, ut illum praesentem semper habeatis, & ad quoscunque casus obfirmatum. Erunt, qui consilio suo etiam vos juvent, cognati mei, habetis etiam sortis vestrae socios, viros graves, omnique rerum palaestra exercitatos: ad hos respicite, & quomodocunque res ceciderint, virtutem constantiamque vobis dignam ostendere. Vale.

Respon-

• Responsoria ad Consultatorium, ex Epist. 2. lib. 4.

17

Ut nunquam mihi tuæ literæ sunt ingratae, ita difficillimo hoc tempore, ut diurnam explere sitim cupienti, venerunt. Verebar enim, ne rebus tuis jam fluctuantibus animo concideres, & quid consilii tibi capiendum sit, ignorares. Dum de his cogitamus, mutuosque cum amicis sermones cædimus, tanquam lupus in fabula venit epistola tua, quæ te in his difficultatibus lupum tenere auribus nunciabat. A me itaque consilium experis? sed quod? nam & me ipsa mens in his turbis destituit, atque omnia etiam pejora veretur. Certe vel cum gladiatoribus in arena illud capere vix licet: major enim & propior vis mali est, quam ut locum relinquat humanæ prudentiæ. Quod enim illis contingit, qui medio in mari ac immani & subita procella deprehensi, non velum mature complicare aut ventis subducere possunt, non clavum alio flectere; sed irruente aquarum & turbinum impetu in naufragium præcipitantur: idem nobis in hac calamitate evenire videmus. Sola itaque in Deo & in animo forti spes posita erit; vel si in fuga præsidium esse potest, e vestigio vobis discedendum est & evolandum in loca vicina & munita. Quod etsi sine magna bonorum jactura non fit, tamen nihili hæc habenda sunt, & in lucro deputandum, si vitam, si salutem, si conjugem liberosque salvos exportare possis. Noli itaque morasnectere, sed id primum tibi nunc esse puta, abire in tempore. Si quid officiis meis, consiliis, opibus, re denique ipsa juvare poterō, id ab amico exspectes velim. Vale.

Officiosa ex Epistola 29. lib. 10. Cic. ad Famil.

18

Cum de fortunæ tuæ iniquitate ad me perlatum esset, Amice suavissime, ita tuo ego malo percussus fui, ut meo non potuerim magis moveri. Sumpsi itaque in manus calamum, & has amoris mei testes literas ad te exaravi, quibus animum tuæ salutis cupidissimum tibi declararem, & me non secundis tantum rebus tuis; sed & adversis, & pene everfis, amicum ostenderem. Nihil mihi erit tam carum e fortunæ beneficiis, quin partiri illud cum amico in extrema necessitate velim: depromentur tuæ saluti omnia, erogabuntur pecuniæ, quot quantasque jussis; quicquid literis, officiis, studiis denique meis, commendatione apud alios amicos, efficere poterō, id in tui gratiam a me fiet omnino. Nam etsi non desunt, qui de officiorum gloria mecum contendunt: habuisti enim (an nunc habeas, ipse noveris) amicos & plurimos & necessitate tibi conjunctos; me tamen hac laborare laudabili ambitione credas velim, ut in iis appetam principatum, neque a quoquam me vinci patiar, ad utriusque fortunæ vultus idem semper & *τεταράγυνες*. Quam animi constantiam si exspectare etiam ab aliis potes, ut solent pauci admodum esse fortunæ iniquioris comites; in hac tamen calamitate felicem te prædicabo, qui, opibus ereptis, quas largior fortunæ manus tribuerat, in amicorum præsidio nunc potes confidere, & in sinu eorum conquiescere. Me certe quam cumulatissime amici partes impleturum, neque unquam a veteri illo animo, quem adversus te tuosque habui, discessurum promitto. Vale.

T t t 2

Respon-

Responsorialia ad Officiosam, ex lib. 10. Epist. II.

Obruor tuorum officiorum cumulo, ut, quid primum postremumve laudem, non inveniam. Singulis enim me reddidisti tibi obnoxium, atque ita tuum, ut & possessione & usu tibi videar mancipandus. Falleris, si gratias a me expectas; tanta enim tua sunt beneficia, ut me elinguem reddant, & in eorum cogitatione tantum, cum verba mihi hæreant, defixum. Quid enim ad beneficium tuum hoc addi potest? cum enim a me fugerent amici, trepidarent omnes, qui mihi erant conjunctissimi, tu solus te salutem meam impendisti, & cum timide in medium consulerent nonnulli, tu tamen in me juvando principatum tenuisti. De fortunis, de vita, de dignitate mea decernendum erat, iis tuo beneficio fruor intactis atque intemeratis. Intervenisti enim, ut e machina Deus, eo tempore, quo minime expectabam, eo loco, quo tua autoritas unico mihi fuit præsidio. Quasi si mecum reputo omnia, parum ego fecisse videbor, si vel vitam ipsam pro te profudero. Nihil est meorum officiorum, quanta etiam illa sint, quibus ullam meritum tuorum partem mihi videar affecutus. De eo sane animi angor, vivendum atque moriendum mihi esse ingrato. Tu vero, quæ tua benignitas est, animum hunc potius nostrum respicies, quam ullam bene de te merendi facultatem, divini in eo Numinis bonitatem imitatus, cum ita omnes virtutibus tuis supergrediaris, ut tenuibus etiam officiis solaque virtutum tuarum memoria & prædicatione tibi satisfactum putes. Vale.

Conciliatoria, ex Epist. 17. lib. 6. Cic. ad Famil.

Nulla mihi dies abit, quin de te cogitem: ita animum meum occupasti nominis tui memoria, ut tum demum suaviter me vivere putem, si tua mihi obversetur imago, ut summe humani, ita summe docti hominis, & paterna etiam necessitudine mihi conjuncti. Sed ego propioribus malo causis tuam ambire amicitiam & favorem, quam longinquis illis, & quæ mihi cum pluribus esse possunt communes. Scilicet ut præstantissima forma per se allicit amatores, & sui venerationem incurrit omnibus, ita pulcherrima illa virtutum tuarum imago facile in animo meo quotidianas illas formas delet; certe non tam efficaciter illæ me movent. Accedo itaque ad te, quasi Hercules cujusdam Gallici catenis raptus, atque tuis me tibi compedibus obstrictum sisto, te tuæque consilia, quo me traxeris, secuturum. Quod si & illam, quæ tibi cum parente intercessit, conjunctionem aliquo habere loco velis, etiam hæc te causa impellet, ut & filium in ejusdem amicitiae hæreditatem admittas. Hac itaque fretus fiducia te mihi patronum delegi, imo in te colendo patriam mihi constitui sanctitatem: tibi res meas dirigendas ornandasque trado; tibi, ut studia mea consiliis juves, ut cursum exitumque illorum designes, supplico. Qua in animi fluctuatione si tu tanquam beneficium sidus mihi affulseris, portum ac metam votorum meorum mihi videor affecutus. Ac videor mihi videre tempus, quo in hoc virtutis & bonarum artium certamine, te hortatore, triumphos agam. Totus interim ego

ego tuus ero, & si quid ab homuncione hoc proficisci officiorum potest, tuo nomini tuæque gloriæ omne consecrabitur. Vale.

Responsoria ad Conciliatoriam, Epist. 18. lib. 6.

21

Mirifice granulatus mihi fui, cum tuas legerem literas, de accessione amici, qui mea, qualia etiam sunt, provocare officia voluit. Non est, crede mihi, tam gratum, insigni aliquo augeri thesauro, quam si amicum inveniam novum. Sed quid dico novum? cum inter veteres censeretur mereatur, cujus a parente ad nos quasi per manus tradita familiaritas est. Enimvero commode tu mihi in memoriam revocas paternam illam necessitudinem, qua me nunc etiam post fata parentis obstrictum esse sentio, ut in amicitiam tuam sponte me immergere velim, si tu in mea arripienda esses segnior. Excute itaque omnem animo trepidationem, & qualem ipse me esse vis, talem habe, meisque officiis arbitrato tuo utere, si qua in re tibi illa profutura esse existimes. Verum ut tu largior es facultatis meæ interpretes (meo enim me pede metior, & quam parum in us rebus possim, quarum expectis a me consilia, novi optime,) ita tamen operam dabo, ne te spes illa frustretur; saltem aliquo officiorum proventu, si tam fecundam tibi messem promittere non possum. Rogo te interim, ut hunc mihi animum conserves, & amorem illum, cujus igniculos refuscitasti, nullo tempore extinguere patiaris. Vale.

Consolatoria in adversa fortuna atque exilio, ex Ep. 18. lib. 5. Cic. ad Famil.

22

Si quis unquam ex amicorum calamitatibus doloris mihi sensus fuit coortus, est sane maximus, quem ex incommodo tuo, quod a pessimorum hominum insidiis tibi illatum est, persentisco. Quare cum hoc malo te quasi subito fulmine consternatum existimarem, mearum esse partium duxi, ut vel literis meis erigerem animum tuum, & si possem, re ipsa juvarem; etsi ipse eo loco sum, ut aliorum indigere potius consolatione videar, quem amicorum suorum calamitates æque suæ affligunt. Verum ut virtutis & sapientiæ præsidia in omnibus meis casibus rubor animo meo subjecerunt, ita tu quoque nunc locum illis relinques, & ad hæc fortunæ tela te Achillem quasi πάνοπλον ostendes, vel Antæi instar e casu ipso novas vires resumes. Quid enim est, quod te angere magnopere possit? qui meminisse potes & sane debes, hominem te esse natum, eaque conditione vivere, ut fortunæ vicissitudines, quas in hac vita sustinemus, subterfugere non possis. Imo, si recte rem putare velis, non est, quod fortunæ magnopere succenseas, quæ plura in te bona largissima manu cumulavit, ut levius hoc malo illorum redimere invidiam posse videaris. Cum enim plerumque aliorum exemplo vel felices nos faciamus, vel infelices (nam felicitate illa, quam animo suo possidet sapiens, nemo est contentus) ab utraque parte ejusdem vitæ fortunæque homines circumspice: & te præ ceteris illis ornatum commodis videbis, qualia ne votis quidem suis homines tibi similes promittere sibi potuerunt. Florent illa vir-
tutum

tutum tuarum præmia, & ita quidem florent, ut fructus earum nulla tibi invidia eripiat, nulla temporum calamitas intervertat. Hac itaque parte securus, si jacturam tuam bonorum tuorum cumulo appenderis, ut illis supra omnes te constitutum, ita hac omnibus te inferiorem esse deprehendes. Percense enim modo animo, quot quantæque strages nobilissimorum hominum in Republica fuerint, quam illi vita, fama, salute, fortunis omnibus everfi, ne minimam quidem, si vita ipsis salva est, spem sibi reliquam sentiant. Rempublicam ipsam vide, nihil profecto est in illa, quod tenere bonos homines tuique similes possit; omnia flagitiis & sceleribus sunt oppressa; animam agit libertas, judicia & leges corrumpuntur; ipsa denique Salus morientem civitatem servare non potest. Quid ergo est, quod te hic teneat? an quod cadaveri ejus velis immori, & communi cum vectoribus ejusdem navis perire naufragio? Itaque felicem te, qui ex illorum hominum consortio abis, non tam ab ipsis relegatus, quam ipsos a te, quod Diogenes faciebar, relegans. Vivere igitur tibi potes, & ad te bonamque mentem redire, postquam ab illis discesseris. Venies & ad nos tui amantissimos, omnibusque officiis, omni necessitudine conjunctos; quorum hospitiiis, amplexibus, animis gratissimus hospes excipieris; quorum quotidiana colloquia facile omnem, quam animo concepisti, aegritudinem tibi abstergent. Denique & solari in hac calamitate te possunt honesta hominum judicia, qui injuriam tibi factam norunt non solum, sed & suis sententiis damnarunt. Ne quid de iis dicam, qui solam potentioris tui hostis auctoritatem secuti, eam, quam ore protulerunt, sententiam toto animo & pectore execrantur, eam publice contrariaque sententia damnaturi, si, quod vere sentiunt, impune etiam in judicio efferre possint. Quare ne te vel relinquere alios, vel desertum ab amicis putes, quorum ut aliqui clam tibi favent, ita multi palam tuas partes sequuntur; me habebis, quem semper habuisti, omni officio, ope, operaque tuum, qui te semper & observet & colat & diligat. Vale.

Eadem Epistola amplius deducta.

Quemadmodum aliorum morbis difficulter medentur, qui ipsi totius corporis doloribus oppressi sunt; ita parum mihi considerate agere videor, qui te erigere afflictum & excitare abjectum cupio, cui ipsi optandum erat mali sui levamentum. Acerbissimum enim dolorem hauri ex tuo incommodo, tuique causâ intimis sensibus angor. Tu tamen mihi ita hæres in medullis, ita te fero oculis, ut, quicquid est in pectore meo reliquum consilii & opis, id omne tibi cupiam impendi. Singulari itaque studio a te contendo, ut te ipsum adhorteris & indures, ac dolori tuo manum injicias, ne ille te virum, & quidem sapientem virum, prosternat. Nosti verus illud, homines nos esse, & nihil humani a nobis alienum. Quod si te parum consolatur, vide in quo motu temporum, quanta in conversione rerum & perturbatione versemur, qui non modo succum omnem & sanguinem amisimus, sed etiam colorem & speciem pristinam civitatis. Quæ si recte apud animum reputaveris, moderatioe animo malum tuum feres, & molestias parvas ac leves facilesque toleranter experieris. Plura vir-

virtutis & industriæ ornamenta in te sunt: elucet vel ceteris exinctis sola tua sanctitas & prudentia: habes, quæ quidem in homine dicuntur bona, parentes, patriam incolumem, amicos, genus, cognatos, divitias. His tuis tam excellentibus bonis gaudere jure potes, quæ in unum collata sunt. Et nunc te morder, unico & levissimo bono fraudari, & in tanta rerum omnium spoliatione levi aliqua deminutione multari. Quod quantaque tuo labore quæsitæ & collectæ sunt? quæ tua virtute perfectæ? quibus tu ornamentis præsidisque redundas? ut vel in invidia atque odio apud nobilissimos homines tui novi hominis virtus & industria videatur. Cum illi vel in ipso gloriæ portu naufragium fecerint, tu exiguum accepisti injuriam & pene nullam, qui hanc rei familiaris lacunam facile explebis. Tua respicis quidem mala, & tantum privata: nec vides, quæ nobis imminet, publica. Quanta rerum nostrarum varietas atroci hoc & difficili Reip. tempore! ut nemo propemodum conjectando assequi possit, qui cursus rerum, qui exitus futurus sit. Quam invalidum est legum auxilium? quo prolapsa illarum sanctionibus custodita disciplina? Rogantur novæ, rumpentur rogatæ; judiciis iniquis exorbetur sanguis civium; quos non iniquæ litium procellæ pervertunt, quibus sæpe ab his in majores plagas incidendum est? his tam malis temporibus & moribus, annon secundas atque prolixas ejus res dicemus, qui minimo cum damno ex illa Rep. evolaverit. Tu vero, qui & ipse præsidia tibi genueris, optimos liberos, fortunarum tuarum participes: qui nos plurimosque alios ad tuam amicitiam aggregavisti, omnes amore ac officiis flagrantissimos, qui consuetudine quotidiana, familiaritate, aditu, congressione nostra fruaris, seria jocosque nobiscum celebres, his opibus quasi per ludum & per negligentiam hunc casum tuum sustentabis. Nosti ipse, quam sint multi, ique optimi viri, qui judicium de te latum, non cogitationis tantum tacito convicio verberent, sed & magna vocis libertate perstringant. Ac nosti, quæ sit quorundam animi infractio & demissio simili nutu ac renutu unius potentioris hominis voto respondentium: quanta fuerit in hac ipsa tua causa honestorum hominum dubitatio, hæsitatio, tractusque verborum. In quæ omnia ubi considerationem intenderis, non turbulente, sed silentio ferre has plagas debes. Me quidem certe tuarum actionum, sententiarum, voluntatum, rerum denique omnium socium comitemque habebis, & illud profecto, mihi te neque cariorum neque jucundiorum quenquam esse, cognosces.

Alia Consolatoria ex Epist. 14. lib. 5.

24

Nihil ad me literarum hætenus datum fuisse miror equidem, cum te frequentem in hoc officio invenerimus semper; nisi forte in museum tuum te abdidisti, atque ibi Musis vacans, aliquid literis mandas, quod nomini tuo immortalitatem pariat, & doctis sit in pretio. Quod si ita est, vehementer laudo consilium, quod his fontibus extinguere dolorem tuum velis, quos sapientia ipsa tibi propinat. Sin, quod vereor, doloris te vehementia ab hominum consuetudine avocat, luctui tuo quasi immoriturum, ex lege familiaritatis nostræ acerbam in te sententiam pronuncio, ut qui magna te;

re, magna alios, injuria afficias, cum te Reipublicæ, cum te amicorum utilitatibus subtrahis; quibus, nisi fallor, plus debemus, quam ut nos ipsos inutiliter affligamus. Ego vero non solum sapientiam, sed & prudentiam tuam, hic testem voco, an causa tibi sit idonea, ob quam angaris animo, teque perpetuis lacrymis & doloribus excrucies. Tu scilicet, qui abdita philosophorum arcana perrupisti, non senties, non intelliges, quod quilibet in populo; atque te ipsum vivus vidensque conficiet? quam aliqui in te pertinaciam; qui gravius quid dicent, furorem interpretabuntur. Quis enim ad te fructus, quæ utilitas ex hoc mœrore promanat? an, quod morbos in caput tuum laceasis? an, quod fata tua præcipias ipse & præcipites? an, quod tu intra parietes compressis sedes manibus, lacrymis & vigiliis te maceras, gemitibus & suspiriis omnem vitalem succum exhauris, reipublicæ caveatur, ne detrimentum capiat? an amicis consulitur, spem atque præsidia in te ponentibus? an denique tibi ipsi ex ægritudine salus, e dolore gaudium, e sollicitudine quies, e desperatione spes expectanda? O vero te miserum! imo bismiserum, qui ipsum te vis esse miserum, & ipsas miseriarum tuarum causas adeo perditæ amas. Scilicet ut tu dispellas, novam, quemadmodum Cæcias, malorum nubem attrahis: & erat tamen prudentis animi, omnes illos evitare scopulos, quibus naufragium tuæ salutis sis facturus. Quare, si rationes non admittis, & has surdo narramus fabulas, saltem nos audi tui amantissimos; quos dolor tuus ita affligit, ut suo non possint vehementius affligi: vel precibus nostris te expugnari patere, ut ad consuetudinem nostram te recipere, atque ex illa lenire dolorem, velis. Non equidem te his præceptionibus meis velut in ordinem redigere laboro, aut pædagogiam aliquam in te exercebo. Si tibi studia nostra ingrata fuerint, quantum tamen in me est, monere te volui, atque a quotidiano luctu avertere: duo enim sunt, quæ me in diversam partem trahunt; quorum alterum hoc est, ut rationibus nostris tuam voluntatem adjungas; alterum, ut nulla re tibi molestus esse velim. Vale.

Responsorio ad Consolatoriam ex Ep. 15. lib. 5.

Nihil nisi amorem tuæ spirant literæ: adeo, ut in fronte animum geris, ita in his affectum tuum prolixè exponis: de quo mihi gratulor quidem, sed ut ad animum admitram, a me vix impetrare possum, istis doloribus afflicto, ut nulla mei erigendi spes superesse videatur; tuque qui amici quidem partes agis, planeque tuas, frustra omnino labores. Quid enim in hac calamitate, quæ subito nec opinantem oppressit, in qua nec consilii locus est, nec spei, faciendum existimas? ad amicos ut fugiam, fuades? sed quos? quam enim rarum hoc miseris nomen est! Neque enim nescire potes indolem hominum, qui rebus nostris secundis secundos se ostendunt, adversis se avertunt, & quasi contagio quodam infectos fugiunt. Pauci fuerunt, & tu forte solus, qui malis nostris indoluisset visus es, eo majoris mihi nunc æstimandus, quo te propiorum propiorumque mihi in his angustis ostendis. Unum hoc est, quod animum mihi prostratum refocillat, tuque mihi totus theatrum es in urbem fugienti, in qua inter turbas & negotia forensia multa quidem, quæ turbant, nihil, quod delectare possit.

possit, deprehendo. Accedit temporum summa iniquitas, quæ, cum virtute nostra stare poteramus, suo quodam turbine in casum rapiunt, & communi ruina involvunt. Omnia enim sunt indies graviora & acerbiora expectanda. Ad literas me ablegas & studia, ut in iis consensescam, & in earum sinu has molestias deponam. Magnifica quidem hæc & honesta est oratio. Sed vellem ego hic te videre Hectorem & Achillem, qui tam forti animo sit, ut hoc præsidio munitus, ferre hos insultus æquo animo possit. Vellem, qui os philosophum sonas, etiam pectus hoc nobis præstare possis; qui homines sumus, & miseriarum sensum exuere non possumus. Nam ut illam e Stoa sapientiam profiteamur, a nobis non impetramus, cujus magistri sua ipsi doctrina in ruborem dati in mediis suppliciis atque in equuleo ipso se felices gloriantur. Omnes scilicet extra necessitatis tela constituti mirifice animosi sunt, & generosum illud pectus ostentant, trepidaturi, ubi calamitatum moles oppresserit. Sustineo tamen me, ut possum, studiorum consuetudine, ut, cum ab aliis contemplationibus animus avocatur, paulatim memoriam malorum deponat. Quare ut frequentiora nobis sint & quotidiana illa subsidia, te mihi præsentem velim, ut mutuis confabulationibus seigniore ad arripienda hæc levamenta animum excitem, & minus me miserum esse credam, quo magis cogitationum frequentia animum meum obrundo, & ad malorum sensum callum illi obduco. Venies itaque ad nos dudum desideratus hospes; imo in hoc ludo ad constantiam patientiamque novus quasi doctor, cujus ab ore & præceptis pendeam, & illa, quæ nunc animum meum excruciant, dediscam. Vale.

Gratulatoria de Consulatu, ex Epist. 8. lib. 15.

26

Etsi, quæ a te veniunt ligerae, semper mihi sunt exoptatissimæ, nuper tamen me mirifice delectarunt, & magnam mihi lætitiā attulerunt, quod summis te in Rep. honoribus ornatum esse intelligam. Quoniam itaque etiam ad meam utilitatem pertinere existimo, si quia nova salutis dignitatisque tuæ lux effulserit, affectus gaudii in hanc epistolam erupit, qua tibi de honoribus tuis gratularer, quos proprios perpetuosque tibi & Reip. salutare esse volo. Ingratissimus essem omnium, nisi & me istius tui gaudii sensus percuteret, quem ego in oculis tui semper, in quo ego colendo patriam constitui sanctitatem: cujus ego beneficiis propemodum obrutus vivo, ut nullam meritorum partem mihi videar assecutus, si vel vitam pro salute tua profudero. Accedit parentis tui voluntas in me propensissima, qui in me ornando, & adversus omnes fortunæ insultus tuendo, nullam unquam occasionem prætermisit. Quæ cum animo reputo, totum me vobis debitorem profiteor, & quoad spiritum duxero, profitebor. Quare cum hæc mihi quasi hæreditaria a vobis bona sint & perpetua, ineptus ego sum, qui officiosis vos precibus obtundam, & ad nova officia invitem. Quod enim semper fecisti, ne nunc quidem, istis honoribus auctus, facere intermitteres; qui non es inter illos, qui ad fortunæ secundioris vultus frontem suam fingunt, & in inferiore loco positos despiciunt. Imo, si te recte novi, ea animi tui honestas, ea generositas est, ut honores tui vel eo nomine

Tomus I.

Uuu

mine

mine tibi gratiores existant, quod novam bene merendi de amicis occasionem nactus, me quoque & ornandum & juvandum animo promptissimo suscepturus sis. Vale.

27

Eadem Epistola variata.

Ersi quotidiana mihi de te est cogitatio, nihilque rebus tuis gratius; majore tamen non facile letitia elatus fui, quam cum primum in Rep. locum nuper tibi oblarum rumore publico intelligerem. Quare statim exarsit mihi animus, & aurem amor ipse vellicavit, ut ad te scriberem, & eum, quem in sinu meo foveo, affectum, quia coram non licet, eminus & per epistolam declararem. Neque enim aliter fieri æquum erat, præsertim, cum te amarim semper, & nunc etiam in illa honoris accessione te mihi omni officiorum genere, observantia, studio prosequendum existimem. Non excidit animo superiorum temporum memoria, cum ego adversa cum fortuna conflictatus, tuam tanquam Herculis alicujus opem sensi, qui mihi præsidio esset, & ab omni injuria defenderet: nam de secundis meis rebus non dicam, quibus etiam alii promptos facilesque amicos habuere. Accedunt a Patre tuo tot tantaque beneficia, quorum etiam nomine ego tibi obstrictus sum, atque æternum me tibi obnoxium profitebor. Totum me ergo tibi trado, tuis tuorumque vinculis tibi obligatum; neque quoad vivam, ab isto quasi mancipii jure, quod tibi in me acquisitum est, discedam. Nunc tantum a te etiam atque etiam contendendo, ne in illo honoris fastigio constitutus, me clientem tuum averferis: sed majorem in me ornando tuendoque operam ostendas, quo major tibi bene de me merendi occasio nunc subministratur.

28

*Responsoria ad gratulatoriam de dignitate recuperata, ex**Epist. 14. lib. 4.*

Venerunt ad me literæ tuæ humanitatis tuæ amorisque plenissimæ, quibus de honoribus in me collatis gratulararis, omniaque fausta & felicia apprecatus, iis me laudibus ornasti, quas ego si agnoscerem, nimis de me magnifice sentirem. Ego vero voluntatis tuæ in me declarationem omni elogio potiore habeo, cum amici partes impleas; nam cetera etiam assentatoribus tecum poterunt esse communia; a quorum specie tantum tu abes, ut tibi in laudibus meis largiori credere malim, quam te in aliquod fucatæ amicitiae crimen adducere. Gratias itaque tibi ago, quales ab amico expectaveris; animo quidem prompto, sed non satisfereo, si ad horum temporum difficultatem respexerim. Dubitare enim profecto possis, utrum consolandi argumentis animum sub onere labantem erigere, an gratulationibus, velut magnum aliquod bonum adepto, applaudere æquius videatur. Quæ enim in publicis his calamitatibus animo quies, dignitati autoritas, fortunæ constantia expectanda? ubi omnia ad casum spectant, & nulli quidem sunt, qui ruentem hanc molem sustentant, tibicines, nulla securitatis publicæ præsidia, omnia insidiis, dolis circumveniuntur. Itaque gaudio parum afficior, quod metus iste temperat, qui

Spem

Spem vultu simulat, premit altum corde dolorem.

Dabo tamen operam, ut mihi adversus fortunæ insultus præsidia circumponam, ut dignitatem hanc, qua possum arte & virtute, sustentem. Ego vero tuum, quo me prosecutus es, officium agnosco, atque eo nomine me obstrictum tibi sentio: & si quid hoc tempore studio operaque mea prodesse tibi potero, nihil earum rerum omittam, quæ ad te juvandum orandumque pertinere videbuntur. Vale.

Responsio ad gratulatoriam de novis nuptiis, ex eadem Epistola.

29

Intervenit nuptiis meis, velut capra ad festum, tua epistola, qua amores meos feliciter evenire vis, votisque uberrimis prosequeris. Itaque feliciores fortioresque amores meos esse necesse est, tui accessione amoris votisque munitos. Nam certe parum hoc tempore in amoribus gratum est, quo nihil nisi cædes, rapinas, bella, calamitas publica ostendit. Quam jucundos ergo Veneris amplexus putas, cum mala nos undique incurrunt. Scilicet nunc res domestica curanda est & firmanda, cum Resp. ruinam minatur. Novus ego ad hanc navem vector accessi, quam tempestates undique circumstant, cui in proximo est naufragium. Hæc cum animo meo revolve, pene est, ut ipse meam damnem stultitiam, meque in publico malo delicias sectaturum, & ne solus peream, uxorem tanquam alteram fato victimam oblaturum. Verum sumere ex ipsa audacia animos oportet, & ferream non solum frontem, sed & cataphractum pectus seculo ostendere; cui etiam hæc est *una salus misero nullam sperare salutem.* Ego amori tuo totum me trado, tuo hoc officio fatorum acerbiter solaturus; meis autem studiis, obsequiis, officiis omnibus, voluntatem in te propensissimam testaturus. Vale.

Eucharistica, ad aliquem, qui commendatos a nobis benigne tractaverat, ex Ep. 12. lib. 13.

31

Cum multa sunt argumenta, quibus propensissimam tuam erga me voluntatem collegi; tum illud præcipue est, quod Agapetum nostrum, quem tibi literis meis commendaveram, omni officiorum genere es prosecutus. Neque enim is solum mirifice humanitatem tum laudat; sed & alii commemorant, quibus & tu & ille usus est familiariter. Quanta vero ipse voluptate perfusus fuerim, non satis literis exprimere possum; cum hominem illum ob virtutem & optimos mores tenerrime amem, atque ita amem, ut e necessariis meis vix aliquem ardentius amare possim. Nolo hic beneficiis tuis, quæ in ipso mihi præstita sunt, novos e verborum & gratiarum pigmentis colores quærere, ne quid auribus dare & blanditiis quibusdam assentari tibi videar; id tantum te rogo, ut affectu isto, quo ipsum amplecti cœpisti, porro amplecti velis; non quod dubitem, te hoc, me non rogante, facturum; sed quod ita rogare moris sit; & ego amico, quacunque re possim, gratificari velim,

U u u 2

si non

si non re ipsa, saltem verbis, officiis & omni genere humanitatis. Nulla res magis vel me, vel illum, tibi reddere poterit obnoxium, exiguae quidem facultatis, sed maximae optimaeque voluntatis homines, ad imperia, imo ad natus tuos advoluturos.

31 **Responsorialia ad gratiarum-actoriam, ex Epist. 19. lib. 10.**
sub persona Patroni ad Studiosum.

Adeo sunt exigua mea in te beneficia, ut magnificam illam gratiarum actionem non mereantur; tamen, quando ita voluisti, ut extaret haec voluntatis tuae erga me declaratio; vel ideo gratum mihi hoc tuum fuit officium, quod amoris tui non esset evidentius argumentum. Accessit novum huic affectui tuo argumentum, ea, quam nomini meo inscripsisti, dissertatione, docta sane & eleganti: qua ut ingenii tui promptitudinem ostendisti, ita & aliis significare voluisti, quanti me faceres, & quo loco haberes. Quare meae potius partes sunt, ut gratias tibi largiore manu metiar, novisque officiis, cum vetera nomina jamdudum tibi expuncta, obnoxius tibi fiam. Id sane operam dabo, ut nihil in me patiar desiderari eorum, quae ad te juvandum ornandumque pertinere videbuntur. Fallam interim otia mea tuae Dissertationis assidua lectione, atque ita fallam, ut plus ab illa ingenio meo contemplationis relinquatur. Quandoquidem igitur tam bene tibi tempora in studiis posita apparet, omnes tuos nervos, spiritus, operam diligentiamque omnem in haec impendes, ut digna laborum tuorum praemia aliquando reportes, & Reipublicae administrandae promptiorem aliquando manum adhibere possis. Vale.

32 **Laudatoria ex Epist. 15. lib. II.**

Nihil me magis hoc tempore delectat, quam quod tuis nonnunquam literis animum pascio, quae nuper oportunae venerunt, & quid in literis nunc moliaris novi, significarunt. Quid ego hic in te laudem? an officium? an propensam in me voluntatem? an divinum tuum ingenium, quod tot novas erudito orbi delicias extundit? an denique ipsos illos ingenii fetus, assiduo labore perpolitos, quos, ut Phidiae signum, statim, ubi aspexerint, probant viri docti? quare nihil jam amplius, quod scribam, est, nisi ut currenti stimulos novos addam, neque horrer, ut orbem eruditum porro scriptis tuis doctissimis beare velis; quos ita avidae expectant omnes, ut qui diuturnam explere sitim cupiunt. Vale & nos ama.

33 **Reprehensorialia ex Epist. 17. lib. 16. Cic. ad Famil.**

Vix oculis meis credere potui, cum in tua, quam mihi inscripseras, dissertatione aliqua offenderem, quae non e tuo promptuario, sed aliunde, desumpta videbatur. Laudo quidem officium, atque eo me nomine tibi obstrictum esse profiteor; verum, ut dicam, quod res est, non placuerunt mihi plumae illae, quibus te corniculam Aesopica ostendisti: ideoque non parum tibi succenseo, qui in partem hujus praedae

prædæ me quoque vocare voluisti, cum nominis mei titulum non tuo, sed alieno, fundo præfigis. Et nosti vero, liberales non esse, qui de alieno largiuntur: quid vero putas ad hæc dicturos, ubi viderint, homines doctiores, & in literis bene exercitatos, qui hic nasum rhinocerotis habent, & vel e longinquo Caci raptoris vestigia odorantur? quare te etiam atque etiam hortor, ut, si qua tibi supersunt hujus scripti exemplaria, in publicum evolare non sinas, ne dedecus tuum, quocunque illæ tandem chartæ pervenerint, circumferant. Non succensebis amico bene monenti, ut qui tuum honorem ad se quoque pertinere putat, eoque labefactato, ut sua quadam injuria afficitur. Tu interim & studia tua omniaque negotia ita tractes velim, ne quid valerudo tua detrimenti capiat. Vale.

Expostulatoria ex Epist. 5. lib. 5. Cic. ad Famil.

34

Ersi nihil ad te literarum dare constitueram, a quo bene longo tempore nihil ad me perscriptum fuit, precibus tamen Agapeti nostri permotus fui, ut literas has ad te mitterem, ejusque negotium tibi commendarem: si fortassis, cum non mea, sed aliorum causa, scribo, aliquas a te literas exsculpere possim, quarum adeo parvus es: nescio, utrum scribendi tædio, an mei odio. Illud certe vix crediderim, cum quotidianum te in literis ad alios scribendis esse sciam; in dandis recipiendisque salutationibus solennem; etiam, cum nihil opus est, pollicentem, imo obtrudentem officia. Hoc itaque potius videtur, simulatibus te, nescio quibus, inductum, abalienasse a me animum. Accepi enim, nescio quibus rumusculis occultis, te famam meam laceßere conviciis, & quibus potes artibus, luminibus meis obstruere. Quod, ut improbum non solum est & hominis parum officiosi, ita *ἀχαριστίας* quoque notam tibi inurit. Quid? an jam adeo priorum temporum oblitus es? cum a meo consilio, ore, præceptis, penderes totus, eaque haberes ad studia adjumenta, absque quibus si fuisset, nunc non haberes tela, quæ in me jaceres, meo mihi exitio excitatus. Quod si harum rerum memoriam deposuisti, saltem id animo reputa, ut hæc omnia non essent, qua fronte ausus sis laceßere senem juvenis, præceptorem discipulus, civem civis. Quam insignis impudentiæ notam si non agnoscis, frons tibi omnis periit, & cum fronte bona mens, quarum mutua esse solet conspiratio. Has ut devorarem & concoquerem injurias, a me impetrare non potui, neque certe filere ad illas debui, ne musitando cresceret injuria. Reliquum ergo est, ut rescindam potius, quam dissuam amicitiam, semper, ut video, insidias mihi structuram. Ut tamen satisfacere roganti amico, causam ejus tibi commendare volui, ut si non amicitia mea inductus, saltem honestate impulsus id facias, quod æquiritis ratio & bonæ leges abs te requirunt. Vale.

Responsoria ad expostulatoriam, ex Ep. 28. lib. 7.

35

Scripsisti ad me literas; quid dico literas? quot verba, tot convicia: nihil enim ad illam acerbiteratem addi potest, qua me non innocentem modo, sed & bene

Uuu 3

de

de te merentem, excipere non es veritus. Enimvero mitius tractari debebam, & ea æquitaris lege, quam tui tibi ipsi simili in casu dixeris. Quis enim prober, damnari aliquem inauditum? læsæ amicitiae sententiam pronunciari in hominem, qui se nunquam vel dicto vel facto gravem fuisse, meminisse potest? Rogari prius debebam, neque tam facile aures falsis rumoribus fuissent accommodandæ; quibus qui duci se patitur, impingit, ubi minime cogitat. Si tu hic esses, tantum abest, ut reprehenderes levitatem vel perfidiam, ut potius industriam & fidem & studia mea laudares, quæ tibi etiam ignoranti & non advertenti sancte a me custodita fuerunt. Ejus rei documentum non contemnendum est, quod, cum famam tuam roderent clandestini hostes, ego solus te defendendum susceperim, tacentibus illis, quos tu primicerios tuos salutas. Etsi vero de te querendi causæ sunt & justæ & graves, homini tam atroci injuria affecto, eam tamen ad animum nunc admittere nolui, vel hoc ipso amicitiae meæ constantiam testaturus, quæ te etiam vacillante persistat, & tibi etiam renuncianti & repugnanti fidem suam factam rectam integraque officia conservet. Cum enim sciam, animi vehementiam semper esse cum amicitia conjunctam, & quo flagrantior ea sit, eo magis suspicionibus & rumusculis esse obnoxiam, in benigniorem partem ego animum tuum interpretabor, atque id ipsum vehementiæ amoris adscribam, quod inconsulto illo calore peccatum est. Quo magis me spes illa tenet, fore, ut sopito hoc frigusculo, ad ferventiora redituri simus officia. Nosti enim vetus illud Comici: *anantium ira amoris est redintegratio*. Quare etiam atque etiam te rogo, ut hanc animo tuo suspensionem ejicias, ne tibi ab illis, qui divortium inter nos volunt, imponi patiaris. Altioribus fixa radicibus nostra consuetudo est, quam ut levibus illis susurris & volaticis conjectiunculis extirpetur. Ero semper, quem habuisti, amicus tetragonus; neque ab officio meo dejiciam oculos, si tu veri amici partes non deposueris. Vale.

Querula, ex Epist. 16. lib. 14. Cic. ad Famil.

Scribo ad te literas; non quod causas scribendi habeam, sed ne literarum illud commercium, quod inter nos mutuum est, rumpere primus, aut officiorum cursum sufflaminare videar. Familiarius itaque, ut solent amici, inter nos confabulemur de rebus, quæ quidem ad te parum pertinere videntur, nisi forte amici etiam negotia tibi non negligenda esse duxeris. Non in literas, quantis a me beneficiis ornatus sit Agapetus noster, quam illi ope, consilio, studio operaque profuerim semper; & ille tamen animum suum, quem mihi toties professus est obnoxium, ita exiit, ut, conversa in hostilitatem amicitia, hostium meorum partibus se adjunxerit, & multa nefaria consilia machinatus fuerit. Ne quid de conviciis dicam, quæ in me effudit, & quorum ego commemoratione tibi molestiam creare, mihi dolorem refricare, nolo. Hæc tamen in sinum tuum effundere volui, tum ut meo exemplo cautior diffidere amicis discas, tum ut in hoc malo levamen aliquod tuo consilio præstes. Non soleo facile vel de fortuna mea, vel amicis, conqueri, mea sorte meoque fato contentus;

rentus: verum tanta est hujus injuriæ indignitas, ut animum meum exulceratum nihil mitigare possit. Cui enim jam fidas? cui animum tuum committas? si, quos in animo atque in oculis ferebas, amici fidem omnem suam decoxerint. Ad te itaque confugio, quem præfenti in me animo semper fuisse novi, ejurata Agapeti amicitia; tibi que omnia mea studia, & quicquid unquam mihi dulce est, consecra-
bo. Vale.

Responsoria ad Querulam, ex Ep. 25. lib. 7.

37

Nihil est, quod magis animum recreat difficillimis his temporibus, quam tuarum suavitas literarum: quæ, ut officiis sunt plenissimæ, ut rerum, quæ geruntur, memoriam mihi exhibent; ita nullo non tempore possunt mihi esse gratæ. Utinam his paribus officiis respondere possem: sed nihil est, quod tua notitia dignum sit. Celare te tamen, amicum, non possum, quæ mihi nuper cum Agapeto contentio orta sit, quem ex amico mihi inimicum reddidi, quod pecuniam reposcerem, quam ipsi mutuo dederam. Nam cum tricas e tricis neceretur, diesque solutioni constitutos semper falleret, pulsandus tandem actione apud judicem mihi fuit, ne tere meo exciderem eo tempore, quo maxima me urgebat necessitas, & a me solvenda erat summa pecuniæ non exigua. Rupto itaque amicitiae nostræ vinculo, calumniis & conviciis incessit non immeritum tantum, sed & bene hætenus de ipso merentem. Vides quæ ab amicis expectandæ sint gratiæ. Quos enim beneficiis tibi reddidisti obstrictos, eosdem tibi inimicos & hostes paras. Neque sane ipsi vitio vertere has in solvendo debito tricas, si ipsum egestate pressum in angustias aliquas redactum iri nossem: nam florere ipsum opibus & pecunia, exploratissimum habeo; ut itaque fraudulentus ejus animus ubique perluceat. Quare cum videam, malo consilio ipsum exuisse amici animum, & omni se adversus me armasse nequitia, dignis hominem hunc excipiam modis, atque ita tractabo, ut & mihi satis domi consilii adversus homines scelestos esse sentiat. Has apud te querelas depromere atque in sinum tuum effundere volui; si fortassis, quæ autoritas tua est, argumentis expugnare animum hunc fraudulentum possis, & bonis verbis eo inducere, ne turpem hanc maculam nomini suo inuri patiatur. Fortassis enim, si amici non habet, sui tamen rationem habiturus est. Vale.

Nunciatoria de adventu ex Epist. 23. lib. 9.

38

Cum multæ solent esse scribendi causæ, tum præcipue una novitatis princeps & palmaria multis est; quod in amicorum literis narrationes rerum novarum potius quam alia argumenta, respiciant. Quæ vero expectes ab amico vetere, nisi vetera, mores antiquos, priscam fidem, quæ apud novaturientes amicos raro esse solet. Hac parte tibi spectari maxime cupio; & nisi me omnia fallunt, tot annis jam spectatus fui; & nihil tu forte ipse hoc novi anni tempore, quo mala nostra tot quotidienova nascuntur, a vetere amico expectaveris. Illud tamen novi narro tibi, me intra octo proximos dies iter ad vos meditari, quod *ἐπὶ τῇ πόλει* tibi fore, minime dubito.
Jam

gumento eadem enthymemata aliis verbis ac periodis efferuntur. Ejus exempla in hac Sylloge exhibentur. * In prima illa multum curæ industriæque infundendum est. Et si enim puerilis illa dicitur, virum tamen maturo judicio requirit, qui dextra applicatione phrasas omnes in bene compositum sermonem compingere norit; qualis sub epistolæ forma quam commodissime institui potest. Ego ante multos annos pro usu isto omnes Terentianas elegantias, quæ in Comædiis ejus habentur, epistolis complexus fui, quibus in exercenda juventute feliciter quidam usi sunt. Sed perierunt mihi chartæ, ab aliquo subreptæ. Neque sane indignus viro docto labor esset, ac optime de juventute mereretur, si quis talia Themata Epistolaria concinnaret: neque tamen nullum ingenium & judicium in eo requiritur. Hæc lingua Germanica proponi possent, ut in Latinam convertant. * Ad eundem modum olim ego e phrasium libellis epistolas pro tali usu concinnavi. Verum cum Phrasas illæ solutæ & vagæ sint, neque verborum cursu connexæ, non habebunt illum ex eo labore fructum pueri, quem e verbis ac phrasibus recte ordinatis habere possunt. * Ejus tamen exemplum hic apponam epistolam exprobratoriam, e phrasibus illis extantioribus, quæ in primis septem foliis Medullæ Latinitatis Wendelini habentur, concinnatam: *Quaquam abalienandus tibi plane jure amicorum videar, volens tamen ego nunquam ab eo jure abii, vel abibo. Abhorret & animus & auris tua a nobis; sed fac tamen, ne abhorreat a fide & a vero: Tantum enim abest, ut ego aliquid amicitia tua indignum admisserim, ut potius absit ab hoc omnis mea culpa & nunquam me abduci ad hoc crimen passus sim, vel levissimis malecolorum hominum rummusculis. Et qui tu zbis ad istas ineptias & suspiciones illas, ab recenti memoria præsentissimi amoris, quem paucis abhinc diebus a me tibi exhibitum esse ignorare non potes, dum a me integram illam summam perfolvi, quam a te debueras. Jam & in mores tuos abit alter ille tuus, qui nescio quid mali de me suspicatur, & quedam mei causa tentavit; sed cui non tam impune abibunt omnia. A teo parum literarum ab eo vidi, ut, qui paucorum dierum iter ab illo absūm, longe gentium abesse videar. Hoc ego quidem audacter affirmo, quandoquidem illi plurimum abest de exacta prudentia, multum illi (absit verbo invidia) ad amicitiam nostram contulisse. Nunc quidem ingratus ille se ex conspectu meo abdit, & plane illi animus abest, me vel coram, vel per literas, compellandi. Nec tu a levitate ejus multum aberrasse videris. Aut redire uterque ad frugem, & bonam mentem, aut valete, & res vestras vobis habete. Eodem modo particularum A, AB, AD usum e foro Romano, & Turfellini de particulis libro, prolixa aliqua & certi argumenti epistola ostendi. Sed in istis aliquid inviti & subornati esse, nec evitari posse, quivis facile videt.*

CAP. XVI.

DE

EXERCITATIONIBUS IN ORATIONE
LIGATA INSTITUENDIS.

- §. 1. Discrimen ligatæ orationis & solutæ. 2. quorum in ligata oratione ratio habenda sit.
3. Habent singula carminum genera specialem suam rationem. 4. Præceptis poetiis
Tomus I. X x x non

- non nimis immemorandum. 5. *U*sus hic omnia docet. 6. *C*ommentarii in poeticeam Aristotelis prolici plus turbant, quam juvant. 7. *I*mitatio anima poetice. 8. *I*mitatio duplex. 9. altera in poemate ad rerum & actionum naturam exprimendo: 10. altera in poematis scriptione. 11. *D*e ultima hic agimus. 12. quomodo ista instruenda. 13. *P*rona exercitatio est Metaphrasis: 14. altera imitatio per dilatationem, variationem, & contractionem similium locorum. 15. *V*irgilius quos Poetas imitatus sit. 16. *R*eliqui Virgilium imitantur. 17. *E*xemplum elegantie Virgilianae imitationis e Catullo, 18. quae per singulas partes ostenditur. 19. *C*atullum tamen Virgilius elegantia superavit. 20. *A*liud exemplum Horatianae imitationis e Virgilio in Epod. 2. de laudibus vite rusticae. 21. *P*leuior ejus imitatio in paraphrasi Jacobi Walli. 22. *O*stenduntur fontes dilatationis poetice. 23. *E*jusdem ep. Ode Metaphrasis nostra Elegiaca. 24. *S*qq. & alia quaedam Metaphrason nostrarum exempla. 29. *I*mitationis crebra utilitas. 30. *I*n inventionibus sit imitatio cauta. 31. *E*xempla Epigrammatum, alterius e Marci quodam a Nicudatio, 32. alterius e Martiali a nobis per eandem imitationis rationem dilatati. 33. *D*escriptiones dilatatae. 34. *E*xemplum ex Ovidio. 35. *P*raxis conscribendi carminis per sententias & lemmata, figuris, expolitionibus ornanda. 36. *H*ac methodo alicujus Poetae carmen est resolvendum & imitandum. 37. *H*abent & antiqui Poetae suos nexos, 38. qui adeo morose haud examinandi. 39. *E*clogae I. Virgili in suas sententias & ornamenta resoluta. 40. *C*armen II. lib. 1. Sylvarum Statii de Equo Domitiani resolutum. 41. *D*e Ovidii poematibus judicium. 42. *H*oratii Odae a Partenio resolutae. 43. *O*de Comitana ad Duce[m] Condaem de Lactis usu *δαιτρίωντος* exhibetur.

Habitus Orationis ligatae a soluta in omnibus diversus est, dictione, compositione, periodo, numeris, inventione. * Habenda est Epithetorum, cererorumque ornamentorum, comparisonum, exemplorum, fabularum, iconographiarum, ratio. * Et in ipsis Poematibus suo singulari quodam genere singula carminum genera constant, tam ratione dictionis, quam ratione numeri & periodi. In Hexametro carmine alia ratio & compositio est Eclogae, alia Satyrae, alia Heroici generis sive Epopeiae. Et in ipsa Epopeia quantum a Virgilio, poetarum Heroicorum principe, differunt Statius, Claudianus, Lucanus. Habet suas Elegia, suas Epigramma, elegantias: de quibus multa dici possunt, & suo loco dicentur. Sed nos nunc hoc loco tantum progymnasmatum illa poetica producemus, rationem monstraturi, qua se in optimo ac divino plane studio tyrones exerceant.

4 Quandoquidem vero is, qui carmen scripturus est, apparatu aliquo opus habet, praesupponimus hic prima rudimenta profodiae, mediocrem linguae Latinae cultum. *I*nstitutiones poeticae non pauci scripsere, in quibus tamen cum judicio versandum est, ne ingenium vel praeceptorum subtilitate extenuemus, vel eorum mole obruamus.

Utra-

Utraque ratione obtaunditur ingenium, & ad exercitium ineptum redditur; & novi ego patres, qui in arte hac excelluerunt, lectione potius Poëtarum & exercitio eo pervenisse, quo prolaxis præceptis tardius pervenitur. * Præcipuum in illo ne-
gotium versatur, si quis, præsuppositis Rhetoricæ & Prosodiciæ adminiculis, id quod in carmine ejusque generibus artificium lateret, multa observatione didicerit: quod peritus Magister longe expeditius exemplo præstabit, quam multis præceptis. * E veteribus Aristoteles est, ut Philosophiæ omnis, ita hujus quoque magister: 6
sed dolendum, ejus de Poëtica librum non pervenisse ad nos integrum: quæ illic habentur, ad Dramaticam poësin tantum pertinent, utpote quæ cum Epica seu Heroica principem locum obtinet: consistit enim in imitatione actionum. Reliqua Poë-
matia breviora sua quædam singularia præcepta habent, quæ fundamentum tamen in illa prima habent. Quamvis enim Colossus Rhodius majori apparatu & accura-
tione *συμμετρία* partium spectatur; tamen & minora sigilla sua proportionem gau-
dent; estque etiam in minuto carmine sua quædam imitatio, tum morum, tum affe-
ctuum, aliarumque rerum, quæ sunt cum actionibus hominis connexæ. In Aristoteli Poëticam Commentatores habemus bene multos, e quibus Heinsum nostro
usui seponerem. Ceteri Commentatores non tam Poëtæ, quam Rhetores, in car-
mine scribendo sunt, id est, nimia & anxia Aristotelicorum præceptorum explica-
tione animos lectorum fatigant.

Imitatio universæ Poëseos quasi anima est. * Consideratur autem illa du-
plici ratione: primum, quatenus illa ad exemplum rerum & actionum instituenda
est; secundo, quatenus ad exemplum alicujus Poëtæ componi debet. * Priori mo-
do considerata versatur *ἐν τῷ φυσικῷ* & *ἠθικῷ* actionum exprimendo; * posteriori
modo ad generales illas imitationis, tam oratoriæ quam poëticæ, leges dirigitur,
quæ in ipso poërandi exercitio consistit. Primus imitandi modus proponit per-
fectissimam imitandi ideam, in ipsa rerum natura formatam; alter præceptoris &
poëmatum vetusti exemplo agere nos jubet. * De hoc itaque posteriore modo tan-
tum agemus: ille enim præmitti debet, cujus beneficio primum illum & præci-
puum imitandi modum obtinemus. * Non debet vero hæc imitatio ita institui,
ut versus hinc illinc e Poëtis congestos, quasi per centonem quendam, consuamus.
Illud enim non est imitari, sed furari; nisi quis ingenii causa data opera tales cen-
tones e Poëtis conficiat, ut fecit Aufonius in *centone suo Nuptiali*, & Dan. Heinsius in
aliquo centone, in Bandium conscripto; quales & collegit singulari libro Henr. Meibomius.
Si quis vero tales versus undique compingat, & sic se Imitatorem præstet, a
plagii crimine liberari non potest. Imitationem puerilem, quæ in concinnatione
phrasium & versuum, prima compositione consistit, nunc seponimus: nihil enim
illa artis habet. Quæ cum artificio instituitur, eosdem fontes agnoscit, quos Orato-
ria. * Primum hic exercitium est Metaphrasis, carminis ex uno genere in aliud tra-
ductio; sed cum libertate aliqua evagandi. Tales Metaphrases aliquot Odarum Ho-
ratianarum in Elegias concinnavit ediditque Henricus Meibomius, ac nos infra aliquot ear-
um exempla dabimus. * Plenior illa imitatio non aliter instituitur, quam Oratoria, 13
per

- per *χωρισμὸν* & per *πρόσληψιν*; qua de re jam supra diximus. *Χωρισμός* est, cum una periodus in plures secatur. *Πρόσληψις* sive Assumptio dicitur, cum assumuntur ad genus species, ad totum partes, ad actionem causæ & circumstantiæ, ad distinctum indistincta, ad definitum indefinita, & vice versa. Si quis illa duo bene cum iudicio usurpare norit in oratione, qua soluta, qua ligata, bonus imitator erit, & talis quidem, ut deprehendi vix possit. Harum imitationum omnia exempla congerenda sunt, inprimis ex antiquis: nam antiqui eadem via processerunt. * Virgilius in Eclogis Theocritum imitatus est, in Georgicis Hesiodum, in libris Æneidos Homerum, imo ipsos illos Latinos, qui ante se scripserant, Ennium, Lucretium, Catullum: quos omnes tamen ita imitatus est, ut omnes superaret. Imitationes Græcas singulari libro concessit Fulvius Urfinus, & eleganti commentario Germanus Valens Guellius, qui Antverpiæ in fol. prodit, ubi diligenter notat loca e Græcis transumpta. * Ut Virgilius antiquiores, ita Virgilium recentiores imitati sunt. Ceteri enim omnes, Horatius, Statius, Claudianus, Virgilium imitantur, ita tamen, ut, quod Virgilius fecerat, non superent Autorem suum, sed longe ab ipso superentur. Quod *Alexander Rossæus* in *Virgilio suo Triumphante* aliquatenus ob oculos posuit.
- 17 Illustre Virgilianæ imitationis exemplum est in loco illo libro IV. Æneidos a versu 305. ubi interjectis aliquot dialogicis locum apud Catullum de Ariadna a Theseo deserta, qui invenitur in *Epitaphio Pelei & Thetidos*, omnem transtulit, ita ut Enthyemata, sententias & figuras, ordinem quoque, verba & periodos mutaret. Querela Didonis ab Ænea desertæ plane conveniebat cum hoc argumento; & eleganter eam imitationem delineavit *Bartholomæus Riccius* lib. II. de Imitat. pag. 42. sqq.
- 18 * Ariadna apud Catull. statim ab effectu iracundiæ incipit, v. 132.

*Siccine me patriis abductam, perfide, ab oris,
Perfide, deserto liquisti in littore, Theseu!*

Respondet versus Virgilianus 305. 306. Ariadne huic indignationi insistit, v. 135. ad 140. Virgilius paucioribus versibus idem objicit Æneæ v. 307. 308. Addit autem Dido argumentum a periculo. Virgilius v. 9. 10. addit argumentum a loco incerto, quo perventurus sit v. 311. 312. 313. Quæ argumenta a Catullo omissa sunt, quoniam non conveniebant. Dido apud Virgil. rursus se ad preces & lacrymas convertit & cum Ariadna pactos Hymenæos objicit, Dido per eos ipsos Æneam rogat, ac horum voluptate eum artificiose tentat. Meritum quoque objicit, quæ pleraque apud Catullum; quanquam non illo ordine, v. 314. 315. Sequitur apud Catull. Locus communis de perfidia virorum, v. 141. ad 146. quem locum communem brevi sententia complexus est Virgilius loco alio, v. 373. Nusquam tuta fides &c. Post perfidiam objectam ingratum suum accusat, & nominatim præstita officia exprobrat Catull. v. 147. ad 157. Id quoque Virgilius expressit, v. 371. ad 375. Ariadna fratris mortem, quam amatoris se maluisse dicit, ac pro tanta in eum fide relictam se esse feris avibusque dilacerandam queritur: Dido Nomadum Regum Libycæ ac Tyriæ gentis in se odium, deinde pudicitiae violatum nomen, postremo mortem ipsam objicit v. 320. ad 323. Apud Catullum

lum Ariadna Theſeo objicit crudeles natales v. 152. ad 155. idem imitatur Virgilius v. 365. 366. 367. Haecenus per negationem proceſſit Virgilius, cum Catullus per interrogationes. Jam etiam interrogationibus utitur Virgilius v. 368. 369. 370. Apud Catullum Ariadne conqueritur, ſuum jam longe fugam arripuiſſe, v. 165. 166. Idem facit apud Virg. Dido, v. 532. 533. Apud Catull. Ariadne optat nunquam advenſiſſe Theſea. v. 167. ad 172. Dido id ipſum imitatur v. 657. 658. Catullus Ariadnam deſperabundam inducit v. 172. ad 183. Didonem etiam Virgilius v. 534. ad 547. Catullus tandem Ariadnam ad diras & execrationes perducit, v. 184. ad 197. Hunc locum Virgilius copioſiſſime ac ſplendiſſime imitatus eſt, Apollotrophen faciens ad Solem & Hecaten.

Paret ex illis, quæ adduximus, qualis Virgilio in imitando fuerit ratio. Adeo 12 preſſo enim pede ſecutus eſt Catullum, ut harum literarum imperitum eſſe oporteat, qui hæc non ſentiat. Mutavit interim ordinem, quem Catullus obſervavit, & dialogiſmis cum Anna ſore interjectis ſuſius traxit orationem Didonis. In hiſtoria quoque recensenda longior eſt Virgilius; ſed ita ille expreſſit Catullum, ut, qui Catulliana poſt hæc Virgiliana leget, jam non inveniat, quod ipſi magnopere placeat. Ille enim adjectione figurarum vivacium, argumentorum patheticorum, diſtione quoque ipſa, quæ horridior paulum eſt apud Catullum, adeo omnes numeros abſolvit, ut vix ab humano ingenio aliquid addi poſſe videatur.

Aliud illuſtre imitationis exemplum, quo Horatius Virgilium expreſſit, notavit Bernardinus Parthenius in eleganti libro Italica lingua ſcripto *Del-la Imitatione Poëtica lib. 1. pag. 18. ſeqq.* ubi monſtrat, quomodo Horatius jam dilatarit, jam contraxerit Virgilii locum *Georg. II. libro extremo in Epod. 2. de laudibus vitæ ruſticae*. Quod exemplum idem Autor repetiit in elegantifſimo *Commentario ſuo ſuper Horatium*, illo loco, quo nemo accuratius oſtendit artificium Poëticum. Initium plane idem eſt. Virgilius:

*O fortunator nimium, ſua ſi bona norint,
Agricolæ!*

Horatius: *Beatus ille, qui procul negotiis &c.*

Virgilius ſignificaturus, ſolutos eſſe omni cupiditate, omni ambitione, omni metu & periculo, agricolas, ſic ſcripſit:

*- - - quibus ipſa procul diſcordibus armis
Fumidit humo facilem victum juſtiſſima tellus.*

& inferius:

*Illum non populi ſaſces, non purpura Regum
Flexit, & infidos agitant diſcordia fratres, &c.*

His addantur illa:

*- - - nec ferrea jura.
Infanumque ſorum aut populi tabularia vidit.*

X x x 3

Solli-

*Sollicitent alii remis freta cæca, ruantque
In ferrum, penetrent aulas & limina regum.*

Hos versus brevius ita extulit Horatius:

*Non excitatur classico miles truci,
Nec horret watun mare,
Forumque vitat, & superba civium
Potentiorum limina.*

Sequitur apud Horatium:

*Ergo aut adulta vitum propagine, usque:
Aut tondet infirmas oves.*

Locus hic amplior est, quam Virgilii, coque felicior. Virgilius unicum tantum artificium rustici meminit, cum dicitur illi:

Agricola incurvo terram molitus aratro.

Horatius dilatazione hic usus est per enumerationem. Sequitur apud Horat.

*Vel tum decorum mitibus pomis caput
Autumnus arvis extulit,
Ut gaudet insitiva decerpens pyra
Certantem & ucam purpura.*

Virgilius sic:

*Et varios ponit fetus autumnus, & alte
Mitis in apricis coquitur vindemia saxis.*

Quod Virgilius contraxerat, Horatius ad species deduxit. Pergit Horatius:

*Qua numeretur te, Priape, & te pater
Sylvane, tutor finium*

quod prius ita Virgilius dixerat:

*Fortunatus & ille, Deos qui novit agrestes,
Panaque, Sylvanumque senem, Nymphasque sorores.*

Virgilius porro:

*Spelunca, vivique lacus, aut frigida Tempe,
Mugitusque boum, mollesque sub arbore somni.*

Illa verba eleganter Horatius illustravit dilatazione sententiarum & membrorum:

*Libet jacere, modo sub antiqua ilice, usque
Somnos quod invitet leves.*

Virgil. Venit hiems, teritur Sicyonia bacca trapetis.

Vid. Horat. illo loco: Aut cum tonantis annus hibernus Jovis.

& quæ sequuntur, usque ad illa verba: Jucunda captant pramia.

Confer illa cum loco Virgilii, ubi describit opera hiberna rusticorum:

*Sed tamen & quernas glandes tum stringere tempus,
Et lauri baccas, olcamque, cruentaque myrta,
Tum gruibus pedicas & retia ponere cervis,
Auritosque sequi lepores, tum figere damus &c.*

Apud

Apud Virgil. hæc porro habentur :

*Interea pendent dulces circum oscula nati.
Casta pudicitiam servat domus.*

Hæc splendidissime dilatavit Horat. his versibus :

Quod si pudica mulier in partem juvet, &c.

Reperiuntur in Virgil. & illi versus :

*Hanc olim veteres vitam coluere Sabini,
Hanc Remus & frater. Additque postea:
Aureus hanc vitam in terris Saturnus agebat.*

Quo respexit Horat. in secundo illo versu suo :

Ut prisca gens mortalium.

Si quis jam conferat paraphrases illas soluti sermonis hujus loci apud Frischlinum, cujus extant in Virgilium paraphrases; & Lubinum, cujus extant in Horat. paraphrases, videbit varietatem dilatationum. * Nos hic aliud exemplum paraphra- 21
seos poëticæ ejusdem Odæ Horatianæ dabimus, quæ insignis admodum est, ex Jac. Wallii, Poëtæ nitidissimi, Poëmatibus, ex qua parebit mira illa fecunditas locorum ex adjunctis, genere & specie, ex roto & partibus, quibus præ ceteris utuntur Poëtæ, ut multis exemplis demonstravit Bern. Parthenius in libro suo de imitatione Poëtica. Primus versus apud Horat. est :

*Beatus ille, qui procul negotiis
Ut prisca gens mortalium.*

Vide, quam eleganter primum illum versum Wallius ampliavit ex loco generis & speciei, adjectis poëtis. Secundum autem versum in parenthesi positum, rejicit ad alium locum. Sic vero ille :

*Felix sorte sua, quem non ignava sequentem
Otia rus patrium dulci complectitur umbra.*

E 2 commatibus facit 2 periodos, additione prædicatorum,

*Longe illi cura insomnes comitumque laborum
Invisæ facies, quæ multa & magna moventem
Huc celerem atque illuc rapiant, perque ardua versant.*

Horatius: Paterna rura bobus exerceat suis.

Dilatât hæc verba Wallius per ἑξήγησην & descriptionem ex adjunctis, & per divisionem verborum, & additionem novorum prædicatorum.

*Ipse sibi semper vacat, aggrediturque, quod instat,
Arvaque, quæ quondam proavi non magna tenebant.
Exerceat, patiens operum, armentoque quotannis
Sortitus subolem, fortissima corpora, tauros
Inde legit, quos dehinc domitos assuescere cogat
Servitio, & terram impresso præscindere aratro.
Solutus omni fenore.*

Dila-

Dilatatur hæc verba Wallius per partitionem illarum rerum, quæ ad scænus spectant, & per comparationem cum scænore rustico.

*Non pretio tumulos redimit pretioque redemptos
Occupat & sanus tabulis subducit avaris;
Fœnus amat, quod sponte sua iustissima tellus
Et gravida pecudes & messis reddit & arbor.*

Nunc adjicit dilatationem secundi versus per exergasiam & descriptionem ex adjunctis, & dilatationem periodicam.

*Sic olim, ut perhibent, cum fraudum ignara vigeret
Simplicitas, neque fastus adhuc aurique cupido
Improba criminibus nomen posuisset honestum,
Imocue vivere animæ, parvoque beatæ.
Nec excitatur classico miles truci.*

Hæc Wallius dilatat per augmentum sententiarum, addita figura comparationis, dilatatione periodica & descriptione ex adjunctis:

*Quid refert, alius thalamo sublimis eburno,
Ille thoro, cui sponda salix aut fissile robur,
Componat caput? heic mulcet reficitque jacentem
Alta quies lecto non abrumpenda saligno.
Quippe ubi nec prime nec seræ tempora noctis
Distinguunt litui, rumpuntque silentia cantu.
Nec horret iratum mare.*

Wallius hæc iterum periodice dilatat, subjectum & prædicatum novis adjunctis illustrando, additis ex loco causarum sideribus, tempestatem cientibus.

*Non si discordes miscent freta servida venti,
Æquoreos horret fremitus, humilisque pavensque
Numina conclamat, ne quid nimbosus Orion,
Ne quid atrox peccet Boreas, laceraque carinæ
Addat opus pelago.
Forumque vitat.*

Proluxe hæc verba dilatat Wallius per enumerationem rerum forensium:

*- - - Vitat fora, vitat & ætus
Undantis populi: nec quid tabularia, nec quid
Jura ferant, meminit. Non illum aurora morantem,
Quæ se non alibi, primumque ostendit Eoum
Pulchrior, ad lites clamoræque jurgia cogit:
Nec jam defessus longas evolvere causas
Orando ingratos queritur se condere soles.
- - & superba civium
Patentiorum limina.*

Wallius hæc dilatat 1. per fig. Permissionis & comparisonem aulicorum, quorum officia prolixè ab adjunctis describit, & comparat cum scopulis marinis.

*Sollicitent votis alii invidiosa potentum
Arbitria: obfideant aulicus, atque alta superbis
Atria portibus, certatimque oscula pugnent
Præripere, & primas Dominis jam mane recenti
Dicere blanditias. Hæc ille Capharea saxa.
Has prudens metuit Symplegades, & sibi fasces
Ac trabas finit emeritum exorare clientem,
Semotus longe populo & civilibus unctis.*

Ergo aut adulta vitium propagine
Altas maritat populos.

Wallius hæc dilatat præmittendo generales sententias & confusas: unde proœdit ad distinctam de laboribus circa vites, quam dilatatione circumstantiarum & adjunctorum describit:

*Ergo illum aprici colles campique feraces
Curarum expertum accipiunt. Illic imperat arvis
Ipse suis, terrasque docet parere volentes,
Nec regum, sua regna videns, suspirat honores.
Nunc vites serit, & verni cum palmitis ætas
Prima vires, tenerum virgis furcæque bicorni
Tollit humo: dein & validi propagine sætus
Populeas late stirpes ulmosque maritat.*

Aut in reducta valle mugientium
Prospectat errantes greges.

Wallius hæc dilatat per διόλυσιν verborum in integras sententias converforum:

*Nunc illum procul umbrosa sub fronde morantur
Secessus pulchri nemorum, vallesque reductæ
Faunorum domus. His pingues errare juvenas
Prospectat: longe resonant mugitibus agri
Pascuæque & noti gregibus sitientibus amnes
Inutilesque falce remos amputans
Feliciores inserit.*

Mire hæc dilatat & exornat Wallius ex loco adjunctorum & consequentium in varia membra illa partiendo & elegantibus metaphoris illustrando.

*Venerit insitio; juvat hunc, juvat arboris illum
Felix fruticem peregrino includere ligno:
Finduntur nodi; ressecantur, inutile pondus,
Silvestres rami: ramus felicior alter*

Tenuis

Yyy

Inferi

*Inferitur: surgunt udo nova germina ligno;
Mirantur platani malos; mirantur & ulmi
Ignotas glandes; & non gentilibus ornus
Stat curvata pyris, nec sese agnoscit in illis.*

*Aut pressa puris mella condit amphoris,
Aut tondet infirmas oves.*

Dilatât hæc Wallius per simplicem exergasiam, additione quarundam circumstan-
tiarum:

*Nunc apibus sætis cellas discentaque melle
Horrea rimatus populat, purisque recondit
Aurea dona cadis: nunc mollis vellera lana
Infirmo pecori frondente sub ilice tondet.*

*Vel cum decorum mitibus pomis caput
Autumnus arvis extulit,
Ut gaudet insitiva decerpens pyra
Certantem & uvam purpuræ.*

Dilatât hæc Wall. sententiarum augmento, epithetis & periphrastica dictione poetica.

*Inde, ubi formosum pomis & mitibus ævis
Frugifer autumnus flavis caput extulit arvis,
Quam juvat, hic atque hic, ut se maturæ pyrusve
Obtulit, & pomis oculos dextramque legentis
Prima vocat, sætu gravidos adducere ramos,
Felicis ramos, quos ipse inolescere nuper
Et genus invitis docuit committere truncis:
Quam juvat & plenis pendentem vitibus uvam
Carpere, certantem Tyrios anteire rubores.*

*Qua muneretur te Priape, & te pater
Sylvane, tutor finium.*

Late hæc explicat Wallius, addendo sententias ætiologicas, & numerando officia ru-
stica, quæ beneficio Numinum rusticorum bene cesserunt. Describit & ritum ipsum.

*Dum tibi, quod fruges & munera divitis horti
Servaris, furum custos aviumque Priape,
Primitias fert in calathis, falcique saligne
Pampinæ circum intexit, sua vota, coronam,
Teque vocat, Sylvane pater: tibi pinguis culta
Tuta refert, tibi depulsos à messibus apros
Ex morsus pecorum, aversumque à palmitæ caprum.*

*Libet jacere modo sub antiqua ilice,
Modo in tenaci gramine.*

Dila-

Dilatatur hæc multiplicando sententias & periodos, incipiens figura occupationis, cui responderet. Describit æstivum Solis a conjunctis Solis sideribus, addendo epitheta sua & adjuncta nova cumulando.

*Fortè aliquis Soles, dum nulla hic porticus Arcton
Excipit & Boream, sub iniqui sidere cancri
Ardentes metuat. Sed enim nisi nuda per agros
Corpora messorum sudore fluentia cernas,
Ignores ipso, quid rapidi vis ignea Phœbi,
Quid Leo, quid Cephæus sitiensque canicula possit.
Nunc jurat æstivos ortus vitare sub alta
Illic, nunc viridi submittere corpus in herba,
Quæ ripæ & ripis natæ frondentibus umbra
Æstibus & medio suadent decedere Soli.*

*Labuntur altis interim ripis aquæ,
Queruntur in silvis aves,
Fontesque lymphis obstrepunt manantibus,
Somnos quod invitet leves.*

Hæc simplici conversione metrica & membrorum multiplicatione dilatatur.

*Interea gelidi fugiunt per gramina rivi,
Arboribusque vagantur aves: nemus omne querelis
Personat, irriguo qua fons argenteus agro
Labitur attritos inter levis unda lapillos
Obstrepit, & dulces invitat murmure somnos.*

*Aut cum tonantis annus hybernus Jovis
Imbres nivesque comparat:
Aut trudit acres hinc & hinc multa cane
Apros in obstantes plagas.*

Hæc mirifice explanatur per prolixam venationis descriptionem, cui mixtæ descriptiones elegantissimæ ex adjunctis apri & canum, coloribus Virgilianis illustratæ: enumerantur antecedentia, conjuncta & consequentia venationis; quæ cum non attigerit Horatius, magna cum voluptate leguntur.

*At cum jam pluvia & nivibus canaque pruina
Frigidus hibernum contristat Iuppiter annum,
Quæ non aucupii, quæ non venatibus illic
Gaudia proveniant? altis de montibus actus
Fertur aper, frustra ille animos setasque comantes
Arrigit, & spumis albet ferventibus ora,
Fulmineumque genus, non certi cedere, quanquam
Nunc hos obliquo, nunc illos dissipat ictu.*

Yyy 2

Tarsus

Tantus amor præde est, & savi gloria morsus,
 Nec minus & cursu juvenes jaculisque fatigant
 Setigerum; hortantur sese & latrantibus addunt
 Cum clamore animos; dum tandem in retia trudent
 Frequentem & teretes nodos differre parantem;
 Accurrit victor, splendentique illa serro
 Transadigit: lato sequitur de vulnere sanguis,
 Procumbitque ferox, & adhuc in morte minax sus.

Aut amite levi rara tendit retia
 Turdis edacibus dolos.

Amplificat hæc verba Wallius per descriptionem hujus venationis uberiores: Instrumenta enim, & quæ cum illis conjuncta sunt, ad extensionem sententiarum, adducit.

Forstan & tutas placeat levioribus ire
 In prædas studiis: venit hinc quoque grata voluptas,
 Ex facili capiendæ: plagas & retia levi
 Distendit furca, turdosque incitat edaces
 Callulus & sparsis incantos fallit olivis.

Pavidumque leporem, & advenam laqueo gruem

Jucunda captat præmia.

Quis non malurum, quas amor curas habet,

Hæc inter obliviscitur?

Extendit illa Wallius per *Ægyptiacæ* poëticam, & enumerationem curarum, quas simpliciter & indistincte hic ponit Horatius.

Aut pavidum sequitur leporem, laqueoque tenaci
 Strymoniam captat volucrem, jucunda laboris
 Præmia. Quis non hæc inter, quotcunque malorum
 Secum amor infelix trahit, invidiamque metumque
 Et spes ambiguas, & quas pudor ipse repulsas
 Ingeminat curas, & nunquam longa fruenti
 Gaudia, nubiferis tradit diffundere ventis?

Quod si pudica mulier in partem juvenis

Donum atque dulces liberos,

Sabina qualis aut perusta Solibus

Pernicis uxor Appuli;

Sacrum verustis extruat lignis focum,

Lassi sub adventum viri:

Claudensque textis cratibus latum pecus,

Distenta siccet ubera:

Et

Et horna dulci vina promens dolio,
Dapes inemptas apparet.

Hæc Wallius per simplicem conversionem metricam, uno vel altero epitheto addito, dilatat:

*Quid si contigerit priscis quoque moribus uxor,
Quæ castum seruet thalamum, quæ remque domumque
In partem iuuet, & dulces educere natos?
Qualis erat Tatius quondam regnante Sabina,
Duratas callosa manus, aut Appula mater
Sole rubens. Quid si posito cum scissus aratro
Vir redit, illa socam lignis & cortice siccò
Exstruat, ac lento textis de vimine septis
Includat letum pœnis & turgentia succet
Ubera? Si, quanquam calices & pocula ponat
Fagina, vina ferat, quæ dulci condita leuit
Ipsa cado, mensisque dapes apponat inemptas
Delicias faciles.*

Non me Lucrina iuerint conchyliis
Magisque rhombus aut scari.
Si quos Loïs intonata fluctibus
Hyems ad hoc vertat mare.

Dilatat hæc Wallius per figuram Permissiōis & additionem epithetorum aliorumque verborum, vel actiones vel adjuncta significantium.

- - - Non me tum regia, non me
Regum epule teneant, per me conchyliis testis
Tuta suis saxo mancant affixa Lucrino;
Per me securus Calabro natet aquore rhombus,
Et sine fraude scarus depasus ruminet herbas.
Si quem forte procul fluctus tu nesciaſtus Eo
Adria jactatum nostris acceperis undis,
Aut Tyrrhena fremens ad littora verterit Euris.

Non Afra avis descendat in ventrem meum,
Non attagen Ionicus
Jucundior, quam læta de pinguiſſimis
Oliva ramis arborum,
Aut herba lapathi prata amantis, & gravi
Malvæ salubres corpori,
Vel agna festis cæſa terminalibus,
Vel hædus creptus lupo.

Yyy 3

Dilatat

Dilatatur hæc Wallius per immutationem membrorum, additionem verborum, epithetorum, descriptionem Terminalium, sed succinctam:

*Non mihi tum Libya, non mollis Ionia pictas
Mittat aves: tantum glauco mihi Palladis arbor
Canescat fatu, pinguesque ministret olivas,
Obvia me lapathi prato gaudentis aperto
Herba juvet, malvæque leves gravibusque salubres
Corporibus, vel qua lactens cadit hostia ferto,
Termine sancte, tuo, cum te vicinia supplex
Defixum colit, & ferto frondente coronat;
Aut mea, quod satis est, hilaret convivium cano
Præda excussa lupo, villis stillantibus, hædus.*

*Has inter epulas ut juvat pastas oves
Videre properantes domum!*

Dilatantur hæc per descriptionem ex adjunctis.

*Ut juvat has epulas inter spectare bidentes
Cum sese e pastu referunt! ut curribus ægre
Ubera circummeunt! ut multo lacte gravata
Ad mulctram injussæ veniunt, gaudentque levare
Videre fessos vomerem inversum boves
Collo trahentes languido.*

Dilatatur per simplicem conversionem metricam & immutationem verborum.

*Ut juvat ex agro reduces spectare juvencos
Longorum fessos operum & grave robur aratri
Vomere suspensæ attrita cervice trahentes.
Positosque vernas, ditis examen domus,
Circum renidentes Lares.*

Iterum hæc dilatatur simplici conversione metrica.

*Ut juvat & vernas numerosa examina villæ
Lucentes ignes circum latosque penates
Aspicere agresti curantes corpora mensæ.
Hæc ubi locutus fœnerator Alphius
Jamjam futurus rusticus,
Omnem relegit Idibus pecuniam,
Quærit Calendis ponere.*

Elegan.

Eleganter hæc dilatat Wall. descriptionibus luculentis, enumeratione partium & adjunctorum (1) circa scenus, omnemque rem collybisticam. (2) circa agriculturam, variaque ejus officia & instrumenta.

*Dixerat hæc dives positis in fanore nummis
Alphius, atque aliud meditans, & totus in illo
Dammabat tabulas, loculos dammabat & aurum
Innocui ruris sero intellecta voluptas.
Una est ante oculos, una suspirat in illa.
Nunc placet arborum cultus, nunc cultus habendo
Impensus pecori: subeunt modo servida pleno
Musta lacu, modo qui pomis exuberat annus,
Et modo delectant saltus venatibus apti:
Omnia persuaudent curas mutare priores,
Jamque empturus agros exacta relegerat æra
Idibus. At (victrix adeo natura recurrit)
Hæc eadem lucro servat ponitque Calendis,
Protinus agrorum oblitus vitæque beata.*

Atque hoc illustre est exemplum paraphraseos poëticæ. * Ex quo pater 22
mira fecunditas locorum, quæ sunt e conjunctis, adjunctis, antecedentibus, consequentibus, toto, partibus, genere & speciebus, indefiniti & definiti. Quibus omnibus si quis jungat phrasin elegantem poëticam, metaphoras vivaces, poëtissimos, fabularum allusiones, nunquam in talibus argumentis sterilis deprehendetur. Et hoc sibi exercitium continuum quis velit, si in carmine proficere velit; imo & ad solutam orationem labor iste proderit, modo quis differentiam poëticæ & oratoricæ dictionis probe observet. Plura sunt exempla apud eundem Auctorem tam niti-darum paraphrasium. Reperiuntur & apud Car. de la Rue, Poëtam Gallum, inter *Idyllia* ejus paraphrases plane his similes, ac elegantissimæ omnino, quales in exemplum poni debent Poëtices tironibus.

Subjungemus huic paraphrasi longiori strictiorem nostram, qua eandem in 23
Elegiam transfudimus.

*Felix, o nimium felix, quicumque relictus
Urbe procul curis tempora liber agit;
Quique vetustorum leto de more Quiritum
Exercet bobus rura paterna suis.
Qui sibi non magnas injusto fanore querit
Ipse, nec immenso fanore limat oper.
Non illi dulces rumpent fera classica somnos.
Incutient nullos tympana rauca metus.
Non ligno vitam committet nauta doloso,
Non flebit raptas naufragus, orbis, oper.*

Ille fori strepitus, tricas & jurga vitat.
 Patricie appendix nec stat, & umbra domus.
 Ille vel attendet vitim, fingitque putando:
 Cui tenerum fulcit populus alba latus.
 Ille ex arboribus ramos sine lege fluentes
 Amputat, & ramos inserit ille novos.
 Jam videt erranteis subdieta in valle juvencae,
 Atque suum gaudet non numerare pecus:
 Jam legit æerii mellis celestia dona,
 Quic sibi non-emptas condiat ille dapes;
 Aut sevo ut nidos à frigore protegat artus,
 Mollia lanigere vellera tondet ovis,
 Aut ubi maturis præcinctus tempora pomis
 Autumnus gravidis jam caput addit agris;
 Letus adoptivis carpit nova munera ramis,
 Inque manus cupidas pensilis uva venit.
 Uva venit, Tyrio que non concesserit ostro,
 Hellepontiaco munus itura Deo,
 Hec nisi Sylvano gratus donaria servet,
 In patris fines quod vigilavit agri.
 Ille modo antiquæ recubat sub tegmine fagi,
 Et modo gramine sternitur ille toro.
 Interea placidis strepuerunt fontibus unda:
 Plurima per sylvas carmina fundit avis.
 Ha querulo mentes mulcentque soventque susurro,
 Et faciles somnos garrula suadet avis.
 Hinc ubi jam nivibus piger horret & imbris annus
 Et resides stringit frigore Caurus aquas.
 Jam populatorem per sylvas excipit aprum,
 Seu malit positis illaqueare plagis;
 Aut turdis levi rara amite retia tendit,
 (Hos bonus ille dolor insidiasque struit.)
 Aut abit in lepores felix prædator inermes,
 Aut mensis captat præmia grata græves.
 Non illum dura friguscula conjugis angunt;
 Non animum cure, quas amor addit, edunt.
 Ille sua queritur sylvis & fontibus iras
 Conjugis & mala dat cuncta ferenda notis.
 Quod si casta domum bene quæ curaveris uxor,
 Quæ famulos, socii, quæ sacra jura tori:
 Appu. a cœu rapidis excocta à Solibus uxor,
 Quale decus duro, fusca Sabina viro,

Ligna

Ligna focis subdat claro lucentibus igne,
 Solamen fesso, cum redit ille, viro.
 Et latum includens lento de vimine textis
 Cratibus exoneret sedula lacte pecus:
 Hornaque vina cado dulcissima munera promens,
 Ponat, quos dederant rura benigna, cibos.
 Non Lucrina mihi placeant conchyliis, rhombi,
 Non venient mensis fercula lauta scari.
 Si quos, Eois cum sese fluctibus effert,
 Ad mare Tyrrhenum turbida vertat hiems.
 Non ego barbaricis implevero viscera ferculis,
 Et peregrina meam pascat Orexin avis.
 Felices olea si detur carpere fructus,
 Et succos baccis elicuisse novos:
 Si doceant molles ventrem mitescere malva,
 Si lapathum mensis prata dedere meis.
 Me juvet esca, lupi raptus de faucibus hœdus,
 Agnaque, que fesso, Termine, casa tuo.
 Interea reduces, epulis dum pascitur illis,
 Ubra balatu plena queruntur oves.
 Et tardos inversa sequuntur aratra iuvenços,
 Pabula cum lassæ notaque tecta petunt.
 Rustica lucentes famulantum turba coronat,
 Appendix regni non inhonora, focos.
 Alphius hæc reputans, felicia prædicat arva
 Præque suis grati fenora ruris amat.
 Jamque suburbanos urbi præponit agellos,
 Hos ut emat, relegens lœdibus æra novis.
 Illa sed exstinguunt venientes vota calende,
 Alphius ad tabulas, lucraque nota redit.

Huic Metaphrasi nostræ alia Metaphrasium nostrarum subjiciemus exempla,

24

Ex Horatii Oda I. lib. I.

Mæcenæ, prisco qui Regum sanguine natus,
 Præsidium Musis dulce decusque meis.
 Sunt, quæis pulverci ridet certamina Circi,
 Ut virides palmas, munera pulchra ferant,
 Hunc si Romulidæ multis insignibus ornent,
 Non pascant tituli, & nomina vana juvent.
 Illum sæcundis si messibus horrea rumpant,
 Et patrios nitido vomere findat agros.

LZZ

Quic

Quicquid agas, studiis nunquam dimoveris istis.
 Attalicas quanquam sis dare promptus opes,
 Navibus ut vasti pavidus secet aquora ponti,
 Committens dubiis lucra ferenda notis:
 Per mare velivolum placida cum navigat aura,
 Tum sibi mercator plaudit opesque parat.
 Sed cum tempestas, se toto turbida caelo
 Explicat, inque undis fracta carina natat.
 Tadia cum subeunt vite non vana prioris,
 Quasitus pelago spernit & odit opes,
 Rura beata vocat, felices rure colonos;
 Si dederis illi litus, arare velit.
 Cumque silent venti, discussaque nubila caelo,
 Mox quassas rescit sedulus ille rates,
 Fortune veteres animo censusque recurrunt,
 Et miser esse nequit, pauperiemque pati.
 Est, qui nec veteris contemnit pocula vini,
 Atque dies multos sepe bibendo trahit:
 Seu viridi patule sedeat sub tegmine fagi,
 Seu penes irriguas ille recumbat aquas.
 Multos castra juvant, & cæci praelia Martis,
 Arma, enses, litui, tympana, pila, tube;
 Bella illis animos & cades pectora pascunt,
 Quæis matres tenera, quæis dolere nurus.
 Pervolat sylvas venator & horrida tesqua,
 Non inbibent noctes, frigora, turbo, nives.
 Seu ille sripedi cava tendat retia cervo:
 Seu populatorem sternat anbelus aprum.
 Me miscent superis doctorum præmia lauris.
 Et nemora & nympha me Satyrique juvant.
 His ego commistus vulgi commercia sperno,
 Dum mihi Castalidum sacra foresque patent.
 Si mihi se faciles Clio, Polyhymnia præbent,
 Arguteque dabunt carpere fila lyra.
 Si tu me Lyricis Mæcenæ vatibus addis;
 Tunc ego me regem, tunc vocitabo Jovem.

Cui pietas cordi est, qui crimine liber ab omni
 Vivit, & est recti justitieque tenax;

Non fidas metuet, non vincula, tela, catastas;
 Non qua se saluum casside praestet, eget.
 Seu adeat positor calidis sub solibus Indos,
 Seu per Barbaricas transeat ille plagas.
 Nam mihi dum sylvam nuper percurro Sabinam,
 Oria dum sector, dum Lalagenque cano;
 Occurrit lupus, & tamen hic me fugit inermem,
 Cui clypeum probitas, cui dabat arma fides:
 Quale nec in sylvis tellus alit Appula monstrum,
 Monstrorum genitrix, quale nec Asra dedit.
 Excipiat rigido tellus subjecta Boota,
 Quam Sole averfam nix glaciervae tegit.
 Mittar ad exustos vicinis solibus agros,
 Letus ego Lalagen semper amabo meam.

Ex Od. XIV. Lib. II.

26

Posthume, praecipiti labuntur tempora cursu,
 Nec pietas magis his injicit ulla moram,
 Non si Plutonem tauris placare trecentis,
 Non auri dare si multa talenta velis:
 Exores rigidum: nos Styx atra hauriet omnes,
 Quicumque hic annos ducimus atque dies,
 Imperitet populis, terram proscindat aratro,
 Conduntur tumulo sarcula, sceptrum, par.
 Ut late quatiat magnus sua sceptrum Tyrannus;
 Hec quoque falce sua mors furibunda metet.
 Membris & telis sit Rex, sit milite tutus,
 Hunc ex insidiis mors galeata petet.
 Frustra vesanis tergum subduxerit armis,
 Qui procul à belli fulmine cautus agit;
 Frustra pestiferis autumnus territat auris;
 Frustra est, qui timida Nerea mente fugit.
 Omnibus est adeunda palus Acherontis opaci,
 Et Plutonia nos regna domusque vocant.
 Grata tibi tellus linquenda torique pudici,
 Non conjux posthac basia lata feret.
 Quos colis, ex hortis cupressus odora sequetur,
 Funeris appendix sola futura tui.
 Quae tu centenis servaras clavibus, haeres
 Dignior expanso gutture vina bibet.

Lzz 2

Ex

27

Ex Od. II. lib. I. Carm.

Optima Leuconō ne sit tibi discere cura,
 Quem tibi Dii finem, quem dederintque mihi:
 Vivere num Priami liceat, vel Nestoris annos,
 An extrema tibi nunc oriatur hiems.
 Ne tu Chaldaee queras oracula sortis,
 Ne tu satidicas inspice stulta rotas.
 Oblectes animum, nec dulcia vina relinquis,
 Deliciis ventrem pascere animumque novis.
 Nam quoque dum loquimur, nos invita fugerit atas,
 Ne tibi sit curae crastina, sera dies.

28

- Ex Od. II. lib. II. Carm. Horat.

Euclio si fueris, si munificentia desit,
 Nullus ab argento splendor honosque tuo est.
 Munificus vivet longos Proculj in annos,
 In fratres cunctas qui pius hausit opes.
 Latius & regnes, auri si nulla cupido est;
 Si non immodicas quæris anhelus opes;
 Quam si tu Lybicas conjungas Gadibus oras
 Subsit & arbitrio Pænus uterque tuo.
 Ipse sibi indulgens paulatim augebitur hydrops,
 Ni fugiat morbi causa, nec ipse fugit.
 Dissidet à populo virtus magnamque Phraaten,
 Felicem folio cum sedet, esse vetat.
 Hac vulgi plausus & inania schemata temnit;
 Non illi phalæx, non placuere togæ.
 Hac fasces, regnum diademaque deferet uni,
 Qui magnas magno pectore spernit opes.

29

Hæ imitationes, ut in majoribus carminibus, ita & in carminum partibus locum habent, & in carminum variis generibus. Ita ex Oda facies Elegiam, ex Elegia Odam, ex brevi aliquo sententioso carmine integram vel Odam, vel Elegiam. Ut si forte ex Catonis Distichis brevibus Odas morales conficias, vel Elegias per *χωρισμὸν* & *πρόσληψιν* dilatatis sententiis. Quale exercitii genus continuum & quotidianum esse debet illi, qui ad aliquam in carmine gloriam adspirat. Ubi imitationibus multis te exercueris, jam liberiori uti calamo poteris in Odis & Elegiis, sumendo theses, quas ductu quidem argumentorum Oratoriorum tractabis, sed modo tamen poetico & singulari quodam ornatu, quem semper carmen præ oratione soluta requirit; de quo postea dicemus. * Procedit illa imitatio etiam in ipsis inventionibus; ubi tamen cum modestia & judicio versandum est, ne quid aliis

30

aliis sublegere videamur. Possunt enim inventiones ex aliis facile excogitari, manuducente nos quadam vel metaphora, vel sententia.

Exemplum talis imitationis in Epigrammate invenias apud *Laurentium Niendalium* in Poëmatibus suis. Scripserat *Muretus* in Poëmatibus suis juvenilibus hoc Epigramma:

*Sutor es & pistor, lanius, lenoque coquusque
Mercatorque bonus, caufidicusque bonus.
Te tamen in tota non est mendicior urbe,
Nec quem paupertas arctius agra premar.
Dic agendum, qui sit (num res est mira, Corelli.)
Cum tot res facias, rem facere ut nequeas.*

Retinuit *Niendalius*, dissimulato tamen autore, inventionem & vim acuminis; sed antecedens seu protalin hujus Epigrammatis *Niendalius* per *πρόσληψιν* multarum specierum dilatat, ut pene nimius illa in re sit.

*Nosti blandifona Philerge canna,
Incautas trahere in plagas volucres:
Nosti squammigeros aculeatis
Hamis fallere, cassibusque pisces.
Nosti pinserc, navigare nosti;
Nosti pingere, literasque nosti.
Nosti, quod nova nupta cum marito
Novit, cum thalamum subit pudicum:
Nosti, quod meretrix torum relinquit,
Vino pelliculam replere adusto.
Nosti cudere, sarcinare nosti;
Nosti suaviloquum sonare carmen;
Nosti suavissonos ferire nervos.
Nosti ducere, praeinente chorda,
Motus ad numerum lyrae canentis;
Nosti texere tela sportulasque,
Et pellucida flare vitra nosti.
Nosti concoquere optimum metallum,
Nosti concoquere optimum Falernum.
Nosti, cum moritur vel hic vel ille,
Praconis vice unus indicare.
Mentiri quoque, si quid illud artis,
Unus pra reliquis, Philerge, nosti.
Et custos ovium bonumque custos,
Et tonsor bonus, & malus Machaon,*

*Mercator bonus es, bonusque tutor,
 Patronus bonus es, bonusque tutor.
 Et totis agis hoc & hoc diebus.
 Si desit, quod agat, Philerge, nebis.
 In toto tamen oppido, Philerge;
 Non mendacior ulius est Philergo;
 Nemo pauperior; Philerge, quam tu,
 Quid dicam? Magis hoc magisque miror,
 Cum tot res facias, Philerge, semper,
 Rem tamen facias, Philerge, nunquam.*

- 32 Eadem ratione, si quis Epigramma illud breve Martialis: *Omnia Castor emis: Sic fiet, ut omnia vendas*, in Epigramma circumscriptum mutare velit, hoc modo instituit, ut Antecedens: *Omnia Castor emis*, per figuram enumerationis dilatarit:

*Quid non Castor emis? talenta fundis,
 Ut possis tibi comparare fundos,
 Villas, prædia, vineas & hortos.
 Percursas fora, mundinas, tabernas.
 Et merces Tyriasque Cypriasque,
 Et quod venerat ultimis ab Indis,
 Præsentis licitaris usque nummo:
 Mercaris tabulas, specilla, gemmas,
 Sculpta Phidiaco sigilla celo,
 Pocla murrhina, vina digna poclis,
 Anlea Attalico superba cultu.
 Nil tibi satis est: sed hinc ubi omnes
 Exhausti loculosque zonulasque,
 Quid nunc Castor ages? inceptis Castor?
 Emisti omnia, Castor, emptæ vendas.*

Ita Consequens, in quo acumen consistit, eleganter Antecedens prolixius deductum terminabit, dum lectoris animus, per ambages illas suspensus, inexpectato brevi acumine vehementer delectatur.

- 33 Inter exercitia Metaphrasium ac Paraphrasium, aliarumque imitationum referri possunt etiam descriptiones variae, Temporum, Locorum, ut Veris, Æstatis, Sylvarum, Montium, Iconographiæ; item comparationes, quæ inter ornamenta carminum sunt. Hic ad ductum veterum se exercent tyro, jam contrahendo, jam
 34 dilatando. * Sic apud Ovid. lib. 1. *Fastor. à vers. 152. ad v. 156.* describitur Ver. Id imitatione per 12. versus ita extendes.

*Hæc est, quæ variis de floribus induit æstas:
 Incipiunt menses ire diesque novi,*

Pro-

Protrudit gemmas vitis redoliva tumenteis,
 Spondens Lenæi munera magna Patris
 Arboribus redeunt, volucrum solatia, frondes,
 Quas rigidi excussit tristior aura Jovis;
 Fecundos nunc Terra sinus Naturaque solvit,
 Et teneris sese frugibus ornat ager.
 Tum latus seruet genalibus ignibus ævæ,
 Plurima quem variis cantibus implet avis,
 Hinc agni saliant, saliant per prata iuveni,
 Et pullis misti rure vagantur equi.

Ex illis, quæ prolixè adduximus, facile pater, quæ in conscribendo carmine 35 praxis institui possit. Prout jam igitur varia carminum genera sunt, ita varieganda inventio, dispositio & elocutio. Integri Poëmatis Epici dispositio elegantè a Mambruno in *Epopeia*, & Masenio in *Palæstra Eloquentiæ ligatæ* præfigurata est; qui de eo legi possunt. Nos huic rei hic immorandum non putamus, cum nemo facile integra poëmata scripturus sit. Quare in minora illa carmina potius industriam nostram convertemus. Et in Heroico genere habemus primo Eclogas, deinde carmina encomiastica, minora; in varias occasiones concepta. Quod ad Eclogas attinet, etiam illæ super certo argumento generis Demonstrativi scriptæ. Nam vel gratulamur in illis, vel dolemus, vel simile quidpiam facimus, interveniente Dialogismo, qui pro ratione personarum colloquentium institui debet. Argumenta vero in illis debent esse humilia, rustica, pastoritia & per allégorias tales ad argumentum princeps applicata. Id tamen probe notandum est, formulas colloquentium poëticas singulari studio notari debere. Quæ in re præire possunt illæ Locorum Communium dialogisticorum ideæ, quas suppeditavit Starchius, Ilagogæ suæ Epistoliciæ adjectas. Quæ autem subsunt sententiæ, quasi per lemmata notari possunt. Illa lemmata amplificantur poëticiis formulis, comparationibus, descriptionibus, &c. Ita tamen, ut pro ratione poëmatis in omnibus servetur modus.

In reliquis carminibus eodem more procedes. In his argumentorum Rhetoricorum loci sunt manifestiores, ut in equo Domitiani, quem Statius laudat, & in pluribus aliis. Plerumque enim Demonstrativo generi subjiciuntur Eucharistica, Soteria, Epinicia, Propemptica, Valedictoria, Salutatoria, Prosphonetica &c. in quibus unde argumenta primaria defumantur, Rhetorici libri suppeditant. In his defectus instituendus est, & argumenta vestienda ornatu poëtico. Si quis autem carmen cuiuscunque generis scribere velit, hanc sequatur methodum, ut, ubi necessaria argumenta circumspexerit, totum illum sermonem nudum & enthymematicum, resolvat in sententias breves, seu lemmata, quarum sententiarum in prolixiore carmine forte 20. vel 30. erunt. Has sententias enthymematice vel syllogistice se exhibentes, connectat certis quibusdam figuris, formulis, Poëtis usitatis: amplificet, illustrer

stret vel per expolitiones, vel per assumptiones, finiti ad infinitum, partium ad totum, specierum ad genus, distincti ad confusum, causarum ad effecta, adjunctorum ad subiecta & vice versa: vel per comparationes & exempla fabulosa. Huic methodo si quis insistat, facili negotio carmen concinnabit. Hac methodo, quam ipsi antiqui Rhetores suppediatarunt, plerumque ipse usus fui; & vidi postea eandem institutam a Bernb. Parthenio in Comment. Horatiano, ubi per omnes odas Horatianas ostendit primo sententias carminis, & deinde ornamenta Rhetorica & Poetica.

- 36 Ut carmen ea ratione scribere discas, exemplum tibi praefigas alterius cujusdam Poetae, vel antiqui, vel recentioris, notesque, qua ratione ille in scribendo carmine versatus fuerit. Resolve in sententias, atque illis sententiis ornamenta subijce: ira statim prodibit carminis artificium, & facile animadverteres ingenium Poetae. Ubi hiant illa; neque satis sibi respondent, ut fit in indoctorum hominum
- 37 carminibus, contemnere tale carmen potes. * Sed habent tamen antiqui etiam & optimae notae Poetae suas *παρεκβάσεις* & digressiones, quae ita interdum a proposito discedunt, ut non revertantur: qui tamen eam ob causam reprehendendi non
- 38 sunt. * Non enim adeo morose ad Rhetorices leges Poetarum libertas adstringitur. Sed tamen & in ipsis Epifodiis quaedam est concinnitas & quoddam, ut ita dicam, temperamentum poeticum, quod facile hanc *αιμωδότην* excusat. Et est in minoribus poematibus major interdum Epifodiorum licentia, quam in maioribus. Quoniam majora poemata perfectius aliquod systema habent, quam minora; & in perfectiore systemate, si quid excedat, facilius observetur, quam in minori aliquo carmine. Quemadmodum in homine perfecta staturae defectus magis in oculos incurrunt, quam in nano aut pygmaeo: ideoque Epifodia majori modestia in illo carminis genere adhibenda sunt. Ut illa res clarius sit, exempla quaedam subijciemus.

- 39 Laudaturus erat Augustum Virgilius ob agrum, bello amissum, ejus beneficio redditum. Ergo duos de sorte sua colloquentes inducit. E quibus infelicius sic orditur. *Melib. Tu Tityre in securo latoque otio vivis.* (Illustratur exergasia & adjunctis otiosorum hominum rusticorum, & *αὐτάρκειος* suae fortis) *Tit. Hac ego otia Principi debeo.* (Illustratur perpetua allegoria & applicatione rituum sacrificii ad cultum Principis. Gratiarum actio per ritus illos sacros, quibus Dii coluntur, explicatur.) *Melib. Non invidéo.* *Ego vero deteriore loco sum, cujus tristitia ego omnia habui.* Amplificatur per hypotyposin suae fortis, quae consistit in damno agrorum & pecorum. Adjiciuntur omnia per enumerationem. Id enim familiare rusticis & simplicibus hominibus esse solet. Quis est ille Deus, qui tot otia tibi fecit simpliciter: quo transitus fit ad cetera) *Tit. Roma praclarissima urbs est.* (Non directe respondetur statim ad quaestionem, & narratio quasi e longinquo inest. Laudatur Roma per comparationes rusticas & per figuram correctionis & contentionis cum Mantua) *Mel. Quid in Romam?* (per simplicem quaestionem.) *Tit. Spes libertatis me eo vocavit, quam sperare alibi non licebat, etsi plurima ejus causa tentavi* (Tres senten-

sententiæ amplificantur 1. per Chronographiam & enumerationem circumstantiarum, enumerantur enim rustica opera; quæ libertatis gratia fecerant.) *Mel. Mirabar ego, cum tui desiderium hic omnes teneret.* (Illustratur hoc desiderium per enumerationem votorum, & per figuram imaginis. *Tit. Eundem mihi illic fuit &c. Vidi illic juvenem &c. Ille libertatem, ille agros reddidit.* (Prima sententia amplificatur per interrogationem & responsionem, & per illustrem Metaphoram, a cultu divino petita. Secunda iterum illustratur de aliquo adjuncto & Metaphora, a cultu divino petita. Tertia illustratur per *ἑξερυσσίων*, a rebus & operibus rusticis petita.) *Melib. Contentus esse potes hac fortuna! etsi inculta omnia. Tuam illic felicitatem exspectes.* (Tres sententiæ iterum illustrantur. Prima simpliciter proponitur. Secunda per descriptionem illustratur. Tertia itidem per descriptionem & per enumerationem deliciarum rusticarum.) *Tit. Nunquam memoria excidet hoc beneficium.* (Illustratur per figuram *τῷ ἀδωδῶτε*.) *Melib. Mihi desperandum est, Abundum hinc mihi nunquam redituro. Alius hac occupabit.* (Tres sententiæ illustrantur. Prima per enumerationem locorum, secunda per *ἀπορίαν* sub forma quaestionis propositam, tertia per quaestiones abruptas & exclamationes, per figuras, ironias. Inferre nunc *Melib. &c. per Apostrophien ad capellas suas.*) *Tit. Mane mecum hac nocte. Habeo poma. Jam vesperscit.* (Illustrantur hæ sententiæ per descriptionem ulteriorem ex adjunctis & Chronographiam.)

Secundum exemplum, e *Statii Carm. u. Lib. 1. Sylv.* quod est encomiasticum in 40 *Equum Domitiani.*

Equum hunc Poëta laudat 1. *a causa efficiente.* Unde hæc moles in forum pervenit? amplificatur per enumerationem variorum operum, quæ sub figura dubitationis & interrogationis proponitur: an e cælo venit? an e siculis carminis? an manu Palladis perfectum, per contentionem cum aliis operibus: ubi notentur formulæ connectendi: nunc, age fama prior miretur &c. Hunc non cepisset; ipse nec Æneas &c. Adde quod ille nocens. Martem non amplior portat. Nec veris majora putes: adduntur variæ exergasiæ & aliquæ hypotyposes, sed breviores. Laudat 2. hunc equum *ab adjuncto circumstantiarum*, & loci, & a quatuor positionibus. Hinc limina pandit Tiberius; cum quo Domitianum comparat, ita ut hunc illi præferat & tu mirior illo. A latere Julia templa. Hinc regia Pauli. A tergo templum concordiæ. Amplificantur hæc expolitionibus & prosopographiis brevioribus. Connexio membri: par operi sedes. Laudat 3. *ab adjuncto proprio*, equite scilicet, quem describit per partes. (1) *a facie & capite.* Ipse autem puero celsum caput & tribuit capiti statuae, quæ alias ipsi imperatori tribuenda. (2) *a manibus*, ubi describuntur adjuncta manus, imago scilicet Palladis. (3) *a pectore & latere gladioque ad latus pendente*, quem comparat cum gladio Orionis. Ubi semper statuae tribuit, quæ attribuenda personæ. Laudat 4. *equum a forma externa.* Amplificatur per descriptionem partium, & ab effectu vel accidentalibus consequentibus, contentione cum aliis instituta. At soni-

pes &c. Perpetuæ hic sunt Metaphoræ κατ' ἐνέργειαν. Tribuuntur enim statuae, quæ tribuenda alias animal. Laudat 5. à subjecto, scil. solo; amplificat variis fictionibus & hypotyposis ac comparationibus cum aliis fundamentis, quæ majora opera portant. Laudat 6. à celeritate operis perfecti, per fictionem genii quasi cooperantis, & descriptionem istius laboris per adjuncta. Connexio: nec longæ traxere moræ. 7. Ornat Prosopopœia totum hoc carmen. Introducit enim loci custodem statuum & equitem alloquentem. Consideratur hic triplicis temporis circumstantia; (1) *Præsentis*. Ipse loci custos extrulit caput, & hæc infit. Amplificantur hæc sententiæ per πρόσληψιν variarum circumstantiarum & variarum actionum. (2) *Præteriti temporis*: si te nostra tulissent secula. Amplificatur autem comparatione dissimilium. Comparat enim hunc equum cum equo Alexandri M. Descriptiones ornant sententias. (3) *Futuri temporis*. Opus hoc perpetuum erit. Amplificat hoc per enumerationem earum rerum, quæ aliquid destrueri solent, & quidem per αἴσιον: non hyemes, non ventos, non fulmina horret, non æstatem. Amplificat deinde per θῆσις, certabit cum Roma de perpetuitate. Ornat iridem per fictionem novam Deorum & fratrum cælo labentium, quæ huic imagini miscebant oscula. 8. *Claudit voto per Apostrophē* ad ipsum Domitianum. Amplificat hoc comparatione & inductione artificum, quæ ipsum vel fingere vel pingere vellent, aut quæ ipsi templa erigere cuperent. Vive diu, & nostræ pietatis cultus non sperne, per Exergasias & Periphrases.

His exemplis insistere possumus in ceteris quoque carminum generibus. 41 Nam & Elegiæ & Odæ eodem modo ordinari possunt. * Quod si quis jam Ovidii Elegias, inprimis Heroidum Epistolas præ manibus sumat, & in suas sententias atque ornamenta resolvat, statim artificium deprehendet, quod in illis summum est. Ovidius enim, ut erat cultissimo ingenio, ita nihil quicquam omisit in ornando carmine, Elegia præsertim; adeo, ut quibusdam nimius videretur, qui declamatorias in illo argutias notarunt. Sed non est, ut illorum iudicia moremur.

42 In Lyrico carmine eandem rationem sequi possumus. Nam, si Horatium nobis præfigamus, singulas Odas eadem methodo resolvit *Parthenius*. Si enim e. g. primam Odam resolveris, his sententiis continetur: quidam agonibus Olympicis student: quidam agriculturæ operam impendunt: quidam navigationibus & mercaturæ student: quidam voluptuariam vitam sequuntur: aliqui militia, alii venationibus se exercent. Ego vero poëtica studia amo, quæ me celebrem reddent. Singulæ sententiæ ornantur variis descriptionibus, Metaphoris poëticis, Epithetis insignibus, assumptionibus ad adjunctis, enumerationibus partium; atque ita tota hujus Odæ compages absolvitur, ac videtur Horatius totam hanc Odam per imitationem desumpsisse a Virgilio, cujus sunt hi versus lib. 2. Georg.

Sollicitant alii remis freta cæca &c.

Exemplum

Exemplum nobis erit elegans illa Oda, quæ reperitur apud *Cominium*, Poëtam 43 Gallum, ad Principem Condæum, lacte victitantem. Hac Oda Poëta elegantissimus Principi gratulatur de lactis cibo, illudque consilium laudat; variisque exemplis, fabulosis præcipue, ostendit, lac esse Heroum cibum. Pulcherrimæ in illo sunt descriptiones & ornamenta e fabulis: comprehendi potest his sententiis. 1. Ne pudeat lacte vesci (per amplificationem a contrario & exergasiam.)

*Ne sit pudori lacte regales mero
Mutare, Borboni, dapes;
Luxu & remoto, pellere innocentibus
Sitim famemque poculis.*

2. Ille fuit cibus aurei seculi, (dilatur per descriptionem prolixiorē a variis adjunctis, quæ respondent simplici cibo ab effectis.)

*Haud alius olim, Rege Saturno, cibus
Herous aluit, & Deos:
Cum pura adhuc, & recensque ab auctoris manu
Natura nesciret dolum:
Rivisque latice candido manantibus
Curam & labores mergeret.
Tunc illa lacti concolor proles suo,
Agitabat ævum latius,
Nec quid senectus, quidve lautitia comes
Fores podagra, noverat;*

3. Tunc Jupiter ubera capellæ junxit, eamque cælo transtulit (per Phrasæologiam elegantiorē.)

*Tunc & capella plena fuscantem ubera
Tellus adoravit Jovem:
Qui, ne sibi unquam tam bonus deesset liquor,
Nutricem Olympo transtulit.*

4. Apollo pastor factus, ut lacte vesceretur (per Phrasæologiam & αἰτιολογίαν.)

*Apollo dulci rore cum cuperet frui,
Servavit Admeti boves:
Mammæque crebro suxit, ambrosia ut vetus
Abstergeret fastidium.*

5. Hercules lac bibens cælo viam lacteam fudit, (per Phrasæologiam & descriptionem viæ lacteæ breviorē.)

*Hoc ipse madidus nectare Alcmena puar
Nova fecit orbi sidera:*

Aa aa 2

Quot

*Quot ab ore guttae, dum bibit, defluxerunt ;
Tot iere per caelum facer.*

6. Qui lacte vescuntur, fortes sunt. Transitus fit per prolepsin, dilatatur per Phraseologiam ex effectis synonymicam.)

*Langvere inerti, ne tamen crede otio,
Quis molle placuit poculum
Lac auget animos. Inde magnorum venit
Effector operum spiritus,
Puroque bilis igne, cognata & serens
Superas ad arces pectora
Æthereus ardor.*

7. Constat hoc exemplo Herculis, Davidis (per descriptiones prosographicas & amplificationes actionum a circumstantiis.)

*sic feros idem Hercules
Lactantis in matris sinu
Elisit angues: sequae consiliis Deum
Patrioque deberi polo
Jam tum probavit. Sed quid exemplis fidem
De fabulosis querimus?
Ephraeus ille pastor, immanes manu
Cui lusus urfos frangere;
Cui saepe presso gutture horrendum frementis
Succubuit in sylvis leo;
Irtutis unde robur indomita hauserat,
Et cor parere nescium?
Per sola patrios rura sectantem greges
Succo fovebat vitulo,
Expert aratri vitula, & infestis lupos
Lacessere audax cornibus,
Hinc sanula victrix, & Palestinus caput
Suo ense truncatus gigas:*

8. Tua facta restantur, a lacte magnos tibi triumphos excitatos. (Hic se totum effundit Poëta, & per enumerationem praelia & res gestas Ducis Condrei recenset additis descriptionibus praeliorum a variis adjunctis. Adduntur epitheta Hyperbolica. Comparatio cum leonis catulo.

*Tibi ipse testes, Borboni, an lac Martios
Restinguat ignes pectore.
Dicat Batavo mutuum in cladem & probrum
Male soderatus Celtiber;*

Epulisque

*Epulisque opimis frustra, & ardenti mero
Germanus iram suscitans.
Valler Senesi strage cumularunt sua,
Vinoque rubrum & sanguine
Auxere Sabini. Pinguia obscenas adhuc
Pascunt volucres corpora.
Sen cum Lybissæ matris expressum bibit
Mamma furorem turgida.
In Bella catulus fertur, & sacros boum
Tristisque custodum necesse
Exercet ungues.*

9. Tibi bibito lacte, vigor redit. (Simpliciter,)

*efficaci poculo
Ad arma sic vigor redit,
Nova & juvenitur.*

10. Nuperi triumphi te juvenem ostenderunt. (per brevem descriptionem.)

*Te quidem nuper tribus
Cum vidit auctum laureis,
Hostesque trepido fugere cogentem gradu,
Assatia juvenem credidit.*

11. Nunc tuo exemplo lac Heroum cibum facis (per Synonymiam phrasium.)

*Nunc ergo dum te rore vitali fovet,
Viresque scissas recreat;
Lacte vicissim reddis antiquum decus,
Meritosque honores asseris.
Nam jure dici meruit Heroum cibus:
Quando ipse fecisti tuum.*


12. Jam Galli omnes lac vino præferent. (per Synonymiam phrasium, & allusiones ad nomen & insignia.)

*Jam Gallus omnis, nomini fovens suo,
Præ delicato nectare
Fastidiosus dispuncti suætas daper,
Spretique dona Liberi.
Jam rursus imbre lota divino, novum
Trahens nitorem lilia.*

13. Felix illa juvenca, quæ liquorem hunc regali alumno fundit. (Hic singulari artificio Poëta Apostrophæ facit ad juvencam, comparando illam cum Iō, & spondendo illi sidera, quæ omnia Poëtissimum sapiunt. Talia enim mirifice ornant carmen, & colores poëticos addunt. Descriptiones breviores illustrent sententias.)

*At tu liquores quæ gravi nunquam ubere
Summittere almos desinis,
Juvenca felix! si potest quicquam mentis
Spondere carmen, Et potest;
Non fabulosas clara Grajium versibus
Iō tibi se præferet:
Ex homine quanquam facta bos, Dea ex bove
Templo remugit aureo;
Populosque blanda voce poscentes opem
Oraculis conterritis.
Dicere quondam nobiles inter feras
Tenere Olympi pascua:
Vernosque cornu ducere aurato dies,
Tauri marita lucidi.
Interea olentes perge regali memor
Herbas alumno carpere:
Præstesque Francis, lactes ut serus via
Condeus ad superos eat.*

His sententiis elegans illa Oda comprehendere potest. Quæ ad ornatum pertinent seorsim observentur: elegantes phrasæ, significantia epitheta, variationes pulchræ. Vel unum lactis nomen sæpe *πρῶτος*. Jam enim vocat pocula innocentia, laticem candidum, bonum liquorem, dulcem rorem, nectar, molle poculum, succum vividum, rorem vitalem, delicatum nectar, imbrem divinum, liquores almos. Metaphoræ illustriores, fictiones, comparationes notari itidem debent. Quod si in reliquis Poëmatibus majoribus concinnandis eadem ratione usus fueris, facili negotio ad carmen scribendum te præparabis. Exemplis enim aliorum nos ipsos instruimus.





POLYHISTORIS LITERARII

LIB. III.

ΠΑΡΑΣΚΕΥΑΣΤΙΚΟΣ.

C A P. I.

DE EXCERPENDI RATIONE.

- §. 1. *Excerpendi necessitas.* 2. *Illā male a nonnullis impugnatur.* 3. *Exempla Platonis & Thami Aegyptiorum Regis.* 4. *Sacchini liber de ratione libros legendi laudatur.* 5. *Ob abusum aliquem non tollendus excerpendi usus.* 6. *Excerpendi omīssio viris doctis deplorata.* 7. *Excerpendi utilitas.* 8. *Autores aliquot de Excerpendi ratione recensentur.* 9. *Drexelius.* 10. *Philomusus.* 11. *Sturmius, Benzius.* 12. *Fogelii in Lexico Homonymorum,* 13. *Udenius,* 14. *Schraderus,* 15. *Keckermannus, Bonnius.* 16. *Excerpta usui & scopo nostro accommodanda.* 17. *Vincentii Placcii liber de arte Excerpendi laudatur.* 18. *Ejus machina scrinii literati.* 19. *Modus in Excerpendo non usque adeo operosus esse debet.* 20. *Excerpta minus necessaria per amanuenses potius instituenda.* 21. *Autor excerpendi studium neglectum dolet.* 22. *Adversaria de omnibus rebus, quae legimus, videmus, audimus, cogitamus, paranda.* 23. *Sarprii,* 24. *Welschii,* 25. *Ischirnbaufii ea methodus.* 26. *Sacchini libri gemini Excerptorum.* 27. *Adversariorum magnus usus.*

Postquam superiori libro, cui METHODICI titulum fecimus, multa de methodo in studiis diximus, huic librum tertium, quem ΠΑΡΑΣΚΕΥΑΣΤΙΚΟΝ inscripsimus, nunc subjungimus, qui cum eo connexus videtur, in quo de RATIONE EXCERPENDI, tum in Eloquentia, tum in disciplinis, agemus: In illa enim quasi quaedam praeparatio ad doctrinam consistit. Ut qui domum exstructurus est, lignis & lapidibus opus habet: ita qui egregium aliquid in quocunque doctrinae genere conatur, silvam prius congerere debet ad opus suum idoneam. Quor-

- Quorsum enim multa legere proderit, nisi cum fructu legantur, & in usus nostris, velut in horrea quædam, seponantur? quemadmodum scilicet bonus Pater familias promptuaria habet, e quibus familiam sustentat; Ita vir doctus suas quasdam opes congerit, quibus bonam mentem alat, ac famam sibi exciret. * Nolo hic de necessitate excerptendi multa præfari: sunt enim, qui de eo copiose satis disputant adversus illos, qui excerptendi studium ut supervacaneum & molestum rejiciunt, minime hac in re audiendos. Non desunt, qui, quod de literarum inventionem in universum judicarunt, etiam ad excerptendi rationem applicent. * Plato jam tum in Phædro disputavit, plus detrimenti adferre sapientiæ libros, quam præfidii. Nam cum literarum inventor Theuth Ægyptiorum Regi Thamo inventum illud memoriæ & sapientiæ remedium esse prædicaret, Regem contra dixisse narrat, potius oblivionem allaturas propter negligentiam recordandi. Quippe qui, inquit, externis confisi literarum monumentis res ipsas intus animo non revolvunt: quamobrem non memoriæ, sed monitionis remedium invenisti: Sapientiæ quoque opinionem potius, quam veritatem discipulis tradis. Nam cum multa absque Præceptoris doctrina perlegerint, multarum rerum periti vulgo, cum ignari sint, videbuntur. Consuetudine quoque molestiores erunt, utpote qui non sapientiâ ipsâ sunt præditi, sed opinione sapientiæ subornati. * Et hæc tria incommoda nunc quoque, inventa Typographia, Sacchinus in eleganti libro de ratione librorum legendi cum profectu cap. 10. pallim in re literaria dominari judicat. Plerique omnes, inquit, ut quicquid in adversaria retulerunt, ommissa cura sunt, seignique animo tanquam ipsi jam tenerent, quod commiserunt membranæ: ac non potius ea re scrinia illorum quam ingenia docta videri possent. Quin etiam cum doctrina ex eo bonorum sit genere, quæ nec amitti nec auferri possunt, nihil proclivius factu est, quam ut ejusmodi commentaria igne, aq̃ui, furto, ab tincis & blattis aliisque casibus pereant. * Hæc quidem non omnino falso dicuntur, sed quia non solum Excerpta, sed omnem rem literariam & librorum usum tollunt, qui ita judicant, potius ad majorem utilitatem ea in re respiciendum est, quam ad eos, qui hominum inventis per socordiam suam non recte utuntur.
- 6 Fateor multos etiam sine excerptis Viros non doctos solum, sed & ferme insignes fuisse; quos tamen in juventute negligentiores fuisse, in sera ætate impenitens poenituit. Johannes Sturmius, qui in libro de linguæ Latinæ resolvendæ ratione adeo operose colligendi modum in phraseologia describit, de se ipso ait: Sed ego non feci, & dolet me non fecisse, atque utinam monitus fuisset a Præceptoribus, ut hoc facerem, utilior vobis esse possem hoc tempore, quam sum. Idem vel in senectute ad hunc excerptendi laborem paratum ipse ait, omisiss gravioribus, si socios ejus laboris nancisci possit. Quare juventutem magnopere hortatur, ut mature illi operi se accingant. Quod nos, inquit, senes tota nostra ætate assecuti non sumus: vos paucissimorum annorum labore, & labore facillimo, vobis comparabitis. Casaubonus quoque in Epistola 309: ea de re queritur: Dolet mihi, quod multa legerim in nostra bibliotheca, quæ jam pridem in adversaria mea non retuli. * Excerptendi studium ex adverso multa sunt, quæ suadent. Provocat enim legentium attentionem excerptendi
- 7

pendi industria; ipsa illa scriptio intelligentiam juvat, &, quod præcipuum est, certissimæ hoc oblivionis remedium est.

De Excerptendi ratione non pauci scripsere, tam generatim, quam speciatim, 8
de quibus dicas, illis pene, quot capita, tot esse sensus. * Notissimus est DRE- 9
XELII liber, cui titulus: *Aurifodina artium & scientiarum*, in quo multa proponit
excerptendi consilia, sed quæ multis non placuerunt, ob eorum multitudinem & dis-
tractionem. Plerique omnes, qui de methodo studiorum agunt, aliquid de excer-
pendi ratione immiscent; quorum omnia consilia enumerare quid attinet? Genera- 10
tim aliqua FRANCISCUS SACCHINUS in libro supra laudato tradit. * Extat cu- 10
jusdam PHILOMUSI e Soc. Jesu libellus, cui titulus: *Industria excerptendi brevis, faci-*
lis, amena, a multis impedimentis, quibus adhuc tenebatur, exsoluta, Constantia Ann.
1684. editus. Ille geminos libros facit Locorum & Adversariorum, atque adeo
omnia cujuscunque farinae miscet; quod mihi omnino displicet. Cur enim Phra-
seologica, Sententiosa, Oratoria, Physica, misceantur, atque in unum cumulum
confundantur? quam molestum erit, in isto singula acervo quærere? neque
enim compendium illa methodus præstat; sed potius turbat. Quibus arctæ res in
eruditione sunt, illi de singulis pauca congerunt. Quibus vero magnæ opes sunt,
illi, nisi per suas sedes distincta singula habeant, non in bene ordinata penu, sed in
chao quodam, versantur. * Alii ordinem rerum in verbis & rebus sectantur, 11
alii eo ordine, quo, quicquid illis occurrit, in commentarios suos referunt, qui ta-
men indices bene dispositos illi subjiciunt. Ordinem rerum secutus est Sturmius, &
ex ejus consilio Benzius, suntque eorum *διατυπώσεις* ea de re editæ; quæ fateor in-
signem utilitatem in amplificando & in argumentis præstant, dum omnia inter se
connexa, quasi sub unum obtutum cadunt. Sed tamen & molesta sunt vacua illa
chartarum spatia, quæ evitari non possunt. * Commendavit & nuper ad me- 12
rhodum generalem Locorum Communium Martini Fogelii Lexicon Homonymorum,
qui illud edidit, Cl. Joannes Vagetius, optime de Viro optimo meritis & meritorus,
si cetera ejus inedita in lucem protraheret. * Scripsit & ante aliquot annos UDE- 13
NIUS Germanica lingua librum, cui titulus: *Excerptendi ratio nova*, Northusa Anno
1681. in 4. editum: qui tamen præcipue ad Locos Communes in orationibus sacris
concinnandis consilia suppeditat, non utique spernenda: sequitur enim viri Clarif-
simi Chr. Schraderi methodum. * Ille commentario in Rhet. Aristot. de excerpten- 14
di ratione quædam se editurum pollicitus est, & circumferuntur quædam ejus de hoc
argumento privatis Scholis propolita, quæ ante obitum, ut audio, optimus senex per-
fecit, ut typis promulgari possint. Ceterum minime eam probat methodum, qua
uno in libro omnia confunduntur. * Scripsit & KECKERMANNUS de Locis Com- 15
munibus faciendis *Consilium Logicum*. Legi etiam BONNEUS libro *de Ratione dis-*
scendit p. 129. potest, qui facit Locos communes 1. *Theorematicos*, qui secundum or-
dinem disciplinarum instituuntur 2. *Historicos*, ubi sunt Prosopographici, Topo-
graphici, Mythologici, rituales, rerum gestarum, loci morales exemplorum. 3. *Lo-*
Toms I. B b b b cor

Utilissimum est, non tantum sub Locis Excerpta dirigere, sed & Adversaria ²² quædam conficere, in quibus congeramus, quicquid unquam cogitatum a nobis est, in lectione Autorum, aut in quotidiana meditatione: deinde quicquid vel vidimus, aut ab aliis nobis narratum est. Non credat quis, quot ex illo fructus redundare possint. * Fecit id Vir maximus, PAULUS SARPUS: quarum no- ²³ tarum integra restare volumina testatur in ejus via Fulgentius p. 134. 135. 136. edit. Gallie. Illis nihil acutius & eruditius fingi posse ait. * Idem fecit & πολυμα- ²⁴ θεστος ille WELSCHIUS, ut in Vita ejus refert Schröckius p. 61. n. 27. * Ex his ²⁵ cogitatis velut ideis quibusdam integri postea libri gignuntur; Id quoque experientia sua testatur Tschirnhaus. in Medicina part. p. 2. 176. Quia raro ob tot hujus vite impedimenta est possibile, ut semper sat temporis habeamus rem quandam accurata, ut docet, methodo tractandi, utilissimum, quod hic facere possumus, est, ut, si bona nobis cogitationes suggerantur, (id quod non raro præter spem in media cum aliis conversatione, dum ne quid- dem de veritatis acquisitione cogitamus, accidet) singulis eas diebus, eoque, quo in eas incidimus, ordine conscribamur. Hoc ego dum feci, observavi, me sic brevi tempore sat multas observationes, quæ mihi fundamento fuerunt ad multa ex iis utilia derivanda, sic concessisse, quæ alias memoria dubio procul excidissent; quin non potui relegendo recordari, me eorum, quæ consignaveram, cogitationes unquam habuisse.

Idem quoque suasisit SACCHINUS in libr. supr. laudato cap. 3. ut gemini libri ²⁶ conficiantur, alter Adversariorum generalis, quo, ut lectio quodque subministrat, omnia colligenda sunt; alter secundum ordinem titulorum congestus. Quemadmodum negotiatores geminos habent libros, pusillum unum, alterum grandem: illum adversaria aut ephemeridem, hunc calendarium & codicem dixeris. In eum singulorum dierum rationes accepti expensive tumultuarie referunt, nempe serie illa, quam obtulit usus: in hunc transferunt inde disponuntque certa in loca, quæ conservata volunt. Hujus sui instituti rationem hanc habet: Priorem librum, inquit, confici volo, in quem continentur, ut occurrunt, quæ ex quopiam opere seliguntur, notentur, quia magna est oblectatio, atque opportunitas, si uno quasi contuitu, quæ in uno quopiam libro sunt egregia recognoscat. Id autem fieri non poterit, si in ordinem, non lectionis, sed rerum, excerpta dispenfer: Sparsa enim erunt in plurima capita, quæ magnum insulsunque negotium sit singula perferutari. Deinde ille contuitus, quo consequenter excerpta recognoscuntur, operis totius memoriam refreecat. Præterea multa offeruntur legenti egregia, quæ certam in caput nullo modo, aut egre, possis referre: quæ tamen in adversariis nullo labore consignabuntur, nec magno opere, cum voluntas feret, invenientur. Itaque prior hic labor id genus adversaria conscribendi mea sententia multum voluptatis habet, nullumque commoditatis: neque ullius rædii declinandus est metu. Altera autem opera disponendi in sua loca, & capita, quæ ad eandem rem faciunt, manifestum pretium habet: Namque sub titulo (exempli gratia) Amicitie, Prudentie, Timoris, ac rerum hujusmodi, tam multa brevi videbis conseruata ex operibus, quæ legeris, ut ipsemet mireris. Hæc ille, cujus minime spernenda consilia sunt, idemque Sturmius in libro de linguæ Latine resolvendæ ratione

27 probat. * Et sane, quod ad Adversaria attinet, ea magis, quam ceteri Excerptorum libri, sunt necessaria. Novi enim Viros doctos, præclarorum autores librorum, qui nullis aliis libris, quam temere congestis Adversariis usi fuerunt, quæ semper secum etiam in itineribus habuerunt, & in iis obvia quæque statim consignarunt.

C A P. II.

DE EXCERPTIS PHRASEOLOGICIS.

- §. 1. Excerptis Verborum cura præcipua impendenda. 2. In oratione tria attendenda, ut sit pura, ornata, copiosa. 3. Excerpta secundum hanc distinctionem institui debent. 4. Willichii methodus colligendi secundum ordinem categoriarum. 5. Quibus difficultatibus prematur. 6. Exemplum excerptorum Willichianorum. 7. Sturmii methodus illi præfertur. 8. Julii Camilli consilium de Locis inutile. 9. Loca quatuor generalissima excerptorum. 10. Excerpta non ab uno, sed a multis eadem methodo instituenda. 11. Locorum Sturmianorum & Lullianorum aliqua convenientia. 12. Lulliani loci Ficheto laudati. 13. Beccheri excerptendi institutum. 14. 15. Benzius, Sturmii consilia secutus, in Græcis & Latinis vocibus laudatur. 16. Ejus dispositio locorum in Latinis. 17. Magnum copia subsidium a Methodo Sturmiana. 18. Particularium separata Excerpta & Rhetorica. 19. Rhetorica collectanea. 20. Encyclopædia Philologica Placcii laudatur. 21. Divisi operis diversarum rerum phrasæ a diversis colligende. 22. Donis Hermathene laudatur, 23. quanquam in illa omnium coæservatio incommoda sit. 24. Suadetur index & ordo alphabeticus. 25. Schönslederi & Benzi collectanea conjungenda. 26. Accurata titulorum divisio non parum saepe incommodi habet. 27. Præstat quandoque titulos suo arbitrio disponere. 28. Basilii Fabri Sorani phraseologica collectiones laudantur. 29. Unus potius autor excerptendus & familiaris reddendus est. 30. Tituli in Fabri collectis non satis accurati. 31. Præ aliis Schönslederi apparatus commendatur. 32. Quantiliani sententia reprehenditur, 33. & objectis respondetur. 34. Jul. Pollucis diligentia laudatur. 35. Vocum selectus origo est eloquentia.

1 **P**rima Excerptorum cura in oratione versatur, quorum eo major habenda ratio est, quo magis nitidæ orationis cultus viro docto necessarius est. Multa enim sunt & varia & minuta, ad quæ attendere debent, qui orationis nitore student, singularibusque observationibus, quæ & judicio & longo usu demum instituantur, addisci debent: cum excerpta rerum & scientiarum faciliore negotio, vel ex methodo singularum disciplinarum, vel nostro arbitrio, adornari possint. 2 sunt. * Sunt vero in Oratione tria, ad quæ respicere debemus; primum ut pura, 3 deinde ut ornata, hinc ut copiosa sit. * Puritas ergo dictionis primum locum occu-

occupabit. Hanc ut obtrineamus, variis opus erit Excerptis, Grammaticis & Lexicis. Suadet VIVES libro de Adolescentium institutione confectionem talium librorum, sed non distincte satis eo in argumento versatur. * Proposuit JODOCUS 4 WILlichius in libro de verborum copia comparanda modum, quo nomina sub titulis communibus colligenda sint, exemplis de veste, toga, horto, vinea, in medium allatis. Nam sub Titulo vestis primum omnes phrascs, quæ huic subjecto conveniunt, recenset, subjungi vult deinde derivata & composita. Hinc ad species vestium, ex natione, ex colore, a materia, descendit. Deinde ad vestes, ratione formæ consideratas, procedit, & sic in ceteris. Sed ille modus a vulgata Lexicorum ratione non differt, nisi quod classibus suis singula distinguuntur, quod non æque illi faciunt. Hinc vero verba pro categoriarum ordine disponere docet, qua de re ipsum audire juvat: *Prima ratio hæc esto, quæ docendi gratia predicamentalem appellare visum est. Et sicut locupletiores arces cistulis aut marsupijs refertas in promptu retinent, ut ex horum singulis alia atque alia munismata aut depromant aut recondant: Ita studiosi adolescentuli vel in dicendo vel in scribendo, cum usus poscet, locos suos in manibus teneant, quos ex predicamentis certius petent, quam aliunde, cum sint omnium rerum & vocabulorum, quæ istarum signa sunt, veluti promptuaria, & certa spatia sic designent, ut sub singulis plerisque locis justum intervallum intersit, & eum servabunt ordinem. Primo adstet ejus nativa significatio sorsum posita. Deinde formula dicendi substituantur ea diligentia, ut verba nunc cum nominibus constructa puris, nunc cum impuris, hoc est, quibus prepositio aut adverbium, aut dictio una aliqua accessit, integra subnotentur, juxta cum Autoris libro, pagina & interdum versu: postea idem faciendum est in translata significatione, & hanc subinde variare nemo adhibebit: utrobique autem derivata & composita juxta cum agnatis & synonymis adscribenda sunt.* * Subjungit hinc abacum substantiarum, sed methodo non 5 bene satis ordinata. Neque illa disponendi ratio omnia colligenda ita comprehendet, ut facile postea inveniantur, nisi longinquis subdivisionibus tituli deducantur; unde labor inquirendi augebitur, & in collocando tyro per varia notionum genera distrahetur. Quod si sub titulis istis generalissimis omnia sine discrimine ponantur, quam in vasta ille sylva errabit! * Rectius hæc intelliguntur, si exemplo aliquo Willichii hæc sententia illustretur. Assumit ille duas ex Oratione Ciceronis pro Archia periodos resolvendas. In prima ita rem instituit: *Ingenium est in Substantia.* Phras: si quid in me est ingenii; item: sentio, quam exiguum sit ingenium. *Exercitatio est in Actione.* Phras: si qua sit exercitatio dicendi, Item: In exercitatione dicendi me non inficior mediocriter esse versatum. *Ratio est in Qualitate;* phras: si hujusce rei ratio profecta sit. Item: si ea ab optimarum artium studiis & disciplina profecta sit. Item: ab eadem ratione nunquam abhorruit. *Tempus in Quando;* phras: ab exercitatione nullum confiteor ætatis meæ tempus abhorruisse. *Fructus in Qualitate;* Phras: eorum omnium fructum vel inprimis Licinius a me repetere prope suo jure debet. *Repetere in Actione est;* phras: repetere ab aliquo fructum jure suo. Satis vel ex unica hac periodo consilii ejus ratio pater, sed nemo non videt, hanc colligendi rationem molestam & tediousam

- futuram, nisi aliis classibus & distinctionibus multitudini verborum, sub adeo paucis titulis locandorum, subvenitur. Exemplum ejus plenius suppeditare possit Emanuelis Thesauri Index Categoricalis, de quo & libro 2. actum est & *infra* pluribus agitur. * Expeditiorem vero viam optimus ille dicendi magister, STURMIUS, ingressus est. Nam vigesimo post anno in Academia Argentinenſi *linguae Latinae resolvende methodum* tradidit, quam Joannes Lobartus, Boruffus, postea in lucem Argenterati Anno 1581. edidit. Ipse tamen ante annos 36. cum Argentinam primum venerat, in libro de *amissa dicendi ratione lib. 1. cap. u.* hujus methodi mentionem fecerat, & specimine aliquo e Ciceronis oratione Quintiana, sed rudiori & imperfecto, usum ejus ostenderat. Ut ego suspicer, Jodocum Willichium, qui anno 1550. librum suum de rerum & verborum copia comparanda edidit, hoc exemplo incitatum fuisse. * Sturmium vero JULIUS CAMILLUS, de quo libro secundo c. 6. §. 25. *seqq.* a nobis dictum est, excitaverat. Ejus vero consilia quia magis acuta erant, quam fructuosa, rejecit Sturmius, & rerum ordinem secutus commodius rem omnem proposuit. * Invenit itaque quatuor loca generalissima, 1. τὰ δῆα. 2. τὰ φυσικά. 3. τὰ τεχνικά. 4. τὰ ἀνθρώπινα. Singula subdividit naturali sua serie & ordine, quem Dialectica suppeditat, ita ut ordinem prædicamentorum in iis attendat, saltem quinque priorum. Quantitas,
- 10 qualitas, relatio, actio potissimum circumstantiis res omnes definiunt. * Talia excerpta suadet Sturmius a multis instituenda uno tempore. Si enim doctiores acciperent singulos auctores & singulas orationes, & eas resolverent diversas, non
- 11 easdem, insignem ille copiam integro biennio comportari posse existimat. * Habet illa methodus aliquid Lullianæ arti simile, quæ omnem universitatis rerum notitiam una connexionione proponi vult, usui futuram, ut in differendo & philosophando, ita & in colligendo. * ALEXANDER FICHETUS certe, cujus libro secundo mentionem fecimus in arcana sua Studiorum methodo in appendic. capituli 3. Lullianis insistere locis jubet, ac Ideam locorum communium, quam methodo suæ subjunxit, ad has rationes ordinavit. Insigni hanc methodum præterea elogio ornat. Hujus mysterii, inquit, ea vis est quam in Kabala triginta & quinquaginta portis intelligentie ex Arcanis Hebræorum eruit Reuchlinus, ut scientiam rerum omnium & mundum doctrinarum universum, quasi viva in tabella depictum, subiciat oculis ordine plane admirabili: denique continet omnia & singula, singulaque ut omnia, & omnia ut singula ad amissum explicat, efformatque illum, quem desideramus, hominem, ex omnibus constatum compositum disciplinis, quem Orator optabat, quem Tacitus indicat, quem describit Quintilianus. Ac certe verum est, quadantenus convenire Lulliana hæc loca, quæ illis tamen, ut ego puto, accuratiora; cum prædicata distinctiore ordine proponant.
- 13 * BECCHERUS quoque in novo suo organo id egit, ut titulis generalissimis verba omnia disponderet, usui in collectione & amplificatione futura, de quo lib. 2.
- 14 c. 4. n. 32. * Sturmii consilia, quod ego sciam, nemo secutus est, aut eum in se laborem suscepit, præter JOANNEM BENZIUM, qui discipulus Sturmii fuit, ejusque luculentum specimena dedit in *Thesaurio Elocutionis Oratoricæ Græco-Latino* Basi-

Basileæ Ann. 1581. in folio edito, quo præstantissimos Græciæ Oratores resolvit: quod sane opus omnibus in Græca eloquentia collectaneis præferendum est. * Idem quoque in Latina lingua simile quid tentavit, sed compendium tantum ab 15 illo habemus, vel sic tamen magno usui futurum. Quem si ille laborem ad exemplum Græcæ linguæ instituisse, adductis integris auctorum sententiis, & apposito loco, haberemus profecto in illo genere Opus elaboratissimum. Nunc rudimento illo contenti sumus, quod Argentorati Anno 1596. sub titulo *compendii Thesauri Latinitatis puræ* in 8. prodit. * Loci omnes LXXVI. sunt, sub quibus 16 ille totam linguam Latinam, ut ante linguam Græcam, disposuit, vocabula quoque simplicia eo ordine pueris ediscenda antea in lucem miserat. Ipsos quoque locos, nudos scilicet titulos, in usum excerpta colligentium Argentorati Anno 1588. in 12. edidit. In singulis locis ita rem instituit, ut primo ponat nomina Substantiva cum Synonymis, tam simplicibus quam metaphoricis, his subjungat adjuncta sive epitheta, quæ pleraque ad prædicamentum quantitatis vel qualitatis pertinent: hæc excipiunt Actiones, quæ phrasas continent. Hinc sequuntur Personæ cum Synonymis: hinc adverbia; quibus singulis sua quoque subjiciuntur Adjuncta & Actiones. Hinc eodem modo procedit ad cognata, affinia, contraria. In Thesauo Græco præter hæc addit σύνδετα sive conjuncta, & sententias, quas παραδείγματα vocat. Exemplo esto Locus 47. Fortitudinis. Hic primo loco est substantivum cum Synonymis. Fortitudo, Virtus, Animus, Magnanimitas, Strenuitas, Vires, Robur, Nervi. Subjiciuntur Adjuncta & Actiones. Hinc sequitur persona cum Synonymis, Fortis, Vir, Virilis, Animosus, Magnanimus, Fidelis, Strenuus, Vehemens, Acer, Alacer, Magnus, Altus, Celsus, Excelsus, Erectus, Validus, Robustus, Nervosus. Subjiciuntur & hic Adjuncta & Actiones. Sequuntur jam porro Audacia, Ignavia, Securitas, Periculum, Otium, Labor, Celeritas, Tarditas, Patientia, Impatientia, Constantia, Pertinacia, Inconstantia cum Synonymis, Personis, Verbis, Adverbis, singulaque cum Adjunctis & Actionibus, ut si de Fortitudine quid dicendum sit, tam phrasas quam sententiæ mirifice variari possint, ut amplificationibus propemodum infinitis quasi via sternatur. Quis enim tam stupidus esset, qui, cum præ oculis omnia, quæ rei insunt, habeat, ex illa sylva ligna usibus suis apta non comportet? * Et sane ad hunc usum potis- 17 simum respexit Sturmius. Valeant, inquit ille, libri de copia rerum & verborum, valeant Onomastici, valeant Thesauri linguæ Latinæ & Græcæ: nullo loco erunt, si cum hac ratione comparabuntur, & si hæc ratio, quæ sola copiam ostendit, & viam præmonstrat orationis copiose consciente, a vobis persequitur. Hoc si feceritis (alio loco ait) eumque laborem continuaveritis annum unum & alterum, & decem communicaverint operas suas inter se, videbitis quantam copiam, quantam lucem vobis hæc ratio sit allatura, non solum in rebus intelligendis, verum etiam in differendo de quacunque re proposita. Hic enim locis distributis & completis, quotiescunque vobis dicendum erit, oratio vos non deficiet, & quæ Aristoteles habuit prædicabilia, id est, applicabilia, vos habebitis applicata, quæ Aristoteles habuit vacua, vos rebus & verbis habebitis

con-

- condensata.* Qui plenius horum Excerptorum specimen velit, ille adeat ipsum illum de linguae Latinae resolvendae ratione librum, ubi initium orationis Tullianae pro domo sua resolvit, & exemplo vocabuli VIS rationem adornandi unius loci ostendit. * Idem tamen etiam Particularum locos seorsim faciendos suadet, eorumque insignem utilitatem ex recensione Patriculae CUM, TUM, quae in illo libro habentur accuratissima, ostendit. Sed de particularum usu & sensu eorum investigando alibi plenius a nobis agetur: est enim haec linguae Latinae pars minime, prout fieri debebat, exculta. * Rhetorica quoque collectanea separata ab illis habet, quae quamvis ad τὰ τεχνικά referri possint, utilius tamen erit, illa a generalioribus illis distinguere, ne nimia mole excreseat ille liber, & accuratiora sint, quae seorsim intituuntur haec in re Excerpta. * Possent & cetera omnia τεχνικά huc referri, & tota illa Placcii Encyclopædia Phraseologica, qua secundum ordinem scientiarum locutiones proprias & Latinas ex bonis Autoribus excerptas circa quamlibet materiam exhibebit, Autoribus ubique nominatis. Eam promissit vir eruditus & ad rei literariae bonum multa & praeclara moliens, neque fallitur, cum ait in Historia Excerptorum, opus utilissimum & tam vendibile futurum, ut, si fami aut lucro scriberet, aliud nullum sibi prae manibus capiendum censeat: quod ut facere velit, eum rogo. * Consilia illic quoque suppeditat, quibus tale Opus quam absolutissimum dari posset, si divisis operis alius rei vestiariae phrasēs e Ferrario & Rubenio, alius rem culinariam ex Apicio, alius militaria ex Lipsio &c. excerpteret. Notum est, in ædium partibus hoc fecisse Grapaldum. Bartholomæus Riccius quoque observationes locutionum de Re Rustica congefferat, quae ipsi incendio perierunt. Johannes Starckius quoque Technologiam Phraseologicam pollicitus est, quae lucem non vidit. * Scioppius quoque in auctario Grammatices philosophicae Joh. B. Donii Hermathenas XX. libros, quibus ipsa rerum descriptio cum vocibus & phrasibus continentur, laudat, eique Principum munificentiam optat.
- 23 * Sed habet illa omnium uno in libro coacervatio quaedam incommoda, etiam in optimo ordine, & praestat technica illa se jungi, ut eo paratiora ad manum sint. Neque enim semper vacat istam titulorum seriem recensere animo, juvenibus certe & minus exercitatis illa res saepe cum difficultate erit conjuncta. * Ego vero omnibus votis optarem, ut Sturmiana ista methodo quam plenissimum tale Opus elaboretur, in phraseologia praecipue magno usui futurum, ita tamen, ut inquirendi difficultas indice adjecto alphabetico subleveretur: Habet enim & alphabetici ordo suos usus. * Nunc quando sperare tale Opus vix licet, utamur in Latina lingua Benzii compendio, SCHÖNSLEDERI Apparatum, librum utilissimum, illi iungamus. Ita quae apud Schönslederum per literas Alphabeti disiecta sunt, cognata, affinia, Synonyma, Benziano illo rerum indice quasi e latibulis suis educuntur, eoque facilius labor erit, si Benzianis vocabulis numeri paginarum, qui in Schönslederi Apparatu male omissi, & a nobis reponendi sunt, adjiciantur. * Mallem ego tali Opere universali a viro docto & sagaci ordinato uti, quam tironibus autor esse, ut illa ratione excerpta instituant, non parum tædii & difficultatis in

in titulis inveniendis & recte locandis vocibus habitura; præsertim cum & alia attendenda sint in oratione & ad Excerpta sua referenda, quæ non commode ad Stur-
 mianos locos reduci possunt; Quo intuiti sunt, qui ordinem non adeo sollicite
 quarendum volunt, viri summi & qui in literis magna præstiterunt. * Sæpe, 27
 quæ nostro instinctu quocunque ordine collegimus, plus non juvant, quam quæ
 aliorum consilio colligenda suscepimus. Quamdiu adest ille, qui methodum col-
 ligendi dirigit, omnia expedita erunt: sed ubi suo arbitrio relinquentur tirones,
 sæpius hærebunt & in convenientibus titulis inveniendis vehementer laborabunt.
 Quando enim omnes illæ notiones ab initiis & primis ac remotis, sedibus arcessun-
 tur, tener illa cogitatio animos anxieque circumducit. Quare præstat interdum
 titulos, quos res ipsa suppeditat, sine ullo ordine ponere, qui accuratius sæpe
 formabuntur, cum ex rei sensu formantur, quam ubi longa reductione ad prima
 illa sua elementa revocantur. Quemadmodum in ipsa corporum ἀναλύσει in-
 utilis est & supervacanea opera, si ad illa στοιχία prima reducere omnia velimus,
 plus vero utilitatis habet ad proxima illa, quæ rem componunt, respicere: ita &
 in oratione fieri æquum est. Quare mihi semper placuit methodus illa, ut tituli
 ex occasione inter legendum obvii ponantur, facile per indicem postea in ordi-
 nem redigendi. * Collectio vero ea forma institui potest, qua usus est BASI- 28
 LIUS FABER Soranus in Locis Observationum ex Epistolis familiaribus Ciceronis, qui Li-
 psia Ann. 1576. editi sunt, & in libello de Synonymia Terentii ibid. Anno 1562. edito. * Fe- 29
 cit vero certo consilio, ut ex uno potius Autore, sedula lectione trito, quam ex
 multis temere lectis exciperet. Sic enim unum familiarem effici Autorem ju-
 dicat, cum cereri, qui ex omnibus aliquid mutantur & describunt, ab omnibus
 simul avocent; unius vero Autoris familiari & assidua lectione orationis virtutes,
 ab Autore de industria occultatas, sæpe deprehendi, & quidem recte, putat. Præ-
 terea fixam & immotam quis regulam habebit, ad quam in omni imitatione re-
 spiciat. Idem Lipsius in Instit. Epistol. cap. 12. observandum autumat, qui Phra-
 ses seorsim poni vult, Tullii solas, Plauti & Terentii solas, Historicorum solas:
 cum tamen ipse in usu ad hæc non attendat, sed omnia misceat. * Sed tamen 30
 & in titulis ponendis non satis accuratus est Basilus, ac Lexica excerpta Phraséo-
 logicis misceat. Cur enim sub titulo Abhorrendi ponam ista: Abhorrent à communi-
 bus præceptis. Cum ab ea sententia Pompejus valde abhorreret: Abhorrebam ab urbe
 relinquenda? quæ rectius ad titulos Nolle, dissentire, referentur. Ita: Incredibile
 gaudium nobis obicitur, non ad titulum obijciendi, sed ad titulum gaudii pertinet;
 nili forte ad Lexica excerpta referre velis. Quare istud Terentianum: quæ si
 non astu providentur, me atque herum pessundabunt, sub titulo Pessundare ponitur, nec
 potius ad titulum periculi refertur? nam ad magnum, quod instat periculum, sen-
 sus verborum respicit, qui semper in illis excerptis attendendus est: vis enim sen-
 tentiæ, non significatio verbi, quaeritur. * TITIVS in Manipulatione ad Excer- 31
 pendum n. 18. & 21. Schönslederi Apparatum, Comenii Lexicon Latino-Latinum,
 aut Calvisii Thesaurum pro duce assumit, cujus vestigiis insistere jubet eum, qui
 Phrases colliget: tum ne labor in colligendis iis, quæ alii notarunt, inutiliter in-

- sumatur; tum ut via ipsi certa sit, qua ducatur. Ego præ ceteris omnibus Schöns-
 lederi Apparatum, ut jam antea feci, commendo, optimo delectu adornatum, sed
 qui augeri multis modis posset, tum ex aliis ejusdem generis Scriptoribus, Basilio
 Fabro, Pareo, (cujus in calligraphia etsi multa bona sunt, incondita tamen titulo-
 rum & Autorum variæ ætatis farragine obnubilantur) tum novis collectaneis, qua-
 lia solertibus Scholarum Rectoribus quotidiano labore, cum Autores Classicos ju-
 32 venturi prælegunt, coacervari facili negotio possunt. * Non audiendus ergo
 est Quintilianus, præclarus alias eloquentiæ Magister, cum lib. 10. c. 1. omnem illam
 Synonymorum colligendorum rationem damnare videtur. *Equidem scio, inquit,*
quosdam collecta, quæ idem significarent, vocabula solitos edificere, quo facilius & occurreret
unum ex pluribus, & cum essent usi aliquo, si breve intra spatium rursus desideraretur, effu-
giende repetitionis gratia sumerent aliud, quo idem intelligi posset. Quod cum est puerile,
& cujusdam infelicitis opera, tum etiam utile parum: turbam enim modo congregat, ex
qua sine discrimine occupet proximum quodque. Nobis autem copia cum judicio pa-
randu est: vim orandi, non circulatorium volubilitatem, spectantibus. Id autem conse-
quemur optima legendo & audiendo. Hæc illo loco Quintilianus parum confide-
rate scribit. Nam cum antea dixisset, verba alia esse magis propria, aut ma-
gis ornata, aut plus efficientia, aut melius sonantia, quæ nota non solum esse omnia
debeant, sed in promptu atque in conspectu, ut facilis ex his sit optimorum ele-
 ctio: quomodo electionem illam instituet Orator, nisi collegerit & in numerato
 33 habuerit? quomodo in numerato habebit, nisi consignaverit, vel edidicerit? * Di-
 xeris, ultro se ingerent lectione multa frequentata. Sed quid verat usu percepta
 memoriæ causa congerere? in memoria certe hæreere debent; modo cum dele-
 ctu & judicio adhibeantur, quod præ cæteris requirit Quintilianus. Vernacula
 erat ac domi nascebatur illis oratio. Quid tum? etiam in notissima nobis lin-
 gua, illustres formulæ, verba sonantia, non semper memoriæ succurrunt, ut ego
 Italis, Gallis in suis; nobis in Germanica lingua omnino quædam notanda existi-
 mem: ut Græci oratores ipsi verba historica, politica, oratoria, poetica, diligen-
 34 ter notarunt, quorum vel fragmenta vel indicia nobis supersunt. * Certe Pol-
 lucius magna diligentia fuit in ordinandis & non solum secundum varios locos
 disponendis vocibus, qua in re aliquid Sturmiano consilio simile est, sed in synonym-
 mis & affinis congerendis, cujus rationem ipse addit (1) *ὡς ὑπαρξάντων δύνασθαι,*
ut subalternantia aut transmutata in orationis habitu variando habeamus (2) *καὶ οὕτως*
ἐκαστα ἀν' ἀλλήλων, ut sint scilicet *δηλωτικά* & explanatoria, quibus in periphrasibus
 35 & circumductionibus utamur. * Ac sane, si vocum delectus origo eloquentiæ
 est, delectum illum cum cura & collectione quadam institui debere ipsa res
 loquitur.



C A P. III.

D E

EXCERPTIS SINGULORUM VERBORUM,
ET OBSERVATORIIS.

- §. 1. Excerpta circa verba singula instituenda. 2. De copia tamen verborum magis oratori laborandum est. 3. Thomasi Excerptorum Methodus. 4. Liber Lexici, quid contineat. 5. Indicum concinnandorum molestia non est ista, quæ Fieberto videtur. 6. Auxia ista distinctio libri Lexici haud est necessaria. 7. Liber observationum quomodo instituendus. 8. Barbararum civilium vocum collectanea instituenda. 9. Germanicarum vocum Excerpta. 10. In delectu vocum quæ notanda. 11. Non omnia confundenda, sed mere latina à mere criticis & philologicis separanda. 12. Glossemata Quintiliani. 13. Aliorum observationes nostris jungenda. 14. Particularum collectanea. 15. Placcii Methodus in Vocabulorum observationibus laudatur. 16. Ordo Excerptorum Thomasianorum in observationibus recensetur. 17. Non elegantie tantum, sed & simplices loquendi forma, notanda. 18. Formularum collectio in excerptis oratoriis docetur.

De Phrasibus colligendis multa superiori capite diximus. Sed in Phrasibus solis illa cura excerpendi non subsistit. Plura sunt circa verba considerata, quæ hanc excerpendi industriam requirant. Ut oratio culta sit, etiam simplicium verborum debet esse nitor, cultus, puritas. Nihil in illis debet esse peregrinum, solæcum, barbarum. Quare, hæc primo loco cura nobis suscipienda fuisset, nisi Lexica aliqua ex parte ea nos sublevarent. * Ego de copia verborum prius mihi agendum duxi, cum de illa magis Oratori laborandum sit, quam de simplicibus verbis, quæ ad Grammaticos & Criticos magis pertinere videntur, & quæ ille supponit. Videbimus Virorum doctorum aliqua consilia. * Extat Cl. THOMASII in Erotematibus Rhetoricis consilium de Locis communibus, in eloquentia faciendis. Tres ille libros Excerptorum facit, 1. Librum Lexicum. 2. Observatorium. 3. Formularum. Sed nos, quæ ex his ad oratoria pertinent, nunc seponemus. * In Libro Lexico sub singulis vocum titulis ordine fortuito colligi vult, I. voces raras, singulares, ignotas, alioque & elegantiori quidem sensu usurpatas; quod consilium jam olim quoque Quintilianus lib. 1. cap. 12. suppeditavit: Id quod inter prima rudimenta non inutile est demonstrare, quot quæque verba modis intelligenda sint. Circa glossemata etiam, id est, voces minus usitatas non ultima ejus professionis est diligentia. Ita Statilius olim integro libro singularia Ciceronis collegit. II. Flexiones vocum, si in nominibus rarum aliquem casum, aut in verbis præteritum, supinum aut participium rarius inveneris. III. Phrases, ubi eorum differentiam a Germanismo notari vult. IV. Epitheta, quibus & Adjectiva & Adverbia comprehendit. V. Apposita, quo nomine non synonyma tantum, sed & cognata & affinia, quæ verbis copulata inveniuntur, complectitur. VI. Opposita,

- quorsum etiam refert particulas, quæ se excipere solent, aut respectum aliquem inter se habent. VII. Differentias a vocabulis affinis: quæ ut internoscantur, porro singulis præfigi certas quasdam notas jubet. Quæ quidem omnia bene habent, & notari sic primum possunt; postea vero sub suis titulis communibus inter phrasés locari: illic enim melius inveniuntur, ac usui sunt. Ac pleraque illorum jam tum isto ordine in suo Apparatu disposuit Schönsleder, quibus adjici ista possunt ex Autoribus, qui singulatim ista omnia tractant, ac in lectione Autorum notata. Nihil tamen prohibet geminos habere locos communes, tam secundum voces singulas, quam titulos rerum dispositos: interdum enim his, interdum illis promptius utemur. * Phrasés itidem sub titulis collocandas suadet Thomafius, seriem amplexus, qua utitur in elegantis suis Calvisius: quanquam ego etiam hic fortuitam locationem malim, facile dehinc indicis subsidio in ordinem redigendam. Non enim Ficheri judicium me terret, qui rerum ordinem præferens Indicem plenum tædii & fastidii opus, & laborem Psychemes intricatissimum pronunciat. *Nam cum nota, ait, quæ ad eandem rem pertinent, unoque in loco parata & ad manum esse deberent, sparse sint ut Osiridis membra, locis mille, mille notandi sunt numeri, pagine adeunde mille, quæ res ad restim redigit.* Non sane tanti est ista difficultas, quam ille his coloribus depingit. * Possunt & multa eorum, quæ seorsim a Thomasio notantur, ut Epithera, Apposita, Opposita &c. ad titulos phrasium transferri, ut non sit necesse tam anxie & operose illa distinguere; præsertim cum jam tot Autores viam hanc straverint. * In observationibus vocum ego selectum aliquem institui malim, ut disjungantur Civilia, Oratoria, Poëtica, Singularia, id est, quæ semel tantum dicuntur, Dubia ob varias lectiones, Comica, qualia sunt Plautina plurima, nequaquam in seria oratione usurpanda. Sunt & Germanismi vel ex Vorstio vel e lectione ipsa notandi. * In Civilibus consulendum est *Opus formularum Brissonii*, ac Indices illi Freinshemiani & Böcleriani in Historicos confecti. Sæpius enim apud illos alia significatione voces accipiuntur, quam fieri vulgo solet. Novi Virum prudentem, qui voces & phrasés barbaras civiles, in scriptis publicis barbari seculi, & iis, quæ nunc a Viris in Republica viventibus scribuntur, occurrentes, qualia sunt Acta publica, Capitulationes, Transacta, quorum aliqua Goldastus & alii collegerunt, excerptis, tum ut ipse intelligeret eorum sensus, ac ad eorum genium, si opus est, loqui posset: multum enim ea in re consuetudini indulgendum. * Idem labor suscipiendus est illi, qui in Germanica lingua civilem eloquentiam affectat. Colligendæ enim illi sunt e Recessibus Imperii, Actis Lundorpii, Epistolis publicis, aliisque scriptis, phrasés, formulæ, particule &c. quæ frequentius tibi occurrunt, & civilis usus sunt. Nec credat facile aliquis, quam sit hoc adjumento futurum rerum negotia tractanti. Id ut faciamus, suadet etiam *Schradereus Commentar. in libr. 3. Aristotelis. De Poëticis* postea dicemus. * Multa ad delectum vocum pertinentia *Buchnerus in libro de commutata ratione dicendi* habet. Imprimis vero hic notari debent 1. Vocum propriæ acceptiones, 2. variæ significationes, 3. translationes, quas posteriores, si quis velit, ab his sejungere & ad Synonymorum loca transferre

ferre potest. * In his excerptis liberum unicuique esse potest pro fine & scopo 11
 suo, si quis ea, quæ ad Latinitatem qua talem pertinent, ab iis, quæ mere Critica &
 Philologica videntur, separare velit. Nam ad eloquentiam utilius est, si illa, quæ
 puræ Latinitati inserviunt, seorsim habeantur, ne laborem inquirentis gravent.
 * Philologica vero & Critica Excerpta, quæ proprie *γλωσσήματα* vocare videtur 12
 Quintilianus, multa habent observata de peregrinis, etiam de corruptis vocibus,
 barbarissimis, etymologiis, quæ si cum illis conjunguntur, mire omnia confunden-
 tur. * Fundus horum Excerptorum est 1. in optimis classicisque Autoribus, 13
 quicquid ipsi observavimus aliique viri docti, illuc pertinet. Modus autem obser-
 vandi præscribitur quam optime a *Schoro in præfatione phrasum Ciceronianarum*. 2. Per-
 tinent huc commentarii Criticorum, e quibus feligendi sunt, qui ad aureæ vel ar-
 gentæ ætatis Scriptores notas scripserunt, & ad genuinum vocum usum præ cete-
 ris respiciunt. Quicquid enim illi jam tum observarunt, velut in lucro deputan-
 dum est. Itaque illa tantum notentur quam brevissime ac velut per indicem ad
 ipsos Autores remittendo, si ipsos Autores habeamus. Observata singularum vo-
 cum & phrasum, si ipsi peculiare libros huic negotio destinare nolumus, poni pos-
 sunt ad Lexici alicujus marginem, aut Grammatici perfecti operis, quale Vossianum
 est. Ita & aliorum & nostra observata juncta habebimus. * De particulis seorsim 14
 etiam collectanea instituenda essent. Nam, quamvis intermiscat quædam Tho-
 masius titulis suis communibus; plura tamen possunt de iis notari.

Non contemnendus est modus ille, quo doctissimus Placcius in vocum rario- 15
 rum collectione usus est. Nam ut *ex Historia Excerptorum ejus*, libro de arte excer-
 pendii annexa, discimus, vocabula, quæ in Calepino habentur, Anagnosten sibi præ-
 legere jussit, omisiss testimoniis, iis, quæ si rariora videbantur, plumbagine subdu-
 ctis, illa in chartis per plicaturam infractis exscribenda curavit, spatio relicto, quo
 notarentur a Calepino omisiss. Hæc iterum, cum labor crederet, per indicem
 contraxit, signis additis, quæ voces antiquatas, novatas, poëticas, Græcas, barba-
 ras, suspectas, notatas aliis partim & vindicatas, alioque discrimine notabili, obser-
 vatu præ aliis dignas, qua separatas, qua constructas, frustra apud alios Lexicogra-
 phos quæritas, fecernerent. Parvo illo semper ad manum posito codicillo felicis-
 sime se usum proficitur. Primum enim vastorum voluminum mole tractanda su-
 persedere potuit, deinde ob coadunationem vocum rariorum, uno intuitu, semotis
 allegatis sese conspectui exhibentium, promptior earum inventio fuit: quod certe
 imitatione dignum compendium est.

Secundus Excerptorum liber Thomasio *Observatorius* dicitur. Quanquam enim 16
 & illa, quæ in priori occurrunt, observationum nomine appellari possint, ac appel-
 lentur etiam ab aliis, maluit tamen ita distinguere. Ea, quæ hic sub titulis locan-
 tur, duplicis sunt generis. Pertinent enim vel ad copiam verborum, vel ad collo-
 cationem eorundem. Copiam verborum ad septem fontes revocat, 1. Synony-
 miam, 2. Commutationem, 3. Equipollentiam, 4. Dilatationem, 5. Tropos, 6. Figu-
 ras

ras dictionis, 7. Figuras sententiæ. Ad priores quatuor refert variationem, dilationem, extensionem, absorptionem, una cum figuris Grammaticis. Variationis plurima sunt genera, quæ recensentur studiosissime ab Erasmo, ad cuius exemplum similia notari possunt. Vult autem hic non quælibet, sed illustriora notari, ac ea præcipue, in quibus Germanica nostra lingua dissidet a Latina, e. g. cum Latini pluralem adhibent, nos singularem; cum illi Coniunctivo utuntur, nos Indicativo, & contra &c. Dilatio fit per Epitheta & verba, quæ extensioni inserviunt, ut, volo, possum, do, eo, facio, ac similia, e. g. velic aliquem mulctatum, pro mulctare; dare expeditum, pro expedire &c. Absorptio est, cum fit mutatio constructionis, aut modi finiti in infinitum, aut participium vel Gerundium particulam aliquam abolevit; ubi illa absorptionum exempla præcipue notanda, quæ in lingua Germanica sunt aliena. Cum quibus tamen non confundendæ sunt Ellipses & Pleonasmus, quorum iridem exempla sunt notanda. Ad collocationem verborum refertur divulsio; cum voces, quas ordo naturalis conjungi postulabat, aliis interpositis dirimuntur. Interpositio est, quando vox una vel altera interponitur, aut integrum comma, vel etiam quasi Periodus, quorsum & Parentheses referendæ: Antepositio, cum vox, quæ sequi debebat, antecedit: Postpositio, cum contra. Pertinent & huc particular, verba, nomina, periodos incipientia ac finientia, vel connectentia, quæ diligenter notanda: quorum quantus usus sit, nemo facile crederet, nisi qui exercitio didicerit. Notari etiam seorsim possunt particular vel verba, membra Orationis, Historiæ, Epistolæ inchoantia, quæ vehementer juvant ipsum scribendi exercitium. Ceterum cum multa pars horum omnium collecta ab elegantiarum Scriptoribus ac Grammaticis observatoribus, legere illa potes, quæ ab aliis jam notata sunt, & in unum aliquod corpus congerere, iisque deinde addere, 17 quæ tua lectione observaveris. * Recte etiam monet Thomalius, non elegantias tantum illas, sed & formas loquendi simplices esse notandas. Non enim semper elegantis est locus, estque ubi fastidium pariant, nimis frequenter adhibitæ. Idem Sturmius suadet, non marmora tantum, sed et lapides & lateres ad orationis stru- 18 cturam comportandos. * Formulas nos ad Excerpta Oratoria rejecimus.

CAP. IV.

EXEMPLA EXCERPTORUM LEXICORUM
ET OBSERVATORIORUM.

- §. 1. *Excerpta lexica & Observatoria etiam Græcis in usu: Adducuntur exempla Phrygii Strabii, 2. Epiterpsi, 3. Hegesinacis, Parmenionis, Galeni, Lavini.*
 4. *Talia e commentatoribus circumspecte colligenda. 5. Exempla quædam nostra libri lexici, Primum de voce Insanus, Insania, Insanire. 6. Ejus varie significationes. 7. Possunt & ad librum phraseologicum referri. 8. utilius tamen in libro lexico notantur. 9. Loca integra auctorum in iis Excerptis non mutilata*

notantur.

notanda. 10. Improbatur eam ob causam Wendelini Medulla Latinitatis. 11. Secundum exemplum de voce corpus. 12. Hujus variae significationes. 13. Verba civilia. 14. Singularia. 15. Dubia vel falsa. 16. Comica. 17. Lectio Plautina judicium requirit. 18. Potissimi soluta orationis. 19. Germanismi laudabiles. 20. Si temere non affectandi. 21. Germanismi vitiosi. 22. Dilatationes & Extensiones. 23. Parentheses. 24. Connexiones Periodorum. 25. Connexiones Historicae notandae. 26. Voces sonantiores & polysyllabicae notandae. 27. Minores formulae phrasibus accenseri possunt. 28. Plures classes excerptorum observatoriorum dantur. 29. Johannis Rivii Excerpta in verbis recensentur. 30. Titii Diatriba de arte numerandi laudatur. 31. Solomo Phœni veterum Autorum ad Excerpta observatoria pertinent. 32. Boni Auctores non secundum Grammaticorum regulas, sed hæc secundum illos judicande sunt.

Proposui Thomasi methodum, a qua non magnopere dissentio, nisi quod in libro Lexico distinctius verba proponi velim. Ac fuit illa excerptendi methodus admodum vetusta, ut discimus ex Photio, qui meminit cujusdam Phrynichii Strabii, qui de verbis oratoriis, historicis, vulgaribus, libros 37. scripsit, quorum titulus: Σοφιστικὴ παρασκευή h. e. Apparatus Oratorius. Et existat adhuc aliqua Epitome ejus, a Petro Nunneseio in lucem edita. * De verbis Comicis ac 2 Tragicis Epiterfes Grammaticus scripsit, ut liquet ex Stephano de Urbibus. * De 3 Poeticis Hæginax Alexandrinus, ut ex Athenæo discimus. De Historicis Parmenio Byzantius. Galeus nominum πολιτικῶν libros quinque scripsit. De verbis fordidis scripsit Publius Lavinus, ut patet ex Gellio lib. 20. cap. 10. Plures Auctores veteres enumerat Schefferus libro de Stylo cap. 11. §. 12. * Colligi talia multa pos- 4 sunt e Commentatoribus, in Auctores, quorum studium laborem nostrum levabit. Sed circumspecte tamen etiam in his versandum: nam & illi nonnunquam la- buntur.

Ut exemplum aliquod adducamus, ad librum Lexicum referas hæc de voce 5 *Insanus, Insania, Insanire*. * Voces illæ apud veteres singulari significatione inter- 6 dum accipiuntur. Primo pro vehementia omni & excellentia in re seu bona, seu mala, ut: Plaut. Trinum. Act. 3. Scen. 2. *Insanum malum* i. e. magnum. Bacchid. Act. 4. Sc. 5. *Insanum magnum negotium*. Mostell. Act. 3. Sc. 4. *Insanum bona porticus*; Aufonius de Cræso: *dives insanum in modum*. Hinc Casaubonus ad Athenæum lib. 13. cap. 5. docet, Veteres, cum aliquid vehementer extollerent, soliros tanquam exclamantes orationi suæ vocem *μανίας* inferere: unde manarunt illæ locutiones *μανικὸν ὄσεν μέγα* i. e. *insanum magnum*, Virgilius *turbines insanos* vocat, & fluctus. Quin & ipsi Hebræi hæc loquendi formula utuntur. Nam vox *מָנִיָּה* significat 1. insanire, 2. laudare, 3. splendere, 4. jactare, 5. infano impetu agitari: quæ significationes in eo conveniunt, quod cum vehementia quadam conjunctæ sunt, vid. Jerem. 46. v. 9. Græcis etiam frequens admodum est: illi enim magnum amorem & studium voce *μανίας* exprimunt. Ita *δοξομανής* gloriæ cupidus, *ἡλιομανής* cicadæ epitheron, *Χερ- σομα-*

σομανης, ἵππομανης studium equestre, ὀπλομανης studium militare. Ad copiam etiam & luxuriam illis transfertur, ut sunt voces, παρπομανης, ξυλομανης. Ita apud Latinos Plinius lib. 16. v. 27. vites insanas vocat, id est insolite fertilitatis. Hinc singularibus plane significationibus ad alia transfertur. Cicero pro magnificis in ædificando sumptibus voce illa utitur, pro Mione col. 777. B. *Insane substructiones.* Autor ad Herenn. lib. 4. col. 71. G. *Tametsi in Tusculano quidem cæpi insanire & in iisdem fundamentis ædificare.* Ad Quint. Fratrem lib. 3. ep. 1. *Ea villa, quæ nunc est, tanquam Philosophia videtur esse, quæ obijurget ceterarum villarum insaniam.* Huc pertinet illud Plinii lib. 18. c. 5. *Optimum est aliena insania frui, i. e. sumptuosâ ædificia, ab aliis magnis sumptibus & laboribus extructa, exiguo pretio sibi comparare, eaque inhabitare.* Falsus itaque est Erasmus, qui eundem horum verborum sensum exiumat, qui est versiculi illius vulgari.

Felix, quem faciunt aliena pericula cautum.

Si quis enim cetera antecedentia & sequentia inspiciat, facile verum hunc esse sensum videbit. Accipitur etiam vox *Insanire* de quocunque immoderato sumptu, Plaut. Milit. Glorios. Act. 3. Sc. 1. v. 159. *Quid opus hospes sumptu tanto nostri gratia? insanivisti hercule.* Huc referendum quoque illud Virgilii Eclog. 3. *Insanire libet quoniam Tibi, i. e. Sponsionem facere sumptuosam.* Et illud Terentii Phorm. Act. 4. Sc. 4. vers. 37. *At primo homo insanibat, id est, incredibile pretium poscebat.*

Patet vel ex unico hoc exemplo, quomodo congeri observationes singularium 7 significationum in libro Lexico debeant. * Quamquam etiam istæ acceptiones omnes ad librum phraseologicum sub titulis suis possint reponi, e.g. sub titulo *ædificandi*: Cæpi insanire in Tusculano. *Insanæ substructiones.* Sub titulo *Habitandi vel Commodi*: *Insania aliena frui.* Sub titulo *sumptuum*: quid opus fuit hoc sumptu nostri gratia? *Insanivisti hercule.* Sub titulo *lau. tandi*: *Insanum bona porticus* (quam hæc magis Comica, quam Oratoria phrasis est). Sub titulo *laboris vel negotii*: *Insanum magnum molior negotium.* Sub titulo *pretii vel æstimationis*: Primo homo insanibat, i. e. incredibile pretium poscebat. Atque sic notata magis usui 8 in scribendo esse possunt. * Utilissimum tamen est etiam seorsim in libro Lexico notare, cum mire hoc faciat ad loca similia in Autoribus explicanda, ad quod prodesse liber phraseologicus sub titulis digestus non potest. Debent etiam ipsa verba singula rariora sub titulis phraseologicis notioribus consignari: quod facit Schön- 9 lederus in apparatu eloquentiæ, & suadet etiam Titius in Manud. ad Excerptandum. * Loca etiam integra tam hic, quam in aliis libris excerptoriis, noranda sunt: ex appositis enim iudicium de vero sensu ferendum est, patetque ex eo, phrasin, alia occasione 10 dictam, probam & laudabilem, ad aliam translatam ineptam fieri. * Quam ob causam reprehendendi sunt Autores, qui phrasés ita nude congerunt, ut fecit Wendelinus in Medulla Latinitatis. Cui viæ si semper institeris, quæ sic colliges, plenioris alicujus Lexici vicem præstare poterunt. Nunquam tamen observationibus ipsis ita fidem habeas, ut loca ipsa Autorum non conferas.

* Si-

* Simile Exemplum est, quod ad hanc classē pertinet, etiam illud, quod Jodocus Willichius libro *de verborum copia comparanda cap. 15.* affert de Voce *Corpus*, quod proprie est massa ex artubus, ossibus, nervis &c. constans, aut aliqua mole rei corporea. Cic. 2. de Oratore: *Corpus sine loco intelligi non potest.* * *Corpus* pro carne. Cicero: *Et vires & Corpus amisi.* Idem 2. de Nat. Deorum, *ossa vocat subiecta Corpori*, i. e. carni. Coniunctim dicitur ap. Martialem: *Inque omni nusquam corpore corpus erat.* Apud Ciceronem *corpus defensionis* per translationem dicitur. Lucrētius lib. 2. mare falsum Neptuni corpus acerbum vocat. Idem: *Condensa Corpora lapidum.* Idem ventos *cæca corpora* vocat. Accipitur pro opere scripto. Cic. *A principio conjurationis usque ad reditum nostrum videtur mihi modicum quoddam corpus confici posse:* pro tribu & turba populari. Livius: *sui corporis Regem creare volebant.* Cajus Collegiorum corpus dixit. Cicero *contemperationem corporum* dicit. Cic. ad Attic. *ad corpus ejus acciperet.* Addimus his illa. Corpus pro homine ipso, quemadmodum & *σῶμα* apud Græcos. Notat Voss. *Inst. Orat. lib. 4. p. m. 141.* Vid. Magius lib. 1. *Misc. cap. 12.* Radulph. Fornerius lib. 2. *Rer. quotidian. c. 26.* Huc pertinet Anglica illa loquendi ratio *No-body; som-body*, nullum corpus, aliquod corpus: id est: *Nemo, aliquis.* Solent & *Servi* ita vocari. Epiphanius in Ancyroto. *δεσπότης ὀυδὸνκοντα σωμαίων.* Herus octoginta corporum. Atque hoc nomen credo cum pecoribus commune habuisse, quæ & corpora vocabantur. Aperte habetur in *l. si servus 21. §.* Et ideo ait. 2. ff. de Evictionibus & dupli stipulationibus. Vide & Casaub. cap. 10. lib. 5. *Animadversionem in Arkenæum* & imprimis Maussacum in *notis ad Harpocratonem p. 125.* Gatakerum in *dissertatione de Novi Instrumenti stylo cap. 10. p. 104.* Corporati inter Studiosos qui dicantur in *l. 1. Cod. de stud. liberal. urb. Rom.* videatur Conring. in *Dissert. ad illam legem p. 49. 50.* Infinita talia notari possunt, & nunc aliqua ex parte Hofmannus in *Lexico suo Universali Philologico* hujus laboris rudimenta posuit, in quo ego accuratorem Autorum delignationem, unde illa deprompta fuerunt, requiro.

Eodem modo colligantur seorsim, vel saltem notis distinguantur 1. *Verba* 13 *Civilia.* Civilis sensus est, cum apud Curtium dicitur. *Avare ac superbe imperare.* Phrasis enim hæc de Tyrannico regimine intelligenda est. *Suis vel alienis auspiciis rem gerere*, quid sit, is sciet, qui novit apud historicos *auspiciis* voce intelligi administrationem atque executionem, cum summa potestate conjunctam, de qua videri potest integra dissertatio Böcleri de *Auspicio Regio.* *Paulatim insurgere* apud Tacitum lib. 1. *Annal. Cap. 2.* eleganter explicat Böclerus in *Commentario ad illum locum num. 8. & 9.* & Heinsius in laude Alini. Cum apud Curtium dicitur *Persarum imperium magis concuti quam affligi*, notabis per concussionem significari conversionem Reip. vel mutationem status, per afflictionem, evertionem & interitum. Atque hæc omnia notanda bene sunt, ut de civilibus rebus loquentibus civiles phrasēs, quibus passim utuntur historici, non desint. * 2. *Singularia.* Quo referas e.g. ista. 14 *Vacuifacere* ap. Nepotem; *Leno* pro Legato apud Iustinum, lib. 1. *Latatio* pro Læ-

- ritia ap. Cæsarem *Noctuabundus*, Sylva vindicata, Muginari, Puniri aliquem pro ulcisci. *Raudusculum*, id est, pecuniola, res enim veteribus Raudum vocabatur. *Tagax*, mulierosus, distenda, al. legunt: *dicula*, & complura alia, quæ ap. Ciceronem occurrunt, & colligi possunt e Probenii penu Tulliano. *Adoptatissimus* pro Exoptatissimus (ita legunt MSS. Gothofrediana editio habet optatissimus, qua voce Cicero- nis filius utitur l. 16. epist. fam. ep. 21.) Huc refer etiam, quod ibidem habet: *omnia velles mihi successa*, quod Henricus Stephanus in Pseudo-Ciceroniano ne Latinum quidem credit, quanquam alii defendant. Vide *Taubm. ad Plauti Pseudolum Prolog. vers. 3. Voss. de Analogia lib. 4. cap. 13. Dextella* pro dextra Cic. ad Attic. lib. 14. epist. 23. *Calculo, onis*, pro Calculatore. His & similibus vel plane non, vel parcius utendum. Plura eorum singularium e variis Autoribus dedit Balbinus in *Verosimil. humanior.*
- 15 *disciplinar cap. 3. & in Notis ad hæc Verosimilia.* * *Dubia vel falsa ob varias lectiones.* Quorsum referas *Premiari*, Suet. Tito: cap. 7. *Nundinari premiarique soliti.* Hic vocem premiari quidam exponunt, præmia largiri, alii præmia accipere. Alii legunt prædari. Rectius itaque abstinetur hac voce. Ita Bembus utitur voce *multissimus*, quod putaret apud Ciceronem ita legi. At legitur in correctionibus exemplaribus: *Ex multis meis miseriis non multissimis.* Adhibere fidem pro credere vulgo in usu est, & nititur autoritate loci corrupti ap. Ciceronem de Divinatione lib. 2. Rectiora enim exempla habent: *Fides est habenda*, non adhibenda. *Delemio* ap. Cicero- nem. 2. offic. legitur. Sed. emendatiores Codices habent *Delectatio*. *Dememinisse* multi dicunt pro oblivisci, decepti corrupto loco apud Marrialem lib. 2. epigr. 59. *Ipse jubet mortis dememinisse Deus*, ubi rectius legitur *Te meminisse*. Apud Plautum legitur *Act. 1. Sc. 1. Amphitr. fugam in se convertitur.* Dubia hic lectio est, ut phra-
- 16 *lis* secure adhiberi nequeat. * 4. *Comica.* Qualia infinita apud Plautum occurrunt, quæ seorsim ponenda sunt, cum sint ad seriam & civilem orationem inepta, nisi forte in epistolis familiaribus, dialogis, satyris, aliisque scriptis ludicris, ea joci
- 17 *gratia* inspergas; quanquam & hic iudicio opus sit. * Subactum itaque iudicium requirit lectio Plautina, ut mirer, in lectione autorum Plautum prætulisse Teren- tio Scioppium in epistola de *compendiosa lingue Latine exactius cognoscenda ratione*, quæ additur tractatui ejus de arte Critica. Quod si in exemplum proponamus *Act. 1. sc. 1. Amphitr.* statim videbimus, quam multæ ibi occurrant serviles argutiolæ, inani- ter nonnunquam confictæ, nec temere imitandæ. Quot enim hic occurrunt phrasæ, quibus verberatio describitur, nunquam sic in alia oratione usurpandæ. *Advenientem hospitio pugne accepturus est. Pugnis facit hodie ut dormiam. Pugnor c. lere* pro vapulare. Sic in *Rudente Act. 3. Sc. 4. Jam tibi missis in ore fiet mergis pug- nentis.* *Pænulo Act. 1. Sc. 3. majorem partem in ore habitas meo.* In eadem scena *Amphitruonis. Homines quatuor in soporem collocasti. Is me interpolabit meumque os suget denuo. Qui pugnis os exossas hominibus. Faciam ego hodie Te superbium.* Nec usurpave- rim ego temere alias phrasæ, quæ ibi occurrunt v. g. *penetrare se in fugam. Pal- lium alicui detexere. Advenisti audacia columen consultis dolis. Optime optimo optimam ope- ram des. Nequiter ferire malam mala discit manus. Vulcanum in cornu conclusum gerit.* Quæ

Quæ omnia nescio quid frigidiusculi acuminis habent. Comicam Plauti & Terentii Latinitatem nuper singulari libro collegit in libro, cui titulus *Latius Comicus*, Bartholdus Feind, Hamburg. 1688. edito, titulis per classes rerum divisus. Sed vellem hic Comica a pura Latinitate fuisse sejuncta. * 5. *Poëtismi in soluta Oratione occurrentes*. Sic e. g. plane poëticum est apud Tacitum lib. 2. *Annal. Sceninus promptum vagina pugionem vetustate obtusum increpans, asperari saxo, & mucronem ardescere iussit*. Livius dicit alicubi: *pugna senescit*. Sic frequenter ap. Tacitum occurrit: *Occultus odii, turbidus consilii; Cuncta corporum &c.* Apud Florum multa talia habentur. * 6. *Germanismi laudabiles*. Quales sunt, *Accredere alicui, Adjurare alicui. Non possum ad nummos pervenire. Vestis bene se det. Febrim nancisci. Morbum nancisci. Magnum se facere. Facere se hilarem: Pro felici aliquem aspicere &c.* de quibus plena manu Vorstius. Sed magna hic cautione opus est, ne mala junctura phrasès illæ vitientur. * Quod si quis integram vel epistolam vel orationem e meris Germanismis, utut laudabilibus, concinnet, vix crediderim Latinis auribus illum se probaturum: Etsi enim phrasès per se bonæ essent, affectatione tamen illa gratia orationi periret. * 7. *Germanismi vitiosi*. Quorum integram sylvam suppeditant Babarismorum notatores: Vossius de *Vitiis sermonis*, Vorstius de *Latinitate merito suspecta*, Borrichius in *Cogitationibus de lingua Latina etatibus*, Cellarius in *Antibarbaro & Cens. posterioribus*. * 8. *Dilatationes & Extensiones*, e. g. *Faxo acceptum pro accipiam ap. Plaut. Cic. 1. off. c. 9. Non patiar te desertum, pro: non deseram. Id. ad Attic. lib. 1. ep. 5. Non committam posthæc, ut accusare me de negligentia possis, pro: non accusabis. Plaut. doctæ illam perdoctam dabo. Terent. Exornatum dabo. Seneca Tragicus; Demersas dabo. Cicero: Cupiditates domitas habere. Plautus: Carens fui, pro Carui Cic. in Orat. Est, ut scis, his verbis loquens Socrates. Cic. de Divinat. libr. 1. Faciendum videtur, ut diligenter etiam atque etiam argumenta cum argumentis comparemus, pro Comparanda sunt. Pertinent huc etiam extensiones per particulas ab, ad, de, in, ut: Fulgor ab auro, si mihi secunde res de amore meo essent, pro amoris mei. Alkone vobis videmur esse idonei, in quibus se illudatis. Trium verborum Esse, Facere, Habere, ut magnam extensionem in Latina lingua esse docet Riccius in Apparatu Elocutionis Latinæ, sub voce *Esse*; ita varie in Dilatationibus illa adhibentur: quibus Dare, Mittere, Ponere & alia nonnulla addi possunt. Magnus sane earum dilatationum usus est in copia orationi concilianda, in qua *Plagiasmi* magnam partem obtinent, de quibus pluribus infra agemus. * 9. *Parentheses*. Quarum magna interdum elegantia est in Oratione tam soluta quam ligata. In Orationibus non pauca passim occurrunt. In Poëtis quo magis elegantia illic habent, eodiligentius notandæ. Tales e. g. sunt. *Ignoscite iussu. Sic credidit alma vetustas, Sæpe (recordor enim.) Quis posset credere? Sic mea fata trahabant. Parenthesis octo versuum est ap. Virg. 12. Æn. De artificio hujus Poëseos vide Scaligerum libr. 5. c. 3. libri de arte Poëtica. Si mors non levis fuisset. Quis talia fando temperet a lachrymis. Quod minus veris. Res est non parva. Ut potius res & potius dii numina firmant. Qui Te feliciter attulit Eurus (Eurus enim attulerat) si quaest modo corporis umbra. Insanire libet quoniam Tibi. Licet concedere veris. Ne me incusēs. Si quis modus**

- 24 Nobis meminisse relictum. * 10. Connexiones Periodorum. Ita notabilia Periodorum principia hæc sunt, ut inter legendum occurrerent consignata, quæ in meliorem ordinem digeriri possunt; etsi sic coæservata promptius se usui nostro ingerunt. Occurrit ex alio aliud. Neque inficior. Nec sum ignarus. Non deprehendo illorum sollicitudinem. Nondum commemoravi. Non alienum erat hoc loco. Ac primo quidem illud prætereundum haud est. Jam vero magne circumspectionis opus est. Sed satius esset hæc silere, nisi ex se calamitates magna loquerentur. Dubito autem hic an-an-Oportuum erat hoc loco. Non poterant ista satis occupare industriam tuam. Neque vero tantum de hoc, sed & de illo. Quanquam nescio magis an. Ita habeo & animum induco meum, Illud etiam me commovebat. At enim aridam orationem non sequitur affectus delectationis. Atque adeo mihi concedendum est magis quod. Ad illecebras ætatis accedebat etiam forma. Quid illud quanti tandem faciendum putatis? Et quisquis est, qui putat. Nisi Orpheum audire præstat. Mihi quidem neque fas videtur. Quanquam ego mihi sic persuadeo. Sed de his audietis in Locis. Longum est ire per singula. Mitto jam. Non credat hoc quisquam. Præterea accedit. Præcipuum. Proximum. Adhæc. Huc pertinet. Huic geminum est. Quid? quod. Quin etiam. Nam ad illud quod attinet, si-si-si postremo. Hæc & multa alia colligi possunt, si velis, distincte, ratione membrorum Orationis, ut fecit Hugues, aut sub certis Particulis, quibus illæ formulæ respondent, ut fecit Elias Major in libro de varianda oratione, & multum adferent
- 25 ad orationem elaborandam adjumenti. * Inprimis utile erit connexiones Historicas notasse, quibus vel ab uno membro ad aliud, vel ab historia ad historiam, vel a Circumstantia ad Circumstantiam pervenitur. Eæ enim multum sæpe negotii
- 26 facessunt. * Voces numerosiores, sonantiores, grandiores, polysyllabicae seorsim collectæ ac sub pedibus suis dispositæ inservire numero oratorio formando possunt. Hunc colligendi modum vehementer suadet Scioppius in Epistola Consultatoria de Stud. Illud non possum, quin diligenter animis Studioforum instillem, ut in lectione Ciceronis studiose cum vim verborum simplicium investigent, eruant, erutasque in librum observationum referant: tum compositionem & numeros à Cicerone, tanquam
- 27 perfectissimo Oratore, frequentatos observent. * De Formulis agetur, ubi ad Oratorios Locos communes pervenero. Minores vero formulæ accenseri phrasibus possunt. Ita e. g. in Heautontim. I, 1. vers. 4. 5. & 6, formula est, quæ refertur ad Titul. monendi. Vers. 9. & 10. formula est exposulandi, quibus vel inter phrasen locus potest assignari.
- 28 Hæc quasi speciminis loco adduximus, quæ de verbis in excerptis observatoriis notari possunt. Neque enim decem illas classes tantum quis esse existimer. Longe plura occurrunt, quæ seorsim colligi merentur; ut ostendere præaliis voluit Johannes Rivius Athendoriensis in libro Locorum Communium Philosophicorum, cuius mentionem lib. 1. c. 21. §. 115. fecimus. * Primum enim Locos vocum primæ impositionis, ut vocat, dedit, quibus comprehendit simplicia rerum per classes certas deductarum vocabula, & quidem e sola Herodoti historia, illum enim quasi
- in

in exemplum & ideam Universalem Locorum suorum Philosophicorum proposuit, Græcasque loquendi rationes, immistis interdum Latinis, ex eo Auctore collegit. Typus ille generalis habetur pag. 102. estque ad modum Sturmianarum classium, sed diversa tamen methodo institutus. Hinc procedit ad vocabula *secundæ impositionis*, quibus illi primæ impositionis quasi quibusdam notionibus Grammaticis cohibentur. Eorum locos 31. fecit: ut τὰ γενικά καὶ εἰδικά, Generalia & specialia. Idem multa diversum significantia, Agnomina, Cognomina, Denominata, Gemini nominis, πολύνυμα, Comparativa, Superlativa, Possessiva, Diminutiva, Gentilia, Localia, Comprehensiva, Partitiva, Relativa, Χρονικά ea scilicet, quæ tempus significant, Arithmetica sive Numeralia, &c. Quorum multa seorsum poni non merentur, sed addi phraseologicis Excerptis possunt, aliqua vero locum omnino in libro Observatorio merentur, ut illa, quæ ad numeros exprimendos pertinent: * Quorum colligendorum utilitatem singulari Diatriba de ³⁰ *Arte numerandi numerosque Romano more effrendi* per simplices numeros, Decadas, Hecatonadas, Chiliadas, Cl. Titius ostendit. Neque sane cuivis in promptu erit illa numeros exprimendi facultas, sed accurata & multa ex Autoribus classicis observatione paranda erit: neque adeo distincti e Gronovii libro *de pecunia vetere* aut aliis haberi possunt. Et præterea utilissimum idem Vir doctissimus laborem impendit in re pecuniaria veterum cum nostrorum temporum moneta comparanda, geminarum tabularum Schematismo in lucem edito. Sed hæc & multa alia in Titulis istis Rivianis ad τὰ τεχνικά generatim considerata referri possunt. Non exiguum tamen hinc fructum referet, qui Titulorum specialium διασυνώσεις in Autore ipso recognoscet. His subjungit Locos 35. Exegeticæ Grammaticæ maxime proprios; sequuntur deinde conjuncta vocabula & περὶ τῆς τῶν Φράσεων ἐνπερίας, Loci XX. quorum quidem usus aliquis in Grammatica arte, in Phraseologicis excerptis, qua talibus, nullus est: hic enim titulos requirimus e visceribus rerum, non e Grammaticis technicisque notionibus, depromptos. Quæ de Periodis sequuntur, ad Rhetoricam potius, quam ad Grammaticam pertinent. Loci Syntaxeos variæ ad observatorium quidem librum referri possunt: sed in illis, quæ obvia, nec rariora sunt, supervacanea colligendi opera est: ac notari talia ad accuratioris Grammatici opus possunt. * Inter illos tamen Rivianōs Titulos ille: ³¹ *Σολομοφάνη veterum*: locum in observatorio libro meretur. Qualia multa in Auctoribus classicis, in Digestis e veterum Jurorum libris excerptis, reperiuntur: e quibus nonnulla congestit Anton. Matthæi in *Collegio Fundamentorum juris Disp. 12. corollar.* ut vere σόλοια judicans, quæ tamen satis Latina & exemplis optimorum Autorum probari possunt: ut inepte vapulare illis Priscianum existimet; * ne ³² que enim Grammaticorum regulis boni subijci Autores debent, sed ex illis Regulæ formari, vel Regulis exceptiones poni.

CAP. IV.

DE EXCERPTIS CRITICIS, EXEGETICIS,
ANTIQUARIIS.

- §. 1. *Excerpta Critica & Exegetica ad Auctorum explicationem pertinent.* 2. *Critica à Grammaticis differunt.* 3. *Excerpta critica variarum Lectionum.* 4. *Exegetica Excerpta quomodo instituenda?* 5. *Commendatur pro usu commentationis.* 6. *Indices Auctorum, qui libris subiciuntur, utilissimi.* 7. *Quibus deficientibus, excerptorum libri consiciendi.* 8. *Indices in Face Critica Gruteri* 9. *Qui tamen in pluribus istius tomis desiderantur.* 10. *Usus talium Excerptorum in Legibus Romanis,* 11. *In Codice Bibliorum.* 12. *Biblia Critica, quidque in iis desideretur.* 13. *In scriptis Hippocratis & Galeni, Hofmanni officinalia.* 14. *J. C. Scaligeri & Bodæi a Stapel commentarii in Theophrastum.* 15. *Salmasii Hyle Iatrica.* 16. *Welschius laudatur.* 17. *Excerpta Antiquaria quare Criticis jungi possint.* 18. *Quid contineant.* 19. *Quomodo instituenda.* 20. *Josephi Laurentii Polymathia.* 21. *Censura Maresii circa intemperiem quorundam Criticorum.*

1 **A**d hanc classem referuntur quoque *Critica & Exegetica Excerpta*, etsi enim non ad Orationem ipsam pertinent, pertinent tamen ad Auctorum explicationem, unde oratio formatur, iisque inservire possunt, qui commentaria in Auctores parant, aut dissertationes super argumento aliquo philologico
2 scribunt. * *Critica a Grammaticis differunt*: nam etsi supra mentionem fecimus Glossematum & Collectaneorum Lexicorum, diversa tamen hæc ab illis sunt, & instituuntur ad sensus Auctorum investigandos, quæ ego vocarim ad distinctionem
3 ceterorum *Excerpta Critica & Exegetica*. * Adornari autem illa hoc modo possunt: Sensus accuratos in Auctoribus quaerimus, vel e variarum lectionum investigatione, vel a ipso verborum sensu. Quod ad varias lectiones attinet, illæ e MSris codicibus consignari, vel ad margines librorum possunt, vel libris separatis secundum Auctorum paginas dispositis; nam ex collatione illarum ad veros sensus Locorum Auctoris pervenimus.

4 *Exegetica Excerpta ita adornanda sunt*: adscribenda sunt ad margines Auctorum loca Auctorum, qui explicant illa verba; vel separatus adornari liber potest secundum ordinem librorum Auctoris; * Illa *Excerpta si a prima juventute insti-*
5 ruantur, nunquam deesse poterit materia in Auctores commentaturo, vel lectiones super illos instituturo. Habemus tot libros adversariorum, observationum, quibus varia Auctorum loca explicantur: illa omnia referri ad has, velut sedes suas, possunt. Illustrantur nonnunquam data occasione in aliorum commentariis Auctorum loca; etiam hæc referri illuc possunt. Non credat aliquis, quanto usui talia *Excerpta*

cerpta sint. Sic quoties occurrit aliquid ad Virgilium, illud ad marginem Virgilianorum Operum scribatur: ita fiat & in aliis. * Subsidio hic esse possunt indices Autorum vel laudatorum, vel emendatorum, qui subjungi solent libris Criticis. * Hi si in omnes Autores essent, & accurate satis conscripi, superfedere hoc colligendi labore poteramus. Verum cum in plurimis illi deficiant, ac tumultuarie sint conscripti, nec loca Autorum statim conspicua sint, rectius ipsi tales Excerptorum libros conficiemus. * Reperiuntur quidem indices in Tomum 3. & 4. *Facis Critica Gruteriana*, in quibus accurate notata sunt Autorum loca ac verba ipsa, addito semper Autore, ubi explicatio invenienda; * sed in reliquis Tomis labor ille desideratur, qui tamen in tali Opere, & quod ad illos usus concinnatum est, summe esset necessarius; eum enim in finem Gruterus hos libros junctim edi curaverat. * Eodem modo in Legibus Romanis vel in Sacro Codice Excerpta Exegetica quis conficere poterit, magno futura usui, si labor cum ætate & annis creverit. Nam in explicatione Legum Romanarum vehementer vacillamus; essetque talium Excerptorum ad explicationem legum maximus usus, ipsis etiam JCTis non observatus. Plerique enim ex illis parum de interpretatione genuina Legum Romanarum solliciti, ad auream praxin omnia conferunt: in qua solida legum interpretatio, quæ ex his subsidiis petenda est, pro Scholasticis tritis & inutili labore habetur. Illud tamen certum est, infinita restare in his agenda, quæ talium Excerptorum beneficio confici possunt, ut nunquam defutura sit materia JCTo, si novas Commentationes scribere in Leges velit, & quidem eruditas: cum vulgares illi Commentatores non nisi crambem coctam centies recoquere soleant. * Quiseorum Excerptorum in Theologicis usus, quilibet sane facile intelligit. * Hinc sane *Biblia Critica* ortum suum trahunt, in quibus illud fortassis desiderandum est, quod nimis concise omnia tractentur, & Autorum loca non satis accurate notentur. Ex his tamen magnum usum in Theologiam inferri, stupidus certe esset, qui negaverit. * Neque adeo in Medicis talium Excerptorum usus contemnendus est. Etsi enim non tam autoritatibus, quam rationibus, illa consent, est tamen, ubi Hippocratis & Galeni verba aliam aliamque interpretationem admittunt: est ubi in nominibus morborum, in nominibus materiæ medicæ, magnus Philologiæ usus est, quem aliqua ex parte demonstrarunt *Hoffmannus* in variis suis Lectionibus Medicis, in Officialibus suis. * *Jul. Caf. Scaliger* in Commentario in Theophrastum de Plantis; *Bodæus a Strapal* alio in eundem Autorem Commentario; * *Salmasius* Commentario in Polyhistoria Solini, qui & ipse Opus vastum de materia medica præ manibus habuit, cujus prolegomena jam pridem edita. Nunc vero ipsum Opus de *Synonymis & Homonymis & Hyles latricæ* inter appendices Polyhistoris Soliniani nuper recusum curante Lantino prodit, quo ille mirifice Medicorum labores juvat, non Latina solum & Græca, sed & Orientali Nomenclatura rerum & lectione instructissimus. * Multa in his præstare potuisset *Hieron. Velschius*, Vir ut in medicina, ita & in Græca & Orientali literatura, consummatæ eruditionis.

Jungi

- 17 Jungi his possunt *Excerpta Antiquaria*. Quamquam enim illa ad Historicos videntur pertinere, nolim tamen misceri cum illis. Cum enim Historica vel ad Civilem usum congeruntur, vel ut accuratiores ipsa historia habeatur, nimis prolixum
- 18 & tædiosum esset, in isto cumulo ista quærere. * Continent vero *Excerpta Antiquaria* ritus variarum gentium circa res certas. * Jam vero methodus illa colligendi varia esse potest: vel enim respicimus ritus illos, secundum solennia actionum humanarum institutos, atque sic ordo talis adhibendus esset, qualis in Antiquitatibus Rosini & Dempsteri. Sed præstat porius sequi ordinem rerum, illisque collectaneis deinde subnectere indicem rituum, secundum varias in Republ. actiones dispositorum. Placet itaque mihi, nuda hic consignari lemmata rituum, adjectis Autoribus, qui de illis agunt: nam exscribere nimis prolixum esset. Velim deinde lemmata illa numerari, appolitis in fronte numeris, si forte unum lemma ad plures titulos pertineat, ut non opus sit, integrum exscribi, sed tantum paginam
- 20 alterius tituli & lemmatis numerum poni. * *Josephus Laurentius in Polymathia* sua libros & indices tales confecit secundum Alphabeti seriem, sed non ille ordo observatus est, qui debebat, & paucula illa tantum sunt; possuntque longe plura illis addi. Deinde neque lemmata sunt numerata, neque sub titulis diversis repetita.
- 21 * In his omnibus tamen, si ad usum transferantur, modus tenendus est a Viris doctis, ne in Maresii censuram lib. 2. epist. 44. incurrant. Ita vero ille: *Nec plurimorum hujus avi eruditorum morem emulari convenit, qui toti sunt in apicibus syllabarum examinandis, vocibusque appendendis, & in Criticis quisquilis & in Grammaticis: nec in ulius libri licet accurata editione unquam acquiescunt, sed semper berent: aliunde etiam nimii in antiquorum ritibus usque ad minutias & extremam anxietatem enucleandis & observandis; quorum pleraque talia sunt, ut ea ignorare Quintilianus fortasse inter Grammatici virtutes habiturus fuerit, & longe majora ac potiora in libris querere, nec circa voces resque nimii ponderis & inutiles consensere oporteat.*

CAP. IV.

DE EXCERPTIS ORNATÆ ORATIONIS.

- §. 1. *Excerpta ad ornatam dictionem pertinentia.* 2. *Phrasæologia ex Scriptoribus seculi aurei struenda.* 3. *Ornatus orationis unde petendus.* 4. *Phrasæ simplices & Expressiones differunt.* 5. *Exempla afferuntur.* 6. *Expressiones etiam ex autoribus dijudicande.* 7. *Ad eas accedat non nimis mature tiro.* 8. *Librorum phrasæologicorum defectus hac in re notatur.* 9. *Johann. Merryweather in Angliis suis nimiam expressionum curam damnat.* 10. *Quæ causa male & impure latinitatis.* 11. *Elegantiarum collectio & usus difficilis.* 12. *Anonymi Galli liber: La manière de bien penser &c. laudatur.* 13. *Cujus nævi elegantissimis meditationibus pensantur.* 14. *In elegantis maxime judicio opus est.* 15. *Primum inter expressiones locum habent Translata.* 16. *Horum abusus cavend.*

vendus. 17. Robortelli in iis colligendis consilium. 18. Mosellani Adagialium collectio perit. 19. Robortelli iudicium de diversitate Translatorum aurea & sequiorum ætatis. 20. Metaphoris quanam accenseantur. 21. Consilium de notandis translatis in Schönsladero. 22. Expressiones etiam e recentioribus colligi possunt. 23. Job. Michaelis Bruti laus. 24. Adagiorum collectio huc pertinet. 25. Tituli quomodo formandi. 26. Quæ ad huiusmodi collectaneas referenda. 27. Adagialia e Pœtis Græcis, Latinis. 28. Balandus, Rotmarus laudati. 29. Adagialia quedam ex Eclog. i. Virgilio asseruntur. 30. Horatii sermones laudantur. 31. Casellii de iis iudicium. 32. Adagialia quedam ex Sat. i. adducuntur. 33. Eorum collectio magni usus. 34. Ut & metaphorarum collectio.

Cum de iis, quæ ad puram dictionem pertinent, Excerptis, quinque prioribus i capitibus egerimus, jam ad ea venimus, quæ ad ORNATAM DITIONEM referri possunt. * In Oratione omni primum ad proprietatem, hinc ad cultum respicimus; proprietas consistit in phraseologia pura seculi aurei: Nam ex ejus seculi Scriptoribus phraseologia construenda est, inde corpus orationis formandum. * Inde cultus & ornatus additur, qui non tam ex ipsa lingua, quam conceptibus quibusdam argutis & analogismo rerum, nascitur & phrasi superimponitur, sed tamen & ille suos quosdam limites agnoscit, quos rei & characterum natura illi circumponit, & quandam etiam cum genio linguæ convenientiam habet. * Non habemus commodam in Latina lingua vocem, qua exprimamus, nisi forte Græca, non adeo apta, voce Emphases, vel Latina Expressiones dixeris. Hæ vero a phrasibus ipsis probe sunt distinguendæ, neque permittendum pueris, qui nondum firmato iudicio sunt, ut iis temere utantur. Quod nisi observetur, putida & affectata oratio cum ætate in habitum ibit. * Sic e. g. phrasi pura dico magnas in illo opere moras ducit. Expressio est: dum molitur, dum comitur, amicus est. Item: plusquam Ulyssæis erroribus in hoc opere circumducitur. Item: testudineo gradu ad metam procedit. Phrasis est: rumor cessavit: Expressio: Rumor rancus factus est. Phrasis est: Securus jam sum: Expressio: his tempestatibus prope solus sum in portu. In alteram aurem dormio. Aliorum naufragia ex terra intueor. Omnibus machinis inexpugnabilis sum. Extra teli jactum sumus. Res est in vado salutis. In portu navigo. Subducere jam navim possum in pulvinarium. * In his semper ad res ipsas, semper ad Auto- res respiciendum est, & ad genium linguæ, si aliunde, non ex classicis Autoribus inferantur: si denique Comici vel Sætyrici characteris Expressiones sint; qualia non discernunt tyrones nullo usu exercitati. * Separanda autem illa statim sunt, ut ea mature cognoscere discat tyro, nisi forte jam tum in usum communem cesserint; tum enim eodem jure cum ceteris phrasibus, quæ civilis usus sunt, censentur. * Vulgarium, quos habemus, librorum Phraseologicorum ille defectus est, quod puras phrasas cum Expressionibus misceant; deinde nec vocum phrasiumque propriæ significationes, aut particularum usus, accurate exhibentur, quas in numerato habere oportet primaque ex iis, ut in pingendo tyrones solent, lineamenta

menta ducere, antequam elegantiarum colores adhibeamus: nam Expressiones magnam partem ex ingenio dependent, nisi quas forte Autorum usus magis familiaris fecerit. * Scripsit JOHANNES MERRYWEATHER, Religionis Medici Translator, Anglica lingua dissertatiunculam, cui titulus: *Directions for the latin tongue* Londini 1631. impressam, in eo nobiscum consentiens, popularesque suos reprehendens, qui nihil eleganter dictum existiment, nisi quod poeticis oratorisque coloribus pictum sit; * Unde fiat, raros admodum in gente sua esse genuinæ Latinitatis scriptores. Quod ingenuum ejus de sua gente judicium laudandum est, præ illis, qui, & Ciceroni & Virgilio aequales Oratores & Poetas venditant. * Talium elegantiarum collectanea & censuram instituere difficile est: difficillimum recte iis uti, quod summum judicium requirit. * Fuit inter Gallos superiore anno Anonymus quidam, qui librum scripsit, ejus tituli: *La maniere de bien penser dans les Ouvrages d'esprit*, elegantem sane & doctum, quo ille argutias & expressiones quasdam tam veterum quam recentiorum scriptorum congerit, censuramque eorum instituit: qua in re profecto maxima Critices pars consistit. * Nam licet sint in ipso illo Censore, quæ censuram quandam mereantur; quadam enim *πατριδομανία* laborat: condonari tamen illi talia in ista elegantissimarum meditationum copia æquum est. Id tantum miror, eum, cum haberet inter antiquos, præcipue Hermodem in libro de *Ideis*, qui uberrimos harum elegantiarum fontes recluderent, suo potius ingenio niti voluisse. * Neque sane ita hæc a phantasiæ libertate dependent, ut nihil certi in illis constitui possit; sed maximus judicii in phantasia dirigenda labor est, ne illa ultra limites feratur. Caute satis ab Aristotele, Longino & aliis τὰ ὑψηλὰ & μετῶρα, frigida & humida, distinguuntur, in quæ vitia incidunt expressiones non recte formatae.

15 Primum inter ornamenta locum sibi vindicant Translata. Metaphora enim, præsertim si illa latitudine accipiat vox, qua usus est Aristoteles, fons est omnis culturæ & ornatus, imo omnis argutæ inventionis, quæ in rerum analogismo consistit. In Translatis magna vis est Orationis exaltandæ & ad varias ideas formandæ. * Ab ejus vero usu mollis, urbana, acuta, sublimis, 16 gravis est oratio; ab abusu puerilis, inepta, frigida. * Consilium hoc colligendi Translata suppeditat Robortellus Comm. in Aristot. Poëtica p. 264. *Nota hac atate* (inquit) *putarim nil utilius esse, quam ex veterum libris, qui dicendi laude floruerunt, omnes translationis formas modosque colligere, ac animo ita complecti, ut suis aliquis utatur, quando opus fuerit: periculum enim est, si ex se confingat, ne disparem habeant* 17 *analogiam, ne duriores sint, ne minus cognita, ne inusitata.* * Hoc aliquando Petrus Mosellanus in animo habuit, de quo Melchior Adami in Vita ejus: *Erat Mosellanus Metaphorarum observantissimus, earumque e Ciccone aliisque optimis scriptoribus magnum acervum collectorum instar Adaziorum Erasmi editurus opus, si annos aliquot* 18 *superuixisset.* Sed perit hoc Opus non exiguo rei literariæ damno. * Nam ut in vocum vero & proprio usu auctoritas omne punctum fert, ita nonnunquam in Translatis, quod Robortellus quoque loco supra laudato notavit: *Quod si Cicconia-*

nas translationes (inquit ille) & eorum qui eadem ætate vixerunt, conferas cum illis, qui postea scripsere, jam labefactata ac corrupta Romanorum lingua ob infusam peregrinitatem, videas multum discrepare, magisque capere iis quam his: Venusta ille sunt, pares ac convenientes rebus, notæ, aptæ ac suaves, remque ob oculos ponunt, quasi præsentem intuearis: hæc horridæ, obsoletæ, & a rebus ignotis ductæ, dispares. Scilicet qui optime iudicio in vocum delectu usi fuere & præceptis eloquentiæ & indole sæculi optima, ii eodem in Translatis sine controversa usi sunt. De Flori Translatis & Argutiis vide quid iudicet Grævius in Præfatione Commentarii in illum scripti. Vide & nostram Dissert. de Patavinitate Liviana cap. 7.

Metaphoris accenferi debent omnes illæ vel rerum vel actionum argutæ expressiones, quæ apud antiquos tum Oratores & Historicos, tum Poetas habentur, quibus & addi illa a recentioribus excogitata possunt, non utique spernenda. Etsi enim hic primæ partes merito antiquis tribuuntur: tamen in secundis ab his omnino etiam recentiores consistunt. Nam quanquam in his aliqua autoritatis & usus, præcipua tamen rerum ipsarum ratio habenda est. * Cum neminem habemus, qui e veteribus Autoribus Translata collegerit, ut compendium aliquod sequatur Tiro, in Schönslæderi Apparatu lineolis varii coloris illa subducatur, ut in oculos legentis illa incurrant. Sic e. g. sub titulo *acquirendi* subducas lineola. *Aliquid nummularum expresseris. Videt se nihil posse ab eo abradere. Quibus allegationibus eam sibi legationem expugnavit.* Sub titulo *Accipiendi* subduces; *Ex eo auro quod exterebratum esset. Decerpimus LXXX.HS.* Dolerus in commentariis Latinæ linguæ notata diligenter congeffit, sed non sub titulos redacta.

E recentioribus Autoribus quoque talia colligi possunt. Sunt in Lipsii, Bau- dii, Barlæi aliorumque Epistolis, in Satyricis scriptoribus & similibus, multa ejus generis, quæ observari merentur. * JOHANNIS MICHAELIS BRUTI Epistolæ elegantissimæ, quas lib. 1. c. 23. & 24. nescio qua incuria omisimus, multas tales expressiones tam Enthymematicas, quam morales, quam affectuosas, quam argutas habent. Quis enim illa non inter elegantias tales seponat cum e. g. lib. 4. epistolar. p. 155. ita epistolam concludit: *Quod rectè hinc ad Te non avolo, videor mihi Prometheus nescio quis, non prout ille olim Caucaßi rupibus, sed pertinaci desiderio, quod me dies noctesque peredit, crudeli tæbe tui videndi complectentique affixus.* Illis enim verbis expressio desiderii, ad cuius titulum etiam referenda, proponitur. Ita cum alibi pag. 162. hæc verba habentur: *Non gestare clitellas equum generose indolis, non clitellarum conspici aureis phaleris ornatum: non præfeci pecori venaticum canem, non sagacem, cuius sit in venatione certior usus &c.* hæc ad titulum: *Digna vel indigna dignis vel indignis tributa* referenda sunt: Infinita sunt, quæ e variis Autoribus pro hoc instituto colligi possunt.

Pertinent huc porro *Adagia & παροιμίαι*, quæ vel jungi prioribus, vel seorsim colligi possunt. De Adagiis eorumque scriptoribus prolixè lib. 1. cap. 21. egi.

Ecce 2

* Sub

- 25 * Sub certis titulis simplicibus Adagia collecta habemus, ut Erasiana illa, quæ & Langius separato libello ad locos Scurmianos vel Benzanos redegit. Verum tituli illi non sufficiunt. Solet enim in Adagio aliquo & subiectum & prædicatum involvi, adeoque integra sententia exhiberi, quæ sub generalissimo titulo subiecti diffuse nimis quæritur, nisi velimus unum idemque Adagium sub duplicem, imo interdum triplicem, titulum referre. Nam vel ad subiectum enunciationis vel ad prædicatum referendum est, vel ad tertium aliquem conceptum, qui e connectione subiecti & prædicati oritur. Ne itaque in vasta sylva quærere necessum sit, quod ad scopum nostrum facit, præstat titulos vel lemmata sententiosa formare, quæ integram sententiam exhibeant, vel subiectum potest per additionem alicujus
- 26 adjectivi ad certum aliquem & plenum sensum restringi. * Ad hæc itaque Collectanea referenda sunt. 1. Omnia Adagia e veteribus Autoribus. 2. Omnia Adagialia & *παροιμῖαι* ex omnibus Autoribus cujuscunque ætatis & linguæ, præcipue tamen Græcæ & Latinæ, quanquam & ceteræ linguæ maximam subministrant talium copiam, quæ sine ullo ordine collegerunt varii Autores. * 3. Omnia hemistichia vel versus Græci & Latini, qui argutum sensum habent: qualia infinita sunt apud Poëtas Græcos & Latinos, præcipue apud Satyricos & Comicos, quorum usus in his omnibus longe est maximus, & qui sæpe de rebus conceptus
- 28 formant, quos frustra apud alios quæsiveris. * Exemplum ejus suppeditare potest Barlandus & Rotmarus in Centuriis Proverbiorum Virgilianorum, e quibus aliqua excerptit Goclenius in *Praxi Artium Generalium* p. 64.

- 29 E Virgilio, ut exemplis quibusdam consilia nostra illustremus, multa elegantissime ad varia applicari possunt; sive versus integros & cæsus sermoni, sive sensum eorum inferamus. Sic e. g. ex Ecl. 1. *Namque erit ille mihi semper Deus, ad tit. Patroni, laudandi, gratias agendi, referri potest. Sic canibus catulos similes, sic matribus hædos, referri potest ad titulum comparationi disparium: sive: Minima cum magnis comparata. Quo referri etiam possunt illa: Tantum alias inter caput extulit urbes, Quantum lenta solent inter viburnæ cupressi. Idem ad titulum: prærogativa vel excellentiæ referri potest. Ipsæ Te Tityre pinus, Ipsi Te fontes, ipsa hæc arbuscula vocabant vel serio vel Ironice usurpari potest de præsentia alicujus desiderata, vel necessaria vel supervacanea. Non licebat tam præsentem alibi cognoscere Divos, id est, non habebam alibi fortunam adeo faventem: referendum ad titulum fortune, favoris Principum. Nec mala vicini pecoris contagia ludent referendum ad titulum conversationis male. En quis consecimus agros referendum ad titulum: Labores irriti.*

- 30 Horatio nihil hoc in genere præstantius est, qui ut omnes vitæ rationes in Satyris suis complexus est, ita flosculos suppeditat, quibus mirum in modum ornare sermonem nostrum possumus. Ego certe Satyras ejus omnes memoriæ mandari velim, tum in vita ipsa, tum in sermone usui futuras. Elegantissima omnia sunt, dictio nitida, & si numeros tollas, sermoni soluto apta. Urbanitas in eo mira, sales candidi, ex abdito erutæ sententiæ, argutiæ non coactæ, meræ Charites, omni

omni occasione aptæ. Summum in illo viro ingenium fuit, nec immerito Augusto & Mæcenati in deliciis, cujus genium satyricum nemo ex antiquis, nemo e recentioribus, ulla imitatione assecutus est. * Vide, quæ in ejus laudes scribat 31 Caselius in Neō suo, eum vitæ magistrum commendans. *Affirmare non dubitem, inquit ille, qui in hoc Poëta multum opera posuerit, eumque ita perdidicerit, ut ejus versus non in ore natos aut extemporaneos, ut putatur non memoria teneat (nec vero non sunt, qui hoc præstiterint,) sed probe intellectos ad usus vitæ transferat, hunc posse rebus suis suorumque recte in omnibus aliquid boni consilii invenire: nec minus idem patriæ recte consulat, præsertim si & ad historiam se conferat, spectans id, quod potissimum ostendimus.*

Exempla quædam hic afferemus, quæ locum in Excerptis nostris merentur. 32 Lib. I. Sat. I. agit de *μεμψιμοσχία*, e qua illa notari possunt. Cetera de genere hoc (adeo sunt multa) loquacem Delassare valent Fabium, referri ad titulum prolixitatis potest. Si quis Deus, En ego, dicat, jam faciam quod vultis potest referri ad titulum: quid si ita fiat? vel Posito. Quid cause est merito quin illis Jupiter ambas Iratus buccas inflet: referri poterit ad titulum: Principum odia. Ridentem dicere verum Quid vetas? Titulus: e joci seria. Ut pueris olim dant crustula blandi Doctores, elementa velint ut discere prima; titulus: blanditiæ utiles. Ore trahit quodcumque potest, atque addit acervo, poterit eleganter applicari ad hominem *δωρεῖσθαι*, rapacem & avarum substituendo voci Ori vocem Ungue. Non usquam proripit & illis utitur ante &c. Hi versus eleganter applicari possunt ad hominem diligentem & in studiis constantem, si leviter sic immutaveris:

*Non usquam proripis & illis uteris ante
Quæsis sapiens: nam te neque fervidus æstus
Dimoveat studiis, neque hyems, ignis, mare, ferrum,
Nil obstat tibi, dum ne sit te doctior alter.*

Quid juvat immensum te argenti pondus & auri &c. potest per similitudinem referri ad Tit. Eruditio occulta. Potest etiam applicari ad Locorum communium collectores opere ipso ignavos. Quid habet pulchri constructus acervus? potest referri ad malos scriptores, nonnisi Locos communes accumulantes, exiguo judicio præditos; Titulus: collectio inutilis. Cur tua plus laudes cumeris granaria nostris? elegans adagiale, quo contemnenti nostram inopiam respondere possumus. Potest referri ad titulum *ἀνταρξίας*. Quia tanti, quantum habeas, sis, potest referri ad titulum divitiarum & autoritatis. Quid facies illi? jubeas miserum esse libenter, Quatenus id facit, referri potest ad titulum contemnendi vel permittendi. Permite illum suo ingenio vivere. Populus me sibilat, at mihi plaudo, solitarie accepta propositio referri potest ad hominem arroganter, qui judicium populi de se contemnit. Tu tanquam parcere sacris Cogere aut pictis tanquam gaudere tabellis, potest referri ad titulum inutilis parsimonia, sive: non uti rebus ad usum destinatis. Applicari poterit ad senem effectum, qui juvenculam uxorem duxit. *Morum Semper ego optarim pauperum*

pauperrimus esse bonorum, refertur ad titulum, contemnendi ut bonum inutile. Infelix operam perdas, ut si quis asellum in campo doceat parentem currere frenis, potest referri ad varia. 1. ad titulum frustrandi laboris. 2. ad titulum: institutio infelix. Est inter Tanam quiddam socorumque Viselli, referri potest ad titulos differentie, diversitatis, modii. Nemoni, ut avarus se probet ac potius laudet diversa sequentes? potest referri ad titulum Philantie: Exacto contentus tempore vite Cecidit, uti conviva satur, potest referri ad titulum: Moris senis. * Infinita talia ex Horatio, Virgilio, Terentio, Plauto, Juvenali &c. colligi possunt, magno usui ad omne orationis genus futura, præcipue ad acrimoniam styli, ad varias meditationes, & si quis credere velit, etiam in sacris: mater enim omnis acutæ inventionis Metaphora est. * In quorum collectione ego industriam diligentemque esse tironem meum velim, qui magnum suo tempore ex ea re fructum perferentescet.

CAP. VII.

DE EXCERPTIS COPIOSÆ ORATIONIS.

- §. I. Excerpta copiosa orationis, quæ præcipue Oratoria vocanda. 2. In iis ad tria attendendum est, nempe ad τὸ πεπλασμένον, Συζηματικὸν & Ενθυμηματικὸν. 3. πεπλασμένον in quo consistat. 4. De excerptis amplificatoriis pauci egerunt. 5. Autoris ad Herennium consilium pro copiosa oratione. 6. Verborum Synonymia simplex. 7. Aristidis de Synonymia consilium. 8. Ea petitur e phrasologicis libris. 9. Exempla synonymicæ amplificationis. 10. Verborum communium usus in dilatationibus. 11. Predicata Lulliana. 12. Sunt absoluta vel respectiva. 13. Exempla proponuntur. 14. Eodem modo & integræ sententia variantur. 15. In expressionibus affectuum differunt formula & figura. 16. ut & in expressionibus actuum intellectus. 17. Verba ista generalia diligenter notanda. 18. Referri possunt ad generalissimos titulos, 19. seqq. qui recensentur. 20. Verba Essendi, Affirmandi, Negandi. 21. Dubitandi. 22. Volendi, Nolendi. 23. Affectuum. 24. Πλαγίασµός, Περιβολαί, Προσλήψις. 25. Exempla Πλαγίασµῶν ex oratione pro M. Marcello. 26. Figurarum. 27. Sententiarum amplificatarum, collectanea, 28. De Meisarti mellificio oratorio iudicium. 29. Sententiarum amplificatarum usus. 30. Excerpta ex oratione pro M. Marcello.

1 **V**idimus de Excerptis puræ & ornate orationis: venimus ad copiosum, & ad Ex-
 2 cerpta, quæ præcipue dicuntur oratoria. * In iis ad tria attendendum est,
 3 1. ad τὸ πεπλασμένον. 2. ad τὸ συζηματικόν. 3. ad τὸ ἐνθυμηματικόν. In
 quibus singulis excerpta sua quadam ratione ordinanda sunt. * Τὸ πε-
 πλασμένον orationis consistit præcipue in decenter copiosa ac figurata oratione.
 Copia orationis vel a verborum & sententiarum circumductione est, vel a mer-
 fuit

fura periodica. * Primum itaque de EXCERPTIS AMPLIFICATORIIS agemus, in quibus pauci haecenus industriam suam exercuerunt. Multi sunt, qui de copia verborum ac Dilatatione & Amplificatione scripserunt, inter quos Erasmus & Ludovicus Ragius singularibus libris egerunt, & nos suo loco, sed de Excerptis formandis nemo distincti aliquid docuit. Nos lib. 2. cap. 13. & cap. 14. tum præceptis tum exemplis ostendimus, quomodo sententiæ per assumptiones sint amplificandæ. * Eandem methodum Autor ad Hieronimum col. 67. 68. ubi de expositionibus agit, præscripsit, diserteque ait; quod *multo maxime per eam exerceamur ad eloquentiæ facultatem.* Bene itaque fecerimus, si talium Expolitionum vel Amplificationum, quæ apud optimos Oratores occurrunt, Excerpta instituerimus. Nos ex Oratione Ciceronis pro Marcello talium Excerptorum specimen ostendemus.

Omnis Amplificatio consistit in dilatatione, tum verborum tum sententiarum, 6 & primum simplex est synonymia. * Diserte Aristides in libro de Dictione C. 7 vili, quem e Græca in Latinam linguam convertit notisque illustravit Laurentius Normannus, Vir doctissimus, hoc præcepit, cum ita ait: *Ratione elocutionis sit circumdectio, nempe si vocabula idem valentia adhibeantur.* Sciendum vero, quæ significatione conveniunt, quedam consecratione mutua jungi, quedam contra quam consentaneum fuerat. * Verborum idem significantium farrago e phraseologicis libris peti debet, tum 8 ex observatione crebra. * Ita cum Cicero hic dicit N. 2. *Dolebam, & vehementer angebar,* inter synonymia referri debet. Ita N. 6to, *laudes extenuare verbis, easque detrabere.* No. 4to, *merito atque optimo jure;* & plura alia in hac Oratione occurrentia. Ita N. 6. *fortuna sibi vindicat & pene omne ducit suum.* Neque simpliciter hæc Synonymia, sed & καὶ ἀπὸ φασίς, sive per negationem institui solet, ut statim in prima periodo hujus Orationis: *Diuturni silentii finem hodiernus dies attulit; idemque initium dicendi.* * Si a simplicibus verbis & phrasibus discesserimus, veniendum est ad communia verba. quæ quasi genericam aliquam naturam habent, quibus uti possumus in dilatatione verborum & sententiarum, per periphrases, descriptiones & similia. * Vocamus autem Communia verba, quæ non terminantur in aliquod subjectum, qualia verba communia possent sub titulis Lullianis ad τὰ κοινὰ præcipue accommodatis comprehendendi. * Suntque illa *prædicata communia* tam absoluta, quam respectiva. 12 *Absoluta* sunt bonitas, magnitudo, duratio, potestas, cognitio seu sapientia, appetitus, virtus, veritas, gloria. *Respectiva* sunt differentia, concordia, oppositio seu contrarietas, proprium, medium, finis, majoritas, minoritas, æqualitas, & quæ singulis opponuntur. * Sub singulis comprehenduntur plura vocabula generalia, atque illa vocabula generalia magnam sub se iterum continent sylvam nominum, verborum & adverbiorum. e. g. hic in Oratione N. 12. habetur: *Clementia tua judicio conservati sumus.* Satis fuisset: *Clementia tua conservati sumus,* vel, *judicio tuo conservati sumus;* sed jungit Cicero verbum commune cum singulari. *Judicium enim latius patet, quam clementia.* Ita N. 10. *Etsi aliqua culpa*

*culpa tenemur erroris hujus; ſatis erat dixiſſe: etſi errore humano tenemur. Ita N. 4. Tantum apud me grati animi fidelis memoria valuit; cum ſufficeret: tantum apud me gratus animus valuit. Ita N. 24. Si ad humanos caſus accedat ſceleris conſenſio; ſufficiſſet: ſi ad humanos caſus accedat ſcelus. Et tales non verborum tantum, ſed etiam ſententiarum & formularum amplificationes infinitæ occurrunt, a vocibus illis communibus aſſumptæ. Sic in primo exemplo vox *Judicium* eſt communis, referenda ad titulum *Cognitionis*, poteſtatis. In exemplo ſecundo vox *culpa* referenda ad titulum *malitiæ* bonitati appoſitæ. In tertio exemplo vox *memoria* referenda ad titulum generalem *cognitionis*. In quarto vox *Conſenſio* referenda ad titulum generalem prædicati Reſpectivi *Concordiæ*; & alia infinita occurrunt.*

- 14 * Sententiæ integræ eodem modo per communes voces variari poſſunt; quæ voces etſi e terminis illis generaliffimis inveniri facile poſſunt, & applicatione ad illos terminos, eorumque contraria eo magis ampliari, præcipue tamen referuntur vel ad actus intellectus, vel ad motus animi. Proveniunt itaque a facultate intelligentie rum formulæ, tum figuræ, quæ eam ob cauſam figuræ ſententiarum vel *τῆς διανοίας* dicuntur, vel a motu animi, & itidem hinc oriuntur formulæ vel figuræ, quæ figuræ affectuum dicuntur. Formulæ in illo conſiſtunt, quod dicam, *me ſcire, intelligere, opinari* &c. Figuræ tales ſunt, quæ ſcientiam & ſententiam per ſe gignunt; nam omnes illæ figuræ ſententiarum docent aliquid diſtinctius auditores de re, quam proponimus; ut figura diſtributionis enumerando vel ſpecies, vel partes, magis dilucidam facit orationem, intelligentiorem reddit auditorem.
- 15 * In formulis & figuris motuum ſollicite diſtinguuntur formulæ & figuræ ab Hermogene, ejusque diligentiffimo Commentatore *Sturmio lib. 1. de Univerſa ratione Elocutionis Rhetorica c. 24.* Nam cum orator verba motuum præmittit, ut cum dicit, *ſe mirari, ſe terreri*, remiſſior ille motus eſt, & vix nomen figuræ meretur. Cum autem affectus ipsis verbis exprimitur, & nihil præmittitur, tum vera figura eſt: animus enim ipſe ideam hujus affectus verbis imprimit. Ita in Exordio Orationis pro Milone Cicero dicit, *ſe terreri*; quod mollius & remiſſius eſt, quam ſi terrorem vultu; geſtu, trepidatione & oratione ipſa exprimat. Quod ſi itaque verba talia motuum in ſententiis præmittantur, *πλαγιασμός* eſt, & obliquatio: ſi integris periodis prologus contineatur, aliquid figuræ ſapit, etſi non ſit ipſa
- 16 figura. * Similiter accidit in expreſſionibus actuum intellectus, quæ varios ſuos gradus habet. Nam cum dico, *me aliquid ſcire, opinari, æſtimare, mirari* &c. non tam figuram illud facit, quam formulam. Si vero affectum illum admirationis exprimam ipſo ſenſu, *Papa! quanta enormitas eſt, quantum prodigium!* Ipſa figura ad-
- 17 mirationis ſub ratione exclamationis proponitur. * His verbis generalibus, quæ expriment vel intellectum, vel affectum, vel aliquid, quod illo pertinet, frequenter utitur Orator ad amplificandam & dilatandam Orationem, quæ proinde diligenter notari debent, & ad terminos ſuos generales reduci, quos terminos hic quaſi per indicem dabimus, ut velut Alphaberum quoddam fini, quo tanquam elementis quibusdam dilatetur Oratio, his formulis adjectitiis ubique ſuffulta.

Generalissimi Tituli, ad quos omnes communes voces ac formulæ referri possunt, sunt Verba 1. *affirmandi & negandi*, 2. *volendi & nolendi* & 3. *laudandi & vituperandi*, 4. *suadendi & dissuadendi*. Quibus contineri omnia illa possunt, quæ quomodocunque ad tria causarum genera referuntur. Nam generis judicialis communia verba accusare & defendere ad laudare & vituperare reduci possunt. Pleraque, quæ in dicendo occurrunt, vel in rebus, vel in facto, vel in faciendo versantur. * Voces & formulæ, quibus affirmamus, varie formantur. 1. *Per 19* *verba, quæ simpliciter ad asseverationem pertinent, ut:* statuo, judico, sic censeo, credo, sic statui semper, sic mihi persuasum est, sic sentio, & ita sentio, & sæpe disserui, adducor, ut putem, illud affirmo, confirmo, etiam illud adjungo, idem ego contendendo, non dubito, non vereor, non est verendum, certum est, luce clarius est, non dubium est, nulla dubitatio est, in dubium non venit, non ambigitur, nemo negat, negari non potest, nemo ignorat, potestis recordari, sic perspicio, cui perspicuum non sit? fateor, non inficior, exploratissimum habeo, narro tibi, testor. Cic. I. 1. De Orat. *Adest fere nemo, quin acutius atque acrius vitia in dicente quam recta videat, h. e. omnes vident. Id lib. 1. fam. 3. nemo est, quin cogitet, quam sit metuendus victor iratus, h. e. omnes scimus. Verrin. 3. Neminem vestrum ignorare arbitror, judices, hunc sermonem vulgi atque hanc opinionem populi Romani fuisse, i. e. Vos scitis. Verrin. 4. Me dies, vox, latera desciunt, si hoc nunc vociferari velim, miserum indignumque apud eos diem festum esse, i. e. miser apud eos dies festus est. Duplicantur in his πλαγιασμοι. His ex adverso contraria poni possunt. 2. Per verba simplicis essentie vel conditionatæ, ut evidens est, manifestum est, patet, fieri non potest, contingit, necessarium est, facile & difficile, sunt illa ejusmodi, ut &c. qualia præsupponunt asseverationem, vel dubitationem, vel negationem. 3. Per verba, quæ intellectum vel proprie, vel metaphorice inferunt, e. g. Cognosco, intelligo, experior, perspicio, sentio, judico, hoc ego te doceo, subodoror, prædico, præfatio, prævideo. Vide vocabula sub termino Lulliano Cognitionis. * Com-20prehenduntur sub illis contrariæ voces, dissentire, displicet, nescire, juxta cum ignarissimis scio, nescio quo pacto &c. 4. Per verba opinandi, puto, credo, existimo, duco, arbitror, opinor, videtur; qualis πλαγιασμος Rhetoribus ἐνδοξασος dicitur. 5. Per verba ἐπιχειρεως, e. g. rectum, justum, æquum, honestum, utile, necesse, dulce, odiosum, molestum, acerbum, indignum, miserum, ridiculum est, satis est, parum est, nimium est, magni interest, stultitia est me illi vitio vertere, placet, non oportet. Quæ actiones pleræque judicantur a qualitatibus bonis vel malis, ideoque verba bonitatis Lulliana hic applicari possunt. 6. Per verba συγχειρεως seu comparationis, superlationis, e. g. supra quam credi potest, ultra hominum fidem. 7. Per verba illativa & concludentia, e. g. Sic ego colligo, sic fert ratio mea, &c. 8. Per verba testimonii, e. g. ajunt, dicunt, perhibent, auditum est; fama, rumor est; in proverbio est, creditur, veteres comprobant autores, Dialectici persuadent, per manus traditum est, audivimus ex majoribus, multi prodiderunt, multi sunt autores, placet Philosophis hoc, majores natu dicere audivi, annales referros habemus, legimus*

- gimus in annalibus, est in monumentis literarum, relatum est apud Historicos, Plato
 21 definit, declaravit &c. Ex his contraria facile formari possunt. * Dubitandi
 verba quasi intermedia sunt e. g. dubito, non est verosimile, non liquet &c.
 22 * Verba volendi exprimuntur 1. per phrasas generatim voluntatem significantes, e. g.
 probo, placet, hæc mea mens est, hic sensus, ita mecum constitui, deliberatum est,
 hæc dudum designavi, instructa ad illam rem omnia, tentare, eligere, repudiare,
 cunctari, festinare. 2. per generalia verba faciendi & fiendi, quoniam facta ad volun-
 tatem referuntur, e. g. Soleo mirari, non est meæ consuetudinis rationem red-
 dere, faciam profecto, non committam ut, &c. non repugnabo, non refragabor.
 3. per verba potestatis; quo referri possunt ceteræ voces, sub hoc prædicato Lulliano
 contentæ, e. g. In tua potestate est, nihil impedit, nihil prohibet, nihil vetat;
 tuarum virium, tuorum nervorum res est, quæ res in civitate multum possint, hæc contra
 nos faciunt; est in tua potestate, ut ille in me satis sibi presidii esse putet. Cic. 4. per verba
 causæ efficientis, impulsivæ, finalis. Quoniam enim omnis oratio versatur in aliquo fa-
 cto vel faciendo ideoque e causis verba communia multa desumi possunt, e. g.
 Ideo hoc factum est; omnem operam impendit, ut hoc ageret: ideoque omnes
 phraseologiae diligentia, procurandi, laboris, industriæ, conatus, omnesque voces,
 quæ actionem generalem exprimunt, huc pertinent. Cic. 5. fam. 1. Summa tua au-
 toritas fecit, meumque de tua singulari virtute iudicium, ut magni mea interesse putarem, &
 res eas, quas gessissem, tibi notas esse, & non ignorari a Te; i. e. res gestas tibi notas fa-
 cere volui. 5. per verba affectuum: ea enim ad actiones referri debent. * Volumus
 23 facienda vel simpliciter, vel cum affectu. Facta affectu vel exaggeramus, vel ele-
 vamus. His verbis vel morata, vel pathetica sit oratio; prout formulæ vel affe-
 ctum vel virtutem exprimentis admiscuntur. Quando verba affectuum propo-
 nuntur sententiis, ea Hermogenes inter exempla *προσλήψεως* seu assumptionis nu-
 merat. Formulæ a virtutibus & vitiis desumptæ moratam reddunt orationem, si
 illis per assumptionem sententiæ amplificatur. Ideoque verba, quæ subjiuntur
 prædicato Lulliano Bonitatis & Virtutis, hic convenient. Possunt & ceteri omnes
πλεγμασμοί Lullianis prædicatis in amplificatione sententiarum jungi. Exaggera-
 tio potest institui per verba magnitudinis & virtutis, quæ apud Lullium habentur.
 Laudandi & vituperandi communes voces & formulæ e prædicatis Lullianis pro rei,
 de qua dicitur, natura, derivari possunt. E loco enim adjunctorum, unde omnis
 laudandi & vituperandi ratio dependet, sunt desumptæ. Suadendi & dissuadendi for-
 mulæ per omnem sermonem generis deliberativi sunt dispersæ.
 24 Solet talis amplificatio per *πλεγμασµόν* convenire cum *περιβολή*. Sententiæ
 enim e rectis mutantur in circumductas sive compositas per *πλεγμασµόν*, *περιβολήν*
 & *πρόσληψιν*. *Πλεγμασµός* consistit in illa obliqutione per verba & formulas;
περιβολή fit καὶ ὑπόθεσιν, vel per conditionalem sententiam insertam vel præmissam,
 e. g. Si quid in me est eloquentiæ, ejus vel inprimis fructum Licinius repetere debet. Re-
 cta est sententia: eloquentiæ meæ fructum a me repetere Licinius debet; vel καὶ
 ἀπόφασιν, per negationem contrarii, e. g. Qui profecto, si nihil ad percipiendam col-
 lendam-

lendamque virtutem literis adjuvaretur, nunquam se ad eam studium contulissent. Pro quo dixeris: literæ valent ad virtutem. Tertio per propositionem relativam, e. g. *Quia tua voluntas ea videbatur esse, ut prorsus, nisi confirmato corpore, nolles navigare*; pro eo diceretur: nolebas navigare, sed hoc exemplum æque potest ad *πλαγιασμόν* referri. Ita Cic. pro Archia: *nunc insidet quædam in optimo virtus, quæ dies noctesque animum gloriæ stimulis concitat*; pro eo quis diceret: Virtus concitat. Sed potest hoc exemplum æque ad *πλαγιασμόν* referri, & quidem ad titulum existentiae. Insidet in optimo virtus. Verba enim existentiae sub se continent omnia verba generalia, vel existentiam, vel inhærentiam, vel præsentiam, aut simile quid significantia. *Πρόσληψις* multos habet modos, ut jam supra dictum est.

Nos jam ad Orationem pro M. Marcello nos converteremus, & quicquid in ea 25 *πλαγιασμών* & *προσλήψεων*, in usum eloquentiæ Studioforum notabimus, ut ad hoc exemplum observata & excerpta amplificatoria sua instituunt. Totis duabus primis periodis nihil aliud continetur, quam hæc sententia; Hodie de restituto Marcello dicere debeo. Tota itaque periodus prima est quasi *παρασκευαστική* & nihil aliud quam *πλαγιασμόν* per integram periodum deductum continet: quare ad formulam asseverandi vel dicendi pertinet. Cetera expolitionibus ornantur & figuris, de quibus postea. Verba etiam illa: *tacitus nullo modo præterire possum*, pertinent ad formulas affirmandi, dicendi, asseverandi. Potest etiam hæc formula, quæ formula simul connectendi est, referri ad variationem particulæ etiam. *Conservatam ac restitutam puto*, pro, restituta est, *πλαγιασμός* est, & ad verba opinandi refertur. Formula hæc referenda ad verba affectuum & *ἐπιεικείας*. *Dolebam & vehementer angebar, cum viderem, virum constitutum in ea fortuna, pro fortuna ejus erat afflicta. Nec mihi persuadere poteram, nec fas esse ducebam, versari me &c. quod Marcellus a me inique distractus fuit*: Formula referenda ad verba *ἐπιεικείας*. Intellectum est mihi quidem in multis, & maxime in me ipso, sed paulo ante in omnibus, *πλαγιασμός*, qui referendus ad verba intellectus & sensus (notetur hic obiter variatio conjunctionis copulativæ, & maxime in me, sed paulo ante in omnibus. Ille quidem fructum omnis vitæ cepit, cum &c. Videri poterat quasi *πρόσληψις* effectus aut *πλαγιασμός* verbi generalis esse vel fieri, aut factum esse. Nam e. g. ita dicere possum: ille fructum omnis vitæ antea hodierno die maximum cepit, cum honores illos consecutus est, pro: ille honores hodie consecutus est; estque talis generalis forma essendi vel fiendi, reflexa ad ritulum generalem bonitatis & magnitudinis. Est vero fortunatus ille &c. Referenda hæc formula est ad verba *Εἶναι* vel *existentia*, ad circumstantiam temporis relata; Simpliciter enim dicere poterat: Marcellus maximo beneficio a te affectus est. Nota iterum variationem Conjunctionis Copulativæ per Comparisonem: *cujus ex salute non minor pene ad omnes, quam ad illum ventura sit, letitia, pervenerit. Quod ei quidem merito ac jure optimo contigit.* Hæc periodus separatim ponitur, sed partim refertur ad præcedentem, partim connexionem præstat propositioni secuturæ: ideoque vel ad formulas *πλαγιασμών*, vel ad formulas

las connectendi referri potest. Si ut *πλεγμασμός* consideratur, referenda est ad formulam esse vel fieri, factum esse, h. m. Quod ei merito atque optimo jure contigit, ut hoc beneficio afficeretur. Quæ sequuntur periodi aliquot, hanc propositionem continet: laus restituti Marcelli ceteras Cæsares laudes superat. Tota hæc periodus: nullius tantum est flumen ingenii &c. adhiberi potest, cum dicimus de rebus magnis vel absolute vel comparate. Absolute: nullius tantum flumen est ingenii, qui enarrare res tuas possit, pro: res gestæ tuæ sunt maximæ. Comparato sensu ita adhibetur, ut primum amplissime laudentur, quæ minora visa sunt, ut eo ampliora sint, quæ sequantur. Referatur ad formulas asseverandi, & separatim illa: *tamen hoc affirmo, & hoc pace dicam tua, nullam laudem esse ampliorem i. e. nulla laus major est.* Soleo sepe ante oculos ponere idque libenter crebris usurpare sermonibus. Mirabilis hic *πλεγμασμός* est ad rem magnam significandam; & referenda hæc formula est ad verba intelligendi & cogitandi. Quia quidem ego, nisi ita magna esse fatear &c. *amens sim.* Pertinet hæc formula ad formulas asseverandi, reflexa ad titulum generalem magnitudinis. Duplex quasi *πλεγμασμός* esse videtur; primus: fateor esse magna, pro, sunt magna; secundus: nisi magna esse fatear, *amens sim.* Est *πλεγμασμός περιβολῆ* auctus. Additur tertio Hyperbole: ut ea vix cujusquam mens aut cogitatio capere possit. Elegans exemplum in rebus magnis exaggerandis. Potest etiam integra hæc formula ad verba Syncritica referri; tota enim hæc formula comparisonem auger, cum simplex sententia: hæc facta tua omnium facta superant, vel, factum tuum priora tua superat. Nam bellicas laudes &c. Periodus hæc nihil aliud dicit, quam bellicæ laudes non sunt propriæ Imperatorum. Hæc sententia dilatur vel *πλεγμασμός* vel assumptione, præmittendo verba generaliora; quæ resolvuntur in formulam generalem negandi. Nam si ita formes sententiam: negant quidam laudes bellicas esse proprias Imperatorum: Formula illa negandi per Expositiones exprimitur: solent extenuare verbis, easque detrahere ducibus. Totum hoc &c. est inquam tuum: ad titulum asseverandi per iterationem verborum refertur. Domuisti gentes: Amplificatio sententiæ per *περίσληψιν* adjunctorum & circumstantiarum, ut in superiori periodo per *περίσληψιν* partium. Quia ad naturam & conditionem, ut vinci possent, habebant, pro, vinci poterant. Referendus ille *πλεγμασμός* est ad verba generalia esse, sive simpliciter, sive per conditionem. Nulla est tanta vis &c. Vere magna & ampla est hæc periodus, & crescit antithetis, expolitionibus crebris. Notetur subiectum totius periodi, quod in meris infinitivis consistit, præmitti, & prædicatum postponi per resumptionem subiecti; cujus formula: *hec qui faciat.* Ita enim instructa periodus numerosior est, quam si ita concepta fuisset: qui animum vincit, iracundiam cohibet, non ille cum summis viris comparandus, sed &c. Ita enim traheretur sensus, & membrum nimis cresceret. Referenda est hæc quoque formula ad verbum generale faciendi, vincere, cohibere, temperare, extollere, amplificare: *hec qui faciat.* Estque hic, quod bene notandum, *πλεγμασμός* postpositi exemplum. Deinde duplex est *πλεγμασμός*: posterior enim formula ad verba Epicriti-

ea pertinet. Non ego eum cum summis viris &c. Potest & eadem formula referri ad verba *Syncretica*: est enim formula comparandi per ἐπεβολή. Ita hic comparat, ut ponat extra omnem comparisonem, quæ summa est exaggerationis nota. Duæ hæc periodi sequentes nihil aliud in se continent, quam hanc sententiam: qui se ipsum vincit, major est omnibus, hæc sententia per χαιρετμόν, per exaggerationes & αὐξήσεις in plures periodos distrahitur. Quo studio incendimur? ita vel simpliciter, vel per interrogationem possumus dicere; quo studio incendimur, cum tua legimus. Referri potest ad verba generalia affectuum, & in specie amoris, desiderii, i. e. ac si diceremus: res tuas gestas libenter legimus. Gratias agere gestiunt: πλάγιστος per verbum generale affectus. Cum lacrymas viderem, omnium memoria peccus meum effodit, pro, tactus sum commiseratione Marcellorum, quibus tu dignitatem restituis. Etsi hic enthymema lateret, referri tamen potest ad formulas generales affectuum, & quidem commiserationis. Est etiam hoc exemplum περιβολῆς per enunciationem relativam. Hunc tu igitur diem antepones; possunt hæc verba etiam inter formulas referri, si subintelligantur, quæ hic sunt præmissa. Ita enim institui sermo potest: hunc tu diem &c. jure antepones, quo hoc beneficio nos affecisti i. e. magno beneficio nos affecisti. Referri potest ad verba ἐπικρίσεως vel συγκρίσεως & superlationis. Vereor hoc &c. Referri hæc formula potest ad verba generalia intelligendi, dicendi & affirmandi, reflexa ad titulum magnitudinis, & accommodatur rei magnæ, de qua dicturi sumus. Atque hoc quam late pateat, attendite: est quasi περίληψις pollicitationis, quando aliquis se aliquid magni probaturum promittit: potest etiam ad verba generalia intelligendi referri, etsi accedat figura ἐπιστοφῆ, prout si diceret: hoc iudicium multa complectitur. Nam si quis vocem Attendite per Synonyma amplificaret, rectius hujus formulæ usus pateret. Jam vero animis vestris putate, atque ante oculos vobis ponite, quam late iudicium pateat, pro: late iudicium pater. Judicavit a plerisque susceptum, pro: absolvit a crimine perduellionis. Vox itaque judicavit inter πλάγιστους referri debet. Referenda est hæc formula ad verba ἐπικρίσεως. Περίληψις est causarum, qua amplificat sententiam. De pace agendum esse existimaui &c. Tota periodus nihil loquitur, nisi hæc verba: ego pacem semper sectatus sum, quam ille circumloquitur per verba generalia opinandi, & in contrariam partem flectendo sententiam per generalia verba affectuum, scilicet doloris, & verba negandi. Formula illa referri potest ad verba generalia persuadendi, vel etiam asseverandi, notum est, manifestum est, Tantum apud me grati animi memoria valuit, ut nihil illi denegandum arbitrarer. Est etiam formula morata. Sententia enim: nihil ipsi denegavi, amplificatur e loco gratitudinis. Possunt enim & tales formulæ e virtutum locis amplificatæ seorsum colligi. Quod quidem meum consilium minime obscurum fuit. Hæc verba, etsi hic sententiam complent, tamen reflectunt ad superiora, & potest illa formula adhiberi, cum aliquid asseveramus; & referri sub titulos, manifestum est, h. m. Meum consilium minime obscurum fuit, cum illa res inter nos disceptaretur. Ex quo nemo &c. Tota hæc pe-

riodus hanc sententiam habet: Cæsar voluit pacis autores conservare; estque in hac sententia quadruplex *πλαγιασμός*, 1. ex verbis *ἐπικρίσεως*. 2. ex verbis dubitandi. 3. ex verbis voluntatis. 4. iterum ex verbis *ἐπικρίσεως*. Estque hæc sententia sub modo *conclusionis* seu *illationis* concepta. 1. ex quo nemo erit tam injustus rerum *æstimator*. 2. qui dubitet. 3. quæ Cæsaris voluntas fuerit. 4. cum pacis autores conservandos censuerit. Atque id minus mirum fortasse tum, cum esset incertus exitus. Est formula periphrastica particulae præsertim, minus mirum, fortasse cum. Est itidem formula connectendi generalior. Potest etiam inter *πλαγιασμούς* referri sub verbo generali *fiendi* vel *facere*: atque id minus mirum fortasse tunc accidit, cum esset &c. Is profecto declarat, se maluisse, pro: is voluit vincere. *Παγιασμός* referendus ad verba generalia *Voluntatis*, estque duplex. 1. declarat, se voluisse vincere. 2. verbum *Velle* per comparisonem contrarii variatur h. m. *se maluisse non dimicare, quam vincere*. Ut obiter significem, quod omitatur altera particularum comparativarum, quæ absconditur in voce *Maluisse*. Dici enim alias potuisset, se voluisse non tam dimicare, quam vincere. Quoties ego eum, & quando cum dolore vidi extimescentem? *πλαγιασμός* duplicatus cum *περιβολῇ* & figura exclamationis. Is enim sensus est: Marcellus ferocitatem victoriæ extimescebat. Additur *πάθος* doloris. Referendus itaque hic *πλαγιασμός* est ad generalia verba *sensuum*, aut ad verba *affectuum*, doloris. *Vidimus* &c. Sententia hæc est: bellum finitum fuit, & in urbe pax fuit. Amplificat per *πλαγιασµὸν* verbi *videndi*, & *ἐξεργασίας* phrasium. Ut dubitare debeat nemo, quin multos, si fieri posset, Cæsar ab inferis excitaret. 1. Est *πλαγιασµός*, ad verba dubitandi referendus. 2. Elegans deinde formula hic latet, referenda ad verba *συγκρίσεως*; & talis quidem, quæ involvit voces superlationis, quibus ipsa *ὑπερβολῆς* figura additur. Exprimitur autem hic summa clementia. Imitari possis in multis aliis rebus. Sic si hominem misericordem velis depingere. Adeo efflicti amat miseros, ut dubitare debeat nemo, quin multos, si fieri possit, ultimis suppliciis destinatos eriperet, nocentesque absolveret, quam ut innocentes damnaret. Præterea hæc formula in multas alias figuras converti potest. Alterius vero &c. In his verbis 1. est notanda singularis trajectio vocum, quæ recto ordine ita locari debuissent: nihi amplius dicam, quam nimis iracundam fuisse victoriam alterius partis, id quod omnes verebamur. Cicero vero ita maluit, & proposuit verba: alterius vero partis, ut sensus efficacia major esset, & commodior cum prioribus nexus. Duplex hic est *πλαγιασμός*, 1. per generale verbum *dicendi*, 2. per generale verbum *metuendi*: estque præterea *περιβολῇ* per particulas relativas, cum figura præteritionis: nihil amplius dicam, quam id, quod omnes verebamur. Cogitandum esse dicebant: *πλαγιασμός* est, & quidem duplex, referendus ad verba *opinandi* & *dicendi*. Quare gaude &c. Tres periodi nullam aliam in se habent sententiam, quam: Gratulamur tibi; per figuras & multos *πλαγιασμούς* & *περιβολῆς* ita ornata, ut in exemplum similium formularum esse possit. *πλαγιασμός* est ex verbis *affectuum* reflexis ad titulum *bonitatis*. Quare

Quare gaude isto tuo tam excellenti bono: alter *πλαγιασμός* est, & simul *περιβολή*. Cetera cum tua recordabere &c. felicitati tuæ congratulabere. Referenda est formula ad verba generalia sciendi, vel intelligendi. Tertius *πλαγιασμός* & *περιβολή* est: de nobis quoties cogitabis, toties &c. Referenda hæc verba sunt ad formulam cogitandi. Titulus ille bonitatis augetur ex causis efficientibus hujus beneficii. Quoniam enim hæc periodi sola in gratulatione consistant, gratulatio autem fiat de bono aliquo obtento, ut hic ex laude Clementiæ: & vero bonitatis ac felicitatis multæ sint cum causæ, tum partes, non commodius amplificabitur, quam ex iis vel causis, vel partibus, quæ generali illo bonitatis titulo continentur. Primo enim ponit generalem illum titulum boni: *quare gaude isto tam excellenti bono*. Amplificat partim per effecta, cum enumerat illa, fortunam, gloriam, naturam, mores, fructum, jucunditatem, virtutem, felicitatem; (quæ duo sibi hic opponuntur ad amplificationem rei ex comparatione contrariorum) liberalitatem, sapientiam; & hæc omnia considerat, tum ratione ipsius beneficii, tum ratione illorum, quos beneficio afficit, ita tamen, ut omnia in autorem retorqueantur. Potest etiam tota hæc formula referri ad formulam gratias agendi. Notetur elegans variatio partiellæ potius. *Etsi persæpe virtuti, tamen plerumque felicitati, i. e. potius felicitati tuæ congratulabere*. Potest etiam tota hæc formula: *Cetera cum tua recordabere, usque congratulabere, referri ad verba syncritica & formulas comparisonum*. Ad eadem verba *syncritica* referenda hæc est formula: *qua non modo summa bona, sed nimirum audeo vel sola dicere: ad verba superlationis, supra quam credi potest*. Est etiam *πλαγιασμός*: quæ audeo dicere, pro: quæ sunt. Notetur etiam hic positus particularum: *non modo, sed nimirum*. Alias enim dici solet: non modo sed, &c. Noli ergo in conservandis bonis defatigari. 1. *πλαγιασμός* hic est, ad verba generalia faciendi referendus. 2. est formula dissuadendi; noli defatigari. Sed quisnam est iste tam dæmens? *πλαγιασμός* ille est, etsi omittantur, quæ sequi debent. Integra enim sententia hæc est: nemo hoc patrare aufit. Potest referri ad verba asseverandi & negandi. Utraque enim ratione considerari potest formula. Immiscetur *πάθος*. Idem *πλαγιασμός* est in verbis sequentibus: *non est credibilis tantus in ullo furor*. An, si tui nihil cogitant sceleris, cavendum est? per interrogationem & *περιβολήν* format simplicem enunciationem. Non inimici tui facient, *περιβολή* est: si tui nihil cogitant sceleris, *πλαγιασμός*: Cavendum est, ne quid inimici, referendus est ad verba metuendi. Cum in animis hominum, &c. *περιβολή* est, formata e verbis generalibus, occultum est. Nam quis est? periodus elegans est, constans *πλαγιασµῶ*, expolitionibus & assumptionibus illustrata. Expolitiones sunt rudis, nihil de salute cogitans, qui non intelligat. Assumptiones sunt adjuncta illa, vel potius species illæ, cum 1. ponit res in genere. 2. assumit Remp. hinc salutem communem & privatam. Recta sententia hæc est: omnium salus in te uno posita est. Referendus est iste *πλαγιασμός* ad formulas asseverandi vel voces sciendi & intelligendi. De te dies noctesque cogitans extimesco. Est & ille *πλαγιασμός* potius *περιβολή*, fundata *πλαγιασµῶ*: nam par-

participium cogitans involvit particulam conditionem vel causalem: cum cogito. Recta sententia hæc est: ego tantum doleo, te immortalem non esse. Referenda est hæc formula vel ad verba *intellectus, cogitandi*; vel si vocem doleo & extimesco respicimus, ad voces *affectus, quem Deum, etsi cupiat, opitulari Reipubl. credamus?* Referenda hæc formula est ad titulum Impossibilitatis, vel ad verba *syncretica*, sub titulo superlationis. *Omnia sunt tibi excitanda, Caesar.* Sententia hæc est: resp. tibi iterum erigenda est. Quam illo variat per *περίσληψιν* partium, in quibus Resp. consistit. *Non fuit recusandum, quin &c.* elegans est *πλεγμασμός*. Referendus est ad formulas *asseverandi*, vel ad vocem generalem *sciendi*. Sententia recta hæc est: multa in bello civili turbantur. *Nam tuam vocem invitatus audiui.* Formula est referenda ad vocem generalem improbandi. Recta sententia hæc est: non laudanda tua vox est. *Si ita vis.* Formula hæc ita posita notanda est, & non *ἐπιπλήξεις* illæ, si ita vis, si ita placet, quasi blandiendi gratia adjectæ, quibus urimur, quando cum maioribus nobis res est, quibus adversari nolumus. Formula illa: addo etiam si placet, & variatio conjunctionis copulativæ ET. *Quare omitte queso istam doctorum hominum in contemnenda morte prudentiam.* Formula dissuadendi & debortandi: neque noli nostro periculo sapiens esse. *Sæpe venit ad aures meas, te dicere, pro: dicis.* *πλεγμασμός* est, referendus ad verba *sensuum, audiendi*: scilicet. *Tum id audirem, si tibi soli viveres.* *πλεγμασμός* est & *περίσληψις*. Recta sententia est: non credo. *πλεγμασμός* consistit in verbis: *tum id audirem.* *περίσληψις* in illis: *si tibi soli viveres.* Res tuæ gestæ complexæ sunt. Vox *Complecti* est inter illas, quibus Cicero ad sensus abundantiam exprimendam utitur, ut sunt multæ aliæ in lectione autorum notandæ. Cum enim illæ vi vocis amplitudinem aliquam significent, inter voces etiam communes referri possunt. *Tantum abes a perfectione, pro: nondum fundamenta jecisti.* 1. Notetur hic periphrasis particulæ *nondum*: tantum abes a perfectione, ut. 2. *πλεγμασμός* etiam est, referendus ad verba vel *asseverandi*, vel *negandi*, vel etiam *essendi & sciendi*. Si specialiore titulum velis ad verba *perfectionis* vel etiam *imperfectiois*. Potest etiam referri ad formulam *improbandi* aut *dissuadendi* h. m. *Tantum abes a cogitationum tuarum eventu optato, ut fundamenta consiliorum nondum jeceris.* *Glorie te esse avidissimum, quamvis sis sapiens, non negabis:* pro: gloriæ cupidus es. *πλεγμασμός* est, auctus vel *περίσληψις*, vel *ἐπεμβολή*, referendus ad verba *ajendi* vel *negandi*. *ἐπεμβολή* vel *περίσληψις* est: *quamvis sis sapiens.* *Quicquid enim est.* Per *γνώμην* effertur, quæ est formula, referenda ad verba *syncretica* seu *superlationis*. *Quod si rerum tuarum immortalium hic exitus futurus sit, ut relinques.* *πλεγμασμός* est, referendus ad verba generalia *essendi, accidit, contingit* idem est, *Vide queso, ne.* Tota hæc periodus nihil aliud in se continet, quam rectam hanc sententiam: Resp. in hoc statu relicta, non tantam tibi gloriam pariet. Est itaque quasi *περίσληψις*: *quod si rerum tuarum immortalium &c.* formata per particulas conditionales. Deinde illa quoque verba: *Vide, ne ista divina virtus admirationis plus sit habitura, quam gloriæ, πλεγμασμός* habent ex comparatione; assumi-

assumitur enim alius effectus ad effectum gloriæ. Utraque enim tam admiratio quam gloria est effectus virtutis. Referri quoque potest hæc formula ad verba *Syncretica*, & quidem ad talem titulum: *simplices sententia per comparationem amplificata.* Hæc igitur tibi reliqua pars est, hic restat actui, in hoc elaborandum est, ut Remp. constituas. Elegans est *πλῆγισμός*, expolitione auctus, referendus ad verba *faciendi* vel *agendi*: & hoc quoque notandum est, quod sit sub forma *asserendi* prolatus: quo respectu etiam ad formulas *asserendi* referri potest, & ad formulas hortandi & suadendi. Quoniam enim hortatio & suasio faciendum aliquid præsupponit, ideoque verba *faciendi* generalia, eorumque periphrases & synonyma, ut: laborare; curam, diligentiam adhibere; industrium, sollicitum, anxium esse, & similia, maxime huc pertinent: quæ ut augeantur sensu, verba affectuum illis jungi possunt. Tum te si voles, satis diu vixisse dicito. Iterum hoc exemplum *πλῆγισμός* est referendum ad verbum *affirmandi*. Quid est enim hoc ipsum: quod cum venerit. *πλῆγισμός*, quo exprimitur solum futurum tempus. Et si enim hic sensu quodammodo diverso usurpetur, tamen in imitatione potest pro *πλῆγισμῶ* accipi, e. g. Quid est enim omnino hoc ipsum, quod cum venerit, statim in aspectu ipso exstinguetur? ejus recta sententia hæc est: res illa non erit diuturna. Referendus hic est *πλῆγισμός* ad verba generalia *essendi*, proponitur autem sub forma interrogandi. Nam & tales formulæ, quæ indumenta orationis dixeris, probe sunt notandæ. Nam talium indumentorum, ut voco, variæ occurrunt formæ, quibus in variandis sententiis uti possumus; possuntque omnes illæ formulæ verborum generalium sub certo quodam tali indumento proferri, ut multa applicatione quasi quibusdam numeris in se ductis, singulæ sententiæ singulis modis amplificari, vel potius variari possint. Ad vitandam enim Orationis nauseam ista indumentorum varietas conducit; qua de re alio loco plura. Nec vero hæc tua vita ducenda est &c. Pertinet hic *πλῆγισμός* ad verba *affirmandi*. Tota hæc periodus nihil aliud continet, quam hanc sententiam: nisi Remp. conserves, incerta erit tua gloria. Illustratur per *ἐξεργασίαν*. Sententia quoque hæc proponitur sub modo *asserendi*, per iterationes verborum. Huic inservias, hic te ostentes oportet. Referenda est ad formulas *suadendi* & hortandi. Obstupefcent posteri. Elegans exemplum *προσλήψεως*; assumuntur enim partes ad totum declarandum, quod una hac sententia continetur: mirabuntur posteri res gestas tuas. Erit inter eos &c. Huius periodi sententia hæc est: rerum tuarum fama incerta erit apud posteros. Quæ sententia etiam superiori periodo continetur, merisque expolitionibus dilatatur. Illa enim verba: *vagabitur modo nomen longe atque late: sedem quidem stabilem & domicilium certum non habebit*; nihil circumloquuntur, quam incertitudinem. Uno enim verbo hæc poterat exprimere. *Πλῆγισμός* est in illis verbis: erit inter illos, qui nascentur, magna dissensio, cum alii &c. Referendus ad verba generalia *consensus* vel *dissensus*, vel etiam *dubitandi*. Referri quoque potest ad formulam *dubitandi*, cum scilicet res plures proponuntur, quas Cicero per *διαίρεσιν* proponit. Illa quoque verba: *alii fortasse aliquid requirunt*, itidem *πλῆγισμὸν*, in

Tomus I.

Gg gg

se con-

se continent, ac referenda sunt ad verba generalia desiderii, e. g. Illud magnopere requirunt eruditi homines, ut ingenii tui monumenta in publicum proferas &c. *Servi igitur is etiam iudicibus, pro: ratio quoque habenda est posterorum.* Potest referri ad verba generalia *Curandi*, & præterea exhibet formulam *hortandi*. *Et quidem haud scio, an incorruptius, quam nos.* Est periphrasis particulae *fortitan*. *Et, & rursus, &*, notetur usus Conjunctionis Copulativæ. *Id autem etiam si tunc ad te, non pertinet.* Formula periphrastica est, qua exprimitur particula *præterea*. Est quoque *πλεγμασις*: *pertinet ad te, esse te talem* ur, i. e. debes sequi gloriam, ideoque ad verba generalia *faciendi* vel etiam *debendi* referri potest. Est & *hortandi* vel *sua- dendi* formula. *Diverse voluntates*: Exemplum *πρεσλήψεως* est. Assumuntur enim adjuncta & species ad sententiam unam exprimendam, quæ est hæc: Dissentiebant inter se cives. *Restat, ut unum velint, qui malo habent.* Exemplum est *περιβολῆς*, per particulas conditionales. Potest etiam inter *πλεγμασις* referri, si e. g. ita proponas sententiam, quasi non modo tantum habeat sapientiæ, sed & sanitatis, ut tam imprudenti consilio suum adjungat. *Quare omnes te & hortamur & obsecramus*: Formula *hortandi*. Omnes idem sentiunt. Potest referri inter formulas *πλεγμασις*, & referri ad verba *sentiendi*, uti & illa, quæ sequuntur: *ex omnium precibus & lacrymis sentire potuisti, quam gratum tuum nobis fuerit beneficium.* Adduntur hic verba affectus. *Sed quia non est*: plena est hæc periodus *πλεγμασις*. Ejus sententia hæc est: ego pro omnibus loquor. *Quid fieri intelligo: letari omnes sentio, pro: omnes lætantur.* Cum id sollicitudine, cura, labore, tandem præstiterim. Etli hic non illo sensu verba capiantur, tamen ad *πλεγμασις* referri illa formula potest, & quidem ad verba generalia *laborandi* h. m. Sollicitudine, cura labore hoc præstiti, ut tandem res illa ad optatum finem perduceretur.

Et hæc quidem exempla Plagiasmorum & Assumptionum pleraque fuere, quæ in hac Oratione occurrunt. Unde patet, nihil esse in Oratione circumducta frequentius, quo illa dilaturatur. Hæc exempla, si ex omnibus Ciceronis Operibus fuerint notata, incredibile est, quantus ex illis cumultus effici possit. Referri vero illa exempla non tantum ad verba communia; sed & ad illa, quæ verbis communibus comprehenduntur, possunt: & vix aliter, quam sententiarum titulis exprimi possunt, & nos in sequentibus sententiarum amplificationum ex hac ipsa oratione indicem dabimus. Occurrunt tales *πλεγμασις* præcipue in Orationibus, ubi numerosior debet esse oratio & magis periodica. In ceteris non sunt adeo frequentes: in Epistolis ad Atticum rara illa sunt exempla, cum in illis nihil scripserit Cicero, quod circumductum illud & *περιεβλημένον* dicendi genus sapiat. Quare & in illis, qui brevi dicendi genere utuntur, tales formulæ non apparent, ut in Tacito, Seneca & Plinio. Multa hic sunt, quæ ad titulum vel absolute vel comparate laudandi
 36 referri possunt. * Occurrunt etiam aliæ ad amplificationem imprimis pertinentes figuræ, quæ seorsim notari possunt, & sermonem *πεπλάσμενον* ex ornamentis constituunt. Colligi autem talia vel sub titulis figurarum, vel sub titulis rerum possunt.

Exag-

Exaggerationes in specie ita dictæ, quarum locus est in demonstrativo genere, hic frequentes sunt, & passim per totam Orationem occurrunt, & consistunt in figuris, quæ speciatim rem ampliorem faciunt. Ita e.g. in Oratione n. 21. per ἐπιθεῖν augetur Oratio: ad gravissimam querelam & atrocissimam suspicionem. Omnia enim adjectiva intendendi, ut: maximus, optimus, summus, eximius, egregius, singularis, admirabilis, incredibilis, divinus, præclarus, inusitatus, inauditus, innumerabilis &c. ad hanc figuram pertinent. Item voces: tot, talis, tantus; & adverbia intendendi: valde, vehementer, unice, maxime, egregie, etiam atque etiam, majorem in modum, miris modis, miris exemplis, immane quantum, mirum quantum, nimum quantum, huc referenda. Pertinent & ex opposito particulæ minuendi. Nam & in extenuando potest etiam quædam esse exaggeratio; item illa adjectiva & adverbia, quæ per λιτότητα intendunt, ut: non modicum, non exiguum, & similia. Exaggeratio fit per βεβαίωσιν & juramentum, ut in hac Oratione n. 10. *Parietes, medius fidius, gratias tibi agere gestiunt.* Magna pars Exaggerationis in conglobatione verborum & sententiarum consistit. Consistit vero conglobatio ex enumeratione, estque conglobatio, coacervatio vehemens vocum, res diversas significantium, ut congeries simplex Synonymorum coacervatio. Talis conglobatio occurrit hic num. 29. *Obstupescant posteri certe imperia & provincias &c.* Exaggeratio per reticentiam non parum auget Orationem, cum certe ex eo, quod silemus, ejus quantitas concluditur. Differt a præteritione, quæ leviora se omittere fingit. Fit illa per ἀποδιῶξιν, cum aliquid rejicimus & removemus; vel cum vehementius de re loqui parcimus, ut in hac Oratione n. 17. *Alterius vero partis nihil amplius hic dicam, cruentam futuram fuisse victoriam &c.* Est etiam quædam Exaggeratio, quæ fit per adumbrationem: quæ vocatur, cum ex affectu vel consequente rei magnitudo tacite concludenda relinquitur. Talis est, quæ occurrit hic n. 14. *Tantum apud me grati animi fidelis memoria valuit, ut &c.* Exaggeratio quædam fit per comparisonem σχασμὸν, quando scilicet ex majore posito minus conjicitur, & ex minori posito majus. Fit vero σχασμὸς vel in verbis, vel in integra sententia. Ex majore conjicitur minus in illo exemplo n. 24. *Si vero ad humanos casus &c.* Solet etiam majus per ἀδύνατον designari in integra sententia, ut hic n. 17. *Ut dubitare debeat nemo, quin multos C. Caesar ab inferis excitaret, si posset: quoniam ex eadem acie conservat, quos potest.* Ex minori conjicitur majus in illis Ciceronis verbis n. 17. *Vidimus tuam victoriam, prætorum exitu terminatam, gladium vagina vacuum in urbe non vidimus.* Paucula hæc Figurarum colligendarum exempla adduximus, quæ ad laudem facti in Demonstrativo genere pertinent. In ceteris figuris simili modo rem instituamus colligendo e Ciceronis Orationis figuras & schemata, quomodo illa partibus Orationis, ejusque argumentis respondent: Ille enim scopus semper respiciendus est.

Nunc ad Sententias amplificatas procedimus, quarum ego collectionem singularem suadeo. Nam etsi illi tituli πλεονασμῶν & προσλήψεων varietatem nobis exhibeant, quam imitari possimus, tamen scopus ille, quo tendit sententia amplificata, etiam respici debet, & ex eo tituli formari. Cicero in Orationis III. Catilinae

nariae exordio sententiam illam: *Rempublicam conservavi*, magnifica & sonora periodo hoc modo amplificavit, ut Reipublicæ vocem quasi in partes tribueret, per enumerationem commatibus intercisam, ut eo numerosior & concinnior esset periodus, & epithetis ornatam: conservandi vero actionem e loco causarum efficiendum, adjuvantium, adjunctorum, illustrarer, eleganti metaphora & quasi imagine, cum fauces fati vocat, adjecta. Insinuat vero periodus in principio, non membris sed incisive ampla, ex recensione causarum, adjunctorum, ac periculorum & beneficiorum ob oculos constituta magnitudine amoris in patriam affectum, qui plenior quendam spiritum & hiatum requirebat. Quid enim hac periodo sonorum magis excogitari posset? *Rempublicam, Quirites, vitamque omnium vestrum, bona, fortunæ, conjuges, liberosque vestros, atque hoc domicilium clarissimæ Imperii, fortunatissimam pulcherrimamque urbem, hodierno die, Deorum immortalium summo erga vos amore, laboribus, consiliis periculisque meis, flamma atque ferro, ac pene ex faucibus fati ereptam, & vobis conservatam atque restitutam videtis.* Similiter Catilinaria IVta pericula sua exaggerans, & πάθος commiserationis in auditoribus movens, in se vero ἦθος amoris erga patriam ostendens, hanc sententiam: *ego nullo in loco tutus sum, per μεγιστὸν locorum publicorum, ad personam Consulis relatorum & singulorum respectu securitatis periculo oppositæ descriptionem dilatat: Ego sum ille Consul, P. C. cui non forum, in quo omnis aequitas continetur; non campus, Consularibus auspiciis consecratus; non curia, summum auxilium omnium gentium; non domus, commune perfugium; non lectus, ad quietem datus; non denique hæc sedes honoris inquam vacua mortis periculo atque insidiis fuit.* In his, etsi πλεονασμοὶ & προσλήψεις notari possunt, tamen tituli sententiarum seorsim poni debent suo ordine; neque opus est, ut labor ille describendi duplicetur; signa tantum poni possunt, quæ remittant ad numeros & paginas. Ita hæc sententia: *Rempublicam conservavi*, ad vocem conservandi & ad vocem Reipublicæ referatur. Altera: *nullo in loco tutus sum*, referatur ad titulum generalioris Securitatis publicæ. Nam generalem titulum semper ego præmitti velim. Talium sententiarum amplificationum pauca exempla collegit Nicæus Baxius in *Medulla Eloquentiæ*, quæ hic Kilonii cum mea præfatione de omni in Eloquentia excerptendi ratione edita est. (a) * Congessisse e recentioribus his quodammodo similia Misfartius in *Mellificio suo Oratorio* videtur: unde non tam mella, quam lura sæpe legunt tirores: verum sine discrimine, nec eo ordine, quem desideramus, nec ad illum usum. Denique e lacunis maximam partem haurit, quod felicius e fonte ipso ac rivulis limpidioribus hauriri poterat. * His sententiis amplificatis ita utemur, ut ad illarum exemplum respiciamus, aliaque expressione imitemur. Nam qui ex his velut centonibus orationem consuevit, eorum prima tirocinia non quidem culpaverim: sed quibus maturum in oratione

(a) *Medulla Eloquentiæ* Nicæii Baxii Editio Novissima, ab ipso Morhofio curata, & Præfatione de omni in Eloquentia excerptendi ratione aucta, Kilonii A. 1685. in suo prodit.

oratione iudicium est, ita has temperabunt formulas, ut eosdem quidem sensus retineant, verba tamen ipsa non describant, ac ordinem interdum invertant; recto tamen in omnibus adhibito iudicio.

Ex Oratione pro M. Marcello hæc excerpemus. 1. *Hodie mihi verba facien-* 30
da sunt. Diuturni silentii,--more dicendi. 2. *De re magna dicturus sum.* Tan-
tam mansuetudinem,--præterire possum. 3. *Fortunam adversam amici egre sero.*
Dolebam enim--distracto. 4. *Dignus est beneficio.* Est fortunatus ille--præstan-
rior. 5. *Res magnas gessisti.* Nullius tantum est flumen,--amens sim. (Tribus
enim periodis nihil aliud, quam hoc dicitur.) 6. *Res tue cum cæteris conferri non*
possunt. Soleo sæpe ante,--victoriis illustratæ sunt. 7. *Bellicæ laudes minores sunt.*
Nam bellicas laudes--ducit suum. 8. *Laus hæc tibi propria est.* At vero hujus
gloriæ C. Cæsar,--propriam faterur. 9. *Victor es multorum populorum.* Domu-
isti gentes immanitate--abundantes. 10. *Se ipsum vincere maxima victoria est.* Do-
muvisti gentes,--simillimum Deo iudico. 11. *Gloria tua summa est.* Itaque Cai Cæ-
sar--conticescet. 12. *Dignus laudibus es.* Te vero, quem præsentem intuemur,--
complectemur. 13. *Hæc tua maxima laus est.* Hunc tu igitur diem,--tantum asse-
rat laudibus. 14. *Vicisti te ipsum.* Et cæteras quidem omnes--victis remisisti. 15. *Re-*
stituit adversarium libertati. Nam cum M. Marcellum,--bellum esse suscepim.
16. *Pacis consilia semper ego sectatus sum.* Quo quidem in bello,--armorum fuerunt.
17. *Amici infortunati partes cum meo periculo amplexus sum.* Hominem sum securus--
voluntarium. 18. *Victor elementissimus fuisti.* Vidimus tuam Victoriam,--conservat,
quos potest. 19. *Ferocia hostium describitur n. 7.* 18. Alterius vero partis,--contulisse.
20. *Gratulamur tibi de tanto beneficio.* Quare gaude tuo isto,--congratulabere.
21. *Laus tua maxima est.* De novis, quos in Republica,--commodata esse videantur.
22. *Conserva bonos viros.* Noli quæso in conservandis,--sentierunt. 23. *Tua vita*
omnium vita continetur. Quis est omnium tam ignarus--pendere omnium.
24. *Omnium salus in te uno sita est.* Equidem de te dies noctesque,--in unius anima con-
sistere. 25. *Vellem te esse immortalem.* Equidem de te,--anima consistere. 26. *Malo*
geminato non facile medemur. Si vero ad humanos casus,--opitulari posse credamus.
(Imitabimur alio modo e. g. Si ad hostium exterorum ferociam rebellionis etiam ac-
cedat insidiarum consensio, quem Deum, etiamsi cupiat, Reip. opitulari credamus.)
27. *Reipublica consulendum est.* Omnia tibi sunt excitanda,--legibus vincienda sunt.
(Possumus hanc formulam ad quodcunque negotium, in quo diligentia & industria
opus est, applicare, si per μέγιστον singulas ejus rei circumstantias adducamus.) 28.
Bellum multas calamitates secum trahit. Non fuit recusandum,--fieri prohibuisset.
29. *Tuo consilio vive.* Quare omitte quæso,--sapiens esse. 30. *Gloria tua nondum*
perfecta est. Nunc cum omnium salutem--jeceris. 31. *Gloria non vixisti satis.* Idem.
32. *Plus ultra tentandum est.* Parumne igitur, inquires,--cum est aliquid amplius.
33. *Gloria tua imperfecta est.* Quod si rerum tuarum--quam gloriæ. (Hanc postre-
mam formulam per imitationem applicare ad multa possumus. Ita e. g. de studiis di-
cere

cere possis. Vide, quæso, ne pulcherrima tua studia admirationis plus quam fructus sint habitura. (Potest hæc posterior formula etiam referri ad formulas hortandi vel dehortandi.) 34. *Respublica servanda est.* Hæc igitur tibi reliqua,--vixisse dicito. 35. *Respublica composita satis diu vixisti.* Hæc ergo--vixisse dicito. 36. *Nihil diuturnum est.* Quid est enim omnino hoc ipsum diu,--futura sit. 27. *Illæ tuæ vitæ sunt, quæ sunt immortales.* Iste tuus animus nunquam,--quæ laudet, expectat. 38. *Gloria tuæ infecta est.* Vita quidem tuæ, quæ mireretur, multa habet; nunc etiam, quæ laudet, expectat. (Idem est, quod antea: virtus tuæ admirationis plus habet, quam gloriæ.) 39. *Posterius mirabuntur res gestas tuas, vel, celebris eris,* Obstupescant posterius,--legentes. (Potest hæc sententia ad alia negotia applicari, e. g. Obstupescant posterius certe virtutes, lucubrationes, ingenii monumenta, æstum, fervorem, pugnas in re literaria, innumerabiles, de barbarie victorias & triumphos.) 40. *Fama tuæ incerta est.* Vagabitur modo nomen tuum,--salute patriæ, restrinxeris. 41. *Discrepent multi inter se sententiæ.* Diversæ voluntates--quid liceret. 42. *Unus nobis Dux erit.* Jam omnis fracta dissensio armis,--salvi esse non possumus. 43. *Nos te defendemus,* Omnes tibi,--pollicentur. 44. *Interpres aliorum sum.* Sed quia non est,--fieri intelligunt. 45. *Magna mea fuit diligentia.* Quod autem summe benevolentia,--præstare debeo.

CAP. VIII.

DE EXCERPTIS ORATORIIS SYSTEMATICIS.

- §. 1. Τὸ συστηματικὸν Orationis in formulis consistit. 2. Formulae primo sunt communes & generalissima. 3. Formulae ad tria causarum genera, 4. & ad specialia cuiusque generis relata. 5. Connexiones minores periodorum. 6. Starchii Loci communes Epistolici, Dialogici. 7. 11. Melchioris Junii Resolutio Oratorum Ciceronis in Formulis colligendis laudatur. 8. Exordiorum Formulas Ciceronis, 9. & alii Oratores habuerunt. 10. 12. 13. Exempla formularum ex Oratione pro M. Marcello. 14. Connexiones Periodicae minores. 15. Harum non exigua utilitas. 16. Connexiones varii sunt generis. 17. Particularium Periodicarum usus non est in Carmine. 18. Connexiones Reales. 19. Connexionum minorum exempla ex Oratione pro M. Marcello. 20. Collectanea Periodorum. 21. Cicero Periodorum talia collectanea habuit.

Excerpta, quæ ad τὸ συστηματικὸν Orationis pertinent, complectuntur formulas, tam majores quam minores, quibus illa connectitur, vel de membris ad membra transitus fit. Formulae ligamentum præbent orationi, & quali vinculum aliquod præstant, quo partes inter se cohærent. Ut enim in corpore membra

bra suis quibusdam tendinibus & nervis ligantur, ita his formulis partes orationis, tam majores quam minores. * Si quis librum e formulis singularem conficere 2
velit, disponere illum debet secundum causarum genera; quibus præmittendæ sunt formulæ communes seu generalissimæ, quæ omni orationi circa considerationem aliqujus causæ applicari possunt. Sunt enim generalia quædam in orationibus & in Orationum omnium partibus, quæ seorsim sunt notanda, & non nisi crebra lectione, annotatione & usu, disci possunt. * Tertio subjungendæ sunt formulæ, 3
quæ ad certa causarum genera pertinent, & in iis causarum generibus occurrunt subordinata quædam, quæ seorsim singula colligi debent. Ita in genere Deliberativo multæ occurrunt Orationum species, quæ ad genus Deliberativum reducuntur. Enthymemata tamen e locis generis Deliberativi capiunt, ut sunt adhortationes, dehortationes, petitiones &c. Omnes enim circa rō faciendum versantur, ideoque necessario generis Deliberativi argumenta assumunt. * Sed insunt singulis illis Orationum speciebus suæ quædam formulæ peculiæ, quæ distingui a ceteris debent, ut hac nostra Oratione, quæ ad genus Demonstrativum referenda, quia est gratiarum actio, & singularem aliquem characterem delineat. Qui etsi locis generis Demonstrativi utatur; versatur enim in laude facti; tamen illa figura Orationis, quam gratiarum actio ipsi circumponit, peculiæ habet quasdam formulas, & singulæ quosdam argumentandi & amplificandi modos, a ceteris distinctos. Quæ proinde omnia quam diligentissime notari debent. * Minores formulæ connectendi periodicæ, sive illæ per particulas sive per formulas instituantur, diligenter quoque notandæ sunt, & ut puto, separatim colligendæ, de quibus supra cap. 4. diximus. * Promiserat Starckius olim tales Locos communes, quemadmodum conceperat Epistolicos & Dialogicos; sed isti lucem non videntur. * Talium Locorum Communium rudimentum subministrare poterit Melchior Junius in Resolutione Orat. Cic. nam e lectione Orationum concinnari debent. * Ac videmus etiam, ipsum Ciceronem talibus formularum collectaneis fuisse 8
usum: aperte enim de se ipso scribit, se codicem habuisse, quo collegerit varias Exordiorum formulas; ut, cum Orationi scribendæ accingeretur, inde, quæ in suum essent usum, depromeret. * Testatur etiam Quintilianus, causarum patronos tales in promptu habuisse formulas, quibus illi ut Delphico quodam gladio uterentur, non immerito idcirco ab illo reprehensi, non qui his subsidiis, sed qui inepte uterentur, & in locis Communibus subsisterent, cum specialiora argumenta requirerentur. * In hac Oratione ad formulas generales referatur: Exordium formandi post diuturnum silentium. Ad Exordia Generis Demonstrativi referas hanc formulam; formulæ Exordiorum in re magna, beneficio, victoria &c. laudandis. Amplificandi beneficium aut factum in illo exordio. Primo per figuram incrementi: Tantem mansuetudinem &c. n. 1. 2. ab adjunctis n. 2. & 3. Amplificandi beneficium in gratiarum actione ab adjunctis, a personis reliquisque circumstantiis. 1. 2. 3. 4. * Vide Junium in resolutione Orationis Ciceronis p. 34 qui liber optime in subsidium pro colligendis formulis vocabitur. * Attentionem 12
parandi

parandi in Exordiis Generis Demonstrativi: de re magna dicturus sum. Nullius tantum est flumen ingenii &c. Docilitatem parandi, ex Enumeratione causarum, partium, adjunctorum n. 2. & 3. Benevolentiam captandi apud illum, quem laudamus, & quem
 13 *antea offendimus.* * Exord. Orationis pro M. Marcello. Proponendi formulæ per remotionem & comparationem. Nullius tantum flumen &c. usque, consecutus est. Formulæ Propositionis in Demonstrativo genere: per translationem laudis generalis ad specialem. Nullius tantum flumen, usque, consecutus est. Formulæ præparandi aditum ad Confirmationem. In Demonstrativo genere cum personam laudamus e loco totius per comparationem & remotionem, n. 5. Soleo sæpe ante oculos ponere, usque, victoriis illustratæ sunt &c. Formulæ comparatæ laudandi. Ad declinandum odium & invidiam primo immodice laudando, antequam extenuemus n. 5. Secundo per figuram Objectionis & quandam quasi Prosopopæiam, cum odiosa potius aliis, quam nobis, affingimus n. 6. Nam bellicas laudes &c. Formulæ concludendi Enthymema: per γῶμιν, sub finem n. 7. Nunquam temeritas, usque, admittitur. Reassumendi primum Enthymema: n. 9. itaque C. Cæsar, n. 11. &c. Concludendi Enthymema: per Apostrophem & Prosopopæiam, n. 10. Te vero quem &c. Transcendi ad Enthymema ab Enthymemate: per πάδες misericordiæ. Equidem cum C. Marcell. &c. Laudandi beneficium: per translationem singularis status ad universalem n. 10. 11. Concludendi gratulationem: n. 11. Hunc tu igitur diem, usque, antepones. Proponendi Enthym. per Paradoxon: & ceteros quidem omnes &c. n. 12. Attentionem in medio Orationis excitandi per Paradoxon: vereor, ut hoc, quod dicam, non perinde intelligi auditu possit, atque ipse cogitans sentio. Epilexis, τὴ παροδὲς, Αὐχνοῖς τὴ παροδὲς: ipsam victoriam vicisse videris &c. Formulæ digrediendi: atque hoc Caji Cæsaris iudicium quam late pateat, attendite. Digressiones in laudibus eorum, quos offendimus, quando nos excusamus, n. 12. 13. Purgationis formulæ, quæ ad Genus Judiciale quoque referri possunt, n. 13. Purgatio per μεταστροφήν sive remotionem criminis n. 14. Neque unquam &c. Purgare se ita, ut adversarium invitum in nostras partes pertrahamus: Cicero purgaturus se Cæsari, quod ipsius partibus infensus fuerit, ita respondet, ut Cæsarem sibi, tanquam pacis auctori, maxime favere iudicet, cum etiam hostes suos, ut pacem faceret, in curiam induxerit. n. 13. 14. Amplificandi beneficium: a Contrario. Cicero amplificaturus victoriam Cæsaris contendit cum ferocia Pompejanorum, si vicerint, n. 16. 17. Concludendi argumenta: per Prosopopæiam vel provocationem ad Deos, n. 18. Ut mihi videantur Dii immortales &c. Pertinent & huc verba illa. n. 17. cum Cic. Cæsari divinam clementiam attribuit his verbis: ut dubitare nemo debeat, multos Cæsar, usque quos potest. Concludendi gratulationem: per Apostrophem affectuosam, n. 19. Quare gaude, usque, videantur. Reassumere in Conclusionem purgationem: n. 20. Noli igitur in conservandis, usque, censerent. Transcendi ad Consutationem: n. 21. Nunc vero venio ad gravissimam querelam. Refutandi alicujus suspicionem: per insinuationem ita ut non offendas, i. suspicionem non contemnendo. Quam etiam spero falsam esse, nunquam tamen verbis extenuabo n. 21. 2. Laudando prudentiam suspicantis. Tua cautio nostra

nostra cautio est n. 21. vid. n. 23. 3. *Declaratione publici periculi*, si in alterutro peccandum sit, malim videri nimis timidus, quam parum prudens, n. 22. *Respondendi negando: per Interrogationem*, n. 22. 23. *per Dilemma*, n. 22. *Concedere objecta*, ut validiore ratione respondas: n. 23. Sed tamen cum in animis hominum tantæ latebræ sint. *Respondendi ad Objectionem: ut graviores facias, quo gratiori responsioni locus esse possit*, n. 23. *Elidendi Objectionem: per inflexionem ad aliam partem* n. 23. Equidem de te dies noctesque cogitans &c. Cicero scil. auget suspicionem, i. ut ostendat maiorem curam pro vita Cæsaris. Denique ita responder, ut non tam suspicionem Cæsaris, quam alios casus metuat: quod cum facit, ostendit, se sollicitum pro salute Cæsaris, & occasionem quarrit, ut eum exhortetur ad componendam Rempublicam. *Adhortatione finire Refutationem*: n. 24. Itaque Cai Cæsar. n. 28. Hæc igitur, &c. n. 30. circa finem, n. 33. Quare omnes te, qui hæc salva esse, &c. *Transcundi ad novum membrum: per vicinitatem rei, & per sententias παρὰ τοῦ αὐτοῦ* n. 25. 26. Quæ quidem, usque audiui. Ceteræ periodi, quæ antecedunt, omnes quasi viam sternunt alteri parti Refutationis, qua Cic. Cæsaris quoddam dictum confutat. *Confutandi alicujus dictum. Ita ne offendar.* Itaque tuam præclarissimam & sapientissimam vocem invitus audiui. Quare omitte &c. Noli nostro periculo sapiens esse. Sæpe venit ad aures meas &c. *Respondendi: per limitationem*: n. 26. Itaque illam tuam, usque, patriæ certe parum. n. 26. Credo, sed tum id audirem, si tibi soli viveres. *Transcundi ab uno membro Confutationis ad alia; per interrogationem.* Quid si istud ne gloriæ quidem tuæ satis est? n. 26. circa finem. Quid est enim omnino hoc ipsum diu? n. 29. *Refutandi, per quaestiones & responsiones breves.* Parumne igitur? inquires, relinquemus, n. 27. per Objectiones, n. 27. per inficiationem. Tota Confutationis prima pars n. 23. *Formula concludendi Orationem: sed unde est orsa, in eodem terminetur oratio*, n. 34. *Concludendi Orationem, nomine multorum habitam*, n. 34. Sed quia non est adstantibus omnibus necesse dicere &c. sentio. *Causas dicendi in fine Orationis allegare*: n. 35. Quod autem summæ benevolentiae est &c. præstare debeo. *Concludendi Orationem Eucharisticam: Formula gratiarum actoria.* Itaque C. Cæsar, sic tibi gratias ago, usque ad finem.

Connexiones Periodicæ minores majoris pene momenti sunt, quam ceteræ 14 & pene omnes consistunt in variatione particularum, quæ particulæ vel sunt causales, vel conditionales, vel argumentativæ, vel illativæ, quales præcipue locum in Oratione Enthymematica habent, ut particulæ ordinis & temporis & continuativæ in narratione & historia. * Earum particularum variatio vehementer prodest 15 ad variationem periodicam. Qui ergo tales particulas vel aliis Synonymis vel formulis idem significantibus variare novit, non contemnendum habet orationis connectendæ artificium, in quo sæpe solliciti sunt, qui Orationes scribunt. De iis quanquam jam cap. 4. egi, hic tamen ea repetere ductu Orationis Tullianæ pro M. Marcello volui. * Distinguendi hic quoque sunt characteres; nam aliæ con- 16 nexiones poëticæ, aliæ orationis contentiosæ, aliæ narrationum & historicæ, in

Tomus I.

Hh h h

quibus

- 17 quibus omnibus adhibere oportet accuratum iudicium. * Poëma plane dedecent connexiones periodicæ, per quas in orbem volvitur oratio, ut: *Quandoquidem, Et si, Tamen si, Veruntamen, Siquidem, Verum enim vero*, & plures aliæ; quales particulae omnes pertinent ad oratoriam rotundandam periodum, nec occurrunt in carmine: plerumque enim membratim illic procedit Oratio, & per commata trahitur sine aliquo notabili in orbem reditu; etsi Virgilius magis periodicus sit, quam ceteri.
- 18 ita tamen, ut ultra decorum poëticum non eat. * Neque solum connexiones verbales, quæ consistunt in particulis & formulis, sed reales, quæ vicinitate rerum obtinentur, notandæ sunt. Ut enim perpetuus est rerum inter se analogismus, ita nihil adeo inter se diversum est, quin certa quadam ratione jungi possit. Quare diligenter illæ notari debent. Non crediderim autem opus esse, ut sub certis titulis colligantur: sufficiet si illæ in cumulum comporrentur. * Ex hac itaque
- 19 Oratione, quæ excerpti merentur, notabimus. Non enim omnia exempla parallela & æquali ratione instituta notari debent. Nam cum frequentissimæ sint & causalibus particulis connexiones, ineptum esset, quoties occurrunt illæ particulae, notare periodorum initia, sed tum demum notabuntur, si periphrastica aliqua formula particula causalis varietur. Idem quoque in ceteris particulis fieri debet. Intellectum est enim mihi quidem in multis. Ille quidem fructum omnis vita cepit, &c. Ex quo profecto intelligis, quanta in dato beneficio sit laus &c. Est vero fortunatus ille. Quod ei quidem merito atque optimo jure contigit. Soleo saepe ante oculos ponere. Quæ quidem ego nisi fatear. Et certe in armis multum juvat. At vero hujus gloriæ socium habes neminem. Itaque Cai Caesar, tuæ laudes celebrabuntur illæ quidem. Equidem cum Marcelli viri optimi lacrymas video. Et ceteros quidem omnes vicerat. Vereor, ut hoc, quod dicam, non perinde intelligi possit. Atque hoc Caesaris iudicium quam late pateat, audire. Quo quidem in bello &c. Quod quidem meum consilium &c. Ex quo nemo erit tam injustus rerum aestimator, qui dubitet. Atque id minus mirum fortasse tum &c. Atque hujus quidem rei Marcelli sum testis. Quoties ego illum, & quando cum colore vidi? Quo gravior tua libertas debet esse: Quo hic est particula illativa, & videtur omitti præpositio Ex: ante enim ponebatur ex quo. Alterius vero partis nihil amplius dicam, quam id, quod omnes crebatur (observa hic singularem illam vocum trajectionem.) Quæ quidem nunc tibi curanda sunt. Itaque illam tuam vocem invitus audivi. Sæpe venit ad aures meas. Nunc cum res tuæ complexæ sunt, tantum abest &c. Hic tamen modum desines. Quid enim est omnino hoc ipsum? Id etiam si tunc ad te non pertinebit, nunc certe pertinere &c. Nisi te salvo, salvi esse non possumus. Itaque Caesar sic tibi gratias
- 20 ago, &c. * Ad Orationis τὸ πηλασµένον etiam Periodorum observationes pertinent. In his quoque collectanea institui possunt ratione partium Orationis, ratione enthymematum, affectuum, figurarum, ubi illæ longiores, breviores, ἐπιμελοῦς multis refertæ. * Ciceronem talia periodorum habuisse collectanea vel ex ejus Oratore ad M. Brutum discere possumus, ubi multas ex Orationibus suis ad Græcorum Oratorum, Isocratis, Gorgiæ, exemplum formatas

formatas periodos recenser, ac sollicitam in illis verborum ac membrorum locationem ostendit. Sed illa sibi quisque pro lubitu former, vel sub titulis argumentorum docentium, conciliantium & moventium, disponat.

CAP. IX.

DE EXCERPTIS ORATORIIIS
ENTHYMEMATICIS.

- §. 1. *Ad τὸ Ἐνθυμηματικὸν pertinent Loci communes Thesium.* 2. Collectio Thesium instituenda secundum causarum genera. 3. *Quae non in civilibus solum, sed & in sacris orationibus proficua.* 4. Baconis Verulamii Consilium Thesium & Antithesium colligendarum. 5. 6. *Quanam sunt singulorum generum theses.* 7. Exemplum horum locorum peti potest ex Melchior. Jun. resolut. orat. Cicer. 8. Generis judicialis usus hodiernus. 9. Theses vel nuda colligi possunt vel una cum Enthymematibus. 10. Axiomata Aristotelis generalia. 11. Exemplum ex Oratione Ciceronis pro L. Murana, qua tractatur Locus communis: Jurisprudencia postponenda est eloquentiae & rei militari. 12. Thesis contraria ex oratione pro Caelina adducitur. 13. Cui consona est Aonii Palcarii oratio elegans. 14. Theses morales ex Seneca & aliis petende. 15. Locorum communium collectio ex Oratione pro M. Marcello. 16. 17. Loci morum quomodo instituendi. 17. Argumenta sunt vel logica, vel ethica, vel pathetica. 18. Haec quandoque vel unico epitheto exprimantur. 20. Schraederus praxin excerptorum moralium docet. 21. Magus Polymnemon laudatur. 22. Characteres hominum congerendi. 23. *Qua methodo sint distinguendi.* 24. Potissimum e Comiciis & Satyricis notandi. 25. Theophrasti liber de characteribus laudatur. 26. Exemplum e Fabula Terentiana Adelphis. 27. Comedia, Satyra & Historia magis characteres illos exprimit, quam praecepta Moralia. 28. 29. Grotii & Lutheri judicium de Comediis Terentii. 30. E fabulis quoque characteres eruantur. 31. Nathanis Chytrai characteres Terentiani ἀνέκδοτοι. 32. Loci Affectuum. 33. quomodo isti disponendi. 34. Exemplo illustrantur. 35. Chambræus, Carresius, Willsius, Placcius commendantur. 36. Loci Exemplorum. 37. Excerpta formularum Dialogistarum. 38. Excerpta Epistolica. 39. Materialia & Formalia. 40. Melchioris Junii Schola Rhetorica laudantur. 41. Excerpta Epistolica etiam e Gallis, Italis, aliarumque gentium Epistolographis, institui possunt. 42. Collectanea formularum epistolicarum. 43. E quibus Autoribus ille colligenda. 44. Ruperti Excerpta Epistolica ubi & quomodo adhibenda. 45. Erasmi Roterodami Formulae Epistolares. 46. Stephani collatio formularum Ciceronianarum & Ovidianarum. 47. Clarckii Formulae rejiciuntur, Schraederi, Titii, Schönslederi Excerpta rerum desiderantur.

Hh hh 2

Ad

¹ **A**d τὸ ἐνδυνάμειν pertinent primo Loci Communes Thesium, id est, rerum omnium, quæ quomocunque ad orationes pertinent, aut oratione
² proponi solent cujuscunque generis. * Institui vero illa Collectio Thesium secundum causarum genera potest. Cum enim objectum Rhetoricis sit quæstio qualibet, præsertim civilis, illa vero duplex sit, infinita & finita: infinita vero Thesis dicatur, finita hypothesis; & ab illa ad hanc plerumque progrediatur Orator, atque ex thesi argumenta desumat ad hypothesin suam probandam: consequens est, quo quis in thesibus eorumque argumentis versatior sit, eo
³ majorem inventionis copiam habiturum. * Ideoque mature talium Thesium Excerpta instituantur, quæ non in civilibus solum, sed etiam Ecclesiastici argumenti, Orationibus suam utilitatem exferent. Nam iidem fontes sunt, sive ad virtutes civiles, sive ad sacras respiciamus: nisi quod illud discrimen observari debet, ut in thesibus civilibus enthymemata e prudentia morali & civili deprompta colligamus; in sacris & illa & inartificialia argumenta e dictis Scripturæ petita. * Vidit jam hujus rei utilitatem *Baco Verulamius* in libro suo de *Augmentis Scientiarum*, ubi specimen aliquod talium thesium & antithesium proponit. Idem negotium
⁵ etiam *Schradereus* in *Commentario Rhetoric. Aristotelic.* commendat. * In Demonstrativo genere colligamus ea, quæ vel laudantur, vel vituperantur, vel simpliciter, vel comparate. Fundus earum rerum sit in omnibus Orationibus vel Dissertationibus, quæ quomocunque aliquid laudant, vel reprehendunt. Possunt & in
⁶ subsidium vocari Poætæ: nam & ex iis mutuari potest Orator. * In genere Deliberativo colligi possunt Theses ad consultationem pertinentes. Ideoque hic excutienda sunt illa themata, quæ apud Oratores & Historicos ventilantur: Singulis illis subjici argumenta possunt. * Exemplum horum Locorum communium quadam ex parte subministrare potest *Melchior Junius* in *Resolut. Orat. Cic.* ubi secundum tria causarum genera Orationes Ciceronis disponit, & secundum partes oratorias omnes ejusdem generis orationes examinat: sed ille ex solo Cicerone sua tantum congestit, & partes orationis in fronte posuit, secundum quas
⁸ colligit argumenta illa Ciceroniana. * In genere Judiciali, cujus exiguus est usus, aliquis tamen in argumentis affinibus, ut si expostulationes, exprobrationes &c. instituendæ sint, colligemus varia genera criminum, de quibus institui exprobrationes vel accusationes solent: & notabimus sub illis varia argumenta, quæ ad illa probanda adhiberi solent. Locos etiam defensionum colligere possumus, quorum magnus apud Ciceronem cumulus est. Nunc quidem illorum non adeo magnus est usus, cum eloquentia forensis defierit, Juri vero & Advocati non tam per eloquentiæ subsidia, quam per disputationes forenses, omnia proponant. In Ecclesiastici non contemnendus hujus generis usus est, cum vitia taxamus, & vitiosos homines oratione nostra redarguimus; tum enim communia illa argumenta, quæ Oratori civili prosunt, facili negotio in sacra converti possunt. Omnis enim illa doctrina statuum, qui in hoc genere occurrunt, mirifice inservire huic scopo potest.

Si

Si quis itaque velit has theses congerere, ut compendium laboris & temporis faciat, nudas theses potest colligere, & quasi per indicem addere Autores, sine enumeratione Enthymematum: si vero velit, etiam illa poterit adicere; eo distinctior & utilior labor ille futurus est. Quamquam & intelligentibus facile erit revolvere Autores, & tunc, cum opus est, apud ipsos breviter Enthymemata recensere. * Nos exemplo aliquo ostendemus, quomodo thesis sit notanda, & Enthymemata simul secundum Aristotelem apponenda. Quod non semper ita facere necessum est, cum axiomata Aristotelis sint generalia; Enthymemata autem, quæ ad rem aliquam probandam afferantur, sint specialia. Ut itaque inutilis videatur cumulatio, si quis generalia axiomata cum specialibus simul ponere velit. Nam hæc generalia axiomata Aristotelica tanquam literæ & syllabæ præsupponendæ sunt illi, qui sermonem aliquem scripturus est. * Ex Oratione Ciceronis pro L. M. Muræna notetur hæc Thesis sub titulo Jurisprudentiæ: *Jurisprudentia postponenda est eloquentia, & rei militaris scientia.* Hanc thesin ut Cic. probet, primo jurisprudentiam contemnit e locis illis, quibus aliquid elevatur. Hi loci reperiuntur apud *Arist. lib. 1. Rhetor. c. 9.* ubi loci Demonstrativi generis occurrunt. Debent vero hic intelligi loci contrarii: nam Aristoteles directos posuit. Postquam itaque primo thesis posita est, subjiciantur Enthymemata; Jurisprudentiæ dignitas non est tanta 1. quod in rebus minutis versetur, *ex loco Aristotelico lib. 1. c. 9. 33. n. 25. & que eximia sunt.* 2. quod omnibus nota minus sint in pretio, *Aristot. lib. 2. c. 9. n. 26. que uni sunt propria.* 3. Quæ avaritiæ vel ambitionis gratia novantur, sæpe ad libidinem hominum, ea parum æstimanda. *Ex loco contrario ejusdem capituli §. 3.* 4. Quod in ea multa sint deparavata & corrupta, ideoque ejus ars contemnenda: *ex loco contrario lib. 1. cap. 7. §. 43. n. 40. Stabiliora infirmioribus sunt meliora.* 5. Quia jurisprudentia τὸ ἐντὸν potius respicit, quam æquitatem. *Arist. c. 13. §. 65. n. 4.* Sequuntur argumenta, quæ utilem esse negant jurisprudentiam ad gratiam parandam, *ex loco Aristotelis Contrario lib. 1. c. 9. §. 26.* Hinc sequitur argumentum a facilitate, e loco *Aristot. lib. 1. cap. 7. n. 19. Difficilius est faciliori;* jurisprudentia vero facilis. Quod ostendit Cic. quatuor specialibus argumentis. 1. quod jus omnes sciant. 2. quod præceptis minime obscuris contineatur. 3. quod ab homine vehementer occupato disci possit. 4. quod neque jus scriptum vel non scriptum sit difficile, e loco speciei. Jam sequuntur argumenta comparantia, quæ ostendunt, jurisprudentiam postponendam eloquentiæ & arti militari. Enthymema primum petitur *ex Aristot. lib. 1. Rhet. c. 7. n. 43. Quod plures expetunt, melius est eo, quod pauciores:* plures vero expetunt eloquentiam, quam jurisprudentiam: illam vero quoniam propter difficultatem assequi nequeant, ad Jurisprudentiam deveniunt. Enthymema secundum est *ex Aristotele ibid. n. 5. Quæ majus aliquod bonum efficiunt, meliora sunt:* Eloquentia autem majora commoda affert, quam jurisprudentia: quæ per enumerationem explicat Cicero. Enthymema tertium petitum est *ex eodem loco n. 9. & 10. Quod minus altero indiget, melius est eo, quod indiget; & quod sine altero potest esse, melius est eo, quod sine eo non esse potest.* Eloquentia sine

jurisprudencia esse potest, jurisprudencia vero non sine eloquentia, quia responsa & decreta JCtorum firma esse nequeunt, nisi Oratoris defensio adsit, & illa ipsa quoque eloquentia opus habent, ut confirmentur: imo plane interdum enerventur. Quartum Enthymema est *e n. 15. ejusdem cap. Quod majoris principium est, melius est eo, quod minoris est principium &c.* Rei militaris peritia & Eloquentia homines ad summas dignitates evehunt; quod non facit Jurisprudencia. Enthymema quintum *ex eodem capite est, n. 39. Diuturniora meliora sunt brevioribus; Eloquentiae usus diutius, quam Jurisprudencia, durat, quae prolixè deducit Cicero.* Sextum Enthymema *ex eodem capite est, n. 3. & 68. Meliora sunt, quibus positus alterum sequitur. Bonum & utile est Reipublicae, quod conservet statum.* Propter rem militarem, non jurisprudenciam, Roma omnium princeps est facta, ideoque jurisprudenciae praeferrì debet.

- 12 Atque ita Locus hic Communis tractatus est a Cicerone. * Si quis jam contrariam thesin velit, is notet locum contrarium Ciceronis ex Oratione pro Cæcinnâ, ubi ille prolixè de Jure & JCtis agit. Afferit primo quatuor argumenta, quibus dilemma eleganter respondet, quae omnia ex illo notari possunt. Addit postea 7. Enthymemata positiva, quibus dignitatem & utilitatem Juris & JCtorum asserit. Enthymema primum est petitum *ex eodem cap. 7. n. 68. Bonum & utile est, quod conservat Reip. statum.* Est enim Jurisprudencia vinculum, non modo judiciorum, verum etiam utilitatis & vitae communis, & leges fundamentum Reipublicae praestant. Secundum argumentum consistit in dilemmate: si propter juris interpretes jus civile contemnendum, aut illi periti sunt aut imperiti; si periti, qui non obtemperant, jus ipsum labefaciunt: si imperiti, qui illos vituperant, non jus civile, verum homines vituperant. Tertium Enthymema *ex cap. 7. n. 5. Quae magnum aliquod bonum efficiunt, &c.* Per juris civilis scientiam suum cuique tribuitur, rerum dominia distinguuntur. Quartum Enthymema petitum est *ex eodem cap. n. 49. Stabiliora infirmioribus sunt praeferenda.* Jus civile nec gratia inflecti, nec perfringi potentia, nec pecunia adulterari, nec alia ratione corrumpi potest: ut comparatione & exemplis ostendit. Quintum *ex n. 63. Quod ad multa est utile &c. it. ex n. 10. Quod vim habet prohibendi aut tollendi ea, quae bonis adversantur.* Sine jure civili nemo sibi haereditates salvas promittere poterit: jus enim a violentia & injuriis munit. Sextum ex iisdem locis est, & pene declaratio tantum superioris Enthymematis: major haereditas unicuique a jure civili in bonis, quam a parentibus ipsis, venit. Potest tamen referri ad n. 11. cap. 7. *Quod principium alterius est, melius est eo, quod non est principium.* Septimum est n. 22. *Quo privari majus malum est.* Jus amissum plurimum nocet in Republica, ergo jus & leges magno in pretio habendae.
- 13 dae. * Si quis priori loco Ciceronis contra Jurisprudenciam locum directe oppositum velit, is legat Aonii Palearii Orationem, plane Tulliano genio scriptam, quam ille in L. Muranâ Ciceronianâ contrariam scripsit.

Seligi tales Loci Communes multi e Cicerone possunt ac aliis, quæ ostendant, 14
 quomodo ad hypothesein suam probandam thesi possit uti Orator. Possunt his
 addi theses quæcunque morales, licet non omnino accurate tractatæ per Enthymemata, sed vel exemplis tantum & similitudinibus, qualia invenias plurima in Senecæ scriptis, in quæstionibus ethicis & politicis, a variis autoribus tractatis; præcipue e Melchiorre Junio singulari Quæstionum Politicarum libro. * Ex Oratio- 15
 ne pro M. Marcello has theses seu Locos communes colligere possumus: I. Generalis thesis totius orationis hæc est: *Gratia sunt agenda ob restitutionis beneficium.* Quod variis probatur argumentis, tam docentibus, quam amplificantibus. Conferantur cum hac oratione Oratio ad Quirites post reditum, Oratio ad Senatum post reditum, quibus idem locus traditur, & unde argumenta depromi possunt. Minores sententias, quæ Enthymematibus non deductæ sunt, præterimus, quales passim implicantur formulis: argumenta tamen ethica in se continent, e. g. In summa potestate rerum omnium modus tenendus. Qui in eadem causâ, etiam in eadem fortuna esse debent. II. *Clementia major est virtus, quam fortitudo militaris, & major ex hac, quam ex illa gloria,* num. 2. 6. 7. 8. & sqq. III. *Clementia propria nobis est,* n. 7. IV. *Victoria suæ modum tenere summa virtus est,* n. 8. 9. 10. V. *Qui errorem suum fatentur, atque inviti in illum inciderunt, venia digni,* n. 13. VI. *Qui privato officio in offensam potentioris incidit, ei hoc in culpam imputari non debet.* VII. *Qui pacem in bello civili suadet, nulli culpæ est obnoxius.* VIII. *Videtur placidus preferendus esse parti ferociori: nisi meliores partes sequatur,* n. 16. 17. 18. IX. *Insidie non sunt timende illis, qui publico beneficio venerabiles sunt,* n. 21. 22. X. *Eorum, qui Reip. præsent, vita & salus multa sollicitudine debet defendi,* n. 23. 24. XI. *Non complebit victoria suæ gloriam, qui laceratam Remp. non erigit,* n. 25. XII. *Qui Reip. natus est, & vivit, nunquam satis sibi vixit,* n. 26. XIII. *Vita principis & viri primarii in Rep. non annorum, sed meritum, ratione definienda est,* n. 27. 28. XIV. *Diu non vixit, qui non gessit res perpetuas, & in omne ævum duraturas,* n. 28. 29. XV. *Sola virtutis bellicæ fama non parit tantum gloriam, quantam Reip. restauratio,* n. 30. XVI. *Ingrati cives sunt, qui bello civili composito animum rebellem retinent,* n. 31. 32.

Secundo instituendus est *Codex morum seu characterum*, in quo colligentur illæ 16
 sententiae, quæ idoneæ sunt, subministrare argumenta Ethica. * Notum enim 17
 est, tria esse argumentorum genera, *Logica, Ethica & Pathetica.* Logica sive probantia vel docentia, afferuntur ad rem probandam, quorum copia colligi potest in *Codice Thesum*: Morata & Pathetica per totam orationem sunt diffusa, & maximam orationi conciliant gratiam. Nulla enim pene formula, nulla oratio familiaris, quæ non iis utatur: quibus quo magis referta est Oratio, eo illa vivacior & illustrior est. * Implicantur vero illa argumenta nonnunquam verbis, ut una 18
 sæpe voce ac epitheto contineantur: neque enim opus est, magno cum apparatu illa proponere: Infinita talia occurrunt, non in Oratoribus tantum, sed & Poëtis, præcipue apud Comicos; qui, ut speculum vitæ humanæ omnium animis repræsentant, ita pleni sunt talibus sententiis, quæ ex abdito eruuntur, atque iterum aliis argu-
 mentis

- 19 mentis applicari possunt. * Fundamentum horum Excerptorum ponendum est in *Aristotele lib. 2. Rhetor. c. 12. 13. 14. 17.* quibus ille hominum mores describit secundum varios status. Hæc itaque omnia, & quæ hic occurrunt axiomata, pro titulis usurpanda; quibus titulis deinde subjungendæ sunt sententiæ vel similes, vel speciales. * Praxin illorum Excerptorum instituendorum dilucide satis ob oculos posuit *Schraderus Comment. lib. 2. Rhet. I. 10. p. 371.* * Inter Gnomologos non habemus, qui tali methodo Collectanea sua instituerit. Solus Magiri liber, qui *Polymnemou* inscribitur, aliqua ex parte prodesse nobis potest, & ex illo non exigua sylva propositionum moralium exsculpi: nam summaria omnium illarum sententiarum, quas adducit, in frontispicio ponit, unde per Synopsin haberi omnium sententiarum similium usus potest. * Schraderus primum ponere jubet generalia axiomata, quæ ad omnes homines ex æquo pertinent. Hæc in genere notanda sunt. Specialia referenda sunt ad homines certi status & conditionis: ideoque generales tituli ponendi sunt divitum, nobilium, plebejorum, senum &c. Possunt etiam referri mores affectuosorum & iratorum, amantium &c. si quis in codice affectuum characteres affectuum ponere nolit. Pertinent etiam huc characteres nationum, quales passim occurrunt apud Historicos, & quorum ideam dedit Barclajus. * Si quis accuratam hic distinctionem velit, quod tamen non adeo necessarium est, posset homines in certas classes distribuere. In prima classe continerentur homines, generatim considerati, quæ de ipsorum moribus prædicari possunt. In secunda classe homines, ratione sexus distincti, ut viri & feminae. In tertia classe homines, ratione ætatis divisi, ut pueri, adolescentes, juvenes, senes. In quarta classe considerantur variæ hominum societates. 1. Societas conjugalis. Pertinebunt huc characteres conjugum, viduorum, virginum &c. 2. Societas heritiis: quo pertinent characteres dominorum, famulorum, servorum & eorum, qui sub his titulis generalibus continebuntur. 3. Societas patria, ubi parentum & liberorum characteres. Deinde homines ratione ipsius civitatis considerati, varios subeunt characterismos, vel ut imperantes, vel ut parentes. In Imperantibus sunt Reges, vel absoluti, vel limitati, tyranni, optimates, oligarchici, tribunarii magistratus, vel democratici. In civibus sunt pro varietate illorum varii characterismi, potentium, nobilium, religiosorum, eruditorum, militum, opificum, rusticorum; tum ratione munerum, quæ gerunt in Republica, ut: Jurisperiti, Censores, vectigalium exactores, Quæstiores, & si quæ porro occurrunt genera: quibus omnibus suus est locus tribuendus, ac notandum, si quid de illis memorabile in Historicis vel Poëtis occurrat, quod *χαρακτηρισμὸν* aliquem sapiat. * Nusquam vero luculentiora exempla sunt, quam in Comædia & Satyra, quæ humanæ vitæ imaginem repræsentat. Quid enim plenius & præstantius est, quam locus ille apud Horatium *lib. 1. Satyr. 9.* ubi garruli hominis & molesti mores describit? nam ad generales hominum classes etiam pertinent homines ratione virtutum & vitiorum considerati, ut; superbi, avari, liberales, magnifici, ostentatores, inepte seduli, assentatores, cavillatores &c. * De quibus multa *Theophrastus in suis Chara-*

Characteribus, cujus liber una cum doctissimi *Casauboni* Commentario magno colligendi onere nos sublevabit, si, quae in Autore & Commentatore habentur, in suos iocos redigantur.

Sumamus e. g. e Comœdiis Terentii illam, quae Adelphi inscribitur, & edu- 26
camus e quibusdam ejus scenis axiomata, tum ad affectus, tum ad mores spectantia, unde methodus & usus horum Excerptorum patebit. Aët. I. Scen. I. introducit Micio senex: statim in primis versibus elucet affectus ille, quem *σεργήν* Græci dicunt, parentum scilicet in liberos; ideoque inter characteres hujus affectus referendum est axioma: *Vehemens & acerba parentum sollicitudo est de liberorum salute.* Si ad codicem morum referre velis, referre poteris ad parentum titulum. Ex vers. 5. hoc educa axioma: *Multum discriminis est inter suspensiones uxoris zelotypæ de absente marito, & cogitationes parentum de absentibus liberis:* hi enim pericula & res adversas; illi gaudia & voluptates absentium sibi imaginantur. Referri potest in codice affectuum, ad titulum *σεργήν*; in codice Morum ad titulum, *Liberi & Parentes, Uxor & maritus.* Potest etiam in codice Affectuum referri ad titulum *Zelotypias.* Ad versum 10. notandum est hoc axioma in codice Morum sub titulo Senum: *Senes sunt in minimis rebus anxii & περφοβήσμεν.* In codice Affectuum potest etiam referri ad titulum Amoris. E vers. 14. referatur ad titulum *σεργήν* in codice Affectuum, & quidem ad illum titulum: *Erga quos? Liberi & quicumque in cura sunt aliorum, chariores sunt parentibus & curatoribus, quam ipsi sunt sibi.* E vers. 16. seqq. ad codicem Morum sub titulo Fratrum referatur: *Magna saepe inter fratres natura, ingeniorum, voluptatum, morum & studiorum est dissimilitudo, ut fratres illi Micio & Demeca: de quibus Cic. in Carone & Horat. lib. 2. Epist. ult. Ex v. 16. ad codicem Morum referatur titulus Urbani & Rustici: Vita urbana clementes & placidos facit, rustica duros & inultos.* Ex v. 19. ad titulum Parsimonie referatur: *Parce vivere & laborare virtutis est; sed si id semper fiat, reprehensione non caret.* E v. 24. ad cod. Mor. sub tit. Parentes: *Ut amentur a filiis parentes, amabiles sunt.* Ex v. 25. ad eundem titulum referatur: *Parentes filiis dent necessaria, quod est liberalitatis: pratermittant delicta tolerabilia, quod est lenitatis.* Ex v. 7. ad tit. Filiorum referatur: *Filii liberaliter educati candorem & animum apertum habent, dura educatio fraudulentos & simulatores facit.* Ex v. 28. ad eundem titulum referatur: *Liberi, qui patrem fallere audent, alios tanto magis fallent.* Ex v. 30. ad eundem titulum referatur: *Pulchre & liberalitate rectius tenentur liberi, quam metu.* Ex v. 33. ad eund. titul. Filiorum delicta imputantur parentibus, ut quae ex mala educatione orta. Ex v. 35. 36. notetur character parentum indulgentium, qui quævis delicta filiorum quodam colore excusant. Ex v. 37. notetur hic character bonis commodi: *Hominis commodi & elegantis est, non pertinaciter defendere sententiam.* Ex v. 8. notetur hic character imperantium: *In imperiis, quae amicitia adjunguntur, potest esse gravis & laudabilis disciplina.* Ex v. 39. ad eundem titulum Imperantium referatur: *Nulla violentia imperia duraturna.* Ex v. 40. ad titulum Metus in codice Affectuum referatur, & quidem ad tit. *Qui? Qui malo coactus officium facit, in metu est, & dum in metu est, bonus est; ubi metus cessat,*

cessat, ad ingenium redit. Nam ut Mimus ait: malus, ubi bonum se simulat, est pessimus: & licet vi cogatur, tamen omnia simulare & fraudulenter agit. Ex v. 43. ad affectum amoris & benevolentiae, sub tit. *Qui?* referri potest: quos benevolentia nobis adiungimus, ultro & ex animo parent. Ex v. 47. notetur character dominorum & patrum: Domini per metum servos in obsequio retinent: parentes per amorem & gratiam. Ex v. 51. Notetur ad Cod. morum character hominum morosorum: morosi semper ad iurgia prout sunt, ut Demea Terentianus. Ad titulum Liberorum referatur: Liberi non emendantur iurgiis & verberibus.

- Hæc igitur ad exemplum sint, si quis e reliquis similia colligere velit, ac pos-
- 27 sunt eorum colligi infinita. * Nam Comœdia, Satyra, Historia, perpetuum quasi theatrum exhibent actionum in vita civili. Historia recenset res vere gestas; Comœdia argumentum vel verum, vel fictum, velut rem gestam in theatrum producit: satyra malas hominum actiones, quæ adversus bonos mores institutæ sunt, quasi per ludum jocumque reprehendit. In his plus latet characteris virtutum, vitiorum, officiorum, quam in omnibus Philosophiæ Moralis præceptis. Omnis ex his ars noscendi homines, cum iis conversandi, exsculpi- tur, quam cum præsupponat Orator (Scire enim debet ille, cum quibus sibi agendum) longe felicius pleniusque, quam e Chrysippo & Crantore, sibi philosophiam practicam formabit. * Quod cum probe nosset Vir summi iudicii & πολιτικώτατος
- 28 GROTIUS, Terentii fabulas legens, cum eam ob causam reprehenderetur ab aliquo, quasi rem se indignam faceret, respondit illi: *alia legimus in his pueri, alia viri.*
- 29 * Ipse LUTHERUS noster, ut refert in præfatione libelli de Synonymia Terentii *Basilius Faber*, tanta voluptate Terentii fabulas evolvit, ut a negotiis vacuus duorum mensium spatio bis percurreret integrum exemplar, atque in ejus lectione deprehensus dixit: *perspicere se demum familiari Terentii lectione, quid artificii in eo autore inisset.* * Ne fabulas quidem ipsas hic excipimus, estque eo in genere Phædri
- 30 fabulis nihil elegantius. Ut enim ex historia elucet typus rei gestæ, atque ex illo typo characteres hominum, vel virtutum, vel vitiorum: ita e fabula velut quodam simulachro ficto rei gerendæ, ut gestæ, typus & character proponitur.
- 31 * In animo habebat NATHAN CHYTRAEUS, omnes Terentii Comœdias, notatis morum & affectuum characteris in lucem edere. Qui profecto labor fuisset longe utilissimus: sed solam ille fabulam *Adelphos* speciminis loco edidit, unde & nos supra nonnullos canones excerpimus. Memini fuisse, qui pro Thematis in Latinam linguam vertendis discipulis sermones Germanicos proposuere, perpetuo contextu e Comœdiis Plauti & Terentii, eorumque characteribus formatos, insigni cum juvenutis fructu.
- 32 Ut Codex Morum, ita Codex affectuum quoque instituendus est. Argumenta enim Pathetica pro movendo auditore inferenda sunt Orationibus omnibus, præcipue iis, quæ in singulari aliquo affectu versantur. Doctrinam hanc de Affectibus plenissime tractavit *Aristot. Rhetor. 2. a cap. 1. ad 11.* Ubi legendus est diligentissimus ejus
- Commen-

Commentator Schraderus. * Disponendus itaque hic est liber secundum affectus, qui titulos generalissimos repræsentant. Sub singulis affectibus speciales tituli ponantur. 1. *Qui?* 2. *Ob quæ?* 3. *Adversus quos?* Adjici his quartus titulus potest: *Character*. Primum enim noscendus est affectus ex characterē suo. Secundo cognosci debet, qui soleant in tales affectus esse proni, ut sciamus, quibus personis quos affectus tribuamus, vel ex nostro, vel ex aliorum ingenio. Terrio, quibus de causis. Hinc pater, quo in loco Orator enthymematicis affectuosis uti debeat. Nam e. g. si iram provocet contemptus, constat ex illa causa, hoc affectu utendum esse. Quarto, erga quos affectus tales induamus, ut sciat Orator, an enthymematicis talibus uti possit apud suos auditores, an sint illi homines, qui istis enthymematicis moveri possint. Ubi in subsidium sumi potest codex morum: alii enim aliis pro conditione fortunæ & munerum in hos illosve affectus sunt proniores. Possunt & in his affectibus plures numerari, quos omisit Aristoteles & recenset Schraderus *Comment. in cap. 1. lib. 2. p. 207.* * e. g. Si quis titulum velit facere; *Ira*, subjiciat primum *characteres* hos, 1. quod sit infantiæ quædam species. 2. Affectuosa pessima. 3. Dulcis. 4. Vehemens. 5. Loquax. 6. Maledica. 7. Præceps. 8. Rabiosa in omnes. 9. Inimica rationis, & inops consilii. 10. Fluctuabunda. 11. Occultari nescia. 12. Sui immemor. 13. Decoris oblita. 14. Monentibus refractaria. 15. In se ipsam sæviens. 16. Cum vi externa conjuncta. Sub his titulis specialibus ponantur sententiæ, similitudines, emblemata, adagia, exempla, omniaque, quæ characterem illum illustrent, ut posuit hic nonnulla *Magirus in Polymnemone*. Hinc sequitur titulus: *qui soleant irasci*. Recensentur apud Aristotelem non pauci ex illo numero. Illa axiomata pro titulis ponantur, & subjiciantur illis axiomatibus sententiæ breves præcipue & argutæ, quales occurrunt in *P. Mimi Gnomis*, & iis, quas collegit *Gruterus*. Novi etiam possunt canones adjici, vel ex solis illis collectaneis *Magiri*: nam canones illi Aristotelici generaliores sunt, quibus plura specialia possunt subungi. Ita irascuntur facile homines felices, & in autoritate positi, potentes, molles, senes, infantes, feminae, ebrii, eruditi, occupati, infani irascuntur omnibus. Hinc subnectenda est classis illa: quibus de causis? in his princeps est primo contemptus, ad quam pleræque etiam causæ referri possunt. Secundo inimicitia, quæ referri etiam ad priorem potest. Tertia classis: quibus irasci soleamus, multos habet canones; & quidem viginti apud Aristotelem; quibus addi plures possunt: & in hac classe simul involvuntur causæ speciales. Suppleri hic etiam ex *Magiro* nonnulla possunt: contrarii quoque canones non in hac solum classe, sed in aliis ponuntur. Ita ad classē causæ referri debet, irasci nos non debere ob res leviculas & in potestate nostra non positas, ex classe tertia, rebus mutis & irrationalibus nos non debere irasci, non potentioribus, non furiosis, non tam personis, quam ipsis virtutibus, imo ipsi iræ, hostibus publicis, qualis ira fortitudinis comes est. * Conferri possunt, qui de affectibus scripserunt, *Chambrens* in libro Gallice scripto de *Characteribus passionum animi*, *Cartesius*, *Willisus* & *Vinc. Placcii* elegantissimum *Compendium de affectibus in Accessionibus ejus Rhetoricis*. * Quarto *Codex Exemplorum* instituendus est: Magnam enim exempla

vim habent in Oratione. Exempla autem illa plenius proponi debent, quam in vulgaribus Locorum Communium libris.

- 37 Inter Oratoria Excerpta etiam illa numerari debent, quæ de Dialogis & Epistolis instituuntur. In quibus etsi simplicior dictio est, cultu tamen & illa suo non destituitur. Quod ad *Dialogos* attinet, præcipuum hic est connectendi methodus, quæ consistit in formulis mutæ sermocinationis, quales colligi debent e Comiis & Dialogorum Scriptoribus. Ideoque tales formularum tituli concinnandi sunt, quales neminem hætenus concepiisse memini. In animo quidem habuit *Starchius*: nam in appendice Formularum Epistolarum promisit tales formularum Locos Communes, qui vero in lucem hætenus non prodire. Solus ille titulorum syllabus, quanquam mancus & imperfectus, libello ejus de *Stylo* subjunctus est; sub quibus formulæ dialogisticæ e Dialogis Ciceronis, e Plauti & Terentii Comædiis, item aliis quibusdam recentioribus, qui Dialogos scripsere, colligi possunt. Ita felicior erit Dialogorum concinnatio, de quorum conficiendorum ratione *Carolus Sigonius* singulari libro egit.
- 38 Dialogos excipiunt *Epistolæ*, in quibus dictio simplicior est, etsi in his nonnunquam pro re nata stylus exaltari potest, si ad viros illustres scribamus, & argumentum epistolæ ita efflagitet, ut in Dedicatoriis, Gratulatoriis. * Collectanea in his duplicis generis formari possunt, materialia scilicet & formalia. Debent itaque sub titulis Generum Epistolicorum, ut Petitoriarum, Suasoriarum, Adhortatoriarum &c. colligi ex Autoribus argumenta, super quibus tales Epistolæ scriptæ sunt: qualia Collectanea ex Epistolis Ciceronianis jam tum instituit Buchnerus; quibus tamen nos jungere possumus alias ex bonis autoribus, tam veteribus, quam
- 40 recentioribus Epistolis. * Subjicere etiam possumus Collectanea argumentorum & Enthymematum, quæ in singulis Epistolis, tum Ciceronis, tum aliorum adhibentur, ita tamen, ut per indicem tantum excerpamus. Qua in re viam prævit MELCHIOR JUNIUS in *Scholis Rhetoricis* de conficiendis Epistolis; qui liber magni ad Epistolas contexendas usus est. Si enim e. g. Consolatoriam scripturus es, invenies illic omnia argumenta, quæ in hoc genere usurpari possunt, collecta; notatis semper locis, ubi illa in Ciceronis Epistolis occurrunt. Ita scripturus Epistolam, & simili argumento usus ex tot Enthymematum exemplis, unum idemque sensu exprimentibus, facile imitationis beneficio tua quodammodo omnia propones, amputando, ampliando, condensando, prout commodum tibi videbitur. Atque ita primum ego informari juvenes in epistolicis exercitiis velim, ubi prima Rhetorices tirocinia posuere. * Neque ex solo Cicerone talia Collectanea institui possunt, sed ex aliis etiam Scriptoribus, tum veteribus, tum recentioribus, tam Latinis, quam Exoticis. Nam & in Gallica & Italica lingua sunt Autores, omnibus ad eloquentiam delictis instructi: & in his Collectaneis non tantum ad verba, sed & ad sensus respicimus.
- 42 Materialibus Collectaneis subjicienda sunt Formalia. Sub istis autem comprehendendo omne illud, quod ad formulas pertinet: quod præcipuum pene in Epi-

Epistola est, adeo ut interdum solæ formulæ literas absolvant, si sint Salutatoriae, neque in certo aliquo genere versentur. Et illæ quidem formulæ vel ad nexum partium in Epistolis referendæ, ut sunt formulæ Exordiendi, Connectendi, Trans-eundi ab argumento ad argumentum, & similes; vel habent in se argumenta Ethica & Pathetica, quibus præcipua illa & Logica argumenta quasi involvere solemus. Eorum Collectaneorum rationem accuratam instituit STARCKIUS in *Thesaurio suo Epistolarum*; ubi omne illud, quod ad formulas pertinet, sub certis suis titulis generalibus & specialibus repositum est. Quibus etiam aliqui tituli addi possunt, qui forte in Epistolis occurrunt, sed pauci illi erunt: nam satis uberem ille apparatus suppeditavit. * Formulas tamen longe plures vel solus Cicero suppeditabit: 43 nam multas Starckius prætervidit. E recentioribus Scriptoribus, qui castam satis Latinitatem servant, ut Manutius, Paleario, Bunello, Bruto, Balzaco, aliisque Autoribus, etiam Gallicis, longe plura colligi possunt. * Possunt & addi quæ Ruper- 44 rus in Mercurio suo Epistolari e Scaligero, Casaubono, Wouwerio aliisque collegit, etsi illa non sunt cum prioribus comparanda: nitidior enim in illis dictio Latina est. Quanquam & hic non tam semper ad dictionem, quam ad sensus & argumenta respicere solemus. Verum cum illæ Epistolæ pleræque sint familiares, ac dictione utantur facera, acuta, qua delectantur inprimis eruditi, cum iudicio formulis illis uti quis debet. * Collegit & ERASMUS ROTERODAMUS in libro de 45 *ratione scribendarum Epistolarum* sub singulis generibus quasdam sylvas, ut vocat, formularum & exemplorum; sed pauca, & sine ordine, nec memoratis autoribus. * HENR. STEPHANI in *Dissertatione de variis generibus Epistolarum Ciceronis*, quædam 46 etiam de formulis cujuslibet generis notavit; sed, ut mos fert ejus, confusa sunt omnia. Legi tamen possunt, quæ affert. Σύμμετρον enim quandam instituit inter formulas Ciceronis, & Ciceronianas cum Ovidianis confert, e.g. in argumento consolatorio ex libris Tristium. * Clarkii Formulæ epistolares parum bonæ 47 frugis habent, ac multæ illarum nescio quibus e lacunis haultæ.

Atque hæc de Excerptis Oratoriis dicta sunt. * Vellem exirent tandem in 48 publicum, quæ Schraderus, J. P. Titius, & Schönsleiderus promiserunt de Excerptis rerum! Ita plenior luculentiorque illi rei cura impendi posset, & oratoria etiam Excerpta lucem hinc aliquam acciperent. Schraderianus liber de Excerptis editioni, ut audio, paratus est. Titii posthuma promissit Patre dignus Filius Fridericus Daniel Titius. De Schönsleidero vix quicquam sperandum existimo.

CAP. X.

DE EXCERPTIS POETICIS.

- §. I. Apparatus poeticus ab Oratorio diversus. 2. Latinitas Poëtica. 3. Lexicon Translatorum poeticorum colligendum. 4. Cui index rerum subjiciendus. 5. Metaphoras tales collegit Petrus ab Area Bandoza. 6. Aristotelis & Fr. Robertelli,

7. *is. Sturmi* 8. *Baldi*, 9. *Buchneri de Metaphoris poetice Testimonia*. 10. *Ricci* opus de locutionibus poetice incendio perit. 11. *Rivole Sylva Translatorum Poeticorum*. 12. *Dieterici de Zidev poeticum*. 13. *Latini ejusmodi lexici idea promittitur*. 14. *Henrici Schævi Lexicon Stadianum ac universale poeticum ad Mythologiam morte ejus perit*. 15. *e lexico isto Statiano exemplum de Hercule adducitur*. 16. *Phrasologiam poeticam qui scripserint*. 17. *Formularum Poeticarum collectanea*. 18. *Ornamentorum, Comparationum, Exemplorum sylloge*. 19. *Excerpta Idolographica & Prosopographica*. 20. 21. *De his, qui scripserint*. 22. *Idolographia veterum*. 23. *Topographia poetica*. 24. *Collectanea quæ Poëtis cum Rhetoribus communia*. 25. *Indices rerum a Poëtis laudatarum, vituperatarum & descriptarum*. 26. *Farnabii index poeticus*. 27. *Ab iconologiis & topographiis differunt descriptiones minores*. 28. 35. *In generibus tribus causarum differunt Rhetorum enthymemata a poetice, quoad modum proponendi*. 29. 34. *Orationum & Figurarum poeticarum collectio, inprimis morum & affectuum*. 30. *in quibus exprimendis Virgilius artifex est, postque cum Ovidius*. 31. *Poëtæ oratorum etiam apparatu uti possunt*. 32. *Exemplum e Virgilio*. 33. 35. *Plura exempla habet Laurent. le Brun in eloquentia sua poetica*. 36. *Loci Communes Inventionum*. 37. *Qua ratione illi concinnandi*. 38. *Eorum utilitas*. 39. *Hyle inventionum poeticarum nostra*. 40. *Artificiorum a numero & periculis, callentissimus Virgilius*. 41. *Qui artes illas notarint*. 42. *Connexionum Sylloge instituenda*. 43. *Deckenii observationes Poëtice laudantur*. 44. *& recensentur*. 45. *Quenam in illis desiderantur*. 46. *Sejunctio, figura illustris*. 47. *Pechneri libellus de figuris commendatur*.

Ut in oratione soluta opus est apparatu quodam, ita quoque in Carmine, Nam & hic verborum, sententiarum, amplificationum, ornamentorum, Excerpta facienda sunt. A verbis itaque poetice incipiendum est. * Habent Carmina suam, ut ita dicam, peculiarem linguam, imo & Grammaticam: occurrunt hic verba, phrasæ, constructiones, figuræ, nullo modo Oratori usurpandæ. Quare recte fecit *Jacobus Masenius*, qui in *Palastra sua lib. 2. c. 12.* singularem dissertationem posuit de Syntaxi phrasæ poetice ejusque copia, qui eo de argumento legendus est. Videantur & *Fr. Robertellus in libro de artificio dicendi cap. de poetico ferm. disput. 1.* Ceterum verba quædam & voces in se spectatæ, sunt poetice, solisque Poëtis relinquendæ, quod facile observabis, si Carmen aliquod in prosam convertas. Est & alia membrorum & periodi structura, etsi præcepta tamen struendæ Oratoriæ pro fundamento habeat. * Deinde Translata sunt peculiararia, in quibus colligendis magna opera infumenda est Poëtæ cultori. Confici itaque Lexicon aliquod potest, & verba secundum ordinem Alphabeti locari, quibus omnes illæ Metaphoræ poetice, quarum pleræque sunt *καὶ ἑρμηνείαι*, per quas *ἐμφορμαί* quædam live animatio rei paratur, colligantur. * Ubi Lexicon tale perfectum est, potest

potest illi subijci index rerum, de quibus dicuntur talia vel Epitheta vel prædicata. Thesaurum habebis, si ex omnibus Poëtis tale Opus collegeris. * Quasdam Mc-5
taphorarum poëticarum, sed paucas, collegit Petrus ab Area Bandoza in suis Poëtica
Elocutionis Formulis, quæ editæ sunt Lugd. Anno 1590. in 12. & ante illud tempus sub
nomine Flandani. Verum non ille ordo est, ut legenti statim occurrat. * Hujus 6
nostri consilii multos magnosque autores habemus. Ac primo quidem ipse Ari-
stoteles libro de Poëtica, prolixè ostendit, quis Translatorum usus: quod exem-
plis elegantibus in Commentario suo declarat Fr. Robortellus p. 262. 263. inter alia
e Ciceronis libro de Orat. 3. locum adducens, qui improbat eorum exercitatio-
nem, qui Ennii narrationem conabantur aliis verbis exprimere. Cum enim
ille optima verba translata occupasset, illi deterioribus exprimebant. Quare ob-
servat Robortellus; si quis Virgilii versum lib. 4. *Aeneid. Vultus alit venis & caco*
carpitur igni, propriis verbis expresse-
rit ita: *Affectionem amoris interiorem paulatim*
auget, & occulto consumitur amore: totam languere ac humilem fieri orationem.
* Sturmius in libro de linguæ Latinæ resolvendæ ratione, optimus in hac re ma- 7
gister, ita cap. 4. *Poëtæ habent varias quasdam metaphoras, differentes ab Oratorum me-*
taphoribus: Cujus discriminis ignoratio facit scriptores nostri temporis impuros. Qui putat,
quamvis metaphoram apud quemvis scriptorem esse bonam, is errat, & nunquam pure scri-
bet. Oportet oratorias separare a poëticis: Oratores habent metaphoras quasi nativas quas-
dam; Poëtæ suas etiam quasdam nativas habent, sed sunt contra naturam Oratorum. Te-
stis est Erythraeus Pinac. II. n. 14. de Maffæjo nitidissimo Scriptore: omnia Latina
verba collegisse, ac pro ratione temporum, quibus inventa vel usu recepta essent,
distribuuisse, tum quæque verba historicis, quæ poëtis, quæque oratoribus essent
aptiora, notasse. * Baldeus, Poëta ingeniosissimus Germanus, in elegantissima illa 8
Dissertatione sua de Studio Poëtico: sunt varii loquendi modi. Qui cuique carminis generi
convenient, nascuti statim odorantur. Aliter rem Historicus vel Orator effert, aliter Poëta,
in ipsa poësi aliter Elegiacus, aliter Satyricus, a se remoti invicem plerumque non tam sono
distantium verborum, quam structura totius artificii & fluctuantis spiritus, qui molem agi-
tans sensa vitæque insinuat. Et in eadem dissertatione Horatium multa verba in
Satyris usurpare ait, quæ in Lyricis nunquam positurus erat. * De Metaphoribus 9
Poëticis earumque discrimine & abusu legendus etiam Buchnerus libro de Commut.
dic. rat. cap. 2. sect. 5. §. 13. * Eam latinæ poëtice rationem singulari libro 10
ostendere voluit Bartholomæus Riccius, vir doctissimus, bene de eloquentia meritis.
Nam in præfatione istius libri, quem Apparatum Latinæ Locutionis inscribit, a se per-
fectum illud fuisse opus testatur, quod ipsi incendio periit. * Translatorum Poë- 11
ticorum in Italica lingua Collectanea, Prossero Mandoso in Bibliotheca Romana
teste p. 173. molitus est Clemens Rivada: cum hoc enim elogio recenset: *la Selva de*
Tradati Poëtici opera assai voluminosa & nobile. Sed morte præventus absolvere non
potuit. * Vidit quoque separandum a sermone soluto Poëtissimum, etiam in 12
Græca lingua Johannes Conradus Dietericus, qui in Specillo Chrestomathie Græcæ, ubi
multa ut de Græca lingua, ita de omni didactica præclara habentur, *λεξίδιον ποέ-*
τικόν

13 ricum Græcum se daturum promittit. * Nos, quoniam in Latina lingua nemo hactenus fuit, qui hanc operam in se suscepit, ideam alicujus Lexici, quo translata poetica contineantur, huic capiti subjiciemus. Quæ vestigia si & alii sequantur, nostra rudimenta perfecturi, non male de re literaria merebuntur.

14 Non inutilis etiam hic labor est, imo vero ad Poëtarum explicationem & usum in epithetis & periphrasibus vehementer commendandus; si quis omnia, quæ occurrunt in Poëtis Mythologica, Prosopographica, nomina Heroum, Deorum, urbium, regionum, patronymica, epitheta, singulari Lexico ex omnibus poëtis formando comprehendat. Id in animo habebat *Henricus Stephanus*, meus quondam Præceptor, qui ipse tale Lexicon Statianum congesserat, editioni jam tum cum *Paraphrasi Statiana* paratum, nisi immatura viri mors hoc consilium abruptisset. E ceteris quoque Poëtis, ubi discipulorum opera eodem modo Lexica congesserat, inter quos mihi *Senecæ Tragediæ* obigerant, tandem universale aliquod Lexicon poëticum edere in animo habebat. Quanti hoc usus foret, ii intelligunt, qui in
15 illis sepe hærent, cum Poëta explicant. * Superfuit mihi *Statiani* istius Lexici quedam laciniæ, unde in exemplum, quæ de *Hercule* illinc habentur, adducam. Numeri adjecti versus notant, qui citra librorum distinctionem a capite ad calcem per omnia *Statii* opera numerati sunt. Primum habet *Historica*. 2. *Periphrases*. 3. *Denominata*.

HERCULES filius *Jovis*, ex *Alcmena* uxore *Amphitruonis*; unde & *Amphitruoniades* dicitur, factorum magnitudine celeberrimus. 6709. 6888. *Juno* illi infesta varia pericula concinnavit, 146. 1611. Usa est ministerio *Eurysthei* Regis *Argivorum*, qui fatale jus in ipsum habuit. 1587. Numerantur præcipue duodecim ejus labores, 915. In cavis duos serpentes a *Junone* immixtos examinavit. 840. 1612. Leonem *Nemeæ* jugulavit & ejus exuvii pro veste usus est. 2827. 4262. Aprum *Erymantium* occidit, 19178. Poma *Hesperidum* a vigili *Dracone* asserata reportavit, 1723. *Hydræ* *Lernææ* interfecit, 1594. *Diomedem* crudelem *Thraciæ* Regem equis suis laniandum objecit, 1595. *Busyridem* cruentum *Ægypti* Regem ad aras maculavit, 1596. Clavam, arcum & sagittas gravissimas gestat, 1615. 1599. A *Molorcho* benefice hospitio exceptus fuit, 1593. In monte *Oeta* se combussit, & Deus factus est, 1571. Apud *Tirynthios* cultus est. Hinc dicitur *Tirynthius*, 1565. 1689. Colitur & in *Nemea* Sylva, item *Tiburi* & apud *Argivos* passim, 1587. Templum ei reparavit *Pollux*, quod prolixè describitur a vers. 1565. Fuit frater *Bacchi*, 1605. Amavit *Hylam* puerum, 647. Cum *Age* *Nymphæ* *Arcædica* concubuit, 1604. *Therbi* quinquaginta filias omnes eadem nocte constupravit, 1607. Columnas suas crexit ad fretum *Gaditanum*, quod inde *Herculeum* dicitur, 1747. 2596. *Hercule* epitrapezius, effigies ejus sub poculo collocata prolixè describitur a vers. 2770. Hinc vocantur *Herculei* labores, 146. *Herculeus* alumnus, i. e. *Hylas*, 647. *Herculei* Hortatus, 1678. *Herculeæ* gymnas, 6168. *Herculeus* *Pæan*, 6219. *Herculeæ* vires, 8139. *Herculeæ* moles, 8497. *Herculei* lacerti, 8551. *Herculeus* *Hæmon*, 9902. *Herculeæ* noctes, i. e. *Trinox*, quam *Jupiter* ejus generationi insumpsit, 8795. *Ternox* *Herculeæ*, 13102. *Hercu-*

Herculea mater, i. e. Alcmene 12179. *Herculeus Agylleus* 1351. 1368. *Herculea sagitta* 1368.
Herculei nepotes 13545.

Patet ex his, nihil esse hoc labore utilius. Plerumque enim in illis Poëta-
rum locis hæremus, neque sensus illorum fatis percipimus. Talia inprimis apud
Statium multa occurrunt, & apud alios Poëtas. E. g. *Geticus Maritus*, pro *Vulcano*:
Geticus Vates pro *Orpheo*: *Geticum plectrum* pro *ejusdem Orphei lyra*: *Getica ornus* pro *ar-*
boribus per ejus lyram commotis: *Getici amores*, i. e. *Orithye*, quam *Boreas* rapuit ab *Ilyso*,
Tiracia fluvio. *Geticæ volucres*, i. e. *Philomela* & *Progne*. *Arcadicus galerus*, i. e. *pileus*
Mercurii, qui *Arcas* est. *Athæa facies*, i. e. quæ in sacris *Cereris* vel *Palladis* præferuntur.
Athæi imbres, i. e. *seraces*. *Ausonia toga*, i. e. *pacatus Italiae status*. *Centaurica semina de*
Equis. *Cilicium ver*, i. e. *odores suavissimi*. *Coryciæ comæ*, i. e. *crocus*. *Cyclopi labores*,
pro *validis* & *firmis*. *Cynipii campi*, i. e. *Africani*. *Cyrrheus biatus*, i. e. *antra* & *umbra*
Parnassi. *Danacius Argus*, i. e. *Amphiarus Argivus*. *Danacius volucer*, i. e. *Perseus*,
Bisthonius ensis, propter *Martem*, qui ibi templum habebat &c. Quæ si omnia in unum
volumen ex omnibus poëtis collecta sint, magnum hinc ad rem poëticam com-
modum esset: sed nunc forte nemo hunc laborem suscepturus est. * *Phraeseolo-*
giam poëticam non inepte concinnavit *Nomesseus* in *Parnasso suo Poëtico*, adductis
integris Poëtarum locis. Concisas & excerptas phrasés ac periphrasés dedit *Ba-*
cherius in *Flavissis Poëticis*, aliquoties recensis. Qui liber ideo utilissimus est, quod
nominum propriorum, gentium & regionum, comparisonum Indices peculiare
subjiciantur. Omnia sunt ex probatis autoribus desumpta, locis etiam nonnun-
quam additis; cum *Weinrichius* in *Ærario suo* pleraque e lacunis hauriat recentiorum
Poëtarum.

Ut nominum & phrasium, ita & Formularum ac Sententiarum Collectanea
institui possunt, quarum usus maximus est in integris carminibus, quæ in aliquam
molem excrescunt. Nam quemadmodum in Epistolis *Jo. Starckius* singulares quas-
dam Formulas collegit, easdem etiam daturus in Oratoriis: ita & in Poëticis illa
dari possunt, ac promiserat quoque ipse *Starckius*. Attendendum hic est sedulo
in carminum, præcipue *Virgilianorum*, lectione, quibus formulis membris mem-
bra connectat, a narratione ad narrationem transiens. Exiguum earum typum ex-
hibuit *Georg. Fabricius lib. 2. de Re Poëtica*. Possunt & nonnullæ formulæ Epistolares
Starckio notatæ, etiam & in Poëticis habere locum, quarum exemplum habemus
in Epistolis *Heroidum Ovidii*, absoluto omnis elegantiae Romanæ Opere. Tales
e. g. sunt. Non possum eloqui: ne longum faciam: ut verum fatear: semper, nunquam, prius
moriar: exprobrare jactantiam: irriti conatus, irriti sermones &c.

Huc referri etiam debent illa Collectanea Ornamentorum, quæ in variis con-
sistunt. 1. Comparisonibus. Sunt enim Comparationes Poëtis, inprimis Heroi-
cis familiares, ac mirifice ornant carmen. Cum enim Poëta pictorem imitetur, qui
coloribus suis & luminibus ita rem ob oculos sistit, ut vivam oculis obversari credas:
ita Poëta comparisonibus mirifice rem ornat. Harum collectio diligenter insti-
tuenda

tuenda est, non e Latinis Poëtis solum, sed & Græcis, Italicis, Germanicis. Hic enim parer, quam Poëta Poëtam imitetur. Virgilius Græcos; Virgilium ceteri imitati sunt, & ita quidem, ut, cum in simili re versantur, tamen Virgilio maxime sint dissimiles. Harum comparisonum librum integrum concinnatum edidit *Trognefius Autv. Ann. 1610.* ubi sub titulis rerum comparatarum Comparationes ipsas congestit; quæ multis augeri modis possent. Exigua Comparationum exempla dedit *Georg. Fabricius.* Indices talium Comparationum breviores habet *Masenius in Palæstra sua,* & *Bacherius in Flavissis.* Infinitus talium numerus congeri potest, magno futurus usui, si non integris comparationibus instituendis, saltem in exaltanda per metaphoram phrasi. Metaphora enim est comparatio contracta; & comparatio metaphora per suos similitudinis terminos explicata. Quod de Comparationibus dixi, idem in exemplorum collectione faciendum. Illis enim Poëtæ frequenter utuntur, fabulosis tamen potius & fictis, quam veris. Eorum Indicem dedit *Masenius in Palæstra:* uberiora *Collectanea Ravisii* in officina, sed Poëticæ Illustrationes his addendæ sunt. Id enim præcipue quaeritur. Nam apud *Masenum* & *Ravisium* nuda tantum exempla sine expressione poëtica recensentur. De Comparationibus Poëticis videatur *Buchnerus de Com. dic. rat. lib. 2. c. 8.*

- 19 Pertinent huc quoque Loci Communes idolographici & prosopographici. Solent enim Poëtæ, ut jam dixi, pictores imitari, ideoque virtutes & vitia ut personas introducunt, vel certis quibusdam rebus, vel personis, orationem affingunt; quæ propterea diligenter notanda sunt, ut habeamus exemplum, ad quod nostra inventa exigamus. Habemus idolographias *Furiarum, Invidiæ, Somni, Mafarum, Virtutum,* quas passim apud Poëtas reperias. * Singularem de his idolographiis librum scripsit *CÆSAR RIPA,* qui pene in omnes linguas conversus est, & nunc quoque in linguam Germanicam. Verum tamen ejus libri autorem *Jan. Niclas Erythreus* nominat *Johannem Zaratinum Castellivium,* *Pinacoth. I. n. 27.* Prodiit epitome quædam Germanica sub titulo *Iconologia Poëtica.* Multa quoque illius libri transtulit *Harsdörfferus* in libro Germanico de arte poëtica titulo *Inyanlibuli*
- 20 edito, part. 2. & 3. sub titulis rerum, quas describit Phrasibus Poëticis. * Post Cæsarem Ripam aliosque totum illud negotium idolopceias ad artis leges examinavit *MASENIUS in Speculo imaginum veritatis occultæ,* quo in libro fontes monstravit, ex quibus variarum rerum idolopceiæ deducendæ. Notavit quoque errores in
- 22 arte idolographica a *Cæsare Ripa, Boetio* aliisque commissos. * Veterum idolographica ex hieroglyphicis *PIERIUS VALERIANUS* collegit, cui primæ hic deferrendæ, ut qui antiquitatis interiora rimatus est. Sed & *Masenius,* quæ huc pertinent, ex hoc excerpfit. * Refertur etiam hic possunt fictæ Topographiæ, quæ passim apud Poëtas inveniuntur, qualis est e. g. apud *Ovid. Regia Solis, regia Somni, Invidiæ,* apud *Joh. Secundum* *regina reginæ pecuniæ.*
- 24 Vidimus *Collectanea,* quæ ad poëma scribendum per se pertinent; subji-
- 25 cimus illis *Collectanea,* quæ ipsis cum Rhetoribus sunt communia. * Quoniam

niam itaque res vel laudantur, vel vituperantur, vel suadentur, vel dissuadentur, vel accusantur, vel defenduntur, vel simpliciter tantum describuntur; ideoque sub titulis materiarum notari potest, quicquid apud omnes generis Poëtas Græcos, Latinos, Gallos, Germanos &c. inveneris; sed per indicem tantum: non enim suaserim, ut exscribas. * Sciagraphiam talium Locorum Communium dedit FAR- 26
NABIUS in *Indice Poëtico*; sed tenuis tantum ille labor est, ac augeri multis modis potest. Summa enim ille tantum vestigia legit, & vaga lectione quædam observavit. Exempla talia collegit *Laurentius le Brun in Eloquentia sua Poëtica lib. 7.* ubi de characteribus Epidiæticis. * Ab his tamen sejungendæ sunt Descriptiones mi- 27
niores, quando paucis verbis vel rem aliquam, vel tempus, vel locum describimus. Hæc enim potius referenda sunt ad Phræcologica. In his Descriptionibus ut multus est Virgilius, ita & parvus. Nam duobus vel tribus verbis, sed verbis emphaticis, omnia absolvit. Legi potest de genio Descriptionum Virgilianarum *Buffiers in præfatione Scanderbegi sui.* * Quæ ad genus Deliberativum & Ju- 28
dicialia pertinent oratiunculæ, consultationes, exprobrationes, querelæ, & similia, etsi eadem habeant Rhetorum enthymemata, tamen seorsim ea poni consultum est. Habent enim Poëtæ, quo differant ab Oratoribus proponendi modo. Tales oratiunculæ, epistolæ, frequentes occurrunt apud Virgilium reliquosque Poëtas Epicos, Ovidium in Epistolis Heroidum. Nam Satyricos aliorum remitto, quod plane in alio poematis genere versantur. Etsi enim eorum argumenta vel in genere Demonstrativo, quatenus vituperium continent; vel Judiciali, quatenus aliquid accusant, versantur; alia tamen versandi ratio est. Satyricus enim genius ridendo magis verum dicit, quam seria oratione. Ideoque & phrasis Satyricorum sejungenda est a reliqua phrasi poëtica: quemadmodum nec Comica phrasis omnis in seria oratione potest adhiberi. Distinguendæ enim sunt personæ, res & tempora. * Quemadmodum apud Oratores, ita & apud Poëtas morum & affe- 29
ctuum Collectanea sunt instituenda. Cum enim omnis poëseos vis in imitatione actionum consistat, actiones vero vel mores vel affectus exprimant, utrumque Poëtæ familiare esse debet. Sive enim Epicum carmen scribat, sive Tragediam, sive Elegiam, seu de bono aliquo gratuletur, de malo dolorem testetur, Satyræve scribat, omni loco & tempore morum & affectuum, ipsi ratio habenda est. Perpendi itaque canones Aristotelici, & horum ductu notandi ex Poëtis sub his titulis illi characteres morum & affectuum, qui apud Poëtas occurrunt. * Vel solus Virgilius 30
mirus in iis artifex uberrimam eorum messem dat. Si quis enim inter Poëtas enthymematicus est, Virgilius est, qui summa ratione & judicio scribit omnia, in quo mire vacillant ceteri Poëtæ. Ovidius post Virgilium ceteris omnibus præferendus est. Nam in Epistolis Heroidum, in libris Tristium, mira est affectuum & morum representatio, adeo ut nonnulli in eo damnant declinatorias argutias, quod nimium immoretur argumento suo, & manum de tabula tollere nesciat, novis subinde argutiis, ultra quam par est, rem ornans: qua in re nemo sibi præter unum Virgilium temperat, qui illam, quæ in tacendo consistit, eloquentiam optime didicit. Non enim plus dicit, quam debet, quæ maxima omnis eloquentiæ virtus est. Ubertate tamen

illa vehementer auribus blanditur Ovidius, & solet elegantia, etiam nimia, vel doctis interdum placere. Affectuum certe & morum tanta apud illum copia est, ut locupletare præ ceteris locos nostros possit. Cetera quoque Enthymemata, quæ in Locis quibuscunque Rhetoricis ad bonum & malum pertinent, etiam hic notari possunt & debent. Versantur enim carmina in omnibus causarum generibus, & quoniam illa vel bonum vel malum pro fine habent, sive quod laudetur, sive vituperetur, sive suadeatur, sive dissuadeatur, seu accusetur, seu defendatur, eadem argumenta hic obtinebunt. Id tantum notandum, qua ratione ab Oratore hic Poëta differat, & quomodo ille Enthymemata sua proponat.

- 31 Etiam ex Oratoribus quædam in suum usum transferre Poëtæ possunt. Ut a Poëtis spiritus sublimitatem & affectus sumunt Oratores, atque ideo illis poëtæ commendant Grammatici, certe Quintilianus initium omnis institutionis puerilis a poëtis sumendum suadet; Ita poëtæ etiam ab Oratoribus multa mutuari possunt, atque debere illud facere judicat *Vassfor libro de Epigr. cap. 14. p. 159.* a Quintiliani sententia, sed sine causa alienior. * *Nicolaus Borbonius, præclarus Virgilli imitator, dicere solitus fuit, summo sibi usui semper fuisse in scribendis versibus Ciceronem. Quod mihi tum profecto (inquit) mirum dictu ac ferme incredibile visum esset, nisi meminissem adolescentem me, ac potius puerum, deprehendisse non pauca, quæ Virgilius de Cicerone sumpsisset. Atque hoc ipsum longo post intervallo animadverti observatum a Macrobio, & proditum scriptis etiam tunc, cum nihil esset necesse. Quippe cum ageret de iis, quæ Virgilius prioribus surripisset poëtis, non autem scriptoribus orationis soluta. Nec Tullio, inquit, compilando, dummodo undique ornamenta sibi conferret, abstinuit. Nam & sententiam hanc, o fama ingens, ingentior armis, esse Tulli totam vult, neque falso vult: & versum hunc Proximus huic, longo sed proximus intervallo, conceptum totidem verbis a Tullio antea, & ex ejus de Claris Oratoribus libro depromptum. Nuda ista & unica vox Virgiliana, recubans, nonne minus est aliquid minusque poëtam ac poësu redolens, quam Tullianum illud, Epicuri philosophia, quæ in hortulis quiescat suis, recubans molliter & delicate? Dicitur sine dubio a Cicerone multo nitidius ac letius, platanus ad opacandum locum parulis diffusa ramis, quam a Virgilio, patulæ fagi tegmen, ad umbraculum significandum profertur. Nec video, quamobrem plurima ejusdem Oratoris ab agitato mari, a ventis, a procellis, a turbinibus petita, ulli cedant tempestati Virgilianæ. Et alia sexcenta sunt, ex quibus planum fiat, quantum quoquo modo adjuvent inter se orationis utriusque scriptoribus: Itaque sibi mutuas operas tradant, ut utiles sint poëta Oratoribus, poëtis Oratores necessarii.*
- 33 Hæc si diligenter notaverimus, in imitando deinde erimus promptiores. Huic fini inserviunt Loci illi Communes, quos in *Eloquentia sua Poëtica* proposuit LAUR. le BRUN, qui farraginem exemplorum dedit e Locis Dialecticis declaratorum. Enthymematum vero oratoriorum nihil hic apparet, quorum in ratiocinando usus præcipue consistit, ut illorum in amplificando. De Affectibus idem *lib. 6. Elog. Poët. part. 1.* exempla proposuit. Etiam Ethopœiæ & Pathopœiæ, oratio-

orationes scilicet, quæ apud Poëtas occurrunt, ut Didonis morituræ apud Virgilium & similes huc pertinent. * Huic fini etiam inserviet figurarum poëticarum 34 Collectio, inprimis affectuosarum, quæ mirifice poëma ornant. Cum enim etiam apud Oratores figuræ Orationem quasi vivificent, multo magis in Carmine facient; ideoque & illarum, ut omnium metaphorarum frequentior hic usus est. * Quoniam vero genius poëticus ab Oratorio diversus est, ideoque expedit illas 35 notasse, quæ singularem interdum carmini pariunt elegantiam. Suntque inter illas aliæ, quæ Epicum; aliæ, quæ Elegiacum carmen magis ornant, magna cum industria & delectu notandæ. Habent Lyrica carmina, Phaleuci, Anacreontes, Scæzontes, quasdam sibi peculiare, ut numeros, ita figuras, quæ singularem unicuique generi elegantiam circumponunt. Collegit quoque exempla figurarum Laurentius le Brun part. 2. Elog. Poët.

Possunt & peculiare Loci communes Inventionum institui pro usu nostro 36 attemperandi, quibus illa Enthymemata, quæ in singulis occurrunt, subjici possunt, una cum argutiis reliquisque artificiis, quæ in illis apud Poëtas exemplis occurrunt. * Quoniam enim vulgo industria poëtica nostra occupatur in Epithala- 37 miis, Epicediis, Gratulationibus &c. scribendis, sub talibus titulis colligi inventionum genera, e. g. in Demonstrativo genere inter titulos generales erit *Epithalamium*. Sequantur sub illo titulo species ex circumstantiis negotii evoluti. Ita ex circumstantia personæ conficias titulos: *Epithalamium Theologi, Jcti, Medici, Mathematici, Philosophi, Mercatoris &c.* Ex circumstantia temporis: *Epithalamium in nuptias tempore æstatis, veris, hiemis, autumnii, vernalium &c. celebratarum*. Ceteræ circumstantiæ alia aliæque suppeditabunt, usui tibi in inventione futura. Nam breviora carmina non semper per integra Enthymemata procedunt, sed arguta aliqua vel allusione vel illatione absolvuntur. Hæc etsi ingenium facile per se præstet in ingeniosis, tamen, si exempla multa collecta habueris, novæ semper cogitationes & inventiones sub manu crescent: quæ ita formandæ sunt, ne exscriptum carmen videatur, & facile est novo aliquo colore rem incrustare. Quicquid itaque apud Latinos, Germanos, Italos, Hispanos, eleganter excogitatum inveneris, his titulis accommodari potest. * Ac incidunt interdum aliqua, quæ tu ipse in- 38 ventioni novæ accommodare possis, de quibus non cogitarunt Autores, quos legis. Præterea ex magna illa farragine, quæ uno intuitu tibi ob oculos sistitur, facile aliquid decerpas, quod ad rem præsentem faciat, vel varia miscendo, vel nova ad eorum speciem excogitando. Labor ille vehementer proderit illi, cujus in inveniendâ phantasia tardior est: ingenioso vero novam dabit occasionem ad rem & argumentum suum ornandum. * Ut hac etiam parte juventuti lucem accendamus, subnectam huic capiti cap. 12. *Hylæ aliquam inventionum*, sed per indicem tantum 39 e variis Poëtis meo ductu ab aliis congestam, qua qui uti velit, Autores ipsos ad manum habere debet; si quis Autores ipsos non habet per brevem lemmata summam inventionis exprimere poterit. Compendiosum etiam illi erit, qui Autores ipsos habet, si forte perlegere integra Carmina nolit.

- 40 Solent Carminibus suæ esse a numeris Veneres & certa quædam artificia, quæ mirifice ornant versum; quales apud Virgilium, mirum numeri poetici observarentur, frequenter occurrunt, e.g. cum versus terminantur monosyllabis, ut: *procumbit humi bos: nascitur ridiculus mus.* vel cum spondei multi adhibentur, ut: *media æquina circumspexit: Illi inter sese magna vi brachia tollunt.* Aut cum Dactyli & Spondei ita miscentur, ut rei naturam expriment, ut cum de turri ruente ait: *Convellimus altis sedibus impulsusque ea lapsa repente ruam Cum sonitu trahit.* Talia infinita apud Virgilium habentur, quæ homo in iis non exercitatus contemnat, doctus vero &
- 41 prudens admiretur. * Ac sunt, qui magnam eorum farraginein notarunt, *Jacobus Pontanus Instit. Poët. lib. 2. c. 8. seqq.* *Joh. Forianus Pontanus in Dialogo, qui inscribitur Actus.* *Jac. Ludovicus Strehlius in lib. de Electione verborum c. 9. & alibi.* *Laur. le Brun in Elég. Poët. lib. 4.* *Jul. Casp. Scaliger in Hypercritico suo omnibus pene paginis; nonnunquam etiam Alex. Rossius in Virgilio suo Triumphante.* *Nic. Erythreus in Præliminariis Virgilianis, cujus labores ceteros, quos in Virgilium meditatus est, lucem non adspexisse dolendum est.* Promisit enim *Schæma Patheticum Virgilianæ Poësos: Librum de alliteratione seu syllabarum allusione;* de quibus Sylburgius in præfatione editionis Virgilianæ.
- 42 Connexiones poetiæ etiam hic non sunt prætermittendæ, quæ Excerptis Formularum vel addi possunt, vel ab his sejungi. Magnus earum connexionum usus est in prolixo carmine, ubi nihil magis interdum cruciat, quam membris membra connectere. Sunt autem Connexiones illæ vel membrorum majorum vel minorum: sunt vel per particulas, vel per formulas. Occurrunt illæ in singulis periodis, cum cola colis junguntur.
- 43 Hæc ego scripseram, cum ex Actis eruditorum Lipsiensibus innotuit de DECKENII observationibus Poëticis Antwerpiæ Anno 1688. in lucem missis, (b) quas plane ad gustum meum esse ex ipsa argumentorum libri recensione observavi. Quare cum nusquam in officinis appareret liber ille frustra a me quæsitus, ad manus tandem meas pervenit, ultro illum mittente, qua est humanitate, viro mihi amicissimo & celeberrimo *Joachimo Fellero.* Statim ut inspexi, gratissima fuit illa cogitationum nostrarum convenientia: videbam enim ab illo Autore plenius esse proposita nonnulla, quæ ego dudum & mente designaveram, & discipulis meis privata informatione tradideram, & nunc his chartis notavi. * Parte prima concessit ea, quæ ad Amplificationem Poëticam pertinent, Distributiones, enumerationes, descriptiones, egressiones, comparationes, inductiones, Synonyma, Periphrases, Invocationes, narrationes, Sermocinationes, Figuras, Fisiones, carminum artificia, ut Epithalamiorum, Genethliacorum &c. Sub quibus singulis certa Inventionum lemmata ponit.
- 45 * Hæc quanquam optime comparata sunt omnia,

(b) *Johannis Deckenii, Jesuitæ, Observationes Poëticas, Exemplis illustratas, Morhofius eundem, ad Exemplar Anni 1688. Antwerpiensē, triennio post, Anno scilicet Eternali 1691. Kilonii in 8vo, adjecta Præfatione sua, curavit recudi.*

omnia, confusa tamen ornamenta rebus ipsis & τῶ ἐν Συμμετρῶν & ad generalem amplificationis Poëticæ titulum relata displicet. Pars secunda proponit characteres Affectuum, satis quidem copiose, quæ tamen multis augeri modis possint: quod si enim solos Ovidii Tristium libros percurras, longe plures ex eo solo Tristitiæ characteres ego olim notavi, quam notavit Deckenius. Nullos quoque morum characteres observavi, qui omnino characteribus affectuum jungendi sunt. Parte tertia ea proponit, quæ delectabile reddunt poëma, acuminum fontes, in quibus ducem Mæsenium habuit. Parte quarta Ornamenta poëtica complectitur, in his numerat figuras, quarum exempla adducit, sed insignes quasdam omisit, inter quas est *Sejugatio*, nemini, quod sciam, quam *Danieli Vechnero* in libello de Figuris notata. * Est vero illustris illa & maxime conspicua, ut in Ovidiano illo:

46

*Demophoon ventis & vela & verba dedisti:
Vela queror reditu, verba carere fide.*

Ita nos in quodam carmine:

*Fulmina sic agiles servant, sic flumina, motus:
Fluctibus hæc, flammis illa vibrata suis.*

Illustria quoque ejus exempla e Ciceronis Orationibus notavit Vechnerus. Refert quoque ad ornamenta formulas & particulas poëticas ad certos titulos redactas; qui utilissimus omnino labor est, tum & modos loquendi singulares & alia nonnulla. Hunc ego libellum omnibus, qui artis poëticæ studio ducuntur, præ ceteris omnibus commendo, & ut pluribus usui esse possit, recudi velim.

CAP. XI.

IDEA LEXICI POETICI PRO TRANSLATIS.

Promissa cap. præced. §. 13.

A.

1. *Accendere.* Infandum accendere bellum, *Virgilius Æneid. 12. Idem lib. 7. belloque animos accendit agrestes. Id. lib. 8. quos justus in hostem Fert dolor, & merita accendit Mezentius ira. Id. lib. 10. Nunc prece nunc dictis virtutem accendit amaris. Sol dicitur accendere diem, Claud. de Consulatu Mallii. Ante vetant, quam maturis accenderit annis Ignibus, accenderit, i. e. accensus fuerit. Gratius Cynegret.*
2. *Acclinis.* *Claud. in Probin. Consulat. arbore sultus acclines humeros, vid. Barth. ibi in Commentar.*
3. *Acclinatus.* *Statius 4. Sylvæ. 4. occidit horror Æquoris & terris maria acclinata quiescunt.*
4. *Adorare.* *Sarbievius lib. 1. od. 3. de ramis arborum dicit. Pangææ gaudent brachia frondium Longe tetendisse, & procul obvios Currus adorare.*

5. *Adve-*

5. *Alvena*. Claud. 6. Conf. Honor. Certis ubi legibus *alvena* Nereus Aestuatur: loquitur de maris fluxu & refluxu prope ostium fluvii.
6. *Edificare corpora* de saltatoribus & funambululis. Claud. Conf. Mallii, qui sese jaculantur in auras. Corporaque *edificant* celeri crescentia nexus.
7. *Æmulus*. Claud. 6. Conf. Honor. littora lunaribus *emula* damnis, i. e. ad motum lunæ fluxum & refluxum maris patientia. *Æmulus* orbis dicitur Luna ratione Solis. Claud. Conf. Probin. Cum fratre retruso *Æmulus* adversis flagraverit ignibus orbis.
8. *Æs vetustum*, i. e. imagines majorum. Claud. Probin. Conf. licet *ære vetusto* Floreat.
9. *Afflari*, *afflari* de tenui halitu dicitur. Virgil. de homine defuncto: *afflatus* vicino sole refugit. Stat. l. 9. Theb. de fulmine: Fulminis haud citius radiis *afflata* cupressus Combibit insectas &c. Idem de odore: Ogygii si quando *afflavit* Iachi Dulcis odor. Claud. 1. de Raptu Proserp. *afflataque* curru sidera Tenario.
10. *Allabi* pro accedere. Virg. 6. Æneid. 2. Et tandem Euboicis Cumarum *allabitur* oris.
11. *Alterna* Tethys, i. e. fluens & refluens. Claud. 3. Conf. Hon. Tethyos *alternae* refluas calcavit arenas.
12. *Ambitosus*. *Ambitosia* colus, quæ intertexto auro fila trahit dicitur Claud. 4. Conf. Honor. Quæ tantum potuit digitis mollire rigorem *Ambitosia* colus. Inc. nimis *ambitosia* rubeti progenies, i. e. rosa.
13. *Amare*. Horat. l. od. 25. Janua limen *amat*.
14. *Amicare* pro connectere. Sarmien. l. od. 4. Et super collo tyrias *amicet* Fibula lanas.
15. *Angustare* pro cingere. Stat. l. 4. Rabi- di cum colla minantia monstri angeret & tumidos animam *angustaret* in artus. Id. l. 12. At procul ingenti Neptunus Agmina Theleus *angustat* clypeo. Claud. 6. Conf. Honor. viridique *angustat* Jaspide pectus. Id. Conf. Probin. qua sine sub uno *angustant* aditum curvis anfractibus Alpes.
16. *Anhelus*. Silius Ital. turbinem *anhelum* vocat. Claud. R. Prof. Vorticibus Phlegeton perlustrat *anhelus*.
17. *Animosus* de velis dicitur. Sarm. l. od. 4. Et repentinis *animosa* trudunt Carbasa ventis. Ita pilam, vel turbinem agitatam *animosum* dixeris.
18. *Anima* pro ipsis hominibus inprimis heroibus apud Poetas usurpantur. Ita *anima* mori dicuntur, vel interfici. vid. Barth. comm. in t. Theb. v. 660.
19. *Animari*. Claud. Nupt. Honor. Mavortia signa rubescunt Floribus & subitis *animantur* frondibus haste.
20. *Arista* pro anno. Virgil. post aliquot mea regna videns mirabor *Aristas*. Claud. 4. Conf. Hon. nec dum decimas emensus *aristas* Aggrederis metuenda viris.
21. *Armare* pro munire, instruere, addere. Virgil. lib. 9. Æneid. Ungere tela manu ferrumque *armare* veneno. Id. lib. 10. Vulnera dirigere & calamos *armare* veneno. Claud. lib. 1. de Rapt. Prof. ceu turbine raucos Cum gravis *armatur* Boreas. Ibid. Cogit tuis *armata* dolis. Id. 3. Rapt. cui fundit ab antris Æolus *armatas* hyemes. Id. 6. Conf. Honor. Chaldaea mago seu carmina ritu *Armavere* Deos. Id. Conf. Probin. pulcherque severo *Armatur* terrore pudor. Venant. lib. 1. de vita Martini: *armant* flamina flammæ. Nos alicubi: lento Zephyros *armare* veneno.

22. *Affidui.* *Affidui honores*, i. e. non interrupti altero alterum velut adlidente. *Claud. Conf. Mall.* Tami celer *affidui* explevit curtos honores.
23. *Attonitus.* *Claud. in Conf. Mal. Attonitus* sermo qui duceret aures. *Senec. Herc. Fur.* Illum populi favor attonitum Fluctusque magis mobile vulgus Aura tumidum volvit inani. *Attonitum ignem* vocat *Martialis*, quo Scævola urebat manum, lib. 8. *Epigr. 33.* attonito regnat in igne manus.
24. *Audax.* *Rami audaces*, *Claud. 3. Conf. Hon.* *audax* mamma de habitu *Heroidum* ad praelia euntium. *Claud. Conf. Probin.* *Audacem* rereggit mammam.
25. *Audire* pro obsequi, de rebus inanimatis. *Virg. Georg. 1.* non audit currus habenas. *Ovid. Metamorph. V.* de mille sagittis Unam sepe sinit, sed qua nec acutior ulla, Nec minus incerta est, nec quæ magis audiat arcum. Hinc surdos arcus *Stat. vocat l. 10.* qui non obsequuntur *Claud. Conf. Mall.* Desidis aurige non audit verbera currus.
26. *Aura.* *Virgil. l. 6.* Discolor unde auri per ramos *aura* refulsit.
27. *Aureus* pro pulcher. *Horat. Od. 5. l. 1.* Qui nunc te fruitur credulus aurea, i. e. pulchra.
28. *Aurite* dicuntur arbores *Orphei* testudinem secute, *Horat. l. 1. od. 12.*
29. *Aurora* pro populis auroræ. *Claud. Stille. 1.* totam pater undique secum Moverat *Auroram.*

B.

30. *Blandus* pro eo, quod non nocet. *Claud. Rapt. P. 1.* blandique leones Summisere iubar. *Id. 4. Conf. Hon.* fulvamque impune pererrans *Ægida* tractalli blandos interri-

Tomus I.

tus angues. *Ibid.* in eam blande sub vincula tigris. *Id. Conf. Probin.* blando testetur gaudia fluctu. *Silvius:* Lambebant teneros incendia blanda capillos.

C.

31. *Calcere.* *Claud. 3. Conf. Hon.* Tethyos alternæ refluas calcavit arenas. *Id. 6. Conf. Hon.* heu terra sinistris Auguriis calcata mihi. *Ibid.* patulum prospectans *Narnia* campum Regali calcatur equo. *Idem. Conf. Mall.* de excelso monte; & rauca tonitrua calcant.
32. *Calcatus.* *Claud. 6. Conf. Hon.* Meque minabatur calcato obsidere vallo.
33. *Cataphracta* Poma vocat *Coleus* nuces castaneas.
34. *Celare.* Sol celare diem & promere dicitur. *Horat.* Alter Sol curru nitido diem qui promis & celas aliusque & idem Nasceris.
35. *Cervix* pro forti & elato animo. *Claud. Nupt. Honor.* petulans alta cervice juvenca. *Id. in Rufin. 1.* Cumque fide pietas alta cervice vagantur. *De Turo Stat. 2.* Theb. cervixque recepto Sanguine magna redit.
36. *Circumflexus*, i. e. in se rediens. *Claud. 6. Conf. Honr.* Circumflexa rapit centenus scula Consul.
37. *Circumflans*, i. e. vehementer abundans. *Catullus:* Et ille nunc superbus & circumflans Perambulabit omnium cubilia. *Claud. Conf. Probin.* mens circumflans luxu.
38. *Citius*, i. e. ante *Hor. I. 13.* Suprema citius solvet amor die, i. e. ante diem supremam.
39. *Clement.* *Claud. 3. Conf. Hon.* Veneris clementer pervolat auras. *Clementem* clivum

LII

- clivum vocat, qui molliter elatus *Rapin. de Hort. lib. 3.* Ipse reclinato clementis ab aggere clivi Ordinibus longis lapsuros digere fontes.
40. *Cognatus.* Stat. 1. *Theb.* Unde graves ire *cognata* in moenia Baccho. *Ibid.* nec enim velocius ullas Itque reditque vias *cognataque* tartara marvult.
41. *Collum* rebus inanimatis applicatum. *Claud. 6. Conf. Honor.* Colla triumphati proculcat Honorius Istri.
42. *Colligere.* *Claud. 3. Conf. Honor.* gentesque remotas *Colligit* auroræ, i. e. peregrinatur in Oriente.
43. *Combibere.* Stat. Fulminis haud aliter radiis afflata cupressus *Combibit* ingestas & stirpe & vertice flammæ. *Claud. 6. Conf. Honor.* vestis radiato murice solem *Combibit*.
44. *Comere.* *Claud. 6. Conf. Hon.* vestesque & cingula comit Sæpe manu. *Petr. Maur. Hymn. in B. Bened.* Sancta te *compsit* puerum senectus.
45. *Concolor* effosso auro dicitur Fossor Metallicus. Stat. Pallidus fossor redit erutoque *concolor* auro. *Sil. Ital.* effosso *concolor* auro.
46. *Confessus.* *Claud. 6. Conf. Hon.* vultusque palam *confessus* coruscus. *Claud. Conf. Mall.* Lene sicut Nilus, sed cunctis amnisbus exstat Utilior, nullas *confessus* murmurare vires.
47. *Conscius* de rebus inanimatis. *Claud. Conf. Probin.* conscia tunc sonuit rupes, scil. ad adventum Dæd. *Lucan. Lib. 1.* Et gens si qua jacet nâcenti *conscia* Nilo.
48. *Consumere.* Stat. 1. *Theb.* Spes anxiam mentem extrahit & longo *consumit* gaudia voto. *Id. 2. Theb.* in absentem *consumit* prælia fratrem, i. e. animo mediat
- tatur pugnas nil profuturas. *Claud. Conf. Mall.* *Consumant* totos spectacula montes.
49. *Contemnere.* *Claud. 4. Conf. Hon.* de Equo Castoris Cyllaro. Serviretque tuis *contempto* Castore frenis Cyllarus.
50. *Convenire.* *Claud. 6. Conf. Hon.* Tua te benefacta morantem *conveniunt*.
51. *Copia oris*, i. e. eloquentia. *Claud. Conf. Mall.* Et tantas *oris copia* vincit opes. *Copia narium* Horat. pro odoribus.
52. *Coquere* pro fovere. Stat. 2. *Theb.* truncem secreta *coquebat* Invidiam.
53. *Cor longævum* pro prudentia. *Claud. Conf. Probin.* Ignea longævo frenatur *corde* juvenis.
54. *Coronare* pro cingere. Stat. 2. *Theb.* clausaque nemus statione *coronant*. *Virg. lib. 9.* Objiciunt equites sese ad divortia nota Hinc atque hinc, omnemque aditum custode *coronant*. *Sarbiev. l. 1. od. 3.* laurigeris tibi thyrsis *coronatus* Cytheron.
55. *Cornu* pro quavis copia interdum a Poëtis usurpari solet. Stat. 2. *Theb.* de somno dicit, illos *cornu* perfuderat omni, sed & *cornu* peculiariter somno adtributum, vid. Barth. ibi in Comm.
56. *Crimis* pro siderum radiis. *Claud. 4. Conf. Hon.* Stella *crime* retuso languida.
57. *Crudus*, i. e. immaturus, recens. *Horat. lib. 3. od. 11.* Nuptiarum expers & adhuc protervo *Cruda* marito. Stat. 2. *Theb.* Et si *crudus* amor. *Claud. 3. Conf. Hon.* Et *cruda* teneras exercuit indole vires.
58. *Culpa* pro amissione virginitatis ap. Stat. 2. *Theb.* primæque modestia *culpa* Confundit vultus. *Virgil. de Didone.* Huic uni forsan poteram succumbere *culpa*.

59. *Conflari* signa celestia dicuntur illi, qui magno tenentur desiderio. *Stat. 1. Theb.* Longum signis *conflantibus* annum Stare genuit.
60. *Currere* de rubore sensim genas inficiente, *Virgil. 12. Æn. v. 67.* cui plurimus ignem Subjecit rubor, & calefacta per ora *cucurrit.* *Id. Æn. 5. v. 250.* Victori chlamydem auratam, quam plurima circum Purpura Mæandro duplici Melibæa *cucurrit.* *Ovid. Ep. 5. Heroid. v. 37.* gelidusque *cucurrit,* Ut mihi narrasti, dura per ossa tremor. *Stat. 1. Theb.* *τὸ* ambire per currere exponit: sed falsa *cucurrit* Infula per crines.

D.

61. *Dammum* pro decremento *Luna, Claud. 6. Conf. Honor.* nudataque littora fluctu Deserit Oceani lunaribus armula *damnis.* *Hor. IV. od. 7.* *Damna* tamen celeres reparant celestia lunæ.
62. *Dammari* dicitur Luna eclipsin patiens. *Claud. de Conf. Mall.* quæ linea Phæben *Damnet* & excluso pallentem fratre relinquat.
63. *Decentior* aër, i. e. magis serenus. *Claud. 6. Conf. Honor.* Ipse favens votis solitoque *decentior* aër.
64. *Decrescere* dicitur locus ex visu recedens in itinere. Totaque *decrescit* refugio *Tri-nacria* visu.
65. *Dedocere* & *dedescere.* *Hor. l. 2. od. 2.* numero beatorum Eximit virtus populumque fallis *Dedocet* uti Vocibus. *vid. Docere. Stat. 2. Theb.* moneo regnorum gaudia temet *Dedoccas.* *Lucan. lib. 1.* longoque togæ tranquillior usu *Dedidicit* jam pace ducem. *Sulpit. Luperius:* sævaque *dedisces* prælia torvus aper. *Claud.*
- præfat. de R. P.* Cordaque languentem *dedidicere* metum.
66. *Dedignatus, vid. Indignatus.*
67. *Deprensus, deprendi,* Voces usitate Poëtis in re nautica. *Lucret. lib. 6.* Et quæcunque in eo tum sunt *deprensa* tumultu Navigia. *Virgil. Æn. IV.* *Deprensus* olim statio fidelissima nautis & *lib. 5.* Argolicoque mari *deprensus.* *Catull. minuta* magno *Deprensa* navis in mari vesaniente vento. *Stat. 1. Theb.* Ac velut hyberno *deprensus* navita ponto.
68. *Deprendere,* est rem obscuram detegere *Claud. 3. Conf. Hon.* arcanos Nili *deprendite* fontes.
69. *Descendere* pro decrescere. *Stat. 1. Theb.* de Bobus: Ardua nodosos cervix *descendit* in armos. Ita nos in Amorib. *Cimbr.* de Oloribus: Ardua queis patulas cervix *descendit* in alas.
70. *Desidere* dicuntur campi, cum avis evolat. Ita de Ganymede ab aquila rapto *Stat. 1. Theb.* Gargara *desidunt* surgenti & Troja recedit.
71. *Despumare.* *Claud. Conf. Probin.* quantas per Lydia culta *despumat* rutilas dives Pætolus arenas.
72. *Detergere,* i. e. purificare *Claud. Conf. Mall. de Justitia:* tu prima hominem sylvestribus antris Elicis, & sædo *detergis* secula vitæ.
73. *Detersus.* *Claud. 6. Conf. Hon.* Principis & Solis radiis *deterfa* removet Nubila.
74. *Devexior dies,* i. e. occasus. *Cl. de Conf. Mall.* quodcunque rubescit Occasu, quodcunque dies *devexior* ambit.
75. *Dies* varie usurpatur *Statio,* quæ tamen omnia imitanda non suaferim. Ita *1. Theb.* est *Sacra dies* animi, pro-

- conscientia: *projicere diem*, i. e. oculos eruere: longumque in secula digne Promeriture *diem*, i. e. ævum, & lib. 1. *Sylv.* stabit dum terra polusque, dum Romana dies. *Id. lib. 1. Theb.* effusa sub omni Terra atque unda *die*, i. e. sub ortu, meridie & occasu. *Id. 2. Theb.* squalentem *diem* dicit pro tempestate pestifera. *In Elog. Poët. Brun. part. 1. p. 204.* de flore protuberante: referato caprat amicum *Ore diem*.
76. *Diffundere* pro hilarem facere. *Ovid. lib. 4. Met.* generosi munere Bacchi *Diffundere* animos. *Stat. 2. Tb.* diffuderat Argos Expectata dies. *Stat. 1. 4. Sylv.* sacro diffusus necesse vultus Dux Superum.
77. *Discriminare.* *Claud. Conf. Probin.* nodus, qui sublevar enssem Album puniceo pectus discriminat ostro.
78. *Discere.* *Virg. Discit* mentiri lana colores. *Ap. Græcos* discere pro solere ponitur, ut in illo Empedoclis versu ἈΨα δὲ Διτὰ Φλόωτὰ τὰ πρὶν μάθων ἀΨαυτ' ἔταυ. Hic τὸ μάθων positum pro ἀΨαυτ'. Et statim facta sunt mortalia, quæ didicerant esse (i. e. erant, vel solebant esse) immortalia. vid. *Casaubon. in Athen. lib. 10. c. 6. p. 452. n. 30.*
79. *Ditare* de fluvio dictum *Claud. de Conf. Mall.* Maria quæ famulus ditavit Hyda-
spes. *Id. 3. Conf. Honor.* quas ditat Oron-
tes.
80. *Ditescere.* *Claud. Conf. Mall.* de arena gladiatoria: largo ditescat arena sanguine.
81. *Docere* pro permittere, *Claud. 3. de Raptu:* Insolitisque docet galeam mitescere sertis. Ita & vox jubet usurpatur. *Id. 3. Conf. Honor.* submissus adorat Eridanus blandosque jubet mitescere flus.
82. *Doctus* Epitheton omnibus rebus Muscis applicatur. *Claud. Conf. Mall. docti* riserunt floribus amnes, i. e. Musarum. Ita *docti* montes, laurus &c. *Claud. Conf. Probin.* & pollice docto jam parat auratas trabecas.
83. *Dolosus.* Ignes suppositi cineri *doloso*, *Hor. lib. 11. c. od. 1.*
84. *Domare.* *Stat. 2. Theb.* de Thracibus ait: lacte novo demuisse cruorem. In eundem sensum indomitum vinum dicitur. *Lucan. lib. 10. indomitum* Meroë cogens spumare Falernum. *Id. ibid.* Fortunam virtute domas. *Id. Sylv. lib. 2. cap. 4.* qui pectore magno spemque metumque domas. *Id. 1. Theb. perdomitam* saxo Cere-rem vocat panem. *Claud. Conf. Probin.* Virtutibus ille Fortunam domuit.
85. *Dubitandum* lumen pro caliginoso. *Rutilius:* Sic dubitanda solet gracili vanescere cornu Defessusque oculis Luna reperta later. *Claud. 4. Conf. Hon.* Visa etiam Stella die dubitanda nihil nec crine retuso Languida. *Dubii* status vel venti, *Claud.* Incertam Lunam vocat *Virgil. Æn. 6.* Lucem malignam *ibid.*
86. *Ducere* vox de Fatis proprie usurpari videtur. Ita Jupiter ap. *Stat. 1. Theb.* certo reliqua ordine ducam. *Ibid. ævo ducente,* i. e. implente oracula.
87. *Dulcis.* Genæ dulces *Claud. Conf. Probin.* dicuntur pulchre, juveniles *Hor.* Dulce ridentem Lalagen amabo Dulce canentem. Epitheton *dulcis* non Elegiacis tantum poetis, sed omnibus commune, de quo *Balzac. Entretien. 36. p. 352. & 353.*

E.

88. *Ebrius annis* de fonte artificiali vini *Claud. Conf. Probin.* jam profluat ebrius
annis

- annis Mutatis in vina vadis. Ebria vestigia dicuntur hominum ebriorum Claud. Ebria* Maonio fulcit vestigia thyrsio.
89. *Ebur* pro lyra *Claud.* Pollice festino nobile duxit *ebur*. Pro adilitio honore *Hor. I. Ep. 6. v. 53.* eripietque curule, Cui voler, importunus *ebur*, *Buehn. p. 77.*
90. *Elomitus.* Tua per *elomitus* ut Salamandra focos. *Sant. Ann. Sac. Poët. part. 2. p. 33.*
91. *Effeminare*, pro deterius, mollius aliquid reddere. *Claud. I. in Eutrop.* de Eunueho Eutropo: trabecata per urbes Ostentatur anus titulumque *effeminat* anni.
92. *Emeritus* Phœbus pro occidente. *Stat. 1. Theb. Emeriti* confinia Phœbi, i. e. plaga occidentalis. *Bulderman. Epigr. III, 79.* de foco perpetuo lucente: & nusquam *emerito* ligna parata foco. *Ego in Epigr. in Conjug. Vetula & juvenis.* Illam fuleire *emeriti* pedes reculant.
93. *Equitare* de Ventis. *Hor. I. 4. Od. 4.* Per Siculas *equitavit* undas. Vid. *Voss. Inst. Orat. lib. 4. p. 107.* audax illa translatio, cui extra lyricum carmen ego locum dare nolim.
94. *Errare* de auroræ radiis *Claud. de R. P. n. Errantes* ludunt per carula flammæ.
95. *Evinctus* Virg. *Eclog. 7.* Punicco stabis suras *evinctæ* cothurno. *Id. lib. 5. An. Punicis* ibant *evincti* tempora tæniis. *Ibid.* Consequitur viridi Mneithæus *evinctus* olivæ. *Id.* Ipse caput ronsæ ramis *evinctus* olivæ. *Stat. Theb. 1.* famulumque *evinctæ* pudica Fronde manus. *Claud. Stil. 1.* roseisque *evinctæ* coronis Certantes Asiæ tædas Europa levaret. Unde patet, familiare id Poëtis verbum ea in re esse.
96. *Exarmare.* *Boët. 1. Conf. c. 4.* *Exarmaveris* impotentis iram.
97. *Exasperare*, i. e. opus exaltatum facere. *Cl. 3. Conf. Hon.* Brontes innumeris *exasperat* ægida signis.
98. *Exclamare* pro sonitum edere. *Juven. Sat. 6. v. 421.* Dominæ semur *exclamare* coëgit. Sed hæc audax & Saryrica est metaphora.
99. *Excusare* eleganter a Poëtis adhibetur. Ita de Nilo *Claud.* quod *excusit* raros fecundis fluctibus imbres *Stat. 2. Theb.* Virgineas libare comas primosque solebant *Excusare* toros, dicit de puellis recens nuptis, quæ Palladi comas libare solebant.
100. *Exerta*: epitheton eorum, qui ad pugnas parati sunt. *Virgil. lib. 11.* medias inter cades exultat Amazon Unum *exerta* latus pugna. *Valer. Flacc. lib. 2.* Et Dolus & Rabies & Lethi major imago Vifa truces *exerta* manus. *Stat. 1. Theb.* de pugna Polyniceis & Tydei: tum vero erectus uterque *Exertare* humeros. *Claud. Conf. Prob.* niveos *exerta* lacertos. *Prudentius*: nuda humeros, intonsa comas, *exerta* lacertos. *Sidonius*: federat *exerto* bellatrix pectore Roma. *Idem*: & *exertam* tetigerunt cornua mammam.
101. *Exspuere.* *Senec. Troad. v. 1068.* ubi hanc anilis *exspuam* lethi moram? reprehenditur hæc translatio a *Buehn.* de commut. dicendi Ratione pag. 42.

F.

102. *Faber, Fabricator.* *Lucret.* Nam dolor & morbus lethi *fabricator* uterque est. Magis apposite *Virgilius.* quam *Lucret. doli fabricator* Epeus. II. *An.*
103. *Famulus*: epitheton pro subjectus. *Claud.*

- Claud. 3. Conf. Honor. famulis* Gangen pallefcere ripis. *Id. 4. Conf. Hon.* Ipse tibi famulas præberet Pegalus alas. *Id. de Conf. Mall.* & condita Pelle Mœnia, quæ famulas quondam ditavit Hydaspes. *Conf. Probin. Id.* Sic nobis Scythicus famuletur Araxes. *Id. Stil. 1.* Cum procerum jussis famulantia cernimus arma.
104. *Fatigare. Stat. 2. Theb.* Superos in vota fatigant. *Valer. Flacc.* mœstaque fatigat Voce Jovem.
105. *Favere de agro aptiore. Claud. Conf. Mall.* quæ gleba faveret Frugibus.
106. *Fax. Stat. 1. Ach.* fax vibrata medullis In vultus atque ora redit.
107. *Felix. Claud. Conf. Mall.* Quis felix olæ tractus, i. e. magis aptus ad olearum proventum, felicia poma, i. e. mala aurea *Cornelius: felices* auræ, pro suavis odoribus.
108. *Ferire, de rebus variis. Claud. Conf. Probin.* immensaque cornus in hastam Porrigitur, tremulisque ferit splendoribus Hebrum. vid. ictus, impulsus. *Id. Stilic. 1.* Cum semine jacto Terrigenæ galea matrem nascante ferirent: loquitur de fratribus Cadmæis e terra prodeuntibus.
109. *Ferrens pro torvo & rigido, applicatur rebus infernalibus quoque, ut Rex ferrugineus Stat. 1. Theb.* de Furia, sedet intus abactis *Ferreæ* lux oculis: & de Cerbero 2. *Theb. Ferreæ* tergemino domuisset lumina somno.
110. *Ferrugineus epitheton rerum infernalium. Ita Virgil.* Cymbam Charontis ferrugineam vocat. Ita ferrugineam frontem Strigi adscribit *Stat. 1. Theb.* De infernali nemore. 2. *Theb. Stat.* Et ferrugineum nemus adstupet. *Claudiam.* de
- Ditis vestimento: Tunc ferrugineo lacrymas deterfit amictu. Nox etiam & omne nocti concolor eo epitheto offertur. *Virg.* de Eclipsi Solis: cum caput obscura nitidum ferrugine texit. Ferrugineum colorem Nonius ceruleum exponit. Et *Stat.* Pythonem ceruleum monstrum vocat. 1. *Theb. Auson. Epist. 24.* Livor ubi ille tuus ferrugineumque venenum.
111. *Fessus. Fessa viscera vocat Claudian.* quæ jam amplius ad partum idonea non sunt, de *Rapt. Prof. 1. 1.* Fessaque post primos hæserunt viscera partus.
112. *Fidus de eo, quod non lædit. Ita Claud. Conf. Mall.* de igne joculari. Fida per innocuas errant incendia turres.
113. *Fidem servare* nitibus Ætna dicitur ap. *Claud. R. P. 1.* quod non ab ignibus ejus liqueceret: quare fumum fidem vocat eodem respectu: fumoque fidei Lambit contiguas innoxia flamma pruinæ. Fideles venti dicuntur, quod suspiria deferant ad amicas. Fideles ager etiam in prosa Ciceroni agnoscitur, lib. 16. ad fam. epist. 17.
114. *Flagellare de crinibus humeros motu pulsantibus, de ramorum collisione.*
115. *Flagrare. Flagrantes arene dicuntur, quibus auri ramenta immiscuntur. Cl. 4. Conf. Hon.* Quis divitis algæ Germina flagrantes inter quæsit arenas?
116. *Florere de lumine & de gemmis, quemadmodum de floribus ardere & incendi dicitur. Stat. 1. Theb.* de atriis cœli: radiant majore sereno Culmina & arcano florentes lumine postes. *Id. lib. 2.* arcano florentes igne smaragdi. *Lucret. Lib. IV.*

Lib. IV. Bina lucernarum *florētia* luminis flammis. *Stat. 1. Theb.* de genis pubescentibus: *Æternum florere* genas. De exercitu *Claud. 3. Conf. Honor.* *Floret* cristatis exercitus undique turmis. Alii legunt, fervet, quod mihi non adeo probatur. *Claud. Conf. Probin.* Licet ære vetusto *florēt*, i. e. imaginibus majorem. *Id. 1. Stilic.* & viridi *floreret* milite fuleus: loquitur de fratribus Cadmaeis. *Id. de Baccho.* crinali *florēs* hedera: ita nos de infulato, *floret* purpurea caput tiara.

117. *Flor* de prima lanugine. *Virgil. lib. 7. Æn.* Tum mihi prima genas vestibat *florē* juvenia. Ita Græci ἀπὸ τῆ ἀνδρὸς barbam nominant ἀνδρὸς ἄνδρως. Sic a Platone dicti ἀνδρῶτες ἐν ἡλικίᾳ, qui incipiunt pubertatem. Ita *Nonius lib. 25. σάκρον ἡλικίης* spicam juventutis dixit. *Pacuv.* Nunc primum opacat *florē* lanugo genas. ubi *Flora* alii legunt. vide *Scal. in Fest.* Sic *Claud. 6. Conf. Honor.* Conspicias cum *florē* genas. *Ibid.* generum *florēte* juvenia. *Id. Conf. Probin.* Ante genas dulces quam *flor* juvenilis inumbret. *Id. 2. Stilic.* purpureo primæ signatus *florē* juvenæ. *Lucan. lib. 6.* Illa genæ *florē* primævo corpore vult. *Calpurnius Ecl. 2.* quoties mollissima tango Ora manu, primique sequor vestigia *floris*, i. e. lanuginis. *Sammonicus Serenus:* & gaudet raptō nudari *florē* pilorum.

Flores dicuntur absolute ornamenta dicendi *Claud. Conf. Mall.* Græjorum obscuras Romanis *floribus* artes irradias. *Panegyrico in Sernam* Carmina dicit *florēs*, quos neque frigore Boreas, nec Sirius urit *Æstibus*, æterno sed veris honore rubentes. Sidera dicuntur *flores*,

& flores sidera apud Poëtas. Ita *Manil.* Tunc conferta licet cæli fulgentia templa Cernere seminibus densis totisque micare *Floribus*. Vid. Buchner. de Comm. dic. ratione pag. 25. & Menag. Observ. in Malherb. poemata p. 146.

118. *Fœdare.* *Claud. 6. Conf. Hon.* Quamvis assiduo noctem *fœdaverat* imbre.
119. *Fœdus* absolute pro nuptiis. *Stat. 2. Theb.* nec plura tuus despexerat Oeneus *Fœdera*.
120. *Formidatum.* *formidatum* clypei lumen *Claud. Conf. Probin.* Et *formidato* clypeus Titana laceffit Lumine.
121. *Frangere* vel *frangi*, pro curvari. Ita *Stat. 2. Theb.* Interiore sinu *frangentia* littora curvat Tænaros.
122. *Fragiles* aquæ, i. e. glacies. *Ovid. lib. 3. Trist.* *fragiles* effodiuntur aquæ.
123. *Frenari*, Venti *frenantur* & undæ Cl.
124. *Frui.* *Frui* pœna, supplicii dicitur, quem delectant cruciatus iontium Cl. *Conf. Mallii:* qui *fruitur* pœna, ferus est. *Id. lib. 1. Rusin.* Crudelibus ante Suppliciiis *fruitur*. Ita *Martial. lib. 8. Epigr. 30.* Mutium Scævola suapte pœna frui dicit, cum urit manum suam: adspicis ut teneat flammæ pœnaque *fruitur* Fortis.
125. *Fulgur* de re quavis splendida. *Claud. 3. Conf. Honor.* galææ nec triste timentem *Fulgur*. *Idem 3. de Rapt.* Cristæ placato *fulgure* vernant, quibus scilicet flores inserti. Ita *Balde* vocat eleganter ahenæ *fulgura* barbæ.
126. *Fulmen* dentibus aprinis tribuitur. *Ovid. Fulmen* ab ore venit. *Stat. 2. Theb.* Erectus setis aduncæ *fulmine* male.

127. *Ful-*

127. *Fulmineus* Claud. 6. Conf. Hon. *Barbara fulmineo* secuit tentoria cursu. *Id* Conf. Mall. *Obvia fulmini* properent ad vulnera pardi, i. e. veloces. *Id*, Conf. Probin. *fulmineis* impellens viribus hostem. *Id*. Stil. 1. *fulmineum* perfrinxit iter.

128. *Fultus* pro comitatus Claud. 4. Conf. Hon. duplici *fultus* consorte redibat. Pro consiliis, Claud. 6. Conf. Hon. solio *fultus* genitoris eburno. Eodem modo vox *subnixus* usurpatur. Claud. l. i. de Rapt. Prof. Ipse rudi *fultus* solio.

129. *Furari*. Virg. *Æn.* 5. Pone caput, fellosoque oculos *furare* labori. Nos in carmine aliquo: Qui sciat obliquis *furari* vela procellis.

130. *Furere* de astris pestilentibus. *Cowlenus*: non acris agri Circumfusa lues cœlumque *furentia*que astra, de immoderato affectu, lætitia &c. Horat. II, od. 7. Dulce mihi *furere* est amico.

131. *Furix* de fluctibus dicuntur, Claud. 3. Consul. Hon. transare sonoras Torren-
tum *furias*. Stat. l. 4. Sylv. 6. v. 84. honestas *furias* vocat fidem Saguntinorum in Romanos, qui maluerunt se ac sua perdere, quam desciscere a sociis. Versa in rabiem fide Florus ait l. 2. c. 6. qui huic pro interpretatione est.

132. *Furtivus* pro occultus. *Rapin.* l. 3. de Hort. *furtivo* lubrica lapsu Unda.

133. *Fusus humo*, i. e. porrectus, jacens. Stat. 1. Theb. *Idem*: *effusa* sub omni Terra atque unda die, i. e. orbis totus ab oriente in occidentem extensus.

G.

134. *Gavifus*. Claud. Conf. Probin. Dominum *gavisa* coronat Terra suum.

135. *Gemere*, pro sono aliquo ingrato, ge-

mitui simili Claud. 3. Conf. Hon. Ignis suisque *gemit* Lipare fumosa cavernis. Quicquid *gemit* unda Ionis, terram intelligit, Claud. Conf. Mall.

136. *Gemitum maris* dixit Florus de navibus reprehensus a Buchn. de comm. dic. rat. p. 28. Frigidus enim Florus in metaphoris est, vide eundem Buchner. ibid. p. 197. Videatur Grævii præfatio in Florum a se editum.

137. *Glauca* inter epitheta Decorum marinorum, & fluvialium. Claud. Conf. Prob. de Tiberino: Illi *glauca* nitent hirsuto vultu.

138. *Gæseo*, Sanie, *gliscit* cutis. Stat. 1. Theb.

139. *Glomerare* de rebus in orbem actis vel condensatis. Virgil. de apibus: magnum mitte, *glomerantur* in orbem. *Idem*: Quam multe *glomerantur* aves, Silius Ital. lib. 3. nives vocat adverlo *glomeratas* turbine. Lucan. lib. 6. *glomerataque* pubes. In sua conversis præceps ruit agmina frenis. De Ætna Claud. Rapt. P. I. quæ tanta cavernas Vis *glomeret*?

140. *Gravatus nube* dicitur dies nebulosus. Claud. R. P. 1. de Ætna. piceaque *gravatum* Fœda nube diem.

H.

141. *Habene* pro regimine. Virg. *Æn.* 6. clas-
sique immisit *habenæ*. Claud. Conf. Prob. Sol, qui flammiferis mundum complexus *habenæ*.

142. *Haurire* de velocissimo itinere usurpatur. Ut enim alias *capere viam* est modicis ire passibus; ita *haurire* est magno impetu magnam viæ partem implere: quemadmodum urnæ magnam aquæ vim uno tractu solent capere. Stat. de Polynece 1. Theb. Incertusque viæ per nigra

nigra silentia vastum *Haurit* iter. Re-
ctius hoc de nave vel homine narante di-
ceretur. *Virg. Georg. 4.* medium Sol
igneus orbem *Hauferat*. *Haurire* pro
occupare. *Virg. Georg. 3.* Exultantiaque
haurit Corda pavor pullans. *Lucret. lib. 5.*
haurire latus pro penetrare: At latera &
ventres *hauribant* subter equorum. *Virg.*
lib. 10. Æn. Per tunicam squalentem au-
ro latus *haurit* apertum. *Lucret. lib. 6.*
de vi venti: Arbusta avolvens radicibus
haurit ab imis. *Lucan. lib. 10.* de amore
dicit: Quis tibi vesani veniam non donet
amoris Antoni, durum cum Casaris *hau-*
ferit ignis Pectus. *Stat. 2. Theb.* de Equo
Neptuni: prior *haurit* arenas Ungula,
postremi solvuntur in æquora pisces. *Id.*
Ibid. singultibus æctum *Exhaurit* thora-
ca dolor. *Claud. 4. Conf. Hon.* terram-
que & stagna propinqui *Haurirent* radii.
& *Conf. Mall.* nitidis quisquis te (Ju-
stitiam) sensibus *haurit*. Apud *Cicero-*
nem est: *mandata exhaurire*, i. e. perficere
tota.

143. *Honestus* perpetuum Poëtarum epithe-
ton. *Virgil. de Baccho.* Circum caput
egit *honestum*. Eodem modo *Horat. II.*
Carm. 1. Audire magnos jam videor duces,
Non indecoro pulvere sordidos. *Stat. 2.*
Theb. tunc ora rigantur *honestis* Imbribus,
id est, Lacrymis virginem decentibus.
Honestæ furie quæ dicantur *Statio*, vid.
Tit. Furie.

144. *Honor* dicitur omne id, quod pretium
rei conciliat, vel eam ornat. *Ita sylvæ*
rum honores Virgilio dicuntur folia. Apud
Stat. Calydonis honos de apro dicitur, *Stat.*
l. 10. hi fertis, hi veris *honore* soluto Ac-
cumulant artus. *Claud. 6. Conf. Hon. de*
Eridano: Non illi madidum vulgaris
arundine crinem Velat *honos*. *Id. Ibid.*

Tomus I.

læta sub imagine pugnae Armorum inno-
cuos paci largitur *honores*: describit hic
choræas armatas, quas vocat armorum in-
nocuos honores. *Id. Paneg. Serena*:
Floribus æterno quos veris *honore* ruben-
tes Fons Aganippæa Permessidos educat
unda.

145. *Horrere* de pilis erectis dicitur. *Sta-*
tius 2. Theb. de Tigride: *Horrui* in ma-
culas, id est, maculosos pilos.

146. *Hospes* novæ auræ, de eo, qui altius
evolat, dicitur *Sarbievio lib. 1. od. 3.* Ibis
sub pedibus pigras Urbes relicturusque
gentes Attonitæ novus *hospes* aura. *Claud.*
4. Conf. Honor. de nova stella: alieni tem-
poris *hospes* Ignis *Hospes* honor, i. e. pere-
grinus. *Claud. 6. Conf. Honor.* quem
non aliena per arva imbuit *hospes* ho-
nor.

147. *Hyems* pro tempestate. *Stat. l. 5.* fer-
ream *hyemem* dicit telorum tempestatem.
Instamus jactu telorum, *ferrea* nimbis
certat *hyems*.

I.

148. *Jactantior*, i. e. majori magnificentia.
Stat. Et septem gemino *jactantior* æthe-
ra pulset Roma jugo. *Claud. 4. Conf.*
Honor. & nota fruitur *jactantior* aula.

149. *Ictus*. *Stat. th. 1.* vario strepit *icta* tu-
multu Regia.

150. *Jejunia* pro inopia. *Lucan. l. 4. v. 332.*
Undæ *jejunia* dixit, pro aquæ inopia & siti,
reprehensus a Buchn. de Comm. dic. rat.
p. 190.

151. *Ignescunt* spumis equorum frena. *Claud.*
2. Ruf. spumis *ignescere* frena. *Stat. lib. 6.*
spumisque & sanguine ferrum *Uritur*.

Mm m m

Claud.

Claud. 4. Conf. Hon. Ignescunt patulae nares: de equo dicitur.

les epulas & rupe relicta Gætulo comes ire patri.

152. De *Ignē* omnia dicunt veteres Poëtae, quæ vivo animali conveniunt. Dicitur mori, vivere, nasci, extinguere, bibere, edere, trepidare, nectare, vorare, dormire, sopire, excitari, lambere, ali, pasci, nutrirī &c. Vid. exempla congerentem Barth. comm. in 1. Theb. p. 174. *Ignis* dicitur fulgor gemmarum. *Stat. 2. Theb.* arcano florentes igne smaragdos. *Claud. 4. Conf. Honor.* fulgor Iberus Temperat arcanis Hyacinthi cæcula flammis. *Id. ibid.* quis miscuit ignes Sidonii rubrique maris. *Id. 2. de laud. Stilic.* Et vario lapidum distinctas igne coronas. *Id. 6. Conf. Hon.* acies superet igne metalli. Pro amore *Idem, laud. Stilic. 1.* ignesque mariti Vincit cura Patris.

153. *Illabi* usitatissima Poëtis vox: eleganter dicitur de influxu siderum & de Diis. *Claud. 3. de Rapt. de Iride.* Illa colorato Zephyris illapsa volatu.

154. *Illaudatus.* Busiris illaudatus Virgilio dicitur. Inepte hoc in Virgilio reprehendit stultissimus Censor Verdierius in Censura antiquorum Autorum p. 50.

155. *Imago jocosa*, i. e. Echo. *Horat. I. od. 12.* cujus recinet jocosa Nomen imago? *Id. od. 20. lib. 1.* ut paterni Fluminis ripæ, simul & *jocosa* Redderet laudes tibi Vaticani Montis imago. Male reprehenditur a Scaligero hic Horatius.

156. *Imbellis*, est, bello contrarius. Ita imbellis oliva *Valer. Flacco* dicitur, *Horatio* imbellis cithara, quæ pacis laudes canit. *Imbellis epula ap. Claud. 3. Consul. Honor.* dicuntur, quibus catulus leonis nondum prædæ aptus vescitur. Jam negat imbel-

157. *Imber* vox ad multa transfertur. *Virg. Æn. 12.* Tempestas telorum ac ferreus ingruit imber: ad *Ennii* imitationem *lib. 8. Ænal.* Hastati spargunt hastas, sit ferreus imber. *Nom. lib. 22.* ἐμβρεὲς ἐὶς τὸν imber sagittarum, *Stat.* Ducat nubila Juppiter per orbem, Et latis pluvias minetur agris, Dum nostri Jovis hi ferantur imbres. *Idem 1. Theb.* vocat putres sanguineo imbre genas, quæ sanguine ex vulneribus stillante maculatæ erant. *Claud. Conf. Probin.* Sed largior imbre Sueverat innumeras hominum ditare catervas. *Id.* denso currentia munera nimbo.

158. *Immori velis* ventus eleganter dicitur, quando desinit tempestas. *Stat. 1. Theb.* ventis ut decertata residunt Æquora, laxatisque diu tamen aura superstes Immoritur velis.

159. *Impellere, impulsus.* *Stat. Achill. 1.* fax vibrata medullis In vultus atque ora redit lucemque genarum Tingit, & impulsam tenui sudore pererrat. *Id. 2. Theb.* Ipse etiam gaudens nemorosa per avia fanas Impulerat matres Baccho meliore Cythæron. Vid. *ferire, ictus.* *Claud. Conf. Prob.* Collesque canoris Plausibus impulsæ septena voce resultant. *Id. de Rapt. Prof. II.* Impulit Ionios præmissis lumine fluctus Nondum pura dies.

160. *Implere patrias galeas*, i. e. pace, robore & ætate accrescente. *Claud. 4. Conf. Hon.* Jam patrias implet galeas, jam cornus avita Tentatur. *Stat. lib. 8. de filio Regis Parth.* Sumere tunc arcus ipsumque onerare videtur Patris equum, visusque sibi nec sceptræ capaci Sustainere manu, nec adhuc implere

implere tiam. *Idem* lib. 9. silvestria cuius Nondum tela procaz arcumque *implere* valebas.

161. *Improbis* pro immodicus, ut *improbis labor*, apud Virgil. Valer. Flaccus lib. 6. *improba* barbaricæ procurrunt tegmina plantæ, i. e. calcei modum pedis excedentes, non purpurei, ut quidam volunt: nam ap. Senecam *improbi coloris* lacernæ, non purpureæ tantum intelligendæ sunt; sed quæ purpura præstantiore & colore magis saturo tinctæ sunt. *Idem improba arva* alibi vocat invidendæ fertilitatis. Plura de ea voce vide ap. Gronov. de Sestert. lib. 4. c. 8. p. 688. & 689. Martialis. 1.3. *Improba* nec profunt jam satreja tibi.

162. *Inane*, i. e. inanimatum. Stat. 1. Theb. *Inane vulgus*, h. e. Manes, vid. Vacuus.

163. *Incondere* & *incendi* variis rebus attribuitur a Poëtis. Prata dicuntur *incendi* coloribus de contagio pestifero. Stat. 1. Thebaid. superjecto nebularum *incendit* amictu, ad exprimendam celeritatem contagii.

164. *Incertus*. Quale per *incertam lunam* sub luce maligna Est iter in sylvis, Virg. Æn. 6. *dubiam* alii dicunt.

165. *Incestare* Poëtis usurpatur pro pollutione quæcunque. Ita Virgil. lib. 6. toramque *incestat* funere classem. Stat. 5. Silv. quas *incestavimus* aras, Id. 2. Theb. Illas ut summo vidit Pater almus olympo *Incestare* diem trepidumque Hyperionis orbem Suffundi maculis. Claud. Conf. Mall. non Latios *incestant* nomina fastos.

166. *Inclementia*. Claud. Rapt. Prof. 1. de Plutone: Diræ riget *inclementia* formæ.

167. *Indigena*. Claud. Rapt. P. 1. de Ætna: nunc vomit *indigenas* nimbos, i. e. ex se ortos.

168. *Indignari*, i. e. recusare, detrectare. Claud. 4. Conf. Honor. de Pegaso: melioraque pondere passus Bellerophonæas *indignaretur* habenas. Id. Conf. Probin. Plaustro jam rara intermicat Arctos *Indignata* tegi, scil. a Luna lucente. Id. 1. Rapt. P. hinc *dedignata* teneri Concutit objectum rabies Tyrrhena Pelorum Stat. 9. Theb. cuius cum mollia signa Militiamque truce[m] sexum *indignata* frequento. Id. lib. 8. accipit ille preces, *indignatusque* moveri. Id. lib. 10. quorum post funera mæsti Vitam *indignantur*. ibid. insignemque animam mucrone corusco *Dedignantem* artus pridem &c.

Indignatus, Virg. 8. Æn. Pontem *indignatus* Araxes. Ita *unda indignata* terris dicitur, Stat. 1. Theb. *indignata* sequi torquentem cornua Mithram. Id. 2. Theb. non *indignati* miserum dixisse parentem Oedipodem. *Indignans* pro invito. Claud. 4. Conf. Honor. patrio mentem furatus Olympo Continuit claustris, *indignantemque* revinxit. Id. 6. Conf. Honor. atque indignantes in iura redegerat Arctos.

169. *Induere* pro aliam formam acquirere, vel etiam alios mores assumere. Virgil. cum se nux plurima sylvis *induit* in florem. Stat. Sylv. 1. Nec tantum *induerint* satis nova secula crimen. Id. Theb. 8. Cornipedes flammantur in hostem Corpora ceu mixti Dominis, irasque sedentem *Induerint*. Claud. 4. Conf. Hon. Auspiciis iterum sese regalibus annus *Induit*. Id. 3. Conf. Honor. *Indue* mente Patrem. Id. Conf. Probin. cum floribus

Mm mm 2

- ribus æquora vernis Bosphorus indueret. *Lucan. lib. 7.* nunquam tanto se vulsere cælum *Induit. Homer. Odyss. 13. & 19.* ἔρος κατὰείμενεν ὕλη mons indutus sylva. Pari modo uilius *Plin. Paneg. Trajani.* Ægyptus tantis segetibus induebatur. *Symmachus ep. 52. lib. 1.* rosas humo exiit.
170. *Inermis Orion* dicitur cum dubia luce fulget. *Claud. Conf. Probin.*
171. *Iners vulgus Avernii*, i. e. manes apud Claudian.
172. *Infamis*, perpetuum Poëtarum epitheton rei, quæ ob causas aliquas in reprehensionem & odium incurrit, Ita *infames scopuli Horat.* ob crebra naufragia, *Infames aquæ* ob suffocationem multorum. *Infames Scyrone* Petræ *Stat. 1. Theb.* ob latrocinia a Scyrone patrata. *Claud. Bell. Gildon.* infanos infamat navita montes. Eodem modo illaudatus, inglorius.
173. *Infelix pro tristi*, inauspicato, damnato. *Claudian. 4. Conf. Honor.* Non infelices tabula.
174. *Inflammare. Claud. Stilic. 1.* pretio manus inflammata, i. e. donis corrupta.
175. *Infundi pro applicari. Ovid. Ep. 2. v. 93.* de amplexu: colloque infusus amantis.
176. *Inglorius epitheton*, quod Poëtis frequenter usurpatur. Ita *Stat. lib. 9. Ingloria cassis* dicitur cristis orbata. Eodem modo per σέσηνον multa concipiuntur Poëtarum epitheta. Ita ap. *Virgil. illaudatus Buisiris*, inamabilis Styx, ita indecorus, quæ suis locis vide *Macrob. Sat. 1. 6. c. 7.* Non indecoro pulvere sordidos, *Horat. l. II. od. 1.*
177. *Ingratus de agro, Mart. l. 10. Epigr. 47.* Non ingratus ager, focus perennis.
178. *Inherrescere.* Singularis gratiæ vox apud Poëtas, suavem concussionem cum leni fibilo denotans. *Virg. Georg. 1.* de aristis: spicea jam campis cum mæssis inborruit. *Id. Æn. 3.* Inborruit unda tenebris. *Horat. l. od. 13.* seu mobilibus veris inborruit Adventus foliis *Stat. 1. Theb.* de Mercurio volante: tenuique exceptus inborruit aura. *Claud. Conf. Probin.* inborruit atrum Majestate nemus.
179. *Iniquus. Virg. lib. 7. Æn.* plaga solis iniqui; h. e. Zona torrida.
180. *Injussus*, i. e. sponte, *Virg. 1. Georg. Injussa* virescunt Gramina.
181. *Innocuus pro illæsus. Virg. lib. 10. & sedere carinæ Omnes innocuæ?* ubi *Servius*, innocuus primo est, cui non nocetur. *Claud. 4. Conf. Honor.* subita cum luce comarum *Innocuus* flagraret apex. *Id. Conf. Mall.* de igne joculari. Fida per innocuas errent incendia turres.
182. *Insidi astris* dicitur mons editus. *Stat. 2. Theb.* Stat sublimis apex, ventosque imbresque serenus Despicit, & tantum fessis insiditur astris.
183. *Interficere pro perdere, Virg. 4. Georg.* Fer stabulis inimicum ignem, atque interfice mæsses.
184. *Invalidum venenum. Claud. Conf. Mallii.* Laceris morientes crinibus hydri Lambunt invalido furiarum vincla veneno.
185. *Inumbrare* de prima lanugine eleganter dicitur. *Claud. Conf. Probin.* Ante genas dulces quam flos juvenilis inumbret.
186. *Ira fulvi Leonis*, dicitur Sydus Leonis

ad

ad rubrum colorem accedens. Ita Claud. Conf. Probin. dicit, quod luna lucente fulvileonis ira pereat. Id. Rapt. P. 1. Despicit Ionias protentis rupibus iras, i. e. tempestates.

Irata terra unda dicitur, quod fluctibus suis alluit. Stat. 2. Theb. irataque terra Curva Palæmonio secluditur unda Lechæo.

Iratus dicitur Draco textilis exercitui prælatus & a venso actus. Claud. 3. Conf. Hon. Iratus stimulae noto. Irati vultus Lunæ dicuntur, cum rubet. Claud. 4. Conf. Honor. Decolor iratos attollat Cynthia vultus.

187. Irradiare de floribus, quibus aliquid ornatur. Claud. Conf. Mall. Romanis floribus arces Irradias.

188. *Jubar* Serenitatem Solis passim apud Poëtas notat. vid. Barth. in 1. Theb. v. 343.

189. *Jupiter* pro tempestate Virg. Georg. 2. Et jam maturis metuendus Jupiter uvis. Hor. lib. 1. Od. 22. Quod latus mundi nebulae malusque Jupiter urget. Juvenal. Sat. 5. fremeret sæva cum grandine vermis Jupiter. Stat. 2. Theb. per imbres Fulminibus mixtos intemptumque Tonantem. Id. 10. Theb. Sic ubi nocturnum tonitru malus æthera frangit Jupiter. Claud. 1. in Eutrop. nimboque minacem Sanguineo rubuisse Jovem.

190. *Jussus*. Plin. Cæcil. de cera lib. 7. Ep. 9. Ut laus est Cera, mollis facilisque sequatur. Si doctos digitos jussaque fiat opus.

191. *Juvari* dicuntur flumina a sanguine exforum hominum. Claud. 3. Conf. Hon. frigidus amnis Mutatis fumavit aquis turbaque cadentum Staret, ni rapidus juvisset flumina sanguis.

192. *Juvenescere* de opere exstructo. Claud.

6. Conf. Honor. cinctosque cœgit Septem continuo montes juvenescere muro.

193. *Juventus* de animalibus etiam dicitur: ita pennata juvenus de apibus apud Sautel. Juvenile pro magno, violento. Stat. lib. 1. Sylv. Curm. 4. & subiti præceps juvenile pericli. Ita Græci νεανίης pro violento & magno. V. Buchner. de C. D. R. p. 305. Galli quoque eo modo loquuntur. Malherbe mes jeunes desirs. Vid. Menagii observat. in Malherbe p. 390.

L.

194. *Labi* dicuntur cælestes. Virgil. Æn. 3. Ac subitæ horribilo lapsu de montibus adsunt Harpyiæ. Stat. 2. Theb. supero si cardine lapsæ Pallas &c. Lapsus pro volatu, Valer. Flacc. lib. 1. Accipere Deæ celerique per æra lapsu Diverfas petiere vias. Idem: Ecce autem molli Zephyros descendere lapsu Adspiciunt. Stat. Sylv. lib. 1. uia turba relicto Labetur cælo. Lucr. Lib. 6. de fulmine: & celeri ferme pergunt se fulmina lapsu. Claud. Conf. Probin. lapsu protinus uno, Quem poscunt, retigere locum, vid. allabi. Id. Rapt. P. 2. serpentibus Triptolemi lapsum adscribit: lapsuque sereno erecti. Labi quoque de stellis usurpatur. Virgil. Vos, quæ labentem ducitis annum Sidera.

195. *Labor* apud Poëtas de virtute bellica signate dicitur. Virgil. Disce puer virtutem ex me verumque laborem. Fortunam ex aliis. Valer. Flacc. l. 8. Atgon. Concipit optatum decus extremumque laborem Ælonides. Claud. laud. Stil. 1. An gelidam Thracen decertatosque labores, Hebro teste, canam. Id. 1. in Eutrop. in mercem veniunt Cilices, Judæa, Sophæ-

Mm mm 3

Sophene, Romanusque labor, Pompejani-
que triumphii. De liberis dicitur *uteri la-
bor* apud Claud. 1. de Rapt. Prof. tibi gaudia
nostri Sanguinis, & caros uteri commendo
labores.

196. *Lacessio*. Virgil. l. 6. atque fulgent
Sole *lacessis* i. e. repercussa. Horat. qui-
cunque Bithyna, *Lacessit* Carpathium pe-
lagus carina, vid. sollicitare, Claud. Rapt.
P. 1. de Aetna, motibus altra *lacessit*. Id. Conf.
Probin. Et formidato Clypeus Titana *la-
cessu* Lumine. vide Tentare.

197. *Letare* generale Poëtarum epitheton,
cum describunt rem jucundam, gratam,
acceptam, uti vice versa epitheton *tristis*
omnia contraria significat. Gratius Cyn-
getico: *Letas* venantibus artes, i. e. acce-
ptas. Sil. Italicus, lib. 1. At Pœni succensi
ira turbataque luctu Et sevis gens *leta*
ruunt. Valer. Flaccus l. 1. Instat fama
viri virtusque haud *leta* tyranno. Stat.
2. Theb. Exulibus quanquam patriaque fu-
gatis Nondum *leta* Venus. Ibid. te *le-
tum* descendere regno justius fuit, i. e. non
invitum, vid. Gavius. Ap. Claud. Pluto
ad Jovem: cum te *letissimus* ornet Signi-
fer. Idem Epithal. Palladii: quæ *letissi-
mus* urbi Sanguis erat. Virg. Quid faciat
letas segetes.

198. *Levis* pro inauspicato, tristi. Ita Virg.
de Sirio: *Levo* contristat lumine cælum.
Stat. 1. Theb. de peste: quis ab æthere *levis*
Ignis.

199. *Lambere*. Eleganter Virgil. de Aetna
ignivomo: Artollitque globos flammaram
& sidera *lambit*, Aen. 3. Horat. l. 1. od. 22. de
levi tactu: quæ loca fabulosus *Lambit*
Hydaspes. Claud. Conf. Probin. de Bello
Apollinem excipiente: tunc insula notos
Lambit amica pedes. Verum elegantius

de aquis & ventis dicitur, quam de terra:
est enim in iis quidam motus, quo quasi
lambere videntur, qui non est in terra.
Sartiev. l. 1. od. 7. Quod vexant hodie
noti, Cras *lambent* hilares æquor Etesia.

200. *Lascivi* vocantur *lambi* ad ludum instru-
cti. Claud. Conf. Mall. *Lascivi* subito con-
fligant aequore *lambi*.

Lascivire dicitur *galca* fertis coronata.
Claud. 2. Rapt. P. Ferratus *lascivit* apex
horrorque recessit Martius.

201. *Lassus mons* dicitur, qui jam ad plani-
tiem inclinat. Stat. 1. Theb. quam molle
sedens in plana Cytheron Porrigitur *las-
sumque* inclinat ad æthera montem. De
sanguine. Stat. l. 2. v. 669. Membra ne-
gant *lassusque* ferit præcordia sanguis.

202. *Late* particula Poëtis usitata. Virgil.
loca nocte silentia *late*. Vide plurima in
Indice Erythraei.

203. *Latrare* dicuntur *maria* Cl. Rapt. 1.
Hinc *latras* Getula Thetys.

Latrans pro cane; *laniger* pro ariete;
auritus pro lepore; *hinniens* pro equo:
Vide Buchn. de C. D. R. p. 79.

204. *Laxare*. Claud. Conf. Probin. trepidas
laxaverat Alpes Augustus.

205. *Levantes res* dicuntur prospera fortu-
na. Claud. Conf. Prob. nunquamque *levan-
tibus* alte Intumuit rebus.

206. *Libra animi cunctantis*, i. e. prudentia
rerum momenta librans. Claud. Stil. 1. v. 75.
vide Barth.

207. *Luctari*. Virg. Cum venti posuere omnis-
que repente cecidit Flatus, & in lenro *lu-
ctantur* marmore tonse. Monconus carm.
in Gass. de lucerna: pinguique natans lu-
ctatur olivo Fomes.

208. *Lu-*

208. *Ludere* de luce & radiis auroræ. *Cl. de R. P. 2.* errantes *ludent* per cæcula flammæ. *Græc.* vocem *spielen* eodem modo usurpant.
209. *Lumen*: formidatum clypei lumen. *Claud. Conf. Probin.* Et *formidato* clypeus *Titana* læcessit *lumine*.
210. *Lunare* curvare est. *Lunatam frontem* vocat *Claud. Rapt. Prof. 1.* cornua gerentem. Nec non *lunata* curvavit germina *frontis*.
211. *Lux*. *Stat. 1. 6. Theb.* Qualis *Bistonius* clypeus *Mavortis* in arvis *Luce* mala *Pangæa* furit. *Id. lib. 12.* campumque *trucem lux* *cuspidis* implet. *Id. Achill. 1.* fax vibrata *medullis* In vultus atque ora redit *lucemque* *genarum* *Tingit*, & *impulsam* tenui *sudore* pererrat.

M.

212. *Madidum aurum* dicitur, quod e *Tago* & *Beti* depromitur. *Claud. Conf. Mall.* qui splendida potat stagna *Tagi* *madidoque* intus conspergitur *auro*.
213. *Magister, Magistra*, pro epithetis interdum adhibentur. Ita *lucem* *magistram* dicit *Claud. præfat. 3. Conf. Hon.* ad quam aquila pullorum suorum indolem explorat: Consulit ardentem radios & *lucem* *magistra* *Notarum* vires ingeniumque probat.
214. *Malignus* de re quavis periculosa. *Virg. lib. 11.* Angustæque ferunt fauces *aditusque* *maligni*. *Id. lib. 6.* Quale per incertam *silvam* sub *lucem* *maligna* Est iter. Ibi per *lucem* *malignam* intelligit *dubiam*, cui credi non potest. Ita *fatuos ignes* posses *lucem* *malignam* vocare. *Martial. lib. 12. Epigr. 56.* Nec sint *basia* multa nec *maligna*, i. e. quæ dente impresso fiunt.
- vel lasciva. *Stat. 1. Theb.* de vadis periculosis: jam jamque aut *saxa* *malignis* *Expectat* *submersa* *vadis*. *Id. 2. Theb.* gemini *procul* *Urbe* *malignis* *Faucibus* *urgentur* *colles*. *Id. Silv. 4. 3.* Sorbebatque *rotas* *maligna* *tellus* *Phæd.* *maligna* *scider*.
215. *Malus*. *Mala lux* clypei dicitur *Stat. Theb. 6.* vid. *Lux*.
216. *Mansurus* pro æternus. *Claud. 4. Conf. Honor.* Hinc natis *mansura* *fides*. *Id. de Conf. Mall.* *Publica* *mansuris* *testantur* *vocibus* *æra*.
217. *Marmor* vocatur mare placidum. *Virg.* Cum venti posuere, omnisque repente *resedit* *flatus*, & in *lento* *luctantur* *marmore* *tonse*.
218. *Melior*. *Claud. 3. Conf. Honor.* *melioris* *secla* *metalli*, i. e. *aurea*. *Id. 4. Conf. Honor.* *rediiit* *meliore* *magistro*, *Machina* *concentusque* *poli*. *Ibid. de Pegaso*: *melioraque* *pondera* *passus* *Bellerophon* *traxas* *indignaretur* *habenæ* *Baccho* *meliore*, *Statius* *luto* *meliore*.
219. *Memor*. *Horat.* *Cadum* *Marci* *memorem* *duelli*.
220. *Mendax fundus* *Horat. III. Carmin. 1.* Non *verberatæ* *grandine* *vineæ* *Fundusque* *mendax*. Eadem *metaphora* dicit *III. od. 16.* & *segetis* *certa* *fides* *meæ*. *Fidelis* *ager* *Cic. Ep. 17. l. 16.* ad *Fam.* ad *Tyronem*.
221. *Mentiri* de re picta, sculpta, texta. *Sidenius de Dracone* *textili* *exercitui* *prælato*: *patulo* *mentitur* *hiatu* *Iratham* *pictura* *famem*. *De cod. Claudian. 3.* *Consulat.* *Honor.* *multusque* *tumer* per *nubila* *serpens* *Iratus* *Simulante* *noto*, *vivique* *receptis* *flatibus*, & *vario* *mentitur* *sibila* *tractu*. *Mentiri* pro *fallere*. *Claud.*

- Claud. 4. Conf. Hon.* quam felix arcus certique petitor Vulneris, & iustum *mentiri* nefcius *ictum*. *Id. Conf. Probin.* sed perfida tantum Augusto geminisque *fidem mentita* tyrannis: loquitur de Alpibus, qui Eugenium ejusque magistrum quidem admiserunt, non transmiserunt. *Et Stil. 1.* Et Gir notissimus amnis Æthiopum simili *mentitus* gurgite Nilum. *Ino.* de flore protuberante: ocius emergit viridem *mentita smaragdum* Gemma solo.
222. *Messis* dicuntur *fratres Cadmei*. *Cl. Stili. 1.* Dircaei qualis in arvis *Messis* cum proprio mox bellatura colono.
223. *Metalli melioris secula*, i. e. aurea. *Claud. Conf. Hon. Id. Conf. Mallii:* ductos video mores *meliore metallo*.
224. *Minari*. *Virg.* Geminique minantur in cælum scopuli *Stat. de Orione:* Magnus quanto mucrone *minatur* Noctibus hybernis & sidera terret Orion. *Id. lib. 4.* rabidi cum colla *minantia* monstri Augent. *Id.* Ducat nubila Jupiter per orbem, Et latis pluvias *minetur* agris *Flumina minari* dicuntur *diluvia*. *Claud. Conf. Mall.* Torrentes immane fremant lapsisque *minentur* Pontibus. *Id. Conf. Prob.* pariterque *minantes* Ardua turrigeræ surgunt in culmina ripæ. *Id. Stil. 1.* Contraque *minantia* fata Pervigil. *Minax unda* Horat. l. 1. od. 12.
225. *Mitescere* dicitur *galea*, quæ sertis coronatur. *Claud. 3. de Rapt.* Infolitisque docet *galeam mitescere* sertis. *Mitis flamma*, quæ non lædit. *Sil. lib. 16.* Crispamque involvere visa est *Mitis flamma* comam.
226. *Moderari* de cingulo dicit *Sarbiev. 1. od. 4.* Gemmea vestem *moderare* zona. *Modestus* de flamma non lædente. *Ignis modestus Sautel:* Dumque pias reprimit *miranda modestia* flammæ.
227. *Molle* pro tenui. *Virgil.* Tunc agripingues tunc & *mollissima* vina. *Calpurn. Eclog. 2.* quoties *mollissima* tango *Ora* manu, i. e. lanugine destituta. *Mollis* epitheton fluviorum. *Virgil.* ibat jam *mollior* undis *Euphrates*. *Menagius* Observ. in *Malh. p. 395.*
- Mollire*. *Claud. 4. Conf. Hon.* Quæ tantum digitis potuit *mollire* rigorem *Ambitiosa* colus? loquitur de tapetibus acupictis. *Id. Conf. Mall.* duras fuleis *mollire* novales, i. e. arare. *Id. Conf. Probin.* Nam neque *caesariem* crinali stringere cultu Colla, nec ornatu patitur *mollire* recorto.
228. *Mordax*. Quid rosa purpureos *spina* mordacis amictus Ostentare juvat?
- Mordere*. *Claud. Conf. Probin.* Laxumque coërens *Mordens* gemma sinum, i. e. quasi fibula connectit.
229. *Mori* de rebus inanimatis *Claud. Conf. Probin.* de arundine: Quam neque fas *Zephyris* frangi nec Sole perustam *Æstivo candore* *mori*.
230. *Movere secum vel animo*, i. e. deliberare *Virgil.* Multa *movens* magno curarum fluctuat æstu. *Stat. 2. Theb.* quæ sint generis adscita repertis *Fata* *moveret*.

N.

231. *Natare lumina* dicuntur in agone mortis vel somno. *Virg. Georg. IV.* iterum crudeli retro *Fata* vocant, conditque *natantia lumina* somnus. *Natare umbra* dicitur, quæ vespertino tempore ponto incubat. *Stat. 2. Theb.* Ast ubi prona dies longo super æquora fines Exigit, atque ingens *medionatat umbra* profundo. *Stat. 1. Achillid.* niveo
natare

- natat ignis in ore Purpureus fulvoque niter coma gratior aura: duriusculum est, quod hic de rubore dicitur, nec satis exprimit vox nitere.*
232. *Nescire pro nolle, non posse. Stat. 9. Theb. Liber amat campus, & nescit in astra reverti.*
233. *Nihil pro penitus non Stat. lib. 9. More nihil Grajo. Id. lib. 7. Monitus iramque parentis Ede nihil parcens. Ibid. quippe nihil grassata fames. Id. lib. 3. Th. extremam nihil horrescentia mortem Pectora. Id. lib. 2. Theb. capto postquam nihil obstar amori Pœna. Id. 1. Sylv. Vestes nihil tectæ. Claud. de Conf. Mall. Nil op's externa cupiens.*
234. *Nimbus. Nimbi Cilicium pro balsamis. Martial. lib. 1. epigr. 3. Et Cilices nimbis hic maduere suis. Claudian. 2. Rufin. pulveris extolli nimbos. Id. Conf. Prob. denso currentia munera nimbo. De telis Stat. lib. 5. Theb. Instamus jactu telorum & ferrea nimbis Certat hyems. Lucan. lib. 4. telorum nimbo peritura. Id. alibi: crebroque simillima nimbo Trans ripam validi torserunt tela lacerti. Claud. 1. Stil. Non equitum nimbos Latiis obfistere pilis.*
235. *Nimius. Claud. Stil. 1. Et quos interior nimio plaga Sole relegat: describit Zonam torridam, quæ credebatur inhabitabilis.*
236. *Nitidi sensus, i. e. defsecatus intellectus. Claud. Conf. Mall. nitidis quisquis te (justitiam) sensibus haurit.*
237. *Nives Capitis Horat. II. o. d. 13. Carm. pro canitie dixit, reprehensus ideo Quintiliano. lib. 8. Instit. Orat. sed defensus a Vossio Inst. Orat. lib. 4. p. 101.*
238. *Nocens. Claud. 3. Conf. Hon. flammamque nocentem Gradivi, i. e. sidus Martis.*
239. *Nuber. Varie hac voce utuntur Poëte. Stat. 2. Theb. absolute pro curis & cogitationibus posuit: talem sub pulvere nubem Consilio volvens. Aus. nubem veterani dicit. Valer. Flacc. 1. 3. nubem meri vocat ebrietatem. Ita nubes telorum, jaculorum, arena, pulveris dicitur frequentissime Poëtis, & omnem confusam copiam denotat. Ita Sil. lib. 9. telorum nubem & lib. 2. telorum nubens. Lucan. 1. 2. cœca telorum in nube. Claud. Bell. Get. Nubes timoris placet. Id. Conf. Probin. nec ignota rapier sub nube vetustas. Id. Stil. 1. quod nube soporis Immunes oculi. Hom. 4. Il. νεφέων nubem pedatum appellat.*

O.

240. *Oblivisci de re inanimata. Virg. Georg. 2. Pomaque ingenerant succos oblita priores. Colum. Ambrosios præbent succos oblita nocendi.*
241. *Obluctata polo sidera Cl. Conf. Mall.*
242. *Obstetrix. Brun. Eloq. Poët. part. 1. p. 104. Huc Zephyris celeres, huc obstetricibus auris Dum ridet tellus.*
243. *Obtexere. Claud. Stilic. 1. Jaculis obtexitur ather. Virg. II. Æn. cælumque obtexitur umbra.*
244. *Obtundere. Claud. Conf. Mall. Clemencia tristes Obtundit gladios.*
245. *Occurrere cælo pro erigi. Stat. 1. Theb. de monte, qua plurimus arce Cytharon Occurrit cælo.*
246. *Opacus pro cæcus: Stat. 2. Theb. opacos Tirelæ vultus.*
247. *Opifex dicitur timor, qui in causa fuit, quod exstruerentur mœnia. Claud. 6. Conf. Hon. Profecitque opifex decori timor.*
248. *Opulentia lingue, i. e. eloquentia. Cl. de Consulatu Mallii.*

N n n n

249. Os

249. *Os de flore. Inc. Referato captat amicum Ore diem. Nos labella alibi diximus.*

P.

250. *Pallere. Virgil. pallentes ruminat verbas. Id. Eclog. 3. Diffusos hedera vestit pallente corymbos. Gaudia pallere dicuntur post superata magna pericula. Stat. 1. Theb. Magnaque post lacrymas etiamnum gaudia pallent. Claud. Conf. Probin. Pallentes herbis thalamos vocat Tiberini thalamos musco obfritos.*

Pallor. Auroræ dicitur Statio, cum diluculum incipit. 2. Theb. lib. Utque toris primo complexa jacebat Aurora pallore virum.

251. *Parturio. Horat. Notus neque parturit imbres. Claud. Conf. Mall. Parturit innumeros angusto pectore mundos.*

252. *Pater pro paterno affectu. Claud. 3. Conf. Honor. Indue mente Patrem. Id. 4. Conf. Honor. quantus in ore Pater radiat, i. e. Patris effigies. Pater etiam usurpatur pro patrimonio Alberto ab Iuc. od. 19. Alter penates, alter & integrum In poculorum naufragio patrem Immerfit.*

253. *Pati. Claud. 4. Conf. Honor. de Pegaso: Ipse tibi famulas præberet Pegasus alas Portaretque libens, melioraque pondera passus Bellerophonæas indignaretur habenas.*

254. *Pauper pro raro. Virg. Æn. 12. Pauperibus caulem foliis.*

255. *Pendere Virgilio capra dicuntur, quæ pascuntur in montibus. Stat. 2. Theb. is pendere dicitur, qui in montis clivo ambulat: hinc arcto scopuloso in limite pendens. Stat. ibid. quoque de ætate illa, quæ ad senium inclinat, usurpat: magna cui sobria curis Pendebat somno jam deterio-*

re senectus. De currente Parthenopao Stat. lib. 6. Raraque non fracto vestigia pulvere pendent. Hinc Pendula vestigia dicit Claud. Conf. Mall. quæ in aëre facit funambulus: Pendula librato figit vestigia saltu. Id. Conf. Probin. His neque per dubium pendet fortuna pavorem. (Mallem ego hic favorem, legeret.) Avienus de navigante: Incerto penderet sæpe profundo; non adeo eleganter, ut ego puto.

256. *Perfidus. Perfida examina apum vocat Claud. 6. Conf. Honor. quæ alvearia migrarunt; solitaque oblita latebræ Perfida deploret vacuis examina ceris.*

257. *Perfundere. Stat. de Fama 2. Theb. totis perfundit mœnia penis.*

258. *Persona ponuntur pro ipsi officiis, ut ap. Claud. Conf. Mall. An tibi continuis crevit fiducia caltris, Totaque jam vatis petora miles habet? i. e. an militare studium poetica studia expulit?*

259. *Piger orbis, i. e. Arctous. Claud. 4. Conf. Honor. pigra palus.*

260. *Pigritia pro honesto otio. Martial. l. 13. Epigr. 4. Tu das ingenuæ jus mihi pigritia.*

261. *Pingere pro exornare. Virg. Eclog. 2. v. 50. Mollea luteola pingit vaccinia caltha: cujus versus elegantiam singularem examinat Buchn. de Comm. Dic. Rat. p. 46.*

262. *Pius frequentissimum Poëtis epitheton. Virg. Pius Æneas. Stat. 1. Theb. de Virgine: Mira decore pio. Claud. 3. Conf. Hon. Velaretque pios communis laurea currus. i. e. currus triumphales. Id. 4. Conf. Honor. Splendebatque pio complexus pignora curru. Id. 6. Conf. Honor. Circum membra rotat doctus purganda sacerdos, Rore pio spargens. Ibid. mediumque per hostem Flammatas virtute pia. Id. de Conf.*

- Conf. Mall. æthereos signantem in pulvere currus, quos pia sollicito deprendit pollice Memphis.*
- Avienus: pia voluntur cornua Nili. Paulinus piani columbam vocat. Sautel. pias flammæ vocat, quæ non lædunt: dumque pias reprimit miranda modestia flammæ.*
263. *Placatus. Cristæ placato fulgore vernant. Claud. 3. de Raptu Proserp.*
264. *Pleiades imbrum effectrices pro ipsis imbris. Valer. Flacc. l. 5. Qualiter ex alta cum Jupiter arce coruscet Pleiades ille movens mistumque sonoris imbre. Stat. 1. Theb. Et plaga lucida cæli Pleiadum Boreæque & hiulci fulminis experta. Qui per Pleiades alia hic intelligunt interpretes, nugantur ad unum omnes.*
265. *Plurimus. Ea voce sæpe utuntur Poëtæ in re longa, edita, proluxa. Stat. 1. Theb. de monte: qua plurimus arce Cytharon Occurrit Cælo.*
266. *Pondus pro illo, qui equo infidet. Claud. 4. Conf. Honor. de Pegaso: melioraque pondere passus. Stat. Sylv. l. 1. Bistonius portat sonipes magnoque superbit Pondere.*
267. *Populari. Claud. Rapt. P. 1. de vento: Putrida multivagis populatur flatibus antra. Ita de amore: populatur flamma medullas, ovium populari vellera.*
268. *Populus astrorum: Capella, sed frigide, v. Buchn. p. 198.*
269. *Porrigere se dicuntur montes.*
270. *Præcipitant curæ. Virgil. lib. II. Sociis dare tempus humandis. Præcipitant curæ. Stat. Theb. 1. Sed si præcipitant miserum cognoscere curæ.*
271. *Prædari. Apes dicuntur prædari rosas. Suam volucris prædatis senectam Phœnix.*
272. *Procumbere dicitur, quod in planura porrigitur. Claud. Conf. Probin. Est in Romuleo procumbens insula Tibri. Vid. sedere, porrigi, projectus.*
273. *Prodigus. Claud. Conf. Mallii, ferturque nocendi Prodigus.*
274. *Proflare Deum, i. e. Bacchum; est crapulam edormire. Stat. 2. Theb. Serta inter vacuosque mero crateras anhelum Proflabant sub luce Deum. Sed hoc Statii genium sapit.*
275. *Profundus. Profundus Jupiter: profunda Juno, i. e. infera.*
276. *Projectus, i. e. per planitiem extensus. Valer. Flaccus de Nilo: septem projectus in amnes. Mallem ego porrectus.*
277. *Promittere sc. Claud. 6. Conf. Honor. atque omne futurum Te Romæ, selesque tibi promittit in ævum.*
278. *Propinare pro tradere vel præbere. Ea metaphora passim utuntur nonnulli in oratione tam soluta quam ligata, non attendentes phrasin illam Terentii in Eunuch. V. 9. 57. Hunc comedendum vobis & deridendum propino, e persona Parasiti æstimari debere, qui ad artem suam instituta allusione risus caprandi gratia propinandi verbo utitur: ne quid de eo dicam, legi in quibusdam MSis præbeo, non propino. Sed tamen, & alteram quidam MSi Codices tuerentur. Non satis commode itaque Jacobus Balde in Urania victrice sua, in tertia epistola: Tanquam si præsens cælo delapsa sereno, Ora propinasset, sideresque genas. Non est locus metaphora: in hoc verbo, quatenus simplicem traditionem notat, sed vel in sensu ridiculo, ad personam Parasiti relato, ut apud Terentium; vel*

- in sensu analogo : si eluvies *propinare* agris humores, aut Ganymeden *propinare* terris imbres, vel simile quid dixeris.
279. *Pudice frondes* dicuntur rami lauri, propter Daphnen in laurum mutatam. *Stat. 1. Theb. ros pudicus* aquæ Castaliæ dicitur, quia virgines Musæ illa lavantur: seu *rore pudico* Castaliæ flavos amor est tibi mergere crines.
280. *Pulcher* generale epitheton Poëtarum, quando rem aliquam laudant. *Claud. Conf. Probin. pulcherque* severo Armatur terrore pudor.
281. *Purus. Pura dies*, i. e. nocte non immissa. *Claud. de Rapt. P. II. Impulit* Iונים præmissò lumine fluctus Nondum *pura dies*, i. e. crepera.
- Q.
282. *Querere* pro desiderare. *Ovidius de Erisichtbone*: Inque epulis epulas *querit*. *Stat. 2. Theb. jamque & sua querere regna*.
- R.
283. *Rapiunt cælum ventri*, de ventis inter se configentibus. *Stat. 1. Theb. dum cælum sibi quisque rapit*.
284. *Raucus*. Omnis sonus ingratus eo epitheto Poëtis exprimitur. *Stat. 1. Theb. de tempestate*: venturaque *rauco Ore* minatur hyems. *Id. 2. Theb. rauca tonitrua. Raucis rivi* dicuntur a *Claud. Conf. Probin. Cic. rumor raucus* factus est.
285. *Rebellis*, i. e. quierus. *Claud. Rapt. Prof. 1. de Encelado*: *Cervice rebelis* In dextrum lævumque latus.
286. *Recurfare* de memoria rerum præteritarum apud Poëtas usurpatur. *Virgil. Æn. 1. sub noctem cura recurfat. Id. lib. 4. Æn. Multa Viri virtus animo multasque recurfat* Gentis honos. *Id. lib. 12. Et mihi curæ Sape tuo dulci tristes ex ore recurfent*.
287. *Redire* pro recolligi. *Stat. 1. Theb. de anguibus per extrema sibi connexis: Cærulei redeunt* in pectore nodi.
288. *Regnare* de manu Scævole flammam perferente *Martialis lib. 8. Epigr. 33. Adspicis, ut teneat flammam, penaque fruatur Fortis, & attonito regnet* in igne manus. De Sirio dicit *Stat. 1. Theb. in torum regnaret* Sirius annum. *Claud. Conf. Probin. tacitam Luna regnante per Arcton*, i. e. magis splendente.
289. *Relegare* pro inhabitabilem facere. *Claud. Stilic. 1. Et quæ interior nimio plaga Sole relegat*: describit zonam torridam.
290. *Relinqui* dicitur *Lucifer* disparentibus ceteris stellis ob auroram vicinam. *Luc. lib. 1. ut ignes Solis Lucifero fugiebant* astra relicto.
291. *Res. Rerum* pulcherrima Roma *Virgil. Georg. lib. 2. Et Æn. lib. 7. nunc maxima rerum* Roma colit. *Ovid. 1. art. amand. Ergo erit illa dies, qua tu pulcherrime rerum, Quattuor in niveis aureis ibis equis. Ita Claud. Conf. Probin. dic maxima rerum. Romam intelligit*.
292. *Richre Virg. omnia nunc ridet. Claud. Conf. Mûll. docti riserunt* floribus annes. *Id. Conf. Probin. Oraque ridenti lanugine vestiat* ætas.
293. *Rubigo* absolute pro desidia. *Claud. Conf. Mûll. insædum longi rubigine ruris Ad tua signa vocat*.
294. *Rudas* pro inornato, *Virgil. lib. 9. ille rudem nodis ac cortice crudo Intorquet* summis

summis adnexus viribus hastam. *Rudis Luna* pro nova. *Claud. 6. Conf. Hon. Lunamque rudem maderecerat Auster. Rudes vena* pro intactis. *Quantum stagna Tagi rudibus thillantis venit Effluxere ducis.*

S.

295. *Sacer.* Frequentissimum Poëtis epitheton. *Sacra ira* ap. *Stat. 1. Theb.* de ira expositulantis cum Phæbo: *sacras* ita vocibus asperat iras.

296. *Sævus* Bæchi odor de vino dicitur *Stat. 2. Theb.* quod ad rixas Thraces incitat. Ogygii si quando afflavit Iacchi *Sævus* odor.

297. *Saucius* pro eo, qui verbis leditur vel passionibus animi turbatur. *Stat. 1. Theb.* Juno his *saucia* dictis. Transfertur ad res inanimatas. Ita *Horat. 1. od. 24.* dicit *malum celeri saucium Africo.* *Claud. lib. 2. in Eutrop.* valuit pro vulnere terror, implevitque vicem jaculi, vitamque nocentem Integer & sola formidine *saucius* cecidit. *Id. 4. Conf. Honor.* quo *saucia* vento Decolor iratos attollat Cynthia vultus, i. e. Luna rubens indicio ventose tempestatis. *Id. Conf. Probin.* ubi describit Romam curru per nubes vehementem: Cursumque rotarum *Sancia* dividuis clarescunt nubila sulcis.

298. *Scintillare* de gemmis, floribus, purpura, dicitur.

299. *Scrutari* mucrone latebras animæ, i. e. interficere. *Stat. 1. Theb.* atque imas animæ mucrone corusco *Scrutatur* latebras. *Claud. 4. Conf. Hon.* calidi *scrutatus* stagna profundum. *Id. de Rapt. P. 1.* de vento subterraneo: *scrutatur iter.*

300. *Secare profundum*, i. e. navigare. *Claud.* inventa *secuit* primus qui nave *profundum*.

301. *Secundus.* Secundum jus. *Stat. 1. Theb.* *Jurisque secundi* Ambitus impatiens. *Claud. Conf. Probin.* sed prima sede relicta Anthemiis, de jure licet certare *secundo*.

302. *Sedere* pro in planitiem porrigi, *Stat. 1. Theb. de monte:* qui molle *sedens* in plana Cytheron Porrigitur, *sedens Læluca* dicitur, quia humilis, *Mart. 1. 10.* In quibus est *læluca sedens* & sectile porrum.

303. *Seditio.* Severus in *Ætina:* lata theatri *Seditione.* *Sarbiev. Vocalem seditionem* dixit. *Buchn. de Commut. Dic. Rat. p. 199.*

304. *Seges* de copia. *Virgil. lib. 7.* ferro accipiti decernunt atraque longe Horrescit strictis *seges* ensibus. *Cl. 3. Conf. Honor.* nudique *seges* Mavortia ferri Ingeminat splendore diem. *Seges ætina* vocantur aræ fistule in organo Musico veterum. *Cl. Conf. Mall.* Et qui magna levi detrudens murmura tactu Innumeras voces *segetis* moderatus *abena* Intonat erranti digito, penitusque trabali Veete laborantes in carmine concitat undas.

305. *Semina* pro stellis. *Manil. lib. 5. Buchn. de Comm. dic. rat. p. 26.*

306. *Senecta* pro antiquitate. *Claud. Conf. Mall.* Cæropiæ relegis secreta *Senectæ*, i. e. antiquitatis Græcæ.

Senium pro reverentia. Firmatur *senium* juris, præcamque resumunt Canitiem leges, *Claud. 4. Conf. Honor.*

307. *Sequi.* *Claud. Conf. Probin.* prolem fata sequuntur, *Stat.* & vocem fata sequuntur. *Sequi* pro flexibile esse. Sic *Plin. Cæcil. lib. 7. Epist. 9.* de cera, quæ ad arbitrium flexilis est: Ut laus est Cerae mollis facilisque sequatur Si doctos digitos iussaque fiat opus.

308. *Serpere.* *Claud. 4. Conf. Hon.* Per tua lanugo cum *serpere* cæperit ora.

Nn nn 3

309. *Ser-*

309. *Servire.* Claud. 4. Conf. Hon. de Cyllaro, *Serviretque* tuis contempto Castore frenis Cyllarus. Claud. Stilic. 1. placidi *serviunt* legibus ences.
310. *Sidus* pro *fato* videtur accipi ap. Stat. 2. Theb. fraudes sine *fidere* cœptæ, Germani: *Er hat kein Stern noch Glück. Sidercus gener.* Claud. Conf. Mallii.
311. *Silentes* dicuntur Manes. *Vulgus silentum* Stat. 1. Theb. *silentem* populum dicit infera.
312. *Sobrius* de igne non urente. *Sobrius* apposita procul abstinet *ignis* ab esca. *Sau-tel. in epigr. de Agnete:* ita modestus ignis, pia flamma.
313. *Solari* frequenter Poëtis usurpatur. Horat. II. od. 5. nunc fluvii gravem *solantur* æstum. Id. II. Sat. 6. me sylva cavus-que Tutus ab insidiis tenui *solabitur* ervo. Stat. 2. Theb. *solanturque* timorem. Ibid. tenerumque dolorem conjugis amplexu *solatur.* Stat. lib. 4. Sylv. nos otia vitæ *Solamur* cantu. Claud. Conf. Mall. pluviis *solabitur* æstum.
314. *Sodalis.* Horat. I. od. 25. Aridas frondes hyemis *sodali* Dedicet Hebro. Ita lib. III. od. 18. cratera vocat Veneris *sodalem.*
315. *Sollicitare.* Tibullus Eleg. 7. l. 1. Et tene-ram ferro *sollicitavit* humum. Claud. de Rapt. P. pref. Et rudibus remis *sollicitavit* aquas. Falsus autem hic est Barthius, qui putat hic metaphoram esse ab inanimatis ad animata. Est enim *sollicitare* proprie loco movere.
316. *Splendida spuma* Tagi, i. e. aurum.
317. *Squalere* dicitur Poëtis, quod densitate & nova aliqua facie horrorem incutere videtur. Ita Virg. 10. Æn. *loricam* vocat *squalentem* auro propter copiam densita-temque auri in squamarum speciem intex-
- ti. Vide Gell. 1. 2. c. 6. & Henr. Steph. Disc. Critic. Macro. l. 6. c. 7. Stat. 1. Theb. per *squalentem* diem intelligit tempesta-tem nebulis pestiferis obsitam. Sil. Cæru-leus maculis auro *squalentibus* anguis. Claud. 4. Conf. Honor. Libyæ *squalentis* are-nas Audebit superare pedes. Id. 6. Conf. Honor. Neglecto *squalent* senio. Id. Conf. Probin. Filaque concreto cogit *squalere* metallo. Id. de Rapt. Prof. 1. *squalent* im-mania sædo Sceptra situ.
318. *Stare* dicitur *annus* ob desiderium ali-cujus. Stat. 1. Theb. longum signis cun-ctantibus *annum* *Stare* gemit. *Stare* dicitur *fluvius* ob copiam cadaverum. Cl. 3. Conf. Honor. frigidus amnis Mutatis fuma-vit aquis turbaque cadentum *Staret*, ni ra-pidus jussisset flumina sanguis. *Stare* di-citur quoque *fluvius glacie concretus.* Claud. 3. Conf. Hon. *stantemque* rota sulca-vimus Istrum.
319. *Subire* usitatum Poëtis, inprimis *Statio.* Claud. Conf. Mall. Jam clavum totamque *subit*, torquere carinam, i. e. incipit. Claud. *ibid. subit* ille loquentem Talibus, i. e. re-spondet.
320. *Sudare*, i. e. elaborare. *Sudata* marito *fibula*, Claud. vid. Buchn. p. 71.
321. *Sulcus* de nubibus per lineas ductis. Claud. Conf. Probin. dividuis clarescunt nu-bila *sulcis.*
322. *Superbus* Virgilio pro nobili & glo-rioso dicitur lib. 1. Æn. Conjugio Anchise Veneris dignate *superbo.* Ita vox *ferox*, *contumax*, *ferus*, laudabili sensu accipiun-tur. vid. Buchn. de Comm. D. R. p. 194. 195.
323. *Surdus* pro eo, quod non obsequitur; etiam de rebus inanimatis. Stat. lib. 10. & *surdos* expedit arcus, i. e. quos attra-
here

here nequit. Sed hoc genium Statianum sapit.

T.

324. *Tacitus*. *Tacita arctos* dicitur, vel propter incolarum raritatem, vel propter frigus aut continuas noctes. *Claud. Conf. Probin. tacitam* Luna regnante per *Arcton*.

325. *Tegmen*. *Tegmen fagi* *Eclog. 1. Virgil.* dicit. Ita *tegmen cæli* *Lucret.* Vide de eo *Alb. Gentilem* in *Lectiōibus Virgilian.* statim ab initio, ubi refutat quosdam vocem hanc carpentes.

326. *Temperare arva* dicitur *fluvijs*. *Claud. Conf. Probin. Oebaliæ qui temperat arva* *Galefus*.

327. *Tempestas* varie apud Poëtas accipitur, & notat copiam aliquam tumultuariam & violentam. *Virgil. Æn. 12.* it toro turbida cælo *Tempestas telorum*, ac ferreus ingruit imber. *Id. de strage lib. 7.* Quanta per *Idæos* *sævis effusa Mycenis* *Tempestas* ierit campos. Quæ hic *La Cerda* de terrestri tempestate commentatur, nihil ad rem faciunt. *Virgil. lib. 11. v. 423.* Sunt illis sua funera parque per omnes *Tempestas*. Observat hic *La Cerda*, vocem *tempestatis* in re belli a Poëtis poni; sed ad alia quoque passim video transferri. Ita *fermentationem vini* posses *tempestatem* dicere. *Tempestas barathrumque* *macelli*. *Horat. Tempestas comessationis*, vid. *Inst. Orat. Voss. lib. 4. p. 103.* *Claud. 3. Conf. Honor.* Optatas audire tubas campique cruenta *Tempestate* frui: ubi *telorum* & *ensium* insultus, & cadaverum frequentiam per *cruentam tempestatem* intelligit. Ita ap. eundem est *tempestas pretiosa Taji*, i. e. magna vis auri. *Id. Conf. Mallii*: nullaque

mutari tempestas proditur oris, i. e. impotens quidam affectus. *Baron. in Sylv. metr. 11.* de organo hydraulico Musico: blanditurque *diserta canoro* *Tempestas* numero, *Miscell. nostra p. 65.* Te non *tempestas calicum* *Obruet*. *Ibid. 44.* *Tempestas sacunda* sonat per pulpita: de eloquentia dicitur. *Vener. nostr. p. 17.* Hinc *pia tempestas oculorum* spargitur, i. e. lacrymæ. Item in *Amoribus Cimbricis*: dum gemina votorum fervet in aula *tempestas*.

328. *Tendere*. *Claud. Conf. Probin.* non anxia mentem *Spes* agit, & longo *tendit præcordia* voto.

329. *Tener*. *Claud. Conf. Mall. teneri* primordia mundi.

330. *Tentare*. *Claud. Conf. Probin.* & nulla sub tempestate timentes *Solstitio Meroën*, bruma *tentabimus Istrum*.

331. *Ter* Poëtis pro aliquoties usurpatur. *Virg. Ter* revoluta toro est.

332. *Terere* pro quovis tactu. *Claud. Conf. Probin. de fluvio Liri*: *Flavaque terens* quereceta *Maricæ Liris*.

333. *Terrere, Territare*. *Stat. 3. Theb. de globo flammæ*: volat ignea moles *Sæva Dei* mandata ferens, cælumque trifidula *Territat* omne coma. *Id.* Magnus quanto mucrone minatur *Noctibus* hibernis & sidera *terret Orion*. *Id. Tb. 6.* Qualis *Bistoniis clypeus Mavortis* in arvis *Luce Mala Pangæa* ferit *Solemque* refulgens *Territat*.

334. *Torvus* pro severus, gravis. *Claud. 3. Conf. Hon.* *Aspera* complecti *torvum* post prælia *patrem*. *Id. 4. Conf. Honor.* quam *torva voluptas* *Frontis*, & augusti majestas grata *pudoris*!

335. *Trabi* dicitur *quies* multis curis interrupta.

- rupta. *Stat. 1. Theb.* Inachio tenuis sub pectore Regi *Træla* quies.
336. *Tristis* perpetuum apud Poëtas rerum infernalium, inauspicatarum & ingratarum, epitheton. *Ovid. 1. de art. am.* Nec male odorati sit *tristis* anhelitus oris. Hinc *contristare*, pro maligno aliquo halitu afflare. *Virg. de Sirio*: lævo *contristat* lumine cælum. *Id. Æn. 6. de Styge*: *tristisque* palus innabilis unda. *Stat. 1. Theb. de Tiphone*: *Tristibus* exiluit ripis. *Ibidem* fluvium infernalem Coeyton *inamemum* vocat. *Id. 3. Theb.* armaque in auro *tristia*. *Claud. 3. Conf. Honor.* galeæ nec *triste* timentem fulgur. *Id. Conf. Mall.* clementia *tristes* Obtundit gladios. *Ibid.* *tristem* figat erinita Cometen.
337. *Trux*. *Claud. Stil. 1.* lucosque vetusta Religione *truces*.
338. *Tumidus* pro maturo. *Tumere* pro maturum esse. *Stat. 2. Theb.* *tumida* jam virginitate. *Id. Achill. 1.* Virginitas matura toris annique *tumentes*. *Claud. Epith. Pallad.* matura *monescit* virginitas.
339. *Tumultus*. *Claud. laud. Stil. 1.* varios vocum *tumultus* dicit de variis linguis.
340. *Tundere*. *Catull.* Longum ubi resonans Eoûm *Tunditur* unda scil. litus. *Claud. Conf. Mall.* quicquid *Tyrrhena* *tunditur* unda, quid gemit *Ionia*.
341. *Turba* catachrestice de rebus inanimatis. Vid. *Buchn. de Comm. D. R. p. 198. 199.*
342. *Tutus* pro cautus & vice versa, *Buchn. p. 6. de Comm. dic. rat.* Mens male *tuta* i. e. sana, *Horat.*
- V.
343. *Vacuus* perpetuum inferorum epitheton, qui ibi non nisi vacuæ umbræ. *Inane* vulgus propterea Manes vocat *Statius*. *Vacuus* *Lune orbis* dicitur, quando non plenus *Saut. p. 24.* *Cynthia* jam decies *vacuum* reparaverat orbem.
344. *Vestigalis* epitheton Poëtis familiare pro eo, quod officii gratia alicui præstatur, vel quod alicui quasi proprium & subiectum est, ut *vestigalibus votis* gratari Domino, *vestigalibus undis* plaudit Oceanus Victori &c.
345. *Venter*. *Virg. 4. Georg.* totusque per herbam Cresceret in ventrem cucumis. *Prop. 1. 4.* tumidoque cucurbita *ventre*.
346. *Verberare* pro quolibet contactu & motu *Lucret.* pontum ponto *verberari* dicit. *Stat. 1. Theb. de Tiphone*: hæc vivo manus aëra *verberat* hydro. *Q. Cicero l. 16. ad fam. ep. 26.* *Verberavi* te cogitationis tacito duntaxat convitio. Et sequenti epistola *id.* Mirificam mihi *verberationem* cessationis epistola tua dedisti. *Verbera Claud. Stil. 1.* Exiguo clavi flexu declinat aquarum *Verbera*.
347. *Verrere* de lento & longo tractu, ut cum Cometen dico *verrere* cælum, *altra*.
348. *Vernare* de genarum lanugine *Mart. lib. 2.* cum tibi *vernarent* dubia lanugine male. De galea floribus coronata *Claudian. 3. Rapt.* *Cristæ* placato fulgure *vernant*. *Claud. 4. Conf. Honor.* lanugine nondum *vernabant* vultus. *Prudentius* de Theodosii filiis, dominos *vernantes* flore juventæ. *Claud. Stil. 1.* *Senium vernans* dicit vegetum & robustum.
349. *Vestire*. *Lucret.* Juventas Incipit & molli *vestit* lanugine malas. Hinc *vestis* pro barba ap. *Lucret.* Impubem molli pubescere *veste*. *Virgil. 8. Æneid.* tum mihi prima genas *vestibit* flore juventæ. *Id. Georg. 2. de terra*: quæque suo viridi semper se gramine *vestit*. *Martial. lib. 10. Epig.*

Epig. 51. Ridet ager, vestitur humus, vestitur & arbor. *Senec. Herc. Oct.* Non dum teneras vestite genas. *Claud. Conf. Probin.* Oraque ridenti lanugine vestiat ætas. *Idem.* vestitos gramine campos. *Auson.* jugum vindemia vestit. *Vid. induere.* Ita vox *investis* de imberbi dicitur. *Vid. Lexic. Claud. Rapt. Prof. 1.* de Cerere curru suo vecta & subnascente per iter segete: *Vestit iter* comitata seges.

350. *Vetare. Stat. 2. Theb. de Sole:* ac ipsi radios vetat esse forori i. e. Obscure.

351. *Veteranus juvenit. Sidorius:* Emerito splendor juvenis *veteranus* in auro.

352. *Violare.* Vox eleganter a Poëtis usurpatur; cum significare volunt rei splendide alicujus vel sacræ obscuracionem vel abusum, aut quamvis rei puræ tincturam. Ita *Stat. 1. Theb.* de aureis patinis, quarum splendor pingui cibo quasi adulteratur, pulchre dicit *aurum violare cibis*: quæ locutio inepte improbat eo in loco *Barthio*, cum ad *Virgilii* aliorumque Poëtarum imitationem facta sit. Sic *Virgil. Æn. 12. v. 67.* *ebur* dicit *violatum ostro*, ad *Homeri* imitat. qui *μαύρεν* usurpat. *Stat. Achill. 1.* Lactea *Mastagete* veluti cum pocula fuscant Sanguine Puniceo, vel *ebur* corrumpitur *ostro*. *Juvenal.* vocem *violandi* rei præstantiori applicat, qui de *Jovis* statua aurea dicit: hanc rebus *Latiis* curam præstare solebat *Fictilis*, & nullo *violatus* *Jupiter* auro. Puto *violatum auro* dici, quod *aurum* furtis & sceleribus paratur, inquit *Lubinus* hic. At ego *violare* hic existimo idem significare, quod *profanare*; est enim vox inter sacra etiam. Ita *Virgil. 2. Æn. v. 189.* Nam si vestra manus violasset dona *Minervæ*. *Ap. Claudian. in Rufin.* *Alecto* dicit: jam cupio *Stygiis* invadere nubibus astra Et statu *violare* diem. *Id. Rapt. P. 1.* de Cerere lacry-

Tomus I.

mante: *violavit* oborto Rore genas. Nos in amoribus *Cimbricis* de genis rubore intermistis, genarum *Lilia Sidorio* placide *violaverat ostro*.

353. *Viridis* epitheton rerum marinarum. *Glaudian. 3. Conf. Honor.* *virides* *Neptunus* in alga Nutrit equos. *Stat. 1. Theb.* Ite *Deæ virides*, i. e. *Nymphæ*. *Virides* etiam *Pardi* vocantur ob maculas *Claud. 3. Stilic.* Tum *virides Pardos* & cetera colligit *Austri* Prodigia. *Id. Consul. Mall.* Cum forte *leone*, Nobiliorem utrum *viridis* corrumpit adulter.

354. *Virere. Ovidius de Athen.* Ingeniisque opibusque & festa pace virentes. *Sil. Ital. lib. 15.* Pars credunt torvos *Parrui* revirescere vultus. *Claud. Conf. Prob.* Per fœces numerantur avi semperque renata Nobilitate virent. *Ibid.* prima cum parte *viresceret ævi*.

355. *Vivere* dicuntur signa singulari ingenio expressa, uti & *spirare*. Ita *Stat. Theb. 1.* *vivum aurum* vocat artificium signorum. *Conf. 4. Hon.* *pieturatumque metallis Vivit* opus. *Vivere fontes* dicuntur, quos loqui & oracula promulgare tradunt Poëte. *Vid. Barth. ad v. 32.* *Claud. de 6. Consulatu Honorii.*

Vivus. Viva pocula, i. e. quæ puram aquam propinant. Balde in *Lyric*.

356. *Umbra* pro prima lanugine. *Stat. 4. Thebaid.* Dum roseis venit umbra genis. Hinc *Claud. Conf. Prob.* genas cum flos juvenilis inumbrat, pro colore & sophismate politico. *Claud. Stilic. 1.* scelerique profano *Fallax* legitimam regni prætenderat umbram.

357. *Unda* pro multitudine populi. *Virg.* Mane salutantum toris vomit ædibus undam. *Stat. 2. Theb.* foribus cum immissa superbis *Unda* fremit vulgi. *Claud. 6. Conf. Honor.* Undare videres *Ima* viris.

O o o o

Id.

Id. Consul. Probin. populis undare penates.
Undare de sermone. *Claud. Consul. Mall.*
Mox undare foro victrix opulencia lingua.

358. *Volvere secum vel volutare* pro cogitare usurpatur.

359. *Vomere* pro emittere. *Virgil.* de ædibus homines emittentibus: mane salutatunt totis vomit ædibus undam. *Claud. 4. Consul. Honor.* Danubii tota vomerent cum pralia ripæ. *Id. Conf. Prob.* Præcepta illa manus fluvios superabat Iberos Aurea dona vomens. *Perf.* Dispositæ pinguem nebulam vomuere lucernæ. *Buchn. de Commut. dic. rat. p. 40.* reprehendit *Varronem*, qui dixit de nubibus, aquam vomentes inferam mortalibus, & ejus verbi in satyra locum esse putat. Si tamen is ad *Virgilii* exemplum respexisset, credo, aliter sensisset. *Longinus* περὶ ὁρίων c. 2. reprehendit Poëtam, qui ait, πρὸς ἑσπερινὸν ἔξωθεν, in cælum vomere. *Tanaquil. Faber* in notis turpem & fœdam locutionem vocat; mihi tamen aliter videtur, quia in monte ignes & lapides ejaculante facile locum invenit. Imo vox illa Latinis non

æque turpis erat, vid. *Macrob. lib. 6. cap. 6.* Januas, quibus egrediebantur in Spectaculis, vocabant vomitoria. Vid. *Taubman.* ad illud *Virg. Georg. 2.* Mane salutatunt totis vomit ædibus undam. *Id. Aneid. 5.* Stupa vomens tardum fumum. *Id. Aneid. 7.* de Caco: atros ore vomens ignes. *Id. lib. 9.* de vulnerato Sullone, dicit: vomens calidum de pectore flumen. *Id. lib. 11.* sanguinis ille vomens rivos cadit. Eodem sensu eruclare accipitur. *Id. lib. 8.* Cacum in tenebris incendia vana vomentem dicit. *Id. eodem libro,* galeam vocat terribilem cristis flammisque vomentem. *Ibid.* de imagine Augusti in clipeo Æneæ: geminas cui tempora flammæ læta vomunt. Unde patet, errare illos, qui turpem hanc vocem existimant, & e metaphoris poetice ejiciunt.

360. *Urger* verbum quod obscœnum sensum honeste exprimit. *Horat. lib. 1. od. 5.* Quis multa gracilis te puer in rosa Perfusus liquidis urget odoribus.

361. *Vulnus* pro telo. *Buchn. de Comm. dic. rat. p. 72.*

INDEX RERUM DE QUIBUS DICUNTUR TRANSLATA.

A.

Acies stupet igne metalli, *i. e.* splendore armorum, vid. numer. 152
Aditum custode coronare, pro cingere, n. 54
Aer ager, qui peste infectus est, 130
Aer decentior, *i. e.* magis serenus 63
Ære vetusto florere 116
Æstum solantur fluvii 313

Æther jaculis obtexitur 243
Æta fidem nivibus servat 113
Æta lambit sidera 122
Æta vomit nimbos indigenas 167
Ager fidelis 113
Ager ingratus 177
Agmina clypeo argustare 15

Alæ

Alæ famulae Pegaso adscribuntur	103	Artes lætæ, h. e. gratæ venantibus	197
Alpes anfractibus curvis aditum angustiant	15	Arva invidendæ fertilitatis improba nunculantur	161
Amazon exerta latus pugnae	100	Arundo moritur	229
Ampis ebrius	88	Astra pestilentia furere dicuntur	130
Amnes docti floribus riserunt	82	Aurae obstetrices	242
Amor crudus pro immaturo	57	Aurae clementes Veneris	39
Amoris flamma medullas populatur	267	Aurae felices, pro bona fragrantia	107
Amictus Diti ferrugineus adfigitur	110	Aures attonitaë	23
Animam angustare	15	Auroraë pallor dicitur diluculi adventus	250
Animos bello accendere	I	Aurum madidum dicitur e Tago Bætique depromptum	212
Angues blandi, qui non lædunt	30	Aurum cibis violare, pro patinae splendorem pingui cibo obfuscare	352
Annus flare dicitur ob alicujus desiderium	318	B.	
Aper prælia dediscens	65	Bacchi sævus odor de vino dicitur	296
Apororum dentibus fulmen tribuitur	126	Bafia maligna, quæ dente impresso fiunt, vel lasciva	214
Apes pennata juvenus	143	Bellum accendere	X
Apes & aves glomerantur	139	Bibere igni tributur	152
Apes rosas prædantur	271	Boreas rauco turbine armatus	21
Apum examina perfida, quæ alvearia migrarunt	256	Bosphorus æquora inducere dicitur floribus	169
Aqua infames ob suffocationem multorum	172	C.	
Aquæ fragiles, h. e. glaciæ	122	Cacus ignes vomens	359
Aquarum verbera	346	Cadus Marfi duelli memor	219
Aguas remis sollicitare	315	Cadmæi fratres messis vocitantur	222
Araxes fl. famulari dicitur	103	Calamos veneno armare	21
Arbor vestiri dicitur	349	Calicum tempestas	327
Arbores juxta viam adorant obvios currus	4	*Calydonis honos aper	144
Arbores aurita Orpheum secutaë	28	Campi dicuntur desidere, fursum volante ave	70
Arcus surdi, qui non obsequuntur	25. 323	Campi gramine vestiti	349
Arcus mentiri nefcius iectum	221	Caput honestum, i. e. venerandum	143
Arcum audiunt sagittæ, scopum attingentes	25	Caput tiara floret purpurea	116
Arctos tacita	324	Capitis nives pro canitie	237
Arena ditescit sanguine, pro redundat	80	O o o o 2	
Arenæ nubes	239	Capræ	
Arenæ flagrantés	115		
Arenas rutilas Paëtulus despumat	71		
Arma famulantia	103		
Arma tristia	336		
Aristæ suaviter inhorescunt	178		

Equus Cyllarus servit	309
Equi Neptuni virides, quod in alga nutriti	353
Equorum nares ignescunt	151
Examina apum perfida, quæ alvearia migrarunt	256
Exercitus turmis florens	126

F.

Facunda tempestas	327
Fagi tegmen	325
Facti incestantur ignobili aliquo nomine	165
Fata proprie ducere dicuntur	86
Femur exclamare dicitur	98
Ferrum spumis & sanguine uri dicitur	151
Ferrum veneno armatum	21
Ferreus imber	157
Ferreæ hyems vocatur telorum copia & tempestas	147
Fibula sudata, i. e. elaborata	320
Fides mansura pro æterna	216
Flamina armant flammæ	21
Flammæ errantes ludunt per cœrula	94. 208
Flamma mitis, pia, quæ non lædit	225. 262
Flamma territat coma cœlum	333
Flamma de gemmarum fulgore	152
Flatus dubii	85
Flos protuberans diei ore captat	75
Flores scintillare dicuntur	298
Floribus docti amnes riserunt	82
Floribus induere dicitur Bosphorus æquora	169
Fluctus mitescere jubet Eridanus	81
Flumina juvantur a sanguine cætorum hominum	191
Flumina minantur diluvia	224
Fluvius arva temperat	326
Fluvius ditat	79
Fluvius glacie concretus, item cadaveribus impletus, stare dicitur	318

Focus emeritus	92
Foci edomiti	90
Folii pauperibus caulibus, pro raris atque paucis	254
Fontes Nili deprendere, pro detegere	68
Fontes viventes, qui oracula edebant	355
Formidine saucius	297
Fortunam domare virtute	84
Frena equorum spumis ignescunt	151
Frons lunata vocatur, quæ gestat cornua	210

Frons ferruginea Strigi tribuitur	110
Frondes pudicæ dicuntur rami laurei, propter Daphnen in laurum mutatam	279
Fulcire verulam emeriti recusant pedes	92
Fulgur triste galeæ	336
Fumus fidelis	113
Fundus mendax	220

G.

Galea fertis coronata lascivit	200
Galea coronata floribus dicitur placato fulgure vernare	348
Galeæ fulgur applicatur	125
Galeam fertis mitescere docens	81
Gaudia pallent post superata magna pericula	250
Gemmæ scintillantes	298
Gemmarum fulgor ignis vocatur	152
Genæ dulces	87
Genæ sanguineo imbre putres	157
Genæ pubescentes florent	116
Genæ lanugine vernant	348
Genarum lux	211
Genas violare oborto rore, pro lacrymis perfundere	352
Genarum lilia	352
Gladii tristes	336
Gloriosus atque nobilis Virgilio superbus est	322
Oo oo 3	Hasta

H.

Hasta rudis pro inornata	294
Hastæ floribus animantur	19
Hedera crinali florens Bacchus	116
Honor hospes, i. e. peregrinus	146
Honores assidui	22
Humeros acclines fultus	2
Hyems rauco ore minans	284
Hyemes armatas Æolus ab antris fundit	21

I.

Jaculorum nubes	239
Jaculis æther obtexitur	243
Janua limen amar	13
Jaspide pectus angustare	15
Ignis attonitus, ob Scævolæ manum	23
Ignis non urens, sobrius	312
Ignis levis, de peste	198
Ignis modestus de flamma non lædente	226
Imago Augusti flammæ vomere dicitur	359
Imbre scdare noctem	118
Imbres raros Nilus excusat sæcundis fluctibus	99
Imbribus honestis ora rigare, i. e. lacrymis	143
Incendia fida	112
Incendia blanda, i. e. innoxia	30
Indoles cruda, nondum matura, rudis expers-que rerum	57
Indomitum vinum, quod aqua nondum dilutum	84
Infera dicuntur populus silens	311
Insula per crines currit, h. e. ambireos	60
Ingeniis virere	354
Ingenua pigritia pro honesto otio	260
Invidiam coquere, pro fovere	52
Jocosa imago, i. e. Echo	155
Ister glacie obductus stare dicitur	318
Istro colla tribuuntur	41

Ira accendere hominem	1
Ira sacra dicuntur adversus Phœbum suscep- ptæ	295
Iter fulmineum	127
Iter haurire	142
Jubet Eridanus fluctus mitescere	81

L.

Labor improbus, i. e. immodicus	161
Lactæ cruorem domare	84
Lactuca sedens, i. e. humilis	302
Lambere ignis dicitur	152
Lana discit mentiri colores	78
Lanugo flore sapius exprimitur	117
Lanugo genas inumbrat	185
Lanugo ridens, est, quæ juvenum ora vestit	292
Lanugo per ora serpit	308
Lanugine genæ vernant	348
Laurus docta	82
Lembi ad lusum parati, vocantur lascivi	200
Leones blandi, qui non nocent	30
Lethi fabricator morbus & dolor	102
Lingua opulencia, i. e. eloquentia	248
Littora æmula damnis lunaribus	7
Littora frangencia, i. e. curva	121
Locus in itinere visum fugiens, seu ex visu recedens, decreescere dicitur	64
Lorica auro squalens	317
Luci vetusta religione truces	337
Lucifer relinqui dicitur disparentibus stellis reliquis ob præsentem auroram	290
Lumen dubitandum	85
Lumine lævo contristare cælum, h. e. sinistro, tristi	198
Lumine cælum floret	116
Lumina ferrea Cerbero affinguntur	109
Lumina glauca Tiberini	137
Lumina natant in agone mortis vel somno	231
Luna dicitur æmulus orbis	7
Luna	

Luna eclipsin patiens daminari dicitur 62
 Luna dubitanda, incerta, dubia 85. 164
 Luna regnare dicitur 288
 Luna rudis, pro nova 294
 Lunæ vultus irati appellantur, quando rubet 186
 Lunæ orbis vacuus, i. e. nondum plenus 343
 Lux ferrea Furie tribuitur 109
 Lux maligna, i. e. dubia 214
 Luxu circumfluus animus 37

M.

Malus Africo faucius 297
 Mamma heroinarum audax dicitur, qua arcus innitebatur 24
 Manes filentes 311
 Manus pretio inflammata, i. e. muneribus corrupta 174
 Manus Scævola in igne regnans 288
 Mare placidum marmor dicitur 217
 Maria terris acclinata 3
 Maria latrare dicuntur 203
 Marito cruda virgo 57
 Mavortia seges ferri, de gladiatorum copia 304
 Meri nubes vocatur ebrietas 232
 Metum dediscere corda dicuntur 65
 Metum domare pectore magno 84
 Messes interficere, pro perdere 183
 Milite floret sulcus 116
 Mons sylva indurus 169
 Mons excelsus astris insiditur 182
 Mons caleat rauca tonitrua 31
 Mons lassus, i. e. jamjam ad planitiem incli-
 nans 201
 Mons caelo occurrit, pro erigitur 245
 Montes docti 82
 Monstrum caeruleum, i. e. Pytho 110
 Moram exspuere 101
 Mori igni tribuitur 157
 Mori quoque dicuntur animæ 18

Mundus tener Poëtis qui primum conditus 329

N.

Nares equorum ignescunt 151
 Narium copia, pro odoribus 51
 Nemus coronare, pro cingere 54
 Nemus inferorum ferrugineum 110
 Nereus advena, cum in fluxu est 9
 Nictare de igne 152
 Nilus excusat raros imbres 99
 Nilus confitetur vires murmure 46
 Nili cornua pia 262
 Nimbos indigenas Ætna vomit 167
 Nives adverso turbine glomeratæ 139
 Nivibus Ætna fidem servat 113
 Nodi redeunt in pectora 287
 Notus imbres parturiens 251
 Novæ auræ hospes 146
 Nubes aquam vomunt 352
 Nube gravatus dies, i. e. nebulosus 140
 Nubila deterfa Principis & solis radiis 73
 Nubila rotarum cursu faucia dicuntur, illo
 scil. quo Roma per nubes vehit 297
 Nux se in florem induit 169

O.

Oculos furari labori, est, a labore acquiescere 129
 Oculi immanes nube soporis 239
 Oculorum pia tempestas, i. e. lacrymæ largæ
 & decentes 327
 Odor afflare dicitur 9
 Odor sævus Bacchi, i. e. vini 296
 Oliva imbellis, i. e. abhorrens a bello 156
 Opibus virere 354
 Orbis æmulus Luna vocatur 7
 Orbis Lunæ vacuus dicitur, nondum plenus 343
 Ora

Ora mollissima, h. e. lanugine destituta	227
Oris copia, pro eloquentia	51
Orion inermis dicitur, quando dubia luce re- fulget	170
Orion minatur noctibus hibernis, & sidera terret	224 333
Otia vitæ cantu solari	313

P.

Pace vivere	354
Pactolus despumat rutilas arenas	71
Pardi fulminei, i. e. veloces	127
Pardi virides ob maculas	353
Pascitur ignis	152
Patrem mente inducere, pro ejus mores imi- tari	169
Pater torvus, h. e. gravis, severus	334
Pedes vetulæ emeriti	92
Peditum nubes, Homero usurpatum	239
Pestis incendere dicitur propter celeritatem, quam cum igne participat	163
Perdomita saxo Ceres, est panis	84
Petræ infames ob latrocinia scil. ibi commissa	172
Phæbus emeritus, pro Occidente	92
Pluviis æstum solari	313
Pocula viva, quæ puram aquam propinant	355
Pœna frui	124
Pollex doctus	82
Poma caraphracta, sunt nuces castaneæ	33
Poma felicia, i. e. mala aurea	107
Poma oblita dicuntur succos priores	240
Prata dicuntur incendi coloribus	163
Pretio inflammata manus, i. e. donis corrupta	174
Procellis vela furari	129
Prælia consumere	48
Profundum secare, pro navigare	300
Prudentia περιφράζεται cor longævum	53
Pudor terrore armatus	21
Pulveris nubes	239

Pulvere non indeeoro fordidus dux	143
Purpura scintillans	298
Purpura circum chlamydem cucurrit, h. e. cinxit chlamydom	60

Q.

Quies multis curis interrupta trahi dicitur	335
---	-----

R.

Rami arborum adorare dicuntur obvios cur- rus	4
Regio decreescere dicitur in itinere ex visu re- cedens	64
Remi audaces	24
Reverentia per senium exprimitur	306
Rex ferrugineus, i. e. Pluto	109
Ridere amnes dicuntur	82
Ripæ famulæ Gangis	103
Ripæ tristes, Stygis	336
Rivi rauci	284
Romæ jactantior æthera pulset, i. e. majori præstantia atque majestate fulgebit	148
Rore pio spargere dicitur sacerdos	262
Ros pudicus aquæ Castaliæ, quia virgines Mu- sæ illa lavabantur	279
Rubeti ambitiosa progenies	112
Rubor per ora currit, i. e. genas inficit	60
Rupes conscia	47

S.

Sagittæ obsequentes arcum audire dicuntur	25
Salutantium unda pro multitudine	357
Sanguis lassus qui stillare cessat	201
Sanguinis rivos vomere	359
Sanguine ditescens arena	80
Sanguineus imber de sanguine, copiose ex vulneribus stillante	157
Sceptra situ squalent	317
Scopuli in cælum minantur	224
Scopuli	

Veneno Zephyros armare	21	Virgo cruda marito, pro immatura	57
Ventus subterraneus iter scrutari dicitur		Virginitas tumida, i. e. matura	338
	299	Virtus haud leta, h. e. ingrata tyranno	197
Ventus immoritur velis, residente tempestate		Virtutem accendere proce	1
	158	Viscera fessa	111
Venti dubii	85	Vivere, vorare de igne	152
Venti fideles	113	Umbra obtexitur cælum	243
Venti equitant per undas	93	Umbra natare dicitur, quæ vespertino tem-	
Venti & undæ frenantur	123	pore ponto incubat	231
Venti statibus populantur antra	267	Unda indignata terris	168
Venti inter se confluentes cælum rapiunt		Unda terræ irata	186
	283	Undæ jejunia pro aquæ inopia	150
Vento faucia Luna	297	Vocibus manturis, h. e. aternis, publica æva	
Venæ rudes, pro intactis	294	testari	216
Vestis Solem combibens	43	Votis vestigalibus domino gratari	344
Vestis, pro barba	349	Votorum tempestas	327
Vestem cingulo moderari, i. e. præcingere		Uri dicitur ferrum spumis & sanguine	151
sefe	226	Uteri labores, i. e. liberi	195
Vestes manu comere	44	Vulgi unda, i. e. multitudo	357
Vestigia pendula, quæ funambulus in aëre		Vulgus inane, i. e. Manes	162
facit	255	Vulgus Iners averni h. e. inferi	171
Vestigia ebria de ebriorum gressu	88	Vulneratus dicitur vomere calidum de pe-	
Venustas sub ignota nube rem rapere dicitur		store flumen	359
	239	Vultus Tiresiæ opacus	246
Vetusto ære florere	8		
Vinum indomitum, nulla aqua dilutum	84		
Vina mollissima	227		
Vires murmure Nilus confitetur	46		
Viribus fulmineis impellere hostem	127		

Z.

Zephyri veneno armati

21

CAP. XII.

HYLE INVENTIONUM
POETICARUM.

- §. 1. *Inventionum poeticarum hyle promissa exhibetur.* 2. *Epicheremata Hermogenis.*
 3. *unde desumantur.* 4. *Epyclogia vel epenthymemata Hermogenis.* 5. *Fr.*
Robertellus lib. de artificio dicendi. 6. *Inventio gratulatoria de dignitatibus*
collatis. 7. *quæ varia est.* 8. *prout varia sunt dignitates.* 9. *id quod dedu-*
citur e locis negotiarum, juxta versis: Quis, quid, ubi &c. 10. *Symbola dignitatum*
confe-

conferendarum. 11. Gratulatio de Doctoratu. 12. in quacunque facultate.
 13. 15. instituitur juxta versiculum citatum. 14. ex argumento disputationis inaugu-
 ralis. 16. Gratulatio de Reſtoratæ Academico. 17. in quacunque facultate.
 18. Subſidia ab inſignibus Reſtoratus. 19. Gratulatio de novo anno.
 20. Inventio a ſtrenis offerendis. 21. Gratulatio de natali. 22. de victoriis.
 23. Exempla gratulationum de dignitatibus. 24. de natali primo. 25. de
 natali anniverſario. 26. de novo anno. 27. de victoria. 28. miſcella gratu-
 latoria. 29. Inventionis epithalamii cum exemplis generalibus. 30. Exempla
 ſpecialia a nomine ſponſorum. 31. a perſonis matrimonium ineuntibus. 32. a tem-
 pore. 33. ab occaſione amoris. 34. ab adjunctis. 35. a genere carminis.
 36. miſcella. 37. Inventiones in epicediis. 38. exempla generalia. 39. ſpecialia a
 nomine. 40. a perſona. 41. a loco & tempore. 42. a genere mortis. 43. ab
 argumentis patheticis & conſolatoriis. 44. a moralibus. 45. a ritibus & antiqui-
 tatibus. 46. a forma carminis. 47. miſcellanea. 48. Exempla carminis ſoterii.
 49. euchariftici. 50. propemptici. 51. gratulatorii de adventu. 52. dedicatorii.
 53. encomiaſtici perſonarum. 54. variarum rerum. 55. in imagines. 56. Sylloge
 variarum inveſtivarum & ſatyrarum.

Promiſi Cap. 10. §. 39. Inventionum poëticarum aliquam ἔλκην in juventutis uſum, &
 id nunc facturus quaſi Speciminis loco præmittam pleniora quædam exem-
 pla. * Sunt vero hic etiam, ut Hermogenes vocat, Epicheremata, quo-
 rum κεφαλαίων ſeu propoſitio certa eſſe debet. * Illa Epicheremata docente eo-
 dem Hermogene, deſumuntur e locis περιαιτικοῖς, προτάπης, πράγματος, τόπου,
 χρόνου, τρόπου αἰτίας, quæ ille Enthymemata vocat, ac vulgato illo verſu: Quis,
 quid, ubi, quibus auxiliis, cur, quomodo, quando, continentur. * Εργασία ac deductio
 ipſa, quæ Hermogeni conſiſtit in Exemplo & collatione ſeu παραβολῇ, ex iisdem
 locis ſumitur, ſicut res poſtulat: atque hæc probationes in illa Εργασία collocatæ
 Hermogeni vocantur Epenthymemata. * Quæ ſingula fuſius proponit Fr. Ro-
 bertellus libro de artificio dicendi, capite, quo de methodo perquirendi artificii in Scri-
 ptis Poëtarum antiquorum agit, p. 29. & 30. * Monſtrabimus ergo, quomodo 6
 in locis illis περιαιτικοῖς inventio poëtica formari poſſit, exemplo gratulatorii car-
 minis, & quidem primo de dignitatibus collatis.

Varia hic eſt inventio pro varietate dignitatum, quæ conferuntur, quarum
 omnium accurata delineatio propter rerum multitudinem dari nequit. * Dignitates
 ſunt vel ſacræ, vel civiles, vel militares, vel ſcholæſticæ, vel ſummæ vel inferiores. Sa-
 cræ ſunt Episcopatus, Archiepiscopatus &c. Civiles, Regnum, Ducatus, præfecturæ
 &c. Militares etiam variæ. Porro ratione temporis ſunt dignitates perpetuæ vel am-
 bulatoriæ, vel transmittuntur ad hæredes, vel ad vitæ tempus durant, ut Conſularatus,
 Legationis dignitas &c. Aliæ ſunt ſucceſſivæ, aliæ electivæ. Singulæ ſpecies pro
 ſua conditione proprias quaſdam inventiones parare poſſunt, quæ ad certa capita vo-

P p p p 2

cari

- 9 cari nequeunt. * Nos utemur hic locis περιπαλουσις, qui vulgato versiculo comprehenduntur, *Quis, quid, ubi* &c. Tò *quis* comprehendit laudem personæ, cui dignitas defertur, vel a qua defertur, quod si is Princeps sit, in promptu sunt loci communes apud Poëtas Panegyricos, veteres, & recentiores, Claudianum, Barlaeum &c. Tò *quid* continet laudes ipsius dignitatis, ubi de magnitudine ejus, de majestate & præ eminentia, multa dici possunt. Tò *ubi* loci circumstantiam, si ea deferatur in solenni loco, in templis, sub dio, quod quibusdam locis fit, coram altari, in urbe aliqua præcipua. Hic Poëta varias habebit occasiones fingendi allocutiones, ad Deum, ad genium loci &c. Item descriptiones Topographicas, in quibus studiōsiores præ Oratoribus sunt Poëtæ. Tò *quibus auxiliis* involvit concomitantes & impulsivas causas, inter quas referri possunt electio & successio. Si electio, dicas, illum virtute sua meruisse dignitatem, non emendicatis suffragiis, casu, dolo, fraude, quod concordia fuerint omnium suffragia. Si successio, dicas, hæreditarias esse in illo virtutes, & data occasione, commendetur successionis jus, quod illustrari poterit variis comparationibus a natura animalium, arborum, agrorum petitis. Antecessor quoque poterit laudari, ita tamen, ut successor præferatur. Si qua fuerint singularia omina vel divina auspicia, ad hanc quoque classẽm pertinebunt, ac licet Poëtæ libere nonnunquam ista fingere, sed videat, ne alia fingat, quam quæ sunt poëtica: Historica enim fingere salva veritatis lege non licet. Tò *cur* causam finalem notat, quæ salus est publica, Reip. legitima vel in toto vel in parte administratio, jurium conservatio, gentis & imperii incrementum, sacrorum cura, tribunalium & justitiæ incorrupta administratio, literarum, Academicarum, Scholarum, rei militaris cura &c. de quibus Magistratus vel Principis aliqujus officiis, tam in pace quam in bello, plenum Claudianus exemplum præbet in laude Stiliconis, aliisque Panegyricis carminibus, uti & Barlaeus. Tò *quomodo* involvit varios ritus, in ipsa dignitatis collatione observari solitos, quo pertinent preces, unctiones, investituræ, insulæ, pallia, fascæ, coronæ, laurus, sceptræ, claves, gladii, annuli, poma aurea, & si quæ alia sunt auspicii Regii, vel Ducalium, vel Episcopaliũ, & aliarum dignitatum symbola, ad quæ variæ allusiones formari possunt.
- 10 sunt. * Hinc in subsidium vocari possunt, qui de symbolis illis scripserunt. Generatim de plerisque agit Böclerus in *Disput. de Auspicio Regio, Sylvester Petra sancta de tesseriis gentilitiis, de sceptro Berneggerus, de insulis Episcopalibus pileo &c. Solerius. De annulis Licetus, Kirchmannus.* Potes etiam huc referre symbola proverbialia vel gnomica Regum & Principum, quæ colligit Reusnerus. Poteris etiam ad ritus veteres & aliarum gentium mores, data occasione, alludere. Tò *quando* tempus notat. Hic considera, quo anno, die, mense fiat, & si quod memorabile antiquitus gestum sit: perpende etiam, an in pacato statu, an in turbulento sit respublica, an præsentì tempore memorabile aliquid in republica geratur &c.
- 11 In GRATULATIONE de DOCTORATU eodem modo procedes. Ad Tò *quis* pertinent inventiones, quæ a nomine, patria, gente, familia, aliisque, quibus fungitur officiis, peti possunt. Si sit Consiliarius, Advocatus, Sacerdos, Archiater

chiater &c. Si ægrotus, absens, præsens &c. e. g. in *Sparmannum Archiatrum Christina Regine*, Boxhornius in poemat. p. 24. de fratribus geminis eodem tempore promotis, idem p. 6. ad Patrem, cum filiorum quartus promoveretur, id. p. 27. ad patriam Hagam: de aliquo in *Jurisconsultorum ordinem cooptato*, idem p. 30. ad aliquem in patriam redeuntem, postquam laurea medica decoratus fuerat. Bannin p. 69. ad urbem Alcmariam, cum quidam J. U. D. renunciaretur, p. 185. Ad Tò quid pertinet ipse gradus; qui confertur, ubi in genere formari possunt Loci communes de dignitatibus, quod sint virtutum præmia, ubi comparare potes Studia cum certaminibus athletarum, eorumque præmiis, ludis olympicis &c. De titulis virtute & Studiis dignissimis eorum insignibus: posset etiam, si videretur, invechiva institui in indignos graduum captatores, merito de gradu dejiendos. * Quod attinet ad gradus singularum facultatum, digredi potes in laudes Theologiae. Vide carmen de Theologo perfectissimo Francisci Vavassoris in Parnasso Societatis Jesu p. 62. Si in Jurisprudentia tractetur locus communis de ejus laudibus, describatur Jurisconsulti, Advocati, Consiliarii, officium. Vide characterem causarum Patroni in gratulatione Doctorali ad Johannem a Dans apud Boxhornium p. 14. & in simili gratulatione carmen de officio boni Advocati apud Niendalium in poematibus p. 84. Si in Medicina; suppeditare Locos communes possunt *Satyræ Medicæ Jacobi Balden*. Si in Philosophia, amplissimus per singulas disciplinas campus patet. * Tò ubi notat locum, qui est celebris aliqua Academia, templum, collegium: possunt ad locum allocutiones formari. Ita Leidam alloquitur Boxhornius in creatione Doctoris p. 7. Tò quibus auxilium notat causas socias & concomitantia, ut si sub celebri Prælide instituitur promotio. Exemplum vide apud Niendalium p. 60. si Principis sumptibus fiat, si solus, vel cum aliis, ejusdem vel diversarum facultatum, promoveatur, si nuptias eodem tempore celebret, ubi variae inventiones ratione variarum facultatum institui possunt. Possunt & fingi Veneris, Astrææ, Eusebiæ, Pallados &c. certamina. Vide ap. Boxhornium p. 14. & 15. in quendam proxime post nuptias Doctorem juris renunciatum. * Ex argumeto disputationis inauguralis inventiones desumentur, e. g. in quendam post disputationem de lue venerea Doctorem medicina creatum, vide Boxhornium p. 48. Laus febris, quum Johannes Regius post habitam de febre disputationem medicorum ordini infereretur. Vide eundem p. 11. in quendam post publicam de angina disputationem Doctorem medicina creatum, vide eundem p. 18. in quendam post disputationem de bæredum institutione earumque querela Doctorem creatum, vide eundem p. 26. in quendam post disputationem de nuptiis Jurisconsultorum ordini inscriptum, p. 41. Potest etiam ad Patrem dirigi gratulatio, cujus sumptibus instituitur solennitas, vide Boxhornium p. 27. In quendam post honores obtentos matrimonium incuntem, miscellanea nostra poëtica p. 75. Possunt etiam allocutiones fingi ad Astræam, Apollinem, Musas, e. g. allocutio ad Themidem in creatione Doctoris juris, Boxhornius p. 40. ad philosophiam in creatione Magistri; in quendam post disputationem medicam de luxatione membrorum Doctorem medicina creatum. Vide primitias Parnassi nostras. Ad

Arminium, quum post disputationem de dysenteria medicina Doctor crearetur, Bannin. p. 88.
 15 *ad alium post disputationem de angina Doctorem Medic. creatum id. pag. 175. * Ad Tò*
Cur refertur causa finalis, quæ est in Theologia fidei defensio contra Hæreticos &c.
In Jurisprudentiâ justitiæ administratio: in Medicina salus hominum, a qua pender
salus publica: in Philosophia veritas in contemplatione, beatitudo in actione. Hæc
singula falsius deduci & applicari possunt. Tò Quomodo continet ritus in promo-
tionem adhiberi solitos, quales sunt infula, annulus, amplexus, liber clausus & aper-
tus, faces ardentes. Si singuli ritus ad singulas facultates applicentur, varias pro
re nata inventiones formabis. Vid. exemplum in Miscellaneis nostris pag. 48.
in pileum. Tò quando tempus notat, si forte conferantur honores vel in juventute,
vel media ætate, vel die natali, anno ætatis Climacterico, si tempore belli, pestis &c.
e. g. in quendam sub egressum canicularum foriarum Licentiæ gradum adeptum Boxhorn.
p. 77. in Medicum medio bellorum tumultu creatum, p. 23. in quendam prima juventute
Doctorem juris creatum, p. 53.

16 In GRATULATIONE de RECTORATU ACADEMICO præcipue in-
 ventionis deduci possunt, a personis, earumque conditione. Hæc in genere sunt lito-
 rati. Hic dies, quomodo Musis cum Imperio conveniat, non esse Tyrannicum
 sed virginale & placidum: non jam inter steriles tantum Parnassi arenas dominari
 Apollinem: non jam amplius boves pascere, sed selectissimos juvenes, (aut sic
 applica: Apollo olim boves pavit, Tu nunc curabis, ne ille leonibus, ursis, lupis
 imperet; tua Circeis poculis, quæ in feras mutant, abduces) Musas latius impe-
 17 rium habere, quam Reges, quæ ipsis dominantur Regibus. * Si Theologus est,
 per fictionem poetâicam induces Pietatem leges imperio ejus præscribentem, quod
 eo perfectius erit, quò perfectior est virtus illa, quæ in illo imperat. Dic impe-
 rium ejus Hierarchiam, sed innoxiam, quod contra Gigantes *Γεομάρχας* militet.
 Si Jurisconsultus, induces Astræam, Themidos oraculum in Helicone: novum ali-
 quod judicium instituendum, in quo non Paris Veneri, sed Phæbus Minervæ pal-
 mam tribuat; tribue illi Pallada armatam Clypeo & hasta, eandemque pacifica olea
 decoram: dic illum docere omnes, quomodo suum cuique tribuant, & sibi ipsi.
 Si Medicus est, dic: Apollinem illum esse, qui & Musarum & sanitatis præses sit;
 tollere illum debere morbos Musis pestiferos ac noxios, per distributionem alle-
 goricam, *Vid. carmen nostrum in Rectoratum Marchii in primitiis Parnassi.* Si Philoso-
 phus est, & quidem primo Metaphysicus, monstra, quemadmodum illi imperium
 conveniat in Musas, qui dominatur ceteris disciplinis: monebis, ut abstra-
 hat omnes a malitia, & nihil concrefcere sinat vitiorum, curet, ut omnes sint
 uni (ex Pythagoræ præcepto) veri, boni &c. Si Physicus, dic illum secun-
 dum naturæ leges imperaturum; dic, totam hanc rerum naturam nihil aliud
 esse, quam magnum Imperium, ad cujus exemplum ille imperaturus sit. Apol-
 linem & novem Musas nihil aliud esse, quam decem orbes cœlestes: hic mon-
 stra Planetarum & orbium cœlestium cum Musis convenientiam. (*Videantur*
Platonici) Si Poëta, ostende Helicon, Pindum &c. Etiam in his montibus inveni-
 et

niet auri fodinas, his Castaliis fontibus rigabit Musarum agros, ut varii generis germina felicius crescant, cedri, lauri, viles etiam alni. Si Ethicus, omnes in illo die virtutes imperare, & mediocritati assuetum, etiam hic medium facile obtenturum. Etiam hic pro summo fine esse beatitudinem. Si Politicus; dic hoc imperium quandam esse rempublicam, ubi Philosophus imperet, & Philosophi obediant, Rectorem a Rege non differre, (*huc refer ea, quæ de regno sapientis in philosophia Stoica differuntur*) vigere hic societates, exclusa tamen conjugali, quæ inter virgines Musas non admittitur, ut quæ non corporis sed mentis tantum partus suscipiant. Nullos hic esse servos, sed omnes liberos (*Vid. Lipsii manuactionem ad Philosophiam Stoicam*) suam Regi hic esse maiestatem, sua regalia, sua Musis esse vectigalia, suas nundinas, suos vasallos, sua feuda, quibus investiantur, Doctores, Licentiat, Magistri, ut Comites, Barones, Nobiles: etiam hic esse equites sed Pegaseos, bella etiam geri, sed cum barbarie & ignorantia, sed in Musarum area, non in arena gladiatoria. Posses hic formare acclamationes ad imitationem veterum. Si Mathematicus est, dic, illum omne tulisse punctum, totum esse terebrem & rotundum, quemadmodum virum bonum describit Horatius; efficturum illum, ut imperium suum sit quasi quidam circulus, in quo extrema a centro seu medio virtutis æqualiter distent: Dic illum omnium rerum mensuram initurum, æqualia inæqualibus, paria paribus misturum. Si Orator & Poëta, dic illum instar Herculis Gallici eloquentiæ catenis omnes sibi devincturum. * Possunt secundo *ab insignibus inventiones* duci, qualia sunt sceptrum, 18 purpura, aureæ claves. Hic subsidia suppeditabunt, *Berneggerus in Oratione quadam de scepro, Breclerus de auspicio Regio, Idem in Apollinis scepro ad Comitem Guissovium de la Gardie, Rectorem Upsaliæ creatum, Ericus Putcanus in purpura Austriaca ad Principem Ferdinandum, ubi purpura qualitates confert cum Cardinalitia dignitate.* Tertio a tempore inventio petetur, si forte dies festus sit, aut quodam memorabili facto insignis. Ratione temporis, cum semestris dignitas sit, possit comparari cum dictatura Romanorum &c.

In GRATULATIONIBUS de NOVO ANNO partes possunt constitui quatuor, e quibus, quod commodum erit, adhiberi potest, primo gratulamur de exantlato anno, ubi considerabis circumstantias varias, an annus fuerit Climactericus, an Periodicus aliquis vel similis, an dies novi anni in natalem ejus incidat, cui gratularis. An annus inter morbos vel alias fortunæ difficultates sit exactus, (tum enim in subsidium vocabis ideam carminis Soterii) an peregre, an domi; tum dices solis laborem eum imitatum esse, cumque eo domum rediisse: An in bello vel pace. Ratione personæ variari etiam possunt argumenta gratulatoria, si Princeps sit, dicas illum cum Consulibus Romanis annum pandere & fastos, conferre seculo felicitatem. Si Theologus vel Sacerdos, dicas, ad illum non pertinere tempora sed æternitatem, vel potius veteres annos & mores antiquos, non nova secula. Si Consiliarius, Jureconsultus, gratuleris illi de præterito anno, ex quo sibi ipsi formaverit vel prævidere prudentia futurum annum & ceteros: comparabis illum cum Jano bicipiti; Si Medicus

Medicus, mille illi salutes & de morbis triumphos precare. Si Philosophus, dic illum supra annos esse, iplis dominari astris, ipsique tempori, cui ipse orbes suos præscribat, quod numeris suis includat: Si dives sit, precare crumenis & arcis ejus Janum Patulcium & Clusium, qui justo tempore largiatur & recondat. Possumus *secundo ad varios ritus* tam veteres quam recentiores alludere, de quo nos alibi copiose diximus. Possumus *tertio gratias agere pro præstitis beneficiis*, ubi inea-
 20 tur personarum ratio: Subsidia hic petes ex idea carminis Eucharistici. * Possumus *quarto strenas asferre* vel veras vel fictitias. Hæ ad morem veterum dari possunt, argute ad illas applicatione facta: vel fictione aliqua poetica excogitari, prout personæ, cui illæ offeruntur, conveniunt. Et ea quidem ratione Passerarius varias obtulit Memmio strenas, auram, nugas, columbam, olivam, morum, ficum, palmam, plittacum, laurum, rosam, olorem &c. quæ tamen mihi non adeo probantur, quoniam indistincte nullo habitu convenientiæ discrimine offeruntur. Vid. *primitias Parnassi nostras*, ubi varias omnium facultatum Professoribus strenas exhibemus. Ita Theologo vel sacerdoti posses offerre claves Jani, Sphæram cælestem cum omnibus circulis & astris, quod continua allegoria rei præsentari applicare posses; Jurisconsulto libram, gladium, fasces, fortunæ rotam; Medico coronam quernam, civicam, pro servata salute civium, serpentem exuvias exuentem, Phœnicem; Chymico Jovem lapidem; Philosopho circulum, quod ipse annus & tota rerum universitas notatur, dolium Diogenis, saxum Sisyphi, rotam Ixionis: Metaphysico nihil, omnia, rem, Chimæras, universum, unum, verum, bonum. Physico, flores ex hortis, atomos, semper vivum, similesque herbas, Laurum e sylvis, aurum e fodinis, uniones e mari, ovum, quod omnium rerum principium facit Orpheus; Mathematico annum ipsum & secula, puncta, pyramides; Oratori fulmina, mella, Caryotas, Thurfos, bona verba; Poetæ Pegalum, fontes Castalios, laurum. Ethico centrum. Politico horologium; Patrifamilias opera & dies. Possent etiam in forma emblematis efferri. Sed talia infinita excogitari possunt, ac solent mire in talibus sagaces esse Oratores sacri, qui Strenas pro concione largiuntur. Videatur *Stegmannus in Christognosia sua*, sub titulo *Christi Strenophori*. Videndum tamen, ne in nugas prolabamur, ut facile fieri potest, si nimis in talibus operosi simus. Debet enim modus esse in rebus. Possumus *quinto varia ἡθῆ & πάθῃ* immiscere, vota pro incolumitate & felicitate ejus, cui gratulamur.

- 21 In GRATULATIONE de NATALI inventio ducetur *primo a personis*, ubi sunt Majores, Parentes, de quibus loci Rhetorici consulantur. *Secundo a tempore*, quod antecessit partum, ubi oracula, auguria. *Tertio a partu ipso*, ejusque adjunctis, quæ sunt apparatus varii, basia, cantilenæ ad cunas, dies festus, anni tempus, ver secundum, solstitium vegetum, autumnus gravidus, hyems genialis. Ornamenta poetica addantur, de partu mirabili e spuma maris, cerebro, femore, Jovis, Chao: de educatione, a columbis, a capra Amalthæa: allocutiones ad stellas, auro-ram, patriam Lucinam, bonam Deam &c. Quarto ab ἡδέσι seu votis ad infantem

tem, ad parentes, de familiæ incremento. Si masculus, gratulare de hærede felicitatis ac indolis patriæ, de bellica virtute, de studiis, si femineus, pulchritudinem, ingenium Matris in illo commenda. In *anniversario natali* inventiones a laude personarum additis ornamentis poëticis omne punctum ferent.

In EPINICIIS sive *gratulatione de victoriis* convenient primo *loci personales*, 22 laus scilicet victoris ex adjunctis huic argumento aptis, quæ sunt quatuor illæ virtutes Imperatorie a Cicerone in Oratione pro L. Manil. notatæ: Secundo *loci, quibus factum laudatur*, omniaque illa Enthymemata apud Aristotelem de honesto & pulchro. Tertio *loci communes, difficile, impossibile*, & quæ sub his continentur. Quarto *loci octo amplificatorii* apud Aristotelem. In his omnibus latent specialia illa, gravitas facti propter firmitatem munimentorum, aliaque impedimenta objecta, farum, auguria, hostium ferocitas, patriæ salus, libertas publica, gloria post mortem superstes, vota omnium pro longævitate. Possunt addi varia ornamenta Topographica, pathographica, descriptiones e locis adjunctorum, pugnarum, periculi. Possunt addi comparationes & exempla more Poëtarum.

SYLLOGE EXEMPLORUM.

I. In GRATULATIONE de DIGNITATIBUS. Gratulatio de 23
Præfectura equestri & maritima, *Deliria poet. Scot. tomo 1. p. 71.* de Inauguratione Jacobi Regis, p. 251. & 275. Ludovici XIII. p. 339. In coronatione Reginae tomo 2. p. 71. Jacobi tomo 6. p. 227. & 245. De tribus Regnis unitis ad eundem. p. 279. De Episcopatu Wallius p. 41. Senatui populoque sub Episcopo pacem optat, p. 49. Ad Marcellum in prima pueritia legioni patriæ præfectum p. 91. De Episcopatu post amplissimos honores, *allusio ad gentilitiam tesseram, quercum & leonem*, pag. 197. In duos Episcopos simul consecratos, Wallius p. 318. In inaugurationem Episcopi Hofchius p. 34. ad Belgium cum Marchio militiam regiam administrare inciperet p. 53. In inaugurationem Episcopi, p. 66. gratulatio de dignitate senatoria ipsis Jan. Cal. Neubusius pag. 90. De Consulatu p. 203. gratulatio ad Ferdinandum, *Parnassius societatis Jesu*, p. 559. Maximilianus Bavarie Dux Cæsari Bononiam restituit, tomo 2. p. 157. In novam purpuram Cardinalis, p. 563. *Vid. plurima exempla in poematibus Barleanis.* Ad gratulationem de Doctoreatu & Reçtoratu pertinent illa, ad Philosophiæ Professore & creatum Medicinæ Doctorem Daniel Heinsius p. 118. Ad Castorem & Pollucem geminos fratres, quum uterque Licentiam in utroque Jure reportaret, p. 397. Ad Martinium juris Doctorem creatum, p. 398. ad Regem Sueciæ; cum JCrorum Ordini aliquis inferus esset, p. 399. Ad Thyii Filium, J. D. creatum, p. 400. Ode ad Gernandum 13. ætatis anno Philosophiæ Magistrum creatum p. 502. De Reçtoratu Scoti tomo 1. p. 332. it. tomo 2. p. 224. Ad Leonem Belgicum domi militiæque vulneribus & morbis affectum, cum aliquis, cui Leo inter signa erat, Medicus crearetur, Wallius p. 416. In J. D. creatum. *Bannin. L. 2. Elegia 10.* ad urbem Hornam, cum ejus civis Medicinæ Doctor fieret, p. 61. in quendam die suo natali J. Doctorem creatum p. 62. In promotionem juris, p. 90, 93, 168, 189, 184. In honorem Doctorem Vossii Barlaus pag. 108.

Tomus I.

Qq qq

Ad

Ad Dorislaum ex pædagogico D. J. creatum, p. 290. In quendam D. J. creatum, *Baudius* p. 107. ad quendam Philosophiæ Professore, p. 110. p. 115. Ad Episcopium Magistrum creatum, p. 430. In Metaphysicæ Professore Medicinæ Doctorem creatum, p. 447. in quendam D. J. creatos, p. 523, 533. In laurum Philosophico-Medicam. Sententia Apolliniis *Placcii poemata* pag. 236. Gratulatio de Doctoratu juris *Neubusius* p. 199, 219, 244, 245, 252, 301, 333, 337, 397. De gradu Medico p. 215, 247, 304, 399. De gradu in Philosophicis, p. 207. De Rectoratu Scholastico p. 396. Ad Academiam Regiomontanam Magistros creantem *Pastorius* p. 91. In D. J. creatum *Nicolaus Hainsius* pag. 193. In quendam Medicorum ordini insertum p. 196. In duos fratres D. J. creatos, p. 272. it. p. 277. De Theologiæ Doctoratu p. 278. In Rectoratum Academic. *Cu-naci Barlaeus*.

- 24 II. In GRATULATIONE de NATALI PRIMO. Vide tria genethliaca carmina variis inventionibus elaborata apud *Jacobum Balde*, tomo 2. Poëmatum, (1) carmen in filium Comiti de Tylli natum. (2) Comiti Palatino Philippo Wilhelmo nomine totius collegii scriptum. (3) in Filiolem eidem Principi ipso festo trium Regum natam, sub persona trium Gratiarum. Tertio carmini ab ipso Autore artificium subnectitur. De filiolo primogenito Marchionis Monteferrii *Zaccatus* p. 37. Fons bellaqueus Delphini natalibus baptisinate sacer, *Idyllion Sceti* p. 282. Epigramma ad Patrem baptisinate suscipientem filium. Comparatio cum Achille, *Stygia unda tincto*, p. 288. Genethliacon Ducis Andium tertio partu geniti. Comparantur tres filii Ceryoni p. 286. Ducis Aureliensis ad Regem Patrem, p. 306. Oda qua celebrantur Principis Scoto Britanni natales tomo 2, p. 98. de nata filia prima vice p. 382. ad ejusdem uxorem de partus difficultate, *ibidem*. Ad Gulielmum Comitis Swartzburgensis filium ex themate natalitio concinnatum, *Wallis* p. 76. In infantem Principis Arausiorum natum post victam Hispanorum classẽ, *Barlaeus* L. 2. *Heroicorum* p. 350. in natum Galliarum Delphinum eadem die & hora, qua Amstelredamo discessit Avia Maria de Medicis *ibid.* p. 356. in Delphinum Galliarum in *Delic. poet. Gallor. Passerat.* p. 103. tomo 3. Genethliacum nobilis pueri p. 344. In Delphinum Regis Galliarum *Nicolaus Hainsius* p. 205. Vid. eundem L. 4. *Eligia* 4. Genethliacon Jacobi IV. Regis Scotorum, *Buchananus* p. 309. In natalem Delphini Galliarum, *Baudius* p. 633. Carmen constans ex meris Chronostichis in cunas filioli nati ad natalitia Christianæ salutis, *Neubusius* p. 26. Cunæ Auriacæ in nat. Princ. Araus. *Hugenius in momentis defultoris* p. 5. Genethliacon Delphini *Laur. le Brian Eloq. poet. T. 2.* p. 483. baptisinus Dominici Prioli. Infantis crepundia & cunabula *Bonifac. L. 9. Musurum carmine* 61. & *segg.* Marinæ Mauræ puerperium *ibid. carmine* 64. ad Patrem gratulatio pro nato filio, *ibid. carmine* 79. Ad patrem Bernhardum de filiolo Polo Nano, nato, dum Pater civitati Bellonæ præsideret, comparat cum Hercule *ib. carmine* 103. Genethliacon ab omnibus inventionibus petita, *lib. 10. carmine* 135. Miraculofo Galliarum Delphino *Stratenus in Venere Selandæ* p. 58. Ad eundem Genethliacon *id. pag.* 105. Nova Gallia Delphinum salutet *Laurentius le Brian opusculis selectis* p. 486. Nænia pro pueri ad somnum provocandum: Nænia nutricis: Næniæ alie nugatoria, *Jovianus Pont-*

Pontanus lib. 2. de amore conjugali a p. 331. ad p. 338. Ad Lucinam parturiente Piccolominea Sannazarius *L. 1. Elegiarum: p. 97.* de partu Niseæ *id. lib. 1. Epigr. p. 147.* in filiolam natam Hugenio post quartam prolem masculam *Barleus p. 494.* Genethliacon epicum *Delic. post. It. d. T. 1. fol. 23.* infantis Tuscani *fol. 31.* filii Gonzagæ *oda T. 2. fol. 222.* Amibela exultans super Galliarum Delphino *Kenchenius p. 122.* ad Jctum, cui uxor primo partu gemini sexus progeniem peperisset *p. 159.* in Principem die Lunæ natum *Bruno Mengelmoes p. 279.* in Principem Auriacum sexto conventu die Solis nona vespertina denatum, & filium ejus posthumum mox natum, *id. p. 286.* Omen Genethliacon, ad serenif. Principem *Albertus ab Ins oda 63.* Ad uxorem suam, cum esset gravida *Daniel Heinf. p. 382.* In filiolum primogenitum Hugonii *p. 393.* Allusiones aliquot in nepotulum Cornelii & Martini natum Petteni ad mare in hospitio publico, cum de munimentis maritumis comitia agerentur *Neubusius p. 164.* In natalem Delphini vigesimo post connubium anno nati, *Pastorius parte 1. Sylvarum p. 68.* in natalem Principis Polonorum *p. 63.* Ad quendam cum ei uxor in mari filium peperisset, *p. 117.* Chorcæ (*Ballet*) in natalem Fridericæ Amaliæ principis Danicæ a Vito Beringo scriptæ.

GRATULATIONES de NATALI ANNIVERSARIO. Ad Ful-25

gentium Stephani natalem in Januario celebrantem, *Zevecorius lib. 1. Elegia 2.* in natalem amicæ *p. 142.* Ad Jacobum VI. Angliæ Regem, *Scoti T. 1. p. 15. p. 221. p. 301.* comparat cum sole. Mensis Julii fatalia, quo natus, maritatus & ad honores promotus fuit, *T. II. p. 489.* In natalem Dionysii Vossii Prosopopœia Uranies ad natum quondam puerum, *Bummi. L. 2. Eclog. 8.* in annum suum 60. exactum *Galli T. 3. p. 723.* Genethl. Rosinæ Melissæ. Ad nomen alluditur *p. 716.* De Climacterico magno *p. 714.* In natalem Ovidii ab eo proximum, qui natalis Minervæ est, *Daniel Heinf. L. 2. El. 9.* in natalem Josephi Scaligeri oda, *p. 504.* in natalem diem, sextum Februarii Electori Brandenburgico ejusque filio eundem, Carmen nostrum. In Cosmi Medicæi natalem X. *Nicolaus Heinf. l. 2. El. 2.* in filium primogenitum Ludovici XIV. *L. 4. El. 4.* in natalem Reginæ Christinæ *p. 146.* In natalem Kinschotii *pag. 267.* in natalem annum Josephi Scaligeri, qui tanto æstu nobilitatus fuit, ut plerisque calidioribus locis vineæ fuerint exussæ, tria epigrammata *Ruggerfii Nic. Heinf. p. 133.* Ad Boxhornium Vincentius Fabricius de utriusque natali, qui in eundem annum & diem incidit. *Fabric. p. 126.* in natalem Nic. Heinf. *id. p. 153.* in natalem patris sui *Grotius p. 209.* in Pascha anni 1612. natalem suum 30. *idem p. 223.* in natalem 31. *p. 338.* in natalem senis, *p. 251.* in natalem parentis sui *Nic. Heinf. l. 1. El. 5.* Elegia de natali suo Lotichius *L. 2. El. 8.* in natalem Vincentii Fabricii *El. Nic. Heinf. Fabric. p. 213.* in natalem amicæ suæ *Winf. in amoribus p. 272.* In natalem suum jambus, *Hugenus p. 323.* Ad Episcopum Taurisinum in nataliis Christi, quibus & Flaccus natus perhibetur, editum, *Bonifacius L. 8. Mus. Carm. 55. & 56.* In festo die Divi Sannazarii Martyris sibi natali, *Sannazarius l. 2. Eleg. p. 189.* in natalem amici *id. p. 151.* in natali Alulii Vatis *id. lib. 1. Epig. p. 156.* Ad Slusenium tertio post Phleboromiam die natalia celebrantem. *Kenchenius*

nus in *Mus. Juvenil.* p. 58. in decimum Augusti diem natalem suum, alludit ad fidus virginis p. 139. in aliquem festo purificationis Mariæ natum *Bruno Mengelm.* p. 306. Genethliac. Belgicum in Principem Araulionensem duodecennem. Pro munere donat horologium & alphabetum principale, *id.* p. 372. Ad aliquem eodem secum anno, die, hora, fidereque natum, *Bisselius in delic. aflat.* p. 372. In Caroli V. natalem *Johannes Secundus* p. 103. In natalem Douzæ Lipsii elegia, *Douza poemata* pag. 665. in quendam, cum ipso natali die periculum evaderet *Miscellanca Genethliaca.* Prosopopeia Parisiensis Academiæ Regis filiae sub natalem principis natalibus restituta *Scoti T. 1.* p. 272. ad urbem Gandavum, in qua Carolus V. natus est *Becanus* p. 75. In quendam ipso natali die D. J. creatum *Bannin.* p. 62. Ad Arnoldum van der Walle in cunis adhuc vagientem, cum ei olivam pacis in spem olim colendæ poëseos mitteret, *Wailius* p. 225. Genethliacorum vanitates irridet, *Caldenbach.* l. 1. oda 23. Genealogia Nassoviorum, *Grotius* p. 28. Ad puerum suum in die natali Virgilii, *Lotichius* p. 143. Carmen de excellentia sexus feminini *Hugenius* p. 46. 47. Carmen Eucharist. pro Genethl. *Bonifacius* l. 9. *Mus. Carm.* 65. Puerperium turturis jocosarium, *Gudberlethius* in poematibus a p. 25. ad p. 42. ad S. Ignatium, ut Regi Ludovico sobolem impetret, *Joninus* l. 1. oda 10. Ad maciem in die natali *Balde* l. 1. oda 54. Irridet Genethliacos *id.* l. 2. od. 24. In vaticinium infelix de partu Loliæ *Barlaus* T. 2. p. 455. In natalem 800. urbis Siricæ *Bruno* T. 1. p. 39. in falsum de nato princ. rumorem p. 279. Generosa liberæ gentis Genethlia *Albertus ab Ines* oda 4. Iustum Lipsium in die natali ad geniale epulum invitat *Douza poem.* p. 654. Vide Genethl. varia *Antonii Chanuti* in virginem Mariam variis inventionibus exornata in *Parnass. soc. Jesu.* T. 2. a p. 190. quæ mutata applicatione ad Principum natiuitates referri possunt.

- 26 III. GRATULATIONES de NOVO ANNO. Vid. Passeratii strenas integro libro. *Constantinum Hugenum* in poemat. Belgic. p. 300, 659, 1069. *Parnass. soc. Jesu* T. 1. p. 533. Bafia pro strenis data *Scoti* T. 1. p. 55. Strena ad Regem Britanniae *ibidem* p. 83. Strena ad Pro-Regem ex Anagrammatismo p. 280. Flores pro strenis T. 2. p. 333. Epigramma de Jano bicipite p. 474. In Cal. Jan. p. 383. Strena retrograda, p. 384. Strena ad Galatham *Bannin.* in poemat. Belgicis p. 145. Opitius carmen German. in Cal. Jan. *Sylvius poetic.* pag. 22. & 28. Jacobi Catzen Cantilenæ in novum annum in *Hofgedachten* p. 79. & seqq. Hugonii Strena ad quatuor filios in *moment. desulr.* p. 50. ejusdem epigramma in Schurmannæ Studium novum novi anni tempore *ib.* p. 369. Ad eandem p. 379. & 376. *Taubmannus* in *Melodasia* p. 1, 42, 44, 65, 229, 369, 370, 371, 456. Strena ad Pontificem anno 1666. Inventio ex numero Romano anni. *Nic. Heins.* in *carm. adoptiv.* p. 93. *V. Nathan.* *Chytraeum* in *fastis sacris.* Gratulationes in Cal. Jan. plurimas habet *Neubadius* p. 1, 2, 14, 15, 16, 18, 20, 21, 23, 24, 29, 32, 41, 43, 47, 51, 52, 61, 70, 71, 72, 75, 79, 83. In quendam ipsis Cal. Jan. in Senatorum ordinem electum, p. 190. *id.* p. 216, 217. Ad discipulos pag. 254. Ad parentem p. 274, 359. &c. Carmen seculare in Cal. Jan. *Balde Lyr. lib. 3.* p. 187. Barbiron pro Strena *id. Sylv.* lib. 5. oda 7. p. 130. Salutatio ad pontificem centone Virgiliano Ital. T. 1. fol. 334. Strena qua gratias agit pro beneficiis,

beneficiis, *Bruno* p. 42. parte 1. Strena ad amicam id. p. 14. p. 123. Ad Consulem p. 292. parte 2. Id. p. 294. Alphabetum Christianum pro Strena p. 219. parte 2. *Sidonii Hoeschii* fausti anni apprecatio ad Leopoldum p. 85. Vota Belgarum ad eundem p. 87. Vota ex Victoriis Belgicis p. 89. pro incolumitate princ. p. 90. pro rebus in Germaniæ gestis p. 94. ex ascititiis insignibus p. 98. ex honesta animi relaxatione p. 102. ex venatione p. 103. ex aucupio p. 105. ex arte Musica, p. 107. ex picturis p. 108. ex historia, philosophia & poësi, p. 110. ex virtutibus p. 113. &c. Carmina pro strena missa ad princ. *Boisjardus* p. III. *Flemming. Epigramm. lat. Epigr.* 23, 27. in novum annum in Moscovia celebratum l. 9. *Epigr.* 26. Strena ad Pontificem *Bonaventura*, *Baronius in Heroicis* p. 39, 40. querela de temporis fuga in Cal. Jan. *Vinc. Fabric.* p. 135. Allocutio ad se ipsum p. 141. Querela, quod longam potius vitam quam bonam precemur. Id. p. 146. In sigillum aureum pro strena datum *Menagii poem.* p. 55. Strena ad fratres Huguenios. Inventio e 12. Zodiaci signis *Barleus T. 2. p. 211.* De pareliis Luteræ visis anno 1539. finiente, *Carolo V. Cæsare*, Cal. Jan. anno 1540. urbem ingressuro *epigr. Adeodati Sebe (Theodori Beze)* ipsi Imperatori oblatum *Galli parte 3. p. 692.* Ejusdem Xenium Poëticum ad duos Poëtas *ibid.* p. 594. In Cal. Jan. ad Fuscum. *Sannazarius l. 2. El. p. 121.* humanæ vitæ fuga *Joninus l. 4. p. 145.* *Buchananus l. 3. epigr.* varias strenas distribuit Regi, Reginae, discipulis, Episcopo indocto, aliisque Principibus & Matronis a p. 352. ad 357. Strena ad Comitem Gordonium *Jonstonus Epigr.* p. 419. & 420. Strena ad Cubicularii Regii Conjugem p. 428. ad Regem, qua recensitis muneribus, quæ dare posset, nihil Regi dari dicit, cujus non pretiosius expectet *ὀνείδωσεν* p. 229. querela annuli a Gordonio ad se missi Cal. Jan. p. 354. De variis ad Cal. Jan. & strenas pertinentibus *V. Owenum l. 1. Epigr.* 62, 96, 142, 164. *Lib. sing. Ep.* 71. l. 1. *Ep.* 19. L. 2. *Ep.* 4. L. 3. *Ep.* 16. Oraculum Julii Mazarini Cal. Jan. *Balzac.* p. 18. vota modesta Cal. Jan. *Epigr. Scoti* p. 128. Musca Jano oblata, p. 249. De Cal. Jan. *Epigr. Scoti* p. 432. Theocrene pro Hippocrene ad Scotorum Regem p. 141. T. 2. p. 120. Xenium ad parentem p. 180. Meditatio de tempore in Cal. Jan. *Flemming. poem. German. l. 1. Sylv. p. 32. L. 1. odas. Poëmata German. V. ap. Tscherningium in Vere* p. 17, 20, 192. In prodromo astatibus p. 20. *Salomonem von Golau in Epigr. Germ. Chil. 1. Cent. 9. Ep. 11. Chil. 2. Cent. 2. Ep. 4, 27, 28. lb. Cent. 15. Ep. 83, 84, 86, 90. Cent. 10. Ep. 31. Chil. 3. Cent. 5. Ep. 38, 98. Chil. 2. Cent. 2. Ep. 3.*

IV. GRATULATIONES de VICTORIA. Ad Regem Gallie post pugnam in Alpibus *Balzac* p. 9. ad eundem *El. p. 10.* Ecloga Alcon in victoriam Princ. Auriaci *Banning. p. 120.* In eandem ejusdem Panegyricus p. 111. ad fortissimum Principem post urbem expugnata *Balz.* p. 23. Ostenda capta, *Scoti T. 1. p. 125.* Regis post confecta bella prosopopœia *Scoti* p. 274. Post bella unio Ecloga p. 428. Deditio arcis ad Regem p. 151. De profligata Hispanorum classe, p. 534. ad Archiducem Austriæ cum expugnata Dünkerka Flandriam ab armis Gallicis liberasset, *Wallius* p. 19. Victoria Cæsaris per Metaphrasin odæ 22. l. 1. *Horatii pag. 155.* Oliva pacis ad orbem Christianum id. L. 3. *El. 1. Vid. & seqq. Eleg. usque ad 7. affinis argumenti.* Ad Davidem de leonis & ursi cæde *Becanus* p. 17. De victoria ad Nordlingam, *pag. 83.*

De Mosa hosti erepta *Hischius* p. 68. Brisacum capta seu Panegyris, Saxoniae Duci dicta, *Barleus* p. 107. Epinicius in captam classem Mexicanam i. l. p. 292. Vesalia capta, p. 23. Olinda capta, p. 242. *l. plura exempla ib. pag. 252, 260, 278, 284, 307, 329.* Ad Principem Auriacum post expugnatam Hispaniarum Classem, *Banning. L. i. f. 12. Carm. i.* In expugnatam Hispaniarum classem, p. 39. Leucatha triumphans libri duo *Parnass. soc. Jesu T. i. p. 410.* ad Mercem obfisione liberaram p. 497. In Regis Galliarum expeditionem, p. 517. Ludovici XII. Panegyric. T. 2. p. 649. it. p. 652. gratulatio ad Menckium de liberata Britannia *Nic. Heinss. p. 82.* In victoriam Lotharingicam Ludovici XIV. p. 207. de Breda expugnata in *adoptivis* p. 51.

- 28 V. MISCELLA GRATULATORIA. Excusatio silentii in gratulando, *Bals.* p. 36. ad Regem, qui ereptus fuerat periculo incendiariorum *Scoti T. i. p. 7, 437.* ad quendam Musicum *Wallius* p. 200. ad militem Tribunum Carthusiano ordine initiatum, *pag. 217.* ad Xaverium Militiae suae insignia in Indiam inferentem, *Wallius pag. 315.* Ad quosdam, soc. Jesu ingressos, p. 334, 350, 365. Ad quendam cum Josepho Sacellum dedicaret, *Beramus pag. 7.* Ad Gualicum cum templi primum lapidem poneret, *pag. 97.* Ad Piosum in ordinem equestrem cooptatum, *Banning. pag. 159.* ad quendam Legatum ad Angliae Reginam, *Baudius pag. 97.* Gratulatio de Syndicatu *Pharcius* p. 122. Gratulatio ad quendam manibus hostium elapsam, *Neubus pag. 39.* de Quaestoratu, *pag. 174.* de Secretariatu *pag. 176.* de Disputatione juridica, p. 177. ad aliquem artem cum Marte commutantem, p. 242. in disputantem de ceclo *pag. 263. &c.* Ad emeritum Douzam *Grotius pag. 176.* Urbani Octavi Pontificis triumphalis pompa *Parnass. soc. Jesu T. 2. p. 139.* Pompa Regia Regis Galliae T. 2. *pag. 612.* Gratulationes in orationes habitas *Nic. Heinss. p. 261.* ad quendam de principatu Romuli disputantem p. 233. In disputationem juridicam p. 268. ad Curatorem Aca-
demiae electum, *pag. 73.*

- 29 IN EPITHALAMIIS Inventiones ducuntur I. a personis, ubi loci Rhetorum excutiendi. Considerentur adjuncta personarum, Nomina, amoris occasio, vel vera, vel ficta. Vera, ut pulchritudo, virtus, sponsi vel sponsae, fatum. Ad fictiones pertinent Veneris & Cupidinis consilia & machinationes, qualia multa in Poetis & amorum Scriptores inveniuntur. (Vid. hortos Veneris Blyenburgii, in quibus congeruntur varii Loci Communes ejusmodi rerum ex omnibus Poetis) Professio sponsi, unde perpetuae allusiones formari possunt, affectus mutui, studia, desideria, inter praesentes & absentes, si sponsa agre expugnata fuerit, si literae multae scriptae sint. Hic varia fingi possunt, prout ipse ingeniosus amoris affectus est, cujus Characterographia tam apud Pathologicos Scriptores, quam apud Poetas perquiratur, salutationes, carmina missa, insomnia, excubiae ad amicae fores, convivia &c. II. Inventiones peti possunt ab adjunctis vel circumstantiis. Hic Loci Communes de amoris suavitate, vehementia, potentia, conjugii laudibus, locum inveniunt. Vid. *Barkei dialogi nuptial.* & *Jacobi Lydi sermones convivales, quae ad hunc faciunt ejus Augustis:* Item descriptiones felicitatis nuptialis cum antecedentibus & consequentibus, & thalami ab ornatu, colloquiis ante & post thalami consensum, cujus generis multa ap. *Job. Jov. Pontanum*
libris

libris 3. amorum conjugium. Antiquitates quoque huc referri possunt, ad quas eruditæ allusiones intituui solent, de quibus antiquarii Scriptores. *Vid. Aloysii Novarini Tomum Electorum sacrorum, qui inscribitur Aqua nuptiales.* A tempore inventiones etiam peti possunt, si ver, festas, autumnus, hyems sit; dies festus, caniculares, Bacchanalia, Decembris, Saturnalia, nundinae, dies lunæ, solis, veneris &c. III. Ab *Ægei seu affectibus mollioribus* multa duci possant. Pertinent huc omnia vera, ficta, vota pro felicitate, & fecunditate, varii loci morales de amore. IV. A *forma Carminis* inventio peti potest, si illud vel Epicum vel Anacreonticum, vel dithyrambus, vel cento, vel Ecloga, ita tamen, ut ceteri etiam loci innectantur. Elegans exemplum est Epithalamii apud *Statium in nuptias Stella & Violantilla*, in quo pene omne quicquid est Enthymematum & ornamentorum quasi coacervari videtur.

Subjiciemus exempla specialium inventionum, quasi per lancem futuram col-
lecta, & quidem I. A NOMINE *sponsorum & insignibus*: Carmen Belgicum in nup-
tias cujusdam Kcenigii Bruno p. 198. & 199. Inventio e nomine Petri Taubmannus
in Melodassa p. 642. e nomine Zimmermanni idem p. 257. In nuptias sponsæ Barbaræ.
idem p. 235. E nomine Mariæ, ubi de dulcore amoris p. 243. In nuptias Margaritæ
von Hengst & Sponsi Türcen Carmen Belgicum Brumonis p. 65. Vid. simile apud
eundem p. 52. In nuptias cujusdam Lucie, idem p. 259. Leo Liliger & Leæna Ro-
sifera. Inventio ex tessera Gentilitia, Bonifacius in Musis l. 5. p. 235. In nuptias Chri-
stiani & Christinæ Hoffmanni in epigr. p. 198. In nuptias Gailii & Sandiæ. Inv. Gail-
lius præcticus in thoro, ut ille Jctus in foro, anchora amoris in arena figenda. Id.
p. 200. In Prussum, sponsam Prussiam ducentem, Id. p. 163. Vide Carmina nostra in
Libro venerum: Carmen Pancratium in nuptias Pancratii, Venerem piscatricem, olea-
riam, fontanam &c.

II. A CIRCUMSTANTIA *Personarum matrimonium incuntium.* 31
An virgines viduis sint præferendæ? Eleg. Henr. Meibomii. Deformes pulchris esse
preferendas Fabricius L. 2. Eleg. 5. Pulchras deformibus esse præferendas ibid. Eleg. 8.
Puellas simplices prudentibus esse præferendas ibid. Eleg. 9. Prudentes simplici-
bus &c. ibid. eleg. 10. In nuptias alicujus cerevisiarii, qui Oenopolæ filiam duce-
bat. Sine Cerere & Libero friger Venus Hofm. p. 199. In nupt. Typographi. Prac-
lum amoris idem p. 180. Epithalamium in eruditum scripturus multas inventiones applicare
poterit ex Heinssii ad Jacobum Primerium epistola, qua agitur: An & qualis viro literato
uxor sit duenda? Venus Cimbrica seu in nuptiis Christiani IV. Daniæ Regis Barleus
l. 1. Heroic. p. 75. Venus Britannica id. l. 2. Heroic. p. 290. In nupt. Ennonis id. p. 321.
In nuptias Hofdii, Poëtæ Batavi, secundum sponli id. p. 46. amatorem Regi similem
esse, Vinc. Fabric. el. 3. l. 2. Amatorem mancipio & captivo esse similem ibid. l. 4. In
aliquem sponsum Ecclesiasten. Zuber. poem. part. 1. p. 14. Epithalamium in Nota-
rium. Inventio ex officio & nomine Henr. Bruno Mengelmoß p. 46. In nupt. An-
ton. Matthæi Jcti Boxhorn. Poëm. p. 3. In nuptias Jacobi VI. Scotorum Regis & An-
næ Danorum Regis filia in Dania celebratas, Georgio Scotiæ Marschallo Regis sui
vices.

vices obeunte *Scoti T. 2. p. 333.* In nupt. Arminii Theologi & Medici: *Banning. p. 60.* Epithalam. In Calendrinum sacerdotem, *Hugen. in moment. defult. p. 290.* In Philosophi nuptias: Philosophus eger uxore, claudit: tendimus huc omnes, thalamum properamus ad unum, *Hofm. p. 172.* Huc etiam ille Locus Communis pertinet, uxorem studiorum & actionum finem esse *id. pag. 196.* Chamaleon grammaticale ludicrum, *Gulberletius p. 102.* Epithalam. in Vexilliferum. Invent. a re militari ad rem uxoriæ applicata *Henr. Bruno p. 220.* Epithalam. in nuptias peregrinatoris. Invent. a peregrinationibus Sponsi petita, *Id. p. 217.* Epithalam. in JCrum, Invent. processus juridicus in judicio Veneris. Carmen Belgic. *id. p. 209.* In nuptias JCr. Invent. ex officio *id. p. 161.* In nuptias principis Mecklenburgici *Nic. Heinfs. pag. 156. nov. edit.* Epithalam. senatoris, *Grotius pag. 90.* constat variis fictionibus. Epithal. Consiliiarii, describitur hic Veneris Regia & Amorum studia circa nuptias, *Grotius pag. 102.* In nupt. Principis Arausionenf. *id. pag. 112.* Epithal. in nuptias Joh. Bourellii, qui commendatur a variis peregrinationibus, *Id. pag. 109.* In viduam, antea viro militari junctam, *Bruno pag. 267.* Carmen Belgicum in Triglandium sacerdotem. Invent. a sanctitate conjugii *id. pag. 349.* Carmen Belgicum in nuptias Vidui & Viduæ. *id. pag. 351.* Venus Batava *Barleus Heroic. pag. 363.* constat fictionibus & laude viri nobilis. Epithal. in nupt. Constant. Hugonii equitis, & Principi Auriaco a secretis *id. pag. 385.* Amor sapiens in nupt. Graffii, tota inventio est de sapientia amoris, possunt applicari nupt. Philosophi *id. pag. 510.* In nuptias Consulibus *Barleus pag. 549.* Venus Consularis in nostro *Venerum Libro.* In nupt. Redii Equitis, rerum Indicarum Praefecti *Barleus pag. 454.* Epith. in Principem Nassovium, *Banning. pag. 123.* Epith. in comitem, *Wallius pag. 204.* Epith. in Jacobum Pelitium J. D. Inv. a peregrinationibus, *Barleus T. 2. pag. 74.* in nupt. Mylii militis. Inv. a re militari ad Venerem applicata, *id. pag. 135.* in nupt. Pickeri, inv. a peregrinationibus Indicis desumpta, *id. pag. 140.* in nupt. Hemskerckii JCr. & Poëtae *id. pag. 141.* in nupt. Cullinii JCr. Applicantur libri juris & processus ad rem veneream, *id. p. 145.* In nupt. Grotenhusen JCr., eadem inventio *p. 145.* In nuptias Boy Advocati & Poëtae eadem invent. *p. 147.* In nupt. Polii J. U. L. ead. inv. sed aliis admista. Tractatur Locus Communis de conjugii dignitate *p. 148.* In nupt. Gronovii, Historiarum Professoris; comparat uxorem ejus cum toto mundo *p. 149.* potest hæc inventio applicari ad Physicum vel Medicum. In nupt. Matth. Vossii Historiographi &c. Comparat ejus officia cum officio mariti *p. 151.* In nupt. Helmontii J. D. inventio a re juridica *p. 154.* In nupt. Jonckeri, comparat bellum Martis cum bello Veneris, sponsamque cum toto orbe *p. 156.* In nupt. Antonii Matthæi JCr., inventio a re Juridica *p. 179.* In nupt. Arminii Medici, inventio e rebus sex Hippocratis, inter quas etiam Venus. Applicat rem medicam rei uxoriæ *p. 184.* in nupt. Corn. Blau Mathematici & Typographi *p. 203.* In nupt. secundas senis Theologi *p. 212.* In nupt. Fratrum duas sorores ducentium, alluditur ad geminum conjugium *p. 223.* In nupt. Utenborgardi quæstoris, alludit ad officium *pag. 246.* In thalamum Joh. Fontani, Medici, *Boxhorn. p. 99.* In nupt. Sponsi Batavi & Sponsæ Anglæ. Amor Batavis jungit toto diversos

versos orbe Britannos *id. p. 60.* Epith. In Hofdium Poëram, Plempius in quisquiliis *p. 96.* in Thal. Joh. Fontani Medici *id. p. 99.* in nupt. Christiani Cassii, inv. a negotiis Aulicorum, *Vinc. Fabricius p. 99.* In nuptiis Lateri JCTi *id. p. 188.* In nupt. officialis aulici Belg. *Henr. Bruno p. 40.* In Mart. Brasium Poëram laureatum *Taubm. Melod. p. 266.* In nupt. Corn. Mylii JCTi, inv. ab officio, *Baud. p. 40.* In nupt. Niporti JCTi & Secretarii, ab officio adduntur fictiones & prosopopœiæ Vencis, *Nyendalius p. 23.* Epithal. in Regem Galliarum Henricum IV. & Mariam Medices. Inv. a laude utriusque Principis, allocutione facta ad solem diei hujus prætidem *Baud. p. 96.* In nupt. Mathematici & Mechanici, a professione *Flemming. p. 158.* Phaleuci an convenient nuptiis Principum, *Taubm. p. 22.* In nupt. Medici filii & sponsæ Medici filiae *id. p. 233.*

III. A TEMPORIS CIRCUMSTANTIA. In nupt. circa ipsum solstitium celebratas, *Vid. Veneres nostras.* In nupt. die Martis celebratas *Boxborn. poëmat. p. 51.* In nupt. die Jovis celebratas, *Vid. venerem Joviam in libro nostro Venerum.* In nupt. Gregorii die celebratas. Vigilantia amoris *Hofman. p. 181.* Hyemem amatori maxime aptam esse, *Fabricius L. 2. El. 1. Æstatem amatoribus aptam esse. id. eleg. 2.* Epithalam. inventio a tempore verno, *Bruno p. 61.* In nupt. Bambeckii inv. a verno tempore, cujus attributa & effectus cum rei veneræ attributis comparat *Barl. p. 199.* In nupt. Appelbæm, inv. a verno tempore, alludit & ad ejus officium *p. 267.* In nupt. Jacobi Pergens, a verno tempore, *p. 350.* Carm. in nupt. a Schagen, in quo singula disticha annum celebrati matrimonii indicant *Baud. p. 649.* Paul Flemmings carm. German. verno tempori applicatum *p. 149.* In nupt. hyeme & tempore belli celebratas *Flemming. p. 162.*

IV. AB OCCASIONE amoris. Epithalamium in nuptias Theodori Boulîi & Gertrudæ Boulîæ, inventio petita est ex fab. de origine Conjugii, *Banningius l. 2. eleg. 1.* In nupt. Petri Boor Secretarii uxorem de rure ducentis. Inv. præfert sponsam e rure urbanis, *Barl. p. 183.* Ad Joh. Vesaliû Epith. occasione ejus, quod dixerat, se novum hortum conducturum, *Taubm. in Melod. p. 256.* introducitur colloquium focus & sponsæ *id. p. 235.*

V. AB ADJUNCTIS, *descript. scilicet nuptiarum, amoris rituum &c.* In secundas nupt. Hofdii *Hugen. in moment. defultor. p. 8.* In nupt. secundas de Brederode *p. 139.* Dissuadet secundas nupt. 6. Epigr. *id. p. 146.* In tertias nupt. Redekeri, *Vid. Veneres nostras.* Ad amicum secundas nupt. suadentem, *Hugen. moment. defult. p. 347.* Soliloquium amantis sponsi ad sponsam & ad noctem primam, *id. p. 186.* In nupt. Birkmanni, Inventio: quod uxor sit omnium actionum & studiorum finis, *Hoffman. p. 169.* Domum ductio sponsæ, repetitur versus intercalaris: ducite rite domum mea carmina ducite sponsam, *Henr. Bruno p. 217.* op. eene Brûet op de lûet speelende *id. p. 165.* Henr. Bruno describit festive actum amoris in JCTum *p. 217.* In nupt. Hofdii Poëtræ Batavi secundum sponsi, *Barleus p. 469.* Epithalamii in nupt. peregrinatoris Inventio a peregrinationibus sponsi petita, *Bruno. p. 239.* Dithyrambus Trochaicus Gudberlerii *p. 133.* In Consiliarium viduum, & sponsam viduam. Epithalamium in Gronovii nuptias, allocutio ad noctem, quæ describitur a variis amœnitatibus amorum, *Nic.*

Heins. p. 282. In aegrotum sponsum *Henr. Bruno* p. 24. Domum ductio Mariae van der Dühn, describitur ipsa deductio, & adduntur vota pro prole, *Grotius* p. 99. Divas invitatur ad nuptias & festivitatem earum describit *Bruno* p. 202. Epithal. quo eleganter describitur amoris actus, *Bruno* p. 187. it. 191. it. 193. it. 196. In nupt. secundas *Barl.* p. 520. In nuptias Kerckhofii sponsam Anglicam ducentis. Inv. potissima est, quod amor etiam placere possit peregrinus *id.* p. 526. In nupt. secundas *id.* p. 541. In nupt. Boyenburgii secundum sponsum, *id.* p. 427. De immani lecto Metellani ad ornatisimam ejus conjugem, *Scoti T. 2.* p. 386. Epith. in Grafi secundas nupt. tractat de necessitate & utilitate conjugii *Barleus* p. 143. In nupt. Van der Hagen, describit apparatus amoris ejusque suavitatem & necessitatem, *id.* p. 263. In nupt. Jac. Pergens, describit suavitatem amoris & exemplum totius naturae amantis allegat, *id.* p. 350. In nupt. Helmontii. Inv. a descriptione nupt. & commendatione conjugii, p. 356. In diem anniversarium nuptiarum Hofdii p. 364. In nupt. Gronovii. Non esse cæcum amorem, *Boxhorn.* p. 64. Carmen nuptiale, quod tibicinem alloquitur, eique praescribit varios chorearum modos, *Joh. Jov. Pont. lib. amorum conjug.* p. 3314. Hesperum alloquitur, p. 3316. Uxorem lecto surgentem alloquitur p. 3318. Elegiam alloquitur, conjugali amori adsit p. 3309. animum suum alloquitur, p. 3326. In nupt. Giphartii & Ravenstenii. Supplicium sumitur de sponsa, plectitur corpore, quae ore rea est, *Bruno* p. 178. In nupt. Petri Fabri secundum sponsum, *Taubm. in Melodesia,* p. 246. Epithal. in Hofinannum, a laude sponsae, p. 278. In Joh. Specknerum, describit eleganter gestus amantium. p. 252. In nupt. Aberthiae Scagen, describit eleganter & festive congressum nuptialem, & addit Epitaph. virginitati *Baud.* p. 646. & 649. In nupt. Kirchmanni, describit ib. congressum nuptial. partim, ejusque invent. ducit ab opere ejus de Funer. Rom. p. 650. In nupt. Henrici IV. Reg. Gall. ad vesperum citius solito irruentem *Baud.* p. 622. Liefländische Schnee-Gräfinn, quo carm. describitur eleganter festivitas nuptialis una cum actis thalami, *Flemming* p. 163. Describit eleganter suavitatem amoris *id.* p. 352. In nupt. Henr. Tserlingii, laudat amorem comparatione facta cum tota rerum natura, *id.* p. 335. Pleraque Flemmingii carmina ex ista inventione petita. Actio furti contra sponsum, ut restituat cor raptum, *Taubm. Melod.* p. 285. Describit soliloquia sponsozum p. 243. Gevartii hymenæus pacifer, *Vid. Columesium in opusculis* p. 101.

- 35 VI. A FORMA SEU GENERE CARMINIS. Carmen pancrat. in nupt. Pancrat. *Vid. veneres nostras.* Cantio nuptialis ex Latinis & Belgicis versibus mixta *Bruno* p. 202. Parodia nupt. ex omnibus metris Boëthianis confata. *Id.* p. 205. Dithyrambus Trochicus in nuptias Consiliarii vidui & sponsae viduae *Gudberletius* p. 133. Carmen in Anacreonticum *Taubmanni,* columbae nuptiales, *In Melodesia* p. 129. Carmen Belgicum, cujus omnes versus in unum rhythmum terminatur, *Bruno* p. 165. Philandri ad Neeram Enthusiasmus, *Gudberletius* p. 90. Fescennina carmina in nupt. Fontani *Plempius in quinquiliis* p. 102. Fescennina in thorum Dimeni p. 104. In nupt. Bonitii p. 106. Thyrii. Lyrico-Bucolicum *Coldenbachius lib. 3. Lyricorum carmine* 19. In nupt. Ele-

Electoris Brandenburgici, quod Phaleuci conveniant nuptiis principum *Taubm.*
p. 227. Cento nuptialis *Ausonii*.

VII. MISCELLA. *Μισόγυνες* satyra, *Hugenius in mom. defultor.* p. 287. Varias 36
inventiones non ex certo fonte desumptas, sed quicquid in buccam venit, quocun-
que modo, festive tamen ad nupt. applicavit *Jan van der Veen a* p. 202. usque 335. Odae
nuptiales ad virgines hospites, *Bruno* p. 167. Hymnus ad virgines hospites, *Bruno*
p. 167. p. 63. in discessum filiae Regis Britanniarum nuptae Principi Palatino *Grotius*
p. 221. Melidoriae amores laudat *Scoti* p. 127. Laus amicae *ibid.* p. 149. p. 177. T. 2. p. 479.
Vid. Bamung. p. 8. p. 16. p. 18. Ubi agit de laudibus Fulviae suae, invectiva in nimium
puellarum cultum *Joh. Jov. Pontanus*, p. 336. Excusat se, quod pro centum Pha-
leucis 40 scribat in nuptias *Taubm. Melodief.* p. 272. Numerat Phaleucos suos quos
scribit in nupt. *id.* p. 232. Excusatio, quod carmen scribere nequeat p. 233. Excu-
satio carminis & querela, quod sibi inventio desit p. 253. *Vid. Pierii Winsenii amores.*
Elegans epigr. nupt. est ap. *Martianum* l. 4. Epigr. 33. Ubi tractatur Locus Comm.
de aequalitate nuptias contrahentium.

IN EPICEDIIS inventiones ducuntur I. a laude *Personarum.* Consulantur 37
loci Rhetorum. II. *πένθος* sive querelis, ubi varii affectus excitentur & variis figu-
ris res ornetur. Praecipue hic considerantur jactura publica vel privata e morte,
spei everfio, si immatura aetate decesserit, proponatur desiderium nostrum, indu-
cantur prosopopoeiae valedicentis mundo, laboribus, conjugii, liberis, amicis, aspi-
rantis ad caelestia, contemnentis mortem. Usui hic esse poterit *Dan. Heins.* *elegant-*
issimum poema de contemptu mortis. Solent alii exposulare cum *Fatis* & *Diis*, in mor-
bos, pedem, bella, invectivas formare, res inanimatas ad luctum convocare, quod
ineptum interdum est. Possunt augeri affectus e circumstantiis, a genere mortis
& a personae conditione desumptis, si morbo vehementi decubuerit, si bello, undis
perierit, si puer, senex, maritus, eruditus, Princeps, miles &c. perierit. III. a *con-*
solationibus. Hic conveniunt omnes illi Loci Communes de fragilitate humana, de
mortis necessitate &c. *Vid. Nesselii meditationes novissimorum, de la Serre varia scripta,*
quod jactura in haeredibus & liberis refarciri possit, quod Christiano homine indi-
gnum sit, lugere beatos, quod luctu nihil proficiamus, fato esse acquiescendum: quod
tumultibus mundi eripiamur, quod mala non sint cumulanda: quod caelesti gaudio
fruatur defunctus. IV. a *ritibus* & *antiquitatibus*, ad quas alludere saepe solemus. *De*
ritibus funeral. *Kirchmannus amplissime scripsit.* V. a *forma carminis*, quod est vel Elegia-
cum rei funebri inprimis aptum; illud praecipue quod numero & periodo Grae-
cis usitata, & Catullo familiari scribitur, & quali utitur *Heins.* in *Monobiblo suo.* Jambus,
quo plerumque usus est *Baudius*, qui integrum librum Jamborum funeral. scripsit: *ἐπι-*
μνήσεων, quod nullo constat certo genere, sed vario metro compingitur, quale in uxoris
suae obitum fecit *Dan. Heins.* p. 123. Solent & epigrammate live inscriptione Epicedia
comprehendi, de quo *Masernus in arte argutiarum*, & *Boldonus in Epigraphice sua.* * Exemplum 38
Epicediorum multa sunt in *Statio* l. 1. *syll. carm.* 1. Epitaphium in *Glauciam* puerum *Ate-*
dii Melioris L. 2. *syll. carm.* 8. consolatio ad *Flavium Ursium* de amissione pueri l. 3. *syll.*

carm. 3. Lacrymæ Hetrufci in morte parentis *L. 5. ſylv. carm. 1.* In uxorem pietas *L. 5. carm. 3.* Epicedium in patrem *L. 5. carm. 5.* Epicedium in filium ſuum vide apud *Sidonium Hoſchium.* Elegiacum præſtantiffimum novem elegiis, quibus curſum vitæ humanæ cum mari comparat, Vid. *Laurentium le Brin T. 2. eloquentia poëtic. p. 505.* Ubi plurima exempla habet Epitaphiorum & inſcriptionum uſque ad p. 586. Varia exempla inventionum in unum virum doctum invenias in Epicediis, quæ vitæ Puteani adduntur a Rigaltio ſcriptæ.

- 39 Exempla ſpecialium inventionum hæc ſunt. I. A NOMINE. In Hoſpitalli obitum, in exilio mortui *Galli p. 91. T. 3.* In Firmini Durii obitum. Firmus & durus Studiis: hinc firmam illi nomen poſt fata durat, *p. 158.* in obitum Gohonii cognomento ſolitarii, in vita ſolitarius, poſt mortem volitat per populi ora, cui quondam ſolitudo grata, nunc ad plures abiit, *p. 161.* De inſignibus Farnefianis, (liſis) ejusdem tumulo incifis *p. 215.* Franciſci Prothei tumulo. Hominem fuiſſe in vita vertumnoſimilem *p. 429.* In obitum felicitis Poloni *Philomathus p. 52.* Fortunati Pontanus *p. 3389.* Junii Juniani Maji *p. 3399. Puellæ Roſciæ 3394.* Joh. Oecolampadii lampas in æde ſacra *Hoffm. p. 680.* In obitum Muſculi, *p. 681.* In obitum Hyperii nomen e ſuperis ductum *p. 683.* in obitum Urſini Theologi. Inv. Urſus defendit agnos contra lupos *p. 684.* In obitum Secretarii Renard carmen Belgicum *p. 330.* In obitum Poſthumii *Itali Fol. 230.* In obitum Cartelii Phyſici *Hugenius p. 379.* alludit ad nomen Renati. In obitum Fabri *Taubm. p. 311.* In nupt. cum Anna quadam, Anna fuit nunc Anna perenna erit, *p. 386.* In obitum Brandii Camerarii ad nomen alluditur *Hoffmannus p. 153.* In obitum Maji ultimo Februarii *Guiniſus p. 253.* In obitum Gallæ ſterilis *Pontanus p. 3420.*

- 40 II. A. PERSONA *ratione profeſſionis vel ætatis, vel conditionis.* Præſchii elegans elegia in obitum Patris. In tumulum Phrynes meretricis *Zuberus p. 57.* In tumulum Lauterbachii Poëtæ *id. p. 27.* In obitum Guſtavi M. Balzak *p. 18.* ad Franciæ Cancellarium de obitu fortiffimi ſui generi *id. p. 18.* In obitum Menardi Poëtæ elegantiffimi, Inv. Deos ipſos Mercurium Phœbum deprecatos eſſe mortem ejus *id. p. 54.* in obitum Nymphæ præſtantiffimæ virginis, quam laudat ꝑ poëſi, eloquentia, Muſica, *id. p. 64.* Inv. non jam habere Numina, cujus ore canant, cujus animum inſpirent, olim quidem Apollinis oraculum deſuiſſe, nunc vero ipſum Phœbum & Muſas mori, *id. p. 66.* In Borbonium Græcæ linguæ Profeſſorem, Sacerdotem, Oratorem, Poëtam, *id. p. 106.* Ad eundem inter cœlites agentem. Inv. quam Tibi jam dulce eſt mendacia Græcorum, & artem Tuam inter cœlitum carmina contemnere *p. 107.* Amyntas de Thyſide heu jam non ſuo, id eſt, in funus juvenis fortiffimi & amici ſui *p. 111.* In obitum Thomæ Rhædi a doctrina varia, prudentia, peregrinationibus, laudari *Scoti T. 1. p. 51.* In funere Raphaëlis Thorii Medici & Poëtæ præſtantiffimi *Scoti p. 61.* Epicedium illuſtris puellulæ, quæ a variis dotibus laudabatur, *p. 109.* In Principis Aurelianenſ. in pueritia mortui obitum, *p. 117.* Veneris lacrymæ ſuper morte Adon. poteſt applicari in obitum puelli *p. 178.* Epitaphium Petri Ronfardi, Poëtæ *Galli p. 279.* in obitum Nobiliſſimæ Marronæ Baſſompieriæ, de laude illuſtris ſcœminæ cum fictionibus intermixtis *p. 375.* Epicedium Thomæ Kreigii Poëtæ, Jcti

JCri &c. ad filium p. 330. Davidis Blackii profectio in patriam cœlestem T. 2. p. 81. In obitum amici, quem laudat ab eximiis dotibus T. 2. p. 104. Epitaphium Roberti Rollocii Pastoris, p. 114. Tumulus Joh. Metallani Scotiæ Cancellarii p. 116. In conjuges simul febre mortuos p. 148. *Vid. Miscell. nostra* p. 72. Epitaphium fratris Scori p. 255. Tumulus Camilli, Comparatio cum Camillo Romano p. 382. Epitaphium Glennusii dum pacis condiciones proponeret mortui p. 384. Epitaphium Matronæ p. 386. Cardinalis Lotharingiæ, Sepulta hic est belli fax, cui aqua inspergenda p. 387. Epitaphium Henrici IV. Galliar. Regis circa tempus nuptiarum mortui p. 386. Elisabetæ Henriettæ, Laudatur a pulchritudine p. 487. Kinneri tumulus p. 488. in obitum van der Haagen, Poëtam illum carminibus immortalem factum pag. 489. Lessus in obitum summæ spei Princ. Jacobi VI. p. 544. in Manes Medici & Philosophi. Inv. Totius orbis volumen ita didicit, ut jam extra orbem feratur p. 549. Epitaphium Scaligero ut Regio sanguine orto *Dan. Heinf.* p. 53. eidem ut temporis emendatori, p. 54. eidem ut linguarum omnium perito, & antiquæ Astrologiæ illustratori p. 55. Manes Lipsiani p. 62. ad Lipsium post scriptum postremum ejus, Lovanium, mortuum p. 66. In obitum Memmii Consiliarii *Galli* p. 3. p. 79. p. 87. 92. & sq. De Thuani obitu ad Fratrem p. 97. 98. in equitem fortissimum, p. 101. in Nobilissimam Matronam, sed sterilem, p. 102. Ronfardi Poëtæ Epicedium p. 108. & sq. In obitum Aurati Poëtæ & interpretis Regii p. 105. causarum Patroni tumulus. p. 145. Epitaphium JCri p. 146. Equitis tumulus p. 147. (Jam capta in urbe victor cadit, Civis Romani tumulus *ibid.* in Turnebi obitum *Galli* p. 149. 202. Epitaphium a marito uxori positum p. 157. Epitaphium Amiralii Galliarum p. 163. Epitaphium Maritæ statim post nuptias mortuæ, p. 165. in Manes Puteani *ibid.* Epitaph. illustris sceminæ, laus a virtutibus p. 196. in mortem Galliarum Regis *ibid.* Poëtæ Nænia Pentalyllabica p. 105. Tumulus Claudie conjugis Regiæ. Claudia facta est Jovis Conjux, p. 240. Epitaph. magni Medici p. 242. In obitum Matris Regiæ p. 242. In tumulum militis p. 256. In duos conjuges uno tumulo compositos p. 258. Epitaph. summi Navarchæ, qui terra atque mari floruit astra tenet p. 261. Epicedium in senem p. 349. Ad manes Ronfardi Poëtæ p. 463. Tumulus Prælidis Alealmi p. 456. Lacrymæ ad bustum Patris p. 366. &c. in obitum Perusii Poëtæ Tragici p. 470. Memoria Thuani Consiliarii. (a munere laudatur comparatione facta cum Medicina) p. 472. Castanii equitis Epiced. a p. 504. ad 512. In Thuani obitum (describitur vita p. 519.) In ejusdem obitum prima juventute mortui p. 522. In obitum Jani Doufæ prima ætate in peregrinatione extincti p. 515. ad 532. Epitaph. Doufæ Parris p. 532. Epiced. in Justo Lipsi. obitum p. 538. Advocati Epitaph. raptus est ad tribunal Rhodamanti p. 593. Epitaph. Budæi JCri (Inops mortuus non est, qui cœlo animum, terræ corpus reddidit, nobis monumenta ingenii) p. 593. In mortem Francisci, & duorum ejus liberorum p. 597. Francisci I. Francorum Regis tumulus p. 653. Francisci Galliarum Delphini tumulus p. 659. Caroli Francisci Gallorum Regis filii tumulus, p. 660. in obitum Pro-Regis p. 660. in obitu trium Galliarum Regum Secretarii p. 663. In obit. immat. Casimiri Comit. Palat. p. 666. Epitaph. Patri positum

p. 680. Epitaph. matri ante 15. annos se puero extinctæ positum p. 663. In obit. Parui, Senat. Paris. p. 669. sororis charissimæ p. 669. Stellæ curiæ præfidis p. 670. Eobani Hessii Poëtæ *ibid.* Porti Cretentii p. 671. duorum conjugum uno eodemque die extinctorum p. 671. Poëtæ Obesi p. 673. Mathematici in ipso ætatis flore mortui p. 674. Sambuci Poëtæ p. 675. virginis lectissimæ p. 673. Lamonii juvenis admirabilis, p. 676. Marrini Lutheri & Philippi Melanchthonis p. 678. & 679. Bullingii candidissimi viri. (Cur fleamus mortuum, qui vivit aliis & sibi) p. 680. duorum amicorum p. 681. Gwaltheri filii unici, p. 682. amici Alcoini p. 686. Zwingeri (terra cælum capit) p. 687. Epitaph. Monadii Medici *ibid.* in ejusdem obitum trium linguarum periti p. 808. in obitum amici *ibid.* Medici p. 689. Pythæi Jcti a p. 829. ad 836. Henrici III. Galliæ & Poloniæ Regis p. 877. Prevotii p. 1075. Francisci I. Regis p. 1080. Albæ spinæ p. 116. Borbonii p. 1080. Ronfardi catarrhis & vigiliis extincti p. 1120. Epitaph. Francisci I. p. 1130. Consilarii Regii p. 1131. in obit. amicæ p. 1135. Crucii Militis fortissimi p. 1134. Boneri Marte & arte clari, p. 1136. Brixi Poëtæ (Gallia deplorat Poëtam suum, qui cives suos sæpius deplorabat) p. 1144. Jacobi Regis Scoti T. 1. p. 480. Virginis Metellanæ præmatura morte extinctæ (virtutes numeravit Parca non annos) p. 603. In tumulum duorum Conjugum, p. 609. In obit. Ducis Lennovii (non hæc unius Viri mors, sed publica clades est) p. 612. Quinquennis puellæ, p. 615. Annæ puerperæ, (comparat illam cum Phœnice) p. 616. Comitis Moraviæ (a variis dotibus laudatur) *Jonstonus* p. 355. Boccii vatis p. 418. Maritæ Jonstonæ, p. 400. Nobilissimæ Heroïnæ p. 413. Ecclesiastæ p. 425. Mercatoris p. 426. Epithalamium in cænobio desponsæ (possit inservire Epicedio in sponsam) *Wallius* p. 251. Idyllion Thestylis in puellam rusticam in ipso religioso Divæ virginis cultu expirantem, *Becanus* p. 10. In Hofchii obitum Idyllion & aliquot elegiæ, præmissæ *poëmat. Hofchii* a p. 1. ad 12. Epitaphium in Metaphysicum *Banning.* p. 166. In obitum Botanici singularis p. 181. in Banningicam cognatam p. 185. In tumulum elegantis puellæ, p. 191. Panegyricus Gustavi Adolphi *Barleus* p. 45. *it. Wintsemin.* Manes Bavari *Barleus* p. 91. Gallia plorans p. 159. in funus Princ. Mauricii p. 181. In obitum Rugerfii Legati (laus a doctrina & variis virtutibus,) p. 376. In obitum Schnellii p. 410. Mariæ de Jonge inter primos Mariti amplexus extinctæ, p. 479. cujusdam post sponsalia extincti, p. 401. alicujus prælio adversus Turcam cæli, p. 536. Episcopi Theologi p. 545. Consulis p. 533. Erpeni Professoris Orientalium, p. 76. T. 2. Pauwii Anatomici (Prosopopœia mortis) p. 79. Histor. Professoris p. 139. Consulis p. 175. Juvenis p. 209. Syndici, p. 211. Reali Equitis domi forisque non uno munere functi, p. 221. Mylii, p. 222. recens maritæ p. 261. Vorstii Medici, p. 184. Præfeti Dongriæ orientalis p. 316. Manes Molini Senatoris Veneti (Neptunus introducit. Veneriæ urna Molini, purpura, Adria &c.) a p. 319. ad 325. In obitum Joh. Isaaci Pontani, p. 366. Advocati p. 383. Nobilissimæ Dominiæ p. 387. filioliæ triduo post matrem mortuæ p. 390. Jacchæi Philosophi (in Te multa secula moriuntur) p. 418. Uxoris suæ p. 486. Principis Mauricii, p. 474. Parentis sui p. 479. Patruis *ibid.* & p. 480. Casimiri

miri Gubernatoris Frisiae p. 559. In obitum Grotii, p. 574. Exclamatio in fun. divitis, cum sepeliretur *Balde in lyricis* p. 68. de aliquo quinquies viduo *id.* p. 70. Ara in memoriam defunctorum conjugum posita p. 81. In obit. Kellersi Rectoris p. 26. Genoseva mortem sponsum suum nominare solita (inserviet Epicedio in sponfam) pag. 134. In fun. Princ. Bavariae filii p. 337. Matris p. 299. Cancellarii Aulici p. 337. Fratris *Sarbievius. lib. 3. oda 24.* In fun. Palatini filii immature defuncti, *ibid. oda 26.* ad quandam conjugem iusta persolventem, *lib. 4. oda 30.* In obit. JCrī Professoris *Niendalius* p. 37. Ducis militaris, p. 154. scitissimae infantulae p. 155. Ecclesiastae p. 162. Scotani Professoris Theologiae & Sacerdotis (Telluris hospes vivit ætheris cibus) p. 186. Epiraph. Jacobi VI. Regis Scotorum, *Buchananus* p. 339. Reginae Scotorum 16. anno ætatis extinctae, p. 340. Valli doctissimi, (lux ejus vel in tenebris micat) p. 341. Praesidis p. 342. Fontani Poëtae & Causidici *ibid.* Orbonii adolescentis summae spei, p. 34. Juvenis generosi p. 344. Stuarti Pro-Regis Scotiae p. 345. Celebris viri p. 346. In obitum Catzii, *Bruno Mengelmoër* p. 163. in obit. Vossii *Boxborn*, (tacet ævi facundia, quae hoc ore locuta est) p. 204. Consulis p. 223. JCrī & Syndici (Vectigal & debitum naturae solvit) p. 331. Typographi, p. 332. suavissimae infantis, p. 333. Virginis, p. 336. Pharmacopœi sub insignibus aurei annuli habitantis p. 366. Medici, *Delic. Poëtarum Itatatorum fol. 16.* Columelli *fol. 95.* Poëtae & Logici *fol. 98.* Politiani, Poëtae & Philologi *fol. 174.* Beroaldi Philol. *fol. 176.* Puellae *ibid.* Cardinalis a *fol. 135. ad fol. 195.* Medici & Poëtae *fol. 262.* Critici *fol. 285.* Coqui *fol. 35.* Pictoris, *fol. 336.* Puellae post nativitatem statim mortuae *fol. 337.* adolescentis armorum & literarum laude insignis *fol. 341.* Guisii Ducis oda *fol. 364.* Infantis *fol. 366.* Sylviae pulcherrimae feminae dialogismus *fol. 367.* Medici T. 2. *fol. 42.* Sponsae *fol. 105.* Puellae, *f. 106.* uxoris *fol. 125.* pictoris *f. 129.* Epiraphia aliquot insignium Philologorum *fol. 175. & 176.* in obitum illustris Viri & feminae *fol. 212.* Leuciae pulcherrimae *fol. 254.* Conjugis *fol. 252.* illustris Matronae, *f. 256.* Theologi *Fabritius* p. 148. Parentat dulcissimae suae Phyllidi p. 178. in obit. uxoris Dan. Heinf. p. 106. elegantis puelli p. 149. Cornel. Vossiae a p. 155. ad p. 162. Principis Sophiae Hedewigis oda *Gutherletius* p. 199. Advocati & Scabini Scholarchae p. 242. Ecclesiastae, p. 254. JCrī p. 258. Infantulae notae p. 250. Patris *Joh. Secundus* p. 176. Cancellarii Caroli V. (comparat illum cum Mercurio) p. 182. Caesaris filiae, p. 182. puellae castae p. 183. Viri doctissimi p. 184. Musici p. 185. Matronae clarissimae profopopœia p. 186. formosi juvenis p. 188. fratris p. 189. uxoris p. 190. Patris *ibid.* adolescentis JCrī p. 191. Reginae Angliæ a Rege repudiatae a p. 201. ad p. 210. Equitis Sidnei *Baud.* p. 195. Ducis militum febri extincti p. 208. Matronae p. 210. filiulae post partum extinctae, p. 223. Philippī Hispaniarum Regis p. 224. Lipsii p. 230. Professoris Theologi a p. 232. ad 247. Filii Regis Britanniae p. 250. Theologi p. 270. fratris p. 527. Fortissimi Herois p. 640. In Manes auriacos *Hugen. in mom. defutor.* p. 65. Epiraph. Musici elegantissimi interfecti p. 55. in sepulchrum Gustavi Regis Sueciae p. 86. in obit. Infantis Hispaniae, p. 86. Filii Barlaei p. 101. Historiographi *ibid.* Reali Indiae Expraefecti, philosophiae magneticae peritissimi, p. 198. Bernhardi Saxonis p. 145. Syndici in patria mortui p. 155. Baronis de Gent. p. 156. pictoris præstan-

præstantissimi p. 159. Mylii Senatoris p. 161. In Mercatorem Atlantis scriptorem (terra huic levis sit, qui omnem terram ut Atlas gessit.) p. 166. in obit. Viri fortissimi. p. 179. fratris designati p. 187. Medici & pictoris (fecit homines immortales, & vetuit mori) p. 197. Matronæ ditissimæ p. 199. Ecclesiastæ (vita cum via comparatur) p. 307. Pueri quinquennis p. 309. illustri feminae p. 319. Urbani Pontificis poetæ p. 333. Senatoris Medici p. 359. Theologi p. 367. Salmasii p. 389. Dan. Heinlii p. 395. Principis Saxonie Taubm. p. 143. Præceptoris sui a p. 288. ad p. 298. Equitis Saxonici, p. 295. Clarissimæ matronæ p. 306. Juris Candidati p. 308. Sturmii Eloquentiæ Professoris p. 325. Theologi p. 333. Mathematici p. 352. Sacerdotis p. 385. recens nuptæ p. 386. Conjugis decies parentis, p. 416. Consiliarii p. 451. In obit. varias fortunæ vices experti Bellisarii, Baron. p. 66. Caroli V. p. 67. Alexandri Cardinalis de monte alto (Alexander par sit Cynico & mons altus regitur exigua spelunca) p. 68. Cardinalis (mors pallida erubescit de rapta purpura) *ibid.* Marchionis Canetti p. 61. Poetæ suavissimi (miratur, cur illi nemo Epitaphium scripserit. Quia vocalis Poëta abiit, omnes literæ fiunt mutæ & liquidæ) p. 70. Infantis Hispaniarum p. 71. Theologi Junii Grotius p. 157. Infantis p. 194. Lipsii p. 211. & 250. Theologi Bezæ, p. 114. Arminii Theologi (tractatur Locus Communis de hæreticis & schismaticis) p. 121. Uxoris Martinii p. 235. Merulæ p. 256. Inter bellica tempora mortui p. 257. Scaligeri, p. 260. puellæ formosissimæ Lotichius l. 3. El. 3. Viri docti El. 7. Mycilli Poetæ l. 4. El. 2. Melanch. El. 4. Equitis Franci el. 5. Fratris p. 136. Jcti p. 146. amici, p. 141. Crucigeri viri docti, p. 232. sanctissimi Viri p. 238. Rubenii Philologi Nic. Heinf. p. 72. viri docti p. 78. sororis suæ & viri illustris p. 107. Puteani viri incomparabilis Scæzon. p. 183. optimi viri & summi Theologi, p. 191. Petri Scriverii Philologi p. 203. Medici, cum post ejus mortem pestis augetur p. 232. Erpenii Orient. Literarum Professoris, p. 333. Clusii clarissimi viri p. 336. & 337. In funus immaturum viri clarissimi p. 352. Gonzaga Victor a morte superatus (applicari potest in obit. Theologi) Guinifius p. 116. In obit. Maji ultimo Februarii die (nolite hoc anno ver sperare, nam hyberno tempore Majus obit) Guinifius p. 253. Ducissæ p. 254. Thomæ Aquinatis sepulchrum gloriosum, Parnass. Soc. Jesu, T. 1. p. 538. Stephonii Sacerdotis & Poetæ *idem* p. 166. T. 2. Elogium funerale Trompio & Salmasio scriptum, (comparantur studia cum militia) Hofmann. p. 163. Ad Henr. Nicolai de improviso sponsi obitu, p. 172. Circulus mortalitatis in obitum Braunii (alludit ad omnes figuras Mathematicas) p. 191. & 192. Nobilis Genevensis Philomathus (Pontifex Alexander VII.) In *Musa juvenil.* p. 18. Mariæ Medices Mantuæ Ducis, p. 57. Viri doctissimi senis p. 67. Manes Juniani in obitum Medici Junii Janus Douza a p. 459. ad p. 475. filii sui a p. 478. ad 492. Walerandi variis legationibus & muneribus ap. Regem defuncti, p. 294. Amici p. 495. Præsidis Curia p. 498. Poetæ Critici p. 138. Jcti p. 331. Comitibus Ducis militiæ equitum præfecti Jo. Jov. Pontanus p. 3375. Puellæ sub nomine amatoris p. 3378. Prosopopœia puellæ, p. 3379. Ad sepulchrum fratris querela p. 3380. tumulus Nobilis p. 3381. Eremitæ viatoris Prosopopœia p. 3383. In obit. Viri literatissimi *ibid.* Marulli Poetæ, p. 3382. Episcopi & Poetæ p. 3384. Oratoris ac Philosophi *ibid.*

ibid. Genii Prosopopœia in obitum Poëtæ *ibid.* Parentum Prosopopœia in obit. Puellæ p. 3385. In obitum Villici p. 3386. puellæ defunctæ, *ibid.* Astrologi p. 3387. Matronæ castissimæ *ibid.* Musici celebres, p. 3388. Equitis *ibid.* juvenis eruditi pag. 3389. Juvenis fortissimi & formosissimi, p. 3390. Mutici insignis, *ibid.* Grammatici p. 3391. Fabularum scriptoris *ibid.* Prosopopœia Matris in obitum infantuli, p. 3392. Matronæ pauperculæ, sed pudicæ, *ibid.* Prosopopœia Urnæ e tumulo p. 3393. in obitum Rosæ puellæ ante diem mortuæ *ibid.* Candidæ virginis p. 3395. Viridellæ *ibid.* Pruinæ puellæ p. 3396. Sulpitianæ *ibid.* Eumolpæ servæ p. 3397. Patris querela de obitu filii p. 3400. In obit. puellæ, matris, aviæ maternæ, materteræ, aviæ paternæ p. 3402. Morosæ feminae p. 3404. Puellæ male sepultæ p. 3406. Trium Grammaticorum *ibid.* Poëtæ, Patris, fororis, &c. p. 3408. Uxoris p. 3012. Matronæ fecundissimæ p. 3413. ancillæ *ibid.* infantuli dies quinquaginta nati p. 3415. puellæ naufragæ, Matronæ Conjugis Pictoris per prosopopœiam ad Maritum p. 3416. & 19. parum pudicæ, literati Adolescentis, infantuli innominati p. 3420. Infantuli bis mortui & nunquam editi (ex utero carli) p. 3425. puellæ formosissimæ, p. 3427. sui ipsius p. 3430. Epicedium Tragici Poëtæ. *Menagius* p. 25. Saraceni Viri docti p. 85. Poëtæ facitiss. p. 795. Poëtæ teneri. p. 101. in obit. feminae a quarto puerperio *Flemming.* ep. l. 5. p. 123. Medici, *ibid.* Cap. 5. Pii & frugalis Ecclesiastæ *carm.* 6. tumulus novercæ, *carm.* 8. & 9. Matronæ post nupt. mortuæ 11. Musici. 12. Medici. 13. Mercatoris docti 16. Rectoris scholæ 18. pueri belli 21. puellæ nobilis 22. Tyllii 26. puellæ 27. Buchanani 28. Sacerdotis 30. Duarum Virginum una morte abreptarum 42. Taubmanni 47. inter hyacinthos tumulati 48. Oweni 53. &c. &c. Epitaph. sibi vivo *L. 6. Carm.* 1. passim in hoc Vid. plura exempla.

III. A LOCI ET TEMPORIS *circumstantia.* Alcimedontis Romani tumu- 41
lus, qui obiit in Quirinali paucis ante diebus, quam urbs ab exercitu Cæsareano caperetur, *Balzac.* p. 28. & 30. Epitaph. Roberti Junii post reditum in patriam mortui *Scoti* p. 22. Cygnea cantio in fun. Sandovii post reditum in patriam mortui, *Vid. nostrum librum suum* p. 31. In duo Scotiæ gentis lumina ad septentriones & meridiem nuper extincta *Scoti* p. 121. Epitaph. Lyndessii extra patriam mortui, p. 122. T. 2. De Lipsio inter bella civilia mortuo *Heins.* p. 65. in calend. Novembr. Pythæo emortuales & natales, *Galli* T. 3. p. 164. In Timoleontis Brifaci obitum a Vere, p. 116. In obit. Juvenis ex Italia & Gallia redeuntis *Banning.* p. 162. In obit. Plosii in Gallia extincti, *Barleus* p. 235. Henricus Ploos ab Amstel. in flore ætatis per Galliam peregrinantis, rebus humanis erepti *Niendaius* p. 50. Filii Regis Angliæ, cujus singula disticha tempus involvunt, *Baudius* pag. 261. Ducis Guisici, Regis Francisci &c. Chronosticha varia a p. 482. ad 486. Winshemii circa vernal tempus mortui, p. 315. In puellam initio Maji nuptam, sine mortuam, *Pontanus* pag. 3380.

IV. A GENERE MORTIS vel ejus variis causis. In Bergerium a pede se- 42
cto mortuum, *Zuberus* p. 82. *Vid. Miscellan. nostra in Exequ. Debnii.* In obitum fortissimi juvenis Marchionis Pisani pro patria occumbentis ad matrem, (Non potuisse Tomus I. Ss 59 filium

filium splendidius implere vota parentis) *Balzac. p. 30.* Euryalus Rupellensis, qui in certamine navali contra Regium exercitum fortissime dimicans, tandem viribus exhaustis, alieno & suo sanguine respersus, nec victor, nec victus in mare cecidit, *idem p. 51.* in juvenem ipso praelio extinctum, *p. III.* Epitaphium Moravi carcere & aqua intercute extincti *Scoti p. 72.* In obit. Ducis Buccingani a Philtono cultro extincti, *p. 74.* Tumulus praeclaræ virginis inter Choreas extinctæ, *p. 128.* Epitaph. in Ducein Hispanum, qui urbem, sparsis nucibus, occuparat, & glande plumbea, transfixis faucibus, interiit, *p. 273.* In fratrem suum cælibem, naufragio extinctum (quia uxorem non habuit, Thetis illum generum accepit) *p. 373.* Epitaph. Stuartæ, illustri feminæ, in carcere mortuæ (cum aula illi carcerem dederat, Jupiter pro illo suam aulam) *p. 376.* Epigr. ad noviss. Galliarum Martyres, *p. 108. & seqq.* Ad Carolum, Gallorum Tyrannum, sanguinis inusitato fluxu pereuntem (quem sanguinem biberas, non poteras concoquere) *Scoti T. 2. p. 112.* In mortem Mariæ, Scotorum Reginae, decollatæ, *p. 112.* Paulatus cum duobus Brickmaldiis in eodem lecto contrucidatis, *p. 110.* In classis Iberæ & Ducis Guisii interitum, *p. 113.* De peste grassante nænia, *p. 372.* Lacrymæ in obitu Sethoni *pag. 504.* in obit. Comitissæ Brisiaci in praelio suo pro patria mortui, *Galli p. 154.* Epitaph. Pro-Reg. Belgii globulo plumbeo transfixi *p. 165.* In aquismersum (Nihil isto tumulto mollius, jacer enim in Veneris cunis) *p. 167.* De eodem Veneris nato, & in mari mortuo (in æquore natus, in aquis animam reddidit) *p. 167.* & aliud *p. 168.* De animali occiso prope insigne Entis regii *p. 204.* Tumulus Mariæ Golottæ in juventute extinctæ *p. 424.* in tumultum a rivale occisi *p. 456.* In Tumulum Guinæi, inter praelia mortui (prævidit Jupiter novam Gigantomachiam, ut ergo cæli defensor esset, cum vocavit) *p. 452.* Epiced. Castanii in prima juventute praelio extincti *p. 105.* Epiced. Castanii Equitis *p. 504.* Stephani Doleri exustio. Musæ voluerunt rogum fonte Castalio extinguere, Jupiter autem prohibuit, & cælo velut Herculem e flamma recepit *pag. 596.* In Garnerium, aquis extinctum, *p. 656.* In Borbonium Ducem in arca obtruncatum, *p. 660.* In obit. Lud. Borbonii, in bello transfosso equo inter praelia occisi, *pag. 661.* In Culingium equis dilaceratum, (cui patria tumultum denegavit, illi tota natura, ipsaque patria parente & anima sua debitura sit cadaver) *p. 661.* In eundem, everso corpore in cruce suspensum, *pag. 662.* ad ejus uxorem super hoc obitu *ibid.* In obit. Cunegundis gemellorum partu mortuæ, *pag. 676.* *Vid. miscell. nostra pag. 71.* In obit. infantulæ simul natæ & mortuæ *pag. 677.* in parricid. advers. Henr. IV, tentatum *p. 718.* In parricidam gravissimo sed justissimo supplicio affectum, *pag. 719.* In amantes, a viro simul confossos *pag. 118.* In Robertum Junium hydrope extinctum, (Qui fontes Castalios siccaverat, aquis jugulatur) *Scoti T. 1. p. 604.* In mortem violentam, *p. 613.* In supplicio affectos, *p. 654.* Elegiæ in mortem duorum milium Hispanorum, quorum alter hostili telo, alter amore commilitonis cæsi complexu ad Rupellam occubuit, *Hofebius pag. 123. ad 142.* In Claudium & Rudolphum, Aquæviras martyres, *Wallius pag. 322.* angitur propter rumorem de merfa aquis amica, *Banning. l. 1. & 15.* ad Ilam fluvium, cum in eo submersus esset Frider. Henr. Reg. Bohem. filius primogenitus *p. 44.* In obit. Herois ictu lapidis in obsidio-

obsidione extincti, *Barleus* p. 10. T. 2. in extractionem foetus per uncum p. 447. In necem Ducis Friedlandiac p. 454. Epitaph. Domini van Duden, in eodem loco mortui, quem ipse occupaverat, p. 109. Inclyta mors in pugna Lycia Pappenheimii, *Balle Lyr.* p. 24. de funesto Wallensteinii exitu pag. 109. In obit. crucis seu Crucis Abbatis in cruce extincti, *Buchanani* p. 341. Episcopi Epitaph. suspendio extincti Vituperatorium, p. 34. In maritum flammis extinctum & maritum ἀντίχρηστος *Itali* f. 175. Epitaph. Tabellarii in itinere occisi, *Joh. Secundus* pag. 193. Epitaph. Thomae Mori decollati, (Dialogus inter hospitem, & civem, & in ejusdem mortem naenia) pag. 196. ad 201. In obit. Constantiss. Martyris Angeli Merulae jambus, *Baudius* pag. 204. In obit. infortunatiss. Ducis Bironii Franciae Mareschalli decollati a pag. 485. ad 489. Vid. ibi plura Epitaphia in Principes, violenta morte extinctos. Epitaph. Musici interfecti *Hugen. Mom. defult.* p. 6. in tumulum convitiatoris, qui accusationem publicam ex officio intentaturus obmutuit, & mox animi aegritudine obiit, 6. Epigr. p. 85. & 86. In mortem scelesti, a plebe discepti mox a patrato immani facinore p. 136. In Pro-Regem Hiberniae securi interfectum p. 57. In mortem pulcherr. Matronae sub ponte Londinensi submersae Epigr. pag. 175. &c. Epitaph. infantis in utero matris suffocati p. 178. Epitaph. Thuani criminis rei, quod a se improbatum in gratiam amicorum celaverat p. 180. In ejusdem mortem imperitia carnificis lanienae similem p. 181. In mortem Cincmartii Galliae Hippocomiae praefecti, *ibid.* In mortem Marchionis propugnaculi minis obruti, p. 144. In obit. Archiepiscopi, capite truncati, (Hoc capitis schismate Ecclesia in duas partes scinditur) p. 345. In obit. infantis festinato occasu extincti *Banning.* p. 70. Epitaph. Pungii pro patria morientis, (Hoc, pro quo jacuit, nunc jacet ille solo) *Grotius* 239. In Marchionem Pisanium, praelio Nordlingano fortiter dimicando, occumbentem, *Nic. Hein.* p. 253. Manibus Colonii Lugduni peste extincti pag. 338. In obit. Bensoti Praefecti sclopeto transverberati carmina 6. *Janus Douza* a pag. 478. ad 483. Centurionis ictu tormenti extincti p. 479. Claudii Puteani Senatoris ap. Gallos regii supplicio extincti, p. 500. in obit. Colvii comment. in Apuleji alinum ictu mulae mortui, pag. 138. Tumulus puellae ripa oppressae. *Pontanus* pag. 3396. Nymphae a rusticis caesae pag. 3398. In adulterio occisae pag. 3405. Ducis militiae a securis ictu mortui *Flemmingus* lib. 5. Ep. 24. Pappenheimii *ibid.* comitum ab Indis interfectorum p. 51. virginis parietis mole obrutae pag. 79.

AB AFFECTUM MOVENTIBUS πένθος & argumentis Consolatoriis. 43

Consolatur aliquem de excessu amici *Zuber* p. 23. Consolatur aliquem ob obit. uxoris p. 45. it. p. 49. Consolatur aliquem super morte filioli p. 33. Prosopopoeia Alcimedontis morientis pridie ante occupationem urbis Romae *Balzac.* p. 29. Ad Melibœum Nisam cœlo receptam intemperantius lugentem (Tunde potius rosas & thura, quam lacrymas, quas non sitiunt Numina) *id.* p. 53. Ad Georgium Strachanum popularis sui obitum undatim lachrymantem *Scoti* p. 141. Margaretae Macchiaë Matris super immatura & tristi morte IV. filiorum lachrymae p. 364. Brickmaldus ad supplicium tractus primo Tyrannum, deinde proceres ac tandem Christum alloquitur T. 2.

p. 110. Epitaph. Alex. Arruthneti (Desseio in te privata & publica incommoda. Tuis vero commodis gratulor) p. 120. Querela in obitum Scaligeri *Heinsius* p. 56. Threnus elegia Catulliana in eundem p. 58. Luctus Memmii Patris super obitu filii *Galli* T. 3. p. 80. Ad Rapinum super filii morte: (Quem genuisti patriæ, impendis patriæ) p. 105. Ad eundem super morte alterius filii (sat bene, pro patria qui cecidere, jacent.) *Ibid.* Egenors voces in funere Farnesii p. 25. ad Macrinum in morte Patris consolatio p. 471. Ad Puteanos fratres de morte Patris p. 512. ad 519. Elegia ad Episcopum fratris sui obitum descentem, *Scoti* T. 1. p. 523. Ad Duceem Bulloniæ filiam descentem, *Jonstonus* p. 312. Ad se ipsum cum Sidronius Hofchius amicorum & Poëtarum maximus e vivis excefferat, *Wallius* p. 116. Ad patrem de obitu fratris *Banning* p. 101. In obit. præmat. Dionysii Voßlii ad Patrem *id.* p. 130. De Hortensio lugente obitum Schickardi *Banning.* p. 156. Ad Corn van der Mylen de obitu filii consolatio *Barleus* T. 2. p. 113. in fun. consolatio Stoica, *Balde Lyr.* p. 45. ad Patrem super obitum filii, p. 239. Consolatur aliquis de obitu fratris & Patris, *Sarbievius* L. 3. od. 24. 25. Consolatio Mariti de obitu uxoris, *Brano* p. 30. profopopceia Pici Mirandulani, *Itali* T. 1. f. 65. ad Bembum in filii obitum oda Pindarica f. 134. ad manes Poëtae f. 242. In obit. Tunii Elegia consolatoria ad fratrem T. 2. fol. 29. Ad manes amici T. 2. f. 147. ad Gonzagam de obitu uxoris f. 223. ad vice-Comitem in Maximillæ uxoris obitum oda, f. 226. Amatoris lacrymæ ad tumulum sponsæ f. 283. Ad Carolum Sabaudia Princ. de obitu matris, f. 257. profopopceia Mariti in obit. conjugis *Gudberlethius* p. 136. Profopopceia pie defuncti Parodia ad Horatium L. 2. od. 2. p. 253. In obitum Patris querela, *Secundus* p. 176. alloquium moribundi ad amicos *Jambus*, p. 202. Profopopceia Puteani moribundi ad uxorem *Jambus* *Baudius* p. 212. Profopopceia filiorum ad matrem Elisabetham, p. 216. Profopopceia Mariti in morte conjugis p. 222. Consolatio ad matrem super mortem infantis *Hugen.* p. 148. ad amicum de insperata fratris morte consolatoria *Albertus ab Ines* od. 45. Consolatoria oratio versibus intermixta in obit. fratris sui ad Patrem *Grotius* a p. 329. ad 337. ad Regem de obitu matris, (Non fac, ut tibi Regi dominetur mæror Tyrannus) *Guinifius* p. 254. ad Maximum Patrem filii natu minimi obitum lugentem, *Hofmann.* Ep. pag. 167. conqueritur de obitu amici desideratissimi *Philomathus* od. pag. 25.

- 44 VI. MORALIA sive LOCI COMMUNES. Mortem vitari non posse *Wallius* p. 125. Carmen de termino vitæ *Barleus* p. 181. Chorea mortuales, *Balde Lyr.* p. 104. De æternitate p. 140. Omnia divina providentia gubernari p. 203. Heliotropion seu mens hominis ad Deum versa p. 277. Carmen votivum pro *Isaavacia* p. 278. Corona Regia regumentum humanæ miseriæ. p. 302. in quendam poemata sua de vanitate mundi inter negotia poscentem, p. 213. autor de sepulchro sibi prospicit, supervacuam Epitaphiorum curam irrideri p. 230. Hymnus spirantis ad cælestem patriam, p. 231. Meditatio mortis ex interitu arborum, p. 279. adspirat ad cælestem patriam, *Sarbievius* L. 1. od. 19. Excessus e rebus humanis L. 2. od. 5. sepulchra & tumulus sibi Regum Scholam esse, l. 2. od. 29. omnia humana caduca esse & incerta l. 3.

l. 3. od. 12. Optatum genus mortis, *Itali f. 275.* Cujusmodi tumulum post vitam cupiat *f. 276.* in deliberatam mortem, *Secundus p. 125.* Cupio dissolvi, & esse cum Christo, *Baudius p. 53.* Humanæ vitæ fuga, *Joninus Lyr. l. 4. od. 30.* Quod mors sit pallida, & callida, frigida, & rigida, *Baronius p. 133.* Fuga humanæ gloriolæ *od. p. 161.* suspiria ad cœlestem paradisum *p. 224.* Elegia de humanæ mortalitatis miseriis *p. 237.* Stoicus Christianus, mortem non esse timendam, *Albertus ab Ines od. 2.* Miserum esse, qui nunquam fuit miser, *od. 14.* Rerum humanarum vicissitudines, *Nic. Heinf. p. 76.* Cœlestes deliciae elegia, *Gutiusius p. 139.* varia moralia Epicediis inservientia habet *Balde* in libro de vanitate mundi. Sepulchralis urna pro fonte in atrii Romanorum, *Philomathus p. 54. 55.* Vid. Dan. Heinf. libro de contemptu mortis.

VII. A RITIBUS ET ANTIQUITATIBUS. Allocutio ad manes Hiero- 45
nymy Wolfii Zuber. *p. 10. parte 1. poem.* Veneris lacrymæ super mortem Adonidos *Scoti p. 175.* Epitaph. Metellani Scoriae Consiliarii. Inv. a diluvio & pluviis continuis mortem ejus præcedentibus *p. 267.* In defectum lunæ, qui supremam Scaligeri noctem præcesserat, *Heinf. p. 52.* Epitaph. Budæi a pluviis & diluviis continuis, *Galli p. 593.* Mausoleum Arausiorum Principis, *Barlaeus p. 96.* De more ungendorum cadaverum *Balde p. 123.* In infantis morte matris Auriacæ luctus aëre tempestuoso, *Hug. p. 148.* In obit. Schillingii a variis ritibus tumulandi, *Taubm. p. 320.* In obit. Clusii inter flores tumulari, *Nic. Heinf. p. 335. & 357.* De pluvia in Magii obitu, *Gutiusius p. 253.* Viatoris Protopopœia in obit. Ducissæ Calabriae *Joh. Jov. Pont. 3377.* Puellæ in florem versæ *3398.* Matris ad filiæ tumulum varia dona *p. 3401.*

VIII. A FORMA CARMINIS. Amici obitus sub Pastoris Jolæ persona de- 46
fletur *Balzac. p. 101.* Ecloga Daphnis in obitum Principis *Scoti p. 101.* Idyllium nostrum Adonis in obitum Principis Meclenburgici. Ecloga Philomela in mortem Amaryllidos pulcherrimæ puellæ *Scoti p. 418.* Ecloga altera ejusdem argumenti *p. 420.* Ἀποδείξις Liddellii Philosophi & Medici *T. 2. p. 550.* Jacobi Augusti Thuani ἀποδείξις *Heinf. p. 38.* Scaligeri ἀποδείξις *p. 49.* Thyrsis ecloga in obitum ejusdem *p. 59.* Francisci Lotharingi tumulus. Colloquium inter hospitem & sacerdotem *Galli T. 3. p. 14.* Epitaph. in se ipsum *p. 171.* Poëtæ nænia pentasyllabica *p. 205.* Ἐπίμικτον in obitum Gesneri *p. 677.* Ecloga Alexis in obit. Henrici Bellagi *p. 818.* Epimiçon in fun. nobiliss. Poëtæ *Balde Lyr. p. 139.* Ecloga Alcon in obit. præmaturum juvenis *Itali T. 1. f. 61.* In obit. Cardinalis Ἐπίμικτον *fol. 91.* Eclogæ tres in obitum Bembi Cardinalis *fol. 178. ad 184.* Ἐπίμικτον in mortem uxoris dilectissimæ *Hugen. in mom. defult. p. 36.* in obit. fratris Ἐπίμικτον *Grotius p. 188.* Dialogus inter viatorem genium & sacerdotem in obitum Civium Hidruntinorum *Pontanus 3376.* Colloquium inter viatorem & genium *p. 3381.*

IX. MISCELLANEA. Ad Jacobum Regem ægrotantem, cum Cometa 47
apparuit ante mortem Reginæ, *Scoti T. 1. p. 70.* in rumorem de cæde Regis Jacobi, *id. p. 70.* Epitaph. quod sibi ipsi scripserat, *Galli T. 3. p. 110.* Cor Henrici III. a Monacho oculi *p. 144.* In Passeris interitum *p. 159.* in lacrymas & versus Henr. III. super

per cædem Gastii p. 160. In Cor Caroli Saldanæ a conjuge sepultum 2. Epigr. p. 166. Brutus moriens p. 189. Tumulus hominis furacis, absumto patrimonio mortui, pag. 442. Ad Maculum Pomponium, cum falso diceretur in Alpibus occubuisse Galli p. 594. Ad Chloridem falso nunciata morte Pomponii p. 608. De Psittaco specie quadam mæroris Domino ægrotante mortuo p. 689. Epitaph. Acantulæ p. 690. Epitaph. in obesum (amplissimus vir hic jacet) p. 691. *Κερατάσιον* Thesaurarii suspensi *ibid.* in obit. Præsidis palo affixi. (Qui male federat iudex, male stat post mortem) *ibid.* In obitum Mureti (Nulla dignius in urbe quam Roma mori debebat) Cinædus, *ibid.* de ignobili Arverno in sepulchro nobili posito p. 1146. Epitaph. trium simiarum Scotti T. 1. p. 609. Eudemie umbra scribit ad Eudemium, *Jonstons poëm.* p. 320. ad Ludovicum de Rohmen commune sibi & conjugii defunctæ sepulchrum erigentem Wallius p. 208. causas dat, quare ob pestilentiam non discedat *Barleus* p. 62. T. 2. in anatomiam Spigelii, p. 113. Diræ Francisci Petrarchæ in tumuli sui violatorem pag. 317. in Cleopatrarum obitum, *Itali T. 1. fol. 61.* Epitaph. Canis. *ibid. fol. 82.* Tumulus canis *fol. 197.* Catuli *fol. 213.* Tumulus Epicurei *fol. 334.* Tumulus Barbarillæ catellæ *fol. 347.* In catellum virginis Ursulæ mortuum *od. T. 2. fol. 145. & seqq.* Epitaph. Penelope meretriculæ *fol. 258.* Manes turturis. Lusus Saturnalius, *Gudbertius* p. 2. In mortem senis cujusdam Pædagogi *Joh. Secundus* p. 189. ad Bersum Jano Douzæ parentantem Jamb. *Baudius* p. 197. Epitaph. vetulæ uxoris viri non senis *Hugen. pag. 95.* in Principis infantem mortuum gypso efformatum, p. 147. Epitaph. Mulieris prodigæ. p. 183. extincti crapula p. 188. in Cippo fratris tumulo a vidua imposito, p. 124. Catella veneno casu sumto interempta, *Hugen. p. 357.* Epitaph. Lepusculi *Taubm. p. 357.* excusat se, quod non scribat elegiam in morte amici, p. 385. Epitaph. canicula leunculi p. 497. oda de pestilentia, *Jovius in 139. lib. 1. od. 16. & 17.* Vid. Samsonis, Bellisarii, Caroli V. Hannibalis, Lucretiæ, epitaph. ap. *Baronium in metris Miscell., a. p. 66. ad p. 73.* Impiæ & informis vetulæ epitaph. pag. 72. Simonides Poëta mortuum sepelit. p. 97. in effig. Scaligeri paulo ante mortem expressam, *Grotius* p. 252. Elegia de se ægrotante, *Lotichius* l. 1. & 6. cujus bonam partem descripsit *Bertilius Canutus in eleg. p. 71.* De Lojola, cujus in sepulchro visa sunt sidera, *Guinifus* p. 289. Epitaph. sepulchro incisum, *Philomatus* pag. 112. Inscriptio sepulchralis Rhythmica p. 139. Alia inscriptio Rhythmica pag. 142. Inscriptio p. 142. Epitaph. Adonidis ex Græco redditum *Janus Douza* p. 521. Tumulus morosæ scæminæ *Pontanus* p. 342. Ceteri hominis furacissimi p. 3404. Mendici p. 3405. hominis bibacissimi p. 3406. Rustici p. 3420. Inertissimi nani, Ichthyophagi, Pegati, aviculæ Sturni, Vocis motorie, Meretriculæ p. 3420. ad 25. Achilles sepulchrum, *Bonifacius in Mnsis* p. 22. Herculis & Alexandri p. 26. & p. 31. Inferiæ Cleopatrarum ad tumulum M. Antonii p. 47. In mortem Caballi, Parodia ad passerem Catulli, *Menagius* p. 62. Mausolea Regum Persarum, *Flemming. l. 6. c. 15.* Imperatoris Ferdinandi p. 35.

48

Subjiciemus his minora quædam carminum genera, non adeo frequentis usus, ut *Soteria, Eucharistica, propemptica, valedictoria, & salutatoria, Epibateria, dedicatoria*, quæ singula ad demonstrativum genus pertinent, ac præcipua Enthymemata a laude

laude vel personarum vel factorum capiunt. Exemplum *Soteria* est apud *Statium lib. 1. Sylv. carm. 4. Pro Rutilio Gallo.* Elegantissimum quoque exemplum est in itinerario Gallico Monconisii, ubi Gassendo gratulatur de valetudine recuperata. *Exstat Barlaei gratulatio ad Hugonium febris liberatum Heroic. p. 396.* Ad Cardinalem Mazarinum gravissimo morbo liberatum, *Balzac. p. 17.* Morbus Scarronis *id. p. 57.* Corydon ad autumnum, cum Phœbum suum ea anni tempestate ægrum videret, *Scoti p. 113.* ad Lud. Duræum Medicum, ut febris quarantæ ægritudine se leveret, *T. 2. p. 147.* ad Matrem misericordiae, cum Sidronius Hofchius in gravi morbo carmen illi vovisset, si convalesceret, *Wallius p. 37.* ad Aloysium Lauenbach, sanguinem vomitentem, *id. p. 253.* ad eundem, cum a gravi morbo nondum liberatus se ad literas dedisset, *p. 263.* Votum Matri misericordiae, cum a lethali morbo literatus esset, *Hofschius p. 29.* pro valetudine alicujus votum *p. 79.*

Eucharistici carminis exemplum est ap. *Statium lib. 4. Sylv. carm. 2.* Apud Barlaeum est eucharisticum pro torque aureo a Britanniae Rege oblatum. Ad Bernerum pro muneribus missis, *Zuberus parte 1. p. 43.* ad Martam Ingolstadiensem pro corona natali die ad se missa, *p. 90.* ad Cancellarium, *Balzac. p. 34.* gratiarum actio, cum in privatum cubiculum admitteretur, *Scoti T. 1. p. 66.* expostulatio cum Jacobo Rege, quod munus non accepit *p. 71.* Corydonis carmen Eucharisticum *id. p. 69.* armilla et Melidoria donata *p. 115.* Eucharisticum pro domo, in qua habitabat *T. 2. p. 361.* gratias agit pro carmine in se conscripto, *p. 503.* ad senatum annua præmia juventuti erogantem, *Wallius p. 91.* Eucharisticum ad Antonium de Burgundia, cum emblemata in lucem daret, *p. 353.* Antonio, cum annua præmia juventuti donaret, *Hofschius p. 61.*

In *Propemptico*, quo iter alicui gratulamur, inventiones ducuntur vel a tempore, vel a loco, vel a conditione personæ iter facturæ. In tempore adjuncta ejus considerabuntur, num æstivum, hyemale, commodum, incommodum. Locus est vel is, a quo fit discessus, qui consideratur cum relatione ad personam. Convenient hic loci Rhetorum in laudibus locorum. Similiter locus, ad quem tendit, describatur ex iisdem locis, & a desiderio amicorum expectantium. Locus, per quem quis tendit, vel mare est, vel terra, si prius, allocutiones fingantur ad Deos marinos, ventos, tempestates, nautas, navem ipsam. Si posterius, optamus illi Pegasum, aquilam Ganymedis, injurias aeris deprecamur. In Conditione personæ est, quod vel munus publicum sustineat, ut Legatus, ubi excursus fieri possunt in Principem mittentem, expeditionem ipsam, virtutes Legati, spem Patriæ. Si Dux est exercitus, Locus communis de bello feliciter gerendo conveniet: si literatus, multa de studiis, de ingenio fingere possumus. *Ἡδὴ & πᾶσι* ubique misceri possunt, contestatio doloris, desideria amicorum, vota pro felici reditu. Exemplum est ap. Barlaeum ad commensalem, cum Britanniam adiret. In discessum Poëtæ (Phœbus e nubibus abiit,) *Zuber. parte 1. p. 12.* ad amicum navigaturum, *Zevecotius p. 46.* ad amicam Coloniam proficiscentem *id. p. 61.* ad amicam navigaturam, *Fabricius p. 71.* ad Regem Jacobum VI. Angliam peten-

petentem *Scoti* T. 1. p. 40. ad Daniæ Regem, cum ex Anglia solveret *ibid.* p. 117. aliud Propempticon p. 137. ad Jacobum VI. Scotia discedentem, p. 241. Propempticon Legati ad Regem Britannicæ, p. 281. desiderium Patriæ ad Regem abeuntem p. 372. ad Regis e Scotia discessum, T. 2. p. 470. Propempticum Charitum Abredonensium ad Regem p. 566. e Belgio in Indiam abeunt *Wallius* p. 102. Ad eundem Idyllion Amyntas p. 166. ad amicam navigantem *Banning.* p. 15. ad quendam de pestis secessu *id.* p. 20. In abitum Boulis Phaleucium *i. l. Hendecasyll.* 7. ad Wakeum in Galliam discedentem p. 137. ad Balium in peregrinas oras discedentem *ibid.* p. 161. in abitum Martini, p. 139. Valedicit Regi Britannicæ *Scoti* p. 266. T. 1. in quendam, cum e Belgio in Germaniam revocaretur, *Hofchius* p. 70. In suum ad urbem Veneram appulsum *Scoti* p. 268. ad nobiles duos fratres, qui Silesiam repetebant, *Barlaeus Heroic.* pag. 392. ad equitem, cum Haga Leidam repetebat, *ibid.* pag. 445. ad Jacob. van der Burg p. 53.

- 51 Ad Epibateria sive gratulationes de adventu ista pertinent. Hylas redux, *Balzac.* p. 55. Nympha hospes, *i. l. p.* 64. ad Regem Jacobum Parthenam urbem ingredientem, *Scoti* p. 18. Ecloga 1. Amaryllis cum Rege Jacobo in Scotiam reduce, *ibid.* p. 33. Amaryllis exultans ad Regem ingredientem urbem p. 36. Ad Daniæ Regem Angliam ingredientem p. 88. Ad Regem Scotiam revisentem, p. 374. Patriæ sub Amaryllis nomine gratulatio de reditu ex Anglia ad Jacobum Stuartum Scotiæ Pro-Regem, T. 2. p. 163. ad Regem in Scotiam redeuntem p. 233. ad Reginæ Angliæ Oratorem Pictavium ingredientem p. 351. De Scotiæ præcerum reditu ab exilio p. 365. de pompa introitus in urbem Regis Jacobi p. 519. in reditum Regis in Scotiam p. 500. ad Gandavillanum oppidum Regi Catholico restitutum primo ingredientem, *Wallius* p. 240. ad Florentium, cum in navi a Batavis captus suæ provinciæ redderetur, p. 327. ad Belgium de Ferdinandi gubernatoris navigatione *Becanus* p. 79. ad eundem de mora illi in Italia injecta, *id.* p. 81. ad Philippum Regem p. 86. Gandavensis urbis in ejus adventu gratulatio p. 89. ad Ferdinandum, cum primum in Belgium veniret. *Hofchius* p. 44. adventus Reginæ Britannicæ, *Barlaeus* p. 155. Mauritus redux p. 335. in adventum Principis sub vesperam post superatam Girollam, pag. 343. De eodem Principe ad Isalam *ibid.* in adventu amicæ, *Banning.* l. 1. eleg. 12. In adventum nobilis Poloni in Academiam Leidensem, *Banning.* p. 49. Expostulat cum amico, quod diutius, quam convenerat, absuerit, *id.* p. 77. Ad quendam post Medicinæ gradum in patriam redeuntem, *id.* p. 96. ad Principem Auriacum, expugnata Hispanorum classe, reducem, *id.* l. 1. *ſylv. carm.* 1. ad cognatum e Gallia & Anglia reducem, p. 158. ad quendam, ut, delinente pestilentia, in urbem revertatur, pag. 177. ad quendam, qui Golium de cæli aspectu consulturus erat, quando in urbem rediturus sit, *id.* *ibid.* In quendam ex Italia, Gallia, Sicilia reducem p. 190. De Parelliis Luteriæ visis anno 1539. finiente, Carolo V. Cæsare Calend. Jan. urbem ingressuro Epigramma Theodori Bezæ, *Galliparte* 3. pag. 692.

- 52 Ad Dedicatoria pertinent hæc. Ad Urfinum Poëtam sibi non visum, cui carmina offert, *Zubertus poem. part. 1. p.* 30. Dedicatio carminum ad alios, *id.* p. 34. 36. 63.

36, 63, 76, 78, 83, 94, 99. ad Christinam Reginam, cum quædam opuscula illi mitteret, *Balzac. p. 25.* ad Comitem *p. 27.* De Poëti amatoria ad Patrem Februarium *id. p. 134.* Lusus rustici dedicati Consiliario Regio *id. p. 137.* Dedicatio hymnorum ad Regem, *Scoti T. 1. p. 142.* Dedicatio Eclogarum ad Regem *p. 417.* carmen de anatome, *T. 2. p. 36.* dedicatio sacri carminis ad Regem *p. 84.* ad Scævola *p. 385.* ad ordines Hollandiæ cum illis carmina emblematica offerrentur, *Wallius p. 71.* dedicatio carminum ad Pontificem *p. 187.* ad Arnoldum van der Valle adhuc in cunis vagientem, cum ei olivam pacis in spem colendæ olim poëseos mitteret, *id. p. 225.* ad Claudium Comitem, dum Ferdinando Theses quasdam dedicaret, *Becanus p. 99.* Dedicatio hymni in Christum *Barlaeus p. 1.* aliæ dedicationes *p. 28, 46, 49.* Mittit ad Barlaeum carmina sua, *Banning. p. 73.* Ad Nyendalium, cum carmina sua bellica illi traderet *ibid. pag. 86.* Disputationes Ethicas dedicat *Heinsio p. 126.* Ad legatos Principis Holstatiæ in Persiam, cum ei dedicaret aliquid *id. p. 140.* Laurentio Reali carmina mittit *p. 169.* referantur huc dedicationes singulorum librorum in Martiali.

Subjungimus hisce *encomiastica personarum & variarum rerum*, quæ apud varios Poë- 53
tas inveniuntur. Panegyricos in Imperatores, Principes, Duces, Viros Literatos, Consiliarios &c. Vid. ap. Claud. & Barlaeum passim. Ad Regem Christianissimum *Balzac. p. 10.* Ad Claudium Memmium Regis Galliæ Legatum *id. pag. 19.* Ad invictissimum Heroa Ludovicum Borbonium *id. p. 12.* Laus Gravini Consiliarii *id. p. 26.* & 27. Olor Gallicus ad Principem Henricum *id. p. 31.* Ad Antonium præfulem *id. p. 107.* Pompa Regia Ludovici XIII. *Petavii Panegy. XI. Parnass. Soc. Jes. p. 642.* Panegyricus in Pontificem Urbanum VIII. in quo ejus poëmata potissimum laudantur, *id. p. 639.* Panegyrici de Ludovici XIII. rebus ad Rupellam gestis *p. 649. & 652.* Vid. *ibid.* plura. *Petavii Panegy. sacros.* Laus Caroli Britanniae Principis *Barlaeus ap. Scotos p. 78.* *Jacobii. p. 83. T. 1. ibid.* Princip. Henrici *p. 91.* Comit. Roberti Cæcilii *p. 104.* Panegyricus ad Regem *ibid. p. 302.* *Scoti Cancellarii Directoris p. 304.* Panegyricus *Jacobi I. p. 318.* Regis Galliæ Ludovici XIII. *p. 338.* Elisabethæ Angliæ Reginæ *p. 431.* Vid. *Jonikoni Heroës ibid. T. 2. pag. 118. & 119.* Ad Jacobum VI. Regem & Poëtam *T. 2. p. 142.* De Catharina Medicea *p. 381.* Laus Nasonis *p. 433.* Laus Jacobi Regis *p. 509.* Ad Carolum IV. Lotharingiæ Ducem *Wallius poëm p. 67.* Laus Heinsii *Banningius L. 1. El. 3. Boxhornii id. p. 20. Catlii p. 53. Vossii ab insigni eruditione p. 46. Barlaei p. 50. & 73. Salmasii p. 70. Heinsii p. 126. Laus duorum fratrum, p. 171. Consulis Forelli p. 72. Graswinkelii causarum Patroni p. 172. Gronovii p. 176. Annæ Schurmanniæ p. 176. Mestertii p. 183. Declamatoris eximii *Balzac. p. 89.* Elegantissimi Poëtæ, sed aulici infortunatissimi *id. p. 62.* Poëtarum Scotorum *Isaacus Gruterus in carm. Encomiast. editioni Poëtarum Scotorum præfixo.* Viri duri ac honesti, *Scoti p. 73.* puellæ Aurelianae *p. 72.* Medicinæ Doctoris *p. 219.* Cohortium Scoticarum Dictatoris *p. 296.* Viri constantis *p. 304.* Daphnidos Poëtæ Encomium sub Ecloga representatum *p. 421.* Cæliæ *T. 2. p. 114.* Estheræ Angliæ bellæ pictricis *id. p. 119.* Guldenstein hospitis sui *p. 139.* Tychonis Astrologi *p. 142.* Puellæ, cui nomen Barbara *p. 174.* Vid. Carmen*

Barlæi in uxorem suam ejusdem nominis l. 2. Eleg. p. 58. Joh. Gordinii *Scoti* p. 174. Rhodenburgii, Taubmunnianæ Cathedralis Successoris p. 260. Laudes feminarum pulchrarum, amicorum, amafiorum &c. *Vid. magnam copiam in libro Blyenburgii, quem inscribit Veneres Blyenburgicas, in quo colligit varias materias de amoribus, illasque sub certis titulis congeffit. Vid. ibid. titulum de epithalamio & de amoribus. Adolphus a Dans l. 3. de laudibus Elisabethæ. Vid. panegyrii heroicam Caroli V. ap. Masenium in palæstr. p. 214.*

- 54 *Variarum rerum laudes. Laus capri Balzac. p. 130. Equus Domitiani Statius L. 1. Sylv. c. 1. Laus Rosæ Scotti p. 181. Violæ p. 183. Liliæ p. 185. Croci p. 186. Hyacinthi p. 187. Papaveris pag. 192. Lavendulæ p. 192. Nardi p. 193. Thymbræ p. 194. Lini p. 197. Iridis p. 199. Fœniculi p. 201. Hastæ p. 202. Ensis p. 206. Castidis p. 207. Fluvii Mosellæ apud Aufonium. Montis Aetnæ ap. Corn. Severum. Villæ Tyburtinæ Manlii Vopisci apud Statium L. 1. Sylv. c. 3. Balnei Claudii Hetrusci id. L. 1. Carm. 5. Calendarum Decembrium saturnalia ibid. Carm. 6. Calend. Maji simul vernum tempus eleganter describitur, & laudatur, Buchananus p. 282. Villæ Surrentinæ Pollii Felicis, Statius L. 2. Carm. 2. Psittaci ibid. Carm. 4. Leonis mansueti ibid. Carm. 5. Herculis Surrentini ib. l. 3. c. 1. Consulatus Germanici id. l. 4. c. 1. vitæ Domitianæ id. l. 4. Carm. 3. Herculis Epitrapezii id. l. 4. Carm. 6. Laus Bruxellæ Zevcotius cl. 10. lib. 2. Laus invidiæ Caldenbach. Lyr. 2. c. 2. Balneorum Dianæ Balzac. p. 90. vitæ rusticæ id. p. 138, & 140. Genius novæ Basilicæ ad venalia mercimonia exstructæ, Scotti p. 129. In fontem juventæ ap. Thaduanos, Scotti p. 373. Laureæ Poëtarum coronæ p. 31. Laus Musei p. 105. Hymnus in Hygeam. p. 107. & Balde in præfat. satyr. Medicarum. laus historiæ, Scotti p. 114. Pacis sanctæ p. 119. Encomium domus Ledintonæ, p. 167. Laus artis typographicæ & pyxidos nauticæ, Scotti p. 350. Sacellum Musis & Muliæ dedicatum p. 350. Laus monarchiæ p. 383. Rusticæ vitæ *μετάφρασις* Epodi secundæ Horatianæ, Wallius in poemat. p. 163. Literatum Philomathi otium celebrat id. p. 190. Laus antiquitatis id. p. 259. In cultissimam elegiam Hofchii id. p. 232. In Lyræ Sarbievii id. p. 333. Poëtas vitæ Magistros esse, id. p. 347. Belgium Musarum sedem esse id. p. 369. ad Petrum Classenium lucubratiunculam de rebus creditis evulgantem, id. p. 375. Laus absynthii pro absynthio in monte D. virginis retinendo id. p. 88. Elegia de regno a Christina deposito Becanus Carm. 1. In opera Theologica posthuma Lefchii, Hofchius p. 37. Ad Montmorenum Idyllia sua edentem id. p. 41. In Viserii opus medicum Antidotarium id. p. 59. Laus Theriacæ, Banning. 55. Encomium Torvitatis, Jac. Balde. Disputationis de morbis capitis Banning. p. 91. In Burgersdici Institutiones logicas id. p. 135. In Boxhornii quæstiones Romanas, p. 142. De Scriverii commentario Venatico p. 147. in ædes splendidas Matenæsi p. 156. In theatrum urbium Hollandiæ Boxhornii p. 163. & 164. In Vossiorum annales id. 165. In Elisam Danlii id. pag. 167. Laudat poemata Rutgersii id. p. 175. In orationem Boxhornii de majestate eloq. Romanæ id. p. 177. In Delmenhorstii Etymologicon, id. p. 183. In Screvelii Carmen de peste, cum illa paulo post cessaret, id. p. 181. Laus Patavii Lotichius l. 3. Eleg. 4. Laudat*

dat oblectationes ruris *ibid. eleg. 8.* laudat monumenta in agro Nemaufensi. *id. 2. lib. eleg. 20.* Allocutio ad rempublicam Veneram, *Barleus in heroic. p. 97.* In spectacula exhibita Amstelodami ad adventum Mariæ de Medicis &c. *id. p. 153. & 157.* artis gladiatoris laus *id. p. 457.* in physicam Jachai *id. eleg. p. 127.* In Metaphysicam Jachai *id. p. 128.* in nummos argenteos, Cæsarum imaginem exhibentes, *id. p. 123.* In partem australem Hollandiæ aquis submersam *id. p. 121.*

Encomiastica in Imagines. Vid. l. 1. Epigr. Naudari, quo continentur variae illustrium 55
Heroum imagines. Vid. Adolphi a Dans peculiarem librum, quem inscribit *Ima-
gines.* In effigiem Caroli V. a Constantino Hugenio metallo donatam, *Barleus in
eleg. p. 121.* in effigiem Richelii, *id. in ber. p. 173.* in effigiem Elisabethæ Bohemiæ Re-
gis, Friderici Palatini Comititis, filiae *ibid. pag. 173.* In effigiem deformis Camillæ,
Scoti p. 177. Elegia ad pictorem, quomodo velit pingi Glycinnam suam, *Scoti pag.
143. T. 2.* Banningii elegia ejusdem argumenti *p. 28.* In imaginem Epici Poëtæ *Menagius p. 81.* In
effigiem Heracliti, Ciceronis, Virgilii, Catonis, Platonis, Aristotelis, Pythagoræ,
ibid. p. 179. In effigiem matronæ singularis exempli *Balzac. p. 52.* In effigiem femi-
næ, quæ se ipsam depinxerat, *id. p. 53.* de Diana ad Pictorem *id. p. 89.* in effigiem
Flavii Domitiani Cæsaris, *id. p. 123.* imago Aloysiæ, *Barleus inter Scotos p. 135. & 136.*
in effigiem Tychonis Astrologi. *Scoti T. 2. p. 142.* In effigiem Ducis Brunsvicensis
Augusti *Vid. epigr. nostra selecta, pag. 1.* In effigiem Principis Cimbrici, Friderici, item
Cæsaris Leopoldi &c. *Vid. primitias nostras Parnassi.* In effigiem Mauriti Theologi
vid. miscell. nostra poëtic. p. 31. In imaginem Poëtæ elegantissimi, *Menagius p. 75.* item
p. 77. in imaginem Christiænæ *p. 79. & 82.* In imaginem virginis, *Menagius p. 87.* In
imaginem Brunonis Carthusianorum Parentis *p. 86.* In imaginem Historici *p. 93.* In
imaginem Cardinalis Mazarini *p. 94.* In suam imaginem, quam amico mittit, *p. 95.*
In effigiem Rosillæ defunctæ, *Janus Douza p. 238.* In effigiem Johannis Secundi *pag.
237.* Vid. epigrammata multa in effigies *ap. Barl. miscell. l. 2.*

Sylloge variarum invectivarum & satyrarum. Inter recentiores Satyricos nemo Jac. 56
Balde melior. Scripsit is Satyras medicas, Satyram de eclipsi solis, contra Tabac-
cum, contra pingues & macilentos, in podagricos, de vanitate mundi &c. Vid. Sul-
pitii Satyram de corrupto reipublicæ statu cum notis Bexhornii & Val. Catonis
Diras, cum notis Arnoldi. Apud Gallos prodiit Liber var Satyr. Le Cabinet saty-
rique anno 1666. Le Parnasse satyrique du Sieur Teophile 1661. Jani Gulielmi
Laurenbergii & Rachelii Satyræ Germanicæ. Apud Belgas Vid. Jost van de Von-
dels Heckeldicht. Nebulo Nebulonum per Petrum Baardt, Haerlem anno 1634.
Vid. Masenii Satyr. 1. in avarum, in nimiam opum cupiditatem Sat. 2. in imperitum
Controvers. Scriptorem, Sat. 3. In superbum Sat. 4. Vid. Buchanani fratres fraterri-
mos in Franciscanos scriptum. Vid. Heinsii Scazontem in Scioppium *p. 75.* In bar-
baros quosdam, qui sub verorum Jctorum & Medicorum nomine bonas literas alla-
trant, *p. 73.* in Maledicum quendam Pædagogum sibi soli eloquentiam vindicantem,

p. 28. Consilium Collegii medici Parisiensis de mania Hypermori Medicastris pro Buchananano scriptum, *Jonstonus* p. 185. Onopardus furens, *Jonstonus* p. 123. Tumulus Onopardi p. 207. in rabulas duos, Patrem & filium, p. 242. De furoribus Brentoryphæis p. 300. Baudii jambi in Scioppium, p. 169. In Pseudo-Celtam p. 170. In tres Juris perversiores, pag. 171. In famosum rabulam, a quo indignis modis circumventus erat p. 172. & 173. Adversus insignem falsarium *id.* p. 178. In duo Gallicani nominis opprobria p. 180. In Typhæum *id.* p. 184. In quendam sine nomine fragmentum Satyræ p. 192. Nicol. Heinsii Scazon in Alastorem in Salmasium, ut videtur, scriptus pag. 195. *noviss. edit.* Ejusdem Lusus Saturnalius in Corn. Cossium & Francisc. Santram Poëtaistos pag. 187. Menagii Gargilius seu Metamorphosis Gargilii Macronis Parasitosophistæ in Psittacum, *Menagius poemat.* pag. 3. in epulo parasitico p. 93. ubi præterea vita Gargilii Mamurræ continetur. Caroli Feramulii Hemera Macrini Parasito Grammatici ad Celsum epulum Parasiticum pag. 3. Indignatio in Gargilium Anagrammatistam *Menagius* pag. 68. In Macronium nothum *id.* pag. 56. Propopœia Gargilii ad se ipsum *id.* pag. 57. in Hermogenem avarum *id.* p. 52. In Albemaoni libellum de morte, quem cordi suo dedicaverat pag. 58. In Cortam scriptum quoddam *id.* p. 89. & 90. In malum medicum Hermogenem pag. 90. In Sabellum pædagogum p. 70. in Lupam mulierem deformem pag. 98. Amator decrepitus ad Cupidinem *Menagius* pag. 100. Indignatio in Theonem Ludimagistrum Ex Jesuitam laudatorem ineptissimum Cardinalis Faleræ *epul. paras.* p. 310. In quendam semigrammaticum viri doctissimi scripta chartarum cacatarum convitio traducentem *vid. miscellanea nostra* p. 88. In cujusdam carmen eucharisticum ex Secundi carmine exscriptum *ibid.* p. 91. in osculum ab anu illatum, p. 44. Lubini Satyræ tres in male doctos Academicarum pestes, *Rostochii* 1618. In invidum *Zerocotius* l. 3. eleg. 17. miseria seculi *id.* p. 167. In Sycophantam genere & moribus infamem, *id.* p. 178. In Mopsalum, qui sibi adolescentiam objecerat, *Fabricius* p. 182. In formosam virginem deformi marito nubentem *id.* p. 184. Diræ in Catarrhum *Gudbertinius* p. 52. Diræ in culices Mydenses *Barleus miscell.* L. 1. pag. 360. ad Zolium & Momum, *Gudbertinius* p. 85. De hypercritico Galeo ad Menagium *Balzac.* p. 48. De non optimo Poëta, quem per humanitatem summam laudaverat *id.* p. 67. Orbilius satyra p. 67. & 68. In Grammaticum Genesatem p. 71. Ad Marc. Licinium de vita Mamurræ *id.* p. 72. Crudelis umbra. Hosti mortuo non esse findendum *id.* p. 77. ad Metellum de Bosco Roberto Poëtaastro & Criticaastro *id.* p. 73. ad 76. in senem ægrotum amantem *id.* p. 80. In Galathei insaniam p. 81. ad 83. De temeritate novæ & profanæ Criticæ p. 100. Balzac. in Amyntæ audaciam *id.* p. 121. in Tiberium Cæsarem *id.* p. 123. ad eundem in morbo mortem sæpe optantem *id.* p. 124. De libertatis spe post mortem Tiberii p. 124. Indignatio in Poëtas Neronianorum temporum *id.* p. 125. Ridendæ lacrymæ ad Franciscum Mariam Fulvium in obitum Poëtastris p. 130. Philomela ingratum canens p. 135. Valedicit, aulæ, *Scoti* p. 61. in Camillam deformem puellam, *idem* p. 118, 119, 122, 129, & 130. Ad Camillæ matrem pulchram de deformi filia, p. 130. In Vappam circulatorem, pag. 139, 141. in quendam incon-

incondito & obscuro versu Ostendam captam describentem pag. 126. & 127. in quendam caufidicum cognomine Regem p. 433. in Quindecim viros lirem sibi protrahentes, *ibid.* Detestatio conspirationis de perdenda pulvere pyrio tota aula pag. 433. expiatio p. 434. In Jesuiticum pulveris pyrii conatum, T. 2. p. 200. Diræ in febrim, p. 105. Fibra Thufca cum catulis, p. 111. Ad Carolum Galliarum Tyrannum sanguinis inusitato fluxu pereuntem pag. 132. ad Venetos de Papa *ibid.* in Mystomastyga p. 117. in pediculofum Grammatistam p. 117. In Italum sororem suam inviso Scoto obtrudentem p. 137. in Philippum Hispaniæ Regem tria epigramm. p. 133. in rebelles, qui Ducem Parmensem securi sunt, allusio ad nomen *ibid.* in ælicum quendam mandato Regis ex aula discedentem, p. 140. In cuculum quendam Caufidicum p. 141. & 142. in corruptum Senatorem, nummus *vémus* p. 174. In gallum cuculum (accrescit Domino, quod alieno fundo inseritur) p. 175. In Gyllam lascivam p. 177. Echo in meretricem p. 176. in Janum Virbium p. 177. Apologia contra Theonis cujusdam nomen suum occultantis calumnias & contumelias p. 337. de bello civili ad juventutem Gallicam p. 376. De Dardano mercatore annonam exurente p. 387. In Christianorum carnificem, *ibid.* Diræ in Bajulum, qui urnam fregerat, Wallius pag. 262. in Pædagogum ἀτίμων Parodia ad Catulli Phaselum *carm. illustr. Poët. Ital. T. 2. p. 351.* In Hermogenem pessimum Poëtam p. 351. in Planum impostorem pag. 352. in Virianum Pseudo-Poëtam p. 354. in sciolos quosdam p. 365. In Franciscanum quendam, p. 372. in Theodorum Bezam & Buchananum p. 373. In Jesuitas Comœdia sub nomine Lojokæ edita Londini anno 1648. In Ducem de Alba, Janus Douza, *poëm. pag. 127. & seq.* In Morum p. 129. In invidium Zuberus *parte 1. poëm. p. 7.* in hominem inconstantem *id. p. 31.* in quendam unum scriptum pluribus dedicantem p. 19. In nasutum *id. p. 20.* in quendam gloriantem de amicitiiis Magnatum, p. 24. & 25. In verborum aucupem, *ibid.* In Cachecticum, quem toties invisens domi non offenderat, *id. p. 28.* in Vulpionem *ibid.* in Poëtam ineptum laureatum p. 29. in Willium sibi minantem *id. p. 31.* in Quinquillum Medicum nunquam sanantem *id. p. 31.* in Patrem Lenonem & filiam Meretricem, *ibid.* in quendam primarium pag. 34. In Rontam, non nisi mortuos Poëtas æstimantem, p. 35. In Philobibulum post mortem suam scripta editioni destinantem *idem p. 34.* in Bibianum semper se invitantem & nunquam domi inventum pag. 50. in collegium Patrum Viennensium (Parodia ex l. 12. Mart. Ep. 95.) pag. 51. in quendam fœdam uxorem ducentem, pag. 55. In Philosophum superbum, *ibid.* in pessimum nebulonem pag. 56. In quendam generis fungini poëtam *id. p. 61.* In Lipsio-Maltyges *id. pag. 65.* In quendam nulla sibi munera pro carminibus mittentem p. 67. In Lucavii immanes Ronchos, *id. p. 68.* In Trollum stultum alieni artificii existimatorem p. 78. in parcius convivium Torgæ pag. 78. in papulum omniscium, p. 80. in Epistrum seu nimis credulum *id. p. 82.* In Ramistas p. 84. In parvum pag. 94. In honores indignis collatos, pag. 96. & 97. In Aristomachum de vino scribentem p. 105. In Strigonum epigrammata sua poscentem p. 87. in quendam Georgium ebrium p. 89. in Larruscum invidum p. 51. in quendam, paupertatem sibi objicientem p. 87. In Quarculum pag. 97. in Querlini uxorem semper pedentem,

p. 57. In Pignantiā ebriam Maritum deplorantem p. 58. In Matthæum Bonficiū, hominem ſimplicem, p. 95. in Mergum p. 96. In Grungratianam Maritum verberantem *id.* p. 47. in Criſpum p. 60. in Digloſſum *ibid.* In quendam, qui ſe Dominum vocavit p. 61. in priſcam virginem, p. 20. In Picem & Cantorem eadem urentes uxore p. 12. In Sixtum laude data indignum p. 15. in vitam aulicam p. 58. & 59. In quendam nulli credentem p. 63. in ſcripta Poëtica forti ſuæ exitioſa *id.* p. 36. In girgillum p. 37. in Plandum allatrantem p. 78. In quendam qui ſchomnia pronunciabat pro ſomnia p. 29. In fuſculam p. 36. In locum ubi vivit p. 60. Aëroſophum p. 76. In Cardopum *ibid.* In Auſtraliſpam, *Balzac.* p. 15. in puerum præcipitem p. 14. In lubicrum omnia vendentem *Zuberus* p. 87. In lircum, ſe ejus favorem nihil æſtimare p. 96. objurgatorium in ſe ipſum de credulitate ſua, *Jul. Caſar. Scalig. poem.* 47. In judices, qui ancillam, arcas eſtringentem, abſolverant, *id.* p. 33. In ſuam Arthritidem p. 48. In invidum quendam Medicum p. 49. In barbariem ſui temporis, p. 46. In larvatos Græcarum literarum ſectatores p. 34. *Vid. Jul. Caſ. Scalig. L. 2. Poëmat.* quem inſcribit *Nemefius* in Medicum, *id.* pag. 101. *Vid. 3. Libr. Scalig. Teretiſmata*, in quo Satyræ inveniuntur. In Calvi impuritatem, *id.* p. 61. *Vid.* ejusdem Atam. In calvum & mulum ſuum pag. 66. In monſtrum invidentiſſimum, p. 61. In multitudinem furum ſui temporis pag. 69. De Pædagogorum colluvie, qui medicinam primoribus labris temere proſitentur, p. 607. In quendam Noctuinum, qui fugit ignis ſupplicium p. 381. In Noctuini perſidiam p. 173. Diræ in Lycorium. *ibid.* In Sedulium, *ibid.* in quendam Caciaturum, qui fuerat Carthuſianus p. 397. Ad Striges p. 352. In Dolcerum p. 401. In Strumam, p. 418. & 419. *Vid. tot. libr. XIII. partis I, variis Satyris plenum.* in quendam Roſomacham cuculatam p. 192. *part. 2.* In quendam Medicum & Legulejum p. 194. In Calvum, pag. 179. *idem.* In anum nubere parantem *Barleus L. 2. Eleg. p. 81.* Diræ Franciſci Petrarchæ in tumuli ſui violatorem improbum, *id. l. i. Miſcell. p. 317.*

CAP. XIII.

DE

EXCERPTIS AD DISCIPLINAS ET
FACULTATES PERTINENTIBUS.

- ſ. 1.* Excerpta diſciplinarum ſecundum cujuſque ordinem inſtituenda. 2. Excerpta Phyſica. 3. In Phyſica ſpeciali utiliſſimus per indicem excerptendi modus. 4. Et Medico utilis futurus. 5. Cogitata notanda. 6. Velleſcii Philomathetica. 7. & Axiologica antiquorum. 8. Capponi cogitationes. 9. Bernhardus in theſauro Rhetorico per indicem excerpta congeſſit. 10. Mathematica excerpta. 11. quomodo ad uſum Phyſicum dirigenda. 12. & quomodo inſtituenda. 13. Velleſcii ſermones fideles. 14. Loci communes Morum. 15. Characteres hominum in vita civili utiliter notantur. 16. Loci communes Politici duplices, Methodici & axiomatici. 17. Ex-

17. Excerpta axiomatica ex Historicis præcipue petenda. 18. qualia a Constantino Porphyrogeneta olim collecta potissimam partem perierunt. 19. Ista excerpta quomodo disponenda. 20. Weissi ad hæc manductio. 21. Excerpta historica. 22. Excerpta notitiarum politicarum. 23. quomodo ordinanda. 24. Comingii consilium. 25. Excerpta memorialia. 26. eorum utilitas summa. 27. Excerpta specialissima. 28. rituum in conventibus & actis publicis. 29. it. commerciorum. 30. Excerpta Juris publici. 31. Loci communes Historici, 32. Theologici, Exegetici, 33. Dogmatici, Controversiarum, 34. Oratorii sacri. 35. In Jurisprudentia itidem Exegetici, Dogmatici, 36. Practici. 37. Autores practici juris qui dicantur. 38. Collectanea Medica. 39. An in illis exegetica alicujus usus. 40. Secundum materiam medicam instituenda, 41. Botanica, 42. Chymica. 43. Collectanea in mineralibus quomodo construenda. 44. In his magna cautela opus. 45. Collectanea de rebus animalibus. 46. Autores materiam hæc tractantes. 47. Practica morborum ac subjectorum ratione adornanda. 48. Simplicia, ἐμπόγισα diligenter notanda. 49. Historie feliciū curationum a plebeis institutarum. 50. Sympathetica & superstitiosa non omnino negligenda. 51. Circumstantie loci, corporum, climatum & aliæ diligenter notanda. 52. Collectanea Medica ratione subjectorum. 53. Pantotheca singularis Machina ad colligendum & excerptandum inventa descriptio c. Bodini Dialogo inedito de abditis rerum sublimium arcanis.

EXCERPTA DISCIPLINARUM non possunt commodius institui, quam secundum disciplinarum ordinem, quanquam & promiscuus placere possit, si indice accurato labor inquirendi sublevetur. Sed tamen ordo iste eo proderit, ut connexa se simul oculis fiant. Excerpta illa magno usui esse possunt in disciplinis ipsis. * Et quidem, quod ad *Physicam* attinet, secundum duplicem partem generalem & specialem instituenda illa excerpta sunt. In parte generali colligantur sub suis titulis Philosophorum placita & sectarum diversæ sententiæ circa principia. Deinde subiciantur, quæ sunt apud omnes disputata in utramque partem, e quibusvis Philosophis tam Græcis quam Latinis, veteribus & recentioribus. In parte speciali diffusior est colligendi ratio. Tota enim historia naturalis huc refertur. * Per indicem itaque sub singulis Physicæ specialis titulis, tum ex historia naturali veterum, Aristotelis, Plinii, Æliani, Solini; tum recentiorum, ut Vossii, Salmasii aliorumque, qui observationes, experimenta, diaria & similia scripserunt, omnia congerantur. Incredibile est, quam quis thesaurum suum locupletare possit, si mature huic ordini & studio insistat. * Medico eo utilior futurus est ille labor, quod Specialium illa cognitio magis ad artem illam pertineat, qui animalium plantarumque historiam scorsim ponere debet: accuratius enim circa hæc argumenta illi versandum est. Possunt eodem modo, ut in parte generali, illic notari varii Autores, variæ sententiæ, & in utramque partem disputatæ. Argumenta autem illa

- illa strictim poni debent, non diffuse. Qui id sedulo fecerit, illi nunquam vel disputandi vel commentandi occasio defutura est. * In his præcipue locum habet illa cogitationum nostrarum in Adversariis consignatio, de qua supra dixi. * Eo modo conscripsit doctissimus VEISCHIVS *Philomathetica sua*: nam ut Schræckius in ejus Vita testatur, sine ullo ordine, ut in mentem veniebant, coniecit omnia; quæ aliujus momenti aut considerationis videbantur, tam ad Naturæ cognitionem, quam ad Medicinæ usum, ac quamvis aliarum artium incrementum. Unde Syllabi centenarii septem enati, quos octavo Ægyptiorum adauxit. Ut vero hoc simplicissime enumerati; ita brevissimis expositionibus additis, quid sibi videretur, edixit, hanc solam ob causam, ut aliorum judicia venari posset, & subtiliora ingenia excitaret, qui maturis deliberationibus experimenta caperent, & reipubl. literariam ditarent. Postquam enim vidisset, societatem Regiam in Anglia id jamdudum agere, & secutos mox Galios, deinde Italos, & nunc quoque Germanos, suas quoque Cogitationes eandem ob causam proferre constituerat. * Subjuncturus etiam illis erat, ut in præfat. Hecacostheæ ipse memorat, Axiologa antiquorum, ut tanquam incognita & plerisque neglecta cum nova reducantur, quorum plena Cœlitas designata est, ex Hippocrate, Aristotele, Theophrasto, Galeno, Plinio, Athenæo, Græcis Medicis, editis & ineditis, Ebusina & Arabibus ceterisque Orientalibus & Latinis desumpta: quæ omnia omisso speculationibus ad solam praxin sive experientiam direxit. Sed hos thesauros cum ceteris ejus ineditis acerba tanti Viri mors nobis eripuit. * Etiam CAPPONUS *Cogitationum de rebus naturalibus*, ut menti irreperant, e calamo præcipitatarum libros tres scripsit, teste Gregorio Leti *Ital. regn. part. 3. lib. 2. p. 90.* * Et talia quoque in Rhetoricis & Poëticis institui possunt, si ad disciplinam potius & commentationem, quam ad praxin respiciamus. Talium excerptorum specimen in Rhetoricis dedit BERNHARDUS in *Thesauro suo Rhetorico* superiori seculo in Italia edito, qui ex omnibus veteribus & recentioribus Rhetoribus per indicem excerpta ad artem pertinentia congessit.

- Excerpta talia institui in omnibus disciplinis possunt, ubi ipsa disciplinarum methodus ordinem ostender. * In *Mathematicis*, quorum maxima utilitas est, præter disciplinaria Excerpta etiam miscellanea institui possunt, quoniam discipline illæ latissime se diffundunt. Quicquid itaque problematum, variorum artificiorum mechanicorum, vel ab aliis inventum legitur, vel per analogiam a nobis potest inveniri, illud sub titulis classibusque rerum, quas Physica subministrat, congeri potest, atque ita pro diverso fine diversa methodo adornari excerpta illa possunt. * Quemadmodum enim Physica & Mathesis mutuas sibi operas tradunt, ita conjungi illa excerpta possunt, estque pene nulla pars Physices, quin Mathematica aliqua speculatione vel experimento adjuvetur. * Quod si quis ad illustrationem Theorematum Mathematicorum specialia experimenta mechanica pro exemplis adducere velit, tum pro titulis ipsis concipiantur theoremata mathematica, & pro exemplis subjiciantur experimenta rerum naturalium mechanica, quæ ex hoc principio mathematico fluunt,

fluunt. Conducit hoc ad scientiæ perfectionem, cum ex ipsis fundamentis eruuntur rerum affectiones. Qui ad seculi nostri genium philosophari in rebus naturalibus velit, excerptis utatur tali modo institutis, & experietur, quam hoc sibi futurum sit. Est sane & in Excerptendo quædam *ἐμπειρία*, quæ ex ipsa Virorum doctorum praxi discenda est. * Editurus erat πολυμαθὲς VELSCHIUS *Sermo- 13*
nes fideles de modo legendi & Excerptendi: nam ut Schræckius testatur, relicta de hac materia Drexelii laboriosa & cædiosa diligentia sedulo observavit, quo pacto ad tantas eruditionis opes viri docti pervenissent.

In *præcticis* disciplinis eadem colligendi ratio est, si disciplinas ipsas earumque 14
professionem & explicationem spectemus, si vero usum in vita civili, aut ad alias disciplinas, alia institui excerptorum ratio debet. Quatenus moralis philosophia usum habet in civili conversatione, quatenus Oratori accommodatur, varia sunt excerpta. In conversatione ac vita civili utilis est doctrina de hominum moribus. * Ideoque characteres hominum ratione ætatum, statuum, notari debent: quales 15
etiam esse usui possunt in Rhetoricis, de quibus supra diximus. Usum characterum in re civili ostendit *Bæclerus in Characteribus suis Vellæanis*, & *Brochmannus in Ethica sua historica*. Sed illa Characterum ratio ad personas pertinet: non potius hic rem ipsam spectamus variasque vitæ statuum, affectuum, virtuosorum & vitiosorum conditiones. Talia excerpta sub titulis clatilibusque Virtutum & vitiorum colligi possunt, ut fecit quædam ex parte *Mechovius in Parænetice sua & Magirus in Polymnemonie*.

Politica Excerpta primum methodo disciplinæ institui possunt, ad usum com- 16
mentationis & disquisitionem controversiarum. Secundo methodo axiomatica instituuntur, quatenus ad usum practicum referuntur, habentque pro fundo non tam generalia Politices præcepta, quam Historicos, præcipue pragmaticos. * Quoniam 17
enim in enarratione rerum gestarum typus aliquis civilis & practicus e rerum circumstantiis elucet, ideoque quam optime ex illis talia colligenda. * Fuerunt jam 18
olim, qui consilium hoc suo probarunt exemplo: nam CONSTANTINUS PORPHYROGENNETA, Leonis Philosophi filius, suo tempore ex Historiis quasi flores in unum corpus collegit, & in 53. partes digessit, singulos locos duobus libris comprehendens, e quibus non nisi duo libri ad nos pervenerunt; alter videlicet *de Legationibus a Fulvio Ursino & Davide Hæschelio editus*, alter *de Virtute, & Vitio*: quos 19
Nic. Peirescius ære suo redemit, ac Græce Latineque *Henricus Valesius* edidit. Reliqui libri omnes desiderantur: qui si inveniri alicubi possent, non exiguum prudentiæ civili & historiæ lumen afferrent. Multa etiam illic habentur e libris deperditis Historicorum, frustra nunc quaerimus: nam in iis, utur paucis, quæ servavit nobis Peirescius, occurrunt aliqua e libris Polybii deperditis excerpta. * Excerpta illa institui
possunt per axiomata ex historiis & earum circumstantiis contrahenda: unicuique axiomati numerus addendus: locus ex historico apponendus: Spatium aliquod seu intervallum relinquendum, ut possint parallela exempla ex aliis Historicis vel Ob-

servationibus addi. Si quod axioma ad titulos diversos referri potest, sub altero ponatur, sub altero per numeros citetur. Quod si Loci communes integri apud Observatores & Commentatores politicos tractentur, sola Autorum loca notari possunt. Quod si ex omnibus Commentatoribus tales Locos communes instructos haberemus, via præstructa esset illis, qui de charta in papyrum scribunt, & cum e. g. in locum Flori incidunt, omnia exempla parallela, quæ aliquis fortassis Commentator in Salustium aliumque Autorem congestit, dissimulato Autore, deservunt, quod alius iterum faciet, cum in similem alterius Autoris locum incidet.

- 20 * Scripsit CL. WEISIUS *Manuductionem ad Locos Communes Politicos*, qui pene in eadem nobiscum sententia est. Indicem is addit locorum Politicorum, sub quibus tituli speciales disponi possint. Sed puto magis specialem hic esse operam impendendam, imprimis in axiomatibus collocandis. * Quod si in Historicis interpretandi operam quis ponere velit, Locos communes exotericos in illos exstruere potest, eo modo, quo supra diximus apponendo semper ad Historici locum, locum Commentatoris, ubi nota quædam politica habetur.

- 22 Sunt & alii Loci communes Politico-Historici, quos inscribere *Excerpta Notitiarum Politicarum* possumus. Notitiæ autem vocabulo necari apud Autores solet cognitio Politico-Historica uniuscujusque imperii, ut habemus Notitiam imperii Orientalis & Occidentalis, Notitiam domus Augustæ similesque libros. Hanc viam nobis monstravit Aristoteles *lib. 1. Rhet. c. 8.* ubi suadet, ut quisque mores gentium sibi reddat familiares. * Loci itaque communes ita ordinandi sunt, ut ponantur tituli generales imperiorum. His subjiciantur speciales e. g. forma regiminis, populorum origo, migrationes, leges, judicia, proventus & commercia, utilitates publicæ, finis & scopus. His enim capitibus præcipue omnia constant in Republica. Sub singulis noventur 1. quæ ex veteri Historia habentur, 2. quæ ex recentioribus Historicis aut Itinerariis peti possunt, 3. quæ experientia nostra vel aliena constant 4. e relationibus publicis, in quibus tamen delectus instituendus est, ne falsa pro veris accipiamus, 5. prudentum hominum judicia, 6. nostræ etiam conjecturæ. * Talia *Adversaria* concinnari jubet CONRINGIUS in *Prolegomenis Collegii sui Rerumpublicarum*, quibus se ab adolescentia ipsa usum fuisse fatetur, unde ipsi magna illa rerum politicarum notitia succrevit. In quibus autem rebus proprie consistat notitia alicujus imperii, ibidem secundum omnes causas definit. Legendus quoque est Bæcleri liber *Historia Schola Principum*.

- 25 Est & alius quidam colligendi modus, sed viris in negotiis ipsis versantibus convenientior, cum sibi ipsi Observationum suarum excerpta & commentaria privata instituunt: *Weisius* hanc excerptendi methodum Heroicam vocat. Continentur vero in illis libris vel res ab ipsis gestæ, quales sunt *Memoriæ (les mémoires)* Gallicorum scriptorum, vel quæ nostro tempore illic ab aliis gesta deprehendimus. Talem librum conficiendum fualit *Franc. Joseph. Buerhus* Regi Daniæ in *Instructione* illa sua *Politica* 26 lingua Italica scripta, quæ inter opuscula ejus Genevæ edita habetur. * Quod si quis

quis hac methodo semper usus fuerit, vulgaria illa Politices præcepta adjecerit, facile illi erit, divinatorem de rebus politicis agere, consilia Principibus impertiri, cujus prudentiæ specimina passim a viris politicis exhibentur.

Possunt & nonnunquam *excerpta specialissima* pro instituto & scopo nostro concinnari, ut si quis aulae alicujus omniumque ministrorum a summo ad imum mores, virtutes, affectus, inclinationes, utilitates, quas in amicitia ejus habere possit hic vel ille status, cujus ille ministrum agit, qui illa notat. Hujusmodi observationum exemplum præbet illa relatio *PHILAGATHI SECURI de Notabili aula Romana*, qua ille Pontificis omniumque Cardinalium mores, inclinationes & favorem erga Statum Venerum examinat. * Sic faciat quis rituum & morum civilium excerpta, quid obtineat in conventibus actibusque publicis, quorum sæpe usus est viro civili in negotiis tractandis occupato. Ejus specimen quoddam dedit *CL. WAGENSELIUS* in *Collectaneis* quibusdam *MStis de Ritibus civilibus*, quæ nunc, credo invito autore, in lucem prodierunt. Ita, si quis in usum suum materiam de legationibus excolere velit, huic fini excerpta illi instituere magnopere proderit, qui aliquando isto officio defungetur. Ejus specimen nobis dedit *VICQUEFORTIUS* in *libro de Legato*, nunc e Gallica in linguam Germanicam converso. * Sic *Commerciorum* excerpta specialissima conficiet ex omnibus tam Politicis quam Historicis, qui hoc præ ceteris argumentum sibi perquirendum sumit, ad commerciorum consilia aliquando vocandus. Quo pertinent omnia publica acta, quorum non pauca collegit *MARQUARDUS* in *libro de Jure Mercatorum* & pulcherrima illa lineamenta, quæ *WERLHOFIUS* in *erudita Dissertatione de Commerciis* duxit.

Ad Excerpta politica referenda etiam sunt *Excerpta juris publici*. Horum ideam nemo melius dedit quam *BOECLERUS* in *Notitia Romani imperii* & in *Excerptis illustrisium Controversiarum* non ita pridem editis, quod argumentum speciale est. Ipsius *Linnaei* vasta Opera non sunt nisi mera collectanea. Ordo a *Bœclero* institutus præ ceteris placet.

Quæ de Politicis excerptis diximus, illa ad alia etiam applicari possunt. Ideoque nihil amplius restat in Philosophicis disciplinis, de quo moneri quædam ratione excerpendi possunt. Multa occurrunt in singulis disciplinis specialia, de quibus excerpta pro singulari aliquo usu formari possunt, ut si quis forte librum specialis argumenti scribere velit, tunc congerenda omnia sub specialibus titulis capitum, e quibus tota illa tractatio ordinabitur.

Loci Communes Historici vel secundum regnorum ac populorum seriem institui possunt, vel secundum numerum annorum & seculorum, vel secundum seriem rerum. Primus modus parum differt a *Locis communibus politicis*, de quibus supra diximus. Secundum ordinem seculorum institui illi possunt pro usu chronologico. Ac possunt omnia tabulis quibusdam & laterculis comprehendi, primo pro Rebus publicis illustrioribus, quarum tituli in fronte cujusvis laterculi ponantur, & illis mutationes secundum seriem seculorum subjiciantur: Secundo pro seculis, quibus vice versa subjici Rerum-

publicarum mutationes possunt. Si quis Chronologica excerpta secundum rerum capita disposita velit, uti poterit Chronologia Alstediana, quæ eleganti methodo disposita est. Titulos, qui illic deficiunt, facile supplere poterit, nova notata Alstedianis addere, & errores ab Alstedio commissos corrigere.

- 32 Venimus ad Facultates, quas vocant. In studio Theologico pro vario scopo institui excerpta possunt. Quemadmodum in Philologicis & Philosophicis Locos communes *Exegeticos* adornandos esse dixi, ita & hic notentur explicationes locorum scripturæ vel Philologicæ vel Dialecticæ, vel ex ipsa etiam Theologica doctrina desumptæ. Illa omnia vel distingui vel misceri possunt pro lubitu. In *Criticis* exemplo suo prævit *POLUS*, in quibus collectaneis non pauca tamen multi desiderant. *DORSCHER* *Biblia numerata* post mortem ejus edita omnia miscet, Philologica, Critica, Dogmatica, Practica, sed omnia sunt per indicem tantum notata. Fortassis non spernendus labor esset, si quis Dogmatica & Practica cum cura colligeret. Talia institui collectanea e Theologis Practicis Anglis optabat *Verulamius*. Similis pene labor *CROWEL*, qui indicem edidit *Scriptorum Exegeticorum in libros & loca Scripturæ*, sed ille ad minuta & specialia non descendit. Ad talia Excerpta conficienda indices illi locorum Scripturæ S. qui libris adjungi solent, viam quodammodo sternunt. Sed e lectione ipsa accuratius omnia notabuntur.

- 33 Loci communes *Dogmatici*, qui proprio nomine Loci Communes Theologici dici solent, colligendi seorsim sunt. Quibus etiam, si ita visum fuerit, misceri controversiæ possunt. Ordinem ipsum Theologiæ Systema suppeditat. Autorum, qui Locos communes scripserunt, explicationes quasi per lemmata poni possunt. Qui singulari libro vel unum locum integrum vel ejus partem explicuerunt, hi diligenter notandi. Commodum & hoc est, ut in omnibus disciplinis, ita etiam in Theologia, secundum materiam dispositos habere Scriptores controversiarum. Si quis illas præ ceteris excutere velit studiosius, singulari libro destinari possunt, ne in uno cumulentur omnia. Possunt pro singulis sectis adornari libri, si quis in illis operosior esse velit, in quibus ordo alius non est, quam locorum controversiarum. Suaserim in excerptis Locorum communium Theologicorum, si singularibus libris colligantur *controversiarum* excerpta, ponenda tantum esse summa controversiarum capita, & remittendum ad excerpta controversiarum. Si quis historiam potius quam dogmata ipsa respiciat, secundum titulos sectarum & seculorum adornare excerpta possit. In omnibus enim usus & scopus respiciendus est. De cetero cum in Facultatum studio multa occurrant specialissima, tum ratione muneris, tum ratione ipsius doctrinæ: alium enim sibi scopum habet propositum Ecclesiastes, alium Doctor vel Professor Theologiæ; ita pro vario illo fine & scopo etiam in specialissimis argumentis colligenda quædam sunt. Accidit interdum, ut de casibus conscientiæ consulantur Theologi: Quapropter etiam illa in re institui promptuaria possunt, collectanea scilicet casuum ex Autoribus, qui de his argumentis scripsere, ut sunt sane multi, tum Scholastici Theologi, tum notitantes.

- 34 Ad Theologica excerpta etiam referri possunt *Oratoria sacra*, quorum fundus

us est Scriptura Sacra, Patres aliique Scriptores Homiletici. Quoniam vero oratio sacra præter argumenta fidem facientia, quæ ipsi cum Rhetorica civili sunt communia, in exegetis & *διδάξας* versatur, usui esse possunt illa excerpta, quæ *Textualia* vocamus, secundum libros Biblicos adornata. Possunt & ipsi Loci communes Theologici, tituli virtutum sacrarum, & quæcunque argumenta pro titulis poni, & sub iis utilia per indicem colligi, ut fecit in *Repertorio suo Cl. Wittenius*. De cetero Oratoria excerpta, de quibus supra diximus, etiam his accommodari possunt & debent.

Excerpta in Jurisprudentia pene simili modo institui possunt. Primo *exegetica* 35 formanda sunt ad Leges, illa colligenda e Jctis non solum, sed & e Philologis, qui vel super leges speciales scripsere, vel qui in Miscellaneis suis nonnunquam leges explicant, vel illustrent, vel in iis aliquid emendant. Notari etiam potest, quicquid ad historiam ejus pertinet. Atque illa pertinent ad verbalem legum sensum. Quæ ad explicationem & doctrinam ipsam referuntur, quanquam sub titulis certis aliaque colligi forma possunt; non inconsultum tamen erit, si etiam quasi per indicem ad leges apponantur: in explicationibus enim legum magnus eorum usus est, si quis illa semper in promptu habeat. Notari etiam simul possunt leges, quæ contrariæ videntur, ac Autore per indicem designari, ubi illæ conciliantur. Si quis velit perfectos Locos communes adornare, colligat illos secundum methodum Pandectarum reducendo ac Digestorum titulos etiam ceterorum librorum titulos, exemplo Schotani in Examine Juridico. Possent etiam e jure Canonico, Feudali, Statutario, suis convenientia locis adjungi. Si quis excerpta pro nobis in jure argumentis colligere velit; alium sequi ordinem debet. Nam sub titulis materiarum colligeret, quæ vel in libris Juris vel in Jureconsultis inveniet. Multa enim consideratione Jurisconsulti digna, de quibus vix peculiariter in Jure loca occurrunt. Quo in labore si quis sedulus fuerit, facile de selectis argumentis quædam scriberet. Et sunt, quibus librorum indices in instructa bibliotheca officium hoc præstant. Sed de iis omnibus aliquando copiosius alio loco agam.

Loci communes *Præctici* in Jure formandi e scriptoribus præctis. Tituli horum excerptorum formari possunt secundum titulos Pandectarum, vel secundum materias 36 juridicas. Specialissimos titulos facere possunt leges; sub legibus notentur casus singulares. Subjiciantur Autores, qui tales casus decidunt. Formentur illa excerpta, quantum fieri potest, per lemmata. Exemplum talium Locorum communium suppeditat Index præcticus super opera Carpzovii. Jam vero si quis ex omnibus Autoribus præctis, qui interdum incidenter aliquos casus proponunt ac solvunt, tam veteribus Bartolo, Baldo, Jafone &c. quam recentioribus, illa omnia colligat, quæ illuc pertinent, mature sibi acquireret cognitionem talium rerum, quæ utilissima per omnem vitam futura est, si quis vel de Jure responsurus sit, vel causam aliquam ut Patronus ager. Ita enim nunc Jurisprudentia comparata est, ut plus sæpe valeant præjudicia & doctorum sententiae, quam ipsæ leges. Quare si quis casum in terminis, ut loquuntur, pro se allegare possit, is non parum in judicio proficiet. Quod si quis Jctum vel Judicem aliquando acturus sit, is mature satis sibi de talibus excerptis prospiciat.

37 spiciat. * Fundus horum collectaneorum in practicis Autoribus est: Sunt vero omnes illi practici, qui de actionibus, processibus scripsere, item de praesumptionibus, probationibus, testibus, omnibusque illis, quae ad processum pertinent: deinde qui consilia, decisiones, sententias receptas tradidere, item qui de omnibus materiis Juris agunt, non tam ut leges explicent, quam ut observationem earum in praxi ostendant, quales sunt multi, Itali praesertim & Hispani, qui libros operosos scripsere, praecipue de argumentis practicis. Bibliothecam aliquam praestat liber ille, qui vocatur *Oceanus Juris*, multis constans voluminibus, quo continentur particulares illi tractatus veterum Autorum Bartoli, Baldi, Jafonis, Accursii, Decii &c. Ex omnibus illis si quis tales locos confecerit, mirifice his in rebus proficiet, non quia scientiam solum, sed & qua lucrum & opes. Talia enim excerpta merae sunt aurifodinae, neque gratis conficiuntur.

38 Pergimus ad Collectanea Medica, atque hic e Physicis patet, de quibus supra
39 egimus, quomodo illa construenda sint. * Non est hic *exegeticis* collectaneis adeo opus, cum non tam autoritate, quam ratione & experientia, studium medicum constat. Interim si quis Academiae labores suos destinavit, aut libris scribendis operam dabit, illi non inutilis labor futurus est, si ad Hippocratis libros nolet (1) Commentatores (2) loca, quae tam a Medicis quam a Philologis illustrantur (3) experimenta in morbis ipsis vel ab aliis vel ab ipso probata, e varis observationum practicarum libris. Idem in Galeno fieri possit; sed opera ejus nimis sunt diffusa, quam ut tam vasto Oceano quis se credat. Si *Hoffmanni* commentarii prodissent in lucem, uno illo possemus esse contenti.

40 Possunt & collectanea secundum materias institui, quod aliqui fecerunt. Pro
41 *physiologica* cognitione, secundum classes rerum naturalium & Physicam specialem ordinanda illa sunt. Sed misceri uno omnia libro non possunt. * In *Botanicis* peculiariora institui debent. 1. Herbarum in natura, quae Herbaria viva appellantur. 2. Historica & Medica de iis, magno futura usui, quae apud Herbarios veteres & recentiores, Theophrastum, Dioscoridem, Plinium, Tabernæmontanum, Simonem Pauli, aliosque notata sunt, illa per indicem tantum colligantur. BENJAMIN PRIOLUS in *Appendice historiae suae Gallicae* promisit tractatum *de universa re plantaria*, sed praeter titulum adhuc nil vidimus, & dubito an unquam proditurus sit. Certemultae magnaeque disputationes circa rem herbariam sunt. Conferendi Scaliger, *Bodens* a *Srapel* in Theophrastum, *Salmasius* in Solinum, & in Hyle Iatrica. Addendus etiam est *Hoffmanni Tractatus de Officinalibus*.

42 Subjungi illis collectaneis etiam possunt *Chymica* operationes, & quidem singulis herbis ex *Angelo Sala* aliisque Scriptoribus recentioribus, e *Conradi Gesneri Eponymo*, & colloquiis ac communicationibus cum Chymicis. Usitatas & officinales preparationes jamdudum collegit *Schweuderus* in *Pharmacopoeia*, in quam extant *Hoffmanni* commentarii. *Zwelferus* in *Pharmacopoeia* sua, & qui pleraque ex illo cepit
43 *Feburius* Gallus, ac plures alii. * Ut in Botanicis, ita & in *Mineralibus* institui
coll.

collectanea possunt. Tituli formandi secundum classes Mineralium. Subjicienda illis sunt, (1) præparationes rudiores in fodinis ex Agricola, Erikero, Lohneisen &c. (2) præparationes officinales communes, e libris Pharmaceuticis, quos modo nominavimus. (3) secretiores præparationes e communicationibus privatis notandæ. Conjici in hunc librum omnia possunt audita, visa, cogitata. Exierunt hodie in lucem talia collectanea, historiæ laboratoriorum, & nuper quædam invit- 44
tis Autoribus subrepta ac publicis typis promulgata. In his præcipuum locum merentur, quibus viva manus accessit, & quorum fides in dubium vocari non potest. Solent enim hic multi promissis esse divites, multas operationum vias ostendere, quas ipsi non ivere, a quibus sibi quisque caveat: inprimis si ad metallica tendant, quorum integram Chiliada *Johann. Joach. Becherus* edidit. Sed ab illis sibi quis temperet, nisi opum & temporis irreparabilem facere jacturam velit. Multa enim sunt ab impostoribus & agyrtis conficta: in multis etiam, quæ bono fundamento nituntur, *εὐχετήριος* quædam celantur. * De rebus *Animalibus* collectanea quoque 45
singularia institui possunt, in quibus notentur (1) physiologica vel circa genesin illorum seu ortum, vel circa anatomen e vastis commentariis Gesneri & Aldrovandi per indicem: e ceteris Scriptoribus, observationibus anatomicis similibusque, qualia nunc plurima in Diariis & Ephemeridibus eruditorum occurrunt, majori cum cura: Illa enim accuratius hoc in argumento versantur. (2) Colligendæ sunt Medicæ præparationes ad varios morbos ex animalibus animaliumque partibus. * Rudem ejus laboris ideam dedit *GUILLIELMUS VAN DEN BOSCH*, in *Historia* 46
animalium Medica Bruxellis Ann. 1639. edita. Multa talia collegit *HABDARRAHMANUS Aegyptius* in libro de *proprietatibus ac virtutibus Medicis Animalium, Plantarum ac Gemmarum*, quem ex Arabico latinitate donavit *Abrahamus Echellensis Parisiis e MSto codice Cardinalis Mazarini An. 1648. editum*. Sed multa in illo vana sunt & superfluitiosa. E similibus excerptis natum videtur, & aliquod eorum specimen præbet, *Kamigii Regnum Vegetabile, Animale & Minerale*.

In *Praxi Medica* aliter res instituenda est. Nam hic ad illum finem omnia referenda sunt, ut morbis recte medeatur Medicus. Cetera enim, quæ consistunt in præparationibus & operationibus, ad theoriam sunt referenda: pertinent enim tantum ad cognitionem subjeutorum, licet aliqua operatio accedat. Sed in praxi medica omnia applicantur ægrotis: ideoque & ratione morborum, imo & ratione subjeutorum & individuatorum, collectanea talia instituenda. Ratione morborum ita illa ordinanda sunt, ut ponantur morborum tituli. Subjiciantur illis characterisimi, causæ, signa diagnostica, notetur in quibus illa fefellerint interdum, quod vel ab aliis vel nostra praxi observatum est. Subjiciantur remedia, vel methodica vel specifica, inprimis simplicia. Et hic quidem, quod ad simplicia attinet, magnam curam impendendam existimo Medico, ut simplicium vires in singulis morbis probe notet, quorum singularem usum & prærogativam doctissima *παλαιός* docuit *R. Boilius*, quæ additur Dissertationi ejus de Specificorum remediorum cum corpusculari philosophia concordia. * Inprimis notanda sunt medicamenta *ἐνόςχητα*, domestica, rustica. Plus interdum 48
illis

illis efficitur, quam multis pretiosisque compositis. Unde fit, ut empirici & plebeji homines desperatis sæpe morbis medeantur, quibus non possunt mederi Medici omni sua arte instructi. * Memorat *Agricola Observationibus in Poppi Chymiam*, fuisse rusticum in superiore Germania, qui felicissime Cancrum curaverit, quod nulli poterant vel Medici vel Chirurghi. Et ille tamen succo unius herbæ id effecit, quam in sylva Hercinia legerat, Medicisque monstraverat, sed omnibus ignotam. Fioravantus in *Coron. Med. lib. 2. cap. 16.* recitat historiam de desperata urinæ suppressione a vetula pulvere ignotæ herbæ curata, quam nullis medicamentis tollere potuerunt Medici. Novi, qui dysenteriam, icterum curarint felicissime, frustra id tentantibus Medicis. Talibus experimentis infidiæ struendæ sunt a Medico, & quocunque fieri potest arte, quocunque pretio comparanda. His principiis primum crevit medicina, quibus si accedat usus & judicium Medici in principiis artis suæ probe subacti, rectius ille applicabit, quam plebeji homines, qui causas rerum non æque scrutantur. Præterea magno illa res adjumento est Medico in loco aliquo certo praxin instituturo: statim enim novit vel commoda illus vulgaris Medicinæ, vel errores. Notavit *Thomas Bartholinus* diligenter Medicinam Danorum domesticam, & singulari illam libro complexus est. Praxin quoque utilissimam instituentam plantis indigenis docet *Olaus Borrichius libro de usu plantarum indigenarum.* Quod si facerent etiam ceterarum nationum Medici, & quidem eadem fide & diligentia, non parum augeretur res Medica.

50 Ego nec *sympathetica* illa, imo nec *superstitiosa*, quibus vulgus uti solet, prætereunda censeo. Etsi enim in illis ineptiæ nonnunquam miscentur, prudens tamen Medicus facile, quid in illis vel veri vel vani sit, facile existimabit, ubi ad judicii Lydium lapidem omnia revocaverit. Latitant sæpe in rusticorum & vetularum observatiunculis, quæ non credas, magnisque contemplationibus occasionem dare possint. Talia multa in *Theatro Sympathetico* Norimbergæ edito, in *Maxveldii Medicina Magnetica*, occurrunt; cujus libri mentionem *lib. 1. Polyhist. nostri cap. 11. §. 13.* fecimus. Ille quidem a Medico Heidelbergensi Cl. Francio Ann. 1673. editus est; sed parte præctica mutilus, ut ipse MStum accepit: sed deprehendi postea, eundem pene librum in paucis discrepantem a quodam *Samuele Boultono* Anglica lingua Anno 1656. editum. Sed tamen & ille autor, quisquis est, fatetur, non omnia sua esse, sed aliunde, & ut ille suspicatur, a quodam Chymico D. Everardo transumpta.

51 Diligenter in talibus Excerptis notandæ sunt circumstantiæ personarum, quibus adhibentur vel adhibita sunt remedia. Loci, Cibi variatio corpus ipsum variant. Evenit interdum, ut quibusdam profint medicamenta, minime vero aliis: Obstet enim singularis corporis dispositio, quod vele purgantibus manifestum est, quæ apud aliquos vim suam plane perdunt, & in emetica vel diaphoretica degenerant. Pro variatione etiam Climatum remedia variant, quod vulgo parum consideratur a Medicis. Hinc fit, ut, cum principia Medicinæ a Græcis sint tradita & remedia morborum, Medici, qui sub frigido climate curationes instituunt, alios interdum effectus sentiant. Præterea herbæ originariæ alicujus loci majorem sæpe vim habent, quam transplantatæ, imo interdum plane

plane aliam. Homines, qui continuo vini potu utuntur, aliam administrationem medicam requirunt, quam qui aquæ, lacti, cerevisiæ & crassioribus cibis adfueri sunt. Omnis enim corporis sanguis, succi & humores, e varietate ciborum & potus alterantur, atque inde ingenio ipsi omnibusque morbis sua indoles est. Omnes illas circumstantias attendere Medicus debet. Potest quidem aliorum etiam colligere observationes & formulas; sed illis non usque adeo secure insister, cum ipsi, qui observationes Medicas scribunt, non sint semper adeo diligentes in notandis circumstantiis. In consiliis Medicis interdum illæ operosius excutuntur quam est necesse. * Possunt & Collectanea institui ratione subjectorum, quæ necessaria ego 52 esse Medico puto ad cognoscendam hominum naturam. Est enim singulis subiectis sua quædam *idiosyncrasia*, quæ etiam per ætates mutari solet, quam diligenter notare debent Medici, qui e felici curatione gloriam & lucrum sperant. Sane in hac arte dies diem docet, & prioris discipulus posterior dies. Qui antea, etsi ceu digitos unguesque suos omnia Medicorum scripta noverat, historicam tantum cognitionem habuit, nunc iudicii etiam regulas sequi debet. Sub titulis itaque personarum notandum est, quibus morbis aliquis laboraverit, qua ætate, qua constitutione, & similia. Ita feliciter procedere potest Medicus in aliis morbis, qui forte subiectum illud occupabunt.

Ad finem hæc perduxeram, cum singulari casu mihi ab Amico Bodini inedi- 53 tus hætenus Dialogus de *abditis rerum sublimium arcanis* (cujus supra lib. 1. c. 8. §. 7. mentio facta est) offerretur. Quem cum perlegerem, ipso illo primo libro, quo occasionem Dialogi illius Bodinus exponit, Coronæ Pantothecam descriptam vidi, qua ille universam rerum naturam omnemque ejus suppellectilem & instrumentum mirabili solertia collegerat, ac omnia, quæ legerat & audiverat, velut in promptuarium aliquod contulerat. Statim hic in mentem mihi venit Scrinium literatum Cl. Placcii, cui illa Pantotheca quodammodo similis videbatur, nisi quod rerum naturalium collectioni potius destinata ad istud Naturæ & Artis Theatrum Beccherianum, (de quo lib. 2. cap. 4. §. 40.) quodammodo accederet. Quoniam vero etiam ad excerptandum & colligendum machina illa instituta fuit, operæ pretium me facturum existimavi, si e libro rarissimo omnem ejus, ut illic legitur, delineationem proponam. Ita vero hæc habet: *Illud optimum, quod Coronæ domus cum infinita librorum ac veterum monumentorum varietate & copia, tum etiam instrumentorum, sive ad Musicam, sive ad omnes artes Mathematicas, refertissima esset; nihil tamen mihi rariius visum est, quam Pantotheca quadrata sex pedum, divisio cujusque pedis in sex Apothecas quadratas, numerum ex quadrato XXXVI. in se ducto consuebat capsulas mille ducentas nonaginta sex. Senarium autem selegebat, quod is numerus solus inter digitos perfectus esset, ac latissime in universa natura pateret, non modo ad plurimum animantium ætates, quæ hoc numero terminantur, verum etiam, quod in tota natura sex tantum corpora sint perfecta, sex tantum colores simplices, sex saporibus simplices, sex harmonici concentus, sex tantum metalla simplicia, sex locorum situs, sex etiam sensus cum sensu communi. Pantothecam ex olea, id est, ex incorruptibili prope materia fabricari jusserrat, mundi universitate*
 Tomus I. Xx xx ejusque

ejusque suppellectilem & omne instrumentum contineret: principio imagines octo & quadraginta inerrantium siderum, Planetarum, Cometarum, similiumque impressionum, elementorum elementarium corporum, lapidum, metallorum, fossilium, stirpium, animantium, quaecunque nancisci poterat, ordine quaque suo, aptaverat. Et quoniam stirpium ac insectorum omnium forma exigua pantotheca nec contineri, nec haberi propter raritatem poterant, pictura vel scriptura vel genere quaque suo capsulis denotabantur, ut Caper, Rhinoceros, Cobras Indicus, hisque similia: Cetera vel inferri curaverat, vel illata cōmerat. Scorsum autem stirpes integras aut radices grandioribus chartis habebat contentas, sic tamen ut particulam stirpium & animantium capsula quaque continerent, eo tamen ordine, ut extrema primis, media utrisque, omnia omnibus, apta serie cohererent; Quippe terram inter & lapides argillam & cretam utriusque naturae media collocarat, inter aquam & adamantes Crystallum, inter lapides & metalla Pyrgiten sive marcasitarum genus, inter lapides & plantas Corallium, inter animantes & stirpes ea, quae Zoophyta dicuntur, inter animantes aquatiles ac terrestres amphibia, inter aquatilia & volatilia pisces volatiles mitem inquam & loliginem, inter volatilia terrestriaque bruta vesperilionem. Sic autem compleverat Pantothecam, ut sex coloribus simplicibus capsulae distinguerentur, ad memoriam firmiorem, & adversa luce ita collocarat, ut omnia facile prospicerentur, neque enim ad angulos rectos dirigebatur, ne quid e capsulis excideret; nec rursus in plano jacebat, quo minus lucis reciperet: Sed hypotenusa modo immixa parieti species omnes eminus intuenti reducto velo proderet, ut temporis diuturnitate singula saepius legendo fidei memoriae commendarentur. Et quidem in eo tantum profecerat Coronaeus, ut omnes loculorum species animo comprehensas haberet, quae utilitas non modo in iis, quae Pantotheca continebantur, sed etiam in rebus omnibus, quas audiret & legeret, se ostentabat. Neque enim scribendo vel legendo tempus terebat, ne tantundem de valetudine detraberet, sed audiendo, differendo, meditando, judicii vim acerrimam sibi compararat. Et cum cibum caperet, aderat Anagnostes, qui tantisper aliquid legeret, dum famis ac sitis commodius jucundiusque expleretur. Haec est illa Pantothecae descriptio, quam Coronaeus primus ex illis Collocutoribus, cujus in aedibus ceteri convenerant, ita instructam habuit. Prodigio pene simile est, exiguo hoc spatio totam Naturae oeconomiam potuisse concludi. Ego eam ob causam hic producere ejus machinae delineationem volui, ut de ea Viri docti arbitrentur.

FINIS LIBRI TERTII.

POLY-



POLYHISTORIS LITERARII

LIB. IV.

GRAMMATICUS.

CAP. I.

DE LINGVIS ET SCRIPTURA.

- §. 1. *Grammatices Vindicie, contra ejus Contemptores.* 2. *Ejus Divisio & Partes.* 3. *Hominum præ Brutis circa Sermonis Usum Prærogativa, frustra a Scriptoribus quibusdam Præfictis ac Modernis (Plutarcho, Sex. Empirico, Porphyrio, Hier. Rovario, Is. Vossio, &c.) Brutis partim Rationem, partim Sermonem, vindicare ausis, extenuata.* 4. *Primus Sermonis ac Linguarum ortus a Deo, non autem Casu, aut Consensu Hominum Fortuito, cum Diod. Siculo, Greg. Nysseno & Rich. Simone, derivandus.* 5. *Autores, qui Literas, & earum pronuntiationem, Physicè considerarunt, Pet. Montanus, Cordemoy, Job. Wallisus, Wilh. Holderus, &c.* 6. *De arte natu Surdos & Mutes Linguas & Artes docendi Paralipomena quedam.* 7. *Ars per nutum ac Digtos Conceptus Mentis exprimendi, a Job. Bulwero tradita.* 8. *Scripturæ Præstantia ac Necessitas.* 9. *Litarum Ortus a Deo, juxta Judeos. Inventæ illæ, juxta Paganos, vel ab Agyptiis, vel a Taauto sive Hermete Agyptio, vel a Cadmo. Scriptores de Literis, Jos. Scalger, Herm. Hugo, Guilb. Postellus, Car. Caf. Baudelot, Claud. Molinettus, &c.* 10. *Litarum Cælestium, Anglicarum, Adamicarum, Henochearum, & ejusdem surfuris aliarum, Hyperaspiste recensiti, ac Thomæ Bangii exemplo, explosi; Autores item, qui Alphabetum varia collegerunt, enumerati.* 11. *Ars e Scriptura de Hominum ingenio divinandæ, a Camillo Baldo tradita.*

Succedat nunc, perductis ad finem BIBLIOTHECARIO & METHODICO Polyhistoris Literarii LIBRIS, quæ de EXCERPTIS quoque LIBRUM adjungere visum est, jure suo, quod illi olim nos assignasse meminimus, LIBER GRAMMATICUS. Ita nimirum decet, ut postquam generatim fontes

tes literariæ πολυτέλειας monstravimus, singulas nunc ejus partes justo ordine percurramus.

Dum vero *Grammaticam* nominamus, non sane multum præjudicatas nonnullorum opiniones morabimur, quibus omne id sordidum atque vile est, quod e *Grammatica* proficisci audiunt: arte nimirum, quæ, prout ipsi judicant, vix aliud quid præter puerile τὸ ἀναγνώσκον καὶ τὸ γράφον edoceat: hinc objectum toties quasi convitiu loco Scaligeris, Casaubonis, Salmasis, aliisque viris magnis nomen *Grammaticorum*: quod tamen non illi minus, quam nasutiores quilibet laudi potius, tantum abest ut ignominie, duxere. Tolle enim *Grammaticam* & frustra te senties conari, quicquid uspiam feliciter in literis peragendum sumisti. Enimvero prolixè de usu & præstantia hujus artis differere nostri nunc instituti non est: factum id jamdudum ab aliis, e quibus unum nunc *Joh. Wouwerium* Polymath. c. XIX. nominamus, & a nemine, qui sapere optat, in dubium temere vocabitur. Unum hoc monere sufficiat, falli, qui *Grammaticen* nihil præter lectionem jejunam, rudemve scriptionem docere persuasi sunt, cum hæ præliminaria solum artis absolvant: ipsa interim proprie in intellectu, scriptorum prompta expositione, & in recte loquendi scribendique ratione consistat. τὸ γὰρ μὲν γράφειν καὶ ἀναγνώσκον γραμματικῆς τῆς ἀτελεστεράς; ait Philo Judæus lib. περὶ τῆς εἰς τὰ προπαιδεύματα συνίδας: τῆς δὲ τελεστεράς, ἀνάπλυξιν τῶν παρὰ πειρηταῖς τε καὶ συγγραφεύσιν. Legere quidem scribereve *Grammatica* imperfectioris est, perfectioris vero, εὐλογεῖν, quæ apud Poëtas & Scriptores occurrunt.

- 2 Circa divisionem *Grammaticæ* variae veterum opiniones sunt, quas studiose Joh. Wouwerius Polymathie c. 8. & Phil. Jac. Maussacius in Dissertatione Critica Notis in Harpocratonem præmissa collegerunt: posterior tamen, uti perpetuus Wouwerii insectator est, ita eum in hac etiam de divisione *Grammaticæ* controversia passim carpit. Communiter suam artem in τεχνικὴν seu μεθοδικὴν, quæ rationem recte loquendi edocet; ἐξηγητικὴν, quam auctorum enarrationem transfert Quintilianus; & κριτικὴν, seu judicium, *Grammaticorum* filii dividunt. Ipse tamen Quintilianus *Grammaticen* in duas tantum partes distribuit, tertiam utrique immixtam ratus, Instit. l. i. c. 4. Nobis peculiari de Critice libro agere constitutum est. De *Grammaticæ* nunc exordiamur; & cum τεχνικῇ, prima pars ejus, de linguis & scriptura inprimis agat, generatim ante omnia de iis dispendendum est.

- 3 Linguae usum una cum ratione homini a prima sui creatione innatum eo minus a quamplurimis dubitatum semper fuit, quo illustrius istud donum est, quod hominem a brutis animantibus, quæ nec ratiocinium competit, neque sermo, fecernit. Fuere quidem olim æque ac recentioribus ævis, qui & his rationem tribuere non dubitarent: PLUTARCHUS peculiarem librum sub dialogi forma scripsit περὶ τῶν τῶν λόγων χρεῖδαι: T. II. Opp. p. 965. (quanquam Franc. Vavassor de Ludicra Dictione p. 215. illum Dialogum falso ab homine parum ad sententiam Operis attento inscriptum putat,) qua in opinione non abluisse illum a veterum philosophorum placitis

citis præter dogma *μετεμψυχώσεως* SEXTUS quoque EMPIRICUS fidem facit, qui Lib. II. de Philosophia Opp. p. 272. non solum ab Empedocle brutis æque & plantis, rationem diserte attributam fatetur, sed & probabiliter id asseri omnino censet: *εἰ γὰρ* inquit, *πάρεστιν αὐτοῖς ὁ προφορικὸς λόγος, ἀνάγκη καὶ τὸν ἐνδιάθετον αὐτοῖς παρῆναι, διότι γὰρ τῆς ἀνυπίστατος ἐστὶν ὁ προφορικὸς.* Nam si est eis quæ profertur oratio, necesse est etiam, eis inesse internam rationem: nam sine ea non potest consistere, quæ profertur, oratio. Et PORPHYRIUS libro *περὶ ἀποχῆς* hoc uno inprimis argumento ad absterrendos ab esu brutorum homines nixus apparet, quod parem illa nobiscum rationem habeant: cui sententiæ Philo etiam & Maimonides Judæi accedunt: superiore autem seculo HIERON. RORARIUS, Exlegatus Pontificius, novus æque & ingeniosus hyperaspistes accessit, qui duobus libris, mole quidem exiguis, sed non sermonis nitore minus, quam ingenio, commendandis, demonstrare annixus est: quod animalia bruta ratione melius utantur homine. Edidit opusculum istud, quod manu Auctoris scriptum Romæ nactus erat, primus Gabr. Naudæus, Puteanis fratribus nuncupatum Paris. 1647. recusum postea Amstelodami 1666. in 12. Porphyrius vero, sicut ad evehendam brutorum animantium dignitatem exæquandamque hominibus nihil non tentat: ita colloqui etiam illa inter se, certoque sermonis genere sua sibi mutuo cogitata aperire, probatum it: quod idem ut confessum arripere Sextum Empiricum modo vidimus: & de Apollonio Thyaneo Philostratus ejus vitæ scriptor refert, illum passeris colloquutos intellexisse: sic & Lucretius ait:

- - - Varii sensus animalia cogunt,
Multa tamen cum sint, varias emittere voces.

His & aliis *ἐμψυχῶτες* e recentioribus Is. VOSSIIUS lib. de Viribus Rythmi p. 66. non dubitat, animalium, quæ vulgo bruta creduntur, meliorem quam nostram hac in parte vocare conditionem, utpote, quæ promptius & forsitan felicius sensus & cogitationes suas sine interprete significant, quam ulli queant mortales: præsertim, si peregrino utantur sermone. Verum hæc partim aperte falsa sunt; nec omnino quisquam, uti recte Lactantius de Ira Dei c. 7. *mo. lo qui sapiens videri velit, rationale animal cum mutis & irrationalibus coqueretur*: partim, si aliqua sui ratione vera sint, nequaquam tamen ratio, sed solers quædam sagacitas, non sermo vox eorundem, sed cognatum aliquod sermonis humani est: *Dignoscant invicem se vocibus, & cum irascuntur, edunt sonum jurgio similem: cum se ex intervallo vident, gratulandi officium declarent voce, quæ, licet nobis incondita videatur, ipsis tamen verba sit: denum in omni affectu certis vocis notas exprimant, quibus habitum mentis ostendant*; quæ omnia admittit loco cit. Lactantius; semper tamen effiatio ejus verissimo proprius homini sermo est, in illis quædam similitudo sermonis: hominum sane conversationi neutiquam comparanda, cum hæc & rationem pro fundamento habeat, & distincte singula animi cogitata eloquatur.

Videbatur hæc hominis prærogativa tanti, ut multis gentilium a Deo orta 4 crederetur: cui quidem opinioni Christiani eo lubentius accessere, quo certius e

Scripturis Deum cum Adamo collocutum, hunc brutis nomina imposuisse, Evam cum serpente sermones miscuisse sciverant: quæ & alia argumenta, ut e multis unum nominemus, Brianus Waltonus *Prolegom. I. in Biblia Polygl.* deducit. Non omnes tamen uno modo gentiles de his senserunt: potius Diodoro Siculo *l. i. Biblioth. Histor. p. 3.* & Vitruvio *lib. II. de Architectura c. i.* homines primitus more bestiarum voces inarticulatas & confusas protulisse videntur, donec per timorem congregati, sensimque sibi mutuo assueti voces flectendo, & de rebus singulis verba quoque apta fingendo notam sibi omnium interpretationem fecerint. Diodorum sibi explodendum sumsit Eusebius *Præp. Evang. lib. I. c. 7.* Nihil tamen secius reperi- tus jam antiquis temporibus inter Christianos doctores Gregorius Nyssenus est, qui *Orat. XII. contra Eunomium* Deo indignum existimaret in Grammaticorum quasi censum deprimi, & linguam homines edocuisse credi: ipsummet potius hominem auctorem sui sermonis extitisse eodem fere, quo Diodorus, modo ratiocinatur. Nysseni sententiam avide arripit, & expositam pluribus tueretur, Scriptor recens & celeberrimus Rich. Simonius *Hist. Crit. Vet. Test. lib. i. c. 14. & 5. lib. III. c. 21.* qui, non multiplicanda præter rem miracula Dei ratus, cum ratione religionem, quoadusque fieri possit, mavult conciliari. Videri tamen poterunt, quæ Simonio opponit Joh. Clericus, Autor libri, qui sub titulo *Sentiments de quelques Theologiens de Hollande sur l'Hist. Crit.* lucem affexit, epist. XIX. p. 122.

5 Quandoquidem vero prima linguarum rudimenta literæ sunt: *Primordia Grammaticæ artis*, ait Isidorus *Orig. lib. I. c. 3.* *litera communes existunt, quas librarii & calculatores sequuntur: quarum disciplina velut quedam Grammaticæ artis infantia est:* ita re-cta earundem pronuntiatio, & ad ipsa organa accommodatio physice quoque considerari potest. Pauci tamen thema istud tractarunt. Præcipuus est PETRUS MONTANUS, Delphensis Ecclesiastes, qui Belgica lingua librum scripsit, cui titulus: *Bericht van eenen nieuwe Konst, genant de Sprakkonst.* Delph. 1635. in 4. in quo literarum, vocalium & diphthongorum sonos, earumque formationem, satis, ut mihi quidem videtur, accurate examinat. Certe magna diligentia & cura naturam literarum & pronuntiationum in linguis explicuit, ac nemo fuit, qui ipsum hocquidem in argumento superarit. De eadem materia secundum Cartesiana principia agit Scriptor Gallus, CORDEMOY, in libro, quem inscripsit: *Discours Physique de la Parole:* in quo non solum de ratione soni in literis, sed & quomodo verba prolata in spiritus animales operentur, & persuadere possint, multa eleganter differuntur: dignum certe judicavit librum Societas Regia Anglicana, quem in linguam suam converteret. Ex Anglis ipsismet hanc materiam de vocum flexione tangit JOH. WALLISIUS in *Prolegomenis sua Grammaticæ Angl.* quæ nihil aliud sunt, quam Dissertatio de natura literarum & pronuntiatione. Cum vero Actorum Soc. Regiæ Scriptor, hujus mentionem faciens, ante Wallisium, ait, neminem hunc sibi laborem summis- se; in eo fallitur: nam Hier. Fabricius ab Aquapendente idem argumentum tractaverat in Operibus suis: tum ille, quem supra nominavi, P. Montanus, & præterea alii nonnulli. Wallisium secutus alius quidam Theol. Doctor, idemque membrum Socie-

Societatis Regiæ, WILLIAM HOLDER, 1669. in 8. in librum de elementis loquelæ vernaculo idiomate Londini publicavit: *Elements of Speech: or an essay of enquiry into the natural production of letters*, quo in libro pluscula notasse mihi videor vel e Montano descripta, vel certe ἐμύψηφσα. Quid in libro de Ortu Sermonis egerit *Mericus Casaubonus*, ignoro, cum nunquam librum eum, quantacunque diligentia quaesitum, videre licuerit. Neque prodit unquam, quantum scio, *Agidii Menagii* de Linguis liber generalis & amplus: quem in præfatione suarum Originum Gall. promissit. Non pauca vero huc spectantia hauriri possunt e BERN. MALLINCROT, viri doctissimi, de *Natura & Usu Literarum tractatu*, Monasterii 1638. in 4. edito: nec non e GERH. JOH. VOSSII de arte Grammatica lib. I.

Ex accurata isthac observatione motus organorum factum est, ut certis regulis a monacho quodam Hispano, PETRO PONTIO, ars comprehensa sit, qua surdum natu, & hinc mutum, etiam solo visu mediante eousque tandem produxit, ut & loqueretur ipse, & ab aliis quacunque lingua prolata recitare potuerit ac intelligere, etiamsi lingua ex informatione sibi solum cognita loquerentur: qua de re cum jam lib. methodico c. 3. prolixè satis egerimus, non est, cur hic denuo actum agamus. Id tamen addimus: *Emanueli Ramirerio de Carrion*, de quo perturbate nonnulla posuisse Nic. Antonium monebamus, non Velascium Fraxini Marchionem, sed alium tamen illustrem discipulum obtigisse; nimirum e Sabaudorum Principum stemmate Emanuele Philibertum, Carignani Ducem, qui hodieque superest, & trium quatuorve linguarum peritiam, Carrionio manucente, eam nactus, ut quamvis non loquatur: hoc enim deest: scribat tamen promte & intelligat. Recentissima omnium artis hujus exempla sunt, quæ apud Belgas impigro labore suo JOH. CONR. AMMANN, Scaphusa Helvetius, Med. D. dedit. Aliquot enim ille surdas loqui edocuit, & testem ejus rei *Surdum Loquentem*, Amstelod. 1692. Latino idiomate editum, Petro Kolardo, cujus filium ita informaverat, nuncupavit: quinimo tam certam se reddidisse suam artem confidit, ut in epistola nuncupatoria promittere ausit: *Surdum non fore, modo sana ipsi mens constet, nec lingua sit impedita, nec ætas immatura, qui se præceptore, bimestri spatio non expedite sit locuturus*. Quoque magis propriam esse Ammanni eam methodum agnoscas, sancte testatur in præfatione, sibi, antequam ipse excogitaret, ne vestigium ejus apud ullum auctorem occurrisset. Ceterum, cum solo visu verba loquentium surdi assequantur, fit, ut etiam voce maxime submissa loquentes, vel potius sibilantes intelligant: quod idem Auctor de suis discipulis testatur.

Et hæc quidem prima exprimendorum conceptuum nostrorum maxime naturalis via est, quæ per linguam fit. Est &, quæ nutu digitivæ, quam amantium esse linguam Ovidius, amorum magister, docet, instituitur. Ejus artem aliquam tradidit Anglus quidam, JOH. BULWER, e quo excerpta nonnulla apud Harsdœfferum in seinem Gesprächsspiel und im deutschen Secretario reperias.

Longe vero illustrior est, aptiorque sua cogitata aliis communicandi modus, 9
per

per scripturam, quam sermonis imaginem esse symbolumque res ipsa clamat. Sane enim, si praesentes sermone humano maxime affici & edoceri quam aptissime solent; est tamen, ubi scriptura vim loquae exsuperat, atque vivo sermone scriptus pictus praefertur. Scriptura nempe ad absentes loquimur, & remotos longa locorum temporumque interapedine, atque ac si nobiscum viverent, compellamus: hac historias temporum consignamus, quae, si per oralem solum traditionem propagentur, incredibile dictu, quantum fabularum pro veris breve tempus attrahat, & renitentibus frustra posteris obtrudat: imo evanescit prorsus rerum, licet egregie gestarum memoria, ni literae & scriptura in subsidium advocentur. Ita cum scientiis quoque comparatum. Non hodie de tot magnorum olim virorum nominibus, nedum dogmatibus superesset quicquam, si scripturae beneficio careremus, quod unum tot illustres antiquorum labores excolendis uberius animis nostris datos servavit. Furere profecto magis, quam humano more loqui censetur merito, qui scripturam & literas rei humanae pestem vocant, e nostro sodalicio exterminandam. Quanto sanius viri sapientes summis illam in caelum laudibus extulerunt, & originem ejus investigantes DIs acceptum tantum beneficium referebant.

- 9 Et quidem, si Judaeos audias, *Deus* extra dubium *literarum inventor* est, quippe qui ante conditum mundum Legem literis igneis nigris dorso ignis candidi inscriptum *per* se habuit. Ita quidem nugantur hi. Plinius Hystor. Nat. lib. VII. c. 56., de *literarum* ortu verba faciens, *eternum* earundem *usum* pronunciat: quod essatum multis disceptationibus ansam dedit: sine dubio autem ita accipiendum est, ut una cum hominibus, quorum ortum nescit Plinius, ortas arbitretur. Dum vero ibidem *ex Assyria* literas in orbem manasse credit; latet in eo vestigium veritatis, cum Assyriam primo statim tempore ab hominibus cultam (si non omnino Paradisus ibi fuit) dubium nullum sit. Alii *ex Aegypto* potius primitias *literarum* arcessunt, quod non solum Gellius a Plinio adductus facit, sed dudum ante Gellium idem Diodorus Siculus docuit, & Philo Biblius in prooemio ad Sanchoniathonem, cujus haec verba sunt: τῶν ὑφ' ἡλίου γεγενῆσθαι πρώτος ἐστὶ τῶν αὐτὸς ἢ τῶν γραμμάτων εὐρεσθαι ἐπινοήσας, καὶ τῆς τῶν ὑπερμνημάτων γραφῆς κατὰρξας: apud Eusebium Praep. Evang. l. i. c. 9. hunc vero Taautum Aegyptia voce eundem esse, quem Graeci ἑρμῆν (Latini Mercurium) vocant, Philo mox addit. Graeci ceteri communiter ferme *Cadmo* *literarum* inventionem tribuunt, & e *Phenicia* ad *Iones* illas pervenisse tradunt: hinc Jonicae literae Herodoto omnium antiquissimae. Legi ea de re praecipue Josephi Scaligeri eruditissima dissertatio mereatur, quam de *Literis Jonicis* ad illustrandum Eusebii locum scriptam suis animadversionibus Eusebianis p. 110. sqq. inseruit: ut & Bocharti Geographiae Sac. P. II. lib. I. c. 20. quod totum huic materiae impendit. Multum quoque studii & doctrinae HERMANNUS HUGO, Jesuita, in pulcro de *Ratione scribendi apud veteres* libro ostendit: prodit ille liber Antwerp. 1617. in 8. ex officina Plantiniana: multa ibi habentur de characteribus variis variorum generum: de re notaria veterum Graecorum & Romanorum, & similia, quae apud ipsum Auctorem videri possunt

possunt. Juvabit quoque lectorem GUIL. POSTELLUS de Phœnicum literis; seu de prisco Latine & Græca lingue charactere, ejusque antiquitate, origine & usu, Paris. 1552. in 8. nec non GERH. J. VOSSIUS de Arte Grammatica l. 1. c. 9. & 10. CAROLUS CÆSAR BAUDELLOTIUS de DAIRVAL libro Gallico de l'utilité des Voyages, & de l'avantage, que la recherche des antiquitez procure aux sçavans, Paris. 1686. in 12. cujus P. II. postquam de variis linguis, Chaldaea, Phœnicia, Punica &c. earumque characteribus prolixè actum est; Græcas etiam & Latinas literas Auctor per ætates certas distinguit, deque uncialibus, capitalibus, quadratis & minusculis literarum elementis erudite disquirat. Referri quoque huc poterit P. CLAUDII MOLINETTI Historia de Fatis Literarum Romanarum, inserta Ephemeridibus Eruditorum Gallicis A. 1684. in qua non prius Auctor ad Latinas literas transiit, quam omnium originem ab ultima inde antiquitate repetiisset, hinc mutationes varias & fortunam elementorum Rom. eleganti commentariolo exponit.

Qui e S. Scriptura fundamenta dirimendæ litis istius quærunt, ii partim in celo ¹⁰ stellis efformatas esse literas sibi persuadent, eamque Scripturam vocant Angelicam; quos inter eminet (a) JAC. GAFFARELLUS in tractatu Gallico quem *Curiositez Inouies Curiosu inaudita, de Sculptura Talismanica Persarum, horoscopo Patriarcharum, & lectura Stellarum*, inscripsit, ediditque Paris. 1637. Latine versâ postmodum & recusa Hamb. 1676. Merito autem Gaffarellum, Judæis ipsis, e quibus ista mutuo petiit, ineptiorem, rejicit & confutat late Thom. Bangius Cæli Orientis Exerc. II. Haber & formas literarum Angelicarum aliaque de iis varia Athan. Kircherus T. II. Oedipi Ægyptiaci. Alii Adamo donum scripturæ acceptum ferri debere arbitrantur.

- (a) Jac. Gaffarelli, Galli, Th. & J. Can. Doctōris, Protonotarii Apostolici, Prioris D. Catharinæ ac D. Aumelii Commendatoris perpetui, Ludovicique XIII. Regis Galliz, Theologi, consiliarii & Eleemosynarii, Viri eximii, in Literatura imprimis Orientali, Eruditionis, *Curiositates inaudite* Gallice prodierunt Parisiis Ann. 1629. ac 1630. Rhotomagi Ann. 1631. & 1650. ac sine Loci mentione Ann. 1637. in 8vo (Vid. Michaelis *Præfac.* & Labbei *Bibliorb. Bibliothecarum* p. m. 597.) Anglicam illarum Versionem dedit Edmundus Chilmead, Glocestriensis, Ædis Christi apud Oxonienses Sacellanus, teste Henn. Wittenio T. I. *Diar. Biogr. Sc. XVII. ad An. 1633.* Latinam autem figuris, Notis Eruditis, indicibusque, illustratam, M. Greg. Michaelis, Rostochiensis, Præpositus tunc in Cimbria Flensburgensis, & Comitatus postea Oldenburgici Superintendens, Hamburgi A. 1676. in 8vo. Ob Vanitates Chaldæorum & Astrologorum profanas, aliasque Opiniones Paradoxas, audacius in hoc Scripto defensas, Autor Censuram Sorbonæ Parisiensis incurrit, ejusque Jussu, d. 4. Oct. An. 1629. retractationem illius ἀντιόχου conscripsit, a Claudio Sorello suo contra idem Tractatui des *Talismaines, ou Figures, faites sous certaines Constellations*, Parisiis An. 1636. & 1640. in 8vo edito (Labbeo l. c. p. 586. 597. teste,) subjunctam. Nugas de Literatura Cælesti cruditas Thom. Bangius, in *Cælo Orientis*, Hahnæ Ann. 1657. edito, Exerc. II. Qu. VIII. pag. 140. 202. discussit, Hyperaspisten nihilominus Gaffarellum nactus est Jac. Gaufridum Tauroentium, Gallum, cujus *Parechasis pro curiositatibus* his Eucomatica, Pariz An. 1634. in 4to excusâ, a Labbeo l. c. p. 597. allegatur.

Tomus I.

Yy yy

tur. In his *Suidas* uti ceteras artes omnino omnes, ita literas etiam ab Adamo perfectas non dubitat: immemor tamen sui alibi, nunc Setho, nunc Abrahamo, nunc Cadmo & Phœnicibus earum inventionem tribuit. Adamo inventum id aliquot rationibus Theod. Bibliander adstruxit in libro de communi ratione linguarum. Et quo minus de veritate asserti illius dubitaretur, reperti complures sunt, qui formas literarum Adamicarum e vetustis marmoribus eruerent. Ita *Laurent. Schraderus* illas e columna Vaticana descriptas Memorandis Italiae, 1592. Helmstadiæ a se editis, una cum 23. alphabetis, ut vocant, aliis, inseruit; 24. inventores literarum in universum credens: atque adeo duplo plures, quam Joh. Matthæus Lunensis, in Tract. de Rerum Inventoribus, ab Augustino Justiniano Paris. 1520. edito, in quo 12. linguarum inventores narrantur. Ceterum rudis nimium figura literarum apud Schraderum est, & longe nitidior character, qui in *Aurea Virga*, i. e. 70. alphabetis a Jac. Bonaventura Hephurno, Scoto, S. Francisci monacho, Romæ 1616. nitide editis, reperitur: ut & in *Tabellis Alphabetariis* variorum characterum variis gentibus usurpatorum Francos. 1596. per Joh. Theodorum & Joh. Israël de Bry æri affabre incisus. Videas in his libris, & ex iisdem in Bangio, alphabeta Adamicum, Henochicum, Noachicum, vetus Assyrium, Mercurianum, Iliacum, aliaque hujus generis plura. Defendunt præterea characteres illos Adamicos Angelus Roccha in Commentario Bibliothecæ Vaticanæ: Claud. Durerus in Historia de Linguis Universi inferius memoranda, Theſeus Ambrosius in Appendice Introductionis in Chaldaicam, Syriacam, Armenicam & x alias linguas, Papiæ 1539. excusæ. Quibus omnibus se opponit, adductis atque confutatis eorum rationibus, *Thomas Bangius* in Cælo Orientis Exerc. I. & II. (qui liber An. 1661. sub titulo *Exercitationum de Ortu & Progressu Literarum* denuo excusus est). Nemo tamen usque adeo *παράδοξος*, in erudiendis Graphics ab Adamo inventæ principiis, est ac JOH. PETRUS ERICUS, Isenacensis, qui in libro suo, quem *Renatum e mysterio Principium Philologicum* inscripsit, ediditque Patav. 1686. in 8. Adamum inducit cum nomina animalibus, secundum sonum cujusque, seu sonorum voces, imponeret, a volatiliū concentu vocales, a terrestriū strepitu consonantes semivocales, a mutis natatilibus mutas mutuatum, postea ex animalium rugitu & grunnitu loquelæ elementa composuisse, eaque intelligibilia reddidisse: v. Act. Erud. Lips. A. 1686. pag. 328. seq. Verum, missis hisce paradoxis, nunc ad Bangium revertimur. Credit is, dedisse forsan originem literarum inventioni Adamum; sed ita, ut magis ceperit formare a posteris suis expolitas, quam ut integer certorum elementorum ordo ab illo fluxisse credi queat. Ita reliquos, qui literarum inventores dicuntur, certos suarum quemque gentium characteres excogitasse forsan, non vero statim propterea scripturæ repertoires dici mereri. (b) Henochum revera scripsisse librum extra dubitationis aleam ponit, qua in re Brianum Waltonum sibi consentientem

(b) De libro Henochi, Columnisque Sethianis, conferri merentur Joh. Henr. Urfini Exercitationes de Zoroastre Bactriano, Hermete Trismegisto, Sanchoniathone Phœnicio, eorumque Scriptis, &

tientem habet Proleg. Bibl. II. dissentientem vero Rich. Simonium, cui prophetia Henochi nonnisi e traditione Judæ Apottolo fuisse nota videtur. Nec defunt, quibus columnæ Sethianæ, quarum unam suo adhuc tempore sterisse Josephus l. 1. Antiq. c. 3. auctor est, suspectæ admodum, si non penitus fabulosæ, videntur. Et quis, in tanta rerum ultima antiquitatis caligine, certi quid absque hæsitacione proferre auit? Interim non tamen dubitandum videtur, quin haud procul ab origine generis humani scripturæ inventum arcessendum sit. Conferri præter auctores, qui de Lingua & Scriptura agunt, & superius recensiti sunt, meretur quoque *Caramuel*, qui in Apparatu Philosophico multa, quæ illuc spectant, habet. De Literarum Dimensionibus tractatum scripsit *Geofry*.

Ceterum, ut in verbis ore prolatis, ita & in literis manu exaratis physicum aliquid, quod de ingenio ac moribus hominum testetur, latet: ita, ut ars quædam prognostica inde formata sit. Rabbino aliquos ea de re cogitasse legi: & est inter Italos *Camillo Baldus*, Bononiensis, Philosophiæ olim in academia patria Professor, qui de *Divinatione Epistolari* librum Italica lingua scripsit, translatum postea in Latinam, & editum Bononiæ 1664. in 4.

CAP. II.

DE VARIIS SCRIPTURÆ MODIS.

- §. 1. *Litera sive Figura Hieroglyphica Ægyptiorum*, de quibus *Horus Apollo, Nic. Causeus, Job. Pierius Valerianus, Ath. Kircherus, Laur. Pignorius*, alique, scripserunt. 2. *Æthiopum, Scytharum, Sinesium, Peruvianorum*. 3. *Græcorum & Latinorum Notæ Cryptographica & Tachygraphica, harumque Inventores, & varii de iisdem Scriptores*. 4. *Notæ Tyronis, Seneca, Cypriani, Job. Pici, & aliorum. Job. Trithemii Polygraphia, a Gustavo Seleno in Cryptographia illustrata. Alii Tachygraphiæ, Steganographiæ, & oppositæ huic Artis Decifratoriæ, Scriptores recentiores*. 5. *De Characteribus sive Scriptura Universali, Linguis omnibus communibus, & Lingua Universali inserviente, Conatus & Scripta Georg. Dahl.*
Y y y y 2

aliis contra Mosaicæ Scripturæ Antiquitatem afferri solitis, Familiares, cum Christoph. Arnoldi Spicilegio Noriberge A. 1661. in 8vo. excusæ. In quibus is, suæ de scriptis Mosaicis omnium antiquissimis *ὑποθεσέας δαλέων* & hæc, & alia Monumenta literaria, quæ Mosis ævum superare creduntur, omnia, tanquam fabulosa & *ὑποθεσάμια*, rejicit atque explodit. Adde Joh. Joach. Maderi Diss. de Scriptis & Bibliothecis Antediluvianis, Tractatum de Bibliothecis Variorum Syntagmati, Helmstadii A. 1666. a se recensito, præfationis instar, præfixam, Joh. Druisii Librum de Henoch, ejusque Scripto, peculiarem, Francqueræ A. 1615. in 4to excusum, & plerosque tum Historiæ Librorum Biblicorum Scriptores, tum in Epistolam Judæ (cujus Versu 14. Henochi Prophetia allegatur) Commentatores.

Dahlgarni, Joh Wilkinsii, Galli Anonymi, Ath. Kircheri, J. Joach. Beccheri, de quibus, uti & Andr. Mülleri Clave Sinica, sobrium fertur Judicium. 6. Typographia Inventio, Germanos inter & Batavos controversa, Germanis, Gallorum complurium suffragiis allegatis, vindicatur, Scriptores hujus Argumenti recensentur, Discremen Typographiae Europae, & hac antiquioris Sinensium, ex Is. Vossio ostenditur, abusus Artis nobilissimae deplorantur, & Typographi potiores Eruditi recensentur.

Scripturae licet maximus & incomparabilis usus sit, id unum tamen adhuc deesse videbatur, quod lente nimis rem suam peragat, & longis calami tractuum ambagibus id eloquatur, quod multo breviori spatio lingua dicit. Accedebat, quod quicquid per eam semel literis mandatum est, promiscue statim cuivis patefceret, cum res non omnes omnium oculis exponendae olim judicarentur. Nati exinde partim arcani atque sacri, partim usui *ταχυγραφον* inservientes varii scriptorum modi sunt, quos per compendia longus sermo abstrusis quibusdam notis aut imaginibus inclusus contineretur.

Aegyptii, sapiens olim & ob id notissima toto orbe gens, cum in vulgus noller inventa sua spargi, literas hieroglyphicas, seu symbola rerum, excogitavit; quae suo se nomine statim, quam sancte fuerint in intimis templorum adytis custodita, produnt. Ab Hermete inventa gloriabantur, & non solum extraneos ad ea difficillime admittebant, (quod exemplum Pythagorae ostendit, qui, circumcisis licet, & a Polycrate viro potentissimo commendatis literis instructus, aegre tamen admissus est) sed & paucis ex ipsorummet sacerdotum ordine latentia figurarum mysteria pandebant. Successu temporum non secreta tantum, quae recondi in delubris voluerant, verum alia quoque characteribus istiusmodi notabant; cipos maxime, quorum nonnulli supersunt adhuc. Varii vero auctores in eruendis abstrusarum figurarum significationibus desudarunt. Ex antiquis restat Orus sive HORUS APOLLO, quem *Horapollinem* nonnulli vocant, auctoritate scilicet Photii atque Suidae nixi; quos falli tamen, & Horum Aegyptium ab *Horo* seu *Horapolline* Graeco Grammatico diversum, probabiliter contendit Causinus. Scripsit *Horus* iste *Niliacus* (ita enim vocatur, non a flumine, sed ab urbe Aegypti Nilo, de qua Hecataeus apud Stephanum) *Hieroglyphica* Aegyptiaco sermone: Graece ea verit Philippus nescio quis recentioris aetatis Graecus. Graeca Latine transtulit, ediditque Basil. 1518. Bernardinus Trebatius, Vicentinus. Novam versionem publicavit Paris. 1551. in 8. Joh. Mercerus; alia editio Romae excusa est ex Merceri aliisque versionibus conflata 1606. in 12. sed cum gravibus eam erroribus scaterere deprehendisset Causinus, errores expunxit, notas & observationes addidit, subjunctis insuper ex Clemente Alex. & Epiphanio, quae huc pertinebant atque Polyhistorem Symbolicum, libris XII. constantem, adjecit: totumque librum *de Symbolica Aegyptiorum Sapientia* inscriptum publicavit Paris. 1618. Colonia postmodum 1631. in 8. recusum. Jam ante vero quam Causini editio prodidisset, Graece *Horapollinis*

linis Hieroglyphica correctæ & suppleta David Hæschelius 1605. in 4. edi curavit Augustæ Vind. E recentioribus laudem meret JOH. PIERIUS VALERIANUS, cujus *Hieroglyphica, seu de sacris Ægyptiorum aliarumque gentium literis Commentarii* Lugduni 1610. editi, & inde multoties in Germania recusi, Italice etiam Venetiis 1625. typis exscripti, in omnium manibus sunt. Secutus hunc celebris ATHANAS. KIRCHERUS, vastiori adhuc molimine ista mysteria aggressus, varia ejus studii monumenta reliquit. *Oedipum Ægyptiacum*, cujus pars una *Theatrum Hieroglyphicum* sistit, Romæ 1654. *Obeliscum Pamphilius*, seu interpretationem novam Obelisci hieroglyphici, quem Innocentius X, P. R., erexit. ibid. 1650. *Obelisci Ægyptiaci*, inter rudera Minervæ effossi interpretationem Hieroglyphicam Romæ itidem 1666. & alia forsitan, quæ huc pertinent. Uti vero non male hoc suo studio meruit de re literaria Kircherus, ita num semper vera etiam suis suspicionibus assecutus sit, dubitandi locus superest. Certe Oedipum ejus spernit Isaacus Vossius, & amicos Kircheri nolle ab ipso scriptum ait: *Castigat. ad Objecta Hornii c. XII. p. 338.* Ita Parisiis eum aliquando ludibrium jocantibus nonnullis, & nescio quam informem statuam, pro cippo afferentibus, debuisse legi. Pertinent ceteroquin huc *Laur. Pignorii Mensa Isaca*; seu vetustissimæ tabulæ æneæ, sacris Ægyptiorum simulacris cælatæ, explicatio; quæ Venetiis 1605. & Amstelod. 1670. lucem publicam aspexit, nec non *Mich. Meyeri Arcana Ægyptiorum & Græcorum Hieroglyphica*, sine loco & anno impressionis in 4. edita.

Non vero Ægyptii solum, sed *Æthiopes* etiam atque *Scythæ*, hieroglyphicis characteribus usi deprehenduntur, ut e Pherecyde Syro apud Clementem, & e Diodoro Siculo, bene Causinus animadvertit. Hinc eo facilius ad Sinas & Japones, a Sinensibus ad Peruvianos, penetrare potuerunt; nec opus est, ut cum Kirchero nescio quas Ægyptiorum ad Sinas colonias somniemus, quas merito ut intempestive admodum adstructas ridet I. c. Vossius. Vide quæ de literis Sinensium Spizelius in libro de Re Literaria eorundem collegit, & Kircherus Oedipi T. III. Diatr. I.

Græci & Latini, quanquam hieroglyphicis abstinebant, habuerunt tamen *σημεία* 3 sua seu notas, quibus vel ad occulte, vel ad breviter scribendum, usi sunt. Notarii Latini, Græci *ταχυγράφοι*, *σημειογράφοι* notis ac *σημείοις* vocabant, quæ cura scribendarum compendiaris characteribus rerum commissæ erat: quique adeo frequenter in publicis æque & privatis negotiis adhibebantur, ut nihil crebrius apud Auctores, quam illorum mentio occurrat. Ita laudant hanc artem e veteribus Plutarchus, Dio, Suetonius, Seneca, Martialis, Ausonius, Hieronymus, Isidorus, Suidas, alii, quorum loca passim a recentioribus allegata videre est. Sed, ut omnium rerum esse etiam quidam abusus potest, ita hæc imprimis *ars notaria* fraudibus multis, scriptorumque corruptioni, patuit, præsertim, ubi, inolescente jam barbarie, genuina notarum interpretatio expiravit: qua re motus publica lege vetuit Imp. Justinianus per signorum captiones & compendiosa enigmata codicis sui textum conscribi. INVENTORES artis illius varii a variis perhibentur. Lipsius libenter Græcis gloriam daret,

Yy yy 3 .

deret, & nominatim Xenophonti, motus auctoritate Diogenis Laërtii. Salmuthus, in Not. ad Pancirollum, ex Æliano Myrmecidem Milesium, & Callicratidem Lacedæmonium celebres ea arte fuisse tradit. Latini tamen ad se trahunt: quorum alii Ciceroni ipsimet & Mæcenati, alii libertis eorundem literionibus, gloriam inventarum istiusmodi notarum adscribunt. Peculiarem de *Notis Romanorum librum* Sertorius Ursatus, Patavinus, scripsit, qui 1672. Patavii in fol. excusus est. Valerii Probi de *Siglis*, seu de *interpretandis Romanorum literis*, librum e MSS. quam plurimis altero pene tanto auctum, notisque illustratum, Soræ 1647. in 4. Henr. Ernstius publicavit. (c) Diligentem quoque, in clandestina scribendi ratione docenda, operam Rob. Valurius *lib. VII. de Re Militari* cap. 17. (prodiit ille liber Veronæ 1483. fol.) longe vero maiorem ac diligentiore, Henr. Salmutho iudice, Joh. Bapt. Porta, in IV. libris de *Fertivis literarum notis*, (Mompelgardii An. 1593. in 8vo excusis) & lib. XVI. *Magiæ Naturalis*. Verum nec ipse Salmuthus cum Pancirollo debita sua laude fraudandus est, qui studiase admodum rem hanc exponit, Nov. Repert. Tit. XIV. Conferatur præterea elegans Lipsii *epistola cent. I. ad Belgas*, ep. 27. Petri Bembi Cardin. *epistola ad Julium II. P. R. lib. V. ep. 8.* WOUWERII *Polymathia c. VI.* Vossii de *Arte Gramm. lib. I. c. 41.* & Becmanni *Notitia Orbis c. IX. p. 391.*

- 4 Extant adhuc *Notæ M. Tullii Tyronis*, liberti Ciceronis, quas ille ad signandas voces excogitavit, mistis, quas *Ann. Seneca* parens, Lipsio iudice, addidit, quasque Cyprianus, Trithemio referente, earum insuper vocum notis auxit, quæ ad usum Christianorum necessariae fuerant. Rarissimæ jam ævo Trithemii erant, qui, cum forte fortuna illas ex Abbatia ejusdam bibliotheca an. 1497. vili pretio a monachis rerum imperitis emisset, multum sibimet in sua Polygraphia gratulatus est. Nostro autem ævo Janus Gruterus, e duobus Codicibus, suo uno, altero Joh. Pistorii, *Notas Tyronis & Senecæ*, cum Cyprianicis una immisit, edidit, Corpori Inscriptionum adjectas. Neque vero dubitat in præfatione Gruterus, forte notas has usus alienius, & glossarii quasi locum expleturas in libris, qui meris istiusmodi notis conscripti hic illic forsan in bibliothecis lateant: qualis ille codex est, quem e Dacia Julio II. missum, & Hygini de Syderibus commentariorum portionem comprehendentem, Bembus l. c. refert: aliusque Curtii codex Bongartianus, cui sub finem, & variis ad marginem locis, notas istiusmodi illitas ipse Gruterus narrat. Imprimis vero memoratu dignum *Psalterium* notis istiusmodi descriptum, & Argentorati servatum, cujus historiam,

(c) Ante Ernstianam Editionem, alia Lugduno-Batava Libelli M. Valerii Probi de *Notis Romanorum interpretandis* Ann. 1600. (non 1504. ut in Joh. Alb. Fabricii *Append. Biblioth. Lar. p. 85.* perpetuam legitur,) apud Andream Clouequium, in 8vo. prodiit. Editor fuit Frid. Lindebrogius, J.Ctus Hamburg. *πολυμαθίας*, qui (Teste Typographi Præfatione) & Probum ipsum, & Magnonis, Archiepiscopi Senonensis, Carolo M. coevi, Collectionem Notarum Juridicarum, Carolo inscriptam, Petrique Diaconi, & aliorum Anonymorum Explicationes Veterum Notarum, Probo junctas, cum Codicibus diversis contulit & emendavit, Magnonem primus edidit, & Observationes aliquor suas sub finem adiecit.

floriam, lepidam simul, his verbis Trithemius c. l. exponit. *Biennio post* (nempe ab acquisito Notarum Tyronis codice, adeoque ann. 1499.) *eques Argentinam in causis ordinis mei ascendit, admissusque per Joh. Keisersbergium, insignem loci concionatorem, in bibliothecam majoris Ecclesie, Psalterium reperi totum hujce Tullii & Cypriani notis exaratum, aureisque capitellis decentissime scriptum. Superscriptio autem ab ignaro mysterii talis fuerat extrinsecus posita: Psalterium in Armenica Lingua. Ego doctorem adhibui, falsitatem ostendi, ita rescribendum admonui; Psalterium notis Ciceronis descriptum: quod fecerit, nec ne, incertum habeo, quoniam ad eam bibliothecam postea non sum reversus.* Pertinent quoque huc Notae Mathematicae, Astronomicae, Chymicae, Iatricaе, quas, in Scriptoribus Mediae & Infimae Graecitatis repertas, e Codicibus MSS. eruit, & cum explicatione Glossario suo Graeco annexuit, *Carolus du Fresne*. Distinguenda tamen a se invicem sunt *σημεῖα* notariorum, ceteri solum scriptioni intervientia, & notae, quae ad *νευτλογραφίαν* spectant. Illorum rationem uti vix quisquam restituerit: quoniam, nisi quis a pueritia artem illam studiose didicerit, aegre rem difficillimam assequetur: ita suaserim tamen Studiosis, ut ad celeriter exscribendum notas proprias, & quidem quamplurimas, sibi constituent, sicut legimus *Joh. Picum Mirandulanum* proprias sibi notas constituisse, quibus libros suos conscripserit, qui propterea, ut in Vita Patruj *Joh. Franc. Picus* testatur, a nemine post ejus obitum legi potuerunt. Harum vero artem *Joh. Trithemius* in Polygraphia sua tradere aggressus est. Usus earum antiquissimusprehenditur: ut enim Scytalam Lacedaemoniorum taceamus a Gellio lib. XVII. c. 9. Noct. Attic. fusc fati descriptam: nec Caesaris etiam, nec Augusti arcanos scribendi modos, quos Suetonius, detegit, memoremus: nihil aliud suis notis primum Cicero voluit, quam occulte scribere; ita enim l. 13. ad Atticum: *Et quod ad te de decem legatis scripsi, parum intellexi credo: quia dixi σημεῖον scripseram.* Talis occultae scriptionis, uti diximus, ars illa est, quam tradere, suis tamen mysteriis involutam, voluit Trithemius Abbas: quae evoluit postea scripto in ejus Polygraphiam Commentario Illustrissimus GUSTAVUS SELENUS, i. e. Augustus Brunsvic. Dux, edita in fol. Luntab. 1624. *Cryptographia*, Jam ante Selenum tractarunt idem argumentum Abr. Colornus in *Scotographia Italica*, Dan. Schwenterus in *Stenographia aucta*, Casp. Schottus in *Schola Steganographica*. & passim apud Magiae Naturalis Scriptores singularia hujusmodi artificia monstrantur. Nuspiam tamen aequae floruit illa & celeris & occultae scripturae ars, studiove majore culta est, quam apud *Anglos*, qui, cum veterum notas, celeritati scribentium consulentes, non amplius restare vidissent, novas ipsi notas commenti sunt, librisque peculiaribus exposuerunt: quales sunt Thomae Willis Manuductor artis Steganographicae: *The Schoolmaster in the art of Steganography.* Lond. 1647. Thomae Schelton *Tachygraphy or Shortwriting.* Joh. Wilkius *Mercury, or the Swift Messenger*, alique a Becmanno Hist. Orbis c. 9. p. 391. laudati. Quibus addi Belga etiam Scriptor, J. S. S. Verbi Div. Minister, potest, qui *artem brachygraphicam* certis quibusdam regulis est complexus, & distincte admodum tradidit. Lugd. Bat. 1656. 8vo. Germa-

Germanice quoque postea, sub *Tachygraphiæ* Titulo, editam. Nec minor apud Anglos Cryptographiæ in bellis præcipue civilibus erat usus, modo per ciphras, modo per notas alias facta scriptione: cui tamen multum obfuit opposita illi *Deciffratoria*, quam vocant, *ars*, quæ ex characterum ductu, frequentia & nexu inter se eorum sensa occulta investigat, si Alphabetum quidem sit ordinarium, & characteres linguam cognitam exprimant. (Multum imprimis valuit illa arte superstes hodieque vir celeberrimus, & in scientiis Mathematicis plane incomparabilis, *Joh. Wallisius*, cujus manu scriptam vidimus, seu potius enodatam Legati cujusdam Gallici ad Polonos, March. Bethunenlis, Epistolam, meris numeris adeo abstruse scriptam, ut inextricabiles videantur labyrinthi, e quibus tamen vir doctus se miro artificio expedit.) Editus quoque hanc in rem Gallicus quidam liber est. *L'interprétation des chiffres, tirée de l'Italien du S. Ant. Maria Caspi, Secrétaire du Grand Duc de Toscane, augmentée & accommodée particulièrement à l'usage des langues Francoise & Espagnole. Paris. 1641. in 8.* Memini mecum quondam communicatum ab Aurato Equite Scoto quodam artificium Steganographicum, ipsi magno pretio comparatum, quod deciffrationi obnoxium non esset. Id vero postea in Thavmaturgo Schotti, vel Physico, vel Mathematico, publicatum inveni. De Cryptographia recentiorum Græcorum Leo Allarius epistolam ad Car. Moronum scripsit.

- 5 Nondum tamen in his occultarum scriptionum inventis, doctorum quorundam solers ingenium acquievit. Amplius progressi beneficio characterum istiusmodi universalem linguam moliti sunt, ita nimirum, ut pictos in charta characteres unaquæque gens patria lingua legere reddereque possit. Est qui hoc saxum imprimis magno conatu volvit Anglus scriptor, GEORG. DAHLGARNUS, cujus hic liber splendido admodum titulo in lucem prodiit: *Art Signorum: vulgo, character universalis & lingua philosophica, qua poterunt homines diversissimorum idiomatum spatio duarum septimanarum omnia animi sui sensu non minus intelligibiliter, sive scribendo, sive loquendo, mutuo communicare, quam linguis propriis vernaculis. Præterea hinc etiam poterunt juvenes Philosophiæ principia, & veram Logicæ praxin, citius & facilius multo imbibere, quam ex vulgaribus Philosophorum scriptis.* Londini 1651. in 8. Sed scriptum hoc eruditionem affectatam & pædagogeum nimis olere judicat Becmannus. Præter vero Dahlgarnium JOH. WILKINS, membrum Societatis Regiæ & postea Episcopus Cestriensis, aliam Philosophicam quandam linguam invenit & characterem, e figuris Mathematicis concinnatum: Liber Anglica lingua scriptus prodiit Lond. 1668. in fol. hoc titulo: *An Essay towards a real character, and a Philosophical language.* Admodum vero operosus est in rebus naturalibus & arte factis sub suas classes redigendis, quæ opera in illo laudanda est. Inest enim signis rerum, ut sunt voces, eadem divisio, quæ rebus ipsis: inest porro ipsis vocibus certus quidam & inseparabilis character, e quo dijudicari tota lingua potest, & pene mathematica demonstratione significationes deduci: ille character latet in solis terminationibus, quæ quasi formam largiuntur vocabulis, ut certæ quædam consonantes materiam ipsi voci, radices

ces scilicet, quæ plerumque ex aliis linguis sunt transumptæ. Commendari utique meretur Wilkinsius, quod linguarum fundamenta philosophica haud sane levi opera fuerit persecutus. Similem laborem linguæ alicujus Philosophicæ in animo habuit olim Gailus ille, cujus *Cartesius P. I. Ep. III.* ad Merfennum scribens meminit. Exposuerat Merfennus Cartesio istud viri institutum, ejusque de illo judicium poposcerat: quapropter Cartesius rem omnem solidissime examinat determinatque, quoad procedi possit in hoc negotio. Linguam putat inveniri posse commodiorem & breviorẽ; Grammaticam quoque faciliorem, & communissimos aliquot characteres, secundum quos intelligi possint omnium linguarum sensus; sed ulterius procedere non audet. Nam, quod Gallus ille jactabat, per hanc artem suam, linguæque suæ cognitionem, ceteras omnes, & dialectos illarum, cognosci posse, id plane falsum putat Cartesius, & in ostentationem argumenti confectum. ATHANAS. KIRCHERUS & JOH. JOACH. BECCHERUS artem commenti sunt, qua notis numerorum, secundum ordinem dispositorum, universalem in quacunque lingua sensum exprimere quis possit & scribere, legere, & sine interprete intelligere. Kircheri liber sub titulo *Artis Polygraphicæ* Romæ 1665. fol. in vulgus exiit: Beccheri liber inscribitur: *Character pro notitia linguarum universalis: inventum sęganographicum hætenus inauditum*, Francof. 1668. Beccherus ille vir fuit non contemnendi ingenii, sed varii, & in multa distracti. Multa animo concepit pro augendis scientiis, multa quoque ipse invenit disciplinarum subsidia; & in Mathematicis Chymicisque quædam singularia. Ita & in Didacticis nonnulla monuit viros doctos, pro quibus illi gratiæ debentur: atque hoc ipso libro suo, cujus usus revera aliquis est, gloriam meruit, quod primus laborem eum suscepit. Nam Dahlgarnus, Wilkinsius & Kircherus, post Beccherum scripsere; videturque is nonnullis in locis indicare, se viam Kircheri stravisse: quod & verum existimo; quanquam alia Kircherus via incedat: facile enim est consilio semel detecto, novam formam superinducere. Neque vero propterea contemnendum Kircheri artificium est; plane ad eum modum excogitatum, quem suggererat Ep. 179. P. I. Cartesius: nec inutile illud consilium, modo non operosa negotia expedienda sint: tunc enim labor molestus fiet. De dictionis elegantia hic frustra laborabitur; talis enim epistola non concinnius scriberetur, quam Latina oratio a Latinæ linguæ ignaro conscribenda; de quo invento gloriatur Kircherus, sed tanquam arcanum sibi servat. Meminit ejus in libro suo de Arte Combinatoria. Similiter docet, in Arte sua Musica, cantilenam conficere beneficio cujusdam instrumenti illum, qui Harmonicæ artis ignarus est. Verum in his inventis plus est subtilitatis, quam utilitatis: parum sane est, componere aliquot verba secundum ordinem ab alio institutum. Non hic hominis, sed psittaci, labor est. Utut enim oratio grammaticè composita sit; utut cantilena nihil peccet adversus harmoniam; ingenium tamen, judiciumque *ἡγεμονικόν*, quod rem totam conficit, abest. Inveniri autem talia facile poterunt ad imitationem aliorum: dudum enim in istiusmodi cogitationes venerunt viri aliquot eruditi. Ceterum idem fere, quem Beccherus tenuit, modus est Caramuelis in Ap-

paratu Philosophico p. 129. ubi de literis Sinicis agit. Pertinet quoque huc promissum *Antr. Mülleri* Greiffenbagii, Præpositi olim Berolinensis, qui in *Clave* sua *Sinica*, tanto promissa strepitu, ope characterum Chinesium (quorum lectionem facile, & facilius quam ullius alius scripturæ, expediendam in se suscepit,) mulierculas etiam & pueros, intra paucos dies, se docturum spondit, ut nihil non integrorum contextuum, ex quibuslibet libris, aliisque congrue scriptis chartis, non Sinice quidem, sed Latine vel Germanice, vel Anglice, vel Gallice, vel Belgice, vel alias, legant. Verum & *Clavis Sinica*, & quicquid una cum ea promissum est, in fumum abiit, foco nimirum ab ipsomet Auctore moribundo injecta. Et sane, qui linguam universalem moliantur, in vanum omnes videntur laborare: nam lingua ab uno homine confecta, utut speciosa & in rationibus philosophicis fundata, nullum habet usum, nisi impetrari consensus possit. Imo & in characteribus excogitandis nemo hæcenus ita felix fuit, ut ab aliis receptos suos viderit. Possibilem interea scripturam istiusmodi universalem esse, recte *Becmannus* iudicat, l. sæpius cit. idque liquere ait: I. ex characteribus Chymicis, Astronomicis, Musicis, Arithmeticis, &c. qui ab omnibus Europæis æque intelliguntur, licet diversis pro varietate linguarum verbis expressi. II. Ex Chinesium characteribus, quem Chineses, Coreani, Japonii, Tonchinienses & Conchinienses æque intelligunt, licet communis sermone non participant. III. Quia gentes, licet verbis discrepent, conceptu rerum tamen consentiunt: si igitur & characteribus consenserint, qui res & conceptus, non autem verba, designet, non dubium est, quin, quod scribitur eo, omnes æque intellectu fuit.

- 6 *Arti Scriptoriæ* respondet *Typographia*, a Germanis inventa, quicquid contradicant Batavi, quodrum causam *Marcus Zuërius Boxhornius* Dissert. singulari egit, Lugdun. Batav. An. 1640. in 4. edita, sed quos injuste ejus inventionem sibi vindicare luculentis demonstrat argumentis *Gabr. Naudæus*, in Additionibus ad *Historiam Ludovici XI.* Gallice scriptis, cap. 7. Paris. 1630. in 8. Idem agit singulari libro *Bernh. a Mallincrot* de ortu & progressu artis *Typographicæ*, Colon. Agr. 1640. in 4. Neque invident Germanis eam gloriam *Cl. Molinettus* in sua de *Fatis Literarum Historia*, supra jam a nobis laudata, qui, e præfatione *Epistolarum Hieronymi*, Romæ 146. impressarum, producit quædam, ut Germanos, non Belgas senctæ, quam vocat, artis inventores probet. *JOH. DE LA CAILLE*, typographus & bibliopola Parisinus, qui suæ arti illustrandæ integrum librum 1689. in 4. vernaculo sermone dedit, inscripsitque: *Histoire de l'Imprimerie & de la Librairie*: æque ac *Molinettus*, *Joh. Gutenbergium*, Argentoratensem, (non *Laur. Custerum*, neque *Joh. Mentelium*, quod aliis eruditorum videtur) primum typographiæ inventorem tradit. Ux jam taceamus *Adr. Bailetum*, qui T. II. P. I. suorum *Judiciorum* (*Jugemens de Scavans*) Germanis eandem laudatissimam artem acceptam fert, quanquam ejus expolitionem aliis nationibus tribui debere mox addat: & *Joh. Mabillonium*, qui T. I. *Musæi Italici*, ex *Joh. Ale-riensis* epistola ad *Paulum II.* probat, *Conradum* & *Arnoldum* Germanos primos artem typographicam Romam invexisse: expleto sic *Cardinalis Nic. Cusani* voto, qui id,

id, referente Molinetto, unice semper optarat. (d) Certe omnibus elogiis atque panegyricis digna illa ars est, quam praefiguratam in Apocalypsi credidit Mich. STR-
FELIUS, celeberrimus sui temporis Arithmeticus, sub specie equi, cui infidebat ille,

Z z z z 2

cui

- (d) De Typographiae Historia, praeter allegatos b. I. Autorea, consuli merentur: 1. Matthaei Judicis (qui unus fuit e Centuriatoribus Magdeburgensibus) *Liber de Typographiae inventione, & de praetorum legitima Inspectione*, Halstiae An. 1566. in 8vo editus; 2. Andr. Rivini, Professoris Lipsiensis, Panegyrica Declamatio, qua artis Typographicae Initia, Progressus, Nobilitas & Utilitas summa, celebrantur, Scopuli Abusionum devitandi indicantur, atque ipsa Germanis suis Autoribus, ab Exterorum Criminibus, & suorum quoque Falsariorum Injuriis vindicatur, Lipsiae An. 1640. habita, & cum Notis Parallelis, in 4to excusa; 3. Henr. Salmuthi, Syndici Ambergensis, Commentarius ad Guil. Pancirolli Rerum Memorabilium, Deperditarum, vel recens inventarum, Partis II. Tit. XII. & Appendix peculiaris, sub finem Partis II. (pag. 310. 311. 312. Edit. Francof. An. 1636.) adjecta; 4. Andreæ Chevillier, Doctoris & Bibliothecarii Sorbonici, *L'Origine de l'Imprimerie de Paris; Dissertations Historique & Critique divisée en quatre parties*, Paris 1695. in 4to, ut detectus, in Joh. Caillii Scripto ejusdem argumenti, b. I. memorato obvii, supplerentur, publicata. Qui uti Germanorum Causam contra Bata-
vos, eorumque Patronos, Boxhornium (h. I. allegatum,) Hadr. Junium (Cap. 17. *Baravia*) & Pet. Scriverium (in Comm. peculiar. quem laudat, ac simul Elges ejus Sca-
zontesque, pro Hartemensis scriptos, recitat Gothr. Hegenitius in *Literario Fri-
sio-Hollandico*, pag. 89-97.) iidem maleule agunt, ita dolentiam, inter ipsos Germanos,
de Artis hujus inventione, dissidium ab Argentinenfibus esse excitatum, qui non con-
tenti Civi eam suo, Johanni Gутtenbergio, Typographo Moguntino, omnium ser-
me tribui consensu, ut ipsi etiam Urbi suae eandem; Moguntiae ereptam, vindica-
rent, Joh. Mentelium, primum ejus Typographum, in Gутtenbergii locum substi-
tuere non dubitarunt. Vid. hanc in rem D. Joh. Schmidii, Theologi Argentinen-
sis, Sermonem Sacrum Eucharisticum de Typographia, Argentorati An. 1440. inven-
ta, Vernaculum, cum adjuncta Joh. Henr. Baeleri Or. seculari de Typographia, Ar-
gentorati inventa divinitate & satis (inter Orationes etiam Baelerianas, num. XI.
pag. 323-344. obvia,) illic An. 1641. in 4to excusum, & Jac. Mentelii, Profess. Medi-
ci Parisiensis (qui ab Argentinenfili illo Mentelio genus suum derivabat,) Paraphrasin
ad Bernh. a Mallincrot, de vera Typographiae Origine, Parisiis An. 1650. in 4to edi-
tam. Verum solide, & istis Argentinenfium Patronis, & Henr. Salmutho, inventio-
nis gloriam soli Johanni Fausto vindicanti, Gутtenbergium autem ab ea excludenti,
haud ita pridem est responsus a Viro Celeb. Willh. Ern. Tenzelio, Ducum Saxoniae
Historico in *Discours von Erfindung der löblichen Buchdruckerkunst in Deutschland, bey
Gelegenheit ihres anseheinenden dritten Jubel-Jahrs* entworfen, qui Gothae Thuringo-
rum An. 1700. in 12mo prodit. Librorum, primo post Inventionem Semisculo, ad A-
usque Aera Chr. 1500. Artis hujus beneficio, Juris factorum publici, Catalogos exhibue-
runt, e Bibliotheca Noribergensi Joh. Saubertus Senior, in illius Historia (Norib. 1643.
in 12.) e Regia Parisiensi Phil. Labbeus, in Nova Bibliotheca Librorum MSSorum, sive
Speciminis Antiquarum lectionum quadripartiti, Parisiis An. 1653. in 4to editi, Supple-
mento IX. ex Augusta vero Publica Ant. Reiserus, in peculiari Indicis Codicum il-

cui nomen erat, *Verbum Dei*. In libro illo Germanica lingua edito, sub titulo: Eine sehr wunderbareliche Wörterrechnung samt einigen Merckzahlen Danielis und der Offenbarung Johannis 1553. Regiomonti. Operosissime auctor numeros Propheticos per literas Latinas explicans mirabiles inde sensus elicit, quibus ipse mysterii vim inesse persuasus est. Neque sane absque labore & ingenio illa perfici potuere. Ceterum est, quæ ut alias artes plures, ita typographiam quoque multis, antequam Europæis innotuisset, seculis a se usurpata jactat, Asiatica Serum sive Sinarum gens. Certe mille & quingentis annis eam apud illos esse antiquiorem J. Vossius capite de Artibus & Scientiis Sinarum, quod est Variar. Obs. XIV., refert. Neque vero cum nostra eadem omnino est. *Seres*, ait Vossius, non uti apud nos fieri solent, singulos suos characteres separatis exprimunt formis: hoc enim apud illos commode fieri non potest, propter immensam characterum multitudinem: sed singulas pagellas singulis insculpunt tabellis ligneis, haud multum ab simili ratione, ac apud nos imagines ari aut ligno insculpuntur, quæ postea committuntur prælo. Hoc pacto efficiunt, ut vili pretio, minimo labore, & brevissimo tempore, quorumvis librorum editionem absolvant. Dispar igitur apud utrosque artificium: Europæorum sine dubio longe majus magisque ingeniosum, quicquid contradicat Vossius: quanquam Sinesæ forsitan facilius fortunæ lusus eviter, & laboriosum multo minus sit. *Siquidem non multa, uti nos, simul exeunt exempla, sed, si emptor accesserit, sumtis tabellis, iisque atramento suo librario tinctis, & interposita singulis tabellis chartæ fasciæ, centum vel plures aliquando pedes longa, unius vel duarum horarum spatio perficiunt editionem voluminis, quod, exemptis tabellis, ita complanatus habet oras, quantum vix habeant nostri, qui cultris circumciduntur, libri.* Hæc iterum Vossius ingens Serum admirator: qui hac una ratione optime typographorum jacturæ consili posse putat; cum nostri nimis impensis haud raro bona omnia perdant, vana spe & inanibus promissis confisi. Addit insuper, imitatos complures compendiosam Sinentium typographiam, frustra tamen fuisse, quod seu atramenti, sive chartæ minus bibulæ, culpa factum sit. Posset forte concinnius minutis linguarum Europæarum characteribus, quæ ligno affabre insculpi vix possunt, culpa tribui. Sed quicquid demum ejus sit, non sane tam e re orbis literati est, ut compendiosè, quam ut emendate, libri publicis typis exseribantur: cum contra videas nihil minus vulgo in officinis typographicis attendi. Conquestus jam olim de illa typographorum, sive ignorantia, seu avaritia, Henr. Stephanus in epistola ad quosdam amicos est, quam suæ de Viris Stephanorum Dissertationi Theod. Amelovenius subjecit: longe gravius adhuc in Querimonia Artis Typographiæ ibidem reperiunda stomachatus. Nempe correctioni typorum adhiberi viros, qui vix tria verba Latina, totidemque Græca, norint; & his nobilissimos quoque utriusque

lius MSSorum, Augustæ A. 1675. in 4to impressi, Appendice. Recentissimus omnium, idemque plenissimus, sed haud satis accuratus, est, quem ex indice Labbeano, alii que, congestit, & sub *Incomprehensibilium Typographiæ* titulo, Amstelod. An. 1688. in 12. edidit, Corn. a Beughem, Bibliotheca Embricenis.

que linguae Scriptores committi: hoc vero nihil aliud esse, quam furiosis gladios in manus tradere, multa cum indignatione scribit Stephanus. Quid diceret, si hodie nostras officinas intraret? Longe aliter in domo patris Roberti Stephani, quem unum omnibus fere omnium aetatum typographis anteponas, res agebatur. Decemviratum is quendam literarium domi habuit, ex omnibus pene nationibus constatum: horum praecipui correctorio munere fungebantur; ipse tamen revidit omnia, proprio & accurato studio libris a se editis consulturus: imitatus nimirum, sed & longo intervallo supergressus, Aldum, & qui ante Aldum, vel eodem cum illo tempore, emendandis typis manum admovent Marcum Musurum, Janum Lascarem, Demetrium Chalcocondylam, aliosque viros istorum temporum summos. Uti vero haec ad institutum nostrum nonnisi indirecte spectant, ita recensendis eruditis typographis non immorabimur. (c) Satis nota sunt nomina Jodoci Badii Ascensii; Mich. Vascosani; Sebast. Gryphii; Adr. Turnebi; Mamerti Patissonii; Guilielmi & Claudii Federici Morellorum; Andr. Wecheli, Christoph. Plantini, Johannis & Balth. Moretorum, trium Manutiorum, Franc. Raphelengii, Hub. Golzii, Andr. Turrisiani, qui socer Aldi fuit, & Federici, Andr. Filii, Philippi & Bernardi Juntarum, Dan. Bombergi: Joh. Frobenii, Joh. Oporini, Joh. Amersbachii, Hier. Commelini, aliorumque recentiorum, (ut sunt Cramoissii, Periti, apud Anglos theatrum Scheldonianum; apud Baravos Elzevirii, Blavii &c.) qui nostros typographos penitus in ruborem dant: & utinam ita darent, ut de emendatione solliciti imitandos, ut Batavi sibi antiquos sumerent. Alia illorum querela est, qui tot futiles & nullius pretii libros obtrudi mundo per typographos indignantur; certe neutiquam spernendi. Neque vero quis propterea damnandam artem egregiam censuerit: cum nihil tam bonum sit, cui non vitio hominum mali quid admisceatur. Legi ea de re meretur *Nicolaus Francus*, elegantis ingenii homo, sed qui ob Satyras tandem furcae supplicio periit, in tractatu *Italo Utile e Danno delle Stampe*.

C A P. III.

DE

LINGUA UNIVERSALI ET PRIMÆVA, ALIAQUE DE LINGUIS GENERALIORA.

- §. 1. *An lingua olim Universalis existerit, & an ea fuerit Hebraea, Franc. Mero. Helmontii Delinatio Alphabeti Naturalis Hebraici explosa.* 2. *Joh. Webbius Chinesem primævam fuisse statuit, de cujus genio complura afferuntur.* 3. *Georg. Stiernbeinius & Ol. Rudbeckius Suecicam, Cl. Salmasius, M. Z. Boxhornius &*

Zz zz 3

Phil.

(c) Typographos Eruditos, b. l. enumeratos, aliosque plures, paulo fufius celebrat Bernh. a Mallincrot, Decanus Monasterientis, in *Diff. de Artis Typographicæ Ortu & Progressu*, cap. 14. §. 16., p. 91-106.

Phil. Cluverius, hujus, aliarumque modernarum, Matrem, Scythicam sive Celticam. At Boboritzii de Slavonica Liber commendatur. 4. In affrendo Belgicae, sive Cimbricae, Primatu Conatus Abr. Mylii laude, Joh. autem Goropii Becani & Adr. Schrieckii risu & exsibilatione digni. 5. Jac. Hugonis absurdi pro Latina, & in Roma Italicaque Originibus vestigandis, Labores, sumulesque Joh. Pet. Eriici, in primave Dignitate Linguae Graecae vindicanda. 6. De Besnierii Jesuitae Reunione, quam vocat, Linguarum per Latinam, & Conatibus Variorum in Lingua universali excogitanda frustra, judicatur. 7. Scriptores de Linguarum Natura & Atributis, in genere: Henr. Schavius, Ath. Kircherus, Ol. Borrichius. 8. Scriptores de Linguarum Harmonia, Thom. Hayne, Guilb. Lamplugh, Chrst. Nirmuthanus, Georg. Cruciger, 9. Com. Gesnerus, Sigism. Gelenius, Mer. Casaubonus, Steph. Skinnerus. 10. Scriptores Historiae linguarum, Claud. Duretus, Edu. Brenewod, Theod. Bibliander, Jos. Scaliger, &c.

Quemadmodum in superiori capite Auctores nonnullos recensuimus, qui characterem universalem ad intelligendas omnes totius universi linguas commenti sunt: ita eorundem nonnulli partim, partim & alii quidam, cogitare ceperunt, annon aliqua analogia vocum ratione soni cum re significata naturalis sit, unde lingua naturalis vel existerit olim, vel investigari etiamnum denuo possit. Olim quidem universalem istiusmodi linguam extitisse apud veteres adeo constanter creditum est, ut, observante Bocharto *Geograph. S. P. I. l. l. c. XV.* Eusebius & Josephus & cum his gentiles etiam Scriptores, Sibylla & Abydenus, pro certo tradiderint: quin & Plato tam persuasus ea de re erat, ut brutis quoque communem fuisse linguam illam fabularetur. Sed quanam tamen fuerit ea lingua, non una omnium mens est, aliis Hebraeam, aliis veterem aliam, aliis demum novam aliquam ex omnibus collectam, pro universali lingua venditantibus. De Hebraica linguae primatu controversiam inter Philologos tantis conatibus agitatam non movebo. Notum est, multos magni nominis viros Hebraeam, qua scripti S. Codicis V. T. libri sunt, primam omnium asserere atque universalem; e quibus Bochartum & Buxtorffios nominasse sat est. Longius adhuc progressus FRANC. MERCURIUS HELMONTIUS in *Libello*, quem *Alphabeti vere naturalis Hebraici delineationem* inscripsit, Annoque 1657. Sulzbaci in 12mo edidit, demonstrare annis est, Hebraeam linguam adeo esse naturalem, ut characteres ejus hominibus velut connati sint: & haec somnia sua ut evidentius ob oculos poneret, delineationem quasi anatomicam exhibet figurarum, quas organa loquelae destinata faciunt, cum sonus alicujus literae effertur; eamque figuram cum characteribus Hebraicis convenire vult. Verum & libellus ipse miris ineptiis, ac plus quam Cabbalisticis nugis refertus est, & imagines, quas incisae aeri adjecit, jure dicas *egroti veteris meditantis somnia mystica*. Neque vero vicissim defunt, quibus omne id displicet, quod de Hebraea lingua asseritur, & interiisse prorsus lingua prima hominis, eademque universalis, existimatur, ita ut nonnisi tenues reliquit, hinc illinc e linguis super-

superstitibus hauriendæ, supersint. Gregorius Nyssenus in ea, quam supra allegavi, Or. XII. adversus Eunomium, Hebræam linguam demum in Ægypto singulari miraculo Dei natam, parum sane verisimiliter, credit: hinc & a Simonio desertus. JOS. SCALIGER *Epist.* 362. *ad Steph. Ubertum* Phœniciam potius appellandam censet linguam, quam Hebræam vulgo vocamus, quippe quam Abrahamus (transeuphratenis dictus) a Phœnicibus didicerit: hos vero nativum linguæ primigeniæ florem atque nitorem etiam tum propter rarum exterarum gentium appulsum ad eos tractus (antequam Sidonii Tyriique maris imperium obtinerent, non exploratos) servasse integrum, Scaliger conjectat; cum in regione Assyriæ, in qua nata primi hominis lingua est, ob innumera gentium commercia, crebrasque imperiorum mutationes, florem istum diu retinere non potuisset. Falluntur itaque, qui hanc Scaligeri epistolam a vulgari opinione dissidere, & Hebrææ, qua scriptus est S. Codex, linguæ primigeniam vetustatem dubiam reddere suspicantur. Grotium vero, Capellum, aliosque plures viros doctos, id facere e Philologorum sacrorum libris abunde patet; queis litem istam dirimendam relinquimus.

Dum vero ad alios pergimus similis controversiæ tractatores; primo se nobis 2 JOHANNES WEBBE offert, Anglus homo, qui edito peculiari libro, Anglica lingua scripto, *Sincisum linguæ primam antiquitatem adstructum* ivit: *Historical Essay, that the Language of China is the primitive language*, Lond. 1659. in 8. Argumenta ejus præcipua sunt, quod terra illa fuerit inhabitata ante exstructionem turris Babylo-nicæ: & quod ejus incolæ linguam suam, simplicissimam longe, semper pertinacissime servarint, peregrinis gentibus non immixti. Atque id verum omnino est; sunt enim nonnulla singularia ejus linguæ, quæ in aliis non deprehendas: tota enim lingua musica est, & ex accentu vario significationes suas sæpe accipit una aliqua vox; quæ ratio est, quod sit omnium difficillima. An vero hinc sequatur, omnium esse primam, aliis judicandum permitto. Certe prima hujus gentis exordia, æque ac ceterarum, fabulis permixta sunt, ut itaque argumentum illinc peti non possit. Potest & innata quædam genti alicui ad certum sonum inclinatio ita corrumpere linguam ex aliis deductam, ut ægre ejus origo appareat. Gutturales & nasales literæ dominantur in hac lingua (ut hoc obiter addamus), & secundum illarum pronuntiationem tota etiam lingua inflectenda est. Totam ejus fabricam ANDR. MÜLLERUS, ipse quamvis imperitus illius, demonstrare ac docere alios voluit, uti supra monitum jam est: ediditque *Inventum Brandeburgicum* atque *Propositionem ad Clavem suam Sinicam*; quo libello e Kircheri aliisque extraxit nonnulla, quæ ad eam linguam spectant.

Suedica seu *Scythica* potius antiquæ linguæ, (quam cum Suedica eandem facit) 3 primævam antiquitatem assertum ibat GEORGIUS STIERNHJELM, nobilis Suecus, vir in patria antiquitate versatissimus. Meditabatur ille, si diutius vixisset, *Ru-nam Sueticam*, magnum lexicon universale, quo demonstrare sibi proposuerat, linguam Scythicam omnium esse primam, reliquasque linguas ex hac una ortas, atque hujus esse dialectos. Equidem de toto opere judicium ferri non potest, cum nihil auctor publi-

publicavit, nisi synopsis quandam capitum, ideam magni operis proponentem, quam prout in manus meas venerat, ob argumenti dignitatem, & memoriam auctoris, totam meo *de lingua Germanica* commentario inferendam curavi: nec vero ipsum Opus absolutum est; neque etiam schedæ hujus argumenti post Stiernhelmii mortem inventæ digeri a quoquam potuerunt: potest tamen ex ejus Glossario Ulphilæ-Gothico quod prodit, & ad Gothicæ linguæ illustrationem non parum facit, multum ejus peritiæ hauriri. (f) Plura de hoc Auctore loco allegato videri possunt: ubi & OLAUS RUDBECKIUM, Virum clarissimum laudamus, qui in *Atlantica* sua, & quod itam secutum est, *Lexico*, (g) antiquitates Suedo-Gothicæ linguæ & gentis summo studio persecutus est: superasse etiam censendus Stiernhelmium: cujus *dissertationem de Linguarum Origine*, aliamque *de Scandia, antiquorum Gothorum sede, contra Cluverium*, prodidisse ex aliorum allegatione comperimus. Quæ Sueticæ proxime accedit Linguam Runicam variis scriptis OLAUS WORMIUS illustravit: editis *Monumentis Danicis, & Literatura Runica*, (h) una cum *Lexico ejus linguæ*, adjecta quoque *dissertatione de prisca Danorum Poësi: Hafn. 1641. in fol.* Verum Sueci controversiam illi movent, ac si plurima a Sueco quodam, Joh. Buræo, habuerit, quæ ad ejus libri structuram pertinent. Magna enim est apud Suecos copia lapidum sepulchralium, quibus illi characteres inscripti sunt; in quibus interpretandis & in lucem protrahendis diligenter

(f) Runæ Georg. Stiernhelmii Sueticæ Synopsis verbotenus Tractatui suo de Lingua & Poësi Germanica Vernaculo, Kilonii A. 1682. edito, *P. I. c. 1. p. 11-19.* Morhofius noster interuit. Glossarium Ulphilano-Gothicum ejusdem Autoris ab eo cum ipsa Ulphilæ Versione IV. Evangeliorum Gothica, Holmiæ An. 1671. in 4. est editum, Diss. autem de linguarum Origine eidem Ulphilæ Editioni, Prælationis instar, præfixa. Anti-Cluverius, seu Tractatus, Gentis Gothicæ Originem, & antiquissimam in Scandia Sedem, contra Phil. Cluverii Germaniam Antiquam vindicans, tum adjecta Diss. de Hyperboreis, post mortem demum Stiernhelmii Autoris, Holmiæ A. 1685. in 8vo prodit, & in *Actis Erud. Lips. M. Jun. A. 1686. p. 32. 33.* fusiis est recensitus. De his aliisque Viri illius Eruditi Laboribus, editis atque ineditis, V. Joh. Schefferi *Sueciam Literatam* p. 178. 179. 180. & nostra ad illam *Hypomnemata* (in quibus etiam Hypothesin ejus, & Allectarum, de Lingua Suecica musteam paucis notavimus) p. 401-404.

(g) *Lexicon*, quod Olao Rudbeckio b. l. Morhofius, sive interpolator Laborum ejus tribuit, *Lingvæ veteris Sætho Scandicæ*, ab eo quidem Upsaliæ A. 1691. est editum, sed Autorem agnoscit alium, Olaus, sc. Verelium, Linguæ Gothicæ in Acad. Upsalensi Professore, de quo, uti & ipso Rudbeckio *Atlantica*, Operis (cujus jam tres Tomi prodierunt) decantissimè, Autore Inelyto, nec non utriusque nimio in gentem ac Linguam suam affectu, *Hypomnemata* nostra ad Scheff. p. 409-410. 413-423. de Collegio autem antiquitatum in Suecia Regio Prolegomena, universæ *Septentrionis Eruditi Bibliothecæ* a nobis præmissa, §. 38. 53. possunt consuli.

(h) Quid de Suecorum contra Ol. Wormii de Literatura Runica labores, in quos multa e Joh. Buræi sui Scriptis similis Argumenti translata esse cum Rudbeckio opinantur, Criminationibus sit judicandum, in *Hypomn. ad Scheff. p. 377.* exposuimus.

diligentissima Suecæ natio est: cui fini peculiare etiam Collegium Antiquitatum & linguarum septentrionalium apud illos institutum est. Sane multa adhuc latere circa Scythicam magnam linguam, ejusque propagines Gothicam, Suecicam, Germanicam, eruenda, Viri doctissimi dudum agnovere. *Salmasius in Hellenistica P. II. c. 2. p. 366.* Græculorum inanem in jactitanda antiquitate fastum retundens, Nulla, inquit, *Europa fere gens, nec Asia, quin a Septentrione promanaverit. Inde propagines profecta populorum, quibus Europa Asiæque pleræque partes constita fuerunt. Scythia igitur, quæ ad septentrionem omnes ferme gentes evomit cum suis linguis, quæ Europam & Asiam inundarunt.* Ut autem vastissima illa Scythiarum regio fuit, & late porrecta ad Orientem & Occidentem, versus Meridiem eructando varias hinc in Europa, inde in Asia, produxit gentes. Idem alibi prærogativam linguæ Germanicæ præ Græcæ & Latine passim, quod antiquitatem attinet, concedit, a doctissimo Joh. Elichmanno suo, ut videtur, multis rationibus, linguarumque ostensis cognationibus, persuasus. Hinc illi Σκυθῆς, Γέρης & Γέρτες idem est: homonymi quoque Δάοι, Δάοι, Δάοι, Δάοι, & postremo Dani, existimantur. Eodem tempore MARC. ZUER. BOXHORNII simile quid de lingua Scythica in animo habens, quale Salmasio in mentem venerat, antiquitatem ejus & primatum integris libris asserere moliebatur. Verum immortuus labori est; comparuitque post ejus obitum imperfectus *Originum Gallicarum liber*, cui additum fuit *Lexicon antiquæ Lingue Britannicæ, Britannico-Latinum*: editus est Amstelod. 1654. in 4. & habet utique multa præclara magni Operis initia: repetuntur ibi etiam, quæ libellis peculiaribus antea editis scortim Boxhornius tractaverat: ut in libello de Dea Nehalania, cujus simulacrum aliquo in loco effossum nonnullorum quæstionibus de vetustate linguæ antiquæ Scythicæ ansam dedit. Edidit præterea *differtatiunculam de Græcorum, Romanorum & Germanorum linguis, earumque symphonia*, Mallincrotio, Harsdœrtfero & Buchnero, inscriptam, quæ addita est Grammaticæ Regiæ, quæ pro Regina Sueciæ, Christina, a Johanne Matthia, Episc. Strengnensi, edita est Lugd. Bat. 1650. in 12. sed syllabus ille vocabulorum harmonicis occurrit & in Originibus Gallicis. Gallicæ autem Origines librum illum Boxhornius vocavit ob Celtas, antiquos Gallie populos, e Scythiarum propagine oriundos; & quorum ramus cum lingua in Belgium quoque penetravit. Scripsit de convenientia prisce Gallorum sermonis cum Phœnicum lingua Caput, vir omnes fere alios in hoc eruditionis genere supergressus, SAMUEL BOCHARTEUS, Geographiæ suæ Sacræ P. II. l. 1. insertum, p. 42. in quo e nominibus Deorum, dignitatum, officiorum, rerum bellicarum, vestium, animalium, plantarum, Geographicis tandem chorographicisque vocabulis, istam cognationem magno vastæ doctrinæ apparatu ostendit, simul data occasione vocum Anglicarum, Germanicarum, Suecicarum, analogiam addens. Multum quoque illi Celticæ linguæ PHIL. CLUVERIUS tribuit *German. Antiq.* lib. I. eamque per maximam Europæ partem, Hispaniam nempe, Germaniam, Galliam, insulasque Britannicas & Illyricum, longe lateque diffusam fuisse, integris aliquot prolixis capitibus demonstrare nititur. Quod dum refert Lambecius l. 1. *Biblioth. Finlob.* p. 92. simul se de illa re ex professo in Prolegomenis Annalium Austriacorum acturum spon-

der: neque solum, quæ ex Tacito aliisque auctoribus colligi loca possint, sedulo congesturum, verum &, quæ a Cluverio, ut & a Wolfg. Lazio de Migr. Gent. I. IV. a Contr. Gesnero in Mithridate, aliisque recentioribus auctoribus, eo de argumento scripta sint, accurate examinaturum. Uti vero spes omnis de justo Lambecii Opere cum tot aliis penitus dudum decoilavit: ita contenti simus oportet Auctore, quem ipse in antecessum laudat, ut ad hanc materiam solide pertractandam plurimum profuturum: nimirum ADAMI BOHORICI *Arcticiæ Horulis succisivis de Latino-Carniolana literatura, ad Latine lingue analogiam accommodata*; Witteb. 1584. in 8. editis: hoc enim libello, tanquam linguae Slavonicæ Grammatica, non tantum Moscoviticæ, Rutenicæ, Polonicæ, Bohemicæ & Lusaticæ linguae cum Dalmatica & Croatica cognationem indicari memorat: sed & ipsam orthographiam, tam Cyriticam seu Moscoviticam (qua, præter Janizaros Bosnenses, Ruteni atque Moscovitæ utuntur), quam Glagoviticam seu Croaticam synopticis aliquot tabellis comprehendi.

- 4 Enimvero, ne nimis evager, nunc in orbitam redeundum est, &, quicquid de antiquitate linguae Scythicæ Celticæve dictum hætenus fuit, cum ABRAHAMO MYLIO, viro doctissimo, ita intelligendum, ut Hebrææ cedat. Habemus viri hujus *de Linguae Belgicæ cum aliis linguis communitate* librum magna cura elaboratum, editumque Lugd. Bat. 1612. in 4. in quo de antiquitate linguae istius, ejus convenientia cum Latina, Græca, Persica; deque illius convenientiæ causis: tum de linguae Belgicæ origine, & latissima per nationes quamplurimas diffusionem, erudite & cum judicio agit: argumentisque, ut mihi quidem videtur, solidis, linguae illius prærogativam præ Latina & Græca sufficientissime demonstrat. Editi præterea sunt aliquot istius Auctoris libri posthumi *de Migratione populorum*, & *Origine Animalium*; sed imperfecti in 12. Non ita sobrie eruditæ rem pertractarunt JOH. GOROPHUS BECANUS; & ADRIANUS SCHRIECKIUS, Rodornius. De illo Scaliger dicebat, mirari se, esse homines, qui quicquid somniarent, pro oraculis haberi vellent. Et sane haud immerito. Namque is novam plane atque inauditam hætenus, simul tamen & ridiculam omnino sententiam nugacemque, protulit de primatu linguae Cimbricæ ita enim Belgicam suam vocat), a qua & Hebræam, & linguas omnes ceteras, defluxisse existimat. Fateor, aliquis huic viro fuit in illo argumento sensus: nam antiquitas istius linguae, ut omnis Germanicæ, Græca & Latina superior est: sed in rationibus & in causis hujus sui argumenti deducendis enthusiastæ plane & fanaticus est. Mirabiles ac ridendæ occurrunt apud ipsum ineptiæ, sæpe ultra cabalisticas Rabbitorum subtilitates argutæ: cujus exemplum est, cum de vocibus Mann & Nam philosophatur, quasi scilicet in ipso hominis nomine Cimbrico æterni quoque τὸ λέγειν nomen sit reconditum: sed infinita apud illum sunt talia, quæ admiratores aliquos, plures derisores, inveniunt. Non negari tamen potest, primum illum venisse in has cogitationes non omni sui parte absurdas: ac habentur apud illum argumenta pro antiquitate linguae Germanicæ non contemnenda. Sed ineptias viri non probo; qualis illa est;
- cum

cum ex alphabeto suo Hebraico, e Cimbrica tamen lingua constipato, concinnat cujusdam orationis genus, qua Deo commendat præceptor suos discipulos. Hisce talibus argutiis ille toros libros implet; quæ si quis indulgere velit, omnium linguarum cognationem facile ostender, & omnium inter se vocum affinitatem demonstrabit. Si enim licitum est, pro lubitu voces contrahere, divellere, ac analogifinos & composita fingere, ex albo atrum, & ex atro album efficiemus. Libri, quos edidit eam in rem Becanus, vasti in folio sunt, impressique Antwerpæ omnes 1569. & 1580. *Origines Antwerpianæ: Hieroglyphica, Hermathene, Vertumnus, Gallica, Francica, Hispanica, Indo-Scythica:* Videatur de iis judicium Scaligeri ad Velferum Epist. 146. & Justi Lipsii Epist. 44. Centur. III. ad Belgas. Goropio Becano aliquanto sanior est, quem comitem supra illi addebamus, ADR. SCHRIECKIUS. Is Hebræam quidem linguam primigeniam agnoscit, & in Becanum aliter sentientem invehitur: sed ipse nescio quam cerebrinam linguam Hebræam comminiscitur, cujus cum Celtica, ut prima ejus propagine, convenientiam inepris allusionibus, quæ Becanianis nihil stultitia concedunt, passim jactat: ex Celtica vero illa omnium linguarum, populorum ac nationum, primordia deducit. Scripsit *Originum Celticarum libros XXIII. Ypris Flandriae editor 1614. in fol. in quibus, si originationes ineptas segreges, bona multa sunt: Post Origines Monitoria concinnavit prima & secunda, ibid. 1615. luci exposita.*

Major adhuc longe infania est JACOBI HUGONIS, Belgæ Insulensis, qui librum scripsit ultra omnia Becaniana & Schrieckiana deliria absurdum, cui titulum fecit magni apparatus & pompæ: *Vera historia Romana, seu Origines Italice ac Romæ, ad hunc diem ignote. (i)* At vero *μετὰ πολλὰς παντασίας* in hoc famæ theatrum irruens istud Horatianum, si quis alius, lectoribus occinendum meret: *Spektatum admitti risum tenuatis amici.* Quantum enim est in titulo venditare originem Latii, Italice, Romæ, ante hanc diem ignoram, e tenebris longæ vetustatis in lucem productam: quasi primordia Europæ & Latii primævi Annales demonstrarit? cum interim nihil aliud agat, quam quod Latinam linguam facit Japheticam & generales aliquas sibi syllabas fingit, unde phrenetica quadam licentia voces Hebræas, Græcas, Latinasque deducit; ut mirum sit, in tantas ineptias hominem sanæ mentis incidere potuisse: multa ibi de Japheti in Italiam adventu, multa de Ænææ ac Trojanorum appulsu in typum facit. Verum ipse titulus, & imagines Operi præfixæ, ostendunt argumenti absurditatem. Nihilominus, ut eo illustrius esset scriptum, ipsimet Pontifici Romæ, Alexandro VII. nuncupatum, Romæ A. 1655. in fol. prodit. Bene tamen Censores addiderunt, rerum, quæ in illo libro tractantur, fidem penes ipsum Auctorem esse debere. Non felicius in asserendo Græcæ linguæ radicali

Aaa aa 2

primatu

(i) Jac. Hugonis Etymologias ineptissimas, Nugasque reliquas Historico-Typicas, quas non sani esse hominibus non sanus juræ Orestes, fustus recensuit, & prout par erat, explosit, Eberh. Rud. Robtius, Gymnasii patrii Ulmenfis Professor, in Diss. peculiari de Bello Trojano, illi opposita, ac Jenæ A. 1672. edita. Conf. de iisdem Matth. Zimmermanni *Anakta Menstrua M. I. num. 34. p. 41. 42. 43.*

primatu fuit JOH. PET. ERICUS, cujus jam supra mentio aliqua injecta est, in *Principio Philologico*. (k) Quis enim ferat hominem Mosis nomen ἀπὸ τῆ μέξε deducentem: quasi, ob tuberculos in fronte prominentes, sic dictus sit; & hunc occasionem captarit Aaron, in Mosis absentia, vitulum erigendi? Quis Adamum quasi ἀδύμω, peregrinantem atque e Paradiso exulem, vocatum: Cainum ab αἰνεαυός, leguminum genere Deo oblato, dictum, etiam somnians sibi imaginari queat? Inrerim sibi multum placet Auctor, & grandi Opere de omnium vocabulorum Europæorum originibus idem se demonstraturum minatur.

- 6 Aliam, sed prudentiorem viam, in eligenda præ cæteris Latina lingua trivir BESNIERIUS quidam, Jesuita Gallus, qui vernacula sua lingua tractatum scripsit, cui titulus: *La reunion des langues: ou l'art de les apprendre tous par une seule* 1647. in 12. Duxit in hoc opusculo lineamenta quædam magni Operis, quo, prout sub una lingua omnes disci possint, monstrare moliebatur. Elegit vero Latinam linguam pro regula omnium reliquarum: principia posuit solum generalissima, specialiora habere deberet omnium gentium æque & linguarum notitiam, quæ an in unum hominem cadere possit, judicent alii. Ego certe, uti regulas ejus & principia spernenda non duco, sed satis ingeniose excogitata existimo; ita tamen an res perfici possit ipso exercitio, de eo dubitare aulim. Possunt utique principia mutationum in linguis ratione dialectorum, ratione temporum, ratione vocalium & consonantium, denique ratione organorum, quasi in idea proponi, & proposita dudum ab aliis sunt: ast vero ad individua & ad praxin ipsam descendere hoc opus, hic labor est. Præterea vix credo, linguam Latinam huic negotio aptam esse, ut quæ omnium linguarum una cum Græca artificiosissima est, & a naturali via recedit. Facilis vero redderetur hac ratione, si quidem Besnieri aliusve similis conatus procederet, via ad universalem linguam, cujus reductionem aliquando futuram *Phil. Cluverius in Germania antiqua* sperat: & de qua sua exponit desideria J. AMOSUS COMENIUS in *Via Lucis*: ubi de universalibus libris, universali schola & universali lingua, multa habentur. Promisit & PETRUS BORELLUS in Catalogo operum edendorum, quem addidit libro de *Antiquitatibus Gallicis*, Gallice Paris. 1667. in 4. scripto, tractatum de *Lingua universali*: a quo tamen, si e ceteris ejus scriptis augurari licet, non admodum præclara possunt sperari.

- 7 Ægre, ut jam semel monuimus, a quoquam homine tale quid expectari potest: frustranei potius sunt conatus omnes. Non vero eorum æque, qui vel generaliter

(k) Plures ineptias Philologicas Joh. Petri Erici, Isenacensis Thuringi, Ling. & Geogr. Prof. Patavini, dum de Primo Signorum, Punctorum, Literarum, Numerorum ac Linguarum, orto, tum de vocum omnium Europæarum, imo & Hebræarum, aliarumque, e Græcæ Originibus, ex *Principio ejus Philologico e Mystero renato*, Majoris operis prodromo Patavii A. 1686. in 8vo edito, excerptas, exemplisque plane ridiculis illustratas, invenies in *Actis Erud. Lipsiensibus*, Mens. Jul. A. 1686. p. 327-330.

liter de linguis agunt, earumque naturam examinant: vel historiam earundem exponunt: vel harmoniam. HENR. SCHÆVIUS, Vir doctissimus, Professor quondam Gymnasii Stetinenfis, primus ex iis, qui de linguis generatim egere, prodeat: Scripsit nimirum *Dissertationes Philologicas de origine linguarum & quibusdam earum attributis; Stetin. in 4.* qui liber rarior est, cum pauca ejus exemplaria excusa sint. Decem vero dissertationes de hoc argumento sunt, selectæ omnes, & cum cura expensæ. Erat enim Vir ingeniosissimus, & in his rebus accurate doctus. Dissertationibus Schævianis brevem addimus dissertationunculam, sed doctam & argutam, viri eruditissimi OLAI BORRICHII, Medici Hafniensis, de *causis diversitatis linguarum*, Hafn. in 4. 1675. editam: in qua de causis linguarum ex ipsa earundem natura, ex conformatione organorum, & naturagentium, judicat. Non æque felix ATHAN. KIRCHERUS operosum pro more suo de hoc argumento librum conscripsit, inscripsitque *Turrim Babel*, in fol. 1679. plenum iconibus: sed in quo parum invenias, quod ad rem ipsam pertinet. Nam historia linguarum satis tenuiter tractatur, cum tractari hoc loco quam copiosissime deberet. De lingua Germanica, ut hoc exempli loco proferam, non satis sincerum fert judicium, & raro vias novas aperit, ubi non habuit antecessores.

THOMAS HAYNE, Oxoniensis Anglus, scripsit de *Linguarum Harmonia*, 8 seu de lingua in genere, & de variarum linguarum cognatione, dissertationes, Lond. 1648. in 8. editas: quo ille libello per propositiones certas argumentum hoc tractat, & principia nonnunquam ponit, secundum quæ instituenda sit illa linguarum inter se cognatio, derivatio, mutatio, in quarum causis inveniendis admodum diligens ille Auctor est. Consilium ejus est, lexicon aliquod harmonicum universale instituere, cujus adornandi præcepta tradit, illudque commendat in pleniorẽ linguæ Hebraicæ cognitionem, quippe cui primatum absque ulla hæsitacione defert. Non damno viri institutum, cujus utilitates multas ipse recenset: inprimis usus est in originationibus correctioribus. Verum quod ad pleniorẽ linguæ Hebraicæ cognitionem talem operam requirat, in eo videtur aliquantulum suæ opinionis indulgere. Testatur inter alia idem Vir doctus, asservari in Bibliotheca Oxoniensi MSS. Opus *Guiljelmi Lamplugh*, Angli, quo vocabula Latina, Græca, Anglica, cum Hebraicis vocibus conferantur. Scripsit ante Haynium tale *Dictionarium Harmonicum*, Francos. 1625. fol. impressum CHRISTIANUS NIRMUTHANUS, in quo harmoniam linguæ Latinæ cum Græca, Gallica & Italica, ostendit, & in præfatione operis utilissimas regulas subministrat de mutatione & permutatione literarum. Simile institutum tenuit GEORGIUS CRUCIGER, qui *Harmoniam Græcæ, Latinæ & Germanicæ linguæ* edidit, vocibus per tabularum schematicos dispositis, quod molem libri vehementer auget. Editus est ille liber Francos. 1616. fol. eam solum ob causam scriptus, ut ostenderet Auctor, linguas illas ab Hebræa derivari: quod ut efficiat, mire torquet tum Hebræus, tum aliarum linguarum voces.

9 Longe minor, quoad molem libri, *Mitbridates*, CONR. GESNERI est, in quo de differentiis linguarum agit, tum veterum, tum earum, quæ hodie apud nationes diversas in toto terrarum orbe in usu sunt. Nimirum ut in omni studiorum genere se exseruit Viri hujus diligentia, ita in hoc quoque doctrinam suam & indutriam ostendit. Libellus exiguus est, & pauca solum de illo argumento delibatur, cum nimis vastum sit de differentiis omnium linguarum differere: est tamen elegans variarum observationum eam in rem factarum, quasi tot nucleorum, collectio. Editio prima prodit Tiguri 1555. in 8. post id tempus auctior variis exemplis, & quibusdam notis, in lucem emissâ per Casp. Waserum. Gesnero alium addimus æque celebrem superioris seculi Virum, SIGISMUNDUM GELENIIUM, qui præter alia, quæ innotuit orbi erudito, *Lexicon*, ut vocat, *Symphonicum*, Basil. 1537. in 4. edi curavit, in quo vocabulorum Latinorum, Germanicorum, Slavonicorum, cum Græcis concentum, labore sane utili, ostendit: operæque pretium est, tales vocum parallelismos instituere, quippe quod ad illarum originationes non parum conducit. Maxime vero commendari meretur labor Gelenii ob linguam Slavonicam, cui multa insunt Græcæ & Latinæ affinia, prout Lambecius quoque loco supra citato annotavit. Ut vero triumviratum virorum eruditissimorum in hac palæstra occupatorum compleam, MERICUM CASSAUBONUM, Isaaci F. præcedentibus duobus adjungo. Is *commentationem de IV. linguis*, Hebraica, Græca, Latina & Saxonica, orsus, *primam ejus partem edidit de lingua Hebræa & Saxonica Lond. 1650. in 8.* Multa ibi sunt elegantia atque curiosa: multa quæ ad historiam utriusque linguæ pertinent: monstratur & Saxonica cum Græca cognatio perpetuo quodam vocabulario deducta. Errat tamen Auctor doctissimus, cum e Græca Saxonica linguam deducendam putat: lingua enim illa vetus Anglica Saxonum Germanica genuina est: hæc vero prima Scythicæ soboles, quæ originem Græcæ & Latinæ dedit: qua de re supra jam actum est. Taceo nunc STEPH. SKINNERI *Etymologicon Anglicanæ linguæ*, Londin. 1671. fol. publicatum, in quo Auctor XII. linguarum, maxime septentrionalium & occidentalium, parallelismum instituit: sed qui, licet magna de hoc suo labore polliceatur, nihil minus quam veras Anglicanarum vocum etymologias atque adeo scopum suum assecutus est.

10 Ab harmonia linguarum ad earundem Historiam progredior: quam superficialiter solum attigisse Kircherum modo dixi. Prolixius atque data opera idem argumentum aggressus CLAUDIUS DURET in libro Gallico, quem inscripsit *Thresor de l'Historie des langues de cet univers*: Colonia 1613. in 4. impreso: de originibus, perfectione, mutatione, conversionibus & excidiis linguarum omnium se acturum promisit: & ea quidem diligentia linguas omnes, quarum historiam pertexit, in titulo enarravit, ut nec animalium nec avium linguas omiserit. Utilissima vero ex variis Auctoribus ea, quæ ad linguas spectant, uniuscujusque gentis collectanea sunt. Exhibentur & alphabeta varia, quæ tamen, an satis genuina sint, ambigo. Ceterum diligentia in eo Dureti libro laudanda; neminem enim novi, qui

qui parem industriam huic argumento adhibuerit: quanquam non desint, qui per compendium aliquid tentarint, ut Edu. BREREWOODUS in *Scrutinio Linguarum & Religionum* Francof. 1659. in 12. THEODORUS BIBLIANDER in libro de ratione communi omnium Linguarum & literarum: Figuri 1548. edito in 4. Conferri etiam meretur JOS. SCALIGER, tum in Dissertatione de *Jonum literis*, & epistola ad Steph. Uberum, supra laudatis, tum in Diatriba de *Europæorum linguis*, quæ inter Opuscula Scaligeriana, a Casaubono Paris. 1610. edita, compareret: brevissima illa, & quam binæ aliæ, æque breves similisque argumenti, sequuntur: nempe de *Hodiernis Francorum linguis*, & de *Literarum Pronunciatione*. Istud mirum, quod in prima diatriba Scaliger quatuor Europæ matrices, ut ille vocat, majores, quæ per omnia inter se discrepent, vocat Græcam, Latinam, Germanicam, Slavonicam, cum & prior & posterior biga multum cognationis inter se habeant. Scaligero addendi Joh. Christoph. Beemamius in *Historia Orbis* P. I. c. 9. Christoph. Crinesius in *Discursu de Confusione Linguarum*, Norib. 1629. vulgato: Jo. Henr. Hottingerus in *Smegmate Orientali*. Jo. Henr. Heideggerus, *Exercit. XVI. de linguis & literis Patriarcharum*, Amstel. 1667. in 4. Brianus Waltonus in *Dissert. de Linguis Orientalibus*, Davent. 1658. in 12. Chr. Besoldus in tractatu de *Natura Populorum*, & *Linguarum ortu ac immutatione*, Tubingæ 1623. in 4. Henr. Kippingius in *Exercitationibus Sacris*, aliique plures. De linguis exoticis, earumque origine & mutatione docte Walius in præfatione *Lexici sui Anglicani* disserit: & inprimis eleganter succincteque, circa Britannorum & Gallorum linguas veteres ac hodiernas, idem argumentum tractat Joh. Wallisius in docta suæ *Grammaticæ* præfatione.

CAP. IV.

DE LINGVIS VULGARIBUS EUROPÆIS.

- §. 1. *Multiplex peritia Linguarum Exoticarum Utilitas.* 2. Πολυγλωττία singularis Theod. Bibliandri, Bernh. Baldi, Jos. Scaligeri, & aliorum, miraculosa autem Liburni peste laborantis, & Galli dormientis. 3. *Lingua Germanica præ aliis prærogativa, & Scriptores, qui supersunt, Vetusiores, Parænetici a Goldasto editi, Willeramus, Otfridus Weissenburgensis, Ulphilas, aliique Gothici & Anglo-Saxonici supersites.* 4. *Cultura ejus incubere jam olim Otfridus & ipse Carolus M. Grammaticæ Vernaculæ Scriptor, post Literarum vero πολυγλωττίας* Joh. Camerarius a Dalburg, Andr. Althammerus & Jod. Willichius, quorum Conatus a Græca iam derivandi improbat. 5. Mart. Lutherus, in *Lib. de Nominibus Germanorum propriis*, de quo complura afferuntur, & *Conr. Gemerus*, opus de iisdem peculiare molitus. 6. Recentiores alii, *Origines ejus in Græca* iisdem perperam vestigantes, & Joh. Claubergius, illis hac in re cordastor. 7. J. G. Schottelius, Joh. Clojus, G. P. Haridörfferus, Joh. Vorstius. 8. *Lexica* &

& *Glossaria Germanica* Corn. Kiliani & Georg. Henisebii edita, Marq. Freheri, Franc. Pithei, Frid. Lindebrogii & Joh. Bernh. Zinzerlingi, affecta. 9. *Glossariorum Exoticorum Scriptores*, qui Germanicæ etiam Linguae illustrandæ inserviunt, enumerantur. 10. *Linguae Gallicæ, & studii, quod ejus Cultura impenditur, laudes*. Immodici ejus obelo notantur Eicomisse, inprimis aut. Verdier, & qui Latine matri eam prætulit, Joh. Lobouveriur, a Shusio & Is. Vossio confutatus. 11. *Gallicorum Scriptores Etymologici*, Joh. Picardus, Henr. Stephanus & Joach. Perionius, e Græca Linguam suam perperam derivantes, & a Jos. Scaligero ac Casp. Barthio, Germanicæ Vindice, merito explosi, Joh. Is. Pontanus. 12. M. Z. Boxhornius, Car. du Fresne, Ag. Menagius, aliique e Menagii Præf. enumerati. 13. De Menagii & Vaugelasii Observationibus Grammaticis in L. Gall. Ant. Fureterii & Acad. Franciæ Lexici illius, & Scriptoribus ejusdem Criticis, sæpe ineptientibus. 14. Jac. Houvelius Linguam Gallicam e Britannica, Joh. Henr. Ottius e Germanica, derivat. 15. De Grammaticis Gallicis, Scriptorum Gallicæ Vernaculorum multitudine & Nomenclatoribus, jactantiaque, Vitio illis familiari. 16. *Italice Linguae Genius; Dictionarium ejus ab Academia della Crusca editum*. Pauli Bonii, in illa Græca Latinaque preferenda, stulta Jactantia, Hier. Romarii Popularis verbis castigata. 17. *Originum ejus Scriptorum, Ag. Menagius & Oct. Ferrarius, Franc. Alumi, Bened. Floretti & Aug. Mascardi, in illam merita*. Scriptorum ejusdem Vernaculorum Nomenclatores. 18. *Lingua Hispanica, e Gothica & Latina mixte, Genius, Originum ejus Illustratores, Scriptorumque Laudes*. 19. *Lingue Anglicæ Commendatio, & e Saxonica, aliis permixta, ortus*. Scriptores de illa Historici, Etymologici, Grammatici, Lexicographi. Poëta ejusdem potiores, horumque Indices adversus Gallos.

Postquam ita de generalibus, quæ linguas & scripturam attinent, dictum est: ad ipsas nunc linguas speciatim, pedem promovere congruum existimamus. Ubi quidem ab iis, quæ vulgares ac vivæ sunt, auspicabimur: de *Europæis* primo, tum & de *Asiaticis*, nonnihil dicturi.

Equidem utilitatem peritiæ linguarum exoticarum plurimam in quovis studiorum genere nemo temere negabit, nisi qui tot libris egregiis orbem literatum in maximum sui detrimentum carere æquo animo patietur: atque adeo simul culturam animi, magna sui parte hinc hauriendam, somnolenta nasutaque ignavia contemneret. Certe non a politico homine solum, quod omnes largiuntur, istarum cognitio requiritur, sed & a Polyhistoro, cui ob tantam librorum omnis generis farraginem linguæ utique tenendæ sunt. Quantum Philologo prolint, ostendit *Freinsheimius* in comparatione versionum in quatuor priores libros *Annalium Taciti*, annexa *Specimini Paraphraseos Cornelianæ*. Theologo autem, in conferendis variis S. Scripturæ versionibus; in legendis meletematibus aliorum; in excolendo Historiæ Ecclesiasticæ studio, adeo non inutiles linguæ sunt; ut potius omnes ejus conatus mire juvent: quod plurimis magnorum virorum exemplis constat. Neque vero, ut omnes istas linguas loquatur Polyhistor opus est: dummodo intelligat scripta: alias enim major longe diligentia requi-

requiritur, otiumque, quod aliis studiis rectius poterat impendi. Ut autem linguas multas intelligas, res adeo difficilis non est, cum sint pleræque inter se cognatæ, & e Germanica Latinaque imprimis mistæ.

Superiore seculo THEODORUS BIBLIANDER, Helvetius, *Vir* (judice Mich. Neandro) *magnus sive doctrinam, seu linguarum multiplicium scientiam, sive literas species, sive plurimarum rerum cognitionem consideres*, adeo callens plurium linguarum erat, ut, in *Comment. de Ratione Communi omnium linguarum & literarum*, de se ipse scribat: *consecutum se gratia Dei O. M., cujus dono totum id adscribit, facultatem aliquam scribendi aut loquendi, aut certe judicandi de iis linguis, quæ totum terrarum orbem longe lateque possident.* Vid. Neandri epistola dedic. *Erotematum L. Hebr.* p. 10. sq. Helvetio Italus succedat insigni linguarum variarum peritia clarus, BERNHARDINUS BALDUS, quem Erythræus, in *Pinacotheca* I. p. 7. refert, præter Latinam atque Græcam, Hetruscamque vernaculam, adeo exacte Germanicam, Gallicam, Hispanicam & Illyricam, calluisse, ut eas non aliter, ac si vernacula quæque fuisset, loqueretur: non minus in Hebrææ, Chaldaicæ, Arabicæque cognitione pares paucos, superiorem forte neminem, habuisse: investigasse præterea veterem Siculorum atque Narbonensium linguam, & ea rhythmos plures juvenem composuisse: quin & Hetruscam veterem, ante tot secula sepultam, affectum tamen e perpaucis æneis tabulis, quæ ab Eugubino Senatu asservantur, non sine magna admiratione, testatur. Eadem linguarum ope inprimis etiam ad summum illud & stupendum eruditionis cacumen ascenderunt Scaligeri, Salmasius, Bochartus, aliique nonnulli. Prorsus autem singulare, atque ob id ipsum memorabile, est hominis cujusdam Liburni peste laborantis exemplum; quem, Narsete Italiæ Exarcha, Fulgosus refert, in domo Valeriani, Romæ, cum putaretur pene mortuus, statim ad se reversum vocato domino illi nunciasse, vere se in cælo fuisse, ibique intellexisse, quot & qui ex domo peste morituri essent, iisque nominatis affirmasse dominum supervicturum. Et, ut fides dictis haberetur, ostendisse se omnes linguas callere: atque ea ipsa hora cum domino Græce locutum, aliarum quoque linguarum cum his, qui earum notitiam habebant, periculum fecisse, cum ante solam Romanam didicisset. Et ubi biduum ira vixisset, correptum denuo, & in rabiem prope versum obuisse, secutosque illum, quos nominaverat, domino superstitite. Hæc ex Fulgoso reperit, causasque naturales ejus rei indagat, licet non satis assequatur, Joh. Marcus Marci, in *Philosophia Veteri restituta*, P. III. p. 274. Simile exemplum ex Mottæo Vayero, in *libro nostro Method. c. 9.* relatum fuit de Gallo, qui dormiens omnes, etiam Indicas linguas loquebatur, quas vigilans omnino nescivit.

Age vero, ut propius accedamus, prodeat nunc e linguis primo loco GERMANICA, ³ cujus tanta est antiquitas, ut certare cum Græca & Latina possit; ceteras vero, Italicam, Gallicam, Hispanicam, longe nobilitate antecedit. Et dolendum quidem est, adeo segniter linguam vernaculam a Germanica tractari, ut in tor

Tomus I. Bbb bb Scripto-

Scriptorum numero vix aliqui sint, qui origines intelligant. Inter vetusta Germanicæ linguæ monumenta numerandi sunt *Parænetici veteres*, a Melch. Goldasto editi, *Insulis* 1604. in 4. Tam bene nimirum (judice Conringio in præfat. ad Tacitum de Mor. Germ. quæ inter epistolas ab ipso relata est. p. 42.) editis antiquis Germanicæ monumentis, de patria meritis, ille vir est; ut absque dubio Athenienses illum in Prytaneo aluissent, si in illud ævum incidisset. Non adeo æquus Goldasto Scaliger est, qui laudat equidem veterum verborum Germanicorum apparatus, seque ex Paræneticis ab illo editis dictionarium quoddam earum vocum in suum privatum usum concinnasse memorat; mallet tamen, loco paræneticorum, quorum pretium nihili æstimat, vetera instrumenta publicasset Goldastus: e quibus nempe de nobilium familiis disci semper aliquid potuisset. *Vid. Excerpta Scaligeriana* p. 95. § 154. Pertinent insuper ad antiquam Teutonum linguam libri aliquot sacri: qualis est Willeram, Monachi Fuldensis: Paraphrasis Cantici Canticorum, quam Paulus Merula Lugdun. Batav. 1598. in 8. edidit, e codice tamen mendosissimo, misereque interpolato, quod e Lambecio patet, qui Tom. II. Biblioth. Vindobon. p. 765. genuinum operis Willerami exemplar, ipsiusque auctoris ævo scriptum, non solum asservari in Cæsarea Bibliotheca luculentus testis est, sed & amplum paraphraseos speciem una exhibet: notas vero in illam paraphrasin 1655. Lud. Batav. edidit Franc. Junius. OTTFRIDI *Weissenburgensis*, noni seculi Scriptoris, librum Evangeliorum ab Auctore (si Trithemio credimus) *Gratia Theotifæ* inscriptum, Francicoque rhythmo veteri descriptum, Basil. 1571. 8. sub ficto *Achillis Gassari* nomine publicavit Matth. Flacius *Illyricus* hoc titulo: *Evangelienbuch in alt Fränkischen Reymen durch Otffridum von Weissenburg, Münch zu S. Gallen, vor siebenhundert Jarn beschriben: jetzt aber in den Druck versertiget.* Enimvero non hiulco solum & mendoso codice Flacius usus est, cuius lacunas Lambecius ex optimæ notæ Cæsareo codice supplevit lib. II. Biblioth. Vindob. n. 420. sed & multum alias cum Trithemio deceptus, deprehenditur. Neque enim Otffridus monachus S. Galli fuit, sed Weissenburgensis, quod Alsatiæ cænobium est: nec unquam librum suum inscripsit *Gratiam Dei Theotifæ*, seu, ut Trithemius habet, *Gratiam Theotifæ*, sed *Volumen Evangeliorum*: neque etiam Opus istud versio Evangeliorum est, IV. libris absoluta; sed potius Harmonia quædam seu Diatessaron Evangeliorum, V. libris constans: quæ omnia observavit loc. cit. p. 419. Lambecius, exhibetque titulum, prout in vetustissimo MSS. Codice Vindobon. habetur, h. m. *Incipit Liber Evangeliorum primus, Domini gratia Theotifæ conscriptus.* Addit, asservari in bibliotheca Cæsarea ejusdem Otffridi solutam Psalterii versionem: e qua Psalmum primum Lambecius p. 461. sq. una cum Oratione Dominica, sub finem codici annexa, exhibuit. Eo magis autem commemorari Otffridus hoc loco meret, quo majus suo tempore studium ad excolendam Germanam linguam adhibuit: de inculta ejus, quæ vulgo videbatur, asperitate multum in præfatione sui Evangeliorum libri questus. Quin (directe id Trithemio in *Catalogo* referente,) exemplo Caroli Imperatoris Magni, conatus barbariem linguæ Teutonicæ ad regulas grammaticales reducere, illud & ex parte perfecit. Idemque adeo

Trithe-

Trithemius *Polygraphia* l. 6. nonnihil ejus Grammaticæ, quam a Carolo inceptam, ab Ottfrido auctam absolutamque, refert, in manus suas incidisse, locuples testis est. Cujus aliud præterea testimonium ea de re, alias *ἀνέκδοτον*, e codice MSS. Lambecius lib. II. Comment. p. 464. sq. refert. Inprimis vero illustre veteris linguæ Germanicæ monumentum Gothica sunt Ulphilæ Evangelia: ex argenteo codice a Franc. Junio cum doctissimis notis Thomæ Mareschalli Dordraci 1655. in 4. in lucem publicam una cum Glossario Gothico Junii emissæ (1). Addi potest Historia Gothrici & Rolfi, Gothica lingua scripta, & ab Olao Verelio edita: nec non Ansileubi cujusdam, Gothorum Episcopi, Glossarium, quod e veteri bibliothecâ Moysacensis codice erutum se vidisse Maussacus, in Dissertatione Crit. Harpocrati præmissa p. 355. ed. Parif. auctor est, inbique plura Gothorum aliorumque populorum barbarâ vocabula explicata refert. De Literis & Lingua Getarum sive Gothorum Commentarius Anonymi, a Bonavent. Vulcanio Lugduni Bar. 1597. in 8. editus, huc quoque inprimis spectat; cujus auctorem Anton. Morillonium esse, Granvelani Cardinalis Secretarium & bibliothecæ præfectum, Usserius olim suspicabatur; quod dum in *Selecta Bibliotheca Colomesius* p. 158. refert addit. *Ce soupçon n'est pas, à mon avis, mal fondé, y ayant dans ce Commentaire des remarques assez recherchées, & qui ne s'accordent pas mal avec le grand savoir, que l'on attribue à ce Morillon.* Referri etiam merito ad antiqua Germanicæ linguæ monumenta potest, quicquid Scriptorum Anglo-Saxonicorum superest, ab Anglis studiosissime conquistum evulgatumque.

Bbb bb 2

(1) De Ulphila, ejusque Metaphrasi IV. Evangeliorum Gothica, (post Franc. Junii Editionem, ex eodem, quo ille usus erat, Codice Argenteo, per Georg. Stiernhelmium, Literis Latinis (cum Gothicis edidisset Junius) denuo Holmiæ A. 1671. in 4to recentita, additisque tribus Vertionibus Parallelis, Sveo-Gothica, Islandica & Vulgata Latina, nec non Glossario, Gothica Ulphilæ cum hodiernis conferente, illustrata,) præter Editores, Junium, Mareschallum & Stiernhelmium, Patrologosque modernos accuratiores, consuli possunt Ol. Wormius in *Literatura Danica Antiquissima*, c. 4. p. 23. 31. c. 6. p. 45-49. c. 11. p. 74. & c. 20. p. 113-117. Willh. Ern. Tenzelius in *Diff. de Bibliis Polyglottis*, §. 9. & 18. ac, præ aliis omnibus, M. Georg. Frid. Heupelius, Argentinenfis, in Suecia antehac aliquandiu commoratus, in peculiari, quam Witebergæ A. 1639. publicavit, de Ulphila disquisitione. Ceterorum, quæ supersunt, Linguæ Veteris Arætoz, sive Islandicæ (Gothicam Sveci, perperam ea suis vindicantes; uti in *Hypomn. ad Sebiff.* p. 409. 410. est monitum, minus accurate appellant,) Monumentorum Notitia haurienda est, tum ex Snorronis Sturlesonii, Ol. Wormii, Magni Olavii, Steph. Joh. Stephani, Pet. Resenii, Joh. Schefferi, Thomæ Bartholini Junioris, Georg. Hickelii, aliorumque Scriptis variis, eam suggerentibus, prolixæque a nobis, in *Hypomn. ad Alb. Bartholini Lib. de Scr. Dan.* p. 151. 152. ac in *Bibliothecæ Septentrionis Eruditis Proemio*, §. 40. enumeratis, tum ex Thormodi Torfæi, Islandi, Historiographi in Norwegia Regii, Dynastarum & Regum Daniæ Seriei, quæ Hælinæ hoc ipso A. 1702. prodit, *Libro I* ferme integro. Cujus Latæ eo magis commendari debet, quod, Historica illorum Nomenclatura, sive Recensu non contentus, Examine etiam Critico in potiorum Autoritatem, ac rerum, quas tradunt, Veritatem inquirit.

que. (m.) *Erat enim, ut ait in suæ Grammatices præfatione Wallisius, illa Anglo-Saxonum lingua antiqua Teutonice propago; ut & Francica illa in Galliam adveſta, & hodierna Germanica, Belgica, Danica, Suevica, Borussia, aliæque affines linguæ. Et fere pura mansit in Anglia, seu impermixta, usque ad Normannorum tempora: nisi quod voces aliquot Cambricas admiserit, & Cambrica vice versa ex hac nonnullas. Quamvis enim Dani interim hic pedem posuerint, nulla tamen inde linguæ mutatio secuta est: nam & eorum lingua vel plane eadem erat, vel saltem maxime affinis.*

4. *Ut vero revertamur, unde divertimus paulisper, non adeo asperam esse incultamque linguam Germanam, ut delicatiorum auribus se insinuare non possit, quod Isaacus Vossius lib. de Poëmarum Cantu criminatus est, jam alibi sufficienter, nisi fallor, evictum dedi; simul & graviores aliorum voces, præcipientis ignorantiae testes, confutavi: allegatis pro linguæ nostræ vera antiquitate, & quæ naturæ omnium maxime vicina est, simplicitate, rationibus, & virorum clarissimorum testimoniis haud contemnendis, quæ jam repetere tædiosum foret. Dignum vero memoratu est, iis etiam sæculis, quæ dira barbaries regnabat, & vernaculæ Francorum, seu Germanicæ linguæ culturam nemo ne per somnium quidem sperasset: fuisse tamen, qui tentarunt id, & curam patriæ linguæ non omnino abjiciendam putarunt. De Ottfrido Weissenburgensi dictum paulo ante, Scriptore sæculi Carolini, quam avide is horridiora linguæ eorum temporum removeri desideravit. Fertur & sub ipsius CAROLI M. Imperatoris nomine Grammatica prodiiſſe: ita enim Eginhardus in vita Caroli: *Incoavit & (Carolus) Grammaticam patris sermonis: Mensibus etiam juxta propriam linguam vocabula imposuit, cum ante id tempus apud Francos partim Latinis, partim barbaris nominibus pronunciarentur &c.* Recentetque*

(m) De Anglo-Saxonicis, quæ vel jam prodierunt, vel MSSa in Bibliothecis adhuc deliteſcunt, satis numerosis, Scriptorum Angliæ Nomenclatores sunt consulendi, imprimis autem Thomæ Siniethii *Catalogus MSSorum Bibliothecæ* (quæ istis abundat, ac, ab Harrede Ultimo nuper A. 1701. Regno patrio donata, Londini in Æde Westmonasteriensis locum obtinuit perpetuum, publicoque Senatus Anglicani Decreto alienari unquam, aut distrahi, est prohibita) *Corsoniana*, Oxoniæ A. 1696. in fol. excusus, istumque A. sequ. 1697. subsecuti, & ibidem Tomis II. in fol. editi, *Catalogi Librorum MSS. Academiæ Oxoniensis & Cantabrigiæ*, celeberrimique per Angliam & Hyberniam *Bibliothecarum*, ab Edv. Bernhardo congesti, & Indice Alphabeticæ Universali instructi. Monumenta Dialecti Anglo-Saxonici Historica diligenter recenset Gvilhelmi Nichollsoni, Archidiaconi Carlolentis, *English Historical Library*, sive Bibliotheca Angliæ Historica Vernacula, cujus Pars Prima A. 1696. Secunda A. 1697. & Tertia A. 1699. Londini in 8vo prodiiit. Sed hi Triumviri aliarum etiam Linguarum MSSa Anglo-Saxonicis, pro Instituti ratione, immisceant. Solorum Librorum Anglo-Saxonicorum, Editorum pariter atque Ineditorum (quibus pauci aliquot Linguarum Veteris Germanicæ, & Borealis sive Islandicæ, sub finem accesserunt,) indicem satis copiosum Georg. Hickelii, Decanus Wigornienſis, congestit, & Institutionibus suis *Grammaticæ Anglo-Saxonice ac Mosco-Gorbice*, Oxonii A. 1689. in 4to impressis, subjunxit, Wilh. Ern. Tenzelius autem, Vir Cl. in gratiam Germanorum, Notis illustratum eruditis, scorium recudi curavit, & Dialogis suis Menſtruis Vernaculis, M. Aug. A. 1691. inseruit.

setque Eginhardus mensium & ventorum nomina a Carolo inventa. Grammaticam ejus adhuc superesse ex parte sunt qui perhibent: sine dubio, ut in omni bonarum literarum genere, auspiciis magni Imperatoris, erectæ ubivis scholæ sunt: ita, ut non in vernacula hospites forent in alienis linguis erudiendi, provida Divi Principis cura cavit. Neque id frustra. Nam curam gessisse linguæ patriæ viros ejus seculi doctos haud perfunctoriam RABANUS etiam MAURUS fidem facit: cujus non solum *Glossarium Latino-Theoticum in tota Biblia Veteris & Novi Testamenti* MSS. Petr. Lambecius, Vir in conquirendis optimæ notæ libris longe solertissimus, e quadam Tyrolis Bibliotheca eruit, inseruitque Bibliothecæ Cæsareæ Vindobonensi: de quo ipse Lib. II. *Biblioth. Vind. c. 5.* p. 416. videri potest: sed & ejusdem Rabani *Glossa Latino-Theotice de partibus humani corporis; ut & de Inventione linguarum ab Hebraica ad Theotiscam*, supersunt, quas ex ejus ore olim Walafr. Strabo excepit: Melch. Goldastus vero ineunte hoc seculo edidit. T. II. *Rerum Alemannicarum* Francof. 1606. P. I. p. 65. & 66. eademque comparent inter *Opera Rabani* Colon. 1627. edita. Alius sequiorum temporum Germanicæ linguæ investigator, KERO, Monachus S. Galli, fuit: cujus *Interpretationem Vocabulorum barbaricorum* (ita ille Germana vocat) Goldastus idem eodem loco, a p. 69. usque ad 92. publici juris fecit. HUGVICONIS, vetustissimi & amplissimi Terministæ, nomen conservavit nobis Clivensis olim Cancellarius, Gerbardus de Schuren, cujus *Lexicon Germanico-Latinum*, sub titulo *Teuthonista* Coloniae 1477. emissum, vidi: quodque, ut annexa sub finem subscriptio testatur, vocabulorum materiam exhibet ex diversorum terministarum voluminibus contextam: cuique non Huguiconis solum labor, ut in præfatione auctor ait, pene totus immixtus est, sed & inserti integri aliorum tractatus. Pater sane ex his, non neglectum a Germanis unquam suæ linguæ studium: quod non solum, præter ea, quæ jam allata sunt, Glossarium Latino-Germanicum MSS. in Kiloniensi Bibliotheca asservatum, probat: sed & secuti aliorum labores. Postquam enim renasci paululum literæ, caputque primis modo initiis levare de novo ceperunt: inventus statim unus atque alter Germanus, isque inprimis etiam eruditus, est, qui Origines suæ linguæ altius repetitum irer. JOH. CAMERARIUS de DALBURG nobili apud Vangiones gente Dalburgiorum, hodieque clara, oriundus, Episcopus Wormatiensis, JCrus, Gesnero in Bibliotheca teste, celeberrimus, & Rudolphi Agricolæ auditor; hanc primus post renatas literas gloriam investigatarum nostræ linguæ originum ab Aventino reportat, qui eum aliquot millia Græcorum ac Teutonicorum vocabulorum, quæ utraque lingua idem significant, collegisse refert. Dolendum profecto, non in lucem produsse Opus extra controversiam eruditum, viri, quem plura excellentis ingenii opuscula, tam metro, quam prosa oratione, scripsisse, sed non in lucem venire passum, Gesnerus l. c. auctor est. Idem argumentum deinde attigerunt ANDR. ALTHAMERUS in *Scholiis ad Tacitum Noribergæ* 1536. in 4. editis, qui Germanos antiquos Græcæ linguæ non omnino ignaros e vocum convenientia ostendere satagit: & JODOCUS WILLICHIUS, Medicus & Theologus, Academiæ Francofurtanæ ad Viadrum Professor: qui & ipse, in eruditis

Bbb bb 3

(Mich.

(Mich. Neandro iudice) commentariis in Tacitum, Græcam linguam Germanis fuisse familiarem credidit: & sua adhuc ætate, prope Prussiam, gentem, quæ dicatur *die Boctheiligen*, extitisse testatus est, Græca lingua, scilicet corrupta, usam. Quinimo adiecit: circa Caroli Magni tempora Græcis literis Teutones Germanica scripsisse: adeo, ut omnes rationes suas, omniaque acta Græce, usque ad tempora Rudolphi Habsburgici, scriberent. Tunc enim primum Germanicas literas Latinis literarum elementis scriptas fuisse: quemadmodum ex vetustissimis rationibus id ipsum longe certius colligi possit. Hæc e Willichio excerptis MICHAEL NEANDER, celeberrimus ille polyhistoria atque omnis humanioris literaturæ stator, in *Descriptione Orbis Terræ*, P. I. p. 279. sq. ubi non miror equidem, illum præcessoribus in eo assensum præbuisse, quod Germanica lingua e Græca ortum traxerit: hoc enim pro ingenti, quo in Græcas literas ferebatur, amore sibi persuaderi passus, cum plurimis aliis commune habet. Istud vero, quod Sorabos, gentem, quæ inde a Moravia per Lusatiam, Marchiamque Brandeburgicam, usque in Borussia, longo tractu, sed non æque lato, porrecta habitat, & a Deastro quodam suo, hircino capite deformi, scemma in se derivatum sensit: quod hos, inquam Slavonicæ veteris linguæ dialecto usos semper, hodieque utentes, Græce unquam locutos credit, ingens error est. Uti neque illud ferendum, quod Germanos ævo Carolino Græcis characteribus acta sua consignasse existimat; cum vix unus & alter Eruditum ejus ævi Græcas literas vel primis, quod ajunt, labris degustavit. Profecto, si inspiciendi antiqua diplomata, ad quæ provocat Willichius, ipsi unquam occasio concessa fuisset, vel doctissimo etiam Neandro, neuter assertionem falsissimam posuisset.

¶ Neandro jungimus, quem mirifice semper æstimavit, B. LUTHERUM, qui circa vernaculam quoque Grammaticen occupatus libellum de *Nominibus propriis Germanorum* edidit sæpius recusum, Ursellæ 1559. Wittebergæ 1611. alibique: nonnunquam & *ἀνωρύμωος* prodiit, ut in Opere Historico Simonis Schardii Basil. 1574. ubi hunc titulum præfixum habet: *de nominibus propriis Germanorum opusculum Studiosi Antiquitatis*. Idem titulus & in Schardii Redivivi T. I. mansit. Ultimo cum notis Gosfridi Wagneri, Theologi jam Regiomontani, excusus est. Totum vero hunc B. Lutheri libellum passim interpolatum, mutatoque saltem ordine, insigni plagio RUD. GOELENII *Lexico suo Philosophico* inseruit, ne verbulo quidem ejus mentione facta; cum tamen plurima Lutheri *ἀνωρύμωος* retinuisset: sed omnino suis miscet, & perperis ita se gerit, ut ex alieno labore hausta, ne divinando quidem, si nesciat, facile quisquam assequatur. Quapropter haud immerito Goelenium virgula percussit censoria *Thomasius de Plagio* §. 449. & 450. Idem, circa nomina propria Germanorum, virorum æque & mulierum, labor CONR. GESNERUM tenuit, qui, in catalogo Operum suorum, se aliquot illorum millia secundum terminationes disposita habere refert, atque ita de iis judicat: *apparet in singulis ferme certa aliqua significatio, ut vel omnis gratia, vel saltem non temere, sed certam ob causam, imposita videantur, sicut & apud Græcos fere*. Nihil enim anti-

quius

quint in nostra lingua, & unde, qualis ante multa secula fuerit, magis appareat, extare puto. Frilius, qui catalogum Gesneri suæ Bibliothecæ inseruit, addit, *Marcum Widlerum*, Tigurinum, id Opus, a Gesnero inchoatum, auxisse, ejusque editionem polliceri. Verum nihil ejus excusum est: uti nec absolutæ Gesneri Vocum Germanarum Origines, quas meditari se, l. c. sibi tamen ipsi diffusis, narrat.

Uti vero locum Taciti, libro de moribus Germanorum, Althamero & 6 Willichio de lingua Germanica nonnihil cogitandi occasionem dedisse modo diximus; quod idem supra de Phil. Cluverio relatum fuit; ita Matthias Berneggerus quoque ansam inde captavit Quæst. XI. in Tacitum simile argumentum tractandi. Sed & ille cum tot aliis e Græca linguæ Germanicæ etymologias aucupatur: quod præterea faciunt *Georgius Christoph. Peiskerus* in Indice pro Græcæ & Germanicæ linguæ analogia evulgato Lipsiæ 1685. in 12. latius id in Lexico Græco-Germanico-Analogico sese deducturum minatus: & *Job. Maria Bellini* in epistola ad celeberrimos Actorum Lipsiensium Collectores; cujus ipsi in Actis suis Anni 1686. p. 419. seq. mentionem faciunt; sed postremi inprimis hujus etymologiæ nimium duræ coactæque sunt, quam ut assensum facile reperire possint.

Imo vero omnibus, si vel maxime Rigaltii, Meursii, Vossii, Cangii, aliaque magna nomina communi opinioni, seu errori potius, accedant, auctæter olim jam occursum abs me non disiteor, neque nunc sane ejus me opinionis prænituit. Inter alios, qui mecum in ea sententia conspirant, *JOH. CLAUBERGII* est, in *Arte Etymologica Teutonum e Philosophiæ fontibus derivata*; editaque *Dugsburgi* 1663. in 8. Exiguus ille liber est, & breves tantummodo 22. regulas complectens; quas promullidis loco magno Operi *de Causis Linguae Germanicæ*, quod moliebatur, vir doctissimus, præmisit; at vero tam doctus ille, tamque in crisi, quam adhibet, *argens*, ut cum Scaligeri, Vossii Sanctiive circa Latinam linguam laboribus componi posse alibi haud immerito a nobis assertum sit, ubi & excerptas regulas istas damus.

De cetero Grammatica nostræ linguæ accurata, quæ sufficere animo harum 7 rerum avido possit, inter desiderata magis nostra, quam inter ea quæ habemus, ponenda est. Congessit quidem *Magnum Opus Grammaticum* *JUSTUS GEORGIUS SCHOTTELIUS*, cui præmisit Panegyricos in laudem Linguæ Germanicæ scriptos; addiditque Lexicon Etymologicum (*Bruusvigæ* An. 1653. in 4. maj.) sed vehementer sæpe in vocum derivatione fallitur. Inter optimas Germanas Grammaticas numerari meret *Job. Claji*, edita Jenæ 1651. in 12. Præterea non contemnendum est, multaue continet notatu digna *Specimen Philologiæ Germanicæ* a *Georg. Phil. Harsdörffero* scriptum Norib. 1646. in 12. Aliud *Specimen Observationum in Linguam vernaculam* publicavit Colon. Brandeb. 1669. in 12. *Job. Vorstius*. De Dialectis linguæ Germanicæ *Gasp. Scioppius* in Consultationibus egit. Consult. II, p. 28. & seq. Verum

Verum, uti hæc omnia magis cæpta quam perfecta sunt; ita quid de iis aliorumque similibus laboribus judicemus, in allegato sæpius nostro de Lingua Germanica commentario fuscè indicatum est.

- 8 Quod Lexica concernit; illorum, quæ alicujus momenti sint, admodum exiguus certe numerus est. Antiqua enumeravi. Jam superiore sæculo bene meruit de Germana lingua CORNELIUS KILIANUS, edito lingua Belgica *Etymologico Teutonice lingua*, quod multoties recusum, atque a Lipsio, aliisque viris eruditis, magni æstimatum, tandem sub titulo *Kiliani Aucti* misere truncatum est, ut indignabundus quiriratur in præfatione ad Notas suas in Willeramum Fr. Junius. Nostro ævo MARQUARDUS FREHERUS *Lexicon Etymologicum* magnum meditatus est; ut & *Ὀνομασθέν* seu de Nominibus propriis Alemannorum, prout in ejus vita Melch. Adami testatur. Verum nihil horum in lucem prodiit. Uti nec a Franc. Pirtheo quicquam, quem in Glossariis Germanorum antiquis habilem inprimis esse, multumque tempus trivisse, Scaliger in Excerptis Scal. pag. 95. refert: optatque proin, ut Leges Longobardicas cum Glossario edat. Præfert vero illum Goldasto, cujus *Glossarium* T. I. Rerum Alemannicarum subnexum habemus. Utinam & haberemus Glossarium FRID. LINDENBROGII, de quo in Epist. 144. ad Gallos Jano Cordesio scribens Hugo Grotius ita: *Laborat nunc Lindenbrogius in concinnando Lexico veteris sermonis Germanici, & multa habet adjumenta, quæ nec Spehmannus, nec alii habuerunt. Erit id opus eruditis nec ingratum, nec inutile.* Sicuti vero vix quisquam aptior ad id operis Lindenbrogio fuisset; Viro in antiquis istiusmodi Glossariis versatissimo: ita maxime dolendum, intercidisse promissum id. Nam, quod MSS. ejusdem Glossarium in Hamburgensi bibliotheca hodieque servari ajunt; suspicor esse *Glossarium Latino-Theotiscum*, quod passim ipsemet allegat. (n) Unum, quod de illo habemus, Glossa-

- (n) Recte Morhofius conjeicit, falsum esse Rumorem de Frid. Lindenbrogii ipsius Glossario, sive *Lexico Veteris Sermonis Germanici* affecto, in Bibliotheca Hamburgensi etiamnum reliquo. Id quod mihi, qui omnia hujus MSSa sedulo olim excussi, eorumque Catalogum concinnavi, certo satis constat. Superfunt autem in illa, e Glossariis, quorum ope Laborem hunc est aggressus, Verustis, non solum Latino-Theotiscum illud Membranaceum, cujus Noster h. l. mentionem injicit, sed Bedæ etiam, sive Ælfrici, Glossaria duo Alphabetica, Latino-Anglo-Saxonicum & Anglo-Saxonico-Latinum, Liber Glossarum Hildori, Glossarium Latino-Saxonicum e Cod. Marci Velferi, & Theotiscum e Membris Francisci Pithoei transcriptum, ut alia ejusdem generis Scripta ἀδόκητα, ac Fragmenta quamplurima, taceam. Ceterum Jaëturam Operis Lindenbrogiani solatur Expectatio similis, quod Joh. Schilterus, JCrus Argentinenſis πολυμαθές, publice haud ita pridem promisit, *Glossarii ad Scriptores Lingue Francicæ & Alemannicæ Veteris, in quo Vocabula & Formule obsolecæ aut obscurioris significationis, aut usus varioris Alemannicæ & Francicæ imprimis, sed & Gothicæ, Anglo-Saxonicæ, Cimbricæ, Longobardicæ, ex Libris Verustissimis, tam editis, quam MSS. Legibus, Statutis, Chartis & Documentis, ad res divinas pariter & humanas perveniens, explicabuntur, Origines & varie Significationes regeantur; Leges, Mores & Antiquitates Teutonice recensentur & explanantur.*

Glossarium est *Codici Legum* ab eo edito subjunctum 1613. A. 1616. in lucem prodiiit GEORG. HENISCHII, viri docti, liber, *Thesaurus Linguae & Sapientiae Germanicae* inscriptus; atque utinam totus prodiiisset, usui haud contemnendo futurus: quippe qui omnia uniuscujusque vocis synonyma, derivata, phrasæ, composita, epitheta, proverbia, antithetaque, una exhibet studiose congesta. Verum non ultra partem primam, quæ litera H terminatur, perventum est. Mitto nunc affectum JOH. BERNH. ZINZERLINGII, Professoris Rostochiensis, *Lexicon*, quod concinno quidem ordine digestum, sed tamen immaturum ab Auctore praemature defuncto relictum est. Expectat adhuc nostra lingua Virum eruditum, qui dignam homine Germano atque docto operam eo animosius suscipiat, quo alacrius gentes alias, Gallos, Italos atque Anglos, certatim ad evolvendas suarum quamlibet linguarum origines concurrere videt.

Interea proderunt ad Germanicae illustrationem, praeter ea, quæ diximus, 9 ii etiam Auctores, qui de vocibus mixto-barbaris, terminis forensibus, barbaris, feudalibus, aliisque horum generum commentati sunt: quos inter G. JOH. VOSIUS, in *Tr. de Vitiis Latini Sermonis*; (quem doctissimus vir, nostræque, dum viveret, Germaniae decus, Thom. Reinesius infinitis in locis emendavit, interpolavit, auxit: servaturque istud exemplar cum libris Reinesianis reliquis in Cizensi Bibliotheca.) JOH. MEURSIUS, NIC. RICALTIVS in *Glossariis Graeco-Barbaris*; GODEFR. WENDELINUS in *Glossario Legum Salicarum*, Antverpiae edito 1649: HENR. SPELMANNUS in *Archæologia* Lond. 1626. GVIL. SOMNERUS in *Glossario Saxonico-Anglico* Oxon. 1659. CAROLUS du FRESNE in *Glossario Graeco-Latinoque*, & si qui alii hujus instituti libri sunt. Multa enim in iis continentur, quæ Germanicae originis sunt; falso licet ut plurimum e linguis aliis deducta.

Germanam ut in multis, praesertim in constructione, matrem agnoscit; ita se- 10 quatur nunc pressò pede LINGUA GALLICA, omnium, quotquot Europa habet, vulgarium cultissima nitidissimaque: & quæ ob ingentem bonorum librorum omnis generis apparatus, (praetereo enim nunc insertum ipsi linguae incomparabi-

Specimen Operis hujus Utilissimi, uti & duo alia editionum Paraphraseos IV. Evangeliorum Otfridi Weissenburgensis, & Translationis Psalmorum Notkeri Labeonis, Abbatis R. Galli, Monumentorum Linguae Germanicae antiquissimorum (quæ idem emendata, Latinisque Versionibus, Notis & Variis Lectionibus, illustrata, a se jubet expectari,) Anno jam 1698. Argentinae prodierunt. Vid. de iis Tenzelii *Dialogos Menstruos Germanicos*, M. Aug. A. 1698. p. 746-749. Linguae Saxonico-Cimbriæ (inter reliquas Germanicæ Veteris Dialectos, & puritate, & simplicitate mascula atque incorrupta, eminentis, proximeque ad Matrem accedentis) Glossarium expectamus a Gerh. Meyero, Theologo Civitatis patriæ Bremensis Erudito, quem, se Autorem atque Ergodictæ, Laborem hunc esse aggressum, illustris Leibnizius, in *Praefat. Tomi I. Access. Histor.* testatur.

parabilem nitorem,) non facile a quoquam viro docto, nedum Polyhistore, ignorari potest. Equidem elogia linguae hujus, ut a Germano homine conscribantur, opus non est, cum prolixa satis apud ipsosmet Gallos reperiantur. Jam suo tempore ANTONIUS VERDIERIUS, in *praefatione Bibliotheca* p. 23. verbosus in laudes suae vernaculae, illam nonnisi e lectissimis Graecae, Latinae, Italiae recentioris, aliarumque, si quae sint, celebriorum linguarum flosculis, non a vulgo hominum, sed eruditissimis Gallicae gentis viris adhibito insigni selectu constipatam credit: quos propterea miris encomiis extollit; Poetasque ac Oratores Gallos, Graecis & Latinis palmam dubiam reddere posse persuasus est. Haec & alia Verdierius superiore seculo non sine multis verborum ampullis jactitans, praecipuas tamen Gallicae linguae elegantias ignoravit. Quam in immensum enim ex illo tempore creverit linguae ejus nitor, nemo ignorat: & vel ex eo dijudicari potest, quod inter poetas primo loco Petrum Ronfardum laudat, quem tamen nonnisi rudem materiam & initium magni poetae Balzacius nominandum judicabat. Sed nec desuere securis temporibus linguae Gallicae sui encomistae: inprimis postquam incrementum celeberrima Academia Francica, auspiciis Richelii Cardinalis, erecta est. Atque ut e sexcentis unum nominemus: JOH. LABOURERIUS, Gallus nobilis, eo audaciae processit, ut Latinae suam linguam praefere libro peculiari non dubitaverit; prodiit libellus ille hoc titulo: *les Avantages de la Langue Francoise sur la Langue Latine, Paris. 1669. in 8.* studio Sam. Sorberii, Medici & Historiographi Regii procus. Additae in fine duae Slusii epistolae sunt, quibus linguae Latinae primatum contra Labourerium defendit, totidemque hujus responsiones; ab utroque enim Sorberius quasi arbiter ejus litris electus erat. Iniquum vero est, spurium matri pulcerrimae, ancillam dominae praeferre. Magisque propterea laudem merer ANONYMUS elegantissimi libelli auctor, qui *Histoire de la Bataille entre les Anciens & les Modernes* inscribitur, & non ita pridem lucem aspexit. Multa quidem ibi in laudem scriptorum Gallicorum dicuntur; sed non ita tamen, quin Graecis & Latinis Poetis ac Oratoribus praee Gallicis palma, ipsomet Apolline iudice, tribuatur. Quamquam in eo vicissim haud parum iniquus Auctor ille sit, quod Anglicam, nostramque Germanicam linguam, barbaris, (quae ipsi Suecica, Danica, Polonica, aliaeque sunt) accenser; suam vero simul ignorantiam indicio manifesto prodens. Ut autem ad Labourerium revertamur: is inter alia documenta, quae adstruere suam opinionem vult, Horatianam quoque Oden apponit, ejusque una translationem a celebri poeta Gallo factam, ut sic e comparatione appareat, quantum Gallico Latinus sermo concedat. Enimvero recte Isaacus Vossius, *lib. de Viribus Rhythmi* p. 36. & 39. longe aliud sentit, & judicio Viri ingeniosissimi, ut vocat, minime acquiescere potest. Certe levia ejus, & tantum non futilia argumenta sunt, jureque iis istud laudati Vossii ep. 47. opponas: *Quanto melius Romani, qui, licet gloriae suae studiosissimi essent, nunquam tamen suam cum Graeca ausi sunt committere linguam: quin potius eam propemodum barbaram esse affirmant, si cum hujus sermonis splendore & elegantia conferatur.* Etiam, qui florentissimis vivere tempori-

bus;

bus, sufficere sibi hanc laudem testantur, si non ut amula, sed ut discipuli Græcæ linguæ haberetur Latina.

Uti vero idipsum sua de lingua in oppositione ad Latinam Gallorum plurimi agnoscunt fatenturque; ita circa origines atque etymologiam ejus minus inter se consentire deprehenduntur. E Græcia perendum linguæ Gallicæ ortum jam olim libris V. de prisca Celtopædia Paris. 1556. editis JOH. PICARDUS, TOUTREVIANUS, contendit, qui & lingua & philosophia vicinos Græcis Gallos existimat. Idem Vir doctissimus, HENR. STEPHANUS, peculiari Gallico tractatu evincere annisus est: *de la Conformité du langage François avec le Grec*, Paris. 1610. (quæ tamen prima editio non est). Et inprimis coævus Picardo JOACH. PERONIUS magno conatu idem argumentum tractavit, ediditque Paris. 1555. in 8. *Dialogorum libros IV. de linguæ Gallicæ origine, ejusque cum Græca cognatione*. Vicissim vero jam olim huic opinioni, quæ omni probabilitate caret, a Viris doctis occursum est. Frustra laborant, ait Scaliger in Primis Scalig. p. 99. Peronius, H. Stephanus, & alii, in Gallicæ linguæ ex Græca repetenda origine, ac utriusque cognatione probanda, quasi res ita se haberet: cum certissimum sit, & hanc, & Hispanam Italamque, a Romana Italaque, corrupta fluxisse. Hinc non mirum, si sapissime ineptiant in suis etymologiis frigidissimis: ut vel ex hoc uno Peronii exemplo patet, qui maison deducit a Græco οἶκος, cum sine dubio originem trahat a mansione. Sic recte omnino Scaliger, cui Casp. Barthium quoque addo, qui in suis *Adversariis* locis aliquot mentionem hujus controversiæ facit, Lib. XIII. cap. 4. Picardum sibi confutandum sumit: eoque ait omnia deduci posse; Teutonismum, Latinismumque singulas fere voces & modos loquendi universos dedisse hodierno Gallicismo. Propius adhuc istud lib. XLIII. c. 20. tangit: ubi vocum nonnullarum e Latinis in semi-barbaras, & ex his semi-veteribus in hodiernas Gallicas deformationem haud infeliciter tentat. Aliud tamen de prisca Celtarum lingua statuit, quam interiisse penitus & abolitam ægre fert: nisi quod e monumentis, quæ hic illic sparsim apud Auctores adhuc supersunt, corrupta tamen uno fato omnia aut mutata, colligit, illam cum veteri Germanica insignem cognationem habuisse, lib. XL. c. 17. Quemadmodum & lib. XLVI. c. 1. Germaniæ gentem atque nomen Francorum, contra Turnebum, docte atque strenue vindicat, consentientem Joh. Isaac. Pontanum in Originibus Francicis, allegans libro, ut ait, *adco docto, adeoque acuto, ut nihil clarius & instructius hujus generis extare existimem, aut ab alio quorum possit in medium proferri*: (longe aliud, ut hoc *ὡς ἐν παροῶν* addam, statuerit Menagio, cui in epist. nuncupatoria suarum Orig. Gall. Pontani Origines Becanianis non videntur multum saniores.) Caroli M. linguam patriam Germanam puram putam fuisse idem Barthius lib. XXII. c. 6. probat: per barbaram vero, quam linguæ Francicæ ante Carolum immistam Walaf. Strabo auctor est, Gothicam, vel e Vandalorum Hunnorumque reliquiis corruptam, indigitari suspicatur.

MARCI ZUERII BOXHORNII *Origines Gallicæ* supra jam memoratæ sunt: ut 12 adeo nunc earum mentionem brevibus denuo innuisse magis, quam fecisse, sufficiat.

CAROLUS du FRESNE *breve Etymologicon vocabulorum linguae Gallicae* Glossario suo Græco subjunxit: quod tamen magis indicis vicem præstat, remittitque semper ad utrumque Glossarium, in quibus fuscè simul originationes istæ deducuntur. ÆGIDIUS MENAGIUS, Vir dudum orbi erudito e scriptis variis notissimus, dudumque immortalitatis famam adeptus, in hoc etiam circa suam linguam genere eruditionis quantum valeat, ostensurus, *Origines Linguae Gallicae: les Origines de la Langue Française: Paris. 1650.* in 4. edidit nuncupavitque Puteano. In Epistola nuncupatoria postquam eos, qui Latine Linguae origines explicarunt, antiquos pariter & recentiores non sine addita crisi, recensuisset: Gallorum, quotquot sua de vernacula prodierunt, labores ne quidem verisimiles censet. Verba ejus apponam, ut simul de viris doctis, qui ad argumentum ante Menagium attingere, constet. *Les Origines Françaises de Bude, de Bayf, de Henry Etienne, de Nicod. de Perionius, de Sylvius, de Picard, de Tripault, de Gnischard, de Pasquier, ne sont pas seulement vraisemblables: & on peut dire avec vérité, que les etymologies jusqu'icy ont été l'écueil de tous ceux, qui en ont écrit.* Addi his a Menagio enarratis Auctoribus CLAUD. FAUCHETUS potest, Præses Curiae Monetalis apud Parisios: qui superiore seculo similem librum edidit: nimirum *Recueil de l'Origine de Langue Française, Ryme, & Romans*, e quo Verdieus locis aliquot suæ Bibliothecæ nonnulla excerpit non contemnenda. Requirit vero Menagius ab eo, qui cum successu versari isto in negotio vult, omnium prope, non Europæ solum, sed & Asiæ, linguarum cognitionem, aliaque quamplurima, quæ sibi etiam deesse magnam partem non negat. Laudat vero præcipuum adiutorem suum atque impulsorem operis, FRANC. GVIETUM, cui & origines infinitas, & modum eas per analogiam quaerendi, se debere gratus agnoscit. Multum præterea se adiutum addit a Puteano, Hadr. Valetio, Nubleo, Sarasino, Salmonero, Bocharro, Launoyo, Launaco, Doujatio: ut a tantis nominibus non possis nisi selectissima expectare. Et sane rebus etiam ac etymologiis elegantioribus plenus liber est. Sed patitur tamen suos quoque manes Menagius: &, ob imperitiam linguae Germanicæ, quam cum omnibus suis dialectis ob immensam vocum, quæ e Germania in Galliam transmigrarunt, copiam pernoscentiam evoluturo Gallicas origines ipse faterur: in etymologiis haud raro habitur. Sarrauius, qui recens e prælo Opus in Sueciam Christianæ Reginae & I. Vossio misit, ita ad hunc in Epistolis p. 315. *hic habes linguae nostræ origines, collectore & editore Menagio: cuius votum est, tantum scire, quantum scit ejus liber.* — Multa adduntur in secunda editione, de qua jam cogitatur. In tam vasto quippe argumento semper suppetet scribendi materia, & possit quilibet symbolam conferre. Quid iudicavit de lectis his Originibus Regina Sueciæ, legi in Sorberianis potest, p. 138. ubi in hunc modum illa jocatur. *Certainement M. Menage est un tres-sçavant & tres-honnête personnage: mais il est le plus incommode du monde: il ne sçauroit laisser passer le moindre mot sans son passeport; il veut sçavoir d'où il vient, & où il va.* Ceterum, si Sorberium ipsi sumer audis, de Menagianis originibus magna tibi promittere non potes, quippe quæ rumori faciendo potius, quam serio juvandis disciplinis, ut omnia ejus viri tentata sunt.

Erat

Erat enim homo laudis sitibundus, genii non magni, sed labore improbo, immiscens se viduorum ingeniorum ludis, quorumvis eruditorum imitabundus: neque tamen feliciter: cum in ejus libris multum quidem variae lectionis, sed parum ratiocinii invenitur. Ita quidem Sorberius, qui quamvis unica veritati litasse videri velir, non satis tamen ab affectuum intemperie purgatum animum, sed ea potius infectum, ostendit: pertinereque ad eos Menagii criminatores, a quibus se ipse in Anti-Baillietto vindicat. Secunda illa Originum Menagianarum editio, quam, cum prima vix prodiiisset, ab Auctore paratam ipse & Sartavius reslantur, demum post fera Menagii lucem publicam aspexit, sed tam multis tamque magnis accessionibus locupletata, ut priori nonnisi rudimenta posterioris absolvisse credendus sit. Curam editionis in se Simon de Val-Hebert suscepit, emisitque hoc titulo: *Dictionnaire Etymologique; ou Origines de la L. Fr. &c. Paris. 1694. fol.* Luculentam huic editioni Bernierius Jesuita Dissertationem præfixit, in qua non solum a malevolorum cavillis strenue Menagianam eruditionem, ingenium, samam, & laborem in fruendo Etymologico, vindicatum ir: sed & generatim de præstantia librorum hujus generis agit. Etymologica omnium prope gentium percerit: eorum antiquitatem e verustissimis temporibus, longoque sæculorum usu, eruit: utilitatem in omni scientiarum genere commonstrat: & ipsius quoque artis etymologicæ principia proponit.

Neque quid nitidissimæ editioni deesset, adjecit insuper Val-Hebertus PÉTRI CASANOYE (Mr. de Caseneuve) *Origines*: quarum expectationem haud exiguum scriptor Vitæ ejus, Bern. Medonius, Nic. Heinsio nuncupatæ, his verbis jam olim excitaverat: *Lingua Gallica Origines, opus summo acumine, ingenio, & multorum annorum emendationibus, climatum ad finem usque perduxerat: quo sine dubio explevisset omnium expectationem, si ullis amicorum aut rationibus, aut precibus, adduci potuisset, ut mature typis mandaretur.* Atqui solitus erat, hos ingenii sui sætus ultra maturitatem fovere. Idem prorsus cum Medonio de Casanova judicasse Menagius ipse deprehenditur; qui, in præfatione primæ suarum Originum editionis, & magni se ceteros viri ejus labores æstimare ait; &, si de illius Originibus quicquam re adhuc integra inaudivisset, suo se incepto destitutum fuisse fidem facit.

Neque vero solum de Etymologiis Gallicis bene mereri Menagius decrevit: 13 sed & de iis, quæ Grammaticen, constructionem & elegantias, attinent, quam in rem *Origines Proverbialem* apud Gallos locutionum meditabatur. Has vero cum non dedisset, dedit tamen orbi literato suas in Malherbam, Gallorum poetarum, ipso iudice, principem, *Notas una cum ipso Poëtæ textu Paris. 1668. in 8.* quæ vel propterea commendandæ sunt, quod varia ad Historiam literariam pertinentia una immiscet. Molitus, ut in præfatione refert, adhuc juvenis illas notas erat: primitias suarum lucubrationum daturus: sed a viro quodam docto monitus distulit: communicavit interim multas Observationum suarum cum *Vaugelasio*: cujus Observationes *Remarques sur la Langue Française* adeo celebres, toriesque recusæ sunt, ut

anonymus quidam Gallus auctor in libro, quem inscripsit: *Nouvelles Observations, ou Guerre civile des François sur la Langue Paris. 1668.* Menagium, Vaugelasium, & quem iis addit, Jesuitam Bouhoursium, æque rigidum & inexorabile iudicium circa suam linguam exercere perhibeat, ac apud inferos Minos, Æacus & Rhadamanthus, exercere olim crediti sunt. (Diceret, rigidiorum tamen adhuc, magisque inexorabilem, *Academiæ Francicæ* Parisiensem: quæ ut ANTONIO FURETERIO, socio quondam suo, sed expulso: licentiam emittendi *Lexicon Universale* non invideret impediretve, permoveri nullis rationibus, nullis quoque satyris, potuit. Notæ sunt illæ lites, nec hoc loco repeti opus habent. Prodiit tandem, post ingentem plurium annorum digladiationem, & post sævum grammaticale bellum, Roterodami apud Batavos, cum in Gallia bibliopolam non reperiret, *Lexicon Universale Antonii Fureterii; omnes Gallicas voces, antiquas ac recentiores, cum terminis quarundam artium & scientiarum, evolvens, An. 1690.* ubi tamen per antiquas voces non veteres Francicæ Celticæve indigitantur; sed, quæ præterlapsis postremis solum sæculis usurpatæ, nunc in desuetudinem abierunt. Ex quo autem impressum publice Fureterii paulo ante impressionem defuncti opus est; Francica Academia in perficiendo simili sæctu, quem ultra 50. annos ingenti parturitione gestarat, non cessavit: ediditque tandem illum Paris. 1695. spissis duobus voluminibus comprehensum. Quamquam vero miris ex eo tempore laudum cumulis a panegyrista quodam vel onerata, vel ornata, Francica Academia sit: non tamen vicissim defuit, qui sub titulo *L'Apotéose du Dictionnaire de l'Académie Française* nuperrime barbarissimos, falsas vocum evolutiones, aliaque istiusmodi, partim in epistola Lexici nuncupatoria ad Regem, partim in ipso Opere, repertiunda falsè perstrinxit.) Mitto nunc tot aliorum Dictionaria; quæ magno quidem numero affluxere; sed ut plurimum non magni momenti sunt: cui rei Menagius *Supplicem Libellum Dictionarium Gallicorum* a se editum, & in Anti-Bailletto vindicatum, aptavit. Certatum quoque inter Gallos de lingua sua sæpius præter rem, & de lana caprina litem inter Grammaticos eorum motam nemo negaverit; nisi qui phrasæ multas commendari ab hoc, & inter elegantissimas reponi, ignoret, quas alter non ut inelegantes solum rejicit, sed & ut barbaras proscribit. Næ faciunt quandoque intelligendo, ut nihil intelligant. Habet nimirum lingua Gallica suos Criticos, uti doctos, ita insulos etiam & ineptos homines, æque ac Germanica nostra, cui a novis grammaticastris adeo facies sæpe defcedata est; ut Slavonica potius, quam Germanica, videatur. Auctores, qui ad puritatem linguæ Gallicæ aliquid contulere, studiose enarrat peculiari capite *Sorellus in Bibliotheca Gallica*, & annectit iudicia.

- 14 Unum addimus tot Gallis Anglum, JACOBUM HOWELIUM, qui *Epistolarum familiar. volum. IV. ep. 19.* prolixè de ortu, de mutatione ac variatione lingue Gallicæ, disquirat. Ortum e Britannia derivare vult, quia detur multorum veteris Britannicæ Gallicæque linguæ verborum manifesta cognatio: quia *Gallia*, nomen regionis, idem quod Britannorum *Wallia* sit: quia juncta olim fuerint ultimo regna

gna Galliae & Britanniae, quae nunc freto a se invicem divelluntur: quia frequens olim Gallorum in Britanniam iter, ut a Druidibus instruerentur, quod sine cognitione linguae Britannicae fieri non poterat: & quae alia habet vir doctus argumenta parum utique firma, nisi Celticam antiquam (quam a Romanis rerum dominis plane apud Gallos extinctam vult) & Britannicam veterem ex una Scytharum lingua ortas, adeoque ea ratione cognatas inter se, arbitretur. Docte vero eadem epistola de expolitione linguae Gallicae, de variis ejus dialectis & proverbiiis, agit: inter alia celeberrimum istud lemma equitum perisclididis: *Homy soit, qui mal y pense*; ita explicat, ut a maculatis infantum fasciis metaphoram esse deductam, & in malevolos dieterio applicatam, arbitretur. E Germanis JOH. HENR. OTTIUS in *Franco-Gallia* sua Gallicarum vocum e Germanis ortarum originem tradere aggressus est.

Grammaticas Gallorum non recensere, cum infinitae propemodum sint, & 15 quae prae ceteris emineant ubivis notae. Exactissimam parat adhuc Academia. Multo minus de librorum ea lingua scriptorum ingenti copia quisquam dubitat: cum jam superiore seculo magnum in folio volumen meris Gallicorum Auctorum librorumque recensitionibus adimplerit diligentissimus *Antonius Verdierius*, nempe *Bibliothecam* suam, Lugduni 1585. editam. Cui successit Claud. Sorellus, & ipse talis Bibliothecae Auctor, ut & Franc. Grudeus Crucimanius (de la Croix du Maine) sive de Cruce Cenomanensi: de quibus omnibus vid. *T. I. Polyhist. lib. 1. c. 18. §§. 21. 22. 23. 25.* Posset tamen adhuc altero tomo minimum augeri Verderianus Sorellique labor, neque sic omnes recenserentur. De Poëtis infra mentio recurret. Politioris ingenii sterus plurimos ea lingua tulit, debita sane laude non fraudandos, modo non intolerandus tumor bona nonnullorum ingenia fœderat. Solos se homines, se solos ingenio praeditos, ridicula saepe ostentatione jactitant: (o) cum haud raro videas delicatulos nodum in scirpo quaerere: & cum plurima magno strepitu locuti sunt, nihil vel parum dicere. Certe non adeo obefae naris, vervecum ex patria, crasseve sub aëre nati, fumus Germani (vel quaecunque demum illi nobis convitia impingant,) quin fumum vendi ab iis saepius, & praeter vocabula vix quicquam rei in ipsismet censorum rigidiorum scriptis occurrere, animadvertamus. Sed haec obiter.

ITALICA LINGUA gravior aliquando & severior Gallica est, magno in 16 pretio ipsis Gallis. E Gothica, Germanica & Latina coaluit: Syntaxis plane Germanica est. Uti vero Galli Francicam suam Academiam excolendae linguae vernaculae destinata habent: ita jam ante hos Itali simile institutum tenere, viguitque inprimis apud illos (ut jam Humoristarum Romanam, & Intronatorum Siennensium Acade-

- (o) Scriptorum Galliae Modernorum Jactantiam, & Maledicentiam in Germanos, aliasque Gentes, esse Francem, juxta hanc ita pridem *παρρησια* castigavit Joh. Frid. Cramerus Consil. Erandenburgicus, in *Vindictis Nominis Germanici, contra quosdam Obrectatores Gallor, praefixis Solis Literis Nominis Initialibus* J. F. C. Berolini A. 1694. in fol. editis, ac eodem mox Anno, Amstelodami in 8vo recensis.

Academias taceamus) Florentinorum *Accademia della Crusca*, jam ante initium seculi hujus nostri clara: quippe cujus *Dictionarium*, seu, ut vocant, *Vocabularium* linguae suae jam 1592. in fol. *Venetis* primo lucem publicam aspexit: recentiore dein editione plus semel recusum. Quamquam non eo apud omnes applausu, ut auctores quidem speraverant, receptum est: sed a *Paulo Benio* tam strenue acriterque impugnatum, ut *Thomasinus* palmam *Benio* porrigendam judicaverit. Male *Benium* habuit, quod *Academici* debitis *Torquati Tassi* laudibus detraxisse viderentur: cujus vero ille poema de capta *Hierosolymorum* urbe tanti aestimat, ut *Homeri*, *Virgilique* laboribus anteferendum ducat. Verum de *Tasso* reliquisque Poëtis *Italici*, qui & multi & egregii sunt, in *Poëtico Polybistore* dicendum erit. Illud non ferendum, quod communi cum *Italici* *Gallisque* multis, sed & praepostero amore suae vernaculae abreptus *Benius* *Latinae* etiam & *Græcæ* linguam *Italiam* praeferre non erubescit. Non potest vana ista jactantia melius retundi, quam gravissimis rationibus, verbisque stomachabundis *Itali* doctrina & facundia praecellentis *Hier. Rorarii*, qui in tractatu, *Quod bruta melius ratione utantur homine*, lib. II. p. 32. postquam *lusciniæ* singulari sui cantus excellentia contentas reliquos contemnere memorasset, subdit: *Quanto rationis capaciores, quam nostration nonnulli, qui vernaculam linguam, vere vernaculam, a vernis Gothicis & Vandalis ortam, Latinae praeferre audent, cujus majestate amissum orbis imperium, ob eam unam non de possessione penitus dejectis adhuc retinente.* Hinc vilem redditurus linguam *Italicam*, cum *Gallos*, *Hispanos*, *Germanos*, *Turcas* irruentes, clademque *Italiae* inferentes, ei originem dedisse, narrasset: *I nunc, ait, & te Romanae stirpis propaginem jacta. Ab his nempe barbaris haec lingua, quam veluti filiolam exoscularis, originem hausit: qui, cum Latine loqui vellent, nec possent ejus excellentiam magis exprimere, quam sturni nostram solent, praeclaram istam, quam Latine (si Deo placet) anteponis, condidere.* Dignissima lectu sunt, quae sequuntur, quippe in quibus eloquentiam & poësin veterum cum *Itala* recentiore confert, rum horum objectionibus satisfacit, exclamatque tandem: *Herce non possum me continere, cum videam Latini sermonis candorem, & quasi sacramentum quoddam, quod per tot secula tam sancte, tam religiose custoditur, apud peregrinos, apud barbaros, apud hostes: a media in Italia natis non pollui modo, verum etiam aboleri, non ob aliud, quam ob imperitiam, & quod vel ad minimam eloquentiae partem ascendere posse desperant.* Qui ergo *Latinus* sermo barbaras gentes liberalibus artibus ditavit; qui leges docuit, mores instituit, viam ad omnem sapientiam movit: quem ipse barbari tanquam Deum de caelo delapsum suspiciunt, ac venerantur, quod illo duce videant se in media barbarie natos sic erudiri, ut non amplius barbari dicantur: hunc *Itali*, ejus alumni, pravo judicio, insipido gustu, ferro, igne, quacunque vi, persequentes extinguere conabuntur.

DI prohibete minas: DI talem avertite casum!

Non piguit ista paulo prolixius referre: non, ac si penitus *Italiam* damnaremus linguam, quam potius magni aestimamus, fatemurque adeo, in scriptoribus *Italici* acuminis magis, quam verbis inaniter sonantibus, studere; praestantesque plurimos illorum

rum Oratores proflare: sed ut justus matri Latinae honos constet; & perversus seculi novaturientis pruritus valeat abeatque.

Origines linguæ Italianæ, æque ac maternæ Gallicæ, scripsit ÆGIDIUS MENAGIUS, quarum editio postrema, Genævæ in fol. 1635. prodiit. Scriptas eas ab Auctore solum, ut in Italia inclaresceret, cum Sorberio asserere temerarium foret: neque diffitendum tamen est, in multis illum, ob ignorantiam Germanicæ linguæ, falli. Scripsit alias idem Vir doctissimus in Casam & Tassum, poetas Italos: sed de quibus alibi. *Origines linguæ hujus alias* Oët. Ferrarius Patavii 1672. in fol. orbi erudito dedit: sed quas non vidi: uti nec *Origines Italianas Monosini*, quas Menagius allegat. Primus ferme, qui magnam famam claritatemque linguæ Italianæ attulit, FRANCISCUS ALUNNUS, Ferrariensis, est, ediro duplici fœtu bene meritus: quorum prior Dictionarium est, hoc lemma: *Le Ricchezze della lingua vulgare Venet.* 1551. alter inscribitur *la Fabrica del Mondo; nella quale si trovano le voci del Dante, del Petrarca, del Boccacci &c.* Venet. 1562. Jac. Gaddius, de Scriptoribus Non Ecclesiast. T. I. p. 24. tertium quoque librum ejus viri addit *Osservatione sopra il Petrarca*. Reliquos, qui bene de Italica lingua meruere, non memoro, biga solum excepta Virorum, qui maxime in soluta ejus linguæ oratione excelluerunt. Unus illorum BENE-DICTUS FLORETTUS est, quem Erythræus *Pinacoth. II. p. 106.* refert, in cognoscendis funditusque percipiendis Etruscæ linguæ divitiis, omnes fere nervos ætatis industriæque suæ consummis: usque adeo, ut ad Cruseani lexici marginem, quo utebatur, multa perperam dicta correxerit, multa etiam nova atque egregia addiderit. Hinc ei libro tantus honor est habitus, ut e multis Viris illustribus atque summis expetitus tandem Joh. Carolo Mediceo, Ferdinandi Hetruriæ Ducis germano, cederet: qui thesaurum se accepisse ratus omni custodiæ subjecit. Major tamen adhuc gloria est AUGUSTINI MASCARDI, cujus dignitatem eloquii, summamque in Hetrusca lingua dicendi peritiam, Tullianæ Latinae comparandam censuit idem Janus Nic. Erythræus *Pinacoth. I. p. 112.* Verba hæc sunt, postquam a variarum rerum insigni peritia commendasset Mascardum. *Verum omnium in se oculos Hetrusci sermonis imprimis novitate convertit; qui sermo ita ejus est proprius, ut, quemadmodum a Marco Tullio Tullianum, a Salustio Salustianum dicendi genus, est ortum, ita etiam a peculiari ipsius dicendi scribendique ratione novum genus, Mascardio nomine, deducatur. Et enim in hujus orationem omnes virtutes conveniunt, quæ cadere in summam ac perfectam eloquentiam possunt; est enim translatis frequens, sententiis celebris, verborum luminibus splendida, compositione suavis: majestate sublimis, sine arrogantia gravis, sine vanitatis suspitione elata, sine cincinnis, suoque puerili ornata atque composita.* Hæc Erythræus, qui in sequentibus actionem quoque in eo viro summi Oratoris fuisse docet. Ceteros, uti dictum, Oratores Auctoresque Italos nunc præterimus: quos in omni scientiarum genere egregios abunde produisse nos non latet. Atque utinam, ad Gallorum exemplum, omnium eorum catalogus uno volumine comprehensus proflaret? Nimis enim exigua est ANT. FRANC. DONII Florentini, *Bibliotheca Italica*, scriptoribus atque translationibus Italis recensendis dicata equidem, sed longe impar. Prodiit Venet. 1550. in 12. multoties repetita. Grande opus. Bibliothecæ Historicæ Italianæ, refe-

Tomus I.

D d d d d

rente

rente Labbeo, *Raphael Triquetur*, Traxineus, moliebatur; sed nihil dedit. Parabat & Opus tale ANT. VERDIERIUS, supra laudatus: jamque maturandæ editionis ejus, in præfatione ad supplementum suum Gæmæricum, spem fecit his verbis: *Scito, lector, me nunc amplissimam scriptorum Italicorum nomenclaturam apparare, in qua diffuse, quos libros singuli eo sermone conscripserint, aperio: argumento quin etiam sepiissime singulorum librorum explicato. Quod opus propediem, si Deus dederit, emittam: sicut enim Gallicam Bibliothecam nuper in vulgus protuli; ita non abs re mihi facturus videor, si & Italicam, ubi hominum ingenia florent, propter mirificum meum in eam linguam amorem, in studioforum gratiam & utilitatem emisero.* Eo magis vero dolendum est, conatum hunc omnem penitus intercidisse, quo majori videbatur diligentia Verdierius eam historiam pertractaturus. (De Neapolitanis Scriptoribus, tum qui ex eo regno vel urbe orri sunt, tum qui illuc se contulerunt, amplum Opus habemus NICOLAI TOPPII Patricii Theatini & J. U. D. in II. Partes distinctum excusumque in fol. Neapoli A. 1678. hoc titulo: *Biblioteca Napoletana, & Apparato à gli Huomini Illustri in Lettere di Napoli, è del Regno; delle famiglie della città & religione, che sono nello stesso regno: delle loro origini per tutto l'anno 1678.* Prolixe ibi de Auctorum notitia adductis quoque aliorum scriptorum testimoniis & elogiis agitur; recensentur scripta non Italica solum, sed & Latina; adduntur quandoque epitaphia, & alia hujus generis studiose admodum colliguntur. Cum vero, ut in istiusmodi scriptionibus solet, multa adhuc deesse viderentur, supplementum Toppii *Addizioni Copiose* adornavit an. 1683. in fol. ibid. editum *Leonardus Nicodemus*: qui & Auctores plurimos addit, & Auctorum Toppio memoratorum scripta, quæ ille ignoravit. Uterque ordinem alphabeticum observat, & adeo veteres non negligunt, ut & Pythagoras apud Toppium compareat, quia Crotonæ obiit, & Cassiodorus alique apud Nicodemum.)

- 18 Non adeo multum ab Italica lingua differt LINGUA HISPANICA, quam & inter eas, quæ e Latina ortæ sunt, matri proximam Barthius judicavit. Multa vulgo de illius majestate ab Hispanis creduntur, adeo, ut in proverbium abierit, *cum Deo Hispanice ob majestatem esse loquendum.* Orta vero una maxime e Gothicæ cum Latina commixtione est, &, quem esse genium Gothici idiomatis Baco de Verulamio observavit, lenes in aspiratas ut plurimum mediasve mutat. *Origines lingua Hispanica* a COVARRUVIA scriptas allegat atque spernit, in præfatione suarum *Originum Gall. Menagius*. Alias adornavit Romæ 1606. BERN. ALDRETE hoc titulo: *Origen, y principio de la lengua Castellana*: in 4. Habemus & ejusdem Auctoris *Antiquitates Hispanicas & Africanas*, Castellano sermone Antwerpiae 1614. in 4. editas, quæ multas multarum vocum Hispanicarum origines simul pandunt. Libri cetera Hispanis nec pauci, nec justa, aut exquisita etiam, eruditione destituti, scribuntur; cum ipsa regio, uti post alios Erythræus refert *Pinacoth. III. p. 163.* magna cæli salubritate, puritateque spirituum, apros præcipue suos incolæ reddat, ingeneret una laborem, patientiam & sollicitudinem, ut non in theologia minus, quam bonis artibus excellent. Verum raro admodum ad nos isti libri perveniunt. Theologi supra modum scholasticæ philosophiæ addicti sunt. Politici & Poetæ laudem merent: ut alibi ostendetur.

Restat

Restat adhuc ex Europæis vulgaribus **LINGUA ANGLICA**, quæ tamen ¹⁹ non propterea ultimo, si dignitatem spectes & necessitatem, loco ponenda est; imo potius ob quamplurima scripta Theologica, non practica minus, quam quæ scientiam pariunt, & Ecclesiasticas antiquitates mire illustant: tum & philosophica, præsertim physica, quorum major est ibi, quam apud ullas alias gentes, copia, inprimis tenenda est. Ut nunc Historicos civiles libros, & ingenii elegantioris fœtus, quæ se mutuo certatim exercent Angli, taceam. Fundamentum illius linguæ, & quasi solum lingua Saxonica est, unde & hodieque Anglo-Saxonica vocatur: quæ amplius quidem publica non est, sed qua leges patriæ & antiqua monumenta plurima conscripta sunt, quorum multa Speelmannus, Seldenus, aliique, edidere. De harmonia linguæ Anglicæ veterisque Saxonicæ peculiare schediasma scripsit Thom. Brown, quod inter Opera ejus Anglo idiomate Lond. 1686. excusa prodit. Sed vero miscentur cum ista veteri Saxonica multæ Britannorum veterum voces, multa Latina, Græca, Danica, Gallica, quæ pro lubitu illis levi mutatione fiunt Anglicæ, de quibus mutationibus, earumque causis, doctè agit in præfatione Lexici sui *Wassus*: & *Joh. Wallisius* in præfatione *Grammaticæ suæ Anglicanæ*, quæ compendiosissima & fere optima est, proditque 1664. in 8. quamplurimis inde locis & annis repetita. De excellentia linguæ Anglicæ in *Guil. Cambdeni* libro, qui inscribitur *Remains* (i. e. *Reliquiæ*) reperitur aliquid, ut in ejus *Britannia* sparsim linguæ Origines quoque attinguntur, Lexicographi apud illos plurimi sunt: *Joh. Minshew*, cujus *Dictionary Hispano-Anglicum & Anglo-Hispanum* Londini 1623. excusum circa vocum origines nonnunquam curiosius exspatiatur: *Thomas Thomaſius*, a quo *Dictionary Latino-Anglicum, & Anglo-Latinum*, Lond. 1615. editum habemus: præterea *Wassus*, *Riderus*, *Gouldmannus*, *Coleſius*, aliique. Poetas Anglos, contra Sorberium Gallos nimis extollentem, vindicavit *Thomas Spraat*, non minus eleganter, quam doctè, in Observationibus ad scriptum Sorberii Anglo sermone procusis. Idem argumentum celeberrimus Anglorum Dramaticus, *Joh. Dryden*, tractavit in libro cui titulus: *An Essay of Dramatik Poesy*, Lond. 1668. in 4. vulgato. Et sane, ut, in Epico Carminum genere, *Joh. Milton* insignis poemata *The Paradise Lost* Gallos omnes in epicis infeliciores longo post se intervallo reliquit: ita & Drydeni aliorumque nonnullorum Dramata palmam iis si non prærripere, profecto admodum dubiam reddere, possunt. Enimvero hæc hujus loci non sunt, sed in alium differenda. (p)

Ddd dd 2

GAP.

(p) Ducentos Poetas Gentis Anglicæ celebriores, tum Vernaculos, tum Latinos, qui a Guilhelmi Conquestoris ævo, ad Jacobi usque II. Imperium, floruerunt, Guilh. Winstanley peculiari celebravit Libro Anglo (*The Lives of the most famous English Poets*.) Londini A. 1687. in 8vo edito, & in *Actis eruatorum Lipsiensium* M. Oct. A. 1697. p. 577-580. recensito. Dramaticorum Angliæ Poetarum Vita & Characteres, a Langbainio inchoati, a Car. Hildono autem ad finem usque Sec. XVII. continuati, Vernaculo item Gentis illius Idiomate Londini A. 1699. in 8vo prodierunt. Vid. de iis Lipsiensis l. c. M. Sept. A. 1699. p. 424-427.

CAP. V.

DE

LINGUIS ORIENTALIBUS
ET COGNATIS.

- § 1. *Quantam sibi illarum peritiam, itineribus in ipsum Orientem susceptis, Georg. Gentius & Guilb. Postellus paraverint.* 2. *Lingua Hebraeae Characterum, Vocalium & Accentuum, Antiquitas inter Criticos controversa. Grammaticorum ejus in docenda illa Cacoethes, Mich. Neandri Erotemata Grammatica commendata. Cosp. Scioppii, in Diatriba de ratione cam addiscendi, turpe plagium.* 3. *Doctrinae Accentuum Hebraeorum Scriptores.* 4. *Lexicographi Hebraei.* 5. *Autores, qui Bibliothecas Scriptorum Hebraeorum, ac Rabbinicorum, deque rebus Hebraeis commentatorum, congregare. Nonnulla obiter de Judaismo Aristotelis scélitro inspersa.* 6. *Lingua Arabica in Vocibus Luxuries ac Facunditas, aliquot Exemplis & Testimoniis ostensa. Usus ejusdem multiplex. Peregrinatores per Orientem, alique Eruditi, qui MSSa Arabica, aliaque Orientalia, studiose collecta, in Europam invexerunt, celebrati. Herm. Conringius, ob iniquius de istis Judicium, notatus. De Versionibus & Lexicis Linguae Arabicae nonnulla.* 7. *Linguae Aegyptiae, seu Copticae, cum Graeca Cognatio. Ath. Kircheri in restituenda illa Labores. Er. Vindlingii de his Censura.* 8. *Linguae Punicæ Historumena Thome Reinesii. Fragmentum ejus insigne, in Plauti Pœnulo reliquum, a Philologis compluribus illustratum.* 9. *Linguae Persicae, cum Germanica Convenientia, a J. Lipsio, Job. Elicmanno & Sam. Bochario, demonstrata. Aetææ ejus a Guilb. Burtono collecta. Lexica potiora cœvendæ.*

Ex Europa tendimus nunc in ORIENTEM, non fuisse, quid de LINGUIS illius dici posset, inquisituri, sed pro instituti nostri ratione paucis delibaturi, quæ ab aliis operoso magnorum voluminum apparatu dicta sunt. Quemadmodum vero multum in omni genere studiorum prodesse linguarum Orientis peritiam facile omnium consensu constat: ita sunt, qui, earum flagrante cupidine incensi, orbem fere totum longis itineribus peragraverunt: ut eo promptiorem linguarum Asiæ Africæque sibi notitiam pararent. Est inter eos nomen haud incelebre GEORGII GENTII, cujus Historiam Judaicam, seu versionem libri Schephet Jebuda, Amstel. 1751. excusam, aliaque pauca, habemus. Is olim aulæ Saxonicae Electorali a ministeriis, studio linguarum orientis captus, munere abdicato Vienna Constantinopolim petiit, & hinc late Asiam omnem per complures annos emensus, rediit tandem in Bataviam, e Belgio Dresdam, linguarum omnium Medicæ-

Medicæque artis apprimè gnarus: ibi vero, cum & itineris diuturnitate ignotus esset omnibus factus, & morum inculta simplicitate nemini placere studeret, spreus in obscuro lauit, ab amico veteri, quem unum adhuc repperat, sustentatus: hoc autem defuncto, senex admodum & miser Berolinum abiit, ibidemque in summa pauperie, quam ostiatim petita stipe sublevabat, ferme præ senio delirus, fatis concessit, postquam ultra octuagesimum nostri seculi annum vitam protraxisset. Celebrior adhuc longè Gentio GVILIELMUS POSTELLUS superiore seculo fuit, & ipse per annos bene multos Asiæ Africæque hospes: quas more antiquorum philosophorum discendi causa peragravit. Linguarum adeo callens fuit, ut referente in Elogiis Teissierio, per universum orbem se sine interprete commeari posse jactarit. Edidit XII. *Linguarum characteres & legendi modum*: qui liber, Mich. Neandro in præfatione ad Eror. Ling. Ebrææ p. 11. referente, præceptiones Grammaticas XII. & Lexicon totidem linguarum continet: Hebrææ videlicet, Chaldaicæ veteris, Chaldaicæ recentioris, quam a transitu fluminis vocant, Samaritanæ, quæ prisca Hebraica est; Arabicæ vel Punicæ; Indicæ; Græcæ, Georgianæ, Tzeruianæ, Hieronymianæ vel Illyricæ, Armenicæ & Latine. Paris. 1538. Gesnerus in Bibliotheca fol. 292. dum hunc Postelli librum recenset, addit; in singulis illis (linguarum expositionibus) rarissimas Christianorum, in diversis orbis partibus agentium, historias haberi, quibus illæ linguae sint in sacrorum usu. Nihilominus, post tantum de tot linguis strepitum, Jos. Scaliger de Postello aliter sensit: Arabismi imperitiam illi impingens, quam, partim e familiari conversatione, eodem cubiculo per aliquot dies usus, deprehenderit, partim e versione Alcorani ostendi posse persuasus est. Sed nondum, ait; hebdomadem integram necum habitaverat, cum in carcerem conjectus fuit, homo, quem insania ab omni malitiæ suspitione vindicare poterat. Et qui aliter de eo judicant, longe decipiuntur. Hæc Scaliger Epist. 362. Plura de Postello non addimus, de quo jam alibi a nobis dictum: unum addo, qui variorum de illo varia testimonia collegit, Paulum Colomelium in Gallia Orientali p. 60. seqq. qui videri poterit. Nunc ad linguas.

Earum princeps HEBRAICA habetur: quanquam non desint, qui ejus primatum impugnent. De antiquitate linguae Hebrææ dictum jam supra. De characterem ejus, punctorum, vocalium, accentuumque antiquitate vel novitate inter criticos acriter disputatum est; quorum principes LUDOV. CAPPELLUS & JOH. BUXTORFFIUS, uterque suos asseclas habuit, qui litem hanc strenue resumserunt. Literarum, quales hodie sunt, quadratarum antiquitatem præter alia argumenta ex numorum veterum inscriptionibus vulgo impugnant: quo tamen argumentationis genere non usque adeo decidi rem, quin in adversam quoque partem ventilari posset, observat Vir in rei numariæ studio ante omnes alios laudem meritus EZECH. SPANHEMIUS *Dissert. II. de Præstantia & Usu Numism.* p. 66. ubi nonnulla de Samariticis & Hebræis characteribus e numis haurienda exponit. PETRUS LAMBECIUS in *Commentario de Bibl. Vindobon. lib. III. p. 55.* Codicem quen-

dam Cæsareæ Bibliothecæ recenser, qui post alia Alphabetum quoque Hebraicum contineat, literis ab hodierna scribendi ratione valde diversis exaratum, & adjuncta explicatione Græca illustratum: cui subjuncta quoque Nomina Hebraica IV. Archangelorum, ceterorumque Angelorum, & IV. fluviorum paradisi, cum interpretatione. Figuras vero literarum non addit vir doctus, neque etiam, an Samaritano vel cui demum characteri accedant, quicquam dicit. Inquirant hoc, quibus id licet. De Grammaticis Hebræorum, earumque delectu, nihil dicam: abundet quilibet suo sensu: hoc certum, complures hodie discere docereque Grammaticam, non ut linguam sciant, sed ut fiant faciantque Grammaticos. Non trivis ignobilem viam hanc doctissimus MICHAEL NEANDER, cujus *Erotemata Lingue Hebraeæ* c Grammaticis, quæ superiore seculo scriptæ sunt, sola profero, excusa Basil. 1567. in 8. Certe, si in eruditissima ejusdem præfatione, quam Erotematibus Græcis præfixit, quamplurima ad notitiam literariam contineri alibi dictum a nobis est: non minorem arbitror Hebrææ rei literariæ lucem Hebræis Erotematibus suis attulit. Ibi enim, in præfatione, de variis viris doctis in studio linguarum orientalium celebribus agit, ut & de lingua Hebræa in universum, deque Rabinorum scriptis: tum exhibet Erotemata: & Erotematibus annectit varia Rabinorum de Christo testimonia, haud utique contemnenda: hisque demum postponit Catalogum & Bibliorum, prout variis editionibus excusa sunt, & aliorum scriptorum plurium, quæ ad Orientales linguas spectant, maxima sane diligentia undique conquisitum, ita, ut æquiparari Græcis Erotematibus Neandri Hebræa absque hæsitacione possint. Aliud judicium meret GASPAR SCIOPPIUS, homo Latine quidem linguæ ad miraculum gnarus, ast non æque linguarum Orientis: quarum tamen ne imperitus videretur, *Diatribam* edidit *de compendiosa & facili linguam Hebraam & Chaldeam addiscendi ratione*, quæ tum separatim, tum cum aliis libellis de studiorum ratione, 1645. & 1658. in 12. apud Batavos excusa est. Verum turpi plagio surreptam Joh. Buxtorffio, Filio, totam hanc Diatriben observat Placcius de Pseudonymis p. 254.

3 In accentibus Hebræis quæsitâ nostro seculo nova aliqua doctrina est, cui occasionem primam dedit *Sahuel Bohlius*. Hunc secutus *Caspar Ledebubrius*, improbo plane labore collectis e S. Codice exemplis, certis regulis rem complexus est. Hinc *Augustus Varenius*, Professor Theologus in Academia Rostochiensis, commentariis exegeticis in libros V. T. editis usum accentuationis ostendit, ac omne negotium accentuatorum diffusis præceptis jam a multis retro annis integro libro complexus est, sed qui hætenus nondum editus inter discipulorum, doctorumque virorum, manus latet. Demum & Cl. *Matthias Warmuthus* symbolum suam in rem accentuatoriam contulit in Hebraismo suo, ut vocat, Restituro: ut aliorum nunc Spicilegia transeam.

4 Idem vero memoratus paulo ante Bohlius formales quasdam significationes radicum Ebraicarum quæsit: ad quas reliquæ unius radicis significationes, velut
ad

ad genericos quosdam conceptus, referantur. Earum *Lexicon* aliquod MSS. olim inter schedas meas habui, quod nunc habet a me amicus. *Lexica Hebraica* Forsteri, Pagnini, Avenarii, Buxtorffii, Cocceji, aliorumque, satis nota sunt: & memorata studiose Aug. Pfeiffero in *Critica S. c. V. §. 10.* qui & multos inesse his omnibus defectus non diffitetur. (q) Rarissimum linguæ Hebrææ *Lexicon*, & cujus nonnisi unum exemplar in toto orbe extare putat, Petrus Lambecius recenset inter libros MSS. qui a Sebast. Tengnagelio Cæsareæ Bibliothecæ legari sunt: titulus est *Mechaberoth*, seu Compositiones R. Salomonis ben R. Abraham. Antiquius istud *Lexicon* Kimchi Libro Radicum est, quippe jam seculo XII. scriptum, collectumque, ut additur, ex R. Saadi Gaon, R. Jehudæ B. Chiug, B. Jonæ, B. Gana, Arabicis Glossariis: item e R. Samuel Hannaggid & R. Salomon Haklaron. v. *Lambec. L. I. Bibl. Vind. p. 177.*

Qui vero plura de libris Hebraicis, Rabbinicis, reliquisque Orientalibus, cognoscere desiderat, adeat Joh. Buxtorffii Bibliothecam Rabbinicam, libro de Abbreuiaturis additam: J. Henr. Hottingeri Bibliothecam Orientalem, Heidelbergæ 1658. in 4. excusam: Johannis Plantavirii, Episcopi Lodovensis, Bibliothecam Rabbinicam Florilegio ejusdem Hebraico, Lodovæ 1645. edito, subnexam: qui omnes magno studio suis laboribus functi sunt. Omnes autem locuplete librorum Auctorumque numero longe superavit Judæus de polyhistoria suæ gentis sollicitus R. SCHABTAI BEN JOSEPH, cujus liber inscriptus *Labia Dormientium*, excususque Amstelod. in 4. 1681. Hebraico idiomate ingentem segetem aperit, (r) in certas, haud incongruo ordine, classes distributam, scriptorum omnis generis Rabbinicorum, quæ ut eo felicius indagaret, varia per Europæ Syngaogas itinera multorum annorum spatio suscepit. Mole hunc, non Auctorum Apparatu, vicit JULIUS BARTOLOCCIUS, emissis in lucem tribus sat magnis in fol. voluminibus, quæ *Bibliothecam magnam Rabbinicam* inscripsit, ordine alphabetico juxta Auctorum nomina digestam; excusamque Romæ 1672. 1678. & 1683. Prolixe ibi de

vita

(q) Falsus de *Lexicis* Hebræis disseruit, eorumque Nomenclatorem egit & Censorem, idem (cujus *Critica Sacra* de iis Locus hic allegatur) Aug. Pfeifferus, Superint. Lubecensis, in *Consultatione Epistolica de Editione Lexici* (quale ipsemet moliebat) *Biblici Ebræo-Chaldaici Novi*, mole modici, sed plenioris atque plenioris omnibus bucusque editis, Dresdæ A. 1679. in 4to excusa.

(r) Duplicem hæc Bibliotheca R. Schabtai Ben Joseph Rabbinicæ (quam *Labia Dormientium* Autor appellavit) Versionem e Septentrione expectavimus Latinam, alteram Christiani Wormii, Edis Hassniensis Nicolaitanæ Antistitis Doctissimi, Notis adjunctis illustrandam, quam, in *Prefat. Libri Secundi de Corruptis Antiquitatum Hebraicarum apud Tacitum & Martialem Vestigiis*, A. 1694. est pollicitus; alteram Gustavi Peringeri, Strengnensis, L. L. Or. in Academ. Upsal. olim Professoris, nunc autem Librorum in Regia Holmienti Censoris, quam, Autoris ipsius concinnatam postulatu, Anno jam 1690. ab eo jussit expectari Magnus Ronnqvist, Svecus, in *Notis ad Cod. Talmudicum de Estimacionibus p. 9.* Utinam alterutra saltem primo quoque tempore prodeat, & novam Orienti e Septentrionis tenebris lucem ferretur.

vita & scriptis cujuscunque differit, & quandoque integras ferme dissertationes immiscet, qualis est; quam de *Judaismo Aristotelis* habet T. I. p. 471. ubi cujusdam R. Gedaliae Ben-Jachija insaniam recenset, Aristotelem Hierosolymitanum, Koliae filium, de tribu Benjamin, asserentis: eaque occasione fusa in originem putidi erroris inquit, & non sine probabili ratione, e loco *Eusebii* L. IX. c. 3. *Præpar. Evang.* male intellecto deducit. Neque vero mirum cuiquam videatur, admissum inter Rabbinos Aristotelem: facilis enim & Christianis, & Gentilium Philosophis Medicisque, aditus sine invidia patet, quorquor ulla ratione illuc referri posse videntur: adeo, ut *Æsopo* etiam inter Rabbinos locus sit. Mirum inde non est, licet in magnam molem Opus creverit, non tamen ad umbilicum per omnes alphabeti literas esse deductum. Supplementum Bartoloccio scripsit CAR. JOSEPHUS IMBONATUS, seu *Bibliothecam Latino-Rabbinicam*, Romæ 1694. Verum & hic, dum Scriptores undecunque corradit, erroribus haud raro jocularibus locum dedit. Potest interim, ex his Bartoloccii atque Imbonati laboribus, longe plurimorum e recentioribus, qui Hebræam eruditionem præ se tulerunt, notitia hauriri. Quam juvabit quoque PAULI COLOMESII *Gallia Orientalis*, Hagæ Com. 1665. in 4. edita, quæ Gallorum, qui linguam Hebræam, vel reliquas orientales, excoluerunt, Vitas, opera, & judicia variorum de iis, sistit. Daturus similis instituti libros de reliquis etiam Europæ provinciis Colomesius *Italiam Orientalem* bibliopolæ jamjam tradidisse fertur, sed quæ nescio qua fraude surrepta est. Interim notari meret juxta celeberrimi WAGENSEILII expositio, qua, in *Sota* p. 202. in plagarios Rabbinicæ eruditionis invehitur; quorum neque finem esse, nec modum, indignatur, & oppido paucos, qui profiteantur, quorum corticibus narent, quibusve adjutoribus uli sint: sed se Talmud inspexisse, sibi lectos Rabbinos, suas se in medium versiones afferre, videri velint: idque eo ægius fert, quo se certius in scenam producere posse novit Viros egregios, qui non contenti ea gloria, quam in divina humanæque literaturæ partibus aliis, doctrina & industria sua, ad invicem usque sibi paraverant, dum etiam reliquæ scientiæ insignem in Rabbinicis literis peritiam adiecisse se credi postulabant, & Rabbinorum dicta, Raymundis, Buxtorffius, Schlenis, Coccejus, Vojsimis, Schikardis, clam crepta, cumularunt, hic quidem turpiter se dederint, eruditus suis alioquin scriptis sæda inurendo stigmata. Monet vero Wagenseilius, nusquam periculosius, quam in hoc genere plagiorum, errari, quæ se ut plurimum ipsa prodant. Nam, ait, dum non satis tenent, quid alii citent, aut quomodo, proinde ipsi nunc ex libris Vulgarium Rabbinarum faciunt Talmudicos, nunc hos in illorum convertunt: jam propria nomina pro appellativis; appellativa pro propriis, accipiunt: conjungunt divellenda, separant quæ coherent, commutant priora cum posterioribus: exseribunt testimonia cum vitis typographicis: laudant nobis R. Raddak, R. Raschi, R. Rambam, R. Smag. & si qui sunt spissi ridiculique errores alii. Exempli loco dein Petrum Galatinum profert: & Dominicum Garciam, Hispanum, qui cum in Complutensi Academia Hebrææ lingue moderator primarius extitisset, edidissetque Cæsaraugustæ 1606. superbo titulo *Propugnacula Religionis Christianæ contra obliuam perfidiam*

diam Judeorum, quibus confectam rem omnem ipse existimavit; puerili tamen errore R. Salomonem censuit esse auctorem libri, *Directoris Dubitantium* (qui Maimonides est), aliosque errores plusquam putidos committit. Hæc e doctissimi viri libro excerptis e re utique videbatur: simulque ista de Hebræa lingua sufficiant. De Antiquitatum enim Hebraicarum Scriptoris alio in loco dicemus.

ARABICA Lingua omnium inter Orientales diffusissima est, ob infinitam pene vocabulorum multitudinem, dum una res, pro varis accidentibus, quibus distinguitur, varia habet nomina, ut ex Anton. Giggeji & Jac. Golii Lexicis pater; Quinimo tantam esse linguæ ejus luxuriam P. Angelus a S. Josepho in *Gazophylacio Persico*, observat, ut 1000. habeat vocabula, quæ gladium, 80. quæ mel, 500. quæ leonem, & 200. quæ serpentem significant. (s) Divina nomina, seu attributa uno plus mille, Arabice & Persice exarata, se Latine interpretaturum promissit Perrus a Valle, Epist. ad Tenguagelium. *Tantum est psalms illius sermonis*, ait Josephus Scaliger Epist. 90. ad Casaubonum, *ut, quo plura in illo discimus, eo plura occurrant, quæ sine magistro nunquam didicero*. Hæc ille Scaliger, cui tam familiaris sermo Arabicus, ut ad lexicon Antonii Nebrissenis ultra 20000. vocum, & inter eas minimum 800. radicum (alibi scribit 14000.) e variis Arabum variorum scriptis, collegerit: ut, in iisdem Epistolis p. 531. & 646., refert. Nihilominus tamen, non obstante ejus difficultate, jam dudum salivam eruditis ea lingua movit, quod audirent, multos veterum philosophorum libros, in hanc linguam conversos, apud Arabes latitare, ut inde jactura eorum restaurari possit: multa enim Medicis ex Arabibus haurienda, quæ absque illorum lectione prorsus ignorarentur. Hinc Isaac Casaubonus, jam ætate paulo provectior, eam addiscere cœpit: quod idem Salmasius etiam vir fecit. Alii in Orientem profecti magna secum literata spolia retulerunt. *Petrus a Valle*; (qui ipse, in variis epistolis ad Morinum datis, ut & in ea, quam ad Sebast. Tenguagelium scripsit, quamque libro I. Comm. de Bibl. Vindob. Petrus Lambecius sub finem p. 165. sqq. inseruit, sua studiose recenset) *Reinardus* quidam Mathematicus (cujus bibliothecam Arabicam, summo labore & sumptu colle-

ctam

- (s) Quæ de Linguæ Arabicæ Ubertate & Luxurie, fide Angeli a S. Josepho, *b. l.* narrantur, Monachus ille, ni fallor, Edvardo debet Pocockio, cujus ex *Notis in Ahulf. p. 153.* Aug. Pfeifferus (in *Introduct. in Orientem, Diss. II. Qu. p. p. 27. 28.* de eadem, quæ Græcam etiam superat, ubertate differens) verba allegat sequentia, digna quæ & *b. l.* recitentur: *Quantum Græcam, Latinam, aliasque Linguarum præcipuas, verborum copia superet, hinc conjicere licet, quod aliquando vel sola diversarum unius rei appellationem enumeratio & explicatio Justam Voluminis integri materiam præbuerit. Sic doctissimo Grammatico, Ebn. Chalawain, Libri unius Subjæctum Leonis nomina, quæ quingenta; alterius Serpentis, quæ ducenta, teste Jalloloddino in Mezhar. Auctor Kamusi, Mohammed Al Eirauzabadus, Librum integrum de Mellis Appellationibus & Utilitate se conscripsisse ait, in quo cum 80. ejus nomina recensuerit nomenclaturam, totam tamen ejus non absolvisse notatur. Testatur idem, Eufis appellationes ultra mille se in Libro, a se composito, enumerasse.*

etiam, absorptam tandem, post collectoris mortem, a Vaticana refert atque dolet Holltenius in epistola ad eundem Tenguagelium, ap. Lambec. T. I. Comment. de Biblioth. Vindob. p. 110.), *Jac. Golius*, qui thesaurum suum Leydensi Bibliothecae intulit; de quo maxime Holltenius l. c. gaudet, & *orbi Christiano gratulatur, incidisse in illorum manus, qui nihil publico invident, & qui ex isto thesauro divulgando laudis materiam quaerunt*: *Nicol. Clenardus*, qui & linguarum & religionis causa secessit in Africam, ac de fructu suae profectionis in epistolis agit: *Christianus Ravius*, qui suorum librorum titulos Spolio Orientis annexuit: *Edwardus Pocockius*, alique. *Nicol. Peirescius*, sublime istud Galliae literatae fidus, cum in Orientem ipse proficisci non posset, nullo tamen sumtui, ut inde libri sibi asportarentur, pepercit, quorum aliquando numerum haud contemnendum naufragio amisit; ut e proluxa ejus ad Joh. Morinum epistola, quae inter Morinianas (sub titulo Antiquitatum Ecclesiae Or. emissas) 36. est, videre licet. Eodem tempore bis jam memoratus Vindobonensis Bibliothecae praefectus, *Schaff. Tenguagelius*, omnia tentavit, ut Caesaream Bibliothecam Arabicis quoque Persicisque libris, vel quicumque demum ex Oriente comparari possent, locupletaret: nam, ut erat studio earum linguarum mire deditus, suis sumptibus undique libros eos conquisivit, praestititque etiam, ut insigni tandem copia abundaret, quae post ipsius mortem Augustae Caesaris suppellectili legata cecidit. Catalogum exhibet Lambecius lib. I. a p. 168. usque ad 184. Verum, si Conringio aurem praebeamus, non adeo magni Orientales libri aestimari merentur, qui scilicet, quicquid boni habent, a Graecis hausere, & magnam quoque partem merie Graecorum translationes sunt: quae vero propria Arabum, longe infra Graecam eruditionem subsident; Persicum vero, Copticum, vel Aethiopicum quid, aptum sapientiae, ne ex fama quidem accepimus, quod non liceat longe plenius ex editis aliorum scriptis addiscere. Ita quidem Conringius in *Epistola de Biblioth. Augusta* p. 64. sq. qui, ut ipse eodem loco historiam excipit, ejusque e libris Orientalibus hauriendae aliam esse rationem fatetur: ita se non in omnibus audiendum simul subobsistere innuit; eamque solum ob rationem istud scripsisse videri posset, ne Augustae sui Principis Bibliothecae aliquid alicujus momenti deesse fateri necesse habeat. In eo autem Conringio haud sine cunctanter assentimur, tantos Principum, Rerumque publicarum sumtus, tantos privatorum labores, licet non sine aliquo successu fuerint, parum tamen in Auctorum veterum restitutione orbem literatum juvisse. Suntque inter ipsosmet barbaros libri melioris notae rari admodum, magno pretio veneunt, & rarius adhuc peregrino vendendi prostant: ut ex aliquot Petri a Valle epistolis liquet. De incompris Arabum versionibus, quae Graecos Auctores male transtulerunt, earumque causis, videndus Salmasius, in praefatione ad Tabulam Cebeis, Graece & Arabice editam. Praeter Lexica linguae Arabicae, quae edita sunt, MISS. aliquot Glossaria atque Dictionaria, Arabica, Arabico-Turcica, Syro-Arabica, libellosque ejus linguae Grammaticos, in Caesarea Bibliotheca asservari Catalogus Tenguagelianus, apud Lambecium, l. c. fidem facit. Memorat & ibidem sua lexica MISS. P. a Valle. Salmasius l. c. refert, Joh. Ellichmannum lexicon Arabicum locupletissimum absolutissimum parasse,

cui

cui nihil nisi forma & ordo defuerit, materia jam undique congesta; Verum illud cum Auctore intercedit.

ÆGYPTIACA vel **COPTICA** lingua multum cum Graeca, & ratione 7
characterum & vocum, affinitatis habet: ita, ut scribendi morem etiam Graecis
veteribus usitatum observet: neque enim separat voces, sed literas unius lineae
velut unicam vocem conjungit; Morino teste, in epistolis. De voce *Copiarum*
unde derivanda sit, num a *Copto* celebri Ægypti emporio: an ab *Ægyptus*, quae et
quandoque *Ægyptus* scribitur, quaerit Salmastius in Epist. p. 100. & 178. Loco po-
steriore admiratur laudatque Athan. Kircheri promissa, quae de restituenda anti-
quissima ea lingua dederat: cum antea primum se existimasset Salmastius, qui ad id
muneris obvenit animam applicuerit: Fecit etiam Kircherus quod potuit, tum
in *Prologo Copto*, tum in *Lexico*. An vero tam integram ille messim exhibuerit, ut
ne quidem spicilegium superfit, quod e promissis concludebat Salmastius, dicant
alii. Videatur interim, si tanti est, Erasmi Vindingii *Dissertatio de Linguae Graecae &
Ægyptiacae affinitate*, in qua nonnulla contra Kircherum habet, prodit Hafn. in 4.
A. 1660. (†)

De **PUNICA** lingua tradit aliqua Thom. Reinesius, in libro, cui titulus: 8
Ἰσχυμένη linguae Punicae, 1636. Altenb. in 4. (n) Superest ferme unum, sed insigne
ejus linguae fragmentum, in *Plauti Paenulo*, quod doctorum ingenia exercuit. REI-
NESIUS de illo, in epistolis ad Daumium, agit p. 309. SAM. PETITUS, diu ante
illum in Miscellaneis eum Plauti locum explicare aggressus, Salmastio tamen Grotio-
que se adeo non probavit, ut Plauto caecio rem illum in plerisque deprehendisse scri-
bat Salmastius ad Grotium Ep. 18. Post eum itaque Samuel Bochartus feliciori even-
tu istud negotium in se suscepit, deditque explicatos Plautinos versus P. II. Geogr.
Sac. lib. II. c. 6. qui totum cetera eum librum evolvendae Phoeniciae Punicaeque lin-
guae impendit, & si quis alius, de illa bene meritus est. Mentionem versuum Plau-
tinorum alicubi in Epistolis Jos. Scaliger facit (ep. 362. p. 643.) putatque illam
Paenuli dialectum parum a puritate Hebraismi abesse. *Tempore enim Eliae*, ait, *quae*
coloniæ Paenorum in Africa deluxit, universa Phoenicia puro Hebraismo utebatur, ut &
Eec ee 2 *literis,*

(†) Athanasio Kirchero, in Copticis, non satis tuto semper credi posse post Vindingium, Aug. etiam
Pfeifferus monuit, sub finem Praefationis, *Introductioni in Orientem* praemittit, idque a se, in
Exerc. Bibl. p. 40. 50. aliquot exemplis ostentum esse testatur. Nova Luce, quam *Literatura*
Coptica a Thend. Petro, Flensburgensi, Cive meo, in LL. Or. universis veratissimo, peater
Psalterii Coptico-Arabico-Latini (cujus specimen sistit Pflunus I, Lugd. Bat. A. 1660. in 4to
maj. editus) Editionem, Lexicon etiam in eandem Copticum, a se concinnatam, & Angliae
Philologis summo opere probatum, pollicito, expectabat, obitus ipsius, secundum in Orientem
iter meditantis, imminutus illam orbavit.

(n) Thomae Reinesii *Ἰσχυμένη* L. Punica recusa sunt in Syntagm. Dissert. rariorum e Museo J. G.
Gravii edito Ulm. A. 1702. in 4to.

literis, quæ hodie supersunt apud Samaritanos, & quæ puræ sunt Phœnicia. Post hos omnes JOH. CLERICUS quoque prolixè satis in sensum versum Plautinorum inquisivit, in nonnullis a Bocharto dissentiens T. X. *Biblioth. Univers. Histor.* Conferendus quoque huc Ant. Borremansius est, *Var. Lect. c. 14.*

- 9 (x) PERSICÆ lingue cum Germana convenientiam integro libro ostendere voluit JOH. ELICHMANNUS, ut testatur Salmasius in præfatione ad Tab. Cebetis, cum Arabica Versione (Latine ab Elichmanno translatae) ediram his verbis: *Quod ad hoc avi latuit plerosque eruditorum, ex eadem origine compererat fluxisse Germanicam & Persicam linguam, ad hanc illum conjecturam ducente infinita vocum copia, utriusque lingue communium, sed & verbis similiter terminatis, eodem modo compositis, aliisque multis argumentis.* Hæc de Elichmanno Salmasius, viro, cui, ipso iudice, in intima lingue Persicæ cognitione vix videtur Europa parem tulisse, fortassean & vix feret. Verum immatura mors, quam acerbè ibi Salmasius deplorat, & conatum hunc egregium intervertit, & gloriam Germano nomini invidit. Ne vero effectui quid dedidisse Salmasium, aut amor in linguam patriam Elichmannum, obvertas: en tibi Bochartum, qui, cum de Persarum lingua in suo *Phaleg* nonnulla disseruisset; lib. I. c. XV. Hanc, ait, quod viri docti scribunt accedere ad Germanicam in tanta locorum intercapedine nemo sibi facile persuaderi sinat. Tamen rei probande tot exempla congerunt, ut ab invicem pene fidem extorqueant Allegat insuper epistolam 44. Centur. III. ad Belgas Justii Lipsii, qui nempe jam ante Elichmannum simile quid in lingua Persica, adductis in medium exemplis, observavit. Quædam *λέξικον* veteris Linguae Persicæ, quæ quidem apud priscos Scriptores reperiri poterant, collectiva edidit & explicavit Guil. Burtonus Londinensis, quæ adjecta sunt ejus *Historia Græca Lingua.* *Lexicon Persicum priscarum vocum*, pretiosum volumen, possidere se refert in epistola ad Tengnagelium sapius laudata, Petrus a Valle, ætate nostra a docto viro (Persa) ingenti cura elaboratum, & apud Persas magnæ existimationis, cujus exemplar, quod habeo, unicum, ut puto, in Europa auctoris nepos propria manu exaravit, ejusque descriptioni & auctor ipse adhuc vivens Sphabani, librumque novis quotidie observationibus augens plurimum diligentie adhibuit, ut illius opus in Europam nonnisi correctum perfectumque asportaretur. Ipse PETRUS a VALLE *Dictionarium sex mille circiter vocum Persicarum Italica versione illustratarum composuit e Doctrina Christiana*, quam Jesuitæ in regia Lahor eleganti stylo scripserunt. Quanquam vero omni studio nixus Petrus a Valle sit, ut im-

- (x) De Linguarum Persicæ & Germanicæ convenientia plura, e variis Autoribus, erudite congestit Morhofius, P. I. *Compendarii sui Vernaculi de Lingua & Poesi Germanica*, cap. 2. pag. 39-43. Marci Zuerii Boxhornii Epistola huc etiam spectat, ad Nicol. Blancardum Kal. Dec. A. 1648. scripta, qua Vocum, quæ apud Curtium supersunt, Veterum Persicarum Origines, e Lingua Germanica, satis feliciter detexit. Legitur illa inter reliquas ipsius Epistolas, Amstelodami A. 1662. in 12mo junctim editas, p. 220-229. Tacito quoque ipsius, ibidem A. præced. 1661. excusæ, & Curtio etiam Nicol. Blancardi, ni fallor, subjuncta.

primeretur hoc Lexicon suum Romæ typis Congregationis de Prop. Fide: non id tamen, quantum memini, factum est: uti nec ingressum *Lexicon Lingue Persice*, quod ADAMUS OLEARIUS affectum habuit, sed an & ad finem perduxerit ignoro.

CAP. VI. DE LINGVA GRÆCA.

- §. 1. *Lingua Græca Necessitas & Utilitas a Viris doctissimis inculcata.* 2. *An Judæis eam discere licuit, inquisition.* 3. *Historia ejus tradita a Laur. Rhodoman- no & Guilb. Burtono, Origines ab Æg. Menagio promissæ.* De Literis Græcis Diff. Job. Scaligeri. Franc. Guicti, J. Franc. Grandis, & aliorum, Labores in illa Etymologici. 4. *Grammatici Græci Veteres Inediti obiter memorati.* Ex Elitis Basilus M. *Ῥωδωμανός*, Phrynichus, Helladius, Apollonius Dyscolus, Proclus, Moeris, Job. Photoporus, Thom. Magister, Theod. Gaza, & alii, recensentur. Additur *παραθεσῖς* de Græcis Literatura sue in Europa Instaurato- ribus. 5. *Scholiasæ Poëtarum Græcorum Veteres, lucem Grammaticæ sæpe fenerantes, enumerantur.* 6. *Grammatici Græci Recentioris ævi ἑρμηνεύται,* Ang. Caninius. 7. Nic. Clenardus, Urbanus Bellunensis. 8. Mich. Neander (cujus etiam simul Discipulus, Laur. Rhodomanus, ob L. Gr. peritiam, & Ve- nam in ea Poëticam præstantem, extollitur.) 9. Matth. Devarius de Particu- lis L. Gr. 10. Franc. Vigerius de Idiotismis L. Gr. 11. Job. Posselius, Ant. Schorus, aliique Phrasum & Adagiorum Græcorum Collectores. 12. Jer. Tschon- derus. 13. Mart. Crusius & Nicol. Frischlinus. 14. *Grammatici alii moder- ni, uti & Scriptores de L. Gr. & Lat. convenientia.* 15. Job. Covr. Dieterici *Chrestomathia Græca promissa.* 16. *Scriptores de Dialectis.* 17. *Scriptores de Accentibus.* Origo & Novitas illorum a Cl. Salmasio, Is. Vossio & Henr. Chr. Hemmino, detecta. *Bibliotheca Græca, ab Hemmino & Job. Meursio promissæ.* 18. *Controversia de Pronunciatione Lingvæ Græcæ Historia & Scriptores.* 19. *Prolixior Historia Certaminum, de Dialecto Hellenistica, & Styli N. T. puritate, Literariorum.* 20. *Scriptores, qui Stylum Homericum cum Phrasi Librorum Sacrorum contulerunt.*

De GRÆCA lingua nunc, illa omnis eruditionis ac sapientiæ nutrice, di- cendum est. Omnia, quæ ad illam spectant, persequi nostri instituti non est, utpote qui non Volumina scribimus, sed præcipua tantum sectamur, ac ab aliis omittæ. De summa quidem ejus præstantia & necessitate convictos arbitror, quotquot in humanioribus studiis vel leviter saltem emergere laborant: atque, ut in uno historiæ literariæ capite persistamus; quot quæso nos Auctores laterent, si Græca literatura careremus? Enimvero, uti singulæ bonarum artium & Græcia suum ortum trahunt; ita verissime Erasmus lib. X. Epistolarum scribit: *Hoc unum expertus video, nullis in literis nos esse aliquid sine Gracitate.* Latius hoc argu-

mentum alii deduxere. Plena sunt istiusmodi commendationibus Mich. Neandri scripta. De praestantia & necessitate linguae Graecae Orationem *Matthaeus Dresseus* habuit *Orat. lib. III. p. 25.* Dissertationem de ea scripsit more suo egregiam *Ludovicus Crescollinus* in *Mythago.* Idem in libro de Natura & viribus Rythmi, *Isaacus Vossius* passim addruit: & nihil tam enixe Isaaco filio, in Salmurienfi Academia degenti, commendavit *Claud. Savvinius*, (alter ille *Petrus Petrus*, gente nobilis, dignitate nobilitar, doctrina nobilissimus, amicitia clarissimus, ac studiis erga literas & literatos omnibus suspiciendus: quo illum elogio Steph. le Moyne ornat) quam familiarem prorsus Graeci & Latini sermonis usum. Sed quid multis? nemo eruditus est, qui non Graeca summo studio perdiscenda ducat.

- 2 Quo in loco apud Judaeos Graeca lingua sit, eruditissimus *Wagenfeilius* exponit in *Sota* p. 957. seqq. Nimirum pugnant inter se Apellae variis sententiis scilicet: cum ne Gemarae quidem, seu Commentario Talmadico, cum suo textu conveniat. Futile est, quod illa refert, Chasamonacorum temporibus, cum Hyrcanus & Aristobulus fratres in se mutua oppugnatione ruerent, execrabilem esse publico edicto declaratum, qui Graecam linguam filium edoceret: cum Aristobulus Peripateticus, Philo & Josephus, in Graecorum scriptis & sapientia mirum quantum versati, maximum quoque inter suos nomen habuerint. Non minus aperte falsum, quod *Mischna* refert, tempore belli cum Tiro tale scitum prodixisse: nam usque ad Justiniani Imper. tempora Graecam Bibliorum interpretationem in Synagogis lectam, Novella nos ignorare non patitur. Successu temporis vero abrogata in Synagogis Graeca Legis lectio est, & plane in desuetudinem abiit; quod &, nisi fallor, unum Maimonides voluit in eo loco, ad quem *Celeb. Wagenfeilius* stupet; cum ait Maimon: *pridem in desuetudinem abiit lingua Graeca, confusa est ac perijt.* Non sane videretur de linguae interitu in universum loqui, sed de ejus usu in Synagogis. Hinc neque ipsemet ignoravit Graeca, nec Judaei Hispani pari cum antiquis infamia acti sunt: sed potius, observante eodem viro doctissimo, longe prudentiores se praestiterunt, dum Philosophiam Graecam discendi facultatem saltem iis, qui adultae aetatis sunt, adimere haud fuere ausi.

- 3 *Historiam Graecae Linguae* LAURENTIUS RHODOMANNUS, ipse linguae ejus peritissimus, peculiari oratione deduxit, quae addita est Orationi Petri Mosellani de variarum linguarum cognitione paranda, Jenae 1634. Versatur etiam hoc in argumento CIVIL. BURTONUS, Anglus, qui peculiarem de eo libellum conscripsit, editum Londini 1657. in 4. & qui exigua brevitate sua non pauca continet ad historiam Graecae linguae pertinentia. (y) Multa habet imprimis de antiquo ejus in

(y) Post Burtonum, Linguae Graecae Historiam quadripartitam scripsit Laur. Juewaldi Elingius, Dilectus, Leg. & Metaph. in Acad. Upsalensi Professor, post Autoris, A. 1688. defuncti, obitum, ab Ad. Rechenbergio, Theologo Lipsiensi, cum Praefat. sua, Lipsiae A. 1691. in 8vo edi-

in Anglia usu, deque scholis Græcis illic ante Christum natum institutis: de quo argumento agit quoque Ant. Wood in Antiquitatibus Oxon., sub initium: Adjecit quoque Burtonus *ἀρχαία* linguae Persicæ, ut jam cap. antecedit. dictum: sed, dum origines ejus ex Græcia deducere molitur, fallitur, cum pleraque sint Germanica, ut ostendit Boxhornius in Dissert. peculiari ad Blancardum, Curtii editorem, scripta, quæ invenitur in editione Curtii Blancardiana. *Origines linguae Græcæ* promissit AEGID. MENAGIUS *Observ. in Malherb.* p. 362. & 389. sed non dedit. De literis Jonicis ac Græcis, eorumque cum Phœnicis affinitate, prolixam & eruditam Dissertationem Jos. SCALIGER suis Animadversionibus Eusebianis inseruit, p. 110. seqq. in qua de inventionem earum & natura fuscè satis disquirat. JOH. FRANC. GRANDIS promissit librum, cui titulus: *Demonstratio philologica; qua patet, Hellenismi & totius sermone Grammaticæ Græcæ rationem, ipsamque anomaliam, tam nominum, quam verborum, in sola literarum, sive alphabeti cognitione, consistere.* Ast non magis quicquam ejus libri prodiit, quam FRANCISCI GUIETI labor. Peculiare is aliquod consilium habuit Latinas voces a Græcis derivandi, in quo prima omnia, unde cetera deducerentur, monosyllaba esse voluit. Hoc profundum studii genus, quod ante ipsum nemini in mentem venerat, totum vitæ Guieti tempus occupavit. Sed, cum sollicite rem illam celaret, ne admissis quidem amicis intimioribus, post mortem ejus omnis industria periit, nec vel divinando e superstitibus schedis rationem operis illius quicquam assequi potuit. Refert Anton. Perianther, seu potius, qui sub ficto nomine isthoc later, Joh. Albert. Portnerus, celebris Ratisbonensium Jctus, in vita Franc. Guieti, addita editioni Terentii *Bæcherianæ*. Originem linguæ Græcæ e monosyllabis hauriendam Isaacus quoque Vossius animadvertit, in libro de Natura Rhythmi p. 44. ejus locum, cum & ad commendationem sermonis Græci, & ad illustrationem præsentis instituti, haud parum faciat, apponam. Sed neque invidiosum fore arbitror, præsertim apud graves, si dixerò: priscum Græcorum sermone ex omnibus iis, quorum superest notitia, non primum tantum tenere locum, sed & illum tenere sine amulo, ne ipso quidem contradicente olim omnium gentium victore populo. Nec tamen existimandum, istiusmodi cum fuisse ab ipso statim incunabulis. Primam quippe hujus si exequiamur originem, nibilo meliorem aliarum gentium linguis eam fuisse deprehendemus: asperam, scabram, & omnis dignitatis & elegantie expertem, fuisse, vel inde satis intelligas, quod vix alia, quam monosyllaba, priscis temporibus habuerit vocabula, seu illa nomina essent, seu verba. Hucusque Vossius, qui in sequentibus augere pergit istam antiquissimæ linguæ Græcæ barbariem, & modos, quibus illam ope Muses ac Pœseos expoliverint, exponit. Ceterum, quamnam ineptiæ in vocum etymis, ob ignorantiam Græcæ linguæ, hic illic commissæ sint, singulari Oratione docuit JOH. CONRADUS DIETERICUS in *Græcia Exulante*,

tam. Autor, uti diligentis laude non est privandus, ita Eruditus Extensis vix approbabilis: museam, qua, Rudbeckii, aliorumque popularium, Hypotheses secutus erroneas, Literarum Græcarum Origines a Runis Gothorum derivavit, sententiam. Vid. de illo Joh. Schefleri *Sveciæ Literarum* p. 245. & nostra ad hanc *Hypothesin* p. 421.

Exulante, sive, de infelicitate seculi superioris ob Græcæ Linguae imperitiam Dissertatione, Marpurgi edita in 4. 1640.

4 *Grammaticos Græcorum* quod attinet, eorum sane & fuit olim, & est adhuc, larga fecunditas, & ferme dixerim abundans: nisi quod apud recentiores plus exscribitur Grammaticarum, quam scribitur. Olim quidem magno numero prostitisse libros Grammaticos, qui modo linguam in universum, aut communem Phraseologiam, evolverant, modo unius solum dialecti, Atticæ imprimis, rem omnem fufius explicarant, non crebræ solum allegationes recensionesve Athenæi, Photii, Suidæ, Magni Etymologici, &c. facile probatum dant: sed & editi partim Græcorum veterum Grammaticorum scetus; partim adhuc inter inedita bibliothecarum latentes, id ipsum extra omnem dubitationis aleam ponunt. (Ut taceam, jam Pompeji M. ævo Romæ Asclepiadem Grammaticum Opus de Grammaticis vastum conscripsisse, cujus sextum librum a Suida, undecimum ab auctore vitæ Arati allegari, observat Jonlius de Script. Histor. Philos. p. 275. sq.) Atque, ut ab ineditis incipiamus, magnam satis eorundem farraginem, e Regia maxime Parisiensi Bibliotheca, Phil. Labbe recenset in *Nova Bibliotheca MSSum. P. IV. p. 103.* Non minorem apparatus in Anglicis aliisque celebrioribus bibliothecis asservari, testantur, qui viderunt. Ii vero, qui typis editi prostant Græci veteres Grammatici, omnes tam antiqui non sunt, ut non magnam partem everfam Constantinopolin demum secuti sint. Quanquam enim sub MAGNI BASILII nomine *de Grammatica Exercitatione liber* Græcæ apud Morell. Paris. 1583. in 8. & jam diu ante Florentiæ 1515. lucem aspexerit: supposititium tamen esse scetum, Manuelli Moschopulo debitum, jam pridem Rob. Stephanus in emendatissima sua editione An. 1545. monuit; observante Placcio *de Script. Pseudon.* p. 185. Antiquior Muschopulo & everfa Constantinopoli PHRYNICHUS, quippe jam Photio memoratus, & eodem referente sub Marco Aurelio & Commodio Imp. vivens, libellum reliquit *de Dictionibus Atticis*: cujus editio prima Zach. Calliergo debetur, Romæ 1517. inde repetita est Venetiis apud Asulanum, 1524. & Parisiis apud Vascosanum 1532. optima editio est & nitidissima Augustana 1601. in 4. studio Dav. Heeschelii, cum ejusdem, & prolixioribus Petri Joh. Nunneshii notis, in lucem publicam emissæ. Alios ejusdem Phrynichi tractatus Grammaticos, sed qui non supersunt, Photius atque Suidas recensent. Notandum vero, in ipsius Nunneshii notas Anonymum quendam eruditissimum, quem Casaubonum esse suspicantur aliqui, doctissimas notulas confecisse: uti Menagius refert in *Anti-Bailletto T. I. p. 170.* ubi & errorem Bailleti castigat, qui, Heinsum Nunneshii notas publicasse pro suis, & proinde sugillatum a Salmasio fuisse, scribit: quod utrumque longe falsissimum est; cum Nansii correctiones in Epictetum pro suis ediderit Heinsius, & proinde sit a Salmasio in præfatione ad Simplicium censoria virgula percussus. Nihil ibi de Phrynicho, vel Nunneshio, cogitatum. Phrynicho jungit ob simile institutum Photius Cod. 158. HELLADIUM, cujus *Lexicon* Suidæ insertum inscriptio testatur: *Chrestomathiam* vero, prolixè idem Photius Cod. 279. excerptit. Verum quicquid hujus superest, non nisi

nisi fragmentum est. Totum habemus APOLLONII DYSCOLI (seu *Difficilis*, ut Gesnerus vertit,) Alexandrini Grammatici, & Phrynicho adhuc senioris, de *Constructione Orationis* librum, Græce Venet. 1495. apud Aldum excusum in fol. item Florentiæ 1515. in 8. & cum Latina versione Franc. Porti, ejusdemque & Frider. Sylburgii notis in 4. Francof. apud Wechelos 1590. Apollonio, in editione Augustana, adjuncta etiam PROCLI *Chrestomathia* est ab Andr. Schotto Græco-Latine, additis quoque Nunetii notis, edita. MOERIDIS *Atticistam* Photio olim lectum, nunc in Vaticana Bibliotheca latere Frisius refert: sed in Gallicis & Anglicis Bibliothecis esse narrat Salmasius, qui, in Comment. de Hellenistica, cum a se lectum passim allegat, & p. 46. in tota ejus συλλογῇ nihil frequentius notatum ait, quam differentiam nominum Atticorum & ἑλληνικῶν. Usus quoque eo libro est, cum Glossarium suum Græcum conscriberet, Carolus du Fresne: & Steph. le Moyne illud MSS. possedit, allegatque in Nor. ad Var. Sacra p. 479. in eo tamen errat, quod Atticistam nomen viri putat, quod libri est. Johannem Grammaticum, quem & Philoponum vocant, & *Corinthium* quendam, subjecit suo Linguae Græcae Thesauro Henr. Stephanus, qui & cum Lexico Scapulae edi solent. THOMÆ MAGISTRI *Selectæ Dictiones Atticæ* Romæ 1517. Paris. 1532. & nuperrime Franekeræ 1690. prodierunt: (Constituerat aliquando Martinus Brunnerus, Gr. Linguae Professor Upsalientis, Thomæ Magistri librum, recensitum a se, & cum Codicibus MSS. collatum, nova editione publicare: quam in rem subsidia If. Vossii per Nicol. Heintium imploravit: uti constat ex epistola Heinssii ad Vossium, quæ inter Colomesii notas in Gyraldi Dialogos de Poëtis legitur p. 67. sed non credo editum esse quicquam.) Post everfam Constantinopolim THEODOR GAZA primus *Introductionem in Grammaticam* scripsit, magno omnium applausu, magnoque ad id stipendio conductus, Græce Venet. apud Aldum 1495. fol. excusam, repetitamque postmodum editione Græco-Latina Basileæ 1523. in 4. Nimirum erat inter novem exules e Græcia Romam profugos, qui præcipue Græcas literas in Occidentem & Septentrionem intulerunt, haudquaquam postremus. Sunt vero illi *Bajasio Cardinalis, Eman. Chrysoloras, Demetr. Chalcoconylas* tot egregiis discipulis clarus: Leon. Aretino, Franc. Barbaro, Fr. Philelpho, Bapt. Guarino & Poggio Florentino, cujus Institutiones Grammaticæ Græcæ variis locis impressæ sunt: *Theod. Gaza, Joh. Argypoulus, Georg. Trapezuntius, Marcus Musurus, Mich. Marulius, & Joh. Lascaris*: qui postremus, ex Illustri Lascarina Imperatorum familia oriundus, Medicæam Bibliothecam insigni Græcorum codicum thesauro ditavit; cum legatus a Laurentio Mediceo Constantinopolin ad Bajazetem missus omnes Græciæ Bibliothecas scrutaretur. Eodem Lascare auctore Leo X. Pontifex Romanus (Laurentii Medici Filius), ipsam propemodum Græciam in Italiam quasi in novam coloniam deduxit. Pueros enim ex tota Græcia, in quibus vis ingenii & bona indoles inesse videbatur, cum suis præceptoribus, Romam evocavit, ut linguam Romani suam ipsis commodius traderent, vicissimque suam illi Romanis. Vid. Miræi *Biblioth. Ecclæs. T. II. p. 17.* De singulis prolixè satis agit, eorumque simul icones e museo P. Jovii exhibet, Petrus Lambecius *T. VI. Comment.*

de Biblioth. Vindob. Addit. II. p. 274. sqq. Addendus vero his novem Græcis decimus *Antonius Eparchus* est, Corcyrensis, qui superiore seculo per aliquot annos Veneriis Græcas literas docuit, profectusque est elegiacis versibus ruinam Constantinopolis, demum Corcyram regressus inter suorum literatos consenuit: is quoque centum codices Græcos secum attulit vanum, Imperatori Carolo V, & Francisco I. Galliarum Regi, oblatos: uti Lambecius *T. V. Bibl. Ind. p. 118.* refert: e quo, & aliis, varia de Eparcho collegit Stephanus le Moyne, Proleg. ad varia Sacra, Lugd. Bat. 1685. in 4. edita: quæ nempe e codice Sarraviano, catalogum inseruit contentorum in volumine quodam, quod Eparchus olim Francisco R. dono obrulerat. Præterea e Græcis, quibus Græca eruditio multum debet, Hieronymus Spartianus, nec non Franciscus Portus Cretensis, & Æmylius, Francisci filius, memorandi sunt, omnes laboriosissimi: ut & Nicolaus & Zacharias Calliergi, Cretenses iidem, quorum utrique curam impressi primo Magni Etymologici; posteriori insuper collectionem Scholiorum Theocriti debemus.

5 Ceterum vendicant sibi suo jure præcipuum locum inter Grammaticos *Scholiasta Græci*, utpote quorum magna pars ad ἑρμηνεύειν ferme tota componitur: quanquam & immista haud raro sint historica, & auctorum hodie incognitorum allegationes; quæ eo magis commendabiles illorum labores reddant. Familiam inter eos, nemine contradicente, ducit EUSTATHIUS, Thessalonicensis Sec. XII. Archiepiscopus, eruditissimus Commentator Homeri, cujus vastum Opus, & omni doctrina, grammatica præsertim atque historica, referatissimum, Romæ primum IV. Voluminibus 1550., & Basileæ Vol. III. Ann. 1560. prodiit. Priusquam vero recuderetur Opus integrum, epitomen ejus, sub titulo *Cornu Copia, sive Oceani Enarrationum Homericarum, ex Eustathio excerptarum*, concinnavit, atque uni justo Volumini inclusit, *Hadr. Junius* Batil. 1558., scilicet ne privarentur in universum labore Eustathii, quibus ad totum Opus cœmendum sumptus non sufficerent. Sunt præterea alia in Homerum *Scholia*, quæ Didymo vulgo adscribuntur, & sub ejus nomine tam apud Aldum & Basileæ aliquoties, cum Homeri textu, quam Lugduni Batav. ex editione Schreveliana, excusa sunt. Verum uti jam superiore seculo Jacobus Bedrotus, cum ea Scholia sine Homeri textu ederet. Argent. 1539. in 8., in præmissa præfatione, num recte illa Didymo tribuantur, dubitavit, & ἀνώνυμος potius esse censuit qui Didymum toties laudat & allegat; ita Henr. Stephanus quoque idem sensit, & Heracleoni potius vindicanda judicavit: quem secutus in Dissertat. de Stylo N. T. Thom. Gatakerus, quamplurimos, & tantum non omnes, secum sentientes reperit. Recentissima illorum Scholiorum optimaque editio, quæ simul inedita prius Scholia multa dedit, est nupera Cantabrigienfis 1689. in 4., sed Iliados tantum, cui ut succedat Odyssea, optandum. Non longe ab Eustathio collocandus *Apollonii Argonautæ Scholiastes*; sed, quod aliis videtur, *Scholiasta tres*, *Lucillus*, *Sophocleus*, *Theon*, quorum labor in unum collectus apud Aldum primo, tum Basileæ 1521. & 1549., tum & apud Henricum Stephanum prodiit in 8. Utilissima Scholia illa sunt, & accurata, multumque ad veterem polyhistoriam

historiam conducunt. E reliquis præcipue commendari merent *Scholias Aristophanis*, prorsus egregius ille, & inter optimæ notæ Commentatores numerandus; cujus editionem primam apud Aldum Marcus Musurus adornavit Venet. 1502. inde Florentiæ 1515. & Basil. 1548. recusatam; revidit vero, cum antiquis Codicibus contulit, supplevit, suisque insuper Græcis quoque scholiis auxit Odoardus Bifetus, Genevæ 1607. *Scholias Sophoclis*, Florentiæ apud Juntas, Venetiis apud Aldum, & Francofurti plus semel editus: *Isacius Tzetzæ*, Johannis frater, *Lycophronis* Commentator, fratre multo eruditior, & inter optimos locum tenens: excusus una cum Joh. Meursii in *Lycophronem* Notis, Lugd. Batav. 1597. apud Raphelengium: *Johannis Tzetzæ in Hesiodum Scholia*, una cum Scholiis Procli, Mōschopuli, Johannis Diaconi, qui & Pediasimus & Galenus, Johannis cujusdam Protospatharii *Ἐρμῆος Φυσικῆ τῶν ἡμετέρων Ἡσιόδα* & antiquis in Theogoniam Scholiis *ἀναρῶντες*, Venet. apud Trincavellum 1573. in 4. edita sunt; quæ postmodum nitido characterē denuo imprimi curavit Lugd. Batav. 1603. adhuc adolescens Dan. Heinsius: Ejusdem Johannis Tzetzæ Scholia in Homeri Iliadem, sed mutila, non contemnenda tamen, in Bibliotheca Paulina Lipsiensis Academiæ asservantur. Prætereo nunc Scholias Pindari, Æschyli, Euripidis, *Φανόμηνων* Arati. Theocriti supra jam memoratum; Thucydidis, aliosque phures: neque enim nunc instituti ratio patitur, ut de singulis fusi agamus. Oprandum vero, ut curatius aliquando Scholiastarum veterum Historia ex antiquorum monumentis erueretur: multum illa orbi literato prodesset: instigandusque adeo Vir ille eruditissimus e nostris est, qui spem ejus Historiæ aliquando fecit, ut eam impleat.

Pergimus ad *Grammaticos recentiores*: quos quidem si enumerare omnes animus foret, in immensum caput hoc extendi necessum foret. Enimvero paucos recensimus atque potiores. Primus sit ANGELUS CANINIUS, Italus seculi superioris, Linguarum longe peritissimus, eoque nomine per Italiam, Hispaniam, Galliam & Hungariam, clarus doctor, *Hellenismum* scripsit, librum mole quidem non magnum, sed nec vulgaris etiam eruditionis. Equidem Josephus Scaliger Caninium plagii accusat, eumque e cujusdam Hispani Franc. Vergaræ Grammatica optima quæque desumpsisse, additis de suo nonnullis, criminatur, in Excerptis Putean. p. 248. Ast affectui Scaligerum indulgisse, & quanquam in primis Scaliger. p. 47. ei se nihil invidere profiteatur, invidisse tamen, dubitare nos non sinit subjuncta statim Tanaq. Fabri nota. *Is est Angelus Caninius, Anglarensis, quem nos, si quid in hoc genere sapimus, omnibus Grammaticis Græcis quot sunt, quot fuerunt, longe anteponendum esse judicamus. Nam, quod quidam de Vergara dixerunt, id nec probatur, nec videtur verisimile. Liber ipse editus est Lutet. Paris. 1555. apud Guil. Morellium, in 4. Thesaurus Hellenismi dici potest. Nunc illum cum maxime lego, neque penitet me operæ.* Hæc Faber, candidior judex, cui quodammodo prævit Jac. Gretserus, dum, in præfatione suæ Grammaticæ, Clenardo atque Varennio Vergaram facit longe inferiorem; & præsertim ordinem ejus perturbatum & implicatum notat. Ceterum editus etiam ille Caninii *Hellenismus* in 8. Paris. 1578. cum auctario Caroli Hauboesii, prodit.

Fff ff 2

Thua-

Thuanus, Caninium suæ Historiæ inferurus, de ejus patria Scaligerum interrogavit, ut e Gallicis ad Scal. epistolis videre est p. 329.

- 7 Caninium sequatur NICOLAUS CLENARDUS, Vir doctissimus. Scripsit is *Institutiones Linguae Graecæ*, Paris. 1549. in 8. 1553. in 4. apud Wechelum & multoties alibi, impressas, quas pro absoluto perfectoque Opere habent nonnulli. De ejus tamen (ut & de Caninii) defectibus jamdudum monuit *Henr. Stephanus*, in *Dialogo de Infidelis Linguae Graecæ magistris*: qui & supplementum scripsit hujus Grammatices, quod, una cum Frid. Sylburgii recognitione, Francofurti editum est. Gretserus, loco paulo ante cit., queritur, in singulos prope annos nova facie Clenardum prodire: novis notis, notationibus, animadvertionibus, paralipomenis & censuris, quasi vinculis & compedibus onustum. *Scaligero* in *Scaligeranis Clenardus diligentissimus potius Grammaticus, quam doctus ulla in lingua, videtur*: Sed & hoc ego judicium nimis ambitiosum esse crediderim.

Adhuc ante Caninium & Clenardum, URBANI BELLUNENSIS, Monachi Franciscani, *Institutiones Grammaticæ* ab Aldo primum, tum a Curione summa cura Basileæ, cum præfatione Henrici Glareani, excusæ prostant 1524. 1535. & 1539. in 4. quo quidem in scripto Auctor non sane contemnendam operam posuit, & a viris doctis probatam. Et qui posset aliter, qui, ut in præfatione testatur, *Grammaticorum ingentem copiam ex omni propemodum Europa collegit, moxque eos omnes sane quam accurate perlegit, habitoque delectu rerum annotatu dignarum, duos composuit libellos, quorum alter tyronibus manum leviter praberet, alter penitiora profectis paululum recluderet*. Atque, ut eo magis suum istud opusculum probaretur, laudabili instituto de passionibus dictionum ex Tryphone: de spiritibus ex Theodorito; ac de Dialectis ex Corintho excerpta, suis Institutionibus adjunxit.

- 8 Post hunc MICHAEL NEANDER memorandus est, ille meritissimus Gymnasii Ilfeldensis Rector, ubi tot præclaros Viros formavit, & inter alios LAURENTIUM RHODOMANNUM ex Gymnasii Stralsundensis Rectore Professore Hittoriarum Wittebergensem: cujus quidem promotio num Scaligeri commendatitiis, Electori monstratis, debeatur, ut ipsemet in Excerptis Puteanorum jactat incertum. Hoc certum, adeo in Græcis literis, & poësi inprimis, excelluisse Rhodomanum, ut admirationi stuporique fuerit ipsimet præceptor Neandro, ut & Dav. Chytraeo, Joh. Caselio Mart. Crusio, Nicod. Frischlino, Joh. Leunclavio, Henr. Stephano, Christ. Plantino, aliisque Viris ejus ævi in Græca eruditione principibus, & ut idem *Scaliger Epist. 401.* ad illum data miris cum elogiis extollit, scribatque inter alia: *Equidem memini, quum illa tua inusitata venustatis Lestiacæ, Iliacæ, & reliqua, tacito nomine tuo prodissent, non potuisse me continere apud amicos, præsertim apud Germanos, quin ea dicerem cum præstantissimis Græcorum certare, multis etiam longe præstare: quod qui negare vellet, aut imperitum aut malignum esse*. Sic & Gallus Jesuita eruditissimus, *Franciscus Vavasser, lib. de Epigrammate c. 17.* Rhodomanni Græca poëmata, qui rarus Gallorum in Germanos candor est, Jul. Cæsaris & Josephi Scaligerorum

ligerorum carminibus præfert, & ipsis antiquis dubiam reddere posse palmam censet. Optimis vero ejus poematibus accensenda imprimis etiam *Palestina* est, purissimo versu Græco scripta, & ad invidiam usque nitida: cui præfationem in laudes Rhodomanni effusam Mich. Neander præfixit. Inter cetera Græca ejus poemata *encomiasticon* quoque *carmen* in præceptorem suum, Michaëlem Neandrum, extat, (quem scilicet, ipso Neandro teste, in amore semper habere, amore etiam & sermone nunquam desit,) prolixum non minus ac egregium, quod in libro ejus *Phyfico* reperitur. Ceterum, ut ad Neandrum nunc propius a laude discipuli redeamus, ut ille Vir in omnibus pene disciplinis utilissimos longe libros scripsit; ita *Erotemata* ejus Græca aliquoties edita, satisque vel e nostris quoque superioribus libris nota sunt, ita, ut nec de prolixa præfatione, longe eruditissima, quæ nonnullis editionibus præfixa est, quicquam dicere attingat.

MATTHÆUS DEVARIUS, Vir Græce doctissimus, aureum plane librum *de particulis linguæ Græcæ* scripsit, qui olim Romæ An. 1588. in lucem emissus in 4., postea, A. 1657. in Angliam recusus est. Liber est omnibus elogiis dignus, & miror, illum tamdiu latere potuisse. Namque & nunc, recusus licet, etiamnum rarissimus est: (z) cum tamen ne unus quidem nec veterum, nec recentiorum, in hoc argumento quicquam tentarit, huic Operi comparandum, quod proin sedulo Juventuti harum rerum cupidæ commendandum existimamus, quippe in quo maxima elegantiae Græcæ pars proponitur. Ceterum idem ille Devarius est, qui copiosissimum indicem in Eustathium, Homeri interpretem summo utique labore confecit. Quinam vero reliqui ejus in Lingua Græca fuerint labores, ipsemet, in dedicatione & præfatione sui de particulis libri, exponit.

Ob similem laborem Devario FRANCISCUS VIGERUS, Gallum 10 Jesuitam, surrogamus, doctissimum: cujus *de Idiotismis præcipuis linguæ Græcæ* liber aliquoties, sine addito nomine Auctoris, lucem aspexit Paris. apud Sebast. Cramoyfium 1627. in 12. 1644. in 12., & alias: una cum nomine auctoris prodiiit Lugd. Batav. in 12. 1680. Multa sunt in illo libro recondita, quæ ad Syntaxin Græcam spectant: magna etenim cum cura ac diligentia differentiam Attici sermonis notat, ceteraque linguæ Græcæ scita eleganter pertractat; quibuslibet sub certis regulis, juxta Grammatices ordinem, locatis. Certe faciem præfert Vigerus hoc suo libro ad pernoscenda linguæ Græcæ interiora. Consilium opusculi patet ex præfatione, quæ quasi in antecessum & παρασκευὴν legi potest.

JOHANNES POSSLIUS, Rostochiensis, Græcæ linguæ Professor, rem 11 Grammaticam Græcam variis libris a se editis locupletiore reddidit. (aa) Ejus
Fff ff 3 extat

(z) Matthæi Devarii de Particulis Linguæ Græcæ liber nuperrime, uno eodemque Anno seculari 1700. duobus in locis est recusus, Noribergæ scilicet (in usum Scholarum Urbis illius) in 8vo, & Amstelodami in 12mo, nec proinde jam adeo rarus inventu.

(aa) De Joh. Posselii Senioris (Filium enim habuit ἐμῶν, Parentis in Lingua Græcæ Pro-

extat *Syntaxis Græcæ*, non contemnendum Opus. Scripsit & *Calligraphiam*, Francof. 1590. in 8. editam, librum ad conficiendam orationem Græcam utilissimum: quanquam omnibus numeris absolutus non sit; Benziq̃ue Thesaurus illi præstet. Est tamen usus apud tyrones non contemnendi. Multa sane ad perfectum aliquod Opus hujus argumenti requiruntur, neque illud studium Græcæ linguæ nunc est, ut quis hunc sibi laborem sumere velit: ideoque in pretio habendi, quos nancisci possumus. Maxime in hoc genere commendari meretur ANTONIUS SCHORUS, aurei libelli Auctor *de ratione docenda discendeque Græcæ & Latine Lingue*, Argent. 1549. in 8. editi, in quo, ex Isocratis parænesi ad Demonicum, modum ostendit, quo phrasium in lingua Græca, quas perpetuo cum Latinis confert, observationes instituendæ sint. Extat & MICH. NEANDRI *phrasæologia Isocratis*, quam ille, ex hujus Orationibus collectam, & sub titulis locatam, recentis sui auctoris verbis integris, vulgavit Basil. 1557. in 8. Ejusdem instituti est JACOBI BILLII, Abbatis Græce eruditissimi, *Locutionum Græcarum, in communes locos per alphabeti ordinem digestarum, volumen*: quod Paris., vergente ad finem superiore sæculo, lucem publicam aspexit. Poëticarum phrasium congeriem collegit JOH. PHIL. PAREUS, in *Mellisicio Attico*, quanquam & illic non minus, quam in *Calligraphia* ejus *Romana*, delectum majorem, & distinctiorem ordinem, quis requirat. Porro & in flosculis sententiarum, formularum solennium, adagiorum, pro ornatu orationis colligendis, aliqui salubrem operam navarunt. Legas itaque MICH. APOSTOLI, Andr. Schotti *Proverbia*: JANI GRUTERI *Gnomas Jambicas*, quas, in Opere Adagiorum suorum, ex omnibus gentibus collectorum, concessit Francof. 1610. in 8. Ex Homero sub titulis collectos habemus versus, qui Adagiorum instar nonnunquam Latino sermoni inspergi possunt, a JACOBO DUPORTO, in libro, cui titulus: *Gnomologia Homeri*, duplici parallelismo illustrata, uno ex locis S. Scripturæ, quibus gnomicæ Homericæ aut prope adfines, aut non prorsus absimiles afferuntur: altero ex gentium scriptoribus. Cantabrigiæ 1660. in 4. Formulæ istiusmodi nemo aptius & adposite magis utitur, quam Casaubonus & Reinesius in suis epistolis: e quibus excerpere illas potest, qui bilinguis in epistolis esse vult. Revertor nunc ad Grammaticos.

- 12 JEREMIAS TSCHONDERUS, in Gymnasio Vratislaviensi Græcæ Linguae Professor, scripsit *Systema Grammaticæ Græcæ*, quod magno elogio extollit Caspar Scioppius. Nam in fine *Consultationum* suarum *de studiis*, ita habet: *Græcam Tschonderi Grammaticam qui nancisci potest, magno paradigmata, multasque regulas, addiscendi*

(fessione Rostochii Successorem) in Literaturam Græcam Meritis, & Scriptis variis cum illustrantibus, toties casis ac recutis, in *Cimbria Literata* susius sumus commentati, & Judicia de iisdem Eruditorum honorifica quamplurima collegimus. Nunc unci saltem de *Calligraphia Linguae Græcæ Oratoria* mentionem injiciemus, a Nicod. Frischlino, Poeta & Didactico celebri, profecti, qui, teste Petr. Bamhamii *Possessio Rediviva*, tanti librum hunc fecit, ut Discipulos cum sibi, vel veste nummis permutata, comparare jussit.

discendi labore se levatum letabitur. Et verum utique est, magna diligentia tradidisse Auctorem illum Grammatices præcepta: plenissime simul & compendiosissime Dialectorum & Poëtismorum ad singula præcepta applicationes instituit: syntaxin ordinate proponit, usumque particularum monstrat: quanquam Matth. Devarii liber in hoc labore multum illi profuerit; ut, præter alia, ex syllabo Auctorum parat, quos nominat. Editus est liber Jenæ Ann. 1618. in 8.

MARTINUS CRUSIUS, Professor Græcæ linguæ Tubingensis, multa 13 edidit in lingua Græca. Variæ ejus extant Commentationes Grammaticæ, & cum Nicodemo Frischlino lites, qui & ipse Grammaticam Græcam scripsit, & in ea, quavis data occasione, Crusium fugillat. Sed erat Frischlino ingenium satyricum, quo magnas sibi calamitates, & exitium, attraxit. Equidem Crusius Vir non adeo emunctæ naris, sed diligens tamen & laboriosus erat, & in vulgari illa Græca versatissimus, cujus varia ab illo extant monumenta in ejus *Turco-Græcia*, Epistolarum ab ipso ad Græcos modernos, & horum vicissim ad illum, scriptarum: multos enim impendit sumtus in literas ultro citroque latas. Habetur vero in illis eximia notitia status religionis, qualis nunc est in Græcia, cujus cum nostra Aug. Confessione Symbolismus haud raro luculentus ostenditur.

Non vacat autem, recensere omnes Grammaticos, illos præcipue, quibus 14 pro lege est se mutuo exscribere, ut quidem recte mea sententia judicat Dietericus in *Specillo Chrestomathie Græcæ*, qui addit; *inter tot Grammaticorum compendiorum Auctores vix unum esse, quem in omnibus sequi possit.* Ostendimus Auctores præcipuos, unde plerique ceperunt sua, vel in compendium traxerunt: de reliquorum, qui supersunt, nonnullis, carptim breviter dicemus. Est nempe *Grammatica Ost. Gualtiperii, Theoph. Golii, Jac. Gretseri* (sua utique laude non privanda, cujus jam septima editio ante An. 1606. Ingolstadii prodiiit) JOHANNIS VARENNII, Mechliniensis, qui Lovanii Græcas literas docuit, *Syntaxis Græcæ*, Basil. An. 1536., & iterum cum annotatiunculis Joach. Camerarii, apud Oporinum Anno 1550. edita, quam laudat, & Vergaræ sine controversia præferendam ducit, Gretserus. Alex. Scoti, qui & in Clenardum scholia scripsit, prodiiit Colon. An. 1633. in 8. Rich. Croci, Angli, in Grammaticam Gr. Introductiones & Tabulæ Grammaticæ Colon. An. 1510. excusæ commendantur a nonnullis; quos inter præcipue Erasmus eum Auctorem, ob linguæ Græcæ peritiam, vehementer extollit. Extat quoque PETRI RAMI *Grammatica Græca*, Paris. An. 1567. & Francos. 1580. in 8. edita. Alia item ejusdem Auctoris Francos. Ann. 1581. prodiiit, quæ in id scripta est, ut, *quantum differat lingua Latina a Græca*, ostendat: quod argumentum licet a Ramo plene pertractatum non sit, est tamen conatus Operis haud vulgaris. Utilissimum enim est, nosse differentiam linguarum a se invicem & convenientiam: cum utrumque faciat ad proprietatem Latinæ Linguæ, & ad Idiotismos rectius cognoscendos. Convenientiam Græcæ linguæ cum Latina descripsit DANIEL VECHNERUS, in libro, cui titulus *Hellenolexia*, seu Parallelismus Græco-Latinus, imitationem Græcorum in lingua Latina ostendens. Liber

Liber non ita pridem recusatus est, utilissimus sane, e quo maxime patet græcissatio linguæ Latinæ: editus est dudum Argentorati Ann. 1630. in 8. JACOBI WELLERI *Grammatica* laudatur ob declinationum species in compendium redactas: verum non fuit hoc ejus inventum, sed Laurentii Rhodomanni, qui, in *Philomuso suo*, jam tum ejus meminit; quod Wellero dissimulatum. Extat quoque *Græca Grammatica* JOH. CASELII, a Nathane Chytræo edita Rostochii Ann. 1581. in 4. FRANCISCI SANCTI *Grammatica*, Antwerpiae eodem anno in 8. proculsa, exiguus libellus est, sed ob Auctoris nomen in aliquo pretio habendus, qui fuit in Salmanticensi Academia Rhetorices & Græcæ linguæ Professor. *Græca Vulgaris hodiernæ Grammatica* SIMON PORTIUS, Theologus Romanus, scripsit, nuncupavitque Cardin. Richelio Paris. 1638. in 8. quam tanti aestimavit Carolus du Fresne, ut recusam Glossario suo Græco præfigeret.

- 15 Dolendum vero, intercidisse consilium JOH. CONR. DIETERICI de Opere *Χρησολογίας Græcæ*, cujus Synopsin, seu, ut ipse vocat, *Specillum*, editum habemus. Sex ille partes Operis ejus facit. I. *Breviarium*; in quo artem Græmicam tradere meditatus est. II. *Radiale*, ut vocat, quod primitiva Græca, eorumque deducta, certis regulis proponere debuit, pene ea ratione, qua Andr. Pauli in *Thematologia* Novi Testamenti usus est. III. partem facit *Theatriolum sententiarum*, sex ordinibus distinctum: quo in loco multa de Auctorum Græcorum delectu non aspernanda habet. IV. Pars illi est *Inventarium Harmonicum*, quo recenset Vocabula ac Phrasés cum Latinis convenientes, & e Græcis deductas voces Latinas (Quo consilio Jac. Masenius in *Palæstra Styli Romani*, l. II. c. 2. & 3. a Græcis derivata peculiari Lexidio complexus est). Sequitur apud Dietericum V. pars, *Rationale vocum*, ubi etyma ac origines Vocabulorum investigat. Sextam denique partem vocat *Flavissam Poeticam*, qua proponere voluit Lexidion vocum & translationum Poëticarum, quas quidem a ceteris optime sejunxit. Addit denique *Mau-tissam artificii mnemonici*, quam illorum ingeniis, qui non adeo incapaces artis istius sunt, tantum commendat. Memini, Henricum Schævium Eilhardi Lubini Clavem L. Gr. ad artes mnemonicas rede-gisse, atque his non sine aliquo successu Græcæ linguæ radices pueros docuisse:

- 16 Hæc de Grammaticis in universum. Partes Grammatices sigillatim nonnulli peculiari-bus libris exposuere. *Dialectorum Græcarum originem & naturam* prolixè, & more suo eruditissime, pertractavit SALMASIUS in suo de *Hellenistica* Commentario, inprimis P. II. inter alia contendit, male *κοινή* dialectis annumerari: quippe quæ tum demum invaluerit apud Græcos, ubi ceteris dialectis abolitis sola *ἑλληνική* (quæ olim in dialectorum censu fuerat Thessaliæ ac Macedoniæ incolis usitata) per Macedones introducta ubique fuerit: qua re motos ait illius temporis Grammaticos, qui quatuor dialectos ab antiquis traditas scirent, viderentque vigere ubique locorum in Græcia linguam illam, quæ *κοινή* vocabatur, hanc quintam addidisse dialectis antiquis quatuor, quæ proprie tamen dialectus non sit. Egit quoque de dialectis fuscè HENR.

STEPHA-

STEPHANUS in *Theſauri parte ultima*. Omnem vero ejus aliorumque de dialectis doctrinam tabulis commode & ſuccincte incluſit JACOBUS ZWINGERUS, Prof. Baſileenſis, quæ cum Scapulæ Lexico edi ſolent.

De *Accentibus Græcis* peculiare libros ſcripſerunt ANTONIUS DANGALIERES¹⁷ & PHIL. LABBE: quorum hic editus eſt Lugduni 1650. in 12. alter ibid. A. 1655. in 12. Et hi quidem nihil de accentuum novitate tradunt. CL. SALMASIUS, in ea epistoſa ad Sarravium, quam libro I. T. I. noſtri *Polyhiſtoris*, c. 7. totam excerpſimus, Ariſtophanem primum & proſodice, & accentuum, repertorem facit: Byzantium nempe, Grammaticum ſub Ptolomæis Philopatore & Epiphane clarum, ut in alia iterum epistoſa, inter Sarravianas p. 241. & 242. ſemet explicat. Neque id ſane falſum, quippe quod ex Apollonio, Arcadio, aliisque Græcorum Magiſtris, didicit: uti, poſt Salmaſium, ISAACUS VOSSIUS lib. de *Viribus Rhythmi* obſervavit p. 18. qui ſimul brevem hiſtoriam Græcorum accentuum literariam ſubjungit, his verbis: *Hujus (Ariſtophanis) diſcipulus Ariſtarchus, præceptoris inſtitutus veſtigii, auxit & illuſtravit accentuum numerum, idemque ſtudium tenuit Dionyſium Thracem, Ariſtarchi auditorem. Nec aliam inſtitere viam, qui poſtea in ſchola Alexandrina ſibi invicem ſuccedere: Apollonius nempe Dyſcolus, Orion, Herodianus, Apollonii Dyſcoli filius, Alexander, Aſyages, Origenes, Agapetus, Philoponus, Sergius, Apollonius junior, Ariſtarchus junior, Johannes Charax, Herodianus Magnus, Auxonius, Georgius Cheroſeus: qui omnes quanto ætate poſteriores, tanto pluribus præceptis accentuum rationem involverunt, ut multa horum quæ ſuperſunt, ſatis declarant ſcripta. Quemadmodum vero Salmaſius l. c. negare non poteſt: non propterea, quod inventi dudum accentus fuerint, eorum quoque in ſcriptione marmorum, numiſmatorum, codicumve uſum fuiſſe: imo poſius nullum codicem nongentorum aut mille annorum deprehendi fatetur, cui, niſi forte a recentiore manu, appiekti accentus ulli ſint: ita hoc etiam inprimis Voſſius pro novitate accentuum hodiernorum urget: olim ſcilicet, florentibus etiamnum Græciæ rebus, longe aliam proſodice & accentuum fuiſſe rationem perſuaſus: ad quæ roboranda veterum Grammaticorum Dionyſii Thracis, Apollonii Alexandrini, &c. Dionyſ. Halicarnaſſenſis, Ariſtarchi junioris, & aliorum, quæ ſuperſunt ſcripta & fragmenta allegat, colligitque, non Grammaticorum olim ſed muſicorum fuiſſe officium, notas, ſeu diagrammata proſodica, unde cantus cognosceretur, appingere præmiſiſ. E quibus omnibus concludit; repudiandos in poëtarum lectione Græculorum recentiorum accentus, qui nihil aliud ſignant, quam ſonum abſonum, ridiculum, & verſus, qui cantari nequeant, denique quidvis præius, quam carmen: contra apponendos alios, qui pedum ac rhythmorum rationem obſervent: cujus laboris ſpecimen ipſe in tribus Homeri verſibus exhibet. His Voſſii aliisque novis rationibus nixus HENRICUS CHRISTIANUS HENNINIUS, idem *περί τῶν ἐκείνων* eleganti diſſertatione adſerere conatus eſt, quæ ſub titulo *Ἑλληνισμὸς Ὁρθοῦς* Trajecti ad Rhen. An. 1685. in 8. in publicum exiit. (bb) Sane,*

uti

(ll) Henninii de Accentuum Græcorum novitate Sententiam confirmare ulterius aggreſſus eſt
Tomus I.

Ggg gg

uti hæc opinio suis, probabilibus etiam, fundamentis destituta dici non potest, probataque Henninii dissertatio, ipsomet id referente, compluribus apud Belgas eruditis primi ordinis est: ita eo magis optandum, ut aliæ ejusdem viri duæ Dissertationes, quas se jam paratas habere ait, excudantur: quarum una inscribitur ἑλληνισμὸς ἐν μὲν ὀνόματι, & annexum indicem *Bibliotheca Græca* habebit 1. *Philologorum*, seu Grammaticarum, Lexicorum, Phrasæologiarum, particularum linguæ Græcæ, similitumque scriptorum. 2. *Literatorum*, qui Græcas antiquitates illustrarunt. 3. *Auctorum Græcorum*, qui ab Homero ad captam usque Constantinopolin urbem scripserunt. & 4. *MSS. Græcorum ἀνεκδότων*, quæ hic illic in Bibliothecis latent. Incidit hac occasione, ut id ὡς ἐν παραδείῳ, sed tamen non extra oleas, addam JOHANNEM MEURSIUM, egregium illum Græcæ antiquitatis vindicem, sub manibus simili labore *Bibliothecam Græcam*, ac *Bibliothecam Atticam*, habuisse: Atque, ut erat prorsus eximia in cruendis colligendisque rebus Græcis solertia, stupendique laboris vir: ita neque hoc in opere cessavit: sed jam ad finem perduxerat Atticam Bibliothecam, quæ Scriptores Athenis oriundos continet: & in quatuor libros Alphabeticæ ordine distributa Holmiæ in Regia Suecorum Bibliotheca MSS. servatur: hinc vero ut communi eruditorum usui, per Clar. Normannum, vel alium Virum doctum, eruatur, sane perquam optandum est. *Græca vero Bibliotheca* Meursii, quæ ibidem latet, & omnium Græciæ provinciarum Auctores itidem alphabeti ordine digestos recensere debuerat, manca nimis est, & non ultra primam *διὰ δὲ* literarum assurgit. (cc) His ita de Meursio inspersis, nunc ad Henninii

Medicus alter eruditus, Joh. Dan. Major, Prof. Kiloniensis, in *Epistola de Nummis Græce inscriptis*, ad D. Joh. Dieckmannum, Ducatus Bremensis Ecclesiæ Supremum Austriacum, quæ præcipue Paradoxon Viri Cl. Henr. Christ. Henninii, Linguam Græcam non esse secundum Accentus pronuntiandam, Orbi Literato ulterius considerandum committitur, Kilonii A. 1685. in 4to edita. Adjuncta est illi *Appendix de suspecta*, imo olim nulla, *Notarum Subscriptionum*.

- (cc) *Bibliotheca Joh. Meursii Senioris Græca Alphabeticæ*, de Antiquis Scriptoribus Græcis, eorumque Operibus, tum etiamnum reliquis, tum deperditis, Libris IX. totidem Musarum nominibus, ad exemplum Historiæ Herodoti, insignitis, absoluta, sæpius ab Autore (*Lib. 2. Athen. Basav. p. 197. 198. in Lib. de Fortuna Asica c. 3. & in Lect. Theophrasticis cap. 1.*) est promissa, Editioque illius a Viris Eruditis, Andr. Schotto & Luca Holstenio (in Epistolis ad eum ἀνεκδότοις,) Phil. Labbeo (*in Biblioth. Bibliothecarum p. 205.*) Joh. Jonsio (*L. 3. de script. Hist. Philos. c. 20. p. 313.*) aliisque, vehementer desiderata. Superesse eam etiamnum inter *ἀνεκδοτά* Bibliothecæ Regiæ Sveciæ Holmiensis Meursiana, quæ Sam. Pufendorffius Joh. Georgio Grævio, ut, ipso curante, ederentur, transmisit, verum imperfectam nec ultra Literam H productam, Christ. Thomasi Cogitata de Libris Recentioribus Jocosoria Germanica (*M. Nov. A. 1689. p. 585. 586.*) testantur. Si Morhofio, vel interpolatori ejus (h. l.), credendum, longe adhuc magis est mutila & imperfecta, nec ultra primam Literarum *διὰ δὲ* assurgit. Absolutam tamen ego illam ab autore esse non dubito, cum edendæ ejus potestatem Guilli. Noomio, Arlanderweniæ Domino, Anno jam 1634. fecerit in Epist. ad Gerh. Joh. Vossium d. 12. Jul. scripta, & in Appendice Vossianarum (*num. 303. p. 127.*) obvia. *Bibliothecam Atticam* (*L. 2. Athen. Basav. p. 197. 198. in Praefat. Græciæ Ludibundæ, & in lib. de Fortuna Asica c. 8.*

Henninii promissam alteram Dissertationem revertor: eam inscribit *Παρακρίσις τῶν Βαρβαρίσμων*: demonstrabitque, Græcos hodiernos, eorumque sequaces, vitiose literas & diphthongos Hellenismi enunciare.

Atque ita nos manuducit sua hac promissione Henninius ad controversiam *de* 18
genuina lingua Græca pronuntiatione, multa utrinque contentione, scriptisque multis, inter literatos agitatam: quibusdam hodiernum & vulgarem pronuntiandi morem, quo diphthongos *ai* per simplex *e*, *oi* vel *æ* per *i* simplex, efferunt, quemque nunc jotacismum appellare nobis liceat: aliis contra vehementer eam pronuntiationem impugnantibus, & oppositum adeo esse clarum manifestumque contententibus, ut contrahiscere idem sit, ac os nullum, vel potius pugilis, habere. Sic utraque causa suos patronos, sua etiam argumenta, habet. Mihi tamen semper potior est visa posteriorum sententia, qui jotacismum istum improbant. Id equidem præfracte adeo negare non ausim, aliquo tempore, & apud aliquos Græciæ populos fuisse talem pronuntiationem in usu: namque observatum est in inscriptionibus Græcis vetustissimis (e quibus potissimum, & e versionibus Latinis, quando Græcas literas æquali charactere exprimunt, res decidenda est,) pro *η* & *οι* substitutum fuisse purum jota: sed tamen hæc rem nondum decidunt. ISAAC. VOSSIUS, qui, suarum in *Melan Observationum* l. I. c. 12. p. 65. se de *Literis & pronuntiatione linguae Græcæ scripturæ*, promiserat, in libro de *Naturæ Rhythmi* p. 5. graviter in eos invehitur, qui credunt, *beta* literam sonasse ut *vita*, aut vocales *η*, *ι*, & *υ*, eodem pacto pronuntiatas fuisse: contra is non solum florentibus adhuc Græciæ rebus, sed & quamdiu steterit Romanum imperium, diversum accidisse, audacter asserit: aliam tamen diphthongorum esse rationem faterur: quanquam enim utraque earundem vocalis exaudita in veterum pronuntiatione fuerit, priusquam Græcia Romanis serviret: sub Nerone tamen, & Claudio, cum nimium delicatuli esse homines cœpissent, diphthongos Græcas una cum Latinis, frustra etiam renitente Claudio, expirasse. Non tantum insolens quid (ita Vossius p. 16.) sed & vastum, & rusticum præ se ferre videbantur diphthongi *AI* & *OI*: Nec desuere credo, qui fauces non satis patere, nec sine dolore in tam lator sonos diduci & explicari posse, adfirmarent. Sine mora itaque a Romanis transit vitiosus hic pronuntiandi ritus ad Græcos; gentem adulandi peritissimam, frustra reclamantibus doctis & antiqui moris studiosis: qui licet aliquandiu resistere, brevi tamen & ipsi quoque in mollius loquendi genus concessere: & adeo quidem, ut Trajani & Adriani seculo bivocalium usus penitus cessasse videatur. Hinc est, quod in illis marmoribus, quorum inscriptiones factæ sunt post ea tempora, mera diphthongorum confusio appareat, cum *E* pro *AI*,
 Ggg gg 2 I pro

promissam) Autor prælo itidem paratam habuit, ac Gerhard. Joh. Vossio Amstelodamum A. 1633. transmisit, ut illic, in Tomo Operum suorum Historico-Philologicorum Primo, ederetur. V. Epist. ejus ad Vossium, d. 20. Aug. A. 1633. exaratam, in *Appendice Vossianarum*, num. 175. p. 113.

I pro OI vel EI, passim occurrat, cum tamen in vetustioribus lapidibus orthographiae ratio optime sibi constet. Hæc Vossius, cujus ego judicio multum in hoc negotio tribuo: est enim illarum literarum doctissimus, & in ista multitudine Auctorum, qui de hoc argumento scripsere, procul dubio nova quædam vidit & observavit. Scripserunt aliquin de pronunciatione lingue Græcæ JOH. CHEKUS, Anglus, cujus de illa controversia disputationes, cum Stephani Wintoniensis Episcopi VII. epistolis, junctæ prodierunt Basil. An. 1555. THOMÆ SMITHI de recta & emendata pronunciatione lingue Græcæ liber Paris. apud Rob. Stephanum an. 1568. in 4. excusus est. ADOLPHI MEKERCHI, Brugensis de veteri & recta pron. ling. Gr. scriptum Plantinianis typis Antwerp. 1576. in 8vo impressum est. HENR. STEPHANUS vero integrum corpus Auctorum, hanc materiam evolventium, collegit, hoc titulo: *De lingua Græcæ ac Latine vera pronunciatione commentarii doctissimorum virorum*. An. 1587. in 8. Scripsit præterea JOH. CAJUS, Londinensis, Medicus clarissimus, πολύγραφος (ut e Gualdo de Scriptor. Non-Ecclesiast. Frislique Bibliotheca liquet) & Collegii cognominis apud Cantabrigienses fundator, de Pronunciatione lingue Græcæ & Latine, cum scriptione nova Londini 1574. in 4. Adversus jotacistas disputat quoque LAURENT. RAMIREZ de PRADO in Περὶ ἰοτακτικῶν suo, Antwerp. 1612. edito, c. 34. qui & hac in parte profligare ignorantiam vulgarem voluit. Contra vero non ita pridem JOH. RUDOLPH. WETSTENIUS, Græcarum literarum in Academia Basil. Professor, doctusque vir, omnes has de pronunciatione Græcæ linguae lites, editis de illa Orationibus Amstelod. 1681. in 8. ita resumit, ut jotacistarum partes agat, & sollicitè ad adversariorum argumenta respondeat: nondum tamen persuasit.

- 19 Ad doctrinam de Dialectis, cujus supra mentionem fecimus, pertinet quoque πολυδιδύλλητος illa, & tot infestis acerbisque scriptionibus actirata, de Hellenistica Lingua controversia: cui occasionem primam JOSEPHUS SCALIGER, tum in *Animadversionibus Eusebianis* pag. 134. tum in conversatione familiari dedit: a quo, magistro suo, haustam opinionem DANIEL HEINSIUS, in *Prolegomenis suarum Exercitationum Sacrarum*, earumque perpetuo decursu, magno conatu uberius expolire, peculiaremque Dialectum ejus, in translatione τῶν LXX. & stylo Novi Testamenti, obviā, constituere annisus est. Cui vero se acri scriptione opposuit CLAUDIUS SALMASIUS, tum in *Commentario de Hellenistica*, Lugd. Bat. 1643. in 8. edito; tum in *Funere & Offilegio Hellenisticae*. ibidem eodemque anno proculso, cum Heinsius scripta differtatione sui vindicias tentasset. Et scripsit quidem Salmasius eo eventu, ut causa Heinsium cecidisse viri docti palam tum judicaret. Ita enim Sarravius ad Alex. Morum Epistol. p. 71. *Omnes docti & probi in amici nostri sententiam palam eunt. Familiam duxere Gerb. Vossius, Constantinus Imperator, Job. Latius: quos numeri innumeri secuti sunt. Hos inter non ultimum ipsummet Sarravium fuisse, alia ejus ad Gronovium, quem noverat Heinsii amicum, verba testantur Epist. p. 69. Sed quid de ejus (Salmasii) Hellenisticis censetis? Tu præsertim quid de Offilegio? Nisi enim me viri amor turbat, vix aliquid majori cum fructu, venustate & elegantia, ab eo unquam scriptum*

scriptum fuisse edico. Hinc cum MARTINUM SCHOOCKIUM, Ultrajectinum, Rogum Funeris Hellenistici moliri audivisset; Viderit ille, inquit, nun molesta tunica indutus in ipsa tæda lucere velit: pag. 87. Nihil vero hujus edidit Schoockius: sed Auctor est Dissertationis de Hellenistica lingua, Lugd. Batav. 1643. in 8. evulgata, quam ab Heinio ipso scriptam male Salmasius suspicabatur, eapropter castigatus a Placcio in Anon. Detectis p. 66. Præter Salmasium vero alium quoque adversarium, non minus acrem, & eruditum, nactus est Dan. Heinsius, amicum olim, & quod mireris, contra Balzacum defensorem, JOH. CROJUM, cujus *Observationum Sacrarum Pars prior*, Genevæ 1645. in 4. publicata, Heinii Prolegomena discutit: & multis profecto egregiis atque eruditissimis observationibus scaret. Sarrauius, quem paulo ante laudavimus, in *Epist. p. 135* ita de Croji libro ad Morum. Reddite mihi sunt amici tui observationes in Prolegomena jacentis & afflicti auctoris, pro quibus magnas tibi debeo & ago gratias. Opus est eruditum, varium, elegans, multijugi doctrina & lepore refertum. Placet præsertim *ὑμῶν ἀνέκδοτα*, quo hominem audacter, nec sub persona, aggreditur. Si autem in solo pene hærent *πρεποδοῖα* tot inscitia & ἀνεπιστάσια portenta profligavit, quid non speremus amantes, ubi ipsa adyta referaverit? Quæ sequuntur, non addo, cum e Salmasianis relationibus haulta justo acerbius Heinsium perstringant; (de quo alibi in epistolis dignius atque moderatius loquitur) ut recte etiam Colomesius in Gallia Orientali p. 186. observavit. Certe, uti Leydenfes edita Ann. 1646. Apologia Heinii tuiti sunt, ita nihil amplius a Crojo lucem in hac controversia aspexit: quamquam ipse plures adhuc Observationum partes sub finem editæ promiserit. Utrum vero earundem editio a collegis Croji impedita sit, (a quibus, cum barbarum istud facinus illis displiceret, Crojum sui officii admonitum respuisse, Nicol. Heinsius, D. F., sibi narratum refert, *Not. in Ovid. T. I. p. 375. edit. in 12.*) an alia illum causa retardaverit, incertum. Servare partes reliquas Croji Observationum nepotem ejus D. Roure, e Colomesio l. c. didici. Adeo vero rejicit Hellenistarum nomen in LXX. Interpretibus Vir ille doctus, ut eos potius *Ex-Hellenistas & Aphellenistas* dici debere pag. 254. *Observ.* asserat. Neque etiam substitit inter hos triumviros controversia: sed & MATTHÆUS COTTERIUS, scripta de Hellenistis & lingua Hellenistica Dissertatione, Heinio se opposuit, & complures alii, modo pro Heinio, modo contra illum, argumentum hoc pertractarunt; quos recensere nimis prolixum foret. Inprimis vero recrudit illa lis inter Richardum Simonium & Jf. Vossium: quorum ille, Salmasium, nonnisi de umbra asini disputantem, lites de nomine tantum concitasse, scribit: hic vero Simonium vulgi more loqui ait, non attendentem, res esse mortuas, nisi vocum accesserit potestas. Videantur eorum scripta ἀπερίεργα: Simonii Castigationes, & Vossii Responsiones. Quemadmodum vero plerisque negandum non videbatur, peculiarem esse librorum N. T. & LXX. Interpretum loquendi modum: ita Græcum Synagoge illum vocavit Simonius, cum Hellenisticum non veller. Salmasius vero *Idiotismos, solæcismos, barbarismos*, sacro etiam textui immistos asserere non dubitat: quod cum nimis durum aliis videretur, eo ipsi tetenderunt, ut puram omnino esse, nec Hebraismos, nec idiotismos,

rismos, & multo minus solæci quid barbarive, redolere evincerent. Hoc jam, ante lites Hellenisticas, probare Henr. Stephanus est conatus, in erudita quadam præfatione, quam novo Testamento a se in 12. edito præfixit: infecutus eum Sebastianus Pfochenius, *Diatriben de Lingua Græca puritate absque Hebraïsmis* edidit Amstel. 1629. in 8. inde aliquoties reculam. Post lites Heinſianas idem valide, conquisitis undique scriptorum profanorum locutionibus, assertum ivir operoso *Annotationum in Nov. Test. volumine*, Wittebergensis Academiae clarum fidus, ERASMUS SCHMIDIUS; prodiit illud Noribergæ an. 1659. in fol. Haud segnior discipulus Schmidii, BALTHASAR STOLBERGIUS, & ipse Græcæ L. Professor Wittebergensis, non solum variis *Exercitationibus*, quas uno *Tractatu comprehensas*, post Auctoris fara, *Clar. Schurzſeischius* præfatione ornavit, Witteberg. 1685. in 4., solæcismos & barbarismos, Novi Fœderis dictioni tributos, profligare strenue molitus est: sed & paratum jam editioni Opus magnum reliquit, summa diligentia elaboratum, quo puritatem styli N. T. ostendere satagit. Servatur illud adhuc manu Auctoris scriptum a Theod. Dassovio, L. L. Or. in eadem Academia Professore, Viro clarissimo, & Strolbergiani tori successore: qui & edendi Operis plus semel ad amicos spem fecit. Eodem proposito scripti apud Anglos JOH. PRICEI *Commentarii in Nov. T.* sunt, qui & junctim uno Volumine Londini lucem aspexerunt An. 1669., & in Opus Criticorum S. Scripturæ Interpretum una recepti sunt, ut a barbarismis Novi Testamenti phrasin vindicent. Enimvero, ut jam olim Pfochenio sese Thomas Gatakerus opposuit, magnum in omni re literaria nomen, edita *Dissertatione de stylo Novi Testamenti*, Londini 1648. in 4., utque Is. Casaubonus, in *Notis ad N. T. a se editum*, auctoritati fœceri sui Henr. Stephani non cessit: ita Wittebergensibus Viris doctis JOH. HENR. BOECLERUS brevi quidem, sed eruditissima *Dissertatione de Lingua N. T. originali* (quam recudi, suæque de eodem themate addi, Celeb. Lipsiensium Theologus D. Joh. Olearius curavit,) ea objecit, quæ nondum soluta, si verum fateri decet, etiamnum prævalent. Mediam ille viam tenet, & quid in Salmasii opinione, quid in sententia Heinſii, culpandum sit, egregie & cordate, reſtis tamen semper nominibus, exponit. Contra eos vero, qui puritatem Græci sermonis in N. T. asserunt, multisque corraſis undique similibus locutionibus probant, illud inprimis monet: non esse questionem, an phrasæ & verba, quæ in Novo Testamento occurrunt, e perreptatis scriptorum profanorum monumentis possint erui; (præsertim si raro hic, ibi vero semper, occurrant) sed, an tota dictionis indoles, faciesque styli, totumque orationis corpus, conveniat cum ea Gracitate, quæ in profanis scriptoribus occurrit. Ex hoc enim principio de idiomate esse judicandum. Eandem cum Boeclero viam JAC. BOLIVS trivit, Regiomontanus Professor, qui an. 1647. in 4. peculiarem edidit dissertationem hoc titulo: *Iusta & moderata absentia ab exequiis, & justis funebribus, funeri lingue Hellenisticæ excusatio & venia, quam ab iis, qui, idiotismum Hebræum in Tabulis Testamentariis Novi Fœderis Salvatoris nostri J. C. negando, sumus lingue Hellenisticæ procurant: iis vero, qui, Solæcismos & barbarismos eidem impingendo, prorsus efferunt & contumulant, -- impetrare conabitur &c.* uti Placcius loco sup. cit. indicat. Ex Italis doctæ & copiose materiam istam, in utramque partem differendo, tractasse Pe-

strum

trum Lasenam Erythræus in *Pinacoth. I. p. 108.* auctor est. Verum longe plures adhuc Philologi eruditi supersunt, quorum tractatibus illustrata & pertractata illa controversia est: *Glassius* noster & *Job. Vorstius*; uterque in *Philologia Sacra*: ille carptim, hic luculenter: *Caspar Wyssius* in *Dialectologia Sacra*: *Georg. Pafor* in *Idea Dialectorum N. T.* *Job. Olearius* supra laudatus in *Dissertatione de Stylo N. T.* *Anton. Borremansius* in *Variis Lectionibus c. 1.* *Job. Leusdenius* in *Philologo Ebræo-Græco*: & tot alii, quos nunc præterimus.

Sunt alii, qui conformitatem phræos Græcæ & Hebraicæ aliquot libris in-
tegris tradidere: *ZACHARIAS BOGANUS*, Anglus Devonienfis, cujus extat *Homerus Ἑκατόων*, seu comparatio Homeri cum Scriptoribus Sacris, quoad normam loquendi: editus est ille liber Oxonii An. 1658. in 8. Simili labore *Homeri Hebraïsmos* annotavit *JACOBUS CAPPELLUS* in *Vindiciæ Casaub.* L. IV. c. 11. 12. Eandem operam *phræos Homeri cum Syriasmò collatæ* jamdudum ante hos *ANGELUS CANINIUS* promiserat, *Buchnero* teste in *Paraphrasi suæ Eclogæ de Philosophia*: Idem promiserat & *Heinsius* in *Sacro Aristarcho*.

CAP. VII

DE

LEXICOGRAPHIS GRÆCIS, ET GLOSSARIIS ANTIQVIS.

- §. 1. *Lexicorum Græcorum Historiæ Scriptores.* 2. *Lexicographi Veteres Editi, Auctor sc. Magni Etymologici.* 3. *Suidas.* 4. *Jul. Pollux,* 5. *Harpocration.* 6. *Hesychius Alexandrinus.* 7. *Stephanus Byzantinus.* 8. *Lexicographi Veteres Inediti, Phrynichus, Helladius, Pausanias.* 9. *Photius (Patriarcha Constantinopolitanus.)* 10. *Job. Zonaras, Eudemus, Arsenius.* 11. *Cyrillus Alexandrinus, aliiqve complures, magnam partem Anonymi.* 12. *Glossariorum diversa acceptio. Glossarium apud veteres Copia.* 13. *Glossariorum, a Pet. Daniele, Henr. Stephano, Bonav. Vulcanio, Car. Labbeo, J. Rutgersio, editorum, Historia.*

Uti præcipua ἑτυμολογία Græcæ pars e LEXICIS atque GLOSSIS haurienda est; imo & etymologiarum ratio ibi omnium maxime habetur; ita de his nunc post Grammaticas, quarum pars magna sunt, justam tractationem institui res ipsa juber. De eorum ratione in universum, origine, instituto, differentiis, aliisque notatu dignis, magna fane diligentia, & judicio haud minore *Phil. Jac. Maussacus* agit, in *Dissertatione Critica*, suis in *Harpocrationem* notis præmissa. Attingit quoque istud argumentum *Job. Wolderius* cap. IX. suæ *Polymathiæ*: quem *Maussacus* identidem, sed nonnunquam immerentem, castigat. De Lexicis Græcis præ-

præterea Dissertationem edidit *Joh. Henr. Bæclerus*, quæ reperitur inter Dissertationes ejus Academicas: videndus quoque *Joh. Martinus*, in præfatione Lexici sui Philologici, (& post hos *Joh. Alb. Faber*, qui Exercitationem de Lexicis Græcis Decadi Decadam, Lipsiæ 1689. editæ, annexuit: quam vero nunc secundis curis plus altero tanto auctiorem, & accurato studio recognitam paratam habet, propediem editurus.)

- 2 Etymologiam vocum Græcarum non Platoni solum, cui primo illam curam Dionysius Halicarnassensis adscribit, sed & Philosophis aliis, nec non JCris, Poëtis, Comicis, & Tragicis, imo & Christianæ Theologiæ Magistris, cordi fuisse eleganter Maussacus, ex ipsorum monumentis, ostendit. Hinc nata jam olim varia variorum Etymologica, quæ nunc periere, & e quibus constatum, quod superest adhuc, **MAGNUM ETYMOLOGICUM** est, pulcherrimum istud antiquitatis Græcæ fragmentum, magnumque penu Grammaticæ, in quo & originum & analogiæ doctrina, ex veterum sententiis, copiosissime proponitur; historiæ item & antiquitatis monumenta passim attinguntur: adeoque liber omnino necessarius ad linguæ rerumque Græcarum cultiorem notitiam. Auctor illius ignoratur, licet nonnulli *Marcum Musurum* (qui in Thomasi de Plagio Dissert. vitio typographi male *Martinus* scribitur,) alii *Nicolaum & Zachariam Calliergos*; *Nicam*, cum Politiano, alii, pro eo habeant. Musurus cum Calliergis primum editi ejus curam gessit, cum Vener. 1499. publicaretur: hinc nata de iis, ut Auctoribus, suspicio. Unde vero suam de Nica opinionem hauserit Politrianus, & annon falli poruerit, incertum. Juvat illum, quod Phil. Labbe, in *Bibliotheca Nova MSS. Supplem. II. p. 170.* e Catalogo Scipionis Tertii, Neapolitani, Nicæ Lexicon quoque inter alia recenset. Quicquid sit, Christianum fuisse Compilatorem Etymologici, & non nimis antiquum, ea, quæ Maussacus profert, & allegationes Auctorum recentium, ignorare nos aut dubitare non patiuntur: Plagiaris eum accenset Casaubonus, & cum Casaubono Thomasius, qui etiam ab isto crimine non excusandum existimat l. c. §. 653. seqq. Interim pernecessarium & utilissimum Græcæ linguæ Studiosis librum esse, ipse usus omnium optime probat. Post primam ejus editionem, alteram Veneris A. 1549. excudit, non Aldus, uti perperam Auctor Catalogi Thua-nei prodit, (deceptus, ut videtur, Delphini anchoræ circumplexi pictura, quæ alias Aldi insigne est); sed Federicus Turrifanus, Andrea, qui Socer Aldi fuerat, filius. Is non magno solum studio Etymologicum emendavit, verum & de suo adjecit nonnulla, asteriscis notata: quæ tamen adeo non spernenda Frider. Sylburgius judicavit, ut ea omnia novæ editioni a se procuratæ infereret: prodiit illa Heidelbergæ ex officina Commeliniana A. 1594. cum Sylburgii notis & indicibus præstantissimis. (Isaacus Vossius MSS. hujus Etymologi Codicem longe antiquissimum possedit, quem & ne nimia vetustate exesse literæ prorsus evanescant, describi summa fide curavit: est vero is edito longe amplior: atque utinam e Leydensi Bibliotheca, in quam cum reliquo ejus Viri librario apparatu transit, editum aliquando iri spes esset: & non idem experietur fatum, quod Catalogus Bibliothecæ Vossii, jussu Guilh. Sancroff, Archiepiscopi olim Cantuariensis, a Paulo Colomelio elegantissimo ordine

con-

confectus, jamque non solum paratus editioni, sed & Londinensi cuidam typographo ab amico, cujus relationi rem totam debeo, in manus traditus, ut propediem edatur, cujus tamen editio vel dilata nimium, vel omnino omissa est.)

Præter Etymologicon Magnum ἀωνόμιον, SUIDÆ ETYMOLOGI-
CUM quoque superesse, diversum a Lexico & ineditum, in Bibliotheca Palatina olim asservatum, sequentia Maussaci verba evincunt, quæ cum ad pleniorē libri notitiam haud parum conducant huc e Dissert. Crit. p. 341. sq. transcribam. *Ex professo (ita ille) huic parti (etymologicæ) incubuere ultimæ antiquitatis auctores, Suidas & Etymologus. Et Suidas quidem, cujus Etymologicum, Mich. Apostolii manu in Creta, ἀπὸ πρωτοτύπου πόνου διεφθαρμένον (ut ipse testatum reliquit), descriptionem, in luculentissima Electoris Palatini Bibliotheca servatur. Opus, ut ego judico, pernecessarium; sed, nisi me fallit conjectura, quamvis nunquam in illud inciderim, in glossarii modum potius, quam Etymologici, confectum. In hanc sententiam me duxere varia, quæ a Joh. Meursio, in Glossario suo Græco-Barbaro, ex eo proferuntur fragmenta: quid enim illa præter verba νοτὰ γλῶσσας explicata? Cave in his Maussaci verbis ultimam antiquitatem pro ultima abhinc, i. e. prima, accipias, cum ultimam ad nos versus indigeret, quæque antiquitatis titulum ferme ultima promereretur. Sine dubio autem, cum universo Palatinatus literari thesauro, in molem Vaticanam istud Suidæ Etymologicum transiit, e quo aliquando liberatum iri compedibus spes nulla omnino est. Ceterum, quod ad illam de Etymologico Suidæ in Glossarii modum scripto Maussaci suspensionem attinet; possunt utique glossæmata etymologiis esse interspersa, quæ non statim faciem libri mutant: quemadmodum in magno Etymologico innumera vocabula 25. aut 30. diversarum nationum afferri, & glossématique explicari, ipsemet Maussacus p. 360. l. c. refert, allatisque exemplis pluribus probatum dat. Nempe istiusmodi peregrina vocabula ortum primo Glossis, tum & Lexicis, præbuerunt, quæ omnia fuscè laudatus Auctor exponit; &, quid discriminis inter Glossas Lexicaque sit, quod nullum arbitratur Casaubonus; magnum Wowerius credit, ipse medius commonstrat.*

Negari interim non potest, adeo strenue Glossatores Lexicographos, & hos illos vicissim, mutuo transcripsisse, compilasseque, ut in morem res prorsus abierit. Postulatur vero inprimis ejus criminis SUIDAS, paulo ante memoratus, cujus *Lexicon* nil nisi centonum, ex variis auctoribus, haud raro præter rem silentio preffis, conquisitorum, congeriem, seu ἐκψάδιον potius esse, viri gravissimi Beatus Rhenanus, H. Casaubonus, Andr. Schottus, alique haud pauci, non sine omni stomachatione, memorant: a quibus non adeo multum in diversum abit Q. Septimius Florens Christianus in Notis ad Ireneam Aristophanis; & Maussacus, nisi quod hic non succenset Suidæ, sed eum commendat potius, & de ejus nomine aliisque Suidis, contra Politianum & Gyraldum erudite differuit l. c. p. 373. sq. Excusandum quoque a plagio Suidam sibi sumit Thomasius *Dissert. de Plag. Liter. §. 551.* quippe quem & fontes, e quibus hauserit, præmisso Lexicorum catalogo, indicasse, & a recentiori manu plus semel interpolatum, haud immerito credi posse causatur.

Tomus I.

Hhh hh

Mereri

Mereri sane illud eruditionis & rerum quarumvis pretiosissimarum penu, ut hoc quicquid est plagii condonetur, cum Reinesio sciscit, cum id omne nonnisi in commodum Orbis erudiri vergat. Unique, dum Philosophorum plerorumque Vitas exhibet, eo non infimum locum inter *Georgiæ* sibi vindicare Jonsius de *Scriptor. Historie Philof. l. III. c. 20. p. 308.* judicat, plura aliquando de eodem daturus, ni mors egregios conatus oppressisset: secutus autem in hoc de Suida Judicio Vossium est de *Philologia c. 14. §. 9.* Prima Suidæ, eademque rarissima, & longe emendatissima editio Græca, Mediolani prodit An. 1499. in fol. summo studio DEMETRII CHALCONDYLÆ procurata: typis Joh. Bissoli & Bened. Mangoli Carpensium, quos eum in finem advocarat: sed id tamen, ne perfecta sit, incommodi habet, ut lemmatibus aliquot destituatur, quæ in Aldina editione anni 1515. conspiciuntur: habet tamen & ipsa quædam, quæ in Aldina non sunt, (siquidem non disjunctur in Græca præfatione Chalcondylas, se ex aliis quoque libris Suidæ ingessisse, quæ deesse adhuc ipsi videbantur) sed pauciora. Post Aldinam prodit tertia *Basileensis* An. 1544. Frobenianis typis exscripta, quæ nec ipsa in omnibus cum Aldina consentit. Tres has Græcas Suidæ editiones Latina excepit HIER. WOLFFII A. 1564. & secundis curis iterata 1581. sed quæ nonnisi Historica Suidæ selecta, & Latine translata, sistit. Suidam integrum Latine vertit Seculo jam XIII, ROBERTUS GROSTHEAD, seu *Capito*, Episcopus Lincolnienfis, sui ævi miraculum & ob summam eruditionem stupor. Nondum quidem edita illa versio est, ut sunt plures ejus viri labores *ἀνέδοτοι*, sed ejus tamen in Historia meminit Matthæus Paris, & ex hoc *Balearius de Scriptor. Angl. Cent. IV. p. 306.* qui & Roberti Animadversionum in Suidam librum allegat. Nostro seculo Suidam integrum Latine reddidit versione liberiore, notis insuper atque emendationibus illustratum ÆMIL. PORTUS, II. Tomis, Genevæ 1619. editum: ut adeo vastus liber sit. Enimvero non omnino probata eruditis ista Suidæ versio est; seu obtineat hic, quod sub finem suæ in Harpocr. præfationis laudatus sæpissime Maussacus verbis justo durioribus scribit; *sanæ mente præditis & literis, ut decet, imbutis ludibrio esse & contemptui, quotquot e trivio interpretum Pollucem, Suidam aliorum id genus auctores, in Latinam transfundere instituant:* seu aliud obfuerit Porto, Viro cetera doctissimo. [Ita enim non in versione solum, sed & emendationibus, impегisse illum Pearsonius, in eximiis ad Hieroclem Prolegomenis p. 31. notat. Suidam, inquit, admodum infeliciter transtulit, maculisque pluribus aut affectum invenit, aut affectit. Ipsummet vero JOH. PEARSONIUM novam & luculentam Suidæ editionem moliri, refert Mericus Casaubonus in Not. ad Hieroclem p. 181. Quod si hanc molitionem absolvere datum fuisset Viro summo, haberemus hodie Suidam, emaculatum, illustratum, & tantum non omnibus numeris absolutum. Hoc autem fata non sivere. Quæ supersunt apud Anglos ex ejus collectione, maximam partem spectant Auctorum nomina, e quibus exempla toties *ἀναγνώμης* producit Suidas; inspersis & hic illic emendationibus; ut ex ore Clar. Dodyvelli amicus hausit. Plane itaque convenire videntur collectanea Pearsonii cum Reinesiano ad Suidam apparatus. In finita siquidem THOMAS REINESIUS, profundæ eruditionis Vir ac inter præcipuos nostræ Germaniæ

maniae numerandus, margini suæ Suidæ allevit, ad ejus illustrationem aut emendationem facientia. Nam & ipse aliquando Suidam edere meditabatur, nil utique, si perficere meditata ætas sivisset, concessurus Pearsonio. Sed & cum ipso omnis illa spes evanuit. Scrvatur interea Suidas Reinesii, ex Genev. editione, cum reliqua viri ejus suppellectile in bibliotheca Cizensi: e qua illum aliquando videre licuit. Idem Reinesius, *Epist. XLVI. ad Rupertum*, Thomæ cujusdam Hieromonachi Cretenfis, Suidæ Epitomatoris, meminit, cujus liber MSS. in Dresdensi Seren. Electoris Bibliotheca asservatur, hoc titulo, Ἀπὸ τῆς Σuidæ παρεκβολὴ καὶ συναρτίσις λέξεων χρησίμων, τῶν μάλλον τετραμμένων ἐν λογιγράφοις καὶ ῥήτοσι, κατὰ στοιχεῖον διηκιδωμένη. Brevissima vero est ea Epitome, & quodvis verbum uno tantum alio reddit: nulla nomina propria, nulla historica, nullas Scriptorum auctoritates, habet.] Viras Cæsarum, e Suida excerptas, Tomo III. Scriptorum Historiæ Rom. Minorum, Francos. apud Wechelos A. 1627. excuso, Græce & Lat. Frid. Sylburgius inferuit; quas jam A. 1557. in 8. Wittebergæ Latine edi curavit Hermannus Wittekindus. Taceo nunc Adagia, e Suida per Andr. Schottum excerpta, editaque cum Scholiis Antwerp. 1612. in 4., & si quæ alia e Suida separatim prodierunt. Id unum addo, adeo multum juvare polyhistorem Suidæ Lexicon, ut ne carere quidem illo possit, quisquis vel tantillum in historia literaria antiquiore proficere animum induxit.

Strictior in Grammaticis circulo observando, & qui nunquam temere excurret, JULIUS POLLUX est, Grammaticus Commodi ævo clarus, cujus *Onomasticon*, X. libris constans, ac sub eleganti titulorum dispositione rerum nomina exhibens, habemus, primum ab Aldo Venetis A. 1498. & 1502. tum Florentiæ apud Juntam & Basilæ, sed utrinque plane ad Aldinum exemplar, editum. Optima illius editio WOLFFGANGO SEBERO debetur, qui cum Palatinis atque Augustano Codicibus textum contulit, emendavit, notas & indices laboriosissimos adjunxit: atque adeo præclare de Polluce meritis est. Fatetur tamen Rod. Gualtheri versionem, quam adjecit, nimis castigatam non esse: (sicut & Scaliger, ea se magis traduxisse Gualtherum quam commendasse, scribit *Epist. p. 48.*) prodiit liber apud Wechelos An. 1608. in 4. Neque etiam ira emaculare potuit Pollucem Seberus, ut non quamplurima emendanda supersint: quod ipse etiam in præfatione agnovit, & hinc non solum Casauboni, atque Hæschelii, manus socias imploravit, sed & a Jungermanno e codice Pollucis MSS. nova ac non pœnitenda promissit. Colomelius, in *Biblioth. Choise p. 105. seq.* aliquot adhuc Onomastici codices MSS. recenset, atque refert, Bonav. Vulcanium aliquando novam ejus editionem promississe, mais, addit, il s'est contenté de nous la promettre. Extant breves quædam Notæ Joach. Kuhnii, Gryphiswaldensis, Professoris Argentinitis, in hoc Onomasticon sane eruditissimæ; & magnam ostendunt hujus Viri in isto literature genere peritiam: impressæ sunt Argentorat. An. 1675. in 12. [Is ipse Vir celeberrimus, cui egregiam Pausaniæ editionem debemus, novam nunc Pollucis faciem apud Belgas excudendam summa diligentia parat; quæ ut optatum finem nanciscatur, in omnium votis est.]

5 Felicior Polluce HARPOCRATION eruditissimos longe viros nactus est, qui ei emendando bonas horas impenderent. Quamvis enim ejus *Lexicon Decem Oratorum* per integros centum & quod excurrit annos, a prima sui editione, quæ Veneriis ab Aldo 1503. una cum Ulpiani in Demosthenem commentariis data est, misere afflictum jacuerit; secunda editione Veneta Anni 1527. (quam ab Aldo itidem & Asulano procuratam nescio quo calami festinantis errore Maussacus asserit; cum Aldus jam An. 1516. diem clausisset supremum) magis etiam deformatum: Surrexit tamen, sub initium hujus Seculi, PHILIPPUS JACOBUS MAUSSACUS, tum juvenis, exquisiti judicii & subactæ eruditionis: postmodum Senatus Tholosani Præses: qui ope MSS. codicum, totum *Harpocratonis Lexicon*, mancum hætenus & hiulcum, restituit, emendavit, *Dissertatione præliminari Critica*, toties jam nobis laudata, & notis uberioribus, illustravit, Parisiis An. 1614. in 4. nihilque oblitus est eorum, quæ ad commendandum Auctorem suam undecunque facerent. Anno sequente 1615. *Notarum in Harpocratonem Appendicem*, Claud. Salmasio nuncupatam, edidit, Plutarcho de Fluviorum & Montium nominibus, Tholosæ a se primum edito, annexam in 8. *Lectiones vero Græcæ, Operis Harpocratiani interpretes*, ut & volumen de *delectis ab Harpocratone vocabulis rhetoricis*, non dedit, licet in præfatione promiserit, uti nec *Indicem Auctorum* in Lexico allegatorum, quem privata industria sibi confecisse, & ad finem libri sui scripsisse Alex. Morum, Colomesius in Bibliotheca selecta p. 113. refert; ubi & de Maussaci scriptis editis ac promissis, eruditione, morte, clarorumque virorum elogiis, succincte agit. Non tamen memorat singularem casum, quem illi accidisse referunt, ut, cum linguæ Græcæ extra controversiam longe peritissimus esset, ex morbo quodam adeo ejus usum perderet, ut ne legere quidem amplius Græce sciret. Obiit An. 1650. Post Maussacum Gallus alter celebris HENRICUS VALESIIUS, ille tot lucubrationibus exquisitis inter principes literatorum clarus, Harpocratoni, quo frequentissime utebatur, manus obstetricantes admovit, ac tum in ipsum notas confecit, tum in Maussaci Dissertationem & Notas, novas denuo Animadversiones composuit: quas e Bibliotheca Guil. Prusteau, Antecessoris Aurelianensis, nactus vir celeberrimus, Jac. Gronovius, publico non invidit: sed Lugduni Batav. An. 1682. edidit: e quibus quamplurima, non Critica solum, sed & ad indagandam veteris fori Græci rationem, hauriri possunt. Nam cum id præcipue institutum tales Lexicographos, qualis est Harpocraton, qualesque Julianum Diodorum, atque Philostratum, Photius in Biblioth. Cod. 150. recenser, tenuerit, ut e decem Rhetoribus, quorum vitas Plutarchus describit, Demosthene, Antiphonte, Andocide, Lyfia, Isocrate, Isæo, Æschyne, Lycurgo, Hyperide, & Dinarcho voces Alphabetico ordine dispositas explanarent, non potuit certe non quamplurimum fori veteris una inspergi: eoque magis commendandum Jurium Studiosis est Harpocratonis Lexicon. Cujus, post Maussaci & Valesii curas, novam editionem NICOLAUS BLANCARDUS, cum sua Latina versione, Notis ac Dissertationibus Duumvirorum istorum Integris, niriidissimo charactere procuravit Lugd. Bat. 1683. in 4. additis, præter Auctorum ab Harpocratone allegatorum Catalogum, suis ipsiusmet annotationibus. [Enimvero

vero pessime a Jacobo Gronovio propterea exceptus, qui in novissima sua Harpocratonis editione, quam nuper cum optimæ notæ Codice Florentino & Aldina editione, Xylandri, Fabri, Sylburgii, Freheri, Rutgerfii & Heinsii, manibus notata, collatum, Lugd. Bat. 1696. in 4. emisit, quavis occasione data in Blancardum acerrime invehitur, tum versionem ejus, tum notas & emendationes, acerbissime perficans. Illud præterea in præfatione, adductis Maussaci ad Meursium literis, observat, Meursium ab edendo, ut constituerat, Harpocratonem, nonnisi precibus ac blanditiis Maussaci morum, abstinuisse.]

HESYCHIUS *Alexandrinus*: quem cum Milesio ejus nominis plurimi perperam confundunt, ut jam olim in Bibliotheca Gesnerus animadvertit, non attendentibus id licet recentiorum haud paucis: *Lexicon* reliquit, ex antiquioribus, quorum nomina ipsemet in præfatione refert, collectum: quod in cælum alii laudibus extollunt, Auctoremque cum Heinsio *Grammaticæ eruditionis abyssum*, aut cum Sarra-
vio *Jovem Grammaticorum*, nominant: alii cum Reinesio eruditionem, quæ passim illi tribuitur, potius Auctoribus, quos excerpfit, tribuendam judicant, nesciuntque, cum nihil pene ejus sit, quomodo eruditum *ἐξαιρέτως* fuisse colligere debeant? Vix vero dubitandum est, primorum judicia prævalere, tot magnis suffragiis Scalligerorum, Casaubonorum, Salmasiorum, Vossiorum aliorumque eruditorum tantum non omnium subnixâ. Quodsi enim centies *aliena passim ab indoctis inserta* cum Barthio Adversar. lib. XLII. c. 26. asseramus, aut cum Tanaq. Fabro pretiosissimo *Hellenismi Thesauro carbonem admixtos e Gracitate vulgari* concedamus: manet tamen thesaurus, & absque Hesychio plurima Græcorum magni etiam momenti, circa voces, antiquitates, Auctores ignorarentur: Magnam proinde gratiam eruditi orbis inivit ALDUS, qui, inter tot alios Scriptores Græcos, Hesychio quoque primus vitam dedit. Hujus editionem secuta *Haguenensis*, anni 1521. quæ communissima, & *Basileensis* apud Cratandrum. Exinde multi nequaquam de plebe viri, cum depravatis lectionibus scaterere Auctorem optimum indignarentur, ad emendandum illum & perpoliendum manus sedulas admoveere cœperunt, certatim quasi novam ejus editionem promittentes: *Joh. Meursius. Dan. Heinsius* juvenis adhuc, *Joh. Casp. Suicerus*, qui per Vorstium Specimen suarum notarum ad Reinesium miserat, uti patet *ex Rein. Epist. 26. ad Vorstium p. 56. sqq.* Horum labores, cum separatim non prodiiissent, nempe quod ad finem non sunt perducti, conjunctim tamen suo modo in nitidissimam Lugdunensem apud Batavos editionem Hesychii 1668. in 4. fluxere, quam CORNEL. SCHREVELIUS, dum viveret, adornavit variis virorum doctorum castigationibus ditio-
riorem melioremque. Præterea cogitasse aliquando de editione Hesychii *Alex Morum*, e Sarra-
vii epistola, An. 1639. ad illum data, liquet: ubi ita Senator Clarissimus: *Ante annos XL. ille Heinsius, magne tunc, quam nunc implevit, spei adolescens, totum se prædicabat in Hesychio adornando, ejusque editionem, ut opus consecutum putares, proxime sequentibus scilicet nundinis, ut moris erat, pollicebatur. Credibile est, illum eam provinciam dudum Nicolao F. demandasse. Sed nunc hic tantum cogitat de Ovidio emaculando. Itaque occupa. Dignus enim Grammaticorum ille Jupiter, in quo tua desudet industria: tum, quia multa habet peregrina,*

grina, quæ non cuius sunt obvia, tum quia tot tantisque scætet lectionum monstris, ut in his dehellant. is non possis existimare operam tuam male positam. Omnes certe lingue Græcæ studiosos isto labore tibi devinxeris. Hæc Sarravius, in Heinsum utcumque vehementior quam decebat, non memor, susceptam & a Salmasio olim novam editionem Hefychii, quæ non prodiit, licet ejus, defuncti jam, emendationes Clementius, Vitæ scriptor, brevi excudendas promiserit. Morus vero nihil omnino præstitit. Quæ de peregrinis vocibus ait, Maullæus etiam in *Diss. Crit.* p. 356. uberius per exempla confirmat: & quoad Phœnicia Bochartus, *Chanaan. l. II. c. u.* (Apud Anglos is, qui Suidam edere moliebatur, *Joh. Pearsonius* de Hefychio idem, referente l. c. Merico Casaubono, cogitabat: sed utrumque cogitabat solum, Deo aliter disponente. *Richardus Bentley* vero, Anglus itidem doctissimus, in erudita illa ad *Clar. Joh. Millium* epistola, quam *Historiæ Joh. Malalæ*, Oxonii 1691. a se in 8. editæ, subnectit, post tot magnorum Criticorum castigationes de quinque plus minus millia mendorum in Hefychio, aliis nondum observata, posse producere, dato etiam specimine, proficitur.)

- 7 Dubitari potest, num in Lexicographorum Græcorum censum STEPHANUS quoque BYZANTINUS Grammaticus, ἑτυμολόγος, referri debeat, quippe qui, licet ordine alphabeti procedat, præcipuum tamen scopum habet enumerationem provinciarum, gentium, urbium, marium, &c. adjectis una illorum originibus, conditoribus, aliisque, seu veris, seu fabulosis rebus: verbo: insignem ex instituto agit Geographum. Ast vero, secuti jam olim *Guilh. Xylander* in præfatione ad Stephanum observavit, ubique deprehendi in hoc Auctore permulta, quæ proprie pertineant ad Grammaticam Græcam & vocabulorum Græcorum etymologiam; illaque ipsâ judicat præclara, multisque modis cognitu digna, atque etiam ad multa menda ex auctoribus tollenda plurimum conducere arbitratur: ita hoc idem *Jacobus Gronovius* inculcat: *Theodorus Ryckius* vero falli putat, quorquor Geographica pro scopo inprimis Stephano fuisse contendunt, cum ille ἑτυμολόγος scripserit, i. e. Gentilia, quæ a gentium, regionum, urbiumve nominibus, deducuntur, nomina sceminina atque ac masculina, adeoque Opus mere Grammaticum scribere animum induxerit. Qua in re licet haud dubie fallatur, mixtusque ex utroque Stephani scopus sit, patet tamen hinc, eum haud injuria inter Lexicographos recenseri, cujus opus egregium *Lexicon Geographicum* est. Utinam integer Stephani labor (quem περί πόλεων alii, alii rectius ἑτυμολόγος, inscribunt) superesset: cum non nisi epitome *Hermolai Grammatici Constantinop.* qui juxta *Suidam* sub *Justiniano* claruit, omnium consensu restet. Multa enim ex *Ethnicographi* vasto Opere, quod ultra 30. libros complectebatur, in *Excerptis Constantini Porphyrogenneti*, seu, ut vulgo audiunt, *Peirescianis*, quæ cum suis notis *Henr. Valesius* edidit e *Peirescii Bibliotheca* deprompta, ut & in *Eustathii Commentariis* in *Homerum* ac *Dionysium Periegetem*, allegantur, quæ in compendio amplius non supersunt, uti post alios *Berckelius* observavit: & dubitationem hac in re omnem ademit fragmentum Stephani de *Oraculo Dodonæo*. quod, e *Bibliotheca Segueriana*, *Samuel Tennulius*, *Vir. Cl.* & *Jacobi Gronovii* avunculus eruit, *Amstel.* 1659. editum in

4. & iterum a Gronovio ipso, cum triplici versione Lat., & Dissertationibus Lugd. B. 1681. in 4. editis Stephani exemplaribus longe auctius. Quinimo ne Hermolai quidem, quam habemus, Epitome omni parte sua satis integra est: potius multos hiatus habuit, quos partim supplevit Berckelius, partim vero & hian-tes reliquit; ut in *æ* postrema & quæ sequuntur *κν. κι. κλ. κν.* & prima a *κ* incipientia. Nicol. Lloydius integro Stephani exemplo usum Janum Parrha-sium suspicatur, dissentiente Berckelio: & Jos. Scaliger ad Gruterum, in epi-stola quadam, Nicol. Sophianum, Corcyræum, medio superioris seculi clarum, præter alios Græcos codices multos, integrum quoque Stephanum, cum toto *κ* & *λ*, possedisse scribit: uti Colomesius in *Biblioth. Sel. p. 49.* annotat. Ma-gno autem in pretio semper Stephanum fuisse, ex eo colligi potest, quod, post primas ejus editiones, tot summi nominis Viri ad eum a mendis perpurgan-dum manum adjecerint: Primus, qui ederet, iterum ALDUS fuit, communis illè re-nascentium Auctorum Græcorum parens, Vener. 1502. quem secutus Junta Flo-rentiæ 1521. eam editionem iteravit. Non multo post JOH. HARTUNGUS cum tot lectionum monstribus Auctorem egregium deturpatum videret, ei emendando manum admovit: e cujus cura, & Oporini officina, propediem proditurum Ste-phanium, Simlerus in *Bibliotheca* promittit. Cum vero non sequeretur ista editio, aliam, suo tempore egregiam, GUILH. XYLANDER Basil. 1568. adornavit: non cum versione Latina, ut Simlerus refert, neque enim id ob tot Grammatica com-mode fieri posse in præfatione indicat, sed mere Græcam. Hujus margini pluri-mas emendationes inter legendum JOH. SCALIGER allevit, adeo, ut emprum illud exemplar Sebast. Tengnagelii, referente Lambecio, Cæsareæ Bibliothecæ infer-ret. Idem in Stephano, quod Scaliger, If. Casaubonus fecit, qui & notas in eum Auctorem aliquando ad Canterum *Ep. 2.* scribens promissit: cujus codicem postmo-dum Lucæ Holstenio a Bibliothecario Regis Angliæ, Patric. Junio, communicatum novimus. Majore strepitu extremis Scaligeri temporibus, negotium emendandi, vertendi, & illustrandi Stephanum, in se CLAUD. SALMASIUS suscepit, sed absolvit nun-quam: nisi quod suum exemplar duobus Codd. Palatinis MSS. magno studio con-tulit, & in Exercitationibus Plinianis sæpissime Stephanum emendat: Omnem ve-ro lapidem, in ornando Stephano, movit LUCAS HOLSTENIUS. (ille, qui ma-gnum Syntagma Geographorum Græcorum edere aliquando molitus est, quorum Catalogum Lambecius *T. I. Comment. de Bibl. Vindob. p. 13. sq.* recenset) qui Salmatii librum ab If. Vossio impetravit, Codices, numos auctoresque inspexit, adeoque notas eruditissimas confecit, quas dudum post ejus mortem, e Bibliotheca Barberi-na nactus Theod. Ryckius tandem Lugd. Batav. 1684. separatim fausto omine evul-gavit, quæ in omnium manibus nunc sunt: ut & recentissima & accurata Stephani ipsius editio a doctissimo viro, AERIL. BERKELIO, plurimorum annorum sudo-ribus elucubrata, emissaque in lucem, post ejus mortem, cum versione Latina, no-ris ipsius laboriosissimis ut & Salmasianis, & Jac. Gronovii (qui postremus vir Cl. & insignem Codicem Perusinum, a se, dum apud Italos versaretur, collatum pro fundamento suarum annotationum habet, & in præfatione eximie modum librorum, in quos divisum olim Stephani Opus fuerat, ostendit) L. B. 1688. fol. Decennio illam ante-

antecefferat Judæi Lusitani, THOMÆ de PINEDO, Amstelodamensis Editio; sed quam non admodum commendat Colomelius *Biblioth. Select. p. 46. seq.*, qui præterea *Bened. Ægium*, Spolethanum, *Ezech. Spanhemium*, & Venetorum Bibliothecarium, *Gradenigum*, Stephano infudasse memorat. Ægii versionem Latinam Stephani, in Vaticana Bibliotheca servatam, ope Steph. Gradii, Bibliothecarii, descriptam impetravit Theod. Ryckius, secumque in Bataviam asportavit, illam cum notis Holsternii, ipsoque Stephani textu, editurus, ni jam a Pineda atque Berkelio se præven- tum vidisset.

- 8 Atque hæc de Lexicis Græcis antiquorum dicta sunt, quæ prodierunt. Sunt vero præterea plurima plurimorum adhuc, vel certorum Auctorum, vel ἀνω-
νύμων, ἀνέκδοτα, quæ hic illic in Bibliothecis latent; aut quorum fragmenta etiamnum edita prostant; ut ea jam taceamus, quorum mentio apud Photium, Suidam, alios-
que Auctores, fit, sed nil nisi nomen superest. De PHRYNICHII *Eclogis*, quæ per Dav. Hæschelium editæ sunt, supra jam dictum est: nullo modo autem illæ cum *Lexico* ejusdem Auctoris operoso admodum confundendæ sunt; cujus nempe 36. libros, a se visos, Photius in Bibliotheca Cod. 158., cum elogio insignis doctrinæ, sed nec sine censura prolixitatis nimix, & ἀκυρολογίας recenset. Servari hoc Phry-
nichi Lexicon alicubi MSS. e catalogis ineditorum, quos suo Supplemento Gesne-
riano Ant. Verdierius subjunxit, didici. Ceterum, quod de Phrynicho mone-
bamus, idem de HELLADIO capiendum, cujus ætatem in Theodosii Jun. tem-
pora incidisse, & *Lexicon* in Suidam transcriptum, Suidæ titulus testatur: sed qui non solum cum Helladio Besantino (quem ipsum a nonnullis perperam in duos dividi Jontius *de Scriptor. Hist. Philos. p. 13.* monet) neutiquam confundendus est, quippe cum hic diu jam ante illum sub Licinio & Maximiano vixerit, juxta Pho-
tium, qui ex ejus *Chrestomathia* haud contemnenda nobis fragmenta Cod. 279. con-
servavit, & quæ separatim edidit cum notis Joh. Meursius: sed & *Lexicon* ipsum met mire esse epitomatum oportet. Nam Photius Cod. 145. integris septem vo-
luminibus comprehenso se vultu Helladii Opere usum refert: tantæ molis erat: uti vero, non Scriptoribus solum, verum & reliquis, qui πολυμαθείαν in pretio ha-
bent, istud Helladii Lexicon prodesse, Photius l. c. animadvertit, quippe quod, præ-
ter voces, etiam elogia Rhetorum & celebrium Poëtarum continet: ita, quæ ex al-
terius Helladii *Chrestomathia* supersunt, Græcam profecto linguam haud vulgari-
ter illustrent. EROTIANI *Lexicon* *Διέκτιον* *Hippocratis*, seu ut Græca habet in-
scriptio, τῶν παρ' Ἱπποκράτους λέξεων συναγωγή, ab Henr. Stephano primum A. 1564.,
tum Venetiis, cum Commentario Barthol. Eustachii A. 1566., edita, multum dis-
sidii de vero Auctore inter eruditos peperit, cum Erotiani nomen alias inauditum
esset. Omnium vero probabilissima videtur Maussaci opinio, qui, in Dissert. Crit.
ad Harpocr. p. 354. scribarum vitio, pro *Herodiani* nomine, falsum *Erotiani* irrepsisse
suspicitur. Fueritque adeo hoc etiam scriptum nonnisi quoddam ἀποσπασμά-
τιον de multis, quæ ab Herodiano, Alexandrino Grammatico, & sub Marco Imp.
claro, confecta Suidas auctor est: sicut & Carolus du Fresne, in conficiendo
Glossario suo Græco, Distributionibus Herodiani, ἐπιμερισμοῖς κατ' ἀλφάβητον, ab
Eusta-

Eustathio laudatis, usus est. PAUSANIÆ *Lexicon*, ad evolvendas præcipue Atticas locutiones compositum, licet non nimis verbum, adeo magni Photius æstimavit, ut id cum *Æl. Dionysii Halicarnassensis Lexico* ex duplici editione conjunctum sufficere existimaret ad pernoscendam Atticam dictionem, *Bibl. Cod. 153*. Hoc vero *Lexicon* adhuc superesse, catalogus Scipionis Dectii, Neapolitani, testatur, quem Labbeus *Nova sua Bibliotheca MSS.* inseruit p. 171.

Sed & ipse PHOTIUS, ut erat inexhaustæ eruditionis promus condus, 9 in Lexicographis nobis memorandus venit. Siquidem & ejus *Lexicon* multis visum, multisque, quod imprimatur, dignissimum judicatum est. Possidere illud Illustrum Virum, Marq. Gudium, Tom. I. *nostri Polyhistoris lib. I. c. 16. §. 17.* dictum est. Antea eundem Codicem, crassum satis, se in Bibliotheca If. Vossii Hagæ Comitum vidisse, Colomesius, de Scriptis Photii in *Paralip. ad Caveum p. 273.* refert. Habuit & illud *Lexicon* olim Rich. Thomsonus, ex Italia secum asportatum, quod post reditum cum Jos. Scaligero communicavit, ut ex hujus *Ep. 235.* videre est, ubi Thomsonum ad id edendum instigavit. (Exstat præterea in Bibliotheca Mendozana & Schoziana, ut ex Labbei *Nova MSS. Bibliotheca p. 173.* constat, iste Photii liber: & in Anglia Londini pars ejus apud Celeberrimum Thom. Galeum later, qui ejus editionem aliquando moliebatur, eamque ob rem ad Marq. Gudium scripserat, ut vel ipsummet Photiani Lexici Codicem, vel fane descriptum, bona fide edendum sibi mitteret; vel, si hoc etiam displiceret, acciperet ipse tamen sub conditione certa edendi, quæ Galeus prompto animo missurus erat, qui multa simul de antiquitate Codicis, & de reliquis, quæ ad illum pertinere existimabat, erat percontatus. Verum, cum, sueto sibi more, Gudius condiciones nec audire, nec accipere, sustineret. Galeus etiam, mutilum edere librum nolens, ab incepto destitit. Utinam vero nunc tandem in reipublicæ literariæ bonum exeat: duriore, post mortem Viri Amplissimi, Domino liberatus. Vereor, tamen, ne nimia libri magnitudo & editorem absterreat, si quis forte de illo cogitaverit; & multo magis adhuc Bibliopolam: siquidem spissis duobus in fol. voluminibus constat. Esset vero operæ pretium edi *Lexicon*, quod nec Grammaticarum, nec Literariarum rerum copia Suidæ, Hesychiove, aut cuicunque demum alii *Lexico*, cedere fidem faciunt, qui viderunt.)

Non minore desiderio quam nos Photianum Jos. Scaliger JOH. ZONA- 10 RÆ *Lexicon* flagitavit. Nota alias Historia Zonaræ, qua perpetuum ille sibi nomen peperit. *Lexicon* vero, quod in Henr. Stephani *ævendæis* Codicibus late Scaliger scivir, his a Casaubono, illius genero, verbis *Ep. 46.* petiit: *Sed Lexicon Zonaræ, quod in illis ævendæis reperies, tuam quoque operam flagitat: quod utinam mensum unum habere liceret! certe neque te peniteret expleta sitis mea (avidissime enim illud desidero,) neque opera nostra in illud collata; siquidem ejusmodi est, quale amici retulerunt. Si vobis tanti, nostro voto satisfacere, nihil est, quod gratius nobis facere possis: sin autem, æquo animo feremus.* Haud obscure inde conjici potest, quanta fuerit Scaligeri cupido: præsertim, cum *Ep. 48.* suam istam petitionem reperat. An indeptus sit, quod

Tomus I.

lii ii

petio-

petierat, incertum. Casaubonus equidem in ſe recepit quod potuit, ſed videtur ſibi non ſuffeciſſe. Digna ſunt ejus verba, quæ apponantur: *de Zonara Lexico* (ita reſponder Ep. 176. p. 199.) *ſubiraſcor tibi. Sic cum id petis a me, quaſi difficile daturum, ſi poſſem. Tene id de me potuiſſe cogitare? facis mihi magnam injuriam: teſtor Deum! Videro igitur, quid poſſit fieri: & ſi ulla $\mu\eta\chi\alpha\sigma\eta\iota$ poſſum, ſtatim id curabo ad te mittendum. Volo tamen ſcias, nondum mihi viſam $\tau\acute{\epsilon}$ $\mu\alpha\chi\alpha\sigma\eta\iota\varsigma$ Stephani Bibliothecam: non dico ab ejus obitu, ſed omnino inviſam eſſe eam nobis. Tanta fuit in optimo ſeu $\alpha\iota\alpha\mu\epsilon\tau\iota\varsigma$ $\tau\acute{\omega}\nu$ $\tau\epsilon\phi\acute{\alpha}\nu$. Hæc Casaubonus, qui in ſequenti epiſtola, ſe id negotii apud Paulum Stephanum, aſſinem, ſerio acturum, denuo ſpondet. Mireris interea inconditam Henrici aſteritatem. (*Zonare Lexicon* vero ter in Vindobonenſi Cæſarea Bibliotheca MSS. adeſt: ut e Dan. Neſſelii *Supplem. Lambeciano* liquet: in qua & *Eudemi Lexicon*: quod a Suida in titulo operis laudatur, atque e Regia Galliæ Bibliotheca uſurpatum Carolo du Freſne eſt; & Arſenii, aſſervantur.)*

- 71 **CYRILLI**, Archi-Epiſcopi Alexandrini, *Lexicon*, juxta ordinem 'Alphabeti compoſitum, in Regia Pariſienſi & Colbertina Bibliothecis extare, indicat laudatus Vir maximus du Freſne: qui & hoc, & præterea Philemonis *Lexico Technologico*; Nicomedis *Jatroſophiſtæ*, & $\alpha\lambda\phi\beta\epsilon\tau\iota\kappa\alpha$ XVII. Auctorum, Lexicis; (e quibus unum notæ optimæ, ſcilicet 167. conſtans, ante omnia commendat,) *Erymologico* item ex Orione Thebano in compendium contracto; alioque *Erymologico* $\alpha\lambda\phi\beta\epsilon\tau\iota\kappa\alpha$, in conſcribendo laborioſiſſimo Græcitatæ mediæ infimæque Gloſſario, uſus eſt. Ant. Verdierius, in catalogis MSSrum, quos ſuo Supplemento Geſneriano addidit, Cyrilli *Lexicon* ter etiam relatum ſiſtit. Sed, cum id tertia vice reſert, neſcio quid Scriptori ejus Catalogi in mentem venerit, reſenſenti: *S. Cyrilli Archi-Epiſcopi Alexandrini Lexicon de Legibus Matthæi Blaſtaris, in charta bebraina*. Nempe earum legum Cyrillus *Lexicon* confeſcit, quas ſerme integro poſt ejus ævum millenario Matthæus Blaſtares in unum Syntagma compilavit! Fuit, cum ſuſpicarer, Gloſſographum forte Cyrillum innui, de quo paulo poſt: ſed nec hoc quadrat. Dicendum igitur, ſomniaſſe Catalogi auctorem, cum hæc ſcriberet; aut Codicem virioſiſſime inſcriptum fuiſſe. Et ſunt ſane, in iis Catalogis Verdierianis, libri complures, ad quorum titulos rideas: v. g. *Cyrilli Alex. Expoſitio in S. Hierotheon Areopagitæ: Juſtini Philoſophi & Martyris Explicatio in S. Dionyſii Arcop., Epiſcopi Athenienſis, Hierarchiam Ecclæſ. S. Apoſtoli; Lucæ Evangeliiæ Mathematicæ, continens præparationes ſeu curas, quas ſe vivo fecerit; liber appellatur XII. curarum. Liber ſancti & juſti Lazari, qui IV. diebus ſepultus fuit apud inferos, & quemadmodum excitavit illum Chriſtus, libri IV., quos videntes Apoſtoli tres eorum abſconderant, unusque inventus eſt, eſtque primus, in urbe Roma, prout Cardinales S. Crucis retulit? & alie iſtiusmodi nugæ. Sunt tamen & immiſti libri egregii. Ut in Lexicis tantum ſubſiſtamus, videas ibi *Joh. Tzerzæ Lexicon Rhetoricum juxta alphabetum: Lexicon Juſtini ni Magni* (quis ille, non capio) bis relatum: & *Cabi Polydori Lexicon*. Cyrilli *Lexicon Herbarum* in catalogo Scipionis Tertii, apud Labbeum, eſt ſæpius cit., quod iterum alterius Cyrilli, alteriusque generis, eſt ab*

co,

eo quod du Fresne ad manus habuit. Allegatur & ibi Athanasii Lexicon artis facere, quod alias est ignotum: & si per τὴν λέξιν τέχνης chemia intelligitur, ut alias in istiusmodi lexicis librisque illa communiter indigitari consuevit, annotante Cangio, sine controversia spurium. *vid. de Fresne præfat. Gloss. Gr. §. XXII.* Non desunt tamen & sacra, id est, Biblica sive Christiana Lexica: ut enim Glosas in Jobum, Proverbia, aliosque libros Biblicos; item in Athanasium a Cangio allegatas usurpatasque, non memorem, integrum Lexicon Biblicum Salmasius vidit. *Vid. integrum* (ita ipse de Hellenistica p. 157.) *Lexicon satis crassum Anonymi MSS., quo Veteris & Nov. Testamenti voces exponuntur, quod & totum percurri.* Tale Lexicon in Augustana etiam Bibliotheca servatur: *Expositio vocum occurrentium in Epistolis D. Pauli, & XII. Prophetarum, & libris Regum.* Vid. Catal. Reiseri p. 80., ubi & aliud refertur *Distionarium vocum Græcarum, collectum ex Autoribus variis, tam sacris, quam profanis.* Claudat agmen Lexicographorum (non enim nimium de iis dicendum est) *Auctor Anonymus, ejus insignis Lexicon, multis veterum fragmentis refertum, in Collegio Jesuitarum Claromontano se vidisse Colomelius in Particularibus p. 104. his verbis refert: Etant au College de Clermont, avec Mr. Vossius, je me souvins, qu'entre autres Manuscrites, que nous montra le P. Cossart Bibliothecaire il y avoit un Lexicon Grec in folio, sans nom d'Auteur, fort bien écrit, où je lis quelques fragments tres-considerables d'Auteurs, que nous n'avons. Si queleun vient à avoir assez de credit sur l'esprit des Jesuites, pour les obliger à les publier, ou à permettre, qu'on le publie, j'ose me persuader, que les Doctes n'en tireront moins de profit, qu'ils font tous les jours de Pollux, d'Hesychius & de Suidas.* (Possent adhuc plura de Lexicis Diogeniani (quod Hesychius compilavit) Juliani, Maximi (quæ in Labbei Bibliotheca MSS. nominantur,) Longini περὶ λέξεων Ἀττικῶν (cujus meminit in præfatione ad Longinum de Sublimi Tollius: & Suidas in titulo) Pollionis, Timæi, Boëthi, aliorumque, apud Photium recensitis, addi: sed nimium excreveret tractatio, quæ nunc potius contrahenda est. Sufficiat adhuc animadvertisse summam Græcorum veterum in Lexicis adornandis exactitudinem, quæ non solum dialecticis, sed & singulis dicendi generibus, peculiaribus aptarunt. Hinc Lexica X. Oratorum; Lexica Puræ Idææ, Styli Gravis, Sermonis Politici: Platonica: aliaque horum generum: quæ sane, quantopere expoliverint suam linguam Græci, abunde manifestum reddunt.)

Aliud adhuc Lexicorum genus *Glossæ* sunt, seu GLOSSARIA, a variis varie collecta. Et primitus quidem, uti γλώττις per ἀπεξηγεμένον διάλεκτον, aut ἀπερίληπτος τὰς τῶν βαρβάρων φωνάς, interpretabantur, vel etiam omne id, quod inulcatis & per metaphoram dictum erat, sub *Glossarum* nomine comprehendebant: ita præci, quos apud Athenæum & Suidam passim laudatos legimus, γλωσσόγραφοι, Callimachus, Democritus, Seleucus, Philotas, Simmias Rhodius, Philemon, Pamphilus, Clitarchus, Timachides, Hermonax, Nicander Colophonius, Amerias Macedo, alique, nihil aliud maximam partem egisse credendi sunt, quam ut, non observato semper Alphabeti ordine, peregrinas, aut insolitas voces notioribus

redderent: *vid. Woverii Polymath. c. IX. & Maussaci Dissertatio Crit. p. 362. sq.* Recte vero Henr. Stephanus, in *præfat. Glossarii a se editi*, recentiorē vocat eam Glossarum significationem, qua pro scholiis & interpretatione linguæ secretioris accipiuntur, abusumque potius, quam usum vocis: recte etiam, ex loco Quintiliani, male intellecto, errorem eum haustum animadvertit, e quo se, ut id credat, inductum ingenue Cujacius, in *Orat. de ratione docendi Juris*, fatetur: cum tamen apud veteres, ipsumque adeo Fabium, eodem Stephano monente, Glossæ non expositiones vocum obscuriorum & minus frequentium, aut etiam peregrinarum, vocatæ sint; sed illæ ipsæ voces, quæ tales erant. Verum invaluit nunc penitus consuetudo, ut priori significato Glossas & Glossaria capiamus. Fuisse vero prisceis etiam temporibus insignem Glossarum istiusmodi copiam, vel sola Parisiensis Regia & Colbertina Bibliothecæ luculenter evincunt: quæ nimirum Carolo du Fresnoie XXII. Glossaria variorum generum suppeditarunt: partim Grammatica ad Aristophanem, Lucianum, Herodotum, Homerum, &c. partim Exotica: ut & Chemica: jatrica: Botanica: Juridica: partim Ecclesiastica in Athanasium & Gregorium Naz. & Biblica: *vid. Index Auctor. Cangii p. 35. sq.* ut adeo nullum studii genus sine glossis facile fuerit.

- 13 Quanti vero pretii Glossæ istæ sint, vel ex eo concludi potest, quod statim, ac innotescere eruditis superiori seculo cepere, omnium applausu & elogiis exceptæ sunt. Primus, qui e Monasterio S. Germani a Pratis Glossas Græcas atque Latinas eruit, PETRUS DANIEL, JCrus Aurelianensis celeberrimus, cui & Servium, Virgilii Scholiasten, debemus, extitit. Hic primum Adr. Turnebo, & Cujacio inde misit, apud quem Scaliger illas quoque vidit. Exinde in manus HENR. STEPHANI, quanquam non ex eodem codice, similes Glossæ pervenerunt: qui cum insigne illarum pretium perpenderet, & quantum illæ vocum antiquarum egregie explicent, primi plurimarum in Græca æque & Latina lingua vocum Doctores, pensitaret, non ultra celandum ratus, quod proderat. An. 1573. Glossaria duo, unum Latino-Græcum, & Græco-Latinum alterum, quasi in Supplementum sui Thesauri, anno præcedente editi, cum annotationibus & excerptis ex ineditis Glossariis aliis, evulgavit, e duobus verustis Codicibus: Et quidem obtinuit certe apud eruditos, quod cupiebat, Stephanus, nempe ut eas Glossas antiquissimas, magnæque auctoritatis, pronuntiarent, Philoxenum auctorem rati, qui sub Justino Seniore Consul Romanus fuit: qua tamen in re dubium magis illos, quam verum, asseruisse, Auctor præfationis ad novissimam Editionem Labbeanam observat. Post Stephanum eadem Glossaria, sub Philoxeni nomine, Lugd. Barav. edidit BONAVENT. VULCANIUS, emendationibus munita A. 1600. adjunctis una Isidori Hispal. Glossis Latinis; nec non Grammaticis nonnullis, qui de proprietate utriusque linguæ scripserunt, Collectione vocum Græcarum, in quibus diversus accentus significationem immutat, &c. Longe felicius vero, & majore nisu, aggressus Glossariorum editionem CAROLUS LABBEUS, a Petro fratre adjutus, illa inter se contulit: & post emissas in lucem primo Glossas Basilicorum seu Juris Græci, quas e variis Regiis Codd.

Codd. MSS. collegerat, notisque etiam illustrarat, Paris. 1607. universa Cyrilli, Philoxeni, aliorumque Glossaria in partes duas, Græco-Latinam & Latino-Græcam digessit, cum MSS. contulit, castigaciones adjecit, omnemque adhibuit laborem, quo emendata satis & nitida illa in orbem denuo exirent. Vere autem Jos. Scaliger, qui præcipuus Labbeo ad id laboris in se suscipiendum suasor impulsorque fuerat, divinavit, fore, ut molestia, ipsi a typographorum imperitia creetur, Ep. 232. p. 594. siquidem, cum jam anno seculi nostri IV. laborem in dirigendo absolvisset Vir doctus, adeo tamen editio non festinavit, ut ne ipse quidem, A. 57. hujus ævi defunctus, illam viderit, sed demum A. 1679. Parisiis illa, obstetricante alio quodam Viro erudito, tandem carceribus liberata prodiiit. Quodsi vero e Barthio, *Advers. l. l. c. 1.* Glossæ Basilicæ extolli meruere: & idem alibi, lib. XIV. c. 8. recte judicat: *Glossæ veteres Latinas, Græcasque, copia bonarum rerum cornu dicar, adeo profunde eruenda quedam, nec pauca, in illis habeas, si inquirere velis;* merito sane in pretio Glossæ Labbeæ habentur, quæ & apud Salmasium in ejus scriptis paginam utramque faciunt. Non tamen æqua omnium Glossarum auctoritas statuatur. Cur Cyrillo tribuantur, auctor præfationis ad Gloss. Labb. aperit; nempe, quod H. Stephanus eas se ad calcem scriptorum nonnullorum Cyrilli reperisse testatur. Incertum igitur adhuc, an Cyrillus sit auctor? &, quis ille Cyrillus, multo incertius. Alexandrinum esse Episcopum, nemo, quod sciam, credit: licet mille abhinc annis antiquiorem complures statuunt. Verum, quicquid hujus sit, parum interest: modo de bona libri ipsius nota constat. Aliud Glossarium Græcum, a vetusto Codice, *Janus Rutgersius* Lugdun. Batav. 1618. una cum libris VI. Variarum Lectionum suarum, edidit. Iterum aliud MSS. *Casp. Barthius* possedit: aliudque allegat variis in locis *Salmasius*. Neque omnino dubium est, varia adhuc, quæ nescimus, Glossaria hic illic in Bibliothecis celebrioribus latitare.

C A P. VIII.

DE LEXICOGRAPHIS GRÆCIS RECENTIORIBUS.

- §. 1. Ex istis celebrantur, *Joh. Crestonus.* 2. *Varinus Phavorinus Camers.* 3. *Guilb. Budæus.* 4. *Joach. Camerarius.* 5. *Lexicon VII. Autorum Basileense.* 6. *Henr. Stephanus, ejusque Epitomator Joh. Scapula, & Emendator Joh. Com. Dietericus.* 7. *Rob. Constantinus, Guilb. Robertsonus, Joh. Crispinus.* 8. *Joh. Bentzius.* 9. *Joh. Casp. Suicerus, ejus etiam Thesaurus commendatur Ecclesiasticus, e Patribus Græcis congestus.* 10. *Lexicorum ac Indicium in certos Autores Architecti, Corn. Schrevelius, Am. Portus, Wolsf. Seberus, &c.* 11. *Lingua Græco-Barbara moderna Lexicographi: Sim. Portius, Nic. Rigaltius, Joh. Meursius, &c.* 12. *Car. du Fresnoy, reliquorum omnium recentissimus pariter atque præstantissimus.* 13. *Monita nonnulla de Autorum Græcorum, Juventuti proponendorum, selecta, Versionum*

Latinarum fide lubrica & deficiibus, & Latinis Oratoribus, Historicis ac Poëtis, Græcos studiose semper imitatis. Animadverso in L. Atilii de Thucydide Errorem. 14. *Scriptores moderni, de Græcorum Poëtis & arte Poëtica commentati.*

Post enumerata Veterum Lexica Glossasque jure merito addimus nunc, veluti partem prioris tractationis, recentiorum, non omnium sed optimorum tamen, **LEXICORUM recensioem.** Nec enim poterat iste labor capite antecedente una tractari, quo suum tamen sibi locum vindicare aliquatenus visus est; ne in molem caput unum excrederet, justamque mensuram suam excedat. Omnium vero primus, qui, post renatas e veteri lethargo literas, Lexico Græco-Latino conficiendo manus admovit, JOH. CRESTONUS, seu, ut alii vocant, CRASTONUS fuit, Placentinus, Italus natione, Carmelita & Doctor Papiensis. Hic enim, circa A. D. 1480. & sequentes clarus, atque, ob eruditionem, referente Simlero in Bibliotheca, a Geil. Tardivo, Bono Accursio, Franc. Philolpho & Ptolem. Spagnolo, commendatus, præter Grammaticam Græcam *Lexicon* quoque *Græco-Latinum* scripsit, Veneriis 1492. editum. Uti vero tum infantilis adhuc renascentium literarum ætas exiit, ita non adeo mirandum, si, post complures in eo deprehensos errores, varii ad illud Opus accurandum aut supplendum accesserint: quod quidem non adeo accurate factum Henr. Stephanus, in epistola de statu suæ typographiæ, his verbis perstringit. *Iis, quæ circumferuntur, Lexici Græco-Latini primam imposuit manum monachus quidam, F. Joh. Crastonus, Placentinus, Carmelitanus: sed, quom is jejunis expositionibus (in quibus vernaculo etiam sermone interdum, i. e. Italico, utitur) contentus fuisset, perfunctorie item construtiones verborum indicasset, nullos auctorum locos proferens, ex quibus illa pariter & significationes cognosci possent, multi postea certatim multa, hinc inde sine ullo delectu ac judicio excerpta, inseruerunt: donec tandem, indoctis typographis de augenda Lexicorum mole inter se certantibus, & præmia iis, qui id præstarent, proponantibus, quæ jejuna, & si ita loqui liceat, macilentæ antea erant expositiones, a leco pingues & crassæ reddite sunt, ut in illis nihil aliud, quam Bæoticam suam, agnoscamus.* Nimirum sugillat Stephanus, quæ sub variorum auctorum nomine Lexica sæpius, variato semper habitu, recusa & recocta Basileæ sunt, sed de quibus paulo post.

2 Crestono longe accuratior VARINUS PHAVORINUS CAMERS, Episcopus Nucerinus, sub initium seculi superioris, utilissimam Græcæ Linguae Studiosis operam duplici nomine navavit: dum & *Thesaurum Græcum*, seu *Cornucopie & Hortos Adonidis*, apud Aldum in fol. A. 1504. edidit, eoque insignem veterum Grammaticorum collectionem (qui in Bibliotheca Gesneriana enumerantur) complexus est: & *Lexicon*, seu uberrimos Græcæ totius linguae commentarios, ita adornavit, ut Hesychii, Suidæ, Harpocratonis, aliisque ineditorum adhuc Lexicorum laboribus compilatis, in unum corpus, quicquid ad explicandas voces Græcas pertinebat, omittis historiis & nominibus propriis, conflaret. Editum primo est Romæ An. 1523. deinde Basileæ mox repetitum A. 1538. cum uberrimo indice, minutissi-

mis

mis tamen typis: Simlerus & tertiam Parisinam editionem addit Morellii, sed de qua certi quid mihi alias non constat. Ceterum, ut jam olim Gesnerus mirabatur, non memoratos, in præfatione Varini, Suidam & Hesychium, quos tamen toros ille transcripsit: ita, post edita ipsorummet horum Lexicographorum volumina, non adeo magni usus esse Varinum, licet in magna gratia apud Studiosos sit, Jos. Scaliger *Epist. 235.* judicat: cui succinens etiam Maullæus, in *Dissert. Crit. ad Harpocr.*, illud insuper observat, errores, quos Phavorinus forte in Suida & Hesychio invenit, re-tentos tantum non omnes & in corpus unum redactos. Sunt tamen alii, qui & emendatiorem nonnunquam in Varino, quam in editis Suidæ & Hesychii exempla-ribus, lectionem offendi animadvertunt, & usum ejus non nimis extenuandum cen-sent, cum multa præsertim habeat Varinus, quæ, ex aliis haud dubie ineditis adhuc lexicis hausta, frustra in Suida, Hesychio & Harpocrate quæruntur.

Varinum excipiat GVILIELMUS BUDÆUS, magnus ille non generis, 3 munerumve splendore minus, quam literis, in Gallia suo tempore Vir, Contiliarius Regius, & libellorum supplicum magister; omnis literaturæ lumen, qui primus in Gallia suscitavit bonarum literarum amorem. Erasmo par habitus fuit, imo supe-rior a nonnullis. Et sane, quamvis arctam, ut ex epistolis colligi potest, amicitiam cum Budæo Erasmus coluisse videri voluerit: ab eo tamen præreptam sibi pulcher-riam doctrinæ gloriam æmulatum calumniis aliorum faeces admovisse, cumque Budæo principem in literis locum invideret, tacite illius existimationem, quam aper-te invadere ausus non sit, cuniculis oppugnare non desuisse, Sammarthanus in *Elogiis* auctor est: quod & non adeo a vero ablimile viderur. Uti vero Græcam inpri-mis linguam Budæus ita percalluit, ut nemo illum ejus peritia vinceret: judiceque Græcorum doctissimo; Jano Lascare, Vir ille summus, quod nulli dum extra Græ-ciam nato contigerat, veterem Atticorum facundiam adæquavit: quod eodem loco Sammarthanus refert: ita, plus eum in Græcis calluisse Erasmo, dubium ferme nul-lum est. Testantur de hac ejus incomparabili prorsus eruditione *Commentarii Græcæ Lingue*; in quibus an immensam lectionem potius, an judicium exasciatum, aut re-rum insignem varietatem, primo stupens incertum. Prodierunt primo Parisiis A. 1529. Francisco Regi Græca epistola nuncupati, tum apud Basileenses reculi 1530. Sub vitæ finem vero Budæus plus tertia parte auxit illos, editos post mor-tem auctoris ex officina Rob. Stephani Parisi. 1548., quam editionem itidem Basi-leenses A. 1556. repetivere. Ex hoc fonte omnes sua hauservnt Lexicographi re-centiores: adeo omnia diligenter est persecutus. Probe id suo tempore jam agno-vit Jos. Scaliger: qui nunc quidem, post Budæi commentarios, facile esse Græcis incunbere, judicavit, cum omnem ille ejus linguæ naturam, omnes elegantias ex-hauserit: omnium Græcorum totius Europæ maximus, & cui similem Gallia non datura sit. *vid. Excerpta Scalig. utraque.* Displicuit tamen, quod nullo ordine more Locorum communium, suos Commentarios scripsit: Alii ex Oratoribus & Histo-ricis, Philosophisque illam omnia protulisse observant, e Poëtis parum. Franci-scus Floridus ægre tulit, nihil Budæum Latinis, nec eruditionis, nec judicii, reliquisse, præfer-

præferreque vilissima Græcorum præstantissimis Romanorum: *apud Gaddium de Scriptor. Non-Elcf. T. I. p. 98.* Verum hæc nihil quicquam obsunt Budæo, neque summam Operis elegantiam minorem reddunt.

- 4 Jungimus Budæo suo merito JOACHIMUM CAMERARIUM. Erat ille, dum viveret, apud Germanos vere literatorum Hercules, & non cum vulgo nominandus: Sed potius sui temporis phœnix, omnium doctrinarum non superficialia, sed solida scientia, instructus: ubique domi fuit, seu in Mathematicis, seu in enarratione auctorum, seu Philologicis, aliquid susceperit. Ejus quoque extant *Commentarii utriusque lingue, in quibus est diligens exquisitio hominum, quibus partes corporis humani appellari solent, additis & eorum functionum nomenclaturis, & aliis his accedentibus, positis fere contra se Græcis & Latinis vocabulis. Basl. 1551. apud Herzagium.* Hic titulus libri est, qui satis, quid se contineatur, aperit: sane quamplurima de Græcarum vocum origine, aliisque scitu necessariis, inibi notata non solum inspectio probat, sed &, quod ejus plumis se ornare non desinunt lexicographi. Nempe ubi primam glaciem heroës fregerunt, viamque patefecerunt, facile suo exemplo alios excitarunt, linguæ istius adornandæ socios.
- 5 Interea temporis, dum Budæus atque Camerarius Basileensium præla fatigabant: variis sæpe formis prodiit a variis Auctioribus recognitum, emendatum, interpolatum, donec in spissam tandem libri molem excreveret, LEXICON VII-AUCTORUM BASILENSE, cui Viri, si titulum spectes, sine controversia eruditissimi suas curas impenderunt; nempe G. Budæus, Jac. Tufanius, Conr. Gesnerus, Hadr. Junius, Rob. Constantinus, Joh. Hartungus & Joach. Hopperus; adeo, ut putares, nil nisi exactum a tantis nominibus tibi expectandum. Sed tamen hoc ipsum lexicon illud est, quod paulo superius §. 1. ab Henr. Stephano traductum animadvertebamus, & quod ille, uberiori deductione, infinitis scatere erroribus vitisque, ostendit: dum contraria vocibus nonnunquam significatio datur; consensunt voces duæ in unam, aut novæ & Græcis inauditæ cudantur; auctorum loca perperam allegentur, aut duo itidem malo omine confundantur & quas alias ille errorum gravissimorum classes magno numero recenset. Et, ne in virorum doctissimorum, qui præfiguntur, nomina injurius videretur: *Pauca, dicit, ex Budæo, aliisque idoneis auctoribus, & ea quidem parum fideliter descripta: (utpote parum intellecta,) multa contra ex Lapo Florentino, Leonh. Arctino, aliisque ejusdem farinae interpretibus (ut similes haberent labra lactucas,) in opus illud transfulerunt.* Ex iis quidem certe locis, in quorum interpretatione felix fuit Laur. Valla, paucissimos protulerunt; sed, pro perverso suo judicio, perverissimas quasque ejus interpretationes delegerunt egregii illi Lexicorum, seu confarcinatores, seu interpolatores, quibus tanquam gemmis illa insignirent. Hæc Stephanus, in Epistola de suæ typogr. statu, ab Almeloventio Viris Stephanorum subjuncta: quem, ne affectibus abreptum in sui Thesauri laudes hæc præpostere criminatum, suspiceris; consentit illi Conr. Gesnerus, in Catalogo librorum suorum: nam, cum ab initio statim revisum a se aliquoties, & ex Auctoribus fide optima emendatum,

tum, Lexicon Græcum retulisset; licet non semper promotus ea fide, qua decuit, a typographo labor sit:) *Quod si alii etiam. addit, multi Lexicorum corruptores potius, quam Authores, observassent, non usque adeo aliquot millibus locorum corrupta hæc volumina hæcenus in publicum prodissent, non solum typographicis erratis passim innumeris absurdissime referta, propter imperitiam illorum, qui ad præla corrigunt; sed ipsorum etiam Authorum, quorum plurimos idcirco sua nomina profiteri puduit.* Discrimen tamen inter illas editiones faciendum est, nec omnes promiscue pro mendosis & conspurcatis rejiciendæ: ultimam, a se locupletatam, ex officina Hier. Curionis, Basil. 1560. prodierit Gesnerus scribit, & sunt adhuc aliæ, e quibus haud utique contemnendum fructum Studiosi hauriant, licet mala etiam bonis immixta deprehendantur. Usus tali Lexico Basileensi semper ad manus olim est celeberrimum Jenensis Academiae decus, Joh. Andr. Bosius, atque ad ejus marginem plurima annotavit. Omnium præcipuus ille defectus est, quod vocabula non solum sub radicibus non ordinantur, sed ad illas ne remittuntur quidem.

Longe accuratior proinde HENRICUS STEPHANUS, Alpha illud Lexicographorum Græcorum, sub primitivorum serie derivata, & sub derivatis composita & decomposita, primus omnium, Herculeo labore, & exquisitissimo omnis Græcæ literaturæ apparatu, congestit, in *Thesauri Linguae Græcæ*, qui vere promptuarium & horreum totius Græcismi est: cujus vasta IV. voluminum moles multo vastiorem Auctoris peritiam, & prodigiosum laborem, abunde testatum reddit. Absoluta ejus impressio est An. 1572. cum hoc Epigrammate in fronte tituli. *Thesaurus Lectori:*

*Nunc alii intrepide vestigia nostra sequantur:
Me duce plana via est, quæ salebrosa fuit.*

Nec vanum certe istud Stephani distichon fuisse eventus docuit. Omnes enim illum exscribunt. Inprimis vero dolendum, post exantlatos tot immensos labores, impenfamque in Thesauri impressionem suam omnem subitantiā, bonum Stephanum, lucri loco, quod haud vulgare inde speraverat, damnum rei familiaris irreparabile sentisse: cum non solum a principio statim, & priusquam liber totus imprimeretur, nonnulli, nimiam molem veriti, ejus institutum averfarentur: sed & maxime propterea, quod in epitomen redigendum Thesaurum JOH. SCAPULA, olim famulus Henr. Stephani, suscepit: qua re ut de juventutis commodo non male, imo optime, ita de Stephano longe pessime, meritis est: omnes enim, relicto Thesauri, Scapulae Epitomen sibi compararunt, ut adeo ad extremam ferme pauperiem miser redactus sit. Luxit ipsi suam sortem hoc Epigrammate:

*Thesauri momento alii ditantque beantque,
Et faciunt Cræsum, qui prior lrus erat.
At Thesaurus me hic ex divite reddit egenum,
Et facit, ut juvenem ruga senilis arct.
Sed mihi opum levis est, levis & jactura juvenia,
Judicio haud levis est si labor iste tuo.*

Sunt nihilominus, qui post distracta prioris editionis exemplaria, Stephanum suum Thesaurum recudisse perhibent, præfixo in titulo epigrammate, quo falsè Scapulam exagitarit; dum se agrum prius a scapulis nunc sanum in rheatrum redire scribat. Verum, si quicquam hujus epigrammatis in libri titulo excusum est, citius titulum, quam universum Thesaurum, denuo impressum crediderim: nunquam enim eæ vires Stephano rediere. Quamquam vero summo, quod in hominem cadit, studio confectus ille Thesaurus sit; non tamen immunem ab erroribus, aut Auctor unquam ipsē venditavit, aut crediderunt alii. Ipse, in laudata sæpius epistola *de statu Typographiæ suæ*, postquam fuisse suum Thesaurum cum reliquis Lexicis composuisset: *Abstineat, inquit, ut sibi quisquam persuadeat, ita me aliorum errata proferre, quasi ipse sum ἀναμαρτυρῶντες, & hominem me esse non meminerim, i. e. cum, cujus sit errare, labi, nescire, decipi. Imo vero me & colloco in hoc numero, & jam nunc in nico opere esse, in quibus lapsus me existimem, ingenue fateor.* Idem & alii observant. JOHAN. CONR. DIETERICUS, Professor Academiæ Gießensis, variis commentariis in Historicos & S. Codicem notissimus, *Auctarium* quoddam sub manu habuit ad illum *Stephani Thesaurum*, in quo crassos ejus errores se detecturum est pollicitus; Sed, cum viveret, non invenit typographum, & post mortem ejus omnis ille labor in irritum cecidit. Fuit autem Vir ille linguæ Græcæ peritissimus, & deprehendere id quodammodo licet e quibusdam libellis exiguis, Marpurgi Cattorum editis: inter quos est Dissertatio, cui titulus: *Græcia Exulans, seu de infelicitate seculi superioris in Græcarum literarum ignorance: & alia quoque Dissertatio, sub titulo Specilli Chrestomathiæ Græcæ*, ibid. 1649. in 4. edita, ubi varia sunt, quæ spectant ad Veneres Græcæ linguæ, copiam & ornatum verborum, tam in oratione soluta, quam ligata. Ad Scapulam ut redeam, prima ejus editio Basileæ 1579. lucem publicam aspexit: ultima, & usui commodissima, prodit Amstelodami apud Elzevirios, cum Latino Indice copiosissimo, quem Laurent. Martius, Palatinus, summa diligentia confecit, ediditque primum Basil. 1630. Adjectæ præterea, ut in ultimis Basileensibus, Jac. Zwingeri, Medici & Philologi insignis, de Dialectis Græcorum, uberrima hypotyposi deductis, tabulæ: Corinthus de Dialectis: ut & epitome quædam Glossariorum Græco-barbarorum Rigaltii & Meursii; & Epitome etymologica, ex Magno Etymologico contracta. Prodiit ista Scapulæ nitidissima plane editio Lugd. Bat. 1650. in fol.

- 7 Priusquam Thesaurus Stephani prodisset, alium *Græca Lingue Thesaurum* ROBERTUS CONSTANTINUS congestit, qui etiam haud parum eruditus probatur. Beeclero certe majori cum judicio scriptus, quam Thesaurus Stephani, visus aliquando est: & quanti Conr. Gesnerus Constantinum æstimavit, satis hæc ejus verba indicant, quæ in Catalogo librorum suorum, post mentionem de Lexicis Græcis Basileensibus, habet: *Ceterum hoc anno, inquit, quo hæc scribo, 1562. Geneva prodisset audio longe copiosissimum emendatissimumque Græcæ linguæ Thesaurum, a Rob. Constantino, incomparabilis doctrina viro, adornatum, ex Joh. Crispini officina.* Constat hic Thesaurus II. Tomis, & secunda editione ab Æmil. Porto auctus est Genev. 1592. Quodsi Colomelio

mesio credimus, **GUILIELMUS ROBERTSONUS** etiam *Græcæ Linguae Thesaurum* scripsit, quem, 80000. vocabulis ab Hillio quodam Anglo auctum, Londini A. 1676. in 4. prodiiſſe, auctor est in *Bibliothec. Selecta* p. 80. Mihi alias nil de Robertsoni Thesauro constat; & vereor, ne cum Roberto Constantino forte confundatur Robertsonus: quanquam & hunc, tot millibus vocabulorum auctum, in 4. prodiiſſe, cum antea iusta duo in fol. volumina compleviſſet, credibile nullo modo sit (*dd*). Viderit itaque Colomesius oportet, quod nos later: quemadmodum & eodem loco Joh. Crispini, Genevensis typographi, Lexicon ab Eduardo Grant. 4. aut 5000. vocum auctum, Londini 1581. in 4. excusum narrat.

Alium adhuc *Thesaurum Elocutionis Oratoria Græco-Latinum* scripsit **JOH. BENZIUS**, Bruxellensis, qui Argentorati Græcas literas docuit, ex officina Hervagiana Basil. 1581. in fol. in lucem emissum. Magnam Vir ille operam in ornanda Græca lingua locavit; quamvis non tam pertineat ad auctores Grammaticos aut Lexicographos, quippe qui ornatum potius verborum spectat, & ad Rhetores magis referendus est. Non incommode tamen huc referri potest. Neque vero ordine alphabeti suum hunc laborem digessit, sed sub 66. titulis generalibus, ceu locis totidem communibus, ad quos præcipua universitatis rerum commodissime revocari posse persuasus erat. Sub his titulis primo loco abstracta posuit, sive substantiva; post hæc adjectiva, seu concreta: tandem verba: tandem adverbia. Iterum vero sub unoquoque horum, veluti tot titulis specialibus, exempla ex Auctoribus optimis locavit: tum σύνδεσσαι, seu complexas voces, quibus varie rem unam Oratores eloquuntur: porro ἐπίδεσσαι illarum vocum: & tandem ipsammet phrasium atque elegantiarum πρόσθεν: subiecto Latino indice uberrimo. Eundem ordinem, in Thesauro Eloq. Latinae, tenuerat, (edoctus illum a Joh. Sturmio, magno in Germania Rhetore.) de quo *T. I. huius nostri Operis lib. 3. c. 2. §. 14. seqq.* dictum fuit. Auctores Græci, e quibus Thesaurum compilavit, præcipui sunt, Demosthenes & Isocrates: præterea Plato, Aristoteles, Xenophon. Non habemus profecto Autorem ullum, qui Veneres linguæ Græcæ diligentius, & majori iudicio, congererit: quas enim alias habemus Calligraphias, vel Possellii, vel Neandri, vel Paræi, non sunt cum hoc labore conferendæ.

Kkk kk 2

JOH.

(*dd*) Fallitur b. l. Morhofius, dum Guilhelmi Robertsoni Thesaurum Linguae Græcæ, a Colomesio laudatum, haud diversum esse conjicit a Rob. Constantini Opere sive Lexico Græco ejusdem Tituli eximio. Revera enim Guilhelmus ille, quem Noster ignoravit, Robertsonus, gente Anglus, & Artium Magister, *Thesaurum Linguae Græcæ* edidit *Reseratum*, & huic postea A. 1686. *Thesaurum* quoque *Linguae sanctæ* subjunxit, sive *Lexicon Concordantiæ Hebræo-Latino-Biblicum*, in quo Lexica omnia Hebræica, bucuſque edita, Methodice, succinſte, & quasi συνοπτικῶς, una cum Concordantiis singularum Vocum Biblicarum, Grammaticæ sub Radicibus suis resolverunt, Hebræicis, exhibentur, Londini in 4to excusum. Vid. de utroque isto Lexico, imprimis tamen de Hebræico, *Acta Eruditorum Lipsienſia*, *M. Jun. A. 1687. p. 308-314.*

9 JOH. CASP. SUICERUS duplici nomine suum, inter Lexicographos Græcos, locum meret: partim ob *Lexicon*, quod concinno non minus ordine, quam insigni vocabulorum copia, magno labore adornavit, Tiguri 1683. in 4. editum: quod sane usui Studiosorum maxime accommodatum ac proficuum est. Quemadmodum vero idipsum nonnisi minus *Lexicon* est, & quasi epitome Majoris, quod, immenso prope labore collectum & dispositum, ordine naturali, duobus in fol. Tomis, aliquando se editurum spem fecit: ita multo majorem gloriam Viro Clarissimo paravit *Thesaurus Ecclesiasticus*; Amstelodami 1682. in fol. in lucem datus: in quem dum voces & locutiones Patrum Græcorum, a Lexicographis vulgo vel omittas, vel non pro dignitate expositas, summo plurimorum annorum studio, congestis, ritus simul, & alia ad Antiquitatem Ecclesiasticam pertinentia, magno numero immiscet: ut adeo non possit non *Φιλαρχαίος* in re Ecclesiastica longe plurimum prodesse. Quamquam, ut sunt labores hominum imperfecti, & huic *Thesauo* deesse quædam, eruditorum aliqui observarunt: quos inter Cl. Schurtzschius, in Dissertatione Academ. de *Χεῖρτεριᾶ* §. 14.

10 Taceo nunc *Lexica Græco-Latina* minora, & quæ uni inprimis Auctori, aut dialecto, scripta sunt, sua tamen laude minime carent: ut sunt *Cornel. Schrevelii* *Lexicon*, quod præcipue Homero resolvendo inservit: *Æmyl. Porti* *Lexicon Pindaricum*, Hanov. 1626. in 8. *Lexicon Jonieum*, Herodoto illustrando; & *Doricum*, Theocrito, Moscho, Bioni, aliisque explanandis accommodatum: Hanov. 1603. in 8., quo Dictionariorum genere non minus certe incipientium inprimis labor juvari solet, quam indicibus quibusdam, qui suo modo ad *Lexica* reduci possunt: partim, quod omnium sunt absolutissimi, ut *Wolffg. Seberi* Index in Homerum est: partim quod una verborum, in illo auctore occurrentium, Analysin dant, qualibus instructos habemus *Hesiodum*, cura Schrevelii: *Herodianum* cura Balth. Scheidii, aliosque.

11 Ceterum, cum successu temporum Græcitas regionis genium imitaretur, atque, ut hæc variis variorum barbarorum irruptionibus patuit, eorumque domicilium facta est: ita & lingua sensim sensimque tantum barbarismi attraxit, ut hodie Græciam in Achaja media atque Peloponneso quæras: nullibique corruptior Græca lingua sit, quam Athenis, & in Arcopago. Factum hinc, ut in Patrum, Auctorumque aliorum ævi recentioris, scriptis ubivis iste se barbarismus prodar, fueritque adeo necessarium, ad Byzantinorum scriptorum lectionem peculiaria quoque *Lexica Græco-Barbara* strui. CAROLUS du FRESNE, qui in hoc studio omnes omnium labores longo post se intervallo reliquit, & de quo mox aliquanto prolixius agendum erit, in præfatione sui *Glossarii Græco-Barbari* §. II. enumerat eos, qui ante se simile quid in ornanda illa sparta tentarunt: Stephanum a Solio; Dion. Gothofredum; Nic. Rigaltium; Joh. Meursium; Christoph. Germanum; Gerasimum Vlachum; Simonem Porrium; Carol. Annibalem Fabrotum; Jac. Gretserum; Joh. Morinum, & Jacobum Goarum. Ex his aliqui particularia tantum Scriptoribus Byzantinis *Glossaria* subjecerunt: alii sparsim illud negotium in suis scriptis notisve attigerunt: alii forte aliter;

aliter; neque enim omnes visi nobis sunt. SIMON PORTIUS Romanus, Doctor Theologus, is ipse, qui τῆς Ρωμαϊκῆς γλώττης, i. e. Græcæ vulgaris, Grammaticam, Cangii Glossario præfixam, dedit, *Lexicon Latinum, Græco-Barbarum & Græco-Literatum* edidit Paris. 1635. NICOLAUS RIGALTIIUS, celeberrimus olim Regiæ Parisiensis Bibliothecæ custos, de verbis, quæ in Novellis Constitut. post Justinianum occurrunt, *Glossarium μετοβερβαρον* Paris. 1601. in 4. edidit, atque, ut erat in suis laboribus exactissimus: iudiceque Scaligero vir talis, e cuius quotidiano congressu aliquid semper disci poterat; quamobrem & Carolo Labbeo, Glossariorum supra recentiorum editori, ut Rigaltium amicum habeat, omnique officiorum genere prosequatur auctor est: *Epist. p. 591.* ita, in Glossario etiam, suis partibus strenue functus deprehenditur: nisi quod, dum exiguum solum barbarorum vocabulorum particulam, nempe Juridicam, selegit, imperfectus nimium labor est. Ueberior JOH. MEURSIUS *Glossarium suum Græco-Barbarum* primo An. 1610. apud Elzevirios in 4. tum, secunda editione 1800, vocibus auctum, ibid. 1614. dedit.

Verum, cum & ab hoc nequaquam e materiæ dignitate pertractatum opus 12 videretur, exhaustumque vocum Græco-Barbararum pelagus; Joh. Bapt. Cotelæus, & Emericus Bigotius, Viri duo Clarissimi, quos, Cangio dicente, in perfectâ Græcæ linguæ, ut & ceterarum disciplinarum, cognitione consummatissimos esse, nemo nescit, CAROLUM du FRESNE, Dominum du CANGE, adierunt, ut, quemadmodum Latinitati mediæ atque infimæ vasto III. Voluminum Glossario lucem prorsus egregiam affluderat, ita & Græcitatē eodem modo illustrandam in manus sumeret. Id quod & ille, senex admodum licet & jam morti vicinus, non minus prompte quam feliciter, in se suscepit; conquisitis undique, & immensa diligentia pervolutatis, editis, ineditis, Theologorum, Jurorum, Medicorum, Chymicorum, Philosophorum, Grammaticorum, Historicorum, ætatis mediæ atque infimæ, monumentis longe plurimis: e quorum accurata per investigatione emerſit tandem *Glossarium ad Scriptores Mediæ & Infimæ Græcitatē*, non minus vocabulorum, quam omnis generis rerum, una inspersarum insigni copia admirandum. In præfatione, luculenter admodum causas corruptionis linguæ Græcæ exponit, totiusque declinationis ejus historiam. Prodiit illustre Opus Lugduni 1688. in fol. II. Tomis, ultimusque Viri laboriosissimi conatus est, qui, paulo post absolutam ejus editionem, prope itans obiit; de Byzantina Historia inprimis ante alios omnes meritis, quam non suo solum peculiari volumine, ingenti eruditionis apparatu, illustratam dedit, sed & in ornandis edendisque Chronico Paschali, Zonara, Annæ Comnenæ Alexiade, aliisque Auctoribus, insigniter juvit. Hæc vero cum hujus loci non sunt, prætereo. Non silebo tamen elegans epigramma, quo doctus quidam inter Gallos vir de la Monnoye, in Latinum & Græcum Cangii Glossaria ingeniose ludit h. m.

Aufonios postquam Grajosque effusa per agros
Barbaries Romam pressit utramque diu:
Cangius, hanc vinclis qui tandem & carcere frenet,
Res mira! e Gallis ecce Camillus adest:

Kkk kk 3

Et

- 13 Et hæc de Lexicis sufficiant; quorum usus juventuti vel ob id maxime commendandus est, ut ad colendam linguam pulcerrimam eo alacrius accedant. Quod vero Auctorum Græcorum delectum attinet, certum est, antiquos recentioribus præferendos: ac tyronibus quidem inservire possunt *Orationes Historicorum Græcorum* ab Henr. Stephano & Eilhardo Lubino collectæ. Quanquam enim vulgo Novum Testamentum eligere soleant; negari tamen non potest, peregrinitatem aliquam dictionis Græcæ illic occurrere: adeoque, licet ante omnia Novum Testamentum ab adolescentibus penitus imbibendum sit; addi tamen & alios præcos auctores Græcos oportet. Neque enim in lectione veterum a Latinis interpretibus standum, quos sæpe multumque insigniter falli fallereque videt, quisquis Græca consulit; & apparet idem ex frequentibus eorundem castigationibus, quæ in Virorum doctorem scriptis passim obvias sese præbent. Unus instar omnium Barthius recentiores illas antiquarum auctorum versiones, prout vulgo excudi solent, adeo non fert, ut novam inde barbariem extimescat. Nam dum, *l. XL. Adversar. c. 19.* de Epistolis Græcanicis loquitur, quæ Genevæ junctim excusæ sunt: *Dolui*, inquit, *cum earum interpretationem dari Jac. Cujacio vidi, & Juris, Antiquitatumque, & linguæ Græcæ, solertissimo: qua jurare auserim tota Latinitate futiliorem non inveniri translationem: licet in hoc campo ad arbitrium fere suum debacchentur homines de Schola, qui neminem ullum Græcum auctorem sine futili versione jam fere excudi faciunt: adeo denuo in judicii vulgi regnare incipiunt, quibus uno jam fere seculo ipsorum tyrannidis excussa erat.* Idem, *lib. XLV. c. 6.* istud de versionibus auctorum Græcorum argumentum resumit, ostenditque, quanti momenti res sit, Latine Græcum exprimere: quod quidem omnium optime Josiam Mercerum, interpretem Aristæneti, fecisse putat. Conferendi insuper de Latinis Græcorum translationibus sunt Pet. Nannius *Συμπύκτων lib. I. c. 3.*, & Ant. Borremansii *Var. Lection. c. 11.* Sane Latini ipsi semper, suam semper linguam Græcæ postposuere, pauperemque arbitrati sunt, si cum illa componeretur: quod non probat Barthius *lib. LVIII. c. 9.* multum errari in judicii talibus persuasus. Negari interim non potest, tum demum Romanos ad aliquem in scribendo, vel perorando, canendove, gradum sublimiorem ascendisse, cum Græcos sibi imitandos sumserunt, uti Cicero Demosthenem, Thucydidem aliosque, Livius, & Virgilius Homerum. De Thucydide illud obiter memorandum: graviter hallucinatum, Leonem Allarium, dum eum a Cicerone *pene pusillum* dici perhibet: cum tamen non solum absurda hæc locutio foret, sed & Cicero, *l. II. Epist. ad Quintum F. ep. 12.* de Philisto Syracusio verba faciens dicat: *Siculus ille capitalis, creber, acutus, brevis, pene pusillus Thucydides: longe alio sensu, uti cuius paret, quam quem Allarius male ceperat, haud immerito proin a Franc. Vavassore notatus, de Dictione Ludicra p. 167.* Quæ de poetis Græcis Theocrito, Homero, Hesiodo, Virgilius sua fecerit, singulari industria collegit Fulvius Ursinus libro Antwerpiæ in 8. edito hujus tituli: *Virgilius collectione Græcorum scriptorum illustratus: cui rei præterea inservire possunt Germani Valentis Guellii Commentationes & Paralipomena in Virgilium; Antwerp. apud Plantinum in fol. A. 1580. excusæ.*

De Poëris Græcis eorumque ætatibus peculiari libro posthumo egit Gerh. 14 Joh. Vossius, quem tamen ineditum mansisse mailer Colomelius in Bibliotheca Selecta. Artem Poëticam, quantitatem syllabarum, phrasas etiam poëticas, tradiderunt Colemannus, Neander, Pareus. Satyricam Græcorum Poësin peculiari tractatu exposuit Isaacus Casaubonus, in duos libros diviso, editoque Paris. 1605. in 8. sed is dudum rarior esse cœpit. (cc)

CAP. IX. DE LINGUA LATINA.

§. 1. *Scriptores de Literis Latinis atque Orthographici, quorum Princeps est Cl. Dausquejus.*
 2. *Originum Ling. Lat. Scrutatores Etymologici, Isidorus Hispalensis (merus Rkapso-*
odus,) Jul. Caf. Scaliger, Coisus Cittadinus. 3. *Melch. Inchoferus, Seb. Corradus,*
Joh. Nieff. (Historiam Ling. Lat. Libris persecuti peculiaribus). 4. *Gerh. Joh. Vos-*
sius, Matth. Martinus, Joh. Fungerus, Cbr. Becmannus, Cbr. Daumius. 5. *Latini-*
tatis Præfixæ & Agrestis rudium, seu Vocum antiquatarum, Collectores, Eilb. Labi-
nus & Janus Guilh. Laurenbergius, additis Recentioribus quibusdam, vetusto isto Ser-
monem commentatis. 6. *Nomenclatorum Scriptores, Hadr. Junius, Henr. Schævus,*
Joh. Joach. Becherus (de cuius etiam Scriptis aliis Didacticis fertur Judicium,) Jac.
Engelbrecht. 7. *Lexicon perfectum Lingue Latine deest.* 8. *Lexicographi Ævi*
barbari rudiores, Papias, Nestor Dionysius, &c. 9. *Recentiores, qui post Literarum*
vixere πειλιγγεσσιων, Nicol. scil. Perottus, Ambr. Calepinus. 10. *Rob. Stephanus,*
eiusque σύγγεγοι ac Plagiarii, Epitomator item Marcus Frid. Wendelinus. 11. *Steph.*
Doletus, Joh. Frisius. 12. *Marius Nizolius, ejusque Thesauri Ciceroniani Continua-*
tores, & Ant. Schorus, Thesauri itidem Ciceroniani Scriptor. 13. *Henr. Decimator.*
 14. *Casp. Scioppius, ejus Mercurius avēndoros est.* 15. *Ol. Borrichius, G. M. Kö-*
nigius. 16. *Basil. Faber, ejusque Continuatores, Aug. Buchnerus, Jac. Thomasius,*
Christoph. Collarius, Tob. Magirus. Monita de subsidiis Lexici consciendi, inprimis Au-
torum Indicibus. 17. *Latinitatis Ævi medii corruptæ Lexicographi, Gerh. Joh.*
Vossius, Joh. Pet. Titius, Joh. Vorstius, 18. *Car. du Fresne, Vossio, & ceteris omni-*
bus luculentior. 19. *Solacisimi Virorum Doctorem a Casp. Scioppio, Franc. Vavas-*
sore & Joh. Pet. Titio, notati. 20. *Phrasum Ling. Lat. (quarum Selectus prudentis*
simul inculcatur necessitas) Collectores, Hadrianus VI, Pont. Rom. Aldus Manutius,
Ant. Schorus, C. Scioppius, Georg. Crauserus, Wolsf. Schönslederus, Hub. Gifanius, &c.
Barn. Briffonii Opus de Formulæ & solennibus Verbis Pop. Rom. commendatur, & a
Scaligeri Censura vindicatur.

A Græca

(cc) Is Casauboni Tractatus de Satyrica Græcorum Poësi (de quo Autor, in Polybistore Poëtico, sive lib. VII. c. 1. §. 11. plurima monuit) a Thoma Crenio haud ita pridem, in Museo Historico & Philologico, Lugd. Bat. A. 1699. in 8vo edito, denuo est recensitus.

1 **A** *Græca Lingua*, cujus beneficio omnes scientiæ ad Romanos, omnesque artes transferunt, ad *LINGUAM LATINAM* nunc progredimur, de qua *οὐδὲν ἔτι* quædam dicturi sumus, cum plenius alibi egerimus. De literis videatur Hermannus Hugo in libro de prisca scribendi origine, supra laudato: Vossius in *Arte Grammatica*: Scioppius in *Arte Critica*, Noribergæ 1597. & Amstel. An. 1669. in 8. edita: ubi multa habet scitu necessaria de literis, quorum beneficio MSSrum antiquitas vel novitas internosci potest. *Bivocales*, sive *diphthongos* quasdam vir summi apud Anglos ob inexhaustum plane doctrinam nominis, Thomas Gatakerus, peculiari Dissertatione, Londini 1745. in lucem emissa, impugnavit: ubi etiam multa disserit de literarum quarundam sono germano, natura genuina, figura nova, idonea scriptura veteri atque vera. Inprimis vero diligenter *orthographiam Latinam*, juxta temporum seriem explicatam, dedit CLAUDIUS DAUSQUEIUS, seu *Dausquius* libro, cui titulum fecit *Antiqui novique Latii Orthographia*, II. Tomis in fol. Tornaci An. 1632. Magna profecto cura Opus elaboratum est, atque ira omnem apud veteres scribendi rationem evoluit, ut illa in lapidibus, inscriptionibus, monumentisque publicis, variavit: atque adeo utilissimam arti Criticæ operam navavit. Non parum enim negotii facessit scripturæ varietas in veteribus monumentis, e qua tamen, bene intellecta, statim judicium de antiquitate scripti formari potest: quare, ut characteres hi accuratius dignoscantur, opera danda est. Attingit nonnihil ejus argumenti Henr. Stephanus, in præfatione Glossariorum a se editorum: sed paucissimus est, pleniorque & illo, & reliquis ad unum omnibus, Dausqueji liber, complexus omnia, quæ tum veteres, tum recentiores, de hoc argumento scripsere. Sunt autem illi *Victorinus Velius Longus*, qui Romæ prodiit An. 1587. in 8. *Cassiodorus*, cujus de *Orthographia* libellus prodiit separatim, cum notis Carionali, Antwerpæ 1597. in 8. *Bele* liber de *Orthographia*, quem Hanovix 1609. imprimi curavit Hel. Putschius. *Albi Mamutii junioris*, Pauli F., opusculum de *Orthographia* diligentissime e libris antiquis, tabulis, numis, lapidibus, congestum editumque ab ipsomet Venetiis 1566. in 8. *Hier. Cardani* de *Orthographia* tractatus, qui T. I. ejus *Operum* reperitur: & forsan alii.

2 *Origines* atque *etymologiam* Latinæ Linguae Veteres jam Grammatici, Varro, Festus, Flaccus, Isidorus pertractarunt, conatu non nimium felice: vapulatque, ob compilatos veteres, ISIDORUS præsertim plurimis; quapropter haud raro castigantur: qui modo *rhapsodiam* vocant ejus *Origines*, e pluribus undecumque *confarminatam*, quod B. Rhenani judicium est: mox cum Jano Doufa auctorem ipsum met *sartoribus Semipriscis* annumerant, *centonumque sarcinatorum* vocant: qua de re Jac. Thomassius *Diff. de Plagio* §. 474. Potest cetera veteribus suo modo adnumerari nomenclatura variorum utensilium, alias ignota, quæ in *Instrumento plene Securitaris*, a Naudæo e Bibliotheca Paris. Regia Romæ in 4. edito, continentur. E recentioribus JULIUS CÆSAR SCALIGER magnum *Opus Originum lingua Latine* moliebatur, 24. libris absolvendum, quod una cum ipso ta-

men

men intercidit. Nec adeo multum, si prodiiſſet etiam, inde fructus ſperavit Menagius, in ſua Originum Ling. Gallicæ ad Puteanum epiſtola nuncupatoria, hunc in modum ſcribens: *Jule Caſar Scaliger, un des premiers Critiques, & le premier Philoſophe de ſon tems, a compoſé des Origines de la Langue Latine juſqu'à 24. livres. La groſſeur de cet ouvrage étoit ſi prodigieuſe, que durant ſa vie il ne ſe trouvoit point de Libraire, qui en volut entreprendre l'impreſſion, & il a été perdu après ſa mort. Mais pour les etymologies, qu'il a inſéré en ſon livre des Cauſes de Langue Latine, & qui ne ſont pas meilleures que celles des anciens, nous pouvons juger, que cette perte n'a pas été grande.* Poſt Scaligerum, CELSUS CITTADINUS, Vir, judice Erythraeo in legendis explicandisque veterum Latinorum monumentis, ea eruditione ac ſcientia præditus, ut paucos pares, ſuperiorem haberet neminem: & qui ſpecimen ſuæ eruditionis dedit *Dialogum de Origine Uſus, quo plurali numero ſingularis perſona cæpta eſt nominari*, referente eodem J. Nicio Pinacoth. II. p. 71. is, inquam, Celſus præ manibus habuit *Opus de Ortu & progreſſu lingue Latine & vulgaris Italice*: prout Gaſſendus in Vita Peireſciana memorat: verum ne ab hoc quidem aliquid in lucem exiit.

MELCHIOR INCHOFERUS, Jeſuita Bavarus, aliqua ex parte hunc ³ utriuſque defectum ſupplevit *Hiſtoria ſua Sacre Latinitatis*, quam libris VI. comprehendit, ediditque Monachii An. 1638. in 8. Optimus profeſſo liber eſt, multaque proponit eruditiffima, & ſcitu maxime digna, quæ ſpectant ad ortum, progreſſum & mutationes iſtius lingue, quæ præcipue ab illo ſunt tradita; dum ſtatum Latine lingue, per omnia ſecula, uſque ad ipſam barbariem & recentiora tempora, deducit. Habentur præterea ſingularia nonnulla de cauſis corruptæ lingue Latine, ejusdemque ad noſtra uſque tempora conſervationis. Gorhoſ, qui vulgo corruptæ Latinitatis inculſantur, ille ab hoc crimine abſolvit, eoſque potius, ut Latine lingue conſervatores, honorandos exiſtimat; non omiſſis quoque Curie Romanæ laudibus, quam ſcilicet de propagata, imo canonizata lingua Latina præclare meruiſſe perſuaſus eſt; qua in re non quidem omnino fallitur; ſed ſimul tamen, monachorum ſocordia miſere deturpatam linguam pulcerrimam, negare non poterit. Laudandum, quod *lib. III. c. 10.* conſutandos ſibi Laborem & Sorberium ſumit, Latineque lingue prærogativam præ Gallica debitis argumentis extollit. Illud vero perridiculum, quod, *lib. 5. c. 2.* beatos in cælo Latine aliquando locuturos exiſtimat. Ante Inchoferum, SEBAST. CORRADUS lucentium *librum de lingua Latina* ſcripſit, in quo multa continentur de mutationibus ejus lingue, aliæque obſervationes egregiæ: quapropter & cum libro maxime opere commendo. Verſatus in eodem argumento eſt JOHANNES NIESS in *libro de ortu & occaſu Latine lingue, cum ejusdem inſtauranda modo*, qui tamen non ea diligentia, qua poterat, argumentum iſtud tractavit, Dilingæ 1627. in 12.

Præcipuum vero in hoc ſtudiorum genere, ut in aliis fere omnibus, nomen ⁴ acquiſivit GERH. JOH. VOSSIUS *Etymologico ſuo* (quod haud ita pridem, Tomus I. LII II Iſaaci

Isaaci Filii additamentis auctum, nova facie prodit.) Multum illud præcellit *Lexico* MARTINII, qui Vossii præceptor erat, sed multa immiscet aliena, quæ judicium ejus tantum non esse produnt, quantum erat discipuli: quanquam & in discipulo passim deprehendas præceptoris sui vestigia, adeo quidem clara, ut typographus, qui Martinii *Lexicon* edidit, sibi ab opere Vossiano damnum metuens, plagii crimen intentasse dicatur hujus editori, Elzevirio, qui id An. 1662. in fol. primum excudit. Præfixus est utilissimus liber de *permutatione literarum in etymologia investiganda*, quam doctrinam Vossius eo loco plenissime preponit, cum, qui ante illum in hoc argumento fuisse occupati Grammatici, leviter illud saltem attigerint. (ff) JOH. FUNGERI *Etymologicum Latinum* Francof. in 8. An. 1605. editum, & CHRIST. BECMANNI *Origines*, cum his quidem comparari non possunt, habent tamen interdum, quæ in aliis non invenias: Beermannus inprimis, qui erat elegantis ingenii Vir, & in luculenta sua præfatione de Latinitate non pauca notatu digna observat. Versabatur usque ad vitæ finem eo in argumento CHRISTIANUS DAUMIUS, qui Indices Latine linguæ Analogicos, & Indagatorem Radicum, dudum promisit, ut patet ex Epistolis Reinclio-Daumianis, ubi multa inveniuntur ejus argumenti. Ac publicavit jam pridem Daumius tractatum *de causis amissarum quarundam Latine linguæ radicum, ut & multarum vocum derivatarum*: quod est Commentationum ejus de Latine linguæ ἀναλογία & usu ἀποσπασμάτων, Cygnæ 1642. in 8. eoque libro contineri fundamenta quedam voluit magni Operis, quod moliebatur: absoluti nimirum suis numeris *Lexici Latini*, præcipue illarum vocum, quæ ætate sequiore in usu fuerunt; quam ob causam magna diligentia pervolvavit omnia illa, quæ nancisci potuit, scripta eorum temporum, edita, vel inedita. Eri vero in ejus Dissertatione, quæ prodit, omnia non probem; multa tamen inibi habentur & docta, & subtiliter excogitata; & solidiora haud dubie ab illo expectanda fuerant, ni mors illum una cum conatibus intercepisset.

- 5 Antiquas veteris illius & agrestis Latine linguæ voces e paucis, quæ hic illic in fragmentis Nævii, Pacuvii, &c. supersunt, ejus ruderibus utili labore collegit, post EILHARDUM LUBINUM (qui jam An. 1594. Amstelod. in 8. edito *Antiquario*, seu priscarum & minus usitatarum vocum interpretatione, id tentavit) JANUS GUILH. LAURENBERGIUS, qui & ipse, sub *Antiquarii* titulo, collegit omnes voces antiquas & obsoletas, easque explicuit, Lugdun. Batav. 1622. in 4. Adjecit & in fine veteres glossas quasdam Græco-Latinas, quas ediderat Henr.

(ff) Gerh. Vossii *Etymologicum Lingue Latine*, cum præfixo de permutatione Literarum Tractatu, quamplurimis H. Vossii, Autoris Filii, observationibus auctum, Amstelodami An. 1695. in fol. est recusum. Matthiæ Martini *Lexicon Philologicum*, adjectis ejusdem Cadmo Græco-Phænice, sive *Etymologico*, & Iidori Glossario, per Joh. Georg. Gravium emendato, suisque annotationibus, & aliorum collectaneis, illustrato, Trajecti ad Rhenum A. 1697. in fol. Gravio curante itidem denuo prodit.

Henr. Stephanus; & ex iis tantum excerpfit, quantum ad illustrationem hujus sui Antiquarii facere exiftimabat. Continentur enim in Gloffariis illis voces, quarum nec vola, nec vestigium, in ipsis Auctoribus eft: unde apparet, fuiſſe in ipſa etiam aurea ætate plebejas voces in publico uſu, ſed non ita foro & civitate donatas, ut in orationis civilis uſum cooptarentur. Inveniuntur in iis interdum voces, e quibus reſtitui ſuſpecta Autorum loca poſſunt, cum occurrant ibi vocabula, quæ homo imperitus facile, ut peregrina & barbara, expungeret, quæ tamen genuina & Latina ſunt, quanquam rarioris uſus. Fuere autem aliqui inter eruditos, qui, dedita opera, ex priſcis illis vocibus orationem contexuerunt ingentii oſtentandi gratia: inter quos doctiſſimus Mariangelus Accurſius in Dialogo, quem *Oſcor & Volſcor* inſcribit: Jul. Cæſar Scaliger in *Poematibus*, libro *Teretiſmatum* p. 103. ubi pædagogum aliquem inducit antiquo iſto ſermone loquentem: & Jac. Balde in *Dramate quodam Oſeo*. Referendum quoque huc carmen Philoxeni Gonæi, ſeu qui ſe illo nomine texit, Caſp. Barthii, ea lingua ſcriptum, quod ſtatuae ſuæ Mercuriali Henr. Jul. Scheurlius adjecit.

Ad voces linguae Latinae perdiſcendas comprehendendasque, Nomenclatores 6 partim, partim & Lexicographi data opera manuducunt. (gg) Optimus HADRIANI JUNII *Nomenclator*, Antwerpiæ in 8. Ann. 1577. editus, tanta cura adornatus eſt, ut non ignominiae ſibi Auctor duxerit, quandoque in media opificum viliorum turba in cauponis ſedere, unaque compotare, quo accuratius, vel inter pocula instrumentorum proprias appellationes in lingua vernacula ediceret: teſte Colomeſio in particularibus relationibus, quæ inter ejus Opuscula habentur: p. 131. ſq. qui & addit, Joh. Sambucum propterea alieniorem a Junio factum; cum cauſam ſordide ſocietatis ignoraret. Alium *Nomenclatorem* HENR. SCHÆVIUS edidit *Mnemonicum*: atque ut erat Vir doctiſſimus, & in omni diſciplinarum genere verſatiſſimus; ita hic etiam contemnendus non eſt: *Maſculina* nigro; *fæminina* rubro charactere ſignavit: *neutra* utroque comparent. Conſilium nomenclaturæ prolixius exponitur in præfatione libri, cujus altera editio prodiit Heidebergæ 1673. in 8. Mihi commodius videtur, verba nominibus ſuis jungi eo, quo derivantur, ordine, quod conſilium nuper amplexus eſt JOH. JOACH. BECCHERUS, Vir, qui omnibus pene diſciplinis ſe immiſcuit, adeo ad Latinae etiam linguae rudimenta feliciter tractanda conſilia propoſuit, in *Methodo ſua diſcæctica*: in *Præxi ejus methodi*, & in *Organo* ſuo, quomodo poſſit tyro rerum vocabula, Grammaticam, & ſignificationem integri ſermonis, addiſcere beneficio derivationis a primitivis: cui rei potiſſimum interſervit Praxis illa, velut in ſpecimen primo loco procuſa. Fateor, non temnendam eſſe ejus Viri induſtriam; ſed fuit illius dili-

LII II 2

dili-

(gg) De Nomenclatoris Hadr. Junii Hiſtoria, Variis Editionibus, Prærogativa, Nævis, & horum Cenſoribus, plurima læta digna congeſſit, & proinde ad b. l. conferri meretur, Thom. Crenius, Vir Cl. *Parte I. Animadverſionum Philologicarum & Hiſtoricarum*, c. 3. §. 1-5. p. 33-41.

diligentia pene nimia & superstitiosa. Collegit ille sub suis primitivis derivativa, quæ non sunt omnia notæ melioris: citra delectum enim obsoleta, & nova, & barbara, simul proponuntur tyronibus ediscenda, quod illorum animos imbuir non optimo colore. Ut in vocabulis praxin suam ostendit, ita aliud subsidium est commentus in enunciationibus formandis, & sententiis: cui scopo scripsit novum Organon, in quo sub classibus conceptuum universalium ac prædicamentaliū disponit voces: cujus quidem dispositionis usus, præter illum, quem ipse intendit, alius quoque esse possit non contemnendus in inveniendis conceptibus argutis: nam cum hi fundentur in analogismo rerum, quilibet intelligit, eo feliciorē fore hanc operam, si directorio indicum istiusmodi categoricorum uti possumus. *Methodus Didactica* edita est una cum *Appendice* Monachii An. 1668. in 4. *Novum Organon* Viennæ 1671., quod postea distinctius prodit, & cum Germanicæ linguæ additione, & cum subdivisione paragraphorum, Francofurti, si recte memini, in 8. Tertius tomus illorum librorum nondum lucem vidit, quo proponere argumentationum fontes voluit: sed, ut ipse nihil certi promissit, ita nec dedit quicquam, dum viveret, aliis nempe per plurimis occupationibus negotisque districtus.

Beechero, ob argumenti similitudinem, jungimus JACOBUM ENGELBRECHT, qui *Complementum Latine Linguae* scripsit: quo, certæ methodi beneficio, derivata & composita omnia, e facillima suis in classibus analogia, solo aspectu tyronum memoriæ insigantur. Distinguit nimirum voces secundum classes rerum & terminationes: & sane in terminationibus, nisi fallor, idea totius linguæ latet; ut ego quidem existimem, totam aliquam linguam breviori spatio posse comprehendere, si quis ad terminationes illas respiciat: prout enim sunt conceptus de rebus, ita pene ipsa natura determinat terminationes, quæ si respiciantur statim judicari de ipsa vocis significatione potest. Primitiva enim & simplicia pauca sunt, quæ, si memoria teneat puer, & ideam harum terminationum habeat, ipse sponte eliciet, & sine operosa memoria, voces a primitivis secundum hunc ordinem derivatas. Hoc consilium fuit Engelbrechti, quod in lingua Græca præterea secutus est Andr. Pauli, qui *Themmatologiam Novi Testamenti* concinnavit, qua docet secundum hunc ordinem investigare significationes vocum. Ejus consilii ratio explicatur in præfatione libri, qui prodit Lubecæ 1661. in 12. Verum de methodis hujus generis alibi.

7 Nomenclatoribus Lexicographi succedant. Hic vero cum pudore nostri seculi dicendum est, non habere nos perfectum aliquod Lexicon Latinum. Græca lingua ea parte longe felicior: nam *Theaurus Stephani* adeo copiosum dedit apparatus, ut paucis vel emendari, vel augeri, possit: at in Latina lingua omnium opera fuit imperfecta, & in partibus tantum exulta. Conquestus est ea de re Olaus Borrichius in libello *de Lexicorum Latinorum Jejunitate*; ubi pluribus demonstrat, quantopere laborent vulgaria illa Lexica, etiam optima: & illud sub *Fori Romani* nomine toties repetitum, & a novis plagiaris interpolatum. Hactenus tamen tot prodierunt instrumenta conficiendi plenioris Lexici, ut mera ignavia sit, non impendi operam diligentiorē. Habemus notas, commentationes, indices doctis-

doctissimorum virorum in Auctores pene omnes, e quibus vel solis si conferantur, & cum iudicio digerantur, Lexicon egregium confici possit. Atque illa cura pertrineret ad voces tantum, non ad phrasas, in quibus congerendis laboriosum est Forum Romanum; cui certe ex his virorum doctorum curis magna fieri accessio posset, qua parte saepe Forum Romanum deficit.

Non potuere vero non lutulenti esse Lexicographi, qui e luto barbariei seculorum superiorum vix tandem conspurcati misere emerferunt: namque, ut ex aqua nascitur Venus, non ex luto; ita nec linguae Latinae Veneres e barbarorum temporum sterquilinio peti possunt. Eapropter sufficiat, nomina illorum apposuisse, ne ignorentur: quanquam & occurrant interdum apud illos nonnullae glossulae, quas e vetustioribus Auctoribus transcripserunt. Primus illorum PAPIAS est, Lombardus circa A. C. 1200. clarus, juxta Trithemium, qui eum scribit, Grammaticorum omnium suo tempore fuisse clarissimum, Graeco & Latino sermone instructum. Scaligero, in *Excerptis Putean.*, futilis est, & tot errores habet, quot verba. Contra vero Casp. Barthius, primo statim suorum Adversariorum capite, non semper *futilem veterum glossariorum compilatorem* vocat: imo, lib. LV. c. 4. quae ex veteribus Grammaticis undecunque corraserit, raro non notabili aliqua explicatione ornasse ait: dissidet etiam quoad ejus aetatem a Trithemio, & lib. III. c. 3. Adv., non diu post Henrici II. Imp. tempora, i. e. post A. C. 1000. eum scripisse e Catalogo Imperatorum colligit, quem in voce *Aetas* Papias habet, ubi in Henrico II. delinit. *Vocabularium* vero Papiæ, de quo nobis hic sermo, & quod aliquamdiu apud imperitos auctoritatis aliquid obtinuisse Raphael Volaterranus memorat, Veneriis A. 1491. impressum prodit. Secuti hunc NESTOR DIONYSIUS, Novariensis Minorita, Papiam in ordinem redigens, ipse ab aliis redigendus, cujus Dictionarium Argentorati A. 1507. excusum est: Joh. Werdena in sua *Gemma Gemmarum*: Johannes de Janua, & Simon Januensis, qui tamen vix ab illo ipso limine, quod nomen proficetur, linguam Latinam salutarunt.

Nebulas horum hominum dissipavit NICOLAUS PEROTTUS, Saxoferratenensis, Sipontinus Episcopus: cujus praeclarum opus *Cornu Copiae*, seu Commentariorum Latinae linguae volumen (quod idem commentarius in Martialem est,) omnem Latini sermonis elegantiam & rationem nisu eximio complectitur, tum quae apud Martialem occurrit, tum quae ad Martialem ex aliis ab ipso afferuntur. Optima ejus editio prodit apud Aldum Veneriis An. 1513. quae postmodum Basilae apud Curionem & Walderum aliquoties iterata est. Et sane honor illi Viro habendus, primo purioris Latinae linguae collector, unde sua praecipue derivavit, qui post illum scripsere. Equidem amolitur a se intentatum crimen istud Angelus Politianus in *Miscellaneis*, cui obiectum fuerat, factam ipsi ante Perotti editionem ejus archetypi inspiciendi copiam, Urbinatum Duce in gratiam Laurentii Medicis tradente. Verum id omne ita a se depellit Politianus, ut ad editi exemplaris *avertit* provocet. vid. *Thomasius de Plagio* §. 525. Sed si excusandus est Angelus, certe non idem merentur alii Perotti strenui transcriptores. Hos inter non minimus AMBROSIIUS CALEPINUS: qui quidem, si in

nomine aliquod omen est, per anagrammatissimum *Pelicanus*, sanguine suo & succo minorum gentium Lexicographis vitam dedit: fuitque diu sacra studiorum anchora, ad quam confugiebant, qui in Latina lingua se exercere volebant. Sed ipse interim Calepinus merus Perotti descriptor est, quapropter acerbis passim censuris Scioppii & Franc. Floridi vexatur: a quibus non adeo multum abludit Erythraeus, *Pinacotheca II. p. 202.* Stetit olim, & in scholis regnavit, adversus omnes censuras, & praela typographorum calefecit, ac loculos ditavit, bonus ille Calepinus, qui toties coctus & recoctus parum sapit. Illi enim aliena ova supposuerunt passim nonnulli, & fœtus quoscunque, undecunque corraños, sub Calepini persona in theatrum produdere: tandem & nova mole, novarum linguarum mistura, auctior liber ille prodit, quasi conjuratum esset ab omnibus typographis in unum hoc Lexicorum chaos, quo, tanquam illo Bacchi dolio, & cicer, & pisâ, & allium, & lana, & omnia, continebantur. Quæ, cum omnia illic sint permixta, nihil solidi & genuini deprehendes: non possunt enim simul & semel disci & colligi tam diversa; quoque ornatus magis illis auctariis liber fuit, eo magis deformatus, &, ut simius ille apud Claudianum, claro deformis amictu. Prodit post longe plurimas editiones Lugduni A. 1587. recognitus a Jeno Passeratio, & Ludovico la Cerda: sed, ut puro, abusi sunt typographi horum virorum nomine, ut eo promptiores invenirent suis mercibus emptores. Videatur de hoc Passeratii Calepino Borrichius *de Lexicorum Latinorum Jejunitate.*

10 Longe vero vicit Calepinum, quacunq; etiam manu auctum emendatumve, exquisito labore ROBERTUS STEPHANUS, dum ab aliis decem viris Tutano, Budæo, Baisio, similibusque doctissimis adjutus incomparabilem illum Latine Linguae Thesaurum elucubravit; cujus hic titulus est: *Dictionarium, seu Latine Linguae Thesaurus, non singulas modo dictiones continens, sed integras quoque Latine & loquendi & scribendi formulas, ex Catone, Cicerone, Plinio, Arriano, Terentio, Varrone, Livio, Plinio secundo, Virgilio, Cesare, Columella, Plauto, Martiale: cum Latina tum Grammaticorum tum varii generis scriptorum, interpretatione, Paris. 1536. fol.* Nova editione ingenti accessione auctus III. Tomis prodit A. 1542. tandem & Lugduni 1573. repetitus, sed dempta tamen male præfatione, in qua suos adjutores Stephanus enumeraverat. Mirum, quam a plagiaris conspiratum sit in hoc Opus: nam tanquam ad prandium paratum venerunt, non suis laboribus Opus alienum exornaturi, sed submoto Auctoris nomine suum impudentissima audacia reposituri. Ita CÆLIUS SECUNDUS CURIO, sub *Romani fori* nomine, THEODOSIUS TREBELLIVS, sub titulo *Promptuarii*, Basil. apud Oporinum 1542. excusi, alii sub aliis titulis, presso veri Auctoris nomine, Thesaurum Stephani ediderunt, cujus facti, certe minus ingenui, nulla ab ipsis ratio redditur: nisi forte eam ob causam hoc evenit, quod, ascitis in societatem Viris tot eruditis, partem aliquam hujus laboris in se jure quodam derivare voluerint. Alii, ne nihil omnino in Opere recuso viderentur egisse, auctius id, &, si Dis placeret, emendatius procudere annitebantur, intrusis vocibus & loquendi modis, qui, a genuina Latinitate alieni prius a Step-

no ob id ipsum repudiati fuerant: qua de re lepidam historiolum refert Henricus, Roberti F. Stephanus, in *Epistola de Statu suæ Typographiæ* p. 161. edit. Almelov. Quam pater meus, ait, Venetiis agens, quandam officinam typographicam ingressus esset, in qua exudebatur ejus *Thesaurus lingue Latine*, sumpta in manus charta, oculos statim in quoddam vocabulum coniecit, quod se olim rejecisse, dum opus illud construeret, recordabatur. Miratus ergo, suum exemplar asserri ad se jussit, quod memorie sue non omnino fidendum putaret. Ibi certe vocabulum illud non invenit, sed margini adscriptum, ut insereretur, videt. Tunc cum, ejus manu adscriptum erat, convenire, & quo id consilio fecisset, interrogare. Hic vero non aliud respondere, quam se non vocabulum hoc solum, sed aliquot alia itidem adiecisse: quæ, cum patri meo ostendisset, ea ipsa esse comperit, quæ itidem olim rejecerat. Quia ex re tanto dolore exarsit, ut continere se non potuerit, quin illum aliosque, qui ad ditandum præclaris hisce divitiis *Thesaurum* operam suam itidem locarant, asinos *Arcadicos* vocaret. Hæc dum narrat Henr. Stephanus, suo Græcæ L. *Thesauro* paria plane fata omniatur; eadem & secuto tempore, si non graviora expertus. Ceterum habet tamen & hoc Rob. Stephani *Lexicon* suos defectus: sæpe enim e corruptis Auctorum exemplaribus loca non sana asseruntur: multa quoque *παρεστώματα* in ipsa phrasi: sed tamen ob phrasæologiam quam maxime commendari meret: nullum enim habemus *Lexicon* ea parte plenius instructiusque. Excerptis ex illo *Medullam suam Latinitatis* MARCUS FRID. WENDELINUS, addito in tyronum usum locupletissimo indice Germanico. Liber non contemnendus est, de quo in præfatione Wendelinus multa magnifica promittit, putatque ex nullo libro commodius addisci posse linguam Latinam, quam ex hoc, si perpetuæ instituantur imitationes, & sermones continui ex istis phrasibus connexi, qui, Germanica propositi lingua, in Latinam converti debeant. Sed, quod primum est in imitatione, hic deficit: sermonis scilicet nexus, unde potissimum dependet omnis lingue genius: deinde sermones ita concinnati nescio quid inepti sapiunt, si secundum ordinem istum alphabeticum instituantur, quod *ταυτέλογον* & jejunum videtur. Quanquam enim obtendit Wendelinus, longo tempore opus esse, si ex lectione proficere velimus; omniumque rerum Latinitatem uno Auctore minime comprehendendi: tanti tamen omnino res esse videtur, ut plus temporis illi impendatur ab initio, quam ut immatura festinatione ista tela præter rem abruptatur. Deinde, postquam structura sermonis ex lectione Auctorum satis in solido locata est, facile in ceteris, ubi auctores deficiunt, *Lexicorum* opem implorare possumus.

Inter plagios Rob. Stephani STEPHANUS DOLETUS, Lugdunensis 11 typographus eruditus, etiam referendus est, sed subtiliores: namque alia methodo disposuit Opus suum, & e Stephani materia novum ædificium extruxit. Commendari quoque meret labor illius: nam, quæ tumultuarie apud Stephanum, hic distincto secundum significationes suas ordine exhibentur. Neque tamen propterea a plagii crimine absolvendus est, licet ipsemet adhuc illud, sibi a Carolo Stephano objectum, diluere omni studio sit annisus; qua de re legi potest Thomæsius de *Plagio Literario* §. 409-412. Nempe nimium subito creverunt in molem *Latine Lingue*

Linguae Commentarii, qui ante *Thesaurum* Rob. Stephani, & Nizolii magnitudine Laur. Vallæ Elegantias non superabant: frustra exscribendi licentiam Lexicographis concessam Dolerus prætendit, qui Barthol. Riccio insuper atque Lazaro Bayfio eum in modum turpiter abusus est, nunquam eos nominans, nisi ubi castigat. Prodiere *Tomi II. Commentariorum* Lugduni apud Sebast. Gryphium A. 1538. in fol. Guilh. Budæo nuncupati, Tertium adhuc tomum addere sibi proposuerat Auctor, collocatione oratoria, composito & numerofo dicendi genere in universum acturum; sed quo minus destinata perficeret, fati acerbitate factum: quippe vivicomburio miser ob religionem exultus est, meliore fortuna dignus utique, & Vir doctus. Extat in mortem ejus epigramma Theodori Bezae, quod legitur in *Deliciis Poëtarum Gallorum*, sub nomine Adeodati Sebæ. Erat unus e præcipuis Ciceronis admiratoribus, quapropter Erasmi Ciceronianum, tum in prætatione sui Operis, tum in ipsomet *Commentationum* corpore, haud raro acriter sugillat. Scripsit & libellum *de phrasibus Latinæ Linguae*, qui solet edi cum Huberti Susannæ *Connubio adverbiorum Ciceronianorum*. Dedit etiam *Formulas* Latinarum locutionum illustriorum, quæ forme in *Commentariorum* supplementum scriptæ sunt. Cum vero jam tum, paulo postquam excusi sunt, *Commentarii* nimio venire pluribus viderentur, *Compendium Doletii* Vir quidam doctus Basileæ A. 1540. adornavit: sunt que etiamnum *Commentarii* ipsimet rarissimi. Uri vero Dolerus e *Thesauro* Stenii sua maximam partem hausit; ita genuina *Fori Romani* filia est *Lexicon Trilingue Joh. Frisii*: totum nempe *Opus* ex illo *Foro* excerptum est, auctorum nomina negligenter addita libris capitibusque omisiss. Prodiit Argentorari A. 1612. fol. Minoris formæ *Lexicon Frisii* in 8. Tiguri 1586. sæpeque alias, excusum prostat.

- 12 Superiore seculo, cum in unum Ciceronem quasi conjuratum esset ab eruditiss, studiose admodum collectæ sunt voces Ciceroniæ ac phrasæ: fuitque; **MARIUS NIZOLIUS**, Brixellensis, qui *Thesaurum Ciceronianum*, seu, ut primo vocabantur, *Observationes in Ciceronem*, ordine alphabetico digestas, scriberet, prima vice An. 1520. Basil. apud Rob. Winter editas. Exinde vero plurimis istum *Thesaurum* accessionibus auxerunt **Basilius Zanchius**, **Cælius Secundus Curio**, **Marcellus Squarcialupus**, & **Jacobus Cellarius**. Atque est utique præclarus liber, & ad Latinitatem Ciceronis utilissimus: tamen & multa ei Operi desunt. Neque enim existimandum est, quæ a Cicerone prætereuntur, barbara esse aut rejicienda: hinc fit, ut illa vocum barbararum farrago, quam adjecit Operi Cellarius, sub isto ordine multa recenset, quæ non erant atro carbone notanda. Postremo prodiit, nisi fallor, ex officina Hervagiana Basil. An. 1583. in fol. Videnda vero de hoc **Nizolii** *Lexico* **Leibnizii** præfatio in **Nizolium** *de Natura Philosophandi*.

Alium a **Nizolio** *Thesaurum Ciceronianum* **ANTON. SCHORUS** edidit, is ipse Vir laude dignissimus, qui primus incorruptam pandere viam ad Latinitatem veram aggressus est, & cujus prætationem in *Phrasæ Ciceronianas*, Coloniae 1578. in 8. editas, auream **Franciscus Vavassor** vocat, ob egregie monstratam observandi e veteribus rationem. *Thesaurus Ciceronianus* vere brevis quidem est, nec omnia diseratissi-

mi

mi Oratoris comprehendit, sed pleraque singularia, & significationibus divisa. Edidit illum, cum præfatione & elogio suo, Joh. Sturmius Argentorati apud Rihelium 1580. in 8. apud quem ejusdem doctissimi Auctoris libri II. *de ratione discenda docendæque Latine & Græcæ linguae* prodierunt An. 1571. in 8. Utinam ejus liber de Particulis Linguae Latinae non intercideret, habuissimus profecto Thesaurum auro cariorum.

HENRICI DECIMATORIS *Thesaurus* miror pretium aliquod Borrichium statuere, homo enim ineptus fuit, & in Latinitate nihilo plus sapuit, quam occisa sus, quod ex ejus Sylva vocabulorum deprehendas, quam miris modis exagitat Siberus passim in Epistolis & opusculis suis, monetque, ceu pestem fugiendam esse tirpibus. Monendum tamen, fuisse inter utrumque lites agitatae publicæ, ac argutissima sunt, quæ in Decimatorum scripta edidit Adamus Siberus.

Quodsi prodiiisset *Mercurius Trilinguis* CASP. SCIOPII, id est, *Lexicon*, quod præ manibus habuit, & absolvit; haberemus omnino, de quo nobis præclara quæque polliceri possemus. Fuit enim Scioppius homo, licet summe maledicus, in Grammaticis tamen, si quis alius, nasutus & doctus. Servatur istud *Lexicon* adhuc *avertor* Patavii apud Joh. Michaëlem Pieruccium, Professore Juris, ubi & reliqua ejus scripta latent, teste Gaddio *T. I. de Scriptor. Non-Eccles. pag. 210.* Vidit & legit illum librum Marq. Gudius, qui mihi asseveravit, esse dignissimum, qui publicis typis exscribatur: esse enim accuratas inibi de lingua Latina observationes.

OLAUS BORRICHIIUS, cujus de Jejunitate Lexicorum Latinorum *Dissertationem* jam aliquoties allegavimus, librum conscripsit integrum, cui titulus: *Cogitationes de variis Latine linguae ætatibus*: quibus integrum continetur *Lexicon* vocum Latinitati restitutarum, quæ a Vossio, Scioppio, aliisque rejectæ erant. Præmisit elegantem *Dissertationem de variis variæ Latine linguae ætatibus, & charactere scriptorum secundum genium temporum illorum.* Editus est liber Haffniæ Ann. 1675. in 4. Præcesserat jam istas *Cogitationes Syllabus quarundam vocum*, quæ tanquam barbaræ rejiciuntur a Vossio, adversus censuram illius vindicatarum. Feliciter, quod nec ipse distulit, in eo labore usus est Borrichius GEORG. MATTHIÆ KOENIGII, Professoris Altdorffini, *Lexico*, seu, ut ipse appellat, *Gazophylacio Latinitatis*, qui liber ante annos non ita multos prodit, in 4. modicus, nec tam diffusus, ut alii: & multa tamen in eo habentur, quæ frustra in operosissimis aliis Lexicis quæeruntur, ipsoque adeo Foro Romano. Usus vero est in concinnando hoc *Lexico* opera Christiani Daumii, qui magnam impendit curam, ac sollicitè disquisivit Latinitatem genuinam. Comparent in illo voces, aliis ut barbaræ notatæ & rejectæ, quarum ille auctoritatem diligentissime apposuit.

Omniun nunc manibus teritur, velut in Calepini locum surrogatus, BASILII FABRI *Thesaurus Eruditionis Scholasticæ*, secundum ordinem primitivorum & derivativo-
Tomus I. Mmm mm vativo-

vativorum collocatus: cujus quidem exigua primum ipse rudimenta posuerat Lipsiæ An. 1571. impressa, & reperito sæpe labore dehinc auxerat, sed imperfectum tamen reliquit. Admovit postea illi expoliendo manus AUGUSTUS BUCHNERUS, & Auctariis insignibus locupletavit: verum unus Vir tam vasto labori non suffecit, quamquam illa, quæ adjecit, optima sint, & ex optimis observationibus, tam suis, quam aliorum, deprompta. Nova Buchneri Additamenta, post Auctoris mortem, ab ejus hæredibus Bibliopola editor coemit, queis nonnulla addit JACOBUS THOMASIVS. Dicitur & Francofurti ad Viadrum uberius latere vocabulorum collectio, quam TOBIAS MAGIRUS ad Fabrum sibi collegerit, quod si verum est, non inanis fortasse fuerit labor ille, si e ceteris Magiri, Viri diligentissimi, scriptis eum judicare velimus. Miror autem Bæclerum Foro Romano Fabrum a Buchnero revistum præferre, in *Dissertatione de Lexicis*. Quamvis enim illi sui defectus sint, quos præter alios, Caspar quoque Scioppius in *Consultatione II.* notavit: longe plura tamen jure in Fabro desiderari possunt, adeo ut causa, cur præferatur Foro Romano, nulla omnino sit. Reperiuntur equidem in Fabro quædam notatu singularia, quæque alibi frustra quæras: ast vero parcius illorum numerus est, quam ut Lexici perfecti nomen sustinere queat. (Quapropter & toties jam, post Buchnerum atque Thomassium, CHRISTOPH. CELLARIUS, Vir Celeberrimus, & si quis alius, peritia linguæ Latinæ exquisita clarus, Fabrum auxit, locis innumeris emendavit, rescavit quæ nihil attinebant poni, Auctorum loca diligentius apposuit, atque adeo totum pene Fabrum recudit: subinde tamen vel addenda vel corrigenda denuo deprehendens.) Nec potest adornari Lexicon justum, suisque partibus absolutum, ni operas inter se conferant Viri eruditi, ut unus hunc, alter alterum Auctorem, secundum indices componat, unde postea Lexicon aliquod universale formetur: quod consilium est Borrichii. Tot vero sunt hodie observationes egregiæ Grammaticorum atque Criticorum, indicesque luculenti, e quibus confici tale Lexicon posset, ut longe maxima laboris parte sublevatos se sint sensuri, quotquot tale Opus aggredientur. Discernendi tamen indices sunt, nec promiscue omnes commendandi: ante omnes alios commendari merent Bæcleriani & Freinshemiani in Historicos; quemadmodum Giffanii in Lucretium: ceteri non sunt pari cura congesti; sed, contenti nuda nomenclatura, de usu & acceptione vocum civili nihil monent, quod tamen fecisse maxime e re erat. De defectibus indicum istorum vide Vorstii præfationem in Cornel. Nepotem a se editum. De usu Indicum in Poëtis legi potest Horatius Tuscanella in præfatione ad Catulli, Tibulli, Propertiique opera, a se in indices digesta: Basil. 1562.

17 Ne vero barbaris quoque seculis aliquid deesset, aut linguæ Latinæ in pejus mutata copia ignoraretur, cura Duumvirorum, eruditione ac meritis longe clarissimorum, obstitit: Prior GERHARDUS JOH. VOSSIUS de *Vitiis Latini sermonis, & Glossæ Latinæ barbaris*, libros IV. dedit Amstelodami An. 1645. in 4. collegitque in iis voces, quæ barbaræ sunt & exoticæ. Sed dum in earum censum

cenſum etiam illas refert, quæ revera barbaræ non ſunt, cenſuram incurrit Scioppii primo, qui peculiari libello, Ravennæ 1617. edito, Voſſium caſtigat, & poſtmodum Borrichii. Nobis non placet, admixuiſſe illum barbariſmos omnibus notos reliquis, qui minus cogniti & vulgo etiam apud literatos in uſu ſunt. Nam gloſſemata quidem, & voces barbaræ, prima ſtatim fronte occurrunt, apparentque tales: ſed quæ, ſub ſpecie Latinitatis, vel oculatiſſimos fallunt, eæ fuiſſent a ceteris ſeparandæ. Nec tamen illæ omnes ea diligentia ſunt hic notatæ, qua fieri poterat: ſed longe plures adhuc reſtant. In compendium tamen illas traxit JOH. PETR. TITIVS in *Manuductione ad Excerptum*, adjectis aliis nonnullis: tum quoque JOH. VORSTIUS in libris de *Latinitate falſo & merito ſuſpecta*, qui tamen id argumentum plenius copioſiusque exſecutus eſt: Sed vero barbaræ & peregrinæ voces longe plures ſunt, quam notavit in hoc exiguo libro Vorſtius. Voſſii libros multo auctiores edere in fol. Iſaacus filius aliquando ſibi propoſuerat, quod ex ejus ore Colomeſius refert, in Bibliotheca Selecta p. 146., qui tamen dilationem promiſſi non nimium ægre fert. Mr. Voſſius, ait ille, *promettoit de faire r'imprimer ce livre de M. ſon Pere in folio, beaucoup plus ample. Cependant nous n'avons pas vû juſqu'ici l'effet de ſa promeſſe. Quand cet ouvrage ne paraitroit point, nous n'aurions pas de peine à nous en conſoler, puisque le doctre & infatigable M. du Cange vient de nous donner ſon Gloſſaire, en trois volumes in folio.*

Nempe Voſſium longo poſt ſe intervallo reliquit alter, qui in hoc immenſo 18 prope vocum barbararum campo deſudavit, CAROLUS du FRESNE. Dici vix poteſt, quantum ſtudii attulerit Vir ille ſummus, & quanta ex innumeris prope monumentis copia, non res minus, quam voces atque phraſes ſemi-barbaras, depromat in *Gloſſario ſuo Latinitatis mediæ atque infimæ*, Pariſiis An. 1678. III. voluminibus edito. Profecto Augiæ ſtabulum illo, ſtupendo plane, labore non tam repurgavit, quam ornavit, potuiſſetque ſummo jure Herculem *καταφύγον* inſcribere Opus ſuum, quem titulum olim Caſpar Scioppius Inveſtivæ in Scaligeri, Caſauboni, aliorumque Virorum doctiſſimorum, nævos grammaticos, a ſe colligendos, deſtinaverat. Aurea vero in illo Gloſſarii Cangiani ſtercore longe plurima ſunt, & veluti in ſodina ſcoriis circumſepta latent. Præmiſſitur elegans Diſſertatio de *cauſis corruptæ Latinitatis*: & ſubjungitur alia de *inferioris ævi numiſmatibus*, præcipue Conſtantinopolitanis; qualia & in luculentiffimo de Familiis Byzantinis Opere infinita producit illuſtratque. Recuſum Gloſſarium Latinum eſt Franc. An. 1687. Tomis II. Appendix ad illud in Gloſſario Græco reperitur, nequaquam ſpernenda.

Ceterum, quod de Scioppii in colligendis virorum doctōrum ſolæciſmis inſtituto diximus, illud ex parte in *Inſania Famiani* ipſo jam opere effectum dedit, 19 notavitque varios Fam. Stradæ, cui præcipue libellus ille oppoſitus eſt, Scaligeri, Caſauboni, Lipſii, barbariſmos. Mirum enim eſt, quam ſæpe Viris etiam magnis, & Linguae Latinae ſine controverſia longe gnariſſimis, ſolæciſmi atque barbariſmi excidant: qui quidem tum eo magis feriunt oculos, cum ab iis prolari ſunt, qui adverſarios ſuos, forte in pari paroramare deprehenſos, acriter ſugillare ſolent.

Mmm mm 2

Hos

Hos inter Josephus Scaliger crebro aliis vitia istiusmodi orationis objiciebat, ipse interim adeo non immunis, ut Alexander Morus magnam suae praefationis partem, quam secundae editioni Thesauri Temporum Scaligeriani praemisit, similibus peccatis, sive excusandis, seu emolliendis, impenderit. Idem in Salmasio notatum: cui, cum praefervidus atque praecipuus fuerit, solæcismorum affatim excidisse, non adeo miratur Franc. Vavassor: quam quod Joh. Miltonus, probri loco eam Salmasio segetem vitiorum objiciens, festive eopse loco Solæcismi flagitium admittat, dum dicit; *vapulandum se praebeuit*. Vid. *Vavassor de Epigrammate c. 22. p. 300. seqq.*, qui praeterea Thuani, Bezae, Casauboni & Rich. Montacutii, lapsus similes, sed modeste, ostendit; in postremo tamen ægre fert, quod, qui nec satis pure, nec sine solæcismis, Epistolas Photianas transtulerit, ipsum tamen Photium turgentem atque inflatum in epistolis, atque Aliaticum dicere audeat: quod secus Vavassori videretur in eo Auctore, cujus tam prudens de multiplici ratione scribendi optimorum Auctorum, tamque sincerum habeamus judicium. Conferatur quoque Titius in *Mamuductione ad Excerpt.* p. 17. qui quasi per lancem saturam plusscula istius generis exempla collegit.

- 20 Lexicis Auctoribus, (ut nunc in viam e diverticulo redeamus) annumerandi sunt etiam illi, qui phrasas Latinae linguae collegerunt, quorum magnus est numerus. Est vero in selectu phrasium magna quoque cautio adhibenda: multae enim sunt phrasae, quae communiter pro bonis & optimis habentur, & sunt tamen saepe a recentioribus absque veterum auctoritate confectae. Ita ut hic, si quid bene judico, maxime audiendus sit Franc. Vavassor, qui, in hanc materiam *libro de Epigrammate c. 14. p. 162.* forte data occasione delatus, monet, in excerptis phrasibus Scriptoribus antiquis novos non admisceri debere, cum novi illi, etsi maxime laudabiles, atque ad veterum bonitatem & praestantiam aspirent, non ii tamen sint, quibus in dictione utriusque linguae, quae jamdudum in usu esse desierit, recte credatur. Itaque, ait porro, probare nunquam potui aut Rob. Constantium, qui in *Lexico Graeco-Latino*, quemadmodum appellat, *Budaei epistolas proferret; aut Justum Lipsium, qui in epistolis Angelum Politianum Cicroni & Plinio socium adjungeret, aut Franc. Sylvium, qui recentioribus aliis quibusdam locum esse vellet inter antiquos.* Quam enim fidem obtinere ista novitas potest apud eruditos, nisi, quam ab annis & antiquitate acceperis? Quo magis etiam prudentiam requiro non paucorum tantum hominum, sed nationum & Acalemiarum, quae superiore seculo praegerent pueris, & traderent in manus docendi causa, & editis quoque commentariis illustrarent, fabulas Aesopi Planudeas, Emblemata Alciati, Erasmi Colloquia, Dialogos aliorum: non contemnenda quidem illa singula, sed tamen auctoritate carentia, quam sola potest asferre seculi vetustas, quo linguae, nunc quidem intermortuae, maxime vigent. Haec Vavassor, qui Hadrianum Cardinalem in *libro de modis Latine loquendi*; Aldum in *Elegantiarum libello*, & Anton. Schorum in *libro de phrasibus Latinae linguae*, diligenter & curiose partibus suis functos judicat. Est vero HADRIANUS is ipse Caroli V. Imp. praceptor, qui postea factus Pontifex Rom. nomen suum retinuit, & Hadrianus VI. vocatus est: licet id non animadverterit in Bibliotheca sua

sua Josias Simlerus, sed ex uno perperam duos fecerit: qui error in Bodlejanum quoque catalogum irrepsit. Prodiit vero ejus opusculum, Carolo, tum Principi Hispaniarum, inscriptum, aliquoties: Basileæ 1518. Coloniae 1522. 1528. 1533. Cui postremæ editioni ejusdem Hadriani Venatio, hendecasyllabis purissimis descripta, & Iter Julii II. heroico carmine expressum, accessere. De SCHORO dictum jam est, qui primas in hoc genere sine dubio tenet, & hinc a Vavassore plus semel legendus recte judicatur. Securus quoque ejus consilia SCIOPPIUS in breviorum ordinem phrasas Schori redegit, ut ipse testatur in *Epistola de compendiosa lingua Latina cognoscendi ratione*, quæ additur libro ejus *de Arte Critica*. Equidem scriptor vitæ Scioppii, Confutationi Tabulæ Burdonianæ præmissæ, Giphanio furtim surreptas a Scioppio refert Observationes Latinæ linguæ, & ex iis corrasa ejus opuscula, quæ primum orbi innotuit, conqueritur: prout videre est apud Thomasium *de Plagio* §. 542. Verum potius ea Schori videntur: quem præterea excerpit ante annos aliquot Georg. Crauserus, editis *Scintillis Tullianis*, quas Schoro pene unice debet, nisi quod interdum ex aliis Auctoribus quædam admisceat, & Germanica addat. Sunt tamen & Schori phrasæ cum Germanis editæ. Quid de Wendelini labore juocem, paulo ante dictum. Magis laudari meretur WOLFG. SCHÖNSLEDER *Apparatus Eloquentiæ*, qui sub communibus vocibus phrasæ synonymicas, ex optimis auctoribus selectas, sistit, ut antea ex solo Terentio fecerat Basilius Faber. *Promptuarium* Schönslederi tyronibus inservit. De utroque ejus libro judicium vid. apud Titium in *Manuduct. ad Excerpt.* §. 18. & 21. Oberti Giphanii Observationes linguæ Latinæ, quas a Scioppio compilatas modo retulimus, prodierunt Francof. 1624. in 8. sua utique laude non privandæ: post quas memorandæ etiam Stephani Doleti Formulæ Latinæ linguæ, & Joh. Godeschalci observationes Latini sermonis, Coloniae 1540. auctiores editæ. Pene oblitus fueram operis aurei, quod primo etiam loco memorandum fuerat BARNABÆ BRISSONII *de Formulis & Solennibus Populi Rom. verbis*, Parisiis A. 1583., Francofurti, & Genevæ, plurimis vicibus recusus. Magno usui opus hoc ad proprietatem linguæ Latinæ & eloquentiam civilem futurum non immerito commendat Bœclerus, in *Dissertatione de comparanda lingua Latina facultate* (si modo ea Bœcleri est, contra quam in præfatione ad Notitiam Imperii tam acriter protestatur.) Longe aliter de Brissonio judicat Scaliger tum in *Epistolis lib. I. ep. 8. & 9.*, tum in *Excerptis Scaligeranis* utrisque. *Immanem vocat librum de Formulis, in quo plus laboris, quam industria sit collatum: pauca in eo bona, maximamque partem a studiosis esse concervatum: Brissonium nihil tam metuisse, quam ne liber nimis brevis sit: neque sic tamen collectas omnes formulas. Vellem omnes colligi, & edi selectiores; Brissonus in suo munere capiebat utraque manu.* Hæc & alia Scaliger, qui idem de libro ejus de Regno Persarum judicat, parumque dignitati atque existimationi suæ illum consuluisse censet. Quicquid autem hujus sit, non nimium certe deprimendus Brissonii labor, sed, ut ipse Scaliger nec judicium, nec delectum in scriptis ipsius deesse fassus est, ita, quin in plurimis bene cesserint illius conatus, dubitari non decet.

CAP. X.

DE GRAMMATICIS LINGUÆ LATINÆ.

- §. 1. *Grammatica Latine Subtilitas & Difficultas*, 2. *Grammatici Veteres, & seorsim editi, & junctim a Dion. Gothofredo ac El. Putschio evulgati*. 3. *Inter Recentiores eminent Eman. Alvarez, Franc. Sanctius*. 4. *Casp. Scioppius (cujus gentis male-dicus obiter notatur)*. 5. *Jul. Scaliger*. 6. *Laur. Valla, & Elegantiarum ejus Scholiasta*. 7. *Q. Marius Corradus*. 8. *Gerb. Joh. Vossius, omnium optimus, Thom. Bangius*. 9. *Joh. Matthie, Autor Gallus de la Nouvelle Metho-de pour apprendre facilement la Langue Latine*. 10. *Joh. Rivius, Nicod. Frischlinus, Thom. Linacer, Joh. Ern. Blünerus, Guilb. Bateus, Cal. Secundus Cu-rio*. Additur Censura de Joh. Georgii Seyboldi, J. A. Comenii, Caramuelis & Thomæ Campanella, Laboribus exigui pretii Grammaticis. 11. *Scriptores va-rii de Particulis & elegantius L. Lat. Desid. Erasmi Lib. de Copia Verborum & Rerum commendatus*.

Procedamus nunc ad Auctores, qui structuram Latini sermonis ad regulas vocarunt, i. e. GRAMMATICOS. Hujus vero artis subtilitates longe majores sunt, quam quis parum in iis exercitatus credat: æque enim difficilis est Grammatica, quam vel Metaphysica vel Logica, ideoque non cadit in pueros, qui rectius ex usu linguam Latinam, quam e regulis Grammaticis, discunt: sunt tamen iis communissima quædam artis principia imprimenda, artificio potius aliquo mnemonico, quam regularum multitudine.

Veterum Grammaticorum partim integra adhuc scripta supersunt, partim eorundem fragmenta. Familiam inter omnes ducit *M. Terentius Varro*, cujus de *Lingua Latina* librorum 24. quod superest, virorum doctissimorum Anton. Augustini, Adriani Turnebi, Petri Victorii, Jos. Scaligeri notis & emendationibus ornatum variis in locis prodit; optima Editio est, quam, cum horum omnium notis junctim collectis, publicavit Henr. Stephanus An. 1581. in 8. *Pompejum Festum* & *M. Verrium Flaccum* itidem Jos. Scaliger post alios castigavit, & ante illum adhuc Anr. Augustinus Venet. 1560. & Paris. 1576. in 8. *Nonium Marcellum* præter alios notis illustravit Josias Mercerus Paris. 1614. cum prima ejus editio Tusculani Ann. 1522. una cum Varrone & Festo, fuisset procurata. Collegit hos atque alios plures veteres Grammaticos in unum corpus DIONYS. GOTHOFREDUS, suasque ad illos notas addidit, Genevæ 1595. in 4. Quanquam, si verum fateri velimus, Auctores hi etymologiam potius tractant, quam ut artis Grammaticæ regulas pertractent: suntque in iis etymologiis multa eorundem deliria: cum nemo infelicius in hoc studiorum genere sit versatus, quam ipsi Romani, ut sunt plerique nationis vernaculæ Grammatici pessimi verborum interpretes. Aliud corpus veterum Grammaticorum, & quod propius ad artem, prout nunc eam accipimus, accedit,

ab ELIA PUTSCHIO collectum, & e MSS. veteribus restitutum, Hanoviae lucem publicam aspexit A. 1601. in 4. maj.

Deliria veterum Grammaticorum primus ostendit, & sapiora substituit, EMANUEL ALVAREZ, Hispanus, e qua natione primi orti sunt linguae Latinae restauratores, quod Grammaticam attinet: est enim illa gens praeter ceteris perspicax, & in occultis rebus indagandis haudquaquam infelix: veruntamen Alvarez non absolvit omnia, sed aliis post se aliquid elaborandum reliquit. Prodiit eius *Grammatica Dilingae* in 8. A. 1574. & Venetiis 1580. Absolvit autem felicissime, quod alii inceperant, Hispanus alter, FRANCISCUS SANCTIUS: multa enim Latinae linguae abdita primus revelavit, ac infinitos Grammaticorum veterum errores redarguit. Ejus extat *Minerva*, seu *de causis Latinae linguae commentarius*; in quo multas Grammaticorum regulas explodit, & sub constructione elliptica multa in Latina lingua fieri ostendit, de quibus alii regulas superfluas condunt. Rarior ille liber fuit olim in Germania, quem ipse Auctor Salmanticae in 8. An. 1587., & in Italia etiam, ediderat; donec eum apud Batavos e Bibliotheca sua recudi curaret Marqv. Gudius, qui & praefationem dignam lectu praefixit. Atque hic Sanctius auctor fuit, qui fenestram ceteris patefecit, tum Scioppio, cui & Auctarium Sanctii debemus, (& post quem Jac. Perizonius Minervam Sanctii multo etiam insignioribus additamentis auxit Francker. 1687. in 8.) tum Vossio, aliisque: cujus adhuc plura extant opuscula, quae apud nos raro videntur, digna, quae in lucem protrahantur: vide de illis Nicol. Antonium in *Bibliotheca Hispana Nova*. Adscribi etiam haud abs re solet Sanctio Laurentii Ramiresii de Prado *Pentecontarchus*: sub hoc enim thrafonico atque prorsus inepto titulo insignem librum edidit, optimis observationibus criticis plenum, Antwerp. A. 1612. in 4. Et forte constituerat stipendio suum hunc Pentecontarchum Ramiresius: nam Fr. Sanctius genuinus ejus Auctor est.

Praeter notas vero, in Minervam Sanctii scriptas, CASPAR SCIOPPIUS *Grammaticam* quoque *Philosophicam* edidit, hoc titulo propterea insignitam, quod causas Latinae linguae accuratius indager. Verum, si recte hunc titulum tueri velit, poterat aliter suam methodum instituisse. Habentur autem in eo libro multa Grammatica problemata, accurate excussa, multaque ex occultis protracta quasi & denudata. Prodiit Amstelodami A. 1659. in 8. & secunda editione plurimis in locis insigniter e schedis auctoris, qui paulo ante mortem accuratius omnia recognovit, locupletata, A. 1664. Grammaticae plura alia adduntur sub fictis nominibus; v. g. Mariangeli a Fano Benedicti Auctarium ad Grammaticam Philosophicam, Pascasii Grosippi: (i. e. Casp. Scioppii) *Paradoxa Literaria*: item Animadversiones in Vossium de vitis Latini sermonis, de quibus supra. Nempe in id unum maxime incumbere Scioppius, ut maximos quosque Viros aggrederetur, & ut plurimum acerbissimis scommatibus petulantissime proscinderet, qua in re magnus artifex erat, deditque specimen illius insigne libro foedissimo, quem *Scaligerum Hypob-*

Hypobolimum, i. e. Elenchum Epistolæ Josephi Burdonis Pseudo-Scaligeri de veritate & splendore gentis Scaligeræ nuncupat. Moguntiae 1607. in 4. editum: & in quo innumerabilia habentur scommata; elegans convitiarum & calumniarum sterquilinum sistentia. Verum hæc non sunt hujus loci

5 Diu ante Sanctium ac Scioppium, bene meruit de Latina lingua JULIUS CÆSAR SCALIGER, a Burden, Josephi pater, qui novo suo cognomine ansam fabulæ Burdonianæ, a Scioppio excogitatæ & in scenam productæ, dedit. Is, ut erat acutissimus rerum non minus philosophicarum, quam philologicarum observator, ita de *Causis Latine linguae*, ad Sylvium Cæsarem filium, libros XIII. subtilissimos composuit, Lugduni primum A. 1540. apud Sebast. Gryphium publici juris factos: qui, uti primus signum in isto studio sustulit, quod alii deinde secuti sunt, ita primo etiam loco numerari debuisset. Multa profecto docet egregia, & quæ a vulgaribus illorum temporum sordibus erant maxime aliena, quæ etiam se non studiis nullo non tempore sectatum, ipsemet, in præfixa ad Sebast. Gryphium epistola, non disstiterat.

6 Scaligerum in sedulo linguae Latinae cultu ætate adhuc antecessit LAURENTIUS VALLA, celebris suo tempore Scriptor, & rigidissimus Latini sermonis custos. (bb) Scripsit *Elegantiarum Latine linguae libros VI.* qui tum inter opera Vallæ Basileæ A. 1540. alibique separatim excusi sunt, tum scholiis Guyberti Longolii, aliorumque doctorum Virorum, illustrari Coloniae apud Joh. Gymnicum 1539. Cum Poggio Florentino controversias Grammaticas Valla aluit, & uterque se mutuis maledictis lacerarunt. Exstant ejus in *Poggium Antidoti libri IV.* quibus ventilantur & vellicantur multa Latinae linguae interiora, Coloniae 1527. in 8. Prodierunt etiam cujusdam Joh. Theodoric, Joh. Rænerii, aliorumque nonnullorum, annotationes in Vallæ libros de *Elegantis Basileæ* 1541. in 8. Præterea eosdem suis notis ac observationibus illustrasse Angelum Roccam, Bibliothecarium Vaticanum, Erythræus in *Pinacoth. I. p. 105.* refert, ubi & Observationes latinae linguae, de occultis ejusdem locis, ac de scribendis epistolis lucubrationes, recenset. Priusquam verò adhuc prodissent *Elegantiarum Vallæ*,

cas

(bb) Arguta sunt, & quæ b. l. recitentur, digna, Tria, quibus Laurentium Vallam, Assertorem Latinitatis purioris strenuum, sed in dissentientes justo acerbiorum, post obitum, Viri aliquot ætatis Eruditi perstrinxerunt, Epigrammata. Primum horum est sequens Tetraſtichon:

*Postquam nunc manes defunctus Valla petivit,
Non audeo Pluro verba Latina loqui.
Jupiter hunc cæli dignatus sede fuisse,
Censorem linguae sed timeret esse suæ.*

Alterum Franc. Sweetius in *Selectis Orbis Christiani Deliciis p. 45.* recitat:

Tandem Valla jaces, solius qui parere nulli:

Si quæris, quid agat, nunc quoque mordere bimum.

Tertium apud Sweetium l. c. itidem obvium, una cum illo Adversarium ejus, Bartholom. Facium, brevi post ipsum tempore extinctum, ita perstringit:

*Ne vel in Elifus sine vinulice Valla susurrer,
Facies haud multos post obit ipse dies.*

eas furto ablatas pro suis edidisse Antonium Raudensem, atque intentatum a Val- la crimen plagii joco & urbanitate depulisse, Jac. Thomafius observat *Dissert. de Plagio* §. 531.

Vallæ subjungimus Italum alium, QUINTUM MARIUM CORRA-
DUM Martianum, qui de *Copia Latini Sermonis* libros scripsit, Veneriis An. 1582. in 8. editos. Non usque adeo autem convenit ille titulus libro huic: est enim grammaticus, & de analogia verborum agit; copia autem verborum ad Rhetores pertinet. Utilissimus cetera liber est, quanquam sententiæ quædam apud illum sint, quas sequi nollem: magnam enim licentiam admittit in vocum analogia, putatque, licitum esse fingere voces ad aliarum compositionem, quod minime tamen fieri potest: qua de re merito illum reprehendit Olaus Borrichius, in cogitatis suis de Variis Latinæ Linguae ætatibus, in præfatione: qui tamen, exceptis his, p. 211. vocat *Virum acerrimi judicii & dictionis cultissima*.

Omnibus vero Grammaticis Latinis palmam facile præripuit maximæ dili-
gentiæ Vir, GERH. JOH. VOSSIIUS, cui consummatum Opus de *Arte Gram-
matica* debemus, Amstel. An. 1635. in 4. editum, & secunda vice, post Auctoris obitum, A. 1653. sub *Aristarchi* titulo, multo auctius recusum. Sane hoc quoddam quasi penu est rerum Latinarum: sed sunt tamen in magno illo cumulo non pauca, quæ vel censuram aliquam mererentur, vel ab illo omiſſa suppleri poterant. Interim nemo hæcenus fuit, qui perfectius absolutiusque Opus Grammaticum de-
derit, Sanctii vestigia quædam in eo deprehenduntur, quæ interdum sequitur, in-
terdum refutat. Subjungi autem Vossio possunt, & una cum illo adhiberi, THO-
MÆ BANGII *Observationum Philologicarum libri II.*, Hafniæ 1640. in 8. excusi. Nam-
que, ut magnam habuit ille Vir rerum Grammaticarum peritiam, curiosa varia suis
his Observationibus immiscuit, & subtilitates Grammaticas, de quibus nihil inno-
tuit Vossio, vel minimum non notatæ sunt. Additus est sub finem index absolu-
tissimus triplex, in quo omnes minutiae quæri ac inveniri poterunt.

CHRISTINA, Sueciæ Regina, in sui usum conscribi etiam *Grammaticam Re-
giam*, ut vocatur, curavit, quæ quidem exiguo libello traditur, & in titulo JOHAN-
NI MATTHIÆ, Episcopo in Suecia Strengnensi, adscribitur, a nonnullis vero pro
M. Z. Boxhornii fœtu reputatur, cujus de *Symphonia Linguarum* Dissertatio illi ad-
jecta est (ii). Nihil autem habet admodum peculiare Auctor, quicumque demum
ille

- (ii) *Grammatica Regia*, seu nova & Facilis Latinæ Linguae Præcepta discendi Ratio, in Christina, Svecorum Regina, usum, Holmiæ An. 1635. in 12mo, a vero illius Autore, Johanne Mat-
thiæ, Ostrogotho, Studiorum tunc Reginae Moderatore, postea autem Doctore Theologo &
Episcopo in Suecia Strengnensi, est edita. Boxhornius illam, tribus post lustris, adjecta sua
de Linguarum Symphonia Dissertatione, recudi tantum Lugd. Batav. An. 1650. in 12mo cu-
ravit. V. de illa, ac ejus Autore, Joh. Schefferi *Sveciam Litteratam* p. 123-126. & nostra ad
hanc *Hypomnemata*, p. 387. 388. 389.

ille sit, cum nonnisi in Compendio Grammaticam Latinam tradere sibi proposuerit. Dignior est, qui non sine laudis præfamine in hanc Grammaticorum classem referatur, Gallus auctor anonymus, qui & compendiosam & copiosam scripsit *Grammaticam*. Complexus scilicet omnia suorum antecessorum, Sanctii, Vossii, aliorumque necessaria multitudinis tantum exemplorum abstinuit. Hinc liber non adeo spissus est, minuto ramen charactere in 8. majori impressus. Scriptus est lingua Gallica, in gratiam Gallicanæ juventutis: maluit enim sequi Auctor ille Rolandi Maresii consilium, qui Grammaticam linguæ ignotæ eadem lingua scriptam pro absurda & inepta re habet: cujus quoque consilium, alias inter Epistolas Maresianas reperiundum, præfixit operi suo Gallus. Titulus libri hic est: *Nouvelle Methode pour apprendre facilement la langue Latine; contenant les regles des Genres, des Declinaisons, des Preterits, de la Syntaxe, de la Quantité, & des Accents Latins, mises en François, avec un ordre tres-clair & tres-abregé: présentée au Roy, augmentée d'un grand nombre des remarques tres-solides, & non moins nécessaires pour la parfaite connoissance de la Langue Latine, que pour l'intelligence des bons Auteurs. Tirée de tous ceux, qui ont travaillé sur cette langue, avec plus de soins, & plus de lumiere: avec un traité de la Poësie Latine, & une brieve instruction sur les regles de la Poësie Française. Septieme edition, chez Pierre le Petit, A. 1667.* Præmissa est præfatio Rolandi Maresii. Haud immerito autem mirifice istum librum probat Placcius de *Scriptor. Anon.* pag. 109. seq. qui D. Trigny ejus auctorem facit, & dignissimum judicat, qui, a capite ad calcem in Latinam linguam translatus, ab eruditis legatur, quapropter & ipse versionem in se suscepit, eam, ni majora obstent negotia, aliquando daturus.

- IO Addi Grammaticis memoratis possunt JOH. RIVII, Viri doctissimi, & qui inter præcipuos nostræ Germaniæ eruditos locum tuetur, *Grammatica libri VIII.* omni laude dignissimi, Lugduni An. 1591. in 8. excusi. NICODEMI FRISCHLINI *Syntaxis Latina*, maximopere commendata a Scioppio in Epistola de compendiosa Linguae Latinæ cognoscendæ ratione. EDMUNDI RICHERII *Ars Figurarum*, Paris. 1605. edita. THOMÆ LINACRI de *Emendata structura Latini Sermonis libri VI.* Parisiis An. 1532. & Coloniae dein ac Basileæ, repetitis identidem editionibus, procusi. Maximopere enim Viris doctis superioris Seculi commendantur: sic multa Latinæ linguæ mysteria in iis ostensa Ludov. Vives judicat de *Discipl.* pag. 521. Erasmus, in Epistolis, passim prolixius in ejus laudes est; exacti Virum judicii & severi vocat, qui non quemlibet temere prober; ac, de Operibus ejus apud Badium imprimendis loquens, nil ab eo non omnibus numeris absolutissimum expectare se profiteretur. Mich. Neander, in Præfatione ad *Erot. Græca L. p. 122.* libros emendata structura copiosos vocat, doctos, & omnium in hoc genere præstantissimos. JOH. ERNESTI BYTHNERI, Correct. Stadenfis, *Grammatica* etiam non contemnenda est. Fuit ille Vir doctus, & e Sanctio & Scioppio inprimis, collatis etiam aliis, præcipua in compendium elegantissimum redegit, rei Grammaticæ, ut videtur, præ aliis peritus: quid in ea præstiterit, & amplius sit præstiturus, docet luculentissima libri præfatio, in qua generalis habetur

tur recensio Grammaticorum, præcipue recentiorum, e quibus quid in usum suum converterit, magna cura & industria proponit. Laudandum in hoc compendio, quod ordinatiores regulas instituat, quam ipse Scioppius & Sanctius, quodque exempla regularum consistant in meris sententiis, ne pueri inutili exemplorum faragine graventur, & simul tamen ea discant, quæ usui esse possint. Placet & illud, quod Germanico idiomate Grammaticam Latinam moliatur, in usum incipientium, & aliam, qua una eademque opera possint Græcam & Latinam linguam tyrones, secundum easdem regulas, perdiscere. Et hæc omnia quidem satis bene instituta sunt; præstat enim Grammaticas concinnare omnium optimas, ad quas recurrere puer sæpe possit. Interim ego potius suaserim, non esse ab initio fatigandos puerorum animos his subtilitatibus, sed, ubi prima jacta sunt rudimenta Declinationum, Conjugationum, præcipuarumque Regularum, rectius usu ipso, quam multitudine præceptorum, perdisci linguam Latinam, pene ad eum modum, quo Nic. Clenardus usus est, de quo alibi. Habemus quidem & JOH. GEORGII SEYBOLDI alicujus varia adminicula & tirocinia *Grammatica*, sed lutulenta sunt illa, & ab homine ejus linguæ non admodum gnaro scripta: vix itaque adhiberi possunt, nisi probe emaculata & perpurgata. Quod idem judicium de JOH. AMOSI COMENII *Janua* ferendum, licet ea multis probetur, & ipsemet apologiam ejus scripserit. Non citius barbarismorum scabies affricatur, quam prima illa institutione, majorique negotio res dediscitur, quam discitur. Aliam *Januam Linguarum*, nomine Hibernorum Salmanticensium Jesuitarum, a GUILH. BATTEO quodam, ejus Societatis Hiberno, Salmanticæ An. 1611. editam, & ad Latinam præcipue linguam accommodatam, refert Placcius in *Catal. Pseudon.* p. 207. idque opus a Philippo Alegambio admirabile vocari annotat. Legi etiam de re Grammatica potest Cælii Sec. Curionis *Dissertatio de Perfecto Grammatico*, tribus libris deducta, & ejusdem *de Literis doctrinaque puerili* libri V. & libellus *de ratione docendi Grammaticam*. Caramuelis & Campanellæ *Grammatica* nugatoria est, & pene fanatica.

De *particulis*, quarum accuratissima cognitio esse debet, egerunt Hadrianus Cardinalis, Pareus, Durerus, Godsch. Stewechius, Horat. Tursellinus: qui omnes diligenter legendi. Ant. Schori liber *de particulis*, ut jam supra monitum, nunquam prodiiit. *Elegantias* vero, præter Vallam, & qui in eum commentati sunt, collegit FRANCISCUS SYLVIUS, *Ambianus*, de quo illud imprimis notatu dignum, quod, cum prius horride, insolenter, & ad claustralem usque fetorem barbare, scripserit, adeo tamen sedula bonorum Auctorum tractatione sermonem suum emendaverit, ut a se totus diversus, & alius plane Scriptor, visus sit: aliisque regulas haudquaquam contemnendas dederit: qua de re Franciscus Vassalor *de Epigramm.* p. 256. seq. legi potest. AUGUSTINUS DATHUS, Senensis, Orator & Philosophus, atavorum memoria ingenii & eloquentiæ non vulgaris Scriptor, juxta Barthium *Adversar. lib. LIII. c. 13. pag. 2513.* & ipse *Elegantias* edidit, sed quæ multi adeo pretii non sunt, cum ipsemet Auctor contra illas haud raro peccet. Pertinet quoque huc JACOBI LUDOV. STREBÆI *de verborum electione, & collatione oratoria* libri II, Basil. 1539. in publicam emissi:

PAREI *Observationes & Elegantiæ Calligraphiæ* additæ: Joh. Buchleri & Georg. Vogelmanni *Regulæ elegantiarum*; &, qui se ex omnibus istis quasi Pinnum fecisse putat, CHRISTOPHORUS ARNOLDUS in *Ornatu Lingua Latina*. Subjungendus qui *de copia verborum & rerum* agit, aureus libellus ERASMI, in quem commentarium non contemnendum scripsit Joh. Micrælius.

CAP. XI.

DE LINGUÆ LATINÆ AUTORIBUS
AUREÆ ÆTATIS.

[De horum, uti & tribus seqq. Capitibus, de Argenteæ, Æneæ ac Ferreæ Ætatis Scriptorum, Vita, Biographis, Stylo ac Genio, Scriptis (editis, ineditis ac deperditis,) Editionibus, Commentatoribus, Cenforibus æquis pariter ac iniquis, aliisque ad illorum accuratorem spectantibus notitiam, αἰγιόμας μένεντες & rariora quamplurima, diligenter undecunq; conquisita, larga manu exhibentur.]

- §. 1. *Catalogus Scriptorum Recentiorum, de Antiquis Lingua Lat. Autoribus ex professo commentatorum.* 2. *Monitum, quorum Typographorum Editiones aliis sint præferenda, & Invektiva in Editiones Variorum (quas vocant) Batavicas.* 3. *Divisio Scriptorum Lingua Lat. Veterum in Quatuor ætates, Stylique in singulis mutatio. Impositura Literaria Car. Sigonii & M. Ant. Mureti, suos fetus Autoribus priscis supponere aggressorum. Mich. Hospitalii de Lite, Satyra Vetusti Poëta esse falso ab Henr. Stephano, Casp. Barthio, aliisque, credita. Styli multiplex in singulis etiam ætatibus variatio, Criticis non raro crucem figens.* 4. *Inter Scriptores Ætatis Aureæ primi celebrantur Ennius Lucilius, ceterique, quorum Fragmenta tantum supersunt, Poëta Latini vetustissimi ac rudiores, M. item Porcius Cato, qua occasione de Distichis etiam Moraliibus Dionysii Catonis, longe Junioris, differitur.* 5. *M. Plautus, (ubi obiter Judicium additur de Editionibus Vet. Autorum Gallicis, in Delpini usum publicatis.)* 6. *P. Terentius.* 7. *M. Tullius Cicero, de cujus etiam Scholiastis Vetustioribus, Asconio Pediano, Mario Victorino, aliisque, complura insperguntur.* 8. *C. Sallustius Crispus.* 9. *C. Julius Caesar & A. Hirtius Pansa.* 10. *Cornelius Nepos, ubi obiter etiam nonnulla adduntur de Josepho Iscarno, Poëta Sec. XIII. Anglo, ejusque Historia Belli Trojani, Nepoti olim perperam adscripta.* 11. *T. Livius.* 12. *T. Lucretius Carus.* 13. *C. Valer. Catullus, Alb. Tibullus & Sex. Aurelius Propertius.* 14. *P. Virgilius Maro, ubi etiam de Servio, aliisque Virgillii Exegetis Veteribus, Nicolaique Erythrai Indice Virgiliano, & Scriptis plurimis effectis, differitur.* 15. *Q. Horatius Flaccus.* 16. *P. Ovidius Naso.* 17. *M. Vitruvius Pollio.* 18. *Æstheticus Ister, controversæ ætatis Cosmographus.*

Dicen-

Dicendum nunc de AUCTORIBUS LATINÆ LINGUÆ, eorumque optimis editionibus, quos nosse præcipuum sane est, quanquam omnes editiones cumulare velle ineptissimum foret. Jamdudum hoc argumentum Viris doctissimis dignum visum est, quod suis commentationibus illustrarent. De antiquis quidem editionibus consuli cum fructu possunt Conr. Gesnerus, & Continuatores ejus, Jos. Simlerus & Joh. Jac. Frisius, in Bibliotheca: atque Israël Spachius in Nomenclatore Scriptorum Philosophicorum & Philologicorum, Argent. 1598. in 8. edito. Auctores ipsos plurimi commemorant: *Hadrianus Cardinalis* (secuto post tempore ejus nominis VI. Pontifex,) in elegantissimo de Latino Sermonem commentariolo, quem suo de Modis Latine loquendi libro præfixit, & in quo Auctorum in certas ætates divisorum dictionem accurate examinat: *Franc. Floridus Sabinus*, qui in calumniatores Plauti simul & aliorum Latinæ linguæ Scriptorum Apologiam scripsit, Basil. 1540. editam: *Balthasar Castilioneus*, P. I. Aulici sui Venetiis 1587. Italico sermone excusi: *Ludov. Vives* in Tr. de Disciplinis: *David Chytraeus* in lib. de Ratione Discendi, & ordine studiorum in singulis disciplinis instituendo: *Degoreus Whear*, in Relectionibus Hyemalibus de ratione & methodo legendi utrasque historias, Civiles & Ecclesiasticas; Oxon. 1625. & 1635. editis, & in Germania Norib. An. 1660. in 12. curante Christoph. Arnoldo, recusi: *Balth. Bonifacius* in Historia Ludicra, lib. XV. c. 2-8. ubi diligenter varia de Auctoribus Latinis collegit: quanquam jam antea quoque 1627, Venetiis de Romanæ historiæ Scriptoribus Excerpta dederit, Helmstadii A. 1671. curante Joh. Eberh. Busmanno, iterum in 4to publicata: *Casp. Scioppius* in Consultationibus: *Gerb. Joh. Vossius* in Historicis & Poëtis Latinis, nec non in Arte Historica, alibique passim; *Casp. Barthius* in recensione Auctorum Latinorum, eorumque editionum, quam sedecennis adhuc adolescentulus ediderat, sed cujus senem adeo non pœnituit, ut in Adversariorum Opus lib. L. c. 9. omnem transcriberet: *Olaus Borrichius* in Cogitationibus: *Job. Henr. Bæclerus* in libello de Scriptoribus Græcis & Latinis; ut & Dissertatione de Eloquentia Civili: *Henr. Jul. Scheurlius* in Statua Mercuriali: *Val. Henr. Volgerus* in Introductione in Notitiam Scriptorum, quam haud ita pridem Vir Cl. Henr. Meibomius novo additamento auctam prodire jussit: *Mart. Hancinius* in Libb. duobus de Rerum Romanarum Scriptoribus: *Leo Allatius* in Tr. de Erroribus magnorum virorum in dicendo: *Franc. Vavassor* in libris de Dictione Ludicra, de Epigrammate, alibique: *Melch. Inchoferus* in Historia linguæ Latinæ: *Mart. Zeileus* in Indice Historicorum: *Christ. Daumius* in lib. de Amissis radicibus linguæ Latinæ: *Gabr. Naudeus* in epistola quadam de studio humanitatis: *Franc. Mottæus Vayerus* in peculiari quodam Opusculo de Historicis Latinis: (& ut alios nunc taceamus, nuperrime *Job. Alb. Fabricius* in diligentissima Bibliotheca Latina, Hamburgi edita 1697. in 8.)

Prius vero, quam ad specialem recensionem ipsorummet Auctorum pergamus, pauca solum generaliora de editionibus ac de ætatibus præmonenda sunt. Nimirum, quanquam recentiorum longe plurium editorum ea laus sit, ut, ob

Non nn 3

infignes

insignes curas, Auctōribus a se castigatis editisque impensas; haud immerito palmam vetustioribus nonnullis editionibus praeferant: ita negari tamen vicissim nequaquam potest, multum hic subesse discriminis, & quicquid ex Manutiorum, Stephanorum, Juntarum, Gryphii, Plantini, Frobenii, & similibus officinis, prodiit, adeo saepe nihil recentioribus concedere, ut potius harum etiam haud paucis praestent, pretioque MSSis codicibus (e quibus opera doctissimorum virorum ea omnia emendatissima prodire) non multum inferiores a Viris Criticis existimentur. Sane ne comparandae quidem illis sunt ineptae Variorum editiones, quam nuper pestem bonis Auctōribus Bibliopolae Batavi inducere ceperunt, reclamantibus frustra Viris doctis: nec desuerunt emtores, stultitia quidem Bibliopolis pares, qui se sic sumtum atque operae compendium facere posse existimabant. Illi interea, lucri spe, non cessabant in bonorum Commentatorum scivire viscera, & quomodocunque lacinias aliquas consuere: operam venalem commodantibus paedagogis nescio quibus, qui in Auctōrum scriptis nihilo plus sapiebant, quam sus occisa. Variæ sunt variorum Criticorum de his editionibus querelæ & regulæ, Gronovii, Gravii, Heinsii: Mericus Casaubonus, in peculiari dissertatione de editione Homerica Belgarum, vehementer illos typographos exagitat. (kk) Vid. Borremansii *Leçt. Var. c. 7.* & Sarrauii *Epistolæ p. 317.* ubi solam typorum elegantiam commendare scribit doctissimus Senator, Curtium, Suetonium, Florum, quos ita cum variorum notis Belgæ ediderant; non vero laborem editorum: atque eos proinde cum Gronovii altioribus in Senecam curis ne quidem comparandos jure merito censet. Olim editiones variorum parabantur, cum junctim uno corpore exhiberentur integri Virorum doctōrum Commentarii, non mutilati, ut habemus Livium, Cæsarem, Suetonium, aliosque hac forma editos: isti sunt e Commentariis optimi: quanquam e recentioribus etiam Commentarios variorum habeamus non

(kk) In Typographos Batavos, eorumque Administratos, Eclogarios & Literatores Semidoctos, qui, Scripta Veterum cum Notis Variorum publicare aggressi, e Virorum Superioris ævi in ista Annotationibus & Commentariis, improbo ausu misere mutilatis, aliisque, quibus *σπερδάην* illustrata eadem erant, Monumentis (omissa plerumque Librorum & Capitum Mentione,) solas Varias Lectiones, similesque Minutias Grammaticas, neglectis Observationibus majoris momenti egregiis, indicibusque utilissimis, absque Judicio excerpserunt, & Lectoribus obtulerunt, præter Morhofium, & quos ille laudavit, Gronovium, Gravium, Nic. Heinsium, Mericum Casaubonum, Sarrauium, Borremansium, alii etiam Viri Eruditissimi serio sunt invecti. V. Joh. Galloctii (*Excerpta talia in Præjudicium magis Literarum, quam utilitatis, cedere, judicantis*) *Ephem. IV. Erud. Gall. An. 1667. (ad d. 7. Febr.) p. 619. 620. Edit. Lat. Nitschiana, Casp. Sagittarii Commensationem de Vita & Scriptis Plauti, Terentii ac Ciceronis, pag. 67. 68. 69. Adr. Baileti Tomum III. Judiciorum de Eruditis Gallorum p. 483. & seqq. Joh. Clerici Arrem Criticam, P. I. c. 2. p. 67. 68. & Tomum I. Parrhasianorum, sub Theod. Parrhasii larva, Gallici, Amstelodami An. 1699. editorum, p. 229-234. Henr. Christ. Henninii *Præf. Juvenalis sui*, & qui hunc allegat, Joh. Alb. Fabricii *Biblioth. Latina. p. 86. Pet. Burmanni Præf. novissima sua Fabularum Phædri Editionis*, eumque laudantis Thomæ Crenii *Partem V. Animadversionum Philol. & Histor. c. 1. p. 21. 22.**

non contemnendos, qui curante Gronovio, Heinsio atque Grævio prodierunt: nam & ipsi notas suas adjecerunt integras, & ex aliis commentationibus excerpterunt ea, quæ essent optima: quorum iudicio itaque cum collectanea ista instituta sint, haberi in pretio debent: Clar. tamen Grævius, quantum in se est, hanc pestem abolere conatur, editis plus semel integris Auctorum annotationibus. Sic Suetonium, sic Ciceronis Epistolas, edidit, aliaque quotidie molitur. Bene etiam rei literariæ consulit, qui editioni Scriptorum Historiæ Augustæ apud Belgas A. 1671. recusæ præfuit, curavitque, ut non truncatæ prodirent Gruteri, Casauboni Salmæsiique notæ, sed integræ: quod in repetita editione Sallustii, & aliis forsan adhuc, recte factum.

Solent Latini Auctores in *ætates* certas distingui, quarum vulgo quatuor enu- 4
merantur; *aurea, argentea, ænea, ferrea*: quæ Scioppius *luteam*, atque *ligneam* addit; ipse tamen in Indice Auctorum, Paradoxis Literariis subjuncto, & in Consultationibus, non satis secum convenit. Possunt vero, secundum diversitatem ætatum illarum, notari Linguae Latinae mutationes, tam in vocibus simplicibus, quam in phrasibus, dictione tora, imo & scriptione: Quare, qui emunctioris naris sunt Critici, statim e dictione libri divinant, cujusnam ille non tantum ætatis, sed & Auctoris, Opus sit. Verum longo ad hanc rem opus est exercitio, cujus peritiam tamen Guil. Cantero, Critico sagacissimo, Melch. Adamus in illius vita adscribit. Vix autem sperare in quoquam tantum peritiæ criticæ poterimus, ut non decipi aliquando se patiatur: imo, quam sæpe viri etiam summi ea in re decepti sint, aliquot exemplis superiore atque nostro seculo patuit. Ita *Consolatio Ciceronis* diu ambiguos Viros doctos tenuit; nec desuere, qui ab ipsomet scripam Romano eloquentissimo Consule judicarent: donec omnibus manifestum fieret, a *Car. Sigonio* scriptam, callideque Ciceroni suppositam. Josephus Scaliger, quo Viro nemo magis intima quæque secreta Critices penetravit, sibi tamen insigni fraude vidit a *Mureto*, qui carmen a se compositum, pro veteri, nuper e vetusto codice eruto, ipsi obtruserat, & in assensum quoque pertraxerat Virum magnum: qui tamen, postquam secuto tempore sibi fuisse illusum comperisset, adeo graviter tulit Mureti dolium, ut sese vindicandum falso hoc Epigrammate putaverit:

*Qui rigide flammæ evaserat ante Tolosæ,
Muretus, fumos vendidit ille mihi.*

Reus autem actus aliquando Muretus Tolosæ criminis Sodomiae fuerat, & jam ignis supplicio destinatus, fuga sibi consuluit: quæ res occasionem dedit epigrammati. Vid. Colomes. *Cimel. Liter. c. 19. Opusculorum p. 39. seq.* & Erythræi *Pinacoth. I. p. 13.* Henr. Stephanus, inter alia veterum opuscula, Satyram edidit de *Lite*, scriptam a veteri poëta ratus, quem ignoro Galeoti nomine designat. Eam Satyram Casp. Barthius quoque totam suis Adversariis *lib. V. c. 17.* inseruit, & in eam *relatam* exercens, homini prisco aut semiprisco adscribit: ut recentiore aliquo scriptam, & vetustæ ætatis nomen mentitam, crederet, a se impetrare non potuit: Et tamen *Michaëlem Hospitalium*,
Can-

Cancellarium Gallicum, ejus esse Auctorem non solum Deliciae Poëtarum Gallorum, a Ranutio Ghero collectae, evincunt, quarum Parti II. p. 71., inter Hospitalii Poëmata, ista quoque de Lite satyra inserta est: sed & Ant. Verderius, qui, in Bibliotheca sua Gallica, disertè Hospitalio istam Satyræ debere testatur. (II) Atque adeo deceptus haud dubie Casp. Barthius est. Ita & alii seducti, qui nimium in hac arte sibi tribuebant; magna enim ac circumspecta cautione hic opus est. Sane, si priscus etiam haud dubie Auctor sit, nec certo tamen seculo definiri ætas illius possit, multis sæpe disputationibus, dissensuque multo inter doctos agi consuevit; cum, quod imprimis etiam annotandum, non ejusdem notæ omnes unius ætatis Scriptores sint: Imo habet aurea ætas interdum, quos aliquis ad ferream rejiceret, si solam dictionem videas. Nam, ut varia est Scriptorum indoles, varius status & conditio; ita sermonem temperabunt: aliter scribet e plebe homo, aliter, qui reipublicæ administrandæ adhibetur, & civili eloquentiæ adsuetus est. Hinc non mirum, si fallat interdum unius ætatis dictio. Justinum aliqui ad argenteam ætatem referunt, ut qui Trogi Pompeji, purissimi Scriptoris, historiam in epitomen redegerit: sed falluntur illi vehementer suo judicio: Sic enim & Florum Livio quis æquiparare possit, cum ejus Historiam in epitomen redegerit; & tamen ænea sunt illa Flori scripta præ Livii aureis: est enim totus tumidus ac ineptus phrasi & dictione, ideoque cum judicio legendus, nec ad Latinitatem formandam adhibendus, quanquam utile compendium Historiæ Romanæ exhibeat.

- 4 Ceterum ut ad Auctores nunc ipsos propius accedamus, ENNIUS agmen ducat, inter antiquos Ciceronis ævum adhuc antegressos imprimis clarus: Ovidii judicio ingenio maximus, arte rudis, erat: illum tamen vehementer extulit Josephus Scaliger, scripta ejus, si solum integra haberi possent, omnium juniorum, Lucanii, Stati, Silii Italici, & similibus, jactura facile redempturus; pro ut in Excerptis Scalig. Puteanorum est. Verum nihil integrum Ennii habemus. *Fragmenta Enniana* huc illuc e scriptis veterum in unum corpus colligere jam olim in animo habuit Ludov. Vives, ut pollicetur in Not. ad Augustinum *de Civ. Dei lib. II. c. 21.*: id vero nunquam ab illo est præstitum. Tentarunt idem Robertus ac Henricus Stephani in Fragmentis Veterum Poëtarum; sed postea Hieronymus Columna separatim illa collegit, & cum Notis suis ac Vita Ennii edidit Neapoli 1590. in 4. Hinc Paulus Merula Ennii Annales & Fragmenta, cum Commentario, denuo edidit Lugd. Batav. in 4. De emendatione versuum quorundam Ennianorum apud Gell. *lib. XII. c. 4* quam Hub. Gifanio per insigne plagium surre-

(II) Præter Henr. Stephanum & Casp. Barthium, Marcus etiam Zuernius Boxhornius Mich. Hospitalii de Lite Satyræ pro Veteris Poëtæ særu habuit, & in Syntagmate *Poëtarum Satyricorum Minorum de corrupto Reipublicæ Statu*, Lugd. Bat. An. 1633. in 12mo excusæ, una cum Sulpitiæ Satyra, ac Valerii Catonis Diris, præfixo *Satyræ Anonymi Auctoris Franci de Lite* Titulo, edidit, Notisque propriis (quibus Jani etiam Doussæ & Casp. Barthii in Sulpitiæ Poëmation observationes accesserunt) illustravit.

pram Lipsium sibi tribuisse narrat Scioppius, videndus Thomafius est in *Catal. Plagiæ*. §. 492. Ennii æquales sunt *Livius Andronicus, Nevius, Cæcilius Statius, Pacuvius, Attilius, Lucilius, Afranius, M. Porc. Cato*: quorum omnium vitam Casp. Sagittarius speciali commentatione persecutus est: libellus prodiit Altenburgi 1672. in 8. *Luciliana* Fragmenta edidit singulari libro, cum commentario, Franc. Douza Lugd. Batav. 1597. in 4. Ceterorum fragmenta solent cum Ennianis jungi. Adscribuntur CATONI quoque *libri Originum*, quorum fragmenta Joh. Annii Viterbiensis cum aliis ejusdem generis publicavit. Uti vero e tot vetustorum Scriptorum testimoniis dubium nullum est, a Catone libros Originum olim scriptos fuisse; ita quæ publicavit Annii, dudum sunt a Viris doctis proscripæ: quamvis Mazzam & Macedum Annii suos vicissim habuerit defensores; de quibus *Lib. I. cap. 6. Polyhistoris nostri Literarii* abunde. Alia Catonis fragmenta collegit ediditque Anton. Riccobonus, quæ habentur in ejus de Historia libro Veneriis 1568. in 8. Basil. 1580. edito. Eadem auctiora postmodum edidit, libris Catonis *de Re Rustica* adjunxit, & notis illustravit Antonius Popma, Frisius, optime, Scioppio judicante, de illo Auctore meritis: post cujus editionem suas quoque Joh. Meursius illi curas impendit, ediditque Popmæ ac suis notis instructum Catonem Lugd. Bat. apud Raphelengium 1597. quæ editio Franeckeræ 1620. repetita est: Libros Catonis de Re Rustica, præter Popmam & Meursium, ediderunt Aldus, Veneriis 1514. in 4. una cum Varrone, Palladio atque Columella, ejusdem argumenti Scriptoribus: & Rob. Stephanus, itidem Scriptorum Rei Rusticæ collecto, nitidissima editione Parisi. 1543. in 8. A Marco Porcio Catone vero plane alius est junior quidam, *distichorum moralium* Aucto, cui Catonis nomen præfigitur, non quod Vir ejus nominis illa scripserit, sed quod dignæ Catone sententiæ videantur. Dionysii nomen illi præfigi solet: quod inde fieri Lambecius suspicatur; quoniam dum veteres Catonem vocaverint: ut Horatius *Serm. l. 1. Sat. 2.*

- - - - - *Maße*
Virtute effo: inquit sententia dia Catonis.

Sed hanc conjecturam suo loco relinquo. Dignum certe libellum Josephus Scaliger habuit, quem, post Maximum Planudem, Græcis distichis conversum exprimeret: quod & idem Joh. Mylius & Matth. Zuberus fecerunt. Horum omnium versiones, & Germanicam insuper Mart. Opitii, conjunctim, una cum Scaligeri suisque notis, edidit Christianus Daumius, Cygnæ 1672. in 8. Olim in emendando Catone hoc, diem unum consumpsit Desiderius Erasmus: ob quem laborem a Budæo reprehensus est, quod exiguum adeo opusculum tanto Viro indignum videretur: verum non siluit ad eas incusationes Erasmus, nec se præter rem aliquid suscepisse est fassus: ut ex *Epistolarum libro I.* videre est.

Ennium & Catonem sequatur PLAUTUS, qui inter primos Latinæ linguæ Auctores est, non tamen pueris, ut quidam voluere, prælegendus, nisi id fiat a Viris judicii subactioris, qui multiplicem dictionem Plauti, neque ita promiscue ad usum & imitationem commendandam, probe discernere noverunt. EDMUNDUS certe Ri-

Tomus I.

Ooo oo

CHC

CHERIUS, in *Obſervat. animorum*, prolixè agit de *Plauti Latinitate* e puerorum manibus excutienda. Notum est HORATII judicium in *Arte Poëtica*:

*At noſtri proavi Plautinos & numeros &
Laudavere ſales: nimium patienter utrumque,
Ne dicam ſulte mirati; ſi modo ego & vos
Scimus inurbanum lepido ſepondere dicto,
Legitimumque ſonum digitis callemus & aure;*

quod ſane verum eſt, quicquid etiam alii judicent adverſus Horatium. Legi poteſt Diſſertatio Dan. Heinfii de hoc loco Horatiano, quæ addi ſolet Terentii editionibus. Scripſit & HENR. STEPHANUS diſſertationem de *Plauti Latinitate*, quæ addita eſt Diſſertationi ejus de Latinitate falſo ſuſpecta; ubi ſecundum certas claſſes diſponit inſolentiores Plauti voces & phraſes. Plane verò miror, quid BARTHIIUM moverit, lib. L. Adverſar. c. 9. ut prolixè Plautinam lectionem Tullii ac Terentii præferendam ſuaderet. Nemo, inquit, Plauto magis proprie locutus eſt, nemo magis ad uſum: ut, qui Cicronem, hoc ſepoſito, juventuti prælegunt, hoc mihi videantur agere, ut ſcilicet, priuſquam Latinæ, eloquenter doceant tironem ſcribere. Verum valeat ille cum ſuo judicio: neque enim ſtatim ab orationibus elaboratiſſimis quis incipere ſuadebit tironibus. Plautus vero, quanquam in phraſi purus ſit, quod in illo agnoſcit FRANC. VAVASSOR in libro de *Ludicra dictione*; tamen, ob admixtos archaiſmos multos, phraſes fictas & ex ingenio perſonæ inventas, ineptiſ, qui puerum in has ambages ducere velit. LIPSIUS Plautum prætulit Terentio; quæ in re merito reprehenditur a Balzaco, in ſuis Diſſertationibus, Gallica lingua editis, quæ adjiciuntur Socrati ejus Chriſtiano, p. 83. 84. Nec mirum hoc Lipſii judicium cuiquam videri debet: nam, ut ipſe fuit in oratione mire interdum κακόζηλος, ita ex ſuo ingenio judicavit Plautum. Præferendum hic potius ſæculi Auguſtei judicium, quod expreſſit, ut vidimus, in ſua *Arte Poëtica* Horatius. Plauti editiones variæ recenſentur a Geſnero & Spachio in *Nomenclat. Philoſophico* p. 207. de quibus illic legi poteſt. Varii ſunt in illum ſcripti *Commentarii*, tum cum auctore junctim, tum ſeorſim editi. Antiqua variorum editio prodiit Venetiis in fol. 1511. & iterum 1522. in 4. Pariſiis apud Rob. Stephanum in fol. & Lugduni apud Seb. Gryphium. 1540. in 8. *Commentarii* ſic junctim editi ſunt Bern. Saraceni, Joh. Petri Vallæ, Pii Bononiensis, Pyladis Brixiani, Ugoleti, & Franc. Marii Grapaldi. Joach. Camerarius & Georg. Fabricius verſus in ordinem redegerunt, & breves notulas addiderunt, uti & Joh. Sambucus: Dionyſ. Lambinus *commentarium* in illum ſcripſit, qui in fol. editus eſt Pariſ. 1587. Janus Douſa Plautinas *Explanations* ſeorſim, & auctori junctas: Valens Acidalius *divinationes* in Plautum ſcripſere. Edidit & Philipp. Pareus Plautum cum ſuo *Commentario* & *Lexico*, qui liber editus eſt Francof. 1610. in 8. ſed huic quidem viro ſolenne eſt alios exſcribere, & male audit, ut ſucus ad Criticorum pabula: ideo enim Lexica ſcribit, ut poſſit *commentarios* aliorum, diſſimulatis ſemper nominibus, in ordinem alphabeticum compilare. Multo utiliorem Plauto navavit operam Frider. Taubmannus, e cujus editio-

ne

ne ter iste Comicus lucem vidit, non solum luculento Commentario illustratus, sed & iis fragmentis auctus, quæ e deperditis fabulis pauca adhuc vetustas nobis servavit. Secunda editio Francof. 1621. in 4. & tertia Wittebergæ prodit. Præterea Boxhornius Plauto operam impendit, cujus notæ cum excerptis variorum prodierunt Lugd. Batav. 1645. in 8. Aliam exinde dedit Joh. Frider. Gronovius. Comœdia Plauti, quæ Queroli sive Aululariæ habet titulum, & ab Aulularia inter Plautinas omnium consensu receptas diversa est, primum est a Petro Daniele edita, cum notis, apud Rob. Stephanum Paris. 1564. eandem postmodum, ad Camerarii codicem collatam, in versus digestam, & præterea elegiaco Vitalis Gallici novo carmine expressam, cum Noris P. Danielis, Contr. Rittershufii & Jani Gruteri, Heidelbergenses Commelini 1595. repetivere; & tandem Phil. Pareus secundæ sui Plauti editioni Spiræ, 1619. in 4. illam addidit. Enimvero satis constat, fabulam illam ad Plautinam ætatem nullo modo quadrare: & videndus de illa Barthius lib. XLIV. *Adversar. c. 13.* qui Plautum equidem, sed multo juniorem, illius Auctorem facit. Punicorum, quæ in Pœntio Plautino sunt, explicationem primus tentavit Josephus Scaliger in libris de Emendatione Temporum, qua de re ipse etiam in Excerptis Putcanorum gloriatur: post illum Grotius in Epistolistad Gallos, Ep. 113. ad Salmasium, aliqua ejus comœdiæ est interpretatus: de ceteris Punicarum reliquiarum interpretibus, Thoma Reinesio, Sam. Petito, Sam. Bocharto, Joh. Clerico *supra c. V.* diximus. Novissimam Plauti editionem, in Delphini Galliæ usum, adornavit Praef. 1679. in 4. Jac. Operarius. Non autem hic dispendium existimamus, Auctorem illorum, quotquot ea ratione in Gallia prodire, perpauco esse, quorum editio novi quid secum afferat, aliisve præferri tantopere mereatur, nisi quod magnificus plane atque splendidissimus typorum chartæque nitor gloriam Regis indicant, harum etiam rerum curam gerentis. Ea vero methodo editores isti utuntur, ut interpretationem seu paraphrasin Latinam Auctoris primo præmittant, deinde notas adjiciant veteres, si vetus aliquis Commentator reperitur; secus aliorum Auctorum e fontibus decerptas, ita ut non integra illorum verba retineantur, quod in Batavis variorum editionibus fit, sed aliis reddantur. Index subjicitur plenior, ad verborum structuram & ad phrasin accommodatus, ut Latinæ linguæ simul ratio haberi possit.

Post Plautum Comicus alter in scenam prodeat TERENCEIUS, optimus 6 linguæ Latinæ Auctor, quem GROTIUS quidem tanti faciebat, ut secum semper ferret: ac propterea increpatus a Viro quodam politico, respondit: *alia in illo legere pueros, alia viros.* Magna enim in ejus fabulis elucet morum actionumque civilium diversitas, & quidam quasi character. Plauto longe superior judicio est: & recte omnino pronuntiavit in Epistolis ERASMUS pag. 1700. in una Comœdia Terentiana plus judicii esse, quam in omnibus Plautinis: quicquid etiam contradicat SCHEURLIUS, qui aliud, non e singulis tantum fabulis sed & e fabellarum pagellis, patere falso persuasus est, *Stat. Mercurial. P. II. Sect. II. c. 3. p. 91.* Idem tamen c. 4. in laudes Terentii non parcus, eum a Jos. Scaligero sene semper lectum, & a Joh.

Caselio etiam, inter deambulandum colloquendumque cum suis, in manibus perpetuo gestatum refert. *Veteres* quidam GRAMMATICI inepte de Terentio judicarunt, dum nonnisi verborum ac dictionis proprietatem in illo laudant, in assequendo vero comœdiæ genio ignaviorem censent: Sane hic ut minuti Grammatici judicarunt, nec se Poëtas, nec Rhetorices, nec civilis prudentiæ, gnaros haud obscure falsi: quorum qui non omnia arcana plane excussa habet, frustra de Comœdia judicabit: est enim *Comœdia imitatio omnium actionum humanarum in societate civili, quæ tantum artis habet, quantum ipsamet actio.* Atque in hoc artificio Terentius Plautum longe superat; cujus propterea lectionem Casp. Barlaeus Lüneburgensibus quoque Ducibus, in epistola ad illos scripta, commendandam duxit. *Editiones* Terentii plurimæ omnino sunt: magnam earundem copiam recenset Spachius in Nomencl. p. 208. seqq. Haud immerito autem Barthio lib. L. Advers. c. 9. elegantissima omnium & nitidissima habetur, quæ cum commentario Æl. Donati a Frider. Lindembrogio Francof. 1623. in 4. curata, & in paucorum manibus est. (mm) Tritior *Bœcleriana*, quæ prodiit Argentorati 1627. in 8.; ceteris etiam jure merito præferenda, non solum ob elegantem commentarium, & accuratas metri recensiones, sed & ob Chrestomachiam Terentianam, quæ adjicitur: id est, indi-

(mm) Terentii Comœdiæ, & in eas Æl. Donati, V. C. Oratoris Urbis Romæ, & Eugraphii, Veteris Scholasticæ, Commentaria, a Frid. Lindembrogio, collatis MSSis, Veterilium Exemplaribus, recensita, aucta & observationibus, Indiceque uberrimo, illustrata, Anno jam 1602. Parisiis, ubi Lindembrogus tunc vivebat, in 4to prodierunt. E Parisina hac expressa est altera, quam Morhofius laudat, Editio Francofurtensis Anni 1623. Heringiana. Terentium ipsum, ad cujus nitelam & splendorem quod facere posset, nihil se in hac Editione, Ergodiolæ Jos. Scaligero (Epist. 213. & 216. p. 464. 466.) maturata, scienter omisisse, vere in Præfatione affirmat, e Codice Bibliothecæ Regiæ Parisinæ optimo & antiquissimo, duobus Pet. & Francisci Pithœorum Exemplariis, manu utriusque emendatis, aliisque nonnullis MSSis, recensuit. In Donati Commentario, quem Textui interfecit, lacunas plurimas supplevit, & Errata infinita emendavit, adjutus, tum duobus Exemplaribus, accurata Fratrium Pithœorum diligentia ad MSS. Ant. Contii & Jac. Cujacii collatis, tum Collegiæ Bibliothecæ Regiæ, & Schedis Petri Danielis Veteribus. Eugraphii, sub finem Comœdiarum omnium adjecti, cum pauca tantum in Italia olim Gabr. Faernus edidisset, ipse longe plura, ex Codice Ant. Lotielli, JCr, antiquissimo, primus publicavit, & quæ huic deerant ex altero Franc. Olivarii supplevit. Lindembrogii ipsius Observationes breves sunt, & circa Varietatem Lectionis potius, quam Textus explicationem, occupantur. Hæc Sciagraphia est compendiaria Editionis istius Gemina: Terentianæ Lindembrogii, quæ (imprimis Parisina, ipsi ignota Morhofio) hodie est rarior, sed omnium tamen, unanimi criticorum plerorumque consensu, optima & elegantissima. Nec enim Barthius & Morhofius soli ceteris eam præferunt, sed Casp. etiam Scioppius, Consult. 11. de Scholis & Studiorum ratione p. 64. Joh. Henr. Bœclerus in Comm. de Script. Gr. & Lat. p. 39. Henr. Jul. Scheurlus (Indicem imprimis uberrimum extollens) P. II. Scenæ Mercurialis, c. 4. p. 97. Casp. Sagittarius in Comm. de Vita Terentii p. 61. 66. Adr. Bailletus (Textum in ea judicans exhiberi emendatissimum) T. IV. Judiciorum de Litteris Gallicorum, P. II, p. 69. Joh. Alb. Fabricius P. I. Biblioth. Lat. p. 5. alique, quos taceo, complures.

indicem elegantiarum Terentianarum. Quanquam enim jam antea Jac. Kockertus indicem adornaverit non contemnendum, Bceclerianus tamen ille est ad usum accommodatior: est & in Terentium index Augustini Gambarella, quem nunquam vidi: Adjecit vero suæ editioni Bceclerus notas Franc. Guyeti, Galli doctissimi, sed morosioris, de quo jam superius aliquando dictum. Est & quædam variorum editio, Lugd. Batav. 1644. excusa, sed non magni momenti. In Delphini usum prodit Terentius, cum interpretatione ac notis Nicol. Cami, Paris. 1675. Viras Plauti, Terentii ac Ciceronis, peculiari commentatiuncula exposuit Casp. Saggittarius, ediditque Altenburgi 1671. in 8.

Incedat nunc M. TULLIUS CICERO, prioribus duobus multis modis illustrior, & in aurea Latinæ linguæ ætate primas extra controversiam tenens: cujus aurei Oratoris si libros omnes, & librorum editiones, persequi vellemus, multarum paginarum res foret: nos igitur tantum potiora scetabimur. In illo Viro majestas Romanæ eloquentiæ & sapientiæ summum apicem est consecuta. Tot seculorum judicio princeps habitus, obtreclatores non invenit, nisi homines malos aut indoctos. Fuere inter antiquos tales malevoli ASINIUS uterque: Pollio pater, & Gallus filius; quorum ille quidem permultis occasionibus inimicum animum, succo loliginis atræ plenum, in Ciceronem ostendit, ut ex Senecæ Suasoria VI, & Gellii lib. XVII. c. 1. Noct. Att. jam alibi observavimus, cum ejusdem de Livii Patavinitate convivium abstergeremus: hic vero, infantiæ paternæ hæres, libros *Ciceronis sui que patris Asinii comparatione* scripsit, in iisque hunc illi longissime anteposuit, & indigna multa evomuit in Ciceronem: quæ non solum ut prodigiosa Gellius execratur, sed dudum ante Gellium Claudius Imperator Ciceronis defensionem satis eruditam, memorante Suetonio c. 41. adversus Asinii Galli libros concinnavit. Ejusdem cum Asiniis fursuris LARGUS LICINIUS fuit, cujus liber infando, ut ait Gellius, titulo *Ciceromastix* ferebatur. His constans reliquorum veterum, in laudando veris elogiis Cicerone, consensus, atque etiam indignatio in vituperatores istos, haud abs re potest atque debet opponi. Falsi enim omnes cum QUINTILIANO Instit. Orat. lib. XII. c. 1. sunt, stetit illum in fastigio eloquentiæ, cui quid adjici posset etiam ignorare sese aiebant. Et, quamquam nec ipse Cicero sua omnia, præsertim juvenilia, approbarit, sed & coercuerit ipse, & ab amicis Bruto, Calvoque observata æquo animo tulerit: quamvis etiam Quintilianus summam Ciceroni perfectionem adscribere vereatur, quippe cui nonnihil vitiorum etiam adhæsisse non dubitat, adeoque perfectum omnibus partibus Oratorem adhuc quærat; mox tamen addit: *ego non audeam dicere, aliquid in hac, quæ superest, æternitate inveniri posse, eo quod fuerit perfectius.* Hæc cum veteres magni nominis Oratores judicaverint, & quæ vis veritatis est, ne ipse quidem juratus hostis, Asinius Pollio, in Historia sua justum Ciceroni elogium (quod M. Seneca Suasor. VII. nobis conservavit (denegare sit ausus; quid tandem de recentioribus nonnullis *Ciceromastix* dicemus, quos inter eminet PETRUS RAMUS, qui, in ejus eloquentia, si DIs placer, aliquam multa desideravit,

ſciolus & ſophiſta potius, quam verus Philoſophus. Alii quidam ἑλληνομανεῖς, inter quos BUDÆUS, Latinos omnes præ Græcis contemnentes, etiam de Cicerone minus honorifice ſentiunt: ſed illi ſunt ingenio ſuo relinquendi. Budæus certe in phraſi Latina nihil habet, quod magnopere laudari debeat, utut cetera vir doctiſſimus. Verum ſane eſt, multa Græcis debuiffe Ciceronem; ſed ira tamen debuit, ut magiſtros deinde Græcos ſuperaret, quod nec ipſimet diſſitebantur: uti vel ex uno DION. LONGINO perſpici poteſt, qui in erudiſſimo ſuo de Sublimitate, libro, Sect. XII. eleganter admodum oſtendit, quid inter Demothe-nem atque Ciceronem interſit. Extat hujus argumenti integra atque luculenta RENATI RAPINI diſſertatio, Gallico idiomate ſcripta, qua copioſius, & per partes, Auſtor exſecutus eſt, qua in re alter alteri, vel præſtet, vel par ſit. Conferendus præterea in hanc rem Leo Allatius lib. de Erroribus magnorum virorum in dicendo p. 48. ſq. & Eraſmus in Episto-lis p. 1708. Quæ ad vitam Ciceronis attinent, ſingularibus libris ſunt deſcripta, qui vehementer conducunt ad intelligentiam rerum, quæ in Cicerone ſunt. Ex antiquis Scriptoribus vitam Ciceronis, eo modo conſignatam, reliquit Plutarchus in Paralleliſ: ſed cum ab eo multa omiſſa deprehendiſſet LEONHARDUS ARETINUS, ſupplenda cenſuit illa ſcribendumque librum de Vita Ciceronis peculiarem, quem propterea *Ciceronem Novum*, vocabat: teſte Jac. Gaddio *de Scriptor. Non-Eccleſ. P. I. p. 136. in Cicerone, & in Leon. Aretino P. II.* SEBASTIANUS CORRADUS, vir doctiſſimus, inter alia, quibus optime de bonis literis meruit, erudiſſimum de *Quæſtura* librum reliquit, Veneriis 1537. excuſum, in quo non ſolum Ciceronis vita per dialogum proponitur; ſed & imprimis multa, quæ ad Opera ejus atque ſcripta pertinent, afferuntur: quinimo deſcribuntur eodem libro M. Ciceronis filii vita; Q. T. Ciceronis fratris, & eorum tandem, qui ſcribunt ad Ciceronem: ut adeo, judice Mich. Neandro in præfat. Gr. Ling. p. 154. omnibus Ciceronem lecturis & expoſituris non ſolum lectu dignus, ſed & neceſſarius & utilis ſit. Rariſſimus olim fuit, donec Joh. Frider. Gronovius Lugd. Batav. 1667. cum nova editione nitidiorẽ in 12. edi curaret. Extat & FRANCISCI FABRICII, Marcodurani, *Hiſtoria Ciceronis* ad rationes temporum alligata: dum ſcilicet, ſecundum annos Urbis & Conſulum, ſcripta & reſ geſtas Ciceronis diſtinxit. Liber ad lectionem Ciceronis utiliſſimus, ac propterea aliquoties reſcuſus: ſecunda editio prodiit Coloniae 1570. in 8. eſtque dehinc nonnullis Ciceronis editionibus addita. Poſt hunc alii fuere, qui Ciceronis vitam ſcripſerunt: Chriſtoph Preiſius, Pannonius; Benediſtus Herbeſtus, Polonus; Jac. Angelus de Scarparia; qui nonnunquam conjunctim edi ſolent: poſtremi librum ab interitu vindicavit, Romæ inventum, atque in lucem emiſit Berolini 1553. in 8. Wolffg. Periſterus, Boruſſus. Verum hi omnes compendioſam magis, quam locupletem, Ciceronis hiſtoriam ediderunt; quibus accenſendi etiam Jacobus Maſenius l. II. Palæſtræ Orat. carptim vitam Ciceronis percurrẽs, Petr. Ramus, in cujus Ciceroniano varia occurrunt, quæ ad Ciceronis vitæ, laborum, ac periculorum hiſtoriam pertinent, & CASP. SAGITTARIUS in libello de *Vita Ciceronis*, qui imprimis Fabricium ſibi, quem ſequatur, propoſuit. Et ſane hujus libro nil venguſtius

stius fieri posse judicat ANDR. SCHOTTUS, qui & ipse de interpretibus Ciceronis, historia operum illius, eloquentia & imitatione, elegantissimum librum scripsit, eique titulum fecit *Tullianarum Quaestionum*: qui editus est Antwerp. 1610. in 8. Multa hic discutiuntur, quae spectant ad imitationem & lectionem tam genuinam, quam pravam. Notum est, quam superiore seculo *κακοζήλως* Ciceronis insaniuerint nonnulli, quos integris libris acerbissime Viri quidam doctissimi exagitarunt. Spectat huc ERASMI *Dialogus Ciceronianus*, quem ille juvenis adversus hos homines conscripsit: male propterea exceptus a Jul. Caesare Scaligero, qui acerrimas in Erasimum investivas edidit pro Cicerone. Sed Erasmus praecipuum iudicium suum postea correxit ipse, & Ciceronis lectionem atque imitationem praecipuum omnibus inculcavit: quemadmodum & non minus Scaligerum suae in Erasimum acerbitaris plus semel paenituit. De hac re vero, & de prava illa imitandi ratione, alibi a nobis dictum est. MARIUS NIZOLIUS huic fini scripserat *Thesaurum suum Ciceronianum*, quem HENR. STEPHANUS libello peculiari exagitavit, cui titulum fecit *Nizoliodidascalus*, seu Monitor Ciceronianorum Nizolianorum; ubi defectus ejus lexici plenius recensentur, Paris. 1578. in 8. Edidit quoque Stephanus *Dialogum* alterum, cui titulus *Pseudo-Cicero*: in quo non solum de multis ad Ciceronis sermonem pertinentibus monetur, sed & quis delectus editionum, & quae in legendo cautio adhibenda sit, Paris. 1577. in 8. apud auctorem. Plura de his Ciceronianis *κακοζήλως* legi possunt apud Taubmannum in Dissert. de Lingua Latina. Pergimus nunc ad editiones Operum Ciceronianorum. De *meditis* videatur Hieron. Cardanns in libro de clarorum Virorum vita & libris; qui reperitur in operum ejus Tomo X. Illustre inter deperdita Ciceronis *Opus* est *de Republica*, cujus jacturam merito lugemus: supererat adhuc tempore Petri Pictaviensis monachi, observante Barthio Adversar. l. XXXII. c. 5. Idem Barthius ibidem c. 18. refert, superfuisse illum ante annos non adeo multos in monasterio quodam Rittershusio, cujus in rei fidem citat Joh. Henr. Meibomium: Verum errat procul dubio Barthius, tum in nomine Monasterii; quod nequaquam Rittershusium, sed Riddaghufanum, dici debuerat; tum in nomine ipsius Meibonii: nam Henricus Meibomius, pater, quem is intelligit, quodam loco hujus libri faciens mentionem, *perit*, inquit, *iste thesaurus in bello Germanico*. Perierunt quoque libri Ciceronis *de Gloria*: nisi, quod magnam partem transcriptos illos a Petro Alcyonio in libro de Exilio, quem conscripsit, Colomesius annotat Cimel. Literar. c. 15. Operum, quae supersunt, editiones plurimae sunt. Venetae editiones male audiunt apud Scioppium in Syllabo Latinae linguae, Paradoxis Literariis adjecto; ubi sic ille: *Ciceronis editiones Venetae recentiores flammis aboleri debebant, cruces vero figi typographis ut documento sint aliis, ne tam deformem Veneto nomini maculam imprimant*. Quam ille causam tam acerbii judicii habuerit dicere non possum: neque etiam Aldi aut Pauli Manutiorum editiones eum his verbis fugillare opinor, quorum ille primus Opera Ciceronis junctim edidit: hic vero inter praecipuos ejusdem M. Tullii emendatores & commentatores omnium consensu numerari meruit. Prodiit editio Pauli Vener. 1540.

& 41.

& 41. Aldinæ magnitudinem & paginas plane exprimit Riheliana Argentinæ 1540. post Andr. Naugerii & P. Victorii correctiones, a Joh. Sturmio emendata. Uno anno hanc anteverrit editio Ciceronis a Roberto Stephano Paris. An. 1539. elegantissimis typis data e codicibus Petri Victorii. Ipse vero Victorius omnium, iudice Cl. Graevio, ingeniorum sui temporis princeps, & cui uni præ reliquis salutem M. Tullius debet, a vetustissimo Mediceo codice illum primo Venet. 1537. edidit: postremas vero ejusdem curas optima editione Juntæ Florentini an. 1571. dederunt. Dionysii Gothofredi editio vehementer placuit Barthio Adversar. l. l. c. 9. & index in Ciceronem, quem ille multis Nizolianis habet præstantiorem. Ceteroquin inter Ciceronis editiones optima est Hamburgensis illa Frobeniana, A. 1618. fol. excusa. Debetur potissimum Jano Guilielmo, Lubecensi, juveni doctissimo, qui nullis laboribus in hoc opere procurando pepercit. Ejus conatus a Suffrido Petro, Frisio, adjuti sunt, qui collationem cum MSS. diligenter a se institutam cum Guilielmo communicavit. Adjectus est Operi index; cui titulus: *Penu Tullianum decem cellis seu indicibus expromens, quicquid uspiam divitiarum in Ciceronis opibus habetur.* Collegit Georgius Ludov. Frobenius: procuravit editionem Janus Gruterus, in cujus manus & Suffridi Petri & Jani Guilielmi notæ pervenerant: ceterum index ille separatim quoque editus prostat. Fuerunt alii, qui in animo habuerunt universa Ciceronis Opera edere: quos inter Andr. Schottus, cujus conatus mors interrupit. In Belgio prodiit nitida satis editio, Cornelio Screvelio accurante, cui Guilielmii & Gruteri aliorumque notæ, sed selectæ, additæ sunt, 1661. in 4. eadem deinde 1687. Genevæ (licet Basileam titulus præ se ferat) recusa est. Integram vero Hamburgensem Gruteri editionem recuderunt Londinenses typographi in fol. sed nitoris magis, ut videtur, quam emendationis habita ratione, demptis quoque præter rem capitum numeris, Lond. 1681. [Male vero omnes fecisse, & nescio quo se conspurcasse luto, Vir Cl. Jac. Gronovius arbitratur, quotquot in recudendis Ciceronis Operibus Gruterianum textum secuti sint, quem scilicet ipse pro mendosissimo habet, & occasionem inde arripuit novam Ciceronis editionem, cum variis Codicibus MSS. collatam, & a se emendatam, publicandi: quod Lugduni Bat. 1692. forma duplici in 4. & in 12. præstitit: præter Gruteri atque Guilielmii notas, suas quoque adjiciens: Orationibus insuper totum Asconii Peditani Commentarium, & Anonymum Scholiasten addens.] Jamdudum quoque adornandam per partes Ciceronis editionem absolutissimum vir magnus, Joh. Georg. Grævius, sibi sumit; deditque orbi literato Epistolas Ciceronis ad Atticum & ad Familiares, ut & libros Officiorum, cum P. Manutii aliorumque integris, & suis notis: nunc Orationes pari instituto parat: adeo, ut spes sit, nos ab ejus manu locupletissimum Opus aliquando habituros. Reliquas editiones Elzevirianam 1642. X. tomis minoribus comprehensam: Blavianam 1657. tomis totidem; Hervagianam tomis 4. aliasque Basileenses, Lugdunenses, Parisienses, Francofurtenenses, Genevenses, nil moror: jam enim plus satis de editionibus dictum est. Habentur inter Opera Ciceronis quedam, quæ nomen illius merentur: ut *Orationes ille Ciceronis & Salsitii mutæ*; de quibus vid. Sanctius in Minerva p. 258. qui

qui miratur Quintilianum, Linacrum, Vallam & ceteros, putidas istas & barbaras oratiunculas non vidisse ab aliquo sciolo & barbaro esse compositas. Longe rectius id animadvertisse monuisseque Per. Victorium & Seb. Corradum. Idem Sanctius l. c. p. 253. Pauli Manutii oscitantiam castigat, qui titulos Paradoxorum ipsimet Ciceroni adscripsit: cum nugae sint ea lemmata ab imperitis Grammaticastris praefixa: velut omnes illiusmodi tituli ad Martialis Epigrammata, ad Horatii Odas, & ad Valerium Maximum: non solum alieni ab instituto Autorum, sed & alienissimi haud raro. De *Orpheo Ciceronis* dubitandum non est, quin supposititius sit, idque deprehender, qui vel unam solum alteramve periodum perlegerit. De *Consolatione* diximus jam, eam a Car. Sigonio confictam, ut imponeret doctis personata eloquentia sua: sed fucus haud diu post animadversus est. Historia ejus rei continetur in Epistolis quibusdam, quae habentur in Ant. Riccoboni Descriptione Gymnasii Patavini. *Commentatores* Ciceronis tam in omnia ejus opera, quam in libros singulares, sunt longe plurimi. E veteribus ad nos pervenit Asconius Pedianus, qui Vespasiani aeo floruit, cujus tamen Commentariorum maxima pars injuria temporum intercidit: in reliquis emendandis & restituendis laborarunt Paulus Manutius, Franc. Hotomannus, Titus Popma Frisius: (& post hos omnes Joh. Frid. Gronovius, e cujus emendatione Jacobus filius Asconium, uti diximus, publicavit. Primus Asconium in Helvetia, in monasterio S. Galli, invenit Poggius Florentinus; Aldus postea impressit. Praeter Pedianum vero restat adhuc alius quoque Scholiastes Antiquus, quem nescio qua occasione acquisitum sive Pithaeus seu Peravius ad Jc. Vossium misit, & ab hoc impetravit Jac. Gronovius, ediditque.) In libros de Inventionem scripsit Marius Victorinus, Seculi IV. Scriptor, ac praeceptor Hieronymi: cujus in Ciceronem Commentarius Venetiis 1500. Coloniae 1535. apud Joh. Gymnicum. & 1537. Parisiis apud Rob. Stephanum, ex castigatione Guyb. Longolii, alibique lucem publicam aspexit. Veneram editionem inprimis commendat Casp. Barthius, eamque facile locum codicis MSS. tueri censet: qui cetera ipsummet Victorinum optimae notae veteribus Criticis accensendum plane non dubitat, Adversar. lib. XXXVI. cap. 1. E recentioribus in singulos Ciceronis libros complures extant Commentatores. Librum de claris Oratoribus exposuit Sebast. Corradus: estque hic ejus Commentarius impressus Florentiae 1552. Idem in epistolas Ciceronis omnes, tam familiares, quam ad Atticum, iusta commentaria scripsit, quorum illa Basileae, haec Venetiis excusa sunt. In Partitiones Oratorias Claudius Minos scripsit, Francof. 1584. In Oratorem, post Corradum, Melch. Junius, Argent. 1585. Joh. Sturmius quoque, magnus eloquentiae per Germaniam magister, edidit in eundem librum commentaria. Existunt praeterea ejusdem Sturmii & Claudii Minois Commentarii in speciales quasdam Orationes. In omnes Ciceronis Orationes varios variorum Commentarios Franc. Hotomanni, Joach. Camerarii, M. Ant. Mureti, Adr. Turnebi, Val. Erythraei, aliorumque, in unum corpus congestos, junctim edidit Oporinus Basil. 1553. in fol. quem Lugdunenses An. 1574. secuti sunt. Vastum volumen, seu potius tomos II. Commentariorum in tertiam Orationum Ciceronianarum

rum partem, struxit ediditque Paris. A. 1631. Nicol. Abramus, Soc. Jesu (is ipse, qui Nonni Paraphrasin Johanneam cum notis suis, sane doctissimis, eleganti editione Cramoissiana 1623. dedit,) in quo Commentario tam historica, quam rhetorica & grammatica longe plurima, expediuntur. Plures Orationum Cicer. explanatores recenset magno numero Spachius Nomencl. Philos. p. 289. seqq. Commentarii P. Victorii, & doctorum Virorum plurium in libros Cic. de arte Rhetorica in unum quoque corpus collecti sunt, editique ab Aldo juniore Venet. 1546. in fol. quos etiam Basileæ nescio quo anno reculos vidi. Qui in Epistolas Ciceronis scripserunt, magno numero apud Spachium l.c. p. 313. seqq. ut & a Cl. Grævio, post præfationem in Epistolas Famil. recensentur. Atque hic etiam omnes illos novissima editione sua collegit. Eminent vero inter omnes Paulus Manutius, cui palmam in eo genere nemo dubiam reddet. Gaddius T. I. p. 98. Budæum quoque refert Commentarium in Epistolas familiares scripsisse, de quo nihil alias mihi constat. Philosophica Ciceronis a variis illustrata sunt. Libri de Legibus prodierunt cum Commentario Adr. Turnebi, Paris. 1557. in 4. Tusculanæ Quæstiones cum Commentario Joach. Camerarii Paris. 1558. & cum notis Franc. Fabricii 1568. Academicæ Quæstiones cum Commentario Turnebi 1553. Libri de Officiis, primus recentis typographiæ partus extiterunt, editi an. 1466. Commentatores eorum sunt Aldus Manutius, Car. Langius, Fulv. Ursinus, Dion. Lambinus, Franc. Fabricius, Des. Erasmus, M. Ant. Muretus, Joach. Camerarius, Petr. Victorius, Phil. Melanchthon, Hier. Wolffius, Xyftus Berulejus, Wolffig. Anemæcius, Per. Balduinus, Per. Ramus, Franc. Sylvius, El. Vinetus, Sam. Rachelius, alii. Tanti nempe omni tempore Viris doctis Officia Ciceronis visa sunt; quorum pretio vel inde etiam decedere aliquid Hugo Grotius olim existimabat, quod omnium manibus terantur. Ceterum Commentatores modo laudatos quinque priores integros, reliquos omnes magno cum judicio excerptos, dedit, suasque insuper notas, verbis ac rei lucem uberrimam affundentes adjecit in exquisitissima Editione sua Joh. Georg. Grævius, Amstelod. 1688. in 8. Cato Major Ciceronis, Lælius, Paradoxa, & Somnium Scipionis jungi solent Officiis, & hinc plurimorum quoque laboribus illustrantur. Scorsim Catonem Majorem illustravit Ludov. Vives libello, cui titulus, Animæ Senis: cui addi quoque potest Gabr. Paleotus in Tr. de Bono Senectutis. Lælium, seu de Amicitia Dialogum, illustravit Victorinus Strigelius, & alii nonnulli. In Paradoxa fuse, copiose, & ut Wolffius judicat, ad ostentationem ingenii sui, scripsit M. Anton. Majoragius. In fragmentum libri VI. de Republica, quod sub titulo Somnii Scipionis superest, e veteribus copiose scripsit Macrobius: in quod etiam extant Ludov. Vivis Vigiliæ. Atque hæc de editionibus & Commentatoribus Ciceronis dicta sufficiant. Ceterum, si eloquentiæ Ciceronianæ reprehensores supra enumeravimus, paucis etiam *censores* alii nunc sunt enarrandi. Exquisitissimos Ciceronis libros Officiorum aggredi, & criminationibus seu calumniis potius variis onerare, veritus non est Cælius Calcagninus, editis eam in rem anno 1543. Disquisitionibus: sed queis M. Anton. Majoragius & Jacobus Grifolus commodum occursum ivere, ille Dispositionibus, hic Defensionibus, maledica convitiato-

ris

ris crimina dispungentes: ac proinde etiam dignas merito judicavit Cl. Grævius, Disputationes Majoragii, quæ una cum Calcagnini Disquisitionibus, in nova sua Officiorum Cic. editione recuderentur. Verum ipse ille Defensor Ciceronis MAJORAGIUS alia ratione Censor illius est, seu iniquus potius reprehensor, dum nempe Paradoxis Ciceronianis *Anti-Paradoxa* opposuit, Ciceronem plane ignarum Philosophiæ, & totius Dialecticæ expertem, demonstraturus: quam fœdissimam calumniam vocat, & contundendam sibi sumit Sanctius in Minerva p. 252. seq. Jam olim vero Marius Nizolius, non diu post edita Anti-Paradoxa, Majoragium data ad illum oburgatrice Epistola confutare instituit: sed pessime ab hoc exceptus primo Apologia, tum &, cum Nizolius Antapologiam opposuisset, duobus Reprehensionum libris, Mediolani Ann. 1549. editis. Conciliatorem inter litigantes egit Seb. Corradus: prout *Tom. I. Polyhistoris lib. I. c. 25. §. 26. seqq.* ex epistolis ineditis Gudianis, commemoravimus, (quæ, cum editæ jam sint, dicta tum temporis confirmant, suntque hoc ordine legendæ. Nizolii epistola ad Majoragium num. XLVII. p. 132. seqq. Majoragii ad Cicerinum n. XL. & XLI. p. 126. & tres Corradi ad Major. XXXIV. XXXV. XXXVI. p. 121. seqq.) Versus Ciceronis, in quibus pangendis non nimium felix videbatur Orator incomparabilis, ludum etiam de se jocumque inimicis dedisse notum in vulgus est. Sed tamen jocos illos magis lingua, quam animo, fuisse dictos Janus Nic. Erythræus existimat, cui versus M. Tullii nitidissimi lepidissimique videntur. Idem Nicus ægre fert, objectam Ciceroni ab Hieronymo imperitiæ lingue Græcæ, ac si vim ejus sermonis in vertendo parum feliciter esset assecutus. Ipse vero se magna perfundi voluptate proficitur, quoties dulces ac perspicuos locos illos perlegat: *quod sibi non contingere ait in iis, qui, hanc bene interpretandi laudem suam esse propriam ajentes, ita perplexe, ita insuaviter, ita inamene loquuntur, ut celeriter fastidio & satietate a se homines abalient.* Neque etiam credibile ullo modo esse addit, eum, qui in ipsa Græcia a magistris optimis edoctus roties Græce declamarit, ac commentatus sit, Græci sermonis proprietatem ignorasse. vid. Pinacoth. III. p. 34 35. De plagii crimine, cujus a Græcis jam olim reus postulatus Cicero, ab Hieronymo autem absolutus est, vid. *Thomas. de Plag. Liter. §. 392.* Nos, de Cicerone plus satis pro instituti ratione dictum putantes, ad alios nunc Auctores Latinos pergimus.

Et quidem is, qui Historiam ejus, quod Catilinariam conspiracyonem attinet, 8 exposuit, cetera non usque adeo amicus Ciceroni, CRISPUS SALLUSTIUS, eum primo excipiat: qui non eandem ab omnibus laudem retulit: inveniunt enim multi in eo, quod reprehendant. Brevitatem illi tribuunt omnes: ea vero, judice QUINTILIANO l. X. c. 1. nihil apud aures vacuas atque eruditas potest esse perfectius: alii contra vitio illam ei vertunt. Quos inter JOH. PETRUM MAFIUM quoque fuisse Erythræus refert Pinacoth. II. p. 53. *Illud, inquit, in eo ferendum non erat, quod Sallustium Crispum, Romano decus historia, ad sui judicii calculum revocare & damnare audebat; ideo fortasse, quod dicinam ejus prudentiam, illustremque brevitatem, quæ nihil est in historia dulcius, se imitari posse dissideret: nam tantum quisque laudat, quantum se*

imitari posse non desperat. JUL. CÆS. SCALIGER *lib. IV. Poëtices c. 24.* plane miratur, & sibi nondum compertum ait, quamobrem Sallustio attributa sit ab omnibus præter ceteros brevitatis: qui enim prælongas haud raro conciones inserat, quas nullus habuerit Imperator; qui toties ad alia a proposito exspatietur; qui, Catiliniæ conjurationis historiam traditurus, ipsamet urbis Romæ initia arcessat; illum vero prolixum potius, vel etiam nimium, supervacuumque, vocandum censet. Sub finem capituli tamen, in eo ipse brevitatem Sallustii agnoscit, quod tribus verbis integras expleat sententias, non circumducatur, non interponatur, asyndetis utatur, & omittat verba. Quapropter causas omnino habuit, ut Scaligerum confutaret, Leo Allatius, in libro de Erroribus magnorum virorum in dicendo p. 36. qui legi potest. Judicium BARTHII de Sallustio vid. Adversar. I. XLVIII. c. 19. SCHEURLII in Statua Mercur. Sect. II. P. II. c. 8. & BOECLERI in Dissert. de Eloq. Civili. SCIOPIUS, in Dissertatione de Rhetoricarum Exercitationum generibus pag. 13. & 14. Sallustium exagitat, ut *κακὸς ἄνθρωπος*, verborum obsoleutorum & archaismorum strenuum affectatorem; quod etiam non omnino falsum est. In scribenda historia Crispus Thucydidem sibi imitandum sumit: uti deinde Sallustium imitatus Tacitus est. Fuit, cum Sallustius, doctorum apud Romanos hominum judicio, primas inter Historiographos Latinos partes obtinere visus est. Hinc Martialis:

*Hic erit, ut perhibent doctorum corda virorum,
Primus Romana Crispus in historia.*

Editiones ejus variae sunt. Ut enim Aldinas, Argentoratenses, Colonienſes, raceamus: prodit in fol. Sallustius cum notis integris Variorum Basil. 1564. Auctores notarum atque commentariorum illorum sunt Barthol. Zanchus, Henr. Glareanus, Jac. Bononiensis, Joh. Chrysost. Soldus, Jo. Badius Ascensius, Laur. Valla, Omnibonus Leoniceus, Vincent. Castilioneus. Aliam editionem integris notis variorum H. Glareani, Joh. Rivii, A. Manutii, Auf. Popmæ, J. Palmerii, Pet. Ciacconii, Fulv. Ursini, El. Putschii, J. Douſie, & suis, instructam Francof. in 8. edi curavit Janus Gruterus. Similiter Ludovicus Carrio Sallustium a se recensitum, suisque & Joh. Rivii, Manutii, Cypriani a Popma notis illustratum, e Plantiniana officina in 8. 1597. prodire jussit. Est quoque inter optimas Auctoris hujus editiones memoranda, quæ ex recensione Pet. Victorii Florentiæ apud Juntas 1576. in 8. excusa est. In Belgio Ant. Thyſius, cum selectis variorum notis, Sallustium prodire jussit Lugd. Bat. 1649. in 8. Aliam integris aliquorum notis instructam ejus editionem accuravit Joh. Frid. Gronovius 1665. 8. Joh. Janssonius nitidam quoque Sallustii editionem dedit Amstel. 1667. in 12. vel propterea commendandam, quod quamplurima deperditorum veterum Historicorum fragmenta, ab Aufon. Popma collecta, subjuncta habet. In usum Delphini Sallustium Dan. Crispinus edidit Paris. 1674. in 4. Præter illos vero Commentatores, quos diximus, Laurent. Crassus Paulum quoque Benium, morosum istum veterum Auctorum censorem, memorat in Elogiis Hominum Literator. P. II. p. 83. & Iohannem Delphinum, patritium Venetum, Patriarcham Aquilejensem,

ferm, quem in Bellum Catilinarium scripsisse refert p. 209. & 211. Notis politicis & historicis Sallustium illustravit Christoph. Ad. Rupertus, Noribergæ 1671. in 8vo.

Sallustio atque Ciceroni coævus, C. JULIUS CÆSAR, tot rebus maximis gestis æternum per universum orbem nomen adeptus, inter Auctores etiam Latinae linguae præcipuos locum haudquaquam infimum sibi vindicat; nempe non minus insigni facundia, quam fortitudine exquisita, clarus. Illum certe MANUTIUS Historicis Latinorum omnibus præfert, in præfatione *Commentarii in Cæsarem*; & LUDOV. VIVES, in *Lib. de Tralendis Disciplinis*, adeo Cæsaris libros commendat, ut prima etiam ætate, una cum Epistolis Ciceronianis, legendos existimer: quem tamen ea in re haud immerito confutavit Joh. Schefferus *lib. de Stylo*. Sunt, qui putent, librorum de Bello Gallico auctorem Cæsarem non esse, uti nec eorum, de civili sive Pompejano: de prioribus id LUDOV. CARRIO, de posterioribus FRANC. FLORIDUS SABINUS affirmavit, Julio nempe Celso (qui tamen seculi XV. Scriptor non nisi recensuit commentarios Cæsaris & emendavit) eos adscribentes: quos Ludovicus Caduceus male Orosium securus Suetonii opus esse, existimabat. Verum iis omnibus satisfacit Gerh. Joh. Vossius, in *Historiis Lat. l. I. c. 13. pag. 62.* quanquam & jam olim Liplius dissensum suum ad Carrionem non dissimularit, Epistolic. Quæstion. l. II. ep. 2. (Hujus tamen, ut puto, Carrionis vestigiis inhæsit auctor ridiculæ opinionis nescio quis; quem Isaacus Vossius, prudentem cetera, magnæque apud suos auctoritatis, vocat, sibi in familiari congressu sæpius affirmasse refert: scriptam a se, post plurium annorum cogitationes, luculentam de Cæsaris de Bello Gallico Commentariis dissertationem; quæ invictissimis argumentis omnia illa falsa esse evinceret: nec Cæsarem transisse unquam Alpes, nec vidisse Galliam. Quæsitum vero, quibus rationibus & testibus tantam rem peregisset? respondisse: mille restium loco, ad hoc probandum, suffecisse sibi rectos bonosque sensus, quos semper sequeretur. *vid. Is. Voss. Respons. ad objecta Crit. Sim. p. 336.* Sane vix poterat quicquam magis ab omni ratione bonisque sensibus alienum excogitari: si modo ita censuerit serio quispiam, & non joco Vossius suis lectoribus imponat.) Srylum Cæsaris, quem in commentariis adhibet, strigosum MASENIUS vocat: inepte sane: non poterat enim alio sermonis genere uti Cæsar, Commentarios scribens, quibus succi plena aliqua Oratio non conveniebat. Et adeo quidem nihil purissimæ Cæsaris Latinitati quicquam præjudicat istud Masenii judicium, aut Liplii quoque, qui lib. IV. Poliorcer. Dial. IX. non nimium præclare de illa sentit, ut eis contra facile Quintilianus, peritissimus dicendi magister, os obstruat; cum lib. X. c. 1. Instit. ait: *C. Cæsar, si foro tantum vacasset, non alius ex nostris contra Ciceronem nominaretur: tanta in eo vis est, id acumen, ea concitatio; ut illum eodem animo dixisse, quo bellavit, appareat. Exornat tamen hæc omnia mira sermonis, cui proprie studiosus fuit, elegantia.* Exprimendum sibi e Græcis Cæsar haud infeliciter sumit Xenophonem. Fidem in Commentariis C. Cæsaris desiderant nonnulli, quos inter olim Asinius Pollio inprimis multa desideravit: sed qui allidius erat optimorum quorumvis calumniator;

non adeo a nobis attendi merer, vid. de ea re Vossius pater in *Hist. Lat. l. c.* & Scheurl. in *Stat. Mercuriali, P. II. Sect. II. c. 9.* Septem de bello Gallico libris Commentariorum Cæsaris octavum adiecit A. HIRTIUS Pansa, familiaris ejus, Balbo nuncupatum. Idem & Commentarios de Bello Alexandrino, & de Africano cum Juba, composuisse eo majore consensu creditur, quod ipsemet in epistola ad Baldum a se scriptam bellorum eorum historiam fidem facit. Sed tamen, jam Suetonii tempore, dubitatum fuit, Hirtius an Oppius horum æque & Hispaniensis bellorum in commentarios relatorum auctor sit: ita tamen, ut Suetonius ipse magis ad Hirtium propendere videatur. vid. *Sueton. Cæs. c. 56.* Hispaniense bellum a Balbo descriptum suspicatur Vossius. Idem Julii Cæli Commentarios de Vita Cæsaris, an. 1473. editos, primus indicavit. (Clar. Grævius vero in elegantissima Cæsaris editione nupera A. 1697. in 8. denuo eos edidit.) Græcus librorum de Bello Gallico interpret, quem, ex Bibliotheca Pauli Petavii, primus Godofr. Jungermannus edidit, num Theodorus Gaza, an vero Maximus Planudes, sit, ambigit, in lib. de Claris Interpret. Huetius; ita tamen de illa judicat, ut nec impuram dicat esse, nec invenustam. Prodiit illa Jungermanniana Cæsaris variorum Henr. Glareani, Aldi Manutii, Franc. Hotomanni, Joh. Brantii, Andr. Schotti, Fulvii Ursini, aliorumque, & ipsiusmet Jungermanni, Commentariis integris illustrati editio Francofurti 1606. in 4. etiam 1669, sed parum feliciter, recusa. Plurimæ vero sunt Cæsaris editiones alia, Aldina, Gryphianæ, Plantinianæ, Basileenses, Parisinæ, &c. quas recensere hic nimis longum foret. Ex recensione Jos. Scaligeri prodiit Cæsar Lugd. Batav. 1606. in 8. sæpe per Germaniam, sed, ut sit, infelicis semper recusus. Cum variorum selectis notis Cæsarem Arnoldus Montanus Lugd. Bat. 1651. & 1680. in 8. dedit: in usum Delphini Parisi. 1678. Joh. Godwinus. Dedit etiam superiore seculo Cæsaris Commentaria, a se emendata, suisque & Hotomanni commentariis illustrata, Jac. Strada, Francof. in fol. quæ editio plane egregia est. Ineditas Dionysii Vossii notas in Cæsarem in Isaaci fratris bibliotheca latuisse, Colomelius in Opusculis p. 141. refert. Silentio autem hic prætermitti non debet insigne plagium Fulv. Ursini, quem suas in Cæsarem notas maximam partem Petro Ciacconio, amico, debuisse, & illius tacito nomine vulgasse, jam olim Joh. Brantius, & ex eo Thomasius Diss. de Plag. Liter. §. 583. annotavit. Namque, ut erat Ciacconius in emendandis Auctoribus mire sagax, adeo, ut, dicente Erythraeo Pinac. l. pag. 192. Auctorum eorundem animi immigrasse quasi in ipsum, suamque illi de iis rebus, quæ erant in quæstione, sententiam quodammodo aperuisse, viderentur: ita nihil minus erat, quam suarum rerum ambitiosus aut invidus, sed cum amicis quam lubentissime omnia communicavit. Ita factum, ut & ad Fulvium notæ in Cæsarem pervenirent: quas cum, post Ciacconii mortem, ab Andr. Schotto Joh. Brantius accepisset, suo domino a Fulvianis separatas restituit. Ceterum est quædam Italica Operum Cæsaris translatio, ab Andr. Palladio, architecturæ civilis & militaris peritissimo viro, adornata, editaque Venetiis 1619. in 4to. quæ maximi habenda est, omnibus quippe commentariis accuratior meliorque, ob exquisitam rerum & actionum per imagines præsentationem. (Parem imaginum curam Clar. Grævius quoque

quoque gessit in postrema, quam nuperrime dedit, Jul. Caesaris nitidissima editione, A. 1697. una cum Jul. Celsi libro de vita Caesaris, Ultrajecti, uti diximus, emissâ.)

Ante Caesaris dictaturam, eo Dictatore, & postea, vixit CORNELIUS NEPOS, M. Tullii amicus, familiarisque, teste Gellio, optimus Latinitatis Auctor, e cuius tot scriptis, quæ apud Veteres laudantur, & quorum historiam accurate Vossius exposuit *Hist. Latin. l. l. c. 19.* nonnulli *Vita illustrium Imperatorum*, nec eæ quidem integræ, hodie supersunt: siquidem quæ de Romanis Imperatoribus scripsit, excepta Attici Vita, & Catonis Vitæ compendio, perierunt. Vulgo *Æmilius Probus* dicitur, & sub hoc nomine veteres aliquot editiones prodierunt: suntque haud pauci, qui *Æmilium* auctorem putant esse *Vitarum*, quæ exteros Imperatores sistunt. Sed eos vehementer falli, & *Æmilium Probum* librarii fuisse nomen, qui Cornelii Neporis vitas Theodosio Imp. obtulit post Savaronem, Vossius l. c. ostendit. Idem, tacito quidem nomine, Barthium confutat, existimantem, Vitas illas Cornelii ab *Æm. Probo* in compendium esse redactas, solamque Attici vitam integram adhuc atque genuinam superesse: qua in re multum falli Barthium, nec operis concinnitatem ævum Theodosianum admittere, non Vossius solum ostendit: sed & Janus Gebhardus, in Spicilegio suo ad præfationem Corn. Neporis, & in Not. ad vitam Datamis: Scioppius quoque, nascitus adeo veterum Auctorum censor, nihil in Nepote reperit, quod sequiorem ætatem spiret. Utinam haberemus ceteros ejus Auctoris libros Chronicorum, exemplorum, librum *Illustrium Virorum*, qui scriptis inclauerunt, qualem de Historicis Græcis se scripsisse in vita Dionis auctor est, & de Latinis Historicis, alium ab illo structum, tum ex antiquo Gifanii quodam Codice, tum ex rationibus aliis, Vossius observat: neque dubitat, vitam Attici, Ciceronis, ampliorem Catonis, singulas ejus libri partes fuisse. Quicquid ejus sit, haberemus utique, si modo superessent plures, præstantissimi Scriptoris tætus, magnos historię & Latinitatis thesauros. Prodierunt Opera Neporis, quæ supersunt, cum emendationibus & notis Dion. Lambini, Paris. in 4to 1569. quamquam Obertus Gifanius multum de surreptis sibi a Lambino per plagium notis suis conquestus sit: qua de re vid. Thomæius *de Plagio Liter. §. 448. lit. c.* In colligendis fragmentis Nepotianis omnes facile vicit Andr. Schottus, a cujus manu eximiam habemus Nepotis editionem, Francofurti in fol. 1609. excusam. Eodem loco anno præcedente 1508. Vitæ imperatorum Cornelii, cum notis Lambini, Guyb. Longolii, Hier. Magii & Joh. Savaronis, lucem aspexerunt. Savaroniana editio primo Paris. minutiore forma An. 1602. prodit. Jani Gebhardi Lugd. Bat. 1644. in 12. & Lipsiæ An. 1653. JOH. HENR. BOECLERI editio sexies minimum prodit Argentorati: nam hoc ipse in præfatione testatur sextæ suæ, A. 1656. cum egregio Commentario pragmatico, ut solent esse Boecleriani, & indice doctissimo, excusæ. Indicem illum Boecleri Vorstius augere voluit, falsa se etiam expunxisse, & transposita suis locis reddidisse, gloriatus in præfat. suæ editionis, A. 1662. Lipsiæ in 8. vulgatæ: ubi multa de Cornelianis, aliorumque indicum, defectu habet. Enimvero malam ea re gratiam iniit apud Boeclerum, qui multareprehendit in hoc indicis sui augmento, *præfatione Comment. sui in Vellejum.* Apud Bata-

Batavos cum notis variorum, Rob. Keuchenio curante, in lucem emissus est Ne-
pos Lugd. Bat. 1675. in 8. quo ipso anno Parisiis, in Delphini usum, Nicol. Cour-
tin eundem edidit. Est & quædam hujus anni Oxoniensis editio, e Theatro Shel-
doniano profecta, quæ reliquis Græcorum Impp. ex MSS. vitam Aristomenis
Messenii additam habet. Aug. Buchneri notula, cum quibus aliquoties excusus
Cornelius est, ab Auctore minime videntur eum in finem scriptæ, ut ederentur: si-
quidem nuda tantum est paraphrasis Latina atque Germanica. Omnium vero Ne-
potis editionum absolutissima mihi videtur, quam adornavit JOH. ANDR. BO-
SIUS, secundavice, cum luculentissimo indice, suisque notis edita Jenæ in 8. 1675.
(Commodissima etiam est, quam ad juventutis usum, Chronologicis atque Geogra-
phicis tabulis, notisque novis, instructam emisit Clar. CHRISTOPH. CELLARIUS
Liptiæ 1689. in 12.) Pomponii Attici vitam separatim, cum notis, Glossario, &
Nomenclatore, Henr. Ernstius apparavit Lugd. Bat. 1637. in 16. *Daretis Phrygii*,
qui circumferuntur, de *Bello Trojano libros VI.* a Corn. Nepote translato credide-
runt olim nonnulli; nemo hodie, cum omnes immane dictionis discrimen videant:
ut adeo Vossius haud abs re in Glandorpio id credente judicium desiderarit: *de*
Histor. Lat. l. III. p. 701. Interim ex hac de Nepote, Daretis interprete, fama erro-
nea error alius, atque is multo gravior, ortus est: ut nempe Cornelio adscriberetur
Carmen heroicum libris VI. historiam belli Trojani pandens, exprimensque Daretem,
cujus Autor prima etiam facie sese prodit recentior, quamquam non indoctus
ille sit, imo sæpe plusquam opus erat, argutus: cujus Censuram instituit Mase-
nius in *Palæstra Eloq. Ligatæ l. II. c. 6. & 14.* Est vero is auctor Josephus Iscanus, sive
Devonienſis, vel Devonius, sive demum Exceſtriensis (omnibus enim istis nomini-
bus compellatur, viderique potest ratio illorum apud Vossium *l. c. p. 450.*) sub ini-
tium Seculi XIII. Johanne tum apud Anglos sceptrâ moderante, clarus: Balduino
Cantuariensi Archi-Episcopo, patrono suo, & hos, & alios libros plures, nuncu-
pans. Adeo magni vero istud Iſcani de bello Trojano carmen, tot figuris atque
descriptionibus ornatum, facit Gabr. Naudæus, in Addition. ad Historiam Ludo-
vici XI. pag. 149. ut cum Joviano Pontano & Hier. Fracastorio ejus Auctorem
comparer. Fatendum tamen, quanquam in illo sint non pauca, quæ laudem, præ-
sertim in ea seculorum barbarie, justissimam utique merentur, longe tamen inesse
plurima frigida atque affectata. Primus illud Poëma publicavit Albanus Tori-
nus, Basil. 1541. in 8. nostro autem seculo An. 1620. cum notis Samuel
Dresenius, Dithmarſus: qui &, in præfatione ad lectorem, de Iſcano auctore
multa habet.

- 11 De TITO LIVIO, historiæ Latinæ principe indubio, aurei Augustei ævi
maximo ornamento, & in quo grandior sublimitas dictionis cum lactea ubertate
summum fere apicem consecuta videtur, eo nobis nunc brevioribus esse licet, quo
plenius de illius sermone, libris, deperditorum spe vel exigua vel nulla, monumen-
tis, æmulis, Criminatoribus &c. in Dissertatione satis ampla de *Livii Patavinitate* egi-
mus, quam hic in compendium contrahere plane non lubet. Tantum de editionibus
quædam commemorabimus. Omnium primæ sunt Romanæ duæ, quas eodem
tempo-

tempore bini Italiae Episcopi, Joh. Andreas Aleriensis, & Joh. Anton. Campanus Interamniensis, adornarunt dederuntque novo tunc imprimendi artificio excusas, ille an. 1470. hic 1471. & 1472. Istas insecure sunt Mediolanensis 1478. Tarvisina a Luc. Porro recensita 1482. Venetae duae apud Barth. Zanerum una a Porreio An. 1498. & altera a Georg. de Rusconibus, Mediolanensi, 1501. procurata. Inde Jodocus Badius, Ascensius, Paris. An. 1513. munitam variis lectionibus Livii editionem exhibuit: Et, cum omnes haecenus editiones in libro 33. & magna parte quadragetimi, finissent auctorem, Moguntinenses An. 1618. ediderunt, Ulr. Hutteni & Erasmi Epistolis honestatam. Eodem anno, & insecure duobus, Aldina minoris formae III. tomis apud Alulanum excusa est, cum quamplurimis optimae notae Codicibus collata: quam haeredes Phil. Juntae Florentiae A. 1522. denuo expresserunt. Post has Editiones memoranda praecipue Basileensis Frobeniana A. 1535. quae non solum tres Decades, ab aliis jam excusae, stirit, sed & dimidiam, quartam e monasterii Laurisseni bibliotheca erutam: curam gerentibus Sim. Grynaeo, Erasmo & B. Rhenano, una cum notis virorum doctorum quorundam, & Chronologia Henr. Glareani. Exinde epitomas amissorum librorum, quas reliqui haecenus neglexerant, studiose adiecit, Liviumque omnem, serio castigatum, suis scholiis & nova Chronologia illustravit, Car. Sigonius, operae impensas ferente Paulo Manutio, Venet. 1555. qui denuo editionem istam A. 1566. repetiit, demptis tamen nonnullis Sigonii scholiis, & interspersis aliquibus Franc. Robertelli atque Glareani: haec tamen iterum omisit Aldus nepos, & Sigoniam editionem solam tertium expressit A. 1592. Manutianum textum expresserunt quoque Francofurtenses, & notas variorum Virorum doctorum adjecerunt Tomis II. in fol. 1578. Aliae sunt Francofurtensium editiones, quae Jani Gruteri nomen praescriptum habent in fol. & in 8. 1619. sed quae non adeo multum ejus curae accessit, cum, ob absentiam viri docti, mendosissime excuderentur. Adjectae sunt illis editionibus notae in Livium Wilhelmi Godelevaei, cum quibus antea Londini A. 1589. in 8vo jam excusus erat. Transeo nunc editiones alias Francofurtenses, Basileenses, Argentoratenses, Lugdunenses, Parisienses (nisi quod ex his ultimis unicam Mich. Vascosani de anno 1551. commemorabo,) & quae aliis etiam in locis infinitae prope modum excusae sunt. Lib. XLIII. initium, quod ad eum usque diem deerat, e Bambergenfi quodam perverto Codice, eruit An. 1615, Joh. Horrion, Jesuita illius loci, qui descriptum illud Barthol. Urbinati transmittit, hujus cura mox Venetiis, cum notulis, Ant. Quarengi, editum: sed An. 1617. ipsemet Horrion inventor, emendatius multo fragmentum illud Paderbornae, tacito licet suo nomine, vulgavit. Et quamquam Vossius, in *Hist. Lat. p. 94.* fucum fecisse Horrionem non dubiter, nec genuinum esse Livii scriptum partem illam credat; vindicat tamen illam animose Joh. Frid. Gronovius, Vir eruditissimus, & cui uni Livius longe plurimum debet, in *praefat. suae edit.* in qua & magno studio Livianas editiones recenset, & de suo instituto ita disserit, ut nihil ab eo esse praetermissum, quod ad ornandum ullo modo Auctorem praestantissimum pertinere existimabat, facile videas; idque magis adhuc, si textum ipsum atque notas evolvas. Ter autem editio Gronoviana

Tomus I.

Qq q q q

sem-

semper emendatior nitidiorque in lucem prodiit: primo quidem in 12. an. 1645. 4. vol. tum tribus in 8. maj. A. 1665. subjectis unicuique paginae, non (ut in prima editione factum) separatim excusis notis Gronovii, quæ Sigonii integræ, & selectæ Variorum adjiciuntur: demum tertia vice A. 1679. eadem forma, filio Jacobo obstetricante, edita est, & ab hoc etiam adjectæ notæ novæ. (Nec vero dubium, quin idem Vir Cl. Jac. GRONOVIVS, si quando forte nova editione reperti Livii opus habeat, eum multo emendatiorem adhuc edirurus sit, cum Marqu. Gudii Livium, cum triginta circiter MSS. codicibus studiosissime collatum, interea nactus sit, ingens novæ editionis adjumentum.) Ante Gronovium Dan. Heinsius quoque in restituto Livio laboravit, & recensitum a se ex officina Elzeviriana tribus tomis in 12mo. A. 1634. emisit, quæ editio A. 1653. repetita est. His omnibus tamen editionibus præstat adhuc Parisina, in Delphini usum a Joh. Doujatio luculente adornata; tomis V. A. 1678. 80. & 81. adornata: quæ, præter interpretationem vocum difficiliorum, notas tam Criticas, quam historicas aut Philologicas, Effigies clarorum Romanorum e numis petitas, fastos magistratuum, aliaque ad illustrandum Livium pertinentia, Supplementa etiam Liviana integræ, a Joh. Freinshemio CV. libris adornata, continet. Nempe, cum maxima Operum Livianorum pars intercederet, absque etiam magna recuperandi spe: medelam ingenti jacturæ haudquam vilipendendam attulit JOH. FREINSHEMIUS, & ex aliis Scriptoribus, stilo non inconcinno *Supplementa Liviana* struxit: quorum quidem libros X. primos, secundæ Decadis supplementum, Holmiæ A. 1649. in 12. Christinæ Suec. Reginae nuncupatos, edidit: redux ex itinere munereque Suecico, decem illis, jam editis, 50. alios adjecit, nempe Decadis quintæ dimidium, tum integras sextam, septimam, octavam, nonam, decimamque dimidiatam, Argent. A. 1654. recusas ibidem 1672. in 4. Reliquos autem 45. libros, decadis decimæ partem posteriorem, tum undecimam, duodecimam, decimam tertiam atque decimam quartam, cum apud Hæredes diu in scriniis delituisse, ab iisdem redemptos, tandem DOUJATIUS publicavit: ut adeo justum nobis historiæ Romanæ Systēma dederit; Priores 60. libros Freinshemianos Gallice quoque, una cum Livii operibus transtulit Gallus auctoris hujus interpres, Petrus Ryerius, Lugduni A. 1663. in 12. tom. XIV. Itala veste Livium induit Jac. Nardus, Vener. in fol. 1554. Germanicæ etiam versiones Livii duæ sunt, Zachar. Münzeri, una Hanov. An. 1568. fol. & recentior altera Argentinensis A. 1574. cui nomen Interpretis additum non est. Hæc de editionibus atque translationibus Livianis: nunc de *Vita ejus historia* duobus verbis quædam annotemus. Sebastianum Maccium de Historia Liviana volumen integrum, idque satis amplum, scripsisse Jan. Nic. Erythræus Pinac. I. imag. 152. testatur. Vitam Livii singulari etiam libro descripsit Jac. Phil. Thomassinus, in quo magno cum apparatu recensetur fabula de brachio Livii reperto, & Patavii denuo non sine magna pompa sepulto, exstructo etiam una monumento: qua de re Laur. Pignorius quoque in Originibus Paduanis, Ital. Idiomate scriptis, agit. Verum non recte cepisse bonos illos Viros inscriptionem, quæ de Livio quodam liberto agit, primus illos Marqu. Gudius monuit, cui tamen aurem non præbuere, ne scilicet pretiosum

sum antiquitatis *κεφάλαιον* ipsis interiret: Aliter tamen sensit Gronovius, qui, cum in prima editione inscriptionem istam proposuisset, monitus in iterata delevit. Conf. Vossius de *Histor. Lat. l. I. c. 19.* & Scheurlius *Stat. Mercur. P. II. Sect. II. c. 9. pag. 125. sq.*

Ab Historicis aurea aetatis ad Poetas vel pergimus, vel revertimur, ¹² postquam scilicet supra jam de eorum aliquibus dictum est. Primum vero hic nominamus celebrem Epicureae Philosophiae sectatorem, TITUM LUCRETII CARUM cujus de *Rerum Natura* libros VI. per intervalla furoris, e poculo amatorio contracti, scriptos, & a Cicerone postmodum emendatos, habemus. Latinitatem ejus tanti aestimavit Jos. SCALIGER, ut eo ne quidem esse meliorem Latinae linguae Auctorem judicaverit *Prim. Scalig. p. 104.* Utrum plures quam VI. qui supersunt, libros scripserit, quod contra aliorum opinionem Lambinus probatum est, in medio relinquimus: illud haud dubie verum est, graviter, eleganter & docte scriptos esse libros, quos habemus, quod CONR. GESNERI judicium est: nec desunt, quae ad loca Ciceronis atque Quintiliani, Lucretio facilitatem sermonis & ingenium abrogantia, obverti possunt; prout inter alios monet Henr. Jul. Scheurlius *Stat. Mercur. P. II. Sect. II. c. 5.* de Lucretio prolixè agens. Primus Lucretium e veteribus membranarum edidit Hieron. Avantius apud Aldum Venet. A. 1500. in 4to & 1515. in 8. inde Florentiae atque Basileae recusum: sed, cum mendis pene infinitis scateret, medicas illi manus admoveere coepit Mich. Marullus, ipse tamen audaci nimis correctione plurima corrumpens; sed in aliquibus interim non infelix. Post hunc idem Joh. Bapt. Pius tentavit: cum cujus commentario Lucretius A. 1514. apud Joh. Badium Paris. editus est in fol. Utroque longe fuit felicior Dionys. Lambinus, qui edidit probe castigatum a se Lucretium cum commentariis Paris. in 4. 1563. Hanc editionem Gifaniana secuta est: ab Oberro nempe Gifanio mille locis emendata, notis ac inprimis indice copiosissimo instructa, Antwerp. 1566. in 8. & Lugduni Batav. apud Raphelengium 1595. recusa: qui etiam multa in illa editione praestitisse sibi ipse visus est; verum pessime cum illo labore suo exceptus Gifanius, triplicisque plagii reus verbis atque carminibus mordacissimis a Jano Doufa & Lambino actus; ac si nempe, in emendando Lucretio, scriinia Lucae Fruterii, (popularis sui eruditissimi juvenis, Brugenfis, qui moriens commentationes suas amico Gifanio publicandas commiserat,) Victoris Gifelini, ipsiusque adeo Lambini, compilasset: qua de re prolixè admodum Thomasius *Dissert. de Plagio Litterar. §. 445. 446. 447. 448.* agit, ipse ad excusandum in lite cum Lambino Gifanium eo promptior, quo iniquiorem callidiorumque illius animum ex epistolis Mureti atque Gifanii mutuis collegit. (Enimvero, etsi de Lambini maligno etiam animo nobis constet, non minor tamen impudentia Gifanii quoque fuit, si Scaligerum audias, in epistola ad Scip. Gentilem, quae est in Appendice Gudianarum XXV. pag. 356. ita scribentem: *Audio Gifanium testamento sua opuscula & lucubrationes Rittershusio legasse ea conditione, ut ab eo ederentur. Memini me ante biennium illi longam epistolam scripisse, in qua non solum locos Lucretii, de quibus consuluerat me, explicabam, sed & multa alia adjeceram, quibus editionem Lucretianam exornaret: quam, tametsi ac-*

cepisset, tanta tamen fuit ejus impudentia, ut negaret, ad se pervenisse. Idque semper solebat facere, ut sibi attribueret ea, quæ ab aliis didicerat, & si quis plagii eum postulare vellet, haberet ἀπολογία paratam, se nullas literas accepisse. Bis terve ausus est apud amicos nostros queri se nihil literarum a nobis accepisse, qui omnes, quas illi scripsi, recte accepit. Sed eum hominem nunquam fuisse puto, qui & in illis sordibus, quas omnes norunt, vixit, & nullum amicum sibi quaesivit, & qui bene de illo meriti erant, illis se quoque nihil debere profitebatur. Interest tamen Reip. literariæ, ejus lucubrationes edi. Fuit enim doctior, quam probior, & nos ejus doctrinam probamus, mores execramur. Hæc Scaliger, qui ferme eadem de Gifanio in Excerptis Puteanorum narrat, sordidam inprimis ejus avaritiam in magno divitiarum apparatu dominantem perstringens, sed Lucretium tamen magni aestimat. Post ejus mortem, ait, Jesuitam nescio quem complures schedarum Gifanianarum surreptas Romam abstulisse.) Ceterum Lambini editio multoties quoque repetita est, cum in tertiæ demum præfatione Gifanium sit aggressus, & illam tamen ante annum 1569. produisse necesse est, quo ipso nempe hic de illata sibi gravi injuria queritur ad Muretum. Editionem Parisiensem An. 1570. expressit Francofurtana An. 1583. in 8. Nostro seculo Dan. Pareus Lucretium, cum notis suis, atque Lexico elegantiarum Lucretianarum, in lucem emisit Francof. 1631. in 8. sed Lexicon istud maximam partem e Gifanii indice compilatum est. Post hunc Johannes Nardus Florentiæ An. 1647. in 4. Lucretium, paraphrastica explanatione, & annotationibus illustratum, dedit, physice tamen magis, quam philologice, commentatus. Exinde strenuam, in emendando Lucretio, operam navavit Tanaquil. Faber, cui debemus Poëtam istum, Salmurii An. 1662. in 4. typis exscriptum, & Fabri annotationibus expolitum. (Editionem illam, absque tamen Fabri notis, additisque Mich. Fayi argumentis librorum, minuto admodum charactere, repetiit Neapoli Bulifonius An. 1693. in 12.) Prodiit & apud Belgas Lucretius. In usum Delphini Michael Fayus eundem apparavit Paris. 1680. (infelicissime tamen istud negotium aggressus, consente nupero Lucretii editore, Thoma Creechio. qui rejecta Fayi barbara, ut vocat, interpretatione, novam paraphrasin atque notas uberiores adjecit; præter ceteros interpretes bonæ notæ Gifanium, Lambinum, & alios, inprimis etiam secutus Gassendum, quippe quem lucem maximam Lucretio, in suo de Epicuri Philosophia Opere, affudisse recte animadvertit. Prodiit illa Creechii Editio Londini A. 1695. in 8. cum ante 13. A. 1682. ibidem Anglica ejusdem versio prodiiisset, magno Anglorum omnium applausu. Gallice poëtam illum, cum notis suis, edidit, Baro de Coutures Paris. 1685. in 8.)

73 Prodeant nunc Triumviri amorum, purissimi nequitiarum Scriptores, C. VALER. CATULLUS, ALBIUS TIBULLUS, & SEXT. AUR. PROPERTIUS, in quibus sane omnia sunt mollicula, delicatula, tersa, limpidæque Latinitatis. Ut a Catullo incipiam, nolo prolixior esse in ejus elogio, non possum tamen præterire stultos censores, & inter illos præcipue JACOBUM GADDIUM, qui libro suo de Scrip-
toribus Non-Ecclesiast. T. I. p. 125. ita loquitur, vel rudis potius: Majoris fama ac existi-
mati-

mationis poeta quam praestantia & molis, cum pauca poemata ediderit. Docti nomen obtinuit, cujus rationem ignoro, & libere fateor ignorantiam meam. His ita pro insigni sapientia sua dictis, Pet. Victorii judicium de Catullo carpit, qui Var. Lect. l. XXIV. c. 15. Catullo nihil ingeniosius, nihil expeditius, excogitari posse, dicit. Gaddius contra iterum pag. 186. sub Florido Sabino: *Judicarem doctum, ait, Catullum, si non legissem ejus carmina, in quibus nullam inveni doctrinam.* - Sed nos hominem illum infectum cum bellis suis judiciis valere jubebimus, qui ad censuram de poetis ferendam aequè aptus est, ac asinus ad lyræ cantum judicandum. Firmiora sunt tot seculorum testimonia, a quibus Docti cognomen velut proprium Catullus indeptus est, tot eruditissimorum Virorum judicia, quam ut turbare nos possit aliquis Gaddius. Cum quo eandem fovit sententiam seu furorem JOHANNES CIAMPOLUS, qui cum Virginio Caesarino & aliis, inito quasi foedere, vetera, pura atque incorrupto nitore fulgentia contemnens, ea de causa in Catullum quoque graviter invectus est, sed neminem sapientem movit: vid. *Erythraei Pinac.* III. pag. 214. JUL. CAES. SCALIGER, Docti nomen male Catullo esse ab antiquis tributum, autumavit, cujus rationem ignorat ipse, & nil nisi vulgare reperit. Verum ei respondit Henr. Jul. Scheurlius in *Stat. Mercurial.* P. II. Sect. II. c. 6. & Catullum ex merito defendit; quem alibi ipse etiam ille Scaliger contra Cardanum strenue tuetur Exerc. 341. de Subtil. Ast tamen non audiri MURETUM cupio, qui, perverso quodam affectu raptus, ita extollit Catullum in epigrammate & elegia, ut omnes alios præ illo contemnat. Martialem, si cum illo comparatur, vocat aliquem e trivio scurram; plane ut Ovidii elegias Victorius nescio-cujus barbarismi, vernilitatis & affectationis, incusat: Hi vero distinguere non norunt inter elegiæ naturam, & inter dictionis characterem: utut enim Catullus superet dictionis puritate, epigrammatis tamen genio superatur. ANDR. NAUGERIUS, nobilis & poeta Italus, quotannis solenne instituebat, quo Manibus Catullianis tria exemplaria Martialis, velut victimam, immolabat, JOSEPHUS SCALIGER, Jul. Caes. F. nunquam plura apud ullos auctores se legisse dicebat, quæ se magis ad interpretationem S. Literarum ducerent, quam apud Aristophanem, Catullum, Tibullum, Propertium, & ejusmodi salacissimos auctores. *Prim. Scaliger.* pag. 20. ad quæ verba Tanaq. Faber annotat, respexisse Scaligerum haud dubie ad locos nonnullos Mosis, Canticum Canticorum, Historiolam, quæ in libris Regum est, librum Ruth, versiculos aliquot epistolæ ad Romanos, & similia. Verum nimis profane locutus uterque est: nec decent Christianos istiusmodi cogitationes: neque verum est, si demum e lascivis istis stercorebus auri quid forte peri potest, e profanis Scriptoribus aliis non multo etiam plura, ad S. Scripturæ illustrationem, hauriri. De Catullo alias pluribus agunt Vives p. 541. Bœclerus de Scriptor. Gr. & Lat. p. 43. seqq. Barthius in Adversariis passim, lib. LII. c. 15. l. VIII. c. 22. & alibi. Idem de Tibullo l. IX. c. 19. de Propertio l. XXXII. c. 9. Catullum primus e tenebris eruit, judiceque Barthio, ex membranarum vetustis, bona fide exhibuit, simul & recensitum suis commentariis illustravit, Ant. Parthenius, Lacisus, Veronensis, Venetiis A. 1488. per Andream de Patacichis excusum. An. 1493. recusa editio

ista ibidem est, additque Tibullus cum Bernardini Veronenfis, & Propertius cum Phil. Beroaldi Commentariis. Hinc secuti Commentatores alii magno numero: & ut plurimum junctim triga ista Poëtarum lucem aspexit. Sic illos edidit, suis commentariis & scholiis illustratos, Muretus apud Aldum jun. Venet. 1562. in 8. Jos. Scaliger, cum castigationibus eruditissimis, quæ tamen, ut ipse jurat, nonnisi Menssem unicum impendit, ex officina Parissoniana Paris. 1577. in 8. Junctim deinde horum duumvirorum labores Antverpiæ 1582. in 8. recusi sunt: Scaligeri etiam apud Commelinos Heidelbergæ 1600. auctiores. Interea etiam cum Achilles Statii, Lusitani, commentario Catullus impressus est Vener. 1566. in 8. & 2 recognitione Jani Doufæ Lugduni Bat. apud Raphelengium 1592. in 12. Indicem in tres hos Poëtas laboriosissimus Horatius Tuscanella composuit, emisitque cum iisdem Basileæ 1569. recusum Hanoviae 1608. in 8vo sed recte Bæclerus illum indicem magis laboriose, quam erudite, scriptum judicat. Vastiorum adhuc indicem, & præterea vastum quoque commentarium & absolutissimum, in eosdem Poëtas scripsit Joh. Passeratius, Paris. in fol. A. 1608. emissum; quo opere nihil perfectius esse visum Scioppius censet. Joh. Livineji & Jani Gebhardi Commentarios, cum indice Tuscanellæ, Catullo, Tibullo atque Propertio adjunxerunt Francofurtenses A. 1621. in 8. Omnium Commentarios, notas, observationes, emendationes, paraphrases, in unum corpus congestit Parisiensis typographus, Ourrius, An. 1604. in fol. Apud Belgas cum variorum notis Triumviros nostros procuravit Simon Abbes Gabbema, Frisius: multo accuratiorum vero editionem, cum integris aliquorum & nonnullorum selectis notis, exhibuit Clar. Grævius Lugduni Batav. A. 1680. qui in præfatione rationem instituti abunde aperit. Post hos omnes novo commentario Catullum explanavit Isaac. Vossius, & imprimis bene de illo meruit Londini 1684. in 4. apud Belgas paulo post reperitum suum laborem videns. Molliebatur similem in Tibullum atque Propertium, sed non dedit. In Delphini usum Parisiis 1685. omnes tres ita publicavit Philippus Sylvius, ut obscæna, quæ scætant isti amorum impuriorum magistri, & ob quæ merito Christianis exili sunt, e corpore ipso carminum rescicaret, & sub finem libri adjiceret; qua re num consulerit magis casto pudori, an lascivam salacitatem juvisse etiam haud parum videri queat, aliorum esto judicium. De Tibullo atque Propertio illud præterea annotandum, Elegias illorum, plerumque more Græco scriptas, ad venustatem Ovidianam haudquaquam accedere: deest enim ornatus ille figurarum & argutiarum; quem dum alii Victorius, Muretus, Vavassor, reprehendunt, male judicant. Epistolia amatorum, quæ lib. IV. carminum Tibulli extant, & a nomine Sulpitiæ ordiuntur, Barthius Adversar. I. LIX. c. 16. p. 2811. cum a Tibulli stylo plane abscedere, seculumque aliud sapere, videret, Sulpitiæ illius poëtriæ esse suspicatur, quæ sub Domitiano cum marito suo Galenio clara fuerat, & cujus satyra apud Juvenalem & Aufonium reperitur.

- 14 Incedat post hos Phœnix ille poëtarum Latinorum, P. VIRGILIUS MARO, cujus tot sunt Editiones atque Commentatores, ut numerari vix possint: tot nempe

pe circumducit ille secum aquilas, philomelas, sed & addo regulos & graculos atque picas: non enim omnes, qui in illum scripsere, paris praestantiae sunt. Nihil vero sapit in poeticae eruditionis genere, cui Virgilius non sapit: quem, praeter Poeticae facultatis laudem, ad quam adspirare nemini licet, in omni doctrinae & eruditionis genere excelluisse, peculiari libro, eoque satis amplo, ostendit SEBAST. MACCIUS, de quo vid. Erythraeus, Pinac. I. imag. 152. Fuere quidem, & olim, & nostro tempore *Virgiliomastiges* nonnulli, ingenio non destituti, sed nullius plane iudicii. Militant contra pro Virgilio omnium seculorum suffragia, quorum iudicio potius standum, quam unius alteriusve hominis inepti. Frustra ipsi objicitur aliena inventio, cum a Graecis illum omnia hausisse ajunt: nam, si vel maxime illud indubium magna sui parte vocari non potest, ruderata tamen ille veterum ita coagmentavit, ut splendidiorem domum inde extrueret, quam a Graecis factum usquam repererat. vid. Thomasiai *Diff. de Plagio Lit.* §. 576. sq. Haud dubie etiam ex dignitate materiam isthanc pertractasset Menagius, si *Dissertationem de plagio, Furtis & imitatione Poetarum*, quam in not. in Malherb. p. 27. promiserat, per fata absolvere illi licuisset. Nihil sane decedit famae eximii pictoris, qui antiquam aliquam historiam penicillo suo delineat: ingenium siquidem & iudicium illius vel in minimis quoque circumstantiis elucescit. Quare inepti sunt, qui inventionem in Virgilio desiderant; nam tam in toto, quam in partibus Operum illius, ea elucet. Quid Homero praestet, dudum notavit JUL. CAES. SCALIGER, in *lib. V. de Re Poetica. c. 2. & 3.* ubi luculenter istud argumentum exsequitur: BARTHIOQUE *Adversar. lib. LVIII. c. 9.* iudice haud immerito totius antiquitatis iudicio opponi potest, quippe qui non rationibus, sed demonstrationibus, egit: adeo quidem certis, ut neminem fuisse aut futurum etiam esse credat, qui eas possit ita confutare, ut liberi iudicii hominem in contrariam capta pro Scaligero sententiam deducere possit. Haec Barthius, quem hic profecto sui plane immemorem fuisse oportuit, quippe qui alio in loco, *lib. XLVII. Adv. c. 22.* postquam de imitatione Homeri, quam perpetuo sectatus Virgilius est, disseruerat, ita scribit: *Et haec Virgiliana imitatio adeo mihi omni comparationi Homerum eximere videtur, ut, illum ipsum Scaligerum uno perpetuo errore totos illos suos divinos de Poetica commentarios attaminasse, saepius dixerim, dum Virgilium Homero opponere, aut etiam praeferre, molitur.* Nihil enim aliud agit ista molitio, nisi quod in summa peritia summam ostendit imperitiam: non videns aut attendens, minime convellere Homerum ex usu esse Virgilium laudantis; sed ita in hoc Latino agnosci demum posse perfectionem, si perfectiorem etiam, quam vel perfectissima esse possit, in fonte, doctore, magistro, modimperatore, unicoque omnis Poescos Apolline contemplare. Poterantne magis contraria ab eodem dici? Sed pergitur. Post Scaligerum idem argumentum latius summaque eruditione pertractat RENATUS RAPINUS, Jesuita Gallus, elegantissimo libello, quem *Comparaison d'Homere & de Virgile* inscripsit, & qui Parisiis primo. A. 1669. in 12. editus, ibidem postea A. 1684. in 4. una cum aliis istiusmodi comparationibus Rapinianis recusus, in Belgio Gallice & Latine etiam prodit. (JACOBUS TOLLIUS quoque in *Accessione Animadversionum suarum ad Longinum*, Trajecti ad Rhen. 1684. in 4to nitidissima editione a se editum, comparatio-

rationem Virgilii & Homeri instituit pag. 271. sqq. & imitationem Homeri in Virgilio plane non negat, sed ita; ut omnia in hoc compta magis, & omni cultu curaque exornata; grandia simul, magnifica, illustria, splendida, & quamvis laudem vincentia, deprehendat: in eo tantum Homericis inferiora, quod, ad illam affectuum veritatem atque *δενόνητα* non accedere ipsi videntur: quod aliis tamen Viris doctis longe secus videtur.) Quid in Eclogis Virgilio Theocritus, & hic illi vicissim præster, docuit nos elegantissima Dissertatione de Carminē Pastorali idem, quem modo laudavimus, Ren. Rapinus cum Eclogis ejus edita Paris. 1659. 4. & apud Batavos in 12. recusa, & Barthius, postquam *Adversar. lib. XLI. c. 26.* plurima esse Theocriti inaccessa Maroni, plurima vicissim Virgilii Theocritici tunc meliora, esse fassus: *Tamen, ait, Græcus scriptor immensū intervallo Latinum relinquare videtur.* Hinc & alibi idem Barthius inconvenientia quædam in Eclogis Virgilianis notat: quale est, cum Ecl. I. pastorem Virgilius inducit, vicinam urbem Romam quæ aut qualis sit ignorantem, & eundem tamen mox de Arari atque Tigri, remotissimis imperii Romani fluminibus, perite differentem, *vid. Advers. lib. XXVII. cap. 3. & 4. Idem lib. XXX. cap. 24.* Bucolica ista Virgilii triennio esse scripta, e scriptore vitæ Virgilii observat; quem, vel Tiberium vel Ælium Donatum esse, sine ratione a quibusdam viris doctis dubitari judicat. Tanaqu. Faber nonnunquam Virgilium nimis esse turgidum putat. *In ea sum sententia (ait in Not. ad Longin. p. 250.) Virgilium sæpe hypertragicum esse, & distychambico tumore turgidum; qui tumor tamen fere plerumque ὑπόκεινται, & inaniis plenus reperietur, si omnia πρὸς αὐτὰς ἀνασκοπῆς.* Promittit & ibi Faber, se aliquando ejus rei exempla prolatum. *Commentarios in Virgilium* tum totum, tum speciales ejus libros, habemus permultos: neminem vero, qui artificium Poeticum Virgilii, quod summum est, latius data opera ostenderit. In animo illud habebat BERNARDINUS PARTHENIUS, *Spilenbergius*, ut ipse meminit in præfatione Commentarii Horatiani: sed in lucem illum unquam editum fuisse dubito. Fuiisset autem præclarum Opus, quantum conjicere licet ex commentario ejus Horatiano, de quo postea. *Editiones Virgilii* longe plurimæ sunt. Inter primas est, quam Aldus Veneris in 8. an. 1503. edidit. Cum Servii commentariis pulcherrima editione Rob. Stephanus Paris. 1532. in fol. Virgilium exhibuit, ibidem 1541. in 4. recusum. Cum Servii, Donati, Probi Grammatici, Julii Pomponii Sabini (cujus in Virgilio commentarios jam antea separatim Oporinus A. 1544. excuderat) Phil. Beroaldi, Joh. Hartungii, Jod. Willichii, Georg. Fabricii, Ludov. Vivis, Adriani Barlandi, & aliorum, Commentariis in fol. Basileæ 1575. Virgilii Opera prodierunt. Plures alias Basileenses non tango. Mauri Servii Honorati (hoc enim integrum docti Commentatoris nomen est) Commentarios, eruditis omnibus longe acceptissimos, ex antiquissimis exemplaribus, meliores atque auctiores protraxit, deditque summa cura una cum Virgilio ipso recensitos, Petrus Daniel, Paris. 1600. fol. quæ editio reliquis merito præfertur, & in pretio viris literatis est, Servius quippe multo plenior, & haud paulo accuratior, sistens. Eandem deinde, Salmasii manibus tritam, & hic illic ad oram codicis emendatam, laudabili studio expresserunt Batavi in

ca

ea editione, quam cum integris Servii ac Donati, & selectis variorum notis, in 4. Lugduni 1646. nitidissimis & emendatissimis typis, publice exscripserunt, obstericante Cornelio Screvelio, qui & alteram editionem Lugduno-Batavam in 8. priore recentiore, e Servii & Donati aliorumque Commentariis compilatam, adornavit, sed quæ cum priore in censum non venit. Præter Servium ac Donatum alium quoque veterem Virgilio Glossatorem optimæ notæ laudat vehementer Barthius Advers. l. XXXIII. c. 13. qui e priscis nempe Grammaticis interlinearia præstantissimi Codicis annotata congefferit: sed eundem, nescio cujus tenebrionis imperitia, maxima glossarum parte truncatum non sine multa indignatione commemorat. Libri Æneidos, cum allegoriis Platonice Christoph. Landini (a Florido Sabino acriter alicubi traductis) Venetiis 1507. in 4. & Basileæ editi sunt: cum Lamberti Hortensii Commentariis ibid. 1596. Joh. Ludov. de la Cerda commentarii perpetui primum per partes Madriti 16. 8. & Lugduni 1612. & 1617. tandem & junctim Coloniae, duobus in fol. tomis, editi, magna diligentia omnia ferme explicant, quæ in Virgilio occurrunt: adjicitur & paraphrasis, qualem in aliquot Æneidos & Georgicorum libros jam ante instituerant Nicod. Frischlinus & Jac. Pontanus, cum cujus commentariis Virgilius August. Vindel. 1599. lucem aspexit. Editio Frider. Taubmanni, Francof. 1618. in 4. procusa, commodo usui est: & adjecta quoque duo poemata, Culicem & Cirin, alias ut plurimum omissa, habet. An. 1589. ex officina Commeliniana in 8. prodit Virgilius ex correctione Joh. Pierii Valeriani, una cum Fabii Planciadis Fulgentii libro de expositione Virgilianæ continentiae, Junii Philargyri commentario in Bucolica & Georgica, Fulvii Ursini notis, Velio Longo, & Cassiodoro de orthographia. Phocæ nescio cujus Grammatici Vitam Virgilii, versibus descriptam, cum Operibus Virgilii Genevenses 1610. ediderunt. Germanus Valens Guellius commentationes & paralipomena in Virgilium Antwerp. 1575. fol. una cum ipso Auctore, edita scripsit, in quibus accurate parallelismi Græci notantur: eodem scilicet instituto, quo jam olim Paulus Manutius locorum Homeri insigniorum, quæ Virgilius imitatus est, comparisonem instituit; & Georgius Fabricius in Imitationibus Virgilianæ lectionis: quos etiam FULV. URSINUS secutus est, dum Homeri, Theocriti, Hesiodique Græca, quæ Virgilius versibus Latinis expresserat, collegit, ediditque sub hoc titulo: *Virgilius cum Græcis Auctoribus collatus*. Antwerp. in 8. 1568. In restituendo Virgilio multum operæ impendit quoque superiore seculo NICOLAUS ERYTHREUS, inprimis utilissimum & plenissimum *indicem* conficiendo, in quo tamen illud desideres, quod nudæ voces absque ullis interpretationibus ponuntur, cum hæc tamen necessariae omnino fuissent. Editus primum est Venetiis 1539. postmodum sæpius eadem in urbe repetitus, sed adeo putidis mendis conspurcatus, ut nil supra: quapropter Joh. Opsopæus atque Frider. Sylburgius castigandum tum auctorem, tum indicem, magno in se labore susceperunt, edideruntque Francof. 1583. in 8. quæ editio Venetiis omnibus præferenda. Nuncupavit illam Sylburgius Natali Comiti, memoratque in epistola ista plures Erythraei tractatus, quos vel absolutos, vel inchoatos, vel ipsi summet hic illic in Indice Virgiliano

Tomus I.

Rrr rr

alle-

allegare observat, nempe Indices in Ovidium, Martialem, Theocritum, Callimachum: in Lucretium non solum indicem, sed & annotationes. Inprimis vero, ait Sylburgius, exoptandus videtur index in Homerum, in quo exponi a se scribit, quid Græcorum & Latinorum Poëtarum quisque ex uberissimo isto fonte acceperit. Nec minus expetendos reor, quos in Sallustium, Cæsaris Commentarios & Ciceronem, conscripsit Indices. Ictis quidem certe non inutilis fuerit index, quem in Pandectas Juris Civilis edere paravit. Præter hos indices meminit etiam aliarum lucubrationum: e quibus Commentarios de Lingua Latina, mox post Virgilium, a Studiis expectari jubet: Stoicum quoque, seu Etymologicum, a se scriptum testatur; & Mizridatem 60. & amplius linguarum a se concinnari, itemque librum de origine lingue vernacule: de Alliteratione quoque, seu Syllabarum allusione, justum a se esse libellum confectum, nec non de pathetico Virgiliana poësis schemate: præterea librum de Poëtica & perfecto poëta. Adhæc justum librum de dignitatum nominibus ac titulis: de vocibus animalium: de coloribus: de nucum, malorum, pirorum, seuum, uvarum & olearum generibus: de insulis duos item libros, quorum alteri Navis, alteri Equi titulum fecerit: & tertium de Ventis, quem Æliam inscripserit. Hanc adeo largam segetem librorum promiserat Erythraeus: & nihil omnino tamen ejus in lucem prodiit, quod haud immerito Sylburgius l. c. miratur. Ceterum, indicem ejus Virgilianum, ad quem nunc regredimur, Batavi etiam in illa editione recuderunt, quam tribus tomis in 8., cum Servii & Donati integris, & variorum selectis notis, Jac. Emmenessio curante, adornarunt Lugd. Batav. 1680. In Delphini usum Paris. 1675. Virgilius prodiit, cum notis Caroli de la Rue, sive Ruei, illius scilicet, cujus Idyllia elegantissima extant. Thom. Farnabii & Joh. Minellii editiones Virgilianas, in Belgio & Germania identidem repetitas, norunt omnes: tyronibus inferviunt eorundem labores, & ex alienis ut plurimum hausit sunt. Catalecta Virgilii, quæ adjici Operibus illius solent, & quorum dubia est auctoritas, peculiari commentario illustrata sunt a Jos. Scaligero & Frider. Lindenbrogio, cum quorum notis prodiit *Appendix Virgiliana* Lugd. Batav. 1795. in 8. & 1617. Præter Catalecta vero, quæ diximus, Appendici alia quædam, & quamplurima veterum poëtarum deperditorum fragmenta, adjecta sunt. Priapeja etiam carmina illi insunt, scædissima illa, sed eleganter scripta; quæ, post Scaligerum Scioppius quoque recensuit: dignum patella operculum: e cujus cura Patavii 1664. in 8. & Amstelodami seorsim, & una cum Operibus Scioppii, edita sunt. Equidem Angelus Politianus Priapejorum Virgilio tributorum auctorem Ovidium esse persuasus fuerat, sed haud immerito dissentit ab illa Claud. Verdierius *Censur. in Auct. pag. 156.* Ceterum adeo omnium nationum applausum tulit Virgilius, ut in singularum prope vernaculas etiam transfusus sit, Hispanicam, Italicam, Gallicam, Anglicam, Germanicam: sed non eadem apud omnes felicitate.

- 15 Poëtarum vel omnino omnium, vel certe Latinorum, principi addendus nunc suo merito, qui dextrum latus claudat, Lyricorum Princeps, Pindarique, velut Virgilius Homeri, assiduus imitator erat Q. HORATIUS FLACCUS, quem GODELLUS in suis ad Malherbium Poëtam Gal-

Gallum Dissertationibus (*Monf. Godeau Discours sur les Poèmes de Malherbe,*) tanti fecit, ut ejus Odas Græcis præferre haudquaquam dubitaverit. FRANC. FLORIDO SABINO Sermones ac Epistolas Horatius tam venuste condidisse visus est, ut in illis egregius, in his autem prope inimitabilis, videretur, referente Geddio *T.I. de Scriptor. Non-Eccl. pag. 18.* poteritque ipse Floridus conferri *Lectio. Subj. pag. 120.* MICH. NEANDER Artem Poeticam Horatii equidem sine arte traditam; sed libros Carminum, vel jucunda inventionem, vel puritate sermonis, vel figurarum cum novitate, tum varietate, majores omni non solum viruperatione, sed etiam laude judicat: Pindaricis nempe accuratiores, & sententiis crebriores: ut nectar merum Criticis interdum videantur: *Præf. Erot. Gr. L. pag. 192.* Hæc illi. Contra Horatio non admodum æquus est CLAUD. VERDIERIUS, cujus tamen ineptum de Horatio judicium nequaquam dignum, quod hic apponatur, existimamus. Legi potest in ejus *Censura Aucto. pag. 57.* Præterea inter adversarios Horatii numeratur JUL. CÆS. SCALIGER, qui non solum de illius Arte Poetica abjecte sentit, satyræ propius accedere totum opus, quam arti; sed & in Hypercritico in eundem indignis sane modis invehitur: quamobrem non solum a Wallio in *Poëmatibus pag. 224.* iterum ipse Scaliger castigatus est; nec non a G. Joh. Vossio de *Poëtis Lat. pag. 29.* (qui observat, inscriptionem libri de Arte Poetica non magis ab Horatio ipsomet fluxisse, quam titulum Epistolæ ad Augustum de veteribus & novis Poëtis, aut illius ad Numicium de Finibus Bonorum: Veram itaque libri de Arte Poetica inscriptionem esse Epistolam ad Pisones.) Sed multo amplius etiam confutatur Scaliger a strenuo Horatii defensore, eodemque luculento admodum Commentatore, BERNARDINO PARTHENIO, Spilenbergio, qui tam solide, tam eleganter, adversus Scaligerum omnia illa loca, quæ atro iste lapillo notaverat, vindicavit, ut vix credam hiscere adversus illum quenquam posse. Nonnisi semel vero mihi contigit Viri eruditissimi Commentarium Horatianum videre, A. 1584. Venet. in 4. apud Dominicum Nicolinum impressum: & crediderim pauca ejus exemplaria esse excusa, cum in nullis pene Bibliothecis publicis, quarum ego Catalogos pervolvi, inveniantur. Et tamen longe præstantissimus ille est: novam siquidem commentandi viam ingressus Auctor, de verbis Horatii enodandis non adeo sollicitus, artificium poeticum magno studio ostendit, atque ita perspicue ob oculos ponit, ut neminem in eo genere habeat, qui cum ipso conferri possit. Dolendum, non in omnes Horatii libros illum scripsisse: neque enim satyras, nec Epistolas, attingit, sed tantum Carminum atque Epodon libros. Scripsit idem Carmina varia: & de Imitatione Poetica libros V. ad Maximilianum Imp., Venet. 1555. in 4. editos: sed quos hætenus non vidi. Ex antiquis Horatii *Commentatoribus scholiæ* supersunt. Heisenius Acron, & Porphyrio, quos jam superiore seculo Henr. Petri, Horatio junctos, Basil. 1547. in lucem emisit: quanquam commentarios istos Auctorum nomina mentiri, cucullatamque barbariem inepte tam præcellentibus Scriptoribus, Acroni & Porphyrio, nuncupari Reinesius judicat *Defens. Var. Lect. p. 107.* Eosdem tamen decennio post emendavit, admiscuitque C. Æmilii, Junii Modesti & Terentii Scauri anno-

ratiunculas, Georg. Fabricius, Basil. 1555. fol. Ipsius Horatii editiones longo ordine recenset Spachius *Nomencl. Philos.* pag. 197. 198. 199. Antiqua admodum est Argentinenfis An. 1478. cum commentariis Jac. Locheri. Ex Aldi officina Veneriis A. 1519. prodiit. Inter Commentatores optimus videtur Lævinus Torrentius, cujus Commentarius in Horatium, cum ipsomet Auctore, & Pet. Nannio in Artem Poëticam Horatii, Antwerp. An. 1608. in 4. apud Balth. Moretum lucem vidit. Per. Gualtherus Chabotius vastos in Horatium commentarios confarcinavit, Grammaticos, Logicos, Rhetoricos, nimia, & plusquam pædagogica diligentia, Basil. A. 1591. quanquam Torrentius illo etiam usus deprehendatur, & quæ in eo bona repererat, in suum inde commentarium transtulisse videri queat. Dionysius Lambinus inprimis multum Horatio emendando atque illustrando impendit, cum cujus prolixo commentario prodiit Poëta noster Francofurti ex officina Wecheliana A. 1557. in fol., repetita editione postmodum denuo Paris. 1605. fol., una cum Adriani Turnebi atque Theodori Marcilii Læctionibus Horatianis datus. Memini & recentiorum Francofurtensem in 4. vidisse. Ceterum insigne plagiū Lambini, in explicando suis commentationibus Horatio, ex Mureti epistolis, Thomasius annotavit *de Plag. Lit.* §. 448. pag. 200. Scilicet, cum admonitus a Mureto Lambinus esset, de locis quibusdam Horatianis, quos adeo imperite erat interpretatus, ut omnibus eruditis debere ludibrium videretur; ille non est veritus dicere & scribere, eam ipsam sententiam, a qua monitu Mureti discesserat, ipsiusmet Mureti fuisse, eaque propter his ipsis argumentis Muretum exagitare instituit, quæ ab hoc in sua sententiæ oppugnationem acceperat. Veteres Scholiastas, Acronem & Porphyriōnem, si modo genuini sint, auctiores, cum suis in Horatium Commentariis, edidit Jac. Cruquius Antwerp. 1578. in 4. Cruquianos autem commentarios parvi pendunt Tanaq. Faber *P. I. & II. Epistolar. ep. 2. & 54.* & Barthius *Adversar. lib. XLII. c. 22.* Eodem circiter tempore Guilh. Xylander, doctissimus vir, Horatium, ad optimas quasque editiones accuratissime castigatum, & copiosis annotationibus illustratum, emisit Heidelberg. 1585. in 8. Quinquennio post Basileæ A. 1580. Horatius, cum omnium, quotquot tunc noti erant, 40. circiter veterum & recentiorum commentatorum, curis in fol. editus est. Jani Rutgersii Editio, quæ primum apud Rob. Stephanum juniorem Paris. 1613., & deinde apud Janfonium Amstel. 1619., edita, præter præclaras in Horatium ipsum emendationes, insignes quoque in vitam Horatii, a Suetonio haud dubie scriptam, ac ut plurimum ejus Poematibus præfigi solitam, castigationes continet, cum prius esset illa inquinatissima. Dan. Heinsius bene etiam de Horatio meruit duplici editione; prima apud Raphelengium Lugd. Bat. 1609. in 8., & auctiore multo curis posterioribus, præfixoque libro de Satyra Horatiana eleganti utique, & qui multa de Satyræ natura, & Scriptoris satyricis, præclara habet: nec non fragmentis Lucilii ac Timonis, apud Elzevir. 1612. Joh. Bondii & Minellii paraphrases marginales, quemadmodum Farnabianæ in Virgilium & Martialem, tironibus utiles sunt; sed illi alieno ingenio sapiunt, & interdum verba Auctorum, quos excerptare aggrediuntur, corrumpunt. Minelliana tamen paraphrasis Lipsiæ, cum Com-
mei.

mentario Frider. Rappolti in Satyras, Epistolas, Artemque Poëticam, plane eximio, est recusa. Supplementum Commentariis Rappoltianis addidit gener Joach. Fellerus Lipsiæ 1675. in 8. Tom. II. In Delphini usum bina vice Horatius, & a duobus etiam viris, adornatus est, Petro Rondelio primum, Jesuita Tolosano, Tolosæ 1683. in 8., tum & a Ludov. Desprezio, Paris. in 4., quæ posterior, jussu Regis adornata, priore melior est, indiceque omnium verborum auctior. Dudum vero talem Indicem confecit Thom. Treterus, ediditque Antwerpiæ apud Plantinum 1576. in 8., quem postea omnibus Horatii editionibus accommodavit Dan. Avenmannus, in libro, cui titulus, *Hodogeta Horatianus*, qui editus est Brunswigæ 1667. in 8. oblongo. Paraphrases in Horatium ediderunt Anton. Cerurus, & Eilhardus Lubinus, quibus sensus verborum commode explicatur. Cum variorum notis Corn. Screvelius Horatium edidit Lugd. Batav. 1663. in 8. Memoranda adhuc editio Horatii ab Henr. Stephano profecta, scholiisque & argumentis ab eodem illustrata: cujus secundæ editioni, Genevæ 1588. editæ in 8., Diatriben de hac sua editione Horatii, & variis in eum observationibus, adjecit. Artem Poëticam separatim paraphrasi & commentariolo explicavit Joh. Sambucus A. 1564. in 8. editam: nec non Franc. Robortellus, Pet. Victorius, F. Luisinius, Vincent. Madius, Paulus Benius, alique. Epistolarum libri prælectionibus methodicis Claudii Minois explicati sunt, iisdemque Logica analysis & moralis doctrinæ ratio illustrata. Paris. 1584. in 4. Præterimus Theod. Pulmanni, Joh. Hartungi, M. Ant. Mureti, Franc. Irenici, aliorumque annotationes, commentationes atque editiones Horatianas, aliunde vel satis notas, vel hauriendas. Non vero hic prætermittendus Mæcenas Joh. Henrici Meibomii, liber doctissimus, & qui ad Horatii ac æqualium Poëtarum intellectum haud parum facit. Nec sine magno fructu etiam amœnissima Horatii cum Pindaro comparatio legi potest, quam Gallico sermone scripsit Franc. Blondellus, ediditque Paris. 1673. in 12., & quæ a Batavis recusa, ut plurimum Rapinianis comparationibus addi solet, nimirum ob materiæ atque eruditionis paritatem simillima. Alius e Gallis, Vir eruditissimus, Andr. Dacierus, Annæ, Tanaq. Fabri doctissimæ filię, maritus, Horatium in vernaculum sermonem transfudit, & non solum, in præfigenda uberiore vita Horatii, scriptorumque serie juxta temporum rationes collocanda, occupatus fuit, sed & amplissimis commentariis ita exornatum dedit, ut nec vocum figurarumque & epithetorum sedula enodatio, nec sensus allegorici evolutio, neque adeo ad verborum aut artis explicationem quicquam, jure desiderari possit. Prodiit voluminosum opus tomis X. Paris. 1691. Anglicis Verbis Horatianas Odas, & librum Epodon, Thom. Hawkins, & Henr. Ridder expresserunt, Londini aliquoties editas.

Alterum Virgilii latus occupet jam, qui, per complures annos in Augusti Imp. 16 aula æque gratus acceptusque, tandem sinistro fati acerbioris sidere in exilium pulsus est, P. OVIDIUS NASO, Scriptor tersissimus, & merito ætati aureæ accensendus, quicquid etiam contradicant alii, ad argenteam illum, qua vi, qua injuria, rapientes. Sane Veneres omnes in Ovidium quasi conjurarunt, adeo totus molis

lis est, delicatulus, venustus, argutus. Neque est, quod morosos istos Censores, PET. VICTORIUM, qui inclementissimo judicio, corruptam, nescio quam, Latinitatem in Ovidio deprehendit; MURETUM, SCRIVERIUM, VAVASSOREM, vel idem in Poëta pulcherrimo accusantes, vel declamatorium nescio quid infra aurei sæculi genium deprehendentes, aut, quod Lipsius fecit, non bonum judicantes Poëtam Ovidium. Scilicet, suos interdum in judicando manes patiuntur Viri doctissimi; & ut palatis hominum, ita & ingeniis, aliquid indulgendum est. Mihi quidem barbarus videtur, qui barbarissimi arguat elegantias Ovidianas, quæ ille Carmen Elegiacum plane ad fastigium deduxit, adeo ut Elegiarum pulchritudini vix quicquam adderem posse videatur. Non omnino tamen luxurians ejusdem ingenium, & qui sequebantur exinde, nævos defendimus: quos a veteribus, Seneca, *Natural. Quest. lib. III. c. 27.* Quintiliano *l. X. Institut. c. 1.* aliisque, notatos, a recentioribus denuo sub eundem vocatos, scimus. Et hos inter BUCHNERUS etiam est, *libro de Commutata Rat. Dicendi pag. 237. & 407.*, qui inprimis nimium in synonymis & ταυτέλεγον esse Ovidium animadvertit. Non satis ex dignitate illum semper scripsisse, præsertim in Metamorphoseon libris, notat aliquot locis Adversariorum BARTHIVS *l. XLII. c. 18. l. LVIII. c. 9. 10. & c.*, qui tamen elegantissimum, ingeniosissimum & eruditissimum cetera fuisse, non dissiteretur. Insensus olim Ovidio erat MARCUS MARULLUS, sed adversus istum defensionem Ovidii in se suscepit Franc. Floridus, Sabinus *Apolo. p. 48.* (e qua nos etiam aliqua excerpta damus libro de Patavinitate Livii; ubi Dan. Heinsium quoque, copiam Ovidii defendentem allegamus.) Conf. Vives *de Disciplinis p. 54.* Erasmus *l. I. de Copia Verb. c. 3.* Vossius in Institutionibus Oratoris & Poëticis, aliique. Editiones Ovidii & Commentatores varios Spachius recenset *pag. 193.* Vetusta est editio Aldina & rarior, Venet. 1502. & 1503. tribus voluminibus in 8. impressa: quamvis jam ante hanc Veneta A. 1485. & Parmensis 1489. prodierit. Cum variorum notis, commentariis ac scholiis integris. Opera Ovidii ediderunt Joh. Hervagius Basil. 1550. fol., & multo amplius, III. in fol. voluminibus, Wecheliani Francof. A. 1601. Eminent autem inter eos, qui, vel emendando, vel illustrando Ovidio, operam navarunt, Hercules Giosanus, Sulmonensis, adeoque popularis Ovidii, cujus in omnia Ovidii opera observationes, una cum præmissa poëtae vita, Plantinus excudit Antwerp. A. 1583. in 8., & quas nonnullis in locis Barthius castigat *Advers. lib. XXXI. c. 3.* Raph. Regius & Jac. Micellus, quorum notis illustratum Ovidium Hervagius impressit Basil. 1543. fol. Andr. Naugerius, e cujus castigatione purior Naso prodit ex officina Plantiniana 1566. in 12. Jac. Pontanus, cujus in Metamorphoseon opus extat commentarius, una cum Valerii Andr. Desselii in Ibin & Franc. Sanctii notis, Antwerpiae 1618. fol. proculus: Tristium & de Ponto libri jam, cum ejusdem Pontani commentario, & Hortulo Ovidiano, præcesserant Ingolstadt. 1610. fol. Ut in libros Amorum & Heroides scriberet, sanctitas Jesuitica non permittebat. Carolus Neapolis, qui in Fastos Ovidianos scripsit Commentarium, Antwerp. A. 1639. publici juris factum, sed qui mihi sapere Putecaneam officinam videretur. In eosdem Fastos scripsit etiam J. Bapt. Guarinus, teste Gaddio p. 219. Dan. Heinsius, e cujus recensione Ovidius Lugd. Bat. An. 1628. 3. vol. in 12. in orbem exiit. Vicit tamen omnes

omnes filius Danielis, Nicolaus Heinſius quem ipſum Ovidii genium appelles, adeo feliciter in carmine illum imitatur. Propterea eundem ſibi etiam elegit, quem in primis magno ſtudio emacularet: & cum id per annos pluſculos præ ſe ferret, ironiam Sarravii evitare non potuit, prout ex Epistol. huius ad Alex. Morum pag. 15. pater. Dedit tamen, magno cum Virorum doctorum applauſu, Heinſius primo Ovidium a ſe recenſitum Amſtelod. A. 1658. in 12., mox iterum 1661. in 12. voluminibus, cum notis ſuis, quæ editio, & nitore, & præſtantia, reliquas fere omnes ſuperat. Excusat equidem Heinſius feſtinationem editionis: ſed non nimiam tamen illam fuiſſe, ex epistola Sarraviana modo allegata diſcimus, quæ ſcilicet, jam A. 1639. ſcripta, occupatiſſimum Ovidiano labore Heinſium nobis narrat. Heinſianum textum ſervarunt poſtmodum reliqui Editores omnes Ovidii, Corn. Screvelius, qui eum Lugd. Bat. 1661. in 8. 3. volum. cum variorum notis, dedit; Burchardus Cnippingius, alterius Batavæ editionis, cum Nicol. Heinſii omnibus, & variorum ſelectis notis, editæ, curator Amſtelodami 1670. 3. volum. in 8. atque Daniel Crispinus, Helvetius, qui, in Delphini Galliæ uſum, Lugdun. A. 1689. in 4. Ovidium, interpretatione ac notis, indiceque omnium vocabulorum, ornatum exhibuit. Gallicos in Ovidii Heroides Commentarios ſcripſit Claudius Bachetus Meziriacus, quos erudiſſimos vocat, commendatque lectoribus ſuis Menagius *Obſerv. in Malherb. p. 329.* Prodiſerunt Burgi Sebuſianorum An. 1626. in 8vo. Propoſuerat etiam ſibi aliquando Salmaſius emendationes & notas in Ovidium ſcribere, teſte Craſſo in *Elogiis T. II. p. 20.* Verum, inter tot alios Viri ſummi conatus, iſte quoque una evanuit. Metamorphoſeos Ovidianæ Epitomatorem, qui proſa oratione libros ſingulos in compendium redegit, Luſtatum Placidum, laudat Barthius *Adverſ. l. X. c. 8.*, idem, de Halievrico male Ovidio tributo, *l. XLVIII. c. II.* alibique, videndus.

Claudat agmen ſcriptorum Latinorum auræ ætatis vir Mathematicis artibus 17 ævo Auguſteo clariſſimus M. VITRUVIUS POLLIO, quem pro Marco Lucium, in editione Florentina anni 1496. contra codicum plerorumque fidem, dici, Voſſius de *Scientiis Mathematicis. p. 292.* obſervat. Aliter circa nomen Vitruvii errare Andr. Alcium; qui Pollionis nomen labefactavit, & Janum Parrhaſium, qui Veturrium Ruſum noſtrum auctorem hunc appellari voluit, CASP. BARTHIIUS annotat *Adverſ. l. I. c. 10.*, ibidem de ſtylo Vitruvii tale ferens iudicium. *Eſt ſtyli genus in hoc auctore, quod alii ævo cuilibet potius des, (quam Auguſteo,) ſi certa fides abſit: coactum nimirum eruditionem Græcam ſapiens, & manum opificis, non ingenium ſcriptoris, olens.* Sic & Sciorpius peregrinitatem & plebitatem in Vitruvio agnoſcit: hoc item alii & hinc, poſt curas aliquot Virorum doctiſſimorum, obſcurus tamen & difficilis Scriptor eſt. Poſt illam antiquiſſimam Florentinam editionem, quam diximus, Vitruvii de Architectura libros X. ad Auguſtum Imp. caſtigatos a ſe, Venetiis A. 1511. dedit Joh. Jocundus, quæ editio apud Juntas Florentiæ A. 1522. recuſa eſt. Inde Guil. Philander Caſtilioneus, emendando illuſtrandoque noſtro manus admovens, præſtantiſſimas notas, quæ præ ceteris commendari merent, in eundem conſcripſit; ediditque ita Vitruvium primo Romæ A. 1544. ap. Joh. Andr. Doſſenam: qui, mox Pariſiis 1545. & Argentiniæ 1550. repeti-

peritiam, tandem cum auctoribus notis Lugduni 1552. in 4. prodiit. Post Philandrum, Daniel Barbarus ad ornandum Vitruvium accessit, ediditque & Latinum, cum notis suis atque figuris, & Italice a se versum Venetiis 1567. in 4. Inde Bernardino Baldo, Urbinati, occasionem Vitruvii illustrandi VESPASIANUS GONZAGA, Sabionetæ Princeps, dedit, qui Virum istum doctissimum, præter prodigiosam linguarum variarum peritiam (de qua alibi hoc ipso commentario actum,) Mathematicas etiam artes omnes apprime callentem, accersivit ad se, & in locis Vitruvii obscurissimis difficillimisque, præter eum, alio interprete aut magistro usus non est. Atque hinc natum præclarum Opus de verborum Vitruvianorum significatione, seu perpetuus in Vitruvium Commentarius: præfixa ejusdem vita, Augustæ Vindel. 1613. in 4. emissum: quod, uti loquitur Erythræus *Pinacoth. l. p. 5.* immortalem illi famam apud Transalpinos homines peperit. Conf. Gaddius de Script. T. I. p. 81. cujus de Baldo judicium quid obstat quo minus hic apponamus: *Bernard. Baldus, ait, vir doctissimus fuit, multarum linguarum, multarum scientiarum. Scripsit & Latina poemata omnis generis, in singulis, præcipuos imitatus. Edidit quoque varia Mathematica & Theologica. Omnium regionum historiam ac descriptionem aggressus absolvare non potuit.* Totum vero Baldi Lexicon Vitruvianum, integras item Guil. Philandri notas, & excerptas Dan. Barbari, una cum adspersis Claud. Salmasii haud paucis, & Scamilli Imparibus Vitruvianis nova ratione expositis, quæ olim Augustæ separatim prodierunt, in nova atque nitidissima editione sua, multis iconibus æri incisus exornata, junxit Joh. de Laet Lugd. Batav. 1647. in fol. Cum autem e lectione Vitruvii ad architectos etiam, Latinæ linguæ ignaros, multum fructus redderet, mirum non est, si in vulgares etiam linguas translatus sit. Sic, præter illam Barbari, quam diximus, Italiam versionem, alia antiquior, Mediolani A. 1521. cum commentario Cæsaris Cæsareani excusa, extat Germanica etiam versio Vitruvii a Gualthero Rivio, Medicinæ D. adornata, Basileæ A. 1575. fol. lucem aspexit. Gallice autem ut quam accuratissime redderetur Architecturæ magister Pollio, ipse etiam Colbertus, dum in aula Regis Gall. primas teneret, curam gessit, deditque id negotii Claudio Perralto Medico & regię Scientiarum Academię membro insigni, qui An. 1673. sex priores de Architectura libros, figuris affatim, suisque etiam notis, illustratos, Paris. fol. prodire fecit. Molitus etiam aliquando in Vitruvium aliquid Hier. Cardanus erat, sed nihil dedit. Conf. alias de Vitruvio Vives *de Disciplinis* p. 524. & Vossius *de Scient. Mathem.* p. 463. ubi docet, extare etiam incertum, sed veterem fortasse scriptorem, qui ex Vitruvio Architecturam compendio construxerit, editum a Guilh. Postello Paris. 1540. apud. Mich. Vascosanum.

- 18 Quod si Barthio aurem præbeamus, pertinet adhuc ad ætatem Latinitatis auream ÆTHICUS, Ister, cujus *Cosinographia* cum *Antonini Itinerario* semper excudi solet. Hujus enim stylum adeo Vitruvianum genus scribendi referre ait, ut nihil similis viderit: censetque adeo BARTHIUS, fuisse Æthicum quendam mechanicum, Julii Cæsaris ætate, qui primum forte Cosinographiam literis conceperit, *Advers. l. XLV. c. 13. § 18*; ubi interpolatum tamen mirum quantum a Christianis cum Scriptorem suspicatur, & ingri-

inprimis ab homine ævo Theodosii M. claro. Contra G. J. Vossius, qui non recte Barthium cepit, ad Theodosii tempora ipsiusmet Aethici ætatem, cum Simlero & aliis, collocat, quanquam nonnihil fluctuabundus de *Hyst. Lat. p. 692. & de Scient. Mathem. p. 40.* Sunt utrique suæ rationes, quæ commodius ibi legi possunt. Antonini Itinerarium Barthius haud dubie etiam ab eodem Aethico scriptum retur: quam recte, non dico, nec inquiri nunc, sed me magis cum Vossio sentire fateor de *Philologia p. 52.* Plane autem insaniunt, qui Cosmographiam Aethici, seu Julii Oratoris (ut habent codicum aliqui,) Julio Cæsari adscribunt. Prodiit jam apud Aldum Vener. A. 1513. in 8. Aethicus cum Antonino, exinde Lugduni, recusus, & Basil. A. 1571. cum scholiis Josiæ Simleri, & additis fragmentis similibus e bibliotheca P. Pithæi; prodiitque illa editio etiam Parisiis 1577. Auctiorem & emendatiorem editionem, ex antiquissimis schedis, Cl. Salmasius promitterat: verum satis habuit promisisse.

C A P. XII.

IN QUO PARI CELEBRANTUR DILIGENTIA ET
ACCURATIONE CRITICA,

AUTORES LINGUÆ LATINÆ EX ÆTATE A R G E N T E A.

- f. 1. M. Manilius. 2. C. Julius Hyginus. 3. Caesar Germanicus Arateorum Interpres.
4. T. Phædrus. 5. Vellejus Paternulus. 6. Valerius Maximus. 7. Corn. Celsus.
8. L. Annaeus Seneca, Philosophus, M. Annaeus Seneca, Rhetor, & Seneca Tragicus.
9. M. Annaeus Lucanus. 10. T. Petronius Arbitor. 11. Pomponius Mela.
12. Gratius, Cynegetici Scriptor. 13. A. Persius Flaccus. 14. Q. Curtius Rufus.

Excrevit præter opinionem in molem justo majorem caput præcedens, quod
SCRIPTORES LATINOS, ad ÆTATEM AUREAM pertinentes, recensuit.
Nunc ad ARGENTEAM ÆTATEM, quæ ab Imperii Tiberiani temporibus
ad Vespasianorum usque tempora supputari solet, pedem promovemus. Et
in ea primum ponimus MARCUM MANILIUM, Poëtam & Astrologum
celeberrimum: ut sic a Mathematico scriptore caput istud incipiat, velut præce-
denti colophonem Vitruvius atque Aethicus imposuere. Quod vero Manilium
attinet, seu, ut alii vocant, Plinii præsertim adducti auctoritate, Manilium, cujus
poëma *Astronomicon* ad Augustum Imp. scriptum habemus, diversâ admodum de ejus
ætate recentiorum est opinio. Quamplurimi enim nequaquam ad argenteum, sed
omnino ad aureum seculum illum referendum ajunt, quippe qui sub Augusto vixe-
rit, extremis ejus temporibus scribens. Alii contra demum ad ferream ætatem
Manilium relegant: qua in sententia fuit Gaspar Gevartius in *Electis*, idemque sen-
sit olim Ger. J. Vossius lib. II. de *Arte Grammat. c. 26.*, nempe Theodosii temporibus

Tomus I.

Sss ss

eum

cum demum vixisse tradentes, celebratum a peritia Astronomica a Claudiano Poëta, & Julium Firmicum, qui sub Constantino M. vixerat, etiam imitatum. Verum revocavit deinde istam sententiam suam Vossius *de Poëtis Lat.* p. 36., & legenti sibi Manilium iterum iterumque omnia Augusti temporibus convenire videri, fassus est. Hinc Buchnerus, neque Gevartii, neque Vossii, rationibus adductum se profectur, ut Manilium Augusteo ævo eximat; *de Commut. Rat. Dic.* p. 326., & Barthius sub Augusto scripsisse Poëtam hunc dubitare non posse certo pronuntiat, quicunque modo finem libri primi perlegerit. Quod idem etiam asseverat Salmasius, & male Theodorum Manlium, quem Consulem creatum laudat Claudianus, & qui pedestri sermone librum de Rerum Natura, causis naturalibus & astris scripserat, cum Manilio Poëta confundi, notat: *præfat. ad Luc. Ampelium suum.* Et quemadmodum, hoc semel posito, plane absurdum est, Firmicum a Manilio, multo quippe antiquiore, usurpatum existimare; contra neque Manilium a Firmico visum, aut ad imitationem propositum, unquam fuisse, pluribus argumentis se ostendere posse idem Salmasius fidem facit, *de Annis Climacter.* p. 587., cum alias Scaliger exscriptum haud raro totidem verbis a Jul. Firmico Manilium contendat, & assentiat G. J. Vossius. Ceterum, uti stylus Manilii jam asperior nonnihil ævo aureo est, & extremis ejusdem annis cufus; ita non male adeo fecisse putabimus, si Scriptorem, cujus vita ad Tiberium magna ex parte pertigit, Scioppium secuti ad argenteam ætatem referimus. Neque vero integrum ejus Astronomicon superest, sed solum libri V., & quinto tamen aliquid deest. Iidem libri Maniliani ob res & materiam difficiles admodum & obscuri sunt. Interim Auctorem eorundem, quanquam non principibus poëtis annumerandum, ornatissimum tamen vatem, & multis ex tumidis buccinatoribus ingenio priorem, recte Barthius judicat, *Advers.* l. X. c. 26. Lud. Vives de Discipl. p. 541. *Manilii Astronomicon*, ait, grave est, sed didascalicon & sine motu, quemadmodum de Arato Quintilianus inquit: *etsi hic noster assurgit nonnunquam, & ardentius spirat.* Primus Manilium edidit Poggius Florentinus Bononiæ A. 1474. quam editionem MSto Codice haudquaquam minorem habet Barthius *l. l. c. 8.* Decennio post Florentiæ Laurent. Bonincontrius, cum notis suis, eundem evulgavit 1484., postmodum ab Aldo editus est Venet. 1499. fol. & ab Hervagio Basileæ 1551. fol. utrique cum Firmico, Arato Græco & Latina Germanici Cæsaris versione, aliisque adhuc similis instituti Scriptoris. Editus etiam est Romæ apud Mazochium in 4., & Lugduni apud Tornesium 1566. in 16., Jos. SCALIGER autem, cum in Manilio complurima inquinata, corrupta, aut obscura, deprehendisset, ad emendandum non minus quam illustrandum Romanum Astronomum sese applicuit, atque id suis Annotationibus consecutus est, ut omnium vel laudes, vel invidiam, mereretur. Edidit primo Paris. A. 1577. apud Mamertum Parissonum in 8. quæ editio apud Commelinum Heidelb. 1590. in 8. denuo prodit, Franc. Junii Varii Lectionibus & notis auctior: (in quibus præclare multa esse observata, Gerh. Joh. Vossius monet, eaque minus candide a Scaligero celata ait, *Epist.* 24. ad Hug. Grot. p. 82.) Auctior secundis curis Scaligeriana editio, a Raphelengio Lugd. Bat. in 4. 1600. excusa est. Tertiam vero, multis iterum additionibus locu-

locupletatam, una cum Thomæ Reinesii & Ism. Bullialdi quibusdam animadversionibus, Argentinae procuravit Joh. Henr. Boeclerus A. 1655. in 4. Quamquam vero tantum sibi ipsi tribuerit Scaliger, ut neminem ita, prout ipse, Manilium, intelligere posse, jactitarit, Juniumque accusarit delirii ob tentatam locorum aliquot correctionem in *Excerpt. Putean. p. 215.* non semper tamen acuram tetigisse Scaligerum, sed in emendationibus crebro impegisse, aliquando non satis bene intellexisse Manilium, Casp. Barthius passim in *Adversariis* animadvertit, *l. I. c. 8. IV. 3. VI. id. XVIII. 12. & 18. XXII. 15. &c.* Qui & Franc. Junium parum attente codice suo, quem postmodum Barthius etiam inspexit, usum observat. Colomesius in *Opusculis* p. 101. Casp. Gevartium, ait, sibi Commentaria in Manilium, jam parata typis, & propediem edenda, monstrasse. Nihil tamen eorum prodiit. Salmasius vero multum inferuit Manilio illustrando tum in *Exercitationibus* Plinianis, tum in *Diatriba de Annis Climactericis & Astrologiæ veritate.* In usum Delphini editus est Manilius, cum *Commentar. Mich. Fayi, Scaligerique & Pet. Dan. Huerii* notis, Paris. 1679. in 4. Guido Fabricius Boderianus Manilium Gallicis versibus exprimere olim cœpit, jamque librum primum ad finem se perduxisse ad Scaligerum scribit, reliquos etiam adjecturus, ad quod negotium curas Scaligerianas sibi longe plurimum profuturas ait. *Vid. Ep. Gall. ad Scal. l. I. ep. 17. p. 28.*

Cum Manilii *Astronomico*, in Aldina & Hervagiana Editionibus, excudii et-² iam solet C. JUL. HYGINI *Astronomicum Poëticum*, seu *Historia siderum*: fabulas de eorum in cœlum translatione narrans. Non in eodem vero pretio Hyginus apud omnes habetur. Nam, qui cum Augusti Cæsaris libertum credunt, Polyhistorem, & Palatinæ Bibliothecæ præfectum, de quo Suetonius agit de *Illustr. Grammaticis* c. 20. illi ad ætatem auream cum referunt, quod BORRICHIVS facit, & alii. Contra nonnullos deprehensa in Hygini scriptis barbaries offendit, ne idem crederent, & mentio *suorum Imperatorum*, quæ Augusti ævo non convenit; adeoque ad Antoninos potius illum Auctorem referendum censet BARTHIVS *lib. II. Advers. c. 20.* aut potius veterem Hyginum ab alio, nescio quo, recentioris ævi homuncione contractum putat, simul & alia quædam ex aliis Autoribus constipata, ut non integer Hyginus amplius supersit, sed contractus parum judiciose & interpolatus. Priori Barthii opinioni non multum adversatur VOSSIVS de *Scientiis Mathem. c. 34. §. 8.*, & adstipulatur JOH. SCHEFFERUS, qui conjunctim Hygini opera Hamburgi & Amstelodami A. 1674. in 8. edidit, in *Dissertatione* de vero hujus operis Auctore, ætate atque stylo, quam libro præfixit. Addidit vero etiam Schefferus tum suos, tum Thomæ Munckeri *Commentarios.* Separatim alias Hygini *Liber Fabularum* editus Basileæ 1570. Heidelbergæ 1599. *Poëticon Astronomicum* præter alias editiones Venetiis 1485. lucem publicam aspexit. *Græmaticon* ejus, sive librum de *Castrametatione*, primus edidit Adr. Turnebus Paris. 1554. in 4., postmodum Nicol. Rigaltius illum notis illustravit, & Petr. Scriverius suo *Vegetio* adjunxit Lugd. Batav. 1607. *Fabularum liber* cum Palæphato, Phurnuto, Fulgentio, aliisque Scriptoribus mythicis, Paris. 1578. in 8. editus est, & Amstelodami 1681. cum notis Th. Munckeri.

3 Non minus ratione instituti, quarti temporis, jungi prioribus duobus, Manilio & Hygino, solet CAESAR GERMANICUS, qui Arati Poëtae Græci Phænomena Latino carmine expressit. Equidem hunc Cæsarem Suidas & Julius Firmicus C. Julium Cæsarem, Dictatorem, fuisse scribunt: sed eos falli, & Cæsarem Domitianum, a victis Germanis Germanicum dictum, ejus μεταφράσεως autorem esse, Vossius contendit *de Poëtis Lat. pag. 48.* Plurimi Cæsarem Germanicum esse magnum illum Augusti Imp. nepotem, Drusi F., credunt, quod etiam haud improbabile. Præter Bononiensem editionem anni 1474., Aldinam & Hervagianam, quæ Manilium, Hyginum, Firmicum, ipsumque Aratum, aliosque, una cum metaphrasi Germanici, exhibent, omnium optima est & elegantissima Arateorum editio, quam Hugo Grotius Lugd. Bat. in 4. A. 1600. adornavit.

4 Hyginum Augusti Imp. libertum diximus. Alius ejusdem Imperatoris libertus est TITUS PHLEDRUS, Thrax, cujus *Fabulae*, sub Tiberio Imp. scriptæ, elegantissime Latinitatis, & plane aureæ, certatim commentariis Virorum doctissimorum illustratæ sunt. Expertus equidem & hic Autor rigidos Latinitatis suæ Censores est, delicatulos illos, qui omnem fere cibum fastidiunt: sed repressit illos, atque optimi sermonis Auctorem strenue defendit, JOH. SCHEFFERUS. Vide, si placet, quæ de ea re libro *de Patavinitate Libri p. 159.* diximus. Diu autem in scriniis veluti sepultus delituit Phædrus, donec illum protraheret, ederetque libros ejus V. Fabularum Æsopicarum, jambis elegantissimis scriptos, Petrus Pirhæus, cum Notis suis, Contr. Rittershusii & Gasp. Scioppii, qui postremus Auctarium quoque fabellarum ex aliis auctoribus adjecit, Auguitoduni 1576. in 12., repetita mox illa editione Lugduni Batav. 1598. in 8. Insequente anno Nic. Rigaltius Parisiis Phædrum cum suis notis emisit: estque ea editio curis secundis Rigaltii Paris. 1617. & tertiis 1630. recusa. Rigaltianis notis suas adjecit in librum I. Phædri Petrus Axenius Hamburgi A. 1671. in 8. Textum ex emendatione Rigaltii retinuit, suasque Phædro notas, & Gallicam Albini nescio cujus versionem, apposuit Tanaq. Faber, Sal-murii 1657. in 4. & 1655. (Verum & de Rigaltianis, & Fabri curis, abjectissime judicat MARQ. GUDIUS Epist. VII. ad Nic. Heinsium p. 8., ubi postquam satis diu in Tanaqu. Fabri Epistolas & alia varia *Φωαίσις*, ut ille loquitur, documenta, esset invec-tus: de Phædro etiam ejus ita scribit. *Quam sunt inanes ad Phædrum conjecturae, in quibus nihil sani reperio: misere omnem operam ludit ὁ κριτικός. Si quis mihi fidem non habeat, loquatur Phædrus ipse:*

- - - Materie tanta abundat copia,
Labori Faber ut desit, non Fabro labor.

Inspecte locum, & videbis præfagientis sibi suavis-simi fabulatoris venustum oraculum: non indigna est ἐμπύρεσφι, quæ curis Sal-murien-sibus præfigatur. Hoc imprimis non possum exputare, quod judicio Rigaltianam tertiam editionem typis repeti curaverit. Nulla est minoris fidei & probi-tatis. Rigaltius ibi contra veterum librorum Auctoritatem, locis paulo corruptionioribus, aut plane deletis, aut frivole mutatis, suo arbitratu textum turpiter deformavit, pessimo exemplo, ut lectori ne minimam quidem rationem audacia sue redderet. Pergit Gudius, idque exem-pio

plo probare, & tum in Salmasii emendationes nonnullas Phædri stylum stringit) Fabrum in adornando suis studiis Phædro excepit Joh. Schefferus, & omnino ter illum edidit, suis & Franc. Guieri notis, indiceque Freinsheimii locupletissimo, illustratum, Upsalæ 1663. 1666. & Hamburgi 1673. in 8. Addidit quoque Albini versionem Gallicam. Posthumus Joh. Freinsheimii in Phædrum notas cum indice Henr. Holstius Argent. 1664. in 8. edidit. Scripsit & in eundem Auctorem notulas quasdam Isaac. Neveletus, & Joh. Ludov. Praschius. In usum Delphini illum edidit Paris. 1675. in 4. Petrus Danerus. Apud Batavos, cum figuris æneis & notis Variorum, Joh. Laurentius: Amstelod. 1667. in 8. Post tot multorum Criticorum labores, multi supersunt tamen in textu Phædri errores, ac vincet omnium conatus, si quando in lucem prodibit, *Marq. Gudii Commentarius (nn)* qui Vir Illustris, Rigaltiano codice usus, magnam invenit emendationum copiam, quas non observaverat Rigaltius ipse. (Rogatus fuerat olim Gudius a Scheffero, ut ipsi Phædrum edituro notas suas una edendas communicaret, verum abnuvit ille, quanquam paucis diebus colligi sua, & in ordinem digeri posse, fallus, rationem vero denegati officii istius adiecit graviora in itinere suo negotia. *vid. Epist. cit.* Nihil omnino dedit autem ille, dum viveret: nunc post mortem ejus, in Belgio esse, qui digerat, & qui editionem Phædri pareret, ajunt: quod ut quamprimum fiat optandum est: neque enim vulgaria Gudius promittit) Refert in Epistolis ad Scaligerum Gallicis Nicol. Fabricius Perreusius, se ex Pinello aliquoties audivisse, Scalligerum esse in Phædrum aliqua molitum, cujus rei certitudinem exposcit. Verum nihil earum Animadversionum unquam comparuit. *vid. Ep. 46. lib. I. & ep. 39. lib. III.* In Rigaltiana Phædri editione multas esse notas Salmasianas Laur. Crassius testatur Elogior. P. II. p. 210. Ceterum de dictione Phædri inprimis etiam conferri merent Vavassor *de Ludicra Dictione* p. 295. seqq. & Barthius *Adversus*. I. XLII. c. 10. & I. LII. c. 3. qui eum a censura nasutulorum defendit, simul loca quædam illustrat.

Poetas insequatur elegans ejus temporis Historiæ Romanæ Scriptor, VEL-
LEJUS PATERCULUS, seu Cajus ille, seu Publius, sive demum Marcus vocatus fuerit, miles olim, & sub Tiberio in Germanico bello peditum præfectus, in Pannonico sub eodem legatus; postea, abdicata militia, *Historiam rei Romanæ* scribere aggressus est, librisque duobus compendium illius dedit; quorum prior tamen, gentium aliarum historiam enarrans, magna sui parte mutilus est. Postquam Vellejum primus Beatus Rhenanus, cum quibusdam notis Joh. Alb. Burerii, e typographia

Sss ss 3

phia

(nn) Marq. Gudii in Phædrum Commentationes, in Joh. Georgii Grævii manus, post Autoris mortem, delata, & hujus Viri Summi ductu atque auspiciis, a Pet. Burnianno, Ultrajectino, e Schedis minutis ac palantibus, magno cum labore, collecta digestæque, in Editione Phædri Amstelodamensi, a Burmanno A. 1698. in 8vo curata, Notisque Variorum insuper aliis, partim integris, partim excerptis, locupletata, lucem jam aspexerunt publicam, & a Literarum istarum Amalici ingenti cum applausu sunt exceptæ.

plura Frobeniana, Basileæ A. 1520. in lucem protulisset, nescio quid ANDR. ASULANO in mentem venerit, ut, in *Præfatione ad Livium* a se editum, graviter ob id in Basileenses inveheretur, velut spurii Scriptoris intempestivo, admodum protrusores, quæis omni modo propterea detractum cupit. Verum longe aliter omnes eruditi judicarunt, quæis Vellejum inspiciendi cura fuit: recteque LIL. GRIG. GYRALDUS, *Dial. II. de Poëtis*, insulam vocat sequiorem illam suspicionem Asulani. Atque hinc certatim Vellejum illustrarunt Jac. Bongarsius, Valens Acidalius, Janus Gruterus, Justus Lipsius, Jac. Schegkiius, Aldus Manutius junior, Fulv. Ursinus, Frid. Sylburgius, Godeschalcus Stewechius, Gerhardus Vossius adolescens, Gerhardi Johannis F. Christoph. Ad. Ruperrus Joh. H. Bæclerus, alii, quibus ob passim observata in Vellejum etiam Scaliger & Salmasius annumerari merent. Ex omnium horum laboribus notas, quas præcipuas judicabat, excerptis, ediditque ira, Anton. Thyssius Lugd. Bar. 1668. in 8. Bæcleri editio duplici vice prodit, elegantissimo commentario instructa: semel illi adjecta etiam est dissertatio de Amnestia, sed quæ in editione secunda, Argent. 1663. in 8. excusa deest, & loco ejus adsunt *Characteres politici Vellejani*, elegans libellus, seorsim & ipse A. 1672. editus, quo examinat Auctor descriptiones personarum, quas instituit Vellejus coloribus politicis. Editio Lipsii cum Tacito procurata est apud Moretum Antverpiæ A. 1607. postquam A. 1592. jam cum illius emendationibus prodierat. Aldus Manutius suam Vener. A. 1581. in 8. exhibuit. In Delphini usum Rob. Riguez, Jesuita, Vellejum, paraphrasi, notis & indice vocabulorum omnium, instructum, dedit Paris. 1675. in 4to. (Nuper etiam An. 1693. Vellejus Oxonii editus ab anonymo quodam Viro docto est, additque Henr. Dodwelli, Viri eruditissimi, Annales Vellejani.) *Fragmentum* quoddam *Velleji* magno strepitu Wolfg. Lazius e bibliotheca Cæsarea protulit; sed cui se opponunt, falsique nominis fragmentum, ex Abbate Urspergensis depromptum, ostendunt Velferus & Vossius, ille Rer. Augustan. I. III. hic de Hist. Lat. I. I. c. 24. p. 120. seq.

- 6 Sub eodem Imp. Tiberio vixit VALERIUS MAXIMUS, paulo tamen, ut observat Vossius, post Vellejum, quippe qui Sejano turpiter adhuc adulatur, quem contra Valerius interemptum jam vehementer exagitet. Dictio tamen ejus tam aspera est horridaque, ut jam olim ERASMUS, in *Ciceroniano*, Afro magis similem esse, quam Italo, eum Auctorem judicaret, nec magis Ciceroni similem, quam homini mulus. Hinc in varias opiniones itum a Viris doctis. Plerique non integrum Valerium, sed ejus epitomen, tantum superesse volunt: quod tamen non usque adeo certum. Reliquit *Exemplorum factorumque memorabilium, libros IX.* In exemplaribus hujus Auctoris tantam esse varietatem, notat BARTHIVS *Advers. l. XIX. c. 5.* ut componere nova veteribus adorsus vix scias, quorsum vertere sententiam velis. Idem Barthius *l. I. c. 10.* Valerium Maximum, minime ex genio seculi locutum, Virruvio levio-rem invidiam facere posse ait: adeoque quin ipsiusmet Valerii labor is, quem habemus, hodieque supersit, non dubitat. Conf. Ludov. Vives de Discipl. p. 521. Antiquissima Valerii Maximi editio est Veneta, quæ apud Joh. Forolivium cum Omniboni Leonicensi commentariis, An. 1482. in fol. prodit. Alia Veneta est anni 1494. cum commen-

commentario Oliverii Arzignanensis, cui postmodum Jod. Badius Ascensius notas suas adjecit, & recudit ita Valerium Paris. 1522. Prodiit & Aldina Valerii Maximi editio, aliaque iterum Veneta, cum notis Sebast. Corradi: Basileenses aliquot suis notis illustravit Henr. Glareanus: Steph. Pighius autem repurgando e codicibus MSS. Auctori horas bonas optimo cum successu impendit, & locis sexcentis castigatum, cum suis notis edidit apud Christ. Plantinum A. 1567. in 8. Repetitis inde editionibus Justus Lipsius quoque suas notas adjecit: ibid. 1585. & 1592. in 8. Hanovienses Lipsii Pighiique curis Christoph. Coleri animadversiones adjecerunt A. 1614. in 8. Extant & in Valerium CHRIST. AD. RUPERTI *Dissertationes & observationes*, seorsim editae, una cum observationibus ad Vellejum, quibus multa, quae ad variam eruditionem & civilem prudentiam spectant, continentur. Ex his omnibus excerptis systema editionis Valerii cum variorum notis confecit Anton. Thysius Lugd. Bat. 1651. 1655. & 1670. in 8. Joh. Vorstii editionem Berol. 1672. in 8. nemo ignorat. In Delphini usum edidit Valerium Maximum Petrus Josephus Canelius Paris. 1679. in 4.

Ad hanc classẽm Auctorum etiam pertinet CORNELIUS CELSUS, qui ca-7
 stissima Latinitate sua, qua rem difficillimam, artem Medicam, expressit, id consecutus est, ut *Latinorum Hippocrates, & Medicorum Cicero*, diceretur. Sed mendis plena sunt haec Opera ejus. *Primum prodire* apud Joh. Rubeum, cum ejusdem notis, Venet. 1493. in fol. inde saepius Veneriis, Parisiis, Basileae, Lugduni, Aureliae Allobrogum, Hagenoae repetita sunt, & notis identidem variorum doctorum virorum, Bapt. Egnatii, Guil. Pantini, Rob. Constantini, Jerem. Thriverii Brachelii, Balduini Ronsssei, Pet. Pauwii, Joh. Casarii, Joh. Ant. van der Linden, emendatus illustratusve est, sed multa tamen supersunt in ipso textu sphalmata, MSS. codicum & Criticorum defectu nondum sublata. Et miror sane, ex tam ampla Criticorum gente neminem fuisse haec, qui sufficientem laboranti medico manum medicam adhibere voluerit. Optima fere est editio, quae cum notis Brachelii & Ronsssei Lugd. Batav. 1592. apud Franc. Raphelengium, in 4. excusa est: Lindeniana Elzevirianis typis in 12. 1657. prodiit. Nuper vero A. 1687. insignis ille Philologus atque Medicus, Theodorus Janssonius ab Almeloveen, non minus nitidam, quam emendatam Celsi editionem, Amstelodami in 12. adornavit, inseruitque illi Scholia, quae inter legendum suo codici Isaacus Casaubonus adscripserat, addit & Rob. Constantini notulas, tum locos ubique parallelos, tam ex ipsomet Celso, quam quae ex Hippocrate ad eum illustrandum facerent, appinxit, indiceque rerum & verborum locupletavit. *Uberrium indicem*, seu *Lexicon* potius, in Celsum, una cum *Variis lectionibus & notis*, olim JOH. RHODIUS confecerat, quae, cum amplissimis suis commentariis medicis, Philologicis, Antiquariis, in Celsum edere moliebatur Thomas Bartholinus, verum utriusque curas longe utilissimas ferale Bibliothecae Bartholinianae incendium sufflaminavit: qua de re Bartholinus in Epistola de incendio Bibliothecae suae queritur. E laboribus Rhodii Vita tamen Celsi superstes mansit, quam editioni suae Almeloveenius praemisit. Ceterum aliorum quoque Virorum doctorum molitiones in Celsum evanuerunt. Fuit Tonningae Medicus quidam doctissi-

Attilius JACOBUS HOIUSTIUS, qui a multis annis saxum hoc volvit: ac vidi ipse aliquando commentarii ejus partem aliquam, quem ille triplicem struxit, *Medicum, Philologicum & Grammaticum*: sed, cum MSS. codicum copia fuerit destitutus, non satis feliciter hoc in argumento versari poterat: ast tamen luce dignus labor illius est, quam an aliquando aspecturus sit, dubito, cum jam ipse satis concesserit. Similiter Jos. Scaligeri, Joh. Walæi, Ælii Everh. Vortlii, Jac. Mentelii, conatus in Celsum perierunt.

- 8 Quod si vero de Justino, num recte ad aetatem argenteam referatur, dubitarunt aliqui, de M. ANNEO, & L. AN. SENECAE dubitari haudquaquam potest. Pulcherrima utriusque Rhetoris ac Philosophi, Opera illa sunt, & inprimis hujus scripta sapientiae moralis plenissima. De stylo Senecae jam tunc aliquid a nobis dictum, cum de ejus Epistolis ageremus *lib. I.* Recte sane judicavit QUINTILIANUS, *Inst. lib. X. c. 1.* ejus imitationem adolescentum manibus exequendam, cum Eloquentia Senecae dulcibus vitiis abundet, quae facilius, quam saniora, a juventure in imitationem trahuntur: quare, ut a robustioris ingenii hominibus, & severiori lectione satis firmatis, legatur, suadet. Luculentum de Seneca, & prolixum judicium ERASMI vid. in Epistolis ejus, lib. XXVIII. ep. 12. pag. 1663. cui addi etiam potest GRONOVIVS in epistola nuncupatoria sui Senecae. PATINVS tanti Senecam fecit, ut eum, Plutarcho & Aristoteli junctum, Bibliothecam integram constituere posse crediderit. Praecipuae Senecae editiones sunt Parisiensis, quae cum Ferd. Pinciani, M. Ant. Mureti, Nicol. Fabri, Jani Gruteri, Franc. Jureti, Andr. Schotti, aliorumque, notis A. 1637. in fol. excusa est: Lipsianae aliquot, Antwerpiae, Lugduni Batav. & Amstelodami, diversis formis editae, & identidem a Lipsio revisae: inprimis vero ceteris praestant Gronovianae duae, quarum prior Amstelodami apud Elzevirios 1659. in 12. IV. voluminibus, lucem publicam aspexit; posterior junctas quoque Lipsii notas integras, & in Rhetorem Senecam Andr. Schotti curas, ut & notas Joh. Schultingii, habet, proditque iterum apud Elzevirios 1672. in 8. voluminibus tribus. Miserat jam olim GRONOVIVS A. 1650. suas in Senecam notas, tum adhuc MSS. Sarraivio, ejusque judicium flagitarat: ad quod petatum ita Sarraivius Epist. p. 317. *Nuncio tuas in Senecas notas tradidi. Mibi sane eximie videntur: fere enim omnes ad ipsam textum contuli, ut melius de illis judicarem. Tibi gratulor, quod istis nactus sis typographum, virum honestum & locupletem: nec possit typos suos nobilitare: magis & magis vendibili libro. Pergo ergo in isto quoque Seneca literas demereri. Te sane solum istis in regionibus excellere video, & eruditam crisi exercere.* Moliebat jam tum quoque Gronovius Senecae Tragicæ editionem, ut ex eadem epistola Sarraivii clarum sit, in qua monet, ne curam ejus suscepti in se operis deponat. Neque etiam factum id, sed, inprimis ope cujusdam Florentini optimae notae codicis, Tragicum Senecam esse præclarissime emendatum res ipsa probavit, cum An. 1661. ille in 8. cum notis Gronovii prodiret. Notas autem ex Autographo parentis auxit, adjecitque variorum selectas, Jac. Gronovius Amstelod. 1682. in 8. Quam alias circa Senecam Tragicum inter se variant Auctores, & ut a nonnullis ille idem cum Philosopho judi-

judicetur, ab aliis ejusdem filius: rursus ab aliis frater, aut ex fratre nepos: de-
 mum a nonnullis non unus omnium Tragœdiarum Auctor, sed varii reputentur,
 ut hic prolixè recenseatur, opus non est, cum ex aliorum scriptis abunde notum
 sit. Tantum de *disensu Lipsii & Scaligeri* aliqua subnotabimus. Mutatur ordinem
 Tragœdiarum Lipsius, Troadas magistelli potius, quam Senecæ opus esse judica-
 bat, Octaviam plane spreverat, & sub Domitiano scriptam futilem & ineptam aje-
 bat. Contra Scaliger pueriliter maximum Criticum judicasse inquit; Troadas di-
 vinam tragœdiam, omniumque principem, vocat, neminemque Lipsio assensurum
 confidenter affirmat, nisi imperitos. Novem illarum unum genium, unum paren-
 tem agnoscit. Octaviam optimum poemâ a domestico Octaviæ, Senecæque ami-
 co scriptum autumat. Et id quidem eo animo dicit Scaliger, ut, se nemini ista
 Critica sua concessurum, multa cum confidentia inculcet. *Epist.* 247. & 414. Neque
 tamen propterea omnibus persuasit: sed aliter, præter multos, quos non nomino,
 judicarunt Gronovius, & Barthius *Advers. lib. XLIV. c. 25.* Jac. Gaddius Franc.
 Florido Sabino succenset, quod *Lectio. Subciv. p. 119.* Senecam Tragicum nul-
 lo in subsellio ponat, cum tamen comparate solum Floridus loquatur, & si Græcis
 comparetur Tragicis Seneca, illum multo esse minorem dicat: adeoque male idem
 Gaddius: *Erratum palmarè*, ait, *vel flagitium potius, committeret (Sabini) suo judicio, dum*
Senecam, Latine Tragœdiæ Monarcham vel Dictatorem ne nominat quidem inter Latini Tragi-
cor imitandos; sed nos mittit ad Græcos, illo iniquissime præterito. Hic me continere non pos-
sum. Verum, seu se continere possit Gaddius, sive nequeat, parum interest, cum
 Hispanicus ille tumor in Seneca a nemine peritiorum negetur. Ampliore com-
 mentario illustravit Senecam Tragicum M. Anton. Del Rio, ediditque Antwer-
 piæ 1576. in 4. Jamdudum ante hanc editionem apud Jodocum Badium Ascen-
 sium, cum ejusdem & Bernardi Marmitæ Cajetani commentariis, 1514. Seneca
 Tragicus in fol. & apud Aldum 1517. prodierat, ab Hier. Avantio castigatus, &
 præmissa hujus de variis carminum Senecæ generibus Dissertatio. Avantii Disser-
 tationem, cum alia de eodem argumento Georgii Fabricii, copulavit, adjecit-
 que suæ editioni Petrus Scriverius, quam ex recensione sua, cum integris J. Lipsii,
 Franc. Raphelengii, Q. Septimii Florentis Christiani, Hier. Commelini, Jos. Scali-
 geri, Jani Gruteri, Dan. Heinsii & Joh. H. Pontani, Lugd. Batav. 1621. in 8. emisit.
 Scripserat etiam *Lectiones in Senecæ Tragœdiis* Mich. Piccartus: verum illæ in
 manus rapaces inciderunt, atque ob id ipsum suppressæ sunt, ut eo tutius plagio
 aliorum inservirent: prout ex epistola Nic. Rittershuffii ad Richterum notat Tho-
 masius *Dissert. de Plagio §. 288.* Cum notis selectis variorum edidit Senecam Ant.
 Thysius Lugd. Batav. 1651. in 8. brevissimis vero notulis instructum Oxoniensis
 è theatro Sheldoniano 1679. in 12. dederunt. Farnabianam editionem taceo, quæ
 etiam spernenda non est.

Senecæ Nepotem ex fratre addimus M. ANN. LUCANUM, Cordu-
 bensem Poëtam, cujus *Pharsalia* varia doctorum virorum judicia subiit. HUGO
 GROTIUS tanti eum fecit, ut, referente Patino in *Epistolis*, illum perpetuo in
 Tomus I. Ttt tt sinu

finu gestaret, & nunquam ambulet sine Lucano. E contrario tantopere illum spernunt alii, ut ne quidem inter Poëtas ferant, sed ad Historicos ablegent. Sic jam olim coævus scriptor PETRONIUS illum fugillavit: *Eccce*, scribens in Satyrico, belli civilis ingens opus quisquis attigerit, nisi plenius literis, sub onere labetur. Non enim res gesta versibus comprehendende sunt, quod longe melius historici faciunt, sed per ambages, Decorumque ministeria, & fabulosum sententiarum tormentum precipitandus est liber spiritus, ut potius suavis animi vaticinatio appareat, quam religiose orationis sub testibus fides. Idem etiam noto epigrammate innuit Martialis, de quo vid. Vossius de Histor. Lat. l. I. c. 26. QUINTILIANUS Instit. l. X. c. 1. Oratoribus magis, quam Poëtis annumerandum censet Lucanum, ardentem, & concitatum, & sententiis clarissimum. Nilominus illum adeo magni fecit TRAJANUS BOCCALINUS, ut Relat. 86. cum Virgilium Imperatorem Heroicorum constituisse, Lucanum ejus faciat Vicarium. Male utique, cum Statius minimum par, melior autem Claudianus sit. Ceterum Statius, quem modo diximus, Genethliacon Lucani scripsit, quod in Sylvis ejusdem reperitur, & in eo versum quoque hunc posuit.

Batim Mantua provocare noli.

Hunc versum cum Anton. Mancinellus pro Lucano, Virgilio præferendo, allegasset; FRANC. FLORIDUS Sabinus, acerrimus Mancinelli hostis, longe aliter & in opprobrium Lucani explicat, quasi nempe a Statio Virgilius admoneretur ironice, ne Lucanum, miserum poëtam, provocer ad certamen, eadem ratione, ac si fortissimum Achillem moneres, ne imbellem Therisitem forte sibi adversarium posceret. Addit Floridus, *Subcisio. Lect. l. II. c. 20. Quod si non hæc fuit Statii sententia, nihil unquam stultius prolatum fuisse affirmarem.* Persuasissimus enim est Sabinus, ne juvenilia quidem Virgilii carmina cum Lucano ulla ratione comparari posse, sed *Culicem* Maronis plus artis & elegantiae habere, quam omnia ad unum Lucani scripta: unicamque Eclogam Virgilianam sexcentas Thebaidas Statianas ingenio, judicio, candore, antecellere. Adeo autem ægre fert istud Floridi judicium JAC. GADDIUS, ut, postquam illa verba: *Quod si non hæc &c.* recensuisset, pag. 185. T. II. mox ita suam epierisin addat: *Hæc merito possem usurpare de Florido scribente. Intolerabile est hoc judicium sive judicio, cum Eclogæ illæ sint longe impares mole ac dignitate poematibus epicis Statii, Lucani, Ovidii, Claudiani, Valer. Flacci: ut præteream Tragica Senecæ, Lyrica Horatii: aliorum Latii principum elegias, satyras. Impares etiam illas judico poematibus heroicis Sannazarii, Pontani, Fracastoris, Vide, Politiani, & recentiorum.* Verum hoc longe ineptius est hominis imperiti judicium, quam ut ullo etiam modo ferri possit. Ita vero semper judicat Gaddius, & ineptit, ne sui dissimilis forte videatur. Simile est, cum alibi Lucanum ait orationis præstantia meliorem Homero, nec deteriore Virgilio, videri posse, quicquid etiam scripserint Jul. Cæs. Scaliger, Idololatra Virgilii, & Lil. Gyrardus, Virgilii & Homeri nimius cultor. Nempe his longe præstat judicio Gaddius, sæpe vix mentis compos SCALIGER, de Re Poëtica l. III. c. 26. Lucani orationem vocat superbam, & minacem, quæ auditorem invitum, atque alibianimo hærentem, ubi vult tenere aut trahere, abigit: tyranno haud absimilem, qui mavult metui, quam amari.

amari. Idem prolixè, in comparatione Lucani cum Nicandro, ostendit *lib. V. cap. 15.* GYRALDUS in *Historia Poetar.* Dial. IV. (Operum nuper editorum P. II. p. 238.) De Lucano, ait, sic statuat velim, ut eum non modo cum Virgilio non conferatis, ut Statius fecit & Martialis, sed eum neque secundum, neque tertium, dicatis: vel, si dixeritis,

- - - Longo proximus intervallo:

cum neque in quadrigis eum secundum numeremus, aut tertium, qui vix e carceribus exierit, cum palmam jam primus acceperit: ita nec in poetis, qui tantum absit a primo, vix ut in eodem curriculo esse videatur. Sunt tamen quaedam in Lucano, quae qui sive Virgilii comparatione spectavit, satis magna dicat, quae, si cum iudicio & delectu legantur, non indigna sine imitatione: id tamen caute, & diligenter, ne vitia specie virtutis irrepant. - - - Illud ansim de Lucano affirmare, quod M. Tullius de Cordubensibus suorum temporum poetis: qui eos nescio quid pingue & peregrinum sonare putabat. Haec ibi Gyraldus, qui in sequentibus etiam praecipitem Lucani calorem notare pergit. De comparatione ejus cum Virgilio, agit AUGUST. MASCARDUS de arte Historica pag. 444. atque idem, quam non habeatur poeta, pag. 551. conferendus. Peritiam rei Astronomicae hauriri etiam e Lucano posse, crediderunt nonnulli, & cum JOS. SCALIGER, in libris de Emendatione Temporum, illorum errorem castigasset, seu potius notasset errata Lucani, hyperaspisten Poetae egit FRANC. INSULANUS, Parisiensis, edita adversus Scaligerum *Apologia Mathematica pro Lucano* Paris. 1582. in 4. Verum acri Epistola, ad Mamerrum Patissonum scripta librum illum exceperit Scaliger, nec magis scientiae astronomicae Insulano, quam Lucano ipsi, relinquit: Ait inter alia: *Tu* (Insulanum ita alloquitur,) *qui neque, quid sit poësis, quod quidem aperte clamant tua carmina, neque quid astronomia, nisi quod quidam tibi dictavit, scis; tu, inquam, nos docebis & poësin Lucani & Astronomiam: qui, si propius totum opus Lucani putare volueris, non solum nullam Astronomiae peritiam in eo homine reperies, sed & importune semper interjectum rerum caelestium mentionum, & levem, vanum & ostentatorem juvenem illum fuisse deprehendes.* Sed quorsum ea nos hic apponemus, quae prolixè apud Scaligerum ipsum met Ep. 3. tota legi possunt. Interim, licet naëvis hisce, notatis haëtenus, scaterere Lucanum negari utique non possit, recte tamen in eo aliqui entheum ardorem & furorem illum poeticum animadverterunt: & inter alios quoque GADDIUS, qui libro V. tali furore abreptum praecipue agnoscit: ubi describens maximam tempestatem, qua jactitatus in navicula Caesar est, extraordinarias animi conceptiones & hyperbolas effudit, immodicas certe, sed sublime & peracutum Poetae ingenium indicantes; quae hac aetate Italici placerent, supra modum amantibus & admirantibus acumina & sensa inultrata, ac supra commune fastigium evecta. Et eundem quoque eloquentiae genium seculo Neroniano fuisse, probe BARTHIUS animadverit, adeoque condonandum aliquid, vel ex isto quoque capite Lucano, haud abs re monens: ipse etiam in eodem doctrinam haud vulgarem, spiritumque prorsus heroicum, agnoscit: propter grave, nervosum & acutum vibransque & penetrabile sententiarum pondus, quibus universa ejus oratio mirifice floret adeo, ut

Ttt tt 2

in eo

in eo genere parem nullum unquam habuerit. vid. Advers. Lib. LIII. c. 6. toto: & de auctore vitæ Lucani l. XXIII, c. 3. Conf. Roland. Marefius Epist. l. I. ep. 8. Hallervordius, in Spicilegio p. 126. Mich. Neander Erotem. Gr. L. præfat. p. 192. seq. Vives de Disciplinis p. 527. (quem tamen, dum Virgilio Lucanum præfert, falli, Scaliger haud abs re in Primis Scaligeranis p. 149. monet,) & alii. Est vero Lucanus inter primos Latinae linguæ Auctores, qui, post artis typographicae inventionem, typis exscripti sunt, nimirum Romæ A. 1469. cura Joh. Andreae, Episcopi Alerientis, impressus in fol. Eodem seculo Venetiis, & haud multo post initium insequentis Parisiis, in lucem prodit Lucanus variis Virorum doctorum, Joh. Sulpicii, Verulani, Phil. Beroaldi, M. Anton. Sabellici, & qui Parisiis eum suis typis excudit, Jodoci Badii Ascensii, aliorumque, illustratus: repetita quoque ejus Editio cum Lamberti Hortensii, Sulpicii que, notis Basil. 1578. in fol. & Francofurti, cum Jac. Micylli aliorumque annotationibus in 4. Nemo vero diligentiore uti- lioremve operam Lucano navavit, quam Hugo Grotius, e cujus recensione primo prodit ille apud Raphelengium Lugd. Batav. 1614 in 8. cum notis: hinc altera vice una cum notis Farnabii editus in 12. 1651. Uberrimum indicem Theod. Pulmannus adjecit. Servavit hunc; & Grotii, Farnabii que integras, reliquorum se- lectas notas, collegit in sua Lucani cum variorum notis editione Corn. Screvelius, Amstelod. 1658. in 8. cui quoque Supplementum *Pharsalia* Lucani libris VII. ab An- glo homine, Thoma Majo, scriptum adjecit, quod antea separatim A. 1640. Lugd. Batav. prodierat. Eadem vero editio Screveliana Lugduni in Gallia A. 1670. re- petita est. Jac. Gaddius refert, Joh. Bapt. Guarinum aliquid in Lucanum scripsisse: sed nihil vidi. Forte igitur ineditum illud est, velut notæ Joh. Wowerii in eun- dem Poëtam, quæ MSS. in Bibliotheca Gottorpiensi adservantur.

- 10 Quem paulo antea Lucani *Pharsalia* sugillasse diximus, T. PETRO- NIUM ARBITRUM, in eadem Neronis Imp. aula vixit, Massiliensis, Eques Romanus, atque etiam aliquando Consul, nulla alia ferme re, quam erudito luxu ad id famæ atque dignitatis prolatus, referente Tacito, atque hinc inter paucos fa- miliarium Neroni adsumtus est, elegantia arbiter, dum nihil amœnum aut molle affluentia putaret, nisi quod Petronius approbavisset. Tandem vero tamen ab æmulis Cæsari redditus invisus, venas sibi præcidit, per intervalla obligatas iterum, resolutasque, ut eo mollius vitam expelleret, essetque coacta mors fortuitæ simi- lis. Impurissimum ille *Satyricum* moriens jam loco testamenti conscripsit, in quo Principis flagitia sub nominibus exoletorum, seminarumque, lascivissima scriptio- ne, sed tersa tamen nitidaque perstrinxit. Fuerunt, qui Petronium, Satyrici Au- ctorem, eundem cum Petronio Bononiensi Episcopo fuisse arbitrantur, seculi post C. N. quinti præfule, vitæ sanctitate claro. Verum iis haud immerito succen- set, acriterque turpem adeo *divisgenalav* castigat, Lil. Gyraldus de Poët. Dial. IV. Quanquam autem non integer superlit Petronius, sed primo exiguum tantum ejus fragmentum prodierit, idque immani lascivarum spurcitierum ingluvie sca- tens; mirum tamen, quam multi Christianorum restituendo, illustrandoque turpi

curpi nequitiarum promocondo insudarint, bonasque interdum horas male perdidicunt. Prima ejus editio est Veneta A. 1499. quam infinitae propemodum aliae sunt securae: nos paucas tantum recensēbimus. A. 1617. Helenopoli, ut titulus praefatē ferr, Melch. Heimsfeldius Goldastus, cum variorum notis, Petronii Satyricon dedit. Francofurti alia, cum variorum integris notis An. 1621. in 8. prodiit, & alia multo amplior in 4. 1629. in quam Pet. Pirhæi, Joh. Wowerii, Joh. Alex. Braslicani, Joh. Aurati, Erici Memmii, Alph. Delbenii, Claud. Puteani, Jac. Bongarsii, Mam. Patissonii, & Joh. Weizii notae, emendationes & observationes, ac Josephi Anton. Gonzalez Commentarii, confluxerunt, adjectis praeterea Joh. Pet. Lotichii vastis Excursibus Physico-Medicis, quibus longe plurima ad rem Venerēam facientia continentur: hac enim parte ad superstitionem usque diligens fuit LOTICHIVS, eamque in rem, ne forte aliquid talium elegantiarum deesset, Scioppij notulas adjecit, quibus hic venereas phrasēs in Perronio occurrentes verbis Germanicis expressit, nempe, ut se diligentem ostenderet Commentatorem, monstraretque similes habere labra lactucas. Perstringit illum Lotichii commentarium satis acriter Goldastus in Epistola quadam ad Casp. Hoffmannum, quae in Mantissa secunda Epistolarum, Georg. Richteri Epistolis addi solitarum, pag. 555. legitur. Ita autem ibi Goldastus. *Vides, quantum a te, tuo instituto ac judicio, Lotichius dissideat. Volebam hominem amicum hac occasione ad lectionem veterum Medicorum deducere, quorum illum prorsus expertem & negligentem esse advertebam: sed judicio destitutus, nec in bonis Auctoribus versatus, nobis undiquaque compulavit, quae ad grandem efficiendum librum convassare, ex Cornucopiae, Calepino, Textoris officina, Erasmi Cbiliadibus, & consimilibus scriptis, poterat, ut tandem monstruosum, horrendum & insanum magnum istud commentum pareret.* Ceterum est & quaedam Petronii editio, cum notis Joh. Burdesorii criticis & glossario Lugduni Batav. 1645. in 12. vulgata. Eodem anno Ultrajecti Petronium, cum notis variorum, in lucem emisit Simon Abbes Gabbema. Posthac insigne aliud fragmentum Petronii, integram fere Cœnam Trimalcionis describens, in Dalmatia Tragurii, e Nicol. Cippici Bibliotheca, eruit Marinus Statilius, i. e. vero nomine Petrus Peritus: atque id Oratore Veneto, qui tum Romae degebat, auctore a Paulo Frambotto, typographo Patavino, editum est Patavii Ann. 1664. praemissa praefatione, quae rem omnem uberius edocet. Hoc exemplum Nicol. Heinf. ad Joh. Schefferum transmisit, qui Upsalæ A. 1665. recudi curavit, cum notis indiceque suo, & Dissertatione praëliminari, qua genuinum istud fragmentum asserit. Hinc edidit Thom. Reinesius Lipsiae 1665. in 8. cum Schefferi suisque notis: is quidem non omnia supposita, sed tamen aliqua a barbara manu agnoscit; dissentitque in nonnullis a Scheffero, qui vicissim illi quaedam reposuit in appendice scorsim edita. Sequenti Anno 1667. Christoph. Arnoldus fragmentum Petronii Tragurianum denuo edidit Noribergae in 8. cum Joh. Caji Tilebomeni conjecturis, Hadriani Valesii & Joh. Chr. Wagenfeilii Dissertationibus Epistolicis, & aliorum Christianorum virorum judiciis, quibus res illa in utramque partem disputata est. Tilebomenius, quem per anagramma Jacobum Mentelium esse Placcius aperit de Pseu-

don. pag. 266. genuinum, ut videtur, agnoscit, cujus præfatio multa prolixè de Petronianis editionibus in universum commemorat: Valesius, Wagenfeilius, & alii quidam, diversum judicant, de fide Statilii & MSS. codicis dubitantes: quæ accedunt etiam Placcius l. c. & Joh. Frid. Gronovius, lib. Novo Observat. pag. 193. & Franc. Vavassor Epigrammatum lib. II. ep. 81. 82. 83. Tandem vero productus codex MSS. ille Dalmaticus Romæ est, & scriptura ejus satis antiqua observata, ut dubium quoque amplius nullum superesset. Id docent me literæ Clar. Scheffleri, Ann. 1669. Mense Martio ad me scriptæ, quarum verba apponam. *Ego nihil habeo, quod nunciem, nisi hoc unicum, quod scribam non me, sed Clar. Falconerii verbis, ex Epistola Romæ exarata ante sex hebdomadas ad Nobil. Nicol. Heinsium. Exciderat, inquit, pene, quod Cl. Schefferum scire præcipue interest, allatum huc tandem e Dalmatia Petroniani fragmenti codicem, quem, constanti eruditorum omnium suffragio, ante 300. circiter annos scriptum fuisse constat: ut inde validissimum argumentum, peti possit ad eorum opinionem evertendam, qui id fragmentum supposititium asserere præcipiti judicio conati sunt. Nemo enim erit, cui persuadeant, ea ætate quæquam fuisse, cui Petronii larvam gestare, atque in Autore supposito parvo edendo, qui ea tempestate, ut credibile est, vix eruditionibus notus fuerit, gloriam quærere in mentem venire potuerit. Ex his verbis, inquit porro Schefferus, potes intelligere, me non esse tam stolidum, ut visus sum aliquibus per Germaniam. Post tantas itaque magnorum virorum lites, tandem istud fragmentum suo loco apud Petronium insertum est, in optima Editione, quam, cum Variorum Commentariis, Amstel. 1669. in 8. Mich. Hadrianides procuravit. (Exinde vero surrexit, qui, præter istud fragmentum Petronianum, non alia solum multa, sed totum, si credere fas est, Satyricon Petronii, Albæ Regali a Christianis A. 1688. expugnata, erutum, sibi que a Du Pinio quodam, Gallo nobili, sub Imperatore stipendia merente, communicatum Franc. Nodotius, itidem miles, Roterodami An. 1693. in 12. in lucem publicam exire jussit, non sine confidentissima Criticorum provocatione, quos non temere nova fragmenta ista rejecturos autumat. Atque idem etiam Gallus alius, Satyrici Interpres sensit: cujus versio, cum Latino Nodotii, apud Belgas Amstelodami (etiam si Coloniam titulus præ se ferat) An. 1694. in 12. prodiiit. Verum is nimis Petronii petulantiarum amator est, adeoque non mirum, si avidè, quæ ad eum supplendum Nodotius produxerat, approbavit. Sunt alii, neque ii in arte Critica poltremi, quæ de Nodotiani Petronii Editione aliter visum est.)*

- II POMPONIIUS MELA, Geographus Latinorum celeberrimus, collocari adhuc ante Senecas debuisset, si strictam adeo ætatis seriem in singulis Auctoribus sequeremur. Namque is sub Claudio Imp. vixit, Hispanus natione. Libri ejus III. *de Situ Orbis* primum ab Aldo Venetiis, tum & Florentiæ apud Juntas editi sunt: scholiis, emendationibus ac animadversionibus illustrati castigatique a Joh. Per. Olivario, Joach. Vadiano, Hermolao Barbaro, Ferdinando Nonio Pinriano, aliisque. Posteriorum duorum castigationes Melæ, a se emendato, & spicilegio notarum aucto, addidit Andr. Schottus Antwerp. 1582. in 4. Sed tamen nemo melius, aut tam bene de Mela meruit, quam ISAACUS VOSSIIUS, qui Autorem illum e plurimis

rimis MSS. codicibus emendatum, & eruditissimis longe Animadversionibus illustratum, Hagæ Com. 1658. in 4. non sine magno doctissimorum Virorum applausu, dedit. Sed, cum in notis suis nimis frequenter, & præter rem etiam, Salmasii Plinianis in Solinum Exercitationibus insultasse JAC. GRONOVIO Vossius videretur; nova ille editio Melam Lugd. Batav. 1685. in 8. cum suis annotationibus, dedit, Vossium subinde haud paulo vehementius castigans. Verum neque Vossius impune se perstringi passus est, edita Londini 1686. in 4. Appendice observationum ad Melam, in qua Gronovium strenue depexum dat: (quam tamen acerbiter Gronovius cum concoquere non posset, magno animi efferati impetu in nova sua Melæ editione, nuper A. 1696. post obitum Vossii, vindicavit.) Refert alias Scioppius, se Madriiri, apud Joh. Fonsecam, Petri Ciacconii Commentarium MSS. in Melæ de Situ Orbis libros vidisse.

Meruerat quoque supra jamdudum memorari GRATIUS, Poëta Augu- 12
sto rerum-potente clarus, memoratusque Ovidio, quique adeo magis ad ætatem auream referendus foret. Scripsit *Cyngeticon*, sive *de Venatione librum*, qui hodieque, sed non integer, superest: editus a Sebast. Gryphio Lugduni cum aliis An. 1537. a Petro Pithæo inter Poëmata veterum Parisiis 1520. in 12. a Casp. Barthio, tum duodecenni (vid. Advers. lib. LVII. c. 17.), Hanov. 1613. in 8. & qui commentarium elegantissimum in Gratium scripsit, a Joh. Ulitio Lugd. Batav. 1653. in 8. Sed, cum hic Barthium, in eo commentario suo, sæpe & acriter refutasset, occasionem Matthæo Lago dedit, ut singulari Dissertatiuncula Barthium adversus Ulitium tueretur, Lipsiæ 1659. in 4. Manutius in quadam epistola de Gratii Cyngetico judicat, eidemque, quod miror, Petrum Bargaum, novitium Scriptorem, præfert.

Ceterum refertur etiam ad argenteam ætatem Lucano coævus Poëta alius, 13
A. PERSIUS FLACCUS, Satyricus sæpe plus quam ferreus, imo saxeus: nam satyrica ejus dictio supra modum horrida est, & Juvenali, ætate licet inferiori, postponenda. Extat antiquus in illum *Scholias*, non Cornutus, licet id nomen in Codicibus aliquibus præ se ferat, cum tamen Cornutus fuerit Persii Præceptor, sed Acron, ut probabilius aliqui opinantur: vid. Placcius *de Pseudon*. p. 179. Indiget autem aliquo scholiaste Persius, nimium alias obscurus, & propterea contemptus Scaligero aliisque nonnullis: sed quem tamen recentiores aliquot Commentatores adeo egregie illustrarunt, ut vix quicquam amplius desiderari jure queat. Antecellit omnes ISAACUS CASAUBONUS, cujus *Commentarium* Jos. Scaliger in epistolis satis extollere non potest, prodiit primo Paris. 1605. in 8. aliquoties deinde recusus: optima editio est, quæ Londini a filio Merico Casaubono Lond. A. 1647. in 8vo est procurata. Vererem scholiasten e Bibliotheca sua primus Pet. Pithæus publicavit. Cum variorum integris commentariis, El. Vineti, Joh. Britannici, Phil. Beroaldi, Ang. Politiani, Pet. Pithæi, Theod. Marcilii, prodiit Lutetiæ 1617. in 4to Jodoci Badii, Joh. Britannici, Joh. Bapt. Plautii, Ant. Nebriffensis & Joh. Murmelii Commentaria jam A. 1551. fol. junxerat Basileæ Frobenius. *Paraphrasin* in Persium scripsit Eilhardus Lubinus, quæ additur ejus *Commentario* in Juve-

Juvenalem, (cum quo scilicet ut plurimum edi Persius consuevit) Hanov. 1629. in 8. Scripsit & Frider. Ceruthus paraphrasin, quæ Veronæ A. 1600. prodit in 4. Indicem omnium vocabulorum Jos. Langius composuit, cum Juvenale Friburgi A. 1608. in 8. editum. Barthol. Fontii commentarium eximium in Persium, alias *ἀνέκδοτον*, Augustus, Dux Brunsvicensis, adhuc Junior, edidit, memorante Conringio de Biblioth. Augusta p. 86. Cl. Salmasii notas etiam plusculas accessisse ad nitidissimam Juvenalis & Persii editionem Lugduno-Batavam, quæ, Screvelio procurante, cum scholiis veteribus, A. 1648. edita est, Laur. Crassus Tom. II. Elogior. p. 210. & Clementius in Vita Salmasii p. 67. testantur. Alia editio Batava cum notis variorum A. 1684. prodit. In usum Delphini a Ludov. Præto Persius est, una cum Juvenale, datus Paris. 1684. in 4. Th. Farnabii, Wedderburnii & Joh. Bondii labores tiro-nibus inservire possunt. De patria Persii singularem dissertationem scripsit Ludov. Aprosius teste Greg. Leti Ital. Regn. P.I. l. III. p. 372. seq.

- 14 Obscurum Poëtam Historicus excellentissimus, Q. CURTIUS RUFFUS, excipiat, cujus dictio omnium consensu præ ceteris, ob nitorem in verbis, argutiam in sententiis & orationibus, & periodorum concinnitatem, commendanda est. De ætate autem infinitæ propemodum eruditorum Virorum lites: dum aliqui ad Augustum, ad Claudium alii, ejus tempora referenda putant; Trajanum nonnulli imperasse autumant, cum scriberet Curtius, pluiimi Vespasianum: Barthius ad Theodosiana tempora illum refert. Demum nonnulli plane suppositivum esse factum censent, ab Italo nescio quo, ante hos trecentos annos, essetum. Nolumus, in allegandis variarum opinionum Auctoribus, esse prolixiores, quandoquidem id non solum a Vossio in Historicis Latinis, lib. I. c. 28. factum, sed & multo adhuc fufius a Freinshemio, qui omnes, quotquot reperire potuit, Virorum doctorum de Curtio opiniones suæ editioni inseruit. Declinatorium quid, & argutias scholæ umbram ostentantes, in illa floriditate Curtii BARTHII agnovit, l. XXVII. Adversar. c. 15. atque id in orationibus præcipue patefieri contendit: cui non obscure consentit etiam BUCHNERUS, Epist. P. II. Ep. 32. p. 116. seq. qui argutam comulamque breviter Curtii, & propius ad dulcia illa, quæ Fabius vocat, vitia accedentem, adolescentibus unice ad imitandum proponi non probat; cum multo citius illi simplicem Cæsaris Nepotisque facilitatem, aut fufam orationem Tullii, quam anxium istud & elaboratum, demorfosque sapiens unguis dicendi genus assecuturi videantur. Interim tamen neque rejicit Curtium, neque inter fictos ab impostoribus Auctores ablegat: quod præter illos, qui a Freinshemio allegantur, fecit quoque nescio quis Gallus, Guidonis Patini præceptor, de quo Patinus ipse Epist. 27. pag. 96. seq. videri potest. [Multo majore vero, quam omnes, qui præcesserant, apparatu JOH. CLERICUS, Vir Cl. in libro *de Arte Critica*, nuperrime in lucem emissio, Curtium e genuinorum Latinorum auctorum numero excludere allaborat, eique rei probandæ totum partis secundæ librum impendit. Enimvero, si in Bibliotheca Florentina Codex Curtii, septingentis minimum abhinc annis, Luca Holstenio judicante, scriptus, latet, & si cum vidit in illa Bibliotheca Celeb. Wagenfelsius, approbatque Hol-

Holstenianum iudicium (quod utrumque in Pera Juvenil. Libror T. IV. p. 178. restatur, & facit) frustra profecto e scribendi ratione, e vitiis in Geographia commissis, similibusque aliis, Curtius Auctor novellus esse impostor probatur; ut alias multas rationes taceam, quas loco cit. Auctor celeberrimus apponit,] *Editiones* Curtii studiosissime recenset Joh. Freinshemius, qui cum egregius plane supplementis, Commentario luculento, & omnigena eruditione referto, indiceque amplissimo, Curtium Argentorati An. 1640. 2. tomis in 8. edidit. Ea editio Freinshemiana postmodum semper reliquis omnibus præstare existimata est, & recusa Argentorati 1670. in 4to. a Belgis autem excerptæ Freinshemii notæ ceteris variorum adjectæ sunt. Præterea suas curas Curcio impenderunt Franc. Modius & Valens Acidalius, nec non Matthæus Raderus, cum cujus commentario Curtius Coloniae An. 1628. in fol. editus est. Elegantem quoque editionem Curtii, iconismis multis interstinctam, & notis ad explicationem Auctoris facientibus illustratam, dedit Ultrajecti A. 1685. in 8. Sam. Piriscus: nec non aliam, a se novis supplementis, notis, tabulisque Geographicis, instructam, Christoph. Cellarius Liptiæ 1688. in 12. (Utraque vero tum Pirisci tum Cellariana, A. 1693. iterum recusa est.)

C A P. XIII.

QUO AUTORES ÆTATIS ÆNEÆ LATINI
R E C E N S E N T U R.

- §. 1. C. Plinius Secundus, *Hist. Nat. Scriptor.* 2. C. Plinius Cecilius Secundus, *Epistolographus, & Panegyristæ Veteres, Pacatus, Mamertinus, Nazarius, &c.* 3. M. Fabius Quintilianus, & *Declamationes ei jungi solitæ.* 4. C. Cornelius Tacitus, & *Autor Dialogi de Causis Corruptæ Eloquentiæ.* 5. Sex. Julius Frontinus. 6. L. Anneus Florus. 7. Silius Italicus. 8. Valer. Flaccus. 9. Papinius Statius. 10. Dec. Junius Juvenalis. 11. M. Valer. Martialis. 12. Sulpitia Poëtria. 13. C. Suetonius Tranquillus.

Sub Vespasianis, ad quorum tempora Curtium a nonnullis relatum paulo antea diximus, ÆNEAM LATINORUM SCRIPTORUM ÆTATEM cœpisse, argentea nonnihil pejorem, sed tamen meliorem ferrea, statuentibus multis assentimur. Sit itaque primus, qui in aula Vespasiani magni nominis Vir fuit, & familiariter admodum Imperatoribus usus est, C. PLINIUS SECUNDUS, *Naturalis Historiæ* conditor, ob quod Opus servatum causam profecto habet literatus orbis, cur sibi gratuletur: ut vicissim etiam tot aliorum ejus laborum (quos longo ordine Plinius junior recenset *Epist. lib. III. ep. 5.*) jacturam ægre fert; inprimis dolet Germania deperditos *de Bellis Germanicis libros XX.* Nam, licet, eos in Bibliotheca Augustana latere, se alicubi legisse Gesnerus in Bibliotheca memorer, nihil tamen ejus in Catalogis MSS. Augustanæ Bibliothecæ reperitur: nec abs re

Tomus I.

Uuu uu

G. Joh.

G. Joh. Vossius Gesnero esse fucum per epistolam ab aliquo actum suspicatur, cum jam Symmachi ævo non usque adeo obvii illi Commentarii fuerint, de Histor. Lat. lib. I. c. 29. Indignum quoque profecto, nondum hæcenus prodidiſſe Naturalis Historiæ editionem tam docto seculo dignam, sed in tenebris macularum suarum tam pulchrum Opus diu adeo delituisse. Neque enim ullum e veteribus Auctoribus esse credo, qui scædioribus erroribus sit oppletus, queis non sine magno labore medicina adhiberi potest. Nec supererit ea MSS. Codicum copia, quibus supplere hos defectus possimus: nam &, qui adsunt Codices, corruptissimi sunt, si Jos. Scaligero & Tanaq. Fabro fides *Prim. Scalig. p. 20.* a descriptoribus nempe, Monachis ut plurimum Benedictinis, imperitissimis rerum harum, depravati. Est tamen Codex unus Plinii notæ optimæ in Bibliotheca Gottorpensi. Primus emendando Plinio manus admovit Hermol. Barbarus, postea Stigis. Gelenius, & Beatus Rhenanus, e quorum curis aliquoties Basileæ Plinius prodit: Ferdin. Nunnus, seu Nonius, Pintianus, & Steph. Aquæus, Commentariis & Observationibus Plinium illustrarunt, ille MSS. duobus usus. Post hos, JACOBUS DALECHAMPIUS Plinium ad MSS. Codices recognovit, suisque notis ac observationibus illustratum dedit Lugduni in fol. 1587. sed quem non adeo feliciter suo labore functum Scaliger testatur *Prim. Scaligeran. p. 69.* ubi ita: *Dalechampus, vir aliqui bene doctus, Plinium emendandum & excutendum suscepit: sed, quæ est audacia, omnia invertit & corrumpit: quia, quod multi solent, si hoc illud vocabulum non arripit, statim immutat, ac sæpe in deterius.* (Vatem fuisse Scaligerum, & audaciuseulas esse omnes Dalechampii conjecturas, nec ullas omnino ex iis sat felices, Joh. Harduinus ait, adeoque non pauciores sibi pugnas cum illo, quam cum Amanuensibus corruptoribus, conferendas fuisse adjicit.) Recusa est editio Dalechampii Francof. 1608. in 8. Cum emendationibus Salmasii Plinius Lugd. Batav. apud Elzevirios, tribus in 12. tomis, editus 1631. Cum Variorum, Pintiani, Gelenii, &c. suisque notis eum procuravit Joh. Frid. Gronovius Lugd. Bat. 1669. 3. vol. in 8. sed commentaria tenuia sunt, & lectorem sæpiſſime destituunt. (Interim, quas Gronovius notas in libros posteriores Plinii, inde a vicessimo incipiens anno 1648. ediderat, tanti Harduinus, haudquaquam prodigus aliorum encomiastes, æstimat, ut suas observationes illis similes universas optet.) Extat & Jac. Milichii Commentarius in librum secundum Plinii, Lipsiæ editus apud Vægelinum: sed ille res potius ipsas tractat, quam sensum Auctoris investigat. (Sunt præterea longe plurimi, qui per partes Plinium illustrarunt, modo librum integrum, modo libri particulam, aut Operis totius prologum, sibi explicandum sumentes, quorum integrum Catalogum Harduinus recenset.) Insignes in Plinium labores elucubraverat, & typis mandaverat, Augustus Valdeus, sed qui maligno fato a militibus discerpti sunt & incendio consumpti, referente Picrio Valeriano de infelicitate Literator. pag. 44. Locum *Tom. I. nostri Polyhistoris, lib. I. c. 25. §. 25.* excerptimus. Petrum Ciacconium notas in Plinium scripsisse testatur Scioppius, eidemque consentiens Jan. Nic. Erythræus, Ciacconii Majorum Vigiliarum Opus in Plinium extare scribit Pinacoth. I. pag. 191. quod tamen editum non credo. (Sane nec Harduinus, diligentissimus talium librorum investi-

vestigator, illud novit, adeoque ne quidem nominat.) Quam maxime vero ad Plinii illustrationem faciunt CLAUD. SALMASII *Exercitationes Pliniana*, quæ nihil aliud sunt, quam vastissimus in C. Jul. Solinum, Plinii exscriptorem & epitomato-rem coævum, Commentarius, Parisiis A. 1629. duobus in fol. voluminibus, primum vulgatus: & recusus A. 1689. Trajecti ad Rhenum: in quod opus Salmasius omnes fere vastæ eruditionis suæ thesauros, credo, exhaustit: omniumque meruit admirationem. (Sed tamen infensior illis HARDUINUS est, &, licet plurima iis inesse erudite dicta non neget, esse tamen ait plurima ab illustrando Plinio aliena: difficillima pleraque sicco pede transmissa queritur, quæ bona sint & Plinianis locis aliquid lucis afferant, ea fere tota ex alienis hortis esse subrepta: quæ ab ipso primum excogitata, pleraque nigrum thera poscere. Hæc de Salmasianis Exercitationibus justo (si maxime deprecetur) acerbiora Joh. Harduinus, celeberrimus Jesuita Gallus: qui Plinium nova ac splendidissima facie, & a sordibus mirifice perpurgata, Parisiis, in usum Delphini, A. 1685. quinque voluminibus in 4. dedit, exquisitum Opus & æternitate dignissimum: ad quod edolandum non solum MSS. codicibus Regiis, Colbertinis, Vaticanis, Lugdunensibus, San-Victorino, Rhedonensi, usus est, sed & editos omnes libros Plinii, & Commentatores, & veteres scriptores Græcos Latinosque magna copia, nec minore diligentia judiciove, evolvit, ut sic Plinium sibi redderet, interpretatione ac notis eruditissimis illustraret, nec non indicibus amplissimis ornaret. In præfatione Editores & commentatores omnes longo ordine, addita de quamplurimis crisi sua, commemorat, tum & uberrime instituti rationem exponit. Præterea, cum librum primum, qui nihil aliud, quam index totius Operis ab ipsomet Plinio confectus est, simulque Auctores, quibus usus erat in conficienda sua Historia Naturali Plinius, studiosissime recenset, cum eum, inquam, hæctenus mire corruptum, ope codicum MSS. egregie restituisset, Indicem Auctorum illi annexuit, quo juxta seriem alphabeti dispositorum Auctorum, quotquot a Plinio uspiam allegati sunt, omnium historiam pro instituti ratione luculenter exponit: adeoque modis omnibus de suo auctore bene mereri studuit.)

Referemus huc quoque haud immerito Plinii ex sorore Nepotem & ex adoptione filium, C. PLINIUM CÆCILII SECUNDUM, qui & *Plinius minor* dicitur, ille Trajani Imp. familiaris, splendidissimis muneribus functus. Ejus extat *Panegyricus* arte magna, nec minore dictionis concinnitate, compositus, & haud abs re prudentiæ civilis Imperatoriæ penitus dicat: & *Epistolæ* elegantissimæ, quas ob concinnam adeo brevitate, ipsismet Ciceronianis nonnulli præferunt; cum contra Politianus (*Epist.* I.) & alii, totum illud Plinii seculum aspernantes, Plinius etiam Senecis judicent ratione styli deteriores. Conjunctim *Panegyricus* & *Epistolæ* aliquoties prodierunt: in primis vero commendanda editio, quæ, cum I. Casauboni notis, adjectis una Pacati, Mamertini atque Nazarii *Panegyricis*, ex officina H. Stephani A. 1591. in 12. prodit. *Panegyricum* seorsum, cum doctorum Virorum notis, edidit Matth. Bernegerus Argentinæ 1635. in 4. Alios quosdam Commentatores in illum videas in *Opere Panegyricorum*, 1643. edito in 12. *Epistolæ* notis ac observationibus, indicibusque amplissimis, illustravit Claud. Minos Paris. 1588. in 12. quæ rarior editio est, nec notæ

Uuu uu 2

illæ

illæ comparent in editione Buchneriana, Francofurt. ad Viadrum 1664. in 8. excusa, cum notis Aug. Buchneri ipsiusmet & aliorum, addito quoque Plinii Panegyrico, ceterisque Panegyristis Latinis, sed sine commentario. Multum operæ, post hunc & alios, in Plinii epistolis emendandis illustrandisque, posuit JAC. THOMASIUS, qui præfatione fusc de singulis Editonibus agit: tum ipsimet libro suas & aliorum, partim integras, partim selectas, animadversiones adjecit, Lipsiæ 1675. in 8. & 1685. (Denique nuper etiam A. 1693. CHRISTOPH. CELLARIUS Plinii Epistolas; & Panegyricum, cum novis suis Commentariis, sane quam elegantissimis, tabulis nonnullis Geographis, queis ad intellectum Epistolarum Plinianarum opus esse putabat, & novo Latinitatis indice, Lipsiæ in 12. exhibuit.) Memoranda inter epistolas Plinii potissimum illa, qua Christianorum mores describit, adeoque causam agit persecutionem passorum: quam præter alios noster etiam Chr. Kortholtus peculiari commentario 1674. Kilonii illustravit (oo) Veteres Panegyricos, adeoque in iis etiam Plinium, in usum Delphini, edidit Jacobus de la Baune Paris. 1676. Est vero, ut hoc obiter hic addamus, pro temporum varietate, varia quoque horum Panegyristarum Latinitas; inceduntque ii, qui post Plinium scripsere, miro dictionis tumore verborumque intempestivo admodum poetismo: ut adeo non temere iis uti quis debeat, nisi qui prius aureæ ætatis Scriptoribus se firmaverit.

- 3 Plinii junioris præceptor fuit, prout ipse id Epist. lib. II. ep. 14. indicat, M. FABIVS QUINTILIANVS, ille veteris eloquentiæ strenuus resuscitator, totiusque Italiæ magister optimus: in quo Hispanitatem (erat enim Calaguri, oppido Hispaniæ, natus) perperam a Franc. Philelpho esse noratam, libro de Patavinitate Livii dictum a nobis est c. 1. Ejus Institutiones Oratorias, sub Domitiano Imp. scriptas, elegantissimum Opus, primus in Constantiensi Concilio, in Saltamentarii officina, reperit Poggius Brandolinus, seu Florentinus, referente in Elogiis Jovis. Eæ vero multoties per Italiam, Germaniam, Galliam, Belgium & Angliam impressæ sunt. Adscribuntur illi quoque *Declamationes XLX*, quæ in quamplurimis Editionibus, una cum

(oo) Ante Christ. Kortholtum, Theologum Kiloniensem (cujus Commentarius Kilonii A. 1674. & seqq. Disputationibus ventilatus est publicis) Plinii Junioris de Christianis Epistolam seorsim illustrarunt Franc. Balduinus, Atrebas, JCTus Seculi XVI. eximius, in *Legibus & Edictis Veterum Imperatorum de Christianis*, ab ipso collectis, explanatis, ac Basileæ in 8vo editis, & Gerh. Joh. Vossius, cujus in eam Commentarius haud adeo magnæ molis, una cum Opusculis de Cognitione sui, & Ratione Studiorum Amstelodomi A. 1656. in 12mo prodit. Pliniani Panegyrici illustratoribus addantur Marcus Zuer. Boxhornius, qui seorsim eum Lugd. Bat. 1632. in 12mo, & deinde junctim cum epistolis ibidem A. 1648. & Amstelodami An. 1659. in 12mo, recensuit; Johannesque Henricus Bædæus, cujus *Commentationes Pliniane, quibus præcipue incomparabilis Panegyrici materie explicantur*, Argentorati A. 1640. in 8vo sunt excusæ. Dominici Baudii Commentarium itidem, a nonnullis video allegari, mihi nunquam visum, cui sola ejus innotuit Oratio in C. Plinii Panegyricum Auspicialis, publicis in eum Lectionibus præmissa, quæ inter Orationes ejus, junctim cum epistolis sæpius publicatas, est Septima.

cum Institutionibus, conjunguntur, sed quas non esse hujus Quintiliani, jam olim Erasmus, & cum eo non pauci, dubitarunt. Alias iridem CXLV. *Declamationes* Quintiliani, quæ ex 388. supersunt, a Pet. Pithæo partim emendatæ, partim primum editæ, pariter ejus nomen mentiri, longe plurimi arbitrantur. Prodiit illa Editio Pithæana, Paris. apud Mamerrum Patissonum 1580. in 8. recusa Heidelbergæ apud Commelinum 1594. in 8. & una cum Institutionibus Genève 1591. ac 1604. in 8. Alias memoratu digna est editio illa Quintiliani, quam, cum Pet. Mossellani, Joach. Camerarii, Ant. Pini suisque commentariis, Petr. Gallandius Paris. 1549. apud Vascosanum in fol. publicavit. Edidit illum quoque cum suis commentariis DAN. PARÆUS: sed, ut ille semper est plagiarius, & Criticorum potius simius, quam filius; ita hic quoque Ludov. Cressolii Theatrum Rhetorum, Vacationes Autumnales, librosque de pronuntiatione & actione, strenue exscripsit. Editio variorum Quintiliani prodiit Lugd. Bat. 1665. in 8. Breves notulæ Pauli Colomesii in Institutiones Quintiliani in ejus Opusculis, Ultrajecti 1668. in 12. editis, leguntur. (Oxonii haud ita pridem EDMUNDUS GISSON Institutiones Quintiliani nova editio in lucem emisit, e tribus MSS. codicibus emendatas, & novæ cujusdam hætenus ineditæ declamationis (cum reliquæ alias editæ non adsint) accessione locupletatas. Memorat quoque, Henr. Dodwellum, V. Cl. Annales Quintilianeos apud se confectos habere, vitam Oratoris hujus uberrime exponentes. Prodiit liber Oxon. 1693. in 4. ajuntque nunc Argentinæ illum denovo recudi. Anno præcedente 1692. Oxonienses Quintiliani Declamationes ediderant, & quidem solas XIX. priores, miseras illas, quas vocant 145. a Pithæo editas, ne quidem suis laboribus dignas judicantes. Adjectus vero etiam est Dialogus de causis corruptæ eloquentiæ, qui a nonnullis, sed male adscriptus Tacito, cum ejus Operibus una edi solet, ab aliis Quintiliano, & hinc in Genevensi aliisque editionibus hujus reperitur: de quo paulo post.)

Eodem cum Plinio & Quintiliano tempore vixit C. CORNELIUS 4
TACITUS, nempe qui a Vespasiano inde ad Trajanum publicis muneribus functus est; Plinio etiam, prout ex Epistolis liquet, familiaris; plane singularis prudentiæ Vir, eamque ob causam maximis quibusque principibus semper in oculis gestatus. Maledicum enim est judicium SCIOPII, qui libro suo *de Stylo Historico* Tacitum malignum & solæcum Autorem, adeo nequiarum Magistrum juventuti e manibus excutiendum putat: substitutis (quæ pietas viri est) Siracidis sententiis & Machiavello. Non magis sanum erat, quod de stylo ejus dixit Alciatus, eum præ Pauli Jovii scriptis mera esse senticeta; aut quod Æmil. Ferrerus Tacitum non satis Latine scribere judicabat. Satis duobus his obviam ivit Vossius *de Histor. Lat. l. 1. c. 30.* qui tersam, elegantem & limatam Taciti dictionem agnoscit. Sed tamen nonnunquam Tacitum nimis Politico ingenio suo indulsisse, magisque finxisse, quam indagasse aut exposuisse actionem eorum Imperatorum, quorum historiam exponit, causas, haud abs re aliqui animadverterunt, Rupertus sc. in *Observat. ad Histor. Univ. Besoldi p. 281. sq.* & qui consentit illi, Gallus Jesuita

BOHURSIUS, in libello elegantissimo *de vicijs* edito, quem inscribit *La maniere de bien penser sur les ouvrages de l'esprit* p. 308. ubi hunc in modum de Tacito: *Tacite est à la vérité un grand Politique, & un bel esprit, mais ce n'est pas un excellent Historien. Il n'a ni la simplicité, ni la clarté, que l'histoire demande: il raisonne trop sur les faits: il devine les intentions des Princes plutôt qu'il ne les découvre: il ne raconte pas les choses, comme elles ont été; mais comme il s'imagine, qu'elles auroient pu être. Enfin, ses reflexions sont souvent trop fines, & peu vraisemblables.* Conferendus etiam huc Scriptor plane eximus, RENATUS RAPINUS, in Meditationibus suis ad Historiam (*Reflexions sur l'Histoire*) pag. 293. sq. qui, quid in Tacito laudem, quid vituperium increatur, candide exponit. Ceterum Commentariorum in hunc auctorem integra pene Bibliotheca extat, quorum catalogum inire peculiaris Dissertationis res est. Sunt, qui in illum Criticas notas; sunt, qui Politica commentaria scripserunt. E Criticis, seu Philologis, post Franc. Puteolanum, Phil. Beroaldum, Beat. Rhenanum, Andr. Alciatum, Vincent. Lupanum, Marcell. Donatum, Æmil. Ferretum, M. Verranum Maurium, Fulv. Ursinum, Josiam Mercerum, Curtium Pichenam & M. Ant. Muretum, imprimis clarus Taciti Commentator JUSTUS LIPSIUS est, qui tanto eum amore deperibat, ut integrum teneret memoria, nullusque dubitaret, quin, etiamsi interiret Tacitus, e sua, Lipsii, memoria restitui commode iterum posset: Juvenis eum primo edidit Antwerpiae 1574. in 8. mox secundum, deinde tertium, quartum, atque quintum revidit. Et post tot tamen suas reperitas identidem curas atque emendationes Lipsium Tacitum non intellexisse, & nihil minus fecisse, quam ut eundem illustraret, Bohursius, libello allegato p. 358. contendit: quod tamen judicium nimis acerbum est. Alias non diu post editum primo Tacitum Lipsius cum Mureto de locorum quorundam emendatione acriter digladiavit, dum nempe Muretus eas Emendationes sibi surreptas quereretur, & vero pernegaret Lipsius. Historiam fusè satis Jac. Thomasius exponit *Dissert. de Plagio Liter. f. us. seqq. & 222.* qui Lipsium non omnino a plagii crimine absolvit. Tendit eodem lictula, quam cum personato Scriptore, Pompejo Lampugnano (Palatini Electoris Consiliario,) Lipsius aluit, & quæ, tum e Thomasio ll. cc. tum e Placcio *de Pseudonymis* p. 216. peti potest. Post eum LUDOV. AURELIANENSIS (d'Orleans,) in Tacito emendando, suam operam collocavit Parisi. 1622. in fol. editam: sed parum feliciter omnino; quandoquidem audacissimus in corrigendo, seu potius, quo nihil pejus in arte Critica, ex ingenio suo deprayando Auctore est, neque adeo multam gratiam promeruit. Cum Variorum notis Tacitum Janus Gruterus edidit Francof. 1607. in 8. Si indicem velis, Tacitus Matth. Berneggeri præstat ceteris, editus Argentorati 1664. in 8. cui nempe præstantissimum indicem Melchior Freinshemius (Johannis aut frater, aut Agnatus) subjecit. Moliebatur Johannes Freinshemius, qui præfationem præmisit, longe ampliore Taciti editionem, paraphrasi, commentariis indiceque luculentissimis instructam; jamque ediderat A. 1641. Specimen Paraphraseos Cornelianæ in Tiberiani Principatus annos XV. cum versionibus quinque linguarum comparatum; quod si ad finem perduxisset, non fuisset labor inutilis. In Germaniam Taciti seorsim editi sunt Commentarii Andr. Altham-

Althammeri, Jod. Willichii, Cyriaci Lentuli, Georg. Casp. Kirchmajeri, Herm. Conringii. In Agricolam extat Commentarius Mich. Virdungi, Matth. Berneggeri, Marc. Zuer. Boxhornii. Commentatores Politici hujus quidem loci non sunt, sed notari tamen nomina nonnullorum possunt: Scipio Ammiratus, qui inter optimos est, cujusque in Tacitum Discursus Italico sermone conscriptos Junæ 1598. in 4. Florentiæ excuderunt: Phil. Cauriana, itidem Italus, qui vernaculo sermone in quinque primos annalium libros scripsit Romæ 1609. in 4to, & Trajanus Boccalini itidem peculiari commentario Italico; qui & in Relationibus suis ex Parnasso hic illic de Tacito lectu dignissima & jucunda inspergit. Latine in Tacitum Commentarios Politicos adornarunt Annibal Scorus Francos. An. 1609. qui aphorismos politicos extraxit: Christoph. Forstnerus, cujus notæ & dissertationes elegantissimæ, Argentorati & in Belgio, nisi fallor, impressæ, in omnium manibus sunt: Joh. Henr. Bœclerus, a quo Notas Politicas in primordia Annalium Taciti & Historiarum libros, Argent. An. 1664. editas, habemus: Andr. Canonherius, a quo Quæstiones & discursus in primos duos Taciti libros, Romæ 1609. in 4. editi, fluxerunt: & forsân alii. Pulcherrima editio Taciti, cum notis Variorum, a Joh. Frid. Gronovio adornata, prodiiit Lugduni Bat. tomis II. in 8. quam ille moriens Regi Galliæ inscripsit. Integræ illic notæ sunt Lipsii, Rhenani, Ursini, Mureti, Pichenæ, Merceri, Gruteri, Acidalii, Grotii, Freinshemii, & selectæ aliorum. Gronovius integras notas suas adjecit, quas seorsim antea publicaverat: adjecit iis quoque Excerpta variarum lectionum e codice Oxoniensi Jac. Gronovius. In Delphini usum Abbas quidam Julianus Pichon, tomis quatuor, ab anno 1682. ad 1687. Tacitum edidit: Post hunc vero Theod. Ryckius, cum MSS. codicibus collatum, suisque illustratum animadversionibus, Lugd. Bat. 1687. in 12. emisit. Soler cum Taciti Operibus una excudi *Dialogus de causis corrupta Eloquentiæ*, quem tamen ejus non esse, ob evidentissimam maximamque styli disparitatem, docti fere omnes consentiunt. Quintiliano autem, qui alicubi se talem librum scripsisse refert, tribuunt plerique, queis tamen contradicunt Lipsius, Barthius, Vossius, & Tanaq. Faber, incertum ejus Auctorem existimantes, & propterea abjudicantes Fabio, quod Auctor dicit, se quæsturam, tribunatum, præturam, Romæ accepisse; cum de Quintiliano constet, eum nihil unquam dignitatis in republica esse consecutum. Vid. Voss. Hist. Lat. pag. 159. cujus in eo quoque judicium approbamus, quod Autorem Dialogi, quisquis demum ille sit, disertum & sani omnino judicii fuisse scribit. Conf. Barthii Advers. lib. XLIV. c. 8. Placcius de Pseudon p. 261. Tan. Faber Not. ad Longin. pag. 239. & Ger. Langbainius ad eund. qui satis etiam exinde concludi posse, falso tribui Quintiliano dialogum istum, arbitratur, si quis ea, quæ ad finem libri octavi dicit Quintilianus, cum iis, quæ in Dialogo dicuntur, conferat. Vossius alibi, nempe de Natura Rhetor. c. 15. pag. 107. præter Tacitum & Quintilianum, quibus Dialogus adscribi solet, Junium quoque Gallionem nominat, M. Annaei Senecæ filium secundo genitum, Luciique fratrem, quem Eloquentiæ claros etiam suæ ætatis viros vicisse ex ipsius patris, tum & Statii, testimoniis confirmat. Ceterum

terum, cum ſe Tacitus politicis adeo probarit, mirum non eſt, ſi in omnium cultioris Europæ gentium linguas translatus ſit, Italicam, Gallicam, Germanicam, Belgicam, Hispanicam, Anglicam: & in aliquibus etiam plus ſemel verſus compareat. Sed tamen non ejusdem quoque generis verſiones omnes ſunt: ſane enim, quantis obſcuritatibus Tacitum Itala verſione ſua involverit Bernardus de Avanzatis, Interpres ne quidem ipſiſmet ſuis civibus, Florentinis, intellectus, ſed e Latino ſemper Taciti textu explicandus, enarrat prolixè Erythræus Pinacoth. III. pag. 218. ſeq.

- 5 Sub iisdem plane Imperatoribus, ſub quæis clari erant Tacitus, Pliniusque, floruit quoque SEXT. JULIUS FRONTINUS, cujus *Stratagemata una cum Vegetio* Pariſ. 1607. edita ſunt. Ejusdem de *Aquæduſtibus & Cloacis* libelli ab Onuphrio Panvinio Commentariis Reip. Romanæ inferri ſunt Pariſ. 1588. in 8vo. Opera omnia, cum notis variorum Arnheimii prodierunt: ut & Amſtelodami 1661. in 8. curante Rob. Keuchenio, qui ſuas quoque Notas adjecit.
- 6 Frontino L. ANNÆUM FLORUM addimus, Hiſtoriæ Romanæ Scriptorem compendiarium qui ſub Trajano Imp. ſcripſit: quanquam & Hadriani tempora illum attigiffe, eumque ipſum fuiſſe Poëtam, cujus in Caſarem, & Hadriani viciffim in illum, verſiculos Spartianus narrat, perſuaſus non ſine ratione eſt Voſſius, de Hiſtor. Lat. l. I. c. 30. Diſtinctionem ſi ſpectes, ad æratem ferream referendus videtur, adeo multa in illo ſunt non tantum non Latine, ſed etiam ſulte, dicta. Eſt enim in illo neſcio quæ ventofa & panegyrica loquacitas, metaphoræ ineptæ & pueriles: ut adeo peſſime faciant, quotquot ipſum ad Latinitatem tironibus commendant. Eſt tamen hiſtoriæ Romanæ non inutile compendium, cujus jacturam facilius ferremus, ſi Livium haberemus integrum. Florum inſigni plagio excripſit; nulla ejus facta mentione JORNANDES GOTHUS, hiſtoriam rei Romanæ a Romulo ad Auguſtum narrans; ſed & idem barbaro, qui ſequitur, ſtylo ſuo ſorex ſui ipſius proditor. vid. Thomaf. de Plagio §. 475. qui e Voſſio eam obſervationem hauſit. Variæ vero ſunt Editiones Flori. Prodiit Veneriis apud Aldum 1521. una cum Polybio a Nic. Perotto Latine reddito: cum annotationibus Joh. Camertis Baſilæ 1528. & 1532. cum Frid. Sylburgii notis Francof. 1588. Tom. I. Scriptorum Hiſtoriæ Rom. ex recenſione & cum notis Eliæ Vineti Piſtavii 1554. cum notis Jan. Gruteri & Claud. Salmaſii, tum adoleſcentuli adhuc, Heidelb. 1609. neque virum Salmaſium ejus in Florum collatæ operæ puduit, quippe qui Florum denuo, cum amplioribus notis, & Luc. Ampelii Libro memoriali, Lugd. Bat. 1638. in 12. vulgavit. Freinſhemiana Flori Editio Argentorati An. 1632. & iterum 1636. in 8. ſummo ſtudio eſt adornata, nec temere cuiquam alii concedit, ſeu textum, ſeu notas, & chronologiam, ſive demum indicem, ſpectes: recuſa etiam A. 1669. Extant & *Obſervationes Politicæ & Pbliologicæ in Florum*, CHRISTOPH. AD. RUPERTI, ſeorſim editæ, in quibus multum bonæ frugis eſt. Optime enim de Hiſtoricis meritis eſt Vir ille, ut teſtantur ejus ſcripta, pleraque poſthuma: nam ipſe mature ſatis conceſſit. A. 1680. Celeb. JOH. GEORG. GRÆVIUS Florum, cum ſuis unius notis, editit Ultrajecti, in qua Editione illud præcipue laudandum, quod ſubjecerit imagines & nu-

& numos, in quibus vel Imperatores, vel alii clarissimi Viri, vel Actus denique rei publicæ & antiquitates repræsentantur: quibus oculo una cum historia objectis, renacior inhaeret memoria rerum illarum. Præmisit & luculentam Dissertationem de Flori stylo, in qua per totum Florum excerptit inepte ac affectate dicta, a quibus cavere sibi debeant, qui eum legunt. In usum Delphini prodiit Florus, notis illustratus ab Anna, Tanaqu. Fabri filia, virgine tum, nunc uxore Andr. Dacerii, cujus fama cum Patris fama pari passu ambulat. Paris. 1674. in 4.

Paulo ante Florum, nempe sub Domitiano, *Historiam belli Hannibalicæ, sive Puni- 7*
cæ II. heroico carmine descripsit SILIUS ITALICUS, magnis dignitatibus in republica functus, (eo enim anno, quo Nero periit, Consul erat) opibusque clarissimus: sed minorum gentium Poëta, quippe qui magis fidem historicam, quam ingenium, in subsidium adhibuisse videtur. Sane illum Poëtam omnium antiquorum maxime tautologum, & ingenio postremum, vocat Barthius Advers. lib. XXXIII. c. 3. idque plenius ostendit c. 4. secutus jam olim ita censentem Plinium juniorem Epist. I. III. ep. 6. Scripsit in illum Dan. Heinsius, 12. circiter aut 14. annos natus, *Grepundia* quæ vocat, i. e. notas Lugduni Batav. apud Raphelengium 1600. & Cantabrigiæ in 12. edita: quibus additur quoque Dissertatio de veræ criticæ apud veteres ortu, progressu, usuque. Jam vero An. 1483 Venetiis, cum Petri Marli commentariis, Silius editus est: & cum locuplete Commentario Claud. Dausqueji An. 1618. in 8vo. (Nuper etiam a Christ. Cellario Lipsiæ, cum notis, vulgatus.)

Ut erat ferax Virorum doctorum ætas, qua Vespasiani imperabant, ita per- 8
tinent quoque huc Poëtæ M. Valer. Flaccus, Statius, Martialis, Juvenalis, de quibus nunc sigillatim dicendum. Et quod quidem VALERIUM FLACCUM at-
rinet, qui ætate reliquos antecedit, illum unum e Latinis felicissimum in Epico carmine, post Virgilium, fuisse Nicol. Heinsius, peritissimus de his judicandi artifex, censuit. *Argonautica* ejus (quæ morte præventus juvenis ad finem perducere non poterat,) post alios Commentatores, notis egregiis illustravit Ludov. Carrio, Ant-
verp. 1585. in 8. apud Plantinum, una cum Flacco primum editis, & deinde additis Justo Zinzerlingii notis, Lugduni 1617. in 12. denuo recufis. Inde Lampertus Alardus Flaccum, cum suis, Christoph. Bulæi & Joh. Weizii notis, adjecto indice luculento, edidit Lipsiæ in 8. 1630. omisiss tamen notis Zinzerlingianis, quas interim subinde compilavit: volueratque illas vindicare Zinzerlingii filius, si supervi-
xisset. Nitidissima autem est & emendatissima editio Valerii Flacci, quam Amste-
lodami A. 1680. Nicol. Heinsius edidit, cum præfatione, in qua de curatoribus priorum editionum, notarumque Auctorebus, agit.

Flaccum sequatur Epicus poëta alius, PAPINIUS STATIUS, generosus Va- 9
res, ut eum Buchnerus nuncupat, magni, si quisquam alius, spiritus, & haud procul
a Virgilio locandus. Quanquam enim longe illo minor sit, ob tumorem istum &
Tomus I. Xxx xx loquen-

loquendi catachresticum morem; ingenii tamen in eo magna est præstantia. Putarim interim cum judicio legendum: multa enim sunt apud illum audaci furore dicta, quæ temere imitari nemo debet. Dissuadeo igitur omnino ejus lectionem in prima ætate, in qua ad imitationem optima sunt proponenda. Nam plus est in illo phantasiæ, quam judicii, ac verissimum, quod Borrichius de illo dicit, eum instar Alexandri, ut magnis virtutibus, ita magnis vitiis, scatere. PAGANINUS GAUDENTIUS peculiarem librum *de audacia styli Statiani* conscripserat; de quo sic ipse in Epistola ad Jac. Gaddium, quæ præfixa est hujus libro de Scriptoribus Non-Ecclesiasticis: *Librum ego scripsi, editionique paratum habeo, de Audacia styli Statiani, cui multa antiquaria philosophica atque alia, admiscetur. Magni nempe facio Statii sublimis ingenium. Dum autem audaciam illi tribuo, non hoc ago, ut eum reprehendam: tantum cupio lectorem cogitare, an imitatione dignos judicet quosdam dicendi modos, qui in Thebaidæ, atque alibi, occurrunt.* Hæc ibi Gaudentius: sed cujus liber non magis in publicum exiit, quantum scio, quam similis Casp. Barthii, quo contra Scaligerum demonstratum dare volebat, non frustra Statium tumiditatis argui: vid. *Adversar. II. c. 18.* Prodiit Statius, ut editiones alias taceamus, ex emendatione cum scholiis Joh. Bernartii, Antwerpiae 1595. in 8. Sed vehementer illam editionem perstringit Barthius *Advers. lib. VI. c. 4.* Cum notis Casp. Gevartii editus est Lugduni Batav. 1616. in 8. Sylvarum libri cum paraphrasi marginali Thomæ Stephani, ut & libri duo Achilleidos, prodierunt Cantabrigiæ 1651. in 8. Commentarium in Statii Sylvas scripsit Domitius Calderinus, quem vero Dominicum de Caldariis vocari debere alicubi Colomesius annotat, editum separatim Venetiis, & Parisi. 1600. Cura Joh. Frid. Gronovii recensitus prodiit Statius Amstelod. 1653. in 12. cum jam antea A. 1637. Hagæ Comitæ ejus in Statium Diatribæ editæ fuissent. Est vero illi de notis in Statii Sylvas lis nata cum Emerico Cruceo, qui se Mercurium Frondatorem vocat; quem eleganti & festivo scripto, cui titulus *Elenchus Anti-Diatribes*, Parisi. 1640. in 8. Gronovius retudit. (pp) Anno 1664. Cygnæ

(pp) Historiam Certaminis inter Joh. Frid. Gronovium & Emericum Cruceum, Monachum, & Collegii ejusdam Parisiensis Pædagogum, de Statio Literarii cum obiter saltem Morhofius attigerit, paucis, e *Cimbria nostra Literata*, & Elogio Gronovii, isti inserto, exponemus. Statium, cum Veterum & Recentiorum Commentariis, edidit Cruceus Parisiis An. 1618. in 4to. Hanc ejus Editionem cum Gronovius, in sua *ad Libros V. Sylvarum Statii Diatriba*, Hagæ An. 1637. in 8vo publicata, & Grotio, Salmasio, Heinsio, Vinc. Fabricio, aliisque Reip. Literariæ Principibus, summiopere probata, Virgula subinde notasset Censoria, Cruceus, sua vindicaturus, sub larva *Mercurii Frondatoris* (quam, ante Morhofium, Chr. Ad. Rupertus, in *Annot. ad Synopsin Historicam Chr. Besoldi* p. 29. eumque secutus Vinc. Placcius in *Tr. de Scriptoribus Anonymis & Pseudonymis* pag. 225. nec non Adr. Bailletus in *Tr. Gallico de Sæyris Personabilibus*, T. II. p. 328. illi detraxerunt,) *Antidiatriben*, seu *Frondationem Sylvarum Papinii Statii*, Stylo insigniter maledico, Parisiis An. 1639. in 24. ei opposuit. A Gronovio vicissim Cruceo repositus *Elenchus Antidiatribes Mercurii Frondatoris ad Statii Sylvas*, Libellus adversarium facere admodum exagitans, Parisiisque A. 1640. in 8vo, una cum Claudii Salmasii (cujus nonnulla Cruceus itidem vellicaverat)

gneæ in lucem editus est vastissimus Casp. Barthii in Statium commentarius, duobus spissis in 4. voluminibus constans, cum indice Christ. Daumii; in quo quamquam non pauca sint laudabilia, longe tamen plura limam merentur. Vererem Scholiasten Placidum Lactarium (quem Scaliger & alii Lactantium vocant) produxit, suasque adjecit notas, Frid. Lindenbrogius Paris. 1602. in 4to. (99) Magnam illi operam olim Henr. Schævius impendit, cujus paraphrasis & Lexicon Statianum prælo paratum erat, sed illius morte omnis labor periit. Sic & periit labor Wouwerianus, de quo Jos. Scaliger in Epistolis pag. 658. aliam tamen ob causam, nescio quam, sufflaminatus. Gallice Statium convertit Mich. Marollius Paris. 1658. in 8vo. Prodiit & Paraphrasis Gallica, cum notulis Franc. Guyeti & aliorum.

XXX XX 2

DEC.

ad Gronovium Epistola, excusus. De hoc Elencho Claud. Sarravius, Ep. 10. ad Vinc. Fabricium (p. m. 16.), sequens Anno jam 1649. antequam prodisset, tulit judicium: *Dabit Gronovius noster Elenchum Antididascibes Emerici Crucei, in quo miser ille Cruciarus miris vapulas & sorquetur molis. Nil mihi dudum lectum est amantius hoc postremo Amici nostri Opere, quod sub prælo fuderat.* Novam adversus Elenchum hunc Gronovianum Apologiam Cruceus, teste Chr. Ad. Ruperto (in Epist. ad Georg. Richterum An. 1641. scripta) minatus quidem est, sed in lucem nunquam protulit. Cæterum de Meritis Gronovii in Statium Joh. Veenhufius, in *Præfat. sua Editionis Poeta ejusdem*, vere ita judicavit: *Gronovio præ reliquis tantum Statius debet, quantum cæteris omnibus, qui aliquid lucis ei affuderunt.* Plura vero haud dubie Poeta hic eidem debebit, si reliquæ ad eum Diatribæ, Observationes in Opera illius omnia, & Commentaria in Thebaïdem & Achilleïdem, quæ superstes publice promissit, e Scriniis defuncti aliquando prodierint.

- (99) Uti omnes Autorum Veterum, quas Frid. Lindenbrogius curavit, Editiones eximiae sunt, ita etiam Statiana, quam, e MSS. Pauli Petavii, Pet. Danielis, Putcanorum & Nicol. Fabri, accurate emendatam, adjectis, præter Placidi Lactantii in Thebaïda & Achilleïda Commentarium, e Codd. Biblioth. Regiæ & Pitheagoræ recensitum, locisque infinitis emaculatum, suis Variar. Lectionum Observationibus, Indiceque uberrimo, Parisiis, apud Andream Perier, An. 1600. in 4to maj. divulgavit. Accessit ei, biennio post (An. 1602.) Appendix, ibidem Claudii Morelli Typis excusa, quæ Frid. Morelli Commentationes & Conjectanea, Domitii Calderini Commentarium, & Lindenbrogii ipsius Breve Corollarium Observationum suarum in Statii Sylvas, complectitur. Editionem hanc (quam, novis in Statium pariter atque interpretem ejus, Lactantium Placidum, Observationibus atque Emendationibus *ἀντορροφῶσις* a Lindenbrogio auctam, in Bibliotheca vidisse recorder Hamburgensi) aliis præserunt, nec immerito, Ol. Borrichius *Diff. II. de poetis p. m. 62.* Joh. Hallervordius in *Biblioth. Curiosa pag. 303.* & Joh. Alb. Fabricius in *Biblioth. Latina, P. J. p. 101.* Quorum Ultimus recte effectam tum Statii, tum Placidi Lactantii, quam sociata opera An. 1600. moliebantur, Editionem, Parisiensi hac, eodem Anno, a Lindenbrogio, Wouwerii Æmulo, vulgata, esse sufflaminatam. Consuli de Conatibus his Wouwerii & Scaligeri possunt Wouwerii Ep. IV. & XIV. Cens. II. ad Scaligerum p. 214. 239. ac Scaligeri Ep. 174. ad Wouwerium p. 716. & seqq.

10 DEC. JUNIUS JUVENALIS, Poëta satyricus post Horatium primo statim loco ponendus est. Quanquam enim non desint Viri eruditissimi, qui Juvenalem Satyræ leges minime implevisse judicant, ut Buchnerus de Commut. Rat. dicendi p. 28. observavit; sunt tamen vicissim, qui immerito iniquius de illo censerent autumant. Ita Jac. GADDIUS de Scriptoribus Non-Eccles. T. I. p. 264. *Juvenalem ait, quidam existimantes non Satyricum poetam, sed declamatorem, Horatio in Satyricis impari, perperam judicariunt: siquidem, cum prima satyræ pars sit objurgatio, in hac unice regnat & triumphat Juvenalis. Nec desideratur in eo risus aliquando, excitatus a festiva & falsa urbanitate. Admirandis autem Acuminibus & sententiis vicit Horatium in satyris. Sextam Juvenalis satyram Scaliger divinam totam vocat, & quæ grandem spiret poetam: primam valde celebrat: decimam vero appellat optimam, ac longe præsert primam Horatii.* Jos. SCALIGER, in *Excerptis Putan.* p. 133. *Juvenal est un admirable Poëte: il y a de belles choses à dire là dessus: c'est un si beau poëte à prix de Perse, qui s'est plu à écrire obscurément.* Idem, in *Primis Scalig.* p. 95. Juvenalem excellentem poetam vocat, & in quo præclara multa sint. Miratur tantum, cur se dicat scripsisse stylo Lucilii, cum nihil sit dissimilius. Non minora loquitur MICH. NEANDER in *præfat. Krotæm. Ling. Gr.* p. 192. qui Horatium Juvenali, neque argumentorum varietate, neque dexteritate inventionis, neque crebritate sententiarum, neque acrimonia reprehensionis, neque acumine dicendi, neque faciliis aut urbanitate, parem judicat: sed Juvenalem longe accuratioris satyræ auctorem esse, candidum, ac Satyricorum facile principem. Extat in Juvenalem Verus Scholiastes, cum ipsis Satyris a Pet. Pithæo editus Paris. 1603. in 4. Hunc Scholiastem, cum perverusto quodam & optimæ notæ codice MSS. Gerh. J. Vossii (cui multa quoque Anonymi scholiastæ annotamenta erant addita) collatum, auctiorem & emendatiorem edere olim Pet. Lambecius moliebatur, eaque in re Avunculum suum Luc. Holstenium consuluit: cui vero hic Epist. 8. ita respondit. *Probo eam, quam Juvenali, veterique scholiastæ, operam impendis, cum & me aliquando idem studium inceserit. Sed quotquot istorum Scholiorum exemplaria inspexi: inspexi autem plurima & antiquissima: a Pithæanis illa toto, quod ajunt, calo diserepant, ut frustra ex illis medelam locis hincis speres.* Labores Lambeciani in lucem non prodierunt, sed extant tamen in Bibliotheca Cæsarea Vindobonensi. Soler Persio jungi Juvenalis: atque adeo pleræque editiones, quas sub Persio enumeravimus, etiam ad hunc sunt referendæ. Addendus iis commentarius in satyras Juvenalis, a Domitio Calderino scriptus, editusque Romæ 1474. in fol. Juvenalis Nicol. Rigaltii prodiit apud Stephanum 1613. Bonav. Gangrei Paris. 1614. in 8. cum Cælii Curionis, Britannici, aliorumque notis, Basil. 1551. fol. Sunt & aliæ ejus editiones, de quibus sub Persio egimus.

11 M. VALERIUS MARTIALIS, argutissimus *Epigrammatum* scriptor longe magis adhuc quam Juvenalis adversa Criticorum judicia expertus est, Mureti, Gyraldi, Volaterrani, Naugerii, de quibus in libro de Patavinitate Livii nos aliquid *cap. 9. p. 128.* memorasse meminimus: addimusque nunc solum ea, quæ indignabundus BALTH. BONIFACIUS, in *Conjecturis in Martialem*, dicit, cum ait:

Ælius

Alius Verus Caesar, apud Spartianum, diu nocturne hunc poemam evolvens, & Virgilium suum appellavit: at non tetricus ille censor Claudius Veridicus, qui eum parasiten obscurum, & Poëtam scurrilem, impudentissime nominavit: at non atrox ille incendiarius, vir aliquin cruditus ac nobilis (Andr. Naugerius), cujus nomini mea Musa parcendum existimavit, qui Martialem quotannis, quod virgunculas Musas deprædicasset, publice comburebat. Cujus facti indignitate commotus me non continui, quin conceptam inde indignationem effunderem. MICH. NEANDER. l.c. p. 191. postquam obscenitatem Martialis devirandam monuisset, de reliquis ejus ita judicat. *Multa ejus Epigrammata divina plane sunt, in quibus & sermonis castitas, & argumenti species luculenta est: versus vero candidi, numerosi, pleni, demique optimi.* Obscena refecare e Martiali visum nonnullis est, unde nati ejusdem Castratores, Contr. Gesnerus, Matth. Raderus, alique plures, quorum aliqui, in titulo mira de hoc suo refecando studio promittentes, nihil tamen in textu ipsomet præstiterunt: de quibus omnino consulendus Vavassor lib. de Epigrammate c. 20. qui de toto hoc studio detruncandi plura lectu dignissima affert. (rr) Scripsit Commentarium in Martialem jam decimo quinto ruente seculo Domitius Calderinus, Laurentio Mediceo, nuncupatum, editumque Vener. 1493. in fol. in quo præter

Xxx xx 3

emen-

- (rr) Inter Castratores Martialis primus fuit Contr. Gesnerus, Medicus & Polyhistor Civitatis Tigurinae inclutus, qui Tiguri A. 1544. in 8vo edidit *Epigrammata ejus recens ab omni Verborum obscenitate, in Adolescentium præcone Scholarumque usum, expurgata, & in Locos Communes LXXXIV. digesta, una cum Tribus Dialogis, quibus ratio hujus Instituti redditur, & Jac. Micelli in Martialem Annotationibus.* Secuti sunt hujus Exemplum Jesuitæ nonnulli, Andr. scil. Frusius, Carnutensis Gallus, cujus *Martialis repurgatus & cæcæ* (teste *Biblioth. Jesuitica*, Phil. Alegambii & Nath. Sothwelli p. m. 51.) Romæ A. 1558. in 8vo, & Lugd. Gall. A. 1598. in 16. prodit, Matthæus Raderus, Tyrolensis, qui Martialem, omittis obscenis, emendatum, ac Commentariis illustratum, ter edidit, ac tertius quidem curis auctiorem Moguntia An. 1627. in fol. & Pet. Rodellus, qui libros V. Epigrammatum, refectis itidem lascivis, & Poëta hoc collectos, cum Notis suis, Tolosa A. 1680. in 8vo. (referente Joh. Alb. Fabricio *P. L. Biblioth. Lat. p. 113. 114.*) publicavit. Non desunt Instituto huic sui Patroni, Vinc. Placcius in *Tr. de Scriptoris Anonymis & Pseudonymis detectis*, P. I. c. 10. p. 79. 80. Ol. Borrichius *Diff. II. de Poetis Latinis*, §. 39. p. 63. 64. & ut alios sileam, Contr. Gesnerus in tribus, quos suæ Editioni annexuit, Dialogis, paulo ante laudatis. In quorum Tercio Rhadamanthus Judex, post causam hanc in utramque partem, a Mitione & Demea, coram tribunali suo, suscepcatam, sequentem fert sententiam: *M. Val. Martialis principio castrari debet, dein ferro membratim discindi, ita ut nulli artus ei cohererent amplius: mox diligenter a perito aliquo Medico, quæcunque particula ulla luc infesta fuerint, igne ventur: reliquæ de integro in corpus nocum articulatas concinnatæ conglutinentur, quemadmodum Æsculapius olim ferrus ab equis discerpta Hippolyti Atheniensis membra, ope artis Medicæ, in pristinam integritatem reduxisset. Quod si semere quisquam huic sententiæ meæ contraxerit, in illo quoque castrationis pœnam exerceri volo.* Sed nec eidem sui desuere Censores, iique patronis longe numerosiores. Quos inter, ex ipsis Pontificiis atque Hispanis, Laur. Ramirez de Prado, in *Hypomn. ad Martialis Amphibatr. Epigr. 35.* acerbe satis in Raderum Jesuitam, Castratorum istorum celeberrimum, invehitur. Morhofio nostro istud institutum itidem non admodum fuisse probatum, satis arguit argutum ejus ad Joh. Owenum, *Epigrammatographum Anglum Martialis Æmulum*, a Jesuitis pariter castratum, *Tetrastichon*, in *Epigrammatibus Schælis* p. m. 28. obvium.

emendationem Autoris, quam e quinque codicibus MSS. instituit, multa e veterum Græcorum, Latinorumque disciplina observat. Nostro seculo similem Commentarium struxit adolescens, ac pene puer adhuc, Laurent. Ramirez de Prado, Paris. in 4. 1627. editum: in quem tamen multa congesta sunt, quæ jam prius ab aliis erant observata, annotante Scaligero Epist. 466. Hinc non adeo mirum, si ex Pierii Hieroglyphicis, aut ex Raderi Annotationibus, etiam nonnulla, tacitis Autoribus, videantur subrepta; qua de re Jac. Pontani & Raderi verba allegat Thomafius *de Plagio Liter.* §. 137. & Placcius *de Pseudon.* p. 228. integrum librum Claudii Musamberti, seu, ut evoluit ille Theodori Marcilii, Commentariorum in Laur. Ramiresii Hypomnemata ad Martialem, Paris. 1607. in 8. impressum, memorat, quo Ramiresius traducitur. Verum haud abs re addit Placcius, longe magis esse audiendum l. c. Scaligerum; qui, si puerilem ardorem inclarescendi, nimiumque alios vituperandi pruritum, demas, egregiam adolescentis indolem vehementer etiam collaudandam putat, parumque abest, quin ipsi præferat Theod. Marcilio. Idem Placcius, *cod. lib.* p. 243. in eam adducitur suspicionem, ut non tam Ramiresium adolefcentulum discipulumque, quam Franc. Sanctium, ejus præceptorem, Auctorem esse commentariorum in Martialem conjiciat; velut & Latine Grammaticæ, seu (quo nomine notior est) Minervæ Sanctianæ auctor aliquando Ramiresius falso jactatus est. Matth. Raderi vastus in Martialem commentarius Mogunt. in fol. A. 1627. prodit. Ex emendatione Hadr. Junii, cum indice omnium vocabulorum, cura Jos. Langii, Martialis Argentinae An. 1595. in 12. lucem aspexit: cum commentariis Variorum, & indice Langii, Paris. 1607. in 4. Prodit & Editio, cum notis Variorum integris, e museo Pet. Scriverii, Lugduni Bat. 1619. in 12. De Thom. Farnabii notis, sive paraphrasi potius, parum benigne judicat Franc. Vavassor, in lib. de Epigrammate pag. 288. If. Vossius commentarium quoque in Martialem scripturus fuit, si credendum Colomesio. Desid. Heraldus, jam in scribendis animadversionibus in Martialem accinctus, Scaligerum, ut suppetias suarum notarum mitteret, oravit Ep. 67. Ep. Galli ad Scaligerum. Scaliger autem quædam Martialis Epigrammata Græce vertit, quæ, cum præfatione If. Casauboni Paris. in 8. edita sunt. In catalogo Bibliothecæ Thuanae reperitur Index in Martialem seorsim editus Auctore Pet. Etloisio in 8. de quo tamen nihil mihi constat. Cæsar. Zarotti, Philosophi & Medici Veneri, Commentaria in Martialem Medica Venetiis A. 1657. in 4. prodierunt.

- 12 Ne vero viri solum famam eruditionis sibi eo tempore vindicare possent, SULTIPITIA effecit Poëtria, quæ de corrupto Reipublicæ statu, cum Domitianus publico edito

Pegasus ergo tuus factus Cantaberius eben?
 Ipseque Apollo tuus factus Apella finit!
 O felix! aut illos Eunuchos convenis esse, aut
 Marsia ad exemplum crimina pelle luam.

sto philosophos urbe exegisset, *satyræ* scripsit. Reperitur illa in libello, quo continentur Epigrammata & Poëmata veterum, e Bibliotheca Pet. Pithcei edita, Paris. 1590. in 16. Reperitur & inter poëtas satyricos minores, quos M. Z. Boxhornius recensuit, atque Commentariis illustravit Lugd. Batav. 1633. in 12. Accedit & Janni Douke Schediasma in Sulpitiæ satyræ, A. 1633. (ss).

Agmen Auctorum aeneæ ætatis claudat præclarus Vitarum veterum Imperatorum Scriptor, qui sub Trajano atque Hadriano inprimis claruit, C. SÜETO-NIUS TRANQUILLUS, cujus, ut jam ceteras taceamus, elegans editio prodit cum Commentariis variorum integris, Phil. Beroaldi, Lev. Torrentii & If. Casauboni (qui alias & seorsim singuli prodire) Paris. 162c. in fol. Casauboni Commentarium, qui ceteris fere omnibus præstat, & a Scaligero satis laudari non potest, J. H. Bæclerus, cum suis Dissertationibus politicis, edidit Argentor. in 4. 1647. adjuncto indice locupletissimo. Sunt & Matthiæ Berneggeri Dissertationes in Suetonii Cæsares aliquot, Argentor. 1655. in 4. editæ. Quæ cum notis Variorum Lugdun. Batav. Ann. 1656. in 8. lucem aspexit, Editio Suetonii Joh. Schildio curante, bona est, in qua multa nova sunt, ab aliis non observata; Salmasianæ etiam observationes multæ. Omnium optima vero illa Editio, quam Ultrajecti A. 1672. in 4. Joh. Georg. Grævius nobis dedit, cum integris Commentariis atque notis Lev. Torrentii, If. Casauboni, Theod. Marcilii, Franc. Guieri, Joh. Frid. Gronovii, & ipsiusmet Grævii: Achilii Statii item & Eliæ Vineti ad libros de Grammaticis & Rhetoricis: denique etiam adjectus index copiosissimus Berneggeri, quem Typographus a Freinsheimii hæredibus redemit. Edidit quoque Suetonium Carolus Patinus, suisque notis, ac præcipue numismatibus, illustravit Basil. 1675. in 4. Longe pluribus autem Iconibus & selectis notis Suetonium illustratum dedit Sam. Piriscus Ultraject. 1690. 2. Volum. in 8. In usum Delphini August. Babelonius Paris. 1684. In Suetonii Julium Cæsarem exstant Jac. Zevecotii Observata Politica elegantissima, qui & in ceteros Cæsares Notas Politicas scripsit, sed breviores.

C A P. XIV.

QUO AUTORES LATINI ÆTATIS FERREÆ R E C E N S E N T U R.

1. *Justinus Historicus, Trogi Epitomator.*
2. *Anlus Gellius.*
3. *Apulejus.*
4. *Q. Sept. Florens Tertullianus.*
5. *Censorinus.*
6. *Julius Obsequens, M. Aur. Olympius Nemesius.*

(ss) Sulpitiæ Poëtiæ Epistolas Amatorias, Libro IV. Carminum Tibulli insertas, vindicat, & Tibullo adjudicat, Casp. Barthius, styli dissimilitudinem, aliaque argumenta, pro sententia hac sua, allegans, *Lib. 55. Adversar. c. 16. p. 281.* Conf. Placcium verba ejus quædam recitantem, in *Tr. de Scrip. Anon. & Pseudon. P. II. p. 265.*

Nemesianus, T. Jul. Calpurnius, Q. Serenus Sammonicus, Rutilius Numatianus.
 7. Scriptores Sex Historie Auguste, Ael. Spartianus, Jul. Capitolinus, Ael. Lampridius,
 Vuleianus Gallicanus, Trebellius Pollio & Flav. Vopiscus. 8. Sex. Aurelius Victor.
 9. Minutius Felix. 10. Arnobius. 11. L. Cael. Lactantius. 12. Ammianus Mar-
 cellinus. 13. Flav. Vegetius Renatus. 14. Q. Aurelius Symmachus. 15. Dec. Ma-
 gnus Ausonius. 16. Cl. Claudianus. 17. Aurelius Prudentius, & Poeta Christiani ce-
 teri, a Georg. Fabricio junctim editi. 18. Dracontius & Venantius Fortunatus.
 19. Macrobius. 20. Severus Sulpitius. 21. C. Sollius Apollinaris Sidonius. 22. Mar-
 tianus Capella. 23. Anicius Manlius Sever. Boethius. 24. M. Aurelius Cassiodorus.
 25. Scriptores Finium Regendorum. Accedunt Monita de Latinitate Pandectarum,
 uti & Scriptoribus Aevi Medii, ob Historiam, non autem Styli, legendis, generalia.
 26. Appendix de Inscriptionibus Antiquis, Latinis pariter atque Graecis, earumque
 Collectoribus, imprimis Jano Grutero, Thoma Reinejo, Marq. Gudio, Raph. Fabretto,
 Seb. Maccio, Joh. Zaratino, Joh. Seldeno, Jac. Sponio, Guilb. Fleetwodo, &c.

Ab Antoninis FERREAM ÆTATEM LATINI SERMONIS supputari debere
 judicant haud abs re plerique. Sed tamen sunt, qui sub iis Imperatoribus
 vixerunt, Auctores bini, de quibus non recte severam adeo sententiam pro-
 nuntiari aliqui putant. Prior illorum est Justinus, alter Gellius. JUSTI-
 NUM equidem inter Argenteæ etiam ætatis Scriptores cooptant, cum Trogus ille,
 cujus Epi-tomen ipse contexit, Augusti vixerit ævo, & vero probabile sit, Justi-
 num Trogi verba in pluribus retinuisse. Sed enimvero supra monuimus, ita Flo-
 rum etiam ætati præstantiori, quam æneæ, adscribendum fore, qui Livium in epi-
 tomen contraxit. REQUS itaque Scioppius, Justinæ ætatem, qua vixit atque scri-
 psit considerans, eum ferreæ ætati adscripsit: quamvis diffidendum non sit, ejus
 Latinitatem non esse usque adeo ferream: imo Floro multo melior est puriorque.
 Ceterum primos libros ejus Historiarum (ut vocavit ipse) Philippicarum XLIV,
 maximi sane æstimandos, edidit Aldus Manutius, de Externis Historiis inscriptos: at-
 que is Aldus etiam sibi ab Amico quodam persuaderi passus est, extare in illius bi-
 bliotheca Trogum ipsum, & brevi etiam edendum: sed deceptus insigniter, vid.
 Vossius de Hist. Lat. l. I. c. 19. p. 100. Præterea apud Rob. Stephanum in lu-
 cem emissus est Justinus Paris. A. 1543. in 8. Ibidem ex emendatione Jac. Bongar-
 sii, cum ejusdem notis, A. 1581. in 8. Cum Bongarsii, Franc. Modii & Matthiæ
 Berneggeri notis, indiceque luculento Joh. Freinshemii, Argentor. 1631. in 8. Cum
 notis II. Vossii, Lugduni Bat. apud Elzevirios in 12. 1640. Cum notis Variorum,
 curante Ant. Thylio, ibid. 1650. & alia ex officina Hackiana nitidior multo melior-
 que, cura Grævii, qui notas integras Virorum doctorum atque suas, una cum in-
 dice Freinshemiano, per Schefferum & Vorstium aucto, adjecit A. 1683. in 8.
 Prodiit & editio Tanaqu. Fabri, cum notis ejus, Salmurii A. 1671.

AULUM GELLIUM vero seu, ut alii scribunt, Agellium ad ferream ætatem
 a Scioppio ablegari, non fert Vavassor de Ludicra Dictione pag. 270. sed, quod &
 Lipsius

Lipſius fecit, optimæ Latinitatis autorem vocat. Variæ ſunt ejus Editiones, quam multo plures a Viris doctis promiſſæ, varia culpa ſeu infortunio, interierint. Inſumſit noctes aliquas Gellio eximio cum ſucceſſu HENR. STEPHANUS, queis propterea nomen quoque fecit: *Noctes Pariſiæ Atticis Gellii invigilare*, quas, cum Ludov. Carrionis notis in Gellium imperfectis junctas, edidit Pariſ. 1585. in 8. Adjecit quoque Noctibus illis ſuis Apologiam pro Gellio contra iniquam Ludov. Viſis cenſuram, cui nimirum Gellius vocatur *homo rhapsodus plane, congeſtor potius, quam digeſtor, & oſtentator, quam peritus: loquaculus ſine eruditione, in verbis ac ſententiis putidulus: legendus quidem, ſed ita, ut te rem levem inſpicere ſcias: & quæ alia indigniſſima & ſe & Gellio convitia Vives cumulat de Diſciplinis l. III. p. 532. & 537.* Quapropter & Joſ. Scaliger, in Excerptis Putean. p. 253. Vivem, ait, malo animo de Gellio judicaſſe: miror tamen, quod addat; *ſed tamen bene.* Melius profecto egit Stephanus, qui defendit Gellium. Sed in eo male conſuluit orbi literato Stephanus, quod Carrionis notas, quas perfectas jam, ut mandaret typis, acceperat, imperfectas tamen reliquit: cujus rei cauſam eam aperit in libris de Vita ſua Thuanus; quod, ob rei familiaris anguſtias, cum jam non amplius ſufficeret Gellio, Stephanus ſuis typis edendo, ad conducendos ab alio typos fuerit coactus: ortis autem inter utrumquerixis (ut erat plane moroſus rixoſusque Stephanus,) ita ſuppreſſæ doctiſſimi Carrionis egregiæ animadverſiones ſunt. Quod, cum non noſter Barthius Adverſ. lib. XXXV. c. 6. male Carrionem ipſummet ſuas notas ad finem perducere non potuiſſe exiſtimavit: recte cetera eas præſtantiſſimas judicans: atque idem de nomine A. Gellii locisque aliquot cap. ſeq. 7. conferendus. PET. LAMBECIUS, inter alia molimina ſua, *Lucubrationes* quoque in Gellium Criticas numeravit, earumque *Prodromum*, una cum diſſertatione de Vita & nomine Auli Gellii, Pariſ. 1647. in 8. apud Seb. Cramoyſium edidit: ſed hunc *Prodromum* Epidromus non magis ſecutus eſt, quam imperfectas Carrionis notas perfectas. Similiter inter promiſſa evanuerunt Cl. Salmaſii Commentarius in Gellium; de quo, tum Clementius in Catalogo Operum Salmaſii, qui ejus Vitæ Epistoſis præmiſſæ annectitur, p. 68. tum Laur. Craſſus Elogior. T. II. p. 211. videri poſſunt: Richardi Thomſoni nova editio Gellii, quam, e Codice MSS. bonæ notæ, meditabatur, teſte Joh. de Bumery in Epistoſt. Gall. ad Scalig. lib. III. ep. 9. editio Oberri Giphanii, quam, e ſpoliis Lucæ Fruterii, doctiſſimi juvenis, cui paratum jam editioni Gellium ſurripuerat, inſigni plagio parabat; teſte Scaligero in Excerptis Putean. p. 87. & 94. aliæque. Philippi Caroli Animadverſiones poſthumas in Gellium, ſed nec eas ob fatum Auctoris integras, publicavit, cum præſatione de Gellio, Chriſtoph. Arnoldus Norbergæ 1663. in 8. additis quoque ejusdem Animadverſionibus in Curtium, & Diſſertatione de Criticis. Jodoci Badii & Petri Moſellani notæ Pariſ. junctim A. 1536. prodierunt. Cum Variorum notis, apud Belgas Gellium Lugd. Batav. A. 1666. in 8. apparavit Ant. Thyſius: cum ſuis & aliorum caſtigationibus obſervationibusque, Joh. Frid. Gronovius Lugd. Bat. 1687. in 8. cui editioni Index quoque Auctorum a Gellio citatorum acceſſit.

3

APULEJUM Afrum, monstrosæ & vere Africanæ dictionis Auctorem, ad ferream ætatem, non solum Antoninorum tempus, quo vixit, sed & ipsemet tumidus ac ineptus sermonis character, ablegant. Melanchthon dicebat illum rudere cum Asino suo. Et tamen is adeo nonnullis amatoribus suis perplacet, ut non solum pro satis Latino venditent, Plautique imitatore, sed & Phil. Beroaldus non dubitaverit, Musas Apuleji sermone locuturas, si Latine loqui vellent. Vicissim vero Franc. Floridus Sabinus acriter in Beroaldum, ob præposterum illum Apulejum imitandi amorem, invecus est. *Vitiosissimum scribendi genus*, dicebat, *ex Apulejo, Martiano, Capella, Sidonio, & similibus, primus suis temporibus excitavit, & in multas Europæ partes, e quibus undique ad eum consuebant Auditores, ita diffudit, ut plurima adhuc supersint ejus vestigia, nec penitus deleri possint.* Hanc Floridi vocem de Beroaldo annotavit Gaddius T. I. Scriptor. Non-Ecclesiast. p. 79. ubi prolixè satis de Philippo Beroaldo utroque: (senior enim atque junior fuerunt) de illius virtutibus, vitiis ac operibus agit. Idem Gaddius, cum de Apulejo agit, l. c. p. 33. varia quoque de illo judicia variorum apponit: in eo tamen, ut mihi videtur, ineptus, quod Apuleji stylo nimis faveat, putetque, condonari illi figuras quasdam, Epitheta, & hujus generis alia, quoque posse; quia non scribat dogmata religionis, aut arcana Politices, aut historiam gravem. Sed non omittit tamen etiam allegare rigidos Apuleji censores; veluti Laur. Vallam, lib. in Antonium Raudensem; Jan. Parrhasium Epist. cent. II. Jac. Pontanum Progymnasin. P. I. n. 25. Franc. Robortellum, Joh. Bapt. Pium, Jac. Durantium Casellium, Justum Liptium, Janum Guilielmium, Raph. Volaterranum; quorum singulorum loca adducit. Potest his addi, præter alios, Buchnerus de Commutata Rat. dicendi c. 13. p. 228. seq. & Daumius in lib. de Causis amissarum Læ. linguæ radicum, ubi pluribus agit de Apulejo. Conf. quoque Jul. Cæf. Capaccius Elogior. lib. II. p. 242. Prodierunt Apuleji Opera, post Romanas, Aldinas, Basileenses editiones aliquot, Lugduni Batav. ap. Raphelengium 1588. in 8. cum notis Petri Colvii, Brugensis; cujus Viri singulare illud fatum fuit, quod calce mula ictus perierit: a mula scilicet referens pretium laborum in Asinum Apulejanum impensorum. Extant de eo bina Jani Doussæ Epigrammata, quæ reperiuntur lib. V. Epigramm. p. 138. seq. Phil. Beroaldi prolixus est in Apulejum Commentarius, qui in 8. Basil. 1550. 3. Volum. & una cum notis Godeschalci Stewechii, in fol. ibidem editus est. Scripsit & Apuleji Vitam Beroaldus. Sed quid de illo senserit Floridus, dictum jam. Multo abjectius adhuc illius mentionem facit Claud. Verdierius, cum in Censura Auctorum pag. 158. ita inquit: *Phil. Beroaldus vir dictionariis quibusdam addictus fuit, e quibus sua eruit omnia: segnissimus in Apulejum oscitat. Hujus si vellem errata omnia persequi, magni voluminis liber emittendus esset.* Extat vero elegantissimus Angli doctissimi, Joh. Pricæi, Commentarius in Asinum Apuleji, Gondæ A. 1650. in 8. vulgatus. Opera ejus Geverh. Elmenhorstius Francof. 1621. in 8. cum suis & aliorum notis, egregia editione in lucem prodire jussit: cum castigationibus suis Bonav. Vulcanius An. 1594. Lugduni Bat. Apologiam Apuleji Commentario illustrarunt Il. Casaubonus Paris. 1594. in 4to, Scipio Gentilis, Hanovix 1607. in 8. & Joh. Pricæus Paris. 1636.

1636. in 8. Casp. Scioppii Symbola in Apulejum recusa sunt Amstelod. 1664. in 8vo.

Immiscendi nunc, ferentibus ita seculis, Christiani quoque Paganis sunt, atque 4 hos inter prodeat primus Afer, quem Africitatis multum habere, asperum & in verbis monstrosum, alibi diximus, Q. SEPTIMIUS FLOR. TERTULLIANUS, omni sane eruditionis genere tinctus, verum dictionis & ingenii elegantias ordinemque aspernantis. Primus cum edidit, e MSS. duobus, Basil. An. 1521. Bear. Rhenanus, cum notis haud quaquam aspernandis; quæ editio ter postmodum Basileæ, & bis Parisiis, repetita est: præstat reliquis vero, quæ, Paris. 1566. duobus in 8. tomis, nitidissimo charactere, impressa, integram quoque Franc. Zephyri paraphrasin Apologetici habet, quæ alias tota nuspiam reperitur: observante Colomelio Biblioth. Choisie p. 163. Jac. Pamelius exinde, cum notis suis, edidit Tertullianum Antwerp. An. 1579. quam editionem Parisienses An. 1583. recuderunt, & Colonienfes An. 1617. Commentatus in eundem est LUDOV. de la CERDA amplissime, & tres Tertulliani suis notis illustrati tomos edidit 1624. 1630. & 1641. neque tamen ad finem opus perduxit, & ut varia Philologica atque antiquaria sacra coacervat; ita supervacua nimis frequenter immiscet. Non minus prolixè in eundem Auctorem scripsit Georgius Ambianensis, edito tribus vastis voluminibus Tertulliano Resuscitato, Paris. 1648. & 1650. sed minus tamen illo probatur. Pamelianis notis Franc. Junius suas addidit Francof. A. 1597. Omnium optime vero de Tertulliano meritus est NICOL. RIGALTIIUS, quippe qui & summo studio illum cum MSS. codicibus contulit atque emendavit, & suis illum notis atque observationibus doctissimis illustravit: primo quidem novem solum ejus libros edens, Paris. An. 1627. sed deinde Tertullianum integrum An. 1634. Librarius, qui eam Editionem imprimebat, ne quid illi deesset, Anno sequente 1635. Tomum peculiarem adjecit notarum & Commentariorum Rhenani, Pamelii, Junii, aliorumque, qui in Tertullianum scripserant. Sunt & singulares libri Tertullianei aliquorum commentariis illustrati: ut ejus liber de Pallio cum notis Latinis & interpretatione Gallica Edm. Richerii Paris. 1600. cum notis Cl. Salmasii Paris. 1622. quas tamen Dion. Petavius, sub ficto Ant. Cercoëtii nomine latens, Animadversionibus suis, Rhedonis (Paris.) An. 1622. in 8. editis, impugnavit: & cum se Salmasius, Franc. Franci nomen assumens, anno sq. 1623. vindicasset, edita Confutatione Animadversionum Cercoëtii, hic An. 1624. Mastigophoros tres in Elenchum Franci edidit: atque hinc postmodum irreconciliabiles inter utrumque lites, odiaque immensa nata. Affectas vero Salmasius notas quoque habebat in Tertulliani Apologericum, libros de corona Militis, de Spectaculis, de Habitu mulierum & cultu sceminarum: prout Laur. Crassus in Elogiis T. II. pag. 211. testis est: sed nihil eorum dedit. Apologericum Desider. Heraldus, cum notis suis, Paris. 1613. in 4. vulgavit: Ejus ad Nationes libros Jac. Gothofredus An. 1625. in 4. itidem notis illustratos. In Poëmata Tertulliani notas scripsit, post Junium, aliosque, Andr. Rivinus, Lipsiæ A. 1651. Omnium Tertulliani Operum nitidissima editio est, quam Paris.

A. 1663. cum Notis integris Nicol. Rigaltii suisque, & selectis Pamelii, Lacerda, aliorumque, Phil. Priorius edidit, & quæ ibidem A. 1675. recusa est.

- 5 Paulo post Tertullianum, nempe sub Alexandro Severo, CENSORI-
NUS scripsit librum *de Die Natali*, quem pereruditum, & Chronologis, ob con-
nexas egregie aras potiores, utilissimum esse, jamdudum Vossius monuit de Hi-
stor. Lat. lib. II. c. 3. Nimiam tamen dictionis simpliciteratem in eo Barthius notat
Adversar. lib. XIII. cap. 14. ubi locis ejusdemaliquot, e codice MSS. lucem affert.
Prodiit vero libellus ille, ex officina Aldi, Venet. An. 1528. cum notis Ludov.
Carrionis & Petri Joh. Nunnelsii Hanov. 1615. ex recensione Eliæ Vineri, una
cum Solino ejusdem, Pictavii in 4. A. 1568. Optima editio est Henrici Linden-
brogii, Hamburgi primum An. 1614. in 4. & deinde emendatior Lugduni Batav.
1642. in 8. impressa.

- 6 Memorandi porro carptim nonnulli, quorum fama non adeo magna est, &
ætas tamen in hæc tempora incidit. JULIUS OBSEQUENS, cujus de
Prodigiis, quæ Romæ & in vicinia acciderunt, lib. II. post Aldinam editionem An.
1508. in 8. aliasque plures, Amstelodami An. 1689. cum notis Joh. Schefferi,
prodierunt in 8. M. AUREL. OLYMPIUS NEMESIANUS, cujus *Cy-
negetica*, & T. JUL. CAEPURNIUS, cujus *Bucolica* ad Nemesianum super-
sunt; uterque, cum Rob. Titii notis, Florentiæ in 4. & in Venatione Novantiqua
Jani Ulirii, seu Venaticis & Bucolicis Poëtis, quos Ulitius cum notis Lugduni Bat.
in 12. An. 1645. edidit, una cum Gratio prodierunt: ut & cum Casp. Barthii, duo-
decennis adolescentuli, notis Hanov. An. 1613. QV. SERENUS SAMMO-
NICUS, cujus *Carmen de Medicina* extat inter Poëmata Vetera a Pithæo edita Pa-
ris. An. 1590. RUTILIUS NUMATIANUS, cujus *Itinerarium* ab eodem
Pithæo, eodemque libro, editum est; quamvis jam antea Romæ An. 1582. in 8. a
Josepho Castalione evulgatum, notisque illustratum.

- 7 Majoris longe momenti sunt, qui vocantur SCRIPTORES HISTO-
RIÆ AUGUSTÆ, *Ælius Spartianus, Julius Capitolinus, Ælius Lampridius, Vulcatius
Gallicanus, Trebellius Pollio atque Flavius Vopiscus*, quorum omnium ætas in Diocleria-
num, Constantium Chlorum, ejusque filium Constantinum M. cadit. Quamvis au-
tem certo non satis constet; quæ Vitæ a quibus sigillatim scriptæ sint: nec præterea
dictionis character aut Latinitas ea reperiatur, quæ tuto in imitationem trahi pos-
set: nihilominus, ob rerum, quas tradunt, magna pondera, maximi haud immeri-
to æstimantur; præsertim, postquam exquisitissimis If. Casauboni Salmasiique an-
notationibus illustrati sunt. Junctim labores horum Duumvirorum, una cum sex
iis Scriptoribus, prodierunt Paris. 1620. in fol. Prodierant jam antea Francofurti
A. 1588. apud Wechelos, cura Frider. Sylburgii, *Scriptores Historiæ Augustæ minores*;
sed multi erant illi collectioni, præter hos sex, additi: velut & in Editione Jani
Gruteri factum; qui Scriptores Historiæ Aug. a Jul. Cæsare usque ad Carolum M.
collectos, cum notis suis, in fol. A. 1611. Hanoviæ excudi curavit. Sed & ad illam
Editionem Scriptorum Historiæ Aug. quam M. Z. Boxhornius Lugduni Batav. A.
1632. 4. voluminibus in 12. procuravit, plures pertinent: in qua scilicet Suetonius,
nisi

nisi fallor, auspiciatur, atque finit Aminianus Marcellinus. Sciendum vero, esse nonnulla commentatum ibi Boxhornium, quæ ipsemet alibi non scripta mallet. Vid. Not. in Taciti Vit. Agric. pag. 174. (Vossius profecto, cum infelicitè adeo tractatum ab illo Suetonium deprehendisset, nec de Historiæ Augustæ Scriptoribus sibi magnam spem fecit: sed, postquam ingenue, quid monendum in Suetonio Boxhornii sit, data ad ipsum Epistola significasset: *Laudo*, pergit, *quod etiam cogites de aliis historiæ Augustæ scriptoribus: etsi difficile sit post Homerum* (Salmasium Casaubonumque) *Iliada scribere. Verum χαλεπὰ τὰ καλὰ. Nec tu, ut censeo, tam messem uberem, quam spicilegium, promittis: atque id colligo ex parte ea, quam miseris. Legi in iis, quæ satis arriherent, sed cogitare de singulis non licuit. &c.*) Ceterum recudendam sibi nitidissimis characteribus, sed minore forma, Batavi Editionem sex scriptorum horum sumserunt Lugd. Batav. An. 1670. 2. vol. in 8. ex officina Hackiana, & præter Casauboni, & Salmasii notas integras Gruterianas etiam adjecerunt. Longe inferior illa est, quæ cum notis Variorum selectis, per Corn. Screvelium An. 1661. est exhibita. Commoda vero atque emendatissima, quæ cum notis Ulrici Obrechti, Argentorati A. 1677. in 8. lucem aspexit.

In Collectionibus illis Scriptorum Historiæ Augustæ, quas a Sylburgio atque 8 Grutero editas modo commemoravimus, reperitur quoque SEXTUS AURELIUS VICTOR, cujus libri de origine gentis Romanæ, de viris illustribus, & de Cæsaribus, ibi reperiuntur. Non sperandæ vero Latinitatis auctor est, & sub Constantio Imp. claruit. Libellum de Cæsaribus, ab Augusto ad Constantium, primus protulit Andr. Schottus Antwerpiae An. 1579. in 8. Prodiit deinde aliqua ejus Editio, cum Notis Variorum, And. Schotti, El. Vineti, Is. Casauboni, Just. Lipsii, Jani Gruteri, integris, Lugduni Batav. An. 1670. in 8. (& non ita pridem novam struxit Cl. Joh. Georg. Grævius Ultrajecti. In usum Delphini Anna Dacera, Tanaq. Fabri filia, dedit Paris. 1681. in 4.)

Anteverterunt adhuc ætatem Aur. Victoris Christiani aliquot Scriptores, Minutius Felix, Arnobius & Lactantius. MIN. FELICEM jam Lactantius commendavit. Extrat ejus Octavius, i. e. Dialogus de vanitate idololatriæ, & veritate religionis Christianæ, stylo satis pro illorum temporum ratione terso atque puro compositus, nec minus ingeniosè. Diu jam & aliquoties editus fuerat Dialogus ille, priusquam extare crederetur: nempe qui pro octavo Arnobii contra gentes libro reputabatur, cum quo semper etiam prodiit. Verum animadvertit errorem, primusque detexit J. Crus celebris, Franc. Balduinus, edito, cum proluxa præfatione, Minutium Felice Heidelbergæ A. 1569. in 8. quem secuti postmodum Fulv. Ursinus, Joh. Wowerius, Gev. Elmenhorstius, Desid. Heraldus, & Nic. Rigaltius, Minutium suis Commentationibus illustrarunt. Horum omnium notas conjuxit, & stipatum iis Minutium, a se denuo recensitum, una cum Jul. Firmico Materno de errore profanarum religionum, Wowerii notis illustrato, edidit Lugd. Batav. 1651. in 4to. Jacobus Oizelius. Sed, quod obiter addo, Oizelius ille plagiarius est, cui corniculæ jamdudum plumæ sunt evulsæ: ut patet ex Commentario, quem in Caji Institutiones scripsit,

& qui pene totus ex Hier. Alexandri commentario desumptus est. Ceterum Minutius etiam, cum selectis Variorum notis, prodiit Lugd. Batav. 1672. in 8.

- 10 ARNOBII, qui sub finem secundi & initio tertii post C. N. Seculi clarus fuit, Latinitas mediocris est, sed sequior tamen. Barthius facundum atque doctum Scriptorem, suo quodam & Afro dicendi genere, penetrante quidem & nervoso, sed parum polito & jucundo, usum, non male censet, Advers. Lib. XLVIII. c. 4. Septem ejus libri *adversus Gentes* extant, quorum optima Editio est, quæ textum ex emendatione Cl. Salmasii accuratum, notas autem (ut titulus præ se fert) omnium, simul comprehendit, Theodori Canteri, Des. Herald, Gev. Elmenhorstii, & Godesch. Stewechii, Lugduni Batav. 1651. in 4. Omissæ tamen sunt notæ Pet. Ciacconii & Fulvii Ursini emendationes, quæ Romæ A. 1583. in 4. cum Minutio & Arnobio, prodierunt. Omissus itidem Criticus Arnobianus Joh. Meursii Lugd. Batav. 1598. in 8. una cum ejusdem Hypercritico Minutiano, editus: cujus ne obiter quidem meminisse bonos illos tam curatæ editionis Curatores, haud abs re miratur Phil. Labbe Dissert. de Scriptor. Eccl. T. I. p. 105. Meursiumque ornat elogio illustratoris Athenarum Lugduno-Batavarum, de tota Hollandia, adeoque & universa re literaria, bene meriti. Parabat justum Commentarium in Arnobium Salmasius, eique præfigendam Dissertationem de ratione nominum, cognominum & agnominum apud veteres: de quo suo proposito, tum ipse passim in Epistolis, tum & Cl. Sarravius, strenuus instigator in literis ad eundem, meminere: & ex his Ant. Clementius, in Catalogo Operum affectorum Salmasii, & Laur. Crassus in Elogiis. Sed evanuit tamen omne, quod sperabatur. Casp. Barthius, Adversar. l. XLIII. c. 2. ægre fert, Arnobium ab Hieronymo inæqualem nimium, & absque operis sui partitione confusum, dici: cum in præstantissimo Auctore ordo satis formosus, etsi minime Scholasticis Rhetorum legibus alligatus, compareat: Quapropter & Hieronymi locum pro suspecto habet, & (non satis tamen feliciter) emendat: Observat ceteroquin, Arnobium fuisse Lucretii imitatore, cujus sæpe res & verba exprimat. Loca etiam aliquot l. c. c. 6. & lib. XLIV. c. 1. seu tentat, seu restituit; Gellenianæ imprimis editioni Arnobii non satis æquus, quippe quam totam ad Editoris captum reformatam, seu transformatam potius, animadvertit.

- 11 Multo autem Arnobio præferri meret L. CÆL. LACTANTIUS, ejusdem discipulus, & Crispi Cæsaris magister, cujus Tulliana Latinitas vehementer plurimis probatur. Et sane fluida est atque mire decora: non tamen usquequaque pura; sed sunt & huic Auctori admisti barbarissimi: ut in ea ætate vix quisquam ab iis sibi satis cavere poterat. Infinitæ propemodum ejus Editiones sunt. Præcipuæ: Xyisti Beruleji, Basil. in fol. An. 1563. cum pereruditis, Lambecio judice, Commentariis: Mich. Thomasi, Antwerp. 1587, apud Plantinum in 8. Josephi Isaacii in fol. Cæsena 1646. Ant. Thyssii, cum notis Variorum, Lugduni Batav. 1652. in 8. Servatii Gallæi, quæ & ipsa cum notis Variorum, ipsiusque Gallæi; Lugd. Bat. 1660. in 8. Thom. Sparckii Oxon. 1684. in 8. &c. Varias lectiones quasdam, e Codice Vindobonensi, excerptit Lambecius lib. II. de Bibl. Vindobon. p. 288. In editione Oxoniensi Sparckii, ut & in Cantabri-

tabrigiensi Anni 1685. in 8. comparet etiam Lactantii liber *de Mortibus Persecutorum*, exiguus quidem ille, sed usus maximi: quem primus e Colbertino codice quodam eruit, & Miscellaneorum Tom. II. Paris. A. 1679. inseruit, Steph. Baluzius, notis doctissimis illustratum: inde variis Virorum doctorum observationibus atque notis illustrior redditus ille libellus est, Gisberti Cuperi, Joh. Columbi, Nic. Toinardi: Gallica etiam Maucroixii, atque Anglica Gilb. Burneti, versione donatus. (Notas omnium collegit, & secundis curis auctiores multo Baluzianas, non Cuperi solum, Columbi atque Toinardi, sed & J. G. Grævii, Eliæ Boherelli, Thom. Galei, Jac. Tollii, suisque, junxit Paulus Bauldri, Ultraj. A. 1692. in 8. adjecta etiam Dissertatione Henr. Dodwelli, & Theod. Ruinarti praefatione ad Acta Martyrum: nempe quas ad Lactantium partim, partim ad historiam persecutionum facere arbitrabatur. Parat nunc novam Operum Lactantii editionem Chr. Cellarius) (rr) Poëmata quaedam de Paschate, de Resurrectione, de Passione Domini, falso Lactantio adscribi nemo dubitat; ut carmen de Phœnice, & Luctatii commentarium in Tacitum, non dicam: notha omnia, vid. præter alios complures, Placcius de Pseudon. p. 216. (uu).

Incedat nunc gravis Historicus, AMMIANUS MARCELLINUS, homo 12 natione Græcus, & miles, & gentilium superstitioni addictus: sed qui optima fide res gestas Romanorum Imperatorum, inde a Nerva usque ad Valentis interitum, XXXI. libris, quorum XIII. tamen primi primi periere, descripsit: Latinitate tali, quæ expectari a tali homine, atque eo tempore, poterat Gaddius, T. I. de Scriptor. p. 27. stylum ejus esse poëticum dicendum putat: sed est potius, pro ratione temporum illorum, aspere tumidus, & inflatione affectata horrens. Prodiit ille in Collectionibus Scriptorum historię Augustæ Sylburgiana, Gruteriana, & Boxhorniana, in qua simul notis aliquibus est illustratus, sed quæ non semper magni adeo momenti sunt. Longe majoris ducendæ animadversiones Frider. Lindenbrogii, cum quibus Hamburgi An. 1609. in 4to. Ammianus prodiit. Postmodum Henr. Valesius eruditissimas notas in eundem composuit, ediditque Paris. 1636. in 4. Erat olim ille liber rarissimus: sed recusus postmodum est Paris. A. 1681. in fol. magnifica ac eleganti Editione. Frater Henrici, Hadrianus Valesius, Historiographus Regius, illam procuravit, addiditque Lindenbrogii observationes, & fratris annotationes, utrasque auctiores, collectanea variarum lectionum

(rr) Novissimam omnium Lactantii Operum (quibus Libellus quoque de Persecutorum Mortibus accessit) Editionem, ad IV. Codicum (Trium scil. Bibliothecæ Academicæ Lipsiensi, uniusque Saxo-Gothani) fidem denuo emendatam, & Annotationibus suis atque aliorum insigniter illustratam, Typis Lipsiensibus, Batavico nitore propemodum æquantibus, A. 1698. in 8vo dedit Christoph. Cellarius, Lit. Eleg. in Acad. Saxo-Halensi Professor. Recentium illius ac Laudes V. in *Actis Erud. Lipsiensibus*, M. Nov. A. 1698. p. 535. 536.

(uu) Placidum Lactantium, sive Luctatium, a L. Calio Lactantio, Scriptore Ecclesiastico, recte Morhofius, Placcium secutus, distinguit, sed incaute ἀμαρτυρία ejus μνημονίον, alibi a nobis jam notatum, transcribendo suum facit, dum priori (Placido scilicet), Statii Poëtæ Interpreti, *Commentarium in Tacitum* perperam attribuit.

num e codice Colbertino, ſuaſque notas: ut & vitam Ammiani, a Claudio Chiſſetio compoſitam. (Et tamen, quod vix ſperandum videbatur; adhuc præſtantiorẽ Marcelli Editionem elucubravit Jac. Gronovius, præter omnes eorum, quos enumeraviſus ſuis quoque notis inſignitam, & præterea faciebz Imperatorum, numis, obeliſco, variſque imaginibus aliis, ari inciſis, & ad explicationem illuſtrationemve Auctoris mire facientibus, exornatam, Lugduni Batav. 1623. in fol. & in 4.)

- 13 Militem historicum excipiat Auctoꝝ de re militari ſcripto agens, FLAV. VEGETIUS RENATUS, cujus *de Re militari lib. V.* cum Commentario Godſchalci Stewechii, prodierunt in 4. Pariſ. 1607. poſtmodum Lugduni Batav. Coloniae, alibique, plus ſemel reuſi. Extat & editio Petri Scriverii, cum ejusdem notis, Lugduni Batav. 1633. in 8. & alia iterum Franc. Modii. Omnium trium annotationes junctim cum Vegetio prodierunt Veſaliae 1672. in 8vo. Idem Auctoꝝ *de Veterinaria, ſeu Mulomedicina*, editus eſt a Joh. Sambuco A. 1574. quamvis & jam antea Baſil. 1528. apud Fabrum Emmeum fuerit excuſus. In eum Vegetii librum Joh. Rhodii Emendationes & notæ ſervabantur in Bibliotheca Thomæ Bartholini, ſed quæ, una cum Lexico, quod additum fuerat, in ſerali illius incendio conflagrarunt.
- 14 Eodem ſeculo, ſub Valentiniano atque Theodoſio Imp. clarus erat Q. AUREL. SYMMACHUS, Vir Conſularis ac doctiſſimus, ſed inſenſus Chriſtianis. Ejus *Epistolæ*, cum Franc. Jureti & Job. Leclii notis, prodierunt Genevæ 1587. in 8. & cum additis X. Miſcellaneorum libris Pariſ. 1604. in 8. Equidem Juretum Petrus Faber plagii poſtulavit, ob aliquam obſervationem notis ad Symmachum inſertam; quam ſibi ſurreptam ait: verum non tanti crimen eſt, ut attendi mereatur. vid. Thomafius de Plagio Liter. §. 425. & 477. Magis inſigne eſt, digniusque notatu, plagium CASP. SCIOPII, qui Oberto Giphanio, hoſpiti ſuo, integrum codicem MSS. Symmachi ſurripuit, & ex eo poſtmodum ſuas emendationes magnam partem hauſit: tum quas in editione Symmachi Moguntiae A. 1608. in 4to publicavit, tum quas in libris Veriſimilium, in quibus quamplurima ejus loca reſtituit. Edidit Symmachum etiam Phil. Pareus cum Electis, Lexico & Calligraphia Symmachianis, Neapoli Nemetum A. 1618. in 8. Latinus Latinus quoque in Bibliotheca Profana Symmachi locis aliquibus medelam tulit.
- 15 Symmacho coævus D. MAGNUS AUSONIUS, Poëta pro illa ætate non contemnendus eſt; quanquam Joſ. Scaliger vellet, illum nunquam *Epigramma* ſcripiſſe. Ejus *Latinitatem* tanti BARTHIIUS æſtimavit, ut, quicquid apud eum legitur, pro vere Latino habendum exiſtimarit. Nil enim quicquam, ait, ſine antiquitatis exemplo poſuit, ut ſuit eruditior, quam pro eo ævo, & ſcriptorum eorum amator, qui nobis ademti ſunt, nec ſperantur unquam e tenebris emerſuri oblivionis. *Adverſar. lib. III. c. 7.* Idem quoque divinitatem Auſonianæ poëſeos admiratur cap. 18. alibique paſſim eum ſcriptoribus ſuæ ætatis longe præfert. *Epistolam* vero, quæ ſub Theodoſii Imp. nomine ad Auſonium ſcripta libro *Epigrammatum* præſigi ſolet, plane ſpuriam judicat,

judicat, L. XII. c. 12. ut jam ante nos Placcius annotavit de Pseudon. p. 264. MICH. NEANDER librum Epigrammatum Aufonii, magnam partem a Graecis acceptum, mira elegantia, parique ingenio, translatum ait: Praef. Erotem. Gr. L. p. 196. (Ita & BOHURSIUS, rigidus alias veterum aequae ac recentiorum Auctorum censor, nihil concinnius Epigrammate Aufoniano esse posse ait, in quo omnia miro artificio quadrent. vid. la Manière de bien Penser p. 41.) FRANC. VAVASSOR, lib. de Epigrammate c. 15. p. 171. de Aufonio. *Repraesentare nobis Aufonius Graecos velle visus est, quippe cum epigrammata scripserit: pauca supra centum, a Graecis amplius quinquaginta sumserit, vel ut emulus, vel ut interpolator.* Idem vero JOS. SCALIGER, quem de Epigrammatibus Aufonianis non satis ex dignitate judicasse diximus, singularem tamen curam auctori illi impendit; ediditque adco Lectiones Aufonianas, in quibus multa ejus emaculat, vitamque Aufonii capite ultimo succincte tradit. Prodierunt istae Scaligeri Lectiones, cum Aufonio, adjectis quibusdam notulis Ad. Turnebi, Adr. Junii, Gu. Canteri, J. Lipsii, El. Vineti, Genevæ 1588. in 12. apud Jac. Stœrrium. Plenior est editio Eliae Vineti, una cum Scaligeri Lectionibus Aufonianis edita Burdegalaë A. 1590. in 4. quibus accessit Rerum Burdegalensium Chronicon, auctore Gabr. Lurbeo. Atque hæc est illa secunda editio Vineti, cujus post mortem Vineti editæ Scaliger in Epistolis meminit: Ep. 199. quæ & ipsa Aufonio illustrando tota infumitur, ubi simul parum aequae judicat de Vineto. Franc. Sylvius quoque vapulat, qui in Gryphum Aufonii erat commentatus. Nil eum nisi triviali monera percussisse Scaliger ait: cum tamen multum bonarum rerum, ex philologia satis accurata depromptum, habeat, judice Ludov. Vive de Disciplinis p. 542. qui nullum se in bonis literis doctiorem nosse ait. Ceterum optima Aufonii editio est, quam procuravit Jac. Tollius, cum notis integris Jos. Scaligeri, Mariangeli Accursii, Marg. Freheri, Pet. Scriverii: selectis El. Vineti, C. Barthii, Val. Acidalii, J. F. Gronovii, J. G. Grævii, aliorumque Amstelodami apud Blavios 1671. in 8.

Aufonio addimus æqualem temporis ratione Poëtam alium, CL. CLAUDI-
DIANUM, qui ultra genium seculi sui floridus est, elegans, ac numerosus, sed in phraseologia intemperans, & dum sublime sectaretur, κακήζυλος luxurie suae: quam ob rem a compluribus Viris doctis notatur. Vid. præter alios VAVASSOR de Epigramm. c. 15. p. 170. 171. qui miratur, atque etiam ægre fert, Claudianum vulgo, ut purissimæ Latinitatis Scriptorem, aut etiam Poëtam exquisitissimum ab aliis proponi, cum non major tamen ejus auctoritas sit, quam Aufonii & Prudentii. *Est ille quidem, ait, & dulcior structura versuum, quam Aufonius; & syllabarum mensura emendatior, quam Prudentius cum Aufonio: non is tamen, qui ad auricam antiquitatem adspiret, neque dignus, qui conferatur cum Martiale, aut qui peræque ac Catullus discentium manibus teratur. Sed est hoc præclarum judicium seculi nostri quorundam, qui quanti pretii quisque apud nos scriptor esse debeat, maxime ignari, summis Poëtis medios anteponunt, infimos & recentiores utrinque. Dixi porro, dulciorem Claudianum constructione versuum facili & expedita, & junc illis salebris, aut elisionum quasi scabritie ac no-*
Tomus I. Zzz zz dis:

dis: sed ea tamen dulcedine parum suavis & jucundus, quod idem omnium versuum cursus, idem tenor, nihil mutatis, quas vocant, cesuris, varietur, ut, qui tres numero versus legerit, omnes legerit. Pro Christiano eum habent aliqui, sed pro gentili plerique, Augustini ac Orosii testimoniis subnixi. Barthius Victori Gisellino præcipue indignatur, quod is, dum Prudentii nonnulla loca enarrat, Claudianum & Ausonium Christianos fuisse, sed a Symmacho paganismo redditos, confidenter affirmavit, absque tamen addito ullo tantæ assertiois testimonio. Ipse simulatorem credit fuisse Claudianum, animive dubium, qui nec a Christianismo, nec a Paganismo abhorruerit, lib. I. *Adversus*. c. 7. Quæ vero sententia suo auctori relinquenda. Memorat Gregorius Leti, Ital. Regnante P. IV. l. III. p. 335. Mazzamaliqum Vitam Claudiani, & Analogiam, quod fuerit Christianus, conscripisse. Aliis longe satius, ut videntur, carmina in Christi honorem scripta, quæ inter Claudianea reperiuntur, ad Damasum pertinere. Prodiere Opera Claudiani cum notis Steph. Claverii, Jani Parrhasii, & Marci Ant. Detrii Paris. A. 1602. in 4. Jam antea Theod. Pulmannus Claudianum, ope veterum codicum restituerat, emiseratque in lucem Antwerp. 1571. in 16. Cum Casp. Barthii commentario vasto, sed mendosissime edito, prodit Cladianus Hamburgi 1650. in 4. cum jam ex ejusdem emendatione, & cum animadversionum libris, antea A. 1612. minore forma in 8. Hanovæ lucem aspexisset. Inde Nicol. Heinsius, Claudiani præcipuus Cultor, illum edidit elegantissime impressum, cum notis, Lugduni Batav. 1641. in 12. qui in multis reprehendit Barthium, cum notis variorum, Heinsiique integris, eundem Poëtam nobis dedit Corn. Schrevelius Lugd. Batav. A. 1645. in 4. In usum Delphini ejus editionem adornavit, cum notis, Guilh. Pyrrhus 1677. Paris. in 4.

- 7 Accedat tertius Poëta sed haud dubie Christianus, optimusque morum magister, licet non optima semper arte carmina pangendi instructus, AURELIUS PRUDENTIUS; quem adeo in oculis tulit miratusque est olim LUCAS HOLSTENIUS, ut animam jam agens ac moribundus per Ferdinandum Fürstenbergium, incomparabilis eruditionis Principem, & Episcopum postea Paderbornensem ac Monasteriensem, hymnum eum ex Cathemerinis Prudentianis, qui exsequiis defunctorum datur, recitari voluerit, atque eo pacto in solatium vitæ melioris mente erectus expiraverit: referente in Epistola nuncupatoria ad Ferdinandum Nic. Heinsio, qui, post aliorum omnium labores, in Prudentio emendando, egregiam plane operam navavit, ediditque librum nitidissima editione apud Elzevirios Amstelod. 1667. in 12. Antea dudum Victor Giselinus Prudentium ediderat, junctis quoque Theodori Pulmanni notis, Antwerp. A. 1564. in 8. Variorum Commentarios integros collegit, atque unacum Prudentio, a se castigato, emisit Joh. Weizius, Hanov. 1613. in 8. quæ editio præstantissima est. Ceterum in systemate Poëtarum Christianorum, a Georg. Fabricio edito Basileæ An. 1564. in 4to, Prudentius quoque locum haudquaquam infimum tuetur. Sunrautem illi Poëta, qui corpore isto continentur, Tertullianus, Cyprianus, Victorinus Pitabionensis, Juvenecus, Hilarius, Paulinus, Ambrosius, Damasus Papa, Victorinus Afer, Dracontius,

contius, quos non omnes tamen ea, qua decuit, fide Fabricius edidit. Meminit Heinsius, in praefatione suo Prudentio praemissa, Editionis Joh. Sichardi, quam mire depravatam ait; impressa est Antwerpiae A. 1536, & postea Basil. 1540: imo & antequam Antwerpiae ederetur. Basileae primo prodit apud Cratandrum A. 1527. Huic Varias e codicibus variis lectiones, simulque conjecturas suas, alleverant Joh. Cauchius & Cl. Salmasius, queis postmodum usus in Editione sua Heinsius est, qui & Grævio se adiutum proficitur, memoratque praeterea, Franc. Juretum aliquando de edendo Prudentio cogitasse, ut & Geverh. Elmenhorstium: sed a neutro esse praestitum quicquam: uti nec lucem aspexerunt notæ in eundem Auctorem Oberti Giphanii, quas reliquisse in Prudentium fertur, cum emendationibus Lucretianis sparsim nonnulla ejusdem loca correxisset. Aug. Buchnerus etiam in hymnos aliquot Prudentianos aliquid commentatus est.

Duobus verbis etiam de duobus Poëtis aliis dicemus. **DRACONTIUM** 18 separatim edidit, cum notis, indice, & glossario, Joh. Weitzius Francofurt. A. 1610. in 8. Male autem Vossius de Poëtis ævo post Carolum M. adscribit Dracontium, cum ad Theodosium Juniorem Elegiam scripserit: ut jam ab aliis est notatum. **VENANTII FORTUNATI** Poëmata apud Oporinum edita sunt Basil. An. 1562. Hymnum ejus de Resurrectione Aug. Buchnerus edidit cum suis notis. Editæ quoque sunt Venantii poëmata a Christoph. Browero Moguntiae 1603. in 4. Fuit autem hic sexti seculi Scriptor.

Antevertit igitur illum plus integro seculo **MACROBIUS AURELIUS** 19 **THEODOSIUS**, qui sub Honorio & Theodosio juniore vixit, magnis in aula dignitatibus functus: cujus Opera varia maximam partem ex aliis Græcis & Latinis Auctoribus collecta sunt, quapropter & vehementer vapulat aliquibus ille, maleque inter plagiariorum collocatur, cum ipse tamen in praefatione suam colligendi institutum haudquaquam dissimulet: quamobrem non immerito Virum doctissimum a plagii intentato crimine Thomafius, cum Contr. Heresbachio, Ludov. Vive ac Thoma Reinesio, vindicatum it, Diss. de Plag. Liter. §. 503. Prodierunt Opera Macrobiani, cum Castigatione Joh. Isaaci Pontani & Joh. Meursii, Lugduni Batav. A. 1597. in 8. iterum 1628. recusa. Postmodum vero revidit Macrobius J. Fr. Gronovius, ac praecedentium Duumvirorum notis suas quoque adjecit Lugd. Batav. 1670. in 8. quæ editio optima. Praeter hos in Macrobio emendando multum operæ studique posuit Nicol. Heinsius, teste Luca Holsternio, qui antiquissimi exemplaris Neapolitani indicium illi fecisse narrat Epist. 14. ad Lambecium, qui & ipse se Macrobio operam impendisse refert. Verum apud urrumque res intra conatus substitit.

Non omittendus vero nunc, qui Macrobius ætate adhuc superavit, ab initio 20 statim seculi quinti clarus, **SEVERUS SULPITIUS**, Scriptor elegantia Latinitatis suam ætatem plane superat. Editus est olim apud Oporinum, per Marth. Flacium Illyricum, in 8. ut cum notis Pet. Galsinii Romæ 1564. Scholia Gelasini retulit, & emendatum denuo, illustratumque, adjecta chronologia, Sulpitium Severum edidit Antwer-

piæ Victor Giselinus A. 1574. in 8. Historiam ejus Sacram Carolus Sigonius quoque Commentario illustravit, Bonon. 1581. in 8. nec non Joh. Drusius Francœkeræ 1607. in 8., & Joh. Vortius Berolini A. 1668. in 12. Vastum opus vero in eandem Severi Sacram Historiam, sub titulo *Bibliotheca Sacra*, conscripsit Christianus Schotanus Franeck. fol. 1664. Omnium, quæ tum habebantur, Sulpitii Operum Editio nitidissima plane est Elzeviriana A. 1656. in 12. & alia, quæ cum notis Variorum a Georg. Hornio procurata est aliquoties, Lugduni Batav. impressa A. 1647. 1654. 1655. in 8. cui editioni Salmasianæ etiam notæ aliquæ accesserunt. Neque tamen adeo præclare sua illa editione meritum Hornium, sed plurima male posita aut omissa esse, peculiari dissertatione Sam. Bochartus ostendit: cujus dum meminit Colomesius, & simul Epistolas aliquot Sulpitii Severi a Dacherio & Baluzio editas, nulli adhuc Editioni operum illius illatas refert, optat, ut nova Severi editio a Viro quodam docto suscipiatur, Biblioth. Select. p. 99. seq.

- 21 Eodem quidem seculo vixit, sed non eodem dictionis genere eademve puritate scripsit, C. SOLLIUS APOLLINARIS SIDONIUS, Vir genere illustis, & reipublicæ primum, dein & Ecclesiæ, magna pars. Ejus extant *Epistolæ & poemata*. Quod profam ejus attinet, plena est peregrinitatis, ac Latinitatem habet plane ferream: Poësis vero est tolerabilis. Id enim observare possumus in Scriptoris illis, Poësin tardius degenerasse, quam profam: eam ob causam, quia in Carmine major vocum delectus adhibebatur, atque imitatio veterum necessaria quadam lege præscribatur, vide, quæ de Sidonio diximus, *Tom. I. Polybistoris lib. I. c. 23. §. 25.* Editus est Sidonius cum Commentario Joh. Bapt. Pii Basil. A. 1542. in 4. decennio post Lugduni ab Elia Vineto recognitus. Inde Joh. Savaro, Claromontanus, Vir Illustris, doctissimum Commentarium edidit in Apollinarium, Paris. 1599. in 4., & post eum Jac. Sirmondus, e Soc. Jesu, Paris. 1614., & cum auctioribus notis An. 1652. in 4. Ambo doctissimi longe Viri sunt, ac in mediis temporis Scriptoris versatissimi. (xx)

- 22 Longe inferior adhuc Apollinaris Latinitate MARTIANI CAPELLÆ stylus est, quem *pecudalis eloquentiæ auctorem* C. Barthius vocat *Adversar. lib. XXV. c. 13.* *Encyclopediam* scripsit, sub forma fabulæ alicujus de Nuptiis Philologiæ & Mercurii, ac septem artibus liberalibus; sermone pedestri scriptam, sed cui metra sparsim admixta

(xx) Inter Sidonii Apollinaris Editiones præstantiores, mentionem etiam honestam mereri mihi videntur duæ Wowerianæ, h. l. præterita, Parisiensis scilicet, ab ipso Johanne Wowerio A. 1598. in 8vo publicata, Textumque, Autoris e Codicibus, tum suo, tum Gallicis compluribus, dextre emendatum, ac Notis præterea Criticis illustratum exhibens, ac Hanovienfis posthuma, quam, ex postrema Wowerii ad Codicem Achillis Statii Romanum Recognitione, Civis ejus, Geverh. Elmenhorstius, apud Aubrios, A. 1617. in 8vo edidit, & a se inde ad Vetr. Codd. fidem locis infinitis emaculatam, indice quoque Vocum Sidonii obscurarum copioso intruxit.

mixta sunt. Tota hæc inventio Africam sapit, quæ plerumque monstri aliquid, & novi, parit. Stylus quoque ipse patriam Auctoris spirat: pinguis dictio, audaces metaphoræ, verba infolita: sed tamen ingenio privandus non est. In eum Hugo Grotius annos XIV. natus commentatus est Lugd. Batav. 1600 in 8. Postea Joh. Frid. Gronovius illi emendando tempus aliquod impendit. Ita enim in epistola ad Virdungum (quæ reperitur in Mantissa V. Epistolar. Richterianar.) scribit. *Incidi in MSS. Capelle codicem, quem cum editione Grotii conferre cæpi: non est quidem antiquissimus, sed ex antiquo tamen & probo exemplari descriptus. Non est quidem auctor ejus notæ, ut multum temporis in illo sit impendendum; quem barbarum Scaliger, lippitudinem Latinitatis vocat Scriberius: interim, cum nihil agam, hoc nihil agere aliquid agere est.* Primus imprimi Martianum curavit Vincentiæ An. 1499. Franc. Vitalis Badianus, postquam Thadaeus Ugolenus illum semel in lucem protraxisset. vid. Voss. de Histor. Lat. lib. III. p. 713.

Sequenti ævo, sexto post C. N. floruit Vir, præter generis muniorumve ²³ splendorem, omni doctrinarum genere abundantissime excultus, ANICIUS MANLIUS SEVERINUS BOETHIUS, cujus num philosophiam, an eloquentiam, aut poësin, potius admirare, dubium est. Plane enim excellit, ac, doctissimorum quorumvis judicio, cuilibet superiorum & magnorum comparandus est. Ut verò cetera ejus plurima Opera omittamus, libellus de *Consolatione Philosophiæ*, quem, in mediis calamitatibus carceris, partim prosaico, partim metrico scribendi genere composuit, incomparabilis fere est, torusque etiam imbibendus. Prodiit apud Jodocum Badium Ascensum Paris. An. 1502. cum ejusdem notis: additus Thomæ Aquinatis commentarius apud eundem 1514. Theod. Pulmannus illum e codicibus MSS. emendatum dedit Antwerpæ in 12. Contr. Rittershusius Lugd. Batav. 1600. Joh. Bernartius, cum notis, Antwerp. 1607. in 8. Petrus Bertius 1633. & si recte memini, etiam cum variorum notis prodiit. Opera Boëthii omnia cum variorum notis Basil. An. 1570. in fol. lucem aspexerunt: jam antea ibidem 1546. & Venetiis 1491. excusa. (Libellus ille de Consolatione Philosophiæ in Gallicam quoque Anglicamque linguam translatus est: imo & in Germanicam eodem plane dicendi genere, quo est a Boëthio scriptus; nempe, ut prosaica dictioni versus immisceantur, iique haud parum profecto apti concinnique; operam commodante Viro illustri, dum viveret, Christiano Knorrio, Lib. Barone de Rosenroth. Editus est post translatoris mortem secunda vice cum præfatione Franc. Mercurii Helmontii.)

Quam inter Gothos absterfit pro viribus Latini sermonis peregrinam sribli- ²⁴ ginem Boëthius, ea undiquaque conspersus incedit, qui in eadem Theodorici Regis Goth. & successorum aliquot, aula summis muniis functus est MAGNUS AURELIUS CASSIODORUS; cujus Opera tam junctim, quam scorsim, prodie- re. Conjunctim illa publicavit, duobus in 8. voluminibus comprehensa, suisque illustrata notis, Guil. Fornerius, Paris. An. 1588. Genevæ in 4. Pet. Brossius 1601.

& 1650. in 4. Tandem studiosissime omnia collegit, & emendata suis insuper notis ac dissertationibus illustravit, Joh. Garretus, Bened. Monachus Rothomagi 1679. in fol. 2. Tomis.

- 25 Sunt & non pauci incertæ ætatis: ut (quos unus e pluribus nominamus) AUCTORES FINIUM REGUNDORUM, quos cum observationibus suis Nicol. Rigaltius edidit, in præfatione de ætate singulorum disquirens, Parif. 1614. in 4. quosque postmodum iterata Editione, cum amplissimo Commentario, publicavit Wilhelmus Gæsius Amstelod. in 4. 1674. *De Jurisconsultorum Latinitate*, quæ in *Pandectis* reperitur, optime Sanctius judicavit Minervæ p. 259. male omnino illos facere, qui eos cum Cicerone comparant, aut Latini sermonis puritatem inde hauriri posse credunt. Non illud fuisse seculum Justinianæum, quod Latinas literas polirer: imo multa in *Pandectis* reperiri, quæ a genuina Latinitate abhorreant. Satis superque gloriæ Scriptoribus juris tribui, si inter sui seculi homines eos præstantissimos dicamus. *Medii ævi Auctores* plurimi sunt, quos ad ligneam, luteam, faxeamque ætatem Scioppius refert, & quos, ob barbaram sermonis stribiginem, neque legendos styli causa, neque etiam sollicite recensendos, puto. Quamvis non negem, esse inter illos, qui ultra genium seculi sese erigant: sed tamen iis secure fides in Latinitate haberi non potest. Plerique illorum vel Historici sunt, quorum Catalogum magno studio a Gerh. Joh. Vossio, & qui notas in eum scripsit, Christ. Sandio, congestum invenies: vel Poëtrastri, alios recenset idem Vossius in *Dissertat. de Poëtis Latinis*. Peritissimi in illorum lectione fuere Casp. Barthius, Thom. Reinesius, Chr. Daumius, qui in scriptis suis hic illic flosculos ex iisdem decerpunt. Barthius in nonnullos integros commentarios scripsit: ut in Guil. Britonem poëtrastri. Ego Latinitatis causa sterquilinum hoc movere consultum non puto: nec cerre legerim, nisi ob historiam, cui singularem nonnunquam lucem præferunt, & in principum rerumque publicarum controversiis magna cum utilitate a politicis leguntur. Excelluit quoque, eam unam ob rationem inductus, in Scriptorum medii ævi lectione Pet. Pirhæus: cui addendi e Germanis Frid. Lindenbrogius, & Herm. Conringius: e Gallis Jac. Sirmondus, & qui instar omnium fere unus est, Carolus du Fresne, seu Cangius: nec non superstes hodieque Vir summus, Stephanus Baluzius: alique. De temporibus obscurorum Virorum dicere operæ pretium non erit. De Auctoribus, qui sub *παλαιογενεσιαν* Latinitatis orti fuere, dici quidem hic aliqua possent; sed commodius eos suis locis reservabimus: præsertim, cum de eorum bona parte jam dictum sit, quum *de Epistolographis* ageremus: ceteros inter Oratores enumerabimus.


- 26 Jure merito autem inter antiquæ Latinitatis monumenta locum sibi vendicant INSCRIPTIONES, quarum ingens Volumen, auspiciis Jos. Scaligeri & Marci Velsæri, promotoribus compluribus Viris doctis, collegit ediditque Heidelbergæ 1603. fol. JANUS GRUTERUS, cum uberrimis indicibus, quos ipsemet Scaliger summa cura, maximoque integrorum decem mensium, labore, confecit: & qui ta-

men

men a nominis sui mentione omnino abstinere voluit. vid. Epist. 413. & seq. Scaligeri pag. 70. Jam ante Gruterum Inscriptiones antiquas tales colligere coeperunt Conr. Peutingerus, Marc. Velserus, Jac. Mazochius, Pet. Appianus, Mart. Smerius, alique: sed minor est collectarum numerus, quam ut cum Gruteriano opere comparari queat. Sed, cum & hic deesse adhuc longe plurimas accuratior securae aetatis investigatio demonstrasset, supplementum velut illius, eadem plane methodo, adornavit volumen aliud, ferme non minus vastum, idque Commentariis illustravit, THOMAS REINESIUS; quod post mortem viri doctissimi Lipsiae A. 1631. fol. lucem adspexit. Aliud adhuc Volumen prae manibus habet MARQ. GUDIUS, Gruteriano & Reinesiano longe accuratius: totam enim Italiam perreperavit ad congerendos hosce thesauros. (Verum, uti Vir ille summus, nescio qua invidia, maluit secum retinere premereque quod habuit, quam cum erudito orbe communicare; ita inscriptiones quoque suas in tres quidem tomos eleganter admodum digessit, nec tamen alii, quamdiu viveret, edendas permisit. Nunc, post ejus mortem, in Clar. Gravii manus eas omnes pervenisse fama aliquando fuit; sed & illam non satis certam exinde comperi: potius adhuc in Gudiana Bibliotheca tres illos Tomos asservari fidem *avérisay* aliqui fecerunt: ut adeo ne nunc quidem eas Inscriptiones in lucem emissum iri spes sit. Interea Supplementum tale Gruterianum ac Reinesianum Italus quidam eruditissimus, Raphaël Fabrettus, moliri coepit, jamque pars operis Romae impressa est, dubiumque nullum, integrum proditurum, cum id urgeat Editor. Continebit ultra duo Inscriptionum, alias ignotarum, millia.) Praeter hos Inscriptionum colligendarum edendarumque curam in se susceperunt Sebast. Maccius, qui e tota Italia congessit illas, comprehenditque uno volumine: teste Erythraeo Pinac. I. pag. 278. Joh. Zaratinus Castellinius: adeo: referente eodem Erythraeo l. c. pag. 51. *Inscriptionum veterum studiosus, ut in eis perquirendis interpretandisque pene mori videretur. Hinc fiebat, ut, quoad Romae vixit, nullus fere dies fuerit paulo serenior, quin in aliquo praedio vel agro conspiceretur, ubi ex veterum villarum ruinis saxa vel lapides effoderentur: ut, si qua in eis tabula marmorea, Graecis vel Latinis notis insculpta, inventa essent; vel eas precio auferret, vel quod in eis scriptum esset, in sua pugillaria referret: Georg. Gualtherus, cui collectionem Inscriptionum & tabularum Sicilia atque Brutiorum debemus, cum animadversionibus ejusdem Messanae 1624. in 4to editam: Carolus Caesar Malvasia, qui *Marmora Felsinea*, seu *Bononiensia*, Bononiae An. 1690. in fol. publicavit: Henricus (Cardinalis) Norisius, cui *Caji & Lucii Caesarum Cenotaphia Pisana*, eruditissimis longe dissertationibus illustrata, & Venetiis in fol. 1681. edita, in acceptis ferimus. Sertorius Ursatus, qui *Monumenta Patavina* collegit, digessit, atque commentariis illustriora reddidit Patav. 1652. in fol. Joh. Jac. Boissardus in *Antiquitatibus urbis Roma* Francof. 1692. in fol. Paul. Aringhus in *Roma Subterranea* Romae 1651. fol. J. Bapt. Ferretius in *Musis Lapidariis*: Joh. Seldenus, qui *Marmora Arundeliana*, Graece inscripta & ex Oriente in Angliam allata, cum aliis vetustis Inscriptionibus, Commentariis suis illustravit Londini 1629. in 4. quibus*

bus postmodum Oxonii 1677. in theatro Sheldoniano splendide recufis, & auctis, fuas quoque notas adiecit Humphridus Prideaux. Exinde Græcarum Inſcriptionum major apparatus comparere cepit: ſiquidem JAC. SPONIUS, Græcarum antiquitatum vindex, in itinere ſuo per Orientem nihil ferme tam auide inquiſivit, ac propterea magnam Inſcriptionum vim partim Itinerario ſuo literatiſſimo inſeruit (cui in ſupplementum Georg. Wheleri, quem comitem itineris Sponius habebat, Itinerarium addi meret,) partim Curioſæ Antiquitatum Investigationi, Lugduni 1682. in 4. Gallico idiomate excuſæ. Idem Sponius Supplementum quoque Gruterianum edidit Lugduni A. 1679. in fol. quod & 1682. recuſum eſt; titulum dedit: *Miſcellanea Eruditiſſimæ Antiquitatis*: queis ſecundum quoque Tomum A. 1685. adiecit. Taceo nunc Claud. Salmaſii Explicationem duarum Inſcriptionum Herodis Attici rhetoris, & Regillæ conjugis, una cum notis ad Doſiadæ aram, Pariſ. 1619. in 4. editam. Caroli Patini Commentarium in tres inſcriptiones Smyrnenſes; Patavii 1685. in 4. Joh. Smetii antiquitates Noviomagentes: Giſb. Cuperi Syllogen variarum veterum inſcriptionum, ejus Harpocrati ſubjectarum: atque alia hujus generis ſcripta plura, quæ indies fere creſcunt. E vallis illis Gruteri, Reinſchii, Sponii, aliorumque corporibus Inſcriptionum Syllogen præcipuarum ſelegit ediditque Londini in 8. A. 1691. *Guil. Fleetwoodi*; quæ cupidos antiquitatum talium ſtudioſos, & tamen emendis ſumptuoſis voluminibus impares, juvare poteſt. De inſcriptionum veterum ætate dignoſcenda, & ſtylo, quædam docere poterit Oſtavius Boldonius, in Epigraphica ſua, vaſtiſſimo Opere, nec ita tam adornato, ut fieri vel poterat, vel debebat, Auguſtæ Peruſiæ 1660. fol. de quo alibi mentio recurrit.

FINIS LIBRI QUARTI.



POLY-



POLYHISTORIS LITERARII

LIB. V.

CRITICUS.

CAP. I.

DE SCRIPTORIBUS CRITICIS.

- §. 1. *Artis Criticæ cum Grammatica Cognatio & Usus multiplex.* 2. *Scriptores de arte Criticæ Historici, Ioh. Wouderius, Phil. Iac. Maussacus, Henr. Stephanus, Dan. Heinsius, & qui artem ipsam methodice tradiderunt, Franc. Robertellus, G. Scioppius, Guilb. Canterus, Ioh. Clericus.* 3. *Invecliva in Pseudo-Criticorum nimium emendandi Auctores pruritum.* 4. *Iani Gruteri Thesaurus Criticus, sive Collectio Scriptorum Criticorum Recentiorum ἑξωστέρων.* 5. *Diverse Criticorum Classis. Miscellaneorum Criticorum Scriptores potissimi, in Gruteri Thesauro haud obvi, Pet. sc. Victorius.* 6. *Adr. Turnebus.* 7. *Lud. Cælius Rhodiginus, Iustus Lipsius (de cuius Plagiis aliqua adduntur.)* 8. *Iac. Cujacius, Guilb. Canterus, Yvo Villiomarus (i. e. Ios. Scaliger.)* 9. *Thomas Reinesius, Casp. Hofmannus, Iac. Palmerius.* 10. *Andr. Schottus, Casp. Barthius.* 11. *Janus Rutgersius, Ios. Castalio, Sam. Petitus, Thom. Gatakerus, Sam. Bochartus.* 12. *Claud. Salmasius, Ioh. Frid. Gronovius.* 13. *Desid. Heraldus, Laur. Ramiresius, Lat. Latinius, Tanaqu. Faber, Ioh. Meursius Sen., Gish. Cuperus, aliique in Belgio, vel antebac, vel etiamnum, celebres.* 14. *If. Casaubonus, Henr. & Hadr. Valois, Æg. Menagius. Querela de Criticorum numero indice decrescente.*

Sepes veluti bonorum Auctorum, atque totius cultioris literaturæ, est *Ar̃s x̃p̃i-τ̃ιc̃η*, quam Grammaticæ partem Veterum nonnulli censent; alii vero diversam longe esse, & haudquaquam in unam cogi debere classẽ, rectius arbitrantur: quos secuti proinde nos ita POLYHISTOREM CRITICUM a Grammatico peculiari libro sejunximus, ut tamen presso pede alter alterum, arctiori quippe junctum cognatione, sequeretur. Quam vastus autem, & quantus Criticæ usus sit, in Tomus I.

Aaa aaa

digno-

dignoscendis ac dijudicandis omnis generis Auctorum, Græcorum, Latinorum, Sacrorum, profanorum, scriptis; in castigandis, emendandis ac restituendis iisdem, & quæ alia artis exquisitissimæ munia sunt: ii demum recte intelligunt, qui, sine illius adjumento, confusa omnia, & miserrimis imposturis plena, fore animadvertunt.

- 2 Sunt, qui de illius usu aliqua generatim scripsere. Inservit huic instituto *Ioh. Woverius* cap. 16. 17. & 18. suæ Polymathiæ, qui haud contemnenda in medium profert. *Phil. Jac. Maussacus*, in præclara illa Dissertatione Critica, quam Lexico Harpocratonis præfixit; quanquam iniquiori animo in Casauboni plagiarium, ut male suspicatur, doctissimum Woverium sit, eumque toties, quoties potest, carpat. a) *Henr. Stephanus* in Dissertatione de Criticis Veteribus Græcis & Latinis, Parisi 1587. in 4. edita: & *Dan. Heinsius* in Dissert. de veræ Criticæ apud veteres ortu, progressu, usuque, tum in disciplinis ceteris, tum in sacris, quæ una cum Crepundiis ejus Silianis, & Lugduni Batav. prodiit, & Cantabrigiæ 1646. in 12. est recusa. Qui Artem Criticam ad regulas redegerit, novi neminem, nisi *Franc. Robortellum*, cujus ea de re exiguus libellus exstat, Patavii 1557. & Francof. 1624. in 8. excusus; & *Gasp. Scioppius*, qui & hunc Auctorem, & suum Commentarium de arte Critica, & præcipue de altera ejus parte, emendatrice, edidit Noribergæ 1597. in 8. quem Jodoc. Pluymerus, Amstelodamensis typographus, A. 1662. in 8. recudi fecit: Docet inprimis eo libello Auctor, quænam ratio in emendandis ex ingenio Latinis-Scriptoribus observari debeat. De ratione emendandi Græcos auctores peculiare Syntagma conscripsit *Guil. Canterus*, quod Novis ejus Lectionibus additum prodiit Antwerp. 1571. in 8. & separatim Basileæ 1566. fol. (Nuperrime An. 1697. duobus in 8. tomis, Artem Criticam, a se compositam, Amstelodami orbi erudito dedit Vir doctissimus *Ioh. Clericus*, sed non talem tamen, cui non addi etiam adhuc aliqua possint.)

- 3 Ceterum orta primum superiore seculo accuratior illa Critices tractatio est paucis ante Scaligeros annis: quibus ipsismet deinde signa tollentibus, securi magno numero sunt Scriptores, quos omnes hic recensere non lubet, maxime, cum non unius commatis sint. Neque enim hic dissitendum, quemadmodum nonnullorum e veteribus Criticis nimius emendandi pruritus rei literariæ vehementer obfuit, & ridiculos non solum ipsosmet illos Criticastros reddidit, sed & immani lectionum Variantium, atque haud raro monstrosarum, mole optimos Auctores pessime inquinavit: qua de re Veteres passim conqueruntur: ita recentiorum quoque

a) Commentarium de Critica promisit *Il. Casaubonus*, de quo, uti & *Joh. Woverii* & *Phil. Jac. Maussaci* Operibus affectis de Studiis Veterum eidem Argumento illustrando præcipue destinatis, *Jac. Thomasi*, in Prolegomenis Editionis Tractatus de Polymathia Wouweriani Lipsiensis, An. 1665. publicatæ, plurius collegit, & nos etiam in Woverii (cujus Polymathiam plagii in Commentarium Casauboni, modo laudatum, *Jos. Scaliger*, *Maussacus*, & alii, insinularunt) Elogio, *Cambrie Litrare* inferendo, fufius aliquando differemus.

que Criticorum non pauciores, dum medicam manum admoveere Autoribus tentant, magis lacerant illos corrumpuntque: nimirum vel ea, quæ non intelligunt, in alia omnia pro captu inepte sæpius transmutantes; aut intempestiva corrigendi libidine, ut ingenium ostendent, nihil non, ut corruptum, mira audacia tentantes. Horum ineptias castigant Henr. Stephanus in Epistola de statu typographiæ suæ: & Baco Verulamius lib. VI. de Augm. Scient. c. 4. qui propterea recte monet: *nisi Critici fuerint eruditi in scientiis illis, de quibus libri ab illis editi tractant, periculo diligentiam illorum non vacare.* Hos vero non minus depingit graphice, quam castigar, Vir doctus, Phil. Priorius in præfatione ad Optatum Milevitanum, seculi IV. scriptorem Afrum, a se Paris. 1679. fol. editum, cum ait: *De meo illud assero, abstinuisse me ab illa Critica prurigne, quæ sciolorum animis infedit, qui nihil præter mendosam scripturam crepant, luxatum locum, desperatum, depravatum, clamitant, & a se feliciter restitutum unius literule mutatione.* Permulti sane sunt hisce temporibus, quorum intra has metas eruditio tota consistit, & qui, solidioris literaturæ ope destituti, in minutiis ejusmodi & λεπτολογίᾳ tempus omne & ætatem misere impendunt. Hos bene valere jubco: iis bonam mentem opto. Nobis non licet eo audacia perrumpere, ut veterum scripta tam temere corrumpamus. Scilicet, uti nihil adeo insigne est, cui non ob id ipsum aliquis abusus adhæreat, ita cum Critice idem actum.

Insigniores ævi superioris Critici, qui non nimis vastos commentarios scripsere, collecti sunt, septemque tomis in 8. chartæ majoris editi, a JANO GRUTERO sub titulo *Facis Liberalium artium, seu Thesauri Critici*, Francofurti 1601. 1604. 1605. 1606. 1627. & 1623. Sed de ultimo isthoc tomo, qui tam magna a prioribus intervallo prodiit, sciendum, illum non a Grutero fuisse curatum, ut reliqui, sed a Dan. Pareo suppositum, quo ille Gruterum sugillat, & acerbe in eundem invehitur, vindicaturus nempe hac demum ratione se a conviciis, quibus passim illum Critici exceperunt. Nihil attinet eos, qui his tomis congesti sunt, recensere: sufficiat illuc remisisse, indicasseque, Thesaurum illum quasi Pandectarum instar esse Criticarum. Nos hic sparsim aliquam multos enumerabimus velut per lancem saturam Auctores, qui in illa Face non sunt. Fuit, cum in catalogo nundinarum Francofurtensium accessorius Faci novus promitteretur: sed nec prodiit, neque, ut nunc sunt tempora, facile prodibit: solent enim illi Catalogi promissis esse divites, & corvos deducere hiantes.

Solent vero Critici suas divinationes, conjectanea, racemationes, præcidanea, verosimilia, suspiciones, Lectiones, Castigationes, pericula, &c. vel Autoribus ipsis adjungere; quorum multos jamdum supra recensuimus: vel eas edere separatim. Aliqui facultatum certarum Auctores emendare solent, atque hinc habemus Criticos Sacros, Criticos in libros Juris, Criticos Medicos in Hippocratem, Galenum aliosque, de quibus suo loco. Nunc tantum aliquos commemorabimus, qui vagi argumenti libros scripserunt, nec in certos Autores, nec de certis argumentis. Sunt tales PETRI VICTORII *Varie lectiones*, libris XXV. constantes, multa refertæ eruditione & observationibus in bonos Auctores linguæ utriusque; quæ Florentiæ 1553. in fol. apud Tor-

rentinum, & ibidem A. 1582. apud Juntas, prodierunt. Erat Vir ille sine dubio literatissimus, & non per Italiam solum, sed & per totum orbem literatum, celeberrimus, nec Philologus tantum, sed & Philosophus & Orator insignis, quod doctissima ejus in Aristotelem atque Ciceronem Commentaria abunde testantur. Parum benigne alias de illo Jos. Scaliger judicavit in Excerptis Putean. Scalig. pag. 251. Doctum vocat ibi, sed vulgare ingenium: se juvenem magni aliquando Varias Lectiones illius aestimasse, in quibus tamen non habet nisi verba, & paucas conjecturas bonas, quippe qui multum in libris conferendis fecerit, sed non habuerit genium librorum. Miseras ait illum Epistolas scribere, & cum magnis ambagibus: &c. Quanquam vero postremum crimen aliqua ex parte verum sit: nam regnabat tum apud Italos circumducta illa & fusa scribendi ratio, & pene superstitiosa imitatio Ciceronis; quo factum, ut sæpe magis verborum culturæ incumberent Viri eruditi, quam rebus ipsis; cum infecutis temporibus pressior dictio doctis placere ceperit: esse tamen a Scaligero in Victorium aliqua inclementius dicta, ut sunt in iis Excerptis plurima, negari non potest.

- 6 ADRIANI TURNEBI *Adversaria*, elegans ac doctum Opus, varia in Latinos Auctores varios observata continet, Paris. 1580. in fol. Tomis duobus editum, & recusum Argentorati 1599. De illo tam splendide Scaliger libro citato judicat, ut uno ejus libro plus haberi censeat, quam Victorii totis 25. & alia Turnebus in Latinos Auctores eruditissima, tum & alia nonnulla, inter quæ est elegans *Dissertatiuncula adversus vini potum*: in qua plane alia sentit, quam popularis ejus Guyetus. Lepidum est, quod de se puerulo Thuanus lib. I. de Vita sua narrat, se, cum aliquando obambulans in platea Adrianus Turnebus monstraretur, tanta aviditate faciem viri oculis suis hausisse, suoque impressisse animo, ut continuas aliquot noctes nil nisi Turnebum somniaret: nempe, qui tum jam incredibili doctorum Virorum amore tenella ætacula flagrabat.

- 7 De Ludov. Cælio Rhodigino diximus in Locorum Communium scriptoribus, qui & huc referri potest: multa habet ad emendationem Auctorum spectantia. JUSTI LIPSII *Opera Critica*, ut sunt Antiquæ lectiones, Epistolice quæstiones, Electa, Variæ Lectiones, &c. variæ sunt eruditionis: nam & antiquaria multa habet & emendat in Auctoribus. Sed plagii ille accusatur a multis, & forte non injuria. Nam Petrus Faber olim Agonistica sua ab illo in Variis libris suis, qui similibus argumenti sunt, compilata clamavit, & nova tantum styli Lipsiani veste induta: & Jos. Scaliger refert, in libris de Militia Romana Lipsium omnia cepisse ex Franc. Patricio, qui Italice ea de re scripserit, scilicet in tractatu, quem inscripsit *La Militia Romana di Polibio, di Tito Livio, e di Dionigi Alicarnasseo dichiarata, e con varie figure illustrata*. Ferrara 1583. in 4. Ingenuum de Lipsio judicium est Jul. Cæs. Buelengeri, Viri alioquin non adeo acuti, cum Historiar. lib. XII. pag. 389. illum, cum Scaligero & Casaubono comparatum, utroque minorem facit.

- 8 JAC. CUJACIUS *Observationes* scripsit, plerasque super textus Juris, sed quibus tamen

tamen immiscentur multa ad alios Auctores pertinentia. Vir fuit doctissimus, a quo se multa didicisse agnoscit Scaliger: cum se nauseantem jam omni bonorum studiorum gustu reficeret Cujacius, languentem recrearet, & jam prope deploratum, & sibi suisque rebus omnibus disidentem, ad lucem iterum revocaret. vid. Epist. Scalig. 32. Eundem de se bene meritum Pet. Pithæus, Jac. Aug. Thuanus, aliique summis elogiis extulere. Observationes ejus, quas diximus, editæ sunt Coloniae 1598. in 8. In illas promiserat Jac. Franc. Grandis accuratam Criticem, sed quam ego nunquam esse editam comperi. GUIL. CANTERI *novæ Lectiones* additæ sunt Faci Criticæ Gruterianæ: ut & Franc. Floridi Sabini Subseciva. Sed & plura scripsit Floridus, quam ibi habentur, & plura etiam Canterus. Canteri Syntagma de ratione emendandi Græcos Auctores supra memoravimus. Novas Lectiones aliquoties recensuit auxitque & libellum Variarum Lectionum in Græcis Bibliis a Plantino excusum concinnavit. Neque dubium, quin multo plura etiam ab illo expectanda fuerint, ni mors juvenem anno æt. 33. abripuisset. In laudata sæpius jam Face Critica habentur YVONIS VILLIOMARI *Animadversa in locos controversos Rob. Titii*. Sciendum, sub illo nomine latitare Jos. Scaligerum, qui tum, ut famam aucuparetur, Rob. Titium adortus est. Erant, priusquam verum nomen Auctoris ejus libelli innotesceret, qui Cujacium ipsummet sub Yvone personato latere suspicarentur, sed mox Scaliger innotuit: qui tantum sibi ipsi cum sua illa descriptione placebat, ut Cujacium edendæ tali imparem judicaverit. *Mons. Cujas n'eust seu écrire comme Yvo Villiomarus*: inquit in Excerptis Scal. p. 60.

THOMÆ REINESII *Varie Lectiones* Opus sunt multa doctrina refertis-
simum: in quo varia habentur ad historiam Romanam spectantia, ad genealogias,
item Medica. Jungi iis possunt Epistolæ ad Hofmannum & Rupertum, nec non
ad Daumium & ad Nesteros: de quibus alibi. Adversus Lectiones Varias scripserat
quædam *Andr. Rivinus*, Professor Poëseos apud Lipsienses: sed mox iterum a Rei-
nesio confutatus, qui Variarum Lectionum suarum Defensionem Rostochii 1659.
in 4. edidit. CASP. HOFMANNUS ipse etiam *Varias Lectiones* scripsit, quæ rario-
res sunt, & multas habent emendationes locorum Dioscoridis, Athenæi, Plinii,
Hippocratis. Editæ sunt Lipsiæ 1619. in 8. JACOBI PALMERII de Grentem-
esnil *Exercitationes* extant in *Græcos Auctores*, in quibus multa præclare emendantur
Græcorum poetarum, historicorum, oratorum loca. Vir enim ille in Græcis Scri-
ptoribus multum operæ impendit, belli, pacis ac literarum artibus ac disciplinis in-
clytus, ut eum Steph. Le Moyne vocat. Exercitationes ejus editæ sunt Lugduni
Barav. apud Gaesbergios 1668. in 4. Ejusdem *Græcia Antiqua*, posthumus liber,
decennio post editus est apud eosdem 1678. in 4. una cum præmissa Autoris vita.

ANDREÆ SCHOTTI, Jesuitarum, Scaligero judice, doctissimi, *Observatio- 10*
nes Humane & Nodi Ciceroniani multa in Cicerone, Græcisque & Latinis Auctoribus
aliis, pulcre emendant, in lucem prodierunt Hanoviae 1615. in 4. In CASP. BAR-
THII *Adversariis*, vastissimo Opere, vel potius vastioris Operis parte (longe etiam
Aaa aaa 3 plures

plures libri, ut audio, adhuc inediti servantur, multa quidem non contemnenda reperiuntur loca, & Auctores haud raro eximie explicantur: sed tamen non usque adeo placet eruditioribus: est enim in iudiciis præceps, in emendando temerarius, pluribus etiam frivolis & inanibus indulget. Atque, ut Vir mirifici ingenii fuit & morosus, qua de re lepidæ aliquot historiæ in Epistolis Buchnerianis leguntur; ita etiam Adversaria genium Scriptoris retinere. Excusa sunt Francofurti 1624. fol. b)

- 11 JANI RUTGERSII *Variarum Lectionum Opus* Lugduni Batav. 1618. editum eruditissimum est. Nec spernendæ *Lectiones Variæ* JOSEPHI CASTALIONIS, quas, Romæ 1605. impressas, extinctam propemodum apud Transalpinos de Itolorum eruditione laudem revocasse Nicius Erythræus auctor est Pinacoth. I. p. 168. refertque, se a Memio audivisse, *Varias Lectiones Castalionis, cum essent Lugdunum Batavorum allata, cum omnium risu exceptas fuisse, quod existimaretur, lucum esse negotium, nec dignum, quod lucem aspiceret, quoniam nullum jamdiu eruditum opus ex Italia prodisset: sed, simul inspectum hoc, adeo probatum esse, ut sententiam mutaverint, statuerintque, esse Italis ingenium, dummodo adsit studium & exercitatio.* SAMUELIS PETITI *Observationes* Parisi. 1614. in 1. item *Variæque Lectiones* A. 1633. nec non *Miscellanea* A. 1630. edita, multa habent Chronologica notata, & in Græcos Auctores animadversiones. THOMÆ GATAKERI *Adversaria* Londini 1659. in fol. item *Cinrus* ejusdem, seu *Animadversionum variarum liber*, in 4. 1651. emissi, multa emendant in Patribus Græcis, multa observant in textu Græco Bibliorum, & incidenter in aliis quoque Auctoribus profanis. Vir enim fuit stupendæ lectionis, magnique judicii, & qui in commentando diligens atque operosus est. c) Similiter SAM. BO-
CHARTI

b) Casp. Barthii *Adversariorum Libri LX.* tantum priores Francofurti A. 1624. in fol. sunt editi, Libri autem CXX. residui Hæredum, vel negligentia, vel malignitate, perierunt, qua de jactura Christ. Daumius Amicorum Autoris Intimus, in Scriptis & Epistolis suis, passim conqueritur. Sequius de iis, ante Morhofium, etiam alii judicant Eruditiores. E quibus solos jam allegabo Triumviros in Literis Elegantioribus paucis secundos, Thomam Reinesium (cujus *Variarum Lectionum Libri*, *Apologia contra Andr. Rivinum*, & *Epistolæ ad Christ. Daumium*, tantum non ubique Barthii crebra in hoc Opere παραρρήματα & lapsus detegunt, inque eos Virgula sæviunt Censoria), Vinc. Fabricium (qui in *Præfati Parato*, sive *Satyræ in Poetas*, ac horum Contemptores, satis acerbe eadem perstrinxit), & Paulum Colomelium, cui (*in Opus. Literariis* p. 250.) Barthius *Vir audit multa quidem lectionis, sed naris non præfatus emunctæ.*

c) Thomæ Gatakeri Opera Critica omnia (1. *Diff. de N. T. Stylo adversus Sebast. Prochenium*; 2. *Cinrus*, sive *Advertaria Miscellanea*; 3. *Advertaria Posthuma*, a Carolo Filio publicata; 4. *M. Antonini, Imperatoris, Libri XII. περί τῶν εἰς ἑαυτὸν*, Latine versi, & *Commentario illustrati*; 5. *Diff. de Diphthongis seu Bivocalibus*; 6. *Dissertationes duæ pro Nominis נִרְרַךְ vulgari pronunciatione*; 7. *Disceptatio cum Sam. Wardo de Baptismi infantilis Vi & Efficacia*) junctim, curante Herm. Wirtio Theologo Ultrajectino, cum ejusdem *Præfatione*, Trajecti ad Rhenum A.

CHARTI scripta, *Hieroicozon*, *Geographia Sacra*, Criticis observationibus abundant, & in hac quoque arte excelluisse Virum cetera eruditione omni cumulatissime instructum, probant.

Nemo tamen adeo ut propriam, suumque veluti regnum, sibi Criticen vindica-¹² tum ivit, ac CLAUD. SALMASIUS, qui, quemadmodum nihil unquam scripsit, in quo non insignia multa Artis Criticæ vestigia deprehendas, ita inprimis, ut Autores cum notis & castigationibus absolutissimis editos raceamus, vaste illo *Plinianarum Exercitationum Opere*, quantum in eo eruditionis genere valeret, demonstratum dedit: nec minus in libris de *Ufuris*, *Fanere Trapezitico*, *Nautico*, critica varia coacervat. Sed tamen suos quoque manes passus est incomparabilis Vir, dum quandoque pro suis vendicaret emendationes, quas dudum ante illum, aut Scaliger, aut alii Critici insignes, posuerant: quandoque etiam, intempestiva invidia percitus, ab aliis idonei quid scribi non ferret, suæ id decedere famæ arbitratus, quicquid aliorum laudi accresceret. Questus est inprimis de maligno isthoc animo Salmasii, magnum quondam nostri seculi decus, JOH. FRIDER. GRONOVIIUS, in *Epistola ad Anton. Clementium*, Epistolarum Salmasianarum Editorem. Nam cum hic Epistolam quandam Salmasii ad Sarravium, Gronoviano de Sesteriis tractatui haud paulo iniquiorem, secum servaret, & licet metu Gronovii, ejus editionem supprimeret, legendam tamen describendamque aliis permitteret; Gronovius ab ea se contumelia vindicare decrevit, ediditque adeo acriorem epistolam ad Clementium, in qua mores Salmasii malos vivis coloribus depingit, ejusque simul plagia Critica pluscula recenset. Edita sunt istæ epistolæ tum Salmasiana tum Gronoviana, ad calcem novæ editionis libri de *Pecunia Veteri Romanorum*, seu de *Sesteriis*, Gronovii: quem, cum primum vidisset legissetque Sarravius, plenum bonæ frugis esse censuit: licet postmodum, in Salmasii gratiam, aliter judicaret. Propterea autem Salmasius edito illi Operi succensebat, quod sibi partem ablatam quereretur vastissimi Operis, quod de *Re Numaria* veterum moliebat. Sed, cum de mole illa ne particula quidem unquam prodierit: laudandus vel maxime Gronovius ob insignem scetum: qui primo editus est Daventriæ 1644. in 8. tum auctior Amstelodami 1656. in 8. & tandem, tertiis curis e MS. Auctoris auctus, a filio Jacobo Grono-

1698. in fol. nitide sunt recusa. Recensum illorum exhibent, justasque simul iis laudes admo-
tuntur, *Acta Erud. Lipsiensia*, M. Febr. A. 1699. p. 63. 64. Eadem felicitate Sam. Bocharti Opera
omnia, tum antehac edita (*Phaleg* sc. & *Canaan*, sive *Geographia sacra*, & *Hieroicozon*), tum ha-
ctenus inedita, aut Latine e L. Gall. nunc demum versa (*Dissertationcula* scil. & *Epistolæ* varii ar-
gumenti, circiter quadraginta), una cum Steph. Morini (in Cadomensi olim Munere Ecclesiastico
ipsius Collegæ) Vita Auctoris, & Paradisi Terrestreis ad mentem ejus Recensione, curantibus eo-
dem Morino, Joh. Leusdenio & Petro de Villamandi, tribus inclusa Voluminibus, & longe
quam antehac, auctiora atque emendatiora, Lugduni Batav. & Ultrajecti lucem tertio An. 1692.
aspexere publicam. V. & de iis *Acta Erud. Lips. M. Mart. A. 1693. p. 97-105.*

Gronovio Lugduni Batav. in 4. 1691. Idem Gronovius Pater, ut erat in emendandis bonis Auctoribus accuratissimus diligentissimusque; ita more Criticorum seorsim quoque *Observationum libros tres* publicavit Amstelodami 1639. in 8. & Daventriae *Monobiblon Observatorum in Scriptoribus Ecclesiasticis*, 1651. in 8. nec non *novum Observationum librum* in 12. 1652. in quibus plurima sunt ad profanos & Ecclesiasticos Scriptores erudite & ingeniose excogitata: ne quid dicam de aliis ejus Observationibus seorsim editis in Sratium, & Livium. Librum ejus de Sesteriis in compendium redegit Joh. Per. Titius, addiditque Manuductioni suæ ad excerptum.

- 13 DESIDERIUS HERALDUS in hunc quoque censum pertinet, qui tam in scriptis suis adversus Salmasium, quam in *adversariorum libris, & observationibus ad lus Atticum & Romanum*, aliisque similibus, non pauca critica erudita continet. Ut & LAURENT. RAMIREZ de PRADO in *Pentecontarcho* suo, de quo libro jam supra aliquid nos dixisse meminimus. Sunt qui Franc. Sanctio, Ramiresii Præptori librum illum adscribunt: alii, ut Nicol. Antonius in Bibliotheca Hispana annotavit, ejus Sanctii genero, cujus nomen jam non succurrit. Verum Antonius, ipsimet Ramiresio, totalis nempe scriptis induro, adscribi debere Pentecontarchum, haudquaquam dubitat. LATINI LATINII *Bibliotheca Latina* nihil aliud est, quam Criticarum observationum in varios Auctores collectio, justis encomiis extollenda; quippe quæ præstantissime multa observata habet. TANAQVILIS FABRI *Epistola Critica*, duobus voluminibus Salmurii 1659. in 4. excusæ, huc quoque pertinent, quamvis jam inter Epistolographos earundem mentio facta sit. Variorum enim Auctorum, & imprimis Ovidii atque Aristophanis, loca corrupta emendant, in quibus ille suum ingenium satis exercet: nam pleraque conjecturis suis restaurare nititur, ingeniosis quidem, sed quæ solæ rem non conficiunt absque MSSorum ope. Guidonis Pancirolli *Lectiones Variæ*, Ant. Augustini *Emendationes & Opinionones*, Jac. Rævardi *Conjecturæ*, Scipionis Gentilis *Parerga*, juridica tractant, sed quæ tamen subinde in campos optimorum Auctorum excurrunt, ac flores ibi colligunt. JOH. MEURSIUS longe plurima scripsit, quæ spectant ad illustrationem Græcorum Auctorum, Græcæque antiquitatis. Is ipse scripsit etiam *Exercitationes Criticas*, Lugduni Batav. 1599. in 8. editas, quarum pars prima emendationes in Plautum, altera *Miscellanea* continet. Publicavit etiam *Observationum librum* GISEBERTUS CUPERUS Vir illustris, qui in Senatu Ordinem Belgii Fœderati conscriptis Patribus annumeratur; atque ut est inusitatae prorsus eruditionis, plurima habet singularia observata. Prodiit liber Ultrajecti 1670. in 8. Novimus alias ejus Apotheolus Homeri, Harpocratem (Notas in Lactantium de Mortibus Persecutorum) præter profundam omnium antiquitatum peritiam Criticam exactissimam indicantes. Alii præterea Belgium, tot olim illustrium ingeniorum mater, duumviros in arte Critica præstantissimos, Joh. Georg. Grevium, & Jac. Gronovium: quos Joh. Clericus etiam addi meret, & qui haudquaquam omittendus, ultimove loco ponendus fuerat, Marcum Meibomium. Heinsios, Grotios, Doufas, Vossios, & qui præterea olim de principatu Critico inter sese certarunt inclutæ Baraviæ filii,

fili, jam commemoravimus, cum de Auctoribus Latinis, eorumque editionibus, verba faceremus.

ISAACI CASAUBONI etiam mentio tum plus semel facta, quem virum a 14 Jos. Scaligero doctis omnibus sui temporis prælatus nemo ignorat: & quem peritia artis Criticæ paucos sui similes habuisse, invidi etiam æmuli atque hostes fatentur. Sufficiat ejus *Annotaciones in Athenæi Dipsosophicæ libros* commemorasse, qui instructissimum penus Criticæ eruditionis sunt. Idem tot aliæ ejus in bonos Auctores notæ abunde testatum reddunt. Neque hic sunt omittendi HENRICUS atque HADRIANUS fratres VALESII, quos tum Ammianus Marcellinus, tum notæ in excerpta, quæ vocantur, Peiresciana, Historiæ Ecclesiasticæ Scriptores Græci, notis amplissimis instructi, aliæque, quanti fuerint, satis declarant. ÆGIDII MENAGII peritiam in re Critica ostendit luculentissimus in *Diogenem Laërtium Commentarius*, & liber de *Amenitatibus Juris Civilis*. d) Verum in omnibus iis recensendis Auctoribus, qui huc spectant, nimis operosi esse non possumus. Neque tanta est hodie illorum seges, qualis superiore seculo, aut hoc nostro ineunte fuit: vergentibus ad barbariam literis, paucisque superstitibus, qui lacertos adversus segnem temporum nostrorum ignaviam movent.

CAP. II.

DE SCRIPTORIBUS ANTIQUARIIS.

- §. 1. *Monita de Antiquitatum Græcarum & Romanarum Scriptoribus generalia.* 2. *Scriptorum Rei Nummarie, imprimis Ezech. Spanhemii, Commendatio.* 3. *Antiquitatum Græcarum Scriptores, Joh. Phil. Pfsifferus & Joh. Meursius.* 4. *Antiquitatum Romanarum Scriptores præcipui, Joh. Rosinus, Thom. Dempsterus, Henr. Kippingius, Jac. Masenius, Pet. Jos. Cantelius.* 5. *Scriptores varii de Urbe Romana, ejusque Edificiis, Familiis, Nominibus, Ordibus & Cryptis Subterraneis.* 6. *Scriptores de Gentiliis, imprimis Græcorum & Romanorum, Diis, Religione, Sacris, Sacerdotibus, Festis, Templis, Fastis, Annis, reliquisque temporibus.* 7. *De Græcorum & Romanorum Magistratibus, horumque etiam Jure, Legibus, Judiciis & Comitibus.* 8. *De Ritibus Nuptiarum, Puerperii, Dierum Natalium & Funerum.* 9. *De Re Vestiviaria, tam in genere, quam in specie, Coma item, Annulis, Torquibus, &c.* 10. *De Re Militari, Nautica, Donarum & Strenis.* 11. *De Conviciis & Jure Hospitii.* 12. *De Ludis, tum Scenicis, tum aliis ac Certaminibus Gymnasticis.* 13. *De Poculis, Sellis, Campa-*
nis,

d) Æg. Menagium in *Comm. in Diogenem Laërtium* Joh. Jonsii *Libros IV. de Scriptoribus Historiæ Philosophicæ*, in *Amenitatibus Juris Civilis* autem, Lutetiæ An. 1664. in 8vo, editis, Scipionis Gentilis *Libros II. Parergorum ad Pandectas*, strenue compilasse Morhofius, in *Præf. Polybistoricis* MSS. observat.

nis, Tintinnabulis, Vebiculis, Fibulis, aliaque supellestile. 14. De Suppliciis, Cruce, Statuis & Pictura. 15. De Acclamationibus & Plausu, Triumphis, Archibis, Iurejurando & Auctionibus. 16. Scriptores de Antiquitatibus Romanis potiores, a Ioh. Georg. Grævio, in Thesaurο illarum, junctim recensiti.

1 Subjungimus ANTIQUARIOS Criticis, ut qui inter se sunt quam maxime cognati: in eadem enim aurifodina utrique laborant, Græcis scilicet & Latinis Auctōribus, & ut plurimum fit, ut, qui antiquitates scribunt, iidem κριτικὴν in Auctōres varios exercent. Intellectos igitur hic præcipue Græcarum Latinarumque antiquitatum Collectores atque vindices volumus, cum Septentrionalium populorum antiquitates proprie huc non spectent, utpote quæ parum ad elegantiam literarum conferunt. Proinde huc pertinent Auctōres, qui primo in genere agunt de variis antiquitatibus miscellaneis sine certo aliquo ordine, seu id sub Polymathia, seu sub electorum, aliove titulo, factum sit; Sunt enim illi in hoc genere velut Locorum Communium Scriptores: quorum etiam tum aliquam sylvam dedimus, cum de Locorum Communium Scriptōribus ageremus: queis accenseri merito possunt Alexandri ab Alexandro Dies Geniales, præsertim cum Andr. Tiraquelli & Christ. Coleri commentariis editi, Francof. 1594. etiam in Batavia reculi.

2 Multum quoque studium Antiquariorum juvant Inscriptiones, de quibus supra: nec minus Numismata vetera Græca & Romana. Adeo multi vero rem nummariam veterem excolerunt excoluntque indies, ut integram constituere Bibliothecam possint. Eos sic satis diligenter colligit Phil. Labbe in Bibliotheca Nummaria, quæ Bibliothecæ Bibliothecarum annexa est: sed tamen quamplurimi adhuc, præsertim qui post Labbeum inclaruerunt, addi possent, si istud nunc ageremus. c) Nemo melius usum numismatum declaravit, quam EZECHIEL SPANHEMIUS, Vir illustris, in peculiari Opere de Præstantia & Usu Numismatum, in quod non Criticarum minus, quam aliarum omnis generis observationum exquisitarum, magnum thesaurum congestit. Editum est illud opus primo Romæ 1664. in 4. & deinde multo auctius, apud Elzevirios Belgas, An. 1771. in 4. Præmissa est operi Præfatio de Autoribus omnis generis Nummariis, editis atque ineditis. Batavica Lingua prodit Joachimi Oudaan Roomsche Moogenheit, (i. e. Romana Potentia,) quo in Libro Autor, Vir quidem non adeo literatus, sed Historiæ peritus, & instructissimè gavissus Nummophylacio, magna cura Historiam Romanam, ex nummis

c) Scriptores Rei Nummaria, non Alphabetico (quem Labbeus elegit), sed materiarum Ordine, commode digestos, diligenter, additis etiam judiciis, recensuerunt Car. Patinus, Studii istius nostro ævo principibus merito annumeratus, in Introductione ad Historiam & Cognitionem rei Nummaria, quæ Gallicè Parisiis An. 1665. Latine autem Amstelod. An. 1683. in 12. prodit, istique ob Scriptorum hujus generis recentissimorum notitiam, jungendus Burch. Goththilfus Struvius, Acad. Patriæ Jenensis Bibliothecarius, in Bibliotheca Nummatica, ante lustrum circiter nuncum Jenæ in 12. publicata.

mis praecipue instauravit & illustravit. Et sane Nummi interdum plus loquuntur, quam ipsi Auctores, & repraesentata in iis picta rerum publice gestarum, antiquitatum, historia rerum harum indagatores mire juvat. Spectant etiam huc gemmae, anuli & similia, quae insculptas ex antiquitate imagines varias ostendunt.

Ceterum, qui de *Graecis Antiquitatibus* aliquod systema scriberet, neminem habuimus, antequam JOH. PHIL. PFEIFFERUS Regiomonti A. 1689. in 4. libris IV. comprehensum nobis daret; quod opus studiosis tironibus inservire satis commode potest, pro perfecto autem Graecarum Antiquitatum corpore nequaquam habendum. Eminent alias inter Antiquitatum illarum Evolutores, qui per partes rem strenue egerunt, JOH. MEURSIUS, Vir in isto praesertim eruditionis genere summus, & cujus pene extat librorum Bibliotheca. Atticas antiquitates inprimis sedulo illustravit, ut restantur varia ejus scripta, de quibus postea in specialibus illis classibus videbimus.

Corpus Antiquitatum Romanarum curatum est a quodam JOHANNE ROSINO, 4 sed quod verius Sceleron appellaveris: namque omnis auctoris opera in eo versatur, quod lacinias Auctorum sub suis quibusdam titulis congestit. f) In illum THOM. DEMPSTERUS, Scotus, notis scripsit plenas bonae frugis & doctissimas. Saepe Commentarius ille una cum Rosino prodiit, additis figuris ligno incis, Parisiis, Genevae atque Coloniae Agrippinae; sed nitidior editio est, quae cum figuris aeri incisis lucem aspexit Lugduni Batavorum. Verum, uti longe plura huic argumento addi possent; ita, si quis justum Opus vellet conficere, tot conficiendi nunc instrumenta haberet, ut, praeter laborem & mediocre judicium, non multum requiratur. Edidit quoque HENR. KIPPINGIUS collectanea quaedam Antiquaria sub generalibus illis titulis, quales nobis exhibet Rosinus; labor est non omnino inutilis: occurrunt enim ab illo interdum quaedam notata, quae aliis forte in mentem non venerant: editus est liber Breae 1654. in 8. sub titulo: *Recessus Antiquitatum Romanarum novus & methodicus. Compendium earundem Antiquitatum* non inelegans paravit JACOBUS MASENIUS, quod reperitur in ejus Palæstra styli Romani hunc in finem ab illo scriptum, ut haberent tirones quasi uno in conspectu posita summa illa Antiquitatum Roma-

— B b b b b b 2

f) Plenius omnibus haecenus editis Antiquitatum Romanarum Systematibus pariter atque Compendiis est grande & quadripartitum illud earum Syntagma, quod Vir Doctissimus, Burch. Gottbittus Struvius molitur, & ob judicii praeterea atque ordinis *ακριβειαν* commendandum. Liber Primus de Ritibus & Antiquitatibus Sacris, cum praemissa Bibliotheca Antiquitatum Romanarum Historico-Critica eleganti Jenæ, A. 1701. in 4to. jam prodiit. Sequuntur hunc, uti speramus propediem, & non minorem Eruditorum reportabunt applausum, tres reliqui de Antiquitatibus Civilibus, Militaribus & Oeconomicis. Post Laborem istum absolutum, se Antiquitates etiam Veteris Ecclesiae Christianae Sacras, nec non Aegyptiacas, Longobardicas, aliarumque Gentium Barbararum, Methodo simili, propositurum & illustraturum pollicetur.

Romanarum capita. Cui tamen rei longe melius adhuc inservit *Compendium* aliud, a doctissimo Jesuita Gallo, PETRO JOSEPHO CANTELIO, compositum, alteraque vice editum Ultrajeeti 1688. in 12. quod de Romana Republica inferibitur, & civiles acque ac militares ejusdem res, non minus studio accurato, quam concinno ordine, exhibet.

5 Quodsi vero speciatim de certis Antiquariorum classibus agi debeat, ponendi sunt primo loco *Autores, qui de urbe Roma, ejus amplitudine, edificeis, &c.* scripserunt. Habemus vero non paucos hic, qui istud argumentum tractarunt. Sunt Justi Lippii Admiranda urbis Romæ, ante quæ tamen & Itali fuere, qui viam huic operi itaverunt. Est Alex. Donati Roma Verus & Nova; liber doctus & olim rarissimus, editus Romæ 1639. in 4. sed postmodum in Batavia bis recusatus. Est Georg. Fabricii Roma, Basil. 1587. in 8. edita, Joh. Barthol. Marliani Topographia urbis Romæ, cum præmissis observationibus de prænomine, nomine & cognomine, Romæ 1544. & Basil. 1550. publicata, atque illustrata Iconibus in fol. Justi Ryequii liber de Capitolio Romano, qui primum Gandavi in 4. 1617. prodiiit; tum & a Gacsbergio A. 1669. in 12. Lugduni Batav. est recusatus. Italice idem argumentum tractavit Lucius Faunus, edito libro delle Antichità della Città di Roma Vener. 1558. in 8. Fauno jungendi sunt Pyrrhus Ligorius, Lucas Maurus, Ul. Aldrovandus & Vincent. Scamozzus, omnes Itali, & in describendis sermone vernaculo Romanis antiquitatibus occupati. Andr. Marianus Bononiæ in 8vo edidit de Ruinis urbis Romæ Epigrammata A. 1641. quibus, ut titulus habet, miranda Urbis cognoscuntur, Sacra visitantur, Nova & Vetera Elogiis recensentur. Sed parum ea in ipsis rudieribus ob oculos ponendis laborant, licet non spernendæ illis insint argutiæ Epigrammaticæ, Pet. Angelus Bargeus de publicorum & privatorum urbis Romæ ædificiorum Everforibus. Iconismos ædificiorum veterum elegantes dedit Ægidius Sadeler, sculptor Casareus, libro Italice scripto, sub titulo: Vestigi della Antichità di Roma, Pragæ 1606. fol. Jac. Laurus scripsit de Antiquo Urbis splendore librum, qui prodiiit Romæ 1612. in 4. Andr. Fulvius de eodem argumento librum edidit, cum annotationibus Hier. Ferrucci editum, Vener. 1588. in 8. *De Familiis Romanorum* velut per lancem saturam & lexicon egit Joh. Glandorpius, in Onomastico Historiæ Rom. Francof. fol. An. 1569. edito, qui liber rudimentum tantum operi justo præbet, & multis modis augeri posset: & auxit illum sane postea Fulv. Ursinus singulari libro de Familiis Romanorum, cui Anton. Augustini simile plane Opus de XXX. familiis Romanorum adjunctum est, Romæ 1577. in 4. Uti vero e numis veteribus inprimis ista familiarum Romanarum historia hausta est; ita auxit illam, recognitam prius a se atque restitutam, Carol. Patinus Paris. 1663. fol. *De nominibus Romanorum* Franc. Robortellus librum scripsit Florent. 1548. & alium Onuphrius Panvinus Vener. 1559. cui & *de ludis Romanorum secularibus* librum debemus: uti Robortello *de Visu & Vita Populi Romani* Paris. 1565. Generalia quædam, ad *Ordines* reipublicæ Romanæ & familias spectantia, tractavit Pet. Servius, in Juvenilibus Feriis, seu Antiquitatum Romanarum Miscellaneis Romæ 1640.

1640. in 8. editis. Romanorum officiales sub Imperatoribus in peculiari & diffuso libro descripsit Jac. Gutherius, quem de Officiis domus Augustæ inscripsit Paris. 1628. in 4. estque is liber haud ita pridem Lipsiæ recusus. Roma subterranea, seu structura & cryptæ Veterum Christianorum subterraneæ, cum iconibus representata sunt ab Ant. Bosio Romæ 1632. Librum hunc, in Latinam linguam conversum, notis postmodum illustravit, ediditque duobus tomis in fol. Paulus Aringhus Romæ 1651. magnificum opus, & quod historiam Ecclesiasticam attinet, commendandum: multa enim in illis notis habentur, ad hoc argumentum spectantia: In Epitomen postea redactus est liber a quodam Arnaldo Lubecensi, sub titulo: *Unterirdisches Rom.* Amstel. in 12.

Veniamus nunc ad Auctores, qui de Græcis Latinisque antiquitatibus particulatim ⁶ egere: & primo hic compareant libri, qui de Diis & religione gentilium agunt. Vossius in libris suis de Idololatria hic omne punctum ferat: de quibus alibi a nobis abunde dictum. Diu ante illum de Diis Syntagma aliquot publicavit Lil. Gregor. Gyraldus, varia eruditione, ut sunt omnia ejus viri, refertissima. Subtilius de Idololatria gentilium philosophatus est, & errorum origines indagavit, libro peculiari eam in rem scripto, Eduardus Herbertus, Baro de Cherbury, Amstelod. 1663. in 4. Verum ille tam inter Antiquitatum Scriptores, quam inter philosophos, commemorandus est. Systema Theologiæ Gentilis adornavit Tob. Pfannerus. (De Idololatriæ Origine & progressu nuperrime Anton. van Dalen librum edidit lectu dignissimum, Amstel. 1676. in 4.) JOH. FRIEDER. HERWARTUS *Admiranda Theologiæ Ethnicæ mysteria*, ut titulus habet, in lucem emisit Ingolstadtii 1623. in 4to, quo in libro demonstrare laborat, magnetem lapidem antiquissimis populis pro Deo esse cultum: quam sententiam suam ut stabiliat, pleraque Orientalium, Græcorum, Ægyptiorum, sacra huic argumento applicat, mirificis interpretationibus, ut facile est ingeniosis hominibus in interpretamentis suarum deliciarum. Reinesius illum quodam in loco ingeniose ridiculum vocat. De Sacris, Sacrificiis & Sacerdotibus, sunt qui singularibus libris egerunt. Hoc in argumento commendari meret Guilielmi du Choul, consiliarii regii, liber de Religione veterum Romanorum, Lugduni in fol. lingua Gallica excusus, ubi & Italice & Hispanice prodiit. De Sacris & Sacrificiis Joh. Guil. Stuckius librum in fol. edidit Tiguri (nuper in Belgio, cum Antiquitatibus Convivialibus reliquisque Stuckianis Operibus recusum), in quo multa sunt parum accurate & confuse tradita. De eodem argumento peculiari libro Jenæ 1659. in 8. edito egit Joh. Saubertus. De vasis, quæ ad Deorum sacrificia, & eorum ceremonias pertinent, scripsit Lil. Gyraldus. De Vesta & Vestalibus speciatim Lipsius scripsit. De Cereis Eleusiniæ Sacris apud Græcos Joh. Meursius in Eleusinia Lugd. Bar. 1619. qui & de festo gemino Minervæ in Panthenæa & de festis Græcorum in Græcia Feriata egit: edidit quoque de Festis Græcorum singularem librum Pet. Castellanus, sed infra Meursium est. Saturnalia Lipsius exposuit libro peculiari. De Templis & ædificiis publicis scripserunt non tam generatim, quam speciatim nonnulli, ut de Capitolio Justus Rycquius, de quo dictum. Petrus Bartholdus peculiarem librum de Ara scripsit Joh.

Bapt. Bellus de Partibus templi auguralis, Tolosæ 1607. in 8. Joseph. Maria Suarezius de foraminibus lapidum in priscis ædificiis diatriben: Lugduni 1642. in 8. Nicol. Alemanni Diss. de Parietinis Lateranensibus, Romæ 1626. in 4to. De *Fastis* Romanorum & veteribus Ovidius superest, in quem extat Commentarius Caroli Neapolis, sub titulo: Anaptyxis ad Ovidii Fastos: Antwerpiae 1639. editus, & Erycii Puteani sapiens officinam. Cujus Puteani de Nundinis Romanorum Libellus exiguus Lovanii. An. 1646. in 12mo prodiit. De *Annis*, mensibus, diebus & horis veterum librum, cum Calendario Græco Romano, edidit Lilius Gyraldus. Multo autem præstantius Romanum calendarium illud est, quod Ægid. Bucherius Antwerpiae An. 1633. in fol. publici juris fecit, postquam jam An. 1600. Amstelodami Sibrandus Siccama Calendarium fastorum ex veteribus monumentis, mar-moribus, numismatibus aliisque antiquitatum fragmentis, auctum atque emendatum dedisset. De Veterum Romanorum Anno Seculari seu jubilæo, ejusque per seculares celebritate, eorumque chronologia, scripsit Pet. Tassinus, liber editus est Tornaci Nerviorum 1641. in 4. ut & Justus Rycquius, cujus liber prodiit Antwerp. in 8. A. 1625.

- 7 De Magistratu, Comitibus, Legibus, Judiciis Romanorum varii sunt Auctores. Extat Wolffg. Lazii commentarius Reip. Romanæ, in quo multa de iis: ut & in Pet. Fabri Semestribus. Scripsit & Franc. Hottomannus de Magistratu Romano, item M. Anton. Majoragius: nec non Paulus Manutius de Senatu Romano & de Legibus: Nic. Gruchius de Comitibus Parisiis A. 1555. in folio, adversus quem Carolus Sigonius tres Sententiarum libros scripsit: is ipse, qui antea de antiquo jure civium Rom. de Jure Italiæ: nec non de Jure Provinciarum: ut & de lege curiata magistratum & Imperatorum, & de ejus jure: de judiciis jurisprudentiæ Romanæ; de Consulibus, Dictatoribus & Censoribus, sigillatim libros plures ediderat. Andr. Alciatus de Magistratibus civilibus & militaribus Romanorum scripsit, edita simul notitia utriusque Imperii. Guido Pancirollus de Magistratibus Municipalibus: & ipse Editor Notitiæ Imperii. Pertinet quoque huc Jac. Guthert Notitia Domus Augustæ: Jul. Caf. Bulengeri de Imperatore & Imperio Romano, ut & de vectigalibus reliquisque dignitatibus ac officiis Lugd. 1613. in fol. De Senatu Romano Car. Sigonius, g) sub ficto Joh. Sarii Zamoseii nomine, librum scripsit editum Venet.

- g) Liber de Senatu Romano, sub Joh. Sarii Zamoseii nomine aliquoties editus, Carolo Sigonio recte b. l. vindicatur. Non tamen fictum, ut Morhofius credidisse videtur, Nomen est Joh. Sarii Zamoseii. Est enim is Heros hujus nominis, Arte pariter atque Marte Seculo XVI. famam adeptus immortalem, Regni Polonici Cancellarius & Archistrategus, aliis quoque monumentis Literariis & Academia Zamoseiana, suis sumptibus erecta, de Patria & Orbe Literato optime meritis. Liber hic (quem Sim. Starovolscius, in *Centuria Scriptorum Polonorum*, num. 19. ipsi tribuit, Henr. Lanctius autem, *Lib. 2. Offerat. Var. c. 35.* & Joh. Rhodius, in *Catalogo Autorum Supposititiorum*, cum Vinc. Placcii Notis editæ, num. 19. Sigonio, eas, cum in Italia studiorum gratia versaretur, Præceptori, asseruerunt) non videtur mihi per ipsum Magistrum plagio turpi esse subreptus, sed a Sigonio potius Discipulo huic generoso benevole, ut sanæ illius velificaretur,

net. 1563. in 4. & recufum Argentor. 1608. in 8vo cui editioni additus etiam est Joach. Perionii de Græcorum & Romanorum Magistratibus liber: ubi conferuntur utriusque gentis magistratus ac utriusque etiam parallelismus ostenditur: adjectis præterea Wilh. Poffardi liber de Atheniensium magistratibus, eorumque cum Romanis, Gallis, Venetis, Turcis, comparatione. Sed de *Atticis Magistratibus* accuratius libris aliquot egit Joh. Meursius, uno Regnum Atticum, altero Archontes, tertio Senatum Areopagiticum pertractans. Habebat in animo Cl. Salmasius ingens opus de Officiis domus Augustæ, teste Laur. Crasso in elogiis T. II. p. 211. sed nihil dedit, nisi, quod sparsim, in notis ad Scriptores Historiæ Augustæ, illud argumentum attingit. De Comitibus egit P. Manutius singulari libro, edito Bononiæ 1580. in fol.

De nuptiis, earumque ritibus Andr. Tiraquellus, Barn. Briffonius, Franc. Horomannus, Albericus Gentilis, & alii, tractatus peculiare conscripserunt. De Coronis nuptialibus quædam collegit Joh. Joach. Maderus, maximam tamen partem e Car. Paschalii libro de Coronis excerpta, qui recusus est Lugduni Batav. 1671. in 8. De *Puerperio* Joh. Meursius scripsit: de cujus ritibus vastum quoque librum parabat olim Thomas Bartholinus incendio absumptum. Ejus Synopsin misit ad filium Casparem, in eodem argumento occupatum: quippe cujus extat expositio Vcteris in puerperio ritus, ex Arca sepulchrali antiqua desumpti: quæ edita est Romæ 1677. in 8. Referendus hic quoque Censorinus de *Die natali*, de quo supra: & Martini de Roa liber de Natali sacro & profano. Extat & Joach. Hildebrandi de Natalitiis Christianorum Libellus. De *ritibus Funerum* Thomas Porcachius, homo Italus, vernaculo sermone scripsit, sed pauca, & non magnæ rei, Venet. 1574. 4. Scripsit dehinc Claud. Guichardus Gallica lingua librum de Funeribus Romanorum, Græcorum, aliarumque gentium. Lugduni Gall. 1581. in 4. Utrumque præcesserat Lil. Greg. Gyraldus, de Sepulchris & vario sepeliendi ritu scribens Bas. 1539. in 8vo, quem cum Animadversionibus suis recudi fecit Helmstadii Joh. Facs A. 1676. in 4. Præcesserat & Onuphrii Panvinii liber de ritu sepeliendi. Joh. Meursii de funeribus Romanorum liber Hagæ Com. An. 1604. in 8. prodiit: & anno sequente 1605. Hamburgi luculentius de eodem argumento opus Jo. Kirchmanni. De Funeribus Christianorum Jac. Gretserus, Schegekius, & J. Andr. Quenstedius egerunt.

De *Vestitu* multi sunt Variorum Commentarii. Primus, qui eam materiam pertractavit, est Lazarus Baysius: sed pauca sunt, quæ scripsit, & admodum imperfecta. Postea Octavius Ferrarius libros tres de Re Vestitaria edidit Patavii 1642. in 8vo, & quatuor alios ibidem in 4. 1654. Opus profecto doctissimum, & quod argumentum hoc haud vulgariter illustrat. Idem postea continuavit Albertus Rubenius, qui supplet

transcriptus. Quo pacto Scholia etiam sua in Orationes Ciceronis & Comm. in Or. de Lege Agraria, sub Bernh. Lauredani, Commentarium autem in Epistolas ejusdem Familiares, sub Hier. Ragazonii, utriusque Auditoris sui, Nominibus prodire, A. 1558. & 1555. est passus. V. Rhodium & Placcium, loco cit. num. 17. 20. 21.

plet & emendat Ferrarium, addiditque nonnulla de lato clavo, & vestibus laticlavii. Antwerp. An. 1665. in 4. Verum indigne id ferente Ferrario, qui se a Rubenio subinde stringi non passus, *Analeſta* de Re Vestiaria illi opposuit Paravii An. 1676. quæ & 1685. denuo ibidem recusa sunt, in quibus Rubenium satis acriter castigat. Jam ante hos Claud. Salmasius rem vestiariam erat explicando aggressus, in suis notis ad Tertullianum de Pallio: promissitque tum amplissimos de omni hoc argumento Commentarios, quibus se insudare haud raro in Epistolis memorat. Verum, etsi adversus Kerkretium, i.e. Dion. Petavium, suas has in Tertullianum notas, sub Franc. Franci nomine, etiam circa rem vestiariam defenderit Salmasius, Commentarios tamen illos non publicavit. Absolvit atramen, & eorum etiam proxime edendorum spem Orbi literato fecit Divionensis senator, Jo. Bapt. Lantinus, cui Salmasianum de Homonymis Hyles laticræ Commentarium, Plinianis Exercitationibus, in Belgio editis, adjunctum, in acceptis ferimus. (Interea, cum Salmasius penitioris rei nummariae notitia fuerit destitutus, e qua tamen quamplurima ad rem vestiariam hauriri potuissent alias non observata, nihil ab eo perfectum sperat Vir Illustris, Ez. Spanhemius, Epistola III. ad Morellium p. 187. qui & propterea laudabilem Ferrarii Rubenique industriam magis attigisse celebre argumentum, quam pertractasse, judicat: & priorem inprimis Latinis magis litteris, quam Græcis, accurate doctum, tum a tractatione veteris hujus amplissimæ, minimeque antea obviæ suppellectilis, si vulgares nummos, eosque jam tum editos, excipias, imparatum, ait in id argumentum incubuisse.) Separatim de *Calce* Bened. Balduinus scripsit, cujus librum recudi fecit Amstelodami Andr. Frisius, addiditque Jul. Nigronum de caligis. De *Personis* & Larvis, earumque apud Veteres Usu & Origine Agesilaus Marescotti Librum Romæ A. 1639. in 8vo publicavit, qui rarissimus est. De *Pileo*, ceterisque capitis tegminibus, tam sacris, quam profanis, Anselmus Solerius librum singularem scripsit, Lugduni editum A. 1655. in 4. qui postmodum in 12. Amstelodami recusus A. 1662. prodiit, addito vero Autoris nomine Theophili Raynaudi, qui sub Ans. Solerio delituerat. De pileo etiam egit singulari Dissertatione Henricus Thomas Chiffletius, quæ Lugduni An. 1665. in 4. edita est. Orationem de eodem argumento elegantem habuit Ant. Matthæus, JCrus celebris. De *Capillamentis* Contr. Tyburt. Rango singularem librum scripsit, Magdeb. An. 1662. in 12. editum. De *Coma* Hadrianus Junius & Cl. Salmasius, de Barba Ant. Hotomannus egit. De *Panula* Bartolus Bartholinus & Joh. Bapt. Donius. De *Toga*, tunica & tibiis veterum scripsit Aldus. De *Annulis* Fort. Licetus; postea Joh. Kirchmannus de eodem argumento: & multo latius, cum iconibus annulorum, Abr. Gorlaeus in Dactyliothea, Amstelod. 1650. publici juris facta; (& nuper aucta explicationibus Jac. Gronovii Lugd. Bat. 1695. in 4.) Egit quoque de Annulis Salmasius in libro adversus Heraldum scripto, de Testamentis subscribendis. De Annulis Signatoriis Georg. Longi prodiit Opusculum. De *Torquibus* aureis extat elegans Syntagma Joh. Schefferi, quod additum est Edmundi Figlii libro de Statuis Romanorum, Upsalæ An. 1656. edito in 8. De *Armillis* veterum librum scripsit Thom. Bartholinus.

De

De Militia Romana singularem librum Justus Lipsius scripsit, cui & Poliorceti- 10
con ejusdem addi solet: in quo multa de Machinis & Instrumentis militaribus ha-
bet, secutusque est, ut supra dictum, non sine plagii crimine Franc. Patricium. De
militia Equestri antiqua & nova librum peculiarem Antwerpiae An. 1631. in fol.
edidit Hermannus Hugo. De Militia Romana multa etiam praeclara annotarunt
Henr. Savilius: & qui plurima se nova reperisse plane persuasus erat, Claud. Sal-
masius libro eam in rem, jussu Principis Auriaci, scripto, quem Latine Georg. Hor-
nius Lugd. Bat. An. 1657. edidit. Gallicos autem longe fusiores Commentarios,
prout a Salmasio scripti sunt, idem, qui Opus de Re Vestiaria possidet, Lantinus ha-
bet, ejusque Scripti nobis aliquando potiundi spem fecit. Commentatores Eli-
ni, Vegetii, Frontini, aliorumque, supra jam memoratos, studio nunc praeterimus.
De Scutis Signisque militaribus non Romanorum solum, sed & aliarum gentium,
egerunt Henr. Speelmannus in Aspidologia sua, & Nicol. Uptonus de studio mi-
litari, qui libri Londini simul editi sunt in fol. An. 1654. De studio militari, ejus-
que ritibus & legibus, prolixè egit Gabr. Naudæus integro libro Romæ A. 1637.
in 4. Exstant & Rob. Valturii libri XII. de Re militari, Veronæ A. 1472. & Pari-
siis apud Andr. Wechelum A. 1532. in fol. editi. De militia navali Joh. Schefferus,
ante annos complures, Upsalæ A. 1654. in 4. librum ediderat, quem altero tanto
auctiorem dudum edidisset, si per typographi moras licuisset: miserat enim ad El-
zevirium. Sed interim prodiit vultus liber Belgica lingua de Navium Architectu-
ra scriptus, Auctore Witsenio, in quo multa deprehendisse sibi visus fuit Scheffe-
rus, e schedis suis deprompta, ut ipse in literis ad me conquerebatur. *b)* De Do-
nariis & votivis tabellis veterum Jac. Phil. Thomassinus singulari libro egit, Utini
An. 1639. & postmodum Patavii quoque 1651. in lucem emisso, quem Joh.
Rhodio Colomesius in Opusculis Literariis vindicat. Pertinet quoque huc
materia de *Strenis*, de quibus Theod. Marcilius quaedam scripsit *c)*. Integrum hu-
jus

b) Nicol. Witsenius, quem Joh. Schefferus Plagii *b. l.* Interprete Morhofio, insinulavit, Consul est Reip.
Amstelodamensis, hodiernum, nisi fallor, superstes, & accuratiore Geographiae, aliarumque Ma-
thematicos partium, peritia inclutus. Opus eius de Architectura Nautica Belgice, Amstelodami An.
1671. in fol. sub hoc prodiit titulo: *Uitsien en hedendaegsche Scheepsbouw en byster-Waer*
in wilsleesplak werd verhandelt de wijze van Scheepsnummern bey Grinden en Romeynen,
Scheepsseffeningen, Striden, Rucht, Straffe, Wetten en Gewonten: Benessens evenmatige
Grootheden van schepen onses tijds, ontleeet en alle hare deelen: Verskill van boeven tischen
uytsemschen en onsen Landaert: Indisch en Rysch Waerburgh, Galenbourg, hedendaegsiche
Scheepsplichten: Verriecte met een reep verclaerde Annmanus spreckvoorden en Benamingen.
V. Corn. a Beugheem *Bibliogr. Matb.m. p. 458.*

c) In *Praelect. Polyhistoriis MSS. c. 15.* Morhofus, inter Scriptores de *Strenis*, commendat, praeter Mar-
cilium, Joh. Strauchii, J. Cui Celebris, *Diff. de Votorum Oblatione & Calendis Januariis.* In Mart.
Lipenii, Conrectoris Lubecensis, *Srenarum Civilium integra, a prima origine, per diversas Regum,*

jus argumenti *Commentarium de Re Donatica veterum* promisit Valer. Chimentellius, cujus *Synopsis* adiecit libro suo de *Sellis veterum*, addito *Glossario omnium Donaticorum*, quæ habentur apud vereres.

- 11 *De Conviviis* exstat Joh. Guil. Struckii liber, cui titulus: *Antiquitates Convivales*, in quo multa non recte, aut non suo loco, posita. Eryci Puteani *Reliquiæ convivii prisici Mediolani* 1598. in 4. excusæ; & Joh. Manelphi liber, cui titulus: *Mensa Romana: Romæ* 1650. in 4. editus. De *Triclinio Romano* eruditissimum *Tractatum* scripsit Fulv. Ursinus, cui Petrus Ciacconius viam monstravit, quippe cujus extat peculiaris quoque liber de *Triclinio*, 8. editus Romæ, una cum Urini labore (quem hic nonnisi *Appendicis* loco ad *Ciacconium* esse voluit) 1588. postmodum plus semel apud Batavos recusus. Scripsit quoque de *Conviviis* Jul. Cæf. Bulengerus, Lugduni 1624. in 8. Pertinet quoque huc Jac. Phil. Thomadini liber de *Tessera hospitalitatis & jure hospitii*, quem, primo Utini in 4. 1647. editum, Andr. Frisius Amstelodami 1670. in 12. recudit.
- 12 *De ludis*, prout varia illorum genera sunt, multi scripsere. De *Theatro & ludis Scenicis* in genere egit Bulengerus libro, *Tricassibus An.* 1603. in 8. edito, sed privatos tantum eo labore ac domesticos ludos exsecutus est, non publicos. Idem tamen & de *Circo*, ludisque *Circensibus*, qui publici sane erant, peculiarem tractatum composuit; de quibus itidem scripsit On. Panvinus. De *Gladiatoribus & Amphitheatro Romano* egit Justus Lipsius, antequam Petrus Faber (qui plagii Lipsium postulavit, Vid. Thomas de Plagio, §. 487. & seq.) libros *Ἀγωνιστικῶν* scripserat. Editus est liber Lipsii Lugduni Batav. 1592. De *arte Gymnastica* speciatim Hier. Mercurius scripsit Venet. 1573. quem librum, curis novis interpolatum, editurum se promiserat aliquando Andr. Frisius, & si recte memini, dedit. De *Alea Veterum* Car. Paschalius & Andr. Senflebius egerunt. De *Salutationibus* legendus est Joh. Meursius in *Orchestra sua*, quæ edita est Lugduni Batav. 1618. in 4. Scripsit idem de *Græcis ludis* tractatum, sub titulo *Græciæ Ludibundæ*, ibid. 1622. in 8vo.
- 13 *De Instrumentis Romanorum, & suppellectile varia*, multi egerunt. De *Vasculis & Poculis* Lazarus Baysius, sed modice tantum rem eam tangit, & hunc poculorum fundum non exhaurit: longe enim plura de eo scribere poterat. Extat & Nicol. Guyberti de *Murrhinis poculis* *Dissertatio*, Francofurti edita 1572. in 8vo. De *Sellis veterum* extat *Dissertatio* Valerii Chimentellii, addita *Marmoris Pisano de Honore Bisellii*; Bononiæ, in 4. 1666. De *Campanis ac tintinnabulis* *Commentarium* Angelus Rocha in lucem emisit Romæ 1612. in 4. Scripsit & Hier. Magius eo de

Consulum & Imperatorum Romanorum, nec non Episcoporum, ætates, ad nostra usque tempora deducenda, quæ Liptiz A. 1670. in 4to prodiit, multa judicat misceri, quæ commodè poterant omitti, multa quoque inepte cumulari. *Dissertationem* tandem Joh. Gothardi Boeckelii *Philologicam de Novo Anno, ejusque Ritibus*, Rostochii A. 1663. in 4to editam, sibi vindicat, e *Prælectionibus* quippe suis privatis ab illo, istarum *Auditore*, haustam.

de argumento librum, sed plane extemporalem, quod nec ipse diffiteretur: prodijt fœtus Autoris posthumus, cum notis Franc. Sweertii, Hanoviae 1658. in 8. & Amstelodami apud Andr. Frisium in 12. 1664. est recusatus. Est & Henr. Arnoldus Stockfleth, qui de campanarum usu apud veteres aliqua collegit, & edidit Altorfii A. 1665. in 12. De *Curribus* & Re vehicularia absolutum & plane perfectum Commentarium, duobus libris constantem, adornavit Joh. Schefferus, qui, una cum Pyrrhi Ligorii de eodem argumento fragmento, Francofurti in 4. 1671. prodijt. Valentinus Paschalius, Urinensis, de Curru carmen aliquod facerem composuit, cum notis, in quibus habentur Antiquaria quædam, ad rem vehiculariam spectantia. Carmen autem in eos scriptum est, qui curru tum in rei familiaris, tum in salutis jacturam, abutuntur, eosque potius pedibus, quam curru, ire jubet: impressum est Bracciani 1637. in 4. De hoc Paschalio videndus Erythræus Pinacoth. I. imag. 142. Non viderat hunc librum Schefferus, primum a me monitus. De varia veterum Romanorum suppellectile, e terra effossa prope Noviomagum, agit in Antiquitatibus Noviomagenibus (Amst. 1645. in 4to.) Joh. Smerius, copiosorem quoque de iisdem Tractatum promittens; sed, qui lucem, quantum memini, non vidit. Multa in Smerio præter alia de *fibulis* veterum Romanorum, quod argumentum, quatenus usum præstat in re Medica, exsecutus est Joh. Rhodius libro de Acia, quem edidit Thom. Bartholinus Hafniæ in 4. A. 1672. qui & libellum ejusdem Rhodii de Ponderibus & mensuris Medicis adjunxit.

De *suppliciis* & *torturis* extat Ant. Gallonii tractatus, in Batavis recusatus, uti & 14 Bourdelotii de eodem argumento. De *Cruce* Justus Lipsius scripsit, cui additamenta quædam subjungere Georg. Calixtus, Thom. Bartholinus & Claud. Salmafius. Edidit & Jac. Gretserus amplissimum de Cruce Opus, quod in fol. & in 4to Ingolstadiæ, multoties excusum est. De *Statuis* & statuariis Edmundi FigrelII, Viri doctissimi, extat liber, Holmiæ An. 1656. in 8. excusus, de quo paulo ante dictum, cum Schefferi de torquibus librum commemoraremus. Fuit FIGRELIUS Regis Sueciæ, Caroli XI. præceptor, & ex Upsaliensi Professore Regius Consiliarius, sub nomine Greiffenhelmii notus. De *Pictura* plastica & statuaria librum scripsit Iul. Cæs. Bulengerus, Lugduni 1637. editum. De *Pictura* veterum Opus insigne scripsit, ediditque jam olim Amstelodami An. 1637. Franc. Junius in 4. quo tantopere plausum Virorum doctorem temporis illius meruit, ut in Anglicum Bellicumque sermonem converteretur. Restat vero adhuc aliud ejus de Pictoribus celeberrimum Opus, cujus tum una spes fecit. (Neque passus est diutius illo orbem literatum carere Clar. I. G. Grævius: sed cum catalogum pictorum, statuariorum, callatorum, tornatorum, aliorumque artificum, a doctissimo Junio confectum, apud aliquem propinquorum ejus latere sciret; & præterea ipsum de Pictura Opus, amplissimis additamentis ubique auctum, ibidem servari didicisset; impetratum utrumque Opus conjunctim edidit, & ut nil quicquam splendori ejusdem debito parceretur, curam gessit, Roterodami 1694. fol.) Iconismos antiquarum statuarum collegit Ioh. Bapt. Cavalierius Romæ 1569. & 1583. Principia artis Pi-

etoriae e Veteribus Auctoribus tradidit Joh. Schefferus, in Graphice, Noribergæ 1669. in 8. edita.

- 15 Variæ præterea sunt singulares materiæ, quæ ad certa capita reduci commode non possunt, sed de quibus tamen speciatim nonnulli egerunt. Sic de veterum *acclamationibus & plausu* libros VII. scripsit Franc. Bernardinus Ferrarius, Mediolani 1629. editos in 4. De *Triumphis* Onuphr. Panvinius Commentarium, ex veterum lapidum monumentis, composuit ediditque Vener. 1571. in fol. qui Antwerpia A. 1576. & Helmstadii etiam cura Joh. Joach. Maderi recusus est, qui suas notas addidit. Exstant & Franc. Modii Pandectæ *Triumphales*, quibus varios Iconismos repræsentat Triumphorum. De *Archivis* librum composuit Balth. Bonifacius, Vener. 1632. in 4. editum, & Helmstadii Maderi cura, in Syntagmate Scriptorum variorum de Bibliothecis atque Archivis, A. 1666. recusum. De *Iurejurando* Veterum peculiari tractatu egit Joh. Bapt. Hansenius Tolosæ 1614. edito in 4. De *Origine, ratione ac solemnibus Auctionum* Junius Rabinus scripsit Paris. 1554. in 4.

- 16 Atque hæc per lancem saturam de Antiquariis Scriptoribus dicta sufficiant, (quorum magnam partem, nempe præcipuos, qui antiquitates Romanas illustrarunt, collegit nuperrime, in vasso non minus ac præclaro Antiquitatum Romanarum Thesauo, celeberrimus Joh. GEORG. GRÆVIUS, ¹⁾ unoque corpore longe splendidissimo junctos publico dedit, cum alias ægre hic illic solummodo pars offenderetur.) Occurrunt quidem adhuc alia minutiora, sed quæ omnia persequi nostri instituti ratio non permittit. Præstantiora tamen, & quæ scire inprimis interest, indicavimus. Procedimus nunc ad Rhetores atque Oratores.

1) Joh. Georgii Grævii Diligentiam in Scriptoribus Antiquitatum Romanarum colligendis, junctimque in istarum *Thesauo*, Vasto Opere, Decem, ni fallor, Tomis Trajecti ad Rhenum, ab A. 1695. ad 1700. in fol. edito, publicandis, laudabilem feliciter æmulatus Jac. Gronovius, similem Græcarum Antiquitatum *Thesaurum* A. 1698. Lugd. Bat. in fol. cepit edere, cujus Volumina tria priora Virorum Illustrum Icones & alias Græcarum Antiquitatum reliquias, in Metallo Lapidibusve olim expretas, æri nunc incisas, & Observationibus eruditissimis illustratas, exhibent; Quartum autem, A. 1699. juris factum publici. Libros Antiquariorum Græcorum de variis hujus generis argumentis Selectiores quamplurimos studiose sistit congestos, & eleganter nitideque reculos, Auctores, in Opere utroque denuo evulgatos, enumerare non vacat, præsertim cum Ephemerides plerique Eruditorum Recentiores, locis diversis, in recensu illorum jam fuerint occupata.

FINIS LIBRI QUINTI.



POLY-



POLYHISTORIS LITERARII

LIB. VI.

ORATORIIUS.

CAP. I.

DE

SCRIPTORIBUS RHETORICIS.

- §. 1. *Rhetorica Grammatica* & *Critices* cognitionem praequirir. 2. *Scriptores* ejus *Græci*, Princeps scil. omnium *Aristoteles*, ejusque *Commentatores*. 3. *Demetrius Phalereus* ὁ Περὶ ὁμοιωμάτων, ejusque *Exogetæ*, quibus alii de *Periodis* *Scriptores* adduntur. 4. *Dionysius Halicarnassensis*. 5. *Hermogenes*, variique ejus *Commentatores*. 6. *Dionysius Longinus Cassius*, ejusque *Editores*, *Interpretes* & *Illustratores*. 7. *Rhetores* alii *Græci*, ab *Aldo Manutio* & *Leone Allatio* junctim editi. (Additur *Monitum de Sophistis in genere*.) 8. *Apthonius*, *Theon*, & *Ulpianus*, *Demosthenis* *Explanator*. 9. *Rhetores Antiqui Latini*, *Cicero* sc. *Quintilianus*, & complures alii, junctim a *Pet. Pithæo* editi. 10. *Scriptores Rhetorici Recentiores*, *Ant. sc. Ludlus*. 11. *Franc. Robortellus*. 12. *Franc. Patricius* & *Thom. Campanella*, *Novatores*, *Paulus Beni*. 13. *Joh. Sturm*. 14. *Melch. Junius*. 15. *Aug. Buchnerus*. 16. *Valent. Thilo*. 17. *Lud. Cressolius*, *Nicol. Causinus*, *Jac. Masenius*, *Alb. de Albertis*, *Franc. Vavassor*, omnes *Jesuitæ*. 18. *Franc. Pomey*, *Janus Cœcil. Frey*, *Mich. Radau*, *Novatores*, & *Eloquentiæ* (de qua simul fertur b.l. *judicium*) *Extemporaneæ Magistri*: *Sigism. Lauxmin* & *Jac. Hugues*, *Jesuitæ*. 19. *Georg. Trapezuntinus*. 20. *Iob. Lud. Vives*. 21. *Er. Roterodamus*, *Edm. Richerius*, *Iac. Omphalius*, *Iob. Benzius*, *Nicol. Susius*, *Iob. Schefferus*, *Iovita Rapius*, *Iac. Lud. Strebeus*. 22. *Gerb. Iob. Vossius*, *Rhetorum modernorum Princeps*. 23. *Pet. Nunnesius*, cui adduntur *Epithetorum*, *Adverbiorum*, *Syncynorum* & *Antithetorum*, *Collectores* (*Seb. Figulus*, *Hub. Susanneus*, *Steph. Ubelius* & *Aug. Gambarella*.) 24. *Wolfg. Schænleederus*. 25. *Iob. Tesmarus*, *M. Z. Boxbornius* & *Cbr. Schradcrus*, *Disposit. Oratoriarum* *Scriptores*. 26. *Melch. de la Cerda* & *Iob. Matth.*

Mayfartus, quorum Collectanea Oratoria obelo notantur. 27. *Ioh. Clarekius & Car. Pajot, Rhapsodi ineptientes.* 28. *Car. Sigonius.* 29. *Seb. Maccius, & Aug. Mascardus, Styli Historici Censores.* 30. *Leo Allatius, qui de Erroribus magnorum Virorum in dicendo scripsit, explosus.* 31. *Rhetores e Gallis Vernaculi, Ren. Rapius, Dom. Bouhours, & aliquot Anonymi.* 32. *Rhetores Germaniae Vernaculi, Christ. Weisius & Rud. Sudekerus.*

Ex quo de *Grammaticis Criticisque* Scriptoribus, & quos his anneximus, *Antiquariis*, actum a nobis est, nihil magis concinnum, quam ut ad RHETORES nunc vel ORATORES progrediamur; videlicet quorum ars, si velit esse aliquis momenti, Grammaticen Criticenque haud dubie praequirat: quum sine iudicio, & Antiquitatum cognitione, infelix plane Orator sit, nedum Grammatices scientia destitutus eum in censum venire ullo modo queat. Contra subactus probe iis artibus animus magno se in Oratoria arte adjumento esse levatum, longeque felicius, quam si careret, progredi posse sentiet.

Ut autem communis omnis sapientiae Artiumque omnium fons e Græcia arcessendus est: ita sane Eloquentiae flumen haudquaquam ex alia regione profluit: sed inde potius hausisse sua Latinos magnos etiam & incomparabiles Oratores cernimus, atque ea unda toros proliui sese passos, quotquot uspiam clari Rhetores extiterunt. Sed vero inter Græcos etiam Rhetores late regnum tener optimus maximusque eloquentiae magister, ARISTOTELES, quo Viro nemo plenius, in ista brevitate, subtiliusque artem Oratoriam tradit, quam exigua trium librorum mole fere omnem exhaustam cernas: excepta solum figurarum doctrina, quæ ab ipso non est exculta; neque Characterum diversitas, in quibus ceteri post Aristotelem præclaram operam posuerunt. Extat vero in Rhetoricos illius libros integra *Commentatorum* sylva, quos Israël Spachius, in *Nomenclatore* Scriptorum Philosophicorum, recenset. Græcorum veterum *ἀντωνύμων* Volumen Paris. 1539. in fol. publicavit Contr. Neobarius. E recentioribus M. Ant. Majoragius, Ant. Riccobonus, Pet. Victorius, ceteris meliores sunt; & præsertim præstat postremus, Florent. 1579. apud Juntas in fol. excusus: sed, si usum spectes, omnibus antecellit Christoph. Schraderus, Professor Helmstadiensis, cujus extat *Commentarius* in Aristotelis Rhetorica uberrimus Helmstadii 1674. in 4. editus. Solet alias objici Aristoteli aridum dicendi genus, & quod nihil minus, quam eloquentiam præ se ferat. Attamen, & eloquentem illum fuisse, & male tantum ab interpretibus acceptum, defendit Leon. Aretinus Epist. lib. IV. p. 177.

Proximus ab Aristotele Rhetor, cujus scripta nostram artem attigerunt, est DEMETRIUS PHALEREUS, si modo genuinus ille Auctor libri *περί ἑρμηνείας, de Interpretatione*, seu, ut alii vertunt de Elocutione, quem, sub Demetrii nomine, primus edidit Aldus Vener. Græce in fol. An. 1508. & quem non solum Fred. Morellus Paris. 1555. in 8. recudit, sed & quem suis *Commentationibus* illustrandum sumere Viri doctissimi, Petrus Victorius Florent. An. 1562. Stanislaus Illovius Basil. 1557. Franc. Panigarola, paraphrasi Italice scripta, cui titulus: *Il Predicatore*,

cator, ovvero Parafrase all libro dell' Elocutione di Demetrio Falereo: Venet. 1609. Joh. Caselius, aliique. Pánicarola etiam inprimis in eo occupatus est, ut præcepta Demetrii ad sacram Elocutionem applicet. Sed tamen non desunt interim rationes, quæ falso adscribi Demetrio illum librum persuadeant: quas inter inprimis eminet illa, quod Auctor libri Demetrii testimonio in tertia persona utatur. Ob hanc, & alias, Nic. Caussin, in libro de Elocutione, Demetrio scetum illum abjudicat. Et, quanquam Gaddius, T. I. de Scriptoribus Non-Eccles. p. 151. affirmativam adversus Caussinum tueatur: male tamen id fieri, perperamque tribui Demetrio librum, qui Dioysii Halicarnassæi sit, If. Vossius de Poëmatum cantu p. 91. monet. Ceterum extant præterea quædam opuscula Demetrii, quibus præcepta continentur de membris & incis: de periodo ejusque partibus; de componendis Epistolis, & de Characteribus dicendi: quæ Latine apud Rob. Winter in 4. ex interpretatione M. Antonii Antimachi, Basileæ edita sunt: & ob egregie monstratam periodorum rationem, legi omnino debent. Jungi iis possunt, ob vicinitatem materiæ, e recentioribus Srebaeus de Electione verborum; Jovianus Rapita, Brixianus de Numero Oratorio: Sigism. Lauxmin in Praxi Oratoria: Joh. Sturmius & Val. Erythraeus de Periodis: Pascutius de dignitate, copia, pedibus in oratione servandis: Joach. Fortius de formis dicendi & periodis: &c. sed de quibus paulo fusius infra.

Is vero DIONYSIUS HALICARNASSÆUS, cui librum *περὶ ἐμπνεύσεως*, 4. Demetrio male adscriptum, deberi paulo ante e Vossio monebamus, aliis quoque scriptis editis de Rhetorice præclare meruit. Prostat enim *Ars ejus Rhetorica* de compositione orationis, elocutione, præceptis orationis panegyricæ, nuptialis, natalitiæ, &c. quam Græce primus excudit Aldus Venet. 1508. Latine postmodum transtulit M. Anton. Antimachus, & Basil. 1539. in 4. publicavit. Extat ejus de Compositione Orationis liber scriptus ad Rufum, editusque Græce, una cum Arte Rhetorica Paris. 1547. apud Rob. Stephanum nitidissime. Extant *Judicia de præsitis Oratoribus, eorumque Characteribus*, qui liber eruditione multa & judicio inprimis refertus est, separatim editus Venetiis An. 1513. apud Aldum. Pertinet quoque huc libellus *περὶ συνδέσεως ὀνομάτων*, de nominum collatione, Argentorati a Joh. Sturmio, in ejus libello de Periodis publici juris factus. Ut adeo non historici minus, quam clarissimi Rhetoris Criticique, nomen doctissimis lucubrationibus sibi paraverit Dionysius.

Sed tamen superatur in Rhetorice tractanda, a duobus aliis, quos posterior ætas tulit, HERMOGENE, qui Marci Aurelii tempore clarus erat, & LONGINO, quem, Zenobia in pretio habitum, interemit Aurelianus: uterque inter Rhetores magnum nomen. Et prior quidem ille plus valuit adolescens juvenisque, quam vir aut senex: quippe qui anno ætatis 15. tanto cum applausu docuit, ut Marcum quoque Aurelium Imp. ad se audiendum accirer, haberetque admiratorem: contra vero, 24. natus annos, omnem illam ingenii præcociis vim, miro naturæ deliquio, absque morbi ullius vi, amisit penitus, & sibi ipse dissimillimus vulgaribus e plebe hominibus posthac accensi-

censitus est: non sine falso Adversariorum scommate, qui Hermogenem *inter pueros senem, & inter senes puerum*, dicebant: prout e Philostrato refert Suidas. Decimo octavo autem ætatis anno libros scripsit, qui & tunc probati omnibus una consensione sunt, & hodie superstites inter præcipua artis Rhetoricæ *κεφάλαια* numerantur. Suntque illi; *liber de Statibus: de Inventione libri IV. & liber de Ideis*: quos primus Græce Aldus edidit Venet. An. 1608. tum Wechelus Paris. 1530. in 4to. Exin latine vertit, sed ineptissime & infelicissime (Conr. Gesnero in Bibliotheca annotante) Anton. Bonfinius, publicique juris fecit Lugduni in 8. An. 1538. apud Gryphum. Longe felicius vero, & vertit Hermogenem Latine, & Scholiis doctis illustravit Joh. Sturmius Argent. 1570. in 8. eo ipso anno, quo Franc. Portus Herennium Græce solum, cum scholiis Græcis, ediderat Genevæ recensitum a se. Post hos tandem novis Hermogenem commentariis illustravit, emisitque Græco-Latinum, Genevæ 1614. in 8. Gasp. Laurentius. E vetustioribus supersunt quoque tres in Hermogenem Commentatores, Syrianus, Sopater & Marcellinus, quos, in Corpore Rhetorum veterum XII. Græcorum, Venetiis 1508. in fol. excudit Aldus. Hermogenis de Ideis libros tantopere laudat æstimatque Andr. Schottus; ut & methodum ejus Aristotelea ac Tulliana longe censeat subtiliorem, putetque, & olim fuisse paucos, & esse hodie, inter tot admiratores Hermogenis, ejusdem imitatores. Præter Dionysium enim Halicarnassum (ait) in *Rhetoricis, & Ulpianum, Græcum Demosthenis explanatorem, quotus cum quisque hoc sæculo tractat? Trapezuntii olim talem Rhetoricum cum stupore vidit Italia: duos fortasse Germania numeravit, Sturmium & Erythraum*: Gallia Jul. Scaligerum libris de Poëtica: Hispania unum literis cognitum laudare potest, Pet. Ninesium, Rhetorem ac Philosophum, editis *Rhetoricum libris IV. Hermogenis quidem præceptionibus & Aphthonii & Theonis; sed Tullianis exemplis*. Hæc ille in Prolegom. ad Photium, quem, Hermogenis methodo, ubique Auctoribus suam *μεθόδον* addidisse observat.

- 6 Et si vero ita celebre Hermogenis nomen sit, cedit illud tamen DIONYSIO LONGINO CASSIO, cujus plane aureolus *περὶ ὑψηλῆς, de Sublimitate*, Commentarius ingens doctis omnibus desiderium excitavit reliquarum Viri in eloquentia & Philosophia incomparabilis lucubrationum, quæ perierunt. Erat ille Malchi Porphyrii præceptor; & Zenobiæ, Orientis Reginae a consiliis, & in studio Græcæ linguæ magister: quem, quod superioris Epistolæ, a Zenobia ad Aurelium Imp. scriptæ, Auctor præcipuus suo consilio extitisset, occidi imperavit Cæsar gravi omnibus, ut Vopiscus refert, supplicio. Libellum, quem laudavimus, non minus accurata sublimitatis in oratione præcepta maximo lectorum bono suppeditantem, quam sublimi scriptione conditum ipsummet, prius e tenebris eruit, atque Græce evulgavit cum notulis, Basileæ 1554. in 4. Franc. Robortellus, mox anno sequente Venetiis recusum. Inde An. 1569. recensuit librum, scholiisque Græcis illustravit Genevæ in 8. Franc. Portus. Latinam ejus versionem susceperunt quidem in se, promiseruntque, M. Ant. Muretus in Commentario ad Catullum, & Andr. Dudithius, cujus versionem Latinam Hermogenis Longini *περὶ ὑψηλῆς* (ita enim non satis accurate conjungit), inter impressa Dudithii opera, recenset

set Clar. Teiffierius, Addit. ad Elogia Thuan. T. II. p. 133. sed rectius ramen puto Tanaq. Fabrum, tum Mureti, tum Dudithii, versiones sufflaminaras, vel fato, vel alia causa, credere. Fueritque adeo primus, qui Longinum in sermonem Latinum haud infelicitur convertit, Gabriel a Petra, atque sic Græco-Latinum Genevæ 1612. in 8. notis suis instructum, edidit. Fuere quidem, præter illum, nescio quis Paganus, aliusque Pizimentius, Latini interpretes Longini: quorum versiones etiam Versioni Petraræ, & Græco textui, junxit, suisque simul Auctorem prælectionibus illustrare conatus est Carolus Malonesius, Bononiæ 1644. in 4. Enimvero adeo infelices interpretes illos judicavit Gallus interpres Boileavius, ut ne nominare quidem sustineat, scilicet, ne plus gratiarum reddere videretur incolis, quam merebantur. Et Tanaquil. Faber itidem, in Latio atque Græcia plane hospites illos atque peregrinos judicans, totam editionem Bononiensem temnit, dignitate, ut ait, omnium postremam. Ipseque adeo potius apparavit novam cum Versione Petraræ, & castigationibus notisque suis, Salmurii in 12. 1663. Promisit etiam notas uberiores: sed quas fato præventus non dedit. (Splendidissima vero est & emendatissima Longini Editio, quam Jac. Tollio debemus, post omnes Virorum doctorum, qui præcessere, curas, e quinque MSS. codicibus eximie emendata, & notis illustrata eruditissimis uberrimisque. Ac, ne quid elegantiae deesset, adjuncta quoque est nitidissima Gallica versio celeb. Boileavii, antea Parisiis duplici vice, cum ejusdem Andr. Dacerii notis evulgata, sed & ipsa nunc novis notis Gallicis aucta a Tollio. Prodiit liber Ultrajecti 1694. in 4. maj.) Ceterum, quantopere præclarissima illa de sublimitate præcepta inserviant Oratori, dici vix potest: neque id profano solum, sed & sacro, si quis ea commode applicare queat: ut adeo libellus, ob eximium plane usum, omnibus commendandus, omniumque terendus manibus sit. Soler a nonnullis quæri, cur de eodem argumento scribentes, Longinus atque Hermogenes, idem tamen tam diversa & a se dissentiente ratione tractaverint? cui quæstioni Faber ita commodissime responderi posse putat, si dicatur, μέγες Orationis, de quo Hermogenes, & ὕψος, de quo Longinus, omnino a se invicem differre. Vid. ejus præfatio lectu dignissima, quam Longino præmisit.

Præter hos vero, quos diximus, Græcos Rhetores, sunt & alii adhuc, quorum labores ad nostram usque artem pervenerunt, & quos, prioribus (si Longinum excipias) junctos, uno corpore & typographia sua Aldus An. 1508. in fol. 2. voluminibus, Venetiis editis, complexus est. Videlicet Aristides de Civili Oratione, περί λόγου πολιτικοῦ, qui μέγας Sophistarum, i. e. Scholasticis declamationibus opponebatur, & cujus ingens Lexicon διονύσιου Photius recenset Biblioth. cod. 148. Apſini de Arte Rhetorica præcepta. Sopatri Quæstiones de componendis declamationibus. Alexandri Sophistæ de figuris sensus & dictionis liber. Menandri divisio causarum in genere demonstrativo: atque Cyrus sophista de statuum differentiis. Aliam collectionem, seu, ut ipse vocat, *Excerpta varia Sophistarum & Rhetorum*, Græce & Latine LEO ALLATIUS Romæ 1641. in 8. publicavit. Verum hi omnes, quanquam sua laude privandi non sint, ad priorum tamen illorum gloriam haudquaquam ascendunt. Erat

quidem laudabile Sophistarum, i. e. Rhetorum ævi recentioris, studium in colenda & perpolianda, cui inprimis studebant, orationis suavitate & concinnitate periodorum ac veluti quadam modulatione. Sed id ipsum, dum in eo nimii essent, κακοζηλῶς effecit, & nimia figurarum affectataque frequentia ridiculos & elumbes: quod virium cum jam olim multos tenuerit, haud injuria etiam a Longino & Quintiliano notatum est. E recentioribus vero nemo melius id explicuit Ludovico Cresfollio, qui, in Theatro Rhetorum A. 1620. in 8vo. Parisiis edito, & progressus in illo cultu orationis, & vitiorum historiam, habet.

- 8 Inserta quoque conspiciuntur Corpori Rhetorum Aldino, quod diximus, APHTHONII Sophistæ *progymnasmata*, seu Exercitamenta quædam orationis, quibus tirones solent exerceri. Liber utilis, sed cujus non omnia eloquentiæ studio sunt necessaria: cum multa habeat ad sophisticas tantum declamationes excogitata: quibus repudiatis ea tantum servari ad imitationem par est, quæ justæ orationi inservire possunt. Vid. de iisdem Schefferus in Gymnasio Styli, qui de his progymnasmarum speciebus utilia multa annotavit. *Commentati* vero in Aphthonium sunt varii: quos recenset Spachius in Nomenclatore. *Editus* est cum notis a Joh. Maria Cataneo, Basil. apud Frobenium in 4. An. 1521. a Joach. Camerario Lipsiæ 1570. in 8. & ab aliis, quos hic commemorare non vacat. Additur iis aliquando THEON Sophista, ipse etiam Progymnasmatum Auctor, a Joh. Scheffero etiam, una cum Aphthonio, Upsaliæ A. 1670. in 8vo. Græco-Latine editus, & Notis illustratus brevioribus. Addi tandem & Rhetoribus Græcis merer ULPIANUS, Græcus Demosthenis explanator, cum quo & in Aldina & Basileensibus Editionibus Græcis, aut Græco-Latinis, edi consuevit.

- 9 Inter Latinos Rhetores summus eloquentiæ Magister, CICERO, principatum tenet. Noti sunt ejus *libri Rhetorici*, in quos multi multorum Commentarii sunt, ut jam supra dictum, & e Spachio luculentius liquet: Sebast. Corradus, Claud. Minos, Joh. Sturmius, Melch. Junius, præferri ceteris debent. E Ciceronis præceptis fusiorebus Compendium elegans extruxit Guilh. Mechovius, cui titulum dedit *Tulliole*, Cellis 1673. in 8. Post Ciceronem Quintilianus est, cujus *Institutiones Oratoriæ* liberiores sunt, quam ipsiusmet Ciceronis scripta. Sane, non potest quis solidum de oratione ferre judicium, nisi etiam Quintilianum perlegerit, cujus sunt de quacunque dictione & charactere, & omni orationis parte, præcepta utilissima. Sed de illo æque ac de Cicerone supra diximus: Succedunt Quintiliano *Rhetores illi antiqui*, quos uno Volumine collegit Pet. Pithæus, editos in 4. Paris. 1599. Illa enim Editio auctior multo est pleniorque, quam quæ prodierat Basileæ An. 1521. in 4. Sed sunt tamen alii adhuc plures Veterum Rhetorum, qui vel seorsim prodierunt, vel MSti adhuc in bibliothecis delirescunt. Edidit bis Leo Allatius Collectiones duas Rhetorum & Sophistarum antiquorum, quorum fragmenta servavit, & Latine vertit. Nos vero, missis nunc veteribus, ad recentiores sparsim enumerandos progredimur.

- 10 Occurrit inter hos primus ANTONIUS LULLIUS, Balearis: a Raymundo Lullio, extemporaneæ itius loquacitatis intempestivo doctore, ut nemo non vider, plane

plane alius. Scripsit *de oratione libros VII.* quibus non solum Hermogenes ipse totus, verum etiam quicquid fere a reliquis Græcis & Latinis de arte dicendi traditum est, explicatur. Magna cura scriptus liber est, quem adhibuit sæpe Vossius in concinnandis suis institutionibus Oratoriis, sæpe etiam refutavit. Editus est Basilæ in fol. A. 1558. Extant alias ejusdem *de Exercitatione Grammatica* liber, aliisque *Progymnasmata Rhetorica* tradens.

Eodem tempore clarus erat Rhetor Patavii FRANC. ROBORELLUS, ¹¹ cujus beneficio extractum primo e tenebris Longinum nos debere supra indicabamus, Vir doctissimus, & eloquentia inprimis insignis. Scripsit varia ad Rhetoricen spectantia *de Rhetorica facultate* librum, Florentiæ editum A. 158. ut & alium *de artificio orationis*; in quo præcipue figurarum doctrina ad fontes & capita sua revocatur, & differentia oratoriæ & Poëticiæ dictionis ostenditur. Instituit & Catalogum figurarum omnium, ex omnibus Auctoribus Græcis & Latinis, & ad generales quasdam divisiones reduxit, secundum animi vel conceptus, vel motus. Memorabile est, quod de hoc Viro Joh. Imperialis refert in Museo Historico: eum, quum facundia longe plurimum valeret, ac sapissime publicis in solennibus perorasset, infelici tamen conatu Carolum V. Imperatorem defunctum oratione panegyrica laudare conatum vix Exordium absolvisse, cum memoria ipsum destituerit, ut recitandæ Orationi par amplius plane non esset. Accusant in illo aliqui superbiam, nimiumque in exercendis adversus pares aut superiores inimicitias factum, quo Sigonium, Egnatium, Murerum, Manutium, H. Stephanum, aliosque contemptim habere, & ludibrio aliorum pro viribus exponere, veritus non sit. Verum hæc non obstant, quo minus Rhetor ingeniosissimus dici haberique jure potuerit.

Quemadmodum vero Robortellus Veterum, quos magno studio sectabatur, ¹² placitis, & in arte Rhetorica præceptis, ubivis insillere solebat: ita alia plane via incessit eruditissimus Itatorum, FRANC. PATRITIUS, cujus Viri multa fuere circa singulas fere disciplinas nova. Neque vero contentus in Philosophia innovasse omni, in Rhetorice insuper & Poësi nova multa dedit. Prodicunt Italica lingua ejus *decem Dialogi della Rhetorica*, Vener. 1560. in 4. Sed quænam præcipue illa sua scriptione intenderit, dicere nequeo, cum librum ipsum nunquam viderim. Addi vero merer Patritio THOM. CAMPANELLA, qui æque ut in aliis rebus omnibus, ita & in Rhetorica, mirus novator est; prout e *Rhetoricis* ejus liquet, quæ una cum *Dialecticis & Poëticis* suis edidit Paris. 1638. in 8. Neque tamen est hujus loci, recensere omnes Viri Paradoxologias. Ceterum eadem in Patavina Academia, in qua Patritius per annos aliquot publicum Philosophiæ doctorem egit, Eloquentiam e prima sede, per annos 24. professus est PAULUS BENIUS, Eugubinus: cujus extant *Oratoria Disputationes* seu Rhetoricæ controversiæ, in quibus cum Veterum multorum, tum inprimis etiam Aristotelis, præcepta explanantur, & cum Platone Ciceroneque conferuntur. Prodierunt Vener. 1624. in fol.

E Germanis de Rhetorice nemo melius meruit JOHANNES STURMIO, quem ¹³ Virum

Virum quanti in eloquentia aestimarit, & quantopere aliis antulerit, Andr. Schottus, paulo ante monitum. Et fuit sane in oratoria facultate summus, suoque tempore communis fere scholarum per Germaniam moderator: cujus proinde longe plurimi sunt ad id studium libelli: de informanda juventute, de informatione Principum & nobilium: Epistolæ classicæ: liber de resolvendæ linguæ Latinæ ratione (Argent. 1581. in 8.) In partitiones oratorias Ciceronis Dialogos duos composuit Argentorati, 1539. in 8. editas, una cum libro de amissâ dicendi ratione, & quomodo ea recuperari possit. Liber ejus de Periodis, cum scholiis Valentini Erythræi, editus est ibid. 1567. in 8. Liber de imitatione prodit A. 1576. Hi omnes in pretio habendi, iisque jungendi plures alii, quos qui nancisci omnes poterit, non parum Eloquentiæ studium augebit.

- 14 E Sturmii schola prodit MELCHIOR JUNIUS, orationis quidem facultate Sturmio inferior, sed præceptis, ac artificio dicendi, non postponendus. Diligentia enim sua superavit magistri industriam; & tironibus eam ob causam aptior est, quod ad minutias se demittat, ad quas se Sturmius non demittit. Exstat ejus *Eloquentiæ comparandæ methodus*, Argentorati 1591. in 8. excusus liber, quo multa tradidit utilissima ad facultatem oratoriam sibi parandam, quæ subsidio esse possunt, si quis exercere vires suas velit. Exstant *Scholæ* ejus *Rhetoricæ* de contextendarum Epistolarum ratione: utilissimus profecto liber, qui Ciceronis Epistolas, secundum omnia genera epistolarum, & singulorum generum argumenta, disposuit, adjecta semper imitatione. Recusus est ille liber, cum Commentario Phil. Horstii, Jenæ in 8, & sub *Epistolographiæ* titulo editus. Scripta insuper est a Junio Resolutio Orationum Ciceronis, secundum causarum genera, orationum partes & materias; unde præclara possunt haberi orationis amplificandæ subsidia, quæcunque in parte Orationis aut cujuscunque generis versetur: nam Enthymemata, in singulis a Cicerone adhibita, diligenter notavit, quorum usus insignis esse potest, si quis in simili argumento occupetur. Adjectus est index utilissimus, ubi *ὡς ἐν τῷ πρῶ* proponitur omnium Orationum atque argumentorum summa & idea; Argentorat. 1594. in 8. Nec prætereundus hic ille Junii liber utilissimus, quem pro invenendis argumentis Ethicis & Patheticis scripsit, & sub titulo: *Animorum conciliandorum ac movendorum rationis* in lucem emisit Montisbelgardi 1596. in 8. ubi singula illa capita tam morum, quam affectuum, ab Aristotele proposita, exemplis, non tantum e Cicerone, sed & e Græcis Auctoribus, illustrat: arque adeo egregie infervit eloquentiæ, sive sacræ, sive humanæ, studiosis: quibus & aliis rebus multis esse commodo quæsit: Collectione brevium orationum Politicarum, quas ex historicis, tam Græcis, quam Latinis, collegit, præfixa semper dispositione Rhetoricæ: congectione Epistolarum: editione Orationum, sub ejus directione Argentorati habitarum, quarum integri aliquot tomi prostant, & in quibus occurrunt pene omnia, quæ sub argumentum orationis venire possunt. Tam diligens erat ille Vir, & in professione sua ornanda profecto, si quis alius, sollicitus.

- 15 Non minor illo, nisi ætate, sed eruditione etiam multo major Wittebergensis Eloquentiæ Professor, AUGUSTUS BUCHNERUS, Orator atque Philologus cele-

celeberrimus, librum *de commutata ratione dicendi* scripsit Rhetoricum: in quo multa habentur egregia de figuris orationis: plerisque tamen Grammaticis, cum Rhetoricis nonnisi parcius attingat. Prodiit ille libellus Witteb. 1655. in 12. Et post mortem Buchneri editæ quoque sunt Epistolæ ejus & Orationes, quæ non solum styli Ciceroniani flumen, sed & artis sublimitatem, abunde docent.

Non idem judicium de VALENT. THILONE ferri potest, Rhetore potius, quam Oratore laudabili: cujus libri in argumento Rhetorico scripti non tamen usque adeo sperni merent. Extant ejus *Exercitia Oratoria*, per omnia causarum genera: in 8. Regiomonti 1645. excusa. *Curtius Orator*; quo tum resolvit Orationes Curtianas, tum, quomodo amplificari possint, ostendit: *Pathologia*, affectuum movendorum rationem exponens, una cum exemplis, eorumque ideis: *Topologia Oratoria*, seu praxis locorum Dialecticorum in Oratoriis, præceptis, exemplis atque ideis illustrata: *Rudimenta Rhetorica* de periodis, amplificatione & connexion: Quæ omnia partim Regiomonti, partim Amstelodami, prodierunt, & e mediocrium classe sunt.

Ceterum, ut in omni scientiarum genere, ita & in Rhetoricis, graves se Jesuitarum aliqui præstiterunt, & eximie profuerunt publico. De LUDOV. CRE-SOLLIO dictum jam est, cum Theatrum ejus Rhetorum allegaremus, atque, ut non satis laudari possit iste labor, narratum. Scripsit ille præterea *Vacationes Autumnales de perfecta Oratoris actione & pronuntiatione*, libris III. Paris. 1620. in 4. editas, in quibus, e Scriptorum elegantium monumentis, gestuum & vocum rationes pulcherrima copia & varietate explicantur, & vitia in agendo notantur. Opus plenum varia doctrina, quodque artem illam, quam Veteres *Histrionicam* vocabant (ad hanc enim pertinebat formare vocem & gestum Oratoris, teste Aristotele,) luculente atque copiosissime exponit. Alius ex eodem Ordine, NICOLAUS CAUSINUS, de *Eloquentia sacra & humana libros XVI.* composuit, Paris. 1643. in 4. editos, in quibus præ ceteris magna cura diversitas Characterum explicatur: allatis uberissime exemplis, tum ipsorummet Characterum, tum vitii in quovis stylo. Est tamen ad usum accommodatior JACOBI MASENII, Jesuitæ, *Palestra Oratoria*, Coloniae primo 1659. evulgata: in qua primum progymnasmata Eloquentiæ, hinc Exercitationes Rhetorum propriæ, ad lectionem simul & imitationem distribuuntur: adjicitur Resolutio & artificium Tullianarum Orationum. Scripsit & idem *Palestram styli Romani*, Coloniae eod. A. 1659. editam, in qua & genera styli persequitur & Characteres, omniaque diligentissime, propositis semper exemplis, illustrat: addito in fine antiquitatum Romanarum Compendio. Masenio ordinatius distinctiusque procedit, adeoque ille me iudice præferendus est, MARTINUS du CYNÉ, in cujus *Explanatione Rhetorica* omnium Ciceronis Orationum habetur Analysis secundum partes, Enthymemata, Periodos, & figuras, cum notis ad singulas Orationes, earumque Characteres. Excusus est Coloniae An. 1670. in 8. liber ille, omnium in hoc genere optimus. Huic subjungimus ALBERTUM de ALBERTIS, Jesuitam alium, cui debemus *Theaurum Eloquentiæ sacre & Profane*, per actionem

contra ejusdem corruptores, olim Mediolani 1639. postmodum Coloniae 1669. in 12. typis publicis exscriptum. Auctor præcipue invehitur in argutulos illos frigidosque affectatores, qui specie acuminum & sententiarum præpostere phalaricam orationem faciunt. Proponitur autem res omnis non methodo quadam didactica, sed singulari quadam atque insolita: ut mihi quidem videatur ipse Auctor Eloquentia ad notanda ejusdem vitia abuti. Occasione vero hujus incidit nomen FRANC. VAVASSORIS, qui, ut erat ipse etiam ex Ordine Jesuitarum, bonisque literis apprime tinctus, ita insolitum tale, & nudius tertius introductum, dicendi genus ferre non potuit. Scripsit ille inter alia de *Ludicra Dictione* elegantissimum librum, ad Balzacium, Parisi. 1658. in 4. Totoque eo impugnat plebejum istum jocandi in scribendo suorum popularium morem, quem communi nomine *burlesque* vocant. Demonstrat vero Vavassor, nulli vel Veterum, vel Recentiorum, tale dicendi genus in mentem unquam venisse: simulque utilissima longe plurima, quæ ad Rhetoricen faciunt, inspergit.

- 18 Neque tamen hæc ingenui Veterum æstimatoris, doctissimi Vavassoris, auctoritas socios ejus movit, ut, misso novandi studio, vetera & ipsi sectarentur. Quin potius, quoties novus talis Orator in scenam prodit, toties novo ille, & a reliquis diverso habitu, incedit. Referendus est ad hanc novatorum classem FRANCISCUS POMEY, Jesuita, cujus prostat liber hoc titulo: *Novus Rhetoricae candidatus, altero se candidior*: editus Monachii, 1672. in 12. Instituit hic Rhetorices præcepta suo quodam ductu & genio: quanquam ut plurimum novi nihil afferat, sed plus interdum turber, quam juvet. Diligens tamen est in figuris & amplificationis præceptis; quæ vero ipsa tradit, singularia plane & peregrina: quale est illud subsidium inveniendi argumenta amplificantia, quæ progymnasmate VI. proponuntur: nam nullo artificio opus est, sed velut sorte quadam capiuntur. Quam enim inane hoc est, ex iis, quæ cadunt sub oculos, statim invenire argumenta: deinde e quibusvis substantivis & adjectivis, primo occurrentibus in Lexico; hos vero modos Autor ille commendat. Non reddit, nisi inanes locutores, ista inartificialis methodus; cui similis est illa Lulliana loquacitas, quæ etiam tamen aliquibus mirifice placet. Est certe quidem rerum omnium inter se analogismus, unde & deprehendere sagaci quadam connexionione prædicata nonnulla, qualicunque ratione subjecto suo convenientia, licet: sed tamen hic modus artem jam præsupponit. Ac viderem ego sane, quam bellam mihi orationem concinnaret, qui solis hisce præsidiiis munitus, nec multa arte Rhetorica imbutus, prodiret Orator in publicum. Non nego tamen, exercitatis in dicendi arte Viris aliquando necessitatis tempore, cum deficit memoria, talia in subsidium vocari posse. Qualia sunt illa, quæ commendat JANUS CÆCIL. FREY Part. II. c. 1. *Via suæ ad scientiarum, linguarum, sermones extemporaneos novæ & expeditissimæ*, Parisiis olim editæ, postea recusæ Jenæ 1674. in 12. Tale est & illud subsidium, quo uti Concionatores alioquin solent, cum ultima vox periodi, substantiva inprimis, reflectitur ad novam periodum, ut connexionione sensuum in voce ultima quæsitâ tandem exsurgat aliqua oratio. Extemporaneam elocutionem pro viribus etiam promotum ivit MICH. RADAU,

RADAU, in *Oratore Extemporaneo*, qui liber sub personati primum Auctoris, Georg. Beckeri, mox, sub vero ejus, qui scripsit, nomine prodiit. Unicum ejus opus est, sub varia epicherematum forma orationes extemporales formare. Sed, si verum fateri velimus, nequaquam est plus facultatis ex tempore perorandi in hac ratione, quam alia: omnes enim orationes præsupponunt argumenta: sive illa uno syllogismo, seu pluribus, comprehendantur: eodem res recidit. Interea tironibus eo modo non male consultum est; qui ad epicheremata elaboranda maturius, quam ad aliud progymnasmatum genus, præparari debent. Chriæ quoque ipsæ nihil aliud, quam syllogismi & epicheremata sunt, quorum medii termini, ut in scholis vocant, locis quibusdam Dialecticis sunt illustrati. Atque huic etiam scopo præcipue inservit alius Jesuita, SIGISM. LAUXMIN, *Praxi Oratoria* sua Francofurt. A. 1665. in 12. excusa, qua illud potissimum intendit, ut doceat, periodos & enthymemata conficere, atque ex iis Orationes integras: exigua quidem, quod non diffitendum, opera, sed tironibus tamen non inutili, in rudimentis artis Rhetoricæ per ἐπιχειρήματα ponendis. Nec defuit ex eadem Societate alius, qui connectendi ad transitionem artificium libello erudito ostenderet, JACOBUS HUGUES, cui titulum quoque fecit *Artificium Connexionum & transitionum*: Moguntiae primum edito, si recte memini, ac deinde Wittebergæ, obiterricante G. C. Kirchmajero, A. 1657. recuso. Eo majorem vero laudem meruit, quo certius constat, primum illum connexiones formare docuisse per periodos, membra majora & minora, tam per particulas, quam per figuras & formulas, in prosa æque & ligata Oratione.

Præterimus Jesuitas alios: cum, qui supersunt, præter eos, quos diximus, in ¹⁹ Rhetorica arte clari, pauci admodum sint. Sunt vero & ante illos ponendi alii, quorum nomina prætereunda non duco. Quam splendide de GEORGIO TRAPEZUNTIO senserit Andr. Schottus, atque ut eum recentioribus prope omnibus præferat, & suo merito doctis admirationi fuisse dicat, supra jam, cum de Hermogene diceremus, indicatum est. Et quid mirum, *Rhetoricen* ejus magni habitam, jamque olim *perpulchram* a Trithemio judicatam; cum ex optimis Aristotelis Hermogenisque præceptis tota coaluerit, suppletumque ex alterutro habeat; quod alteri deest. Prodiit ea Rhetorica Trapezuntii, post alias editiones, emendatius Basileæ 1522. in 4to, ibid. 1538. & Venet. 1560. in 4to.

Haudquaquam Trapezuntio minor JOH. LUDOV. VIVES intra paucos an- ²⁰ nos (erat enim ὀψιμαθής) nobilissimas aliquot lucubrationes, docte prorsus & accurate conscriptas, edidit: in quibus, ut ait Gesnerus, eloquentiæ sapientiam ita conjunxit, ut nemo eruditus non cum aliquo fructu earum se lectionem hausisse fateatur. Sunt vero lucubrationes illæ, quæ ad institutum istud nostrum pertinent, præter librum de *conscribendis Epistolis*, qui in pretio habetur, *Commentarii de ratione studii legendi interpretandique*: De ratione colligendi exempla: Latina lingua exercitatio. In primis vero spectat ad h. l. *Rhetorica*, seu de ratione dicendi libri III. ac de *consultatione liber*; quos conjunctum Rob. Winter Basileæ A. 1537. in 8. excudit. Pertinet quoque huc,

huc, ex aureo de tradendis disciplinis opere liber Quartus, qui de corrupta Rhetorica agit, eique restituendæ subsidia undique conquirat.

- 21 Neque hic silentio prætermittendus ERASMI ROTERODAMI de copia verborum & rerum libellus utilissimus, notior nomine, quam usu frequens: & qui tamen optimas profecto dat orationis ornandæ atque amplificandæ regulas. Edidit illum, cum Commentario & Exemplis, Joh. Micrælius anno, ni fallor, 1655. in 8. EDMUNDI RICHERII librum de figurarum arte, & causis eloquentiæ, Paris. 1605. in 8. editum, etiam nominandum arbitror, quippe in quo figuras Grammaticas egregie explanavit, sed non æque Rhetoricas. Edidit tamen librum alium de arte Rhetorica, quo methodum quoque monstrat eam ad usum vitæ civilis revocandi, Paris. 1629. in 8. De Elocutionis imitatione ac apparatu JACOBUS OMPHALIUS, JCrus, edidit Opusculum non contemnendum: nam & optimas imitandi regulas proposuit, & formularum conficiendarum rationem dedit. Adjunctæ sunt ejus Epitokæ familiares in usum tironum, Paris. 1579. Col. 1602. in 8. Transeo Joh. BRENZII de figuris libros, Argentorati 1606. editos in 8. qui nihil aliud, quam figurarum Catalogum, & applicata iis magno numero ex Oratoribus & Poëtis exempla continet. Neque admodum isthuc pertinet Nicol. Susii Lima Ciceroniana, quo libro generalia quædam de charactere & stylo præcepta continentur. Prodiit Antwerpæ 1620. in 8vo, & cum Nic. Vernuleji Rhetorica, Jenæ 1631. in 12. Magis adhuc sollicite de stylo agit vir doctissimus, JOH. SCHEFFERUS, in Gymnasio styli, Upsaliæ An. 1657. & 1665. primo, mox & Jenæ 1671. edito. Multa enim mihi de hoc themate, tum & de progymnasmatibus Sophistarum & orationum variis characteribus, utilissima collectanea & præcepta traduntur. De numero Oratorio libros quinque scripsit, & hanc doctrinam singulari cura explicatam dedit JOVITA RAPICIUS, Brixianus. Elegans ejus editio prodiit Veneriis in fol. 1554. Recusus postmodum liber ille in Germania Coloniae A. 1632. in 8vo, comitem natus est Jac. LUDOV. STREBÆI de Elefione & oratoria verborum collocatione librum, qui olim A. 1540. prodierat; & in quo, quæ ad numerum linguæ Latinæ, tam in prosa, quam in ligata oratione, spectant, exponuntur. Est alias iste Strebæus inter Ciceronis Commentatores, in cujus scilicet libros de Arte Rhetorica & de Perfecto Oratore scripsit.

- 22 Dum vero ita de iis agere instituimus, qui per partes solum artem Rhetorum pertractant, pene dememinisse videri possumus Virorum doctorum, qui artem integram magno conatu, neque minus felici, tradunt. Atque hic primum sibi ante alios omnes locum vendicat GERHARDUS JOH. VOSSIUS, cujus non solum de Natura & Constitutione Rhetorices liber, & subjuncta illi Tractatio de antiquis Rhetoribus, Sophistis ac Oratoribus, quam calluerit Vir ille magnus artem lectissimam & quanta cura e veteribus collegerrit, notum facit; sed luculentius adhuc operosæ & plenissimæ Oratoriae Institutiones, Opus mira diligentia concinnatum, & quod in Veterum Rhetorum lectione illum longe fuisse versatissimum demonstrat, quos etiam nisi habuisset antesignanos, vix adeo feliciter in hoc argumento versatus fuisset. Recte interim judicavit Buch-

Buchnerus, lib. de Commutata Rat. dicendi p. 441. Vossio neminem temere, post Aristotelem, orandi artem uberius & accuratius tradidisse. Multoties, tum in Belgio, tum in Germania, variisque formis, excusum recusumque Oratorium istud Opus Vossianum. Inter primas editiones ea est, quæ An. 1606. prodit in 8. sed optima, quæ Lugduni Batav. 1643. in 4. lucem adspexit. Liber de natura Rhetorices iterata Editione auctior editus Hagæ Com. 1658. in 4. Reliquit & de imitatione Oratoria librum, suo Auctore non indignum: & Rhetoricam contractam, quæ in usum scholarum fœderati Belgii scripta est, & ita Compendium Rhetoricæ majoris fuit, ut exemplis aliis utatur.

Vossium sequatur Hispanus PETRUS JOH. NUNNESIUS, magni nominis apud suos Vir, & quem, uti supra dictum, Andr. Schottus ex Hispanis noverrat, inter claros Rhetores nominandum. Nec putandum est, amicitia hic aliquid dedisse Schottum, quam cum Nunnesio arctiorem coluit: sed fuisse id commune Hispanorum suffragium, inde discas, quod ingenti stipendio a Barcinonensibus ad docendam ibi Eloquentiam Græcamque linguam evocatus est, referente de Scriptor. Sec. XVI. Miræo, c. 133. Rhetoricam ejus, cujus meminit Andr. Schottus, nunquam vidi: sed tantum collectionem Epithetorum, quorum in amplificandis periodis magnus usus est, e Cicerone: qui liber, post plurimas Germanas atque Gallicas Editiones, Coloniae quoque 1571. prodit. Scripsit alias de Epithetis etiam Sebast. Figulus: at quo melior est Nunnesius. Similis ferme labor est, quem de Adverbii epithetorum vicem haud raro explentibus, sibi sumit Hubertus Sissamæus, qui Conubium Adverbiorum Ciceronianorum edidit; quod & seorsim, & cum Steph. Doleti formulis linguæ Latinæ simul, Argent. 1585. in 8. prodit. Et quoniam semel scriptoribus hujus quoque generis indulgere cepimus, nominabimus quoque Stephanum Ubelium, qui Synonyma Ciceroniana edidit, collectis nimirum vocibus illis, quæ apud Ciceronem & alios conjunctim ponuntur vel vere vel apparenter synonymæ. Vehementer facit ille labor ad periodum concinnandam. Prodit Leoverdiæ 1607. in 8. Et ne quid genus vocum absque illustratione maneret; en tibi festivum libri titulum: *Antithetorum amica simulæ, arbitris Plauto, Terentio, Cicerone, Cesare.* Scripsit illum Augustinus Gambarella, & collegit inibi voces, quæcunque sibi aliqua saltem ratione opponuntur: ut sic eo faciliorem vocum proprietatem redderet addiscendam. Mediolani 1606. in 4. Videntur quidem Auctores, quos modo recensuimus, magis ad Grammaticum Polyhistorum, & caput de Collectoribus phrasium, pertinere: nolimus tamen, cum occasio se offerret, hic quoque eorum recensionem omittere, præsertim cum ad Rhetoricen suo etiam modo spectent.

Hinc temperare nobis non possumus, quin adhuc addamus WOLFFGANGUM 21
SCHOENSLEDERUM, *Apparatus Eloquentiæ*, Monachii primo 1630. in 8. & sæpius alibi, evulgari, Auctorem: quo libro, dum Synonyma sub titulis generalibus collegit, optime omnino de eloquentia meruit, nullusque & ad usum accommodatior liber,

Tomus I.

Eee eee

quam

quem ille: adeo optima semper ex Auctoribus, non quibusvis, sed præcipuis, magno judicio collegit. *Phil. Paris* minimum Calligraphiam, simili in arena currentem, longo post se intervallo relinquit, quæ merum chaos est, ac mira titulorum confusione summa imis miscet. Dolendum vero, non prodiisse Schœnslederi partem alteram, quo collecturus erat locos communes rerum: absolutissimos haud dubie, quantum ex hoc Opere judicare licet, daturus. Sed nunc revertimur ad Rhetoricarum Scriptores.

- 25 JOH. TESMARUS, Rhetoricæ in Bremensi schola Professor, scripsit *Rhetoricarum Exercitationum libros VIII.* Amstelodami apud Elzevir. 1657. in 8. publici juris factos: quorum priores quinque sunt analytici, resolventes oratiunculas historicorum, poetarum, &c. secundum genera causarum: reliqui tres proponunt ideas Orationum, Epistolarum, Carminum. *Ideas Orationum* edidit quoque MARC. ZUERIUS BOXHORNIIUS, civilium plerorumque argumentorum, quorum in civili vita usus præcipuus est Politices & Jurisprudentiæ studiosis. Liber editus est aliquoties in Belgio, & semel 1661. Lipsiæ recusus: in eo tantum reprehendi merer, quod artificium orationis non satis distincte exprimat: in quo longe magis sollicitus est *Christoph. Schraderus* in specimine Orationum Livianarum & Sædianarum, quæ itidem hujus sunt argumenti, & civilis eloquentiæ studiosis commendandæ. Ineditas aliquot ejusdem Boxhornii possideo.
- 26 Extant MELCHIORIS de la CERDA, cujus mentionem supra, inter Ordinis socios Jesuitas, facere dememinimus, *Campi eloquentiæ*, Coloniae 1637. in 8. impressi; sed me judice, pleni rursus: nam nihil uspiam selecti: descriptiones vagæ & variæ sine inventionem ac ordine. Adjungo de la Cerdæ similis farinæ Scriptorem, sed magnum tamen puerorum delictum, JOH. MATTH. MAYFARTUM, scripsit ille *Mellificium Oratorium*, in quo Eloquentiæ flores e variis Oratorum viridariis defracti, & in suas velut arcolas sunt digesti. Tres vel quatuor ejus Tomi Lipsiæ prodierunt A. 1653. & seq. in 8. Non placet Viri istius labor: nam paucissima habet ex Cicerone, unde tamen mellificium suum locupletare unice potuisset. Tum & inter recentiores delectum non habet; sed promiscue e quibusvis colligit, cum præferendi fuissent probatiores. Denique nec ordo, nec ratio colligendi bona est. Longe distinctius & ordinarius procederet negotium, si quis secundum seriem vel thesium, vel rerum, vel argumentorum & enthymematum; collectanea talia institueret: nec formulas cum rebus ipsis miscerer, uti factum a Mayfarto, cum rectius seorsim poni secundum omnes orationis partes debuissent: quod consilium sibi proposuerat *Joh. Starckius*, qui specimen ejus dedit elegans in Locis Communibus formularum Epistolicarum: sed labor iste in oratoriis præmatura optimi viri morte intercudit.
- 27 Æque spernendæ sunt ac de la Cerdæ & Mayfarti labores Transitionum Rhetoricarum formulæ, a JOH. STARCKIO collectæ, editæque Londini 1728. in 8. quas miror etiam in Germania recusas. Etenim parum omnino bonæ frugis habet totus

rus ille liber: & male faciunt, nec intelligunt linguam Latinam, qui eum pueris obtrudunt: totus enim ineptis quibusdam argutiis plenus est, vel ex ingenio suo, vel ex vernaculi sermonis adhaerente virio, confectis. Ut non possit adeo frugis quicquam ex eo libro meti: & infelices sane sunt, qui tirocinium suum in quicquillis istiusmodi terere coguntur. Idem esto iudicium de THOMÆ FARNABII *Indice Rhetorico & Oratorio*, Libello exiguo, Amstelod. 1659. in 12. edito, in quo Formulas quasdam, in Orationibus & Epistolis obvias collegit, sed, ut in porta cantherius, defecit, Henn. Arningio, & Ivaro Petri Adolpho, & quibus Formulæ itidem sunt congelte, palmam relinquens. Tale quoque est *Tirocinium Eloquentiæ*, seu Rhetorica Nova (si Dis placet), CAROLI PAJOT, qui, cum multa promittat, nihil omnino habet præter vulgaria artis præcepta, summarim ex aliis auctōribus, sive excerpta, sive descripta. Editum est misellum Compendium Dauderstadii 1673. in 8vo.

Pertinet quoque ad Rhetores CAROLUS SIGONIUS, cujus non solum 28 inter Antiquarios Scriprores mentio cum honore facta est, sed & tum, cum eum consolationem Ciceroni supposuisse diximus, & inferius inter Oratores forte recurret. Is ipse igitur librum de *Dialogo* scripsit, Venet. 1562. in 4. editum, in quo tradit præcepta Dialogi scribendi. Hanc vero scribendi rationem omnino ad eloquentiam pertinere, vel illud argumentum est, quod ab eloquentissimis viris Græcis & Latinis frequenter fuerit adhibita, ut testantur Platonis & Ciceronis scripta.

Spec̃tat quoque ad Rhetoricen scriptio Historiarum. Rhetoris enim est, præ-29 scribere, quo caractere historia sit scribenda: quod argumentum diligenter admodum persequitur SEBAST. MACCIUS, Philosophus, Theologus, & Jctus, Eques & Comes Palatinus, in libris tribus de *Historia scribenda*, quos Venet. 1613. in 4. publici juris fecit. Idem argumentum postea fusiùs deduxit AUGUSTINUS MASCARDUS libro elegantissimo Italica lingua scripto *della arte Historica*, Venet. 1655. in 12. Est & Casp. Scioppii iudicium de stylo historico, quod editum cum ejus Infamia Famiani, Soræ 1658. in 12.

Peculiare sibi & plane elegans argumentum e Rhetoricis pertractandum sum-30 sit Vir πολύγραφος admodum, & aliis e scriptis notissimus, LEO ALLATIUS, scripta de *Erroribus Magnorum Virorum in Dicendo Dissertatione* Historica, ad Slingelandum, Protonotarium Apostolicum: Romæ An. 1635. in 8. Censuram illic instituit in Auctores tum veteres, tum recentiores, monstratque, ubi illi defecerint in orationis Caractere idoneo exprimendo. Veterum pleraque hausit ex Claud. Verderii stulta Auctōrum censura, non appposito interdum illius nomine. Et sane Leo Allatius non valuit isto iudicio, ut censuram sibi in re tanta sumere potuisset: aliis plane hic ingenis opus est.

Talia vero ubere proventu ferre inprimis hodie Gallia consuevit, in qua pul-31 cherrimorum librorum, ad Rhetoricen facientium, & vernaculo scriptorum sermo-

ne, magna satis copia est, inprimis postquam optimatum favore istiusmodi ingenia provocantur. Est, qui Rhetoricam Aristotelis in Gallicum transtulit sermonem, & eximiis insuper commentationibus illustravit. Aristotelem enim e veteribus unum acu rem tetigisse haud abs re judicant, nec ab eo facile recedunt: quorum & RENATUS RAPINUS legi meret in elegantissimis suis de Eloquentia cogitationibus: *Reflexions sur l'Eloquence*: quæ Miscellaneis ejus operibus, ad juvandas bonas literas scriptis, insertæ sunt. Est alias & ANONYMUS quidam, qui duobus libris Rhetoricam tradidit: quorum prior vocatur *de l'Art de Parler*; alter *de l'Art de Persuader* 1676. in 12. Non quidem differunt ejus Viri præcepta a communibus; sed occurrunt tamen aliqua commatis non vulgaris, fuitque Vir sine dubio doctissimus, & judicii non contemnendi: distinxit autem artem persuadendi ab arte dicendi, & priore illo agit de inventione enthymematum; altero de variis characterum generibus, figuris, ceterisque ad orationem ornandam pertinentibus. Taceo Renatum Bary, consiliarium & Historiographum Regium, qui librum edidit, sub titulo: *la Rhetorique Françoise*, Amstelod. 1669. inprimis, quod figuras spectat, non contemnendum. Ei dissertationem præliminarem præfixit Joh. Franc. Grandis, quæ intentionem Auctoris & Operis pluribus declarat. Dirigit autem omnia ad sermonis Gallici genium, cum alter ille magis in communi & abstracto Rhetoricam proponat. Multa vero egregia, ad Rhetorices explicationem, libellis variis in medium attulit DOMINICUS BOUHOUS, Jesuita Parisiensis, qui ut plurimum exemplis docet, quæ ex antiquis æque ac recentioribus scriptoribus hinc illinc collegit, & sua deinde *explores* examinat illustratve. Estque inprimis commendandus ejus libellus, quem Rationem bene cogitandi inscripsit, *la Maniere de bien Penser dans les Ouvrages de l'esprit*: in quo summo studio τὸ περὶ τὰς νοήσεις ἀδελφεύον, ut Longinus vocat, sive sensuum sublime, examinat, variasque in classes distributum ita egregie, allatis ubique plurimis exemplis, pertractat, ut non minorem fructum, quam delectationem, afferat. Editus est libellus secunda vice Amstelodami 1688. in 12. cui & in vicem partis secundæ additus libellus alius, sub titulo: *Pensées ingénieuses*: in quo iridem longe plurima ejus generis, & jucunda & utilia, occurrunt. Sunt & plures adhuc Gallici Eloquentiæ magistri, sed quos nunc quidem recensere non vacat.

- 32 In Germanica lingua artis Rhetoricæ laborem in se suscepit CHRISTIANUS WEISIUS im politischen Redner. Diu fuit ante ipsum desideratus talis labor: in quo tentavit tamen aliqua RUDOLPHUS SADELER in seiner Teutschen Rhetorica, & Meyfartus: neque displicuit mihi Sadeleri labor: qui, in Orthographia & Phrasologia sua Germanica, alio libro, monstravit veram contexendi Germanicas periodos rationem. Alioquin plerique Scriptores illi plus artis & eruditionis ostentare volunt in rebus ipsis, quam opus est. Et forte nimio cultu laborat Weisii institutio, nam multa immiscet orationibus suis, inprimis civilibus, ornamenta, vel poëtica, vel alia, quorum nullus in aula usus est.

CAP. II. a)

DE ORATORIBUS ANTIQUIS, PRÆCIPUE GRÆCIS.

§. 1. Non recensentur hoc capite deperditi, a G. I. Vossio celebrati; 2. Nec Historici Græci, v. g. Herodotus ac Thucydides, quorum dictio commendatur: 3. Sed Oratores soli Græci, quorum aliqua hodie supersunt Monumenta, Gorgias sc. Leontinus. 4. Antiphon, Andocides, Lysias. 5. Isæus. 6. Isocrates. 7. Æschines. 8. Demosthenes. 9. Hyperides. 10. Dinarchus. 11. Lycurgus. 12. Mutatio Eloquentiæ Forensis & Degeneratio, post amissam Græciæ Libertatem, Romæ itidem deinceps observata. 13. Numerus Oratorum Græcorum hinc imminutus. 14. Oratores, seu Sophistæ potius Græci, sub Cæsarum Imperio celebres, Dio sc. Prusænsis, sive Chrysostomus. 15. Polemo Laodicensis & Herodes Atticus. 16. Æl. Aristides. 17. Dionys. Longinus, Hermogenes, Proæresius. 18. Iulianus Imperator. 19. Libanius. 20. Himerius. 21. Themistius. (De singulorum Vita, Stylo, Scriptis, Editionibus, Commentatoribus, Memorabilia plurima, iuxta cum Veterum atque recentiorum de iis Censuris, baud parce exhibentur.) 22. E Latinis Ævi Veteris Oratoribus, illi, quorum Scripta supersunt, Lib. IV. Cap. XI. XII. XIII. XIV. jam sunt celebrati, ceteri autem, quorum Orationes perierunt, a G. I. Vossio, in Lib. de Natura Rhetoricæ, recensentur.

A Rhetoribus venimus ad ORATORES, quorum magnam vim olim Græciæ tulit, & omnis eloquentiæ si cujusquam alius artis, certe mater. Nolumus autem hic congerere seriem aliquam Oratorum, inde a Solone & Pisistrato, qui primi Eloquentiæ laude apud Athenienses floruerunt, auspiciandam, pertendendamque usque ad postremas celebrium apud Græcos Sophistarum ætates: nam, cum hoc Vossius admodum studiose egerit, libro de Rhetorices natura & constitutione, c. 10. 11. 12. ad eum avidos rerum harum lectores ablegamus, de iis interim, qui ad nos usque & tot veteribus pauci pervenerunt, quædam dicturi.

E e e e e 3

Neque

- a) Totum hoc de Græcis Oratoribus Antiquis Caput, Observationibus scædens eruditus, non ipsi debetur Morhofio, cuius in Prælectionibus, tum de Polyhistoris, tum de Notitiis Autorum, Academicis, nihil plane de istis annotatum reperi, sed a Viro Docto, qui Lipsiæ IV. Libros Polyhistoris Literarii posteriores, e MSSis illis, Frid. Bened. Carpzovii, auspiciis, congegit, una cum Libri VII. Capite de Poëtis Græcis Secundo (cuius itidem vix tenuia quædam lineamenta Schodæ Morhofianæ suggerunt), totum, ne insigni adeo defectu Opus deformaretur, est adiectum. Id quod monendum h. l. denuo putavi, ne Morhofio, quæ illius non sunt, ab incautis Lectoribus, forte tribuantur.

2 Neque vero in numerum Oratorum computamus HERODOTUM, aut THUCYDIDEM, Historicos. Quanquam enim neque priori lactea dicendi ubertas, melleumve velut quoddam eloquentiæ flumen; neque posteriori mascula eloquendi vis, & grave sententiarum pondus, desit, utraque antiquis adeo in pretio habita, ut Thucydidem decies sua manu descripsisse Demosthenes perhibeatur; Herodoti autem ne quidem reprehensor Plutarchus famam eloquentiæ imminuere ausus sit: attamen in Oratorum censum, qui sive πολιτικὸν λόγον sectati causas in foro publicas egerunt, sive, Sophistarum in morem, ἐριστικὸς λόγος inter discipulos fieri, instituto quodam dicendi certamine, curarunt, eos computare non possumus.

3 Inter Sophistas seu dicendi magistros veteres, qui eloquentiam in artis regulas compactam aliis tradiderunt, simul & ipsi scriptis orationibus inclaruerunt, antiquissimus est GORGIAS LEONTINUS, nomen apud Græcos longe clarissimum, & cujus aliquot *Orationes* hodieque supersunt ab Aldo, cum orationibus Æschynis aliorumque Oratorum, Vener. 1513. fol. & ab Henr. Stephano iterum cum Oratoribus Antiquis editæ A. 1575. in fol. Fuisse vero Gorgiam inanis frigidique tumoris præposterum affectatorem, & qui præter rem, poëticum in morem, sua sæpe extulerit, jam olim Dionysius Halicarnassæus, Hermogenes & Longinus, annotarunt: quapropter & risui illum esse prudentioribus Longinus ait; & Hermogenes eum τοῖς ὑποῦλοις σεφισταῖς subignis sophistis annumerat. Cicero autem quotidianam ejus loquacitatem sine usu, & e scholis cantilenam vocat, omnibus sperendam eloquentiæ studiosis. Orat. I. 1. Conf. Longini περὶ ὕψους liber, sect. III. & Langbænius atque Faber in Not. qui plura de his.

4 Virile magis dicendi genus, & quod non scholarum superfluas nugacesve curas, sed politicum characterem præ se ferret, primus ANTIPHON invenit, teste Hermogene; is ipse, qui inter decem, quos numerant, Oratores antiquissimus, complures nobis orationes reliquit, e quibus illius in dicendo vim, & efficaciam in persuadendo, miris se artificiis insinuantem, sat abunde colligere est. Sequitur hunc non æque clarus ANDOCIDES: tum LYSIAS, Isæi præceptor, ob nativam dictionis elegantiam, quam ubique, rejecto ardentiore & excelso dicendi genere, summo studio sectabatur, adeo multis olim adamatus; ut ipse solus etiam velut idea orationis Atticæ, in quantum ea tumori Asiatico opponitur, regulaque & norma crederetur: quos tamen falli multum, neque Atticum Characterem intra angustos nimis terminos lucidi, tenuis & significantis, includendum fuisse, rationibus pluribus & exemplis demonstrat Quintilianus Instit. lib. XII. c. 10. Conf. Longinus de Sublim. sect. 35. ubi Lysiam Platone, cum quo illum comparat, longe inferiorem pronuntiat, vitiisque etiam abundare monet. Interea tamen magna eloquentiæ laus, & inprimis fluidæ & inaffectedatæ gravitatis gloriæ, Lysiae nullo modo abroganda est: sed potius omni modo approbandum Photii Patriarchæ, peritissimi judicis, judicium, quo Lysiam maximis quibusque oratoribus, Demostheni, Æschyni, Platoni, comparat: Bibliothecæ Cod. 262. ubi & vehementer Paulo cuidam ex Mysia, quem Suidas Paulum Germinum vocat, sophistæ succenset, cujus ineptissima censura, seu calumnia potius, complures Lysiae orationes, velut spuriae, perierint. Dionysius Halicar-

licarnassæus tantam in orationibus ejus ἐνδείξιον, i. e. evidentiam atque illustrationem, deprehendi testatur, ut nemo adeo lævus mente & ingenio tardus futurus sit, quin quæ repræsentat Orator, velut facta ipsemet intueri, & personis, quas introducit, velut præsentibus interesse etiam, & cum iisdem conversari, propemodum videatur.

Lyfiæ discipulus ISÆUS est, tam felix magistri imitator, ut nisi quos magno studio attendat, difficulter etiam characteris utriusque diversitas, observante Photio, agnosci possit: quum alias Lyfiæ in tanta facilitate, quam præ se fert, & innata sua gravitate, difficillimus imitatu sit. Prodierunt Lyfiæ & Isæi Orationes, ut & Andocidis & Antiphontis, in Corpore veterum Oratorum, quod Aldus Venet. 1513. fol. in lucem emisit; tum & in simili, quod Henr. Stephanus in fol. 1575. edidit. Aldi collectionem Latine vertit, ediditque Basil. 1566. Guilh. Canterus. Lyfiæ orationes separatim quoque aliquoties prodierunt, Latine Basileæ interprete Franc. Fabricio: Græce & Lat. cum notis Jodoci Van der Heidii, apud Wechelium Hanoviae 1615. in 8. Simon Goulartius quoque duas Lyfiæ orationes, Latine a se redditas, publicavit, cum ejusdem vita ex Dionysio Halicarnassensi apposita Parif. 1575.

Coævus Lyfiæ, & Isæo nonnihil antiquior, erat ISOCRATES, Gorgiæ Leonitini discipulus, Orator adeo clarus, ut ejus domus velut quædam Academia videretur, in quam confluebat, quicquid erat juvenum, quæis oratoriæ artis addiscendæ cupido animos infederat: neque id sane frustra; cum ex ejus ludo, ut ait Cicero l. II. de Oratore tanquam ex equo Trojano meri principes exierint. Sectabatur ille comptulam, nitidamque penitus, & quæ variis picturis schematicisque superbiret, orationem: quam ob rem, in seligendis verbis atque nominibus, in Colis, Commatibus digerendis, formandisque adeo periodis & similibus, ad superstitionem usque sollicitus, censuram incurrit antiquorum complurium, a quibus inprimis Dionysius Halicarnassensis in Isocratis vita legi meret. Commune omnium judicium est, aptiorem scholis, quam foro, Isocratis dictionem fuisse. Et ipse quidem Isocrates nunquam pro concione dixit, tot Oratorum strenuus atque solers efformator, uti notum: quemadmodum & mora 10. vel 15. annorum, in adornando Panegyrico ab Isocrate consumta, ne pueros quidem latet. Orationum ejus prima editio, quam novi, Mediolanensis est, Græce in fol. A. 1493. excusa. Secuta hanc Aldina Venet. A. 1513. in corpore Oratorum, cui & Epistolæ Isocratis insertæ sunt. Postmodum sæpius Venetiis atque Basileæ, modo Græce, modo Latine, prodierunt: inprimis ex emendatione Hier. Wolfii, qui Latinam versionem cudidit recuditque multoties. Ex ultima ejus recognitione editus Isocrates est Basileæ, apud Oporinum, Gr. & Lat. cum notis, 1570. in 8. postmodum Parif. 1615. Genevæ 1609. &c. ut & Cantabrigiæ, recusos. Verum & Genevenses duæ & Cantabrigiensis Editiones non satis emendatæ sunt. Taceo nunc tres primas Orationes Isocratis, quæ, in scholarum usus, infinities separatim prodierunt.

Erat vero Athenis eodem, quo Isocrates tempore, & post ejus obitum, Oratorum

rum Triga, qui, ut reliquos omnes haud dubie ſua arte longo poſt ſe relictos intervallo vicerant, ita de palma inter ſe mutuo æmuli certabant: *Æſchines* nimirum, *Demosthenes* & *Hyperides*, omnes in gerendis publicis magiſtratibus haud raro adhibiti, rebusque pro Græciæ libertate geſtis clari. Primus eorundem *ÆSCHINES*, tres nobis orationes reliquit plane eximias, nec minore elegantia dictionis atque puritate, quam argumentorum pondere & perſpicuitate, inſignes. Quartam orationem *Æſchines*, quæ a nonnullis ipſi tribuitur, *Deliacus* inſcripta, ejus non eſſe, ſed *Hyperidis*, jamdudum a *Photio* annotatum eſt: & e recentioribus, præter alics, a *Contr. Geſnero* in *Bibliotheca*. Eminent vero inter tres *Æſchines*, quæ ſuperſunt, Oratio contra *Cteſiphontem*, quæ in *Demosthenem*, & honores illi a Senatu, cenſente *Cteſiphonte*, collatas, habita eſt; infelici tamen ſucceſſu, cum victus a *Demosthene* *Æſchines* in exilium, quod multam pecuniariam pendere vel non poſſet, vel noller, pulſus ſit. Adeo tamen *Rhodiis*, ad quos *Æſchines* aufugit, admiranda illius Oratio, cum prælegeret, viſa eſt, ut vinci ab alio potuiſſe ſtuperent: magnoque ſemper in pretio uſu haberetur ille, ſcholamque celebrem erigeret, unde poſtea tertium dictionis genus emerſit *Rhodium*, ab *Attica* puritate, & tumore *Aſiano*, diverſum, miſtumque ex utroque: de quo vid. *Quintilianus* Lib. XII. Inſtit. c. 10. Ceterum *Æſchinem* *Demosthenem* multum eſſe in dicendo inferiorem, aliquot locis *Cicero* evincit, a quo neque *Plutarchus*, neque *Photius*, in diverſum abeunt, nec quiſquam temere, qui collatas utriusque Orationes legerit. Editæ ſunt ab *Aldo* & *Stephano*, in Collectionibus veterum Græciæ Oratorum: tum & una cum Operibus *Demosthenis*, in præſtantiffima editione, quæ quartis *Hier. Wolffii* curis *Baſilææ* 1572. fol. debetur: Orationem contra *Cteſiphontem* Latine verterunt edideruntque, vel cum *Demosthenis* oratione pro Corona, vel cum *Ciceronis* Operibus, *Leonh. Arætinus*, *Joach. Perionius*, & *Dionyſ. Lambinus*. Græcis etiam aliquoties ſeparatim, cum *Demostheniana* *περί τεφάρις*, in lucem emiſſa eſt.

- 8 Ipſas autem *DEMOSTHENIS* orationes ut hic multum laudemus, opus non eſt: ſatis notum eas ab omnibus Veterum, quotquot artem oratoriam calluerunt, (ceteros enim cæcos admiratores ne quidem dicimus) ſummo cum ſtupore lectas, inſitamque iis divinam propemodum vim perſnadendi movendique, quo veller, & exquisitiſſimum illud *ὕψος*, quod ubivis in *Demosthene* regnat, non ſine ſummis admirationibus agnita, & in cælum laudibus ſublata. Pleni de hoc ſunt *Cicero*, *Dionyſius Halicarnenſis*, *Quintilianus*, *Plutarchus*, *Hermogenes*, *Longinus*, *Photius*, *Suidas*: Auctorum pars ita de *Demosthenis* virtutibus agunt, ut ſimul vitiorum non oblivſcantur; ſed quæ, ſi ad virtutes componantur, propemodum omnia evaneſcunt. Ineptum eſſe ad jocos & facetias, in adverſariis ſine ſcurrilitate exagitandis, fatetur *Longinus*, de *Sublimi ſect.* 34. eaque in re longe illi præferendum *Hyperidem*, animadvertit, harum facetiarum mirum artiſicem: verum facile iſtum, ſiquidem alicujus ille nominis eſt, defectum compenſari mox addit ignea illa & omnibus inacceſſa dicendi vi, qua non tam movet auditores, quam terret & obſtupeſcit, *Demosthenes*, ignito ſpiritu armatus. Non tamen parem, in omnibus ejus Orationibus, eſſe artis ſublimitatem, monet *Pho-*

Photius, *Cod. 268. p. 800.* eaque propter nonnullas esse Demostheni a quibusdam abjudicatas narrat: verum & recte Criticos illos rejicit, & mirum non esse ait, si quis Autor diversas orationes, ut diverso tempore scribit, sic diverso quoque modo scripsisse aliquando deprehendatur, cum id promiscue in rebus humanis accidar, ut non semper iidem simus, & in Oratorum laboribus id sibi sæpiissime obveniret: ἐγὼ δὲ εἰδώς, αἶτ, πολλάκις καὶ λόγους διαφορῶν γεννητῶν πολλὰν ἔχοντας τὴν ὁμοιότητα, καὶ διαφέρειν ἐργασίαν λόγων. τὸν αὐτὸν ἐργασίαν γεννήτορα, ὃ γὰρ αἰεὶ καθέστηκεν ἀκριπὶος καὶ ἀναλλοιώτος κατὰ πάντα. ὥσπερ ἔδὲ ἐν τοῖς ἄλλοις. ἕτως ἔδὲ κατὰ τὴν λέγαν ἡ ἀνθρωπίνη δύναμις, ἄλλως τε ἔδὲ ἐν τοῖς καιριωτάτοις τῶν ἰδιωμάτων τῷ ῥήτορι.

De Demosthenis comparatione cum Aschine, quam Cicero lib. de Claris Oratoribus instituit, vid. Vossius de Natura Rhetor. pag. 80. Cum Cicerone ipso Demosthenem compara Longinus, de Subl. Sect. 12. ubi & si Tollium audimus, cum Platone illum prius comparaverat, quæ tamen pericope temporum injuria periit. Comparationem cum Cicerone, cum paucis absolvatur, & tamen elegantissima sit, nec ab instituto nostro aliena, age huc, e versione Jac. Tollii, apponemus. *Est hic* (inquit Longinus de Demosthene) *prærupta sublimitate strictior & concisior: Cicero vero magis fusus: nostrum, quod vi, celeritate, robore, vehementia animi denique, cuncta inflammant simul & abripit, proce lofo euidam turbini, vel fulmini, recte comparaveris. Contra ea Cicero, velut longe lateque serpens flamma, cunctaque depascens, &, post multos gyros ac ambages, in se semper revoluta, cum copiosum habet ignem, tum qui perseveret, partitisque vicibus nunc hanc, nunc illam materiam partem corripuens, non ante cesset, quam cuncta absumserit, si que ipse expleverit atque satiaverit.* En tibi discrimen inter granditatem Demosthenis atque Ciceronis: de hac enim sola Longino sermo. Uberius vero, operosis duabus Vitis idem argumentum Plutarchus est exsecutus, qui late nec minus docte singula utriusque exponit, secutus hunc e Gallis recentioribus elegantissimus Renatus Rapinus novam duorum Eloquentiæ principum comparationem scripsit vernaculo sermone, & quidem talem, quæ non potest non vehementer esse ad palatum omnibus, quotquot elegantiorum literarum gustu imbuti sunt. Longinus vero, præter hanc Demosthenis cum Cicerone collationem, aliam quoque ejusdem cum Hyperide instituit, e qua paulo ante nonnulla etiam a nobis prolata sunt, & quæ plane itidem est, ut sunt omnia Longini, ad unguem facta: Sect. 34. Plura de Demosthene, illiusque præstantia, non addo, cum ubique ejus Elogia occurrunt. Atque utinam non laudaretur ille & algeret! quod commune bonorum Auctorum, & inprimis Græcorum, fatum Demosthenem quoque publicæ calamitati involvit; dum interea, desertis adeo limpidis fontibus, certatim ad lutosos impurosque rivulos decurrere homines imperitos, & se sariare iisdem, velut ipsius Hippocrenes aquis, cernimus. Sed furdo fabulam narramus. Demosthenis Opera primus e tenebris eruit, & Orationes illius 62. cum Libanii argumentis, & Vita Autoris per Libanium & Plutarchum scripta in lucem protraxit Græce, Veneriis 1504. in fol. magnus ille Græciæ renascentis stator, Aldus Manutius: qui, præcedente jam anno 1503. Ulpiani in 18. orationes Demosthenis Commentarios, una cum Lexico Harpocratonis (de quo supra suo loco a nobis actum), ediderat. Ulpiani.

scholia Demostheni ad marginem junxit, ubique textui adaptata, Joh. Hervagius Basileæ, qui, post Aldum, Demosthenis Opera Græce excudit, adjecitque collectas a Joh. Oporino, ex Erasmi, Budæi, aliorumque, lucubrationibus Annotationes in 26. primas Orationes Demosthenis; promissis etiam notis in reliquis Orationibus; & locorum quorundam variis lectionibus, ad vetustissimum exemplar, a Pet. Danelio collatum. Verum, observante Gesnero, horum postea nihil præstitum est. Interea, cum Viri docti complures singulas hæcenus Orationes Demosthenis Latine reddidissent, primus omnia illius Opera in eum sermonem transtulit, seu translatis ab aliis Orationes revidit, ediditque Hier Wolfius, (nam etsi Carolus Clutinus, Parisiensis, Orationes omnes Demosthenis, una cum Libanii argumentis, & Ulpiani Commentariis, ante Wolfium transtulisse a Mich. Neandro perhibeatur, ab eodem tamen illas, immatura morte præventus, non edidisse dicitur. Præfat. Erot. L. Gr. p. 231.) primo A. 1545. Tomis 5. in 8. apud Joh. Oporinum: &, cum ille doctissimi Wolfii labor eruditorum calculis approbaretur, factum est, ut mox secundum, atque item tertium, ederetur. Tandem vero, e quarta Interpretis recognitione, una cum Æschini Orationibus, Commentariis Ulpiani, Wolfiique notis, prodiit elegantissima Demosthenis Editio, Basileæ apud Episcopum A. 1572. cum biennio ante Græce tantum, cum Commentariis Ulpiani, Paris. 1570. fol. ex Dion. Lambini & Guill. Morelii recensione prodissent. Francofurti vero A. 1604. apud Marium, Basileensis postrema Editio recusa est. Epistola Demosthenis, in volumine veterum Epistolarum Græcarum, Venetiis 1499. in 4. publicavit Aldus.

- 9 Amicus Demosthenis & æqualis, HYPERIDES Atheniensis, nec segnior patriæ libertatis, quanquam jam expirantis, promachus (pro qua & mortem oppetiit, ab Antipatro, lingua præcisâ, interemptus) *Orationes* 52. genuinas reliquerat, Photio tempore adhuc superstites: e quibus tamen hodie nonnisi paucissimæ supersunt, & eæ quidem sub falsis nominibus, Æschinis, nempe cui Deliacus male vulgo tribuitur, & Demosthenis, cujus Oratio de conventis cum Alexandro, Libanio judice, Hyperidi potius adscribenda est. Tanta autem fuit eloquentia Hyperidis, ut, Longino sententiam ferente, plures etiam virtutes, sed non tanti momenti, possederit, quam Demosthenes, cujus alias strenuus imitator erat: &, referente Photio Cod. 246. dubitarum ab aliquibus sit, uter ex duobus alteri præferendus esset; cum non deessent, qui pro Hyperide sententiam ferrent: quem etiam, si venustatem spectes orationis, dulcissimamque animos blanditiis penetrandi vim, Demosthene superiorem, ipse Longinus non disfitetur: cujus caput 34. hic omnino conferri meret. Mirum vero est, quod, cum Hermogenes Hyperidem carpat, ob non servatum, ut decebat, τὸ καθαρὸν καὶ ἡθικόν, *tersum ac moratum genus*: Longinus contra in eodem laudet, quod τὸ τε ἡθικὸν ἔχει μετὰ γλυκύτητος ἡδὺ, λιτὴν ἐφηνόμενον, *in morata oratione suavitatem obtineat, eximia quadam dulcedine, absque satietatis & fastidii periculo, leniter imbutam*. Estque hic præferendus Hermogeni Longinus. Porphyrius, apud Eusebium Præpar. Evang. lib. X. c. 3. Hyperidem plagu reum agit, & ex

& ex Demosthene transtulisse in suas Orationes, sed parum feliciter, aliqua suspicatur: quod nos quidem dubium arbitramur. Quidni enim in easdem cogitationes forte devenire potuisset uterque, absque ullius furti crimine. Facile autem intelligitur, dum, nonnisi inter Demosthenis & Æschiniſque orationes Hyperidianas legi, dictum est, nec aliam quoque peculiarem earundem Editionem produisse.

Superſunt adhuc e decem Oratoribus recensendi DINARCHUS & LYCURGUS, quorum ille Corinthius Athenis cauſas egir, non tam ipſe in foro ſuas orationes recitans, quam aliis recitandas tradens. Obiit, juxta Suidam, poſt Antipatri mortem, a quo præfectus Peloponneſo fuerat, inſidiis Polyſperchonis interemptus. Photius vero cod. 257. poſt Antipatri mortem illum Athenis, & actiſſe cauſas, & feliciffimam in civitate vitam tranſegiffiſſe, ſcribit, amicūque factum Caſſandro: cumque ob id ipſum ſuis ſuſpectus redderetur, Chalcidem abiiffe, & tranſacto ibi quindeccennio rediſſe Athenas, ibidemque ſenem admodum, poſt bonorum ſuorum magnæ partis jacturam, deceſſiſſe. Ut adeo non audiendus hic Suidas ſit. In Orationibus ſuis Dinarchum aliquando Hyperidem, ſed ſæpius Demosthenem, eſſe imitarum, idem Photius refert, a quo & incitatum ad affectus commovendos, vehemensque dicendi genus, tum ſchematum quoque typum & varietatem imitando addiſcere anniſum ait: non ſemper tamen eadem felicitate, ſed haud raro præter rem turgidus: quapropter & obſervante Hermogene *περὶ ἰδεῶν*, a nonnullis *κρίθινος Δημοδένης*, *Demosthenes bordeaceus*, falſe appellatus eſt. Porphyrius, loco paulo antea allegato, Dinarchum in Oratione I. contra Cleomedontem, multa e Demosthenis Or. adv. Canonem totidem verbis deſcriptiſſe, notat. Ceterum, e 64. ejus Orationibus genuinis (quibus ſpuria connumeratæ numerum 160. Suida referente, confece- rant,) nonnifi tres hodie ſuperſunt Græcæ ab Aldo Stephanoque editæ. Græcæ & Latine Hanoviae in 8. 1619. ubi & Lyſias, & Antiphon, & Iſæus, ceterique, quos reſenſuimus, exceptis Demosthene & Iſocrate, duobus tomis in lucem editi ſunt: præmiſſis quoque eorundem Vitis e Philoſtrato, niſi fallor.

LYCURGUS Athenienſis in maximis dignitatibus, (quippe qui per annos 15. II. ærarii præfectus erat aliſque rebus bello & pace ſummis admotus eſt maximisque opibus, tanta tamen morum innocentia vixit, ut jam morti vicinus ſe in fanum matris Deum, atque in curiam, deſerri juberet, quo ibi, ſi quis eſſet actæ hætenus vitæ accuſator, pœnas criminum, ſi convinceretur, daret adhuc; nemine tamen, niſi Menefechmo impudentiſſimo calumniatorum, culpæ in eo quicquam auſo; prout Photius atque Suidas referunt. Orator erat haudquaquam extemporaneus, ſed qui longa meditatione, curisque longis, opus haberet, ingenio quippe natura tardiore, ſed quod ferrea laboris aſſiduitate correxit. Hinc factum arbitror, ut urbanus nunquam aut ſuavis ſit, ſed ſerius ſemper, ubique fuſus, elarus, gravis, imo gravitatis propemodum exemplar, & *χρηὶ ἑλὲν μάλιστα ταῖς δεινότησιν*, ut Dionyſius Halicarnanſenſis loquitur. Ejus Orationes, ab Aldo Stephanoque editæ, a Cantero in Latinum Idioma tranſfuſæ ſunt.

12

Quemadmodum vero vivida illa fori eloquentia, atque igneus ad populum perorandi vigor vix in alia nisi in libera republica, locum invenit: dum sub principibus virtus ista mollescit veluti, & e concitato vehementique dicendi genere remissius placidiusque; e gravi, masculo sublimique blandum, & quod placere magis, quam movere, studet, evadit: ita sane apud Græcos idem, post feralem Græcar libertatis everfionem, accidisse, testis omni exceptione major Cicero nobis est: qui, lib. II. de Oratore post recensitos Isocratem, ejusque discipulos, in dicendo principes, post nominatos Demosthenem, Hyperidem, Lycurgum, Aischinem, Dinarchum, illustres causarum patronos: *Hi, inquit, alique complures, est inter se pares non fuerunt, tamen sunt omnes in eodem veritatis imitande genere versati. Quorum, quamdiu mansit imitatio, tamdiu genus illud dicendi studiumque vixit. Postquam, extinctis his, omnis eorum memoria sensum obscurata est, & evanuit, alia quedam dicendi molliora ac remissiora genera viguerunt. Inde Demochares, quem ajunt sororis filium fuisse Demosthenis: tum Phalereus ille Demetrius, omnium istorum mea sententia polistissimus, alique eorum similes extiterunt.* Autor Dialogi de causis corruptæ eloquentiæ, quem aliqui Tacitum, nonnulli Quintilianum, alii Julium Gallionem, putant, idem sane in Romanis quoque Oratoribus obvenisse monet: scilicet, ut antiquus ille vividus dicendi character, ille impetus justaque in dicendo maturitas, quæ in Ciceronis, Grachi, Crassi, aliorumque, Orationibusprehenduntur, successu temporis in calamistros nescio quos, & præposteros tinnitus defletheret; quales in Mæcenatis Gallionisque scriptis occurrant: quibus quidem tantopere Anonymus iste indignatur, ut dicat, *malle se Oratorem vel birta toga induere, quam fucatis & meretricis vestibus insignire.* Neque enim (ita pergit rationem reddens) oratorius iste, imo hercule ne virilis quidem cultus est, quo plerique temporum nostrorum Auctores ita utuntur, ut lascivia verborum, & levitate sententiarum, & licentia compositionum, histrionales modos expriment: quodque vix auditu fas esse debeat, laudis, & gloria, & ingenti loco plerique jactant, cantari saltarique commentationes suas. Hæc ille: qui, inter ceteras corruptionis tam scedæ causas recte etiam Reipublicæ Democraticæ in Monarchiam mutationem recenser, Oratoribus nempe mirum quantum adversam. Nimirum longe plura a populo obtinebant Oratores, quam a Monarchis unquam expectare poterant: cum scilicet mixtis omnibus, & moderatore uno carentibus, tantum quisque Orator saperet, quantum erranti populo persuaderi poterat. Et quanto quis plus poterat dicendo, tanto facilius honores assequeretur, tanto magis in ipsis honoribus collegas suos anteibat. Hos ituri in provincias magistratus reverebantur, hos reverji colebant, hos & præture & consulatus vocare ultro volebantur: hi neque privati quidem sine potestate erant, cum & populum & senatum consilio & potestate regerent: quin imo sibi ipsi persuaserant, neminem sine eloquentia aut assequi posse in civitate, aut tueri conspicuum & eminentem locum &c. Hi tot similesque complures stimuli cum in monarchia penitus cessent, mirum non est, si remiserit etiam dicendi vis.

13

Atque adeo, ut ad Græcos nunc revertamur, magna fuit Athenis, post nobilissimam illam Decadem, Oratorum penuria: cum præsertim id semper maximo studio

studio agerent Græciæ ex Aëpiatri & Antigoni stirpe Reges, ne quis Orator aliqujus nominis Athenis esset, quem isti hostem, libertas vero adfertorem, experirentur. Præterea tot intestina bella, quibus Græcia universa ambitione Regum, se mutuo atterentium, ad internecionem fere quasiata est, ingenuis artibus nuncium ad tempus miserunt. Non tamen defuere unquam, qui dicendi artem excolerent inter Græcos; & qui Latinos, Roma ad se proficiscentes, instruerent: quorum, etsi a decem illis maximo intervallo sejunctorum, ductu ad id culmen Latina pervenit Eloquentia, ut victis longe Græcis inferioribus magistris suis, cum supremis etiam de palma decertare auderet. Sed de Latinis quidem, qui ad nostram pervenerunt ætatem, abunde supra. De Græcis, qui, ab illo Regum, Antigoni posterorum, tempore, usque ad Imperatores Romanos viguerunt, nil propemodum, nisi nomina & Elogia, supersunt: de quibus Vossius.

Inter eos autem Recentioris ævi Sophistas (Græcos namque ad hos nunc 14 progrediemur,) qui sub Imperatoribus aliquod sibi nomen pepererunt, & ætate eminet, & dignitate, DIO PRUSÆENSIS, CHRYSOSTOMUS ab insigni facundia cognominatus. Hic sub Domitiano Imp. clarus Sophista, mox Philosophus, & Philosophorum Apollonii Thyanæi, Euphratisque Tyrrii, auditor & familiaris, cum a Principe Philosophos undiquaque pelli audirer, sponte ad Getas exulatum abiit. Inde reversus post Domitiani mortem, Trajano tam carus fuit, ut aurato suo receptum vehiculo assidere sibi a latere pateretur Princeps Dionem. Multis vero erroribus doctorum Virorum ansam Autor iste præbuit: dum nonnulli cum Dione Cassio illum confundunt, (cujus tamen proavus maternus erat), quod a Raph. Volaterrano & Antonio Bonfinio esse factum annoret in Bibliotheca fol. 228. b. Gesnerus. Notandum tamen, cum Gesnerus Bonfinium, *Getica* Dioni Prusæensi tribuentem, castigat, eaque ex Suidæ auctoritate potius Dioni Cassio tribuenda existimat; falli & Suidam ipsummet, & Gesnerum cum illo, Vossiumque de Histor. Gr. p. 238. aliosque Suidæ assecclas: siquidem Philostratus in Dionis Prusæi vita diserte hunc *Getica* post exilium scripsisse testatur. Ceterum alii Prusæum a Chrysostomo Dione distinguunt, quod in Catalogo Bibliothecæ Bodlejanæ sit: demum alii, in recensendis ejus Editionibus, non satis accurate versantur: nam, in Catalogis Bodlejano & Thuanæo, refertur quædam Editio Dionis Græca Aldina in 8. cujus tamen annus neutrobique appositus cernitur. At enimvero, cum Gesnerus, in Bibliotheca, Dionis orationes, ut ineditas, ex Diegi Hurtardi de Mendoza, aliaque iridem Itala Bibliothecis recenset; qui tamen Aldinas Auctorum Editiones & noverat accurate, (quippe Catalogum librorum, in Aldi officina impressorum, suis Pandectis inferens,) nec unquam omittere consuevit; non dubito, quin Aldinæ loco reponenda in Catalogis illis Venera alia sit, Anno 1551. apud Feder. Turrisanum, Andræ, qui socer Aldi fuerat, filium, in 8. excusa, quam Simlerus recenset: & quam ab Aldo ipsomet editam forte inspectus obiter Delphinus, anchoræ circumplexus, persualit, qui & alias Viris doctis imposuit. Proxima post Veneram Parisiensis est Græca Dionis Prusæensis Editio, apud Andr. Wechelium Ann. 1554. in 4. excusa. Hanc anno uno insæcra Latina Basileensis, ex interpreta-

ratione Thomæ Nageorgii, apud Oporinum impress. An. 1555. in fol. & Venetiis alia ab Hieron. Zenaro sive apparata, sive emendata, A. 1585. ubi & Græca quædam Editio Dionis in 4. 1. 67. prodiit. Demum nitidissimam Dionis Editionem Græcam & Latinam, e versione Nageorgii, revisa a se, una cum If. Casauboni ad Dionis Orationes diatriba doctissima, præfixisque Excerptis Photii, Vita Dionis e Philostrato, & Synesii Censura, adornavit Paris. An. 1604. fol. apud Claudium Morellum Federicus Morellus, qui textum ipsummer e Regiis aliisque Codicibus MSS. emendavit, suæque insuper scholia, animadversiones & Conjectanea adjecit. Idem speciminis loco anno 1598. Orationem Dionis unam de lege Græce & Latine ediderat in 8. Sunt vero & aliæ ejus Orationes separatim excusæ: v. g. de Illo a Græcis non capto (id enim Dio audaci oratione, adversus omnem totius antiquitatis consensum, defendere aggressus est) Gr. & Lat. cum Scholiis Laur. Rhodomanii, ap. Wechelianos hæredes Hanov. 1604. in 8. quæ & sæpius alibi recusa est: de Homero Oratio Græce Paris. 1. 66. & Latine Basil. 1544. in 8. Orationes quatuor de servis, servitute & libertate Paris. 1555. in 4. Græc. Oratio de non temere credendo, Latine per Joach. Camerarium Norib. 1531. in 8. de regno Orationes 4. (sive, ut Interpretres vocavit, libri: cui etiam accedit Casauboni Diatriba in Dion. c. 2. qui inepte Orationes vocari putat, quas ipse Auctor *διατριβὰς φιλοσόφους* appellet,) Latine ab Andr. Mylio converli Rostochii 1573. in 4. & aliæ forsitan adhuc plures. Ceterum eo cariora doctis Opera hujus Dionis sunt, quo magis non solum styli & orationis nitore, pro iis sane temporibus prorsus eximio, sed & rerum inibi contentarum momentis, eminent: non minus sapientem reddere lectorem apta, quam probum.

- 15 Dionis *σὺν ἡγεῖν* erat sub Trajano POLEMO Laodicensis, quanquam & sub Hadriano adhuc vixerit: Sophista Smyrnensis, qui 56. annorum senex, morbo articulari confectus, ipse se vivum adhuc sepulchro ingessit. *Orationes* ejus aliquot, sive Declamationes potius (non alii enim nisi scholarum usui inserviebant istæ Sophistarum *μελέται*), junctas cum Himerii Declamationibus, edidit Græce Henr. Stephanus An. 1567. in 4to, alias vero duas, cum Latina interpretatione & notis, An. 1637. in 8. Pet. Pollinus. Hujus loci non est ejus *Physiognomicon*, quod Romæ primum Græce a Camillo Perusco An. 1545. in 4. & Venetiis Latine 1552. in lucem prodiit. Æqualis Polemoni, vel, ut alii referunt, auditor erat HERODES Atticus, Sophistarum longe celeberrimus, & qui sui, dum viveret, nominis fama omnes facile anteibat, magnitudine sensuum, & sententiarum sublimitate, conspicuus. Superest una solum ejus *Oratio de Republica*, Græce ab Aldo, Stephanoque, Latine a Guilh. Cantero, Græce & Latine apud Wechelianos, Hanovix edita.
- 16 Utriusque horum, & Polemonis, & Herodis, discipulus, suis magistris non minor, ÆLIUS ARISTIDES, sub Antonino Pio, & Marco, vixit, Adrianopoli Mætiæ oriundus, sed Sophista Smyrnæus. Hujus *Orationum* neque finem, nec numerum esse, refert Suidas, & identidem novas denuo reperiri ait. Verum, nihil numerus earundem præstantiæ derogavit, neque impedire potuit, quo minus amplissima ex iisdem Excerpta Photius suæ Bibliothecæ infereret *cod. 246. 247. & 248. Vita Ari-*

Aristidis, inter Sophistarum Vitas scripsit Philostratus. Eunapius, in Vita Libanii, eum *ῥήτορ* vocat. *Orationes* illius duas de laudibus Athenarum, & urbis Romæ, Aldus Coilectioni suæ XII. Rhetorum inseruit A. 1513. postmodum Aristidis *Orationes* 56. Græce Florentiæ A. 1517. in fol. prodierunt. Latine illas reddidit Guill. Canterus, cum cujus versione, & Variis Lectionibus, in duo volumina distributæ prodierunt apud Paulum Stephanum, Genève A. 1604. cum separatim Versio Canteri Basileæ A. 1666. apud Pet. Pernam, esset impressa. Neque vero solum *Orationibus* de eloquentiæ studio bene mereri voluit Aristides, sed & Rhetoricis libellis aliquibus de civili, & de simplici oratione, quos Aldus An. 1508. publici juris fecit. Apologia pro Rhetorica arte contra Platonem tribus *Orationibus* absolvitur, & quarta Periclem, Miltiadem, Themistoclem & Cimonem, quatuor Viros, quod non adulatores fuerint, sed Oratores, defendit: Aristidis *Orationes*, cum scholiis Græcis, Romæ extare refert in Bibliotheca Simlerus, & illa scholia esse Sopatri conjectat, illius nempe, cujus præfatio in libros de Rhetorica, & de quatuor Oratoribus, in Florentina editione conspicitur. Refert quoque, Physicam Aristidis Romæ latere, cum prolegomenis cujusdam de vita ipsius, & arte dicendi. Artem vero illam Aristidis in dicendis, quæ præmeditatus fuerat, plane admirandam esse Vossius judicat, de Nat. Rhetor. c. 12. p. 87. Addit etiam cum ad subitam dictionem minus idoneum fuisse: quod ipse, ut excusaret, aiebat, non esse se ex eorum numero, qui vomerent, sed qui cum cura dicerent. Cujus dicti Eunapius in vita Proæresii meminit. Ceterum Jac. Gaddius perpetuum vitium in Aristidis orationibus parenthysum notasse vult; i. e. ineptam Affectuum concitationem, ubi tragœdia in nugis agitur, & in rebus parvis magnæ ad accendendum faces adhibentur, adeoque, ubi mediocribus opus est, modus omnis exciditur: de Scriptor. Non-Eccles. pag. 51. quam recte, hic non inquiri: fane non perpetuum arbitror.

Post Aristidem claruerunt eloquentiæ laude LONGINUS, Zenobiæ dicendi 17 magister, & a scribendis Græcis Epistolis: de quo capite præced. actum, ut & de HERMOGENE, Aristidis cœvo. PROÆRESIUS, quarti post C. N. seculi Sophista, sub Juliano Imp. ad summum absque dubio apicem famæ, sua sibi facundia partæ, pervenit, aliquando pro Deo habitus: & quem, jam ante Julianum, etiam Constantinus magnis honoribus affecit. Sed, quia nihil ex ejus *μελέταις*, s. Declamationibus, quas ediderat, ad nos pervenit, malumus ad Eunapium lectorem remittere, facundissimum ejus vitæ Historicum & Panegyristam, quam nimis pauca de illo dicere.

Posset vero, nisi augusta dignitas illum sublimiori in gradu collocasset, Sophistis 18 annumerari, ipse etiam JULIANUS IMP. quo nimirum nemo magis Sophistas sui temporis coluit, nemo avidius est imitatus, nemo familiaris cum isdem vixit. Extant profecto adhuc ejus *Orationes* aliquot, & *Epistolæ* complures, non a Scribis, ut mos alias Principum rarorum est, aliena manu, sed ab ipsomet compositæ, & ad omnem, pro illorum temporum genio, elegantiam factæ. Accedunt *Cæsares* & *Misopogon*, Satyræ duæ, prior in Imperatores, qui præcesserant, altera in Antiochenes, æque ad

ad ingenium ostentandum scriptae. Ediderunt Juliani Opera conjunctim primi Petrus Martinus, Carolus Cantoclarus & Theod. Marcilius Parisi. 1583. in 8. una cum Variis Lectionibus notisque & Latina interpretatione librorum aliquot: sed liber *περί βασιλείας*, ut & *Hymnus in Solem* Latine redditi sunt, quamvis de posteriori id asserunt aliqui, & Marcilio versionem tribuant, in quo tamen falluntur. Ceterum Cantoclaro Versionem non magni aestimat Vossius de Histor. Graec. lib. II. p. 20. sed illi aliam Petri Cunaei, etsi tum admodum adolescentis, Versionem, ut haud paulo felicior, praefert *b*). Auctiora dedit opera Juliani, Dionysius Peravius, addita Latina Versione sua & notis, Parisi. 1630. in 4. postquam ante sedecim annos tres ejusdem Orationes Panegyricas, & MSS. Regiae Bibliothecae primum erutas, separatim An. 1614. cum Latina Versione notisque suis, Flexiae edidisset, quod ipsum Colomesio, ut videtur, imposuit, ut quaedam tantummodo Juliani a Peravio edita putaret, Gall. Orient. p. 218. Tandem & nuper Vir illustris, Ezechiel Spanhemius, Julianum emendatum denuo a se, & lacunis aliquam multis supplementum, illustratumque notis, edidit Lipsiae 1696. in fol. ita, ut ampliores adhuc Commentarii Tomo secundo expectentur. Ceterum priusquam Opera Juliani a Viris doctis colligerentur, separatim aliqua illius identidem in lucem emissa sunt. Epistolas primus aliquot publicavit Aldus, in Collectione Epistolar. Graec. 1499. in 4. Misopogona, cum Epistolis, Andr. Wechelus Francofurti 1565. in 8. De Caesaribus illud observandum, eos, prout Vossius annotat de Histor. Graec. lib. II. c. 18. p. 250. in veteribus libris *Κερίνα*, i. e. *Saturnalia* & *Symposium*, inscribi: male, ut arbitror, cum e Suida constet, aliud plane a Caesaribus scriptum Juliani, *Κερίνα* fuisse. Interea tamen, sub *Symposii* titulo librum prodidisse Basileae, a Bonav. Vulcanio Latine versum, refert in Bibliotheca Gesneriana Simlerus: quem non recte inspicere, qui ex ejus testimonio perhibent, Misopogonem a Vulcanio esse versum & Basileae editum. Idem Simlerus, in Strozzae Bibliotheca duo Juliani in Solem Encomia servari refert: cum impressus nonnisi unicus hymnus extet.

- 19 Inter Sophistas eos, quibuscum Julianus Imp. familiare commercium Epistolicum coluit, & quos praecipue honoravit, haudquaquam postremus est LIBANIUS, patria Antiochenus, qui Rhetoricam artem (quam e veterum lectione suo inprimis ductu didicerat) Constantinopoli, tunc haud adeo pridem dedicatae, Nicomediae, & in patria sua, professus, magnoque auditorum concursu ubivis inclutus, a Juliano Imp. Quaestor factus est: a quo &, referente Socrate Hist. Eccl. L. II. c. 1. juvene adhuc Nicomediae clam erat in Eloquentiae magistrum electus. Est vero a secutis quoque Imperatoribus honoratus, adeo, ut Theodosius illum Praetorio Praefectum crearet: in qua etiam dignitate senex admodum decessit. Si quis illum ex discipulis judicet, Basilio atque Chrysostomo-

b) Pet. Cunaei Versio Caesarum Juliani Imp. Latina, & praefixa huic Praefatio pro Juliano Apologetica, una cum Cunaei ipsius *Sardis Vestalibus* live *Satyra in hujus Seculi homines plerosque inepte crudos Menippeae*, Nicolai item Rigaltii *Funere Persaico*, & Justi Lipsii *Satyra Menippeae*, Lugduni Batavorum saepius prodierunt. Quinta Editio, quae ad manum jam est, illic A. 1620. in 12. est excusa.

foetomo, nã is magnum Oratorem illum putabit. Et tamen Orationes Libanii, quarum magna satis copia hodieque superest, plane non eas esse, quas a tanto ingenio magistroque dicendi aliquis expectet, sed asperas, salebroso dicendi genere multaue obscuritate implicatas, omnes uno ore fatentur. Eunapius adeo abjecte de illis sentit, ut dictionem plane mortuam judicer, succo & sanguine, omni que adeo vita destitutam, & cui vulgaria quoque desint, quæ alias vix pueris ignorentur: causam inde arcessit, quod destitutus magistro Libanius suo unius ductu omnia perfecerit. Verum hic nimis severe judicasse Eunapium Libanio non usque adeo æquum, dubitari non potest. Sit enim in Orationibus ille salebrofus, sit obscurus, non tamen adeo elumbis est, nec pueriliter ignarus. Et qui posset, qui in epistolis, ne ipso quidem id Eunapio dissente, mire comptus antiquisque sua puritate & elegantia, inspersoque identidem sale comico, comparandus est? Quanto rectius igitur de illo Photius censet; nulla alia re sibi magis obfuisse Libanium, innatasque suæ dictioni gratias, & quæ vel in ipsa se festinatione sponte oggerebant, venustates corrupisse, ut in obscuritatem degenerarent: quam nimia diligentia, & præpostera rerum, quæ rectius negligi debebant, cura: cum de cetero vere Canon & regula sermonis Attici sit. Observat præterea, longe illum seipso præstare in gymnasticis declamationibus de objecto ficto scriptis, quam in Orationibus argumenti veri; quod ibi scilicet supersticiosas inanesque curas omiserit: quarum in his nimia copia. Audiamus ipsum. *Ἔτος δὲ, inquit Cod. 90. ἐν τοῖς πλασματικαῖς αὐτῆς γυμναστικαῖς λόγοις μᾶλλον ἐστὶν, ἢ ἐν τοῖς ἄλλοις αὐτὸς ἑαυτὴν χρησιμότερος. τῇ γὰρ πολλῇ περὶ τὰς ἄλλας φιλοποιῶν τε καὶ περιεργία τὴν τε ἑμφορὴν τῶ λόγῳ, καὶ αὐτοχέδιον, ὥς ἂν τις ἄποι, χάριν ἐλυμνήματο καὶ τέρεψιν, καὶ εἰς τὸ ἀσταθέστερον περιέτρεψε. πολλὰ μὲν ἐπισκοποῦσιν παρενθήκαις, ἐνία δὲ ἀφαιρέσει καὶ τὴ ἀναγνώσιν, τὰ δ' ἄλλα ἐν τέτοις κανὼν ἐστὶ καὶ εἰς αὐτὴν λόγῳ Ἀττικῷ ἐπὶ δὲ δόκιμος καὶ ταῖς ἐπιστολαῖς.* Nihil poterat mehercule magis sanum dici. Eruditionem Libanii, quæ in Orationibus se ostendat, ipse etiam extollit Eunapius: & inprimis laudat veneres styli, comicasque urbanitates & lenocinia, quæ τὸ κατὰ φύσιν τερπνὸν καὶ γοητεῖον τὴν αἰσὶν vocat, gratam sensibus suavitatem, atque aurium quandam veluti incantationem, (non illam a limine suavitatem, uti nullo sensu Hadr. Junius transfert,) & cui, velut præcipuo eruditionis capiti, Libanium insudasse perhibet. Pro Christiano Libanium Amphilo- chius haberi vult, eum scilicet conversum & baptismum anxie a Basilio, suo discipulo, flagitantem, ferens, quum Julianum in Persia cæsum cognovisset. Verum, uti hoc ab Amphilochio eam solum ob rationem confictum videtur, ne forsân Marfilio, in cujus Vita fabulam illam narrat, detrachere aliquid de famæ magnitudine videretur: ita longe aliter se rem habere, & Libanium potius omnem cæsi Juliani invidiam in ipsosmet milites Christianos quos in exercitu habuit, conjicere, ultionemque peculiari Oratione a Joviano Imp. flagitare, Langbænius observavit in Not. ad Longinum, æque ridicule Christianis ab aliquibus accensitum, περὶ ὧν Sect. 9. Libanii Opera, uti longe plurima sunt, ita per partes variis Editionibus prodierunt; sed non ita tamen, quin ineditorum hic illic magna satis adhuc copia sit. Ut jam taceam Epistolas illas, quas, cum Epistolis compluribus Græ-

cis, Aldus publicavit & 1499. Declamationes Libanii 39. editæ sunt Græce Ferrariae 1517. in 4 quæ Editio longe rarissima est: ut e Gallicis ad Scaligerum Epistolis, quas Jac. Revius edidit, pag. 165. patet: scribit enim ibi Christoph. Puteanus ad Scaligerum, nonnisi unicum in integra Parisiorum urbe exemplar repertum fuisse. Postea Desid. Erasmus aliquot Libanii Orationes, cum Latina versione sua, edidit Basileæ in 4to 1522. Argumenta in Orationes Demosthenis cum hujus operibus prodierunt. Epistolæ 12. ad Basilium M. inter opera Basilii. Aliæ ejusdem Epistolæ Latinitate donatæ per Franc. Zambicarium, Bononiensem, & emendatæ per Joh. Sommerfeld, cum argumentis, prodierunt Cracoviæ 1504. in 4. prout Gesnerus in Bibliotheca fidem facit. Sed cum idem refert, plurimas Libanii Declamationes jam olim satis crasso Volumine Romæ typis impressas, valde vereor, ne Ferrariensem editiones dicere voluerit, & memoriæ lapsu pro hac dixerit Romanam. Sed nemo magis, in Libanio e tenebris partim eruendo, partim vertendo, illustrando, emendandoque laboravit, quam Federicus Morellus, quippe qui non solum, in editis Libanii singulis Orationibus, an. 1601. 1602, & 1605. suam diligentiam demonstravit; sed & omnia collegit illius Opera, Orationes, Declamationes, Præcludia Oratoria, Dissertationes, Epistolas, ediditque typis splendidis Paris. A. 1605. in fol. Tomum primum; alterum vero ibidem 1627. postquam intermediis annis 1610. 12. 13. 14. plurima iterum, aut singula, aut parvis collectionibus inclusa, Libanii edidisset. Quanto autem ardore Morellus traducendo in Latinum suo Libanio insudarit, sufficienter docere poterit Historiola, seu fabella, quam ex If. Vossii ore Colomesius recenset in particularibus p. 99. seq. ubi, neque morbum feralem suæ Conjugis, nec Agonem, neque denique mortem ipsam crebris nuntiis unum post aliud allata, abstrahi se a traductione Libanii passus fertur avidissimus translator. Et tamen invita plane Minerva, Musisque renitentibus, illam Versionem esse a Morello structam, non potest dubitare, quisquis evolverit: adeo ne Latinis quidem sæpe sensus est: quæ scribi ab illo potuisse longe magis adhuc miratur, qui eadem Græcis applicat, videtque toto sæpissime cælo aberrare. Jamdudum est, quod id ipsum monuit Henr. Valesius ad Socratem. Ersi locus nunc non succurrit; Ceterum, post Morellianam hanc Operum Libanii Editionem, novos quosdam Sophistæ illius fœtus, antea ineditos, varii protraxerunt e tenebris Viri docti. Jac. Gothofredus ejus Orationes aliquot, partim ad Imperatorum Constitutiones spectantes: partim templa gentilium a communi ruina, cui tum jussu Theodosii M. involvebantur, vindicantem, Græce & Latine, cum notis, vulgavit Coloniae Allobr. 1631. & 1634 in 4. Descriptiones, & Progymnasmata Rhetorica, Leo Allatius Romæ 1641. in 8. publicavit. Quatuor Orationes alias, & inter has eam, quæ occisi Juliani ultionem exposcit, hætenus ineditam; aliamque, quam pro seipso scripsit Libanius asperitatis criminatione impetito: (Gr. *περὶ τῆς ἐαυτοῦ αὐτὸν εἶναι λέγοντας*.) iterum typis hætenus non exscriptam: nec non funebrem Orationem Juliano sacratam, quam & corruptissimam, & ingenti lacuna mutilam, edidit Morellus, suæ integritati restitutam, paratas jam typis habet Vir quidam clarissimus, & propediem, ut speramus, edet, Latina versione & notis doctis-

simis

simis illustratas. Addet etiam Epistolas aliquot ineditas Libanianas, sed quarum longe maiorem adhuc numerum (trecentas credo) servat secum, aptiori occasione destinatas.

HIMERIUS Sophista, Prusia Bithyniæ oriundus, iisdem cum Libanio tempo-²⁰ribus, eidem Imperatori Juliano acceptus fuit, & cum illo vixit: post cuius mortem peregrinationibus sese dedit, & cum extinctum audiret Proæresium, concessit Athenas, ubi & senio, & comitali morbo, consumtus tandem periit. Erat & hic non e multis unus, sed qui in paucis utique dicendi peritia excelluit, iudicibus Eunapio, Phorioque. Suidas refert, illum Proæresii æmulum Athenis scholam adversus eundem erexisse; quod etiam ex Eunapio concludi posse videtur, cum quidem Himerium, ad Imperatorem, non ex invidia in Proæresium, sed ut se ostenderet Juliano profectum refert, sed tamen nonnisi post mortem Proæresii Athenas esse reversum addit. Ceterum Orationes Himerii laudat Phorius, tum ob sententiarum floriditatem & vim, ad Demosthenis imitationem expressam, tum ob figurarum idearumque, apte cum argumentis commistarum sublime, cui dictio quoque satis pro dignitate respondeat, magno proprietatis, emphaseos & perspicuitatis studio elaborata. Et id ipsum Photium quoque sine dubio permovet, ut cum jam Cod. 165. de Himerio egisset, iterum tamen Cod. 243. ejusdem Declamationes in manus sumeret, prolixissimis Eclogis præclara quæque & eximia ex iisdem excerpens. Quæ supersunt Himerii Declamationes, cum Polemone editæ sunt ab Henr. Stephano Græce A. 1567. in 4.

Superest e Græcis adhuc unus, Sophistis temporum horum accensendus,²¹ THEMISTIUS, Euphrastes a facundia dictus, seu, ut Hermol. Barbarus voluit, a perpetua librorum Aristotelis enarratione Ecphrastes: dubium, Philosophus major, an Orator: certe qui utroque hoc genere eruditionis tantopere præ reliquis eminebat, quanto profundius ea erat scrutatus. Floruit & ipse sub Juliano, tum juvenis, & usque ad Theodosium M. vitam magna cum nominis sui gloria protraxit: Christianis etiam ea inprimis re acceptus, quod Valentem Imp. hæresi Ariana imbutum, & acerrimum Orthodoxorum persecutorem, suis ipse, Ethnicus licet, rationibus a sevitia absterruit mitigavitque, prout Socrates L. IV. c. 32. & Sozomenus L. VI. c. 16. testantur. Persuassus enim erat Themistius, velle Deum varie ab hominibus coli, ut sic ea opinionum de se varietate attentos magis redderet ad reverendam majestatem suam Divinam animos, incomprehensibilem illius essentiam, & sui intellectus infirmitatem cogitantes. Philosophus erat Aristotelicus, atque hinc tantum non omnes Aristotelis libros suis Paraphrasibus illustravit, quorum & bona pars adhuc superest Venetiis A. 1534. in fol. Græce, Aldinis, apud Turrisaum, ni fallor, literis excusa: & ex Latina Hermol. Barbari versione Basil. 1553: in 4. Græce. Editioni Venetæ insertæ quoque sunt octo Themistii Orationes: quas Latine vertit postmodum atque separatim edidit Basil. 1559. in 8. Hieron. Donzelinus. Has ipsas Emendationes, & sex novarum accessione auctas, Græce iterum publicavit Henr. Stephanus A. 1562. in 8. Stephanianus 14. duabus auxit, Latine omnes vertit, notas & Conjectanea sua addidit, Dionysius Petavius Flexiæ 1613. in 8.

Ggg ggg 2

Anno

Anno sequente 1614. easdem, cum notis suis, edidit Pet. Pantinus Lugd. Bat. in 8. Augustales Themistii orationes, quarum sex sunt, a sophisticis declamationibus junctas, jam A. 1605. Ambergæ in 4. cum notis suis ediderat Georg. Remus. Petavius autem, non contentus XVI. Themistianas edidisse, earundem nova editione dedit XX, Parisiis 1618. in 4. cum animadversionibus & notis. Imo ne sic quidem a conquirendo quievit; sed tanta sedulitate Veteres libros volutavit, ut, inventis novis 13. tandem XXXIII. Orationes Themistii possideret: jamque undecim novas Latine quoque reddiderat, cum eum mors abripit. Ergo successit in labore Gabr. Cossartius, & cum hic inidem fato præventus Orationem postremam sine versione reliquisset, Joh. Harduinus in se onus edendi Themistii suasu Garnerii suscepit: Augustales Orationes juxta ordinem chronologicum, quo sunt scriptæ, digessit; reliquas eo, quo sunt repertæ: Petavianis notis amplissimas suas notas addidit, deditque adeo Themistium omnibus fere numeris absolutum: Paris 1684. in fol. Memini tamen audivisse me, Harduinum e Petavianis in Themistium animadversionibus insignem aliquam omisisse, in qua Plinii locus quidam forte insigniter restitutus deprehendatur: idque ideo factum ab Harduino dicebant, ut eo tutius latiraret illius plagium, emendationem sibi, in sua editione Plinii, non sine arrogancia adscribentis. Verum hæc alii curent. Nos de Themistii Elocutione judicium Photii apponemus, qui 36. illius Orationes legerat, ut e Codice 71. Biblioth. constar: ita vero ibi de Themistio: *ἐστὶ δὲ τὴν Φράσιν σαφὴς, καὶ ἀπείριπτος, καὶ ἀνδιηρὸς, καὶ λήξεισι πολιτικαῖς, καὶ εἰς τὸ σμὲνόν τι ἐπικλιανέως χρωμένους: dictio- ne utitur perspicua, quæ superfluis caret, floridaque, tum locutiones adhibet, quales iis qui in foro & judiciis (non in umbra scholarum) versabuntur, & quæ gravitatem aliquam præ se ferunt.*

- 12 Et hæc de Græcis Oratoribus & Sophistis dicta sunt. De Latinis si Ciceronem, M. Senecam, Quintilianum Pliniumque, excipias, de quibus supra, cum de Latinis Autoribus ageretur, actum simul est, nihil nostram ætatem vidit: etsi feracissimum Virorum doctorum Ciceronis ævum quamplurimos disertissimos Viros, ipsiusque Ciceronis æmulos, tulerit: Qu. Hortensium, C. Curionem, C. Licinium Calvum, M. Brutum, M. Cælium, M. Callidium, C. Jul. Cæsarem Dictatorem: ævum Augusteum non pauciores, M. Valer. Messalam Corvinum, C. Asinium Pollionem, M. Porcium Latronem, T. Cassium Severum, T. Labienum, Sext. Jul. Gabinianum, C. Asinium Gallum Pollionis filium, Junium Gallionem, M. Senecæ filium secundo genitum: & alios a seculo quidem aureo Augusto, quam hi remotiores: de quibus omnibus, ut & iis, qui ætate Ciceronem anteibant Serv. Galba, Tib. & Cajo Gracchis, C. Carcone, Q. Catulo, &c. more suo diligentissime collectis Veterum testimoniis, agit Vossius de Nat. Rhetor. c. 14. & 15. qui legatur. Barbarorum vero secuiorum Oratores, si qui tamen præter Ecclesiasticos extiterunt, nihil moramur; sed omisissis iis, ad recentiores Viros Eloquentiæ laude inclutos, & orationum Scriptores progredimur.

CAP.

CAP. III.

DE

ORATORIBUS RECENTIORIBUS.

- §. 1. Horum Princeps est M. Ant. Muretus, (de cujus Impositis quædam adduntur Literariis.) isti autem proximi Iob. Casa, M. Ant. Majoragius, Adm. Palcarius. 2. Sequuntur Tarqu. Gallucci, Dion. Petavius. I. Bapt. Evangelista, Iul. Nigromus, Ianus Passerati, Oët. Ferrarius, Pet. Iob. Perpinianus, Vinc. Guinjius, Bonav. Baronius, Franc. Vavassor, Bernb. Stephonius, Iul. Ges. Scaliger, Itali plerique aut Galli. 3. Germanici ac Danici Oratores, Phil. Melanchthon, Ad. Theod. Siberus, Iob. Casilius, Aug. Buchnerus, Matth. Berneggerus, I. Freinshemius, Iob. Henr. Bæclerus, Mich. Viridungus, Mich. Piccartus, Thom. Lansius, I. Baltb. Schuppius, Iac. Masenius, Thom. Bartholinus, Chr. Schraderus. 4. Belgæ, Dan. Heinsius, Petr. Cunæus, Casp. Barlaus, M. Z. Boxhornius, Dom. Baudius, Iustus Lipsius, Eryc. Putcanus, Ant. Amilius, Mart. Sebookius. Nicol. Nancelius, Jac. Crucius, Rein. Neubusius, Hier. Donatus, Pet. & Job. Vinc. Gravina, Ant. Malagonellius, alique e variis Gentibus Recentiores. (De singulorum, hæcenus recensitorum stylo, aliisque dotibus aut vitiis, judicia ab Autore proponuntur, tum propria, tum interdum etiam aliena.) 6. Panegyricorum Recentiorum Collectio Hanoviensis. Iudicium de Er. Roterodami, Iob. Wouwerii utriusque, & Val. Thilonis, Panegyricis. Index Panegyricorum aliquot Recentiorum, sparsim editorum, & ut junctim recudantur, dignorum. 7. Thesaurus Orationum Panegyricarum Gallicarum, An. 1665. editus. Italici, Eman. Thesauri, Aug. Muscardi & Iob. Bapt. Mancini. 8. De Dictione Modernorum in Inscriptionibus, aliisque Orationibus, Argutiarum plus justo studiosa, Variæ Eruditorum Censuræ, Exemplis æνεῖδος istius nonnullis illustrata. 9. De Dictione Ludicra, quam Galli Burlesque vocant, a Franc. Vavassore impugnata, judicium. 10. Inscriptionum origo a Iac. Gaddio, conjectura dubia, a Græcis derivatur. Eman. Thesauri Comm. de Eloquentia illarum arguta Didascalicus. Inter Scriptores earum eminet idem Thesaurus, de cuius Plagiariis, Nic. Avancino & Job. Bapt. a Cruyce, quedam adduntur. 11. Ceteri eorundem Artifices, Aloysius iuglavis, Laur. Pignorius, Oëtav. Ferrarius, Alb. ab Ines, Lamb. Villafanus (aliorum Plagiarius), Oëtav. Boldomius, Franc. Pona, Hier. Boncompagnus, Pet. Labbe, Leo Matina, & de singulis judicia. 12. Iac. Masenii & Christ. Weissii de Inscriptionibus argutis Libelli. 13. Inscriptiones I. Bapt. Masculi, Laur. le Brun, I. Ant. Petramellarii, & aliorum, deque iis judicia.

Ut superius seculum multos genuit fama Eloquentiæ suo merito insignes, & quos ipsismet Veteribus aliquando æquiparari potuisse dubium non est: ita palmam omnibus præripit, sibi adeo deposcit, M. ANTON. MURETUS

GGG GGG 3

Ora-

Orator exquisitissimus, de quo jam aliquoties, a nobis variis occasionibus dictum est. Inter alia recensuimus alicubi *Lib. VI. scil. Polybist. Literar. c. XI. §. 3.* facetam illius imposturam, qua Scaligero versiculos aliquot, a se factos, pro Veteribus obtrusit: & cujus Erythraeus in Pinacotheca, Colomesius in Particularibus alique mentionem fecerunt. Addimus nunc aliam plane similem, qua, ut emendationem quandam suam Catulli eo felicius tueretur, versum sub Pacuvii nomine allegat, quem tamen ipse modo confinxerat, & qui nullibi alias reperitur: observante ad Catullum If. Vossio p. 46. qui addit: *Miram, fraudem hanc non detectam fuisse a Scaligero, cui merito suspecta esse debuerant merces sub quocunque demum titulo e tam dolosa prodentes officina; utpote qui adulterinis hujus viri versibus deceptum se fuisse optime nosset. Sed profecto tanti apud Scaligerum ponderis fuit Mureti sacundia, ut bis quoque ab eo passus sit se decipi.* Sed, ut ad *Orationes Mureti* nunc regrediamur, certe, seu sermonis numerique spectes eximiam puritatem & artificium, seu miram concinnitatem periodorum, Mureto peritor artifex non est: quam ob rem etiam Jos. Scaligero in *Excerptis Puteanorum* hoc nomine ceteris praelatus est. Editio Veneta 1683. in 8. & Ingolstadtensis 1600. ceteris haud dubie praestant. JOH. CASÆ *Monumenta Latina* *Orationes & Epistolas* comprehendunt, tam nitido stylo scriptas, ut provocare ipsummet Ciceronem possint: adeo omnes perfectæ orationis numeros implet: prodierunt Florentiæ 1567. in 4. Est hic ille Beneventanus Archi-Episcopus, quem de *Sodanæ laudibus* librum scripsisse communis fama fert; quæ plurimis Virorum fide dignorum testimoniis, probari posset. Sed novimus defendisse Casam, in suo Anti-Baillero, Menagium, variaque conquirere argumenta, quibus illum a tam immani crimine excuset. Interea tamen ipse Menagius non negat, prodiisse omnino lasciva istiusmodi Casæ juvenis Carmina, *Capitolo di Forni* inscripta, e quibus intentatum illi crimen haud difficulter adstruxeris. Sed nos quidem illa tanto vehementius derestimur; quanto se magis alias styli puritas nobis probat. M. ANT. MAJORAGII *Orationes*, conjunctim primo Venetiis 1682. in 4. & inde aliquoties, editæ & recusæ, exquisitæ Latinitatis laude privandæ non sunt. Fuit enim Vir ille nitoris in ista lingua studiosissimus: etiam, cum interpretaretur Aristotelis libros. Lites ejus cum Calcagnino & Nizolio alibi relatæ sunt. Ad restituendam eo felicius Eloquentiam Latinam, morem declamandi in scholis, antiquis temporibus usitatum, reduxit, magnoque cum applausu Mediolanensium, quam id esset utile institutum, exemplis egregiis puerorum demonstravit. Idem quoque rentaverat aliquando AONIUS PALEARIUS, quo Viro nemo unquam felicius Ciceronem expressit, ut jam tum a nobis monitum est, cum ejus Epistolas recenseremus. Sane sunt ejus *Orationes* omnibus numeris absolutæ: ostenditque inprimis, quantum in dicendo valuerit, Oratio in L. Muranum, quam Ciceroni contrariam scripsit Palearius, dictione, figuris, argumentis, adeo similem Ciceroni, ut nec ovum ovo possit esse similis. (Novam & nitidissimam Operum ejus Editionem nuper apud Batavos Henr. Werstenius dedit, Amstelod. 1696. in 8.; cum præmissa optimi Palearii vitæ atque Mortis Historia).

TAR-

TARQUINIUS GALLUCCIUS, Jesuita, *Orationes* scripsit, & ob stylum, & 2
ob materias, commendandas, Coloniae 1618. in 8. DIONYSII PETAVII *Orationes* elegantissimae sunt: ut fuit Vir in literatura subactus, quem unum pene inter omnes Jesuitas aliquo numero habuit Scaliger; forte non habiturus, si tam male se ab illo acceptum iri divinare potuisset. Prodierunt ejus *Orationes* Parisi. 1620. in 8., Coloniae sequenti anno recusae. JOH. BAPTISTAE EVANGELISTAE, Piceni, *Orationes* XLIV. magnum in titulo prae se ferunt elogium: dicuntur enim *Latinae locutionis mirificam elegantiam, magnamque argumentorum varietatem accurate & docte dispositam continere*, Venet. 1596. in 4. Enimvero phraseologia in illis *Orationibus* Latina equidem est, sed supra modum coacervata, periodique immanes, quibus transmittendis vix spiritus sufficiat. Utitur quoque JULIUS NIGRONUS, Jesuita, in suis *Orationibus*, Moguntiae 1610. in 8. editis, prolixioribus periodis, quam decet cultam & elaboratam *Orationem*. JANI PASSERATII, qui Parisiis Eloquentiae Professor & Interpres Regius fuerat, *Orationes & Praefationes* varii argumenti, ibidem 1606. in 8. & 1637. editae, eleganter quidem, nec minus argute, scriptae sunt, sed non servant *Orationis* illum tenorem, quem requirit castigata illa Ciceronis Eloquentia, nec tam nitidae, tersae aut numerosae sunt. OCTAVII FERRARII *Prolesiones*, ut vocat, Epistolae & formulae, primo Paravii editae, dein Chemnitii in Germania recusae, sumiter aliquid vernilitatis habent, etsi florido stylo scriptae. Optimus autem in numero PETR. JOH. PERPINIANUS, Hispanus homo, cujus *Orationes*, Monasterii in Westphal. 1602. in 8. & Coloniae 1600. in 12. editae, succi boni & styli sunt, nam & Latine, periodice, scribit. Quapropter & tanti eum Janus Nicius Erythraeus facit, ut, cum in Exteris omnibus, etiam si copiose eleganterque scribentibus, aliquid peregrinitatis deprehendere sibi videatur, nec orationem urbanitate quadam veluti coloratam; duos tamen, Gallum & Hispanum Oratores, excipiat, Muretum, & nostrum hunc Perpinianum, quorum in orationibus recinere quiddam & resonare adeo urbanum ait, ut in Romana civitate nati, non autem in eam asciti videantur, Pinacoth. III. p. 74. Non contemnendae etiam sunt VINCENTII GUINISII *Allocutiones Gymnasticae*, Antw. 1638. in 8. auctiores editae, postquam A. 1623. in 24. primo prodissent, argumentis rarissimis, & stylo sat bono, commendandae: nisi quod acumina interdum, plus, quam decet, affectant: neque ramentum inelegantes sunt, sed in multis etiam salivam movere possunt. Sed BONAVENTURA BARONIUS, ut argutus possit esse, vel barbarismos interdum admittere non veretur, perpetuus frigidusque tumoris, haud raro puerilis, affectator. At FRANCISCI VAVASSORIS *Orationes* omnes complent Latini sermonis numeros: nihil ibi tumoris affectati, nihil frigidi barbarive, sed terribilissima omnia, castigatissima, & quae in summo floridissima elocutionis nitore nativi decoris longe plurimum ostentant: adeo, ut nihil illis nitidius sit. Editae sunt Parisiis 1644. in 4., ob selecta etiam argumenta dignissima, quae ab omnibus legantur. Alium Jesuitam BERNARDINUM STEPHONIUM, Sabinum, claris etiam Oratoribus accensendum, narrat nobis Nicius Erythraeus Pinacoth. I. p. 160., quem non solum plane egregium fuisse Poetam ait, sed & non minorem prae-

præterea *Oratorem* : profertque inprimis ibi duas orationes Erythræus, quas qui legerit, meliores non desideraturum sponder: adeo nec verborum copiam, nec sententiarum splendorem, nec eorum pigmentorum, quæ ornant ac distinguunt orationem, quicquam iis deesse, fidem facit: tanto magis cum suo testimonio admittendus, quanto ipse erat artis peritior. JUL. CÆS. SCALIGERI *Orationes*, quæ paucae sunt, & cum Epistolis ejusdem Lugduni Batav. 1600. in 8. alibique in Germania, editæ prodierunt, magnos spiritus habent, ut acre Viri ingenium & vehemens inde etiam facile pernoscas.

- 3 E *Germanis*, qui eloquentiæ laude claruerunt, primum merito nominamus PHILIPPUM MELANCHTHONEM, cujus *Orationes*, in Tomos sex distributæ, sua etiam justa laude privandæ haudquaquam sunt. Candorem quandam & simplicitatem in dictione semper sectatus est Vir ille; atque id consecutus, ut suo tempore *Philippicus stylus* inter elogia audiretur: non assurgit unquam, aut vires vel robur aliquod ostendit, sed tamen ita tractat argumenta, quæ tractat, ut nihil omittat eorum, quæ ad rei summam pertinent. AD. THEOD. SIBERI, qui Oratoria Professor in Academia Wittebergenfi fuit, *Orationes*, elegantes quoque sunt & multam habent argumentorum varietatem, nec destituuntur acumine, judicio & nervis. Editæ sunt Witteb. An. 1617. in 8. Longe vero his præferendæ JOH. CASELII *Orationes*, sparsim editæ, nitidæ, eruditæ, rerum varietate plenæ, eruditis magno in pretio semper, ut reliqua ejus Viri habitæ: ac optandum omnino esset, ut eximia ejusdem scripta junctim aliquando in lucem prodirent; in quibus colligendis laborarunt Henr. Ernstius, Marq. Gudius, aliique. Non minore elegantia AUG. BUCHNERI *Orationes* nitent, vere castigatum purissimum, tersissimumque dicendi genus, quale in Cicerone est, mirumque periodorum artificium, ostendentes. *Dissertationes* ejusdem academicæ conciliores periodos, ad Plinianum genium institutas, amant. MATTHIÆ BERNEGGERI quoque *Orationes*, Argentorati 1640. editæ in 12. ut & *Orationes* JOH. FREINSHEMII, Francof. 1662. impressæ, admodum elegantes sunt, & tum argumento, tum stylo, laudabiles. In JOH. HENR. BOECLERI *Orationibus* magnus est spiritus, grandia & sonantia verba, quibus præ ceteris indulget, exquisita & ex optimis Historicis congesta dictio: editæ sunt Argent. 1650. in 8. MICH. VIRDUNGI *Orationes* & MICH. PICCARTI, Professorum Altdorffinorum, potius ob argumentum, quam ob dictionem, commendandæ sunt, quanquam non usque adeo humi repant, puræ quoque & Latinae sint. THOM. LANSII *Orationes* nemo Eruditus facile legerit, nisi ob materias, quas tractat. JOH. BALTH. SCHUPPIUS in *Orationibus* suis plagiarium est, in quibus cetera, præter styli barbariem, & jocos quosdam triviales, nihil laude dignum invenias. JAC. MASENIUS in *Exercitationibus Oratoriis jocosius* aliquando non inelegans aut ineruditus Sophista est. Nec THOMÆ BARTHOLINI *Orationibus* deest vel acumen vel elegantia, in quibus argutissima & elegantissima de dolio Diogenis Oratiuncula. In CHRISTOPH. SCHRADERI *Progymnasmatibus & Orationibus* nonnullis stylus ad antiquitatis genium, elegantiam & numerum, optime formatus est.

DANIE-

DANIELEM HEINSIUM, ut a Germanis ad Belgas nunc abeamus, non tam pro Oratore, quam Sophista haberi voluit Masenius, Sed ipse Sophista merus & inepte se nonnunquam jactitans in palæstra, cui non semper par erat. Sane Heinſius, etſi Ciceronianum in eloquendo characterem non ſervet, periodorum meſura & concinnitate infra illum ſubiſtens, (ut plerique Batavorum non amant circumſcriptum illud dicendi genus, ſed potius libertas familiaris illis perplacer, qualis in familiari, vel Epistoſa, vel Sermone, uſu venire ſolet) elegantiffima tamen tractat argumenta, ſtylo inprimis comto & eleganti, quanquam non ſemper Ciceroniano, ſed qui, ut arbitror, Plinianum quid ſere ſapit. Prodiſerunt aliquoties Lugduni Batav. 1612. in 8. 1627. in 8. 1657. in 12. & forſan plures ejus Orationes: queis Iſaacus Voſſius, delicatulus cenſor, exprobrat perpetuam relativorum pronominum, *qui, qua, quod*, repetitionem. Joh. Scaliger in Scaligerianis Heinſii quandam ſtyli varietatem notat, prout ſcilicet ab Autoris hujus vel illius lectione receſſerit, dicitque inprimis illum Lipſii, Mureti ac Eraſmi libris captum, atque adeo inebriatum velut fuiſſe, ſpretis contemptim reliquis. *Heinſius vient quelqueſois jure de Lipſius, quelqueſois de Muret, quelqueſois d'Eraſme; & dit, que les autres ſont des aſnes.* Æmulus Heinſii in Academia Lugduno-Batava Profeſſor, PETRUS CUNÆUS, Vir doctiſſimus atque diſertiſſimus, ipſe quoque *Orationes* publicavit, quæ admodum terſæ ſunt ac Latinae, & quas Aug. Buchnerus dignas judicavit, ut, cum ſua præſatione, Wittebergæ recuderentur An. 1643. Qui eodem tempore, quo Heinſius & Cunæus, & ibidem, in eadem dignitate, vixit, CASP. BARLÆUS, ut in *Carmine*, ita & in *Oratione*, periodum contortam amat, membris non bene junctis, ſed infinite per mera membra & commata vagatur, quanquam argutus ſatis & feſtivus declamator: ſuo enim quodam genio magis ad ludicra & feſtiva, quam ad ſeria, ducebatur. Diſctio non ſemper ſatis pura: in phraſibus enim non diu ſe torſit, obvia rapiens ad argutos animi ſenſus exprimendos. In MARCI ZUERI BOXHORNII *Orationibus*, tumor aliquis verborum eſt, & quædam, ut ita loquar, vaſtiloquentia; quemadmodum & in DOM. BAUDIO, qui phraſin Domitiani temporis, judice Scaligero, expreſſit. JUSTI LIPSI *Orationes*, Epistoſis ejus additæ, plene alterius ſunt ſtyli, quam Epistoſar, & quidem melioris & Latiniſis, ut judicat Scaliger in *Excerptis Put.* qui Orationem de duplici Concordia, & illam, quæ eſt in obitum Ducis Saxoniar, Latiniffimas vocat, creditque etiam eſſe Lipſii, quanquam ipſe ſuas neget; Miræus etiam a MELCH. GOLDASTO ſcriptas referat Lipſioque ſuppofitas credi velit: quod & idem vult Carolus Scribanius. vid. Placcius de *Pſeudon.* p. 219. ERYCIUS PUTEANUS, in *Suada ſua Attica* ἀψευδής, nec tamen aſſequitur Lipſii elegantias: ut ſunt plerique, auſim propemodum dicere ad unum omnes, ejus Viri in ſcribendi ratione imitatores frigidi, & puerili minorum ſenſiculorum coacervatione plane inſipidi & inſelices. Et tamen Puteani diſctio adeo placuit Anton. Æmilio, Profeſſori Ultrajectino, in Orationibus ſuis, ut integras periodos & lacinias ex ipſo exciſiberet, transferretque in ſuas, quæ lucem aſpexerunt Ultrajecti 1651. in 12. MART. SCHOOKII *Orationes* non ubivis puræ ſunt, ſed interdum barbariſmos admittunt, interdum aliquam ſtyli philoſophici ſtribliginem: prodiſerunt Daventriæ 1665.

Tomus I.

Hhh hhh

NICOL.

1 NICOL. NANCELIUS, in *Declamationibus* suis, Parisi. 1600. in 8. editis, merus declamator est, stylo interdum barbarus. Jac. Crucii etiam, Rein. Neuhusii, Melch. Junii, Chr. Ad. Ruperti, Rhetorum Porcensium, *Orationes*, ut sunt maximam partem a discipulis exercitii gratia conscriptæ, ita, non ob nitorem styli, sed ob materias forte, legendæ sunt. HIERONYMUS DONATUM luculentas composuisse *Orationes* Jac. Gaddius testis est: sed eas equidem ego nunquam vidi, uti nec PETRI GRAVINÆ *Orationes & Epistolas* Neapoli 1589. in 4. impressas. (Alius est ab hoc recentissimus Autor, longeque disertissimus JOH. VINCENTIUS GRAVINA hodieque superstes: cujus *Opuscula*, nuperrime 1696. in 12. Romæ publici juris facta, ostendunt, quantum Vir ille in dicendi scribendique facultate profecerit, & quam omnem terse, eleganter, nitide, semper explicandi artem, tum & alios permovendi vim, unus optime calleat. Adjungendus illi ANTONIUS MALAGONELLIUS, Summo Pontifici & Cardinali Spadæ ab Epistolis scribendis, cujus itidem permagna Romæ celebritas est: nec immerito, quod *Orationes & Epistolæ* Romæ 1697. in 12. editæ, testantur, sane quam elegantissimæ: sed quæ tamen, ut fateatur, quisquis est, Autor præfationis, Vir doctissimus, non tam castigatam illam Ciceronis, aliorumve aurei seculi scriptorum, facundiam, quam Plinianum porius argutum; & quod florida sententiarum varietate aures permulcet, dicendi genus, ubique sapiunt. Uterque vero, & Gravina & Malagonellius, ex Arcadum Societate sunt, quæ hodie præ ceteris omnibus clara per Italiam est, & inprimis magno nisu ingenuarum artium incrementa promoveret.)

6 Panegyrici Recentiorum, sparsim antehac editi, aliquot Voluminibus collecti, Hanoviæ prodierunt A. 1613. in 8. sed non omnes unius commatis. Eminent inter omnes ERASMI ad Burgundum Principem *Panegyricus*, optimus, multaque eruditione refertus, in cujus etiam stylo non facile quisquam habebit, quod desideret. c) JO. WOWERIUS, Hamburgensis, in Oratione ad Christianum IV, Daniæ Regem, in multam luxuriam se diffundit: de quo, in Epistolis alicubi Jos. Scaliger judicavit, nimiam illum curam adhibuisse, & in Locis communibus tractandis esse prolixior. Quemadmodum vero notum est, Hamburgensem a Wower, quem diximus, ab Antwerpienti Senatore Joh. Wowerio, qui eodem tempore vixit, longe alium esse: ita cavendum, ne Joh. Wowerii Panegyricum Archi-Ducibus Austriæ, Belgii Principibus, scriptum, Hamburgensi itidem tribuamus, qui Antwerpienti debetur, & separatim apud Balthas. Moretum Antwerp. 1609. in 8vo excusus est. VALENT. THILONIS *Panegyrici* non ubique puræ Latinitatis sunt. Recensēbimus vero hic *Orationes* aliquot, maxime *Panegyricas*, quæ, sparsim hic illic editæ, melioris commatis sunt, & dignæ, *que junctim Voluminibus*

d) Voluminis *Orationum Panegyricarum Recentiorum*, a Viris Clarissimis sparsim antehac editarum, peculiaris Editionem ipsam olim Morhofium esse meditatam, autor vitæ ejus, *Dissertationum Syntagmati* præfixæ, Anonymus, in *Scriptorum ejus affectuum Catalogo*, p. 39. & Schedis defuncti, testatur. Collectioni isti haud dubie ab eo destinatæ fuerunt, quas §. hac recentior atque commendat. De Joh. Wouwerii, Hamburgensis, Celebris, cujus nimiam Morhofius notat, luxuriam, in *Christianum IV. Daniæ Regem, Panegyrico*, fusius disseruimus, & judicia de illo Jos. Scaligeri, Dom. Baudii, ipsiusque Autoris Wouwerii, partim benigniora, partim sequiora, recitavimus P. I. *Isagogæ ad Hist. Cimbricam*, c. 12. §. 6. p. 186. 187. 188.

minibus aliquot ederetur. Inter illas sunt Pierii Winsেমii Oratio in memoriam Gustavi Adolphi, Suecorum Regis, quem ille Gustavum II. vocat, directa, & excusa in Fritiis A. 1633. in fol. Ejusdem Regis Panegyricus Poëticus ab eodem scriptus sublimi Stylo, & Amstelod. 1637. in fol. editus: Ejusdem Winsেমii Oratio in excessum Henrici Nassovii. Franekeræ 1641. fol. Oratio pro reparata aede Academica, ibid. 1643. Oratio in abitum Guilh. Stakmanni, Viri Consularis, An. 1641. & aliæ. Joach. Pastorii Gratulatio ad Regem Angliæ de Regno, Gedani 1661. in 4. Ejusdem Orationis de præcipuis Historiæ Autoribus, & de potissimis ejusdem argumentis: ibidem eodem Anno. Alex. Mori Gratulatio super Venerorum de Turcis Victoria, Amstelod. 1658. in fol. Joh. Frid. Gronovii Gratulatio ad Guilielmum Arausionum Principem, cum Imperator per Belgium creatus esset, Amstelod. 1647. in fol. Ezech. Spanhemii Panegyricus ad Christinam, Sueciæ Reginam, Genuæ 1652. in 4. Ejusdem Oratio genethliaca de nato Electori Brandenburgico filio Principe. Joh. Schefferi Oratio Valedictoria ad Christinam, Suec. Reginam, regno se abdicantem, Upsaliæ 1654. in fol. Ejusdem Oratio ad Regem Carolum (XL) cum primum Upsaliam studiorum causa veniret, Upsal. 1665. in 8. Georgii Ossolinskii Orationes, quas ut legatus habuit, Dantisci 1657. in 4. Staudii Oratio in excessum Caroli Gustavi, Regis Sueciæ, Stralsund. 1660. in fol. Viti Beringii Oratio de Historia, Hassniæ 1651. fol. Ejusdem Oratio in memoriam Regis Daniæ, Friderici III., & Gratulatio ad Christianum V. Hassniæ 1670. fol. Bartholi Bartholini Laudatio funebris Friderici III., ut & Matthiæ Fossii Atrata Pallas, Hassniæ eod. anno. Ejusdem Bartholini Oratio in Excessum Christiani IV., Erasini Bartholini Panegyricus in nuptias Christiani Alberti & Fridericæ Amaliæ, Hassniæ in fol. Elogium Forstneri a J. H. Bœclero scriptum in 4. & fol., J. Henr. Bœcleri Sceptum Apollinis, sive Gratulatio de Receptoratu Academico Comitibus de la Gardie; Argent. in fol. Aug. Blommertii Panegyricus in Ordines Hollandiæ, in fol.; Claud. Memmii Avauxii Elogium Franc. Vavassoris, Paris. 1651. fol. Christiani Ostensfeldii Laurus Württembergica pro restituta Academia Tubingensi, 1652. fol. Dionys. Vossii Panegyricus dictus Principi Arausionum: Amstelod. 1653. in fol. Panegyrici duo in Cromwellium Anonymi alicujus, 1654. in 4. Octavii Ferrarii Panegyricus in Ludovicum XIV., Regem Galliæ, Vener. 1666. in 4. Joach. Pastorii Calendæ Regiæ sive Gratulatio ad Joh. Calimirum, Regem Poloniæ, de auspicio ejus in Thorunium, a se recuperatum, ipsis Calendis Januariis ingressu: Dantisci in 4. 1659. Eryci Puteani Purpura Austriaca, sive Gratulatio de Cardinalatu, Antwerpæ 1635. in 4. Plures Orationes colligere poterit, qui voler. Illæ vero, quas enumeravimus, dignæ sunt, quæ colligantur & servantur.

Nec vero desunt inter exteros Gallos Italosque, in vernaculo sermone Oratores Elegantissimi, quibus nonnunquam in Latina etiam lingua commode utaris. Talis est liber, cui titulus: *Le Trésor des Harangues*, Paris. 1665. in 12. editus: in quo continentur aliquot Orationes, in receptionibus Principum ac Regum; gratulationibus de matrimoniis, & aliis argumenti Politici panegyrici materis. Sunt & EMANUELIS

Hhh hhh 2

THE

THESAURI *Panegyricorum* tria volumina, Italico sermone scripta, argutiisque plenissima, e quibus nonnunquam peras aliqua, quæ Inventionibus alia occasione inservire possint. Turin. in 8. AUGUSTINUS MASCARDUS Orationes Italicas argutiores, tam suas, quam aliorum, uno collegit libro, impressas Venetiis 1646. in 4. sub titulo: *Prose Volgari*. JOH. BAPT. MANCINI Exercitia oratoria Italico sermone scripta, sub titulo: *Furore della Gioventù*, Bononiæ 1636. tumida aliquantulum sunt, & acumina habent affectata ac declamatoria.

- 8 Ceterum, sicut Itali ut plurimum argutiis in suis Orationibus indulgent, quos Galli etiam haud raro imitantur: ita non omnium calculum eo labore suo merent. Sane Franc. Vavassor, in libro de Ludicra dictione, & in Oratione 3. pro veteri dicendi genere contra novum, horum generum acuminibus, quæ Hispanis Originem debere magnamque cladem puritati Latinae intulisse, monet, boni non multum tribuit, sed ex Orationibus propemodum proscripta mallet, nisi forte cum Augustei ævi acuminibus plane consentiant. Atque id in universum negari utique non potest, per inscriptiones, præcipuum argutæ illius novæque dictionis fœtum, Italis primo debitum, ansam esse multis in lingua Latina corruptelis datam: quod, præter alios, etiam Bœclerus, in Museo, monet: sed qui tamen simul omne illud studium rejicere non audent: sed, postquam in utramque partem diu disputasset, ferendum censet, si adhibeatur commode, & modus in re ipsa fervetur. At Historias & Panegyricos eo modo scribere velle, quod faciunt tamen aliqui, plenum frigidissimæ affectationis & ineptiarum videretur, nec immerito a Bœclero ex Historia atque Panegyrico mixtum chaos vocatur. Est enim potissimum propior, quam orationi, talis scriptio, & quæ ut plurimum nil nisi coactum sapit frigidumque: adeoque nihil omnino horum ad imitationem proponendum est, quantum extantiora quædam acumina enotare nihil veret. Contra ineptum vero usum acuminum vide, quæ habet Famianus Strada Prolusionum Academ. lib. II. prolus. 12. Albertus de Albertis in Actione contra corruptores eloquentiæ passim: O& Boldonius in Epigraphica VI. Vavassor locis, quæ allegavimus: & lepida quædam Satyra Gallico sermone scripta, atque Heidebergæ A. 1670. in 12. impressa, hoc titulo: *Nouvelle Allegorique, ou Histoire des dernières troubles, arrivées au royaume de l'Eloquence*: qua, sub fictione belli alicujus Rhetorici, multi istius seculi Scriptores argutuli perstringuntur. JAN. NIC. ERYTHRÆUS etiam, passim in Pinacothecis, intempestivos istiusmodi argutiarum aucupes falsæ ex merito perstringit: cum v. g. Franc. Carettonium ridet, qui summam eloquentiam in sententiolis venustulis ac vibrantibus, breviter arguteque conclusis, non in verborum ac sententiarum magnitudine ac splendore, nec in rerum argumentorumve copia, sitam esse putabat: atque hinc, in quadam Oratione sua, cum qua sibi mirum quantum sapere visus est, nil nisi concisum hoc membrisque minutoribus velut captum, dicendi genus, tot fere argutiis sententiarum refertum, quot verbis, adhibuit: in scholastico pulvere (& addit Erythræus) peringeniosis adolescentibus illustis, sed nec Summi Pontificis auribus satis digna locurus (dicebat autem ad Clementem VIII.) nec Augustissimo illi Patrum purpuratorum Senatui apta, *Pinacoth. I. pag. 462.* Alibi, quum de Fulvio Testa agit, integram talium hominum societatem nobis describit, quibus vetera pura atque incor-

incorrupta plane sordebant, & qui nil nisi argutulum, e suis officinis profectum, laude dignum existimabant: quorum infania complures etiam optimorum ingeniorum Viros ad pueriles nugas abripiat. vid. Pinac. III. p. 212. seq. d).

Alii, dum in jocis facetiisque acumen præpostere præ se ferrent, infana ejusdem affectatione in grande vitium prolapsi sunt: ortumque exinde illud dicendi genus, quod Galli *Burlesque* vocant, cujusque Specimen Scarron, & alii, apud Gallos dederunt, aliquid identidem e Belgica lingua vernaculæ immiscentes: sed quos singulari libro de Ludicra dictione impugnavit Franc. Vavassor, Paris. 1658. in 4. edito. Sed ut de cetero salibus facetis acumina adeo abroganda non sunt, ut potius vel maxime ad eadem requirantur: qua de re & Cicero, in secundo de Oratore, & e recentioribus alii: ita de affectatis acuminibus, seu in jocis, seu in Oratoribus, ea occurrant, alio loco a nobis actum: cum aliquando penitus naturam acuminum & usum perlustraremus.

Interea recensēbimus tamen insigniores aliquot Inscriptionum & Elegiorum, tali acumine elaboratorum, Auctores. Jac. Gaddius lubenter e Græcia originem eorundem arcefferet, sed dubius tamen est. In *Elogiis* (ita inquit T. I. de Scriptor. Non-Ecclesiast. p. 266., sub titulo Philoponi) *Latini superant Etruscos ac Græcos, qui hoc breve, sed egregium, curiosumque scribendi genus forsitan ignorarunt; certe minime nobis ostenderunt: ni tamen libet elogia compellare laudationes heroum ac imagines, a Græco Philostrato ingeniose ac feliciter concinnatas. Nec inficior, egregia Thusco etiam calamo formata extare Elogia: scilicet liber Elogiorum Academia Ignotæ: atque non pauca Poneæ: sed hac numero, varietate ac pondere, imparia videntur Latinis Elogiis Jovii, Folietæ, Sammarthani, Thesauri, Francisci del Monaco, & aliorum, quorum in hoc scribendi genere nomen eminet.* Verum, ut jam pressius ad acuminum argutiarumque magistros accedamus, nemo est, qui majore nisu, & felice etiam successu, eam eloquentiam omnem late pertractavit, certisque etiam præceptis scrupulose admodum inclusit, quam EMANUEL THESAURUS, quem, per integros 40. annos, labori huic infudasse testis Boldonius est. Præcepta Inscriptionum argutarum dedit libro Italico, cui titulus: *Il Canocchiale Aristotelico, seu Idea del l'ingeniosa Eloquutione* Vener. 1664. in 4 e). Male omnino in libello de Disciplina Argutiarum Morhofii, qui A. 1693. prodiiit, iste

Hhh hhh 3

The-

d) Cum iis, quæ sequentibus Capitis hujus Paragraphis, ad finem usque ejusdem, de Arguta Dictione, Rhetoribusque & Oratoribus ejus studiosis, traduntur, conferri ab illius Amalio possunt Morhofii Prælectiones de Arguta Dictione Academicæ, quæ, sub *Commentationis de Argutiarum Disciplina* Titulo, biennio post Autoris obitum, A. 1693. sine loci mentione, in 12. sed admodum mendose, prodierant.

e) Emanuelis Thesauri *Il Canocchiale Aristotelico, o sia Idea della argutezza Heroiche, vulgarmente chiamata Impresse*, sive opus de Argutiarum Arte Italicum, Taurini primum A. 1654. impressum, & Romæ dein ac Venetiis vel sexies recusum, Latine tandem vertit, & (sub Titulo *Idea argute & ingeniose dictionis, ex Principiis Aristotelicis sic eruta, ut in universum Arti Oratorie, & imprimis Lapidariæ atque Symbolicæ, inferuiat*) Francofurti A. 1693. in 4to, Lingua hac Eruditorum communi, omnium usibus exposuit Casp. Cörberus, Eloquentiæ in Acad. Julia Professor. Recensum Operis examini V. in *Actis Erud. Lipsiensibus*, M. Jun. A. 1680. p. 255-259.

Thesauri liber *Pandochiale Aristotelicum* vocatur. Multa Thesaurus in illo libro affert egregia, de metaphora tanquam fundamento omnis acuminis, & secundum principia Aristotelica, omnem illam acuminis rationem indagat, additis ubique exemplis. Ipse quoque Inscriptiones peculiari Volumine edidit, de Genealogia Christi & Patriarcharum: item quas in funebribus apparatusibus, natalitiis pompis, sacris celebratibus, publicis Principum receptionibus, regiarum aedium monumentis componi ponive debere existimavit: omnes simul Taurini 1666. in 12. editæ, & postea, splendidiore typo, Berolini in 4., curante Joh. Ravio. *Insulatas* ejus *Virtutes*, Oxon. 1638. editas, una cum *Cesaribus*, quas ejus Autores esse negat publicator Editionis Taurinensis, ego eidem tribuere non vererer. Scripsit & *Orationes Panegyricas* Thesaurus Italica lingua argutissimas, & quibus alios video multa sublegisse; inprimis *Nicol. Avancinum* in orationibus suis. Quemadmodum & *Joh. Bapt. van de Cruyce* Augustinianus, qui Genealogiam Christi, versibus expositam, Antwerpiz A. 1654. publici juris fecit, e Thesauro omnia exscripsit.

- II Proximus a Thesauro locari meret ALOYSIUS JUGLARIS, cujus *Elogia Sacra*, cum Thesauro, Moguntiz A. 1665. edita sunt, & Christi Servatoris Vitam & Historiam complectuntur. Scripsit & LAURENTIUS PIGNORIUS *Miscella Elogiorum, Allocutionum, Epitaphiorum &c.* Patavii 1626. in 4. edita. Brevis est, & ad genus inscriptionum accommodatius omnino scribit: quæ enim per integra folia extenduntur, vix talem titulum merentur. OCTAV. FERRARI *Inscriptiones*, quarum pars I. & II. Patavii, 1668; tertia 1674. prodierunt: Noribergæ etiam recusæ, acuminum parciore sunt. ALBERTUS ab INES in *Elogiis Regum Polonorum*, Cracoviz 1655. in 4. editis, e Thesauro aliisque flosculos decerpit, quorum tamen nomina etiam apponit: & in præfatione nonnulla de hoc scribendi genere habet. Estque adeo modestior, quam LAMBERTUS VILLAFANUS, qui in *Inscriptionibus* suis, quæ poematibus adjectæ sunt, pene omnia e Thesauro & aliis est furatus. Non item amicus illi OCTAVIUS BOLDONIUS, qui *Epigraphicam* scripsit, seu Rationem Elogia Inscriptionesque pangendi, editam Augustæ Perusiæ 1660. in fol. Spissus liber est, & propemodum omnia Rhetorices præcepta nullo judicio coacervat, variasque digressiones instituit, parum ad rem ipsam facientes. FRANC. PONA *Elogia XII, Cesarum*, adjectis unicuique Elogio Epigrammatibus, Veronæ 1641. in 8. edita, acuta omnino sunt. Ediderat jam A. 1626. librum, in dialogi forma, de Epitaphiis ad morem antiquum efformandis *L'Epitaphio dialogo: nel quale si ingegna il modo di comporre gli Epitaphi all' antica: sed quem non vidi.* Videatur interim de Pona ejusque Scriptis Hier. Ghilinus in *Theatro Hominum Literat.* P. I. p. 62. Pertinent vero huc præterea HIERON. BONCAMPAGNUS, qui *Seculum Momi* scripsit: seu, in corruptos seculi mores Execrationes Elegiacas, Bononiz 1667. in 4. editas. Sed ex ipso titulo apparet, parum subesse huic Viro judicii & elegantiz. Coacervavit quasdam sententias sine magno delectu & judicio: cumque profiteatur acumen, satis interdum obrutus est. PETRUS LABBÉ scripsit *Elogia* varii generis, Græcianopoli 1664. in fol. edita (& recusa postmodum in Germania in 8), quibus addidit Carmina nonnulla. Argutus est pene in omnibus verbis; ita quidem, ut interdum frigus

gus orationis non effugiat; neque enim aliter fieri potest, cum affectamus acumina. Non melior est LEO MATINA, qui librum scripsit, cui titulus: *Unguis Elogiorum Leonis Matina*. Facile ex hoc titulo de Leone iudicium ferri potest. Tantum enim abest, ut habeat aliquid Elogiis acutis simile, ut potius totus frigeat torpeatque. Editæ postea sunt ab illo *Ducum Venetorum Icones & Elogia*, A. 1665. in fol.

E Germanis JACOBUS MASENIUS, Jesuita, *Artem novam Argutiarum, tam* 12 *Epigraphicarum, quam Epigrammaticarum* edidit Colon. 1660. in 12. Libellus non inelegans est, & secundum locos Dialecticos inventiones acuminum distinguit: tradit quoque modum inveniendi Apophthegmata acuta: Exemplaque tam sua, quam aliena, addidit. Speciminis loco acerba in Lutherum convitia habet. Alius, nescio quis, Jesuita *Iusta Ferdinando III.* (inscriptionibus) *persoluta* edidit Osnabrugi. Scripsit quoque Vir doctus, CHRISTIANUS WEISIUS, in hoc genere aliqua, edito libro de *Poësi hodiernorum Politicorum*, seu de argutis inscriptionibus, Weisenfelsæ 1678. in 8. & multa habet de origine harum Inscriptionum & natura, nec non de usu & imitatione multa quoque exempla coacervat. Sed defuerunt illi plura subsidia: nam Thesauri librum Italicum non habuit, qui tamen primus est, qui in hoc genere quædam tentavit, & longe uberiores fontes, quam ceteri omnes, reclusit.

Sunt adhuc plures alii, qui in hoc genere quid scripserunt, ut JOH. BAPTISTA 13 MASULUS, cujus extant *Elogia*, mihi quidem non visa, nisi, quæ excerptis inde passim Jac. Masenius, & e quibus de ceteris judicare licet, esse neutiquam spernenda. Habet & LAURENTIUS de BRUN, in *Eloquentia sua Poëtica*, varia Inscriptionum Exempli, hinc illinc congesta, satis quidem elegantia. JOH. ANT. PETRAMELLARIUS, Bononiensis, Eques S. Lazari Hierosolymitanus, *Elogia* edidit; sed quæ acuminibus destituta censet, pluribusque examinat Gaddius T. I. de Script. Non-Eccles. Est & ANONYMUS quidam, qui *Regum Hungaria Monumenta* scripsit, Noribergæ 1663. *Epitaphia* edituruserat FAMIANUS STRADA; sed mors interclusit; teste in elogiis Crasfo P. I. p. 237. Ceterum cum his horum generum Inscriptionibus plane non confundendæ sunt Jac. PHIL. THOMASSINI *Inscriptiones Patavinae*, Patav. 1649. editæ in 4. namque in illis eæ tantum habentur, quæ hinc illinc in templis atque monumentis sepulchrorum comparent, quæ plane alterius commatis sunt.

CAP. IV.

DE RHETORIBUS ATQUE ORATORIBUS
SACRIS.

§. 1. Nullum discrimen Oratorie Civilis & Sacrae, nisi quoad argumentum, præcepta autem & methodus plane eadem, ex Aristotele haurienda. Frustra igitur tot alia methodi concionandi protruduntur, Patribus priorum Seculorum, Aristotelicam communem secutis, ignota, & ævo Scholasticorum barbaro primum introduci cepta. *Artificia in sacris*

eris etiam Literis, & Paulinis imprimis Epistolis, Oratoria. 2. Rhetores Sacri, sive Rhetorica Ecclesiastica Scriptores ῥητορικοί: Desid. Erasmus Roterodamus. 3. Ludov. Wolzogenius. 4. Melch. Zeidlerus. 5. Franc. Panigarola, Demetrii Phaleri Paraphrastes, de cuius etiam Eloquentia Sacra singulari differitur. 6. Corn. Mussus, Eloqui Sacra inter Italos Instaurator. Certamen Hispanos inter & Italos de S. Eloqui. palma, qua Hispanis tribuitur. Laur. a Villavincenzio: Andr. Hyperii Plagiarius. 7. Ludov. Carbo, Paulus Aresius (Emblematis, quorum Usus nimis improbat, delectatus.) Ioh. Caramuel a Lobkowiz. 8. Renatus Rapinus. 9. Oratorum Sacrorum Varietas. Lud. Bailii Historia illorum. Censores, Janus Nic. Erythraeus & Frid. Borromaeus. 10. Locorum Oratoria Sacra Communium & Subsidiorum Scriptores, Didacus Stella, Thom. Stapletonus. 11. Ludov. Grefollius. 12. Guilb. Peraldis, Franc. Labata, Ioh. Euseb. Nicrembergius, Aloysius Novarinus. 13. Pet. Aloysius, Ianus Nicius Erythraeus. 14. Iac. Misenius, Nicol. Avancinus, Franc. Salesius. 15. Dan. Bartolus, Ierem. Drexelius. 16. Pet. Berchorius. 17. Pet. Molinaus Iun. Pet. de la Serre. 18. Angli in hoc scribendi genere aliis superiores, imprimis Ioh. Doane, (de cuius pro 'Αυτοχρησία Libro complura adduntur.) 19. Jos. Hallus, Rich. Whitlock. 20. Rob. Boyle. 21. Henr. Hammondus, Anonymus Officii Christianorum Scriptor. 22. Angli alii, & Guilb. Crowco, & Anonymo quodam, Libris peculiaribus enumerati. 23. Oratores Sacri in Germania Lutherani complures, e quibus Conr. Dietericus, Salomon Glassius & Frid. Balduinus, speciatim commendantur. 24. Oratores Sacri & Scriptores Ascetici Hispanie potiores, Ioh. de Valdes. 25. Ludov. Granatensis. 26. Ioh. de Aquila. 27. Alph. Lobo, Didacus Peroz, Franc. Arius, Ludov. de Ponte, Ioh. Palafoxius, de cuius Litibus cum Iesuitis nonnulla narrantur, &c. 28. Oratores Galliae Sacri ῥητορικοί, Claud. de Lingendes & P. Castillonius, Iesuitae. 29. Ioh. Dalleus Iun. Alex. Morus, Pet. du Bosc, & Ioh. Claudius, Theologi Reformati. 30. Lites de Prærogativa, & Plagio mutuo, inter Anglos & Gallos Belgasque, Hispanos item & Gallos, hoc in argumento versantes.

Non differt Oratoria Sacra a Civili, nisi argumento: siquidem præcepta eadem sunt: persuadet Orator Civilis, persuadet & Ecclesiasticus: si docet, Dialecticas interpretando rationes sequitur. Duplici proin ratione sacra considerari possunt; ut didactica, & ut parænetica: atque hætenus diversum quid est in Oratione sacra. Quamvis enim & in civili Didacticum genus aliquod commenti sint juniores Rhetores; id tamen proprie ad fontes Rhetoricos non pertinet: utut non negem, Didacticam orationem etiam ornari coloribus oratoriis posse: ut ornari quidem potest hac in parte Oratio sacra, imo debet, ne jejuna nimis & macilenta videatur. Ceterum, qui præcepta Orationis sacrae scripserunt, tot sunt, ut Bibliothecam pene soli conficiant: sed parum illis juvamus. Qui a communibus præceptis discedunt, tot habent methodos, quor capia; facileque adeo quis ex illa confusione judicare poterit, quid de istiusmodi methodo sit statuendum. Sane nihil facilius est, etiam in Oratione civili, quam novas invenire methodos: nec unquam desunt, qui malint artem Lulianam

lianam aliquam, aut novum huic simile in oratione commentum, quam puros illos limpidosque fontes, qui ex natura ipsius subjecti prodeunt. Enimvero non opus est his pluribus immorari. Unicus Christoph. Schraderus satis superque docuit, ne quid de Erasmo dicam, quam solis etiam Aristotelis præceptis rem omnem conficere possimus. Veram præterea eloquentiam ostendunt Veteres Græci & Latini Ecclesiarum Doctores, quibus si periret artificium Oratoris, omnis scriptio gratia periret. Hos duces in hoc genere habemus præcipuos; quorum exemplo si quis suam orationem instituere potest, is revera boni Oratoris titulum merebitur. Erat enim illis plenissima omnium scientiarum cognitio: ideoque omnia, quæ ad populum dicebant, profundam doctrinam non minus ac singulare artificium spirabant. Post illa tempora, cum barbaries regnare inciperet, & omnia occupassent Scholastici, ceu liquidis immixti fontibus apri, prodigiosum nescio quod horridumque dicendi genus oriebatur, ut barbara locutione ingratum, ita perplexis disputationibus adeo involutum, ut propemodum nihil sani subesset; sed scoriæ pro auro Patrum, imo lutum. Hos vero temporum infeliciam *inertissimos Possillatores*, qui sermones de tempore, similesve, conscribillarunt, quis non maximo cum fastidio legat? & his tamen omnia diu erant repleta: optimi nugæ proponebant, merasque argutias scholasticas, quæstiones, definitiones, divisiones, terminos, quibus, dum pulcherrime rem egisse sibi viderentur, omnia misere lacerabant confundebantve: atque erant tamen interea, quod infelix seculi fatum fuit, Academici Doctores & Oratores plane, scilicet, eximii. Imo, quod longe adhuc magis mirere, tam alas ille modus radices in hominum animis egerat, ut, post renatam etiam literarum lucem, tamen superessent, qui mallent hirsuto illo asperoque dicendi genere uti, quam cultiore nonnihil, & ad artis præcepta instituto. Quasi vero a se sacrum interpretem dedeceret, aut tum demum recte proponerentur Sacrosancta mysteria, quum barbare proferuntur. Imo si Sacri Codicis Scriptores intuemur, si *D. Pauli Epistolæ*, cæcus est, qui non egregia Oratoris artificia illic videat: non, quod ipsis, de industria multo labore conquisitis, usus *D. Paulus* sit: sed, quod, cum eruditus esset, non rejiceret id, quod esset, & quod in ipsa ejus oratione fluebat. Quod si igitur naturæ ductu gravior est oratio, secundum Oratoriæ regulas instituta: quidni illa arte utamur, quam divinam esse nemo negavit, utut a gentilibus Scriptoribus traditam.

Verum missis his, quæ re ipsa jam satis probant, recensebimus nunc præcipuos aliquot Autores, tum qui *præcepta Oratoriæ Sacræ* dederunt, tum qui ipsi *Orationes* scripserunt. Atque hic locum principem suo merito assignamus **DESIDERIO ERASMO**, qui, uti passim, in Epistolis suis, librisque aliis, invehitur in sui temporis ineptos & suggestu Declamatores; ita viam ostendit expeditam, qua incederent, qui *Orationes Sacras* ad populum essent habituri. Libri titulus est *de Ratione Concionandi*, Basileæ editi A. 1536. in 8. & aliquoties recusi. Toro hoc libro nihil aliud continetur, quam communia Rhetorices præcepta; quorum usum in sacris Orationibus ostendit: adjunctis semper suorum temporum exemplis, quibus tum a monachis declamantibus peccatum fuit. Inprimis autem operæ pretium fuerit prælegisse, quæ sunt fuscæ ab illo, de

allegoriarum usu in concionibus, dicta lib. III. Ut enim tunc superstitiosa erat, & haud raro præpostera locorum affectatio: ita nunc pene in illa tempora incidimus, ubi plus allegorici, quam genuini sensus, quaeritur. Prolixus admodum ea de re Erasmus est, & adductis ubique veterum Patrum præcipuorum locis, ostendit, quid peccetur eo in argumento, & quid laude dignum vicissim sit.

- 3 E Reformatis *Oratorem Sacrum* scripsit LUDOVICUS WOLZOGENIUS, i. e. de Ratione concionandi librum, Ultraj. 1671. in 8. quem sane negari non potest, scriptum esse eleganti stylo: & in quo partim communia Rhetorices præcepta præponit Auctor, partim sua quædam peculiaria in textus explicatione tradit. Cartesianæ Philosophiæ addictus est, ideoque doctrinam de affectibus luculenter proponit, eorumque usus ostendit. In partibus Sacræ orationis multa nova docet; variosque modos comminiscitur. Ut in uno exordio v. g. admodum prolixus est, variaque tradit genera exordiorum: primo quidem illa, quorum in Oratoria Civili usus est; deinde propria quædam Oratori sacro: respectu scilicet textus, ad quem illa referenda. Habet igitur bases exordiorum varii generis: unam, quæ textui est innixa: alteram, quæ fundatur in connexion: aliamque iterum, quæ scopo innititur. Inventa basi Exordiorum, viam habet eadem constituendi triplicem, Analyticam, Syntheticam, Syncriticam. Analyticum & Syntericum illi est vel perfectum, vel imperfectum. Habet dein Exordia ex illis generibus mixta. Hæc vero omnia, ut mihi quidem videtur, plus habent subtilitatis, quam usus: ut & quæ de pronuntiatione & actione sigillatim enarrata habet, prolixius tractantur, quam opus est; & excerpta sunt, licet strenue dissimulet, ex Erasmo atque Ludov. Cresollio.

- 4 E nostris, ut sexcentos silentio prætereamus, MELCH. ZEIDLERUS *Rhetoricam Ecclesiasticam* scripsit, ad methodum Oratoriæ Civilis, quam Aristoteles, Cicero aliique præscripserunt, adornatam editamque Regiomonti 1672. in 8. Bonus autem omnino liber est, multisque exemplis usum Aristotelicorum præceptorum ostendit: ut ego quidem existimem, hoc & Schradero Ducibus optimas posse conciones formari, quod Argumenta spectat & Enthymemata. Sed stylus cultum requirit paulo accuratiorem, & qui ex sententioso dicendi genere, atque admirabili, seu sublimi (cujus præcepta Longinus dedit, mirifice Oratori Sacro accommodata,) aliquid trahat: quale sectatus est olim Ambrosius, quem Christianum Senecam ob eam causam vocat Erasmus. Præfatio, quæ Zeidleri libro præfigitur, ostendit necessitatem artis Oratoriæ in concionibus: ad Patrum Veterum & Theologorum consilia: de quo argumento Conr. Rittershusius quoque videri meret Sacrar. Lectionum lib. IV. c. 13. ubi inter alia agit de S. Pauli Apostoli Rhetorica, atque e Chrysofostomo ostendit singulares eloquentiæ hujus Apostoli dotes, & stratagemata Rhetorica, quibus in Epistolis usus fuerit.

- 5 Italorum sui temporis Concionator longe celeberrimus fuit FRANC. PANICAROLA: de quo sic Gaddius T. II. de Scriptor. Non-Ecclesiast. p. 155. *Oratoriam Sacram reformavit, magnificum atque pulcherrimum Rhetorices adificium attollens, Demetrii fundamentis innixum.* Nempe Demetrii Phalerei liber de Elocutione fuit, quem in

in omni perorandi ad populum ratione sua secutus est, quemque etiam, Itala paraphrasi illustratum, velut Sacrae Oratoriae magistrum, ediderat, hoc titulo: *II Predicatore: ovvero parafrase al libro dell'Elocutione di Demetrio Falereo: Venet. 1609.* cuius libri jam supra, cum de Graecis Rhetoribus ageremus, mentio facta a nobis est. Quam vero mirifice Italis ista Panicarolae Eloquentia, liquida, amena, fusa, profluens, omnibus praedulcium sententiarum flosculis & amenitatibus respersa, denique ars meris calamitibus haud paulo licentius ad aucupium aurium efformata, sese probaverit: quam illius audiendi gratia concursus ex Italia tota facti sint: quam fuerit publicis civitatum legationibus a Romano Pontifice identidem expetitus: & quam ingenio, industria, memoria, actione, incredibili quadam ratione pollens, nimia suavitatis affectatione gravitatem Sacri Oratoris, & veram animos persuadendi atque perturbandi vim omnem perdiderit: eapropter prudentiorum aut risum, aut stomachationem justamque indignationem, expertus, legi prolixè potest apud Erythraeum Pinacoth. I. p. 81. seqq. & III. p. 35., & comparationem instituit inter tres ejusdem temporis Sacros Oratores, Lupum, Toletum, Panicarolam: *Cumque tria, inquit, videantur esse, quae Orator efficere debeat: ut doceat, ut delectet, ut moveat: docendi laus, omnium consensu, Toletus tribuebatur: Panicarole, ut animos eorum, qui audirent, devinciret voluptate: Lupo, ut permoveret atque incitaret animos, & quocumque vellet, impelleret: neque quidquam frequentius in ore vulgi versabatur, nisi illud: Lupus movet, Toletus docet, Panicarola delectat.* Hæc Erythreus: qui Panicarolam sub vitæ finem, postquam Episcopus esset factus, cincinnulis atque suco detractis, grave dicendi genus, & quod auctoritati munerique suo esset convenientius, elegisse refert.

Præceptor Penicarolæ (nam & sic aliquando scribitur) erat CORNELIUS MUSSUS, 6 Italus, cujus invidendæ laudes extant apud Capaccium in Elogiis lib. II. p. 360. Extant & Mussi ipsiusmet Homiliæ lingua Italica scriptæ: *Prediche Sopra il Simbolo de gli Apostoli, il Decalogo, le due Dilectioni di Dio e del Prossimo, e la Passione di Christo. Venet. 1601.*, diffuso quidem stylo, sed elegantia ac multitudine rerum adeo refertæ, ut mihi sane impense placuerint. f) Vidi & alios Concionum illius Tomos Quadragesimales, Genuæ 1591. & Venet. 1596., quinque voluminibus in 4. constantes, & nisi me omnia fallunt, alibi in Latinam Linguam conversos. Primus ille alioquin inter Italos est spiritus paulum in hoc doctrinæ genere evectioris: poteritque Hispanis Prædicatoribus opponi. Est enim alias inter Hispanos Italosque lis, cui nationi palma in hoc sacrae eloquentiæ studio debeat, neutris per æmulationem cedentibus. Hispanis inter alios eandem assignat & vindicatum it NICOL. ANTONIUS in præfatione Bibliothecæ suæ Hisp.: qui, etsi popularium causam ex amore in suos agere videatur, malim tamen hic potius cum illo facere, quam aliis. Lubet vero ipsa ejus verba adscribere, cum liber in paucorum manibus sit: *De Sacris, inquit, actionibus cum Italis nobis controversia est. Hi artificio prævalent,*

lii iii 2

rhetor.

f) Latine prodierunt Corn. Mussi Sermones in Evangelia Dominicalia & Festivalia, ex lingua Italica per Michaëlem ab Iselt, Doctorem Frisium, translati, cum Vita ipsius, iisdem præfixa, Coloniae A. 1594. & 1603. in 8vo.

rhetorizantur; verbis, gestuque & tota corporis conformatione & motu, Veterum imitatores videri volunt: nostrorum strictior, & nec affectata est Eloquentia, non coagmentata domi oratione, aut verbis utuntur artificiose respondentibus; sed naturali, & quasi extemporali facundia, quidquid iudicii, quidquid acuminis, quidquid eruditionis eliciendum est rebus ipsi, & argumentis persuadendis confirmandisque ex S. pagina ac Doctorum testimonis, ingeniose ac prudenter impendunt. Eaque solerter inveniendi, excogitandi acute, atque apte in rem presentem cogitationibus utendi, nota sic vulgo placere, ut etiam Vernaculi sermonis conciones communiter apud Italos in ulnis gerantur, & proprie horum lingua interpretatione donentur. Nec paucos vidimus ex probatissimis, qui sic formam hanc nostram suam fecerunt, ut Italico sermone loquentes more concionarentur prorsus Hispano. Ceterum splendidissimum Cornelii Musii (ut ad eum nunc revertamur) elogium legi etiam apud Eman. Thesaurum potest, in *Canochiali Aristotelico* p. 458. Agit quoque de illo Isaac. Bullartius in libro, quem vocat *Academie des Sciences*, ubi Cornelium Mussum vocat *Isocratem Italiae*. Idem & Panicarolam laudibus effert: cujus in Demetrium Commentarius iterum prodiiit Venetiis 1642. in 4, adiectis variis de Eloquentia Ecclesiastica Opusculis, Latine & Italice scriptis: nimirum additæ sunt Quæstiones Panicarolæ: Beda de S. Scripturæ tropis & schematicis: Augustinus de Rhetorica Ecclesiastica: & F. Laurentius a Villavincenzio, Xeresanus, de formandis Sacris Concionibus, & de interpretatione S. Scripturarum populari. Ceterum est hic nequaquam silentio prætermittendum insigne Villavincenzii, impudentissimi hominis, plagium, qui totum hunc, quem modo diximus, librum, retento etiam titulo ipsomet, Andr. Hyperio surripuit, cujus labor primum An. 1522. apud Oporinum Basileæ in 8. lucem adspexit, deinceps sæpius recusus. Nec contentus hoc plagio Villavincenzius, ejusdem Autoris librum alterum; qui *Theologus* inscribitur, seu *de rationis studii Theologici*, Basil. 1556. in 8. editum ab Oporino, & sæpiissime recusum, pari immodestia descripsit, transtulitque in suos de recte formando Theologiæ studio libros IV, (totidem vero Hyperius habet) Antwerpæ 1565. in 8. Nempe qui alias ob hæreticam pravitatem legi non poterant in Pontificiis terris libri, hos, nomine suo solo, velut antidoto, munitos, suis secure propinavit Villavincenzius. Notavit plagium præter alios, Valer. Andrææ in *Bibliotheca Belg.* p. 42.

- 7 LUDOVICUS CARBO a Costiario, seu Costacciaro, Academicus Parthenius, & Theologiæ in Academia Perusina magister, scripsit librum, cui titulus: *Bonus Orator*, seu libros VII. de Rhetorica divina. Editus est liber ille Venetiis 1595. in 4., & Auctorem utique eruditum demonstrat, qui toto libro nihil aliud agit, quam ut genuina Rhetorices præcepta ad argumentum sacrum applicet: erat enim in Civili etiam Oratione Rhetor minime contemnendus, quod varii ejus libri ostendunt. Alius Italorum PAULUS ARESIUS, vernacula lingua librum scripsit *Arte di predicar bene*, Venet. 1611. in 4., quem vehementer laudat Crassus in *Elogio Hominum Literator.* P. II. p. 90. 91. Scripsit idem & Sacras Orationes, seu, ut ipse vocat, *Lezzioni, Sermoni e Oratione diverse.* Super Evangelia liber ille scriptus est, & Emblematis multis scatur, quorum tamen nonni si

nonnisi modicum esse usum velim. Minime omnium enim placent, qui Emblemata velut in Scenam magno apparatu producant, nec facile membrum unum suæ orationis dimittant, quod non aliquo emblemate incrustatum sit, inepti Ecclesiastæ: qui phaleras istiusmodi haud raro nugaces ad populum puerosve, sive oblectandos, sive decipiendos, excogitatas non animadvertunt. Interea tamen multum quoque commodi afferre *Emblematographi* sacri possunt, si modo quis recte illis uti noverit: nec spernendi utique tales aut *Aresii*, aut *Engelgravii*, similiumque similes labores: sed possumus inventionibus eorundem uti modestius, & similium loco adhibere, quæ forte Emblemata esse commode non possunt. Videndum tamen, ne allegoriæ nimiae, frigidæve sint, ac vitium inde contrahat oratio. Singularis enim iudicii est, bene transferre; ut optime docuit Aristoteles. Erasmus vero, quæ moderatio in iisdem adhibenda sit, docet libro III. de ratione concionandi. JOH. CARAMUEL, uti in omni doctrinæ genere libros edidit novitatibus plurimis refertos; ita quoque in hac palæstra sese ostendit: scripsit enim *Encyclopaediam Concionariam*: quo libri titulo quid sibi velit, augurari non possum, ut qui hætenus non vidi, sed ejus indicium solum debeo Laur. Crasso in Elog. Hom. Literat. P. I. p. 363.

His omnibus nulla ratione minor est, etsi mole libri plurimis cedat, elegantissimus REN. RAPINUS, Parisiensis Jesuita, in omni politionis literaturæ genere excellens, & jam plus semel in Polyhistor nobis laudatus. Is itaque in suis de Eloquentia Meditationibus, peculiarem quoque librum de Sacra Eloquentia dedit, *Reflexions sur l'Eloquence de la Chaire*, breviter quidem & succincte, sed magna cura pondereque multo, & vere ex dignitate argumenti, quod explicat, tum præceptis, tum exemplis luculentis, instructum: quæ e genuinis fontibus omnia summo iudicio derivat. 8

Atque hæc de Rhetoribus sacris dicta sunt. Quamquam enim longe plures sint, atque adeo vix propemodum numerari possint, non tamen operæ pretium est, diutius illis immorari. Sui hic solet quisque genio duci, & quod de Oratoribus civilibus Quintilianus dicit; styli esse tantam varietatem, quanta vultuum humanorum: idem quoque de sacris Oratoribus verum est. Quidam artis præcepta pressius sequuntur: alii, missis his, libero spiritu imperuque feruntur: quod inprimis eximius ille Franciscanus, Joh. Vitarius, fecit, quem Erasmus, Epistol. lib. XV. ep. 14, multis elogiis, atque, ut videtur, omnino veris extollit: dignissimus qui legatur: tertium medium quaerunt, quod sequantur: & sic suo quisque sensu abundat. 9

Historiam illustrium Concionatorum scripsit LUDOV. BAIL, ediditque Parisiis A. 1666. sub titulo: *Sapientie foras prædicantis*: qua illustrium per omnes ætates & Secula Concionatorum Elogia, Historias, artes, florilegia, nec non plurimas ex ineditis Codicibus lectiones exhibet: de quo vid. Spizelius Fel. Literat. p. 1933. & in Ephemeridibus anni 1666. Galli Parisienses. JAN. NIC. ERYTHREUS, scripto Dialogo, vitia Sacrorum Oratorum perstrinxit. Scripsit quoque FRIDER. BORROMEUS, Cardinalis & Archiepiscopus Mediolanensis, librum de *Sacris nostrorum temporum Oratoribus*: teste Ghilino in Theatro Illustr. Viror. T. I. p. 50., sed quem non magis vidi, quam ejusdem

de concionante Episcopo libros tres, quos Mediolani editos è Catalogo Bibliothecae didici. Recensebo interim aliquos, qui vel ipsi Conciones Meditationesve scripserunt, vel Locos Communes Concinatoribus subministrant.

- 10 Et quidem e posteriori ordine primo prodeat, DIDACUS STELLA, Hispanus, Ord. Fratrum Minorum, qui *Commentarium in Evangelium Luca* scripsit, Lugduni 1592. in fol. & Antwerpiae 1665. editum: vere penu variarum meditationum super universam Christi Servatoris historiam: qui praeclari omnino fundi vicem sustineat, quo utantur Evangelicas Pericopas pro concione explanaturi: & sunt sane passim, qui eo utuntur. Editum primo fuerat istud opus Compluri apud Andr. de Angulo 1575. in fol. 2. tomis: sed prohibuit eam Editionem Index Romanus, & multa in eo opere, Luca Wadingo referente, quae nimium pietatis studium, vel Concinatorius exaggerandi modus, extorsit, expungenda censuit. Editum postea hoc Opus aliquoties Parisiis & Lugduni, adiectusque Index, quo materiae, quae occurrunt in hoc commentario, ad dies Dominicos atque festos accommodantur. Ex illo in compendium sua redegit Thom. Stapleronus in Promptuario. Scripsit vero etiam Stella de ratione concionandi librum, seu *Rhetoricam Ecclesiasticam*, Salmanticae 1567. & 1596. inde Veneriis, Lugduni, & Coloniae editam, una cum ipsomet Commentario in Lucam. Ceterum observavi quaedam in Josephi Hallii Scriptis Asericis, quae e Stellae Commentario hausta videntur.

- 11 Jesuita doctissimus, cujus jam supra, cum de Rhetoribus ageremus, mentio facta a nobis est, LUDOVICUS CRESOLLIUS, scripsit quoque, qui ad hanc classis Sacrorum Oratorum pertinent, libros, *Mythagogum*, seu de sacrorum hominum disceptatione, Parisi 1629. editum, & *Anthologiam*, seu *Decadem de selectis piorum hominum virtutibus*. Parisi 1632. in lucem emissam, cui altera quoque Decas Anno 1638. successit. Sane, uti praeclari omnes hujus Viri labores sunt: ita in his, quos nominavimus, exquisitissima e Scriptis Patrum collegit, & partim ipsemet commentatus est. Dictio praeterea elegans, & mere Latina, cujus magnus usus in ipsis rerum argumentis esse possit. Quanquam vero non ad finem perducta sit illa Cresollii de piorum virtutibus Commentatio: id tamen, quod prodiit, certo modo supplere, quod deest, sua praestantia credi potest.

- 12 Aliam virtutum vitiorumque tractationem Theologicam in se suscepit GUILH. PERALDUS, edita *Virtutum Vitiorumque Summa*, Lugduni 1585. in 8. & Moguntiae 1618. in 4. Non infeliciter & is, e Patrum aliorumque Autorum scriptis, varia non vulgaria collegit, quibus ipse sua quoque addidit, commode sane usui Concinatorum futurus siquidem in tractandis vitiis ac virtutibus, locorum Communium instar esse possit. Quos etiam data opera, juxta ordinem Alphabeti digestos, scripsit, ediditque *Apparatum Concinatorum* FRANC. LABATA, Hispanus, Jesuita CaesarAugustanus, primum Lugduni variis annis recusum; & tandem novis Commentariis,isque uberimis a Guilh. Stanihursto; cum cujus Auctario opus sub titulo *Theauri Moralis*, prodiit Antwerpiae 1652. in fol. 2. volum. Non contemnenda quidem illa farrago est ampla satis nec usu suo destituitur: sed tamen, ut sunt istiusmodi labores, admodum imperfecta; & cui, e Patrum scriptis, e quibus sua maximam partem deprompsit, addi infinita

finita possunt. Multa quoque, quæ vehementer ad Locos Communes Oratoriæ sacræ pertinent, JOH. EUSEBII NIERENBERGII Scripta prodire: quorum Catalogus apud Philippum Alegambe in Bibliotheca Jesuitica legi potest: nec minus apud Nicol. Antonium in Biblioth. Hispana T.I. p. 522. Etsi enim pater Tiroletus, & matre Bavara, prognatus sit ille, quia tamen Madriti natus est, inter Hispanos locum invenit, ibidem scilicet & omnem vitam terens. Fuit enim primus in Academia Madritensi naturalis historiæ, & postmodum S. Theologiæ lector. Omni vero eruditionis genere cumulatam describit Nierenbergium Antonius: maxime tamen formandis hominum moribus, & instillandæ erga Deum pietati vires ingenii atque eruditionis omnes adhibentem: quo factum, ait, ut Asceticæ doctrinæ præceptor eximius atque paucis comparandus esset; ejusque libri, qui salutis negotium promovent, (& quorum magnum Catalogum recenset) vix e manibus ac sinu Hispanorum exfluere, in alias quoque linguas translati. Non minori usui esse possunt, quæ feliciter in hoc genere commentatus est ALOYSIUS NOVARINUS, qui in IV. Evangelistas scripsit, eosque notis præcisis illustravit: Moysen, Davidem, Salomonem, singularibus libris expendit: scripsit Amoris Delicias e Cantico Canticorum: Amoris Triumphum: Alchymiam spiritualem: Risum Sardonicum, seu de ficta mundi letitia: Sanctitatis Characteres: Horologium Spirituale de beneficiis Dei cognitit, & varia alia Opuscula, quæ tribus Tomis simul excusa sunt.

Magna spe nos de PETRO ALOYSIO implet Laur. Crassus in Elogiis Hom. Literator. P. I. p. 380. ubi narrat, eum edidisse in lucem *Tomos II. super Evangelia*, jamque in eo esse, ut tertium subjungat. Vocat ipse hoc Opus *Ærarum inexhaustum Oratorum Apostolicorum*: quo invidendo elogio omnibus sane videndi ejus legendique salivam movet: mihi vero visum id nunquam est, nec scio, Italica sit, an Latina potius lingua, scriptum. Poëta alioquin idem Crasso argutissimus audit: & memini me aliqua ejus Epigrammata videre, quæ laudem istam merentur; ut bene hinc etiam de non viso Opere sperare ausim. Solet enim Poëticis ingeniis uberius patere ad præclaras meditationes campus. Contra non ita felix in iis fuit sapius a nobis memoratus JANUS NICIUS ERYTHRÆUS, qui in *Documentis suis sacris & Homiliis*, Coloniae una cum reliquis ejus Operibus editis, præter nitidam Latinitatem, vix quicquam habet; nec unquam profundis meditationibus se immergit.

JAC. MASENIUS, cujus iterum jam alibi mentio facta a nobis est, præter Rhetoricos illos libros, quibus & Civilibus & sacræ Oratoriæ non parum prodest, librum quoque Homiliarum scripsit, cui titulus *Concionator*, Coloniae post annum hujus seculi septuagesimum excusum: in quo collecti sunt ejus sermones in Evangelia Dominicalia & Festivalia, ut vocantur: multa e Patribus collecta habent, multa quoque ab ipso Masenio addita, quorum usus in argumento sacro commodus esse potest. Viennæ NICOL. AVANCINUS *Orationes* edidit, de variis argumentis, tam Sacris, quam Civilibus, scriptas. Sed nimium in iis est argutiarum studium, quod ubivis frigide affectat. Scripsit & idem *Collectæ & IV. Evangelistæ de vita & doctrina D.N. Jesu Christi*, quæ medi-

meditationibus ad ſingulos totius anni dies factis expendit: prodierunt An. 1674. in 12. Has meditationes ſæpe per mera tantum lemmata exponit, & admodum brevis eſt: eam tamen ob rationem non plane negligendus, quod ſæpe unica meditatio talis, metaphora aut Enunciatio, occaſionem prolixa inventioni dat; ſi tamen ſobrie, non ridicule, tractetur. Idem de *Meditationibus* FRANCISCI SALESII, profundi ingenii Viri, & Episcopi Genevenſis, tenendum: quas ille multas & varii argumenti edidit: eminent tamen inter eas, quæ ſunt de *Amore Divino*, Coloniae, ſi recte memini, in 8. editæ: aureum Opus, ut eas alicubi Nic. Antonius, in Hiſpana Bibliotheca, vocat: quanquam nec reliqui ejus fœtus contemni mereant. Certe *Introductio* ejus ad *vitam devotam* adeo Angliſ probata eſt, ut in Vernaculam ſuam converterent, ederentque Londini 1616. in 8vo. *An Introduction to a devout life*. Vitam Franciſci hujus Saleſii deſcripſit, una cum addito Operum illius Catalogo, Carolus Auguſtus Saleſius, Franciſci Gentilis propinquus, editam Lugd. 1634. in 4.

15 Addimus huic Jeſuitam Italum, DANIEL. BARTOLUM, cujus *moralia* varii argumenti lucem aſpexerunt, & in Germanicum aut Latinum idioma pleraque tranſuſa ſunt. *Geographia* ejus *Moralis*, Italice edita Romæ 1665. in 12. in linguam Latinam converſa prodiit Conſtantiae in 8. An. 1674. multasque continet argutas admodum de variis argumentis, moralibus æque ac ſacris, ſpeculationes: quæ & in reliquis ejus ſcriptis magno numero deprehenduntur, ſuo uſu in variis occaſionibus conſpicuae. Et quid de HIEREMIA DREXELIO dicemus, celebri Jeſuita Germano? cujus libri propemodum omnes arguementi practici & ſacri meditationibus ſylvam præbent, & proinde etiam magno ſtudio teruntur, & ſeorſim & junctim editi, etiam in Germanicam linguam partim converſi.

16 Apertius vero Locos communes Concionatoribus ſcripſit PETRUS BERCHORIUS, cujus *Diſtionarium ſeu Repertorium Morale*, duobus in fol. Tomis, & *Reductorium Morale*, *perſectam officiorum & morum rationem complectens*, Tomo uno, qui tertius totius Operis eſt, Vener. A. 1583. prodiit; Coloniae Agripp. An. 1531. re-cuſum. In Repertorio, ſecundum Alphabeti ſeriem, verba moraliter, e S. Scriptura, explicantur; in Reductorio autem ſub claſſibus rerum continentur moralia: ut adeo concepſui meditationum illud Lexicon quam optime inſerviat.

17 E Reformatis Gallis PETRUS MOLINÆUS, g) ut aliis in rebus multis excelluit, &

g) Confundantur *b. l.* ob *ὁμωνυμίαν* duo Petri Molinæi, Senior atque Junior, ille Pater, hic Filius. Pater, Profeſſor initio Academiae Lugduno-Baravae Philoſophicus, dein Eccleſiæ in ſuburbio Pariſienſi Reformatæ Charentonienſis Paſtor, & Athenæi tandem in Gallia Sedanenſis Theologus, Scriptor *πολύγραφος*, & plurimis præſertim bellis Sacris, adverſus Pontificios depugnatis, inclutus, qui d. 10. Mart. An. 1658. nonagenarius obiit, a Claud. Sarravio, *Ep. 31. ad Vinc. Fabricium p. 33. Veteranus Chriſti Miles forſisque Athleta*, ſalutatur, Autorque eſt *Tractatus de Cognitione Dei*, Latine Lugd. Bat. An. 1625. in 12. Gallice Hagæ Comitum A. 1631. in 18. Germanice autem Uraſlaviae An. 1632. & Liptiz An. 1694. in 12. publicati. Qui, licet a Morhoſio *b. l.* non celebretur, Scriptoribus

& inprimis πολύγλωσος erat, *Veteranus Christi miles, fortisque Athleta*, ut eum Sarrauius in Epistola quadam vocat: ita inter Asceticos ejus libros eminet ille, quem de *Pace anime* Gallico sermone conscripsit, in Germanicum postea translatus, & multoties editus. Plura ejus alia extant in Galius junctim edita; etiam Belgice, ni fallor: sed in Germanicam linguam versum nihil ab eo quicquam vidisse me memini, quam librum jam memoratum, & alium de *Cognitione Dei*. Sunt vero omnia ejus solida, & e principiis suis constanti & ornata oratione deducta. Longeque adeo superat Molinæus PETRUM SERRANUM, seu *de la Serre*, popularem suum Scriptorem, alias haud incelebrem: cujus libri multi Theologici & Moralis argumenti extant, omnes etiam in Germanicam linguam nostram conversi. Nimirum multa apud illum sunt inania rerum & verborum simulachra, quæ tinnunt tantum & aures implent; non afficiunt animum aut movent. Nec respondet sibi semper ille in Operibus suis: interdum enim argutius scribit, interdum jacer & humi repit: adeo, ut suspicer, eum non semper fuisse usum suo ingenio, & ex aliorum fontibus nonnunquam quædam in suum alveum derivasse. Liber ejus de æternitate argutissima multa habet, sed mere gnomica, allegoriis multis vestita.

Inprimis autem hoc Asceticum scribendi meditandique genus excoluerunt *Angli*, apud quos ingens librorum talium numerus reperitur: e quibus si Observationes Practicæ, omittis prolixioribus illis digressionibus & applicationibus, in ordinem colligerentur, tale opus emerfurum Franc. Baco Verulamius olim judicabar, quo, post Apostolorum tempora, nullum prodiiisset in Theologicis melius. Nec cupetanter assensum Verulamio præbuit Hottingerus, qui & rationes asserti ejus allegat, & magnum Scriptorum Anglicorum Catalogum, juxta literarum seriem digestum, exhibet, Bibliothecarii Quadrip. lib. 1. c. 3. Vellem vero, selectum aliquem in illo catalogo adhibuisset Hottingerus, nec, cum de Asceticis eum solummodo acturum putares, alia quoque Theologica magno numero admiscuisset: cum
farius

tamen Ecclesiæ in Gallia Reformatæ Homiletico-Asceticis potioribus, ob non pauca Monumenta sacra hujus argumenti insignia, recte accensetur, imo a Gish. Voëtio (*Lib. 1. Biblioth. Stud. Theol. c. 17. p. 256. 257. & Lib. 2. c. 3. p. 640.*) ac Gerh. Meiero (*Lib. II. Biblioth. Theol. Contractæ, c. 11. p. 255.*) jam est annumeratus. Petrus autem Molinæus Junior, Canonicus Cantuariensis, & Aula Regiæ Anglicanæ Ecclesiastes, cujus Scripta Morhofius *b. I.* deprædicat, libro Gallico plane aureolo *de la Paix de l'Âme, & du Contenement de l'Esprit*, præcipue inclaudit, Secani An. 1665. in 4to primum edito, eademque lingua Genève, Salinurii & Amstelodami, sæpius reculo, in Germanicam autem a Christ. Ryffelio (*Dem Beschrienen in Carpophorum Ordine*) Lipsiæ A. 1666. & 1685. in 12. ac in Belgicam a J. Sanderò Amstelod. A. 1662. in 12. translato. Præter hunc Germanice etiam leguntur, & una cum illo Hamburgi A. 1693. in 8vo lucem viderunt publicam, ejusdem Molinæi Junioris Meditationes de Amore in Homines divino, Preces & Meditationes Sacræ in Dies Septimanæ totius singulos, Preparatio ad Cænam Dominicam, & Commentatio de Fide justificante. E quibus Preces Quotidianæ & Preparatio ad Cænam Dominicam (seorsim etiam Danice Hainia A. 1657. in 12. edita,) cum eodem de Pace Animæ Libro, Anno sequenti 1694. Amstelodami in 12. Belgice itidem, Interprete H. Dullarto, prodierunt.

Tomus I.

Kkk kkk

fatiſſus fuiſſet, ex ipſiſſimis Obſervationum practicarum (uti vocant) Collectoribus nonniſi præſtantiffimos apponere. Inter quos numerandum puto JOHANNEM DONNE, Eccleſiæ S. Pauli apud Londinenſes Decanum. Ingenioſiſſimum fuiſſe, *Poëmata* ejus *juvenilia* oſtendunt, Londini A. 1633. in 4. edita, quæ anno ætatis 18. ſcripſit, plena argutiſſimorum conceptuum: quorum aliquot in linguam Belgicam vertit Conſtantine Hugonius, a Carolo II. Rege ſollicitatus, qui inimitabilem Germanis & Belgis hujus Viri ſtylum putabat. *Sermones* vero *Sacros* elegantiffimos & multos, & in varios S. Scripturæ textus, emiſit Londini diverſis annis. Scripſit & *Meditationes* ſuper morbo ſuo *Sacras*, quæ in linguam Belgicam converſæ, & Amſtelodami 1655. in 12. editæ ſunt. Scripſit & librum, quem a tali Viro ſcribi potuiſſe plane mirere, quippe qui *αὐτοχειρίαν* certis in caſibus licitam quoque eſſe affirmaret: titulus: *Βλασφημία*: *that Self-murder is not ſo naturally a ſin, that it may never be orthomiſe*: editus vero liber demum poſt mortem Auctoris eſt: atque, ut ajunt, ipſo etiam, dum viveret, ejus editionem ſerio deprecante prohibenteque, Londini 1648. in 4. At mox, cum produiſſet, adeo ſe multis hominibus probavit, ut haud pauci ejus lectione ad mortem voluntariam adacti memorentur: reſuſcitatus certe iterum Londini eſt 1664. Et haud dubie dedit occaſionem ſcribendo alii libro, neſcio cujus Anonymi, qui pernicioſiſſimam opinionem ex animis hominum evellere haud abs re tentabat: *Pellicanicidium: or the Chriſtian Adviſer againſt Self-murder: together with a guide, & the pilgrims paſſ to the land of the living*. Lond. 1653. in 8. Sed ad alia.

- 19 JOSEPHUS HALLUS, notiſſimus omnibus Scriptor eſt, Episcopus Exceſtriensis, cujus varia exant, quæ plurimam partem, vel in Belgicam linguam, vel in Germanicam converſa ſunt. *Biblicæ* ejus *Viſiones* meditationes morales continent in hiſtorias utriusque Teſtamenti; quarum uſus ad argumenta Sacra non ſpernendus eſt. Scripſit & ſecum alia Opuscula multa, quæ in vernaculam noſtram transfuſa vidi. Nec minus ſtrenue adverſus Pontificios & Browniſtas ſuæ Eccleſiæ veritatem libris aliquot defendit. Ingenioſus etiam eſt & argutus RICH. WHITLOK, a quo *ζωοτομία* habemus, i. e. *Obſervationes*, quibus Anatomen vivorum per mortuos tractavit: Londini 1654. in 8.

- 20 Sed & ille celeberrimus nominis inter Anglos Vir, Phyſicæque inprimis doctrinæ magnus Reſtaurator, ROBERTUS BOYLE, Sacris meditationibus ſe impendit libro Anglico, cui titulus: *Of the Seraphic love, or Motives and incentives to the love of God*: qui, in Germanicam quoque linguam converſus, *Der himmliſche Liebes-Triumph* dictus eſt. Occaſionem ſcribendo dederat Vir illuſtris, neſcio quam mulierculam perdere amans: quem Boylius, ut ab iſto amore ad amorem puriſſimum ſanctiſſimumque abduceret, eum, quem diximus, librum, eleganter ſcriptum, multisque repletum egregiis meditationibus, illi nuncupavit. Idem *de Stylo S. Scripturæ* librum compoſuit: aliumque, mole quidem exiguum, ſed haudquaquam momentiſ, *de Natura*, in quo Deum in Creaturis monſtrat.

Alias

Alias præstantissimus *αἰώνιος* cujusdam liber est Ascericus, omnibusque Anglis maximo in pretio habitus: *the Holy Duty of men*; quod Latine *Sacrum Christianorum officium* vocares: cui multum omnino tribuendum est, utpote optimis meditationibus undique repleto. Neque tamen hic omittendus inter Oratores Sacros & Anglos erit HENR. HAMMONDUS summus Vir, cujus *Homiliae*, ut adpersam ubivis exquisitam eruditionem, sine omni affectatione aut thrausonico frigore, ostendunt, ita non minor masculæ eloquentiæ ars, & illa animos penetrandi blanda vis, quæ se legentibus usque insinuat, & argumentorum pondere cito vel nolenti persuadet.

Sed quis omnes tandem recensere poterit? Et hoc peculiare Virorum aliorum institutum. Nam, sicuti Guilh. Growæus, Anglus, Elenchum Interpretum S. Scripturæ edidit Londini 1672. in 8. in eoque quotquot noverat S. literarum Commentatores Græcos, Latinos, Anglos, Gallos, Germanos, Hispanos, Italos, sedulo digessit (et si imperfecta opera, cui plus altero tanto propemodum addi potest), eoque labore bene de *ἑνυψέως* sacræ studio meritis censeri debet: ita ad moralem quoque Theologiam & Homileticam aptatus præcipue index alius est Scriptorum Anglicorum, præcipue moralium, super Verus & Novum Testamentum, editus Londini 1668. in 8. cui, tanquam Locis Communibus, addere quis potest Autores alios, quos observat: siquidem longe plures in ipsa Anglia quoque sunt, quam qui illic notantur. Possunt vero tum & aliarum nationum Autores simili plane modo addi. Quod si quis ex omnibus quasi cinnum confecerit, & explicationes singulis retribus adjecerit, vastum ille opus posset consarcinare, & magni omnino in Sacris Oratoribus usus.

Si nostratum Sermones sacros recensere velimus, inprimis Vernaculo sermone conscriptos, quos *Postillas* vulgo vocamus, unus iisdem liber non sufficeret. Et præterea nimis clara sunt notaque nomina Chemnitii, Arndii, Hunnii, Gerhardi, Glasfii, Lütkeimanni, Balduini, Schmidii, Damhaveri, Geieri, Waltheri, Mülleri, Strauchii, quam ut nostra hic instituenda recensione opus haberent b). Sunt & sexcenti alii, quos

Kkk kkk 2

b) Inter Scriptores Homileticos & Postillatores, quos vocant, Ecclesiæ Lutheranz, Morhofio præ aliis probati sunt Mart. Lutherus ipse, Joh. Arndius & Henr. Mullerus, Theologi eximii, & in vera Christianissimi, tum doctrina, tum Praxi, inculcanda nulli secundi, de quibus Verba ejus ipsissima, e Prolegomenis Collegii Sacri Oratorii in Pericopas Evangelicas Anniversarias *αἰξό: τς*. lubet addere: De Germanis Scriptores pene prætermissem aliqua dicere. Et, si verum fieri velimus, parca illorum seges est. Postillarum & Postillatorum turba infinita pene, sed e quibus oppido pauci sunt, qui elegantius quid sapiant. E quibus superiore jculo habemus Lutheri, aliorumque doctissimorum Virorum, Scripta Practica, plena pietatis & soliorum Enthymematum, ad Thomata Oratoria necessarium. Sed ii, contenti rem accuisse, de ornamentis non multum solliciti fuerunt: quam in Lutheri scriptis nihil possit a siderari etiam ad ornatam locutionem. Mihi præ cæteris vehementer semper placuit Joh. Arndius, proflu idorum sensum investigator, qui ea sæpe offert, de quibus non cogitantur alii, secundum Enthymematibus & argutioribus etiam narrationibus. Novissime Henr. Müllerus magna diligentia conquisivit rariora Cogitata, in suis ad Pericopas Evangelicas & Epistolicas Homiliis. Nullus est

quos aut ſponte præterimus, aut ne cognitos quidem ſatis habemus. Eos interea, quos nominavimus, ceteris palmam præripere, ſeu quod Exegeſin dictorum Biblicorum & pericoparum ſpectat, ſeu quod moralem eorundem applicationem, forte nemo negaverit. Latine Meditationes in Evangelia plane eximias compoſuit CONR. DIETRICUS, in celebri illa omniumque Studioſorum manibus ſuo merito trita *Analyſi*: in qua non ſolum Evangelicas pericopas ſolide explicat, ſed & in pertractandis Locis Communibus præcipue eſt, adhibitis quoque frequentiffime Patrum ſententiis, operoſus. Non minus præclare idem argumentum pertractat SALOM. GLASSIUS, Vir in Sacra Philologia omnium longe verſatiffimus; & præterea ſolidæ pietatis laude clarus; in *Explicatione Evangeliorum & Epistolarum Dominicalium & Fæſtivalium*: qui liber in omnium quoque manibus eſt: in allegoriis felix eſt ante omnes Frid. Balduinus, a quo *Chriſti Adventum Typicum, & Paſſionem Typicam, duabus partibus abſolutam* habemus. Conquirit ille e Veteri Teſtamento typos, & ingenioſe non minus ac eleganter ad Chriſtum egregiis Meditationibus applicat.

21 Longe plura poſſent hic proferri ex omnium nationum Scriptoribus, ſi id nunc noſtri inſtituti res foret. Nondum enim e Gallis quenquam produxiſmus, quorum tamen, egregiorum, magna copia eſt: nec ex Hiſpanis, niſi unum alterumve, cum prolixum eorundem Catalogum, ſub ſinem Tomi ſecundi Bibliothecæ ſuæ, Nic. Antonius recenſeat. Neque ſane poſſumus, quin ex Hiſpanis proferamus unum, quem quidem Antonius nonniſi obiter fere memorat, ſibi quippe ignotum, ſed qui nobis maximopere commendandus videtur. Eſt is JOANNES de VALDES, qui, præter *Commentarium in Epistolam Pauli ad Corinthios*, Antonio memoratum *Decem* quoque *Divinas Conſiderationes* Hiſpanico ſermone ſcripſit, quæ a Claudio de Requien, Pariſino, in Gallicum idioma; a Cælio Curione vero in Italicum ſermonem, converſæ ſunt editæque poſtremum Lugduni 1563. in 8. Ple- niſſimæ pietatis illæ meditationes ſunt, & plane ad guſtum Theologiæ ſincerioris ſcriptæ, adeo, ut nihil Pontificii fermenti occurrat. Et mirum omnino eſt, vixiſſe jam tum illo tempore homines ſub illis Papismi tenebris latentes, qui altius rimati fuerint pietatis arcana. Dignus proſecto eſſet liber, qui in linguam Latinam verteretur aut Germanicam: qui interdum adeo cum noſtro Arndio conſpirat, ut uno ore propemodum locutus videatur. Intime ſemper actiones noſtras rimatur, veramque Chriſtianismi praxin magna diligentia oſtendit, ob id unice commen- dandus.

25 Soler alias ex Hiſpanis maximopere laudari, atque adeo ceteris anteferri omnibus, LUDOV. GRANATENSIS, de quo tacere mavult Antonius, quam pauca dicere, omnium quippe nationum hominibus mirifice probato: & in quo, ut ait, Deus illam ſapientiæ atque eloquentiæ formam, qua arduum illud ad neceſſarium ſalutis negotium tractan-

eſt, e recentioribus Homericis Scriptoribus, qui ſecundior ſit Perſiſmatibus, e textu deducit, quam Müllerus: Horreum Opus illud dicas, & quaſi Locos Communes Locorum, quibus magno cum fru- ſtu quis uti poterit. Sunt enim omnia pulebra, arguta & illuſtria, ſed, ſi juſta Orationis concinnita- tem videas, ejus ſane meſuram multis modis excedunt. Exiſtimem ego, multorum Annorum La- borem, vel multos Sermones, in unum ab Autore compaſtos, unde illa totius inconcinuiſas oriuntur.

tractandum & familiare imbecillitati humanæ reddendum est, ostendere nobis & commendare voluisse videtur. Proponit quoque illum, ut exemplum eximii Oratoris sacri suis lectoribus Ren. Rapius. Vix autem numerus iniri potest Concionum & librorum Asceticorum, quos edidit Ludovicus, & qui tanto omnium applausu, statim atque prodierunt, excepti sunt, ut, referente Nic. Antonio, in novem diversarum nationum, etiam barbararum, linguas converterentur: ipseque Granatensis modo ad Bracharensem Archi-Episcopatum a Catharina, Lusitanæ Regina, matre Sebastiani Regis; modo ad purpuratorum Aulae Romanæ dignitatem Cardinalitiam a Sixto V. Pontifice, ultro peteretur, quem tamen utrumque summæ dignationis honorem ipse constanter abnuvit. Catalogum librorum illius omnium exhibet laudatus sæpe jam Nicol. Antonius T. II. p. 31. seqq. Neque vero solum *Conciones* scripsit ille, sed & *Rhetoricam Ecclesiasticam*, Olyssipone primum 1576. in 4., & Coloniae postmodum 1578. & 1582. editam: & *Sylvam Locorum Communium*, qui in Concionibus occurrunt: Lugd. 1582. in 8. &c.

Stupebat vero ipsemet Ludov. Granatensis JOHANNEM de AVILA, Almo-²⁶ dovera Castellanum, qui cum alio hujus nominis Jesuita Madritensi confundendus non est, cujus tanta erat, ut ajunt, perorantis & infectantis vitia vis, ut vix concipi major robustiorve possit, ipsique propemodum muri ædium, in quibus concionabatur, concuti, auditoresque, velut fulmine aliquo tacti, toti cohorrescere & ardere viderentur. Meruit sane iis orationibus suis, & sacro per Hispaniam Bæticam munere docendi, nomen *Apostoli Batici*; speratque Nic. Antonius fore, ut aliquando Ecclesiastica *ἀποδείξεις* in Sanctorum numerum recipiatur. Non alio vero scripsit ille, nisi vernaculo sermone: quanquam aliqua ejus in Italicum sermonem æque ac in Gallicum, Belgicum, Anglicumque, conversa sunt. Adeo scilicet omnibus magni fit: itque, si Andr. Schottum in Hispana Bibliotheca audis, non immerito. Magna enim in dicendo ei fuit & scribendo energia, vis atque efficacia, ut, quæ velit, persuadeat, sensusque rapiat & extra se ponat, nec duceat solum, sed & delectet, flectat denique ad omnem impetum. Summa sermonis venustas, quia verborum affectatio abest, & perspicuitas maxime elucet, quæ prima Orationis laus est Oratoribus. Christiana vero eloquentia est ab animo profecta, non in labiis natans, ad ostentationemque, vel inanem gloriam captandam, plaususque imperiti vulgi comparata, sed communem utilitatem, salutemque animæ unice spectans. Hæc Schottus, qui de Epistolis Avilæ æque præclare sentit: in quibus, ait, tum alia innumerabilia, quæ lectorem, si utilitatem spectat, alluciant & retinent, lætæque iterum invitant (expertus loquor), tum vero maxime optimi verbi Dei præconis Evangelicæ prædicationis exemplum vivis coloribus ita depingit, ut nullum in eo genere pingi possit perfectius. Et sane non de vulgo Declamatorem fuisse, vel illud etiam argumento est, quod Hispani ob sacros sermones suos, velut reus impietatis aut hæreseos, ad Inquisitionis iudices delatus est, coram quibus tamen, vel tacendo, nihilque omnino reponendo, calumnias actorum retudisse dicitur a Nicol. Antonio: qui & Opera ejus edita, inedita, magno studio recenset; & Vitæ Scriptores Ludovicos duos, Granatensem scilicet atque Munnozum.

- 27 Idem Antonius ex Hispanis Oratoribus sacris Ascetisque, præter eos, quos enumeravimus, inprimis extollit ALPHONSUM LOBO, seu LUPUM, Seraphicorum ordinis Franciscanum, & æqualem Avilæ, cum quo aliquibus comparatus est: etsi, si ad Eloquentiæ regulas severe exigetur, Frider. Borromeo Card. iudice, nec eloquentiæ multum haberet, nec doctrinæ, nec verborum nitor elucere in ejus Oratione, nec ordinis, nec gratiæ satis: ipsa tamen simplicitate sermonis, & pia gravitate, tum movendi animos vi magnum sibi nomen acquisivit. Celebrantur præterea Hispani Ascetæ, ALPHONSUS MADRITIUS, ex Ordine Minorum: DIDACUS PENZ de VALDIVIA, Joh. Avilæ discipulus, Ecclesiastes & S. Literarum Professor Barcinonensis: qui & conciones plurimas, librosque Asceticos, Latine & Hispanice scriptos edidit, & librum *de Sacra concionandi ratione*: Barcinone 1588. in 4. Antwerpæ 1598. in 8. recusum. FRANCISCUS ARIAS, Jesuita Hispalensis, Avilæ familiaris, cujus librorum magna pars a Joh. Busæo, Leonh. Credero, aliisque Jesuitis, Latine ex Hispano versi, in Germania prodierunt; & quos ad devotam vitam inprimis Franc. Salesius, annotante Nic. Antonio, juxta cum Granatensis Operibus, commendavit. ALPHONSUS RODRIGUEZ seu *Roderici*, Pincianus, Jesuita, variis per Hispaniam urbibus datus Ecclesiastes: HIERON. GRACIANUS, a *Matre Dei* cognominatus, Carmelita, variis procellis jactatus, suorum sodalium invidia, & piratarum barbarie excitatis. LUDOVICUS PONTANUS, vel Hispanice *de la Puente*, Jesuita magni nominis, & de quo inter sanctos referendo Romæ jam agitari cœpit: adeo scilicet erat ipse de sanctitate sua persuasus, ac, si Dis placet, etiam certus, ut non solum lethalis nullius culpæ conscius sibi esse veller, sed &, vigesimo ante obitum suum anno, voto quoque sese adstrinxerit venialium leviorumque peccatorum deliberatam admissionem evitandi: quo ex tempore nihil potuisse in ipso notari contendit Phil. Alegambe, quod constaret esse reprehensionis capax. Sed nos quidem sanctos tales suis cultoribus relinquimus; Pontani mentionem hic, non nisi Ascetæ inter Hispanos celebris facientes. Cui tandem Antonius *Joh. Euseb. Nierembergium* adjungit, de quo supra; & JOH. PALAFOXIUM, Episcopum Angelopolitanum in Nova Hispania Americæ, cujus etiam Prorex constitutus erat. Hujus vero cum Jesuitis lites multæ & graves admodum fuere; adeo, ut plus semel capitis periculum adiret, & in latebris occultare se cogeretur: Vir optimus, & virtutibus, quæ Episcopum decerent, abunde ornatus, Nic. Antonio referente. Et multo etiam magis innocentiam vitæ ejus atque dogmatum urget, & adversus Jesuitas persecutores gravissime insurgit Anton. Arnaldus Tom. III. *de la Pratique Morale des Jesuites*. Edita quoque est peculiari libello Historia hujus Episcopi, Gallice conscripta, apud Batavos, Amstelodami, ni fallor, A. 1690. in 12. Sed & ipse sui Historiam vernaculo sermone conscripsit, sub titulo: *Vita interior cujusdam Peccatoris penitentis*. Illud inprimis in hoc Viro mirum: eum, cum perpetuo Juris studio operam navasset, essetque ad eum usque diem, quo Episcopus factus est, amplissimis muneribus politicis reipublicæ procurandæ addictus, tanto tamen animi vigore, tantoque spiritu, sacra dein tractasse. Sane, si Theologiam professus fuisset, ait Nic. Antonius, haberet plane hæc ætas, quem, in promovenda coram populis morum doctrina

doctrina, concitandis, componendisque affectibus, audientiumque animis ad arbitrium fingendis, veterum novorumque eloquentissimis opponeret. Quem tamen defectum egregie supplevit libris quamplurimis, pro se relictis, quos insigni quodam elegantie atque facundie paratu, nunquamque cessantibus vivacissimi ac fertilissimi ingenii luminibus, quasi ex tempore, nullo utique lituræ dispendio, a domesticis accepimus, instruebat simul, & ad unguem perficiebat. Libri illi omnes Hispanica lingua scripti sunt, adeoque apud nos rariores. Catalogum ex Antonio pere.

Sed propemodum nos longius avexit Hispanorum Oratorum recensio, quam ²⁸ decebat. Quodsi e Gallis unus etiam aut alter addendus esset, ecquos rectius eligeremus, quam Jesuitas duos, quorum Rapinus meminit libro superius citato, quos omnium hujus seculi Oratorum sacrorum, sibi quidem notorum, perfectissimos fuisse censet. Unus eorum est CLAUD. LINGENDIUS, le Pere de Lingendes, cujus non solum omnem habitum corporis atque mentis a natura prope ad sacram Oratoriam efformatum affirmat, cui subacta quoque Theologiæ omnis peritia accesserit: sed & inprimis eloquentia fuisse plane admiranda. Audiamus ipsum, quandoquidem paucis verbis tantum non omne Concionatoris egregii artificium pandit, ac velut ideam nobis aliquam repræsentat. *Ses raisons se soutenoient tellement (ita de Lingendio Rapinus) les unes les autres, que les dernières étoient toujours plus fortes, que les premières: & outre, qu'il n'y avoit rien de faux, ny rien d'égare dans son raisonnement, que tout y étoit solide, la force de son discours alloit toujours en s'augmentant comme par degrez pour frapper encore davantage les esprits à la fin, qu'au commencement. Enfin son véritable talent étoit d'éclairer pleinement, l'entendement, & de toucher encor plus fortement le coeur. Tout son Discours étoit un éclaircissement merveilleux des matieres, qu'il traitoit: & apres avoir jeté dans l'esprit la semence des mouvemens, qu'il se proposoit par une abondance & un épanchement de lumière, dont il étoit plein, il faisoit jouir tous les ressorts de l'ame par tous les mouvemens, dont il la fongeoit capable d'être touchée: & il enflammoit le coeur par tout ce, qu'il y avoit de feu & d'ardeur dans les passions, dont il scevoit l'art par une Rhetorique particulière, qu'il étoit faite. On ne craignoit jamais tant de voir finir, que quant il étoit prest de le faire: car c'étoit alors qu'il entroit dans les coeurs, pour s'y rendre le maître, & pour y faire ce, qu'il luy plaisoit.* Addit Rapinus, tantam fuisse ejus eloquentiæ vim, ut nonnulli vitæ liberioris homines impii ausi non sint eum audire, veriti, ne rationum, ab ipso allatarum pondere vincerentur, & vel inviti ad saniozem redire mentem cogerentur. Enimvero præcipue terrendo suorum animos in officio tenere solebat: persuasus cum Quintiliano, naturaliter plus valere apud plurimos malorum timorem, quam spem bonorum. Cum contra longe alio modo suas ad populum sacras orationes efformavit alter e duobus, CASTILLONIUS, le Pere Castillon. Omne hujus artificium in eo inprimis se exerebat: quod sine arte se sua proferre simularer, ingeniosissime cogitata, velut e vestigio sibi subnata, nosset eloqui: haudquaquam quarlitis argutiolis, aut fucatis, pictæ orationis incrustamentis, adsuetus, qui mos nonnullorum pessimus est: sed potius magnam simplicitatis neglectæque artis imaginem in arte summa; & in exquilira argumentorum colloccatione nil præter ipsum naturæ ordinem; in efficacissima animos solidis argumentis penetrandi vi colloquentis speciem præ se

se ferre & retinuisse perpetuo videretur. Quo factum, ut & gratissimus omnibus esset, & persuaderet, quodcunque vellent, pro lubitu: volebat autem semper in argumentis gravissimis.

- 29 E Reformatis Gallis celebres inprimis sunt JOH. DALLEUS, junior, editis Sermonibus Sacris, rerum ubertate scatentibus, celebris: ALEXANDER MORUS, cujus concionibus, Genevæ editis in 8. nihil ingeniosius suaviusque. PETRUS BOSCIUS, i) magni nominis apud illos Vir; nec sane spernendus ullo modo Orator; JOH. CLAUDIUS, cujus tempore motuum postremorum circa religionem in Gallia, magna inprimis in avertendis, quam diu licuit, Ecclesiarum Protestantium, malis, pars fuit: nec minor apud suos æque ac Pontificios bene multos auctoritas. Hujus igitur Sermones etiam prodierunt ingeniosi, ut sunt omnia Ejus Viri, solidaque Eloquentia commendabiles, dictione vero longe suavissimi.

- 30 *Utrum Anglis sua surripuerint Galli*, vicina quæstio est, nec tamen usque adeo magni momenti. Thomas Spraat, in Observationibus suis ad Sorbierii Iter Anglicum, Belgas Theologos hujus plagii instimulat. Sed quid inde? Ita fieri solet, & factum ab omni ævo est, ut gens altera alteri exemplo & disciplinæ esset. A Græcis pleraque sua capiebant Latini: Græci ex Oriente & a Barbaris: Latini postea, prorogatione dominatus sui, pene totius terrarum orbis fuerunt pædagogi: Verum est, Anglos in hoc genere reliquas gentes antecellere: sed id nec difficile est, nec mirum est, cum otio abundant, & rebus omnibus, quæ ad digne elaborandum aliquid requiruntur. Hispanos Anglis Gallisque præfert Barthius: & asserere non veretur, omnes Gallorum libros Hispanis esse per plagium surreptos: injurio, & nescio qua affectuum intemperie protruso judicio. Sed hæc alius loci sunt: & a nostro instituo propemodum aliena. Ergo nihil amplius in Sacra Oratoria moramur, sed ad aliud argumentum procedimus.

i) Petri du Bosc *Sermons sur divers Textes de l'Ecriture*, junctim Tomis II. Roterodami A. 1692. in 8. Joh. Claudii autem *Oeuvres Posthumes* (*Opera Posthuma*, non Dogmatica solum & Polemica, sed & Homiletica,) Tomis V. Amstelodami A. 1688. & 1689. in 8vo, prodierunt.

FINIS LIBRI SEXTI.





POLYHISTORIS LITERARII

LIB. VII.

POETICUS.

CAP. I.

DE

SCRIPTORIBUS, AD ARTEM POETICAM FACIENTIBUS.

§. 1. *Poëscos antiquitas, dignitas, utilitas. Invectiva in ejus Calumniatores, imprimis Tanaquillum Fabrum Iunio-rem. 2. Artis Poëticae Magister Antiquissimus & præcipuus ARISTOTELES, qui contra Censores iniquos defenditur. 3. Poëtica Aristotelis Editores, Interpretes & Commentatores, fusc enumerantur, duoque notissimi, Ren. Rapinus, Iesuita, & Andr. Dacierius (quorum de reliquis recitantur ludicia, sibi invicem contraria,) omnibus præferuntur. Controversia inter Rapinum, & Sodalium ejus, Franc. Vavassorem, de illius Scripto, Literaria. 4. Latinus Artis Poëticae Scriptor, Q. scil. HORATIUS FLACCUS, cujus etiam Censores, Vinæces, Interpretes & Exegetæ, recensentur. 5. Græculi Ævi Medii, Anonymus Certaminis Homeri ac Hesiodi Scriptor, & Isaacus ac Iohannes Tzetza. Latini Recentiores, Macarius Mutius, Camers. 6. Iul. Cæs. Scaliger, cui plagium a Casp. Barthio, Editionibus autem ejus Genevensibus falsi & hærescos crimen a Possevinio, frustra intentatur. 7. Iac. Pontanus, Gerb. Iob. Vossius, Laur. le Brun, Iac. Masenius, & aliquot Hispani. 8. Hispani de Comædia & Tragedia Scriptores, qua occasione adversus Nic. Antonium, Comædiam Hispanicam, ejusque præcipuum Instauratorem, Lupum Felicem de Vega, Græcis atque Latinis Comicis Tragicisque Veteribus præferentem, fusc disputatur, nec tamen verè istius laudes reticentur. 9. Scriptores de Poësi Dramatica Galli ac Itali, Pet. præsertim Cornelius, Novator & Iason Denores, Antiquorum Hy-*

Tomus I.

LII III

pera-

peraspisset, cujus *Litium de Tragico-Comediis modernis cum Job. Bapt. Guarino Historia e Thuanò repetitur*, addito Nicis, *Comædia Nicol. Machiavelli, Elogio.* 10. *Alii de Dramatica Poësi Scriptores, Job. Dryden, Job. Meursius, &c. Controversia, Dan. Heinsio ob Fabulas Ethnicas Sacris, in Herode Infanticida, immixtas, a Job. Ludov. Balzacio motæ, Scriptorumque Utriusque, nec non Claudii Salmastii & Job. Croji, quibus ista ventilata est, Eristicorum, Historia, adjectis Æg. Menagii & Autoris Judiciis.* 11. *De Satyris Scripta Franc. Robortelli, Is. Casauboni, Dan. Heinsii, Ezech. Spanhemii, Nicol. Rigaltii.* 12. *Artis Epigrammatica Scriptores, Thom. Correa, Car. a S. Antonio, Nicol. Mercerus, Franc. Vavassor, Jac. Masenius, &c.* 13. *De Epico Carmine Mambrinus, Torqu. Tassus, le Brun, Ren. le Bossu, &c. De Elegia Thom. Correa; De Eclogis Ren. Rapinus & Æg. Menagius.* 14. *De Poëmatum Cantu & Rhythmis Is. Vossius & Arius Barboza: De Furore Poëtico Pet. Petitus & Joach. Fellerus.* 15. *De Imitatione Poëtica Bern. Parthenius & Casp. Barthius. De Furtis Poëtarum & Similibus Cogitatis, Aretades & Ægidius Menagius, ipse plagiorum talium ab Adr. Bailletò insinulatus, contra quem in Anti-Bailletò se defendit. Dion. Longini & Autoris de his Judicia. Speronis Speronii in explicandis Scriptioribus obscurioribus versutia. Monitum de Oratoribus a Poëta legendis.* 16. *Inter Autores, qui Syllabarum Quantitates collegerunt, Sam. Glonerus & Ol. Borrichius eminent. Magnorum Virorum in Metro errores a Casp. Barthio, aliique notati.* 17. *Mythologia Poëtica Scriptores, Lil. Greg. Gyrallus, Gekb. Job. Vossius, Nat. Comes, Henr. Schævus, Franc. Pomey, Jac. Masenius, Ezech. Spanhemius, Rob. Stephanus, (Raph. Volaterrani plagiarus) Car. Stephanus a Thoma Reinesio & Nicol. Loydio emendatus & auctus.* 18. *Georg. Cheroboscus de Tropis Poëticiis.* 19. *Collectores Phrasum & Epithetorum Poëticorum, tam Græcorum, quam Latinorum, varii. Consilium de ratione concinnandi Lexici Poëtici.* 20. *Scriptores aliquot de Vernacula variarum Europæ Gentium Poësi.* 21. *Philautia Poëtarum a Jac. Gaddio & Casp. Barthio notata, ab Æg. Menagio defensa.*

1 **A**bsoluta Eloquentia soluta ad ligatam accedimus; quæ, ut antiquitate illam, nemine contradicente, multis etiam seculis anteit: ita dignitate profecto etiam haudquaquam illi tantillum concedere est existimanda: Ecquis enim nescit, omnem Veterum Sapientiam, omnem Philosophiam, atque Theologiam, in Poëtarum Scriptis reconditam fuisse? quis Tragediæ veteris gravem in coercendis emendandisque hominum animis vim? quis Comædiæ non festivos minus & acres, quam salubres ad perfricanda vitia spectatorum, sales? quis Epopœiæ ingentia ad virtutem, etiam in Heroum animis, incitamenta ignorat? Civilemque prudentiam, & subtilissimam moralis philosophiæ, quandoque & Physices, peritiam, omnisque demum eruditionis multifarium apparatus uno quandoque poëmæ delitescentem? Ut jam de Elegantiæ poëmatum nihil dicam. Certe, quanquam acriorem illum Jul. Cæs. Scaligeri, indignantis, fervorem meum non faciam, qui ne in hominum quidem censu reponen-

dos

dos putarit; qui Poëtarum lectionem damnant, agrestes atque aspero supercilio brutor hominum: tamen, nulla ratione detractoribus Veterum Poëtarum, ipsiusque adeo Poëseos, accedendum serio, atque haud invitus, ajo. Frustra enim abusus hic adjuvantur, qui, hominum improborum scelere, ne e sanctissima quidem nostra Theologia absumt, ceteras vero artes humanas omnes late pervadunt. Sed non opus est, ut hic Poëtices Apologiam scribamus, quam tot summi Viri satis jam defenderunt; & cui propria virtus instar clypei est, inanes Calumniatorum ictus impune excipiens confringensque. Scripsit, ut e plurimis unicum nominemus, adversus iniquos illos hostes Poëtice, Orationem elegantissimam JOH. CASELIUS *de Arte Poëtarum* inscriptam, quam, ut sunt omnia ejus Viri plane eximia, legisse non pœnerebit. (Nuperrime vero novus præstantissimæ Artis accusator, DI magno apparatu, in scenam prodiit, TANAQUILLUS FABER, Tanaquilli illius celeberrimi filius, quod mirere, Annæque Daceriæ germanus frater. Hunc, neque institutio Patris, neque ipsa Poëtarum lectio, nec eruditissimæ Sororis exemplum, dimovere potuit, quo minus *de Futilitate Poëtices* fulem librum scriberet, Amstelodami A. 1697. in 8. editum; quem legere profecto non possis absque tacita admiratione, qui in hæc frigida delabi Vir doctus potuerit: adeo nihil contra Poëticen in medium affert, de qua tamen loqui instituit: Poëtas solum ubique, & ut plurimum præter rem, carpit, certe semper ἀπερδιύσσας. Nec dubito, quin Daceria, si fratris librum legerit, jure etiam sit usurpatura illud Juliani: ἔργον, ἀνέργον, κατ' ἔργον).

Missis autem his intempestivæ κρίσεως Autoribus, ad eos Scriptores accedamus, qui Artis præcepta tradiderunt. Primus omnium, qui glaciem in difficili argumento fregit, & cum ante se neminem habuerit, viam felicissime invenit, posterisque stratum egregie reliquit, ARISTOTELES est; quem etiam communi consensu eruditi primam tenere ajunt: præcipue, cum ex antiquis Græcis unicus etiam ille sit, & e Latinis Horatius non sane melius Aristotele artem Poëticam explicuisse dici queat. Non ignoro equidem, multis rem creditu impossibilem videri, Philosophum, qui meris speculationibus per omnem suam vitam deditus fuit, nunquam ipse Poëta, nunquam theatri praxin expertus; scribere tamen cum laude *de Poësi*, ac de tragediæ ratione aliquid potuisse. Alii mancum esse Opus queruntur, maximaque sui parte temporum injuria mutilatum; ut adeo nihil perfecti ex residuis velut laciniis hauriri possit. *Aristotelis Commentarii*, inquit in præfatione suæ Poëtices Jul. C. Scaliger, *mutili sunt, ne quid liberius excidat nobis*. Jac. Gaddius, *Tom. I. Scriptor. Non-Eccles. p. 42. Licet Poëtica Aristotelis, quæ nunc extat, imperfecta sit ac mutilata: præterea subobscuris & parum firmis aliquando fundamentis subnixæ, tamen duo de ea facultate volumina conscripserat, forte meliora & pleniora*. Taceo alios, qui idem sentiunt, & quorum numerus haudquaquam exiguus est. Enimvero, uti prius illud ἔγκλημα, quod proferebamus, solidissime ANDR. DACERIUS abstergit, ostenditque, Poëticen e Philosophia ortam, adeoque illius tractationem plane non esse ultra terminos Philosophi; dein multo esse ferendo de arte aliqua judicio aptiorem haud raro, multoque ad præscribendas regulas magis perspicacem, qui solidis speculationibus intima ejus perscrutatur, quam qui,

dum artem ipse exercet, citius suorum særum amore in transversum rapi ac cœcutire potest: ita, quod posterius attinet, non eadem omnium Doctorum mens est. Certe Nicius Erythræus FEDERICUM BONAVENTURAM ostendisse refert, Aristotelis Poëticam non esse inchoatam aut mancam, sed absolutam & perfectam, si unicus tantum locus excipiat, *Pinacoth. I. p. 176.* Idem alii censent. Quicquid autem ejus sit: ea profecto, quæ ab Aristotelis Poëtica residua nobis sunt, adeo bona sunt, & adeo e naturæ ipsius penetralibus hausta, ut meliora dari vix possint, atque ut non solum Tragædiæ, sed & Epopœiæ, ratio accuratissime explicetur.

- 3 Atque hinc etiam certatim a Viris doctis edita Aristotelis Poëtica Latine, Italice, Gallice, Hispanice versa, notisque illustrata est. Separatim illam Græce edidit Aldus Venet. 1508. in fol. Græco-Latinum adjecit, suosque addidit Commentarios Franc. Robortellus, Florent. 1548. fol. qui Basileæ postmodum apud Hervagium A. 1555. denuo impressi sunt. Post hunc idem opus in se susceperunt Vincent. Madius, Brixianus, & Barth. Lombardus, Veronensis; cum quorum Commentariis Aristotelis Poëtica prodiit. Venet. A. 1550. Petr. Victorius, Florent. 1573. fol. Ant. Ricobonus Venet. 1579. in 8. Dan. Heinsius, qui Versionem recensuit & notas adjecit, Lugduni Batav. 1610. in 8. Idem in Dissertatione de Tragædiæ constitutione Lugduni Batav. 1643. in 12. edita, Interpretrem Aristotelis egisse dici potest. Paulus Benius, Eugubinus, Commentarium itidem Græco-Latinæ Aristotelis Poëticae adjecit, & Platonis poëticam insuper ex ejus Dialogis collegit, Venet. 1616. Italice illam vertit & Commentariis illustravit Ludov. Castelvetro, Mutinensis, Basil. 1575. & 1582. liber post mortem Autoris editus est; ipse enim An. 1571. ex hac vita migravit: alium Commentarium Italico idiomate scripsit in Aristotelem Alex. Piccolomineus Venet. in 4. A. 1575. Præterea Aristotelis librum eundem explanandum sibi sumserunt Franc. Patricius libro, cui titulus: *Della Poëtica la Deca Historiale, & la Deca Disputata* (prodiit Ferraræ A. 1584.) Ant. Sebast. Minturnus, Episcopus, Uxentinus, libris VI. de Poëta Venet. 1559. in 4. editis. M. Ant. Majoragius libro simili, & M. Hier. Vida in libris III. de Arte Poëtica ad Franciscum, Delphinum Franciæ, Francisci Regis F. Basil. 1534. in 8. de quo Jul. Cæs. Scaliger: *prudens ille quidem multa bene monet, quibus cautior Poëta fiat, verum factum jam instruit, ut perficiat.* Demum Gerh. Joh. Vossius in libris suis Instit. Poëtices, nihil aliud ferme, quam Aristotelis Scholiasten egit. Verum, e tanta Commentatorum copia neminem tamen pro dignitate Aristotelis librum explicasse, celebris Poëta Gallus, PET. CORNEILLE, asseveravit, doctos quidem interpretes illos fuisse non negans, sed dum Grammaticos potius aut Philosophos agerent, illos id, quod Poësin imprimis attinet, & theatri rationem, ut plurimum neglexisse, ait. Erli vero non undiquaque vera locutus sit Cornelius, ut postea dicetur; attamen in iis, quos recensuimus, interpretibus Poëticae Aristotelis multa moneri posse, alii quoque Viri docti observarunt. REN. RAPINUS, qui & ipse, post tot alios libros Aristotelis, quem in hoc genere longe perfectissimum judicat, lucem suis meditationibus

ditionibus (*Reflexions sur la Poétique*) afferre, neutiquam vilipendendo, conatus est, speciatim, in præfatione sui libri, quid in unoquoque Commentatorum Aristotelis desideret, exponit, digna omnino, quæ huc apponatur, censura. Ita vero ille: postquam superiore seculo allatam Constantinopoli Aristotelis Poeticam commemorasset: Il s'éleva alors une foule de Commentateurs, qui écrivirent sur cette Poétique, dont les premiers furent Madius, Victorius, Robertellus, qui interpreterent assez littéralement le texte de ce Philosophe, sans entrer fort dans son esprit. Ceux cy furent suivis de Castelvetro, de Piccolomini, de Beni, de Riccobon, de Majoragius, de Minturnus, de Vida, de Patricius, d'André Gili, de Vossius, & de quantité d'autres. Mais Vossius a commenté Aristote en pur Scholiaste, Gili en Rheteur, Patricius en Historien, Vida en Poète, qui veut plaire plus qu'instruire, Minturnus en Orateur, Majoragius & Riccobon en Dialectique, Beni en Docteur, qui a le jugement sain, quand il ne s'agit pas de l'honneur de son pays. Car il compare mal-à-propos l'Aristote à Homère, & le Tasse à Virgile, dans un traité, qu'il en a fait exprès. Piccolomini & Castelvetro l'ont fait en Critiques fort habiles, & mieux que les autres. Piccolomini traite Aristote plus honnêtement que Castelvetro, lequel est un esprit naturellement chagrin, qui par une humeur contrariante se fait une loi de trouver toujours à redire au texte de ce grand homme, qu'il embarrasse d'ordinaire en l'expliquant. Après tout, c'est le plus habile de tous les Commentateurs de la Poétique d'Aristote, & celui, dans lequel il y a plus à apprendre. Hæc Rapius non sine magno judicio: sed qui tamen & ipse, cum suo libro, e quo ista excerpta sunt, virgulam Censoris alius, non minus in omni literarum cultiorum genere versatissimus, sui que adeo sodalis, experiri necesse habuit. FRANC. VAVASSOREM ajo, quem Rapii librum, editis Animadversionibus (*Remarques sur les Reflexions*) An. 1675. castigasse refertur in Menagianis, Editionis secundæ, (in prima vero Editione male dicitur liber de Epigrammate oppositus Rapino, quem errorem in Editione altera editor correxit.) Librum tamen ipsum non vidi, quod ægerrime fero: neque enim vulgare quicquam ab eo viro expecto. Non ingratum erit autem, ut puto, totam litis ejus Historiam lectori e Menagianis apponere. Ita igitur ibi: Le P. Rapin a eu de grands demeslez avec le P. Vavasseur au sujet du livre des Reflexions sur la Poétique d'Aristote qu'il fit imprimer chez Muguet, sans y mettre son nom. Le P. Vavasseur, qui n'étoit pas content de lui, mit au jour peu de temps après des Remarques sur ces Reflexions, dans lesquelles l'Auteur reflexoit, qu'il feint ne pas connoître, est fort mal mené. Le P. Rapin fit grand bruit, & se plaignit hautement du procédé de son confrere: qui repondit, qu'il ne devoit s'en prendre qu'à lui même, & que s'il eut en dit, qu'il étoit l'Auteur des Reflexions, jamais il n'auroit écrit contre. Le temperament, que l'on trouva pour accommoder ces Peres fut de supprimer les Remarques du P. Vavasseur, ce qui se fit par l'autorité de Mr. le Premier Président de Lamoignon: de sorte, que ce livre, qui est imprimé chez Billaine en 1675. & qui ne contient que 141. pages, est devenu fort rare. Conf. Dictionarium Historico-Criticum Eruditissimi Bailii Tom. II. p. 934. qui diversitate Editionis Menagianorum observat. Ceterum lenire dolorem Vavassoris non vili potest Versio Gallica Poeticæ Aristoteleæ omni ex parte nitidissima, uberrimisque & eruditissimis notis affatim instructa, quam Clarissimo ANDR.

DACERIO, Annæ Fabræ marito, debemus: quamque Parisiis primo excusam Belgæ nuper A. 1692. reperiverunt. Nihil illo libro accuratius, nihil magis in hoc genere exasciatum, seu rem ipsam, sive dictionem spectes. Summo cum judicio expendit omnia, examinat, exemplisque uberrimis illustrat. Sane Tragediæ Constitutionem melius post hunc exponi posse, vix crediderim. Epopeiæ leges curavit equidem, cum Aristotelis verba id vellent, sed tamen in his non tam scrupulose fuit sollicitus, quam in tragœdia: ut qui posset, Viri doctissimi Ren. le Bossu librum, Autore suo, totoque Orbe literato dignissimum, de Poëmæ Epico omnem jam prope materiam dicendi de Epopeia surripuisse: tantoque cum successu scriprum, ut melius omnino non possit: nec mellis post tam amplam segetem, sed spicilegium solum superfit. Inter Commentatores Poëticæ Aristotelis Dacerius Pet. Victorium ceteris antefert, ut eruditione & accurate, prudentiaque, præstantem. Castelvetro autem adeo nihil tribuit, ut tum dicat fuisse bonum Interpretem, si virtutes Interpretis omnes invertas: neque enim theatri leges scivisse; nec affectuum neque characterum habuisse peritiam, nec rationes Aristotelis nec methodum considerasse, nec tam ad explicandum, quam ad contradicendum fuisse intentum: hominem multæ quidem lectionis, cetera, nec sane rebus bonis in suo Commentario destitutum, sed quas quærivisse tanti non sit: cum, præpostero suæ gentis amore ad *negl.* de Poësi ferendam plane inhabilis videatur. Meminit præterea Dacerius Mesnarderii Poëticæ: *la Poétique Française de la Mesnardière*: quam, etsi in aliquot Aristotelis Capita vicem Commentarii sustinere posset, ut indignam & nimis sterilem tenet. Laudat Abbatis Aubignaci librum, qui inscribitur *la Poétique du Theatre*, eumque priore infinitis meliorem judicat, magis tamen Aristotelis supplementum, quam Commentarium. Mihi ut horum duorum neuter visus est, ita nec addo de iis quicquam. Tertium tamen, quem æque non vidi, Interpretem Aristotelis addo Hispanum, JOH. ANTONIUM GONZALES de SALAS: cujus *Illustration à la Poétique de Aristoteles* Nic. Antonio memoratur: Italumque alium JOSEPHUM BAPTISTAM, cujus Commentarium in Poëticam Aristotelis ineditum, & Autoris manu Italice scriptum servari, Laur. Crassus autor est, in Elog. P. I. p. 341.

- 4 Post Aristotelem, e Veteribus de *Arte Poëtica* scripsit HORATIUS: quamvis ferre dubium nullum sit, ab ipso titulum præfixum non esse, sed a librariis demum, aut verius a Criticis. Ipsam vero illam Artem sine omni arte esse scriptam, Satyræ similiorem, olim Jul. Cæs. Scaliger judicavit: cui consentit ex parte Casp. Barthius, *Advers. lib. XXXVII. c. 6.* minime Horatium perfectam artem numeris includere voluisse arbitratus, alioqui frigidum artificem: sed more suo vagabundum docere, quæ obveniebant, quasi ludendo voluisse, parum sollicitum de iis, quæ Grammatici dicturi videbantur, quæque nunc a Criticis extundantur. Similia habet Barthius *lib. XLII. c. 22.* ubi Scholia quædam in Artem Poëticam Horatii, e MSS. veteribus eruta (sed non magnopere æstimanda) publicat. Enimvero, ut jam supra, cum de Horatio inter Latinæ linguæ Autores ageremus, monitum est, immitem Scaligeri censuram esse, præter

ter alios, egregie a Bernardo Parthenio confutatam rejectamque: ira Barthium non est quod multis hic confutemus: cum id nostri instituti ratio non ferat. *Commentatores* Horatii sollicitè recenser Spachius in *Nomenclatore Philosoph.* pag. 85. quo in loco plures etiam de Arte Poëtica Scriptores commemorat. Retulimus Commentatores Horatii & nos supra, cum de Horatio inter Latinæ linguæ Scriptores ageremus: quibus nunc adjungimus Franc. Luifinum, Italum, cujus in Artem Poeticam Horatii *Comentarium* Venet. 1554. in 4. editum habemus: aliosque item Hispanos Lusitanosque, quorum notitiam Nicol. Antonio debemus. Sunt hi Achilles Stadius, Lusitanus, cujus in Artem Poeticam Horatii liber Antwerpæ 1553. excusus est. (Nescio autem, quid sibi velit, quod in titulo apud Antonium additur, *ex fontibus Græcis*: ni forte consultum simul e fontibus Aristotelem id significet.) Franc. Cascales, a quo Ars Poëtica Horatii in methodum redacta Valentiae 1659. prodiit. Thomas Correa, Lusitanus, æmulus & æqualis Mureri, cum quo eodem tempore Romæ bonas literas docuit: postmodum Bononiæ: olim Jesuitarum sodalitis addictus, sed quod deseruit, & aversior semper ab eo fuit. Is explanationes in Librum Horatii de Poëtica Venet. 1587. in 8. edidit, præter alia ad illustrandam ornandamque Poëticen facientia, de quibus paulo inferius suo loco. Fuit quoque qui Hispanico Carmine Artem Poeticam Horatii exprimeret, quam deinde cum variis Carminibus suis, sub titulo *Arte Poëtica Española* edidit, Vincen-
tius de Espinel.

Hæc de antiquioribus Artis Poëticæ Scriptoribus: Plures enim non habemus. Nisi forte quis isthuc trahat *Homeri & Hesiodi Certamen Ludicrum* a nescio quo recentioris ævi Græco confictum, quod primum Henr. Stephanus An. 1573. in 8. Græce & Latine edidit: postmodum Dan. Heinsius pulcherrimæ Editioni Hesiodi, a sc. A. 1603. in 4. datæ, absque tamen Latina versione, annexuit. Verum, qui inde Poëticam artem hauriendam putat, fallitur profecto. Posses vero huc rectius referre ISAACIUM & JOHANNEM TZETZAS fratres, quorum ille in Accessu ad Scholia in Lycophronem, *λίαν κάλυσσα καὶ φιλοτιμώτατα*, ut frater ait, de Poëmatum atque Poëtarum differentiis egit: hic vero tum peculiari libello, jambis extemporaneis, i. e. Versibus Politicis, scripto, tum strictim, & per summa capita, in præfatione ad Scholia sua in Hesiodum, idem Argumentum tractavit. Sed & in omnibus prope Græcis Scholiastis quamplurima ad Artem Poëticam apprime facientia reperiuntur. E recentioribus, sub initium seculi superioris, MACARIUS MUTIUS, CAMERI Eques, librum edidit *de ratione scribendi Poëmata*: quem Ant. Possevinus suo de Poësi Tractatui, de quo mox, addidit, una cum exemplo Poë-
matis sacri, de Crucis victoria, seu de Triumpho Christi: quod alias Basileæ & Coloniae prodierat. Fuit Mutius amicus Angeli Politiani, ad quem Epistola ejus extat lib. 8. Epistolarum Politiani; ut jam olim Lij. Gyraldus annotavit.

Post hunc memorandus, ceterisque adeo præferendus, omnibus est, JUL. CÆ-
SAR SCALIGER, cujus libri *de Re Poëtica*, multoties Parisiis, Geneva & Heidel-
bergæ

bergæ editi, divini sunt: neque enim solum omnia Carminum genera per censentur inibi & explicantur, sed & ipsimet Veteres ac recentiores Poëtæ sub examen vocantur. Non nescio equidem, Scaligerum, cum hac Poëtice sua, plagii reum agi; & Barthium, in suis ad Claudianum notis p. 972. referre, surreptam esse a Scaligero materiam ejus libri omnem Lud. Cælio Rhodigino, præceptoris suo, & trans Alpes latam postea, sub Scaligeriano nomine perperam produisse, cum Rhodigino adscribi debeat. Cujus relationis Autorem Barthius Qu. Sept. Florentem Christianum, in hujus noris ad Aristophanem, laudat: & morus ea re Thomæ Scaligerum plagiariorum Catalogo inferre non dubitavit. *Diff. de Plag. Liter. §. 537.* Enimvero, ut res ipsa mihi plane suspecta est, & crimen ex invidia potius confictum, quam e rei veritate intentum, videtur: ita sane mirabor Florentem Christianum, si id ipsum negare ausit. Etli enim ejus notas in Aristophanis Comædias, quæ post mortem illius prodierunt, nunc non anxie perquisiverim: habeo tamen prolixas, quas ipse edidit, notas in Aristophanis Irenam, Paris. An. 1589. in 8. publici juris factas; in quibus non solum toties cum elogio Scaligeri mentionem facit, quoties ejus nomen ponit, sed & ipsum de Re Poëtica opus Divi Iul. Cæsaris Scaligeri opus perfectissimum vocat. Alibi pag. 11. postquam de nonnullis ad Comædiam pertinentibus dixisset, ait: *Hæc aliaque similia qui certius & clarius intelligere volet, Hephestionem, eruditissimum Grammaticum, legat, vel potius I. C. Scaligeri libros de Poëtica. Sane enim maximi illius herois ingenium vetustatem aequat, posteritatem & novitatem omnem superat: sed, quod miserum est, pauci sunt adhuc, qui ejus scripta aut legant, aut intelligant. Eum ego quotidie miror & miror magis: imo erit ille mihi semper Deus. Quidni enim hoc autumem de Clarissimo Viro, cum Philosophus ille σοφωδὲς de humili & obsкуро loco dixerit: Etiam hic sunt Dii? Anne putes hæc de Scaligero, mortuo jam, & a quo cur sibi timeret, nil quicquam habuit, dicturum fuisse Florentem, si pro turpi plagiario habuisset? an credibile est, eum Dictatorem literarum; maximum Heroem; Principem non solum Veronensem, sed omnium Criticorum, quorum interest vacare Musis: & si Veteres etiam adducas, uno tantum Aristotele minorem vocaturum fuisse, tum, cum de ejus Poëtica loquitur, si pro alieni laboris nefario usurpatore, & messorie messis alienæ habuisset? Mihi sane id non videtur. Adeoque, aut fefellisse memoriam Barthium allegantem dicendum est: aut sibi cum sua accusatione minime constare Florentem: vel demum intrusam esse notas illius ab aliena manu pericopen, quæ ejus non erat. Quicquid demum ejus sit, a Scaligero tam turpe plagium esse commissum, ni liquidius demonstretur, non credo. Aliud crimen, non ipsimet quidem Scaligero, ejusve libro, prout ab ipso scriptus est, sed tamen editionibus Poëtices Scaligeri Genevensibus, movet Anton. Possévinus in libro de Poësi & Pictura, Ethnica, humana, fabulosa, collata cum honesta & Sacra: (qui liber Lugduni A. 1595. in 8. & præterea Romæ alibique, editus est, pars etiam illius Bibliothecæ Sanctæ adjecta) hæreseos scilicet, quod mirere: queritur enim, multa esse ab Hæreticis Genevensibus inserta, quæ fidem Catholicam labefactent; nonnulla etiam ad artem ipsam spectantia. Parisinam vero Editionem ab his Emblematis hæreticis liberam esse ait: & rationem corruptionis expoliturus: *Eo proclivius, inquit, errores hæretici in opera*
Sca-*

Scaligeri irrepperunt, quod apud Job. Crispinum Calvinianum primo (An. 161.) editi sunt, licet locum suppresserit, ut venalia magis essent exemplaria: cum & quæ Rob. Constantini, Medici, ad eundem Job. Crispinum de Scaligeri libris inserta est epistola, post ejusdem Scaligeri ad Sylvium filium præfationem, tollenda sit, nec ipse Crispinus a Senatu Parisiensi edendi eor. Poëtices libros facultatem exprimere potuisset, nisi Lugdunensis, typographi Ant. Vincentii, opera & nomine abusus fuisset. Quare & privilegium, & quod subiectum est, Franc. Beraldi Epigramma Græcum, tum in Scaligeri, tum etiam in ipsius Crispini, hominis pestilentis, laudem scriptum, pari cura ex hoc opere eximendum est. Ingenue fateor, me hæc multo etiam minus credere, quam priora. Vix enim est, ut quisquam Poëticæ Theologica, præter Auctoris mentem inferere voluisse credi possit: & quod cetera attinet, non tulisset Jul. Cæsaris filius, Jos. Scaliger: tantus Criticus, tantusque patris hyperaspistes: quem hæc talia fugere non poterant. Quæ vero de expresso fraude privilegio Bibliopolæ Possévinus refert, haud invitus concesserim. Est hoc enim his hominibus familiare. Ceterum, quod *negiv* Scaligeri concernit, non semper illa probanda est, quippe audacior haud raro & tantum non temeraria: id quod ex ejus judicio de Statio manifeste patet, quem nimis laudibus extollit: ut de iis nil dicam, quæ in contemptum Homeri & Horatii affert, & quæ ab aliis confutata alibi indicavimus.

Habet interea eam gloriam sibi propriam Scaliger, quod primus & unus 7 omnem Poëtices rationem doctissime explicuit, quod ne quidem post illum quisquam tentavit. Nam quæ JAC. PONTANUS habet in *Institutionibus Poëticis*, Ingolstadtii 1597. editis: quæ item GERH. JOH. VOSSIUS in *Libris III. Institut. Poëticarum*, etsi non contemnenda sint; his tamen utrique non sunt comparanda: sed plane alius generis præcepta. LAURENTIUS le BRUN, in *Eloquentia Poëtica*, non tam methodica & ornata de rebus Poëticis præcepta, quam nescio quos Locos Communes & Exempla Poëtica, ex aliis conscripsit potius, quam ipse scripsit, quæ tamen usui esse possunt, JAC. MASENI *Palæstra Eloquentia Ligata* præ ceteris mihi sese probat: quod commoda methodo utatur, præcipua quæ apud alios inveniuntur, colligat, tum observata & notata alia, quæ alibi non invenias, ponat, semper allatis in medium exemplis. Fuerunt etiam Hispani, qui hanc artem in formam præceptorum redigere laborarunt. Ut enim de THOM. CORREÆ, de quo paulo ante dictum est, oratione de *Antiquitate dignitateque Poëseos*, & *Poëtarum differentia*, Romæ in Gymnasio Sapientiæ habita, editaque a Ludov. de S. Francisco, non dicam: Artem Poëticam iusto volumine tradidit Polygraphus ille nequaquam ineptus, FRANC. MACEDUS; sed quam lucem non vidisse *Lib. I. c. 22. §. 40. Polyhistoris Literarii*, ubi Catalogum operum Macedi exhibemus, monitum est. Hispanico sermone de arte Poëtica librum scripsit EMANUEL FARIA de SOUSA, cujus Nic. Antonius meminit: qui & LUDOV. ALPHONSUM de CARVALLO refert librum edidisse de dignitate & præstantia Poëseos, omnique eo, quod ad artem illam pertinet: titulus est: *Cifre de Apollo, de las excellencias y dignidad, y todo lo que al arte Poëtica y versificatoria pertenece*, Medina 1602. in 8.

Tomus I.

Mmm mmm

Ut

Ut jam PETRI de SALAS libellum de *Arte Poëtica*, ineditum, prætereamus. *Philosophiam antiquam Poëticam* concinnavit, ediditque Madriti A. 1596. in 4. ALPH. LOPEZ Pintianus, lingua Vernacula; in qua & Carmina quædam scripsit, sed misera: Antonio referente.

- 8 Idem Hispani, in Comædiæ quoque & Tragediæ ratione explicanda mire solliciti fuerunt. Quandoquidem non solum is ipse, quem Aristotelis Poëticam Commentario illustrasse supra diximus, JOH. ANT. GONZALEZ de SALAS *Novam* quoque *Ideam Tragediæ* publicavit, & Dialogos, omnem histrionicam Comædiarum artem complectentes, sub titulo *Viage entretenido*, Madriti 1583. editos in 8. Celebris Hispanorum Comædus, ac inter primos gentis illius innumerandus AUGUSTINUS ROXAS: quibus etiam JOSEPHI PELLIZERII de SALAS *Idea de la Comedia de Castilla* addi potest: sed & eousque longo cultu productam purat Hispanam comædiam Nicol. Antonius, ut, ipso iudice, non vulgarium solum linguarum omnes Comædiæ (nimis enim hoc parvum foret,) sed & Græcorum Latinorumque celebratissimæ illi, loco decedere non dedignentur. Si quæras, unde tantum dignitatis accesserit Hispano Dramati, & quis præcipuus ejus artifex? LUPUM (Hisp. Lopez) FELICEM DE VEGA CARPIO tibi memorat, quem totam propemodum Divinam auram adeo sibi incubantem habuisse persuasus est, demonstrasseque prodigiosa illa copia & facilitate versus ingenio & urbanitate plenos fundendi; *ut tota, quanta est, antiquitas, nedum proximiora retro Secula, quem Lupo comparent, se non habere necessario sateri debeant.* Huic, inquit in præfatione, debetur Comædia Hispana: *in qua, compensatis nonnullis levioribus vitiis, cum majoribus pluribusque virtutibus, absque controversia regnamus.* Enimvero, ut negandum non est, fuisse, in pangendis Versibus Vernaculis, præ omnibus Hispanis popularibus suis, felicem Lupum, cujus non ingenium minus natura ad Poësin aptissimum, quam imensa, & inexhausta versus fundendi vis multorum admirationem excitavit. Ecquis enim non stupeat, cum, præterea Epica Carmina, ceteraque varia prope innumera, quæ composuit, ab illo scriptas 1813. Comædias, Sacras actiones 400. legerit? ita sane, neque Græcis illum esse, nec Latinis Gallisve, sine discrimine præponendum, res ipsa & Antonius ipse dicant. Nam, quod artem ejus Poëticam attinet, quam novam vocat, & quæ in Epicis Comicisque plane ab Aristotele esse recedendum, novæque insistendum via, suadet, adeo illa Hispanis, at quantis Vegæ admiratoribus, displicuit, ut ne quidem inter Opera ejus admitterent una excudendam, prout Rapius in præfatione ad suas de Poëtica meditationes refert. Ipsas vero Comædias, omnes Veterum prætergressas leges, effrenesque adeo, quis laudet, aut quis optimis anteponendas existimet? Audi Antonium. *Præter quamplures sæclarum actionum representationes, in quibus continebat se usque ad eum Comædia, nil ferme historia ejusque gentis, seu Græcæ, seu Latine, seu barbaræ, ac multo magis Hispanæ, celebrioris cujusquam eventus nota impressum habet, quod particularis Comædiæ argumentum Lopus non fecerit.* Idcirco minime ei vitio verti debet, quod, Veterum prætergressus leges, licere sibi existimaverit quascunque res & quomo-

quomodocunque in theatrum intrare, historicis fabulosa, Comicis Tragicæ, ridiculis seris, miscendo: ita, ut nullum focci & cothurni discrimen, nullo intervallo temporis ac personis theatralibus præscriptæ leges frenarent spiritum; dum tantum placeret populo, actionum hujusmodi vero Consenti. Mirabor, si rudis plebs optimus fabularum atque verus Censor est: si hoc virtus Poëtæ est, neglectis legibus, ima summis miscendo assensum vilis popelli querere: si vitium non est focci & cothurni, i. e. Comicæ tragicæque actionis, discrimen tollere? Non sane video, qui non eodem jure possis loquacem rabulam, ad auram plebis captandam unice suis fucis intentum, & nescio quibus verborum sublimium lenociniis, in tenui charactere, pueriliter lustrantem, optimo Oratori præferre. Quanquam nolim profecto quicquam existimationi Vegæ detrudere; nec cum tam promiscue omnia confudisse censeo. Nolo solum Veteribus tanto supercilio præferri, Interea lubens illud quoque confiteor, & Hispanis omnibus Poëtis longe longeque præstitisse Vegam, & exteris haud immerito admirationi fuisse. Quapropter, cum anno 1635. Madriti septuagenario major decessisset, non solum communi Hispanorum Poëtarum luctu deploratus est, quorum labores peculiari libro congestit Joh. Per. Montalbanus, & sub titulo *Fama Posthuma* Madriti 1636. in 4. edidit: sed & Italis ejus casus acerbus fuit; a quibus eodem anno emissus in lucem Venetiis liber est: *Essai qu'on Poëtique overo lamenta delle Muse Italiane in morte del Signor Lope de Vega Poëta Spagnolo*. Imo & Gallis ejus Poësin perplacuisse, partim Bohurius Jesuita in libro, quem vocat *la Maniere de bien penser sur les ouvrages de l'Esprit*, passim; partim Anonymus Autor Gallus, qui sub Belli atque Pacis inter Veteres ac Recentiores, historica fabula descriptæ, schemate, elegantissimam utrorumque comparisonem instituit, locupletes testes sunt.

Sed, ut ad Comædiam ac Tragædiam redeamus a Lupo, qui nos paulo diutius detinuit: illius rationem omnem, legesque & regulas, præter Dan. Heinsium, quem supra diximus, & Aubignacum, imprimis magno studio exponere atque illustrare aggressus est PETRUS CORNELIUS, primas inter Gallorum Dramaticos omnium consensu tenens. Is de *Dramatica Poësi* librum composuit: in quo non solum Veterum præcepta sibi enumeranda, aut etiam explicanda putavit. Sed invenit & ipse aliqua, abiitque subinde ab Aristotele in diversum. Non tamen, si Dacerium audire velimus, eo successu id fecit Cornelius, quem fortasse sibi promisit; nec naturæ ordinem, sed suum secutus genium dissensit a Veterum præceptis; sæpius præter rem tantum, ut, novis his, quas sibi formabat, regulis, suis sorte erroribus subveniret. *Vid. Dacerii præfatio Aristotelis Poëtica, a se versæ, præmissa, & nota*, in quibus id, quod in præfatione notaverat, argumentis variis probat atque illustrat. De Poëmatibus Cornelli hujus paulo inferius mentio recurrit. Ex Italis, qui plane mirifici alias sunt ludorum Scenicorum magistri, ut ex ipsa Dramatum copia, & vel ex centum locis Erythraei, constat; C. JUL. CAMILLUS *Ideam Theatri* lingua vernacula vulgavit, Florentiæ in 4. A. 1550. editam: sed qualis illa nescio, cum non viderim: non magis

Mmm mmm 2

ac

ac JASONIS NORES, natione quidem Cyprii, ſed Profeſſoris tamen Patavini librum quem inſcripſit *Trattato intorno a quei principii, cauſe & accreſcimenti che la Comedia, la Tragedia, & il Poëma Heroico ricevono dalla Philoſophia morale*: Patav. 1587. in 4. de quo ſane libro multum bonæ frugis mihi promitto, cum Vir fuerit absque controverſia doctiſſimus. Ediderat jamdudum interpretationem ad Horatii Epistolam de Arte Poëtica, ex quotidianis Tryphonis Gabrieli ſermonibus hauſtam, Venet. 1552. in 8. eratque animoſus veterum legum tragicarum comicarumque vindex, quas contemnere ab Italis ſui ævi non ſine dolore animadvertebat. Quapropter & lites magnas aluit cum JOH. BAPT. GUARINO, quas, cum memoratu dignæ omnino ſint, & ad hoc pertineant inſtitutum, verbis Thuani ad A. C. 1500. e libro 99. Historiar. referemus. *Inter alia, quæ ſcripſit, cum, de Poëtica diſſerens, Tragi-Comædias Paſtorales, quæ hodie inter Italos uſurpantur, tanquam monſtra quedam, & nullo veterum exemplo, contraque Poëtica priſca leges, ab imperitis rei antiquaria introducta exagitaſſet, Baptiſta Guarini, lectiſſimus Eques Ferrarienſis, qui ſub id Paſtorem Fidum, magno plauſu ubique in Italia exceptum, ediderat, eum ſermonem ad injuriam ſuam pertinere exiſtimans, deſenſionem, ſub nomine Verati, publicavit: quam Apologia contraria ſtatim Denores reſutavit.* Sed, dum alteram deſenſionem meditatur Guarinus, morte minime ſatali Denores conceſſit. *Quæ niſi dilectiſſimi filii (ob homicidium finibus Venetis ejeçti) calamitate fuiſſet præcipitata, alterius Verati lectione accelerari potuiſſe credita eſt: tanta ſiquidem vi eloquentia ſimul & aſperitate, ac verborum amaritudine, in Jaſonem invecſus eſt Guarinus, ut Archilochum ipſum, in Lycamben jambos ſtringentem, eo ſcripto ſuperaiſſe paſſum jaçtaretur.* Quicquid autem ſit de acerbitate Guarini, quæ rectius haud dubie omiſſa fuiſſet: in re ipſa plus Aſſeclarum invenit per Italiam Guarinus, quam Denores, cum & Trajanus Boccalini, in ſuis, facetiſſimis juxta & acutiſſimis, *Relationibus ex Parnafſo, Centur. I. Relat. 31.* ſibi a perſtringendo Noreſio temperare non potuerit, ſed, ut ſatiſidioſum nimis, & præpoſtere naſeantem, traducat: & ubivis Drama Guarini triumphaverit; in alias quoque linguas, Gallicam & Germanicam, uti notum, plus ſemel tranſlatum. Probe tamen hic teneatur non eſſe credendum, ac ſi promiſcue permiſceri Soccus & Cothurnus poſſent, & Tragico-Comædiæ qualeſcunque valerent. Imo vel maxime hic judicio opus eſt, & raro aliquid elaboratur, quod, ſi recte examines, recta inceſſiſſe via dici poſſet. Sane falli, quibus vetera ſordent omnia, & qui tum demum perditam in dramatibus conſciendiſ operam ludi cenſent, cum antiquorum, ſive regulas, ſive exempla, preſſo pede exprimenda imitandaque ſibi quis ſumit, vel unus quoque Nic. Machiavellus demonſtraverit: qui, cum aliquando Comædiam plane ad morem Ariſtophanis, & juxta regulas Veteres, Italico ſermone ſcripſiſſet, atque etiam Florentiæ repræſentaſſet; tantum meruit omnium hominum applauſum, ut, Paulo Jovio in *Eclog. c. 87.* teſte, illi ipſi ex perſona ſcite expreſſa in *Scena ducti cives, quanquam præalte commorderentur, totam inuſta notæ injuriam civili lenitate pertulerint: æſtamque Florentiæ, ex ea miſeri leporis fama Leo X. Pontifex, inſtaurato ludo, ut urbi ea voluptas communicaretur, cum toto Scenæ cultu ipſique hiſtrionibus, Romam acciverit.* Nomen illi comædiæ

mædiæ fuit *Nicie*, ut ex eodem Jovio constat. Sed inter Machiavelli Opera non compareret.

Ex Anglis, qui præ ceteris propemodum omnium gentium aliarum Poëtis, 10 ad Dramata perpoliendi ita accedunt, ut Veteres Comicos Tragicosque præcipue sibi imitandos sumant, magni nominis Tragicus Poëta, JOH. DRYDEN, præcepta Dramatica composuit, *An Essay of Dramatik Poësi* inscripta, editaque Londini 1668. in 8. quæ recondita multa continent, & artem egregiam prorsus egregie, data velut idea repræsentant. Ceterum ad Tragædiæ rationem & naturam rectius perno- scendam haud dubie multum quoque conducit JOH. MEURSH liber, quem inscri- bit: *Æschylus, Sophocles, Euripides, seu de Tragædiis eorundem Lugd. Batav. 1619. in 4. vul- gatus*: nec non FRANC. PORTI Cretensis, *Dissertatio de Tragædia*, una cum ejusdem Prolegomenis in Sophoclem edita. JAC. MICYLLUS etiam, in Prolegomenis ad Euripidem *de Tragædia* egit (& multo adhuc luculentius Vir Cl. JOS. BARNES, no- vissimus Euripidis Editor Cantabrigiensis, in præmissa Dissertatione *de Tragædia Ve- terum Græcorum*, deque Scena & illius apparatu, nec non de Musica theatrica, de- que Versuum Tragicorum legibus). HENR. STEPHANUS quoque *de Tragædia So- phoclis* Dissertationem scripsit. Pertinent etiam huc libri amœbæi, inter JOH. LUDOV. BALZACUM ac DAN. HEINSIUM commutati, quibus Epicrisin adjecit suam Cl. Sal- masius. Nota est historia. Cum Heinſius in *Herode Infanticida*, Tragædia sua, Lugd. Bat. 1632. in 8. edita, Angelos & Eumenides, sive Furias in eadem Scena in theatrum induxisset: Balzaci, qui existimaret, male in Fabula Argumenti Ju- daici rem superstitionis Græcanicæ admisceri Dissertationem Gallicam opposuit Heinſio, ad Constant. Hugenum scriptam, Paris. 1636. in 8. (postmodum inter Opuscula Balzaci in Belgio 1651. in 12. recusam,) & in ea errorem istum ita exami- navit, ut & exempla similia Oratorum atque Poëtarum produceret, & rationes, ob quas ferri non queat talis error, studioſe congereret: multa insuper alia, ad Drama- ticam rem facientia, admiscens. Verum, cum eodem anno Heinſius, qui castiga- tionem non ferens, nequaquam sibi silendum arbitrabatur, Balzaco Epistolam Apo- logericam reposuisset: tum vero, arbitrium litis sibi sumſit Claud. Salmasius, scripta- que ad Ægid. Menagium Epistola omne hoc argumentum latius exsecutus est, & Heinſium cum sua Apologia non bene admodum exceptum dimisit, quippe cum quo tum, cum scriberet, apertas etiam inimicitias alebat. Etsi vero interea, dum apud Menagium Epistola per aliquot annos delireſceret, sopitis inter Salmasium Heinſiumque litibus, mitius nonnihil agi cœpiſſet: nihil tamen hoc impedire po- tuit, quo minus prodiret Salmasiana Epistola, Parisiis 1644. in 8. Auctore ſcilicet editionem ſero deprecante: ut e *Sorrevii Epistolis* liquet p. 88., qui addit: *Poteram aliquando tenerum istum, & nascentem fatum suffocare: ἀλλ' ὅτως ἀσέβων εἶδον τὸ παι- διον, ut sine summa injuria & crudelitate non potuerim ei lucis usuram denegare*. Re- cusa, post Salmasii mortem, Epistola illa est in Belgio, & Epistolis reliquis ab Ant. Clementio annexa. Biennio, antequam Salmasii Epistola lucem aspexit, JOH. CROPI liber pro Heinſio adversus Balzacum prodijt, non appposito quidem nomine

Mmm mmm 3

Auto-

Autoris, sed *ἀνανόημα*: *Response à la lettre & au Discours de Balzac sur la Tragedie d'Heinsius, intitulée Herodes Infanticida, 1642.* Statim atque prodit liber hic, cognovissetque ex Alex. Moro Sarravius Autoris nomen, res prodigio simillima videbatur, quandoquidem jam tum paratum habuit Crojus grandem librum, in quo acriter Heinsii Sacras Exercitationes perstringeret, & cujus pars postmodum etiam est Genevæ excusa. Ergo, ait Sarravius *Epist. p. 54. quem Gullice, h. e. quasi intra privatos parietes, opus ob museum laudaverit, Latine, i. e. per totum orbem terrarum in re non nauci fugillabit* Explica mihi queso istud, quicquid est enigmati. Hæc Sarravius, qui Gronovio imputandam libri hujus Editionem divinat: quem cetera non adeo magni æstimat, præsertim quod stylum concernit, ut qui dissipatus & incultus fluat: sed tamen & plurima in eo libro altissimam eruditionem sapere non destitetur. Putat responsurum Balzacam. Sed hoc, quantum memini, factum non est. Tetigit vero rem ipsam de præpostera Sacrorum cum Profanis commistione, in Dramatibus, aut Poëmatiis aliis occurrente, Menagius in *Observationibus ad Malherbium p. 279.* ac, dum laudat Epistolam Salmasii adversus Heinsium, excusat tamen SANNAZARIUM & PET. BEMBUM, quorum alter in Carmine de Conceptione Christi, *Mariam, cum ab Angelo salutaretur, Sibyllinos libros legisse* ait; alter Christum Herodæ vocat: uterque vero a Jul. Cæs. Scaligero perstringitur. Mais, inquit Menagius, *comme plusieurs docteurs de l'Eglise ont pretendu, que plusieurs mysteres de nostre religion se trouvoient marquez dans ces livres, je n'estime pas, que ce grand Critique soit bien fondé dans cette accusation. Je suis persuadé, qu'il reprend aussi à tort le Card. Bembo d'avoir usé du mot de Heros en parlant de nostre Seigneur: ce mot de Heros signifiant pas autre chose en cet endroit, qu'une personne extraordinaire.* Enimvero, si excusari potest Sannazarius, qui Sibyllæ folia præ vaticiniis Jesaiæ, Protea præ Angelo Gabriele, partus miraculosi præconcin elegit, qui Dryades & Nereides in ea fabula produxit, non video, cur non & Heinsius veniam mereatur. De Bembo nihil dicam, cum omnino commodus esse possit sensus vocis Heros, nisi loco plane non congruo adhibeatur. Posset interea ad argumentum istud cum fructu conferri Laurent. Gambaræ Tractatio peculiaris de abusu fabularum in Carmine, Veneriis, nescio quo anno, edita, in 12.

- II De Satyra FRANC. ROORTELLUS aliqua habet, subjuncta Commentario in Aristotelis Poeticam: sed pauca illa sunt, & tantum ad Horatium illustrandum scripta. Fufius idem exequitur institutum IS. CASAUBONUS in tractatu de *Satyrica Græcorum Poësi, & Romanorum Satyra*, Paris. 1605. in 8. edito, qui magnam esse utriusque differentiam, nec Græcorum Satyricam poësin cum Latina eandem esse evictum it. Cui vero se opposuit DAN. HEINSIUS scriptis duobus libris de *Satyra Horatiana*, Lugd. Bat. 1629. in 12. qui utriusque paritatem amico dissidio, adversus Casaubonum, propugnat: ast & ipse adversarium post fata expertus placidissimum, summum in omni genere Eruditionis Virum, illustrem EZECHIELEM SPANHEMIUM. Hic enim in scitissima præfatione, quam Cæsaribus Juliani, Gallice versis a se, & luculentissimis Commentationibus Paris. 1683. in 4. illustratis, præfixit, postquam & Casa-

fauboni & Heinſii opiniones recenſuiſſet, agit arbitrum, Heinſiumque falli oſtendit: cum in Græcorum Satyrica Actus Comici Satyrorum, Faunorum, Silenorum, ipſarumque illarum perſonarum ut plurimum ſaltationes actusve ſimiles, & inter hos projecti ſales, neceſſario fuerint requiſiti; quorum nihil apud Latinos erat: ipſa etiam vocis ſignificatione longe in diverſum abeunte. Sed plura adhuc ſunt argumenta, quæ apud doctiſſimos Autores, quos nominavimus, legi poſſunt. *Satyram Juvenalis* peculiari diſſertatione explicavit NICOL. RIGALTIIUS, quam Editioni Juvenalis Pariſ. 1613. in 12. annexuit.

De *Epigrammate*, & de iis, quæ ad illud pertinent, doctiſſimum librum ſcripſit THOMAS CORREA, cujus jam ſupra mentio facta a nobis eſt, & quem male aliqui Gorreum, Erythræus in Pinacotheca I. p. 253. Choream vocat: liber editus eſt Vener. 1569. in 4. & Bononiæ A. 1590. recuſus. Præterea de Epigrammate ſcripſerunt VINCENTIUS GALLUS, quem Octav. Boldonus in Epigraphia p. 32. laudat. CAROLUS a S. ANTONIO Patavinus Colon. 1650. in 8. qui non tam Epigrammatum conficiendorum præcepta dat, quam titulos, ſeu Locos Communes, ſub quibus illa ordinat. De *figurarum tamen cultu in Epigrammatibus* prolixè agit NICOL. MERCERUS. Pariſ. 1653. in 8. qui nihil aliud agit, quam quod Jul. Caſ. Scaligeri præcepta de Epigrammate, lib. III. Poët. cap. 126. data, exemplis operoſe illuſtrat: ſed, cum parum emundæ naris ſit, multa immiſcet lutulenta & quæ non ſapiunt ætatis præcæ ſapientiam & elegantiam: interea multum tamen ſibi cum ſuo labore, etſi præter rem ſane, placet. FRANC. VAVASSOR, qui nitidiſſime quidem ſcripſit de *Epigrammate* Pariſ. 1672. in 8. ſed ſpecialia artis non tangit, majorque, ut mihi videtur, in præceptis, quam in exemplis, artifex eſt. Id vero inprimis agit, ut Petrum Nicolium, qui tum forte cum ſua præſatione Epigrammatum aliquam collectionem in lucem publicam ediderat, confutet, perſtringatque, & male literato Orbi conſuluiſſe oſtendat. Subinde tamen alios quoque caſtigat, ut cap. 9. Th. Corream, qui, fabulis plane proſcriptis, in Epigrammate nihil, niſi verum factumque, a poëta voluit adhiberi. Peculiare etiam caput habet de laſciva ſpurcitie ex Epigrammatibus exterminanda, quam alias ſæpe ſolam Epigramma conficere, & tantum non neceſſariam eſſe, IS. VOSSIUS ad Catullum, & docti complures Viri, putant: contra quam opinionem Vavaſſor plane egregie inſurgit. Annexuit libro de Epigrammate ſua ipſe Epigrammata libris tribus diſtincta: quæ, ut puriſſima ſunt, ita non ubique acuminum ſatis habent: quippe quæ ſciens volensque ille præteriiit, & contemſit, niſi ævum ſaperent Auguſteum. Edidit tamen anno 1675. Appendicem libri tertii Epigrammatum ſuorum, & paulo poſt librum etiam quartum. Scripſit & de *Epigrammate* librum COTTUNUS, Profeſſor Patavinus, ſed quem non vidi. JAC. MASENIUS, in *Arte nova Argutiarum*, certos quosdam fontes invenit, ac perpetuis Exemplis illuſtravit.

De *Epico Carmine* extat Diſſertatio MAMBRUNI, quam Menagius *une docte* & 13 *curieuſe diſſertation* vocat *Obſerv. in Malherb. p. 44.* Præterea TORQVATI TASSI, at quanti poëtæ! extant *Diſcorſi del Poëma Heroico* Venet. 1587. & Neapoli in 4. impreſſi:

pressi: quem librum una cum poematibus Tassi (de quibus infra) tanti aestimant Italorum plerique, ut & vicisse omnes ante se, & nihil addi a quoquam, nedum ex Aristotele, posse, persuasi sint, prout præter alios, e *Relationibus Boccalini* liquet *Cent. I. Rel. 28.* Sed agnoscunt tamen sagaciores errores Tassi, quos ne ipse quidem laudare aut dissimulare sustinuit: dum interea vicissim iustissima laude admiranda illius Scripta non privant. Scripsit & le BRUN aliqua de hoc argumento, quæ Virgilio suo Christiano addidit: sed non adeo magnæ rei. Qualia sint CAMILLI PELLEGRINI, qui & ipse de *Epica Poësi* Italicum librum scripsit, non novi: cum non viderim. Omnes vero in hoc genere vicit, longeque supergressus est, quem paulo superius nominavimus, Gallus Eruditissimus, RENATUS le BOSSU, in vernaculo de *Epico Poëmate* tractatu, qui Paris. 1675. primum prodit, dein apud Belgas 1693. recusus est. De Elegia librum THOM. CORREA scripsit, Bononiæ 1590. in 4. editum, una cum libro de *Profodia*. De Ecloga, seu, quod idem est, de *Carminibus Pastoralibus*, est exquisitissima Commentatio REN. RAPINI, quam *Elogis* suis Sacris addidit, plane ad genium puræ Latinitatis & dictionis ævi aurei conscriptis, ut cum antiquis etiam certare possit. Paris. 1659. in 4. Multa etiam de Ecloga habet non vulgaria ÆG. MENAGIUS in *Anti-Bailletto*, T. I. n. LIV. p. 195. seqq. & inter alia probat, falli Baillerum, cum Tassum Pastores primum in theatrum induxisse putat: quod tamen, ut Menagius annotat, ante ipsum Augustinus Beccari Ferrarientis, fecit in *Dramate*, quod inscripsit, *Sacrificio*. Sed hæc recentiora tantum Carmina pastoralia attinent.

- 14 De veterum Poëmatum cantu, & Viribus rythmi, peculiarem librum conscripsit, cui præclara multa insunt, Is. Vossius, Oxonii 1673. in 8. editum: in quo Veterum Græcorum poësin, nova plane ratione juxta metri musicas leges explicatam, unam maxime aestimat. Eodem aut simili videtur instituto ductus homo Hispanus, ARIUS BARBOSA, *Epometriam* scripsisse, in qua Veterum poematum cantum, & pronuntiationem poëticam, jam amissam, explicat: Nicol. Antonio teste. Liber Salmanticæ prodit in 4. una cum *Profodia* ejusdem, seu de Re Poëtica, & recta scribendi ratione libro. De *Furore Poëtico*, quem ἐνθουσιασµὸν Græci vocant, quemque Longinus elegantissime circumscribit γενναῖον πάθος, ἐνθα χρῆ, μεγαλήτορον, ὥσπερ ὑπὸ ματίας τινὸς καὶ πνεύματος ἐνθουσιαστικῆ ἐκπνέον, καὶ εἰσὶν αἰσθητὰ τὰς λόγους. Audit sc. ei nobilis affectus, atque ubi docet magnificus, qui velut furore quodam & celesti aliquo mentis instinctu actus, fundit verba: & aliquid, ut ita dicam, grandius ore mortali loquitur, cum scilicet, juxta Claudianum,

totum spirant præcordia Phæbum.

De hoc, inquam, Poëtico furore elegantissimam dissertationem concinnavit, suisque præfixam Poëmatibus edidit, PETRUS PETITUS Paris. A. 1681. in 8. dignissimam utique, quæ legatur. Egit & de eodem argumento BERNARDINUS PARTHENIUS, Spielenbergius, in suo Commentario ad Horat. Od. III. 25. nec non LIL. GYRABUS Dial. I. de Historia Poëtarum Dissertationem Academicam de Furore Poëtico scripsit

scripsit Clarissimus, dum viveret, Lipsiensis Poëta JOACH. FELLERUS, quæ & ipsa negligenda non est. a)

Idem Perthenius, quem modo laudavi, de *Imitatione Poëtica* præclaros quorundam 15
que libros V. composuit, ad Maximilianum II. Imp. scriptos, editosque Venetiis 1565. in 4. Etli enim illos evolvere nunquam licuerit; haud difficulter tamen con-
jicio, Virum doctissimum, qui in Commentario in Horatium tam pulcre de imitatione
Horatiana subinde scripsit, quam alius quisquam, profecto multo etiam magis
accurate hoc argumentum in Tractatu peculiari exsecutum: ut non dubitem eum,
si haberi potest, ceteris omnibus esse anteferendum. Persii Imitationem Horatia-
nam suo in Persium Commentario annotavit H. Casaubonus. De Virgilio imitatione
Homericæ rot loquuntur, quot Poëma utriusque attingunt. Aliorum Poëtarum
Latinorum studium in imitandis Græcis annotat Barthius Adversar. lib. XXXIV.
c. 14 qui tamen non in omnibus æque felix est: aliquando enim, quæ ad imi-
tationem Græcorum expressa putat ille, forte secus videbuntur aliis. Ceterum sub
specie imitationis nunquam furta Poëtarum admitti certum est: etli vicissim nimis
rigidi sunt & iniqui accusatores, qui promiscue imitationem, similemve sententiam
pro furti argumento arripiunt. Sane enim quandoque fit, uti recte MENAGIUS ad
Malherbium p. 355. observat, ut in easdem cogitationes, eosdemque Versus, totidem
conceptos verbis Poëtæ incidant, absit tamen, ut alter alteri quicquam surripuisse
dici queat. Notat Menagius, Porphyrium apud Eusebium Præp. Evang. lib. X.
c. 3. commemorare Aretadem, qui integrum de his librum scripserit. Inscribeba-
tur vero liber Aretadis *περί συνειμιμήσεως*, & in eo multa etiam, ut testatur Porphy-
rius, plagia Eruditorum annotabantur. Festivum est, quod Hieronymus (& ex eo
Menagius) ad illud Ecclesiastæ; *Nihil sub sole novum*: de Donato, Præceptore suo,
refert: eum, cum illa Terentii explicaret: *Nihil dictum, quod non dictum sit prius*: sto-
machantem & indignabundum identidem exclamasse: *percant, qui ante nos nostra di-
xerunt*. Hæc quidem, similiaque, quæ in veteribus ac recentioribus Poëtis sæpius
occurrunt, pro furtis reputanda non sunt. Atque hinc Æg. Menagius, qui de *Fur-
tis & Imitationibus Poëtarum* peculiarem librum se scripturum promiserat; l. c. & in
Addend. p. 559. de his etiam, quæ furta non essent, similibus eorundem cogitatis la-
tius agere sibi proposuerat. Sed, dum cum illa sui libri Editione cunctatur Mena-
gius,

a) De Enthusiasmo seu Furore Poëtico Morhofii etiam ipsius exstat Oratio, Rostochii Lectionibus in
Claudiani de Raptu Proserpinæ libros Publicis, M. Nov. A. 1661. præmissa, sed, triennio ab-
hinc, deum, in Volumine *Dissertationum ejus Academicarum & Epistolarum*, Hamburgi An.
1699. in 4to excusio, p. 71-82. edita. Prolitius ille quidem de eodem Argumento Volumen, tum
sub finem *Orationis hujus* p. 81. tum *P. II. Operis de Lingua & Poesi Germanica*, c. 1. p. 207. & ali-
bi, est pollicitus, sed non perfecit. Digna etiam lectu est Diatriba de Enthusiasmo Poëtico
Academica, ab Henr. Muhlio & Sebast. Kortholto, illo Præfide, hoc Respondente, utroque autem
Morhofii discipulo, utroque item ejusdem in Professione Poëtica Successore, Kilonii A. 1696. in
4to publicata.

gius, cogitur tandem a se amoliri plagii crimen, quo carmina ejus onerant Andr. Bailleus; qui tot Veterum ac Recentiorum dimidios versus integrosve, in Poëmaris Menagii, occurrere criminabatur, ut nihil aliud prope, nisi musivum opus sit, quicquid carminis ab illo fluat, e variis nempe Poëtarum variorum frustulis artificiose congestum: transfusis etiam aliquando Latinis aliorum Carminibus ab illo in Græcum. Hæc igitur ut pro viribus dilueret Menagius, neque furtis annumerari posse, quæ suis aliena inseruit, neque peccatum esse a se quicquam ostenderet, opere in *Anti-Bailleto*, multis capitibus, laborat, *P. II. a pag. 202. usque ad 277. §. 128. 135.* simulque toti argumento lucem non exiguam sceneratur. Ex antiquis conferri ad rem eandem cum fructu potest Longinus, *lib. περὶ ὕψους sect. 13.* qui veterum & celebrium ante nos Scriptorum imitationem quam maxime ad apicem illum sublimitatis conducere sapienter judicat: quum scilicet haud raro aliqui, alieno velut spiritu, ut Pythia Deliaci anhelitu, impleti, quædam illorum, quos assidue legunt & imitantur, Autorum præstantissimorum effluvia in se sentiunt delabi, tumque furorem illum, quasi ex Apollinis specu petiturum, æqua cum aliis sublimitate ostendunt, ὅταν ἀπὸ τῆς τῶν ἀρχαίων μεγαλοφύας εἰς τὰς τῶν ζηλόντων ἐκένως ψυχὰς, ὡς ἀπὸ κερῶν τομίαν ἀπερρέουσι τινες φέρονται, ὅφ' ἂν ἐπιπνεόμενοι καὶ οἱ μὴ λανθασμένοι ἐτέρων συνενθουσιῶσι μεγέθει. Recte vero addit mox idem Longinus: ἔτι δὲ ἢ κλοπῇ τὸ πρῶγμα, ἀλλ' ὡς ἐπὶ καλῶν ἡθῶν, ἢ πλασμαμάτων, ἢ δημιουργημάτων ἀποτύπωσις. Quæ quidem imitatio tantum abest, ut furti nomine insimulanda videatur, ut potius velut quadam excellentium seu formarum, sive simulachrorum, aut operum, existimanda sit expressio atque exemplum. Cur Poëtis Latinis in historia Heroum Romanorum, si quando mentionem eorum faciunt, tot similia dicantur, Barthius Adversar. lib. XVIII. cap. 18. Scholis declamatorum imputat, quorum industria gesta talia non solum repetita indies, sed & in omnes facies sententiis torta sunt. Conf. Vavassor: de declamatoriis arguriis Ovidii. Singularis plane & mira furandi ratio est, quam de Sperone Speronio narrat Janus Nic. Erythræus Pinacoth. III. pag. 202. Semper ille ante se exiguis tenuium, nescio quorum, Autorum sætus habebat: interrogatur, cur id faceret, homo sui ævi doctissimus? respondisse fertur: se furem esse literarium, & imprimis cupere, sua furtiva esse occulta; idque sibi ex sententia eventurum putare, si pauperum tuguria persequeretur: unde si quid abstulisset, propter eorum, quos expulisset, obscuritatem omnibus etiam futurum esset incognitum: longe secus futurum esse, si furtificas in locupletum & illustrium Virorum domos manus vellet asferre, quorum res, propter ipsorum nobilitatem & amplitudinem omnium jam patent ad oculos, nam, si quid mihi vellem ex illis arrogare, ac proprium facere, continuo clamarent furem manifestarium, qui ea pro meis venderem, quæ jamdudum in illius vel illius beatissimi hominis suppellectile numerarentur. Hanc Speronii rationem furandi ut haud dubie mirabuntur, quotquot e trivio parum bonæ frugis colligi posse intelligunt: ita non parum profecto suæ existimationi detrahit, quisquis hac via incedit ignobili & indecora. Nescio autem, utrum in Dramata, an in Dialogos, plumas alienas tam pulcre transtulerit Speronius, Æsopi graculum imitatus. Franc. Vavassor putat, Elocutionem in carmine multa ab elocutione oratoria mutuari, adeoque

que Poëris Orationum lectionem commendat, de Epigr. p. 109. Quod quidem aliqua ex parte verum est, sed nisi lectio Poëtarum præponderet, periculum est, ne, suppressis spiritibus poëticis, lectio talis ex Poëta Oratorem faciat.

Inter eos, qui *Profodias*, & Abacos quantitatum scripserunt, optimus est, SAM. 16 GLONERUS, qui e profodia Gieffensium, aliisque collegit præcepta necessaria, ad quantitates vero semper Autorum versus quoque signavit: quod non facit Henr. Smetius, cui propterea fides haberi semper non potest, quod corrupta nonnunquam sequitur exemplaria. OLAUS BORRICHIIUS *Parnassum in nuce* scripsit, quo, singulari compendio, paucioribus Versibus plura quantitatum exempla comprehendit, quam Glonerus & Smetius; Hassniae 1651. in 4. Idem *Linguam Pharmacopœorum* scripsit, quo libro de accurata vocabulorum in pharmacopoliis ulitatorum pronuntiatione agit. *Errores* magnorum Virorum *in metro*, utriusque Scaligeri, Bonav. Vulcanii, Gabr. Lermæi, Frid. Taubmanni, Joh. Aurati, Fulv. Ursini, Joh. Meursii, H. Grotii, Car. Paschalii, Achill. Statii, notat Barthius *Advers. lib. XVI. c. 3.* E Jos. Scaligero septem pedum versum producit, quem post illum etiam observavit Vavassor de Epigr. p. 193. Quinarium jambum pro Senario Jul. Cæs. Scaligeri idem Barthius notat lib. XXVI. c. 25. ubi Angeli Politiani, Vincent. Opsopæi, aliorumque, hallucinationes in syllabis ostendit.

Ad Poësin fabularum cognitio necessaria est. Hanc vero discas ex LIL. GREG. 17 GYRALDI *Historia Deorum*, quæ compluribus Syntagmatibus ab illo prorsus eleganter tradita est; & ex G. J. VOSSII *Theologia Gentili*, elaboratissimo Opere, & gentilium superstitionum vere thesauro: quo elogio illud ornat Gisb. Cuperus in *Harpocrate* p. 107. quo in libro ipse etiam mythicam gentilium Theologiam haud parum illustrat. Sed sunt majora adhuc & plura operis Vossiani elogia, Grotii, Saravii, aliorumque, Epistolis haurienda. Sed se quam optime commendat liber ipse, cum legitur. Quæ sub FULGENTII, Ruspensis Episcopi, nomine prodiit *Mythologia*, Augustæ Vindel. 1521. fol. cum Scholiis Philomusi edita, non ejus esse, sed Furii Publ. Fabii Fulgent. Plancridis, Grammatici, post alios multos Placcius observat de Pseudon. p. 107. NATALIS COMES in *Mythologia* sua ineptus est, & allegoriis suis occupatus. HENR. SCHÆVII *Mythologia* contracta, ob ordinem, tyronibus commendari potest, quibus etiam commode inservit FRANC. POMEY, Jesuitæ, *Panthcon Mythicum*, semel iterumque in Germania Belgioque impressum. JAC. MASENII *Mythologia* brevissima est, ac propter indicem locorum communium exemplarium, quorum magnus in poemate usus est, commendanda. (Luculentissima vero sunt, & plane exquisita, quæ in Commentariis ad Callimachum, nuperrime An. 1697. Ultrajecti editis, Vir nostra laude multo major EZECH. SPANHEMIUS, de Deorum Veterum genealogia & historia, ex infinitis observationibus suis, congescit: quæ cum præstantissimis quibusque de palma certant.) ROB. STEPHANUS quoque *Elucidarium Poëticum* edidit, nominum mythicorum explicationem continens. Verum illud,

Nnn nnn 2

maxi-

maxima sui parte, totidem verbis esse e Raph. Volaterrani Anthropologia sic descriptum, ut errores quoque suos fecerit Stephanus, qui tamen interea nusquam suum Autorem nominavit, observavit, nec ignoscit, Thomasius de Plagio Liter. §. 549. CAROLUS STEPHANUS, Roberti frater, *Lexicon Poëticum* scripsit, multoties variis in locis, & praesertim Genevæ, excusum, recusum, auctum: sed semper tamen imperfectum est, multisque in locis corruptum. Emendavit illud, ac supplementum scripsit THOM. REINESIUS, quod ineditum adhuc est. In Anglia magnis Accessionibus idem Stephani Dictionarium auxit, & simul locis prope innumeris emaculatum bis edidit, semel Oxonii An. 1671. iterumque Londini A. 1686. in fol. NICOL. LOYDIUS: sed etiam si Editio illa prioribus longe melior sit, non ea tamen accuratio ubique adhibita est, quæ debebat: quantum ex inspectione fugitiva cognoscere licuit. Vellem ego *Lexicon* ita ordinari, ut volebat quondam Henr. Schavius: qui omnia veterum poetarum denominata & Epitheta mythologica consignari jubebat, exemplumque dabat in *Lexico Statiano*, quod hactenus ineditum est.

- 18 De *Tropis Poëticis* antiqui Autoris Græci, GEORGII CHÆROBOSCI, libellus, quem se MSS. in Italia vidisse Gesnerus in Bibliotheca testatur, a Leone Allatio Græc. & Lat. cum aliis quibusdam Rhetoribus, editus est, Romæ 1641. in 8. Idem libellus Græce etiam servatur MSS. in Bibliotheca Cæsarea, teste Lambetio Tom. IV. Bibl. Vindob. p. 23. Græcus illius titulus est: *Γεωργίου χερσὶν ἐκ τῶν παλαιῶν καὶ νέων γραφῶν. Poëticos tropos 27. refert, ἀλληγορίας, μεταφοράν, κατάχρησιν, μεταλέψιν* &c. Meminit Georgii hujus alio quoque loco Allatius: nempe in Diatriba de Georgiis: observatque ibi; eum non recentem, sed satis antiquum fuisse, & ante Imper. Anastasii Dicori tempora, adeoque sub finem seculi post C. N. quinti, famam sibi comparasse: idque exinde colligi posse ait, quod Stephanus Byzantinus, Grammaticus, in libro de Urbibus, ejus testimonio utatur.

- 19 *Phrases poëticas* sub Locorum Communium titulis congestit NICOL. NOMESSEUS in *Parnasso poëtico*, Colon. 1602. in 8. edito, & mox appendice aucto; qui quidem optimus videtur: Virgillii phrases seorsim sub titulis sunt congestæ. *Calligraphiam Ovidianam* scripsit GEORG. BERSMANNUS. ALEXANDER ROSSÆUS *Enchiridion Oratorium & Poëticum*, in quo formulas oratorias Morelli Sermone Poëtico expressit, Londini 1650. in 8. MELCH. WEINRICHIUS in *Ærario Poëtico* phrases e Recentioribus potius, quam Veteribus collegit, quem exagitat eapropter VINCENT. FABRICIUS, in *Præfatu Parato*, i. e. Satyra in Poëtas, eorumque contemptores. Amstelodami edita. *Flavisse Poëticae* BACHARII omnium optimæ sunt propter elegantem ordinem ac digestionem synonymorum, Epithetorum, comparatorum, phrasium, &c. *Epitheta* conscripta sunt a JOH. RAVISIO. Ex eo, additis quibusdam observationibus, concinnavit selectum Epithetorum Latinae Poëseos NICOL. le ROUX, Paris. 1631. in 8. *Græca Epitheta* diligentissime collegit ediditque CONR. DINNERS. Ad Epithetorum inventionem facit etiam JOH. BUCCELLINI *Officina*: quanquam & alias voces, substantiva & verba, apud illum reperire possis; indicem enim dedit 1. nominum, 2. adjectivorum. & par-

& participiorum: 3. nominum propriorum; singulorum sub titulis pedum ita locatorum, ut in frontispicio paginae statim pes, & subjectæ illi voces appareant: e quibus excerpere potes, quæ usui sunt accommodata. Hujus libri auctarium scripsit BOHUSLAUS BALBINUS in *Auxiliis Poëticis*, uti vocat. Verum habent & hi Autores sua vitia: multa enim in illis occurrunt barbara & antiquata: multa etiam in quantitatibus errata sunt: quare circumspecte iis utendum. Uterque vero inventionem debet Anglo cuidam homini, JOSIÆ WEBBE, Med. Doctori Londinensi, qui A. 1626. in 8. librum edidit, quem inscripsit *Usus & Autoritas, seu Carmen Hexametrum & Pentametrum*: in quo ita particulas & verba Ovidiani poematis digessit sub suis pedibus, ut jacter, hoc artificio quemcunque artis Oratoriæ & Poëticæ ignarum orationem & poema scribere posse: quæ, quamvis stulta, instantia metrorum tamen & pedum inventionem faciliat: qua in re prævit Buccelleno & Balbino. Exstat similis labor GEORG. MATTHIÆ KOENIGI, qui in Græca lingua eo modo Epithetorum & Nominum Syllabum locavit. Libri titulus: *Tyrociniū Poëticum Græcum*; Norib. 1627. in 8. Ego vero phrasologiam poëticam longe aliter colligi & institui posse censeo. Concinnarem Lexicon aliquod Poëticum, quo notarem omnes illas voces, quæ singularem aliquem sensum, non tantum apud Classicos poëtas, sed & nonnullos, præstantiores tamen, recentiores inveniunt: cum ratio phrasæos poëticæ unice pene in translationibus, Poëris familiaribus, consistat: quanquam & aliqua Syntaxeos ratio diversam orationem Poëticam a soluta faciat. Huic Lexico deinde subjungi posset index locorum communium, qui remitteret ad voces ipsas. Sed de omni instituto illo, in lectionibus publicis plura diximus. Pene ad illud consilium nostrum institutæ sunt, quæ Lugduni A. 1590. in 12. prodierunt *Petri ab Arca Baudouza, sive Baudouziani*, Poëticæ Elocutionis formulæ: a quo & Poëticæ Latinae Thesaurus Lugdun. 1586. in 8. decem libris confectus est.

Extant & de vernacula gentium variarum Poësi scripta varia. De Germanica nos 20 peculiari libro egimus aliquando, ac tum Scriptores recensuimus omnes; tum quid præterea dici ad rem posset, concessimus: quæ nunc repetere opus non est. De ludis Poëticis apud Gallos fusc Joh. Casaneuve agit in libro, quem inscribit *Jeux fleurants*. De Castellana, seu Hispana Poësi scripserunt *Didacus Garcias de Rongiso*, Salmant. 1592. in 4. & *Mich. Sanchez de Viana*, Compluti, 1580. in 4. Itali de sua Poësi rot agunt, quotquot vel Guarinum, vel alios novi generis Tragico-Comici, aliarumque novitarum Autores suos, contra veteris Poëseos propugnatores sibi defendendos sumunt.

Uti vero hoc Scriptionum genus ut plurimum non sine præpostera sui admiratione adornari solet: ita philautia vulgare vitium est, quod tantum non omnibus Poëtis tribui solet: de quo multa Gaddius colligit *T. I. Scriptor*. ubi de Galeno agit: nec non, ubi de Justo Lipsio. Addi vero & Barthius meret *Advers. lib. XLIV. c. 25*: Nemo autem prolixius laudes poëtarum, e philautia tali profectas, nec studiose magis, ex antiquis & recentioribus, collegit, simulque ut licitas defendit, quam Menagius

T. II. *Anti-Bailleti* p. 277. 324. qui scilicet ipse erat, ob nimias laudes suas & elogia, quæ ipse de se cumulare consueverat, ab adversario vanæ arrogantiae accusatus.

CAP. II.

DE POETIS GRÆCIS. (b)

- §. 1. Poëtarum Historiæ Scriptores Antiqui sc. complures, obiter tantum nominati, e Recentioribus autem (de quibus paulo differitur prolixius) Pet. Crinitus, Pomp. Gauricus, Lil. Greg. Gyraldus, qui præ aliis commendatur, & adversus iniquam Jos. Scaligeri censuram, crimenque plagii, a Jac. Gaddio objectioni vindicatur.) Job. Guidicionius, Gerh. Job. Vossius, Ol. Borrichius, Tanaq. Faber, Casp. Calius.
2. Poëta Græci Antiqui: Homerus (de cujus simul Exegetis Veteribus, Porphyrio, Eustathio, Didymo Περὶ ὁμήρου, Anonymis aliquot, & Actio Labeone, complura monumentur.) 3. Hesiodus. 4. Orpheus & Musæus. 5. Æschylus. 6. Sophocles. 7. Euripides. 8. Aristophanes. 9. Menander. 10. Pindarus.
11. Narratio de abolitis, per Monachos Græcos, ceterorum Poëtarum Græciæ Lyricorum & Eroticorum Carminibus. 12. Lyrici, præter Pindarum, quorum aliqua supersunt, Græciæ reliqui, Anacreon, Alcaeus, Sappho, Stesichorus, Ibycus, Bachelides, Simonides, Alcan; Archilochus item Jambographus, & alii Poëta, quorum Fragmenta, non minus, quam Lyricorum, Henr. Stephanus collegit, & cum istis junctim edidit. 13. Pseudo Pythagoras, Carminum Aureorum Scriptor, in quo Hieroclis aureus exstat Commentarius, fusc b. l. celebratus. 14. Pseudo Phocylides. 15. Theognis, Moschus. 16. Bion Theocritus, Simmius Rhodius. 17. Callimachus Cyrenæus, 18. Apollonius Rhodius. 19. Nicander Colophonius. 20. Aratus. 21. Dionysius Periegetes. 22. Lycophron. 23. Quintus Calaber, Tryphiodorus, Coluthus, Cointus Smyrnaeus. 24. Oppianus & Phile. 25. Fragmenta
- IX. Poëtriarum a Fulvio Ursino, Philosophorum autem Poëtarum ab Henr. Stephano, collecta & publicata. Oraculorum Sibyllinorum Variæ Editiones. 26. Anthologia Græcorum Epigrammatum, a Maximo Planude collecta. 27. Poëta Græci inter Christianos Veteres, Apollinaris, Gregorius Nazianzenus, Nonnus, Paulus Silentarius, Job. Tzetzes. Fragmenta aliorum, & hos inter Ezechielis, a Frid. Morello junctim edita. (De omnibus hisce Poëtis Græcis fusc satis plerumque differitur, multaque de illorum Vita, Scriptis, Stylo, Editionibus, Scholiastis Veteribus, Interpretibusque & Exegetis recentioribus, Observationes, adjectis Eruditorum judicii aliisque ἀξιωματικαῖς, in medium afferuntur.)

Sequi-

- (b) Caput hoc de Poëtis Græcis non ipsi Morhofio deberi, sed Viri illius Eruditi, qui Lipsiæ Libros IV. Polyhistoris literarii posteriores, e Praelectionibus ejus Academicis, collegit, digestit, & plurimis in locis auxit atque interpolavit, diligentiae acceptum esse ferendum, supra jam ad Libri VI. Cap. II. monuimus.

Sequitur jam, ut *Poëtar* nobiliores, *Veteres* ac *Recentiores*, enarremus: quod quidem institutum jam olim complures Græcorum æque & Latinorum Autores tenuit: adeo dignum est omni tempore visum doctorem Virorum curis argumentum hoc. Siquidem e Græcis, ut Gyraldus in Epistola suis Dialogis præfixa, observat, Aristoteles, Zeno, Antiphon Ramnulus, Nicander Colophonius, Lobus Argivus, Demetrius Magnesium, Dionysius Phaselites, Damastes Sigæus, Phania Peripatericus: (queis addi præ ceteris etiam debuisset Callimachus) ex Latinis M. Varro, & Volcatus Sediginus de Poëtis scripserunt (c). E *Recentioribus* RAPHAEL VOLATERRANUS, in *Anthropologia* sua, quæ magna Commentariorum Urbanorum pars est, carptum de Poëtis egit. Sub idem fere tempus PETRUS CRINITUS de Poëtis Latinis libros V. composuit, Basileæ 1505. excusos. Orditur a Livio Andronico, & usque ad Sidonium Apollinarem, qui Theodosii M. tempore vixit, historiam 96. Poëtarum continuat, stylo conciso, & qui, ut ipse ait in præfatione, Suetonium de Rhetoribus scribentem imitatur. Post Crinitum, cum restare adhuc sermo de Græcis Poëtis videretur, id operis in se POMPONIUS GAURICUS, Poëta insignis, & Antonio Teissierio in *Addit. ad Elogia Tbuani*. referente, Lucæ Gaurici frater, suscepit, planeque ad imitationem Criniti scripsit: uti Paulus Jovius in Elogiis, & ex eo Jac. Gaddius, asserunt. Hos vero superavit accurato studio & labore suo LILIUS GREGORIUS GYRALDUS, eruditissimus & infelicissimus Vir; qui luculentissimos, & omni eruditione refertos de Poëtis Græcis & Latinis Dialogos composuit: editos primo Basileæ A. 1545. postmodum recusos inter opera Gyraldi, ibid. 1580. 2. tomis in fol. excusa [& nuper repetita Lugduni Barav. 1696. nitidissima Editione: in qua Dialogis Lili notæ quoque doctissimæ Pauli Colomesii, antehac ineditæ, accesserunt.] Neque vero solum de antiquis Poëtis extantibus atque non extantibus scripsit: sed & de recentioribus usque ad ætatem suam: ac de iis judicia semper sua annexuit. Novi quidem, quod *Jos. Scaliger*, in *Consutatione Fabule Burdonum*, dicat p. 85. neminem infelicius de Poëtis judicasse, quam qui de Poëtis scripserit, *Lil. Greg. Gyraldus*, *Vir multæ lectionis & magnæ eruditionis: siquidem de Poëtis judicare Poëtarum duntaxat sit, idque non omnium, sed optimorum: quam in rem Cleanthis dictum allegat:*

Ὅν γὰρ πλεῖστος ἔχει συνετὴν κρίσιν, ἔτε δικαίαν,

οὔτε καλὴν ἐλπίσιν δὲ παρ' ἀνδράσι τὸτο κεν εὐρεῖς.

Enimvero, ut hic minus attendamus Scaligerum, qui alibi, uti Teissierius annotat judicii laude Gyraldum non privat, facit Viri affectus, qui a Scioppio petulantissima planeque venenata Satyra irritatus, in toto hoc scripto se prodit adversus omnes, quotquot nomini Scaligeriano, & familiæ illustri quicquam detrudere velle videbantur. Dederat vero imprudens Lilius, nesciusque ac litium futurarum, occasio-

nem

(c) Scriptoribus Vetus Latinis, Poëtarum, persecutis Historiam, addendus etiam C. Suetonius Tranquillus, e cujus Libro de Poëtis (Latinis haud dubio folis) Vitæ tantum Terentii, Horatii, Persii & Lucani, supersunt. V. Vossii *Lib. I. de Hist. Lat. c. 31. p. 166.* & Joh. Jossi *Lib. 3. de Script. Hist. Philos. c. 8. p. 249.*

nem bello Bordonico, inter Scioppium & Scaligerum atroci calamorum pugna pugnato, dum Julium Scaligerum olim Burdonem vocatum fuisse dixit: quod deinde præter Gyraldi mentem in calumniam raptum est. Quanto rectius itaque hic Gerh. Joh. Vossio aurem præbeamus, qui, & ab affectibus liber, & ferendo judicio non minus atque Scaliger par, ita de Dialogis istis loquitur, lib. de Poëtis Lat. p. 82. *Lilii Gyraldi extat historia, dialogis decem perscripta, de Poëtis antiquis, duobus de sui temporis Poëtis: opus, sicut magni ingenii & judicii, sic ingentis doctrine atque industrie: ita, ut expectandum non sit, ut quis deinceps hanc denovo provinciam suscipiat. Est, ubi hujus vel illius poëta Historiam accuratius aliquis tractare valeat, & sane id in paucis: at ab aggrediundo iterum tam vasto labore, non modo Eruditorum vulgus, sed etiam sanos omnes deterruit. Videlicet, post messum tam luculentam nihil fere, nisi quedam Spicilegia, reliquit. Hoc Vossii judicium veritati etiam esse maxime conforme fatebitur, quisquis spretis nonnullorum Lilio adversorum autoritatibus, librum ipsum æquo animo leger. Sed est utplurimum ingenuæ virtutis comes invidia, & probissimum quemque pessime suo dente habitum rodit. Fuitque hoc inprimis perpetuum fere fatum optimi Gyraldi, Thuano teste, ut præter acerbissimos arthritidis cruciatus, & perpetuam duræ paupertatis miseriam, calumniatorum quoque injuriis assidue impeteretur. Jac. Gaddius inter hos etiam esse voluit, nec contentus, tacito nomine Gyraldum subinde sugillasse, aperte etiam, ubi de illo agit, & de Crinito, carpit illos præstantissimos Dialogos, modo, quod maligne, Pet. Criniti mentione omiſsa, ejus tamen serinia compilaverit, T. II. de Scriptor. Non-Eccles. p. 129.; modo, quod multa e Scaligeri Poëtica sublegerit Gyraldus: p. 212. Verum, uti stupidius nihil dici posset, quam hoc posterius, cum anno 1545. Gyraldus suos Dialogos ediderit, Scaliger Poëticen sexennio demum post A. 1551. ita prius etiam infirmis profecto conjecturis innititur: nec probavit unquam Gaddius plagium, cujus rem hominem innocentem audacter facit. Neque quis mihi hic Contr. Gesnerum forte obvertat, idem de Gyraldi plagio sentientem *Bibliotheca* p. 548. b. siquidem longe modestius ille loquitur, nudamque suam conjecturam fatetur. *Crediderim, ait, Lil. Gyraldum, quicquid in eis (Criniti libris de Poëtis Lat.) scitu dignum legitur, transtulisse in suum opus de Poëtis.* Hæc vero conjectura Gesneri facili negotio refelli potest. Sed de Gyraldo satis. (Prius tamen adhuc, quam illum penitus missum faciamus, age Epitaphium apponemus, quod sibimetipſi scripsit, dum vixerat, & quod monumento, in Æde Civitatis Ferrariensis Cathedrali, insculptum est, Joh. Jenſio referente.*

D. M.

Quid hospes aditas? tymbium
Vides Gyraldi Lili,
Fortunæ utramque paginam
Qui pertulit: sed pessima
Est usus altera, nihil
Opis ferente Apolline.

Nil

Nil scire refert amplius
Tua, aut sua, in tuam rem abi.)

Consulam Poëtarum Italica lingua scripsit JOH. GVIDICIONIUS; sed quæ *avēndos* adhuc est, referente *Gualdo T. I. p. 212.* Exinde GERH. JOH. VOSSIIUS quoque librum *de Poëtis Græcis & Latinis* conscripsit, quanquam non ediderit ipse, dum in vivis esset; sed editus tamen est non diu post mortem auctoris 1654. in 4. Verum, ut ipse in loco, quem paulo ante produximus, fatetur, nonnisi spicilegium superesse post largissimam messem Gyraldi; ita sane liber hic non adeo est a Viro illo summo exaltatus, ut reliqua illius scripta: præsertim, cum ultima manus non accesserit. Quapropter & Paulus Colomesius, in *Bibliotheca Selecta p. 59.* nunquam edendum fuisse judicat librum illum, ut qui tanto nomini ignominiam quasi afferat. Dignius Auctore suo est Opus *de Poëtis* doctissimi Hafnienſis Medici, OLAI BORRICII, quo ille, præter magnam sermonis Latini elegantiam, magnum quoque in congerendo studium, & judicium in discernendo, ostendit. Prodiit quoque TANAQ. FABRI libellus Gallicus, *Vitas Græcorum Poëtarum* in compendio exponens: *Abregé des vies des Poëtes Grecs*, Salmurii, 1664. in 12. quem quidem ille nonnisi in usum adolescentis alicujus nobilis confecit; sed tamen pro more suo eruditissimis observationibus, quæ captum adolescentis superant, & consummatissimis in doctrina Viris novæ videri possunt, hic illic implevit. Hinc passim a Colomesio, aliisque laudatur. Non memorabo jam *Carmen* CASPARIS CÆLII, quo illustrium Poëtarum vitæ describuntur, referente Nic. Erythræo *Pinac. I. p. 231.* quum &, eodem teste, sine nitore scriptum fuerit, nesciamque, num veteres Poëtas, an solum recentiores, eo suo Poëmate comprehenderit. Adeoque sine ambagibus nunc ad Poëtas Græcos accedo.

Ex his nemo antiquior superest HOMERO, omnis Poëseos, Eloquentiæ & sapientiæ Græcæ, fonte: cujus tamen neque ætas certa, neque patria, definiri potest. Inprimis, quod patriam concernit; incertissima omnia: nimirum adeo ambitiose non solum unaquæque propemodum Græciæ civitas Homerum civem suum optabat, sed & Smyrna Asiæ, & Phrygum Troja, & Ægyptiorum Thebæ, & Italiæ urbes Luca & Roma, adscriptum suis civibus Homerum multorum Autorum testimoniis vindicare possunt: qua de re Gyraldus *Dial. II.* prolixè agit, ostenditque, tantæ sententiarum diversitati occasionem haud dubie dedisse Homeros multos, quorum octo recenset, & qui postmodum in unum imperite conflati sunt. Peculiarem vero librum de Patria Homeri scripsit Leo Allatius, Chius, Lugduni 1640. in 8. editum: in quo Chium illum fuisse, cum Simonide & Harpocrate, contendit. d) Ceterum Homeri *Poëmata non ab ipso in literas relata, sed canticorum in morem*

d) In disceptationem de patria Homeri tot urbium decantatissimam complura Poëtarum Græcorum Epigrammata, non inuenta, *Lib. IV. Anablogiæ* harum, a Maximo Planude collectæ, *Tit. 27.* (*fol. 214. Edit. Aldina*) occurrunt. Septenarius illic Civitatum & Insularum, quæ civem istum sibi vindicabant, hoc exprimitur Disticho:

morem recitata populo, indeque memoria servata, & tandem, non sine multa exemplarium dissonantia, in unum corpus congesta, jam olim, e Græcorum antiquo-

Ἐπὶ αἰεὶ μαίνουσι πέλεις διὰ ῥίζαν Ὀμήρου
Κύμη, Σμύρνα, Χίος, Κολοφών, Πύλος, Ἄργος, Ἀθήναι.

Aliter vero in altero, isti immediate subjuncto:

Ἐπὶ αἰεὶ πέλεις μέγαντο σεφὴν διὰ ῥίζαν Ὀμήρου.
Σμύρνα, Χίος, Κολοφών, Ἰθάκη, Πύλος, Ἄργος, Ἀθήναι.

Antipater & Anonymus, quorum de patria Homeri controversia ibidem leguntur Odoasiecha, omittis locis quibusdam, in gemino hoc Disticho memoratis, alia substituunt, ille quidem Ium, Salaminem & Thessaliam, hic vero Ægyptum, Cyprum, Mycenæ. Uterque, litis illius sibi sumens arbitrium, celestem Homero tribuit originem; Antipater quidem hoc Disticho:

Πάτραι σὺ τελέθει μέγας ἕρως: ἐκ δὲ τεκέσθης
Ὅν θνατῆς, μᾶτρὸς δ' ἐπλεο Καλλιόπας.

Anonymus autem, ita canens:

Ὅν γὰρ ἔφυ χθονὸς ἕρως; αἶψ' αἰδέσθης ἀλλὰ ἑ Μῦσαι.
Ἠλέμψαν, ἢ ἡμερίεις δάρα πύθῃται Φέη.

Plura diversorum argumenti hujus Epigrammata l. c. legi merentur. Nos olim in posthumam hanc de Homeri, dum vixit, contempti & cum dura colluctati paupertate loco natali contentionem ita luimus:

Spectem Græcorum atque Asia prædicis Urbes,
Quis opibus paucæ ac nobilitate pares,
De patria ingentis certasse feruntur Homeri,
Et quævis civem hunc asservisse sibi.
Smyrna, Chios, Colophon, Salamin, Pylus, Argos, Athenæ,
Hinc voluit sibi grande parare decus.
Fallimini, o Stolidæ! quod enim decus esse putatis.
Nemo non summum dedecus esse videt.
Tanti etenim Cræis, quæcumque est Patria, dotes
Spernit, dum in civis atque superstes erat.
Dura vagat unam atque extorrem pressit egestas:
Non fuit Urbs tanto patria digna Viro.

Qui odo Homeros, ob Homonymiam confusos, effingunt, & hos inter tot loca natalia, uni attributa, cum Gyraldo, b. l. allegato, & quem illi comitem adjungimus, Jacobo a Cruce, Bononiensi (in *Annal. in Auctores varios*, c. 10. Tomo I. *Thesauri Critici Græciani* p. 693. 694.), partuntur, sola Archilochi nituntur auctoritate, non Veteris illius Homeroque ipsi, uti fertur, coarvi, sed spurii atque Ψευδοὺς: ejus Libellum de Temporibus Joh. Annii, Viterbiensis, falsarius atque impostor famosus, cum aliis ejusdem furfuris Mercibus Literariis, Orbi erudito obtrulit, nec attendi proinde a cordatis merentur. Vid. *Homonymiscopiam* nostram, &c. II. cap. 3. §. 37. p. 315. 316. Plura de Homero addere non vacat. Consuluntur, præter alios b. l. jam laudatos. Ludolphi Küsteri, Marchici (qui *Neocorum* se deinde, μεταφράσεις b. l. Cognominis Græca, in *Bibliotheca sua Librorum Novorum* appellavit *menstrua*) *Historia Homeri Critica*, erudita sane & lectæ dignissima, Francosurti ad Viadrum A. 1695. in 8vo edita, & Gisberti Cuperi *Apocryphis vel conservatio Homeri, sive in Lapidem*, in quo excelsa illa est, antiquissimum *Commencement*, Amstelodami An. 1683. in 4to excelsus.

quorum Scriptis, observavit *Iosephus*, Judæorum Historicus lib. I. contra *Appionem* pag. 1034. & cum eo etiam *Plutarchus* (qui de *Homeri Vita* & poësi librum conscripsit, alterumque de *Dialectis* apud *Homerum* occurrentibus,) nec non *Stephanus Byzantinus*, alique conspirant. E quorum testimoniis pater, disiecta hinc illinc, & laceratis velut membris dispersa, *Homeri Opera* partemque jam perditam, ne penitus interirent, magno ære a *Pisistrato*, *Athenarum Duce*, esse conquisita, operaque 72. Virorum doctorum, quibus singulis (si credere fas, & non fabula potius ad exemplum historię de 72. Interpretibus *Biblicis* effecta est,) omnia *Homeri* poemata *Pisistratus* in ordinem cogenda dedit, eo tandem esse ordine collocata, prout nunc sunt, *Aristarcho* inprimis *Grammatico* atque *Zenodoto*, qui primas omnium 72. consensu tenuerunt, opem ferentibus. Verum errare graviter *Stephanum*, dum *Pisistrato* *Socios Aristarchum* atque *Zenodotum* dat, quatuor integris minimum seculis juniores, *Gyraldus*, &, post illum, *Langbainius* in *Not. ad Longin. περὶ Ὑψους Sect. IX.* annotarunt. Interea tamen per partes collecta olim *Pœmata Homeri* fuisse, inde etiam pater, quod, eodem *Langbainio* observante, antiqua partim *Iliados* nomina adhuc hodieque apud *Autores* reperiuntur: imo & *Odysseæ*, ut e *Scaligeri Poëtics* lib. I. c. 41. pater, qui illa ex *Æliano* affert. Ceterum non poterat non hac ratione evenire, ut multi etiam spurii versūs, nunquam ab ipso *Homero* scripti, simul una intruderentur: quibus tamen ut mederentur *Grammatici*, obeliscum apposuerunt. Quodsi inter ipsa *Homeri* poemata duo, quæ habemus, comparatio instituat, *Iliadem* *Odysseam* multis modis esse præstantiorem, nemo unquam negavit, quippe quam vegetus adhuc, & poëtico spiritu totus turgens, conscripsit: quæque proin totius *Carminis Epici* *πρότερον* ubivis accurate servatum ostendit: cum contra, in *Odysseæ* scribenda, jam ad senium proclivis fabulas & relatiunculas magis, solenni ejus ætatis vitio, amare cœpisset, neque amplius fabulæ unitatem servaret: prout ad *Aristotелеm* de *Poëtica* *Paulus Benius*: ac diu ante *Benium* *Scriptor κριτικός*, *Dionys. Longius*, l.c. observavit: qui posterior propterea *Odysseam* occiduo *Soli* comparat, magnitudinem sine ardoris vehementia retinenti: aut *Oceano* intra semetipsum regresso, & sedato, æstu interiore littorum ambitu se continenti, absque tamen, ut ingentium stagnorum magnitudo ipsa decreseat. De *Virgilio* cum *Homero* *comparatione* dictum est, ubi de *Virgilio*, inter *Latinos Scriptores*, ageremus. (Illud nunc ex *Menagiano* de *Ren. Rapini* *Comparatione* duorum *Poëtarum* horum addendum est: *Rapinum* instituto illi difficili plane imparem a *Menagio* dici: nec *Græca Homeri* loca habuisse, nisi commonitrante suppeditanteque *Tanaq. Fabro*, quem tunc reducere ad *Pontificios*, seu, ut ipse loquitur, convertere ad fidem *Catholicam* voluerit. Notum alias, quod ad *Annam*, *Tanaq. Fabri* filiam, elegiam scripserit, ut deterreret alienaretque a *Protestantium religione*, *Menagius*. Sed de patre ejus, per *Rapinum* tentato, nihil aliunde constar: nisi, quod *Huetius*, in *Evangelica Demonstr. Propos. III. §. 18.* refert, *Fabrum* paucis ante obitum annis, literis ad se datis, esse testatum, se de regressu ad *Ecclesiam*, in qua natus erat, *Pontificiam* cogitare; quod eum vero, morte præven-

tum, non præstitisse dolet Huetius.) Merito autem, seu Virgilio præstet Homerus, live non, reliquis Epicis Poëtis ad unum omnibus longissime antefendus judicatur. Certe non epicis solum, sed Poëtis præpmodum omnes, quin & Historicos, Philosophosque & Oratores, ex Homero, velut inexhausto fonte, hausisse sua, Longinus non solum observat *Sect. III.* exemplisque Stesichori, Archilochi, Herodoti & Platonis clarum facit: sed & Ammonium Alexandrinum scripto peculiari libro exempla ad eam rem sigillatim omnia collegisse & notasse refert, ut longiore demonstratione opus non sit. Et tamen sunt inter recentiores aliqui, qui Homerum vernaculis Poëtis suis postponunt. Sic Dante Aligerio illum inferiorem judicat Leonardus Salviatus, Florentinus Eques, Oratione III. in laudem Florentiæ ac Florentinorum Autorum: aliqui Torqu. Tassum majorem habet, ut Scriptores vitæ ejus, Joh. Bapt. Mansus & Barthol. Barbarus: Claud. Achillinus Marinum prætulit. Sed, ut hi omnes præpostero suæ gentis amore abrepti sunt, nec Homerum unquam ipsi legerunt, ita judicium eorundem non sane magnopere attendi meret. Tassus profecto semet Homero inferiorem nunquam ipsi dissimulavit, Tasso vero Marinum, multoque etiam magis Dantem, cedere confecta res est. Alium vero Adversarium Italum Homerus in ALEX. TASSONO expertus est, atque, ut videri volebat, ceteris multo etiam magis formidandum. Etenim is Erythræo narravit, se quingentas Homeri sententias, & etiam amplius, in unum Volumen collectas habere, quas editurus esset, stulte ridiculas. Vid. *Pinacoth. I. pag. 186.* Verum talem describit eodem loco Erythræus Tassonum, ut nec ejus autoritas facile ponderis alicujus esse queat: ambitiosulum scilicet, & qui suas laudes nonnisi cum aliorum viruperio stare posse existimabat: Fuit, inquit ibi, ingenio magno, elegant, atque amano: sed turbulento superstitioneque: quod clarorum Virorum, Poëtica facultatis laude omnium seculorum suffragio principum, labores ad suæ censura rationem normamque redigeret. Contra infano quodam amore in Homerum ferebatur CLAUDIUS BELURGERIUS, Gallus Homo, & in Gymnasio Navarræo Parisiis magnus Græcarum literarum restaurator: qui, non contentus, Homerum semper in manibus habuisse, non, totum edidicisse, in templa detulisse secum, & sacrarum precum loco recitare: non, pictam a celeberrimo pictore habere deformissimi Theristis imaginem, qualem ipse ex Homero dictaverat, & qua nihil illustrius, nihil magis dignum visu, censebatur: voluit insuper ipsos Trojæ campos, verustique Ilii loca, late omnia oculis suis usurpare, revertensque omnem perlustrare Græciam. Neque se a quoquam hominum dimoveri a proposito isto passus, relicta statione in Italiam abiit consensaque Veneriis navi in Ægyptum navigavit, inde abiturus in Asiam. Verum Alexandria molientem ista feralis morbus oppressit: atque sic magno etiam Orbis literati damno interiit una insignis *Commentarius in Homerum*, quem infinito multorum annorum labore confecerat, & ad quem amplius perpoliendum tantum iter susceperat. Vid. Erythr. *Pinacoth. I. pag. 206.* & Jac. Gaddius de *Scriptor. Non-Eclesiast. T. I. p. 238.* Sed non solus ille *Commentarius in Homerum* Belurgerii interiit. Perierunt Veterum Græcorum longe plurimi. Adeo enim magnus *Commentariorum* illorum ab omni ævo numerus fuit, ut, Menagio in præfatione ad Malher-

herbium dicente, magnam quoque efficerent Bibliothecam. Hodie perexiguus eorundem apparatus est. Verustissimus, qui hodie superest, Commentator Homeri, et si nequaquam totius, est PORPHYRIUS: a quo *Quæstiones Homericæ* habemus ad Anatolium, speciminis loco magno Operi in eundem Poëtam, quod moliebatur, præmissas: in quibus selecta quædam loca Homeri per singulos ejus libros, servato eorundem ordine, exponit. Scripsit quoque Commentationem de Antro Nympharum, cujus in *Odysseæ* libro XIII. mentio fit. Juncta hæc ab Aldo primum edita sunt, Gesnero teste, dein Romæ 1517. & 1518. in 4. Græce: tum Basileæ 1541. Hervagianæ Editioni Homeri addita. Quæstiones seorsim, cum suis annotationibus, Henr. Stephanus in lucem edidit An. 1566. Tiguri quoque seorsim An. 1542. in 8. Græc. & Latin. a Contr. Gesnero, & Argentorati 1539. una cum Anonymi morali errorum Ulyssis Explicatione prodierunt. Demum utrumque librum, & emendatum, & doctissimis observationibus suis illustratum, adjectumque libris de Abstinencia, in lucem emisit Lucas Holstenius, Romæ, 1630. in 8vo quæ editio Cantabrigiæ An. 1655. quoque recusa est. Post Porphyrium, EUSTATHIUS, *Thessalonicensis* Archi-Episcopus, nominandus est, post medium sæculi XII. sub Manuele, Alexo & Andronico Comnenis, Impp. Constantinopolitanis, clarus: nequaquam confundendus cum Eustathio alio, Archi-Presbytero, & Patriarcha postmodum Constantinopolitano, qui sub initium XI. sæculi clarus erat: a Marqu. Frehero autem cum priore idem perperam in *Chronologia* existimatur, ut Clar. Guillh. Cave, in *Historia Liter. Scriptor. Eccles.* pag. 475. annotat. Scripsit ille *Thessalonicensis* Eustathius vastissimum *Commentarium* in Homerum: in quo non solum Scholiastarum reliquorum ad morem Autorem suum Grammaticæ explanat: sed præter hæc perpetuo Poëtae artificium eruit & lectoribus ad imitandum, monstrata quoque methodo, proponit; neque præterit dictiones locutionesve & sensus prosaicae orationi idoneos: tum Historiarum fabularumque immensum prope apparatus late congerit; & innumera alia, quæ profunt. Editiones ejus Operis Romanam An. 1550. atque Basileensem 1560. jam in *Grammatico Polyhistor*, ubi *de Lingua Græca*, agimus, commemoramus. Addenda tamen nunc mentio Editionis quinque librorum *Iliados*, cum Eustathii Commentario, Romæ A. 1542. in fol. excusorum. Prodierunt e typographia, quam Cardinalis, nescio quis, egregie instruxerat, & cui præerat Nic. Sophianus: factaque erat spes, reliquam Eustathii partem subsequaturam. Verum, uti Gesnerus (e cujus Bibliotheca p. 237. hæc habemus) e Sophiano cognovit, mox iterum dissoluta illa typographia est, omnisque edendi ex eadem Eustathium spes expiravit. (Nihilominus tamen, in Catalogo Bibliothecæ Tellerianæ pag. 393. commemoratur Eustathius integer Romæ 1542. apud Anton Bladum, 4 voluminibus impressus. Igitur, cum duæ editiones Romanæ non sint & Baldus in Catalogo Thuanæo Editionem anni 1510. excudisse legatur, dicendum forte, Typographiam, quam dissolutam certo affirmarat Sophianus Gesnero, post octennii moram resumtis viribus, primo Tomo Eustathii, anno 1541. jam impresso, reliquos tres anno 1550. adjecisse: gerente curam editionis atque emendante Nicolao Ma-

jorano: qui & in ea, quæ in fronte tomi quarti legitur, præfatione, multa de Homero & Eustathio commentatur. Ipsum vero Indicem illum non Majoranus, sed Matthæus Devarius confecit. Ceterum, cum in Bibliotheca Frisii legeris, *Eustathii in Homerum & Dionysium de Situ Orbis Commentarios. Romæ, & Basileæ, & Parisiis apud Rob. Stephanum, excusos*; cave, id ita de Homericis Commentariis accipias, ac si illi quoque Parisiis prodissent; cum nonnisi Dionysius, qui nec Romæ, neque Basileæ, impressus est, ex officina Rob. Stephani A. 1547. in 4to cum Eustathii Commentario emissus in lucem sit.) De Compendio Eustathii, quod Hadr. Junius confecit, ediditque, sub titulo *Cornu Copiæ*: ut & de Didymi, quæ vulgo vocantur, sed vel Heracleonis, vel alius Anonymi, sunt, Scholiis in Homerum, supra etiam satis dictum est. Memoratur quoque & laudatur clicubi Index Wolffg. Seberi in Homerum, omnes voces continens, editus apud Commelinos 1604. in 4. Alium Indicem confecit Afcianus Persius, qui Bononix A. 1591. in 8. prodit. Homericæ Odysseæ in errores Ulyssis Græcam Anonymi Explicationem Hagenoæ in lucem protraxit A. 1531. in 8. Vincent. Opsopæus. In nonum Iliados librum Scholia perverutti Autons, e MS. Codice Pet. Victorii, descripsit olim Joh. Caselius, laudatque illa in libro de Ludo Literario. Ea postmodum Conr. Hornejus, a præceptore suo Caselio accepta, Helmstadiæ A. 1620. in 8. edidit. Neque vero solum Græcos interpretes Veteres nactus est Homerus, sed obtigit illi quoque Latinus, infelix tamen & barbarus, Actius Læro, Placcii Persii, Satyrici Poetæ, æqualis: qui, ut, e Scholiastæ Persii, Gyraldus Dial. VIII. observat, Iliada Homeri versibus fecitissime in Latinum vertit; ita quidem obscure, ut nec sua ipse agnosceret. De *Editionibus* Homeri recentioribus, quæ typis impressæ sunt, non est, cur admodum prolixi simus, cum Spachius longum earundem Catalogum enumeret pag. 178. *Nomenclatoris Philof.* Scripsit quoque Mericus Casaubonus de optima editione Homeri Commentariolum: similemque diatriben Joh. Rud. Werstenius: sed neutrum unquam videre contigit. Inter primas Homeri Editiones (omnium primam enim vix est ut credam) numero Florentinam, An. 1488. duobus Tomis in fol. excusam. Splendidissima est, quam, cum reliquis Poëtis Epicis Græcis, Henr. Stephanus 1566. edidit. Non minus nitida, quæ, cum Scholiis Didymi, Græce & Latine, Amstelodami 1656. in 4. C. Screevello obstericante, prodit: Quamquam recentissimus Iliados Editor Cantabrigienfis haud parum accuratioris in ea desideret. Merent adhuc adduci Parisinæ duæ editiones, una Morelliana, 2. voluminibus 1562. impressa in 4. & altera in 8. apud Adr. Turnebum 1554. Cum perpetuis Joh. Spondani Commentariis editus est Homerus in fol. An. 1583. Basileæ. Communissima fere est in Studiosorum nostrorum manibus Editio Argentinensis (quam pro Basileensi, in Catalogo Bibliothecæ Tellerianæ p. 306. haberi miror) 2. voluminibus in 8vo, ex Oberri Giphani Castigatione, cum ejusdem notis, edita primum An. 1572. sed postmodum plus semel, nisi fallor, apud Richelium, recusa: semel quoque Lugduni Batavorum, sed parum accurate. Ceteras Editiones studio hic non tangimus. Est vero *translatus* Homerus non solum in Latinam linguam, Versusque etiam Latinos a variis, sed & in vulgarem hodiernum

num Græcum Sermonem, superiore seculo An. 1526. Venetiis, in 4. per Nicol. Lucanum: nec non in Gallicum, & in Anglicum. *Clavem* Homericam, cum Appendice de Dialectis edidit Anton. Robertus, Duaci 1636. in 8. a qua diversa, ut puto, est illa Clavis Homérica, quæ, sine Auctoris nomine, Roterodami A. 1662. in 8. prodit. *Gnomologiam* Homeri doctissimam scripsit assiduus ejus imitator, Jac. Duportus, in eaque Sententiarum Homeri duplicem parallelismum cum S. Literis, & Gentium Scriptoribus, instituit: Cantabrigiæ, 1660. in 4. Festivum est, sed profecto illiberale plagium Angeli Politiani, qui Iliados explicationem solenni Oratione Florentiæ auspiciaturus nihil omnino dixit de illo Poëmate, quam quod in Plutarchi libro, tunc nondum Latine translato, extiterat: tantumque placuit sibi cum illo labore, ut, monitus licet a Jano Lascare, non resipisceret, sed imprimendam quoque illam orationem daret: quo sic scilicet patefieret fucus: prout e Prudæo, Duareno & Heresbachio, Thomasius annotavit *Dissert. de Plagio Liter.* §. 55. Sed de Homero plus fatis.

Pergimus ad HESIODUM, qui a nonnullis Veterum Homero antiquior, ab aliis multo junior, οὐρανός illius vero a quamplurimis existimatur: quorum pars etiam, ut Philostratus alique, certasse utrumque, cæram Panide Rege, poetico agone referunt. Hesiodo, juxta Quintilianum, palma in mediocri dicendi genere concedenda est; ut qui raro assurgit, verborum tamen lenitate, utilibusque circa præcepta sententiis, commendabilis est. Sunt tamen, qui de illo inclementius judicant. Plane nihil intellexisse de ipsis rerum naturis, sed solum fabulas quasdam, quas ab Ascræ, vici sui, vulgo acceperat, ut solet simplex & imperitum pastorum genus, verbis utcumque narrasse, ait Cuiuslibet Parkerus *Disp. IV. de Deo* p. 378. Ita Joh. Tzetzes & quamplurimi alii, nimiam simplicitatem Hesiodo exprobrant: Jul. Caf. Scaliger ejus *Opera & Dies*, quæ rei rusticæ præcepta esse, & de agricultura agere constat, cum Virgilli Georgicis comparat, & præ his plane penitusque temnit. Verum horum omnium criminationes ægre admodum Dan. Heinsius fert: ut qui nativam illam simplicitatem, purumque & æquale orationis filum, in Hesiodo non minus, ac in Homero admiratur, tantumque adscititio aliorum fucis præferendum judicat, quantum virgo castissima meretrici præfertur. Nec adeo in Philosophia infantem credi Hesiodum permittit. Scaligerum vero non scripturum fuisse acria illa in Hesiodum putat, si cogitasset, non hunc esse, qui hodieque superest Operum ac Dierum liber, Hesiodi librum de Agricultura, quem sibi imitandum sumserit Virgilius, & cujus alii plures Veterum meminere: sed illum penitus intercidisse cum aliis ejusdem Poëmatibus, quorum exigua solum fragmenta supersunt. Adeoque eos etiam falli Heinsius censet, quotquot rei rusticæ præcepta contineri in Hesiodi libris ἐργων ajunt, cum Oeconomia præcipuum sit, quod intendat, & cujus pars agricultura non major, quam mercatura aut navigatio, aut quam justior vitæ studium, sit. *Theogoniam* Hesiodo adjudicandam Heinsius retinet, nec Platonem & Aristotelem, quoties illam sub Hesiodi nomine allegant, aliter id, quam ex vulgi opinione, facere, persuasus est. Alii *Scutum Herculis* aliis esse Autoris credunt, Homericum Achillis Scutum imitari volentis: quod ex Veteribus Aristophanes Gram.

Grammaticus censuit: contra vero diserte Hesiodo tribuebat Stesichorus. *Inter-*
pretes priscos aut semipriscos Hesiodus varios nactus est. Operum quidem & Die-
 rum Proclum, Platonium magni nominis Philosophum: deinde Joh. Tzetzam,
 qui & Procli perpetuus, & identidem ipsius Hesiodi, utriusque ut plurimum in-
 tempestivus, censor est: (Erat enim homo stulte arrogans, & qui solus sapere sibi
 videbatur: Grammatica tamen utilia multa habet,) denique Manuelem Moschopu-
 lum. Dierum Physicam explanationem scripsit libello brevi Johannes quidam
 Protospatharius. Scutum Herculis exposuerunt Scholiis suis Joh. Diaconus, Pe-
 dialimus: quem cum Johanne totius Bulgariae Cartophylace eundem Contr. Ges-
 nerus esse putat: iterumque Joh. Tzetzes. Theogoniae interpretis obrigit iterum
 Johannes Diaconus, cognomento Galenus: & Anonymus antiquus, quem tamen
 & ipsum Tzetzam esse Basileensis Editio vult, cui non assentitur omnino, sed sub-
 dubitat, & verstiusorem putat variorum Scholiorum a Variis confectorum colle-
 ctionem, Heinsius. Hos Scholiastas cum Operibus Hesiodi primum *excudit* Ve-
 netiis A. 1537. in 4. Hier. Trinevelus. Hinc Basileensis quaedam Editio prodiit,
 Oporiniana, ni fallor, quam multo auctiora scholia illa, imprimis Tzetzæ, exhibere
 Heinsius scribit. Et hanc propterea ipse quoque Dan. Heinsius secutus est in pul-
 cerrima Editione sua Hesiodi, quam, cum Græcis omnibus Scholiis, sollicitè prius
 emendatis, & cum nova Introductione sua, notis item, Emendationibus atque Ob-
 servationibus in Hesiodi textum & scholia, Lugd. Bat. in 4. A. 1603. ex officina Ra-
 phelengii, in lucem emisit. Post hanc Scholia nunquam edita sunt: etsi Summus Vir,
 Joh. Georg. Grævius eorum denuo edendorum aliquando spem fecerit. Hein-
 sii Editio autem, absque Scholiis, retenta solum ejus Introductione & notis, quæ ad
 textum pertinent, Lugd. Batav. A. 1613. in 8. repetita est. Memini vero, in Joh.
 Croji Observationibus Sacris argumentum Operum ac Dierum Hesiodi, quod
 Græca lingua Heinsius præfixit, & *ὑπὲρ τῶν διὰ τὸν Ἡσίοδον* vocat, satis acriter perstringi,
 ut Græco-barbarum & quod Latinam phrasin redoleat: quo in loco etiam Crojus
 alia quædam Hein sii errata castigat. Reliquæ Editiones Hesiodi potiores sunt Aldi-
 na, quæ etiam prima est, 1495. in fol. una cum Theocrito, Theognide & Phocylide
 data; Frobeniana Græca, 1521. in 8. Græca & Latina cum Commentario Joh. Spon-
 dani, Rupellæ, 1592. in 8. cum notis a Corn. Screvelio collectis, & addito Indice
 Georg. Pasoris, Lugd. Bat. 1653. in 8. cum Variis lectionibus & notis marginali-
 bus Jac. Leclii, Genev. 1606. In corpore Poëtarum Heroicorum Græco-Latino:
 quod Græcum H. Stephani præcesserat A. 1566: in quo etiam Hesiodus est: qui præ-
 terea prodiit cum variis lectionibus e MSS. codicibus Palatinis, & notis doctorum
 Virorum, ap. Commelinum, Heidelb. 1591. in 8. Inprimis elegans quoque est
 Joh. Georg. Grævii Editio, quam ille, probe a se magna cura e codicibus MSS. If.
 Vossii, & antiquis interpretibus, librisque aliis, emendam, tum & eruditissimis
 notis, quas *lectiones Hesiodæ* vocat, instructam, Amstelodami 1667. in 8. edidit:
 adjectis quoque Jos. Scaligeri notulis quibusdam, & uberioribus Franc.
 Guieri, quas, ex libris, quibus hi Duumviri erant usi, excerptas, cum Grævio cele-
 berrimus Emer. Bigorius communicavit. Meditabatur tum novam editionem Vir
 crudi-

eruditissimus, quæ & Scholia Vetera & omnes recentiorum omnium notas, contineret: ut jam diximus: sed illa quidem sufflaminata videtur. Fuerunt vero varii, qui Hesiodum Versibus Latinis exprimerent. Sic Opera & Dies *translulit* Ulpius Franekerensis, Frisius; nec non Nic. Valla; Theogoniam, Boninus Mombricius, Mediolanensis, Aspida Joh. Ramus de Goes, medio sæculi superioris linguæ Græcæ in Academia Viennensi Professor. Hos omnes in sua editione Joh. Oporinus excudit: ut & Pyladem Brixianum, qui Genealogiam Deorum Hesiodi Latino carmine quinque libris expressit.

Sunt, qui Homero Hesiodoque antiquiores statuunt MUSÆUM & OR-
PHEA: qui quidem tum non errant, si antiquissimos illos Poëtas inventores intelligunt, de quibus tam multa apud Græcos feruntur: sed adeo incerta, ut Aristoteles & Ælianus, & e Latinis Cicero, unquam fuisse Orpheum & Musæum, dubitent: quibus & Recentioribus Gyraldus *Dial. II.* & Vossius *de Nat. Poët. c. 3.* ut & lib. *de Poëtis Græc. c. 2.* adstipulantur: Sed enimvero, si putant, Orpheum & Musæum, quorum *Carmina* hodieque supersunt, (illius hymni scilicet, ut & hujus Poë-
mation de Amore Herus & Leandri) eosdem esse cum illis antiquissimis, quo in errore Jul. Cæs. Scaliger fuisse videtur, næ tum graviter hallucinantur. Siquidem communi Veterum Græcorum consensu constat, nihil hymnorum carminisve, sub Orphei nomine, ante Pisistrati tempora, extitisse, quo circiter tempore, quinquagesima jam Olympiade, ab Onomacrito Atheniensi scriptos consentiunt hymnos. *Argonautica* vero etiam a recentiore quodam, quam Onoscrito confecta, dubio amplius caret. *Prodiunt* Orphica, quæ habemus, & quæ sane vilipendenda non sunt, primum ab Aldo An. 1517. in 8. una cum Musæo, Græcæ excusa: deinde Latine Basileæ 1523. in 4. Notas marginales, & Varias lectiones, adjecit Jac. Læ-
tius, Genevæ 1606. Inseruit quoque *Argonautica* Collectioni Poëtarum Epicorum Henr. Stephanus A. 1566. uti hymnos reliquaque fragmenta, Poëti Philosophicæ A. 1573. in 8. Postrema Editio omnium, quæ sub Orphei nomine supersunt, poematum est ab Andr. Christ. Eschenbachio curata Ultraj. 1689. in 12. Sed multo adhuc recentior Pseudo-Orpheo est MUSÆUS, qui, ut Heintsius, in præf. ad Hesiodum, ait, *præter nomen, vetustatis ne bilum habet: adeo; ut ex molliculis illis Grammaticulis, aut dicendi magistellis, vel prima fronte fuisse appareat, qui in umbra sua, & pulvere, luxuriari, & Veterum nomen induere, quam suum tueri, maluerunt: qui netam felici quidem successu digni fuerunt.* Vossius illum post quartum a C. N. seculum fuisse, Musæumque Grammaticum esse dictum, observat. Editus est Musæus ut plurimum cum Orpheo: sed præterea etiam, cum Commentario Dan. Parei, *Mellicia ejus Attico* subjunctus, Francof. 1627. In Anglicum Sermonem Musæus a Rob. Stapletono *translatus* est, editusque Oxoniæ, An. 1645. in 4. & diu ante versibus Anglicis expressus a G. Chapmanno Londini, 1616. 8.

Antiquiores his sunt, longeque etiam præstantiores, Græci Tragici, quorum eximia plane triga nobis superest. Primus inter illos, ut qui & ætate ceteros antecit, imo, Quintiliano teste, tragædias primus in lucem protulit, ÆSCHYLUS est,

Tomus I.

Ppp ppp

Arhe-

Atheniensis, *nonaginta tragædiarum*, Suida referente, parens, & in ludis Olympiacis tredecies, vel, ut alii volunt, vicesies octies, victor: & quod multo etiam majus est, mortuus quoque in Dionysiorum festo Athenis vicit: cum scilicet fabulas illius correctas posterioribus quoque Poëtis in certamen deferre Athenienses permiserunt, factumque est, ut & hi eo modo coronarentur: quod inter alios filiis quoque Æschyli contigit, Euphorioni & Bioni: ut ex Philostrato & Quintiliano Vossius observat, de Poët. Græc. pag. 30. Corrigi vero prius vitia Æschyli oportebat, quod esset equidem sublimis, gravis, & grandiloquus, sed sæpe usque ad vitium, & in plerisque rudis & incompotitus: quod Quintiliani, bis jam *e lib. X. c. 1. Instit.* allegati, testimonium Longinus etiam, in libro *περί ψφης*, confirmat *Secl. 3.* ubi exemplum *ὀπρότερος ὄντας*, inanis tumoris, profert ex Æschylo: & *Secl. 15.* ubi diserte ait: illum, cum aliquando magnificas, vereque heroicas visiones in suis tragædiis adhibeat, eas tamen nonnunquam rudibus & impexis, ac nondum subactis Sententiis vestire. Sed tamen non dedecere hanc sensuum atque dictionis singularitatem tragædias, Dio Chrysostomus existimat, qui in Æschylō characterem antiquitatis, gravemque magniloquentiam, ab omni humilitate remorissimam, extollit. Ceterum e tot Æschyli tragædiis, quæ olim fuerunt, hodie vix septem amplius supersunt. Sex primo tantum *edidit* Aldus, aut, qui post mortem illius officinam curavit, Asulanus, Græce, Vener. A. 1518. præfixo omnium Æschyli fabularum Catalogo, quor scilicet ab Autoribus allegatæ reperiuntur. Sed corruptissimam esse illam Editionem, omnes uno ore testantur. Igitur ad emendandas Æschyli tragædias, ope MSS. codicum, accessit Franc. Robortellus, Ludovico etiam Castelvetro & Mich. Sophiano symbolas suas conferentibus: atque sic ab erratis infinitis purgatas, addita quoque septima, hætenus inedita, edidit Venetiis in 8. 1552. cum suis & Sophiani conjectaneis; mox & ex eadem officina scholia Græca in Æschylum, ex antiquis exemplaribus collecta, anno eadem in lucem emisit. Quo & ipso anno Parisiis Adrianus Turnebus sex Æschyli tragædias, quæ in Aldi officina prodierant, magno studio emendatas Græce recudit, additis variis lectionibus. Quinquennio post, Petrus Victorius Æschylum multo etiam, quam ante fuerat, nitidiorē atque emendatiorē dedit: Agamemnone inprimis fabula, quæ mutila usque in eum diem fuerat magno labore suæ integritati restituta; opem ad id ferente Barthol. Barbadoro: cui cur Frisius, in Bibliotheca, Hier. Mæum, omisso Victorio, adjungat, non capio. Præterea Victorius auctiora Scholia quoque dedit: quibus suas etiam Observationes adjecit Henr. Stephanus, in cujus officina liber An. 1557. in 4. excusus est. Post hos cum restare tamen emendanda plurima, & inprimis pandenda carminum ratio videretur, Guilh. Canterus accessit, restitutumque a se mille locis, & præter adscripta carminum genera, suis insuper notis illustratum, & Victorio nuncupatum, reliquit, in lucem emissum Antwerpiae 1580. in 8. Idem quoque Canterus Latinam Æschyli, ceterorumque Tragicorum, versionem omnibus partibus elaboratam & accuratam, moliebat, ut sub finem præfationis in Æsch. ipse indicat. Sed interceptum conatum immatura Viri mors, quæ juvenem 33. annorum anno 1575. abripuit. Latine vero Poëtam

tam hunc nostrum *transfudit* primus Joh. Sauromannus, estque Versio ejus apud Oporinum excusa: sed infelix admodum, & obscurissima; & cui vix interpretationis nomen relinquendum judicat Stanlejus. Prometheum jam antea Matth. Garbitius Latine verterat, Scholiisque additis ediderat apud Oporinum An. 1559. Septem Thebanam stylo Vereri tragico Q. Septim. Florens Christianus felicissime reddidit: idem etiam eodem stylo Prometheum Desmotam reddiderat: ut & Jos. Scaliger Eumenides: neutra tamen, observante Stanlejo, lucem vidit: uti nec Editio Æschyli, quam H. Casaubonus in Notis ad Strabonem promissit. Ipse vero modo laudatus Thomas Stanlejus splendidissimam Æschyli Editionem orbi literato dedit. Londini 1663. in fol. in quam non solum, quicquid a prioribus Editoribus, Robortello, Sophiano, Turnebo, Victorio, Stephano, Cantero, notarum & emendationum edirum est, confluit: sed quæ & denuo cum MSS. Codicibus collata & emendata, nova versione Latina luculenta donata, atque amplissimo Commentario illustrata est: locupletato insuper Scholiaste Victorii, & novo e MSS. addito, insignis: ut nihil amplius prope deesse videatur. (Sed tamen multo adhuc illustriorem Æschyli Editionem paratam habet illustriss. Ezech. Spanhemius uberrimis ac eruditissimis longe Commentariis instructam.)

Æschylo non multo junior est Tragicus alter, SOPHOCLES, sed qui longe illum 6 arte vicir, gravissimus & sublimis Scriptor, ut qui, judicio Dionis Chrysostomi, amabat *σέμνῃ τινα, καὶ μεγαλοπρεπῇ ποιῆσιν, τραγικώτατα καὶ ἐν ἐπίσητα ἔχουσαν*, gravem & magnificam prorsus poësin, quæ aptissima tragediis esset, & summam artis peritiam ostenderet. Quapropter & *ἀνδρὸς ἀειδῶν*, flos poëtarum, Simonidi dicitur, in Epigrammate, quod in Anthologia superest, lib. III. c. 25. & cum a filio Jophonte Senex dementiæ, ob neglectam rem familiarem accusaretur, lecto coram judicibus Oedipo Coloneo, fabula, publice cum honore est absolutus: imo illa tragedia ceteris etiam omnibus palmam præripuisse visa est: referentibus Cicerone, Suida, Philostrato. Conf. quoque Longinus *περὶ ὕψους*, Sect. 15. & 33. qui Sophoclem cum Pindaro ait nonnunquam ad instar rapidæ flammæ magno impetu cuncta corripere & inflammare: rursus tamen, ubi minime expectes, desubito restingui sæpe, & perquam infeliciter ex inopinato deficere. Neque tamen propterea quicquam ejus tragediis detractum, aut illi alium præferri vult: cum in aliis scilicet multo plures & majores errores agnoscat. Verum non ea mens aliis Autoribus fuit. Namque, ut mores Sophoclis non tangam, quos, cum Cicero, Plutarchus atque Philostratus, admodum pudicos describant, aut scædos & lascivos faciunt: prout apud Gyraldum Dial. VII. legi potest: furta quoque seu plagia tam immania Sophocles ex sententia nonnullorum commisit, ut Philostratus Alexandrinus librum peculiarem *περὶ τῆς τῷ σοφοκλέους κλοπῆς* de furtis Sophoclis, Porphyrio apud Eusebium *Præp. Ev. l. X. c. 3.* referente, scripserit: e quo id Gyraldus & Thomafius annotarunt. E Tragediis ejus, quarum longe plurimas composuit, septem adhuc hodie restant, quas primus in lucem Aldus Venet. A. 1502. edidit in 8. postea Simon Colinaeus Paris. 1528. in 8. Scholia in Tragediis Sophoclis, quæ Sophoclei, Theonis & Læcilii esse, alio loco indicatuma nobis est, Romæ primo prodierunt, separatim, a nescio quo Græco homine, quem in præfatio-

ne ad Æschylum Per. Victorius commendat. Ipsismet tragædiis addita postmodum Scholia Græca sunt Romæ An. 1518. & quidem auctiora: quæ iterum deinde auxit & emendavit Bernardus Junta in binis Editionibus Sophoclis, quas excudit; & quæ Francofurti A. 1544. & 1555. recusæ sunt. Verum de his argumentis non æque præclare sentit, ut de prima Scholiorum Editione, Victorius: *Crevere, inquit l. c. opera cujusdam, qui magis numerum eorum augere voluerit, quam intelligentiam ejus Poëtæ adjuvare studuerit: immiscuit enim cum ipsis nonnulla, doctrina & acumine priorum illorum indignissima.* Andr. Mafius, in Commentario in Josuam pag. 211. Scholiorum istorum Autorem Demetrium Triclinium fuisse suspicatus est. Sed sunt alia Triclinii Scholia, quam quæ diximus: nempe quæ ab Adr. Turnebo, una cum Sophocle emendato, Parisi 1553. in 8. edita sunt: & quæ præcipue de meritis agunt, quibus in tragædiis suis usus Sophocles est. Joach. Camerarius in Sophoclis fabulas argumenti Thebaici primo Commentationes scripsit, editas Hagenoæ apud Secerium A. 1534. in 8. quas etiam Romæ in admiratione fuisse, e Sabini literis, scribit ad Camerarium Melanchthon *Epist. ad Camer. p. 237.* Igitur his, ut videtur, laudibus animatus novam suarum Commentationum editionem paravit Camerarius, qua notas in tragædias omnes continet, omniumque præfixit argumenta: sed versionem nonnisi in tragædias duas, eamque duplicem, habet: ad verbum unam, Ajacis Lorarii, & liberiorem alteram, Electræ. Ceterarum versionem propterea omisit, quod Vitum Winssemium in interpretatione Latina Sophoclis laborare audivisset. Prodiit liber Basileæ apud Oporinum in 8. 1556. Verum, ut in præfatione primæ Editionis non dissimulat Camerarius, se a Græcis Scholiis alicubi adjutum: ita fatendum sane, si quis notas Camerarii cum Græcis Scholiis compareret, parum omnino in illis reperire, quod non ex his pene ad verbum translatus sit. Sed non tamen propterea spernendæ sunt. Meminit vero Camerarius in Epistola ad Oporinum, quæ posteriori Commentationum Editioni præfixa est, copiosarum Expositionum Sophoclis, quas libro grandi in Gallia editas sibi narratum refert. Arbitror autem, famam illam falsam fuisse: vix enim adeo latere possent, quo minus apud alios Autores, aut in celebrium Bibliothecarum Catalogis nomen illarum conspiceretur. Viri Ortellii, Winssemii, (hoc enim integrum Viri nomen est) Versio Latina tragædiarum Sophoclis, ad verbum facta, Wittebergæ primo An. 1549. in 8. excusa est. Retinuit eandem in pulcherrima, quam habemus, Editione Sophoclis Henr. Stephanus, qui ipsæ Tragædias emendavit, nonisque illustravit: tum scholia omnia Græca *ἀντιγράφων* æque ac Demetrii Triclinii addidit, & Camerarii commentationes adjecit; An. 1568. in 4. quam Editionem, sub initium nostri seculi, Henrici filius, Paulus Stephanus, An. 1603. recudit. Mireris autem, H. Stephani Dissertationem de orthographia Sophocli peculiari, & de tragædia ejusdem; quæ cum notis illius in Sophoclem Euripidem (nescio an diversis ab iis, quas cum Autore ipsomet edidit) 1568. in 8. prodiit, non ipsi potius Poëtæ præfixam esse. De cetero Sophoclese correctione Guillh. Canteri quoque Græce prodiit, Antwerpæ 1579. in 12. & Lugduni Batav. 1593. Cum Scholiis Græcis & Versione Latina Cantabrigiæ 1667. in 8. Latine solum ex interpretatione

tatione Georg. Ratalleri, Antwerpia: 1570. in 8. Græce cum Latina Versione Winsemii, Heidelbergæ apud Commelinos 1597. in 8. Philocteren, Sophoclis fabulam, separatim Latino carmine, dramatum stylum imitato, scitissime expressam, una cum Græco textu, & notis suis, Parisiis 1596. in 4. edidit Q. Septimius Florens Christianus. Ajacem Iorarium simili Carmine Latino reddidit Jos. Scaliger. Andr. Dacerius Oedipum Coloneum & Philocteren elegantissime in Gallicum idioma transfudit, norisque illustravit, quæ tamen & ipsæ magnam partem e Græcis Scholiis natæ sunt. Prolegomena in omnes Sophoclis Tragædias, una cum Vita Sophoclis, ejusque cum Euripide collatione: nec non Dissertatione de Tragædia ejusque origine: & nonnullis Orationibus suis, in lucem emisit Franc. Portus, Cretenlis, Æmylii pater, Morgiis 1584. in 4.

Tertius Tragicorum EURIPIDES, ætate minimus, non sapientia, neque arte est. Etsi enim gravem illum cothurnum Sophoclis, qui pene in proverbium abiit, in suis fabulis non ostendit, nihilo minus tamen animos penetrat, & Quintiliano judice, *lib. X. Inst. c. 1.* cum magis oratorio generi accedat, sententiis densus, & in iis, quæ a Sapientibus tradita sunt, pene ipsis par, in dicendo ac respondendo cuilibet eorum, qui fuerunt in foro disertis, comparandus est: in affectibus vero cum omnibus mirus, tum iis, qui miseratione constant, facile præcipuus. Huic judicio Quintiliani Longinus quoque, peritissimus harum rerum Censor, accedit, *lib. de Sublimi c. 15.* cum ait, Euripidem naturæ plane non ad granditatem aliquam aut magniloquentiam factum, improbo tamen labore suo naturæ aliquando veluti vim inferre, atque in sublimitatem efferri, quotiescunque opus sit: præcipue tamen in exprimendis affectibus animi, seu perturbationibus, furoris ac amoris ante ceteros omnes felicem. Idem quoque Dionysius Halicarnassæus censer: idem Dio Prusæensis, qui sapientiam Euripidis & exquisitam illam curam, ne neglecti quid uspiam videatur, nec citra persuasionis vim dictum; sed recta omnia, & non minus Oratorem decencia, qui persuadet, quam Philosophum, qui maximopere prodest, admiratur. Nec sane inter minoris momenti elogia reponendum est, quod Socratis amicus fuerit & familiaris Euripides: & quod ejus mortem, cum aliter non posset, tragædia ultus est, magnamque hostibus Socratis invidiam undique conflagavit. Superfunt *Tragædia* illius integræ XIX. ab Aldo Manutio primum Venetiis A. 1503. excusæ: dein Basileæ apud Hervagium A. 1537. in 8. recusæ: mox etiam a personato quodam Dorotheo Camillo ad verbum Latine redditæ, & in lucem emissæ ibidem 1541. in 8. apud Rob. Winter. Aliam Versionem Latinam Euripidis struxit Gasp. Stiblinus, quam, una cum ejus præfationibus & annotationibus, Græco textui Euripidis adjunxit: tum & Joh. Brodæi notas in Euripidem addidit; præfixitque Jac. Micylli de vita Euripidis, ac de tragædia, ejusque partibus, prolegomena Joh. Oporinus Basileæ in fol. 1558. & 1562. Falluntur vero, qui Philippi Melanchthonis Versionem in hac Editione excusam ajunt. Nunquam enim, quantum scio, vertit Euripidem Melanchthon: & Stiblinus certe in Oporini editionum præfatione nimis clare indicat, se Autorem novæ tum a se concinnatæ interpretationis esse. Brodæi annotationes jam antea quoque Paris. 1545. in lucem prodierant. In septem pri-

mas Euripidis fabulas Scholia antiqua Græca e libris Veteribus collegit, non scripsit, ut male in Frisii Bibliotheca dicitur, ediditque apud Juntas Venetiis in 8. Arsenius, Monembasiæ Archi-Episcopus A. 1534. quæ deinde apud Hervagium Basileæ A. 1544. recusa sunt. Atque hæc eadem Scholia subjecit tragædius in sua Euripidis Editione Græco-Latina, Paulus Stephanus, Genève 1602. in 4. Emendaverat diu jam ante hanc Editionem Euripidem, & metro restituerat: non vero, ut perperam censent aliqui, Latine vertit, Guillh. Canterus, e cujus recensione prodit apud Plantinum Græce An. 1571. in 16. Secutus Canteri recensionem Æmyl. Portus, Euripidem, una tragædia, Danaë, etsi non integra, e Codd. Palatinis haulta auctiorem, cum addita Versione Latina Camilli recognita a se, & notis quibusdam, Heidelbergæ apud Commelinos An. 1597. in 8. imprimi curavit. Taceo nunc Editionem Græco-Latinam Euripidis, una cum Sophocle Æschyloque, in Corpore Poëtarum Græcorum Dramaticorum, Genève 1614. editi. (Sed non silentio prætermittenda est postrema illa Editio Euripidis, omniumque longe optima, quam nuper Cantabrigiæ An. 1694. in fol. Vir Clar. JOSUA BARNES apparavit, ut quæ non solum emendatissimas exhibet tragædias, quas alii jam publicaverant, una cum Scholiis Latinaque Versione: sed & aliarum plus quam 60. fabularum fragmenta, tum Epistolas 5. Euripidis & quæcunque alia poterant reperiri illius monumenta, collecta sistit: præmissis insuper doctissimis Dissertationibus duabus; quarum prior Vitam Euripidis, ferme Annalium in morem, diligentissime recenser: altera de tragædia Veterum agit, Scenæ apparatu, Musica, & legibus Versuum Tragicorum.) Fuerunt etiam, qui singulas Euripidis Tragædias Versionibus Latinis *εμμετροῖς* redderent: Sic Erasmus Hecubam & Iphigeniam in Aulide vertit: Georg. Buchananus Medeam & Alcesten; Hugo Grotius Phœnissas, quas Paris. 1630. in 8. edidit. Erasmi & Buchanani Versiones excusæ sunt ab Henr. Stephano in Collectione Selectarum Tragædiarum Æschyli, Sophoclis & Euripidis, quas cum duplici Versione edidit in 16. An. 1567. Andromachen Euripidis, metrica versione transtulit Q. Sept. Flor. Christianus Hamburgi 1619. in 8. editam: ut & Cyclopem fabulam, quæ Paris. 1605. in 8. lucem vidit. Veterum Tragicorum, Comicorumque extantium & non extantium, fragmenta aut Excerpta, emendata prius, Latinis versibus expressit Hugo Grotius, Parisiis in 4. An. 1626. publici juris facta.

- 8 Pergimus nunc ad ARISTOPHANEM, Comicum Poëtam, Euripidis æqualem & perpetuum adversarium, utpote in quem non solum illum invidia stimularit, quod esset Dramatum celeberrimus artifex; sed & hostilis in Socratem animus armavit. Erat vero Euripidi dissimilimus, si mores spectes, utpote pudoris omnis & honestatis contemptor: quo fit, ut scdissimis spurcitiebus ejus *Comædiæ* aliquando scatcant. Sed, quod dictionem attinet & artem, dici vix potest, quam acutus, copiosus, doctus, mereque adeo Atticus, sit: ut vix possit ad linguæ Græcæ notitiam dignior Autor commendari: censente Theodoro Gaza: & cum illo omnibus, quorquot Græcas literas norunt. Prætereo nunc festivissimos jocos, salesque acerbissimos, quibus vitia civium suorum, etiam principum in civitate, dum deferri-

scribit, impetit & insectatur. Sane adeo placuisse Aristophanem Johanni Chrystomo ajunt, ut perpetuo secum gesserit 22. quæ tum restabant, ejus Comœdias, & lectitarit. Contra Plutarchus Aristophani Menandrum longe præferendum censuit in libro, de utriusque comparatione scripto: cui tamen Nicod. Frischlinus sese opposuit in Defensione Aristophanis contra criminationes Plutarchi: quæ in fronte Comœdiarum Aristophanis, ab illo editarum, conspicitur. Restant vero e tot Comœdiis Aristophanis hodie nonnisi Undecim; nec eæ omnes simul repertæ. Sed novem tantummodo earundem primus in lucem e MSS. Codicibus protraxit Aldus Manutius, queis statim Vetera quoque Scholia Græca adjecit, quibus, ut recte judicat, nihil aptius Græce discere cupientibus, nihil melius legi potest, Veneriis in fol. An. 1498. & iterum 1502. De Scholiis jam alibi monitum, magnam partem in Suidæ Lexico reperiri. Collegit illa, diversa prius atque confusa, Marcus Musurus, qui & in ordinem redegit, & impressioni libri præfuit; prout ex præfatione illius Græca apparet. Post Aldum edendi Aristophanis curam in se Bernh. Junta, Florentinus Bibliopola, suscepit, & per Anton. Fracinum, a quo Arsenius Cretensis, Monembasiæ Archi-Episcopus, etiam sæpe in consilium advocatus est, recognitas novem illas Comœdias, Indiceque copioso auctas, denuo edidit in 4. A. 1515. Florentiæ: & cum eodem anno, post absolutam novem Comœdiarum editionem, ex Urbinatæ Bibliotheca Codicem Aristophanis esset nactus Junta, in quo, præter illas novem, duæ aliæ reperiebantur; *Lystrata*, quam, quod non integram haberet, omisit Aldus: & *Θεσμοφορσίαζουσαι*, seu Cerealia Sacra celebrantes; non distulit earum Editionem, sed & eodem mox anno 1515. in 8. dedit: absque tamen Scholiis, quippe quæ non reperit. Observat vero Gesnerus, admodum corruptum fuisse illum Codicem Urbinatæ, quippe in quo integræ nonnunquam dictiones mutilæ sint. Secutæ sunt Italas Editiones Aristophanis Basileenses Frobenianæ, quæ omnes XI. Comœdias complectuntur: prior quidem An. 1536. in 4. & altera 1548. in fol. sed illa, si recte conjicio, scholiis instructa non est. Sine scholiis Græce quoque Parisiis, apud Gormontium, An. 1528. in 4. Aristophanis novem priores Comœdiæ prodierunt: omnes undecim ibidem apud Andr. Wechelum, referente Gesnero. Eadem Francofurti A. 1544. in 8. Græce lucem adspexerunt. Inde aliquamdiu tantum per partes editæ sunt Aristophanis Comœdiæ. *Θεσμοφορσίαζουσαι*, Græcis Expositionibus suis (antiquis enim carebant) edidit, & Francisco I. Regi Galliæ, nuncupavit Ægid. Bourdinus, Parisiis, 1545. in 8. *Irenam*, cum Latina Interpretatione, styli Comico-rum Latinorum imitata, & eodem genere versuum cum Græcis scripta; nec non uberioribus & doctissimis notis Q. Sept. Flor. Christianus, Jac. Aug. Thuano inscriptam Parif. 1589. in 8. Idem Florens *Lystratam* quoque & *Vespas*, eadem ratione versas, & Commentariis illustratas, reliquit. *Plutum* uberimis Commentariis illustravit Carolus Gerardus. Quinque Aristophanis Comœdias *Plutum*, *Nubes*, *Ranas*, *Equites*, & *Acharnenses*, Latina interpretatione donatas, edidit Francofurti An. 1586. in 8. Nicod. Frischlinus: quæ etiam A. 1600. Lugduni Batavorum, apud Raphelengium, recusæ sunt. Omnes, ut puto, Comœdias Aristophanis Latine transulit Andreas Divus, Justinopolitanus, Venetiis,

ut

ut Simlerus refert, impressas. Ex his vero omnibus Editionibus Aristophanis conflata tandem, omnium præstantissima est: quam Genevæ in fol. An. 1670. ÆMYLIUS PORTUS, Francisci filius, excudi curavit: & cui, præter antiqua Græca Scholia, & illa, quæ in Lysistratam Bourdinus composuit, alia quoque Græca in integrum Aristophanem, eaque longe doctissima, accesserunt, Odoardi nempe Biseri, Charlaci Domini, Galli nobilis, qui ea cum Porto communicavit: tum Florentis Christiani in Lysistratam & Vespas Versio atque commentarii, quas a Claudio Florente, Q. Septimii filio, accepit: præterea Gerardi Notæ in Plutum: & Index tandem copiosissimus: ut sane melior Poëtæ editio temere sperari non possit. Et tamen gravissime de eadem conqueritur Claudius Florens, Epistola ad Scaligerum Parisiis data: truncata scilicet multa patris sui, mutatum ordinem & tantum non everfa omnia, indignatus. *Je n'ose vous parler de l'Aristophane: inquit Epist. Gallic. ad Scalig. a Jac. Revio editarum, pag. 61. vous l'avez vu, je m'assure, premier que nous: car l'ouvrage en est si laid, que je ne le puis avouer pour parent. Le mal est arrivé de l'avoir envoyé hors d'icy, & en ville, où ils ne croient aujourd'hui qu'à leur teste. Ils ont méprisé l'ordre, que je leur avois envoyé, ont retranché plusieurs choses de mon pere, l'épître même à Mr. de Thoussier l'Irene, & y en ont mis des gens, qui n'ont de tout rien contribué à leur oeuvre: puis ont tellement mêlé ce que je leur avois bûlle, qu'il semble, que leur dessein avoit été plutôt de l'étouffer, que de luy faire voir le jour.* Ita nihil est ex omni parte beaurum. Et sane superesse adhuc hodieque longe plurima in Aristophane, post tot Criticos emendanda, dubium eo minus est, quo major est circa id doctorum omnium consensus. Jos. Scaliger margini libri sui Emendationes plurimas adscripserat: quas retinuit dein illa editio Aristophanis, quæ Lugduni Batav. apud Joh. le Maire An. 1625. duobus Tomis in 12. Græcæ & Latine, excusa est minoribus typis. Tanaq. Faber in Epistolis suis, quamplurima Aristophanis, quem unum scilicet in deliciis summe habebat, loca restituit: sed & integram Comœdiam, *Concionantes* dictam, secundæ parti Epistolarum annexuit, ingeniosissime emendatam a se, &, sprete Versione Andr. Divi, quem vix alternos Poëtæ versus intellexisse, nec ullum Hellenismi sensum habuisse, ait, de novo Latine redditam Mich. Neander, in præfatione ad Erotemata Ling. Græcæ pag. 169. refert, Thomam Venatorium Plutum Aristophanis Latine vertisse: omnes vero Comœdias illius Sebastianum Guldebeck, Tigurinum, cujus tamen posterioris laborem nondum esse in lucem editum scribit: quod nec posthac factum aurum. Italum vero Interpretem omnium Comœdiarum, nescio quem jam superioris seculi medio nactus Aristophanes est: prodiit enim Verlio Anonymi Venetiis An. 1545. in 8vo. E Gallis nemo fuit, qui attingeret Aristophanem, interpres: usque dum Eruditissima Virgo tum, Anna, Tanaqv. Fabri filia, quæ hæreditario amore Aristophanem deperit, non diutius ferendum rata, ut illa suavitas Poëtæ, ingenii mira quadam præstantia & recondita prudentia commendandi, Gallis suis ignoraretur, fabulas duas, *Plutum* & *Nubes*, elegantia summa, & quæ cum Græco ferme certare possit, in vernaculum Idioma transfudit: præmissa præfatione in laudes Aristophanis concinnata, & Observationibus longe

longe doctissimis adjectis: Parisiis 1684. in 12. Eædem Comædiæ duæ nuper A. 1695. Oxonii, e Theatro Sheldoniano, Græce, cum Scholiis, nitidissime de-
nuo prodierunt in 8.)

De reliquis Græcis Comiciis, quorum olim magna copia fuerat, nihil super-
est, nisi fragmenta quædam. Equidem MENANDRI, quem paulo ante Ari-
stophani a Plutarcho prælatum diximus, & cujus tam in Græcia, quam in Latio,
magnum nomen fuit, adeo, ut a Terentio in Latinam linguam converteretur, vi-
ginti & quatuor Comædias integras, a Michaële Psello explicatas, extare scribit, in sup-
plemento Bibliothecæ Gesnerianæ, Anton. Verderius p. 57. ubi Catalogum Gram-
matici, nescio cujus, librorum hinc inde extantium exhibet. Sed nusquam hacte-
nus illæ Comædiæ repertæ sunt, minimum typis non impressæ. Fragmenta solum,
e Strobæo, aliisque Autoribus, collecta, plus semel excusa. Cum Philistionis Sen-
tentiis comparatas Menandri edidit, & notis illustravit Nicol. Rigaltius Paris. in 8.
1613. Idem Janus Rugerius lib. IV. Variarum Lectionum suarum fecit. Quan-
tum vero amiserimus in Menandro, dicat Quintilianus, qui vel unum illum, diligenter
lectum, ad cuncta ea, quæ præcipimus, effingenda sufficere judicat: ita omnem, ait, vita imagi-
nem expresse, tanta in eo inveniendi copia, & eloquendi facultas: ita est omnibus rebus, per-
sonis, affectibus accommodatus - - Atque ille quidem omnibus ejusdem operis Autoribus ab-
stulit nomen, & fulgore quodam sue claritatis tenebras obduxit. Instit. l. X. c. 1. Menandri
Sententias quæ supersunt, sententiis L. Comitorum, quorum Opera interierunt, in-
seruit, & in locos certos digestas Græce & Latine Basileæ A. 1560. in 8. edidit Jac.
Hertelius: quod idem Henr. Stephanus quoque fecit.

Sed a Dramaticis nunc ad Lyricos progrediendum est. Horum princeps
PINDARUS, Sophocli coævus, Dorica dialecto scripsit, grave, sed difficile &
obscurum Carmen, jamque olim pro inimitabili habitus ab Horatio est, lib. IV. Carm.
Od. II. qui tamen unus omnium optime illum est imitatus, aut vicit etiam: qua de
re legi Comparatio Pindari & Horatii meret, Sermonem Gallico a Franc. Blondello
scripta, quæ cum Ren. Rapini Comparationibus, post Parisinam Editionem, in
Belgio edita est. Myrtidis Poëtriæ discipulus fuit Pindarus, & a Corinna, alia
Poëtria quinquies in certamine victus: qua de re Pausanias, Ælianus, Plutarchus,
agunt: & ex iis omnes, quotquot de Poëtis scribunt, recentiores. Quatuor ejus
Carmina, aut, si mavis, libros, quos habemus, Olympia, Pythia, Nemæa & Isthmia, quæ
laudes continent Victorum, qui in quatuor istis ludorum generibus apud Græcos
vicerant, primus, qui omnes fere Græcos Autores, in lucem emisit Venetiis An.
1513. in 8. Aldus Manutius. Biennio post A. 1515. Romæ Pindaro vetera Scholia
Græca accesserunt, quorum partem Demetrio Triclinio esse vindicandam, ex præ-
fatiuncula quadam, quæ post Olympia legitur, observat Gesnerus; excusus est li-
ber in 4. & non adeo multo post Florentiæ apud Juntas recusus: nec non Franco-
furri apud Brubachium 1542. in 4. præfixa Pindari Vita, quam Thomas Magister
composuit. Omissis Scholiis, Aldinam solum Editionem Pindari reperiit Basileæ Andr.
Cratander, A. 1526. in 8. curam Editionis gerente Ulr. Zwinglio, qui & præfationem

præfixit. Addita est, post Græcum textum Latina versio ad verbum facta, Auctore Joh. Lonicero, qui post aliquot annos revisam eandem Versionem, una cum notis in Pindarum, quas, ut ipse non dissimuletur, e Græcis Scholiis, aliorumque Virorum doctorum scriptis, hausit, recudi A. 1535. curavit. Liberiores Pindari Versionem, quæ non adeo verbis sese astringeret, struxit Philippus Melancthon, quæ in Henr. Stephani manus pervenit: sed quam, etsi laudaret Stephanus, non tamen excudit in sua Pindari Editione, quam minutiore forma, sed commodissima, nec minus nitida, edidit, cum adhuc Ulrici Fuggeri esset Typographus, Heidelbergæ 1560. in 16. anno 1566. repetitam: cui suam Versionem ad verbum factam, ut tironibus inserviret, apposuit: etsi alias liberiores magis amaret, comparareque Græcos Poëtas ita ad verbum translatos cum arboribus soleret, quarum folia autumnus dejecit. Repetiit, post Henrici obitum, illam Editionem Genevæ, sub initium hujus sæculi, Paulus Stephanus: qui & idem cum Scholiis Pindarum, & Latina versione recudit A. 1559. in 4. quod ante illum Parisiis A. 1558. Guilh. Morellus fecerat. Nostro sæculo Pindarum, cum Latina Paraphrasi, præter versionem apposita, & Commentariis doctissimis, Joh. Benedictus Salmurii in 4. 1620. edidit: & qui illum adhuc præcessit, ERASMUS SCHMIDIUS Wittebergæ 1616. in 4. qui & miro studio miraque felicitate emendavit Poëtam suum, denuo vertit, metrorum rationem exactam dedit, de ipso Poëta, tum de Olympionicis, quorum luculenta una exhibetur Chronologia & de carminibus lyricis uberrime præfatus est: magnamque adeo apud exteros laudem cum illa Editione sua consecutus est, ut qui in mentem Poëtæ altius, quam Criticorum ceteri, penetrarit. Commentarii, quos annexuit, bonam partem sunt e Scholiis Græcis hausti: sed quibus ipse suas observationes densa segete immiscuit. Memoranda hic quoque est Latina Versio Nicolai Sudorii, carmine lyrico, juxta numeros Horatianos scitissime, ut antiquorum propemodum nulli cedat, exarata, quam, cum ejusdem Commentariis in Nemea, Feder. Morellus Parisiis A. 1582. in 8. emisit. (Rarissima jam a longo tempore fuit: bene vero actum, quod nuperrime illam recudi curarunt Oxonii, e Theatro Sheldoniano, Clarissimi duo Pindari Editores, qui Poëtam hunc, cum plurimis Codicibus MSS. collatum, Scholiisque non minus Græcis, ac Versione Latina, & excerptis Animadversionum Schmidii, quæ scilicet in Scholiis non continentur, ac Joh. Benedicti paraphrasi, tum Variis lectionibus, notis novis, & copiosissimo Indice, illustratum, splendissime A. 1697. in fol. ediderunt. Præfixa insuper nova Olympicorum ludorum Chronologia, cujus Autor Episcopus Lic. Abieldensis, Guilh. Lloyd est, & quæ æque ut Schmidiana Olympiadum cum Annis Mundi, ante Christum natum, ab Urbe condita, & Epocha Christianorum, collationem ostendit.) (e) Italice etiam versus est Pindarus, & cum Commentario Alexan-

*) Inter Pindari Editores atque illustratores mentionem etiam honestam meretur Mich. Neander, toties, aliis in locis, a Morhofio, ob Merita in Literas, imprimis Græcas, eximia, haud immerito celebratus, cujus cæsar, & Basileæ A. 1556. in 8vo prodit, *Aristologia Pindarica Græco-Latina, quicquid in Pindaro, Vare, ut venustissimo, ita quoque castissimo & sapientissimo, memora-*

Alexandri Adimari Pisæ 1631. in 4. editus. Bened. Aretium Commentarium in Pindarum edidisse, A. 1587. impressum, Catalogus Bibliothecæ Bodlejanæ testatur. Qui tamen, ut hoc obiter addam, male Pseudo-Pindarum, qui Epitomen Iliados Homeri Heroico carmine Latino scripsit, & Hagenoæ primum 1531. deinde Basileæ 1541. editus est, cum Græco Poëta Pindaro confundit: qui idem error in Catalogo Bibliothecæ Thuanæ quoque deprehenditur. De Dorica Dialecto Pindari meretur quoque legi Salmasius libro de Hellenistica p. 28. qui ex Philopono observat, non puram illam, sed ex communi mixtam fuisse. Omissem prope *Lexicon Pindari* cum Æmylii Porti, quo lectores non parum jvantur: prodit Hanoviae, 1606. in 8.

Lyricorum reliquorum etsi non contemnendus olim apud Græcos; post Pindarum, numerus erat, hodie tamen vix quicquam, præter fragmenta, superest, quæ ex aliis Autoribus colligenda sunt. Cujus quidem infelicis fati causam non solum in temporum injuriam, sed & in præposteram Monachorum religionem, devolvi debere, Petrus Alcyonius observavit: cujus e libro de Exilio locum cum auro contra carum Colomesius duxerit, nec sibi ab eo in Cimelia sua Literaria c. 15. transcribendo temperare potuerit, age & nos apponemus. *Audiebam puer, inquit, ex Demetrio Chalcondyla Græcarum rerum peritissimo; Sacerdotes Græcos tanta floruisse auctoritate apud Cæsares Byzantinos, ut integra, illorum gratia, complura de Veteribus Græcis Poëmata combusserint, imprimisque ea, ubi amores, turpes lusus, & nequitie amantum, continebantur: atque ita Menandri, Diphili, Apollodori, Philemonis, Alexis, tabellæ, & Sapphus, Erinne Anacreontis, Mimerni, Bionis, Alcmanis, Alcei, carmina intercidisse: tum pro his substituta Nazianzeni nostri poëmata, quæ etsi excitant animos nostrorum hominum ad flagrantiorum religionis cultum, non tamen verborum Atticorum proprietatem, & Græcæ lingue elegantiam, edocent. Turpiter quidem Sacerdotes isti in Veteres Græcos malevoli fuerunt, sed integritatis, probitatis & religionis maximum dedere testimonium.*

Quamquam vero hæc ita sint, non tamen omnes Poëtas Lyricos idem interitus perdidit. ANACREONTIS profecto partem maximam (quis enim omnia ejus in universum, integraque Poëmata speret?) e tenebris eruit, per multos labores, multaque, ut ait in præfatione, pericula, jugulatis custodibus, multifariam oculatis & abruptis adamantinis vinculis, quæ adstrictus bonus Anacreon detinebatur, carceres perrumpens, HENRICUS STEPHANUS; qui idem Latino carmine Anacreontico venustiores & a corruptionibus puriores Odas expressit, ediditque primo A. 1554: in 4 majusculis literis, adjectisque uberioribus notis, qua quidem re magnam apud Viros doctos gratiam inisse Stephanum ignotum nemini esse potest, quisquis exquisitam illam suavitatem Anacreontis, & ut cum Cicerone loquar, mollitudinem carminis, consideraverit: quapropter & Jul. Cæs. Scaliger Anacreontem non solum *μῆλην* dedisse, sed & in ipsis mella, inquit, Poët. l. I. c. 44. Utut cetera negari non possit, nimiam ipsius Poetæ voluptatum cupidinem fuisse, Venerisque, quod jam olim illi a pluribus objectum est: etsi Henr.

Qqq qqq 2

Stepha-

bile, notari dignum & rærum, nec alibi similiter obvium, cum Prolegomenis de Vita ejus, & IV. Ludis Græcorum Solennibus, Notisque Marginalibus, ac IX. Lyricorum Sententiis, hinc inde collectis, eodemque pacto illustratis exhibens.

dinem fuisse, Venerisque, quod jam olim illi a pluribus objectum est: etsi Henr. Stephanus excuset. Hujus Stephani non fuisse Versionem illam metricam, quæ sub ejus nomine prodiit, sed Joh. Aurati, vel ut alii proferunt, Dorati, Colomesius, ex IC. Vossii relatione, in *Particularibus* narrat, aitque Vossium id a Scaligeri manu, qua is id suo Anacreonti adscripserit, edoctum nosse. Verum adeo impudentem Stephanum ego sane non credo, nec impune id laturum pro certo habeo, cum post primam Anacreontis Editionem Doratus integros 34. annos vixerit, tam impudentem plagarii imposturam nequaquam impunem laturus. Post primam illam Editionem Stephanus Anacreontem totum Latine vertit: ex Eliæ Andreae versione verò, quæ itidem carmine Anacreontico scripta est, & apud Morellum Luteriæ primo prodierat, Odas quasdam adjecit, & sic Anacreontem, cui brevissimas nonnullas Notulas sub Voluminis finem addit, minutiore typo exscriptum, Lyricis Poëtis reliquis inseruit, & cum Pindaro, qui Volumen primum constituit, Tomo secundo edidit A. 1566. in 16. Sunt vero Lyrici illi, ALCÆUS, omnium antiquissimus, ut qui *Pittaci*, Atheniensium tyranni, qui inter septem Græciæ Sapientes numerari solet, æqualis atque etiam hostis tyrannidem patriæ non ferens, quam in aliis etiam civitatibus infectabatur: atque hinc *Srafiotica* scriptur, librum, quo tyrannos infectatus est, ob quod Opus aureo plectro illum merito donari ait Quintilianus, qui in eloquendo Alcæum brevem, magnificum & diligentem, Homeroque similem vocat: cum quo Horatius etiam conspirat, & e Græcis Dionysius Halicarnassensis, qui τὸ μεγαλοφῶνές, καὶ βαρὺ καὶ ἡδὺ τῷ Ἀλκαίῳ μετὰ δεινότητος, ἐστὶ δὲ καὶ τὰς χιματισμὸς μετὰ σαφηνείας, ὅσον αὐτῆς μὴ τῇ διαλέκτῳ τί κακοκαταν, καὶ πρὸ ἀπάντων τὸ τῶν προαγμάτων πελτικῶν ἦδος, (magnificum, breve suaveque dicendi genus Alcæi, cum eximia tamen gravitate conjunctum, præterea figurarum usum, cui justa perspicuitas, nisi ubi Dialectus nonnihil impedit, adhaeret, & præ omnibus civilium characterem) consideratione digna judicat. Enimvero, quicquid ejus hodie superest, ex Athenæo, Heraclide Pontico, Stobæo, Scholiastæ Pindari, Aristotele, Plutarcho, Hephæstione, Eustathio, excerptum fuit. Sequitur Alcæum SAPPHO, insignis Poëtria (a qua genus Sapphicum,) & quæ cum præstantissimis quibusque Poëtis certare poterat, mortalisque credebatur, & habitum hominis induta Musa: cujus, Longino περὶ ὕψ. Sect. 10. judice, illud erat præcipuum artificium, quod nosset τὰ τοῖς ὕλοις συνπαράχοντα μέρη ἀπασι τοῖς προαγμοῖσι φύσει συνεδέσθαι, ἐκλέγειν δὲ καὶ τοὺς καυριώτατα, καὶ ταῦτα τῇ πρὸς ἀλλήλα ἐπισυνδέσει καὶ δάπερ ἐντὶ σώματι ποιῆν. Sermonis illas particular, qua rebus ipsis veluti connata sunt, & iisdem natura insident, semper maxime proprias & validissimas excerptare, & ex iisdem, aptissime inter se constructis, unum quasi corpus facere: qua quidem exquisita particularum congerie non poterat non, & altitudinem suo carmini debitam conciliare, & vim in animos percellendos capiendosve habere, quam veller ipsa. Certe Longinus meliorem artificii summi iconem exprimi non posse existimabat, quam si *Odarium Sapphus* apponeret: illud ipsum quod Catullus non minore artificio Latino fecit: Catullus inquam, qui Sapphus carmina unice deperibat, solaque præ omnibus aliis poematibus imitanda sibi proposuit. Aliud Sapphus canticum ad Venerem, non minus molle, Dionysius

Hali-

Halicarnasseus servavit, in libro de Structura sermonis. Præter hæc duo nihil Sapphus superest, nisi exigua quædam fragmenta: quæ tamen & ipsæ ex Plutarcho, Stobæo, Scholiastis Pindari, Apollonii Rhodii, Euripidis, Aristophanis, Sophoclis, Eustathio, Hermogene, Macrobio, Aristotele, Aristide, Polluce, Etymologici Auctore, Athenæo, Hephæstione, Achille Tatio, Demetrio Phalereo, Maximo Tyrio, & Anthologia Epigrammatum Græcorum, Stephanus studiosissime conquisivit. Post Sapphon STESICHORUS ponitur, ingenio validus, dicente Quintiliano *Inst. lib. X. c. 1. Et qui Epici carminis onera lyra sustineret. Reddit enim personis in agendo simul loquendoque debitam dignitatem: ac, si inuisset modum, videtur emulanti proxime Homerum potuisse: sed rediudat atque effunditur; quod, ut est reprehendendum, ita copie vitium est.* Similia sunt, quæ Dionysius Halicarnasseus, & quæ Hermogenes habent. Dignum memoratu est, quod Suidas de illo refert; Tisiam fuisse primo vocatum, sed Stesichori nomen accepisse, ὅτι πρῶτος σὺν κιθάρα καὶ χορῶν ἔχρησε, quod primus cum citbara cantu chorum instituisse. Filias habuit, quæ & ipsæ Carminum laude inclutæ fuerunt. Carmina varia multorumque generum scripsit: de quibus Gyraldus videatur. Fragmenta, quæ habemus, non multa sane suppeditarunt Athenæus, Stobæus, Scholiastes Euripidis, Plutarchus, Strabo, Plato, Eustathius & Apollonii Rhodii Scholiastes. Nec plura IBYCI nobis restant, patria Rhegiensis Itali, qui in Samo Insula vixit, a latronibus tandem interemptus: qua de re & de ultione secuta, ut & de lascivo Ibyci in pueros amore, nec non de septem ejus Operibus, multa e Veteribus colligit Gyraldus, Dial. IX. Fragmenta Stephanus collegit ex Athenæo, Plutarcho, Platone, Suida, Scholiaste Pindari & Porphyrio. Sextus inter Lyricos Stephani, nequaquam juxta rationem ætatum collocatus, est BACCHYLIDES, ex Ceo insula, urbeque Julia oriundus, ut Suidas refert; adeo celebris Poëta, ut cum Pindaro ab Hierone, Syracusarum tyranno, prælatum Pindare Scholiastes scribat, e quo id annotavit Gyraldus, qui & ex Porphyryone notat, Horatium plus semel esse imitatum Bacchylidem: & ex Ammiano Marcellino refert, Julianum Imp. adeo carminibus Bacchylidis delectatum fuisse, ut & vivendi præcepta inde sumeret. Fueritque adeo Juliani ævo integer adhuc Poëta ille necessum est; cujus exigua hodie frustula solum habemus, ope Autorum allegantium, Stobæi, Athenæi, Plutarchi, Dionysii Halicarnassei, Clementis Alexandrini, Scholiastarum Pindari & Apollonii Rhodii, ac Hephæstionis, conservata. Bacchylidis Consanguineus, Suida teste, fuit SIMONIDES, ex eadem cum illo urbe & insula oriundus, tum pietate in Deos, tum variis inventis scriptisque, rebus & libris inclutus. Namque ab eodem Suida literas longas duplasque (Plinius has quatuor tantum ait, η, ω, ζ, ψ.) invenisse dicitur, & tertium in lyra sonum: præterea artem quoque memoriæ: scripssisse vero Elegiaco carmine historiam regum Cambyſis & Darii, lyrico historiam pugnæ navalis ad Artemisium, tum threnos, Encomia, Epigrammata, pæanas, tragediasque, & alia. Characterem ejus dicendi tenuem quidem, at suavem, & in movendo commiserationis affectu virtute præcipua pollentem, describit Quintilianus l. c. Dionysius Halicarnasseus in movendo affectu isto, etiam Pindaro judicat præstantiorem Simonidem: & præterea τὴν ἐκλογὴν τῶν ὀνομάτων, καὶ τῆς συνθέσεως

τὴν ἀκριβέστατον, delectum verborum, & accuratam orationis ejus structuram, observare juber. Longinus etiam in Visionibus Simonidem ceteris aliquando omnibus præstare docet, de *Sublimi Scet.* XV. Cetera, quæ de Simonide dici possunt, Gyraldus & Vossius studiose admodum congesse- runt. Ille tamen labitur, cum, Simonidem annum ætatis nonagesimum nonum excessisse, e Suidæ testimonio refert: cum Suidas nonum & octuagesimum solum eum attigisse scribat. E tot vero Scriptis Simonidis nihil præter fragmenta superest, e Dionysio Halicarnasseo, Clemente Alexandrino, Athenæo, Scholiastis Apollonii Rhodii, Euripidis, Sophoclis, Stobæo, Plutarcho, Aristide, Platone, Aristotele, Philostrato, Galeno, Hephæstione, Thucydide, Polluceque, ab Henr. Stephano collecta, & in ordinem aliqua saltem ratione digesta. Ultimo inter Lyricos loco ponitur ab eodem Stephano ALCMAN, quem primum omnium, ratione ætatis, esse, e Veterum testimoniis Gyraldus, Vossiusque observant: Laco fuit, Carminum amatoriorum inventor, ut Suidas ait, & qui primus in Carminibus, alios, quam hexametros, versus adhibuit. Distinguendus ab Alcmane Messenio, itidem Lyrico. (Nuperrime asportatum Venetias e Græcia est monumentum aliquod marmoreum perverustum, cui superscriptæ literæ, nimia temporis longinquitate exesæ, docto cuidam apud Italos Viro Alcmanis hujus nomen & laudes continere visæ sunt: quapropter & æri incidi marmor illud Venetiis curavit A. 1697. in 4. una cum addita Dissertatione brevi, qua Conjecturam suam exponit atque tuerur. Enimvero, cum ille, quisquis demum fuerit, cui marmor erectum est, ut clarissimus militiæ Imperator celebretur, & non sine magna pompa sepultus, insculptusque marmorî sit; Alcman vero, Poëta lyricus, nuppiam inter Duces militiæ numeretur, tum miserrime, pediculâri morbo perierit, ut diserte Plutarchus in Sylla refert: vix est, ut locum Viri docti conjectura invenire queat.) Perpaucâ restant hujus fragmenta, ex Athenæo, Hephæstione, Scholiastæ Pindari, Eustathio, & Plutarcho, collecta. Atque hi sunt octo, aut cum Pindaro novem Lyrici Poëtæ, quos uno Volumine collectos, & Latine versos, ut diximus, Henr. Stephanus semel iterumque publicavit. Adjecit etiam, quæ colligere potuit de ARCHILOCHI, celebris Poëtæ, qui *Jambos & Elegias* scripsit, & Longino, ob sublimitatem semel iterumque laudatur, Carminibus: tum Melanippidæ, Telestæ, Pratini, Erinnae Lesbiae, Alphei Mitylenæi, Juliani Ægyptii, *Versus* varios & *Odas* undiquaque mira industria conquisitas. Post primam illam Stephani Editionem seculo pene integro cessatum est: imo nunquam simul omnes Lyrici, ab eo tempore, sunt excusi; sed qui Alcei, Stesichori, Ibyci, Bacchylidis, Simonidis, Alcmanis & Archilochi, reliquias legere voluerit, ad illam Stephani collectionem, aut Editionem Fulvii Ursini cum notis Antw. A. 1568. in 8. excusam, recurrat necesse est. Anacreon tamen & Sappho, ceteris feliciores, doctissimos aliquot Editores, ac Interpretes novos, nacti sunt. Neque enim nunc nisi obiter memorabo Editionem septem Anacreontis Epigrammatum, quæ in Maximi Planudis Florilegio Venetiis, apud Aldi hæredes, A. 1521. excusa sunt: ut & Versionem Gallicam Remigii Bellaquei *εμμετρον*, quæ biennio statim, post primam Editionem Anacreontis, ab Henr. Stephano datam, in lucem emissâ est A. 1556. Nostro seculo TANAQ. FABER Anacreontis & Sapphus Carmina sub incudem vocavit, & postquam locis plurimis emendasset,

dasset, & sub severioris quoque criticæ regulas coëgisset, illustrassetque notis, emisit in lucem Græca, Salmurii 1660. in 12. Moliebatur quoque Versionem Latinam, sed prosa oratione, utpote cui metricæ Versiones, & Carminis necessitate adstrictæ non solum duriora multa & obscuriora continere videbantur, sed & non satis perite intellecta aut conversa; quapropter illas sibi nunquam probatas non dissimulabar; quippe quæ doctis hominibus non necessariae, semidoctis autem pene inutiles sint, atque adeo propter inevitabilem obscuritatem nonnunquam obsint. Desistit vero tandem ab omni Versione Faber. Hujus itaque Eruditissima filia ANNA DACERIA, tum quidem adhuc innupta, relictam sibi Spartam interpretandi rata, Gallica Versione prosaica Anacreontis & Sapphus quod superest transtulit, pro more suo prorsus egregie, ut sic notas etiam Gallis faceret delicias Græcorum: additisque Observationibus Criticis textui sui Autoris lucem haud vulgarem affudit, haud raro adversus suum ipsiusmet Parentem aliquid affirmare ausa: præmisit quoque vitam Anacreontis & Sapphus admodum luculentam, Parisiis, 1682. in 12. Mox biennio post alia est Poëmarum horum Græco-Gallica Editio infecuta, quæ quidem a Daceriæ versione non solum in eo discrepat, quod merri legibus adstricta est, sed & circa mentem Autoris haud raro, nec docte minus, quam ipsa a Parente suo in diversum abit. Autor illius Nobilis Burgundus est, Dominus de Longepierre, qui Vitam Anacreontis & Sapphus novam ipse quoque composuit & in præfatione præmissa causas sui ab Anna Fabra dissensus aperit: Liber prodiiit Parisiis, 1684. in 12. postea Amstelodami, etsi falso Parisiorum nomen ibi quoque in titulo reperiatur, 1692. in 12. recusus. Prodiit & Itala quædam versio metrica Anacreontis, sed cui non adeo multum defert Fabra. (f)

Jamdudum fuisset PYTHAGORAS recensendus, quippe multo Lyricis omnibus antiquior, si *Carmina illa Aurca*, quæ sub Pythagoræ nomine circumferuntur, revera etiam illius forent. Sed, cum doctiorum omnium consensu constet, Carmina illa non Pythagoræ esse, sed Pythagoræorum, & forsân, ut Joh. Picus existimabat, a Philolao confecta, non est, cur loco non suo poni existimemus: præsertim, cum hic de Chronologia non simus solliciti. Ne tamen ea prætereamus, non solum antiquitas facit, quæ illis utique abjudicanda non est, sed & præstantia, dudum aliis commendata. Infinitæ sunt eorum *Editiones*, neque hic a nobis enumerandæ. Melioris notæ sunt, quas Vitus Amerbachius, Mich. Neander, Theod. Marcilius, Frid. Sylburgius, dederunt. Omnium vero optima, quæ cum aureo Commentario Hieroclis lucem adspexit, primo Latine solum, Basilæ 1543. in 4. Interprete Joh. Aurispa, Siculo, qui, ob urriusque linguæ peritiam, ab Estensi Principum familia in prætio habitus est, quique jam octogenarius librum Hieroclis transtulit, tanto quidem ardore animi, ut, per omnem, vitam doctius nil, nilque magis proficuum se legisse, in præfatione profiteatur: adeo parum aut nihil a fide Christiana differre. Quemadmodum vero absque controversia recte de præstantia Commentario-
rum

(f) Non contemnenda etiam est Editio Anacreontis Tubingenfis Græco-Latina, quam Frid. Herm. Flayderus, Lit. Human. in Acad. Tubingenti Professor, An. 1622. in 12mo, triplici Versione Latina, sua nempe ad verbum pedestri, Metricis autem Henz, Stephani & Helix Andrea, & Notia Analectisque Criticis illustratam juris fecit publici.

rum Hieroclis judicavit Aurispa: utpote quibus vix quicquam simile in omni antiquitate scriptum unquam est, nilque adeo prope comparandum; ita infelix admodum eorumdem Interpres fuit: quandoquidem obscuram, inelegantem, rædiosamque lectu ejus Versionem esse Gesnerus queritur in Bibliotheca fol. 321. b. Igitur eo majores gratias promeritus est Joh. Curterius, qui, quadraginta annis post Aurispæ Latinam illam scabram Versionem, Græcum e MSS. Codicibus eruit incomparabilem Commentarium, & cum nova versione Latina doctissima, Parisiis 1583. in 8. in lucem edidit: Post id tempus Londini etiam recusum, una cum Theod. Marcilii notis in Pythagoræ Carmina, Mer. Casauboni notis in eadem & Hieroclem Joh. Pearsonii eruditissima præfatione, (in qua plurima notatu digna de Hierocle aliaque occurrunt,) fragmento Hieroclis de Fato, quod apud Photium superest, cui Latina etiam paulo liberior Hug. Grotii versio accessit, & Lil. Greg. Gyraldi Explicatione Symbolorum Pythagoræorum: Lond. 1654. in 8. Arabicam Carminum aureorum Pythagoræ Versionem, a Joh. Elichmanno erutam & Latine redditam cum præfatione sua edidit, Simplicii in Epictetum Commentariis adjectam, Claud. Salmasius, Lugduni Batav. 1640. in 4.

14. Æque vetustus est PHOCYLIDES, Milesius Philosophus, Olympiade 59. juxta Suidam, clarus: qui, præter *Carmina & Elegias, Sententias* quoque scripsit, quas, quod ex Sibyllinis Carminibus essent desumpta, *νεφέλαια* vocavit. Superest hodieque Carmen *ὑπερτικόν*, i. e. *admonitorium ad bene beatæque vivendum*, quod, post Frobenianas aliasque Basileenses veteres Editiones, Argentinæ a Vito Amerbachio A. 1561. a Mich. Neandro in Opere Aureo, Lipsiæ 1577. in 4. ab Henr. Stephano cum Poëtis Gnomiis 1573. in 12. & in Poëtarum Heroicorum Græcorum Corpore A. 1566. in fol. a Jac. Lectio in simili Corpore Genevæ 1606. & ab aliis sexcentis excusum recusumque est. Verum observat Jos. SCALIGER, *Animadv. ad Euseb. Chron. p. 95. seq.* Carmen illud, quod sub Phocylidis nomine toties excusum est, etsi elegantia, nitore, verborumque cultu, cum quolibet Veterum certare queat, non tamen esse Veteris illius Phocylidis, nec ullius alterius Philosophi pagani; sed hominis vel Judæi Hellenistæ Alexandrini, vel, quod magis credit, Christiani: cum non solum antiquus ille Græcus Philosophus, Phocylides, nil, præter breves *γνώμης*, haud secus ac Theognis, scripserit, non continuum aliquod carmen, sed &, quod ea in hoc, quod habemus, Phocylidis Carmine *ὑπερτικόν* contineantur, quæ non possint nisi ab homine Judæo aut Christiano scribi: quæ omnia exemplis in medium allatis fuscè probat: observatque, cum apud Clementem Alexandrinum, Stobæum, & alios nonnullos Phocylidis *γνώμης* passim legantur, nusquam tamen e Carmine, quod ejus nomen præ se fert, aliqua adduci, etsi id omnium maxime e re Christianorum fuisset. Primum, qui id alleger, atque unum, esse Scholiasten Nicandri ad Alexipharmacum: sed illum hominem recentiorem fuisse monet.

15. Coævus Phocylidi THEOGNIS, Philosophus item, & gnomicus Poëta: de cujus tamen *Sententiis*, quæ supersunt, nihil admodum dicere attinet, quandoquidem in omnium, etiam puerorum manibus sunt, ac toties excusæ, quoties Poëta gnomici: quapropter jam e Phocylidis Editionibus de Theognide quoque judicari poterit. Erat

vero

vero Theognis natione Siculus, urbe Megara oriundus: ni forte rectius Scaliger, in Animadversionibus Eusebianis, Theognidem e Megara Græciæ oriundum facit. Ex eadem insula ortus quoque fuit MOSCHUS, vetustissimus etiam, sed tamen non sententiis conscribendis intentus, verum Bucolicus Poëta: cujus tamen, præter *Idyllia*, alia quoque Carmina extant Heroicis versibus conscripta, ut & Epigrammata aliquot. *Amorem fugitivorum Moschi*, qui in Planudis Florilegio excusus est, primum Baptistam Varinum, qui celeberrimi Bapt. Guarini pater fuit, & deinde Angelum Politianum, Latine transtulisse, Gyraldus Dial. III. de Poëtis testatur, qui Varinum Virum tam sanctum, quam doctum, vocat. *Idyllia* ejus Græce & Latine, cum notis Bonaventura Vulcanius edidit Antwerpæ 1568. in 8. eodemque anno & ibidem Fulvius Ursinus: postea Jos. Scaliger Moschi carmina sibi recensenda sumsit, vulgavitque, cum notis suis Heidelbergæ apud Commelinum 1596. in 8. Inde If. Casaubonus, qui se in aliqua Genevensi Editione If. Hortibonum vocavit: & post Casaubonum Dan. Heinsius, eundem Autorem sunt aggressi: cum omnium trium, Scaligeri, Casauboni, Heintii, notis prodiit Moschus Heidelbergæ 1604. in 4.

Jungitur semper Moscho BION, Bucolicus Poëta celebris, & cui, judice 16 Gyrardo, tertia in isto Poëseos genere palma defertur. Dorica Dialecto scripsit, uti & Moschus, & Lyrici, quos supra enumeravimus, tantum non omnes: Eadem dialecto scripsit THEOCRITUS, qui primam Carminis Bucolici palmam haud dubie sibi vindicat, sive Chius, sive Chous, sive Syracusanus: nobis enim nunc parum interest: quemadmodum & illud solum indicasse sufficit, esse, qui eundem cum Moscho Theocritum arbitrantur, observante Gyrardo Dial. III. Dicitur plurima Carminum genera scripsisse a Suida: *Proetides; Elpides; Hymnos; Heroïdes; Epicedia, Odas, Elegias, Epigrammata*. Ex his tamen omnibus, præter Epigrammata quædam nihil admodum superest. Superfunt vero Bucolica illius *Idyllia* longe suavissima, & quæ haud abs re magnos Viros in amorem sui abripuerunt. Siquidem ii ipsi Triumviri, Jos. Scaliger, If. Casaubonus & Dan. Heinsius, quos in Moscho & Bione recensendis occupatos fuisse diximus, multo adhuc majorem curam Theocrito impenderunt, notis & lectionibus eum illustrantes: atque hinc nata pulcherrima Bucolicorum Poëtarum Editio Commeliniana Anni 1604. in 4. Alias separatim quoque Theocritus ex eadem officina, una cum Scholiis Græcis, ceterisque doctorum Virorum notis in 8. An. 1612. excusus est. Prima Editio Theocriti, quantum memini, est Aldina, quæ An. 1455. in fol. Theocritum, cum Phocylide, Theognide & Hesiodo exhibuit sed absque Scholiis. Secuta est Editio Romana anni 1516. in 8. cui Zacharias Calliergus Græca Scholia adjecit: non sua, ut perperam multi autumant, sed antiqua, quæ e Veteribus libris excerpta in unum solummodo corpus redegit: plane, ut M. Musurus cum Scholiis Aristophanis fecit. Gesnerus in Bibliotheca, Venerat Theocriti Editionem commemorat, in 8. excusam: recusis inde est Theocritus Hagenoæ apud Secerium: & Basileæ apud Cratandrum An. 1530. tum, una cum Scholiis Græcis, Francofurti apud Brubachium, 1553. in 8. cui Editioni Scholia quoque nonnulla Joach. Camerarii accesserunt, & præfixa Scholiis Græca præfatio, in qua varia Theocrito falso esse adscripta monet; Bioni vel Moscho potius tribuenda: præterea Helii Eobani Hessii Metrica

Tomus I.

Rrr rrr

Idyllio-

Idylliorum Theocriti Versio quoque accessit. Postea Theocritum Henr. Stephanus, cum Bucolicis reliquis, Græce & Latine vulgavit An. 1579. in 12. quem deinde Scaliger, hunc Casaubonus & tandem Heinsius, uti dictum, securi sunt. Idem Stephanus Oden Theocriti in Adonin mortuum scriptam, quam Bioni Camerarius in Græca præfatione, alii alii Autori tribuendam censent, cum Lyricis quoque suis edidit, An. 1566. Hoc ipso anno Parisiis, apud Morellum Græce Theocriti omnia, quæ supersunt, excusa sunt. *Fistulam* ejus, una cum SIMMIÆ RHODII, qui & ipse Poëtis Bucolicis addi solet, *Ovo, Alir, Securi*, peculiari explicatione & notis illustravit Salmasius in Explicatione duarum Inscriptionum Herodis Attici Parisiis, 1619. in 4. Prætereo jam editiones Theocriti, quæ in Corporibus Poëtarum Heroicorum H. Stephani & Jac. Lectii, aliquoties jamjam memoratis habentur. Quid de Virgilii & Theocriti Comparatione varii Viri docti censuerint, dictum jam alio loco est, ubi de Virgilio agebamus.

- 17 Nunc accedimus ad æmulos duos, non solum Poëtas cultissimos, sed & Viros in omni genere eruditionis exercitatos, & præfectos Alexandrinæ Ptolemæorum Bibliotheca: Callimachum & Apollonium. Et CALLIMACHO quidem, natione Cyrenæo, infinitos propemodum libros tribuunt Suidas, Strabo, & Apollonii Scholiastes: Suidas certe illum ultra 800. scripsisse dicit, & argumenti omnino varii. Neque enim solum in omni *Carminum* genere illum aliqua concinnasse refert, sed & *Grammatica, Historica, Geographica*, aliaque longe plurima, vixit temporibus Ptolomæi Philadelphi Regis, & usque ad successorem ejus in regno, Ptolomæum Evergetem, vitam protraxit: perpetuus Apollonii æmuli insectator, in quem & Satyricum carmen scripsit ficto nomine in Ibin: quod ipsum Ovidius e Latinis imitatus est. Inter alia composuit quoque vastum Opus quod *πινakes* inscripsit τῶν ἐν πάσῃ Παιδείᾳ διαλαμψάντων, καὶ ὧν συνέγραψαν, *Tabulas*, sive *Indices omnium celeberrimorum doctorum, eorumque Scriptorum*: libris 120. constans. Tum aliud, quod etiam magis ad præsens institutum pertinet, de Poëtis cui titulus: *πινὰξ καὶ ἀναγραφὴ τῶν κατὰ χρόνους καὶ ἀπ' ἀρχῆς γενομένων διδασκάλων*: qui male redditur a Simlero in Bibliotheca: *Tabula & descriptio, serie temporum observata, Doctorum omnium, qui ab initio fuerunt*: pro Doctoribus enim Poëtae erant substituendi: quandoquidem διδάσκαλοι speciatim fabularum Poëtae sunt, ut e Suida, Harpocrate, aliisque, observat Jonsius de Scriporibus Historiæ Philosophi. lib. II. cap. 5. ubi prolixè admodum & doctè de his Callimachi libris agit: ut & de tertio, quem de obscurioribus vocibus, & de libris Democriti scripsit Callimachus: sed qui, una cum ceteris omnibus, magno reipublicæ literariæ damno, interiit. Hodie enim, e tot Scriptis Callimachi, præter *Hymnos in Jovem, Apollinem, Dianam, Delum, Lavacrum Palladis & Ceream*; quibus temporum antiquissimorum historiam, & originem gentilis Mythologiæ tradit: *Epigrammata & fragmenta* Poëmatum, hinc inde collecta, nihil superest. Sed ea tamen spreta neutiquam sunt. Primus Hymnos Callimachi edidit una cum Pindaro Aldus, Venetiis A. 1512. in 8. Inde, apud Frobenium, cum Commentariis Græcis, sunt excusi, Basileæ 1532. in 4. ut & Parisiis apud Vascosanum. Recentiorē esse Scholiastē illum, non admodum antiquum, Gesnerus conjicit in Bibliotheca, & annotat: Suidam meminisse alicujus Archibii, qui Epigrammata Callimachi

chi exposuerit: sed qui hodie non amplius superest. Postea Hent. Stephanus castigatos Callimachi hymnos Corpori Poëtarum Heroicorum inseruit A. 1566. & cum Nicodemus Frischlinus eosdem, Latino carmine redditos a se, una cum Scholiis veteribus, suisque notis sat amplis, Tubingæ 1571. edidisset: repetiit paulo post illam Editionem Stephanus, suasque annotationes & emendationes insuper, ut & duplicem hymni primi Versionem adjecit A. 1577. Mox alia iterum prodiit, nitidiorque ferme quoad versionem Callimachi Operum (nam & Epigrammata & fragmenta, & Poëmatum de Coma Berenices, a Catullo Latine redditum, jam a Stephano & Frischlino adjici cæperunt) editio, cum nova Versione Latina metrica Bonavent. Vulcanii, & ejusdem Notis, Antw. 1584. in 12. Inde Seculo fere integro quierum fuit: donec Anna Daceria, filia Tanaq. Fabri, luculentis annotationibus denuo illustratum daret Callimachum, egregie castigatum a se, & fragmentis haud paucis auctum: Parisiis 1674. in 4. (Verum & hanc, & priores omnes Editiones Callimachi reliquas, longe vincit postrema Ultrajectina, quippe quæ & Epigrammatibus, fragmentisque longe plurimis ope Rich. Bentleyi aucta est: & in quam præter omnes Commentatorum priorum curas Theodori Grævii, qui Joh. Georgii, Viri Summi, filius erat, ante absolutam Operis Editionem defunctus, Paulique Voërii, notæ, & amplissimus Viri illustrissimi, Ezech. Spanhemii, Commentarius, congesta sunt, Ultraj. 1697. in 8.)

Discipulus primo fuit Callimachi, sed deinde Adversarius æmulusque, APOLLONIUS, RHODIUS cognomento, non a patria, namque Alexandria ortus erat, sed, quod invidia Poëtarum Alexandrinorum, & imprimis haud dubie Callimachi, traductus, cum non ferrer contumeliam, in Rhodum insulam migravit, ibidemque civium numero adscriptus fuit, donec reversus tandem in patriam, magno etiam in honore habitus, & Bibliothecæ regię præfectus est. E compluribus Scriptis, quæ ab ipso edita referuntur, sola *Argonautica* supersunt, is ipse liber, ob quem ludibrio Poëris Alexandriæ fuit, Rhodus admirationi. *Opus non contemnendum*, judice Quintiliano Inst. lib. X. c. 1. *æquali quadam mediocritate scriptum*: juxta Gyraldum Dial. III. *Opus varium, & multis vigiliis elucubratum: durum tamen, & alicubi ingratum; nisi qua parte Medæe amores describit, ubi & P. Vergilii judicio ita excellere videtur, ut Vergilius ipse non aliunde plura in suos Didonis amores facile transfuisse videatur: ut Grammatici amotarunt.* Hæc Gyraldus, qui, cum Grammaticos nominat, imprimis in Servium digitum inrendit. Sed tamen impudentiam vocare non dubitat Jul. Cæs. Scaliger, si quis cum Servio idem credere velit: tantumque abesse censet a veritate, ut pene pudeat illum apponere loca, e quibus comparatio Virgilii & Apollonii institui queat: *de Re Poët. lib. V. c. 6.* id quod deinde locis quamplurimis confirmatum. Ast contra Scaligerum Apollonii causam in se suscepit Jac. Gaddius, utinam dignior patronus, de Script. Non-Eccles. T. I. Ceterum primum edita sunt argonautica ista apud Aldi hæredes, Vener. 1521. in 8. non solum diligenter prius ad fidem plurium Codicum examinata: sed & eximiis plane illustrata Scholiis; quæ Lucillo Tarrhæo, Sophocleo & Theoni, ut Autoribus, adscribi debere, Anonymus vitæ Apollonii Autor Græcus, Argonauticis præfixus, indicat: (atque idem etiam confirmat Aristophanis Scholiastes; observante Colomelio in Not. ad Gyraldum p. 154. qui & adversus Casaubonum, Maussacum & Tan. Fabrum, contendit, Sophocleum Sophoclem dici non debere.) Sunt vero hæc

Rrr rrr 2

Scho-

Scholia ex eorum genere, quae longe plurimum suis lectoribus conducunt; nec Grammatica solum, sed varia omnis generis erudita, complectuntur. Recusa cum his sunt Argonautica Apollonii Basileae semel iterumque; ita, ut in posteriori editione, quae A. 1570. ex officina Henricopetrina prodiit, Latina etiam versio Valentini Rotmari, heroico versu scripta, accesserit: quae si non ubique felix est, laudem tamen meret diligentissima digestio in locos communes rerum omnium, quae in Apollonio, ejusque Scholiis occurrunt, cujus quartum caput Autorum, in scholiis magno numero allegatorum, indicem accuratum sistit. Ante Rotmarum Latine Apollonium verterat, sed non metricè, Joh. Hartungus, ediditque apud Oporinum 1549. in 4to. Postea Henr. Stephanus Græcum textum, una cum antiquis Scholiis, suisque Annotationibus, repetiit A. 1574. in 4. & nostro seculo Jerem. Hæzelinus Græco-Latinum addidit, Scholiisque Veteribus suas Annotationes Lugd. Bat. 1641. in 8. Claudius Florens Christianus, Q. Septimii filius, Epist. Gall. ad Scalig. lib. II. ep. 31. novam versionem & notas in Apollonium promisit: sed quas non magis dedit, ac cetera, quae in alios Poëtas Græcos ibi promisit.

- 19 Apollonio coævus creditur NICANDER, Colophonius, vel juxta alios Ætolus, aut iterum alios Alexandrinus: præclarus Poëta, etsi in agro viveret, minimeque rusticus, judice Cicerone: & quem, ut Quintilianus ait, Macer & Virgilius non frustra imitati sunt; Jul. Cæs. Scaliger non sine magno usu illum cum Lucano comparari posse censuit: & adeo magni aestimavit, ut *vix inveniri credat apud Græcos Poëtam politorem: magna ei cura, ne quid ineptum aut inepte dicat*, Poët. lib. V. c. 15. ubi & comparisonem illam instituit. Cum vero plurima scripserit Versu heroico Nicander, de quibus apud Athenarum & Suidam mentio fit, hodie duo ejus libri tantum supersunt: *Theriaca* & *Alexipharmaca* dicti. In illis remedia docet adversus serpentes, & alia animalia, quae morfu vel ictu virus insigunt: in his adversus cetera venena, cibo aut porui mista. Primus illa, cum luculentis Scholiis Græcis *editit*, cum Dioscoride, Aldus, Venet. 1499. in fol. Constat alias ex Athenæo & Stephano, ex antiquis Diphinum Laodiceum, Demetrium Phalereum, Theonem atque Plutarchum esse in Nicandrum commentatos: prout id Gyraldus atque Gesnerus annotarunt. Sed, si quis eorum omnia esse, quae in Scholiis ad Nicandrum hodie reperiuntur, existimaverit, cum erroris arguet Jos. Scaliger in Animadversionibus Eusebianis p. 95. qui dicit, Scholia illa esse centones, ex Veteribus optimis Commentariis excerptos ab homine recentiore, qui de suo quasdam etiam barbaras voces admiscere soleat: id quod jam ante Scaligerum Gesnerus etiam, in Bibliotheca, observavit. Post Aldum separatim excudit Nicandrum, cum Scholiis Græcis Joh. Soter, Coloniae 1530. in 4. Sine Scholiis Græce solum eundem inseruit Corpori Poëtarum Heroicorum H. Stephanus, An. 1566. Latine solum, e Versione sua, cum suis Scholiis eundem Poëtam dedit Joh. Lonicerus, Coloniae, 1531. in 8. Græce & Latine Jac. Læstius, inter Poëtas Græcos Genevæ 1606. & dudum ante hunc, ex interpretatione Joh. Gorraei cum Scholiis Græcis Guil. Morellus, Paris. 1557. in 4. in qua Urbe & nostro seculo 1622. eadem Editio reperta est. Jac. Grevinus Nicandrum Versu Gallico transtulit, ediditque apud Plantinum Antwerpiae 1567. in 4.

- 20 Nicandrum ARATUS insequatur, ei non solum, e sententia aliquorum, coævus; sed

sed & adeo amicus, ut illi *Phænomena* sua, priusquam publicaret, legenda tradiderit, & vicissim Nicander Arato Theriaca sua. Verum falli, qui sic censent, & Nicandros Colophonios duos male confundere, jamdudum Gyraldus annoravit Dial. III. cum Arati tempore, qui Nicandro Poëta junior est, & in aula Demetrii Poliorcetae vixit, alius vixerit Nicander, insignis Mathematicus. Ceterum, etsi non adeo magni aestimaverit Aratum Quintilianus Inst. lib. X. c. 1. sed totum in nominibus consumi dicat: *cujus materia motu careat: ut, in qua nulla varietas, nullus affectus, nulla persona*: quo minus tamen omnino vilipendatur a nobis ille, certe vel solum quoque Procemium facit *Phænomenon*, adeo pium, ut *Apostolus Paulus* illud etiam, quod allegaret, dignum habuerit. Neque est, ut omnibus quoque Latinis adeo fuisse vilipensum existimemus. Quin potius nonnisi cum sole interitura ejus *Phænomena* Ovidius cecinit, Amor. lib. I. Eleg. 15.

Cum Sole & Luna semper Aratus erit.

Nec fuit Poëtis Græcis quisquam, qui tot præclaros interpretes Latinos nactus est, quam Aratus: siquidem a M. Cicerone translatus est, a Germanico Cæsare, de quo inter Latinos Scriptores actum. Adde ipsummet Ovidium, & Sextum Rufum Avienum. Multo vero etiam major numerus Græcorum est, qui in Aratum commentati, & quorum Vossius de Scient. Mathematicis, c. 32. p. 156. triginta & quinque enumerat: non connumerato tamen Theone, cujus Scholia in Aratum hodieque supersunt: nec Achille Statio, quem præter Florentinam Arati Editionem Dion. Petavius etiam in Uranologio edidit. Græce Aratum primus edidit, nisi fallor, Aldus cum Manilio & Hygino, Vener. A. 1499. fol. inde multoties excusus est. Latinas editiones, & Græco-Latinas præstantiores jam in *Grammatico Polyhist.* enumeravimus. Græcas nunc pauca & præstantiores dicemus. Ex his Parisiensis est A. 1566. Florentina 1567. cui Commentarii Græci Achi. Stati accesserunt, cum jam A. 1559. Parisiis, cum Theonis Commentariis, & Leontii *κατασκευῆ* Aratae sphaerae Aratus apud Morelium prodisset. Elegantissima omnium est Græca Oxoniensis A. 1672. in 8. cui, præter memorata jam Scholia, Eratosthenis quoque, quod superest, adjectum fuit. Græco-Latina vero Arateorum Editio omnium optima Hugonis Grotii, Lugd. Batav. 1600. in 4. Prodiit & quædam Editio *Phænomenon* Arati Græca, cum Interpretatione & notis exiguis Jac. Ceperini, Batil. 1534. in 8. una cum Dionysio Afro.

Iste DIONYSIUS, PERIEGETES dictus a libro, quem scripsit, *περιηγῆσις οὐρανῶν*, seu de Orbis circuitu, aut, ut communiter redditur, de Situ orbis, Afer natione fuit, etsi Byzantinum perhibeat Suidas, cujus argumentum pluribus confutat Vossius de Histor. Gr. lib. II. p. 172. seq. Longe quidem Arato, ceterisque, quos enumeravimus, junior est; utpote demum sub Augusto, vel, ut alii volunt, sub Nerone, clarus: sed præstantia nequaquam cedit: imo nonnullis etiam haud parum præstat. Hinc jam olim Latinos interpretes Sextum Rufum, Festum, Avienum, & Rhemnium Fannium, vel ut alii judicant, Priscianum (nolente tamen Gyraldo, qui *ignoscant mihi*, inquit, *Prisciani manes, si eum non Poëtam ego fuisse credo*: Dial. IV. de Poët.) nactus Græcum quoque omnium longe præstantissimum atque eruditissimum habet commentatorem, Eustathium, eundem, qui in Homerum commentatus est. Primus, qui Dionysium hunc e tenebris eruit, Anton. Becharia, Veronensis, fuit: qui scilicet Larine illum Oratione profusa redditum, & Hieronymo de Leonardis inscriptum edidit Vener. in 4. A. 1477. sed pla-

ne infeliciter vertit, ut Gesnerus observat in Biblioth. p. 54 a. quædam enim de suo addidit, quædam omisit, multa perperam reddidit. Recusa tamen est pessima illa Versio apud Henr. Perri, Basileæ A. 1534. in 4. Græce primus Dionysium edidit Aldus, seu, qui post ejus mortem typographiæ præfuit, Arulanus, A. 1518. una cum Latina interpretatione Prisciani, quæ, juxta alios, Fannii Rhemnii aut Ræmnii est, jam sexennio ante, cum Joach. Camerarii annotatiunculis, Viennæ 1512. in 4. prodierat. Cum Eustathii Commentario prius edidit Dionysium Rob. Stephanus, Parisi. 1547. in 4. nitidissime: quem recudit, post mortem Patris, Henricus filius A. 1577. in 8. qui suas & aliorum Annotationes adjecit. Nostro ævo Dionysium, cum Eustathii Commentario, suisque amplissimis notis, publicavit Guil. Hill, Londini A. 1658. & iterum 1688. in 8. (Verum in his omnibus Dionysii Eustathiique Editionibus magna quædam lacuna deprehendebatur Scholiorum, per aliquot folia protensa, quæ cum suppleri e Codicibus Regiis non posset a Rob. Stephano, reliquis etiam intacta mansit: donec Anno superiore 1697. bis ederetur: semel Hamburgi a Joh. Alb. Fabricio, Viro clarissimo, nobisque amicissimo, Bibliothecæ Latinæ, quam edidit, inserta; ubi de S. Ruffo Festo Avieno agit; p. 180. seqq. & Oxonii deinde, suo loco, nimirum in nova Dionysii Editione longe optima & elegantissima, quam V. Clar. Edu. Twaites procuravit, non solum cum MSS. Codicibus sedulo collatam: sed & glossis interlinearibus Græcis & Scholiæ alio, inedito hætenus, auctiorem. Dignus notatu est numerus Editionum Dionysii, quem laudatus modo Clar. Twaites iniit, triginta & tres computans.)

- 22 Neque hic omittendus LYCOPHRON, quem Tragicis Poëtis Laërtius annumerat, quod & Suidas facit, qui *tragædias* ejus etiam recenset: sed & præterea insignem Grammaticum fuisse notat. Erat unus, ut ibidem Suidas addit, e Plejade Poëtarum; cujus magna olim apud Græcos mediæ ævi fama erat, cum una omnes vixisse existimarent. Computabant in eum numerum Theocritum, Nicandrum, Callimachum, Apollonium, Homerum Tragicum, Aratum & Lycophronem. Enimvero, ut in ista temporum supputatione insigniter sunt hallucinati Græculi, quod præter alios Gyraldus maxime ostendit: ita non est, cur multum de excusatione, ob divulsam a reliquis Lycophronem simus solliciti: non magis ac ob omissum Tragicum Homerum, cujus nihil hodie superest. Lycophronis etiam Tragædiæ omnes interierunt, nec superest nisi *Alexandra* seu *Cassandra* ejus, *σχοτεςὲν ποίημα*, ut jam olim Suidas vocavit, jambico Versu scriptum, quod proxime ad tragædiam accedere multi Viri docti censent, & propterea Guill. Canterus monodiam quandam tragicam posse vocari judicavit in prolegomenis ad Lycophronem, quæ Latinæ ejus Poëtæ Versioni a se structæ præfixit. Eo vero minus miranda est in Lycophronis dramate obscuritas, quod ille, Oracula loquentem Priami filiam Cassandram, sive, quod idem est, Alexandram inducit. Ex Antiquis Interpretes ad hoc poëma accesserunt Dection, Theon, Orus; qui ab Autore Erymologici, Stephano Byzantino aliisque Autoribus, allegantur. Ex illis vero dein suos compilavit Commentarios, qui soli hodie supersunt, Isaacius Tzerzes, Iohannis frater multo doctior, ne ipso quidem id disfrete, in præfatione ad Scholia in Hesiodum: [sed tamen Colomelius, in Not. ad Gyraldi Dial. III. de Poëtis, notat, Isaacium hunc Tertzam doctis veterum Scholiastarum observationibus nugas suas immiscere.]

Primus

Primus Lycophronis Cassandram Græce edidit, cum Pindaro & Dionysio, Aldus, Venerius, 1513. If. Tzetzæ Scholia: textui juncta, Basileæ 1546. in 4. prodierunt. Latine primus vertit Lycophronem Bernardus Bertrandus, sed infelicitè, ediditque Basileæ A. 1558. Novam igitur Versionem, & multo accuratiorè in se Guilh. Canterus suscepit, quæ, cum Prolegomenis & Commentariis luculentis, edita est Basileæ, 1566. Pariliis 1601. cum Græco textu recusa. Sed & Jos. Scaliger Lycophronem Latine vertit, etsi non multo dilucidius, quam in Græco est: prodit Parisiis & Lugduni Batavorum, ubi Joh. Meursius revidit illam Versionem Scaligeri, & sub incudem vocatam plurimis in locis emendavit, notasque adjecit A. 1597. in 8. non magna tamen cum Scaligeri gratia. [Post hos omnes nuper Joh. POTTERUS, Vir Clarissimus, apud Oxonientes, e theatro Sheldoniano, splendidissimam Lycophronis Editionem adornavit, in eamque non solum transfudit priorum omnium labores, quos alicujus momenti existimabat, sed & novos adjecit Commentarios, textu prius cum cura ad MSS. Codices reviso & emendato: Oxon. 1697. in fol.]

Inter alios Autores, quos Isacius Tzetzes in suo Commentario ad Lycophro- 23 nem allegat, QUINTUS CALABER quoque est, Poëta Heroicus, qui *παρὰλειπέμνα* *Ὀμήρου* scripsit, i.e. de iis, quæ in Descriptione belli Trojani ab Homero relicta sunt, libros XIV, quos primus una cum TRYPHIODORO *de Excidio Troje*: & COLUTHO *de Raptu Helenæ* (quos hic per transennam solum nominasse suffecerit) edidit in 8. Aldus. Latine Quintum Calabrum reddidit Joh. Vellaræus: & post hunc multo elegantius Laur. Rhodomannus: prodit Græce & Latine apud Wechelianos hæredes Hanoviae, 1604. Idem cum Quinto nomen habet diversus Poëta COINTUS SMYRNÆUS, qui *de Trojæ excidio* libros II. & *de reditu Græcorum* unum, composuit, quos, præter alias Editiones Operi suo Aureo inseruit Mich. Neander, A. 1577. Lipsiæ in 4. Omnium Poëtarum ab Homero præstantissimum esse hunc Barthius censet, in Adversar. p. 1021.

OPPIANUM hucusque non nominavimus, præstantissimum tamen Poëtam, 24 qui sub Severo claudit, & Antonino Caracalla, non sub M. Aurelio Antonino, qui vetus jam Eusebii error est, & multos recentiorum decepit, rectè tamen Jos. Scaligero in Animadv. ad Euseb. p. 221. contradicente. Scripsit *Haliœtica*, seu de Piscatu libros IV, multo auro a Severo Imp. pensatos: *Cynœgetica* i.e. de Venatione libros V, & *Ixeutica*, sive de Aucupio libros V, quibus in poematibus quam plurima etiam de natura animalium, longe præclarissima habet. Franc. Vavassor, in libro de Distione Ludica, Oppianum in exprimenda affectuum teneritudine, quam animalibus suis erga parentes, aut prolem, demonstratum tribuit, inprimis multum valuisse annotat, atque eum propterea nunquam se sine magno deliciarum sensu legere proficitur. Editus est Oppianus apud Aldum Venetiis, apud Juntas Florentiæ, apud Adr. Turnebum Pariliis 1555. Græce: Latine libros de Venatione reddidit Laur. Lippius, ediditque Argentorati 1524. in 4. cum Scholiis Joh. Cæsariensis: Commentarium suum Latine huic versionis recusa adjecit Paris. 1555. apud Vascosanum Joh. Bodinus: quamquam Rittershusius, in Epistola quadam ad Georg. Richterum, & ex illo Thomasi Placciusque Bodinum e Turnebi Lectionibus omnem suum Commentarium compilasse, adeoque scæde surripuisse notent. Ipse vero doctis-

doctissimus Vir, Nicol. Rittershusius, præstantissimam Oppiani editionem adornavit, cum Scholiis antiquis Græcis, ac suis notis, Lugduni Batav. 1597. in 8. g) Libros de Venatione Gallico versu reddidit Q. Septimius Florens Christianus, Parisiis apud Mamerum Patissonum 1575. in 4. Libri de Aucupio interierunt, aut certe latent hæctenus. Nam non penitus interiisse, sed MSS. adhuca se servari, Andr. Asulanus olim Gesnero retulit, prout hic in Bibliotheca refert, sed permoveri se nunquam passus est, ut ostenderet; quo ipso suspectam reddidit suam relationem. Interea Gesnerus Græcam Ixvixav illorum paraphrasin nactus, eo indignius factum hominis tulit, & paraphrasin illam Latine redditam a se, variis in locis sui de Avibus libri inseruit. Ceterum pertinet ad Oppianum, ob argumenti vicinitatem PHILE, nescio cujus ævi Poëta, & an idem cum illo, cujus versus in Spiritum S. Cotelerius T. III. Monumentorum Ecclesiæ Græcæ publicavit: Scripsit, qui huc pertinent, Versus jambicos de Animalium proprietate, quos Græce & Latine Joach. Camerarius edidit Lipsiæ A. 1575. & postmodum Aureo Operi inseruit ibidem A. 1577. Mich. Neander.

- 25 Atque hæc de Poëtis Græcis, quorum integra Opera supersunt. *Novem Poëtriarum* illustrium Carmina collegit, ediditque cum notis, Fulvius Ursinus, Antwerpiae An. 1568. in 8. *Telephilla* nimirum, *Sapphus*, *Erinna*, *Myrtidis*, *Corinna*, *Myrus*, *Praxilla*, *Nossidis*, & *Amyta*. Veterum Philosophorum fragmenta metrica collegit, & sub titulo Poëseos Philosophicæ, edidit Henr. Stephanus A. 1573. in 8. utilissimo labore, cui tamen subinde addi aliquid potest: Et quid mirum in tanta autorum copia? Oracula, quæ sub *Sibylle* nomine feruntur, octo libris comprehensa, una cum fragmentis, quæ hic illic in Scriptis Christianorum reperiuntur, primus edidit apud Oporinum Basileæ A. 1545. Xystus Berulejus, cum annotationibus suis. Insecuto mox anno Sebast. Castalio, apud eundem Oporinum, heroico Carmine Latine a se reddita Oracula illa publicari curavit, ac pro genuinis etiam habuit, sed cui Eruditorum perpauci assentiuntur. Oporinus inde A. 1555. Oracula Sibyllina Græce & Latine recudit: Mich. Neander vero magnam eorum partem Apocryphorum Collectioni inseruit, quæ Catechesi ejus Græcæ adjecta est An. 1567. Novam Editionem eorundem Oraculorum Græco-Latinam, cum notis, adornavit Joh. Opsopæus Paris. 1589. in 8. qui, Appendicis loco, Oracula metrica Jovis, Apollinis

g) Fallitur Capitis hujus Autor, dum Nicol. Rittershusium, Academ. Altdorfinæ JCtum, An. 1670. mortuum, Autorem Epistolæ de Plagio Literario, pro sua de Hamonis *περιψηφισ* Oratione, ejusdem Criminis a Barth. Nihufio inculcata, ad Georg. Richterum Apologetica, in Richterianarum Syntagmate, pag. 204 & seqq. obviæ, Oppianum Lugd. Bat. A. 1597. credit edidisse. Debetur enim editio ista Conrado Rittershusio, Nicolai Parenti, Antecessori itidem Altortino, A. 1613. jam extincto. Pari vel errore, vel memoria lapsu, Jac. Thomasius in *Tr. de Plagio Literario*, §. 373. & Vinc. Placcius, hunc secutus, in *Tr. de Scriptoris Anonymis & Pseudonymis* P. II. p. 106. Epistolam Nicolai Filii de Plagio, modo laudatam, Conrado Rittershusio, Parenti tribuunt. Ceterum, quæ Filius, de Bodini in Oppianum Commentario turpi plagio ex Andr. Turnebi Lectionibus compilato, Richterus narrat, e Jac. Bongarsii haud dubie hausit Epistolam, ad Parentem suum, Conradum, d. 4. Apr. A. 1600. exarata, & a Paulo Colometio (in Vita Joh. Bodini, *Gallia sua Orientali* p. 74-87. inserta) A. 1665. edita. Ista enim cum multa alia refert Bodino parum honorifica, tum hæc de ejus Oppiano: *Jam edidisse illum Lectiones Turnebi in Oppianum pro suis, nemo nostrorum* (Gallorum. sc.) *ignorat.*

nis, Hecates, Seraphidis aliorumque Deorum & Vatum, ex variis Autoribus antiquis collecta, Græce & Latine, cum Notis, ut & Zoroastris oracula, cum Scholiis Plethonis & Pselli adjecit. Recusa est Editio illa auctior Parisi 1599. & 1607. Tandem novam Sibyllinorum Editionem, longe nitidissimam ac emendatissimam, in Belgio dedit Servatius Gallæus, Amstelodami, 1689. in 4.; cui Castalionis & Opsopæi notas, suosque insuper prolixissimos Commentarios adjecit: nec non Oracula reliqua, quæ Opsopæus ediderat.

Restat mentio veterum Epigrammatum Græcorum, quæ in locos communes 26 magno studio digessit, & in unum Corpus collecta reliquit, sub *Anthologie* titulo, MAXIMUS PLANODES: diuisa in septem libros: quorum *primus* varios locos communes continet: *secundus* Scommata, diæteria & sales: *tertius* Epitaphia: *quartus* Epigrammata in Deorum imagines, hominum statuas, animalium effigies: & in loca quædam, sive topographias: *quintus* Christodori, Poëtæ Ægyptii, e Cipro urbe oriundi (quem in Planude male Copitam vocari, pro Coptitio, & confundi perperam cum Thebano Christodoro, alio hujus nominis Poëta Christiano, Giraldu Dial. IV. de Poët. monet.) quæ e multis poematibus supersunt: inprimis Explicationem statuarum, quæ in Gymnasio publico, quod Zeuxippi cognominabatur, supererant; quibus exprimuntur laudes complurium doctorum & insignium Virorum: nec non ejusdem Christodori Epigrammata in Aurigas hippodromi Constantinopolitani: *sextus* liber *Anthologie* complectitur Epigrammata anathematica consecrationum & dedicationum: *postremus* meretricia & amatoria. Prima hujus *Anthologie* Editio vetustissima est in 4: capitulibus literis impressa, sed cui annus impressionis non subjecitur. Deinde ex Aldi, defuncti jam, officina prodiit, Vener. A. 1521. in 8. postmodum a Joh. Brodæo emendatam, & notis illustratam, Frobenius *Anthologiam* in fol. Basileæ excudit A. 1549. tum Henr. Stephanus, additis quoque Græcis Scholiis & notis suis, denuo emendatorem dedit in 4. 1566. Vincentius Opsopæus suas in *Anthologiam* notas seorsim excudi apud Oporinum A. 1540. in 8. curavit. Tandem, cum horum omnium annotationibus, Scholiisque in pleraque Epigrammata Græcis, & Latina Versione, nova *Anthologie* Editio, plane nitida, procurata est Francof. 1600. in fol. Absque notis horum Autorum Græco-Latinam ejus Editionem dedit, apud Commelinum in 4. A. 1604. Eilhardus Lubinus. Selecta ex *Anthologia* Epigrammata Latine vertit *Ἰμπεριος*, ediditque apud Rob. Stephanum, juniorem Parisi. A. 1608. in 8. Idem fecit quoque Jos. Scaliger, suntque Epigrammata illa Latina, e Græcis facta, inter Opuscula excusa. Omnium vero salivam movit olim, & expectationem excitavit Salmasius, dum novam *Anthologie* Editionem, infinitis Epigrammatibus auctiorem, nova Versione Latina, & luculentis Commentariis, illustratam sæpissime, & magno cum apparatu promitteret. Ast nunquam promissis stetit.

PAULI SILENTIARI *Epigrammata*, quæ seorsim aliquoties Venetiis, ac Parisiis excusa 27 sunt, nunc indicamus magis, quam recensemus, propterea quod semipriscus tantum Autor ille est: quales eriam MICH. PSELLUS, cujus, præter tot Scripta alia, *jambos* in *vitia & virtutes* habemus; & JOH. TZETZES, cujus *Politicorum*, ut vocant, *Versuum Chiliades* notæ alias, sed vix pro versibus habendæ sunt. Antiquiores his longe alii Christiani Poë-
Tomus I. Sss sss ræ:

ra: Apollinarius Laodiceus, Gregorius Nazianzenus, Nonnus: de quibus paucissima solum dicemus, cum de illis alii prolixissime egerint. APOLLINARIUS quamplurima poemata scripsit: e quibus nil nisi *Versio Psalterii* superest, heroico carmine, eoque satis culto, expressa. Primus illud e Regia Bibliotheca eruit, & regis typis nitidissime excudit, Paris. 1552. in 8. Hadr. Turnebus: postea ibidem 1580. recusum: Latinam Versionem addidit, & apud Commelinos in lucem emisit. Frider. Sylburgius, Heidelbergæ, 1596. in 8. (b) GREGORII NAZIANZENI poemata 64. supersunt, sed non eo nitore scripta, qui antiquis comparari posset: Primo vitæ suæ historiam consignavit: reliqua sacri ut plurimum argumenti sunt: pia omnia. Neque vero solum cum operibus Nazianzeni prodierunt: sed & seorsim varia variis in locis. Omnia, quæ nancisci poterat, collegit, Latinis versibus reddidit, & emisit in lucem, Paris. A. 1562. Jac. Billius. Melior Poëta NONNUS *profanum Poëma* reliquit atque *Sacrum*. Illud inscripsit *Dionysiacæ*, & libris 48. omnem de Baccho, ejusque sacris, sermonem absolvit. Edidit primo Joh. Sambucus Græce, cum lectionibus ac Conjecturis Gerh. Falkenburgii, & emendationibus Guilh. Canteri, Antw. 1569. in 4. inde, servatis Falkenburgii Conjecturis, cum Latina Versione Eilh. Lubini, prodit Hanoviae 1605. in 8. Sacrum Poëma Nonni *Paraphrasis Evangelii Iohannis* est, centies edita. Editiones præcipuæ sunt Aldina, quæ & prima 1501. Parisina, 1561. cum Latina Versione Bordati, & notis: Raphaelengiana, quam Franc. Nansius magna cura emendavit, suisque Supplementis auxit, 1589. in 8. Heidelbergensis a Frid. Sylburgio curata 1596. Parisina alia, quam Nicol. Abramus, Jesuita doctissimus, emendavit, supplevit, & eruditis observationibus Theologicis & Ecclesiasticis illustravit, apud S. Cramoysium, 1623. in 8. quæ Editio sane cum reliquis omnibus certare posset: & denique Heiniana in celebri illo Sacro Aristarcho Dan. Heinssii, qui nihil aliud continet, quam Exercitationes ad Nonnum Criticas, pessime a Salmasio exceptas, nec admodum probatas doctis Viris plerisque: primum prodit A. 1627. ni fallor in 8. postea plus semel recusum. Prodit apud Feder. Morellum Parisiis A. 1609. in 8. liber, cui titulus: *Poeta Græci Christiani*: quem, si quis collectionem esse eorum, quas modo recensuimus, existimaverit, errat: siquidem exiguus liber est, & nonnisi fragmenta Veterum Poetarum, quorum Opera perierunt, e Scriptis Patrum collecta, sistit. Maximum inter eos fragmentum est *Ezechielis* Tragici, qui tamen Judæusne fuerit, an Christianus, adhuc ambigua sub judicelis est, neque sane est improbabilis opinio Stephani le Moyne, cui & Clar. Guil. Cave, in Historia Literaria assentitur, Judæum fuisse hominem, & paulo post immanem illam gentis Judaicæ, sub Barcozba Pseudo-Messia suo, stragem, ad erigendos tribules poematum scripsisse, quod *ἑξαιγωγή* vocat: spem velut novæ liberationis dans. Allegatur hic Poeta, quisquis demum fuerit, a Clemente Alexandrino & Eusebio. Sed plus satis hætenus, quantum scilicet ad rem nostram, de Græcis Poetis dictum est, jamque adeo tempus, ut ad alios accedamus.

CAP.

(b) Gregorii Nazianzeni Carmina XX. hætenus *ἀνέκδοτα* (quorum prolixissimum est primum Versuum 35. de seipso, & adversus Episcopos, a quibus Episcopatu erat spoliatus, vitia Ordinis Ecclesiastici satis libere notans), e Biblioth. Cætareâ Vindobonensi, cum Joh. Leunclavii Versione Latina, & Notis Jac. Tollii eruditis, in hujus *Insignibus Itinerarii Italici*, Opere Posthumo, Ultrajecti A. 1696. in 4to, una cum aliis Antiquitatis Ecclesiasticæ Monumentis ineditis, prodierunt.

CAP. III.

DE POETIS RECENTIORIBUS.

- §. 1. Poëta Latini Veteres in Grammatico jam Polyhistore, siue Lib. IV. celebrati. 2. Poëta Latini recentiores, & primo quidem EPIGRAMMATOGRAPHI. J. C. Scaliger, H. Grotius, Dan. Heinsius, M. Z. Boxhornius, Joh. Ovvenius. 3. Const. Huguenius, Nic. Borbonius, Franc. Vassier, Matth. Casim. Sarbievius, Ant. Stratus, Jac. Jelineus, Aug. Mascardus, Jac. Biedermannus, Bern. Baubusius, Bald. Cabillavius, Costobadeus, Joh. Cælius, Frid. Hofmannus. 4. Henr. Bruno, Alb. ab Ines, Joach. Rachelius, Pet. Justus Santel, Hier. Angerianus, M. Ant. Casanova, Domin. Gravina, Pet. Aloysius, Joh. Zaratinus Castellinus, Aur. Ursus, Bernb. Baldus, Jos. Baptista. 5. EMBLEMATUM Scriptores, Andr. Alciatus, Theod. Beza, Joh. Sambucus, &c. Usus illorum immodicus reprehensus. 6. ANAGRAMMATUM (quibus parum Autor, cum Jac. Baldeo tribuit) Inventor Joh. Auratus, Scriptores precipui, Guilb. Blancus, Joh. Maurnerus, Matth. Zuberus, &c. Pulchrum Anagrammatistarum ineptiens exploratum. 7. Versuum Cubicorum, Quadratorum, Retrogradorum, Cabalisticorum, aliarum istius generis Nugarum difficilium Autores, Publilius Optatianus Porphyrius, Rhabanus Maurus, Paschasius Carmelita, alique, una cum Judeis, ad similes prolapsis ineptias, exhibiti. 8. POETÆ EPICI Recentiores: Dan. Heinsius, Ren. Rapinus, Franc. Vassier, Varq. Gallucius, Hier. Fracastorius, Hugo Grotius, Aët. Sinc. Sannazarius, Casp. Barleus, Joh. Bussiere, Bapt. Mantuanus, Scæv. Sammarthanus, Jac. Aug. Thuanus, M. Hier. Vida, Calvidius Letus, Abr. Cowlejus, Aug. Mascardus, Frid. Rappoltus, Bonav. Barovius, Joh. Lud. Praschius, Alex. Morus, Henr. Meibomius Sen. Pierius Winsenius, Laur. le Brun, Publ. Fontana, Mutius Ricerius, Jul. Cef. Stella, Elisius Calentius. Immensum etiam judicium de Poëtarum Scotorum, Italicorum, Gallorum & Germanorum, Delictis. 9. ELEGICI Pet. Lotichius: Joh. Secundus, Dan. & Nicol. Heinsii, Casp. Barleus, Vinc. Fabricius, Jac. Wallius, Sidron. Hofebius, J. Bapt. Stella, Bald. Cabillavius, Jac. Biedermannus, Joh. Bisselius, Eg. Menagius: Art. Jonstonus, Herm. Hugo, Jac. Balde, Pierius Winsenius, Ferd. Fürstenbergius, Janus Doussa, Alex. VII. Pont. Rom. Sangonesius, Pet. Francius, & Joh. Jov. Pontanus, de ejus etiam Poëmatibus aliis disseritur, variaque afferuntur judicium. 10. LYRICI: Georg. Buchananus, Matth. Casim. Sarbievius, Pet. Dan. Huetius, J. Bapt. Masculus, Guilb. Joninus, Jac. Balde, Alb. ab Ines, Urbanus VII. Pont. Rom. Nicol. Avancinus, Paulus Melissus, Lev. Torrentius, Jacomotius, Christoph. Caldenbachius. 11. PHAEUCORUM Scriptores, Joh. Bonefoni, Joh. Jov. Pontanus, Frid. Taubmannus, Jac. Biedermannus. 12. JAMBICI & CHORIAMBICI: Dom. Baudius, Casp. Barthius, Casp. Barleus, Jul. Cef. Scaliger. 13. Ode Latine Rythmica ab aliis jam, ante Phil. Cesium, qui illarum sibi falso vindicat inventionem, concinnata. 14. Parodiarum, Odarum Pindaricarum, & Carminum ἐπιμικτῶν, Scriptores varii Latini. Centones, post Ausonium inventorem, consarcinarunt Pelagius Patritius, Proba Falconia, Jul. & Lal. Capilupi, Steph. Pleurius, Henr. Meibomius, Joh. Bapt. Spadius, Dan. Heinsius, Henr. Stephanus. 15. COMICI: Nicod. Frischlinus, Corn. Schoneus,

SSS SSS 2

J. Lud.

J. Lud. Praschius, Jac. Masenius; TRAGICI: Dion. Petavius, Bernh. Stephonius, Jac. Balde, Jac. Corn. a Marca, Dan. Heinſius, Hugo Grotius. 16. SATYRICI: Jac. Balde, Pet. Dan. Huertius, Janus Douſa, Edh. Lubinus, Saugeneſius. 17. *Judicia de Poëtis quibusdam Latinis mediocribus*, Rob. Kenchens, Joh. Caſa, Er. Michael Leto, Rein. Neubuſio, Joach. Paſtorio, J. Pet. Tito, Joh. Milton, Zach. Lunde, Balth. Bonifacio, Pierio, Wimbemio, Thoma Bartholino, &c. Vitus Beringius & Ol. Borrichius *ἑξ ὧν ὁρᾷς accenſendi*. 18. Innumera Poëtarum modernorum multitudo. Conſilium de Poëmatibus minutioribus egregiis, ſcorſim editis, colligendis. 19. *Mentio Carminum Macaronicorum, Latino-Italicorum* (Merſ. Coccaji & Bernh. Stephonii.) *Græco-Latinorum* (Dom. Baudii & Latino-Germanicorum, uti & Verſuum *Ævi Sequioris Leoninorum*, obiter facta. 20. *FABULARUM ROMANENSIIUM* (quorum Nomen pariter atque Originem a Normannis Gallie, conjeſtura incerta, Claud. Verdierius derivat) Scriptores Græci, Achilles Tatiſus, Heliodorus, Euaſthius vel Eumathius & Jamblichus; Latini Veteres, Apulejus & Mart. Capella; Recentiores Joh. Barclajus, ejusque Continuator infelix Mouchenbergius, & alii deinde innumeri, a Cl. Sorello partim enumerati. Pet. Dan. Huertii *Diſſ. de Fabulis his peculiaris*. Hug. Grotii in eadem Affectus.

1 **E**ſſet jam de Latinis Poëtis Veteribus ordine agendum, ni ſupra jam, in Grammatico Polyhiſtore, inter Latinæ linguæ Scriptores abunde de iis dictum arbitraremur. Miſſis igitur illis RECENTIORES ſolum enumerabimus, & quidem in certas claſſes diſtributos, ut eo commodius ſermo de iis inſtitui queat.

2 Prodeant ergo primo *Epigrammatum Scriptores*. Horum ut apud Veteres pauci ſunt boni, ita & apud Recentiores major eorum numerus occurrit, quam dignitas: pauci enim hic punctum ferunt. Julius Ceſar Scaliger, rigidus aliorum Cenſor ac delicatus, ipſe hebetes interdum figit aculeos. Hugonis Grotii in Epigrammate elegantia incomparabilis eſt: nec Heinſiana Epigrammata ſpernenda, ut & *Boxhorniana*, quæ Epistolis ejus ſunt addita, Joh. Owenus ſatis quidem acutus, ſed nonnunquam ratione ſtyli lutulentus, ac haud raro ab ita genio Veteri: certe figuræ Orationis poëticæ, quales ad Epigrammata etiam requiruntur, nullæ illic ſunt. Memorabile eſt, quod de Oweno Craſſus, in Elogiis ſuis *Literator. P. II. p. 97.* refert ejus Carmina apud Italos magni æſtimari, illa quoque Monoſticha, Satyrica, quæ adverſus Monachos & Pontificios ſcripſit. Contra Ant. Wood, in *Hiſtoria & Antiquitatibus Oxoniſibus*, lib. XI. p. 143. de eodem Oweno refert, illum ob unicum hoc Epigramma:

An Petrus Roma fuerit? ſub judice lis eſt:

Simonem Romæ nemo fuiſſe negat:

ampla hæreditate, quam ab Avunculo locuplere expectaverat, excidiſſe. Adco Poëtis fatali lege invidentur divitiæ, & ingenioſos Vates preſſo pede mendicatas inſequitur, ut ſæpe ingenio ſuo acuto pereant.

3 *Conſtantine Hugenius*, in Momentis deſultoriis, qui titulus eſt Carminum illius, ſæpe in Batavia impreſſorum, Epigrammata complura habet, egregia: ſed acumina interdum affectata & frigidiuſcula ſunt. Nec deſicit nitor Belgicis ejus Poëmatibus, quæ ſub

sub titulo *Koren-bloemen* Hagæ Com. 1658. in 8. prodierunt, & Epigrammata multa continent. *Nicolai Borbonii* Epigrammata, Lugduni apud Gryphium An. 1538. excusa, quæ tantopere ab Erasmo, aliisque, laudantur, satis quidem Latina sunt: sed argutias ego nonnunquam desidero. (i) Idem & de *Franc. Vavassoris* Epigrammatibus judico, qui nihil argutiarum, nisi quod cum Augusteo Seculo conveniret, admisit. Sed pro hujus Epigrammatibus ego Grotiana & Heiniana legere malim. Paucula illa, quæ *Matthias Casim. Sarbievius* Lyricis suis addidit, divina sunt: nisi quod ars nimia interdum apparet affectatione antithetorum, quorum etiam ut modus sit, castigata modestia requirit. *Antonii Stratii*, Jesuitæ, Epigrammata puerilia interdum sunt, nimiumque affectata: aliquando tamen etiam bona. *Jac. Jolii* Epigrammata parum bona, nisi quando furatur ex aliis. *Augustinus Mascardus* Sylvis suis elegantissima quædam inseruit: quorum aliqua impudentissimo plagio descripsit Lambertus Villovanus. Sunt & inter Jesuitas non contemnendi Epigrammatum Scriptores *Jac. Bidermannus*, *Bernb. Baubusius*, *Balduinus Cabillavius*: e quibus postremi Epigrammata mihi præ duobus reliquis placent; quanquam nec illis etiam desint acumina. Sunt & *Costobadei*, Aquitani, non spernenda: etsi in quantitativis Syllabarum aliquando erratum sit: prodierunt Salmurii, 1655. in 8. *Joh. Celi* Epigrammata, & Latinitate, & acumine, aliquando commendari merent. *Frid. Hofmanni* multa quidem sunt, sed frigida, affectata, & quæ multum plebeji habent: invenias tamen interdum, quæ tollere velis.

Prodierunt *Henrici Brunonis*, quædam Epigrammata Latina, Belgicis mixta, in 4 quibus, nec acumen, nec nitorem, desideres: titulus est: *Heur. Brunonis Mengelmaes*. *Alberti ab Ines* Acroamata Epigrammatica non vidi: bona tamen esse credo, si ex *Odis* æstimentur. *Joachimi Rachelii* Panegyris Menippea ad rationes Apophoretorum Martialis instituta laudari etiam meretur, Kilon. 1669. in 12. edita. Simili modo *Hugenius* Tricas suas Morales, & Grotius Instrumentum suum Domesticum scripsit. *Petrus Justus Sautel* scripsit *Annum Sacrum Poeticum*, seu selecta de Divis Cœlitibus Epigrammata in singulos Anni Dies distributa, quibus & elegans stylus est, & acumen Paris. 1665. Scripsit idem *Lusus Poëticos allegoricos*; in quibus proponuntur fabulæ & allegoriæ varix, carmine Elegiaco expressæ, Monachii, 1676. *Hieronymus Angerianus* inter Latii recentioris Epigrammatographos excellit, numero, argutia, & inventionem ingeniosa, judice Gaddio de Scriptor. Non-Eccles. p. 12. T. I. qui tamen paulo post mutata sententia, arguta mille parum argute proferre Angerianum ait: neque enim satis esse sententiam pedibus conclusisse: idem Gaddius l. c. p. 131. alium Epigrammatum Scriptorem *M. Antonium Casanovam* laudat, eumque Martialis genium Catulliano candore temperatum possedisse ait. Sed tamen utrique horum præfert *Domini. Gravinam*, eique palmam in Epigrammatibus Sannazarium tribuisse

Sss sss 3

(i) De Nicol. Borbonii, Vandoperani, *Nugis & Epigrammatibus*, Lugd. Gall. apud Gryphium A. 1538. editis, multo adhuc inclementius Morhofio judicat Joh. Ovvenus, *Lib. I. Epigr. n. 42. p. m. 10.* Autorem ita alloquens:

Quas tu dixisti Nugas, non esse putasti:

Non dico nugæ esse, sed esse puræ.

Ol. Borrichio contra, in *Differt. de Poet. Lat. §. 126.* Carmina Borbonii non invitis Musis commendata videntur.

buisse annot. p. 217. *Petri Aloysii* elegantia & arguta Epigrammata commendat Laur. Crassus Elogior. T. I. p. 379. & sane est 'apud eundem Crassum T. II. p. 309. aliquod Epigramma Aloysii, quod elogium non præter rem esse datum, abunde comprobatur. Janus Nic. Erythræus, *Ioh. Zaratinum Castellinum*, refert, Epigrammata multa, tum jocosa, tum gravia, multoque sale conspersa scripsisse Pinacoth. I. p. 51. qui & in Epistolis, lib. III. Ep. 4. & lib. II. Ep. 9. conferendus est. *Aurélium Ursium* fere ex tempore Epigrammata optima fudisse & argutissima refert idem Pinac. I. p. 165. ac alibi in eodem libro p. 7. *Bernardinum Baldum* miratur, qui rarissimo exemplo, in omni genere carminum excelluerit, in Epigrammatibus Martialis argutias, in Odis cultum ac nitorem Horatii, in Epicis poematibus Virgilii majestatem, felicissime imitatus. *Iosephi Baptiste* Epigrammatum Centurias tres mirifice commendat Crassus in Elog. P. I. p. 337.

5 Pertinent quoque in Epigrammatum censum EMBLEMATA, quæ quidem non semper adeo acuta sunt, nisi quod concisas comparationes concinno aliquo & brevi carmine exprimant. Clarus in ea arte superiore Seculo in primis fuit *Andr. Alciatus*, & tanto in pretio habitus, ut Emblemata ejus, quanquam non satisfaciant omnibus artis Emblematicæ regulis, publice etiam in Scholis, Classici Autoris instar, prælegerentur: cui instituto succenser Vavasor in libro de Epigrammate: nihilominus doctissimos Interpretes & Commentatores nactus est libellus iste, *Claudium Minoem*, *Franc. Sanctium*, *Laur. Pignorium*, *Joh. Thuilium*, aliosque. *Theodori Beze* Emblemata, *Ioh. Sambuci*, & aliorum, ad artis præcepta plane non formata sunt: quorum Censuram videbis apud Masenium in Speculo Imaginum Veritatis occultæ. Hodie Emblematum neque finis, nec modus est, sed miserrimorum, & quorum præposterus usus severe etiam coerceri deberet.

6 ANAGRAMMATUM inventio, quæ ut plurimum Epigrammatibus inventionem suppeditat, nescio quid plebeji & jejuni habet, nec sane decet multum elegantes Poetas, qui ad Antiquitatis genium scribere contendunt. Primus fere, qui usum Anagrammatum suscitavit *Iohannes Auratus* sive *Doratus*, Vir superiore Seculo paucis conferendus: & ille quidem parce & sobrie id egit: sed mox, veluti signo dato, imperiti omnes, qui nihil cum doctis commune, nisi laborem, habent, ut fecisse aliquid viderentur, ita in nominum inversionem ceperunt incumbere, ut nihil, præter nugamenta, in lucem publicam prodiret, pulchrumque & laudabile duceretur, transpositis literis Schema aliquod exsculperet, quod imperfectam sententiam, aut ridiculum plane & nullum etiam sensum gigneret. (k) Quodli vero Anagrammata elegantem & acutiorem aliquem sensum

(k) Verissimum est Morhofianum hoc judicium de Anagrammatibus, quibus multi, judicii laborantes infirmitate, & ingenio genioque vere Poëtico destituti labore inglorio, & indole generosa plane indigno, misere insudant, nescii, crepundiis ea atque ineptiis Poëticiis, Artifices autem illorum Poëtarum, vulgo ab omnibus vere eruditis atque cordatis accenseri Hadr. Vaicius, Galliz æternum decus, his eos perstrinxit Scæzontibus, inter Valefiana Posthuma obviis:

Ciceroedus esse qui nequit, sit Anloedus:

Anagrammarista, qui Poeta non sperat.

Christoph. Frid. Buchero, in *Privata Pietate*, Liptiz A. 1673. edita, *Epigr.* 27. his in Anagrammatographos Versibus investo:

sum inferant, adhiberi illa nonnunquam possunt, sed in Versus cogere, obscura est diligentia; atque tum non immerito mechanicum ac circulatorium inventum dicitur a Jac. Baldeo. De ratione Anagrammatismi Guil. Blancus librum conscripsit: Anagrammata non inconcinna Joh. Mautnerus, Pannonius, in Rosa Varniaca; Frid. Taubmannus & Matth. Zuberus sæpe iis utuntur, & posterior acutus nonnunquam in Epigrammate est. (1) Sic nonnemo ex nomine hoc; Ludovicus decimus tertius, a Borbonio, Henrici quarti & Maria filius: viginti & uno Anagrammatibus Psalmum, pii illius Regis precationem complectentem, confecit. Vid. Laur. le Brun. p. 601. ubi plura similia.

Vix recenseri merentur hic, qui in Versibus quadratis, cubicis, retrogradis, Cabalisticis, excogitands versati fuerunt: non enim nisi obscuri laboris res est, & nullius ingenii: Janus Nic. Erythræus Pinac. I. Imag. 144. nugæ transalpinas vocat. E nugis istiusmodi consiliatus Publilii Optatiani Porphyrii Panegyricus est, Constantino M. Imperatori consecratus, & ex operosis ineptiis constans. Seculo post C. N. nono Rhabanus Maurus versus etiam tales quadratos scripsit, magno labore excogitatos, quibus varias Crucis figuras ob oculos sistit, industria profecto mirabili. Manuscriptum vidi apud Clar. Tribbechovium. Habemus inter Theocritea Carmina Versus, bipennis, aræ, alarum figura expressos: quod & Germani aliquot imitati nunc sunt: Patini nunquam, quibus ista inventionum vernilitas non placuit: nisi quod otiosi Monachi talia interdum excogitarunt. Ac prodiit Carmelitæ alicujus Paschasi liber, sub titulo Poëseos Artificiose, quo integram farraginem crepundiorum talium poetarum exhibet. Sed ista imbecilles solum animos delectant: quales argutiæ etiam illorum sunt, qui Hieroglyphica quædam nominalia signa excogitarunt, quibus nomen alicujus literis, quarum singulæ Emblema aliquod continent, repræsentatur. Nugæ sunt hæc: non minus ac Judæorum certum Carminum genus, de quo Celeberrimus Wagenfeilius agit in Not. ad Cod. Sora, c. 49. ubi nimirum verba, etsi Hebræa sint, ipsique etiam Versus integri, nihilo tamen minus similitudine & identitate verbis lingue alterius respondent. Sed hæc missa jam faciamus.

Qui ad EPICI CARMINIS majestatem inter recentiores accedant, non ita multi sunt: 8 nec multos reperit Virgiliana illa gravitas idoneos imitatores. Omnibus enim numeris

Insontes miscere torquent Anagrammata Musas;

Carnifices possem dicere, Phebe, tuos;

Frid. Rappoltus, Theologus & Poëta Acad. Lipsiensis ἐχχώρατος, in Elegiis præfixis ita applausit

Carmina cuncta placent tua, mi Buchere; sed audi:

Est, quod præ reliquis mi nimiumque placer.

Plauti ad Felicem quod nempe Anagrammata stringit,

Carnifices Phebi, Pieridumque cruces.

In reliquis Vases, ut mos est, plurima fingis:

In solo hoc tantum, credito, vera canis.

Alios addere supercedo.

(2) Merito a Morhofio coëteris Anagrammatographis præfertur Joh. Mautnerus, Transylvanus, Studiosus Rostochiensis, cujus Rosa Varniaca, sive Lyceum, Rostochiensis Anagrammaticum, & Curia Rostochiensis Anagrammatica, utraque Rostochii A. 1636. in 12mo, edita, talia sistunt in Professores, Consules ac Senatores Urbis illius, Anagrammata, quibus elegantiora, concinniora, magisve perspicua, dari vix credo, legisse certe haud recordor.

meris absoluta est: ut delirent plane, qui vel Statium, vel Claudium, illi præferre non erubescunt. Inter recentiores tamen *Daniel Heinsius*, in Carmine de contemptu mortis, non multum ab ejus genio abir, ut recte judicavit Buchnerus in tract. de Commutata dicendi ratione, c. 8. p. 157. *Renatus Rapinus* in Eclogis, & in libris de Hortorum cultura, plane Virgilianus est, & styli nitidissimi artifex. Reperias etiam in Parnasso Societatis Jesu (cujus hæcenus Tomus tantum Primus Francofurt. A. 1654. in 4. prodiit) nonnulla *Vavassoris*, *Gallucii*, aliorumque, quæ genium Virgilianum habeant. *Hieron. Fracastorius*, Medicus & Poëta Veronenlis, medio superioris seculi defunctus, inter præcipuos Virgilio imitatores ponendus est, quandoquidem, Thuano teste, tam feliciter in ea imitatione profecit, ut illum proxime ad Virgili majestatem accessisse æmuli quoque faterentur: & in his Sannazarius, aliqui parvus & amarulentus alienæ eruditionis laudator: qui, visâ ejus Siphilide (quam poëma plane divinum vocat Mich. Neander, in præf. ad Erot. L. Gr. pag. 207.) non solum Joh. Jovianum Pontanum, sed se quoque ipsum, in Opere accurata viginti annorum lima perpolito, victum exclamavit. Admiratus quoque Fracastorium est, & Aras erexit defuncto, Carmine exequiali ita inscripto, Jul. Cæsar Scaliger. *Hugo Grotius* in Heroico carmine varius est, quod ipse de se in præfatione fatetur: modo enim ad Virgilianos numeros, modo ad Statianos, modo ad Claudianeos, accedit, prout a lectione incaluerat. *Æt. Sannazarius* felix Virgilio imitator est; sed in eo peccat, quod, in Versibus Virgilianis retinendis, ad superstitionem usque studiosus est: vera autem imitatio tam consistit in conferruminatione phrasium, quam in expressione dictionis ipsius. *Cassp. Barleus* totus Claudianeus est; adeo, ut Claudiani umbra a Nic. Heinsio, in Præf. Lusus Saturnalitii, per jocum appelleretur. *Joh. Bussiæ*, in Scanderbego suo, non videtur privandus laude Virgiliani Carminis, nisi forsitan morosior aliquis levia quædam nimis urgere velit. Deliciæ *Poëtarum Scotorum* nonnulla etiam habent non contemnenda, nisi quod ad Statii & Claudiani genium pleraque accedunt. *Georg. Buchananus*, Scotus, qui in iis non compareret, in libro de Sphæra, aliisque Carminibus, propius ad Virgilianam elegantiam accedit. Carmina Illustrum *Poëtarum Italarum*, uno volumine collecta, plurima etiam bona habent: in his Sannazarius, de quo diximus. Qui *Bapt. Mantuani* poëmata Virgilianis æquare voluerunt, næ illi multum lapsi judicio sunt. Facilis ille quidem versu, sed ineptus interdum prolixis descriptionibus, & tautologiis; nonnunquam etiam barbarus: judicium de eo vide apud Rapinum de Carmine Pastoralis p. 177. Deliciæ *Poëtarum Gallorum*, at vero *Poëtarum Deliciæ* adeo sunt mole ineptorum Carminum oppleta, ut nomen Deliciarum profecto non mereantur. Acerbior autem est in illos Censura Galli illius Epigrammatum electoris, [Nicolii] cujus meminit Vavassor de Epigrammate, qui vix duo Epigrammata laude digna invenire sibi visus est: adversus quem, laudabili sane, & rarissimo in Gallis candore, Germanum nomen tuetur animose Vavassor. Poëmata Didactica, quæ humiliori stylo, quam Heroica scribi debent, aliqua in Deliciis Gallorum inveniuntur; ut *Sev. Sammarthani* libri *παιδαγωγικας*, & *Jac. Aug. Thuani* de Re Accipitraria libri. Inter Italos est *M. Hier. Vide* Poëma de Bombycibus: est & *Calviti* *Calli-*

Callipædia, ^(m) sive de pulchræ prolis habendæ ratione, Lugd. Batav. 1655. in 4. quæ Virgiliani Carminis imitationem pro lege sibi proposuerunt. In Vida tamen vide, quid desideret Scaliger. Nemo autem felicius Virgilium, quam Rapius expressit. De Plantis *Abr. Cowley*, seu Coulejus, poemata Latina scripsit, quorum aliqua Heroici, aliqua Elegiaci carminis, Londini, 1668. in 8. elegantia quidem, sed quæ ad genium Virgiliani Carminis non accedunt: argutiis enim nimium indulget, ut Epigrammaticum potius quid interdum scribat, quam planum carmen; ac præterea non ubique purus est: quanquam Angli illum omnes Veterum Poëtarum numeros implevisse sibi persuadeant. *Augustus Mascardus* sublimis est, & quasi ex Statiano & Claudiano genere temperatus: *Bonaventura Baronius* ad tumorem usque sublimis est, metaphoris elatis: Latinitas non satis pura, magna in versibus licentia: legi tamen meretur, quod subministrare nonnunquam elegantes metaphoras possit, si quis modeste uti novit: nec Epigrammatibus defunt acumina. *Joh. Ludv. Præskii* Carmina Heroica Virgilianum aliquid spirant, & nitidum: de Eclogis quæ pronuntiare debeam, non liquet, cum nondum viderim. *Alex. Mori* Poëmata Claudianeum aliquid spirant, & extemporalis impetu effusa apparent: *Frid. Rappolti* Poëmata castigatissima sunt, & ad Virgilianam composita imitationem, multam granditatem & jucunditatem præ se ferentia: nec contemnenda Poëmata *Henr. Mubonii* Sen. quæ eruditissimus ac æque celebris nepos ejus in lucem edidit. *Pierius Winsæmius* duos, quod memini, Panegyricos scripsit, in quibus sublimitate Statium, & periodorum formatione Claudianum, imitatur, vel potius excedit: nec enim placet mihi adeo pendens & contorta periodus, qua utitur, & semper in casuris periodum finit. *Laurentius le Brun*, in Virgilio Christiano, Virgilium imitaturus, multum abit a genio Virgiliani Carminis: non enim nitidus satis est, nec illa artificia Virgiliana capit. *Publii Fontana* Heroica Carmina vehementer laudat Erythræus, atque Pythagoreorum commento Virgilii animam in illum immigrasse dici posse, judicat, nec in contentione, si qua institueretur recentiorum Poëtarum de principatu, Pontanis, Vidis, Fracastoriis, Sannazariis, cessurum, Pinac. I. p. 75. & II. p. 50. Tum & extollit *Mucium Ricerium*, ut qui germanam imitandi Virgilii rationem efferaffecutus, sed quam inertia sua, & desidio- so vivendi genere, iterum amiserit. Demum & *Jul. Casf. Stellam* laudat, ad heroicum carmen a natura factum, Pinac. II. p. 82. Vixit, sub finem Seculi decimi quinti, in Italia *Elisus Calentius*, cujus mentionem nullam Scaliger facit; sed tamen prodierunt illius Carmina, a filio edita Romæ A. 1503. satis elegantia & arguta.

Inter ELEGIACOS SCRIPTORES *Veteres* primas ego deferam *Ovidio*, quicquid etiam alii morosuli de Catullo, Tibullo & Propertio sentiant: quos ego quidem ratione Latinitatis æstimem, non ratione genii Elegiaci: etsi Tibullus & Propertius illum felicius fuerint, quem Catullus, assecuti: *Ovidius* autem in genio Carminis Elegiaci exprimeredo adeo felix est, ut nemo mortalium illum superet. Inter *recentiores*, primus locus debetur *Petro Lotichio Secundo*: quo, vel ipsa fatente invidia, nemo unquam melius exprimeret Ovidium, quod candidum est judicium Dan. Heinsii, lib. II. Eleg. 8.

Tomus I.

T T T T T

hunc

(m) De Calvidii Læti, sive, qui sub larva hac delitescere voluit, Claudii Quilleti, Abbatis Galli, *Callipædiæ Libri IV.* folius disseruit Morhofius *Lib. II. Polyhistoris Literarii, Cap. I. §. 8.*

hunc Germanum omnibus Exteris possumus opponere, non negantibus ipsis Batavis, & nuper quoque Rapino, in Commentationibus super Aristotelis Poëticam Gallicis. Hunc excipiat *Johannes Secundus*, Belga, cujus Poëmata recognita a Pet. Scriverio sunt. Hinc *Heinsius*, Pater & Filius, mire in Elegiis etiam felices. Superare tamen Patrem *Danielem* videtur *Nicolaus Filius*. *Casp. Barlaeus* suavis etiam ac facilis, at nimis interdum diffusus, nec impetus illos naturæ satis temperat. *Vincentius Fabricius* tersus etiam ac nitidus; observet tamen in illo vestigia nonnunquam Lotichiana. *Jacobus Wallius*, & *Sidronius Hofschius*, Jesuitæ, omnem Elegiaci Carminis laudem merentur, Latinissimi, facillimi, nec Elegiacis argutiis destituti: *Wallius* etiam in Heroico carmine laudandus. *Job. Bapt. Stellam* Elegias prope ad Veterem elegantiam scripsisse testis est *Erythræus*, in *Pinacoth.* I. p. 154. Nec contemnendæ sunt Epistolæ Heroum & Heroidum, ad *Ovidii* exemplum, a *Baiduino Cabillavio* & *Jacobo Bidermanno*, Jesuitis, scriptæ; qui posterior, Epico carmine, *Herodiados* libros tres, ad *Claudianeum* Carminis genium, scripsit, Antwerp. 1634. in 12. Sunt & Deliciæ vernæ & æstivæ *Job. Bisselii*, quibus veris atque æstatis commoda Elegiaco carmine describuntur, notæ melioris. *Æg. Menagius*, cujus poëmata sæpe excusæ sunt, idemidem auctiora, in Elegiis non solum, sed & omnium Carminum genere, Latinus, nitidus ac elegans est. (Magnas vero lites, ob hæc sua Poëmata, aluit cum *Adr. Baillet*o, qui illa multis modis perstrinxerat, hoc sua vindicante *Anti-Bailleti* Tom. II. Si quis sacri argumenti scripta velit, *Arturus Jonstonus*, in Psalmorum versione, quemadmodum & in Operibus ceteris, ubique purus & tersus est, ut ego quidem nihil in illo desiderare possim. *Hermannus Hugo* in Piis Desideriis, *Hesius* in Emblematicis sacris omne punctum ferunt. *Jacobus Balde*, in *Urania* Visatrice, acutior interdum est, quam decet Elegiam: quemadmodum & *Petrus Winssemius* in Amoribus suis, quos *Senex* scripsit, in quibus Græcum Elegiæ genium imitatur: qua in arte alias singularem peritiam habet *Dan. Heinsius* in *Monobiblo* suo. Septem Illustrium Poëtarum Poëmata, *Amstelod.* A. 1672. edita, non in Elegiis solum, sed & in aliis Carminum generibus. Latinissima sunt & suavissima: inprimis quæ *Ferdinandus Fiwstenbergius*, immortale Principum Germanorum decus, *Episcopus Paderbornensis* & *Monasteriensis*, composuit, & quæ seorsim quoque excusæ sunt: quibus nihil ferme nitidius scribi posset, & quæ majorem vetustatis Characterem animo Poëtræ impressum ostenderent. Taceant omnes Itali & Galli ad majestatem & suavitatem horum Carminum. *Jani Doussæ* Elegiæ horridule aliquantum sunt, interdum & *Catullianum* quid sapiunt: sed Latinæ. *Alexandri VII. Papæ*, cujus poëmata sub nomine *Philomathi* prodierunt, Elegiæ non vel Latinitatis, vel inventionis, laude privandæ: prodierunt *Amstelodami* A. 1660. in 12. *Sangenessii* Elegiis nihil etiam deest, quo laudari mereantur: quanquam *Satyræ* ejus mihi non placeant, in quibus nullus plane est *Satyrice* dictionis genius. *Petri Francii* tum juvenis vigintiannorum Elegiæ aliquot de *Candia* scriptæ, supra quam credi potest, nitidæ sunt & elegantes. *Job. Joviani Pontani* Elegiæ negligentius quodammodo scriptæ videntur, eamque ob causam quibusdam non magno pretio veneunt: quod mihi secus videtur. Quanquam enim non negem in quibusdam numerum, in aliis spiritum deficere, excusari tamen illa posse arbitror. *Phalæuci* ejus mirum in modum mihi semper placere: *Urania* ejus, Poëma didacticum, quo *Astrologiæ*

logiæ rationem & præcepta tradit, ut & libri ejus Meteororum, deque Hortis Hesperidum, quibus docet modum ferendi poma aurea, dictionem habent, quæ modesta, elegans, & a Virgiliano genio non multum abiens mihi videtur. De Eclogis ejus parum benigne sentit Rapius Dissertatione de Carmine Pastorali. Barthius, in Adversariis col. 1299. Pontanum non nimium suo ingenio indulgisse optaret. Divinum furorem in illo & Jac. Sannazario agnoscit Bernardinus Parthenius, in Comment. ad Horat. lib. III. od. 25. Ira vero Erasmi de Pontano, in Dialogo, quem Ciceronianum inscribit: *Non sum tam hebes vel invidus, ut non fatear, Pontanum multis egregiis ingenii dotibus Virum esse Summum. In Epigrammatibus plus tulisset laudis, si vitasset obscenitatem, quod nec in Dialogis suis caret. Ciceronianus non erit, in quo sexcentas voces possem ostendere, quæ nusquam sunt apud Ciceronem.*

Inter LYRICOS veteres Latinos unicus atque summus est Horatius. E recentioribus 10 primas ego tribuo Georg. Buchanano, cujus terribilissima Latinitas, elegans dictio, & plane ad genium lyrici carminis, informata est: quanquam non adeo sublimis, ut esse debere censent, qui oden proxime ad heroici carminis dignitatem accedere, cum Scalligero, arbitrantur: atque ut est Matth. Casim. Sarbievius, qui etiam affectat metaphoras excelsiores, de cetero inter optima sane lyricorum exempla ponendus. Buchananus vero in ceteris quoque Carminum generibus felicissimus est, ac dignus, qui inter optimos & recentioribus numeretur. Scripsit & odas quasdam Petrus Daniel Huetius, quæ mirifice genium odæ Horatianæ exprimunt (n). Nec peioris sunt commatis Ioh. Baptista Musculi & Gilberti Ionini Lyrica, ut & Iac. Baldei, quæ omnia, & Latina satis sunt, & genuinum Lyricum satis exprimunt: & ultimus quidem ille, Baldeus, ob singularem festivitatem, & materiarum varietatem, vehementer mihi placeat. Judicium Barlaei de illo videatur in Epistolis 467. & 487. Scripsit & libros de vanitate mundi mire elegantes, & libellum, qui Philomela inscribitur: in quibus miscet versus pro ratione materiae. Albertus ab Iner, in Centuria Lyricorum suorum, ac in Lechiade, metaphoris splendet: numeris etiam satis concinnus est, nisi, quod interdum aliqua non satis Latina occurrere videntur. Urbani VIII. odæ, cum commentario Henr. Dormalii diffuso, & ambizioso editæ sunt, quæ mediocris bonitatis mihi videntur: nec est, quare adeo magnifice de iis sentiamus, etiamsi Jesuitæ illas, vivo adhuc Urbano, in Scholis suis, loco veterum Poëtarum, discipulis prælegerent, & ad admirandum proponerent. Nemo enim non videt, ex adulatione illud institutum esse profectum, neque adeo exinde de puritate odarum terribilissima iudicium ferri posse, ut quidem existimavit Erythræus, Pinac. II. p. 152. Certe simplicior ille stylus est, nec lyrica dictione affurgit, neque est numerorum illa concinnitas, quæ maximam lyrico carmini elegantiam conciliat, & occurrunt aliquando minus Latina. Nic. Avancinus, in Poësi lyrica, illatinus interdum est, & fictis a se metaphoris, longiusque petitis, ac nonnunquam frigidis nimis indulget: est tamen, ubi bonus est, & quædam habet non contemnenda. Pauli Melissi odæ, a quibusdam magno in pretio habitæ, Vin-

Tit III 2

centio

(n) Pet. Dan. Huetii, Episcopi in Gallia Abrincensis, ob cruditionem omnigenam ubique gentium celeberrimi, Poëmata Latina & Græca, quotquot colligi potuerunt, Trajecti ad Rhenum A. 1694. in 8vo, Joh. Georgio Gravio, Viro Summo, Editionem curante, prodierunt.

centio Fabricio, in Pransu parato, merito saxeæ vocantur: nulla enim in iis est numerorum concinnitas, nec decora translatio, ac Epitheta apte proposita. Occurrunt & in *Lev. Torrentii* Poëmatibus nonnunquam, quæ legi mereantur, quemadmodum & in *Iacomosii* Poëmatibus, quem laudat *Jos. Scaliger* in Excerptis Puteanorum. *Christoph. Kaldenbachii* lyrica non omnino spernenda.

- 11 Inter eos, qui PHALEUCOS scripserunt, nitidissimus delicatissimusque est *Job. Bonesonius*, Gallus, cujus Carmina merito aurea vocat *Scaliger*: ejus Bassia omni melle suaviora. Hinc sunt Phaleuci *Jo. Jov. Pontani*, elegantes quidem, & Latini, sed nequam interdum & lascivi, quique parum decent Virum professionis sacræ. *Frid. Taubmannus* in phaleucis, & in Anacreontico carmine, festivus est, magisque genium horum carminum, quam ceterorum expressit. Nec sua laude privandi sunt *Jac. Bidermanni*, Soc. Jesu, Sylvulæ Hendecasyllaborum, quippe in sacris & gravibus argumentis elegantes, & dignam habentes argumento elocutionem: prodierunt Lucernæ 1647.
- 12 In JAMBIS nemo felicior est *Dom. Baudis*, qui in reliquo carminum genere deficit. In SCAZONTIBUS querquerus est & plane ridiculus Tarræus Hebius, vel, qui sub eo nomine latet, *Casp. Barthius*: cujus & Anacreontes lignei plane, imo stercorei sunt. *Casp. Barlaus* singularis Scazontum artifex. *Jul. Casar. Scaligeri* durissimi sunt, nec imitandi.
- 13 Fuere, qui in lingua Latina odas Germanorum rhythmicas imitati sunt: ut *Plempius* in Quisquiliis suis Poëticis, editis Amstelodami A. 1637. in 4. Frustra itaque *Phil. Casus* tam lepidi Carminis se inventorem vocat, qui, in præfatione seiner Asiatischen Rosenmunda, specimen aliquod hujus Carminis, a se inventi, recitat; sed longe antiquiora sunt talia Carmina: & plura eorundem collegit *Camdenus*, in Reliquiis suis Britannicis.
- 14 Ad ODARUM Scriptores illi etiam pertinent, de quibus paulo antea dictum est, qui PARODIAS scripsere: quarum aliquas uno libro collegit, & ipse fecit *Henr. Meibomius* Sen. Sunt & aliorum, Havemannii, Sagittarii, Rhodii, Bertilii Canuti, Parodiae. Ad imitationem ODARUM PINDARICARUM scripserunt Latini recentiores Scævola Sammarthanus, Dan. Heinsius, alique, Odas Strophis, Antistrophis Epodisque suis, distinctas. Alii, liberius adhuc divagantes, carmina scripserunt, quæ vocarunt *ἐπίμικτα* vel *σύνμικτα*, nullo certo metro contenta, sed probabiliter arrepta. Tale est *Dan. Heinsii* Carmen in Uxoris suæ obitum, & *Hugenii*. Habet & *Jac. Baldeus*, in Lyricis suis, aliquot tales vagos Dithyrambos. Spectant etiam huc CENTONES, e Poëtis congesti, quorum mentio prorsus omittenda non est. Eos primum invenit Ausonius ex Virgilio: hinc ex Homero & Virgilio qui facerent, plures securi sunt. Homero-centra, seu Homeri Centones a *Pelagio Patritio* factos, falso nonnulli Eudociæ, Imperatrici, Leontii, Philosophi, filia, & longe pejus alii Probæ Falconiæ, adscribunt, notante, post alios, Placcio de Pseudon. p. 191. Aklus Manutius, a Joh. Candido acceptos, excudit. Morellus vero in Collectione Poëtarum Græcorum Christianorum recudit. E Virgilio Proba Falconia *Julius & Lelius Capilupi*, Centones congefferunt, de quibus præclare sentit, in Tract. de Poësi c. 16. Ant. Possëvinus. Quin fuit, qui Acta Christi collecta e Centonibus Virgiliânis conflaret, ederetque sub titulo Sacræ Æneidos. *Stephanus Pleurius*, Paris. 1518. Quos vero paulo ante memorabamus Capiluporum & Falconiæ Centones collegit, & suos addidit Helmst. A. 1597.

Henr.

Henr. Meibomius. Est & quidam *Job. Bapt. Spadus*, cujus Centones Virgiliani An. 1614. editi sunt Placentiæ in 4. *Dan. Heinsius* scripsit *Idyllion* aliquod, Centonem Virgilianum ad amicum, cui ex congressu cum ancilla proles nata. (o) *Henr. Stephanus* quoque Centones Græcos & Latinos, non semper magno, ut mihi quidem videtur, cum judicio scriptos, collegit ediditque.

COMOEDIARUM ac TRAGOEDIARUM hodiernarum ratio ab Antiquis maximopere 15 differt. Multa de Veteri cantandi in Comædiis more agit *Is. Vossius* libro de Natura & viribus rhythmi. Et fuit ex Italis *Octavius Rinuccinus*, qui Veterum istum, ac multorum seculorum spatium intermissum, ad tibias vel fides decantandi morem magna ex parte revocavit: de quo vid. *Erythræus Pinac.* I. Im. 34. qui & *Andream Salvadorem* Im. 35. & *Jacobum Cicognium* Pinac. III. Im. 35. in eo genere vehementer laudat. Sed hos quidem vernaculos tales ludos Scenicos scripsisse, quos nunc Operas vocant, manifestum est. E recentioribus Comicis *Nicod. Frischlinus* non contemnendus est. *Cornelius Schonæus*, in Terentio suo Christiano, laudem sane aliquam merer: sed errant omnino, qui juventuti librum, ut Classicum aliquem Autorem, prælegunt. *Jac. Ludov. Præschii* Comædia, Amici, elegans est & Latina. Scripsit & *Jac. Masenius* aliquas, quas Palæstræ suæ Dramaticæ subjungit. Tragædias Jesuitarum aliquot habemus, scite elaboratas, *Dion. Petavii*, *Bernb. Stephonii*, *Jac. Baldei*, aliorumque. Nec sunt *Iacobi Cornelii a Marca* tragædiæ contemnendæ. *Daniel Heinsius* Herodem Infanticidam scripsit, eleganti stylo: sed quæ male Gentilium Deorum cum Judaica religione commistionem instituit, ut illi haud abs re a Balzacio objectum est, cum quo inde Heinsio lites natæ, quas supra satis prolixè recensuimus. Scripserat idem Heinsius, admodum juvenis adhuc, Auriacum, sive libertatem sauciam, Tragædiam: quæ vero inter poemata ejus postmodum edita non est, fortasse, quod aliqua adhuc juventutis vestigia apparent; edita est Lugd. Batav. 1602. in 4. subjunctis etiam Jambis aliquot, qui pariter non sunt inter poemata recusæ. Similiter & *Grotius* Tragædiam, Adamum Exulem, cum aliis quibusdam Carminibus, quæ in Opere Poëmarum non occurrunt, edidit Hagæ Com. 1600. in 4. pene in pueritia sua, quam ob rem illa omissa sunt: servari tamen possunt, quod multa bona in illis reperiantur, & deprehendi in illis succrescens perfectio possit.

SATYRICI post Veteres non adeo multi occurrunt inter recentiores, qui magno- 16 pere commendari possint, præter *Jacobum Balde*, qui in Satyricis suis Medicis, Encômio torvitatis, Satyra in tabacum, (quem contra *Raph. Thorius*, Med. Londinensis, Hymno peculiari, Libris II, Ultrajecti An. 1644. in 12. editis, comprehenso, celebravit) in pingues & macilentos, in Aitrolgos, circa Eclipticam An. 1654. delirantes, in Podagricos, mire vetustæ dictionis Satyricæ genium exprimit. *Pet. Dan. Huetius* paucas quasdam Satyras scripsit, quæ ita Horatium imitantur, ut nec ovum ovo sit similis. Scripsit & *Ianus Doussa* Satyras non contemnendas. *Eilb. Lubinus* tolerabilis est, sed illis,

T r r t t t 3

quos

(o) Centonem Virgilianum *Dan. Heinsii* ad Amicum, cui ex Congressu cum Ancilla proles erat nata, ad *Casp. Barthium* esse scriptum, in *MSto Polyhistoris* hujus *Morhofiani* *Liptiensis* perperam traditur. Fuit enim Amicus ille *Heinsianus* non alius, quam *Dom. Baudius*, in cujus etiam *Amoribus*, a *Pet. Scriverio* Lugd. Bat. An. 1638. in 8vo editis, Cento idem p. 77. 80. occurrit.

quos diximus, non comparandus. *Saugensius* dictionem nimis plenam affectat, quam quæ decet *Satyr*am.

- 17 Recensuimus præcipuos Poetarum Latinorum: subjungamus aliquos, quasi per lancem satiram, qui ad mediocrium classem referendi. Inter illos sunt Poëmata *Petri Molinæi*, *Cantabrigiæ A. 1670.* edita in 8. quæ pleraque Sacra: *Schönhofii* Poëmata: *Vinc. Placcii* Poëmata puerilia & juvenilia: *Joh. Isaacii Pontani* Poëmata: *Nicol. Susii Elegiæ Marianæ*: *Nicasii Baxii* Poëmata: *Jani Bodecheri Banningii* poëmata: *Adolphi a Danz* poëmata, qui *Claudiani* genium in carmine imitatur: *Laurentii Niendalii* poëmata: *Jac. Zevecotii* poëmata; *Rob. Keuchenii* Musæ juveniles negligenter admodum scriptæ, & nonnunquam peccant in quantitatibus Syllabarum, non tamen contemnendæ. *Joh. Casæ* Carmina Latina quidem, sed parum habent genii poetici. *Erasmus Michaëlium Lætum* (p) *Virgilium* Danicum appellat aliqui: sed multum a Mantuano illo differt: aliquot Volumina poematum in 4. scripsit: sed illatinus interdum est, & numeros tantum scribere voluit, vastosque libros. *Reineri Neubusii* poemata pueris solent esse in pretio: humilis plane est, nec unquam assurgit, & eadem semper chorda oberrat: quanquam numerus facilis sit. *Josch. Pastorii* Sylvæ, & cetera Carmina, docta sunt & elegantia. *J. Pet. Titii* Latina, & numeri facillimi. Ab Anglis commendari *Joh. Miltonus*, ut in Anglicis, ita in Latinis poematibus, solet. *Zach. Lundii*, *Dani*, Elegiæ Venatoriæ bonæ, quas juvenis scripsit; plura scripsit poetica, sed quæ, ob mortem præmaturam, inedita manent (q) *Balthas. Bonifacii* Musas extemporales esse facile apparet: Scribaciissimus enim homo fuit: stercus ut accipitris, nec bene, nec male, olent: bona quædam sunt, quædam inepta, ut solet evenire in extemporalibus laboribus. *Pier. Winsemius*, in Syrio suo, ut in reliquis operibus, elegans est, nec poetici genii parvus. *Thoma Bartholini* Carmina pauca, cum Dissertatione de Medicis Poëtis Hassniæ prodierunt; non quidem contemnenda, sed quæ nonnunquam sua, i. e. Medica & alia a Poësi, agenti excidisse videri queant. *Vitus Beringius*, *Ol. Borrichius*, poemata quædam sparsim edidere, elegantissima sane, & omnibus numeris absoluta. (r) Sed

(p) *Erasmus Michaëlis Lætus*, Theologus Hassniensis (cujus Operum Poëticorum Indicem in *Alb. Bartholini Tr. de Script. Dan. p. 40.* invenies.) *Danie Maro* elegantissimus ab *Ol. Wormio* (*L. 1. Monum. Dan. c. 14. p. 99. & L. 5. p. 305.*) & *Poëta Maroniæ* mulus a *Thoma Bartholino* (in *Tr. de Medicina Danorum Domestica p. 522.*), salutatur. Qui Duumviri uti affectui in Popularem forsitan aliquid dederunt, ita non contemnendum tamen plane esse, sed inter Seculi sui Poëtas locum meruisse satis honestum, *Borrichius* ostendit *Diff. 5. de Poëtis p. 108. 109.*

(q) *Zachariæ Lundii*, *Nibela Cimbri*, qui *Friderico III. Danorum Regi* fuit a Secretis, & ob Venam Poëticam plane eximiam, ab *Ol. Borrichio* l. c. p. 169. prout par erat, est celebratus, Elegiarum lib. II. Sylvarum autem & Epigrammatum singuli, sub *Poëmatum Juveniliū* Titulo, *Hamburgi A. 1635.* in 12mo prodierunt. *Avendætes*, in *Joh. Molitii*, *Consiliarii Danici*, Bibliotheca, Hassniæ supersunt Sylvarum Libri Duo, Elegiarum Quinq. Carminum Unus, Epigrammatum Tres, & Poëmatum Moralium quatuor, cum *Satyr*a unica. Quæ omnia luce publica digna merito a *Borrichio* judicantur.

(r) *Viti Beringii* & *Ol. Borrichii* Poëmata junctim jam sunt edita, una cum *Henric. Albertii*, *Joh. Höpneri*, *Christ. Aagardi* & *Henr. Harderi*, *Flensburgensis* (Epigrammatographi nullo modernorum inferioris) Poëmatibus varii generis, in *Deliciis VI. Poëtarum Danorum*, per *Frid. Roostgardum* collectis, in Tomos II. divisis, & *Lugd. Bat. A. 1693.* in 12. publicatis. Quæ sane Delicia, Danos Poëtas laude vix ulli Gentium Europæarum cedere, luculenter & ἀντιθέτως ostendunt.

Sed quis omnes Poëtas, aut multo magis Poëtarum umbras, ceteros volantes, in ordinem cogat? Citius Jovis imbres quis vocet ad numerum, quam innumerabilem istam copiam Poëtarum, quæ orbem literatum intempestivis suis Scriptis vexat. Nobis hi, quos enumeravimus, sufficiant. Ac solent interdum brevia quædam Carmina ac Epigrammata a quibusdam scribi, integris Carminum ineptorum sylvis præferenda: quæ in unum volumen colligenda suaferim, Epigrammata præsertim, quorum rarior messis est.

Non erit operæ pretium, quædam de barbaris illis Carminibus dicere, quæ Ma- 19
CARONICA VOCANTUR, Italo ac Latino sermone mista, qualium integrum Opus produiit *Merlini Coccaji*, Venet. 1554. in 8. plus semel recusum, & quale festivum admodum scrip-
plisse *Bernardinum Stephonium* Erythræus refert Pinacoth. I. p. 160. Sunt & Latina Græ-
cis quibusdam mista scripta, v. g. *Dom. Baudio*: quod in Latina & Germanica linguis
imitati sunt aliqui. Leoninorum Versuum, sive rhythmicorum, ferax Seculum mo-
nachale fuit, quibus hæc quærebantur eximiæ deliciæ & sunt plerumque Epitaphia
barbarorum ævi mediæ Seculorum lepido isto carminis genere conscripta.

Ceterum ad Poëmata FABULÆ quoque ROMANENSES, ut eas vocare suevimus, spe- 20
stant. Hispanis *Romanzes*, Gallis *Romans* dictæ: cujus nominis originem e Gallia esse,
atque a Normannis arcessendam judicat Claud. Verdierius, in Censura Autor. p. 43.
his verbis: *Cum veteri lingua Normannorum scriptæ essent hujusmodi fabule, Gallica lingua*
Normans, h. e. *Normanni appellati sunt libri, quibus enarrarentur. Postea, ut videmus, popula-*
res multa ob imperitiam invertere, idque præsertim in Italia (quod, quamvis extra rem, dictum
tamen esse volo,) duabus prioribus literis inversis Romans dixere. Hispani deinde in hoc scriben-
di genere Gallos emulati Romanzes appellavere. Id vocabuli postea usurpatum fuit ab Italis;
cujus originem petendam arbitror, unde dixi rejecta eorum opinione, qui ἀπὸ τῆς ῥώμης dedu-
cunt. Hæc Verdierius: quam vere, alii videant: certe fabulas tales ab antiquis Nor-
mannis scriptas, vix est, ut credere queamus. Græcas vero Veteres etiamnum ha-
bemus: Achillis Tatii (quem perperam Statium Gesnerus alique appellant) de Amo-
ribus Leucippes & Clitophontis; quem librum ob lasciviam nimiam vehemen-
ter Photius Cod. 87. improbat: editus est Heidelbergæ, 1601. in 8. e Bibliopo-
lio Commeliniano: quam vero Editionem admodum esse mendosam scribit ad Sca-
ligerum Nicol. Rigaltius Epist. Gall. lib. II. Ep. 77. seque centum locis eam sup-
pleturum promittit: quod non præstitit, produiit tamen Tatius nova facie Lugduni
Barav. ex recensione Salmassii, 1640. in 8; & minutiore iterum forma: versus quo-
que in linguam Anglicam Oxoniæ, 1638. in 8. Heliodori Æthiopica, dum castos
Charideæ & Theagenis amores mirifico sermonis nitore exponunt, & præterea
ad historiam Æthiopicam longe plurimum conducunt, omnium approbationem
meruere. Primus illa, e Budensi Codice, quem e communi clade servaverat gregarius
miles, apud Hervagium, Basileæ A. 1534. Græce edidit Vinc. Opsopæus: sed men-
dose admodum, ut Gesnerus queritur: inde Latinam versionem libri struxit, edidit-
que apud Oporinum, Stanislaus Warscheiwizki, Eques Polonus, A. 1551. Græce &
Latine produiit apud Commelinum 1596. in 8: Optima vero Editio est & emen-
datissima,

darissima, quam curavit, & cum notis suis edidit Joh. Bourdelorius, Parisiis 1610. in 2. *Eustathii* Historiam Amorum *Isinenes* & *Isinenie* publicavit Glib. Gaulminus, Græce & Latine, cum notis suis, A. 1617. & 1618. putatque esse illum *Eustathium*, qui commentarios in *Homerum* ac *Dionysium* scripsit. Sed dubitat ea de re *Vossius* de *Hist. Gr.* lib. IV. c. 19. p. 421. & *Eumathio* potius *Macrembolitæ*, *Protonobelisario*, adscribendum librum censet, cum ita nomen in Codice *Mediolanensi* legatur. Simile fuit Drama *Iamblichi*, non Philosophi istius celeberrimi *Chalcidensis*, sed Senioris alius, qui sub *Marco Aurelio Imp.* vixit, & de *Rhodanis* ac *Simonidis* amore ita scripsit, ut inter castitatem *Heliodori* & *Achillis* *Tatii* lasciviam medius velut incedat: compendium libri *Photius* habet Cod. 24. E Latinis Autoribus istum in modum scripserunt *Apulejus* & *Martianus Capella*. E recentioribus *Iob. Barclaji Argenida* & *Euphormionem* habemus, libros non eodem ab omnibus iudicio exceptos: siquidem laudatur ab his, culpatur ab illis: certe Latinitatem ejus non satis puram esse tersamque, peritissimi iudices *Scaliger*, *Scioppius*, alique, judicant. *Argenida* in varias linguas versam continuavit etiam *Gallus* quidam Auctor *Mouchenbergius*, usus tamen *Joh. Ludov. Gothofredo*, qui Latina suggereret: prout e *Weitzio* *Placcius* annotavit in *Anon. Deteſt.* c. 9. p. 64. Enimvero multum ante se relinquit *Barclajum* iste parum felix Continuator; & interdum strenue alios excribit: id quod in primis de *Petri Casanovæ Charitina*, *Romanensi* fabula, *Medonius*, vitæ *Casanovæ* Scriptor, commemorat: usque adeo, inquit, arrisit *Charitina* Autore ignoto, alioquin ingeniose, qui *Barclaji Argenida* continuavit, ut cum non penituerit plurimas ejus pagellas totidem fere verbis in se transmovere. Ex eo tempore autem innumerabilis pene italium Scriptorum copia, ab otiosis hominibus confarcinata, prodit in Italia, Gallia, Germania, Hispania; quorum aliqua laudari possunt, ut quæ inventionem, rebus & elocutione commendari merentur: plurima vero, præsertim Germanica, nauci sunt, & absurda, ac a verisimilitudinis lege aberrantes fabulæ. Eas omnes recensere nostri non est instituti: vid. *Sorell.* in *Bibliotheca Gall.* c. 9. ubi fabulas illas distinguit in allegoricas, verosimiles, heroicas, comicas. Est enim omnino inter eas discrimen: quædam sub ratione fictionis illius Status publicæ arcana describunt, quædam alia recondunt. Elegantem de iis Dissertationem scripsit *Petrus Daniel Huetius* Gallica primum, deinde & Latina Lingua in vulgus editam: promissit etiam aliquando *Æg. Monagius* singularem de illa materia tractatum. Commendat illas, ut rei politicæ & morales non inutiles præceptiones, Vir quidam illustris, qui Gallica lingua, Testamentum *Parris* ad filium scripsit: & ut amicum narravit, nullorum librorum lectione magis delectatus est *Grætius*, quam fabularum istarum (r)

(r) Sub finem hujus capituli *Morhofius* Autor, in *Prælectionibus*, & *Polyhistoriis*, & de *Notitia Autorum*, *MSris*, de potioribus Poëtis Germaniæ, Hispaniæ, Galliæ, Italiæ, Angliæ & Belgii, *Vernaculis* pauca quadam adiecit. Verum cum & imperfecta illa sint, & omnia ferme, in *Commentario de Lingua & Poësi Germanica*, his jam edito, longe accuratius ab ipso exposita, non immerito *Celoberimus Carpzovius* omittenda ea h. l. esse judicavit.

FINIS LIBRI SEPTIMI.

D. G. MOR-

VAI - 1506886

150

8

3-4



